

ვიქტორ ჰიუგო
საბრალონი

ნაწილი პირველი
ფანტინი

წიგნი პირველი
კაცი მართალი

თავი პირველი
ბატონი მირიელი

1815 წელს შარლ-ფრანსუა-ბიენვენიუ მირიელი ქალაქ დინის ეპისკოპოსი იყო. იგი სამოცდათხუთმეტი წლის მოხუცი იქნებოდა, დინში საეპისკოპოსო კათედრა 1806 წლიდან ეჭირა.

თუმცა ეს გარემოება არსებითად სულ არ ეხება ჩვენი მოთხრობის შინაარსს; მაინც ზედმეტი არ იქნება, თუნდაც, სრული სიმართლის დასაცავად, აღვნიშნოთ, რომ როდესაც ბატონი მირიელი თავის სამწყსოში გამოცხადდა, მის ირგვლივ დიდი მითქმა-მოთქმა იყო ატეხილი. მართალია თუ ტყუილი, ვინ განსჯის, მაგრამ რაკი ადამიანს ხმა დაუვარდება, ამას ხშირად მის მომავალ ცხოვრებაში ისეთივე მნიშვნელობა ენიჭება, რამდენიც მის საქციელს. ბატონი მირიელი ექსის სასამართლოს პალატის მრჩევლის შვილი იყო და, რაღა თქმა უნდა, მოსამართლე არისტოკრატთა ფენას ეკუთვნოდა. ხმები დადიოდა, მამას უნდოდა თავის მემკვიდრედ დაეტოვებინა და წესისამებრ, რომელიც იმხანად ესოდენ გავრცელებული იყო მოსამართლე მოხელეთა წრეში, ძალიან ადრე შეერთო ცოლი - თვრამეტი, ოცი წლის ასაკში. მაგრამ, მიუხედავად ამ ქორწინებისა, შარლ მირიელი თავისი ქცევებით მაინც კარგა ხანს ალაპარაკებდა საზოგადოებას. იგი ლამაზი, მოხდენილი ყმაწვილი კაცი იყო, თუმცა ტანად მორჩილი, მაგრამ სალუქი, კობტა, მახვილგონიერი. მთელი თავისი სიცოცხლის პირველი ნახევარი დროსტარებასა და ტრფიალებას შეაღია.

ღაიწყო რევოლუცია. აირია ცხოვრება. პარლამენტის წევრთა დაქსაქსული ოჯახები, რომელთაც სდევნიდნენ და არბევდნენ, სხვადასხვა მხარეს გაიფანტა. ბატონი შარლ მირიელი რევოლუციის პირველი დღეებიდანვე იტალიაში გადაიხვეწა. აქვე გარდაეცვალა ცოლი გულის ავადმყოფობით, რაც დიდი ხანია აწუხებდა. შვილი არ დაარჩენია. როგორ დატრიალდა ამის შემდეგ შარლ მირიელის ბედი? ნუთუ საფრანგეთის ძველი საზოგადოების დაშლამ, საკუთარი ოჯახის დაღუპვამ, ოთხმოცდაცამეტი წლის ტრაგიკულმა მოვლენებმა, რაც შორიდან უფრო გაზვიადებულ საშინელებად ეჩვენებოდათ ემიგრანტებს, გაუღვიძა გულში ცხოვრებისაგან განდგომისა და განდევნობის სურვილი? ან იქნებ თავისი ჩვეული მხიარულებითა და კეკლუცთა ტრფობით გართულს უცბად დაეცა იდუმალი და საზარელი მეხი, ხანდახან შიგ გულში რომ მოხვდებოდა და ძირს დასცემს კაცს, რომელიც ვერც საზოგადოებრივ კატასტროფას, ვერც ცხოვრებასა და ვერც ბედისწერას ვერ

შეურყევია. ამის პასუხს ვერავინ გეტყობდათ. იცოდნენ მხოლოდ, რომ იტალიიდან დაბრუნებისას იგი უკვე მღვდელი იყო.

1804 წელს შარლ მირიელი მღვდლად იყო ბრინიოლში. უკვე მოხუცებული სრულიად განმარტოებულად ცხოვრობდა.

ნაპოლეონი რომ იმპერატორად აკურთხეს, იმ ხანად ბატონ მირიელს პარიზში მოუხდა ჩასვლა თავისი სამწყსოს საქმეებზე. საქმის მოსაგვარებლად, სხვა გავლენიან პირთა გარდა, კარდინალ ფეშთანაც უნდა მისულიყო. ერთ დღეს იმპერატორი თავისი ბიძის სანახავად მივიდა, ღირსეული მღვდელიც იქ დახვდა, მისაღებ ოთახში, სადაც იმპერატორს უნდა გამოეველო. ნაპოლეონმა შენიშნა, რომ მოხუცი მას რაღაც დიდი ცნობისმოყვარეობით შესცქეროდა. უკან მიიხედა და უკმეხად წამოიძახა:

- ვინ არის ეს პატარა კაცი, ასე რომ მიმზერს?
- ხელმწიფეო, თქვენ პატარა კაცს უმზერთ, - მიუგო მირიელმა, - მე კი - დიდს.

შეიძლება ამით არც ერთმა არ წაავოს.

იმპერატორმა იმ საღამოსვე ჰკითხა კარდინალს ამ მღვდლის ვინაობა, ცოტა ხნის შემდეგ შარლ მირიელი განცვიფრებული დარჩა, როდესაც გაიგო, რომ დინის ეპისკოპოსად იყო დანიშნული.

რამდენად მართალი იყო, რასაც ბატონი მირიელის ცხოვრების პირველ ნახევარზე ლაპარაკობდნენ, ამისი არავინ არაფერი იცოდა; მის ოჯახს რევოლუციამდე თითქმის არავინ იცნობდა.

პატარა ქალაქში ახალმოსულთა ბედი ბატონ მირიელსაც უნდა ხვდომოდა წილად, რადგან იქ მრავლად იყო მოტარტარე ენის პატრონი და ბევრად ნაკლები - მოაზროვნე თავისი მქონე. მასაც უნდა ხვდომოდა წილად ეს ბედი, თუმცა ეპისკოპოსი იყო, დიახ, სწორედ იმიტომ, რომ ეპისკოპოსი გახლდათ, მაგრამ, ბოლოს და ბოლოს, მითქმა-მითქმა იყო, ცარიელი ენის ქავილი, ყაყანი, სიტყვები, ლაპარაკი, ლაყბობა, რაღაცას ამბობდნენ, ლაპარაკობდნენ, სიტყვას ფანტავდნენ, ენას აჭარტალებდნენ უსაქმურები.

ასე იყო თუ ისე, ეპისკოპოსის დინში მოსვლიდან ცხრა წლის შემდეგ დავიწყებას მიეცა ყოველგვარი ჭორი, ყველაფერი, რაც კი პატარა ქალაქის პატარა ადამიანებს ძრახვის საგნად გაეხადათ. ამჟამად ვერავინ გაბედავდა რაიმეს თქმას, ვერავინ გაბედავდა აუგის გახსენებასაც კი.

ბატონი მირიელი დინში ერთი ხანდაზმული გაუთხოვარი ქალის თანხლებით ჩავიდა. ეს გახლდათ ქალბატონი ბატისტინე, ბატონ მირიელის და, ძმაზე ათი წლით უფროსი.

მოსამსახურედ ერთადერთი ბებერი ჰყავდათ, ქალბატონ ბატისტინეს ხნისა, სახელად მაგლეუარი. მაგლეუარი ჯერ მოძღვრის მოსამსახურის მოვალეობას ასრულებდა, ბოლოს კი ორი წოდებით აღიჭურვა; ბატისტინეს მოახლეც იყო და მისი უსამღვდელოესობის მწყეც.

მაღალი, ფერმკრთალი, ტანწვრილი, უწყინარი ქალბატონი ბატისტინე ეგრეთ წოდებული „დარბაისელი ადამიანის“ იდეალის განხორციელება იყო. რამეთუ, როგორც ჩვენ ვფიქრობთ, მარტოოდენ დედობა აძლევს ქალს უფლებას „პატივცემულად“ იწოდებოდეს. იგი ლამაზი არასოდეს ყოფილა, მთელი სიცოცხლე ქველმოქმედებას შეაღია; კაცთმოყვარეობამ და გაჭირვებულთა განკითხვამ წმინდანის შუქი მოჰფინა, მბრწყინავი ელვარებით დაამშვენა და მოხუცებაში შესული

ქალი სიკეთის სინატიფით გააცისკროვნა. სიყმაწვილითვე გამხდარი იყო; რა მოინიფა, ჰაეროვანი გახდა და ამ ჰაეროვნებაში აშკარად მოჩანდა ანგელოზი. იგი უფრო სული იყო, ვიდრე ქალწული. აჩრდილსა ჰგავდა მისი არსება, ხორცი იმდენი ესხა, რომ ოდნავ შესამჩნევი ყოფილიყო სქესი; სხივით აღესილი ერთი მუჭა საგნისოდენა ჩანდა. დიდრონი თვალებით მუდამ მინას ჩასჩერებოდა. თითქოს სული მისი ეძიებდა ამა ქვეყნად მოსვლის საბაბს.

მაგლუარი ერთი პატარა, ჭაღარა, ჩასუქებული დედაბერი იყო, მუდამ საქმეში გართული; სულ ქმინავდა, რადგან ერთთავად მოძრაობდა, გარდა ამისა, ასთამაცა სჭირდა.

ბატონი მირიელი მისთვის მიჩენილ საეპისკოპოსო სასახლეში დააბინავეს დიდი პატივისცემით, თანახმად იმპერატორის დეკრეტისა, რომლის ძალითაც დიდებულთა სიაში მარშლის შემდეგ ეპისკოპოსი არის ხოლმე დასახელებული. ქალაქის მერი და სასამართლოს თავმჯდომარე პირველნი მივიდნენ მის სანახავად, თვითონ კი პირველად მხედართმთავარი და პრეფექტი მოინახულა.

დაბინავების შემდეგ ქალაქი მოლოდინში იყო - როგორი გამოდგებოდა საქმეში მღვდელმთავარი.

თავი მორე

ბატონი მირიელი მონსინიორ ბიენვენიუ ხდება

დინის საეპისკოპოსო სასახლე საავადმყოფოს გვერდით იყო აგებული. ეს მშენიერი, ქვითკირის ფართო შენობა გასული საუკუნის დასაწყისში მისმა უსამღვდელოესობა ანრი პუჟემ ააგო. ანრი პუჟე პარიზის უნივერსიტეტის ღვთისმეტყველების ფაკულტეტის დოქტორი იყო, სიმორის მღვდელი და 1712 წლიდან - დინის ეპისკოპოსი. ეს სახლი დიდებული მებატონის ნამდილო სასახლეს წარმოადგენდა. საუცხოოდ ჰქონდა მოწყობილი ყველაფერი: ეპისკოპოსის სადგომი ოთახებიც, სასტუმრო დარბაზებიც, ემოც, ძველი ფლორენციული ყაიდის დიდი, კამაროვანი ხეივანიც და სავანებო ხეებით სავეს ბაღიც. სასადილო დარბაზი, რომელიც პირველ სართულზე იყო, გრძელ, მშენიერ ტალანს წარმოადგენდა და ფანჯრებით ბაღში გადიოდა. მისი უსამღვდელოესობა ანრი პუჟე 1714 წლის 29 მკათათვეს დიდი ზარ-ზეიმით გამასპინძლებია მის უსამღვდელოესობა შარლ ბრიულარ დე ჟანლის, ანბრუნის მთავარეპისკოპოსის, ანტუან დე მესგრინს, კაპუცინს, გრანის ეპისკოპოსის ფილიპ დე ვანდომს, დიდ წინამძღვარს მონასტრებისას, სენტ ონორე დე ლერენის მოძღვარს, ფრანსუა დე ბერტონ გრიონს, ეპისკოპოსს, ვანის ბარონს; სეზარ დე საბრან ფორკალკიერს, გლანდვისის მებატონე ეპისკოპოსს და ჟან სოანენს, ორატორიის მღვდელს, მეფის მოქადაგეს, ეპისკოპოსს, სენეს მებატონეს. ამ წმინდა მამათა შვიდი სურათი ამშვენებდა სასადილო დარბაზს და ეს ღირსსახსოვარი დღე, 1714 წლის 29 მკათათვე, ოქროს ასოებით იყო ამოჭრილი თეთრი მარმარილოს ერთ-ერთ მაგიდაზე.

საავადმყოფო ვინრო, დაბალი, ორსართულიანი შენობა იყო, პატარა ბაღით.

დინში მოსვლის მესამე დღეს ეპისკოპოსმა საავადმყოფო დაათვალიერა. დაიარა, ყოველივე ნახა და მერე ზედამხედველს სთხოვა, პატარა ხანს ჩემთან გადმობრძანდითო.

- რამდენი ავადმყოფია ამჟამად თქვენს საავადმყოფოში, ბატონო ზედამხედველო? - ჰკითხა ეპისკოპოსმა.

- ოცდაექვსი, თქვენო უსამღვდელოესობავ.

- მამ, კარგად დამითვლია, - ბრძანა ეპისკოპოსმა.

- ძალიან ვინროდ გახლავართ, - მოახსენა ზედამხედველმა, - ლოგინები ერთმანეთს აკრავს.

- ეგ მეც შევნიშნე.

- ძალიან ჰატარა ოთახები გვაქვს და ჰაერის განმნდა თითქმის შეუძლებელი ხდება.

- მეც აგრე მგონია.

- გარდა ამისა, როცა კარგი დარი გახლავთ, მოკეთებული ავადმყოფები კარში ვერ გამოგვიყვანია, რადგან არც ეზო გვაქვს ფართო, არც ბაღი.

- მეც ასე ვიფიქრე.

- და თუ გავგინყრა ღმერთი და ავადმყოფობა გავრცელდა რამე, - წლეულს სახადმა შეგვანუხა, ამ ორი წლის წინათ კიდევ საოფლე მძვინვარებდა, - ხშირად ასი კაციც კი მოაწყდება ხოლმე საავადმყოფოს და აღარ ვიცით, რა ვქნათ.

- მეც მაგისი მეშინია.

- რას ვიზამთ, თქვენო უსამღვდელოესობავ, ბედს უნდა დავმორჩილდეთ, ბედს.

ეპისკოპოსი და ზედამხედველი ქვემო სართულის სასადილო დარბაზში ბაასობდნენ. ეპისკოპოსი ცოტა ხანს გაჩუმებული იყო, მერე უცხად მიუბრუნდა საავადმყოფოს ზედამხედველს:

- როგორ გგონიათ, ბატონო, რამდენი ავადმყოფი დაეტევა, სხვა რომ არა ვთქვათ, მართო ამ ოთახში?

- თქვენი უსამღვდელოესობის სასადილო დარბაზში? - შეჰყვირა განცვიფრებულმა ზედამხედველმა.

ეპისკოპოსი თვალთ შომავდა დარბაზს, თითქოს უკვე ალაგებს ავადმყოფების საწოლებს და რაღაცას ანგარიშობსო.

- ოცი კაცი სულ თავისუფლად დაეტევა, - ბრძანა ეპისკოპოსმა, თითქოს თავის თავს ელაპარაკებო. მერე ხმა აამაღლა: - მომისმინეთ, ბატონო, რას მოგახსენებთ. ცხადია, აქ შეცდომაა; თქვენ, ოცდაექვსი კაცი, ხუთ თუ ექვს ჰატარა ოთახში ხართ, ჩვენ კი სულ სამნი გახლავართ და ალაგი სამოცი კაცისა გვიჭირავს. შეცდომაა-მეთქი, მოგახსენებთ. თქვენ აქ გადმობრძანდით, მე თქვენსა გადმოვალ. დამიცალეთ, ბატონო, ჩემი სახლი. აქაურობა თქვენი გახლავთ.

მეორე დღეს ოცდაექვსი საცოდავი ავადმყოფი ეპისკოპოსის სასახლეში გადაიყვანეს, ეპისკოპოსი კი საავადმყოფოში გადასახლდა.

ბატონ მირიელს არავითარი ქონება არ გააჩნდა, ვინაიდან ოჯახი რევოლუციამ გაუნადგურა. ბატისტინეს რენტა ჰქონდა ხუთასი ფრანკი წელიწადში, რაც მის პირად ხარჯს საესებით ჰყოფნიდა.

ეპისკოპოსს წელიწადში თხუთმეტი ათასი ფრანკი ეძლეოდა მთავრობისგან. გადასახლდა თუ არა საავადმყოფოს შენობაში, ბატონმა მირიელმა იმავე დღეს განაწესა „თავისი სახლის ხარჯთაღრიცხვა“. საკუთარი ხელით აღწუსხა ხარჯი და დაადგინა შემდეგი განაწესი:

ცნობა სახლის ხარჯის განწესებისა:

პატარა სემინარიას- ათას ხუთასი ლივრი
მისიონერების დასახმარებლად- ასი ლივრი
მონდიდიელ ლაზარისტებს- ასი ლივრი
უცხოელთა მისიების სემინარიას პარიზში - ორასი ლივრი
სულიწმინდის მონასტერს- ას ორმოცდაათი ლივრი
სარწმუნოებრივ დანესებულებებს პალესტინაში- ასი ლივრი
დედათა საქველმოქმედო საზოგადოებას- სამასი ლივრი
იმავე საზოგადოებას არლში- ორმოცდაათი ლივრი
საპატიმროთა გასაუმჯობესებლად- ოთხასი ლივრი
პატიმართა დასახმარებლად და
გასათავისუფლებლად- ხუთასი ლივრი
ვალების გამო დაპატიმრებულ ცოლ-შვილის
პატრონთა გასათავისუფლებლად- ათასი ლივრი
დამატებითი სასყიდელი სამწყსოს სკოლების ღარიბ
მასწავლებელთათვის- ორი ათასი ლივრი
ზემო ალპებში მგზავრთა თავმესაფარს- ასი ლივრი
დინის, მანოკის და სისტერონის „დედათა საზოგადოებას“
ქალების უფასო სწავლისათვის- ათას ხუთასი ლივრი
ღარიბთა დასახმარებლად- ექვსი ათასი ლივრი
ჩემი პირადი ხარჯი- ათასი ლივრი
სულ თხუთმეტი ათასი ლივრი.

ეპისკოპოსს მირიელს მრავალი წლის მანძილზე, რაც დინში იყო და თავისი
სამწყსოს საქმეებს განაგებდა, არაფერი შეუცვლია ამ ხარჯთაღრიცხვაში. ამას იგი,
როგორც ხედავთ, თავისი სახლის „ხარჯის განწესებას“ უწოდებდა.

ქალბატონმა ბატისტინემ სრული მორჩილებით მიიღო ეს განწესება. ამ
ღვთისწიერი ქალისათვის დინის ეპისკოპოსი ძმაც იყო და მღვდელმთავარიც,
მეგობარი ბუნების კანონით და მოძღვარი ეკლესიის ძალით. უყვარდა თავისი ძმა და
თაყვანს სცემდა მოძღვარს. ძმა რომ ლაპარაკობდა, ის თავდახრილი ისმენდა, ძმა
რომ განაგებდა რამეს, ისიც ეთანხმებოდა, მარტო მოსამსახურე მაგლუარი
ბუზღუნებდა ხანდახან. ეპისკოპოსმა პირადი ხარჯისათვის, როგორც მკითხველი
დაინახავდა, სულ ათასი ფრანკი გადადო; ამას ქალბატონ ბატისტინეს პენსიაც რომ
დავეუმატოთ, გამოვა ათას ხუთასი ლივრი წელიწადში. ამ ფულით უნდა ეცხოვრათ
ორ ხანშიშესულ ქალსა და მოხუც ეპისკოპოსს.

როდესაც დინში ვინმე სოფლელი მღვდელი ჩავიდოდა, მისი უსამღვდელოესობა
საშუალებას პოულობდა სუფრანზე მიეწვია და კარგი პატივი ეცა მისთვის - მაგლუარის
სასტიკი ყაირათისა და ბატისტინეს სავანეებო დიასახლისობის წყალობით.

ერთხელ - სამი თვე თუ იქნებოდა, რაც დინში ჩამოსულიყვნენ - ეპისკოპოსმა თქვა:

- ეს ყველაფერი კარგია, მაგრამ საკმაოდ ხელვიწროდ კი ვარ, ღვთის წინაშე!

- მე კი არ ვიცი?! - შეჰყვირა მაგლუარმა, - ისიც არ ინებეთ, თქვენო

უსამღვდელოესობავე, რომ ეტლის ხარჯი მოგეთხოვათ, რომელიც დეპარტამენტმა
უნდა გაძლიოთ ქალაქში ნასასვლელად და სამწყსოში დასაბრუნებლად.

უწინდელი ეპისკოპოსები სარგებლობდნენ ამ უფლებით.

- ოჰო! - წამოიძახა ეპისკოპოსმა, - ეს კარგი მომავონეთ, მაგლუარ-ქალო!

და ეპისკოპოსმა მართლაც მიმართა დეპარტამენტს თხოვნით.

რამდენიმე ხნის შემდეგ დეპარტამენტის საბჭომ შეინცნარა ეს მიმართვა. წელიწადში სამი ათასი ფრანკი დაუნიშნა და გასავალში ასეთი მუხლიც შეიტანა: „დინის ეპისკოპოსს ეტლის, ფოსტის და სამწყსოში მოგზაურობის ხარჯის დასაფარავად“.

ამ ამბავმა ერთობ ააყაყანა ადგილობრივი ბურჟუაზია და იმპერიის ერთმა სენატორმა, ხუთასთა საბჭოს ყოფილმა წევრმა, რომელიც თვრამეტი ბრიუმერისა და ნაპოლეონის ყურმოჭრილი ყმა იყო, დიახ, ამ საბჭოს წევრმა, რომელმაც იქვე, ქალაქ დინის მიდამოებში ძვირფასი სასენატორო მამული მიიღო ჯილდოდ ერთგული სამსახურისთვის, სარწმუნოების მინისტრს, ბატონ ბიგო დე პრეამნოს მრისხანებით აღსავსე პატარა საიდუმლო წერილი მისწერა, რომლის რამდენიმე სტრიქონი უცვლელად ამოვიწერეთ: „ეტლის ხარჯი? ნეტავ რა ეტლები ნებავს ამ პატარა ქალაქში, სადაც ოთხი ათასი სულიც არ ცხოვრობს? ფოსტის ხარჯი? რა საჭიროა ფოსტით სიარული? თანაც სად უნდა იაროს ფოსტით ამ მთიან ქვეყანაში, გზები რომ არსად არის? თუ სადმე წავა ვინმე, ისეც ცხენით. სულ ასეთები არიან ეს მღვდლები, გაუმაძღრები და ხელმოჭერილები. ძალიან წმინდა მოციქულად გვეჩვენა, ახალი მოსული რომ იყო, ახლა კი ესეც სხვებივით სწირავს, ეტლი ნებავს და ფოსტის ცხენები! უწინდელ ეპისკოპოსებსავით დიდება და ფუფუნება! ოჰ, ეს ამოსავარდნელი ბერ-მონაზვნები, ბატონო მინისტრო! ქვეყანა მაშინ დამშვიდდება, როდესაც იმპერატორი კეთილ ინებებს და დაგვიხსნის ამ უგუნურთაგან. ძირს პაპი! (იმჟამად ცუდად იყო საქმე საფრანგეთისა და რომის ურთიერთობაში). რაც შეეხება პირად ჩემს რწმენას, მე კვისრის მეტი არავინა მწამს. მარტოღმარტო კვისარი! არც ბერი და არც მღვდელი!“ და სხვ. და სხვ.

სამაგიეროდ, მაგლუარი ძალიან გაახარა ამ ფულმა:

- ძალიან კარგი, - უთხრა ბატისტინეს, - ჯერ სხვებზე ზრუნვას მოუნდა მისი უსამღვდელოესობა. ქველმოქმედებას შეაღია თავისი ჯამაგირი. ეს სამი ათასი ფრანკი ჩვენ დაგვრჩება სახარჯოდ. ძლივს! ეპისკოპოსმა იმ საღამოსვე შეადგინა და თავის დას გადასცა შემდეგი ცნობა:

ეტლისა და მგზაურობის ხარჯი:

საავადმყოფოს ავადმყოფთათვის ხორცის წვნიანის

გასაკეთებლად- ათას ხუთასი ლივრი

ექსის დედათა საქველმოქმედო საზოგადოებას- ორას ორმოცდაათი ლივრი

დრაგინიანის დედათა საქველმოქმედო

საზოგადოებას- ორას ორმოცდაათი ლივრი

უპატრონო ბავშვთათვის- ხუთასი ლივრი

ობოლთათვის- ხუთასი ლივრი

სულ სამი ათასი ლივრი.

ასე იყო განაწილებული ეპისკოპოსის შემოსავალი.

რაც შეეხება ეპისკოპოსის შემთხვევით შემოსავალს, როგორიყაა აღსარება, მიტევება, ნათლობა, ეკლესიის კურთხევა, ქორწინება, ცხედართან წინ წაძლოლა და სხვა, იგი შეძლებულთაგან მით უფრო მეტს იღებდა, რამდენიც გაჭირვებულთა დასახმარებლად თავისი არ ჰყოფნიდა.

რამდენიმე ხნის შემდეგ ფულმაც დაიწყო დენა. შეძლებულიც და გაჭირვებულის, ორივე მისი უსამღვდელოესობის, მირიელის კარს აკაკუნებდა: ერთი სტოვებდა და მეორეს მიჰქონდა. არ გასულა ერთი წელიწადი, ეპისკოპოსი შეიქნა ყველა ქველმოქმედის ხაზინადარი. დიდძალი ფული ტრიალებდა მის ხელში, მაგრამ ერთხელვე განწესებული მისი ცხოვრება აღარაფრით შეცვლილა.

პირიქით, თვითონ იკლებდა, რადგან ქვემოთ გაჭირვება უფრო მეტია, ვიდრე ზემოთ ძმობის შეგნება. ეპისკოპოსს თითქმის ყოველთვის წინდანინ დარიგებული ჰქონდა, რაც ვარაუდით ქველმოქმედთაგან უნდა მიეღო. მონყალემა ნამივით ხედებოდა გვალვისაგან გახურებულ მიწას და ვერ ასველებდა. დიდი ფული მოსდიოდა, მაგრამ ყოველთვის უფულოდ იყო და თავის თავს აკლებდა.

ჩვეულებად არის დადებული, ეპისკოპოსი თავის ქადაგებაში ან სამღვდელოებისადმი მიწერილ ეპისტოლეში ნათლობის სახელით მოიხსენიებს თავს და სანყალმა ხალხმაც, თითქოს გულით იცნო მისთვის თავდადებული მოძღვარი, არც შარლი ინდომა მის სახელად, არც ბენუა და „ მონსინიორ ბიენვენიუ

“ უწოდა. ჩვენც ხალხს მივბაძავთ და ამ სახელს ვუწოდებთ ხოლმე, მით უფრო, რომ მის უსამღვდელოესობასაც ძალიან ესიამოვნა ეს სახელი.

- ძალიან მომწონს ეს სახელი, - იტყოდა ხოლმე ხშირად, - „კეთილმოვლენილი“ ამადლიანებს მის უსამღვდელოესობას.

ვერ გავებდავთ და ვერ ვიტყვი, რომ ჩვენგან დახატული სურათი სავსებით წარმოადგენდა მის უსამღვდელოესობას. იმის თქმას დავეკრდებით, რომ სურათი საკმარისად ემსგავსება მას.

თავი მესამე

კეთილ მოძღვარს - მძიმე სამწყსო

ეპისკოპოსმა თავისი ეტლი საქველმოქმედო დაწესებულებებს შესწირა, მაგრამ სამწყსოში სიარულს მაინც არ უკლო. საშინელი ძნელი სამგზავროა ღინის ეპარქია, ძალიან ცოტა აქვს ბარი და ძალიან ბევრი - მთა, შარაგზები ხომ, როგორც ზევით უკვე აღვწერეთ, თითქმის არ მოიპოვება.

ოცდათორმეტი საღვანობო ჰქონდა ბატონ მირიელს და სამას ოცდაექვსი ეკლესია. ძნელ საქმეს წარმოადგენდა ყველა ეკლესიის დავლა, მაგრამ ბატონი მირიელი ერთიანად მოივლიდა ხოლმე თავის სამწყსოს. ფეხით გაისიერებდა, თუ ახლო მიდიოდა სადმე; ეტლით, თუ ბარში ჰქონდა სამგზავრო, ცხენით კი - მთაში. ორი მოხუცებული ქალიც თან ახლდა. თუ ცუდი გზა ჰქონდა გასავლელი და ქალებს გაუჭირდებოდათ იქ მგზავრობა, მარტო მიდიოდა.

ერთხელ სახედრით მივიდა სენეზში, უწინდელ საეპისკოპოსო ქალაქში. ქისა ცარიელი ჰქონდა. იმუამად ეტლის დაქირავება ვერ შესძლო. ქალაქის მერი მიეგება ეპისკოპოსს სახლის კარებში და განცვიფრებული შესცქეროდა სახედრიდან ჩამომხტარ სულიერ მამას. ითაკილა და ირცხვინა მერმა. რამდენიმე ბურჟუამ სიცილიც კი დააყარა:

- ვიცი, ბატონო მერო და ბატონო ბურჟუებო, რამ აგამფოთათ აგრე, სახედარზე მჭდომარე დამინახეთ. ძალიან ამაყი უნდა იყოს ვილაც უბრალო ბერი, რომ იესო

ქრისტესავით ვირით დადიოდესო, განა? საჭიროებამ მაიძულა და არა ამპარტავნობამ.

ყველგან გულკეთილი და ღმობიერი იყო, სადაც კი მივიდოდა, უფრო ეხასებოდა ხალხს, ვიდრე ქადაგებდა. შორს კი არ წავიდოდა საჭირო მოსაზრებისა თუ მაგალითების საძებნელად, ერთი მხრის მცხოვრებით მეორე, მგზობელი სოფლების მაგალითზე მიუთითებდა.

იმ სოფლებში, სადაც გაჭირვებულთა შებრალებისა და დახმარების არა სწამდათ რა, ცდილობდა ტკბილად შეეგონებინა მოყვასის სიყვარული.

- აბა, შეხედეთ, ბრიანსონელიებს. ღარიბ-ღატაკს, ქვრივსა და ობოლს ნებას აძლევენ - სამი დღით ადრე, ვიდრე სოფელი გავა სამუშაოდ, თავის საჭიროებისათვის მოთიბონ ბალახი სასოფლო სათიბში. - სახლი დაენგრევა ვინმე გაჭირვებულს და, სოფელი უშენებს მუქთად. ამიტომ არის ის მხარე უფლისაგან დალოცვილი. ააგერ, საუკუნეზე მეტია, კაცის კვლა არ მომხდარა ბრიანსონში.

იმ სოფელში, სადაც ფულის შოვნისა და კარგი მოსავლის გარდა აღარა ახსოვდა რა ხალხს, სხვა მაგალითს მოიშველიებდა:

- უყურეთ ამბრონილებს, - ბრძანებდა ეპისკოპოსი. - მკის დროს რომ ავად გახდეს კაცი, შვილები ჯარში ჰყავდეს წასული და ქალები -ქალაქში მოსამსახურედ, მოძღვარი აუნწყებს ხალხს მის გაჭირვებას და კვირას, წირვის შემდეგ, მთელი სოფელი - კაცი, ქალი და ბავშვი - მიემურება ავადმყოფის ყანისაკენ; მომიკან, მოზიდავენ, გალენავენ და დაუბინავებენ წლის სარჩოს.

ოჯახში რომ განხეთქილებას ნახავდა, ფულის ან მემკვიდრეობის, მამულის გაყოფით გამოწვეულს, ეტყოდა:

- დევოლნის მთაში არ ყოფილხართ? იქ ისეთი ციცაბო კლდეებია, რომ ნახევარი საუკუნე გავა, ბუღბულის გალობას ერთხელაც ვერ გაიგონებენ; ჰოდა, იმ მთიულებმა იციან, მამა რომ მოკვდება, ვაუშვილები სახლიდან გარეთ მიდიან სამუშაოდ და ქონებას ქალებს უტოვებენ, რათა გათხოვება გაუადვილონ.

იმ სოფლებში, სადაც ხალხი დავისა და სარჩელის სიყვარულით იყო განთქმული, თან არზების წერით და მარკებით გადატაკებული, ეტყოდა:

- რა გრჯით, ხალხო, რა გაჩხუბებთ? თქვენზე რამდენად დიდია კვირა, - სამი ათასი სული იქნება, - და, ღმერთო ჩემო, ისე არიან, თითქოს პატარა რესპუბლიკა იყოს. არც მსაჯულს იცნობენ და არც ბოქაულს. სუყველაფერს მერი განაგებს. ის ანაწილებს გადასახად ხარჯს, სინდისიერად ბეგრავს ყველას. უსასყიდლოდ არჩევს ყოველგვარ ჩხუბსა და უთანხმოებას, უსასყიდლოდვე ჰყოფს ძმების მამულს. მას ყველა ემორჩილება, რადგან მართალი და პატიოსანი კაცია, თავისივე ხალხის შვილი.

იმ სოფლებს, სადაც მასწავლებელი არ ჰყავდათ, ისევე კვირელების მაგალითზე მიუთითებდა.

- იცით, რა კარგად მოუგვარებიათ საქმე? იციან, რომ ათი-თორმეტი კომლი ვერ აცხოვრებს მასწავლებელს, მასწავლებელი კი სჭირდებათ. ჰოდა, მთელი ხეობა აძლევს ჯამაგირს. ისიც დადის და რვა დღე ერთ სოფელშია, ათი დღე - მეორეში; დღეს აქ ასწავლის, ხვალ იქ და უსწავლელი არავინ რჩება. ბაზრობაზე ენახე იმათი მასწავლებლები, ქედზე ფრთა აქვთ გაკეთებული და იმით ვიცანი. ვინც მხოლოდ კითხვას ასწავლის, ერთ ფრთას ატარებს, ვინც წერა-კითხვას, ანგარიშს და ლათინურს - იმას სამი ფრთა აქვს, თან ფრთად განსწავლულ ადამიანად ითვლება.

სირცხვილი არ არის, დღევანდელ დღეს უვიცი იყოს კაცი? განა თქვენ კი ვერ შეძლებთ და კვირელებით მასწავლებელს ვერ იყოლიებთ?

ასე დარიგებით, მამაშვილურად ელაპარაკებოდა და ასწავლიდა; მაგალითი რომ შემოაკლდებოდა, იგავს ეტყოდა რასმე და კიდევაც აღწევდა მიზანს, რადგან იესო ქრისტესავით მოკლვდა სჭრიდა, ბევრს არწმუნებდა მისებრ იგავით და მჭევრმეტყველებით.

თავი მეოთხე
სიტყვის მსგავსნი საქმენი

აღერსიანი და მხიარული ლაპარაკი იყო და ეპისკოპოსმა. ისეთს არაფერს იტყოდა, რომ მის მოხუცებულ ქალებს ვერ გაეგოთ. რომ გაიცინებდა, შევირდი ბავშვის სიცილი იყო მისი სიცილი.

მაგლუარი ხალისით უწოდებდა „თქვენო უმაღლესობა“-ს.

ერთხელ წიგნის ჩამოსაღებად მივიდა კარადასთან. წიგნი ზევითა თაროზე იყო და ვერ შესწვდა, რადგან ტანდაბალი იყო.

- მაგლუარ-ქალო, - დაუძახა მოსამსახურეს, - ერთი, სკამი მომიტანეთ, თორემ აი, იმ წიგნს ვერ შესწვდა ჩემი უმაღლესობა.

შორეული ნნათესავი ჰყავდა, გრაფ ლოს ქვრივი. როდესაც კი ეპისკოპოსს ნახავდა, მაშინვე თავისი სამი შვილის „იმედებს“ გაუშლიდა წინ. ამ ქალს რამდენიმე ფრიად მოხუცებული ახლო ნათესავი ჰყავდა და მათ მემკვიდრეებად ითვლებოდნენ მისი შვილები. სულ უმცროსს, მამიდა რომ მოუკვდებოდა, ასი ათასი ლივრი ნაღდი შემოსავალი დარჩებოდა წელიწადში; შუათანას - ბიძის, ჰერცოგის ხარისხი ერგებოდა წილად თავის სამფლობელოთი, უფროსი თავისი პაპის მამულს და პერობას მიიღებო. ეპისკოპოსი ჩვეულებრივ გაჩუმებული ისმენდა შვილების სიყვარულით გატაცებული დედის „ოცნებას“. მაგრამ ერთხელ ჩვეულებრივზე უფრო ჩაფიქრებულსა ჰყავდა, თუმცა მისი მოსაუბრე აღტაცებით უხატავდა სხვის სიკვდილზე დამყარებულ ბედნიერებას. ეპისკოპოსს რომ შეხედა ქალმა, სიტყვა შეწყვიტა და, ცოტა არ იყოს, მოუთმენლად ჰკითხა:

- ღმერთო ჩემო! ნეტავ რას ფიქრობთ, ასე განცვიფრებული რომ მიყურებთ?

- უცნაურ რასმე, რომელიც, მგონი, ნეტარმა ავგუსტინემ ბრძანა: იმ კაცის იმედი გქონდეთ, რომელსაც თქვენი მემკვიდრეობიდან არა ერგება რაო.

ერთხელ კიდევ წერილი მოუვიდა, რომლითაც ერთი აზნაურის სიკვდილს ატყობინებდნენ; წერილში დაწვრილებით იყო მოხსენიებული ყოველგვარი ღირსება, რომელიც ვითომ ამკობდა მიცვალებულს და, გარდა ამისა, აღნუსხული იყო აგრეთვე მრავალი ფეოდალური და კეთილშობილური საპატიო სახელწოდება, რომელნიც თურმე ამშვენებდნენ მის წინაპართ.

- რა კარგი ზურგი ჰქონია სიკვდილს, - შეჰყვირა ეპისკოპოსმა, - როგორ დაუტვირთავთ საბრალო ტიტულების სიით! ნეტავ რას ფიქრობს ადამიანი, რომ სამარესაც კი თავის ამაოებით ამოავსებს?

თავის დროზე მშვენიერი, ტკბილი ხუმრობაც კი იყო და, თითქმის ყოველთვის ღრმა აზრის გამოხატველი. მარხვის განმავლობაში დინში ერთი ყმაწვილი მღვდელი ჩამოვიდა და საეპისკოპოსო ტაძარში იქადაგა. ქადაგების საგნად მოწყალება დაისახა

და საკმაო მჭევრმეტყველებაც გამოიჩინა. მდიდართ მოუნოდებდა, განიკითხეთ ღარიბ-ღატაკნი, რათა აიყდინოთ ჯოჯოხეთის ტანჯვაო და შემადრწუნებლად დახატა გვენა ცეცხლისა. მერე ღარიბთა და ქვრივთა შეწყალების ჯილდოდ სასურველ და სანატრელ ციურ ნალკოტად წარმოადგინა სამოთხე. ეკლესიაში, სხვათა შორის, ერთი მდიდარი ვაჭარი იმყოფებოდა, ბატონი ყებორანი, რომელსაც ორი მილიონის ქონება ჰქონდა შეძენილი ტილოების ქსოვით და ვაჭრობით; ბოლო დროს ვაჭრობისათვის თავი დაენებებინა და ფულს ასარგებლებდა. ბატონ ყებორანს თავის დღეში არავეისთვის მიეცა მონყალება; ამ ქადაგების შემდეგ კი შენიშნეს, რომ ყოველ კვირა დღეს, წირვა რომ დამთავრდებოდა, ერთ სუს აძლევდა ეკლესიის კართან მოგროვილ მათხოვარ დედაკაცებს. ექვსნი იყვნენ და უნდა გაეყოთ ეს ერთი სუ. ერთხელ ეპისკოპოსმა თვალი მოჰკრა ბატონ ყებორანს, მონყალებას რომ აძლევდა დღა თავის დას უთხრა ღიმილით:

- შეხე, ბატონი ყებორანი სამოთხეს ერთ სულ ყიდულობს.

როცა გაჭირვებულთა დასახმარებლად საშუალება გამოეღოდა, ისევე შეძლებულთ მიმართავდა. თავის თავს არ დაზოგავდა, არც უარს შეუმიწდებოდა და ისეთი სიტყვით მიმართავდა უარის მოქმელს, რომ გულქვასაც კი ჩააფიქრებდა. ერთ სახლში, დიდ საზოგადოებაში, ფულს აგროვებდა ღარიბთათვის. იქვე იყო მარკიზი დე შანტერსიე, ერთი მოხუცებული, მდიდარი ძუნწი კაცი, რომელიც როგორღაც ახერხებდა და ერთდროულად მეფის მომხრეც იყო და ვოლტერისაც; ამ ჯიმის კაციც არსებობდა ოდესღაც.

- ბატონო მარკიზო, - სთხოვა ეპისკოპოსმა და მკლავზე ხელი დაადო, - თქვენც უნდა მიბოძოთ რამე.

მარკიზი მობრუნდა და ცივად მიუგო:

- მე ჩემი ღარიბები მყავს, თქვენო უსამღვდელოესობავ.

- ისინი მაინც დამითმეთ, - უთხრა ბატონმა მირიელმა.

ერთხელ წირვის შემდეგ ტაძარში ასეთი ქადაგება ბრძანა:

- საყვარელნო ძმანო ჩემნო, ჩემო კეთილო მეგობარნო! ჩვენს ქვეყანაში დღეს ათას სამას ოცი სახლია გლეხი კაცისა, სამი სარკმელი რომ აქვს; მილიონ რვაას ჩვიდმეტი ათასი სახლი - ორსარკმლიანი, ერთკარიანი და ერთფანჯარიანი და სამას ორმოცდაექვსი ათასი ისეთი სახლია, რომ ერთი კარის მეტი სანათურად არა აქვს რა, იმ მიზეზის გამო, რომ სახელმწიფო ხარჯს ადებს ყოველ კარს და ფანჯარას. შერეკვს ღარიბი ხალხი - მოხუცებული დედაკაცები და უსუსური ბავშვები - ჰაერდახშულ სახლში და გაამძვინვარეს ყოველგვარი სწეულება. უბედურება არ არის? ღმერთმა ჰაერი მიანიჭა ადამიანს, კანონი კი მას ეუბნება, თუ გინდა, იყიდო. მე კანონს არ ვგმობ, მაგრამ ღმერთს ვადიდებ იბერაში, ვარში, ზემო და ქვემო ალპებში, გლეხი კაცი, საქონელი რომ არა ჰყავს, ზურგით ზიდავს პატივს და ყოველგვარ ტვირთს. სანთელი არა აქვს და კვარი უნთია, ან ფისში ამოვლებული ბანარი. მთელი დოფინე რომ მოიაროთ, სანთელს ვერსადა ნახავთ. შემის მაგივრად წივს ხმარობენ. პურს იმავე წივით ექვსი თვისას აცხობენ, ზამთარში ცულით ამტვრევენ, დღე და ღამე წყალში უყრიათ, რომ დალბეს და კბილი მოეკიდოს. შეიბრალებთ თქვენი მოყვასნი, ძმანო, ხომ ხედავთ, რა გაჭირვება სუფევს თქვენ ირგვლივ.

ეპისკოპოსი პროვანსში იყო დაბადებული და ადვილად შეესწავლა სამხრეთის დიალექტები. ლანგდოკელს ლანგდოკურად გამოეღაპარაკებოდა, დოფინელს -

დოფინურად. ეს ძალიან მოსწონდა ხალხს, ძალიან უადვილებდა მასთან დაახლოებას და მისი გულის მოგებას. სადმე მთაში ან ქოხში ისე იყო, როგორც საკუთარ სახლში, რაც უნდა ღიად საგანს შეხებოდა, ისე მდაბიურად იტყოდა, რომ ყველას შეეგნო. ყველა ენას ლაპარაკობდა და ყველას სულში სწვდებოდა.

საზოგადოების წარჩინებულ პირებსა და უბრალო გლეხკაცს არ ასხვავებდა, ყველას ერთნაირად ექცეოდა.

აჩქარებით, გარემოებათა განუსჯელად არავის გაამტყუნებდა. - ვნახოთ გზა, რომლითაც შეცდომა შემოგვეპარაო, - ბრძანებდა ხოლმე ყოველთვის, როცა ვინმეს დაადანაშაულებდნენ.

თვითონაც ეცხოვრა საზოგადოებაში, თავის თავზე გამოეყადა ყოფილ ცოდვილს ყოველი ცდუნება და სისუსტე ადამიანისა და არ ითხოვდა ჩვენს ზნეობრივ ვალდებულებათა სასტიკ ასრულებას; პირიქით, დაურიდებლად ქადაგებდა თავის მოძღვრებას, რომელიც მოკლედ შეიძლება ასე გამოითქვას:

„ადამიანი ხორცშესხმული ქმნილებაა და ეს ხორცი მისი ტვირთია, თან ცდუნება. ზიდავს ამ ტვირთს და იმასვე ემორჩილება ადამიანი“.

„უნდა უდარაჯოს, შეიკავოს, დათრგუნოს ხორცი ადამიანმა, უკიდურესობამდე ებრძოლოს და მხოლოდ მაშინ დაემორჩილოს. შეიძლება ამ დამორჩილებაშიც იყოს შეცდომა. მაგრამ ამგვარი შეცდომა მისატყვეველია. ეს დაცემაა ადამიანისა, მაგრამ დაცემა მუხლზე, რომელიც შეიძლება ლოცვით დაბოლოვდეს“.

„წმინდანნი მხოლოდ ციურნი არიან; წუთისოფლის შვილთათვის კი ალაღმართლობა დაუნესებიათ. შესცდით, შესცოდეთ, მაგრამ იყავით მართალნი“.

„ადამიანმა ეს კანონად უნდა დაისახოს - რაც შეიძლება ნაკლები შესცოდოს; სრული უცოდველობა ანგელოსთა ხვედრია. მიწიერი ყველაფერი ცოდვის წილია. ცოდვა ერთგვარი მიზიდულობაც არის“.

როდესაც ნახავდა, რომ ყველა აღშფოთებულია და ხმამაღლა ჰგმობს რასმე, გაიცინებდა და იტყოდა:

- ეტყობა ყველასა სჭირს ეს სენი, თორემ ასე არ იუცხოებდნენ. შეშინდნენ ფარისევლნი და აყაყანდნენ, რაც უფრო მეტად დაეძრახავთ, მით უფრო თავს დაგიფარავთო.

ძალიან ებრალებოდა დედაკაცნი და ღარიბნი, რომელთაც თანამედროვე საზოგადოების ტვირთი აწევს. ბრძანებდა: შეცდომა დედაკაცისა, ბავშვისა, მოსამსახურისა, სუსტისა, ღატაკისა და უგუნურისა, არის შეცდომა ქმრისა, მამისა, ბატონისა, ძალოვანისა, მდიდრისა და მცოდნისაო.

ხშირად იტყოდა ხოლმე: უცოდინარს ასწავლეთ და გააგებინეთ, რაც კი შეგიძლიათ. საზოგადოება სცოდავს, რომ არ დაუნესებია უსასყიდლო სწავლა-განათლება. საზოგადოების ბრალია, რომ ასეთი წყვილიდით არის მოცული ხალხი. ბნელით არის მოცული ხალხის სული და ბნელი ხომ ბუდეა ცოდვისა. ცოდვილი ის კი არ არის, ვინც სცოდავს, არამედ ის, ვინც აბნელებსო.

როგორც ხედავთ, თავისებურად, უცნაურად მსჯელობდა და მე მგონია, რომ სახარებიდან ჰქონდა შეძენილი ამგვარი აზრები.

ერთ დარბაზში ვიღაცა უბედურის ამბავს ჰყვებოდნენ, რომელიც ყალბი ფულის გამო დაეპატიმრებინათ. სანყალ კაცს ცხოვრების ყოველი სახსარი გასწყვეტოდა და ერთი დედაკაცის სიყვარულს, რომელთან შვილიც ჰყავდა, ეიძულებინა ყალბი ფული

მოეჭრა. მაშინ ჯერ კიდევ სიკვდილით სჯიდნენ ყალბი ფულის მჭრელს. გავიდა თუ არა დედაკაცი ბაზარში სავაჭროდ, მაშინვე დაიჭირეს, დაამწყვდიეს, მაგრამ ბრალს კი იმის მეტს ვერავის დასდებდნენ, რადგან საბუთი არ ჰქონდათ. ამ დედაკაცს შეეძლო მართალი ეთქვა და დაეღუპა თავისი საყვარელი, მაგრამ არა თქვა რა. ჩააცივდნენ, უნდოდათ გამოეტყუებინათ როგორმე, კაჟივით გამავრდა. მაშინ მეფის პროკურორმა მახე დაუგო და გულუბრყვილო დედაკაცი გააბა. ეჭვი აღუძრა, საყვარელი გლალატობსო. ხერხიანად შედგენილი წერილის ნაფხერნები დაუნყო და დაარწმუნა უბედური, რომ სწორედ იმ კაცის გულისათვის იკლავდა თავს, რომელიც მას ატყუებდა. ეჭვითა და შურისძიებით გახელგებულმა დედაკაცმა გასცა თავისი საყვარელი, სრული სიმართლე თქვა, დამტკიცა კიდევ და დაღუპა კაცი. ექსმი უნდა გაერჩიათ იმ ცოტა ხანში მისი საქმე და, როგორც უკვე ვთქვით, სიკვდილს ვერ გადარჩებოდა. ლაპარაკობდნენ საზოგადოებაში ამ ამბავს და ყველა აღფრთოვანებული იყო პროკურორის მოხერხებით. ხერხად ეჭვი იხმარა, ეჭვს ბრაზი და შურისძიება გამოაწვევინა და მართლმსაჯულებას თავისი არ დაუკარგავო. ეპისკოპოსი გაჩუმებული უსმენდა ამ ამბავს, შემდეგ იკითხა:

- სად განსჯიან იმ უბედურს?

- სასამართლოში.

- ბატონ მეფის პროკურორს, - იკითხა ეპისკოპოსმა, - იმას სადღა გაასამართლებენ?

სამინელი ამბავი მოხდა დინში: ერთი კაცის მკვლელს სიკვდილით დასჯა გადაუნწყვიათა სასამართლომ, არც სრულიად უსწავლელი იყო, უბედური, არც დიდი მცოდნე. ხალხში ტრიალებდა, ბაზარში; ხან მასხარა იყო ხალხისა და ხან კიდევ მისი მწერალი. იმის საქმიანობაზე ბევრს ლაპარაკობდნენ ქალაქში. სწორედ წინა დღეს გახდა ავად საპატიმროს ეკლესიის მღვდელი და უბედურს, რომლისთვისაც ხვალ თავი უნდა მოეკვითათ, მოძღვარი აღარა ჰყავდა. სხვა მღვდელი ნახეს, უარი თქვა: ჩემი საქმე არ არის, საცა მასხარას დაიჭერთ, ყველგან რომ მათრიოთ, სად წავა? თუ ასეა, მეც ავად ვარო.

ეპისკოპოსს მოახსენეს ეს პასუხი.

- მართალი უთქვამს იმ მღვდელს, - ბრძანა ეპისკოპოსმა, - იმისი საქმე კი არა, ეს ჩემი საქმეა.

მაშინვე ციხისკენ გაემართა და „მასხარას“ ოთახში შევიდა, ხელი დაუჭირა და დაუნყო ლაპარაკი. მთელი დღე იქ დააღამა, აღარც საჭმელი ახსოვდა, აღარც ძილი, იდგა და უბედურის სულს ღმერთსა და თვით უბედურს ავედრებდა. ბევრი რამ შეაგნებინა საბრალოს, ბევრი დიდი ჭეშმარიტება აუხსნა თავისებური მარტივი, ადვილად გასაგები სიტყვით. მამად გაუხდა იმ დღეს, ძმად, მეგობრად; ეპისკოპოსად მარტო ანდერძის ასაგებადღა დარჩა. ყოველივე შეაგნებინა, გული გაუმავრა და ნუგეში სცა. სასონარკვეთილი მოკვდებოდა ეს კაცი - რაღაც სამინელი, შესაზარი ეგონა, შიშით თრთოდა, გული მისდიოდა; არც იმდენად უვიცი იყო, რომ სულიერით ყოფილიყო მისთვის სიკვდილი და სიცოცხლე; სიკვდილით დასჯა რომ გამოუცხადეს, სამინელი ზარი დაეცა უბედურს, ერთიანად შეარყია მისი სულიერი არსება და აქა-იქ გაანგრია ის ძგიდე, რომელიც ფარავს ჩვენგან ბუნების საიდუმლოებას და რომელსაც სიცოცხლეს ვუნოდებთ. განუწყვეტლივ იცქირებოდა დასასჯელი ამ ძგიდის იქით და წყვილიადის მეტს ვერაფერს ხედავდა. ეპისკოპოსმა კი იქ სინათლე დაანახა.

მეორე დღეს, უბედურის წასაყვანად რომ მივიდნენ, ეპისკოპოსი იქ იყო. ხელშეკრულს, სასიკვდილოდ გამზადებულს, ისიც გაჰყვა. იისფერი მანტიით შემოსილს ყელზე ჯვარი ეკიდა. ასე ეჩვენა ხალხს გაბანრული ტუსალის გვერდით მიმავალი.

ემაფოტამდე მიჰყვა, ზედაც აჰყვა. უბედური, გუშინ რომ თრთოდა და შიშით კვდებოდა, დღეს შარავანდელით მოსილიყო. გრძნობდა, რომ მისი სული უკვე დამშვიდებულიყო და ღვთის იმედი მისცემოდა.

ეპისკოპოსმა გულში ჩაიკრა და, როდესაც ის იყო, უნდა დასცემოდა მახვილი, უთხრა:

- ვისაც კაცი ჰკლავს, ღმერთი ადღაგენს, ვისაც ძმანი განაძეგებენ, ის მამას იპოვის. ილოყე, შვილო, ინამე და დაინყე ახალი ცხოვრება. იქ სუფევს მამა ჩვენი.

ემაფოტიდან რომ ჩამოდიოდა, რაღაც ისეთი წმინდა გამომეტყველება ჰქონდა - სულგაკმენდილი შესცქეროდა ხალხი. რომ გეკითხათ, ვერავინ იტყოდა, რა უფრო საკვირველი იყო - მისი ფერმიხდილობა თუ ზეციური სიმშვიდე. თავის პატარა სახლში რომ მივიდა, რომელსაც ხუმრობით სასახლეს უწოდებდა, ბატისტინეს უთხრა:

- ეს არის, ახლა აღვასრულე პაპის ღვთისმსახურება.

ხშირად არის ხოლმე: რამდენადაც დიდებულია საქმე, იმდენად ნაკლებად ესმის საზოგადოებას. აქაც ასე მოხდა; ქალაქში ლაპარაკი დაიწყეს ეპისკოპოსის საქციელზე და ბევრმა თქვა, თავს ინონებსო. ამგვარი მითქმა-მოთქმა მარტო მდიდარ დარბაზში იყო. ხალხი არ დაიჯერებს, რომ წმინდა საქმეში ბოროტება ჩაერიოს. მისი საქციელით გულაჩვილებულმა ხალხმა თაყვანი სცა თავის მღვდელმთავარს.

ემაფოტმა საზარელი შთაბეჭდილება მოახდინა ეპისკოპოსზე, მეტად შეარყია და დიდხანს აწუხებდა.

მართლაცდა, ემაფოტი, როდესაც იგი თვალწინ გიდგათ მაღლა ამართული, საშინელ ფიქრებს აღძრავს თქვენში. შეიძლება სულერთი იყოს თქვენთვის - დასჯიან სიკვდილით ადამიანს თუ არა; შეიძლება არც ჰო გეთქვათ ამის გამო და არც არა, - სანამ თქვენი თვალით არ გინახავთ კაცის კვლა. მაგრამ, რა ნახავთ, ისეთ მძლავრ შთაბეჭდილებას მოახდენს თქვენზე, ისე შეგარყევთ, რომ ძალაუნებურად ან მიემხრობით, ან წინააღმდეგი გაუხდებით ადამიანის სიკვდილით დასჯას. ზოგი დე მესტრესავით აღტაცებულია ემაფოტით, ზოგი კი ბეკარისავით აძაგებს. ემაფოტი ჩვენი კანონის განხორციელებაა, სისხლის მაძიებელი კანონისა. თვითონ ხომ იარაღია სასჯელისა და თქვენც ისე მიგიზიდავთ, რომ ან ჰოს გათქმევიანებთ ან არას, და თუ საკუთარი თვალით გინახავთ, თქვენს დღეში ვეღარ იტყვით - ჩემთვის სულერთიაო. დაინახავთ და იღუმალი რაღაც თრთოდა აგიტანთ. ყოველ საზოგადოებრივ კითხვას ამ ბასრი იარაღის გარშემო აღუდგენია თავისი კითხვის ნიშნები. ემაფოტი ლანდია. ემაფოტი ფიცარნავი არ არის, არც მანქანა ხისა, ფოლადითა და ჯაჭვით შედგენილი უმაქნისი იარაღი. იგი რაღაცნაირ არსებასა ჰგავს, რომელიც თავისებური ინიციატივით არის აღჭურვილი; ასე გეგონებათ, ეს ფიცარნავი ხედავსო, ეს მანქანა ისმენსო, ეს იარაღი გრძნობსო, ამ ხეს, ფოლადს და ჯაჭვს რაღაც საერთო საზარელი წადილი აქვთო. იმ საშინელ ოცნებაში, რომელსაც ემაფოტი აღძრავს ჩვენს სულში, თვითონაც საზარლად იხატება და თვითონაც ერევა თავის საქმენელში. ემაფოტი თანამოზიარეა ჯალათისა, თავისი მსხვერპლის ხორცსა ჭამს და სისხლსა სვამს. ემაფოტი - ერთგვარი ურჩხულია, მსაჯულისა და ხეროს მიერ

გაკეთებული, მოჩვენებაა, რომლის საშინელი სიცოცხლე მის მიერ დახოცილთა სიკვდილით სულდგმულობს.

ეპისკოპოსზეც ღრმა და შემადრწუნებელი შთაბეჭდილება მოახდინა ემაფოტმა. მეორე დღეს და დიდხანს კიდევ შემდეგაც, გულჩაკლული და მწუხარე იყო. სიკვდილმისჯილთან რომ სიმშვიდე გამოიჩინა, ნაძალადევი იყო და უკვე გაქრა. ახლა საზოგადოების მართლმსაჯულების იარაღს შეეპყრო მისი არსება. ჩვეულებრივ, სადაც უნდა ყოფილიყო, კმაყოფილებით გაბრწყინებული ბრუნდებოდა შინ, იმ დღეს კი თითქოს ემდურებოდა თავის თავს. შემდეგ, მარტო რომ დარჩებოდა, მოჰყვებოდა ბუტბუტს, თითქოს თავის თავს ელაპარაკებო და ნელი ხმით სამწუხარო მონოლოგს ამბობდა. აი ერთი ნათქვამი, რომელსაც ბატისტინემ მოჰკრა ყური ერთ საღამოს და დაიმახსოვრა:

- არ მეგონა, რომ ასეთი შესაზარი იქნებოდა. შემცდარია, ვინც ისე ჩაუკვირდება ღვთის კანონს, რომ ადამიანისას ველარ შენიშნავს. სიკვდილი მარტო ღვთის ხელთ არს. რა უფლება აქვს ადამიანს, რომ ღვთის მიერ მინიჭებულის, ჩვენთვის შეუცნობლის წართმევას ბედავს?

ღროთა მდინარებამ შეამცირა ეს შთაბეჭდილება და იქნება სულაც ნაშალა. ეს კი იყო, რომ იმ დღის შემდეგ ეპისკოპოსი გზადაც კი ერიდებოდა სასჯელის მოედანს.

რა დროც უნდა ყოფილიყო, ყოველთვის მზად იყო ავადმყოფის ან მომაკვდავის სანახავად. კარგად იცოდა, რომ იქ მისი უწმინდესი ვალდებულება ელოდა და უმთავრესი დანიშნულება. ქვრივსა და ობოლს რომ არც კი შეეცდობინებინა თავისი გაჭირვება, მაინც თვითონ მივიდოდა. თავის დროზე იცოდა გაჩუმება და ხშირად რამდენიმე საათს ხმაამოუღებელივ ახლოს უჯდა უბედურს, რომელიც საუკუნოდ ესალმებოდა საყვარელ ცოლს ან გულმოკლულ დედას, რომელსაც სიკვდილი შვილსა სტაცებდა. როგორც გაჩუმება, ისე საუბარიც თავის დროზე იცოდა, საოცარი ნუგეშისმცემელი იყო. იმას კი არ ცდილობდა, სევდა გაექარებინა; არა, სასოებას უღვიძებდა და იმედს აძლევდა სასოწარკვეთილს. ეტყოდა ხოლმე:

- ფრთხილად იყავით, მაგ თვალით ნუ უყურებთ მიცვალებულს. თქვენ მარტო იმასა სტირით, რაც ლპება. დაფიქრდით, ცას დააქცერდით და იქ ზეცის წიაღში დაინახავთ თქვენი საყვარელი მიცვალებულის სხივმოსილ სულს.

იცოდა, რომ რწმენა განმკურნებელია. ცდილობდა, ნუგეში ეცა, დაემშვიდებინა სასოწარკვეთილი და მაგალითისათვის ღვთის განგებისადმი მინდობილისაკენ მიეთითებინა; ცდილობდა გარდაექმნა სამარისადმი მიმართული მწუხარება იმ სასოებად, რომელიც ვარსკვლავთ შეჭხარის.

თავი მეხუთე

როგორ დიდხანს ხმარობდა მონსინიორ ბენენიეუ ტანსაცმელს

ბატონი მირიელი შინაც იმავე აზრებით ხელმძღვანელობდა, როგორც საზოგადოებრივ ცხოვრებაში. ახლო დაკვირვების შემდეგ დინის ეპისკოპოსის ცხოვრება ნებაყოფლობითი სიღარიბის მშვენიერ სურათად წარმოგიდგებოდათ თვალწინ.

როგორც ყველა ხნიერსა და მოაზროვნეს სჩვევია, ძალიან ცოტა ეძინა, თუმცა ეს მოკლე ძილი ღრმა კი იყო. დილით ცოტა ხანს ფიქრს მიეცემოდა, თითქოს აზრებს

იკრებსო; მერე ან საეპისკოპოსო ტაძარს სწირავდა, ან თავის სახლშივე ლოცულობდა. წირვის შემდეგ საკუთარი ძროხის რძითა და ჭვავის პურით ისაუზმებდა, შემდეგ კი საქმობდა.

მრავალი საქმე აქვს ეპისკოპოსს: მუდამდღე უნდა მიიღოს კონსისტორიის მდივანი თავისი საქმეებითა და ქალაქდებით; თითქმის ყოველდღე უნდა ინახულოს სასულიერო წოდების უფროსი მოხელენი, თვალყური ადევნოს სასულიერო საზოგადოებებს, სამღვდელეობას, ეკლესიებს, მონასტრებს, სასულიერო მწერლობას, ქადაგებას, სასულიერო სწავლა-განათლებას, მღვდელთა და სხვა მოხელეთა სამსახურს, სხვადასხვა დანესებულებებთან მიწერ-მოწერას. ერთი მხრივ სახელმწიფოს ემსახუროს, მეორე მხრივ -ჰაჰს.

ამ საქმეების, წირვისა და ლოცვის შემდეგ რაც დრო რჩებოდა, ღარიბთ, ავადმყოფთ და გაჭირვებულთ ახმარდა. ღარიბთა, ავადმყოფთა და გაჭირვებულთა საქმეებს თუ გადარჩებოდა დრო, შრომას ანდომებდა: ხან თავის პატარა ბაღს თოხნიდა, ხან კითხულობდა და წერდა; წერას და კითხვას ერთი სიტყვით - „ბაღოსნობით“ - იხსენიებდა. გონება ბალიაო, - იტყოდა ხოლმე.

ნაშუადღევს, როცა კარგი დარი იდგა, ფეხით გაისიერნებდა ქალაქგარეთ, ან შიგნით ქალაქში და ხშირად შედიოდა ქოხებში. მიდიოდა მარტოდმარტო, ჩაფიქრებული, თავჩაღუნული, გრძელ ყავარჯენზე დაყრდნობილი. ბბამბის სარჩულიანი თბილი ცისფერი პალეკარტი ეცვა, უხეში ფეხსაცმელი, უბრალო ბრტყელი ქუდი ეხურა.

სადაც კი მივიდოდა, სწორედ დღესასწაული დაუდგებოდათ; იტყოდით, მოვიდა და გაათბო, ნათელი მოჰფინა აქაურობასაო. ეპისკოპოსის გამოვლანზე ბავშვები და მოხუცებულები გარეთ გამოიფინებოდნენ, თითქოს მზეზე თბებიანო. ლოცავდა და იმასაც ლოცავდნენ. ვისაც გაუჭირდებოდა რამე, ეპისკოპოსის სახლისაკენ გაისტუმრებდნენ.

ხან აქ გაჩერდებოდა, ხან - იქ, ლაპარაკს დაუწყებდა ბავშვებს და თან დედებს უდიმოდა. ღარიბ ხალხში დადიოდა, სანამ ფული ჰქონდა, გამოეღეოდა და - მდიდრებს მიმართავდა.

დიდხანს არ გამოიცივლიდა ანაფორას და, რადგან არ უნდოდა ეს ვინმეს შეენიშნა, ზემოდან ბამბისსარჩულიან ცისფერ პალეკარტს იცვამდა. ზაფხულში, ეს ცოტა არ იყოს, აწუხებდა, სიმძიმისა და სიციხის გამო.

დაბრუნდებოდა და სადილს ჭამდა. სადილი საუზმისმავგარი იყო. საღამომე, ცხრის ნახევარზე ვახშმად დასხდებოდნენ ისა და ბატისტინე; მაგლუარი იქვე იდგა და ემსახურებოდათ. საჭმელ-სასმელი ყოველთვის უბრალო ჰქონდა, მაგრამ თუ ვინმე მღვდელი შეესწრებოდათ, მაგლუარი ამით ისარგებლებდა და თევზს ან მთაში ნანადირევს მიართმევდა. მღვდლის მოსვლა და კარგი სადილის გაკეთება ერთი იყო მაგლუარისათვის და ეპისკოპოსიც არას ეუბნებოდა. სხვა დროს კი ყოველთვის ერთი და იგივე იყო მისი საჭმელი: ზეთით შეზავებული წვნიანი და წყალში მოხარშული სამარხო. აკი ამბობდნენ კიდევ ქალაქში - როცა ეპისკოპოსს მღვდელი არა ჰყავს სტუმრად, სწორედ ბერის სადილს მიირთმევსო.

ვახშმის შემდეგ ერთი ნახევარი საათი კიდევ ელაპარაკებოდა ბატისტინეს და მაგლუარს. მერე თავის ოთახში შევიდოდა და დაინყებდა წერას, ხან დაჭრილ ქალაქდზე, ხან იმ წიგნის კიდზე, რომელსაც კითხულობდა. ძალიან ნაკითხი კაცი

იყო და საკმაოდ განსწავლულიც. ხუთი თუ ექვსი ფრიალ საყურადღებო ხელნაწერი დატოვა, სხვათა შორის, მთელი დისერტაცია-განმარტება დაბადების სიტყვებისა: „დასაბამითგან სული ღვთისა იქცეოდა ზედან წყალთა“. ამ სიტყვებს სამი სხვა მწერლის სიტყვები შეუდარა; არაბი მწერლისა, რომელიც ამბობს: ქარნი ღვთისანი ჰქროდნენ. ფლავიუსი - იოსების ნათქვამი: ზემოდან მომდინარე ქარი დაჰქროდა დედამინას; დაბოლოს, ქალდეველთაგან განკვეთილი ონკელოსის სიტყვები: ქარი ღვთისგან მომდინარე ჰქროდა წყალთა ზედან. მეორე ხელნაწერში პტოლემადელი ეპისკოპოსის, ჰიუგოს ღვთისმეტყველურ თხზულებას არჩევს, ამ წიგნის დამწერის პაპის-პაპისას და ამტკიცებს, რომ ამ ეპისკოპოსს ეკუთვნოდა ბარლევიკურის სახელით დაბეჭდილი წვრილ-წვრილი თხზულებანი.

ხანდახან, კითხვის დროს, რა წიგნიც უნდა სდებოდა თვალწინ, უცხად ფიქრები გაიტაცებდნენ და მარტო მაშინ გამოერკვეოდა, როცა წიგნის ფურცლებზე მოუნდებოდა რამდენიმე სტრიქონის დაწერა. ამ ჩანაწერებს ხშირად არავითარი კავშირი არა აქვს წიგნთან. ჩვენ ხელთა გვაქვს ერთი ჩანაწერი: „ლორდ უერმენის მიმონერა გენერალ კლინტონსა, კორნვალსა და ამერიკული სამხედრო ფლოტის აღმირალებთან. ამას ვერსალში წიგნით მოვაჭრე პუნესონი ყიდის, პარიზში კი, ავგუსტინების სანაპიროზე, წიგნით მოვაჭრე პისო“.

აი, ბატონ მირიელის მინაწერი რა სიტყვები ვიპოვეთ ერთ ფურცელზე:

„უზენაესო არსებაო!

ეკლესიასტე ყოვლად ძლიერს გინოდებს შენ; წიგნი მაკაბელთა - შემოქმედს; ეპისტოლე ეფესელთადმი - თავისუფლებას; ბარუხი - უსაზღვროებას; ფსალმუნი - სიბრძნეს და ჭეშმარიტებას; იოანე - სინათლეს; წიგნი მეფეთა -მეუფეს; გამოსვლა - განგებას; წიგნი ლევიტისა - წმინდას; ეზდრა - მართლმსაჯულებას, ქვეყნიერება - ღმერთს, ადამიანი - მამას. მაგრამ სოლომონი - კეთილმონწყალებად გასახავს და ეს არის საუკეთესო შენსა სახელთა შორის“.

ცხრა საათი რომ გახდებოდა, ქალები თავ-თავიანთ ოთახებში ავიდოდნენ, ზემო სართულში, და ეპისკოპოსი დილაშემდე მარტოლმარტო რჩებოდა ქვემოთ.

აქ საჭიროა დანვრილებით აღვწეროთ ღინის ეპისკოპოსის სახლი.

თავი მეექვსე

ვინ ჰყავდა სახლის დარაჯად

ეპისკოპოსის სახლი, როგორც უკვე მოვისხენიეთ, ორსართულიანი იყო. სამი ოთახი ქვევით ჰქონდა, სამი - ზევით და ზედ კიდევ - სხვენი. სახლს უკან ერთი პატარა ბაღი იყო, სივრძით სულ ერთნახევარი ქვევა. ქალები ზემო სართულში იყვნენ, ეპისკოპოსი - ქვემოში. პირველი ოთახი, რომელიც პირდაპირ ქუჩაში გადიოდა, სასადილოდ ჰქონდა. მეორე - სანოლად და მესამე - სალოცავად. ამ ოთახიდან გამომსვლელს უთუოდ სანოლ ოთახზე უნდა გამოეველო და სანოლიდან უთუოდ სასადილოზე უნდა გაეველო. სალოცავ ოთახში, კუნჭულში, ფარდებს უკან მიმაღული იყო სტუმრისათვის მომზადებული ტახტი თავისი ლოგინით. ამ ლოგინს სოფლიდან ჩამოსულ მღვდლებს უთმობდნენ, როცა თავიანთ სამწყსოს საქმეთა გამო ქალაქს ეწვეოდნენ ხოლმე.

პატარა შენობაში, რომელშიაც უნინ აფთიაქი იყო, დღეს სამზარეულო და საკუჭნაო მოეწყობა.

ბაღშივე აგებული მეორე შენობა - საავადმყოფოს სამზარეულო - ბოსლად იყო გადაკეთებული და შიგ ვისკოპოსის ორი ძროხა ება. ყოველ დღით, რაც უნდა ცოტა მოეწველათ, ნახევარს საავადმყოფოში გაგზავნიდა. მეც ვიხიდი მეთათვისა - იტყოდა ხოლმე ვისკოპოსი.

ვისკოპოსის ოთახი საკმაოდ დიდი და ძნელი გასათბობი იყო ზამთარში. რადგან დინში შეშა ძვირია, ბოსელი ფიცრით გადაალობინა და ძალზე რომ აცივდებოდა, იქ იყო ხოლმე საღამოობით. „საზამთრო დარბაზში“ ვიყავი - იტყოდა ღიმილით. ამ საზამთრო დარბაზში, ისევე, როგორც სასადილო ოთახში, ერთი თეთრი მაგიდა და ოთხი სკამი იდგა. ამისა და ერთი ძველი ვარდისფრად შეღებილი განჯინის გარდა, სხვა ავეჯეულობა არა მოიპოვებოდა რა. ერთი განჯინაც სალოცავ ოთახში ედგა. ვისკოპოსს ზედ თეთრი, იათფასიანი მაქმანით შემკული სუფრა გადაეფარებინა, საკურთხეველი მოეწყო და ასე შეემკო თავისი სამლოცველო.

რამდენჯერმე მოაგროვეს შეძლებულმა ქალებმა ფული იმ განზრახვით, რომ ღირსეულად მოეწყობათ საყვარელი მოძღვრის სამლოცველო, მაგრამ ვისკოპოსი ფულს ართმევდა ყოველთვის და ღარიბთ ურიგებდა. ყველაზე კარგი საკურთხეველი - უბედურის სულია, უკვე ნუგემცემულის, რომელიც ღმერთს მადლობას სწირავს, - ამბობდა თავის გასამართლებლად.

ორი ჩალის სკამი სამლოცველოში ჰქონდა სანიგნედ, ერთი ჩალის სახელურიანი სავარძელი - სანოლ ოთახში. როცა რაიმე შემთხვევისა გამო შეიდი-რვა კაცი ესტუმრებოდა - პრეფექტი, მხედართმთავარი ან დინში მდგომი ჯარის წინამძღოლი, ან სემინარიის რამდენიმე მოწაფე, - ზამთრის დარბაზიდან ცალკე გამოჰქონდათ სკამები, სამლოცველოდან - ცალკე და სანოლიდან - ცალკე; ამგვარად თერთმეტამდე სკამს შეეკროვებდნენ სტუმრებისათვის; რამდენიც სტუმარი ემატებოდა, იმდენი სხვადასხვა ოთახს სკამი აკლდებოდა.

ხანდახან მოხდებოდა, რომ თორმეტი კაცი ერთად შეიკრიბებოდა. რომ არავისთვის შეემწევიებინა გაჭირვებული მდგომარეობა, ვისკოპოსი წამოდგებოდა და ბუხრის წინ დადგებოდა, თუ ზამთარი იყო; ან სიარულს დაიწყებდა ბაღში, თუ ზაფხული იდგა.

სტუმრისათვის მომზადებულ ლოგინთანაც იდგა ერთი სკამი, მაგრამ საჯლომს ჩალა თითქმის მთლად ჩარღვეოდა და ფეხიც სამილა შერჩენოდა, ისე, რომ აუცილებლად კედელზე მიდგმული უნდა ყოფილიყო, თორემ ნაიქცეოდა. ბატისტინესაც ჰქონდა თავის ოთახში ძველებური, ვარაყიანი, დიდრინი ყვავილებით დაფოთლილი ქსოვილით გადაკრული სავარძელი, მაგრამ იმოდენა რამ იყო, რომ კიბეზე არ აეტია და თოკით აათრიეს ზემო ფანჯრამდე. გაჭირვებაში სრულიად გამოუსადეგარი იყო ეს სავარძელი და ამიტომ ანგარიშშიც არ ითვლებოდა.

სულ იმასა ნატრობდა ბატისტინე, უტრეხტის ყვითელი ხავერდით გადაკრული წითელი ხის რამდენიმე გრეხილი სავარძელი და ერთი, გედის ყელივით გრძელი სკამლოგინი შემაძენინაო. მაგრამ ამას, სულ ცოტა რომ ვთქვათ, ხუთასი ფრანკი დასჭირდებოდა და რაკი ხუთი თვის განმავლობაში ამ ნატურის ასასრულებლად მხოლოდ ორმოცდაორი ფრანკი და ათი სუ გადაარჩინა, შეუძლებლად აღიარა და ხელი აიღო თავის წადილზე, თუმცა, განა ვინმე აღწევს თავის იდეალამდე?

ეპისკოპოსის საწოლ ოთახზე უღარიბესს ვერას წარმოიდგენს კაცი. ოთახიდან ბაღში გადიოდა შუშიანი კარი. ამ კარის პირდაპირ უბრალო საწოლი იდგა, სწორედ ისეთივე, როგორსაც საავადმყოფოში ხმარობენ. საწოლს ქვემოთ, ფარდის უკან სარკე, სავარცხელი და ტუალეტის სხვა კუთვნილებანი ელაგა - ნაშთი უმაღლეს საზოგადოებაში აღზრდილი კაცის ჩვეულებისა. ბუხრის გვერდით კარი სამლოცველოში გადიოდა; მეორე, წიგნებით სავსე კარადის გვერდით, - სასაღილო ოთახში. ბუხარს მარმარილოს მსგავსად გაკეთებული ხის ჩარჩო ამშვენებდა. ამ ბუხარში ცეცხლს იშვიათად ანთებდნენ. შიგ რკინის წყვილი ზედადგარი იდგა, ვერცხლით მოსევალებული და ჩუქურთმებით შემკული, რაც საეპისკოპოსო სახლის ნიმუშს წარმოადგენდა. ბუხრის თავზე ჯვარცმა იყო ამართული, რომლის თითბერი ოდესღაც შევერცხლილი უნდა ყოფილიყო, მაგრამ ძლივსღა ეტყობოდა ვერცხლი: ჯვარი გახუნებულ შავ ხავერდზე იდო ხის ჩარჩოში; ეს ჩარჩოც, ეტყობოდა, მოვარაყებელი უნდა ყოფილიყო თავის დროზე. მინებთან კართან ერთი დიდი მაგიდა იდგა, სანერ-კალმით, ქალაქლებითა და დიდრონი წიგნებით დატვირთული; მაგიდის წინ - ჩალის სავარძელი და ლოგინთან - სამლოცველოდან გამოტანილი პატარა საწიგნე.

საწოლის კედელზე აქეთ-იქით ორი სურათი ეკიდა მრგვალ-მოგრძო ჩარჩოებში. ვარაყიანი წვრილი ასოებით დაწერილი სიტყვები მონშობდა, რომ ეს სურათები წარმოადგენდნენ - ერთი - აბატ შალიოს, სენ კლოდის ეპისკოპოსს, მეორე - აბატ ტურტოს, ავდეს დეკანოზს. ამ ოთახში რომ გადმოვიდა ეპისკოპოსი, აქ დახვდა საავადმყოფოს მიერ დატოვებული ეს სურათები. ბერები იყვნენ, ეტყობოდა, შეენირათ რამე საავადმყოფოსათვის; ამ ორი მიზეზის გამო ბატონი მირიელი პატივისცემით ეკიდებოდა სურათებს. ეპისკოპოსმა მარტო ის იცოდა იმათ შესახებ, რომ ერთიც და მეორეც ერთსა და იმავე დღეს, 1785 წლის 27 აპრილს, მეფეს თავ-თავის ადგილზე დაენიშნა. მაგლუარს გასაწმენდად გადმოელო სურათები და ეპისკოპოსს მამინ ენახა უკნიდან წითელი ძაფით მიკრული პატარა, ჩაყვითლებული ქალაქი ზემოთ მოყვანილი წარწერით.

ფანჯარას ერთი ძველისძველი სქელი, უკვე დახეული ტილოს ფარდა ეფარა. რადგან ახლის ყიდვა შეუძლებელი იყო, საქმე სხვანაირად მოაგვარა მაგლუარმა. ადგა და შუაზე გაჭრა ისე, რომ ჯვარი იხატებოდა ზედ ფარდაზე. ეს ჯვარი ძალიან მოსწონდა ეპისკოპოსს და ხშირად გამოთქვამდა ხოლმე თავის კმაყოფილებას.

მთელი სახლის როგორც ზემო, ისე ქვემო სართულის ოთახები თეთრად იყო კირით შელესილი, საავადმყოფოებისა და ჯარის სადგომების მსგავსად.

მაგრამ ბოლო წლებში, როგორც ამას შემდეგში ვნახავთ, მაგლუარმა იმდენი წმინდა და ხეხა ბატისტინეს ოთახის კედლები, რომ კირქვემ ქალაქი აღმოაჩინა და ამ ქალაქქვემ კიდევ კედლის ძველებური მხატვრობა. ვიდრე ეს სახლი საავადმყოფო გახდებოდა, იგი ვილაც შეძლებული მოქალაქისა ყოფილიყო და აქ სასტუმრო ოთახი ჰქონოდა მხატვრობით შემკული. ოთახებში წითელი აკური ეგო, რომელსაც ყოველკვირა რეცხდნენ და წმენდდნენ. საწოლის წინ პატარა ჭილოფი იყო გაშლილი. ბატისტინესა და მაგლუარის წყალობით მთელ სახლში საგანგებო სისუფთავე სუფევდა. ეს სისუფთავე წარმოადგენდა იმ ფუფუნებას, რომელიც შერჩენოდა ეპისკოპოსს. ხშირად იტყოდა: ეს არაფერს აკლებს ჩემს სიღარიბესაო.

მაგრამ აქვე უნდა გავიხსენოთ, რომ ძველი სარჩო-საბადებლიდან ექვსი ვერცხლის დანა-ჩანგალი, კოვზი და ერთი ჩამჩა შემორჩენილია. გაშლიდა უბრალო სუფრას მაგლუარი, დალაგებდა ვერცხლის დანა-ჩანგალს, კოვზებს ტილოს თეთრ სუფრაზე და სიხარულით დაჰყურებდა იმათ მშვენებას, რადგან მისი უსამღველოესობა სწორედ ისე თუ გვინდა გამოვხატოთ, როგორც იყო, უნდა ვთქვათ, რომ ეპისკოპოსსაც ხშირად უთქვამს: ეს ვერცხლეულობა რომ არა მქონდეს, გამიჭირდებოდა პურის ჭამაო.

ამ ვერცხლეულობას უნდა მივუმატოთ ორი დიდი ვერცხლისავე შანდალი, რომელიც ბებიისაგან შემორჩენილია ეპისკოპოსს. შანდალები წმინდა სანთლებით ბუხრის თავზე ელავა; სადილად რომ სტუმარი შეესწრებოდათ, მაგლუარი ანთებდა სანთლებს და ორივე შანდალს სუფრაზე მიიტანდა.

ეპისკოპოსის საწოლ ოთახში, ლოგინის თავთან, პატარა განჯინა იყო დატანებული და ამ განჯინაში ინახავდა ყოველ საღამოს მაგლუარი ექვსსავე დანა-ჩანგალს და ჩამჩას. ისიც უნდა მოვიხსენიოთ, რომ თუმცა განჯინის კარს კეტავდა, გასაღებს არ გამოიღებდა ხოლმე.

ბაღს, ცოტა არ იყოს, აუშნობდა შიგ აგებული შენობები, რომელნიც ზემოთ მოვიხსენიეთ. შუა ბაღში პატარა აუზი იყო წვიმის წყლის მოსაგროვებლად. ბაღს სულ ოთხი კვალი შეადგენდა; გარშემო თეთრად შეღესილ კედელს ბილიკი მისდევდა. სამ კვალში მაგლუარს მწვანელი მოჰყავდა, მეოთხე ეპისკოპოსისა იყო, იქ ყვავილებს თესდნენ. აქა-იქ ხეხილიც იდგა. სიტყვამ მოიტანა ერთხელ და მაგლუარმა მოახსენა ეპისკოპოსს:

- ყველგან სარგებლობას ეძებთ, თქვენო უსამღველოესობავ, და აქ კი ამდენ ადგილს აცდენთ ტყუილუბრალოდ. ამ ყვავილების ნაცვლად კარგი მწვანელი დაეთესოთ, არ ემჯობინება?

- სცდებით, ქალბატონო მაგლუარ, - მიუგო ეპისკოპოსმა, - მშვენიერიც იმდენად სასარგებლოა, რამდენადაც თვით სასარგებლო.

ცოტა ხანს გაჩუმებული იყო და მერე დაუმატა:

- და იქნება უფრო მეტადაც.

ამ ყვავილნარს თითქმის იმდენსავე ხანს ანდომებდა ბატონი მირიელი, რამდენსაც თავის წიგნებს: ორი-სამი საათი ტრიალებდა შიგ ყოველდღე; აქ გამარგლავდა, იქ ტოტებს შეასხეპდა, მორწყავდა, სარს შეუდგამდა. ისე არ ემტერებოდა მწერებს, როგორც საერთოდ მებაღეები. ამასთან, ბოტანიკას ყურადღებას არ აქცევდა. ვერც კი არჩევდა მცენარეთა გვარებს. არ ცდილობდა გადაეწყვიტა ტურნეფორსა და ბუნებრივ მეთოდს შორის არსებული ბრძოლა. არც პარკოსან მცენარეს აძლევდა უპირატესობას ლებნიანთან შედარებით, არც უუსიეს მომხრე იყო ლინეს წინააღმდეგი. მცენარეს არა სწავლობდა; ყვავილები უყვარდა, დიდ პატივსაც სცემდა სწავლულებს და კიდევ უფრო მეტს - უსწავლელთ. არასოდეს ავიწყდებოდა არც სწავლულთა და არც უსწავლელთა პატივისცემა, მაგრამ არც ყვავილებს ივინყებდა და ზაფხულში ყოველ საღამოს რწყავდა მწვანედ შეღებილი თუნუქის სარწყავით.

სახლის არც ერთი კარი არ იკეტებოდა. სასადილო ოთახის კარს, რომელიც, როგორც უკვე ვთქვით, პირდაპირ საეპისკოპოსო ეკლესიის მოედანზე გადიოდა, უწინ კლიტეც ჰქონდა და რკინის ურდულიც, თითქო ციხის კარი ყოფილიყო. ეპისკოპოსმა საკეტიც ააგლიჯა, ურდულიც და მას აქეთ ეს კარი დღედაღამ ღია იყო, მოხურული,

მაგრამ დაკეტილი კი არა. ვინც მოადგებოდა კარს, რა დროც უნდა ყოფილიყო, თავისუფლად შემოვიდოდა. თავდაპირველად ორივე ქალს ეს ძალიან ეჩოთიერებოდა და ეშინოდა კიდეც, მაგრამ ეპისკოპოსმა მათ გამოუცხადა:

- თუ გნებავთ, თქვენს ოთახებს დაადეთ კლიტე.

ბოლოს ისინიც დარწმუნდნენ, რომ საშიში არაა ჰქონდათ რა, ან იქნებ არც კი დარწმუნდნენ, მაგრამ თქმით კი ველარაფერს ამბობდნენ. მხოლოდ მაგლუარს ზოგჯერ საშინელი შიში აიტანდა ხოლმე. რაც შეეხება თვით ეპისკოპოსს, მისი შეხედულება ცხადად იყო გამოთქმული იმ სიტყვებში, რომელიც „დაბადების“ ერთ ფურცელზე თვით დაენერა: „აი რა განსხვავებაა: ექიმის კარი თავის დღეში არ უნდა იკეტებოდეს, მღვდლის კარი ყოველთვის ღია უნდა იყოს“.

მეორე წიგნში, სახელდობრ, „საეციმო მეცნიერების ფილოსოფიაში“, ეს შენიშვნა ეწერა: „განა მე კი იმათსავით ექიმი არა ვარ? მეც ჩემი ავადმყოფები მყავს; ჯერ მათი, რომელთაც ავადმყოფებს უწოდებენ და მერე ჩემი, რომელთაც მე უბედურებს ვუწოდებ“.

სხვაგან კიდეც დაენერა: „ნუ ჰკითხავთ ვინაობას, ვინც ბინა გთხოვთ, ყველაზე უმეტესად იმას უჭირს ბინა, ვისაც თავისი ვინაობის თქმა ეძნელება“.

ერთმა მღვდელმა, აღარ მახსოვს, კულბრუელი იყო თუ პომპიერელი, მგონი, მაგლუარის ჩაგონებით შეჰბედა: განა გაუფრთხილებლად არ იქცევით, რომ დღედაღამ ღია გაქვთ კარი, ხომ შეიძლება შემოგეპაროთ, ვისაც კი უნდა. განა არ გეშინიათ, რომ უბედურება რამ მოხდეს ასე ფარალალად მიტოვებულ სახლში?

ეპისკოპოსმა მხარზე ხელი დაადო და ლმობიერი სიღინჯით უთხრა:

- თუ სახლს ღმერთი არ დარაჯობს, მას ტყუილად გაუფრთხილდებიან დარაჯნი. - და სხვა საგანზე დაიწყო ბაასი.

ხშირად იტყოდა ხოლმე: მღვდელსაც თავისი ვაჟკაცობა უნდა ჰქონდეს ისევე, როგორც დრაგუნების რაზმის უფროსს, ოღონდ ჩვენი ვაჟკაცობა აუღელვებელი უნდა იყოსო.

თავი მეშვიდე კრავატი

იმ ხანში ერთი იმგვარი ამბავი მოხდა, რომლის გამოტოვება შეუძლებლად მიგვაჩნია, ვინაიდან მართო ისიც საკმარისია, რომ კარგად დავინახოთ, რა ადამიანი იყო ღინელი ეპისკოპოსი.

როდესაც ოლიუდის მთებში მოთარეშე გასპარ ბეს ბრბო შეიპყრეს, ერთი მეთაურთაგანი, კრავატი, როგორღაც გადარჩა და მთაში მიიმალა რამდენიმე ამხანაგთან ერთად. ჯერ ნიცაში იყო, მერე პიემონში გადავიდა და უცხად საფრანგეთში გამოჩნდა, ბარსელონეტის მხარეში. ჯერ ჟოზიეში ენახათ, ცოტა ხნის შემდეგ - ტიუოლში. აუგ დე-ლ'ეგლის მღვიმეში იმალებოდა, იქიდან უბეს და უბიეტის ხეობებით ჩამოდიოდა და თავისუფლად ნავარდობდა სოფლებში. ამბრენშიც კი გაბედა ჩასვლა, ღამით ტაძარი გატეხა და მისმა ამქრებმა ეკლესიის საღარო დააცარიელეს, ქვეყანა აანიოკვს. ჟანდარმები კვალდაკვალ დასდევდნენ, მაგრამ ამაოდ. კრავატი ხელიდან უსხლტებოდა და ხშირად შებრძოლებასაც უბედავდა. დიდი უტიფარი არამზადა რამ იყო. სწორედ ამ შიშიანობის დროს ეწვია მთას ეპისკოპოსი. შასტელარისკენ

მიდიოდა. მერი წინ მიეგება და სთხოვა, უკან დაბრუნებულიყო, რადგან მთელი მთა, არმაშდე და არშის იქითაც, კრავატის ხელთ არის და ჟანდარმებიც რომ გაახლოთ, ვერას გავხდებით, ტყუილად გაინირება რამდენიმე კაციო.

- სწორედ ამიტომ მინდა მარტო წასვლა, რომ არავინ გავაფუჭებინო, - მიუგო ეპისკოპოსმა.

- რას ბრძანებთ, თქვენო უსამღვდელოესობავ?

- იმას მოგახსენებთ, რომ თქვენი ჟანდარმები ჩემთვის საჭირონი არ არიან და ამ ერთ საათში სრულიად მარტოდმარტო გავუდგები ჩემს გზას.

- წაბრძანდებით?

- გეახლებით.

- მარტოდმარტო?

- დიახ, მარტოდმარტო.

- თქვენ მაგას არ იზამთ, თქვენო უსამღვდელოესობავ!

- ემანდ, მთაში, ერთი პატარა, მიყრუებული, მუჭის ტოლა სოფელია, იქ მინდა ავიდე. სამი წელიწადია აღარა ვყოფილვარ. ძალიან პატიოსანი და მშვიდობიანი მეცხვარეები არიან და ჩემი კარგი მეგობრები. ცხვარი სხვისია და გასამრჯელოდ მათ ოცდაათიდან ერთი ეძლევათ. საუცხოო შალის ფერად ყაითანს გრეხენ და ჰანგებს აკვნესებენ სალაშურზე. ყველაფერს მოკლებულნი არიან და ღვთის სიტყვაც მოვაკლო? რას იტყვიან, რომ გაიგებენ, ეპისკოპოსი შემინებულა და უკან დაბრუნებულა? რას იტყვიან, რომ არ ავიდე?

- ძალიან კარგი, მაგრამ ყაჩაღები, თქვენო უსამღვდელოესობავ, ხომ შეიძლება ყაჩაღები დაგიხვდნენ?

- ნეტავი შემხვდნენ. განა იმათ კი არ სჭირდებათ ღვთის სიტყვის გაგონება?

- მაგრამ იქ ხომ მთელი ბრბოა, თქვენო უსამღვდელოესობავ... ეს ხომ მგლებს ხროვაა.

- იქნება სწორედ მაგ მგლების მწყემსად მგზავნის იესო. ღვთის განგებას განა ვინ მისწვდება?

- გავძარცვავენ, თქვენო უსამღვდელოესობავ.

- რომ არა მაქვს-რა?

- მოგკლავენ.

- მე მომკლავენ? ერთ გადაყრუებულ ბებერ ხუცესს, რომელსაც თავისი ლოცვანის მეტი არა გააჩნია რა? კარგი და, რა მიზნით?

- ღმერთო ჩემო! წინ რომ შეგეფეთონ?

- მოწყალებას ვთხოვ ჩემი ღარიბებისათვის.

- ნუ, თქვენო უსამღვდელოესობავ, ნუ წაბრძანდებით, რად უნდა გასწიროთ თქვენი სიცოცხლე?

- ბატონო მერო, მხოლოდ ეს გამინებთ? - მიუგო ეპისკოპოსმა, - მე ქვეყანაზე იმისათვის კი არ ვცხოვრობ, რომ ჩემს სიცოცხლეს გავუფრთხილდე, არამედ იმისთვის, სულნი რომ დავიხსნა.

რა გაეწყობოდა, თავი უნდა დაენებებინათ. ერთი პატარა ბიჭის ამარა შეუდგა მთას. იმ ბიჭსაც თვითონ მოესურვებინა ეპისკოპოსის ხლება, გზას მანაც ვუჩვენებო. ეს ამბავი უცბად მოედო ქვეყანას და ყველა შიშობდა, არა დაემართოს რაო.

არც თავისი და წაიყვანა, არც მაგლუარი, ჯორით გადაიარა მთა. გზაში არავინ შეხვედრია და მშვიდობით მივიდა თავის „კარგ მეგობარ მწყემსებთან“. ორი კვირა დაჰყო მთაში; უქადაგებდა, არიგებდა, ასწავლიდა და წამოსვლა რომ დააპირა, მღვდელს უბრძანა, კვირას მე ვიქნები მწირველიო; კარგი, მაგრამ ეპისკოპოსის შესამოსი სად უნდა ემოვათ? სოფლის ეკლესიაში ერთი ხელი ძველისძველი მღვდლის გახუნებული შესამოსის მეტი არა მოიპოვებოდა რა.

- არა უშავს, მამაო. ჩვენ ჩვენსას ნუ დავიშლით და ღმერთი მოწყალეა. ყოველივე მოგვარდება. - უთხრა ბატონმა მირიელმა.

იქვე ახლო სოფლებში მოიკითხეს. რაც იმ ღარიბ ეკლესიებში მოავგროვეს, ქალაქში წესიერად ერთ მგალობელს ვერ შემოსავდა.

ამ გაჭირვებაში რომ იყვნენ, ორმა უცნობმა მხედარმა მღვდლის სახლში ერთი უშველეველი ყუთი მოიტანა ეპისკოპოსისათვის გადასაცემად და სწრაფად უკან გაბრუნდა. გახსნეს ყუთი; შიგ ძვირფასი თვლებითა და მარგალიტით მდიდრულად შემკული სრული შესამოსი ნახეს ეპისკოპოსისა, ერთი თვის წინათ ამბრენის ტაძრიდან მოპარული. ყუთში ქალაღლი იპოვეს შემდეგი წარწერით: „მის ყოვლად უსამღვდელოესობას, ეპისკოპოს კეთილმოვლენილს, კრავატისაგან“.

- ხომ ვამბობდი, საქმე მოგვარდება-მეთქი, - თქვა ეპისკოპოსმა და მერე ღიმილით დაუმატა: - ვინც კმაყოფილია მღვდლის ანაფორით, ღმერთი არქიეპისკოპოსის მანტიას მიანიჭებს.

- ღმერთი თუ ეშმაკი, თქვენო უსამღვდელოესობა? - შეჰბედა მღვდელმა თავის ქნვეითა და ღიმილით.

ეპისკოპოსმა თვალი გაუშტერა მოძღვარს და რწმენით აღსავსე კილოთი განუმეორა:

- ღმერთი.

შატელარში და გზაზედაც ხალხი დიდი ამბით ხვდებოდა წინ.

შატელარში ბატისტინე და მაგლუარი ელოდნენ.

- მართალს ვამბობდი თუ არა? - მიუბრუნდა თავის დას.

- ერთი ღარიბი მღვდელი წავედი, ხელცარიელი, ჩემს ღარიბ მთიელებთან და იქიდან კი მძიმედ დატვირთული მოვდივარ. აქედან უსაზღვრო სასოების მეტი არა წამიღია რა, იქიდან კი მთელი ტაძრის განძი მომაქვს.

საღამოს, ვიდრე მოსასვენებლად წავიღოდა, ესა თქვა: - ნუ შეუშინდებით ნურც ქურდს, ნურც კაცის მკვლელს; სხვისი ნუ შეგეშინდებთ, რაც უნდა მძლავრი იყოს; ჩვენივე თავის გვეშინოდეს ჩვენ; ქურდი ჩვენი ცრუმორწმუნეობაა და კაცის მკვლელი - ჩვენი ბინიერებანი. ჩვენ გარეშე კი არა არის ჩვენი მტერი, შიგ ჩვენშივე იმყოფება. რა საშიშია ის, ვინც ჩვენს ქისას ან ჩვენს სიცოცხლეს ემუქრება? იმის გვეშინოდეს, ვინც ჩვენს სულს დამუქრებია.

მერე ბატისტინეს მიუბრუნდა და უთხრა:

- მღვდელი, ჩემო დაო, არ უნდა გაურბოდეს თავის მოყვასს; ღვთის განგების გარეშე მოყვასი ვერას იქმს. როდესაც ვგრძნობთ, რომ განსაცდელში ვართ, თავის დაღწევას კი არ უნდა ვცდილობდეთ, მხოლოდ უნდა ვლოცულობდეთ; ვლოცულობდეთ ჩვენი თავისათვის კი არა, არამედ შევავედროთ მოყვასი, რომ ცოლდა არა შეემთხვას რა ჩვენი მიზეზით.

თუმცა ამისთანა შემთხვევა ფრიალ იშვიათი მოვლენა იყო ბატონი მირიელის ცხოვრებაში. ჩვენ მხოლოდ იმას ვნერთ, რაც ვიცით. ჩვეულებრივ კი მშვიდი და წყნარი იყო მისი ცხოვრება, გუშინდელი არაფრით განსხვავდებოდა დღევანდელისაგან, და შარშანდელი წლებანდელისაგან. ერთ საათს რომ დაჰკვირვებოდით, ეპისკოპოსის ცხოვრების მთელი თვე გეცოდინებოდათ.

რაც შეეხება ამბრენის ტაძრის განძეულობას, ამაზე რომ გვეკითხონ რამე, გაგვიჭირდება პასუხი. მართლაც რომ ძალიან ძვირფასი ნივთეულობა იყო და ძნელად გაუძლებდა ვინმე, - არ ესარგებლა, ფულად არ ექცია და დარიბთათვის არ მიეწოდებინა. ხომ უკვე მოპარული იყო ეს ნივთები, საჭირო იქნებოდა მხოლოდ დანიშნულება შეეცვალა ვინმეს და ქვრივ-ობლებისაკენ მიემართა. ეს კია, რომ ამ საგანზე დანამდვილებით არა ვიცით რა, გარდა იმისა, რომ ეპისკოპოსის ქაღალდებში ეს სიტყვები იპოვეს დანერილი: „უმთაფრესი ის არის, ვიცოდეთ, ეკლესიას უნდა დაუბრუნდეს იგი, თუ სააუადმოყოფს“. შესაძლებელია, ამ სიტყვებს რაიმე დამოკიდებულება ჰქონდა იმ განძეულთან.

თავი მერვე

ფილოსოფია კარგი გადაკვრის შემდეგ

სენატორი, რომლის შესახებაც ამას წინათ გეჭონდა ბაასი, ჭკვიანი, შვენებული კაცი იყო და ისე გაეტარებინა თავისი დღენი, რომ ყურადღებაც არ მიუქცევია არასოდეს სინდისის, ფიცის, პატიოსნებისა და მოვალეობისათვის; ამას რომ აპყლოდა, ხომ ვეღარც წარჩინებული წოდების პატრონი გახდებოდა. იმას თავისი ჯიბისა და ხარისხის მეტი არა სწამდა რა და როცა სინდისისთანა შემათფერხებელი რამ დახვდებოდა წინ, წარბშეუხრელად მიდიოდა თავისი მიზნისაკენ. ჯერ პროკურორად იყო და თავისიანების სიყვარულით გამსჭვალული, ძალიან ასარგებლებდა თავის შვილებს, სიძეებს, ნათესავებს და, ასე განსაჯეთ, მეგობრებსაც კი. გულკეთილი კაცი იყო და ცხოვრებაში მხოლოდ სიტკბობას ეძებდა - დიდებას, კარგ შემთხვევას და კარგ ძღვენს. დანარჩენი სისულელედ მიაჩნდა. გონებამახვილი გახლდათ, მწერლობას იმდენად იცნობდა, რომ თავი ეპიკურეს მოსწავლედ მიაჩნდა, თუმცა პიგო ლებრენის მონაწე იყო. სიამოვნებით იცინოდა „საწყალი ეპისკოპოსის სისულელეებზე“ და ისეთ საგნებზე, რომელსაც ჩვენ უსაზღვროს და უკვდავს ვუნოდებთ. ხანდახან თვით ეპისკოპოსის წინაშეც დაიწყებდა ხოლმე ხუმრობას.

აღარ მახსოვს, რაღაც უქმე იყო და გრაფი (ჩვენი სენატორი) და ეპისკოპოსი მირიელი ერთად შეეწნენ პრეფექტთან სადილს. ხილი რომ მიართვეს, სენატორი, ცოტა არ იყოს, შექეთიანებული იყო.

- ერთი რამ მინდა მოგახსენოთ, თქვენო უსამღვდელოესობავ, - მიმართა დიდად ზრდილობიანად ეპისკოპოსს: - ეპისკოპოსი და სენატორი ისე ვერ ხედებიან ერთმანეთს, რომ თვალი არ ჩაუკრან. მე და თქვენ ავგურები გახლავართ. ნება მიბოძეთ, ერთი რამ გაგიზიაროთ. მე ჩემი ფილოსოფია მაქვს.

- და უნდა გქონდეთ კიდევ, - მიუგო ეპისკოპოსმა. - რა ფილოსოფიასაც შეიძენს კაცი, ისეთივე ცხოვრება ექნება. როგორც დანვები, ისე დაიძინებ. თქვენ დიბა ხავერდის ლოგინზე წევხართ, ბატონო სენატორო.

სენატორს გული მიეცა და უფრო გაბედულად დაიწყო:

- მამ, მოდი, გულახდილად ვილაპარაკოთ.

- შინაურულად, თუ გნებავთ.

- პირდაპირ მოგახსენებთ, - დაიწყო სენატორმა: - მარკიზი დ'არჟანი, პირონი, ჰობსი და ნეჟონი არამზადები როდი არიან. ჩემი ფილოსოფოსები, სევადიანი ყლით დაკაბმული, სულ განჭინაში მიწყვია.

- როგორც თვით თქვენა ბრძანდებით, ბატონო სენატორო, - შეაწყვეტინა სიტყვა ეპისკოპოსმა.

სენატორმა განავრძო:

- დიდრო ჭირვითა მძულს: მეოცნებეა, დეკლამატორი და რევოლუციონერი; ყოველივე ამასთან, ღმერთი სწამს და უფრო მუშმუშელაა, ვიდრე ვოლტერი. ვოლტერმა მასხრად აიგდო ნიდჰემი, მაგრამ შეცდა იმიტომ, რომ ნიდჰემის გველთეფები ამტკიცებენ ღმერთის უსარგებლობას. არც არის საჭირო. ერთ კოვზ პურის ცომს ერთ წვეთ ძმარს უზამენ, რომ სული ჩაუდგას; წარმოიდგინეთ ძალიან დიდი პურის ცომი და იმდენივე ძმარი - ეგეც თქვენი დედამინა. ადამიანი კიდევ - გველთეფა. რისი მაქნისია აქ ღმერთი მარადი? კმარა, თქვენო უსამღვდელოესობავ, თავი მოგვაბებრა თქვენმა იელოვამ. დაე, იმათა სწამდეთ, თუ მაინცადამაინც არ დაგიშლიათ, ვისაც კუჭი შიმშილით უხმება. მე კი ნუ მანუხებთ. სხვებს უბრძანეთ ეგ ზღაპრები ყოვლადძლიერის შესახებ. რა სჯობს არარაობას, რომელიც მე მწამს და რომელიც არაფერს მოხოვს და მოსვენებას არ მიფრთხობს. ცოდვა აღიარებული სჯობიაო, ნათქვამია, და მოდი, გავანდობ კიდევ ჩემს მოძღვარს, რომ საღი გონების პატრონი ვარ. მე თქვენსავით კი არ ვვითვლები ქრისტესათვის, რომელიც ყველგან და ყოველთვის თავგანწირვას და უარყოფას ქადაგებს. ტუნნიც ხომ მაგასვე ურჩევს გაჭირვებულთ! უარყოფა, რისთვის? თავის განწირვა, ვისთვის? რა ვიცი, მე კი არსად მინახავს, რომ მგლის საკეთილოდ მგელს თავი გაეწიროს. ის არა სჯობია, ბუნებას დაუკვირდეთ და ბუნებრივად ვიცხოვროთ? ბუნების თავში, ზედ მწვერვალზე ჩვენა ვართ - მამ, ფილოსოფიაც უმაღლესი ვიქონიოთ. თვალი გავახილოთ, ბატონო. თუკი ამ მწვერვალიდან ჩვენი ცხოვრის იქით ვერას დავინახავთ, რა გამოვა? ვიცხოვროთ მხიარულად. დიახ, თქვენო უსამღვდელოესობავ, ჩვენი ცხოვრების დანიშნულება სიამოვნება გახლავთ და სხვა არაფერი. ის კი არ მიბრძანოთ, ადამიანს სააქაოს გარდა სხვა ცხოვრება მოელის იქ, ზევით, სადღაც საიქიოსაო. მე მაგვების ერთი სიტყვაც არა მჭერა. რამდენი ხანია მოვიცვალე ეგ კბილი. არა, არ დაფიქრებხართ, თქვენო უსამღვდელოესობავ, ამ უაზრობას: სულ იმის ფიქრში იყავ, რომ არა შეგცდეს რა; ავი, უვარგისი, უმართებულო არა ჩაიღინო რაო... და რატომ? იმიტომ, რომ განკითხვისა უნდა გემიწოდესო. მერე ეგ განკითხვა როდის იქნება? როცა მოვკვდები? რა სისულელეა. ბატონო, დააჭერინეთ აჩრდილის ხელს ერთი მუჭა ფერფლი, ბარემ პირდაპირ ვთქვათ, რა გვაქვს დასამალავი. იზიდასთვის უკვე აგვინევი კაბა და უკვე დავრწმუნებულვართ, რომ ქვეყნად არც კარგი არსებობს და არც ავი. ცხოვრება ცხოვრებაა და სხვა არაფერი. ავი მოგახსენებთ, ბუნებას დაუკვირდეთ, შევისწავლოთ, სულ ძირი-ძირობამდე ჩავყვეთ, გადავთხაროთ დედამინა და ჭეშმარიტება კი ვიპოვოთ სადმე. რომ იცოდეთ, რა ნეტარებას მოგანიჭებთ ეს ჭეშმარიტება; რომ იცოდეთ, რა მძლავრია მაშინ კაცი და რა გულიანად იცინის. საქმე საფუძველია, ჩემო ბატონო, და ფოლადივით მტკიცე გახლავთ ჩემი რწმენის საფუძველი. ადამიანის უკვდავება, თქვენო უსამღვდელოესობავ, მართლაც რომ

საგანგებო გამოგონებაა. საუცხოო დანაპირება. ოღონდ კი დაიჯერეთ და ყველაფრით ბედნიერი იქნებით - იქ, საიქიოს, სადღაც სამოთხეშიო! აქ უბედური, ღარიბ-ღატაკი, მშიერ-მწყურვალი, ქვეყნისაგან შეურაცხყოფილი, მიწასთან გასწორებული - ოღონდ კი დაიჯეროს ეგ ზღაპრები - იქ ანგელოზად იქცევა, ფრთაშესხმულ ანგელოზად. მომაგონეთ, თუ შეიძლება, თქვენ უფრო გესსომებათ, ტერტულიანემ თქვა, მგონი, ნეტარნი ცას სულით დაისაკუთრებენ და ხან ერთ ვარსკვლავზე ექნებათ სამყარო, ხან - მეორეზე. დიახ, კალიასავით ხტომას დაიწყებენ ერთი ვარსკვლავიდან მეორისაკენ და ბოლოს ღმერთსაც იხილავენ. სანყალი ხალხისათვის მართლაც რომ კარგად არის მოგონილი ეს დაპირება. ჩვენთვის კი ღმერთი უდიდესი მიქარვაა. ამას „მონიტერში“ კი არ დავწერდი, რასაკვირველია; ასეთ მეგობრულ ბასში კი რატომაც არა? ვიტყვი ჩემად, ჩურჩულით, დედამინა სამოთხეს ვანაცვალო? ვიყო არ ვიქნები, ნამდვილი აჩრდილს დავუთმო? რაღაცა უკვდავებისათვის ვავიმწარო სიცოცხლე? ააა, ბატონო, არც ასეთი სულელი ვარ. სანამ სული მიდგას, არარაობა ვარ, სენატორი, გრაფი არარაობა, მოვკვდები და - არა ვარ-რა. ვიყავ რამ დაბადებამდე? არა. ვიქნები რამ სიკვდილის შემდეგ? ააა. მამ რა ვყოფილვარ? ცოტა რამ მტვერი ორგანიზმად შეერთებული. რა მინდა ამქვეყნად? არჩევანი ჩემია? ტანჯვა თუ სიამოვნება? სად მიმიყვანს ტანჯვა? სიკვდილთან, ესე იგი, არარაობასთან, ოღონდ ჯერ სიცოცხლეს ჩამამწარებს. სად მიმიყვანს სიამოვნება? სიკვდილთან, ესე იგი უკვე გათავებულია. ან უნდა ვჭამო, ან უნდა შემჭამონ. მე ვჭამ. მგონია, ისა სჯობია, კბილი ვიყო, ვიდრე ბალახი. ეს გახლავთ ჩემი სიბრძნე. მოვკვდები და შვიდი ადლი სამოსელი, ოთხი ფიცარი და ცივი მიწა. ეს არის ჩვენი ბოლო -

Finis - ანგარობის საბოლოო გასწორება. სიკვდილი ისე ჰკლავს, თქვენო უსამღვდელოესობაზე, რომ უკვდავი არა დარჩება რა. რა ვიცი, არა მგონია, რომ წინააღმდეგის თქმა შეძლოს ვინმემ და თუ შეძლო, ან სულელი იქნება, ან ფლიდი, რომელიც ქვეყანასთან ერთად თავის თავსაც ატყუებს. ბავშვებისათვის გახლავთ საჭირო ეს არაკები, უბრალო ხალხისთვის, ჩვენთვის კი რა საჭიროა სიცრუე, როდესაც თქვენც კარგად მოგეხსენებათ და მეც, რომ სიკვდილის შემდეგ არაფერია, გარდა არარაობისა, სრული გათანასწორებისა! სარდნაპალ-მეფე ბრძანდებოლით თუ წმინდა ვინცნა დე პოლი, შავი მიწისთვის სულერთია, მაშასადამე, სანამ ცოცხალ ვართ, დავტკბეთ სიცოცხლით. დავეშუროთ, დავენაფოთ ცხოვრების ნექტარს. ეს გახლავთ, თქვენო უსამღვდელოესობაზე, ჩემი ფილოსოფია. სად წავა, მე რომ სხვადასხვა სისულელეს ავყვე. ეგ სისულელე იმათთვის დამითმია, ვინც იქ, ქვევით, მიწის პირას ფუთფუთებენ, ღატაკი ხალხისათვის, რომელსაც ლუკმაპური ვერ უშოვია, შიმშილი აწუხებს. ეგ საჭიროა უნიფხვოთათვის, დამშეულთათვის. იმათ აძლევენ საღვებად ლეგენდებს, სულს, სამოთხეს, უკვდავებას და ვარსკვლავებს. ეგ მაინც ჰქონდეთ საცოხნავად. გამხმარ პურს ამით მაინც დაალობენ. ღმერთი იმას უნდა, ვისაც არაფერი აქვს. რაღა დარჩება, ეგეც რომ წავართვათ?

ეპისკოპოსმა ტაში შემოჰკრა.

- აბა, ლაპარაკი ასე უნდა, აი! - შეჰყვირა მირიელმა. - ჭეშმარიტად საუცხოო და საკვირველი რამ არის მატერიალიზმი. ყველა კი ვერ მისწვდება მის სიბრძნეს. ნეტარ არს კაცი, თქვენი რწმენით აღჭურვილი. ვეღარც მოატყუებენ, ვეღარც კატონივით განდევნიან, ვეღარც სტეფანესავით ჩააქვავებენ, ვერც ჟანა დ'არკივით ცოცხლად

დასწავავენ. ვისაც სიბრძნეთა სიბრძნემდე მიუღწევია და სასიქადულო თქვენი მატერიალიზმი შეუენია, ბედნიერი იმითია, რომ თავისუფლად გრძნობს თავს ყოველგვარი პასუხისმგებლობისაგან, ბედნიერი იმითია, რომ ყველაფერს გადაყლაპვა და მონელება შეუძლია: თბილი ადგილებისა, სინეკურებისა, ღირსებებისა, კარგად და ავად შეძენილი ძალისა. ხელსაყრელ დროს თქმისა და ხვალ გადათქმისა, სასარგებლო ღალატისა, ჯიბის მიერ სინდისის დამორჩილებისა. დიახ, ყველაფერს მონელებს და სანანურად მარტო ისა აქვს, რომ უფრო მეტს ვერ მისწვდა შთასანთქავად. უმეტესი ნეტარება შეიძლება განა? ამას თქვენზედ კი არ მოგახსენებთ, ბატონო სენატორო. პირიქით, მე მინდა თქვენ მოგილოცოთ. აკი ბრძანეთ, ჩვენ საკუთარი ფილოსოფია გვაქვს, მხოლოდ მდიდართა და წარჩინებულთათვის მისაღწევით. კარგი ფილოსოფია ყოფილა, უნდა მოგახსენოთ, რასაც კი მოისურვებს თქვენი უინი და ვნება, ყველაფერში ხელს შეგინცობთ თქვენგანვე, თქვენი სურვილისამებრ შექმნილი რწმენა. ეს ფილოსოფია დედამინის სიღრმიდანაა ამოსული და სპეციალური მძებნელების მიერ ამოთხრილი. დიდება თქვენდა, უწარჩინებულესნო თავადნო ამა სოფლისანო! მით უფრო დიდება, რომ არ უკრძალავთ საწყალ ხალხს და ნებას აძლევთ - თავისი ფილოსოფია იქონიოს და ღმერთი სწამდეს. აგრე უნდა, ბატონო: თქვენ - თქვენი და ხალხს - თავისი; თქვენ - მატერიალიზმი, ხალხს - ღმერთი; თქვენ - ორაგული და ხალხს - გამხმარი მჭადი.

თავი მეცხრე

ღის მიერ აღწერილი ძმა

ღინის ეპისკოპოსის შინაური ცხოვრება რომ უფრო კარგად ავსახოთ, მოგვყავს ბატისტინეს ერთი წერილი, თავისი მეგობრის, გრაფ ბუაშევრონის მეუღლისადმი მიმართული, რომელთან ერთად შეზრდილიყო და მიწერ-მონერას არ წყვეტდა. ეს წერილი ნათლად დაგვანახებს, როგორ უთანხმებდა და უმორჩილებდა ორივე წმინდა ქალი ყოველ თავის საქციელს, ფიქრს, ქალურ ინსტინქტსაც კი ეპიკოპოსის ჩვეულებას და სურვილს, თუმცა ამას იშვიათად გამოთქვამდა. ეს წერილი ხელთა გვაქვს.

ღინი

18... წ. დეკემბრის 16.

ღღე არ გავა, ჩემო კეთილო, რომ თქვენ არ მოგიგონოთ. თქვენი ხსენება ჩვეულება გახლავთ ჩვენი და, გარდა ამისა, ამ უკანასკნელ დროს პატარა მიზმეიც შემოემატა. წარმოიდგინეთ, კედლებისა და ჭერის წმენდაში მაგლუარმა საუცხოო მხატვრობა აღმოაჩინა ჩვენს სახლში. ღღეს რომ ნახოთ ჩვენი ორი ოთახი, დარწმუნდებით, რომ არაფრით ჩამოუვარდება თქვენი სასახლის ოთახებს. მხატვრობას ქალაღდი ჰვარავდა და მაგლუარმა მთლად ჩამოგლიჯა. ჩემს ოთახს ოთხ მეტრამდე სიმაღლე აქვს და ორ-ნახევარი - სიგანე; იგი თითქმის ცარიელია და ავდარში აქა ვფენთ სარეცხს. სწორედ ისეთი ოქროვარაყიანი მხატვრობა გახლავთ ოთხსავ კედელზე და ჭერზე, როგორიც თქვენსა მინახავს. საავადმყოფო რომ გადმოეტანათ, ზედ ქალაღდი გაეკრათ და მგონი ათი პირი ჩამოგლიჯა მაგლუარმა. ჩვენი ბებიების დროინდელი შეფუიცრული უნდა იყოს. ტელემაქე გახლავთ დახატული, მინერვას რომ ეწევა; იგივე ტელემაქე - ბაღში, ამ ბაღის სახელი კი არ მაგონდება;

რომაელი ქალები მხოლოდ ერთი ღამით იკრიბებოდნენ ამ ბაღში მარტოდმარტონი. ერთი სიტყვით, ჩემი ოთახი სავსეა რომაელი კაცებით და ქალებით (აქ ერთი სიტყვა გაურკვეველია) და მთელი ამალით. ქალაქს რომ ვაცლიდით, ცოტა რამ დაგაზიანებთ, მაგრამ ამ ზაფხულს შესწორებას ვუპირებთ და ჩემი ოთახი სწორედ მუზეუმს ემგავნება. სხვენზე კიდევ ორი ძველებური პატარა მაგიდა ვიპოვეთ ყვავილებისათვის, მაგრამ შესაკეთებელი თორმეტი ფრანკი მოხვევს და თავი დაზანებ; ეს ფული საწყალ ხალხს დავეურიგო, უკეთესი იქნება. გარდა ამისა, მე წითელი ხის მრგვალი მაგიდა უფრო მომწონს.

დიდად ბედნიერი ვარ, ისეთი კეთილია ჩემი ძმა. რაც კი აქვს, სულ საბრალოთ და ღარიბთ ურიგებს. ჩვენ ძალიან გვიჭირს. ამ მხარეს სასტიკი ზამთარი იცის და ჩვენც, რითიც შეგვიძლია, ვეხმარებით საწყალ ხალხს. ნეტარებაც ამაშია.

თავისებური კაცი გახლავთ ჩემი ძმა. სიტყვა რომ მოიტანს, ყოველთვის იმას ამბობს, - ეპისკოპოსი სწორედ ასეთი უნდა იყოსო. წარმოიდგინეთ, ჩვენი სახლის კარი ყოველთვის ღიაა. ვისაც კი ნებავს, შემოაღებს კარს და პირდაპირ ჩემს ძმასთან შემოვა. არაფრისა ეშინია არც დღე და არც ღამე; მე ჩემებური ვაჟკაცობა მაქვსო, - მოგახსენებთ.

- ჩემთვის ნუ სწუხხარო, - მეუბნება და მაგლუარსაც ყოველთვის უშლის:

- მე საშიში არა მჭირს რაო. - თვითონ განსაცდელში იგდებს თავს და არ უნდა, რომ ჩვენ ეს შევამჩნიოთ. ადამიანმა მას ხასიათი უნდა გაუგოს.

წვიმაში წყალში დადის, ზამთარში მოგზაურობს, არც დღე იცის, არც ღამე, არც ცუდ გზას ერიდება, არც ყაჩაღებს.

შარშან მარტოდმარტო წავიდა მთაში, სადაც ყაჩაღები დათარეშობდნენ, ჩვენ არ წაგვიყვანა. მთელი კვირა დაჰყო მთაში. დაბრუნდა სალი და უვნებელი, თუმცა ჩვენ მკვდარი გვეგონა. გვითხრა: უყურეთ, როგორ გამძარცვესო, ზანდუკი გახსნა და წინ გადაგვიშალა ამბრენის ტაძრიდან მოპარული ძვირფასი სამოსელი. ქურდებს ჩემი ძმისათვის მიერთმიათ.

მაშინ კი ვეღარ შევიკავეთ თავი და ცოტათი გავუჭავრდი, ოღონდ ეტლის ხმაურობის დროს, ისე, რომ არავის გავგონა.

პირველ ხანებში ძალიან ვწუხდი, რადგან არავითარი საშიშროება მას არ შეაჩერებდა. მერე კი შევეჩვიე და ახლა მე თვითონ ვეხვეწები მაგლუარს, საწინააღმდეგო არა უთხრას რა. თვით ნებავს თავის გამეტება. ავალთ ხოლმე ჩვენს ოთახებში მე და მაგლუარი, ღმერთს შევავედრებთ ჩემს ძმას და დავიძინებთ; სრულიად დამშვიდებული გახლავართ, რადგან ვიცი, თუ უბედურება ეწვია რამე, მეც თან გადავყვები ჩემს ძმას და სულიერ მოძღვართან ერთად მეც წარვდგები ღვთისა წინაშე. მაგლუარს კი უფრო გაუჭირდა მისი გაუფრთხილებლობის - ეს იმისი სიტყვა გახლავთ - შეჩვევა, მაგრამ ახლა ისიც დამორჩილდა. ორივეს ერთად გვეშინია, ორივენი ერთად ვლოცულობთ და მერე დასაძინებლად გეახლებით. რა ვქნა, ეშმაკიც რომ შემოვიდეს სახლში, ჩვენ ხმას ვერ ამოვიღებთ. და მართლაც, რისა უნდა გვეშინოდეს ამ სახლში? ჩვენთან ყოველთვის იმყოფება ის, ვინც ყველაზე ძლიერია. ეშმაკმა შეიძლება გაიაროს ჩვენს სახლში და ღმერთი კი ყოველთვის შიგა სუფევს.

ჩემთვის ეს სრულიად საკმარისია და ახლა ხმასაც აღარ იღებს ჩემი ძმა: მე უსიტყვოდაც მესმის მისი სურვილი და განგებისათვის მიმინდია ჩემი თავი. იყავნ ნება მისი.

აი, როგორ უნდა შეეგუოს ადამიანი დიდსულოვან კაცს.

ჩემს ძმას ვკითხე ის ცნობები, რომელსაც თქვენ მწერდით დე ფოს ოჯახის შესახებ. ხომ მოგეხსენებათ, როგორ ყველაფერი იცის და ყველაფერი ახსოვს, რადგან დიდი მომხრეა მეფისა. ფოს გვარი მართლა ძველისძველ გვარად ითვლება ნორმანდიაში. რაულ დე ფო, ჟან დე ფო და თომა დე ფო აზნაურისშვილები იყვნენ ამ ხუთასი წლის წინათ. თომას ეკუთვნოდა რომშორის ციხე; უკანასკნელი გი-ეტიენ-ალექსანდრი იყო ბრეტანში. ამის ქალი, მარი-ლუიზ, აღრიენ გრამონსა ჰყავდა, საფრანგეთის დიდებულთა გვარის შთამომავალს.

ჩემო კეთილო! თქვენს ნათესავს, წმინდა კარდინალს სთხოვეთ, ნუ დაგვივინცებს და ჩვენც მოგვისხენიოს თავის ლოცვებში. სიყვარულით მომიკითხეთ თქვენი ძვირფასი სილვანი და უთხარი, ჩემთან წერილების წერით ნუ მოსცდება, ისედაც ცოტა ხანი უნდა დაჰყოს თქვენთან. ჩემთვის ისიც კმარა ვიცოდე, რომ კარგად არის, თქვენი რჩევისამებრ სწავლობს და ისევ ისე ვუყვარვარ. მწერ, არ დავინწყებიხარო და სწორედ რომ მახარებთ. მე კარგად გახლავართ, თუმცა დღითი დღე ვხდები. ნახვამდის, ჩემო კეთილო, ქაღალდი შემომელია და გაჩუმება მაიძულა. მრავალს სიკეთეს გისურვებთ.

თქვენი ბატისტინე.

P. S . თქვენი შვილიშვილი ანგელოზივით მშვენიერია. მოგეხსენებათ, ამ დღეებში ხუთი წლისა ხდება. გუშინ ცხენი დაინახა, ფეხზედ სამუხლე ჰქონდა და ძალიან გაიკვირვა: „რამ დაემართა იმ ცხენს მუხლებზეო?“ უნდა ნახოთ, რა მშვენიერი რამ იზრდება. უმცროსი ძმა კიდევ გადააჯდება ცოცხს და აჩუს დასძახის.

ეს წერილი მოვიყვანეთ, რომ დაგვენახებინა, როგორ უწყობდა ხელს ეპისკოპოსს ორივე მოხუცი ქალი და როგორ უმორჩილებდნენ მის ხასიათს ყოველ თავის სურვილს იმ საკვირველი ქალური ნიჭის მეოხებით, რომელიც საშუალებას აძლევს დედაკაცს უკეთ გაუგოს ვაჟკაცს, ვიდრე ეს თვით ვაჟკაცს შეუძლია. დინის ეპისკოპოსი თავისი მშვიდი, უმანკო იერით, რომელსაც თავის დღეში ვერა შეუცვლიდა რა, ხშირად ფრიად დიდ, გაბედულ და ძლიერ საქმეებს არიგებდა, მაგრამ ისე, თითქოს არც კი გრძნობს მათ სიღიადესაო. ქალები თრთოდნენ, მაინც ხმის ამოუღებლივ ემორჩილებოდნენ. პირველ ხანებში ზოგჯერ მაგლუარი გაბედავდა ხოლმე და მონივნებით შენიშნავდა რასმე; შემდეგში კი სრულიად აღარაფერს ეუბნებოდა. რაკი შეუდგებოდა საქმეს, არამტუი სიტყვით, ფიქრადაც ვეღარ ბედავდნენ დაშლას, ან რაიმე რჩევის მიცემას. ხანდახან დაცა და მოახლევ მხოლოდ მღვდელთმთავარს, სულიერ მოძღვარს ხელავდნენ მირიელის მოქმედებაში და იმიტომ ემორჩილებოდნენ; მაშინ აჩრდილს ემსგავსებოდა ორივე და ისე მიდი-მოდიოდნენ სახლში. საჭიროებისამებრ ემსახურებოდნენ და, თუ მორჩილება მის მარტო დატოვებას მოითხოვდა, ქარივით გაეცლებოდნენ, რაღაც საკვირველი სიფაქიზე ჰქონდათ და გრძნობდნენ, რომ ზოგჯერ ეს სჯობს ერთეულ სამსახურს. ხშირად, როცა იცოდნენ, რომ განსაცდელში იყო სადმე, რაკი შეგნებული ჰქონდათ - იმისი აზრი კი არა, - იმისი ბუნება, თავს ანებებდნენ, ღმერთს მიანდობდნენ მის მფარველობას.

ესეც რომ არ ყოფილიყო, ბატისტინე ყოველთვის ამბობდა, როგორც ზემომოყვანილი წერილიდანაც ჩანს, რომ ძმის სიკვდილი მისი აღსასრულიც იქნებოდა. მაგლუარი ამას არ ამბობდა, მაგრამ კარგად იცოდა, რომ სხვანაირად არ შეიძლებოდა მომხდარიყო...

თავი მეათე

ეპისკოპოსის უცნობი სინათლის წინაშე

ზემოთ მოყვანილ წერილში აღნიშნული თარიღის შემდეგ ერთი ისეთი საქმე ჩაიდინა ეპისკოპოსმა, რომ მთელი ქალაქი აალაპარაკა. საერთო აზრით, ეს უფრო სახიფათო იყო, ვიდრე ყაჩაღებთან მთაში წასვლა.

დინის ახლოს სოფელში სრულიად განცალკევებულად ცხოვრობდა ერთი კაცი. ეს კაცი - ახლავე ვოქვათ, რაც დინელებს აშინებდა - გახლდათ კონვენტის წევრი გ.

დინელები ამ კაცს ზიზღით იხსენიებდნენ. იცით რა იყო იმათთვის კონვენტის წევრი? კონვენტი იმ დროს იყო, როდესაც ერთმანეთს ყველანი შენობით ელაპარაკებოდნენ, სიტყვა „ბატონო“ შეურაცხყოფად მიაჩნდათ და ერთმანეთს რომ მიმართავდნენ, - მოქალაქეო, ეტყოდნენ. ადამიანად კი არა, რაღაც ურჩხულად წარმოედგინათ ეს კაცი: მეფის სიკვდილით დასჯის საკითხს რომ არჩევდა კონვენტი, იმას თანხმობა არ გამოეცხადებინა, მაგრამ თითქმის მიმხრობოდა იმათ, ვისაც დინელები მეფის მკვლელებს უწოდებდნენ. სამიმ კაცად მიაჩნდათ და ძალიან უკვირდათ, - რატომ არ დაიჭირეს და სამართალში არ მისცეს, როდესაც რესპუბლიკა დაიღუპა და ისევ მეფენი დაბრუნდნენ? თავის მოჭრა იქნება მეტისმეტად ყოფილიყო, - შებრალებაც უნდა იცოდეს ადამიანმა, მაგრამ საუკუნოდ რომ განიდევნოს სამშობლოდან, კარგს იზამენ, ეს მაგალითად გამოდგება სხვებისათვისაო და სხვ. და სხვ. გარდა ამისა, ის ღმერთს უარყოფს, როგორც ყველა მისთანაო.

ბატები ასისინებულებიყვნენ მიმინომე.

მიმინო იყო კი ეს კაცი? - დიახ, თუ მხედველობაში მივიღებთ იმ სასტიკ მარტოობას, რომელშიაც ის იმყოფებოდა, ვინაიდან მეფის სიკვდილით დასჯის შესახებ თანხმობა არ გამოეცხადებინა, განდევნილთა სიაში არ მოხვედრილიყო და შეეძლო საფრანგეთში დარჩენილიყო.

ქალაქიდან დაახლოებით ერთი საათის სავალზე იდგა. მის სიახლოვეს არც სადმე სახლი მოჩანდა, არც გზა; ერთ მიყრუებულ ხევში მოეწყო, როგორც ამბობდნენ, თავისი ბუნავი. მეზობელი არავინ ჰყავდა, მგზავრიც კი ვერ მოხვდებოდა იმის სახლს. მას შემდეგ, რაც იქ დასახლებულიყო, ხევისკენ მიმავალ ბილიკს ბალახი მორეოდა და დაკარგულიყო. ამ კაცის მიდამოს იხსენიებდნენ, როგორც ჯალათის სახლს.

ეპისკოპოსი კი რაღაცას ფიქრობდა. ხშირად გაიხედავდა ხოლმე ჰორიზონტის იმ მხარეს, სადაც რამდენიმე მაღალი ხე იდგა მოხუცი კონვენტის წევრის ხეობის შესავალში და იტყოდა:

- იქ ადამიანის შვილია, სულით ობოლი.

და ფიქრს ამ დასკვნით აბოლოებდა:

- ჩემი ვალია, უნდა წავიდე და ვნახო.

მაგრამ ვალიარებთ, ეს აზრი, პირველი შეხედვით სრულიად ბუნებრივი, დაფიქრების შემდეგ უცხოდ ეჩვენებოდა, შეუძლებლად და თითქმის უსიამოვნოდაც. იმიტომ, რომ ეპისკოპოსზე იგივე შთაბეჭდილება მოეხდინა კონვენტს, რაც დინელებზე, და კონვენტის წევრად ნამყოფი გულში იმ გრძნობას უღვიძებდა მას, რომელსაც ასე კარგად გამოხატავს სიტყვა განრიდება.

ძალიან კარგი, მაგრამ ქეცნიანმა ცხვარმა მწყემსს უკან უნდა დაახევიანოს? არა, მაგრამ ცხვარიც არის და ცხვარიც.

ეპისკოპოსი ყოყმანობდა. ხანდახან წავიდოდა იმ მხარისაკენ, მაგრამ ისევ დაბრუნდებოდა.

ბოლოს, ერთ დღეს, ქალაქში ხმა გავარდა, პატარა მწყემსი, გ-ს მსახური, ექიმის წასაყვანად მოსულაო: ბებერი ურჯულო კვდება, ფეხები უკვე წაერთვა და ღამეს ვეღარ გაათენებსო...

- მადლობა ღმერთს, - უმატებდა ზოგიერთი.

ეპისკოპოსმა თავისი ძველი ანაფორა გადაიკვა, რადგან საღამო იყო და შეიძლებოდა ქარი ამოვარდნილიყო, წამოავლო ხელი ყავარჯენს და გზას გაუდგა.

მზე გადახრილიყო და თითქმის ჰორიზონტს შეხებოდა, როდესაც განმარტოებულ სადგომს მიუახლოვდა. ეს სიახლოვე რომ იგრძნო, ცოტა არ იყოს, გული აუჩქროლდა. რუს გადავიდა, ღობე გადაიარა და ბაღში შევიდა. კიდევ რამდენიმე ნაბიჯი და ქოხს მიაღდა.

ეს იყო დაბალი, უბადრუკი შენობა, პატარა და სუფთა, ვენახის ტალავებით დამშვენებული.

ქოხის კართან, ძველ გლეხკაცურ ბორბლებიან საფარძელში ესვენა ეს სრულიად თმაგათეთრებული მოხუცი და მზეს შესციინოდა.

მოხუცებულის გვერდით პატარა მწყემსი იდგა და ჯამით რძეს აწოდებდა.

სანამ ეპისკოპოსი მოხუცს შესცქეროდა, მისი ხმა გაიგონა:

- გმადლობ, - უთხრა მოხუცებულმა მწყემსს, - აღარათფერი მინდა. - მზეს თვალი მოაშორა და ახლა ბავშვს შესცინა.

ეპისკოპოსი წინ წაღდა. ფეხის ხმა რომ შემოესმა, მოხუცებულმა მოიხედა და დიდი განცვიფრება გამოეხატა სახეზე.

- მას შემდეგ, რაც აქ ვცხოვრობ, თქვენ მეტი ჩემთან არავინ მოსულა. ვინ ბრძანდებით, ბატონო?

ეპისკოპოსმა უპასუხა:

- კეთილმოვლენილ მირიელს მიწოდებენ.

- კეთილმოვლენილი მირიელი? გამიგონია ეგ სახელი. თქვენა ბრძანდებით ის მოძღვარი, რომელსაც ხალხი კეთილმოვლენილს უწოდებს?

- მე გახლავართ.

მოხუცმა ოდნავი ღიმილით მიმართა:

- მამ თქვენ ჩემი ეპისკოპოსი ბრძანებულხართ.

- ცოტაოდენ.

- მობრძანდით, ბატონო.

კონვენტის წევრმა ხელი გაუწოდა, მაგრამ ეპისკოპოსმა არ ჩამოართვა, მხოლოდ უთხრა:

- კარგია, რომ მოვტყუებულვარ. თქვენ ავადმყოფს არ ჰგავხართ.

- დიახ, ბატონო, - უპასუხა მოხუცმა, - მალე სულ მოვრჩები.

ცოტა ხანს გაჩუმებული იყო და მერე დაუმატა:

- სამ საათში გავთავდები.

და განავრძო:

- ცოტაოდენი მედიცინისაც გამეგება. ვიცი, როგორც ეპარება ადამიანს უკანასკნელი უამი. გუშინ მარტო ფეხები მქონდა ცივი, დღეს მუხლებამდე მოანია; კარგადა ვგრძნობ, რომ იწვევს ნელ-ნელა ზევით; გულთან რომ მოვა, მეც დავდგები. რა მშვენიერია მზე, გარეთ გამოსვლა ვისურვე, მინდოდა ერთხელ კიდევ გადამევილო თვალი არემარისთვის. მიბრძანეთ, ბატონო, მე ლაპარაკი არ მანუხებს. კარგი ჰქენით, რომ მომაკვდავის სანახავად მობრძანდით. კარგია ადამიანის უკანასკნელ წამს რომ შეესწროს ვინმე. რა სისულელეს მოინდომებს ხანდახან მომაკვდავი: ნეტავი გათენებამდე ვიცოცხლო-მეთქი, - სულ ამას ვნატრობ, მაგრამ ვიცი, სამ საათს ძლივს გავაწევ. ღამე იქნება. ეჰ, სულერთი არ არის? სულ უბრალო საქმე გახლავთ კაცის ბოლო. სიკვდილისთვის დილა საჭირო არ არის. რა გაეწყობა? გარეთ გავალ და ცის ქვეშ მოვკვდები.

შემდეგ ბიჭს მიუბრუნდა და უთხრა:

- ნადი, დაიძინე. არც ნუხელ გძინებია. დაღლილი იქნები.

ბიჭი ქოხში წავიდა.

მოხუცმა თვალი გააყოლა და თითქოს თავისთვის წაილაპარაკა:

- სანამ ამას ეძინება, მეც მოვკვდები, ორთავე ძილი ერთიმეორეს კარგად შეეწყობა.

ეპისკოპოსი თავისდა უნებურად სრულიად დამშვიდებული იყო. ამგვარ სიკვდილში ღმერთს ვერა გრძნობდა და - პირდაპირ ვთქვათ, რადგან დიდსულოვანი მოძღვრის ეს წვრილმანი წინააღმდეგობანი ისევე უნდა იქნეს აღნიშნული, როგორც ყოველივე სხვა - სხვა დროს და სხვაგან თუ გულით დასცინებდა - თქვენო უმაღლესობაო, რომ ვთქვათ, ახლა, ცოტა არ იყოს, სწყინდა, რომ „თქვენო უსამღვდელოესობით“ არ მიმართავდა ეს მომაკვდავი. სწყინდა და „ბატონოს“ პასუხად ენის წვერზე ადგა სიტყვა „მოქალაქე“; უნდოდა ეჩვენებინა მოხუცისათვის, როგორც ექიმებს და მღვდლებს სჩვევიათ, რომ მას მეტი მონივნება ჰმართებდა ეპისკოპოსისადმი. უნდოდა, მაგრამ ვერ აასრულა ეს ნადილი, ვინაიდან ამგვარი რამ უცხო იყო მისთვის. ბოლოს და ბოლოს, ეს კაცი, ეს კონვენტის წევრი, ეს ხალხის წარმომადგენელი, ერთ დროს ძალაუფლებით იყო აღჭურვილი. ეპისკოპოსმა ალბათ პირველად თავის ცხოვრებაში იგრძნო სიმკაცრისადმი მიდრეკილება.

მასპინძელი კი შესცქეროდა ეპისკოპოსს თავმდაბალი გულთბილობით, იქნებ მორჩილებითაც, რაც შედეგი უნდა ყოფილიყო სიკვდილისა და მიწაქვედვის შეგნებისა.

ეპისკოპოსი ყოველთვის იმ აზრისა იყო, რომ ცნობისმოყვარეობა სმირად ადამიანს შეურაცხყოფს, მაგრამ აქ კი ვერ შეეკავებინა თავი და დაკვირვებით ათვალთვინებდა მოხუცს. თვითონვე გრძნობდა, რომ ეს ცნობისმოყვარეობა თანაგრძნობის შედეგი არ იყო და, სხვასთან რომ ეს მოსვლოდა, სინდისის ქენჯნას იგრძნობდა. კონვენტის წევრი კი სულ სხვად მიაჩნდა. თითქოს ის კანონის გარეშე, თვით მოყვასის სიყვარულის კანონის გარეშეც კი ყოფილიყო.

გ. მშვიდი, თითქმის ნელში მოუხრელი ოთხმოცი წლის მოხუცი იყო, ერთი იმ მოხუცთაგანი, რომელნიც აკვირვებენ ფიზიოლოგებს. რევოლუციას ბევრი ჰყავდა ეპოქის შესაფერისი მძლავრი პიროვნება. მასში გამობრძმედილი ადამიანი იგრძნობოდა. ცალი ფეხი უკვე სამარეში ედგა, მაგრამ ჯერაც არ დაჰკარგოდა სახის ძველებული, ვაჟკაცური გამომეტყველება და ელვარება თვალისა, სიმკვირცხლე და

სიმტკიცე ხმისა. აზრადელი - მუსლიმანთა სულთამხუთავიც კი - უკან გაბრუნდებოდა, რადგან ეგონებოდა, რომ გზა აერია.

გ.-ს თითქოს თვით მოესურვებინა სიკვდილი. სულთამობრძავიც კი არ თმობდა თავისუფლებას, მხოლოდ ფეხები აღარ ემორჩილებოდა. ფეხიდან დაეწყო წყვილადს იმისი დამორჩილება. ფეხი უკვე მკვდარი და გაცივებული ჰქონდა, თავი კი ცოცხლობდა. თანაც საცხებით შეენარჩუნებინა ძლიერი გონების მთელი სიცხადე. ამ უკიდურეს ჟამს მომაკვდავი აღმოსავლური ზღაპრის მეფესა ჰგავდა, წელამდე ხორცშესხმულს და წელს ქვევით - მარმარილოსას.

ეპისკოპოსი ქვაზე ჩამოჯდა. ბაასის შესავალი სრულიად მოულოდნელი აღმოჩნდა.

- მინდა მოვილოცოთ, - დაიწყო ეპისკოპოსმა გაკიცხვის ხმით, - კიდევ კარგი, რომ საჭიროდ არა სცანით ყოველთვის ხმა მიგეცათ მეფის სიკვდილისათვის.

მომაკვდავმა ეს მილოცვა ისე მიიღო, თითქოს ვერც კი შენიშნა ფარული საყვედური სიტყვისა - ყოველთვის; ღიმილი კი უცხად გაუქრა და უპასუხა:

- ნუ მილოცავთ, ბატონო. მე მტარვალის სიკვდილი საჭიროდ ვცანი.

ეს იყო რწმენით აღსავსე მრისხანება საყვედურის პასუხად.

- მაგით რა გინდათ ბრძანოთ? - შეეკითხა ეპისკოპოსი.

- იმას მოგახსენებთ, რომ ადამიანს მტარვალი ჰყავს, გაუნათლებლობა, და მე საჭიროდ მივიჩნიე ბოლო მოღებოდა ამ მტარვალს. ამ მტარვალმა შვა მეფობა, რომლის ძალა ტყუილზე არის დამყარებული. ჭეშმარიტებაზე კი მხოლოდ მეცნიერება არის დამყარებული და ადამიანთა მხოლოდ მეცნიერება უნდა განავებდეს.

- და სინიდისი, - დაუმატა ეპისკოპოსმა.

- ერთი და იგივე გახლავთ: სინიდისი ჩვენში თანდაყოლილი მეცნიერების რაოდენობა გახლავთ.

ეპისკოპოსი ოდნავ გაკვირვებული უსმენდა; ეს სიტყვა სრულიად ახალი იყო მისთვის.

მოხუცი განავრძობდა:

- რაც შეეხება მეფე ლუი მეთექვსმეტეს, - უარი განვაცხადე. ჩემი აზრით, მე არა მაქვს კაცის კვლის უფლება, მაგრამ მოვალე ვარ მოვსპო ბოროტება. მე წინააღმდეგი ვიყავი მტარვალისა - ესე იგი, დედაკაცის გარყვნისა, ვაჟკაცის დამონებისა და ბავშვის ბავშვობაშივე უღეტისა. რესპუბლიკის დაარსების მომხრე ვარ-მეთქი, რომ ვთქვი, ქალს ნამუსი შევარჩინე, კაცს - თავისუფლება, ბავშვს - სიცოცხლე; მივემხრე ძმობას, თანხმობას, განთიადს! შეძლებისამებრ მე დავეხმარე ცრუმორწმუნეობისა და სიცრუის მოსპობას. ჩვენ ძირს დავამხეთ ძველი ცხოვრება, ადამიანის დამამცირებელი და შეურაცხმყოფელი, და გლოვისა და ვაების ნილ სიხარული მოვფინეთ ქვეყანას.

- ამღვრეული სიხარული, - თქვა ეპისკოპოსმა.

- დიას, ამღვრეული, ამჟამად კი, 1814 წლის სახით საბედისწერო წარსულის აღდგენის შემდეგ, გაუჩინარებული სიხარული. ვაი, რომ მეც ვიცი, დაუმთავრებელი დარჩა ჩვენი მოღვაწეობა. ჩვენ მარტო საქმენი დავანგრეთ ძველი წესწყობილებისა, მაგრამ ვაი, რომ მისი ცნებანი ვერ გაგაუქმეთ. ბიწიერება მაშინ მოისპობა, როდესაც ძირიანად გამოუვცვლით ხალხს ზნეს, ჩვეულებას და მთელ მის ზნეობრივ არსებას. ნისქვილი დავანგრეთ, მაგრამ ქარი დარჩა.

- დიახ, დავანგრეთ. ეგ იქნება სასარგებლოც იყოს, მაგრამ მრისხანებით აღსაყვს არა მწამს რა.

- უფლებას მრისხანება ეკუთვნის, ბატონო ეპისკოპოსო და უფლების მრისხანება პროგრესის ერთი საშუალებათაგანი გახლავთ. ვინც რა უნდა ილაპარაკოს, ქრისტეს შემდეგ საფრანგეთის რევოლუცია უძლიერესი ნაბიჯი გახლავთ კაცობრიობის წინვლისაკენ, დაე, არასრული, მაგრამ დიადი ნაბიჯი. მან თუ საბოლოოდ ვერ გადწყვიტა, წამოაყენა მაინც ყველა საზოგადოებრივი საკითხი. ადამიანს გონება გაუხსნა, თვალი აუხილა, გზა დაანახვა და დაამშვიდა, დედამიწას განათლების ნაკადი გადაავლო... დიდი სიკეთე დასდო ქვეყნიერებას. საფრანგეთის რევოლუცია - კაცობრიობის მირონცხებაა.

ეპისკოპოსს უნებურად წამოსცდა:

- როგორ, ოთხმოცდაცამეტი წელი?

მოხუცმა წამოიწია თავის სავარძელზე და რამდენადაც კი მომაკვდავს შეეძლო, შეჰყვირა:

- მე კი არ ვიცოდი, რომ ოთხმოცდაცამეტს მახლიდით პირში! ათას ხუთასი წლის განმავლობაში გროვდებოდა და იზრდებოდა ღრუბელი. თხუთმეტი საუკუნის შემდეგ მოსკდა და ჭექა-ქუხილი ატეხა. თქვენც სწორედ ამ ჭექა-ქუხილს უჩივით.

ეპისკოპოსმა იგრძნო, თუმცა, იქნებ თავისდა უნებურადაც, რომ სიტყვა მოუგეს. მაინც მაგრად დაუხვდა დღა თავისი უთხრა:

- მოსამართლე მართლმსაჯულების სახელით ლაპარაკობს, მოძღვარი - ლმობიერების სახელით, რომელიც უმაღლესი მართლმსაჯულებაა. ჭექა-ქუხილი და მეხი თავის გზას არ უნდა ასცდეს.

თვალი თვალში გაუყარა მოხუცს და ჰკითხა:

- ლუი მეჩვიდმეტე?

მოხუცებულმა ხელი გაუწოდა და მკლავი დაუჭირა ეპისკოპოსს:

- ლუი მეჩვიდმეტე? კარგი, ვის მისტირით, ბატონო, უმანკო ბავშვს? მეც თქვენთან ვტირი. მეფის მემკვიდრეს? აქ კი დაფიქრება გახლავთ საჭირო. იღლიებში თოკები ამოუყარეს და გრევის მოედანზე დაჰკიდეს ერთი პატარა, უმანკო ბავშვი მხოლოდ იმიტომ, რომ კარტუშის ძმად დაბადებულყო; და ეკიდა ასე, ვიდრე სიკვდილმა არ იხსნა ტანჯვისაგან. ეგ ერთი. ტანპლის ციხეში სხვა ბავშვი მოკლეს, ლუი მეთხუთმეტის შვილიშვილი, უსუსური, უმანკო, რომლის დანაშაული ის იყო მხოლოდ, რომ მეფის მემკვიდრედ დაბადებულყო. ახლა რა? იქნება ბრძანოთ, რომ მეფის მემკვიდრე შესაბრალოსია და კარტუშის ძმა კი არა?

- ვის გაუგონია მაგვარი შედარება!

- რატომ, ბატონო? კარტუში, ლუი მეთხუთმეტე, რომელს აირჩევდით?

ერთ წამს სიჩუმე ჩამოვარდა. ეპისკოპოსი თითქოს ნანობდა, რომ მოვიდა; გრძნობდა, რომ რაღაც უცნაური ძალით შეარყია კონვენტის წევრმა.

მოხუცმა განავრძო:

- ეჰ, ბატონო მოძღვარო, არ გიყვართ, არა, მკვახე სიმართლე! ქრისტეს კი უყვარდა. შოლტს აიღებდა და ეკლესიას იმითი სწმენდდა. ბევრი სასტიკი სიმართლისმთქმელი იყო მისი შოლტი. რომ ამბობდა, - გიყვარდეთ ბავშვებიო, - შთამომავლობით კი არ არჩევდა ერთმანეთში. ქრისტესთვის ერთი იყო ბარაბასა და მეფე იროლის შვილი. უმანკოება, ბატონო, თავისთავად გვირგვინი არის; უმანკოება

შთამომავლობას არ საჭიროებს და ერთნირად დიდებულია, კონკეშია გახვეული თუ სამეფო სამოსელში.

- ეგ მართალია, - თქვა ეპისკოპოსმა ხმადაბლა.

- ლუი მეჩვიდმეტე მომახალეთ პირში, - განაგრძო კონვენტის წევრმა. - თუ ყველას გლოვობთ, ვინც უდანაშაულოდ მოუკლავთ ან უნამებიათ, განურჩევლად შთამომავლობისა, მეც თქვენთან გახლავართ. ოღონდ, მოგახსენებთ და კიდევ ვიტყვი, ისიც გავიხსენოთ, რა ხდებოდა ოთხმოცდაცამეტამდე? რამდენი ხანია საგლოვი ლუი მეჩვიდმეტემდე? ის კი გავიწყდებათ? მე თქვენთან ვიგლოვებ მეფის შვილს, ოღონდ თქვენც ჩემთან იგლოვებთუ ხალხის შვილები.

- მე ყველას ვტირი, - თქვა ეპისკოპოსმა.

- თანასწორად! - შეჰყვირა მოხუცმა, - და, თუ უნდა დაიწიოს სასწორმა, დაე, სწორედ ხალხისკენ დაიწიოს. უფრო დიდი ხანია, რაც ხალხი იტანჯება.

კვლავ სიჩუმე ჩამოვარდა, რომელიც ისევ მოხუცმა დაარღვია. წამოიწია, იდაყვზე დაეყრდნო, მსაჯულთა და გამომძიებელთა ჩვეულებისამებრ ცერსა და მოკაკულ სალოკ თითს შუა ლოყა დაიჭირა და მომაკვდავის ენერგიით სავსე თვალებით დააშტერდა ეპისკოპოსს. შემდეგ უკვე აღგზნებულმა განაგრძო:

- დიახ, ბატონო, დიდი ხანია, რაც ხალხი იტანჯება. მაგრამ ეგ არაფერი. ეს მიბრძანეთ, რა გნებავთ ჩემგან? რად მობრძანდით და რად დამიწყეთ ლუი მეჩვიდმეტეზე ლაპარაკი? მე თქვენ არ გიცნობთ. მას შემდეგ, რაც აქ გახლავართ, სრულიად მარტო, ამ ქოხს არ მოვმორებივარ, ადამიანი არ მინახავს ამ ბაღის გარდა, ეგ მეხმარებოდა. მართალია, თქვენმა სახელმა მოაღწია ჩემამდე და თქვენდა სასახელოდ უნდა მოგახსენოთ - ვინც კი გახსენებთ, კარგად და კურთხევით გახსენებთ, - მაგრამ ეგ არაფერს ამტკიცებს: მოხერხება ჰქონდეს კაცს, თორემ ხალხისთანა ადვილად მოსატყუებელი არა არის რა. მართალია, თქვენი ეტლის ხმა ვერ გავიგონე, ჭალასთან დააყენებდით, უეჭველია, გზის დასახვევში. დიახ, კიდევ მოგახსენეთ, მე თქვენ არ გიცნობთ. წედან მიბრძანეთ, ეპისკოპოსი ვარო; ძალიან კარგი, მაგრამ მე ეგ სიტყვა არას მეუბნება. თქვენი თანამდებობა კი არა, ზნეობრივი პიროვნება მაცნობეთ. ერთი სიტყვით, განმეორებით გეკითხებით: ვინ ბრძანდებით? ეპისკოპოსი, ესე იგი, სულიერი მეფე, მდიდარი და წარჩინებული. დინის საეპისკოპოსო შემოსავლით სწორედ რომ მეფურად იცხოვრებს კაცი, - სამეფო პალატებში გამოიჭიმება, მრავალ მზარეულსა და შინაყმას იყოლიებს, წინ მსახურს გაიძლოლიებს და უკან - მთელ ამალას, ოთხშაბათ-პარასკევს ხოხობს შეექცევა და ფეხს არ გადმოდგამს სამეფო გვირგვინით შემკული ეტლიდან. ეპისკოპოსი - მოადგილე იმ ქრისტესი, რომელიც ფეხშიშველა დადიოდა. ეპისკოპოსი ბრძანდებით. დიდი შემოსავალი, სასახლე, ეტლები და ცხენები, ტკბილი საჭმელ-სასმელი, საამური ცხოვრება. ღმერთმა შეგარგოთ, მაგრამ ამით მე თქვენ ვერ გავიცნობთ. თქვენს შინაგან ღირსებას ვერ ვხედავ. თქვენ ხომ იმ განზრახვით ინებეთ მობრძანება, რომ თქვენი სიბრძნე ჩაგვეგონებინათ მომაკვდავი ცოდვილისათვის. მაშ, ვინა ბრძანდებით? ვის ველაპარაკები?

ეპისკოპოსმა თავი დალუნა და მიუგო:

-

ვგრმის სუმ

- ეტლით მოსიარულე მინის მატლი? - შეჰყვირა მოხუცმა.

კონვენტის წევრის რიგი იყო. ის მედიდურად ეკითხებოდა და ეპისკოპოსი თავმდაბლად პასუხობდა.

- ავრე იყოს, ბატონო, - დაიწყო მირიელმა მოკრძალებით, - ოღონდ მიბრძანეთ, რით ამტკიცებს ჩემი ეტლი, ავრე ჭალასთან რომ გავაჩერე, რომ სიბრაღული სათნოება არ არის? რით ამტკიცებს ჩემი სასახლე, ჩემი დიდი შემოსავალი და ოთხშაბათ-პარასკევს დაკლული ხოხობი, რომ შენდობა ჩვენი მოვალეობა არ არის და ოთხმოცდაცამეტი შემადრწუნებელი არ იყო იმოდენი სისხლის ღვრით?

მომაკვდავმა შუბლზე ხელი გადაისვა, თითქოს ღრუბლის მოშორებას ცდილობსო.

- ვიდრე მაგის პასუხს მოგახსენებდით, - მიუგო მოხუცმა, - უმორჩილესად გთხოვთ, მაპატიოთ. შევცდი, ბატონო. თქვენ ჩემთან ბრძანდებით, ჩემი სტუმარი ხართ და ამას არ უნდა ვივინყებდით. თქვენ ჩემს აზრებს ეწინააღმდეგებით; მეც უნდა ვცდილობდე პასუხი გავცე თქვენს მსჯელობას და ჩემი დაგიმტკიცოთ. თქვენი სიმდიდრე და ფუფუნება უპირატესობას მაძლევს, მართალია, მაგრამ კარგი იქნებოდა არ მესარგებლა ამ უპირატესობით. ახლავე დაგპირდებით, რომ შეცდომას აღარ გავემეორებ.

- გმადლობთ, ბატონო, - დაუმაღლა ეპისკოპოსმა.

მოხუცმა დაიწყო:

- მამ, დაუბრუნდეთ იმ კითხვას, რომლის ახსნას წელან მთხოვდით. სად ვიყავით? დიახ, იმას მიბრძანებდით, ოთხმოცდაცამეტი წელი შემადრწუნებელი იყოო.

- დიახ, ბატონო, რას მეტყვიოთ მარაბზე, რომელიც ემაფოტთან იდგა და კაცის კვლას ტაშს უკრავდა?

- რას იტყვიოთ ბოსუეზე, რომელიც - დიდება შენდა, ღმერთო, - გალობდა, როდესაც პროტესტანტებს უღელტდნენ?

პასუხი უკმეხი იყო და მახვილის წვერით შიგ გულში დაესო ეპისკოპოსს. შეკრთა, სათქმელი ვერ მოახერხა. ეწყინა ავრეთვე ბოსუეს ამგვარი ხსენება. საუკეთესო კაცებსაც ჰყავთ თავიანთი კერპები და ნაწყენი დარჩებიან, როდესაც საკადრისი პატივისცემით არ უხსენებენ მათ.

ძლივსდა სუნთქავდა მომაკვდავი. სულთმობრძავს ქოშინი ერეოდა და ხმას უწყვეტდა. მაგრამ ჯერ კიდევ ჭეშმარიტი და ნათელი სული იხატებოდა მის თვალთახედვაში.

- ერთი-ორი სიტყვა კიდევ და მეტს ვეღარ შევძლებ. მთლიანად რომ განსაჯოთ, რევოლუცია აღამიანის უფლებათა აღიარება და დამტკიცებაა, ოთხმოცდაცამეტი კი, საუბედუროდ, დარღვევა იყო. რევოლუცია შემადრწუნებელიაო, ბრძანეთ, მაგრამ სახელმწიფო უკეთესი იყო? კარგი ყაჩაღი იყო, მაგრამ მონრეველს რას უნოდებთ? გაიძვერა იყო ფუკიე-ტენვილი, მაგრამ ლამუანონ-ბავილზე რაღას მიბრძანებთ? საზიზღარია მაიარი, მაგრამ სოლტავანი უკეთესი იყო? სასტიკი მხეცი იყო „მამა დუშენი“, მაგრამ მამა ლეტელიემ რაღას ბრძანებთ? უურდანი მტარვალი იყო, მაგრამ მარკიზ დე ლუვეუა კიდევ უარესი. ეჰ, ჩემო ბატონო, ძალიან მებრალება დედოფალი მარიამ-ანტუანეტა, მაგრამ ის უბედური დედაც მებრალება, რომელიც, აქაო და ჰუგენოტი ხარო, 1685 წელს წელამდე გაათიტვლეს, ბოძზე გააკრეს და შორიახლო თავისი შვილი დაუყენეს; ძუძუ რძით ევსებოდა საწყალს და გული -

ვაგებით; დამშეული ბავშვი დედას ხედავდა, ძუძუს ეტანებოდა და საზარლად გაჰკიოდა; ჯალათი კი ჩასციებოდა, უარი ეთქვა თავის სარწმუნოებაზე - დიახ, ან ერთი უნდა გავწირა, ან მეორე; ან შვილისათვის უნდა ელალატა, ან სინდისისათვის - ამაზე რაღას ბრძანებთ, ბატონო, ამ ტანტალოსის მსგავსად წამებულ დედაზე? ეს რად გავიწყდებათ, ბატონო, რომ საფრანგეთის რევოლუციას თავისი გამომწვევი მიზეზები ჰქონდა? მომავალი სამართლიანად აღიარებს მის მრისხანებას, რევოლუციის შედეგი - ქვეყნის გაუმჯობესება იყო. რაც უნდა საშინელი ყოფილიყო მისი მრისხანება, საფუძვლად მაინც კაცობრიობის სიყვარული ედო. მაგრამ კმარა! მოკლედ მოვჭრი, რადგან უპირატესობა ჩემი ვახლავთ. ვკვლები კიდევ.

თვალი მოაშორა ეპისკოპოსს და ამ მშვიდობიანი სიტყვებით დაამთავრა თავისი ფიქრები:

- დიახ, პროგრესის უხეშობას რევოლუციას უწოდებენ; დამთავრდება მოძრაობა და ყველასთვის ცხადი ხდება, რომ აღამიანმა წინ წაინია, თუმცა კარგი მათრახიც მოხვდა.

მოხუცი კარგად ხედავდა, რომ ეპისკოპოსს თანდათან აცლიდა სიმბერებს და ეგონა, უკანასკნელიც გამოეცალა. მაგრამ მირიელს ეს კიდევ შერჩენოდა და ამ უკანასკნელ და უმაგრეს საბუთზე დაამყარა მისმა უსამღვდელოესობამ თავისი კითხვა, რომელშიც წელანდელი მრისხანება გამოსჭვიოდა:

- პროგრესს ღმერთი უნდა სწამდეს. კარგს არ შეიძლება მსახურად ავი ჰყავდეს. კლდეზე გადასჩეხავს კაცობრიობას ის წინამძღვარი, რომელსაც ღმერთი არა სწამს.

ხალხის მოხუცმა წარმომადგენელმა პასუხი არ გასცა. შეაფრუოლა, ცას ახედა და თვალს ცრემლი მოადგა. ცრემლი ნელ-ნელა უგროვდებოდა, როდესაც ვეღარ შეიკავა წამწამმა, გადმოსკდა და ჩამოყვითლებულ ლოყას დაედინა. მერე ისევ ცას დააშტერდა, ცოტა ხანს შემდეგ კი ეს სიტყვები წარმოთქვა ჩუმად, თითქოს თავის თავს ელაპარაკებოდა:

„შენ, იდეალო, შენ არსებობ მხოლოდ!“

ეპისკოპოსს რაღაც გამოუთქმელი თავზარი დასცა ამ სიტყვებმა.

მცირედი სიჩუმის შემდეგ მომაკვდავმა თითი აიშვირა ცისკენ და თქვა:

- უსარულობა არსებობს. აი, იქ არის. უსაზღვროს რომ თავისი „მე“ არა ჰქონოდა, ეს „მე“ იქნებოდა მისი საზღვარი და უსაზღვროება აღარ იქნებოდა. უსაზღვრო კი არსებობს, მამასადამე, თავისი „მეც“ აქვს და უსაზღვროს „მე“ არის ღმერთი.

მომაკვდავმა უკანასკნელი სიტყვები ისეთი მაღალი და ათრთოლებული ხმით წარმოთქვა, ისეთი აღგზნებული კილოთი, თითქოს ხედავს ვისმეო. თქვა და თვალები დახუჭა; დაიღალა, ძალა გამოეღია, ცხადი იყო, ამ ერთ წამს შეაღია რამდენიმე საათი, რომელიც კიდევ უნდა ეცოცხლა. ნათქვამი სიკვდილს უახლოვებდა. უკანასკნელი ჟამი მოახლოებულიყო.

ეპისკოპოსმა იგრძნო, რომ სიკვდილი უკვე თავს დასტრიალებდა კაცს და დაგვიანება აღარ შეიძლებოდა. სულიერი მოძღვარი თავისი მოვალეობის აღსრულებას შეუდგა. საყვედურით და მრისხანებით მოკული, უკვე უსაფუძვლოდ გრძნობდა ერთსაც და მეორესაც და მით უფრო უნდოდა ნუგემი ეცა მომაკვდავისათვის. დააცქერდა თვალდახუჭულს, ხელი დაადო უკვე გაყინულ გამხმარ ხელზე, დაინია სულთმობრძავისკენ და ჩასძახა:

- ეს უამი ღმერთს ეკუთვნის. ნუთუ სავალალო არ იქნება, რომ ჩვენმა გაცნობამ ამაოდ ჩაიაროს?

კონვენტის წევრმა თვალი გაახილა, სახეზე ჩრდილომოსილი სიდიადე აღბეჭდოდა.

- ბატონო ეპისკოპოსო, - დაიწყო მისუსტებული ხმით მოხუცებულმა, ძნელი სათქმელი იყო, რით იყო გამოწვეული ეს სისუსტე: სულიერი ღირსებით, თუ სულთმობრძავის უღონობით, - სიცოცხლე სწავლას, ფიქრს და დაკვირვებას შევალე. სამოცი წლისა გახლდით, როდესაც ჩემმა სამშობლომ მისმო და თავის საქმეში გარევა მიბრძანა. მეც დავემორჩილე, ბოროტებას ვხედავდი და შევებრძოლე. მტარვალობას ვხედავდი და ანდერძი ავუგე. ადამიანის უფლებათა პრინციპებს ვხედავდი და მაღლა აღვმართე თავისუფლების დროშა. სამშობლოს მტერი შემოსეოდა და განვდეგე. საფრანგეთს ემუქრებოდნენ და იარაღი ავისხი. მდიდარი არასოდეს ვყოფილვარ; ახლაც ლარიბი გახლავართ. სახელმწიფოს გამგეთაგანი ერთი მეც ვიყავი, ხაზინაში იმდენი ოქრო და ვერცხლი ვქონდა, რომ ბოძები შევუდგით - სიმძიმით კედლები არ დაინგრესო, მე კი დუქანში ვსადილობდი და ჯერზე ოცდაორ სუს ვხარჯავდი. დევნილთ ვშველოდი და განწირულთ ნუგეშს ვაძლევდი. მართალია, საკურთხეველს წმინდა სამოსელი ავაგლიჯე, მაგრამ იმიტომ, რომ სამშობლოს ჭრილობა შემეხვია. ყოველთვის ვეხმარებოდი კაცობრიობის სინათლისაკენ წინსვლელობას; რამდენჯერმე წინააღმდეგობა გაუწიე უმოწყალო პროგრესს. შემთხვევა მქონდა და რამდენჯერმე გამოვესარჩლე ჩემს მონინაღმდეგეთ, ესე იგი, თქვენ: ფლანდრში, პეტეგემში, სნორედ იქ, სადაც მეფეებს თავისი საზაფხულო სასახლე ჰქონდათ, მონასტერი გახლავთ; 1793 წელს მე რომ არ ვყოფილიყავი, ქვა ქვაზე აღარ იქნებოდა იმ მონასტერში. მე ჩემი მოვალეობა შეძლებისა და შეგნების კვალად შევასრულე; და მას შემდეგ დევნა დამიწყეს, როგორც მხეცს, სამშობლოდან გაძევება დამიპირეს, მასხრად ამიგდეს, ცილი დამწამეს, მწყევლეს, დამამცირეს, არ დამინდეს. აგერ უკვე რამდენიმე წელია, ვგრძნობ, რომ დიდი და პატარა, ყველა ზიზღით მიყურებს ჭადარით მოსილ ადამიანს; სანყალი უეციო ხალხის თვალში რაღაც დიდი მამის და შეჩვენებულად მივაჩნევიარ ღვთისა და ადამიანის წინაშე. თუმცა ჩემი დღენი ადამიანთა შორის სიყვარულისა და ძმობის სამსახურს მოვანდომე, დღეს სრულიად მარტო ვარ, მოძულებული და განდეგილი, ოთხმოცდაექვსი წლისა ვარ და ვკვდები. რას მიბრძანებთ, რა გნებავთ ჩემგან?

- თქვენი ლოცვა-კურთხევა, - უპასუხა ეპისკოპოსმა.

და მომაკვდავის წინაშე მუხლი მოიდრიკა.

როდესაც ეპისკოპოსმა თავი აიღო, დაინახა დიდების შარავანდელით მოცული მოხუცის სახე. მას უკვე განეტევებინა სული.

ეპისკოპოსი ღრმად ჩაფიქრებული დაბრუნდა შინ. მთელი ღამე ილოცა. მეორე დღეს რამდენიმე ცნობისმოყვარე თავხედი გამოელაპარაკა კონვენტის წევრის შესახებ. პასუხად ზეცა დაანახვა. მას შემდეგ უფრო სიყვარულით და ალერსით ეკიდებოდა ბავშვებს და ავადმყოფებს.

ყოველი გადაკრული სიტყვა „იმ საზიზღარი გ-ს“ შესახებ ღრმა საგონებელში აკლებდა ეპისკოპოსს.

ნურავინ იტყვის, რომ გ-ს გონებისა და დიდი სინდისის სხივი არ შეჭხებოდეს ეპისკოპოსის აზროვნებას და თავისი კვალი არ დაემჩნიოს მის ცხოვრებასა და ზნეობრივ სისრულეზე.

ბატონი მირიელის მიერ ყველასაგან გაკიცხულის ნახვა დაფარული არ დარჩა და ცოტაოდენი უკმაყოფილებაც გამოიწვია პატარა ქალაქში:

- აბა რა ეპისკოპოსის საკადრისი იყო ამგვარი მომაკვდავის სანახავად წაბრძანება, მისი მორტულების იმედი ხომ არა ჰქონდა. მგლის თავზე სახარებას წაიკითხავენ? არ იცოდა, რა ხალხია ეს რევოლუციონერები? რა უნდოდა, რომ მიდიოდა? იქნებ სურვილი ჰქონდა დაენახა, როგორ დაეპატრონება ემშაკი ცოლვილის სულს?

ერთმა ყბელის ჯიშის ქვრივმა, რომელსაც თავი ჭკუის კოლოფად მიაჩნდა, უკბილო ოხუნჯობაც კი გაუბედა ეპისკოპოსს:

- საზოგადოება დაინტერესებულია, როდის დაიხურავთ, თქვენო უსამღვდელოესობა, წითელ ჩაჩს.

- ჩემი რა მოგახსენოთ, ჩემო ბატონო და, თქვენ კი დღესაც გახურავთ, - მიუგო ეპისკოპოსმა.

თავი მეთერთმეტე
პატარა შეზღუდვა

ძალიან შეცდება, ვინც აქედან დაასკვნის, რომ მისი უსამღვდელოესობა კეთილმოვლენილი „ფილოსოფოს-ეპისკოპოსი“ ან „პატრიოტ-მოძღვარი“ იყო. გ-ს გაცნობამ და, შეიძლება ითქვას, მასთან სულიერმა შეთანხმებამ გააკვირვა ეპისკოპოსი და კიდევ უფრო ლმობიერი გახადა. მეტი არაფერი.

მართალია, მისი უსამღვდელოესობა პოლიტიკურ ცხოვრებაში არავითარ მონაწილეობას არ იღებდა, მაგრამ აქ ზედმეტი არ იქნება ორიოდ სიტყვით მოვიხსენიოთ, თუ როგორ მოიქცეოდა ეპისკოპოსი მირიელი, პოლიტიკას რომ გაპყლოდა. ამისათვის ცოტა უკან დაბრუნება მოგვიხდება.

რამდენიმე წლის ეპისკოპოსობის შემდეგ იმპერატორმა ბარონობა უწყალობა ბატონ მირიელს და ორიოდ სხვა მღვდელმთავარსაც. 1809 წლის 15 მკათაფეს, ღამით, პაპი დაიჭირეს. ნაპოლეონმა საფრანგეთისა და იტალიის ეპისკოპოსთა კრება დანიშნა პარიზში. ეს კრებული ღვთისმშობლის ეკლესიაში ბჭობდა და პირველად 1811 წლის თიბათვის 15-ს შეიკრიბა, კარდინალ ფუშეს თავმჯდომარეობით. ოთხმოცდათხუთმეტ ეპისკოპოსს შორის მირიელიც მიიწვიეს, მაგრამ ერთ კრებას დაესწრო მარტო და სამ თუ ოთხ კერძო მოლაპარაკებას: მირიელი ერთ-ერთი მივიწყებული, მთიანი მხარის ეპისკოპოსი იყო, მოყვასისთვის თავგანწირული, უბრალოდ ცხოვრობდა და ისეთ ჰანგზე აჟღერებდა თავის ჩანგს, რომ ხელს უშლიდა კრებულის ბჭობას. ეპისკოპოსი საჩქაროდ დაბრუნდა ღინში. რომ ჰკითხეს, აგრე მალე რად დაბრუნდითო, უპასუხა:

- მე მხოლოდ ხელს ვუშლიდი იმათ; რომ ვიტყვოდი რასმე, ისე ხვდებოდათ, თითქოს კარები გააღეს უცბად და გარედან ჰაერი შემოვარდა ოთახშიო.

მეორედ სხვა მიზეზი თქვა:

- ეჭვ, რას იზამთ? ისინი სუყველანი ბრწყინვალე თავადიშვილები ბრძანდებიან და მე კიდევ - გლეხი ვაქი.

მართალი ის გახლავთ, რომ მირიელი არ მოეწონათ. მიზეზად, სხვათა შორის, ამასაც ამბობდნენ: თურმე ერთ ეპისკოპოსთან მიუწვევიათ, რომ მისულა, განცვიფრებული დარჩენილა, არც დაუმაღლავს, პირიქით, წამოიძახა თურმე - რა არის ამდენი ავეჯი და მოსამსახურე? რა საათები, რა ხალიჩები, რა მოსაბეზრებელი უნდა იყოს ეს ყველაფერი. ღმერთმა დამიფაროს იმ ზედმეტი ქონებისაგან, რომელიც წამდაუნუმ ჩამძახებს ყურში: არის ხალხი, რომელსაც შია, სცივა, ბევრია ღარიბ-ღატაკიო!

სიტყვამ მოიტანა და უნდა ვთქვათ, რომ უგუნურება იქნება, შევიძულოთ ყოველივე ის, რაც ადამიანს ცხოვრებას უტკობს და განცხრომას ანიჭებს. ეს სიძულვილი ხელოვნების უარყოფა იქნებოდა. სასულიერო წოდებისათვის კი, თუ წარმომადგენლობა ან ზემო არ მოითხოვს, სწორედ საძრახისა განცხრომით ცხოვრება. ფუფუნებაში მყოფი სხვის ტანჯვას ვეღარ თანაუგრძნობს. მდიდარი მღვდელი სრული უაზრობაა. მღვდელი ღარიბებთან უნდა იმყოფებოდეს და განა შეიძლება, განუწყვეტილ, დღე და ღამე კაცი ეხებოდეს ყოველგვარ გაჭირვებას, ყოველგვარ სევდას, ტანჯვას, ადამიანის პიროვნების დამცირებას და შეურაცხყოფას, თვითონ კი არ მოედოს ეს უბედურება, როგორც მუშის ფეხს მტვერი ედება? განა წარმოსადგენია, ანთებულ საკირესთან იდგეს კაცი და არა სცხელოდეს? ბრძმედთან მუშაობდეს და ან თმა არ შეეტრუსოს, ან ხელი არ გაუშავდეს, ან არ გაოფლიანდეს? უპირველეს ყოვლისა, სიღარიბე გამოაჩინს, მონყალეა მღვდელი, და მეტადრე ეპისკოპოსი, თუ არა.

ეჭვი არ არის, ასე მსჯელობდა დინის ეპისკოპოსიც.

ნურავინ იფიქრებს, რომ ეპისკოპოსი თავის დროს იყო აყოლილი და მზა პასუხით ხვდებოდა უმთავრეს საზოგადოებრივ საკითხებს; თანამედროვე ღვთისმეტყველებით კამათში არც კი ერეოდა და გაჩუმებული იყო, როდესაც ეკლესიასა და მმართველობას შორის შუღლი რამე ჩამოვარდებოდა, მაგრამ რომ ჩაიციებოდა ვინმე, არ დამალავდა და აღიარებდა, რომ პაპის მომხრე უფრო იყო, ვიდრე პაპისაგან საფრანგეთის განთავისუფლებისა და რადგან სურათსა ვხატავთ და დამალვა არაფრისა გვინდა, იძულებული ვართ ისიც დავამატოთ, რომ არაფერში თანაუგრძნობდა ნაპოლეონს. 1813 წლიდან დაწყებული, სადაც კი ნაპოლეონის საწინააღმდეგო მოძრაობას გაიგებდა, თვითონაც მოემხრობოდა. ელბის კუნძულიდან რომ დაბრუნდა ნაპოლეონი, დინის ახლოს გაიარა; ეპისკოპოსმა არ ინება და არ ინახულა იმპერატორი; არ დაემორჩილა ბრძანებას და „ასი ღღის“ განმავლობაში განკარგულება არ მოახდინა თავის სამწყსოში, რომ იმპერატორი ნაპოლეონი მოეხსენებინათ წირვა-ლოცვის დროს.

ბატისტინეს ორი სხვა ძმაცა ჰყავდა. ერთი გენერალი იყო, მეორე პრეფექტი; ხშირი მიმოწერა ჰქონდა ორივესთან. პირველს ცოტა ხანს ემდუროდა, რადგან ნაპოლეონი რომ შემოვიდა საფრანგეთში, გენერალი ათას ორასი კაცით დაედევნა, მაგრამ ისე უხეიროდ, რომ ცხადი იყო, ნაპოლეონის მტრობა კი არა, დახმარება სურდა. მეორე ძმასთან უფრო ტკბილი დამოკიდებულება ჰქონდა; იგი დიდად პატიოსანი, ღირსეული კაცი იყო და, სამსახურიდან უკვე გამოსული, პარიზში ცხოვრობდა კასეტის ქუჩაზე.

ამგვარად, მის უსამღვდელოესობასაც მოუხდა ერთ დროს პოლიტიკურ ბრძოლაში ჩარევა და მისი სიმწრის გემოს გაგება. მიწინა ვნებათა ბრძოლამ ერთხანს

დაწრდილა მისი მარადისობითა და მადლით გატაცებული გონება. ამგვარ კაცს სრულიადაც რომ არა ჰქონდეს თავისი პოლიტიკური აზრი, სწორედ უკეთესი იქნებოდა. ცუდად კი არ ჩამოგვართვან ეს სიტყვა: ჩვენთვის პოლიტიკური აზრი სხვაა და პროგრესის შეგნება, პატრიოტულ-დემოკრატიული მისწრაფება, ხალხისა და კაცობრიობის სამსახური - სხვა. ჩვენს დროში ამის მეტი საფუძველი არა უნდა ჰქონდეს რა საზოგადოებრივ მოღვაწეობას. ჩვენ არ ჩავუღრმავდებით იმ საკითხებს, რომელნიც პირდაპირ არ შეეხებიან ამ წიგნის შინაარსს, ოღონდ ერთს ვიტყვი: უმჯობესი იქნებოდა ბატონი მირიელი ორლენანელთა მეფის მომხრე არ ყოფილიყო და მისი გონების თვალი ერთი წამითაც არ ასცილებოდა იმ წმიდათაწმიდას, ადამიანთა მღელვარებისა და ქიშპობის ზემორე მყოფს, რომელიც ნათელსა ჰყენს ქვეყანას და რომელსაც სიმართლე, მართლმსაჯულება და მონყალება ეწოდება.

მართალია, მირიელი ღმერთს პოლიტიკური ბრძოლისა და მოღვაწეობისათვის არ შეექმნა, მაგრამ გასამართლებელ საფუძველს ვუპოვიდით მის საქციელს, ნაპოლეონის წინააღმდეგობა რომ ადამიანის უფლებათა და თავისუფლების შელახვაზე დაემყარებინა და ამაყი და ძლიერ პრინციპული ბერი თავის ხელმწიფეს მაშინ შებრძოლებოდა, როდესაც იგი ძლევამოსილი იყო. ძლევამოსილის შებრძოლებას მოუწონებდით და დაცემულის, უკვე მისუსტებულის წინააღმდეგობა კი უნდა დაეუნუნოთ. ბრძოლა ჩვენ მაშინ გვიყვარს, როდესაც განსაცდელს ვხედავთ. ბრძოლის დამთავრება და დამარცხებულის შეკვრა და დატყვევება მხოლოდ იმას შეჰფერის, ვინც ბრძოლა დაიწყო; ვინც მკაცრად არ ამხილა გალაღებული მტარვალი, ხმას ნუღარ ამოიღებს, როდესაც მას დაცემულს ნახავს. ჩვენი აზრით, როცა განგება ჩაერევა საქმეში და დვენას დაუნყებს ვინმეს, უმჯობესია აცალოს მას. 1812 წლიდან დავიწყეთ ფარ-ხმლის დაყრა. 1813 წელს, როდესაც გარემოებათა ცვლილებით წაქეზებულმა ჩვენმა საკანონმდებლო კრებამ ძლივს გაბედა და ხმა ამოიღო ნაპოლეონის წინააღმდეგ, ტაში კი არ უნდა დაგვეკრა, უნდა აღვშოთებულიყავით; 1814 წელს, როდესაც მარშლებმა უღალატეს, სენატმა თავს ლაფი დაისხა და პირში აფურთხა იმას, ვისაც გუშინ ფეხებს უკოცნიდა და თავყანსა სცემდა, ჩვენ ვალდებული ვიყავით ზიზღით თვალი აგვერიდებინა; 1815 წელს, როდესაც ჰაერში უკვე ტრიალებდა სამშობლოს უბედურება, როდესაც საფრანგეთი უკვე თრთოდა მის საზარელ მოლოდინში და სუსტი ლანდივით მოჩანდა ნაპოლეონის წინ ვატერლოო, ჯარისა და ხალხის მიერ ბედისაგან განწირულის ხელმწიფედ მიღება - მტარვალობა რომ არ მიეღოთ მხედველობაში - სახუმარო საქმეს არ წარმოადგენდა და იმისთანა გულის კაცს, როგორც დინის ეპისკოპოსი იყო, უნდა ევრძნო უფსკრულის პირას მდგომარე, მაგრამ დიდი ერისა და დიდი ადამიანის ჩახვეული მდგომარეობა.

ამას თუ არ მივიღებთ მხედველობაში, ბატონი მირიელი ყოველთვის პატიოსანი, მართალი, თავმდაბალი და ღირსეული ადამიანი იყო. კეთილსა სთესდა და კეთილი სურდა. მღვდელი იყო, ბრძენი და ადამიანი; თვით მის პოლიტიკურ საქციელშიც კი, რომლის გამოც ჩვენ ასეთი სასტიკი საყვედური გამოვთქვით, მან უფრო მეტი ღმობიერება გამოიჩინა, ვიდრე თვითონ ჩვენ.

ქალაქის თვითმმართველობის შენობის მეკარედ თვითონ იმპერატორს დაეყენებინა ერთი მოხუცებული, აუსტერლიცის ბრძოლაში დაჭილდოებული ჯარისკაცი, ბრძოლის ველზე დაბერებული ნაპოლეონის არწივი. სანყალ კაცს ხშირად

წამოსცდებოდა ხოლმე ისეთი რამ, რასაც კანონი „მაცდუნებელს“ უწოდებდა და სჯიდა.

მას შემდეგ, რაც საპატიო ლეგიონის ორდენზე იმპერატორის პროფილის მაგივრად სამი შრომანი შემოიღეს, მოხუცი ვერ ასრულებდა ბრძანებას, ფორმის ტანისამოს აღარ იცვამდა; ახალი მედალი არ დამკიდონო, -მან სიამოვნებით, საკუთარი ხელით ამოიღო იმპერატორის სახე ჯვრიდან, რომელიც თვით ნაპოლეონისაგან ჰქონდა მიღებული და დატოვა ცარიელი ადგილი, მაგრამ სამი შრომანის გაკეთება კი ვეღარ შეძლო: - მოვკვდები და გულზე სამ ჯოჯოს არ დავკვიდებო, - იძახდა გაბრაზებული. მოხუცი ჯარისკაცი დაურიდებლად ლანძღავდა ლუი მეთვრამეტეს: „ის ქარებიანი ისა, რომ ფეხსაცმელიც კი ინგლისიდან მოაქვს, თითქოს ჩვენში ვერ შეუკვრავდნენ. პრუსიაში რად არ წაეთრევა? ჯანდაბას იმისი თავი და ტანი“. რაკი ლანძღავს დაიწყებდა, ლუისთან ერთად ინგლისსა და პრუსიასაც შეუკურთხებდა, რადგან მომავლდინებელ ცოდვად მიაჩნდა ქვეყნად მათი არსებობა. იმდენი ილანძლა, რომ ადგილი დაკარგა და ულუკმაპუროდ დარჩა ცოლშვილიანი კაცი.

ეპისკოპოსმა დაიბარა, რბილად დატუქსა და საეპისკოპოსოს მეკარედ დანიშნა.

მთელ ეპარქიაში ჭეშმარიტი მწყემსი და ყველას მეგობარი იყო ბატონი მირიელი.

იმდენი სიკეთე დასდო თავის სამწყსოს ეპისკოპოსმა ცხრა წლის განმავლობაში, იმდენი მადლი მოჰფინა, რომ დიდი და პატარა, ყველა თაყვანსა სცემდა წმინდა სულიერ მამას. ნაპოლეონის წინააღმდეგობაც კი აპატია ხალხმა; კეთილ, სუსტ ფარას, რომელსაც იმპერატორი გაღმერთებული ჰყავდა, თავისი ეპისკოპოსიც უყვარდა.

თავი მეთორმეტე

ეპისკოპოს მირიელის განმარტობა

ეპისკოპოსს თითქმის ყოველთვის თავს დასტრიალებს მრავალი მღვდელი სწორედ ისე, როგორც მხედართმთავარს - ჭაბუკი მხედრები. წმინდა ფრანსუა დე-სალმა სწორედ ამათზე ბრძანა - „შეუბუმბლავი მღვდელიო“. წარჩინებულს ფუტკარივით ეხვევიან წარჩინების მსურველნი. ძალა ჰქონდეს კაცს და ამაღლა თავისთავად გაუჩნდება. შეძლება ჰქონდეს კაცს და შინაყმანი თავისით ეახლებიან. მომავლის მბრძანებელნი ფარვანასავით თავს ევლებიან აწინდელს ბრწყინვალეებას; ყოველ ოდნავ გავლენიან ეპისკოპოსს თან ახლავს სემინარიელ ქერუბიმთა მთელი რაზმი, რომელნიც დარაჯად დასდგომიან საეპისკოპოსო სასახლის წესიერებას და მეტადრე მისი უსამღვდელოესობის ღიმილს. ეპისკოპოსის გულის მოგება იპოდიკვნად კურთხევის პირველ საფეხურზე დგომას ნიშნავს. რას იზამთ? ყველა თავისას ცდილობს. წმინდა მოციქულობა აღარა სწუნობს შემოსავლიან ალაგს.

როგორც ყველა სხვა წოდებას, ისე სამღვდელოებასაც ჰყავს თავისი დიდი ბოზობები. ეს გახლავთ მდიდარი, ფულისა და მამულის პატრონი, მოხერხებული, საზოგადოებაში მიღებული ეპისკოპოსები. ამ ბოზობებმა ლოცვაც იციან, რასაკვირველია, მაგრამ მოთხოვნა კიდევ უფრო კარგად ემარჯვებათ. როგორც თვითონ იმდაბლებენ თავს უმაღლესთა წინაშე, ისევე ამდაბლებენ მათთან მოსულთ და მთელი დღით ალოდინებენ წინა ოთახში, თითქოს სასულიერო წოდების პირნი კი

არა, დიპლომატები ბრძანდებიანო. მოხელენი არიან და არა მოძღვარნი. ბედნიერია, ვინც მათთან დაახლოებულია. ძალა ხელთა აქვთ და ვინც შეძლებს და თავს მოაწონებს, უხვად ურიგებენ შემოსავლიან მრევლს და საეკლესიო მამულებს. თვით დიდებისაკენ მიიწვევენ და თან მიჰყავთ თავიანთი ერთგულნი, როგორც მგეს - თავისი თანამგზავრნი. მათი ბრწყინვალეობა სხვისა ჰფენს მათ ამაღლას. მათი კეთილდღეობის ნასუფრალს ხელაპყრობილნი შესცივინებენ მსლებელნი. რაც მეტს შეიძენს პატრონი, მით მეტს არგუნებს შინაყმას. დაბოლოს, რომიც ხომ აქვეა. თუ ეპისკოპოსი მოხერხებულია, არქიეპისკოპოსობას იშოვის; თუ არქიეპისკოპოსი მოხერხებულია, კარდინალობას მიღწევს, ამავე დროს თქვენც უკან გაგიყოლიებთ. ჯერ კარდინალის მორჩილად იქნებით, მერე ომფორს შეიძენთ, საბჭოს წევრი გახდებით, პაპის შინაყმა, და ეგვეც თქვენი ყოვლად უსამღვდელოესობა; აქედან კარდინალამდე ერთი ნაბიჯიღა და კარდინალი ხომ შეიძლება პაპის ტახტზე აბრძანდეს? ევ კენჭისყრაზე არის დამოკიდებული და კენჭს ხომ, საითაც გნებათ, იქით გადააკორებინებთ. დღევანდელი კუნკულა ხვალ შეიძლება პაპის ტიარად იქცეს. ჩვენს დროში მეფედ გახდომა მართო მღვდელს შეუძლია, ისიც რა მეფედ? უმაღლესად! მერე რამდენ ოცნებას უნდა ასაზრდოებდეს სემინარია. რამდენ ბავშვს, რამდენ ახალ ნაკურთხ მღვდელს გაიტაცებს ბრწყინვალე მომავლის ფიქრი და მოლოდინი, რადგან დიდების წყურვილი მონოდებად იქცევა და იქნება გულწრფელად სწამდეს - დიდებისაკენ მისწრაფება მონოდება არის ჩემიო.

თავმდაბალი, ღარიბი, განმარტოებული ეპისკოპოსი მირიელი ბოხოლებში არ ირიცხებოდა. ეს იქიდან ჩანდა, რომ მის ირგვლივ ახლად ნაკურთხ მღვდლებს ვერ ნახავდით. პარიზშიც ხომ „არ მიიღეს“, როგორც უკვე ვთქვით. მომავლის მაძიებელს ერთსაც არ მოსვლია აზრად - ამ განმარტოებულ მოხუცს დავებლაუჭები, დიდებას ის მიმალწვევინებსო. მის ჩრდილში ოცნებით გაბერილი ერთი სოკოც არ ამოსულა, მისი დეკანოზები და მღვდლები ბატონი მირიელივით სათნო მოხუცები იყვნენ, ხალხის მოყვარე, ხალხის შვილნი, იმასავით თავიანთ სამწყსოში ჩამწყვედეულნი და თავიანთ წმინდა მოვალეობას ამჯობინებდნენ კარდინალობასაც და პაპობასაც. განსხვავება ის იყო მხოლოდ, რომ ეპისკოპოსი სრულქმნილი იყო და ეს მღვდელ-დეკანოზები კი - დამთავრებულნი. მის უსამღვდელოესობასთან მყოფი რომ წარმატებას ვერ ეღირსებოდა, ეს ცხადი იყო და დანიშნავდნენ თუ არა ახალგაზრდა მოძღვარს მის ეპარქიაში, მაშინვე სხვაგან გადასვლას და სხვა ეპისკოპოსთან სამსახურის ძებნას იწყებდა; ზოგი ექსში გადადიოდა, ზოგი - ომში, რადგან, ვთქვით და კიდევ ვიტყვით, ყველა იმას ცდილობს, რომ ვინმეს დაებლაუჭოს. წმინდანის ახლოს ცხოვრება სამშობი. შეიძლება განუკურნებელი სენი - სიღარიბე შეგვეყაროთ, ან სიძულვილი მლიქვნელობისა და ფარისევლობისა, რაც წარმატებისათვის ესოდენ აუცილებელია. ერთივე ვნახოთ, უარყოფამ გაგიტაცათ და თქვენს ოცნებას გადალატებინათ. ამიტომ, რომ ყველა გაურბის ამ მუნთან სათნობას, სწორედ ამით აიხსნება ეპისკოპოს მირიელის განმარტოებაც. ჩვენ წყვედიდით მოცულ საზოგადოებაში ვცხოვრობთ. წარმატებას მიაღწიე და ქვეყანა შენიაო. ააი, ყველაზე დიდი სიბრძნე, რომელსაც ყოველდღიურად გვასწავლის გახრწნილება.

სიტყვამ მოიტანა და ვთქვათ, ბილნი რამ არის ეს წარმატება. ბილნი იმით არის, რომ ყალბი მსგავსება აქვს ღირსებასთან და ამით ატყუებს ხალხს. ბრბოსათვის წარმატებას იგივე აზრი აქვს, რაც ჭეშმარიტ ღირსებას. წარმატება იმდენად ემსგავსება

ნიჭს, რომ ისტორიასაც კი ატყუებს. მაშ რას სჩივიან იუვენალისი და ტაციტუსი? წარმატებამ ყველა დაიმორჩილა ჩვენს დროში და თვით ფილოსოფიასაც კი შინამოსამსახურის ტანსაცმელი ჩააცვაო. მოახერხეთ წარმატება - აი თეორია. წარჩინებული ბრძანდებით, მაშ ღირსეული ბრძანებულხართ, ლატარიით მოიგეთ, მაშ ღირსი ყოფილხართ. ვინც თავისას გაიტანს, სათაყვანოც ის არის. ქედბედი დაგყოლიათ და სხვაც არა გინდათ რა, ბედი გქონდეთ, და ქვეყანა თქვენია. თუკი ბედნიერი ხართ, მაშ დიდებულად გალიარებენ. ხუთი-ექვსი მოღვაწე რომ გამოვრიცხოთ, რომელნიც სხვისა ჰყვენენ საუკუნეს, თანამედროვე ხალხის დანარჩენებისადმი თაყვანისცემა მხოლოდ სიბეცის შედეგია. მოვარაყებელი ოქროდ საღდება. არავინ დაგძრახავთ, ოღონდ მოახერხეთ და უდიდებულესთა შორის გამოიჭიმეთ. ბრიყვია ბებერი ნარცისი, რომელიც თავის თავს შესტრფის და ბრიყვს უკრავს ტაშს. ის უდიდეს ნიჭს, რომელიც ჰქმნის მოსეს, ესქილეს, დანტეს, მიქელანჯელოს ან ნაპოლეონს, ადვილად მიაკუთვნებს მას, ვინც მოახერხა და თავის მიზანს მიაღწია, სულერთია, რაც უნდა იყოს მისი მიზანი. იქნება ის უბრალო ნოტარიუსი, რომელსაც დეპუტატობისთვის გამოუკრავს ხელი; ვინმე ცრუ კორნელი, რომელსაც „ტირადატი“ დაუწერია; საჭურისი, ჰარამხანა რომ გაუჩენია; უბრალო ჯარისკაცი, შემთხვევით მთელი საუკუნისთვის ფრიად მნიშვნელოვანი ბრძოლა რომ მოუვია; აფთიაქის მოხელე, მუყაოს ძირი რომ დაუდვია წაღებისათვის ტყავის ნაცვლად და ამ წაღებით შეუმოსავს მთელი სამეფოს ჯარი და ნახევარი მილიონის პატრონი გამხდარა; მენვრილმანე, რომელმაც სისხლის ფასად ასარგებლა ფული და მილიონები შეიძინა, წუნკი ბერი, რომელიც ფეხს ულოკავდა დიდებულთ და ეპისკოპოსობას მიაღწია თუ უბრალო, დიდ მამულში გამდიდრებული მოურავი, ალბათ ფულის ყადრი სკოდნიაო - ფინანსთა მინისტრად რომ მიუწვევიათ... ყველა ამათ ხალხი გენიოსებად გამოაყხადებს, გუნდრუკს უკმევს და ფეხქვეშ გაეგება.

თავი მეცამეტე
რა სწამდა

ნუ დავაკვირდებით მის უსამღვდელოესობას მარადმორწმუნეობის თვალსაზრისით. ძლიერი სულის წინაშე თავი მოვიხაროთ და თაყვანი ვცეთ. მართალი ადამიანის სარწმუნოებას დაკვირვება არ უნდა. ამას გარდა, ოღონდ ადამიანი ყოველი სათნოებით იყოს შემკული, დაე, ნუ გაიზიარებს ჩვენს რწმენას.

რა აზრისა იყო სარწმუნოების დებულებასა და საიდუმლოებაზე? ეს მხოლოდ გულთამხილავს შეეხება და ის ჰკითხავს, როდესაც მის წინაშე წარდგება მიწიერისაგან განთავისუფლებული. ჩვენ მხოლოდ ის ვიცით დანამდვილებით, რომ სარწმუნოების გამოსარკვევი კითხვები თავის დღეში ფარისევლურად არ გადაუნწყვტია. ალმასს ხომ ლპობა არ შეეპარება. ეპისკოპოსს მეტი სწამდა, ვიდრე შეეძლო. „Credo in Patrem“ - იტყოდა ხოლმე ხშირად. იგი კეთილქმედებაში ჰპოვებდა იმ კმაყოფილებას, რომელსაც სინდისი სრულიად სჯერდება და რომელიც ჩუმად ჩაგვძახის - შენ ღმერთთან ხარ!

ეს კი უნდა აღვნიშნოთ, რომ ყველაფერზე, სარწმუნოებრივ ვალდებულებებზეც კი უფრო მეტად მოყვასი უყვარდა თვისი, სწორედ ეს მეტისმეტი სიყვარული აკვირვებდა იმ ვაჟბატონებს, რომელთაც ეგოიზმით გამსჭვალული ჩვენი დრო „ჭკვიანს“,

„დარბაისელს“ და „ნარჩინებულს“ უწოდებს. „მონანიებას ცდილობს, თორემ აგრე თავგანწირული არ იქნება ღარიბ-ღატაკთათვისაო“. რა იყო ეს უკიდურესი სიყვარული? წმინდა კეთილმოსურნეობა არა მარტო სულიერის, არამედ უსულოთა მიმართაც. ეპისკოპოსმა არც კი იცოდა, რა არის საძულველი. ყველა კაცს, თვით საუკეთესოსაც, დაფარული აქვს რაღაცა შეუბრალებლობა, რომელსაც ცხოველებთან ამულავნებს, არც ეს გრძნობა იცოდა დინის ეპისკოპოსმა, თუმცა ეს იშვიათი არ არის სასულიერო წოდებაში. ბრამინის აზრისა არ იყო, მაგრამ ეტყობოდა, უკვე დაჰფიქრებოდა ეკლესიასტეს სიტყვებს: ვინ იცის, სად მივა ნადირთა სული. ზნედაცემული და მახინჯი ვერ შეამფოთებდა მის სიყვარულით აღსავსე გულს. თითქოს ღრმად ჩაფიქრებული, ცხოვრების გარეთ ეძებს სიმახინჯის მიზეზს და თვით ღმერთისაგან მოელის განმარტებასო. როგორც ლინგვისტი ცდილობს ძველ ეტრატზე წაშლილი ნაწერის აღდგენას, ამგვარად უკვირდებოდა ეპისკოპოსი ბუნებაში ჯერ კიდევ არსებულ ქაოსს. ჩაფიქრდებოდა თავდავინწყებამდე და ხშირად უცნაურ რამეს წამოიძახებდა. ერთ დღილას ბაღში იყო და მარტო ეგონა თავი, თუმცა და უკან მისდევდა ფეხაკრეფით. უცბად შეჩერდა, რაღაცას დააცქერდა მიწაზე. უშველვებელი ბაბაჭუა იყო, შავი, ბალნიანი, საზარელი. ბატისტინემ ყური მოჰკრა ეპისკოპოსის სიტყვებს:

- რა შენი ბრალია, შე საბრალო არსებაე!

ბავშვობააო, იტყვიან. დიას, მაგრამ ეს არის ღვთაებრივი ბავშვობა სათნო ადამიანისა. იგივე ბავშვობა სჭირდათ წმინდა ფრანცისკ ასიზელსა და მარკუს ავრელიუსს. ერთხელ ეპისკოპოსმა ფეხი იღრძო, ჭიანჭველა რომ არ გაესრისა.

ასე ცხოვრობდა ეს მართალი ადამიანი. ხანდახან ბაღში ჩაიძინებდა და ისეთი სახე ჰქონდა, რომ არ შეიძლებოდა თაყვანი არ გეცა.

ამობდნენ, სიყმანვილები მეტად ახირებული, ფიცხი კაცი იყოო. მისი უსაზღვრო სიმშვიდე ბუნებრივი არ იყო. ეს გახლდათ შედეგი ფიქრისა და რწმენისა, რომელიც ნელ-ნელა უჯდებოდა გულში და ძირიანად უცვლიდა ბუნებას. როგორც წყალი გახვრეტს ქვას, წვეთ-წვეთად რომ სცემდეს, ისე ცვლის კაცის ხასიათს დაფიქრება და დაკვირვება. როგორც წყლისაგან დაღარულ ქვას ვეღარაფერი შესწორებს, ისე ვეღარაფერი გამოცვლის ამგვარად შექმნილ ხასიათს.

1815 წელს, მკონი უკვე ვაჭვით, სამოცდათხუთმეტი წლისა სრულდებოდა, თუმცა შეხედულებით სამოცისასაც ძლივს ჰკავდა. პატარა კაცი იყო; ცოტა არ იყოს, სიმსუქნე ეპარებოდა, ამიტომ ძალიან უყვარდა სიარული და დიდ მანძილს გადიოდა ფეხით. ჯერ ძალიან ჭარმაგად იყო. წელში ოდნავ მოხრილიყო, თუმცა ეს არაფერს ნიშნავს: გრიგოლ XVI ოთხმოცი წლისა მოღიმარი და სარივით სწორი იყო, მაგრამ, მიუხედავად ამისა, ძალიან ცუდი ეპისკოპოსი გახლდათ. მისი უსამღვდელოესობა კეთილმოვლენილი მოხდენილი, ლამაზი კაცი იყო, მაგრამ ისეთი მოსიყვარულე და თავაზიანი, რომ სილამაზეს ვერავინ ამჩნევდა.

ლაპარაკს რომ დაიწყებდა თავისი ჩვეულებრივი, ალერსიანი მხიარულებით, რომელიც ჩვენ უკვე აღვნიშნეთ, ყველას იზიდავდა და ატკობდა, თითქოს სიხარული გადმოსჩქეფესო, ყმანვილის ელფერი ედო, ერთიც არ აკლდა ბროლივით თეთრი კბილი, რაც სიცილს უმშვენებდა; შეხედულებით ერთი იმათაგანი იყო, რომლის შესახებ პატარაობისას „რა კარგი ბავშვიაო“ იტყვიან ხოლმე და სიბერეში - „რა ტკბილი მოხუციაო“. მკითხველს ეხსოვება, რომ ნაპოლეონსაც ამით მოეწონა. და

მართლაც, ერთი შეხედვით, მეტადრე მათზე, ვინც ჯერ არ იცნობდა, „ტკბილი მოხუცის“ შთაბეჭდილებას ახდენდა ეპისკოპოსი. მაგრამ ცოტა ხანი რომ დაჰკვირვებოდი და ღრმად ჩაფიქრებული გენახათ, ნელ-ნელა ფერს იცვლიდა ტკბილი მოხუცი და რაღაც დიდებულით იმოსებოდა; გაშლილ, მაღალ, თოვლივით სპეტაკი თმით შემკულ შუბლს სხივი ეფინებოდა. სიკეთით აღსავსე ძლიერად წარმოგიდგებოდათ და ამ ძლიერებას სიყვარულის ნათელი ადგა, თითქოს ფრთებს შლის და ღიმილი კი არ ეკარგებო. გამოუთქმელი რაღაც თაყვანისცემა გებადებოდათ გულში, იზრდებოდა, გულს გივსებდათ და გრძნობდით, რომ დიდსულოვანი, ძლიერი, ღმობიერი და მონყალეა ეს ადამიანი და მისი ფიქრი იმდენად მაღალი, რომ სიტკბოების მეტს არას შეიყავს.

როგორც უკვე ვთქვით, მთელ დღეს ლოცვას ანდომებდა, წირვას, მონყალებას, გაჭირვებულთა ნუგეშისცემას, ყვავილების მოვლას, ძმობას, მოკრძალებას, სტუმართმოყვარეობას, მოთმინებას, ნდობას, სწავლას და დაკვირვებას; მთელ დღეს კეთილ ფიქრებში, კეთილ სიტყვაში და კეთილ საქმეში ატარებდა. ღამეც, როდესაც ქალები ზევით ავიდოდნენ, ბაღში გადავიდოდა და რამდენიმე საათს იქ ატარებდა, ვიდრე ძილს დააპირებდა. თითქოს რაღაცა აკლდა იმ დღეს, როდესაც ავი დარი იდგა და ღამით ბაღში გასვლა არ შეეძლო. ჩვეულებად ჰქონდა, დასაძინებლად ფიქრით უნდა მომზადებულიყო დიადი სანახაობით მოჭედილი ცის ქვეშ. ხშირად შეუგვიანდებოდა ბაღში და, თუ არ ეძინათ, ქალებს მისი ნელი ნაბიჯი ესმოდათ. მარტო იყო ის თავის თავთან, ჩაფიქრებული, დამშვიდებული, სამყაროს თაყვანისმცემელი და თავისი გულის სიმშვიდეს ეთერის სიმშვიდეს ადარებდა; წყვილადმი მნათობთა ხილულ ბრწყინვალეობას, ღვთის უხილავ ბრწყინვალეობას უკვირდებოდა და თან სულს უშლიდა იმ ფიქრებს, რომელთაც უზენაესი ანიჭებდა. და როცა იგი გულს უშლიდა იმ წამს, როდესაც ღამით ყვავილები აფრქვევენ სურნელებას, როცა იგი ვარსკვლავებით გაკაშკაშებულ ღამეში ანთებული ლამპარივით აღგზნებული იდგა, როცა იგი ციური ძალით და თაყვანისცემით აღტაცებული შეჰხაროდა სანუთროს უსაზღვრო საიდუმლოებას, ამ დროს იქნება თვითონაც ვერ ეთქვა, რას გრძნობდა ან რას ფიქრობდა. გრძნობდა, რომ რაღაც შორდებოდა და უსაზღვროს უერთდებოდა; გრძნობდა, რომ რაღაც მასში ეშვებოდა უსაზღვროსაგან, - საიდუმლო ერთობა სულისა და ბუნების სიღრმისა. ღვთის სიღიაღზე და მის არსებობაზე ფიქრობდა; მომავლის მარადისობას უკვირდებოდა - ამ უცნაურ საიდუმლოებას; კიდევ უფრო უცნაური საიდუმლოება აინტერესებდა - წარსულის მარადისობა; სანუთროს უსაზღვროებასა და დაუსრულებლობას უკვირდებოდა; არ ცდილობდა გაუგებრის შეგნებას, ღმერთს არ შეისწავლიდა. მხოლოდ თაყვანსა სცემდა. ის უკვირდებოდა ატომების განსაკვიფრებელ შეერთებას, რომელიც ნივთიერებასა ქმნის, ძალას აღუდგენს მას, ერთგვარად აერთებს განკერძოებულთ, ურიცხვით ავსებს უსაზღვროს და სინათლის წყალობით მშვენიერებასა ქმნის. ხედავდა, რომ სიცოცხლე ატომთა შეერთებაა და სიკვდილი - შეერთებულთა დაშლა.

ხის სკამი ჰქონდა ბაღში, ჩამოჭდებოდა და გამტერებული შესქქროდა ვარსკვლავებით მოჭედილი ცის კამარას. ეს მტკავლისოდენა ბაღი, ხეხილის რამდენიმე ხითა და ყვავილებით შემკული და ქოხებითა და ფარდულებით

გარემორტყმული, მისთვის ძვირფასი იყო და სრულიად აკმაყოფილებდა მის მოთხოვნილებას.

ან რა უნდოდა მეტი ამ მოხუცებულს, რომელიც თავისუფალ დროს დღისით მებაღეობასა და ღამით დაკვირვებას ანდომებდა. განა საკმარისი არ იყო ეს პატარა შემოღობილი მიწა, რომელსაც ცა ჰქონდა ჭერად ღვთისა და მის უდიადეს ქმნილებათა სადიდებლად? მართლაცდა, განა ეს არა კმარა ადამიანისათვის? სხვა რაღა ინატროს გულმა? პატარა ბალი - სასეირნოდ და უსაზღვროება - საოცნებოდ; ფეხქვეშ - რასაც დასთეს და მოიყვან და ზევით - რასაც დაუკვირდები და დაუფიქრდები; რამდენიმე ყვავილი - მიწაზე და მთელი ვარსკვლავთ კრებული - ცაზე.

თავი მეთოთხმეტე
რას ფიქრობდა

ერთი უკანასკნელი სიტყვაც.

რადგან დინის ეპისკოპოსის ყოველი წერილმანი თვისების ჩვენგან ასე დაწვრილებით აღწერა, ჩვენს დროში მოდაში შემოსული სიტყვისა არ იყოს, „პანთეისტის“ ფიზიონომიას აძლევს მის უსამღვდელოესობას და ვინმეს, მირიელის საქებად ან საძრახისად, შეიძლება აფიქრებინოს, რომ როგორც მრავალ სხვას ამ საუკუნეში, ეპისკოპოსსაც ჰქონდა საკუთარი ფილოსოფია, რომელიც, განდევილთა ფიქრში აღმოცენებული, ვითარდება და იმდენად იზრდება, რომ სარწმუნოების ადგილს იჭერს, ამიტომ ვიტყვით, რომ ვინც კი ეპისკოპოსს იცნობდა, ამას ვერავინ იფიქრებდა. ამ ადამიანს მხოლოდ გული აცისკროვნებდა. მის სიბრძნეს შეიცავდა ეს გულიდან გადმოღვნილი შუქი.

სისტემებით კი არა, საქმით იყო იგი ძლიერი. ბნელი ფილოსოფია ხშირად თავბრუს ახვევს ადამიანს. მის უსამღვდელოესობას, რამდენადაც ვიცით, თავის დღეში გონება არ მიუხდვია აზოკალიფსისთვის. მოციქული შეიძლება გამბედავი იყოს, მაგრამ ეპისკოპოსს მოკრძალება მართებს. იქნება თავხედობადაც მიაჩნდა ღრმა დაკვირვება იმ დიადი საკითხებისა, რომელთა შეგნება და განმარტება კაცთა შორის დევგმირთ მართებთ. საშინელებას ფარავს წმინდა საიდუმლოების კარიბჭე, ღია არის ეს ბნელი კარი; მაგრამ რაღაც ჩაგძახით თქვენ, წუთისოფლის სტუმარს, რომ არ შეიძლება იქ შესვლა. ვაი მას, ვინც შეაღებს იმ კარს. წმინდა აზროვნებაში, განყენებულის თვალუწვდენელ სიღრმეში, რომელიც სარწმუნოების დებულებათა გარეშე არსებობს, ღვთის შეგნებას ეძებენ გენიოსები. თამამი კამათია მათი ლოცვა და შეკითხვა მათი თაყვანისცემა. ეს არის სარწმუნოება, რომელიც შვებას ვერ მოჰკვრის ადამიანს; ვაებითა და პასუხისგებით სავსე მათთვის, ვინც მათ შეუდგება.

უსაზღვროა ადამიანის ფიქრი. გაბედულებით აღსავსეა და თუმც მრავალ საშიშროებას მოეღოს, მაინც ბრწყინვალე რეაქციის ძალით ბუნებასაც კი აბრმავებს ადამიანი, - და ჩვენ ირგვლივ არსებული სანუთრო იმასვე გვიზღავს, რასაც ჩვენგან იღებს. იქნება ბუნებისათვის ჩვენც ისეთივე დაკვირვების საგანი ვიყოთ, როგორც ის არის ჩვენთვის.

ასე თუ ისე, არიან ქვეყნად ისეთი მაღლიანი ადამიანები, თუ შეიძლება მათი ადამიანად წოდება, რომელნიც ფიქრის შორეულ ჰორიზონტზე ცხადად ხედავენ ერთ არსებას და უსაზღვროების საზარელი მთები უდგებათ თვალწინ. მისი

უსამღვდელოესობა ამ კაცთაგანი არ გახლდათ. მირიელი კეთილმოვლენილი გენიოსი არ იყო. ის ერიდებოდა იმ სიმალეს, რომელმაც ჭკუაზე შეშალა მრავალი და ფრიად ძლიერნიც, როგორც, მაგალითად, სვედენბორგი და პასკალი. მართალია, ღრმა დაფიქრებას თავისი ზნეობრივი სარგებლობა აქვს და ამ საშინელი გზით უახლოვდება ადამიანი იდეალურ სისრულეს, მაგრამ ბატონმა მირიელმა უფრო მოკლე ბილიკი ირჩია - სახარება.

მისი უსამღვდელოესობა სულაც არ ცდილობდა წინასწარმეტყველი ყოფილიყო; არ ცდილობდა ნათელი მოეფინა წყვილიადით მოცული მომავლისათვის; რაიმე საგნის სინათლის ცეცხლის ალად გარდაქმნა არ უცდია, არაფერი ჰქონდა წინასწარმეტყველისა და მოგვისა. ამ მოკრძალებულ სულს უყვარდა და სიყვარულით იყო ძლიერი, მეტი არაფერი. შეიძლება ლოცვით გატაცებულს მეტიც ელოცოს, ვიდრე ადამიანის ძალთ არის, მაგრამ ისევე არ შეიძლება მეტისმეტი ლოცვა, როგორც არ შეიძლება ზედმეტი სიყვარული და თუ ლოცვა, რომელიც არ მოიძებნება საღვთო წერილში, წამება იქნება, მაშინ წმინდა ტერება და წმინდა იერემია მწვალებელნი იქნებოდნენ.

იხრებოდა ყველასაკენ, ვინც კვნესის და გოდებს. ქვეყანა ცრემლის ზღვად მიაჩნდა; ყველგან ტანჯვას, სნეულებას, ყველგან ჭირსა და ვარამს ხედავდა და გამოცანის გამოცნობას კი არა, წყლულის შეხვევასა და განკურნებას ცდილობდა. ქვეყნიური ვარამის საზარელი სანახაობა გულს უჩქროლებდა და სულ იმის ცდაში იყო, თვითონაც მიეღწია და სხვებისთვისაც ესწავლებინა უკეთესი შებრალება და ნუგეშისცემა. ამ კეთილი და იშვიათი მოძღვრისათვის ჩვენი ცხოვრება დაუშრეტელ უბედურებას წარმოადგენდა, რომელსაც მანუგეშებელი ეჭირვებოდა.

რამდენი კაცია, რომ ლითონიდან გამოზადნობი ოქროს გამრავლებას ცდილობს; ის სიბრაულელის გამრავლებას ცდილობდა და ლითონად ქვეყნიური ვაება ჰქონდა. ყველგან გაჭირვებას ხედავდა და ყველგან - შეიყვარეთ ერთმანეთით - ქადაგებდა. ეს იყო მისი სრული მოძღვრება და ამის მეტი არა უნდოდა რა. ერთხელ ჩვენმა უკვე ნაცნობმა სენატორმა, რომელსაც თავი ფილოსოფოსად მოჰქონდა, ეპისკოპოსს მოახსენა:

- ქვეყანას გადახედეთ, თქვენო უსამღვდელოესობავ. ნახეთ, რა ბრძოლა აქვს ატეხილი ყველას ერთიმეორესთან. ჭკვიანი ის არის, ვინც უფრო ძლიერია. შეიყვარეთ ერთმანეთით, რომ ბრძანებთ, სულელი იქნება, ვინც დაგიჯერებთ, რადგან დამარცხებული დარჩება.

ეპისკოპოსმა კამათი არ დაუწყო და მშვიდი ხმით უპასუხა:

- სულელიც რომ იყოს, სული შიგ უნდა ჩაიკეტოს, როგორც მარგალიტი ნიუარამში.

და მართლაც, შიგ იყო ჩამჭდარი, შიგ ცხოვრობდა, ამით კმაყოფილდებოდა; გვერდს უვლიდა იმ კითხვებს, რომელნიც იზიდავენ და ანკვიფრებენ ადამიანს; შორს იდგა აბსტრაქციის დაუსრულებელი პერსპექტივების, მეტათეზიკის უფსკრულისა და იმ ღრმა კითხვებისაგან, რომელთაც მოციქული ღმერთთან მიჰყავს და ღვთის უარმყოფელი - არარაობასთან: რა არის ბედი, ავი და კარგი, სულდგმულთა შორის ბრძოლა, ადამიანის სინდისი, ცხოველთა ჩათქრებული მცონარეობა, მიცვალება და აკლდამაში დაკრძალულ სიცოცხლეთა განახლება, არარაობა და არსება, ნივთიერება, სული, ბუნება, თავისუფლება, საჭიროება, - ყველა ის მძლავრი და შეუგნებელი კითხვებია, რომელთა გამოკვლევა კაცობრიობის მთავარანგელოზთა

ხვედრია, თვალუწვდენელი უფსკრულია, რომელსაც ლუკრეციუსი, მანუ, წმ. პავლე და დანტე ისეთი აღგზნებული თვალთ ჩასცქერიან, თითქოს ცდილობენ იმდენად დააკვირდნენ უსაზღვროს, რომ შიგ ვარსკვლავები გააჩინონ.

მონსინიორ მირიელი ის ადამიანი იყო, რომელიც ამ იდუმალ მოვლენებს შორიდან ადევნებდა თვალს და თავს არ იწუხებდა - ან ესწავლა, ან უფრო ახლოს მისულიყო. ურყევად იცავდა სულის სიმშვიდეს.

ნიგნი მეორე
დაცემა

თავი პირველი
სალამო, მთელი დღის სიარულის შემდეგ

1815 წლის ოქტომბრის თვის პირველ რიცხვებში, მზის ჩასვლამდე ერთი საათით ადრე, ერთი კაცი შევიდა პატარა ქალაქ დინში. ეს კაცი ფეხით მოგზაურობდა. ვინც კი იმ დროს ფანჯარაში იყურებოდა ან ქუჩის კართან იდგა, ყველა რაღაც ეჭვის თვალთ ათვალიერებდა ამ მგზავრს. ძნელი წარმოსადგენია, ასეთი უბედური შეხედულებისა სხვაც ყოფილიყო ვინმე. საშუალო ტანის კაცი იყო, ჯმუხი, მხარბეჭიანი, კარგი ვაჟკაცი, ასე ორმოცდაექვსი ან ორმოცდარვა წლისა იქნებოდა. თვალეზზე ჩამოფხატული ჰქონდა წინაფრიანი ტყავის ქუდი, რომელიც ნახევრამდე უფარავდა მზისგან დამწვარ მტვრიან და ოფლიან სახეს. სქელ, მოყვითალო საყელოსთან ვერცხლის დუგმით შეკრული ტილოს პერანგიდან ბალნიანი გული უჩანდა. ყელსახვევი ბანარავით ჰქონდა შეგრეხილი. ლურჯი, უბრალო, გახუნებული და გახეხილი შარვალი ეცვა, ერთ მუხლზე გადაქექილ-გადათეთრებული, მეორეზე დახეული. ერთი ძველი ლურჯი ხალათი ეცვა დაფლეთილი, იდაყვზე მწვანე მაუდი მსხვილი ძაფით ჰქონდა მიკონკეებული; ზურგზე ჯარისკაცის ჩანთა ეკიდა სრულიად ახალი, კარგად შეკრული და საკმარისად გატენილი; ხელში უშველეზელი ჯიბი ეჭირა; ფეხსაცმელი ნალიანი ეცვა ტიტველა ფეხზე. თავი გაკრეჭილი ჰქონდა და გრძელი წვერი.

ოფლი, სიციხე, ფეხით სიარული და მტვერი რაღაც საზარელ შეხედულებას აძლევდა ისედაც ჩამოფლეთილ მოგზაურს.

თმა ჯაგარივით ამვეროდა; ეტყობოდა, კაი ხნის გაპარსული იყო და ახლა მოზრდილი კი არ შეეკრიჭა.

ამ კაცს არავინ იცნობდა. მგზავრი უნდა ყოფილიყო, გამვლელი. საიდან მოდიოდა? სამხრეთიდან. იქნებ თვით ზღვისპირეთიდანაც, რადგან იმავე გზით შევიდა დინში, რომლითაც შვიდი თვის წინათ იმპერატორმა ნაპოლეონმა გაიარა, კანიდან პარიზისაკენ რომ მიდიოდა; ეტყობოდა მთელი დღე ევლო, ძალიან დაღლილს ჰგავდა. ძველ უბანში ქალებს ენახათ ეს კაცი: გასანდის ბულვარზე ხეებქვეშ გაჩერებულიყო და, ხეივნის ბოლოს რომ შადრევანია, წყალი დაელია. ალბათ ძალიან სწყუროდა, ბავშვები რომ დაედევნენ ბაზრის მოედნის შადრევანთან სულ ორასი ნაბიჯის მანძილზე, კიდევ ენახათ გაჩერებული წყლის დასალევად.

შუამვერის ქუჩის კუთხესთან რომ მივიდა, მარცხნივ შეუხვია და ქალაქის მერიისაკენ გაემართა. შევიდა შიგ და თხუთმეტი წუთის შემდეგ ისევ გამოვიდა. ქვის

სკამზე, კარებთან, უნდარმი იჯდა. მგზავრმა ქუდი მოიხადა და მოწინებით სალამი მისცა. 4 მარტს სწორედ ამ ქვის სკამიდან უკითხავდა ქალაქ დინის მოსახლეობის გააფთრებულ ბრბოს უჟანის ყურეში დანერილ პროკლამაციას გენერალი ღრუო. უნდარმმა სალამზე არ უპასუხა, ყურადღებით შეათვალიერა, ცოტა ხანს თვალი ადევნა და მერე მერიამი შევიდა.

ამ დროს დინში საუკეთესო სასტუმროდ „კოლბასის ჯვარი“ ითვლებოდა. მისი პატრონი, უაკენ ლაბარი, დიდად პატივცემული იყო ქალაქში, რადგან ნათესავი იყო იმ ლაბარისა, რომელსაც გრენობლში „სამი ბატონიშვილის“ სასტუმრო ჰქონდა. ნაპოლეონი რომ შემოვიდა საფრანგეთში, დიდი მითქმა-მოთქმა ატეხა „სამი ბატონიშვილის“ სასტუმრომ: ამბობდნენ, გენერალი ბერტრანი, მეეტლის ტანისამოსით გამონცობილი, იანვარში ხშირად დაიარებოდა ამ სასტუმროში, ჯარისკაცებს ჯვრებს ურიგებდა და მოქალაქეებს - ნაპოლეონის სახით მოჭრილ ოქროებსაო. სიმართლე ამ ხმებში ის იყო, რომ ნაპოლეონმა, გრენობლში რომ მივიდა, მერიის სასახლეში არ ინება დადგომა, დიდი მადლობა გამოუცხადა ქალაქის მერს და უთხრა: - ერთ კარგ, პატიოსან კაცს ვიცნობო, - და „სამი ბატონიშვილის“ სასტუმროში ჩამოხტა. გრენობლელ ლაბარის ამგვარი დიდება სხივსა შვენდა მთელი დღის სავალზე მყოფი დინელ ლაბარის „კოლბასის ჯვარს“. დინში ისე არავინ ახსენებდა ამ უკანასკნელს, რომ არ ეთქვათ - გრენობლელის ბიძაშვილიაო.

მგზავრი ამ საუკეთესო სასტუმროსკენ გაემართა. სამზარეულოში შევიდა, რომლის კარი პირდაპირ ქუჩაში გადიოდა. მშვენიერი ცეცხლი გუზგუზებდა ბუხარში. მასპინძელი იქვე ტრიალებდა და ხან ქვაბს ჩახედავდა, ხან - ქურას. საგანგებო სადილს უმზადებდა მგზავრ მეეტლეებს, რომელთა სიცილი და ხმამაღალი ლაპარაკი გამოდიოდა დარბაზიდან. ვისაც კი უმგზავრია, კარგად იცის, რომ მეეტლესავით კარგად პურს არავინა ჭამს გზაში. ბუხარში ერთი დიდი ზაზუნა ინვოდა გრძელ მამფურზე აგებული, გვერდებზე კიდევ როჭო ჰქონდა მიკრული და გნოლი. ლუმელზე ორი დიდი კობრი იხარშებოდა ლაზეს ტბისა და ერთიკ კალმახი, დ-ალოლოს ტბისა.

კარის გაღების ჭრიალის ხმაზე მასპინძელს ქურისთვის თვალი არ მოუშორებია, ისე ჰკითხა ახალმოსულს:

- რას ინებებთ, ბატონო?

- პურსა ვჭამ და დავიძინებ, - უთხრა მგზავრმა.

- ადვილი სამსახურია, ბატონო, - ამ დროს მან მოიხედა, მგზავრი თავით ფეხამდე აათვალიერა და დაუმატა:

- ფულით, რასაკვირველია.

მგზავრმა ჯიბიდან ერთი სქელი, ტყავის ქისა ამოიღო და თქვა:

- ფული მაქვს.

- მამ თქვენი მოსამსახურე გახლავართ.

მგზავრმა ქისა ჯიბეში ჩაიღო, ჩანთა მოიხსნა და იქვე კართან დადო, ჯოხი ხელთ შეერჩინა, მივიდა და ერთ პატარა დაბალ სკამზე დაჯდა ცეცხლის პირას. დინი მთაშია და ოქტომბრის საღამოს იქ უკვე ცივა.

მასპინძელი კი მიდი-მოდიოდა და მგზავრს ათვალიერებდა.

- ჩქარა იქნება სადილი? - ჰკითხა მგზავრმა.

- ახლავე, ახლავე.

სანამ მგზავრი თბებოდა, მის ზურგს უკან მდგომმა პატივცემულმა მასპინძელმა უკვე ლაბარმა ჯიბიდან ფანქარი ამოიღო, მაგიდაზე დაგდებულ გაზეთს ქალაქი შემოახია, ერთი თუ ორი სტრიქონი დანერა, დაკეცა და ისევ დაუბეჭდავი პატარა ბიჭს მისცა, რომელიც, ეტყობოდა, შეგირდიც უნდა ყოფილიყო და სუფრაზეც ემსახურებოდა. ყურში რაღაც უთხრა პატარას და ისიც შურდულივით გაექანა მერიისკენ.

მგზავრს არაფერი შეუნიშნავს.

ერთხელ კიდევ იკითხა:

- მალე იქნება სადილი?
- ახლავე, - უპასუხა ლაბარმა.

ბიჭი დაბრუნდა, ქალაქი უკან მოიტანა. მედუნემ საჩქაროდ გაშალა, ეტყობოდა, პასუხს ელოდა. ყურადღებით წაიკითხა, თავი გადააქნია და ერთ წამს ჩაფიქრებული იდგა. მერე მგზავრს მიუახლოვდა, რომელიც რაღაც შავ ფიქრებს გაეტყუა.

- მე თქვენ ბინას ვერ მოგცემთ.

მგზავრი სკამზე წამოინია.

- რატომ? იქნებ გემინიათ, რომ ფული არ მოგცემთ? გნებავთ წინდანინ მიიღეთ. აკი მოგახსენეთ, ფული მაქვს-მეთქი.

- საქმე ფული არ არის.
- მაშ?

- თქვენ ფული გაქვთ...

- დიახ, მაქვს.

- მე კი ოთახი არა მაქვს.

მგზავრი მშვიდად შეესიტყვა:

- თავლაში დამანვინეთ.
- არ შემიძლია.

- რატომ?

- ცხენებით არის გაჭედილი.

- სხვენზე დავწვები. ერთ ბენვა თივას როგორ ვერ მომცემთ? ეგ სადილის მერე მოხერხდება.

- ვერც სადილს გაჭმევთ.

ეს სიტყვები მშვიდად წარმოთქვა მასპინძელმა, მაგრამ ისეთი გადაჭრილი კილოთი, რომ მგზავრს დიდმნიშვნელოვნად ეჩვენა და ფეხზე წამოდგა.

- რა ვქნა? შიმშილით ვკვდები კაცი. მზე ამოვიდა და მეც წამოველ, თორმეტი ლიე გამოვიარე. ფულს გაძღვეთ. პური მშია.

- მე არაფერი მაქვს, - უთხრა ლაბარმა.

მგზავრს სიცილი წასკდა და ბუხრისა და ღუმლისკენ მიბრუნდა.

- არაფერი? ეს რაღაა?

- სულ გაყიდულია.

- ვინ იყიდა?

- ბატონმა მეეტლეებმა.

- რამდენნი არიან?

- თორმეტი.

- ამით თუნდაც ოც კაცს გააძღობთ.

- სულყოველათფერი იმათ იყიდეს და ფულიც წინასწარ მომცეს.

მგზავრი დაჭდა და ხმის აუმაღლებლად უთხრა:

- მე სასტუმროში ვარ, პური მშია და კიდევ დაფრჩები.

მაშინ მასპინძელი დაიხარა და ისეთი კილოთი ჩასძახა შიგ ყურში, რომ მგზავრს ურუნტელმა დაუარა:

- მომშორდით აქედან!

იმ წამს მგზავრი თავდახრილი იჭდა და თავისი რკინის წვეტიანი ჯოხით ნაკვერჩხალს ურევდა. ამ სიტყვებზე უცბად მობრუნდა, ის იყო პირი გააღო, უნდოდა რაღაც ეთქვა, რომ მასპინძელმა თვალი დააშტერა და ჩუმი ხმით უთხრა:

- აბა გამიგონე! კმარა ამდენი ყბედობა. გინდათ, თქვენი სახელი გითხრათ? თქვენ უნა ვალუჟანი ხართ. ახლა გინდათ ისიც გითხრათ, ვინა ხართ? აქ რომ შემოხვედით, რაღაც ეჭვმა გამიარა გულში. ბიჭი ვაფრინე მერიაში და აი რა მიპასუხეს. კითხვა იყო?

ამ სიტყვებთან ერთად ქალაღდის ნაგლეჯი გადაუშალა თვალწინ, ის ნაგლეჯი, რომელიც სასტუმროდან მერიაში გაიგზავნა და იქიდან უკანვე დაბრუნდა. მგზავრმა თვალი გადაავლო. ცოტა ხნის შემდეგ ლაბარმა უთხრა:

- მე ჩვეულებრივ ყველას ზრდილობიანად ვექცევი. ნადით აქედან.

მგზავრმა თავი დაღუნა. ჩანთა, რომელიც იქვე ეგდო, აიღო და ნავიდა.

დიდ ქუჩას გაჰყვა. თვითონაც არ იცოდა, საით მიდიოდა. თავდაღუნული, გულჩაკული, შერცხვენილი მისდევდა გზას. ერთხელაც არ მოუხედავს უკან. რომ მიეხედა, დაინახავდა, რომ „კოლბასის ჯვრის“ პატრონი კარის ბჭესთან დგას, გარს დარბაზიდან გამოსული მგზავრები ახვევია, ქუჩაში მყოფ ხალხს რაღაცას უამბობს გაცხარებული და თან მიმავალზე თითით უჩვენებს. უკან რომ მიეხედა და მიზლითა და სიძულვილით აღსავსე მისი მაყურებელი ხალხი დაენახა, დარწმუნდებოდა, რომ ერთ წამს ეღვასავით მოედებოდა ქალაქს მისი იქ ყოფნის ამბავი.

მგზავრს კი არაფერი დაუნახავს, სევდით მოკუღნი უკან აღარ იყურებიან. უამისოდაც კარგად იციან, რომ უკან თავისი შავბელი მისდევთ.

კარგა ხანს იარა ასე უცნობ ქუჩებში. დაავიწყდა დაღლილობა. ასე იცის სევდამ. უცბად საშინელი მწვავე შიმშილი იგრძნო. უკვე ღამდებოდა, მიიხედა-მოიხედა, იქნებ თავშესაფარი ვიპოვო საღმეო.

საუკეთესო სასტუმრო დაკვტილი იყო მისთვის. ერთ უბრალო ღუქანს ეძებდა, ღარიბულ თავშესაფარს.

სწორედ ამ დროს ქუჩის ბოლოში აინთო შუქი და ახალ დაბინდებულ ცის მკრთალ სინათლეზე გამოჩნდა რკინის ყავარჯენზე მიკრული ფიჭვის ტოტი. ახლა იქით გასწია.

მართლაც ღუქანი იყო, შაფოს ქუჩაზე რომ ღუქანია, ის.

ერთ წამს გაჩერდა მგზავრი და ფანჯრიდან შეიხედა პატარა, დაბალ დარბაზში; მაგიდაზე ერთი პატარა ლამაზ იღვა, ის და ბუხარი ანათებდა იქაურობას. რამდენიმე კაცი სვამდა. მეღუქენ თებებოდა. კერის თავზე ჯაჭვით დაკიდებული ქვაბი შიმინებდა.

ღუქანს ორი შესასვლელი ჰქონდა: ერთი - ქუჩიდან, მეორე - პატივით საცხე პატარა ეზოდან.

მგზავრმა ვერ შეხედა ქუჩიდან შესვლა. ეზოდან შეიპარა, ცოტა ხანი კიდევ შეჩერდა, მერე მოკრძალებით ძებნა რაზა და კარს მიანვა.

- ვინ არის? - დაიყვირა მეღუქნემ.

- დამშეული და დაქანცული.

- ძალიან კარგი. ვახშამს მოგართმევთ და მოგასვენებთ.

მგზავრი შევიდა. ვინც ღუქანში იყო, ყველა მობრუნდა. ერთი მხრიდან ლამპის შუქი სცემდა, მეორე მხრიდან - ცეცხლისა. ცოტა ხანს, ვიდრე ჩანთას მოიხსნიდა, ყველანი იმას შეჰყურებდნენ.

მეღუქნემ უთხრა:

- აი ცეცხლი. ვახშამიც მზადდება. მობრძანდით, გათბით, მეგობარო.

ბუხართან მივიდა, დაჯდა და დაქანცულობისაგან დაბუჟებული ფეხები ცეცხლს მიუშვია. ქვაბიდან სასიამოვნო სურნელება ამოდიოდა. მის სახეს, ჭირისა და ვაებისაგან დაღვრემილს, სიამოვნებამ გადააჰკრა.

სახე ტანჯული, მაგრამ ენერგიით სავსე და მაგარი ხასიათის კაცისა ჰქონდა. უცნაურ შთაბეჭდილებას ახდენდა მისი გამომეტყველება. პირველი შეხედვით დაბეჩავებული გვეგონებოდათ, მაგრამ რომ დააცქერდებოდით, სასტიკად მოგეჩვენებოდათ. ნამწამთ ქვემოდან ისე ელაჟდა მისი თვალები, როგორც ფიჩხქვემ - ცეცხლი.

ერთ იქ მყოფ სუფრასთან მჯდომ მეთევზეს, ვიდრე ამ ღუქანში მივიდოდა, ცხენი დაება ლაბარის თავლაში. ამ კაცს ჯერ კიდევ დილით შეხვედროდა ეს საზარელი შეხედულების მგზავრი ბრაასისა და, - სახელი დამავინყდა - მგონი, ესკუბლონს შუა, როცა წამოსწოდა, ეთხოვა ფეხით მომავალს, ძალზე დაღლილი ვარ და ცხენზე უკან შემომისვით. ამის პასუხად მეთევზეს მათრახი ეკრა ცხენისთვის. ამ ნახევარი საათის წინ რომ ხალხი ეხვეოდა ლაბარს, ეს მეთევზეც იმათ შორის იყო და თვითონაც უამბო დილის უსიამოვნო შეხვედრა „კოლბასის ჯვარელებს“.

მეთევზემ იცნო მგზავრი და მეღუქნეს ანიშნა. მასპინძელი მიუახლოვდა. მეთევზემ რამდენიმე სიტყვა წაუჩურჩულა. მგზავრი ღრმად ჩაფიქრებული იჯდა ცეცხლთან.

მეღუქნე კერასთან მივიდა, უცბად ხელი დაადო მხარზე მგზავრს და უთხრა:

- ადე, აიბარგე!

მგზავრი მიბრუნდა და ტკბილად ჰკითხა:

- ოჰ! თქვენც იცით?

- ვიცო.

- სასტუმროდან დამითხოვეს.

- აქედანაც გაგაგდებ.

- მერე სად წავიდე?

- საცა ვინდა.

მგზავრმა აიღო თავისი ჯოხი, ჩანთა და წავიდა.

გარეთ რომ გამოვიდა, ბავშვები დახვდნენ ქუჩაში, რომელნიც „კოლბასის ჯვარის“ სასტუმროდან დასდევნიდნენ და გარეთ ელოდნენ. რომ გამოვიდა, ქვა ესროლეს. გაბრაზებული მიბრუნდა უკან და ჯოხით დაემუქრა. ბავშვები ისე დაითანტნენ, თითქოს მტრედის გუნდს ქორმა გადაუქროლაო.

საპატიმროს წინ გაიარა. კარებზე რკინის ზარი ეკიდა, ჯაჭვი ჩამოჰკრა.

მეკარემ ფანჯარა გამოაღო.

- ბატონო მეკარე, - შევედრა მგზავრი და პატივისცემით ქედი მოუხადა, - ერთ ღამეს ვერ გამათევინებთ ციხეში?

მეკარემ უარი უთხრა:

- საპატიმრო ღუქანი კი არ არის. დავიჭირონ და მაშინ გავიღებთ კარს, - უთხრა და ფანჯარა მოუკეტა.

ერთ პატარა ქუჩაში შევიდა, რომელიც ორღობეს უფრო ჰგავდა, აქეთ-იქით ბალები იყო. ღობის მაგივრად ხერგული ჰქონდა ჩარიგებული და ეს მეტად ალამაზებდა ქუჩას. ბაღსა და ღობეს შორის პატარა სახლი ნახა, ერთსართულიანი; ფანჯრიდან სინათლე გამოდიოდა. შიგ შეიხედა, როგორც წყნად ღუქანში. დიდი ოთახი იყო კირით შეღესილი; ლოგინთან აკვანი იდგა, რამდენიმე სკამი ჩანდა, კედელზე ორღულიანი თოფი ეკიდა, შუა ოთახში სუფრა იყო გაშლილი. სპილენძის ლამპა ანათებდა თეთრ, სქელი ტილოს სუფრას, წვენით სახვე ობივიანი ბაღისა და ღვინით სახვე თუნუქის სურას, რომელიც ვერცხლივით ბრწყინავდა. მაგიდასთან ერთი მხიარული სახის კაცი იჯდა, ასე ორმოცი წლისა; მუხლზე ბავშვი შემოესვა და ათამაშებდა. გვერდით ცოლი, ყმანვილი დედაკაცი, ძუძუს ანოვებდა მეორე ბავშვს. ბავშვი იყინოდა, მამა ტკბებოდა, დედას ნეტარების ღიმილი ადგა სახეზე.

მგზავრი კარგა ხანს გატაცებული იდგა ამ ტკბილი და დამამშვიდებელი სანახაობით. რას ფიქრობდა? რას გრძნობდა? ამის პასუხს თვით იმის მეტი ვერავინ იტყოდა. იქნება იფიქრა, ამ მხიარულ სახლში სტუმართმოყვარეობაც ეცოდინებათ და, სადაც ამდენი ბედნიერება სუფევს, იქნებ სიბრაღელიც მოიპოვებოდესო.

სიფრთხილით, ოდნავ დააკაკუნა ფანჯარაზე.

ოთახში ვერ გაიგეს ხმა.

მეორედ დააკაკუნა.

დედაკაცის ხმა შემოესმა:

- ჩემო კაცო, მგონი ვიღაც არის.

- არავინაა. - უპასუხა ქმარმა.

მესამედ დააკაკუნა.

ქმარი წამოდგა. ლამპა აიღო, კართან მივიდა და გააღო.

მალალ-მალალი კაცი იყო; ხელოსანი უნდა ყოფილიყო, თუმცა, ეტყობოდა მეურნეობისთვისაც არ დაენებებინა ჯერ თავი. ტყავის წინსაფარი ეკრა, რომელიც მარცხენა მხარს უფარავდა, ტყავისავე ჯიბეში ჩაქუჩი ჰქონდა, წითელი ხელსახოცი, სათოფისწამლე და მრავალი სხვა იარაღი; ისე ჰქონდა ჯიბე გამოტენილი, რომ ქმარი ძლივს იმაგრებდა. თავი მალლა ეჭირა, ოდნავ უკან გადახრილი, საკინძე შეეხსნა და ხარივით მაგარი ტიტველი თეთრი კისერი უჩანდა. ხშირი წარბ-წამწამი ჰქონდა, გრძელი შავი წვერი, გაღმოკარკლული თვალები და წვეტიანი, წინ წამოშვებული ნიკაპი. მთელ სახეზე ის გამოუთქმელი გამომეტყველება აღბეჭდვოდა, რომელიც ამბობს, ჩემს სახლში ვარ, მისი ბატონ-პატრონიო.

- უკაცრავად გახლავართ, ბატონო, - უთხრა მგზავრმა. - ფული რომ მოგართვათ, ერთ კერძ საჭმელს ვერ მიბოძებთ და ამაღამ ბინას? ბაღში დავიძინებ, აი, იმ ფარდულში, თუ ღმერთი გნამთ, ფულს მოგართმევთ.

- ვინა ხართ? - ჰკითხა სახლის პატრონმა.

მგზავრმა უპასუხა:

- შუი მუასონიდან გეახლებით. მთელი დღე ვიარე, საშინლად დავიღალე. დიდი გზა გამოვიარე. ჰა, არ შეიძლება? ფულს მოგართმევდით.

- პატიოსან კაცს უარს არ ვეცევი, თუკი ფულს გადამიხდიდა. მაგრამ რატომ დუქანში არ მიხვალთ?

- ადგილი არა აქვთ.

- ეჰ, ეგ როგორ შეიძლება! დღეს ბაზრობა ხომ არ არის, რომ ადგილი არ იყოს. ლაბართან იყავით?

- დიახ.

- მერე?

მგზავრი შეყოყმანდა:

- არ ვიცი, არ მიმიღო.

- იმასთან იყავით, რა ჰქვია... შაფოს ქუჩაზე.

მგზავრი აირია და ძლივსლა ნაიბუტბუტა:

- არც იმან მიმიღო.

სახლის პატრონს ეჭვი აღეძრა. თავიდან ფეხამდე აათვალიერ-ჩაათვალიერა მგზავრი და უცბად შეჰყვიარა აღშფოთებულმა:

- შენ ის ხომ არა ხარ?

ერთხელ კიდევ გადახედა მგზავრს, უკან-უკან წავიდა, ლამაზ მაგიდაზე დადგა და კედლიდან თოფი ჩამოიღო.

შენ ის ხომ არა ხარო, - რომ დაიძახა, დედაკაცი ფეხზე წამოხტა, ორივე ბავშვი აიტაცა და უკან ამოფარა თავის ქმარს. გულგახეთქილი შესცქეროდა მგზავრს, გულჩამოღედილი, ათრთოლებული და ჩუმად იძახდა: - ეს მანანწალა, ესა.

ყოველივე ეს უფრო სწრაფად მოხდა, ვიდრე შეიძლება წარმოიდგინოს კაცმა. ცოტა ხანს უყურა სახლის პატრონმა მგზავრს, სწორედ ისე, თითქოს ჭრელ გველს უყურებო, მერე კართან მივიდა და უთხრა:

- გასწი აქედან!

- ღვთის გულისათვის, - შევედრა მგზავრი, - წყალი მაინც დამალევივით.

- ტყვიას დაგალევივინებ!

კარი მოკეტა საჩქაროდ და ორჯერ გადაატრიალა გასაღები. ერთ წამში ფანჯარა მოიხურა, დარაბა დაეშვა და რკინის საკეტის - ურდულის ხმა შემოესმა გარეთ მყოფ მგზავრს.

უფრო და უფრო ღამდებოდა. ალპების ცივი ქარი ქროდა, მიწურულ დღის სინათლეში ერთ ბაღში ქოხის მსგავსი რალაც დაინახა ბელტით აშენებული. გაბედულად გადავიდა ღობეზე და ბაღში შევიდა. ქოხს მიუახლოვდა. შესასვლელი დაბალი, ვიწრო ნახვრეტი ჰქონდა და იმ ფიცრულებს ჰგავდა, რომელთაც რკინიგზის დარაჯები იმენებენ გზის ნაპირას. იფიქრა, გზის დარაჯის ჯიხური თუაო. სიცივე ცალკე აწუხებდა, შიმშილი - ცალკე. შიმშილს კიდევ მოითმენდა, სიცივისაგან კი აქ დაითვარავდა თავს. იყოდა, რომ ამგვარ ქოხში, ჩვეულებრივ, ღამე არავინ არის. პირქვე დანვა და ისე შეძვრა შივ. იქ კი თბილოდა, თივაც ეგო. ცოტა ხანს ასე ეგდო თივაზე; ისე იყო დაქანცული, რომ განძრევა აღარ შეეძლო. მაგრამ ჩანთა აწუხებდა და რადგან ის ბალიშმდაც გამოადგებოდა, თასმის შესხნა დაიწყო. ამ დროს საშინელი ღრენა შემოესმა. შეხედა. შემოსასვლელის ჩრდილში ერთი უზარმაზარი ძაღლის დაღრენილი თავი გამოჩნდა.

ეს თურმე ძაღლის ხუხულა იყო.

თვითონაც ღონიერი და უშიშარი იყო. ერთ ხელში ჯოხი ეჭირა, მეორეში ფარად-ჩანთა და, როგორც იყო, გამოძვრა ძაღლის ხუხულიდან, მაგრამ აქა-იქ უფრო დაეხა ჭლანები.

ბალიდანაც გამოვიდა, სულ უკან-უკან იარა, რომ ქოფაკს არ ეკბინა და თან საკვირველი ხელოვნებით, მოფარიკავე ოსტატივით ათამაშებდა ჯოხს გამგელებული ძაღლის თვალწინ.

დიდი გაჭირვებით, როგორც იყო, ღობეზე გადავიდა. ისევ ქუჩაში იყო, უბინაო, უიმედო, მიუსაფარი, ძაღლისაგანაც კი გამოდევნილი. ქანცგანწყვეტილი დაეშვა ქვაზე და მწარედ წამოიძახა:

- ძაღლიც კი არა ვარ, მე უბედური!

ცოტა ხნის მერე წამოდგა და კვლავ გზას გაუდგა. ქალაქგარეთ გავიდა, მინდორში ხეს ან ზვინს ვიპოვი რასმე და თავს შევაფარებო.

კარგა ხანს იარა თავჩაქინდრულმა. როდესაც ივრძნო, რომ უკვე შორს იყო ადამიანთაგან, თავი მალლა აიღო, თითქოს რაღაცას ეძებო. დაცემულ, ოდნავ დაღმართიან მინდორზე იყო, ტრიალ მინდორზე, ყანა მოეჭრათ და მინდორი გაკრეჭილ თავსა ჰგავდა.

ცისკიდური სულ ჩაშავებულიყო - არა მარტო ღამის წყვდიადისაგან, არამედ ძირს დაშვებული ღრუბლების მიერ, რომელნიც დასწოლოდნენ ბორცვს და ზევით ზეცა დაეხნელებინათ. მაგრამ მთვარის ამოსვლის დროც ახლოს იყო. ზენიტზე ისევ მოჩანდა ბნიდის სინათლის ნაშთი. ზეცას თალივით მოსდებოდა ღრუბელი, საიდანაც პატარა სინათლე ეცემოდა დედამიწას.

დედამიწა უფრო იყო განათებული, ვიდრე ცა. ეს განსაკუთრებით მძიმე შთაბეჭდილებას ახდენდა. პატარა, საცოდავი ბორცვი ბუნდოვნად და მქრქალად მოჩანდა მოქურუხებულ ცის ტატნობზე.

თვალწინ გადაშლილი მთელი სურათი საზარელი, უბადრუკი, სევდით მოცული და სულის შემსუთველი იყო. მოტიტვლებული იყო მინდორი, ბორცვი. ერთადერთი ხე იდგა, იქვე, მგზავრის ახლოს და ისიც კანკალებდა იმ სიცივეში.

ცხადია, ამ კაცს არ გააჩნდა ჭკვიანი და გონებაგახსნილი ადამიანის ფაქიზი ჩვეულება, რომ შესძლებოდა ევრძნო ბუნების ამ სანახაობის იღუმალი მხარე. მაგრამ იმისთანა დაღვრემილი იყო ეს ცა, იმისთანა უდაბნო და უდაბური იყო ეს მინდორი და ეს ხე, რომ იმანაც კი ვერ შეძლო და ერთი წამის ფიქრის შემდეგ უცბად უკანვე გაბრუნდა. ხშირად მოხდებოდა ხოლმე, რომ ბუნებას კი მტრად ეჩვენებოდა ადამიანს.

შემდეგ უკანვე დაბრუნდა. ქალაქის კარი დაკეტილი დახვდა. სარწმუნოებრივი ომების დროს დინს რამდენჯერმე მოუხდა ბრძოლა და 1815 წელს ჯერ ისევ ძველი ქვითკირის კედელი ერტყა, ციხეებითა და კოშკებით გამაგრებული, დღეს უკვე დანგრეული. ერთ ადგილას გახსნილი აღმოჩნდა კედელი და ისევ ქალაქში შევიდა.

სალამოს რვა საათი იქნებოდა. რადგან გზები არ იყო, ქუჩაში ხეტიალს მოჰყვა.

მერიის კარებთან გაიარა, მერე - სემინარიისთან. საეპისკოპოსო მოედანზე ტაძარი რომ დაინახა, მუშტი მოუღერა.

მოედანზე ერთ კუთხეში სტამბა იყო. პირველად ამ სტამბაში დაიბეჭდა იმპერატორისა და მისი გვარდიის ჯარისადმი მიმართული პროკლამაციები. ამ ელბის კუნძულიდან მოტანილ პროკლამაციებს თვით ნაპოლეონი კარნახობდა მწერლებს.

ქანცგამოღეული და იმედმიხდილი მივიდა მგზავრი და სტამბის კართან ქვის სკამზე დანვა.

ამ დროს ერთი მოხუცებული ქალი გამოვიდა ეკლესიიდან. სკამზე გაშხლართული კაცი რომ დაინახა, მივიდა და ჰკითხა:

- აქ რას აკეთებ, მეგობარო?

მგზავრმა გაბრაზებით უპასუხა, უკმეხად:

- ვერა ხედავ, კეთილო ქალო, ძილს ვაპირებ.

კეთილი ქალი, მართლაც ღირსი ამ სახელისა, მარკიბ დე რ-ის მეუღლე იყო.

- ამ სკამზე?

- ცხრამეტი წელიწადია ცარიელ ფიცარზე ვგდივარ, - უპასუხა მგზავრმა, - და ერთ ღამეს ქვაზე ვერ დავიძინებ?

- ჯარისკაცი იყავით?

- დიახ, ჯარისკაცი.

- რატომ დუქანში არ მიხვალთ?

- იმიტომ, რომ ფული არა მაქვს.

- ვაიმე, ვაიმე! - შენუხდა მარკიზის მეუღლე, - რა ვქნა, რომ ოთხი სუს მეტი არა მაქვს?

- დაე, ოთხი სუ იყოს.

ფული ჯიბეში ჩაიღო მგზავრმა. ქალბატონმა დე რ-ომ განაგრძო:

- როგორ უნდა გაატაროთ მთელი ღამე? ალბათ გცივათ და გეშიებათ კიდევ.

სამადლოდ მაინც დაგაძინებენ.

- მე ყველა კარზე დავაკაკუნე.

- მერე?

- პანდურის ცემით გამომისტუმრეს.

„კეთილმა ქალმა“ მხარზე ხელი დაადო და მოედნის მეორე მხარეს საეპისკოპოსო სასახლის გვერდით ერთი პატარა, დაბალი სახლი დაანახა.

- მამ ყველა კარზე დააკაკუნეთ?

- დიახ.

- აგერ, იმ კარზეც?

- იქ არა.

- მამ იქ დააკაკუნეთ.

თავი მეორე

კეთილგონიერება სიბრძნეს აფრთხილებს

იმ საღამოს დინის ეპისკოპოსი ქალაქში სეირნობის შემდეგ კარგა ხანს უჯდა თავის ხელნაწერს „მოვალეობათა“ შესახებ, რომელიც, საუბედუროდ, დაუმთავრებელი დარჩა. გულდასმით ამოეწერა სულყველაფერი, რაც კი დანერილია წმინდა მამათაგან და ღვთისმეტყველების დოქტორთაგან ამ მნიშვნელოვანი საგნის შესახებ. თხზულება ორ ნაწილად იყო გაყოფილი: პირველში საზოგადოდ ადამიანის მოვალეობას ირკვევდა, მეორეში - თითოეული პიროვნების მოვალეობას იმ კლასის მიხედვით, რომელსაც ის ეკუთვნოდა. დიდი მოვალეობაა ადამიანის საზოგადო მოვალეობა. წმ. მათე ადამიანის ოთხ საზოგადო მოვალეობას ასახელებს:

მოვალეობას ღვთისადმი (მათე, VI), მოვალეობას თავისადმი (მათე, V, 29, 30), მოვალეობას მოყვასისადმი (მათე, VII, 12), მოვალეობას არსთადმი (მათე, V, 20, 25). რაც შეეხება კერძო მოვალეობათ, ეპისკოპოსმა სხვაგან ნახა ისინი მითითებული და მიწერილი: ხელმწიფეთა და ქვეშევრდომთა მოვალეობანი - ეპისტოლეში რომაელთა მიმართ; ცოლთა, დედათა და ყმანვილკაცთა მოვალეობანი - წმ. პეტრეს ნაწერში; ქმართა, მამათა, შვილთა და მსახურთა მოვალეობანი - ეპისტოლეში ეფესელთა მიმართ; მართლმორწმუნეთა მოვალეობანი - ეპისტოლეში ებრაელთა მიმართ; ქალწულთა მოვალეობანი - ეპისტოლეში კორინთელთა მიმართ... გულმოდგინედ ჰკრებდა წმ. მამათა ნათქვამს და უნდოდა ერთი ჰარმონიული თხზულება შეედგინა სულთათვის.

რვა საათზე ჯერ ისევ მუშაობდა. მუხლზე დიდი წიგნი ედო გაშლილი და პატარ-პატარა ოთხკუთხა ქალაღებზე წერდა. ამ დროს მაგლუარი შემოვიდა და განჭინდან ვერცხლეულობა გამოიღო. ცოტა ხნის შემდეგ, როცა იგრძნო, რომ სუფრა გაშლილი უნდა ყოფილიყო და ბატისტინე ალბათ ელოდებოდა, ეპისკოპოსი წამოდგა, წიგნი დაკეცა და სასადილო ოთახში გავიდა.

სასადილო ოთახი გრძელი იყო, ბუხრიანი, და, როგორც უკვე ვთქვით, ქუჩაში გამავალი კარით. ერთი ფანჯარა ბაღში გადიოდა.

მართლაც, მაგლუარს უკვე გაშლილი ჰქონდა სუფრა.

მაგლუარი თან სუფრას დასტრიალებდა, თან ბატისტინეს ებასებოდა.

სუფრას ლამაზა ანათებდა. მაგიდა ბუხართან იდგა. ბუხარში ცეცხლი გიზგიზებდა.

ძალიან ადვილია ამ მოხუცებულ ქალთა წარმოდგენა; სამოც წელიწადს გადაცილებულნი იყვნენ ერთიც და მეორეც. მაგლუარი პატარა ქალი იყო, ჩასუქებული, სიციხებით სავსე. ბატისტინე გამხდარი, ტკბილი, სუსტი, ძმაზე ცოტა უფრო მაღალი, აბრეშუმის თალხი კაბით მოსილი; ეს კაბა პარიზში ეყიდა 1806 წელს და ჯერაც ეცვა. მდაბიური სიტყვით რომ ვთქვათ - და მდაბიური იმით არის კარგი, რომ ერთი სიტყვით ახასიათებს საგანს, რომლის აღწერას ერთი ფურცელიც არ ეყოფა - მაგლუარს გლეხის დედაკაცის შეხედულება ჰქონდა და ბატისტინეს - ქალბატონისა. მაგლუარს თეთრი ნაოჭებიანი თავსაბური ეხურა, ყელზე ოქროს ჯვარი ეკიდა, მთელ სახლში ქალის ერთადერთი ოქროს სამკაული. შავი უხეში შალის კაბიდან თეთრი ხილაბანდი მოუჩანდა. კაბის სახელოები მოკლე და განიერი იყო. ბამბის ტილოს ჭრელი წინსაფარი მწვანე ბაფთით ჰქონდა შეკრული, ყვითელი წინდები ეცვა, როგორც მარსელში იციან, და ტლანქი ფეხსაცმელი. ბატისტინეს კაბა 1806 წლის მოღაზე იყო გამოჭრილი: ზედატანი მოკლე ჰქონდა, ქვედატანი - ვიწრო, განიერი, მრავალდუგმიანი სახელოთი. ჭალარა თმა დახუჭუჭებული პარიკით ჰქონდა დამალული. მაგლუარს ჭკვიანი სახე ჰქონდა, ცოცხალი და კეთილი. ზედა ტუჩი უფრო სქელი ჰქონდა, ვიდრე ქვედა. პირის ერთი მხარე ოდნავ აწეული ჰქონდა, რაც ერთი შეხედვით უხემ და მბრძანებლურ იერს აძლევდა ქალს. როდესაც მისი უსამღვდელოესობა გაჩუმებული იყო, მაგლუარი გაბედულად ელაპარაკებოდა, პატივისცემით, მაგრამ თავისუფლად. თუ ეპისკოპოსი რაიმეს უბრძანებდა, მაგლუარიც, როგორც უკვე ვნახეთ, ხმის ამოუღებლად ასრულებდა მის ბრძანებას. ბატისტინე არც კი ლაპარაკობდა. სულ იმის ცდაში იყო, ძმის სურვილი გაეგო და ყოველივე ისე მოეგვარებინა, რომ მირიელს თქმაც არ დასჭირვებოდა. ბატისტინე ისე მანვილებიც არ იყო ლამაზი; დიდრონი ცისფერი თვალები ჰქონდა, გრძელი

კეხიანი ცხვირი, მაგრამ გამოუთქმელი გულკეთილობა ეტყობოდა მთელ მის სახეს, მის არსებას. იგი ხორცშესხმული სიკეთე იყო, მაგრამ რწმენას, ქველმოქმედებას და იმედს - სამ სათნოებას, რომელნიც სულს აცხოველებენ - ეს სიკეთე სინმინდელ გარდაეჭმნათ. ბუნებას ბატისტინე კრავად გაეჩინა და სარწმუნოებას ანგელოზად შეეჭმნა. საბრალო წმინდანი ქალი! ტკბილი სახსოვარი, უკვე გამქრალი.

ბატისტინეს იმდენჯერ უამბნია საეპისკოპოსო სახლში იმ დღეს მომხდარი ამბავი, რომ დღესაც ბევრია ცოცხალი, რომელთაც ყველაფერი მშვენივრად ახსოვთ დანვრილებით.

ეპისკოპოსი რომ შევიდა, მაგლუარი გაცხარებული ლაპარაკობდა: ბატისტინეს უმტკიცებდა, შემოსასვლელ კარს საკეტი უნდა გავუკეთოთო. მაგლუარი ხშირად ატეხდა ხოლმე კარის დაკეტვაზე ბაასს და ეპისკოპოსის უკვე შერვეული იყო ამას.

ამ საღამოს, სავაჭროდ რომ ყოფილიყო ბაზარში, მაგლუარს რაღაც ხმებისთვის მოეკრა ყური. ვიღაც მანანწალაზე ლაპარაკობდნენ, ვიღაც საეჭვო შეხედულების კაცზე. ქალაქში შემოსულა და ვაი იმისი ბრალი, ვინც დაიგვიანებს და ღამე გარეთ დარჩებაო: შეიძლება შეხვდეს და ვინ იცის, რა მოხდესო! პოლიცია ხომ სრულებითაც არ ასრულებს თავის მოვალეობას, რადგან პრეფექტი და მერი გადაკიდებულნი არიან ერთმანეთზე და მოქალაქეთა სიკეთეს კი არა, მარტო ერთმანეთის ქიშპობას უნდებიანო... ასე რომ, ვისაც ხიფათისა ემინია, თავის თავს თვითონ უნდა უპატრონოს, ღობეები და ფანჯრები გაამაგროს და კარები ჩაკეტოსო.

უკანასკნელი სიტყვები მაგლუარმა მრავალმნიშვნელოვანი კილოთი თქვა, მაგრამ ეპისკოპოსს თავის ოთახში შესცივროდა და, გამოვიდა თუ არა, მაშინვე ბუხარს მიუჭდა, თავის ფიქრებში გაერთო, საკუთრივ მისთვის ნათქვამ სიტყვას ყურის ვერ მოჰკრა. მაგლუარმა თავისი არ დაიშალა და გაიმეორა. მაშინ ბატისტინე ჩაერია ლაპარაკში, უნდოდა ისე მოეხერხებინა, რომ არც მაგლუარს სწყენოდა ეპისკოპოსის უყურადღებობა და არც მირიელის სანყენი თქმულიყო რამე. თავის ძმას მიუბრუნდა და მოკრძალებით შეჰბედა:

- გესმით, ჩემო ძმაო, რას მოგახსენებთ მაგლუარი?
- დიახ, რაღაც გავიგე, ოღონდ ბუნდოვნად.

მერე ნახევრად მოიბრუნა სკამი, ორივე ხელი მუხლებზე დაიწყო, მხიარული, ალერსიანი თვალები დააშტერა მაგლუარს და ხუმრობით შესძახა:

- რა ვქნა, რა მოხდა, რა ამბავია? იქნება მართლა განსაცდელში ვართ?

მაგლუარი თავიდან მოჰყვა ამბავს და თავისდა უნებურად, ცოტა არ იყოს, გააზვიადა გავონილი. ქალაქში ვიღაც ბოშა დაეთრევა, ვიღაც მანანწალა, საშინელი შეხედულების კაცი, მათხოვარი, ავაზაკი, კაცის მკვლეელი. ყუკენ ლაბართან მისულიყო დასაძინებლად, მაგრამ ლაბარს არ მიეღო. გასანდის ბულვარზე გამოეგლო და ბინდისას ქუჩებში დანანწალედაო. იმისთანა შესაზარი სანახავია თურმე, რომ ადამიანი მსგავსს ვერას ნახავს. ხელში შეკრული ბოლჩა უჭირავსო.

- ნუთუ მართლა? - შეეკითხა ეპისკოპოსი.

ამ კითხვამ, ეპისკოპოსის ყურადღებამ, ფრთები შესახა მაგლუარს, ახლა კი მომხედა ღმერთმა და ეპისკოპოსიც შემინდაო.

- დიახ, თქვენო უსამღვდელოესობავ, - განაგრძო გახარებულმა მაგლუარმა, - ქვეყანა მოგახსენებთ, ამაღამ ქალაქში უბედურება რამ დატრიალდებაო. პოლიციის იმედი ნურავის გექნებათო (სასარგებლო გამეორება). გაგიგონიათ, გენაცვალეთ,

მთელ ქალაქში ერთი ფანარი არსად ანთია ქუჩებში, რომ ქრისტიან ადამიანს ღამე კარში გავსვლებოდეს. მერე ამისთანა მთიან ქვეყანაში. ჰჰოდა, იმას მოგახსენებდით, თქვენო უსამღვდელოესობავ, და აი ქალბატონიც იმასა გთხოვთ, რომ...

- მე აღარაფერს ვამბობ, ჩემო მაგლუარ, - შეაწყვეტინა სიტყვა ქალბატონმა, - მე ის მინდა, რასაც ჩემი ძმა ინებებს.

მაგლუარმა ისე განაგრძო სიტყვა, თითქოს ბატისტინე მართლა დამონშებოდეს:

- იმას მოგახსენებთ, თქვენო უსამღვდელოესობავ, რომ ფარღალა გახლავთ ეს სახლი და თუ ნებას მიბოძებთ, პოლენ მუზბუსთან გეახლებით, ზეინკალთან, და ვეტყვი, მოვიდეს და კარებს ძველი ურდულები გაუკეთოს. შენახული მაქვს და ერთი წუთის საქმე გახლავთ. ამაღამისთვის მაინც, თქვენო უსამღვდელოესობავ, რადგან ვინ იცის, რა მოხდეს? ერთიც ვნახოთ მოვიდეს და... თქვენ ხომ მაშინვე „მობრძანდითო“ დაუძახებთ. თანაც ღამე კარზე კაკუნს კი არ დაგვინწყებს, მოანვება და შემოვა.

ამ დროს ვილაცამ მაგრად დააკაკუნა კარზე.

- მობრძანდით, - დაუძახა ეპისკოპოსმა.

თავი მესამე

გმირობა ბრმა მორჩილებისა

კარი გაიღო.

უცხად ფართოდ გაიღო, თითქოს ვინმე გაბედვით და მთელი ძალ-ღონით მოანწავო.

ვილაც კაცი შემოვიდა.

ჩვენ უკვე ვიცნობთ ამ კაცს. ის მგზავრი იყო, რომელიც მთელ საღამოს დაძრწოდა და ბინას ეძებდა.

შევიდა, ერთი ნაბიჯი წაღვა და გაჩერდა. კარი ღია დატოვა, ჩანთა ზურგზე ეკიდა, ხელში ჯოხი ეჭირა; მკაცრი, გაბედულებით სავსე, დაღლილი, მხეცერი გამომეტყველების სახე ჰქონდა. სინათლე პირდაპირ სცემდა სახეში. საზარელი იყო, უბედურების მომასწავებელი ეს სტუმარი.

მაგლუარს ენა ჩაუვარდა პირში, თრთოლა და პირღია შესცქეროდა ამ მოჩვენებას.

ბატისტინე მობრუნდა, დაინახა ახალმოსული კაცი და შემკრთალი ზეზე წამოხტა; მერე, როგორც იყო, ბუხრისკენ გადაიხედა და თავის ძმას დაუწყო ცქერა. უყურებდა ეპისკოპოსს და თანდათან უწყნარდებოდა სახე.

ეპისკოპოსი დამშვიდებული სახით უყურებდა მგზავრს.

ის იყო უნდა ეკითხა კაცისთვის, რა გინდა, რისთვის მოსულხარო, რომ მგზავრი ორივე ხელით ჯოხს დაეჭინა, რიგრიგობით დაათვალიერა ეპისკოპოსი, ორივე ქალი და მაღალი ხმით თქვა:

- მოგახსენებთ. მე უან ვალჟანს მეძახიან. კატორღელი გახლავართ. ცხრამეტი წელი გავატარე კატორღაში. ოთხი დღეა გამათავისუფლეს, ახლა პონტარლიეში მივდივარ. ოთხი დღეა ტულონიდან მოვდივარ, დღეს ორმოცდარვა კილომეტრი გამოვიარე. ამ საღამოს, ქალაქში რომ შემოვფედი, დუქანში მივედი, მაგრამ გამომაგდეს, ჩემი ყვითელი პასპორტის გამო, რომელიც, რასაკვირველია, მერიაში წარვაღვინე. უამისობა არ შეიძლებოდა. ერთ დუქანში შევედი, გამომაგდეს, გასწი,

გაერთიანო; მეორეში შევედი, გამომაგდეს. არაუინ მინდომა, ბინა არ მომცა. საპატიმროში მივედი, არც იქ შემომხვეს. ძალოს სანოლოზე წავეგდე, ძალომა დამპბინა და გამომაგდო, თითქოს ისიც ადამიანი ყოფილიყოს, თითქოს იმ ძალომაც იცოდა ჩემი ვინაობა. მინდოროში გავედი, იქ დავიძინებ-მეთქი, ცის ქვეშ. ცა მოიღოებლა; ვიფიქრე, გაავდარდება, სად არის ღმერთი, რომ იმან მაინც შემობრალოს-მეთქი? და დავბრუნდი; მინდოდა კარებთან მიგვდებუღიყავ სადმე. აქ მოედანზე წავენქ ქვაზე. ერთმა კეთილმა დედაკაცმა დამანახა თქვენი კარი და მითხრა, იქ დააკაკუნეო. მეც დააკაკუნე. რა არის ეს სახლი? დუქანია? თუ დუქანია, მე ფული მაქვს. მთელი სიმდიდრე, ას ცხრა ფრანკი და თხოთმეტი სუ მაქვს ჯიბეში. ცხრამეტი წელიწადი ვიმეშავე კატორლაში და იქ ვიმოვე. ფულს მოგართმევთ. რა მოხდება, რა? ფული მაქვს. საშინლად დაღლილი ვარ, ორმოცდარვა კილომეტრი ფეხით გამოვდიარე, მთელი დღე მუხლი არ მომიკეცია და ძალიან მშია. შეიძლება დავრჩე?

- ერთი კერძი კიდევ, მაგლუარ-ქალო, - უბრძანა ეპისკოპოსმა.

მგზავრი წინ წამოადგა და ლამაზს მიუახლოვდა. გაკვირვება დაეტყო. ეეტყობოდა, ვერა გავეო რა.

- მოგახსენებთ, - დანიყო ხელმეორედ სტუმარმა. - აგრე არ გახლავთ საქმე. კარგად კი გაიგონეთ ჩემი ნათქვამი? კატორღელი ვარ-მეთქი, კატორღელი. კატორღიდან მოვდივარ.

ჯიბიდან ქაღალდი ამოიღო, ყვითელი ქაღალდი, და გამალა.

- აი ჩემი პასპორტი, ხომ ხედავთ, ყვითელი გახლავთ. ეს იმიტომ მაქვს, რომ სადაც მივალ, პანდურის კვრით გამომაგდონ. გნებავთ, წაიკითხეთ. წიგნი მეც ვიცი. კატორღაში ვისწავლე. სკოლა გახლავთ კატორღაში და, ვისაც უნდა, ასწავლიან. მოისმინეთ, აი რა ჩამიწერეს პასპორტში: „ჟან ვალჟანი, კატორღიდან განთავისუფლებული, დაბადებული სოფელ... - თქვენთვის რა საჭიროა, სადაური ვარ? - ცხრამეტი წელიწადი დაჰყო კატორღაში, ხუთი წელიწადი ქურდობის გამო, თოთხმეტი წელიწადი ოთხჯერ გაპარვის გამო. ძალიან მშიშარა კაცია“... აი ჩემი ვინაობა. ყველგან უარი მითხრეს, სახლში არაუინ შემომვა. თქვენა? თქვენც გამავდებთ? დუქანია ეს სახლი? პურს ვერ მაჭმევთ, ამალამ ვერსად დამაძინებთ? იქნებ თავლა მაინც გაქვთ?

- მაგლუარ-ქალო, - ბრძანა ეპისკოპოსმა, - ახალ ზენარს გაშლით სასტუმრო ლოგინზე.

ჩვენ უკვე ვთქვით, როგორი იყო ამ ქალთა მორჩილება, როდესაც ეპისკოპოსი ბრძანებდა რამეს.

მაგლუარი გავიდა ბრძანების შესასრულებლად.

ეპისკოპოსი მგზავრს მიუბრუნდა.

- დაბრძანდით, ბატონო, და გათბით. ახლავე ვახშმად დავსხდებით და ვიდრე პურს მიირთმევდეთ, ლოგინსაც გავიშლიან.

ახლა კი გაიგო მგზავრმა. აქამდე პირქუში და მკაცრი გამომეტყველება უცბად შეეცვალა და სახეზე განცვიფრება დაეტყო, ეჭვი, სიხარული. სიხარული ვეღარ შეიკავა და გიჟივით მოჰყვა:

- მართლა? კარგით ერთი! მაშ პურს მაჭმევთ? არ გამავდებთ კატორღელს? „ბატონო“ მითხარით, არა? თქვენობით მელაპარაკებით? - გასწი შე ძაღლოო, - ყველგან ასე მიძახიან და თქვენ კი... დარწმუნებული ვიყავი, რომ თქვენც

გამაგდებდით. ჰოდა, მეც იმიტომ მოგახსენეთ, ვინცა ვარ, შემოვედი თუ არა, მაშინვე. ოჰ, რა კეთილი ადამიანი ყოფილა, თქვენი სახლი რომ მასწავლა! მაშ, ვახშამსა ვჭამ? ლოგინში დავიძინებ, ლეიბზე, ზენარზე? ისე დავნევი, როგორც პატიოსანი კაცი! ლოგინში. ცხრამეტი წელიწადია ლოგინში არა ვნოლილვარ. მაშ, დავრჩე, დავრჩე? ნუღარ წავალ? ღირსეული კაცი ყოფილხართ, მაგრამ ფული მაქვს და გადაგიხდით. კარგად გადაგიხდით. უკაცრავად, ბატონო მედეუქე, თქვენი სახელი? რასაცა მოხოვო, იმას მოგართმევთ. კეთილი კაცი ყოფილხართ. თქვენ მედეუქე ხართ, არა?

- მე მღვდელი ვარ და ამ სახლში ვდგევარ, - მიუგო ეპისკოპოსმა.

- მღვდელი? ოჰ, რა მაღლიანი ყოფილხართ! მაშ ფულს არა მოხოვო? ამ საყდრის მღვდელი იქნებით. ბიჭო! მართლა, რა სულელი ვარ! ეს ანაფორა როგორ ვერ დავინახე?

ამ ლაპარაკში ჩანთა მოიხსნა და ჯობთან ერთად კუნჭულში მიღო, პასპორტი დაკეცა და ჯიბეში ჩაიღო. მერე მივიდა და დაჯდა. ბატისტინე სიბრაღულით უყურებდა.

მგზავრმა განაგრძო:

- კაცთმოყვარე ყოფილხართ, მამაო, სიძულვილი არ გცოდნიათ. მღვდელიც მაგისტანა უნდა. მაშ, ფული არ გინდათ?

- არა, თქვენთვის შეინახეთ, - მიუგო ეპისკოპოსმა. - რამდენი გაქვთ? ას ცხრა ფრანკი თქვით, მგონი.

- ას ცხრა ფრანკი და თხუთმეტი სუ.

- რამდენ ხანში მოაგროვებთ ეს ას ცხრა ფრანკი და თხუთმეტი სუ?

- ცხრამეტ წელიწადში.

- ცხრამეტ წელიწადში?

ეპისკოპოსმა ღრმად ამოიოხრა.

- ჯერ არა დამიხარჯავს რა, - განაგრძო მგზავრმა. - ამ ოთხ დღეში სულ ერთი ფრანკი და ხუთი სუ დავხარჯე და ისიც გრასში მომცეს, ბარგი მაზიდინეს. რაკი მღვდელი ხართ, მოგახსენებთ, რომ ერთი თქვენსავით მღვდელი ჩვენცა გვყავდა კატორღაში. ერთხელ კიდევ ეპისკოპოსი მობრძანდა, მღვდლების მღვდელი, ყოვლად უსამღვდელოესობას ეძახდნენ, მარსელში მაჟორის ეპისკოპოსი იყო თურმე. უკაცრავად გახლავართ, რომ ამეებს მოგახსენებთ, მაგრამ რა ვქნა, მე მეტი არა მინახავს რა, ჰოდა იმ ეპისკოპოსმა ჩვენთვისა სწირა, კატორღელებისთვის. ოქროს რაღაცა ეხურა თავზე. ისე ელავდა სამხრეთის მზებზე, რომ უკეთესს ვერას ნახავს თვალში. სამხრეთ ჩვენ ვიდექით ჩამწკრივებულნი, პირდაპირ ზარბაზნები ეწყო და ჯარისკაცებს ანთებული პატრუქი ეჭირათ ხელში. კარგად ვერც კი ვხედავდით ეპისკოპოსს. ქადაგებაცა ბრძანა, მაგრამ ძალიან შორს იყო და ვერა გავიგეთ რა. აი, რა არის თურმე ეპისკოპოსი.

სანამ მგზავრი ამას ამბობდა, ეპისკოპოსი წამოდგა და კარი მიხურა, რომელიც ჯერაც ღია იყო.

მაგლუარი შემოვიდა და სუფრაზე ჭურჭელი და დანა-ჩანგალი დააღება სტუმრისათვის.

- მაგლუარ-ქალო, - უთხრა ეპისკოპოსმა, - ეგენი აქეთ დააწყვეთ, ცეცხლთან.

მერე სტუმარს მიუბრუნდა:

- ძალიან ცივი ქარი იცის ჩვენს მხარეში. შეგცივდებოდით, ბატონო.

ტკბილი, მეგობრული კილო და ეს ზრდილობიანი სიტყვა „ბატონო“ ცოურ მანანასავით ხვდებოდა მგზავრის გულს და სახეზე ბრწყინვალეობასა ჰყვენდა. ბატონო, კატორღელს რომ უთხრათ, ვითომც წყალწაღებულისთვის თოკი გადაგიგდიათ, პატივისცემის წყურვილი ჰკლავს შერცხვენილს.

- ეს ლამაზა დღეს როგორღაც ვერ ანათებს, - თქვა ეპისკოპოსმა.

მაგლუარი მიხვდა ამ სიტყვების მნიშვნელობას, გავიდა ეპისკოპოსის საწოლ ოთახში, სანთლებს მოუკიდა და ორივე ვერცხლის შანდალი სუფრაზე დააღაგა.

- ჭეშმარიტად, კეთილი კაცი ყოფილხართ, მამაო, - თქვა სტუმარმა, - ზიზღით არ მიყურებთ. სახლში შემომიყვანეთ, ჩემთვის სანთლები აანთებინეთ. ხომ არ დამიმალავს თქვენთვის, ვინა ვარ და საიდან მოვდივარ. ხომ მოგახსენეთ, რა გაუბედურებული ვარ.

ეპისკოპოსი გვერდით უჯდა. უღნავ შეეხო მგზავრის ხელს და უთხრა:

- თუნდაც სულაც არაფერი გეთქვათ. ეს სახლი ჩემი როდია. ეს სახლი იესო ქრისტესი არის. ეს კარი შემოსულს იმას კი არ ჰკითხავს, რა გქვიაო, არამედ - რა განუხეხსო? თქვენ იტანჯებით, გმიათ, გწყურიათ? კეთილი იყოს თქვენი ფეხი. მადლობას ნუ მეტყვიოთ; ნუ მეტყვიოთ, რომ ჩემს სახლში მიგიღეთ. ეს სახლი იმისია, ვისაც ბინა უჭირს და სხვა არავისი. თქვენ მგზავრი ხართ, მაგრამ ამ სახლში თქვენ უფრო ხართ თქვენს სახლში, ვიდრე მე. ყველაფერი თქვენია, რაც კი აქ მოიპოვება. რად მინდა მე თქვენი სახელი? თუ არადა, თქვენ ჯერ ხმაყ არ ამოგვლოთ, რომ მე უკვე ვიცოდი, ვინ იყო ჩემი სტუმარი.

გაკვირვებულმა მგზავრმა თვალეები დააჭყიტა.

- არა, მართლა, თქვენ იცოდით, ვინა ვარ?

- დიახ, - მიუგო ეპისკოპოსმა, - თქვენე ჩემი ძმა გქვიათ.

- იცით, მამაო, შიმშილით ვკვდებოდი, აქ რომ შემოვედი, მაგრამ თქვენ ისეთი კეთილი სულისა ბრძანდებით, რომ არ ვიცი, რა მომივიდა, შიმშილი გადამავინცდა.

ეპისკოპოსი დააწყერდა და უთხრა:

- დიდ წვალეებს გამოვივლიდით კატორღაში.

- ოჰ! ხელში ბორკილი, ფეხში ბორკილი, ფიცარზე ძილი, სიციხე, სიცივე, ჯაფა, კატორღელების ცემა-ტყევა. ხმა რომ ამოგველო, ჯაჭვით დაგვაბამდნენ, ბნელ ოთახში ჩაგვყრიდნენ. ლოგინად ჩავარდნილ ავადმყოფებსაც კი ჯაჭვით აბამდნენ. ძალლი რა არის, ძალლიც კი უფრო ბედნიერია. ცხრამეტი წელიწადი! ორმოცდაექვსისა გახლავართ. ჯიბეში ყვითელი პასპორტი მიღევს. ეჰჰ.

- დიახ, საშინელებას მორჩენილხართ, - უთხრა ეპისკოპოსმა, - მომისმინეთ. ერთად რომ წარსდგნენ ყოვლადძლიერის წინაშე ერთი მტირალი ცოდველი, რომელსაც უკვე შეუგნია ცოდვანი თვისნი, და ასი მართალი, ის ერთი უფრო ეამება ღმერთს. ხომ გაათავეთ, თავი დააღწიეთ თქვენს სატანჯველს; თუ იქიდან ბრაზი გამოიყოლეთ და ადამიანის სიძულვილი, ღირსი ხართ შებრალებისა; და თუ იქიდან დამშვიდებული გული გამოიტანეთ და ადამიანის სიყვარული, თქვენ ვერავინ შეგედრებათ ჩვენში.

ამასობაში მაგლუარმა წვნიანი შემოიტანა: წყლისა, ზეთისა, პურისა და მარილისაგან გაკეთებული წვნი, ცოტა ლორი, ერთი ნაჭერი ცხვრის ხორცი, ყველი, ჭვავის პური და ლეღვი, და რადგან, ჩვეულებისამებრ, როდესაც სტუმარი ჰყავდათ, ღვინოსაც მორათმევედა ხოლმე, ერთი ბოთლი ღვინოც დადგა მაგიდაზე.

ეპისკოპოსის ის ნეტარი მხიარულება დაეტყო, რომელიც მარტო სტუმართმოყვარეთ იცინა.

- აბა, დაბრძანდით, - წამოიძახა მისმა უსამღვდელოესობამ.

ყოველთვის ასე იცოდა და იმ ღამესაც მარჯვნივ სტუმარი მოისვა. ბატისტინე, სრულიად დამშვიდებული, მარცხნივ მოექცა.

სუფრა აკურთხა ეპისკოპოსმა, მერე თვითონვე დაასხა წვენი, ესეც ჩვეულებად ჰქონდა. მგზავრი ხარბად ჭამდა.

უცხად, თითქოს რაღაც მოაგონდაო, ეპისკოპოსმა თქვა:

- ასე მგონია, რაღაც აკლია ამ სუფრას.

მართლაც, მაგლუარს სამი კაცისთვის გაეშალა სუფრა და მხოლოდ ის დაელაგებინა, რაც აუცილებელი იყო. ეპისკოპოსს კი ჩვეულებად ჰქონდა, როდესაც ჰყავდა ვინმე, თავის ვერცხლეულს მთლად სუფრაზე დაალაგებინებდა. ფუფუნების ეს მოხდენილი მიბაძვა რაღაც ბავშვურ მოქმედებას ჰგავდა ამ სასტიკ და ტკბილ სახლში, სადაც სიღარიბე სათნოებად ქცეულიყო.

მაგლუარი მიხვდა შენიშვნას; ხმის ამოუღებლად გავიდა და ცოტა ხნის შემდეგ სუფრაზე დაალაგა ეპისკოპოსის სუფრის დამამშვენებელი დანა-ჩანგალი, თითო-თითო ყველას წინ.

თავი მეოთხე

როგორ აკეთებენ პონტარლიეში ყველს

ბატისტინეს ისე მშვენივრად აცნენა ბუაშევრონის მეუღლესთან მიწერილ წერილში ყოველივე, რაც ვახშამზე მოხდა ან ითქვა, ისე მარცვალ-მარცვალ აეკრიფა ყოველი სიტყვა ეპისკოპოსისა და იმისი სტუმრისა, რომ თუ ეს წერილი მოვიყვანეთ, მგონია, სრულიად საკმარისი იქნება ჩვენი მოთხრობისათვის.

„ეს კაცი ყურადღებას არავის აქცევდა და დამშეულის სიხარბით ილუკმებოდა, მაგრამ პურის ჭამა რომ გაათავა, თქვა:

- უნდა მოგახსენოთ, მამაო, ეს ყველაფერი ძალიან კარგი იყო ჩემთვის, მაგრამ, მე რომ დუქნიდან გამომაგდეს, იქ გაცილებით უკეთესი საჭმელი მზადდებოდა მეეტლევებისათვის.

ჩვენში დარჩეს: ცოტა არ იყოს მეწყინა ეს შენიშვნა. ჩემმა ძმამ უთხრა:

- იმიტომ, რომ ის მგზავრები გაცილებით მეტს მუშაობენ და იღლებიან, ვიდრე მე.

- არა, მამაო, იმიტომ, რომ იმათ უფრო მეტი ფული აქვთ. ღარიბი კაცი ხართ, კარგადა ვხედავ, იქნებ მღვდელიც არ იყოთ, ჰა? არა, ღმერთმანი, მღვდელი კი ხართ, მართლა? ეჰ, ღმერთს რომ სამართალი ჰქონდეს, თქვენც ნამღვილად მღვდელი იქნებოდით.

- ღმერთს სამართალზე მეტი აქვს, - მიუგო ჩემმა ძმამ.

ცოტა ხნის შემდეგ ჰკითხა:

- ბატონო ჟან ვალჟან, თქვენ პონტარლიეში მიბრძანდებით?

- დიახ, იძულებითი სამგზავრო მონაწილეთ. - მგონი, ეს სიტყვებიც იკმარა იმ კაცმა, იმიტომ, რომ შემდეგ განაგრძო: - ხვალ გათენებისას უნდა გავიდე. დიდი გზა მაქვს გასავლელი. როცა ღამე ცივია, დღე ყოველთვის ცხელია ხოლმე.

- ძალიან მდიდარ ქვეყანაში მიდიხართ, - უთხრა ეპისკოპოსმა. - რეგულაციის დროს სულ დაგვარგე, რაც რამ მგებადა; ფრანშკონტეს შევეხიზნე და კარგა ხანი ვცხოვრობდი ჩემი საკუთარი შრომით. სურვილი მქონდა შრომისა და ძალაუც მომდევდა. საქმეს ყველგან იშოვის იქ კაცი, რამდენიც უნდა. ქალაქის ქარხნებია, ტყავისა, არყისა, ზეთისა, საათისა, რა ვიცი... საუკეთესო ფოლადი იქიდან გამოდის, რკინის ოცი ქარხანა მაინცაა, აქედან ოთხი - ლოდში, შატილიონში, ოდინკურში და ბერში. მნიშვნელოვანი ქარხნებია.

მგონი არა ვცდები და ეს სახელები ბრძანა ეპისკოპოსმა. მერე მე მომიბრუნდა და მკითხა:

- ჩვენ იქ ნათესავები უნდა გვყავდეს, ჩემო საყვარელო დაო?

- როგორ არა, გვყავდა, სხვათა შორის ბატონი ლიუსენე, კაპიტანი ძველი ჯარისა.

- დაახ, - დასძინა ჩემმა ძმამ, - ნათესავები გვყავდა, მაგრამ ოთხმოცდაცამეტში ნათესაობა აღარავისა სწამდა და ყველა თავისი მარჯვენიტ ცხოვრობდა. მეც ჩემმა მარჯვენამ მაცხოვრა. პონტარლიეში, ბატონო, ერთი მშვენიერი ძველებური ხელობა იყიან... ყველის გაკეთებას მოგახსენებთ, ჩემო დაო.

საჭმელს სთავაზობდა სტუმარს და თან უხსნიდა, როგორ აკეთებდნენ ყველს პონტარლიეში. რომ იტყვიან „მდიდარი ბოსელიაო“, ეგ იმას ნიშნავს, რომ მდიდარ კაცზე ლაპარაკობენ, რომელსაც ორმოცი, ორმოცდაათი სული ეწველება და ერთ ზაფხულში შვიდ, რვა ათას კვერეულს აკეთებს; „საამხანაგო ფერმაო“, რომ იტყვიან, ღარიბებზე ლაპარაკობენ, იცოდეთ, სანყალ გლეხკაცებზე, რომელთაც ერთად დაუდით ძროხა და პროდუქტს ერთმანეთში იყოფენ. ყველის გასაკეთებლად დაიჭერენ ვინმე „გრურინს“, როგორც მას უწოდებენ, რომელსაც დღეში სამჯერ უგზავნიან რძეს. აპრილის დამლევს იწყებენ ყველის კეთებას და თიბათვის შუა რიცხვებში ძროხას მთაში მიერეკებიან.

სტუმარი რომ შენაყრდა, გამოცოცხლება დაეტყო. ელაპარაკებოდა ჩემი ძმა და თან მოვის მშვენიერ ღვინოს სთავაზობდა, თუმცა თვითონ კი არა სვამს, ძალიან ძვირიაო, ამბობს. მხიარულად, ალერსიანად უხსნიდა ყველის გაკეთებას, დაწერილებით უამბობდა ყველაფერს, თითქოს ცდილობს შეაგნებინოს ამ კაცს, თითქოს ცდილობს ურჩიოს, რომ ამ ხელობაში ადვილად იშოვის ლუკმაპურს და ბინასაო. ერთმა გარემოებამ გამაკვირვა. ხომ მოგახსენეთ, ვინ იყო და რა ეს კაცი. ჩემმა ძმამ მთელი საღამო ისე გაატარა, რომ ერთი სიტყვითაც არ უგრძობინებია ან იმისი და ან თავისი ვინაობა. ერთი კი უთხრა, ეს სახლი ჩემი არ არის, არამედ იესო ქრისტესიაო და მას შემდეგ ამ სავანს არ შეჭხებია, რა კარგი შემთხვევა კი ჰქონდა - ეპისკოპოსი ვარო - ეთქვა და მით უფრო დიდი შთაბეჭდილება მოეხდინა იმ უბედურის სულზე. იქნება სხვა რომ ყოფილიყო, ესარგებლა ამ შემთხვევით, მოჰყოლოდა და დარიგება დაეწყო, ცოდვათა მონანიება ერჩია, სულის მოპოვება და ზნობრივი ცხოვრების დაწყება შთაეგონებინა. ეპისკოპოსმა არც კი ჰკითხა, სადაური იყო, ან როგორ ჩავარდა იმ უბედურ ყოფაში, არა ჰკითხა, რადგან ხედავდა, რომ უბედური იყო ეს კაცი და სევდას სევდაზე ურთავდა უბედურების მოგონება. ისეთი მორიდებით და სიფრთხილით ებასებოდა იმ კაცს, რომ ერთ წამს შედგა და შემკრთალმა გადახედა, ხომ არ ვანყენინეო. პონტარლიელ მთიულეებზე ელაპარაკებოდა და „სწორედ ბედნიერები არიან თავიანთ მთაში, ღმერთთან დაახლოებულნი, რადგან უდანაშაულო არიანო“ - თქვა და შედგა შემკრთალი. დიდი ფიქრის შემდეგ, მე მგონი,

მივხვდი ჩემი ძმის გულის ფიქრს; დარწმუნებული ვარ, ეპისკოპოსი იმას ცდილობდა, რომ ამ კაცს, ამ უან ვალუჟანს, რომელსაც ტანჯვისა და ვაების საშინელი ტვირთი ედო, ერთ წამს მაინც დაეინწყებოდა თავისი უკეთურობა, ერთ წამს მაინც ღირსებოდა დაეინწყება, გართობა და ადამიანად გახდომა. დიახ, ისე ექცეოდა მთელ საღამოს ეპისკოპოსი, თითქოს უნდოდა ჩაეგონებინა, რომ შენც ისეთივე ადამიანი ხარ, როგორც ყველა სხვაო. მე მგონია, სწორედ ასე უნდა გამოიხატებოდეს ჭეშმარიტი სიბრალული, სიყვარული მოყვასისადმი, ის შეწყალება ბედისაგან დაჩაგრულისა, რომელიც ქრისტემ გვამცნო, დარიგებით და ქადაგებით არ უნდა შეეხებოდეს უბედურის წყლულს. დიახ, მგონი ეს უნდა ყოფილიყო ჩემი ძმის ფიქრი. თუმცა მთელი საღამო ისე გაატარა, რომ არაფრით შეუმჩნევიანებია ამგვარი თავისი წადილი; თავით ბოლომდე იგივე იყო ეპისკოპოსი, როგორც ყოველთვის არის, და ამ უან ვალუჟანთან ისე შეექცა ვახშამს, თითქოს თავისი გულითადი მეგობარი ჰყავს სტუმრად ან ჩვენი ტაძრის მოძღვარიო.

ბოლოს, ხილს რომ გვახლებოდით, ვილაყამ კარზე დააკაკუნა. ყერბოს ქვრივი იყო თავისი პატარა ბავშვით. პატარას შუბლზე აკოცა ეპისკოპოსმა და თხუთმეტი სუ გამომართვა ყერბოს ქვრივისთვის. ჩვენი სტუმარი ამ დროს ყურადღებას არავის აქცევდა, არ ლაპარაკობდა და ძალიან დაღლილსა ჰგავდა. საბრალო ქვრივი რომ წავიდა, ეპისკოპოსმა ილოცა, მერე მგზავრს მიუბრუნდა და უთხრა, დაღლილი ხართ და ალბათ მოსვენება გინდათო; მაგლუარმა საჩქაროდ აალაგა სუფრა, მე და მაგლუარი ჩვენს ოთახებში ავედით; ჩვენს სტუმარს ეტყობოდა, რომ ძალიან ეძინებოდა. არ შესცივდეს-მეთქი, შველის ტყავი მაქვს ჩემს ოთახში, ის ჩავეგზავნე მაგლუარის ხელით. საშინელი სიცივე იყო ღამე და ეს ტყავი ცოტათი მაინც გაათბობდა. დაძველდა, აღარ ვარგა. ჩემი ძმა რომ გერმანიაში იყო, იქ ყვიდა ტოტლინგენში, დუნაის სათავეში, სპილენძის ძვლისტარიან ჯიბის დანასთან ერთად, რომელსაც ახლა ვხმარობ.

მაგლუარი თითქმის მაშინვე ამოვიდა. ერთად ვილოცეთ ორივემ ჩემს დიდ დარბაზში, სადაც სარეცხს ვაშრობთ ხოლმე და მერე ხმის ამოუღებლად ჩვენს ოთახებში შევედით.“

თავი მეხუთე
მყუდროება

ქალებს რომ გამოეთხოვა, ეპისკოპოსმა ერთი შანდალი თვითონ აიღო, მეორე სტუმარს მისცა და უთხრა:

- ნამობრძანდით, ბატონო, თქვენს ოთახში შევიყვანო.

მგზავრი გაჰყვა.

ზემოთაც გვექონდა მოხსენებული, რომ სტუმრის ლოგინი სამლოცველოში ეგო და იქ მიმავალს ან იქიდან გამომავალს, ეპისკოპოსის საწოლ ოთახში უნდა გაევიღო.

როდესაც ეპისკოპოსი და სტუმარი ამ ოთახში შევიდნენ, მაგლუარი განჯინაში ალაგებდა ვერცხლეულს, ეპისკოპოსის ლოგინის თავით. ასე იცოდა, ჯერ ვერცხლეულს შეინახავდა და მერე წვებოდა.

ეპისკოპოსმა ტახტთან მიიყვანა მგზავრი. ზედ სუფთა, ახალი ლოგინი ეგო. მგზავრმა იქვე, პატარა მაგიდაზე დადო შანდალი.

- ღამე მშვიდობისა! - გამოეთხოვა ეპისკოპოსი. - ხვალ, ვიდრე გზას გაუდგებოდეთ, პატარა შენაყრდით. შინაურ რძეს მოგართმევთ ჩვენი ძროხისას.

- გმადლობთ, მამაო.

ჯერ არც კი გაეთავებინა ეს მშვიდობით აღსავსე სიტყვები, რომ უცბად, ყოვლად მოულოდნელად, სტუმარს ისე შეეცვალა სახე, შიშის ზარს დასცემდა ქალებს, იქ რომ ყოფილიყვნენ. დღესაც ვერ გაგვივია, რა მოუვიდა იმ ერთ წამში ამ კაცს? ეპისკოპოსის გაფრთხილება უნდოდა, ემუქრებოდა? ან იქნებ თავისთვისაც შეუგნებელ, ინსტინქტურ ბნელ ძალას ემორჩილებოდა? უცბად მობრუნდა მოხუცისაკენ. გულხელი დაიკრიფა, მხეცური გამომეტყველებით დააშტერდა თავის მასპინძელს და ხრინწიანი ხმით შესძახა:

- მამ, ასე, არა? აქ მანვენთ ამალამ, თქვენ გვერდით? - და საშინელი სიცილი აუტყდა. - რატომ არ ფიქრობთ, რას სჩადიხართ, რა იცით, რომ კაცის მკვლეელი არა ვარ?

ეპისკოპოსმა მიუგო:

- ეგ ღმერთმა იცის და მე არ მეხება.

ლოცვა დაიწყო ჩემად. ისე ანძრევდა ტუჩებს, თითქოს რაღაცას ჩასჩურჩულებს თავის თავსაო. მარჯვენა ხელის ორი თითი ასწია, ჯვარი გადასწერა სტუმარს, რომელმაც თავიც კი არ დახარა და ისე გავიდა ოთახიდან, რომ უკან აღარც კი მოუხედავს.

როდესაც სამლოცველოში სტუმარი ინვა ვინმე, ფარდას გააბამდნენ მთელი ოთახის სიგანეზე. ამ ფარდასთან რომ მივიდა, ეპისკოპოსმა დაიჩოქა და ცოტა ხანს ილოცა.

მერე ბაღში გავიდა და მოჰყვა სიარულს. დადიოდა, ოცნებობდა, ცას შესცქეროდა, სული და ფიქრი სავესე ჰქონდა იმ დიდი საიდუმლოებით, რომელსაც ღმერთი მთვარიან ღამეს მოუვლენს ადამიანს.

მგზავრი კი მართლა საშინლად იყო დაღლილი, იმდენად, რომ ლოგინით ვერც კი დატბა. კატორღელების ჩვეულებისამებრ, სანთელი შებერვით ჩააქრო, როგორც იყო ჩაცმული, ისე მიეგდო ლოგინზე და მაშინვე ღრმად ჩაეძინა.

შუალამე ახლოვდებოდა, ეპისკოპოსი რომ შებრძანდა თავის სახლში.

ცოტა ხნის შემდეგ პატარა სახლში ყველას ეძინა.

თავი მეექვსე

ჟან ვალჟანი

ჯერ კიდევ ღამე იყო, ჟან ვალჟანს რომ გამოეღვიძა.

ჟან ვალჟანი ერთი ღარიბი ბრიელი გლეხი კაცის შვილი იყო. მის დედას ჟან მათიეს ეძახდნენ, მამას - ჟან ვალჟანს, ზოგნი - ჟან ვალჟანს - მეტსახელს, წარმოებულს სიტყვებიდან *voilà Jean*. პატარაობისას წიგნი არ ესწავლა. დავაჟუჯავდა და ხის გამსხვლელად იყო ფავროლში.

როგორც ყველა მოსიყვარულე გულის პატრონი, ჟან ვალჟანი ფიქრიანი კაცი იყო, თუმცა მხიარულება არ აკლდა. შეხედულებით კი მაინც საკმარისად უმნიშვნელოს, უღაბათოს და რაღაცა დოცლაპიას წარმოადგენდა. ჯერ ისევ ბავშვი იყო, როცა დედ-მამა დაეხოცა, დედა მშობიარობას გადაჰყვა უპატრონობით, მამა კი,

ისიც მსხვერპლი, ხიდან ჩამოვარდა და მოკვდა. უან ვალჟანს ერთი დალა დარჩა თავისზე უფროსი და იმან გამოზარდა ის ობოლი. სანამ ქმარი ცოცხალი ჰყავდა, არაფერს აკლებდა თავის პატარა ძმას, მაგრამ დაქვრივდა და შვიდი წვრილფეხი გოგო-ბიჭი დარჩა; უფროსი რვა წლისა, უმცროსი ერთი წლისა. ამ დროს უან ვალჟანი ოცდახუთი წლისა იყო, მამობა იმან გაუნია თავის დისწულებს და ამით გადაუხადა სიკეთე თავის ამავედარ გამზრდელს. ეს უბრალო ვალდებულება იყო უან ვალჟანისა და ისე გასწია ჭაპანი, რომ ფიქრადაც არ მოსვლია დისა და დისწულების ღალატი. თავისი სიყმანვილე დაუსრულებელ ტანჯვას შეაღია. ისე უჭირდა ლუკმაპურის შოვნა, რომ არასოდეს ჰყოლია „სულის მეგობარი ქალი“, დრო არ ჰქონდა სიყვარულისთვის.

საღამოზე დაქანცული მოვიდოდა შინ და გაჩუმებული მიუჯდებოდა ვახშამს. ხშირად მისი და მათლაფიდან ამოაცლიდა საუკეთესო ლუკმას - ერთ ნაჭერ ხორცს, ან ძხვს, ან კომბოსტოს, და თავის შვილს მიანოდებდა. ის კი იჭდა გაჩუმებული, თვალეებზე თმაჩამოშლილი, თავდალუნული, თითქოს ვერაფერს ხედავსო. ფავროლოში ამათი ქოხის პირდაპირ ერთი დედაკაცი ცხოვრობდა, მარი კლოდი. უან ვალჟანის დამმეული დისწულები გადავიდოდნენ ხოლმე ამ დედაკაცთან და - დედამ გამოგვგზავნაო, რძეს ისესხებდნენ; ამოეფარებოდნენ ღობეს და იქა სვამდნენ, ერთმანეთს სტაცებდნენ და ტანსაცმელზე იცყევდნენ. ავ დღეს დააყენებდა, რომ გაეგო თავისი შვილების ამგვარი საქციელი, მაგრამ დედამ არაფერი იცოდა. პირქუში და ბუზღუნა უან ვალჟანი უსწორდებოდა მარი კლოდს და ბავშვები დაუსჯელნი რჩებოდნენ.

ხეების სხვლის დრო რომ დადგებოდა, ბევრი საქმე ჰქონდა უან ვალჟანს და დღეში თვრამეტ სუს და მეტსაც შოულობდა. მერე სამკალები მიდიოდა, დლიურ მუშად, მენახირედ; საქმეს არ გაუბოდა, შრომობდა, რამდენიც კი შეიძლებოდა. დაც არ იყო უსაქმურად, მაგრამ რას გახდებოდა შვიდ ბავშვთან? საბრალო იყო ეს ოჯახი, სიღარიბისაგან დაჩაგრული და სულშეხუთული.

ერთ წელიწადს მეტად სუსხიანი ზამთარი დადგა. უან ვალჟანი უმუშევარი იყო, ოჯახი ულუკმაპუროდ დარჩა, ამ სიტყვის სრული მნიშვნელობით. შვიდი ბავშვი ულუკმაპუროდ!

ერთ კვირა საღამოს, ის იყო დასაძინებლად ემზადებოდა ხაბაზი მობერ იზაბო, რომ უეცრად ქუჩის მხრიდან რაღაც ხმაური შემოეცმა, თითქოს ფანჯარა გაუტეხესო. გავარდა ღუქანში და ვილაცის ხელილა დაინახა: მუშტით შემოემტვრია ფანჯრის მინა, ხელი გადმოეყო, ერთი პური აეტაცნა და გაჩქარებული გარბოდა. იზაბო გამოუდგა ქერდს და დაიჭრა. ქერდმა პური გადაავდო, მაგრამ ხელი კი მთლად დაჭრილი და დასისხლიანებული დარჩა. ქერდი უან ვალჟანი იყო.

ეს 1795 წელს მოხდა. სასამართლოში მისცეს და ბრალად ღამით საცხოვრებელი სახლის გატეხას და ქერდობას სდებდნენ. თავისდა საუბედუროდ, სახლში თოფი აღმოაჩნდა, საკვირველი კარგი მსროლელი იყო და ხშირად იმ დროს და იმ ადგილებში ნადირობდა, რომელიც ნაკრძალად იყო გამოცხადებული. ამან დალუპა უბედური, ამგვარ მონადირეს ყოველთვის ეჭვის თვალით უყურებს მთავრობა, რადგან ნაკრძალ ტყეში მონადირე და კონტრაბანდის მზიდავი თითქმის ყაჩაღად მიაჩნიათ. რომ დაუკვირდეს კაცი, დიდი უფსკრულია ქალაქელ კაცისმკვლელობა და ამ კაცთა შორის: მონადირე ტყეში დადის ქერდულად, კონტრაბანდის მზიდავი - მთაში

ან ზღვაზე; ქალაქში მცხოვრები კაცისმკვლელი კი იმისთანა საშინელი მხეცია, რომელსაც მხოლოდ ქალაქის გარყვნილება ემნის, მაგრამ ხშირად ადამიანობას კი არ უკლავს.

ჟან ვალჟანი დამნაშავედ ცნეს. დანაშაული დამტკიცებელი იყო, სასჯელიც - ცხადზე ცხადი. საზარელი მომენტები აქვს ჩვენს ცივილიზაციას, როდესაც უბრალო დანაშაულის გამო იძულებულია სისხლის სამართლით საუკუნოდ დაღუპოს ადამიანი... საშინელება არ არის, განათლებულმა საზოგადოებამ მონიშნავს და ანდერძი აუგოს თავის მოაზროვნე წევრს? ჟან ვალჟანს ხუთი წლით კატორღა მიუსაჯეს.

1796 წელს 22 აპრილს პარიზში ხმა გავარდა, იტალიაში მყოფმა ჩვენმა ჯარმა ბონაპარტის წინამძღოლობით მონტენოტში მტერი დაამარცხაო. იმავე დღეს ბისერტის ციხეში მრავალ პატიმარს შეაბეს ჯაჭვი კატორღაში გასაგზავნად. ჟან ვალჟანიც იმათში ერთია. ერთ მოხუცებულ სატუსალოს დარაჯს - დღეს ოთხმოცდაათი წლის კაცია - მშვენივრად ახსოვს ეს უბედური: მეოთხე რიგში იჯდა მინაზე, როგორც სხვები, ეზოს აღმოსავლეთის მხარეს; მკვდარს უფრო ჰგავდა, ვიდრე ცოცხალსაო. გრძნობდა, რომ რაღაც საშინელება მოხდა მის ცხოვრებაში, მაგრამ როგორ? რად? რა დაამავა საიმისო? ამისი ვერა გაეგო რა. უვიცი კაცი იყო, უცოდინარი, გონებაგაუხსნელი და, თუ იცოდა რამე, მართო ის, რომ სასჯელი მეტისმეტად სასტიკი იყო დანაშაულთან შედარებით. თავზე მჭედელი ადგა ჩაქუჩით, ჯაჭვს უჭედავდა, ის კი გულამოსკვნილი ქვითინებდა, ღაპაღუპით გადმოსდიოდა ცრემლი. - ჩემთვის ვიყავი ფავროლში, რა გინდათ ჩემგანო? - იძახდა. აიღებდა მარჯვენა ხელს და თითქოს შვიდი პატარის სხვადასხვა ზომის თავებს ეხებო, ანიშნებდა, რა მექნა, შიმშილით მიწყდებოდნენო.

ტულონში გაგზავნეს. ურიკაზე დასვეს. კისერზე ჯაჭვი შეაბეს. ოცდაშვიდი დღე გზაში იყო. შემდეგ ტულონში კატორღაში მიღებული წითელი ტანსაცმელი ჩააცვეს და უცბად გაქრა, დაიღუპა, ნაიშალა მთელი მისი სიცოცხლე, თვით სახელიც კი. რაკი იქ მივიდა, ჟან ვალჟანდაც კი აღარ იწოდებოდა; ჟან ვალჟანი ნომრად იქცა, ნომერი 24601.

რა მოუვიდა იმის დას? რა მოუვიდათ იმის პატარა დისწულებს? ამას არავინ კითხულობდა. ან ვის რაში ენაღვლეებოდა ვიღაცა ქვრივის და იმისი წვრილშვილის შიმშილი და დაღუპვა? ხე მოჭრეს და ნააქციეს. ვინ იკითხავს, ფოთლებს რა მოუვიდაო?

რა მოუვიდათ და ის, რაც ყოველთვის მოსდით უბედურთ. ულუკმაპუროდ დარჩნენ საბრალონი, ეს ღვთისაგან ღვთის მსგავსად შექმნილნი, უბინაოდ, უმწეოდ და დაიფანტნენ, აქეთ-იქით წავიდნენ, - იქნება ცალ-ცალკე უფრო ადვილად გავიძლიოთ კუჭიო, - და იმ საშინელებას ჩაუვარდნენ ხელში, რომელიც კაცობრიობის სამარცხვინოდ ჯერაც ნთქავს და ღუპავს ობოლთ და დავრდომილთ. წავიდნენ, დაიფანტნენ. მშობლიურმა მიწა-წყალმა მაშინვე დაიფიცა უბედური დედა თავისი შვილებით; და კატორღაში რამდენიმე ხნის შემდეგ თვით ჟან ვალჟანმაც დაიფიცა თავისი და და დისწულები. გულში, სადაც იარა ჰქონდა, ნაიარევი დარჩა მხოლოდ.

რაც ტულონში იყო, სულ ერთხელ მოუვიდა თავისი დის ამბავი; პატიმრობის მეოთხე წელიწადს იყო, მგონი, ვიღაცას, მათ ნაცნობს ენახა და, პარიზშიაო, უთხრა,

სენ სულპისის ახლოს, ჟეინდრის ქუჩაზე; თან მარტო ერთი შვილიღა ჰყავს, პატარა ბიჭი, სულ უმცროსიო.

მერე ის ექვსი საღა და იყენენ? ამათი იქნება დედამაც არა იყოღა რა.

ყოველდღე დილით სტამბაში მივშურება, საბოს ქუჩა #3-ში; ქალაქის მკვეცავად მსახურობდა. დილის ექვს საათზე სტამბაში უნდა ყოფილიყო, რადგან ადრე იწყებენ მუშაობას. სტამბის ეზოში სკოლაა და თავისი შვიდი წლის პატარაც იქ დაჰყავს. სკოლას შვიდ საათზე აღებენ და ბავშვმა, შვიდი წლის ბაღღმა, ერთი საათი გარეთ უნდა დაჰყოს, რაც უნდა ავდარი იღვეს და ციოდეს. სტამბაში არ უშვებენ, გვიშლისო. მთელი საათი მარტოდმარტო გღია ჯერ ისევ დილაბნელში სანყალი ბავშვი; სცევა, ეძინება. მოიკუნტება, გაეხვევა თავის კონკვებში და მიეგდება საღმე კუნჭულში. კიდევ კარგი, მეკარე შეიბრალებს ხოლმე, ბებერი დედაკაცი, და როდესაც წვიმს, შინ შეიყვანს. თვითონაც არა გააჩნია რა სანყალ დედაკაცს, ერთი დაფლეთილი ლოგინის, ჯარასა და ორი დამტვრეული სკამის მეტი, მაგრამ წვიმა მაინც აღარ დაასველებს საცოდავ ბიჭს; კატას ჩაიხუტებს ხოლმე გულში, იქნება ამან მაინც გამათბოსო. შვიდ საათზე სკოლას აღებენ და ბავშვიც კლასში შედის.

ეს უამბეს ჟან ვალჟანს. მხოლოდ ერთი წამი იყო მის წყვილიდით მოცულ ცხოვრებაში ეს ამბავი, თითქოს ბნელ მოქურუშებულ ცაზე უცბად გაიფლავა, ქვეყანას ერთ წამს სინათლე მოჰფინა და მაშინვე გაქრაო. ეს იყო და ეს. მას შემდეგ თავის დღეში აღარაფერი გაუგონია უბედურს იმ ობოლთა შესახებ, რომელნიც ასე თავგანწირვით უყვარდა. ვეღარც საღმე შეხვდა, ვეღარც გაიგო რამ და ამ გულსაკლავი ამბის შემდეგ იმათი ხსენებაც აღარ იქნება.

სწორედ მეოთხე წელიწადი სრულდებოდა, ჟან ვალჟანს რომ გაპარვის რიგი ერგო. კატორღაში მყოფთა ჩვეულებისამებრ, იმასაც დაეხმარნენ ამხანაგები და გააპარეს. ორი დღე თავისუფლად დანანალებდა მინდოროში, თუკი თავისუფლებას ვუწოდებთ დევნილის მდგომარეობას. ნადირივით მიიპარებოდა უბედური, თვალეებს აქეთ-იქით აცეცებდა, სულ უმცირეს ხმაურზე კანკალებდა და ყველაფერისა ეშინოდა: სოფლისა, ადამიანისა, ძაღლისა, ცხენისა, საათის რეკვისა. დღე იმას ნატრობდა, ნეტავ მალე დაღამდეს, არავინ დამინახოსო, ღამე - ნეტავი მალე გათენდეს, არავინ მომპაროსო. გზას ერიდებოდა, ბილიკს, ბუჩქს. ბუჩქნარში ყველგან ჩასათურებული მღვევარი ელანდებოდა, აღარც საჭმელი იყო იმისთვის, აღარც ძილი. მეორე დღეს დაიჭირეს. ოცდათექვსმეტი საათი ევლო მშიერს და უძილოს. ამ დანაშაულისათვის სამი წლის კატორღა მიუსაჯეს, ესეც რვა წელი. მიექვსე წელს კიდევ ერგო რიგი გაპარვისა, ამ შემთხვევითაც ისარგებლა, მაგრამ გაპარვა კი ვეღარ მოახერხა. რომ დათვალეს ტუსაღები და ის იქ არ აღმოჩნდა, მაშინვე ზარბაზანი გაისროლეს და მღვევარი გაუყენეს. იმ ღამესვე იპოვეს ჯერ აუშენებელი გემის ძირში ჩამალული. დაიჭირეს, მაგრამ დიდი წინაღმდეგობა გაუწია დარაჯებს. გაპარვა და წინაღმდეგობა - ორივე აღნიშნულია კანონმდებლობაში და ჟან ვალჟანის დანაშაულისამებრ იქნა დასჯილი, სუთი წლის კატორღით, რომელთაგან ორ წელიწადს ორმაგი ჯაჭვი უნდა ჰქონოდა შებმული. ესეც ცამეტი. მეათე წელიწადს კიდევ ერგო რიგი და კიდევ გაიპარა, მაგრამ მაინც ვერას გახდა. სამი წელიწადიც იმისათვის მიუსაჯეს. თექვსმეტი წელი. ბოლოს ერთხელ კიდევ სცადა ბედი, მაგრამ ოთხი საათის შემდეგ დაიჭირეს და სამი წლის კატორღა კიდევ დაუმატეს. სამი წლის კატორღა ოთხი საათის თავისუფლებისათვის! ცხრაშეტი წელიწადი. 1796 წელს

დაიჭირეს: ფანჯარა გატეხა და ერთი პური მოიტაცა. ეს იყო მისი დანაშაული და 1815 წელს გაათავისუფლეს, 15 ოქტომბერს.

ერთ სიტყვას ჩავურთავთ აქ. ავტორი ამ წიგნისა ეს მეორედ მოგითხრობთ იმ უბედურის ამბავს, რომლის დაღუპვის მიზეზი პურის ქურდობა იყო. კლოდ გემ პური მოიპარა, უან ვალჟანმაც პური მოიპარა. ინგლისური სტატისტიკა ამტკიცებს, რომ ლონდონში ხუთი ქურდობიდან ოთხის პირდაპირი მიზეზი შიმშილი არისო.

უან ვალჟანი კატორღაში ათრთოლებული, თვალცრემლიანი მიიყვანეს, იქიდან გულგაქვავებული გამოვიდა. სასონარკვეთილი იყო, რომ მიიყვანეს, იქიდან პირქუში გამოვიდა.

რა მოხდა საბრალოს გულში?

თავი მეშვიდე

იმედმისილის გული

ვცადოთ ამის გამორკვევა.

დაე, დაინახოს საზოგადოებამ, რას სჩადის იგი მართლმსაჯულების ძალით.

უან ვალჟანი უეცრი იყო, ვთქვით; მაგრამ უეზური კი არ ყოფილა. ბუნებრივი სინათლე უკვე ანთებულიყო მის გულში. უბედურებამ, რომელსაც თავის სინათლე ახლავს, ცოტა რამ წაუმატა მის ბუნებრივ გონების შუქს. ცემამ, ბორკილმა, ჯაჭვმა, კარცრემა, დაღლილობამ, სიციხე-სიცივემ, კატორღაში ფიცარზე გდებამ იგი თავის სინდისში ჩაახედა და ჩააფიქრა.

თვითონვე გახდა თავისი თავის მსაჯული.

რა დავაშავეო? - შეეკითხა თავის თავს.

და აღიარა თავისი სინდისის წინაშე, რომ უდანაშაულო არ იყო, მამასადამე, არც უბრალოდ ისჯებოდა. აღიარა, რომ საძაგელი, საძრახისი საქმე ჩაიდინა; რომ ეთხოვა, იქნება კიდევ მიეცათ ეს პური; რაც უნდა გასჭირვებოდა, მოცდა სჯობდა: ან შეიბრალებდა ვინმე, ან სამუშაოს იშოვიდა. თვითონვე გრძნობდა, რომ დააშავებს, ვინც იტყვის, დამშეულს რაღა ლოღინი შეუძლიაო. დააშავებს, რადგან იშვიათია, კაცი მართლა შიმშილით მომკვდარიყოს უჭმელობით. გარდა ამისა, ჩვენდა საუბედუროდ თუ საბედნიეროდ, ისეა შექმნილი ადამიანი, რომ ღიღხანს შეუძლია იტანჯოს ფიზიკურადაც და მორალურადაც და მაინც ცოცხალი იყოს; მამასადამე, იმასაც უნდა მოეთმინა. სანყალი ობლებისთვისაც უკეთესი იქნებოდა მოეთმინათ. მიხვდა, რომ სისულელე იყო ვიღაც უბედური, სუსტი ვაცისაგან მთელი საზოგადოების შებრძოლება და ოცნება, - ქურდობა მისნის საღარიბისაგანაო; სიღარიბისაგან თავის დასაღწევად ცუდი გზა აირჩია, ის გზა, რომელიც ადამიანს სამარცხვინო ლაფით დასვრის. ერთი სიტყვით, უან ვალჟანმა აღიარა, რომ დამნაშავე იყო.

მერე თავის თავს ჰკითხა:

ჩემს უბედურებაში მართო მე ვიყავი დამნაშავე? რად მოხდა, რომ მუშას საქმე არა ჰქონდა, შრომის მოსურნეს და მძებნელს - ლუკმაპური მენატრებოდა? შევცდი, დავაშავე და ვაღიარე ჩემი დანაშაული; განა ეს სასტიკი და გაზვიადებული სასჯელი მეკუთვნოდა? ვცოდვ და ძალა ვიხმარე, მაგრამ განა საზოგადოებამ ბოროტად არ გამოიყენა თავისი უფლებები? ცოდვა იყო ჩემი საქციელი, მაგრამ განა ჩემი ამხელა სასჯელი მეტი ცოდვა არ არის? აწონონ დანაშაული და სასჯელი; თუ სამართალი

სწორია, მამ რად არის სასჯელი ასეთი მძიმე და დანაშაული კი - მსუბუქი? ხოლო თუ დაინია სასწორმა და სასჯელი მძიმე გამოდგა, მამ უკვე დავუსჯივარ კანონს და რაღას მერჩიან? რაღად მტანჯავენ? რად მომეცა ასე უსამართლოდ კანონი? და თუ ღირსეულ სასჯელზე მეტი მომიწყო, მამ დამნაშავე ისა ყოფილა და მართალი - მე, ცოდვილი ისა ყოფილა და წამებული - მე. მამ ვის უფრო დაურღვევია კანონი: მე, მშიერს, პურის მოპარვით, თუ სამართალს, ჩემი ასეთი უღმერთო დასჯით? მამ სამართალი არსად ყოფილა, თუკი ასე დაჩაგრავს ძლიერი უძლურს და საზოგადოება კერძო პირს. ბოროტმოქმედება, რომელიც ყოველდღე ხელახლა იწყება, ბოროტმოქმედება, რომელიც ცხრამეტ წელს გრძელდებოდა.

რატომ არ ზრუნავს საზოგადოება, რომ შრომის მსურველს ყოველთვის ჰქონდეს საქმე და ლუკმაპური. და თუკი ამაზე არ ზრუნავს, მამ რა უფლებითღა ზრუნავს და მართავს ციხეებს, რომ შიგ ამოალაშოს უსაქმურად და ულუკმაპუროდ დარჩენილი მუშა, რომელიც შიმშილისაგან სიკვდილს გაურბის და პურის მოპარვას გაბედავს? რად ეკიდება საზოგადოება ასე მტრულად თავის წევრს, გაჭირვების მახეს უგებს და სასიკვდილოდ აღარ ინდობს, ვისაც შიგ გააბამს?

ან ვის ეპყრობა საზოგადოება ასე სასტიკად? სწორედ იმათ, ვისაც წილი არ რგებია ქვეყნის სარჩოს განაწილებაში და, მამსადამე, სიბრალეულისა და დახმარების ღირსნი არიან და არა მტრობისა.

ჟან ვალჟანმა აღძრა და გადაჭრა ეს კითხვები, საზოგადოების საქციელი გაასამართლა და მსჯავრი გამოუტანა მას: მიუსაჯა თავისი სიძულვილი.

საზოგადოების ბრალია ჩემი დაღუპვაო, - თქვა და, - ერთხელაც იქნება ანგარიშს გავესწორებო, - იფიქრა. ხაბაზის ზარალი თავისას შეადარა: ხაბაზს ფანჯარა გაუტყდა და ერთი პური დააკლდა, ეს კი თვითონაც დაიღუპა და იმდენი ბავშვიც დაღუპა. ძალიან კარგი, დამნაშავე იყო და უსამართლობა არ იყო იმის დასჯა, მაგრამ დასჯა სხვაა და სულით ხორცამდე დაღუპვა და ობლების უნუგემოდ დატოვება - სხვა.

გულისწყრომა შეიძლება იყოს სულელური და უაზრო, შეიძლება უსაფუძვლოდ ბრაზობდეს კაცი. აღშფოთებული კი მაშინ არის, როდესაც სიმართლეს თავისკენ გრძნობს. ჟან ვალჟანი აღშფოთებული იყო.

ან რა მოავონდებოდა საზოგადოებისაგან ავის მეტი? თუ ახსოვდა რამე, ისევ ის რისხვა, რომელსაც ჩვენი საზოგადოება მართლმსაჯულებას უწოდებს, და იმათ მოუვლენს, ვისაც დაცემა სწადია. სადაც კი ადამიანს შეხვდა, ყველასგან გულმოკლული დარჩა; თითო-თითო ყველამ ჩაჰკრა. რაც თავი ახსოვდა, დედისა და დის გარდა აღერსიანი სიტყვა არავისგან გაუგონია, კეთილი თვალით არავის შეუხედავს. ტანჯვას ტანჯვა მოსდევდა, სევდას სევდა ერთვოდა და თანდათან ძვალსა და რბილში გაუქდა ის რწმენა, რომ სიცოცხლე ბრძოლაა და ამ ბრძოლაში დამარცხებული თვითონ იყო. სიძულვილის მეტი არავითარი იარაღი არა ჰქონდა და კატორღაში ყოფნისას აღთქმა დაუდო თავის თავს: სანამ აქა ვარ, გავლესავ ამ იარაღს და თან წავიღებ აქედან წასვლისასო.

ტულონში სკოლა იყო კატორღელებისათვის; ბერები ასწავლიდნენ და უსაჭიროეს ცნობებს აწოდებდნენ მსურველთ. ჟან ვალჟანიც ჩაერთა სწავლის მსურველთა შორის და ორმოცი წლის კაცმა ისწავლა წერა, კითხვა და ანგარიში. გრძნობდა, რომ გონება ეხსნებოდა და თან საზოგადოების სიძულვილი ეზრდებოდა. ავსაც გააზვიადებს ზოგჯერ სწავლა-განათლება.

სამწუხაროდ, არ იკმარა სიძულვილი თავის დამღუპველ საზოგადოებისადმი და ღვთის განგებაც ზედ მიატანა, რადგან ეს საზოგადოება იმას შეეეჭმნა.

ამგვარად, ცხრაშეტი წლის წამებამ და მონობამ ერთსა და იმავე დროს აამაღლა და დასცა უან ვალჟანის სული. ერთი მხრივ ნათელი ეფინებოდა, მეორე მხრივ წყვდიადი ეპარებოდა.

ბუნებით, ეს უკვე ვნახეთ, არ იყო ავი. კატორღაში რომ მიიყვანეს, ჯერ ისევ გულკეთილი იყო, იქ კი საზოგადოება გაამტყუნა და იგრძნო, რომ ავკაცად იქცა; განგება გაამტყუნა და იგრძნო, რომ უღმერთო გახდა.

ძნელია, აქ ერთ წამს არ შევჩერდეთ და არ ჩავფიქრდეთ.

შეიძლება განა სრულიად, ძირითადად შეიცვალოს ადამიანის ბუნება? ღვთისაგან კეთილად შექმნილი ადამიანი განა შეიძლება ადამიანმა ბოროტად აქციოს? შეიძლება განა ერთიანად შეიცვალოს სული და მწარე ბედისაგან თვითონაც გამწარდეს? შეიძლება განა მეტისმეტი უბედურებისაგან ისე დამახინჯდეს გული, რომ საძაგლობა და საზიზღრობა აღარ იუცხოოს? განა არ მოიპოვება ყოველი ადამიანის სულში და, კერძოდ, უან ვალჟანის სულში ჰატარა ნაპერწკალი, ღვთიური ძალა, შეუბღალავი სააქაოში და უკვდავი საიქიოში, რომელსაც სიკეთე აღორძინებს, გააჩაღებს, აანთებს და მშესავით გააბრწყინებს და რომლის სრულიად ჩაქრობას ვერ შეძლებს ბნიერება?

მეტად მნიშვნელოვანი და ძნელი გადასაჭრელია ეს კითხვები, რომელთაგან უკანასკნელზე ყოველი ფიზიოლოგი - „არაო“, იტყოდა სრულიად უყოყმანოდ, ტულონში დასვენების დროს უან ვალჟანი რომ ენახა ოცნებით გატაცებული, გულხელდაკრეფილი, დაღვრემილი, სერიოზული, ჩუმი და უკმეხი, ჯაჭვი უბეში რომ ჩაედო, არ იჩხარუნოსო, კანონის მიერ განკიცხული ჰატიმარი, რომელიც ბრაბით უყურებდა ადამიანს და, ცივილიზაციის მიერ დათრგუნვილი, საყვედურით შუქურებდა ცას.

მართალია, და არც გვინდა ამის დამალვა. დაკვირვებული ფიზიოლოგი აქ განუკურნავ სიდუხჭირეს ნახავდა ჩვენი საზოგადოებრივი ცხოვრებისას. იქნება შებრალებოდა კიდევ ეს მსხვერპლი კანონმდებლობისა, მაგრამ არც კი შეეცდებოდა იმის განკურნებას. თვალს მთარიდებდა უბედურის ღრმად დანყლულებულ გულს და როგორც დანტემ წაშალა ჯოჯობის კარებზე წარწერილი, ისე ის წაშლიდა ამ კაცის შუბლზე ღვთის ხელით დაწერილ სიტყვას - იმედი.

მაგრამ განა ისევე ცხადი იყო უან ვალჟანისთვის თავისი სულის მდგომარეობა, როგორადაც ცხადად ჩვენ ვცადეთ ამის გამოხატვა ჩვენი მკითხველისათვის? ხედავდა კი უან ვალჟანი გარკვევით თავის სულიერ ცვლილებას? მკაფიოდ არჩევდა ამ ცვლილების თანდათანობას და იმ საფუძველს, რომელზედაც მყარდებოდა მისი ზნეობრივი უბადრუკობა? შეეძლო კი ამ ტლანქ, უსწავლელ კაცს ცალ-ცალკე გაეხინჯა ყოველი თავისი ფიქრი, მიჰყოლოდა მათ ერთმანეთზე დამოკიდებულებას და გაეთვალისწინებინა ის გზა, რომელმაც გული დაუსერა, სევდით აუვსო და თალხით შეუმოსა? შეეძლო განა შეეგნო, რა ცეცხლი ენთო მის გულში? ამის თქმას ვერ გავებდავთ; და არც მჯერა, რომ შესძლებოდა; მეტად უვიცი იყო და ამდენი ტანჯვაც კი ვერ შეუვსებდა ამ ნაკლოვანებას. ხშირად არც კი იცოდა დანამდვილებით, რასა გრძნობდა. წყვდიადში იმყოფებოდა, წყვდიადში იტანჯებოდა, წყვდიადშივე სძულდა ბნელით მოცული ცხოვრება. უსინათლოსავით აფათურებდა ხელეებს, ხანდახან

მხოლოდ თავისაგანვე ან გარედან რაღაც ბრაზი შეათრთოლებდა თავით ფეხამდე და უსაზღვრო ტანჯვის სიმწარე უცხად იელვებდა, გაანათებდა და ყველგან მის გარშემო, წინაც და უკანაც თავისი სულის საშინელ უფსკრულს და ბნელ ხვეულებს დაანახვებდა.

იელვებდა, მერე ისევ წყვდიადი შემოეფარებოდა და თვითონაც აღარ იცოდა, სად იყო.

განსაკუთრებული თვისება ამგვარი სასჯელისა, რომელიც უღმობლობაზე დაწყებული, ის არის, რომ ადამიანს ნელ-ნელა მხეცად აქცევს და ხშირად - სისხლით გაუმაძღარ მხეცადაც. კანონისაგან ადამიანის სულზე ამ უაზრო გავლენის საბუთად საკმარისია ჟან ვალუჟანის დაუინებელი, ოთხჯერ ზედიზედ გაპარვა. კიდევ რომ დარჩენილიყო კატორღაში და ხელთ ეგდო კარგი შემთხვევა, კვლავაც გაიპარებოდა და არც თავისი საქციელის შედეგს დაუფიქრდებოდა, არც გაპარვისათვის უკვე ნაცად სასჯელს. დაუფიქრებლად, მკვირცხლად გაიქცეოდა ხოლმე კატორღიდან, თითქოს მგელი იყო გალიაში დამწყვდეული, კარი ღია ნახა და გაიქცაო. ინსტინქტი ჩასძახოდა - ჩქარა, თავს უშველეო, გონებას უნდა ეთქვა - დარჩიო; მაგრამ იმდენად მძლავრი იყო ცდუნება, რომ გონებას სრულიად აკარგვინებდა. ამ შემთხვევაში მხოლოდ ინსტინქტიღა შეენარჩუნებინა, ადამიანი აღარსად იყო. მხოლოდ მხეცი მოქმედებდა. დაიჭერდნენ, გაპარვისათვის უფრო სასტიკად დასჯიდნენ, მაგრამ ამით გონებაზე ვერ მოჰყავდათ უბედური და უფრო და უფრო ამხეცებდნენ მხოლოდ.

ერთი რამ სჭირდა ჟან ვალუჟანს, რაც საჭიროა მოვიხსენიოთ. საკვირველი ღონიერი კაცი იყო და კატორღაში ვერაფერს შეედრებოდა ფიზიკური ძალით. გაჭირვებაში, ბაგირის გრეხაში, სიმძიმეთა ამწევი მანქანის ხმარებაში, ოთხ კარგ ვაჟუკაცს სტობდა. იმისთანა კლდეს წამოიკიდებდა ზურგზე, რომ ურმის თვლებს დაამტვრევდა თავისი სიმძიმით. სადაც ჟან ვალუჟანი იყო, იქ სიმძიმეთა ამწევი მანქანა აღარ დასჭირდებოდათ. ამხანაგები „ჟან ჯალამბარს“ ეძახდნენ. ტულონში ქალაქის თვითმმართველობის აივანს ბოძების წინ საკვირველი ხელოვნური სვეტები - კარიატიდები უდგას. როდესაც აივანზე რაღაც წინახედს აკეთებდნენ მუშები, ერთი ამ სვეტთაგანი შეინძრა და ის იყო უნდა ნაქცეულიყო, რომ იქვე მდგომმა ჟან ვალუჟანმა მხარი მისცა და შეიკავა, ვიდრე მოეშველებოდნენ და გაამაგრებდნენ.

დიდ ღონესთან ერთად მოქნილი აგებულებაც ჰქონდა, ზოგი კატორღელი მარტო გაპარვის იმედითლა ცხოვრობს და ამ ოცნების განსახორციელებლად ისე ივარჯიშებს ღონეს და მოხერხებას, რომ რაღაც უცნაურ, მხოლოდ კატორღაში შესაძლებელ საიდუმლო მეცნიერებასა ექნის. ეს არის მეცნიერება კუნთებისა. ნეტავი ფრთები მესხასო, - სულ ამასა ნატრობენ და განუწყვეტელი ვარჯიშის წყალობით სწორედ რომ ფრთებს ისხამენ. გალესილი სახლის კედელზე ისე აცოცდებოდა ჟან ვალუჟანი, თითქოს თამაშობს, თავის გართობას ცდილობსო. სადაც თვალი ხელის მოსაჭიდს ვერას ხედავდა, ის ხელსა სჭიდებდა, ფეხსაც იმაგრებდა. კუნჭული ყოფილიყო, თორემ თვალთმაქცივით აცოცდებოდა სამსართულიანი სახლის ბანზე. ერთ კედელს ზურგს მიაჭერდა, მეორეს - მუხლებს, იდაყვებით და ქუსლებით ხობავდა და თვალის დახამხამების უმაღ ზევით იყო. ხშირად თვით სატუსალოს მოჰქცევია სახურავზე ამგვარად.

ცოტას ლაპარაკობდა, სიცილი არ იყო. მეტისმეტი სასაცილო რამ უნდა მომხდარიყო, რომ მთელი წლის განმავლობაში ერთხელ-ორჯერ მოსვლოდა უბედურს ის მწარე სიცილი, რომელიც უფრო მაგნე სულისას ჰგავს, ვიდრე ადამიანისას. რომ შეგეხებათ, იტყოდით, რაღაც საშინელებას უყურებს განუწყვეტლივ ეს კაციო.

მართლაცდა, ერთი ფიქრით იყო გატაცებული.

გონებადასშული და განუვითარებელი ბუნების ავადმყოფური ადოქსით თავისდა შეუგნებლად მაინც გრძნობდა, რომ ზედ რაღაცა საშინელება ანვა და სულს უხუთავდა. ბნელში ეგდო. მართალია, ოდნავ განათებულ ბნელში, მაგრამ როგორც კი წელში გაიშლება და თავალს გაახელდა, მაშინვე დაინახავდა შეშინებული და ცოფმორეული თავის სულთამხუთავს, იმდენად მალლა ამართულს, რომ თავალს ვერ უწვდენდა. ერთმანეთზე ხედავდა ვადაბმულს ჩვენს ცხოვრებას, კანონმდებლობას, ცრუმორწმუნეობას, ადამიანებს და მათ საქციელს. ჯეროვნად ვერ არჩევდა, მათ ურთიერთდამოკიდებულებას ვერ მიმხვდარიყო; არ იყო, რომ ამ სასწაულებრივ ვეშაპივით მძლავრ პირამიდას ჩვენი საზოგადოებრივი განათლება ეწოდებოდა; მაგრამ მისი სიმძიმე რომ ანვა, ამას კი გრძნობდა. აქა-იქ ამ რთულ და მახინჯ ურთიერთობაში ხან თავის გვერდით, ხან შორს, თვალმიუწვდომელ სიმაღლეზე გარკვევით ეჩვენებოდა სინათლით მოფენილი რამე სურათი: აქ - კატორღელების მცველი თავისი ჯიხით, ჟანდარმი თავისი ხმლით, იქ - ეპისკოპოსი თავისი ბრწყინვალე შესამოსით და სულ ზევით, მხესავით კამკამა გვირგვინოსანი ხელმწიფე. საუბედუროდ, კარგადა გრძნობდა, რომ ეს შორეული ბრწყინვალეობა არ ანათებდა; პირიქით, უფრო აბნელებდა და აჯოჯოხებებდა მის წყვდიადს; ზედ ანვა, ზედ დასტრიალებდა ყველაფერი - კანონები, ცრუმორწმუნეობანი, ადამიანი და მისი საქმენი; ირეოდა ერთმანეთში, მიმდინარეობდა იმ საიდუმლო და რთული მოძრაობით, რომელიც ცივილიზაციას მიანიჭა ღმერთმა. ის ძირს ეგდო დანარცხებული, ძირს ითვლებოდა, ზედ კი ჩვენი საზოგადოებრივი ცხოვრება შესდგომოდა და წიხლს აჭერდა, სულს უხუთავდა მშვიდობის სახელით, ანამებდა კაცთმოყვარეობის სახელით. უბედურებაში დასშული სული, უბედურებაზე ჯვარცმული ადამიანი, კანონისა და საზოგადოებისაგან მოკვეთილი და უარყოფილი, კარგად გრძნობდა, რომ ადამიანთა საზოგადოება მაჯალაჯუნასავით გულზე დასწოლოდა თავისი საშინელი სიმძიმით; ეს საზოგადოება ვეებერთელაა მათთვის, ვინც მის გარეთაა და საშინელია, ვინც მის ქვეშ არის მომწყვდეული.

ამ ყოფაში იყო ჟან ვალჟანი და, მაშ რა უნდა ყოფილიყო საგანი იმისი ფიქრისა?

დოლაბებს შუა მოყოლილ ხორბლის მარცვალს რომ ფიქრი შესძლებოდა, სწორედ იმას იფიქრებდა, რასაც ჟან ვალჟანი ფიქრობდა. სიტყვით გამოუთქმელ დღეში იმყოფებოდა თავის ფიქრებს მიცემული ჟან ვალჟანი. ლანდით სავსე სინამდვილემ და სინამდვილით სავსე მოჩვენებებმა გაიტაცა.

ხანდახან, კატორღელი მუშაობის დროს უცხად შედგებოდა გაშტერებული და ფიქრს მიეცემოდა. თანდათან უვითარდებოდა შეგნება, მაგრამ უფრო და უფრო უძნელდებოდა გარემოებათა გამორკვევა; უაზრობად ეჩვენებოდა თავისი თავგადასავალი. შეუძლებლად ეჩვენებოდა ყოველივე, რაც ვარს ერთყა. - სიზმარში ხომ არა ვარო? - ეკითხებოდა თავის თავს. გაშტერებული შესცქეროდა იქვე

რამდენიმე ნაბიჯის მანძილზე მდგომ დარაჯს. დარაჯი ლანდად ეჩვენებოდა. მაგრამ უცბად ჯოხს დაჰკრავდა ეს ლანდი და სინამდვილეს მოავიწყებდა.

ბუნება თავისი მშვენიერებით თითქმის არც კი არსებობდა უბედურისათვის. სრულ სიმართლეს ვიტყვით თითქმის, რომ უან ვალჟანი არც მგეს ხედავდა, არც ზაფხულის დღეებს, არც ვარსკვლავით მოჭედებულ ცას, არც აპრილის განთიადს. ნეტავ რაღა ასულდგმულებდა ამ ტანჯულ სულს? დასასრულ, ყოველივე აღნიშნულის მოკლედ გამოსახატავად უნდა ვადიაროთ, რომ ცხრამეტი წლის განმავლობაში სრულიად გამოიცვალა უან ვალჟანი. მშვიდი, დაჩაგრული, ყოველად უვნებელი, უწყინარი ფავროლეული გლეხი კაცი ტულონის კატორლამ საშპმ ადამიანად აქცია, რომელსაც შეეძლო, ერთი მხრივ, დაუფიქრებლად, ინსტინქტის ძალით, სრულიად შეუგნებლად ჩაედინა საძრახისი რამ და ამით მოეთხანა თავისი დანყლულებული გული; აგრეთვე, დინჯად, მოუფიქრებთ, შეგნებულად ჩაედინა რაიმე ბოროტმოქმედება. კატორლამ გზა დაუხლართა შეუგნებელს და ისე აურია ერთმანეთში ავი და კარგი, ბინიერი და სათნო, რომ უან ვალჟანი კი არაა, იმაზე მეტი გონებისა და შეგნების პატრონიც ვერ გადარჩებოდა გაუხრწნელი იმ უსაფუძვლო აზრებს, რომელთაც აღძრავს და ასაზრდოებს ამგვარი წამება. კატორლამ შეურაცხყოფით გული აუესო და ნაღველით - სული; ღრმად ჩაუნერგა მისი მტანჯველი საზოგადოებისადმი სიძულვილი და სურვილი სისხლის ძიებისა. ისე აღშფოთდებოდა ხშირად, რომ ყველას ერთიანად ემუქრებოდა ამონყვეტით - კეთილს, მართალს და უბრალოს. დასაბამი მისი ფიქრისა, როგორც დასასრული და დასკვნა, ყოველთვის ერთი და იგივე იყო - უსამართლობა კანონისა; სწორედ ის ფიქრი, რომელიც, თუ განგებამ არ შეაყენა თავისი მადლით, ნელ-ნელა საზოგადოებისადმი სიძულვილს აღძრავს კაცში, ღრმად გაუდგამს ფესვს და გააძლიერებს, შეაძულებს ადამიანს და ყოველ სულდგმულს. ცოფიანი მხეცივით დაძრწის მაშინ უბედური და თითქოს სისხლი სწყურიაო, სულ იმას ცდილობს, რომ ავნოს, დააზიანოს და სტანჯოს ვინმე.

უან ვალჟანის პასპორტში მოხსენებული მისი დახასიათება, - ძალიან საშპმ კაციო, - როგორც მკითხველიც ხედავს, უსაფუძვლო არ უნდა ყოფილიყო.

სული ეშრეტებოდა კატორლაში მყოფს ნელ-ნელა, მაგრამ განუწყვეტლივ, დღითი დღე სულგახევებულს, გული ქვისა ჰქონდა და თვალი - მშრალი. ცხრამეტი წელი შესრულდა, რაც ცრემლის უკანასკნელი წვეთი გადმოუვარდა თვალთავან.

თავი მერვე

ზღვა და წყვდიადი

კაცი ჩავარდა ზღვაში.

ვის რა ენაღვლება! ხომალდი ვერ გაჩერდება, ქარი ქრის, ხომალდი თავის გზას ადგას და წავა კიდევ. ხომალდი თავის გზას მიეშურება.

კაცი დაძირა წყალში! ააგერ, ისევ გამოჩნდა. ხან ზვირთი ჰფარავს, ხან ისევ ცურავს, ყვირის, ხელს იწვდის, არავის ესმის, ქარიშხალი ბობოქრობს, ხომალდი ქანაობს, თავის გზას მისდევს. მგზავრები და მემღვაურები ვეღარც კი ხედავენ უბედურს. წყლის სივრცეზე ბუზივითაა მოჩანს საბრალოს თავი.

სამინელი ხმით ყვირის; ლანდივით ქრება მიმავალი ხომალდი. მისჩერებია იმ ლანდს და თვალს ვეღარ ამორებს. მიდის, შორდება ხომალდი, ნელ-ნელა

მკირდება. ამ ერთი წამის წინ თვითონაც ხომალდზე იყო, სხვებთან ერთად მიდი-
მოდიოდა გემბანზე, სუნთქავდა, მგეს შეჭხაროდა, ცოცხალი იყო. ახლა სადღაა? რა
მოუვიდა? ფეხი დაუსხლტა, გადავარდა, დაიღუპა.

აგერ წყალშია, უძირო წყალში. მის ფეხქვეშ ჯურღმული და უფსკრულია. გარს
ქარისაგან დაგლეჯილი და განრისხებული ზვირთები ახვევია. ზღვის ფსკერი თავისკენ
იზიდავს. წყალი თავში სცემს, ტალღა ზედ აფურთხებს და სუნთქვას უკრავს.
ჩაიყურყუმელებს წყალში ქანცგანყვეტილი და წყვდიადით მოცულ უფსკრულსა
ხედავს. რაღაც უცნობი, საზოგადოებრივი მცენარეები ეჭიდებიან, ფეხებში ედებიან და
თავისკენ იზიდავენ. გრძნობს, რომ იღუპება, ზღვის წილად ხდება. ნაფოტივით
მისდევს ტალღის ქაფს, სიმწარესა სვამს; გრძნობს, რომ ბილნი ზღვა ტკბება იმისი
ტანჯვით, სულთმობრძავის ტანჯვით და, რა დატკბება, დაახრჩობს კიდევ, თითქოს
წყალი კი არა, სიძულვილი იყოს მთელი ეს ზღვაო.

მანც იბრძვის.

ცდილობს გამაგრდეს, წყალზე შეჩერდეს, ღონეს იკრებს, ხელს იქნევს, ცურავს.
საბრალო, სუსტი, უკვე ძალდაშრეტილი ებრძვის დაუძლეველს.

ხომალდი რაღა იქნა? აგერ ძლივსღა ჩანს ჰორიზონტის მკრთალ სინათლედ.

გრიგალი მძვინვარებს, ტალღა სცემს, ზევით ღრუბლის მეტს ვერაფერს ხედავს.
გახელებულა, გააფთრებულა ზღვა და ბურთივით ისვრის სულთმობრძავს... თან
სამინლად ხმაურობს, თითქოს ყიჟინას სცემს განწირულსაო.

ფრინველები ლივლივებენ მაღლა ღრუბლებში, როგორც ანგელოსები,
რომელნიც ზედ დასტრიალებენ ადამიანის ურვას. მაგრამ რას უშველიან? ცაში
დაფრინავენ, ცაში გალობენ, დაციალებენ, და ის კი გმინავს.

უსაზღვრო ზღვა, უსაზღვრო ცა და მათ შუა უბედური. გრძნობს, რომ ზღვა
აკლდამად გაუხდა და ზეცა - სუდარად.

ბინდდება კიდევ. რამდენი ხანია ზღვას ებრძვის. ხომალდი უკვე გაქრა. გაქრა
იმედიც, მარტოდმარტოა, გარს ზღვა და ღამეა. ნელ-ნელა ძირს მიდის, იკლავნება,
ფეხქვეშ უფსკრულს გრძნობს და ყვირის.

ადამიანის ჭაჭანება არსად არის, მაგრამ ღმერთი?

ყვირის და ყვირის: - „მიშველეთ! მიშველეთ!“

ვერაფერს გაარჩევს თვალი ჰორიზონტზე. არაფერია ცაზე.

ზღვას ევედრება, ტალღას, ზღვის ბალახს. მაგრამ ზღვა ყრუა. ქარიშხალს
შესთხოვს შველას, მაგრამ გულცივი ქარიშხალი მხოლოდ უსაზღვროს ემორჩილება.

მის გარშემო სიბნელე, ნისლი, სიმარტოვე, ღელვა და გამმაგებულ ზვირთთ
ხმაურია; გულში - სასონარკვეთილება და ულონობა, ფეხქვეშ - უფსკრული. აარსად -
საყრდნობი; თან შიში, ნეტავ რას უზამს ჩემს უსულო გვამს ამ ზღვის ძირით? სიცივე
ეპარება, ხელებს უშემებს. თითებს ძლივს ხმარობს, მაგრამ მანც ებლაუჭება წყალს.
ქარი, ღრუბელი, ზღვა და ზღვის ღელვა, ზედ ცის კამარა. რა ქნას? დაქანცული,
იმედმიხდილი ბედს ემორჩილება, სიკვდილს ირჩევს, აღარ იძვრის, თვალსა ხუჭავს
და საუკუნოდ იღუპება, უფსკრულის მიერ შთანთქმული.

ულმობელია ადამიანთა საზოგადოებრივი სვლა. მრავალ სულს ღუპავს გზაში.
ზღვაში იღუპება ყველა, ვისაც კი კანონი გადმოაგდებს ხომალდიდან. გადმოაგდებს
და შველაზე აღარ ბრუნავს. აი, მნეობრივი სიკვდილი.

ზღვა უღმობელი სოციალური წყვდიადია, რომელშიც მსჯავრდადებულთ ყრის მართლმსაჭულება. ზღვა არის განუსაზღვრელი უბედურება. ამ უფსკრულში ჩაძირული სული შესაძლებელია ლემად იქცეს. ვინდა აღადგინოს იგი?

თავი მეცხრე
კიდევ სიმწარე

კატორლიდან გამოსვლის დრო რომ მოვიდა, ეს უცნაური სიტყვები რომ მოესმა უან ვალჟანის ყურს - თავისუფალი ხარო, - წარმოუდგენელი სიხარული იგრძნო საბრალომ, თითქოს ცა გაიხსნა და ის შუქი მოჰფინა, რომლითაც მარტო თავისუფალნი ტკბებიან. მაგრამ წამივით სწრაფი იყო ეს სიხარული და მალე დაუბნელდა სინათლე. თავისუფალი ხარო - რომ უთხრეს, წამდვილად თავისუფალი ეგონა თავი; ეგონა, დღეიდან ახალ, უკეთეს ცხოვრებას მიანიჭებდა ბედი, მაგრამ ძალიან მალე დაინახა, როგორია თავისუფლება იმ კაცისა, რომელსაც ჯიბეში კატორღელის ყვითელი პასპორტი უდევს.

სხვა სიმწარეც ბევრი იგემა. გამოანგარიშებული ჰქონდა, რომ კატორღაში ყოფნის დროს სრული ას სამოცდათერთმეტი ფრანკი უნდა მოგროვილიყო მის წილად. მართალია ავიწყდებოდა, რომ კვირა-უქმე დღე არ უნდა ჩაეთვალა ამ ანგარიშში და, მაშასადამე, ოცდაოთხი ფრანკით ნაკლები ჯამი გამოეყვანა, მაგრამ მიუხედავად მისი ანგარიშისა, ზოგი რაში დაუქვითეს, ზოგი რაში და გათავისუფლების დროს ას ცხრა ფრანკი და თხუთმეტი სუ დაუთვალეს.

ამ ანგარიშისა ვერა გაიგო რა და დარწმუნებული იყო, რომ ნაკლები მისცეს, ფული მოპარეს.

კატორლიდან რომ გამოვიდა, მეორე დღეს გრასში არყის სახდელი ქარხნის კარებზე მუშები დაინახა, საქონელს ეზიდებოდნენ. მეც მამუშავეთო, სთხოვა. საქმე საჩქარო იყო და მიიღეს. დაიწყო ზიდვა. შეგნებული კაცი იყო, მარჯვე, ღონიერი. ცდილობდა, რაც კი შეეძლო და ეტყობოდა, არც ემდუროდნენ. სწორედ მუშაობის დროს გამოიარა ერთმა უანდარმმა, შენიშნა უან ვალჟანი და მოწმობა სთხოვა. უნდა ეჩვენებინა თავისი ყვითელი პასპორტი. აჩვენა და ისევ საქმეს შეუდგა. ცოტა ხნით ადრე ერთ მუშას ჰკითხა, - დღეში რას იღებო? - ოცდაათ სუს, - უპასუხა იმან. საღამოს, რაკი მეორე დღეს იძულებული იყო თავის გზას გასდგომოდა, პატრონთან მივიდა და ნამუშევარი სთხოვა. მექარხნემ ხმა არ გასცა, აილო და თხუთმეტი სუ დაუნყო წინ. მეტი მერგებაო, - შეეხვეწა. - შენთვის ეგეც მეტიაო, - შეუტია ქარხნის პატრონმა. ის მაინც არ იშლიდა და თავისას თხოულობდა. პატრონმა თვალი გაუსწორა და უთხრა - იყოლე, ისევ ციხეში ამოყოფ თავსო!

აქაც იგივე რწმენა ჩარჩა გულში, - გამძარცვეს, ოფლით ნამოვარი დამიჭირესო.

საზოგადოებამ, მმართველობამ ცხრამეტი წლის ნაჭირნახულები შეუჭამა. ახლა კერძო კაცის ჯერი მოსულიყო და ისა ჰპარავდა ფულს დღიური ნამრომიდან.

სასჯელის გათავება და საპატიმროდან გამოშვება დევნიდან როდი ათავისუფლებს კაცს. კატორლიდან კი გამოვა კაცი, მაგრამ კატორლის დაღი ზედ ამის.

ააი, რა გადახდა გრასში; როგორ დაუხვდნენ დინელები, ისიც ხომ ვნახეთ.

თავი მეთათ

აღამიანი ილვიძებს

შუალამის ორი საათი დაჰკრა საეპისკოპოსო ტაძრის საათმა, როდესაც უან ვალუანს გამოეღვიძა. გამოეღვიძა იმიტომ, რომ მეტად კარგ საწოლზე იწვა. აგერ ოცი წელიწადი სრულდებოდა, ლოგინში არ წოლილიყო და თუმცა გაუხდელს ეძინა, მაგრამ შეგრძნება ახალი იყო და ამან ძილი გაუფრთხო.

ოთხ საათზე მეტი ეძინა, დაღლილობა აღარ ეტყობოდა, უკვე დასვენებული იყო და არც ჩვეული იყო დიდხანს ძილს.

თვალი გაახილა, სცადა დაენახა რამე ბნელ ოთახში, მერე ძილი დააპირა და თვალი დახუჭა.

მთელ დღეს რომ მღელვარებაში გაატარებს კაცი და თავის ვარამს კი ვერ მოიშორებს, ერთ პირს ჩაიძინებს დაღლილი, მაგრამ მეორედ კი ვეღარ ჩაეძინება. უბედურს ერთხელ ეღირსება ძილი და რომ გაიღვიძებს, ამაოდლა დახუჭავს თვალს. ასე მოუვიდა უან ვალუანსაც, ვეღარ დაეძინა და ფიქრს მისცა თავი.

ძილგამფრთხალი კაცის აზრები არეულია და გაურკვეველი. ფიქრები ერეოდა და ვერც ერთხელ ვერ შეჩერებულიყო. წარსულის მოგონებებს გუშინდელი დღის შთაბეჭდილებები უერთდებოდნენ, ერთმანეთს ფარავდნენ და აზვიადებდნენ, გონების თვალწინ ტრიალებდნენ, იზრდებოდნენ და უცხად ქრებოდნენ. და ამ ფიქრებში ერთი იყო მხოლოდ, რომელიც წამდაუნუმ ელვასავით უვლიდა თავში, თითქოს სხვების განდევნა და დაჩრდილვა უნდაო. ეს ფიქრი, - ახლა ვთქვათ, რა იყო ეს ფიქრი, - ეპისკოპოსის ვერცხლეული იყო. უან ვალუანმა კარგად შენიშნა ვერცხლის ექვსი დანა-ჩანგალი და ჩამწა, რომლებიც მაგლუარმა დაამწკრივა სუფრამე.

თვალთავან არ შორდებოდა ეს ვერცხლეული. სულ წინ უდგა. ხელი რომ გაეწვდინა, მისწვდებოდა. უან ვალუანი რომ დასაძინებლად მიჰყავდა ეპისკოპოსს, იქ, წინა ოთახში, მოხუცებულ მოახლეს მოჰკრა თვალი, ვერცხლეულს რომ ალაგებდა განჯინაში, ეპისკოპოსის ლოგინის თავთან. განჯინაც კარგად შენიშნა, სასადილო ოთახიდან რომ შევიდეს კაცი, მხარმარჯვნივ არის კედელში დატანებული. მერე რა მძიმე დანა-ჩანგალია. ძველი ვერცხლი, ჩამწიანად. სულ ნაკლები რომ ვთქვათ, ორას ფრანკს შესძენს კაცს. ერთიორად მეტს, ვიდრე ცხრამეტი წლის განმავლობაში შეიძინა. მართალია, იქაც მეტი ექნებოდა, უფროსობას რომ არ მოეპარა.

რაც დრო გადიოდა, უფრო და უფრო ერეოდა ეს ფიქრი. ცოტა არ იყოს, წინააღმდეგობასაც უწევდა ამ წადილს მის გულში ჩამარხული რაღაც გრძნობა, მაგრამ ძალიან სუსტ წინააღმდეგობას. მთელი საათი დაჰყო ამ ფიქრში. სამი საათი დაჰკრა. თვალი გაახილა. უცხად წამოინია ლოგინიდან, ხელით იქვე ლოგინთან მიდგმული ჩანთა იპოვა და ლოგინზე ჩამოჭდა.

ცოტა ხანს ასე დაჰყო გამტერებულმა, თვალედაჭყეტილმა. საზარელი სანახავი იყო მარტოდმარტო ამ ბნელ ოთახში, მიწყნარებულ სახლში მჭდომი ეს ძილგამფრთხალი კაცი და იმ დროს ვინმეს თვალი რომ მოეკრა, უნებურად შიში აიტანდა. დაიხარა, წაღები გაიძრო, იქვე ლოგინთან დაინყო ნელა, და ისევ ისე დარჩა ლოგინზე მჭდომი, ჩაფიქრებული, უძრავი.

საზარელი ფიქრები კი გარს ევლებოდნენ და გონებას უფორიაქებდნენ, ქაჯებივით დაჰქროდნენ მის გონებაში, შედიოდნენ, გამოდიოდნენ, კვლავ ბრუნდებოდნენ. ერთიანად დაჰპატრონებოდნენ მის სულსა და გულს. გრძნობდა, რომ ბატონი აღარ იყო თავისი თავისა, უნდოდა განედევნა ეს მაცდური ფიქრები და ფიქრი კი აღარ შეეძლო: თითქოს სიმზარშიაო, მაშინვე თავისი კატორღელი ამხანაგი წარმოუდგებოდა თვალწინ, სახელად ბრევე, თავისი დაგლეჯილი, სარტყელის მაგივრად თოკით შეკრული შარვლით. ცდილობდა თავი დაეღწია ამ ფიქრებისათვის და მაინც ბრევეს თოკით შეკრული შარვალი ელანდებოდა.

კარგა ხანი იყო ამ ყოფაში და იქნება გათენებამდეც დარჩენილიყო ასე გაშტერებული, საათს რომ არ დაერეკა - თხუთმეტი წუთი იყო ან ნახევარი. საათმა დაჰკრა და იმასაც რაღაცამ ჩასძახა გულში - ადევ!

წამოდგა, ერთ წამს შეეყოყმანდა, ყური მიუგლო. ყველა მიჩუმებული იყო სახლში. ნელი ნაბიჯით, ფეხაკრეფით, პირდაპირ ფანჯარისკენ წავიდა. ბნელი არ იყო ღამე, სავსე მთვარე იდგა ცაზე, მაგრამ ქარი სწორედ მთვარისკენ მიერეკებოდა დაგლეჯილ ღრუბელს და ხან ჩამობნელდებოდა არემარე, ხან სხივი მოეფინებოდა.

ოთახში ბინდი იდგა. ფანჯრიდან დროგამოშვებით შემოსული სინათლე ისე ეფინებოდა ოთახს, თითქოს ბნელ სარდაფს პატარა სარკმლიდან ჩასდის შუქი და ამ სარკმლის წინ კი გამვლელი არ ილევას. ფანჯარასთან მივიდა, გასინჯა. დარაბა არა ჰქონდა, ბაღში ვადიოდა და უბრალო რაზა-კოჭაკით იყო ჩაკეტილი. ვაალო, მაგრამ უცხად იმისთანა სიცივე შემოვარდა ოთახში, რომ მაშინვე მიხურა. ბაღს გადახედა. გზები აათვალიერა. ბაღს პატარა დაბალი კედელი ერტყა, თეთრად შეღესილი, ისეთი დაბალი, რომ გადასვლა არავის გაუჭირდებოდა. ღობის იქით ხეები მოჩანდა, რიგზე ჩამწკრივებული. მამასაღამე, იქაც ბაღი უნდა ყოფილიყო, ან ხეებით დამშვენებული ქუჩა.

რაკი ბაღი შეისწავლა, უკან დაბრუნდა უკვე მიღებული გადანყვეტილებით დამშვიდებული; ლოგინთან მივიდა, ჩანთა აიღო, გახსნა, რაღაც ამოიღო და ლოგინზე დადო, წაღები ჯიბეში ჩაიღო, ჩანთა აიკიდა, ქუდი თვალებზე ჩამოიფხატა. ხელის ფათურით ჯოხი იპოვა და ფანჯარასთან მიაყუდა. მერე ისევ ლოგინთან მივიდა და ჩანთიდან ამოღებული ნივთი აიღო; მოკლე რაღაცა რკინის ოროლი იყო, ერთ ბოლოზე წაწვეტებული.

სიბნელეში ძნელი გამოსაცნობი იყო, რა მიზნით ჰქონდა შენახული ეს რკინა. იქნებ ბერკეტი იყო ან კვერთხი.

დღე რომ ყოფილიყო, ადვილად მიხვდებოდი, რომ ეს საგანი მადნებში მომუშავეთა შანდალი იყო. იმ დროს კატორღელებს ხშირად ამუშავებდნენ ქვა-მადნის საბადოებში ტულონის გარშემო მდებარე კლდეებში და საჭირო იარაღსაც აძლევდნენ. მადნებში მომუშავეთა შანდალი ერთი საკმაოდ სქელი რკინაა, ერთ მხარეს ლურსმანივით წვეტიანი, რომ კლდეში ჩაარჭონ და დაამავრონ.

ეს რკინა მარჯვენა ხელში დაიჭირა. სუნთქვა შეიკრა და ჩუმი ნაბიჯით წავიდა ეპისკოპოსის საწოლი ოთახისკენ. კარი ღია დახვდა. ეპისკოპოსს არც კი დაეკვტა.

თავი მეთერთმეტე
რა ქნა იმ ღამეს

ჟან ვალჟანი კართან შედგა და ყური მიუგდო. არსაიდან ხმა.

კარს მიანვა.

ოდნავ მიანვა, ცალი თითით, ფრთხილად, ისე ნაზად, თითქოს კატა და შინ შესვლა უნდაო.

კარი გაიღო. ნელ-ნელი, შეუმჩნეველი და ჩუმი მოძრაობით იწვედა უკან და გზას აძლევდა შესასვლელად.

ერთ წამს მოითმინა; მერე კიდევ მიანვა კარს, უფრო გაბედულად.

ისევ დაინია კარმა და ისევე ჩუმად. ახლა კი შეიძლება შესვლა, მაგრამ სწორედ კართან, შიგ შესასვლელში იდგა ერთი პატარა მაგიდა და გზას ავიწროებდა.

ჟან ვალჟანმა მაშინვე იგრძნო ხიფათი. ცოტა კიდევ უნდა გაღებულყო კარი.

რაკი საჭირო იყო, კიდევ უნდა გაეღო. მესამედ უფრო გაბედულად და ღონივრად მიანვა და უცბად გაზეთილი კოჭაკის ჭრაჭუნი გაისმა.

ჟან ვალჟანი შეკრთა, შეთრთოლდა. ისე მოხვდა იმის ყურს ეს ხმა, თითქოს განკიცხვის დღე დადგა და ბუკი და საყვირი დაჰკრესო.

გონება ვეღარ მოეკრიფა გულგახეთქილს. ეგონა ეს კოჭაკი გაცოცხლდებოდა, მყფთარე ძაღლივით გააფრთხილებდა ყველას და გამოაღვიძებდა მძინარე ხალხს.

შემკრთალი იდგა უძრავად, კანკალებდა, გული საშინლად უცემდა. თითის წვერებზე ვეღარ შეიკავა თავი და ქუსლებზე დაეშვა. საფეთქლებში ისე სკემდა სისხლი, თითქოს ჩაქუჩიო. ქარის გრიალივით ესმოდა ყურს მისივე ქმენა და სუნთქვას იკრავდა - არავინ გამიგოსო. დარწმუნებული იყო, რომ კარის ჭრაჭუნზე, როგორც მინისძვრაზე, ყველანი უნდა წამოცვინილიყვნენ ლოგინებიდან. კარმა გასცა, კარმა უღალატა, კარმა გააგებინა ხალხს მისი განზრახვა! აგერ წამოდგება მოხუცებული, ქალები კვილს მორთავენ, ხალხი მოეშველება, შეიქნება ერთი ძახილი და ყოჟინა, მოცვივდებიან ჟანდარმები... ერთი წუთით დაღუპულად მიიჩნია თავი.

ქვასავით იდგა იმავე ადგილზე, გაშტერებული, ფერმიხდილი. რამდენიმე წუთმა განვლო. კარი ფართოდ გაიღო. ისიც დამშვიდდა და ოთახში შეხედვა გაბედა. არა იძვროდა რა. ყური დაუგდო. ხმაური არსად ისმოდა. დაჟანგებული კოჭაკის ჭრაჭუნს არავინ გაეღვიძებინა.

პირველ განსაცდელს უკვე გადარჩენილი იყო, მაგრამ გული კი ვერ დაემშვიდებინა. უკან მაინც არ დაიხია მაშინაც კი, როდესაც დაღუპულად მიაჩნდა თავი. ერთადერთი აზრი უტრიალებდა გონებაში - რაც შეიძლება მალე გაეთავებინა და წასულიყო. ერთი ნაბიჯი გადადგა და ეპისკოპოსის საწოლ ოთახში შევიდა.

სრული მშვიდობა სუფევდა ამ ოთახში. აქა-იქ ბნელში ტაბურეტზე დალაგებული ნიგნები მოჩანდა. მაგიდაზე ქალაღლები, სავარძელზე დანყობილი ტანსაცმელი, სამლოცველო. ჟან ვალჟანი წინ წადგა დიდი სიფრთხილით; თან ცდილობდა ფეხი არაფრისთვის წაეკრა. ლოგინს მიუახლოვდა, ეპისკოპოსის მშვიდი და დანყნარებული სუნთქვა მოესმა...

ლოგინთან უცბად გაჩერდა. უფრო მალე მისულიყო მძინარესთან, ვიდრე თვითონ უნდოდა.

ადამიანის საქციელში ისე გონივრულად ჩაერევა ხოლმე ხშირად ბუნება, ისე მოსწრებულად, თითქოს უნდა თვალი აუხილოს და გონებაზე მოიყვანოს შემცდარიო. კარგი ნახევარი საათი იქნებოდა, რაც შავი ღრუბელი აჰფარებოდა მთვარეს. იმ დროს კი, როდესაც ჟან ვალჟანი ეპისკოპოსის საწოლთან მივიდა, ქარმა უცბად

გაფანტა ღრუბელი, თითქოს იცის, რასა შერებო, ფანჯარას შექმა დაჰკრა, ოთახი გაანათა და სხივი მოჰფინა მძინარის ფერმკრთალ სახეს. ეპისკოპოსს მშვიდად ეძინა, თითქმის ჩაცმული ინვა ქვეშაგებზე, რადგან ქვემო ალპებში საშინელი სიცივე იცის. ყავისფერი თბილი ხალათი მაჯამდე უფარავდა მკლავებს. ბალიშზე მისვენებულ ეპისკოპოსს ცალი, ბეჭდით შემკული ხელი ძირს გადმოვარდნოდა, ის ხელი, რომლითაც იმდენი სიკეთე და წმინდა მადლი მოეფინა თავის სამწყსოში. სახეზე კმაყოფილება, იმედი და ნეტარება უბრწყინავდა. თავზე უხილავი სინათლის სხივი ადგა. მართალია, სული ძილში ცათა საიდუმლოებით ტკბებო.

ეპისკოპოსს ზეციური სხივი ადგა.

მაგრამ თავისივე იყო ეს სხივი, თავისი სინდისისაგან გამონაშუქი ზეცა. ზეცა - სინდისი იყო ეპისკოპოსისა.

მთვარის სინათლემ დიდება მოჰფინა მძინარს. იმწამს თითქოს შედგა, თითქოს მიყურდა ყველაფერიო. ცაზე მთვარე, ძირს მიძინებული ბუნება, თრთოლვაგაჩერებული ბალი და სრული სიმშვიდე რალაც გამოუთქმელ ბრწყინვალეებას ჰფენდა მოხუცებულის მოსვენებას და წმინდანის შარავანდელით მოსავდა მის სპეტაკ თეთრ თმას, დახუჭულ თვალებს, ნდობითა და იმედით აღსავსე გულს, უმანკო ბავშვის ძილით მიძინებული მოხუცის თავს.

რალაც ღვთაებრივი იყო ამ დიდებულ ადამიანში.

ჟან ვალჟანი ჩრდილში იდგა, რკინის შანდლით ხელში. უძრავად იდგა, შეშინებული ამ სხივმოსილი მოხუციით. თავის დღეში არა ენახა რა ამის მსგავსი. შიშის ზარს სცემდა ეპისკოპოსის ნდობა. განა შეიძლება ზნეობრივ მოვლენათა შორის ამაზე უდიდესი სანახავი არსებობდეს, როცა აღელვებული, შეშინებული სინდისი, ავკაცობის გზაზე გაჩერებული, უცქერს მართალი კაცის ძილს?

განმარტოება ეპისკოპოსის სანოლი ოთახისა, ნდობით აღსავსე, უმცირეს ეჭვს მოკლებული მისი ძილი, რალაც უზენაესს წარმოადგენდა ჟან ვალჟანისათვის. რას? არ იცოდა, მაგრამ სულით ხორცამდე შეპყრობილი იყო ამ საიდუმლო ძალით.

ვერაინ იტყვის, რას ფიქრობდა, რას გრძნობდა უბედური. ამის გამოსარკვევად კაცმა ერთმანეთს უნდა დაუპირისპიროს მხეცური ჟინი და უნაზესი სიტკბოება. სახეზეც კი არაფერი ემჩნეოდა გარკვევით. განცვიფრებული იდგა და დასცქეროდა. განცვიფრებას მოეკლა ყოველი ფიქრი და აზრი. იდგა აღელვებული და თავზარდაცემული, მაგრამ რაგვარი იყო ეს აღელვება?

თვალს ვეღარ ამორებდა მძინარს. ერთი რამ ემჩნეოდა ცხადად მის სახეს და მდგომარეობას - ეტყობოდა, ვეღარც წინ წასულიყო და ვეღარც უკან. თითქოს ორ უფსკრულს შორის გაჩერებულა და აღარ იცის საით გადადგას ნაბიჯით. იქით, რომელიც ღუპავს, თუ იქით, რომელიც იხსნის? მზად იყო შანდალი დაეკრა და ეს მძინარე თავი გაეტეხა, ან მუხლი მოეყარა და ხელზე მოხვეოდა.

ცოტა ხნის შემდეგ მარცხენა ხელი ამართა ნელ-ნელა და ქუდი მოიხადა. მერე ისევ ნელ-ნელა დაუშვა ძირს ქუდიანად და კვლავ გაშტერებული დააქცერდა ეპისკოპოსს. მარჯვენა ხელში შანდალი ეჭირა, მარცხენაში - ქუდი; თმა აეშალა და ჯაგარივით ედგა.

ეპისკოპოსს მშვიდად ეძინა. ის ვერ გრძნობდა ამ საზარელ მშერას.

ბუხრის თავზე მთვარის მკრთალ სინათლეზე ჯვარცმული მოჩანდა; ხელაპყრობილი დასცქეროდა ორთავეს, თითქოს უბრძანებდა - ჩემთან მოდიოთ ორივე, ერთი - კურთხევისა და მეორე - შენდობის მისაღებადად.

უცბად ქუდი შუბლზე ჩამოიფხატა, ჩქარი ნაბიჯით ჩაუარა ლოგინს, თვალი მოარიდა მძინარს და პირდაპირ განჯინისაკენ გაემართა. შანდალი ამართა, თითქოს გატეხას უპირებს კლიტესაო, მაგრამ გასაღები იქვე იყო. გააღო და მაშინვე თვალში ეცა კალათაში ჩალაგებული ვერცხლეული. აიღო და უკან გამობრუნდა. ოთახი სრულიად დაურიდებლად გაიარა, ჩქარი ნაბიჯით, ხმაურით, შევიდა სამლოცველოში, გააღო ფანჯარა, წამოიტაცა თავისი ჯოხი და ბაღში გადახტა. ვერცხლეული ჩანთაში ჩადო, კალათი ბაღში გადაავლო, ღობეზე აძვრა, ვეფხვივით გადაახტა კედელს და გაიქცა.

თავი მეთორმეტე
ეპისკოპოსის მოქმედებს

მეორე დღეს, მზე რომ ამოდიოდა, ეპისკოპოსი უკვე დასეირნობდა თავის ბაღში, მაგლუარი რომ გულგახეთქილი მივარდა და შორიდანვე დაუყვირა:

- თქვენო უსამღვდელოესობავ! უსამღვდელოესობავ! ვერცხლეულის კალათი ხომ არ გინახავთ?

- როგორ არა, - უპასუხა ეპისკოპოსმა.

- გმაღლობ, უფალო! - შეჰლაღადა მაგლუარმა. - ვეძებე, ვეძებე და ვეღარ ვიპოვე. ეპისკოპოსს თავისი ყვავილების კვალში ეპოვნა კალათი. აიღო და მაგლუარს მიანოდა.

- აი, მაგლუარ-ქალო.

- გენაცვალეთ, ცარიელი? ვერცხლეული რაღა იქნა?

- ჰოო? - წამოიწყო ეპისკოპოსმა, - მაშ, ვერცხლეული განუხებს? ვერცხლეულისა კი არა ვიცი რა.

- გავუქურდივართ! ღმერთო, დამიფარე!.. ნუხანდელ მანანნალას გავუქურდივართ.

თვალის დახამხამების უმაღლესი გაქანდა მაგლუარი, მთელი თავისი ბებრული სიმკვირცხლით სამლოცველოში შევარდა და ისევ ეპისკოპოსისაკენ გაემურა. ეპისკოპოსი ამ დროს ათვალთვლებდა ყვავილს, რომელსაც უნ ვალჟანისაგან გადაგდებული კალათი მოხვედროდა და შუაზე გადაეტეხა. მაგლუარის ყვირილზე წელში გაიმართა.

- ნასულა ის კაცი, თქვენო უსამღვდელოესობავ! ვერცხლეულიც თან წაულია!

სწორედ ამ დროს შეამჩნია მაგლუარმა კედლიდან გამონგრეული აგური და წაღის ნაქუსლარი.

- აგერ, თქვენო უსამღვდელოესობავ, აგერ, სად გადამძვრალა! კომფილეს ქუჩაში. შერცხვენილი, თავლაფდასხმული! ვერცხლეული მოგვპარა, ჩვენი ვერცხლეული!

ეპისკოპოსი ცოტა ხანს გაჩუმებული იყო, მერე წყნარი თვალით შეხედა მაგლუარს და ტკბილად უთხრა:

- მერე ჩვენი კი იყო ეგ ვერცხლეული, მაგლუარ-ქალო?

მაგლუარი განცვიფრებული დარჩა ამ კითხვით. ორივე გაჩუმებული იყო, მერე ისევ ეპისკოპოსმა განაგრძო:

- შევეცი, ჩემო მაგლუარ, რომ ამდენი ხანი ხელთა მქონდა ეგ განძი, ღარიბებისა იყო და არა ჩემი. ის კაცი ვინლა იყო? ცხადია, ღარიბი და გაჭრივებული!

- ღმერთო, შემინყალე! - შეჰკვილა მაგლუარმა. - მე ჩემთვის კი არა ვწუხვარ, ან ქალბატონისთვის! ჩვენთვის სულერთი გახლავთ, გვექნება ვერცხლის დანა-ჩანგალი თუ არა. მე თქვენთვის ვწუხვარ, თქვენო უსამღვდელოესობავ! პურს როგორღა მიირთმევთ ახლა?

ეპისკოპოსი გაკვირვებული შესცქეროდა.

- გამკვირვებია, ღმერთმანი. კალის დანა-ჩანგალს ველარ ვიშოვით?

მაგლუარმა მხრები აიწია.

- კალამ ცუდი სუნი იცის, თქვენო უსამღვდელოესობავ.

- რკინის იყოს.

მაგლუარმა ტუჩი აიშვირა.

- რკინამ სხვა გემო იცის.

- ჰოდა, მაშინ ხის კოვზები ვიხმაროთ, - უთხრა ეპისკოპოსმა.

ცოტა ხანში საუზმე მიართვა მაგლუარმა; ეპისკოპოსი მხიარულად იყო. ბატისტინე ხმას არ იღებდა. მაგლუარი კი მიმოდიოდა ოთახში და გაფითრებული რაღაცას ბუტბუტებდა. ეპისკოპოსი პურს მიირთმევდა და ქალებს ეხუმრებოდა. ცდილობდა დაემტკიცებინა, რომ რძეში პურის ამოსავლებად საჭირო არ არის არც კოვზი და არც დანა-ჩანგალი.

- ღმერთო, მისხენი! - იძახდა ჩუმად მაგლუარი. - იმისთანა კაცს სახლში როგორ შემოვიყვანდი? მიიყვანა და გვერდით დაიწვინა ვილაც ქურდი, მანანწალა, კიდევ კარგი, შეგვიბრალა ყოვლადძლიერმა და ასე ადვილად გადავარჩით. გენაცვალეთ, ვინ იყო ჩვენი პატრონი, სულაც რომ ამოვენწყიტეთ?

ის იყო გაათავეს საუზმე და და-ძმა ადგომას აპირებდა, რომ კარზე დააკაკუნეს.

- მობრძანდით, - შესძახა ეპისკოპოსმა.

კარი შემოაღეს. უცნაური სანახაობის მხილველნი შეიქნენ გაკვირვებული ეპისკოპოსი და ქალები: სამ კაცს მეოთხე დაეკავებინა და მოჰყავდათ. სამნი უანდარმები იყვნენ, მეოთხე - უან ვალჟანი.

უფროსი უანდარმი, რომელიც წინ მიუძღოდა დანარჩენთ, შევიდა სახლში, ეპისკოპოსს მიუახლოვდა და მხედრული სალაში მისცა.

- თქვენო უსამღვდელოესობავ, - მოახსენა უანდარმმა.

უან ვალჟანი დაღვრემილი, თავდალუნული იდგა. ამ სიტყვებზე თავი მალლა აიღო და განცვიფრებით დააცქერდა ეპისკოპოსს.

- უსამღვდელოესობავო, - წაიბუტბუტა, - მამ მღვდელი კი არა...

- ჩუმად! - შეუტია უანდარმმა, - ვერა ხედავ მის უსამღვდელოესობას, ეპისკოპოსს?

ეპისკოპოსი წამოდგა და რამდენადაც მოხუცებულობა ნებას აძლევდა, სწრაფად მიუახლოვდა უანდარმებს.

- კიდევ კარგი, რომ დაბრუნდით, - უთხრა უან ვალჟანს, - ძალიან მიხარია თქვენი ნახვა; არა, რომ მიდიოდით, შანდლები რატომ არ წაიღეთ? მე ხომ შანდლებიც გაჩუქეთ. ვერცხლისაა და ერთი ორასი ფრანკი მაინც ღირს. რატომ შანდლებიც არ წაიღეთ?

ჟან ვალჟანმა თვალეები დააჭყიტა და ისე გაკვირვებული უყურებდა ღირსეულ მოძღვარს, რომ ადამიანის ენას არ ძალუძს მისი განცვიფრების გამოხატვა.

- თქვენო უსამღვდელოესობავ, - მოახსენა ჟანდარმების უფროსმა. - მამ მართალს მოგვახსენებდა ეს კაცი? გზაში შეგვხვდა; ისე მიეჩქარებოდა, თითქოს მღვდარი მისდევს უკანო. დავიჭირეთ, გავსინჯეთ და ვერცხლევლი ვუპოვეთ.

- და მაგანაც მოგახსენათ, - შეაწყვეტინა სიტყვა სიცილით ეპისკოპოსმა, - რომ ერთმა გადაყრუებულმა ბებერმა მღვდელმა მაჩუქაო, განა? დიახ, სწორედ აგრე იქნებოდა. თქვენც დაიჭირეთ და აქ მომიყვანეთ. უბრალო შეცდომა გახლავთ, ბატონო, სხვა არაფერი.

- მამ, გავუშვათ ეს კაცი? - ჰკითხა ჟანდარმმა.

- მაგას რალა თქმა უნდა? - მიუგო ეპისკოპოსმა.

ჟანდარმებმა თავი დაანებეს ჟან ვალჟანს.

უკან დაინია შერცხვენილმა და ისეთი ხმით წაილულლულა, თითქოს ძილშია და ბოლაფსო:

- მართლა მიშვებთ, თუ...

- მართლა, მამ რა, ტყუილად? - შეუტია ჟანდარმმა, - ყურთ ხომ არ გაკლია?

- აი, შვილო, თქვენი შანდლებიყ. აიღეთ, - მიმართა ტკბილად ეპისკოპოსმა.

მივიდა ბუხართან, აიღო ორივე შანდალი და ჟან ვალჟანს გაუნოდა. ქალები გაჩუმებული შეჰყურებდნენ ამ ამბავს, სულგანახუნნი, თავდახრილნი, რომ მათი რიდი არ ეგრძნო მის უსამღვდელოესობას.

თავით ფეხამდე თრთოდა ჟან ვალჟანი. უგრძნობლად, დარეტიანებულივით გაუნოდა ხელი და ჩამოართვა შანდლები.

- აი, ახლა მიბრძანდით, თუ მიგეჩქარებათ, - უთხრა ეპისკოპოსმა. - მართლა, თუ ჩემი ნახვა კიდევ დაგჭირდეთ, ბაღზე ნუ გადმოივლით, ქუჩის კარიდან შემოდით. კარი ყოველთვის ღიაა, მიხურულია მხოლოდ; დღე და ღამე ღიაა.

მერე ჟანდარმებს მიუბრუნდა და უთხრა:

- თქვენ მიბრძანდით, ბატონებო.

ჟანდარმები წავიდნენ.

ჟან ვალჟანს გული მისდიოდა.

ეპისკოპოსი მიუახლოვდა და ჩუმად უთხრა:

- არ დაგავიწყდეს, შვილო, არ დაგავიწყდეს შენი აღთქმა: ეს ფული იმისთვის მინდა, რომ ჰატიოსანი კაცი გავხდეთ.

ჟან ვალჟანს არავითარი აღთქმა და დაპირება არ ახსოვდა და მით უფრო გაიკვირვა. ეპისკოპოსმა იმნაირი კილოთი უთხრა ეს სიტყვები, რომ გულში უნდა დარჩენოდა უბედურს.

- ჟან ვალჟან, შვილო, - განაგრძო ეპისკოპოსმა. - დღეიდან ავს აღარ ეკუთვნი შენ, არამედ კარგს. მე შენგან შენს სულს ვყიდულობ, ცდუნებისა და წაწყმედისაგან ვისნნი და ღმერთს მივუძღვნი.

თავი მცამეტე

პატარა ჟერვე

ჟან ვალჟანი ისე გამოვარდა ქალაქიდან, თითქოს განსაცდელს გაურბისო. გაჩქარებული მიდიოდა მინდორში, უგრძობლად მისდევდა გზას, ბილიკს და ველარც კი ხედავდა, რომ ერთსა და იმავე ადგილზე ტრიალებდა.

მთელი დილა ასე იბორიალა, უჭმელი იყო და შიმშილს ვერა გრძნობდა. ამდენ ახალ, უცნობ შთაბეჭდილებას ველარ უძლებდა გული, ბრაზი ერეოდა და არ კი იცოდა, ვისზე ბრაზობდა. თვითონაც არ იცოდა, დამცირებული, შერაცხვენილი იყო, თუ შენანებას გრძნობდა.

რალაც სინანულით აუჩქროლდებოდა გული, მაგრამ ოცი წლის ტანჯვისაგან მოგროვილი ნაღველით გაუღენთილი უარყოფდა ყოველგვარ სინანულს. თვითონაც ვედარაფერი გამოერკვია და ეს უფრო ღლიდა და აწუხებდა. უსამართლოდ დასჯილს, წამებულს უკვე ჩაეყურებინა თავისი გული და ახლა კი გრძნობდა, რომ გულის სიღრმეში კვლავ რალაც ამოძრავებულყო, არაჩვეულებრივი, ჯერ გამოუცდელი. ნეტავი, რა უნდა იყოსო? - ეკითხებოდა თავის თავს და პასუხს ველარა პოულობდა. ნეტავ ისევ კატორღაში ვყოფილიყავ, ჟანდარმებისა და ციხის მცველთა ხელში და ეს კი არ შემთხვევოდა, ასე ხომ არაფერი ამალეღვებდაო. შემოდგომა იყო, ციოდა, მაგრამ აქა-იქ ღობის ძირას გვიანი ყვავილები მოჩანდა, მათი სურნელება ბავშვობას აგონებდა. დიდი ხანი იყო, თავისი ბავშვობა აღარ გახსენებოდა და უმანკო პატარაობის მოგონება ლახვარივით სცემდა გულში.

გამოუთქმელი ფიქრი უტრიალებდა თავში და სულს უხუთავდა.

მზე ჩადიოდა. სულ უმცირესი ქვაც კი გაზვიადებულ გრძელ ჩრდილს ისროდა. ჟან ვალჟანი გზის პირას იჯდა ბუჩქს ამოფარებული. წინ დაქანებული მინდორი ედო, მოტიტვლებული, ჰორიზონტზე ალპის მთები მოჩანდა, სხვა არაფერი, შორეული სოფლის სამრეკლოც კი არსად იყო. სამი კილომეტრით თუ იქნებოდა დამორებული დინს. ბუჩქნარს ჩამოუდიოდა ბილიკი, რომელიც მინდორს შუაზე ყოფდა.

დიდი იყო ჯერ ისევ მისი მღელვარება და, რომ ენახა ვინმეს იქ მჯდომი, ძონძებით მოსილი, ნამდვილად შეეშინდებოდა.

უცბად რალაც ხმაური მოესმა.

მიიხედა და ბილიკზე მომავალი ერთი პატარა ბიჭი დაინახა, სავოელი, ათი-თორმეტი წლისა; ერთი იმ ბავშვთაგანი, რომელნიც ფეხით სთელავენ ქვეყანას დაგლეჯილ-დაფლეთილნი, თითო-ოროლა გროშს შოულობენ და მხიარულად, ბულბულივით ჭიკჭიკებენ. მხარზე სტვირი ეკიდა, ზურგზე - ზაზუნებიანი პატარა გალია. მიდიოდა და მიიმღეროდა.

ხანდახან შედგებოდა, თეთრ ფულს შეისვრიდა და ხელის გულს შეუშვერდა დასაჭერად. თეთრ ფულში, - ვინ იცის, იქნებ ეს იყო მთელი მისი ავლაღიდება, - ერთი ორფრანკიანი ერია.

ბუჩქს უკან დადგა ბიჭი ისე, რომ ჟან ვალჟანს ვერა ხედავდა, კიდევ შეისროლა თავისი ფული.

აქამდე მარჯვედ იჭერდა ხელისგულზე, მაგრამ ახლა კი უმტყუნა ბედმა და სწორედ ორფრანკიანი გადაუგორდა ხელიდან. ბუჩქში შეგორდა და ჟან ვალჟანის ფეხთან დაეცა.

ჟან ვალჟანმა ფეხი დაადგა.

ბიჭმა კი თვალი გააყოლა ფულს და ესეც დაინახა.

არ გაიკვირვა, პირაპირ მივიდა ჟან ვალჟანთან.

უკაცური იყო ეს მინდორი. სადამდისაც კი თვალი მისწვდებოდა, ადამიანი არსად ჩანდა. ჩამიჩუმიც არსაიდან ისმოდა, გარდა ცაში საშინელ სიმაღლეზე მიმფრინავ წეროთა წრიბინისა. ბიჭი ზურგმუცეული უდგა მშვეს, მშის სხივი თავზე სცემდა პატარას და ოქროს ქოჩრით ამშვენებდა. უან ვალუანი საზარელი სანახავი იყო, თვალში სისხლმორეული და მხეცური გამომეტყველებით.

- უკაცრავად, ბატონო, - სთხოვა პატარამ იმ ნდობით, რომელიც შედეგია გამოუცდლობისა და უმანკოებისა, - ჩემი ფული...

- რა გქვია? - ჰკითხა უან ვალუანმა.

- პატარა ჟერვე, ბატონო.

- ჰოდა მომშორდი!

- ჩემი ფული მიბოძეთ, ბატონო.

უან ვალუანმა თავი დაღუნა და არაფერი უპასუხა.

ბიჭი კი თავისას გაიძახოდა:

- ჩემი ფული, ბატონო.

უან ვალუანი თავდახრილი იჯდა და მინას დასცქეროდა.

- ჩემი ფული მიბოძეთ, ბატონო, ჩემი თეთრი ფული! - შეჰყვირა ბიჭმა.

უან ვალუანი ისე იყო, თითქოს ვერც კი გაიგონა რამეო. ბიჭი საკინძეში სწვდა და შეარყია. თან ცდილობდა თავისი სუსტი ღონით დაეძრა როგორმე უან ვალუანის ტლანჩი ფეხი, რომელიც მის საუნჯეს ფარავდა.

- მომეცით ჩემი თეთრი ფული, ჩემი თეთრი ორფრანკიანი! - ტიროდა ბიჭი. ახლა კი შეხედა უან ვალუანმა. ჯერ ისევ იჯდა, თვალეები ამღვრეოდა. გაკვირვებული სახით შეხედა პატარას. მერე ჯოხს მისწვდა და საზარელი ხმით შეუტია:

- ვინ არის აქ?

- მე ვარ, ბატონო, პატარა ჟერვე. რას მერჩით, რას მემართლებით, რატომ არ მაძლევთ ჩემს ფულს? დამიბრუნეთ ჩემი ორფრანკიანი, თუ ღმერთი გნამთ! ააი, ეს ფეხი აიღეთ ცოტა.

უცბად ბრაზი მოერია პატარას და მუქარით შეუტია:

- დასწყევლა ღმერთმა! აიღებთ ამ ფეხს თუ არა? აიღეთ-მეთქი ეს ფეხი!

- ბიჭოს, ისევ შენა ხარ? - უთხრა უან ვალუანმა. მერე უცბად ფეხზე წამოდგა, მაგრამ ისე, რომ ფულს ფეხი არ მოაშორა და შეჰყვირა:

- მომშორდები თუ არა?

გულგახეთქილი ბიჭი პატარა ხანს გაშტერებული შეჰყურებდა, მერე თავით ფეხამდე კანკალმა აიტანა და ბოლოს, თითქოს გონზე მოვიდაო, მოკურცხლა, რაც ძალი და ღონე ჰქონდა. გარბოდა და შიშით ზარდაცემულს ყვირილიც კი ვერ მოეხერხებინა.

კარგა ხანს ირბინა ასე. ბოლოს, რაკი სულის მობრუნება გაუჭირდა, შედგა და ფიქრებით გატაცებულ უან ვალუანს პატარა ჟერვეს გულამოსკვნილი ქვითინი მოესმა.

ცოტა ხანში სულაც მიიმალა ბიჭი.

მზე ჩავიდა.

უკვე ღამდებოდა და უან ვალუანს კი მთელი დღე ნაწილი არ ჩასვლოდა პირში. იქნება სიცხეც ჰქონდა უბედურს.

ისევ იდგა. რაც ბავშვი გაიქცა, მდგომარეობა არ შეუცვლია. სუნთქვა ეკვროდა, გული უღონდებოდა. გამტერებით იყურებოდა, თითქოს ბალახში ჩავარდნილ ფაიფურის ჭურჭლის ნამტვრევს ხედავს და იმას ათვალისწინებს ყურადღებით. ბოლოს ღამის სიცივემ თავი აგრძნობინა და კანკალი დაანწყებინა.

ქუდი ჩამოიყვა თავზე, ხალათის დუგები შეიკრა, ფეხი წინ წაღვა და ჯოხს დასწვდა ასაღებად.

ამ დროს ორფრანკიანი ვერცხლი დაინახა, ნახევრად მიწაში ჩაფლული.

თითქოს ელექტრონის დენმა დაჰკრაო, ელვასავით გაუარა რაღაცამ გულში. რა არის ეს? - ეკითხებოდა გონიხდილი თავის თავს. უკან დაინია, შედგა. თვალი ვერ მოეშორებინა ვერცხლისთვის, იმ ვერცხლისთვის, რომელსაც ამ რამდენიმე წამის წინ ფეხით მალავდა და რომელიც ახლა ისე ბრჭყვიალებდა ბნელში, თითქოს გახელილი თვალია და შიგ გულში ჩასცქერისო.

კარგა ხანს იდგა ასე გაქვავებული, მერე გიჟივით მივარდა, წამოიტაცა ვერცხლი, წამოიჭიმა და მზერა დაუნყოფი მინდორს. ფეთიანივით გასცქეროდა ჰორიზონტის ყოველ მხარეს, თითქოს მხეცია დევნილი და თავშესაფარს ეძებსო.

ვერაფერი დაინახა. უფრო და უფრო ბნელდებოდა.

ერთი ამოიხრა და გაჩქარებით გაემართა იქით, საითკენაც პატარა შერვე წავიდა, მაგრამ მალე შეჩერდა, დააცქერდა ბნელით მოსილ მინდორს და მანის ვერაფერი დაინახა.

- პატარა შერვე! პატარა შერვე!

რამდენჯერმე დაუძახა. მერე ყური მიუგდო.

ხმა არავინ გასცა.

მინდორი მიჩუმებული იყო, მიბნელებული. თვალი წყვდიადში იკარგებოდა და ხმა - დუმლიში.

ყინულივით ცივი ქარი ქროდა და ძირიანად გლუვდა ბუჩქებს.

ისე ხმაურობდა ბუჩქნარი, ისე ირხეოდა, თითქოს ვიღაც ემუქრება და უკან მისდევსო.

ისევ იმ გზას გაჰყვა, ჯერ ნაბიჯით, მერე სირბილით. ხანდახან გაჩერდებოდა, სულს მოიკრებდა და საზარელი, სასონარკვეთილი ხმით გასძახოდა უდაბნოს:

- პატარა შერვე! პატარა შერვე!

კიდევ რომ გაეგონა ეს ძახილი ბიჭს, შეეშინდებოდა და მიიმალებოდა, მაგრამ უკვე შორს უნდა ყოფილიყო პატარა შერვე და ჟან ვალჟანის ხმას ვეღარ გაიგონებდა. ბოლოს ერთი მღვდელი შეხვდა ცხენით მიმავალი. მიუახლოვდა და ჰკითხა:

- ბიჭი ხომ არ შეგხვედრიათ, მამაო?

- არა, - მიუგო მღვდელმა.

- პატარა ბიჭი, პატარა შერვე.

- არავინ მინახავს.

ქისიდან ორი ხუთფრანკიანი ამოიღო ვერცხლისა და მღვდელს მიართვა:

- თქვენს ღარიბებს უბოძეთ, მამაო. იცით, მამაო, ერთი კინკა ბიჭი გახლავთ, ათი-თორმეტი წლისა. სტვირს უკრავს და პატარა ზაზუნას ათამაშებს. მანდეთ მიდიოდა. საყოფელი პატარა ბიჭი, ხომ მოგეხსენებათ.

- არა, შეილო, არ შემხვედრია.

- პატარა შერვე არსად გაგიგონიათ სოფელში? იქნებ გაგეგონოთ, მამაო?

- აქაური არ უნდა იყოს, ბევრნი დადიან პატარები ასე, მაგრამ ცნობით კი არავინ იცნობს.

სწრაფად ჩაყო ხელი ქისაში, ორი ვერცხლის ხუთფრანკიანი კიდეც მიაწოდა მღვდელს.

- გაჭირვებულთ უბოძეთ, მამაო.

მერე გიჟივით წამოისროლა:

- დააჭერინეთ ჩემი თავი, მამაო! მე ქურდი ვარ!

მღვდელმა ქუსლი ჰკრა ცხენს და გაეშურა შეშინებული.

ჟან ვალჟანი სირბილით გაექანა იმ გზაზე, საითაც პატარა ჟერვე ეგულებოდა.

კარგა მანძილი გაიარა ასე სირბილით, თან თვალებს აცეცებდა, იძახდა, ყვიროდა, მაგრამ ვერაფერი ნახა. ხანდახან სიბნელეში რაღაც მოეჩვენებოდა, თითქოს ვიღაც მიწოლილაო, და გიჟივით მივარდებოდა მოჩვენებისკენ, მაგრამ ამაოდ; ხან ბუჩქს წაანყდებოდა, ხან შემოდგომის მწვანით მოსილ ლოდს. ბოლოს შედგა: აქედან ბილიკი სამ მხარეს მიდიოდა და არ იყო, რომელიც გაჰყოლოდა. მთვარე ამოვიდა. ერთხელ კიდე შეათვალიერა იქაურობა. ერთხელ კიდე გასძახა: - პატარა ჟერვე! პატარა ჟერვე! პატარა ჟერვე! - მაგრამ მისი ხმა ნისლში შთაინთქა ისე, რომ არემარემ ექოც არ გამოსცა.

ძახილი აღარ შეეძლო და ჩუმად, ჩურჩულითა იძახდა: - პატარა ჟერვე!

მუხლი მოეკეცა, თითქოს უხილავი ძალა ზედ დაანვა თავისივე ცუდი საქციელის სახით და მისმა სიმძიმემ წააქციაო. ღონემიხდილი დაეცა ქვაზე. ხელი შემოიკრა თავში, მუხლებში ჩარგო და წამოიძახა:

- რა საძაგელი ვარ!

გული ამოუკდა, ქვითინს მოჰყვა. ცხრამეტი წლის განმავლობაში პირველად ტიროდა.

ეპისკოპოსისაგან რომ გამოვიდა, როგორც უკვე ვთქვით, იმგვარ ფიქრებს შეეპყრო, რომელნიც მანამდე თავის დღეში არასდროს მოსვლოდა. თვითონაც არ იყო, რა ემართებოდა. ცდილობდა თავი გაემაგრებინა და არ აჰყოლოდა მოხუცის ანგელოზებრივ ზეგავლენას და ტკბილ სიტყვას: „ხომ აღმითქვი, პატიოსანი კაცი გავხდებიო. მე შენგან სულს ვყიდულობ, ცდუნებისაგან და წაწყმედისაგან ვიხსნი და ღმერთს ვუძღვნი განსპეტაკებულსაო“. ეს სიტყვები წამდაუნუმ აგონდებოდა. ამპარტავნობით ებრძოდა ჟან ვალჟანი ამ ციურ მიტევებას, იმ ამპარტავნობით, რომელიც ადამიანს ბიწიერების სიმავრედა აქვს ავებული გულში. თავისდა უნებურად გრძნობდა, რომ მოხუცი მოძღვრის შენდობა საშინელი ძალით სცემდა მთელ მის ზნეობრივ არსებას, თითქოს იერიშით მოდის და ძირიანად აღგვის მისი გულის სიმავრესაო. გრძნობდა, რომ ამ ბრძოლაზე იყო დამყარებული მომავალი მისი ცხოვრება: თუ გაუძლებდა ამ მაღლიან ზეგავლენას, ხომ თავისი დღენი მტრად დარჩებოდა ადამიანისა და საზოგადოებისა, და თუ დაუთმობდა, გულიდან უნდა აღმოეფხვრა ის სიძულვილი, რომელიც საზოგადოების უსამართლობამ ჩაუნერგა, განუვითარა და გაუზარდა, და რომელიც თვითონაც მოსწონდა. გრძნობდა, რომ უკანასკნელი იყო ეს დიადი ბრძოლა, ბრძოლა მის ბიწიერებასა და ეპისკოპოსის მაღლს შორის. ან უნდა დამარცხებულიყო, ან დაემარცხებინა.

ამ მაღლის ძალით შერყეული მთვრალივით მიდიოდა ჟან ვალჟანი. თვალი არეული ჰქონდა, გონება ებნეოდა და ვინ იცის, შეეძლო კი ეგრძნო, რა შედეგი

მოწყვებოდა მის თავგადასავალს? ესმოდა განა ის საიდუმლო ამოძახილი გულისა, რომელიც ხშირად წინასწარმეტყველივით აფრთხილებს და გზას უკვლევს ადამიანს? ესმოდა განა ის ხმა, რომელიც ეუბნებოდა, შენი ბედი დღევანდელ შენს საქციელზეა დამყარებული; შენია დღეს არჩევანი და თუ დღეის იქით საუკეთესო კაცი არ გახდი, უსაძაგლესი და უსაზიზღრესი იქნებიო? ესმოდა განა ის ხმა, რომელიც არწმუნებდა, დღეის იქით ან უნდა ამალღდე, თვით ეპისკოპოსს გადააჭარბო მადლით და სიმართლით, ან ისე დაეცე, რომ სულ უკანასკნელ კატორღელზე უარესი გახდეო? ესმოდა განა ის ხმა, რომელიც არწმუნებდა, თუ კარგ კაცად ყოფნა გინდა, ანგელოზად უნდა იქცე და თუ ავკაცობა გინდა - სისხლით გაუმაძღარ მხეცადო?

საჭიროა აქაც ვიკითხოთ, რაც უკვე ვიკითხეთ წინათ: შეეძლო კი უან ვალჟანს თავის ფიქრებში გარკვეულიყო, თუ ფიქრები დაჰპატრონებოდნენ მის სულსა და გულს და ზედ თავისუფლად მოქმედებდნენ? მართალია, როგორც წინათა ვთქვით, უბედურება განაუვითარებს გონებას, მაგრამ ძნელი წარმოსადგენია, რომ შესძლებოდა უბედურს ამ ფიქრებისათვის თავის გართმევა. ფიქრები აწუხებდა, სტანჯავდა, სულს უხუთავდა, მაგრამ რა ფიქრები და როგორ? ამისი არა იყო რა. როდესაც გამოვიდა იმ ჯოჯოხეთიდან, რომელსაც კატორღას უწოდებენ და ეპისკოპოსს შეხვდა, მისმა მადლით აღსავსე საქციელმა ისეთი ტკივილი აგრძნობინა მის სულს, როგორც წყვიდადიდან გამოსულს სინათლე ატკენს თვალს, უცხად რომ მოხვდება. ახალი ცხოვრება ელანდებოდა, პატიოსნებითა და სიმართლით გაბრწყინებული; გრძნობდა, რომ იმისთვისაც არ იყო მიუწვდომელი ამგვარი მომავალი და შიშით გული უწუხდებოდა. აღარ იყო რა, სად იყო, საით წასულიყო. თითქოს უცხად ამოსულმა მშემ მოასწრო ჭოტსაო, ისე იყო სათნოებისაგან დაბრმავებული.

გარკვევით მართო ის იყო რა, რომ ის აღარ იყო, რაც დღევანდლამდე. ამაში ეჭვი აღარ ეპარებოდა, ხედავდა, რომ ძირფესვიანად შეცვლილიყო და, რაც უნდა ცდილიყო, ვეღარ მოახერხებდა ეპისკოპოსის სიტყვისა და მადლის დავიწყებას, ან მის ზეგავლენასთან შებრძოლებას.

ასეთ სულისკვეთებაში იყო უან ვალჟანი, როდესაც პატარა უერვე ნახა და ორი ფრანკი წაართვა? ამას თვითონაც ვერ ავიხსნიდათ. იქნებ ამით დამთავრდა ის საძაველი ზრახვანი, რომელიც კატორღამ გამოაატანა, იქნებ თავისდა უნებურად უკვე გადმონათხია შეძენილი ძალი, რომელიც თვითონვე ეჩოთიარებოდა? პირდაპირ ვთქვათ: ეს ფული უან ვალჟანმა კი არ წაართვა, ადამიანმა კი არ მოჰპარა პატარა ბიჭს, არამედ მხეცმა, რომელმაც ინსტიქტისა და ჩვეულების გამო დაადგა ფეხი ვერცხლის ფულს. მხეცი რომ ამას სჩადიოდა, ადამიანის გონება სულ სხვაგან იყო, ახალ და უცნობ ფიქრთა და შთაბეჭდილებათა წინააღმდეგ ბრძოლაში გართული. როდესაც გონება ამ ბრძოლიდან გამოერკვა და მხეცის ამგვარი საქციელი ნახა, უან ვალჟანს შერცხვა და შემადრწუნებელი ყვირილი მორთო.

უცნაური რამ მოუვიდა უბედურს; უცნაური, რადგან მხოლოდ ისევ სასონარკვეთილსა და გონდაბნელებულს შეეძლო პატარა ბიჭის გაძარცვა; უან ვალჟანმა იმ დროს ჩაიღინა ქურდობა, როდესაც აღარ შეეძლო ქურდობა.

ასე თუ ისე, ამ საძრახისმა საქციელმა აუხილა თვალი და ნათელი მოჰფინა მის სულს, ელვასავით დაუარა ფიქრთა არეულობას, რომელიც თავბრუს ახვევდა მის გონებას, გაუნათა ბნელი. ცალმხრივ, წყვიდადი დააყენა, მეორე მხრივ, სინათლე და ისე იმოქმედა მის სულიერ არსებაზე, როგორც ქიმიური რეაქტივი მოქმედებს

ამღვრეულ ნარეგზე: მღვრიეს დაწმენდს და ნარევის შემადგენელ ნაწილებს განაცალკევებს.

გახილა თუ არა გონების თვალი, გიჟივით გაუდგა პატარა ჟერვეს გზას. არც თავის ყოფას დაჰკვირვებია, არც თავის მდგომარეობას დაჰფიქრებია; მირბოდა, თითქოს მისი ხსნა მხოლოდ ამაზე ყოფილიყო დამოკიდებული, და ბიჭს ეძებდა, რომ ნაპარავი დაებრუნებინა. შერე, რაკი ნახა, რომ ძებნა ამოი იყო და ველარსად იპოვიდა, სასონარკვეთილებამ შეიპყრო. იმ წამს, როდესაც ამოიკვინესა, ოჰ, რა საძაგელი ვარო, - თავისი თავი დაინახა, თავისი თავი იცნო სულ ახალ ადამიანად, წინანდელი ჟან ვალჟანისაგან სრულიად განსხვავებულად იგარძნო თავი, ეგონა - ჩემს აჩრდილს ვხედავ ავერ, აქვე მჭლომს, სისხლით და ხორციით შემოსილს, უშველეებელი ჯოხით, დაფხრენილი ხალათით, ნაპარავით გამოტენილი გუდით, დაღვრემილი, მხეცური სახით, საზიზღარი, მომაკვდინებელი ფიქრებითაო. კატორლიდან მომავალი საზარელი ჟან ვალჟანი თავის აჩრდილად ეჩვენებოდა საბრალოს.

გადამეტებულ ტანჯვას მოჩვენებით ავესო ჟან ვალჟანის სული. ესეც მოჩვენება იყო. თავის თვალითა ხედავდა ამ ლანდს, კატორღელ ჟან ვალჟანს, მის წინ მდგომარეს. ისე ცხადად უდგა თვალწინ ეს საზიზღარი ჩვენება, რომ ამ სანახავით შეძრწუნებული მზად იყო თავისი თავისთვის ეკითხა: ეს ვინ არის და რა უნდა ჩემგანო?

ისე გაეტაცა ფიქრებს მისი გონება, რომ არსებულს ველარ ხედავდა და ლანდი ეჩვენებოდა; რაც თვალწინ ედო, ველარ ამჩნევდა და თვალით ხედავდა იმ განხორციელებულ ფიქრებს, რომელიც სულს უხუთავდა.

თვალწინ წარმოუდგა, წინ გამოეჭიმა თავისი თავი. დააკვირდა და სინჯვა დაუნყო. იმავე დროს, გულის საიდუმლო სიღრმეში თავისი სინდისისაგან გამონაშუქ სინათლეს მოჰკრა თვალი. ამ სინათლემ მიიპყრო მისი ყურადღება და გულისყური. იზრდებოდა ეს სინათლე, ადამიანის მსგავსებას იძენდა და ბოლოს ეპისკოპოსად იქცა.

ორივე თვალწინ ედგამის სინდისს: ცოცხალნი, ხორცმცხმულნი - ეპისკოპოსი და ჟან ვალჟანი. გონება აღგზნებული ჰქონდა, მოჩვენებით გატაცებული და, რაც ხანი გადიოდა, უფრო მეტ სიცხადეს იძენდა მის თვალში ეს მოჩვენება, და, თითქოს არ შეუძლიათ ერთად ყოფნაო, ეპისკოპოსმა მსწრაფლ გააქრო ჟან ვალჟანი. სასწაული ნახა სწორედ საბრალომ; ეპისკოპოსი იზრდებოდა, სხივით იმოსებოდა და ჟან ვალჟანი კი მცირდებოდა, მიწას ეკვროდა და ბოლოს სულაც გაქრა.

ეპისკოპოსი იდგა მის წინ და მაღლით უვსებდა სულს.

დიდი ხანი იტრა ჟან ვალჟანმა ცხარე ცრემლით, გულამოსკვინით; გამწარებული დედაკაცი ვერ იტირებს ისეთი ცრემლით და შეშინებული ბავშვი - ისეთი შიშით, როგორც ის ტიროდა.

ტიროდა და გონება ერკვეოდა, სინათლე ეფინებოდა მის სულსა და გულს, ტკბილი და მწარე სინათლე ერთსა და იმავე დროს. თვალწინ წარმოუდგა მთელი თავისი სიცოცხლე - პირველი შეცდომა, ხანგრძლივი სასჯელი, გარეგანი გამხეცება, სულიერი გასაძაგლება, კატორლიდან გამოსვლა, საზოგადოებისათვის სამაგიეროს გადახდის ტკბილი ოცნება, ეპისკოპოსის გაქურდვა, პატარა ბიჭის გაძარცვა, ორი ფრანკის გულისთვის ეპისკოპოსის შენდობის და ნათქვამის დავინწყება, - ისე წარმოუდგა ყოველივე თვალწინ, რომ თვითონვე შეძრწუნდა თავისი საქციელით და სულიერი დაცემით. გაიხსენა ყთავისი ცხოვრება და საძაგლად ეჩვენა, დაუკვირდა თავის სულს და შემაძრწუნებლად სცნო. მაგრამ თავისდა სანუგეშოდ ახალი რაღაც

უღვიოდა გულში და სულ სხვა მომავლის იმედს უღვიძებდა. სამოთხიდან გამომავალ სინათლეზე მდგომ სატანად ეჩვენა თავისი თავი.

რამდენი ხანი იტირა ასე? რა ქნა ტირილის შემდეგ? საით წავიდა? არავინ იცის. ეს კია, რომ იმ ღამეს გრენობლიდან მომავალ ომნიბუსის მეეტლეს ნაშაუღამევის სამ საათზე გაეცლო დინის საეპისკოპოსო ტაძრის მოედანზე და ეპისკოპოსის სახლთან ვიღაც კაცი დაენახა, - შუა ქუჩაში იდგა დაჩოქილი, ეტყობოდა ლოცულობდაო.

წიგნი მესამე
1817 წელს

თავი პირველი
1817 წელი

1817 წელს ლუი მეფერამეტე ერთგვარი მეფური გაბედულებით, რომელსაც არც სიამაყე აკლდა, თავისი მეფობის ოცდამეორე წელიწადს ითვლიდა. ეს ის დრო გახლდათ, როდესაც ბრუგიერ დე სორსუმი სახელგანთქმული იყო. ქალაქს ვერსად ნახავდით, რომ ბრწყინვალეებისა და მეფის ემბლეების დაბრუნების იმედით ცისფრად არ შეეღება თავისი ღუქნები და შრომანა ყვავილებით არ დაემშვენებინა კედლები. ის მიაშითი დრო იყო, როდესაც უშველებელსხვირიანი გრაფი ლინჩი ყოველ კვირას გამოიჭიმებოდა ხოლმე მნათეს სკამზე საფრანგეთის პერის ტანისამოსში გამოწყობილი, წითელი ბაფთით დამშვენებული და ისე იბლინძებოდა, თითქოს დიდებული რამ ჩაედინა; დიდებული და მეფისაგან დაჯილდოებული იმისთვის იყო, რომ 1814 წლის 12 მარტს, როდესაც ბორდოს ქალაქის თავად ბრძანდებოდა, ქალაქი პერსოვ ანგულემს დაუთმო უფრო ადრე, ვიდრე შეიძლებოდა და ამისათვის მიიღო პერობა. 1817 წლის მოდას ხუთი-ექვსი წლის ბიჭებიც კი ვერ გადარჩენილიყვნენ. მათ ტყავის ისეთ დიდრონ ქუდეებს ახურავდნენ, რომ ყურებიც კი დაფარული ჰქონდათ ესკიმოსების მიტრასავით. საფრანგეთის ჯარს თეთრი ფორმის ტანსაცმელი ეცვა, ავსტრიულად, რაზმებს ლეგიონები ერქვა და ნომრის მაგივრად საფრანგეთის ოლქების სახელს ატარებდნენ. ნაპოლეონი წმ. ელენეს კუნძულზე იყო და, რადგან ინგლისი არ აძლევდა მწვანე მაუდს, იძულებული გამხდარიყო გადაებრუნებინა თავისი ძველი ტანსაცმელი და ისე ჩაეცვა.

პელეგრინი მღეროდა იმ წელს, ქალბატონი ბოგოტინი ცეკვავდა, პოტიე მეფობდა, ოდრი ჯერ არსად იყო. ფორიოზო ქალბატონ საკის მიელო მემკვიდრეობით. ჯერ კიდევ იყვნენ საფრანგეთში პრუსიელები. დიდი კაცი იყო დალალო. კანონიერება გამტკიცებულიყო, რადგან ხელები და მერე თავი მოეჭრა პლენიეს, კარბონოსა და ტოლერონისთვის. პრინცი ტალეირანი, დიდი კამერჰენი და მღვდელი ლუი, ფინანსების მინისტრი, ორი ქურუმის იერით შესცქეროდნენ ერთმანეთს: 1790 წლის 14 ივლისს ორივემ წირვა გადაიხადა ფედერაციის სადიდებლად მარსის მოედანზე. ტალეირანმა სწირა, როგორც ეპისკოპოსმა და ლუი დიაკვნად ჰყავდა.

1817 წელს კი მარსის მოედნის გარეხევივებში უზარმაზარი ხის ცილინდრები ეყარა ცისფრად შეღებილი, მოოქრული ორბისა და ფუტკრის გახუნებული სურათებით და ბალახსა და წვიმაში ლპებოდა; ორი წლის წინ ამ ხის ცილინდრებზე იყო ამართული

მარსის მოედანზე იმპერატორის ესტრადა. ეს ცილინდრები ალაგ-ალაგ აესტრეილებს ცეცხლით იყო გარუჯული, რომლებიც გრო-კაიუსის ახლოს ბრძანდებოდნენ თავიანთ ბანაკში. ორი თუ სამი ცალი აკლდა ამ ცილინდრებს, - აესტრეილებს ანთოთ ცეცხლი და ტლანქ ხელებს ითბობდნენ. მარსის ადლუმი იმ წელს იმით იყო აღსანიშნავი, რომ იენისში დანიშნეს და თანაც მარსის მოედანზე.

იმ წელს, 1817-ში, ორი რამ იყო მეტად სახელგანთქმული: ვოლტერული სავარძლები და სიგელიანი სათუთუნები. დღოტენის ავკაცობის მეტი აღარაფერი ახსოვდათ პარიზელებს: თავისი ძმა მოეკლა და იმისი თავი ყვავილების ბაზრის აუზში ჩაეგდო. საზღვაო სამინისტროში გამოძიებას შეუდგნენ გემ „მედუზას“ დალუპვის გამოსარკვევად, რამაც თავლაფი დაასხა შომარეს და სახელი გაუთქვა ყერიკოს. პოლკოვნიკი სელვი ეგვიპტეში გადავიდა, რომ იქ სელიმან-ფაშა გამხდარიყო. ტერმის სასახლეში, ლა შარპის ქუჩაზე კასრების სავაჭრო გაემართათ. რვაკუთხოვან კლუნის ციხის ბანზე ჯერ კიდევ ჩანდა ფიცრული ხუხულა, რომელიც ობსერვატორიად ჰქონდა მესიეს - ლუი მეთექვსმეტის საზღვაო ასტრონომს. ჰერცოგის მეუღლე დიურა ცისფერი სატინით მორთულ ოთახში სამ-ოთხ მეგობარს თავის დაუბეჭდავ რომან „ურიკას“ უკითხავდა. ლუერში ყველგან ჩამოფხიკეს ასო N. აუსტერლიცის ხიდს სახელად „მეფის ბაღის“ ხიდი დაარქვეს, რომელშიც იგულისხმებოდა აუსტერლიცის ხიდიცა და ბოტანიკური ბაღიც. ლუი მეთვრამეტე ჰორაციუსს კითხულობდა, ფრჩხილით ნიშნავდა გმირებს, რომლებიც ხელმწიფედ ვახდნენ და ხარაგებს, რომლებიც ბატონიშვილებად იქცნენ. ერთის მაგივრად ორი რამ ჰქონდა საზრუნავი - ნაპოლეონი და მატურენ ბრუნო. საფრანგეთის აკადემია ჯილდოს აცხადებდა, ვინც საუკეთესოდ დაამუშავებდა თემას - „რა ნეტარებას გვანიჭებს სწავლა“.

ბატონი ბელარი მთავრობის მიერ მჭევრმეტყველად იყო გამოცხადებული და იმის ჩრდილში მნიფდებოდა სახელოვანი, შემდეგში ვეწილი დე ბროე, რომელიც პოლ-ლუი-კურიეს მწარე დაცინვის სავანი უნდა გამხდარიყო. ერთი ცრუ შატობრიანი იყო მაშინ, სახელად მარშანჟი, და მას უნდა მოჰყოლოდა ერთი ცრუ მარშანჟი, სახელად არლანკური. „კლარა ალბია“ და „მარეკ ადელი“ მწერლობის შედევრებად ითვლებოდა; ქალბატონი კოტენი იმ დროის საუკეთესო მწერლად იყო გამოცხადებული. აკადემიამ თავის წევრთა რიცხვიდან ამოშალა აკადემიკოსი ნაპოლეონ ბონაპარტი. მეფის ბრძანებით ააშენეს ანგულემში საზღვაოსნო სასწავლებელი, რადგან ჰერცოგი ანგულემელი მთავარი ადმირალი იყო და, მამასაღამე, ქალაქი ანგულემიც უფლებამოსილი იყო ჰქონოდა ყოველი ღირსება დიდი ნავსადგურისა, თუკი საღამე სამართალი იყო და ნამდვილი ხელმწიფობა. მინისტრების კრებაზე კამათობდნენ დიდი საკითხის გადასაჭრელად - დასაშვებია თუ არა ფრანკონის აფიშებზე დახატული ჯამბაზების ყირამალა ხტომა, რადგან ამ აფიშებთან გროვდებოდნენ ქუჩის ბიჭები. „აგნეზის“ ავტორი, ლოყაზე მეჭვები რომ ჰქონდა, გულკეთილი ბატონი ჰაერი, მარკიზა დე სასენეს კონცერტებს დირიჟორობდა, რომლებსაც ქალბატონი მეგობრებისათვის მართავდა თავის სახლში... ყმანვილი ქალები სულ „წმ. აველ-განდევკოს“ მღეროდნენ ედმონ ჟეროს სიტყვებით. გაზეთი „ყვითელი ჯუჯა“ „სარკედ“ გადაიქცა. კაფე ლანბლენი ნაპოლეონის მხარეზე იყო, კაფე ვალუა - ბურბუნების მხარეზე. სიცილიის დედოფალს შერთეს დუკა დე ბერი, რომელსაც უკვე ელოდებოდა ჯალათი ლუველი. ერთი წელიწადი იყო, რაც მიიყვალა მადამ დე სტალი. გვარდიელებმა სტვენით

დაჯილდოვეს სახელოვანი მსახიობი ქალი მარსი. დიდი გაზეთები დაკნინებულიყვნენ - ოდენობა შეზღუდული იყო და თავისუფლება კი არა. გაზეთი „კონსტიტუციონერი“ კონსტიტუციური იყო. „მინერვა“ Chateaubriand-ის მაგივრად Chateaubriant-ს წერდა. ამ ასოს გამო ბურჟუაზია ძალიან დასცინოდა მწერალს.

არსებულ გაზეთებში ფულისთვის მჭაბნელი მწერლები შეურაცხყოფით იხსენიებდნენ 1815 წელს დასჯილთ და განდევნილთ. მხატვარ დავიდს ნიჭი გამოლევოდა, არნოს - ჭკუა, კარნოს - პატიოსნება. გენერალ სულთს არც ერთ ბრძოლაში არ გაემარჯვა. მართალია ისიც, რომ ნაპოლეონს დაჰკარგვოდა გენია. ყველამ იცის, განდევნილთან გაგზავნილი წერილი ფოსტას ათასში ერთხელაც არ მიაქვს დანიშნულებისამებრ, და მაშინაც პოლიციას აუცილებელ წმინდა მოვალეობად მიაჩნდა ამ წერილების ხელში ჩაგდება. აქ ახალი არაფერია; ჯერ ისევ განდევნილი დეკარტი ჩიოდა ამას. დავიდმა რომ გამოაცხადა ერთ ბელგიურ გაზეთში თავისი უკმაყოფილება, - წერილები არ მომდისო, - მეფის მომხრე გაზეთებს სასაცილოდ არ ეყოთ ეს ამბავი და მასხრად აიგდეს სახელოვანი მხატვარი. ჩხუბი იყო, როგორა ვთქვათო: - მეფის მკვლელები თუ კენჭის მყრელები? მტრედები თუ მოკავშირენი? ნაპოლეონი თუ ბონაპარტი? ჩხუბობდნენ და საუკუნოდ შორდებოდნენ ერთმანეთს. ვისაც კი ცოტა ჭკუა გააჩნდა, ორმხრივ გაიძახოდა: „რევოლუციას საუკუნოდ ანდერძი აუგო მეფე ლუი მეოთვრამეტემ, ქარტიის უკვდავმა ავტორმაო“. ახალხიდის მოედანზე ანრი მეთოხისათვის დამზადებულ კვარცხლბეკზე მსხვილად გამოაქანდაკეს სიტყვა „აღსდგა“ -

Redivivus

“; პიე, რომელიც ცხოვრობდა ტერეზის ქ. #4-ში, ამზადებდა კრებებს მონარქიის გასამაგრებლად. მემარჯვენე ჯეფისის მოთავენი, როგორც კი გაუჭირდებოდათ რამე, მაშინვე იტყოდნენ, - მოდიოთ, ბაკოს მივწეროთო. ბ. ბ. კანუელი, ო-მაონი და დე-შაპდელენი მეფის ძმის დახმარებით ამზადებდნენ შემდეგში ეგრეთ წოდებულ „ზღვის პირის შეთქმულებას“. თავის მხრივ, „შავი ქინძისთავიც“ შეთქმულების ცდაში იყო. დელავერდერი დაუკავშირდა ტროგოფს. დეკაზი ლიბერალობდა ზომიერად და მით ბატონობდა. შატობრიანი ყოველ დილას ფანჯარასთან იდგა სენ-დომინიკის ქ. #27-ში პაიჭებიათი შარვლით და ფლოსტებით, აბრეშუმის თავსახვევი ჭალარა თმაზე წაეკრა, თვალით სარკეს შეჰყურებდა, წინ კბილის ექიმის ხელსაწყოებით სავსე ყუთი ედო, იწმენდა თავის მშვენიერ კბილებს და თან პილორუსს, თავის მდივანს, კარნახობდა თხზულებას „ქარტიასთან შეთანხმებული მონარქიები“. გავლენიანი კრიტიკა ლაფონს უფრო ნიჭიერად თვლიდა, ვიდრე ტალმას. ფელეცი თავის ნაწერებს აწერდა ა-ს, ჰოფმანი - ძ-ს, შარლ ნოდიე წერდა „ტერეზა ობერს“. ცოლ-ქმრის გაყრა გაუქმებული იყო. საშუალო სასწავლებელს ლიცეუმის მაგივრად კოლეჯი დაარქვეს. კოლეჯის მონათვეებს საყელოზე ოქროშკედით ნაქარგი შროშანის ყვავილი ჰქონდათ და თავი მოსწონდათ. სასახლის საიდუმლო პოლიცია დედოფალს ატყობინებდა, ყველგან გამოთვნილია ჰერცოგ ორლეანის სურათი, რომელიც ჰუსარების ფორმის ტანსაცმელში უფრო მოხდენილი იყო, ვიდრე ჰერცოგი დე-ბერი დრაგუნების ფორმის ტანსაცმელშიო; საშინელი უხამსობა! პარიზმა თავისი ხარკით მოავარაყებინა ინვალიდების სახლის გუმბათი. დარბაისელი კაცები ეკითხებოდნენ თავის თავს - როგორ მოიქცევა ამა თუ იმ შემთხვევაში ბატონი დე კრენკელაგო. ბატონი კლოზელ დე მონტალი ბევრ საკითხში არ ეთანხმებოდა ბატონ კლოზელ დე

კუსერგს. კმაყოფილი არ იყო ბატონი სალაბერი. კომედიების ავტორი პიკარი წევრი იყო აკადემიისა, რომლის წევრობა ვერ ეღიარა მოლიერს, და თამაშობდა „ორ ფილიბერს“ ოდენონის თეატრში, რომლის კედელზე ჯერაც წაიკითხებოდა ჩამოფხევილი „თეატრი იმპერატორის მეუღლისა“. ზოგი კუნთს ღე მონტარდოს მომხრე იყო, ზოგი - მისი წინააღმდეგი. ფაბრიე აჯანყების მომხრე იყო, ბავუ - რევოლუციონერი; თავისუფლად მოაზროვნე პეღისიემ გამოსცა ვოლტერის წიგნი, სათაურით „თხზულებანი ვოლტერისა, საფრანგეთის აკადემიის წევრისა“, - მყიდველებს გამომრავლებსო, იძახდა გულუბრყვილოდ გამომცემელი. საზოგადო აზრი იყო, რომ შარლ ლუაზონი ამ საუკუნის გენიოსი გახდებოდა; შური ჰკებნდა უკვე - უტყუარი ნიშანი დიდებისა და იგი ამ ლექსით შეამკეს:

შტერი ლუაზონი, სულელი კაცი,
რომ ჰკითხოთ, თავის თავს შეადრის არწივს.
არწივად ვინა სცნო ბაცანად გაზრდილი,
ფეხებზე ეტყობა, ბატია ნამდვილი.

კარდინალი ფეში არ გადიოდა სამსახურიდან; ბატონი ღე პენი, ამაზიელი ეპისკოპოსი განაგებდა ლიონის სამწყსოს. დაპის მინდვრის გამო ღაუა ატყდა საფრანგეთსა და შვეიცარიას შორის. კაპიტანმა ღეფურამ ატყბა ეს საქმე, შემდეგში რომ გენერლობა მიიღო. სენ-სიმონი, რომელსაც არავინ იცნობდა, წყობისად ალაგებდა თავის დიდებულ ოცნებას. მეცნიერების აკადემიაში წევრად იყო ერთი სახელოვანი ფურიე, რომელიც დიდი ხანია დაგინყებულა, საღაჯ სხვენზე კი ერთი უჩინარი ფურიე მიყუჟულა, რომელსაც დიდებით მოიხსენიებს მომავალი. ლორდ ბაირონის სხივი ეფინებოდა ქვეყანას და მიღუეას პომის ერთი შენიშვნა ამ სიტყვით აცნობდა მას საფრანგეთს: - გამოჩნდა ვიღაც ლორდი ბაირონი. დავიდ დ'ანჟე ინყებდა მარმარილოს თლას გამოსაქანდაკებლად. მღვდელი კარონი სემინარიელების წრეში, ფელიანტინის ქუჩაბანდებში ძალიან აქებდა ერთ უცნობ მღვდელს, ფელისიტე რობერს, რომელიც შემდეგში ლამენე გახდა. მდინარე სენაზე რაღაც იძვროდა ქშეილით, თითქოს ძაღლი ცურავს და მწარედ ქშინავსო, მიდი-მოდიოდა ტუილრის ფანჯრებქვეშ მეფის ხიდიდან ლუი მეთოთხმეტის ხილამდე; რაღაც „მექანიკა“ იყო, დიდი არაფერი, სათამაშოს მსგავსი, უტვინო გამომგონებლის ოცნება, უტოპია - ორთქლით მავალი გემი. პარიზელები არავითარ ყურადღებას არ აქცევდნენ ამ უსარგებლო სათამაშოს. ბატონი ღე ვოლანნი, რომელმაც მართებლობის შეცვლით, ბრძანებებითა და შემწეობით გარდაქმნა ინსტიტუტის ხუთივე აკადემიური განყოფილება და მრავალი თავისიანი შეიყვანა აკადემიის წევრად, თვითონ ვერ ეღიარა ამ წოდებას. სენ-ჟერმენის უბანს პოლიციის უფროსად დელავო უნდოდა, რადგან ღვთისმოსავი კაცი იყო. დუჟუიტრენი და რეკამიე სამედიცინო ინსტიტუტის ტალანში ჩხუბობდნენ და მუშტით ინვედნენ ერთმანეთზე იესო ქრისტეს ღვთაებრიობის გამო. კუვიეს ერთი თვალი დაბადებამე ჰქონდა, მეორე - ბუნებაზე, ცდილობდა ფარისეველი რეაქციონერების გული მოეგო, ამიტომ ცხოველების ამონათხარ ნაშთს დაბადების სიტყვას უთანხმებდა და მოსეს მასტოდონტებით აღიდებდა. ბატონი ფრანსუა ღე ნეფმატო, თავყანისმცემელი სახელისა „პარმანტიერ“, ათასგვარ საშუალებას ხმარობდა, რომ კარტოფილის სახელი „პომდეტერ“ „პარმანტოფელად“ გამოეთქმევიწინა, მაგრამ ამაოდ ჩაუარა შრომამ. აბატი გრეგუარი, ყოფილი ეპისკოპოსი, ყოფილი კონვენტელი, ყოფილი

სენატორი, მეფის მომხრეების პოლემიკაში „შერცხვენილ გრეგუარად“ იქნა ხელახლა მონათლული. ეს გამოთქმა, რომელიც ჩვენ ახლა ვიხმარეთ, - „ხელახლა მონათვლა“, - ბატონ რუაიე-კოლარის მიერ ნეოლოგიზმად იქნა აღიარებული. იენის ხიდის მესამე თალის ძირში ჯერ კიდევ გამოირჩეოდა თავისი სითეთრით ერთი ახალი ქვა, რომლითაც ორი წლის წინათ დაფარეს ბლუხერის მიერ ხიდის ასაფეთქებლად ჩათხრილი ხვრელი. სამართალში მისცეს ერთი კაცი, რომელმაც ღვთისმშობლის ეკლესიაში შემავალი გრაფი დ'არტუა დაინახა და ხმამაღლა დაიძახა: - სადღაა ის დრო, როდესაც ბონაპარტი და ტალმა ხელიხელ გაყრილნი შედიოდნენ ხოლმე „ნადირთ მეჯლისშიო?“ აჯანყების სუნი უდიოდა ამ სიტყვას და მოქმელს ექვსი თვის პატიმრობა მიუსაჯეს. დასამალი აღარაფერი ჰქონდათ მოლაღაატეებს. ბრძოლის წინა დღეს მტერთან გადაპარული ვაჟბატონები აღარ მალავდნენ მიღებულ ჯილდოს და ურცხვად დადიოდნენ სიმდიდრისა და დიდებულების ცინიზმით გაამაყებულნი. ლინიდან და კატრ-ბრადან გამოპარული დემერტირები, რომელთაც ოქროში გაეცვალათ პატიოსნება, საქვეყნოდ გაიძახოდნენ, მონარქისის გულწრფელი მომხრენი ვართო, და ავიწყდებოდათ ერთი სიტყვა, ინგლისში სახალხო ფეხისალაგის შიდა კედელზე რომ წერია:

Please, adjust your dress before leaving

ააი, გაკვრიოთ, ასეთი იყო 1817 წელი, დღეს დავიწყებელი.

ისტორია თითქმის არავითარ ყურადღებას არ აქცევს ამ წვრილმანებს და სხვაგვარად ვერც იზამს, რადგან მათ უსაზღვრო ეფარება ზედ. მაგრამ ეს დეტალები, რომელსაც უსაფუძვლოდ თვლიან წვრილმანებად, - კაცობრიობაში არაფერია პატარა, როგორც მცენარეთა სამყაროში პატარა არ ეთქმის ფოთოლს, - სასარგებლო დეტალებია. წლების აღწერიდან შედგება სურათი საუკუნისა.

ამ 1817 წელს ერთი „სასერიო საქმე“ ჩაიდინა ოთხმა პარიზელმა ყმანვილმა კაცმა.

თავი მეორე

ოთხი და ოთხი

ეს პარიზელები ერთი ტულუზელი იყო, მეორე - ლიმოუელი, მესამე - კაორელი, მეოთხე - მონტობანელი; მაგრამ სტუდენტები იყვნენ ოთხივენი და, რომ იტყვიან, სტუდენტიო, ეგ იმას ნიშნავს, რომ პარიზელზე ლაპარაკობენ: ვითომც ვინც პარიზში სწავლობს, პარიზში დაბადებულა.

უმნიშვნელონი იყვნენ ეს ყმანვილი კაცები. ყველას ეყოლება ნანახი იმათნაირი, ოთხი სხვადასხვა ნიმუში მოსწავლე ყმანვილკაცობისა: არც კარგი, არც ავი; არც სწავლული, არც უცივი; არც გენიოსი, არც ბრიყვი, მაგრამ ოთხივე ყმანვილები იყვნენ, მათ ისე ამკობდათ ოცი წლის ასაკის სილამაზე, როგორც გაზაფხულს - მასი. ეს იყო ოთხი ოსკარი, რადგან იმ დროს ჯერ არტურები არ არსებობდნენ. „არაბული გუნდრუკი უკმიეთ, ოსკარი მოდის, ოსკარსა ვნახავ“, - ამბობდა ერთი სიმღერა. ოსიანის გავლენა მეფობდა, სალუქობა სკანდინავიური იყო და კოლედონიური; ნამდვილი ინგლისური გემოვნება შემდეგში გახდა მისაბაძი და პირველმა არტურთაგანმა, ველინგტონმა, ის იყო, ძლივძლივობით გაიმარჯვა ვატერლოოს ბრძოლაში.

ამ ოთხ ოსკარს - ტულუზელს ფელიქს ტოლომიესი ერქვა, კაორელს - ლისტოლიე, ლიმოჟელს - ფამელი, მონტობანელს - ბლაშველი. ოთხივეს, რასაკვირველია, საყვარლები ჰყავდა: ბლაშველს ფავორიტი უყვარდა; ფავორიტს იმიტომ ეძახდნენ, რომ ინგლისში ყოფილიყო; ლისტოლიეს - დალია; ფამელს - ზეფინი, შემოკლებული უოზეფინი; ტოლომიესს - ფანტინი. ფავორიტი, დალია, ზეფინი და ფანტინი, ოთხივე, ახლად გაშლილი მაისის ვარდივით მშვენიერნი, მკერავები იყვნენ და ჯერ ისევ ეტყობოდათ თავიანთი საქმიანობა. სიყვარულს გაეტაცათ, ნემსი და სათითო სულ არ მიეტოვებინათ, მაგრამ ჯერ არ დაჰკარგვოდათ ის სულის სიმშვიდე და თავისი თავით კმაყოფილება, რომელიც საკუთარი შრომით მცხოვრებ ქალებს ამჩნევიათ და რომელიც პირველი დაცემის შემდეგ კარგა ხანს შერჩება ხოლმე ქალს. ოთხში ერთს პატარას ეძახდნენ, რადგან ყველაზე უმცროსი იყო და ერთს - მოხუცს. უფროსი ოცდასამი წლისა იქნებოდა, თუმცა აუმცროსები უფრო გამოცდილები ჩანდნენ პარიზულ ცხოვრებაში და სიყვარულში, ვიდრე ფანტინი, ოქროსქოჩრიანად წოდებული, რადგან მზესავით ოქროსფერი თმა ამშვენებდა. ფანტინის ცხოვრებაში პირველი იყო ეს სიყვარული.

დალია, ზეფინი და მეტადრე ფავორიტი ამას ვერ დაიკვივნებოდნენ. იმათი რომანები უკვე მრავალი თავისაგან შედგებოდა და გმირი ამ რომანებისა, საყვარელი, პირველ თავში ადოლფად იწოდებოდა, მეორეში - ალფონსად, მესამეში - გუსტავად. სიღარიბე და კვლუცობა ხომ ცუდი მრჩევლებია. სიღარიბე ბუზღუნებს, კვლუცობა ნანატრს შესძინს და სანყალი ხალხის ლამაზ ქალებს ხომ ერთიც საკმაოდა აქვთ და მეორეც. დღედაღამ განუწყვეტლივ თავისას ჩასძახიან ყურში სიღარიბე და კვლუცობა. ისინიც, ცხოვრების უვიცინი, ხარბად ისმენენ ამ ტკბილ ჩურჩულს, ამას მოჰყვება მათი დაცემა და საზოგადოებაც ჩააქვავებს. უცოდველნი და უბინონი უნდა იყოთო, ეუბნებიან. იუნგფრაუც ვერ შეიკავებდა თავს, რომ მოშივებოდა.

ფავორიტი ინგლისში ნამყოფი იყო და თავყანასაცემლად გამხდარიყო ზეფინისა და დალიასთვის. კარგა ხანი იქნებოდა, რაც თავისუფლად ცხოვრობდა და საკუთარი ბინა ჰქონდა. ამ ქალის მამა ერთი ბებერი მათემატიკის მასწავლებელი იყო, უხეში, ცრუ და მკვებარა. მიუხედავად წლოვანებისა, კერძო გაკვეთილებით ცხოვრობდა. ერთხელ სიყმანვილეში ვიღაც მოახლეს კაბა გამოეღო ბუხრის რიკულისათვის და ფეხი გამოსჩნოდა. ეს მათემატიკის მასწავლებელს დაენახა და გაგიჟებულიყო ამ ფეხისთვის. ამ გაგიჟების ნაყოფი გახლდათ ფავორიტი.

ფავორიტი ხშირად ხვდებოდა ხოლმე თავის მამას, რომელიც ზრდილობიანად აძლევდა სალამს. ერთ დილას ვიღაც ბებერი დედაკაცი მივიდა ფავორიტთან და გაკვირვებით შესძახა: - ნუთუ არ მიცნობ, ქალო? - არა, არა, ქალბატონო.

- დედა ვარ შენი, მშობელი დედა.

განჯინა გააღო ბებერმა, სვა და ჭამა. ერთადერთი ლეიბი ყოფილიყო იმის ავლადიდება, ისიც მოატანინა და დარჩა თავის ქალიშვილთან. სულ ღვთის ხსენებაში ბრძანდებოდა ეს დედა, სულ რაღაცას ღრინავდა, ფავორიტს ხმას არ სცემდა, ხშირად გაბუტული იყო მთელ დღეს, ოთხი კაცის ოდენს ჭამდა, უფრო მეტსა სვამდა, მეკარესთან ჩადიოდა და იქ თავის ქალს ლანძღავდა.

დალია ლისტოლიემ - და ლისტოლიემდე იქნება კიდევ სხვამაც - იმიტომ შეიყვარა, რომ საკვირველი თითები ჰქონდა, ვარდისფერი ფრჩხილებით შემკული.

ამისთანა კობტა ხელებს ნემსით გაიფუჭებენ? თუ ქალს ნამუსიანად ყოფნა უნდა, ხელების სილამაზეს ყურადღება არ უნდა მიაქციოს.

რაც შეეხება ზეფინს, სულ ორი სიტყვით გააბა მახეში ფამილი: იმისთანა ალერსით და თან ცბიერად ეტყოდა ხოლმე - „დიახ, ბატონო“, რომ სტუდენტს მეტიც აღარ უნდოდა.

ყმანვილები ამხანაგები იყვნენ და ქალებიც დამეგობრდნენ ერთმანეთთან. ამგვარ სიყვარულს ყოველთვის თან ახლავს ეს მეგობრობა.

ბრძენი სხვაა და ფილოსოფოსი - სხვა. ეს იმით მტკიცდება, რომ - ნუ შევეხებით ამ უნესურ შეუღლებას, - ფავორიტი, ზეფინი და დალია ფილოსოფოსი ქალები იყვნენ, ფანტინი კი - ბრძენი.

ბრძენიო? - გაიკვირვებენ. მერე ტოლომიესი უყვარდაო? ამის პასუხად სოლომონ ბრძენი იმას გეტყობათ, რომ სიყვარული ნაწილი არის სიბრძნისა: ჩვენთვის ისიც საკმარისია, რომ ფანტინს ჯერ არავინ ჰყვარებოდა. ეს პირველი სიყვარული იყო და სალოცავად გაეხადა თავისი საყვარელი.

ამ ოთხში მართო ფანტინი იყო, რომ ერთის მეტს „შენობით“ არავის მიუმართავს მისთვის.

ფანტინი ხალხის შვილი იყო და, თუ შეიძლება ასე ვთქვათ, ხალხის ნაძირალას შვილი. საზოგადოების უმდაბლეს წრეში დაბადებულიყო და შუბლზე უცნობის და უსახელოს ნიშანი აჯდა. მმონრეილში დაბადებულიყო, მაგრამ ვინ იყო იმისი დედ-მამა? - ვინ იცის? ფანტინისას არც მამას იცნობდა ვინმე, არც დედას. ფანტინს ეძახდნენ. რატომ? - არავინ იცის. ფანტინის დაბადების დროს რევოლუციური წესრიგი იყო საფრანგეთში. გვარს უარყოფდნენ და ფანტინსაც არა ჰქონდა გვარი. ეკლესიას უარყოფდნენ და ფანტინსაც არა ჰქონდა ნათლობის სახელი. ქუჩაში დაცოცავდა პატარა ტიტველი გოგო და ვილაცამ ფანტინი უწოდა. შერჩა და შერჩა ეს სახელი - პატარა ფანტინი. ათი წლისა რომ გახდა, მოახლედ დაუდგა ერთ მემამულეს; თხოუმეტისა პარიზს ჩავიდა „ბედის საძებნელად“. ლამაზი ქალი იყო და დიდი ხანი დარჩა უმანკოდ, იმდენი ხანი, რამდენიც შეძლო. მზითვეი დიდი ჰქონდა - ოქრო და მარგალიტი, ოლონდ ოქრო მსხვილ ნაწნავებად ეყარა ბეჭებზე, მარგალიტი კი ბავეს უმშვენებდა.

საცხოვრებლად შრომა დაიწყო, მერე - ისევ საცხოვრებლად, რადგან გულსაც უნდოდა, - სიყვარულს მისცა თავი.

ტოლომიესი შეიყვარა.

ტოლომიესი დროის გატარებას ცდილობდა, ფანტინს კი გაგიჟებით უყვარდა. ლაბინური უბნის ქუჩებს, სადაც ფუტკარივით ირევიან სტუდენტები და ცუდი ყოფაქცევის ქალები, ხშირად უნახავს დასაწყისი და დასასრული ამგვარი ტკბილი გატაცებისა. ფანტინი ვრიდებოდა ტოლომიესს, გაურბოდა, მაგრამ ისე, რომ ზუსტად წინ შეხედებოდა ხოლმე. ერთნაირი მორიდება ძალიან ჰგავს ძებნას. რაღა გავავრძელოთ, სიყვარულმა თავისი გაიტანა.

ბლაშველი, ლისტოლიე და ფამილი პატარა წრეს შეადგენდნენ, რომლის თავიც ტოლომიესი იყო. ტოლომიესი იყო სულისჩამდგმელი ამ წრისა.

ტოლომიესი დიდი ხნის „ბებერი“ სტუდენტი გახლდათ. იმდენი ფული მოსდიოდა შინიდან, - ოთხი ათასი ფრანკი ჰქონდა, - რომ ღარიბ-ღატაკ სტუდენტთა შორის სწორედ სამარცხვინო ჩანდა მისი სიმდიდრე. ოცდაათი წლისა იყო, ქეიფს და

დროსტარებას ძალიან მისდევდა და კვალიც დასჩენოდა ამგვარი ცხოვრებისა: სახე დაღმეჭოდა, კბილები ჩასცვივნოდა, თმა გასთხელებოდა. ამას თვითონაც ხედავდა და გულიანად იცინოდა, - ოცდაათი წლისას თავი მომეტელოვა, ორმოცისას მუხლი მომეკვეთებო. კუჭი წამხდარი ჰქონდა, ვეღარაფერს ინელებდა და ცალი თვალი ეცრემლებოდა. მაგრამ სიყმაწვილის წილ სიმხიარულე ახლდა და რამდენადაც პირველი ეკარგებოდა, იმდენად მეორე ემატებოდა. წამხდარ კბილს ოხუნჯობა უმაღავდა, მოტიტვლებულ თავს - სიხარული, შერყეულ სიჭაბუკეს - სიმახვილე ენისა და მტირალ თვალს - სიცილით სავსე თვალი. მოშლილი იყო, რომ დაჰკვირვებოდა ვინმე, მაგრამ მაინც ყვაოდა. დაძაბუნებული იყო, მაგრამ იმისთანა ირონიით და დაცინვით ამკობდა თავის გაპარულ სიყმაწვილეს, თითქოს თავის თავს კი არა, სხვას იგდებს მასხრადო. ერთი პიესა წარედგინა ვოდევილის თეატრში, მაგრამ დაეწუნებინათ. ლექსებს წერდა; გარდა ამისა, ყველაფერს ეჭვის თვალით უყურებდა და მით უფრო ძლიერად ეჩვენებოდა თავისზე სუსტებს (არაფერი სწამდა. ეჭვის თვალით უყურებდა სუყველაფერს და ესეც ხომ ღირსებაა, რადგან ძლიერებად მიაჩნიათ სუსტებსა და გაუბედავებს). ერთი სიტყვით, ირონიით იყო სავსე იმისი მოტიტვლებული თავი და მეთაურად გახდომოდა პატარა წრეს. „

ირონ

“ - „ირონ“ ინგლისური სიტყვაა და რკინას ნიშნავს. იქნებ ამ სიტყვიდან მომდინარეობდეს ირონიაჲ.

ერთხელ ცალკე გაიხმო ტოლომიესმა სამივე თავისი ამხანაგი და უთხრა: - აგერ ერთი წელიწადი სრულდება, რაც ფანტინს, ზეფინს და ფავორიტს საჩუქარს დაეპირდით. მოსვენებას აღარ გვაძლევენ, მეტადრე ფანტინი. სულ იმას გაიძახიან, დაპირებას ასრულებაც უნდაო. როგორც ნეაპოლში მისდგებიან ხოლმე ბებერი დედაკაცები წმინდა იანვარს და უყვირიან, ფერმკრთალო იანვარო, ჰქმენ სასწაულიო, - ისე ჩვენი ლამაზმანები მე ჩამაცივდნენ, - ტოლომიეს, როდისა შობ შენს საჩუქარსაო? შინიდან კიდევ მოსვენებას აღარ გვაძლევენ და წერილი წერილზე მოგვდის. ორ ცეცხლშუა ვიწვით, თუ დამეთანხმებით. მე მგონია, რომ დროა ბოლო მოვუღოთ ამ ყოფას. მოდით, მოვილაპარაკოთ.

ტოლომიესმა რაღაც წასჩურჩულა ამხანაგებს, იმისთანა სასაცილო, რომ ოთხივემ ხარხარი დაიწყო და ბლაშველმა შეჰყვირა, - დიდებული აზრიაო.

პატარა ყავახანა დაინახეს, კვამლით სავსე, ოთხივენი შიგ შევიდნენ და იქ განაგრძეს ბასი.

ამ მოლაპარაკების შედეგი ის იყო, რომ კვირას დილითვე საქეიფოდ გაემგზავრნენ ჩვენი სტუდენტები და ქალებიც თან წაიყვანეს.

თავი მესამე

ოთხი წყვილი

დღეს ვერც კი წარმოიდგენს ვინმე, სად ატარებდნენ დროს ამ ორმოცდახუთი წლის წინ პარიზელი სტუდენტები და გრიზეტები. პარიზის გარეუბნები ის აღარ არის, რაც იყო. ამ ნახევარი საუკუნის განმავლობაში ერთიანად შეიცვალა: სადაც უწინ გუგულის ძახილი ისმოდა, დღეს ვაგონი იძვრის; სადაც პატარა ნავი ცურავდა, დღეს

გემები მისრიალებს. 1862 წელს პარიზის გარეუბანს მთელი საფრანგეთი წარმოადგენდა.

ქალაქგარეთ გავიდნენ ჩვენი მოსიერნენი და ძალიან მხიარულად გაატარეს დრო. სწავლა დამთავრებული იყო, მშვენიერი თბილი ზაფხულის დღე იდგა. წერა მარტო ფავორიტმა იცოდა და წინა ღამეს წერილი მიწერა ოთხივეს სახელით ტოლომიესისთვის: „თუ გნებავთ მართლა გვასიამოვნოთ, ძალიან ადრე წავიდეთო“. ხუთ საათზე უკვე ფეხზე იყვნენ და ეტლით გასწიეს სენ-კლუში. გამშრალი შადრევნები ნახეს. მართლა მშვენიერი სანახავი იქნებოდა, წყალი რომ ყოფილიყო, - თქვეს. „შავთავის“ სასტუმროში ისაუზმეს, ტბასთან ისიერნეს, სევრში იყვნენ, ყვავილები დაკრიფეს და თაიგულები გაიკეთეს, სალამურები იყიდეს, ვაშლის ქადას შეექცნენ. დიდად ბედნიერნი იყვნენ.

ქალები გალიიდან გამოშვებული შაშვებივით ჭიკჭიკებდნენ, იცინოდნენ, ლაღობდნენ, ჭაბუკებს ეხუმრებოდნენ, თითქოს სიყმაწვილით და დილის ნიავით დამთვრალანო. ოჰ, რა ტკბილი რამ არის სიყმაწვილე! ვინც უნდა იყო, ჩემო მკითხველო, არ გავონდება განა სიცოცხლის გაზაფხული, არ ავიწვია განა ბურქნარის ტოტი, უკან მომავალ კეკლუეს არ მოხვდესო? არ დაცურებულხარ განა მწვანე ხავერდით მოსილ ნამიან დაღმართზე ლამაზ ქალთან მკლავგაყრილი? არ გავონდება განა ქალის შევივლება, - ახალი ფეხსაცმელები დამისველდა, გადასავლები გამიხდებოა?

ისღა აკლდა ჩვენს მოსიერნეთა სრულ ნეტარებას, რომ ერთი კარგი შხაჰუნა წვიმა წამოსულიყო და კარგად დაესველებინა. მართალია, ფავორიტმა დილითვე ბრძანა მეცნიერებით აღსავსე კილოთი, - ლოკოკინა ვნახე გზაზე, უთუოდ გაავდარდებოა, მაგრამ არ გაუმართლდა წინასწარმეტყველება.

ოთხივენი მეტისმეტად ლამაზები იყვნენ. ერთი მოხუცებული, იმ დროს განთქმული პოეტი, ლაბუისი დასიერნობდა იმ დილას სენ-კლუში და მიმავალნი რომ დაინახა, ხორცშესხმული მუშები ეგონა და, - ერთი მეტიაო, - დაიძახა („სამ გრაციას“ გულისხმობდა). ფავორიტი, ბლაშველის მეგობარი, წინ მიცქრიალებდა, ტყის ფერიასავით მეთაურობდა ყველას, მხიარული კისკისით და ხმაურით ავსებდა ტყეს.

ზეფინი და დალია მეგობრობისა და უფრო კეკლუცობისა გამო ერთმანეთს არ შორდებოდნენ; იცოდნენ, რომ თავიანთი სილამაზით ერთმანეთს ავსებდნენ და ამშვენებდნენ. ლისტოლიე და ფამელი თავიანთ მომავალზე ლაპარაკობდნენ და ცდილობდნენ აეხსნათ ფანტინისთვის, რით განსხვავდებოდნენ ერთმანეთისგან დელვენკური და ბლონდო.

ბლაშველს ფავორიტის შალი გადაეგდო მკლავზე და ისე მიდიოდა, თითქოს მხოლოდ ამისთვის იყო გაჩენილი.

ტოლომიესი უკან მისდევდათ, ძალიან მხიარულად იყო. თუმცა ერთი შეხედვითაც ეტყობოდა, რომ მოთავე და გამგე ის ბრძანდებოდა და მხიარულებაშიც კი დიქტატორობა ემჩნეოდა. ძალიან მორთული იყო. ახალი ნაშურის შარვალი ეცვა სპილოსძვლისფერი, სპილენძის მავთულის პაჭანიკებიანი, ორასფრანკიანი ინდური ლერწმის ჯოხი ეჭირა ხელში და რადგან შეძლება ჰქონდა და არათფერს იკლებდა, რაღაც ედო პირში უცნაური, სიგარად წოდებული. წმინდა არა გააჩნდა რა და თამბაქოს სწევდა. „რა შესანიშნავი ადამიანია ეს ტოლომიესი, - ამბობდნენ მასზე პატივისცემით, - რა შარვალი აცვია, რა ენერჯის პატრონია!“

რაც შეეხება ფანტინს, ის განსხვავებული სიხარული იყო. მისი მოელვარე კბილები ღმერთს სიცილისათვის გაეჩინა. პატარა, ჩალის ფართოფარფლებიანი ქედი უფრო ხშირად ხელში ეჭირა, გრძელი თმა ჰქონდა, ქერა, რომელსაც თავისუფლად ფრიალი უფრო ეხალისებოდა, ვიდრე შეკრულად დება, ხშირად გაიშლებოდა ხოლმე და მუხლამდე სცემდა, თითქოს იმიტომ ყოფილიყო გაჩენილი, რომ გალათესავით, ტირიფებს შორის ერბინა. ალტაცებული ღიმილი უტკობდა ვარდივით ლამაზ პირს, ბაგის კუთხე ვენებით ჰქონდა ოდნავ ზევით აწეული, როგორც ერიგონისგამოსახულებიან ანტიკურ ნიღბებს, თითქოს გამბედაობას იწვევდნენ, თითქოს უნდა წამოიძახონ - რაღას აყოვნებ, მოდი და დამეწაფეო, მაგრამ ვენებით ალენილ სახეს ზემოდან სასტიკად დასცქეროდა შავ, ხშირ წამწამებქვეშ გამოშხირალი თვალები, რომელნიც თვით თავხედსაც კი ალაგმავდნენ. მოხდენილი ტანსაცმელი ეცვა, თავისსავით მხიარული და ვნებადამძვრელი, ზამბახის ყვავილისფერ ბარეუეს კაბაზე მარამაშის გულისპირი ეკეთა, მარსელელების მიერ შემოღებული, სახელად კანზუ, რაც ნიშნავს დამახინჯებულ quinze août, - ესე იგი, თხუთმეტ ავვისტოს და, მაშასადამე, კარგ დარს, შუადღეს და სიცხეს. სხვები ასე მორცხვნი არ ჩანდნენ, როგორც უკვე ვთქვით, გულმომშიშვლებულნი იყვნენ. ზაფხულში ლამაზ ქალს რომ კოხტა, მშვენიერი ყვავილებით მორთული ქედი ამშვენებს, გულმკერდის სიმიშვლე თვალწარმტაცია და გამაღიზიანებელი, მაგრამ მაინც ფანტინის კანზუ სჯობდა, რადგან დამალულიც იყო და ამავე დროს არც დამალული ფანტინის გულმკერდი; მორცხვობა იყო დაფარული და იმავე დროს ვენების აღმძვრელი. ხშირად მოხდება ხოლმე, რომ ბბრძენზე ბრძენია უმანკოება.

ლამაზი სახე, დიდრონი ცისფერი თვალები, შავი ხშირი წარბ-წამწამი, გამოქანდაკებული მომცრო ფეხი, თეთრი კანი, ქორფა ღანვი და ზედ ოცნებით შებლუდული მხიარულება, - ასეთი იყო ფანტინი.

ტანსაცმელი ხელოვნურ ნაქანდაკებს ფარავდა და ნაქანდაკები - სულს.

ფანტინი მშვენიერი იყო, თუმცა თვითონ ეჭვიც არ ჰქონდა ამისი. მშვენიერების ნამდვილ თაყვანისმცემელს რომ ენახა ეს ყმაწვილი პარიზელი მკერავი ქალი, ძველ საბერძნეთში ეგონებოდა თავი. უგვარტომო, საზოგადოების უმდაბლესი წრეების შვილი, ბუნების უდიდებულეს ქმნილებას წარმოადგენდა, მშვენიერი იყო აგებულებითაც და მიხვრა-მოხვრითაც. სტილი ფორმა იდეალისა და რითში კი ფორმაა მოძრაობისა.

ფანტინი განხორციელებული მხიარულება იყო და იმავე დროს განხორციელებული მოკრძალება.

მართალია, მთვრალი იყო სიყმაწვილით, ზაფხულით, სიყვარულით, მაგრამ ყურადღებით რომ დაჰკვირვებოდა ვინმე, ადვილად შეამჩნევდა მორცხვობას და მოკრძალებს. ცოტა არ იყოს, გაკვირვებულსა ჰგავდა. ეს უბინო გაკვირვება წარმოადგენს განსხვავებას ფსიქესა და ვენერას შორის. ფანტინს გრძელი ნატიფი თითები ჰქონდა ძველი ვესტალისა, რომელსაც ოქროს ქინძისთავი უჭირავს და წმინდა ცეცხლის ფერფლს ურევს საკურთხეველზე. თუმცა, როგორც შემდეგაც ვნახავთ, სულით ხორცამდე დამორჩილებოდა ტოლომიესს, სახე მაინც უმანკოებით უბრწყინავდა. რაღაც ღირსებით აღსავსე გამომეტყველებას იღებდა ხშირად მისი თვალი, წმინდანის გამომეტყველებას და სრულიად უმიზეზოდ დაღონდებოდა და

დაფიქრდებოდა ერთი წამის წინ უსაზღვროდ მხიარული მისი გული. ზედა ტუჩზე ჯერ ისევ ცხადად ეტყობოდა ის შეუმჩნეველი და საოცარი ნიშანი ქალწულობისა, რომელმაც ბარბიუსს გაგიჟებთ შეაყვარა მიწიდან ამოთხრილი წამით მარმარილოს დიანასი.

სიყვარული ცთომილებათა - დაე, იყოს! ფანტინი ცთომილების მორევიდან ზემოთ ამოტივტივებული უმანკოება გახლდათ.

თავი მეოთხე

ისეთი მხიარულია ტოლომიესი, რომ ესპანურ სიმღერას მღერის

ის დღე დიდიდან საღამომდე ნეტარება იყო და სიტკბოება, ვით დილის ცისკარი. ისე ხარობდა ბუნება, თითქოს დასვენების დღე ეღირსა და ამით ტკბებაო. სენ-კლუ სურნელებად გადაქცეულიყო; სენის გრილი ნიათით აშრიალებული ფოთლების ხმა გალობად ისმოდა და ტყის ხმაური - სიმღერად. აქ მოგროვილიყო ქვეყნის ფუტკარი და ჟასმინს დაჰხვებოდა. პეპლები დაციალებდნენ ყვავილებზე. საფრანგეთის მეფის დიდებულ ბაღში მრავლად იყო მანანნალა ჩიტების ბრბო და თავისი ჭიკჭიკით აყრუებდა იქაურობას.

ოთხი წყვილი მიდიოდა, მიხტოდა ამ სამოთხეში, ჭიკჭიკებდა, მღეროდა, ცეკვავდა, პეპლებს დასდევდა, ყვავილებს კრეფდა, მწვანე ბალახში ფეხს ისევლებდა, გიჟობდა, ცელქობდა და ხანდახან საკოცნელად ლოყას უშვერდა ხან თავის, ხან სხვის საყვარელს... ფანტინის გარდა, რომელიც რაღაც გამოუცნობ, თითქოს პირქუშ განრიდებას მოეცვა. ფანტინს უყვარდა. ნეტავ რას იპრანჭებო, - ეუბნებოდა ფავორიტი.

ეს არის სიცოცხლის ნეტარება. შეყვარებული ქალ-ვაჟი ალვიძებს ბუნებას, სხვისა ჰჳენს ცხოვრებას და ყველგან ალერსსა და სიტკბოებას იწვევს. ამბობენ, იყო ერთი ფერია, რომელმაც მიწდორი და ტყე მხოლოდ შეყვარებულთათვის გააჩინაო. ამიტომ არის, რომ ბუჩქნარს ეძებს სიყვარულით გახელებული. ეს ასე იყო, ასეა ახლა და ასე იქნება, ვიდრე სიყმანვილე და სიყვარული არსებობს. ამიტომ არის, რომ ასე უყვარს ყველას გაზაფხული. პატრიცი და მუშა, დიდებული და მდაბიო, სოფლელი და ქალაქელი, ყველა ქედმოხრილი და მორჩილი ყმაა სიყვარულისა. სიყვარული ცვლის, ახალისებს ადამიანს და ღმერთად აქცევს ნოტარიუსის მწერალს. სიცილი, მხიარულება, ღვთიური ნეტარება, ერთმანეთის ძებნა, ყოვილ-ხივილი, ტკბილი სიტყვა და ალერსი, ოხვრა და ღალადი, ტრფობა და თაყვანისცემა - ამით ბრწყინავს სიყვარული და სინათლეს ჰჳენს ქვეყანას. უსასრულო არისო, ამბობენ, ეს ამბავი - და ან რა გაათავებს, ვიდრე ლამაზი ქალის გული გვეგულის ჭილდოდ? ფილოსოფოსებს, პოეტებს, მხატვრებს ძალიანაც ნებათ სიყვარულის ძალის შეგნება, მაგრამ იმათაც თვალს სჭრის მისი ელვარება და აღარ იციან, რა თქვან. სიყვარული „კითხვებში მისვლა“ არისო, - ამბობს ვატო; ლანკრე, მდაბიო ხალხის მხატვარი, ზეცის ლაჳვარდში გვიხატავს შეყვარებულ ბურჳუებს; დიდრო სიყვარულს ლოცულობს და დ'ურფე დრუიდებსა რევს სიყვარულში.

საუზმის შემდეგ ყველანი სამეფო ბაღში ჩავიდნენ ინდოეთიდან ახლახან ჩამოტანილი უცხო მცენარის სანახავად, რომლის სახელი ამჟამად არ გვაკონდება. ამ მცენარის სანახავად მთელი პარიზი მიდიოდა სენ-კლუში. უცნაური ლამაზი ხე იყო:

ფოთლის მაგივრად მრავლად ყყარა თმასავით წვრილი ტოტები და ზედ - უფრო წვრილი ყვავილი. თმაგაშლილ ქალს ჰგავდა ეს მცენარე, თითქოს ზედ აღმასი შეუყრიათო. გვარს დიდძალი ხალხი ეხვია.

მცენარე რომ გასინჯეს, ტოლომიესმა წამოიყვირა - მოლით, თუ გნებავთ, სახედრებზე დაგპატიჟებთო. პატრონს გაურიგდა და ვანვი და ისი სახედრებით შემოიარეს. ისიში ჩამოხტნენ და ბაღში შევიდნენ. ეს ბაღი ხალხის საკუთრება იყო, მაგრამ იმ დროს ერთ მდიდარ სოფდავარს, ბურგენს, ჩავარდნოდა ხელში. ბაღი შემთხვევით ღია იყო, შევიდნენ, ანა ხორეთის ქანდაკება ნახეს თავის მღვიმეში, დაათვალიერეს სახელოვანი სარკვეების საიდუმლო ჩვენების დარბაზი, ხალხის თვალის ამხვევი და ფულის ამგლეჯი გარყვნილი მახე, ღირსეულად დამახასიათებელი მილიონერად გადაქცეული სატირისა, ან პრიაპოსად გადაქცეული ტიურკარესი.

მოიარეს იქაურობა, დაათვალიერეს ყოველი კუთხე და ბოლოს საქანელას მიადგნენ, ორ დიდ წაბლის ხეზე ჩამობმულს. ქალები ქანაობდნენ, კაბები უფრიალებდათ, ყმანვილები ხარხარებდნენ. ტულუზელი ტოლომიესი, ცოტაოდნად ესპანელი, რადგან ტულუზი ბიძაშვილია ესპანური ტოლოზისა, ერთ ძველ ესპანურ ლექსს მღეროდა, ლამაზი ქალის საქანელაზე გადაფრიალებულ კაბაზე შეთხზულს:

მე ბადახოსელს სიყვარული მიხმობს, მეძახის,

ტრფობის ცეცხლი მწვავს,

სიყვარულით ვარ მე სნეული,

როს მაგ შვლის ფეხთა სილამაზე თვალნი მესახვის,

მე მაშინ სული თვალეებში მაქვს მთლად მოქცეული.

მარტო ფანტინმა არ ინდომა ქანაობა.

- ნეტავ ვიცოდე, მართლა რას იპრანჭება? - თქვა გესლიანად ფავორიტმა.

სახედრები გაისტუმრეს და ახლა სხვა სიამოვნებას მიმართეს: სენაზე ნავით გადავიდნენ და ფეხით ჩავიდნენ ელისეს მინდვრებზე. დილის ხუთი საათი იყო, სასეირნოდ რომ წავიდნენ.

- ნეტავი თქვენ! კვირამ დაღლა არ იცის, - იძახდა ფავორიტი. სამ საათზე ბედნიერებით მთვრალი ოთხი წყვილი კისრისტეხით ჩამოქანდა უცნაური სასრიალო შენობიდან, რომელიც ბოჟონის უბანში იდგა და რომლის კლაკნილი ხაზები ელისეს მინდვრებიდან მოჩანდა.

- საჩუქარი როდისღა იქნება? - ეკითხებოდნენ ტოლომიესს ქალები.

- მართლა, საჩუქარი! მე საჩუქარი მინდა.

- მოითმინეთ, მოითმინეთ, - უპასუხა ტოლომიესმა.

თავი მეხუთე

ბომბარდას ღუქანში

„რუსულ მთებზე“ ისრიალეს და სადილობის დრომაც მოატანა. ცოტა ხანში ბომბარდას ღუქანს მიადგნენ ჩვენი, ცოტა არ იყოს, დაღლილი მოსეირნენი. ბომბარდას პარიზში, რივოლის ქუჩაზე ჰქონდა კარგი სასტუმრო, აქ კი, ელისეს მინდვრებზე, თავისი სასტუმროს განყოფილება გაეხსნა.

დუქანი საესე იყო ხალხით. ისინი ცალკე ოთახში მოთავსდნენ. კარგა მოზრდილი ოთახი იყო, მაგრამ უღაზათო; ერთ კუთხეში ფარდის უკან სანოლი იდგა. ფანჯრიდან მდინარე და ბულვარი მოჩანდა; ორი მაგიდა იდგა. ერთზე მთასავით დააგროვეს ყვავილები, ქედები, მეორეზე - სუფრა გაშალეს და გარს შემოუსხდნენ. ჭურჭელი, ღვინისა და ლუდის ბოთლები, სხვადასხვა საჭმელი... მაგიდაზე წესი და რიგი სუფევდა და მაგიდის ქვეშ კი - უწესობა. მოლიერიისა არ იყოს,

ისეთ რამეს აკეთებდნენ მაგიდის ქვეშ ფეხით,

ყველაფერი ზანზარებდა, გრგვინვა იყო მეხის.

აი, რა ყოფაში იყვნენ შუადღის შემდეგ ოთხ საათზე ჩვენი მოსეირნენი. მზე ჩადიოდა, მადა თანდათან ეკარგებოდათ.

ხალხითა და მზის სხივებით საესე ელისეს მინდვრები მტვრით იყო საესე. დიდებაც ხომ სხვა არაფერია მტვრისა და სხივის გარდა. მარლის ეს აჭიხინებული მარმარილოს რაშები ყალყზე შემდგარიყვნენ, მზისაგან გაბრწყინებულ მტვრეში იძვროდნენ ეტლები. ნეილიდან ცხენოსანი ჯარი მოდიოდა, წინ მებუკე მოუძლოდა. თეთრი დროშა ჩამავალი მზისაგან ოდნავ გავარდისფერებული ტიოილრის სასახლის გუმბათზე ფრიალებდა. კონკორდიის მოედანი, რომელიც ისევ ლუი XV-ის მოედანი გახადეს, საესე იყო მხიარული ხალხით. გარეუბნელებიც მრავლად გამოსულიყვნენ სასიეროდ. 1817 წელს ჯერ კიდევ ბევრი ატარებდა საღილეზე თეთრი ზაბთით ჩამოკიდებულ ვერცხლის შრომანას. ზოგი თამაშობდა, ზოგი სვამდა; ასოთამწყობებს ქაღალდის ქედები დაეხურათ და გულიანად ხარხარებდნენ. ყველგან კმაყოფილება იგრძნობოდა: მშვიდობა და მეფის მიერ წესრიგის დამყარება უხაროდა ხალხს. იმ დროს იყო, რომ პოლიციის უფროსმა ანგლემ ამ სიტყვებით დაამთავრა ერთი თავისი მოხსენება, რომელიც საიდუმლოდ მიართვა მეფეს: „ყველაფერს რომ კარგად დაუკვირდეს კაცი, დარწმუნდება - პარიზის გარეუბნელებისაგან სამიშს არაფერს უნდა მოველოდეთ. გარეუბნელები ზარმაცები არიან და კატასავით უზრუნველნი. პროვინციელები ფუსუსებსენ, პარიზელები კი მოკლებულნი არიან ყოველ მოძრაობას. კაცები კი არა, კაცუნები არიან. ორი რომ შეაერთოთ, ერთ ჯარისკაცს ძლივს გამოიყვანთ. ერთი სიტყვით, პარიზელი ხალხის არ უნდა გვემინოდეს... შესანიშნავი გახლავთ, რომ ამ ნახევარი საუკუნის განმავლობაში ტანიოაც და ღონიოაც დამცირდა და დაკნინდა ჩვენი დედაქალაქის მდაბიო ხალხი და დღეს უფრო წვრილი და სუსტია, ვიდრე რევოლუციამდე იყო. სხვა განსაცდელი გარიდოთ ღმერთმა, თორემ აქ სამიში არაფერია. მოკლეც, პარიზელი ბრბო გულკეთილი არამზადებისაგან შედგება“.

პოლიციის უფროსს ვერ წარმოედგინა, რომ ხშირად ლომად იქცევა კატა. ეს ასეა და ამით არის გასაკვირი პარიზელი ხალხი. ძალიან ათვალწუნებული ჰყოლია ბატონ ანგლეს კატა და ის კი არ სცოდნია, რომ ძველ რესპუბლიკებში ფრიად პატიცემული იყო ეს ცხოველი; ის მათ თვალში თავისუფლებას განახორციელებდა. კორინთის საზოგადო მოედანზე კატის ბრინჯაოს ქანდაკება იდგა, როგორც მინერვას ქანდაკება - პირეის მოედანზე. მეფის ერთგულ, რესტავრაციის გულუბრყვილო პოლიციას გადამეტებულად „გულკეთილად“ ეჩვენებოდა პარიზელი ხალხი. გულკეთილია, მართალია, მაგრამ ნურავინ იტყვის, „გულკეთილი არამზადაა“ ეს ხალხიო. პარიზელი იკივია ფრანგისთვის, რაც ბერძენისთვის ათენელი იყო. პარიზელზე უკეთ ვერავის სძინავს; მასზე გულახდილად არავინ ამუღავნებს თავის ფუქსავატობას და სიზარმაცეს;

მასზე უკეთ ვერავის შეუძლია ვითომ დავინწყება. თუმცა არ გაგიტაცოთ ამ დახასიათებამ. განხორციელებული უზრუნველობაა, მაგრამ თუ დიდებისთვის მოუხდა ბრძოლა, ნამდვილი ლომი ხდება ეს კატა. შუბი მიეცით და ძირიანად აღგვის მონარქიულ წესწყობილებას. თოფი მიეცით და კვლავაც მოგიგებთ აუსტერლიცის ბრძოლას. ნაპოლეონის დიდების დედაბოძი პარიზელი ხალხი იყო. დანტონის ძალის ერთადერთი საფუძველი იგივე პარიზელი ხალხი იყო. გაუჭირდა სამშობლოს? ქედზე კაცი გადის შეიარაღებული. თავისუფლებისთვის ატყდა ბრძოლა? ბარიკადებზე იბრძვის. მაშ, ფრთხილად, ეპიკურ ძალას წარმოადგენს მისი აბურძგნილი თმა და ძველ ქლამიდად იქცევა მისი ხალათი. მაშ ფრთხილად! ისე გაამაგრებს უბრალო ქუჩას, რომ ქვეყნის ჯარიც ვერაფერს უზამს. დაჰკრავს ყვამი და დევიდ იქცევა პარიზელი გარეუბნელი, ვეშაპივით წამოვარდება ეს კაცუნა, ცეცხლივით აენთება თვალი, მისი სუნთქვა ქარიშხლად იქცევა და ისეთი გრივალნი ამოვარდება საცოდავი, ჩავარდნილი გულმკერდიდან, რომ ალპის მთებს შესძრავს. რევოლუციამ პარიზელი გარეუბნელების წყალობით დაამარცხა ევროპა. იგი მღერის. ეს არის მისი სიხარული. შეუთანხმეთ პარიზელი ხალხის სიმღერა მის ბუნებას და მაშინ ნახავთ, რა მძლავრი და დიდებული ყოფილა ეს „ბრბო“.

მისი სიმღერა ჯერ მხოლოდ კარმანიოლაა და ამიტომ ლუი XVI-ის დამხობას გალობს. აბა ერთი მარსელიოზა ამღერეთ და ნახავთ, თუ მთელი ქვეყანა არ გაათავისუფლოს.

სიტყვამ მოიტანა და ანგლეს მოხსენება უპასუხოდ ვერ დავტოვეთ. ვნახოთ ახლა, რას შერებინა ჩვენი მოქციფენი? სადილს ათავებდნენ, როგორც უკვე ვთქვით.

თავი შეექცე

შეყვარებულთა ტრფობა

სუფრის სიტყვა-პასუხი და ტრფობის ალერსი - შეუკავებელია ერთიც და მეორეც. ნისლიის საბურთა სიყვარულის სიტყვები; წარმავალი კვამლია სადღეგრძელოები.

ფამიელი და დალია რაღაცას ღიღინებდნენ, ტოლომიესი სვამდა, ზეფინი იცინოდა, ფანტინი იღიმებოდა. ლისტოლიე სენ-კლუში ნაყიდ სალამურზე უკრავდა. ფავორიტი ალერსით შესცქეროდა ბლაშველს და ეფიცებოდა:

- ბლაშველ, მე შენ ვალმერთებ.

ბლაშველმა ჰკითხა:

- მე რომ შეგიძულო? რას იზამ, ფავორიტ?

- რას ვიზამ? - შეჰყვირა ფავორიტმა, - მაგას ნუ გამაგონებ, ხუმრობითაც კი ნულარ მეტყვი, შენ რომ შემძულო, მოგვარდები და დაგკანრავ, დაგკლუჯ, წყალში გადაგადებ, დავაჭერიანებ შენს თავს.

ბლაშველის თავმოყვარეობას თითქოს მოუღიტიანა ამ სიტყვებმაო, კმაყოფილებით გაიღიმა.

ფავორიტი მაინც თავისას იძახდა:

- ხომ არ გგონია დაგინდო? ქვეყანას შევყრი! შე საძაგელო!

ბლაშველს მეტი აღარ შეეძლო: თავმომწონედ მიესვენა სავარძელზე და თვალი დახუჭა.

დალიას პირში ლუკმა ედო და ვედარ ჩაყლაპა, ისე ჰკითხა ფავორიტს:

- მამ ასე, არა? კერპად გაგიხდია შენი ბლამველი?

- კერპად კი არა! ჭირივითა მძაგს, - მიუგო ფავორიტმა, იმავე კილოთი და ჩანგალს სტაცა ხელი, - იცი, რა ძუნწია! თუ მართალი გინდა, მე ის მიყვარს, ჩვენ პირდაპირ რომ ცხოვრობს. მეტად მოხდენილი კაცია; განა არ იცნობ? შეხედავ თუ არა, მაშინვე იტყვი, მსახიობი უნდა იყოსო. რომ იცოდე, როგორ მიყვარს მსახიობები. მოვა თუ არა საწყალი ბიჭი შინ, მისი დედა წუნუნს მოჰყვება, - ახლა კი დავილუპე, ყურებს წაიღებს ყვირილითაო! და მართლაც, ერთ წამს არ დააყენებს ენას: დადის, დადის და სულ ლექსებს ამბობს, სულ მღერის. დედაჩემი არ შევანუხოო, ხან ბანზე ავარდება, ხან საკუჭნაოში შეიმალება, ხან - სარდაფში, ხან სხვენზე ავა და მღერის, ლექსებს ამბობს. დღეში ერთ ფრანკს იღებს, მგონი, მწერლად არის ვიღაც ვეჭილთან, მამაც მგალობელი ჰყოლია წმინდა იაკობის ეკლესიაში. რომ იცოდე, რა კობტა რამ არის, რა მშვენივრად მღერის. მერე როგორ ვუყვარვარ აღარ იკითხავთ? ამას წინათ ცოლს ვზღვლდი ბლინებისთვის, ხელთათმანი დახეული მქონდა. თვალი შემასწრო და მითხრა: - მადამუაზელ, თქვენი ხელთათმანები რომ გადაზილოთ და იაღლო გააკეთოთ, იმასაც სიამოვნებით შევჭამო. მარტო არტისტს შეუძლია ამისთანა მოსწრებული სიტყვის თქმა. ოჰ, რა ლამაზია ის გასანყვეტი, ლამის გამიტაცოს, მაგრამ ეგ არაფერი. ბლამველს მაინც თავისას არ ვაკლებ და გაღმერთებ-მეთქი, ვეუბნები. როგორ ვტყუი! ვტყუი!

ცოტა ხანს გაჩუმდა და მერე განაგრძო:

- ძალიან მოწყენილი ვარ, ძალია, ძალიან, მთელი ზაფხული წვიმდა, ყოველდღე ქარი ქროდა, ამას მე ხომ ვერ ვიტან. ბლამველი წუნურაქობდა; ბაზარზე სისირის მეტი არაფერი იშოვება, აღარ იცი, რა ჭამო ადამიანმა. ძალიან მოწყენილი ვარ; კარაქიც გაძვირდა. შეხედე, რა საძაგლობაა: რა იქნებოდა, ლოკინი ამ ოთახში არ ყოფილიყო, სადაც ვსადილობთ. სიცოცხლეს მიმწარებს პირდაპირ ამის შეხედვა.

თავი მეშვიდე

სიბრძნე ტოლომიესისა

ზოგი მღეროდა, ზოგი ლაპარაკობდა, ყველა ერთად და ხმამაღლა. ერთმანეთისა აღარაფერი ეყურებოდათ. დიდი ურიაშული იდგა ოთახში. ტოლომიესი ჩაერია და შეჰყვირა:

- ენას აღვირი, ბატონებო! ნუ აჩქარდებით და ნურც ყველაფერს წამორომავთ, რაც ენის წვერზე მოგადგებათ. თუ გნებათ, მჭევრმეტყველნი ბრძანდებოდეთ, გონებას დაუმოჩილეთ ენა. მეტისმეტი იმპროვიზაცია ისე დავიცარიელებთ გოვრას, თითქოს შიგ ქარნი ჰქრიანო. ლუდი რომ დაიქცევა, ქაფს ველარ მოიკიდებს, მაშ ნუ აჩქარდებით, ბატონებო. ხამს ქეიფი დიდებული, სმა ტკბილი, შემაქცევარი. რას ესწრაფებით, რას ენაფებით? გემოს ველარ გაიგებთ. მოიგონეთ გაზაფხული; აჩქარდება და შერცხვება, გაიყინება. აჩქარებული მებაღე ყოველთვის დალუპულია: ნაადრევი მინდაო, ნაგვიანვესაც კარგავს. აჩქარება მკვლელია ქეიფისა და დროსტარებისა. დასამტკიცებლად ამისა ისიცა კმარა, რომ გრიმო დე ლა რენიერი სრულიად ეთანხმება ტალიერანს.

ყრუ დრტვინვა გაისმა წრემი:

- ტოლომიეს, თავი დაგვანებე, რა დროს ქადაგება?

- ძირს მტარვალი! - შეჰყვირა ფამილმა.
- ბომბარდა, ბომბას, ბომბომ! - დაიძახა ლისტოლოემ.
- კვირა ქეიფისაა.
- ჯერ ფხიზღები ვართ, ნუ გეშინია.
- ჩემს ოლიმპიურ სიმშვიდეს ვერ ხედავ, ტოლომიეს? - ჰკითხა ბლაშველმა.
- ნამდვილი „მარკიზი“ ხარ, - სიტყვა მოუჭრა ტოლომიესმა.
- მარკიზ მონკალმი მეფის მომხრე იყო სახელოვანი.

ყველანი ჩაჩუმდნენ, თითქო ჭაობს ქვა მოხვდა და ბაყაყები ჩააჩუმაო.

- მეგობრებო, - დაიწყო ტოლომიესმა და კოლოზე ეტყობოდა, რომ კვლავ ხელო ევდო ლიდერობა, - რა ძალიან იუკადრისეთ ეგ შედარება? მახვილი სიტყვა ცის შვილია, ელვასავით სწრაფი, იელვებს და გაქრება. მაგრამ განა ყველა კარგია და მართლა მოსწრებელი? ხშირად ტლანქზე ტლანქია გონების განავალი. მიქრის, მიფრინავს გონება და იხვის კვერცხივით სცვივა ხუმრობა და სისულელე. ზოგი ვის ხედება, ზოგი - ვის. განა კედელზე განოლილი თეთრი ლაქა სვავს მალლა ცაში ნავარდს შეუშლის? ის კი არა ბრძანოთ, შეურაცხყოფა მიაყენა მოსწრებულ სიტყვასაო. ღმერთმა დამითაროს! დიდ, მაგრამ ღირსეულ ჰატეფსა ვცემ და მეტს კი არა. ვინც მოიპოვება კაცობრიობაში და იქნება კაცობრიობის გარეთაც უდიდებულესი და ბრძენთა უბრძენესი, ყველას უყვარდა მოსაზრებელი, მახვილი სიტყვა. იესო ქრისტე ლექსთ-მაგეობდა წმ. პეტრეს შესახებ; მოსე - ისააკზე, ესქილე - პოლინიკზე, კლეოპატრა - ოქტავიუსზე. ამასთან ისიც უნდა მოგახსენოთ, რომ კლეოპატრასგან ოქტავიუსზე ხუმრობა სწორედ აქტიუმის ბრძოლის წინ იყო და უამისოდ დღეს სხენებაც აღარ იქნებოდა ქალაქ ტორინისა, რაიცა ნიშნავს ბერძნულად ჩამჩას. რაკი ეს დავამტკიცე, ისევ წელანდელ საგანს დავუბრუნდები. ვიმეორებ, ძმანო და მეგობარნო, ნუ აჩქარდებით, ნუ აიშლებით, ტყის პანტასავით ნუ წამომაყრით სიტყვას გულმჭრელსა და ტლანქსა. მომისმინეთ ამფარუსივით ბრძენს და კვისარივით მელოტს. ყველაფერს საზღვარი უნდა ჰქონდეს

Est modus in rebus

. დიახ, სადილსაც კი ბოლო უნდა ჰქონდეს. ვაშლის ქადა ძალიან გიყვართ, ქალებო, მაგრამ ნურც ძალიან მიჰყვებით თქვენს სიყვარულს. გაუმადლობა დასჯის გაუმადლარს -

gula punit gulax

. მოულოდნელობას დაავალა ყოვლად ძლიერმა ღმერთმა - სტომაქს ზნეობრივი ცხოვრება ასწავლეო. ჰოდა იცოდეთ, ყოველ ჩვენს სურვილს და ვნებას, თვით სიყვარულსაც კი, თავისი სტომაქი აქვს და, ვაი იმის ბრალი, ვინც მას ზომამე მეტად გაავსებს. ყოველ გრძნობას და სურვილს დროზე უნდა დაუდოთ ბოლო, დროზე უნდა შეაყენოთ, დროზე კლიტე დაადოთ თქვენს მადას, დროზე ციხეში დაამწყვდიოთ თქვენი ოცნება და მუჭში შეკუმშოთ თქვენი გული. ბრძენი ის არის, ვისაც შეუძლია წინ გადაუდგეს და ტყვედ წაიყვანოს თავისი თავი. ენდეთ ღმერთს, მე სისულელეს არას მოგახსენებთ. არა, აქაოდა სამართლის ფაკულტეტი დაამთავრაო, - ეს მეც არ მჯეროდა, მაგრამ გამოცდებმა დამარწმუნეს, - აქაოდა სწავლულთა წინაშე წარდგა, ლათინურად მოახსენა და დაიყვა დიპლომი შესახებ წამებისა, რომელიც ხმარებაში იყო რომში იმ დროს, როდესაც კვესტორად მუნიციოს დემენტეუზი ბრძანდებოდა; აქაოდა, როგორც გამიგონია, მართლმსაჯულების დოქტორი უნდა გახდესო, განა

სრულიად გამოტვინებული უნდა ვიყო? ჰოდა, მაშ მენდეთ და ზომიერ იყავნთ სურვილთა შინა თქვენთა. როგორც ის არის მართალი და ჭეშმარიტი, რომ მე ფელიქს ტოლომიესს მეძახიან, ისევე ის არის მართალი, რომ მე კარგად ვამბობ ჩემს სიტყვას. ნეტარ არს კაცი, რომელი, რა დაჰკრავს ჟამი, სულასა და ურიგენივით გამირულად მოიქცევა და მოახერხებს თავის დროზე დათმოს ძალაუფლებას.

ფავორიტი სმენად იყო გადაქცეული.

- ფელიქს, - შეაწყვეტინა სიტყვა ფავორიტმა, - რა ლამაზი სახელი გქვიათ. ძალიან მიყვარს ეგ სახელი. ლათინური სიტყვაა და ბედნიერს ნიშნავს.

ტოლომიესი განავრძობდა.

- ქვირიტნო, ჯენტლმენო, კაბალერნო, ჩემო მეგობარნო, გინდათ ისე განვლოთ თქვენი დღენი, რომ სიყვარულის ნესტარი არ მოიხვედროთ და ქორწინების სარეცელი აიცილინოთ? ამაზე ადვილი არაფერია. აი უებარი წამალი: ნურც რასა სჭამთ, ნურცა სვამთ, დიდმარხვა დაიყენეთ; ზურგით ქვა ზიდეთ, ლოდი, ხელით კლდე დაანგრეთ, იარეთ და ირბინეთ, სულ ოფლში გაინურეთ და ძილს თავი არ მისცეთ, თუნდა თავიც გაგისკდეთ. ერთი ნამსევი პური და ზედ სამი ქიშმიში დააყოლეთ. როდესაც მოგწყურდეთ, სალბის ჩაი მოხარშეთ. ცივ წყალში იბანავეთ, თბილს ჭირივით ერიდეთ, ღამე ხმელზე დანექით, წელზე ცივი დაიდეთ. გვარჯილა გამოხარშეთ, ზედ დაანექით პირქვე...

- მე ქალს ვარჩევდი, - დაიძახა ლისტოლიემ.

- ქალს! - ჩამოართვა სიტყვა ტოლომიესმა, - ქალს ერიდეთ. ვაი იმას, ვინც გაზაფხულის დარივით დაუდგრომელ ქალის გულს მიენდობა. ქალი ვერაგია და მაცდური. ქალი გველია და გველი იმიტომ ეჭავრება, რომ ქიშპობას უწევს.

- ტოლომიეს, - შეჰყვირა ბლაშველმა, - ღვინოს დაუჭაბნიხარ, ძამია!

- სულაც არა, - თქვა ტოლომიესმა.

- მაშ, გამხიარულდი.

- სიამოვნებით, - მიუგო ტოლომიესმა.

ჭიქა გაავსო და წამოდგა:

- დიდება შენდა, ღვინოვ.

Nunc te, Bacche canam

! ბოდიშს ვიხდი, ქალებო, ესპანური გახლავთ, დასამტკიცებლად ამისა, შენორას, იმას მოგახსენებთ, რომ ნათქვამია, როგორიც ვერო, ისეთი ქვევერიო. კასტილეელის „აროდში“ თექვსმეტი ლიტრი ჩადის, ალიკანტელის „კანტაროში“ - თორმეტი, კანარის კუნძულების „ალმუდში“ - ოცდახუთი, ბალეარის კუნძულების „კვარტენში“ - ოცდაექვსი და რუსეთის მეფის პეტრეს კასრში - ოცდაათი. მაშ გაუმარჯოს რუსეთის მეფე პეტრე დიდს და გაუმარჯოს იმის დიდზე დიდ კასრს! ერთი მეგობრული რჩევა, ქალებო: თუ გულით გინდათ, გადაგვრიეთ ერთმანეთში. სიყვარული უპეულა უნდა იყოს, რომ ერთ წამზე მეტს არ ჩერდებოდეს ყვავილზე. კრუხი ხომ არა გგონიათ, რომ დაჯდეს და ხავსი მოიკიდოს. დღეს აქ არის, ხვალ - სხვაგან, ყველგან სიტკბოებას სტოვებს; თუ არა და დამუჟავდება, გამწახდება, გამწარდება. იცით, ქალებო, მე ყველანი მიყვარხართ, ოთხივ გულში მიზიხართ. ოჰ, ზეფინ, ოჰ ჟოზეფინ, რა ლამაზი იქნებოდდი, რომ ცოტა მოთელილი და მოღრეცილი არ იყო. შენ მაგონებ მშვენიერ სიფათს, რომელზედაც ვიდაც შეცდომით დამჯდარა... რაც შეეხება ფავორიტს, ოჰ, მუზანო და ფერიებო! ერთხელ ბლაშველი წყლის პირად იყო და ლამაზი ქალის ფეხს მოჰკრა

თვალი. პანანკინტელა ფეხს, პატარა და ცუგრუმელა ქალისას. მას შემდეგ ფეხქვეშ გაეგო იმ ფეხს ბლაშველი და შეიყვარა ამ ფეხის პატრონი ფავორიტი. ჭემპარიტად იონიური ბაგე გაქვს, ოჰ ფავორიტ. ერთი მხატვარი იყო საბერძნეთში, ევფორიონი, რომელსაც ბაგეთა მხატვარს უწოდებდნენ. მარტოოდენ იგი ბრძენი თუ შეიძლება ბაგეთა შერთა დახატვას. იყოღე, შენამდე არავინ ყოფილა ღირსი შენი სახელისა. შენ იმისთვის შეუქმნიხარ ღმერთს, რომ ვენერასავით მიიღო ვაშლი და ევასავით ჩაკბიჩო. მშვენიერება და სიტურფე შენგან იწყება. ევა ვახსენე მგონი, ევა შენ გააჩინე, შენ ჯილდო დაიმსახურე ლამაზი ქალის გამოგონებისათვის. ოოჰ, ფავორიტ, ახლა კი თქვენობით მოგახსენებთ, რადგან პოეზიიდან პროზაში მიინდა გადავიდეთ. წელან ჩემს სახელზე ბრძანეთ რაღაცა, მაგრამ ვინც უნდა ვიყოთ, ნუ ვენდობით სახელებს. სახელმა შეიძლება მოგვატყუოს. ფელიქსად ვინოდები, მაგრამ ბედნიერი კი არა ვარ. მაშასადამე, ტყუის სახელი და ნუ დავუჯერებთ. ყველა ბრძენი არ არის ბრძენი. მისს დალია, მე რომ ვიყო თქვენს ადგილზე, ვარდად ვინოდებოდი. ვარდს სურნელება უნდა ამშვენებდეს და ლამაზ ქალს - გონება. ფანტინზე არაფერს ვიტყვი: სულ რაღაცას ოცნებობს, ლანდით გატაცებული. ფიქრობს და სხვაგან დაჰქრის, ჩვენგან შორს, მისი სული. ფანტინი ხორცშესხმული ადამიანი კი არ გეგონოთ: ლანდია, მშვენიერების გარეგნობით და მონაზვნის მორცხვობით შემკული. საწყალს გზა არეგია და ჩვენში ჩარეულა. მაგრამ სულით კი სხვაგან არის. ჩვენგან თავის დასახსნელად ოცნებას ემონება. მღერის, ლოცულობს, ნანობს და ინანიებს, ზეცას შესცქერის და არც კი იცის, რას ხედავს, ან რას სჩადის; თვალი ცისკენა აქვს. თვითონ ბაღშია და უფრო მეტ ფრინველს ხედავს, ვიდრე ღმერთს გაუჩენია. ეს იყოღე ჩემგან, ფანტინ: მე, ფელიქს ტოლომიესი, ოცნება ვარ და მოჩვენება, მაგრამ არც კი მისმენს ოცნების შვილი. გაზაფხულის დილაა, სამთხის ნეტარება, მაისის ვარდისებრ ტურფა, სურნელოვანი. ო, ფანტინ! შენ ღირსი ხარ მარგალიტს გინოდებდნენ, შენ აღმოსავლეთის ასულთ უტურფესი ხარ. ერთი რჩევა კიდევ, ქალებო: არამც და არამც არ გათხოვდეთ, გათხოვება მცნობაა, ხან იხარებს, ხან ვერა. უფრო ხშირად ვერა ხარობს. მაშ, გაფროთხილდით, ერიდეთ... მაგრამ რას ვჩამახავ? ვის ეყურება ჩემი? ყველა ქალს ერთი განუკურნელი სენი სჭირს - გათხოვების სურვილი და რაც უნდა ვურჩიოთ ჩვენ, ცხოვრების მიერ გამობრძმედილებმა, მაინც ვერ დავუშლით უბრალო მკერავს, რომ თვალ-მარგალიტის პატრონს ნატრობდეს ქმრად. აგრე იყოს, ოლონდ ეს დაიხსომეთ, ლამაზმანებო: ძალიან ბევრ ტუბილს მიირთმევთ. ერთადერთი წუნი გჭირთ, ქალებო, სიტუბობით ვერ გამძღარხართ. ოი, მღრღნელთა სქესო, თქვენს მარგალიტის კბილთ შაქრის ხრამუნი უყვართ. ჰოდა იყოღეთ, შაქარი მარილია, ყველა მარილი გამშრობია სისხლისა და ყველა მარილზე მეტად შაქარი გავიშრობთ სისხლს. სისხლსა სწოვს, სისხლს ადებდებს, ახმობს და უძრავად ჰყოფს. აქედან მომდინარეობს ჭლექი და სიკვდილი, შაქრის ავადმყოფობა ხშირად ჭლექით თავდება. მაშასადამე, აგრე ხარბად ნუ აკნატუნებთ შაქარს და დიდხანს იცოცხლებთ. ახლა ამ ყმანვილებს მივმართავ. გაიმარჯვეთ, ყმანვილებო! ერთმანეთს წართვით საყვარლები და გაიხარეთ. არას შესცოდებთ, მერწმუნეთ და თქვენც გაიხარებთ და წართმეულნიც. სიყვარულმა მეგობრობა არ იცის. სადაც ლამაზ ქალსა ვნახავ, ცხივდ მიმარჩნს ასაღებად და მისი პატრონი ვაჟუკაცი - მტრად, მოსისხლედ, დაუნდობლად. ბრძოლას ვუნყებ, ბრძოლას გამმაგებულს. იმიტომ, რომ ... რა არის ლამაზი ქალი, თუ არა

casus belli

? გადახედეთ ისტორიას. ყველა ომი და ხალხთა შორის შებრძოლება ლამაზი ქალის გამო იყო და იქნება. ქალი უფლებათა კაცისა. რომაელებმა საბინელებს მოსტაცეს ქალები, ვილჰელმმა - საქსონელებს, კეისარმა - რომაელებს. ვაჟკაცს სიყვარული უნდა, თუ არა და, ქორივით გახელბეული დაძრწის და სხვის საყვარლებს უმიზნებს. მე რომ მკითხოთ, ნაპოლეონის პროკლამაციის სიტყვებით მიგმართავდი ყველა კაცს, რომელიც ქვრივად დადის, უბედურად. გახსოვთ ეს სიტყვები: „ჯარისკაცნო, თქვენ ყოველივე გაკლიათ. მტერს ყოველივე აქვს“.

ტოლომიეისი შეჩერდა.

- აღარ ამოისუნთქავ, ვეჟო? - დაუყვირა ბლაშველმა და იმავე დროს ბლაშველმა, ლისტოლიემ და ფამიელმა სიმღერა დასძახეს.

ერთი იმ ლექსთაგანი, რომელსაც ქარხანაში თხზავენ მუშები; უაზრო, როგორც ხის ტოტის რხევა და ქარის გრიალი; ჩიბუხის ბოლივით ადვილად ქმნილი და ბოლივითვე სწრაფად წარმავალი. ააი, რა ადვილად უპასუხეს ყმანვილებმა ტოლომიეისის მჭევრმეტყველებას:

კლერმონ-ტონერი რომ ეხილათ

სენ-ჟენის შაჰად,

მრევლი სულელ მღვდლებს სულ ერთთავად
ავსებდა ქრთამით,

მაგრამ ვინც უშნო დაიბადა, მითხარით, აბა,

თუნდაც ათას წელს ეღირსება შაჰობას ამით?

და მღვდლებს, სულელებს, ყველაფერი, რაც მისცეს
ქრთამად,

ისევ უკანვე გამოართვეს, აღინეს შხამად.

მაგრამ სიმღერამ ვერ დააცხრო ტოლომიეისის იმპროვიზაცია. ჭიქა დაცალა, კიდევ გაივსო და დაიწყო:

- შორს ჩვენგან, სიბრძნე! დავივიწყოთ ყოველივე, რაც მოგახსენეთ, რა ჩვენი საქმეა სიფრთხილე, სიფხიზლე და ზომიერება. გაუმარჯოს ქეიფს, დროსტარებას, გაუმარჯოს მხიარულებას! გამხიარულდით, სტუმარნო! ჩვენი სამართლის კურსი შევავსოთ ყოველგვარი სიგიჟით და სმა-ჭამით. გაუმარჯოს მოუნელებლობასაც და მონელებასაც! დაე, ჟუსტინიანი მამალი იყოს და მოქეიფე რიზაილი - დედალი. ქუდი ჭერს, მეგობრებო! სიცოცხლე საქეიფოდ მოუნიჭებია უფალს. ქვეყანა მარგალიტია, ობოლი მარგალიტი. ბედნიერი ვარ! ფრინველთ შეხედეთ, როგორ ტკბებიან სიცოცხლით. ყოველივე ხართბს, ბულბულები გალობენ. მმოგესალმები, ზაფხულო! ოი, ლექსემბურგო, მადამის ქუჩის გიორგინებო, ობსერვატორიის ხეივანებო! მეოცნებე მეთმარნო! გაუმარჯოს იმ მოხდენილ გოგონებს, რომლებიც ბავშვებს უვლიან და თავს ირთობენ ბავშვების გაჩენით. პარიზში რომ არ ვიყო, სადაც ამდენი ლამაზი ქალია, შამპასში ნავიდოდი. სული ლამობს გაუვალ ტყეებში, სავანეებში გაფრინდეს. რა მშვენიერებაა ირგვლივ, ბუზები ბზუიან. მშეს ცხვირი დააცემინა და ქვეყანაზე გაჩნდა კოლიბრი.

მაკოცე ერთი, ფანტინ!

შებრუნდა და შეცდომით ფავორიტს აკოცა.

თავი მერვე
ცხენის სიკვდილი

- ეღონთან უფრო კარგად ვისადილებთ, - წამოიძახა ზეფინმა.

- მე ბომბარდა მირჩევნია, - თქვა ბლაშველმა. - აქ უფრო მდიდრულია ყველაფერი. ქვემო დარბაზში ნახეთ, კვდელზე რა საგანგებო სარკეები ბრწყინავდა?

- ჩემს თევზს ებრწყინა, ის მერჩივნა, - წამოისროლა ფავორიტმა.

ბლაშველი თავისას არ იშლიდა.

- აბა დანებს უყურეთ: აქ ვერცხლისტარიანი დანებია და ეღონთან კი - ძვლისა. და რადგან ვერცხლი უფრო ძვირია, ვიდრე ძვალი...

- ყოველთვის არა, ჩემო კარგო, - შეაწყვეტინა ტოლომიესმა. - მთელი ქვეყნის ვერცხლში არ მივცემ ლამაზი ქალის ნიკაპს.

ამ დროს ფანჯრიდან ქალაქს გადასცქეროდა ტოლომიესი.

ცოტა ხანს ჩუმად იყვნენ.

- ტოლომიეს, - დაუყვირა ფამეილმა, - ახლახან დიდი კამათი გვექონდა მე და ლისტოლიეს.

- კარგი კამათი კარგია, მაგრამ ჩხუბი უკეთესია.

- ფილოსოფიაზე ვლამპარაკობდით.

- გიშველათ ღმერთმა.

- ვინ გირჩევნია, დეკარტი თუ სპინოზა?

- დეზოჟიე! - უთხრა ტოლომიესმა.

ამ განაჩენის შემდეგ ერთი ჭიქა კიდევ გადაჰკრა და თქვა:

- მე სიცოცხლის წინააღმდეგი არა ვარ. სანამ სისულელის ჩმახვა ნებადართულია, ღირს იცოცხლო ამქვეყნად. ამისთვის მაღლს ვუძღვნი უკვდავ ღმერთებს. სიცრუეს სიცილი მოსდევს, დამტკიცებას - ეჭვი. სილოგიზმიდან მოულოდნელობა გადმოსჩქევს. მშვენიერებაც ეს არის. ღვთის მაღლით, ჯერ კიდევ მოიპოვებიან ქვეყნად მამანნი, რომელნიც თავისუფლად და მხიარულად ადებენ და კეტენ პარადოქსის კოლოფს. ეს ღვინო, ქალბატონებო, თქვენ რომ აგრე შეექცევით, მაღერის ღვინო გახლავთ, კურალ და ფრეირისა, რომელიც ზღვის ღონიდან სამას ორმოცდარვა მეტრის სიმაღლეზე მდებარეობს და ბატონი ბომბარდა, უბრწყინვალესი მიკიტანი, ოთხ ფრანკ-ნახევრად გაძღვეთ სამას ორმოცდარვა მეტრს.

ფამეილმა კიდევ შეაწყვეტინა სიტყვა:

- ტოლომიეს, კანონია შენი აზრი. ვინ არის შენი საყვარელი ავტორი?

- ბერ...

- კენი!

- არა შუ...

და ისევ თავისი დაიწყო:

- გაუმარჯოს ბომბარდას! ელეფანტელ მუნოფისს გადააჭარბებდა, მოცეკვავე ქალები რომ ჰყოლოდა და ხერონელ ტრიგელიონს, როსკიპები რომ შეენახა. დიახ, ქალებო, ბამბარდები საბერძნეთში და ეგვიპტეშიც გახლდნენ. ამას აპულეუსი გვასწავლის. ეჰ, რას იზამთ, ყოველთვის იგივეა ქვეყანა, ახალს არაფერს წარმოადგენს. რაც იცოდა, სულ გამოსცა ღმერთმა, გამოუცემელი აღარა დარჩა რა:

მზის ქვეშ ახალი არაფერიაო, ბრძანა სოლომონ ბრძენმა, და სიყვარულიც ძველისძველიაო, - დაუმატა ვირგილიუსმა. დღევანდელი პარიზელი ნავში ჩაისვამს სიყვარულით მოვაჭრე ქალს სწორედ ისევე, როგორც პერიკლემ ჩაისვა ხომალდში ასპაზია. ერთი სიტყვა კიდევ, უკანასკნელი. მოგვხსენებთ, ქალებო, ვინ იყო ასპაზია, თუმცა იმ დროს ცხოვრობდა, როდესაც ქალებს ჯერ სული არ ედგათ, იგი ძლიერი სული იყო, ვარდისფერი და მენამული სული, ნაკვერჩხალივით გაჩაღებული და უფრო ნორჩი, ვიდრე ცისკარი. ასპაზიას შევერთებინა ორი შეუხამებელი თვისება ქალისა: კახპაც იყო და ღმერთიც. სოკრატეს სიბრძნე ჰქონდა და მანონ ლესკოს ვნება. ასპაზია იმ შემთხვევისათვის იყო შექმნილი, თუ პრომეთეს საყვარელი დასჭირდებოდა.

ტოლომიესს ვინღა შეაჩერებდა, ამ დროს ქუჩაში ცხენი რომ არ წაქცეულიყო. ცხენის დაცემამ ერთად შეაყენა ეტლიც და ორატორიც. ჭაკი ცხენი იყო, გადაბერებული და გაძვალტყავებული. ეტლს დიდი ტვირთი ედო. ბომბარდას დუქანს რომ მიაღწია, დაღლილმა და ნაცემმა ვეღარ შეძლო ტვირთის ზიდვა და დადგა. გარს ხალხი შემოეხვია. გაბრაზებულმა მეეტლემ ძლივსღა შეძლო ცხენისთვის შეეკურთხებინა, ერთი კიდევ გადაეკრა მათრახი, რომ ცხენი წაიქცა და ხრიალი დაიწყო. ხალხის ხმაურზე ტოლომიესის მსმენელები ფანჯრისაკენ გაქანდნენ. თავისი მჭევრმეტყველება ამ მონყენილი ლექსით დაამთავრა ღვინით შეხურებულმა ტულუმელმა:

ნვა-დაგვაში გაატარა საბრალომ თავისი დრონი,
დღე და ღამე ტვირთი ზიდა, ტვირთი მძიმე და დიდრონი,
არც აჭმევდნენ, არც ასმევდნენ, ვეღარც მოიკიდა ქონი,
სიკვდილის დროს მათრახი სცეს და შეუგინეს პატრონი.
- სანყალი ცხენი, - ამოიოხრა ფანტინმა.

დალიამ იუცხოვა ეს სიბრალეული:

- გენაცვალეთ, ახლავ ტირილს დაიწყებს. რა სულელია, ღმერთო!

ამ დროს გულხელი დაიკრიფა ფავორიტმა, თავი სავარძელზე გადადო, დააშტერდა ტოლომიესს და ჰკითხა:

- მართლა, ჩვენი საჩუქარი?

- სწორედ დროზე მომაგონეთ, - მიუგო ტოლომიესმა. - ყმანვილებო, დაჰკრა უამმა აღსასრულისამ. დრო არის, დაპირებული შევუსრულოთ. ერთ წამს მოგვითმინეთ, ქალებო.

- საქმე კოცნით იწყება, - თქვა ბლაშველმა.

- შუბლზე კოცნით, - გაუსწორა ტოლომიესმა.

ყმანვილებმა დინჯად დაუკოცნეს შუბლი თავიანთ საყვარლებს, მერე კარებისაკენ გაემართნენ, ერთმანეთის მიყოლებით, ტუჩებზე თითმიდებულნი და გარეთ გავიდნენ. ფავორიტმა ტაში დაჰკრა:

- რა კარგია, ნეტავი რას გვიმზადებენ?

- ძალიან ნუ დაიგვიანებთ, - დაუძახა ფანტინმა, - ხომ იცით, რა მოუთმენლად გელით.

თავი მეცხრე

მხიარულების მხიარული დასასრული

მარტო რომ დარჩნენ ქალები, ფანჯრებთან მივიდნენ, ლაპარაკობდნენ, ჭიკჭიკებდნენ, ერთი ფანჯრიდან მეორეში ელაპარაკებოდნენ ერთმანეთს.

ბომბარდას დუქნიდან გასული თავიანთი საყვარლები დაინახეს; ხელიხელგაყრილები მიდიოდნენ. მობრუნდნენ, ალერსიანი სალაში უძღვნეს და ისინიც იმ მტკრიან ხალხს შეერივნენ, რომლებიც ყოველ კვირადღეს ავსებდნენ ელისეს მინდვრებს.

- ნუ დაიგვიანებთ, - დაუყვირა ფანტინმა.
- ნეტავ რას მოგვიტანენ? - იკითხა ზეფინმა.
- საგანგებო რამ იქნება, დარწმუნებული ვარ, - თქვა დალიამ.
- მე კი მინდა, რომ ოქროსი იყოს, - თქვა ფავორიტმა.

მერე მდინარეს დაუსყეს მზერა და იმით გაერთნენ. ხის ტოტები ჰფარავდა, მაგრამ აქა-იქ მაინც მოჩანდა მდინარე. გარდა ამისა, ფოსტისა და ომნიბუსების წასვლის დრო იყო და წამდაუნემ ჩამოივლიდა ხოლმე უზარმაზარი, ბარგითა და ხალხით გამოტენილი ტლანქი ეტლი: კორიანტელს აყენებდა უიმისოდაც ამტვერებულ გზაზე და გრიალს და თქარა-თქურს უმატებდა მოსეირნეთა ყრიაშულს. ეს ხმაური და ხალხის უივილ-ხივილი მეტად მოსწონდათ ქალებს.

- რა ხმაურია, გენაცვალეთ, - წამოიძახა ფავორიტმა, - ყურთასმენა აღარ არის, თითქოს ჯაჭვების უღარუნიო...

ცოტა მოშორებით, ხეებს უკან, ოდნავ გაარჩიეს ქალებმა, რომ ომნიბუსი შეჩერდა ერთ წამს და მერე ისევ გზას გაუდგა. ფანტინს გაუკვირდა:

- საკვირველია, ღმერთმანი. მე კი დარწმუნებული ვიყავი, რომ მარტო გაჩერებებზე ჩერდებოდა ომნიბუსი.

ფავორიტმა მხრები აიჩჩია:

- საკვირველი შენა ხარ, ჩემო კარგო. იმისთანა უბრალო რამ გაგაკვირვებს ხოლმე, თითქო სააქოს არ ეკუთვნოდე. წარმოიდგინე, რომ მგზავრი ვარ და შეეტლეს ვუთხარი: წინ წავალ და ბულვარზე დაგხვდები-მეთქი. ბულვარზე ამოვიდა. დამინახა თუ არა, გააჩერა ცხენები და ჩამსვა. უბრალო რამ გახლავთ, ყოველდღე ხდება ეს ამბავი და შენ კი ისე გაიკვირვე, თითქოს ქვეყანა დანგრეულიყოს. ცხოვრებისა არა იცი რა, ჩემო კარგო.

კარგა ხანმა განვლო, ფავორიტი ჩაფიქრებული იყო. მერე უცბად, თითქოს საშინელი რამ მოეჩვენაო, შეხტა და წამოიძახა:

- რა ვქნა, რა იქნა საჩუქარი?
- მართლა! ერთი წლის წინ აღთქმული საჩუქარი! - დაუმატა დალიამ.
- ძალიან დაიგვიანეს და, - ჩიოდა ფანტინი.

ის იყო ამოიოხრა ფანტინმა, რომ მსახური შემოვიდა, რომელიც სადილზე ემსახურებოდათ. ხელში რაღაც ეჭირა, თითქოს წერილიაო.

- რა არის? - ჰკითხა ფავორიტმა.

მსახურმა უპასუხა:

- წერილი გახლავთ. იმ ბატონებმა დატოვეს და მიბრძანეს თქვენთვის მომერთმია.
- და რატომ მაშინვე არ მოგვართვით?
- იმიტომ, რომ მიბრძანეს, ერთ საათზე ადრე არ მიართვაო.

ფავორიტმა ხელიდან გამოგლიჯა წერილი.

- მისამართი ზედ აწერია, ქალებო. მოითმინეთ, მოითმინეთ. რალაც წერია ზედ.
„აი ჩვენი საჩუქარი“.

სწრაფად გადახია და წაიკითხა (კითხვა იცოდა):

„ოჰ, ჩვენო საყვარლებო! იცოდეთ, რომ ჩვენ მშობლები გვყავს. თქვენ არც კი გესმით რა არის მშობელი. მშობლებს საზოგადოებრივი, მამაშვილური და სამართლებრივი კანონმდებლობით დედას და მამას უწოდებენ. ჰოდა, კენესიან და გოდებენ ჩვენი მშობლები, შინ გვეპატიუებიან, შინ გვეძახიან; დაბერებულან და ერთხელ კიდევ უნდათ თავიანთი უძღები შვილის ნახვა: მოდიოთ, შვილო, შინ დაბრუნდით, მოხუცებულობა დაგვიტკბეთ და ამდენი ხნის ნატვრა აგვისრულეთო. ჩვენც უნდა დავემორჩილოთ, რადგან აღსავსენი ვართ სათნოებით. თქვენ რომ ამ წერილის კითხვას შეუდგებით, ჩვენ უკვე შორს ვიქნებით, ხუთი მძლავრი ცხენით გატაცებულნი ჩვენი დედ-მამისკენ. ნასვლა სჯობს წამავალისაო, ბრძანა მეცნიერმა. მივდივართ, უკვე ნასული ვართ. ტულუზში მიმავალი ომნიბუსის წყალობით დავალწინეთ თავი უფსკრულს, უფსკრული კი თქვენა ხართ, ჩვენო კოკობო ვარდებო. უცნაური სისწრაფით მივქრევართ, რათა შევედგეთ საზოგადოებრივ, წესიერ და პატიოსან ცხოვრებას. სამშობლოს დასჭირვებია ჩვენი სამსახური და ჩვენც სხვებივით ზოგი ვეჭილად წავალთ, ზოგი - მსაჯულად, ოჯახის შვილად და წერილშვილის მამად. თაყვანი ეყით ჩვენს თავგანწირვას. თავი მსხვერპლად დაგვიდევია სამშობლოს საკურთხეველზე. მალე გამოგვიტირეთ და უფრო მალე მოგვიძიებნეთ შემცვლელნი. თუ გაჯავრდეთ, ჭავრი ამ წერილზე იყარეთ და ნაკუნ-ნაკუნ აქციეთ. მშვიდობით.

ხელს აწერენ: ბლაშველი

ფამილი

ლისტოლიე

ფელიქს ტოლომიესი

Post-scriptum

. სადილის ფული გადახდილია“.

ერთმანეთს შეხედეს ქალებმა.

ფავორიტი პირველი მოვიდა გონს.

- ჰოდა რა, საჩუქარია არ არის, თუ?

- უცნაური საჩუქარია, - თქვა ზეფინმა.

- თუნდაც დავიფიცავ, ბლაშველისა უნდა იყოს ეს აზრი, - თქვა ფავორიტმა. - არ მეგონა, რომ ასეთი მოხერხებული იქნებოდა. ახლა შემეყარა იმ წუნკის სიყვარული, როცა წავიდა. როგორ მოგწონთ, ჰა!

- არა, არა, - იძახდა დალია, - ტოლომიესს ვერ იცნობთ? ეს ტოლომიესის აზრია.

- მაშ თუ ასეა, - მიუვო ფავორიტმა, - სიკვდილი ბლაშველს და გაუმარჯოს ტოლომიესს!

- გაუმარჯოს ტოლომიესს! - შეჰყვირეს დალიამ და ზეფინმა.

და გულიანი კისკისი დაიწყეს.

ფანტინიც იცინოდა, როგორც სხვები.

ერთი საათის შემდეგ, შინ რომ მივიდა, მწარედ აქვითინდა. პირველი იყო ეს სიყვარული. ტოლომიესს ისე შეხვდა, როგორც ღვთისაგან კურთხეულ მეუღლეს, შვილიც ჰყავდა საბრალო ქალს.

ნიგნი მეოთხე
ნდობა ხანდახან დაკარგვას უდრის

თავი პირველი
ორი დედის შეხვედრა

ამ საუკუნის დასაწყისში ერთი დუქანი იყო მონფერმეილში, პარიზის ახლოს, რომელიც დღეს აღარ არსებობს. დუქანი ცოლ-ქმარ ტენარდიეს ეკუთვნოდა და ბულანჟეს ვინრო ქუჩაზე მდებარეობდა. შესასვლელი კარის ზემოთ კედელზე მიკრული ფიცარი ჩანდა და ზედ რაღაცა ეხატა. ერთ კაცს ზურგზე აეკიდა მეორე, რომელსაც მხრებზე გენერლის ვერცხლის ვარსკვლავებიანი მსხვილი, მოვარაყებელი ეპოლეტები ეკეთა. სურათი აქა-იქ ნითლად იყო მოსვრილი, რასაც სისხლი უნდა გამოეხატა. დანარჩენი ნაწილი ვითომ კვამლით იყო დაფარული და ალბათ ბრძოლის ველს წარმოადგენდა. ქვემოდან სურათს წარწერა ჰქონდა: „ვატერლოოს სერჟანტს“.

ამგვარი დუქნის კარებთან რომ ეტლი იდგეს რამე, ჩვეულებრივი მოვლენაა, მაგრამ ის ეტლი, ანუ უკეთ რომ ვთქვათ, ის ნამტვრევი რაღაც ეტლისა, ქუჩაში რომ ეყარა ვატერლოოს სერჟანტის დუქანთან 1818 წლის გაზაფხულის ერთ საღამოს, უთუოდ მიიზიდავდა ყურადღებას მხატვრისას, თუ იმ ვინრო ქუჩაში მოუხდებოდა გავლა.

წინა ნაწილი იყო იმ სატვირთოსი, ტყიან მთებში რომ ხმარობენ მსხვილი ფიცრებისა და ბოძების საზიდად; სქელი დიდი ღერძი ჰქონდა რკინის ღერიანი, რომელშიც რვილი იყო ჩატედილი და უზარმაზარ თვლებზე იდგა. ტლანქი იყო, უმწო და საზარელი. გეგონებოდათ, რაღაც უცნაური ზარბაზნის ზედადგარიყო. ცის ქვეშ გდებას მთლად წაეხდინა ღერძიც, თვლების სალტეც, ღერძის ღერიც და ტალახით შევლება ყვითლად, იმ ფერით, რომლითაც ხშირად ამშვენებენ ტაძრებს. ხე ტალახს დაეფარა და რკინა - ჟანგს. ღერძზე ერთი მსხვილი ჯაჭვი ეკიდა, ტყვე-გოლიათის საკადრისი. თავის საზიდავ ხეებს და ბოძებს კი არ მოგავონებდათ ეს ჯაჭვი, არამედ მამონტებსა და მასტოდონტებს, მისი დაძვრა და ზიდვა რომ შესძლებოდათ. პატიმრების შესაკრავ ჯაჭვს წაგავდა, ოღონდ ეს პატიმრები დევები უნდა ყოფილიყვნენ, ციკლოპები და არა ადამიანები. ჰომეროსი ამით პოლიფემს დააბამდა და შექსპირი - კალიბანს.

რად ეგლო ეს მშვენიერება ზედ გზაზე, ვინრო ქუჩაში? ჯერ იმიტომ, რომ გაეძნელებინა მოძრაობა, და კიდევ იმიტომ, რომ კარგად დაჟანგებულიყო. ძველ საზოგადოებრივ წესწყობილებებში მრავალი დანესებულება მოიპოვება, რომელთაც ყველგან ხედავს ადამიანი თავის გზაზე და რომელთა არსებობასაც სხვა საფუძველი არა აქვს, გარდა იმისა, რომ კარგად დაჟანგდნენ.

შუა ნაწილი ჯაჭვისა ისე ეკიდა თვლებზე, ღერძის ქვემოდან, რომ ზედ ბავშვები ისხდნენ; ორი პატარა გოგო, ერთი დაახლოებით ორწლინახევრისა, მეორე თვრამეტი თვისა და ისე ჩაჰკვროდა პატარა მის უფროსს, რომ თვალწარმტაც სურათს წარმოადგენდა. შალით იყვნენ გოგოები შეკრული, რომ არ ჩამოცვნილიყვნენ. ალბათ დაინახა ეს საზიზღარი ჯაჭვი დედამ და თქვა - აი, კარგი სათამაშო ჩემი გოგონებისთვისაო.

კოხტად იყვნენ ბავშვები მორთულნი და მხიარულად იცინოდნენ. იტყოდით, ორი ვარდი გამლილა ამ უანგიან რკინაზეო. თვალები უბრწყინავდათ, სახე ანგელოზებზე უდიდობდათ. ერთს ნაბლისფერი თმა ჰქონდა, მეორე შავგვერემანი იყო. უმანკო პირისახეზე აღტაცებული გაკვირვება ეხატებოდათ. იქვე ბუჩქი იდგა აყვავებული და სურნელებას ჰფენდა, რომელიც უფრო იმ ბავშვებისაგან მომდინარესა ჰგავდა. პატარას, თვრამეტი თვისას, კაბა ჩამოშვებოდა და უმანკო, ბავშვური მოურიდებლობით უჩანდა ტიტველი მუცელი; ამ ბედნიერ, მზის სხივებით გაბრწყინებულ ბავშვებთან ის უზარმაზარი თვლები, თავისი ღერძით და ჯაჭვით, უანგით ჩაშავებული და საზარელი, ისე მოჩანდა, გეგონებოდათ ბავშვები რაღაც გამოქვაბულის შესასვლელში დამსხდარანო. რამდენიმე ნაბიჯის მოშორებით, დუქნის შესასვლელთან, ჩაცუცქულიყო ბავშვების დედა, შეხედულებით არც ძალიან მიმზიდველი, მაგრამ იმ წუთში მეტად საამო შესახედავი. ჯაჭვისათვის გრძელი თოკი მოება, იმის საშუალებით აქანებდა გოგონებს, თვალს არ ამორებდა და, - არ ჩამოცვივდნენო, - შიში ერეოდა მის ზეციურ გამომეტყველებას, რომელიც დედობრივ გრძობას ამშვენებს. ჯაჭვი ოდნავ იძვროდა და ყოველ მის მოძრაობას თან სდევდა მჭვრინავი ხმა, რომელიც გაბრაზების ყვირილს ჰგავდა. პატარა გოგონები ტკბებოდნენ ამ ქანაობით. ჩამავალი მზეც მათ დაჰხაროდა. მომხიბლავი იყო ეს სურათი. შემთხვევას დევ-ვემაპების ჯაჭვი ქერუბიმების საქანელად გამოიყენებინა.

თავის პანიებს აქანავებდა დედა და მცდარი ხმით ღიღინებდა ერთ მაშინ ძალზე ცნობილ სიმღერას.

საჭირო არის, უთხრა მხედარმა...

თავისმა სიმღერამ და ბავშვების სიხარულმა ხელი შეუშალა, დაენახა და გაეგო, რა ხდებოდა იმ დროს ქუჩაში.

ვიღაც მიუახლოვდა დედას, როდესაც სიმღერის პირველ სიტყვებს მღეროდა და უცხად, მისთვის მოულოდნელად, თითქმის შიგ ყურში ჩასძახა:

- რა ლამაზი ბავშვები გყავთ, ქალბატონო!

თავის საყვარელ სატრფოს ამოუჩინს...

უპასუხა თავისი რომანსის მღერით დედამ და მიბრუნდა, ვინ მიქებს გოგონებსო. ერთი ქალი იდგა მის გვერდით, იმასაც ბავშვი ჰყავდა; აყვანა და ისე მიჰყავდა. გარდა ამისა, კარგა მოზრდილი ბოლჩა ეჭირა, საკმაოდ მძიმე.

იშვიათი, მშვენიერებით აღსავსე ქმნილებათაგანი იყო ამ ქალის ბავშვი, ორი-სამი წლის გოგონა. კოხტად მორთული ტანისამოსით არც ის ჩამოუვარდებოდა ორ პატარა ქალს, დედა რომ აქანავებდა. სიფრიფანა მაქმანით ჰქონდა დამშვენებული მშვენიერი ქუდი, თეთრი, წმინდა ტილოს კაბა ეცვა და ზედ ბათუთებიანი, მოკლე წინსაფარი ეკეთა. მოკლე კაბის კალთა არ უფარავდა თეთრყინიშ, თლილ და მკვრივ ფეხებს. ლოყები წითლად დაბრანვოდა. თვალეებზე ვერაფერს ვიტყვით გარდა იმისა, რომ ისინი ძალიან დიდრონი უნდა ჰქონოდა, საუცხოო წარბებით დამშვენებული. ბავშვს ეძინა.

ბავშვური ძილი მოჰკიდებოდა, უსაზღვრო ნდობითა და მშვიდობით სავსე. აღერსისაგან არის შექმნილი დედის მკლავი და ტკბილად სძინავს ზედ პატარას.

დედა კი დაბეჩავებულსა ჰგავდა და დაღონებულს, ტანსაცმელი ეცვა მუშა ქალისა, რომელსაც ეხლა გლეხის ქალობა დაუპირებია. ყმანვილი ქალი იყო. ლამაზი კი ეთქმოდა? იქნებ კიდევ იყო, მაგრამ იმ ტანსაცმელში ლამაზს არ ჰგავდა. ერთი

ნანნავი ჩამოვარდნოდა, ეტყობოდა ხშირი, გრძელი თმა უნდა ჰქონოდა, მაგრამ დაემალა მონოზენური უშნო, ვინროდ მოჭერილი თავსახვევით, რომელიც ნიკაპქევემ ჰქონდა შეკრული. სიცოლმა იცის ლამაზი კბილების გამოჩენა, მაგრამ ეს ქალი აღარ იცინოდა. ეტყობოდა, კარგი ხანი იყო, მის თვალებს ცრემლი არ შეშრობოდა. ფერმიხდილი იყო. ძალიან დაღლილი უნდა ყოფილიყო და ცოტა ავადაც. თავის მკლავზე მიძინებულ გოგონას იმ სახით დასცქეროდა, რომელიც თავისი რძით გამომზრდელი ბავშვის დედას აქვს ხოლმე. წელზე ერთი განიერი პირსახოცი ერთყა, რომლითაც ცხვირს იხოცავენ ინვალიდები. ხელები ჭორფლიანი ჰქონდა, სალოაკი თითი ნემსისგან გამაგრებული. ნაბლისფერი წამოსასხამი და უხეში, მძიმე ფეხსაცმელი ეცვა. ეს ქალი ფანტინი იყო.

ფანტინი იყო, ძნელად საცნობი, მაგრამ თუ გულისყურით დააცქერდებოდი, შეამჩნევდი, რომ ისევ შერჩენოდა თავისი სილამაზე, რაღაც ირონიული და სევდიანი ხაზი ჩამოჰყოლოდა მარჯვენა ღაწვზე. რაც შეეხება იმის ტუალეტს, იმ ჰაეროვანი მაქმანისა და ლენტების ტუალეტს, რომელიც სიხარულის, გახელებისა და მუსიკის ქმნილება იყო, მძივებით მორთული და სურნელოვანი, ისე გამჭრალიყო, როგორც მბრწყინავი თრთვილი, მზეზე რომ აღმასად გვეჩვენება, დნება და მთლად შავად სტოვებს ტოტებს.

ათი თვე გავიდა „დაპირებული საჩუქრის“ მიღების შემდეგ.

რა მოხდა ამ ათი თვის განმავლობაში? ადვილი წარმოსადგენია.

საყვარლისაგან მიტოვებას გაჭირვება მოჰყვა. ფავორიტი, ზეფინი და დალია მაშინვე ჩამოეცალნენ. კაცებმა განწყვიტეს და ქალებმაც მთლად დაარღვიეს კავშირი. ძალიან იუცხოვებდნენ, რამდენიმე დღის შემდეგ რომ ეთქვა ვინმეს - გუშინ ხომ მეგობრები იყავითო? ნიადაგი გამოეცალა მათ მეგობრობას. მარტოდმარტო დარჩენილიყო ფანტინი. შვილი ჰყავდა და შვილის მამა კი გაჰქცეოდა - ვაი, რომ სამუდამოდ. დარჩა ფანტინი თავისი ჩვეულებით - რაც შეიძლება ნაკლებად გარჯილიყო და რაც შეიძლება მეტი ესაიპოვნა. ტოლომიესთან კავშირით გატაცებულმა მიატოვა თავისი ძველი ხელობა და დაკარგა მუშტარი. არავითარი სახსარი ცხოვრებისა აღარ გააჩნდა. ძლივძლივობით კითხულობდა, წერა სულაც არ იცოდა. პატარაობისას ესწავლებინათ თავისი გვარისა და სახელის მოწერა. ერთ სახალხო მწერალს დაანერინა ტოლომიესთან წერილი; მერე მეორე; მერე მესამე; ტოლომიესმა არც ერთზე არ გასცა პასუხი.

ერთხელ დედაკაცების ლაპარაკს მოჰკრა ყური: - ვინ აქცევს ყურადღებას ამგვარ ბავშვებს! შეხედავენ, მხარს აიჩეჩავენ და გაივლიან. წარმოიდგინა ფანტინმა ტოლომიესი, რომელიც მხარს აიჩეჩავდა თავისი შვილის - უდანაშაულო, უმანკო არსების ხსენებაზე და გულისწყრომა იგრძნო ამ კაცისადმი. რა წყალობი ჩავარდნილიყო, აღარავინ ჰყავდა, რომ რჩევა მაინც ეკითხა. შეცდა, მართალია, მაგრამ გულის სიღრმეში, გემასსოვრებათ, კდემამოსილება და სათნოება შეინარჩუნა. ამჟამად უკვე გრძნობდა, რომ უფსკრულის პირას იდგა და ხვალინდელი დღე უფრო მეტ გაჭირვებას და შეცდომას უქადა. გამაგრება იყო საჭირო, მოიკრიბა ძალა და გამაგრდა, იფიქრა, მშობლიურ ქალაქში დაებრუნდები, მონრეილში, იქნებ ნაცნობი ვიპოვო ვინმე და საქმე ვიშოვო. მაგრამ ამისათვის საჭირო იყო თავისი შეცდომის დამალვა და გრძნობდა, რომ უნდა განმორებოდა თავის შვილს, ეს კი უფრო გულსაკლავი იქნებოდა, ვიდრე ტოლომიესის წასვლა. გული უკვდებოდა, მაგრამ

მინც გადაწყვიტა. ფანტინი, ამასაც ვნახავთ, მკაცრად შეებრძოლა ცხოვრებას. საჭირო იყო და მამაცურად გამოეთხოვა თავის მორთულობას. უბრალო ტილოთი შეიმოსა და, რაც აბრუნებდა ჰქონდა - კაბები, ლენტები და მაქმანი, სულ თავის გოგონას გადაუკეთა. ესღა დარჩენოდა, ერთადერთი პანია შვილით მოსწონდა თავი. სხვა ყველაფერი გაყიდა, რაც კი მოეპოვებოდა, ორასი ფრანკი აიღო, ვალები გადაიხადა და ოთხმოც ფრანკამდე ფული დარჩა. ერთ მშვენიერ გაზაფხულის დილას ოცდახუთი წლისა გამოეთხოვა პარიზს, თან წაიყვანა ბავშვი ზურგზე აკიდებული. ყველას შეეცოდებოდა დედა-შვილი, ვინც კი იმათ დაინახავდა. ამ ადამიანს არავინა ჰყავდა ქვეყნად ამ ბავშვის გარდა, და ამ ბავშვს არავინ - ამ დედის გარდა. პატარა თავისი ძუძუთი გაეზარდა. ფილტვები უსუსტდებოდა უჭმელ-უსმელობით და ცოტა ახველებდა.

ბატონ ფელიქს ტოლომიესის სსენება შემდეგში აღარ დაგვჭირდება. მაშ, აქვე ვთქვათ, რომ ოცი წლის შემდეგ, ლუი ფილიპეს მეფობისას, სახელგანთქმული ვექილი იყო პროვინციაში, გავლენიანი, მდიდარი, ფრთხილი ამომრჩევი და ძალიან მკაცრი მსაჯული; იგივე დროსტარებისა და შექცევის მოყვარული დარჩენილიყო.

ნელ-ნელა იარა ფანტინმა, სვენებ-სვენებით; ხანდახან სამი, ოთხი სუს წყალობით იმ ეტლითაც, მაშინ პარიზის გარეუბნული რომ ერქვა და შუადღის დროს მონფერმელიში, ბულანჟეს ქუჩაზე აღმოჩნდა.

ტენარდიეს დუქანთან რომ მივიდა, ორი მხიარულად მოცინარი გოგონა დაინახა საოცარ ჯაჭვის საქანელაზე. შეხედა და გაჩერდა. თვალი მოსტაცა ამ მშვენიერმა სანახაობამ.

არსებობს თურმე ჯადო. პატარა გოგონებმა მოაჯადოეს საბრალო დედა.

იგი იღვა და შესცქეროდა აღტაცებული. სადაც ანგელოზებია, სამოთხეც შესაძლებელია. ამ დუქნის ზემოდან ელანდებოდა საიდუმლო „აქ“ ღვთის განგებისა. ცხადი იყო, ბედნიერები იყვნენ პატარა გოგონები. შესცქეროდა, შესტროვოდა, იმდენად გულდამტკბარი, რომ თავი ვეღარ შეიკავა და სწორედ იმ დროს მიმართა ბავშვების დედას, როდესაც ის სუნთქვას იბრუნებდა თავისი სიმღერის პირველი სიტყვების შემდეგ:

- რა ლამაზი ბავშვი გყავთ, ქალბატონო!

მძვინვარე ცხოველიც კი მოღბება, იმის შვილს რომ უაღერსებენ. შეხედა დედამ და მადლობა უთხრა. იქვე, კარებთან პატარა სკამი იღვა, სთხოვა - დაბრძანდითო. ლაპარაკი დაიწყეს ქალებმა.

- ტენარდიეს მეუღლე გახლავართ. ეს დუქანი ჩვენია.

მაგრამ არც თავისი რომანსი ავიწყდებოდა და ნელი ხმით ღიღინებდა:

ასე უნდაო - კვლავ იმეორებს, -

მივემგზავრები პალესტინაში.

წითური ქალი იყო ტენარდიეს მეუღლე, სქელი, ღონიერი, საჯარისკაცო დედაკაცის ტიპი. უცნაური ის იყო, რომ რომანების კითხვით გატაცებული ქალებივით იპრანჭებოდა, კეკლუცობდა, მაგრამ ვაჟკაცს უფრო ჰგავდა, ვიდრე დედაკაცს. მედუქნის ცოლის ოცნებას რომ ძველი რომანები მოხვდებოდა, ყოველთვის ამას იძლევა ნაყოფად. ჯერ კიდევ ყმაწვილი ქალი იყო, ოცდაათი წლისა ძლივს იქნებოდა. ჩაცუქქული იყო და მთლიანად ვერა ხედავდა მას ფანტინი. ფეხზე რომ მდგარიყო და დაენახებინა თავისი აყლაყუდა ტანი და ბაზრებში მოყიალე ბუმბერაზის მხარბეჭი,

პირველი დანახვისთანავე შეაშინებდა მგზავრს, შეურყევდა ნდობას და შეუძლებელს გახდიდა ჩვენს საამბობს. ზის ადამიანი თუ ფეხზე დგას, ამაზღა დამოკიდებული ვისიმე ბედი.

ფანტინმა უამბო თავისი თავგადასავალი, ცოტა შეცვლილი.

ხელოსანია, ქმარი მოუკვდა; პარიზში საქმე ვეღარ იშოვა და ახლა ცდილობს სხვაგან სადმე იშოვოს სამუშაო, თავის სამშობლოში; პარიზიდან ამ დილით გამოვიდა ფეხით; რადგან ბავშვი ხელში ეჭირა, დაილაღა; ვიღობობს მიმავალი ეტლი შეხვდა და შიგ ჩაჯდა; იქიდან ფეხით მოვიდა მონთერმეილში; პატარას ველო ცოტა ხანი ფეხით, მაგრამ ძალიან ცოტა; ჯერ სუსტია, უსუსური; ხელში აიყვანა და ტკბილად ჩაეძინა მის საუნჯეს.

ესა თქვა და ისე დაენათა მძინარე ბავშვის ლოყას, რომ უცებ გამოაღვიძა. გაახილა ბავშვმა თვალები, დიდრონი, ცისფერი, როგორც იმის დედასა ჰქონდა, და რას შეხედა? არათერს და ყველაფერს - პატარა, ბავშვური დინჯი თვალით, რომელიც ხანდახან სასტიკად გვეჩვენება ჩვენს ბუნდოვან სათნოებასთან შედარებით და რომელიც არის საიდუმლო ნათელი უმანკობისა. იტყვი, ეს ბავშვები თავს ანგელოზად გრძნობენ და ჩვენ - ადამიანებადო. მერე სიცხლი დაიწყო პატარამ და, თუმცა დედა არ უშვებდა, ხელიდან გაუსხლტა და მინაზე ჩაყურდა ბავშვის უძლეველი ენერჯით, რომელსაც სირბილი უნდა. უცბად დაინახა თავისი ტოლები საქანელაზე. გაჩერდა და გაკვირვების ნიშნად ენა გამოყო.

ტენარდიეს ცოლმა ჩამოსხა თავისი გოგონები და უთხრა:

- სამივემ ერთად ითამაშეთ.

ამ ხნის ბავშვები ადვილად ეცნობიან ერთმანეთს. იქვე დაიწყეს თამაში სამივემ ერთად. ორმოცს თხრიდნენ მიწაში და საამურად ატარებდნენ დროს.

ძალიან მხიარული იყო ეს ახალმოსული. გულკეთილ დედას ლაღი შვილი ჰყავს. ჩხირი აეღო პატარა, ბარად ხმარობდა და მთელი ძალ-ღონით თხრიდა ორმოს, - ბუბი ვერ ჩაეტეოდა შიგ. საფლავის მთხრელის ხელობა ბავშვის ხელში საამო ხდება.

დედები კი ლაპარაკობდნენ.

- რა ჰქვია თქვენს პანას?

- კოზეტი.

კოზეტი, ნაიკითხეთ ეფრაზი. პატარას ეფრაზი ერქვა, მაგრამ დედამ კოზეტად გადააკეთა, დედისა და ხალხის იმ ტკბილი და საამო ალღოთი, რომელიც სოსევას პეპიტად აქცევს და ფრანსუაზს - სიეტად. ეს გახლავთ ერთგვარი ნარმოება სიტყვისა, რომელიც რევს და აბათილებს მთელ მეცნიერებას ეტიმოლოგისტებისა. ერთ დიდ დედას ვიცნობდით, რომელმაც ისიც კი შესძლო, რომ თეოდორი ნიონად გადააკეთა.

- რამდენი წლისაა?

- სამი წლისა გახდება მალე.

- როგორც ჩემი უფროსი.

ამ დროს სამი ბავშვი ერთად იდგა. ღრმად შენუხებულებს ჰგავდნენ და თან ძალიან კმაყოფილებს. საშინელება მოხდა: მინიდან ერთი დიდი, დიდი მატლი ამოძვრა, შეეშინდათ და უხაროდათ.

ერთმანეთს ეხებოდა იმათი გახარებული შუბლები. იტყოდით, სამ თავს დასდგომია ერთი სხივიო.

- რა მალე გაიცნობენ ხოლმე ერთმანეთს ბავშვები! - შეჰყვირა ტენარდიეს ცოლმა,
- შეხედეთ, თითქოს სამივე დები არიანო.

ალბათ ამ ნაპერწკალს ელოდა ფანტინი. ხელი სტაცა, თვალში ჩააცქერდა და უთხრა:

- ნეტავ თქვენ შემინახავდეთ ჩემს პანიას.

ტენარდიეს ცოლი გაკვირვებული შეინძრა. არც ჰო იყო და არც არა ამ მოძრაობაში.

ფანტინმა განმარტა:

- არ მინდა ბავშვის მიყვანა ჩემს ქვეყანაში. საქმე მექნება და სადღა მოვიცილი? ბავშვით ხელში ადგილსაც ვერსად ვიშოვი. იცით, რა უცნაური ხალხია ჩვენებურები! ალბათ ღვთის წყალობა იყო, აქეთ რომ გამოვიარე. თქვენები დავინახე ასე ლამაზები, ასე სუფთები და ასე მხიარულები, ცას ვენიე სიხარულით. გულში ვთქვი - აი, კარგი, კეთილი დედა. ჩემიც რომ აიყვანოს, სამნი დებივით იქნებიან-მეთქი. არც ძალიან დიდხანს დავრჩები, მალე დავბრუნდები. გინდათ? აიყვანთ ჩემს გოგონას?

- არ ვიცი, ვნახოთ...

- ექვს ფრანკს მოგცემთ თვეში.

ამ დროს კაცის ხმა მოისმა ღუქნიდან:

- არა ნაკლები შვიდი ფრანკისა! და წინდანინ ექვსი თვის ფული!

- ექვსჯერ შვიდი ორმოცდაორი, - თქვა ცოლმა.

- მოგართმევთ, - უპასუხა ფანტინმა.

- და თხუთმეტი ფრანკიც ზედმეტად, მონყობის ხარჯად, - გაისმა კაცის ხმა.

- სულ ორმოცდაჩვიდმეტი ფრანკი, - თქვა ცოლმა და ამ ფულებს რომ ანგარიშობდა, თან თავისას ღიღინებდა:

ასე უნდაო - კვლავ იმეორებს.

- მოგართმევთ, - უთხრა ფანტინმა. - ოთხმოცი ფრანკი მაქვს და საკმარისი დამრჩება, რომ შინამდე მივიღე. ადგილს ვიშოვი, ფულს მოვაგროვებ და მაშინვე მოვალ პანიას წასაყვანად.

ამ დროს კვლავ გაისმა კაცის ხმა:

- მზითევიც ხომ ექნება ამ ქალბატონს?

- ჩემი ქმარია, - გააცნო გოგონების დედამ.

- რა თქმა უნდა, ექნება! მაშინვე მივხვდი, რომ თქვენი ქმარი არის. და ძალიან კარგი მზითევიც, გარწმუნებთ, ბევრს არ ექნება ასეთი. სულ თორმეტ-თორმეტი. ქალბატონივით სულ აბრეშუმის კაბები აქვს, აი, აქა მაქვს, ამ ბოლჩაში.

- მაგასაც აქ დატოვებთ! - გაისმა კაცის ხმა.

- დავტოვებ, მაშ თან ხომ არ წავიღებ? - უთხრა ფანტინმა. განა შიშველ-ტიტველს დავტოვებ აქ ჩემს შვილს?

თვითონ ტენარდიეს გამოჩნდა.

- ძალიან კარგი.

მორიგდნენ. ფანტინი იქ დარჩა იმ ღამეს, თავის ბავშვთან, მეორე დღეს ჩააბარა ფული, კოზეტის საცვლები და ტანსაცმელი, შეკრა თავისი, უკვე შემსუბუქებული ბარგი და გამოეთხოვა, დარწმუნებული, რომ მალე დაბრუნდებოდა. დამშვიდებით ემშვიდობებიან ხოლმე ასეთ დროს, მაგრამ გული კი მკვდარი აქვთ.

ერთი ტენარდიეს მეზობელი შეხვედროდა გზაში ფანტინს. მოვიდა და შესწივლა მდეუქნეს:

- ერთი ქალი ვნახე ქუჩაში, რომ იცოდე, როგორ გულსაკლავად ტიროდა უბედური.

ფანტინი რომ წავიდა, ტენარდიემ უთხრა თავის ცოლს:

- ძალიან შეგვესწრო ეს ფული! ას ათი ფრანკი მაქვს ვალი. ხვალ არის ვადა და ორმოცდაათი ფრანკი მაკლდა. იცი, რომ ბოქაულს მომაცენებდნენ და ყველაფერს ამინერდნენ? ძალიან მახეში გააბით შენ და შენმა გოგონებმა!..

- ფიქრადაც არა მქონია, - უთხრა ცოლმა.

თავი მეორე

პირველი ესკიზი ორი საეჭვო ადამიანისა

მეტად გამხდარი იყო მახეში გაბმული თავი, მაგრამ კატა მაინც კმაყოფილია, თუნდაც მჭლე თავი დაიჭიროს.

რას წარმოადგენდნენ ეს ტენარდიები?

ახლავე ვთქვათ ცოტა რამ. დანვრილებით შემდეგში მოგვიხდება მათი დახატვა.

ცოლ-ქმარი ტენარდიე ეკუთვნოდა იმ ჯურის ხალხს, რომელშიც არეულან მოქნილ-მოხერხებული გამარჯვებული უვიცები და დამარცხებული ნასწავლები. ეს კლასი ეგრეთ წოდებულ საშუალოსა და მდაბიოს შუა არის მოქცეული და კარგად აერთებს მეორის ნაკლოვანებას და პირველის ბინიერებას, ოღონდ არც მუშის კეთილშობილური გატაცება გააჩნიათ, არც ბურჟუის თავაზიანი წესიერება.

იმ ქონდრისკაცთაგანნი იყვნენ ორივე, რომლებიც, თუ ერთი ბნელ სხივი მოხვდათ მზისა და ოდნავ შეათბო, ურჩხულად გადაიქცევიან. ცოლი ძირითადად ხეპრე იყო, ქმარი - გვაიძვერა. ორივენი სიაგვაცისკენ წინსვლის დიდი ნიჭით იყვნენ დაჭილდობულნი.

არის სული კიბოსებრი, რომელიც ყოველთვის წყვილადისკენ იწევს, უფრო უკან მიდის, ვიდრე წინ, გამოცდილებას იმისთვის ხმარობს, რომ ავი გაამრავლოს, ხდება და ირყვნება და დღითი დღე შავი მწიკვლით ისვრება. ტენარდიე და იმისი ცოლი ამგვარი სულის ადამიანები იყვნენ.

მეტადრე ტენარდიე - საგონებელში ჩააგდებდა ფიზიონომისტს. ერთხელ შეხედავ ამისთანა კაცს და მაშინვე იგრძნობ, რომ მორიდება გირჩევნია, რადგან მთელი მისი არსება წყვილადით არის გამსჭვალული. მისი წარსული საეჭვოა და მომავალი - საშიში. გამოცანაა ეს კაცი, ვერ გაიგებთ, რა იყო და რას შერებოდა, ან რა არის და რას იზამს. მშერაში ემჩნევა ჩრდილი და ეს არის მისი გამცემი. ერთი სიტყვა კმარა მისი ნათქვამი, ერთი მოძრაობა, რომ ცხადად იგრძნო ბნელი საიდუმლოებანი მის წარსულში და ბნელი განზრახვანი - მის მომავალში.

თუ დავუჯერებთ, ეს ტენარდიე ჯარისკაცი ყოფილიყო ერთ დროს, - სერჟანტი ვიყავიო, - იძახდა. ალბათ 1815 წლის ომის დროს იყო ჯარში და სიმამაცეც კი გამოეჩინა, როგორც ამბობდა. რა იყო აქ მართალი, შემდეგში ვნახავთ. ღუქნის კედელზე მიკრული აბრა უნდა ყოფილიყო იმისი ვაჟკაცობის სურათი. სურათი თვითონვე დაეხატა, რადგან ყველაფერს თვითონ აკეთებდა და ყველაფერს ცუდად.

ეს ის დრო იყო, როდესაც მოლიანად დაეცა ანტიკური კლასიკური რომანი და „კლეოია“ „ლოდოისკად“ იქცა, ყოველთვის დიდებული, მაგრამ უფრო და უფრო ვულგარული გახდა. მადმუაზელ დე სკუდერი შემდეგ ქალბატონ ბურნონ-მალარმად იქცა, ქალბატონი დე ლაფაიეტი ქალბატონ ბართლემი-ადოდ ქცეულიყო. ეს რომანები პარიზელი მეკარეების სულისჩამდგმელი და, ცოტა არ იყოს, დედაქალაქის გარეუბნელების წამწყმედი შეიქნა.

ტენარდიეს ცოლი სწორედ იმდენად იყო განვითარებული, ამგვარი წიგნები რომ წაეკითხა. ტკებოდა ამ რომანებით. ისინი მას შემდეგ ტვინს ურევდნენ. ამიტომ იყო, რომ სიყმანვილეში, და მერეც ცოტა ხანს, მეოცნებე სახე ჰქონდა. ქმარი კი ცოტაოდენ შეგნებული, ვერაგი, წიგნისა და გრამატიკის მცოდნე უქნარა, უკმეხი და ამავე დროს მოხერხებული, გრძნობიერებისთვის პიგო-ლებრენს სცემდა პატივს, სრულყოფილ და უბადლო ხეპრეს ყველაფერში და აგრეთვე „ქალთა სქესის“ საკითხშიც. როგორც თვითონ ამბობდა, ავმუცელაზე უარესი იყო. ცოლი ათი-თორმეტი წლით ახალგაზრდა იყო ქმარზე. შემდეგში, როცა რომანებით გატაცებულს ჭაღარა შეერია თმაში, როდესაც ჰამელა მეგერად შეიცვალა, ერთ საზარელ ზორბა დედაკაცს წარმოადგენდა, სულელური რომანებით გაუღენთილს. დაუსჯელი არ დარჩება, ვინც სისულელეს კითხულობს. ამიტომ იყო, რომ თავის უფროს გოგოს ეპონინი დაარქვა და უმცროსს აზელმა. კიდევ კარგი, რომ სწორედ ამ დროს ჩაერია საქმეში რომანი დუკრეი-დემინილისა, თორემ გულნარას დაარქმევდა.

ესეცა ვთქვათ გაკვრით, ყველაფერი სულელური და ზერელე კი არ იყო იმ დროს, რომელსაც ოდნავ შევეხეთ და რომელსაც შეიძლება ეწოდოს ანარქია ნათლობის სახელებში. ბევრი რამ იყო რომანტიკული, მაგრამ საზოგადოებრივი მიმართულების ნიშნებიც მოჩანდა. დღეს უკვე იშვიათი არ არის ყასბის შვილს არტური ერქვას, ალფრედი, ალფონსი და გრაფს, თუ კიდევ არის გრაფი - თომა, პეტრე ან იაკობი. ეს გადატანა სახელებისა, რომელსაც დიდკაცური სახელები ხალხში შეაქვს და სოფლური სახელები არისტოკრატიაში, ერთი პირველნაკადთაგანი არის თანასწორობისა. აქაც განუწყვეტელი მიმდინარეობაა ახალი ნიავისა, როგორც ყველგან. ამ შედაპირული განსხვავების ქვეშ ერთი დიდი და ღრმა რამ მზადდებოდა - საფრანგეთის რევოლუცია.

თავი მესამე
ტოროლა

მხოლოდ ავკაცობით წარმატებს ვერ მიაღწევთ. ღუქნის საქმე ცუდად მიდიოდა. ფანტინისაგან მიღებული ორმოცდაჩვიდმეტი ფრანკის წყალობით გადარჩა ტენარდიეს თამასუქი გაკოტრებას, მეღუქნემ პირნათლად გადაიხადა ვალი. ერთი თვის შემდეგაც იგივე გაჭირვება დაადგათ. ცოლი პარიზს წავიდა, კოზეტის მზითვეი დააგირავა სამოც ფრანკად და რაკი ფული მალე შემოეხარჯათ, ჩვეულებად დაიღო ცოლ-ქმარმა - პატარა გოგოს ისე მოქცეოდნენ, თითქოს სამადლოდ ინახავდნენ, როგორც მიგდებულს. ტანსაცმელი აღარ ჰქონდა, აღარც საცვლები და ტენარდიეს ბავშვების გამონაცვალს აცმევდნენ, ნაგლეჯებს და ნაფხრენებს. საქმელად სხვის ნასუფრალს აძლევდნენ; ცოტა უკეთესს, ვიდრე ძალღს მიუგდებენ და უფრო ცუდს, ვიდრე კატას. მაგრამ ძალღიცა და კატაც, ჩვეულებრივ, კოზეტის სუფრამე იყვნენ

გამოჭიმულნი, რადგან საბრალო გოგონა მაგიდის ქვეშ ჭამდა პურს ისეთივე ხის ბადით, როგორითაც ძაღლი და კატა.

ფანტინი, როგორც შემდეგში ვნახავთ, მონრეილში მონწყობილიყო და ყოველთვე სწერდა ანუ, უკეთ რომ ვთქვათ, სხვას აწერიებდა წერილს, რომ თავისი ბავშვის ამბავი ეცნობებინათ. ტენარდიც უცვლელად პასუხობდა ერთსა და იმავეს: „კოზეტი საგანგებოდ არის“.

ექვსი თვე რომ გავიდა, ფანტინმა შვიდი ფრანკი გაუგზავნა, მეშვიდე თვისა და ყოველთვის დაუგვიანებლად უგზავნიდა ამ ფულს. ჯერ წელიწადიც არ გასულიყო, რომ ტენარდიც უკმაყოფილება გამოთქვა - დიდი რამ ჰგონია რაღაც შვიდი ფრანკი, ცარიელი პურის საყიდლად არ ეყოფა ამ სვაფივით გაუმაძღარსო. წერილი მისწერა დედას. თორმეტი ფრანკი მოსთხოვა თვეში. სულ იმასა სწერდა ფანტინს, საგანგებოდ არის შენი კოზეტიო, სიტყვას ენდო დედა და ახლა თორმეტ ფრანკს უგზავნიდა.

ზოგმა იცის, თუ უყვარს ვინმე, სხვა უნდა სძულდეს. ტენარდიც ცოლს გაგიჟებით უყვარდა თავისი გოგონები და ჭირივით ეჯავრებოდა კოზეტი. სამწუხაროა სწორედ, რომ დედის სიყვარულს ეს ცუდი მხარეც თან სდევს. ხომ უპატრონო ძაღლივით მიგდებული იყო პატარა გოგონა, ტენარდიც ცოლს მაინც გული სტკიოდა - ეს სასიკვდილე ჭამს ჩემი გოგონების წილს, იმ ჰაერს სუნთქავს, რომელიც ჩემს გოგონებს ეკუთვნისო. ამ დედაკაცს, როგორც ყველა სხვას, ალერსიც მრავალი ჰქონდა ყოველდღე გასაცემი, და სილა და მუჭლუგუნიც - არანაკლები. კოზეტი რომ იქ არ ყოფილიყო, ცხადია, იმის შვილებს ერგებოდათ დედის გაჯავრებას, კარგი სასჯელიც, თუმცა გაეჟივებით უყვარდა ორივე; მაგრამ დიდი სიკეთე უყო ამ პატარამ ტენარდიცს გოგონებს: დასჯა და ცემა კოტემს ხვდა წილად და იმათ - მარტო ნებივრობა და ალერსი. ხელს ვერ გაანძრევდა საბრალო, დიასახლისის რისხვა რომ არ გამოეწვია და უხვი ლანძღვა, წყევლა და დაუმსახურებელი ცემა-ტყეპა არ მიეღო. უბედური ტკბილი ქმნილება, რომელსაც ვერც ამ ქვეყნისა შეეგნო რამე, ვერც ღვთისა! იმას ყოველთვის უჯავრდებოდნენ, სჯიდნენ და სცემდნენ, და იმ გოგონებს კი, იმასავით პატარებს, ალერსით ატკობდნენ.

დედა რომ ასე ავად ეკიდებოდა კოზეტს, ეპონინი და აზელმა უარესად ექცეოდნენ. ამ ხნის ბავშვები ყველაფერში დედას ბაძავენ. პატარები არიან და ამით გაირჩევიან დედისაგან, სხვა არაფრით.

ერთი წელიწადი გავიდა, მერე მეორე...

სოფელში კი ქებას ისმოდა ტენარდიებისა:

- გულკეთილები ყოფილან, დალოცვილები! თვითონაც ბევრი არაფერი აქვთ, მაგრამ ერთ ბავშვსა ზრდიან უპატრონოს. მიუყვანია ვილაქას და იმათთვის მიუგდია.

დედისაგან დავიწყებული ეგონათ კოზეტი.

მაგრამ ტენარდიცს გაეგო როგორღაც - სად ან როგორ, ვინ იცის? - რომ ბავშვი ნაბიჭვარი უნდა ყოფილიყო, რომ დედა იძულებული იყო დაემალა თავისი შვილი და თვეში თხუთმეტი ფრანკი მოსთხოვა. იზრდება გოგო, ბევრსა ჭამს და თუ არ მომიმატებთ, ვეღარ შევინახავო.

- აბა ნუ მომცემს! - გაჰყვიროდა გახარებული, - ქვეყანას შევეყრი იმ უნამუსოს! აბა ნუ მომიმატებს!

ახლა თხუთმეტ ფრანკს აძლევდა თვეში ფანტინი. დრო გადიოდა. ბავშვი იზრდებოდა და იზრდებოდა მისი წამებას.

სანამ პატარა იყო, ის ილახებოდა პატარა გოგონების მაგივრად; ცოტა რომ წამოიზარდა, ჯერ ხუთი წლისაც არ იყო, რომ სახლის მსახურად გახადეს.

ხუთი წლისა, შეუძლებელიაო! - იტყვიან. - ვაი, რომ მართალია! საზოგადოებრივი ტანჯვა ყოველ ასაკში შეიძლება დაიწყოს. გუშინ არ იყო ერთი უბედურის, დუმოლარის საქმე ირჩეოდა სასამართლოში: ხუთი წლისა დარჩენილიყო ობლად, „შრომა“ დაეწყო და „ქურდობა“, შიმშილით რომ არ მომკვდარიყო, და მერე ყაჩაღობა, რაც დამტკიცებულია ოფიციალური საბუთებით.

აქეთ-იქით გზავნიდნენ კოზეტს, ოთახებს აგვევინებდნენ, ეზოს, ქუჩას, ჭურჭელს არეცხინებდნენ, აზიდვინებდნენ, რასაც დაძრავდა. მით უფრო საფუძვლიანად თვლიდნენ ამას, რომ ფანტინი დროულად აღარ უგზავნიდა ფულს. ხანდახან რამდენიმე თვისა ეღებოდა ვალად.

სამი წლის შემდეგ რომ მოსულიყო თავისი ბავშვის სანახავად, ვეღარ იცნობდა. ის ლამაზი, ვარდის კოკორივით მშვენიერი, ჩასუქებული გოგონა დღეს ჩამომჭვანარი იყო, ჩაყვითლებული. რაღაც დაბეჩავებულ შთაბეჭდილებას ტოვებდა. პირქუშიაო, - იძახდნენ ტენარდიები.

უსამართლობამ სიმშვიდე დაუკარგა და გაჭირვებამ - სილამაზე. მშვენიერი თვალების მეტი აღარათფერი შერჩენოდა და ამ დიდრონ თვალეში უფრო ცხადად და მწარედ იხატებოდა მისი მწუხარება.

გულსაკლავი სანახავი იყო ბავშვი ზამთარში, როდესაც ჯერ ექვსი წლისა არ იყო, რაღაც კონკვებით მოსილი, თვალცრემლიანი, ქუჩასა ჰგვიდა დილაადრიან უშველებელი ცოცხით.

მეზობლები ტოროლას ეძახდნენ. ხალხსაც უყვარს თავისებურად მონათლვა და ეს სახელი მისცა ამ პატარა გოგონას, პატარა ჩიტუნისასვით რომ თრთოდა შეშინებული, ყველაზე ადრე რომ დგებოდა მთელ სოფელში და, ჯერ გათენებული არ იყო, ქუჩასა ჰგვიდა, რაც უნდა ავი დარი ყოფილიყო.

ოღონდ ეს სანყალი ტოროლა თავის დღეში არა მღეროდა.

წიგნი მეხუთე

მთის ძირში მიმავალი გზა

თავი პირველი

ყალბი გიმრის წარმოების განვითარება

ბავშვი მონფერმეილში დატოვა დედამ, სანყალ კაცს მიუგდო, - ამბობდნენ მონფერმეილში, - და თვითონ სადღაც წავიდაო. მერე რა იქნა, რა მოუვიდა, რას აკეთებდა ფანტინი?

ბავშვი ტენარდიეს მიაბარა, თვითონ გზას გაუდგა და მონრეილში მივიდა. ეს იყო 1818 წელი, როგორც მკითხველს ემახსოვრება.

ათ წელიწადზე მეტი იყო, რაც ქალი თავის სამშობლოში აღარ ყოფილიყო და ძალიან გამოცვლილი დახვდა ქალაქი. იმ დროს, როდესაც ფანტინი ნელ-ნელა ძირს ეშვებოდა, იმისი სამშობლო ქვეყანა შენდებოდა.

დაახლოებით ორი წელიწადი იქნებოდა მას შემდეგ, რაც ადგილობრივ წარმოებაში მოხდა ერთი რამ, რომელსაც დიდი მნიშვნელობა ჰქონდა პატარა ქალაქის წარმატებისათვის.

საჭიროდ მიგვაჩნია მოვიხსენიოთ ეს საყურადღებო გარემოება და, თუ შეიძლება ასე ითქვას, ხაზი გავუსვათ მას.

უძველესი დროიდან მონრეილს სპეციალურ წარმოებად ჰქონდა ყალბი გიშრისა და გერმანული შავი მძივის კეთება. ბევრს არაფერს იძლეოდა ეს წარმოება, რადგან დასამუშავებელი მასალა ძვირი ღირდა და თავისი სიძვირით ამყირებდა მუშის ხელფასსაც. ფანტინი რომ მონრეილში მივიდა, მეტად თვალსაჩინო ცვლილება მომხდარიყო „შავი მძივი“ წარმოებაში.

1815 წლის დამლევს ერთი უცნობი კაცი მოსულიყო ქალაქში, იქ დასახლებულიყო და განებრახა ფისის მაგივრად გუმფისი ეხმარა და, საკუთრად სამაჭურისთვის, შედუღებული კილოს მაგივრად, შეკრული კილო. მთელი რევოლუცია მოჰყვა ამ პატარა ცვლილებას.

მართლაც, ამ პატარა ცვლილებამ ძალიან გააიაფა დასამუშავებელი მასალა, რამაც გაადიდა მუშის ხელფასი - ღვთის წყალობა მოეცა ქვეყანას, გააუმჯობესა თვით წარმოება, სრულიად დააკმაყოფილა მყიდველ-მომხმარებლები და გააიაფა საქონელი, თუმცა მაინც ერთი სამად მეტი რჩებოდა მოგება - სარგებლობა ქარხნის პატრონისა.

ამგვარად, ერთ აზრს სამი შედეგი მოჰყვა.

სამი წელიწადიც არ გასულიყო ჯერ, რომ წარმოებაში ამ ცვლილებების შემტანი მდიდარი კაცი გახდა, რაც სასურველია ყველასათვის და ყველა გაამდიდრა თავის გარშემო, რაც უფრო მეტად სანატრელია ყველასათვის. უცხო იყო ოლქში ის კაცი. არავინ იცოდა რამე ამისი, არც იმის წარსულისა.

ამბობდნენ, ძალიან ცოტა ფულით მოვიდა ქალაქში, რამდენიმე ასეული ფრანკი თუ ექნებოდა, მეტი არაო.

ამ პატარა თანხით დაიწყო საქმე, თავისი საზრიანობით, წესიერებითა და გონების დახმარებით და თვითონაც გაკეთდა კაცი და ქვეყანაც გააკეთა.

მონრეილში რომ მივიდა, რაც გააჩნდა, ზედ ეცვა; ქცევა და სიტყვა-პასუხი მუშისა ჰქონდა.

მგონი სწორედ იმ დღეს, ქალაქში რომ შევიდა ბეჭებზე გუდამოგდებული, ეკლიანჯოხიანი უცნობი, დეკემბრის საღამო ხანს საშინელი ხანძარი გაჩნდა ქალაქის სახლში. რომ დაიყვარეს, - ბავშვები იწვიანო, - თავგანწირვით შევარდა ცეცხლში და უეჭველ სიკვდილს გადაარჩინა ორი ბავშვი, ჟანდარმების კაპიტნის შვილები. ამიტომ იყო, რომ პასპორტი არავინ მოსთხოვა. მაშინ გაიგეს იმისი სახელი. ძია მადლენი ერქვა.

თავი მეორე
მადლენი

ორმოცდაათი წლისა იქნებოდა. ფიქრიანი და კეთილი სახის მქონე კაცი. ამის მეტს ვერაფერს იტყობდნენ მასზე.

სწრაფად გაიზარდა და აყვავდა მისი გამომგონებლობით განახლებული წარმოება და თვით ქალაქიც მსხვილი საქმეებისა და ვაჭრობის ცენტრად იქცა. ესპანეთი დიდძალ გიმერს ხმარობს და დიდძალი საქონელი გაჰქონდა მონრეილიდან, რომელიც ამ წარმოებაში კონკურენციას უწევდა ლონდონს და ბერლინს. იმდენად დიდი მოგება რჩებოდა ძია მადლენს, რომ ერთი წლის დემედვე დიდი შენობა აავო, რომელშიც ორი ფართო სახელოსნო იყო. ერთი კაცებისთვის, მეორე ქალებისთვის. ვისაც კი შიოდა, იქ უნდა მისულიყო დარწმუნებული, რომ სამუშაოსაც მისცემდნენ და პურსაც. ძია მადლენი ერთსა სთხოვდა კაცებს - ბეჯითად იმუშავეთო და ქალებს - ნამუსიანად იყავითო. პატიოსნად იყავით ყველგან და ყოველთვისაო, - ეუბნებოდა ქალებსაც და კაცებსაც. ამ მხრივ უდრევი იყო. ეს იყო ერთადერთი საკითხი, რომელსაც დაჟინებით იცავდა და ასრულებდა. მით უფრო საფუძვლიანი იყო მისი ახირება, რომ მონრეილში გარნიზონი იდგა და ხშირი იყო იქ შემთხვევა გარყვნილებისა. საერთოდ კი ბედი ეწია ქალაქს, რომ იქ დაბინავდა ძია მადლენი. მის მისვლამდე სიცოცხლე არ ეტყობოდა მონრეილს; ახლა კი წმინდა შრომის სიცოცხლით იყო სავსე. აღარავის ახსოვდა უმუშევრობა და შიმშილი, აღარსად მოიპოვებოდა ჯიბე, რომ შივ ცოტაოდენი ფული არ ყოფილიყო.

ყველასათვის მოეპოვებოდა სამუშაო ძია მადლენს. ერთს სთხოვდა მუშას:

პატიოსანი კაცი იყავი, პატიოსანი ქალი იყავიო.

როგორც უკვე ვთქვით, ამ საქმიანობაში, რომლის აღმძვრელიც თვითონ იყო და სულის ჩამდგმელიც, დიდ ქონებას იძენდა ძია მადლენი, მაგრამ უცნაური ის იყო, რომ ამ უბრალო ვაჭარს მოგება არ მიაჩნდა თავისი სიცოცხლის მიზნად. ცხადად ჩანდა, სხვებისთვის უფრო იღვწოდა, ვიდრე თავისთვის. 1820 წელს ექვსას ოცდაათი ათასი ფრანკი ჰქონდა ლაფიტის ბანკში შეტანილი; მაგრამ სანამ თავისთვის გადადებდა ფულს, ერთ მილიონზე მეტი დაახარჯა ქალაქს და ვაჭირვებულთ.

ცუდად იყო მოწყობილი საავადმყოფო; თავისი ხარჯით მოაწყო და ათ სანოლს ინახავდა იქ. ქალაქი ორად არის გაყოფილი, ზემო და ქვემო უბნად. ქვემო ნაწილში დასახლდა ძია მადლენი. ერთადერთი სასწავლებელი იყო ამ უბანში - ძველი შენობა, დასანგრევი. აქაც დაეხმარა ძია მადლენი და ორი შენობა აავო, ერთი ქალებისა და მეორე ვაჟების სასწავლებელი. ორ მასწავლებელს იმ მცირე ჯამაგირის დასამატებლად, რომელსაც მთავრობისაგან იღებდნენ, ის თავის მხრივ აძლევდა იმდენსავე, და ერთ მოქალაქეს, ამ ხარჯით გაკვირვებულს, მოკლედ მოუჭრა სიტყვა:

- ყველაზე საჭირო და სასარგებლო მოხელე სახელმწიფოსი არის ძია და მასწავლებელი.

უპატრონო, ობოლი ბავშვების სახლი მოაწყო თავისი ხარჯით, იმ დროს იშვიათი მთელ საფრანგეთში, და მოხუცი და ავადმყოფი მუშების დამხმარე სალარო. მისი ქარხანა ცენტრად იქცა, ბევრი ღარიბი დასახლდა მის გარშემო. აქაც აფთიაქი გამართა და ვაჭირვებულთ მექთად აძლევდა წამლებს.

პირველ ხანს რომ დაიწყო თავის საქმე, ყაყანი დაიწყეს ქალაქში: მოხერხებული კაცია, გამდიდრებას აპირებსო. როცა ნახეს, რომ ქვეყანა გაამდიდრა და ჯერ თავისთვის არაფერი ჰქონდა შეძენილი, ახლა სხვა თქვეს - თავმოძნონე კაციაო. ამ სიტყვას ცოტა რამ საფუძველი ჰქონდა, რადგან ღვთის მორწმუნე იყო ძია მადლენი, კვირის წირვას არ აკლდებოდა და ამით იყო იმ დროს კაცი ღირსეული და პატივცემული. იმ მხარის დეპუტატს, რომელსაც დღე და ღამე სულ მეტოქეები

ელანდებოდა, გულში ეცა ძია მადლენის ქცევა. ეს დეპუტატი სახელმწიფოს კანონმდებელი კრების წევრად ყოფილიყო და ძალიან სწამდა ერთი ბერის, სახელად დუშე ჰერცოვ ღოტრანტის სარწმუნოება, რადგან ამ ჰერცოვის მეგობარი იყო. თუ სანდო მეგობრებში იყო, მასხრად იგდებდა სარწმუნოებასაც და ღმერთსაც. მაგრამ როდესაც ნახა, რომ მდიდარი მადლენი წირვას არ აკლდებოდა, მაშინვე მეტოქე მოელანდა და გადაწყვიტა გადაეჭარბებინა მისთვის. გასანდობად ერთ იეზუიტ მღვდელთან დაიწყო სიარული და წირვაზეც საყდარში ბრძანდებოდა და ლოცვაზეც. დიდებისა და სახელის მოსაპოვებლად იმ დროს საყდარი იყო და ხალხის დასანახად - ლოცვა. ღარიბებს ცოტა რამ ერვოთ ბატონი დეპუტატის, როგორც თვით ღმერთსაც: ორი სანოლი იმან მოაწყო საავადმყოფოში თავისი ხარჯით. გახდა თორმეტი.

და ერთ დილას, 1819 წელს, ქალაქში ხმა გავარდა, რომ პრეფექტს მეფისთვის უთხოვია ძია მადლენის ქალაქის თავად დანიშვნა და საბუთად ამისა დაუსახელებია მისი მოღვაწეობა. ამ ამბავმა ძალიან გაახარა ისინი, ვინც თავმომწონებას სწამებდა მადლენს: აჰა, მამ მართალს არ ვამბობდითო? - ქალაქს სალაპარაკო სხვა აღარაფერი ჰქონდა და საფუძვლიანიც იყო ეს ხმები. რამდენიმე ხნის შემდეგ გაზეთ მონიტორში იყო გამოცხადებული მისი დანიშვნა. ძია მადლენმა უარი განაცხადა.

იმავე 1819 წელს მადლენის მიერ შემოღებული ცვლილებებით გაკეთებული გიშერი და სხვა ნაწარმი სარწმუნო გამოფენაზე იყო განხილული და ექსპერტთა კომისიის წარდგენით მეფემ საპატიო ლეგიონის ორდენი მიანიჭა. ახლა ამაზე დაიწყეს ყაყანი ქალაქში: მამ ორდენს ეპოტინებოდა და კიდევ მიიღოო. - ძია მადლენმაც ორდენზე უარი განაცხადა.

მართლაცდა, გამოცანა იყო ეს კაცი. ჭირიკანებმა აქაც იპოვეს გამოსავალი - ავანტიურისტად მონათლეს.

უკვე ვთქვით, დიდი სიკეთე უყო ქვეყანას, მეტადრე გაჭირვებულ ხალხს; იმდენად სასარგებლო მოღვაწე იყო, რომ უნებლიეთ პატივისცემა დაიმსახურა. იმდენად კეთილი იყო, რომ არ შეიძლებოდა არ შეგვეყვარებინათ. თავისი მუშები ხომ თავყანს სცემდნენ, იმდენად ლმობიერად ეკიდებოდა; სევდიან სიამეს გვრიდა მათი სიყვარული და პატივისცემა. როდესაც „მაღალი საზოგადოება“ დარწმუნდა, რომ მართლა მდიდარი იყო, მდაბლად თავი დაუკრა ყველამ და ბატონი მადლენი უწოდა, მუშები და ბავშვები კი ძველებურად ძია მადლენს ეძახდნენ. სწორედ ეს სახელი იყო, სიტკბოებით რომ უესებდა გულს. რაც უფრო მდიდრდებოდა კაცი, უფრო ხშირად პატიუებდნენ საზოგადოებაში. „საზოგადოება“ ცდილობდა მის დაახლოებას. ქალაქის პრანჭია საზოგადოება, რა თქმა უნდა, არ იკადრებდა ვიღაც ხელოსანს. ახლა კი ფეხქვეშ ეგებოდა მილიონერს. ძალიან ცდილობდნენ, მაგრამ ვერ დაიყოლიეს.

აქაც კი ვერ შეიკავა თავი ჭორმა: გაუნათლებელი კაცია, უეცი და უზრდელი. იცის, რომ შერცხვება განათლებულ საზოგადოებაში. ვინ იცის, იქნება წერა-კითხვაც არ იყოღესო.

რაკი დარწმუნდნენ, ფულის ყადრი სყოდნიაო - ვაჭარიო, დაიძახეს; რომ ნახეს, როგორ ემგვლებოდა ხალხს თავისი ფულით - თავმომწონე ყოფილიო; რომ გაიგეს, უარი თქვა ყოველგვარ წარმატებაზე - ძალიან გაქნილია, ვიღაცის არისო; და როცა ნახეს, რომ არ ისურვა საზოგადოებაში გამოსვლა - ბრიყვია და რეგვინო.

1820 წელს, მონრეილში მუშაობის ხუთი წლის შემდეგ, იმდენად თვალსაჩინო იყო მისი ღვაწლი, ისე ერთხმად ისმოდა ხალხში მისი ქება და პატივისცემა, რომ მეფემ

ხელმეორედ დანიშნა ქალაქის თავად. უარი თქვა, მაგრამ პრეფექტი ჩააცვიდა, მთავრობის წარჩინებული მოხელეები მივიდნენ მასთან სათხოვნელად. ხალხი მოგროვილიყო ქუჩაში და ევედრებოდა - იკისრე ეს თანამდებობაო, - და თანხმობა გამოაცხადა. ამბობენ, ერთმა ბებერმა დედაკაცმა უფრო მეტი გავლენა იქონია მის გადაწყვეტილებაზე, ვიდრე ამდენმა თხოვნამო. მაინც რომ უარს ამბობდა, ცოტა გაჯავრებით დაუყვირია იმ დედაკაცს: ქალაქის თავად კარგი კაცი არის საჭირო. ვინ იქნება, სიკეთის თესვა შეეძლოს და უარს ამბობდესო?

ეს მესამე საფეხური იყო მისი ამალღებისა. ძია მადლენი ბატონი მადლენი გახდა, ბატონი მადლენი - ბატონი მერი, ქალაქის თავი.

თავი მესამე

ბანკში შეტანილი ფული

ფულიანიც ისევე უბრალოდ ცხოვრობდა, როგორც წინათ. თმა ჭალარა ჰქონდა, თვალი - დაღონებული, მზისაგან დამწვარი სახე - მუშისა, სახის გამომეტყველება - ჩაფიქრებული ფილოსოფოსისა. განიერფარფლიანი ქუდი ეხურა და გრძელი, სქელი მაუდის სერთუკი ეცვა, ნიკაპამდე შეკრული. მერის თანამდებობას ასრულებდა, მაგრამ ძველებურად მარტოდმარტო ცხოვრობდა. სალაპარაკოდ არ ეცალა. საზოგადოებრივი ეთიკის მოთხოვნებს თავს არიდებდა, სალამს აძლევდა და საჩქაროდ გაუყვებოდა თავის გზას. გაიღიმებდა, რომ პასუხის თქმა არ დასჭირვებოდა და ფულს აძლევდა, რომ პასუხი კი არა, ღიმილიც არ დასჭირვებოდა. ნამდვილი კეთილი დათვიაო, - იძახდნენ ქალები.

ყოველთვის მარტო ჭამდა და წინ წიგნი ედო, კითხულობდა. პატარა ბიბლიოთეკა ჰქონდა, კარგად შერჩეული და ძალიანაც უყვარდა. ცივი მეგობარია წიგნი, მაგრამ ერთგული. რამდენადაც უკეთ მისდიოდა საქმე, დროც იმდენად მეტი ჰქონდა და გონებრივ განვითარებას ეშურებოდა. მშისი მეტყველება თანდათან ზრდილობასა და დახვეწილობას იძენდა.

ძალიან უყვარდა მინდორში სეირნობა და თოფსაც წაიღებდა ხოლმე. თუმცა იშვიათი იყო მისგან თოფის გასროლა, მაგრამ მიზანს კი არ ააცდენდა. უვინებელ ცხოველს ან პატარა ფრინველს არ მოკლავდა.

ხნიერი კაცი იყო, მაგრამ ამბობდნენ, საკვირველი ღონის პატრონიაო. სადაც კი დაინახავდა, ვინმეს მძიმე ტვირთის აწევა უჭირდა, მაშინვე მიეშველებოდა. ნაქცეულ ცხენს ააყენებდა და ტალახში ჩაფლულ თვლებს ეწეოდა. რქაში სწვდებოდა და აჩერებდა გაქცეულ ხარს. სახლიდან გასვლისას ჯიბე სავსე ჰქონდა წვრილი ფულით და შინ ცარიელი ჯიბით ბრუნდებოდა. სოფელში რომ გაივლიდა სადმე, მხიარული ჟივილ-ხივილით გარს ეხვეოდნენ დაგლეჯილი ტანსაცმლით მოსილი ბავშვები და მუმლის გუნდივით თან მისდევდნენ.

ეტყობოდა, წინათ სოფელში უნდა ეცხოვრა, მინის მუშად, რადგან ბევრი რამ იცოდა სასარგებლო და გლეხებს ასწავლიდა: ვიდრე ბელელში პურს ჩაყრიდეთ, თუ არ გინდათ, რომ ობი მოეკიდოს, მარილი გახსენით წყალში და ამ წყლით გარეცხეთ კედლები; თუ გამსკდარია ფიქარი, შიგ შეიყვანეთ მლაშე წყალი. ბოვანო ჭიის ამოსაწყვეტად ურჩევდა, ყველგან დაკიდეთ აყვავებული გარეული პიტნის ტოტი - ბანზე, კედლებზე, სახლში და ბოსტანშიც კიო. წამლები იცოდა, რომლითაც

შეიძლებოდა მაგნე მცენარეების - პურის მოსავლის პარაზიტების - მოსპობა. ბაჭები ჰყავდა და თავგების მოსაშორებლად მათთან დასვა ზღვის გოჭი.

ერთხელ სოფელელებს შეხვდა. ძირიანად ჰგლეჯდნენ ჭინჭარს. გადახედა დაგროვილ სასარგებლო მცენარეს, ზოგი უკვე ხმებოდა და გლეხებს უთხრა:

- თქვენ ასე ტყუილად ექცევით და ის კი არ იცით, რა სასარგებლო რამ არის ეს ჭინჭარი. სანამ ნელლი აქვს ფოთოლი, საგანგებო გემრიელი საჭმელია. ხმება და ისეთივე ბოჭკო აქვს, როგორც კანაფსა და სელს. ჭინჭრის ნაქსოვი კანაფისას არ ჩამოუვარდება. დაკეპილი ძალიან უყვარს ქათამს, დანაყილი - რქიან საქონელს. ჭინჭრის თესლი რომ ბზეს ან თივას შეურიოთ, ბრწყინვას დაინყებს საქონლის ტყავი. მარილიან წყალში მოხარშული ფესვი მშვენიერ ყვითელ საღებავს იძლევა. გარდა ამისა, თვითონაც ძალიან კარგი თივაა, რომელიც შეიძლება ორჯერ გაითიბოს. ჭინჭარს რა უნდა? ცოტა მიწა, არაფრითა მოვლა და მოშენება. ოღონდ თესლი ძირს სცვივა, როგორც მომწიფდება და ამიტომ ძნელია მისი მოგროვება. არ ვიცით მისი გამოყენება, თორემ ძალიან სასარგებლო რამ იქნებოდა. ყურადღებას არ ვაქცევთ და მავნებლად გავგვიხდია, და რადგან მავნებლად გავხადეთ, მამ უნდა მოვსპოთ. რამდენი კაცი ჰგავს ჭინჭარს. - ცოტა ხანს გაჩუმდა და მერე დაუმატა - დაიხსომეთ, მეგობრებო, არც მცენარეა ცუდი და არც კაცი - ავი. ცუდი და ავი მხოლოდ მომვლელი და აღმზრდელია.

ბავშვებს კიდევ იმითომ უყვარდათ, რომ საუცხოო პატარა სათამაშოებს აკეთებდა ჩალისა და ქოქოსის ნაჭუჭისგან.

ეკლესიის კარს რომ დაინახავდა, შავით შემოსილს, მაშინვე შევიდოდა. ისე ეძებდა დასაფლავებას, როგორც სხვები - ქორწილს. ვინმეს დაქვრივება და საერთოდ უბედურება იზიდავდა, რომ ნუგეში ეცა და დახმარებოდა, თუ საჭირო იყო. მგლოვიარეებში ჩაერეოდა და ეტყობა, სიამოვნებით აძლევდა თავის ფიქრებს გალობისა და ლოცვის ტექსტს საიქიოს აღთქმული ნუგეშით. თვალი ზეცისაკენ ჰქონდა აპყრობილი და ისე ისმენდა განსასვენებელ საგალობელს, სიკვდილის წყვდიადით სავსე უფსკრულის პირას რომ ისმის, თითქოს თვითონაც სულით მიისწრაფვის უსაზღვროების საიდუმლოებისკენ.

მრავალ მადლს სთესდა და ისე მალავდა ამას, როგორც ავის მქნელი მალავს თავის საქციელს. ჩუმად შევიდოდა ხოლმე საღამო უამს ვინმეს სახლში და როდესაც შინ მოვიდოდა გაჭირვებული და ნახავდა, რომ ვიღაც ყოფილიყო მის ბინაზე, თავში ხელს იცემდა გულგახეთქილი; მაგრამ შევიდოდა სახლში და მაშინვე თვალში ეცემოდა საღმე სკამზე დანყობილი ოქროს ფული.

ალერსიანი კაცი იყო და სულ დაღონებული! ხალხი იძახდა - მდიდარია ის დალოცვილი და ამპარტავნობისა ნატამალიც არა აქვს, ბედნიერია და კმაყოფილება არ ეტყობაო.

ზოგნი იძახდნენ - საიდუმლოებით სავსე პიროვნებააო, - და ამტკიცებდნენ, - თავის დღეში არაფერს ყოფილა იმის ოთახში, რომელიც განდევნილის სენაკს წარმოადგენს ქვიშის საათით, ჯვარედინად დასვენებულ ძვლებით და მკვდრის თავის ქალით დამშვენებულსაო. იმდენი ილაპარაკეს, იმდენი, რომ რამდენიმე ყმანვილი ქალი, კეკლუცი, მაგრამ ღვარძლიანი, მივიდა ერთხელ მადლენთან და სთხოვა:

- ბატონო მერო, ერთი გვიჩვენეთ, თუ შეიძლება, თქვენი ოთახი, ამბობენ, ნამდვილი მღვიმეაო.

გაიღიმა მადლენმა და მაშინვე თავის „მღვიმეში“ შეიპატიჟა ისინი. განზილებულნი დარჩნენ ქალები: სულ უბრალო, ჩვეულებრივი ოთახი იყო, წითელი ხის, საკმაოდ უშნო ავეჯით განწყობილი და იაფფასიანი კედლის ქალაქით გაკრული. შესანიშნავი არაფერი იყო, გარდა ორი ძველებური შანდლისა, რომელიც ბუხრის თავზე ეწყო და ვერცხლისას ჰკავდა, რადგან - „სინჯის ნიშანი ჰქონდაო“, - დამახასიათებელი შენიშვნა პატარა ქალაქის ჭორიკანა ქალბატონებისა.

მაგრამ მაინც ისევ ისე ყაყანებდნენ - მის ოთახში არავინ შესულა: მღვიმეა განდევილისა, ორმო, აკლდამაო.

იმასაც ჩურჩულებდნენ, რომ „დიდი ფულის“ პატრონია, ლაფიეტის ბანკში აქვს ფული შეტანილი, ოღონდ იმ პირობით, რომ ბანკი ვალდებულია, როგორც კი მოითხოვს, მაშინვე დაუყოვნებლივ დაუბრუნოს; დიახ, მადლენს შეუძლია მივიდეს ბანკში, მოითხოვოს თავისი ფული და ათი წუთის შემდეგ ორი-სამი მილიონით შეამყიროს ბანკის სალაროო. სინამდვილეში კი ეს ორი-სამი მილიონი, როგორცა ვთქვით, ექვსას ოცდაათი თუ ორმოცდაათი ათასი ფრანკი იყო.

თავი მეთხე

ბატონი მადლენი მგლოვიარეა

1821 წლის დასაწყისში გაზეთებმა ბატონ მირიელის გარდაცვალება გამოაცხადეს, დინის ეპისკოპოსისა, რომელიც კეთილმოვლენილად იყო წოდებული და ოთხმოცდაექვსი წლისა მიიყვალა, ვითარცა მართალი და ღვთისმოსავი.

ბრმა იყო, რომ მიიყვალა დინის ეპისკოპოსი, - აქ გვინდა ერთი გარემოება აღვნიშნოთ, რომელიც გამოჰპარვოდათ გაზეთებს, - უკვე რამდენიმე წელიწადი იყო, ვეღარა ხედავდა და არ ემდუროდა ბედს, რადგან თან ჰყავდა თავისი და.

გაკვრითა ვთქვათ: ამქვეყნად, სადაც უნაკლო არაფერია, ბედნიერების უტკბილეს და უბრწყინვალეს ფორმას წარმოადგენს ბრმისადმი გულწრფელი სიყვარული. უსინათლო ხართ, მაგრამ ყოველთვის გვერდით ხედავთ ერთ ქალს, - დედას, ცოლს, დას, - ერთგულ ადამიანს, რომელიც თქვენთან არის, რადგან შეიძლება დაგჭირდეთ რამეში, უსინათლო ხართ, მაგრამ ხედავთ, რომ უთქვენობა აწუხებს, ვისაც უყვარხართ; უსინათლო ხართ, მაგრამ შეგიძლიათ გაზომოთ მისი სიყვარული იმ წმინდა გრძნობით, რომლითაც თავის თავს გწირავთ, შეგიძლიათ თქვათ: რადგან მე მანდომებს მთელ თავის დროს, მამ მე მეკუთვნის მთლად მისი გულიო. უსინათლო ხართ, ვერ ხედავთ მის სახეს, მაგრამ კარგადა გრძნობთ იმის ყოველ ფიქრს, ხედავთ იმის ერთგულებას, როდესაც წყვილით არის მოცული თქვენთვის ქვეყანა; ნაზ გალობასავით გულს გიტკობთ მისი კაბის შრიალი, გრძნობთ ყოველ მის მოძრაობას, მის სიტყვას, მის ხმას და იცით, რომ თქვენა ხართ მთავარი საგანი მისი მოძრაობისა, მისი სიტყვისა და სიმღერისა; უსინათლო ხართ, მაგრამ ყოველ წამს ხედავთ მის თავდადებულ ერთგულებას და მით უფრო მძლავრად გრძნობთ თავს, რამდენადაც მძიმე არის თქვენი დაავადება; წყვილადმი მყოფი, წყვილითვე დაბრმავებული მნათობად გრძნობთ თავს, რომლის ირგვლივ დასიალებს ეს ანგელოზი. დიახ, ცოტაა ქვეყნად ამგვარი ბედნიერება. უმაღლესი ბედნიერება ჩვენი ცხოვრებისა არის რწმენა, რომ ვუყვარვართ ვინმეს და, უკეთ რომ ვთქვათ, ვუყვარვართ ჩვენდა უნებურად. უსინათლოს ნეტარებაა ეს გრძნობა. ამ უბედურებაში რომ გვივლის ვინმე, ეს

აღერსია. განა გვაკლია რამე? არაფერი. ბრმაყ რომ იყოს, უსინათლო არ არის, თუ ვისიმე სიყვარული ატკობს. მერე რა სიყვარული! სათნოებით აღსავსე. რწმენა იყოს, თორემ თვალთ ხედვა საჭირო არც არის, - თვით ეძებს სული სულს და კიდევ ჰპოვებს. ეს ნაპოვნი სული და თქვენთვის თავგანწირული არის ქალი. ხელი მოგამწვლათ? იმისია ეს ხელი. ბაგე შეახო თქვენ შუბლს? იმისია ეს ბაგე. სუნთქვა გესმით იქვე, თქვენ გვერდით? იმისია ეს სუნთქვა. თქვენთვის მოუძღვნია ყველაფერი, თავყანისცემაც და სიბრალულიც. თავს დაგტრიალებთ თქვენთვის ყოვლის შემძლებელი, ზედ ყვრდნობით ამ თქვენთვის ტალივით გამაგრებულ ლერწამს, ხელით ეხებით და ხელთ გიპყრიათ განგება. განა შეიძლება ამაზე მეტი ნეტარება? ადამიანის გული, ეს ზეციური ბნელი ყვაილი, განიცდის იღუმალ გამლას. მთელი ქვეყნის სინათლეში არ გავცვლიდით ამ უსინათლობას. სული - ანგელოზი არის აქ, ჩვენთან, განუშორებლივ. თუ მოგვშორდა, სწრაფადვე მოვა; სიმშარივით ქრება და სინამდვილედ გვიბრუნდება, შორიდანვე ვგრძნობთ ამ სითბოს მისი მოახლოებისას, - აგერ მოვიდა. და უსაზღვროა ჩვენი სიმშვიდე, მხიარულება და აღტაცება. ვარსკვლავივითა ვართ მისი წყალობით ამ სიბნელეში. უსაზღვროა ზრუნვა და დახმარება, წვრილმანი, მაგრამ მნიშვნელოვანი დაავადებულისათვის, ტკბილი ნანა ქალისა, თქვენ დასარწევად და გულწრფელი ლოცვა - თქვენდა ნუგეშად. სულსა და გულს ატანს თავის სიტყვას, თავის აღერსს. ვერაფერს ხედავთ უსინათლო, თუმცა გრძნობთ, რომ თავყანისაყემად გამხდარხართ ბნელში, მაგრამ ბნელ სამოთხეში.

ამ სამოთხიდან გადავიდა კეთილმოვლენილი მირიელი მეორე სამოთხეში.

მიცვალება ეპისკოპოსისა მონრეილის ადგილობრივ გაზეთშიც იყო გამოცხადებული. მეორე დღეს ბატონი მადლენი მთლად შავებით მოსილი გავიდა სახლიდან. ქედზე სამგლოვიარო კრები ჰქონდა.

დაინახეს ქალაქში და ახლა ეს გახადეს სალაპარაკო, მამ დამოკიდებულება რამე ჰქონია ეპისკოპოსთან, იქნებ ნათესავიც იყოსო. და რაკი გლოვა დიდებული ეპისკოპოსის სიკვდილით იყო გამოწვეული, უცხად პატივსაცემ კაცად გახდა ქალაქის კეთილშობილთათვის. მონრეილის მიკროსკოპულმა სენ-ჟერმენის უბანმა განიზრახა კარი ვაელო ბატონი მადლენისთვის, როგორც ეპისკოპოსის ნათესავისთვის. დარწმუნდა ბატონი მადლენი, რომ დიდი წარმატება მიიღო კიდევ, რადგან რევერანსებით ხვდებოდნენ ქალები და ტკბილი ღიმილით - კაცები. ერთ საღამოს ერთმა ქალმა, ამ ბუნებით ჭორიკანა საზოგადოების ხნიერმა ქალბატონმა, პირდაპირ ჰკითხა:

- მამ, ბატონი მერი დისწული ბრძანდება მისი უსამღვდელოესობის, დინის ეპისკოპოსისა?

- არა, ბატონო. - უპასუხა მადლენმა.

- მამ ეგ შავები რალად გაცვიათ?

- ყმანვილ ბიჭობისას ლაქიად ვიყავი იმის ოჯახში.

ერთი რამ იყო კიდევ, რომელიც შენიშნა ქალაქმა: სადაც კი დაინახავდა პატარა საყოელს, რომლებიც მრავლად დადიოდნენ იმ მხარეში და საქმეს ეძებდნენ, მეტადრე საკვამლე მილებს სწმენდნენ, დაუძახებდა ხოლმე ბატონი მერი, სახელს ჰკითხავდა და ფულს აჩუქებდა. ერთმანეთს ეუბნებოდნენ ამას პატარა ბიჭები და მით უფრო მრავლად დანაწნალებდნენ.

თავი მეხუთე რაღაც ნათელი ჰორიზონტზე

გადიოდა დრო და ნელ-ნელა ბოლო ეღებოდა ბატონი მადლენის ავად სხენებას. თავდაპირველად ერთ ჩვეულებას მიჰყვინენ მის წინააღმდეგ, კანონად ქვეულს ჩვენს საზოგადოებაში - შური თ ლანძღვა და ცილისწამება იმათი, ვისაც კი ბედმა გაუღიმა და წინ წასწია; მერე ჭორები და მასხრად ავდება. მაგრამ თანდათან მთლად გაქრა ეს ყველაფერი და ბატონ მადლენს პატივისცემით ექცეოდა დიდი და პატარა, გულწრფელი პატივისცემით. იმდენად საყვარელი და პატივცემული იყო ყველასგან, რომ 1821 წელს ისევე ახსენებდნენ მონრეილში ბატონ მერს, როგორც დინში - კეთილმოვლენილ ეპისკოპოსს. 1815 წელს შორიდან მოდიოდა ხალხი, რომ რჩევა მიეღო მისგან. სადაც უთანხმოება აღიძვრებოდა ხოლმე, ის არიგებდა. იმან იცოდა მტრების შერიგება, ყველა იმას სთხოვდა თავისი უფლების დაცვას, აღდგენას და ისიც აკმაყოფილებდა ყველას, თითქოს გულში ჰქონოდა წიგნი ბუნებრივი კანონებისა. გადამდები სენივით შესაყრელი გამხდარიყო მისი ყთაყვანისცემა და ექვსი-შვიდი წლის შემდეგ მთელ მხარეს მოეღო მადლენის სახელი.

ერთადერთი კაცი იყო ქალაქში და მთელ ოლქში, რომ გაუმაგრდა ამ გადამდებ სენს და მიუხედავად ძია მადლენის მოღვაწეობისა, არ დამორჩილდა საერთო აზრს, თითქოს რაღაც ალლო ჰქონდა - შეუცვლელი და შეურყეველი - და ის აწუხებდა და აფრთხილებდა. შეიძლება მართლა არსებობდეს ზოგიერთ ადამიანში რაღაც მხეცური ალლო, წმინდა და მოუსყიდველი, როგორც ყოველი ალლო, რომელიც ინვეს სიმპათიას და ანტიპათიას და ჭირივით აძულებს ადამიანს ერთ-ერთ თავის მოყვასს; ამ ალლომ არ იცის ყოყმანი, არ იცის კრთომა, არ იცის გაჩუმება და თავისი ეჭვის გადათქმა; ფანატიკურად მორწმუნეა თავისი ეჭვისა; ზვიადი, უარმყოფელი - გონების ყოველგვარი რჩევისა და სიმართლის ყოველგვარი საბუთისა; ეს ის ალლოა, რომელიც ჩუმად აფრთხილებს ადამიან-ძალს ადამიან-კაცისაგან და ადამიან-მელას ადამიან-ლომისაგან დასაცავად.

სმირად მოხდებოდა ხოლმე, მადლენი რომ გაივლიდა სადმე ქუჩაში მშვიდი, წყნარი, ხალხის კურთხევით ძლიერი, გაჩერდებოდა მის უკან ერთი მაღალ-მაღალი კაცი, რკინისფერი სერთუკით მოსილი, დიდი ჯოხით ხელში, თვალეებზე ჩამოფარებული ქუდით და თვალს არ აშორებდა მიმავალს. იდგა და შეჰყურებდა გულხელდაკრეფილი; თავს იქნევდა, ტუჩებს ცხვირამდე აიწევდა - ერთგვარი მნიშვნელოვანი მანჭვა, რომელიც შეიძლება ასე ითარგმნოს: - რა ვქნა? ვინ უნდა იყოს ეს კაცი? სადღაც მინახავს, მაგრამ სად?.. არ მაგონდება! ყოველ შემთხვევაში, მე ვერ გამაბრიყვებს!

ერთი იმათგანი იყო ეს კაცი, რომლის პირქუში, თითქმის მრისხანე სახე არავის დაავიწყდება, თუ ერთხელ მაინც ნახა სადმე.

პოლიციის მოხელე იყო ეს კაცი, ვინმე ჟავერი.

ძნელ მოვალეობას ასრულებდა მონრეილში, მაგრამ სასარგებლოს, პოლიციის ინსპექტორისას. მადლენის მიერ საქმის დაწყება არ ენახა. ეს თანამდებობა გრავ ანგლეს, პარიზის პოლიციის პრეფექტის, შაბუის წყალობით მიეღო და მონრეილში რომ მივიდა, ძია მადლენი უკვე ბატონი მადლენი იყო.

პოლიციის ზოგ მოხელეს თავისებური სახის გამომეტყველება ექვს, ფლიდი და თან მბრძანებლური. უავერიც ამისთანა იერის კაცი იყო, ოღონდ ფლიდობა ნაკლებად ემჩნეოდა.

ჩვენი რწმენაა: რომ შეიძლებოდა თვალთ დანახვა სულისა, უცნაური სურათით დავრჩებოდით გაოცებული - ყველა ადამიანს შეესაბამება რომელიმე ცხოველი; ამიტომ თვალსაჩინოდ გვეჩვენება დღეს მეცნიერთაგან უყურადღებოდ მიტოვებული ჭეშმარიტება, რომ მატლიდან არწივამდე, ღორიდან ვეფხვამდე ყველა ცხოველის ნიშან-თვისება მოიპოვება ადამიანში და ხანდახან ორი ან სამიც, ერთ ადამიანში.

ცხოველი არის გამომსახველი ჩვენი სათნოებისა და ბიწიერებისა, რომელსაც თვალთ ვხედავთ; თვალსაჩინო გამოსახულებაა ჩვენი სულისა. ამას იმისთვის ვხედავთ, რომ ჩაფთვიერდეთ, მაგრამ რადგან ცხოველი ამ მხრივ მხოლოდ მსგავსებაა, არც აღზრდის ამთვისებელია, ამ სიტყვის ნამდვილი მნიშვნელობით. ან რა საჭიროა? პირიქით, რადგან ჩვენი სული რეალობაა და საკუთარი მიზანი აქვს არსებობისა, ღმერთს მისთვის გონება მიუნიჭებია, ესე იგი, ძალა განვითარებისა. წესიერმა საზოგადოებრივმა აღზრდამ ყოველთვის უნდა მოსთხოვოს სულს, რაც კი სასარგებლო აქვს ხალხის კეთილდღეობისათვის.

ნათქვამი, ცხადია, მინიერ ცხოვრებას ეხება მხოლოდ და არ ითვალისწინებს ღრმა საკითხს, რომელიც შეეხება პიროვნებას, წარსულს ან მომავალს არა ადამიანური ქმნილებებისას. არის „მე“ ცხოველისა, რომელსაც ხედავს ადამიანი, მაგრამ ეს ხილული „მე“ არავითარ საბუთს არ გვაძლევს უარვეყოთ მასში დაფარული „მე“. ამ შენიშვნის შემდეგ დავუბრუნდეთ ჩვენს მოთხრობას და ახლა, თუ თანახმაა მკითხველი და სწამს, რომ ყოველ ადამიანში არის ერთი მინსც ცხოველთა სამყაროს წარმომადგენელთაგან, ძალიან გაგვიადვილდება პოლიციის მოხელის, უავერის, დახასიათება.

ასტურელი გლეხკაცები დარწმუნებულნი არიან, რომ მგლის ლეკვებში ყოველთვის ურევია ერთი ძაღლი, რომელსაც დედა კლავს, - თორემ გაიზრდება და შვილებს შემოჭამსო.

ამ მგლის ლეკვს - ძაღლს - მიეცით ადამიანის იერი და ეს იქნება უავერი.

უავერი საპატიმროში დაიბადა. მარჩიელი იყო იმისი დედა. მამა იმ დროს კატორღაში იჯდა. იზრდებოდა იმ აზრით, რომ საზოგადოების გარეთ იყო დატოვებული და დაეკარგა იმედი ოდესმე საზოგადოებაში ჩარევისა. დარწმუნდა, რომ საზოგადოება ახლოს არ იკარებს ადამიანთა ორ კლასს: მათ, ვინც საზოგადოებას თავს ესხმის და აგრეთვე თავის მფარველს. არჩევანი არა ჰქონდა უავერს - ან ერთში უნდა გარეულიყო, ან მეორეში. ამავე დროს კარგად გრძნობდა, რომ სიმკაცრეც საკმაოდ აქვს, წესიერების სიყვარულიც და პატიოსნებაც. თან გამოუთქმელი სიძულვილით სძულდა ის ბოშათა ჯილაგი, რომელსაც თავადაც ეკუთვნოდა. ადგა და პოლიციაში შევიდა. მუყაითი მოსამსახურე იყო და ორმოცი წლისა უკვე ინსპექტორად დანიშნეს.

ყმანვილობისას სამხრეთში იყო კატორღელების ზედამხედველად.

ვიდრე ჩვენსას განვაგრძობდეთ, გამოვარკვიოთ ის, რასაც ეს-ეს არის უავერის ადამიანური სახე ვუნოდეთ.

უავერის ადამიანური სახე წარმოადგენდა აბზეკილ ცხვირს ორი ღრმა ნესტოთი, რომლისკენაც მიიწევდა ორივე ლოყაზე ხშირი წვერი. ცუდი სანახავი იყო, მეტადრე

პირველი ნახვისას, ეს ორი ტყე და შიგ ორი ხერხელი. როდესაც იცინოდა, - იშვიათი იყო იმისი სიცილი და საზარელი, - ისე აღებდა პირს, რომ არა მარტო კბილები, ღრძილებიც კი უჩანდა. ცხვირის გარშემო კი მიტყლეტილი ნაოჭი ეკრებიებოდა მხეცის დინგივით. დამშვიდებული ძალღსა ჰგავდა, თუ იცინოდა - ვეფხვს. პატარა შუბლი ჰქონდა, დიდი ყბა, შუბლზე ჩამოფარებული თმა წარბებსა სცემდა, თვალებს შუა ერთი მუდმივი ნაკეცი ჩასჯდომოდა, როგორც მრისხანების დაღი. დაღვრემილი უყურებდა ყველას. პირი მოკუმული ჰქონდა და საშინელი; იერი - საზარელი მბრძანებლისა.

ორი გრძობა ახასიათებდა ამ კაცს, ძალიან მარტივი და შედარებით ძალიან კარგი, რომელთაც თითქმის ბოროტებად აქცევდა მათი გადაჭარბებით გამოყენება: მთავრობის პატივისცემა და აჯანყების სიძულვილი. მის თვალში ქურდობა, მკვლევლობა, საერთოდ ყოველგვარი ბოროტმოქმედება მხოლოდ და მხოლოდ აჯანყების გამომჟღავნება იყო. მთავრობა მრწამსი იყო მისი და ამ მრწამსში შედიოდა ყველა, ვისაც კი რამე თანამდებობა აქვს სამეფოში - მეფიდან დანყებული, უკანასკნელ ტყის დარაჯამდე; და ათვალწუნებული ჰყავდა, ეზიზღებოდა, ვინც კი ოდნავ მაინც დაარღვევდა კანონიერებას. აქ მას არავითარი გამოწვევისი არა სწამდა. მთავრობის მოხელეებზე ამბობდა: - შეუძლებელია მთავრობის წარმომადგენელი შეცდეს, იგი ყოველთვის მართალია; დამნაშავეების შესახებ სულ სხვას ამბობდა: - დალუპულები არიან! რას უნდა მოელოდეს იმათგან კაციო? გულწრფელად სჯეროდა უკიდურეს მოაზროვნეთა დებულება, რომელიც ადამიანის კანონს რაღაც უფლებას აძლევს შექმნას ან, თუ გნებავთ, აღწესოს დემონები და საზოგადოება, რაღაც სტიქსით, ორად გაყოს. შეუპოვარი იყო, დარბაისელი, სასტიკი, დაღონებული მეოცნებე; თავმდაბალი და მედიდური, როგორც ყველა ფანატიკოსი. თვალი ნესტარი ჰქონდა, ცივი და მწარედ მჩხვლევტი. მთელი თავისი სიცოცხლის დანიშნულებას ამ სიტყვებით საზღვრავდა: ფხიზლად ვიყო და თვალი მეჭიროს; სწორი ხაზი გავავლო იმაში, რაც ყველაზე მეტად არის დაკლაკნილი ჩვენს ცხოვრებაში. შეგნებული ჰქონდა თავისი სარგებლობა, წმინდად მიაჩნდა თავისი თანამდებობა და ისეთივე გულწრფელი ჯაშუში იყო, როგორც გულწრფელია მორწმუნე მღვდელი. ვაი იმას, ვინც ხელში ჩაუვარდებოდა. თავის მამას დააპატიმრებდა, კატორღიდან რომ გამოქცეულიყო და თავის დედას დააბეზლებდა, ავი რომ ჩაეღინა რამე. კეთილისმყოფლის კმაყოფილებით ჩაიდენდა ყოველივე ამას. ამასთან, განმარტოებული ცხოვრობდა, ყველაფერს მოკლებული, თავგანწირული და გართობის უარყოფელი. განხორციელება იყო უღმობელი ვალდებულებისა, რადგან ისე სწამდა პოლიცია, როგორც სპარტელებს - სპარტა; გულქვა მსტოვარი იყო და მკაცრად პატიოსანი, მარმარილოს გულის მქონე ჯაშუში, ვიდრეის სახით მოვლენილი ბრუტუსი - აი, რა იყო ჟავერი.

მთელი მისი პიროვნება გამოიხატებოდა ამ ორი სურვილით: ვიჯაშუში და არ ვიქნე შემწნელი. მისტიკური სკოლა ჟოზეფ დე მესტრისა, რომელიც იმ დროს მაღალი კონსმოგონიით ავსებდა პაპის მომხრე გაზეთებს, ჟავერს სარწმუნოების სიმბოლოდ გამოაცხადებდა. შუბლი არ უჩანდა, ქუდი ჰქონდა ჩამოფხატული, თვალეები წამწამებით დაჩრდილული, ნიკაპს ყელსახვევი უფარავდა, ხელებს კი სახელოები. ჯოხი რა არის, ჯოხიც კი დამალული ჰქონდა სერთუკში, მაგრამ თუ საჭირო იყო, უცბად გამოაჩენდა ხოლმე ამ დაბურული ბუდიდან, როგორც

საფარიდან. ვინრო, კუთხოვანი შუბლი ჰქონდა, საზარელი თვალი, მექარით სავესე ნაკაპი, უზარმაზარი ხელები და კარგი მსხვილი ჯიხი.

იმვითად მოხდებოდა, ნიგნი რომ წაეკითხა, თუ მოცლილი იყო. არც სულ უვიცი გახლდათ, თუმცა ნიგნები სძულდა. ცუდი ჩვეულებები არა ჰქონდა, როგორცა ვთქვით. თუ კმაყოფილი იყო, ბურნუთს მოსწევდა, - ამ სუსტი მხრის გარდა, საერთო არაფერი ჰქონდა კაცობრიობასთან.

ცხადია, ჟავერი საშინელება იყო იმათთვის, ვისაც მართლმსაჯულების სამინისტროს ყოველწლიური სტატისტიკა მოიხსენიებს საერთო სახელით: „მანანალები“; ჟავერის სახელისაც კი ეშინოდათ. ჟავერის დანახვა აქვავებდა ყველას.

ასეთი იყო ეს საშინელი კაცი.

ჟავერს თვალი ეჭირა მადლენზე, ეჭვითა და უნდობლობით სავესე თვალი. ბატონმა მადლენმა მიაქცია ამას ყურადღება, მაგრამ, როგორც ჩანს, უმნიშვნელოდ ჩათვალა. არავითარი კითხვა არ დაუსვია ჟავერისთვის, არც სადმე ეძებდა, არც გაურბოდა, ყურადღებასაც არ აქცევდა, თუმცა გრძნობდა, რომ სადაც არ უნდა ყოფილიყო, გჟავერიც იქვე იყო და უთვალთვალედა. მაგრამ ჟავერსაც ისე ექცეოდა, როგორც ყველას, ტკბილად და ზრდილობიანად.

რამდენიმე სიტყვა წამოსცდენოდა ჟავერს და, ცხადი იყო, რომ ჩუმად ეძებდა რაიმე საბუთს მადლენის პიროვნების გამოსარკვევად იმ ცნობისმოყვარეობით, რომელიც ამ ჯურის კაცსა სჭირს, და რომელშიც იმდენადვე მუშაობს ალლო, რამდენადვე ნებისყოფა. ეძებდა რაიმე კვალს მადლენის წინანდელი ცხოვრების მისაგნებად. ეტყობა, იყოდა და ხშირადაც იტყოდა ხოლმე სიტყვის გადაკვრით, რომ ვილაყამ ცნობები მოაგროვა ვილაყის დაკარგული ოჯახის შესახებ. ერთხელ კიდევ თავის თავს ელაპარაკებოდაყდა წარმოთქვა:

- მგონი, ხელთა მყავს!

მაგრამ სამი დღე იყო ღრმად ჩაფიქრებული, დამუნჯებული, ეტყობა გაუნყდა ძაფი, რომელიც მადლენის წარსულის მოგონებასთან გაება.

ერთხელ კი ისე უცნაური იყო ჟავერის ქცევა, რომ მადლენის ყურადღება მიიპყრო. აი, როგორ მოხდა ეს ამბავი.

თავი მეექვსე

ფომლევეანი

ერთ მოუკირწყლავ ქუჩაში მიდიოდა მადლენი. ხმაური შემოესმა და მოგროვილი ხალხი დაინახა. მივიდა. ცხენი წაჰქცეოდა ერთ მოხუცებულს, სახელად ფომლევეანს, და თვითონაც ურმის ქვეშ მოყოლილიყო.

ეს ის ფომლევეანი გახლდათ, რომელიც ჯერაც ძველებურად უნდობლად უყურებდა მადლენს. ფომლევეანი სოფლის მწერლად ნამყოფი კაცი იყო და ვაჭრობას ეწეოდა მონრეილში, როდესაც იქ მადლენი მივიდა. ვერ მიდიოდა კარგად ვაჭრობის საქმე, ვილაყ უცხო, საიდანღაც მოთრეული დღითიდღე მდიდრდებოდა და ის კი სულ ქვევით და ქვევით იწევდა. შურით ევსებოდა გული და სადაც კი შეეძლო, ყოველ ღონისძიებას ხმარობდა, დაეღუპა მადლენი. ბოლოს გაკოტრდა. ერთი ცხენისა და

ურმის მეტი აღარაფერი ებადა. არც ცოლი ჰყავდა, არც შვილი ბერიკაცს, და ტვირთის ზიდვა დაიწყო, რომ ცხოვრება შესძლებოდა როგორმე.

ორი ფეხი მოსტეხოდა ცხენს და ადგომა აღარ შეეძლო. ურმის ქვეშ თვლებშუა ეგდო ბებერი. ისე უხეიროდ ჩავარდნილიყო, რომ ზედ გულზე აწვა ტვირთის სიმძიმე. სუნთქვა ეკვროდა, საცოდავად ხრიალებდა. სცადეს გამოეყვანათ, მაგრამ ამაოდ, მით უფრო, რომ დიდი სიფრთხილე იყო საჭირო, თორემ სულ უბრალო უხერხული მოძრაობა სულს გაანთხევინებდა უბედურს. შველის ერთადერთი საშუალება იყო ურმის ზევით აწევა. ჟავერი იქ ყოფილიყო ამ შემთხვევის დროს და ჯალამბრის მოტანა ებრძანებინა.

ბატონი მადლენი წინ მიუშვეს პატივისცემით.

- მიშველეთ! - ყვიროდა ფოშლეგანი, - ნუთუ არავინ არის, რომ დამეხმაროს? კვკვლები კაც!

ბატონმა მადლენმა ხალხს მიმართა:

- ჯალამბარი გვინდა.

- კაცი გაიქცა მოსატანად, - უპასუხა ერთმა გლეხმა.

- მალე მოვა?

- ერთი თხუთმეტი წუთი მაინც დასჭირდება, ფლაშოში მჭედელი გახლავთ, იმაზე ახლო არავის ექნება.

- თხუთმეტი წუთი? - შეჰყვირა მადლენმა.

ძალიან წვიმდა იმ ღამეს, ღრმად ჩასველებული იყო მინა, ურემი ნელ-ნელა ძირს იწვედა და უფრო და უფრო აწვებოდა უბედურს. ცხადი იყო, რომ თხუთმეტ წუთს კი არა, ხუთ წუთსაც ვეღარ გაუძლებდა ამ სიმძიმეს...

- ლოდინი შეუძლებელია, - თქვა მადლენმა და გლეხკაცებს გადახედა.

- მამ რას იზამთ?

- მაგას თავისი დამართება და! ვერა ხედავთ, როგორ იფლობა ურემი?

- ვხედავთ, კი ვხედავთ, მაგრამ...

- შეხედეთ, - უთხრა მადლენმა, - ურმის ქვეშ ჯერ კიდევ შეძვრება ერთი კაცი, რომ ზურგით ასწიოს. აბა, ვინ არის ღონიერი და კეთილი გულის პატრონი, ვის უნდა ხუთი ლუილორი?

არავინ შეინძრა ჯგუფში.

- ათი ლუილორი? - იკითხა მადლენმა.

თავდაღუნული იდგა ხალხი.

- დევვით ღონიერი უნდა იყოს კაცი, - წაილულულა ერთმა გლეხმა, - და ვინ იცის, იქნებ თვითონაც შიგ ჩარჩეს.

- აბა, მამ ოცი ლუილორი იყოს! - შესძახა მადლენმა, - ვის უნდა ოცი ლუილორი?

ისევ დუმილი.

- ნდომით კი უნდათ, მაგრამ ვერ შეძლებენ! - გაისმა ბოლოს ვილაცის ხმა.

უკან მიიხედა მადლენმა და ჟავერი დაინახა; წელან ვერ შეამჩნია. ჟავერი განავრძობდა:

- აქ ძალ-ღონე გახლავთ საჭირო. საშიში ღონის პატრონი უნდა იყოს კაცი, ეგ რომ გაბედოს.

მერე კიდევ დააქცერდა მადლენს და განსაკუთრებული ხაზგასმით წარმოთქვა კიდევ რამდენიმე სიტყვა:

- ბატონო მადლენ, ერთი კაცის მეტი ჩემს დღეში არავინ მინახავს ამ ძალის პატრონი.

მადლენი შეკრთა.

ჟავერმა ასე დააბოლოვა თავისი სიტყვა, ვითომ უკვე უმნიშვნელო, მაგრამ თვალი თვალში გაუყარა მადლენს.

- ერთი კატორღელი გახლავთ.

- ჰოო? - თქვა მადლენმა.

- ტულონში.

ფერი ეცვალა მადლენს.

ურემი კი ნელ-ნელა ძირს ეფლობოდა. ფოშლევიანი ძლივსღა იღებდა ხმას.

- დავიხრჩე, გულის ფიცარი ჩამამტვრია! მიშველეთ!

ხალხს გადახედა მადლენმა:

- მამ, არავინ არის, რომ გაჭირვებულსაც უშველოს და ოცი ლუიდორიც მიიღოს?

არავინ იყო გამბედავი. ჟავერი კი თავისას არ იშლიდა:

- ერთი კაცი მინახავს მარტო, რომელსაც ჯალამბარი არ დასჭირდებოდა.

- ვკვდები! მიშველეთ! - გმინავდა ფოშლევიანი.

ხალხს გადახედა მადლენმა, იგრძნო, როგორ დასცქეროდა მას ქორის თვალით ჟავერი და სავდიანად გაიღიმა. მერე ხმის ამოუღებლად დაეცა მუხლებზე და ურმის ქვეშ შეძვრა. ისეთი მოულოდნელი იყო ეს, რომ ყვირილიც კი ვერ მოასწრო ხალხმა. საზარელი ნამი იყო ლოდინისა და დუმისა.

პირქვე ინვა მადლენი და ორჯერ სცადა ხელების მუხლებისკენ წაღება. ყვირილი დაუნყეს:

- გამოდით, ძია მადლენ!

თვით ბებერმა ფოშლევიანმა დაიძახა:

- გადით, ბატონო მადლენ! ალბათ აქ უნდა მოგკვდე... ეს ყოფილა ჩემი ბედისწერა... თავი დამანებეთ... გინდათ თქვენც ჩემსავით... გაიჭყლიტოთ?

მადლენი ხმას არ იღებდა.

ხმაგაკმედილი იდგა ხალხი. ბორბლები ძირს იფლობოდა და თითქმის შეუძლებელი გახდა მისი გამოსვლა.

უცბად შეინძრა ურემი, ნელ-ნელა ინევდა ტვირთი. თვლები გამოდიოდა ტალახიდან და გაისმა მადლენის ხვნეშით წარმოთქმული ხმა:

- აბა, ჩქარა! გვიშველეთ!

მიცვივდა ხალხი. ერთის თავგანწირვამ ძალა და გამბედაობა აღუძრა ყველას. დაეხვივნენ, ასნიეს. ბებერი ფოშლევიანი სიკვდილს გადაარჩა.

ადგა მადლენი. მკვდრის ფერი ეღო, თუმცა წურწურით სდიოდა ოფლი. ტანსაცმელი დახეოდა, ნუშვში გასვროდა. ყველა ტიროდა. ფოშლევიანი მუხლებს უკოცნიდა და მაცხოვარს უწოდებდა.

ნეტარნამებულის ზეციური ტანჯვის სხივი ადგა მადლენს და ახლა ის შესცქეროდა ჟავერს, რომელიც აქაც კი თვალს არ აშორებდა მიზანში ამოღებულ მადლენს.

თავი მეშვიდე

ფოშლევიანი მებაღე ხდება პარიზში

მუხლი ელძო ფოშლეევანს. მადლენის ბრძანებით მაშინვე ქარხანასთან მუშებისთვის მოწყობილ საავადმყოფოში დაანვინეს. საავადმყოფოს ორი მონკალების და ჰყავდა. მეორე დღეს რომ გაიღვიძა ფოშლეევანმა, პატარა მაგიდაზე ერთი ათასფრანკიანი და მადლენის წერილი იპოვა: - მე ვყიდულობ თქვენს ურემს და ცხენს. - ურემი დამტვრეული იყო და ცხენი - მკვდარი. ფოშლეევანი მორჩა, მაგრამ ფეხი მუხლში მოკაკული დარჩა. ისევ მადლენმა უშველა და მღვდლისა და მონკალების დახმარებით ქალების ერთ მონასტერში მიაღებინა მებაღედ ჰარიზში, წმინდა ანტონის უბანში.

გამოხდა ხანი და ბატონი მადლენი მერად დანიშნეს. პირველად რომ ნახა უავერმა მერის ფორმით მოსილი მადლენი, რომელსაც ამიერიდან სრული უფლება ჰქონდა ქალაქის მართვისა, კანკალი აუვარდა, როგორც ძაღლს, რომელსაც თავის ბატონის ტანსაცმლიდან მგლის სუნი ეცემა, და მას შემდეგ ერიდებოდა, რამდენადაც შეეძლო. თუ სამსახურის გამო იძულებული იყო ენახა ბატონი მერი და თავის დაღწევა შეუძლებელი იყო, მიდიოდა და დიდი ზრდილობითა და მოწინებით ელაპარაკებოდა.

ფეხზე წამოაყენა მადლენმა მხარე, გაჭირვება მოსპო და იმ თვალსაჩინო ნიშნების გარდა, რომლებიც უკვე მოვიხსენიეთ, ერთი ნიშანიც მოჰყვა მის ღვანლს, იქნებ დაუნახავი ხალხისათვის, მაგრამ მეტად მნიშვნელოვანი და ამასთან სრულიად უტყუარი. როდესაც გაჭირვებულია ხალხი, სამუშაო აკლია და ვაჭრობა დაწყებულია, სახელმწიფო ხარჯის გადამხდელი ყოველ ღონეს ხმარობს თავიდან აიცილოს გადასახადი, შეიმციროს, შეტანის ვადა გადაადებინოს. მთავრობა დიდ ფულს ხარჯავს, რომ ძალა დაატანოს, აიძულოს და დროზე მოაგროვოს თავისი კუთვნილი. პირიქით, როდესაც მუშაკებს საქმე არ აკლია, უმუშევარი არავინ არის, ხალხი მდიდარია და ბედნიერი, გადასახადს ადვილად იხდის ყველა და ბევრი არაფერი ეხარჯება მთავრობას მის მოსაგროვებლად. შეიძლება ვთქვათ, რომ ხალხის გაჭირვებასა და სიმდიდრეს თავისი თერმომეტრი აქვს, უტყუარი - მეტი უკდება თუ ნაკლები მთავრობას ხალხისაგან გადასახადის მოგროვება. მეოთხედს ხარჯავდა იმ დროს ამ საქმეზე მონრეილის ოლქი, მეოთხედს იმისას, რაც წინათ ეხარჯებოდა და ამიტომ იყო, რომ ქებით ასხენებდა ამ ოლქს ბატონი ველელი, მაშინდელი ფინანსთა მინისტრი, როგორც საუკეთესოს და სხვებისთვის სამაგალითოს.

ასეთი იყო ამ მხარის მდგომარეობა, როდესაც ფანტინი მივიდა. აღარავინ იცნობდა, აღარავის ახსოვდა, მაგრამ, მისდა საბედნიეროდ, ბატონ მადლენის ქარხნის კარი ღია იყო. მივიდა, მაშინვე მიიღეს ქალების განყოფილებაში. ხელობა სრულიად ახალი იყო, გაუჭირდა დახელოვნება, ბევრს არაფერს იღებდა თავის შრომაში, მაგრამ ჰყოფნიდა, რასაც იღებდა. საკითხი გადანყვეტილი იყო - თავისი შრომით ცხოვრობდა ქალი.

თავი მერვე

ქალბატონი ვიქტორინი ოცდათხუთმეტ ფრანკს ხარჯავს ზნეობის დასაცავად

მას შემდეგ, რაც ფანტინმა თავისი შრომით დაიწყო ცხოვრება, სიხარული დაეუფლა. პატიოსანი შრომით ცხოვრობდა ყმანვილი ქალი, ღვთის წყალობა იყო სწორედ. ადვილად დაუბრუნდა გემოვნება და შრომის სიყვარული. სარკე იყიდა, სიხარულით შეჰყურებდა თავის სიყმანვილეს, სილამაზეს, თავის მშვენიერ თმას,

მარგალიტივით კბილებს. ბევრი რამ დაივიწყა წარსულისა, კოზმეტისა და მომავალი ბედნიერების გარდა აღარაფერზე ფიქრობდა და თითქმის ბედნიერი იყო. პატარა ოთახი დაიჭირა და ნისიად იშოვა საჭირო მონყობილობა - ნაშთი მისი დაუდევრობისა.

არ შეეძლო ეთქვა, გათხოვილი ვარო, ამიტომ ვერც იმას იტყოდა, შვილი მყავსო, - ეს უკვე ვთქვიო.

თავდაპირველად ყოველთვის დროზე უგზავნიდა ტენარდიეს ფულს. რადგან წერა არ იცოდა, - თავისი სახელის მონერა იცოდა მარტო, - იძულებული იყო მწერლისთვის მიემართა. ის უწერდა ტენარდიესთან გასაგზავნ წერილებს.

ხშირად სწერდა და ამანაც ყურადღება მიიპყრო უსაქმურებისა. ჩურჩულით ეუბნებოდნენ ქალების განყოფილებაში ერთმანეთს, ფანტინი წერილებს წერს და რაღაც უცნაურობა ეტყობათ.

არავინ იქნება ისეთი მკაცრი ჯაშუში ადამიანისა, როგორც ის, ვისაც არც კი იცნობს უბედური, ვისი სახელიც კი არ გაუგონია. - სად მიბრძანდება ყოველთვის ბინდისას ეს ვაჟბატონი?... რატომ ხუთშაბათობით არ ტოვებს ბატონი... გასაღებს?... რად დადის ყოველთვის ვინრო ქუჩებით?... ყოველთვის თავისი სახლიდან მოშორებით რად ჩამოხტება ხოლმე ქალბატონი ეტლიდან?... რატომ ყიდულობს წერილის ქალაქს ქალბატონი, როდესაც სახლშიც კარგი მარაგი აქვს? და სხვ. და სხვ. ბევრია ჩვენში ისეთი ვატაცებული ამ ამოცანების გამოძიებით, რომ ფულსაც ხარჯავს, დროსაც და შრომასაც ამაზე, გაცილებით უფრო მეტს, ვიდრე საქველმოქმედო საქმეზე. უცხოა იმისთვის ის ვაჟბატონიც და ქალბატონიც, რომელიც რაღაცას მალავს, მაგრამ რას მალავს? რატომ მალავს? - აღძრულია ცნობისმოყვარეობა, ცნობისმოყვარეობითვე დატილოვებული, და მეტი არაფერი უნდა, ოღონდ სხვისი საიდუმლო გაიგოს და ქვეყანას მოჰფინოს. ვაი იმისი ბრალი, ვისაც მიზანში ამოიღებს ამისთანა მეძებარი! კვალდაკვალ დასდევს, სადმე ქუჩაში აიტუბება, სადმე ალაყაფის კარებში დღესა და ღამეს გაასწორებს სიცივეში, წვიმაში, ყინვაში, მოისყიდის მის მსახურს ან მხევალს, დაათრობს მეეტლეს, გააბრიყვებს მეკარეს. რისთვის? უბრალო ცნობისმოყვარეობის დასაკმაყოფილებლად - ნახოს, გაიგოს და სალაპარაკო მასალა შეიძინოს; აქავებულ ენას გასაქანი მისცეს და ხშირად ხდება ხოლმე, რაკი გაიგებს სხვის საიდუმლოს და სალაპარაკოდ გახდის, მზის შუქზე გაიტანს ბნელით დაფარულს, უბედურებასაც ბევრს იწვევს - ღუელს, გაკოტრებას, ოჯახის დაშლას, სიცოცხლის გამწარებას. მერე იმას რა? ის ალტაცებულია თავისი მოხერხებით, თავისი აღმოჩენით, უანგარო სიყვარულით, უტყუარი ალღოს გამარჯვებით. სამწუხარო მოვლენაა.

ზოგი ადამიანი მარტო იმიტომ არის ავი, რომ გაჩუმება არ შეუძლია. დარბაზში ბრძანდება ხოლმე და იქ ბაასობს თუ ტოლ-ამხანაგებში ლაზღანდარობს, ისეა ყველგან, როგორც ბუხარი, რომელიც ბევრ შემას წვავს. იმ ყბედსაც უნდა ბევრი საწვავი მასალა და ეს მასალა მისი მოყვასია.

ჰოდა, ფანტინი ამოიღეს მიზანში.

ამასთან ერთად შურიანიც ბევრი აღმოჩნდა; შურდათ იმის მშვენიერი თმა, შურდათ ლამაზი კბილები.

შეამჩნიეს, რომ სახელოვნოში, იმდენ ქალებში მუშაობის დროს, უცბად მოერეოდა ხოლმე ცრემლი და მიბრუნდებოდა, რომ ჩუმად მოეწმინდა. მაშინ ემართებოდა ასე

საწყალს, როდესაც თავისი გოგონა მოაგონდებოდა, ან იქნებ ის კაცი, რომელიც უყვარდა.

გულსაკლავია უბედურებით გამწარებული წარსულის დავიწყება. გაიგეს, რომ თვეში ორჯერ მაინც წერილს გზავნიდა სულ ერთი და იმავე მისამართით, ფოსტის ფულის გადახდით. მისამართსაც მიაგნეს: „ბატონ ტენარდიეს, მონფერმეილელ მედუქნეს“. მერე დექანში ალაპარაკეს მწერალი, გულუბრყვილო მოხუცი კაცი იყო, რომელიც ისე ვერ გაიგებდა სტომაქს წითელი ღვინით, თუ არ დაცლიდა საიდუმლოების პარკს. გაიგეს, რომ ფანტინს შვილი ჰყავდა. - ის უნამუსო, ისა! - ერთი ჭორიკანა აღმოჩნდა, რომელიც მაშინვე მონფერმეილში წავიდა, ნახა ტენარდიე, ელაპარაკა და, რომ დაბრუნდა, თქვა: მართალია, ოკდათხუთმეტი ფრანკი დაეხარჯე, მაგრამ გული ხომ დავიმშვიდე! ვნახე ნაბიჭვარი!

ამ საქმის ჩამდენი ერთი ჭორიკანა იყო, ქალბატონი ვიქტურნიენი, დარაჯი და მფარველი მთელი ქვეყნის სათნოებისა. ორმოცდათვრამეტი წლის დედაკაცი იყო. ახალგაზრდობის სიგონჯის ნიღაბი სიბერის ნიღაბს გაეორკვეცებინა. ხმა ციკნისა ჰქონდა, ჭკუა თხისა. ეს ბებერი დედაკაცი ოდესღაც ყმანვილი ქალი უნდა ყოფილიყო, აი საკვირველება! თავის ყმანვილქალობაში, ოთხმოცდაცამეტ წელს, ერთ წითელქედა ბებერს გაჰყოლოდა ცოლად, მონასტრიდან გამოქცეულს, ბენარდელეებისაგან იაკობინელებისკენ გადასულს. გამხდარი დედაკაცი იყო, ბოროტი, მწარე, ეკლიანი, თითქმის შხამიანი. მაინც იგონებდა თავის მიცვალებულ ბერს, რომელმაც კარგად მოზნიქა და დაიმორჩილა. ჭინჭარს ჰგავდა დაჭმუჭნილ ანაფორაში გამოხვეული. მეფის აღდგენისთანავე ფარისევლობა დაიწყო მუშაობაში, და იმდენად თვალსაჩინოდ, რომ მღვდლებმა თავისი ცოდვებიც კი აპატიეს. პატარა მამული ჰქონდა, რომლის შესახებ ხმამალა გაიძახოდა, სარწმუნოებრივ საზოგადოებას ვუანდერძებო. ძალიან კარგად იყო მიღებული ეპისკოპოსის სასახლეში. ეს ქალბატონი ვიქტურნიენი ბრძანდებოდა მონფერმეილში და, რომ დაბრუნდა, გამოაცხადა:

- ვნახე ნაბიჭვარი.

კაი ხანი მოუნდა ამას. უკვე წელიწადი იყო ფანტინი ქარხანაში, როდესაც ერთ დილას სახელოსნოს გამგემ ორმოცდაათი ფრანკი მისცა ბატონი მერისაგან და გამოუცხადა მისი ბრძანება - ქარხანაში საჭირო არა ხარ და ქალაქიდან უნდა წახვიდეო.

სწორედ იმ დროს მიიღო ეს ბრძანება, როდესაც ტენარდიემ ექვსი ფრანკის მაგივრად თორმეტი სთხოვა და მერე თორმეტის მაგივრად თხუთმეტი.

თავზარი დაეცა ფანტინს. სად წავიდოდა უბედური, როცა თავისი ოთახის მონყობილობის ვალი ჯერაც გადასახდელი ჰქონდა? ორმოცდაათი ფრანკი ამ ვალსაც არ ეყოფოდა. ტირილი დაიწყო, ლულულვით ევედრებოდა. პასუხად ბრძანება მიიღო - ეხლავე გადი სახელოსნოდანო. უფრო სირცხვილით, ვიდრე ამ უბედურებით განადგურებული, თავდალუნული მივიდა შინ. ქვეყანამ იცოდა მისი წარსული.

ისე იყო სასონარკვეთილი, რომ ხმის ამოღებას ვეღარ ახერხებდა. ურჩიეს, მერი ნახეო, მაგრამ ვერ გაბედა: ბატონმა მერმა ორმოცდაათი ფრანკი აჩუქა, რადგან კეთილი კაცია და ქარხნიდან დაითხოვა, რადგან მართლმსაჯულია. ამას დამორჩილდა.

თავი მეცხრე ქალბატონ ვიქტორინის გამარჯვება

მამ ბერის ქვრივიც კი გამოსადეგი ყოფილა ხანდახან.

ბატონმა მადლენმა ამ ამბისა სრულიად არაფერი იცოდა. ჩვენი ცხოვრება სავსეა ამგვარ გარემოებათა ხლართით. მადლენი ძალიან იშვიათად შედიოდა ქალების განყოფილებაში. ამ განყოფილებას ერთი ხნიერი ქალი განაგებდა, მღვდლის რჩევით მიღებული და სრული ნდობა ჰქონდა მისი. დიდად პატივსაცემი ქალი იყო, საქმის მოყვარული, პატიოსანი, სულგრძელი, მოუსყიდველი, უხვი ქველმოქმედი, მაგრამ, სამწუხაროდ, შეგნება და მიტევება არ იცოდა. ბატონ მადლენს იმისთვის მიენდო ყველაფერი. შეიძლება უმნიშვნელო იყოს ადამიანი და იძულებული გახდეს სხვა ვინმეს მიანდოს თავისი მოვალეობა. სრულუფლებიანი იყო ქალების განყოფილებაში გამგე-დანმუნებული იყო, რომ წმინდად ასრულებდა თავის მოვალეობას და ამიტომ დაეხმარა საქმის გამოძიებას, განსაჯა, დაადგინა და სისრულეში მოიყვანა კიდევ თავისი მსჯავრი.

ორმოცდაათი ფრანკი იმ ფულიდან მისცა, რომელსაც ბატონი მადლენი აძლევდა გაჭირვებული მუშების დასახმარებლად და მოწყალების გასაცემად. ამ ფულის ანგარიშს არავინ სთხოვდა.

ბევრი იარა ფანტინმა. მოახლედ, მსახურადაც კი არავინ აიყვანა. კარდაკარ დადიოდა, მაგრამ იმისი არავის არაფერი უნდოდა. ქალაქიდან ვერ გავიდოდა, თავისი ოთახის მოწყობილობისათვის - რა საძაგელი იყო ყველაფერი - ფულსა სთხოვდა ვაჭარი და ემუქრებოდა, თუ წახვედი სადმე, დავაპატიმრებინებ შენს თავს, როგორც ქურდსაო. სახლის პატრონმა, რომლის ქირა ემართა, პირდაპირ უთხრა: ყმანვილი ქალი ხართ, მშვენიერი, მაშასადამე, ძალიან კარგად გადამიხდით ვალსო. ორმოცდაათი ფრანკიდან ზოგი სახლის პატრონს მისცა, ზოგი - თავის ვალში, ავეჯის სამი მეოთხედი დაუბრუნა ვაჭარს, მხოლოდ აუცილებელი დაიტოვა და დარჩა უმუშევარი, ღვთის ანაბარა, ას ფრანკამდე ვალით.

გარნიზონის ჯარისკაცების პერანგების კერვა დაიწყო და დღეში თორმეტ სუს იღებდა. აქედან ათი სუ თავისი გოგონას შესანახად უნდა გაეგზავნა.

მეზობლად ერთი ბებერი დედაკაცი ჰყავდა, რომელიც სანთელს უნთებდა, როდესაც ღამე მოვიდოდა შინ. იმან ასწავლა ხელოვნება გაჭირვებული ცხოვრებისა. მცირედით ცხოვრებას მოსდევს არაფრით ცხოვრება, ეს გახლავთ ორი ოთახი: პირველი ბნელია, მეორე შავი.

ფანტინმაც ისწავლა, როგორ ცხოვრობს ადამიანი სრულიად უცეცხლოდ ზამთარში; როგორ იზორებს თავიდან საყვარელ ჩიტუნისა, რომელიც ერთ სათითვე ფეტვსა ჭამს ორ დღეში; როგორ იქცევა კაბა საბნად, საბანი კიდევ - კაბად; როგორ უფრთხილდება სანთელს და ღამე მეზობლის ფანჯრიდან გამოშავალ სინათლეზე მიერთმევს ვახშამს; ვინ იყის, როგორ გამოიყენებს ერთ სუს უბედური, რომელიც სიღარიბეში და პატიოსნებაში დაბერებულია. ცოდნა უნდა ამას და ეს ცოდნა ნელ-ნელა ნიჭი ხდება. ფანტინმა შეიძინა ეს ნიჭი და ცოტა ამოისუნთქა.

მამინ იყო, რომ შესწავლა თავის მეზობელს.

- ხუთი საათი რომ ძილს მოვანდომო და დანარჩენი ჩემს საკერავს, მგონი, მშიერი არ მოგვკვდება. გარდა ამისა, ასე დაღონებული რომ არის ადამიანი, აღარც ჭამა ავონდება და აღარც სმა. ჰოდა, ტანჯვა-წვალება და ცოტა პური ერთ მხარეს იყოს, დარდი და სევდა - მეორე მხარეს, ორივე ერთად საკმარისი იქნება ჩემ გამოსაკვებად.

ამ გაჭირვებაში რომ თავისთან ჰყოლოდა თავისი ბავშვი, დიდი ნუგეში იქნებოდა. ოცნებობდა კიდევაც - სუბოხა მოვიყვანო. მაგრამ როგორ, ისიც მშიერი მოეკლა? და გარდა ამისა, ფულიც ემართა ტენარდიესი. ჯერ უნდა გასწორებოდა. ახლა გზის ხარჯი? სად იყო ფული?

ის მეზობელი, უქონელთა ცხოვრების გაკვეთილებს რომ აძლევდა ფანტინს, ერთი მოხუცებული ქალი იყო, წმინდა, ღვთისმოსავი ღარიბ-ღატაკი და, ამავე დროს, ლმობიერი ღარიბებისა და მდიდრების მიმართაც.

სახელად მარგარიტი ერქვა. წერა-კითხვა არ იცოდა, თავისი სახელის დანერა იცოდა მხოლოდ და ისიც შეცდომით.

მრავალი სათნოებაა იქ, ქვევით. ერთხელაც იქნება იგი ზევით მოექცევა. ამქვეყნიურ ცხოვრებასაც აქვს ხვალისდელი დღე.

ისე რცხვენოდა ფანტინს, რომ ქუჩაში გასვლას ვეღარ ბედავდა.

მაგრამ გაჭირვება? გავიძლოდა და გრძნობდა, რომ იმას უყურებდნენ, ერთმანეთს უთითებდნენ - აგერ, მობრძანდებო, - და მართლაც, ყველა იმას უყურებდა და სალამს არავინ აძლევდა. შიგ გულში ხვდებოდა გამვლელების ცივი, სასტიკი ზიზღი და მსუსხავი ქარივით უვლიდა მთელ ტანში.

ასეთია პატარა ქალაქი. უბედური იქ თითქოს შიშველი იყოს, რომელსაც მასხარად იკვდებს ყველა და ცნობისმოყვარეობით ათვალიერებს. პარიზში იმით არის კარგი ცხოვრება, რომ არავინ გიცნობთ და ეს უცნობობა გიხდებათ სამოსად. ოპ, როგორ ენატრებოდა პარიზში გადასვლა, მაგრამ ესეც შეუძლებელი იყო.

რას იზამდა? უნდა შეჩვეოდა ამ შეურაცხყოფას, როგორც მიეჩვია ამ სიღარიბეს. ძნელი იყო, მაგრამ თანდათან ამასაც შეურიგდა. ორი-სამი თვის შემდეგ თავისუფლად დაიწყო სიარული - მიყურონ, რა ვქნა? სულერთია ჩემთვისო, - ამბობდა. თავი მალლა ეჭირა. პირს მწარე ღიმილი არ შორდებოდა და გრძნობდა, რომ ურცხვი ხდებოდა.

ხანდახან თავის ფანჯრიდან დაინახავდა ხოლმე ქუჩაში მიმავალ ფანტინს ქალბატონი ვიქტურნიენი, ხედავდა „ამ უნამუსოს“ უკიდურეს გაჭირვებას, მისი წყალობით გაუბედურებულს და თავი მოსწონდა ამ გამარჯვებით. ავ კაცსაც აქვს ბედნიერება, ოღონდ შავი.

დღესა და ღამეს ასწორებდა ფანტინი ხელსაქმეში, იღლებოდა და უფრო და უფრო ემატებოდა მშრალი ხველა. ხშირად ეტყოდა ხოლმე თავის მეზობელს:

- ნახეთ, რა ცხელი ხელები მაქვს.

თუმცა დილით კი, როდესაც გატეხილი სავარცხლით ივარცხნიდა თავის მშვენიერ აბრეშუმით თმას, წუთით იგრძნობდა ხოლმე ბედნიერი სიკეკლეუცის დაბრუნებას.

თავი მეთე

შედეგი გამარჯვებისა

ზამთარი გადიოდა. ქარხნიდან რომ გამოაგდეს, ზაფხული გავიდა, მაგრამ ზამთარიც დაბრუნდა: დღემ იკლო, იკლო საკერავმაც. არც სითბო, არც სინათლე, არც შუადღის სითბო, ნისლი, ბინდი, მკრთალი ფანჯარა, აღარაფერი ჩანს გარეთ. ცა თავზე განწევს, გიბნელებს ოთახს, თითქოს სარდაფში იმყოფებოდე. მზეც კი ის აღარ არის, მათხოვარს დამსგავსებია. საშინელებაა ზამთარი. ერთნაირად ყინავს ცის ნამს და ადამიანის გულს... მოსვენებას აღარ აძლევენ ფანტინს - ვალს გადახდა უნდაო.

რას იღებდა, რომ გადაეხადა? პირიქით, იზრდებოდა მისი ვალი. ტენარდიესაც ვეღარ უგზავნიდა დაპირებულს და დღე არ გავიდიოდა, რომ წერილი არ მოსვლოდა, რომელიც გულს უწყალებდა და ჯიბეს უფხეკდა, რადგან ფოსტის ფულს ის იხდიდა. ერთხელ წერილი მიიღო - შენი კოზეტი შიშველია ამ ცივ ზამთარში, თბილი ტანსაცმელი სჭარდება და ერთი ათი ფრანკი მაინც გამოუგზავნე, რომ ვუყიდოთ რამეო. მიიღო, წაიკითხა, ხელში ეჭირა და ჭმუჭნიდა მთელ დღეს წერილს. საღამოს ერთ დალაქთან მივიდა, გაიშალა და ძირს დაუშვა ნანწავი... მუხლამდე ჰფარავდა უბედურს თმა.

- საგანგებო თმა გქონიათ, - შეაქო დალაქმა.
- რას მომცემთ ამ თმაში?
- ათ ფრანკს.
- აბა, მომჭერთ.

თბილი ტანსაცმელი იყიდა და ტენარდიეს გაუგზავნა.

მაგრამ ცოფი მოერიათ ტენარდიებს, იმათ ფული უნდოდათ... ტანსაცმელი თავის ეპონინს ჩააცვავს. სანყალი ტოროლა ისევ შიშველი დარჩა.

ცოტათი მაინც დამშვიდდა ფანტინი, ჩემს გოგონას აღარა სცივაო, ფიქრობდა, ჩემი თმით შევმოსე ის კუდრაჭაო. პატარა ქედს იხურავდა გაკრეჭილი თმის დასამალად და ისევ ლამაზი იყო.

საზარელი ნაღველი ერეოდა იმის გულს. თმის დავარცხნის სიხარული რომ დაკარგა, სულყველაფერი შეეზიზღა, რასაც ხედავდა. როგორც ყველა, ისიც თავყანისმცემელი იყო ბატონი მაღლენისა, მაგრამ გონებიდან ვერ განეშორებინა, რომ ის იყო მიზეზი მისი უბედურებისა, რომ იმან დაითხოვა სამსახურიდან, იმას ამტყუნებდა, გამტყუნებს სიძულვილი მოჰყვა და ისიც შეიძულა, ყველაზე მეტად ის. ქარხანასთან გაივლიდა ხოლმე იმ დროს, როდესაც მუშები გარეთ იყვნენ, განგებ სიცილს დაიწყებდა და ნაძალადევი სიმღერას.

ერთმა ბებერმა დედაკაცმა, ქარხნის მუშამ, თვალი მოჰკრა ასე მიმავალს და თქვა:

- ავი დღე მოელის ამ უბედურს.

საყვარელი გაიჩინა, ვილაც უცნობი, რომელიც არ უყვარდა, ისიც თავისი მტრის ჯობით. ერთი საძაგელი მოხეტიალე მანანწალა, ზარმაცი და უქნარა, რომელიც სცემდა. ისიც მალე წაუვიდა.

გაგიუებით უყვარდა თავისი ბავშვი. აღმერთებდა მას.

და რაც უფრო ძირს ეშვებოდა, მით უფრო ბნელდებოდა მის ირგვლივ ყველაფერი, მით უფრო მეტად ბრწყინავდა მისი სულის სიღრმეში ეს პატარა ანგელოზი. ერთადერთი დარჩენილი სასუკეშო - როცა გავმდიდრდები, ჩემთან მეყოლება ჩემი კოზეტიო, - და იცინოდა. ჯერაც ისევ ახველებდა და ზურგზე ოფლი სდიოდა.

ერთხელ შემდეგი წერილი მიიღო ტენარდიესგან: „კომეტი ავად არის, პარტახტიანი სახალი შეეყარა, აქ რომ მძვინვარებს. ძვირფასი წამლები გვჭირდება, ვილუპებით, ველარ ავედივართ წამლების ყიდვას. თუ ამ ერთი კვირის განმავლობაში ორმოცი ფრანკი არ მოგვაშველეთ, კომეტი სიკვდილს ვერ გადარჩება“.

ხარხარი დაიწყო საწყალმა, მერე თავის ბებერ მეზობელს მიუბრუნდა:

- რა ადვილად სჯიან ის სულელები! ორმოც ფრანკსა მთხოვენ, ორ ნაპოლეონოდორს, ორ ოქროს! ნეტავ რა ჰგონიათ? მე ფულს ვჭრი თუ რა არის?

მერე სირბილით ჩაიარა კიბე, სიცილით, სიმღერით, და ქუჩაში გავარდა.

ვიდაც შეხვდა ქუჩაში და ჰკითხა:

- რა იყო ქალო, რა მოგივიდა, რომ ეგრე მხიარულად ხარ?

- როგორ სისულელესა მწერენ ჩვენი სოფლიდან. ორმოც ფრანკსა მთხოვენ, ოპ, ეს გლეხები!

ხალხი დაინახა მოედანზე მოგროვილი. ერთი უცნაური ეტლი იდგა. ზედ წითელსამოსიანი კაცი ამძვრალიყო და იქიდან აქებდა თავის სავაჭროს. ოინბაში კბილის ექიმი იყო, ქვეყნად მავალი და ქებით და ლაზღანდარობით ცდილობდა გაეყიდა კბილები, კბილის საწმენდი ფხვნილი და სხვა წამლები.

ფანტინიც ჩაერია ხალხში, სხვებთან ერთად ისიც იყინოდა, რადგან ძალიან კარგად ხუმრობდა ოინბაში, ხალხისთვის - მდაბიურად და წარჩინებულთათვის - კეთილშობილურად. იმანაც დაინახა ლამაზი ფანტინი და შეჰყვირა:

- რა მშვენიერი კბილები აქვს ამ ქალს, მანდ რომ იყინის! მოდი, ქალბატონო, მე დამითმეთ ორი წინა კბილი და ორ ნაპოლეონოდორს მოგართმევთ ფასად.

- საშინელებაა! - შეჰყვირა ფანტინმა.

- ორი ოქრო, - ბუზღუნებდა ერთი უკბილო ბებერი დედაკაცი, - ბედნიერია, ვიდაც არის!

მოკურცხლა ფანტინმა. ყურებზე ხელი მიიფარა, რომ არ გაეგონა ამ კაცის ძახილი, რომელიც უყვიროდა:

- მომისმინეთ, კობტა ქალო! ორი ნაპოლეონოდორი! ცოტა კი არ გეგონოთ. თუ ჭკუაში დაგიჯდეთ, ამ საღომოს მნახეთ „ვერცხლის გემბანის“ ღუქანში. საღამოს მნახეთ.

შინ მივიდა ფანტინი. გააფთრებული იყო. თავის მეზობელს უამბო ეს ამბავი:

- გავიგონიათ რამე ამგვარი? ის საზიზღარი, ისა! რატომ არ აუკრძალავენ ამისთანა თავხედებს ასე სიარულს? ორი წინა კბილი ამომავლიჯოს, დამაუშნოვოს, დამასახიჩროს! თმა ხომ არ არის, რომ ხელახლა ამოვიდე! ის ურცხვი, ისა! ის მირჩვენია, თავდაყირა დავეშვა მეხუთე სართულიდან! ჰაემანიც რომ დამინიშნა! ამ საღამოს „ვერცხლის გემბანის“ ღუქანში მოდიო.

- და რას გაძლევთ, ის კი არა თქვა?

- ორ ნაპოლეონოდორსაო.

- ორმოც ფრანკსაო, ასე გამოდის.

- დიახ, ორმოც ფრანკსაო.

ჩაფიქრდა, საკერავს მიუჭდა. ცოტა ხანში საკერავი იქით გადადო, ტენარდიეს წერილი აიღო, მარგარიტს მიმართა, რომელიც ისევ კერავდა:

- ხომ არ იცით, რა არის პარტახტიანი სახალი?

- ძნელი ავადმყოფობაა.

- ბევრი წამალი დასჭირდება?
- ძალიან ბევრი.
- რით იწყება ეს სახადი?
- სიციხით, როგორც სხვა ყველა.
- მამ ბავშვებსაც ეყრება?
- მეტადრე ბავშვებს.
- მერე? კვდება ავადმყოფი, თუ შეიძლება გადარჩეს?
- უფრო კვდებიან.

ფანტინი კიბეზე გავიდა, რომ იქ სინათლეზე ერთხელ კიდევ წაეკითხა ტენარდიეს წერილი.

სალამოს ისევ ქუჩაში გავიდა და პარიზის ქუჩისაკენ მიმავალი ნახეს, სადაც სამიკიტნობია.

მეორე დილას, გათენებისას, როდესაც მეზობელი შევიდა ფანტინთან, რადგან ერთად კერავდნენ, რომ სანთელი ნაკლები დასწვოდათ, მთლად გაშტერებული დარჩა: ფანტინი თავის ლოგინში იჯდა, ფერმიხდილი, გაყინული. ეტყობოდა, არ სძინებოდა იმ ღამეს. ქუდი კალთაში ჩავარდნოდა. სანთელი არ გაექრო და თითქმის ჩამწვარიყო.

- ოჰ, ღმერთო! რა მოხდა, ქალო, რა მოგივიდა, რომ ასე დაგწვია სანთელი?

მერე თავაკურეჭილ ფანტინს გადახედა.

ათი წლით დაბერებულიყო ამ ერთ ღამეში.

- ღმერთო ძლიერო! რა მოგივიდა, ფანტინ?

- არაფერი, - უპასუხა ფანტინმა. - პირიქით, ძალიან კმაყოფილიყა ვარ. გადარჩება ამ სამიწელ სახადს ჩემი გოგონა. ვუშოვე წამლის ფული და ორი ოქრო დაანახვა იქვე მაგიდაზე.

- გმადლობ შენ, ღმერთო, გამდიდრებულხარ, ქალო, მერე სად იშოვე?

- ვიშოვე, - უპასუხა ფანტინმა და გაიცინა. სანთელი ჯერ ისევ ენთო და ანათებდა მის სახეს. იყინოდა, მაგრამ მწარე იყო ეს სიცილი, ჩასისხლიანებული. პირიდან სისხლიანი წერწყვი სდიოდა და კბილების ადგილზე შავი ნახვრეტი უჩანდა პირში.

წუხელ გაეყიდა ორი წინა კბილი.

იმ დღესვე გაუგზავნა ორმოცი ფრანკი ტენარდიეს.

აქაც გაიმარჯვა ტენარდიეს ვერაგობამ. ფული უნდოდა, ფული იშოვა, თორემ კოზეტი ავად არ ყოფილა.

ფანტინიდან გადაისროლა ფანტინმა თავისი სარკე. უკვე დიდი ხანი იყო, რაც მეორე სართულიდან სხვენზე ასულიყო, პატარა კუთხე ჰქონდა ბანქევმ. ჭერად ბანი ჰქონდა იატაკისკენ დაქანებული და დიდი სიფრთხილე იყო საჭირო, რომ წამდაუნუმ თავი არ მიერთყა ჭერისთვის. ისიც კი არ შეუძლია ღარიბ კაცს, რომ თავისი ბინის ან თავისი ბედის ბოლომდე ისე მივიდეს, რომ სულ უფრო და უფრო არ დახაროს თავი. ლოგინისა სახელილა დარჩენილიყო. ძირს ლეიბი ეგო, სახნის მაგივრად - ძონძი; ერთი დარღვეული ჩალის სკამი ედგა, კუთხეში პატარა ვარდი იდგა დავინწყებული და გამხმარი; მეორე კუთხეში თუნუქა წყლისათვის, რომელშიაც წყალი ზამთარში იყინებოდა. სირცხვილი დაეკარგა და ახლა კეკლუცობას კარგავდა. ცუდი ნიშანია, ჭუჭყიანი თავსახვევით გადიოდა ქუჩაში; მოუცლელობით თუ უყურადღებობით აღარ იკვრებდა საცვლებს. ყელიანი წინდები რომ გამოეხეოდა ქუსლებზე, ფეხსაცმელი

ჩაიტენიდა. ძველ დახეულ კორსეტს უბრალო მიტკლის ნაჭრებით იკერებდა და ჩაცმა და გახევა ერთი იყო. ვალს ვერ იხდიდა. მევალებები ეჩხუბებოდნენ და ლანძღავდნენ - ჩქარა ჩვენი ფულიო! - მოსვენება აღარ ჰქონდა. გზაში ისინი ხვდებოდნენ, კიბეზე ისინი იყვნენ ატუმული, ძილი აღარ ეკარებოდა. ინვა და ტიროდა. თან ფიქრობდა. სიცხე აღარ უნელდებოდა, რაღაც ტკვილსა გრძნობდა მარცხენა ბეჭის ქვემოთ. ძალიან ახველებდა. ყველაფერს მადლენს აბრალებდა და ჭირვით სძულდა. ჩვილით კი არას ჩიოდა. დღეში ჩვიდმეტი საათი საკერავს უჭდა, მაგრამ ერთმა მოხერხებულმა კაცმა საკერავი პატიმარ ქალებს დაურეგა, ფასის დაკლებით, რა თქმა უნდა; ფანტინსაც იმდენივე მისცა, რასაც დამწყვედეულებს აძლევდა - ცხრა სუ დღეში. ჩვიდმეტი საათის მუშაობა და 9 სუ დღეში! ახლა უფრო დაჟინებით და მუქარით მოითხოვდნენ ვალების გადახდას. ავეჯი თითქმის მთლად უკანვე წაიღო ვაჭარმა და მაინც თავისას არ იშლიდა: - როდის გამისწორდები, შე კახპაო? - დევნილი იყო ყველასგან, საშინელი მხეცივით დევნილი და გრძნობდა, რომ მის გულშიც იზრდებოდა საშინელი მხეცის მისწრაფებანი. სწორედ ამ დროს მიიღო ტენარდიეს წერილი: „შენი ბედი, რომ ასეთი გულკეთილი ვარ და ამდენს გითმენ. ასი ფრანკია საჭირო საჩქაროდ. თუ არ გამომიგზავნი, პანლურს ვკრავ შენს კომეტს, თუმცა ჯერ ლოგინში წევს იმ საშინელი ავადმყოფობის გამო და მერე შენ იცი და შენმა შვილმა. ცოლდა შენ ვედოს, თუ გაიყინა სადმე ამ სიცივეში“.

- ასი ფრანკი? - კვნესოდა ფანტინი, - ნეტა თუ არის ქვეყანა, სადაც ას სუს იშოვის ადამიანი დღეში. რა გაეწყობა, უნდა გავყილო ის, რაც დამრჩენია.

და უბედური ქუჩის მეძავი ქალი გახდა.

თავი მეთერთმეტე CHRISTUS NOS LIBERAVIT

რა არის ეს ისტორია ფანტინისა? ეს გახლავთ ის, რომ საზოგადოება ყიდულობს ქალს, როგორც მონას.

ვისგან ყიდულობს? სიღარიბისგან.

შიშხილისგან, სიცივისგან, მარტობისგან, უპატრონობისგან, გაჭირვებისგან. საველად ვაჭრობაა. სულს ჰყიდის კაცი ლუკმა პურისთვის. სიღარიბე აწვდის, საზოგადოება ყიდულობს.

წმინდა მცნება იესო ქრისტესი განაგებს ჩვენს ცივილიზაციას, მაგრამ ჯერ არ გაუღწეოდა მისით ადამიანი. ამბობენ, ევროპის ცივილიზაციამო მონობა აღარსად არისო. დიდი შეცდომაა. მონობა არსებობს, მაგრამ იგი მთელი სიმძიმით მხოლოდ ქალს დასწოლია, სახელად მას პროსტიტუცია ჰქვია.

ქალია დამონებული, ესე იგი სილამაზე, სიკვლეუცე, სისუსტე, დედობა; თუ მამაკაცს არცხვენს რამე, ეს არის უმთავრესად პროსტიტუციის არსებობა.

აქამდე რომ მიაღწია ფანტინმა, აღარაფერი შერჩენოდა იმისი, რაც წინათ იყო. ტალახში რომ ჩანვა, მარმარილოდ იქცა. გაყინული იყო სულით და ხორციით. აგერ ეძებს, ვიღაცას გაჰყვა, დანებდა და არც კი იცის, ვის დანებდა ასე ადვილად, სახელგატეხილია და უკვე მკვდარი. ჩვენმა ცხოვრებამ და საზოგადოებრივმა წესწყობილებამ ანდერძი აუგო ცოცხალ ადამიანს. უკვე გადახდა, რაც უნდა გადახდეს. ყველაფერი იგრძნო, აიტანა, სცადა, გამოიტირა, გამოიგლოვა და დაკარგა,

დამორჩილდა იმ მორჩილებით, რომელიც გულგრილობასა ჰგავს, როგორც სიკვდილი - ძილს. ახლა აღარაფერს ერიდება, აღარაფრისა ეშინია. თუნდ ზეცა დაატყდეს თავს, თუნდ ოკეანემ შთანთქას და წალეკოს. იმას რა? ის აღარ არის და თუ არის, ღრუბელიაა, წყლით გაჟღენთილი.

ასე ეგონა განწირულს, მაგრამ ცდებოდა, როცა წარმოედგინა, რომ შესაძლებელია ბედის ბოლომდე ამოწოვა და რისიმე ფსკერის მიღწევა.

რა არის ასე ტანჯვით და წამებით სიცოცხლის გამამწარებელი ბედი? რა უნდა ჩვენგან? საით მივყავართ?

ვინც იცის ამის პასუხი, წყვილიადას ხედავს.

მარტოღმარტოა და ღმერთი ჰქვია.

თავი მეთორმეტე

ბატონი ბამბატაბუსა დროსტარება

როგორც ყველა პატარა ქალაქში, ისე მონრეილშიც იყვნენ, და კარგა ბლომდაც, ყმაწვილი ბიჭები, რომლებიც ისევე სჭამდნენ ათას ხუთას ფრანკს მამის მზამზარეული შემოსავლიდან, როგორც პარიზში - ორას ათასს. თავისი არარაობითა და უსარგებლობით ცვედანის გვარს ეკუთვნიან, დაკულილები, პარაზიტები, უქნარები, რომელთაც ცოტა მამული დარჩენიათ მამა-პაპისაგან, ცოტა სისულელე და უფრო ცოტა ჭკუა, რომლებიც უხეშად გამოჩნდებიან სადმე დარბაზში და დიდებულად მიაჩნიათ თავი სადმე დუქანში; რომლებიც გაიძახიან - ჩემი მამული, ჩემი ტყეები, ჩემი გლეხებიო, - მსახიობ ქალებს უსტვენენ თეატრში იმის საბუთად, რომ ხელოვნებისა იმათაც ესმით რაღაც. ეჩხუბებიან გარნიზონის ოფიცრებს თავისი ვაჟკაცობის დასამტკიცებლად. ნადირობენ, თამბაქოს ეწევიან, ამთქნარებენ, სვამენ. თამბაქოს სუნით არიან გაჟღენთილნი, ბილიარდს თამაშობენ, დილიუნიდან ჩამომავალ მგზავრებს შესცქერიან, კაფეში ცხოვრობენ, პურს დუქანში ჭამენ; ძაღლი ჰყავთ, რომელიც სუფრის ქვეშა ღრღინს ძვლებს, და საყვარელი, რომელიც სუფრასა შლის და ზედ საჭმელს ალაგვს; ერთ სუს დაჰკანკალებენ, გადაჭარბებით ემონებიან მადას, აღტაცებულნი არიან ტრაველით, მასხრად იგდებენ ქალებს, ლონდონსა ჰბაძავენ, პარიზით წარმოდგენილს და პარიზს - პონტამუსონით წარმოდგენილს; ყვეყჩებად ბერდებიან, მუშაობას არ კადრულობენ, გამოსადეგნი არსად არიან და არც დიდი მავნებლობა შეუძლიათ.

ერთი ამგვარი კაცთაგანი იქნებოდა ფელიქს ტოლომიესი, თავის პროვინციაში რომ დარჩენილიყო და პარიზი არ ენახა თავის დღეში.

ცოტა მეტად მდიდრები რომ ყოფილიყვნენ, - სალუქები არიანო, იტყოდა ჩვენი საზოგადოება; ცოტა უფრო ღარიბები რომ ყოფილიყვნენ, - უვარგისები არიანო. არც ერთი და არც მეორე, უქნარები არიან, მორჩა და გათავდა. ეს უქნარები ზოგი მოწყენილია, ზოგი მოსანყენი, ზოგი მეოცნებე და ხშირად გაიძვრაც.

იმ დროის მიხედვით სალუქი მორთული უნდა ყოფილიყო უზარმაზარი საყელოთი, შესაფერისი სიდიდის ყელსახვევით, საათის ძეწკვზე შანებით სამი სხვადასხვა ფერის, ერთმანეთზე ჩაქმული ჟილეტით ისე, რომ ცისფერი და წითელი შიგნით ყოფილიყო მოქცეული, ზეთისხილის ფერის მოკლენელიანი და ვინროკალთიანი ფრაკით, ზედ ორ წყებად ვერცხლის დილები უნდა ჰქონოდა

ერთმანეთზე მიკრული და მხრებზე ამავალი; ფრაკის ფერის, ოღონდ უფრო ბაცი შარვალი, ოდნავ შესამჩნევ ნაწიბურზე ფერადი, ყოველთვის კენტი ზოლებით, ერთიდან თერთმეტამდე; ამაზე მეტი სირცხვილი იყო და საძრახისი. ამას დაუმატეთ ქუსლზე ნალიანი ფეხსაცმელი, ვინროფარფლიანი წოპწოპა ქუდი, აწვნილი თმა, უშველებელი ჯოხი, პოტიესებური სხარტულა სიტყვა-პასუხი, დეგები და ულვაშები. იმ დროის მოდით ულვაში ბურჟუს ნიშნავდა და დეგები ფეხით მავალს. პროვინციელ სალუქს დეგებიც უფრო გრძელი ჰქონდა და ულვაშებიც უფრო საშინელი.

იმ დროს იყო გაჩაღებული სამხრეთამერიკელების ბრძოლა ესპანეთის მეფის წინააღმდეგ, ბრძოლა ბოლივარიისა მორილიოს წინააღმდეგ. ვინროფარფლიანი ქუდი ნიშანი იყო მეფის მომხრეობისა და სახელად მორილიო ერქვა; ლიბერალებს განიერფარფლიანი ქუდი ეხურათ და ამ ქუდის სახელი ბოლივარი იყო.

წინა ფურცლებზე ნაამბობიდან რვა თუ ათი თვის შემდეგ, 1823 წლის იანვრის პირველ რიცხვებში, ერთ თოვლიან საღამოს ქუჩაში ბრძანდებოდა ერთი ამ სალუქთავანი, ერთი ამ უსაქმურთავანი, ერთი „კეთილმოაზროვნეთავანი“, რადგან მორილიო ეხურა თავზე. არ შემცვიდესო, კარგად გახვეულიყო ფართო წამოსასხამში, რომელიც სიცივის დროს აგვირგვინებდა ზემოთ აღწერილი მოდის ტანსაცმელს. ქუჩაში ბრძანდებოდა და დროს ატარებდა. ერთ ქალს ივდებდა მასხრად და თან თამბაქოს აბოლებდა. თამბაქოს ნევაც მოდა იყო იმ დროს.

როგორც კი მიუახლოვდებოდა სალუქს ეს ქალი, ის მაშინვე სიგარის კვამლს მოიგროვებდა, შიგ პირში შეაბოლებდა და თან რამდენიმე სიტყვას დაატანდა, უწმანურს, სალაზლანდაროს, რომელიც თვითონ ნაკვესად და ჭკუამახვილობად მიაჩნდა: - რა უწნო ხარ?... რას დაეხეტები? წადი დაიმაღე... კბილები ვინ ჩაგაყრევინა... და სხვ. და სხვ. ეს ვაჟბატონი ბატონი გამატაბუა ბრძანდებოდა. ქალი, ეს მორთული ლანდი, ბოლთას რომ სცემდა ფანჯრებთან, პასუხს არ აძლევდა, არც კი უყურებდა. ესმოდა მისი დაცინვა, მაგრამ თავისას არ იშლიდა, გვერდზე გაუვლიდა, წავიდოდა და ხუთი წუთის შემდეგ ისევ ბრუნდებოდა დამცინავისკენ, როგორც ჯარისკაცი, რომელმაც ორ რიგს შუა უნდა გაიაროს და ისე გაილახოს. ყურადღებას არ აქცევდა ამ აბეზარს ქალი. ეტყობოდა, ამან გააგულისა ჩვენი გმირი და როდესაც გასცდა ქალი, უკან გაჰყვა მგელივით ფრთხილად, დაიკუზა, ერთი მუჭა თოვლი აიღო და უცბად ზურგში ჩაუვლო ბუჭებშია. ქალმა დაიკვივლა. მოუბრუნდა, ვეფხვივით ეცა თავხედს, ფრჩხილებით უკანრავდა სახეს, თან უშვერი სიტყვებით ლანძღავდა და ავინებდა. ეს ვინება და არყისავან გახრინწიანებული ხმა ყმანვილი ქალისა იყო, რომელსაც ორი წინა კბილი აღარ ჰქონდა. ეს ქალი ფანტინი გახლდათ.

ამ ყვირილზე გარეთ გამოცვივდნენ ოფიცრები, ხალხი შეგროვდა ქუჩაში, გარს შემოეხვია მოჩხუბრებს, ზოგი ხარხარებდა, ზოგი ტაშს უკრავდა, ზოგი რაღაცას გაჰყვროდა. იდგნენ და ტკებოდნენ ამ ქალისა და კაცის ბრძოლით, რომლებსაც ვეღარც კი სცნობდნენ. ძლივსლა იკვრიებდა კაცი ფანტინს, ქუდი თოვლზე ევლო და ფანტინი კი სცემდა გაათვრებული ხელით, ფეხით, მუშტით, მხეცივით ბლაოდა ფერმიხდილი და საშინელი.

ერთი მაღალი ტანის კაცი გამოვიდა უცბად სახლიდან, ხელი სტაცა ქალს ტალახით მოსვრილ წელში და უბრძანა:

- გამომყვი!

შეხედა ფანტინმა, ხმა ჩაუნყდა, გაშეშდა, მკვდრის ფერი დაედო და კანკალი მოერია. ჟავერი იცნო.

სალუქმაც ისარგებლა ამ წუთით და მოკურცხლა.

თავი მეცამეტე

პოლიციური სამართალი

ხალხი გარღვია ჟავერმა და ჩქარი ნაბიჯით წავიდა პოლიციისკენ, თან თავისი მსხვერპლი მისდევდა ხმაგაკმენდილი, სრული მორჩილებით. ჟავერიც გაჩუმებული მიდიოდა. სერიოზული გატაცებული ხალხიც თან აედევნა და მხიარულად ლაზღანდარობდა. უაღრეს უბედურებას უშვერი ლაზღანდარობა გამოეწვია.

პოლიციაში შევიდნენ. დაბალი ოთახი იყო, ღუმლით გამთბარი. შიგ დარაჯი დახვდათ. მეორე ოთახის კარი შეაღო ჟავერმა. შევიდა, შეიყვანა ფანტინი და კარი მოხურა. იუკადრისა ეს ხალხმა, რომელსაც უნდოდა ბოლომდე დამტკბარიყო ამ სერიოზული და ახლა ქუჩაში გამავალ ფანჯარასთან მიცვივდა, ფეხის წვერებზე დგებოდა, რომ კიდევ დაენახა რამე. ავმუცელობაა ხშირად ცნობისმოყვარეობა, - თვალით ცქერა ზოგჯერ გადაყლაპვას უდრის.

შევიდნენ ოთახში. ღონემიხილი ფანტინი ძირს დაეშვა იქვე კუნჭულში, ეგდო უძრავად, ხმას ვერ იღებდა და შეშინებული ძალივით შესცქეროდა ჟავერს.

დარაჯმა ანთებული სანთელი შემოიტანა, ჟავერი დაბრძანდა, ერთი ფურცელი გერბიანი ქალაქი აიღო და წერა დაიწყო.

ამ ყოფაქცევის ქალები ჩვენი კანონმდებლობით მარტო პოლიციის განკარგულებაში არიან. პოლიცია არის იმათი ბატონ-პატრონი; რასაც უნდა, იმას უბამს; დასჯის, როგორც მონიღომებს და თავისი სურვილისამებრ წაართმევს ორ სავალალო ღირსებას, რომელიც ამ ქალებს შერჩენიათ - ხელობას და თავისუფლებას. ქვასავით უგრძნობი იყო ჟავერი. სახეს არავითარი მღელვარება არ ემჩნეოდა, თუმცა საფიქრალიც ჰქონდა და საზრუნავიც: თავის მოვალეობას ასრულებდა კაცი, სასტიკი სინდისის სრული სიფრთხილით და თავისი შეუზღუდავი უფლების გამოყენებით. გრძნობდა, რომ ამ წამს მისი სავარძელი პოლიციის მსაჯულის სავარძლად გადაქცეულიყო და მართლმსაჯულება მართებდა, საქმე უნდა განეხილა, დამნაშავე დაესაჯა და ცდილობდა თავი მოეყარა, რაც კი ცოდნა და გამოცდილება ჰქონდა, იმ დიდებული მოვალეობის აღსასრულებლად, რომელიც მიანდო მთავრობამ და რამდენადაც უკვირდებოდა ამ ქუჩის ქალის საქციელს, იმდენად უფრო ემატებოდა აღშფოთება. ცხადი იყო, თავისი თვალთა ნახა კანონის დარღვევა, თავისი თვალთა ნახა ქუჩაში საზოგადოება, რომლის წარმომადგენელი, ბურჟუა, სახლის პატრონი, ამორჩევის უფლების მქონე, შურადაცხოფილი იყო ლანძღვით და ცემით - ვიღაც უნამუსო, კანონგარეშე დედაკაცისგან. ქუჩაში მანანწალა კახამ შურადაცხოფი ბურჟუა, ეს თავისი თვალთა ნახა ჟავერმა და ახლა ჩუმად წერდა.

გათავა, ხელი მოანერა, ბეჭედი დაასვა, დაკეცა, პოლიციელს მისცა და უბრძანა:

- სამი კაცი გეყოფათ. ციხეში წაიყვანეთ დედაკაცი.

მერე ფანტინს მიუბრუნდა და უთხრა:

- ექვსი თვით ციხე.

- ექვსი თვით? ექვსი თვით ციხე? - შეჰყვირა ფანტინმა, - ექვსი თვის მუშაობა და 7 სუ დღეში! მერე ჩემი შვილი კომეტი? ხომ შიმშილით მომიკვდება ჩემი ბავშვი, ჩემი შვილი! ას ფრანკზე მეტი მმართველს ტენარდიესი, ბატონო ინსპექტორო, ეს იცით თუ არა?

და როგორც ეგდო, ისე გაცოცდა ჟავერისკენ, ტალახიანი ფეხებით გასვრილ იატაკზე, ხელაპყრობილი, თითქოს ღმერთს ევედრებოდა:

- შემობრალეთ, ბატონო ჟავერ, შემინყალეთ! გეფიცებით, ჩემი ბრალი არ იყო. თქვენ მარტო ბოლო ნახეთ, თავიდან რომ გენახათ, მე არ გამამტყუნებდით. ღმერთმა მკითხოს, თუ მე იმისთვის დამეშავებინოს რამე. სულ იმ ბურჟუის ბრალია, არც კი ვიცნობ, ვინ არის. თოვლი ჩამიდა ბეჭებში. ნუთუ უფლება აქვს ვინმეს, აქაოდა ბატონი ვარო, თოვლით ამივსოს ბეჭები, როდესაც ჩემად, წყნარად დავდივარ ჩემთვის და არავის ვავნებ? ვინაღამ ვაგვიყლი, მეც არ ვიცი, რასა ვშვრებოდი და განა მარტო თოვლი? მასხარად ამივლო, დამცინოდა, გონჯი ხარო, ვინ გაყრევინა კბილები? მე კი არ ვიცი, რომ კბილები არა მაქვს? მე იმისთვის არაფერი დამიშავებია, გარწმუნებთ. მესმოდა იმის დაცინვა და ვფიქრობდი, ბატონია, დროს ატარებს, მოსწყინდება და თავს დამანებებს-მეთქი. პატიოსნად მოვიქცევი, გეფიცებით, ხმა არ გამივია და უცხად ყინული ვიგრძენი ბეჭებში. ბატონო ჟავერ, ჩემო კეთილო ინსპექტორო! ნუთუ არავინ არის აქ, რომ დამემონწმოს, მოგახსენოთ, რომ სწორედ ასე იყო ყველაფერი, როგორც მე გეფიცებით? იქნებ იმაში ვარ დამნაშავე, რომ გავბრაზდი. ხომ იცით, ერთ წამს დაუფიქრებლად რჩება შეშინებული ადამიანი. უცხად რომ თოვლი მომხვდა ზურგზე, სრულიად მოულოდნელად, განა იქ დაფიქრება მომაგონდებოდა? დამნაშავე ვარ, რომ ქუდი წავეხდინე იმ ბატონს. ნეტავი არ წასულიყო. ბოდიშს მოვეხდით. მაპატიეთ, ბატონო ჟავერ, დღეს შემობრალეთ და გეფიცებით... იქნებ არც კი იცოდეთ, საპატიმროში დღეში შვიდი სუ აქვს ადამიანს. მთავრობის ბრალი არ არის, მაგრამ დღეში შვიდი სუ მექნება და მე კი ას ფრანკზე მეტი ვალი მაქვს. თუ არ გადავუხადე, თავში მახლიან ჩემს გოგონას. ოჰ, ღმერთო, გულთამხილავო! აქაც ვერ მომიყვანია ის დედამკვდარი. ჩემთან როგორ ვიყოლიო ჩემი გოგონა, მე უბედურმა? ოჰ, ჩემო კომეტი, ჩემო პატარა ღვთისმშობლის ანგელოზო! ხომ დამედუპა უსუსური ბავშვი! უნდა მოგახსენოთ, ბატონო, ტენარდიეს მივაბარე, მედუქნეს, გლეხკაცს. იმან შებრალება არ იცის. ფულის მეტი არა სწამს რა. ნუ დამაპატიმრებთ, ბატონო. თუ ფული არ გავუგზავნე, ქუჩაში გაავადებენ პანიას ამ შუა ზამთარში, ჩემი პატარა გოგონა მაინც შეიბრალეთ, ბატონო ჟავერ! ცოტა დიდი რომ ყოფილიყო, ლუკმაპურს იშოვიდა სადმე, მაგრამ პატარა გახლავთ, ვერას შეძლებს, იმ ხნისა არის. ცუდი დედაკაცი არ გახლავართ, ბატონო. გარყვნილებამ და ავმუცლობამ კი არ ჩამავლო ამ დღეში. არაყსა ვსვამ გულის ვარამის მოსაკლავად. არ მიყვარს, მაგრამ სევდას მავნიყებს. ერთ დროს მეც ვიყავი ბედნიერი და ჩემი ოთახი რომ ენახა ვინმეს, არ იტყოდა, ცუდი ქალიაო, ისე მშვენივრად მქონდა ყველაფერი დალაგებული. შემინყალეთ, ბატონო ჟავერ, ჩემი ბავშვისთვის მაინც!

ასე ევედრებოდა მუხლმოყრილი, თან ქვითინებდა, თავით ფეხამდე თრთოდა. გული გადაღვლილი ჰქონდა, სახე - ცრემლით დასველებული. ხელებს იმტვრევდა, ღრმად ახველებდა და ნახველს კი ველარ იღებდა. დაქანცული, სასაონარკვეთილი მომაკვდავის ხმით მოთქვამდა. დიდი მწუხარება სხივია ღვთიური და თან საზარელი, რომელიც გარდაქმნის განწირულს. ამ დროს ფანტინი ისევ ისე მშვენიერი იყო.

ხანდახან გაჩერდებოდა ხოლმე და ნაზად კოცნიდა ჯაშუშის კალთას. კლდის გულის მოალობობდა საცოდავი, მაგრამ ხის გულის მოლობობა ვერ შეძლო.

- აბა, ადექი. - უთხრა ჟავერმა, - ხომ მოვისმინე! კიდევ გაქვს რამე სათქმელი? ახლა კი წადი. ექვსი თვით ციხე. ყოვლისშემძლებელი ღმერთიც ვეღარ გიშველის.

ამ სიტყვამ - ყოვლისშემძლებელი ღმერთიც ვეღარ გიშველისო, - ჩაავონა ფანტინს, რომ იმედი აღარაფრისა უნდა ჰქონოდა, ძირს დაეშვა გულწასულივით და ერთილა თქვა:

- შემობრალებო!

ჟავერმა ზურგი შეაქცია.

ჯარისკაცებმა ხელი სტაცეს, აყენებას უპირებდნენ.

კარგა ხანი იყო, ერთი კაცი შემოსულიყო შეუმჩნეველად. კარი მოეხურა, ზედ მისწოლოდა და გაეგონა სასოწარკვეთილი ვედრება უბედურისა.

როდესაც გაძალიანებულ ფანტინს უფრო უკმეხად წაეჭიდნენ პოლიციელები, წინ წაინა და თქვა:

- ერთ წამს, თუ შეიძლება.

გადმოხედა ჟავერმა და ბატონი მადლენი იცნო. ქუდი მოიხადა, თავი დაუკრა ნაძალადევად, რადგან ცდილობდა უსიამოვნების დამალვას; და ბოდიშიც კი მოიხადა.

- უკაცრავად, ბატონო მერო.

უცნაური გავლენა მოახდინა ამ სიტყვამ - ბატონო მერო - ფანტინზე. უცხად წამოვარდა, თითქოს აჩრდილი ამოვარდნილიყოს მიწიდან, ორივე ხელით მოიშორა პოლიციელები, პირდაპირ ბატონ მადლენს მივარდა, თვალი თვალში გაუყარა და შესძახა გიჟის ხმით და სახით:

- ოჰ, მამ შენ ბრძანდები ბატონი მერი?

სიცილი ატეხა და შიგ პირში შეაფურთხა.

სახე მოიწმინდა ბატონმა მადლენმა და თქვა:

- ბატონო ჟავერ, გაათავისუფლეთ ეს ქალი.

ერთ წამს კინაღამ გაგიჟდა ჟავერი, თავის სიცოცხლეში არ უგრძნია ის მღელვარება, რომელსაც ახლა განიცდიდა. ვიღაც კახპამ რომ შიგ პირში შეაფურთხოს მერს, ეს იმისთანა საზარელი იყო, რომ აზრადაც არ მოუვიდოდა; თუ არადა, იტყოდა - ალბათ შემოილილი ვარ, რომ შესაძლებლად მიმაჩნია ამისთანა მკრეხელობაო. მაგრამ ამავე დროს, თავისი ფიქრით, ერთმანეთს ადარებდა ამ ქუჩის გოგოს და იმას, რაც უნდა ყოფილიყო თავისი წარსულით ეს მერი და გრძნობდა განცვიფრებული, რომ ეს შეურაცხყოფა სულ უბრალო, ჩვეულებრივი საქციელი იყო ამგვარი ზნედაცმულეებისათვის და რომ დაინახა, როგორ გაიწმინდა პირი ამ მერმა, მთავრობის დიდებულმა წარმომადგენელმა და სრულიად მშვიდად, თითქოს საპკური ასხურესო, ბრძანა, - გაათავისუფლეთ ეს ქალიო, - გამტერებული დარჩა. აღარც ფიქრი ემორჩილებოდა, აღარც სიტყვა. ადამიანის განსაცვიფრებლად მეტისმეტი იყო, რაც დღეს ნახა და მუნჯივით იდგა.

არანაკლები შთაბეჭდილება იქონია ამ სიტყვამ თვითონ ფანტინზეც. ასწია შიშველი ხელი, ლუმლის საკვამურს დაებლაუჭა, რადგან ბარბაცებდა, გიჟივით იყურებოდა აქეთ-იქით და ჩუმი ხმით მოთქვამდა, თითქოს თავის თავს ელაპარაკებო:

- გაათავისუფლეთ ეს ქალიო? მაშ ციხეში აღარ ჩამსვამენ? ექვს თვეს ციხეში, ვინა თქვა ეს? ვინ იტყოდა ამას? შეუძლებელია! ალბათ კარგად ვერ გავიგონე. ჩვენი მერი ხომ არ იტყოდა ამას, ის ურჩხული, ისა! მაშ თქვენა ბრძანებთ, ბატონო უავერ, რომ გამათავისუფლონ? ოჰ, რომ იცოდეთ! აი, მომისმინეთ და მაშინვე გამათავისუფლებთ. სულ იმის ბრალია, ჩვენი არამზადა მერისა. წარმოიდგინეთ, ბატონო უავერ, რომ ქარხნიდან გამომავლო. ჭორიკანა დედაკაცების მიოქმამ-მოთქმას დაუგდო ყური და დამითხოვა. საშინელება არ არის? დაითხოვა სანყალი ქალი, რომელიც გულმოდგინედ მუშაობდა. მერე საქმე ვეღარ ვიშოვე, ჩემს გოგონას ვეღარ ვეხმარებოდი და უბედურებაც მაშინ მენია. იმ ციხეში, ბატონო, ცოტა რამ წესიერების შემოღებაა საჭირო, რადგან ციხის მოიჭარადრე ტყავს აძრობს პატიმრებს. აი, მოგახსენებთ: მანამ შინა ხართ, საცვლებს კერავთ და თორმეტი სუ გაქვთ დღეში. მერე ცხრასლა გაძლევენ. ცხოვრება შეუძლებელია, შიმშილით მოკვდება ადამიანი და რას იზამს უბედური, რომ გამოსავალი აღარსადა აქვს? დაემეება დაღმართზე და აღარაფერს იუკადრისებს. მე კიდევ ჩემი ბავშვი მყავს, ჩემი კობეტი, მე რომ შიმშილით მოვმკვდარიყავი, ჯანდაბას ჩემი თავი, მაგრამ ჩემს გოგონას ხომ ვერ მოვკლავდი? გამიჭირდა და ნამუსიც კი დავკარგე. ახლა ხომ ხედავთ, რომ სულ იმ შერცხვენილის, მერის ბრალია ჩემი დაცემა! ჩემი არ მეყოფოდა, რომ ახლა ის არ გადაამკიდებოდა? მე მივევადი და ქუდი გავუქეღე ბურჟუას. მე ქუდი გავუქეღე და იმან თოვლი ჩამიღო ბეჭებში, კაბა შემომამფხრინა. ხომ იცით, რომ ჩემისთანა ქალებს ერთადერთი აბრეშუმის კაბა აქვთ საღამოს სასეირნოდ. გარწმუნებთ, ბატონო უავერ, ჩემს დღეში ავი არავისთვის მწლომებია და ბევრ ქალსა ვხედავ მართლა ავსა და საძაველს, რომლებიც ბედნიერები არიან. ბატონო უავერ, თქვენა ბრძანებთ, არა, გაათავისუფლეთ ეს ქალიო. გამოიძიეთ, ბატონო, ჩემი სახლის პატრონის ჰკითხეთ, - ახლა ქირას ნაღდად ვუხდი, - დარწმუნდებით, რომ ცუდი დედაკაცი არა ვარ. ოჰ, ღმერთო, ნუ გამიჯავრდებით, ხელი შევახე ჩემდა უნებურად ღუმლის საკვამურს და კვამლი გამოვიდა.

ღრმა ყურადღებით ისმენდა ბატონი მადლენი. ჯიბიდან ქისა ამოიღო, გახსნა. ცარიელი იყო, ისევ ჯიბეში ჩაიღო, მერე ფანტინს ჰკითხა:

- რამდენი თქვით წელან? რამდენი გმართებთ?

ფანტინი მარტო უავერს შესცქეროდა. ახლა კი ბატონი მადლენისკენ მიბრუნდა:

- შენ რა გინდა? მე ხომ შენ არ გელაპარაკები?

მერე პოლიციელებს მიმართა:

- ხომ ნახეთ, როგორ შევაფურთხე შივ პირში? ოჰ, შე ბებერო აესულო, შენა! რისთვის მობრძანებულხარ? გინდა შემამინო? ჰოდა, მე შენი არ მეშინია! მე ბატონ უავერისა მეშინია, მე მარტო ჩემი მწყალობლის, უავერისა მეშინია.

და ისევ უავერს მიუბრუნდა:

- არც სამართლიანობა უნდა დავივიწყოთ, ბატონო ინსპექტორო. ვიცი, რომ მართალს არ დასჯით და ამიტომ მოგახსენებთ. ბოლოს და ბოლოს, რა მოხდა? ბატონმა თოვლის გუნდა ჩაუღო ბეჭებში ერთ დედაკაცს, ბატონს თამამი უნდა, გართობა, ხუმრობა და ჩვენც ბატონების შესაქევეად ვართ გაჩენილი. ამ დროს თქვენ მოდიხართ, ხედავთ ყველაფერს და იძულებული ხართ წესიერება აღადგინოთ. თან მიგყავთ დამნაშავე ქალი. მაგრამ საქმის განხილვის შემდეგ, რადგან გულკეთილი კაცი ხართ, ბრძანებთ ჩემს გაათავისუფლებას, ჩემი პანია გოგონასთვის, იმიტომ, რომ

თუ ექვსი თვე ციხეში დამიჭირეს, მე იმას ველარაფერს გავუგზავნი და შიმშილით მომიკვდება. მაგრამ, - მეორედ აღარ გაბედოო, არა, ბატონო? ოჰ, ღმერთმა დამიფაროს! ხმას აღარ ამოვიღებ, რაც უნდა მიყონ, თუნდა თავდაყირა დამკიდონ! ოღონდ დღეს კი, დღეს როგორღაც მომივიდა, მოულოდნელი იყო იმ ბურჟუის თოვლი და, აკი მოგახსენეთ, ვერა ვარ კარგად. ძალიან მახველებს, სტომაქში რაღაცა მწვავს, თითქო ცეცხლის ბურთიაო. ამიტომ იყო, რომ ექიმმა მითხრა, ფრთხილად იყავი, მოუარე შენს თავსაო, აი ნახეთ, მიბოძეთ თქვენი ხელი, ნუ გეშინიათ, აი, აქ.

აღარ ტიროდა, ალერსით ელაპარაკებოდა ჟავერს. თავის ნაზ, თეთრ მკერდზე დაედო ჟავერის ტლანქი ხელი და ღიმილით შესცქეროდა.

მერე უცბად შეისწორა თავისი არეული ტანსაცმელი, ძირს დაუშვა კაბის კალთა, რომელიც იატაკზე ცოცვის დროს მუხლებამდე ასწოდა, კარებისკენ წავიდა, მეგობრულად თავი დაუკრა პოლიციელებს და ჩუმი ხმით უთხრა:

- ბატონმა ინსპექტორმა ბრძანა ჩემი გათავისუფლება და მივდივარ.

რაზას დაადო ხელი. ერთი ნაბიჯიც და ქუჩაში იქნებოდა.

აქამდე ფეხზე იდგა ჟავერი, უძრავად, თავგალუნული, თითქოს ქანდაკება ყოფილიყო, რომელიც შუა სცენაზე დაავინწყდათ და ელის, რომ თავის ადგილამდე მიიტანონ.

რაზის ჭრიალმა გამოათხიზლა. წელში გაიმართა. სახეზე უსაზღვრო უფლებით აღჭურვილობა დაეტყო, ეს იმდენად უფრო საშინელია, რამდენადაც უბრია ადამიანი. ამ ძალით აღჭურვილი, მკაცრია და მძვინვარე მხეცი, თუ მას მარტო სახელი აქვს ადამიანისა.

- ათისთავო, - შეჰყვირა ჟავერმა, - ვერა ხედავთ, რომ წასვლას აპირებს ეს დედაკაცი, ვინ მოგცათ მაგისი გაშვების ნება?

- მე, - თქვა მადლენმა.

ჟავერის ხმა რომ მოესმა ფანტინს, აკანკალდა და ხელიდან გაუშვა რაზა, როგორც ქურდმა, რომელსაც ხელიდან გაუვარდება ნაქურდალი, თვალი თუ შეასწრეს. მადლენის ხმაზე კი მისკენ მიბრუნდა და იმ წამის შემდეგ იდგა გაჩუმებული, ხმას აღარ იღებდა, სუნთქვასაც კი ვეღარ ბედავდა და რიგრიგობით შეჰყურებდა გაშტერებული ხან ჟავერს, ხან მადლენს და თვალს არ აშორებდა იმას, ვინც ლაპარაკობდა.

ცხადია, მეტად გაბრაზებული უნდა ყოფილიყო ჟავერი, რომ ათისთავისთვის შეეცა, როდესაც კარგად იცოდა, ფანტინის გათავისუფლება ბატონმა მერმა ბრძანა. ნუთუ დაავინწყდა, რომ იქვე ბრძანდებოდა ბატონი მერი? ან იქნება ფიქრობდა, შეუძლებელია ამგვარი ბრძანება გასცეს მთავრობის ხელისუფლებით აღჭურვილმა მოხელემ და, მამასადამე, სულ სხვას ფიქრობდა ბატონი მერი და სიტყვით კი თავისდა შეუმჩნეველად სულ სხვა წამოსცაო. ორი საათი იყო, ჟავერი უნებური მოწმე და მონაწილე გამხდარიყო ერთი დიდი დრამისა და იქნებ ფიქრობდა: აი, კარგი შემთხვევა, რომ დიდებული დადგენილებით ისახელოს თავი, დიდ კაცად გახდეს პატარა კაცი, მსაჯულად გადაიქცეს ჯამუში, მართლმსაჯულების მოხელედ იქცეს პოლიციის მოხელე და დღეს იმის ხელთ იყოს აღდგენა და დაცვა წესიერებისა, კანონისა, ზნეობისა, მთავრობისა და მთელი საზოგადოებისა.

ასე იყო თუ ისე, როდესაც ჟავერმა მადლენის პასუხი გაიგონა, უცბად მიბრუნდა მერისკენ. გაყვითლებული იყო, გაშეშებული; ტუჩები გალურჯებული ჰქონდა, თვალი

შემკრთალი, მთელი ტანით თრთოდა შეუმჩნეველად და, მიუხედავად იმისა, რომ თვალები ძირს ჰქონდა დაშვებული, მაინც გაბედულად მოახსენა თავისი:

- ეგ შეუძლებელი გახლავთ, ბატონო მერო.

- რატომ?

- ამ უნამუსომ შეურაცხყოფა მიაყენა ერთ ბურჟუას.

- ინსპექტორო ჟავერ, - დაიწყო ბატონმა მადლენმა მომრიგებლური, მშვიდი კილოთი, - პათოსანი კაცი ხართ და მით უფრო მიადვილდება თქვენთან შეთანხმება.

აი, თუ სიმართლე გნებავთ, მე მოედანზე ვიყავი, როდესაც თქვენ ეს ქალი წამოიყვანეთ. ჯერ არ დაშლილიყო ხალხი; მივედი, გამოვკითხე მათ და ყველაფერი გავიგე. დამნაშავე ბურჟუა იყო და პოლიციის წესით ის უნდა ყოფილიყო დაჭერილი.

ჟავერი მაინც თავისას იძახდა:

- შეურაცხყოფა მიაყენა ქუჩის გოგომ თავის ბატონ მერს.

- ეგ ჩემი საქმეა. შეურაცხყოფაც ჩემია, დამეთანხმებით, და პასუხისგებაც, აგრეთვე, ჩემი. ისე გადავუხდი, როგორც მე მინდა.

- დიდ ბოდიშს ვიხდი. მერის შეურაცხყოფა მთავრობის შეურაცხყოფა გახლავთ და მართლმსაჯულებას ეკუთვნის.

- ბატონო ჟავერ, - უპასუხა ბატონმა მერმა, - უმაღლესი მართლმსაჯულება არის სინდისი. მე მოვისმინე ამ ქალის ნათქვამი და ვიცი, როგორც უნდა მოვიქცე.

- მე კი, ბატონო მერო, მე აღარ ვიცი, რას ვხედავ აქ?

- არ იცით და დაემორჩილეთ ჩემს განკარგულებას.

- მე ჩემს მოვალეობას ვემორჩილები. ჩემი მოვალეობა გახლავთ ციხეში ჩავსვა ექვსი თვის ვადით ეს დედაკაცი.

- კარგად შეიგნეთ. ერთი დღეც არ იქნება ციხეში. - ტკბილი ხმით უპასუხა ბატონმა მადლენმა.

ეს მტკიცედ ნათქვამი სიტყვა რომ გაიგონა ჰჟავერმა, გაბედულად შეხედა ბატონ მერს და ისევ ისე ზრდილობიანი კილოთი მოახსენა:

- ძალიან ვწუხვარ, ბატონო, რომ იძულებული გახლავართ წინააღმდეგობა გაგიწიოთ. ეს მე პირველად მომდის ჩემს სიცოცხლეში, მაგრამ, იმედი მაქვს, დამეთანხმება ბატონი მერი, რომ მე დღეს ჩემი უფლების საზღვრებს არა ვცილდები. მე მოგახსენებთ, რაკი აგრე გნებავთ, იმ ბურჟუის საქმეს. მეც იქ გახლდით. ეს დედაკაცი მივარდა ბატონ ბამატაბუას, რომელიც ამომრჩეველია და პატრონი მშვენიერი აივნიანი, სამსართულიანი ქვითკირის სახლისა. ბევრი რამ ხდება ამქვეყნად, მაგრამ, ასეა თუ ისე, საქმე ქუჩის პოლიციის შეეხება, ბატონო მერო, მაშასადამე, პირადად მე, მე კი ამ დედაკაცს ციხეში ვგზავნი.

მაშინ გულხელი დაიკრითა მადლენმა და ისეთი სასტიკი ხმით მიმართა ჟავერს, რომელიც ჯერ არავის გაუგონია მისგან.

- ეს საქმე ქალაქის ქუჩის საქმეა და, მაშასადამე, ჩემი. სისხლის სამართლის კრებულის მუხლით - ცხრა, თერთმეტი, თხუთმეტი და სამოცდაექვსით, მე ვარ მსაჯული ამ საქმისა, ბრძანებას გაძლევთ გაათავისუფლოთ ეს საწყალი.

რადაც მოსაზრება გააჩნდა კიდევ ჟავერს და სცადა ისიც გამოეყენებინა:

- დიახ, ბატონო, მაგრამ...

- მაშინ 1799 წლის 13 დეკემბრის დადგენილების ოთხმოცდამეერთე მუხლსაც გაგახსენებთ, რომელიც შეეხება უკანონოდ ვინმეს დაჭერას.

- ნება მიბოძეთ, ბატონო მერო...
- კმარა, არც ერთი სიტყვა!
- კარგი, მაგრამ...
- გადით აქედან! - უბრძანა ბატონმა მადლენმა.

სილა რომ შემოგვეკრათ, ისე მოხვდა ჟავერს ეს სიტყვა. მაგრამ გაშეშებული იდგა, წარბი არ შეუხრია, როგორც რუსის ჯარისკაცს - მტრის წინ. დაიხარა, თითქმის მიწამდე, თავი დაუკრა მერს და გავიდა.

ფანტინი კარს მოშორდა, გზა მისცა და განცვიფრებული შესცქეროდა მიმავალს.

მაგრამ თვითონაც შერყეული იყო ფანტინი. თავისი თვალით ნახა ორი ღიდებულის ბრძოლა, რომლის მიზეზი იგი, ფანტინი იყო. ბრძოლა ნახა ორი ერთმანეთის მოწინააღმდეგე ძალისა, რომლებსაც ხელთ ჰქონდათ მისი თავისუფლება, მისი სიცოცხლე, მისი სული და მისი ბავშვი. ერთი ამ კაცთაგანი სიბნელისკენ მიეწეოდა უბედურს, მეორეს სინათლისკენ მიჰყავდა. ამ ბრძოლას შეშინებული თვალით უყურებდა გულგახეთქილი. ორ ბუმბერაზად წარმოუდგა ეს მეგრძოლნი: ერთი მომაკვდინებელ ქაჯად ეჩვენებოდა, მეორე - მფარველ ანგელოზად. ანგელოზმა დაამარცხა ქაჯი - ეს იყო ფანტინის გულის წუხილი, რომლის გამო თავით ფეხამდე თრთოდა სირცხვილით: ეს ანგელოზი, ეს მისი განმათავისუფლებელი სწორედ ის კაცი იყო, რომელიც ჭირივით სძულდა; ის მერი, რომელსაც დიდი ხანია ყველა თავისი უბედურების მიზეზად თვლიდა; თვითონ მადლენი იყო ეს ანგელოზი და სწორედ იმ დროს გამოეჩინა და ისხნა, როდესაც ასეთი ბინძური შეურაცხყოფა მიაყენა მადლენს. როგორ შეცდომაში ყოფილა უბედური! მამ, სული უნდა შეიცვალოს, რომ მტერი და მოყვარე გაარჩიოს. ველარაფერს ხვდებოდა, აღარაფერი გაეგებოდა, სირცხვილით თრთოდა - ყურს უგდებდა განცვიფრებული, შეჰყურებდა გაშტერებული და გრძნობდა, რომ ყოველი სიტყვა, მადლენის მიერ თქმული, აღნობს და ალბობს მის გულში დაგროვილ სამწინელ ბნელ სიძულვილს; გრძნობდა, რომ მწარე სამსალის მაგივრად რაღაც ტკბილი გროვდებოდა მის გულში, თბილი, სიტყვით გამოუთქმელი, რომელიც სიხარული იყო, იმედი და სიყვარული.

ჟავერი რომ გავიდა, მადლენი მიუბრუნდა ფანტინს და ნელი ხმით, თითქოს თვალს ცრემლი მოსდგომა და ტირილი არ უნდაო, უთხრა:

- მოვისმინე თქვენი ნათქვამი. თქვენი დათხოვნის შესახებ მე არაფერი ვიცოდი. მე მგონია, რომ მართალი თქვით; ვგონებ, მართალი უნდა იყოს. მე არც კი ვიცოდი, რომ აღარ მუშაობდით ჩემს სახელოსნოში. რატომ მე არ მომმართეთ? მაგრამ, რაც იყო, იყო. თქვენს ვალს გადავიხდი, თქვენს გოგონას აქ ჩამოვიყვანე, ან თქვენ ნახვალთ იმასთან. იქ იცხოვრებთ, ან იქ, ან პარიზში, სადაც ისურვებთ. ჩემს კისერზე იყოს თქვენი და თქვენი ბავშვის ცხოვრება. თუ გინდათ, ნულარ იმუშავებთ. ფული ყოველთვის საკმარის გექნებათ, ამას გპირდებით. ისევ პატიოსანი ქალი გახდებით, როცა უზრუნველყოფილი იქნებით - და, ყური დამიგდეთ, მეტსაც გეტყვით. თუ მართალია, რაც წელან თქვით, და მე ეჭვიც არ მეპარება, რომ მართალია, თქვენ არასოდეს გიღალატათ არც პატიოსნებისათვის, არც სათნოებისთვის და წმინდა ხარო ღვთის წინაშე. ოჰ, საბრალო ტანჯულო!

ეს მეტისმეტი იყო, საბრალო ფანტინის მოწყვლევად გულს რომ აეტანა. კოზმეტი თავისუფალი ჰყავდეს! თავი დააღწიოს ამ უნამუსო ცხოვრებას! თავისუფალი

ადამიანი გახდეს, მდიდარი, ბედნიერი, პატიოსანი, თან კოზეტი ჰყავდეს! და ასე უცბად, მოულოდნელად რომ გაეშალა თვალწინ ამ გაჭირვებით შერცხვენილს და დაცემულს ეს სამოთხისებური სურათი, გაგოჟებულით შეჰყურებდა ამ კაცს, რომელიც ტკბილად ელაპარაკებოდა და მწარე ქვითინი აუვარდა. დაეშვა, მუხლი მოიყარა ბატონი მადლენის წინაშე, მისი ხელი აიღო და ზედ დაეკონა. ისე მოულოდნელად მოხდა ეს ხელზე კოცნა, რომ მადლენმა ხელის გამორთმევა ვერ მოასწრო.

ქალმა კი გრძობა დაკარგა.

ნიგნი მეექვსე

უავერი

თავი პირველი

მშვიდობის დასაწყისი

მადლენის ბრძანებით ფანტინი წაიყვანეს იმ საავადმყოფოში, რომელიც თავის სახლთან ჰქონდა. მონყალების დებს სთხოვა და მაშინვე ლოგინში ჩაანვინეს. საშინელი სიციხე ჰქონდა. იმ ღამეს სულ ბოდავდა, რაღაცას გაიძახოდა ხმამაღლა. ბოლოს, როგორც იყო, ჩაეძინა.

მეორე დღეს შუადღისას გაიღვიძა და იქვე, თავის ლოგინთან ვიღაცის სუნთქვა მოესმა. ფარდა გადასწია და მადლენი დაინახა. იდგა მადლენი, რაღაცას შესცქეროდა ზევით. სიბრაღულით შესცქეროდა რაღაცას, მწუხარებით და ვედრებით. თვალი გააყოლა ფანტინმა მის თვალს და ნახა, რომ ჯვარცმას მიმართავდა, კედელზე მილურსმულს.

ამიერიდან სულ სხვა ადამიანად ეჩვენებოდა ფანტინს მადლენი, სხივმოსილ წმინდანად. მისჩერებოდა ჯვარცმას და აღარც ხედავდა, აღარც რამ ესმოდა. დიდხანს უყურა ფანტინმა, ვერა ბედავდა ეკითხა რამე. ბოლოს ჰკითხა მოკრძალებით:

- რას შვრებით მანდ?

ერთი საათი იქნებოდა, იქ იდგა მადლენი, ელოდა ფანტინის გაღვიძებას. ხელი ჩამოართვა, მაჯა გაუსინჯა და უპასუხა:

- როგორა ხართ?

- კარგად, მეძინა კიდევ. მგონია, უკეთ ვარ, არა მიშავს რა.

ფანტინის წელანდელ კითხვას ახლა უპასუხა მადლენმა, თითქო ეს-ეს არის გაიგონაო:

- ვევედრებოდი წამებულს, რომელიც იქ არის, ზეცას.

და ფიქრით დაუმატა:

- ვავედრებდი წამებულს, რომელიც აქ არის, ჩემთან.

დანვრილებით გამოეძიებინა იმ ღამეს და მეორე დილას საქმე ბატონ მადლენს და კარგად იცოდა ყველაფერი. თავიდან ბოლომდე გაიგო ფანტინის თავგადასავალი, ყველა საზარელი წვრილმანით. მან ფანტინს მიმართა:

- ბევრი მწუხარება ნახეთ, საბრალო დედავ. ოჰ, ნულარ ჩივით, დღეს თქვენ გერგოთ რჩეულთა ხვედრი. სწორედ ამგვარად ქმნის ადამიანი ანგელოზს. ადამიანის ბრალი არ არის, რომ ჯერ ტანჯავს და აწამებს: რა ქნას, რომ არ იყის სხვაგვარად

როგორ მიუდგეს? ის ჯოჯოხეთი, რომლიდანაც თქვენ გამოხვედით, არის პირველი საფეხური ზეცისკენ მიმავალი გზისა. საჭირო იყო, ეს საფეხურიც გაგველოთ.

ღრმად ამოიხსნა. ფანტინი კი შესცქეროდა ტკბილი ღიმილით, თუმცა ორი კბილი რომ არ კლებოდა, ზეციური იქნებოდა მისი ღიმილი.

უავერმა იმ ღამესვე დაწერა ერთი წერილი, და მეორე დილას თვითონ მიიტანა ფოსტაში. წერილი პარიზში იგზავნებოდა მისამართით: „ბატონ შაბუეის, პოლიციის პრეფექტის მდივანს“. რადგან ქალაქში ყველას გაეგო მერისა და პოლიციის ინსპექტორის უთანხმოების ამბავი, ფოსტის უფროსმა და მასთან მყოფმა მოხელეებმა, რომლებმაც წერილი ნახეს და უავერის ხელი იცნეს, ვიდრე დანიშნულებისამებრ გაგზავნიდნენ, გადანყვიტეს, უავერი სამსახურიდან გადადგომის ნებას ითხოვს ამ წერილითო.

ბატონმა მადლენმაც მაშინვე მისწერა ტენარდიეს. ფანტინს ას ოცი ფრანკი ემართა იმისი. სამასი ფრანკი გაუგზავნა და სთხოვა, თქვენი აიღეთ და დანარჩენით საჩქაროდ წამოიყვანეთ ბავუვი მონრეილში, რადგან დედა ავად ჰყავს და ბავუვს მოითხოვსო.

ტენარდიე სიხარულით ცას ეწია:

- ხედავ იმას! - შეჰყვირა თავის მეუღლეს, - ბავუვი წამოიყვანეთო! მამა უცხოვდა! ჩიტუნია მენველ ფურად გამიხდა და ახლა გაუშვა ხელიდან? ალბათ დოცლაპიას შეჰყვარებია ვინმეს, ფულიანს.

ჰასუხად ანგარიში გაუგზავნა ხუთასი ფრანკისა. ანგარიში სამაგალითოდ იყო შედგენილი: სამასი ფრანკის ხარჯის დასამტკიცებლად უტყუარი საბუთი იყო, ერთი - ექიმისა და მეორე - აფთიაქის გამგისა.

ექიმი კოზეტს კი არა, ავადმყოფ ეპონინს და აზელმას წამლობდა, აფთიაქის ხარჯი ამ გოგონების წამლების ფასი იყო, მაგრამ არც ისე ძნელი გახლდათ ტენარდიესთვის ანგარიშში სახელების შეცვლა. ანგარიშს ქვემოდან თავისი ხელით მიაწერა: მივიღე სრული სამასი ფრანკი.

ბატონმა მადლენმა მაშინვე გაუგზავნა სამასი ფრანკი და მისწერა: „ჩქარა ჩამოიყვანეთ კოზეტი“.

- აი, დასწყველა ღმერთმა! რას გაუშვებ ამ გოგოს? - შეჰყვირა ტენარდიემ.

ფანტინს კი გამოკეთება არ ეტყობოდა. ისევ საავადმყოფოში იწვა. მოწყალეების დეებმა თავდაპირველად ზიზღით მიიღეს „ეს ქუჩის გოგო“. ვისაც უნახავს რეიმსის ბარელიეფი, კარგად ემახსოვრება პატიოსანი ქალწულების აბზუებული ტუჩები, სიყვარულით დამტკბარ ქალებს რომ შესცქერიან. ეს ძველი ზიზღი ვესტალებისა ბუნების კანონებით მცხოვრებ ქალთა მიმართ არის ერთი უღრმეს ალღოთაგანი ქალის ღირსებისა; დღა მოწყალეების დებსაც მით უფრო მოერიათ ეს გრძნობა, რომ ბუნებრივ ალღოს სარწმუნოებას აქვებდა. მაგრამ რამდენიმე დღე კმაროდა, რომ იმათი გულიც მოეგო ფანტინს. თავმდაბლურად იქცეოდა, ტკბილად ელაპარაკებოდა, დედა იყო და ამითაც მოიპოვა მათი თანაგრძნობა. ერთხელ ძალიან დიდი სიციხე ჰქონდა და ბოდვა დაიწყო. მოწყალეების დებმა გაიგონეს მისი ნათქვამი: ცოდვილი ვარ, მაგრამ როდესაც ჩემთან მყოფლება ჩემი გოგონა, ეს იმის ნიშანი იქნება, რომ ღმერთმა შემინდო და მაპატია. სანამ ცუდად ვიქცეოდი, არ მინდოდა ჩემთან მყოფოდა ჩემი ანგელოზი, ვერ ავიტანდი იმის განცვიფრებულ, დაღონებულ თვალს. ხომ ვერ ვეტყვოდი, რომ იმისთვის გავხდი მე უნამუსო. ამიტომ არის, რომ ღმერთმა მომხედა და შემიბრალა. ღვთის წყალობას ვიგრძნობ გულით,

როდესაც კოზეტი აქ მიყვლება. თვალს აღარ მოვაშორებ, თუ განმკურნავს რამე, იმისი უმანკობა განმკურნავს. ჯერ არაფერი იყის ჰანამ, პატარა ანგელოზია, იმ ხნისაა, რომ ჯერაც არ დასცვივინია ანგელოზის ფრთები.

ბატონი მადლენი დღეში ორჯერ მოდიოდა მის სანახავად. დაინახავდა თუ არა, ფანტინი მაშინვე ერთსა ჰკითხავდა:

- როდის ვნახავ კოზეტს?

მადლენიც უპასუხებდა: - ხვალ იქნება დილით. აქამდეც უნდა მოეყვანათ. ყოველდღე ველი. - და სხივი ეფინებოდა დედის გაყვიოთლებულ სახეს.

- ოჰ, რა ბედნიერი ვიქნები!

უკვე ვთქვით, რომ უკეთესობა არ ეტყობოდა. პირიქით, უფრო და უფრო ავადდებოდა. ერთი მუჭა თოვლი რომ მოხვდა ბეჭებშია შიშველ ტანზე, ეს იყო მიზეზი, რომ უცხად იფეთქა სნეულებამ, რომელიც რამდენიმე წელიწადი იყო, ტანში უღვიოდა, მაგრამ ძალიან კი არ აწუხებდა. იმ დროს გულის ავადმყოფობის შესასწავლად და სამკურნალოდ ლაენეკის დებულებებით ხელმძღვანელობდნენ; მაშინ ვრცელდებოდა ოსკულტაცია. გასინჯა ფანტინი ექიმმა და თავი გაიქნია.

- რას იტყვიოთ? - ჰკითხა ბატონმა მადლენმა.

- შეილი ხომ არა ჰყავს, რომ ნახვა უნდოდეს?

- დიახ, ჰყავს.

- მამ დააჩქარეთ მისი მოყვანა.

თრთოლა მოერია ბატონ მადლენს.

მერე ფანტინმა ჰკითხა:

- რა თქვა ექიმმა?

ბატონმა მადლენმა ძლივს მოახერხა გაცინება:

- ექიმმა თქვა, დააჩქარეთ ბავშვის მოყვანა; ამის წამალი ის არისო.

- ოჰ, რა კარგი ექიმი ყოფილა, - წამოიძახა ფანტინმა, - რა მოუვიდათ ნეტავი ტენარდიებს, რომ აღარ მაძლევენ ჩემს გოგონას? მამ, მალე ვნახავ? ძლივს არ ვედირსები ბედნიერებს?

ტენარდიე კი მაინც ხელიდან არ უშვებდა კოზეტს და ხან რას იგონებდა თავის გასამართლებლად და ხან რას; ცოტა არ იყოს, კარგად ვერ არის პატარა და ძნელია ამ ზამთარში ამის წამოყვანა... გარდა ამისა, წვრილმანი ვალიც იყო აქა-იქ გადასახდელი და იმის ცნობებსაც მოგროვება უნდოდა და სხვ. და სხვ.

- ვაგვზავნი ვინმეს კოზეტის წამოსაყვანად, - თქვა ბატონმა მადლენმა, - თუ არადა, მე თვითონ წავალ.

ფანტინის კარნახით დაწერა ეს წერილი და ხელი მოაწერინა:

„ბატონო ტენარდიე,

ამის მომტანს ჩააბარეთ ჩემი კოზეტი.

წვრილმან ვალსაც ამის მომტანი გადაგიხდით.

თქვენი პატივისმცემელი ფანტინი“.

ამასობაში ერთი რამ მოხდა, დიდად მნიშვნელოვანი. ძალიან კარგადაც რომ ვთლიდეთ საიდუმლო ქვას, რომელიც შეადგენს ჩვენს სიცოცხლეს, ბედისწერა მაინც თავისას არ იშლის და ავბედიოდალ გვიფუჭებს გულის წადილს.

თავი მეორე

როგორ იქცა უანი შანად

თავის კაბინეტში ბრძანდებოდა ერთ დილას ბატონი მადლენი და ცდილობდა წინასწარ მოეგვარებინა ქალაქის საჩქარო საქმეები, თუ მონფერმეილში წასვლა მოუხდებოდა.

- პოლიციის ინსპექტორი გახლავთ, ბატონი ჟავერი, - მოახსენა მოსამსახურემ. - თქვენი ნახვა უნდა.

ამ სახელის ხსენება ბატონ მადლენს თავისდა უნებურად არ ესიამოვნა. რაც პოლიციაში ლაპარაკი მოუვიდათ, ჟავერი უფრო მეტად ერიდებოდა, ვიდრე წინათ და აღარსად შეხვედროდნენ ერთმანეთს.

- მობრძანდეს.

შემოვიდა ჟავერი.

ბატონი მადლენი ბუხართან იჯდა, ხელში კალამი ეჭირა, წინ დიდი „საქმე“ ედო და იმას სინჯავდა, ფურცლავდა, ნიშნებს იწერდა - მიმოსვლის გზებზე პოლიციის წესების დარღვევის ოქმები იყო. არც კი შეხედა ჟავერს. თვალწინ დაუდგა სანყალი ფანტინი, სულ იმაზე ფიქრობდა და ერთობ ცივად დაუხვდა.

ჟავერი მიესალმა ბატონ მერს, რომელიც არც მობრუნებულა მისკენ, არც შეუხედავს, თავის საქმეს განაგრძობდა.

ორი-სამი ნაბიჯი წაღვა წინ ჟავერმა და გაჩერდა ხმის ამოუღებლად.

ვინმე ფიზიონომისტი რომ ყოფილიყო, ჟავერის ბუნების მცოდნე, კარგად სცნობოდა ცივილიზაციის მოსამსახურედ დანიშნული ეს ველური, ეს უცნაური შენაზავი რომაელისა და სპარტელისა, ბერისა და კაპრალისა, ეს ჯაშუში, მაგრამ მტერი ტყუილისა, ეს უმანკო მსტოვარი, დიახ, რომ ყოფილიყო ვინმე და სცოდნოდა იმისი დიდი ხნის, მაგრამ დამალული ეჭვი და სიძულვილი მადლენისადმი, მისი კამათი მადლენთან ფანტინის გამო და ამ დროს ენახა ჟავერი, იტყოდა: - ნეტავ რა მოხდა, ასე რომ შეცვლილა ეს კაცი? ყველასათვის, ვინც კი იცნობდა ამ წმინდა სანდისს, უმნიკვლოს, გულწრფელს, პატიოსანს, სასტიკს და მკაცრს, ცხადი იყო, რომ ჟავერის არსებაში რაღაც საშინელი სულიერი ბრძოლა უნდა ყოფილიყო აღძრული და უკვე მონელებული. ჟავერს რაც კი ჰქონდა სულში, სახეზეც ეტყობოდა ყველაფერი; იმასაც, როგორც ყველა ფიცხ ადამიანს, სწრაფად შეეცვლებოდა ხოლმე გუნება. თავის დღეში არა ყოფილა იმისი სახის გამომეტყველება ასე უცნაური და მისთვის შეუფერებელი. რომ შევიდა და თავი დაუკრა ბატონ მერს, აღარც სიძულვილი ეტყობოდა სახეზე, აღარც უკმაყოფილება, აღარც უნდობლობა. მივიდა და ბატონი მადლენის საუარძლის უკან გაჩერდა რამდენიმე ნაბიჯის მოშორებით. იღვა იქ დასტილივით გაჭიმული, უძრავი, იმ კაცის წრფელი და ცივი სიმტკიცით, რომელიც მოთმინებით აღსავსე ყოფილა ყოველთვის და ულმობელი. იღვა და ელოდა, ხმას არ იღებდა, არ იძვროდა ნამდვილი თავმდაბლობით და მშვიდი მოთმინებით. ელოდა დამშვიდებული, დარბაისელი, რომ მისკენ მოეხედა ბატონ მერს, ქუდი ხელში ეჭირა. თავი ძირს დაეხარა, იმგვარი გამომეტყველებით, როგორც შუპვერის არა ჯარისკაცს თავისი ოფიცრის წინაშე, არამედ დამნაშავეს - თავისი მსაჯულის წინაშე. ისე იყო, თითქოს უცბად გაჰფანტოდა, რაც კი ახსოვდა და რასაც გრძნობდა. მჭმუნვარე სევდის მეტი არაფერი აჩნდა მის კლდესავით მიუვალ და მკაცრ სახეს. მორჩილების განსახიერება იყო ეს კაცი, სიმაგრისა და რაღაც ვაჟკაცური სევდისა.

ბოლოს კალამი დადო ბატონმა მერმა და ოდნავ მოიხედა ჟავერისკენ.

- ჰა, რა იყო, რა მოხდა, ჟავერ?

ერთ წამს გაჩუმებული დარჩა ჟავერი, თითქოს ახლა ცდილობს აზრების მოკრებას. მერე დალონებული ხმით დიდმნიშვნელოვნად მოახსენა:

- დიდი ბოროტმოქმედება, ბატონო მერო.

- სახელდობრ?

- ერთმა დაბალჩინოსანმა მოხელემ საშინელი შეურაცხყოფა მიაყენა თავის უფროსს და მეც გეახელით ამის მოსახსენებლად, რომ ჩემი მოვალეობა შევასრულო.

- ვნ არის ეგ მოხელე?

- მე გახლავართ.

- თქვენ?

- დიახ, მე.

- ის უფროსი ვინლა არის, რომ შეურაცხყოფა მიაყენეს?

- თქვენ, ბატონო მერო.

წინ წამოინია მადლენმა თავის სავარძელზე. თავდალუნულმა ჟავერმა მკაცრი სახით განაგრძო:

- ბატონო მერო, მე გეახელით რომ გთხოვოთ, აღძრათ შუამდგომლობა დამითხოვონ სამსახურიდან.

განცვიფრებული შეჰყურებდა მადლენი. ის იყო, პირი გააღო, უნდოდა ეთქვა რამე, მაგრამ ჟავერმა შეანყვეტინა:

- ვიცი, თქვენ ბრძანებთ, რომ მე თვითონ შემძლია ვითხოვო სამსახურიდან დათხოვნა, მაგრამ ეს არ იკმარებს. მე რომ ვითხოვო, პატივსაცემი ვიქნები. მე დავაშავე, მამ დასჯილიც უნდა ვიყო, უნდა დამითხოვოთ, უნდა გამაგლოთ სამსახურიდან.

და მცირე დუმილის შემდეგ დაუმატა:

- ბატონო მერო, იმ დღეს მეტად მკაცრად მომექცით მართალ კაცს. გთხოვთ დღეს ისევე მკაცრად მომექცეთ დამნაშავეს.

- რატომ, რა ვქნა, - შეჰყვია მადლენმა, - რომ ვერ გამოვიცა, რას ჩმახავთ? რა მოხდა, რა გინდათ? რაში გამოიხატება თქვენი დანაშაული ჩემთან? რა დამიშავეთ? დამნაშავე ვარო, იძახით, სამსახურიდან გასვლა გინდათ...

- გასვლა კი არა, მინდა დამითხოვონ, - გაუსწორა ჟავერმა.

- დაგითხოვონ, ძალიან კარგი. მე კი ვერაფერი გამოვიცა და...

- აი, მომისმინეთ, ბატონო მერო.

ჟავერმა ღრმად ამოიოხრა და დაღვრემილმა განაგრძო:

- ბატონო მერო, ამ ექვსი კვირის წინ იმ გოგოს გამო რომ მოგვიხდა შეკამათება, ცოფიანივით ვიყავი და დაგაბეზლეთ.

- დამაბეზლეთ?

- პარიზის პოლიციის პრეფექტთან.

თუმცა არც ბატონი მადლენი იცინოდა ჟავერზე უფრო ხშირად, მაგრამ აქ კი გულიანად გადაიხარხარა.

- მერმა პოლიციის უფლებაც დაისაკუთრაო?

- არა, როგორც ყოფილი კატორღელი.

ფერი ეცვალა მადლენს.

ჟავერი ისევ ისე თავდახრილი იდგა, თვალდაშვებული და განაგრძობდა:

- ასე მეგონა. დიდი ხანია, რაღაც ეჭვი მქონდა. სახისა და ტანის მსგავსება, თქვენი ცნობები, ფავეროლში რომ მოაკრებინეთ, თქვენი ძალ-ღონე, ბებერი ფომლეკანის გადარჩენა, თქვენი თოფის სროლა, თქვენი ფეხი, რომელიც ცოტათი თრევით მოგდევთ და ბევრი კიდევ სხვა. სად მოვიგონო ახლა ყველა სისულელე? დიახ, ამ მსგავსების გამო მე თქვენ ერთი კატორღელი, ჟან ვალჟანი მეგონეთ.

- როგორაო, როგორა თქვით ეგ სახელი?

- ჟან ვალჟანი. კატორღელი გახლდათ და მაშინ ვნახე ამ ოცი წლის წინათ, როდესაც ტულონში კატორღელების ზედამხედველის თანაშემწე გახლდით. კატორღიდან რომ გამოსულა, იმ ჟან ვალჟანს, როგორც ეტყობა, ერთი ეპისკოპოსი გაუქურდავს, მერე კიდევ შარავნაზე იარაღით დასცემია ერთ პატარა საფოელს და ფული წაურთმევია. აგერ რვა წელიწადია ემალება პოლიციას, თუმცა ეძებენ. ბრაზი მომერია, ბატონო, და პრეფექტთან დაგაბეზლეთ.

ბატონ მადლენს ისევ თავისი „საქმე“ აეღო ხელში. სრულიად დამშვიდებული იყო და გულგრილად ჰკითხა:

- მერე რა გიპასუხეს?

- გიჟი ხარო.

- მერე?

- მერე, ისინი მართალნი იყვნენ.

- კიდევ კარგი, რომ თქვენ თვითონ აღიარებთ.

- როგორ არ ვაღიარო, როცა ნამდვილი ჟან ვალჟანი იპოვეს.

ხელიდან გაუვარდა მადლენს ქალაღლები. ასწია თავი, დააცქერდა ჟავერს და რაღაც გამოუთქმელი კილოთი აღმოხდა:

- ჰოო?

- აი მოგახსენებთ, ბატონო მერო. ზემო კლოშეს მხარეში ვილაც კაცი ყოფილა, სახელად ძია შანმატიე. ღარიბ-ღატაკი ბებერი ყოფილა, ყურადღებას თურმე არავინ აქცევდა. რითი ცხოვრობდა, მგონი თვითონაც ვერ გეტყვოდათ. ამ შემოდგომაზე ქურდობაზე დაიჭირეს ეს შანმატიე, საბურახე ვაშლი მოეპარა ვილაცასთვის, სახელი არ მახსოვს, კედელზე ამძვრალიყო, ტოტი მოეტეხა და დაეჭირათ შანმატიე. ჯერ ისევ ხელში ეჭირა თურმე მოტეხილი ტოტი. დაიჭირეს. ჯერჯერობით დიდი არაფერია ეს დანაშაული, ადვილად გადარჩებოდა, მცირე რამ სასჯელი ექნებოდა, მაგრამ თვით განგება ჩაერია ამ საქმეში. საპატიმრო ცუდ მდგომარეობაში იყო და ბატონმა მსაჯულმა თურმე საჭიროდა სცნო შანმატიეს არასში ვაგზავნა, საოლქო საპატიმროში დასამწყვდევად. არასის ციხეში ერთი ძველი კატორღელი გახლავთ, სახელად ბრევე. კარგად იქცევა თურმე და მეკარედა ჰყავთ საპატიმროში. დანახა თუ არა იმ ბრევემ შანმატიე, ყვირილი დაიწყო - ბიჭო, ძლივს ნაცნობი კაცი არა ვნახე, კატორღელი, აქეთ მოიხედე, ჟან ვალჟანს გაუმარჯოს!

- ჟან ვალჟანი? ვინ ჟან ვალჟანი? - იძახდა თურმე შანმატიე და ცდილობდა განცვიფრებული სჩვენებოდათ.

- არა, ვის ატყუებ, შე კაი კაცო, ჟან ვალჟანი ხარ! კატორღელი ხარ, ტულონში იყავი ამ ოცი წლის წინათ, ერთად ვიყავით მე და შენ.

შანმატიე მაინც თავისას არ იზლიდა - მე ჟან ვალჟანი არა ვარო. ან რას იზამდა უბედური, ხომ არ იტყოდა, მე ვარო? გამოიძიეს ეს საქმე და აი, რა აღმოჩნდა: ამ

ოცდაათი წლის წინათ, შანმატიე მუშა ყოფილა, ხეებსა და ვაზსა სხლავდა სხვადასხვა მხარეში და, სხვათა შორის, ფავეროლოშიც. აქ კი იკარგება იმისი კვალი. შემდეგ ოვერნში ამოყოფს თავს, მერე პარიზში. პარიზში მეეტლედ ვიყავიო, - თურმე იძახის, - და ქალი მყავდა მრეცხავიო. მაგრამ არც ეს დაუმტკიცდა. ბოლოს ჩვენკენ გადმოსულა. ერთი სიტყვით, ვიდრე ქურდობის გამო კატორღაში გაგზავნიდნენ, უან ვალჟანი ხეხილს სხლავდა ფავეროლოში. ახლა კიდევ ერთი გარემოება. ნათლობის სახელი ამ კაცისა ყოფილა უან; იმისი დედის გვარი ყოფილა მათიე. გვარი უნდა გამოეცვალა, კატორღიდან რომ გამოვიდოდა და იმანაც დედის გვარი დაირქვა - უან-მატიე. ოვერნში გადავიდა. იქ ადგილობრივი გამოთქმით უან-ი შან-ად იქცა და გახდა შან მათიე. ისიც კმაყოფილია ამ ცვლილებით და უან ვალჟანის მაგივრად ჩნდება შანმატიე. ცნობები შეკრიბეს ფავეროლოში, იქ უან ვალჟანის ოჯახი აღარასად არის. არც კი იყან, რა იქნა, რა მოუვიდა. ხომ მოგვესვენებათ, ხალხში ხშირია ეს მოვლენა. უცხად გაქრება ხოლმე მთელი ოჯახი: ეძებენ და კვალსაც ვეღარ ავხებენ. რას იზამთ, ბატონო! ამგვარი ხალხი თუ ტალახი არ არის, იმ შემთხვევაში მტვერია. დიდი ხნის ამბავი გახლავთ, ოცდაათი წლისა და ფავეროლოში კაცი არავინ არის, რომ უან ვალჟანი ახსოვდეს. მერე ტულონში ეძებეს. ბრევეს გარდა ორი კაცი კიდევ არის უან ვალჟანის მცნობი, კოშპაილი და შენილდიე, კატორღაში იქნებიან, სანამ დაიხოცებიან. ახლა ეს კაცები ამოიყვანეს არასში და პირისპირ წაუყენეს შან მათიეს. მაშინვე იცნეს. იმათაც ისა თქვეს, რაც ბრევემ, - უან ვალჟანი არისო. იგივე ასაკი, - ორმოცდაათობმეტი წლისა გახლავთ, - თავით ფეხამდე იგივე უან ვალჟანია, ისეთივე ახოვანი, იგივე სახის გამომეტყველების. სწორედ ამ დროს გავგზავნე პარიზს ჩემი დაბეჭდვა. პასუხად - გავიჟებულხარო, - მწერენ, - უან ვალჟანი დაჭერილია და არასში ზის ციხეში, მართლმსაჯულების ხელშიაო. წარმოგიდგენიათ, როგორ გამიკვირდებოდა მე ეს პასუხი, როდესაც დარწმუნებული ვიყავი, აქა მყავს უან ვალჟანი და ვეღარასად წამივა-მეთქი? გამომძიებელს მივწერე. დამიბარა, მაჩვენა ის შანმატიე.

- მერე? - შეაწყვეტინა ბატონმა მერმა.

ისეთივე დალონებული ხმით უპასუხა ჟავერმა:

- რაც მართალია, მართალია, ბატონო. ძალიან ვწუხვარ, მაგრამ ის კაცი გახლავთ უან ვალჟანი, იქ რომ მაჩვენეს, მეც ვიცანი.

ხმას დაუნია ძია მადლენმა და ყრუდა ჰკითხა:

- დარწმუნებული ხართ?

- ოჰ, მაგას რაღა თქმა უნდა! - ისეთი სიცილით უპასუხა ჟავერმა, რომელიც მართლ ღრმად დარწმუნებულმა იცის.

ერთ წამს ჩაფიქრებული იდგა, თითებით თავისდა უნებურად ჯამიდან ცოტაოდენი ხის ფხვნილი ამოიღო, მელნის საშრობად რომ ხმარობდნენ და მერე თქვა:

- ახლაც ვერ გამიგია, ნამდვილი უან ვალჟანი რომ ვნახე, რა ღმერთი გამინყრა, ისე როგორ შევიშალე, რომ ამისთანა მარცხი მომივიდა. ბოდიშს ვიხდი, ბატონო მერო.

ვედრებით მიმართა უკანასკნელი სიტყვები ძია მადლენს, რომელმაც ექვსი კვირის წინ ასე დაამყირა და შეარცხვინა პოლიციელების თვალში და შეუტია, - გადი აქედანო. მედიდურობით სავესე იყო ჟავერი, მაგრამ ამას თვითონაც ვერ ამჩნევდა,

ღირსებითაც საესე იყო აგრეთვე. ბატონმა მადლენმა იმის თხოვნას არ უპასუხა და სულ სხვა რამე ჰკითხა უკმეხად:

- ის რალას ამბობს?

- რა უნდა თქვას, ბატონო მერო? ცუდად არის იმისი საქმე, თუ მართლა უან ვალუჟანი გახლავთ, მაშინ რეციდივს აქვს ადგილი. კედელზე აძვრა, ტოტი მოტეხა, ხილი მოკრიფა. ბავში რომ ყოფილიყო, აბეზარიო, იტყოდნენ, ვაჟუკისთვის კი, და ისიც ყოფილი კატორღელისათვის, შეუწყნარებელი დანაშაულია. აძრომაც არის და ქერდობაც. საქმე პოლიციის კი არა, ნათივც მსაჯულთა სასამართლოში გახლავთ. რამდენიმე დღის დაპატიმრება კი არა, იქ კატორღა გახლავთ, სიკვდილამდე. ეხლა იმ პატარა საოელის საქმეც მიემატება, დარწმუნებული გახლავართ, ისიც ჩაერევა საქმეში. მმერე ნახეთ თქვენ. ის კი არ იფიქროთ, თავის დაცვას ვერ მოახერხებსო. სხვისი რა მოგახსენოთ და უან ვალუჟანი იმისთანა გაქნილი კაცია, რომ ამითაც ადგილი საცნობია. სხვა ყველა იგრძნობდა, რომ ცუდად აქვს საქმე, გაბრაზდებოდა, ყვირილს დაიწყებდა, - ქვაბი ცეცხლზე შიშინებსო, - იტყვიან, არ ისურვებდა უან ვალუჟანობას. ის კი, აკი მოგახსენეთ, ძალიან გაქნილი კაცია და ისე იქცევა, თითქოს არუც კი ესმოდეს, რასა სწამებენ. დგას და ერთსა და იმავეს გაიძახის - მე შან მათიე ვარ, მორჩა და გათავდაო! საკვირველია, თითქოს ცილსა სწამებდნენ მოულოდნელად, და ცდილობს ყეყეჩად მოაჩვენოს თავი. ისეთი მოხერხებული რამ არის, რომ თვალს აუხვევს ყველას, მაგრამ აქ კი ვერ გაუვა თავისი თვალთმაქცობა, საბუთები ხელთა აქვს სასამართლოს. ოთხმა კაცმა იცნო და თავისას ველარ ასცდება ბებერი ყაჩალი. საქმე არასში ირჩევა და მეც დაბარებული გახლავართ მონმედ.

ბატონმა მადლენმა თავისი ქალღლებისკენ მიინია და მშვიდად გადაშალა ფურცლები, კითხულობდა, ცნობებს ინიშნავდა, როგორც საქმით გატაცებული, მერე უავერს მიუბრუნდა:

- კმარა, უავერ, თუ მართალი გნებავთ, ჩემთვის საინტერესო არ არის მაგ საქმის ასე დანვრილებით გაცნობა. ტყილად დროსა ვკარგავთ და საქმე კი ბევრი გვაქვს. მამ ახლავე წახვალთ ბუზოპიეს ცოლთან, - ძალიან კარგი დედაკაცია, მწვანილს რომ ყიდის სენ-სილვის ქუჩაზე - უთხარიო, მოიტანოს საჩივარი მეეტლე პიერ შენელიონის დასასჯელად; მხეცია ეს კაცი, კინალამ გაჭყლიტა დედაკაცი ბავშიანად. კარგადაც უნდა დაისაჯოს. მერე შარსელიესთან მიხვალთ მონტრ-დე-შამპინის ქუჩაზე; ჩივის, მეგობლის ბანიდან ჩემთან ჩამოდის წვიმის წყალი და სახლის საძირკველს მიფუჭებსო. მერე ოქმს შეუდგენთ პოლიციური წესების დარღვევისას ქერივ დორს გილბურგის ქუჩაზე და რენე ლებოსეს გარო-ბლანსის ქუჩაზე; მაგრამ ბევრს გავალეებთ. წასვლას აპირებთ, თუ არ ვცდები. მგონი, მითხარიო, არასში მივდივარ ამ საქმის გამო ათი დღის შემდეგო...

- უფრო ადრე, ბატონო მერო.

- როდის?

- მგონი მოგახსენეთ, ბატონო მერო, რომ საქმე ხვალ ირჩევა და ამალამ დილითანიო მომიხდება წასვლა.

ოდნავ შეკრთა ბატონი მადლენი.

- და რამდენ ხანს გასტანს ეს საქმე?

- ხვალვე გათავდება, ხვალღამ იქნება დადგენილება, ძალიანაც რომ დაგვიანდეს, მაგრამ მე დადგენილებას არ დავუყვდი. საქმე ცხადია. როგორც კი დამკითხავენ, მაშინვე აქეთ წამოვალ.

- ძალიან კარგი, - უთხრა ბატონმა მერმა.

მერე ხელით ანიშნა, მიბრძანდითო.

ჟავერი არ დაიძრა.

- უკაცრავად გახლავართ, ბატონო მერო, - მიმართა ჟავერმა.

- კიდევ არის რამე?

- კიდევ მინდა გავახსენოთ, ბატონო მერო...

- რა უნდა გამახსენოთ?

- მინდა გავახსენოთ, რომ დამითხოვოთ.

ბატონი მადლენი წამოვდა.

- პატიოსანი კაცი ხართ, ჟავერ, და პატივისმცემელი ვარ თქვენი. თქვენ ძალიან აზვიადებთ თქვენს შეცდომას. ეგეც რომ არ იყოს, ეს შეურაცხყოფაც მე შემეხება და ჩემი საქმეა. ჟავერ, თქვენ ღირსი ხართ წარმატებისა და არა დათხოვნისა, თქვენ თქვენს ადგილზე დარჩებით.

ჟავერმა შეხედა ბატონ მადლენს თავისი ერთგული თვალით, რომლის სიღრმეში სინდისი მოჩანდა, ოდნავ განვითარებული, მაგრამ მკაცრი და თავისი თავის მიმართაც კი შეუბრალებელი, და მშვიდი ხმით მოახსენა:

- მე მაგას ვერ აგისრულებთ, ბატონო მერო...

- მე კიდევ გიმეორებთ, რომ ეს საქმე ჩემია და მე შემეხება.

ჟავერი ყურადღებით მისდევდა თავის ფიქრს და განაგრძო:

- რაც შეეხება გავზიადებას, მე არაფერი გამიზვიადებია. აი ბატონო, ჩემი მსჯელობა: ეჭვით კატორღელი მეგონეთ სრულიად უსაფუძვლოდ. ეს კიდევ არაფერი. ჩვენი უფლებება, ეჭვით ვუყუროთ ყველას, თუმცა გადაჭარბებულად უნდა ჩაითვალოს ეჭვით შერცხვენა ჩვენი უფროსებისა. ჩემი დანაშაული ის არის, რომ არავითარი საბუთი არა მქონდა, გაბრაზებული ვიყავი, შეურაცხყოფილი და სამაგიეროს გადახდა მწყუროდა. ავდექი და დავაბეზღეთ, კატორღელად დავსახეთ. კატორღელად დავსახე უმნიკვლოდ პატიოსანი კაცი, მერი, მთავრობის მიერ წარჩინებული მოხელე. მაშ ეს მეპატიება? თქვენი სახით მთავრობას მივაყენე შეურაცხყოფა მე, მთავრობის მოსამსახურემ. ჩემს ხელქვეითთაგანს რომ მოსვლოდა ვინმეს ეს შეცდომა, სამსახურის უღირსად გამოვაცხადებდი და პანდურსა ვკრავდი. ერთი სიტყვა კიდევ, ბატონო მერო. ხშირად ვყოფილვარ მკაცრი ჩემს სიცოცხლეში, მკაცრი სხვებისთვის და მართალიც ჩემს სიმკაცრეში. საჭირო იყო და ერთგულად ვასრულებდი ჩემს მოვალეობას. დღეს რომ იმავე სიმკაცრით არ დავსაჯო ჩემი საქციელი, უსამართლოდ გადაიქცევა ყველაფერი, ცარიელ ავკაცობად, რასაც მე სამართლიანად ვაკეთებდი. ხომ ვერ მიბრძანებთ, სხვას სასტიკად მოექცევი და შენს თავს კი ლმობიერადო? ვერა! როგორ? სხვების დასასჯელად კარგი ვიყავ და ჩემი თავისთვის კი - უვარგისი? მაშ, შერცხვენილი ვყოფილვარ! მაშ, მართალი ყოფილა ყველა, ვინც გაიძახის, ის საზიზღარი ჟავერიო. ბატონო მერო, მე არ მინდა თქვენი გულმონყალება, ისედაც კარგა ხანს მანამა თქვენმა სიკეთემ, სხვას რომ შეუნდეთ; ჩემთვის კი საჭირო არ გახლავთ. თურმე გულკეთილობა ყოფილა კახა ქალის გამართლება და პატიოსანი ბურჟუის გამტყუნება, პოლიციის მოსამსახურის

გამართლება და მერის გამტყუნება, მდაბიოს გამოქომაგება და დიდებულის დევნა. ცუდ გულკეთილობას ვუწოდებ მე ამას. სწორედ ეგ თქვენებური გულკეთილობა გახლავთ, რომ რყენის საზოგადოებას. ღმერთო ჩემო! გულკეთილობა, მაგაზე ადვილი რაღა იქნება? საქმე ის არის, სამართლიანი იყოს გულკეთილობა. იცით, თქვენ რომ ისა ყოფილიყავით, ვინც მეგონეთ, მაშინ ნახავდით ჟავერს! მაშინ ნახავდით, რომ თქვენი გულკეთილობისა ჟავერს არა სცხია რა. დიახ, ბატონო მერო, მე ისე უნდა დავსაჯო ჩემი თავი, როგორც სხვას დავსჯიდი, პატიმრებს რომ ვსჯიდი და ჭკუას ვასწავლიდი არამზადებს, ხშირად ვეტყოდი ხოლმე ჩემს თავს: - დაჰკარ, არ შეიბრალო! მაგრამ გახსოვდეს, თუ წაგცდა რამე, თუ ფეხი წაგიცდა სადმე, ვაი შენი ბრალი. ამაზე უარეს დღეს დაგაყენებ! - და აგერ წამცდა. ვხედავ ჩემს შეცდომას და დასჯილი უნდა ვიყო. დამითხოვეთ, გამაგდეთ, ბატონო. ჯერ კარგადა ვარ, შრომა შემეძლია. ვიცხოვრებ როგორმე, ბატონო მერო. სამსახურის კეთილად წარმოებისათვის მაგალითია საჭირო. მე მოვითხოვ ინსპექტორ ჟავერის სამსახურიდან დათხოვნას.

თავმდაბლურად იყო ნათქვამი ეს სიტყვა, უიმედო კილოთი, მაგრამ ამაყად და გულწრფელი რწმენით, რომელიც უცნაური დიდებით ჰმოსავდა ამ უცნაურად პატიოსან კაცს.

- ვნახოთ, - უთხრა მადლენმა.

ხელი გაუწოდა ჟავერს.

უკან დაინია ჟავერმა და მკაცრად უთხრა:

- ბოდიშს ვიხდი, ბატონო, დაუშვებელია, რომ მერი ხელს ართმევდეს ჯაშუშს.

და ჩუმი ხმით დაუმატა:

- ჯაშუშს, დიახ! რაკი ასე სამარცხვინოდ ვისარგებლე პოლიციელის უფლებით, ჯაშუში ვყოფილვარ და სხვა არაფერი.

მდაბლად დაუკრა თავი და კარისკენ წავიდა. კართან გაჩერდა, მობრუნდა და თავჩაღუნულმა უთხრა:

- ბატონო მერო, მე განვავადობ ჩემს სამსახურს მანამ, სანამ სხვას დანიშნავთ.

და გავიდა. ჩაფიქრებული დარჩა მადლენი.

წიგნი მეშვიდე

შანმატიეს საქმე

თავი პირველი

მონაზონი სიმპლიცია

რასაც აქ ვუამბობთ მკითხველს, ყველაფერი ვერ გაიგეს მონრეილელებმა, მაგრამ ისეთი შთაბეჭდილება მოახდინა მათზე ამ ამბის მცირე ნაწილმაც კი, რომ თუ დაწვრილებით არ აღწერეთ ყველაფერი, ხარვეზი იქნება ამ წიგნისთვის.

დაწვრილებით მოთხრობაში ორ-სამ გარემოებას შეხვდება მკითხველი, ძნელად დასაჯერებელს, რომლებიც აღწერილი გვაქვს სიმართლის სრული დაცვით და პატივისცემით.

ჟავერთან საუბრის შემდეგ, შუადღისას, ბატონი მადლენი ჩვეულებისამებრ ფანტინის სანახავად წავიდა.

ვიდრე ავადმყოფთან მივიდოდა, ჯერ მონაზონი სიმპლიცია დაიბარა.

ორი მონაზონი ჰყავდა ავადმყოფების მოსაველელოდ, პერპეტუა და სიმპლიცია.

პერპეტუა სოფლელი ქალი იყო. მონაზონების დადამდგარიყო, რადგან უნდა ემუშავა სადმე; საქველმოქმედო დაწესებულებაში იქნებოდა თუ სადმე ღუქანში, იმისთვის ერთი იყო. ღვთისნიერი იყო, ისე, როგორც სხვა მზარეულები. იშვიათი არ არის ამგვარი ადამიანი; მონასტერში სიამოვნებით იღებენ ხოლმე ამ ლუკმაპურის მაძიებელ გლეხებს და ადვილად იმსახურებენ. რაც მძიმე აქვთ გასაკეთებელი, ამ გლეხებს აკეთებინებენ. დღეს მენახირეა გლეხი, ხვალ მონასტერშია ბერებთან ერთად; არავითარ სიძნელეს არ წარმოადგენს ეს გარდაქმნა, რადგან ისეთივე უვიცია ბერი, როგორც გლეხი, ამიტომ ძალიან ადვილად ეთვისებიან ერთმანეთს. ცოტა გააგანიერებს თავის წამოსასხამს და მიიღებს ანაფორას. ძალიან ღვთისნიერი ადამიანი იყო მარინელი პონტუაზელი პერპეტუა, ადგილობრივი გამოთქმით ლაპარაკობდა, ვალობდა, ბუზღუნებდა, შაქრავდა წამალს ავადმყოფის სარწმუნოებრივი გულწრფელობის მიხედვით, უტევდა ავადმყოფებს, პირქუში იყო მომაკვდავთათვის, გაბრაზებული ლოცვით უხვდებოდა სულთაბრძოლას, მაგრამ ყოჩაღი და პატიოსანი იყო ნითური დედაკაცი.

მონაზონი სიმპლიცია ცვილივით თეთრი იყო. ერთად რომ იდგნენ, სიმპლიცია წმინდა სანთელს ჰგავდა, პერპეტუა - შანდალს. წმ. ვინსენ დეპოლმა საუცხოოდ დაახსიათა მონაზონების დის სახე შემდეგი სიტყვებით, სადაც შერეულია თავისუფლება და მონობა: „სახლად საავადმყოფო ეწნებათ, სენაკად - დაქირავებული კუთხე, ეკლესიად - თავიანთი სამწყსოს საყდარი, მონასტრად - ქალაქის ქუჩები და საავადმყოფოების დარბაზები, თავშესაფრად - მორჩილება, ციხისმაგრედ - ღვთის განგება, პირბადედ - თავმდაბლობა“. ამ იდეალის განხორციელება გახლდათ სიმპლიცია. რამდენი წლისა იქნებოდა, ამის თქმას ვერავინ შეძლებდა, ახალგაზრდა თავის დღეში არ ყოფილა და, ეტყობოდა, თავის დღეში არც დაბერდებოდა. ეს პიროვნება, ვერ შევხვდავთ ვუნოდოთ ქალი, გახლდათ მშვიდი, სასტიკი, ზრდილი, ცივი, თავის სიცოცხლეში არ ეთქვა ტყუილი. ისეთი ღმობიერი იყო, რომ მყიდვეს ჰგავდა, მაგრამ უფრო მაგარი ჩანდა, ვიდრე ქვა არის. ავადმყოფს თავისი მშვენიერი, ფაქიზი, უბინო თითებით ეხებოდა, მის სიტყვაში კი, ასე ვთქვათ, მყუდროება ისმოდა: თუ იტყოდა, მხოლოდ საჭიროს და იმისთანა ხმა ჰქონდა, რომ აღსარების სათქმელ ოთახსაც დაამშვიდებდა და დიდი დარბაზის საზოგადოებასაც მოხიბლავდა. ამ მშვენიერებას ერთი უბრალო შალის კაბა ეცვა და ამ უხეში კაბის შეხება მუდამ ღმერთსა და ზეცას აგონებდა ადამიანს. ერთი წვრილმანიც უნდა აღვნიშნოთ, უფრო ხაზგასმით. თავის დღეში ტყუილი არ ეთქვა, არავის დასახმარებლად, თავისდა უნებურადაც კი. წამოცდენითაც არაფერი წამოსცდებოდა, ჭეშმარიტება რომ არ ყოფილიყო; ეს ახასიათებდა სიმპლიციას, ეს იყო ნიშანი მისი ქველობისა და სათნოებისა. სახელი ჰქონდა განთქმული ბერ-მონაზვნებში თავისი სიმართლით. ამ თვისებას უქებდა სიმპლიციას მღვდელი სიკარი ყრუ-მუნჯ მასსიესთან მიწერილ უსტარში: „რაც უნდა გულწრფელნი და წმინდანი ვიყვნეთ ჩვენს სიმართლეში, მანც ყველას მოგვეპოვება პატარა სიცრუე, თუნდაც უვნებელი. იმას კი არა. პატარა სიცრუე, მთლად უვნებელი, განა არსებობს ამისთანა რამ? ტყუილია ნიშანი ბოროტებისა. პატარა სიცრუე მანც სიცრუეა: ვინც ტყუის, უვნებელი იქნება ეს სიცრუე თუ არა, მანც ტყუის. სიცრუე - სახე არის სატანისა. ორი სახელი აქვს სატანას, სატანა და სიცრუე“. -

აი, რა აზრისა იყო სიმპლიცია და რა აზრისაც იყო, იმისდა მიხედვით მოქმედებდა. ამიტომ იყო ასე თეთრი სიმპლიცია, როგორც ზევით რომ ვახსენეთ, და ამ წმინდა სითეთრის სხივი ამშვენებდა მის ბავსს და თვალებს. არსად მოიპოვებოდა ამ ქალის სინდისზე არათუ ლაქა, მტერის ნატამალიც კი. მონასტერში რომ შევიდა, ეს სახელიც თავისი სურვილით დაირქვა. სიცილიელმა სიმპლიციამ, როგორც ცნობილია, ის არჩია, ორივე ძუძუ მოეგლიჯათ და ტყუილი კი არა თქვა, სევასტიელი ვარო, რადგან სირაკუზელი იყო. არა თქვა უვნებელი ტყუილი, რომელიც წამებისაგან იხსნიდა მას. ეს მფარველი შეეფერებოდა სიმპლიციას სულს.

მონასტერში რომ შევიდა, ორი ნაკლი ჰქონდა, რომელთაგანაც ნელ-ნელა განთავისუფლდა: ტუბილური უყვარდა ძალიან და წერილების მიღება. წიგნების კითხვა არ უყვარდა, მარტო ლოცვანს კითხულობდა, ლათინურს, მსხვილი ასოებით დაბეჭდილს. ლათინური არ ესმოდა, მაგრამ წიგნის აზრს სწვდებოდა.

ამ ღვთისნიერმა ქალმა შეიბრალა და შეიყვარა ფანტინი; ალბათ გრძნობდა, რომ უბედური იყო ეს ავადმყოფი და არა გარყვნილი, და გულმოდგინედ უვლიდა.

ბატონმა მადლენმა ცალკე გაიყვანა სიმპლიცია და განსაკუთრებული გრძნობით სთხოვა ფანტინის მოვლა და წამლობა. ეს შემდეგში აგონდებოდა სიმპლიციას.

მერე ფანტინთან შევიდა მადლენი.

ყოველდღე მოუთმენლად ელოდა ფანტინი მადლენის მისვლას, როგორც მზის სხივს და ნეტარებას. მონყალების დებს ეტყოდა ხოლმე ხშირად:

- ცოცხალი მაშინა ვარ, როდესაც მერი აქ არის.

დიდი სიყვარული ჰქონდა იმ დღეს. დაინახა ბატონი მადლენი და შეჰკვილა:

- კობეტი?

მადლენმა ღიმილით უპასუხა:

- მალე, სულ მალე ნახავ.

დაჯდა. როგორც ყოველთვის, ისე ექცეოდა ქალს, ოღონდ დღეს მთელი საათი დაჰყო ავადმყოფთან, ნახევარი საათის მაგივრად, და ძალიანაც გაახარა ამით ფანტინი. სულ იმას ეხვეწებოდა დიდსა და პატარას - არაფერი დააკლოთ ავადმყოფსო. ყურადღება მიაქციეს იმასაც, რომ ერთი წამით ძალიან მოეღუპა მადლენს სახე. მაგრამ ამის მიზეზიც გაიგეს: ეს მაშინ მოხდა, როდესაც ექიმი დაიხარა და ყურში ჩასჩურჩულა:

- ძალიან ცუდად არის ავადმყოფი.

მერე ქალაქის თვითმართველობაში მივიდა. იჯდა და გულმოდგინედ სინჯავდა გზების რუკას, იმის კაბინეტში რომ იყო ჩამოკიდებული. რამდენიმე ციფრი ქალაქებზე ფანქრით ამოიწერა.

თავი მორე

შორსმჭვრეტელობა სკოფლერისა

მერე ქალაქის გარეუბნისკენ წავიდა, ფლამანდენ სკოფლერთან, რომელიც ქირით აძლევდა მგზავრებს ცხენებს და ეტლებს.

სკოფლერთან მისასვლელად საჭირო იყო ერთ მიყრუებულ ქუჩაზე გავლა. ამ ქუჩაში იდგა სახლი იმ ეკლესიის მღვდლისა, რომლის სამწყსოშიც ბატონი მადლენი შედიოდა. მღვდელზე ამბობდნენ, ღირსეული, პატიოსანი კაცია და კარგი რჩევის

მიმცემიო. იმ დროს, როდესაც ბატონი მადლენი მღვდლის სახლთან მივიდა, ქუჩაში ერთი კაცის მეტი არავინ იყო, და აი, რა დაინახა იმ კაცმა: ბატონმა მერმა ჯერ გაიარა მღვდლის სახლი, გაჩერდა, რამდენიმე წუთი უძრავად იდგა; მერე უკან დაბრუნდა და მღვდლის სახლის კართან მივიდა, კარს რკინის ჩაქუჩი ჰქონდა დასაკაკუნებლად. ასწია ჩაქუჩი, მაგრამ ისევ გაჩერდა და ჩაფიქრებული იდგა ცოტა ხანს, არ აკაკუნებდა. მერე იმის მაგივრად, რომ დაეკაკუნებინა, ფრთხილად დაუშვა ჩაქუჩი და ახლა უფრო ჩქარი ნაბიჯით წავიდა.

სკოფლერი ცხენის სალულს აკეთებდა, მადლენი რომ მივიდა.

- ერთ კარგ ცხენს ვერ მიშოვით?

- ბატონო მერო, მე რომ ცხენები მყავს, სულ კარგებია. რას ეძახით თქვენ კარგ ცხენს?

- ისეთს, რომ ასამდე კილომეტრი გაიაროს დღეში.

- ასამდე კილომეტრი? - გაიკვირვა სკოფლერმა. - კარგი მანძილია.

- დიახ, კარგი მანძილია.

- ეტლში იყოს შებმული?

- დიახ.

- და რამდენ ხანს დაისვენებს, მაგ მანძილს რომ გაივლის?

- თუ საჭირო იქნება, მეორე დღესვე უკან უნდა გამობრუნდეს.

- იგივე გზა უნდა გამოიაროს?

- იგივე.

- დასწყევლა ღმერთმა! ასი კილომეტრი, ხუმრობაა?

ბატონმა მადლენმა პატარა ქალაქი ამოიღო ჯიბიდან, ფანქრით დანიშნული რიცხვებით და სკოფლერს აჩვენა:

- ხედავთ, ოთხმოცდაათზე მეტი გამოდის.

- ბატონი ბრძანდებით, ჩემ თეთრ ცხენს მოგართმევთ. იქნება ნანახიც გყავდეთ ქუჩაში. ქვემო ბულონური გახლავთ. ცეცხლია, ცეცხლი! ჯერ უნავირის დადგმა დაუპირეთ, მაგრამ არ ინება - ნიხლს ისვროდა, ყალყზე დგებოდა, ძირს ანარცხებდა მხედარს. გიჟი გვეგონა, გამოუსადეგარი, არ ვიცოდით, რაში გამოგვეყენებინა. მერე ეტლში შევაბი და თურმე სწორედ ეს ნებავდა. ისეთი მშვიდია, როგორც პატარა გოგო, და ჩქარი, როგორც ქარი. სანაქებო რამ არის, ოღონდ ზურგზე უნავირი არ ედგას. რას იზამთ, ბატონო მერო, ყველას თავისი თავმოყვარეობა ჰქონია. განევით გასწევს, რამდენიც გინდათ და ზურგით ზიდვას კი არა კადრულობს.

- მერე, შეძლებს მაგ მანძილის გავლას?

- თქვენს ას კილომეტრს ქვენებით რვა საათსაც არ მოუნდება. მაგრამ პირობით.

- რა პირობით?

- პირველი: ნახევარ გზას რომ გაივლით, ერთ საათს დაასვენებთ და კარგადაც აჭმევთ. ჭამის დროს იქ უნდა ბრძანდებოდეთ, რომ ღუქნის ბიჭმა შვრია არ მოჰპაროს. ამას იმიტომ მოგახსენებთ, რომ ღუქნებში ცხენის საჭმელ შვრიას ღუქნის ბიჭები ჭამენ და ცხენს არაფერს აძლევენ.

- ძალიან კარგი.

- მეორე... ეტლი ბატონ მერს ნებავს თავისთვის?

- დიახ...

- იცის ბატონმა მერმა ცხენის გაძლოლა?

- დიახ, ვიცი.
 - ძალიან კარგი, ოღონდ ბატონი მერი მარტო იქნება ეტლში და არც ბარგი ექნება.
 - თანახმა ვარ.
 - კარგი, მაგრამ რაკი მარტოდმარტო იქნებით, ბატონო, მაშ ცხენის ყურისგდებაც თქვენ მოგიწევთ.
 - მაგაზნადც თანახმა ვარ.
 - დღეში ოცდაათ ფრანკს მიბოძებთ. დასვენების დღისასაც აგრეთვე. ეს უკანასკნელი ფასი გახლავთ. ცხენის საჭმელსაც თქვენი ხარჯით გაისტუმრებთ.
- ბატონმა მადლენმა სამი ოქრო ამოიღო ჯიბიდან, სამი ნაპოლეონლორი და სკოფლერს მისცა.
- ორი დღისას ახლავე გადაგიხდით.
 - კიდევ ერთი და უკანასკნელი. მაგ სიმორეზე თავისი სიმძიმით დაღლის ეტლი ჩემს ცხენს. ის ემჯობინება პატარა ტილბურითყ ნაბრძანდეთ.
 - თანახმა ვარ.
 - ძალიან მსუბუქია, მაგრამ ღია გახლავთ.
 - ეგ სულერთია.
 - სიცივე ხომ არ შეაწუხებს ბატონ მერს?
- ბატონმა მადლენმა პასუხი არ გასცა. ისევ სკოფლერმა გაიმეორა:
- ძალიან ცივა.
- არც ახლა გასცა პასუხი.
- რომ გაავდრდეს?
 - ტილბური და ცხენი ხვალ დილით ხუთის ნახევარზე ჩემს კარებთან უნდა იდგეს.
 - ბატონი ბრძანდებით, - მიუგო სკოფლერმა, მერე ცერის ფრჩხილით მაგიდაზე ლაქას დაუწყო ფხეკა და ამ ვითომ უმნიშვნელო სიტყვით დააბოლოვა თავისი სათქმელი, რომელშიც ფლამანდიელები კარგად აერთებენ გულუბრყვილობას და ცბიერებას:
 - უმთავრესი კი მავიწყდება. არ უნდა მიბრძანოთ, ბატონო, საით მიბრძანდებით?
- ბატონი მადლენის მოსვლის მერე მარტო ამაზე ფიქრობდა, მაგრამ ვერა და ვერ გაეხედა კითხვა.
- წინა ფეხები ხომ კარგი აქვს თქვენს ცხენს? - ჰკითხა მადლენმა.
 - ძალიან კარგი. ცოტა შეაყენეთ ხოლმე თავდაღმართში. ბევრგან არის დაღმართი თქვენს გზაზე?
 - მაშ ასე. არ დაგავიწყდეთ, ხვალ დილით, სწორედ ხუთის ნახევარზე, ნახვამდის!
- და გავიდა.
- ფლამანდიელი ხახამშრალი დარჩა, როგორც თვითონ ამბობდა შემდეგ.
- რამდენიმე წუთის შემდეგ ვილასამ შეაღო სკოფლერის კარი. ისევ ბატონი მერი ბრძანდებოდა.
- როგორ აფასებთ, ბატონო სკოფლერ, თქვენს ტილბურს და მის მზიდავ თეთრ ცხენს?
 - ტილბურს და შიგ შებმულ ცხენს, ბატონო მერო, - გაუსწორა სიცილით ფლამანდიელმა...
 - აგრე იყოს. როგორ აფასებთ?
 - განა ბატონი მერი ყიდვას აპირებს?

- არა, მაგრამ ხომ შეიძლება მოხდეს რამე. მინდა უზრუნველყოფილი იყოთ. დაგბრუნდები და ფულს დამიბრუნებთ. როგორ აფასებთ ტილბურს და თქვენს ცხენს?

- ხუთას ფრანკად, ბატონო მერო.

- აი, ინებეთ.

ბატონმა მადლენმა მაგიდაზე დადო ბანკის ბილეთი და გავიდა. ახლა კი აღარ დაბრუნებულა.

საშინლად ინანა სკოფლერმა, რომ ათასი ფრანკი არა სთხოვა, მაგრამ რაღას იზამდა, მით უფრო, რომ ხუთასი ფრანკიც ძალიან კარგი ფასი იყო და მოგებას აძლევდა.

თავის მეუღლეს დაუძახა ფლამანდიელმა, უამბო ყველაფერი.

- ნეტავი ვიცოდე, სად მიბრძანდება?

- ალბათ, პარიზში, - უთხრა ცოლმა.

- არა მგონია, აი, ვნახოთ.

ბატონ მადლენს იქ დარჩენოდა ქალაქი, ფანქრით დანწერილი რიცხვებით. აიღო ფლამანდიელმა, სინჯვა დაუწყა:

- ოცდასამი, ოცდაშვიდი, ორმოცდასამი... - ეს ალბათ ფოსტის სადგურებია, - და დაინყო ამ მანძილით დაშორებული სადგურების ძებნა.

- ოჰო, ვიპოვე, - შესძახა თავის ცოლს, - აქედან ესდენამდე ოცდასამი კილომეტრია, ესდენიდან სენ-პოლამდე - ოცდაშვიდი, სენ-პოლიდან არასამდე - ორმოცდასამი. ალბათ არასში მიდის.

ამასობაში ბატონი მადლენი შინ მივიდა.

სულ სხვა გზით დაბრუნდა, შორს მოუარა, თითქო რაღაც საცდურს უქადა მღვდლის სახლი და ერიდებოდა იქ გავლას. თავის ოთახში ავიდა და კარი ჩაკეტა. ჩვეულებრივ, ადრე წვებოდა და არც იმ ღამეს დაურღვევია თავისი ჩვეულება, მაგრამ ქარხნის მეკარე დედაკაცმა, რომელიც იმავე დროს ბატონი მადლენის ერთადერთი მსახურიც იყო, შენიშნა, რომ სანთელი ძალიან ადრე გაქრა, ცხრის ნახევარზე, და მოლარეს მიმართა კითხვით:

- ავად ხომ არ ბრძანდება ბატონი მერი? როგორღაც უკუნებოდ მეჩვენა.

სწორედ ბატონი მადლენის ოთახის ქვემო ოთახში ცხოვრობდა მოლარე. ყურადღება არ მიაქცია მეკარის ნათქვამს, დანვა და დაიძინა. შუალამე იყო, რომ რაღაცა ეცა ყურში და გამოაღვიძა. ზემოდან, ბატონი მადლენის ოთახიდან მოესმა რაღაც. ყური მიუგდო. მაშინვე იცნო მადლენის ფეხის ხმა. მით უფრო უცნაური იყო მისთვის ეს სიარული, რომ ჩვეულებრივ მერის ოთახიდან არავითარი ხმა არ გამოდიოდა, სანამ არ გათენდებოდა. ცოტა ხანში მოლარემ რაღაც ხმა გაიგონა, თითქოს განჯინა გააღეს და ისევ დაკეტესო. მალე ავეჯიც დაძრეს ადგილიდან. მერე მიჩუმდა ყველაფერი და ფეხის ხმაღა ისმოდა.

წამოინია მოლარემ, სულ გამოფხიზლდა, ფანჯარაში გაიხედა და თავისი ფანჯრის პირდაპირ, სახლის კედელზე განათებული ფანჯრის ანარეკლი დაინახა. სინათლის სხივის მიმართულებით ეს ანარეკლი ბატონი მადლენის ოთახის ფანჯრისა უნდა ყოფილიყო. ისე თრთოდა კედელზე ეს ანარეკლი, რომ უფრო ანთებული ცეცხლის ალისა უნდა ყოფილიყო, ვიდრე სანთლისა. ანარეკლს არ ეტყობოდა შუშების ჩარჩო, ალბათ მთლად ღია ჰქონდა ბატონ მადლენს ფანჯარა. საკმაოდ ციოდა და უცნაური იყო იმ სიცივეში ფანჯრის გაღება.

ჩაიძინა მოლარემ. ერთი-ორი საათის შემდეგ კიდევ გამოიღვიძა. ზემოთა ოთახიდან იგივე ფეხის ხმა ისმოდა, ცხადია, ბატონი მადლენი ნელი ნაბიჯით მიდი-მოდიოდა თავის ოთახში.

ანარეკლი ისევ ისე მოჩანდა პირდაპირ, კედელზე, მაგრამ უკვე მკრთალი სინათლისა უნდა ყოფილიყო ან ლამპისა. ფანჯარა ისევ ღია იყო.

თავი მესამე
სულიერი ქარიშხალი

მკითხველი მიხვდა, რაღა თქმა უნდა, რომ ბატონი მადლენი უან ვალუჟანი არის. უკვე ჩავიხედეთ ამ სინდისის სიღრმეში, ახლა საჭიროა უფრო ღრმად დავეუკვირდეთ ამ კაცის სულს; ამას მღელვარებითა და თრთოლვით შევუძღვებით. არაფერია ისეთი საზარელი, როგორც ამგვარი განხილვა. გონების თვალი ვერსად ნახავს ვერც მეტ ბრწყინვას და ვერც მეტ წყვდიადს, ვიდრე ადამიანში; ვერ შეძლებს წარმოიდგინოს რამე, რომ იმაზე საშინელი იყოს, იმაზე რთული, იმაზე იღუმალი და იმაზე უსაზღვრო. არის სანახავი უფრო ღიადი, ვიდრე ზღვა, ეს არის ზეცა. არის სანახავი უფრო ღიადი, ვიდრე ზეცა, ეს არის სიღრმე სულისა.

ადამიანის სულის პოემის შექმნა, თუნდაც მარტო ერთი ადამიანისა იყოს, თუნდაც სულ უკანასკნელისა და უმნიშვნელოსი, ეს იქნება ყველა ეპოპეათა შედუღება უმაღლესი და საბოლოო ეპოსის შესადგენად. ადამიანის სინდისი არის ქაოსი განუხორციელებელი ოცნებისა, გაუმაძღარი სურვილისა და ნატვრისა, ცდისა და მოპოვებისა, ბრძმედი ოცნებისა, მღვიმე სამარცხვინო ფიქრებისა; პანდემონიუმი სოფიზმებისა, ბრძოლის ველია მღელვარე ვნებებისა. განსაზღვრულ უამს დააკვირდით ჩაფიქრებული ადამიანის სახეს, იპოვეთ გზა მის სულში ჩამავალი, ჩასწვდით მის სულს, ამ სიბნელეს. გარეგანი სიმშვიდის ქვეშ იქ ნახავთ ჰომეროსის ბუმბერაზთა ბრძოლას, მილტონის ვეშაპებისა და დევების ჭიდილს, მოჩვენებათა აჩრდილებს, დანტეს სპირალივით მქროლავ ლანდებს. წყვდიადით არის მოცული ის უსაზღვრო, რომელიც ყველა ადამიანს აქვს თავის გულში და რომელსაც სასოწარკვეთილი ცდილობს შეუფარდოს თავისი გონების მისწრაფება და თავისი ცხოვრების ყოველდღიური საქციელი.

დანტე ალიგიერი ერთხელ კარს მიაღდა შავბედიტს და გაჩერდა გაუბედავად. და აი, ასეთივე კარია ჩვენ წინაშე, რომლის ბჭის წინ ვდგავართ გაუბედავად. მანც შევიდეთ.

მკითხველმა უკვე იცის უან ვალუჟანის თავგადასავალი. პატარა ჟერვეს ფული რომ წაართვა, მას შემდეგ დასამატებელი თითქმის აღარაფერი გვაქვს. ის იყო და ის, მთლად შეიცვალა კაცი, ახალ ადამიანად იქცა. მოხდა ის გარდაქმნა, რომელსაც ხელი შეუწყო ეპისკოპოსმა. ზნეობრივ გამოსწორებაზე მეტი იყო ეს. მოხდა სულიერი გარდაქმნა ადამიანისა, ფერისცვალება.

მოახერხა, მიიმალა იმ ქერდობის შემდეგ, ეპისკოპოსის ვერცხლეული გაყიდა, გარდა შანდლებისა, რომლებიც სახსოვრად შეინახა, ერთი ქალაქიდან მეორეში გადადიოდა, მოიარა საფრანგეთი, მივიდა მონრეილში, მოისაზრა გიშრის წარმოების მონყოლა. იღვწოდა, როორც უკვე აღწერილი გვაქვს, ისე მოავგარა ყველაფერი, რომ სავესებით ხელშეუვალი ყოფილიყო და მიუწვდომელი. დაბინავდა მონრეილში და

ბედნიერად სახავდა თავს, რადგან გრძნობდა, რომ მისი სინდისი დამძიმებული იყო მხოლოდ წარსულით და პირველი ნახევარი მისი სიცოცხლისა უკუგდებული იყო მეორე ნახევრით; მშვიდად ცხოვრობდა, უშიშრად და იმედინად. ორი რამ ჰქონდა საწადელი: თავისი სახელის დამალვა და თავისი სიცოცხლის განწირულთათვის შვნირვა; თავის დაღწევა ადამიანთაგან და ღმერთთან დაბრუნება.

ისე მჭიდროდ იყო მის გონებაში ეს ორი წადილი დაკავშირებული, რომ ერთად ეჩვენებოდა, შეერთებულად; თანასწორად მძლავრი იყო ორივე, მისი სიცოცხლის მიზნად დასახული, მისი ცხოვრების ყოველი საქციელის განმანსესებელი. თანხმობით განაგებდა ეს ორი მისწრაფება ყოველ მის მოქმედებას: თავმდაბალს ხდიდნენ, გულკეთილს და კაცთმოყვარეს, მაგრამ მოხდებოდა ხოლმე უთანხმოებას. ამ შემთხვევაში, როგორც უკვე ვაჩვენეთ მკითხველს, ის კაცი, რომელსაც მთელი ქვეყანა ბატონ მადლენს ეძახდა, დაუყოვნებლივ ივწყებდა პირველს და ემსახურებოდა მეორეს, თავის უშიშროებასაც გასწირავდა სათნოებისათვის. ამიტომ იყო, რომ მიუხედავად სიფრთხილისა და კეთილგონიერებისა, შენახული ჰქონდა ეპისკოპოსის ვერცხლის შანდლები, შავით ივლოვა მისი გარდაცვალება, უძახდა და ეკითხებოდა საოველ პატარა ბიჭებს, ცნობებს აგროვებდა ფავეროლის ოჯახის შესახებ და სიკვდილისგან იხსნა ბებერი ფომლევეანი, მიუხედავად იმისა, რომ იქვე იყო ჟავერი, რომელიც ჟან ვალჟანის დამახასიათებელ ნიშნებს ეძებდა მასში. ისიც ისევე ფიქრობდა, როგორც ყველა ბრძენი, მართალი და წმინდანი, რომ უპირველესი მისი მოვალეობა არის სხვისი დახმარება და არა თავისი თავისა.

მაგრამ ისიც უნდა ვთქვათ, რომ თავის დღეში არა ჰქონია ამგვარი შემთხვევა. თავის დღეში არა ჰქონია ამ კაცის ორ მრწამსს ცოტათი მანაც მნიშვნელოვანი ბრძოლა. ეს კარგად იგრძნო, როდესაც ჟავერი მივიდა მასთან კაბინეტში და ლაპარაკი დაუწყო; ჯერ თითქმის არაფერი არ ჰქონდა ნათქვამი, რომ ჟან ვალჟანმა უკვე მიიღო გადაწყვეტილება, ორივე მრწამსის შეთანხმებით შთავაგონებული. იმ წამს, როდესაც ჟავერმა ისე უცნაურად წარმოთქვა მისი სახელი, რომელიც ასე საგულდაგულოდ დაემარხა, გაშტერდა კაცი, თრთოლა მოერია; იგი შეაძრწუნა თავისმა უცნაურმა ბედუკუღმართობამ, მაგრამ დამორჩილდა მას, როგორც მუხა - ქარიშხლის მოახლოებას, როგორც ჯარისკაცი - იერიშით მომავალ მტერთან ბრძოლას. გრძნობდა, რომ გარს ეხვეოდა ელვითა და ჭექა-ქუხილით სავსე ღრუბელი. ყურს უგდებდა ჟავერს და ფიქრობდა - ნავალ, ვიტყვი, ვინცა ვარ, გამოვამყვებინებ შანმატიეს და მე ჩაუვადები იმის მაგივრად. მწვავე იყო ეს გრძნობა და გულსაკლავი, როგორც ცოცხალი ადამიანის გულში შუბის გატარება. მაგრამ მერე სხვა რამ ურჩია თავისმა მრწამსმა, და ისიც დათანხმდა, - ნუ ავჩქარდებით, - თქვა, - ვნახოთო. დაიმორჩილა თავისი თავგანწირვის სურვილი და არც გმირობა ისურვა.

ძალიან კარგი იქნებოდა, ცხადია, რომ მოჰკონებოდა ეპისკოპოსის წმინდა სიტყვები, მოჰკონებოდა ამდენი ხნის თავისი თავის უარყოფა და სინანული, ამ საზარელი განსაცდელის წინაც არ შეეყოყმანებულყო და იმავე სიმტკიცით მისულიყო იმ უფსკრულის ნაპირთან, რომლის ძირშიც მოიპოვებდა ზეციურ სიმშვიდეს. სანაქებო იქნებოდა, ასე რომ მოქცეულიყო, მაგრამ ვერ შეძლო. საჭირო არის აღწუნსხოთ ყოველივე, რაც მის გულში ტრიალებდა, და აღწუნსხოთ სრული სიმართლით. თავდაპირველად თავის დაცვის ალღომ გაიმარჯვა იმის გულში. მოიკრიბა თავისი ფიქრები, ჩაიქრო მღელვარება, მხედველობაში იქონია ჟავერი - დიდი ხნის მტერი,

შეშინებულის სიმტკიცით გადადო რაიმე გადანყვევების მიღება, გვერდი აუარა იმას, რაც უნდა ექნა და მშვიდად ელოდა მომავალს, როგორც მებრძოლი, რომელსაც ფარი მოუმარჯვებია.

ამ ყოფაში გაატარა ის დღე. გულში ქარიშხალი უტრიალებდა, გარეგნულად კი დამშვიდებულს ჰგავდა. თუ იზრუნა რამე, მარტო „თავდაცვის ზომები“ მიიღო, სხვა არაფერი. ისევ გამოურკვეველი იყო ყველაფერი და გონებაში ერეოდა; ერეოდა იმდენად, რომ გარკვეული აზრი ვერ გამოეტანა; თავისი თავისასაც კი ვერაფერს იტყოდა გარკვეულს, გარდა იმისა, რომ საშინელი განსაცდელი დაატყდა თავს. ჩვეულებისამებრ მივიდა ფანტინის სანახავად და ჩვეულებრივზე უფრო მეტხანს დარჩა მასთან. გული უთქვამდა, შეიძლება აღარც კი დავბრუნდყო, და ცდილობდა ავადმყოფიც გაემაგრებინა, მოწყალების დებისთვის ეთხოვა სრული მზრუნველობა. გრძობდა ბუნდოვნად, რომ შეიძლება არასში წასლა დასჭირვებოდა. თუმცა გადანყვევითი ჯერ არაფერი ჰქონდა, მაინც ფიქრობდა, კარგი იქნება, საქმის გარჩევას დავესწრო, საშიში აღარაფერიაო, და სკოფლერის ტილბური იქირავა, რომ მზად ყოფილიყო ყოველგვარი მოულოდნელობისათვის.

სადილი მაღიანად მიირთვა.

შევიდა თავის ოთახში და ჩაუფიქრდა მდგომარეობას.

ჩაუფიქრდა და საშინლად წარმოუდგა თავისი საქმე, იმდენად საშინლად, რომ თავის ფიქრებში გართულს, თითქოს უცხად ბიჭი გაჰკრა რაღაც უეცარმა, წამოვარდა და კარი მიკეტა - ემინოდა, კიდევ არაფერი შემომივარდესო, ბარიკადებს იკეთებდა შესაძლებლის წინააღმდეგ.

მერე, ცოტა ხნის შემდეგ, სანთელიც ჩააქრო.

სანთელიც უშლიდა - შეიძლებოდა, დაენახა ვინმეს.

ვის უნდა დაენახა?

რალა დროს იყო? უკვე შემოსულიყო, ვისაც უკეტევდა კარს. უკვე ჩაჰყურებდა, ვისაც სანთელს უქრობდა. ის იქ იყო - იმისი სინდისი.

იმის სინდისი, ესე იგი ღმერთი.

მაგრამ პირველ წამს მაინც კიდევ რაღაც იმედს მისცემოდა. უზრუნველყოფილად გრძობდა თავს: კარი დაკეტილი ჰქონდა და მიუნვლომელი იყო; სანთელი გამქრალი ჰქონდა და უხილავი იყო. მაშინ დაიმორჩილა თავისი გული, თავისი ფიქრები, იდაყვით მაგიდას დაეყრდნო, თავი ხელეებზე დაუშვა და ჩაუფიქრდა იმ სიბნელებში.

- სიზმარში ვარ თუ ცხადია ეს ყველაფერი? რაო, რა მითხრეს? ნამღვილად ვნახე უავერი და კარგად მახსოვს იმისი ნათქვამი? ვინ უნდა იყოს, ვიღაც მანმატიე არის? ნუთუ ასე მგავს? ნუთუ ეს შესაძლებელია? გუშინ არ იყო, ისე დამშვიდებული ვიყავი! რას ვაკეთებდი გუშინ ამ დროს? ჰო, მაინც რა მოხდა? რას მიქადის ბედი? რა ვქნა, რა გზას დავადგე?

ჯერაც ვერ იმორჩილებდა თავის ფიქრებს. მის ტვინს დაჰკარგვოდა ძალა აზრების გაძღოლისა, ტალღებივით ირეოდნენ და ორივე ხელით ეჭირა თავი, რომ მორეოდა თავის ფიქრებს.

თავი ეწვოდა. მივიდა ფანჯარასთან, ბოლომდე გამოაღო. ვარსკვლავი არსად ჩანდა ცაზე. ისევ თავის მაგიდასთან დაჯდა.

მთელი საათი დაჰყო ასე გამტერებულმა.

ნელ-ნელა მოიკრიბა ფიქრები, ძლივძლივობით, მაგრამ მაინც შეაკონინა ერთმანეთთან, თვალწინ წარმოუდგა თავისი მდგომარეობის უმთავრესი გარემოებანი, რადგან სისრულით მისი განხილვა ჯერ არ შეეძლო, იმ დასკვნას დაადგა, რომ ძალიან საშიში და განსაკუთრებული არის მისი მდგომარეობა, მაგრამ მაინც თვითონ იყო თავისი თავის ბატონ-პატრონი.

ამ დასკვნამ უფრო გაუძლიერა ძრწოლა.

მიუხედავად იმ წმინდა მიზნისა, რომელსაც ისახავდა და ასრულებდა თავისი ცხოვრებით, მისი ღვანლი და ყოველივე, რაც აქამდე გაეკეთებინა, ორმო იყო, რომელსაც სულ უფრო და უფრო აღრმავებდა, რომ შიგ ჩაემალა თავისი სახელი. თუ ჰქონდა რამე საშიში, როდესაც ჩაუფიქრდებოდა ხოლმე თავის მდგომარეობას, როდესაც თვალის მოუხუჭავდა ათენებდა ღამეს, თავისი სახელი იყო და მისი გაგონება. ამ სახელის გაგონება და თავისი აღსასრული ერთი ეგონა; იმ დღეს, როდესაც ამ სახელს გააგონებს ვინმე, მთლად დაუხშობს ახალ სიცოცხლეს და ვინ იყის, იქნებ თვით ახალ სულსაც. და თავით ფეხამდე თრთოდა კაცი, რომ გაიფიქრებდა, - შეიძლება გამიგონ ჩემი სახელიო! რომ ყოფილიყო ვინმე ამგვარი ფიქრის დროს და ეთქვა, - მოვა დრო, როდესაც შიგ გულში გეცემა ეგ სახელი, როდესაც ეგ საზიზღარი სიტყვა „ჟან ვალჟანი“ ზევით აინეგს ბნელიდან და წინ დაუდგება თავის პატრონს; როდესაც მის მიერ შექმნილი ძლიერი სინათლე, თავისი ვინაობის დასაფარი, სხივად დაადგება თავზე; როდესაც სამარცხვინო აღარ იქნება მისი სახელი, აღარც საშიში, და ეს სინათლე შექმნის უფრო მკვერივ წყვილად; რომ დაიხევა მისი საიდუმლოების მფარავი რიდე და უფრო გააძლიერებს საიდუმლოს; რომ ეს მიწისძვრა უფრო გაამავრებს მის შენობას, რომ სასწაულებრივი გარემოება, თუ მოისურვა მადლენმა, შეუქს მოჰფენს მის სახელს და, წინაც რომ დაუყენონ ჟან ვალჟანის აჩრდილი, კეთილი და ქველი ბურჟუა, ბატონი მადლენი, უფრო პატივსაცემი დარჩება და უფრო დიდებული, ვიდრე ოდესმე ყოფილაო; რომ ეთქვა ვინმეს მისთვის ეს სიტყვა, თავს გაიჩნევედა და სისულელედ მიიღებდა მის ნათქვამს. ჰოდა, ახლა ასრულებულიყო შეუძლებელი, ღვთის განგებით იყო, რომ აჩრდილი სინამდვილე გამხდარიყო.

უფრო და უფრო ერკვეოდა თავის ფიქრებში; უკვე ხედავდა თავის მდგომარეობას. ასე ეგონა, თითქოს ღრმა ძილში იყო დიდი ხანი და ეს-ეს არის გამოიღვიძა; რომ ფეხზე დგას და რალაც დაღმართზე მიცურავს, ბნელ ღამეში; მიცურავს, კანკალებს, ცდილობს შეჩერდეს, არ მივიდეს უსაზღვრო უფსკრულის პირამდე. ამ ბნელში გარკვევით ხედავდა ვიღაცას, უცნობს, რომელსაც ბედისწერა ჟან ვალჟანად სცნობდა და უფსკრულში ჩავდებას უპირებდა მის მაგივრად; და არ დაიხმობოდა უფსკრული, ვიდრე თავისას არ მიიღებდა; უნდა ჩავარდნილიყო ვინმე, ის უბედური, ან თვით მადლენი.

ჰჰოდა, ჩავარდეს ის უბედური!

ცოტა გაურკვევ თავის ფიქრებში და აღიარა, რომ იმისი ადგილი კატორღაში არავის დაეჭირა; ძალიანაც რომ ეცადოს, მისი ადგილი ცარიელია და მის დაბრუნებას ელის. პატარა ჟერვეს რომ ფული წაართვა, ესეც კმაროდა იქ დასაბრუნებლად; კატორღა თავისას ელოდა და ელოდებდა, ვიდრე არ მიიღებს. ეს ბედისწერა იყო და აუცილებელი. მერე თქვა: - ამჟამად შემცვლელი მყავს, ვიღაც შანმატიეს სწვევია უბედურება და, მაშასადამე, კატორღაში შანმატიეს სახელით ვიმყოფები,

საზოგადოებაში კი ბატონი მადლენის სახელით. მაშ საშიში აღარაფერია, თუ თავი მივანებე და არ დავუშალო, რომ შანმატიეს დაასვან ის სამარცხვინო დალი, რომელიც, საფლავის ქვისა არ იყოს, თავის დღეში აღარ მოშორდება, ვისაც დაანგება.

ისეთი საზარელი და თან უცნაური იყო ეს ფიქრები, რომ უცბად იგრძნო ის უეცარი, ერთი გამოუთქმელი ძრწოლა, რომელიც ერთი-ორჯერ თუ მოუვა ადამიანს მთელ თავის სიცოცხლეში, ერთგვარი ძრწოლა სინდისისა, რომელიც ყოველგვარ საეჭვოს აღძრავს გულში და რომელიც ირონიაც არის, სიხარულიც, სასონარკვეთილებაც - შინაგანი ხარხარი განწირულისა.

საჩქაროდ სანთელი აანთო.

- ბოლოს და ბოლოს, რისი უნდა მეშინოდეს? - ეკითხებოდა თავის თავს, - რად ვარ ასე იმედმისილი? პირიქით, გადავრჩი განსაცდელს. გათავებულია ყველაფერი. ერთადერთი კარიდა მქონდა ოდნავ გაღებული და ამ კარით შეიძლო ჩემს წარსულს ჩემთან შემოვარდნა; ეს კარიც მჭიდროდ არის დღეს დაკეტილი, ამოქოლილი საუკუნოდ. უაფერი იყო, რომ შიშა მგვრიდა დიდი ხანია. ის საშიზმარი მეძებარი, რომელიც ნელ-ნელა მცნობდა და მიცნო კიდევ. დასწყევლოს ღმერთმა! სულ უკან დამდევდა, ყველგან, თვალს არ მაშორებდა, და ავერ, მასაც აერია გზა, სხვაგან იპოვა თავისი, მცდარ კვალს გაჰყვა. უკვე კმაყოფილია და მე აღარ შემანუხებს. ხელში უჭირავს თავის უან ვალუანი. ვინ იცის, იქნებ სულაც წავიდეს ქალაქიდან. კარგი ის არის, რომ ეს ყველაფერი უჩემოდ მოხდა, უჩემოდ გარიგდა. მე თითიც არ გამინძრევია. ძალიან კარგი. რა არის აქ საძრახისი? რამ შემამინა ასე? ასე რომ მნახოს ვინმემ, ღმერთსა ვფიცავ, იფიქრებს, საშინელი უბედურება მოსვლია ამ საბრალოსაო. ჩემი ბრალი ხომ არ იქნება, თუ უბედურება ენია ვინმეს ამ საქმეში? ალბათ ღვთის განგება იყო, რომ ამგვარად დატრიალდა საქმე. ალბათ ეს იყო ღვთის განგება და რა უფლება მაქვს, ღვთის განგებაში ჩავერიო? რას უნდა ვთხოვდე ყოვლადძლიერს? რისთვის უნდა ვერეოდე სხვის ბედისწერაში? მე ეს საქმე არ შემეხება. მაშ კმაყოფილი არა ვარ? აბა რა მინდა, რას ვითხოვ? ხომ მივალნიე ჩემი სიცოცხლის მიზანს, რომლისკენაც დიდი ხანია მივისწრაფოდი; ხომ ავისრულე ჩემი ოცნება, ჩემი ღამეების სიზმარი, საგანი ჩემი ლოცვისა, ხომ მოვიპოვე უშიშროება. ღვთის განგებაა, ღვთის ბრძანებაა! მე როგორ ჩავერევი ღვთის განგებაში? რად მონიღომა ღმერთმა ჩემი გადარჩენა? იმიტომ, რომ განვავარძო ჩემ მიერ დანყებული საქმე; რომ სიკეთე ვთესო; რომ ერთ დიდებულ, გამამხნევებელ მაგალითად გავხდე. დაე, დარწმუნდნენ, რომ ცოტა რამ ბედნიერებაც მოჰყვა იმ მონანიებას, რომელსაც მე განვიციდი, და იმ სათნოებას, რომელსაც მე დაუბრუნდი. არ ვიცო, სწორედ, რად შემემინდა წელან და ვერ გავბედე ჩემს მღვდელთან შესვლა? რატომ ვერ გავბედე აღსარება მეთქვა ჩემი სულიერი მამისთვის და ღვთისთვის გამენდო ჩემი საიდუმლოება? რისი მეშინია? ხომ შეიძლებოდა რჩევა მეკითხა? ცხადია, ისიც იმას მირჩევდა, რასაც მე ვამბობ. მაშ, გათავებულია. დაე, წესიერი მსვლელობა მიეცეს საქმეს. აღსრულდეს ღვთის ნება!

ასე მსჯელობდა გულის სიღრმეში. უფსკრულის პირს იდგა, დახრილი, თუ შეიძლება ითქვას, თავისი საკუთარი უფსკრულისაკენ. წამოდგა, სიარული დაიწყო თავის ოთახში.

- კმარა! - უბრძანა თავის თავს, - კმარა ამაზე ფიქრი. გადანყვეტილია. მე საქმეში არ ჩავერევი.

მაგრამ არავითარი შვება არ იგრძნო...

პირიქით.

როგორც ზღვას ვერ დაუშლით ეხეთქებოდეს ნაპირს, ისე ფიქრს ვერ დაუშლით ერთსა და იმავე იდეას უბრუნდებოდეს. მგზღვაურისთვის ამას მოქცევა ჰქვია; მტყუნისათვის - მხილება სინდისისა. ღმერთი ისევე აღელვებს სინდისს, როგორც ოკეანეს.

ცოტა ხნის შემდეგ თავისდა უნებურად ისევ განაახლა ის მწარე დიალოგი, რომელშიაც მოქმელიც თვით იყო და მსმენელიც. ამბობდა იმას, რისიც სიჩუმეში გატარებაც უნდოდა; ისმენდა იმას, რისი გავონებაც არ ნებავდა; ემორჩილებოდა იმ საიდუმლო ძალას, რომელიც უბრძანებდა - დაუფიქრდიო, როგორც ორი ათასი წლის წინათ მეორე განწირულს უბრძანებდა - მიდიო.

ვიდრე ჩვენსას განვავტობდეთ, შევჩერდეთ ერთ საჭირო გარემოებაზე, რომ უფრო სრულად წარმოვსახოთ ამ განწირულის სულისკვეთება.

ცხადია, თავის თავს ებაძებდა ადამიანი; არ არის არც ერთი მოაზროვნე არსება, რომ ეს არ გამოეცადოს. იმის თქმაც კი არ შეიძლება, რომ სიტყვა არასდროს არ არის ისეთი ძალუმი და იდემალი, როგორც ადამიანის ფიქრი, როდესაც ფიქრიდან სინდისისკენ გადადის და სინდისისგან ისევ ფიქრს უბრუნდება. ააი, ამ შეგნებით უნდა იყოს მიღებული ამ თავში ხშირად ნათქვამი სიტყვები - უთხრა, შეჰყვირა, თავის თავს ეუბნება. ადამიანი ებაძება, შეჰყვირის, მაგრამ ისე, რომ არ ირღვევა გარეგანი ღუმელი. საშინელი ალიაქოთია ჩვენში: ყველაფერი გაჰყვირის ჩვენი, მხოლოდ ბაგენი მდუმარებენ. უხილავია და უჩინარი მოძრაობა სულისა, მაგრამ ამით არა კარგავს თავის რეალობას.

მაშ ასე, - ეკითხებოდა თავის თავს, - მაშ ნუ ჩავერევი? - და აღიარა, რომ საზარელი იყო მისი გადაწყვეტილება. საშინელება იყო მისი მსჯელობა და დასკვნა - ღვთის განგებაში მე როგორ ჩავერევიო? ნუთუ ადამიანისა და ბედის შეცდომით ისარგებლებს, ხელს არ შეუშლის მის ასრულებას? დაეხმარება კიდევ თავის სიჩუმით, მე ამ საქმეში არ ჩავერევიო?.. ნუთუ ვერ ხედავს, რომ სწორედ ეს ჩაურევლობა ნიშნავს ჩარევას, რომ უსამართლოდ გადაწყდეს საქმე? განა შეიძლება ამაზე მეტი სამარცხვინო ფარისევლობა?! ეს არის უგვანი, საძაგელი, ვერავი და ბილწი დანაშაული.

ეს პირველად იყო უკანასკნელი რვა წლის განმავლობაში, რომ ავი წაღილისა და ავი საქციელის სიმწარე იგემა ამ ბედკრულმა ადამიანმა.

ზიზილით გადააფურთხა.

ისევ განავტობდა თავისი თავის დაკითხვას. სასტიკად დააყენა კითხვა - რას ვკვლისხმობდი, რომ ვიძახდი, მე ჩემს მიზანს მივალწიეო? მართალია, ჩემს სიცოცხლეს თავისი მიზანი აქვს, მაგრამ რა არის ჩემი სიცოცხლის მიზანი? ჩემი სახელის დამალვა? პოლიციის მოტყუება? ნუთუ ამ უმნიშვნელო წვრილმანისთვის ვწვალე ამდენ ხანს? ნუთუ სხვა მიზანი არა მქონია, დიდებული, წმინდა, ჭეშმარიტი? რა უნდა დავიხსნა განსაცდელისაგან: ჩემი პიროვნება თუ სული? ნუთუ არ მინდა კეთილ და პატიოსან კაცად დავგრჩე? მართალ კაცად? განა ეს არ იყო ჩემი ერთადერთი, მუდმივი ნატვრა და სურვილი, რაც დამავალა განსვენებულმა ეპისკოპოსმა? მაშ კარს ვუკეტავ წარსულს? პირიქით, კარს ვაღებ ჩემი საზიზილარი საქციელით, ისევ ისე ქურდობას ვინცებ და რას ვიპარავ! ერთ-ერთი მოყვასის

სიციცხლეს, სახელს, პატიოსნებას და უფლებას მშითა და სიციცხლით ტკობისას. კაცის კვლაზე უარესია კაცის ზნეობრივი, სულიერი სიკვდილი, რომელიც ცოცხალს სტოვებს ადამიანს, და რომელსაც კატორღა ჰქვია. და პირიქით, რომ გამოვაცხადო ჩემი ვინაობა, დავისხნა ამ უბედური შეცდომისაგან საწყალი კაცი, ვალიარო, უან ვალუანი მე ვარ-მეთქი, ზნეობრივ ვალდებულებათა გამო ისევ კატორღელი უან ვალუანი გავხდე - აი, ეს იქნება ჭეშმარიტი აღდგომა და საბოლოოდ დაკეტვა იმ ჯოჯოხეთისა, საიდანაც ძლივს დავაღწიე თავი. გარეგნულად შიგვე ჩავარდნა, სინამდვილეში კი სრული განთავისუფლება იქნება სულიერი. აი, როგორი უნდა იყოს ჩემი ვადაწყვეტილება. თუ ამას არ ვიზამ, ამაოდ ჩამივლის მთელი ღვაწლი, უსარგებლოდ იქცევა მთელი სიციცხლე, გაჭირვება, მოთმინება და დაიბადება კითხვა: რად მინდოდა ეს ყველაფერი? იგი გრძნობდა, რომ მასთან იყო ეპისკოპოსი. მით უფრო, რომ მკვდარი იყო; აქ იყო, მის გვერდით და თვალს აღარ ამორებდა. გრძნობდა, რომ ამიერიდან საზიზღარი გავხდებოდა ეპისკოპოსისთვის ბატონი მერი მადლენი მთელი თავისი ყალბი სათნოებით, კატორღელი უან ვალუანი კი - ღირსეული და წმინდა. გრძნობდა, რომ ამიერიდან ხალხი მართო მის ნილაბსლა დანახავდა, მაგრამ ეპისკოპოსი კი - მის ნამდვილ სახეს; რომ ხალხი მის ცხოვრებას დანახავდა, ეპისკოპოსი - მის სინდისს. მაშ უნდა წასულიყო არასში, გაეთავისუფლებინა შეცდომით უან ვალუანად ცნობილი კაცი, დაეებზღებინა ნამდვილი უან ვალუანი. ჰოდა, სწორედ ეს იქნებოდა უენმინდესი მსხვერპლი, უდიდესი მწვავე გამარჯვება, უკანასკნელი ნაბიჯი ღირსეული ადამიანისა. მწარე ხვედრი! ვერ იქმნება სპეტაკი ღვთის წინაშე, თუ ხელახლა უწმინდური არ შეიქმნა ხალხის თვალში!

- მაშ ვადაწყდა! - თქვა ფიქრის შემდეგ, - აუცილებელია ჩემთვის ეს გზა. უნდა ავასრულო ჩემი მოვალეობა, ვისხნა ის ადამიანი!

ხმამალლა წარმოთქვა ეს სიტყვები, თუმცა არც კი შეუმჩნევია.

ანგარიშები გადასინჯა და შეამოწმა, მოაწესრიგა ყველაფერი. ცეცხლში ჩაყარა წერილი ვაჭრების თამასუქები. წერილი დაწერა, კონვერტში ჩადო და ზედ წააწერა: „ბატონ ლაფიტს, ბანკირს. არტუას ქუჩა, პარიზი“.

მერე საფულე ამოიღო, რომელშიც ბანკის რამდენიმე ბილეთი და პასპორტი ელო. ამ პასპორტით დაესწრო ამას წინათ არჩევნებს.

რომ ენახა ვინმეს ამ დროს, როდესაც გარეგანი სიმშვიდით უკანასკნელად სინჯავდა თავის საქმეებს, ვერც კი წარმოიდგენდა იმ წამებას, რომელსაც იგი განიცდიდა. მხოლოდ ხანდახან აცმაცუნებდა ტუჩებს, ან თავს მალლა იღებდა, მიაჩრდებოდა კედელზე რაიმე წერტილს, თითქოს სწორედ იქ ყოფილიყო მისთვის საჭირო გამოსარკვევი საგანი.

ლაფიტთან გასაგზავნი წერილი და საფულე უბეში ჩაიღო და ისევ სიარული დაიწყო.

არაფრით შეცვლილიყო მისი აზრთა მსვლელობა. ცხადად ხედავდა თავის მოვალეობას, ბრწყინვალე ასოებით დაწერილს - ის თვალწინ ედგა, საითაც კი გაიხედავდა.

- ნაღი! გამოამჟღავნე შენი ვინაობა, გაეცი შენი თავი!

ორი მცნება წარმოუდგა თვალწინ, რომლითაც ხელმძღვანელობდა თავის ცხოვრებაში, ისევე ცხადად, თითქოს ისინიც თანა სდევდნენ იმისი სულის თვალს -

დამალვა თავისი ვინაობისა და განმედა სულისა. და პირველად იყო, რომ სრულიად შეუთანხმებლად ეჩვენენ დღეს, რადგან კარგად ხედავდა განსხვავებას, რომელიც შეუძლებელს ხდიდა მათ შეთანხმებას. უკვე იყო, რომ ერთი ამ მრწამსთაგანი იყო ყოველთვის წმინდა, მეორე კი შეიძლებოდა ბოროტიც გამხდარიყო; რომ ერთი თავგანწირვა იყო და მეორე - პირადობა; ერთი უბრძანებდა - „მოყვასიო“, მეორე კი - „მეო“; რომ ერთი სინათლიდან მოდიოდა, მეორე - სიბნელიდან.

ერთმანეთს ებრძოდა მისი ორი მრწამსი. კარგადა ხედავდა ამ ბრძოლას და რაც უფრო მეტად უფიქრდებოდა მათ წინააღმდეგობას, მით უფრო და უფრო იზრდებოდა მის გონებაში ერთიც და მეორეც; უკვე ბუმბერაზ ქანდაკებებზე გარდაქმნილიყვნენ. ისე ეჩვენებოდა, თითქოს მის გულში ყოფილიყვნენ ეს შეუთანხმებლები იმ უსაზღვროებაში, რომელიც კუთვნილება არის გულისა; თითქოს სინათლითა და წყვილიდით საესე გულში ერთმანეთს შებრძოლებოდნენ ღვთაება და ბუმბერაზი.

შიში მოერია, მაგრამ გრძნობდა, რომ კეთილი უფრო ძლიერი იყო, ვიდრე ბოროტი.

ხედავდა, რომ უკვე თავს ადგა მეორე, გადამწყვეტი წამი მის სინდისისა და ბედისწერისა; ეპისკოპოსმა აღნიშნა პირველი ხანა მისი ახალი ცხოვრებისა და ახლა შანმატიე აღნიშნავდა მეორე ხანას. დიდი გარდატეხის შემდეგ - დიდი განცდა.

ცოტა ხანს დანყნარებული მღელვარება აღედრა ისევ. ათასობით სხვადასხვა ფიქრიუკრთოდა, მაგრამ ისინი უფრო და უფრო განამტკიცებდნენ მიღებულ გადაწყვეტილებას.

იყო წუთი, როცა იფიქრა, - იქნებ მეტისმეტ მნიშვნელობას ვაძლევ ამ საქმეს და მეტადრე ვილაც შანმატიეს, რომელიც, ასეა თუ ისე, მანაც ქურდიაო.

მაგრამ პასუხიც მზადა ჰქონდა: თუ მოიპარა რამე იმ უბედურმა, ერთი თვის ციხით უნდა გადარჩეს. სად ერთი თვის ციხე და სად კატორლა? და - ვინ იცის - მართლა იქურდაკი? დამტკიცებულია იმისი ქურდობა? უან ვალჟანად მიაჩნიათ და ეს სახელი ღუპავს კაცს ისე, რომ დამამტკიცებელ საბუთებს აღარც კი ეძებენ; და განა მეფის პროკურორები ყოველთვის ასე არ იქცევიან? უსაბუთოდაც სჭერათ, რომ ქურდია, რადგან კატორლელად მიაჩნიათ.

იმ ფიქრმაც კი გაურბინა ერთ წამს, რომ სწორედ თავისი ვინაობის გამოჩენა იხსნის კატორლისაგან. მხედველობაში მიიღებენ მის თავგანწირვას, მის უმნიშვნელო ცხოვრებას შვიდი წლის განმავლობაში, მის ღვანჯლს, მის შრომას და შეუნდობენ ძველ წარსულს.

მაგრამ მაშინვე გაქრა ეს სუსტი იმედიც და მწარე სიცხილი მოერია, როდესაც გაახსენდა, რომ ორი ფრანკის მოპარვა, პატარა უფრვეს რომ დაუმალა თავის ფეხქვეშ, რეციდივისტად ხდიდა კატორლელს; რომ ეს საქმეც განახლდებოდა უეჭველად და არსებული კანონის ძალით განაჩენი კატორლა იქნებოდა სიკვდილამდე.

სწრაფად მოიშორა ამგვარი ლანდი, თანდათან ჩამოშორდა მიწიერს და ნუგეში და ტანჯვის ამტანი ძალა სხვაგან მოძებნა - მოვალეობას ასრულება უნდაო, - ფიქრობდა. ჩემს მოვალეობას რომ ავასრულებ, იქნება ისეთი უბედური არც კი ვიყო, როგორი უბედურიც მაშინ ვიქნები, თუ სხვა დავსაჯე ჩემ მაგივრადო. თუ არაფერი ვთქვი, არ ჩავერიე საქმეში, ხალხის პატივისცემაც, პატიოსანი სახელიც, ღვანჯლიც, ქველმოქმედებაც, გაჭირვებულთა თაყვანისცემაც, სიმდიდრეც, სახელიც -

ჩაშხამებული იქნება ყველაფერი კაცის დაღუპვით - და რაღა სიტკბოება უნდა ჰქონდეს ამდენ წმინდა რამეს, თუკი ასეთი ბილწი საქციელი ჩაერგება? მშაგრამ თუ თავის მოვალეობას აასრულებს? თავისი მოვალეობა რომ აასრულოს, თვით კატორღის ტანჯვას, სამარცხვინო ბოძს, რკინის საყელურს, მწვანე ქედს, მუდამ დაუსვენებლად შრომასა და შეუნდობელ სირცხვილს ზეციური ნუგეში დაერთვება.

ბოლოს, - საჭიროება მოითხოვს ითქვას, - გაიფიქრა, ასეთი ყოფილა ჩემი ბედისწერაო. ან როგორ შეცვლიდა იმას, რაც ღვთის განგებად მიაჩნდა? საჭირო იყო ამორჩევა: ან გარეგანი სათნოება და სულიერი ბინიერება, ან სულიერი სინმინდე და გარეგანი შერცხვენა.

ამგვარი სავალალო ფიქრებით გატაცებული მხნეობას არა კარგავდა, მაგრამ გონება კი ექსანცებოდა. ძალა დაატანა თავის თავს და ცდილობდა სხვა რამეზე ეფიქრა, თუნდაც უმნიშვნელოზე.

საფეთქელი უცემდა მაგრად, ისევ განაგრძობდა სიარულს. შუალამის მაუნყებელმა ზარმა დაჰკრა ჯერ საყდარში, მერე ქალაქის საბჭოში: კარგად დათვალა ორივე საათის თორმეტი რიცხვი, შეადარა ერთმანეთს ზარების ხმა და მოაგონდა, რომ რამდენიმე დღის წინ რკინეულის ვაჭართან ნახა ერთი ძველი გასაყიდი ზარი, რომელზეც ეწერა: „ანტუან ალბენ დე რომენვილი“.

შესცივდა და პატარა ცეცხლი აანთო. ფანჯრის მიხურვა არც კი გახსენებია.

ისევ ვარინდებამ შეიპყრო. დიდი გაჭირვებით ძალა დაატანა თავს და ცდილობდა გაეხსენებინა, რას ფიქრობდა შუალამის საათის დაკვრამდე. როგორც იყო, შეძლო.

- ჰო, ვიცი, გადანყვეტილი მქონდა უან ვალუჟანად გამოყვხადებულიყავი სასამართლოში.

და უცხად ფანტინი მოაგონდა.

- მერე? - წამოიძახა განცვიფრებულმა, - მერე ის საბრალო ქალი?

და კვლავ აერია აზროვნება.

უცხად ჩაერია მის არეულ ფიქრებში ფანტინი, მოულოდნელი შუქი მოჰფინა და გამოაფხიზლა. ყველაფერი შეცვლილად, ნათლად ეჩვენებოდა ახლა და წამოიძახა:

- რა ღმერთი გამიწყრა, რა ვქნა? ჩემი თავის გარდა აქამდე არავინ მომგონებია. სულ იმას ვფიქრობდი, როგორ მოვქცეულიყავი, რომ არაფერი დამკლებოდა. რა უფრო სასარგებლო იქნებოდა პირადად ჩემთვის - გაჩუმება, თუ გამჟღავნება ჩემი ვინაობისა? დამალვა ჩემი პიროვნებისა, თუ ცდუნებისგან ხსნა ჩემი სულისა? დიდებულ მოხელედ ყოფნა, პატივცემულად, მაგრამ შერცხვენილად, თუ თავლაფუდასხმულ კატორღელად, მაგრამ თაყვანსაცემად? სულ ჩემზე ვფიქრობდი, ყოველთვის ჩემზე და მართო ჩემზე. მაგრამ, ღმერთო, ეს ხომ ეგოიზმია! სხვადასხვაგვარად ნაფიქრი, მაგრამ ეგოიზმი. მე რომ ცოტა სხვაზედაც მეფიქრა რამე, ადამიანი ვიქნებოდი. პირველი წმინდა მოვალეობა ადამიანისა არის სხვისთვის ზრუნვა. აბა, ვნახოთ, განვსაჯოთ. ვთქვათ, გამოვაცხადე ჩემი ვინაობა. მე დამიჭერენ, შანმატიეს გამოუშვებენ; მე ისევ კატორღაში ვარ. ძალიან კარგი, მაგრამ მერე? აქ რა მოხდება? აქ ქვეყანაა, ქალაქი, ქარხნები, წარმოება, მუშები, ქალები, კაცები, ბებრები - უსუსური ბავშვების პაპები, ბავშვები, ღარიბ-ღატაკი ხალხი. მე გავაჩინე ეს ქარხნები, მე გავამრავლე მუშები, მე ვსაზრდოებდი გაჭირვებულთ. სადაც კი კვამლი ამოდის ბინიდან, შემაც მე შევეკეთე ბუხარში და ხორციც მე ჩავდე ქვაბში. მე შევქმენი დოვლათიანობა, მიმოზიდვა, კრედიტი; ჩემამდე თითქმის არაფერი იყო. ფეხზე

წამოვაცენე, გამოვაცოცხლე, სული ჩავედგი. გავანაცოფიერე, გავამხნევე, გავამდიდრე ეს მხარე. მე რომ მოვცილდები, სული აღარ ედგმება აქაურობას, მოკვდება ყველაფერი. და ის დედაკაცი, რომელმაც იმდენი ტანჯვა გამოიარა, და ღირსება შეინარჩუნა, მიუხედავად წუშეში ჩავარდნისა? და იმისი პატარა გოგონა, რომლის მოსაყვანად წასვლას ვაპირებდი? დედასაც კი დავპირდი, მალე მოგიყვან-მეთქი. განა იმ უბედურს კი არ უნდა დავეხმარო, თუნდაც იმ ტანჯვა-წამების გამოსასყიდად, რომელიც მე მივაცენე? ვთქვათ, აღარა ვარ. მერე? დედა მოკვდება. ბავშვი უპატრონოდ დარჩება და დაიღუპება. აი, რა მოხდება, თუ თავი გავწირე. და თუ გავჭრმდი? თუ დავიმაღე? რა მოხდება, თუ არ გამოვაცხადე ჩემი ვინაობა?

ეს კითხვა მისცა თავის თავს და გაჩერდა. ერთ წამს თრთოლა მოერიან, ყოყმანობდა, მაგრამ თავი შეიკავა და დამშვიდებით უთხრა პასუხი:

- მართალია, ის კაცი კატორღაში წავა, მაგრამ წავა იმიტომ, რომ მოიპარა. ბევრიც რომ ვიძახო, - ქურდი არ არის-მეთქი, - ქურდია, იქურდა და დაიჭირეს. ის იქ იქნება, მე კი აქ დავრჩები და განვაგრძობ ჩემს საქმეს. ათ წელიწადში ათი მილიონი მექნება მოგება, რომელსაც აქვე დავტოვებ ხალხისა და წარმოების სასარგებლოდ. მე ჩემთვის არა მინდა რა. ჩემთვის ხომ არ ვიღწვი, რომ ჯიბე გავიტენო. იზრდება ხალხის კეთილდღეობა, ვრცელდება ახალი წარმოება, მრავლდება ქარხნები და სახელოსნოები, მდიდრდება ხალხი, წარმატებაშია ქვეყანა და ძლიერდება მოსახლეობათაც და შრომითაც; ახალი სოფლები გაჩნდება იქ, სადაც დღეს ერთი ქოხიც არ მოიპოვება. მოისპობა უმუშევრობა, გაჭირვება და გაჭირვებასთან ერთად გარყვნილება, როსკიობა, ქურდობა, კაცისკვლა, ყოველი ბინიერება და ბოროტმოქმედება. ის უბედური დედაც კარგად გამოზრდის თავის ბავშვს. მთელ ქვეყანას ელის გაკეთება და გაპატიოსნება! არა, ჩემს ჯუჯაზე აღარ ვიყავი, თორემ ჩემსავე დაბეზლებას დავაპირებდი? სიფრთხილე მმართებს, თორემ აჩქარებით მეც დავიღუპები და ჩემთან ერთად ბევრი მართალიც. აქაოდა, დიდსულოვნად მინდა მოვიქცე, დიდებულად -ამ საქციელში კი მელოდრამის მეტი არაფერია - ქვეყანას უნდა ვუღალატო? ეს ხომ იმას ნიშნავს, რომ მე ჩემი თავის მეტი არავინ მხსომებია; და კიდევ ის, ვილაც შანმატიყა, - სასჯელი ავაცდინო-მეთქი, - ვფიქრობდი, - ვილაც ქურდზე, იქნება მკაცრიც იყოს მისთვის ეს სასჯელი, მაგრამ ქურდია და ვილაც გაიძვერა ქურდისთვის ქვეყანა დავღუპო? ის უბედური დედაკაცი უპატრონოდ დავტოვო? იმისი პატარა გოგონა ქუჩაში გავავლო? ძალღივით. ოჰ, ღმერთმა დამითაროს! მერე ისე, რომ თავისი შვილის ნახვა ვერ ეღირსოს იმ საცოდავს? ისე, რომ ჯერ ბავშვი არც კი იცნობდეს თავის დედას? და ყოველივე ეს ვილაც უკეთური ბებერი ქურდისთვის, რომელსაც ვაშლის მოპარვით თუ არა, სხვა დანაშაულით მაინც ექნება დამსახურებული კატორღაც და უარესიც. რაო, რაო? რას მიბრძანებს ჩემი სინდისი? ერთი ცოდვილი იხსენ და მრავალი უცოდველი გასწირეო? ერთი ბებერი მანანწალა იხსენ, რომელსაც დღეს-ხვალ სიკვდილი მოელის და რომელიც, შესაძლებელია, ისეთივე უბედური იყოს თავის ქონშიც, როგორც კატორღაში, და იმას შესწირე ქვეყნის მოსახლეობა - დედები, ქალები, ბავშვებიო? იმ პატარას რაღა პასუხი გავცე, პატარა კომეტს, ჩემ მეტი გულმემატკივარი რომ არავინა ჰყავს! ვინ იყის, ამწუთს გალურჯებულია სიცივით იმ ტენარდიის სახლში. ისიც არამზადა უნდა იყოს, ვილაც ტენარდია; დავივინყო ეს უბედურები, დავივინყო ჩემი მათდამი მოვალეობა და ჩემი ვინაობა გამოვაცხადო? ამისთანა სასტიკი სისულელე ჩავიდინო? სულ უარესი

წარმოვიდგინოთ. წარმოვიდგინოთ, რომ სინდისის წინააღმდეგ ვიქცევი, ჩემს ვინაობას ვმაღავ. წარმოვიდგინოთ, რომ მქექნის სინდისი და აღარ მასვენებს. ჰოდა, მე მოვალე ვარ ავითანო ეს საყვედური და ჩემს მოყვასთ კი არ ვუღალატო. მარტო მე მხვდება ეს საყვედური, მარტო ჩემს სულს წაწყმედეს ჩემი საქციელი, და თავგანწირვა და სათნოებაც სწორედ აქ არის.

წამოდგა, ისევ სიარული დაიწყო. ამჟამად თითქოს კმაყოფილი იყო.

აღმასი მარტო მიწის ბნელ წიაღში მოიპოვება და ჭეშმარიტება - მარტო ფიქრის სიღრმეში. სწორედ ამ სიღრმეში ვიყავიო, - ეგონა, და დიდი ხნის ხელის ცეცების შემდეგ მივაგენი აღმასს, იმ ჭეშმარიტებას, რომელიც ხელში მიჭირავს და რომელიც თავისი ბრწყინვალეობით თვალსა ჭრის.

- ასეა, ასე! - გაიძახოდა კმაყოფილი. - ახლა კი ვიცი, საით წავიდე. გადანყვეტილება მივიღე და დროა მასზე შევჩერდე. თავი დავანებოთ იმ საქმეს! აღარც ფიქრი გვინდა, აღარც ამ გადანყვეტილების სინჯვა და ცვლა. ამას მოითხოვს ქვეყნის კეთილდღეობა და არა ჩემი. მადლოენი ვარ, მადლოენად ვრჩები. ვაი იმას, ვინც უნ ვალჟანი! მე უნ ვალჟანი აღარა ვარ. არც კი ვიცი რომ იმ კაცს, არც კი ვიცი, ვინ არის და რა არის. თუ დღეს არის ვინმე უნ ვალჟანი, მან თვით იბრუნოს თავის თავზე! ჩემი საქმე არ არის! საბედისწეროა ეს სახელი, დაძრწის ღამის წყვილია და ვაი მას, ვისაც ის დაეცემა! მე შორს ვიდგები!

ბუხრის თავზე, პატარა სარკეში ჩაიხედა და წამოიძახა:

- ძლივს! როგორ დამამშვიდა ამ გადანყვეტილებამ! სული ჩამიდგა მკვდარს!

ცოტა ხანს კიდევ იარა და უცხად გაჩერდა.

- ძლივს, მაგრამ რაკი გადანყვეტილი მაქვს, აღარც ყოყმანი მინდა. უნდა მოისპოს ყოველივე, რაც ჩემს წარსულთან მაერთებს. ამ ოთახში არის იმისთანა ნივთები, მუწტი მონმენი ჩემი წარსულისა, რომელიც ყელს გამომჭრიან, ვინმემ თუ დაინახა. უნდა მოისპოს ყოველივე!

ჯიბიდან ამოიღო ქისა, ქისიდან - გასაღები.

კედელს ქაღალდი ჰქონდა გაკრული, მუქი ფერისა. მიუჩვეველი თვალი ვერც კი იპოვიდა კედელში ერთ პატარა ჭუჭრუტანას. იქ შეყო გასაღები და გააღო საიდუმლო საღარო - პატარა განჯინა კედლისა და ბუხრის კუნჭულში. ამ საიდუმლო საღაროში ძველი, გადასაყრელი ტანსაცმლის გარდა, სხვა არაფერი იყო: ლურჯი ტილოს ხალათი, ძველი შარვალი, ძველი გუდა და ერთი მსხვილი ჯოხი დარკინული თავით და ბოლოთი. ვისაც ენახა უნ ვალჟანი დინში, 1815 წლის ოქტომბერში რომ გამოიარა, მაშინვე იცნობდა ამ ტანსაცმელს.

შენახა ეს ტანსაცმელი, როგორც შენახული ჰქონდა ვერცხლის შანდლები, რომ ყოველთვის ხსომებოდა თავისი დასაწყისი. ოღონდ, რაც კატორღიდან გამოჰყოლოდა, ის დამალული ჰქონდა, და რაც ეპისკოპოსისაგან წამოჰყოლოდა, ის თვალწინ ედგა ყოველთვის.

თვალი შეავლო კარს, თითქოს ეშინია, არავინ შემოაღოს დაკეტილიო. მერე ხელი სტაცა განჯინიდან გამოღებულს, ამდენი ხნის განმავლობაში ასე წმინდად და ამასთან თავის სახიფათოდ შენახულს. ზედ არც კი დახედა და გაბრაზებით შეყარა ცეცხლში სულყველაფერი - ხალათიც, ჯოხიც, შარვალიც.

ისევ დაკეტა თავისი საიდუმლო საღარო და, მეტისმეტი სიფრთხილით, რადგან იქ აღარაფერი იყო, ახლა საღაროც დამალა, რაღაც მძიმე ნივთი მიადგა.

რამდენიმე წამის შემდეგ მისი ღია ფანჯრის პირდაპირ ოთახი და კედელი განათებული იყო დიდი ცეცხლის ალით. სწრაფად იწვოდა ყველაფერი, ჯოხს ტკაცანი გაჰქონდა და ნაპერწკალს ისვროდა ოთახის შუამდე.

ტყავის გულა სავსე იყო ძველი საცვლებით და, რომ დაინვა, რაღაც დატოვა ნაცარზე ბრჭყვიალა. ვინმე რომ ყოფილიყო და დაღუნულიყო, ვერცხლის ფულს დაინახავდა, ორფერანკიანს. ალბათ ის ფული იყო, პატარა სავოელს რომ მოჰარა უან ვალჟანმა.

ის ცეცხლს არ უყურებდა, ბოლოსა სცემდა ჩაფიქრებული.

უცხად თვალში ეცა ორი შანდალი, რომლებიც ცეცხლის სინათლეს გაენათებინა ბუხრის თავზე.

- აი, დასწყევლა ღმერთმა, - წამოიძახა გაჯავრებით, - ავერ ისევ აქ არის მთელი უან ვალჟანი. ესეც უნდა მოისპოს.

და ხელი წაავლო ორივეს.

ბუხარში ჯერ კიდევ საკმაოდ ძლიერი ცეცხლი ენთო, საჩქაროდ რომ დაედნო და ვერცხლის ზოდად გარდაექმნა ორი შანდალი.

დაიხარა, ხელებს ითბობდა. სრულიად დამშვიდებულად გრძნობდა თავს.

- რა კარგია ეს ცეცხლი!

შანდლით შეანძრია ნაკვერჩხალი.

რამდენიმე წამის შემდეგ ორივე შანდალი ცეცხლში იყო.

რაღაც მოეჩვენა ამ დროს. ხმა მოესმა, გულიდან გამოძახილი:

- უან ვალჟან, უან ვალჟან!

ყალყზე დაუდგა თმა. იმ კაცს ჰგავდა შეშინებული, რომელსაც რაღაც საშინელისათვის მიუგდია ყური.

- ავრე, ავრე! ბოლო მოუღე! - უბრძანებდა ის ხმა, - დაასრულე, რაც დაიწყე! მოსპე ეგ შანდლები! მოსპე ეგ სახსოვარი! დაივიწყე ეპისკოპოსი! დაივიწყე სულყველაფერი! დაღუპე შანმატიე! ავრე! მაგამე უკეთესი რაღა იქნება? ტაში დაუკარ შენს სათნობას! მამ ავრე, გადანყდა: ერთი უბედური, მოხუცებული, რომელმაც ჯერაც არ იცის, რა უნდათ მისგან, რომელსაც იქნებ არავითარი ბოროტება არ ჩაუდენია, არავითარი დანაშაული არ მიუძღვის, და მხოლოდ შენი სახელის მსხვერპლი გამხდარა, შენს სახელს არქმევენ, შენადა სცნობენ, შენ ნაცვლად სჯიან და აიძულებენ თავისი ღდენი შერცხვენითად დალიოს. ძალიან კარგი! შენ კი, შენ პატიოსან კაცად დარჩი! ბატონ მერად, პატივსაცემად და პატივცემულად, გამაზღვრე ქალაქი, ასაზრდოვე გაჭირვებულნი, გაზარდე ობლები, იყავ ბედნიერი, კეთილისმყოფელი, თაყვანსცემული და სწორედ იმ დროს, როდესაც აქ დიდებით იქნები გაბრწყინებული, ვიდაც იქნება განწირული, რომელსაც შენი კატორღის ხალათი ეცმევა, შენი სახელი ერქმევა იმ სიბილწეში და შენს ჯაჭვს ატარებს იმ წამებაში. ძალიან კარგი! მშვენივრად მონაყვე საქმე! ოჰ, არამზადაე!

წურწურით სდიოდა შუბლიდან ოფლი, დაღვრემილი თვალი ვედარ მოემორებინა შანდლებისთვის. მაგრამ ჯერ კიდევ ჰქონდა სათქმელი მისი გულიდან მოლაპარაკეს და განავრძო:

- უან ვალჟან! დიდი ხმა გაგივარდება ხალხში. შენს ქებასა და კურთხევამი იქნება ქვეყანა. ერთადერთი ხმა იქნება შენი მანყევარი და იმასაც ვერავინ გაიგებს. ჰოდა,

ყური მიგდე, ფლიდო! ხალხის მიერ შენი ქება და კურთხევა დედამიწას ვერ ასცდება და იმ ერთი მანყევარის გმინვა კი ღმერთამდე მიაღწევს!

ჯერ სუსტად ისმოდა ეს ხმა, რომელიც მისი სინდისის ბნელი წიაღიდან გამოდიოდა; მერე უფრო და უფრო მძლავრად გაისმა და შიგ ყურში სცემდა. გრძობდა, რომ მისგანვე მოდიოდა ეს ხმა. მაგრამ ეჩვენებოდა, თითქოს ვიღაც იყო იქ, მის გარეთ და ის უტევდა. ისე მკაფიოდ გაიგონა უკანასკნელი სიტყვები, რომ შეშინებული თვალი მოავლო ოთახს - ხომ არავინ შემომეპარაო.

- არის აქ ვინმე? - შეჰყვირა განცვიფრებულმა.

მერე სიცილი წასკდა, რომელიც იდიოტის სიცილს ჰგავდა და თქვა: - რა სულელი ვარ! ვინ უნდა იყოს!

ვიღაც იყო ოთახში, მაგრამ ის იყო, რომლის თვალთ დახახვა არ ძალუქს ადამიანს.

შანდლები ბუხრის თავზე დადგა.

ისევ სიარული დაიწყო მწუხარე, მგლოვიარე ადამიანის ნელი ნაბიჯით, რომელიც ქვემო ოთახში მძინარეს სიზმარს ურევდა და ხშირად აღვიძებდა.

შვებას აძლევდა ეს სიარული, და თანაც აბრუებდა. ისე იქცევა ხანდახან ადამიანი, დიდ სულიერ ბრძოლას რომ განიცდის, თითქოს უნდა დაიძრას, რომ რჩევა ჰკითხოს ყველაფერს, რაც კი წინ შემოეყრება. ცოტა ხნის სიარულის შემდეგ აღარაფერი ახსოვდა თავისი გადანყვეტილებისა.

ორჯერ თქვა - გადანყვეტილება მაქვს და ასე მოვიქცევიო, - და ახლა კი საბარლად ეჩვენებოდა ერთიცა და მეორეც. ორი აზრი ჰქონდა, რომლებიც ურჩევდნენ:

- ასე, თორემ დაიღუპებიო, - და ახლა თავის დამღუპველად ხედავდა ერთსაც და მეორესაც. რა საშინელებაა ჩვენი ბედისწერა! როგორ მოხდა, რომ ვიღაც შანმატიე მიიღეს უან ვალუანად? სწორედ იმითი ღუპავდა ბედი, რომ განსაცდელისაგან თავის დასაცავად მონიჭებულად ეჩვენებოდა.

ცოტა ხანი თავის მომავალზე ფიქრს მოანდომა; განაცხადოს თავისი ვინაობა?

ღმერთო ძლიერო! - და საშინელი მწუხარებით წარმოიდგინა ყველაფერი, რაც უნდა მიატოვოს და რაც უნდა ხელმეორედ განიცადოს. მამ უნდა გამოეთხოვოს ამ კეთილ, წმინდა ცხოვრებას, ნათელს, მადლიანს? უნდა გამოეთხოვოს ხალხის პატივისცემას, პატიოსნებას, თავისუფლებას? ველარც მინდორში გაისეირნებს, ველარც ფრინველთა მაისის ვალობით დატკბება, ველარც მოწყალებას მისცემს პატარა ბავშვებს. ველარ იგრძნობს სიტკბობებს მადლობისა და სიყვარულისას მის ირგვლივ მყოფ ხალხში. უნდა გამოეთხოვოს ამ სახლს, თვითონ რომ ააშენა, უნდა გამოეთხოვოს თავის ოთახს. ამ წამს მომხიბლავად ეჩვენებოდა აქ ყველაფერი. ველარც თავის წიგნებს წაიკითხავს, აღარც ეს თეთრი მაგიდა ექნება საწერად. აღარ ეყოლება თავისი ბებერი მეკარე დედაკაცი, ყავას რომ მთართმევს ხოლომე დილით და ამის მაგივრად - ღმერთო, ღმერთო, - გარს კატორღელები, რკინის საყელური, წითელი ხალათი, ფეხზე ჯაჭვი, დაქანცულობა, საპატიმრო, ტუსადების ლოგინი, - მთელი ეს საზიზღრობა, უკვე ნაცნობი! მერე ამ ხნის კაცს? მას შემდეგ, რაც იყო? ყმანვილი ბიჭი იყოს, კიდევ ჰო! მაგრამ დაბერდა კაცი და ახლა შენობით დაელაპარაკება ყველა, ვინც უნდა იყოს, ჯიბებს გაუსინჯავს მეკარე, ჯიბითა სცემს ზედამხედველი. შიშველ ფეხებზე ჩააცმევენ ნალიან ფეხსაცმელს, დილა-საღამოს

შეუმონწმებენ ფეხის ჯაჭვს, თავისი ყურით გააგონებენ, რომ დაუსახელებენ ცნობისმოყვარეთ: - „ესა? ეს გახლავთ სახელოვანი ჟან ვალჟანი, მერად რომ იყო მონრეილში“; და სალამოს დაქანცული, ოფელში განურული უნდა ჩადგეს რიგში, თვალეზზე ჩამოფხატული მწვანე ქედით, კატორღელებთან ერთად წყვილ-წყვილად ავიდეს კიბეზე დასაძინებლად, ზურგში ათისთავის მათრახის ცემით, რა უბედურებაა! რა მომაკვდინებელი წამებაა! ნუთუ ბედისწერაც ისეთივე უღმობელია, როგორც მოაზროვნე ადამიანი და ისევე უდიერი, როგორც ადამიანის გული?

ბევრს ცდილობდა თავიდან მოეშორებინა ეს ფიქრები, მაგრამ ვერა და ვერ მოახერხა. სხვა რამეზე უნდოდა ფიქრი და თვალწინ უდგა გულსაკლავი დილემა: დავრჩე ავსული სამოთხეში თუ ჯოჯოხეთში დავბრუნდე სულით სპეტაკი?

რა ვქნა, ღმერთო ძლიერო! როგორ მოვიქცე?

დამშვიდდა, როგორც იყო, თავი დააღწია თავის საზარელ ფიქრებს, მიიღო გადაწყვეტილება და ამაოდ ჩაუარა ამოდენა სულიერმა ტანჯვამ. ისევ ისე ერეოდა ფიქრები. იმდენი ძალა აღარა ჰქონდა, რომ კიდევ დაემორჩილებინა და განესაჯა ეს გამოცანა. წამდაუნუმ აგონდებოდა სახელი რომენვილი, ერთი სიმღერა რამდენიმე სიტყვით, რომელიც ოდესღაც გაეგონა, ვეღარ მოემორჩებინა ეს სახელი და იძახდა, - პატარა ჭალა უნდა იყოს პარიზთან, სადაც შეყვარებულნი ყვავილების დასაკრეფად დადიან აპრილშიო.

ტანთაც ისევე ბარბაცებდა, როგორც სულით. პატარა ბავშვივით დაბაჯბაჯებდა, რომელმაც ეს-ეს არის ფეხი აიდგა და მარტო დატოვეს.

ახლა დაღლილობას ებრძოდა, ცდილობდა გონება მოეკრიბა და ერთხელ კიდევ, უკანასკნელად, განეხილა ის დილემა, რომელმაც ასე დაღალა და აწამა. გამოაცხადოს თავისი ვინაობა? თუ იყოს თავისთვის ჩუმად? მაგრამ გარკვეულს ვერაფერს ხედავდა. მასაბუთებელი აზრები ერეოდა ერთმანეთში და კვამლივით ქრებოდა ერთად. ერთსა გრძნობდა მხოლოდ საბოლოოდ: რა გადაწყვეტილებაც უნდა მიეღო, სულერთი იყო, რაღაც უნდა მომკვდარიყო ჟან ვალჟანისა; ეს აუცილებელი იყო და ყოვლად შეუძლებელი იქნებოდა აქ დარჩენა, მარჯვნივ წავიდოდა თუ მარცხნივ, აკლდამაში უნდა შესულიყო; სულთაბრძოლას უნდა დასწრებოდა, თავისი ბედნიერებისა და სათნოების სულთაბრძოლას.

ვაი, რომ გადაწყვეტილი ჯერაც არაფერი ჰქონდა! დამშვიდებით დაფიქრება იყო საჭირო და ფიქრი კი გაურბოდა. დაღლის მეტი ვერაფერი უძღვნა ამ ღამის ფიქრმა.

ასე იბრძოდა წყვდიადში ეს ტანჯული სული. ათას რვაასი წლის წინ ამ განწირულებამდე, კიდევ იყო ერთი ადამიანი, რომელშიაც შეერთებულიყო ყოველი სათნოება და ტანჯვა კაცობრიობისა. ისიც ამასავით დიდხანს ცდილობდა მოეშორებინა ათრთოლებული ხელით მიწოდებული საშინელი ფიალა, რომელსაც გაკაშკაშებული ვარსკვლავებით მოფენილ სივრცეში უსაზღვრო წყვდიადი მოჰქონდა.

თავი მეოთხე

როგორ გამოიხატება ტანჯვა სიზმარში

სამი დაჰკრა საათმა. ხუთი საათის გამწარებული, თითქმის შეუჩერებლად წინ და უკან სიარულის შემდეგ ღონემიხილი სკამზე დაეშვა.

იქვე ჩაიძინა და ნახა სიზმარი.

ამ სიზმარმა, როგორც საერთოდ სიზმარმა, თუ ჰქონდა დამოკიდებულება რამე მის სულიერ განცდასთან, მხოლოდ ბნელი და ავბედითი, დიდი შთაბეჭდილებაც მოახდინა საბრალოზე; იმდენად დიდი, რომ შემდეგში კიდევ დანერა. თავისი ხელით დანერილ ქალაქებში დაეტოვებინა. საჭიროდ მიგვაჩნია სიტყვა-სიტყვით მოვიყვანოთ აქ ეს წერილი.

როგორც უნდა იყოს ეს სიზმარი, სრული არ იქნება ამ ღამის ისტორია, თუ ისიც არ ჩავწერეთ. ეს გახლავთ ბნელი ნიაღვი დაავადებული სულისა.

აი, თვით სიზმარიც. კონვერტზე ეს სიტყვები წერია: ნუხელ ეს სიზმარი ვნახე:

„მინდორში ვიყავ, ერთ დიდ პირქუშ მინდორში, სადაც ბალახი აღარასად ჩანდა. ვერ ვარჩევდი, დღე იყო მაშინ თუ ღამე.

ერთად დაუსვირნობდით მე და ჩემი ძმა, ჩემი ბავშვობის მეგობარი, რომელიც, უნდა გამოვტყდე, არც როდესმე მომგონებია და თითქმის აღარ მახსოვს.

ბაასით მივიდიოდით, ხალხს ვხვდებოდით. ერთ ქალზე ვლაპარაკობდით, რომელიც მეზობლად გვყავდა ოდესღაც. იგი სულ ღია თანჯარასთან იჯდა და კერავდა. ამ ლაპარაკში რომ ვართ, ვიგრძენით, რომ იმ ღია თანჯარიდან გადმოსულმა სიცივემ შეგვაურყუოლა.

ხე არსად იყო იმ მინდორში.

ერთმა კაცმა გაგვიარა ახლოს. შიშველ-ტიტველი იყო, ნაცრისფერი და მინისფერ ცხენზე იჯდა. თმა არა ჰქონდა. თავის ქალა უჩანდა და ზედ ძარღვები. ხელში პატარა წვეპლა ეჭირა. ვაზის წალამივით მოქნილი და რკინასავით მძიმე. ახლოს გაგვიარა და ხმა არ გაგვცა.

ჩემმა ძმამ მითხრა:

- მოდი, ღარტაფით გავიაროთ.

მართლა გამოჩნდა ჩალარული გზა, სადაც ბუჩქი კი არა, ხავსიც კი არსად ჩანდა. მინისფერი ელო ყველაფერს, თვით ზეცასაც. რამდენიმე ნაბიჯი გავიარეთ და ხმა აღარავინ გამცა, მე რომ ველაპარაკებოდი. მაშინ შევნიშნე, რომ ჩემი ძმა ჩემთან აღარ იყო.

სოფელი დავინახე და იქ შევედი. ეს უნდა იყოს-მეთქი, რომენვილი, - ვიფიქრე.

(რადღა უთუოდ რომენვილი?)

სრულიად არავინ იყო პირველ ქუჩაში, მეორეზე გავედი. იქ გზაჯვარედინზე ერთი კაცი იდგა, კედელზე მიყრდნობილი. იმ კაცსა ვკითხე: - რა ჰქვია ამ ქვეყანას? სადა ვარ? - პასუხი არ მომცა.

ერთი სახლის კარი დავინახე ღია და შიგ შევედი. პირველ ოთახში არავინ იყო, მეორეში შევედი. იმ ოთახის უკან ერთი კაცი იდგა, კედელზე მიყრდნობილი. იმ კაცსა ვკითხე:

- ვის ეკუთვნის ეს სახლი? სადა ვარ? - პასუხი არ მომცა.

სახლთან ბალი იყო. სახლიდან ბაღში გავედი. ბაღშიც არავინ იყო. პირველი ხის უკან კაცი იდგა. იმ კაცსა ვკითხე: - ვისია ეს ბალი? სადა ვარ? - პასუხი არ მომცა.

დავინწყე სოფელში ხეტიალი. მივხვდი, რომ ქალაქი იყო. ქუჩებში არავინ ჩანდა. კარი - ყველა გაღებული. ცოცხალი ადამიანი არსად მოჩანდა ქუჩაში, არ იძვროდა ოთახებში, არ დასვირნობდა ბაღში. მაგრამ ყოველი ქუჩის კუთხეში, ყოველი კარის უკან, ყოველი ხის უკან, ერთი კაცი იდგა გაჩუმებული, ერთსა ვხედავდი ყველგან, ორის დანახვა შეუძლებელი იყო, იდგნენ და მიყურებდნენ მიმავალს.

ქალაქიდან მინდორში გავედი. მოვიხედე უკან და დავინახე, რომ უკან უამრავი ხალხი მომდევდა. ვიციანი ის კაცები, რომლებიც ქალაქში ვნახე. უცნაური თავი ჰქონდა ყველას, თითქოს არსად მიიჭქარებოდათ, მაგრამ უფრო ჩქარა მოდიოდნენ, ვიდრე მე. მოდიოდნენ ჩემად. ოდნავი ხმავე კი ისმოდა და უცბად გარს შემომგებია ეს ხალხი. სახე მიწისფერი ჰქონდა ყველას.

სწორედ ის კაცი, რომელიც პირველი ვნახე, ქალაქში რომ შევედი და ვკითხე კიდევ - სადა ვარ-მეთქი? - სწორედ ის კაცი მომიახლოვდა და მკითხა: - სად მიდიხართ? ნუთუ არ იცით, რომ მკვდარი ხართ დიდი ხანია?

პირი გავაღე პასუხის გასაცემად და მივხვდი, რომ მარტოდმარტო ვიყავი ტრიალ მინდორში!"

გამოელევიძა. გაყინულიყო. დილის სუსხიანი ქარი ქროდა და ფანჯრის ჩარჩოს ანძრევდა. ღია დარჩენოდა მადლენს. ცეცხლი ჩამქრალიყო, სანთელი ძლივსლა ბუუტავდა. ჯერ კდევ ბნელი ღამე იყო.

აღვა, ფანჯარასთან მივიდა. ვარსკვლავი არსად ჩანდა ცაზე.

ფანჯრიდან გადასცქეროდა ქუჩას და ვილაცის ეზოს. რაღაც ხმაური მოესმა ქვევიდან, ამან მიიპყრო იმის ყურადღება.

ორი პატარა ვარსკვლავი დაინახა თავის ქვემოთ, წითელი, რომლის სხივი ხან გრძელდებოდა, ხან უცნაურად მოკლდებოდა.

ჯერ ისევ თავისი სიზმრის ბურანში იყო, განცვიფრებით წამოიძახა:

- მარტო მეცამი არა ყოფილა ვარსკვლავები! აგერ აქაც - დედამინაზე!

მაგრამ ამ დროს ხელმეორედ გაისმა ქვემოდან იგივე ხმაური და ახლა კი გონს მოვიდა. გაიხედა ქუჩაში და დაინახა, რომ ის ვარსკვლავები ორი სანათი იყო პატარა ეტლისა და ახლა ეტლს დააცქერდა. პატარა ტილბური იყო, შიგ თეთრი ცხენი ება. წელან რომ რაღაც ხმაური მოესმა ქვემოდან, ფეხის ხმა იყო ამ ცხენისა.

- ეს რაღა ამ შუალამისას? - იძახდა მადლენი, - ვინ უნდა იყოს, ნეტავი?

ამ დროს კარზე დაუკაკუნეს გარედან.

ურჟოლა მოერია თავით ფეხამდე და საშინლად შეჰყვირა:

- ვინ არის?

ვილაცის ხმა მოესმა:

- მე გახლავართ, ბატონო მერო.

ბებერი დედაკაცის ხმა იცნო, თავისი მეკარისა.

- რაო, რა გინდათ?

- ეტლი მოვიდა, ბატონო.

- რა ეტლი?

- ტილბური.

- რა ტილბური?

- განა ბატონმა მერმა არ დაიბარა ეტლი?

- არა.

- მეეტლე ამბობს, ბატონმა მერმა დაიჭირავა ეს ტილბურიო.

- ვინ მეეტლე?

- სკოფლერის მეეტლე.

- სკოფლერისა? - ისე შეაკრთო ამ სახელმა, თითქოს მის თვალწინ ელვას გაენათებინოს.

- შოო, სკოფლერისა.

ამ დროს ბებერ მეკარეს რომ დაენახა, ვეღარც კი იცნობდა თავის ბატონ მადლენს.

კარგა ხანი იდგა გაჩუმებული, გაშტერებული. იდგა და თვალს არ ამორებდა მაშუტავ სანთლის ალს, ცვილს აცლიდა ირგვლივ და თითებით სრესდა. დედაკაცი ელოდა. ბოლოს გაბედა და ერთხელ კიდევ ჰკითხა:

- რა პასუხი გავცე მეეტლეს, ბატონო მერო?
- ცოტა ხანი მოიცადოს. ახლავე ჩამოვალ.

თავი მეხუთე
გზის უბედობა

არასსა და მონრეილს შორის ფოსტას იმ დროს დაატარებდნენ პატარა ეტლებით, შიგნიდან ნაბლისფერტყავამოკრული ორთვლიანი კაბრიოლეტებით, რომელშიც ორი კაცი ეტეოდა, მეეტლე და ერთი მგზავრი. ღერძს ორივე მხრიდან გრძელი მორგვი ჰქონდა, რომ სხვა ეტლთან დაჯახება ასცდენოდა. ამგვარ ეტლებს ჯერაც ხმარობენ გერმანიაში.

ფოსტის საზიდავად ამ ეტლს უკნიდან შავად შეღებილი უშველებელი მოგრძო ყუთი ეკრა, კაბრიოლეტი კი ყვითელი იყო.

დღეს ამ ეტლების მსგავსიც აღარ მოიპოვება. იმდენად უშნო და კუზიანი იყო, შორიდან დანახვისთანავე იმ მწერს მოგაგონებდათ, რომელსაც თეთრ ჭიანჭველას უძახიან, მგონი, - ერთი ბენო ზედატანი აქვს და უზარმაზარი ტანი. მიუხედავად ამისა, ძალიან სწრაფად დადიოდნენ, არასიდან ღამის პირველ საათზე გასული ფოსტა, პარიზიდან მოსული ფოსტის შემდეგ დილის ხუთ საათზე ჩადიოდა მონრეილში.

მონრეილისკენ მიმავალი ფოსტის ეტლი ესდენის გზაზე რომ მიდიოდა, ერთ მოსახვევში, ქალაქის შესასვლელთან, პატარა ტილბურს მოედო, რომელშიც თეთრი ცხენი ება და ერთი კაცი იჯდა, წამოსასხამში შეფუთვნილი. ფოსტის ღერძის მორგვი ტილბურის თვალს მოხვდა და ძალიანაც უნდა დაეზიანებინა. ბევრი უყვირა ფოსტის მეეტლემ, მაგრამ ვერ გააგონა ქალაქიდან ტილბურით მიმავალ მგზავრს, რომელსაც ჭენებით მიჰყავდა თავისი ეტლი.

- რა ძალიან ჩქარობს, ვილაც არის, - თქვა მეეტლემ და თავის გზას გაუდგა.

ასეთი სიჩქარით მიმავალი მგზავრი ის იყო, რომელმაც საშინელი სულისკვეთებით გაათენა ღამე და ჯერაც არ იცოდა, რას აპირებდა, ან რას იზამდა. სად მიდიოდა, თვითონაც ვერ გეტყვოდათ. რად მიაჭენებდა ასე ცხენს, არც ეს იცოდა. გზას მისდევდა, რაც იქნებოდა, იქნებოდა. გზა არასისკენ მიდიოდა, მაგრამ იქნება სხვაგანაც მიეშურებოდა! თვითონვე გრძნობდა, რომ ასე საალალბედოდ საქმის მიგდება შეუძლებელი იყო და კანკალი ერეოდა. ამ ღამისთვის მიენდო თავი და შიგ ისე იფლობოდა, როგორც უფსკრულში. რალაც აჩქარებდა, რალაც იყო, რომ თავისკენ იზიდავდა. რა სულიერ ძრწოლას განიცდიდა, ამას ვერაფერ იტყვის, მაგრამ ყველა მიხვდება. ვინ იქნება, რომ თავის სიცოცხლეში ერთხელ მაინც არ ჩავარდნილიყო გაჭირვებული ამ სიბნელით მოცულ მომავლის უფსკრულში!

ცუდი ის იყო, რომ არაფერი ჰქონდა გადანყვეტილი, საბოლოოდ დადგენილი, გათვალისწინებული; არაფერი ჰქონდა გარიგებული. არც ერთი მრწამსი მისი სულისა

არ ჰქონდა სახელმძღვანელოდ მიღებული. ისევ ისე ერეოდა ფიქრები, როგორც პირველ წამს, ჟავერის წასვლის შემდეგ.

რად მიდიოდა არასში?

იმასვე იმეორებდა, რასაც ფიქრობდა, სკოფლერის ეტლი რომ დაიქირავა: რომ არავითარი საშიშროება არ მოეღოს, კიდევ რომ შევიდეს სასამართლოს დარბაზში. შევა, თავისი თვალთ ნახავს, თვითონვე განსჯის საქმეს, რომ კეთილგონიერება მოითხოვს ამას. ხომ უნდა იცოდეს, როგორ წარმოებს საქმე; ან რა უნდა გადაწყვიტოს, რა დადგენილება მიიღოს, თუკი თვით საქმე არ ეცოდინება! თვითონ შანმატიესაც ნახავს. დარწმუნდება, რომ არამზადაა, ბინიერების ნაყოფი და საბოლოოდ მოიშორებს სინდისის ქეჯნას, რადგან თავის წილ კატორღაში ადამიანს კი არა, ვიღაც უკეთურსა გზავნის, ხალხის მტერს და წამრყენელს. მართალია, ჟავერიც იქ იქნება, ბრევეც, შენილდიოც და კომპაილიც, ძველი კატორღელი ამხანაგები, მაგრამ აქაც არაფერია საშიში. ჟავერს უნა ვალჟანად შანმატიე ჰყავს წარმოდგენილი და ადამიანი რომ დააჯერებს თავს რამეში, ისე გაჯიუტდება, ღმერთიც ვედარ გადაათქმევიანებს. ამ მხრივ საშიში არაფერია. ძველი კატორღელები? აბა, რაღას იცნობენ, ისე გამოცვლილი.

ეჭვი არ არის, ძალიან გაბედულებას იჩენს, მაგრამ გადარჩება, ბოლოს და ბოლოს, ავი იყო თუ კარგი იმისი ბედი, თვით ეჭირა ხელში და თვით იყო თავისი ბედის გამძღოლი და ბატონ-პატრონი.

მაგრად ებღაუჭებოდა ამ ფიქრს, მაგრამ გრძნობდა, რომ უკეთესი იქნებოდა, არ წასულიყო არასში.

გრძნობდა და მაინც მიდიოდა.

ამ ფიქრებში იყო გართული, ცხენს აჩქარებდა. მართლა კარგი ცხენი ჰყავდა და თითქმის ათ კილომეტრამდე გაიარა საათში.

რაც უფრო წინ მიდიოდა იმისი კაბრიოლეტი, მით უფრო მეტად გრძნობდა გულში რაღაცას, რაც სულ უკან და უკან სწევდა.

დიდ მინდორში იყო, რომ ინათა. მონრეილი შორს დარჩა, უკან, უყურებდა ჰორიზონტს, რომელსაც წელ-წელა ეცლებოდა ღამის სიბნელე; უყურებდა ზამთრის დილის ცივ სურათს, მაგრამ ვერაფერს ხედავდა. დილასაც აქვს თავისი ჩრდილები, როგორც საღამოს. ვერაფერს ამჩნევდა, მაგრამ შეუმჩნევლად, განსაკუთრებული, თითქმის ფიზიკური წვდომის წყალობით, ხეებისა და ბორცვების შავი აჩრდილი მწუხარებას ჰმატებდა მის დანწყლულებულ გულს.

გზის პირას სახლებს რომ გაუვლიდა ხოლმე, გაიფიქრებდა - ნეტავი ამათ, რომ ტკბილად სძინავთო.

ცხენის ფეხის ხმა, ზარის წკრიალი, თვლების გრიალი, რაღაც გაბმულ ბგერას ქმნის, საამოსა და ტკბილს, როდესაც მხიარულია მგზავრი და გულისგამანწყალებელს, როდესაც დაღონებულია.

უკვე დღე იყო, ესდენში რომ მივიდა. ერთ ღუქანთან გაჩერდა, რომ ცხენისთვის შერია ეჭმია და დაესვენებინა.

მართალი უთხრა სკოფლერმა, ბულონური ცხენი იყო, პატარა, დიდთავა, გამოზერილი მუცელი ჰქონდა, მოკლე კისერი, მაგრამ ღონიერი მკერდი, ღონიერი გავა და წვრილი, მაგარი ფეხი; უშნო იყო, მაგრამ ღონიერი და გამძლე. ოცამდე კილომეტრი გაიარა ორ საათში და სულ არ გაოფლიანებულა.

მადლენი არ ჩამოსულა ეტლიდან. შვრია მიუტანა მეჯინიბემ, ცხენს დაუდგა პატარა გობით და მარცხენა ბორბალს დაუნყო სინჯვა.

- შორს მიბრძანდებით, ბატონო?

მადლენი თავის ფიქრებით იყო გატაცებული და კითხვითვე უპასუხა:

- რად გაინტერესებთ?

- შორიდან მობრძანდებით?

- ოცი კილომეტრია აქედან.

- ეჰ!

- რად იძახით ემაგ ეჰ-ს?

ბიჭი დაიღუნა, ბორბალს სინჯავდა გაჩუმებული. მერე წამოიწია და თქვა:

- რად ვიძახი? ოცი კილომეტრი გამოიარა ამ თვალმა, ეგ შეიძლება, მაგრამ აქედან კილომეტრის მეოთხედსაც ვეღარ გაუძლებს.

მაშინვე გადმოხტა ტილობურიდან უან ვალჟანი.

- რა თქვით, მეგობარო, რაო?

- იმას მოგახსენებთ, რომ სასწაულია. ამ გატეხილმა თვალმა ოცი კილომეტრი როგორ გამოიარა და არსად ჩაგაგდოთ თხრილში. აბა, შეხედეთ.

მართლაც ძალიან დაზიანებული იყო ბორბალი. ფოსტის ეტლს რომ მოედო, ორი ხიდი გასტეხოდა და მორგვი დაეზიანებინა, ისე, რომ ფამფალებდა.

- აქ არავინ არის, რომ გამიმავროს? - ჰკითხა მეჯინიბეს.

- როგორ არა, ბატონო.

- ძალიან დამავალვებთ, თუ მომიყვანთ.

- აქვე გახლავთ, ორი ნაბიჯიც არ არის, ოსტატი ბურგაიარი.

ბურგაიარი იქვე იდგა, თავის კართან. მივიდა, გასინჯა ბორბალი და ისე დაიღრიჭა, როგორც ქირურგი, რომელიც მოტეხილ ფეხს უსინჯავს კაცს.

- გამიკეთებთ ამას, ოღონდ საჩქაროდ?

- დიახ, ბატონო.

- როდის გამისტუმრებთ?

- ხვალ.

- რაო, ხვალაო?

- დიახ, ბატონო. მთელ დღეს ამას მოვუნდები. ძალიან გეჩქარებათ?

- ძალიან, ერთი საათის შემდეგ გზას უნდა გავუდგე.

- შეუძლებელია, ბატონო.

- გადავიხდით, რამდენსაც მომთხოვთ.

- შეუძლებელი გახლავთ.

- მაშ, ორი საათი იყოს.

- დღეს ამის გაკეთებას ვერ მოვრჩები. ორი ხიდი გახლავთ შესაკეთებელი და მორგვი. ხვალ დილაზე ადრე ვერ წაბრძანდებით.

- ხვალამდე ვერ მოიხდის ჩემი საქმე! განა არ შეიძლება, შეკეთებას თავი დავანებოთ და ეს ბორბალი გამოვცვალოთ?

- როგორ გამოვცვალოთ?

- თქვენი ხელობა ეტლების კეთებაა, არა?

- დიახ, ბატონო.

- თუ გაქვთ ერთი ბორბალი, მომიყვანეთ და ახლავე წავალ.

- ეს გამოვცვალოთ?
 - ჰო, გამოვცვალოთ.
 - კი მაგრამ, მე რომ გაკეთებული ბორბლები მზად არა მაქვს? ბორბლები წყვილი უნდა იყოს. ასე ადვილად კი არ მიუდგება ერთმანეთს.
 - მამ ერთი წყვილი მომიყიდეთ.
 - ყველა ხომ არ გამოდგება, ბატონო?
 - მაინც ვცადოთ.
 - ამოღა ვცდით, ბატონო. მე ურმის თვლები მაქვს. სოფელში მარტო იმასა აქვს გასაჯალი.
 - იქნება კაბრიოლეტი გქონდეთ რამე და მომაქირაოთ?
- ეტლის გამკეთებული დიდი ხანია მიხვდა, რომ ტილბური ამ მგზავრს დაქირავებული ჰქონდა და მხრები აიჩეჩა:
- არც ძალიან გაფრთხილება ვცოდნიათ, ბატონო, დაქირავებული ეტლისა. მე არ მოგაქირავებდით, კიდევ რომ მქონოდა.
 - მამ მომიყიდეთ.
 - არა მაქვს, ბატონო.
 - როგორ, არათფერი არა გაქვთ ჩასატყობი? რაც უნდა იყოს, ფასზე ლაპარაკს არ დაგინებდით.
 - მიყრუებულ სოფელში გახლავართ, ბატონო, ერთი ძველი ეტლი მიდგას ფარდულში, ქალაქელი ბურჟუისა გახლავით; მომბაბარა და ყოველი თვის ოცდაექვს რიცხვში აქა ბრძანდება. თუ გნებავთ, იმას მოგართმევთ, რა მენაღვლევა. მაგრამ ისე უნდა ჩახვიდეთ ქალაქში, რომ ბურჟუამ არ დაინახოს. იცოდეთ, ორი ცხენი დაგჭირდებათ.
 - ფოსტის ცხენებს მოვითხოვ.
 - სად მიბრძანდებით, ბატონო?
 - არასში.
 - და დღესვე გნებავთ იქ ჩასვლა?
 - დიახ, დღესვე.
 - ფოსტის ცხენებით?
 - რაო, გაუჭირდებათ?
 - ამაღამ ოთხზე რომ ჩახვიდეთ?
 - გვიან იქნება.
 - საქმე ის არის, რომ ფოსტის ცხენებით... პასპორტი თანა გაქვთ, ბატონო?
 - დიახ.
 - ფოქსის ცხენებით, ბატონო, არასში ხვალ ჩახვალთ, ჩვენ აქ მეზობლურში გახლავართ. ფოსტის სადგურებსაც ძალიან უჭირთ და სამი-ოთხი საათის ლოდინი დაგჭირდებათ ყველგან, ვდრე თქვენი რივი მოვა. გარდა მაგისა, ფოსტის ცხენმა გაჭენება არ იყის, მიდის თავისთავის წელი ნაბიჯით. ახლა აქაური აღმართებიც მიიღეთ მხედველობაში.
 - მამ, ცხენით წავალ. გამოუშვით ჩემი ცხენი. ერთ უნაგირს ვერავეინ მომიყიდის?
 - რატომ არა, მაგრამ უნაგირს ხომ არ იუცხოებს ეს ცხენი?
 - ოჰ, კიდევ კარგი, რომ მომაგონეთ! არა, მაგით ვერ წავალ.
 - მამ?..

- ერთ ცხენს როგორ ვერ ვიშოვი სოფელში?
- რომ არასში ჩავიყვანოთ დღესვე?
- დიახ.

- აქ მაგნაირ ცხენს ვერსად იშოვით. ქირით არ მოგცემენ, არ გიცნობენ. მაშ, უნდა იყიდოთ. ოღონდ ვერც ქირით იშოვით აქ ცხენს, ვერც ყიდვით, ხუთასი ფრანკი, ათასიც რომ მისცეთ.

- მაშ, რა ვქნა?

- ერთადერთი საშუალება გახლავთ, ხვალამდე გადადოთ თქვენი მგზავრობა. მეც ახლავე შევედგები ამ თვალის შეკეთებას.

- ხვალ გვიანლა იქნება.

- არ ვიცი სწორედ, რით დაგეხმაროთ.

- იქნება ფოსტა იყოს არასში მიმავალი. როდის გამოივლის?

- ხვალღამ, ბატონო. ღამით დადის ორივე ფოსტა, ჩვენკენ მომავალიც და ჩვენგან მიმავალიც.

- მაშ, ერთი დღე დაგჭირდებათ ამ ბორბლის შესაკეთებლად?

- მთელი დღე, დიახ.

- ორი კაცი რომ მუშაობდეს?

- თუნდ ათი იყოს, ეგ სულერთია.

- თოკებით რომ დაგვემაგრებინა ხიდები?

- ხიდების შეკვრა შეიძლება, მორგვისა კი არა. გარდა ამისა, ფერსოც წამხდარი გახლავთ.

- არის ვინმე, ეტლებს რომ აქირავებდეს?

მეჭინბემ და ეტლების მკეთებელმა ერთად შესძახეს თავის ქნევით:

- არა.

უსაზღვრო სიხარული მოერია ამ დროს უან ვალუანს.

ცხადია, ღვთის განგება ერეოდა საქმეში. ის იყო, ის, ტილბურის ბორბალი რომ წაუხდინა და ახლა გზაში აჩერებდა. ღვთის განგება იყო! ის კი მანც თავისას ცდილობდა, არ ემორჩილებოდა და ყოველგვარ ღონისძიებას ხმარობდა, გზა რომ გაეგრძელებინა. გულმოდგინედ, კეთილსინდისიერად სცადა ყოველი საშუალება; არც ზამთარს შეუშინდა, არც დაღლას, არც ხარჯს; ვერაფერს უსაყვედურებდა თავისი სინდისი და თუ ველარ მიდიოდა, ეს თავისი ბრალი არ იყო, არც თავისი შეცდომა. ღვთის განგებით ხდებოდა.

ძლივს ამოისუნთქა. გულიანად ამოისუნთქა, თავისუფლად, პირველად მას შემდეგ, რაც უკვე იყო მასთან. გულზე ლოდვივით აწვა სამინელი რკინის ხელი ვიდაცისა, სულს უხუთავდა მთელი დღე და ღამე და ძლივს, ძლივს იგრძნო, რომ ეს ლოდვიც მოხსნეს და გულიანად ამოისუნთქა.

„ახლა კი ჩემთან არის ღმერთიო, - ფიქრობდა, - ჩემსკენ არის და ხელს მიმართავსო“.

ყოველი ღონისძიება იხმარა, რაც კი შეიძლებოდა და რაკი ვერაფერი გააწყო, ერთიდა დარჩენოდა - უკან დაბრუნებულიყო და მოესვენა.

ეტლების გამკეთებელს რომ ელაპარაკებოდა, შენობაში რომ ყოფილიყვნენ სადმე, ოთახში, მათ ბაასს ვერაფერს გაიგონებდა, ყველაფერი მათ შორის დარჩებოდა და შეიძლება ისე დატრიალებულიყო საქმე, რომ აღარც გვექონოდა საფუძველი იმ

ამბის თხრობისა, რასაც ამის შემდეგ ნახავს მკითხველი, მაგრამ ბაასი ქუჩაში იყო. ქუჩაში ბაასი მაშინვე იპყრობს სოფლებების ყურადღებას და ხალხიც გროვდება. ყველგან და ყოველთვის არის, და მრავლადაც, იმისთანა კაცი, რომელსაც მაყურებლად ყოფნა უყვარს. ისინი რომ ლაპარაკობდნენ, გამვლელ-გამომვლელი რამდენიმე კაცი გაჩერდა მათთან, ყური მიუგდეს. სხვათა შორის, ერთი ბიჭიც ერია ამ მაყურებელში. ცოტა ხანი იდგა, ყურს უგდებდა და მერე მოკურცხლა.

და სწორედ იმ დროს, როდესაც მგზავრმა სიხარულით განიზრახა უკან დაბრუნება, უკან მომავალი ის ბიჭი დაინახა. თან ბებერი დედაკაცი მოსდევდა.

- ჩემი ბიჭი მეუბნება, ბატონო, ეტლის დაქირავება ნებავთო.

ამ უბრალო სიტყვამ ჭირის ოფელში განურა ჩვენი მგზავრი. ისევ გულზე დაანვა ის ტლანქი ხელი, რომელიც მძიმე ლოდვიით უხუთავდა სულს. აჩრდილი იგრძნო ზურგს უკან, რომელსაც არა და არ უნდოდა თავისი მსხვერპლის ხელიდან გაშვება.

მაინც გასცა პასუხი:

- დიახ, ჩემო კეთილო, ეტლს ვეძებ საქირაოდ.

და თვითონვე დაუმატა:

- მაგრამ აქ ეტლი არავისა ჰქონია.

- მე მაქვს, ბატონო.

- განა სადა გაქვს? - მივარდა ეტლების გამკეთებელი.

- შინ მიდვას, ეზოში.

აკანკალდა მადლენი. ვერა, ვერსად წაუვიდოდა თავის ბედისწერას.

ბებერ დედაკაცს მართლა ჰქონია ეზოში ერთი ძველი, პატარა ეტლი, ტირიფის წნელით დანული. ეტლების მკეთებელს საქმე ეცლებოდა ხელიდან, მეტინიბეს - მუმტარი და ახლა ისინი ჩაერივნენ ლაპარაკში:

- ეტლი კი არა, ბატონო, გოდორია თვლებზე შედგმული, თავლია, დაჟანგული ღერძი და თვლები აქვს. ეს გატეხილი ტილბური უფრო მეტს გაივლის, გარწმუნებთ. გზაში სადმე დარჩებით, ბატონო, ამ ბნელ ღამეში და სხვ. და სხვ.

მართალი იყო ეს ყველაფერი, მაგრამ რალაცა ეტლი მოიპოვებოდა, ღერძი ჰქონდა, თვლებზე იდგა, შიგ ჩაჯდომა შეიძლებოდა და არასში მისვლა.

დაიქირავა, მისცა, რაცა სთხოვეს, ტილბური იქვე დატოვა გასაკეთებლად.

- გამოვივლი და მზად გქონდესო, - შეაბმევინა თეთრი ცხენი, ჩაჯდა და გამოეთხოვა იქაურობას.

დაიძრა იმისი ახალი ეტლი და აღიარა მგზავრმა, რომ სიხარულით აევსო გული, როდესაც ნახა, რომ მთელი დღე დასჭირდებოდა ტილბურის შეკეთებას და სხვა ეტლიც არავის ჰქონდა. გაბრაზებით ჩაუფიქრდა ამ სიხარულს და ინანა, უაზრობად ეჩვენა. ან რატომ უნდა დაბრუნებულყო. საჭირო იყო და მიდიოდა, თვითონ მიდიოდა, თავისი ნებით, ძალას კი არავინ ატანდა.

ტყუილად ლელავს, - ისეთი არაფერი მოხდება, რაც მას არ უნდა. ესდენიდან რომ გადიოდა, ვილაცის ხმა მოესმა:

- შეჩერდით, შეჩერდით!

უცბად შეაყენა ცხენი, რალაც აღძრული იმედის სიამოვნების გრძნობით.

პატარა ბიჭი იყო, ბებერი დედაკაცი რომ მოუყვანა.

- ეს ეტლი მე დაგაქირავებინეთ, ბატონო.

- მერე, რაო?

- იქნება მიზოძოთ რამე?

ყოველთვის სიამოვნებით აძლევდა, ყველას და უხვად, აქ კი თავხედობად ეჩვენა პატარა ბიჭის თხოვნა, საზიზღრად, და შეუტია:

- შენ ხარ, შე ურცხვო? გასწი, გამეცალე!

დაჰკრა ცხენს და წავიდა.

ბევრი დრო დაკარგა ესდენში და მით უფრო მიეჩქარებოდა. კარგი რამ იყო პატარა ცხენი და ძალიანაც ეწეოდა ახალ ეტლს: მაგრამ თებერვალი იდგა, წინა დღით ეწვიმა, საძაველი იყო გზა და პატარა ტილბურის მაგივრად კაი სიმძიმის ძარი ჰქონდა საზიდი. ამას მიუმატეთ ხშირი აღმართი.

თითქმის ოთხი საათი იარა ესდენიდან სენ-კოლამდე, ოთხი საათი მოანდომა ოცი კილომეტრის გავლას.

სენ-პოლში პირველსავე დუქანთან დააყენა, ცხენი გამოაშვებინა და თავლაში შეჰყვა. იქვე იდგა, როგორც დაჰპირდა სკოფლერს და თვალი ეჭირა, რომ ცხენისთვის შვრია ეჭმიათ. დაღონებული იყო თავისი გამოურკვეველი ფიქრებით.

მედუქნის ცოლი შევიდა თავლაში.

- საუზმეს არ მიირთმევთ, ბატონო?

- კიდევ კარგი, რომ მომაგონეთ. მერე როგორ მშია!

გაჰყვა მედუქნის ცოლს. ყმანვილი დედაკაცი იყო, მხიარული სახისა. ერთ დაბალ ოთახში შეიყვანა. მაგიდებზე სუფრის მაგივრად მუშამბა იყო გადაფარებული.

- აბა, ჩქარა! - სთხოვა მადლენმა, - ძალიან მეჩქარება და ახლავე წავალ.

ერთმა ზორბა ფლამანდიელმა გოგომ მიართვა დანა-ჩანგალი. კმაყოფილებით შესცქეროდა ამ გოგოს გულდამშვიდებული მადლენი.

- მშიოდა და ეს მანუხებდა. გუშინდელს აქეთ არაფერი მიჭამია.

საუზმე მიართვეს. ეყვა პურს, მოკბიჩა დიდი ლუკმა, მერე აუჩქარებლად დადო თეფშზე და ხელი აღარ ახლო.

ერთი მეეტლე იჭდა იქვე, მეორე მაგიდასთან და იმას ჰკითხა:

- რატომ არის ასე მწარე ეს პური?

მეეტლე გერმანელი იყო და ვერ გაიგო.

მადლენი ისევ თავლაში შევიდა თავისი ცხენის სანახავად.

ერთი საათის შემდეგ სენ-პოლიდან ტანკისკენ გაემართა; ოცი კილომეტრიდა დარჩენოდა ტანკიდან არასამდე.

რა გუნებაზე იყო გზაში? რას ფიქრობდა? ჩაფიქრებული, დაღვრემილი გაჰყურებდა იქაურობას. ხეები, ჩალის ბანები, დამუშავებული ბაღები, მინდორი გაურბოდა თვალწინ და წამდაუნუმ იცვლებოდა სურათი. სულ ახალ-ახალი სანახაობა ემლებოდა მგზავრს; ამგვარი ჭვრეტა არის, რომ ხანდახან აკმაყოფილებს სულს და თითქმის სრულიად ათავისუფლებს ფიქრისგან. ათასი რამ გაურბოდა თვალწინ, მადლენი გრძნობდა, რომ შესაძლებელი იყო კვლავ აღარც კი ღირსებოდა ამის ნახვა. რომ მგზავრობს კაცი, ხან კვდება და ხან ისევ ჩნდება ყოველწამს. იქნებ კიდევ ადარებდა ამ ცვალებად ჰორიზონტს ადამიანის სიცოცხლეს. სწორედ ასევე მარად თვალწინ გაურბის ადამიანს ყველაფერი, რაც კი გააჩნია. ერთმანეთში ერევა ბნელი და ნათელი. თვალის დამაბრმავებელი სინათლის შემდეგ წყვილია! ხარბად შევყურებთ ხელგანვდილნი, გვინდა ხელი ვტაცოთ, რაც ასე გაგვირბის. ყველა შემთხვევა ჩვენი სიცოცხლისა გზის მოსახვევია, სხვა არაფერი. შეჰყურებთ ამ გზას და

უცხად - მოხუცებულხართ. რალაც შეგარყევთ მაგრად, წყვილიაღის მეტს ვედარაფერს ხედავთ და ამ წვდიადში - ერთ შავ კარს. აქ ჩერდება თქვენი სიცოცხლის ცხენი, ასე რომ მიგაჭენებდათ, და აქვე ხედავთ ვილაც უცნობს, პირბადიანს, რომელიც უნაგირსა ხდის თქვენს ცხენს.

უკვე ბინდებოდა, სკოლიდან მომავალმა ბავშვებმა რომ დაინახეს ტანკში ჩვენი მგზავრი. ჯერ ისევ მოკლე დღეები იყო ზამთრისა, ტანკში არ შეჩერებულა. სოფლიდან რომ გადიოდა, ერთმა გზის მუშამ, გზაზე ქვას რომ ასწორებდა, წამოიწია და დაიძახა:

- ოჰ, რა ძალიან დაღლილა ეს ცხენი!
მართლა არაქათგამოლეული იყო თეთრი ცხენი.

- არასში მიბრძანდებით? - ჰკითხა მუშამ.

- დიახ.

- თუ მასე იარეთ, ძალიან დაიგვიანებთ.

ცხენი დააყენა მადლენმა და ჰკითხა:

- რამდენილა არის აქედან არასამდე?

- ოცდაათ კილომეტრამდე იქნება.

- როგორ, რა ვქნა? ფოსტის ცნობებით რომ სულ ოცი ითვლება?

- ჰოო, მამ არა გცოდნიათ, გზა აშლილია და მუშები ადგანან შესაკეთებლად.

ცოტას ჩაივლით და ნახავთ, რომ შეუძლებელია ამ გზაზე გავლა.

- მერე მე?

- თქვენ მარცხნივ შეუხვევთ, კარანისკენ მიმავალ გზაზე, წყალს გახვალთ. კანმლენში რომ მიხვალთ, იქიდან მარჯვნივ მონსენტ-ელუის გზა მიგიყვანთ არასში.

- ამ სიბნელებში გზას როგორ გავიგნებ?

- აქაური არა ბრძანდებით?

- არა.

- დიახ, იქნება ვერც კი გაიგნოთ. რა მოგახსენოთ, იცით? ნება მიბოძეთ, ცოტა რამ გირჩიოთ. თქვენი ცხენი მეტად დაქანცულია და ტანკში რომ დარჩეთ, ის ემკობინება. კარგ დუქანში მიხვალთ, კარგად მოისვენებთ და ხვალ არასიც იქვე დაგხვდებით.

- ამაღამ უთუოდ უნდა ჩავიდე.

- ეგ სხვაა. მაშინ მაინც დუქანში მიბრძანდით და ერთი ცხენი კიდევ მიაშველეთ თქვენს თეთრს. დუქნიდან ბიჭი წაიყვანეთ, რომ გზა არ დაგეკარგოთ.

ჭკუაში დაუჯდა ეს სიტყვა, უკან გაბრუნდა და ნახევარი საათის შემდეგ იქვე გაიარა, სადაც ამ მუშას ელაპარაკებოდა, ოღონდ ორი ცხენი ება ეტლში და კოფოზე მეჭინბე იჯდა, რომელსაც ფოსტის მოხელედ მოჰქონდა თავი.

ხედავდა, რომ იგვიანებდა, მაგრამ რას იზამდა?

ამასობაში მთლად ჩამოლამდა.

გზატყვილიდან მარცხნივ გადაუხვიეს საძაგელ გზაზე, ერთი ღრანტიდან მეორეში ვარდებოდა ეტლი. მეეტლეს უთხრა წასაქეზებლად:

- კარგად გარეკე და ერთიორად გადაგიხდი.

სადღაც ჩავარდა ეტლი და საბმური გატყდა.

- საბმური გაგვითყდა, ბატონო, - უთხრა კოფოზე გამოჭიმულმა ბიჭმა. - არ ვიცი, ღმერთმანი, როგორ შევაბა ცხენი. საშინელი რამ არის ეს გზა დამით. ახლა რომ ტანკში გავბრუნდეთ და კარგად მოვისვენოთ, ხვალ ადრინად ჩავიყვანდით არასში.

პასუხად მიიღო:

- პატარა თოკი ხომ არა გაქვს და დანა?
- მაქვს, ბატონო.

ტოტი მოსჭრა ხეს, საბმური გათალა.

ოცი წუთი მოანდომეს ამას, მაგრამ მაინც წინ წავიდნენ.

მოქურუშებული იყო ცა. ძირს ეშვებოდა ღრუბელი, ბორცვებს ეთამაშებოდა, - ხან თავს ევლებოდა, ხან ისევ გაურბოდა. ზღვიდან ძლიერი ქარი ქროდა და ისე ახმაურებდა ჰორიზონტის ყოველ მხარეს, თითქოს ხმაურში ავეჯს ალაგებს ვიღაც უხილავიო. შავებში იყო ირგვლივ სულყველაფერი, რასაც კი თვალი ხედავდა. რამდენი იღუმალი რამ იგრძნობა ღამის გრივალის ზუზუნში!

სციოდა მადლენს, შიმშილი აწუხებდა. ერთი ამგვარივე მგზავრობა მოაგონდა, ასევე ღამით, დინის მინდვრებში. რვა წლისა იყო ეს მოგონება, მაგრამ ისე ეჩვენებოდა, თითქოს გუშინ ყოფილიყოს.

საათის ხმა მოესმა შორიდან და თავის მეეტლეს ჰკითხა:

- რამდენი დაჰკრა საათმა?

- შვიდი, ბატონო, რვა საათზე არასში ვიქნებით. თორმეტი კილომეტრი კიდევა გვაქვს არასამდე.

ამ დროს გაიფიქრა პირველად და ძალიანაც გაუკვირდა, რომ აქამდე არ მოაგონდა ერთი უბრალო გარემოება: არ იცოდა, რომელ საათზე იყო დანიშნული შანმატიეს საქმე, და იქნება ტყუილად ჩაველო ამდენ ტანჯვა-ვაებას. რატომ არ იკითხა, - რომელ საათზე არის დანიშნული საქმეო? წინდაუხედაობა იყო ასე წამოსვლა და ასეთი სისწრაფით მგზავრობა, თუკი გათვალისწინებული არა ჰქონდა მისი საჭიროება. მერე ანგარიში დაიწყო: საერთოდ ნაფიც მსაჯულთა სასამართლო ცხრა საათზე იწყება დილით, შანმატიეს საქმე დიდხანს არ გასტანდა, ვაშლის მოპარვა დამტკიცებული იყო, საკამათო თუ იყო რამე, მისი ვინაობა; ამისთვის ოთხი-ხუთი მონწის დაკითხვა, ვეფილების სიტყვები, - ბევრს მაინც ვერ გააჭიანურებდნენ, ძალიანაც რომ მოენდომებინათ; ცხადია, სასამართლოში რომ მივა, უკვე გათავებული იქნება ყველაფერი.

მეეტლემ ცხენები გარეკა. წყალი გაიარეს, უკან დატოვეს მონსენტ-ელუა.

ღამეს თანდათან ემატებოდა სიბნელე.

თავი მეექვსე

მონაზონ სიმპლიციას განცდა

კარგ გუნებაზე იყო ამ დროს ფანტინი.

სამაგლად გაატარა ის ღამე. საშინლად ახველებდა, დიდი სიციხე ჰქონდა. სულ სიზმარში იყო. დილით ექიმი რომ მოვიდა, ისევ ბოდავდა. ექიმსაც შემინება დაეტყო და სთხოვა, - მაცნობეთ, ბატონი მადლენი რომ მოვაო.

დაღონებული იყო ავადმყოფი მთელ დილას, ლაპარაკი ეზარებოდა, თავის ზენარს ნაპირს უკევავდა და თან ჩუმი ხმით რაღაცას ჩურჩულებდა, თითქოს მანძილს ანგარიშობსო. თვალეები ჩასცვივნოდა და გამტერებით შესცქეროდა ერთ წერტილს. ჩამქრალს უგავდა თვალეები, მაგრამ ხანდახან ალი მოედებოდა ხოლმე და ისე უბრწყინავდა, როგორც ვარსკვლავი. მგონი, ასე უნდა იყოს: ოდეს გვიახლოვდება

საბედისწერო გუამი, ზეციური სინათლე გვიცვებს თვალს, რომელსაც ეკარგება მიწიერი სინათლე.

რომ ჰკითხავდა სიმპლაცია, - როგორა ხარო, - სულ ერთ პასუხს აძლევდა უცვლელად:

- კარგადა ვარ. ნეტავი მალე მოვიდეს ბატონი მადლენი.

რამდენიმე თვის წინ, როდესაც ფანტინმა დაკარგა ნაშთი თავისი ნამუსისა, ნაშთი თავისი მორცხვობისა და ნაშთი თავისი სიხარულისა, აჩრდილადლა იქცა თავისი თავისა; დღეს კი ლანდი დარჩენილიყო. სხეულის დაავადება დაეხმარა სულიერ მწუხარებას. ოცდახუთი წლისა იყო და შუბლი დანაოჭებული ჰქონდა, ღანვები - ჩაკვივული, ცხვირი - ჩამომხმარი, კბილი - დაძრული, ფერი - მომაკვდავისა, ყელი - ცარიელი ძვალი, ლავიწი - ამონეული, ხელ-ფეხი - სუსტი, კანი - მიწისფერი და თმა - ჭალარანარევი. ვაი, რომ სნეულემა ასე ადვილად აბერებს ადამიანს.

შუადღისას კიდევ მოვიდა ექიმი. რამდენიმე რჩევა მისცა ფანტინის შესახებ, იკითხა, ბატონი მერი ხომ არ დაბრუნებულაო? და დალონებული გაბრუნდა.

ბატონი მადლენი ჩვეულებრივ სამ საათზე მოდიოდა ფანტინის სანახავად. ცოლედ მიაჩნდა დაგვიანება და არ ივკვიანებდა.

სამის ნახევარი იყო, რომ მოუხევენობა დაეტყო ფანტინს. ოცი წუთის განმავლობაში ათჯერ მაინც ჰკითხა მონყალების დას:

- რომელი საათია, დაო?

სამი დაჰკრა საათმა და ფანტინიც წამოჭდა თავის ლოგინზე, თუმცა იმდენად სუსტად იყო, რომ განძრევაც კი ეძძიმებოდა. გაყვითლებული ჩამომხმარი ხელები მაგრად დაიკრიფა გულზე და ამოიკვნესა, თითქოს თან ამოაყოლა თავისი გული. მერე მიბრუნდა და კარს მიაჩერდა.

არავინ მოდიოდა. კარს არავინ აღებდა.

თხუთმეტ წუთამდე იყო ასე ლოღინით გატაცებული, უძრავი; კარს შესცქეროდა გულისფანცქალით, სუნთქვა ეკვროდა. ხმის გაცემას ვერ უბედავდა სიმპლიცია. სამი საათი და თხუთმეტი წუთი რომ დაჰკრა საათმა, მაშინ დაეშვა ბალიშზე იმედმიხილი.

ხმა არ ამოიღო. იწვა და ისევ ნაპირს უკვცავდა თავის ზეწარს.

გავიდა ნახევარი საათი, მერე საათი, მადლენი არ მოდიოდა. როგორც კი გაიგებდა საათის ხმას, წამოიწვედა, კარს უყურებდა და ისევ მიწვებოდა.

ცხადი იყო, რას ფიქრობდა, მაგრამ არც სახელს იძახდა, არც რამეს ჩიოდა, არც ვინმეს ამტყუნებდა. ოღონდ საზარლად ახველებდა, ლოღინი კლავდა უბედურს. გაყვითლებული იწვა, დალურჯებული ტუჩებით. რაღაცა აგონდებოდა და ტკბილად იღიმებოდა ხანდახან.

ხუთი საათი რომ დაჰკრა, ჩუმად დაიკვნესა ავადმყოფმა, ძლივს გაიგონა მონყალების დამ:

- ნეტავ რატომ არ მოდის? ხვალ ხომ მივდივარ.

სიმპლიციაც გაკვირვებული იყო ბატონი მადლენის დაგვიანებით. ფანტინი კი თავის ლოგინიდან ცას გასცქეროდა. სახის გამომეტყველებაზე ეტყობოდა, რაღაც ჰქონდა დაინწყებული და იმის მოგონებას ცდილობდა. უცბად სიმღერა დაიწყო, სუნთქვასავით სუსტი ხმით. აი, რასა მღეროდა:

ო, თეთრო ვარდო, პანანინა ნორჩო ყყვავილო,

ო, თეთრო ვარდო, თეთრო ვარდო, ნაზო ყყვავილო!

გამომეცხადა უწმინდესი ქალწული გუშინ,
ვხედავ, დგას ჩემ წინ ოქროს შალით შემობურვილი,
თან მეუბნება: დასახული რაც გქონდა გულში,
მე შევასრულე საოცნებო შენი სურვილი.
ბავშვი გინდოდა, მოგიყვანე - იხარე დიდად,
აი გოგონა, განაბული შალქვეშ მყავს წყნარად,
რაში შევხვითო - დაგვაგინყდა სამოსის ყიდვა,
აბა გაიქეც ნემსისა და ძაფისთვის ჩქარა.

როცა მოგვინდა ერთ კვირა დღეს გასეირნება,
ბევრი ძვირფასი რამ ვიყიდეთ - ბედმა ინება.
აი აკვანი უწმინდესი, სანოლის გვერდით,
აი აკვანი, თვალისმომჭრელ მძივებით ბრწყინავს.

ნეტავ ვიციოდე რას უქადის ცხოვრების ბედი,
ჩემს ცუდრუმელას, ჩემს საყვარელს, ჩემს პანანინას.

- დიასახლისო, მითხარ ახლა, რა უნდა ვქარგო?
- დაჯექ, გოგონას მოუშადა მზითვეი, კარგო!
ო, თეთრო ვარდო, პანანინა ნორჩო ყვავილო,
ო, თეთრო ვარდო, თეთრო ვარდო, ნაზო ყვავილო!
- ტილო გარეცხე!
- სად გავრეცხო?
- ცივ მდინარეში.

კაბის საკერად მოემზადე; წუთს ნუ დაჰკარგავ,
კაბას სამკერდეც მიაყოლე, - არ აკლდეს ეშხი,
მე კი ამ ლამაზ სამკერდეზე ყვავილს დავქარგავ.

- მომიკვდეს თავი! შენს პანანას არა უნდა რა.
არა უნდა რა, მე მზადა მაქვს მისთვის სუდარა.
როცა მოგვინდა ერთ კვირა დღეს გასეირნება,
ბევრი ძვირფასი რამ ვიყიდეთ - ბედმა ინება!
ო, თეთრო ვარდო, პანანინა ნორჩო ყვავილო,
ო, თეთრო ვარდო, თეთრო ვარდო, ნაზო ყვავილო!

ეს სიმღერა ძველი ნანინა იყო და ოდესღაც ამით აძინებდა თავის პატარა კოზეტს.
ხუთი წელიწადი სხვაგან ჰყავდა ბავშვი და ერთხელაც არ მოჰკონებია ეს სიმღერა.
იმგვარი მწუხარებით მღეროდა სანყალი და იმისთანა სასონარკვეთილებით, რომ
მონაზონიც კი აატირა. ავადმყოფებისა და მომაკვდავების კენესას მიჩვეული იყო
სიმპლიცია, მაგრამ აქ კი ველარ გაუძლო დედის მწუხარებას და ცრემლი წასკდა.

ექვსი საათი დაჰკრა, მაგრამ, ეტყობოდა, ვერც კი გაიგონა ფანტინმა, ყურადღებას
აღარ აქცევდა არაფერს.

მამინე გოგო გაგზავნა სიმპლიციამ ქარხანაში - მიდი, მეკარეს ჰკითხე, იქ ხომ არ
ბრძანდება ბატონი მადლენი; თუ იქ იყოს, ჰკითხო, როდის მობრძანდება
საავადმყოფოში? - მამინე დაბრუნდა გოგო.

უძრავად იწვა ფანტინი, თავისი ფიქრებით გატაცებული.

გოგომ ჩუმი ხმით უამბო სიმპლიციას, რომ ბატონი მერი დილაადრიან, ექვსი
საათიც არ იყო, წასულიყო სადღაც ტილბურით და პატარა თეთრი ცხენით. ღია

ეტლით წასულიყო ამ სიცივეში, მარტოდმარტო, მეეტლევც კი არ წაეყვანა. საით წავიდა, არავინ იცოდა, მაგრამ დაენახათ კი მიმავალი და ზოგი იძახის, არასისკენ წავიდაო, ზოგი - პარიზისკენო. წასვლისას ცვლილება არაფერი ეტყობოდა. ჩვეულებრივად აღერსიანი იყო, ოღონდ მეკარეს უთხრა თურმე, ამაღამ ნუ დამელოდებითო.

ზურგი შეექციათ ფანტინისთვის და ისე ჩურჩულებდნენ სიმპლიცია და გოგო. სიმპლიციაც ძალიან შეაწუხა ამ ამბავმა, უნდოდა გაეგო რამე, ეკითხებოდა გოგოს, ისიც პასუხობდა, თუ იცოდა რამე. და ამ ლაპარაკში რომ იყვნენ, უცბად წამოიწია ფანტინმა, დაჩოქილი დადგა ლოჯინში, მუშტად მოკუმშული ხელებით ბალიშს დაეყრდნო, თავი გამოყო ფარდიდან და ყურს უგდებდა. ზოგი ავადმყოფობა, დიდსიცხიანი, ადვილად რევს ჯანმრთელის თავისუფალ მოძრაობას მომაკვდავის საზარელ სისუსტესთან. იდგა დაჩოქილი და ყურს უგდებდა. მერე შეჰყვირა:

- ბატონ მადლენზე ლაპარაკობთ? რა გაქვთ დასამალი, რატომ ჩურჩულებთ? რამე ხომ არ მოუვიდა? რატომ არ მოდის?

ისეთი რიხით ამბობდა ამას, ხრინწიანი ხმით, რომ კაცის ხმა ეგონა ორივეს. ფანტინისკენ მიბრუნდნენ შეშინებულნი.

- მითხარით, რაღას მიმალავთ! - დაუყვირა ფანტინმა.

გოგომ ლულულულით უპასუხა:

- მეკარემ მითხრა, - დღეს საავადმყოფოში ვერ მობრძანდებო.

- დაწეწი, შვილო, - ეხვეწებოდა მონყალების და, - დამშვიდდი.

ისევ ისე დარჩა ფანტინი და ხმამალლა უთხრა ბრძანებით, მაგრამ გულსაკლავი კილოთი:

- დღეს ვერ მობრძანდებო? რატომ? თქვენ ხომ არ იცით, რატომ ვერ მობრძანდებო? ახლა არა ჩურჩულებდით? მაშ მითხარით!

გოგომ უჩურჩულა სიმპლიციას:

- უთხარით, რომ ქალაქის თვითმმართველობაში არის.

განითლდა სიმპლიცია, თავის დღეში არსად ეთქვა ტყუილი და აქ კი ტყუილის თქმას ურჩევდნენ. მაგრამ კარვად ხედავდა, რომ ყოვლად შეუძლებელი იყო მართალი ეთქვა ავადმყოფისთვის - ლახვარავით ეცემოდა ფანტინს და იქნება თან გადაეტანა. მალე გაუარა ამ სინთლემ. შეხედა ავადმყოფს თავისი დამშვიდებული, სევდიანი თვალებით და უთხრა:

- ბატონი მერი წასულა.

წამოიწია ფანტინმა, მერე წამოჯდა, თვალები უბრწყინავდა. უსაზღვრო სიხარული დაეტყო მიმკვდარებულ სახეზე.

- წასულა? - შეჰყვირა ალტაცებით, - მაშ, კოზეტის მოსაყვანად წავიდოდა!

მერე ორივე ხელი ზეცას აღაპყრო და ერთი გამოუთქმელი სიხარული მოეფინა სახეზე. ჩუმი ლოცულობდა, ოდნავ ანძრევდა ტუჩებს.

ლოცვა რომ დაამთავრა, სიმპლიციას მიმართა:

- აი, ვნებები, დაო; ავასრულებ, რასაც მიბრძანებთ. უკმეხად შემოგიტეოთ წელან და გთხოვთ, მაპატიოთ. ძალიან კარვად ვიცი, დაო, რომ კარგი არ არის ხმის ამალღება, მაგრამ უნდა მაპატიოთ. გულს მიწყლავდა ჩემი კოზეტის უამბობა და ახლა კი დავმშვიდდი. ალბათ მომხედა ღმერთმა, რომ ბატონი მადლენი ჩემი გოგოს მოსაყვანად წასულა.

დანვა, თვითონაც უშველა მოწყალების დას ბალიშის გასწორება და ემთხვია პატარა ვერცხლის ჯვარს, გულზე რომ ეკიდა. სიმპლიციას ეჩუქებინა მისთვის ეს ჯვარი.

- დანეწით, შვილო, - სთხოვა სიმპლიციამ, - მოისვენეთ, ხმას ნულარ ამოიღებთ.

ხელი ჩამოართვა ფანტინმა. ოფლიანი ჰქონდა ხელები და ესეც ავად ენიშნა სიმპლიციას.

- ამ დილით წავიდა პარიზში. ღვთის წინაშე, საჭირო არ არის პარიზზე გავლა. მონფერმეილი ცოტა მარცხნივ არის, პარიზიდან რომ მოდიხართ. ხომ გაიგონეთ გუშინ, კოზეტზე რომ მელაპარაკებოდა, რამდენჯერმე მითხრა, - მალე მოვიყვან, მალეო. - ეტყობა უნდა მოულოდნელად მომგვაროს, რომ უფრო გამახაროს. იცით? ერთ წერილზე მომანერინა ხელი, ტენარდიესთან გაგზავნილზე, ბავშვის წამოსაყვანად. ახლა კი ველარაფერს იტყვიან, არა? მომცემენ ჩემს შანსას. ფულს რომ მიიღებენ, მაშინ ხომ ველარაფერს იტყვიან? არც მთავრობა მოუთმენს, რომ ბავშვი არ მომსვენ, როდესაც მე იმათი აღარაფერი მმართებს. ნუ მანიშნებთ, დაო - მავნებელია შენთვის ლაპარაკიო; დიდი ხანია ასე ბედნიერი არა ვყოფილვარ, ძალიან კარგადა ვარ, არც არაფერი მტკივა. საცაა, კოზეტს ვნახავ და წარმოიდგინეთ, მშია კიდევაც. ხუთი წელიწადია თითქმის, რაც შვილი არ მინახავს. რომ იცოდეთ, რა ტკპილია პატარა ანგელოზი! მერე ისეთი კარგი რამ არის ჩემი გოგონა, აი ნახავთ! ისეთი ლამაზი თითები აქვს, მშვენიერი ხელები ექნება, რომ გაიზრდება. ერთი წლისა რომ იყო, სასაცილო ხელები ჰქონდა. ახლა დიდი უნდა იყოს. შვიდი წლისა გახლავთ, გასათხოვარი ქალია, კოზეტს მე ვეძახი, თორემ ნამდვილად ევფრაზი ჰქვია. იცით, წელან ბუხარს ვუყურებდი ჩაფიქრებული და უცხად გამიარა ფიქრმა, რომ მალე ვნახავდი კოზეტს, ღმერთო ჩემო! მოსაკლავი არა ვარ, რომ ამოდენა ხანი შორსა მყავს შვილი? რას ვფიქრობდი მე უბედური? რა, უკვდავი მეგონა ჩემი თავი? ოჰ, რა კარგია ბატონი მერი, რომ წასულა კიდევ! ძალიანა ცივა, თუ იცით? თბილი რამ წაიღო? ხვალ აქ იქნება თუ არა? ხვალ იქნება ჩემი აღდგომა. ხვალ დილით, დაო, მომაგონეთ, ჩემი მაქმანის თავსაკრავი გავიკეთო, კარგი? მონფერმეილიდან ფეხით წამოვედი მაშინ. კაი მანძილი გამოვიარე და ძალიანაც დავიღალე, დილიჯანი კი ჩქარა დადის და ხვალ აქ იქნება. კოზეტს მომიყვანს! რამდენი კილომეტრია აქედან მონფერმეილამდე?

სიმპლიციამ მანძილებისა არაფერი იცოდა და უპასუხა:

- ოჰ, მგონია, რომ ხვალ აქ იქნება.

- ხვალ, ხვალ! - ძიხხდა სიხარულით ფანტინი, - ხვალ ვნახავ კოზეტს! გულში ჩავიკრავ. იცით, კეთილო დაო, მე ავად აღარა ვარ. მე შეშლილი ვარ! თუ გნებავთ, წამოვხტები და ცეკვას დავიწყებ.

ნახევარი საათის წინ რომ ენახა ვინმეს, ახლა ველარც კი იცნობდა. განითლებულიყო, ცოცხალი ხმით ლაპარაკობდა, სახე გაბადროდა, ხან ჩუმად რაღაცას ეუბნებოდა თავის თავს და იცინოდა. დედის სიხარული - ეს თითქმის იგივე ბავშვის სიხარულია.

- ჰოდა, რაკი ასე კარგადა ხართ და ბედნიერი, ამისრულებთ ეს თხოვნა, ნუ ლაპარაკობთ, - უთხრა სიმპლიციამ.

ფანტინმა თავი მიდო ბალიშზე და ჩემი ხმითა თქვა:

- ჰო, ჰო, დანჯეი! ჭკვიანად იყავი! ხომ ხედავ, რომ მალე მოვივა შენი პანია! მართალს ბრძანებთ, ჩემო სიმპლიცია.

და აღარ განძრეულა. თავიც კი აღარ გაუტოკებია. ინვა და მხიარული გამომეტყველებით ათვალეირებდა იქაურობას. ხმას არ იღებდა.

სიმპლიციამ ფარდა ჩამოუფარა, - იქნება დაეძინოსო.

მერვე საათი იყო, რომ ექიმი მოვიდა. სიჩუმე სუფევდა ოთახში. ექიმს ეგონა, სძინავს ავადმყოფსო, და ჩუმად, ფეხაკრეფით შევიდა ფანტინთან. გადასწია ფარდა. თვალახელილი ინვა ფანტინი, დამშვიდებული და მაშინვე კითხვით მიმართა:

- ნებას მომცემენ, ბატონო, რომ აქვე დავაწვინო, ჩემ გვერდით, პატარა ლოჯინში? ექიმს ბოღვა ეგონა. ფანტინმა განაგრძო:

- აი, შემოხედეთ. ძალიან კარგად დაეტევა.

ექიმმა იქით წაიყვანა სიმპლიცია და იმისგან გაიგო, რომ ბატონი მადლენი წასული იყო ერთი-ორი დღით; საით წავიდა, არავინ იცოდა, მაგრამ ავადმყოფს თავისი შვილის მოსაყვანად ჰგონია წასული და ჩვენც არაფერს ვეუბნებითო. ექიმმა მოუწონა.

ისევ ფანტინთან მივიდა. ფანტინმა ჰკითხა:

- რომ გაიღვიძებს დილით, ერთი კარგად დავკოცნი ჩემს პანიას და ღამე, მე ხომ არა მძინავს, იმისი სუნთქვით დავტკებები. ისე ტკბილად სუნთქავს, ისე მშვიდად, რომ მეც დამამშვიდებს.

- ხელი მომეცით, - უთხრა ექიმმა.

ხელი მისცა და შეჰყვირა სიცილით:

- მაგრამ თქვენ ხომ არ იცით? ხვალ ჩემი კოზმეტი მომივა. მე ავად აღარა ვარ.

გაკვირვებული იყო ექიმი. მართლა უკვე იყო ავადმყოფი. ნაკლებად ქოშინებდა, მაჯისცემა კარგი ჰქონდა. სიცოცხლე მომატებოდა უცბად საცოდავ, არაქათამოცლილ ქმნილებას.

- ხომ გითხრათ, ბატონო, მოწყალების დამ, რომ ბატონი მერი ჩემი გოგონას მოსაყვანად წასულა?

ექიმმა ურჩია გაჩუმებულიყო. სიმპლიციას სთხოვა, სულ უმცირესი მღელვარებაც კი აარიდეთო. ქინაქინის მიქსტურა გამოუწერა და, თუ სიცხეს მისცემდა, დამამშვიდებელი წამალი. წასვლისას უთხრა:

- უკვე არის. თუ გაუღიმა ბედმა და ხვალ მართლა მოუვიდა შვილი, ვინ იცის, შეიძლება აქაც მოხდეს გარდატეხა. მაგალითები არის: დიდი სიხარული უცბად აჩერებს ავადმყოფობას. კარგად ვიცი, რომ აქ სხეულის დაავადებაა, ძალიან ფესვგადგმულიც, მაგრამ მრავალ საიღუმლოებას აწვდის ცხოვრება მეცნიერებას. იქნება, გადავარჩინოთ როგორმე.

თავი მეშვიდე

ახალმისული მგზავრი წასასვლელად ემზადება

სადამოს რვა საათი იქნებოდა, ბატონი მადლენი არასში რომ მივიდა. ფოსტის სასტუმროში ჩამოხტა, გაისტუმრა მეორე ცხენი, თვითონვე შეიყვანა თეთრი ცხენი თავლაში; მერე ბილიარდის დარბაზში შევიდა და მაგიდას მიუჯდა. თორმეტი საათი დაჰყო გზაში, როცა დარწმუნებული იყო, ექვს საათში ჩავალო. მართალია, მისი

ბრალი არ იყო ეს დაგვიანება, მაგრამ მაინც დაიგვიანა. გულში კი არც ისე სწყინდა, რომ დაიგვიანა.

სასტუმროს პატრონმა ჰკითხა:

- ვახშამს ინებებთ, ბატონო? ღამე აქ დარჩებით?

თავი გაუქნია, - არაო.

- მეჭინბე მოგახსენებთ - ძალიან დაღლილია ცხენიო.

მაშინ კი ხმა მოიღო:

- მამ ხვალვე უკან ვერ წავალ?

- ოჰ, ბატონო, ორი დღე მაინც უნდა დაასვენოთ.

- მგონი, აქვე უნდა იყოს ფოსტის კანტორა.

- დიახ, ბატონო.

ფოსტის კანტორაში შეიყვანეს. პასპორტი აჩვენა და ჰკითხა:

- იქნებ შეიძლებოდეს, ამაღამვე წავიდე ფოსტის ეტლით მონრეილში.

ერთი კაცის წაყვანა შეეძლო ფოსტას. დღაიკავა ადგილი, ფული გადაიხადა.

- არ დაიგვიანოთ, ბატონო. ზუსტად პირველ საათზე გადის ეტლი.

მერე ქალაქში გავიდა.

პირველად იყო არასში. ქუჩებში ბნელოდა და ალაღბებდნენ მიდიოდა, მაგრამ გაჯიუტდა და არავის ეკითხებოდა გზას. პატარა მდინარე გადაიარა, კრენმონი, და სადღაც დაკლაკნილ, ვიწრო ქუჩებში შევიდა. გზა დაკარგა. ერთი ბურჟუა დაინახა - დიდი სანათი ეჭირა და ისე იკვლევდა გზას. ცოტა ხანს მდუმარედ უყურა, მცირე ყოყმანის შემდეგ გადამწყვიტა, იმისთვის ეკითხა გზა, ოღონდ ჯერ უკან მიიხედა, მერე აქეთ-იქით, - არავინ გაიგონოს ჩვენი სიტყვაო, - და ჰკითხა:

- საით არის, ბატონო, სასამართლოს შენობა?

- აქაური არ ყოფილხართ, ბატონო, - მიუგო მოხუცმა ბურჟუამ, - აი, წავიდეთ. მეც სწორედ იქით გეახლებით, პრეფექტურისკენ. სასამართლოს შენობის შეკეთება დაიწყეს ამას წინათ და ახლა ქალაქის თვითმმართველობის სახლში არის სასამართლოც.

- ნაფიც მსაჯულთა სასამართლოც იქ გახლავთ?

- დიახ, ბატონო. უნდა მოგახსენოთ, რომ დღევანდელი პრეფექტურა ეპისკოპოსის სასახლე იყო რევოლუციამდე. ბატონმა კონზიემ, რომელიც ეპისკოპოსად ბრძანდებოდა ოთხმოცდათორმეტში, ერთი დიდი დარბაზი ააშენა იმ სასახლეში და სწორედ იმ დარბაზში არის დღეს სასამართლო.

გზაში კიდევ უთხრა:

- თუ რაიმე საქმის გარჩევას გნებავთ დაესწროთ, ცოტა არ იყოს, გვიან მიდიხართ. საერთოდ ექვს საათზე მთავრდება სხდომა.

ცოტა ხნის შემდეგ მოედანზე გავიდნენ და ბურჟუამ ოთხი დიდი განათებული ფანჯარა დაანახა ერთ დიდ, მთლად ჩაბნელებულ სახლში.

- ეგვეც ბედი! - შეჰყვირა ბურჟუამ, - სწორედ დროზე მოუსწარი. ხომ ხედავთ ამ განათებულ ფანჯრებს. მანდ გახლავთ ნაფიც მსაჯულთა სასამართლო. სინათლე არის. მამ ჯერ არ დამთავრებულა. ეტყობა, ძალიან დაჰგვიანებია ამ საქმეს, რომ ღამესაც იმას ანდომებენ. თქვენ ეგ საქმე გაინტერესებთ? სისხლის სამართლის საქმეა. თქვენ მონზე ხართ?

პასუხიც შესაფერი მისცა:

- მე არავითარი საქმე არა მაქვს. ერთი ვეჭილის ნახვა მინდა.

- ეგ სხვაა. აგერ, ბატონო, აგერ კარი, დარაჯი რომ დგას. დიდ კიბეზე აბრძანდებით.

მადლობა გადაუხადა, დიდ კიბეს აჰყვა და რამდენიმე წუთის შემდეგ ერთ დარბაზში შევიდა. ბევრი ხალხი ტრიალებდა დარბაზში, შავი მანტიით მოსილი ვეჭილები, და ჩუმი ბაასი მოისმოდა ჯგუფებისა.

უნებურად გული შეგვეკუმშებათ ამ ჯგუფ-ჯგუფად შეგროვილ, შავით მოსილ ხალხს რომ დაინახავთ. დგანან სასამართლოს შესასვლელ კართან, რალაცას ბჭობენ ჩუმი ხმით და თითქმის შეუძლებელია, რომ აქ სიბრალეულისა და კეთილქმედების სიტყვა გაიგონოთ. აქ მეტწილად წინასწარ მომზადებულ გამტყუნებასა და სასჯელს აქვს ადგილი. აქ გამვლელ მაყურებელს ეს ჯგუფები კრაზანებად ეჩვენება, რომლებიც აუბედითად ბზუიან და საერთო ძალით ბნელ საქმეებს ამზადებენ.

დიდი დარბაზი იყო, ერთი ლამპით განათებული, წინანდელი საეპისკოპოსო სასახლის დარბაზი და დღეს მისაღებ ოთახად ქცეული. აქედან იყო შესასვლელი სასამართლოს დარბაზში, მაგრამ ამჟამად კარი დაკეტილი იყო.

ისე ბნელოდა, რომ ბატონი მადლენი არ მოერიდა და პირველსავე ვეჭილს ჰკითხა, წინ რომ შეხვდა:

- უკაცრავად, ბატონო, მალე დამთავრდება?

- დამთავრებული ვახლავთ.

- დამთავრებული?

იმისთანა კილოთი გაიმეორა ეს სიტყვა, რომ ვეჭილი შედგა.

- თქვენ იმისი ნათესავი ბრძანდებით?

- არა, მე აქ არავის ვიცი. განაჩენიც არის?

- არის და არც შეიძლება, არ ყოფილიყო.

- კატორღა?

- უვადო.

იმისთანა მისუსტებული ხმით წარმოთქვა შემდეგი სიტყვები, რომ ძლივსღა ესმოდა ვეჭილს:

- მაშ, ვინაობა დაუმტკიცეს?

- რა ვინაობა? - უპასუხა ვეჭილმა, - არც იყო საჭირო ვინაობის ძიება. სულ უბრალო საქმე იყო, ცხადი. თავისი შვილი მოკლა ამ დედაკაცმა; დამტკიცებული იყო შვილის მკვლელობა. სასამართლომ წინასწარ განძრახული ბოროტმოქმედება დაინახა და კატორღა მიუსაჯა.

- მაშ ეგ საქმე დედაკაცისა იყო?

- დიახ, ლიბუზენის ქალისა. მაშ თქვენ რას მეკითხებოდით?

- არაფერს. და თუ საქმედამთავრებულია, რად არის განათებული დარბაზი?

- ახლა სხვა საქმეს არჩევენ. ვილაც მანანალა ყოფილა, კატორღელი, რეციდივით ქურდობის ჩამდენი. სახელი არ მაგონდება. სახეზე ეტყობა, რომ ყაჩაღია. სულაც რომ არაფერი ჰქონდეს დამავებული, მე მაინც კატორღაში ვუკრავდი თავს, ისეთი საშინელი სახის კაცია.

- დარბაზში შესვლას ვერ მოვახერხებ?

- არა მგონია. გატენილია ხალხით. ცოტა ხნით შეწყვეტილია სხდომა. ზოგი კიდევ გამოვიდა და, რომ დაინწყება, იქნებ თქვენც შეხვიდეთ როგორმე.

- სად არის შესასვლელი?

- აი, ეს კარი.

წავიდა ვეჭილი. რამდენიმე წუთში მადლენმა ხელახლა განიცადა ყოველი ის სულისკვეთება, რომლითაც ასე იტანჯა წუხანდელ ღამეს. ამ უცნობის სიტყვა ხან გაყინული ნემსებივით ჩხვლევდა გულში, ხან გავარვარებული შანთივით ესობოდა. ღრმად ამოისუნთქა, როცა ნახა, რომ ჯერ არაფერი იყო დამთავრებული. მაგრამ იმას კი ვერ იტყოდა, რას გამოხატავდა ეს - კმაყოფილებას თუ მწუხარებას?

ხან ერთ ჯგუფთან მივიდოდა, ყურს მიუვლებდა, ხან მეორესთან. ბევრი საქმე ჰქონდა გასარჩევი სასამართლოს და იმ დღისთვის თავმჯდომარეს ორი საქმე დაენიშნა, მოკლე და მარტივი - შვილისმკვლელობით დაეწყოთ და ახლა კატორღელის, რევიდივისტ-ქურდის საქმეზე გადასულიყვნენ. ვაშლის ქურდობაზე დაეჭირათ კაცი, თუმცა ეს ბრალდება დასაბუთებული არ იყო. დასაბუთებულად ის მიაჩნდათ, რომ კატორღაში ყოფილიყო ტულონში. ეს იყო, რომ საქმეს უხდენდა უბედურს. ბრალდებულის, აგრეთვე მონშიების დაკითხვაც დაემთავრებინათ. ვეჭილისა და ბრალმდებელ-პროკურორის სიტყვა იყო დარჩენილი, ასე რომ, საქმე შუალამემდე ვერ გათავდებოდა. ბრალდებული, ცხადია, დასჯილი იქნება, ისმოდა ხალხში; დიდი ნიჭის პატრონია ბრალმდებელი. მრავლად ჰყავს დასჯილნი და იმდენად ჭკვიანია, რომ ლექსებსაც წერსო.

ბოქაული იდგა სასამართლოს შესასვლელ კარებთან, იმასა ჰკითხა:

- მალე გაგვიდებენ ამ კარს?

- ამ კარს არ გააღებენ.

- რატომ?

- იმიტომ, რომ ვატენილია დარბაზი.

- მაშ, აღარავის შეუშვებთ?

- აღარავის. კარი დაკეტილია და ვეღარავინ შევა.

და მცირე დუმილის შემდეგ დაუმატა:

- ორი თუ სამი სკამია თავისუფალი თავმჯდომარის უკან, მაგრამ ბატონი თავმჯდომარე იქ მართო სახელმწიფოს მოხელეებს უშვებს.

უთხრა და ზურგი შეაქცია.

თავჩალუნული გამობრძანდა მადლენი, გაიარა მისადები ოთახი და ნელი ნაბიჯით ჩაიარა კიბე; ყველა საფეხურზე ჩერდებოდა ღრმად ჩაფიქრებული. საჭირო იყო აქვე, დაუყოვნებლივ გადაეწყვიტა თავისი ბედი და უფრო მეტი სიმძაფრით აღეძრა ის კითხვა, რომლის გადაწყვეტას იმდენი სულიერი ტანჯვა სჭირდებოდა. ძირს რომ ჩავიდა, მოაჯირს მიეყრდნო გულხელდაკრეფილი. მერე უცბად სერთუკი გაიხსნა, უბის წიგნაკი ამოიღო, ერთი ფურცელი ამოხია იქიდან, ზედ დააწერა: „ბატონი მადლენი, ქ. მონრეელის მერე“. ჩქარი ნაბიჯით ავიდა კიბეზე, გააპო ხალხი, მივიდა ბოქაულთან, მისცა და უბრძანა:

- ბატონ თავმჯდომარეს მიართვით, ჩქარა!

გამოართვა ბოქაულმა, დახედა ქალაქს და დაემორჩილა.

თავი მერვე

დიდებულის მიღება

ვერც კი წარმოიდგენდა მადლენი, რომ მონრეილის მერი ასეთი სახელგანთქმული იქნებოდა. შვიდი წელიწადი იყო, მისი მოღვაწეობისა და სიქველის ამბავი ავსებდა მთელ ქვემო ბულონეს, ამ პატარა მხარის საზღვრები გადაელახა და ორ-სამ მგობელ ოლქშიც გავრცელებულიყო. იმ დახმარების გარდა, რომელიც მადლენმა გაუწია მონრეილს გიმრის წარმოების აღდგენითა და გაფართოებით, ერთი სოფელი არ იყო იმ ოლქის ას ორმოცდაორი სოფლიდან, იმისი სიკეთე და დახმარება რომ არ ხსომებოდა. სხვა ოლქების გაჭირვებაც თავისად მიაჩნდა და ბულონეში თავის ფულით და კრედიტით საფეიქრო წარმოებას შეუწყო ხელი, ფრევაწმი - სელის ფართლის მექანიკურად მოწყობილ ქარხანას და ბუბერში - ჰიდრავლიკური ტილოს ქარხანას. ყველგან თავყვანისცემით იხსენიებდნენ ბატონი მადლენის სახელს. არასი და ღუე შურით შესცქეროდნენ პატარა მონრეილს, რომელსაც ასეთი დიდებული მერი ჰყავდა.

არასში შანმატიეს საქმის გამრჩევ ნაფიც მსაჯულთა სასამართლოს თავმჯდომარედუეს სამეფო სასამართლოს წევრი იყო და ძალიან კარგად იცნობდა მადლენის სახელს, ასე ღრმად ყველგან პატივცემულს. რომ შევიდა დარბაზში ბოქაული, ფეხაკრეფით ზურგს უკან დაუდგა თავმჯდომარეს. წინ მადლენის ბარათი დაუდო და მოახსენა, დარბაზში შემოსვლა უნდაო.

შეხედა თავმჯდომარემ. სიამოვნება დაეცყო, კალამი აიღო, რამდენიმე სიტყვა მიანერა მადლენის ბარათს, ბოქაულს მისცა და უთხრა:

- მობრძანდეს!

თვით მადლენიც იქვე იყო, დარბაზის შესასვლელ კართან ატუზული, სწორედ ისე, როგორც ბოქაულმა დატოვა, ღრმად ჩაფიქრებული. ვილაცის სიტყვა მოესმა, - მობრძანდით, ბატონო, მე შეგიყვანთო. სწორედ ის ბოქაული ელაპარაკებოდა მოწინებით და მიწამდე თავის დაკვრით, რომელმაც რამდენიმე წუთის წინ ისე უზრდელურად შეაქცია ზურგი. ბარათი მიართვა, გაშალა მადლენმა და, კიდევ კარგი, რომ ლამპასთან იყო, წაიკითხა:

„ნაფიც მსაჯულთა სასამართლოს თავმჯდომარე უღრმესი პატივისცემით ელის ბატონ მადლენს“.

გაბრაზებით დაჭმუჭნა ქალაღი, თითქოს რაღაც მწარე მოავონა ამ სიტყვამო.

ბოქაულს მიჰყვა.

ერთ პატარა ოთახში შეიყვანა ბოქაულმა. ოთახი უბრალოდ იყო მოწყობილი. მაგიდაზე ორი სანთელი ენთო. ყურში ჯერ ისევ ესმოდა ბოქაულის სიტყვა, რომელმაც, ვიდრე გავიდოდა, მოახსენა: - სათათბირო ოთახში ბრძანდებით, ბატონო. აი, ამ კარის თითბერის რაზას გადაატრიალებთ და სასამართლოს დარბაზში შებრძანდებით. სწორედ ბატონი თავმჯდომარის უკან გახლავთ რამდენიმე სკამი. - ყურიდან არ შორდებოდა ეს სიტყვები და თან რაღაც მკრთალი მოვონება: ვინრო ტალანი ელანდებოდა და ბნელი კიბე, რომელიც სადღაც ჩამოევილო.

მარტო დატოვა ბოქაულმა. დადგა უამი განკითხვისა. ცდილობდა, მოეკრიბა აზრები, მაგრამ ამაოდ. სწორედ მაშინ აერევა ხოლმე ადამიანს აზროვნება და ეხლართება ფიქრები, როდესაც უაღრესად ესაჭიროება გარემოებათა დაკვირვება და განსაცდელის აცდენა. უკვე იქ იყო, სადაც მსაჯულები ბჭობენ და სჯიან. გონებაჩლუნგის სიმშვიდით ათვალეირებდა ამ სამინელ ოთახს, სადაც მრავალი ადამიანისთვის აუგიათ ანდერძი, სადაც ცოტა ხნის წინ იმისი სახელიც გაისმოდა და

სადაც გადაწყდება მისი მომავალი. უაზრო თვალეობით შესცქეროდა კედლებს, მერე თავის გრძნობებს დაუნყო ჩხრეკა. განცვიფრებული იყო, რომ ეს სასამართლოს სათათბირო ოთახი იყო და ისიც ამ ოთახში იმყოფებოდა.

მთელი დღე-ღამე იყო, ლუკმა არ ჩასვლოდა პირში. დაღლილი იყო გზით, თავისი მტყუნვარე ფიქრებით, ეტლის ჯანჯლარით, მაგრამ დაღლას ვერა გრძნობდა; ეგონა, სულ ვერაფერს ვგრძნობო.

კედელზე ჩამოკიდებულ შავ ჩარჩოსთან მივიდა. ჩარჩოში, მინის ქვეშ, ერთი ძველი წერილი იდო, უან-ნიკოლა-ჰაშის, პარიზის მერისა და მინისტრის ხელით დანერილი, დათარიღებული, უეჭველად შეცდომით, რესპუბლიკის მეორე წლის 9 ივნისით. ამ წერილით ჰაში ადგილობრივ ხელისუფლებას იმ მინისტრებისა და დეპუტატების სიას უგზავნიდა, რომლებიც დატუსაღებული ჰყავდა. რომ დაენახა ვინმეს მადლენი, ამ წერილს რომ ათვალეიერებდა, იფიქრებდა, ეტყობა, ძალიან საინტერესოდ მიიჩნია ეს ისტორიული დოკუმენტიო, რადგან თვალს აღარ ამორებდა და ორჯერ თუ სამჯერ წაიკითხა ზედმიზეძ. კითხულობდა თავისდა უნებურად, თავისდა შეუმჩნეველად, სულ სხვაგან იყო ფიქრით, - ფანტინთან და კოზეტთან.

მერე მობრუნდა და თვალში ეყა კარის თითბრის სახელური, რომელიც მასა და მსაჯულებს შორის იყო აღმართული. კიდევ დაეინყებოდა ეს კარი. ჯერ დამშვიდებული თვალით უყურა ამ კარს, დაამტერდა მის ყვითელ სახელურს, მერე აერია თვალი, შიში და უიმედობა დაეტყო. ოფელი სდიოდა წურწურით თავიდან სახეზე. ერთ წამს თითქოს გამოარკვია თავისი საქციელი, აღმოფთება იგრძნო თავისი თავისადმი და იმ გამოუთქმელი მოძრაობით დაიქნია ხელი, რომელსაც უნდა თქვას და ამბობს კიდევ ასე კარგად - დალახვროს ღმერთმა! ვინ მატანს ძალას, რომ თავის დასახრჩობად მივდივარ? - უცხად მობრუნდა, დაინახა კარი, რომლითაც ამ ოთახში შემოვიდა, მივარდა, გაალო და გამოვარდა. ძლივს! აღარ არის იმ ოთახში! გარეთ არის, ტალანში, გრძელ, ვიწრო ტალანში, საფეხურები და სარკმლები რომ აქვს, აქა-იქ პატარა სანთლებიან, მძიმე ავადმყოფს რომ უნთებენ ღამით, იმისთანა სანთლებიან ტალანში, რომლითაც წელან მოვიდა. ამოისუნთქა, ყური მიუგდო. ჩამიჩუმი არ ისმოდა არსაიდან და მოკურცხლა. ისე გარბოდა, თითქოს მდეგარი მისდევს უკანო.

ბოლოს გაჩერდა და ყური მიუგდო. იგივე დუმილი იყო ყველგან და იგივე სიბნელე. სუნთქვა ეკვროდა, ბარბაცებდა და კედელს მიეყრდნო. კედელი ცივი იყო, ოფელი გაეყინა შუბლზე. წამოიწნია და აკანკალდა.

იღგა იქ მარტოღმარტო, სიბნელეში, კანკალებდა სისცივით, შეიძლება, სხვა მიზეზითაც და თავის ფიქრებს გაჰყვა.

მთელი დღე იყო და მთელი ღამე ფიქრებს დამონებოდა და ახლა მწარე, მკვნესარე ვაიმეს გარდა აღარა იყო რა მის სულში და გულში.

კარგა ხანს იღგა ასე. მერე თავი ჩაქინდრა, ამოიოხრა ისე, რომ კინალამ გულიც თან ამოატანა, ხელები დაუშვა და უკან დაბრუნდა. ნელი ნაბიჯით მიდიოდა, სასონარკვეთილი. ისე იყო, თითქოს მდეგარი მოსწეოდა გაქციულს გზაში და უკან მოჰყავდა.

ისევ იმ პატარა ოთახში შევიდა. მაშინვე თვალში ეყა კარის ყვითელი სახელური. მრგვალი გაკრიალებული თითბრის სახელურიცბრწყინავდა სამინელი ვარსკვლავივით. იღგა და შესცქეროდა, როგორც ბატკანი შესცქერის ვეფხვს.

თვალი ვეღარ მოეშორებინა.

ნაბიჯს გადადგამდა ხანგამოშვებით და კარს უახლოვდებოდა; ყური რომ დაეგდო, ყურო ხმაურს გაიგებდა, დიდი დარბაზის, სასამართლოს ბჭობისა, მაგრამ ყურს არ უგდებდა და არც არაფერი ესმოდა.

უცხად, თვითონაც არ იცოდა, რად და როგორ მოიქცა ასე, კარებთან გაჩნდა, ათრთოლებული ხელით გადაატრიალა სახელური. კარი გაიღო.

იგი სასამართლოს დარბაზში შევიდა.

თავი მეცხრე

ადგილი, სადაც ყალიბდება რწმენა

წინ წადგა ნაბიჯი, უკან კარი მიიხურა, იდგა და ათვალეირებდა იქაურობას.

საკმაოდ დიდი ოთახი იყო, ოღნავ განათებული, ხან ხმაურით სავსე, ხან სრული დუმლით, სადაც ნაფიც მსაჯულთა განსახილველად წარმოებდა ხალხის თვალწინ საქმის გარჩევა, მთელი თავისი უბადრუკი მჭმუნვარე მედიდურობით.

დარბაზის თავში, სადაც მადლენი იდგა, უგულისყურო სახიანი, მსაჯულის გაცვეთილ მანტოებში გამოწყობილი მსაჯულები ბრძანდებოდნენ; ისხდნენ, ამოქნარებდნენ, ფრჩხილებს იკვნეტდნენ, თვალეებს ჭუტავდნენ. დარბაზის ბოლოში დაგლეჯილ სამოსიანი ხალხი მოთავსებულიყო: ვეფილები სხვადასხვანაირ პოზებში; ჯარისკაცები პატიოსანი, მაგრამ მკაცრი სახეებით; ოთახი ძველი, ჭუჭყიანი ხით იყო შემოფიცრული; ჭუჭყიანი ჭერი, გახუნებული სარკით დაფარული მაგიდები, ხელებით გასვრილი კარები; კედლებზე ლურსმნებით ეკიდა ლამპები, რომლებიც უფრო ხრჩოლავდნენ, ვიდრე ანათებდნენ. მაგიდებზე თითბრის შანდლები ელაგა. ყველგან სიბნელე, ულაზათობა, სასონარკვეთილება გამეფებულიყო. ყოველივე ამისაგან დიდებული და თან მკაცრი შთაბეჭდილება იქმნებოდა, ვინაიდან აქ უნდა ყოფილიყო დიადი ძალა ადამიანისა, რომელსაც კანონიერება ჰქვია, და დიადი ძალა ღვთისა, რომელსაც მართლმსაჯულება ეწოდება.

დამსწრეთაგან ყურადღება არავის მიუქცევია, რომ შევიდა. ყველა ერთ პატარა სკამს შესცქეროდა, თავმჯდომარის მარცხნივ პატარა კარზე მიყუდებულს და რამდენიმე სანთლით განათებულს. ამ სკამზე კაცი იჯდა. აქეთ-იქით უანდარმები უსხდნენ.

ეს კაცი იყო „ის“.

მადლანს არც კი უძებნია იგი, შევიდა და დაინახა. პირდაპირ იმისკენ წავიდა მისი თვალის მგერა, თითქოს წინდანინ იცოდა, სად უნდა მოეძებნა.

შეხედა და იცნო თავისი თავი, ოღონდ უფრო მოხუცებული. მართალია, სახით ცოტა განსხვავდებოდა, მაგრამ შეხედულებით, იერით გამოჭრილი უან ვალუანი იყო: აბურძგინილი თმა, მოუსვენარიყოფალი თვალები, ისეთივე ხალათი, რომლითაც დინში მივიდა მაშინ ადამიანთაგან ტანჯული და მათ მიმართ მძულვარებით აღსავსე, როდესაც გულში ჰქონდა ჩამარხული ის საზარელი საუნჯე ბილწი ფიქრებისა, რომელიც ცხრამეტი წლის განმავლობაში ევროვებინა კატორღაში.

უყურებდა იმ კაცს და გულის კანკალით ეკითხებოდა თავის თავს:

- დემეტო ძლიერო! ნუთუ მეც ისევე ასეთი გავხდები?

სულ ცოტა რომ ვთქვათ, სამოცი წლისა მანც იქნებოდა ის კაცი. რაღაც უხეში ადამიანის შთაბეჭდილებას ახდენდა, ბრიყვისას და დაჩლუნვებულისას.

კარის მიხურვის ხმაურზე თავმჯდომარემ მოიხედა, მიხვდა, რომ ახალშემოსული ბატონი მადლენი უნდა ყოფილიყო და თავი დაუკრა. ბრალმდებელი იცნობდა ბატონ მადლენს, რადგან სამსახურის გამო რამდენჯერმე ნამყოფი იყო მონრეილში და ისიც მიესალმა. მადლენი ძლივძლივობით ამჩნევდა ყოველივე ამას. ლანდსა ხედავდა თავისას და თვალს ვეღარ ამორებდა.

მსაჯულების მდივანი, ჟანდარმები, მძვინვარე, ცნობისმოყვარე ხალხის ბრბო - ერთხელ უკვე ენახა ყოველივე ეს, ოდესღაც, ოცდაშვიდი წლის წინათ. ახლა ხელმეორედ წარმოუდგა საშინელება; ისევ აქ იყო მაშინდელი, არსებობდა, იძვროდა, წარმოებდა. თავის მცხიერებით აღდგენილი წარსული კი არ იყო ეს ყველაფერი, თავისი ფიქრის აჩრდილი კი არა; არა, აქ ნამდვილი ჟანდარმები იყვნენ, ნამდვილი მსაჯულები, ნამდვილი ბრბო მსმენელ-მაყურებლისა - ნამდვილი, ცოცხალი ადამიანები. გათავდა! ხელახლა გაჩნდა და გაცოცხლდა მის თვალწინ საზარელი აჩრდილი თავისი წარსულისა - ყველა საშინელებითა და საზიზღრობით.

თვალწინ გადაშლოდა თავისი წარსული.

შიში მოერია, თვალები დახუჭა და გულის სიღრმეში შეჰყვირა:

- არასოდეს!

და ბედისწერის რალაც თამაშით, რომელსაც ისე აერია მადლენის ფიქრები, რომ გაგიჟებამდე მიეყვანა, მის წინ იყო ადამიანი, თითქოს მისი მეორე „მე“. ამ ადამიანის საქმეს იხილავდა სასამართლო და ჟან ვალჟანს უწოდებდა.

თავისი თვალით ხედავდა თავისი სიცოცხლის უსამინლეს სახსოვარს, რომლის მოქმედ პირად მის მაგივრად მისი ლანდი გამხდარიყო.

აქ იყო სულყველაფერი - იგივე სასამართლო, იგივე საღამოს ჟამი, იგივე სახის გამომეტყველება მსაჯულებისა, იგივე ჯარისკაცები და მაყურებელი ხალხი. ოღონდ დღეს თავმჯდომარის სავარძლის გემოთჯვარცმული მოჩანდა კედელზე, რაც მისი საქმის გარჩევის დროს არ იყო.

იმისი საქმის გარჩევას ღმერთი არ დასწრებია.

სკამი იყო მის უკან და მედ დაეშვა, შეშინებული, რომ შეიძლებოდა დაენახათ. ისე იჭდა, მსაჯულების მაგიდაზე დაწყობილ საქმეებს ამოჰფარებოდა. ახლა კი შეეძლო ისე დაეთვალიერებინა იქაურობა, რომ, თვითონ უხილავე დარჩენილიყო: დამშვიდდა იმდენად, რომ სმენა შეეძლო.

ერთი მსაჯულთავანი გამატაბუა ბრძანდებოდა.

ყური დაუგდო მადლენმა. თან ჟავერს ეძებდა, მაგრამ თვალი ვერსად მოჰკრა. მონშეების სკამს ვერა ხედავდა, რადგან წინ მდივნის მაგიდა აჰფარებოდა და, გარდა ამისა, როგორც უკვე ვთქვით, დარბაზში თითქმის ბნელოდა.

მადლენი რომ შევიდა, ბრალდებულის დამცველი ამთავრებდა სიტყვას. მეტად დაძაბული იყო ყველას ყურადღება. სამი საათი იყო, ამ საქმეს არჩევდნენ. სამი საათი ხედავდა ხალხი, როგორ ერეოდა და ლუპავდა ნელ-ნელა გარეგანი მსგავსება ერთ უბედურს, უცნობს, მოხუც კაცს; ან ძალიან სულელს, ან ძალიან მოხერხებულს. მანანნალა იყო ეს კაცი, როგორც უკვე ვთქვით; მინდორში ენახათ მსხმოიარე ვაშლის ტოტით ხელში, რომელიც იქვე ახლოს, პირონის ბაღში მოეტეხა. ვინ იყო ეს კაცი? გამოძიება დაიწყეს, მონშეები დაკითხეს, ერთმხრივ ამტყუნებდნენ ამ კაცს, მხარეთა კამათმა სინათლე მოჰფინა ბნელს. ბრალდება ბრძანებდა: „ჩვენ წინაშე ხილის მჰარავი, უბრალო ქურდი როდია. ჩვენ ხელში გვყავს ყაჩაღი, ყოფილი კატორღელი,

სასამართლოს განაჩენის დამრღვევი, საშინელი ბოროტმოქმედი, სახელად უან ვალუანი, რომელსაც დიდი ხანია ეძებს მართლმსაჯულება: ამ რვა წლის წინათ ამ კაცმა, ტულონის კატორიდან გამოსულმა, იარაღით ხელში, შარავგაზე გაძარცვა ერთი პატარა სავოელი, პატარა ყერვე, რაზედაც სასჯელი ჩვენი კანონმდებლობის სისხლის სამართლის 383-ე მუხლით არის გათვალისწინებული. ამ დანაშაულისთვის მას გავასამართლებთ, როგორც კი დამტკიცებული იქნება მისი ვინაობა. ახლა კიდევ ქურდობა ჩაუდენია, ეს უკვე რეციდივია. დავსაჯოთ ჯერ ამ ახალი ქურდობისათვის. ძველი ბოროტმოქმედება შემდეგ იქნება გარჩეული“.

ამ ბრალსა სდებდნენ კაცს, ერთხმად ამტკიცებდნენ ამას მოწმეები, განცვიფრებული იყო ბრალდებული, მართო სიტყვით კი არა, მთელი ტანის მოძრაობითაც გაიძახოდა - არაო, - ან არადა ენაჩავარდნილივით შეჰყურებდა ჭერს. ლაპარაკობდა გაჭირვებით, გატყუნებული პასუხობდა, მაგრამ განხორციელებული უარი იყო თავით ფეხამდე. ყყყუჩს ჰგავდა ამდენი განათლებული, მის წინააღმდეგ გალაშქრებული ხალხის წინაშე, უცხოს ამ საზოგადოებასთან, რომელსაც მისი განადგურება განუზრახავს. დღეს უნდა გადაწყვეტილიყო იმისი ბედი, იმისი მომავალი, სასამართლო კი ავის მეტს არას უქაღდა: უფრო და უფრო მტკიცდებოდა მსგავსება და დარბაზში მყოფი ხალხი არანაკლები მოთმინებით მოელოდა მსჯავრს, ვიდრე თვით ბრალდებული. კატორღა კი არა, შესაძლებელი იყო სიკვდილით დასჯაც გადაეწყვიტათ, თუ დამტკიცდებოდა, რომ უან ვალუანი იყო და პატარა ყერვეს გამძარცვაოც. ვინ იყო ეს კაცი? რით აიხსენოდა მისი გულგრილობა? სისულელით თუ ეშმაკობით? არ იყოღა, რა განსაცდელი მოელოდა თუ მეტისმეტად კარგად იყოღა? ეს კითხვები ორგვარად გადაეწყვიტა დარბაზში ხალხს და თვით მსაჯულებსაც. ამ საქმეში რაღაც საშინელებაც ჩანდა და საიდუმლოებაც. მხოლოდ სიბნელით კი არ იყო მოცული ეს დრამა, აგრეთვე იდუმალეობითაც.

კარგი სიტყვა წარმოთქვა ბრალდებულის ვეჭილმა იმ პროვინციული ენით, რომელიც დიდხანს ითვლებოდა მართლმსაჯულების მჭევრმეტყველებად და რომელსაც ვერ უღალატებდა ვეჭილი, როგორც პარიზში, ისე სადმე რომორ-ანტენში ან მონბრიონში. დღეს ეს ენა უკვე კლასიკურად ითვლება და თუ არის ვინმე ამ მჭევრმეტყველებით გატაცებული, მართო სასამართლოს ოფიციალური წარმომადგენლები, რომელთაც კეთილხმიერება ესაჭიროებათ სიტყვაში და საზეიმო დიდებულება. ეს გახლავთ ის ენა, რომლითაც ქმარს მეუღლე ჰქვია, დედაკაცს - დისასხლისი, პარიზს - ხელოვნებისა და განათლების ცენტრი, მეფეს - მონარქი, ეპისკოპოსს - წმინდა მღვდელმთავარი, მთავარ პროკურორს - მჭევრმეტყველი განმახორციელებელი ბრალდებისა, ვეჭილის სიტყვას - მწარე გოდება, ლუი XIV-ის დროს - დიდებული საუკუნე, თეატრს - ტაძარი მელომენესი, სამეფო გვარის შთამომავალთ - წმინდა სისხლი ჩვენთა მეფეთა, კონცერტს - მუსიკის ზეიმი, ოლქის ჯარის უფროსს - სახელოვანი მხედართმთავარი, სემინარიის მონაფეს - ჩვილი ლევიტელი, გაზეთების შეცდომას - გესლი, რომლითაც გაუღენთილია ამ მავნე ორგანოების ფურცლები და სხვ. და სხვ.

ჯერ ვაშლის ქურდობა გააშუქა ვეჭილმა, რისთვისაც ყოვლად შეუფერებელი გახლავთ ის მჭევრმეტყველოური ენა, მაგრამ, გემახსოვრებათ, თვით ბენიგნ ბოსუე, საფლავზე წარმოთქმულ სიტყვაში, იძულებული იყო ქათამი ეხსენებინა და ღირსეულადაც გამობრძანდა ამ გაჭირვებიდან. ვეჭილმა დაადგინა, რომ ეს ვაშლის

ქერდობა არ იყო საბუთიანად დამტკიცებული, ბრალდებული, რომელსაც ის, როგორც დამცველი, შანმატიედ იხსენიებდა, არავის უნახავს არც კედელზე ამძვრალი, არც ტოტის მომტეხი. დაიჭირეს, რადგან ხელში ეჭირა ეს ტოტი, მაგრამ რა ტოტი იყო ეს? რამდენიმე ვაშლი ება პირის გასასველებელი. ძირს ვედო, გზის პირას და აიღო კაცმა. მერე ამის გამაბათილებელი საბუთი? შეიძლება, მართლა მოტეხილი ყოფილიყო ტოტი; მართლა ამძვრალიყო ვინმე ღობეზე, მაგრამ რით მტკიცდება, რომ ეს ტოტის მომტეხი, ღობეზე ამძვრალი კაცი შანმატიე იყო? მის წინააღმდეგ ერთადერთი გარემოებაა: ის, რომ იგი ძველი კატორღელი არისო. არც ვეჭილი უარყოფდა, რომ ეს წარსული, ბრალდებულის საუბედუროდ, თითქმის დამტკიცებული იყო. ბრალდებულს ფავეროლში უცხოვრია, გამსხვლელი ყოფილა; შეიძლება სახელად უან მათე ერქვა და მერე შანმატიედ შეიცვალა; ყოველივე ეს მართალი იყო, მით უფრო, რომ ოთხმა მოწმემ, დაინახეს თუ არა, მაშინვე ძველ კატორღელად, უან ვალჟანად ცნეს ეს კაცი. ამ ჩვენებას მოწმეებისას, ამ საბუთებს მისი ვინაობისას, ვეჭილი ვერაფერს წაუყენებდა სანაღმდეგოდ, გარდა თავისი კლიენტის თავდაცვით გამოწვეული უარყოფისა, მაგრამ მართლა რომ უან ვალჟანიც ყოფილიყო, განა ამით მტკიცდებოდა, რომ სწორედ ის იყო ვაშლის ქურდი? ეს ვარაუდია და არა დამამტკიცებელი საბუთი. ქურდი გგონიათ და უსაბუთოდ დასჯას უპირებთ. მართალია, და ვეჭილიც იძულებული იყო ეღიარებინა, რომ ბრალდებულმა ცუდი ხერხი აირჩია თავის დასაცავად - უარყოფა როგორც ქურდობისა, ისე კატორღაში ყოფნისა. გულწრფელად რომ ეღიარებინა ეს უკანასკნელი გარემოება, კატორღელობა უკეთესი იქნებოდა, რადგან მსაჯულების თანაგრძნობას მოიპოვებდა; ვურჩიე კიდევ, ასე მოქცეულიყო, მაგრამ უარი განაცხადა, რადგან, როგორც ჩანს, დარწმუნებულია, რომ თავიდან აიცილებს ყველაფერს, თუ უარყო ყველაფერი. შეცდა, მართალია, მაგრამ მხედველობაში უნდა მიიღოს სასამართლომ ამ უბედურის განუვითარებლობა. პირდაპირ ეტყობა, რომ გონებაჩლუნგია ეს კაცი. კატორღაში დიდი ხნის ყოფნამ, კატორღის შემდეგ დიდი ხნის გაჭირვებამ გამოაოტვირა სანყალი და სხვ. და სხვ. ცუდად რომ იცავდა თავს, ნუთუ ამიტომ უნდა გავწიროთ? პატარა უერვეს გაძარცვისას არას იტყვის ვეჭილი, რადგან ეს ამ საქმეს არ შეეხება. დასასრულ, ვეჭილი სთხოვდა მსაჯულთ, თუ უეჭველად მიაჩნდათ შანმატიეს უან ვალჟანობა, დაესაჯათ როგორც უბრალო ბოროტმოქმედი და არა რეციდივის ჩამდენი კატორღელი.

ბრალმდებელმა პასუხი გასცა ვეჭილს, ცხარე სიტყვა თქვა და მალაღფარდოვანი, როგორც ლაპარაკობს ყოველი ბრალმდებელი.

ჯერ დამცველს მიულოცა გულწრფელი დაცვა კანონებისა და მოხერხებულად გამოიყენა ეს გარემოება. ბრალდებულის გამამტყუნებელ საბუთად გამოაცხადა ყველა ის დებულება, რომლებსაც ვეჭილი უსაბუთობისა გამო ვარაუდად თვლიდა. რაკი თვით დამცველი ბრძანებს, რომ შანმატიე შეიძლება მართლა უან ვალჟანი იყოსო, ცხადია, ბრალდებული ნამდვილი უან ვალჟანია და ამას არავითარი მტკიცება აღარ ესაჭიროებაო. მერე საერთოდ ბოროტმოქმედების მიზეზებს შეეხო, გაილაშქრა რომანტიზმის მიმართულების უზნეობის წინააღმდეგ, რომელსაც თავის დასაწყისში „ყოველდღიურისა“ და „ორიფლამის“ კრიტიკოსები „სატანურ მიმართულებას“ უწოდებდნენ. ამ მიმართულების ზეგავლენის შედეგად დასახა შანმატიეს, ანუ, უკეთ რომ ვთქვათ, უან ვალჟანის გახრწნილება. როდესაც ეს მოსაზრებანი ამოწურა, მერე

თვით უან ვალჟანსა სწვდა. რა არის ეს უან ვალჟანი? -და დაახასიათა უან ვალჟანი: ურჩხული, რომელიც ანთხევს საშინელებას და სხვ. და სხვ. ნიმუში ამგვარი დაახასიათებისა მოიპოვება თერამენის მოთხრობაში, რომელიც არაფრად ვარგა ტრაგედიისთვის, მაგრამ დიდ სამსახურს უწევს სასამართლოს ყოველდღიურ მჭევრმეტყველებას. თრთოლა მოერიათ მსმენელებს და მსაჯულებს. დაახასიათება რომ დაამთავრა, იმ გრძობით სავსე კილოთი განანგრძო სიტყვა, რომელსაც, „პრეფექტურაში“ დაბეჭდილს, ალტაცებაში უნდა მოეყვანა ამ გაზეთის მკითხველი. ამგვარი კაცია... და სხვ. და სხვ. თავისი წარსულით ყოველგვარ ბოროტებას მიჩვეული, გახრწნილად დარჩენილი თვით კატორღაშიც, რასაც ამტკიცებს მის მიერ პატარა უერვეს გაძარცვა და სხვ. და სხვ. ეს ის კაცია, რომელსაც ზედ მიასწრეს, როცა ქურდობდა, იქვე, იმ კვდელთან, რომელზედაც ამძვარალიყო, როდესაც ჯერ ისევ ხელში ეჭირა ნაპარავი, და მინჯ ბედავს და უარყოფს ქურდობასაც, კვდელზე აძრომასაც, უარყოფს ყველაფერს, თავის სახელსაც კი, უარყოფს თავის ვინაობას. საბუთი მრავალი გვაქვს, მაგრამ ჩვენთვის საკმარისია ჩვენება ოთხი მოწმისა, რომელნიც იცნობენ ძველ კატორღელ უან ვალჟანს - ბატონი ჟავერი, უმნიკვლო, პატიოსნებით სავსე ინსპექტორი პოლიციისა და სამიც მისი ძველი ამხანაგი - კატორღელი ბრევე, შენეღლიო და კომშილი. რა პასუხს აძლევს ბრალდებული ამ თავზარდამცემ მოწმობას? უარყოფს! სიბრიყვე იწნება და სიჭიუტე! მაგრამ თქვენ კანონიერებას დაიცავთ, ბატონო მსაჯულებო და სხვ. და სხვ.

ყურს უკდებდა ბრალმდებელს შანმატიე, გამტერებული, პირღია, ერთგვარი გაკვირვებით, რომელშიც, ეტყობოდა, ალტაცებაც ჩარეულიყო. გაკვირვებული იყო - ნუთუ შეუძლია ადამიანს ასე საუცხოოდ ლაპარაკი? ხანდახან, როდესაც მეტისმეტი ალტაცება და რისხვა დაეტყობოდა პროკურორის მსჯელობას, იმ მჭევრმეტყველების უამს, როდესაც აღარ შეეძლო თავის შეკავება, ჩანჩქერივით ისროდა ბრალდებულის გამანადგურებელ სიტყვებს და ღრუბელივით თავზე ახვევდა, შანმატიე ნელ-ნელა იქნედა თავს მარჯნიდან მარცხნივ და ეს თავის ქნევა იყო იმისი მუნჯური პროტესტი, რომლის მეტი ვერა მოეხერხებინა რა. ორჯერ-სამჯერ, მასთან ახლოს მყოფ მაყურებლებს მოესმათ მისი ჩუმი ხმით ნათქვამი სიტყვა - ეგ იმიტომ, რომ ბალუ არ დაჰკითხეთ. - ამითაც ისარგებლა ბრალმდებელმა, მიუთითა მსაჯულებს ამ განზრახ წარმოებულ ყვეყჩურ თავის ქნევაზე, რომელიც ამტკიცებდა, რაღა თქმა უნდა, არა სისულელეს ბრალდებულისას, არამედ მის ვერაგობასა და მოხერხებას, ჩვეულებას, რომლითაც ატყუებდა მართლმსაჯულებას და რომელიც ცხადყოფდა ამ კაცის ღრმა გახრწნილებას. პატარა უერვეს საქმეს თავის ღრობზე განვიხილავთ და ამჟამად უვადო კატორღა გადაუწყვიტოთო.

ვექლი ადგა, ჯერ ქათინაური მიუძღვნა პროკურორის საგანგებო სიტყვას, მერე ეცადა, როგორც შეეძლო, დაერღვია მისი მოსაზრებანი, მაგრამ მოისუსტებდა; თავისი პირველი სიტყვის საფუძვლები ბრალმდებლისთვის დაეთმო.

თავი მეთათე
სრული უარყოფა

კამათი დამთავრდა. თავმჯდომარემ - ადექითო - უბრძანა ბრალდებულს და ჩვეულებრივი კითხვა დაუსვა:

- გაქვთ თუ არა რამე სათქმელი თქვენ გასამართლებლად?

აღმა ბრალდებული, ხელში ძველ ჭუჭყიან ქედს ატრიალებდა. ეტყობოდა, ვერ გაეგო თავმჯდომარის ნათქვამი.

კითხვა გაუმეორეს.

ახლა კი გაიგო, შეიგნო კიდევ, რას უბრძანებდნენ და ისე შეინძრა, თითქოს ეძინა და უცხად გამოეღვიძაო. მიიხედ-მოიხედა. თვალი გადაავლო ხალხს, უანდარმებს, თავის ვეჭილებს, მსაჯულებს, წარჩინებულთა სკამებს. ვეებერთელა მუშტი დაადო მოაჯირს, რომელიც მის წინ იყო აღმართული, ერთხელ კიდევ მიიხედ-მოიხედა, მერე დააშტერდა პროკურორს და მოჰყვა:

მისი ლაპარაკი ამონთხევა იყო! ისე ჩქარობდა, თითქოს პირს მოაღვა მრავალი სათქმელი და აღარ აცლიან ერთმანეთსო. გაშმაგებით ამბობდა თავისას, არეულად:

- აი, რა მაქვს სათქმელი. ეტლების გამკვეთებლად ვიყავ პარიზში, ისე რომ ბატონ ბალუსთან ვმუშაობდი. ძალიან ძნელი რამ არის ჩვენი ხელობა. თუ საქმე გაქვს, გარეთ უნდა ეგდო, ეზოში. თუ კაი კაცია პატრონი, ფარდულს გააკეთებს, ოღონდ სახელოსნოში კი არა, იმიტომ, რომ მოგეხსენებათ, საქმეს მოედანი უნდა. ზამთარში ისე შეგვეცივდებოდა ხოლმე, რომ მუშტს ვიცემდით, რომ გავმთბარიყავით, მაგრამ პატრონები გვიპოლიდნენ, - დროს ნუ კარგავთ ტყუილად. მოდი შენა და რკინაზე იმუშავე, როდესაც ყინულზე დგახარ და გაყინულია მთელი შენი ეზო. ძალიან მალე სცვითავს ადამიანს ეს ხელობა, - ხნიერებით ჭაბუკი კაცია და იერით ბებერი. ორმოცი წლის კაცი წყალში გადასაგდება, აღარსად ვარგა. მე კი ორმოცდათექვსმეტი წლისა ვიყავი და ძალიანაც მიჭირდა. ახლა მუშები თქვით თქვენა. ისეთი ავები არიან. ერთი ბენო ჭალარა რომ გამოგერიოს წვერში, მაშინვე ბებრუცანას დაგიძახებენ ან გამოყრუებულ ბებერს. დღეში ოცდაათ სუს ძლივს ვმოულობდი. ყველაზე ნაკლებს მე მაძლევდა პატრონი, იმიტომ რომ - ბებერი ხარო. ახლა ერთი ქალიცა მყავდა, სარეცხს რეცხავდა წყალზე; ცოტას ისიც მოულობდა და ცვხოვრობდით. ისიც ძალიან გასაჭირში იყო. მთელი დღე წყალში იდგა წელამდე სველი, წვიმაში, თოვლში, ქარში, შიგ პირში რომ გცემთ. ახლა ყინვა თქვით თქვენა. ყინვაშიც უნდა იდგეთ და სარეცხს რეცხავდეთ; იმიტომ, რომ ბევრია იმისთანა, რომ ნაკლებად აქვს საცვალე და გიჩქარის; არ გაურეცხავ და მუშტარს დაკარგავ. სულ სველია ადამიანი, გარედანაც და შიგნიდანაც. ძვალ-რბილში გატანთ წყალი და ყინვა. ანფან რუჟის სამრეცხაოშიც მუშაობდა. აი, ონკანებით რომ მოდის წყალი. იქ წყალში აღარა დგას მრეცხავი: წინ ონკანი გაქვს, იმაში რეცხავ, და უკან კიდევ აუბი, იმაში ამოაღლებ. დაკვეტილია და ისე აღარა ცვივა. მაგრამ ისეთი ბულია დამდგარი, ისეთი საშინელი რამ არის, ვაი თქვენი თვალის ბრალი. შვიდ საათზე დაბრუნდებოდა ხოლმე, საღამოზე და მაშინვე წვებოდა, რადგან დაქანსული მოდიოდა. ქმარი სცემდა. მერე თქვენი ჭირი წაიღო. ბედნიერებისა ჩვენ არა გავგივია რა. ძალიან პატიოსანი ქალი იყო, არც სადმე დროს გასატარებლად დადიოდა, მშვიდი გოგო იყო, წყნარი. ერთხელ, კარგად მახსოვს, აღების ღამეს, რვა საათი იყო, რომ დანვა და დაიძინა. აი, რა მქონდა სათქმელი. თუ მართალი გნებავთ, ეგვეც თქვენი მართალი. აი, ბატონო, ბალუსს ჰკითხეთ. ჰო, ჰკითხეთ. რა სულელი ვარ. პარიზი უფსკრული არის. ვიდას ეხსომება ბებერი შანმატიე. ბატონ ბალუსა ჰკითხეთ, ბატონი ბალუ გეტყვით, ვინცა ვარ.

გაჩუმდა და დარჩა ასე ფეხზე მდგარი. მაღალი ხმითა თქვა ეს სიტყვა, ხრინწიანით, აჩქარებით, ხენებით, ერთგვარი გაშმაგებული და თან მხევური მიამიტობით. ერთ წამს

შეჩერდა და შეწყვიტა სიტყვა, რომ სალაში მიეცა ვიღაცისთვის იმ ხალხში. ისე ისროდა სიტყვებს, თითქოს აბოყინებს კაცს და იმას იძახის, რაც პირზე მოადგებაო; ღობე-ყორეს ედებოდა უბედური, თან ხელს იქნევდა სწორედ ისე, როგორც შეშის მჭრელმა იცის, ცულს რომ დაჰკრავს კუნძს.

რომ გაათავა, ხალხს სიცილი წასკდა. გადახედა და რა ნახა, რომ იცინოდნენ, თვითონაც სიცილი დაიწყო.

საზარელი სურათი იყო.

გულკეთილი კაცი იყო თავმჯდომარე და იმისმა ხმამ აღადგინა წესიერება.

მოაგონა ბატონ მსაჯულთ, რომ ეგრეთ ნოდებულები ბალუ, საეტლო სახელოსნოს ყოფილი პატრონი, რომელთანაც უმუშავია ბრალდებულს, ამოდ იყო დასახელებული; ვაკოტრებულიყო და აღარავინ იცოდა, სად იყო. მერე ბრალდებულს მიუბრუნდა და ურჩია, - კარგად დამიგდეთ ყური და შეიგნეთ, რას გეუბნებითო.

მერე აუხსნა:

- ისეთ მდგომარეობაში ხართ, რომ დაფიქრებალა გიხსნით განსაცდელისგან. ბრალი გადევთ და შეიძლება სამინელი შედეგი დაგიდგეთ. მებრალეებით და ამიტომ ერთხელ კიდევ, უკანასკნელად გირჩევთ, გულწრფელად გვიპასუხოთ და აგვიხსნათ ორი გარემოება: პირველი - აძვერით თუ არა პიერონის ღობეზე, მოტყეხეთ ტოტი და მოიპარეთ ვაშლი. ესე იგი, ჩაიღინეთ თუ არა ქურდობა ღობეზე აძრომით. მოკლედ მიპასუხეთ - ჰო თუ არა; და ახლა მეორე: ხართ თუ არა კატორღელი ჟან ვალუანი?

ბრალდებულმა შეგნებული გამომეტყველებით გაიქნია თავი ნიშნად იმისა, რომ ნათქვამიც ესმის და პასუხიც მზად აქვს. თავმჯდომარისკენ მიბრუნდა, პირი დაალო და თქვა:

- ჯერ ისა, რომ...

მერე თავის ქედს დახედა. ჯერს შეხედა და ჩაჩუმდა.

ბრალმდებელი წამოვარდა და მიმართა გაბრაზებით:

- ფრთხილად, ბრალდებულო! პასუხს არაფერს გვაძლევთ, რაც უნდა გკითხოთ. გერევით ყველაფერი და მაგით იღუპავთ თავს. ცხადია, რომ თქვენი სახელი შანმატიე არ არის. ცხადია, რომ თქვენ ჟან ვალუანი ხართ, რომ ჯერ ჟანმატიე დაირქვით თავის დასამალად. დედათქვენის სახელი არის მათიე. ცხადია, რომ ოვერნიცი ყოფილხართ, ფავეროლშიც, თქვენს სამშობლოში ყოფილხართ გამსხვლელი. ცხადია, რომ ღობეზე აძრომით მოგიპარავთ ვაშლი და, ბევრიც რომ იძახოთ, არაო, მაგით ვერაფერს გახდებით. ახლა ბატონი მსაჯულები შეათვასებენ თქვენს საქციელს.

ამასობაში დამჯდარიყო ბრალდებული და რომ გაათავა ბრალმდებელმა თავისი, უცხად წამოვარდა და შეჰყვირა:

- ავი ბევრი მინახავს, მაგრამ თქვენისთანა კი არა! აი, რის თქმა მინდოდა და ვერ ვახერხებდი. მე არაფერი მომიპარავს. ერთი საწყალი კაცი ვარ, ლუკმაპური მენატრება ხშირად. აილიდან მივიღოდი, წყალდიდობა ყოფილიყო და ჩემს გზაზე მინდორი გაყვითლებული იყო. ყველგან დაგუბებული იდგა წყალი, ქვიშა დასდებოდა ქვეყანას, ბალახი აღარა ჩანდა. გზის პირას მოტყეხილი ტოტი ეგდო, ზედ ვაშლი ესხა და მეც ავიღე. რა ვიყოდი, რომ ქურდობად ჩამომართმევდნენ და ასე მანვალეებდნენ? სამი თვე არის ციხეში ვზივარ, მანვალეებენ, დამათრევენ. რაღაცას მამრალეობთ, მამტყუნებთ, მეუბნებით, პასუხი მოგვეციო. რა პასუხი უნდა მოგცეთ. აი, ეს ჟანდარმი,

კარგი ბიჭი უნდა იყოს, მამაცხონებული, ხელს წამკრავს ხოლმე და მიჩურჩულებს, პასუხი გაცეცო. რა უნდა გიპასუხოთ. რა აგისხნათ, რომ ლაპარაკიც კი არ შემოძლია. ერთი სანყალი კაცი ვარ, უსწავლელი და გაუთლელი და სწორედ ამის დანახვა არ გინდათ და მანვალვებთ. მე არაფერი მომიპარია, მინაზე ვგდო და ავიღე. სულ იმას გაიძახით - „ჟან მარტიე ჟან ვალჟანიო“. მე მაგათ არ ვიცნობ. სოფელელები უნდა იყვნენ. მე ბატონ ბალუსთან ვმუშაობდი, ჰოსპიტალის ბულვარზე. მე შანმატიე მქვია. ეშმაკობთ, მეუბნებით, სად დავბადებულვარ. მე კი არ ვიცი. ყველას კი არა აქვს სახლი, რომ იქ დაიბადოს. ძალიან კარგი იქნებოდა, რომ ასე ყოფილიყო. მე მგონია, რომ დედაჩემი და მამაჩემი უბინაოდ დანრიალებდნენ, საცა მოხვდებოდათ, ნამდვილად არა ვიცი რა. პატარაობისას „ბიჭოს“ მეძახდნენ, ახლა „ბებერს“ მეძახიან. აი, ჩემი ნათლობის სახელები. ოვერნში ვიყავი, ფავეროლში ვიყავი, მერე რა? განა არ შეიძლება, ოვერნში ყოფილიყო კაცი, ფავეროლში, და კატორლაში კი არ ყოფილიყო? კიდევ გეუბნებით, მე არაფერი მომიპარია, მე ძია შანმატიე ვარ. ბალუსთან ვმუშაობდი და ბინაც იქვე მქონდა. რა გინდათ ჩემგან? ველი გამიწყალებთ თქვენნი სისულელებით. რას ჩამციებინართ, რას ამდევნებინართ ცოფიანებით?

ბრალმდებელი არ დამჯდარიყო და თავმჯდომარეს მიმართა:

- ბატონო თავმჯდომარევ, ბრალმდებელი არეულ-დარეულად, მაგრამ მოხერხებულად უარყოფს ყველაფერს, მეტი არაფერია... სულ იმას ცდილობს, რომ წმინდა წელის სულელად მოგვაჩვენოს თავი, მაგრამ ამაოდ. ამიტომ თუ თქვენი და ბატონ მსაჯულთა ნებაც იქნება, მე გთხოვთ ერთხელ კიდევ შემოიყვანოთ კატორღელები ბრევე, კომპაილი და შენილდიო, და აგრეთვე პოლიციის ინსპექტორი ჟავერი, პირზე დაუყენოთ ამ კაცს, კიდევ შევამოწმოთ ერთი და იგივეობა ამისი და ჟან ვალჟანისა.

- უნდა შევნიშნო ბატონ ბრალმდებელს, - თქვა თავმჯდომარემ, - რომ ინსპექტორი ჟავერი თავისი თანამდებობისა გამო იძულებული იყო საჩქაროდ დაბრუნებულიყო მონრეილში. ჩვენება მოგვცა და წავიდა. წასვლის ნებართვა მივეცით ბატონი ბრალმდებლისა და დამცველის თანხმობით.

- მართალი ვახლავთ, ბატონო თავმჯდომარევ, - დაეთანხმა ბრალმდებელი, - ჟავერი აქ არ არის, მაგრამ შეიძლება ბატონ მსაჯულებს მოვაგონოთ იმისი ჩვენება, რომელიც რამდენიმე საათის წინ იყო ნათქვამი. ჟავერი პატიოსანი კაცი ვახლავთ, რომელიც თავისი სიმტკიცითა და ერთგულებით პატივსადებად ქმნის პატარა, მაგრამ მნიშვნელოვან თანამდებობას. აი, რა თქვა ჟავერმა: „ჩემთვის საჭირო არ არის არც ზნეობრივი, არც ნივთიერი საბუთები, რომლებიც აბათილებენ ბრალმდებულის უარყოფას, რადგან ძალიან კარგადა ვცნობ. ამ კაცს შანმატიე არა ჰქვია. ეს არის ძველი კატორღელი, მეტად ბოროტი და საშიში კაცი, სახელად ჟან ვალჟანი. კატორღაში ძალიან სწუხდნენ, რომ ათავისუფლებდნენ ამისთანა საშინელ კაცს. ცხრამეტი წელიწადი იყო კატორღაში ქურდობისა გამო. ხუთჯერ თუ ექვსჯერ სცადა გაპარვა. პატარა ჟერვეს გაძარცვისა და ვაშლის მოპარვის გარდა, ეჭვი მაქვს, რომ მანვე გაქურდა განსვენებული ეპისკოპოსის ღინისა. ხშირად ვხედავდი ამ კაცს, როდესაც ტულონის კატორღაში ზედამხედველის თანამემწედ ვიყავი. ვიმეორებ, ვიცნობ მას და ძალიან კარგადაც ვიცნობ“.

სამინელი შთაბეჭდილება მოახდინა ამ ჩვენებამ ხალხზეც და მსაჯულებზეც. ბრალმდებელმა მინც სთხოვა, რაკი ჟავერი აქ არ არის, სამი მონმე ხომ აქ არის - ბრევე, შენილდიო და კომპაილი, ერთხელ კიდეც ვნახოთ, რას იტყვიანო.

თავმჯდომარემ ბოქაულს უბრძანა და ცოტა ხანს შემდეგ მონმეების ოთახის კარიც გაიღო. ბოქაულმა ბრევე შემოიყვანა, თან უნდადარმი ახლდა - მართლმსაჯულებას რომ დახმარებოდა, თუ კატორღელი ბრევე ავს გაბედავდა რასმე. მოუთმენლად ელოდა ხალხი ბრევეს ჩვენებას და ისე უთრთოდათ გული, თითქოს ერთი სული სდგომოდა ყველას.

კატორღელ ბრევეს შავი ტანსაცმელი ეცვა, საპატიმროების ფორმისა, სამოცი წლისა იქნებოდა, იერი საქმიანი კაცისა ჰქონდა, სახე - გაიძვერასი. ხშირად ხდება ხოლმე, ერთად არიან ეს თვისებანი. კატორღიდან გამოშვებულს, კიდეც რაღაცა დაეშავებინა და საპატიმროში ჩაესვათ. იქ კიდეც რაღაც თანამდებობა მიეცათ, რადგან - ძალიან ცდილობს, სასარგებლო იყოსო, - იძახდნენ საპატიმროს უფროსები. ციხის მღვდლებიც აქებდნენ, ძალიან ღვთისმორწმუნე კაციაო. არ უნდა დავივიწყოთ, რომ ეს ამბავი მეფის აღდგენის დროისა არის.

- ბრევე, - მიმართა თავმჯდომარემ, - სამარცხვინოდ იყავით დასჯილი და ამიტომ არ გაქვთ ფიცის უფლება.

თავი ჩალუნა ბრევემ.

- მაგრამ, - განაგრძო თავმჯდომარემ, - კანონის მიერ შერცხვენილ კაცშიაც შეიძლება, თუ ღვთის მაღლი შეენია, დარჩენილიყოს გრძნობა პატიოსნებისა და სიმართლისა. მეც ამ თქვენს გრძნობას მივმართავ, რადგან მგონია, არ უნდა ვცდებოდე. კარგად დაფიქრდით, ვიდრე მიპასუხებდეთ. დააკვირდით, ერთი მხრივ, ამ კაცს, რომლის დალუპვა შეგიძლიათ ერთი სიტყვით და, მეორე მხრივ, მართლმსაჯულებას, რომელსაც სიმართლეს დაანახვებთ თქვენი სიტყვით. ადამიანის ბედი წყდება და ჯერ კიდეც შეგიძლიათ უარყოთ თქვენი ნათქვამი, თუ გგვგონიათ, რომ შეცდომა დაუშვით. - ბრალდებულო, ადექით! ბრევე, კარგად შეხედეთ ბრალდებულს, შეადარეთ იმას, რაც წარსულიდან გახსოვთ და გვითხარით, არ უღალატოთ თქვენს სულს და სინდისს, გვითხარით - ვინ არის ეს კაცი? ახლაც თქვენს ძველ კატორღელ ამხანაგად, უან ვალუჟანად, მიგაჩნიათ თუ არა?

ბრევემ ბრალდებულს შეხედა, მერე თავმჯდომარეს უპასუხა:

- დიახ, ბატონო თავმჯდომარევ. პირველად მე ვიცანი და ახლაც ვცნობ. მოგახსენებთ და ვიმეორებ, ეს კაცი უან ვალუჟანი გახლავთ, ტულონში მოიყვანეს 1796 წელს და გამოუშვეს 1815-ს. ერთი წლის შემდეგ მე გამომიშვეს. სულელსა ჰგავს, მაგრამ ეგ სიბერის ბრალი უნდა იყოს. კატორღაში პირქუში კაცი იყო, უან ვალუჟანი გახლავთ.

- დაჯექით, - უთხრა თავმჯდომარემ, - ბრალდებულო, აგრე იდექით.

შემოიყვანეს შენილდიო, სიკვდილამდე კატორღელი, რასაც ამტკიცებდა მისი წითელი ხალათი და მწვანე ქუდი... ისიც ტულონში იყო დამწყვდეული და ამ საქმის გამოსარკვევად წამოიყვანათ. პატარა კაცი იყო, დაახლოებით ორმოცდაათი წლისა, მოუსვენარი, დამტკნარი, ჩამომხმარი, ჩაყვითლებული, ურცხვი, თავხედი, რომელსაც ტანში რაღაც ავაღმყოფური სისუსტე ემჩნეოდა და თვალეებში - უსაზღვრო ძალი. კატორღელ ამხანაგებს მეტსახელად უენიდიო დაერქმიათ.

თავმჯდომარემ მასაც იმავე შინაარსის სიტყვით მიმართა. იმწამს, როდესაც ეუბნებოდა, შენმა სასჯელმა შეგარცხვინა და მოგისპო უფლება ფიცისაო, შენილდიომ თავი მალლა აილო და ხალხს თვალი გაუსწორა. თავმჯდომარემ ურჩია დაფიქრებულიყო და ეთქვა, ახლაც უან ვალჟანად სცნობდა ბრალდებულს თუ არა.

სიცილი წასკდა შენილდიოს:

- დასწყევლა ჩემმა გამჩენმა! როგორ არ ვიცნობ. რა ვქნა, რომ ხუთი წელიწადი ვიყავით ერთ ჯაჭვზე მიბმული? რას ილრინები, ბებერო?

- დაჯექით, - უბრძანა თავმჯდომარემ.

ბოქაულმა კომპაილი შემოიყვანა. ესეც უვადო კატორღელი იყო, შენილდიოსავით წითელი ხალათითა და მწვანე ქუდით. გლეხი კაცი იყო, კურდელი, ტყის ნადირი პირინის მთისა. საქონელს აძოვებდა მთაში და მწყემლობას ყაჩაღობა არჩია. კომპაილიც ბრალდებულივით გაუთლელი იყო და იმაზე უფრო მეტად სულელი. ეს იყო ერთი იმ უბედურთაგანი, რომელთაც ბუნება ნადირადა ქმნის და საზოგადოება კატორღელად გარდაქმნის.

თავმჯდომარე შეეცადა შეეგნებინებინა რამე თავისი მგძნობარე და მნიშვნელოვანი სიტყვით და მერე ჰკითხა, როგორც იმ ორს - ახლაც უან ვალჟანადა სცნობთ ამ კაცსაო?

- უან ვალჟანია, მაშ, რა ვქნა? ისეთი ღონიერია, რომ უანკრიკს ვეძახდით.

ამ კაცების ჩვენება, ეჭვი არ არის, გულწრფელი და კეთილსინდისიერი, აღმფოთებულ ჩურჩულს გამოიწვევდა ხოლმე ხალხში, ავის წინამორბედს ბრალდებულისთვის. ეს აღმფოთება ხალხისა უფრო და უფრო მძაფრდებოდა, როდესაც მეორე და მერე მესამე მონმის სიტყვა გაიგონეს მსმენელებმა. ბრალდებული კი განცვიფრებული ისმენდა სამივეს ნათქვამს, რაც, ბრალდების აზრით, უმთავრესი საშუალება იყო უბედურის თავდაცვისა. პირველის ჩვენება რომ მისმინა, ჩუმად წაიღუენა: - აჰა, ესეც იტყვის კაცი ვარო! - მეორის ჩვენებაზე უფრო ხმამაღლა წარმოთქვა, თითქმის კმაყოფილებით:

- ძალიან კარგი! - მესამისაზე: - დიდებულია!

თავმჯდომარემ ჰკითხა:

- გაიგონეთ, ბრალდებულო? ახლა რას იტყვით?

და პასუხი მიიღო:

- აკვირდით, დიდებულია-მეთქი.

აღმფოთებული ხალხი აჩოჩქოლდა. მღელვარება ლამის მსაჯულებსაც გადაედო. ცხადი იყო, დაიღუპა კაცი.

- ბოქაულო! - უბრძანა თავმჯდომარემ, - დანაყნარეთ ხალხი, დროა მოისპოს კამათი.

ამ დროს რაღაც ამოძრავდა თავმჯდომარის გვერდით, ხმა გაისმა ვილაცისა, რომელიც ყვიროდა:

- ბრევე, შენილდიო, კომპაილი, აქეთ მოიხედეთ!

ისეთი საცოდავი და შემზარავი ხმით იყო წარმოთქმული ეს სიტყვები, რომ ყველას ელდა ეცა, ვინც კი გაიგონა; იქით მიმართეს თვალი, საიდანაც ხმა მოისმოდა. წარჩინებულ მსმენელთა შორის, რომლებიც თავმჯდომარის უკან ისხდნენ, ერთი კაცი ამდგარიყო, გაეღო დაბალი, საყრდნობის სიმაღლის კარი და შუა დარბაზში

გასულიყო. თავმჯდომარემ, პროკურორმა ბამატაბუამ და სხვებმაც იცნეს ეს კაცი და შეჰყვირეს:

- ბატონი მადლენი!

თავი მეთერთმეტე

შანმატიე უფრო და უფრო განცვიფრებაში მოდის

მართლა მადლენი იყო. მდივნის ლამპის სინათლეში იდგა, ქუდი ხელში ეჭირა, სერთუკი წესიერად ჰქონდა შეკრული, ტანსაცმელს არაავითარი უწესრიგობა არ ეტყობოდა, მაგრამ მკვდრის ფერი ედო, ცოტა კანკალებდა და თოვლივით გასთეთრებოდა თმა. ერთი საათი იჯდა სასამართლოში და იქ შეეცვალა მის თმას ფერი.

ყველა იმას შესცქეროდა. აუწერელია იქ მყოფთა მღელვარება, მით უფრო, რომ ვერ გაეგოთ, ვინ იყო ამ სიტყვების წარმომთქმელი. გულსაკლავი იყო ეს ხმა, ამის მოქმელი კი ისე მშვიდად იდგა, რომ კარგა ხანს ვერ გამორკვეულიყო ხალხი - ვინ იყო, რომ კატორღელებს დაუძახაო.

ყველას კითხვა აღეძრა. ვერ წარმოედგინათ, რომ ამ კაცს, ასე დამშვიდებულს, შეიძლება ამოხდომოდა ეს სიტყვები.

დიდხანს არ გასტანა ამ მდგომარეობამ. ჯერ არაფერი ეთქვათ თავმჯდომარეს და ბრალმდებელს, ჯერ ისევ გაკვირვებულნი იყვნენ ბოქაული და ჟანდარმები, რომ ის კაცი, რომელსაც ჯერ ყველა ბატონ მადლენად იცნობდა, მიუახლოვდა მონწევებს - კომპაილს, ბრევეს და შენიღდიოს და უთხრა:

- მამ, ვერა მცნობთ?

გაკვირვებულნი შეჰყურებდნენ სამივენი და თავის ქნევით ანიშნებდნენ, რომ არ იცნობდნენ. შემკრთალმა კომპაილმა სამხედრო სალაში მისცა.

ბატონი მადლენი თავმჯდომარისკენ მიბრუნდა და მშვიდად სთხოვა:

- ბატონო თავმჯდომარე და ბატონო მსაჯულებო, გაცევით ბრძანება, რომ გაუშვან ეს ბრალდებული. მე დამიჭირეთ. თქვენ რომ კაცს ეძებთ, მე გახლავართ და არა ეგ. უან ვალუანი მე ვარ.

სუნთქვა შეეკრა ყველას, გაკვირვებას სამარისებური ღუმილი მოჰყვა. ყველა აეტანა იმ სარწმუნოებრივ თრთოლვას, რომელიც მოერევა ხოლმე ხალხს, როდესაც დიდებულ სასწაულს ხედავს.

თავმჯდომარეს სახეზე ნაღვლიანი თანაგრძნობა ეხატებოდა, რალაც ანიშნა სწრაფად ბრალმდებელს, რამდენიმე სიტყვა წააჩურჩულა ნაფიც მსაჯულს, მერე ხალხს მიმართა იმისთანა კილოთი, რომ ყველას შეაგნებინა თავისი აზრი:

- ექიმი ხომ არავინ არის აქ?

ბრალმდებელი წამოდგა:

- ბატონო მსაჯულებო, ეს უცნაური და მოულოდნელი შემთხვევა, რომელმაც შეწყვიტა ჩვენი სხდომა, მხოლოდ ერთ გრძნობას აღძრავს ჩვენში და, რალა თქმა უნდა, აგრეთვე თქვენშიც. ყველანი იცნობთ სახელგანთქმულ ბატონ მადლენს, მონრეილის მერს. თუ აქ ექიმი არის ვინმე, ჩვენც ვემხრობით ბატონ თავმჯდომარეს და ვთხოვთ მიხედოს ბატონ მადლენს და შინ მიიყვანოს.

ბატონმა მადლენმა არ დაამთავრებინა ბრალმდებელს თავისი სათქმელი. წყნარი ხმით შეანწყვეტინა სიტყვა, მაგრამ იმგვარი კილოთი, რომელშიაც თავისთავად გამოსჭვივდა მისი გადანწყვეტილება. აი, მისი ნათქვამი სიტყვა; უცვლელად მოგვყავს ისე, როგორც ჩანერილი იყო მაშინვე, სხდომის შემდეგ ამ სცენის ერთი მოწმის მიერ; ისე, როგორც დღესაც ყურში უდგას, ვინც კი გაიგონა, თუმცა ორმოცი წელიწადი გავიდა მას შემდეგ.

- დიდად გმადლობთ, ბატონო ბრალმდებელო, მაგრამ მე შეშლილი არ ვახლავართ. აი, დავარწმუნებთ. ცოტაც კიდევ, ბატონო, და საშინელ შეცდომას დაუშვებდით. გაუშვით ეს კაცი. მე ჩემს მოვალეობას ვასრულებ, მე ვახლავართ აქ ბრალმდებელი. აქ მართო მე ვხედავ ყველაფერს ნათლად და ჭეშმარიტებას მოგახსენებთ. მე ღმერთი დამყურებს ზეციდან ამნამს და სხვა არც არა მინდა რა. შეგიძლიათ დამიჭიროთ, რადგან აი, აქ ვახლავართ. რა ვაგწყობა, ბევრს ვეცადე, რაც კი შემეძლო. სახელი გამოვიცვალე, ვაგმდიდრდი, მერობა მივიღე. მინდოდა პატიოსნებაში ჩავრეულიყავ. ალბათ შეუძლებელს ვცდილობდი. ბევრი რამ არის, რომ არ ითქმის, არც მინდა ვიამბოთ ჩემი ცხოვრება. ერთხელაც იქნება გაიგებს ყველა. მისი უსამღვდელოესობა ეპისკოპოსი გავქურდე. ეს მართალია; პატარა ჟერვეს ფული მოვპარე, ესეც მართალია. მართალი თქვეს, რომ მოგახსენეს, უან ვალჟანი სამიში და ავი კაციყო. იქნება მართო უან ვალჟანის ბრალი არ იყოს. მომისმინეთ, ბატონო მსაჯულეო. ადამიანი რომ ასე გაბილნდება, როგორც მე ვიყავ, ვეღარც ღვთის განგებას დაემდურება, ვეღარც საზოგადოებას მისცემს რაიმე რჩევას. მაგრამ, ეს კი იყოღეთ, ადამიანის დამღუპველია ის საძაგლობა, რომლიდანაც თავის დაღწევას ასე ამაოდ ვცდილობდი. კატორლა კატორღელად აქცევს ადამიანს. ამას ნუ დაივიწყებთ, თუ შეიძლება. კატორღამდე ერთი სანყალი გლეხი ვიყავი, უვიცი და უბირი. უვიცობას შეცდომა მოჰყვა, შეცდომას - კატორღა და კატორღას - ჩემი გარდაქმნა; უვიცი ვიყავი, ბოროტად გადამაქცია; ნაფოტი ვიყავი, სანვაგი და იქ ცეცხლად გამხადეს, სხვის დამწველად; შემდეგში ლმობიერება ვნახე, სიკეთე, და იმან მიხსნა სიმკაცრისაგან დაღუპული. მაგრამ ბოღიშს ვიხდი, თქვენ არ შეგიძლიათ ამის შეგნება. ჩემს ოთახში, ბუხარში იპოვით ორფრანკიან ვერცხლს, პატარა ჟერვეს რომ წავართვი ამ შვიდი წლის წინათ. სხვას აღარაფერს მოგახსენებთ. დამიჭირეთ. ოჰ, ღმერთო! თავს იქნევს ბატონი პროკურორი. თქვენ ფიქრობთ, ვაგიჟებულა ბატონი მადლენიო, არა გჯერათ ჩემი! სწორედ ეგ არის სამწუხარო. ამ კაცს მაინც ნუ დასჯით ჩემ მაგივრად. რაო? მაშ ვერა მცნობენ ესენი? ნეტავი ჟავერი აქა ყოფილიყო. ის კი კარგად მიცნობდა.

სიტყვით ვერ გამოითქმის, რა მშვიდი და ღრმა მწუხარებით იყო წარმოთქმული ეს სიტყვა.

მერე კატორღელებს მიუბრუნდა:

- მე კი მაშინვე გიცანით. ბრევე, ვახსოვთ?..

ერთ წამს გაჩუმდა, იგონებდა რაღაცას:

- ვახსოვს ჭადრაკის დაფასავით უჯრედებად დაყოფილი ქამარი რომ გერთყა კატორღაში?

ბრევე შეთრთოლდა და განსკვიფრებული თვალით სინჯავდა თავით ფეხამდე.

მადლენმა ახლა მეორეს მიმართა:

- შენიღდიო, უენიდიო რომ დაირქვი მეტსახელად, მარჯვენა მხარი ღრმადა გაქვს დამწვარი, რადგან ერთხელ დანექი და მხარი დაადე ნაკვერჩხალს, რომ წაგეშალა როგორმე ორი ასო „კ.ს.“ - კატორლა სიკვდილამდე, - და მაინც ვერ წაშალე. დღესაც გექნება ეგ ასოები.

- მართალია, - უპასუხა შენიღდიომ.

მერე კომპაილს უთხრა:

- კომპაილ, მარცხენა მკლავზე, იდაყვის ძარღვის ახლოს, საიდანაც სისხლს გამოუშვებენ ხოლმე, ამომწვარი გაქვს თოფისნამლით ლურჯი ციფრები. ეს არის პირველი მარტი, 1815 წელი - იმპერატორის კანში გადმოსვლის თარიღი. აინიე ეგ სახელო.

კომპაილმა აინია სახელო, იმის ტიტველ მკლავს დასცქეროდა ყველა. ლამაზი მიანათა ერთმა უანდარმმა, თარიღი აჩნდა მკლავზე.

მერე ხალხს და მსაჯულებს მიუბრუნდა საწყალი კაცი იმგვარი ღიმილით, რომ დღესაც გულს უწყლავს, ვინც ის ნახა და აგონდება. ეს იყო ღიმილი ტრიუმფისა და იმავე დროს ღიმილი სასონარკვეთილებისა.

- ახლა ხომ ხედავთ, რომ მე უან ვალჟანი ვარ?

ალარჯ მსაჯულები იყვნენ დარბაზში, ალარჯ ბრალმდებელი, ალარჯ უანდარმები - განცვიფრებული თვალიდა იყო და მონყლულებული გული. ალარავის ასსოვდა თავისი მოვალეობა, ან როგორ უნდა მოქცეულიყო ამ შემთხვევაში. ბრალმდებელს დაეინყებოდა, რომ ის იყო კანონიერების დამცველი. თავმჯდომარეს დაეინყებოდა, რომ ის იყო სხდომის წესრიგის დამცველი. ვეჭილს დაეინყებოდა, რომ ის იყო ბრალდებულის დამცველი. უცნაური ის იყო, რომ არც რამე კითხვა ყოფილა აღძრული, არც ვინმე ხელისუფლებიანი ჩარეულა ამ საქმეში. დიდებული მოვლენის თვისება ის არის, რომ მთლიანად გაიტაცებს დამსწრეთა სულს და მაყურებლად გარდაქმნის ყველას, თვით მოქმედ პირებსაც. შეიძლება, ჯერ გარკვეული არავის ჰქონდა, რას განიცდიდა. ეჭვი არ არის, ვერავინ იტყოდა, რომ მის თვალწინ ბრწყინავდა წმინდა სინათლე, მაგრამ ყველა გრძობდა, რომ აღტაცებული იყო ამ დიდსულოვნებით.

ცხადი იყო, რომ უან ვალჟანი ედგათ თვალწინ, სხივმოსილი. ამ კაცის გამოცხადება საკმარისი იყო, რომ სინათლე მოჰფენოდა წყვილით მოცულ საქმეს. საჭირო არ იყო არავითარი განმარტება. ვინც კი აქ იყო, ყველამ იგრძნო და შეიგნო უცხად, თითქოს ერთგვარი ელექტრონული ბიძგი მოხვედროდათ - ეს უბრალო, მაგრამ დიდებული ისტორია აღამიანისა, რომელმაც გასწირა თავი მხოლოდ იმისთვის, რომ მის მაგივრად სხვა არ ყოფილიყო დასჯილი. წვრილმანი ყოყმანი, ამის საწინააღმდეგო შესაძლებელი გულისთქმანი, უჩინარ იქმნენ ამ ბრწყინვალე თავგანწირვაში.

მალე გაუარა ამ შთაბეჭდილებამ, თავის დროზე კი დიადი იყო და დაუძლეველი.

- არ მინდა, ბატონო, შევაყენო თქვენი ბჭობა, - მიმართა მადლენმა თავმჯდომარეს, - მე გვახლებით, რაკი არ მაპატიმრებთ. საქმეები მაქვს გასათავებელი. ბატონმა ბრალმდებელმა იცის, ვინა ვარ, იცის, სად მივდივარ და დამაპატიმრებს, როდესაც მოისურვებს. - ესა თქვა და გასასვლელი კარისკენ წავიდა. ხმა არავინ ამოიღო, ხელი არავინ გაანძრია მის დასაჭერად. თანაგრძნობით უთმობდნენ გზას; რაღაც ჰქონდა ამ დროს ზეციური, რომლის გამო მუხლს იყრის

ბრბო ადამიანის წინაშე. ნელი ნაბიჯით გაიარა ხალხში. არავინ იცის, ვინ გაულო კარი, მაგრამ ის კი ცხადია, რომ ღია დახვდა. კართან რომ მივიდა, იქ გაჩერდა, მობრუნდა და თქვა:

- ბატონო ბრალმდებელი, თქვენს განკარგულებაში ვრჩები დღეიდან.

მერე ხალხს მიმართა:

- შესაბრალოდ მიგაჩნევართ ყველას, ვინც აქა ხართ, ხომ მართალია? ღმერთო ჩემო! რომ მომავონდება, რას ვაპირებდი, მერწმუნეთ, შურის ღირსი ვარ და არა სიბრაღელისა. მაგრამ მაინც ის ემჭობინებოდა, რომ არ მომხდარიყო, რაც მოხდა.

გავიდა და კარი მოხურა, როგორც წელან გაულო, უხილაგმა. დიდებული კეთილმოქმედის დასახმარებლად ყოველთვის მოაპოვება ხალხში თანამოზიარე.

ერთი საათიყ არ დასჭირვებია ამის შემდეგ სასამართლოს, რომ სრულიად გაემართლებინა საწყალი შანმატიე და მაშინვე გაეთავისუფლებინა. განცვიფრებული მიდიოდა უბედური, დარწმუნებული, რომ გიჟები იყვნენ ყველანი იმ საქმეში, რომლისაყ იმას ვერც თავი გაეგო და ვერც ბოლო.

ნივნი მერვე

თავგანწირულის დაჯილდოება

თავი პირველი

რა სარკეში ხედავს ბატონი მადლენი თავის თავს

თენდებოდა. უძილოდ გაატარა ღამე ფანტინმა, რადგან დიდი სიყხე ჰქონდა. მაგრამ იმდენი საამო რამ ელანდებოდა, რომ ბედნიერად გრძნობდა თავს. დილით ჩაეძინა. ღამე იმასთან გაატარა სიმპლიციამ და ამ ჩაძინებით ისარგებლა, რომ წამლის მოსამზადებლად გასულიყო. საავადმყოფოს ლაბორატორიაში იყო, ქინაქინს ეძებდა და დაკვირვებით სინჯავდა წამლების შუშებს, რადგან ჯერ კიდევ ბნელოდა. კარისკენ მიიხედა და უცხად შეჰკვივლა. კართან ბატონი მადლენი იდგა. ის იყო, შემოსულიყო ჩუმად და ხმას არ იღებდა.

- თქვენა ბრძანდებით, ბატონო მერო? - შეჰყვირა სიმპლიციამ.

- როგორ არის საწყალი ქალი? - ჩუმი ხმით მიმართა მადლენმა.

- ამჟამად არა უშავს რა, მაგრამ ძალიან კი შეგვაშინა. - და უამბო ყველაფერი. - გუშინ ცუდად იყო ფანტინი. ახლა უკეთ არის, რადგან ჰგონია, რომ ბატონი მერი მონფერმეილში არის წასული ბავშვის მოსაყვანად.

სიმპლიციამ ვერ გაუბედა და ვერა ჰკითხა ბატონ მერს, მაგრამ კარგად ხედავდა, რომ მადლენი იქიდან არ მოსულიყო.

- ძალიან კარგი, - მოუწონა მადლენმა, - აგრე ეგონოს და ნურც ეტყვიო, რომ იქ არა ვყოფილვარ.

- დიახ, ბატონო, მაგრამ ახლა რომ ინახულებო და თავის ბავშვს კი ვერ დაინახავს, მაშინ რაღა ვუთხრათ?

ცოტა ხანს ჩაფიქრებული იდგა მადლენი.

- ღმერთი შთავგავგონებს, - უთხრა პასუხად.

- ოღონდ ტყუილს კი ნუ მათქმევინებო, ბატონო, - ჩუმი ხმით თქვა სიმპლიციამ და მადლენს შეხედა.

გათენებელიყო. სინათლე იყო ოთახში.

- ღმერთო ჩემო! რა დაგემართათ, ბატონო, მთლად გაგეთრებათ თმა!
- გამთეთრებია?

სიმპლიციას სარკე არა ჰქონდა. განჯინაში გახსნა კოლოფი და იქიდან ამოიღო პატარა სარკე, რომელსაც საავადმყოფოს ექიმი ხმარობდა, როდესაც სიკვდილს ამონებდა ავადმყოფისას, დასამტკიცებლად იმისა, რომ აღარა სუნთქავსო. მადლენმა გამოართვა სარკე, შიგ ჩაიხედა, გაისინჯა თმა და წამოიძახა:

- მართლა!

ისე გულგრილად წარმოთქვა ეს სიტყვა, რომ ეტყობოდა, სულ სხვა რამეზე ფიქრობდა.

სიმპლიციას კი გული სწყდებოდა, რადგან გრძნობდა, რაღაც საშინელება დამართოდა მადლენს.

- შეიძლება ფანტინის ნახვა? - ჰკითხა მადლენმა.
- მამ ბავშვს ვეღარ მოუყვანთ? - გაუბედავად ჰკითხა მონყალების დამ.
- მოუყვან, რაღა თქმა უნდა, მაგრამ ორი-სამი დღე მაინც დამჭირდება.
- ამ ორი-სამი დღის განმავლობაში რომ არა ნახოს ბატონი მერი, ვერ გაიგებს, რომ დაბრუნებულხართ და ადვილად ჩავაგონებთ მოთმინებას. ბავშვი რომ მოვა, თქვენი მოყვანილი ეგონება და ტყუილის თქმა არ დაგვჭირდება.

ცოტა ხანს ჩათფიქრდა მადლენი. მერე მშვიდობიანი, მაგრამ შთამაგონებელი კილოთი უთხრა:

- არა, დაო, უნდა ვნახო. იქნებ კიდევ მეჩქარებოდეს.

სიმპლიციამ ყურადღება არ მიაქცია ამ სიტყვას „იქნებ“, რომელიც გაუგებარს ხდიდა ბატონი მერის აზრს. თავი დალუნა და მონინებით მოახსენა:

- ამ შემთხვევაში მობრძანდით, ბატონო, თუმცა სძინავს სანყალს.

მერმა პატარა შენიშვნა მისცა კარის შესახებ, რომელიც ჭრიალებდა და შეიძლებოდა ავადმყოფი გაეღვიძებინა, მერე ფანტინის ოთახში შევიდა, მიუახლოვდა ლოჯინს და ფარდა გადასწია. ფანტინს ეძინა.

მისი მკერდიდან მიძიმედ ამოდიოდა ის ტრაგიკული ქშინვა, რომელიც ნიშანია ამ სნეულებისა და გულს უწყლავს საცოდავ დედას, სასიკვდილოდ განწირულ მიძინებულ ავადმყოფ ბავშვთან რომ ათევს ღამეს. მაგრამ ეს დამძიმებული სუნთქვაჲ კი ოღნავ თუ არღვევდა მის სახეზე მოფენილ ნეტარებას, რომელსაც ძილში მთლად გამოიყვავდა ავადმყოფი. გაყვითლებული სახე თეთრად შესცვლოდა, ლოყები გასწითლებოდა. უთრთოდა ხშირი ქერა წამწამი, ერთადერთი, რაც შერჩენოდა სილამაზისა და ქალწულებისაგან. თუმცა თვალი დახუჭული ჰქონდა, რაღაცას შეჰხაროდა, შორს მყოფს, და ისე მიიწევდა სულით და გულით, თითქოს ფრთების გაშლას აპირებს გასაფრენად. ასე რომ ენახა ვინმეს, ვერ დაიჭერებდა, რომ გადაადებული ავადმყოფი იყო და ბუნებზე ეკიდა მისი სიცოცხლე. უფრო გასაფრენად მომზადებულს ჰგავდა, ვიდრე მომავკდავს.

ყვავილის მოსაგლეჯად განვდილ ხელს რომ იგრძნობს ტოტი, შეთრთოლდება - გაურბის და თანაც სთავაზობს, ადამიანის სხეულსაცა სჭირს ამგვარი შეთრთოლება, როდესაც იდუმალი ხელი სიკვდილისა განვდილია მისი სულის მისაღებად.

ცოტა ხანს იდგა უძრავად ბატონი მადლენი ფანტინის ლოჯინთან. ხან ავადმყოფს შესცქეროდა, ხან ჯვარცმას, რიგრიგობით, როგორც ორი თვის წინ, იმ დღეს,

როდესაც პირველად მოვიდა საავადმყოფოში ფანტინის სანახავად. დღესაც იმავე მდგომარეობაში იყვნენ ორივენი. ერთს ეძინა, მეორე ლოკულობდა. ოღონდ დღეს ფანტინს თმაში ჭალარა შერეოდა, მადლენი კი თოვლივით გათეთრებულიყო.

სიმპლიცია არ შეჰყვა. ლოგინთან იღვა მადლენი, პირზე თითი მიედო, თითქოს ოთახში ყოფილიყო ვინმე და გაჩუმებას ანიშებდა. თვალი გაახილა ფანტინმა, დაინახა მადლენი და ტკბილად შესცინა:

- კოზეტი?

თავი მეორე

ფანტინი ბედნიერია

არც ვაკვირვება გამოუხატავს რაიმენაირი, ბატონი მადლენი რომ დაინახა, არც სიხარული. იგი თვით ხორცშესხმული სიხარული იყო. ეს კითხვა - კოზეტი? - წარმოთქმული იყო სრული რწმენით, რომელსაც იოტისოდენადაც არ ერეოდა შიში ან ეჭვი. პასუხს არ მოუყადა ავადმყოფმა და განაგრძო:

- ვიცოდი, რომ აქა ბრძანდებოდი; მეძინა, მაგრამ გხედავდი. დიდი ხანია, ასე გხედავთ. წუხელ სულ უკან დაგდევდით, გონების თვალით. დიდებაში ბრძანდებოდი და გარს ციური ქმნილებანი გეხვივნენ.

მადლენმა ჯვარცმას მიაპყრო თვალი.

- მაგრამ ერთი მიბრძანეთ, კოზეტი სადღა არის? რატომ ჩემს ლოგინზე არ დასვით, რომ გულში ჩამეკრა, როდესაც ვავიღვიძებდი?

რალაც უპასუხა მადლენმა, მაგრამ თვითონაც არ ახსოვდა შემდეგ თავისი პასუხი.

კიდევ კარგი, რომ ამ დროს ექიმი მოვიდა, წინდანინ გაფრთხილებული და ის დაეხმარა მადლენს.

- დამშვიდდით, შვილო, - უთხრა ექიმმა, - აქ არის თქვენი ბავშვი.

თვალი გაუბრწყინდა ფანტინს, სახეს მოეფინა ეს სიხარული, ხელები ალაპყრო და ისეთი გამომეტყველებით მიმართა ექიმს, რომელშიაც განწირულის ვედრებაც იყო და ტანჯული დედის მკაცრი ბრძანებაც.

- ოჰ, აქ მომიყვანეთ, ჩემი პანია!

ბუნებრივი გულმაფინყობა დედისა. კოზეტი დღესაც ძუძუმწოვარ პანიად მიაჩნდა ფანტინს.

- ჯერ არა, - ამშვიდებდა ექიმი, - ახლა არა, ჯერ დიდი სისხე გაქვთ. ბავშვის ნახვა ავალეღვებთ და ცუდად გაგხდით. ჯერ ცოტა უკეთესობა უნდა დაგვეყოთ.

ფანტინმა მხურვალედ შეაწყვეტინა:

- მე ხომ კარგად ვარ, რა გინდათ ჩემგან? გუებნებით, კარგად ვარ-მეთქი. ოჰ, რა სულელია ეს ექიმი! არ გესმით, ჩემი გოგონა მინდა ვნახო! ჩემი შვილი!

- ხომ ხედავთ, როგორა გხდით ეგ მღელვარება. სანამ ასე იქნებით, მე ნებას არ მივცემ, თქვენი გოგონა გაჩვენონ. საქმე ის კი არ არის, რომ ნახოთ, საქმე ის არის, კარგად იყოთ თქვენი შვილისთვის. როდესაც დამშვიდდებით და ჭკვიანად იქნებით, მე თვითონ მოგიყვანთ თქვენს კოზეტს.

თავი ჩაქინდრა საბრალო დედამ.

- მაჰატიეთ, ბატონო ექიმი, მაჰატიეთ, გვევდრებით! წინათ არ წამოვროშავდი ასეთ რამეს, როგორც ახლა მომივიდა, მაგრამ რა ვქნა! იმდენი უბედურება დამატყდა

თავს, რომ ხანდახან მეც აღარ ვიცი, რას ვამბობ. მესმის, ბატონო. თქვენ ჩემი მღელვარება გაშინებთ. დავიციდი, რამდენსაც მიბრძანებთ. მაგრამ გეფიცებით, თუ არ მარგებს, არაფერს მანყენს ჩემი ბავშვის ნახვა. ნუხანდელს აქეთ სულ თვალწინ მიდგას, თვალს აღარ ვაშორებ. აი, ახლა რომ მომიყვანონ, ნახავთ, ისე ტკბილად, ისე მშვიდად დაფუნცებ ლაპარაკს, მეტი არაფერი. განა ბუნებრივი არ არის, რომ ჩემი შვილის ნახვას ვესწრაფოდე? ხომ მოიყვანეს მონთერმეილიდან. აღარა ვკავრობ. ძალიან კარგად ვიცი, რა ბედნიერება მომეღის. რაღაც თეთრსა ვხედავდი სიმშარში მთელი ღამე და ხალხს, რომელიც მე მიდიმოდა. როცა მოისურვოთ, მაშინ მოიყვანეთ ჩემი კოზეტი. სიციხე აღარა მაქვს, რადგან მოვრჩი, ავად აღარა ვარ, ძალიან კარგად ვგრძნობ, რომ აღარაფერი აღარ მტკივა. მაგრამ ისე მოვიქცევი, თითქოს ავად ვიყო, აღარც კი გავინძრევი. აქაური ღები ნახავენ, რომ სრულიად დამშვიდებული ვარ და იტყვიან - ახლა კი ვაჩვენოთ თავისი შვილიო.

იქვე ლოგინთან სკამი იდგა და დაჯდა მადლენი. ახლა მისკენ მიბრუნდა ფანტინი. ეტყობოდა, ძალიან ცდილობდა დამშვიდებული, „ჭკვიანად“ ყოფილიყო, როგორც თვითონ იძახდა ავადმყოფობით მისუსტებული და გაბავშვებული, რომ აღარაფერთარი დაბრკოლება აღარ ჰქონოდათ კოზეტის მოსაყვანად. ძალიან ცდილობდა, მაგრამ მაინც ხან რას ჰკითხავდა მადლენს, ხან რას.

- ხომ კარგად იმგზავრეთ, ბატონო მერო? ოჰ, რა გულკეთილი ბრძანდებით, რომ ჩემი გოგონას მოსაყვანად ყოფილხართ. ეს მიბრძანეთ, ხომ კარგად არის? ხომ არ შეგანუხათ გზაში? აბა, რაღას მიცნობს. იმდენი ხანი გავიდა, დავავიწყდებოდი. მაშ რა? სადა აქვს ბავშვს მესხიერება! ჩიტებივით არიან, დღეს ერთს დაჰხარიან, ხვალ - მეორეს და ზევ აღარც ერთი ახსოვთ და აღარც მეორე. ხომ კარგი, სუფთა საცვალი აცვია? კარგად ინახავდნენ ის ტენარდიები? სუფთადა ჰყავთ, კარგად აჭმევდნენ? ოჰ, რა ტანჯვა გამოვიარე, რომ იყოღეთ. გაჭირვებული რომ ვიყავი და დაგვიანებით ვეგზავნიდი ფულს, სულ ისა მქონდა საფიქრებლად და ის მიწყლავდა გულს, ახლა კი, - გაიარა გაჭირვებამ, მხიარულადა ვარ. ოჰ, რომ იყოღეთ, როგორ მინდა იმ კუდრაჭას ნახვა! ბატონო მერო, თქვენ როგორ მოგეწონათ, ლამაზი გოგონაა? ლამაზია, არა, ბატონო, ჩემი ცუვრუმელა? ძალიან კი შეგცივდებოდათ დილიყანსში. განა არ შეიძლება, ცოტა ხნით მომიყვანონ? შორიდან მაინც დამანახვონ. მაშინვე წაიყვანონ, ბატონო. მოდით, თქვენ უთხარით, მბრძანებელი თქვენა ხართ. თქვენა ბრძანოთ, თორემ...

ხელი დაუჭირა მადლენმა და უთხრა:

- ძალიან ლამაზი გოგონაა თქვენი კოზეტი და ძალიან კარგადაც არის. მალე ნახავთ, ოღონდ დამშვიდდით. ბევრი ლაპარაკი მავნებელია თქვენთვის. საბანს იხდით მკლავიდან და კიდევ ამიტომ ახველებთ.

და მართლაც, თითქმის ყოველი სიტყვის შემდეგ აუვარდებოდა ხოლმე ხველა.

ბუზღუნი არ დაუნყია ავადმყოფს. შეეშინდა, სანყენი არაფერი წამომცდეს და უფრო არ დავაგვიანო ჩემი ბედნიერებაო. უმნიშვნელო საგნებზე დაიწყო ლაპარაკი.

- მშვენიერი ქვეყანაა მონთერმეილი, არა, ბატონო? საზაფხულოდ მრავალი ხალხი დადის დროის გასატარებლად. როგორ არის ტენარდიების საქმე? არა მგონია, დაიარებოდეს ვინმე იმათთან, უბრალო დუქანია მათი ვითომცდა რესტორანი.

მადლენს ეჭირა მისი ხელი და შიშით შეჰყურებდა ფანტინს. ცხადი იყო, იმ განზრახვით მოსულიყო, რომ რაღაც ეთქვა ძალიან მნიშვნელოვანი, რომლის თქმა ახლა შეუძლებლად მიაჩნდა. ექიმს დაემთავრებინა ავადმყოფების ჩამოვლა და წასულიყო. სიმპლიციას მეტი აღარავინ იყო მათთან.

და ამ დუმილის დროს უცბად შეჰკვივლა ფანტინმა:

- მესმის, ღმერთო! ჩემი გოგონას ხმა მესმის!

ხელი გაშალა, რომ ხმა აღარავის ამოელო, სუნთქვა შეიკრა და ყურს უგდებდა აღტაცებული.

ვიდაც ბავშვი თამაშობდა ეზოში, მეკარის ან მუშის შვილი, - უბრალო შემთხვევა, რომელიც ხშირია საზარელ მოვლენათა საიდუმლო პირობებში. პატარა გოგონა იყო, მიდი-მოდიოდა, ხტოდა, დარბოდა გასათბობად, იცინოდა და ხმამაღლა მღეროდა. რას არ გამოიწვევს ხანდახან უმანკო ბავშვის თამაში? ამ პატარა გოგონას ხმა იყო, ფანტინს რომ თავისი გოგონას ხმად მიეღო.

- ოჰ, - შეჰყვირა საცოდავმა, - ჩემი კოზეტი? იმისი ხმა არის!

ბავშვი წავიდა, ხმა აღარ ისმოდა. ცოტა ხანი კიდევ უგდებდა ყურს ფანტინი, მერე სახე მოეღრუბლა და ჩუმად, ისე, რომ მადლენმაც ძლივს გაიგონა, სევდიანი ხმით წარმოთქვა:

- რა საძველი რამ არის ჩვენი ექიმი, რომ ჩემი შვილის ნახვას მიკრძალავს. საზიზღარი კაცია!

მაგრამ მაშინვე გამხიარულდა, რადგან იქ ეგულებოდა კოზეტი. თავის თავს ელაპარაკებოდა, თავის ბალიშს ჩასძახოდა:

- რა ბედნიერები ვიქნებით! პატარა ბალი გვექნება. ბატონი მადლენი დაჰპირდა. ბაღში ითამაშებს ჩემი გოგონა. ანბანი უნდა იცოდეს, ახლა კითხვას დავანყებინებ, პეკლებს გამოეკიდება ბალახებში. მეც იქ ვიქნები. ყურს ვუგდებ პანისას. მერე წამოიზრდება, საზიარებლად მოვაგზავნებ. ჰო, მართლა, როდის ეზიარება პირველად?

- ...ერთი, ორი, სამი, ოთხი... შვიდი წლისაა. მაშ ხუთი წლის შემდეგ. თეთრი პირბადე ექნება, თეთრი კაბა, გასათხოვარ ქალს დაემსგავსება. ოჰ, ყოქვენ არც კი იცით, ჩემო დაო, რა სულელი ვარ. ჩემი გოგონას პირველ ზიარებაზე ვფიქრობ.

და სიცილი დაიწყო.

ხელი გაუშვა მადლენმა. ისე ისმენდა იმ სიტყვებს, როგორც ქარის შრიალს. თავი დაეხარა. ღრმა ფიქრებით იყო გატაცებული.

ხმა აღარ ჰქონდა ფანტინს. წამოიწია მადლენმა, შეხედა ავადმყოფს. საშინელი იყო ფანტინი, თავზარდაცემულს თვალები გადმოცვენაზე გახდომოდა.

აღარ ლაპარაკობდა, აღარ სუნთქავდა, ოღონდ წამოწეულიყო თავის ლოგინზე, ჩამომხმარი მკლავი გამოეყო პერანგიდან, სახეზე მკვდრის ფერი დასდებოდა და შიშისაგან გაშტერებული თვალით, ეტყობოდა, რაღაც საზარელს შესცქეროდა ოთახის მეორე მხარეს.

- ღმერთო ჩემო! - შეჰყვირა მადლენმა, - რა დაგემართათ, ფანტინ?

აღარათფერი უპასუხია, თვალი არ მოუშორებია იმ საგნისთვის, რომელიც გულს უხეთქავდა შიშით, ხელი დაადო მხარზე და მეორე ხელით - უკან მიიხედეთო, - ანიშნა. მიბრუნდა მადლენი და უავერი დაინახა.

თავი მესამე
ჟავერი კმაყოფილია

აი, რა მოხდა:

ლამის პირველის ნახევარი იყო, როდესაც მადლენი გამოვიდა არასის სასამართლო დარბაზიდან. მაშინვე ფოსტისკენ გაეშურა, სწორედ დროზე მივიდა, რომ არ გაესწრო ფოსტის ეტლს, რომელშიაც უკვე დაჭერილი ჰქონდა ერთი ადგილი. ექვსი საათი არ იყო ჯერ, რომ მონრეილში მივიდა. მაშინვე ფოსტაში ჩაავლო ბატონი ლაფიტისათვის გასაგზავნი თავისი წერილი და მერე საავადმყოფოში მივიდა ფანტინის სანახავად.

მაგრამ, როგორც კი გამოვიდა მადლენი სასამართლოდან, ბრალმდებელმა ითხოვა სიტყვა: მწუხარებით აღნიშნა პატივცემული მონრეილის მერის ჭკუიდან შუშლა. განაცხადა, რომ ამ უცნაურმა გარემოებამ, რომელიც გამორკვეული იქნება შემდეგში, არაფრით არ შეევალა მისი დასკვნა შანმატიეს საქმის შესახებ და სთხოვა სასამართლოს ბრალდებულის დასჯა, რადგან ეჭვი არ არის, შანმატიე უან ვალჟანი არის, ოღონდ სახელმეცვლილიო.

ბრალმდებლის ამ მოთხოვნამ, ცხადი იყო, ვერ ჰპოვა თანაგრძნობა ვერც მსმენელებსა და ვერც მსაჯულებს შორის.

ბრალდებულის ვეწილმა ადვილად დაარღვია ბრალმდებლის მოსაზრებანი და დაამტკიცა, რომ ბატონი მადლენის, ესე იგი ნამდვილი უან ვალჟანის აღიარების შემდეგ, არსებითად შეივალა შანმატიეს საქმე და სასამართლოს წინაშე იდგა სრულიად მართალი, უდანაშაულო კაცი. თავისი სიტყვის დასამთავრებლად გრძობით აღსავე კილოთი მოიყვანა რამდენიმე, საუბედუროდ, ძველისძველი მაგალითი სასამართლოს მიერ დაშვებული შეცდომებისა და სხვ. და სხვ.

თავმჯდომარე თავისი დასკვნითი სიტყვით ბრალდებულის ვეწილს მიემხრო და ცოტა ხნის შემდეგ შანმატიე სრულიად გამართლებულად გამოაცხადა.

მაგრამ ერთი უან ვალჟანი ესაჭიროებოდა ბატონ პროკურორს და, რადგან შანმატიე ხელიდან გაუსხლტა, მადლენი უნდა დაეჭირა...

როგორც კი გამოაცხადეს შანმატიეს გათავისუფლება, პროკურორი მაშინვე თავმჯდომარის კაბინეტში შევიდა მოსალაპარაკებლად. კარი ჩაიკეტეს. გადასაწყვეტი იყო ბატონი მადლენის, ქ. მონრეილის მერის, დაპატიმრება. თავმჯდომარე უკვე დამშვიდებული იყო და სანაღმდეგო თითქმის არაფერი უთქვამს. ხომ არ შეიძლებოდა, რომ მართლმსაჯულებას თავისი მოვალეობა არ აესრულებინა! გარდა ამისა, თუ მართალი გნებავთ, თავმჯდომარე გულკეთილი კაცი იყო და საკმაოდ განვითარებული, მაგრამ ამასთან ერთად დიდი მომხრე მეფისა, თავდადებული, და ეწყინა მადლენის სიტყვა: „იმპერატორი რომ გადმოვიდა კანშიო“. განა არ შეიძლებოდა იმპერატორის მაგივრად ბონაპარტი ეთქვა?

მადლენის დაჭერის შესახებ ბრძანება მაშინვე იქნა გაგზავნილი. ამ ბრძანების საჩქაროდ მისატანად პოლიციელი გაგზავნეს და ეს საქმე ჟავერს მიანდეს.

მკითხველმა იცის, რომ ჟავერმა სასამართლოს ჩვენება მისცა და მაშინვე უკან დაბრუნდა.

გათენდა. ის იყო დგებოდა ჟავერი, სასამართლოს ბრძანება რომ მიუტანეს - დააპატიმრეთ და არასში ჩამოიყვანეთ უან ვალჟანიო.

არასიდან მისული პოლიციელი თვითონაც შეგნებული კაცი იყო და კარგად უამბო უავერს, რაც სასამართლოში მოხდა. ბრძანება მადლენის დაჭერის შესახებ, პროკურორის მიერ ხელმოწერილი, ასე იყო შედგენილი: „ებრძანოს ინსპექტორ უავერს დაპატიმრება ბატონი მადლენისა, ე. მონრეილის მერისა, რომელიც სასამართლოს სხდომის დროს ცნობილი იყო კატორლიდან გამოშვებულ უან ვალუანად“.

უცხოს რომ ენახა ვინმეს უავერი, იმ დროს, როდესაც საავადმყოფოს კარებში შევიდა, ვერც კი წარმოიდგენდა, რა ხდებოდა ამ გარეგნულად მშვიდი, დარბაისელი კაცის გულში. დინჯი, მკაცრი შეხედულება ჰქონდა, საფეთქელზე გულდაგულ მივარცხნილი ჭადარაპერეული თმა. კიბეზე ჩვეულებრივი ნაბიჯით ავიდა, აუჩქარებლად. მაგრამ ნაცნობს რომ დაენახა ვინმეს და ყურადღებით შეეხედა, შეძრწუნდებოდა: ტყავის საყელოს ღილი კისერზე კი არა, მარცხენა ყურზე მოჰქცეოდა - ეს უტყუარი ნიშანი იყო მისი აღგზნებული მდგომარეობისა.

მკაცრი ხასიათის კაცი იყო უავერი, არც თავის მოვალეობას უმტყუნებდა და არც თავის ტანსაცმელს. სასტიკად ექცეოდა, ვისაც ხელში ჩაიგდებდა, და აგრეთვე სასტიკად - თავისი ტანსაცმლის წესრიგს. რაკი საყელოს ღილი ცუდად შეეკრა, ცხადი იყო, ამის მიზეზი, ასე ვთქვათ, შინაგანი მინისძვრა უნდა ყოფილიყო.

ოთხი ჯარისკაცი წამოეყვანა, ერთი ათისთავი და ისე მოსულიყო. ისინი ეზოში დაეტოვებინა. მეკარისთვის ეკითხა ფანტინის ოთახი. მეკარესაც მაშინვე ეჩვენებინა, რადგან ბატონ მერთან ხშირად მოდიოდნენ შეიარაღებული ჯარისკაცები და პოლიციელები.

ფანტინის ოთახთან მივიდა, კარი შეაღო იმ სიფრთხილით, რომელიც ავადმყოფების ერთგულ მომვლელსა აქვს ჩვეულებად და პოლიციის ჯაშუშს.

ზუსტად რომ ვთქვათ, არც კი შევიდა. გაღებულ კარში ჩადგა, თავზე ქუდი ეხურა. მარცხენა ხელი უბემი ედო, ნიკაპამდე შეკრულილებიან ტანსაცმელში. მოღუწულ იდაყვთან როგორღაც დამალული მძიმე ჯოხის ტყვიის თავი მოუჩანდა.

ერთ წუთს ასე იდგა, ვერავინ ამჩნევდა მის მისვლას. მაგრამ ფანტინმა თვალი მოჰკრა, შეეშინდა და მადლენიც მისკენ მიაბრუნა.

იმ წამს, როდესაც მადლენის თვალი უავერისას შეხვდა, არ გაინძრა უავერი, არც წინ წაიწია, მაგრამ შემძრწუნებელი კი გახდა. არც ერთი გრძნობა ადამიანისა არ არის ისე საზარელი, როგორც სიხარული შურისძიებისა.

სახეზე ეხატებოდა აღტაცება ბოროტი სულისა, რომელმაც ხელთ იგდო ცოდვილი.

ვინაიდან დარწმუნებული იყო, რომ უან ვალუანს ვეღარასად წაუვიდოდა, სახეზე აღბეჭდოდა სულყველაფერი, რაც გულში ჰქონდა დაგუბებული - ზედაპირზე ამოვარდნილიყო ამღვრეული ნალექი. სირცხვილი ერეოდა, რომ ცოტა ხნით დაკარგა კვალი ამ კატორღელისა და უან ვალუანად მიიღო შანმატიე. მაგრამ ამ გრძნობას სხვა სჯახნიდა - თავმოწონეობა, რომ ნახა თუ არა მადლენი, მაშინვე იცნო და აღლომ არ უმტყუნა. კმაყოფილება უავერისა მედიდური იერით გამოიხატა. ამ გამარჯვების სიბილწე მის ვინრო შუბლზე გაჩაღებულიყო. საზიზღრობა გამლილიყო კმაყოფილებით აღტაცებული შურისმგებლის სახეზე.

ცას ეწეოდა იმ დროს უავერი, ანგარიშმიუცემლად, მაგრამ ერთგვარი მკრთალი ინტუიციით გრძნობდა, რომ შეუძლებელი იყო ამ საქმეში უიმისობა, თუ სრული

გამარჯვება უნდოდა. ამჟამად ის, ჟავერი, ანხორციელებდა მართლმსაჯულებას, სიმართლეს და სინათლეს, რომ აესრულებინა მათი წმინდა დანიშნულება - აღმოეფხვრა ბოროტება. დღეს იმასთან იყო და უძირო სიღრმეში ბრწყინავდა ძალაუფლების, სიმართლის, გონიერი სინდისის, საზოგადოებრივი შურისძიების ვარსკვლავები! ის იყო დამცველი წესიერებისა. მერი გამოჰყავდა კანონგარეთ, სჯიდა საზოგადოებრივ ცხოვრებაში ბოროტის შემტანს, ეხმარებოდა სიკეთეს ბოროტების მოსასპობად. დიდების სხივი ადგა, მაგრამ გრძობდა, რომ ამ გამარჯვებაში რალაც რჩებოდა კიდევ ბრძოლით მოსაპოვებელი. ამაყად იდგა გამარჯვებით ძალმოსილი და ცასა ჰვეუნდა სისხლისმსმელი ანგელოზის ჯოჯოხეთურ სიმხეცეს. მისი საქციელის საზარელ აჩრდილად მოჩანდა მისივე შეკუმშული მუშტი, თითქოს საზოგადოების ბასრი ხმალი ყოფილიყო მავნე ძალების მოსასპობად. ბედნიერი იყო, რადგან დაემხო ბოროტება, ბინიერება, ავკაცობა, კანონის წინააღმდეგობა; შუქი ეფინებოდა, რადგან ფეხით თელავდა; ალტაცებით იცინოდა, რადგან კლავდა საზოგადოების წამწყმედს.

სამიწელი იყო ჟავერი, მაგრამ არ იყო მასში სიბილწე.

პატიოსნება, გულწრფელობა, უმანკოება, რწმენა, მოვალეობა, ყოველი სათნოება შეიძლება მცდარ გზას დაადგეს და საზარელი გახდეს, მაგრამ ბოროტად გამოყენებულაც არა კარგავს თავის დიდებას. ამ ღირსებათა დიდება საზარელშიც კი წმინდად რჩება. ერთი ბინი აქვს ამ ღირსებებს - მცდარობა, უღმობელი პატიოსანი სიხარული ფანატიკოსისა თავის ბრწყინვალეებას მაშინაც კი არ კარგავს, როდესაც დიდი სისასტიკით ასრულებს თავის მოვალეობას. თუმცა თვით ეს ვერ შეეგნო, მაგრამ თავისებური ნეტარებით ალტაცებული ჟავერი ღირსი იყო შებრალებისა, როგორც ყველა გამარჯვებული უვიცი. არაფერი იქნებოდა ამქვეყნად ისე საზარელი და საშინელი, როგორც ეს ადამიანი, რომელშიც გამოხატულიყო მთელი ბოროტება შემცდარი სიკეთისა.

თავი მეოთხე

მთავრობა იცავს თავის უფლებებს

ფანტის მას შემდეგ აღარ ენახა ჟავერი, რაც ბატონმა მადლენმა ხელიდან გამოჰკლიჯა ცხიეში ჩასამწყვდევედ დაჭერილი ქალი. მისუსტებული ჰქონდა თავი, ჩაფიქრება და განსჯა აღარ შეეძლო და ეჭვიც კი არა ჰქონდა, რომ ჟავერი მის წასაყვანად მოსულიყო. სული ეხუთებოდა. ვერ გაუძლო მის ყურებას. პირზე ხელები აიფარა და შეჰკვივლა:

- მიშველეთ, ბატონო მადლენ!

ჟან ვალჟანი - ამიერიდან ამ სახელითა ვახსენებთ - წამოდგა, თავისი ტკბილი, მშვიდი ხმით ეცადა დაემშვიდებინა ავადმყოფი:

- ნუ გეშინიათ! თქვენთან არ არის!

მერე ჟავერს მიმართა:

- ვიცი, რაც გნებავთ.

ჟავერმა უპასუხა:

- აბა, ჩქარა!

საშინელი ხმით იყო წამოსროლილი ეს ორი სიტყვა, მხეცური გაშმაგებით. ცალ-ცალკე კი არ გამოთქვა ორი სიტყვა, - აბა, ჩქარა! - შეაერთა და მხეცის ბრღვენივას დაამსგავსა.

ჩვეულებრივად არ მოიქცა უავერი; არაფერი აუხსნა, არც კი აჩვენა ბრძანება მისი დაჭერის შესახებ. იმისთვის უან ვალუანნი იყო დაფარული, მიუწვდომელი ბოროტი მტერი საზოგადოებისა, ბნელი მებრძოლი, რომელსაც ხუთი წელიწადი სდევდა და ვერ დაიჭირა. დაპატიმრება უან ვალუანის საქმის დასაწყისად კი არა, დაბოლოებად მიაჩნდა. ამიტომ იყო, რომ მხოლოდ მოკლედ შეჰყვირა:

- აბა, ჩქარა!

ეს დაიძახა და ფეხი არ წადგა წინ. ისე გადახედა უან ვალუანს, თითქოს საბელი ესროლა; ჩვეულებრივ, თვალთ იმორჩილებდა უბედურებს.

სწორედ ამ თვალთ შეხედა ორი თვის წინათ ფანტინს და შიშის ზარი დასცა საბრალოს.

უავერის ყვირილზე ფანტინმა თვალი გაახილა. მაგრამ ბატონი მერი იქ ბრძანდებოდა; მამ რისი შიში უნდა ჰქონოდა?

მამინ წინ წამოვიდა უავერი და დაუყვირა:

- აბა, მოდიხარ თუ არა?

საწყალმა ქალმა თვალი გადაავლო ოთახს. არავინ იყო ბატონი მერისა და მონყალების დის გარდა. მამ ვის შეუტია, ვის მიმართა ესოდენ შეურაცხმყოფელი შენობით? ფანტინს, რასაკვირველია. და საბრალო ქალმა კანკალი დაიწყო.

საშინელი რამ ნახა ფანტინმა, იმდენად საშინელი და შეუძლებელი, რომ მაშინაც კი არ მოსჩვენებია ამისთანა რამ, როცა ბოდავდა სიცხიანი.

ნახა, რომ ჯამუში უავერი მივარდა ბატონ მერს, კისერში სტაცა ხელი; ნახა, რომ ბატონმა მერმა თავი ჩაღუნა... ალბათ ქვეყნის აღსასრული დამდგარიყო ფანტინის თვალში.

უავერმა ნამდვილად კისერში სტაცა ხელი უან ვალუანს.

- ბატონო მერო! - შეჰკვივლა ფანტინმა.

სიცილი აუვარდა უავერს, ის საზარელი სიცილი, რომელიც პირაღრენილ მხეცად აქცევდა და შეუტია:

- აქ ბატონი მერი აღარ არის!

უან ვალუანმა არც კი სცადა უავერის ხელის მოშორება, მის საყელოს რომ ჩასჭიდებოდა. სთხოვა:

- უავერ...

- ბატონი უავერი მიწოდე, - გეყურება?

- ერთი-ორი სიტყვა მინდა მოგახსენოთ, ბატონო, ოღონდ ცალკე...

- ხმამალლა თქვი, ხმამალლა! აქ დასამალი არაფერია!

უფრო ჩუმი ხმით უთხრა უან ვალუანმა:

- რაღაც მინდა გთხოვოთ...

- ხომ გეუბნები, ხმამალლა თქვი-მეთქი!

- კი, მაგრამ არ მინდა, რომ სხვამაც გაიგონოს ვინმემ.

- გაიგონოს, რა! თქვი, თუ სათქმელი გაქვს რამე!

უავერისკენ მიაბრუნა პირი და ჩუმი ხმით სწრაფად სთხოვა:

- სამი დღე მადროვით, სამი დღე, რომ ამ უბედურის ბავშვი მოვიყვანო. ხარჯს მე გადავიხდი, თქვენც წამობრძანდით, თუ არ მენდობით.

- რაო, დამცინით თუ რა არის? არც ასეთი სულელი მეგონე, ღვთის წინაშე! სამი დღე გადროვო, რომ გამექცე? ამ დედაკაცის ბავშვის მოსაყვანად? იჰ, რა კარგია! რა კარგია!

ფანტინი მთლად აკანკალდა და შეჰყვირა:

- ჩემი კოშკი? აკი მითხარით, აქ არისო! მაშ, არ მოგიყვანიათ? მომიყვანეთ ჩემი ბავშვი! თქვენ მაინც მითხარით, დაო, სად არის ჩემი გოგონა! ჩემი ჰანა? ბატონო მადლენ, ბატონო მერო!..

ფეხი დაჰკრა იატაკს უავერმა:

- ახლა კიდევ ესა! გაჩუმდი, შე უნამუსო! ვაი იმ ქვეყანას, სადაც კატორღელები დიდებულ მოხელეებად არიან და კახპები - დედოფლებივით განცხრომაში. მაგრამ ახლა კი ყოველივეს ბოლოს მოვუღებ! კმარა!

თვალი დააბტერა ფანტინს. ხელით მობლუჯა უან ვალჟანის საყელო, პერანგი, ყელსახვევი და კიდევ შეუტია:

- ხომ გითხარი, აქ აღარც ბატონი მადლენი არის და აღარც ბატონი მერი-მეთქი. აქ ქურდია, მანანალა, ყაჩაღი, კატორღელი, სახელად უან ვალჟანი. აი ეს, ჩაბლუჯული რომა მყავს. ახლა ხომ გაიგე, ვინც არის ეს კაცი!

წამოინია, წამოვარდა ფანტინი, ჩამომხმარ მკლავებზე დაეყრდნო, შეხედა უან ვალჟანს, შეხედა უავერს, სიმპლიციას, პირი გააღო, რაღაც უნდოდა ეთქვა, ხრინწიანი კენესა აღმოხდა გულიდან. აუკანკანდა კბილები, ხელი აღაპყრო, თითქოს ითხოვდა მიშველეთო, - ხელების ფათური დაიწყო და უცხად დაეშვა ბალიშზე. თავი კედელს მიარტყა და გულზე ჩამოუვარდა, პირი ღია დარჩა, ჩამქრალი თვალები - ფართოდ გახელილი.

ფანტინი გათავდა.

უან ვალჟანმა ხელი მოჰკიდა უავერის ხელს, კისერში რომ ჩასჭიდებოდა, მოიშორა და უთხრა:

- თქვენ მოკალით ეს უბედური.

- გვათავოთ! - შეჰყვირა გაცოფებით უავერმა, - მე აქ შენი სიბრძნის მოსასმენად კი არა ვარ! აბა, ჩქარა! დარაჯები ქვევით არიან. ახლავე წავიდეთ, თორემ ხელბორკილი!

იქვე, კუნჭულში, რკინის ძველი საწოლი იდგა, ზედ მონყალების დები წვებოდნენ, როცა მორიგეობა უწევდათ. მივიდა უან ვალჟანი, ამოაძრო რკინა და უავერს დააქცერდა. უავერი უკან-უკან მიიწევდა, კარისკენ.

უან ვალჟანი რკინის ჯოხით ნელი ნაბიჯით წავიდა ფანტინის ლოგინისკენ. როცა მივიდა, მიუბრუნდა უავერს და ოდნავ გასაგონი ხმით უთხრა:

- გირჩევთ, ამ წუთში ხელი არ შემისწლოთ.

უავერი აკანკალდა.

უნდოდა გასულიყო, ჯარისკაცები ამოეყვანა, მაგრამ შეიძლებოდა უან ვალჟანი გაჰპარვოდა. იმანაც იძრო თავისი ჯოხი, კარებთან დადგა და თვალს არ ამორებდა უან ვალჟანს.

იდაყვით დაეყრდნო უან ვალჟანი ლოგინს, თავი დახარა და სევდით საყეს თვალებით დასცქეროდა უმოძრაო და უსიტყვო ფანტინს. კარგა ხანს იყო ასე,

შენუხებული, დამუნჯებული, თითქოსსააქაო აღარც ახსოვსო. მწუხარე სიბრაღეულის მეტი აღარაფერი ეტყობოდა მის სახეს. რამდენიმე წუთის შემდეგ მიცვალებულის ყურთან მიიტანა თავი და ჩუმი ხმით დაუნყო ჩურჩული.

რას ეუბნებოდა? რა უნდა ეთქვა ამ განწირულს ამ მკვდარი ქალისთვის? ან რას ჰპირდებოდა? არავის გაუგონია იმისი ნათქვამი. ვინ იცის, მკვდარმა კი გაიგონა? არსებობს სასოწარკვეთილების ტკბილი მცნება, რომელიც შეიძლება წმინდად ასრულდეს. ერთი რამ არის ეჭვგარეშე - მოწყალების დის, სიმშპიციას ნათქვამი: უნ ვალჟანი რომ რაღაცას ჩასჩურჩულებდა ფანტინს, ცხადად დავინახე, ქალს ნეტარი ღიმილი უკრთოდა მკვდარ ბაგეზე და ჩამქრალ თვალებში, რომლებიც სავეე ჰქონდა სამარისებრი განცვიფრებითო.

უან ვალჟანმა ხელები წაავლო ფანტინის თავს, ნელა, ნაზად დაუდო ბალიშზე სწორედ იმ ალერსით, რომლითაც დედა ატკობს თავის შვილს. პერანგის ღილი შეუკრა, თმა თავქვეშ ამოუდო, მერე თვალები დაუხუჭა.

უცნაურად ნათელი იყო ამ წამს ფანტინის სახე.

სიკვდილი - სინათლეში გადასვლა არის.

ხელი ძირს ჰქონდა დაშვებული ფანტინს. მუხლი მოიყარა მის წინ უან ვალჟანმა, აიღო და ზედ ემთხვია.

მერე წამოდგა და ჟავერს უთხრა:

- ახლა კი თქვენს განკარგულებაში ვარ.

თავი მეხუთე

შესაფერი საფლავეი

ჟავერმა თავისი ტუსალი ქალაქის საპატიმროში დაამწყვდია.

ღილი მითქმა-მოთქმა გამოიწვია ამ ამბავმა მონრელიში, ააფორიაქა მთელი ქალაქი. ძალიან გვიძიმს ამის თქმა, მაგრამ დამალვაც შეუძლებელია. როგორც კი გაისმა - „კატორღელი იყო“ - ზურგი შეაქცია ყველამ. ორი საათიც არ იყო გასული მისი დაჭერის შემდეგ, რომ მთლად დავინწყებოდა ყველას მისი ღვანლი, სიკეთე და სახელიც კი; „კატორღელადღა“ ახსენებდა ღილი და პატარა. მართალია, ჯერ არ იცოდნენ, რა მოხდა არასის სასამართლოში, და მაინც, ყველგან, მთელ ქალაქში ერთი და იგივე ისმოდა იმ დღეს, დაახლოებით შემდეგი:

- გაიგეთ? კატორღელი ყოფილა თურმე. - ვინა, ვინა? - ვინა და ჩვენი მერი. - კარგი ერთი! ბატონი მადლენი? - დიახ, სწორედ ბატონი მადლენი. - არა, მართლა? - მადლენი კი არა ყოფილა. რაღაც საზიზღარი სახელი ჰქვია - ბეჟანი, ბოჟანი, ბუჟანი. - ღმერთო, ძლიერო! დაჭერილია? დაჭერილია, ქალაქის ციხეში ზის, სანამ გაგზავნიან. - უნდა გაგზავნონ? სად უნდა გაგზავნონ? მაშ! შარავგაზე გაუქურდავს ერთ დროს ვილაცა. - ჰოო? განა არა, რაღაც ეჭვი მქონდა. არა, მეტისმეტად კეთილი იყო, მეტისმეტად ალაღმართალი, მეტისმეტად ღვთის მორწმუნე. ჯილდოზე უარს ამბობდა. შავ ფულს ურიგებდა მანანალა ბიჭებს, სადაც შეხვდებოდა. სულ იმასა ვფიქრობდი, ამ სიკეთით ბოროტებასა ფარავს-მეთქი... განსაკუთრებულ სიმკაცრეს მისდამი „მალალი“ საზოგადოება იჩენდა.

ერთმა ხნიერმა ქალბატონმა, რომელსაც გაზეთი „თეთრი დროშა“ მოსდიოდა, შემდეგი აზრი გამოთქვა, რომლის სიღრმე უეჭველად წარმოუდგენელია:

- ჯანდაბას იმის თავი! ჭკუას ისწავლიან ბონაპარტისტები!

ასე გაქრა თანდათან მონრეილში ძველი აჩრდილი, რომელიც მადლენის სახელს ატარებდა. სამი თუ ოთხი კაციღა შერჩა ერთგული იმოდენა ქალაქში და ერთი მათგანი მისი ბებერი მეკარე იყო.

იმ დღეს, ბინდისას, ეს მოხუცი დედაკაცი იჯდა თავის ოთახში, ჯერაც გულგახეთქილი იმ დილის უბედურებით და ღრმად ჩაფიქრებული. ქარხანა მთელი დღე დაკეტილი იყო. ალაყაფის კარს ურდული ედო. ქუჩაში არავინ ჩანდა, სახლში არავინ იყო, პერპეტუასა და სიმპლიციას გარდა.

სწორედ იმ დროს, როდესაც ჩვეულებრივ ბრუნდებოდა ხოლმე მადლენი და თავის ოთახში ადიოდა, წამოდგა ბებერი მეკარე, ამოიღო უჯრიდან მადლენის ოთახის გასაღები, აიღო შანდალი, რომლითაც კიბეს ინათებდა ზემო სართულში ასასვლელად, გასაღები ლურსმანზე ჩამოკიდა, იქვე დადგა შანდალი, სწორედ ისე, როგორც ყოველ საღამოს, თითქოს დღესაც ელოდა იმის დაბრუნებას. თვითონ იქვე სკამზე ჩამოჯდა და ჩაფიქრდა. სრულიად შეუგნებლად, ჩვეულებისამებრ მოამზადა ყველაფერი.

თითქმის ორი საათი იჯდა ასე ჩაფიქრებული. ბოლოს, თითქოს გამოეღვიძაო, გონს მოვიდა და შეწყვირა: რა ვქნა? აჰა, ღმერთო! რად დავკიდე ეს გასაღები?

ამ დროს ვიღაცამ სარკმელი გააღო, ხელი შემოყო, გასაღები ჩამოიღო, სანთელი აიღო და აანთო.

შეხედა მეკარემ და პირღია დარჩა, უნდოდა შეეკვივლა, მაგრამ ყელშივე ჩაიხრჩო თავისი ხმა.

ძალიან კარგად იცნობდა ამ ხელს, ამ სახელოს.

ეს ბატონი მადლენი იყო.

გაშტრებული დარჩა ბებერი მეკარე. ენა მუცელში ჩაუვარდა, როგორც თავად იტყოდა ხოლმე შემდეგში, ამ ამბავს რომ ჰკითხავდნენ.

ბოლოს ხმის ამოღება შეძლო:

- თქვენა ბრძანდებით, ბატონო მერო? მე კი მეგონა... ოჰ, ღმერთო...

გაჩრდა, ამ სიტყვის დასრულება საჩოთირო იქნებოდა ბატონი მადლენისთვის. უან ვალჟანი იმისთვის ბატონი მერი იყო და მერად დარჩენილიყო. თვით უან ვალჟანმა დააბოლოვა მისი სიტყვა:

- რომ ციხეში ვარ. ციხეში ვიყავი. ფანჯრის მოაჭირი ვაკტეხე, ბანიდან გადმოვხტი. ჩემს ოთახში ვიქნები. სიმპლიცია გამომიგზავნეთ. იქ იქნება, მიცვალებულთან.

მეკარე საავადმყოფოში გაიქცა.

არავითარი დარიგება არ მიუცია, დარწმუნებული იყო, რომ ის უფრო დამალავდა, ვიდრე თვით უან ვალჟანი.

გაურკვეველი დარჩა, როგორ მოახერხა უან ვალჟანმა ეზოში შემოსვლა, როდესაც ალაყაფის კარი ურდულით იყო დაკეტილი. ერთი პატარა გასაღები ჰქონდა, ეგრეთ წოდებული „ყველაგანმედი“, ყოველთვის ჯიბეში ედო, მაგრამ ჭიშკარს იმითი ვერ გააღებდა, რადგან ციხეში რომ მიიყვანდნენ, გაჩხრეკდნენ და იმ გასაღებსაც ამოაყლიდნენ. გაურკვეველი დარჩა ეს გარემოება.

კიბე აიარა. შანდალი უკანასკნელ საფეხურზე დადო, ჩუმად გააღო თავისი ოთახის კარი, თითის წვერებზე შედგა, მიხურა ფანჯრების დარაბები, მერე დაბრუნდა, აიღო შანდალი და თავის ოთახში შევიდა.

ძალიან საჭირო იყო ეს სიფრთხილე, ქუჩიდან შეიძლება მისი ოთახის ფანჯრის დანახვა.

თვალი გადაავლო თავის ოთახს - მაგიდას, სკამს, ლოგინს, რომელიც აურევლად იდგა სამი დღე და ღამე. უკანასკნელი ღამის არეულობისა აღარაფერი ჩანდა ოთახში - მეკარეს დაეღაგებინა, ოღონდ ნაცარში ეპოვა და სუფთად განმწმინდილი დაეწყო მაგიდაზე რკინის თავი და ბოლო ჯოხისა და ცეცხლით გაშავებული ორფრანკიანი ვერცხლი.

ქალაღი აიღო და დაწერა: „აი ჩემი ჯოხის რკინის თავი და ბოლო და ორფრანკიანი ვერცხლი, პატარა ჟერვესეული, სასამართლოს რომ მოვხსენე“. ამ ქალაღზე დააწყო რკინაც, ორფრანკიანიც და ისე დადო, რომ მაშინვე თვალში სცემოდა, ვინც ამ ოთახში შემოვიდოდა. განჭინიდან ძველი პერანგი გამოიღო, დახია და შიგ გაახვია ორი ვერცხლის შანდალი. ამ დროს არც მღელვარება ეტყობოდა, არც აჩქარება; ეპისკოპოსის შანდლებს რომ ახვევდა, თან შავ პურსა კბეჭდა ხარბად. საპატიმროში მიღებული პური წამოეღო თან.

ეს დამტკიცებულ იქნა იატაკზე მოფანტული ნამცეცებით, როდესაც ცოტა ხნის შემდეგ გაჩხრიკეს გაქვეული პატიმრის სახლი.

ჩუმი დაუკაკუნეს კარზე.

- მობრძანდით, - დაუძახა ჟან ვალჟანმა.

სიმპლიცია შემოვიდა.

გაყვითლებული იყო სიმპლიცია, ნამტირალევი. შანდალი ეჭირა ხელში და კანკალებდა. უცნაური გავლენა აქვს ჩვენზე ჩვენი ბედის საშინელებას: რაც უნდა სრულყოფილი იყოს ადამიანი, რაც უნდა გულმგარი, მანაც ალგვიდგენს გულის სიღრმეში ჩამალულ ადამიანურ ბუნებას და ადამიანად გვაქცევს. იმ დღის ვაი-ვაგლახში მონაზონი სიმპლიცია ისევ დედაკაცად ქცეულიყო. ბევრი ეტირა და ახლაც თრთოდა.

რამდენიმე სიტყვა დაწერა ჟან ვალჟანმა, ქალაღი სიმპლიციას მისცა და უთხრა:

- ეს ქალაღი, დაო, ჩვენს მღვდელს მიეცით.

ქალაღი დაკვიცილი არ იყო.

- ნაიკითხეთ, თუ გნებავთ.

სიმპლიციამ წაიკითხა:

„გთხოვთ, მამაო, მოუაროთ, რასაც აქა ვტოვებ. სასამართლოს ხარჯი გექნებათ გადასახადი და დღეს გარდაცვლილი ქალის დასაფლავებისა. დანარჩენი - ღარიბების დასახმარებლად“.

ხმის ამოღება უჭირდა სიმპლიციას, რაღაცას ლუღლუღებდა, ბოლოს, როგორც იყო, წარმოთქვა:

- ნუთუ ბატონი მერი არ გამოეთხოვება მიცვალებულს?

- არა, მეძებნენ, რაღა თქმა უნდა, და მიცვალებულის ოთახში რომ დამიჭირონ, ეს მის მშვიდობას დაარღვევს.

ჯერ არც კი გაეთავებინა ეს სიტყვა, რომ კიბიდან მძლავრი თვის ხმა მოისმა. რამდენიმე კაცი მოდიოდა, ეტყობოდა. ბებერი მეკარის ხრინჩიანი კივილი ისმოდა:

- ღმერთი, რჯული, ბატონო, დღეს აქ არავინ შემოსულა! არავინ! კარებთან ვიჭექი მთელი დღე. რა ღმერთი გამიწყნებოდა, ბრმა ხომ არა ვარ?

ერთმა კაცმა უპასუხა:

- კარგი, მაგრამ სანთელი რომ ანთია იმის ოთახში?

უავერის ხმა იცნო ორივემ.

ოთახის მოწყობილობა დაესმარა: კარს რომ შემოაღებდნენ, მთლად ფარავდა მარჯვენა კედლის კუნჭულს. თავისი სანთელი გააქრო უან ვალუანმა და კუნჭულში აიტუბა.

სიმპლიციამ მუხლი მოიყარაე მაგიდასთან.

შემოაღეს კარი.

უავერი შემოვიდა.

ტალანში კაცების ჩურჩული ისმოდა და ბებერი მეკარის ფიცვი.

სიმპლიციამ არც კი შეხედა. ლოცულობდა.

შანდალი ბუხარზე იდგა, ძლივს ანათებდა ოთახს.

უავერმა დაინახა მონაზონი და შემკრთალი გაჩერდა.

გემასხოვრებათ, რომ თავისი რწმენითა და მიმართულებით უავერი თაყვანისმცემელი იყო ყოველგვარი ხელისუფლებისა. ამის მეტი არაფერი სწამდა და თავისი მრწამსის სულ უმცირესი დარღვევაც კი მომაკვდინებელ ცოდვად მიაჩნდა. სარწმუნოება - უპირველეს ყოვლისა! ღვთის მორწმუნე იყო, სარწმუნოებისადმი თავისი ზერეულედ შეგნებული მოვალეობის მკაცრი აღმსრულებელი. იმისთვის მღვდელი შეუცდომელი არსება იყო და მონაზონი - უცოდველი; ამათი სული ციხესიმაგრე იყო სააქაოსი, რომელსაც ერთადერთი კარი ჰქონდა გასასვლელი და ამ კარით მხოლოდ წმინდა ჭეშმარიტება გამოდიოდა.

მუხლმოდრეკილი რომ დაინახა სიმპლიცია, უკან გაბრუნება იფიქრა, მაგრამ მეორე მოვალეობაც ჰქონდა, რომელმაც შეაჩერა და დაჟინებით სხვას უბრძანებდა. დავრჩები და ერთ კითხვას მაინც შევებდავო, - იყო მეორე ფიქრი.

კარგად იცნობდა სიმპლიციას, იცოდა, რომ თავის დღეში ტყუილი არ წამოსცდებოდა ამ მონაზონს და ამიტომ თაყვანს სცემდა.

- უკაცრავად გახლავართ, დაო, მარტო თქვენა ხართ ამ ოთახში?

საშინელ განსაცდელში ჩავარდა სიმპლიცია: ან მართალი და ადამიანის განირვა, ან ტყუილი, რომელიც თავის დღეში არსად ეთქვა. კინაღამ გული წაუვიდა.

ახედა უავერს და უპასუხა:

- მარტო გახლავართ.

- უნდა შემინდოთ, დაო, რომ ასე უდროოდ განუხებთ; ჩემი მოვალეობაა და ვერ ვუმტყუნებ. ხომ არ გინახავთ, დაო, ამ საღამოს ერთი კაცი? ციხიდან გამოგვექცა და იმას ვეძებთ. უან ვალუანი ჰქვია. ხომ არ გინახავთ?

- არა, ბატონო.

ორჯერ თქვა ტყუილი. ოორჯერ ზედიზედ იცრუა, შეურყეველად, სრული შეგნებით, სწრაფად, თავგანწირვით.

- მაპატიეთ, - ეთხრა უავერმა, თავი დაუკრა პატივისცემით და გავიდა.

წმინდა ხარ, ქალო! ქვეყნიერებას არ ეკუთვნი დიდი ხანია; დიდი ხანია შეუერთდი სულით შენს დებს - ქალწულებს და შენს ძმებს - ანგელოზებს. მამ ეს ტყუილიც მაღლად ჩაგეთვალოს წინაშე ღვთისა!

მონაზვნის სიტყვა იმდენად სარწმუნო იყო უავერისთვის, რომ ყურადღებაც კი არ მიაქცია მაგიდაზე მეორე შანდალს, რომელიც ჭერაც ბუუტავდა.

ცოტა ხნის შემდეგ ვიღაცა კაცი მიაბიჯებდა ბნელ ხეივანში მონრელიდან პარიზისკენ. უან ვალჟანი იყო ეს კაცი. ორ-სამ მგზავრს დაენახა და ისინი იძახდნენ- ბოხჩა ეჭირა და ხალათი ეცვაო. სად უნდა ეშოვა ხალათი, არავინ იცის. მაგრამ ერთი მოხუცი მუშა მომკვდარიყო იმ დღეს ქარხნის საავადმყოფოში, რომელსაც ერთი ძველი ხალათის გარდა არაფერი დარჩენოდა. იქნებ, ის ხალათი ეცვა.

ერთი სიტყვა კიდევ, უკანასკნელი, ფანტინის შესახებ:

ყველა ჩვენგანის ღეღაა ღეღამინა და ფანტინიც ამ ღეღამინას მიაბარეს.

მღვდელმა თავისებურად მოიხმარა, და იქნება ასეც უნდა მოქცეულიყო, უან ვალჟანისყოფილი: მკვდარს აღარაფერი უნდა, რაც შეიძლება მეტი ღარიბებსაო, და ეგეც რომ არ ყოფილიყო, ვინ იყო, ბოლოს და ბოლოს, ან ერთი, ან მეორე? ერთი - კატორღელი და მეორე - კახპა! ამიტომ ფანტინის დასაფლავება მეტად გაამარტივა და ფულის გადასარჩენად მარტო უსაჭიროესი ირჩია, ესე იგი, „საერთო სასაფლაო“.

ამგვარად, ფანტინი სასაფლაოს მიუქთად წოდებულ ნაწილში დამარხეს, იმ ნაწილში, რომელიც ყველასია და არავისი, სადაც ღარიბები იკარგებიან. ჩვენდა საბედნიეროდ, ღმერთმა იცის, სად მოძებნოს მართალი სული. წყვილადში ჩამარხეს ფანტინი, ვიდაცის ძვლებთან ერთად. მიწაშიც კი არ ასცდა აღრევა ფერფლისა. ფანტინი საერთო სამარეს მიაბარეს. მისი საფლავი მისივე სარეცლის მსგავსი აღმოჩნდა.

ნაწილი მეორე

კოზეტი

წიგნი პირველი

ვატერლოო

თავი პირველი

რას შეხვდება წიგელიდან მომავალი

შარშან (1861 წ.) ერთი მგზავრი მიდიოდა წიგელიდან, ამ ისტორიის მთხრობელი. მასის მშვენიერი დილა იყო. ფეხით მიდიოდა ულპში. ორივე მხარეს ხეებით დაჩრდილული შარაგზა ხან ბორცვებზე აღიოდა, ხან ისევ ძირს ეშვებოდა. ლილუა უკვე გაიარა, ბუა-სენიორ-ისაკიც. დასავლეთით ბრენ-ლ'ალეს სამრეკლო გამოჩნდა, პირქვე დადგმულ ჯამს რომ ჰგავს. უკან დარჩა ტყით მოსილი ბორცვი და გზის ნაპირზე ერთ ჩამპალ სახრჩობელის მსგავს ბოძთან, რომელზეც ისევ შემორჩენილიყო წარწერა - „ძველი საყარაულო # 4“ - პატარა ღუქანი გამოჩნდა ფერმის ნიშნით „ოთხ ქარ შუა. კერძო ყავახანა ეშაბო“.

ამ ღუქანს გასცდა და ცოტა ხნის შემდეგ პატარა ველზე გავიდა, რომელსაც გზის ნაყარ მიწაზე გაკეთებული თალის ქვეშ მიმდინარე ნაკადული რწყავდა. შარაგზის ერთ მხარეს მეჩხერად მდგარი თავქოჩორა ხეები, ბრენ-ლ'ალეს მიმართულებით ლამაზად გაფანტულნი, თითქოს მიმორბოდნენ.

მარჯვნივ, ზედ გზის პირას, ბაკი იყო. იქვე, კარებთან ოთხთვლიანი ურემი იდგა, ერთი დიდი კონა სარი სვიისთვის, გუთანი; ამწვანებულ ხერგულთან ფიჩხი ყყარა, ოთხკუთხა ორმოში კირი ინვოდა; ძველ, ჩალით დაფარულ ფარდულთან

მიყუდებული იყო ერთი გრძელი კიბე. იქვე ყმაწვილი გოგო მიწას მარგლაავდა და ქარი აფრიალებდა დიდ, ყვითელ აფიშას. ალბათ ეკლესიის დღეობაზე ჩამოსული მსახიობების განცხადება თუ იყო. დუქნის კუთხესთან, გუბეში იხვევის მთელი ფლოტი ჭყუმპალაობდა. გუბის პირას პატარა ბილიკი გადიოდა ბუჩქნარებისკენ. ამ ბილიკს გაჰყვა მგზავრი.

მეთხოთმეტე საუკუნის კედელს მიჰყვა, აგურის წვრილწვეტიანს და ასიოდენ ნაბიჯის შემდეგ ლუი მეთოთხმეტის სტილის დიდი ალაყაფის კარს მიადგა. კარი დაკეტილი იყო. იგი ორი დახვესებული დარაბისაგან შედგებოდა და ძველი უჟანგავი ჩაქურჩით იყო დამშვენებული.

მზე ალურსიანად ანათებდა; ხის ტოტები ოდნავ ირხეოდნენ იმ ნაზი შრიალით, რომელიც თითქოს ბუდეებიდან უფრო მოდის, ვიდრე ქარის ქროლვით არის გამოწვეული. პატარა გაბედული ჩიტუნია, ალბათ შეყვარებული, თავდავიწყებით გაჰკიოდა სიმღერას დიდი ხის ტოტიდან. იქვე რკინის ცხაური ეგდო, რომლის ქვემოდან მწვანე ბალახი ამოსულიყო.

მგზავრი დაიხარა და კარების მარცხნივ ქვას დაუწყო სინჯვა, რომელიც საკმაოდ ღრმად იყო ამოფუღროებული. ამ დროს ერთი დედაკაცი გამოვიდა ეზოდან.

დაინახა, რომ ამოფუღროებულ ქვას სინჯავდა მგზავრი და უთხრა:

- ფრანგების ყუმბარა მოხვედრია, ბატონო.

და დაუმატა:

- აი, იქ ხომ ხედავთ, ზემოთ, კარის ფიცარში, ლურსმნის გვერდით, ის კი ბისკაური თოფის ტყვიისა გახლავთ. ხე ვერ გაუხვრეტია ტყვიას.

- რა ჰქვია აქაურობას? - ჰკითხა მგზავრმა.

- ჰუგომონი.

გაიშარა მგზავრი. ლობესთან მივიდა და იქით გადაიხედა. შორს, ჰორიზონტზე პატარა ბორცვი მოჩანდა და იმ ბორცვზე კიდევ რაღაც, შორიდან ლომის მსგავსი.

იგი ვატერლოოს ბრძოლის ველი იყო.

თავი მეორე

ჰუგომონი

ჰუგომონი არის ის საბედისწერო ადგილი, სადაც ნაპოლეონი, ევროპის დიდებული შემის მტრელი, პირველად წააწყდა დაბრკოლებას. პირველი მაგარი როკი მოხვდა მის მოქნილ ცულს.

უნინ ციხესიმაგრე იყო ჰუგომონი, ახლა კი ფერმაა, სულ უბრალო. ციხესიმაგრე სომერელის ბატონმა ჰუგომ ააშენა, რომელმაც ვილიერის სამწყსო გაამდიდრა თავისი შეწირულობით.

კარი შეაღო მგზავრმა, იდაყვი მიარტყა რაღაც ძველ ეტლს და ეზოში შევიდა. შევიდა და თვალში ეცა ერთი კარი, მეთექვსმეტე საუკუნისა, რომლის მხოლოდ თალი დარჩენილიყო, სხვა ყველაფერი კი ჩამონგრეულიყო. ხშირად ხდება ხოლმე, ნანგრევით ვხედავთ დიდებულ წარსულს. ცოტა იქით კიდევ იყო კარი, ანრი მეთოთხის დროის, ქვის კამართ, საიდანაც ხეხილის ბაღი მოჩანდა. იქვე პატივი, ბარი, ნიჩაბი, გუთანნი, ძველებური ჭა წყლის ამოსაღები ძელით და ჭაჭვით, საცხე თხრილი, ქათამები, ინდაური, მოკუნტრუშე კვიცი, სამრეკლოიანი პატარა ეკვდერი, აყვავებული მსხალი,

ეკვდრის კედელზე რომ მიეფინა ტოტები. აი, ის ეზო, რომლის ალება სანატრელად გახდომოდა ნაპოლეონს. რომ გაემარჯვა და აელო ეს ეზო, იქნება მთელი ქვეყნის ბატონ-პატრონი გამხდარიყო. ქათმები ქექავდნენ მტვერს, ინგლისელების მაგივრად უზარმაზარი ძაღლი იღრინებოდა.

ვაჟაკურად იბრძოდნენ აქ ინგლისელები. კუკის ოთხმა რაზმმა შვიდი საათი გაუძლო მთელი ლაშქრის იერიშს.

ჰუგომონი რუკაზე ოთხკუთხაა, უსწორმასწორო, თითქოს ჩამოჭრილი ჰქონდეს ერთი კუთხე. ამ კუთხეში იყო სამხრეთი კარი, დაცული კედლით, საიდანაც მისი ნიშანში ამოღება ადვილი იყო. ორი კარი აქვს ჰუგომონს, სამხრეთით - ციხესიმაგრისა და ჩრდილოეთით - ფერმისა. ჰუგომონის ასაღებად ნაპოლეონმა თავისი ძმა, უერომი, გაგზავნა; იქ შეიყარნენ გილემინოს, ფუას და ბაშლუს ჯარები. იქ მოქმედებდა და იქვე დაიღუპა თითქმის მთლიანად რეილის კორპუსი. კელერჰანმა ზარბაზნის ყუმბარები გამოლია და მაინც ვერაფერი დააკლეს მის გმირულ კედელს. ძლივძლივობით მოახერხა ჰუგომონის ალება ბოდუენის ჯარმა ჩრდილოეთიდან; სუას ჯარმა სამხრეთიდან მხოლოდ შეარყია, ალებით კი ვერ აიღო.

ფერმის შენობებით არის შემორკალული სამხრეთი ეზო. ჩრდილოეთით ფრანგების მიერ დამსხვრეული ალაყაფის კარების ნაშთია ჩამოკიდებული კედელზე, რომელსაც ცხადად ეტყობა იერიშის ნიშნები. ეზოს სიღრმეში ნახევრად ღია, ფრანგების მიერ შენგრეული ჩრდილოეთის კარიბჭე მოჩანს, რომელიც ზევით აგურის და ქვებით ქვის კედელში ყოფილა დატანებული. ეს კედელი ფარგლავს ეზოს ჩრდილოეთის მხრით. ეს უბრალო ალაყაფის კარია, უხეში, ფართო ფიჯრის დარაბებისგან შემდგარი, როგორსაც ყოველ ფერმაში ნახავთ. ამის იქით გაშლილი მინდვრებია. ამ შესასვლელისთვის უმონყალო ბრძოლა მიდიოდა. კარის ამყოლ წირთხლს დიდხანს აჩნდა სისხლიანი ხელების კვალი. აქ მოკლეს ბოდუენი.

სამლოცველოს გვერდით აღმართულია კოშკის ერთი ფრთა - ერთ-ერთი ნაშთი ჰუგომონის ციხე-დარბაზისა - დგას დანგრეული, შეიძლება ითქვას, წელეგამოყრილი. ციხე-დარბაზი სანგრად გამოუყენებიათ, სამლოცველო კიდევ - ბლოკჰაუზად. აქ საშინელი სისხლისღვრა მოხდა. ფრანგებს, რომელთაც ყოველი მხრიდან უშენდნენ ტყვიას, კედლებიდან, ბელეების სახურავებიდან, სარდაფების სიღრმიდან, ყოველი ფანჯრიდან, - მოეზიდათ ფიჩხონები და ცეცხლი გაეჩინათ კედლებისათვის. ფინდიხისთვის ცეცხლით გაუციათ ჰასუხი!

დანგრეულ ფლიგელში რკინის ცხაურიანი სამრეკლოებიდან მოჩანს მთავარი აგურის შენობის ოთახების ნანგრევები, სადაც ინგლისის გვარდია ყოფილა ჩასაფრებული; ხრახნილი კიბე, რომელიც ქვედა სართულიდან დანყებული, სახურავამდე დახეთქილია და გატეხილი ნიჟარის შიგნითა მხარეს მოგავიწყებთ, ორსართულიანი ყოფილა. ჩასაფრებული ინგლისელები ზედა საფეხურებზე ასულან და გადაუჭრიათ ქვედა საფეხურები. შავ-მოიისფრო ქვის ფართო ფილები ახლა ჭინჭარშია მიყრილი. ათამდე საფეხური ისევ შერჩენია კედელს. პირველზე ამოჭრილია სამკაპის გამოხატულება. ეს მიუწვდომელი საფეხურები მტკიცედაა ჩამჯდარი ღრმულეებში, დანარჩენი კი უკბილო ყბას დამსგავსებია. აქვე ორი ხე იზრდება. ერთი გამხმარა, მეორე ძირშია დაზიანებული, მაგრამ აპრილში მაინც ფოთლებით იმოსება. 1815 წლიდან კიბის შუაში დაუნყია ზრდა.

ჯერაც ეტყობა ამ ეზოს ომის საშინელება. ხელჩართული ბრძოლა გაქვავებული დარჩენილა, თითქოს თქვენ თვალწინ იყოს სიკვდილ-სიცოცხლის ჭიდილი. სულთმობრძავებით წაწოლილა კედლები, ცვივა ქვები, კვნესის ნაპრალები, ჭრილობად გეჩვენებათ ტყვიით ნახვრეტი, გასაქცევად მომზადებულს ჰგვანან დახრილი და გადაზნექილი ხეები.

1815 წელს ამ ეზოში მეტი შენობები იყო, ვიდრე დღეს არის. შემდეგ დაანგრეს, ძირს დასცეს და მაშინ კი დიდ დაბრკოლებას წარმოადგენდნენ იერიშით მომავალთათვის.

ინგლისელებს ბარიკადები აევოთ ეზოში და ჩასაფრებულებიყვნენ. ფრანგები შეჭრილან, მაგრამ ფეხი ვერ მოუკიდებიათ. უცნაური სანახაფია დღეს სამლოცველო, რომელშიც შეუწყვეტელი ბრძოლა წარმოებდა. წირვა-ლოცვა აღარ ყოფილა მას შემდეგ, თუმცა შენახულია ხის საკურთხეველი, გაუთლეელი კლდის ქვაზე მიმაგრებული; კედლები კირით ჰქონია შეღებილი; საკურთხეველის პირდაპირ არის კარი, ორი პატარა ფანჯარა და ხის ჯვარცმა კარსზევით; ჯვარცმის ქვეშ თვით გატენილი ოთხკუთხა სარკმელია და საკურთხეველთან წმ. ანას XV საუკუნის ხის ქანდაკება. ჩვილი იესოს თავი ფინდიხით არის მოგლეჯილი. ფრანგებმა დაიჭირეს სამლოცველო, მაგრამ ვერ გაუძლეს მტერს და ცეცხლი წაუკიდეს. ცეცხლმა დაწვა კარი, ნაწილი ჯვარცმისა და თვითონ ჯვარცმულს კი არ შეხებია, - სასწაული მოხდაო, - იძახის ხალხი. თავნავლეჯილი ჩვილი იესო ქრისტესავით ბედნიერი არ ყოფილა. კედლები წარწერებითაა დაფარული, ჯვარცმის ფერხითთ სხვადასხვა სახელები წერია: „

Henquines. Conde de Rio Maior. Marques y Marquesa de Almagro (Habana)

“. შეხედებით ფრანგულ სახელებსაც გაკვირვების ნიშნებით რისხვის გამოსახატავად. 1849 წელს კედელი შეუთეთრებიათ. სხვადასხვა ეროვნების წარმომადგენლები შეურაცხყოფდნენ აქ ერთიმეორეს. ამ სამლოცველოს კარებთან ენახათ გვაში ჩუგლუგით ხელში. ეს ყოფილა უმცროსი ლეიტენანტი ლეგრო. სამლოცველოდან რომ გამოხვალთ, მარცხნივ დაინახავთ ჭას.

ორი ჭა არის ეზოში. უნებლიეთ იკითხავთ; რატომ არ არის ზედ ჭოჭონაქი, ვედრო? იმიტომ, რომ იქიდან წყალს აღარ იღებენ. და რატომ არ იღებენ? რადგან თითქმის პირამდე სავსეა ჩონჩხებით.

უკანასკნელად ამ ჭიდან წყალი ამოიღო ვან კილსომმა, ჰუგომონის მეზაღემ. 1815 წლის 18 ივნისს მისმა ოჯახმა ტყეს შეაფარა ყოვლი. უამრავი ხალხი აფარებდა მაშინ ტყეს თავს. ის კი ჰუგომონში დარჩა და სარდაფში ჩაიმალა. იპოვეს ინგლისელებმა, ამოიყვანეს, ბევრი ურტყეს სიბრტყით ხმალი და წყლის ამოტანა უბრძანეს; ისიც სწორედ იმ ჭიდან უზიდავდა სასმელ წყალს.

ბრძოლის შემდეგ მაშინვე მკვდრების დამარხვას მიჰყვეს ხელი. გამარჯვებას სიკვდილი სდევს და დიდებას - ჭირი. სახადი თანამგზავრი არის გამარჯვებისა. ჭა ძალიან ღრმა იყო და საფლავად გამოიყენეს. სამასი კაცი ჩაყარეს შიგ დიდი აჩქარებით. მკვდრები კი იყვნენ ყველანი? ხალხის თქმულებით - არაო; ბრძოლის მომდევნო ღამეს ჭიდან კვნესა ისმოდა - გვიშველეთო!

ერთადერთი სახლი დარჩენილა ამ ეზოში საცხოვრებელი და იქ ცხოვრობს შვილიშვილი მეზაღემ ვან კილსომისა. ჭლარამერეულმა დედაკაცმა მიაბზო: - მე აქ ვიყავი მაშინ, სამი წლის ბავშვი, ჩემს უფროს დას ეშინოდა და ტიროდა. ტყეში

ნაგევასხეს, მე დედას ხელში ვეჭირე. დედამინაზე ადებდნენ ყურს, რომ ზარბაზნის სროლა გაეგონათ. მე ვიძახდი: „ბუმ, ბუმ!“

ეზოდან ყვავილების ბაღში ჩადის დაქანებული გზა. ამ ბაღში იყო, ექვს მსროლელს რომ შემოეხვივნენ გარს ჰანოვერელები და სროლა დაუნწყეს ზემოდან, როგორც ბუნაგში მიმწყვდეულ დათვის. მოცხარის ბუჩქებს ამოფარებულ ექვს კაცს ებრძოდა ორასი. მამაცი მსროლელები თხუთმეტ წუთს იბრძოდნენ, სანამ დახოცავდნენ.

ყვავილნარის ზემოთ ხეხილის ბაღია, სადაც რამდენიმე კვადრატული საუენის მანძილზე მოკვდა ათასი ხუთასი კაცი ერთი საათის განმავლობაში. კედელი აკრავს უკნიდან ამ ბაღს, დოლაბებით დახვრეტილი, თითქოს დღესაც მზად იყოს საბრძოლველად; ოცდათვრამეტი დოლაბი აქვს. ამ კედელს გარედან ცოცხალი მცენარეების ბუჩქნარი ღობე მალავდა. ფრანგებს ეგონათ, ამ ღობეს გაეჩხავთ და მტერს შეემუსრავთო, აუღებელ კედელს კი მიადგნენ, რომლის უკან ინგლისელები იდგნენ და დოლაბებიდან თოფს ესროდნენ და ფინდიხს. იქ დაიღუპა სუას ჯარი. იქ იყო დასაწყისი ვატერლოოს ბრძოლისა.

ყვავილების ბაღიც აიღეს, ხეხილისაც, ფრანგებმა. კიბე რომ არა ჰქონდათ, კატებივით მიძვრებოდნენ კედელზე, ხელჩართულნი იბრძოდნენ ხეების ქვეშ. ბალახი სულ სისხლით შეიღება. ნასაუს ბატალიონი, შვიდასი კაცი, უკლებლივ იქ დაიღუპა. კედელი მთლად დასერილია კელერმენის ზარბაზნების ფინდიხით.

ბაღში, ბალახში ერთი ხე გდია, ფესვებიანად ამოგდებული. მაიორი ბლაკმანი ამ ხეს მიეყრდნო, რომ სული დაეღლია. იქვე, ერთი დიდი ხის ჩრდილში მოკვდა გერმანელების გენერალი ლუპლა, შთამომავალი იმ ფრანგებისა, რომლებიც გაიხიზნენ სამშობლოდან, როდესაც 1685 წელს ნანტის ბრძანება გაუქმდა.

აქ მოკვდა ბოდუენი, აქ დაჭრეს ფუა, აქ მძვინვარებდა ცეცხლი, იჟლიტებოდა ხალხი, აქ იღვრებოდა სისხლი ფრანგებისა, ინგლისელებისა, გერმანელებისა - ერთმანეთში არეული. აქ იყო ადამიანებით გავსილი ჭა, სულ აქ ჩაიხოცა ნასაუსა და ბრაუნშვაიგის ლეგიონები. აქ მოკვდა დუპლა, ბლაკმანი, დასახიჩრდნენ ინგლისელი გვარდიელები. აქ დაიღუპა ოცი ბატალიონი ფრანგებისა, ნახევარი რეილის ორმოცისა ხმლით აკუნულ იქნა, დაიჭრა, ტყვეით გაიგმირა, დაიწვა სამი ათასი კაცი. ყოველივე ეს მხოლოდ იმისთვის, რომ ამჟამად ვინმე გლეხმა უთხრას მგზავრს:

- სამი ფრანკი მიბოძეთ, ბატონო, და თუ ვნებავთ, მე გაგაცნობთ ვატერლოოს ბრძოლის ამბავს.

თავი მესამე

1815 წლის 18 ივნისი

უკან დავბრუნდეთ - ეს უფლება არის ავტორისა. გადავიდეთ 1815 წელში - ცოტა უფრო ადრე იმ ამბებამდე, რომელიც მოთხრობილია ამ წიგნის პირველ ნაწილში.

1815 წლის 17 ივნისის ღამით წვიმა რომ არ მოსულიყო, ევროპის მომავალი მთლად შეიცვლებოდა. წვიმის რამდენიმე მეტი ან ნაკლები წვეთი - აი მიზეზი ნაპოლეონის დაცემისა. აუსტერლიცი რომ ვატერლოოდ დაბოლოებულიყო, განგებას წვიმა დასჭირდა. უდროოდ დროს ცაზე გავლილი ღრუბელი საკმარისი იყო, რომ ქვეყნიერებას სახე ეცვალა.

ვატერლოოს ბრძოლა მხოლოდ თორმეტის ნახევარზე დაიწყო, რამაც საშუალება მისცა ბლუხერს დროზე მოსულიყო და არ დაგვიანებოდა. ბრძოლა გვიან დაიწყო, რადგან მიწა იყო დამბალი. უნდა შემშრალიყო, რომ არტილერიას მიმოსვლა შესძლებოდა.

ნაპოლეონი არტილერიის ოფიცერი იყო და ეს კარგად იგრძნობოდა მის მოქმედებაში. ამ გასაოცარი სარდლის არსება მთლად გამოიხატა მის მიერ ღირეულობისადმი მიწერილი მოხსენების ერთ წინადადებაში აბუკირის შესახებ: „ამა და ამ ჩვენმა ყუმბარამ ექვსი კაცი მოკლა“. ბრძოლის გეგმას ყოველთვის ზარბაზნებზე ამყარებდა. გამარჯვებული იყო, თუ შეძლებდა მთელი თავისი არტილერიისათვის თავი მოეყარა ერთ დანიშნულ ადგილას. მტრის მხედართმთავრის სტრატეგია ციხესიმაგრედ მიაჩნდა, ცდილობდა მის შენგრევას, მის სუსტ ადგილებს უშენდა ზარბაზანს. ზარბაზნით იწყებდა და ამთავრებდა ბრძოლას და ისე ამარცხებდა მტერს. გენიოსი იყო უმთავრესად ზარბაზნით; ყუმბარებით არღვევდა მტრის ჯარს, შლიდა, ფანტაზა და თან სცემდა და სცემდა ისევ ზარბაზნით. ეს საშინელი წესი მიემატა მის გენიას და მისი წყალობით იყო, რომ თხუთმეტი წლის განმავლობაში დაუმარცხებელი დანავარდობდა ეს პირქუში დევგმირი ომის მუშტიკრივისა.

1815 წლის 18 ივნისს მით უფრო იმედს ჰქონდა არტილერიისა, რომ რიცხობრივი უპირატესობა მის მხარეზე იყო; ველინგტონს ას ორმოცდაცხრამეტი ზარბაზანი ჰქონდა, ნაპოლეონს - ორას ორმოცი.

მიწა რომ მშრალი ყოფილიყო, არტილერიის მოძრაობას ხელს არაფერი შეუშლიდა, ბრძოლა დილის 6 საათზე დაიწყებოდა და ორ საათზე დამთავრდებოდა, სამი საათით ადრე პრუსიელების მოსვლამდე.

განა ნაპოლეონის ბრალი იყო ამ ბრძოლის წაგება? განა მესაჭის ბრალია ზღვის დელუვა? ხნეირი კაცი იყო იმ დროს ნაპოლეონი და ნუთუ ნიჭსაც დაეტყო შემცირება? ოცი წელიწადი ხმალი არ ჩაეგო კაცს, და ნუთუ პირიც ისე გასცვეთოდა ხმალს, როგორც ქარქაში? სულიც ისევე, როგორც ტანი? ნუთუ ვეტერანი შეპარულიყო მხედართმთავარში? მოკლედ რომ ვთქვათ, ნუთუ უკვე ბნელდებოდა მისი გენია, როგორც ფიქრობდნენ მრავალი ისტორიკოსთაგანი? ნუთუ ისეთი გამზავებული იყო, რომ თავის თავსაც კი უმაღავდა თავის დასუსტებას? ნუთუ უკვე შემკრთალიყო მოულოდნელის მოლოდინში? ნუთუ ამ ხორციელით გატაცებულ დიდებულებს, რომელთაც ბუმბერაზებად თვლიან, ეწვევათ ხოლმე სიბევე გენიოსისა? იდეალით გატაცებულებს ვერ სძლევს სიბერე; დანტესთვის და მიქელანჯელოსთვის სიბერე ზრდა არის. ჰანიბალისთვის და ბონაპარტისთვის? ნუთუ სიბერე დაკნინებაა? ნუთუ ვეღარ ითვალისწინებდა საფრთხეს, მოულოდნელ მახეს? ნუთუ ალღო დაჰკარგვოდა განსაცდელისა? აქამდე ხომ ხელში ეჭირა გამარჯვების ყველა გზა და თითის გამწვანების მეთი არაფერი სჭირდებოდა თავისი ბრწყინვალე ეტლიდან მტრის მიზანში ამოსალეხად; ახლა რა დაემართა, რომ დამარცხებისათვის გზავნიდა თავის ლაშქარს? ნუთუ ორმოცდაექვსი წლის კაცს სრული სიმშავე მოერია? ნუთუ უშველებელ მუღეტავად გარდაქმნილიყო ეს ბუმბერაზი მეეტლე ბედისწერისა?

არა, ჩვენ მაგას არ ვფიქრობთ.

ნაპოლეონის ბრძოლის გეგმა, როგორც ყველა ამტკიცებდა, შედეგრი იყო, მტრის ცენტრს უნდა დასცემოდა, გაერღვია, ორად გაეყო, ბრიტანელები ალისკენ გაენია,

პრუსიელები - ტონგრისკენ; ველინგტონი და ბლუხერი ერთმანეთისთვის დაეშორებინა, სენ-ჟანის მთა აეღო, დაეპყრო ბრიუსელი, გერმანელები უკუვედო რაინამდე, ინგლისელები კი -ზღვამდე. ეს ყოველივე ამ ბრძოლით, ხოლო დანარჩენი შემდეგისთვისაო.

ცხადია, რომ ჩვენ არ ვწერთ ვატერლოოს ისტორიას. ამ ბრძოლის ერთ ეპიზოდს კავშირი აქვს ჩვენს მოთხრობასთან და იმას ვეხებით. თვით ბრძოლის ისტორია კი უკვე არის და კარგადაც არის დაწერილი; ნაპოლეონის მიერ - ერთი თვალსაზრისით და მრავალი ისტორიკოსის მიერ - სხვა თვალსაზრისითაც.

ჩვენ კი, ჩვენ მართო შორიდან მაყურებელი ვართ, ბრძოლის ველზე გამვლელი, მაძიებელი, ადამიანის სისხლით გაჟღერებულ მინაზე დახრილი, რომელსაც შეიძლება ნამდვილად სწამდეს, რაც ეჩვენება. არც უფლება გვაქვს, მეცნიერების სახელით ვჩხრიკოთ ურიცხვი საბუთი, სადაც, ეჭვგარეშეა, ლანდიც უნდა ვერიოს, და არც მხედრული გამოცდილება და სტრატეგიული განვითარება შეგვწევს მისი განსჯისათვის. ჩვენი აზრით, ვატერლოოს ბრძოლა მოულოდნელმა შემთხვევამ გადაწყვიტა და როდესაც საქმე ბედზე მიდგება, ამ საიდუმლო ბრალდებულზე, ჩვენც ხალხივით ვსჯით. ხალხი გულმართალი მსაჯულია.

თავი მეოთხე

A

ვისაც უნდა ნათლად წარმოიდგინოს ვატერლოოს ბრძოლა, დახატოს გონებით დიდი „A“. ამ ასოს მარცხენა ხაზი ნიველის გზაა, განივი ხაზი - ოჰენიდან ბრენ-ლ'ალესკენ მიმავალი და მარჯვენა ხაზი - უენაპის გზა. ზემო კუთხე ამ ასოსი არის სენ-ჟანის მთა. ამ მთაზე ბრძანდება ველინგტონი. მარცხენა ქვემო კუთხე არის ჰუგომონი, აქ დგანან რეილი და უერომ ბონაპარტი. მარჯვენა კუთხე არის ბელალიანსი და აქ დგას ნაპოლეონი.

იმ წერტილის ცოტა ქვევით, სადაც A-ს მარჯვენა ხაზს ჭრის განივი ხაზი, მდებარეობს ჰე-სენტი. ამ განივი ხაზის შუაში არის ის ადგილი, სადაც გადაწყდა ბრძოლის ბედი. სწორედ აქ არის დადგმული ლომი - ძალაუნებური სიმბოლო იმპერატორის გვარდიის უდიდესი გმირობისა.

ასოს თავში რომ სამკუთხედიანია, ორ ხაზსა და კადონს შორის, ეს მონ-სენადტის ტაფობია. მთელი ბრძოლის შინაარსს ამ ტაფობისთვის ჭიდილი შეადგენდა.

ორივე ჯარის ფრთები გაშლილი იყო უენაპისა და ნიველის გზის მარჯვნივ და მარცხნივ. დერლონი პიქტონის პირისპირ იდგა, რეილი - ჰილლის.

A-ს მწვერვალს იქით, მონსენჟანის უკან, სუანის ტყეა. რაც შეეხება თვით ველს, წარმოიდგინეთ ვრცელი ტალღისებრი სიბრტყე; თითოეული ტალღა მომდევნოზე მაღალია; ამგვარად, თანდათან მაღლდება მონსენჟანის მიმართულებით და ბოლოვდება ტყით.

ორი მონინალმდევე ლაშქარი ბრძოლის ველზე ორი მოჭიდავე ფალავანია. ერთმანეთის ნაქცევა უნდათ და ყველა საშუალებას ხმარობენ გამარჯვებისთვის. ბუჩქს საფარად გამოიყენებენ, კედელს - საყრდნობად, თორემ უკან დაიხევს მთელი რაზმი. ხევი რომ დახვდეს სადმე, ტყე ან მდინარე, ისიც კი შეაყოვნებს ამ დევების წინსვლას, ან უკან დახევას, რომელსაც ლაშქარი ჰქვია. და ვინც გავიდა ბრძოლის ველიდან,

დამარცხებულ იქნა არის. ამიტომ პასუხისმგებელი მხედართმთავრის მოვალეობაა, დაწვრილებით შეისწავლოს ის ადგილი, სადაც ბრძოლას აპირებს.

ორივეს წინასწარ გაეცინა ის მინდორი და სენ-ჟანის მთა, რომელსაც დღეს ვატერლოოს ველს ეძახიან. ველინგტონს ჯერ კიდევ ერთი წლის წინ დაეთვალაწერებინა ეს ადგილები, რადგან აქ უფრო ხელსაყრელად მიაჩნდა დიდი ბრძოლის მოწყობა. ამ საბედისწერო დუელში ველინგტონს კარგი სიმამრე დაეჭირა, ნაპოლეონს ცუდი დარჩენოდა, ინგლისელები მალეობზე იყვნენ, ფრანგები - დაბლობზე.

საჭირო არ უნდა იყოს აქ ნაპოლეონის დახატვა თავისი ცხენით და ჭოკრით ხელში, როსომის მწვერვალზე, 1815 წლის 18 ივნისის განთიადისას, უჩვენოდაც კარგად იცნობს მთელი ქვეყანა. მშვიდი სახე პატარა ბრინჯული ქედის ქვეშ, ფორმის მწვანე ტანსაცმელი, რომელსაც არაფერი ეტყობოდა მისი გენერლობისა, თეთრი ცხენი ხავერდის ყაჭართ, რომლის ორივე მხარეს გვირგვინით მოსილი ასო იყო ამოქარგული - პირველი ასო მისი სახელისა - და არწივები, ვერცხლის ღებები, მარნევოს ხმალი. უკანასკნელი კეისრის ეს სურათი ჯერაც თვალწინ უდგას ყველას, ზოგიერთისთვის თაყვანსაცემი და ზოგიერთისთვის საგმობი.

სხივმოსილი იყო ნაპოლეონი დიდი ხნის განმავლობაში, მაგრამ გმირს მცირედით ყოველთვის ახლავს ლეგენდარული შარავანდელი, რომელიც აბნელებს სინამდვილეს. ისტორიის მოვალეობაა ამ ბნელის აცლა. ამ მხრივ ულმობელია ისტორია, უცნაური თვისება აქვს; რადგან ზეციური მხოლოდ სინათლეა, ხშირად იქ ანათებს სიბნელეს, სადაც ბრწყინვალეების სხივი არ მოიპოვება და ბნელს ჰფენს იქ, სადაც ბრწყინვალეების მეტი არაფერი ჩანდა. ერთი და იმავე ვაცის ორ განსხვავებულ აჩრდილს ქმნის; ერთმანეთს ებრძვიან ეს ორნი - მტარვალის სიმკაცრე ებრძვის მხედართმთავრის მიმზიდველობას. მათ შორის მართალი ხალხმა განსაჯოს.

მიწასთან გასწორებული ბაბილონი ამცირებს ალექსანდრე მაკედონელს; დამონებული რომი ამცირებს იულიუს კეისარს; მიწისპირიდან ალგვილი იერუსალიმი ამცირებს ტიტეს, მტარვალს თან სდევს მტარვალობა; უბედურება და შერცხვენაა, თუ მოღვაწე თავის შემდეგ ტოვებს ბნელს, რომელსაც მისი სახე მიუღია.

თავი მეხუთე

QUID QBSCURUMM საერთოდ ბრძოლისა

ყველას ემახსოვრება ამ ბრძოლის დასაწყისი, საშინელი უფრო ინგლისელებისთვის, ვიდრე ფრანგებისათვის.

მთელი ღამე წვიმდა; დამბალი იყო მიწა, ყველგან გუბეები იდგა, ზოგან ღერძამდე ტალახში ეფლობოდა ეტლები. გათელილი ყანა რომ არ დასდებოდა მიწას, მოძრაობა შეუძლებელი იქნებოდა.

გვიან დაინყო ბრძოლა: ნაპოლეონს ჩვეულებად ჰქონდა, მთელი არტილერია, როგორც დამბაჩა, ხელში უნდა სჭეროდა, რომ ხან აქეთ დაეშინა ყუმბარა, ხან იქით, და ელოდა მიწის გამრობას, რომ ზარბაზნების მიმოტანა შესძლებოდა. მზე უნდა ამოსულიყო, რომ გაეშრო მიწა. მზე კი არ ამოდიოდა. ეს აღარ იყო აუსტერლიცის შეხვედრა.

ზარბაზანი რომ გავარდა, ინგლისელმა გენერალმა კოლელომა საათს დახედა. ოცდახუთი წუთი აკლდა თორმეტს.

ბრძოლა მეტი გამძაგებით დაიწყო, ვიდრე თვითონ ნაპოლეონს უნდოდა. საფრანგეთის ჯარი იერიშით მიადგა ჰუგომონს. იმავე დროს ნაპოლეონმა კიოს და ნეის ჯარები მიმართა ინგლისელების შუა და მარცხენა მხარეს.

ჰუგომონზე იერიში ერთგვარი საომარი ხერხი იყო. ველინგტონის მარცხნივ გატყუება - ასეთი იყო გეგმა. იქნებ ასრულებულიყო კიდევ ეს გეგმა, მაგრამ მედგრად დაუხვდნენ ფრანგების ჯარს ინგლისელები და ბელგიელები. ველინგტონმა მარცხენა მხარის გასამაგრებლად ბრაუნშვაიგის ჯარი გაგზავნა, თვითონ კი თავის ადგილას დარჩა.

სავანგებოდ იყო განზრახული ფრანგების იერიში ინგლისელების მარცხენა მხარეს: უკან დასწევდნენ ინგლისელებს, შეუკრავდნენ ბრიუსელის გზას, შეაჩერებდნენ მომავალ პრუსიელებს, აიღებდნენ სენ-ჟანის მთას, ველინგტონს ჰუგომონისა და ბრენ-ლ'ალესკენ დაახვევინებდნენ.

ფრანგების მარჯვენა ფრთის იერიშს ჰუგომონზე განზრახული ჰქონდა გაენადგურებინა ინგლისელების მარცხენა ფრთა, გადაეჭრა ბრიუსელისკენ დასახვევი გზა, გასავლელი შეეკრა პრუსიელებისთვის, აეღო მონსენჟანი, დაეხვევინებინა ველინგტონისთვის, ჯერ ჰუგომონისკენ, იქედან ბრენ-ლ'ალესკენ, შემდეგ ჰალემდე. ყოველივე ნათელი იყო. იერიშმა მიზანს ნანილობრივ მიაღწია: პაპელოტი და ჰე-სენტი აღებულნი იქნა.

კიდევ ერთი წერილმანი. ინგლისის ქვეით ჯარში, მეტადრე კემპის გუნდში, მრავლად ერია ახალწვეული ჯარისკაცი. საკვირველი ვაჟუკაცობა გამოიჩინეს ამ გამოუცდელმა გლეხებმა საფრანგეთის ომში განვრთნილ ჯარებთან ბრძოლაში. სწორედ გამოუცდელობამ შესძინათ ვაჟუკაცობა. მონინავე მსროლელებად იყვნენ და ისე მაგრად დაუდგნენ ფრანგებს, რომ ბრძოლაში დაბერებულებსაც გაუჭირდებოდათ. წინა მსროლელად რომ არის ჯარისკაცი, თავის ნებაზე იბრძვის და თვითონ არის თავისი თავის გენერალი. სწორედ ფრანგული სიმარჯვე და სიმკაცრე გამოიჩინეს ამ თავგანწირულებმა. სიხარულით იბრძოდნენ ბიჭები და ზუსტად ეს არ მოსწონდა ველინგტონს.

თავიდან კარგად მიდიოდა საქმე. ჰე-სენტის ალების შემდეგ კი ვითარება საეჭვო გახდა.

ამ დღის შუადღიდან ოთხ საათამდე გაურკვეველი მდგომარეობა იყო. ბრძოლის შუაგული თითქმის მიუწვდომელია და ბნელით მოსილ უნესო ჭიდილს წაავას.

დაბინდა.

ბურუსში რაღაც უზარმაზარი ტორტმანებს. თავბრუდამხვევი მირაჟია. ერთმანეთში ირევა იმდროინდელი ომის ამჟამად უკვე დროგადასული ატრიბუტები: კუდიანი ბოხობები, აფრიალებული აშურგები, მებრძოლთა ტყავის საჭურველი, ყუმბარების სავაზნები, ჰუსარების დოლომანები, წითელი დანაოჭებული ჩექმები, მძიმე ზონრით მოქარგული კივერები; ბრაუნშვაიგის ჩამავებული ქვეითი ჯარი არეული ინგლისის ღია წითელ ფორმიან ჯარისკაცებთან, რომელთაც სამხრეების ნაცვლად დიდი მრგვალი თეთრი ლილვაკები ეკეთათ, ჰანოვერის მსუბუქი არტილერია ტყავის მოგრძო ჩაჩქნებით, სპილენძის ბალთებითა და წითელფაფრიანი ცხენებით, შიშველ მუხლებიანი შოტლანდიელები კუბოკრული მოსასხამებით, ფრანგი გრენადერები

მაღალი საკვებებით - ყოველივე ეს უფრო სურათებს წააგავს, ვიდრე სტრატეგიულ რიგებს, უფრო საინტერესოს სალვატორ როზასთვის, ვიდრე გრიბოვალისთვის.

ცოტა რამ ქარიშხლისა ურევია ყოველთვის ბრძოლაში.

Quid obscurum, quid divinum. ყველა ისტორიკოსი ისე ხატავს ბრძოლის მოხაზულობას, როგორც მას მოსწონს ამ აურზაურში. რაც უნდა კარგი იყოს გენერლების მოსაზრება, შეიარაღებულ ხალხთა შებრძოლება მაინც მრავალ მოულოდნელობას ქმნის. როგორც კი ბრძოლა გაჩაღდება, მხედართმთავრების ორი გეგმა ერთმანეთში ირევა. ბრძოლის ველის რომელიმე ადგილი უფრო მეტ ძალას მოითხოვს, ვიდრე მეორე, ისე, როგორც ფხვიერი მიწა მეტ წყალს საჭიროებს, ვიდრე მკვრივი. საჭირო ხდება მეტი ჯარი განათავსოთ იქ, ვიდრე გინდოდათ, მოულოდნელი ხარჯივით. ბრძოლის ხაზი ირხევა და იკლავება, მოკლდება და იჭიმება, როგორც ბანარი; იქიდან არ მოდის სისხლის ღვარი, საიდანაც იყო განზრახული. ლაშქრის წინა რიგი ხშირად ირღვევა; კონცხებსა და ზღვის ყურეებს ქმნიან შიგნით შემავალი და გამომავალი რაზმები, ბრავებით ავსებენ იქაურობას. ქვეითი ჯარის ადგილს უცხად არტილერია იჭერს და არტილერიისას - ცხენოსნები. ბრძოლის ველზე კვამლივით არის რაზმი: რაღაც იყო აგერ იქ. მოძებნეთ, უკვე გაქრა. ხან იქ ირღვევა ჯარი, ხან აქ, რაღაც სამარისებური ქარი უბერავს. ხან ერთად შეაგროვებს, ხან ისევ გაფანტავს ამ ტრაგიკულ მასებს. რა არის შეტაკება? მერყეობა. მათემატიკური გეგმის უცვლელიობა ერთ წამს გულისხმობს და არა მთელ დღეს. ბრძოლის დასახატად ის დიდებული მხატვარი გვიჩნდა, რომელიც ქაოსის დახატვას შეძლებს თავისი ფერებით; რემბრანდტი სჯობია ვან-დერ-მეულენს; ვან-დერ-მეულენი მართალია შუადღისას და ტყეილს ურევს ცოტახნის შემდეგ.

ბრძოლის ველზე გეომეტრია ტყუის. უტყუარი მართო ქარიშხალია. ამიტომ არის, რომ ჩვენი ფოლარი არ ეთანხმება პოლიბს. ისიც უნდა ვთქვათ, რომ ბრძოლაში ყოველთვის არის ერთი წამი, როდესაც ცალკეულ კერძო შეტაკებად იქცევა ლაშქართა ბრძოლა, ირღვევა და იფანტება აურაცხელ წვრილმანად, რომელიც, - ნაპოლეონის სიტყვას გავიმეორებთ, - „უფრო რაზმების ბიოგრაფიას ეკუთვნის, ვიდრე მთელი ლაშქრის ისტორიას“. ამ შემთხვევაში ისტორიკოსს რჩება დასკვნის გამოტანის უფლება; მხოლოდ ბრძოლის ზოგად კონტურებს მოხაზავს და ვერავინ შეძლებს, რაც უნდა გულისმოდგინედ სწყუროდეს ჭეშმარიტება, სწორად გამოხატოს იმ საშინელი ღრუბლის ფორმა, რომელსაც ლაშქართა ბრძოლა ჰქვია.

ეს სიმართლეა ყველა დიდი ბრძოლის შესახებ და ზედგამოჭრილი ვატერლოოს ბრძოლაზე.

შუადღის შემდეგ უკვე გაირკვა ბრძოლის მიმდინარეობა.

თავი მეექვსე

ნაშუადღევის ოთხი საათის შემდეგ

ცუდად იყო ამ დროს ინგლისელების საქმე.

ორანის უფლისწული ცენტრს მეთაურობდა. ჰილი - მარჯვენა ფრთას და პიქტონი - მარცხენას. მამაცი უფლისწული თავგამეტებით უყვიროდა ჰოლანდიელებს და ბელგიელებს: „ნასაუ! ბრაუნშვაიგ! არ დაიხიოთ არავითარ შემთხვევაში!“ არაქათგამოცლილი ჰილლი ველინგტონს შეუერთდა. პიქტონი მოკლეს. იმ დროს,

როდესაც ინგლისელებმა წაართვეს ფრანგებს 105 სასაზღვრო ლეგიონის დროშა, ფრანგებმა მოუკლეს ინგლისელებს პიქტონი: ტყვიით გაუხვრიტეს მას თავი. ორი სიმაგრე ჰქონდა ველინგტონს საიმედო: ჰუგომონი და ჰე-სენტი; ჰუგომონი ჯერ მაგრად იყო, მაგრამ ინვოდა. ჰე-სენტი ფრანგებს აეღოთ; ჰუგომონიც რომ აეღოთ, ერთიღა დარჩებოდა ველინგტონს - ცენტრი და სწორედ მის გასამაგრებლად გაგზავნა ჰილლი და შასე თავიანთი ჯარებით.

მაგრამ ასე გამაგრებულსაც ჰქონდა თავისი სუსტი მხარე - სუანის ტყე, რომელიც ბრძოლის ველს აკრავს და ჭაობებით არის გადაჭრილი. უკან დახევა ამ ტყით ლაშქრის დაშლას მოასწავებდა; რაზმები დაიფანტებოდნენ, არტილერია ჭაობებში ჩაილუპებოდა. საქმის მცოდნეთა აზრით, ამ გზით უკან დახევა გაქცევა იქნებოდა, თუმცა ზოგი არ ეთანხმებოდა მათ აზრს.

სწორედ ამიტომ გაამაგრა ველინგტონმა ეს საშიში წერტილი; იქ შეაგროვა თავისი ჯარების ოცდაექვსი ბატალიონი. მარჯვენა მხარე, შარასის სიტყვით რომ ვთქვათ, ცენტრის უკან დააყენა. მძლავრი ბატარეა მინით სავსე ტომრებით იყო დაფარული იქ, სადაც ახლა ეგრეთ წოდებული „ვატერლოოს მუზეუმი“ა. გარდა ამისა, ველინგტონს ათას ოთხასი ცხენოსანი გვარდიელი ჰყავდა დამალული პატარა ხევში.

ველინგტონი შენუხებული იყო, თუმცა ცდილობდა დამშვიდებულად სჩვენებოდა ჯარს; ცხენზე იჯდა მთელი დღე. სენ-ჟანის მთაზე იდგა, ერთი თელის ქვეშ, ძველი წისქვილის წინ, რომელიც დღესაც არის. ეს თელა ერთმა ბარბაროსმა ინგლისელმა ორას ფრანკად იყიდა, მოჭრა და ინგლისში გადაიტანა. გმირულად იდგა იქ ველინგტონი, მის ირგვლივ ყუმბარების წვიმა ცვიოდა. ლორდმა ჰილლმა ჰკითხა ამ დროს: - რა ბრძანებას გვიტოვებთ, მილორდ, თუ თავი შეაკალით მაგ მოურიდებლობით? - თქვენ ისევე მოიქცით, როგორც მე, - უპასუხა ველინგტონმა. კლინტონს მოკლედ მოუჭრა: - ფეხი არ მოიცვალოთ აქედან, მარტოდმარტოც რომ დარჩეთ! - ცუდად იყო საქმე და ველინგტონი ამხნევებდა თავის ძველ თანამებრძოლთ: - ბიჭებო! განა ისე დავეცემით, რომ უკან დავიხიოთ, ინგლისი შევარცხვინოთ?

ოთხი საათი სრულდებოდა, ინგლისელების ჯარი რომ ამოძრავდა. უცბად შეიცვალა ბორცვი და არტილერიისა და მსროლელების მეტი აღარავინ დარჩა; დანარჩენები გამქრალიყვნენ: ვეღარ გაუძლეს ფრანგების ყუმბარას და ფინდიხს. ინგლისის ლაშქრის წინა მხარე მიიმალა, ველინგტონმა უკან დაიხია.

- მალე ზურგსაც შემოგვაქცევენ! - დაიძახა ნაპოლეონმა.

თავი მემუიდე

ნაპოლეონი კარგ გუნებაზეა

ნაპოლეონი შეუძლოდ იყო, ანუხებდა ცხენზე ჯდომა, მაგრამ ყთავის დღეში არ ყოფილა ისეთ კარგ გუნებაზე, როგორც იმ დღეს. დილიდანვე იღიმებოდა ეს ღრმად ჩამალული სული, მარმარილოს ნიღბიანი; აუსტერლიცში დაღვრემილი, მხიარულად იყო ვატერლოოზე. უდიდეს რჩეულთაც მოსდით მსგავსი ცთომილება. მკრთალი ჩრდილია ჩვენი სიხარული. ნამდვილი სიხარული მარტო ღმერთსა აქვს.

Ridet Caesar, Pompeius flebit

, - იძახდნენ რომელი ჯარისკაცები. პომპეუსი ამჟამად არ იტირებდა და კეისარი კი მართლა იცინოდა.

იმ ღამეს არ სძინებია. ცხენით დადიოდა შხაპუნა წვიმაში ბერტრანთან ერთად, ათვალეფრებდა თავის ჯარს და ინგლისელების ცეცხლის ხაზს, დარწმუნებული იყო, რომ აქაც გაუღიმებდა ბედი. ერთ წამს შეაყენა ცხენი, ჭექა-ქუხილით და ელვით განრისხებულ ცას შეხედა და ჩუმი ხმით წარმოთქვა: - შეთანხმებულნი ვართ. ცდებოდა ნაპოლეონი, მათ შორის უკვე აღარ იყო შეთანხმება.

დილის სამის ნახევარი იყო, ჰუგომონის ტყის სიახლოვეს მომავალი ჯარის ფეხის ხმა მოისმა. ველინგტონის ჯარის დაბრუნებად ეჩვენა და წამოიძახა - რაკი უკანა ნაწილი დაიძრა, დანარჩენიც თან მოჰყვება. ოსტენლემი რომ ინგლისელები მოვლდნენ, ტყვედ ავიყვან ექვსიათას კაცსო. - ისევე ხუმრობდა, როგორც პირველ მარტს, გემიდან რომ ჩამოდიოდა კანში; ერთი გლეხი დაანახვა მარშალს, იმპერატორის დაბრუნებით აღტაცებული და უთხრა:

- ხედავთ, ბერტრან? ხალხი ჩვენკენ ყოფილა. - აქაც მასხარად ივდებდა ველინგტონს და იძახდა: - ჭკუა უნდა ვასწავლო პატარა ინგლისელებსო. წვიმა ისევე მატულობდა. სანამ ნაპოლეონი ლაპარაკობდა, ქუხილი ისმოდა.

ცუდი ცნობა მოუტანეს ოთხის ნახევარზე - ინგლისელები სრულებითაც არ აპირებენ წასვლას, არც იძვრიან, ცეცხლი არსად გაუქრიათო. ხუთზე კიდევ ორი ბელგიელი მოუყვანეს, მტრის ჯარიდან გამოქცეული. ამათაც იგივე მოახსენეს - ინგლისელები ბრძოლას ელიანო. - მით უკეთესი, - თქვა ნაპოლეონმა, - გაპარულს დამარცხებული მირჩევნია.

წვიმის გამო ჯარისთვის საჭირო სანოვავე ამ დილას დროზე ვერ მოვიდა, მშიერი იყო ჯარი და თანაც დასველებული; ნაპოლეონი კი იმედიანად იყო და მხიარულად შეჰყვირა წვის: - ასში ოთხმოცდაათი გამარჯვების შესაძლებლობა ჩვენკენ არის და ათი - იმათკენო.

რვა საათი იყო, საუბრე რომ მიართვეს იმპერატორს, რამდენიმე გენერალი მიიპატიჟა. საუბრის დროს უთხრეს, ველინგტონი გუშინწინ ბრიუსელში იყო, ჰერცოგ რიჩმონდის ქვრივის საზეიმო მეჭლის დაესწროო. იქვე სულტი იყო, დევივით მძღავრი და სახით არქიეპისკოპოსი, რომელმაც წამოიძახა: - საზეიმო მეჭლისი დღეს ნახოსო. როდესაც წვიმა თქვა, გიჟი კი არ არის ველინგტონი, რომ ლოღინი დაუწყოს იმპერატორსო, ეს სიტყვაც ხუმრობაში გაატარა ნაპოლეონმა. ძალიან უყვარდა ხუმრობა, - წერს ფლერი დე შაბულონი - თავის გრენადერებს გრონიარები დაარქვა - ბუზღუნები. ზოგს ყურს უწევდა, ზოგს - უღვაშს. სულ გველაზღანდარებოდა იმპერატორი, - თქვა ერთმა გრენადერმა. ელბის კუნძულიდან რომ ჩუმად საფრანგეთისკენ მიდიოდა, 27 თებერვალს, ზღვაში სამხედრო გემი „ზეფირი“ შეხვდა „ინკონსტანს“, რომელშიც ნაპოლეონი იჯდა. „ზეფირიდან“ ჰკითხეს, - იმპერატორი როგორ არისო? - გაიგონა ეს ნაპოლეონმა, აიღო ხმის გამძლიერებელი და სიცილით ჩასძახა: - იმპერატორი კარგად ბრძანდება! - ვისაც ასე შეუძლია ხუმრობა, მას ბედიც სწყალობს.

ცოტა ხანს ჩაფიქრებული იყო საუბრის შემდეგ, მერე თივაზე დაბრძანდა ორი გენერალი, მუხლებზე ქაღალდები დაიდეს და ნაპოლეონის კარნახით დაწერეს ბრძოლის განრიგება.

თერთმეტის ნახევარზე ფრანგები უკვე მზად იყვნენ საბრძოლველად. ისევ კარგ გუნებაზე იყო ნაპოლეონი და მხოლოდ ერთხელ მოიღუპა მცირე ხნით მტრის საცოდაობით: მარცხენა მხარეს დაინახა ყოჩაღი შოტლანდიელები თავიანთი საკვირველი ცხენებით და წამოიძახა: - ოჰ, საბრალონი!

შემდეგ შეცდა ცხენზე და მალეობზე დადგა ბრძოლის ყოველმხრივ სათვალეირებლად. ბუზივით ირეოდა მის ირგვლივ ტყვია და ყუმბარა. გზის მაჩვენებლად ერთი გლეხი ჰყავდა, ლაკოსტი, ინგლისელების მომხრე, ერთი ჰუსარის უნავიზე მიკრული. გულგახეთილი იყო გლეხი და სულ იმას ცდილობდა, ჰუსარის ზურგს უკან დამალულიყო. გაცხარებული ბრძოლის დროსაც თავისი არ დაიშალა ნაპოლეონმა: - არა გრცხვენია, სულელო! გინდა, რომ ზურგში მოგხვდეს ტყვია, შე ლაჩარო, შენა!

თავი მერვე

იმპერატორი ლაკოსტს ეკითხება

იმ დილას კარგ გუნებაზე იყო ნაპოლეონი.

მართალიც იყო. მის მიერ შედგენილი ბრძოლის გეგმა საკვირველი რამ იყო. ბრძოლის დანყების შემდეგ ბევრი რამ იცვლება თავდაპირველ გეგმაში, მაგრამ ყველა ცვლილებას ხელადა და არაფრით ირღვეოდა მისი მეფური, იმედის მომცემი სიმშვიდე. ჩვევად ჰქონდა, ბრძოლისთვის თვალი არ მოეშორებინა; ისე უნდა მდგარიყო, რომ არაფერი გამოჰპარვოდა. არ იყოდა ავის ცალკე თვლა და კარგისა - ცალკე, საქმე ანგარიში კი არა, შედეგი იყო - გამარჯვება. ცოტა რამ წახდა დასაწყისში, თუმცა ეს არ აწუხებდა, რადგან დაბოლოების გამგედ და ბატონად გრძნობდა თავს. ლოდინიც იყოდა, ვინაიდან თავისად მიაჩნდა გამარჯვება და ამხანაგად - თავისი ბედი. ისე იქცეოდა, თითქოს ბედს ეუბნებოდა: - ვერ გამიბედავო.

სანახევროდ ნათელიც იყო და ბნელიც ნაპოლეონი და ამიტომ კარვით თავის მფარველს აკმაყოფილებდა და ავიტ... ავსაც უთმენდა ბედი. სწამდა, რომ ხელს უწყობდა გარემოებანი, თანამოზიარედ უხდებოდა, როგორც ანტიკური - მიუნვდომელს.

მაგრამ აღამიანი რომ ბერეზინას გამოივლის, ლაიფციგსა და ფონტენებლოს, მგონი, ვატერლოოში მაინც უნდა გამოიჩინოს უნდობლობა. ცხადი იყო, რომ ზეცას საიდუმლოდ შეეკრა შუბლი.

ველინგტონმა რომ უკან დაინახა, ათრთოლდა ნაპოლეონი. უეცრად მოტიტვლებული დაინახა სენ-ჟანის თხემი; ინგლისელების ლაშქრის წინამხარი აღარსად იყო, რადგან ერთად იკრიბებოდა და იმალებოდა. წამოიწია ნაპოლეონმა თავის ცხენზე. გამარჯვების ელვამ გაურბინა თვალწინ.

ველინგტონი რომ ტყეში შეეტყუებინა და იქ ამოეფლიტა, ეს იქნებოდა საბოლოო ნაქცევა ინგლისისა საფრანგეთის მიერ. ეს იქნებოდა შურისძიება აგრესის, პუატიეს, მალპლაკისა და რამილის სისხლისათვის. მარენგოში გამარჯვებული კუდით ქვას ასროლინებდა აზენკურში გამარჯვებულ ინგლისელებს.

კარგა ხანს სინჯა თავისი ჭოგრით ინგლისელებისგან მიტოვებული ადგილი. საბრძოლველად გამზადებული გვარდია, რომელიც უკან იდგა, ქვევიდან ზევით შესცქეროდა თავის იმპერატორს. შეუმჩნეველი და ბრძოლისათვის სასარგებლო ან

მანებელი ბუჩქიც კი არსად დარჩენია; ერთი ბარიკადის გვერდით ძველი წმ. ნიკოლოზის სამლოცველო დაინახა, თეთრად შეღებილი, დიდი ხანი სინჯა, რალაც საეჭვოდ ეჩვენებოდა, მაგრამ ვერ არჩევდა. დაიხარა და ჩუმი ხმით რალაც ჰკითხა ლაკოსტს. თავი გაიქნია ლაკოსტმა, - არაო, - უთუოდ ღალატი ჰქონდა გუნებაში.

ჩაფიქრებული იყო ნაპოლეონი.

ველინგტონი გაბრუნდა. გაბრუნებულის შემუსვრა იყო საჭირო, სხვა არაფერი. ნაპოლეონმა უცხად პარიზს შიკრიკი აფრინა - გამარჯვება ჩვენიო.

ერთი იმ გენიოსთაგანი იყო ნაპოლეონი, რომლებიც გრვეინავენ. და აგერ იპოვა, ვისთვის დაეცა მუხი.

მილოს ბეგთაროსნებს უბრძანა მონ-სენ-ჟანის მთის აღება.

თავი მეცხრე

მოულოდნელობა

სამიათას ხუთასი კაცი გაჭიმულიყო მთელ კილომეტრზე, დევები იყვნენ უზარმაზარი ცხენებით. უკან, ზურგის გასამაგრებლად, ლეფევერის მთელი დივიზია იდგა. ჟანდარმები, გვარდიელები, შუბოსნები. დილით ალტაცებაში მოიყვანეს ნაპოლეონი და მისი ამაღლა, მწყობრად რომ გაიარეს თავისი ადგილის დასაკავებლად; ნაპოლეონის ორკესტრი ჰიმნს უკრავდა: „Veillons au salut de l'Empire“.

ადიუტანტმა ბერნერმა გადასცა ნაპოლეონის ბრძანება. ნეიმ იძრო ხმალი და გაუძღვა ამ დევებს.

სამინელება მოხდა.

მწყობრად დაიძრნენ ეს ცხენოსნები, ამოღებული ხმლებით, აფრიალებული დროშით.

სწრაფად ჩაიარეს ფერდობი და აღმართს მიაღწენ. ზევიდან ზუზუნით მოდიოდა ტყვია-ყუმბარა, ცხენოსნები კი ისევ მწყობრად ადიოდნენ მონ-სენ-ჟანის მთაზე ატალახებული ფერდობით, ახლაც ისევე გამარჯვებით ადიოდნენ, როგორც მოსკოვში. მიურატი აღარ ჰყავდათ, სამაგიეროდ ნეი მათთან იყო.

უცხად საზარელი სურათი დაინახა ნაპოლეონმა. ინგლისელების მარცხნივ, ფრანგების მარჯვნივ ყალყზე შედგნენ წინა რიგის ცხენები და გაისმა სამინელი ყვირილი. მთის თხემზე ჭენებით ავიდა მიმავალი მხედრობა და ღრმა ხევის მიაღწა მოულოდნელად. ყალყზე შემდგარ წინა რიგს უკნიდან მეორე რიგი აწვებოდა, იმას მესამე და ხევში ცვიოდა ცხენიც და მხედარიც. ერთ წყობას მეორე მისდევდა, მეორეს - მესამე, არავითარი საშუალება ამ ხევის აცდენისა ან უკან დახევისა არ იყო. ხევში ჩაიღუპა ის მძლავრი ჯარი, რომელსაც ბოლო უნდა მოელო ინგლისელებისათვის. როდესაც ცხენებითა და ცოცხალი მხედრებით ამოივსო მთელი ხევი, მაშინ ზედ გადაიარეს უკანა რაზმებმა.

ამით დაიწყო ბრძოლის წაგება.

ერთი ადგილობრივი თქმულება ამბობს, რომ ორიათასი ცხენი და ათას ხუთასი კაცი ჩანვა ამ ხევში, მაგრამ იქნებ აზვიადებდეს კიდევ. იქნებ მათ რიცხვში ის მკვდრებიც იყვნენ, რომლებიც მეორე დღეს ჩაყარეს იმავე ხევში.

ნაპოლეონმა, ვიდრე სენ-ჟანის მთაზე იერიშით ასვლის ბრძანებას გასცემდა, დიდი ყურადღებით შეამონწმა მთის ასავალი ფერდობი და პატარა თეთრი ეკლესია. მერე ლაკოსტს ჰკითხა, საშიში ხომ არაფერია ამ აღმართზეო. იმანაც თავი გაუქნია, არაო. შეიძლება ითქვას, რომ ამ გლეხის „არამ“ დალუპა ნაპოლეონი.

ამ გარემოებას სხვაც ბევრი აღნიშნავდა.

შესაძლებელი კი იყო, რომ ნაპოლეონს მოეგო ვატერლოოს ბრძოლა?

აი ჩვენი პასუხი: არა.

ველინგტონის გამო? ბლუხერის გამო?

არა, ეს იყო ღვთის ნება.

ბონაპარტი რომ გამარჯვებული დარჩენილიყო ვატერლოოში, ეს იქნებოდა სრული დარღვევა მეცხრამეტე საუკუნის მსვლელობისა. იმ დროს სულ სხვა მიმართულებების ამბები მზადდებოდა, სადაც ნაპოლეონის ადგილი აღარ იქნებოდა. ამ ამბების მიერ უარყოფა ნაპოლეონისა, დიდი ხანია, ეტყობოდა ცხოვრების მიმართულებას. დრო იყო, რომ დაცემულიყო ეს ბუმბერაზი და ძლიერი ადამიანი.

მეტისმეტად დიდი წონა ჰქონდა ამ კაცს და ამით არღვევდა კაცობრიობის წონასწორობას. მას, მარტოდმარტოს, უფრო მეტი მნიშვნელობა ჰქონდა, ვიდრე მთელ კაცობრიობას. კაცობრიობის სიცოცხლის ჭარბი ენერგია მოგროვილიყო ერთადერთ თავში, მთელი ქვეყანა მოთავსებულიყო ერთადერთ ტვინში - მომაკვდინებელი იქნებოდა ცივილიზაციისათვის, რომ ბოლო არ მოღებოდა ნაპოლეონს. დრო იყო, რომ ადამიანთა ცხოვრებაში ჩარეულიყო უზენაესი, უანგარო მართლმსაჯულება. ალბათ ამას ჩიოდნენ პრინციპები და საფუძვლები, რომლებზედაც დამოკიდებულია წესიერი ურთიერთობა, როგორც ზნეობრივ, ისე ყოფით განზომილებაში. სისხლის ღვარს რომ ორთქლი ასდის, სასაფლაო რომ მკვდრებს ვეღარ იტევს, დედის ცრემლი რომ ვეღარ შრება, ეს არის უტყუარი მომჩივანი უზენაესის წინაშე. ასეა! დედამიწა რომ მეტისმეტ ტანჯვას განიცდის, საიდუმლო გმინვა ისმის წყვდიადში და უზენაესს ესმის მისი გოდება.

ნაპოლეონი დაბეზრებული იყო უზენაესის წინაშე და გადაწყვეტილი იყო მისი დაცემა.

იგი აწუხებდა ღმერთს.

ვატერლოო მხოლოდ ბრძოლა არ არის. ვატერლოო სამყაროს სახის შეცვლაა.

თავი მეთე

მონ-სენ-ჟანის ტაფობი

როგორც კი ფრანგები გადაიჩეხნენ ხევში, ინგლისელების აქამდე შენიღბულმა ბატარეამ თავი იჩინა. საშინელი სროლა აუტეხეს ხევზე გადასულ ჯარებს, იმდენად საშინელი, რომ ფრანგების გენერალმა, უშიშარმა დელორმა, სამხედრო სალაში მისცა ამ ზარბაზნებს. ბევრი იმსხვერპლა ხევმა, მაგრამ ერთიანად გაამხნევა, ვინც გადარჩა. ამ მარცხმა სულ გაანადგურა ვატიეს რაზმეული, დელორისა კი გადარჩა მთლიანად. ნეის თითქოს ეჭვი აღძვროდა, ხომ არ ებრძანებინა, მარცხნიდან მოველოთ ხევისთვის.

დადგება ხოლმე ისეთი წამი, როდესაც სული ფოლადივით ამაგრებს მეომარს, ქანდაკებად გარდაქმნის მებრძოლს და აკაჟებს ხორციელს. საშინელი ძალით

დაესივნენ ფრანგები ინგლისელებს, მაგრამ ფეხი ვერ მოაცვლევინეს. დიდხანს იბრძოდნენ გამშაგებულნი და როგორც იყო შეარყიეს, შეარღვიეს პატოვერელების რამდენიმე ბატალიონი. ველინგტონმა მაშინვე ცხენოსანი ჯარით გაამაგრა ეს ადგილი. ნაპოლეონსაც რომ თავისიანებისთვის ქვეითი ჯარი მიეშველებინა, გამარჯვებული დარჩებოდა.

იერიშით მისულ ფრანგებს უკნიდან დაჰკრეს ინგლისელმა ცხენოსნებმა. ხელიდან ხელში გადადიოდა მონ-სენ-ჟანის მთა. ოთხი ცხენი მოუკლეს ნეის. ორი საათი გავრძელდა ქედზე ეს ბრძოლა. ბრძოლა კი არა, დუელი ორი გაცოფებული, დაჭრილი კაცისა, რომლებიც იბრძვიან, სცემენ ერთმანეთს და თან სისხლი სდით უკანასკნელ წვეთამდე.

დიდ გაჭირვებაში იყო ჩავარდნილი ორივე მხარე. სისხლად იქცეოდა ლაშქარი. მარცხენა მხრიდან დახმარება სთხოვა ველინგტონს კემპმა. - აღარავინ მყავს, - უპასუხა მხედართმთავარმა, - დაიხოცონ და ფეხს კი ნუ მოიცვლიან! იმავე დროს ნეიმ ქვეითი ჯარის დახმარება სთხოვა ნაპოლეონს.

- საიდან გაეჭინო? - შეჰყვირა ნაპოლეონმა, - მე ხომ ვერ გამოვჩეკავ!

საერთოდ კი ინგლისელები უფრო გალახულნი იყვნენ, ვიდრე ფრანგები. ხუთი საათი იყო, როდესაც საათი ამოიღო ველინგტონმა, დახედა და თქვა ჩუმი ხმით: - დავიღუპებით, თუ ბლუხერმა დაიგვიანა!

სწორედ ამ დროს გამოჩნდა ფრიშმონის მალელობზე მბზინავი ხიშტები.

აქ კი უეცრად შეიცვალა ამ ბუმბერაზი დრამის ბედი.

თავი მეთერთმეტე

ავი გზის მაჩვენებელი ნაპოლეონს, კარგისა - ბიულოვს

ყველას ეცოდინება ნაპოლეონის საბედისწერო დაბნევა; გრუშის იმედი ჰქონდა და ბლუხერი გამოჩნდა, სიცოცხლის ნაცვლად - სიკვდილი.

ბედისწერამ ხშირად იცის ამგვარი ფანდები: ელოდნენ სამყაროს სამეფოს ტახტს, დაინახეს წმ. ელენეს კუნძული.

პატარა მწყემსი ჰყავდა გზის მაჩვენებლად ბიულოვს, ბლუხერის ლეიტენანტს, რომელსაც ტყიდან გამოსვლისას ფრიშმონის ზემოდან რომ წამოეყვანა ბიულოვი და არა პლანსესუას ქვემოდან, იქნებ სხვა მოხაზულობა მიელო მეცხრამეტე საუკუნეს. ნაპოლეონი დარჩებოდა გამარჯვებული ვატერლოოს ბრძოლაში. სხვა გზით რომ წამოეყვანა, წინ ხევი დახვდებოდა ბლუხერის ჯარს, გაუვალი მისი ზარბაზნებისთვის და, მაშასადამე, ველარც დაეხმარებოდა ინგლისელებს.

ერთი საათით რომ გვიან მიშველებოდა ბლუხერის ჯარი, ველარც ველინგტონს ნახავდა, როგორც თქვა პრუსიელმა მუფლინგმა, და ველარც გამარჯვებას.

ერთი-ორი საათით ადრე რომ დაეწყოთ ბრძოლა, ოთხზე გათავებული იქნებოდა და ბლუხერის ჯარი ნაპოლეონისგან დამარცხებულ და გაქცეულ ლაშქარს დაინახავდა.

შუადღე იყო, ნაპოლეონმა რომ რაღაც დაინახა თავისი ჭოგრით შორეულ ჰორიზონტზე, - რაღაცას ვხედავ ღრუბლად და ჯარად მიჩვენებო. მერე დალმაციის ჰერცოგს ჰკითხა: - რას ხედავთ, სულტ, შაპელ-სენ-ლამბერისკენ? - ჭოგრით დააცქერდა სულტი და მიუგო: - ოთხ-ხუთ ათას კაცს ვხედავ, ეტყობა გრუში მოდის.

სინამდვილეში უძრავად იდგა ეს ჯარი. იმპერატორის ამაღლის ყველა ჭოგრი ამ „ღრუბელს“ შესცქეროდა. ზოგმა თქვა, - ჯარია, ისვენებსო, ზოგმა - ხეებისაო. ნაპოლეონმა დომონის პატარა მსუბუქი ცხენოსანი რაზმი გაგზავნა გამოსარკვევად.

და მართლაც, უძრავად იდგა ბიულოვი. მთავარი ძალა უკან ჩამორჩენილი და იმას ელოდა, ბრძანება ჰქონდა: მთლიანად მოკრიბე შენი რაზმები და ბრძოლაში ისე ჩაერიეო. მაგრამ ხუთ საათზე, როდესაც ნახა, რომ იღუპებოდა ველინგტონი, იერიშით მისვლა უბრძანა ბიულოვს ბლუხერმა და ეს მნიშვნელოვანი სიტყვა წარმოთქვა: - ცოტა სული მოვაბრუნებინოთ ინგლისელებს.

თავი მეთორმეტე
გვარდია

დანარჩენი ცნობილია. გაჩნდა მესამე ლაშქარი. სრულიად დაიშალა ფრონტების ჯარი. ზოგი გარბოდა გულგახეთქილი, ზოგი, როგორც გვარდია, თავგანწირვით იბრძოდა და - იმპერატორს გაუმარჯოსო! - გაჰყვიროდა მომაკვდავი.

მთელ ღღეს მოღრუბლული იყო ზეცა და სწორედ ამ დროს, საღამოს 8 საათი იქნებოდა, შორს, ჰორიზონტზე გაირღვა ღრუბელი და ჩამავალი მზის სხივი დაეცა ვატერლოოს. აუსტერლიცმა ამომავალი მზე დაინახა, ვატერლოომ - ჩამავალი.

გამარჯვებას კი არა, სიკვდილსდა ნატრობდა ნეი და ტყვიას და ხმაღს უშვერდა გულს. მეხუთე ცხენი მოუკლეს. ოფლი სდიოდა. თვალებში ცეცხლი ეკიდებოდა, ცოფის დორბლი სდიოდა. ერთი ეპოლეტი ხმლით ჰქონდა გაპობილი, არწივის ორდენი - ტყვიით გაკანრული; დასისხლიანებული, გატალახიანებული, მაგრამ დიდებული, გატეხილი ხმლით სცემდა მტერს და იძახდა: - მოდიო, ნახეთ, როგორ კვდება ბრძოლის ველზე საფრანგეთის მარშალი! მაგრამ ამაო იყო მისი მცდელობა. არაფერი ხვდებოდა მომაკვდინებელი და დრუე დ'ერლონს გასძახა სასონარკვეთილმა: - მიუშვირე გული, რომ მორჩეს და გათავდეს! - მეხანკრავივით ცვიოდნენ მის ირგვლივ გვარდიელები. ისიც არ ინდობდა მტერს და ყვიროდა: - ნუთუ ჩემი ხელით მოვიკლა თავი? ნეტავ პირდაპირ მე დამიმიზნებდნენ, რაც ზარბაზნები აქვთ ინგლისელებს!

უბედური, ფრანგების ტყვიით უნდა მომკვდარიყო და ამიტომ ვადარჩა ვატერლოოს.

თავი მეცამეტე
კატასტროფა

ყველა გარბოდა გვარდიელების გარდა. გვარდიელები იქვე რჩებოდნენ დახოცოლები ან დაჭრილები. ცხენი წაართვა ვილასს ნეიმ, მოახტა და უქუდო, უხმლო, უყელსახვევო გამოეკიდა გაქცეულთ, ცდილობდა შეეყენებინა, შეეგროვებინა გაქცეულების ნაწილი მაინც; უყვიროდა, სთხოვდა, არცხვენდა, ლანძღავდა, მაგრამ შეუძლებელი იყო შეშინებულების გაჩერება. - გაუმარჯოს მარშალ ნეის! - ყვიროდნენ ჯარისკაცები და მაინც გარბოდნენ.

სამინელებაა ასე გაქცევა ჯარისა: - ერთმანეთს კლავენ ამხანაგები, რომ მალე გავიდნენ სამშვიდობოს. ერთმანეთში ირევიან ცხენოსნები, ფეხოსანი ჯარი,

არტილერია და დაუნდობლად სრესენ თავიანთ მოძმეებს. ეს უშველებელი ქაფია ბრძოლისა.

ნაპოლეონს გვარდიელების მცირე რაზმი ჰყოლოდა თავისთან და ეცადა მათი დახმარებით შეეკრა გზა გაქცეული ჯარისთვის, წინ გადაეღობა, მაგრამ ამო იყო ყველაფერი. უცბად გაარღვიეს ეს დაბრკოლება და გარბოდნენ, რაც ძალი და ღონე შერჩენოდათ ფეხებში. ცხენით მისდევდა ნაპოლეონი, ეხვეწებოდა, არიგებდა, ემუქრებოდა, ევედრებოდა. იმ დილას, ერთხმად რომ გაიძახოდნენ ყველანი - იმპერატორს გაუმარჯოსო, - ახლა გაჩუმებული გარბოდნენ, ველარც კი სცნობდნენ. შეშინებული ყვირილია ისმოდა, გულებს და თოფებს ყანებში ყრიდნენ. აღარც ამხანაგები ახსოვდათ, აღარც ოფიცრები და აღარც თავიანთ ღმერთად მიჩნეული ნაპოლეონი.

ლომები შვლებად გადაქცეულიყვნენ.

ამგვარი იყო ეს უკუქცევა.

ჟენაში ერთხელ კიდევ სცადეს შეეჩერებინათ ჯარი. სამასი კაცი მოაგროვა ლობომ, გამაგრდა სოფლის შესასვლელში, ბარიკადიც კი აავო საჩქაროდ, მაგრამ როგორც კი მოხვდა პრუსიელების ყუმბარა, ისევ მოკურცხლა ჯარმა. ლობო შეიპყრეს. საშინლად, დაუნდობლად სცემდა გაქცეულთ მდევარი. ბლუხერის ბრძანება ჰქონდათ - ცოცხალი არავინ გადაგიჩინო! როგეს მიბაძა ბლუხერმაც, რადგან როგე დამუქრებოდა, - მოვკლავ, ვინც ტყვეს მომიყვანსო. ბლუხერმა გადააჭარბა და თავი შეირცხვინა. ჭაბუკი გვარდიელების გენერალი ღუგემი ღუქნის კარს მიეყრდნო ჟენაში და თავისი ხმალი მისცა პრუსიელს, - გნებდებიო. იმან ხმალი გამოართვა და იქვე მოკლა. გამარჯვება კაცისკვლად გადაიქცა.

მამ დაესაჯოთ, რადგან ისტორიასა ვნერთ: თავი შეირცხვინა ბებერმა ბლუხერმა!

ამ სიმხვეით დასრულდა უბედურება, ჟენაში გადაიბრინეს გაქცეულებმა, კატრ-ბრა, გოსლი, ფრანი, შარლრუა და მაშინდა გაჩერდნენ, როდესაც საბღვართან მივიდნენ. ვაი, რომ ეს ის დიდებული ლაშქარი იყო, რომელიც გარბოდა ასე სამარცხვინოდ.

ნუთუ უმიზნოდ მოხდა შიშით ძრწოლა, ეს სამარცხვინო დავინყება იმ დიდებული გმირობისა და ვაჟკაცობისა, რომლის ბადალი ბევრი არ მოეპოვება ისტორიას? არა. ვატერლოოზე დაშვებულიყო აჩრდილი უზენაცხი მარჯვენისა. საბედისწერო იყო ეს დღე, ადამიანზე უძლიერესმა ძალამ გაიმარჯვა. ამის შემდეგ იყო ის შიში, გაქცევა, თავის დახრა მტრის ლახურის წინ და იარაღის დაყრა. მთელი ევროპა დაამარცხეს გმირებმა და დღეს კი გამარჯვებული მტრის ფეხქვეშ ეყარნენ გასათელად ხმის ამოუღებლად, ხელის გაუნძრევლად, რადგან გრძნობდნენ, რომ ამ აჩრდილში იყო ვიღაც საშინელი.

Hoc erat in fatis. იმ დღეს შეიცვალა მომავალი კაცობრიობისა. ვატერლოო ახალი მიმართულების გზა არის მეცხრამეტე საუკუნისა. დიდებული კაცი უნდა ჩამოშორებოდა, რომ ამ გზას დასდგომოდა დიდებული საუკუნე და ამის გარიგება ივისრა იმან, ვისაც ვერავინ უბედავს წინააღმდეგობას. ამით აიხსნება შიშით გავიყება გუშინდელი გმირებისა. ვატერლოოს ბრძოლაში ღრუბლის კი არა, მეტეორის მოვლენა იყო უმაღლესი განგების თანახმად.

უკვე ღამე იყო, როდესაც ბერნარმა და ბერტრანმა მინდორში სერთუკის კალთით დაიჭირეს კაცი, ჩაფიქრებული, რომელიც იქამდე მიჰყოლოდა გაქცეულთ და მერე სასონარკვეთილი ჩამომხტარიყო ცხენიდან, აღვირი ხელში ეჭირა და ისევ

ვატერლოოსკენ ბრუნდებოდა. ეს ნაპოლეონი იყო, რომელიც აქაც წინსვლას ლამობდა, გამქრალი ოცნებით გატაცებული მთვარეული.

თავი მეთოთხმეტე
უკანასკნელი პასუხი

გვარდიელები კი მაინც იბრძოდნენ. ღამის ცხრა საათი იქნებოდა, ერთი პატარა რაზმი გამაგრებულიყო სენ-ჟანის მთაზე.

გარს მტერი შემოხვეოდა. უფროსად ერთი ოფიცერი ჰყავდა, კამბრონი. და როდესაც ამ რაზმისგან ერთი მუჭაღა დარჩა, როდესაც მთლად დახვრეტილი ფრიალებდა მათი დროშა, როდესაც ტყვია შემოეღიათ და თოფს ჯოხივითლა ხმარობდნენ, როდესაც მკვდარი უფრო მეტი ჰყავდათ, ვიდრე ცოცხალი, რაღაც გრძნობა აღეძრათ გამარჯვებულ ინგლისელებს და შეწყვიტეს სროლა. ამით ისარგებლა ინგლისელების გენერალმა კოლვილმა, ზოგის თქმით მეტლანდმა და დაუძახა:

- ყოჩაღები ხართ, ფრანგებო, მოდიოთ, დაგვენბდით!
ერთი სიტყვით უპასუხა კამბრონმა: „Merde!“

თავი მეთხუთმეტე
კამბრონი

ამაზე დიდებული პასუხი თავის დღეში არავის უთქვამს, მაგრამ ფრანგი მკითხველის პატივსაცემად ეს სიტყვა არ უნდა იქნას გამეორებული.

საკუთარი პასუხისმგებლობით ვარდევით ამ აკრძალვას.

ამ გმირებში ერთი დევგმირიც ყრია, კამბრონი.

ამ სიტყვის თქმა და სიკვდილი, რა იქნება ამაზე დიდებული? ვინაიდან სიკვდილის სურვილი იგივეა, რაც თვით სიკვდილი და ეს ადამიანი როდია დამნაშავე, თუ ფინდიხით განგმირული ისევ ცოცხლობს.

ვატერლოოს ბრძოლა მოიგო არა განადგურებულმა ნაპოლეონმა, არა ველინგტონმა, რომელიც იხევდა ოთხ საათზე და სასონარკვეთილებას მისცემოდა ხუთზე, არა ბლუხერმა, რომელსაც სულაც არ უბრძოლია; გამარჯვებული იქ კამბრონი დარჩა.

გამარჯვებულია, ვინც ამგვარი სიტყვით დაუხვდება განსაცდელს და თავის ბედისწერას, ვინც ირონიით ჩადის საფლავეში; ვინც ფეხზე დგას დამარცხებული, ვინც ორმარცვლიან სიტყვაში ჩაახშობს ევროპის კოალიციას, ვინც მეფეებს ამ ფეხისალაგს შესთავაზებს, ჯერ კიდევ ვეისრის მიერ ცნობილს, ვინც უკანასკნელ სიტყვას პირველად გადააქცევს და მით ასახელებს თავის სამშობლოს; ლეონიდს რაბლეთი შეავსებს; ერთი მოსწრებული სიტყვით ახასიათებს მთელ გამარჯვებას, იმ სიტყვით, რომლის გამეორებაც კი ვერ გაგვიბედა; ვინც ნიადაგს კარგავს ფეხქვეშ და სამუდამოდ დარჩება ისტორიაში; ვინც ამ სისხლისღვრის შემდეგ გულიანად გააცინებს თავისიანებს - გამარჯვებულებს არის და მიუღწეველიც.

ეს შეურაცხყოფაა ქუხილისა! ესქილეს დიდებასავით ძლიერია ეს შეურაცხყოფა.

კამბრონის სიტყვა განგმირული გულის ნაყოფია: ნაყოფი ზიზლით აღსავსე გულისა. სულთმობრძავის გულის ამონახეფი. ვინ გაიმარჯვა? ველინგტონმა? არა, ბლუხერის ჯარი რომ არ მოშველებოდა, წასული იყო იმისი საქმე. ბლუხერმა? არა, ველინგტონს რომ არ დაეწყო, ბლუხერი ვერაფერს გააკეთებდა. ერთი უკანასკნელთაგანი იყო კამბრონი, უჩინარი გმირი, სულ უმცირესი პიროვნება ამ ომში და მან იგრძნო, რომ აქ რაღაც სიცრუე იყო დაფარული, სიცრუე თვით გამარჯვებაში, და სწორედ იმ წამს, როდესაც ცოფს ჰყრის კაცი, დაცინვას უბედავენ და სიცოცხლეს სთავაზობენ. როგორ არ აღშფოთებულიყო? იქ იყო ევროპის ყველა მეფე, ბედნიერი გენერლები, მებისტყროცნელი იუპიტერები. ასი ათასი კაცი ჰყავდათ გამარჯვებული და ასიათასის ზურგსუკან კიდევ მილიონები; ზარბაზნები ჰქონდათ ანთებული პატრუქით, ფეხქვეშ თელავდნენ იმპერატორის გვარდიას და დიდებულ ლაშქარს, მიწასთან გაასწორეს ნაპოლეონი და არავინ დარჩა კამბრონის გარდა, არავინ, პროტესტის სიტყვის მოქმედი, ამ მიწის მატლის გარდა.

მამ პროტესტის სიტყვასაც ის იტყვის! და დაიწყო სიტყვის შერჩევა, როგორც ხმაღს ირჩევს მხედარი. ბოღმა მოაწვა და ეს ბოღმა გადმონათხია ამ სიტყვად. უცხად განრისხდა იმედდაკარგული, წინ აღუდგა ამ უცნაურ გამარჯვებას, რომელშიც გამარჯვებული არავინ იყო და შიგ პირში... შეაფურთხაო, არ აკმარა, შიგ პირში ახალა თავისი სიტყვა! გათელილად გრძნობს თავს მტრის გამარჯვებით, მაგრამ ერთი სიტყვით გამოხატავს მის არარაობას. გარს მრავლად ახვევია მტერი; სიკვდილის მეტი აღარაფერი დარჩენია; იყის და ერთ სიტყვას პოულობს შესაფერს, რომ გული მოიფხანოს. ვიმეორებთ: გამარჯვებაა ამ სიტყვის ამორჩევა და თქმა.

დიდებული დღეების სული ჩაუდგა ამ პატარა კაცს სიკვდილის წინ. კამბრონიმ იმავე შთაგონებით იპოვა ვატერლოოს მადიდებელი სიტყვა, როგორც რუჟე დე ლილმა - „მარსელიოზა“ რევოლუციის სადიდებლად. ზეციური ელვის ნაპერწკალმა გაუარა ორივეს, ათრთოლდნენ და ერთმა დიდებული სიმღერა თქვა, მეორემ - საზარელი ყვირილი. კამბრონიმ ეს ზიზლით სავსე სიტყვა მარტო ევროპას კი არ ესროლა იმპერიისაგან; არა, მთელ წარსულს სტყროცნა რევოლუციისაგან. გესმით მისი ნათქვამი და სცნობთ კამბრონიში ბუმბერაზის დიდებულ სულს. გეგონებათ დანტონია, ხალხს რომ მიმართავს სიტყვით, ან მბრძღვინავი კლებერიო.

კამბრონის სიტყვამ ინგლისელების პასუხი გამოიწვია: - ესროლეთ! და იგრიალა ერთად მთელმა ბატარეამ, ერთად გავარდა ურიცხვი თოფი. ამომავალი მთვარის მიერ შევერცხლილი კვამლი მოედო იქაურობას და როდესაც გაიფანტა, იქ აღარავინ იყო მკვდრების გარდა.

თავი მეთექვსმეტე

QUOT LIBRAS IN DUCE?

გამოცანა ვატერლოოს ბრძოლა, თანაბრად ბნელით მოსილი, როგორც გამარჯვებულთათვის, ისე დამარცხებულთათვის. ნაპოლეონისთვის - უსაფუძვლო შიშის ბრალი იყო ეს დამარცხება: „დაღამდა, გათავდა ბრძოლა. შესწორებულია უვარგისი განკარგულებები. მომზადებულია სახვალოდ უდიდესი გამარჯვება და ყოველივე ეს ამაოდ რჩება, რადგან უცხად დაუძლეველი შიში მოერია ჯარს“ (ნაპოლეონის წმ. ელენეს კუნძულზე ნაკარნახევი). ბლუხერი თოფისა და ზარბაზნის

ცეცხლის მეტს ვერაფერს ხედავს; ველინგტონს კი მისი არ ესმის. მართლაც საშინელი რამ მოხდა, გაუგებარი. ვნახოთ პატაკები: ცნობები არეულ-დარეულია, ეტყობა, ზოგი ბორძიკობს. უომინი ვატერლოოს ბრძოლას ოთხ მომენტად ყოფს, მეფლინგი - სამ ფაზად; ერთადერთი შარასია, თუმცა მას ყველაფერში არ ვეთანხმებით, რომელიც სწორად აღნიშნავს, რომ ეს იყო ადამიანის გენის დამარცხება ლეთიურ ბედისწერასთან შებრძოლებისას. ყველა დანარჩენი ისტორიკოსი რატომღაც დაბრმავებულა და ხელის ცეცებით იკვლევენ გზას. მართლაც დამხო სამხედრო მონარქია, რომელსაც თან მოჰყვა ყველა სამეფოს დამხოება, მეფეთა განსაცვიფრებლად; გაბათილება თოფ-იარაღისა, უარყოფა ომისა.

ამ ზეადამიანური აუცილებლობით გამოწვეულ ამბავში ადამიანზე არაფერი იყო დამოკიდებული.

ველინგტონს და ბლუხერს რომ ვატერლოო ჩამოვაცილოთ, განა ინგლისს ან გერმანიას დავაკლებთ რამეს? არაფერს. არც სახელოვან ინგლისს ეხება ვატერლოოს საკითხი და არც დიდებულ გერმანიას. ღვთის მადლით, ხალხის ძლიერება თოფ-იარაღის ძალით არ განიზომება. არც გერმანია არის ქარქაშში ჩამძვრალი და არც ინგლისი, არც საფრანგეთი. იმ დროს, როდესაც ვატერლოო ხმლების ტრიალის მეტს არაფერს წარმოადგენდა, გერმანიას ბლუხერის გარდა გოეთე ჰყავდა ბლუხერზე უფრო მაღლა მდგომი და ინგლისს - ველინგტონის გარდა, ბაირონი. ჩვენს საუკუნეს თან სდევდა იდეების ფართოდ გავრცელება და ამ განთიადში ინგლისსა და გერმანიას საუცხოო სხივები ეკუთვნით. დიდებულნი არიან, რადგან აზროვნებენ და ამით მაღლა სწევენ ცივილიზაციის დონეს. ეს აზროვნება თვით ხალხისაა და არა შემთხვევითი მონაპოვარი. მეცხრამეტე საუკუნეში ვატერლოოს გამარჯვება როდი წარმოადგენდა მათ მიერ მიღწეული დიდების მწვერვალს, მხოლოდ ბარბაროსები იზრდებიან უეცარი გამარჯვების შედეგად. ეს არის დროებითი ამოება ქარიშხლით გამოწვეული ნიაღვრისა. განათლებული ხალხისათვის, მეტადრე ჩვენს დროში, არც განდიდებას და არც დამცირებას არ განაპირობებს რომელიმე მხედართმთავრის გამარჯვება ან მარცხი. განათლებული ხალხის მნიშვნელობა განიზომება უფრო მნიშვნელოვანი რამით, ვიდრე სისხლის ღვრათ. ამ ხალხის ღირსება, მისი სახელი და განათლება, ნიჭიერება - გასათამაშებელი ნივთები არ არის, რომ გმირებმა და იარაღით დამპყრობლებმა, ამ მოთამაშეებმა, ბრძოლის ლატარიაში ჩააგდონ მოსაგებ-ნასაგებად. ხშირად ხდება, ბრძოლა წაგებულა და პროგრესი - მოგებული. არ გვინდა თოფ-იარაღით განდიდება! თავისუფლება გვინდა. გავაჩუმოთ ნაღარა, ახლა გონებას ეკუთვნის სიტყვა. მაშ, გულდამშვიდებით განვსაჯოთ ვატერლოო ორივე მხრივ. მივუზღაოთ შემთხვევას თავისი და განვებას - თავისი. რა არის ვატერლოო? გამარჯვება? არა, კამათელი.

კამათელით მოიგო ევროპამ და გადაიხადა საფრანგეთმა.

თამაშში ლომი არავინ არის.

ისტორიაში იშვიათია ამგვარი უცნაური შეხვედრა ორი მოთამაშისა, ნაპოლეონისა და ველინგტონისა - ისინი ერთმანეთის მტრები არ არიან, კონტრასტები არიან. ღმერთს ძალიან მოსწონს ანტითეზები, მაგრამ არასოდეს წაუყენებია ერთმანეთისთვის ასეთი განსხვავებულნი. ერთი მხრივ, სისუსტე, წინდახედულობა, გეომეტრია, სიფრთხილე, უზრუნველყოფილი უკან დახევა, საჭირო ძალების

მომავლება, სრული გულცივობა, ურყევი მეთოდი, სტრატეგია, რომელიც ბრძოლის ველის მდებარეობით სარგებლობს, ტაქტიკა, რომელიც ათანასწორებს ბატალიონებს, ბრძოლა საათით განრიგებული, არავითარი შემთხვევითობა, ძველი, კლასიკური ვაჟკაცობა, სრული წესიერება; მეორე მხრივ, შთაგონება, ფარული გამოცნობა, მხედრული უცნაურობა, ზეადამიანური ალღო, თვალმახვილობა, რალაც საკვირველი ძალა, რომელიც ორბივით ჭვრეტს და მეხივით სცემს, სასწაულებრივი ხელოვნება უსაზღვრო გაშმაგებაში, ყოველი საიდუმლოებანი ღრმა სულისა, კავშირი ბედისწერასთან, მდინარესთან, მიწასთან, ტყესთან, ბორცვთან, რომლებიც იძულებით ემორჩილებიან, რადგან მტარვალი ბრძოლის ველსაც კი იმორჩილებს; რწმენა, რომ სტრატეგიაში ჩართულია მისი ბედისწერაც.

ველინგტონი წარმოადგენდა ომის ბარებს, ნაპოლეონი - მის მიქელანჯელოს, და ამჟამად ანგარიშის მიერ იქმნა ძლეული.

ორივე მხარე ელოდა დახმარებას. მოლოდინი კარგად მონაგარიშეს აუსრულდა. ნაპოლეონი გრუმის ელოდა და არ მოუვიდა; ველინგტონი - ბლუხერს და მოუვიდა.

ველინგტონი ძველებური ომია, რომელმაც სამაგიერო გადაუხადა. ნაპოლეონს მისი დიდების ცისკრის ჟამს, იტალიაში შეხვდა ველინგტონი და სამარცხვინოდ დამარცხდა. გულვახეთქილი გარბოდა ბებერი ჭოტი ნორჩი ქორისგან. ძველი ტაქტიკა არა მარტო დამარცხებული, არამედ შერცხვინილიც იქნა. რა იყო ეს ოცდაექვსი წლის კორსიკელი? რა იყო ეს უეცი ბრწყინვალება, რომელსაც მტრულად უყურებდა ყველა? არაფერი გააჩნდა - არც სურსათი ჰქონდა, არც იარაღი, არც ზარბაზნები, არც ფეხსაცმელი; არც ჯარი ჰყავდა წესიერი. ერთი მუჭა ხალხით, იერიშით მიდიოდა შეკავშირებულ ევროპაზე და გამარჯვებული გამოდიოდა შეუძლებლიდანაც. საიდან გაჩნდა ეს შმაგი რისხვა, რომ სულმოუთქმელად და ერთი და იგივე ძალით საზარლად ამარცხებდა ზედიზედ გერმანელების ხუთ ლაშქარს, ბოლიე ალვიცს მიაყოლა, ვურმსერი - ბოლიეს, მელასი - ვურმსერს, მაკი - მელასს? ვინ იყო ეს ომის ახალბედა, მნათობის თავხედობა რომ ახლდა თან? სამხედრო აკადემიამ იგი უარყო, გააძევა. აქედან წარმოიშვა უღმობელი მტრობა ძველი კეისარიზმისა ახალთან, გავარჯიშებული ხმლისა - ჩაუქურად ხმარებულთან და საჭადრაკო აზროვნებისა - გენიასთან. 1815 წლის 18 ივნისს წარმოითქვა ამ მტრობის უკანასკნელი სიტყვა, „ვატერლოო“, რომელიც ტკბილად ეჩვენა უმრავლესობას და ბედმაც დაუშვა ეს ირონია. აქ შეხვდა ნაპოლეონს მრავალჯერ დამარცხებული თავისი ავსტრიელი ვურმსერი, ოლონდ ცაყმანვილებული.

და მართლაც, ვურმსერის აღსადგენად ველინგტონის თმის გათეთრებაც კმაროდა.

პირველხარისხოვანი ბრძოლა იყო ვატერლოო, მეორეხარისხოვანი მხედართმთავრის მიერ მოგებული.

თაყვანისცემის ღირსი ამ ბრძოლაში ინგლისი იყო, ინგლისური სიმაგრე, ინგლისური გადანწყვეტილება, ინგლისელების სისხლი. აქ სადიდებელი ინგლისს - თუ არ მიწყენს - თავისი თავი ჰქონდა; მხედართმთავარი კი არა, მარტო თავისი ლაშქარი.

ველინგტონი საკვირველი უმადურობით სწერდა ლორდ თურსტს, რომ იმისი ჯარი, რომელიც ასე მამაკურად იბრძოდა 1815 წლის 18 ივნისს, „სამზილარი ჯარი“ იყო. რას იტყვიან ამგვარი დახასიათების შესახებ ვატერლოოს წიაღში ჩამარხული თავგანწირულთა ძვლები?

მეტად თავმდაბლად მოექცა ველინგტონს ინგლისი, ისეთი დიდებით შემოსა, რომ თავი დაიმცირა.

ისეთივე გმირია ველინგტონი, როგორც სხვა მრავალი. თუ სადიდებელი იყო ვინმე, მთელი დიდება ინგლისელ ჯარისკაცს ეკუთვნოდა, ინგლისის ჯარს, ინგლისელ ხალხს. ვატერლოოს ძველი უფრო მეტი სიმართლის გამომსახველი იქნებოდა, ერთი კაცის ქანდაკების მაგივრად ხალხის ქანდაკება რომ ყოფილიყო ცამდე აყვანილი.

მაგრამ გააჯავროს ამ სიტყვამ დიდი ინგლისი - თავისი 1688 და ჩვენი 1789 წლის შემდეგ ინგლისს ჯერაც არ დაჰპარგვია ფეოდალური ოცნებანი და ჯერაც სწამს შთამომავლობითი მემკვიდრეობა დიდკაცობისა. ძლიერია ინგლისი, დიდებული და ხალხად კი არა, ეროვნებად მიაჩნია თავისი თავი. მაგრამ ხალხია და თავისი ნებით ემორჩილება ლორდს, ლორდი - თავია ხალხისა. მუშა ნებას აძლევს, ზიზლით უყურონ, ჯარისკაცი ნებას აძლევს, ჯობით სცემონ. იქნებ გახსოვდეთ, ინკერმანის ბრძოლაში ერთმა ათისთავმა ვადაარჩინა სიკვდილს მთელი ჯარი, მაგრამ ლორდმა რავლანმა მისი სახელიც კი არ ახსენა, რადგან, წესისამებრ, აკრძალული იყო გმირად ვინმეს ხსენება, გარდა ოფიცრებისა.

თავი მეჩვიდმეტე
რა შეგვიძინა ვატერლოომ?

არის ერთი მიმართულება, ფრიად პატივცემული, რომელიც არ აძაგებს ვატერლოოს. ჩვენ მას არ ვეკუთვნით, ჩვენთვის ვატერლოო თავისუფლების წარმოშობის სრულიად მოულოდნელი თარიღია. ვინ წარმოიდგენდა, რომ ამგვარი არწივი გამოვიდოდა ამგვარი კვერცხიდან? რა თქმა უნდა, ეს მოულოდნელი იყო. თუ საკითხს მაღალი თვალსაზრისით მივუდგებით, ვატერლოო არის წინასწარ განზრახული კონტრარევოლუციის გამარჯვება. ეს არის მთელი ევროპა საფრანგეთის წინააღმდეგ. ეს არის

status quo რაიმე ახლის წინააღმდეგ. ეს არის ბრძოლა 1789 წლის 14 ივლისის წინააღმდეგ. ეს არის განვაში მონარქიებისა საფრანგეთის ხალხის დაუცხრომელი ამბოხებების წინააღმდეგ. ერთ რამეზე ოცნებობდა ევროპის ყველა ხელისუფალი - საბოლოოდ დაეშოშმინებინათ ეს დიადი ხალხი, რომელიც ოცდაექვსი წლის განმავლობაში მოქმედი ვულკანის მდგომარეობაში იყო. ამ მიზნით ერთად იღვწოდნენ ბრაუნშვაიგები, რომანოვები, ჰოჰენცოლერნები, ჰაბსბურგები და იმათთან ერთად ბურბონები.

მაგრამ ყოვლად შეუძლებელია ნამდვილი დამარცხება რევოლუციისა, და რადგან განგებითი არის და აუცილებელი, ყოველთვის ხელახლა ჩნდება. ვატერლოომდე - ბონაპარტის სახით, რომელმაც სულ დაანგრია ძველი სამეფო ტახტები, და ვატერლოოს შემდეგ ლუი მეთვრამეტის სახით, რომელმაც საფრანგეთს ქარტიით მისცა ცოტაოდენი თავისუფლება. ერთი ფოსტის მოხელე ნეაპოლის ტახტზე დასვა ნაპოლეონმა და ათისთავი - შვეიცის ტახტზე. ისარგებლა უთანასწორობით, რომ თანასწორობა დაემტკიცებინა. ლუი მეთვრამეტემ სენტუენში ხელი მოაწერა „ადამიანისა და მოქალაქის უფლებათა“ დეკლარაციას. ყ გნებავთ, დანამდვილებით იცოდეთ, რა არის რევოლუცია? რევოლუცია პროგრესია და გნებავთ, დანამდვილებით იცოდეთ, რა არის პროგრესი? პროგრესი ხვალისდელი დღეა.

ხვალინდელი დღე განუწყვეტლივ ქმნის თავისას და იწყებს დღეიდან. უცნაურია, რომ ყოველთვის აღწევს თავის მიზანს; ველინგტონის შემწეობით უბრალო ჯარისკაც ფეას ორატორად აქცევს, ვატერლოოში დაჭრილ მხედარს - პარლამენტის მჭევრმეტყველ ორატორად, რევოლუციის თავგანწირულ მოღვაწედ. ასე იცის პროგრესმა. ეს მუშა ყველაფერს გამოიყენებს. ვატერლოომ უცბად შეწყვიტა ევროპის ტახტების მსხვერვეა და ერთი შედეგი მოჰყვა ამ შეფეებისა და ტახტების დამხობას - რევოლუციის გამტკიცება და განგრძობა. ხმალმა თავისი მოჭამა, აზროვნებას ერგო რიგი. ვატერლოოს უნდოდა შეეჩერებინა რევოლუცია და მის ფეხქვეშ კი მოჰყვა. შეფეებს ერგოთ ვატერლოოში გამარჯვება, თუმცა მათი გამარჯვება თავისუფლებამ დაამარცხა.

გულდასმით რომ განვსაჯოთ, ერთ უეჭველ ჭეშმარიტებასთან მივალთ: კონტრრევოლუციამ გაიმარჯვა ვატერლოოში, კონტრრევოლუცია იყო გახარებული ველინგტონის გამარჯვებით და დააჯილდოვა ის მთელი ევროპის მარშალის კვერთხებით. ამბობენ, თვით საფრანგეთის მარშალის კვერთხითაც კი. კონტრრევოლუცია ეზიდებოდა სიხარულით განწირულთა ძვლებით საფე მინას, რომ პატარა ბორცვი აემალლებინა ვატერლოოს ველზე და ზედ ძეგლი დაედგა, რათა კვარცხლბეკზე გამოეხატა „18 ივნისი, 1815 წელი“. კონტრრევოლუცია იყო, ასე მხეყურად რომ მუსრავდა გაქცეულ უიარაღო, გულგახეთქილ ხალხს ბლუხერის ბრძანებით; კონტრრევოლუცია იყო, ნაპოლეონზე გამარჯვებული მონ-სენ-ჟანის ტაფობიდან ისე რომ დასცქეროდა საფრანგეთს, როგორც თავის ნადავლს. კონტრრევოლუცია იყო, რომ ბურტყუნებდა ამ საზიზღარ სიტყვას: „დანაწილება“, მაგრამ პარიზში რომ მიბრუნდა, ახლოს ნახა ცეცხლის მფრქვეველი მთა, ფეხი დაიწვა მის ნაცარზე, გონს მოვიდა და ქარტიაზე ფიქრს დაუბრუნდა.

ეს არის ვატერლოო და სხვას ნურაფერს ვიგულისხმებთ მის შედეგად. არა გვკონია, რომ თავისუფლება ჰქონოდას განზრახული თავის მიზნად. კონტრრევოლუცია თავისდაუნებურად იყო ლიბერალური; როგორც ამგვარ გარემოებათა გამო ნაპოლეონი იყო თავისდა უნებურად რევოლუციონერი. 1815 წლის 18 ივნისს ეს ახალი რობესპიერი ჩამოაგდეს ცხენიდან.

თავი მეთვრამეტე

ღვთაებრივ უფლებათა აღდგენა

ბოლო მოვლო დიქტატურას. დაინგრა ევროპის მთელი სისტემა.

ჩრდილი დაადგა იმპერიას, ისეთივე, როგორც მომაკვდავ რომის იმპერიას ადგა. უფსკრულსაც უძღვებს ადამიანი, როგორც ბარბაროსობის დროს იყო, ოლონდ 1815 წლის ბარბაროსობას, რომელიც თავისი მეტსახელით უნდა მოვიხსენიოთ - კონტრრევოლუციას - ჰაერი არ ჰყოფნიდა, მალე სუნთქვა შეეკრა და მიიყვალა. იმპერიას დასტიროდნენ, უნდა ვალიართო, და დასტიროდნენ თვით გმირებიც. თუ დიდება მეფის კვერთხად ქცეული ხმალია, იმპერია თვით დიდება იყო. ქვეყანას მოჰფინა სხივი, რაც კი გააჩნდა მტარვალობას: ბნელი სხივი. ნამდვილ სხივთან შედარებით ღამისა იყო ეს ბნელი სხივი. ბოლო მოვლო ამ სიბნელეს დიქტატურისას, თითქოს მზის დაბნელება მოხდაო.

პარიზში დაბრუნდა ლუი მეთვრამეტე. 8 ივლისის ფერხულმა დაავინყა ხალხს 20 მარტის აღტაცება. კორსიკელი იქცა ბეარნელის ანტითემად. ტიულორის სასახლეზე თეთრი დროშა აფრიალდა. განდევნილები გამეფდნენ. დიდებულად დაძმობილდნენ ეკლესია და მეფის ტახტი. ცოტა რამ თავისუფლება დამყარდა საფრანგეთში და ევროპაში. თეთრი კოკარდა გამეფდა ყველგან, მეფეები დაეპატრონნენ თავიანთ ტახტებს. დამწყვდელი ჰყავდათ ევროპის ბატონი. ძველი წესწყობილება განახლდა. ადგილი იცვალა სინათლემ და სიბნელემ, მარტო იმიტომ, რომ ერთმა პატარა მწყემსმა უთხრა პრუსიელების ჯარის უფროსს - აი, აქეთ ჩაიარეთ და არა იქითო.

ეს 1815 წელი ავდრიან აპრილს დაემსგავსა. ძველი, მავნებელი და მოწამლული სინამდვილე ახალი პირბადით შეიმოსა. სიცრუე დაუმოყვრდა 1789 წელს. ღვთაებრივმა უფლებებმა ქარტია ჩამოიცივს ნიღბად. ფიქცია კონსტიტუციად გასაღდა. დამყაყებული მსოფლმხედველობა, ცრუმორწმუნეობა და მალული განზრახვა - მე-14 მუხლით, ლიბერალიზმით, დაითარა. პერანგები იცვალეს გველებმა.

ადამიანი განდიდებულიც იყო და დამცირებულიც ნაპოლეონის მიერ. ხალხი კი, ეს საზარბაზნე ხორცი, რომელსაც გაგიჟებით უყვარს მებარბაზნე, მაინც თავის ნაპოლეონს დაეძებდა. სად არის? რას შერება?

ნაპოლეონი მოკვდა, - უთხრა ვილაც კაცმა მარენგოსა და ვატერლოოს ბრძოლაში ნამყოფ ხეიბარს.

- რაო? ნაპოლეონი მოკვდაო? - გაიკვირვა ხეიბარმა, - არ იცნობდით, გეტყობათ, თორემ მაგას არ იტყოდით.

ხალხის წარმოსახვა აღმერთებდა ამ კაცს, უკვე დაცემულს. დიდხანს დარჩა სიბნელე ვატერლოოს შემდეგ, ნაპოლეონის დამარცხებამ რაღაც დიდი სიყარიელე დატოვა ევროპაში.

მეფეები ჩაბრძანდნენ ამ სიყარიელეში და ამით ისარგებლა ძველმა ევროპამ, რომ განახლებულიყო. წარმოიშვა წმინდა კავშირი, - ხალხის დამმონებელი კავშირიო, - წინათვე თქვა ვატერლოოს ბრძოლის ველმა.

ამ ძველი ევროპის, გარდაქმნილი ევროპის წინაშე, გამოიკვეთა განახლებული საფრანგეთის მოხაზულობანი. მომავალი, რომელსაც მასხარად ივდებდა იმპერატორი, ფეხს იკიდებდა. შუბლს თავისუფლების ბრწყინვალე ვარსკვლავი უმშვენებდა. გაბრწყინებული თვალთ შესცქეროდა ყმანვილკაცობა ამ მომავალს. უცნაური ის იყო, რომ აღტაცებით ემსახურებოდნენ მომავალს - თავისუფლებას და იმავე დროს თაყვანს სცემდნენ წარსულს - ნაპოლეონს. ამ დაცემამ განადიდა დამარცხებული. წაქცეული ნაპოლეონი უფრო დიადი ჩანდა, ვიდრე მაშინ, როდესაც ფეხზე იდგა. შიში მოერიათ გამარჯვებულებს. ინგლისმა ჰუდსონ ლოუ მიუყენა, - არ გაგვეპაროსო, და საფრანგეთმა - მონშენიუ. გულხელდაკრეფილი ნაპოლეონის შიშით თრთოდა ევროპა. რუსეთის ალექსანდრე „ჩემს უძილობას“ ეძახდა ნაპოლეონს. ეს შიში იყო შედეგი იმ პოტენციური რევოლუციურობისა, რომელიც ნაპოლეონში მოიპოვებოდა და ამით აიხსნება ბონაპარტისტების ლიბერალიზმი. ამ აჩრდილის შიში არ ასვენებდა ევროპას. მოუსვენრად ბრძანდებოდნენ მეფეები, რადგან წმინდა ელენეს ციყაბო კლდეს ხედავდნენ ჰორიზონტზე.

აი, რა არის ვატერლოო.

მაგრამ რა მნიშვნელობა აქვს ამას უსაზღვროებისათვის? მთელი ეს ქარიშხალი თავისი ღრუბლებით, ეს ომი და ზავი, მთელი ეს სიავე ერთი წამითაც ვერ დააბნელებს იმ დიადი თვალის სინათლეს, რომლისთვისაც თანასწორნი არიან ბალახის ღეროდან ღეროზე გადამავალი ქინქლა და პარიზის ღვთისმშობლის საყდრის სამრეკლოებისა და კოშკების ზემოთ მონავარდე არწივი.

თავი მეცხრამეტე
ბრძოლის ველი ღამით

ისევ ბრძოლის ველს დავებრუნდეთ, რადგან ეს საჭიროა ჩვენი წიგნისათვის.

მთვარიანი ღამე დადგა 1815 წლის 18 ივნისს. მთვარემ გაუადვილა ბლუხერს გაქცეულების ულუტა, აჩვენა გაქცეულების გზა და სამალავი. ხელში ჩაუკდო გაცოფებულ პრუსიელ მხედრობას შემინებული, სასონარკვეთილი ბრბო და შეამუსვრინა დაუძლეველნი. ხშირია დახმარება ღამისა ამგვარ ტრაგიკულ შემთხვევაში.

უკანასკნელად დაიჭეჭა ზარბაზნებმა და მთლად დაცარიელდა მონ-სენ-ჟანის ტაფობი.

ინგლისელებმა დაიკავეს ფრანგების ბანაკი. ეს არის ჩვეულებრივი დამონძება გამარჯვებისა - ჩანოლა დამარცხებულის ლოგინში. პრუსიელები გაქცეულებს გამოუდგნენ და შორს მისდიეს. ველინგტონი სოფელ ვატერლოოში შევიდა, რომ მოხსენება შეედგინა ლორდ ბატგენსტისთვის.

სოფელ ვატერლოოს არავითარი მონანლიეობა არ მიუღია ბრძოლაში. ის ორი კილომეტრით იყო დამორებული ბრძოლის ველს. მონ-სენ-ჟანი განადგურდა, ჰუგომონი და პაპელოტი გადაწვეს, ჰე-სენტი იერიშით აიღეს, ბელ-ალიანსი ორი გამარჯვებულის ურთიერთამბორის მოწმე გახდა. ეს სახელები თითქმის უცნობი დარჩა. სახელი და პატივისცემა წილად ხვდა ვატერლოოს, რომელსაც არავითარი ღვანლი არ მიუძღვის ამ ბრძოლაში; სახელი კი თავისი მისცა.

ჩვენ იმით არ მივეკუთვნებით, რომლებიც ომს ხობტას ასხამენ. სრულ სიმართლეს ვამბობთ, სადაც საჭიროა. შემადრწუნებელი სილამაზე აქვს ომს, რომელსაც არ ვმალავთ; და საზიზღროებაც ბევრი სდევს, ვერც ამას დავმალავთ. ერთი ამ საზიზღრობათაგანი არის გამარჯვების შემდეგ უეცარი გაძარცვა დახოცილებისა. განთიადი, რომელიც ბრძოლას მოსდევს, გამიშვლებულ მკვდრებს აშუქებს ყოველთვის.

ვინ სჩადის ამას? ვინ ბილწავს ასე გამარჯვებას? ვისია ეს საზიზღარი ქურდული ხელი, ჯიბეში რომ უძვრება გამარჯვებას? ვინ არიან ეს ქურდბაცაცები, რომლებიც დიდებას ამოფარებიან და ბოროტმოქმედებას სჩადიან? ზოგი ფილოსოფოსი და, სხვათა შორის, ვოლტერიც ამტკიცებს, რომ ამას სწორედ ის სჩადის, ვინც გამარჯვება მოიპოვა და თავი ისახელა; ვინც ცოცხალია, მკვდარსაც მარტო ის ძარცვავს. დღის გმირი ღამე სისხლისმწოველი ხდება; თუკი კაცსა ჰკლავს, ჯიბეში ხელის ჩაყოფის უფლება კი არ უნდა ჰქონდესო? - ჩვენ ამას არ ვეთანხმებით, შეუძლებლად მიგვაჩნია კაცმა დიდების მომხვეჭი ხელით მკვდარს წაღები გახადოს.

უტყუარი ის არის, რომ ჩვეულებრივ, გამარჯვებულების შემდეგ ქურდები ჩნდებიან. ნუ ჩავრევთ ამ ქურდებში ჯარისკაცს, მეტადრე თანამედროვეს.ბ

ყოველ ლაშქარს აქვს თავისა და ბოლოც და სწორედ ეს ბოლო არის გასამტყუნარი. სწორედ აქ არიან მოგროვილი ღამურა-ქურდები, ქურდლაქიები, ყოველგვარი მაჩქათელა, წარმოშობილი იმ წყვილიადის მიერ, რომელსაც ომი ჰქვია; სამხედრო ტანისამოსში გამოწყობილნი, რომელნიც თავის დღეში არ ჩარეულან ბრძოლაში, ვითომ ავადმყოფები, უკეთური მახინჯები, ჩარჩ-მიკიტნები, ხანდახან თავიანთი ცოლებით, პატარა ეტლებით, რომლებიც თვითონვე იპარავენ, რასაც ყიდიან, მათხოვრები, რომლებიც გზის მაჩვენებლობას იბრალებენ, ულამის მოსამსახურეები - ლაშქარს მისდევდნენ ოდესღაც, - აწინდელისას არას ვამბობთ, ჩვენ წარსულს აღვწერთ, - ყველა ესენი, ასე რომ, თავისებური სახელიც კი ჰქონდათ დარქმეული - „მაჩანჩალები“. არც ლაშქარი იყო ამ მაჩანჩალების ავკაცობაზე პასუხისმგებელი და არც ხალხი; იტალიურად ლაპარაკობდნენ და გერმანელებს კი მისდევდნენ; ფრანგულად ლაპარაკობდნენ და ინგლისელების ჯარს მისდევდნენ. ნადავლმა გააჩინა მკვდრების მძარცველები. საზიზლარი რწმენის იყო წარსული, - საცხოვრებელს მტერს წავართმევთო, - და ამ რწმენამ გვარგუნა ეს ჭირი, რომლის მოსპობა მხოლოდ დისციპლინით შეიძლება. მატყუარა სახელოვნობაც ხშირია ომში: ძნელი გასაგებია, რით დაიმსახურა ჯარის თაყვანისცემა ზოგიერთმა გენერალმა. ტურენს აღმერთებდნენ თავისი ჯარისკაცები, რადგან არ უშლიდა დამარცხებულთა ძარცვას; ნებადართული ბოროტება სიკეთის ნაწილს შეადგენს. იმდენად კეთილი იყო ეს კაცი, რომ ცეცხლსა და მახვილს მისცა მთელი პალატიინატი. ლაშქარს ყოველთვის თან მისდევდა ხან ბევრი, ხან ცოტა „მაჩანჩალა“, ეს მხედართმთავრის გულკეთილობაზე იყო დამოკიდებული. ჰომსა და მარსოს „მაჩანჩალები“ სულაც არა ჰყოლიათ; ველინგტონს - სიამოვნებით აღვნიშნავთ მის სიკეთეს - ძალინ ცოტა ჰყავდა.

დალამდა 18 ივნისი და ხელი მოითბეს ქურდებმა, აღარათფერი შეარჩინეს დახოცილებს. სასტიკი ბრძანება გამოსცა ველინგტონმა - დახვრეტილი იქნება, ვისაც მკვდრების ძარცვაში დაიჭერნო. ბრძოლის ველის ერთ მხარეს ქურდები დათარეშობდნენ იმ დროს, როდესაც მეორე მხარეს ქურდებს სჯიდნენ. ავბედითი მთვარე დასცქეროდა ამ ველს.

შუალამისას ერთი კაცი დაეხეტებოდა, უფრო დაცოცავდა ოჰენის მხარეს. ერთი იმათგანი უნდა ყოფილიყო, რომლებიც ეს-ეს არის დავახასიათეთ, - არც ინგლისელი, არც ფრანგი, არც გლეხი, არც ჯარისკაცი, უფრო სისხლისმსმელი მავნე, ვიდრე ადამიანი, მკვდრების სუნით მოზიდული, რომლისთვისაც გამარჯვება ქურდობაა, რომელიც მოსულიყო, რომ გაეძარცვა ვატერლოო. ხალათი ეცვა, რომელიც ფარაჯას წააგავდა, მხდალიც იყო და თავხედიც. მოუსვენრად ფოფხავდა მკვდრებში და აქეთ-იქით აცეცებდა თვალებს.

ვინ იყო ეს კაცი, ეს ღამეს უფრო კარგად უნდა სცოდნოდა, ვიდრე დღეს. ტომარა არ ჰქონდა, მაგრამ, ეტყობოდა, დიდრონი ჯიბეები უნდა ჰქონოდა ხალათით დაფარული. ხანდახან გაჩერდებოდა ხოლმე, თვალს მოავლებდა ირგვლივ, - ხომ არავეინ მხედავსო, - უცბად გადაიხრებოდა, რაღაცას შესძრავდა მიწაზე უძრავს და ჩუმს, და ახლა სხვისკენ მიდიოდა. ისე სწრაფად ცოცავდა მიწაზე, ისე ერეოდა მკვდრებში, ისეთი სწრაფი და იღუმალი მოძრაობა ჰქონდა, რომ ავბედით ქმნილებას ჰგავდა, რომელიც, ნორმანების ძველი თქმულებით, დღე სადმე ნანგრევებში იმალება

და ღამით სისხლსა სწოვს, ვისაც ხელთ იგდებს. ზოგიერთ ღამის წვივმაღალ ფრინველსაც უყვარს ჭაობში ასე წიალი.

მომორებით, ერთი ქობის უკან, მიკიტნის პატარა ფორანი იდგა, გაფისული წნელის ჩარდახით, დამშეული ცხენით, რომელიც ჭინჭარს ძოვდა, შიგნით კი ერთი დედაკაცი იყო ყუთებზე წამოწოლილი. ვინ იცის, იქნებ რამე კავშირი იყო ამ ფორანსა და იმ მანანწალას შორის.

ნათელი ღამე იყო, ღრუბელი არსად მოჩანდა ცაზე. რა ვუყოთ, რომ სისხლით იყო განითლებული დედამინა? მთვარეს მაინც თავისი სითეთრე შერჩენოდა. ასე, რომ გულგრილი დარჩენილიყო ზეცა. ხეებზე ეკიდა ყუმბართი დამტვრეული ტოტები და ნელა ირხეოდა ღამის გრილი ნიაფით; ოღნავი სიო, ისეთივე სუსტი თითქმის, როგორც სუნთქვაა, არხევდა ფოთლებს, ნელა თრთოდა ბალახი, როგორც განსატევებელი სული.

შორიდან ყრუდ ისმოდა დარაჯებისა და ინგლისელების ბარაკის მცველების ფეხის ხმა.

ჯერაც იწვოდა ჰუგომონი და ჰე-სენტი, ერთი - ბრძოლის ველის მარჯვნივ, მეორე - მარცხნივ, ორი დიდი ხანძარი, რომელთაც ინგლისელების ბანაკის გასანათებელი ცეცხლის გრძელი ხაზი აერთებდა, თითქოს გაჭიმული ყელსაბამი ყოფილიყოს ლალ-ბადახმისა, თავსა და ბოლოში დიდრონი ანთრაკით დამშვენებული.

უკვე ვთქვით, რამდენი ხალხი დაიღუპა ხევში. მხოლოდ იმაზე ფიქრიც კი, რომ ამდენმა მამაცმა ჰპოვა იქ სიკვდილი, ძრწოლით ავსებს ადამიანის გულს.

აი, რა არის მართლა საშინელი, უფრო საზარელი, ვიდრე ამას ადამიანთა წარმოდგენა ქმნის: ცოცხალია კაცი, ქვეყანას შეჭხარის ძალ-ღონით სავსე, დიდებისკენ მიიწევს ჭაბუკური გატაცებით, ფიქრობს, მსჯელობს, იმედოვნებს, უყვარს, დედის, მეუღლის, შვილების სიყვარულით ტკბება და უცხად, ხმის ამოღებასაც ვერ მოასწრებს, მოულოდნელად ეშვება რაღაც უფსკრულში, მიგორავს წაქცეული, ვილაყას აწვება, ვილაყ აწვება ზედ, ხელის მოსაჭიდს ვერაფერს ხედავს, რომ მოეკიდოს, უსარგებლოდ გრძნობს თავის იარაღს, ადამიანს გრძნობს თავის ქვეშ, ცხენის სიმძიმეს გრძნობს თავის გულზე, ხედავს, რომ ამაოა ყოველი ღონისძიება, რომ თავს ვერ დააღწევს ამ საშინელებას, გრძნობს, რომ ცხენის ნალი უმტვრევს გულმკერდს და ვილაყის ქუსლი თვალს უთხრის, გაცოფებულივით კბენს ნალსაც და ქუსლსაც, სუნთქვა ეკვრის, გმინავს, ღმუის და ფიქრობს - ეს-ეს არის ცოცხალი ვიყავიო!

მიჩუმებული იყო ის ხევი, სადაც ეს მოხდა, ხევი მკვდრებით იყო ამოვსებული და თავის ნაპირებს გასწორებული, სისხლის ღვარი გადმოდიოდა ხევიდან და ნიველის გზაზე გუბდებოდა.

ამ მხარეს მოდიოდა ის მანანწალა, აქ რომ დადინახეთ ჩუმად მიმავალი. ამ სამარეში ეძებდა საშოვარს. დანრიალებდა, თითქოს მკვდრების საშინელ შემონმებას აწარმოებდა. ფეხით დადიოდა ადამიანის სისხლში.

უცხად გაჩერდა.

იქვე, მის ახლოს, მკვდრებისა და ცხენების ხროვიდან ამოშვერილიყო ერთი ხელი თითებგაშლილი, მთვარით გაშუქებული.

ხელის თითზე ოქროს ბეჭედი ჰქონდა წამოცმული და ელაგდა მთვარის სინათლეზე. დაიხარა კაცი, ჩაცუცქდა, ზევით რომ წამოიწია, თითზე ბეჭედი აღარ იყო.

ველარ წამოდგა. დარჩა ისე დაჩოქილი, დაფეთებული, ზურგი შეაქცია მკვდრებს, თვალი გადაავლო ჰორიზონტს, ხელებით მიწას დაეყრდნო და გაფაცვიცებით ადევნებდა თვალს იქაურობას. ტერა გვეგონებოდათ, რისიმე დასაჭერად გამზადებული.

მერე გაბედა, წამოხტა.

და სახტად დარჩა. ვიღაცას ეჭირა უკნიდან მისი ხალათი. მიბრუნდა. ის ხელი იყო, მკვდრებიდან ამოშვერილი, წელან გაშლილი, ახლა ხალათში ჩასჭიდებოდა.

პატიოსანი კაცი შეშინდებოდა, ამან სიცილი დაიწყო:

- იჰ, მკვდარი ყოფილა. ოღონდ უანდარში ნუ იქნება და მკვდრის შიში არა მაქვს. ამასობაში ძირს დაეშვა მისუსტებული ხელი, ხალათი გაუშვა, ოღნავი მოძრაობაც კი მალე ღლის საფლავეში მყოფს.

- რა ვქნა, ცოცხალი ხომ არ არის ეს მკვდარი? - ფიქრობდა ქურდი, - ერთი ვნახოთ.

დაიხარა, მისწი-მოსწია, რაც იმ ხელთან იყო, ამოაცალა მკვდრებს ცოცხალი მკლავი, გაუნთავისუფლა თავი, ამოსწია კაცი და რამდენიმე წუთის შემდეგ განზე გაიტანა გულწასული, მაგრამ ცოცხალი. ოფიცერი იყო, ეტყობოდა, უფროსთაგანი, რადგან დიდი ოქროს სამხრე გამოუჩნდა ბეგთარის ქვეშ. ჩაჩქანი აღარ ეფარა. სახე ხმლით ჰქონდა გაჩეხილი და დასისხლიანებული. ეტყობოდა, არაფერი ჰქონდა გატეხილი; იქნებ იმიტომ, რომ ხევში ღრმად არ იყო ჩათლული და ზედ ცოტა რამ ანვა. თვალი დახუჭული ჰქონდა.

ჯავშანზე წარჩინებულთა ლეგიონის ვერცხლის ჯვარი ჰქონდა. ქურდმა ეს ჯვარი მოაგლიჯა და ჯიბეში ჩაიღო ხალათის ქვეშ. მერე საათი ამოაცალა და ისიც ჯიბისკენ წაიღო. ბოლოს ქისა ამოუღო და ჯიბეში ჩაუძახა.

აქამდე რომ მიაღწია მომაკვდავის დახმარებამ, ოფიცერმა თვალი გაახილა და სუსტი ხმით უთხრა:

- გმადლობთ.

ქურდის უხეში ხელი, სუფთა ჰაერი და ღამის სიგრილე დაეხმარა მომაკვდავს და გამოაცოცხლა. ქურდმა პასუხი არ გასცა. ველს გასცქეროდა. ფეხის ხმა ისმოდა, ეტყობოდა, დარაჯები მოდიოდნენ.

ძლივს წაილულულა ოფიცერმა, რადგან ჯერაც ვერ მოეკრიბა ძალა:

- ვინ მოიგო ბრძოლა?

- ინგლისელებმა.

ოფიცერმა უთხრა:

- ჯიბეები გამისინჯეთ, საათი მაქვს და ქისა, თქვენი იყოს.

ხომ არ ეტყოდა, - ჯიბეებიც გაგისინჯე და ყველაფერიც ამოგაცალეო, - დაიხარა, ვითომ გაუსინჯა, ვერაფერი იპოვა და უთხრა: - აქ არაფერია.

- გავუქურდივარ ვიღაცას, ძალიან ვწუხვარ, თქვენ მოგცემდით.

დარაჯების ფეხის ხმა უფრო ახლოდან ისმოდა.

- აგერ მოდიან, - უთხრა ქურდმა, - მე წავალ.

ძლივს ასწია ხელი ოფიცერმა, დაიჭირა ქუდი და ჰკითხა:

- თქვენ სიკვდილს გადამარჩინეთ, ვინა ხართ?

ჩუმი ხმით აჩქარებით უპასუხა ქურდმა:

- მეც თქვენსავით საფრანგეთის ჯარიდან გახლავართ. უნდა გამოგეთხოვოთ. აქ რომ მომისწრონ, მაშინვე დამხვრეტენ. სიკვდილს გადაგარჩინეთ და ახლა თქვენ იცით.

- რა ხარისხი გაქვთ?
- ათისთავი ვარ.
- თქვენი გვარი?
- ტენარდიე.
- არ დაგივინწყებ, - უთხრა ოფიცერმა, - და თქვენც დაიხსომეთ ჩემი გვარი - მე პონმერსი ვარ.

ნიგნი მეორე
გემი „ორიონი“

თავი პირველი
#24601 იყო, ახლა #9430 არის

დაიჭირეს უან ვალჟანი.

ვფიქრობთ არ დაგვემდურებიან, რომ ასე მოკლედ მოგუთხრობთ ამ სამწუხარო ამბავს. გაზეთების ორ ცნობას ვიყენებთ, ფანტინის სიკვდილის რამდენიმე თვის შემდეგ დაბეჭდილს.

ორივე ცნობა მოკლედ არის შედგენილი, მაგრამ გეხსომებათ, რომ იმ დროს ჯერ არ არსებობდა „სასამართლოს გაზეთი“.

პირველი ცნობა „თეთრი დროშიდან“ არის, დათარიღებულია 1823 წლის 25 ივლისით.

„ - უცნაური რამ მოხდა პა-დე-კალეს ერთ მხარეს. ერთი კაცი მოვიდა პატარა ქალაქში, ყველასთვის უცნობი, გვარად ბ. მადლენი და რამდენიმე წლის განმავლობაში ახალი საშუალებების გამოყენების წყალობით ფეხზე წამოაყენა და ააყვავა ერთი ადგილობრივი წარმოება, გიმრისა და შავი მინის ქარხანა. გამდიდრდა კაცი ამ წარმოებით და, საჭიროა ესეც ვთქვათ, გაამდიდრა მთელი მხარე. მისი მოღვაწეობა იმდენად სასარგებლო იყო ქვეყნისთვის, რომ ქალაქის მერად დანიშნეს.

პოლიციამ აღმოაჩინა, რომ ეს ბ. მადლენი ძველი კატორღელი ყოფილა, სასჯელმთხბილი, კატორღაში ნამყოფი 1796 წლიდან, ქურდობისთვის დასჯილი, სახელად უან ვალჟანი, ხელმეორედ დაიჭირეს ქურდობისთვისვე. ეტყობა მოასწრო და ვიდრე დაიჭერდნენ, ლაფიტის ბანკიდან გამოიტანა თავისი ფული, ნახევარ მილიონზე მეტი, - ეს ფული პატიოსანი შრომით ჰქონდა შექმნილი, ამბობენ. ჯერაც არ იციან, სად დამალა უან ვალჟანმა ამდენი ფული, ვიდრე დაიჭერდნენ და ტულონში გაგზავნიდნენ“.

მეორე ცნობა ამოღებულია იმავე თარიღის „პარიზის ჟურნალიდან“ და უფრო ვრცელიც არის:

„- ერთი ძველი კატორღელის, გათავისუფლებულის, ვიდაც უან ვალჟანის საქმე გაარჩია ამას წინათ ნაფიც მსაჯულთა სასამართლომ და საზოგადოებისთვის ფრიად საყურადღებო გარემოებებს ახადა ფარდა. ამ არამზადას მოეხერხებინა პოლიციისთვის თვალის ახვევა, სახელი და გვარი გამოეცვალა და ერთი პატარა

ქალაქის მერობაც კი მიეღო. საკმაოდ სასარგებლო წარმოება მოეწყო ქალაქში. ბოლოს ნიღაბი ჩამოხსნეს და დაიჭირეს შინაგან საქმეთა სამინისტროს სიფიზბოს წყალობით. ხასად ჰყავდა ერთი როსკიპი, რომელმაც ვერ გაუძლო მის დაპატიმრებას და სული დალია. საშინელი ძალ-ღონის პატრონია ეს ავაზაკი და როგორღაც მოახერხა, ხელიდან დაუძვრა საპატიმროს, მაგრამ სამი-ოთხი დღის შემდეგ ისევ დაიჭირა პოლიციამ პარიზში, სწორედ იმ დროს, როდესაც ჩაბრძანებას აპირებდა პატარა ეტლში, პარიზისა და მონფერმეილს შუა რომ დაიარება. ამბობენ, ისარგებლა სამი-ოთხი დღის თავისუფლებით და ერთი ბანკიდან გამოიტანა თავისი ფული ექვსას-შვიდას ათას ფრანკამდე. ბრალდების ოქმიდან ჩანს, რომ ეს ფულიც საღდაც დაუმაღავს და სად? - ეს კი არავინ იცის იმის მეტმა. ასე რომ, ჯერჯერობით შეუძლებელია კონფისკაცია, სასამართლოს წარუდგინეს ეს უან ვალუანი, როგორც ყაჩაღი, შეიარაღებული დასცემია შარავგაზე ამ რვა წლის წინათ ერთ პატარა პატიოსან ბიჭს, რომელიც, არქიერ ფერნის უკვდავი ლექსით რომ ვთქვათ:

სავიოდან ხშირად მოდიან

და ჭვარტლით სავსეს როცა ხედავენ,

სწმენდავენ ჩვენი სახლის ბუხარსა,

მარჯვედ სწმენდავენ.

თავის გასამართლებლად და დასაცავად ხმაც არ ამოუღია ამ ყაჩაღს, შორსმჭვრეტელი და მჭევრმეტყველი ბრალმდებლის სიტყვით დამტკიცდა, რომ ქერლობა უან ვალუანმა ამხანაგებთან ერთად ჩაიდინა და მთელი ბრბო ჰყავდა ავაზაკებისა სამხრეთში. ამის გამო იგი სასამართლომ დამნაშავედ ცნო და სიკვდილი მიუსაჯა. განწირულმა გასაჩივრებაც არ ინდომა, თუმცა მეფემ თავისი უსაზღვრო ლმობიერებით შეუნდო ცოდვა და სიკვდილის მაგიერ სამუდამო კატორღა მიუსაჯა. უან ვალუანი დაუყოვნებლივ ტულონში გაგზავნეს.

მკითხველს ემახსოვრება, რომ უან ვალუანს კარგი დამოკიდებულება ჰქონდა სამღვდლოებასთან მონრეილში. რამდენიმე გაზეთი და მათ შორის „კონსტიტუციონელი“ ამტკიცებს, - სასჯელის შეცვლა სარწმუნოებრივი პარტიის გავლენის შედეგიაო.

კატორღაში ნომერი გამოიცვალა უან ვალუანმა, 9430 გახდა.

ესეც ვთქვათ, რომ აღარ დაგვჭირდეს წარსულის გახსენება. ბ. მადლენის წასვლას თან მოჰყვა მონრეილის კეთილდღეობის დამხობა. ასრულდა ყველაფერი, რისი მოლოდინიც ჰქონდა იმ ღამეს, როდესაც ვერა და ვერ გადაეწყვიტა საკითხი, - მონრეილში დარჩენილიყო სასარგებლო და ყველასგან პატივცემული, თუ შანმატიეს ადგილი დაეჭირა და ეთქვა, ეგ კი არა, მე გახლავართ უან ვალუანიო. მადლენი წავიდა და წარმოებასაც ნელ-ნელა სული დალია. დაეცა მადლენი და ამ ამბავს მოჰყვა ის, რაც ყოველთვის თან ახლავს დიდებულის სიკვდილს ან დაცემას; ალექსანდრე მაკედონელის სიკვდილის შემდეგ გვირგვინი დაიხურეს მხედართმთავრებმა, - მეფეები ჩვენა ვართო, - და დაკნინდა დიდებული. მადლენის წარმოების გამგებმაც იგივე თქვეს, - ახლა ჩვენა ვართ მადლენიო და ატყდა შური და ქიშპობა. მადლენის დიდი ქარხნები დაიკეტა, შენობა დაინგრა, მუშები დაიფანტნენ; ზოგი სხვაგან წავიდა, ზოგი სხვა საქმეზე გადავიდა; დაკნინდა წარმოება და მასთან ყველაფერი. მოგებისთვისა და აწარმოებდნენ საქმეს და არა ნაწარმის სიკეთისა და გაუმჯობესებისთვის. ცენტრი აღარა ჰქონდა წარმოებას. მეტოქეობა და

სისასტიკე გამეფდა ყველგან. მადლენი განაგებდა ყველაფერს. რაკი მადლენი აღარ იყო, ყველამ თავისკენ გაიწია; საერთო საქმის სასარგებლოდ მოწყობის მაგივრად ქიმში დაიწყო, შეთანხმების მაგივრად - შური, ხალხისადმი დამფუძნებლის სიყვარულის მაგივრად - ბრძოლა და ერთმანეთისთვის ორმოს თხრა. მადლენის მიერ გაბმული ძაფი აიწვნა და დაწყდა; წარმოებას თაღლითობა გამოაჩნდა. ნაწარმი წახდა, ნდობა დაკარგა, გასაღება შეუმცირდა, შემცირდა მუშის ხელფასი, შენეულა მუშაობა, ქარხნები იკეტებოდა და აღარავის ახსოვდა გაჭირვებულები და მათი დახმარება. გაქრა ყველაფერი, თვითონ მთავრობამაც კი დაინახა, რომ ვიღაცას, ქვეყნისთვის სასარგებლოდ, გამოსჭრა ყელი. ორი წელი არ გასულიყო მას შემდეგ, რაც სასამართლომ კატორღის სასარგებლოდ უან ვალჟანად მიიღო მადლენი და სასჯელი მიუსაჯა და ისე გაძნელდა ამ მხარეში ხარჯის აკრეფა, ისე იმატა ხარჯის მოსაკრებლად გაცემულმა ხელფასმა, რომ ბ. ვილელმა 1827 წლის თებერვალში საქვეყნოდ გამოაცხადა მონრეილის მხარის ვალარიბება.

თავი მეორე

ერთი ლექსი, თვით ეშმაკის მიერ თქმული

ვიდრე ჩვენს მოთხრობას განვაგრძობდეთ, ერთი უცნაური ამბავი გვინდა გავაცნოთ მკითხველს ცოტა დაწვრილებით, რომელიც იმავე დროს მოხდა მონრეილში და ცოტა რამ მსგავსებაცა აქვს პროკურორის ნაგულისხმევთან.

ერთი ცრურწმენა არის გავრცელებული მონრეილში მხარეში, მეტად ძველი, მით უფრო უცნაური და ამიტომ მით უფრო საყურადღებო, რომ პარიზის სიახლოვეს მცხოვრები ხალხის ცრუმორწმუნეობა ისეთივე წარმოუდგენელია, როგორც ალოე ციმბირში. ჩვენ მათ რიგებს ვეკუთვნით, ვინც დიდი ყურადღებით იკვლევს ყველაფერს, რაც იშვიათ მცენარეს მოგვაგონებს. მაშ, აი თვით ეს ცრურწმენაც: ხალხს სწამს, რომ ძველად, პირვანდელ დროს, ეშმაკმა ტყე ამოიჩრია განძის დასამარხად. მოხუცი დედაკაცები იფიცებოდნენ, - ბინდისას, მიყრუებულ ტყეში ხშირად შეხვდებით მეურმის, ან შეშისმჭრელის მსგავსს, რაღაც შავ ადამიანს ხის ფლოსტებითა და ხალათით, ადვილად საცნობს, რადგან ქუდის მაგივრად ორი დიდი რქა აქვს თავზე. თუ რქები აქვს, მართლაც რომ ადვილი საცნობი იქნება. ეს კაცი ორმოს თხრის ტყეშიო.

ამ ცრურწმენის თანახმად სამგვარად შეიძლება ამ რქიანთან შეხვედრით სარგებლობა.

პირველი, - უნდა მიხვიდეთ და დაელაპარაკოთ, მაშინ დარწმუნდებით, რომ ეს კაცი უბრალო გლეხია, შავად იმიტომ გეჩვენებათ, რომ ბინდისას ხელდავთ, არავითარ ორმოს არ თხრის, ბალახს თიბავს თავისი ძროხისთვის და რქები კი არა, ორთითი აქვს ქამარში გარჯობილი, რომლის ორი კბილი ან ორი თითი ისე ჩანს, თითქოს თავიდან ამოსვლოდეს. შინ რომ დაბრუნდება მისი მნახველი, თქვენ ჭირს წაიღებს ერთ კვირაში.

ახლა მეორე: - რომ დაინახავს კაცი, უნდა მიიმალოს, თვალ-ყური ადევნოს რქიანს, მოითმინოს მანამ ორმოს ამოთხრის, ისევ მინას მიაყრის და წავა, მაშინვე უნდა მივარდეს იმ ორმოს, გათხაროს და ამოიღოს „განძი“, რომელიც, რა თქმა უნდა,

შიგ ჩაფლო რქიანმა. ამ შემთხვევაში ერთ თვეს ვეღარ იცოცხლებს განძის ამომთხრელი.

მესამე კიდეც ის არის, რომ არ დაელაპარაკო რქიანს, არც უყურო და სირბილით გამოექანო შინსკენ. ამ შემთხვევაში ერთი წლის განმავლობაში მოკვდები.

თავ-თავისი ჭირი ჰქონია სამივეს, უფრო ხელსაყრელი მაინც მეორეა, რადგან ის უპირატესობა აქვს, რომ განძს აძლევს ადამიანს, თუნდაც ერთი თვით და ამიტომ ხალხში ეს გზა არის მიღებული. გამბედავებს და უშიშრებს, რომლებსაც ცდა ბედის მონახევრე ჰგონიათ, როგორც ხალხი ამბობს, ხშირად გაუთხრიათ რქიანის ორმო და უცდიათ ეშმაკის გაქურდვა, მაგრამ განძისთვის ვერავის მიუგნია. ამას ამტკიცებს ხალხის თქმულება, განსაკუთრებით ერთი გამოცანის მსგავსი ლექსი, წარყვნილი ლათინურით დაწერილი, რომელიც დაუტოვებია ერთ საძაგველ ნორმანელ ბერს, ჯადოსანს, ტრიფონად წოდებულს. რუელის ახლოს არის დასაფლავებული ეს ტრიფონი ბოშერვილის წმ. გიორგის სასაფლაოზე და სულ ჯოჯოები გამოდიან იმის საფლავიდან.

დიდი ჯაფა ადგას ამ ორმოს მთხრელს, რადგან ძალიან ღრმად მარხავს რქიანი თავის საგანძურს. წურწურით ჩამოსდის კაცს ოფლი, მთელი ღამე თხრის და ერთ წამს ვერ შეისვენებს, რადგან ღამით უნდა მორჩეს ყველაფერს. პერანგს ისველებს, სანთელს წვავს, ბარს აჩლუნგებს და ამტვრევს. ბოლოს, როდესაც ორმოს ფსკერს მიაგნებს, როდესაც ხელთ ივდება „განძს“, რას ხედავს, რას წარმოადგენს ეშმაკის განძი? ერთ სუს შავ ფულად, ხანდახან ერთ ფრანკსაც, რაიმე ქვას, ჩონჩხს, სისხლით გასვრილ მკვდარს, ხანაც ჯადოს, ოთხად დაკეცილს, როგორც ქაღალდის ფურცელს ვკვებავთ უბის ჯიბეში ჩასადებად, და ხშირად სულაც არაფერს. სწორედ ამას უცხადებს განძის მოპოვებით გატაცებულებს ტრიფონის ეს ლექსიც:

Fodit et in fossa thesauros condit opacaAs, nummos, lapides, cadaver, simulacra, nihilque .

როგორც ჩანს, ჩვენს დროშიც ბევრს ვერაფერს პოულობენ რქიანი ეშმაკის ორმოში: ხან თოფის წამლითა და ტყვიით სავსე მასრას წაანყდებიან, ხან კიდეც გაქონილ სათამაშო ქაღალდს, რომლითაც ალბათ ეშმაკი თამაშობდა. ტრიფონმა არ მოიხსენია ეს განძი თავის ნუსხაში, მაგრამ რას იზამთ? ტრიფონი მეთორმეტე საუკუნეში ცხოვრობდა და როგორც ეტყობა, იმდენი გონებაც არ ჰქონდა ეშმაკს, რომ როჯერ ბეკონამდე გამოეგონა თოფის წამალი და შარლ მეექვსემდე - სათამაშო ქაღალდი.

ამასთან, თუ ღმერთი გაუწყრა განძის მპოვნელს და ნაპოვნი ქაღალდით ითამაშა, სულ წაავებს, რაც კი აბადია და თოფისწამალს კიდეც ის თვისება აქვს, რომ როგორც კი იფეთქებს, შიგ პირში ახლოს გამსკდარ ლულას თავის მსროლელს.

მას შემდეგ, რაც პროკურორის ზედამხედველებმა შეიტყვეს, რომ ციხიდან გაქცეული ჟან ვალჟანი მონფერმეილში დაძრწოდა, მონფერმეილელებმა შეამჩნიეს, რომ ერთი ბებერი გზის მუშა, ბულატრუელად წოდებული, ძალიან ხშირად შედიოდა ტყეში. კატორღაში წამყოფად თვლიდნენ ამ კაცს. პოლიციას ყოველთვის საეჭვოდ მიაჩნდა იგი, თვალს არ ამორებდა, რადგან სამუშაოს ვერსად შოულობდა. შემცირებული ხელფასით ამუშავებდა მთავრობა გზის შესაკეთებლად.

ადგილობრივი მცხოვრებლებიც ეჭვის თვალთ უყურებდნენ ბულატრუელს. თვითონ კი თავმდაბლად ექცეოდა ყველას, მოწინებით ქედს უხდიდა დიდსა და

პატარას. კანკალებდა და იღიმებოდა, უნდარმს რომ დაინახავდა. - ალბათ ყაჩაღების ბრბოს ეკუთვნისო, - იძახდა ხალხი. - შეიძლება ტყეშია ჩასაფრებული, რომ მგზავრები გაძარცვოს ღამის სიბნელეშიო. - არათფერი სჭირდა ამ ეჭვების გასამართლებელი, გარდა იმისა, რომ ლოთი იყო.

აი რა შენიშნეს ბულატრუელს:

ამ ბოლო დროს ძალიან ადრე მიატოვებდა ხოლმე საქმეს გზაზე და ტყისკენ მიეშურებოდა თავისი ბარით. საღამო ხანს ყოველთვის შორეულ ველებზე ხედავდნენ ამ კაცს. მიყრუებულ ტყეში დაყიალებდა, ეტყობოდა რაღაცას ეძებდა, ხან ორმოს თხრიდა. დაინახავდნენ ბებერი დედაკაცები და გული უსკდებოდათ, - ბელზებელი მოგვეჩვენაო, - მაგრამ ბულატრუელს იცნობდნენ და უფრო კანკალებდნენ. ბულატრუელს, ეტყობა, ძალიან ეჯავრებოდა ტყეში ვინმესთან შეხვედრა; ცდილობდა ისე ევლო, რომ ყველას დამალვოდა. ცხადი იყო, რქიანის დამარხულ განძს ეძებდა. სოფელში ამბობდნენ: - ბულატრუელმა ალბათ თვალი მოჰკრა ეშმაკს და მის დაფულულ განძს ეძებს. ვერ მოახერხებს, თუ! იმისთანა გაიძვერაა, რომ თვალიდან წამწამს ჩამოაგლეჯს ლუციფერს და ის კი ვერას გაიგებსო. - ვოლტერიანელებსაც საეჭვოდ მიაჩნდათ ეს კაცი: ვნახოთ, ვინ უფრო ცბიერია, ბულატრუელი გააცურებს ყინულზე ეშმაკს, თუ ეშმაკი ბულატრუელსო.

ამასობაში სულ მოიშალა ბულატრუელმა ტყეში ხეტიალი და ისევ გულმოდგინედ დაინყო მუშაობა. სალაპარაკო ახლა სხვა რამ გახდა.

მაგრამ მაინც დარჩა რამდენიმე კაცი, რომლებსაც მოსვენებას არ აძლევდა ბულატრუელის საქციელი. - შეიძლება დიდი განძი არ ყოფილიყო ის, რომელიც ხალხის თქმულებით ქვეყნის თვალმარგალიტს უნდა უდრიდეს, მაგრამ, ცხადია, რომ რაღაც იზოვა ამ კაცმა უფრო სასარგებლო, ვიდრე ეშმაკის ბანკის ბილეთები, რაღაც იზოვა საიდუმლო და თუ სულ ვერა, ნაწილობრივ მაინც მიხვდა იმ საიდუმლოებას. რქიანის განძით ყველაზე მეტად გატაცებულები იყვნენ მასწავლებელი და მედუქნე ტენარდიე, მთელი ქვეყნის მეგობარი, რომელმაც არც ბულატრუელის მეგობრობა იუკადრისა.

- კატორღაში ყოფილა? - იძახდა ტენარდიე, - მერე რა? - ვინ იცის, ახლა ვინ არის კატორღაში და ხვალ ვინ იქნება?

ერთ საღამოს საუბარი ამ საგანს შეეხო. მასწავლებელი დაბეჯითებით ამტკიცებდა, რომ წინათ ამ საქმეში მართლმსაჯულება ჩაერეოდა და გამოიძიებდა, თუ ვერას გააწყობდა, აწამებდა და ისე ათქმევინებდა, რადგან ვერ გაუძლებდა წამებას. განსაკუთრებით, თუ წყურვილს აღუძრავდნენ და წყალს არ დაალევინებდნენ.

- მაშ, მოდი, ღვინით ვაწამოთ, - წამოიძახა ტენარდიემ.

მიოპატიჟეს ბულატრუელი და იმდენი ასვეს, რომ კარგად გამოათვრეს. ბევრი სვა, ძალიან ცოტა რამ თქვა. საგანგებო ხელოვნებით შეაერთა ლოთის წყურვილი და მსაჯულის სიფხიზლე, მაგრამ ისინი თავისას არ იშლიდნენ, ერთსა და იმავეს ეკითხებოდნენ სხვადასხვაგვარად და მოკლედ, თითო-ოროლა პასუხით აი, რა დასკვნა გამოიტანეს მისი ნათქვამიდან მასწავლებელმა და ტენარდიემ:

ერთ დილას, გათენებისას, სამუშაოდ მიმავალმა ტყეში, ხშირ ბუჩქებში ბარი და ნიჩაბი დაინახა. გაუკვირდა ბულატრუელს, - აქ ვინ დამალავდაო? - მაგრამ მოიბარა, - ალბათ ძია სიფურისა არის, მერწყულესიო, - და აღარც კი მოჰგონებია. მაგრამ

სალამოზე, იმავე დღეს, ერთი კაცი დაინახა ტყეში, გზიდან დაბურული ტევრისკენ მიმავალი. აქაური არ არის ეს კაცი, ბულატრუელის ნაცნობია.

ტენარდიემ ასე თარგმნა ეს სიტყვები: ბულატრუელის კატორღელი ამხანაგი.

მისი სახელი კი ვერა და ვერ ათქმევინეს. ხელში რაღაც ეჭირა შეხვეული, დიდი კოლოფი უნდა ყოფილიყო ან პატარა ყუთი. განცვიფრებული დარჩა ბულატრუელი. შვიდი-რვა წუთის შემდეგ მოისაზრა მას ჩუმად უკან მიჰყოლოდა, მაგრამ გვიანდა იყო, კაცი უკვე ტევრში შესულიყო, კარგადაც ბნელოდა და ვეღარ დაინახავდა. მაშინ გადაწყვიტა ტყის პირას დამალულიყო და იქიდან ეთვალთვალა. მოვარიანი ღამე იყო. ორი თუ სამი საათის შემდეგ თავისი ნაცნობი დაინახა, ტევრიდან მომავალი, ოღონდ ყუთით კი არა, ბარი და ნიჩაბიღა ეჭირა ხელში. ხმის ამოუღებლად გაატარა ბულატრუელმა, რადგან ის კაცი ძალიან ღონიერი იყო და იქვე მოკლავდა ბარით, რაკი იცნობდა თავის მსტოვარს და ნახავდა, რომ ისიც იცნეს. - აი გულითადი სიხარული ძველი ნაცნობებისა, რომლებიც ერთმანეთს შეხვდნენ დიდი ხნის შემდეგ, მაგრამ ბარმა და ნიჩაბმა თვალი აუხილა ბულატრუელს. მაშინვე იმ ბუჩქნარში მიიღბინა, დილით რომ ნახა და არც ბარი დახვდა და არც ნიჩაბი. აქედან დაასკვნა, რომ მისი ნაცნობი შევიდა ტყეში, ორმო ამოთხარა, ჩაფულა შიგ ყუთი, ნიჩაბით მინა მიაცარა და მოასწორა. ყუთი ძალიან პატარა იყო, შიგ მკვდარი არ ჩაეტეოდა, მაშასადამე, ფულით იწებოდა სავე. ამიტომ იყო, რომ დანიალებდა ტყეში და იმ ორმოს ეძებდა. მთელი ტყე მოიარა, ბუჩქი არ დატოვა, რომ არ გაეჩხრიკა. ყველგან თხარა, სადაც დაძრულად ეჩვენა მინა, მაგრამ ამაოდ. ვერაფერი იპოვა. ამით გათავდა ეს ამბავი. მალე დაივიწყა ყველამ. მხოლოდ ბებერი დედაკაცები გაიძახოდნენ თავისას:

- დარწმუნებული ბრძანდებოდეთ, რომ ის სულწაწყმედილი გზის მუშა ტყუილად არ დაიწყებდა ტყეში სიარულს. ალბათ ეშმაკი ნახა.

თავი შესაძგ

წინასწარ უნდა ყოფილიყო ჯაჭვი განზრახ დაზიანებული, რომ ასე ადვილად გამწყდარიყო

იმავე 1823 წ. ოქტომბრის ბოლოს ტულონის ნავსადგურში შევიდა ავდრით დაზიანებული გემი „ორიონი“, შესაკეთებლად. შემდეგში ეს გემი ბრესტში იყო, როგორც სავარჯიშო გემი, მაშინ კი ხმელთაშუა ზღვის ესკადრას ეკუთვნოდა.

თუმცა ძალიან იყო დაზიანებული, შინც დიდებულ სანახაობას წარმოადგენდა და აღტაცებით შეხვდნენ ტულონში. აღარ მახსოვს, სახელლობრ, რომელი დროშით შევიდა ნავსადგურში. ეს კი ვიცი, რომ იმდროინდელი წესის მიხედვით ტულონი ზარბაზნის თერთმეტი სროლით მიესალმა. ქალაქის სალამს გემის ზარბაზნამაც უპასუხა და მანაც თერთმეტჯერ გადაუხადა მადლობა თავის მასპინძელს. სულ ოცდაროი სროლა გაისმა. გამოანგარიშებულია, რომ მისალმებისას, მეფის მიღებისას, სამხედრო დათვალეიერებებისა და აღლუმების დროს, ნავსადგურებისა და ციხესიმაგრეების ნიშნებისას, მზის ამოსვლისას და ჩასვლისას, კარის გაღებისა და დაკეტვისას და სხვ. და სხვ., დღე-ღამის განმავლობაში დედამინის ცივილიზებულ ქვეყნებში ას ოთხმოცდაათი ათასჯერ ისვრიან ზარბაზანს სრულიად უსარგებლოდ. ზარბაზნის თითო სროლა ექვსი ფრანკი ღირს, მამ ცხრაასი ათასი ფრანკი იხარჯება

ყოველდღე და სამასი მილიონი ფრანკი ყოველწლიურად. კვამლად იქცევა ამდენი ფული. ეს ისე, გაკვრით არის მოყვანილი; და ამ დროს შიმშილით იხოცება გაჭირვებული ხალხი.

1823 წელიწადს რესტავრაციამ „ესპანეთის ომის ხანა“ დაარქვა.

მრავალი შემთხვევა მოჰყვა ამ უცნაურ ომს. ბურბონებისთვის ეს ომი ოჯახური საქმე იყო, რადგან ამ ოჯახის საფრანგეთში გამეფებული შტო მხარს უჭერდა ესპანეთში გამეფებულ თავის შტოს და ამით ასრულებდა გვარში უფროსის მოვალეობას. ეს იყო ჩვენი ძველი ეროვნული ტრადიციის განახლება, მაგრამ გართულებული იმ ურთიერთობით, რომელიც ბურბონებს ჰქონდათ ევროპის ჩრდილო სამეფოებთან. ჰერცოგი დ'ანგულემი, ანდალუზიაში ერთ დაბაში გამარჯვების გამო „ანდუჟარის გმირად“ წოდებული, მრისხანე იერთ, რომელიც სრულებითაც არ უხდებოდა მის მშვიდობიან სახეს, ცდილობდა დაემორჩილებინა ძველი, ძალიან მძლავრი ტერორიზმი ინკვიზიციისა, რომელიც ლიბერალიზმის მოლანდებულ ტერორიზმს ებრძოდა. სანკულოტები მკვდრეთით აღმდგარიყვნენ დაქვრივებული ქალების გულის გასახეთქად

descamisados სახელწოდებით. მონარქია ებრძოდა პროგრესს, რომელსაც ანარქიას უწოდებდა. ეს იყო 1789 წლის მოძღვრებათა წინააღმდეგ ბრძოლის დრო. - კმარა! - იყო მთელი ევროპის ბრძანება თავისუფლების იდეისადმი, რომელიც დედამიწის ირგვლივ მოგზაურობდა. საფრანგეთის ტახტის მემკვიდრეებთან ერთად, პრინცი კარინიანი, შემდეგში შარლ ალბერი, უბრალო ჯარისკაცად შევიდა ამ ჯვაროსნული მეფეების ლაშქარში ხალხის დასამორჩილებლად და გრენადერის წითელი შალის სამხრეებს ატარებდა. რვა წლის დასვენების შემდეგ დაიძრა იმპერიის ჯარი, მაგრამ დაბერებული, დაღონებული, ახლა თეთრი კაკარდებით.

სამფეროვანი დროშა ფრიალებდა უცხო მხარეში ერთი მუჭა გმირი ფრანგების თავზე, ისე, როგორც თეთრი დროშა - კობლენცთან ოცდაათი წლის წინ. ეს იყო ბერების ჩარევა ჩვენს ჯარებში; თავისუფლებისა და განათლების იდეების ხიშტებით განადგურება, პრინციპების დამარცხება ზარბაზნის სროლით; საფრანგეთის მიერ თავისივე გონებრივი ძალით შექმნილის აღმოფხვრა იარაღით. საერთოდ კი, მტრის მოთავეების გაყიდვა მერყევი ჯარისკაცების მიერ, მილიონებით გარემოცული ქალაქები, არავითარი საშიშროება ბრძოლისა, მაგრამ ყოველწამს შესაძლებელი აფეთქება, როგორც ყოველ ნაღმში, აუფეთქებლად წართმეულში; მცირე სისხლის ღვრა, ძალიან ცოტა ბრძოლით მოპოვებული სახელი; ბევრისთვის შერცხვენა და დიდება კი არავისთვის. ასეთი იყო ეს ომი, რომელსაც ლუი მეთერთმეტის შთამომავლები ეწოდნენ და ნაპოლეონის გენერლები აწარმოებდნენ. ცუდი ბედი ეწია ამ ომს, არც დიდი ომის სახელი დაგვიტოვა, არც დიდი პოლიტიკის.

რამდენიმე პატარა ბრძოლა თუ იყო ხეირიანი. ტროკადეროს აღება, სხვათაშორის, გმირული გამარჯვება იყო; მაგრამ საერთოდ კი, ვიმეორებთ, ამ ომის ბუკი და ნალარა ყრუდ სცემდა და გაბზარულ ხმას იღებდა. საეჭვო იყო ყველაფერი. ისტორია თანაუგრძნობს საფრანგეთს, რომელსაც არ უნდა ამ ომის ყალბი დიდება დაუმატოს თავისას. ცხადად ჩანდა, რომ ზოგი ესპანელი ოფიცერი, რომელიც ბრძოლით უნდა დახვედროდა ფრანგებს, კარს უღებდა და უბრძოლველად ნებდებოდა. გაირყვნა და ქრთამის სუნი აუვიდა გამარჯვებას; გენერლებს უფრო ვიმხრობდით ამ ომში, ვიდრე ბრძოლას ვიგებდით და შერცხვენილი ბრუნდებოდა ასე

გამარჯვებული ჯარი. დამამცირებელი იყო ეს ომი, რომლის დროშების ნაკვეთებში შეიძლება წაგვეკითხოთ „საფრანგეთის ბანკი“.

ჯარისკაცები, რომლებმაც დიდი ხნის ბრძოლის შემდეგ აიღეს 1808 წ. სარაგოსა, ახლა, 1823 წელს, განცვიფრებულები შევიდნენ ესპანეთის იმავე სიმაგრეების ღია კარებში და ქებით იგონებდნენ სარაგოსის დამცველ პალაფოქსს. ეს არის საფრანგეთის ბუნება. ომში თავის წინააღმდეგ ურჩევნია როსტოპჩინი ჰყავდეს, ვიდრე ბალსტეროზი.

ერთი რამაც არის აღსანიშნავი ამ ომის შესახებ, უფრო მნიშვნელოვანი. საფრანგეთის მხედრობას ეს ომი სამარცხვინოდ მიაჩნდა, დემოკრატიას კი - დიდი რევოლუციის ღალატად. ამ ომის მიზანი იყო დამონება. საფრანგეთის ჯარს, დემოკრატიის პირმშოს, დაავალეს დემორჩილებინა სხვა ხალხი და კისერზე უღელი დაედო. საზიზღარი დავალება! საფრანგეთი იმისთვის არის შექმნილი, რომ გააღვიძოს და თავისუფლების სული ჩაუდგას ხალხებს, და არა იმისთვის, რომ დაიმონოს ისინი. 1792 წლის შემდეგ ევროპის ყველა რევოლუცია საფრანგეთის რევოლუციაა. თავისუფლება საფრანგეთიდან ჰყენს თავის სხივებს ქვეყნიერებას. ეს არის შვიური შუქი, ბრმა, ვინც ამას ვერ ხედავს! ეს ბონაპარტის სიტყვებია.

1823 წლის ომი ბოროტი განზრახვა იყო დიდსულოვანი ესპანეთის წინააღმდეგ. ამავე დროს ბოროტი განზრახვა იყო საფრანგეთის რევოლუციის წინააღმდეგ. საფრანგეთი განაგებდა ამ სამარცხვინო ომს, - ნაძალადევად, რადგან იმ ომისაგან განსხვავებით, რომელსაც დამონებულის განთავისუფლება აქვს მიზნად, ყველა სხვა ომი, ყველაფერი, რასაც სჩადიან ლაშქრები და მხედართმთავრები, ძალდატანების შედეგია. ამას ჯარში წმ. მცნებად მიღებული სიტყვაც ამტკიცებს, - „პასიური მორჩილება“. ლაშქარი უცნაური ნაწარმია, რომლის ძლიერებას მრავალი უძღურების შეერთება ქმნის. ეს არის ომის ბუნება, რომელსაც კაცობრიობა აწარმოებს კაცობრიობის წინააღმდეგ ადამიანურობის მიუხედავად.

ბურბონებისათვის საბედისწერო იყო 1823 წ. ომი, თუმცა იგი გამარჯვებად და წარმატებად ეჩვენათ, ვერც კი წარმოედგინათ რა საფრთხეს გვიქადის ძალმომრეობით რაიმე იდეის ჩაკვლა. იმდენად მიამიტები იყვნენ, რომ ბოროტგანზრახულობის სული შეიტანეს თავიანთ პოლიტიკაში. 1830 წელი ჩაისახა 1823 წელიწადში; ესპანეთთან ომი დამამტკიცებელ საბუთად გაიხადეს, თავის თათბირებში ძალდატანება რომ გაემართლებინათ და ღვთის ბრძანებად გაესაღებინათ.

საფრანგეთს ესპანეთში el rey neto-ს აღდგენის შემდეგ იოლად შეეძლო შინაც აღედგინა თავისი მეფეების თვითმპყრობელობა. სამინელი შეცდომის მსხვერპლნი გახდნენ ბურბონები: - ჯარისკაცის მორჩილება რომ მთელი ერის თანხმობად მიიჩნის. სწორედ ეს შეცდომა, ეს ნდობა უთხრის ძირს და ამტვრევს მეფის ტახტს, არ უნდა ჩაეძინოს ადამიანს არც მანსალინის საგრილობებში და არც ლაშქრის ჩრდილში.

დავუბრუნდეთ ჩვენს „ორიონს“.

ესპანეთთან ომის დროს, ფრანგების გემების ესკადრა დაცურავდა ხმელთაშუა ზღვაში. „ორიონიც“, როგორც ვთქვით, ამ ესკადრას ეკუთვნოდა და ზღვის ღელავით დამიანებული მივიდა ტულონში.

სამხედრო გემის მისვლა ნავსადგურში ყოველთვის მეტად მიმზიდველია ხალხისთვის, რადგან ეს დიადი სანახაობაა და ხალხს ყველაფერი დიადი უყვარს.

იგი წარმოადგენს ადამიანის გონებით შექმნილ საუკეთესო იარაღს ბუნების ძლიერებასთან საბრძოლველად.

სამხედრო გემი აგებულია იმგვარი მასალით, რომელიც ერთ და იმავე დროს მეტად მძიმეც არის და მეტად მსუბუქიც, რადგან ნივთიერების სამგვარ სახეობასთან აქვს ურთიერთობა: - მყართან, თხევადთან და აეროვანთან, - და ხშირად უხდება სამივესთან ბრძოლა. თერთმეტი ბრჭყალი აქვს, რომ ზღვის ფსკერზე მოეჭიდოს გრანიტს, უფრო მეტი ფრთა და რქები, ვიდრე ფრთიან მწერს ჰაერში სანავარდოდ. მისი ამონასუნთქი ასოცი ზარბაზნის მეოხებით ამოდის, როგორც ვეება საყვირით და ამაყად აძლევს პასუხს ჭეჭა-ქუხილს. ოკეანე სულ იმას ცდილობს, რომ გზა დააკარგვინოს თავისი სამინელი ზვირთებით, მაგრამ გემს თავისი სული უდგას - კომპასი, რომელიც გზას უკვლევს და ყოველთვის ჩრდილოეთს უჩვენებს. ბნელ ღამეში თავისი სანათებით არის განათებული. ქართან საბრძოლველად ბაგირი და იალქნის ტილო აქვს, წყალთან საბრძოლველად - ხე, კლდესთან საბრძოლველად რკინა, ფოლადი და ტყვია, ბნელთან საბრძოლველად - სინათლე და უსაზღვროებასთან საბრძოლველად მაგნიტური ისარი.

თუ გნებავთ, თქვენი თვალით ნახოთ სამხედრო გემის ბუმბერაზული აგებულება, უნდა შებრძანდეთ ერთ-ერთ ექვს სართულიან შენობაში ბრესტში ან ტულონში. ეს უზარმაზარი კოჭი - ქანდარა გახლავთ; ეს მსხვილი ხის სვეტი, მინაზე რომ დევს, სანამ თვალი გასწვდება, დიდი ანძაა. ამ ანძის სიგრძე რომ გაგზომოთ, გემის ძირიდან ცის ღრუბლამდე ამართულ წვერამდე, სამოცი საუენი სიმაღლე ექნება და სამი ფუტი სისქე - ძირში. ორას ჩვიდმეტი ფუტის სიმაღლის დიდი ინგლისური ანძა დგას წყალხაზის ზემოდან. ჩვენი მამა-პაპა ბაგირს ხმარობდა. ჩვენ დროში ჯაჭვს აქვს უპირატესობა. ერთი ას ზარბაზნიანი გემის ჯაჭვებს რომ დააგროვებენ, მეტრ-ნახევარი სიმაღლე აქვს და რვა მეტრი - სიგრძე. მერე რამდენი ხე დასჭირდა იმ გემის აგებას? სამიათასი კუბური მეტრი - მთელი ტყე, წყალზე მცურავი.

ისიც ნუ დაგვაზიწყდება, რომ აქ აღწერილია სამხედრო გემი, ამ ორმოცი წლის წინ რომ აშენებდნენ, უბრალო იალქნიანი გემი: იმ დროის უსუსური ბავშვი იყო. ჯერ ორთქლი და მის შემდეგ ბევრი ახალი საკვირველება შეიძინა სამხედრო გემმა. დღეს, მაგალითად, ხრახნიანი გემი საკვირველ მანქანას წარმოადგენს, რომელსაც სამიათას კვადრატულ მეტრიანი იალქანი და ორიათას ხუთასი ცხენის ძალის ორთქლის მანქანა ამოძრავებს.

ესეც რომ არ იყოს და წარსულს გადავხედოთ, ქრისტეფორე კოლუმბისა და ჰოლანდიელი რუიტერის ძველი გემი ადამიანის ხელოვნების ბრწყინვალე ნიმუშია, დაუმრეტელია ეს ძალა ადამიანის, როგორც ნიავე უსაზღვროებისა. ქარს იმარაგებს თავისი იალქნებით, ზუსტად მისწრაფვის აღელვებული ზღვის ტალღებში, ზედ დაცურავს და ზღვაზე მეფობს.

მაგრამ მოხდება ხოლმე ხანდახან, მძვინვარე ქარიშხალი ჩალასავით ამტვრევს ამ გრძელ საიალქნე ძელს, ლერწამივით არყევს სამაგრ ანძას, ისე ამტვრევს ხუთიათასი კილოგრამის სიმძიმის ლუზას, როგორც მეთევზის ნემსკავს ქარიყლაპია; მომაკვდავის კვნესასავით მოისმის ამოდენა ცეცხლისმფრქვეველი ზარბაზნების უსარგებლო სროლა, რომლის ხმას უსაზღვროებაში და სიბნელეში ფანტავს ქარი. მოხდება

ხოლომე ხანდახან, მთელი ეს ძლიერება და სილიადე ქრება უმაღლეს ძლიერებაში და სილიადეში. და ყოველთვის, როცა კი დახარჯული დიდი ძალა ამ უმაღლესი ძლიერების მსხვერპლი ხდება, ფიქრი ერევა ადამიანს. ამიტომ არის, რომ ნავსადგური ყოველთვის სავესტა ცნობისმოყვარე ხალხით, რომელმაც თვითონაც არ იცის, რად იზიდავს მას ომისა და ზღვაოსნობის ეს საკვირველი მანქანა.

ყოველდღე, დილიდან დაღამებამდე, უსაქმური, პირღია ხალხით სავსე იყო ტულონის ნავსადგური. დადიოდნენ, დაყიალებდნენ და „ორიონს“ შესცქეროდნენ.

დიდი ხნის ავადმყოფი იყო „ორიონი“. წინანდელი ცურვის დროს წყალქვეშა ნაწილს ლოკოკინების ისეთი მკვრივი ფენა მიჰკვროდა, რომ ერთი ორად შეემცირებინა მისი სვლის სიჩქარე. ერთი წლის წინ ზღვიდან გამოუტანათ გემი, ჩამოეთხიკათ ლოკოკინები და ისევ წყალში ჩაეშვათ, მაგრამ ამ ფხევას დაემიანებინა მაგარი ჭანჭიკები. ბალეარის კუნძულებთან გავლის დროს თურმე გარე დამცავი შრე გაუსკდა და რადგან მაშინ შიდა კედელს ფურცლოვანი რკინისას არ აკეთებდნენ, წყალი შედიოდა გემში. ბუნიობის ქარმა დაჰკრა და დიდად დააზიანა გემის მარცხენა მხარე, სადაც ზარბაზნები ელაგა. ამის გამო ტულონში დაბრუნდა გემი შესაკეთებლად.

არსენალთან იდგა. შეიარაღებული იყო. შეკეთება უკვე სრულდებოდა. გემის ძარა არ იყო დაზიანებული, მაგრამ აქა-იქ აეცალათ ფიცრები, რომ თავისუფლად ემოძრავა შიგ შავრს.

ერთ დილას ზღვის პირას მოგროვილი ხალხი უბედური შემთხვევის მოწმე გახდა.

მეზღვაურები იალქანს აკრავდნენ საილქენე ძელზე. მალლა ძელზე იდგა ერთი მათგანი და ზევით სწევდა აფრის ზედა ნაწილს. ფეხი გაუსხლტა უბედურს, დაბარბაცდა, თავმა დასძლია, გაისმა გულგახეთქილი ხალხის საზარელი ყვირილი. დატრიალდა მეზღვაური, ხელი სტაცა თოკს და ზედ დაეკიდა. რომ ჩამოვარდნილიყო, ზღვაში ჩავარდებოდა იმ სიმაღლიდან. თოკს რომ სტაცა ხელი ჩამოვარდნილმა, კარგად შესძრა და გააქანა. ხელში თოკის წვერილა შერჩენოდა და ისე ქანაობდა იმ უფსკრულის თავზე, როგორც კენჭი შურდულში.

შეუძლებელი იყო მიშველება, ამას თავგანწირვა იქნებოდა. მეზღვაურები სულ ზღვისპირელები იყვნენ, მაგრამ ვერავინ გაბედა მიშველებოდა უბედურს. ის კი იღლებოდა. მის სასოწარკვეთას ვერ ხედავდა ხალხი, მაგრამ დაღლა კი ცხადად ემჩნეოდა ყოველ მოძრაობაზე. ხელები უკანკალებდა და ეკრუნჩხებოდა. არ ყვიროდა, რომ უფრო არ დასუსტებულიყო. გულისფანქვალით ელოდა ხალხი, - აი, ჩამოვარდება, ხელიდან გაუშვებს თოკსო, - და ერთ წამს თვალს არიდებდა, რომ არ დაენახა ადამიანის წყალში ჩავარდნა. მოხდება ხოლომე, თოკის წვერზე, პატარა ლატანზე, ხის ტოტზე არის დამოკიდებული ადამიანის სიკვდილ-სიცოცხლე. სამინელი სანახავია ცოცხალი ადამიანი რომ ჩამოვარდება, თითქოს მწიფე ხილი ჩამოვარდა ხიდანო.

უეცრად ხალხმა დაინახა ერთი კაცი, რომელიც კატის სისწრაფით ადიოდა ზევით. წითელი ტანისამოსი ეცვა, ესე იგი კატორღელი იყო, მწვანე ქუდი ეხურა, ესე იგი სიკვდილამდე კატორღაში უნდა ყოფილიყო. ეს ქუდიც ქარმა წყალში ჩაუგდო. გამოუჩნდა მთლად თეთრი თმა. ეტყობა, ხნიერი კაცი უნდა ყოფილიყო.

კატორღელები მუშაობდნენ გემზე და ერთმა მათგანმა დაინახა თუ არა მეზღვაურის განსაცდელი, მაშინვე ოფიცერთან მივიდა და ნება სთხოვა დახმარება

აღმოეჩინა უბედურისთვის. განცვიფრებული იყო ყველა. გრძნობდნენ, რომ ადამიანი იღუპებოდა, საჭირო იყო შველა, შველა კი შეუძლებელი იყო და ამიტომ შიშითა თრთოდნენ ხალხთან ერთად თვით მეზღვაურებიც. ოფიცერმა თავი დაუქნია, აბა შენ იციო, - იმანაც ჩაქუჩს ხელი წაავლო, დაჰკრა ფეხზე რომ ჯაჭვი ება, განწყვიტა, მოიხსნა და ზევით ავარდა. თან თოკი წაიღო. ყურადღება არავინ მიაქცია იმ დროს იმ საგულისხმო გარემოებას, რომ ასე ადვილად, ასე სწრაფად განწყვიტა ჯაჭვი. ეს მერე მოაგონდათ.

ერთი თვალის დახამხამება და ქანდარაზე ავარდა. რამდენიმე წამი იდგა, თითქოს თვალით ზომავდა მეზღვაურამდე გასავლელ მანძილს, ეს დრო მთელ საუკუნედ ერჩენა ხალხს. მერე ზეკას აღაჰყრო თვალი, წინ წაინია ერთი ნაბიჯით, ძლივს ამოისუნთქა ხალხმა. სირბილით გაიარა ქანდარა, ბოლოზე თავისი თოკი მიაბა, მეორე წვერი ძირს დაუშვა და თვითონაც ზედ ჩაყურდა ხელებით. ეს უფრო მეტი საშინელება იყო; ერთის მაგივრად ამ უფსკრულის პირას ორი კაცი ეკიდა.

იტყოდით, ობობა დასცემია დასაჭერ ბუზსო, ოღონდ აქ ობობას სიცოცხლე მიჰქონდა და არა სიკვდილი. თვალს ვეღარ ამორებდა ხალხი ამ ორ კაცს, გაჩუმებული იყო ყველა, ხმას არ იღებდა, სუნთქვას იკრავდა, თითქოს ეშინია, - ჩვენი ნასუნთქით არ გავაძლიეროთ ქარი, იმ უბედურებს რომ აქანებსო.

ჩაყურდა კატორღელი, დაეკიდა მეზღვაურთან და დროულიც იყო სწორედ. ერთი წუთი კიდევ და ღონემიხდილი, სასონარკვეთილი კაცი ხელს გაუშვებდა თოკს. ცალი ხელით თოკს დაეკიდა კატორღელი, მეორეთი თავისი თოკი მოხვია მეზღვაურს, ავარდა ქანდარაზე და აათრია მეზღვაური. გულზე მიიყრდნო, რომ სული მოებრუნებინა, ხელში აიყვანა, გამოჰყვა ქანდარას, იქიდან ქვემო ანძამდე და იქ გადასცა გადარჩენილი კაცი.

ტაში დაჰკრა ხალხმა: კატორღელების ზედამხედველებად დაბერებული მოხუცები ცრემლს ვეღარ იმაგრებდნენ, ერთმანეთს ეხვეოდნენ ქალები დაჰკოცნიდნენ. ხალხის გასაგონად გაისმა აღშფოთებული ხმა: - შეწყალების ღირსია ეს კაცი!

თვითონ კატორღელი იმავე გზით უნდა დაბრუნებულიყო, რომ კატორღელებს შეერთებოდა და საქმეს შესდგომოდა. უფრო მალე რომ ჩამოსულიყო, სირბილით წამოვიდა ერთ ქვედა ქანდარაზე. იმას შესცქეროდა ყველა. ერთ წამს შეშინდა კიდევ ხალხი: დაღლილი იყო კაცი, თუ თავბრუ ეხვეოდა, დაინახეს, რომ შებარბაცდა და უცხად საშინელი ყვირილი გაისმა: - კატორღელი წყალში ჩავარდა.

დაიღუპა კაცი. „ორინის“ გვერდზე იდგა გემი „ალგემირასი“ და საწყალი კატორღელი ორ გემს შუა ჩავარდა; ან ერთის ქვეშ მოჰყვებოდა ან მეორის ქვეშ. ოთხი მეზღვაური ჩახტა მაშინვე ნაუბი, ხალხიც ამხნევებდა - მიემველეთო! - ისევ შიში მოერია ყველას. აღარ გამოჩენილა საწყალი კაცი. ისე შთაინთქა წყალში უკვალოდ, თითქოს ზეთში ჩაძირულიყოს. ბევრგან ჩაყვინთეს მეზღვაურებმა, მაგრამ ამაოდ. საღამომდე ეძებეს ზღვაში, მისი დამხრჩვალი გვამიც კი ვერ იპოვეს.

მეორე დღეს ტულონის გაზეთში დაბეჭდილი იყო შემდეგი ცნობა: - „1823 წლის 17 ნოემბერი. გუშინ „ორინზე“ სამუშაოდ გაყვანილმა ერთმა კატორღელმა სიკვდილს გადაარჩინა მეზღვაური, დაბრუნებისას თვითონ ჩავარდა წყალში და დაიხრჩო, მისი გვამიც კი ვეღარ იპოვეს. ალბათ არსენალის ზღვის პირის ხიმინჯის ქვეშ მოჰყვა. ეს კაცი კატორღელებში ირიცხებოდა #9430-ე ნომრად და ჟან ვალჟანი ერქვა“.

ნიგნი მესამე

სულთმობრძავისთვის მიცემული აღთქმის შესრულება

თავი პირველი

წყლის საკითხი მონფერმილში

ლივრის და შელის შუა მდებარეობს მონფერმილი, იმ ფერდობის სამხრეთ გზაზე, რომელიც ურკსა და მარნის შორის გადის. დღეს კარგა მოზრდილი დაბაა, დამშენებული ლამაზი აგარაკებითა და კვირაობით მხიარული ბურჟუებით. 1823 წელს კი არც ამდენი აგარაკი იყო და არც ამდენი კმაყოფილი მხიარული ბურჟუა. მაშინ პატარა სოფელი იყო, ტყეში ჩაფლული; აქა-იქ შევხვდებოდათ წინა საუკუნის სააგარაკო სახლი, - რკინის აივნით და გრძელი ფანჯრებით, ბატონკაცური, მაგრამ მაინც სოფელი იყო. მაუდის ვაჭრობით გამდიდრებულ ბურჟუებს და სააგარაკოდ მიმავალ ვეჭილებს ჯერ კიდევ არ მიეგნოთ ამ სოფლისთვის. მიყრუებული, მაგრამ ბუნებით მშვენიერი სოფელი იყო, დიდ გზას მოშორებული. იათი ცხოვრება იყო იქ, გლეხკაცური და მაძლარი, ოღონდ უწყლობა უჭირებდა ყველას საქმეს, რადგან სოფელი მალეობზე მდებარეობდა.

შორიდან მოჰქონდათ წყალი. სოფლის განისკვნ მდებარე ნაწილი ტბით სარგებლობდა, მეორე ნაწილი კი, შელისკენ მდებარე, პატარა წყაროთი, რომელიც ტყეში იყო, შელის გზაზე, სოფლიდან თხუთმეტი წუთის სავალზე.

უწყლობის გამო სოფელი დიდ ვაჭირვებას განიცდიდა. სულ იმის ფიქრში იყო ყველა, რომ წყალი საკმარისად მოემარაგებინათ. შეძლებულ ბატონკაცურ სახლებს მერწყულე ჰყავდათ, ფასით აზიდვინებდნენ ერთ სანყალ კაცს, რომელიც დღეში ორმოც სანტიმამდე ღებულობდა. მაგრამ ეს კაცი მარტო საღამოს შვიდ საათამდე მუშაობდა ზაფხულში, ხუთამდე - ზამთარში და რაკი დაღამდებოდა და დაიხურებოდა ფანჯრის დარაბები, ვისაც დააკლდებოდა წყალი, თვითონვე უნდა წასულიყო და მოეტანა. ტენარდიესაც ის უზიდავდა წყალს.

სწორედ ეს საშინელება უხეთქავდა გულს პატარა კონტეს, რომელიც, არა მგონია, დაინწყებული ჰყავდეს მკითხველს. ძალიან სასარგებლო იყო ტენარდიესთვის საწყალი გოგო: დედას ფულს ართმევდნენ, შენს შვილს ვინახავთო და შვილს იმსახურებდნენ, - ამას მაინც გამოვრჩეთო, და როდესაც დედამ ფული ვეღარ გამოუგზავნა, მაინც არ გაავდეს პატარა გოგო, რადგან მსახურის ვალდებულებას ასრულებდა. მსახური იყო და ის უნდა წასულიყო წყლის მოსატანად, რა დროც უნდა ყოფილიყო. ბავშვი იყო, ღამე ტყეში წასვლა საშინელ შიშს ჰგვრიდა, ამიტომ სულ იმის ფიქრში იყო, სახლში წყალი არ დაჰკლებოდათ.

კარგი დარი იდგა 1823 წ. შობას. თბილად შემოიპარა ზამთარი, ჯერ არც ყინვა ყოფილიყო, არც თოვლი. პარიზიდან მოსულმა ოინბაზემმა ნებართვა მიიღეს მერისგან, შუა სოფელში აეშენებინათ თავიანთი ფარდულები. ასევე მოიქცნენ მგზავრი ვაჭრები და ეკლესიის მოედანზე აავეს ფარდულები ბულანჟეს ქუჩამდე. ისე, რომ დაუმეზობლდნენ ტენარდიეს ღუქანს. ხალხით საესე იყო ღუქნები და ამხიარულებდნენ მიყრუებულ სოფელს. რომ არათფერი გამოვაკლოთ ისტორიულ სიმართლეს, იმასაც მოგახსენებთ, რომ მოედანზე მოგროვილ სანახაობებში, ერთი

სამხეცე იყო, სადაც ძონძებით მოსილი, საიდანღაც მოსული ჯამბაზები აჩვენებდნენ მონფერმელიელებს ერთ სამხიელ ბრაზილიურ ქორს, საინტერესოს იმით, რომ ჩვენმა სამეფო მუზეუმმა ამ ჯიმის ქორი მხოლოდ 1845 წ. შეიძინა. მას თვალი სამფეროვან კოკარდს მიუგავს. ბუნებისმეტყველნი მგონი Caracara Polyborus-ს - კარაკარა პოლიბორუსს უწოდებდნენ. ნაპოლეონის ჯარისკაცები იყვნენ სოფელში და ალტაცებით სინჯავდნენ ქორს. ოინბაზებიც იფიცებოდნენ - ეს სამფეროვანი თვალი სხვაგან არსად მოიპოვება ბუნებაში და ჩვენი სამხეცესთვის გაუჩენია ჩვენს მონყალე ღმერთსო.

შობის ღამეს რამდენიმე კაცი, - მეეტლეები და მენვრილმანეები, - შემოსხდომოდნენ ოთხი-ხუთი შანდლით გაჩაღებულ მაგიდას ტენარდიების ღუქანში და სვამდნენ. ეს ღუქანიც ისეთივე იყო, როგორც სხვა ღუქნები; პატარა მაგიდები, თუნუქის სასმისები, მსმელები, ყაყანი და კვამლი; ძალიან ცოტა სინათლე და ძალიან დიდი ხმაური. იმ დროის, 1823 წლის მაჩვენებლად ორი საგანი იღო ერთ მაგიდაზე, რომლებიც მოდის მიხედვით უთუოდ უნდა ყოფილიყო ბურჟუას სახლში, - კალეიდოსკოპი და თეთრი თუნუქის ლამპა. ტენარდიეს ცოლი ვახშმისთვის იქვე ხორცს წვადა, ქმარი თავის მუშტართან სვამდა და პოლიტიკაზე ლაპარაკობდა.

პოლიტიკური ბაასის საგანი იყო ესპანეთის ომი და შერცოვი ანგულემი, მაგრამ გარდა ამისა, სხვაიც ისმოდა იმ ყაყანში.

- ღვინის ძალიან დიდი მოსავალი იყო ნანტენში და სურესში; ვისაც ათი კასრის ვარაუდი ჰქონდა, თორმეტაც გამოუვიდა, ტკბილად იქცა ჭაჭაც და კურკაც.

- და განა ასე ძალიან მწიფდება იქ ყურძენი?

- არც აცლიან, რომ ძალიან დამწიფდეს. თუ მწიფე დანურეს, გასქელდება ღვინო, როგორც კი გაზაფხულდება.

- მამ თხელი ღვინო დადგება.

- უფრო თხელი, ვიდრე ჩვენი ღვინო, სულ მწვანეს სწურავენ და სხვ. ან კიდევ მენისქვილე მოსთქვამდა:

- მე რა ვიცი, რა ყრია ტომარაში, იქნებ გინდათ, რომ მენისქვილემ გაარჩიოს ხორბალი. რასაც მოგვიტანენ დასაფქვავად, ჩვენც იმას დაფვქვავთ. პურში ღვარძლი ურევია, მახობელი, უგრეხელი, კანაფი, თავვის ყანა და ათასი კიდევ სხვა, ან კიდევ კენჭები. ჩვენი რა საქმეა. კენჭებით სავსეა ბრეტონული პური, ჭირივით მეჭავრება ბრეტონული საფქვაფი, როგორც მხერხავს ლურსმნიანი ბოძი, დასახერხად რომ მოუტანენ. ნავით სავსე ჭირნახული მოაქვთ დასაფქვავად და ჩვენ გვემღურიან, რომ ცუდი ფქვილი გამოვიდა. მერე და რა ჩვენი ბრალაია?

ორ ფანჯარას შორის მთიბავი და მემამულე ისხდნენ და გაზაფხულის სათიბზე საუბრობდნენ.

- რა უჭირს, რომ სველია ბალახი? - ამბობდა მთიბავი, - უფრო კარგად ითიბება, ნამი რომ მოხვდება ბალახს, მაგრამ ეგეც რომ არ იყოს, ბატონო, ძალიან ძნელი სათიბია თქვენი ფერდობები. მეტისმეტად ნაზი ბალახი იცის და წვება, ცელი რომ მოხვდება და სხვ.

კოზეტი თავის ჩვეულ ადგილზე იყო. სამზარეულო მაგიდის კაღონზე იჯდა ბუხართან. დაგლეჯილი ტანისამოსი ეცვა და შიშველი ფეხები ხის ქოშებში ჰქონდა წაყრილი. წინდას ქსოვდა ტენარდიეს გოგოსთვის. კატის კნუტი თამაშობდა სკამქვეშ. მეორე ოთახიდან ბავშვების, ეპონინის და აზელმას, მხიარული სიცილი ისმოდა.

ბუხრის კუნჭულში მათრახი ეკიდა ლურსმანზე.

ხანდახან ბავშვის ყვირილი მწარედ არღვევდა ღუქნის ხმაურს - პატარა ბიჭის ხმა იყო, ტენარდიეს შვილისა. - მეც არ ვიცი, როგორ მეყოლა ის საძაგელიო, - იძახდა დედა, - სიცივემ თუ გამიჩინაო. სამი წლის იყო ბავშვი. დედა ანოვებდა, მაგრამ არ უყვარდა. როდესაც ძალიან შეანუხებდათ ბავშვის ჩხავილი, - ბიჭი გიტირისო, - ეუბნებოდა ტენარდიე თავის ცოლს, - მიდი, ნახე, იქნებ რა უნდა, - სადა მცალია, - შეუტევედა ცოლი, - თავი მომაბეზრაო, - და განაგრძობდა ტირილს საწყალი ბავშვი, სადღაც სიბნელეში მიგდებული.

თავი მეორე

ორი სრული სურათი

ჯერ კარგად არ გავვიცვინა ტენარდიე. ახლა კი დროა დავაკვირდეთ ამ ცოლ-ქმარს და ყოველმხრივ დავათვალიეროთ.

ქმარს ორმოცდაათი წელი გადაელახა, ცოლი ორმოცის იყო, რაც ორმოცდაათს უდრიდა ქალისთვის. ასე რომ, ამ მხრივ სრული თანასწორობა ჰქონდა ცოლ-ქმარს.

მკითხველს ცოტა რამ მაინც ემასხოვრება ამ აცლაყუდა დედაკაცის: თეთრ-წითელი ქალი იყო, ძალიან ჩასუქებული და თან მოძრავი; იმ ჯურის ველურ ბუმბერაზებს ეკუთვნოდა, რომლებსაც სავაჭრო მოედანზე აჩვენებენ თმაზე მიბმული ქვებით. სახლში ყველაფერს ის აკეთებდა, - ლოგინსაც ალაგებდა, სახლსაც, ჭურჭელსაც, სამზარეულოშიც ის იყო, ღუქანშიც, ყველაფერს ასწრებდა ქაჯივით. მსახურად პატარა კოზეტი ჰყავდა, - წრუნუნა თავი - სპილოს მსახურად. ყველაფერი ცახცახებდა იმის ხმაზე: ფანჯრის შუშები, ოთახის ღვამი და ადამიანი. ფართო, დაჭორფლილი პირისახე სანურს მიუგავდა. ნიკაპზე - წვერი. იდეალი იყო კურტნის მუშისა, ოღონდ დედაკაცის კაბაში იყო გამოწყობილი, დიდებულად იგინებოდა. საკვებად ჰქონდა, რომ მუშით ამტვრევდა კაკალს. რომანების კითხვა რომ არ ჰყვარებოდა, რის გამოც კაციჭამია ხანდახან ქალურად იპრანჭებოდა, აზრადაც არავის მოუვიდოდა ეთქვა, - ეს დედაკაცი არისო, - ბუნებას კობტაპრუნა დაემყნო კუდიანზე, იმის ლაპარაკს რომ გაივონებდნენ, - უანდარმიაო, - იძახდნენ, ღვინოს რომ სვამდა, - ლოთიაო და კოზეტს რომ უჯავრდებოდა, - ჯალათიო. დამშვიდებულს ერთი კბილი გამოუჩნდებოდა ხოლმე პირიდან.

ტენარდიე მორჩილი ტანის კაცი იყო, გამხდარი, ფერმკრთალი. ძვლიანი, სუსტი, ავადმყოფს ჰგავდა, მაგრამ ძალიან კარგად იყო; ამ სიცრუით იწყებოდა მისი ვერაგობა, ყველას უღიმოდა სიფრთხილის გამო, ყველას ზრდილობიანად ექცეოდა, თვით იმ მათხოვარსაც კი, რომლისთვისაც ერთი ლუკმა პური არ ემეტებოდა. თვალი კვერნისა ჰქონდა და იერი მწერლობის მოყვარულისა. მღვდელი დელილის სურათს მოგაკონებდათ. თავი მოსწონდა, რომ მეეტლეებთან სვამდა, მაგრამ მთვრალი კი თავის დღეში არავის უნახავს. ერთი დიდი ჩიბუხი ჰქონდა და სულ პირში ედო. შავი ტანისამოსი ეცვა და ზემოდან განიერი ხალათი. ეგონა, რომ მწერლობის მცოდნე იყო და სწყალობდა მატერიალიზმს. რომ ლაპარაკობდა, თავისი აზრის გასამტკიცებლად ვოლტერის, რეინალის, პარნის და რაც ყველაზე საოცარია, წმ. ავგუსტინეს სახელებს გაიძახოდა. მე „ჩემი სისტემა“ მაქვსო, - ამტკიცებდა. ბოლოს და ბოლოს, გაქნილი გაიძვერა იყო და ვერავი ფილოსოფოსი. ამ ჯურისაც არის ადამიანი. თავი მოჰქონდა,

- ჯარში ვიყავი, სამშობლოს ვემსახურეო, - ვატერლოოს ბრძოლაში ყოფილიყო ათისთავად მეექვსე თუ მეცხრე რაზმში. - „საზარლად დაჭრილი გენერალი“ დავინახე, წინ დავედექი, გერმანელების მთელი რაზმი მოვიგერიე და სიკვდილს გადავარჩინე, თუმცა როგორც თავლს ფუტკარი, ისე დამბზუოდა თავზე ტყვია და ყუმბარაო. ამიტომ იყო მის ბრწყინვალე აბრაზე გენერალი დახატული, რომელიც მას ზურგით გაჰყავდა ბრძოლის ველიდან და ხალხმაც შესაფერისი სახელი დაარქვა ღუქანს „ვატერლოოს ბრძოლის ათისთავისა“. ლიბერალი იყო, კლასიკოსი და ბონაპარტისტი. ობლების თავშესაფრის ასაგებად მანაც გაიღო თავისი წვლილი. სოფელში ამბობდნენ, - სასწავლებელში იყო, მღვდლობა უნდოდაო.

ჩვენ გვეონია, რომ, თუ რამეს სწავლობდა ჰოლანდიაში, ეს ღუქნის გაძლოლა იყო. ეს მაღალხარისხოვანი არამზადა ფლამანდელი უნდა ყოფილიყო, ფრანგი პარიზში, ბელგიელი ბრიუსელში, ცალი ფეხი ბელგიაში ედგა, ცალი - საფრანგეთში. როგორი ვშირი იყო ვატერლოოსი, ეგ ვიცით. ისიც დავინახეთ, რომ ამლაშებდა, როდესაც თავის საქციელზე ყვებოდა. მოქცევა და უკუქცევა, ბრაგებით სავსე მდინარე, ჯბისთვის სასარგებლო თავგადასავალი - ეს იყო ნიადაგი იმისი სიცოცხლისა. სინდისის წარყვნას მოსდევს ცხოვრების გახრწნილება და ცხადი არის, 1815 წლის 18 ივნისსაც იმ ქურდ მიკიტნებში ეწერებოდა ტენარდიე, რომლებიც უკვე დავახასიათეთ. ისიც იმათთან დანანნალებდა, აქ იპარავდა, იქ ჰყიღდა მოპარულს და მთელი ოჯახით მისდევდა მაჩანჩალად ლაშქარს ცოლ-შვილით რაღაც დანჯღრეული ფურგონით და თავისი ალღოს იმედით, რომ ვინც გაიმარჯვებდა, ისიც იმისკენ წავიღოდა. გადაიარა ეს ომიანობა, QUIBUS-ი იშოვა, - ეს განათლების დამამტკიცებელი სიტყვა გახლავთ, - მდაბიურად რომ ვთქვათ, ფული იშოვა, მონფერმელიში მოვიდა და ღუქანი გახსნა.

ეს კვიბუსი - ქისები იყო, საათები, ოქროს ბეჭდები და ვერცხლის ჯვრები მკვდრებით დაფარული ვატერლოოს ბრძოლის ყანაში მომკილი, ბევრს არაფერს წარმოადგენდა და არც ძალიან დიდი იყო მისი ვაჭრობა.

რაღაც ჰქონდა ტენარდიეს ისეთი თავის მოძრაობაში, რომელიც ვინებასთან ერთად ჯარისკაცს მოგავგონებდა და პირჯვრის წერასთან ერთად - სემინარიელს. კარგი მოლაპარაკე კაცი იყო, მეცნიერად მოჰქონდა თავი. მიუხედავად ამისა, სკოლის მასწავლებელმა შენიშნა, რომ ხშირად მოსდიოდა ენის მხრივ შეცდომები. თავის მუშტარს დიდი სიფრთხილით უწერდა ანგარიშს, მაგრამ რომ დაჰკვირვებოდა კაცი, მართლწერის შეცდომასაც ბევრს იპოვიდა. დაღვრემილი კაცი იყო, ავმუცვლა, მანანნალა და მოხერხებული. თუ მსახურს აიყვანდა, გოგოს საყვარლად ვაიხდიდა. ამიტომ იყო, რომ მისი ცოლი გოგოებს ახლოს აღარ იკარებდა. ძალიან ეჭვიანი იყო ეს გოლიათი ქალი დარწმუნებული, რომ ქალებს, ყველას უკლებლად, თვალი რჩებოდათ იმის პატარა, ჩამომხმარ, გაყვითლებულ მეუღლეზე. ცბიერი იყო ტენარდიე, ყოველთვის ფრთხილი და ამით თავშეკავებულ ბოროტს ჰგავდა. ეს უარესია, რადგან ვერაგობას და ბოროტებას პირმოთნეობაც ემატება.

თავშეკავებული იყო, მაგრამ გაბრაზება იმანაც არა ნაკლები იყოდა, ვიდრე მისმა ცოლმა. იშვიათად მოუვიღოდა ხოლმე, მაგრამ ვაი იმის ბრალი, ვინც იმას გააბრაზებდა! სამინელი რამ იყო გაბრაზებული, გაყოფებული, მთელ კაცობრიობას ლანძღავდა, რადგან უსაზღვრო სიძულვილი ჰქონდა გულში. თუ გაჯავრდებოდა, თავის დღეში არ დაივიწყებდა ამის მიზეზს და სულ იმას ცდილობდა, ერთთავად გადაეხადა და შური ეძია. თავზე რომ ვისიმე ბანიდან კენჭი დასცემოდა, მთელ

სოფელს აიკლებდა, რომ შესძლებოდა; ნაუხდებოდა რამე, მთელ ქვეყანას ამტყუნებდა, გაჭირვებას ნახავდა რასმე - უფულობას, ვაჭრობაში ზარალს, გაკოტრებას, ცხოვრების უჭიათობას, უცბად აემღვრეოდა გულის ნალველი და თვალებიდან ცეცხლს აფრქვევდა, პირიდან ცოფს. ვაი მას, ვისზედაც იმ დროს ის ჯავრს ამოიყრიდა!

ამ თვისებებთან ერთად დაკვირვება იყო, შორსჭვრეტა და ღუმილი, ან ყბედობა, გარემოებათა მიხედვით. რაღაც ჰქონდა თვალში მემღვარისა, რომელიც, ჩვეულებისამებრ, თვალს ჭუტავს, ჭოგრს რომ მიიტანს თვალთან. ტენარდიე სახელმწიფო კაცი იყო.

ვინც პირველად შევიდოდა ღუქანში და დაინახავდა ტენარდიეს ცოლს, მაშინვე იტყოდა, - აი, იქაურობის ბატონ-ჰატრონიო, - ცდებოდა! ცოლი არც ქალბატონი იყო და არც ბატონი. ბატონიც თვითონ იყო ტენარდიე და ქალბატონიც. ქმარი ქმნიდა, ცოლი აკეთებდა. ქმარი განაგებდა ყველაფერს, რაღაც მაგნიტური, უხილავი ზეგავლენით. ერთი სიტყვა კმაროდა, ხშირად ნიშანი, და მასტოდონტიც ემორჩილებოდა. ემორჩილებოდა, როგორც რაღაც განკერძოებულ უმაღლეს არსებას, თუმც ვერც გრძნობდა ამას და ვერც წარმოიდგენდა, რომ ასე იქცეოდა. თავისი ღირსებაც ჰქონდა იმ დედაკაცს: რამე უთანხმოება რომ მოსვლოდა „ბატონ ტენარდიესთან“, - რაც მეტად იშვიათი შემთხვევა იყო, - თავის ღლეში არ გაამტყუნებდა სახალხოდ თავის ქმარს. უცხო დასახლად არასოდეს დაუშვებდა იმ შეცდომას, რომელიც ასე ხშირად მოსდით ქალებს და რომელსაც საპარლამენტო ენაზე „გვირგვინის მოხსნა“ ჰქვია. თუმცა მათი ერთსულოვნებიდან ავის მეტი არაფერი გამოდიოდა, მაინც თაყვანს სცემდა ცოლი თავის ქმარს. ამ ჩია მტარვალის თითის აწევა კმაროდა, რომ წამოვარდნილიყო ეს მთა ხმაურობისა და მსუქანი ხორცისა. სასაცილო მხრიდან რომ განვსაჯოთ, აქაც დიდებულ, საყოველთაო ჭეშმარიტებას დავინახავთ, თაყვანს სცემს ნივთიერება აზროვნებას, რადგან ზოგ სისაძაგლესაც აქვს არსებობის უფლება თვით მარადიული სილამაზის წიაღშიც კი. რაღაც მიუწვდომელი ჰქონდა ტენარდიეს და ამიტომ მბრძანებლობდა თავის ცოლზე. ზოგჯერ ისე შესცქეროდა ცოლი თავის ქმარს, როგორც ანთებულ ლამპარს და ზოგჯერ კარგადაც გრძნობდა მის ბრჭყალებს.

სამინელი ქმნილება იყო ეს დედაკაცი, რომელსაც თავისი შვილების გარდა არავინ უყვარდა და თავისი ტენარდიეს გარდა არავისი ეშინოდა. დედა იყო, რადგან ძუძუმწოვართ ეკუთვნოდა, მაგრამ დედობრივი გრძნობა მართო გოგონებისთვის ჰქონდა და, როგორც ვნახეთ, ბიჭზე არ ვრცელდებოდა.

თვითონ ტენარდიეს ერთადერთი რამ აწუხებდა: გამდიდრების სურვილი.

გამდიდრებას კი ვერ ახერხებდა. ღირსეული ასპარეზი აკლდა ამ დიდებულ ნიჭს. მონფერმეილში იღუპებოდა ტენარდიე, თუ შესაძლებელია ნულის დაღუპვა. შვეიცარიაში ან პირინეის მთებში მილიონს შეიძენდა, მაგრამ - საცა მიაგდებს ბედი ვირს, ბალახსაც იქ მოიძოვსო.

სწორედ 1823 წელს, ათას ხუთასი ფრანკი ვალი დაედო, მოკლევადიანი და ეს უფროთხობდა მოსვენებას.

ბედი არ სწყალობდა ტენარდიეს. თუმცა ძალიან კარგად ჰქონდა შეგნებული მთელი თავისი არსებით და ჩვენი დროისამებრ პურადობა, რაც სათნოებად არის მიჩნეული ბარბაროსულ ხალხებში და სავაჭროდ - განათლებულ ხალხში. ამასთან,

ძალიან უყვარდა ყორულში ნადირობა და კარგადაც ისროდა. ერთგვარი ცივი სიცილი იცოდა, მშვიდი და ამით იყო საშიში.

თავისი მოძღვრება ჰქონდა მიკიტნური, პროფესიული მცნებები და ცდილობდა თავისი ცოლის ტვინშიც ჩაეებჭადა. ერთხელ ასე არიგებდა ჩუმი ხმით, გაბრაზებული: „მედუქნე მოვალეა ფული გადაახდევინოს მუშტარს ხორცში, ბინაში და მოსვენებაში, სანთელში, ცეცხლში, ჭუჭყიან ზენარში, მოახლეში, რწყილში და ღიმოლშიც. უნდა შეაყენოს მიმავალი, დაუცალოს პატარა ქისა და შეუმსუბუქოს დიდი; პატივისცემით მიიღოს სადმე მიმავალი ოჯახი; ტყავი გააძროს ქმარს, გაფუცქენას ცოლი, გაკრიჭოს ბავშვები; ფასი დაადოს გაღებულ თუ დახურულ ფანჯარას, კარს, სკამს ან ტაბურეტს, სავარძელს, ბალიშს, ერთ კონა ჩალას. უნდა იანგარიშოს რამდენად ნაახდენს სარკეს მისი ხმარება და ამასაც ფასი დაადოს. მგზავრს უნდა გადაახდევინოს ყველაფერი, იმ ბუზის ფასიც კი, რომელსაც მისი ძალი ყლაპავს“.

ეს ცოლ-ქმარი ვერაგობა და ცოფი იყო ერთად შერთული, ბილწი და საშინელი.

ქმარი ფიქრობდა, გეგმავდა; ცოლს არც შევალეები აწუხებდა, არც დღევანდელი, არც ხვალისდელი დღე და მუდამ ბრაზობდა სახლის ყოველ წვრილმანზე.

ასეთ ხალხში ჩავარდნილიყო კოზეტი. ცოლ-ქმარს შუაში მოეგდოთ პატარა გოგო და ორივე მხრივ იტანჯებოდა უბედური, როგორც იმ წარსულის ტანჯულნი, რომელთაც ერთსა და იმავე დროს წისქვილის ქვითაც სრესდნენ და მარწუხებითაც გლეჯდნენ. ორივე თავისებურად აწამებდა პატარას. სილა და მუკლეუვნი ცოლისა იყო, თოვლში ფეხშიშველა სიარული ქმრის.

მიდიოდა, მოდიოდა კოზეტი, რეცხავდა, ხეხავდა, გვიდა, ალაგებდა, გარბოდა დაღლილი, ძლივსა სუნთქავდა, დგამსა სწევდა, ოფლში იწურებოდა და ერთი ბენო გოგო აკეთებდა დიდი ადამიანის საქმეს. არავითარი შებრალება; ბრაზიანი ქალბატონი და მხამიანი ბატონი! ობობას აბლაბუდა იყო ტენარდიეს დუქანი, ბუზივით გაბმულიყო შიგ პატარა კოზეტი და კანკალებდა. დაჩაგვრის იდეალი ამ ურთიერთობაში განხორციელებულიყო. პატარა ბუზი დიდ ობობებს შორის.

რას იზამდა საწყალი გოგო? ემორჩილებოდა გაჩუმებული.

ნეტავ რას ფიქრობს ადამიანი, რომელსაც აღარც დმერთი სწამს და აღარც ადამიანობა, ასე დაჩაგვრულ, შიშველ-ტიტველ პატარა არსებას რომ უყურებს?

თავი მესამე

მუშტარს - ღვინო, ცხენებს - წყალი

ოთხი ახალი მგზავრი კიდევ შევიდა დუქანში.

მწარედ ჩაფიქრებული იჯდა კოზეტი: სულ რვა წლის იყო, მაგრამ იმდენი ტანჯვა და წამება გამოეწვლო, რომ მისი სახე ბებერი დედაკაცის მწუხარებას გამოხატავდა.

თვალის უკე ჩაშავებოდა, მუშტი ჩაჰკრა ქალბატონმა და როგორც კი შეხედავდა, მაშინვე წამოიძახებდა, ხედავთ, როგორი გონჯია ჩალურჯებული თვალით!

კოზეტი იმას წუხდა, რომ ძალიან ბნელი ღამე იყო და საჭირო იყო წყლით აეცსო ახალმოსულებისთვის დოქები და სურები, სახლში კი წყალი აღარ ჰქონდა.

ცოტათი ამშვიდებდა ის გარემოება, რომ ტენარდიეებთან ძალიან ცოტა წყალს სვამდნენ. წყურვილით ყველას სწყუროდა, მაგრამ ამ წყურვილის მოსაკლავად წითელ ღვინოს უფრო ეტანებოდნენ, ვიდრე წყალს. ვინ იქნებოდა სულელი, რომ

იმოდენა ღვინით სავსე სასმისში ერთი ჭიქა წყალი მოეთხოვა. მაგრამ ერთნამს შიშით ათრთოლდა საწყალი. ტენარდიეს ცოლმა ქვაბში ჩაიხედა, რომელიც იქვე დედა, ერთი ჭიქა აიღო და სარწყულთან მივიდა, მიატრიალა ონკანი. კოზეტმა წამოიწია და თვალს ადევნებდა მის ყოველ მოძრაობას: პატარა ჭავლად გამოვიდა წყალი და ნახევრამდე აივსო ჭიქა.

- ერიჰა, წყალი აღარ გვექონია!

გულისფანცქალით შესცქეროდა კოზეტი.

ის კი ისევ წყალს უყურებდა და წამოიძახა:

- ესეც კმარა, რა დროს წყალია!

ისევ თავის საქმეს შეუღდა კოზეტი, მაგრამ ვერ დამშვიდებულიყო, კარგა ხანი გრძნობდა გულის ფანცქალს.

„ნეტავი დღე იყოს“, - ნატრობდა პატარა და თრთოლა ერეოდა.

გაიხედავდა გარეთ ვინმე მგზავრი და დაიძახებდა:

- ისე ბნელა, ეს ოხერი, თითქოს ჯურღმულში ვიყოთ და არა მინაზე.

მეორეც იმას იძახდა:

- კატა უნდა იყოს კაცი, რომ უსინათლოდ გარეთ გავიდეს ამ სიბნელეში.

კოზეტს ესმოდა და კანკალებდა.

უცხად ერთი მგზავრი, მენვრილმანე, შემოვარდა დუქანში და გაჯავრებით მიმართა

ტენარდიეს:

- წყალი არ დაგილევინებიათ ჩემი ცხენისთვის!

- როგორ არა, დავალევინეთ, - უპასუხა ტენარდიეს ცოლმა.

- გეუბნებით, არ დაგილევინებიათ!

კოზეტი გამოძვრა მაგიდის ქვეშიდან.

- როგორ არა, ბატონო, დავალევინე, მთელი ვედრო დალია, პირთამდე სავსე.

მე თვითონ მივეუტანე და ველაპარაკე კიდევ.

მართალი არ იყო, ტყუოდა კოზეტი.

- ამას ხედავთ? მიწას არ ასცილებია და ისე ტყუის, თითქოს გაქნილი კაცი იყოს. გეუბნები, არ დაგილევინებია-მეთქი, შე მატყუარავ, შენა! თუ წყალი არ დალია, ისე უცნაურად ქშინავს, რომ მაშინვე მაცნობებს, - წყალი მწყურიაო.

კოზეტი მაინც არ იშლიდა და აკანკალებული ხმით იფიცებოდა.

- დავალევინე და კარგადაც დალია!

- ჰოდა, კმარა! - შეჰყვირა მენვრილმანემ, - წყალი დაალევინეთ ჩემს ცხენს.

კოზეტი მაგიდის ქვეშ შეძვრა.

- მართლაცადა, თუკი არ დაგილევინებია, მაშ ახლა დაალევინე, - თქვა ქალბატონმა და კოზეტი რომ ველარ დაინახა, შეჰყვირა:

- რა იქნა ის გომბიო, ისა?

მაგიდის ქვეშ, მეორე მხარეს მიკუნტულიყო კოზეტი, თითქმის მსმენელების ფეხებქვეშ.

- აბა, მალე! - შეუტია თავისებურად ქალმა.

გამოძვრა საცოდავი გოგო.

- აბა, ქალო, ძაღლო, უსახელო! წყალი დაალევინე ცხენს.

- წყალი რომ არ გახლავთ ქალბატონო? - დაიკნავლა კოზეტმა.

ქალბატონმა ქუჩაში გამავალი კარი გაუღო.

- წადი და მოიტანე!

თავი ჩაქინდრა კოზეტმა, ცარიელი ვედრო აიღო, ბუხართან რომ იდგა.

ეს ვედრო უფრო დიდი იყო, ვიდრე პატარა გოგო, შიგ რომ ჩამჭდარიყო, თავისუფლად ჩაეტეოდა და მოისვენებდა.

ქალბატონი ისევ თავის ქვაბებს მიუჯდა და თან ბუზღუნებდა.

- წყალი აღარ არისო! აქ თუ არ არის, წყაროზე ხომ არ დამშრალა? წადი და მოიტანე. კინალამ გასანური დამრჩა ეს ხახვი.

მერე უკრაში ჩაყო ხელი, სადაც წვრილი ფული, წინაკა და ხახვი ეყარა და კოზეტს დაუძახა:

- აჰა, ჯოჯო - გონჯო! გამობრუნებისას ხაბაზთან ერთი დიდი პური იყიდე. აი, ფული, თხუთმეტი სუ არის.

გამოართვა ფული კოზეტმა, ჯიბეში ჩაიღო, ხმა არ ამოუღია.

ცოტა ხანს იდგა ასე ჩაფიქრებული, ხელში ვედრო ეჭირა, ღია კარიდან ღამის სიბნელეს გასცქეროდა. ისე იდგა, თითქოს ელოდა - მოვა ვინმე, მომეშველებაო.

- წაეთრევი თუ არა? - შეჰყვირა ტენარდიეს ცოლმა.

კოზეტი გავიდა. კარი მიუხურეს.

თავი მეოთხე

დედოფალას გამოსვლა სცენაზე

მოედნიდან დანწყებული ტენარდიეს დუქნამდე იყო ჩამწკრივებული პატარ-პატარა ფარდულები, სახსე ყოველგვარი სავაჭრო საქონლით, რადგან შუალამის წირვის მოსასმენად ამ დუქნებისკენ გამოივლიდნენ ბურჟუები. ყველა გაჩაღებული იყო ძაბრივით მონყობილ ქალაქში ჩადგმული სანთლებით, რაც, მონფერმეილის სკოლის მასწავლებლის სიტყვისა არ იყოს, დიდებულ სანახაობას წარმოადგენდა სოფელელებისთვის. სამაგიეროდ, ცაზე ერთი ვარსკვლავი არსად ბუჟუავდა.

უკანასკნელი ფარდული სწორედ ტენარდიეს შესასვლელი კარის პირდაპირ იყო მინისა და თეთრი თუნუქის სათამაშოებით გატენილი და ბრწყინავდა თავის ზიზილ-პიპილით. მწვრილმანეს წინ, თეთრ ხელსახოცებზე დაებრძანებინა ერთი დიდი ვარდისფერკაბიანი დედოფალა, ოქროსფერი ნაწნავები და მინანქრის თვალეები რომ ჰქონდა. მთელი დღე იმას შეჰხაროდნენ იქაური ბავშვები, სულ მას შესციცინებდნენ, მაგრამ, არ გამოჩნდა მთელ სოფელში არც ერთი იმდენად გულუხვი დედა, არც ერთი საკმაოდ მდიდარი, რომ ამ დედოფალათი გაეხარებინა თავისი შვილი. ეპონინი და აზელმა საათობით იდგნენ და შეჰყურებდნენ ამ დედოფალას; სიმართლე რომ ვთქვათ, ერთი-ორჯერ კოზეტმაც გახედა და თვალი შეავლო ამ საკვირველებას.

შემინებული და შეწუხებული კოზეტი ქუჩაში რომ გამოვიდა, ვედროთი ხელში, თვალში ეცა ლამაზად განათებული და მორთული „ქალბატონი“; ეს სახელი დაარქვა კოზეტმა ამ მშვენიერებას. ყველაფერი დაავინცა საბრალოს მისმა დანახვამ, ასე ახლოს იგი ჯერ არ ენახა. იდგა და შესცქეროდა განცვიფრებული. დიდებულ სასახლედ ეჩვენებოდა პატარა ფარდული; ეს „ქალბატონი“ სათამაშო დედოფალა კი არა, მოჩვენება იყო, სიხარული, ბრწყინვალება, სიმდიდრე, ბედნიერება, რომელიც ლანდივით ეჩვენებოდა ამ უბედურ პატარა არსებას, ასე ღრმად ჩაფლულს სამინელ და გულცივ გაჭირვებაში. დაღონებული, ბავშვური უმანკო აზროვნებით ზომავდა იმ

უესკრულს, რომელიც ამ დედოფალასგან ამორებდა; - დედოფალი უნდა იყოს, ან დიდი ბატონიშვილი, რომ ამის ყიდვა შეძლოსო, ფიქრობდა. გაშტერებული შეპყურებდა სათამაშოს მოხდენილ, მშვენიერ კაბას, კოხტად დავარცხნილ, დაწნულ თმას და იძახდა, - აი, სად ყოფილა ბედნიერებაო. - იღვა. ვედარ შორდებოდა ამ თვალწარმტაც სურათს, და რაც უფრო მეტად ჩასცქეროდა, მით უფრო იხიბლებოდა. ისე იყო, თითქოს სამოთხეს შესცქეროდა. დიდი დედოფლის უკან სხივებიც ელაგა, რომლებიც ზღაპრულ ფერიებად ეჩვენებოდა.

იღვა ასე გატაცებული, შეჰხაროდა ამ სურათს და აღარც წყალი აგონდებოდა და აღარც პურის ყიდვა. უცბად გულში ეცა ტენარდიეს ცოლის უკმეხი ხმა და მოაგონა თავისი ჯოჯოხეთი.

- მანდ რას აკეთებ, შე მაჯლაჯუნავ, მოიცადე, მოვიდე! მე გიჩვენებ! არა, რას დგახარ, შე!..

კარი გაეღო, გარეთ გამოეხედა და დაენახა კოზეტი.

პატარა გოგომ ხელი დაავლო ვედროს და გიჟივით გაიქცა.

თავი მებუთე

გოგონა მარტოდმარტო

ტენარდიეს დუქანი საყდრის ახლოს იყო და წყაროზე კოზეტი შელისკენ უნდა წასულიყო. აღარც კი შეხედა ფარდულებს, ისე გარბოდა, მანამ ბულანუეს ქუჩაზე იყო და საყდრის ახლო, სინათლე გამოდიოდა ფარდულებიდან და გზაც ჩანდა, მაგრამ მალე გასცდა უკანასკნელ განათებულ ფარდულს და ბნელში გაეხვია. ეშინოდა და გულის გასამაგრებლად რაც შეიძლება მეტად აუღარუნებდა თავის ვედროს. ამხანაგივით ამხნევებდა ეს ხმაური და უქარვებდა მარტოობის შიშს.

მირბოდა და უფრო და უფრო ბნელში შედიოდა, აღარავინ იყო გზაში. მერე ერთი დედაკაცი შეხვდა. კოზეტი რომ დაინახა, სირბილით მიმავალი, დადგა, შიში მოერიდა, - ამ დროს პატარა ბავშვს ვინ გამოუშვებდარ? - და გადანწყვიტა, - ეს ალი იქნებაო, - მაგრამ კოზეტი რომ მიუახლოვდა, იცნო და ამოიოხრა - ეს ტოროლა ყოფილაო.

გაირბინა გოგომ ბნელი ქუჩები, სხვა არავინ შეხვედრია და შელის მხრივ სოფლის ბოლოში გავიდა. მანამ სახლებშუა მიდიოდა, ან ორივე მხრივ ღობეებშუა, ეშინოდა, მაგრამ მაინც გაბედულად მიაბიჯებდა. ხანდახან დახურული დარაბების ნახვრეტიდან სინათლეს დაინახავდა ხოლმე, მამ ჯერ სოფელში იყო, არაუშავდარა, მაგრამ სოფელს რომ გასცდა, სირბილსაც უკლო და ნაბიჯიც შეამცირა თავისდა უნებურად; ცოტა ხნის შემდეგ სულაც გაჩერდა. ძალიან ძნელი იყო ამ უდაბურში გასვლა, შეუძლებელი. ვედრო ძირს დადგა, ხელები თმაში ჩაიყო და თავის ფხანა დაიწყო. შიში მორეოდა და არ იცოდა, წინ წასულიყო თუ უკან დაბრუნებულიყო. უუკვე მინდორში იყო. შავი წყვდიადით მოფენილიყო იქაურობა. გულგახეთქილი შეპყურებდა სიბნელეს. იცოდა, რომ მარტოდმარტო იყო და ტყის ნადირის და ავი სულის მეტი იქ არავინ იქნებოდა. შიშს ლანდი მოჰყვა და ტყის ნადირის ფეხის ხმა მოესმა. მაჯლაჯუნა დაინახა ხის ტოტებშუა და თითქოს იმ შიშმა და მოჩვენებამ მოიყვანა გონებაზეო, აიღო ვედრო და სოფლისკენ გამობრუნდა; თან გულს იმაგრებდა;

- „ვეტყვი, რომ წყარო დანყვეტილი დამხვდა“.

მაგრამ ჯერ ათი ნაბიჯიც არ გადაედგა, რომ ისევ გაჩერდა და თავის ფხანა დაინყო. ახლა თვით ტენარდიეს ცოლი მოეჩვენა, ქალბატონი მაჭლაჯუნაზე არა ნაკლებ საშინელი თავის დაღრენილ, აფთრის პირით და ცეცხლივით ანთებული ცოფიანი თვალით. საცოდავად გაიხედა საწყალმა გოგომ წყაროსკენ, მერე სოფლისკენ. რა ქნას? საით წავიდეს? სოფელში გააფთრებული ქალბატონი, წყაროზე - ყოველგვარი ქაჯი და ეშმაკი, ბნელი ცა და ტყის ნადირი. ქალბატონი უფრო საშიში იყო და ისევ წყაროსკენ წავიდა. სირბილით შევარდა ტყეში, აღარც რამ ესმოდა, აღარც რაიმეს ხედავდა. სირბილს არ უკლო, სანამ სუნთქვა არ შეეკრა და მაინც არსად გაჩერდა. თავგანწირული მირბოდა.

მირბოდა და ტირილი უნდოდა.

აღარც ფიქრობდა, აღარც ხედავდა რამეს. ერთი მხრივ - მთელი წყვდიადი, მეორე მხრივ - ერთი ატომი.

შვიდი-რვა წუთის სავალი იყო ტყის ბილიკით წყარომდე. დღეში რამდენჯერმე გაუვლია კოზეტს ეს ბილიკი და იქნებ ამით აიხსნება, რომ გზა არ დაკარგა. შეშინებულს ალღო მაინც შერჩენოდა და ის მიუძღვოდა. მიდიოდა, არც აქეთ იყურებოდა, არც იქით, რომ არაფერი დაენახა ხის ტოტებში და ბუჩქებში, და წყაროსთან მივიდა.

პატარა აუზი იყო, ერთი მეტრი სიღრმის, ბუნებრივი, წყლის მიერ ამოთხრილი თიხოვან მიწაში. გარს ხავსი შემოვლებოდა და მაღალი ღვარჯნილი ბალახი, ანრი მეთხის საყელს რომ ეძახიან. პატარა წყარო გამოდიოდა აუზიდან ჩხრიალით.

არც კი ამოუსუნთქავს კოზეტს. ძალიან ბნელოდა, მაგრამ ხელი მისჩვეოდა ამ წყაროს. მარცხენა ხელით ადვილად იპოვა ნორჩი მუხა, რომელზეც დაეკიდებოდა ხოლმე ყოველთვის; მედ დაეკიდა, ვედრო ჩაუშვა წყალში. ისეთი შიშის ზარი დასცემოდა, რომ ერთი-ათად მომატებოდა ძალა, - მალე დავაღწიო აქაურობას თავიო. ასე დახრილი რომ იყო, ვერ შენიშნა, რომ ჯიბიდან ამოუვარდა პურის საყიდლად წამოღებული ფული და წყალში ჩაუვარდა, ვერ გაიგონა ფულის ჩავარდნის ხმა და ვერც დაინახავდა იმ სიბნელეში. ამოიღო თითქმის სავსე ვედრო და ბალახზე დადვა.

ახლად იგრძნო, რომ ძალიან დაღლილი იყო და დასვენება სჭირდებოდა. უნდოდა, მაშინვე წასულიყო შინისკენ, მაგრამ ისევ გაუძნელდა სავსე ვედროს ამოღება, რომ ამ სიმძიმით ფეხსაც ვეღარ გადადგამდა. იძულებული იყო ცოტა ხანს მაინც დაესვენა. ბალახზე დაეშვა.

თვალი დახუჭა, მერე ისევ გაახილა, თვითონაც არ იცოდა, რად ან რისთვის? მარტო ის იცოდა, რომ თვალი თავისით დახუჭვოდა.

ცას სქელი ღრუბელი აფარებოდა, კვამლივით შავი, წყვდიადის საზარელი ნიღაბი დასწოლოდა პატარა გოგოს.

მუშთარი ჩადიოდა შორეულ გზაზე. გაშტერებული თვალით შესცქეროდა ამ დიდ ვარსკვლავს, რომელიც ჯერ არსად ენახა და მით უფრო ამინებდა. ცთომილი ვარსკვლავი ჰორიზონტზე იყო და სქელ ნისლს სჭრიდა. მენამული ფერის ნისლი დიდად აჩენდა ვარსკვლავს და ცეცხლოვან ჭრილობას ამსგავსებდა. ველიდან ცივი ქარი ქროდა. ჩამოხველებულიყო ტყე, არ ისმოდა ფოთლების შრიალი, არც ის ანაბზენი ჩანდა, ზაფხულს რომ ახასიათებს. გამვერლი დიდრონი ტოტები ირხეოდა, იზნიქებოდა უგვანო ბუჩქნარი. მაღალი ბალახი გველივით იკლაკნებოდა, კვრინჩხი

ტოტებს შლიდა, თითქოს ბრწყალებიანი გრძელი ხელი ყოფილიყოს ნადავლის მისაწვდომად. გამხმარი ჩაღუნა აეტაცა ქარს და ისე მიაქანებდა, თითქოს მდევარი მისდევს უკან და იმას გაურბისო. საშიში იყო ყველაფერი და საიმედო კი - არაფერი.

თავბრუდამხვევია ეს სიბნელე. ადამიანს სინათლე უნდა. ვინც ბნელში შევა, გული შეეკუმშება და შეწუხდება. თვალი რომ ბნელს შესცქერის - გონება ირევა. მზის ან მთვარის დაბნელებაში, ღამის ჭვარტლისფერ გაუმჭვირვალობაში არის საშიშროება. ძალიან გულმაგარიც რომ იყოს, ტყეში ვერავინ გაივლის ღამით მარტო ისე, რომ კანკალი არ მოერიოს. მოულოდნელობას გვიქადის წყვდიადი და ბუჩქნარი. ქიმერული სინამდვილე გველანდება თვალთ მიუწვდომელ სივრცეში, წარმოუდგენელი ჩნდება ჩვენ გვერდით, რამდენიმე ნაბიჯის მანძილზე მოჩვენების სიცხადით. რაღაც ბუნდოვანი და შეუპყრობელი დაცვალებს ჩვენ თვალწინ ან იქნება ჩვენს გონებაში, როგორც მიძინებული ყვაილების ოცნება. რაღაც ისახება საშინელი ჰორიზონტზე და შავი წყვდიადის უსაზღვრო ორთქლს სუნთქავს. ვინდათ, მაგრამ შიშით უკან ვეღარ მივიხედავთ. სრულიად უძლური ხართ ღამის სიბნელით დაბურულ ტყეში, მიუჩვენებლ ლანდებში, რომლებიც მყისვე ქრებიან, თუ მიუახლოვდით, ბნელ, აბურძგვნილ მოჩვენებაში, დიდრონი ხეების ტოტებში, მოლურჯო გუბებში, სამარისებური ღუმლის უსაზღვროებაში, უცნობ არსებათა ბუნავში, ხის ტოტების საიდუმლო რხევებში, სრულიად უძლური ხართ და უიმედო. ძალიან გამბედავიც რომ იყოს კაცი, არ შეიძლება არ ათრთოლდეს და არ იგრძნოს შიშის სიახლოვე. საშინელ მდგომარეობაშია კაცი, თითქოს ბნელით დაჰფარვოდეს სული. სიბნელით აღძრული შიში საშინელზე საშინელია ბავშვისთვის.

აპოკალიპსივით შეუცნობელი არის ტყე და პატარა ბავშვის გულისფანცქალი ისევე სუსტად ქრება იქ, როგორც სულთმობრძავის კვნესა.

არ იცოდა და არც შეიძლება სცოდნოდა, რას განიცდიდა, მაგრამ ამ სიბნელის და უდაბური ტყის საზარელ შიშს აეტანა, შიში კი არა, შიშზე უფრო საშინელი მორეოდა და კანკალებდა. სიტყვით ვერ გამოვთქვამთ, რა ჰქონდა ისეთი მძლავრი იმ კანკალს, რომ გულის ძირამდე ყინავდა საწყალს და საზარლად აცახცახებდა. თვალი შემოიღობდა და იმას ფიქრობდა, ხვალ ამ დროს რომ გამოეგზავნათ წყალზე, ხვალაც წამოვიდოდა უბედური.

მერე თითქოს გონებაზე მოიყვანა თავისმა ალღომ, რომ თავი დაეღწია როგორმე ამ აუტანელი მდგომარეობისთვის, ხმამაღლა დაიწყო თვლა, - ერთი, ორი, სამი, ოთხი, - ათამდე და, როცა გაათავა, ხელმეორედ დაიწყო. მართლა გონს მოვიდა. მოაგონდა საღ იყო და რისთვის. ხელები დასველებოდა წყალს რომ იღებდა და მხოლოდ ახლა იგრძნო სიცივე. წამოდგა. ისევ ბუნებრივმა და მისთვის დაუღლეველმა შიშმა მოიკვა. ერთი ფიქრილა ჰქონდა, ერთი სურვილი, - სირბილით მოშორებოდა ამ ტყეს და მერე მიწორს, საჩქაროდ შესულიყო სოფელში, რომ ადამიანის სახლი დაენახა და სინათლე. ფეხი წამოჰკრა ვედროს, მის წინ რომ იდგა. ისე იყო ტენარდიეს ცოლისაგან დაშინებული, რომ ცარიელი ხელით დაბრუნება ვერ გაბედა. წყლისთვის გამოგზავნა ქალბატონმა. ორივე ხელი დაავლო ვედროს და გაჭირვებით ასწია.

ათი-თორმეტი ნაბიჯი გაიარა ასე, მაგრამ მეტად საესე იყო ვედრო, მეტად მძიმე და იძულებული გახდა ძირს დაეღვა, ამოისუნთქა, დასწვდა და ისევ აიღო, ახლა ცოტა მეტი გაიარა, მაგრამ დადგომა და დასვენება მაინც დასჭირდა. ბებერი დედაკაცივით მიდიოდა, წელში მოხრილი, თავდახრილი, წყლის სიმძიმე უძაბავდა და უჭიმავდა

ჩამომხმარ ხელებს. ვედროს რკინის ტარიც სველი იყო და ის უფრო უყინავდა გაციებულ სველ ხელებს. ხანდახან ერთ წამს გაჩერდებოდა, რომ სული მოეთქვა. დადგმისას ცივი წყალი გადმოდიოდა და შიშველ ფეხს უსველებდა. ტყეში იყო პატარა გოგო, ღამე, ზამთარში, ადამიანებისგან მოშორებით. რვა წლის იყო პატარა და მხოლოდ ღმერთი ხედავდა ამ სავალალო სურათს, ღმერთი ხედავდა და, უეჭველია, მისი ღედაც.

ბევრი რამ არის ჩვენს ცხოვრებაში იმდენად შემადრწუნებელი, რომ მკვდარსაც კი აუხელს თვალს სამარეში. დაავადებული ხიხინით სუნთქავდა, ცრემლით საცხე ჰქონდა თვალი, მაგრამ ტირილს ვერ ბედავდა, რადგან ქალბატონისა ეშინოდა, მაშინაც კი, როდესაც შორს იყო მისგან. ნარმოდგენილი ჰქონდა, რომ სადაც უნდა ყოფილიყო, ტენარდიც ცოლიც იქ იქნებოდა

დაიღალა გოგო, მეტად მძიმე იყო წყალი და უკლო სიჩქარეს, ცდილობდა დიდხანს არსად გაჩერებულიყო დასასვენებლად, - დაუსვენებლად გაეგლო რაც შეიძლება მეტი, მაგრამ მაინც გრძნობდა, რომ ერთ საათზე ადრე ვერ მიაღწევდა სოფელს. დაიგვიანებდა და უთუოდ სცემდა ქალბატონი. ღამე ტყეში მარტოობის შიშს ახლა ეს მიემატა, - მივალ და მცემენო. დაქანცული იყო და ჯერაც ვერ გასულიყო ტყიდან. ერთ დიდ ნაცნობ ნაბლის ხესთან რომ მივიდა, ერთხელ კიდევ გაჩერდა დასასვენებლად. აქ უფრო მეტი ხანი დარჩა, ვიდრე წინათ, რომ კარგად დაესვენა. მერე მოიკრიბა რაც ძალ-ღონე ჰქონდა და, რაც იქნება, იქნებაო, - გაბედულად წავიდა შინისკენ. ეს კი იყო, რომ ვერ შეიკავა თავი ამ პატარა უილაჯო არსებამ და შეჰყვირა: - ოჰ, ღმერთო ჩემო, ღმერთო ჩემო!

უცხად იგრძნო, რომ ვედრო აღარ უმძიმებდა ხელს. ვიღაცის ხელმა, დიდმა ხელმა წაართვა ვედრო და ბუმბულივით გააქანა, შეხედა, ერთი დიდი, შავი, მაღალი მიდიოდა იმასთან ერთად ამ ბნელში და წყალიც იმას მიჰქონდა თურმე უკან უხმოდ მოსდევდა ეს კაცი და კომეტს ვერაფერი გაეგო, სანამ ვედრო არ ჩამოართვა ხმის ამოუღებლად და გვერდით არ ამოუდგა პატარა გოგოს.

რალაც ალღოთი ვხელმძღვანელობთ, როდესაც შევხვდებით ვისმე, ბავშვს არ შეეშინდება.

თავი მეექვსე

რომელიც შეიძლება ამტკიცებდეს ბულატრუელის გონიერებას

სწორედ იმ დღეს, 1823 წლის შობას, შუადღის შემდეგ ერთი კაცი დასეირნობდა კარგა ხანს პარაზში, ლოპიტალის ბულვარის შორეულ ნაწილში. ეტყობოდა, სახლს ეძებდა ქირით და უფრო პატარა, დაბალ სახლებთან ჩერდებოდა სენ-მარსოს უბნის ამ მიყრუებულ კუთხეში.

შემდეგში ვნახავთ, რომ ამ კაცმა მართლაც ერთი ოთახი იქირავა განცალკევებულ სახლში.

თავისი ტანისამოსით და შეხედულებით იმ ჯურის ხალხს ეკუთვნოდა, რომელთაც შეიძლება კეთილშობილი ღატაკი ვუნდოთ. უკიდურესი სიღარიბე ემჩნეოდა და უკიდურესი სისუფთავე, იშვიათია ასეთი შეხამება, რომელიც შეგნებულ ადამიანში პატივისცემას აღძრავს მეტად ღარიბი, მაგრამ ღირსეული ადამიანისადმი. მრგვალი ქედი ეხურა, ძალიან ძველი და გახეხილი; ძველი, გახუნებული ყვითელი სერთუკი

ევვა, - ამ ფერის ტანისამოსი ძალიან მოსწონდათ იმ დროს, - ძველებური, დიდჯიბეებიანი გრძელი ჟილეტი, შავი, მუხლებში ოდნავ გახუნებული შარვალი, შავი შალის წინდები და უხეში ტყავის მაშვიები თითბრის აბზინდით, - იტყოდით, ძველებური, არისტოკრატიული სახლის მასწავლებელია უცხოეთში გახიზნული და უკან დაბრუნებულიო. სულ მთლად გათვრებული ჰქონდა თმა, დანაოჭებული შუბლი, გაცრეცილი ტუჩები, სახეზე მწუხარება და მძიმე ცხოვრების დაღი აჩნდა, სამოც წელზე მეტის უნდა ყოფილიყო ერთი შეხედვით, მაგრამ ისე მტკიცედ მიაბიჯებდა, თუმცა აუჩქარებლად, ისეთი ძალ-ღონე იხატებოდა მის ყოველ მოძრაობაში, რომ იტყოდით, - ჯერ ორმოცდაათისაც არ უნდა იყოსო. დანაოჭებული ჰქონდა შუბლი, მაგრამ ისე ლამაზად, რომ თანაგრძობას აღუძრავდა, ვინც კარგად დააკვირდებოდა. უცნაურად ეკეცებოდა ტუჩი, თითქოს ერთდროულად სისასტიკესაც გამოხატავდა და სათნოებსაც. თვალის სიღრმეში ნაღვლიანი სიმშვიდე ეხატებოდა. მარცხენა ხელში რაღაც ეჭირა ხელსახოცში გამოკრული; მარჯვენა ხელში ჯოხი, სადღაც ღობეში მოჭრილი; კარგად იყო გათლილი და არც ძალიან აესა ჰგავდა თავისი სიმძიმით; ნუჟრი ჩამოთლილი ჰქონდა და თავზე მარჯნის მაგივრად ნითელი ლუქი ჰქონდა გადაკრული. მსხვილ წვეპლას ჰგავდა, მაგრამ გაჭირვებაში სხვა მხრივაც გამოდგებოდა.

იმეათად დაიარება ხალხი ამ ბულვარზე, განსაკუთრებით ზამთარში. ეს კაცი კი ეტყობოდა თვითონვე ერიდებოდა ხალხს.

იმ ხანად მეფე ლუი მეფარამეტე თითქმის ყოველდღე დადიოდა შუაზი-ლე-რუაში. ეს სეირნობა ჩვეულებად ჰქონდა ქვეული. ორ საათზე, თითქმის უცვლელად ამ დროს, გამოჩნდებოდნენ ხოლმე მეფის ეტლი და ცხენოსნები და ჭენებით გაივლიდნენ ბულვარს.

ეს იყო საწყალი ხალხის საათი, უბისაც და კედლისაც მთელი უბნისთვის. დაინახავდნენ და გასძახებდნენ ერთმანეთს:

- ორი საათია, ორი. ავერ, მოაჭენებს.

ზოგი გამორბოდა მეფის დასანახად, ზოგი კედელს ეკვროდა, ხუმრობა კი ნუ გკონიათ: მეფე მობრძანდებოდა! არათუ ამ გარეუბანში, შიგ ჰარიზშიც დიდი ამბავი იყო ყოველთვის მისი გამოჩენა და გავლა, ხანმოკლე იყო ეს გავლა, მაგრამ დიდებული. მეფეს, კუტს და უძლურს, ძალიან უყვარდა სწრაფი ქროლვა, ვინაიდან სიარული არ შეეძლო, სირბილი ენატრებოდა. ეს ხეიბარი ელვას ნაჰყვებოდა, ოღონდ კი სწრაფად ევლო. დამშვიდებული მიქროდა თავისი ეტლით, მკაცრი, ხმაღამოღებული მხედრებით გარემორტყმული. მძიმე ეტლი ჰქონდა, მთლად მოვარაყებული, ზედ დახატული შრომანის დიდრონი ტოტებით და დიდი გრიალით დაბრძანდებოდა ისე სწრაფად, რომ თვალს ვერ მოჰკრავდნენ მეფეს. თეთრი აბრეშუმის ბალიშზე ბრძანდებოდა გადასვენებული, პირგანიერი, განითლებული, შუბლგაპუდრული, ამაყი; მკაცრი თვალი ჰქონდა, სასტიკი და ცბიერი, განათლებული კაცის ღიმილი; ორი მსხვილი ეპოლეტი სამოქალაქო ტანსაცმელზე, ოქროს ვერძის ორდენი, ჯვარი საპატიო ლეგიონისა, სულიწმინდის ვერცხლის ვარსკვლავი, უზარმაზარი ღიპი და განიერი ლურჯი ლენტე. ეს იყო მეფე. გარეუბანში თავისი თეთრი ბუმბულით დამშვენებული ქუდი ინგლისური მაღალი გეტრებით მორთულ მუხლებზე ედო. ქალაქში რომ შევიდოდა, მაშინვე თავზე დაიდებდა და ხანდახან თავსაც უკრავდა ხალხს. ცივად შეჰყურებდა ხალხს და უფრო ცივად უყურებდა ხალხი

მას. პირველად რომ გამოჩნდა სენ-მარსოს უბანში, ძალიანაც არ მოეწონა ხალხს და ეს პირველი შთაბეჭდილება საგანგებოდ გამოთქვა ერთმა მუშამ:

- ეს ღიპიანია საფრანგეთის მთავრობა?

ყოველდღე ერთსა და იმავე დროს გაივლიდა ხოლმე მეფე და ეს იყო ლოპიტალის ბულვარის ყოველდღიური მოვლენა.

ყვითელსერთუკიანი მოსიერნე არ უნდა ყოფილიყო ამ უბნელი და არც პარიზელი, რადგან მეფის სეირნობის არაფერი იცოდა. მეფის ეტლი რომ გამოჩნდა ორ საათზე და თან კიდევ ვერცხლისსირმიანი, ხმალამოღებული მხედრების მთელი რაზმი, შუკრთა კაცი და თითქოს შიშიც დაეტყო. ქუჩაში არავინ იყო მის გარდა. ერთი კედლის კუთხეს ამოეფარა, მაგრამ ჰერცოგმა დ-აგრემ მაინც მოჰკრა თვალი. დ-აგრე, როგორც ცხენოსანი მხედრების უფროსი, იმ დღეს ეტლში იჯდა, მეფის პირდაპირ და მოახსენა: - აგერ ის კაცი საეჭვო გახლავთ, პოლიციელებმაც, გზას რომ ზვერავენ მეფის გავლის წინ, ყურადღება მიაქციეს და ერთმა პოლიციელმა ბრძანება მიიღო, მსტოვრად გაჰყოლოდა, მაგრამ ისეთ ვინრო, დაკლაკნილ ქუჩებში შევიდა ეს კაცი, თანაც უკვე ბნელდებოდა, რომ კვალი დაეკარგა პოლიციელს, რაც დასაბუთებულია იმ საღამოსვე, სამეფოს მინისტრის, პოლიციის უფროსის გრაფ ანგლესადმი წარსადგენად შედგენილ მოხსენებაში.

პოლიციელი რომ ჩამოიშორა, ააჩქარა ფეხი, რამდენჯერმე მოიხედა - ხომ არავინ მომდევსო, - ოთხ საათსა და თხუთმეტ წუთზე, ესე იგი, უკვე ბნელში სენ-მარტენის თეატრთან გაიარა: იმ დღეს „ორი კატორღელი“ უნდა წარმოედგინათ. აფიშა თეატრის სანათებში იყო მოქცეული და თვალში ეცა. ჩქარი ნაბიჯით მიდიოდა, მაგრამ გაჩერდა და წაიკითხა. ცოტა ხნის შემდეგ ერთ მიყრუებულ ქუჩაბანდში შევიდა, პლანშედის ქუჩაბანდში და პლად-ეტენის კარი შეაღო, ლანისკენ მიმავალი ეტლების დარბაზში. ხუთის ნახევარზე მიდიოდა ერთი ომნიბუსი, ცხენები უკვე შეებათ, მეეტლე მგზავრებს ეძახდა და ისინიც რკინის კარით აღიოდნენ ომნიბუსის ბანზე.

- გაქვთ კიდევ ადგილი? - ჰკითხა ყვითელსერთუკიანმა.

- ერთადერთი, ჩემს გვერდით, - მიუგო მეეტლემ.

- ეს ჩემთვის იყოს.

- ამოღით.

სანამ ცხენებს გაუჯავრდებოდა, თვალი გადაავლო მეეტლემ ამ კაცის მოძველებულ ტანისამოსს, შენიშნა ბარგის სიმცირე და ადგილის ფასი წინასწარ გამოართვა.

- ლანამდე? - ჰკითხა მეეტლემ.

- დიახ.

ლანამდე მგზავრობის ფასი გადაიხადა.

დაიძრა ეტლი, საბაჟოს რომ გასცდნენ, მეეტლემ სცადა თავის თანამგზავრთან ბაასის გაბმა, მაგრამ ვერას გახდა, რადგან „ჰო“ და „არას“ მეტი ვერაფერი ათქმევინა. თავი მიაწება, დაიწყო სტვენა და ცხენებს შეუტია.

თბილ წამოსასხამში გაეხვია მეეტლე, საგრძნობლად ციოდა. ჩვენი მგზავრი ჩაფიქრებული იჯდა, გურნეი გაიარეს.

საღამოს ექვსი საათი იყო, შელში რომ შევიდნენ. ცხენების დასასვენებლად მეეტლემ ერთ ღუქანთან დააყენა ომნიბუსი. ღუქანი ძველი მეფეების დროის ეკლესიის სახლში იყო მოთავსებული.

- ახლა კი ფეხით წავალ, - თქვა მგზავრმა, აილო თავისი ჯოხი, პატარა ხელბარგი და ჩამოვიდა.

ჩამოვიდა და მაშინვე გაქრა.

ლუქანში არ შესულა.

რამდენიმე ხნის შემდეგ, ომნიბუსი რომ დაიძრა და ლანისკენ წავიდა, გზაში აღარსად შეხვედრიათ ის კაცი.

მეეტლე მიუბრუნდა ომნიბუსში მსხდომ მგზავრებს და უთხრა:

- აქური არ არის ეს კაცი, აქ რომ ჩამოხტა, თორემ ჩემი ნაცნობი იქნებოდა.

შეხედავთ, იტყვიო, ერთი სუ ენატრებაო და გზაში კი ფანტავს ფულს; ფასი ლანამდე გადამიხადა და შელში კი ჩამოხტა. ღამეა, დაკეტილია სახლები, ლუქანში კი არ შევიდა, არც საღმე გზაზე ჩანს, მამ მინა ხომ არ ჩაყლაპავდა?

მიწამ არ ჩაყლაპა, მაგრამ თვითონვე შეერია იმ სიბნელეს. ჯერ შელისკენ მიმავალ შარავგას მიჰყვა, მერე მარცხნივ შეუხვია, მონფერმეილისკენ მიმავალ გზაზე, ეტყობოდა, უკვე ნამყოფი იყო ამ ქვეყანაში და იცნობდა აქაურობას.

ჩქარი ნაბიჯით მიდიოდა. განიდან ლანისკენ მიმავალი გზიდან მგზავრების ხმა შემოესმა და მაშინვე ორმოში ჩაიმალა; იქ იყო, ვიდრე სულ არ მიწყდა გამგლელების ხმა. ისე ბნელოდა, რომ სულერთია ვერ დაინახავდნენ ხესაც რომ ამოფარებოდა. ასე რომ, ზედმეტი იყო ეს სიფრთხილე.

აქედან აღმართი იწყებოდა. მონფერმეილისკენ მიმავალ გზას ასცდა, მარჯვნივ წავიდა, მიწდორი გადაიარა და ჩქარი ნაბიჯით შევარდა ტყეში.

რაკი ტყეს შეაფარა თავი, ნელა დაიწყო სიარული, ნელი ნაბიჯით მიიწვედა წინ და დაკვირვებით სინჯავდა ყოველ ხეს, თითქოს რაღაცას ეძებს და ცნობილი, საიდუმლო გზით მიდისო. ერთ წამს იდგა განცვიფრებული, გეგონებოდათ გზა დაეკარგა, დიდი წვალეების და ძებნის შემდეგ ერთ ველობზე გავიდა. ერთი გროვა დიდრონი მოთეთრო ქვა ეყარა ამ ველობზე. მაშინვე იმ ქვებისკენ წავიდა. ყურადღებით დაუწყო სინჯვა, რამდენადაც კი შესაძლებელი იყო იმ სიბნელეში. ქვის გროვიდან რამდენიმე ნაბიჯის მანძილზე დიდი ხე იდგა, მცენარის მეჭეჭის მსგავსი კორძით მოფენილი. ამ ხესთან მივიდა, ხელი ჩამოუსვა მის ქერქს, ცდილობდა დაეთვალი ამ ხის კორძები. ამ კორძიანი იფნის პირდაპირ ერთი დაავადებული წაბლის ხე იდგა, ქერქი სძვრებოდა და თეთრი თუთიის არტახი ჰქონდა შემოვლებული.

მერე რამდენიმე ხანს ფეხით ტკეპნა მიწა წაბლსა და ქვებს შუა, ეტყობოდა ცდილობდა გაეგო, ხომ არსად იყო მიწა ახალი ნათხარი.

ამის შემდეგ ისევ ტყეში შევიდა.

ეს კაცი იყო, კოზეტს რომ შეხვდა.

მონფერმეილისკენ მიდიოდა. დაინახა პატარა ლანდი, რომელიც ძლივსლა იძვროდა დაქანცული. ძირს სდგამდა რაღაცას, მერე ისევ იღებდა და ძლივსლა სძრავდა, მიუახლოვდა, ნახა, რომ პატარა გოგონა იყო, ჯერ ბავშვი და თავისზე დიდ ვედროს დასჭიდებოდა. მივიდა ბავშვთან და ხმის ამოუღებლად ჩამოართვა.

თავი მეშვიდე

კოზეტი და უცნობი ერთად ღამის წყვდიადში

კოზეტს არ შეშინებია ამ უცნობის.

კაცმა ლაპარაკი დაუწყო ჩუმი ხმით, დამჯდარი კილოთი.

- ძალიან მძიმე უნდა იყოს შენთვის ეს წყალი, ჰა, შვილო?

შეხედა ბნელში კოზეტმა და უპასუხა:

- დიახ, ბატონო.

- მამ აქ მომეცი, მე წამოგიღებ.

ხელი გაუშვა კოზეტმა. ერთად გაუდგნენ გზას.

- მართლაც ძალიან მძიმე ყოფილა, - ნაიდუღუნა უცნობმა. - მერე ჰკითხა:

- რამდენი წლისა ხარ, გოგონა?

- რვა წლის, ბატონო.

- შორიდან მოდიხარ?

- წყაროზე გახლდით, ტყეში რომ არის.

- მერე შორს მიდიხარ?

- ერთი თხუთმეტი წუთის გზა იქნება.

გაჩუმებული მიჰყვებოდა ერთნაშს კაცი. მერე გაჯავრებით ჰკითხა:

- მამ დედა არ გყავს?

- არ ვიცი, ბატონო.

და ვიდრე კაცი კიდევ ჰკითხავდა რამეს, დაუმატა:

- არა მგონია, რომ მყავდეს. სხვებს ჰყავთ, მე კი არ მყავს.

ჩათფიქრებული მიდიოდა ცოტა ხანს და დაუმატა:

- მე მგონი, რომ დედა ჩემს დღეში არ მყოლია.

გაჩერდა კაცი. ვედრო ძირს დადგა, დაიხარა, ორივე ხელი მხარზე დაადო კოზეტს და დააცქერდა; უნდოდა ბავშვის სახე დაენახა ამ სიბნელებში.

გამხდარი, ჩამომხმარი იდგა მის წინ კოზეტი და ოდნავ ჩანდა მოღრუბლული ცის მკრთალ სინათლეში.

რა გქვია, გოგონა?

- კოზეტი.

შეხტა კაცი, თითქოს დენმა დაუარა. ერთხელ კიდევ დააცქერდა ბავშვს. ხელი გაუშვა. აიტაცა ვედრო და გზას გაუდგა.

ცოტა ხნის შემდეგ ჰკითხა:

- სად დგახარ, გოგონა?

- მონთერმეილში, თუ იცით ეს სოფელი.

- და ახლა იქ მივდივართ?

- დიახ, ბატონო.

კიდევ გაჩუმდა და მერე ისევ კითხვა დაუწყო:

- მერე ვინ გამოგაგზავნა ამ შუალამისას ტყეში?

- ქალბატონმა ტენარდიემ.

ძალიან ცდილობდა კაცი, გულგრილი კილო მიეცა თავისი ნათქვამისთვის, მაგრამ მაინც აღშფოთებით უკანკალებდა ხმა:

- ვინ არის ეგ შენი ქალბატონი ტენარდიე?

- ბურჟუა გახლავთ, - მიუგო კოზეტმა, - დუქანი აქვს და გომი.

- დუქანი აქვს, - თქვა კაცმა, - ჰოდა, მეც იქით წამოვალ, ამაღამ იქ დავრჩები, აბა, მამ შენ მოგდევ.

- მობრძანდით, ბატონო.

ჩქარი ნაბიჯით მიდიოდა კაცი და არც კოზეტი რჩებოდა უკან. აღარ იყო დაღლილი, რადგან სრული სიმშვიდით და გამოუთქმელი ნდობით ახედავდა ხოლმე თავის თანამგზავს. თავის დღეში არავის ეთქვა ამ ბავშვისთვის, გაჭირვებაში განგებას მიმართე და თავი შეაგედრეო, მაგრამ რაღაცას გრძნობდა თავის გულში, რომელიც იმედის და სიხარულის აღმძვრელი იყო.

რამდენიმე წუთი იარეს ჩუმად. მერე კაცმა დაიწყო ისევ:

- მაშ, ქალბატონ ტენარდიეს არავინ ჰყავს მომხმარე?

- არავინ, ბატონო.

- მარტო შენა ხარ?

- დიახ, ბატონო.

პატარა ღუმელი ახლა კოზეტმა დაარღვია:

- ისე, ორი პატარა ქალიც ჰყავს.

- ვინ პატარა ქალები?

- ეჰონინი და აზელმა.

ასე ამდაბიოებდა კოზეტი ქალბატონ ტენარდიეს გოგონების დიდებულ რომანტიკულ სახელებს.

- ეჰონინი და აზელმა ვინლა არიან?

- ქალბატონ ტენარდიეს პატარა ქალბატონები, ასე ვთქვათ, მისი შვილები.

- ისინი რაღას აკეთებენ?

- ოჰ, - ამოიკვნესა კოზეტმა, - ისეთი მშვენიერი დედოფლები ჰყავთ, ისეთი სათამაშოები, სულ ოქროსი და ვერცხლის, თამაშობენ, ერთობიან.

- მთელი დღე თამაშობენ?

- დიახ, ბატონო.

- შენ?

- მე? მე ვმუშაობ...

- მთელ დღეს საქმეში ხარ?

კოზეტს თვალები ცრემლებით ავესო, რაც მის თანამგზავს შეუმჩნეველი არ დარჩენია იმ სიბნელებში. მერე წყნარად უთხრა:

- დიახ, ბატონო.

პატარა ხანს მიჩუმდა და განუმარტა:

- ხდება ხოლმე ხანდახან, საქმეს რომ გავათავებ და თავს დამანებებენ, ცოტას მეც ვთამაშობ.

- როგორ თამაშობ?

- როგორც მოვახერხებ, ოღონდ თავი დამანებონ, მაგრამ სათამაშოები კი არ მაქვს. ეჰონინი და აზელმა ნებას არ მაძლევენ ხელი ვახლო მათ სათამაშოებს. ერთი პატარა ხმალი მაქვს, ტყვიის, ჩემი თითისოდენა და ისიც გატეხილია.

- და არ ჭრის?

- როგორ არა! სალათსაც ჭრის და ბუზის თავებსაც.

სოფელს მიღწიეს, პატარა, ვიწრო ქუჩებში კოზეტი მიუძღვოდა მგზავს, ხაბაზის ღუქნთან გაიარეს, მაგრამ მთლად დავიწყებოდა კოზეტს, რომ პური უნდა ეყიდა. აღარაფერს ეკითხებოდა კაცი და გაჩუმებული მისდევდა უკან. საყდარს რომ გასცდნენ, გაჩაღებული ღუქნები და ფარდულები დაინახა უცნობმა და კოზეტს ჰკითხა:

- აქ რა, ბაზარია?
- არა, ბატონო, ეს იმიტომ, რომ შობაა.

დუქანს რომ მიუახლოვდნენ, კოზეტმა უცნობის ხელს მორიდებით შეახო ხელი და სთხოვა:

- ბატონო...
- რა იყო, გოგონა?
- აგერ, ჩვენსა მივედით.
- მერე რა?
- აქ მიბოძეთ ეს ვედრო.
- რატომ?

- ცემით მომკლავს ქალბატონი, თუ დაინახა, რომ ვინმე დამეხმარა. უცნობმა ვედრო კოზეტს დაუთმო. ცოტა ხანში დუქნის კართან მივიდნენ.

თავი მერვე

არ არის სასიამოვნო ღარიბის მიღება, რომელიც შეიძლება მდიდარი აღმოჩნდეს

კოზეტმა თავი ვერ შეიკავა და თვალი შეავლო სათამაშოების ფარდულში გამოდგმულ დედოფალას, მერე კარზე დააკაკუნა. კარი თვითონ ქალბატონმა გაუღო, შანდალი ეჭირა.

- ძლივს, შენა ხარ, უქნარავ? მაღლობა ღმერთს, რომ მოგაგონდა შინ დაბრუნება! თამაშობდი სადმე განა, უნამუსო!

- ქალბატონო, - მიუგო კანკალით კოზეტმა, - აი, ბინა უნდა ამაღამ ბატონს.

ქალბატონმა მაშინვე შეიცვალა სახე: გაბრაზების მაგივრად საამო ღიმილი გამოეხატა სახეზე, - მარტო მედუქნეს შეუძლია უცხად შეიცვალოს სახის გამომეტყველება, - და თვალით ძებნა დაუნყო ახალ მუშტარს.

- ამ ბატონს? - ჰკითხა კოზეტს.

- დიახ, ქალბატონო, - მიუგო მგზავრმა და ქუდისაკენ წაიღო ხელი.

მდიდარი რომ ყოფილიყო მგზავრი, არც ასე ზრდილი იქნებოდა. მგზავრის ხელის მოძრაობამ, მისი ტანისამოსის და ხელბარგის შემონმვებამ, უცებ შეუცვალა ქალს საამო ღიმილი და ისევ გაბრაზებული იერი მისცა. ცივად მიიპატიუა:

- მობრძანდით, ძმობილო.

„ძმობილი“ შევიდა. ერთხელ კიდევ გადაავლო თვალი ტენარდიეს ცოლმა, გასინჯა იმის მთლად გახეხილი სერთუკი და დაჭმუჭნილი ქუდი, მერე თავის ქმარს დაეკითხა: - თავი გაიქნია, ცხვირი აიბზუა, თვალთ მიაწინა. ტენარდიე იქვე მუშტარავით მიმჭდარიყო და ღვინოს შეექცეოდა. ქმარმაც თავისებური ნიშნით უპასუხა: სალოკი თითი აიშვირა და ტუჩი გადმოაბრუნა, რაც ამ შემთხვევაში ნიშნავდა „სულ ლატაკიან“. მივიდა ქალბატონი მგზავრთან და უთხრა;

- ძალიან ვწუხვარ, ძმობილო, მაგრამ ადგილი აღარ გვაქვს.

- დამაწვინეთ სადმე, - მიუგო მგზავრმა, - სხვენზე ან თავლაში, ოთახის ფასს გადაგიხდით.

- ორ ფრანკს მომცემთ.

- ორი ფრანკი იყოს.

- ძალიან კარგი.

- ორ ფრანკს ართმევთ, როცა ფასი ერთი ფრანკია, - გაკვირვებით მიმართა ერთმა მეეტლემ ტენარდიეს.

- მაგისთვის ორი ფრანკია. ღარიბებს არასოდეს ვაძლევთ ნაკლებად ბინას, - უპასუხა ქალბატონმა.

- მაშ, რა ვქნათ აბა? - დაუმატა ქმარმა, - იცით როგორ უტეხს სახელს ღარიბი ხალხი ამგვარ სასტუმროს?

ამასობაში მგზავრმა სკამზე ჩამოლო თავისი ბოხჩა და ჭობი, შემდეგ მიუჭდა მაგიდას, სადაც კოზეტმა ერთი ბოთლი ღვინო და სასმისი დადო, მაშინვე სამზარეულოს მაგიდის ქვეშ შეძვრა და საქსოვი აიღო ხელში. იქვე იყო ვაჭარი, რომელიც ჩიოდა ჩემი ცხენისთვის წყალი არ დაგილევინებიათო, გამოართვა ვედრო და თვითონვე წავიდა თავლისკენ ცხენებისთვის წყლის დასალევილებლად.

მგზავრმა დაისხა ღვინო, ოდნავ გაისველა პირი და ახლა პატარა გოგოს დაუნყო თვალიერება უცნაური ყურადღებით.

ლამაზი არ იყო კოზეტი. ბედნიერი რომ ყოფილიყო, იქნებ სილამაზეც ჰქონოდა. ჩვენ ერთხელ უკვე აღვწერეთ ეს ჩამქრალი სახე. კოზეტი მეტად გამხდარი იყო და ფერმიხდილი. რვა წლისა იყო და ექვსი წლისაც არავის ეჩვენებოდა. დიდრონი თვალები ჩრდილში ჰქონდა ჩამალული და თითქმის ჩამქრალი მუდმივი ტირილის გამო. ტუჩების კუთხეები ოდნავ ძირს დაშვებოდა, როგორც განწირულ და უიმედო ავადმყოფს. ხელები, როგორც მისი დედა ფიქრობდა, ყინვისაგან დამძრალი და დამსკდარი ჰქონდა. სინათლე რომ სცემდა, უფრო გარკვევით აჩენდა მის ძვლებს და უფრო საშინელს ხდიდა მის გამხმარ აგებულებას, და რადგან ჯერაც სიცოცხით კანკალებდა, ჩვეულებისამებრ მუხლი მუხლზე მიეკრა რომ გამთბარიყო. რალაც ნაფხურენები ეცვა საბრალოს, რომელიც ზაფხულში საყოლადად ეჩვენებოდა ყველას და ზამთარში საშინელებად. დაფხურენილი ტილოს ხალათი ეცვა და შალის პატარა ნაჭერსაც ვერ იპოვიდით მის ტანზე. ტიტველი კანი უჩანდა აქა-იქ და ზედ ცხადად ეტყობოდა ჩალურჯებული ან ჩაშავებული ლაქები, სადაც კი მოხვედროდა ტენარდიეს ცოლის ხელი. შიშველი ჰქონდა ფეხები, გამხდარი და განითვლებული. ისე ჩასწოლოდა კანი ლავინებთან, რომ სიბრაულეს მოჰგვრიდა ადამიანს. ამ ბავშვის მთელი არსება, მისი იერი, მისი მოძრაობა, მისი ხმის ბგერა, მისი შემოხედვა, მისი სიჩუმე, სულ უმცირესი მიმოხვრა მისი, - ერთ რამეს გამოთქვამდა და გამოხატავდა მხოლოდ - შიშს.

შიში მორეოდა მთელ მის არსებას, შიში მოჰვენოდა ყველგან, თუ შეიძლება ამის ასე თქმა. შიში ამაღვინებდა ნიდაყვს ნევნებთან, შიში ამაღვინებდა ფეხებს დაფხურენილ ძონძებქვეშ, შიში ჩასჩიჩინებდა, - ისე იყავი, არსად ჩანდე, ვითომ არც კი ყოფილხარო, - შიში უკრავდა თავისუფალ სუნთქვას, შიში გამხდარიყო მისი ცხოვრების თანამგზავრი და თუ ცვლილება დაეტყობოდა რამე ამ შიშს, ეს იქნებოდა მხოლოდ ზრდა. თვალის კაკლის სიღრმეში ერთი წერტილი უჩანდა და იქ მოთავსებულიყო შიში.

იმდენად დიდი იყო ეს შიში, რომ თუმცა მთლად დასველებული დაბრუნდა საბრალო გოგონა, მაინც ვერ ბედავდა ცეცხლთან მისვლას და გათბობას. გაყინული, გათოშილი დაჭდა მაგიდის ქვეშ და ქსოვა დაიწყო.

ამ რვა წლის ბავშვს ისეთი დაღვრემილი და ხანდახან საზარელი თვალები ჰქონდა, რომ იტყოდით - ეს გოგო ან ბაიყუმი გაიზრდება ან ქაჯიო.

არასოდეს არავის ეთქვა ბავშვისთვის, რა არის ლოცვა, არავის შეეყვანა ეკლესიაში.

- მაგისთვის სად მცალია? - ყვიროდა ტენარდიეს ცოლი.

ჩვენი მგზავრი კი თვალს არ ამორებდა კოზეტს.

უცხად უკმეხად შეჰყვირა ქალბატონმა:

- მართლა, პური, შე არ გასაშვებო, შენა?

კოზეტი მაშინვე გამოვარდა მაგიდის ქვევიდან. ჩვეულებად გადაქცეოდა, ქალბატონის ხმა და კოზეტის წამოვარდნა ერთი იყო.

მთლად დავინწყებოდა პურის ყიდვა და თავის მართლება დაიწყო, როგორც შეშინებულ ბავშვს სჩვევია, იყრუა:

- სახაბაზო დაკეტილი იყო, ქალბატონო.

- მერე ვერ დაუკაკუნებდი?

- დავაკაკუნე.

- მერე?

- არ გამიღეს.

- ხვალ გავიგებ, მართლა ასე იყო თუ არა. მაგრამ თუ სტყუი, ისე აგაჭრელებ, რომ შენს ღღეში არ დაგავინყდეს. ჰო, ფული რა უყავი?

ჯიბეში იკრა კოზეტმა ხელი და საშინლად გაფითრდა. ფული აღარ ჰქონდა.

- გეყურება, გოგო, ფული რა უყავი?

ჯიბე გადმოიბრუნა კოზეტმა, ფული აღარსად იყო. არა, რა მოუვიდა, სად დაეკარგა? გაქვავებულივით იდგა, ხმას ვეღარ იღებდა უბედური პანია გოგო.

- მამ დაჰკარგე ჩემი თხუთმეტი სუ? - ღრიალებდა ქალბატონი, - თუ გინდა მომპარო და დაისაკუთრო?

და ხელი გასწია კედელზე ჩამოკიდებული მათრახისკენ.

ამ საშინელმა მოძრაობამ ძალა მისცა პატარა გოგოს და შეჰკვივლა:

- შემობრალეთ, ქალბატონო, მაპატიეთ! აღარ ვიზამ, ჩემს ღღეში აღარ ვიზამ!

მათრახი ჩამოიღო ტენარდიეს ცოლმა.

ყვირთელსერთუკიანმა მგზავრმა ხელი ჩაიყო ჯიბეში ისე, რომ ეს არავის შეემჩნია, ხალხი ღვინის სმითა და ბანქოს თამაშით იყო გართული და არაფერს აქცევდნენ ყურადღებას.

კოზეტი კი ბუხარს აეკრა კუთხეში და ცდილობდა ისე დამდგარიყო, რომ ტიტველზე არსად მოხვედროდა მათრახი.

ის იყო ხელი ასწია მათრახის დასაკრავად დიასახლისმა, რომ ჩვენმა მგზავრმა მიმართა:

- უკაცრავად, ქალბატონო, ახლა რაღაც ამოუვარდა ამ პატარას ჯიბიდან და აქეთ გამოგორდა, იქნებ ის იყოს. დაიხარა და ძებნა დაიწყო იატაკზე.

- აი, ვიპოვე! - წამოიძახა და წამოდგა.

და ვერცხლის ფული გაუნოდა გაფითრებულ ქალბატონს.

- იქნებ ეს იყოს?

- სწორედ ეს არის, - უპასუხა ქალმა.

სწორედ ის არ იყო, რადგან ეს იყო ვერცხლის ერთი ფრანკი. მაშასადამე, ოცი სუ, მაგრამ გიჟი კი არ იყო, მეტი რომ არ მიეთვისებინა. ფული ჯიბეში ჩაიღო, საშინელი თვალით გადახედა თავის მსხვერპლს და დაემუქრა;

- აბა, მეორედ არ ვნახო ასეთი რამ, გესმის?

კოზეტი მაშინვე თავის სოროში შეძვრა, - ეს სიტყვა მის დიდებულ ქალბატონს ეკუთვნოდა, - და თვალი ვერ მოეშორებინა ამ უცნობი მგზავრისთვის. ახალი, უცნაური გამომეტყველება ემჩნეოდა მის სახეს, რომელიც თავის დღეში არ ჰქონია: ჯერჯერობით ეს იყო მიაშიტი, ბავშვური გაკვირვება, რასაც ერთვოდა საოცარი ნდობა ამ კაცისადმი.

- მართლა, ვახშამი გინდათ? - ჰკითხა ჩვენს მგზავრს დიასახლისმა. მან პასუხი არ გასცა. იჭდა თავისთვის ღრმად ჩაფიქრებული.

- მე ამ კაცის ვერაფერი გამიგია, - ბუზღუნებდა ტენარდიეს ცოლი, - ერთი შეხედვით ღარიბ-ღატაკი უნდა იყოს. იმდენიც კი არ აქვს, რომ კარგი ვახშამი ჭამოს. მაშ, ბინის ქირასაც ვერ გადამიხდის. კიდეც კარგი, რომ არ მოგვპარა ძირს ნაპოვნი ფული.

ამ დროს კარი გაიღო და ეპონინი და აზელმა შემოვიდნენ. მართლაც კარგი, ლამაზი გოგონები იყვნენ, უფრო ბურჟუას შვილები, ვიდრე გლეხკაცისა. ერთს წელამდე დაეშვა მსხვილი, წაბლისფერი ნაწნავები, მეორეს - ზურგზე ჰქონდა შავი კულულები. ორივე ცქციტი, ჩასუქებული, ჯანმრთელი, კარგად მოკაზმულები, ისეთი კარგები იყვნენ, რომ თვალს ახარებდნენ. თბილად ეცვათ, მაგრამ ისე მოერთო დედას, რომ თბილი ტანსაცმელი არ ჰფარავდა გოგონების სიკვლეუცეს; მხედველობაში იყო მიღებული ზამთარი, მაგრამ არც გაზაფხული იყო დავინწყებული. სინათლე შემოიტანეს ამ პატარა გოგონებმა, აქ ისინი იყვნენ ნამდვილი მბრძანებლები, თავიანთი ტანისამოსით, მხიარულებით, ხმაურით, ყველაფრით თავის ბატონობას ამჟღავნებდნენ. რომ შემოვიდნენ, დედამ საყვედურით მიმართა, მაგრამ მის კილოში თაყვანისცემა ისმოდა და არა საყვედური:

- სადა ხართ, სად დაიკარგეთ, თქვე საძაგლებო?ყ

მერე თავისკენ მიიზიდა, ჯერ ერთი ჩაისვა კალთაში, მერე მეორე, თმას უსწორებდა და უხუჭუჭებდა, ბანტებს უკრავდა და იმ ნაზი ხელის კვრით იშორებდა, რომელიც მართო დედას აქვს თავისი შვილებისადმი. მიუალერსა ორივეს, ალერსით მოიშორა, მერე დაიძახა;

- რა აწენილები არიან, ღმერთო!

გოგონები ცეცხლთან დასხდნენ და პატარა დედოფალათი დაიწყეს თამაში. მუხლებზე დაისვეს, ხან დაანვენდნენ, ხან ააყენებდნენ და თან რაღაცას ჭიკჭიკებდნენ მხიარულად. ხანდახან გაბედავდა ხოლმე კოზეტი, გადახედავდა დედოფალას და მათ თამაშს..

ეპონინი და აზელმა კოზეტს არ უყურებდნენ. კოზეტი ძალღი იყო მათთვის. ამ სამი ბავშვის ხნიერება ერთად ოცდაათ წელსაც არ უდრიდა და უკვე მკაფიოდ გამოხატავდა ადამიანების მთელ ბუნებას: ერთის მხრივ - შურს, მეორეს მხრივ - ზიზღს.

პატარა გოგონების დედოფალა მთლად გახუნებული იყო, ძველი და გატეხილი, მაგრამ მაინც საკვირველებას წარმოადგენდა კოზეტისთვის, რომელსაც თავის დღეში არ ჰყოლია დედოფალა, „ნამდვილი დედოფალა“, თუ ბავშვებისთვის გასაგებ სიტყვას ვიხმართ.

დიასახლისმა, რომელიც მიდი-მოდიოდა ღუქანში, უცბად თვალი შეასწრო, რომ კოზეტი მოთამაშე გოგონებს უყურებდა და ხელსაქმე ძირს დაეშვა.

- აჰა, დაგიჭირე განა, - დაიყვირა მან, - მაშ ეგ არის შენი ხელსაქმე? იქნებ გინდა ამ მათრახით ავიჭრელო ეგ ზანტი ხელები!

მგზავრი მიუბრუნდა ქალს ისე, რომ თავის სკამიდან არ ამდგარა და ღიმილით უთხრა, თითქმის მოწინებით:

- ცოტა ხანს ითამაშოს, ქალბატონო, რად უჯავრდებით?

სხვა მგზავრისგან რომ გაეგონა ეს თხოვნა, რომელმაც კარგი ვახშამი მიირთვა და ორი ბოთლი ღვინო გადაჰკრა, და არც იმისთანა ღარიბ-ღატაკის შეხედულება ჰქონდა, ბრძანებად მიიღებდა და დაემორჩილებოდა. მაგრამ ამ დაჭმუჭნილი ქუდის პატრონსაც თავისი სურვილი უნდა ჰქონოდა? ამ გახუნებული სერთუკით მოსილს უნდა გაებედა და თავისი ებრძანებინა? ამას კი ვეღარ მოითმენდა ქალბატონი ტენარდიე და უკმეხად შეუტია:

- საქმეც უნდა გააკეთოს, რაკი პურსა სჭამს! მე მუქთახორად ვერავის შევინახავ.

- რა საქმე აქვს მინდობილი? - ჰკითხა მგზავრმა ტკბილი ხმით, რომელიც სრულებით არ შეეფერებოდა იმის მათხოვრულ ტანისამოსს და კურტნის მუშის მხარბეჭს.

ქალბატონმა პასუხის ღირსად სცნო და უთხრა:

- წინდებს ქსოვს ჩემი პანჩებისთვის, წინდები აღარა აქვთ საწყლებს და ლამის ფეხშიშველები ვატარო ამ ცივ ზამთარში.

- და როდის გაათავებს მაგ წინდების ქსოვას?

- ერთი სამი-ოთხი დღის სამუშაო კიდევ აქვს, ამ ზარმაცს.

- და რა ეღირება ეს წყვილი წინდა, როცა გაათავებს?

მგზავრს ზიზღით გადახედა დიასახლისმა;

- ფრანკ-ნახევარი მაინც.

- ხუთ ფრანკად დამითმობთ?

- აი დალახვრა ღმერთმა. ხუთი ფრანკი ერთ წყვილ ბავშვის წინდაში? - შეჰყვირა ერთმა მეეტლემ, რომელიც ყურს უგდებდა, - ხუმრობაა, ხუთი ფრანკი!

თვითონ ტენარდიეც ჩაერია ამ ლაპარაკში:

- დიახ, ბატონო, თუ ასე გნებავთ, ხუთ ფრანკად დავითმობთ ერთ წყვილს. ჩვენ, ბატონო, უარს ვერაფერზე ვეტყვით ჩვენთან ჩამომხდარ მგზავრს.

- ახლა მე მეკუთვნის შენი შრომა. ადექი და ითამაშე, შვილო.

ისე გაკვირვებული იყო ამ ხუთი ფრანკით მეეტლე, რომ წამოვარდა და მგზავრს მივარდა.

- ბიჭო, ნამდვილი ხუთი ფრანკია! - და სინჯვა დაუნყოფულს, - ნამდვილია, ნამდვილი, ყალბი არავის ეგონოს.

ტენარდიემ ჩემად ჩაიღო ჯიბეში ფული, მისი ცოლი ტუჩებს იკვნეტდა და ზიზღით უყურებდა მგზავრს.

კოზეტი იდგა და კანკალებდა. ბოლოს გაბედა და ჰკითხა:

- მაშ, მართლა ვითამაშო, ქალბატონო? ნებას მომცემთ, რომ ვითამაშო?

- ითამაშე, - დაუყვირა ტენარდიეს ცოლმა.

- გმადლობთ, ქალბატონო, - მოახსენა კოზეტმა.

და სიტყვით რომ მადლობას უხდოდა თავის ქალბატონს, მთელი თავისი პატარა სულით უმადლოდა უცნობ მგზავრს.

ტენარდიემ ისევ სმა დაიწყო. ცოლი მივიდა და ყურში ჩასჩურჩულა:

- ვინ უნდა იყოს ნეტავი ეს ყვითელი კაცი?

- ბევრი მინახავს მილიონების პატრონი, - უპასუხა გადაჭრით ქმარმა, - ასეთივე ძველმანები რომ სცმიათ.

კომეტმა თავი დაანება ქსოვას, მაგრამ მაგიდის ქვეშიდან არ გამოვიდა. რაც შეიძლებოდა ნაკლებად იძვროდა ხოლმე და ახლაც ასევე იქცევოდა. ზურგსუკან პატარა ყუთი ედგა, საიდანაც ნაჭრები და თავისი პატარა ტყვიის ხმალი ამოალავა.

ეპონინი და აზელმა არაფერს აქცევდნენ ყურადღებას. ის იყო კატა დაიჭირეს; დედოფალა ძირს დაავდეს და ეპონინი, როგორც უფროსი, წითელ და ლურჯ ძონძებში ახვევდა კატას, მისი კნავილისა და ბრძოლის მიუხედავად. თან თავის დას ეუბნებოდა ტკბილი და საამური ბავშვური ენით, რომლის მშვენიერება, როგორცპუბლის ფრთების სილამაზე, უჩინარი ხდება, როგორც კი მის აღწერას განიზრახავთ.

- რა თოხნა, დაიკო, იცი? ეს დედოფალა უფრო სასაცილოა, ვიდრე ჩვენი, ეს მოძრაობს, კნავის, მერე ნახე, რა თბილია, ესა სჯობია. მოდი, ჩვენი შვილი იყოს. მე დიდი ქალბატონი ვიქნები და ეს კიდევ ჩემი პანია, მე სტუმრად გენწევი და შენ თვალთვრებას დაუნყებ ჩემს გოგოს. დააქცერდები, ულვამს უპოვი და ძალიან გაიკვირვებ. მერე ყურებს დაუნახავ, კუდს და უფრო გაკვირვებული იქნები. მერე მეტყვი: ოჰ, ღმერთო, ღმერთო! და მივე გიპასუხებ:

- დიახ, ქალბატონო, ასეთი დამებადა ეს გოგო, სულ ასეთები იბადებიან ახლა პატარა გოგონები.

აზელმა აღტაცებით უსმენდა ეპონინს.

ამ დროს სიმღერა დაიწყეს მოქიფებებმა, რაღაც უნმანურს მღეროდნენ და ისე ხარხარებდნენ, რომ ზანზარი გაჰქონდა იქაურობას. ტენარდიე ბანს აძლევდა და აქვებდა.

როგორც ფრინველმა იცის, ყველაფერს გამოიყენებს თავისი ბუდის ასაგებად, ისეა ბავშვიც, ყველაფერს გამოიყენებს დედოფალას გასაკეთებლად. იმ დროს, როცა ეპონინი და აზელმა კატას რთავდნენ, კომეტმა თავისი პატარა ხმალი მორთო. მერე მკლავზე დაიწვინა, არწევდა და რაღაცას უმღეროდა ჩუმი ხმით, რომ დაეძინებინა.

დედოფალა პატარა გოგოსთვის უმთავრესი მოთხოვნილებაა და ამავე დროს ქალის ბავშვობის მომხიბლავი ალღოთავანი. უვლის, აცმევს, რთავს, ტანისამოსს ხდის და კვლავ აცმევს, წვრთნის და არიგებს. ოდნავ ტუქსავს, არწევს, ანებივრებს და უაღერსებს. აძინებს, წარმოდგენილი აქვს, რომ ეს დედოფალა არის ვიღაც, - ამაში არის მთელი მომავალი ქალისა. ოცნებით გატაცებული, მუდამ მოტიკტიკე. პატარა მზითვეს უკერავს თავის დედოფალას და პატარა ზენარს, კაბას, ზედატანს და ბავშვი მოზრდილ გოგონად იქცევა ნელ-ნელა, მოზრდილი გოგონა გასათხოვარ ქალად, გასათხოვარი ქალი გათხოვილ ქალად. ამ ქალის პირველი შვილი მისი უკანასკნელი დედოფალას გაგრძელებაა.

ისეთივე უბედურია პატარა გოგონა დედოფალას გარეშე, როგორც უბედურია ქალი, რომელსაც შვილი არ ჰყავს.

კომეტმა თავის გატეხილი ხმლით დედოფალა გააკეთა.

დასახლისი „ყვითელ კაცს“ მიუახლოვდა.

იქნებ მართალი იყოს ჩემი ქმარი, - ფიქრობდა ტენარდიეს ცოლი, - ვინ იცის, ბატონი ლაფიტი იყოს ეს კაცი, ისეთი ახირებულები არიან ეს მდიდრები!

მივიდა, დაეყრდნო მის მაგიდას და უთხრა:

- ბატონო...

ამ სიტყვაზე მობრუნდა ჩვენი მგზავრი, აქამდე დიასახლისის ძმობილოო, - ასე მიმართავდა, ახლა კი ტკბილი კილოთი ელაპარაკებოდა, რომელიც უფრო საზიზღარი იყო, ვიდრე მისი გააფთვრება:

- რა გაეწყობა, ითამაშოს, ბატონო, ამჯერად წინააღმდეგი არ გახლავართ, რადგან თქვენ ასეთი გულკეთილი ბრძანდებით. რომ ჰქონდეს რამე, კიდევ ჰო, მაგრამ რა ვქნა, რომ სრულებით არაფერი აქვს ამ უბედურს, თავისი შრომით მაინც გადაგვიხადოს!

- მამ თქვენი არ არის ეს ბავშვი?

- ოჰ, ღმერთო ჩემო! არა, ბატონო, არა! უპატრონო გოგოა და ჩვენ ავიყვანეთ სამადლოდ. მეტისმეტად ჩერჩვითა უბედური. დავიფიქსავ, ტვინის მაგივრად თავში წყალი აქვს. აბა შეხედეთ, რა დიდთავაა. ვეხმარებით, რაც შეგვიძლია, რადგან არც ჩვენ გახლავართ მდიდრები: ვწერთ და ვწერთ დედამისს, მაგრამ ავერ ექვსი თვე იქნება, პასუხი არ მოგვსვლია, ალბათ მოკვდა, თორემ რა ღმერთი გაუწყრებოდა?

- ოჰ, - წამოიძახა მგზავრმა და ისევ თავის ფიქრებს მიეცა.

- ბევრი არაფერი იყო ამ გოგოს დედა, მოგვივდო საკუთარი შვილი.

ამ ბაასის დროს კოზეტი თვალს არ ამორებდა თავის ქალბატონს, თითქოს მიხვდა, რომ მის შესახებ ლაპარაკობენ. ყურს უკვებდა, აქა-იქ რამდენიმე სიტყვას მოჰკრა ყური.

კარგად დალიეს მეეტლეებმა, კარგადაც დათვრნენ და ხელახლა დასძახეს წელანდელი სიმღერა. უწმანური და, მაშასადამე, მხიარული. არეული იყო შიგ დედოფთისა და პატარა იესო. ისმოდა მთვრალეების ღრიალი და თან გიჟური ხარხარი. ქალბატონიც იქ წაბრძანდა, რომ თვითონაც გამხიარულებულიყო. კოზეტი ისევ მაგიდის ქვეშ იჯდა, შესცქეროდა ცეცხლს, რომელიც მის თვალში ისე მოჩანდა, როგორც სარკვეში. ასწევდა თავის დედოფალას და ჩუმი ხმით მღეროდა: დედაჩემი მომკვდარა, დედაჩემი მომკვდარა, დედაჩემი მომკვდარა.

ერთხელ კიდევ მიმართა დიასახლისმა „ყვითელ“ მგზავრს, ახლა უკვე „მილიონერს“:

- ვახშმად რას ინებებთ, ბატონო?

- პურს და ყველს, - მიუგო თავგაბებრებულმა მგზავრმა.

სწორედ მანანწალა ყოფილა, - საბოლოოდ გადაწყვიტა ტენარდიეს ცოლმა.

მთვრალეები ისევ თავისას მღეროდნენ. ბავშვი კი მაგიდის ქვეშ ღლინებდა.

კოზეტმა უცებ შეწყვიტა სიმღერა. ტენარდიეს გოგონების დედოფალა დაინახა, რომელიც იქვე მიეგდოთ, კატა რომ დაიჭირეს. დედოფალა უპატრონოდ ეგდო სამზარეულოს მაგიდის ქვეშ.

თავისი დედოფალად მორთული ტყვიის ხმალი, ძირს დადო, რადგან ის ვერ აკმაყოფილებდა მის სურვილს. მერე წელ-წელა თვალი გადაავლო ოთახს. ქალბატონი ჩუმიად რაღაცას ელაპარაკებოდა თავის ქმარს და ფულს ითვლიდა, ეპონინი და აზელმა კატით თამაშობდნენ, მგზავრები ჭამდნენ და სვამდნენ, სვამდნენ და მღეროდნენ. კოზეტს არავინ უყურებდა. მამ ჩქარა! დროის დაკარგვა არ შეიძლებოდა! დაჩოქილი იდგა ცოტა ხანს, კიდევ გადაავლო თვალი, დარწმუნდა, რომ მას არავინ უთვალთვალებდა, მერე სწრაფად მიიხიდა დედოფალასთან და

ხელში აიღო. სწრაფადვე დაბრუნდა თავის ადგილას და ისე დაჯდა, რომ ჩრდილში ჰყოლოდა ხელზე მისვენებული ახალი დედოფალა. იჭდა უძრავად და შეჰხაროდა, ისეთი იშვიათი რამ იყო მისთვის ნამდვილი დედოფალათი თამაში, რომ ამქვეყნიურ ნეტარებას უდრიდა.

არავის შეუმჩნევია კოზეტი, გარდა ჩვენი მგზავრისა, რომელიც ნელ-ნელა შეეცქეოდა თავის ღარიბულ ვახშამს.

თხუთმეტ წუთამდე გასტანა ამ ნეტარებამ.

ძალიან ფრთხილად იყო კოზეტი, მაგრამ ის კი ვერ შენიშნა, რომ დედოფალას ერთი ფეხი გამოეყო კაბის ქვეშიდან და მის ვარდისფერ ტიტველ ფეხს ბუხრის ალი ანათებდა. სწორედ ამან მიიქცია აზვლმას ყურადღება და ხელი წაჰკრა ეპონინს:

- ერთი შეხედე!

გოგონები გაოცებულნი იყვნენ: კოზეტმა გაბედა და ხელში აიღო მათი სათამაშო. ეპონინი ადგა. თავისი კატით ხელში მივიდა დედასთან და კაბა დასწია.

- რა გინდა, გოგო? - შეუტია დედამ, - თავი დამანებე.

- დედა, შეხედე! - უთხრა ეპონინმა და თითოთ კოზეტზე ანიშნა.

კოზეტი კი ისე ტკბებოდა თავის ნეტარებით, რომ ვედარც რაიმეს ხედავდა და აღარც არაფერი ესმოდა.

ტენარდიეს ცოლს სახეზე ის მრისხანება გამოეხატა, ის უცნაური გამომეტყველება, რომელიც ცხოვრების წერილმანებში მულაუნდება და ჯოჯოხეთის მამხალას ამსგავსებს დედაკაცს. მის გაჯავრებას შეურაცხყოფილი ამჰართავნებაც ემატებოდა. კოზეტმა გაბედა და გადააბიჯა მორჩილების ყოველ ზღვარს, ხელი ახლო „ქალიშვილების“ სათამაშოს.

გლეხი რომ შეპარულიყო რუსეთის ხელმწიფის სასახლეში და ხელმწიფის მემკვიდრის ტანისამოსი ჩაეცვა - ასე არ გაბრაზდებოდა ხელმწიფის მეუღლე, როგორც კოზეტის საქციელმა გააშმაგა ტენარდიეს ცოლი.

შეჰყვირა ბრაზით ჩახრინწული ხმით:

- კოზეტ!

ისე აკანკალდა გოგო, თითქოს მინა იძრაო მის ფეხქვეშ. მიბრუნდა.

- კოზეტ! - გაიმეორა გააფთრებულმა.

კოზეტმა აიღო დედოფალა, მიიტანა და ფრთხილად, სასონარკვეთილებაში არეული თავყანისცემით, იქვე დადო, საიდანაც აიღო. თვალს არ აშორებდა ამ სათამაშოს, ხელები დაიკრიფა და, - საშინელია ამის თქმა, - ხელების მტვრევა დაიწყო ამ ხნის ბავშვმა და აქვითინდა. რა არ გადახდა უბედურს იმ დღის განმავლობაში, რომ ვერ აატირა: ვერც ღამეში წყაროზე წასვლამ დაბურულ ტყეში, ვერც ვედროს სიმძიმემ, ვერც ფულის დაკარგვამ, ვერც მათრახის მუქარამ, ვერც იმ ერთმა სიტყვამ, დიასახლისმა რომ თქვა მისი დედის შესახებ. ცრემლი მოერია თვალს, მაგრამ ტირილით არ უტირია, ახლა კი მწარედ ტიროდა.

ჩვენი მგზავრიც წამოდგა.

- რა იყო, რა მოხდა? - ჰკითხა ტენარდიეს ცოლს.

- ვერა ხედავთ? - მიუგო მან და ხელით დაანახა კოზეტის გამამტყუნებელი საბუთი.

- მერე რა? - არ იშლიდა მგზავრი.

- მერე ის, რომ ამ ჯოჯომ ხელი შეახო ჩემი ბავშვების სათამაშოს.

- და ამიტომ ყვირით ასე? რა მოხდება, რომ მაგანაც ითამაშოს თქვენი ბავშვების სათამაშოებით?

- თავისი ტურტლიანი ხელი შეახოს?

კოზეტი მწარედ ქვითინებდა.

- ხმას ჩაიწყვეტ თუ არა? - დაუყვირა ტენარდიეს ცოლმა.

მგზავრი კარისკენ გაემართა და ქუჩაში გავიდა.

ქალბატონმა ისარგებლა მისი გასვლით და ისეთი წიხლი ჰკრა მაგიდის ქვეშ მიკუნჭულ ბავშვს, რომ ააყვირა.

მაშინვე დაბრუნდა მგზავრი, ორი ხელით ეჭირა ის ბავშვების გულის წარმტაცი ზღაპრული დედოფალა, რომელიც ღუქნის პირდაპირ ფარდულში იყო გასაყიდად გამოდგმული და სოფლის პატარა გოგოების საოცნებო გამხდარიყო. მივიდა, წინ დაუყენა კოზეტს და უთხრა:

- აჰა, ეს შენი იყოს.

უნდა ვიფიქროთ, რომ ღუქნის ფანჯრიდან კარგად ხედავდა თავის პირდაპირ, ქუჩის მეორე მხარეს სათამაშოების ფარდულს და ფანჯარაში გამოდგმულ ლამაზად განათებულ დედოფალას. ერთ საათზე მეტ ხანს იჯდა ღუქანში ჩათვითქვნილი, მაგრამ არ შეიძლებოდა შეუმჩნეველად დარჩენოდა ისე კარგად განათებული ფარდული.

გაშტერებული იყო კოზეტი. ხედავდა, რომ მასთან მივიდა მგზავრი, მასთან მიიტანა დედოფალა. სათამაშო კი არა, თითქოს მზე მოასვენაო, გაიგონა იმისი ნათქვამი, - აჰა, შენი იყოსო, - შეხედა თავის ღამის თანამგზავრს, მერე იმ დედოფალას, უკან-უკან წავიდა ნელ-ნელა, ჩაძვრა თავის სოროში და მიიკუჭა.

აღარ ტიროდა, აღარც ყვიროდა, თითქოს სუნთქვაც ვეღარ გაეხედა.

დედაც და ორი პატარა ქალიც ქანდაკებასავით გაშემებულები იდგნენ. მსმელებიც კი გაჩუმებულიყვნენ. ღუქანში სრული სიჩუმე ჩამოვარდა.

გაქვავებულივით იდგა კოზეტის ქალბატონი და ფიქრობდა: ნეტა ვინ უნდა იყოს ეს ბებერი? გლახაა თუ მილიონერი? იქნებ ერთიც და მეორეც, ესე იგი - ქურდი.

მისი ქმრის სახეზე თავი ეჩინა იმ მრავლისმეტყველ ნაოჭს, რომელიც დასერავს ხოლმე ადამიანის სახეს მაშინ, როდესაც მასში გაბატონებული ინსტინქტი მთელი თავისი ცხოველური სიძლიერით გაიღვიძებს. მეღუქნე ხან დედოფალას შესცქეროდა, ხან მგზავრს, რაღაც სუნი მოსდიოდა იმ კაცისაგან, ოქროთი სავსე ქისის სუნი. მივიდა თავის ცოლთან და წასჩურჩულა:

- ოცდაათ ფრანკს მაინც მისცემდა იმ ოხერში. ჭკვიანად იყავი, ყველანაირად ეცადე მისი გული მოგებას.

ერთი რამ არის საერთო უხეში ბუნებისა და უმანკო ადამიანებს შორის: ან სიცხე და ან ცინვა, საშუალო არა სწამთ.

- რას მიიმაღლე, კოზეტ? - მიმართა დიასახლისმა იმ თაფლივით ტკბილი ხმით, რომელშიაც ბოროტი ქალი შხამს ურევს, - რას მიიმაღლე გოგო? აქ მოდი, ჩემო კოზეტ. კოზეტმა გაბედა და გამოძვრა.

- ჩემო გოგონა, - განაგრძო დიასახლისმა ალერსიანი კილოთი, - ბატონმა შენ გიყიდა ეს დედოფალა. მოდი, აიღე, ის შენია, შენი.

შემინებული უყურებდა კოზეტი იმ სანატრელ დედოფალას, სახე ცრემლებით ჰქონდა სველი, მაგრამ თვალი კი სიხარულით ევსებოდა, როგორც ზეცა ივსება ალიონის სინათლით. რომ ეთქვათ, - პატარა ქალბატონო, დღეიდან თქვენ

ბრძანდებით საფრანგეთის დედოფალიო, - ისე არ გაახარებდა, როგორც ახარებდა ეს სათამაშო დედოფალა.

თანაც ეზინოდა: - ხელი რომ ვახლო, დაიჭეცებს და მეხი დამეცემაო.

მეხი არა და ის კი მართალი იყო, რომ უცემელი ვერ გადაურჩებოდა ტენარდიებს.

მაგრამ მაინც მიიზიდა სანახაობამ. ნელ-ნელა მიუახლოვდა, თავის ქალბატონს შეხედა და ათრთოლებული ხმით ამოიკნავლა:

- შეიძლება, ქალბატონო?

შეუძლებელია ამ პატარა სახეზე აღბეჭდილი სასონარკვეთილების, შიშისა და იმავე დროს აღტაცების სიტყვებით ვადმოცემა.

- რაღა კითხვა უნდა, რა ვქნა? შენია, შენი. ბატონმა შენ გიყიდა.

- მართლა, ბატონო? მართლა ჩემია? მაშ, ჩემია ეს ქალბატონი?

მგზავრს თვალები ცრემლით ევსებოდა. ეტყობოდა, ისე ძალიან იყო აღელვებული, რომ ხმის ამოღებას ტირილს მოაყოლებდა, თავი დაუქნია კოზეტს და „ქალბატონის“ ხელი ჩაუდო პანია ხელში.

ხელი გამოაყალა გოგონამ, თითქოს ცუცხლი მოხვდა და დანვაო. იდგა და მიწას დასცქეროდა. იძულებული ვართ აღვნიშნოთ, რომ ამ დროს უზომოდ ჰქონდა ენა გამოყოფილი, მერე მობრუნდა უცხად და ხელი სტაცა ამ სათამაშოს.

- კატერინას დავარქმევ, - თქვა აღტაცებით.

უცნაური სანახავი იყო კოზეტის დაფხრენილი ტანისამოსისა და იმ დედოფალას ლენტებისა და მაქმანების შეხვედრა და ჩახუტება.

- მაშ, ნებას მიბოძებთ, ქალბატონო, რომ სკამზედაც დაესვა?

- ჰო, ჩემო გოგონა.

ახლა კი ეზონინი და აზელმა შესცქეროდნენ შურით პატარა კოზეტს, მანაც სკამზე დააბრძანა თავისი დედოფალა, თვითონ ძირს დაჯდა და ასე იყო უძრავად გაჩუმებული, იჯდა და შეჰხაროდა დიდი ხნის ნანატრს...

- ითამაშე, კოზეტ, - უთხრა მგზავრმა.

- ვთამაშობ, ბატონო.

ეს უცნობი, რომელიც ღვთის წყალობასავით მოვევლინა უბედურ კოზეტს, ჭირვით შეეჯავრა ტენარდიეს ცოლს, მაგრამ საჭირო იყო ამის დამალვა და სწორედ ის უკლავდა გულს, რომ არ შეეძლო ჯავრის ამონთხევა, რადგან ქმარმა გააფრთხილა თავი შეეკავებინა, სადაც საჭირო იყო, და არ გამოეჩინა თავისი გრძნობა. აჩქარებით გაგზავნა თავისი ბავშვები დასაძინებლად, შემდეგ „ყვითელ კაცს“ ნებათოვა სთხოვა, რომ კოზეტს დაწოლილიყო, - „ძალიან დაიღალა დღეს“, - დაუმატა დედობრივი გრძნობით. კოზეტი დასაძინებლად წავიდა და დედოფალაც თან წაიღო.

ღიასახლისი მიდი-მოდიოდა ოთახში. მივიდოდა ხოლმე თავის ქმართან, რომ „სული მოეთქვა“, როგორც თვითონ ამბობდა, მივიდოდა და იქ ამოანთხედა შხამს, რომლის დამალვასაც უბრძანებდა ქმარს და გარემოებას.

- ეს გამოტვინებული ბებრუკუნა! ნეტავ რა ეშმაკი უზის გვამში? რაზე ჩამიმწარა დღე? თამაში გველის წინილსაც უნდაო? არა, დედოფალაც რომ მოართვა! ორმოცფრანკიანი საჩუქარი საზიზღარ ძაღლის ლეკვს, რომელსაც ორმოც სუდაც სიხარულით მოვიმორებდი! ცოტა კიდევ და - „თქვენო დიდებულებო“ - ეტყვის, როგორც ჰერცოგ დე-ბარის ასულს! შეშლილი ხომ არ არის ეს გამოტვინებული ბებერი?

- რაღა, რა ვენა? - ამშვიდებდა ქმარი, - კაცია და გუნება. შენ გინდა, რომ საქმეს აკეთებდეს ის გოგო: იმას კიდევ ის უნდა, რომ თამაშობდეს, ასე სურს და უფლებაც აქვს ამისი, რადგან ფულს მაძლევს. ფილანთროპი არის შენი ბებერი? შენ რა? ფულს ხომ გაძლევს! შეშლილია და გამოტვინებული? შენ რა? რად ერევი იმის საქმეში, როცა ხედავ, რომ ფულს იხდის?

ენაც ბატონური იყო, ამროვნებაც მედუქნისა და შედავების ნებას არავის მისცემდა.

ჩვენი მგზავრი კი დაყრდნობოდა მაგიდას და ისევ თავის ფიქრებს გაჰყოლოდა. სხვა მგზავრები, - ვაჭრები და მეეტლეები - თავ-თავის ადგილას ისხდნენ, აღარ მღეროდნენ, შიშნარევი პატივისცემით შეჰყურებდნენ ამ მოხუცს შორიდან. ასე ღარიბად ეჩვენებოდათ და ის კი ბზესავით აბნევდა თეთრ ფულს და მეფურ საჩუქარს აძლევდა პატარა წუნკალ გოგოს. არა, ეტყობა დიდი კაცია და საშიშიც.

რამდენიმე საათი გავიდა, შუალამის წირვის დრო მოვიდა. შობის ვახშამი გათავებულიყო, მსმელები წავიდნენ, ღუქანი დაკეტეს. ოთახში აღარავინ იყო, ცუცხლი ქრებოდა. მარტოდმარტო იჯდა ჩვენი მგზავრი მაგიდასთან, ჩათუქრებული, დროგამოშვებით ხელს გამოიყვლიდა ხოლმე. ახლა მეორე იდაყუს დაყრდნობოდა. ხმა არ ამოუღია, რაც კოზეტი დასაძინებლად წავიდა.

მარტო ცოლ-ქმარი დარჩა ღუქანში, ზრდილობისა და ცნობისმოყვარეობის გამო.

- ახლა რა, მთელი ღამე აქ უნდა ეგდოს? - ბუზღუნებდა ცოლი.

მაგრამ ორი საათი რომ შესრულდა, დამარცხებულად იგრძნო თავი და გადაჭრით გამოუცხადა ქმარს:

- მე ვწვები, რაც გინდა ის უყავი!

მარტო დარჩა ტენარდიე. დაჯდა კუნჭულში და „კურიე ფრანსეს“ კითხვა დაიწყო.

ერთი საათი კიდევ გავიდა. ღირსეულმა მედუქნემ სამჯერ მაინც გადაიკითხა თავისი გაზეთი, თარიღიდან დანყებული სტამბის სახელამდე. სტუმარი არ იძვროდა.

ტენარდიე შეტოკდა, ჩაახველა, ცხვირი მოიხოცა, გადააფურთხა, სკამი დააბრახუნა. მგზავრი ყურადღებას არ აქცევდა, - იქნებ ჩაეძინაო, - გაიფიქრა ტენარდიემ. მგზავრს არ ეძინა, მაგრამ ძნელი იყო მისი გამოფხიზლება.

ბოლოს ქუდი მოიხადა მედუქნემ, ჩუმად მიუახლოვდა და გაუბედა მოხსენება:

- იქნებ მოისვენოთ, ბატონო.

„იქნებ დანჯეყ ან დაიძინოთ“ უზრდელობად მიიჩნია და არც აკადრა. „მოისვენოთ“

- აქ პატივისცემაც იგულისხმებოდა. ამ სიტყვას ის საიდუმლო თვისება ჰქონდა, რომ მეორე დღეს, მგზავრი რომ წასვლას დააპირებდა, გაბერილი დახვდებოდა ანგარიში. ერთი ოთახი, სადაც დაიძინებთ, ოცი სუ ღირს და იგივე ოთახი, სადაც „მოისვენებთ“ - ოცი ფრანკი.

- კიდევ კარგი, რომ მომავონეთ, სად არის თქვენი თავლა?

- მე გავიძღვებით, ბატონო, - მოახსენა ტენარდიემ ტკბილი ღიმილით.

შანდალი აიღო, მგზავრმა კი თავისი ჯოხი და პატარა ბარგი. ტენარდიემ მეორე სართულზე აიყვანა მშვენიერ ოთახში, რომელიც განყოფილი იყო წითელი ხის ავეჯით, რბილი სუფთა ლოგინით და წითელი ყალამქარის ფარდებით.

- აქ სად მომიყვანეთ? - ჰკითხა მგზავრმა.

- ჩვენი საქონილო ოთახია, ბატონო. მე და ჩემი დედაკაცი სხვა ოთახში ვცხოვრობთ. აქ წელიწადში სამჯერ-ოთხჯერ თუ შემოვა ვინმე.

- მე კი თავლა მინდოდა, - უთხრა უკმაყოფილოდ მგზავრმა.

ტენარდიემ თითქოს ვერც გაიგონა.

ბუხრის თავზე შანდალში ოთხი სანთელი აანთო, ბუხარში ცეცხლი გუგუნებდა.

ბუხარზე მინის ქვეშ იდო ქალის ვერცხლის თავსართავი, საქორწინო ყვავილებით შემკული.

- ეს რაღა არის? - ჰკითხა მგზავრმა.

- ეს, ბატონო, ჩემი დედაკაცის საქორწინო თავსართავი გახლავთ. მგზავრმა ცალი თვალით გახედა ამ თავსართავს და კინაღამ წამოიძახა;

- ნუთუ ოდესღაც მართლა უმანკო ქალი იყო ეს ურჩხული?

ტყუოდა ტენარდიე. დუქნისთვის რომ დაიჭირა ეს სახლი, სწორედ ასე მორთული დახვდა ეს ოთახი, მოწყობილობაც იყიდა და ეს თავმოსართავიც. იყიდა იმ განზრახვით, რომ ეს ნივთი მშვენიერების ჩრდილს მიაყენებდა „მის მეუღლეს“ და ამით ის სხივი მოეფინებოდა მის დუქანს, რომელსაც ინგლისელები პატივისცემას უწოდებდნენ.

უკან რომ მოიხედა მგზავრმა, ტენარდიე იქ აღარ იყო, ფეხაკრეფით გასულიყო, ისიც კი ვერ გაეგება, რომ ღამე მშვიდობისა ესურვებინა მისთვის, რადგან არ უნდოდა მოურიდებელი გულთბილობით მოქცეოდა იმ კაცს, რომელსაც ხვალ ტყავის გაძრობას უპირებდა.

თავის ოთახში რომ შევიდა ტენარდიე, მის ცოლს ჯერ არ ეძინა. ქმრის ფეხის ხმაზე ლოგინიდან წამოინია და გაბრაზებით უთხრა;

- ხვალ იმისთანა პანდურსა ვკრავ კოზეტს, რომ...

ტენარდიემ ცივად მოუჭრა;

- მაგასაც ვნახავთ.

სხვა აღარაფერი უთქვამთ ერთმანეთისთვის და რამდენიმე წუთის შემდეგ სანთელიც ჩააქრეს.

ჯობი და ხელბარგი დაღო მგზავრმა, სავარძელზე დაჯდა და კარგა ხანს იყო ასე ჩაფიქრებული, მერე წაღები გაიხადა, ერთი სანთელი ჩააქრო, მეორე ხელში აიღო, კარი გააღო, გამოვიდა და ისე იყურებოდა აქეთ-იქით, თითქოს რამეს ეძებო. კიბემდე მივიდა, რაღაც მოესმა ბავშვის სუნთქვის მსგავსი. ამ ხმას მიჰყვა და კიბის ქვეშ მოწყობილ, უკეთ რომ ვოქვათ, კიბის საფეხურების ქვეშ მოწყობილ საკუჭნაოში, ძველ კალათებში, ჭურჭლის ნამტვრევებში, მტვერში და აბლაბუდაში, ლოგინი ნახა, თუ ლოგინად ითქმის დაგლეჯილი ლეიბი, რომელსაც ყველგან გამოსჩენოდა თივა და უფრო მეტად დაგლეჯილი საბანი, რომელიც ლეიბსაც ვერ ფარავდა. გენარი არ ეფარა. ეს ლოგინი ძირს ეგდო. შიგ კოზეტს ეძინა.

ახლოს მივიდა მგზავრი, დააცქერდა.

ღრმა ძილში იყო კოზეტი, არ გაეხადა თავისი დაფხრენილი ტანისამოსი. ზამთარში ყოველთვის ასე იწვა, რომ არ გაყინულიყო. გულში ჩაეკრა დედოფალა, რომლის ღია თვალელები სიბნელეში ელვარებდნენ. ხანდახან მწარედ დაიკვნესებდა, თითქოს უნდა გაიღვიძოსო, და უფრო მაგრად იხუტებდა გულში თავის საუნჯეს. ლოგინთან მარტო ერთი ხის ქოში ეგდო, მეორე კი არსად სჩანდა.

ლოგინის პირდაპირ კარი იყო ღია და კარგა დიდი ოთახი მოჩანდა. უცნობი ახლა იქ შევიდა და კარს უკან ორი ერთნაირი საწოლი დაინახა, სპეტაკი თეთრი, აზვლმას და ეპონინის საწოლები. იმათ უკან ტირიფის უფარდო აკვანი მოჩანდა და შიგ - პატარა ბიჭი, მთელ საღამოს რომ გაჰკიოდა.

ბავშვების ოთახს დედ-მამის ოთახი უნდა ეკრასო, - გაიფიქრა მგზავრმა და გამოსვლას აპირებდა, მაგრამ თვალი მოჰკრა ბუხარს. უშველელბელი ბუხარი იყო, დუქნური, რომელშიც თითქმის ცივი ცეცხლი ბუუტავს. ამაში კი ნაცარიც არ იყო. მგზავრის ყურადღება ბავშვების კოხტა და სხვადასხვა ზომის ფეხსაცმელმა მიიქცია. მოაგონდა ძველისძველი დაუვინყარი ჩვეულება ბავშვებისა, რომლებიც შობის დამეს ბუხარში ტოვებენ ერთ ცალ ფეხსაცმელს, რომ სიბნელეში ჩუმად მოფრინდეს ფერია და საჩუქარი ჩაუდოს. ეპონინსა და აზელმასაც არ დაეყოვნებინათ და თითო ფეხსაცმელი დაეცდოთ ბუხარში.

მგზავრი დაიხარა, ესე იგი, იმათ დედას უკვე ენახა ეს ფეხსაცმელები და ახალ-ახალი ნახევარფრანკიანი ჩაედო თითოში. უცნობი წამოდგა, გაბრუნდა, უნდა გასულიყო, მაგრამ ბუხარშივე, მიბნელებულ კუნჭულში რალაც დაინახა შავი და ტლანქი. დააცქერდა, ეს იყო ხის გატეხილი ტალახიანი ქოში. ეს კი კომეტისა უნდა ყოფილიყო. კომეტსაც სწამდა გულკეთილი ფერიის, თუმცა თავის დღეში არაფერი მიელო მისგან და თავის ქოშიც შეეცდო ბუხარში.

დიდი რამ არის ტკბილი სასოება ბავშვისა, რომელსაც თავის დღეში სასონარკვეთილების მეტი არა უნახავსრა.

ამ ქოში კი არაფერი იდო.

ოცფრანკიანი ოქრო ამოილო მგზავრმა და შიგ ჩაუდო კომეტს. მერე ფეხაკრეფით ავიდა თავის ოთახში.

თავი მეცხრე
ტენარდიეს ოინები

მეორე დღეს, - ჯერ არ გათენებულოყო, - ტენარდიე დუქანში სანთელს მისჯდომოდა, ხელში კალამი ეჭირა და ყვითელ სერთუკიანი მგზავრის დანახარჯის ანგარიშს ადგენდა.

ცოლიც იქვე ბრძანდებოდა. დახრილი თვალს ადევნებდა მის კალამს, ხმას არ იღებდა არც ერთი. ერთის მხრივ - ღრმად ჩაფიქრება, მეორეს მხრივ - ის წმინდა აღტაცება, რომლითაც შევხვდებით ხოლმე ადამიანის გონებაში დიდებული აზრის დაბადებას და განვითარებას. გარედან რალაც შრიალი ისმოდა: ტოროლა იყო, კიბეს ჰკვიდა.

კარგა ხანი მოანდომა ტენარდიემ თავის საქმეს. რამდენჯერმე წაშალა და შესწორა და ბოლოს, როგორც იყო, შექმნა თავისი შედეგრი:

ანგარიში პირველი ნომრის ბატონს

ვანხამიფრ. 3

ოთახი10

სანთელი5

ცეცხლი4

მომსახურება1

სულფრ. 23

- ოცდასამი ფრანკი! - შეჰყვირა ცოლმა შიშნარევი აღტაცებით.

მაგრამ ქმარი, როგორც შეეფერება ღირსეულ არტისტს, თავის ხელოვნებით არც ისე კმაყოფილი იყო.

- ეჰ! - უპასუხა ქმარმა.

ეს იყო კასტორის წამოძახილი ვენის კონგრესზე, როდესაც მან შეადგინა იმის ანგარიში, რაც საფრანგეთს უნდა გადაეხადა.

- ბატონო ტენარდიე, მართალი ხარ, ეგ უნდა მოგვცეს, რალა თქმა უნდა, - დუდუნებდა ცოლი, რომელსაც ვერ მოენელებინა, რომ დედოფალა იმის ქალებს კი არა, კომეტს აჩუქეს. მერე იქ მანაც არ ყოფილიყვნენ იმისი პანები. - ეს თანხა სამართლიანია, მაგრამ ცოტა გადაჭარბებული, არ მოგვცემს.

ქმარმა თავისებურად ცივად ჩაიციხა და თქვა:

- მოგვცემს.

ეს ცივი სიცილი უაღრეს რწმენას და ავტორიტეტს გამოხატავდა, რაც ასე იქნებოდა ნათქვამი, კიდევ უნდა ასრულებულიყო. არც ცოლი აუხირდა. დალაგება დაუნყო სუფრებს. ქმარი ბოლოთას სცემდა. ცოტა ხანს შემდეგ დაუმბატა:

- ათას ხუთასი ფრანკი ვალი მაქვს და გადახდა უნდა თუ არა?

მერე ბუხართან დაჯდა, ფეხები ცხელ ნაცარზე დაანყო და ფიქრს მისცა თავი..

- მართლა! - შეჰყვირა უცბად ცოლმა. - ხომ გითხარი დღეს კომეტს გაგაგდებ-მეთქი, ის ჯოჯო, ისა! ლამის ჯავრით გავსკდე, ის დედოფალა რომ მომავონდება, ლუი მეთერთმეტეს გავყვები ცოლად და მაგას კი აქ აღარ გავაჩერებ.

ტენარდიემ ჩიბუხს მოუკიდა, მოსწია და ასე უპასუხა;

- იმ კაცს ანგარიშს შენ წარუდგენ.

თქვა და გავიდა.

ცოტა ხნის შემდეგ მგზავრიც შემოვიდა.

ტენარდიეც უკან მოსდევდა ჩუმად და კარებში აიტუზა ისე, რომ მგზავრი ვერ ხედავდა.

მგზავრს ხელში ჯოხი და პატარა ბოხჩა ეჭირა.

- ასე აღრე ამდგარხართ? უკვე მიბრძანდებით, ბატონო?

მიმართა მგზავრს, თან გაუბედავად ათამამებდა ხელში მისთვის მომზადებულ ანარიშს და ჭმუჭნიდა. უჩვეულო იყო, კრთომა და დარცხვენა ემჩნეოდა.

უხერხულად მიაჩნდა ამ ანგარიშის წარდგენა კაცისთვის, რომელსაც მათხოვრის შეხედულება ჰქონდა.

ის კი თავისებურად ჩაფიქრებული იყო და უპასუხა:

- დიახ, ქალბატონო, მივდივარ.

- მაშ აქ არაფერი საქმე არ გქონდათ?

- არა, გზად გაჩერდი, ქალბატონო, რამდენი მმართველს?

პასუხის მაგივრად დიასახლისმა ანგარიში გაუნოდა.

გაშალა ანგარიში, დახედა, მაგრამ ეტყობოდა სხვაგან იყო მისი გულისყური.

- როგორ მიდის თქვენი საქმე მონფერმეილში?

- არც ისე კარგად, - მიუგო დიასახლისმა, განცვიფრებულმა, რომ ანგარიშმა არაერთი უკმაყოფილება არ გამოიწვია და კრუსუნი დაიწყო საცოდავი ხმით:

- რა ვქნათ, ბატონო, მეტად ცუდი დრო დაგვიდგა და გარდა ამისა, ისე ცოტანი არიან ამ მხარეში ბურჟუები, სულ მდაბიო ხალხი გახლავთ. იშვიათად მანაც, რომ გულუხვი, მდიდარი კაცი არ გვეწვიოს, ისეთი, როგორც თქვენ, ბატონო, შიმშილით დავიხოცებოდით. მერე იმდენი ხარჯი და გადასახადი გვანევს კისერზე. თუნდაც ის პატარა გოგო, რომ იცოდეთ, რა ძვირი გვიჯდება იმისი შენახვა.

- რომელი გოგო?
- პატარა კოზეტი. აი ის პატარა, ტოროლას რომ ეძახიან.
- ჰოო?

დიასახლისმა თავისი განაგრძო:

- რა სულელები არიან ეს გლეხკაცები თავიანთი მეტსახელებით. ტოროლას კი არა, ღამურას უფრო ჰგავს ის საძაგელი! რა ვქნათ, ბატონო, მოწყალებას არავის ვთხოვთ, მაგრამ არც მოწყალების გაღება შეგვიძლია. ბევრს არას გვაძლევს ჩვენი ვაჭრობა და ვალი დიდი გვაქვს. ეს პატენტიო, ეს გადასახადიო, ეს კარისაო, ეს ფანჯრისაო, ეს სარგებელიო. ბატონს კარგად ეცოდინება, რა დიდ ხარჯს გვადებს მთავრობა, და გარდა ამისა, ჩემი პანეები მყავს, ჩემები ვერ შემინახია, სხვისი როგორ შევინახო?

მგზავრი ცდილობდა გულგრილად ეკითხა, მაგრამ მაინც დაეტყო თრთოლა;

- და რომ მოგაპოროთ?
- ვინ? კოზეტი?
- დიახ.

სიხარულის ცეცხლი მოედო ტენარდიეს ცოლს:

- ნაიყვანეთ, ბატონო, ნაიყვანეთ, ჩემო კეთილო ბატონო, თქვენი იყოს. დაშაქრეთ, შეწვით, შეჭამეთ, დედალუთისა და სამოთხის ყველა წმინდანი იყოს თქვენი შემწე, ოღონდ ეგ ჭირი მოგვაპოროთ.

- ძალიან კარგი.
- მართლა ნაიყვანთ?
- აი, ახლავე.
- ახლავე?
- დიახ, აბა დამიძახეთ.
- კოზეტ, - გაჰყვირა დიასახლისმა.
- მამ, სანამ მოვიდოდეს, ანგარიშსაც გაგისწორებთ. რამდენია?

დახედა ანგარიშს და ვერ შეძლო განცვიფრების დამალვა;

- ოცდასამი ფრანკი?
- დააცქერდა დედაკაცს და ერთხელ კიდევ ჰკითხა:
- ოცდასამი ფრანკი?

ისე იყო წარმოთქმული ეს ორი სიტყვა, რომ ცხადად ისმოდა შეკითხვაც და გაკვირვებაც, - შეცდომა ხომ არ მოგივიდათ?

დიასახლისს დრო ჰქონდა, რომ პასუხი მოემზადებინა და მაგრად დაუხვდა.

- დიახ, ბატონო, ოცდასამი ფრანკი.
- მგზავრმა მაგიდაზე დადო ხუთი ხუთფრანკიანი.
- მამ კოზეტი მომიყვანეთ.

ამ დროს თვითონ ტენარდიე შემოვიდა ღუქანში და უთხრა:

- ბატონმა ოცდაექვსი სუ უნდა გადაიხადოს.
- ოცდაექვსი სუ? - შეჰყვირა ცოლმა.

- ოცი სუ ბინისა, - განმარტა ცივად ქმარმა, - და ექვსიც ვახშმისა. რაც შეეხება პატარა გოგოს, ცოტა რამ მოსალაპარაკებელი მაქვს ბატონთან. შენ დაგვტოვე, - უთხრა ცოლს.

თვალი დახუჭა დედაკაცმა, რადგან ელდასავით ეცა თავის კაცის ნიჭის შუქი, იგრძნო, რომ სცენაზე დიდებული არტისტი გამოვიდა და თვითონ იქ ზედმეტი იქნებოდა.

რაკი მარტონი დარჩნენ, ტენარდიემ სკამი მიართვა მგზავრს. მგზავრი დაჯდა, თვითონ კი არ ჯდებოდა. სახეზე უცნაური გულკეთილობა და გულუბრყვილობა დაეტყო.

- აი, ბატონო, მოგახსენებთ. საქმე ის არის, რომ მე თავდავინწყებით მიყვარს პატარა ბავშვი.

მგზავრი დააცქერდა და ჰკითხა:

- ვინ ბავშვი?

ტენარდიე თავისას არ იშლიდა:

- რას იზამთ, ბატონო? ისე ჩავიძვრებათ სულში პანია, რომ თავიდან ვეღარ მოიშორებთ. ეს ფული რაღაა, რა ვქნა? აიღეთ, ბატონო თქვენი ფული. მე უიმისობა ვერც კი წარმომიდგენია, ისე მიყვარს პატარა გოგო.

- ვინ გოგო?

- ჩვენი პატარა კოზეტი. იმის წაყვანა გნებათ არა? ჰოდა, გულწრფელად მოგახსენებთ, ისე როგორც პატიოსან კაცს შეჰფერის. დამიჯერეთ, რომ არ შემიძლია. მე ჩემს კოზეტს ვერ გავშორდები. მეტისმეტად დამაკლდება ჩემი ტოროლა. სულ პანანა იყო, რომ მომიყვანეს. მართალია, ძალიან მანუხებს ამ გაჭირვებაში; მართალია, არც ჩვენ ვართ მდიდრები, რომ სხვას ვინახავდეთ; მართალია, ოთხას ფრანკზე მეტი დამეხარჯა მარტო წამლებზე, ავად რომ იყო ამას წინათ, მაგრამ სულ თავისთვის ხომ არ იქნება აღამიანი, ხანდახან ღმერთსაც უნდა შეხედოს: არც დედა ჰყავს მაგ სანყალს, არც მამა, მე გამოვზარდე. ერთი ლუკმაპური მაქვს და არც იმისთვის მენანება. რა ვქნა, ბატონო, თუკი მიყვარს. ჩემი გაზრდილია და მიყვარს. ან როგორ შეიძლება თქვენს ხელში გაიზარდოს ბავშვი და არ გიყვარდეთ? მერე ჩემისთანა გულჩვილი კაცისთვის. ცოტა ბრაზიანია ჩემი დედაკაცი, თორემ იმასაც უყვარს. ისეა, ბატონო, ჩვენთან შებრდილი, თითქოს ჩვენი ყოფილიყოს. მეტისმეტად შევეჩვიეთ მის ტიტინს ამ სახლში.

მგზავრი ხმას არ იღებდა, ოღონდ თვალს აღარ აშორებდა ტენარდიეს.

- ბოდიშს ვიხდი, ბატონო, მაგრამ დამეთანხმებით, რომ არაუარს მისცემს თავის საყვარელ ბავშვს უცნობ მგზავრს. ხომ მართალია? ვხედავ, ბატონო, მდიდარი კაცი ხართ, პატიოსანი კაცი უნდა იყოთ. იქნებ ბავშვის სასიკეთოდაც იყოს თქვენი სურვილი, მაგრამ რომ არ ვიცო? ვთქვათ, თანახმა ვარ და დავითმეთ. ვთქვათ, თავი გავწირე და გავშორდი. კარგი, მაგრამ მეც ხომ უნდა ვიცოდე, სად მიდის? ხომ ვერ გავუშვებ, თუ არ მეცოდინება, სად მიჰყავს და ვის მიჰყავს? ხომ უნდა ვიცოდე, სად არის და ვისთან არის, რომ ხანდახან მაინც ვნახო, რომ ხანდახან მაინც მოიგონოს თავისი კეთილი აღმზრდელი, რომელიც თვალს არ აშორებს პატარას. ბევრი რამ არის, ბატონო, შეუძლებელი. მე თქვენი სახელიც კი არ ვიცო, ვთქვათ წაიყვანეთ. არ უნდა ვიცოდე ვის მიჰყავს პატარა? ბარათი მაინც უნდა დამიტოვოთ, ქალაქი მაჩვენოთ რამე, თუ პასპორტი არა.

ისევ თვალეზში ჩასცქეროდა მგზავრი ტენარდიეს, თვალეზში კი არა, შიგ გულის სიღრმეში და იმ კილოთი გასცა პასუხი, რომელშიც მტკიცე გადანწყვეტილება ისმოდა:

- ბატონო ტენარდიე, პარიზიდან რომ ნახევარი საათის სავალზე გამოდის კაცი, საჭირო არ არის პასპორტის თან წამოღება. თუ წავიყვან კომპეტს, საბოლოოდ წავიყვან, თქვენ იმას ვეღარ ნახავთ. თქვენ არც ჩემი სახელი გინდათ და არც ჩემი ბინა და ისე იქნება მოწყობილი საქმე, რომ თავის დღეში ვეღარ გნახოთ უბედურმა. მე ვსპობ მის კავშირს აქაურობასთან და ისე მიმყავს. მოგწონთ ჩემი წინადადება? ჰო თუ არა?

როგორც ეშმაკები და გენიოსები ცნობილი ნიშნით იგრძნობენ ხოლმე უმაღლესი ღმერთების ჩარევას, ისე ტენარდიემ იგრძნო, რომ საქმე ვიღაც ძლიერ კაცთან ჰქონდა. ეს ინტუიციით იგრძნო, მით უფრო, რომ გონება სწრაფი ჰქონდა. წუხელის ღვინოს რომ სვამდა, მეეტლეებთან ჩიბუხს რომ ეწეოდა და უწმინაურად მღეროდა, თან ამ კაცს აკვირდებოდა. სულ იმას უთვალთვალეობდა, როგორც კატამ იცის, ჯაშუშივით თვალს არ აცილებდა, რადგან ფულის სუნი მოსდიოდა და გარდა ამისა, სიამოვნებასაც პოულობდა, რომ თავის მოთხოვნილებას იკმაყოფილებდა. არ გამოპარვია ამ კაცის არც ერთი მიმოხვრა, არც ერთი მოძრაობა. ჯერ მგზავრს არაფრით გამოემუღავნებინა თავისი დამოკიდებულება კომპეტისადმი, რომ ტენარდიეს უკვე ეჭვი შეეპარა: - რად შესცქერის ასე ალერსით ამ გოგოს, რომ თვალს არ ამორებსო? რით იყო გამონწყველი ეს სიბრალოელი, ეს ინტერესი? რატომ იყო, რომ ჯიბე სავესე ჰქონდა ფულით და თვითონ კი ასე მათხოვარივით ეცვა? ვინ იყო, რა იყო ეს კაცი? ასე ეკითხებოდა თავის თავს, პასუხი კი ვერ ეპოვა და ეს უფრო აბრაზებდა. ამ ფიქრებში იყო მთელი ღამე. არა, კომპეტის მამა არ უნდა ყოფილიყო. იქნება პაპა იყო? მამ, რატომ მაშინვე არ თქვა, - პაპა ვარ ამ გოგოსიო? უფლება ჰქონდეს კაცს და ასე დამალოს? არა, ცხადი იყო, რომ ამ კაცს არავითარი უფლება არ ჰქონდა. მამ ვინ იყო და რა უნდოდა? ხან რას ფიქრობდა ტენარდიე, ხან რას, საფუძვლიანი პასუხი კი არ ჰქონდა. ყველაფერი წარმოიდგინა და ხელშესახები კი ვერაფერი იპოვა. ერთი რამ იყო საიმედო და უტყუარი: საუბარი რომ დაუნყო ამ კაცს, დარწმუნდა, რომ რაღაც საიდუმლოება იფარებოდა ამ საქმეში; რომ ეს კაცი იძულებულია უჩინრად დარჩეს მომავალშიც და ამიტომ თვითონაც უფრო ღონივრად გრძნობდა თავს. მაგრამ როდესაც მგზავრისგან გადაჭრილი პასუხი მიიღო, ნახა, რომ ეს საიდუმლოებით მოცული მგზავრი ასე მარტივი იყო, მაშინ კი სუსტად იგრძნო თავი. ამას კი არ მოელოდა. ეს იმის ყველა საგულველის გაქარვება იყო. ეცადა ფიქრები მოეკრიბა. უცხად, ერთ წამში აწონ-დანონა მდგომარეობა. იმ კაცთან იყო ტენარდიე, რომლებიც თვალის ერთი გადავლებით აფასებენ მდგომარეობას, და გადაწყვიტა, - აქ პირდაპირ და სწრაფად მისვლა უფრო ხელსაყრელი იქნებოდა. სწორედ ისე მოიქცა, როგორც დიდებულმა მხედართმთავარმა იცის გადამწყვეტ მომენტში, რომლის ცნობა მხოლოდ მას შეუძლია. ადგა და უცებ გაამუღავნა თავისი განზრახვა:

- ერთი სიტყვით, ბატონო, მე ათას ხუთასი ფრანკი მჭირდება.

მგზავრმა ძველი, შავი ტყავის საფულე ამოიღო, გახსნა და სამი ხუთასფრანკიანი ბილეთი მაგიდაზე გაშალა. ზედ დაადო თავისი მსხვილი ცერი და უთხრა;

- მოიყვანეთ კომპეტი.

სად იყო, რას აკეთებდა ამ დროს პატარა გოგო?

აღრე გამოედვიდა იმ დილასაც, როგორც ყოველთვის და მაშინვე თავისი ფეხსაცმლისკენ გაიქცა. შიგ ოქრო იპოვა, ნაპოლეონის ოცფრანკიანი კი არა,

რესტავრაციის დროის ფული. აღტაცებული იყო გოგო. მისი ბედი თავბრუს ახვევდა უკვე. რა არის ოცფრანკიანი ოქრო? ამისი არაფერი იყო, თავის დღეში არ ენახა, მაგრამ მაშინვე ჯიბეში ჩამალა, თითქოს მოპარულის დამალვას ცდილობდა. გრძობდა, რომ მისი იყო ეს ფული; ხვდებოდა ვისგან უნდა ყოფილიყო ეს საჩუქარი და გახარებულს მაინც რაღაცის ეშინოდა. კმაყოფილი იყო და განცვიფრებული. იმდენად მშვენიერი და ძვირფასი იყო ეს საჩუქრები, რომ თავი სიმამრში ეგონა. დედოფალა ცალკე აშინებდა, ოქრო ცალკე და თრთოლა ერეოდა. ყველასი და ყველაფრის ეშინოდა. მარტო მოხუცებულ მგზავრს ენდობოდა. წუხანდელს აქეთ სულ ამ კაცზე ფიქრობდა თავისი ბავშვური გონებით, მაშინაც კი, როდესაც გაკვირვებული შეჰყურებდა ამ დაღონებულ, ღარიბული შეხედულების მოხუცებულს, რომელიც ასე მდიდარი და გულკეთილი იყო. ძილშიც არ ასვენებდა ეს ფიქრები. ამ კაცის ნახვა ტყეში და მისი ბედის შეცვლა ერთი იყო. საბრალო პატარა მერცხალზე უბედური იყო. არ იყო, რა არის დედა და როგორ იფარავს თავს დედის ფრთისქვეშ პატარა ბარტყი. ხუთი წლის განმავლობაში, - ამ ხანსაც ძლივს სწვდებოდა მისი მესხიერება, - შიშით თრთოდა და სიცვიით კანკალებდა. ყოველთვის ტიტველი უხვდებოდა უბედურების მძაფრ ქარიშხალს და ახლა კი გრძობდა, რომ თავმესაფარი იპოვა. აქამდე სულიც გაყინული ჰქონდა, დღეს კი სითბო იგრძნო. თავის ქალბატონისაც ნაკლებად ეშინოდა. მარტო აღარ იყო, მფარველი ჰყავდა.

ოქრო ჯიბეში ჩაიღო და მაშინვე თავის საქმეს შეუდგა. აღარ ასვენებდა ეს ოქრო. იმ ჯიბეში ედო, რომლიდანაც პურის საყიდლად მიღებული ფული დაკარგა, წყალზე რომ იყო. ხელის ხლებას ვერ ბედავდა, მაგრამ გაჩერდებოდა და ხუთი წუთით დასცქეროდა ენაგამოყოფილი. კიბეს გვიდა, მაგრამ გაჩერდებოდა ხოლმე, ცოცხიც დაავინწყდებოდა, მთელი ქვეყანაც და თავის ჯიბეს ჩასცქეროდა, სადაც ოცფრანკიანი ოქრო ბრწყინავდა.

სწორედ ამგვარ განცხრომაში იყო კოზეტი, როდესაც ტენარდიეს ცოლი დაადგა თავზე. ქმრის ბრძანებით გამოსულიყო კოზეტის დასაძახებლად. საკვირველი ის იყო, რომ მუჭლუგუნი არ წაჰკრა და არც წყევლა დაუწყო.

- კოზეტ, - დაუძახა თითქმის ტკბილად, - წამოდი! აბა, ჩქარა!

ერთი წუთში კოზეტი დუქანში შევიდა.

თავისი ბარგი აიღო მგზავრმა, გახსნა, სრული ტანისამოსი ამოიღო 7-8 წლის გოგოსი, აგრეთვე ფეხსაცმელი. ყველაფერი შავი იყო.

- აბა, შვილო, წაიღე ტანისამოსი და ჩაიცვი, ოღონდ ჩქარა.

ირიურაუა და მონფერმეილელებმა გარეთ რომ გამოიხედეს, დაინახეს პარიზისკენ მიმავალი ერთი ღარიბად ჩაცმული მოხუცი კაცი, რომელსაც თან მიჰყავდა პატარა გოგო. ამ გოგონას შავი, სამგლოვიარო ტანისამოსი ეცვა და ხელში ეჭირა ვარდისფერი დიდი დედოფალა.

ეს იყო მგზავრი და პატარა კოზეტი. ამ კაცს არავინ იცნობდა. ბევრმა კოზეტიც ვერ იცნო, რადგან ძონძები არ ეცვა.

მიდიოდა კოზეტი. ვისთან? რა იყო, რა? სად მიდიოდა, ვერას გეტყობათ. თუ იყო რამე, ის იყო, რა მხოლოდ, რომ ტენარდიეს დუქანს შორდებოდა. გამოთხოვებით აზრდაც არავის მოსვლია გამოთხოვებოდა სანყალს და ისიც ისე მოშორდა იქურობას, რომ ხმა არავისთვის გაუცია. მოძულეებული მიდიოდა ამ სახლიდან და თვითონაც სიძულვილით იყო სავსე.

საწყალი, უწყინარი არსება, რომელსაც აქამდე ტანჯვა-ვაების მეტი არაფერი ენახა.

მშვიდად მიდიოდა კოზეტი, თვალეები ფართოდ გაეღო და ცას შეჰყურებდა. თავისი ოქრო ახალი კაბის ჯიბეში ჩადო. ხანდახან დალუნავდა ხოლმე თავს, დაჰყურებდა განძს და მერე თავის თანამგზავს ახედავდა. ისე მშვიდად მისდევდა ამ უცნობს, თითქოს ღმერთთან იყო და შიში აღარავისი ჰქონდა.

თავი მეთათე

ვინც უკეთესს ეძებს, შეიძლება უარესი იპოვოს

ცოლმა ჩვეულებისამებრ ქმარს მიანდო ეს საქმე, რადგან დიდ ამბებს მოელოდა. მგზავრი და კოზეტი რომ წავიდნენ, ჯერ არაფერი თქვა ტენარდიემ, თხუთმეტ წუთზე მეტხანს იყო გაჩუმებული, მერე ცოლთან მივიდა და წინ დაულაგა ათას ხუთასი ფრანკი.

- სულ ესაა? - წამოიძახა ცოლმა.

ერთად ცხოვრების მანძილზე, ეს პირველი შემთხვევა იყო, რომ ცოლმა გაბედა და დაუნუნა საქმე თავის მბრძანებელს.

- მართალი ხარ, - წამოიყვირა ქმარმა, - რა სულელი ვარ, სად არის ჩემი ქული? ფული დაკვცა, ჯიბეში ჩაიდო და სირბილით გავარდა სახლიდან. მაგრამ შეცდა: ჯერ მარჯვნივ წავიდა, შემობლვებს ჰკითხა და იმათ დააყენეს გზაზე, - ტოროლა და ის კაცი ლივრის გზით მიდიოდნენ. ისიც ამ გზას გაჰყვა ჩქარი ნაბიჯით, თან თავის თავს ებაასებოდა:

- ცხადია, მილიონერია ის კაცი, ოღონდ ღარიბად ჩაცმული და მე კი უჭკუო ცხოველი. ჯერ ოცი სუ მოგვცა, მერე ხუთი ფრანკი, მერე ორმოცდაათი ფრანკი, მერე ათას ხუთასი ფრანკი. ისე იღებდა ფულს, თითქოს მტვერია და ცდილობს მოიშოროსო. რეგვენი ვარ, რეგვენი! თხუთმეტი ათასი ფრანკი რომ მეთხოვა, არც იმას იბეგრებდა, ერთი დავეწიო.

- ტანისამოსი რატომღა ჰქონდა გოგოსთვის წინასწარ მომზადებული? აქ რალაც საიდუმლოება იფარება, საიდუმლოება. მართლა რეგვენი ხომ არ ვარ, რომ საიდუმლოებას ვერ მივაგნო და არ ვისარგებლო. მდიდრის საიდუმლოება ოქროთი გაჟღერებული ღრუბელია, ოღონდ ხელის მოჭერა უნდა.

მიდიოდა, თან ოქროთი გაჟღერებული ღრუბელზე ოცნებობდა, თან თავს ილანძღავდა: - რეგვენი ვარ, უჭკუო ცხოველი.

ლივრისკენ მიმავალ გზასთან რომ მივიდა, წინ გადაეშალა მინდორი, სადამდეც კი თვალი მისწვდებოდა, - აქედან დავინახავო, იძახდა. ბევრი ეძება ყოველმხრივ, მაგრამ არსად ჩანდნენ. ჰკითხა, ვინც კი შეხვდა, თან ბრაზობდა, - დროს ვკარგავ, ვედარ დავეწევიო, ბოლოს უთხრეს, - ბებერი კაცი და გოგო განისკენ მიდიოდნენო. ახლა იქით გაიქცა. მგზავრი იმაზე წინ იყო, მაგრამ ბავშვი ჰყავდა და ნელა მიდიოდა. ტენარდიე კი თითქმის გარბოდა და გარდა ამისა, გზაც კარგად იყოდა.

უცხად დადგა და ხელი შემოიკრა თავში, როგორც შეჭყერის კაცს, რომელმაც სწორედ უმთავრესი დაივიწყა და ლამის უკანვე დაბრუნდეს:

- რატომ თოფი არ წამოვიღე?

ორპირი კაცი იყო ტენარდიე, ერთი იმათაგანი, რომლებიც მრავლად მოიპოვებიან ჩვენს ცხოვრებაში და რომელთა ორპირობას ვერ ვამჩნევთ, რადგან

ბედი მხოლოდ ერთ მხარეს გვიჩვენებს. ბევრს აცხოვრებს ბედი ასე, ნახევრად უჩინრად. კარგ, დამშვიდებულ მდგომარეობაში რომ ყოფილიყო ტენარდიე, ყველაფერი ხელს უწყობდა, მოგზავნილობათ, - არ ვიტყვით, რომ გამხდარიყო, არა, - მოგზავნილობათ პატიოსან ვაჭრად და პატიოსან ბურჟუაზად; მაგრამ, იმავე დროს, სხვა გარემოებას ბევრი ჩაერია მის ცხოვრებაში, სხვა ბიძგებიც მოხვდა, რომლებმაც გამოამუღავნეს მისი მეორე, აქამდე მიუჩრებილი ბუნება და ახლაც ყველაფერი ხელს უწყობდა, რომ სიაკვაცე გამოეჩინა. მედუქნე იყო, რომელშიც ურჩხული იმალებოდა. ხანდახან ალბათ თვით ეშმაკი ჩაცუქტებოდა სადმე კუნჭულში ტენარდიეს ღუქანში, რომ ალტაცებით დამტკბარიყო თავისი ბოროტი ხელოვნების შედეგით.

ცოტა ხანს იდგა, ყოყმანობდა და წამოიძახა:

- თუ გაპარვა უნდოდათ, აქამდე გამეპარებოდნენ. ვნახოთ!

და ისევ იმათ მიჰყვა აჩქარებით და რწმენით, რომ ვერსად წაუვიდოდნენ, მედიის გამოცდილებით, რომელიც კვალდაკვალ მისდევს მწყერს. და მართლაც, ტბას რომ გასცდა და დიდი კორდი გადაიარა, შორს, ბურჟუაზის იქით დაინახა ის ძველი ქედი, რომელზეც დიდი ფულის შოვნის იმედს ამყარებდა. ჩვენი მგზავრის ქედი იყო. ბურჟუაზი დაბალი იყო, გოგონა არ ჩანდა, მაგრამ დედოფალს თავს კი კარგად ხედავდა.

დასასვენებლად დამსხდარიყვნენ ჩვენი მგზავრები, რადგან კოზეტს დაღლა ეტყობოდა. მიუახლოვდა მედუქნე, მისნი-მოსნია ბურჟები და უცხად თავზე წაადგა მგზავრებს.

- ბოდიშ ვიხდი, ბატონო, - დაუნყო ქმენით, - მაგრამ აი თქვენი ათას ხუთასი ფრანკი.

და გაუშვირა სამი ქალაღდის ფული.

გაკვირვებული შეჰყურებდა მგზავრი.

- რაო? ეს რას ნიშნავს?

ტენარდიემ დიდი პატივისცემით უპასუხა:

- იმას მოგახსენებთ, ბატონო, რომ კოზეტი უკან მიმყავს.

კოზეტი აკანკალდა და მგზავრს მიეკრა.

თვალი თვალში გაუყარა მგზავრმა და კიდევ ჰკითხა სიტყვის მარცვლებად დაყოფით:

- კო-ზე-ტი უ-კან მიგ-ყავთ?

- დიახ, ბატონო, ისევ შინ მიმყავს. აი, მოგახსენოთ. დაფუიქრდი. ბოლოს და ბოლოს, მე არა მაქვს უფლება, რომ თქვენ იგი მოგვეთ. რა ვქნა, ბატონო, პატიოსანი კაცი ვარ და აქაც მინდა პატიოსნად მოვიქცე. ეს გოგონა ჩემი კი არ გახლავთ. თავისი დედის არის. დედამ მომანდო თავისი შვილი და მეც მის მეტს ვერავის მივცემ. ახლა მეტყვი: - დედა მოუკვდა, დედა აღარ ჰყავსო. - ამ შემთხვევაში მე ამ ბავშვს მარტო იმას მივცემ, ვინც დედამისის ხელმოწერილ ბარათს მომიტანს, რომ ბავშვი ამ ბარათის მომტანს მიეცეო. ეს ცხადზე უცხადესია.

პასუხი არ გასცა მგზავრმა. ამოიღო საფულე, ფულით გატენილი რომ ეჩვენებოდა ტენარდიეს.

სიხარულით თრთოლა დაინყო მედუქნემ.

„ძალიან გავაბი! ახლა ფულით მიპირებს მოსყიდვას! მაგრად დაეუხვდეთ!“

ვიდრე საფუელეს გახსნიდა, მგზავრმა თვალი მოავლო იქაურობას. იმათ მეტი არავინ ჩანდა. სულიერი არავინ იყო არც ტყეში, არც მინდორში. გახსნა საფუელი. ამოიღო არა ფული, რასაც ტენარდიე ელოდა, არამედ პატარა ქალაღი, გაშალა და წარუდგინა მედეუქნეს.

- მართალი ხართ, აი, წაიკითხეთ.

ტენარდიემ ჩამოართვა ქალაღი და წაიკითხა:

მონრეილი 23 მარტი 1823 წ.

ბატონო ტენარდიე,

ამის მომტანს ჩააბარეთ ჩემი კოზეტი. წვრილმან ვალსაც ამის მომტანი გადაგიხდით.

თქვენი პატივისმცემელი

ფანტინი.

- ამ ხელნაწერს ხომ იცნობთ?

ფანტინის მიერ იყო ხელმოწერილი. ტენარდიემ იცნო.

სახტად დარჩა კაცი. ფულის იმედი გაუცრუვდა. თავი დამარცხებულად იგრძნო.

მგზავრმა უთხრა:

- ეს წერილი თქვენ გქონდეთ თავის გასამართლებელ საბუთად.

რაღას იზამდა ტენარდიე, დაემორჩილა განგებას, მაგრამ მაინც ბუზღუნებდა: ხელწერა კარგად არის მიმსგავსებული. ეჰ, რაც არის, არის!.. და ერთხელ კიდევ სცადა ფულის წაგლეჯა:

- კარგი, ბატონო, რაკი თქვენ ბრძანდებით წერილის მომტანი; ოღონდ რაღაც წერილი დანახარტი მაქვს ამ გოგოზე. ის უნდა გადამიხადოთ. ეს დანახარტი დიდ თანხას წარმოადგენს.

მგზავრი წამოღდა, წვიპურტით გაიცილა მტვერი გახუნებული სახელოდან და უთხრა:

- ბატონო ტენარდიე, იანვარში დეღას ანგარიშით ასოცი ფრანკი ემართა, თებერვალში თქვენი წერილი მიიღო, ხუთას ფრანკს სთხოვდით. სამასი ფრანკი თებერვლის ბოლოს მიიღეთ და სამასი ფრანკიც მარტის დამდეგს. მას შემდეგ ჯერ ცხრა თვეც არ გასულა და თხოუმეტ ფრანკად რომ ჩავთვალთ თვე, გარიგებისამებრ, ეს შეადგენს ას ოცდათხოუმეტ ფრანკს. ას ფრანკზე მეტი გაქვთ მიღებული; რჩება გადასახდელი ოცდათხოუმეტი ფრანკი. მე კი ათას ხუთასი ფრანკი მოგეცით.

ტენარდიემ ის ტკივილი იგრძნო, რომელსაც მგელი გრძნობს, როდესაც მახის ბასრი კბილი ერჭობა ყელში.

ადამიანია თუ ქაჯი ეს კაცი! - ფიქრობდა ტენარდიე.

მგლურადღე მოიქცა - გაინია, - იქნება აქაც დამეხმაროს გაბედულებათ:

- ბატონო ჩე-მო, უც-ნო-ბო, - უთხრა თავხედურად, ზრდილობის ნატამალიც აღარ შერჩენოდა, - ან ექვსი ათას ფრანკს მომცემთ, ან არადა კოზეტს უკან წავიყვან.

მგზავრმა მშვიდად მიმართა კოზეტს:

- აბა, წავიდეთ, შვილო.

მარცხენა ხელით კოზეტის ხელი ეჭირა, მარჯვენა დაავლო თავის ჯოხს, მიწაზე რომ ეგდო.

ტენარდიეს უყურადღებოდ არ დარჩენია არც იმ ჯოხის სიმძიმე, არც იქაურობის უდაბურობა.

მგზავრი ტყეში შევიდა. გაშტერებული უყურებდა მეღუქვნი იმის გაშლილ მხარბეჭს და მსხვილ მუშტებს.

მერე თითქოს შედარება უნდაო, თავის გამხმარ, წვრილ ხელეებზე დაიხედა და კიდევ ერთხელ ინანა თავისი სისულელე; არა, სანადიროდ მოვდიოდი მე სულელი და თოფი კი არ წამოვიღე?

მაგრამ მაინც არ ჰკარგავდა იმედს:

- უნდა ვნახო, სად წავა, - გაიფიქრა იმედიანად და უკან მიჰყვა კარგა მოშორებით. ნადავლი ორი შერჩენოდა ხელში: ერთი დაცინვა იყო - წერილი, ფანტინის ხელმოწერილი და ერთიც ნუგეში - ათას ხუთასი ფრანკი.

ლივრისკენ მიდიოდა მგზავრი პატარა ბავშვით. ნელა მიდიოდა თავჩაღუნული, ჩაფიქრებული და დაღონებული. ზამთარს გაეტიტვლებინა ხე-ტყე, ასე, რომ მას შორიდანაც თვალს არ ამორებდა ტენარდიე. ხანდახან მგზავრი მობრუნდებოდა ხოლმე, უკან იცქირებოდა, უნდოდა ენახა, უკან ხომ არ მოსდევდნენ და როდესაც თვალი მოჰკრა მსტოვარს, ხშირ ტყეში შევიდა.

- სად წამიხვალ? - იძახდა ტენარდიე და ისიც უკან დაედევნა.

რომ არსად დამალვოდნენ, მიუახლოვდა. მგზავრი მობრუნდა. ძალიან ეცადა მეღუქვნი დამალულიყო, მაგრამ ახლოს იყო და ვერას გახდა. გაბრაზებით გადმოხედა მგზავრმა და ისევ გზას გაუღდა. ისიც მისდევდა, ორასი, სამასი ნაბიჯი გაიარეს ასე.

მერე უცხად გაჩერდა მგზავრი. დაინახა ტენარდიე და ისეთი მუქარით გადმოხედა, რომ მეღუქვნი იმედი დაკარგა და შინისკენ წავიდა.

თავი მეთერთმეტე

#9430 ამოვიდა და ეს ნომერი კოზეტს ერგო ლატარიაში

ჟან ვალჟანი არ მომკვდარა.

ზღვაში რომ ჩავარდა, ან უკეთ რომ ვთქვათ, ზღვაში რომ ჩახტა, ბორკილი არ ჰქონდა ფეხებზე. გაცურა ორ გემს შუა ერთ ნავამდე, შიგ ჩაძვრა და დაიმალა. რომ დაღამდა, ისევ წყალში ჩახტა, ბრენის კონცხამდე მივიდა ცურვით. გამოვიდა, ფული არ აკლდა, ტანისამოსი იყიდა: ბალაგის მიდამოებში ერთი ღუქანი იყო, რომელიც გამოქცეულ კატორღელებს ტანსაცმელს აწვდიდა და დიდ მოგებასაც ნახულობდა. ჟან ვალჟანიც იმ გზას მიჰყვა, რომელსაც ირჩევს ხოლმე ყველა გამოქცეული, რომ გზა-კვალი აუზნიოს კანონის დამცველებს და თავი დააღწიოს საზოგადოებრივ სასჯელს. შარავგას მოერიდა და შორიდან მოუარა. ჯერ პრადოში გაჩერდა, ბოსეს ახლო, მერე გრან-ვიარისკენ წავიდა, ბრიანსონის ახლო, ზემო ალპებში. საშინელი, ხიფათიანი იყო მისი მოგზაურობა. ისე გაურბოდა სინათლეს, როგორც თხუნელა, ოღონდ თხუნელამ კარგად იცის თავისი ხვრელები და ამ ადამიანმა კი არაფერი იცოდა თავისი გზისა. შემდეგში ნელ-ნელა გამოჩნდა კვალი; ენოში უნდა ყოფილიყო, აკონში, გრან-დედუმეკად წოდებულში, პერიგიოს მახლობლად, ბრუმში, ბოლოს პარიზში მივიდა და მონფერმელიში ხომ კიდევ ვნახეთ.

პარიზში მისვლისთანავე შვიდი-რვა წლის გოგონას სამგლოვიარო ტანისამოსი იყიდა კოზეტისთვის, მერე ბინა იშოვა და მონფერმელიში წავიდა.

მკითხველს ემახსოვრება: უავერს რომ გამოეცა, მაშინაც მონფერმეილის მოდამოებში დადიოდა საიდუმლო განზრახვით, რაზეც ეჭვი აიღო პოლიციამ.

იგი დამხრჩვალად მიაჩნდათ და ეს უფრო აბნელებდა იმ წყვილადს, რომელიც უან ვალუანის ირგვლივ იყო გამეფებული. პარიზში ერთი გაზეთი ჩაუვარდა ხელში, რომელშიც აღნიშნავდნენ მისი ზღვაში დაღუპვის ამბავს. ამან ძალიან დაამშვიდა დევნილი და ისე გრძნობდა თავს, თითქოს მართლაც მკვდარი ყოფილიყო.

კოზეტი რომ გამოვლიტა ტენარდის ბრტყალებიდან, იმ სალამოსვე მივიდა პარიზში, ოღონდ ღამით შევიდა, სიბნელეში, მონსოს სადარაჯოთი; იქიდან ეტლით მივიდა ობსერვატორიის მოედნამდე, იქ კი ჩამოხტა, მეეტლეს გაუსწორდა, ხელი ჩავიდა კოზეტს და მიყრუებული ქუჩით წავიდა თავისი ბინისაკენ.

არაჩვეულებრივი იყო ის დღე კოზეტისთვის, შთაბეჭდილებებით აღსავსე. დამშეულებმა სადღაც მიყრუებულ დუქანში ნაყიდი პური და ყველი ერთი ღობის ძირას ჭამეს. ეტლებს ხშირად იცვლიდნენ. ფეხითაც ბევრს დადიოდნენ. კოზეტი არ ჩიოდა, მაგრამ დაღლილობა ემჩნეოდა, ძლივსა მისდევდა თავის მხსნელს. რაკი ნახა უან ვალუანმა, რომ მეტი აღარ შეეძლო, ზურგზე მოიკიდა. კოზეტს ხელში თავისი დედოფალა ეჭირა. თავი დაადო უან ვალუანს მხარზე და ჩაეძინა.

წიგნი მეოთხე
გორბოს ქობი

თავი პირველი
ბატონი გორბო

ამ ორმოცი წლის წინათ სალპეტრიერისკენ რომ გაესეირნა კაცს და ბულვარით საბაჟომდე მისულიყო, იმ მხარეს მიაღწევდა, სადაც შეიძლებოდა ეთქვა, - აქ პარიზი აღარ არისო. ეს არც უდაბნო იყო, რადგან გამვლელებს შეხვდებოდიო. მინდორიც არ ეთქმოდა, რადგან სახლები იდგა და ქუჩები იყო გაყვანილი. ქალაქს კი არ მიაგავდა, რადგან ქუჩებს ემჩნეოდა ბორბლების ნაკვალევი. ბალახით ამწვანებული სოფელი არ იყო, რადგან მაღალი სახლები წამოეჭიმათ. მაშ რა უნდა ყოფილიყო? დასახლებული ადგილი ვახლდათ, მაგრამ არავინ ჩანდა. უდაბნო იყო, მაგრამ ვიღაც ცხოვრობდა; ხეივანი იყო დიდი ქალაქისა, ქუჩა პარიზისა, ღამით უფრო საშინელი, ვიდრე ტყე და დღისით უფრო პირქუში, ვიდრე სასაფლაო.

ეს ძველი ცხენების ბაზრის უბანი იყო.

თუ გახედავდა მოსეირნე და ამ ცხენების ბაზრის მინგრეულ-მონგრეულ კედელს გადაივლიდა, გადაივლიდა პტი-ბანკის ქუჩას, მერე თრიმლის საფეკავებით მოფენილ მინდორს, მერე ერთ ეზოს ხე-ტყით, ფიცრებით, ნახერხით და ბურბუშელით სავსეს, სადაც დიდი ძაღლი იყვებოდა, გადალახავდა ერთ დაბალ ხავსმოკიდებულ, შავ სამკლოვიარო კარიან დანგრეულ კედელს და ბოლოს ერთ საშინელ, ძველ შენობას მიადგებოდა, რომელსაც წარწერა ჰქონდა: „აკრძალულია განცხადებების გაკვრა“, - შემდეგ ვინ-სენ-მარსელის ქუჩაში გავიდოდა. იქ ერთ სახელოსნოსთან სახლი ჩანდა, ერთი შეხედვით ქობივით პატარა, სინამდვილეში კი საკმაოდ დიდი, ქუჩაში მარტო მაშურით გამოდიოდა და ამიტომ ჩანდა ასე პატარა. თვით სახლი თითქმის მთლიანად დამალული იყო. ერთი კარი ჩანდა და ერთი ფანჯარა.

სახლი ერთსართულიანი იყო.

უცნაური ის გახლდათ, რომ კარი უბრალო ქოხისა ჰქონდა და ფანჯარას კი, გათლილ ქვაში რომ ყოფილიყო ჩასმული და არა ქვა-ყორეში, შეეძლო სასახლე დაემშვენებინა.

ძველი, ჭინაჭამი ფიცრების კარი ჰქონდა, გაუთლელი მორებით შეერთებული. კარიდანვე იწყებოდა მაღალსაფეხურებიანი კიბე, ტალახიანი, ჭუჭყიანი, მტვრიანი, რომელიც მისადგმელ კიბეს ჰგავდა და კედლებში იკარგებოდა. კარში პატარა ღია სარკმელი იყო გამოჭრილი. ამ სარკმელზე შიგნიდან 52 ეწერა შავი მელნით და გარედან, იმავე კალმით და მელნით 50, ისე, რომ ძნელი გამოსაცნობი იყო სახლის ნომერი; კარის ზემოდან პატარა სარკმელს ფარდის მაგიერ ჭუჭყიანი და მტვრიანი ჩრები ეფარა.

ფანჯარა საკმაოდ განიერი და მაღალი იყო, დიდმინიანი, ოღონდ მინა ალაგ-ალაგ გატეხილიყო და ქალაღდი ეკრა. დარაბა დაშლილი ეფარა და გამეღელეს უფრო ემუქრებოდა, ვიდრე სახლში მყოფთ იფარავდა სიცხისგან. თარაზული შუქფარი აქა-იქ აკლდა და სამაგიეროდ სწორი ფიცრები ეკრა.

ეს ჭუჭყიანი კარი და ეს ლამაზი, თუმცა ძველი და დასახიჩრებული ფანჯარა ერთსა და იმავე სახლში ორი მათხოვრის შთაბეჭდილებას ტოვებდა; ერთად მიდიან, ერთნაირად შემოსილები, მაგრამ განსხვავებული იერით; ერთი ყოველთვის მანანნალა ყოფილა, მეორე კი ოდესღაც აზნაური.

კიბე დიდ შენობაში შედიოდა, რომელიც საცხოვრებლად გადაკეთებულ უზარმაზარ ფარდულს ჰგავდა. შუაზე დიდი ტალანი ჰქონდა, რომელშიც ორივე მხარეს საცხოვრებელი ოთახების მრავალი კარი გამოდიოდა, ოთახები უფრო საკუჭნაოს ჰგავდნენ, ვიდრე სენაკს. ბნელი იყო ყველაფერი, დაღვრემილი, ობობებით და აბლაბუდებით სავსე. შესასვლელი კარის მარცხნივ, ბულვარის მხარეს, ადამიანის სიმაღლეზე მცირე ზომის სარკმელი იყო, რომელშიც კენჭებს ყრიდნენ პატარა ბიჭები.

ამას წინათ დაანგრის ამ შენობის ნაწილი, თუმცა რაც დარჩა, ისიც საკმარისია, რომ კარვად წარმოვიდგინოთ, რა უნდა ყოფილიყო ეს სახლი. ასი წლისა იქნებოდა, მეტის არა. ასი წელი სიყმაწვილეა ეკლესიისთვის და სიბერე ხალხისთვის, თითქოს ადამიანის ბინა მისი სიცოცხლის ხანმოკლეობას ეგუებოდეს და ბინა ღვთისა - მის მარადისობას.

ფოსტის მოხელე ამ სახლს #50-52 უწოდებდა; უბანში კი გორბოს სახლად იყო ცნობილი.

ისიც ვთქვათ, რატომ ერქვა ეს სახელი.

პატარ-პატარა ამბების შემკრებებმა და ანეკდოტების მოხმეველებმა იციან, რომ გასულ საუკუნეში, დაახლოებით 1770 წელს, პარიზში ორი პროკურორი იყო შატლემი. ერთი კორბო, მეორე რენარი. ორი სიტყვა, რომელიც ისე ლამაზად გამოიყენა ლათონტენმა თავის იგავში. ეს ისეთი კარგი შემთხვევა იყო, რომ მაშინვე გამოიყენეს სასამართლოს მწერლებმა. პაროღია შეთხმეს უვარგის ლექსად და მხოლოდ ესღა ისმოდა სასამართლოს ტალანში:

ერთხელ წყეული, საზარი, შავი,
დაჯდა ქალაღდთა დასტაზე ყვავი.
და საპატიმრო ფურცელს

ნისკარტი ჩაავლო უცებ.

ფარისევლურად მელა ტყიდან გამოცუნცულდა, ყვავს უთხრა: „ყოჩაღ, მეგობარო, ასედაც უნდა“ და ა. შ.

შეურაცხოველიები იყვნენ პროკურორები. ისე ვერსად გაივლიდნენ, რომ მაშინვე ეს სიმღერა და გულიანი ხარხარი არ გაეკონათ და გადაწყვიტეს, - მეფეს მივმართოთ თხოვნით, გვარი შეგვიცვალოსო. თხოვნა მიართვეს მეფე ლუი მეოთხემეტეს სწორედ იმ დროს, როდესაც წმ. პაპის წარმომადგენელი, ერთი მხრივ, და კარდინალი ლაროშ-ვიმინი, მეორე მხრივ, სარწმუნოებრივად დაჩოქილნი ფლოსტებს აცმევდნენ ქალბატონ დეზარის, რომელმაც ის იყო გაიღვიძა და ფეხი გაუშვირა ბერებს. მეფეც იქვე ბრძანდებოდა და გულიანად იცინოდა. გულიანი სიცილითვე შეხვდა ორი ბერის შემდეგ ორ პროკურორს და ბრძანა: კორბომ თავისი გვარის პირველ ასოს კუდი მოაბას და გორბოდ იწოდებოდეს. რენარისთვის კი წყალობა არ გაიღო. მის გვარს ასო 3 მიემატოს და ამიერიდან პრენარად იწოდებოდესო.

ჰოდა, ადგილობრივი თქმულებების მიხედვით, სწორედ ბატონი გორბო ბრძანდებოდა იმ სახლის პატრონი, რომელსაც #50-52 ამშვენებდა. მასვე გაეკეთებინა დიდებული ფანჯარა.

და აქედან დაერქვა სახელი: გორბოს სახლი.

ამ სახლის პირდაპირ ბუვარის ხეებში ერთი მაღალი თელა იდგა თითქმის გამხმარი და იქიდან იწყებოდა გობლენების ქუჩა, რომელშიც მაშინ სახლები არ იყო და მებობელი ქუჩიდან შაბიამნის საძაგელი სუნი მოდიოდა.

დარაჯიც იქვე იყო. 1823 წელს ქალაქს ჯერ კიდევ ერტყა კედელი.

სამინელი წარსულის სურათებს გახსენებდათ ეს სადარაჯო. აქედან მიდიოდა გზა ბისერისკენ (იმპერიის და რესტავრაციის დროს). ამ გზით შეჰყავდათ პარიზში სიკვდილმისჯილები. აქ მოხდა 1829 წელს საზარელი მკვლელობა, რომლის საიდუმლოებასაც ვერ მიაკვლია მართლმსაჯულებამ. რამდენიმე ნაბიჯი კიდევ და კრულბარბის ქუჩაში ხართ, სადაც ულბახმა ხანჯლით მოკლა იერელი მწყემსი გოგო ჭექა-ქუხილის დროს, როგორც მელოდრამაში ხდება ხოლმე. კიდევ რამდენიმე ნაბიჯი და სენ-ჟენის საბაჟოს საზიზღარ თავნაჭრილ თელებთან მიხვალთ. ასე მაღავდნენ ფილანთროპები თავის ეშაფოტს, ამ საზარელ გრევის მოედანს, ჩვენი წვრილბურჟუაზიული საზოგადოების სამარცხვინო ადგილს, სადაც სიკვდილით სჯიან განწირულებს: ვერ გაბედა მხდალმა ბურჟუაზიამ ვერც ადამიანის სიკვდილით დასჯის მოსპობა და ვერც მისი არსებობის დასაბუთება.

გორბოს სახლთან შენება შემდეგში დაიწყეს ბურჟუებმა. ეს პარიზის მიდამოების საძაგელი მხარე იყო, თავისი საზარელი სურათებით: ერთ მხარეს, სალპეტრიერი მოჩანდა და, მეორე მხარეს, იქვე გვერდით, ბისერტი, ესე იგი, ჭკუიდან შემოლა ქალისა და გავიჟება კაცისა. მართო სასაკლაოები ჩანდა, აქა-იქ იშვიათად ქარხნები, რომლებიც ყაზარმებს ან მონასტრებს ჰკავდნენ. ყველგან ფარდულები იყო გაფანტული. ძველ, ჩაშავებულ კედლებთან ახალი თეთრი შენობა მოჩანდა. ყველგან რიგებად დაერგოთ ხეები, გაჭიმული თოკის სისწორით იდგა შენობები, გათანაბრებული იყო ყველა, თითქოს გარინდულა დედამინაო, ერთფეროვნება იყო ყველგან, საზიზღარი და მოსაწყენი. არაფერია ისე მოსაბზრებელი, როგორც სიმეტრია. სიმეტრია მოსაწყენია და მოწყენილობა ძირი არის მწუხარებისა. სასოწარკვეთილება ამოქნარებს, თუ შეიძლება წარმოვიდგინოთ რამე უფრო

სამინელი, ვიდრე ჯოჯოხეთია, სადაც იტანჯებიან, ეს იქნება ჯოჯოხეთი, სადაც მონყენილობაა. რომ არსებობდეს ამისთანა ჯოჯოხეთი, სწორედ გორბოს სახლის მიდამოები იქნებოდა.

სალამო უამს, როდესაც ნელ-ნელა ქრება სინათლე, განსაკუთრებით ზამთარში, როდესაც ქარი გაყვითლებულ ფოთლებს აცლის ხეებს და შავი წყვლიაღია გამეფებული დედამიწაზე, თუ ცაზე ვარსკვლავი არსად ბუუტავს და მოვარეც ხანდახან გამოიხედავს ღრუბლებიდან, სამინელი ხდება უცბად ეს ხეივანი. გამვლელს თავისდაუნებურად აგონდება ამ უბნის თქმულებები, სახრჩობელისა და ეშაფოტის გამარჯვება, განმარტოება ამ უბნის, სადაც ამდენი ადამიანის სისხლი დანთხეულა. ყოველივე ეს უფრო აშინებს გამვლელს, თითქოს საფარები იყოს ირგვლივ ამ სიბნელებში. საეჭვოდ მიაჩნია, რასაც კი თვალს მოჰყარავს.

დღე - საზიზღარი იყო ეს უბანი, სალამოს - პირქუში და ღამე - შიშის მომგვრელი.

ზაფხულში, სალამო უამს, თელების ქვეშ, დახავსებულ სკამებზე ისხდნენ დედაკაცები და მონყალებას თხოულობდნენ.

მაგრამ ნელ-ნელა იცვლებოდა ეს უბანი, რომელიც დრომოჭმულს უფრო ჰგავდა, ვიდრე ძველებურს. ყოველდღე აკლდებოდა რაღაც მისი წარსულის დამახასიათებელი. ამ ოცი წლის წინაჟ ააშენეს ორლენის რკინიგზის სადგური და რკინიგზის სადგურის აშენება ხომ გარეუბნის სიკვდილსა და ახალი ქალაქის აღმოცენებას ნიშნავს. ხალხთა მოძრაობის ამ დიდრონი წერტილებით, მისი ძალოვანი მანქანების მიმოსვლით, რომლებიც ქვანახშირით საზრდოობენ და კვამლით სუნთქავენ, - თრთოლას იწყებს ჩანასახით სავსე მიწა და მზადაა პირი დააღოს, რომ შთანთქმოს ძველებური სახლები და აღმოაცენოს ახლები. ძველი შენობები ინგრევა. ახალი შენდება.

სადგურს მოძრაობა მოსდევს, ტვირთის მიმოზიდვა და ირღვევა ძველი, ვიწრო ქუჩები, რომელშიც ქარის სისწრაფით მოძრაობენ ეტლები, დილიუჟანები, ომნიბუსები და მარჯვნივ და მარცხნივ სწევენ შენობებს, აგანიერებენ ქუჩებს. ხშირად უცნაურია ადამიანისთვის ყოველგვარი სიახლე, მაგრამ სრულიად კანონზომიერი. როგორც მართალია, რომ დიდ ქალაქებში შიშის გამო სამხრეთისკენ მოქცეული ფასადებიანი სახლების რიცხვი იზრდება, ისევე მართალია, რომ ეტლების სწრაფი და ხშირი მიმოსვლა აფართოვებს ქუჩებს.

ახალი ცხოვრების ნიშნები ყველგან თვალსაჩინო ხდება. ამ ძველებურ, პროვინციულ უბნებში იკირწყლება ქუჩები, ჩნდება და გრძელდება ქვაფენილები, იქაც კი, სადაც ჯერ თითქმის არ არის გამვლელი. ერთ მარადსახსოვარ დილას 1845 წელს ქუჩებში შავი ქვაბები დადგეს ფისის დასადნობად და შეიძლება ვთქვათ, რომ იმ დღეს მიაღწია ცივილიზაციამ ორლენის ქუჩას და პარიში შევიდა სენ-მარსოს გარეუბანში.

თავი მეორე
ჭოტისა და ტოროლას ბუდე

უან ვალჟანი გორბოს ქობთან გაჩერდა. ეს მიყრუებული ადგილი ამოირჩია ტყის ფრინველივით, თავისი ბუდის მოსაწყობად.

ჯიბიდან გასაღები ამოიღო. კარი გააღო, შევიდა, მაგრად მიკეტა და კიბეზე ავიდა. კომბეტი ისევ ხელში ჰყავდა აყვანილი. კიბის თავზე მეორე გასაღები ამოიღო და

ოთახის კარი გააღო. შევიდა, კარი მოხურა და დაკეტა. დიდი ოთახი იყო სხვენზე, იატაკზე ერთი ხელი ლოგინი ეგო, ერთი მაგიდა და რამდენიმე სკამი იდგა. კუნჭულში პატარა ლუმენი ენთო. ქუჩის ფარნის სინათლე შემოდინდა ამ ღარიბულ ქოხში. პატარა კარი გადიოდა მეორე სანოლ ოთახში, სადაც თანმგებთ ჩამოკიდებული ლოგინი იყო. ფრთხილად ჩაანვინა კოზეტი ამ ლოგინში ისე, რომ მას თვალი არ გაუხელია.

ტალკვესით სანთელი ანთო. მაგიდაზე ყველაფერი წინასწარ იყო დალაგებული. როგორც წინა ღამეს, ახლაც ისევე იდგა და გოგონას აღტაცებით დასცქეროდა. მის მზერაში სიბრალული და სიყვარული იხატებოდა. პატარა გოგონას იმ სიმშვიდით ეძინა, რომელიც ხვედრია დიდი ძალისა და აგრეთვე დიდი სისუსტისა. ტკბილად ეძინა და ძილს არ უფრთხობდა ფიქრი, - სად ვარ ან ვისთან ვარო?

დაიხარა უან ვალუანი და ხელზე აკოცა ბავშვს. ახლაც ის მწვავე, თითქმის რელიგიური გრძნობა განიცადა, როგორც ცხრა თვის წინ, როდესაც კოზეტის საუკუნოდ მიძინებულ დედას ჰკოცნიდა ხელზე. მუხლი მოიყარა ბავშვის ლოგინთან.

გათენდა და გოგონას ისევ ეძინა. დეკემბრის მზის მკრთალი სინათლე შემოდინდა ოთახში და ჭერზე სინათლისა და ბროლის ზოლებს ხატავდა. ქუჩაში მძიმედ დატვირთულმა ეტლმა გაიარა, შეაზანზარა სახლი და ააკანკალა კოზეტი.

- ახლავე, ქალბატონო, - წამოიძახა გოგონამ, - ახლავე!

და ლოგინიდან გადმოხტა. ჯერ არც კი ჰქონდა თვალი გახელილი. კედელს მივარდა კუნჭულში და დაიკვნესა:

- ვაიმე, ჩემი ცოცხი? ღმერთო!

გაახილა შეშინებული თვალები, დაინახა უან ვალუანი და გონს მოვიდა, გაუცინა და მიესალმა.

- მამ ეს მართალია, დილა მშვიდობისა, ბატონო.

ბავშვი ადვილად ეგუება სიხარულს და ბედნიერებას, რადგან თვით არის სიხარული და ბედნიერება.

თავისი ლოგინის ფერხით დედოფალა დაინახა, აიყვანა, თამაში დაუნყო და თან ხან რას ეკითხებოდა უან ვალუანს, ხან რას. სად ვართ? დიდი ქალაქია პარიზი? შორს არის ქალბატონი ტენარდიე? მამ აქ ვერ მოვა და სხვა და სხვა. უცბად შეჰყვირა:

- რა ლამაზია ეს ოთახი!

საძაგელი ოთახი იყო, მაგრამ იგი აქ თავს თავისუფლად გრძნობდა.

- დავგავო?

- ითამაშე, - უპასუხა უან ვალუანმა.

ასე გავიდა ის დღე. აღარც შიში აწუხებდა კოზეტს, აღარც რაიმე საზრუნავი. ის ბედნიერი იყო თავის მშვენიერ დედოფალასთან და მოხუცებულ მფარველთან.

თავი მესამე

ორმა უბედურებამ შექმნა ბედნიერება

ირიჟრაჟა მეორე დღეს. უან ვალუანი უკვე მძინარე კოზეტს დასცქეროდა უძრავად იდგა, სანამ გოგონამ არ გაიღვიძა.

რადაც ახალი იღვრებოდა მის სულში.

უან ვალუჟანს თავის დღეში არავინ ჰყვარებია. ოცდახუთი წლის იყო, როცა მოაშორეს თავის დას და მას შემდეგ სულ მარტოდმარტო ცხოვრობდა: არც ვისიმე მამა ყოფილა, არც საყვარელი, არც ქმარი, არც მეგობარი. კატორღაში გულქვა, დაღვრემილი და სასტიკი გახდა, მაინც უბინოებითაღსავსე გული ჰქონდა. დისა და დისწულების შორეული, ბუნდოვანი ხსოვნაღა შერჩენოდა და ისიც ნელ-ნელა ქრებოდა; ყველა ღონე იხმარა, რომ ეპოვა ისინი, მაგრამ ვერაფერი გააწყო და დაიწყო მისცა. ასეთია ადამიანის ბუნება. სხვა თუ რამ ჰქონდა საგულისხმო სიყმანვილეში, დიდი ხანია დაევიწყებინა.

კომეტი რომ ნახა, გაათავისუფლა და წამოიყვანა, სულში განახლება და გაცოცხლება იგრძნო. მის გულში დაგროვილი მთელი სინაზე და სიყვარული ამ ბავშვისკენ მიისწრაფოდა. მძინარე კომეტის ლოგინს რომ მიუახლოვდებოდა, სიხარულით თრთოდა. დედის ნეტარებას გრძნობდა, მისთვის უჩვეულოს, რადგან მეტად ტკბილი და საიდუმლოებით მოცულია სიყვარულით სავსე გულის თრთოლა.

საბრალო მოხუცის ჭაბუკი გული!

თვითონ ორმოცდათხუთმეტი წლის იყო, კომეტი - რვისა და მთელი მისი ბავშვისადმი სიყვარული ნელ ციმციმად გადაქცეულიყო.

ეს მეორე ნათელი მოვლენა იყო მის სიცოცხლეში. ეპისკოპოსმა მას სათნოების ალიონი დაანახვა; კომეტმა - ალიონი სიყვარულისა... რამდენიმე დღე გავიდა ასე ტკბილად. თავის მხრივ კომეტიც იცვლებოდა. ისე ჰატარა იყო, როცა დედამ გააბარა, რომ აღარაფერი ახსოვდა. როგორც ყველა ბავშვი, ისიც ვაზის რტოსავით ცდილობდა მოსჭიდებოდა რასმე და ჰყვარებოდა, მაგრამ ყველა ხელს ჰკრავდა, ტენარდიეზიც, იმათი შვილებიც, სხვა ბავშვებიც. ჰატარა ძალღი უყვარდა და ისიც მოუკვდა. მას შემდეგ კიდევ ეცადა, მაგრამ არავის სჭირდებოდა, ახლოს აღარავინ მიიკარა. როგორც უკვე აღვნიშნეთ, რვა წლის იყო ბავშვი და გული გაყინული ჰქონდა. მისი ბრალი არ იყო ეს გულციგობა. სიყვარულის სურვილი კი არ აკლდა; უბედური იმით იყო, რომ არავის უნდოდა მისი სიყვარული და პირველი დღიდანვე უან ვალუჟანისკენ მიმართა ყოველივე, რასაც კი გრძნობდა და განიცდიდა მისი არსება. ჭერ არსად განეცადა ეს ნეტარება და ვარდივით იშლებოდა სულითაც და გონებითაც.

არც მოხუცებულად ეჩვენებოდა უან ვალუჟანი, არც ღარიბად. ბინითაც აღტაცებული იყო და თავისი მფარველითაც.

ეს არის განთიადის, ბავშვობის, სიყმანვილის, სიხარულის და გარდა ამისა ახალი ცხოვრების შედეგი. ბუნებამ ორმოცდაათწლიანი უფსკრული გააჩინა მათ შორის და განგებამ ის ამოავსო. განგებამ თავისი უძლეველობით უცებ შეაერთა ნიადაგიდან ამოგლეჯილი ეს ორი არსება, განსხვავებულნი ასაკით, ერთგვარნი - უბედურებით. ერთმანეთს ავსებდნენ ბავშვი და მოხუცი. კომეტი ალღოთი ეძებდა მამას, უან ვალუჟანი ალღოთი ეძებდა შვილს. შეხვდნენ ერთმანეთს და იპოვეს, რაც ენატრებოდათ. იმ წაშს, როდესაც ერთმანეთს შეხვდნენ მათი ხელები, საუკუნოდ შეერთდნენ სულით და გულით. თავიდანვე იგრძნეს, რომ სულით აკლდნენ ერთმანეთს და მყისვე შეერთდნენ.

უფრო გასაგები და ყოვლისმთქმელი სიტყვა ვინმართ:

უბედურები აკლდამის კედლებით იყვნენ ყველასგან დაშორებულნი. უან ვალჟანი ისეთივე ქვრივი იყო, როგორც კოზეტი - ობოლი. ზეცამ ინება და უან ვალჟანი კოზეტის მამა გახდა.

და მართლაც, ის იღუმალი შეგრძნება, რომელიც კოზეტმა განიცადა შელის ტყეში, სიბნელებში უან ვალჟანის ხელის შეხებისას, ოცნება კი არა, სინამდვილე იყო, განგების ნება იყო ამ კაცის ჩარევა პატარა ობლის ცხოვრებაში.

უან ვალჟანს ბინა კარგად ამოერჩია. შეეძლო მშვიდად ყოფილიყო, თითქმის უშიშრად. ბულვარზე გადიოდა მისი ოთახის ფანჯარა. მეტი ფანჯარა არ ჰქონდა სახლს და არავითარი საფრთხე არ მოელოდა მეზობლებისგან. ამ სახლის ქვემო სართულს ბოსტნეულის შესანახად იყენებდნენ და არავითარი კავშირი არ ჰქონდა ზემო სართულთან. ზემოთ, როგორც ვთქვით რამდენიმე ოთახი და სხვენი იყო, რომელთაგან მართო ერთი ოთახი ეჭირა ბებერ დედაკაცს, ისიც უან ვალჟანს ემსახურებოდა. სხვა ოთახებში არავინ იდგა.

მთელი სახლი ამ ბებერ დედაკაცს ებარა, „მთავარი მდგმურის“ სახელი ჰქონდა, სინამდვილეში კი უბრალო მეკარე იყო. მან მიაჩიარა უან ვალჟანს ოთახი შობა დღეს, - ვინ ბრძანდებითო? - ჰკითხა მეკარემ და უან ვალჟანმა აუხსნა: - ცოტა ფული მაქვს და იმის რენტით ვცხოვრობთ მე და ჩემი შვილიშვილი. ექვსი თვის ქირა წინასწარ გადაიხდა და მასვე დაავალა თავისი ბინის მოწყობა. დედაკაცმა მოუწყო ოთახი და ცეცხლიც დაახვედრა იმ ღამეს, კოზეტი რომ მიიყვანა.

გადიოდა დრო. უან ვალჟანი და პატარა ტოროლა მშვიდად, წყნარად და ბედნიერად ცხოვრობდნენ.

გათენებიდან ისმოდა კოზეტის სიცილი, ტიკტიკი, სიმღერა. ბავშვებსაც, როგორც მგალობელ ფრინველებს, აქვთ თავისი დილის სიმღერა.

ხანდახან აიღებდა უან ვალჟანი კოზეტის განითლებულ, დამსკდარ, დასიებულ ხელს და ჰკოცნიდა. ბავშვს აქამდე ცემის მეტი არაფერი ენახა, არც იცოდა, რა იყო ეს კოცნა და მორცხვობდა.

ზოგჯერ კოზეტი ჩაფიქრდებოდა ხოლმე და დალონებული დასცქეროდა თავის შავ კაბას. დახეული აღარაფერი ეცვა. გაჭირვებას თავი დააღწია და ახალი ცხოვრება დაიწყო.

უან ვალჟანი წერა-კითხვას ასწავლიდა ბავშვს, თან წარსული აგონდებოდა და სინანულით ფიქრობდა; რა ავი განზრახვით ისწავლა წერა-კითხვა კატორღაში. გრძობდა, რომ ძველის აღარაფერი შერჩენოდა და სახეზე ანგელოზის ტკბილი ღიმღილი ეფინებოდა.

კოზეტს ასწავლიდა, კოზეტს ეთამაშებოდა, - ეს იყო უან ვალჟანის ცხოვრება; გარდა ამისა, ბავშვს დედაზე ელაპარაკებოდა და ლოცვას ასწავლიდა.

კოზეტი „მამას“ ეძახდა, რადგან სხვა სახელი ვერ მოეწინა. უან ვალჟანი საათობით დასცქეროდა პატარა გოგონას, როდესაც ის აცმევდა და რთავდა თავის დედოფალას და თან ტკბილად ტიკტიკებდა, სიცოცხლე უკვე ტკბილი ეჩვენებოდა, აღამიანი - კეთილად და სამართლიანად, არავის არაფერს საყვედურობდა გულში, მით უმეტეს ახლა, როდესაც კოზეტს ის უყვარდა. მისი მომავალი კოზეტი იყო, რომელმაც მისი სული სინათლით ააგსო. არავინ არის თავისუფალი ეგოისტური აზრებისგან და ხანდახან სიხარულით ფიქრობდა, რომ კოზეტი ლამაზი ქალი არ დადგებოდა.

ეს პირადი აზრია, მაგრამ ვფიქრობთ, რომ უან ვალჟანი კომეტის სიყვარულის გარეშე ვერ შეძლებდა კვლავაც ურყევად შეენარჩუნებინა კეთილი ზრახვები. ის იყო ნახა ადამიანის ბოროტების და საზოგადოების უბადრუკობის ახალი სახე, ქალის ბედი - განსახიერებელი ფანტინით და საზოგადოებრივი უფლება - ჟავერით. თვითონ კატორღაში მხოლოდ იმიტომ დააბრუნეს, რომ კეთილსინდისიერად მოექცა. ისევ სიმწრით აევსო გული: ზიზი და დაქანცულობა მოერია. ეპისკოპოსის ხსოვნაც კი უქრებოდა ხანდახან, რომ მერე უფრო მეტი ძალით და გამარჯვებით მოექცა მისი სული, მაგრამ მაინც მცირდებოდა ეს წმინდა ხსოვნა. იმ მდგომარეობაში იყო კაცი, რომ ადვილად შეიძლებოდა სასონარკვეთილება მორეოდა და ხელახლა გაბოროტებულიყო, მაგრამ კომეტისადმი სიყვარულმა ძლიერი გახადა. ვაი, რომ უან ვალჟანიც ისეთივე მერყევი იყო, როგორც კომეტი! მფარველობას უწევდა გოგონას და თავის მხრივ ის ამავრებდა თავის მფარველს. იმის წყალობით იყო, რომ სიცოცხლით ტკბებოდა პატარა გოგონა და ამ გოგონას სიყვარულით იყო, რომ სათნოებაში რჩებოდა უან ვალჟანი. მფარველად გამოუჩნდა ბავშვს და ეს ბავშვი გახდა მისი საყრდენი. ეს არის ბედისწერის წონასწორობის განუზომელი და ღვთიური საიდუმლოება.

თავი მეოთხე

„მთავარი მდგმურის“ მეთვალყურეობა

უან ვალჟანი ძალიან ფრთხილობდა, დღისით სახლიდან ფეხს არ იცვლიდა, რომ დაბინდებოდა, მაშინ გადიოდა ქუჩაში, ხან მარტო, ხან კომეტთან ერთად. სეირნობდა ერთ-ორ საათს მიყრუებულ ქუჩებში. ეკლესიაშიც მარტო ბინდისას შედიოდა; უფრო ხშირად სენ-მედარის საყდარში დაიარებოდა, რადგან ახლოს იყო მისი ბინიდან. თუ ბავშვი შინ რჩებოდა, მოხუც დედაკაცთან იყო ხოლმე, მაგრამ კომეტისთვის დიდი სიხარული იყო ქუჩაში გასვლა და გასეირნება თავის მფარველთან ერთად. უან ვალჟანი ვაგიუებით უყვარდა გოგონას და ოღონდ მასთან ყოფილიყო, თავის დედოფალასაც კი დაივიწყებდა. მას კომეტის ხელი ეჭირა და ასე დასეირნობდნენ ტკბილი ბაასით.

პატარა კომეტი ძალიან მხიარული აღმოჩნდა.

სახლს ბებერი დედაკაცი ულაგებდათ, საჭმელს უკეთებდათ, ბაზარშიც ის დადიოდა.

ღარიბად ცხოვრობდნენ, ცუცხლი ენთოთ, მაგრამ ეტყობოდათ, გაჭირვებულები უნდა ყოფილიყვნენ. როგორც მოუწყოთ დედაკაცმა ოთახი, ისე დარჩა, უან ვალჟანს არაფერი შეუცვლია, გარდა კომეტის ოთახის მინიანი კარისა, რომელიც მოახსნევინა და ახალი გააკეთებინა, მთლიანი ფიცრის.

ისევ ის ძველი, ყვითელი სერთუკი ეცვა და ძველი, შავი ქედი ეხურა. ქუჩაში ღარიბად მიაჩნდა ყველას და ხანდახან გულკეთილი ქალები გაჩერდებოდნენ ხოლმე და ერთ სუს ჩაუდებდნენ ხელში. ისიც იღებდა და დიდ მადლობას უხდოდა. ზოგჯერ ისევ ხდებოდა, რომ მათხოვრის დანახვაზე გაჩერდებოდა, მიიხედ-მოიხედავდა და, თუ არავინ უყურებდა, ხელში უდებდა ფულს, ხშირად თეთრ ფულსაც და საჩქაროდ გაუდგებოდა თავის გზას.

ჟან ვალჟანის მეტისმეტ გულკეთილობას უბანში ხმა გაუვარდა და შესაფერისი სახელი დაარქვეს, - „მონყალების გამცემი მათხოვარი“.

ბებერი დედაკაცი, „მთავარი მღვმერი“, პირქუში, შურიანი იყო. იგი უთვალთვალებდა ჟან ვალჟანს, თუმცა ის არაფერს ეჭვობდა. ცოტა ყრუ იყო ის დედაკაცი და ამიტომ ყბედი. ორად-ორი კბილიდა შერჩენოდა. ერთი ზევით, მეორე ქვევით და სულ იმ კბილებს აკრატუნებდა. ჯერ კომეტს დაუნყო გამოკითხვა, მაგრამ გოგონამ ვერაფერი უპასუხა, გარდა იმისა, რომ მონფერმილიდან იყო.

ერთ დილას თვალი მოჰკრა დედაკაცმა ჟან ვალჟანს, რომელიც ცარიელ ოთახში შევიდა; ეტყობოდა, რაღაც ანუხებდა და ამან უფრო მიიპყრო კუდიანის ყურადღება. ფრთხილად გაჰყვა უკან, კარის ჭკურუტანიდან უყურებდა. ჟან ვალჟანმა ალბათ სიფრთხილის გამო ზურგი შეაქცია ამ კარს. დაინახა ბებერმა, რომ ჯიბიდან მაკრატელი, ნემსი და ძაფი ამოიღო, თავისი სერთუკის ერთი კალთის სარჩული გაარღვია და იქიდან ერთი ყვითელი ქალაღლი ამოაძვრინა. რომ გაშალა, ბებერმა ათასფრანკიანი ბილეთი იცნო, რადგან ეს ფული ერთი-ორჯერ უკვე ნანახი ჰქონდა. შეეშინდა და მოკურცხლა.

ცოტა ხნის შემდეგ ჟან ვალჟანმა დაუძახა და სთხოვა ათასფრანკიანი ბილეთის დახურდავება, - გუშინ მივიღე ჩემი ფულის სარგებელიო, - სად უნდა მიეღო? გაიფიქრა ბებერმა, - გუშინ სახლიდან სალამოს ექვს საათზე გავიდა, ამ დროს კი სალარო დაკეტილი არისო. - წაიღო ფული დასახურდავებლად. ვინ-სენ-მარსელის უბანში ამ ათასფრანკიანმა ბილეთმა დიდი მითქმა-მოთქმა და ბებერი ჭორიკანა დედაკაცების ყაყანი გამოიწვია.

რამდენიმე დღის შემდეგაც გაუფრთხილებლად მოიქცა ჟან ვალჟანი: ტალანში შემას ხერხავდა უსერთუკოდ. ბებერი დედაკაცი ოთახს ულაგებდა. ქალი მარტო იყო ოთახში. კომეტი შემის ხერხვას უყურებდა. ჟან ვალჟანის სერთუკი იქვე ლურსმანზე ეკიდა. მივიდა დედაკაცი. ქექვა დაუნყო, სარჩული ისევ მიკერებული ჰქონდა. ახლა უფრო ეჭვით დაუნყო სინჯვა და ნახა, რომ სარჩულქვეშ კალთებში და სახელოს ძირში ქალაღლი იყო ჩამალული, - კიდევ ათასფრანკიანი ბილეთები იქნება, რაღა თქმა უნდაო, - გაიფიქრა ბებერმა.

ჯიბეებზე გულდასმით გაუქექა და ნახა არა მარტო ნემსი, ძაფი და მაკრატელი, არამედ ერთი კარგად გატენილი საფულეც, დიდი დანა და, რაც ყველაზე უფრო საეჭვო იყო, - რამდენიმე სხვადასხვა ფერის პარიკი. ამ სერთუკის ყოველი ჯიბე საწყობი იყო რაიმე მოულოდნელი შემთხვევისთვის.

ასე გაატარეს გობროს სახლის მცხოვრებლებმა ზამთრის უკანასკნელი დღეები.

თავი მესუთე

მინას რომ დაეცემა ხუთფრანკიანი ვერცხლი, უმალ ხმას ამოიღებს

სენ-მედარის ეკლესიასთან, გაუქმებული ჭის თავზე ერთი მათხოვარი იჯდა, რომელსაც ჟან ვალჟანი ყოველთვის სიამოვნებით აძლევდა წვრილ ფულს. ისე არ გაუვლიდა, რომ რამდენიმე სუ არ მიეცა. ამ მათხოვრის მტრები შურით გაიძახოდნენ, - პოლიციელი არისო. - ბებერი მნათე იყო, სამოცდათხუთმეტი წლის, რომელიც სულ ლოცვებს ბურტყუნებდა ხელგანვდილი.

ერთ საღამოს ჭისკენ მიდიოდა უან ვალუჟანი. მარტო იყო, კოზეტი არ წამოყვანა. თავის ჩვეულ ადგილას დაინახა მათხოვარი, ფარნის ქვეშ, რომელიც ის იყო აანთეს; ჩვეულებისამებრ თავდახრილი, მოხრილი იჯდა და ლოცულობდა. უან ვალუჟანმა ხელში ჩაუდო წერილი ფული. მათხოვარმა უცებ მალლა ასწია თავი, თვალი თვალში გაუყარა უან ვალუჟანს და მერე ისევ სწრაფად დაღუნა. ელვასავით შეანათა ამ კაცის თვალებმა უან ვალუჟანს და ააკანკალა. ბებერი მნათის მშვიდი და ღვთისმშობიში სახის ნაცვლად საშინელი ნაცნობი სახე წარმოუდგა. ისე შეშინდა, თითქოს ვეფხვს შეეფეთა პირისპირ სიბნელებში.

გაქვავებულმა უკან დაიხია, ვერც სუნთქვას ბედავდა, ვერც ხმის ამოღებას, ვეღარც იქ დგომას, ვეღარც გაქცევას. იღვა და შესცქეროდა მათხოვარს, რომელსაც დაეხარა ძონძებით დაფარული თავი და ისე იყო, თითქოს ვერც კი ამჩნევდა, რომ ვიღაც იღვა წინ. ამ საბედისწერო წამს უან ვალუჟანს თავდაცვის საიდუმლო აღლომ უშველა: ხმა არ ამოუღია. იმავე ტანის იყო, იმავე ძონძებში გახვეული, იმავე შეხედულების, როგორც ყოველთვის.

- ეჰ, - გაიფიქრა უან ვალუჟანმა, - ხომ არ გავვიყდი! შიშისაგან მელანდება, შეუძლებელია!

თავზარდაცემული დაბრუნდა შინ.

ვერ ბედავდა თავს გამოტყდომოდა, რომ ის მათხოვარი თავით ფეხამდე უავერს ჰგავდა.

იმ ღამეს სულ ამ ფიქრში იყო, ნანობდა, რომ არათფერი ჰკითხა მათხოვარს და არ აიძულა ერთხელ კიდევ აეწია თავი.

მეორე დღეს რომ დაღამდა, ისევ მათხოვრის სანახავად წავიდა. ის ჭის თავზე იჯდა, როგორც ყოველთვის.

- საღამო მშვიდობისა, ძმობილო, - უთხრა უან ვალუჟანმა და ერთი სუ ჩაუდო ხელში.

მათხოვარმა თავი აწია და ტირილის ხმით უთხრა:

- გმადლობთ, ჩემო კეთილო ბატონო.

ეს ბებერი მნათე იყო.

მთლად დამშვიდებულად გრძნობდა თავს უან ვალუჟანი. სიცილი დაიწყო:

- სიდან სადაო? რა უნდა აქ უავერს? უთუოდ მომელანდა.

და აღარც მოჰგონებია, ისე დამშვილდა.

რამდენიმე დღის შემდეგ, ღამის რვა საათი იქნებოდა, თავის ოთახში იყო, კოზეტს კითხვას ასწავლიდა და გაიგონა, რომ ჯერ გააღეს, მერე მიკეტეს ქუჩის კარი. უცნაური იყო ამ დროს კარის ვაღება. სახლში მის გარდა არავინ იყო: ბებერი დედაკაცი დაბინდებოდა თუ არა, მაშინვე წებოდა, - სანთელი არ დამენვასო, - მამ ვინ უნდა ყოფილიყო? კოზეტს ანიშნა, ჩუმად იყავიო. კიბზე ვიღაც ამოდიოდა, ფეხის ხმა ისმოდა. იქნებ ავად გამხდარა ბებერი და აფთიაქში წავიდა. ყური მიუგდო, მძიმე ნაბიჯი იყო კაცის, მაგრამ იმ ბებერსაც ტლანქი ფეხსაცმელი ეცვა. თან ნაბიჯც კაცისასუგავდა. სანთელი ჩააქრო.

კოზეტს წასჩურჩულა, - ნადი, დანეწიო, - და შუბლზე რომ ჰკოცნიდა გოგონას, მოესმა ვიღაც გაჩერდა მის კართან. გაშეშდა უან ვალუჟანი, კარისკენ ზურგმიშვერილი, თავის სკამზე იყო მიჭედლილი და იმ სიბნელებში სუნთქვასაც ვეღარ ბედავდა. კარგა ხანს იყო ასე და რაკი გარედან აღარაფერი ისმოდა, ჩუმად მიბრუნდა. კარს რომ

შეხედა, კლიტის ნახვრეტში სინათლე დაინახა. კაშკაშა ვარსკვლავად ჩანდა ეს სინათლე იმ სიბნელებში. ცხადი იყო, ვიღაც იდგა მის კართან, ხელოში შანდალი ეჭირა ანთებული სანთლით და ყურს უგდებდა.

რამდენიმე წუთი გავიდა ასე. წავიდა, ვიღაც იყო თავისი სანთლით, მაგრამ ისე წავიდა, რომ სრულებით არ ისმოდა იმის ფეხის ხმა, თითქოს უკვე ფეხშიშველი ყოფილიყო.

ჩაცმული დაეშვა უან ვალუანის ლოგინზე და თვალი არ მოუხუჭავს იმ ღამეს.

ინათა. ჩასთვლიმა დაქანცულს და ტალანის ბოლოდან კარის ჭრიალმა გამოაღვიძა. მერე იგივე ფეხის ხმა მოესმა, როგორც წუხელის. უახლოვდებოდა ვიღაც, წამოვარდა, თვალი კლიტის ნახვრეტს მიაღო, რომ გავლისას მანც დაენახა ის კაცი, რომელიც სახლში შემოვიდა და ყურს უგდებდა კართან ატუბული. ამჟამად ისე გაიარა კაცმა, რომ უან ვალუანის კართან არ გაჩერებულა. ტალანში ჯერ ისევე ბნელოდა, ისე, რომ შეუძლებელი იყო მომავლის სახის გარჩევა; მაგრამ კიბეს რომ მიაღწია, გარედან სინათლე მოხვდა და უან ვალუანმა კარგად დაინახა მისი ზურგი. მაღალი ტანის კაცი იყო, გრძელი სერთუკი ეცვა და მსხვილი ჯოხი ეჭირა. გარეგნობით უავერი უნდა ყოფილიყო.

შეიძლებოდა თავის ფანჯრიდან გადაეხედა და ბულვარზე მომავალი დაენახა უან ვალუანს, მაგრამ ფანჯარა უნდა გაეღო და ეს კი ვერ გაბედა.

ცხადია, ამ კაცსაც ჰქონდა სახლის გასაღები და ისე იყო გორბოს სახლში, როგორც თავის ბინაზე. მერე ვის უნდა მიეცა სახლის გასაღები? იქნებ უან ვალუანის კვალს მიაგნეს?

შვიდ საათზე სახლის დასალაგებლად რომ შემოვიდა დედაბერი, დააკვირდა უან ვალუანი, მაგრამ კითხვით არაფერი უკითხავს. დედაკაცი ისევე იქცეოდა, როგორც ყოველთვის.

ოთახს ჰგვიდა და უცბად წარმოსთქვა:

- იქნებ გაიგონეთ, ბატონო, წუხელ ღამე ვიღაც შემოვიდა სახლში.

ამ ხნის დედაკაცისთვის და ამ მიყრუებულ უბანში საღამოს რვა საათი უკვე შუალამა.

- დიახ, გავიგონე, - მიუვო უან ვალუანმა იმ კილოთი, თითქოს ყურადღებას არ აქცევს ამ ბაასსო, - ვინ იყო?

- ახალი მდგმური გახლავთ.

- რა ჰქვია?

- რა მოგახსენოთ? დუმონი თუ არ ვიცი დომონი, ამნაირი სახელია რაღაც.

- მერე ვინ არის ეგ დომონ-დუმონი?

ბებერმა ვერაგობით სახსევ კვერნის თვალეებით შეხედა უან ვალუანს და მიუვო:

- თქვენსავით ფული აქვს და რენტით ცხოვრობს.

იქნებ არც კი ჰქონდა ავი განზრახვა. უან ვალუანს კი მანც ეჭვი აღეძრა.

დედაკაცი რომ წავიდა, განჯინიდან გადმოიღო თეთრი ფული, - ას ფრანკამდე იქნებოდა, - შეახვია და ჯიბეში ჩაიდო. ძალიან ცდილობდა, ისე შეენახა ფული, რომ სიარულის დროს არავითარი ხმა არ გაეღო, მაგრამ მანც გაუვარდა ხელიდან ხუთფრანკიანი ვერცხლი და ხრიალით გაგორდა იატაკზე. რომ დაბინდდა, ქუჩაში გავიდა, მიიხედა-მოიხედა, დაათვალიერა ბულვარი. არავინ ჩანდა, თუმცა შეიძლებოდა ხეებს ამოფარებოდა კაცი.

აბრუნდა თავის ოთახში. - აბა, შვილო, წავიდეთ, - უთხრა კოზმეტს, ხელი მოკიდა და ერთად გავიდნენ სახლიდან.

წიგნი მეხუთე
ჩუმად ნადირობენ მუნჯი ძაღლები

თავი პირველი
სტრატეგიის ლაბირინთი

იმის უკეთ ვადმოსაცემად, რაც შემდგომ მოხდება, საჭიროა, მკითხველს ერთი გარემოების შესახებ ვამცნო.

რამდენიმე წელიწადია, რაც ამ თხზულების ავტორი, რომელიც სამწუხაროდ, იძულებულია, ცოტა რამ თავის შესახებაც თქვას, პარიზიდან არის გასული. ამ ხნის განმავლობაში ქალაქი ძალიან შეიცვალა. ახალი ქალაქი ამენდა. იგი, ცოტა არ იყოს, უცხოა ავტორისთვის. ზედმეტია იმის თქმა, რომ პარიზი უყვარს: პარიზი მისი სულიერი სამშობლოა. ავტორის სიყმაწვილის დროინდელი პარიზი, რომელიც რუდუნებით შემოუნახავს მის მხსიერებას, დღეს სულ სხვა გამხდარა. ნებას ითხოვს, ძველი პარიზი წარმოგიდგინოთ ისე, თითქოს ის დღესაც უცვლელი დარჩა. შესაძლოა, ავტორი ცდება, როდესაც ამბობს, - ამა და ამ ქუჩაზე სახლი რომ არისო, - და სინამდვილეში, აღარც ის ქუჩა არსებობს და აღარც ის სახლი. მკითხველი თავად გადაამოწმებს, თუ მოისურვა და არ დაიზარა; რაც შეეხება ავტორს, ის არ იცნობს ახალ პარიზს და ისე წერს, თითქოს სანუკვარ ხატად, ძველი პარიზი უდგას თვალწინ. ტკბილია ავტორისთვის ოცნება, რომ მის შემდეგაც რჩება რაღაც იმ საყვარელი პარიზისგან, რომლითაც თავის სამშობლოში ცხოვრებისას ტკბებოდა, და იმ დროიდან სუყველაფერი არ გამქრალა. როდესაც შინ იმყოფებით, თქვენს სამშობლოში, არ აკვირდებით თქვენი ქალაქის ქუჩებს; განსაკუთრებულს ვერაფერს ხედავთ ამ ფანჯრებში, ბანებში, კარებში; უცხო და ცივი გეგვენებათ ეს კედლები, ყურადღებას არ აქცევთ ამ ხეებს, არაფერში გარგიათ ეს სახლები, სადაც არ შედიხართ, უბრალო ქვად აღიქვამთ ქვაფენილებს; მაგრამ შემდეგ, როდესაც აქედან შორს აღმოჩნდებით და აღარც დაბრუნება შეგიძლიათ, გრძნობთ, თუ რა ძვირფასი იყო თქვენთვის ეს ქუჩები; რომ თვალში გაკლიათ ის ბანები, სახლები, ფანჯრები, კარები, რომ გესაჭიროებათ იმ კედლის დანახვა, რომ გიყვარდათ და ხარობდით, იმ ხეების, იმ სახლების ცქერით, რომელშიც არც შედიოდით. ამ ქვაფენილებზე დაგიტოვებიათ თქვენი გული და სისხლი. გიყვარდათ თქვენი სამშობლოს ის ადგილები, რომელსაც ვეღარ ხედავთ, რომელიც იქნებ ვეღარც ნახოთ თქვენს სიცოცხლეში და მხოლოდ მათი სურათი ჩაგრჩენიათ გულში, რომელიც სევდის აღმძვრელი მიმზიდველობით გიდგათ თვალწინ, აღთქმულ ქვეყნად, და წარმოდგენს, თუ შეიძლება ასე ითქვას, მთელ თქვენს სამშობლოს; გიყვართ თქვენს გულში ღრმად ჩაბეჭდილი სამშობლოს სურათი, ცდილობთ წარმოიდგინოთ ისეთი, როგორც გახსოვთ, არ გინდათ მასში რაიმე ცვლილება შეიტანოთ, რადგან სამშობლოს სურათი ისევე საყვარელი და ძვირფასია, როგორც დედათქვენის სახე.

მამ, ნება მომეცით, წარსული აწმყოდ წარმოგიდგინოთ. ამაზე შევთანხმდეთ და თხრობა განვაგრძოთ.

ჟან ვალჟანი სახლიდან გავიდა და მაშინვე ვინრო ქუჩებისკენ გაუხვია. უკან მოიტოვა ბულვარი. ცდილობდა, რაც შეიძლება მეტად დაკლაკნილი გზით ევლო და უკანაც ხშირად ბრუნდებოდა - უნდოდა დარწმუნებულიყო, რომ არავინ მისდევდა.

ასე სჩვევია ირემს, როცა ტყეში მოიმწყვდევნენ. თუ ნაფეხური დააჩნდა მიწას, ეს ხერხი იმით არის კარგი, რომ კვალი ირევა და მონადირეც ტყუევდება და მეძებარიც. ამას მონადირენი კვალის აბნევას ეძახიან.

მთვარიანი ღამე იყო, მაგრამ არც ამას შეუშინდა ჟან ვალჟანი. ჯერ შორს იყო ჰორიზონტზე მთვარე და ქუჩის ერთ მხარეს ანათებდა, მეორე კი ჩრდილში იყო მოქცეული. ისიც ჩრდილიან მხარეს მისდევდა, კედლის სიახლოვეს, და თვალს არ აშორებდა მეორე მხარეს. იქნებ ავინწყდებოდა, რომ საშიშროება შეიძლებოდა ჩრდილიან მხარესაც შეხვედროდა. მაგრამ იმ ვინრო, დაკლაკნილ ქუჩებში კაცის ჭაჭანება არ იყო და დარწმუნებული იყო, რომ არავინ მისდევდა კვალში.

ჩუმად მოჰყვებოდა კოზეტი, არაფერს ეკითხებოდა. იმდენი ტანჯვა და წვალება ნახა ექვსი წლის განმავლობაში, რომ გარემოებებს დამორჩილება ისწავლა. ამასთანავე (ამ გარემოებას შემდგომშიც ხშირად დავუბრუნდები), თავისდა უნებურად, ჟან ვალჟანის უცნაურ ქცევასა და ბედის უეცარ შემობრუნებას შესჩვეოდა. ეს კი იყო, რომ მასთან მშვიდად გრძნობდა თავს.

ჟან ვალჟანმა თავადაც არ იცოდა, საით მიდიოდა. ღმერთს მიენდო, როგორც კოზეტი მიწდებოდა მას. მიდიოდა და ასე ეგონა - მეც ძლიერის ხელი მიჭირავს და იმას მივდეგ, სადაც უნდა წამიყვანოს... უხილავი კი იყო ეს არსება, მაგრამ - ძლიერი. გადანყვებილი არაფერი ჰქონდა, არავითარი გეგმა არ გააჩნდა. დარწმუნებულიც კი არ გახლდათ, რომ შეიძლებოდა, მართლა უავერი ენახა, რომელსაც ვერ ეცნო ჟან ვალჟანი. მართალია, გადაცმული იყო და ყველა მკვდრად მიიჩნეოდა, მაგრამ ეს რამდენიმე დღე ისეთი ამბები ხდებოდა, რომ გადანყვითა, გორბოს სახლში აღარ დაბრუნებულიყო. როგორც ბუნავიდან გამოდევნილი ნადირი, ისევე ეძებდა რაიმე ხერხებს, რომ შიგ შემალულიყო, ვიდრე ბინას იშოვიდა.

რამდენი ქუჩა გაიარა მუფტარის უბანში!.. ისე ეძინა მთელ უბანს, თითქოს შუა საუკუნეების დროის ბრძანება მიეღოს ზარებით, - ცეცხლი ჩააქრეთო! რამდენჯერმე გაიარა ქუჩები სანზიე და კოპო, ბატუარ სენ-ვიქტორი და პუი-ლერმიტი. ამ ქუჩებზე იყო ღამის გასათევი სახლები, მაგრამ არსად შევიდა, რადგან შესაფერის ვერსად იპოვიდა. ისე მიკლაკნ-მოკლაკნა გზა, რომ ეჭვი აღარ ეპარებოდა, კიდევ რომ დასდევნებოდნენ, ველარ მიაგნებდნენ.

თერთმეტი საათი ჩამოჰკრა სენტ-ეტიენის საყდარში. პორტუაზის ქუჩაზე #14 სახლთან გაიარა, რომელშიც პოლიცია იყო მოთავსებული და რამდენიმე წამში შედგა - იმ ალღომ გააჩერა, რომელიც ზემოთ ვახსენეთ, - და უკან მიიხედა. ცხადად დაინახა სამი კაცი, რადგან პოლიციის სანათის შუქი სცემდათ. მის სადევრად გამოსულიყვნენ. ჯერ ერთმა გამოიარა ქუჩის მეორე ბნელ მხარეს, მერე - მეორემ, მესამემ. ერთ-ერთი მათგანი პოლიციის სახლში შევიდა. პირველი ძალიან საეჭვოდ მოეჩვენა.

- მოდი, შეილო, - უთხრა კოზეტს და საჩქაროდ, მეორე ქუჩაზე გადაუხვია.

დიდი წრე შემოარტყა და პატრიარქთა ჩიხთან მივიდა, რომელიც გვიან ღამით იკეტებოდა; ეპე-დე-ბუას ქუჩას გაუყვა, მერე არბალეტისა და ფოსტის ქუჩები გაიარა.

აქ ერთი გზაჯვარედინია, რონელის სკოლასთან, და იქიდან ახალი სენ-ჟენევივის ქუჩა იწყება.

ძველი ქუჩაა ეს „ახალი“ სენ-ჟენევიევის ქუჩა. იქნებ ათ წელიწადში ერთხელაც არ გაიაროს ფოსტის ქუჩაში საფოსტო ეტლმა, ამ ფოსტის ქუჩაზე მეცამეტე საუკუნეში მეჭურჭლეები ცხოვრობდნენ და სახელიც შესაფერისი ჰქონდა: „მეჭოთნეთა ქუჩა“.

მთვარის შუქი ეცემოდა ამ გზაჯვარედინს. ერთ კარს ამოფეხარა უან ვალუჟანი, - თუ კიდევ მომდევს ვინმე, კარგად დავინახავ აქ, ამ სინათლეში გაივლისო.

და მართლაც, სამი წუთიც არ გასულიყო, რომ ვიღაც კაცები გამოჩნდნენ. ახლა უკვე ოთხნი იყვნენ, ოთხივე - მაღალი, გრძელ ლურჯ სერთუკებში გამოწყობილი, მრგვალი ქედები ეხურათ და ხელში მსხვილი ჯოხები ეჭირათ. შემზარავი იყო მათი ცქერა, არა იმდენად ახოვანებით, არამედ უფრო, ამ შუალამისას იდუმალებით მოკული მოძრაობით: იტყოდით, - ოთხი ლანდი ვნახე, ბურჟუაღ გამოწყობილიო.

გზაჯვარედინზე გაჩერდნენ და შეჯგუფდნენ. ეტყობოდათ, რაღაცაზე ბჭობდნენ, არ იცოდნენ, საით წასულიყვნენ. ერთ-ერთი მათგანი, რომელიც წინამძღოლი უნდა ყოფილიყო, მობრუნდა და მარჯვენა ხელი იმ მიმართულებით გაიშვირა, სადაც უან ვალუჟანი იმყოფებოდა, მეორე, ახირებულებით, სულ სხვა მხარეს იშვერდა ხელს; იმნამსვე, როდესაც პირველი მობრუნდა, სახეზე მთვარის შუქი დაეცა და უან ვალუჟანმა უავერი იცნო.

თავი მეორე

კიდევ კარგი, რომ აუსტერლიცის ხიდზე ეტლები დადის

უან ვალუჟანისთვის ყველაფერი ნათელი გახდა და მის სასიკეთოდ, ბნელი იყო ყველაფერი ოთხი მსტოვრისთვის. იდგნენ და ლაპარაკობდნენ. არ იცოდნენ საით წასულიყვნენ. ამით ისარგებლა უან ვალუჟანმა. მათთვის დროის დაკარგვა იყო ეს ყოყმანი, უან ვალუჟანისთვის - დროის მოგება. გამოვიდა სიბნელიდან და ფოსტის ქუჩას გაჰყვა ბოტანიკური ბაღის მიმართულებით. კომეტს დაღლილობა ეტყობოდა. ხელში აიყვანა. ქუჩაში არავინ იყო. მთვარე ამოსულიყო და ნათურა არსად ანთოთო.

ფეხი ააჩქარა.

ცოტა ხნის შემდეგ მეჭურჭლე გობლეს სახლს მიაღწია, რომლის გარეკედელზე მსხვილი ასოებით ლექსად ეწერა ჰატარა განცხადება, მთვარის შუქზე ადვილად წასაკითხი:

გობლეს და შვილისა ეს არის ფაბრიკა,

მყიდველო, ნუ ყოყმანობ სრულებით.

იჩქარე, იჩქარე, იყიდე რაც გინდა,

ტაშტები, ქვაბები, ქოთნები, სურები...

დე-ლა-კლეს ქუჩა გაიარა, სენ-ვიქტორის შადრევანი, ბოტანიკურ ბაღს ჩაუარა ქვემო ქუჩებით და სანაპიროზე გავიდა. გაჩერდა და უკან მიიხედა, ადამიანი არსად სჩანდა, უკან არავინ მისდევდა. თავისუფლად ამოისუნთქა.

აუსტერლიცის ხიდთან მივიდა.

იმ დროს სადარაჯო ჯერ ისევ არსებობდა.

შევიდა და ხიდზე გასავლელად ერთი სუ მისცა.

- ორი სუ, - უთხრა ხიდის დარაჯმა, - ძუძუმწოვარი კი არ არის ეგ ბავშვი, ხელში რომ გიჭირავთ, ორი სულისას გადაიხდით.

მისცა და ძალიან ეწყინა, რომ შენიშნეს. თუ გაპარვა უნდა კაცს, შეუმჩნეველად უნდა მიიპარებოდეს.

ერთი დიდი ეტლი გაჩერდა ამ დროს ხიდზე, ისიც გაღმა გასასვლელად. ამით ისარგებლა, ბნელ მხარეს ამოუდგა ეტლს და მის ჩრდილში გაიარა მთელი ხიდი.

შუა ხიდზე რომ იყო, კოზეტს ფეხი დაუბუჟდა და ისევ ფეხით სიარული ირჩია. ხელი დაუჭირა ჟან ვალუანმა და ისე გადაიყვანა.

ხიდზე გადავიდა, ცოტა მარჯვნივ ხე-ტყის სანყოფემა დაინახა და ახლა იქით წავიდა, მაგრამ სანყოფამდე მისასვლელად ჯერ მთვარით განათებული კარგა დიდი ფართობი უნდა გაეფლო. არც კი დაფიქრებულა. მსტოვრებმა, ეტყობა, დაკარგეს ამ კაცის კვალი და - საშიში აღარა მაქვს რაო, - ფიქრობდა ჟან ვალუანი. იცოდა, რომ ეძებდნენ, მაგრამ ისიც იცოდა, რომ კვალდაკვალ აღარ მისდევდნენ.

ორ სანყოფს შუა, რომლებიც მტკიცე კედლებით იყო შემოზღუდული, ვერ-სენტ-ანტუანის ქუჩა ჩადიოდა. ეს ქუჩა მეტად ვიწრო იყო, ბნელი, სწორედ ისეთი, როგორიც ვალუანს ენატრებოდა, მაგრამ სანამ იქით ჩაივლიდა, კიდევ მიიხედა უკან.

თავიდან ბოლომდე ხედავდა აუსტერლიცის ხიდს.

ოთხი კაცი დაინახა, ხიდზე შედგნენ. ზურგი ბოტანიკური ბალისკენ მიექციათ და მასაგით გამოღმა უნდოდათ გადმოსვლა.

მხეშეში გაბმული ნადირივით კანკალედა ჟან ვალუანი.

ერთადერთი იმედილა დარჩენოდა: იქნებ იმ დროს, როდესაც ვალუანი მთვარით განათებულ მოედანზე იყო, ჯერ ხიდზე არ შემდგარიყვნენ მისი მდევრები, და მამასაღამე, ვერ დაინახავდნენ, რომ ვიწრო ქუჩაში მიიმალა.

თუ ასე იყო, გაჰყვებოდა ვიწრო ქუჩას, შეშის სანყოფებთან მივიდოდა, ჭაობიან უდაბურში გადავიდოდა და მიიმალებოდა სადმე. სხვა გზა აღარ ჰქონდა. უნდა მინდობოდა იმ პატარა, მიყრუებულ ქუჩას, შეუხვია ვიწრო ქუჩაში.

თავი მესამე

იხილეთ 1727 წლის პარიზის გეგმა

გაიარა სამასამდე ნაბიჯი და იმ ადგილს მიაღწა, სადაც გზა ორად იყოფოდა. ერთი გზა მარჯვნივ მიდიოდა, მეორე - მარცხნივ, საით წასულიყო, რომელი აერჩია? არც დაფიქრებულა, მარჯვნივ წავიდა.

რატომ?

მარცხენა გზა ხალხით დასახლებული გარეუბნისკენ მიდიოდა, მარჯვენა კი - მინდვრებისკენ, ესე იგი უდაბურისკენ.

ოღონდ ისე ჩქარა ვეღარ მიდიოდა. კოზეტის ნაბიჯი ამცირებდა ჟან ვალუანის სიჩქარეს.

ისევ ხელში აიყვანა, თავი მხარზე დაადო კოზეტმა და იყო თავისთვის გაჩუმებული.

ჟან ვალუანი ხანდახან გაჩერდებოდა ხოლომე და უკან იყურებოდა. მიდიოდა ქუჩის ბნელ მხარეს. ორჯერ-სამჯერ მიიხედა და ვერაფერს დაინახა. მიჩუმებული იყო იქაურობა და უფრო მშვიდად მიინეგდა წინ. ერთხელ კიდევ მოიხედა და რაღაცას მოჰკრა თვალი. უკვე გამოვლილ მანძილზე, შორს, უკან რაღაც დაინახა, მოძრავი.

სირბილით წავიდა წინ. - იქნებ სადმე გვერდზე შესახვევი ქუჩა იყოს, იქ შევევარდე და კვალი ავეურიო ჩემს მდევარსო.

და კედელს მიადგა.

კიდევ კარგი, რომ გაუვალა არ აღმოჩნდა ეს კედელი.

ვინრო ქუჩით მიმავალის პირდაპირ კედელი იყო აღმართული და აქეთ-იქით კი სხვა ქუჩა მიდიოდა; აქ ჩამოდიოდა და წყდებოდა უან ვალუჟანის მიერ გამოვლილი ვინრო ქუჩა.

აქაც უნდა გადაეწყვიტა, საით წასულიყო, მარჯვნივ თუ მარცხნივ?

მარჯვნივ შეამოწმა გზა. შტოდ გადიოდა ეს ქუჩა სანყობებსა და ფარდულებს შორის და ქუჩაბანდით თავდებოდა, მაშასადამე, გაუვალა.

მარცხენა მხარეს ქუჩა ღია იყო და დაახლოებით ორასი ნაბიჯის იქით სხვა ქუჩაში ჩადიოდა, რომლის შტოც ის უნდა ყოფილიყო. ამ მხარეს უნდა ეძებნა ხსნა.

ის იყო, მარცხნივ უნდა გაეხვია, რომ სწორედ ქუჩის ბოლოს, სადაც დიდ ქუჩას უერთდებოდა ეს შტო, კუთხეში ძველივით ამართული რაღაც შავი, უძრავი დაინახა.

ცხადი იყო, კაცი დაეყენებინათ იქ, რომ უან ვალუჟანს წინ დახვედროდა.

მან უკან დაიხია.

პარიზის ის ადგილი, სადაც უან ვალუჟანი იდგა, მდებარეობს სენტ-ანტუანის უბნის და რამეს შუა და სრულიად შეცვლილია ჩვენი დროის შენობებით; ზოგის ამრით, იქაურობას ძველი სილამაზის ნატამალიც აღარ შერჩენია, ზოგის ამრით კი, პირიქით, კიდევ დამშვენებულა; აღარაფერი დარჩენილა ბოსტნის, სანყობისა და ძველებური შენობის მსგავსი. დღეს აქ დიდრონი ქუჩებია, სრულიად ახალი მოედნები, ცირკები, სადოლო მოედანი, რკინიგზის სადგურები და მამას საპატიმრო. როგორც ვხედავთ, პროგრესს თავისი მუქარაც თან ახლავს.

ამ ორმოცდაათი წლის წინ, ხალხური ენით, რომელიც ტრადიციების ნაყოფია და რომელიც ინსტიტუტს ძველებურად „ოთხ ერისას“ ეძახის, რადგან განზრახული იყო იქ განათლება მიეღოთ ფრანგებს, ელზასელებს, ფლანდრიელებს და იტალიელებს, ხოლო კომიკურ ოპერას - „ფედოს“ ვოდვეილების ავტორის სახელს, მათივე ენით იმ ადგილს, სადაც უან ვალუჟანი იდგა, მცირე პიკუსი ერქვა. მცირე პიკუსი გახლდათ ძველი პარიზის უბნის სახელი, რომელსაც დღესაც არ ივიწყებს ანწყო. ხალხის მეხსიერება თავს დასტრიალებს წარსულის ნანგრევებს.

დიდი ხნის სიცოცხლე არ ეწერა მცირე პიკუსს და ნამდვილი გარეუბნის სახელიც კი არ ჰქონია. თავის დროზე იგი ესპანურ ქალაქს მოგავონებდათ, მონასტრებით და ბერებით სავსეს. მოკირწყლული გზა იშვიათი სანახავი იყო, ქუჩები - მოტიტვლებული, ორი-სამი ქუჩის გარდა, რომლებსაც ჩვენ შევეხებით, მარტო ლოხვები იყო და სრული მყუდროება სუფევდა. არც ღუქანი და არც ეტლი ჩანდა სადმე; აქა-იქ, შორს ფანჯარაში სანთელს თუ დაინახავდით და ისიც უნდა ჩამქრალიყო ათ საათზე. ყველგან ბაღები, მონასტრები, ხე-ტყის სანყოფები, გუბეები იყო, იშვიათად - დაბალი სახლები და მაღალი კედლები, ისეთივე მაღალი, როგორც თვით სახლები.

ასეთი იყო პიკუსის უბანი იმ დროს. რევოლუციამ მიწასთან გაასწორა ეს უბანი და რესპუბლიკურმა მშენებლობამ დაანგრია, დაჭრა და სანაგვედ აქცია. დღეს იმის ნაშთიც აღარსად ჩანს. დღევანდელ გეგმაში ველარსად ნახავთ პიკუსს, მაგრამ იგი ძალიან კარგად არის აღნიშნული 1727 წლის გეგმაში.

ვერ-სენტ-ანტუანის გზა ორად იყოფოდა. მარცხნივ მიმავალს პიკუსის ქუჩა ერქვა, მარჯვენას - პოლონსო. ხიდიდან მიმავალი პოლონსოს ქუჩის ბოლოში მარცხნივ

დრუა-მურის ქუჩას მიადგებოდა და მარჯვნივ - ქუჩაბანდს, უანროს ქუჩაბანდად წოდებულს.

სწორედ აქ იდგა უან ვალუჟანი.

როგორც ვთქვით, შავი, უძრავი ძეგლივით მდგომი კაცის დანახვისას უკან დაიხია. ეჭვი აღარ ეპარებოდა, ვიღაც დარაჯად იდგა და მის გამოვლას ელოდა.

ორ ცეცხლს შუა აღმოჩნდა საწყალი.

უკან დაბრუნება შეუძლებლად მიიჩნია. იქვე ახლო ჟავერი და მისი კაცები იდგებოდნენ. შეიძლება იმ ქუჩის თავში ყოფილიყვნენ კიდევ, რომლის ბოლოში თვით უან ვალუჟანი იმყოფებოდა. ჟავერი, ეტყობა, კარგად იცნობდა ამ უბნის ქუჩებს და დარაჯად მდგომი კაცი მისი გამოგზავნილი უნდა ყოფილიყო. ეს მოსაზრება ძალიან ჰგავდა სიმართლეს და ისე ერეოდა ფიქრებში, თითქო ერთი მუჭა მტვერი ყოფილიყოს, რომელსაც ქარმა დაჰკრა უცხად და გაიტაცა. უანროს ქუჩაბანდი მახედ გახდომოდა. პიკუსის ქუჩაში დარაჯი იდგა. წინ რომ წასულიყო, ეს დარაჯი დახედებოდა, უკან - ჟავერს ჩაუვარდებოდა ხელში. მახეში გაბმულად გრძნობდა თავს. ეს მახე ნელ-ნელა ვიწროვდებოდა. სასონარკვეთილმა შეხედა ზეცას.

თავი მეთხე

გაქცევის ცდა

დრუა-მურის ქუჩის მარჯვენა მხარეს პიკუსის ქუჩამდე ვიწრო, ღარიბული სახლები იყო აშენებული. მარცხენა მხარეს კი ერთადერთი შენობა იყო რამდენიმე სახლისგან შემდგარი; თავიდან ერთსართულიანი იყო ეს შენობა; პიკუსის მხარეს მეორე სართულიც ემატებოდა, ისე, რომ იმ მხრივ მაღალი დაბლად გადიოდა პოლონსოს ქუჩაზე და იქ დაბალი კედლით თავდებოდა, რომელიც აღწევდა #49 სახლამდე და დრუა-მურის ქუჩაზე ერთ ჩამობნელებულ შენობამდე, ერთი ფანჯრით, და ისიც ყოველთვის დახურული იყო დარაბებით.

ალაყაფის კარავით რაღაც იყო კედელში, უზარმაზარი და საძაგელი: უწნოდ, უფორმოდ შეერთებული ფიცრები, ზემოთ განიერი, ქვემოთ ვიწრო. იქვე ალაყაფის მეორე კარიც იყო. ცაყხვის ხეს თავისი ტოტები გადაეშალა კედელზე, რომელსაც პოლონსოს მხარეს ზემოდან სურო მოჰკიდებოდა.

უიმელო მდგომარეობაში იყო უან ვალუჟანი და ამ სახლზე შეაჩერა ყურადღება; ცარიელი ჩანდა, განცალკევებული. ერთხელ კიდევ სწრაფად შეავლო თვალი, - აქ რომ შვეიდე როგორმე, იქნებ კიდევ გადავრჩეო, - იძახდა გულში. ცოტა ხნით იმედი გაუჩნდა.

ამ შენობის შუა ნაწილს, რომელიც დრუა-მურის ქუჩაში გამოდიოდა, მრავლად ჰქონდა დატანებული წვიმის წყალსადენი ლითონის მილები და ამან მიიპყრო უან ვალუჟანის ყურადღება. კოზეტი კედელთან დასვა, ხმა არ ამოიღო, - დაარიგა და თვითონ წყალსადენ მილთან მივიდა, რომელიც მიწამდე იყო დაშვებული. იქნებ ამ მილით შესძლებოდა აცოცება და სახლში გადასვლა; მაგრამ მილი ისეთ ცუდ მდგომარეობაში იყო, რომ თავადაც ძლივსლა ეკიდა კედელზე და გარდა ამისა, ყველა ფანჯარას მსხვილი რკინის გისოსი ჰქონდა აფარებული. მთვარე ანათებდა ამ კედელს და დარაჯად დაყენებული კაცი მაშინვე დაინახავდა. მილი რომც ვარგებულიყო ასაძვრომად, კოზეტს როგორ აიყვანდა ამ სიმაღლე კედელზე?

ამ გზით თავის დაღწევა შეუძლებელი იყო და ახლა პოლონსოს ქუჩაში გაძვრა კედლის პირას ცოცვით.

გაძვრა და ბნელშიც მოექცა, უჩინარი იყო, დარწმუნდა, რომ აქ ვეღარ დაინახავდა მას დარაჯი. სახლს ორი კარი ჰქონდა; იქნებ მოეხერხებინა და ერთი მანაც შეელო როგორმე, კედელი ცაცხვის და სუროს ფოთლებს დაეფარა, ცხადი იყო, შიგნით ბალი უნდა ყოფილიყო, იქნებ ამ ბაღში მანაც დამალულიყო საღმე და ღამე იქ გაეტარებინა, თუმცა ჯერ ფოთოლი არ გამოეღო ხეს.

ჩქარა! დაყოვნება - დაღუპვას უქადდა.

სინჯვა დაუნყოფი ალაყათის კარს, მარამ დაკეტილი აღმოჩნდა შიგნიდანაც და გარედანაც.

მეორესთან მივიდა უფრო იმედინად. მთლად დამშალი და დაშლილი იყო ფიცრები, ძლივსდა იმაგრებდა ლურსმანი, თვით მეტისმეტი სიდიდე ამცირებდა მის სიმძლავს, მაგრამ მოსინჯა და დარწმუნდა, რომ იგი ალაყათის კარს არ ჰკავდა, ძველი ფიცრული ღობე იყო, რომელსაც უკან ქვითკირის მაღალი ღობე მიჰყვებოდა.

თავი მხებუთე

შეუძლებელი იქნებოდა, გაზით რომ ყოფილიყო განათებული

ამ დროს ჯარისკაცების ფეხის ხმა მოესმა. ქუჩის კუთხიდან ფრთხილად გაიხედა და პოლონსოს ქუჩაში მწყობრად მომავალი შვიდი თუ რვა კაცი დაინახა. მზინავი ხიშტები მოხვდა თვალში, ცხადი იყო, მისკენ მოდიოდნენ. ჯარისკაცებს წინ ჟავერი მოუძლოდა. კარგად ჩანდა მისი ახოვანი ტანი. ნელა მოაბიჯებდნენ დიდი სიფრთხილით. წამდაუნუმ ჩერდებოდნენ: ეტყობოდათ, გაუსინჯავად არც კარს ტოვებდნენ, არც კედლების კუთხეს.

მაშინვე მიხვდა ჟან ვალუანი, რომ ჟავერი ღამის დარაჯებს შეხვედროდა და თან წამოეყვანა დასახმარებლად.

ჟავერის ორი თანამგზავრი ამ ჯარისკაცებს მოსდევდა.

ფრთხილად მოდიოდნენ, მაგრამ თხუთმეტი წუთის შემდეგ მანაც იქ იქნებოდნენ, სადაც ვალუანი იდგა. საშინელ მდგომარეობაში იყო. რამდენიმე წუთი და მერე ისევ ის უფსკრული, რომელსაც ორჯერ დააღწია თავი. ისევ კატორღა, ახლა მესამედ! კატორღა კი არა, ჯოჯოხეთი, რადგან კოზეტს სამუდამოდ ჰკარგავდა. მაშასადამე, მას საფლავში დამწყვდეული ადამიანის სიცოცხლე ელოდა!

ერთადერთი შესაძლებლობა დარჩენოდა.

უცნაური კაცი იყო ჟან ვალუანი, უცნაური იმით, რომ შეიძლება ითქვას, ორი გუდა ეკიდა ერთად; ერთში წმინდანის მრწამსი ჰქონდა და მეორეში კი კატორღელის საშინელი მოხერხება. გარემოების მიხედვით სარგებლობდა თავისი გუდებით და ხან ერთში ჩაჰყოფდა ხელს, ხან მეორეში.

კატორღაში დიდხანს იყო ნამყოფი, რამდენჯერმე გამოპარული, გაჭირვებაში შიშს კი არა, უსაზღვრო გაბედულებას იჩენდა. თავის ამხანაგებში განთქმული იყო იმითაც, რომ საკვირველი მოხერხებით ძვრებოდა ხოლმე კედელზე. არც კიბე უნდოდა, არც თოკი; მარტო თავისი ღონით მიძვრებოდა, კეფითაც კედელს ეკვროდა, მხრებითაც. ერთ ბენო ნახვრეტში იმაგრებდა ფეხსა და მუხლს. ბრტყელ ქვას ეჭიდებოდა ხელით და, თუ საჭირო იყო, მეექვსე სართულამდე აძვრებოდა. ასეთი მოხერხების წყალობით

იყო, რომ ამ ოცი წლის წინ კონსიერუერის ციხიდან გაიპარა პატიმარი ბატმოლი და სახელი გაუთქვა საპატიმროს.

ჟან ვალუანმა თვალით გამომა ცაცხვის ტოტებით დაფარული კედლის სიმაღლე. ექვსი მეტრი იწებოდა.

საქმე კოზეტი იყო. მან კედელზე ცოცვა არ იყო, იქ ხომ ვერ დატოვებდა. რვა წლის გოგონას აყვანა შეუძლებელი იყო, - ნეტავ თავისთვის ჰქონოდა ღონე, ტვირთს როგორ აიკიდებდა. ერთი ბენო რამ სიმძიმე, თავისი თავის გარდა, გადაუნაცვლებდა სიმძიმის ცენტრს და ძირს დასცემდა. თოკი იყო საჭირო და თოკი კი არ ჰქონდა. მოდი შენ და თოკი იშოვე შუალამისას პოლონსოს ქუჩაზე.

მეფე რომ ყოფილიყო ჟან ვალუანი, მთელ სამეფოს მისცემდა იმ წამს თოკის ნაგლეჯში.

ასეთ უკიდურეს გაჭირვებას ყოველთვის აქვს თავისი გავლენა, რომელიც ხან გვაბრმავეებს და ხან თვალსაც გვიხელს.

სწორედ ამ დროს დაინახა სინათლის ბოძი ჟანროს ქუჩაბანდში.

ამ დროს პარიზის ქუჩებს გაზით ანათებდნენ. ნათურა ბოძებზე იყო გამართული, თოკი ება, იმ თოკით ჩამოსწევდნენ ძირს, მოუკიდებდნენ და პატარა ჩარხის უკუღმა ტრილით ისევ მაღლა სწევდნენ. ბოძს ძირში პატარა უჯრა ჰქონდა, რომელშიც თოკი ინახებოდა. უჯრის კარი მიეკეტათ.

საბედისწერო გაჭირვებაში რომ ჩავარდება კაცი, ან გულნასული დაეცემა, ან ბუმბერაზად იქცევა. ერთი ნახტომით შევარდა ქუჩაბანდში, ჯიბის დანით გატეხა უჯრის კარი, თოკი გამოიღო და მყისვე კოზეტთან გაჩნდა.

უკვე ვთქვით, რომ მთვარიანი ღამე იყო და ქუჩაში სანათი არ ენთოთ. ჟანროს ქუჩაბანდის ნათურაც ჩამქრალი იყო, როგორც სხვები.

გვიანი ღამე, სიბნელე, ჟან ვალუანის მოუსვენრობა და უიმედობა შეუმჩნეველი არ დარჩა კოზეტს და შიში დაეტყო. სხვა ბავშვი რომ ყოფილიყო, დიდი ხანია ტირილს დაიწყებდა. იმან კი მარტო ის გაბედა, რომ კალთა დასწია ჟან ვალუანს. უფრო და უფრო ახლო ისმოდა მათკენ მომავალი დარაჯების ფეხის ხმა.

- მეშინია, მამა, - უთხრა ჩურჩულით, - ვინ მოდის აქეთ?

- ჩუ, - უთხრა უბედურმა, - ეს ტენარდია.

კოზეტი აკანკალდა.

- ხმა არ ამოიღო, - დაარიგა ვალუანმა, - თუ დაიყვირებ ან იტირებ, ტენარდის გაიგონებს, შენ დაგეძებს, შენს წასაყვანად არის მოსული.

და აუჩქარებლად, სრული სიმარჯვით და სიმშვიდით, მით უფრო საკვირველით, რომ შეიძლებოდა უავერი მისი პატარა რაზმით თავს დასცემოდა, მოიხსნა ყელსახვევი, იღლიის ქვეშ ამოუყარა კოზეტს, რომ თოკს არ დაეჭრა ბავშვი, კარგად შეუკრა, ზედ თოკი მიაბა იმ ნასკვით, რომელსაც მგზავრები მერცხლის ნასკვს ეძახიან. თოკის მეორე ბოლო პირში დაიჭირა. წაღები და წინდები გაიხადა, ბაღში გადაყარა და კედელს ჩაებლაუჭა. ცოტა ხნის შემდეგ დაჩოქილი იდგა კედლის თავზე.

განცვიფრებული უყურებდა კოზეტი, დამუნჯებული, ჟან ვალუანის დარიგებამ და ტენარდის სახელმა გაყინა ბავშვი.

უცხად ჟან ვალუანის ხმა მოესმა:

- კედელს მიაქციე ზურვი.

ესეც აუსრულა.

- არ შეგეშინდეს, ხმა არ ამოიღო, - ჩამოსძახა ჩემად ვალჟანმა და ზევით ასწია თოკი.

წამში კომედიც კედლის თავზე გაჩნდა თავის მფარველთან.

ხელი სტაცა ვალჟანმა, ზურგზე შეისვა, მარცხენა ხელით დაუჭირა ორივე ხელი, დანვა გულდაღმა და გახობდა კედლის თავზე. სწორად მიხვდა, კედლის ბოლოს შენობა იყო. ბალისკენ ბანდაშვებული, ცაცხვს ეხებოდა ოდნავ. მისდა საბედნიეროდ, კედელი ამ მხრიდან უფრო მაღალი იყო, ვიდრე ქუჩის მხრიდან.

ის იყო მიაღწია ბალისკენ დაშვებულ ბანს, ჯერ ბანზე არ გადამძვრალიყო, რომ დარაჯების შემოსვლა გაიგო. ჩქარი ნაბიჯით მოდიოდნენ. უავერის ხმა გაისმა, რომელიც მეხივით ქუხდა:

- გაჩხრიკეთ ქუჩაბანდი, ღრუა-მურის ქუჩაზე დარაჯი დგას, პიკუპის ქუჩაზეც. დარწმუნებული ვარ მანდ იმალება, მაგ ქუჩაბანდში.

გაბრაზებით შეცვივდნენ უანროს ქუჩაბანდში ჯარისკაცები.

უან ვალჟანი დაწვეულ ბანზე ჩასურდა, კომედი ზურგზე ჰყავდა მოკიდებული, ცაცხვთან მივიდა და ჩახტა მიწაზე. შიშით იყო თუ სიყოჩაღით, ხმა არ ამოუღია კომეტს, თუმცა ხელები დაფხაჭნოდა თოკით კედელზე ასვლისას.

თავი მეექვსე

გამოცანის დასაწყისი

დიდ, უცნაურ, დაღვრემილ ბაღში აღმოჩნდა უან ვალჟანი, რომელიც თითქოს იმისთვის იყო გაშენებული, რომ ზამთარშიც და ლამითაც ესარგებლა მისით ადამიანს. მოგრძო ბალი იყო, ბოლოში - ჩინარის ხეივნი და მაღალი, აყრილი ხეებით - გვერდზე, შუა ნაწილი კი მოტიტვლებული ჰქონდა, სადაც ერთი დიდი განცალკევებული ხე იდგა. აქა-იქ დაღვრეცილი და გაუსხლავი ხეხილი მოჩანდა, როგორც ბუჩქნარი; მწვანის დასათესად - კვლები, სანესვე, რომლის შუშის საფარზეც მთვარის შუქი თამაშობდა და ერთი ძველი წყალსადენი. აქა-იქ ხავსმოკიდებული ქვის სკამები იდგა. ხეივანს ორივე მხარეს წვრილი დაბალი ბუჩქი მიჰყვებოდა, ხეივანს ზოგან ბალახი მოსდებოდა, ზოგან - მწვანე ხავსი.

ძირს იყო უან ვალჟანი, იმ შენობის გვერდით, რომლის დაქანებული ბანით ისე ადვილად ჩავიდა ბაღში. იქვე ფიჩხი ეყარა და ფიჩხის უკან, კედელთან, ქვის ძველი იდგა; მას პირისახე დამტვრეული ჰქონდა და საშინელ ნიღბად მოჩანდა მთვარის შუქზე.

შენობა დანგრეულს ჰგავდა; შიგნით უპატრონოდ მიტოვებული ოთახები მოჩანდა, ერთი მათგანი საწყობად გამოეყენებინათ და გატენილი იყო გადასაყრელი, დამტვრეული ავეჯით.

ღრუა-მურის ქუჩაზე გამავალი დიდი შენობა, ორი ფასადით ბაღში გამოდიოდა, და მისი ეს ნაწილი უფრო საშინელი შესახედი იყო, ვიდრე ქუჩაში გამავალი. სინათლე არსად ჩანდა. გარედან ყველა ფანჯარას რკინის ბადე ჰქონდა, ხოლო გემო სართულის ფანჯარებს - ლითონის სახურავი, როგორც საპატიმროში. ერთი ფასადის ჩრდილი მეორეს ეყვმოდა და შავი სუდარასავით ეფარებოდა ბაღს.

სხვა სახლი არსად ჩანდა, ბაღის ბოლო ნისლში და ღამის სიბნელებში იკარგებოდა, მაგრამ მაინც შეიძლებოდა რაღაც კედლებისა და პოლონისო ქუჩაში გამავალი სახლების ბანის გარჩევა.

არავინ ჩანდა ბაღში. ღამე იყო და ყველას ეძინა, მაგრამ ისე მიყრუებულს და მივიწყებულს ჰგავდა ეს ბაღი, რომ დღისითაც არავინ უნდა ყოფილიყო მოსიერი.

ფეხი დაადგა მიწას უან ვალუანმა და მაშინვე თავისი ფეხსაცმლის ძებნა დაიწყო, იპოვა, ჩაიცვა და მერე ფარდულში შეიყვანა კოზეტი. თუ გამოიპარა კაცი, უსათრთხოდ მაინც არ გრძნობს თავს, კოზეტსაც სულ ტენარდიე ელანდებოდა, ისიც ფრთხილად იყო და ცდილობდა მიკუნჭულიყო საღმე.

კანკალებდა პატარა გოგონა და ვალუანს ეკვროდა. ქუჩიდან დარაჯების ხმა ისმოდა, რომლებიც ქუჩაბანდში ეძებდნენ უან ვალუანს; ისმოდა ფეხის ხმა, კონდახების ცემა ქვებზე, უავერის ბრძანება, ძახილი იმ ჯაშუშებისა, რომლებიც გზაზე დაეყენებინა და იმედგაცრუებული უავერის ლანძღვა და გინება.

კარგა ხანს ისმოდა ეს ხმები. ბოლოს, როგორც იყო, შეწყდა. ეტყობოდა შორადებოდა იქაურობას ეს საშინელი განსაცდელი. უან ვალუანს სუნთქვა ეკვროდა.

კოზეტისთვის ხელი პირზე დაედო, - ხმა არ ამოიღო, - და იყო ასე გამეშვებული.

მაგრამ ისეთი დუმილი სუფევდა სამალაგში, რომ მას სრულებითაც არ არღვევდა არც დარაჯების ხმაური და არც უავერის გამმაგებული ბრძანება, თითქოს ეს სახლიც იმ ყრუ ქვებით ყოფილიყო აშენებული, რომლებიც მოხსენიებულია საღვთო წერილში. და ახალი ხმა გაისმა ამ ღრმა დუმილში, ზეციური ნეტარი ხმა, იმდენად ტკბილი იყო და სულისჩამდგმელი, რამდენადაც დარაჯების ხმა - საზარელი და სულის შემხუთავი. ნყვდიადიდან მომავალი გალობა იყო, აღტაცება ლოცვის და ჰარმონიის ამ ღამის საშინელ დუმილში; ქალების ხმა იყო, უმანკო ქალების და გულწმინდა ბავშვების შეწყობილი ღალადი. მიწიერი არ არის ეს ღალადი და იმ ხმას ჰგავს, რომელიც ახალშობილს ესმის და უკვე სულთმობრძავს. იმ საშინელი სახლიდან ისმოდა ეს გალობა, ბაღში რომ შემოდიოდა თავის გარეპირით, ქაჯების ხმაური ანგვლოზების გუნდის ტკბილმა გალობამ შეცვალა.

უან ვალუანმა და კოზეტმა მუხლი მოიყარეს.

არ იცოდნენ, სად იყვნენ; არც იცოდნენ რა იყო ეს გალობა, მაგრამ კარგად გრძობდნენ ორივე, კაციც და ბავშვიც, ცოდვილიც, რომელიც ინანიებდა თავის წარსულს და უმანკო ბავშვიც, რომ მუხლმოყრილი უნდა ყოფილიყვნენ ამ გალობის დროს.

უცნაური იყო, რომ ამ გალობის მიუხედავად, მაინც ცარიელად, მითრევებულად მიაჩნდათ ეს შენობა. უმკვიდროს ჰგავდა სახლი და ზეციდან მომავალს - გალობა.

აღარათყერი აგონდებოდა უან ვალუანს ამ გალობის დროს, აღარათყერს ფიქრობდა. ღამის მაგივრად მოწმენდილი მზის სხივით გაკაშკაშებულ ცას ხედავდა. ისე იყო, თითქოს იმ ფრთის გაშლას აპირებდა, რომელიც გულის სიღრმეში გვაქვს ჩამალული.

შეწყდა გალობა. იქნებ დიდხანსაც ისმოდა, ამაზე ვერათყერს გეტყობათ უან ვალუანი. ერთ წამად ეჩვენება ადამიანს შეფრთხინვის საათი.

მიჩუმდა იქაურობა. აღარათყერი ისმოდა არც ქუჩაში და არც ბაღში. გაქრა მუქარა და სამიშროება. გაქრა ნუგეში და იმედი. ქარი არხევდა კედელზე გამხმარ ბალახს და მარტო მისი ჩუმი შრიალიდა ისმოდა.

თავი მეშვიდე გამოცანის გაგრძელება

ლამის ცივი ქარი ამოვარდა, რაც იმას ნიშნავდა, რომ ნაშუაღამევის მეორე საათი უნდა ყოფილიყო. საწყალი კომეტი ხმას არ იღებდა. უან ვალუანს უჭდა გვერდით, თავი გულზე მიედო და ისე უძრავად იყო, რომ უან ვალუანს ეგონა, - დაეძინაო, - ჩამოხედა. თვალდაჭყეტილი იჭდა ბავშვი, ღრმად ჩაფიქრებული. გული ჩასწყდა ვალუანს.

ჯერაც კანკალებდა კომეტი.

- გეძინება, შვილო? - ჰკითხა უან ვალუანმა.
- მცივა, მამა.

და ცოტა ხნის შემდეგ ჰკითხა:

- ისევ აქ არის?
- ვინ, შვილო?
- ქალბატონი ტენარდიე.

უან ვალუანს დაეინყებოდა კიდევ ის საშუალება, რომლითაც დაამუნჯა პატარა გოგონა.

- არა, არა! წავიდა. ნულარ გემინია.

ისე ამოიხენეშა კომეტმა, თითქოს დიდი ტვირთი აწვა გულზე და უცხად ჩამოაცალესო.

ციოდა. სახლი ყველა მხრიდან დანგრეული იყო, ცივი ქარი უფრო და უფრო ძლიერდებოდა, თავისი სერთუკი გაიხადა მამობილმა და შიგ შეახვია გოგონა.

- ახლა? ახლა ხომ ცოტა გათბი?
- დიახ, მამა.
- მამ აქ მომიცადე, ახლავე მოვალ.

გავიდა გარეთ და დიდი შენობის კედელს გაჰყვა, უნდოდა ეპოვა სადმე თბილი თავშესაფარი. კარი ბევრი ნახა, მაგრამ ყველა დაკეტილი იყო. ქვემო სართულის ყველა ფანჯარას რკინის გისოსი ეკეთა.

სახლის კუთხეს რომ გასცდა, თალიანი ფანჯრები დაინახა და ცოტა სინათლეც, ფეხის წვერებზე შედგა და ფანჯარაში შეიხედა. ეს ფანჯრები ერთ დიდ დარბაზს ეკუთვნოდა. დარბაზში იატაკის მაგივრად დიდრონი ნათალი ქვა ეგო და ჭერი გადაჭრილი ჰქონდა ბოძებზე დაშვებული თალებით. შიგნით ბნელოდა და მბუჟტავი სინათლისა და ჩრდილების შეტს ვერაფერს ხედავდა. სინათლე პატარა ლამპის იყო, დარბაზში არაფერ ჩანდა, არაფერ იხმრეოდა. მაგრამ კარგად რომ დააქცერდა და თვალი მიაჩვია, ძირს ფილაქანზე თითქოს რაღაც სუდარით შემოსილი გაარჩია, ადამიანისმაგვარი, გულდაღმა იყო გაშხლართული, პირი ქვაზე ედო, ხელები ჯვარედინად გაეშალა და მკვდარივით უძრავად იდო ცივ ქვაზე, იქვე მის გვერდით რაღაც ეგდო დაკლავნილი გველის მსგავსი, თითქოს ფილაქანზე მწოლიარეს კისერზე საბელი ჰქონდა მიბმული.

ბნელით იყო მოცული დარბაზი, ოდნავ განათებული და ეს უფრო საშინელს ხდიდა ამ სურათს.

მას შემდეგ უან ვალჟანს ხშირად უთქვამს, - ბევრი საშინელება შემხვედრია ჩემს სიცოცხლეში, მაგრამ ამის მსგავსი საზარელი და გამყინავი არაფერი მინახავსო. - ცოცხალი იყო თუ მკვდარი ფილაქანზე გამხლართული? რა განზრახვა ჰქონდა, ან რა განზრახვით იყო შეკრული და გაყინულ ქვებზე გამოტოლი ის უბედური? საზარელი იყო იმის წარმოდგენა, რომ შეიძლებოდა მკვდარი ყოფილიყო და კიდევ უფრო საზარელი, თუ ცოცხალი იყო.

თავიდან გაბედულად მოიქცა უან ვალჟანი, შუბლი მიაღო ფანჯარას და დააცქერდა, - აბა, გაინძრევა თუ არაო? - იღვა და შესცქეროდა, კარგა ხანს იღვა ასე. თვითონვე იგრძნო, რომ დიდხანს იღვა, მაგრამ არაფრითაა მოძრაობა არ ეტყობოდა სუდარაში გახვეულს. უცებ ისეთი შიში მოერია, რომ ლაჩარივით გაიქცა. მიზნობდა კოზეტისკენ, უკან აღარც იხედებოდა, - უკან როგორ მივიხედო, - ფიქრობდა, - დავინახავ, როგორ მომდევს და მემუქრება ხელებითო.

ძლივსლა ქმინავდა, კოზეტთან რომ მივიდა, მუხლი ეკეცებოდა. ცივი ოფლი სდიოდა.

სად იყო, ვინ წარმოიდგენდა ამგვარი აკლდამის არსებობას შუაგულ პარიზში? რა იყო ეს უცნაური სახლი? რა იყო ღამის საიდუმლოებით სავსე შენობა, რომელიც ანგელოზების ტკბილი გალობით ანუგეშებდა სულს ღამის სიბნელებში და თან იმ საშინელ სურათს უშლიდა თვალწინ? რა იყო ეს უცნაური სახლი, რომ სამოთხის კარის გაღებას ჰპირდებდა და ჯოჯობეთის კარს აღებდა? და ყოველივე ეს ადამიანთა სახლში ხდებოდა, სახლში, რომელსაც თავისი ნომერი ჰქონდა ქუჩის მხრიდან. სიზმარი ხომ არ იყო ეს საშინელება. თავისდაუნებურად ქვას დაავლო ხელი, რომ დარწმუნებულიყო - არ მძინავს, ფხიზელი თვალით ვხედავ ყველაფერსო.

შიში, სიცივე, მღელვარება იმ ღამისა ისე მორეოდა უან ვალჟანს, რომ შეციებულებით ცახცახებდა. ერთმანეთში არეულიყო მისი ფიქრებიც.

კოზეტთან მივიდა. გოგონას ჩასძინებოდა.

თავი მერვე

გამოცანა რთულდება

თავი ქვაზე მიედო კოზეტს.

გვერდზე მიუჯდა და დაჰყურებდა, უყურებდა ობოლს და თანდათან მშვიდდებოდა, თანდათან იმორჩილებდა თავის ფიქრებს.

ცხადად ხედავდა ამ ჭეშმარიტებას, მისი სიცოცხლის საფუძველს, ამიერიდან, ვიდრე თავისთან ეყოლება კოზეტი, რაც დასჭირდება, მარტო იმისთვის დასჭირდება, თუ შეეშინდება რამის, მარტო მის გამო შეეშინდება; არც კი გრძნობდა სიცივის, მიუხედავად იმისა, რომ სერთუკი გაეხადა და შივ კოზეტი შეეხვია.

ამ ფიქრებში გართულს, რამდენიმე ხანი იყო, რაღაც უცნაური ხმა ესმოდა, თითქოს პატარა ზარი უჭირავს ვიღაცას და იმას აწკარუნებსო. ხმა ბალიდან მოდიოდა. გარკვევით ისმოდა ზარის წკრიალი, თუმცა ყრუდ, სუსტად. უცნაურ მუსიკას ჰგავდა ეს ხმა, იმ მუსიკას, რომელსაც ქმნის ღამის საძოვარში თხის კისერზე მიბმული ზარი, წინ რომ მიუძღვის ცხვრის ფარას.

ბალისკენ მიახედა ამ ხმამ ვალჟანი.

დააცქერდა და ნახა, რომ ვიღაც იყო ბაღში.

ადამიანის მსგავსი არსება იყო, სანესვეში დადიოდა; ხან დაიხრებოდა, ხან ისევ წამოდგებოდა, ჩერდებოდა, მოძრაობდა, ეტყობოდა რაღაცას აკეთებდა ნესვის საფარ მინებში, თითქოს რაღაცას ჰფენდა, ხან მიათრევდა მიწაზე, კოჭლობდა კიდევ.

ის ხანგრძლივი კანკალი მოერია უან ვალუანს, რომელსაც მარტო მასავით განწირულნი განიცდიან. ყველაფერი საეჭვო და მტრობით სავსეა მათთვის. დღისაც უშინათ, რადგან გასცემს თავის სინათლით, და ღამისაც, რადგან მტერს ეხმარება, რომ მოეპაროს. ახლახან იყო, თრთოდა კაცი, რადგან ბაღში სულიერი არავინ ჩანდა, და კვლავ კანკალებს, რადგან ვიღაც დაინახა.

ლანდის კი არა, ახლა ამ ნამდვილი არსების შეეშინდა. წარმოიდგინა, რომ უავერი და მისი ჯაშუშები არსად წასულან, ქუჩაში დარაჯები დააყენეს და თვითონ აქვე არიან სადმე; დაინახავს თუ არა ის კაცი, მაშინვე ყვირილს დაიწყებს, - არიქა, ქურდიო! - და დააჭერინებს. ფრთხილად აიყვანა ხელში მძინარე კოზეტი და დამტვრეული ღვამის და გადასაყრელი ავეჯის უკან მიანვინა ერთ კუნჭულში. კოზეტი არ იძვროდა.

მერე იმ კაცს დაუწყო ცქერა, სანესვეში რომ დაინახა. უცნაური ის იყო, რომ ზარის ხმა კაცის ყოველი მოძრაობის შედეგი იყო, ასე ვთქვათ, თან სდევდა მას. როდესაც უან ვალუანისკენ წამოვიდოდა, წკარუნიც გარკვევით ისმოდა; უკან დაინევდა და ზარის ხმაც სუსტდებოდა, თუ ააჩქარებდა მოძრაობას, ზარის ხმაც სწრაფი და ხანგრძლივი ისმოდა; გაჩერდებოდა და აღარც ზარი რეკდა. ცხადი იყო, ზარი უნდა ბმოდა თვითონ იმ კაცს; მაგრამ რატომ? რისი მომასწავებელი უნდა ყოფილიყო ადამიანზე მიბმული ზარი? ვინ იყო ის კაცი, რომ მისთვის ზარი მიებათ, როგორც ცხვარში თხას, ან ტყეში ძროხას და ხარს აბამენ?

ამ ფიქრით იყო მოცული, ხელი რომ შეახო კოზეტის ხელს. ბავშვს ხელი გაყინული ჰქონდა.

- ვაი, ღმერთო! - წამოიძახა უან ვალუანმა.

და ჩუმი ხმით დაუძახა;

- კოზეტ.

თვალი არ გაახილა გოგონამ.

მერე კარგად შეანჯღრია.

არ იღვიძებდა ბავშვი.

- ვაიმე! რა დაემართა, რა ვქნა? - წამოვარდა, თავით ფეხამდე კანკალებდა შეშინებული.

რა საშინელება არ მოელანდა უბედურს ამ წამს! ხდება ხოლმე, ისე წარმოგვიდგება შიშით აღძრული ყოველგვარი მოსალოდნელი უბედურება, როგორც ავსული ალების მთელი გუნდი და გონება გვერევა. თუ ჩვენს საყვარელ ადამიანს შეეხება განსაცდელი, ყოველგვარ შეუძლებელ საშიშროებას მოგვალანდებს გახელებული გონება. უან ვალუანსაც ასე მოუვიდა, წარმოიდგინა, რომ სიკვდილს ვერ გადაურჩება კოზეტი, რაკი გარეთ დაეძინა ამ სიციფეში.

გაყვითლებული ინვა მიწაზე სანყალი გოგონა, სრულიად უძრავად. ყური მიაღო გულზე. სუნთქავდა ბავშვი, მაგრამ მეტად სუსტი ეჩვენა მისი სუნთქვა და შიში მოერია, - ისეა მისუსტებული, სუნთქვა ეკვრისო.

როგორ უნდა გაეთბო, როგორ გამოეღვიძებინა? ამის მეთი აღარათფერი ახსოვდა და აღარათფერი აშინებდა. სხვა ყველაფერი წაიშალა მისი გონებიდან და გიჟვით გავარდა ბაღში.

საჭირო იყო დაუყოვნებლივ ჩაენწინა კოზეტი თბილ ლოგინში და თბილ ოთახში. დანარჩენი არაფერი არსებობდა მისთვის.

თავი მეცხრე
ზარებშებმული კაცი

პირდაპირ იმ კაცისკენ წავიდა, ბაღში რომ დაინახა, ჯიბიდან ქალაქში შეხვეული ფული ამოიღო.

თავდაღუნული იყო ის კაცი და ვერ ხედავდა მისკენ მიმავალს. სწრაფი ნახტომით გარბოდა უან ვალჟანი.

მივარდა და შეჰყვირა:

- ასი ფრანკი!

შეხტა კაცი ამ მოულოდნელი ყვირილით, შეხედა.

- ას ფრანკს მოგცემთ, - გაიმეორა უან ვალჟანმა, - თუ ბინას მომცემთ ამაღამ!

მთვარე ანათებდა უან ვალჟანის გაფითრებულ სახეს.

- რა ვქნა? თქვენ ბრძანდებით, ძია მადლენ? - თქვა კაცმა.

ძია მადლენის სსენება ამ შუალამისას, ამ ჩაბნელებულ ბაღში, ამ უცნობ სახლში, ამ უცნობი კაცისგან მეტად მოულოდნელი იყო უან ვალჟანისთვის და უკან დაინია.

ყველაფერს წარმოიდგენდა და ამას კი ვერა. მოხუცებული კაცი იყო, ბაღში რომ დახვდა, წელში მოხრილი, კოჭლი, გლეხურად ჩაცმული; მარცხენა ფეხზე ტყავის სანწივე ჰქონდა და ზედ მსხვილი ზარი ეკიდა, სახე ჩრდილში ჰქონდა და ვერ გაერჩია უან ვალჟანს.

ამასობაში ქუდი მოიხადა იმ კაცმა და აკანკალებულმა წამოიყვირა:

- აჰა! ღმერთო! აქ საიდან გაჩნდით, ძია მადლენ, როგორ შემოხვედით? ქრისტე ღმერთო! ციდან ჩამოფრინდით თუ რა? საამო არ არის ჩამოვარდნა, მაგრამ თუ თქვენ ჩამოვარდით, ზეციდან ჩამოვარდებოდით. რა მოგივიდათ, რა ვქნა? აღარც ყელსახვევი გაქვთ, აღარც ქუდი, აღარც სერთუკი! იყით, როგორ შეეშინდებოდა თქვენი, სხვას რომ ენახეთ ვინმეს, ვინც თქვენ არ გიცნობთ! უსერთუკოდ! ღმერთო ძლიერო! არა, იქნებ წმინდანებიც ჯკუაზე შეშლილან ჩვენს დროში, მაინც როგორ შემოხვედით? ეს მაინც მითხარით.

წყალივით მისდევდა სიტყვა სიტყვას. სოფლური სიტყვის სიმკვირცხლით ლაპარაკობდა კაცი, ტკბილი ხმით; არაფერი იყო საშიში. ძია მადლენის ნახვით გაკვირვებული და ნასიამოვნები იყო.

- თქვენ ვინ ხართ, ეს რა სახლია, - ჰკითხა უან ვალჟანმა.

- დასწყველა ღმერთმა ჩემი მტერი და ავი სული, - შეჰყვირა ბებერმა კაცმა, - რა ვქნა, ვერა მცნობთ? მე ის ვარ, ვინც თქვენ მოათავსეთ ამ ბაღში და ეს სახლიც ის არის, სადაც მე ვმსახურობ. მაშ, ვერ მცნობთ?

- ვერა, - მიუგო უან ვალჟანმა, - თქვენ საიდანღა მიცნობთ? სად გინახივართ?

- თქვენ ხომ სიკვდილს გადამარჩინეთ.

მობრუნდა, მთვარის სხივი მოხვდა მის სახეს და უან ვალჟანმა მაშინვე იცნო ბებერი ფომლევიანი.

- აჰ, თქვენ ხართ? - გაიხარა უან ვალჟანმა, - აი, ახლა კი გიცანით.

- მადლობა ღმერთს! - წამოიძახა ფომლევიანმა ჰატარა საყვედურით.

- და აქ რას აკეთებთ? - ჰკითხა უან ვალუანმა.

- აქ? ნესვებს ვფარავ.

მართლაც, ბებერ ფომლეევანს ხელში ეჭირა ერთი ჭილობი, რომელიც სანესვესთვის უნდა გადაეფარებინა, და ხელში შერჩა, უან ვალუანი რომ მიუვარდა და ამ ლაპარაკის დროსაც ხელში ეჭირა. ერთი საათი იქნებოდა, რაც ბაღში იყო. რამდენიმე ჭილობი დაეფარებინა და ამიტომ იყო, რომ უცნაურად ეჩვენებოდა შორიდან მაყურებელ უან ვალუანს მისი მოძრაობა.

ფომლეევანმა განუმარტა:

- მთვარე კაშკაშებდა და ცხადი იყო, ყინვაც თან მოჰყვებოდა. სანესვე არ წამიხდეს-მეთქი, ვიფიქრე, ავდექი და ჭილობი წამოვაფარე. მერე სიცილი წასკდა და დაუმატა:

- თქვენ კი მოგიხდებოდათ მოხურვა ღვთის წინაშე, მაგრამ ერთი გამაგებინეთ, საიდან მოხვდით ამ ბაღში?

რაკი იცნო ამ კაცმა უან ვალუანი ძია მადლენის სახელით მაინც, ცოტა სიფრთხილე მართებდა, მანამ ისიც გაიხსენებდა ამ კაცის ვინაობას და კითხვა დაუწყო. როლები შეიყვალა: ბაღში შემოპარული ჰკითხავდა ბაღის მომვლელს.

- ეგ ზარი რაღაა, მუხლზე რომ მიგიბავთ?

- ესა? - უპასუხა ფომლეევანმა, - ეს იმიტომ მაქვს, რომ მომერიდონ.

- რაო? ზარი შეუბამთ, რომ მოგერიდონ?

თვალი მოჭუტა ბებერმა ფომლეევანმა ეშმაკური ღიმილით:

- მამ რა ვქნა? ქალების მეტი არავინ არის ამ სახლში. ძალიან ბევრი ყმანვილი ქალია, და თურმე ნუ იტყვით, ცოდვად ჩაეთვლებათ, თუ შემხვდნენ სადმე; ადგნენ და ზარი შემაბეს, რომ გაიგონებენ ჩემი ზარის ხმას, - მერიდებიან.

- ეს რაღა სახლია?

- თქვენ კარგად იცით, რაც არის.

- არა, არ ვიცი.

- თქვენ არ დამაყენეთ აქ მეზაღედ?

- მიპასუხეთ. წარმოიდგინეთ, რომ არაფერი არ ვიცი.

- ჰოდა, ეს კიდევ მცირე პიკუსის მონასტერი გახლავთ. ახლა?

ნელ-ნელა აგონდებოდა უან ვალუანს ფომლეევანი. შემთხვევამ, ესე იგი განგებამ, ჩამოიყვანა წმინდა ანტონის უბნის სწორედ იმ მონასტერში, სადაც ბებერი ფომლეევანი იდგა მეზაღედ: ფომლეევანი, რომელიც სიკვდილს გადაარჩინა უან ვალუანმა და მერე ამ მონასტერში მეზაღედ მიაღებინა. ამ ორი წლის წინ მოხდა ეს ყველაფერი. მოაგონდა და გაიმეორა, თითქოს თავის თავს ელაპარაკებოდა:

- მცირე პიკუსის მონასტერი.

- ძალიან კარგი, მაგრამ ერთი მიზრძანეთ, ძია მადლენ, როგორ შემოხვედით ამ ბაღში? წმინდა ხართ, ვიცი, მაგრამ მაინც კაცი ხართ და კაცის შემოსვლა აქ სასტიკად არის აკრძალული.

- თქვენ რომ ხართ?

- ჩემ გარდა არავინ არის.

- ასე იყოს, მაგრამ მაინც უნდა მომიხერხოთ, რომ მეც აქ დავრჩე.

- ოჰ, ღმერთო! - შეჰყვირა ფომლეევანმა.

უან ვალუანი მივიდა მეზაღესთან და დინჯად უთხრა:

- ფომლეევან, მე თქვენ სიკვდილს გადაგარჩინეთ.

- პირველად მე გავიხსენე თქვენი სიკეთე. თქვენ დავინწყებული გქონდათ.

- ჰოდა, დღეს თქვენ შეგიძლიათ გადამიხადოთ ის სიკეთე, რომელიც ოდესღაც მე გავინიეთ.

ფოშლევანმა თავისი ჩამომხმარი, აკანკალებული ხელი სტაცა უან ვალჟანის ღონიერ ხელს და რამდენიმე წამი დარჩა ისე, თითქოს ენას ვეღარ იმორჩილებდა. მერე შეჰყვირა:

- ოჰ, ღვთის წყალობა იქნება ჩემთვის, თუ შევძელი და ნაწილობრივ მაინც გადავიხადეთ თქვენი სიკეთე! მე, მე უნდა გიხსნათ თქვენ სიკვდილისგან, ბატონო მერო? იმსახურეთ თქვენი ბებერი ნაცნობი, როგორც გენებოთ!

წმინდა სიხარულს შეეცვალა მოხუცის სახე, სხივი ადგა თავზე.

- აბა, რას მავალეობთ? მიბრძანეთ.

- გეტყვით. ერთი ოთახი გაქვთ სადმე?

- პატარა ფარდული მაქვს, განცალკევებული, ძველი მონასტრის ნანგრევების უკან, ისეა მიკუჭული, რომ ძნელად მიაგნებს ადამიანი, სამი ოთახი მაქვს.

მართლაც ისე იყო პატარა სახლი მიმალული ნანგრევებს უკან, რომ შეუძლებელი იყო მისი დანახვა, ფოშლევანს რომ არ გაეშვირა იქით თითი.

- ძალიან კარგი, - უთხრა უან ვალჟანმა, - ახლა ყური დამიგდეთ, ორი რამ მაქვს სათხოვარი.

- ბრძანეთ, ბატონო მერო.

- პირველი, არავის არაფერს ეტყვიოთ ჩემ შესახებ და მეორე, რაც იცით, იმაზე მეტის გაგებას ნუ ეცდებით.

- როგორც მიბრძანებთ, ვიცი, რომ თქვენ ცუდს არაფერს ჩაიდინთ და ყველგან და ყოველთვის ღვთის მადლით სავეს იყო თქვენი ცხოვრება. ეგეც რომ არ იყოს, - თქვენ მომათავსეთ ამ სახლში და თქვენი მორჩილი ვარ. აბა, რას მიბრძანებთ?

- ძალიან კარგი. ახლა წავიდეთ. ბავშვს მივხედოთ.

- ჰა? მამ ბავშვიც არის?

ხმა აღარ ამოიღო და მიჰყვა უან ვალჟანს, როგორც ძალღი მისდევს ხოლმე თავის პატრონს.

ნახევარი საათის შემდეგ კოზეტი მებაღის თბილ ლოგინში იწვა, იქვე კარგი ცეცხლი ენთო. ბავშვი გამთბარიყო და განითლებულიყო სიცივის შემდეგ. უან ვალჟანმა თავისი ყელსახვევი მოიხვია, სერთუკი ჩაიკვა; კედელზე გადმოკიდებული ქუდიც იპოვა. მანამ ასე ირთვებოდა უან ვალჟანი, ფოშლევანმა მოიხსნა თავისი ზარბანი სანჯივე და იქვე კედელზე ჩამოკიდა, ლურსმანზე. ორივენი ბუხართან, ერთ პატარა მაგიდასთან დასხდნენ, რომელზეც ფოშლევანმა შავი პური, პატარა ნაჭერი ყველი, ერთი ბოთლი ღვინო და ორი ჭიქა დადო. ღვინო დაუსხა, მერე ხელი დაადო უან ვალჟანს მუხლზე და უთხრა:

- ეჰ, ძია მადლენ! მამ ვერ მიცანით წელან? სიკვდილს გადაარჩინეთ ადამიანი და მერე ისე დაივინყეთ, როგორც შარშანდელი თოვლი? არ ვარგა, არა! მას კი თავის დღეში არ დაავინწყდებით! უმადური ყოფილხართ, ძია მადლენ!

თავი მეთე

როგორ დარჩა ჟავერი ხახამშრალი

ახლა ისიც ვთქვათ, როგორ გაუხსლტა ხელიდან ჟავერს მახეში გაბმული ნადირი.

ახალგარდაცვლილი ფანტინის ლოგინთან დაიჭირა ჟავერმა უან ვალჟანი, რომელიც იმ ღამესვე გაეპარა მონრელიის საპატიმროდან. პოლიციას ეგონა, რომ გაქცეული კატორღელი დასამალად პარიზისკენ წავიდოდა. პარიზი მორევია, სადღაც ყველაფერი იმალება, ივარგება. ყველა ქრება ამ ქვეყნიერების ფოკუსში, როგორც უძირო ოკეანეში. ვერანაირი ტვერი ვერ დამალავს ისე კარგად ადამიანს, როგორც ხალხის სიმრავლე. ეს კარგად იცის ყველა გამოქცეულმა და პარიზისკენ მიისწაფის, რომ შთაინთქას მის სიღრმეში. ამაშია მისი ხსნა. ეს პოლიციამაც კარგად იცის და სადაც კი ვინმეს დაკარგავს, ყველას პარიზში ეძებს. მონრელიის ყოფილ მერსაც პარიზში დაუწყო ძებნა პოლიციამ. დასახმარებლად ჟავერი დაიბარეს, კარგადაც დაეხმარა. დიდი გამოცდილება და გულმოდგინება გამოიჩინა ამ საქმეში. პოლიციის უფროსის, გრაფ ანგლეს მდივნის შაბუიეს ყურადღება მიიქცია, - იგი აღრევ ჟავერის მფარველი იყო, - და პარიზის პოლიციის უფროსად დანიშნა. ერთგულად ემსახურებოდა ჟავერი და ისიც ვთქვათ, თუმცა მოულოდნელი იქნება ეს სიტყვა, - პატიოსან, სასარგებლო მოხელედ ითვლებოდა.

არც კი აგონდებოდა უან ვალჟანი. ამგვარ მეძებარს, ყოველთვის ნადირის მდევარს, გუშინდელ მგელს ავიწყებს დღევანდელი. 1823 წელს რაღაც გაზეთს ათვალთვინებდა, - ჭირივით ეჭავრებოდა გაზეთები, მაგრამ მეფის მომხრე იყო და უნდოდა დაწვრილებით სცოდნოდა ბაიონში პრინცის შესვლა და საზეიმო დახვედრა, - თვალში მოხვდა პატარა შენიშვნა და შიგ უან ვალჟანის სახელი. გაზეთში ეწერა, რომ კატორღელი უან ვალჟანი წყალში დაიხრჩო. ამ შემთხვევამ საბოლოოდ დაარწმუნა ჟავერი, რომ უან ვალჟანი უკვე გამოსთხოვებოდა ამ წუთისოფელს, - იქიდან კი ვეღარ გაიქცევაო, - თქვა ჟავერმა, გადაავლო გაზეთი და დაივიწყა უან ვალჟანი.

რამდენიმე ხნის შემდეგ პარიზის პოლიციას ცნობა მოუვიდა სენ-უაზის პოლიციისაგან - ერთი ბავშვის გატაცების შესახებ: - უცნაურ გარემოებაში მოხდა ეს ამბავი, - ეწერა ცნობაში: სოფელ მონფერმეილში ერთი პატარა გოგონა იყო, შვიდ-რვა წლის. დედას ადგილობრივი მედუქნისთვის მიებარებინა გასაზრდელად. ეს გოგონა ვიღაც უცნობმა მოიპარა და მიიმალა. გოგონას სახელად კომეტი ერქვა; ვიღაც ფანტინის შვილი იყო, რომელიც საავადმყოფოში მომკვდარა, ოღონდ არავინ იცის სად ან როდის.

ეს ცნობა წაიკითხა ჟავერმა და ჩაფიქრდა.

ფანტინის სახელი კარგად იცოდა. მაშინვე მოაგონდა, როგორ გულიანად ხარხარებდა, უან ვალჟანმა რომ სთხოვა: - სამი დღით გამიშვით, ბავშვს მოვუყვან იმ უბედურს და მერე დამიჭირეთო. ისიც მოაგონდა, რომ უან ვალჟანი მაშინ დაიჭირეს პარიზში, როცა მონფერმეილისკენ მიმავალ ომნიბუსში ჯდებოდა. პატარა ცნობაც მოიპოვებოდა, რომლის მიხედვითაც შეიძლება ეფიქრა, რომ უან ვალჟანი უკვე მეორედ მიდიოდა მონფერმეილისკენ; წინა დღესაც ყოფილიყო ამ სოფლის მიდამოებში, ოღონდ სოფელში კი არ შესულიყო. რა უნდოდა ზედიზედ ორჯერ ამ სოფელში? მაშინ შეუძლებელი იყო ამის გაგება და ახლა კი ძალიან კარგად ხვდებოდა ჟავერი. ფანტინის ბავშვი იყო ამ სოფელში გაბარებული. უან ვალჟანი ბავშვის ნასაყვანად მისულიყო და ახლა ვიღაცას გაუტაცია ის ბავშვი. ვინ უნდა

ყოფილიყო ამ გოგონას მომტაცებელი? ნუთუ უან ვალუანი, მაგრამ ის ხომ მკვდარი იყო?

არავის არაფერი უთხრა უავერმა, პატარა ეტლი დაიჭირა პლანშეტის ქუჩაბანდში და მონფერმეილისკენ გაემგზავრა.

დარწმუნებული იყო, შუქი მოეფინებოდა იქ ამ საიდუმლოებს, მაგრამ იმედი გაუცრუვდა, უფრო მეტი სიბნელე მოეფინა.

პირველ დღეებში ძლიერ გაშმაგებული იყო ტენარდიე და - ტოროლა მომტაცესო - გაიძახოდა. სოფლის სალაპარაკოდ გახდა ეს ამბავი. ზოგი რას ამბობდა, ზოგი რას და ბოლოს დაასკვნეს, რომ ტენარდიეს ვიღაც უცნობმა კაცმა მოპარა მიბარებული ბავშვი. აქედან მოდიოდა პარიზში გაგზავნილი პოლიციის ცნობა, მაგრამ გაიარა პირველმა გაშმაგებამ. ტენარდიემ თავისი საკვირველი აღლოს მეშვეობით მოისაზრა, რომ თავის დღეში ბატონი პროკურორის შენუხებით სარგებელი არავის უნახავს, და რომ მის საჩივარს კოზეტის მოტაცების გამო, შედეგად მართლმსაჯულების მკაცრი თვალის გადავლება მოჰყვება ტენარდიეს მეტად საეჭვო საქმეებზე. ჭირვით ეჯავრება ბუს სინათლის დანახვა, გარდა ამისა, რა პასუხს გასცემს, რომ ჰკითხონ, იმ კაცს რად გამოართვი ათას ხუთასი ფრანკი? გეზი შეიცვალა, პირზე კლიტე დაადო თავის ცოლს და გაკვირვებული სახით შესცქეროდა ყველას, ვინც „მოპარულ ბავშვზე“ დაუწყებდა ლაპარაკს. რის მოპარვა? რის მოტაცება? მართალია, ბავშვი რომ წაიყვანეს, სულ იმას ჩიოდა, ასე მალე რად წამართვეს, მეტად მიყვარდა გოგონაო. უნდოდა ერთი-ორი დღე კიდევ ჰყოლოდა, რომ გამძღარიყო მისი სიყვარულით, მაგრამ პაპა მოუვიდა ტოროლას, მის წასაყვანად და უარს ხომ ვერ ეტყოდა? ეს პაპა მოიგონა და ამით უფრო სანდო გახდა თავისი ნათქვამი.

ეს ამბავი დახვდა ტენარდიესთან მისულ უავერს. პაპამ დამალა უან ვალუანი. მაინც თავისი სცადა უავერმა და კითხვებით გამოცდა დაუნყო მედუნეს:

- ვინ არის იმ გოგოს პაპა? რა ჰქვია?

და ტენარდიემაც გულუბრყვილო ყყყჩის სახით მიუგო:

- დიდი მემამულეა. მისი პასპორტი ვნახე. მგონი გილიომ ლანბერი ჰქვია.

პატიოსანი გვარია ლანბერი, ეჭვის გამქარვებელი. უავერი პარიზში დაბრუნდა.

უან ვალუანი მკვდარია, - იძახდა უავერი, - ის უსულელე არ არის, რომ მკვდარს თავს არ ვანებებ?

მკვდარს თავი დაანება, ეს ამბავიც დაივიწყა, მაგრამ 1824 წლის მარტში ყური მოკრა ვიღაც კაცის უცნაურ საქციელს: სენ-მედარის სამწყსოში დგას და მეტახელოდ ხალხი „მონყალების გამცემ მათხოვარს“ ეძახის. ამ კაცის სახელი დანამდვილებით არავინ იცის; ეტყობა ფული აქვს და იმის სარგებლით ცხოვრობს, მარტოდმარტო. 8 წლის პატარა გოგონა ჰყავს, რომელმაც თავისი თავის შესახებ არაფერი იცის, გარდა იმისა, რომ მონფერმეილიდან არის.

ამ სიტყვამ ყურები დააქვქვეტინა უავერს. ერთმა ბებერმა ჯაშუშმა მათხოვარმა, ყოფილმა მნათემ, რომელსაც ის კაცი ყოველთვის აძლევდა წვრილ ფულს, ცოტა რამ დამახასიათებელიც უთხრა იმ მონყალების გამცემი კაცის შესახებ: მეტისმეტად დაღვრემილი კაცია. ქუჩაში მარტო საღამოობით გამოდის. როცა დაბნელდება, ხელგანვდილი გლახების გარდა, ხმას არავის სცემს. ახლოს არავის იკარებს. ძველი, ყვითელი სერთუკი აცვია, რომელიც რამდენიმე მილიონი ღირს, რადგან სარჩულში სულ ათასფრანკიანები აქვს ჩაკერებულიო.

ამ ამბავმა კიდევ უფრო გააძლიერა უავერის ცნობისმოყვარეობა. მონყალების გამცემი მათხოვრის ნახვის მიზნით, ბებერ მნათეს თავისი ტანისამოსი სთხოვა, მის ადგილას დაჭდა, მასავით მოიკუნტა და ხელგანვდილმა დაიწყო ლოცვების გალობა, თან ყველას აკვირდებოდა.

საეჭვო კაცი მართლაც იმ საღამოსვე მივიდა გლახის ტანისამოსში გამონყობილ უავერთან და წვრილი ფული ჩაუდო ხელში. სწორედ ამ დროს ახედა უავერმა და როგორც უან ვალჟანი შეაკრთო უავერის ცნობამ, ისე უავერი შეკრთა, უან ვალჟანი რომ დაინახა თავის წინ.

მაგრამ ბნელოდა და შეიძლებოდა სხვა ვინმე მოსჩვენებოდა უან ვალჟანად, მისი სიკვდილი ხომ ოფიციალურად იყო ცნობილი; ჯერ კიდევ ანუხებდა უავერს ეჭვი და როდესაც სრულად არ იყო დარწმუნებული, სულ პატარა ეჭვიც რომ აღძვროდა, როგორც კეთილსინდისიერი ადამიანი, ხელს არავის ახლებდა დასაჭერად.

აღდა და უკან მიჰყვა შორიხლოს გორბოს სახლამდე. იქ ბებერი დედაკაცი ნახა და ძალიან ადვილად ალაპარაკა. იმანაც, - ძლივს მსმენელი მარგუნა ღმერთმანო, - გახსნა თავისი გუდა და წინ დაუღაგა სერთუკში ჩაკერებული მილიონები, ათასფრანკიანების ამბავი, სულ თავისი თვალით ნანახი, საკუთარი თითებით ნაგრძნობი.

უავერმაც იმავე სახლში იქირავა ერთი ოთახი და იმ ღამესვე იქ დაბინავდა. ღამით მივიდა საიდუმლო მდგმურის კართან ყურის დასაგდებად იმ იმედით, რომ მისი ხმა გაეგონა, მაგრამ უან ვალჟანმა კარის კლიტის ნახვრეტში სინათლე შენიშნა და იმედი გაუცრუა მსტოვარს, არ გააგონა თავისი ხმა.

უან ვალჟანი მეორე დღესვე წავიდა იმ სახლიდან, მაგრამ ხუთფრანკიანი ვერცხლი რომ გაუვარდა ხელიდან, ბებერმა დედაკაცმა გაიგონა იმისი ზრიალი, იფიქრა, - ალბათ ბარგს ალაგებს, სხვაგან გადადისო და მაშინვე უავერს აცნობა. როცა დაღამდა და უან ვალჟანი ქუჩაში გამოვიდა, უავერიც იქვე ელოდა ბულვარის ხეებთან დამალული, თან ორი კაცი ახლდა.

პოლიციას დახმარება სთხოვა, მაგრამ ის კი არ უთქვამს, ვის დასაჭერად უნდოდა შველა; ეს მისი პირადი საიდუმლო იყო და ამის დასაფარად სამი მოსაზრება ჰქონდა: პირველი, სულ უბრალო, უმცირესი სიტყვა რომ წამოსცდენოდა ვინმეს და უან ვალჟანს გაეგო, ხელიდან გაუსხლტებოდა; მეორე, იმდენად დიდი და საშინელი ნადირი იყო ეს ძველი კატორღელი, რამდენჯერმე გამოქცეული და უკვე მკვდრად გამოცხადებული, რომ ჯერ კიდევ ადრე იყო მართლმსაჯულების საქმეებში მოხსენიებული, როგორც ერთ-ერთი საშინელი ბოროტმოქმედი; მისი დამჭერი სახელს მოიხვეჭდა და, ცხადია, რომ გაემხილა თავისი განზრახვა, მას, საიდანაც ახლად მოსულს, აღარ დაანებებდნენ ამ სასახელო ნადირს პარიზელი პოლიციელები და ხელიდან გამოჰკლევდნენ სახელსაც და ჯილდოსაც; მესამე კიდევ ის იყო, რომ არტისტი იყო უავერი და მოულოდნელი სიტკბოების გემო იცოდა. ეჭვარებოდა წინასწარ განცხადებული გამარჯვება. თავის განზრახვას ჩუმად, საიდუმლოდ დაგეგმავდა და მერე უცბად მოიპოვებდა გამარჯვებას.

უკან მისდევდა უან ვალჟანს; ხეების უკან ან ქუჩის კუთხეში იმალებოდა და ერთი წამითაც არ ამორებდა თვალს, მაშინაც კი, როდესაც უან ვალჟანი მშვიდდებოდა, - მსტოვარს კვალი ავერიყო. მაშინაც კი კარგად ხედავდა მას უავერი.

მამ რილასთვის მისდევდა? რატომ მაშინვე არ დაიჭირა?

იმითომ, რომ ჯერაც ეჭვობდა, - ვაი თუ ის არ იყოსო.

არც ის უნდა დაევიწყოთ, რომ ამ დროს პოლიცია ძალიან ცუდ გუნებაზე იყო, მას თავისუფალი პრესა ავიწროებდა. რამდენიმე შემთხვევა მომხდარიყო, რომ პოლიციას უსაფუძვლოდ დაეჭირა კაცი. გაზეთები აღმფოთებით იტყობინებოდნენ მოქალაქეთა უფლებების შელახვის შესახებ. პარლამენტამდე მიეღწია ამ საქმეს, რასაც პოლიცია და მისი ხელმძღვანელები ძლიერ შეეშინებინა. ადამიანის თავისუფლების შელახვა დიდ დანაშაულად ითვლებოდა. მოხელეები ფრთხილად მოქმედებდნენ. უფროსი თვალყურს ადევნებდა და სასტიკად სჯიდა მათ. შეცდომა და სამსახურიდან დათხოვნა ერთი იყო, და წარმოგიდგენიათ, რა აღმფოთებას გამოიწვევდა პარიზში ეს პატარა „ახალი ამბავი“, ოციოდე გაზეთში გამოცხადებული: „ვუშინ ერთი პატიოსანი ჭაღარამოსილი რანტიე, რომელიც თავის შვილიშვილთან, 8 წლის ქალთან ერთად, დასაქმნობდა ქუჩაში, კატორღიდან გამოპარულს მიახმგავსეს და პოლიციაში მიიყვანეს“.

გავიმეოროთ აგრეთვე ისიც, რომ უავერი თავისებურად კეთილსინდისიერი კაცი იყო; პოლიციის უფროსის ბრძანებას მისი სინდისის ბრძანება ემატებოდა და აორკეცებდა ეჭვს.

ჟან ვალჟანს მდეგრისთვის ზურგი მიექცია და ბნელში იმალებოდა.

ცალკე შიში, მწუხარება, დაღლა ერეოდა და ცალკე კიდეც ის უბედურება, რომ იძულებული გახდა ღამე გამოსულიყო ქუჩაში და თავისთვის და პატარა კოზეტისთვის სადმე ბინა ეპოვა, ამასთან პატარა ბავშვის ნაბიჯით უნდა ევლო მასაც, როდესაც უკან მტრის სიახლოვეს გრძნობდა. ყოველივე ამას ისე შეეცვალა მისი მიხვრა-მოხვრა, სიარული, იმდენად დაესუსტებინა, რომ თვით პოლიციაც კი, უავერის სახით, შეიძლებოდა მოტყუებულიყო, და მოტყუედა კიდეც. შეუძლებელი იყო მიახლოება, რომ კარგად დაეთვალიერებინა იმ ბნელში. სამშობლოდან გახიზნული მასწავლებლის ძველი ტანისამოსი ეცვა. ტენარდიეს თქმით, პატარა გოგონას პაპა იყო. ამას დაურთო გაზეთის ცნობაც, რომ ზღვაში დაიხრჩო ჟან ვალჟანიო. გასაგებია, რომ უავერი ყოყმანობდა.

ერთ წამს იფიქრა, - დავეწვი და უცბად პასპორტს მოვთხოვო, - მაგრამ ჟან ვალჟანი რომ არ გამოდგეს ის კაცი? ან კიდეც პატიოსანი მოხუცებული მოქალაქე რომ არ გამოდგეს? შეიძლება ბოროტმოქმედი იყოს, პარიზის ქუჩების და საშიში ავაზაკების მოთავე, რომელიც ხალხის დასახნახად მონყალებას არიგებდა, რომ თავისი ნამდვილი ხელობა დაემალა. ძველი ხრიკებია! ახლა რამდენი ამხანაგი და თანამგრძობი ეყოლებოდა? ბინაც ბევრგან ექნება, რომ თავი შეაფაროს. ისე მოხერხებულად მიდიოდა იმ ვიწრო ქუჩებში, რომ ცხადი იყო, უბრალო ბერიკაცი არ უნდა ყოფილიყო. ასე ჩქარა რომ დაეჭირა, ეს იქნებოდა „ოქროს კვერცხის მდებელი ქათმის მოკვლა“. ან რა საჭირო იყო აჩქარება? უავერი დარწმუნებული იყო, ვინც არ უნდა ყოფილიყო, ვერსად წაუვიდოდა.

შეძრწუნებული მისდევდა ჟან ვალჟანს და ვერ გადაწყვიტა, როგორ მოქცეულიყო, რომ შეცდომა არ მოსვლოდა და არ შერცხვნილიყო. ჯერაც არ იცოდა, ვინ იყო ეს ბნელი პიროვნება.

ბოლოს, როდესაც პონტუაზის ქუჩაში შესულ ჟან ვალჟანს ერთი დუქნის სინათლე მოხვდა, მაშინ დარწმუნდა, რომ მართლა მას მისდევდა.

ორი არსება განიცდის უსაზღვრო თრთოლას ამქვეყნად: დედა, როდესაც თავის შვილს იპოვის, და ვეფხვი, თავის საკბილოს რომ ჩაიკვებებს ბრჭყალებში. ასევე ათრთოლდა ჟავერიც, თავისი მსხვერპლი რომ იცნო.

რაკი იცნო ჟან ვალჟანი და დარწმუნდა, უსაფუძვლო იყო მისი ეჭვი, მაშინდა დაფიქრდა, რომ თან სულ ორი კაცი ჰყავდა და პონტუაზის ქუჩის პოლიციის კომისარს დახმარება სთხოვა. თუ ეკლიანი ჯოხის ხმარებას აპირებ, ხელთათმანიც უნდა ჩაიცვა!

თავის დამხმარე კაცებთან მოლაპარაკებამ ცოტა შეაგვიანა და კინაღამ გაქცეულის კვალი დაკარგა; მაგრამ მოისაზრა, რომ ჟან ვალჟანი ეცდებოდა წყალგალმა გავიდეხ და გამოღმა დატოვოს მონადირეები, თავი დაღუნა და ჩაფიქრდა, როგორც კარგი მეძებარი, რომელიც მიწას დაადებს ხოლომე ყურს, რომ კვალი არ დაკარგოს. ჟავერსაც მეძებრის კარგი ალღო ჰქონდა და პირდაპირ აუსტერლიცის ხიდისკენ წავიდა. ხიდის თავში მეზვერეს ჰკითხა:

- მოხუცებულ კაცს ხომ არ გაუვლია? თან პატარა გოგონა ჰყავდა.

- ეს არის გაიარეს. ორი სულის გადავახდევინე, - მიიღო პასუხად. და - ძლივს! დამშვიდდა კაცი, დარწმუნდა, რომ ნადირს სწორად მისდევდა და კვალი არ არეოდა.

ჟავერი სწორედ იმ დროს მივიდა ხიდთან, როდესაც ხიდის გაღმა ყურთან მთვარით განათებულ გზაზე ჟან ვალჟანი და კოზეტი გამოჩნდნენ. მშვენივრად ხედავდა ჟავერი. დაინახა, რომ სენტ-ანტუანისკენ მიმავალ ქუჩაში შევიდნენ და მაშინვე სიხარულით მოაგონდა ჟანროს ქუჩაბანდი, რომელიც ნამდვილ ხაფანგს წარმოადგენდა, მით უფრო, რომ დრუა-მურის ქუჩიდან მცირე პიკუსის ქუჩაში ერთადერთი გზა გადიოდა. ჟან ვალჟანს წინ დაუყენა დარაჯები. ერთი ამ გასასვლელში გაგზავნა, რომ გზა შეეკრა და წინ დახვედროდა. ჯარისკაცები მოდიოდნენ სადარაჯოდან და ისინიც თან წაიყვანა. ამგვარ საქმეში ჯარისკაცი იგივეა, რაც თულფის კიკო ბანქოს თამაშში. ნადირობის პრინციპი ამგვარია: ვისაც ტახის დაჭერა უნდა, მონადირის ოსტატობა და მეძებრის ღონე უნდა ჰქონდეს. რაკი ასე მოაწყო საქმე და ნახა, რომ ჟან ვალჟანი მომწყვდეული იყო მარჯვნივ ჟანროს ქუჩაბანდში, მარცხნივ - ყ თავისი დარაჯებით და უკან კიდევ თვითონ უდგა თავისი კაცებით, დამშვიდდა, ბურნუთი მოსწია გახარებულმა.

მერე განავრძო თამაში. ჯოჯოხეთურ ნეტარებას აევსო გული. წინ მიუშვა თავისი ნადირი, რადგან იცოდა, რომ ველარსად წაუვიდოდა; წინ მიუშვა, უნდოდა ჯერ საკმარისად დამტკბარიყო თავისი გამარჯვებით, უბედურის, განწირულის წამებით. იმ აღგზნებული თვალით უყურებდა უბედურს, რომელიც ობობას აქვს, ბუბს რომ გააბამს და ტკბება მისი ფრთხილით; ან კიდევ კატას, თავგს რომ მოიმწყვდევეს და სათამაშოდ გაიხდის, - ირზინოს, ხომ ველარსად წამივაო. - სამინელ ნეტარებას გრძნობს ბრჭყალებით მოსილი, როდესაც ხელთა ჰყავს თავისი მსხვერპლი და ტკბება.

ჟავერიც ტკბებოდა. საიმედოდ იყო შეკრული მახე, რომელშიც ჟან ვალჟანი მოემწყვდია. უკვე დაჭერილი ჰყავდა კაცი და მხოლოდ ხელის განვდენა იყო საჭირო.

თან ჯარისკაცები და პოლიციელები ჰყავდა, ჟან ვალჟანი წინააღმდეგობას ვერ გაუწევდა, თუმცა მამაცი იყო, დიდი ღონის პატრონი და სასოწარკვეთილებამდე თავგანწირული.

ნელ-ნელა მიიწევდა წინ ჟავერი და ისე სინჯავდა ქუჩის ყველა კუთხეს, როგორც დაჭერილი ჯიბგირის ჯიბებს.

შუაგულში რომ მივიდა, ხახამშრალი დარჩა! იქ არ დაუხვდა ბუბი.

წარმოიდგინეთ მისი მძვინვარება!

ღრუა-მურის ქუჩიდან პიკაპუსის ქუჩაში გასასვლელზე მდგარ დარაჯს მივარდა; კითხვა დაუნყო.

- აქ არავის გაუვლია, ბატონო, არავის, - მიიღო პასუხი.

მოხდება ხოლმე ხანდახან, გარს შემოეხვევიან ირემს მონადირეები და ძაღლები, ერთი სროლა აკლია, რომ ძირს დაეცეს განგმირული, მაგრამ ისე გაქრება უცბად, რომ განცვიფრებულნი რჩებიან მონადირეები, ხმას აღარ იღებენ; ასეთი მარცხის დროს არტონჟმა წამოიძახა: - „ირემი კი არა, ჯადოქარი იყო!“

რომ არ შერცხვენოდა, უავერიც ამას იტყოდა.

დამარცხება, შერცხვენა! ცოფი ერეოდა უავერს.

დამტკიცებელია, რომ ნაპოლეონმა შეცდომები დაუშვა რუსეთთან ომში, ალექსანდრე მაკედონელმა - ინდოეთთან ომში, კეისარმა - აფრიკაში, კიროსმა - სვეითებს რომ ებრძოდა, და უავერსაც შეცდომა მოუვიდა უან ვალუანთან ბრძოლაში. იქნებ შეცდომა იყო, რომ ამდენ ხანს ყოყმანობდა და ვერ იცნო ძველი კატორღელი. ერთი შეხედვაც საკმარისი უნდა ყოფილიყო მის საცნობად. შეცდომა დაუშვა, რომ სახლში, თავის ბინაზე არ შეიპყრო. შეცდა, რომ იმ წუთას არ დაიჭირა, საბოლოოდ რომ იცნო პონტუაზის ქუჩაში. შეცდა, რომ განიერ, მთვარით განათებულ ქუჩაში დადგა და მოლაპარაკება დაიწყო თავის კაცებთან. მართალია, რჩევა კარგია და სასარგებლოა ნდობის ღირსი მეძებრების აზრის მოსმენა, მაგრამ კარგ მონადირეს არ ეპატიება სულ უმცირესი დაყოვნებაც კი, როდესაც ისეთ ავ ნადირს მისდევს, როგორც არის მგელი და ძველი კატორღელი. სულ იმას ცდილობდა უავერი, კვალდაკვალ მივაყოლო მეძებრებო, ბოლოს დააფრთხო ნადირი და გააქცია. განსაკუთრებით მაშინ შეცდა, აუსტერლიცის ხილზე რომ დაინახა; იმის მაგივრად, რომ მაშინვე დაეჭირა, წინ გაუშვა ბავშვივით, გართობა მოისურვა და სათამაშოდ გაიხადა ღონით და მოხერხებით განთქმული კაცი. უფრო ძლიერად წარმოიდგინა თავისი თავი, ვიდრე იყო, უნდოდა თავგვივით ეწრუნუნებინა ლომი და იმავე დროს სუსტად მიიჩნია თავი, დახმარება რომ სთხოვა პოლიციას. საბედისწერო იყო ეს სიფრთხილე, რადგან მეტად სასწრაფო საქმის დაყოვნება გამოიწვია. ყველა ეს შეცდომა უავერმა ჩაიღინა, მიუხედავად იმისა, რომ პოლიციელებში საუკეთესო და მცოდნე მოხელედ ითვლებოდა. ძლიერი პოლიციელი იყო. მონადირეების სიტყვით რომ ვთქვათ, ჭკვიანი ძაღლი იყო, - მაგრამ ვინ არის სრულყოფილი და უნაკლო?

დიდებული მხედართმთავარნიც ცდებიან.

დიდი სისულელე წერილმანებისგან არის შემდგარი, როგორც ბავირი - წერილი ძაფებისგან. წერილ-წერილ შემადგენელ ძაფებად გასინჯეთ, დაუკვირდით ცალ-ცალკე წერილ მოსაზრებას, გადაწყვეტილების საფუძვლად მიღებულს და წერილი ძაფით დაწყვიტავეთ ყველას; გაიკვირებთ, - მამ ეს იყო, სხვა არაფერიო, - იტყვიან, მაგრამ შეაერთეთ წერილი ძაფები და დაახვიეთ; მსხვილი, მნიშვნელოვანი ბავირი გამოვა, ეს არის ატილა, რომელიც გაჩერებულია და არ იცის, ვის მიუხტეს, მარსიანს - აღმოსავლეთში თუ ვალენტინიენს - დასავლეთში; ეს არის ჰანიბალი, რომელიც იგვიანებს კაპუში; ეს არის დანტონი, რომელსაც სძინავს თავის სამშობლო არსი-სურობში.

ხელიდან გაუსხლტა კაცი, სახტად დარჩა უავერი, მაგრამ არ დაიბნა. დარწმუნებული იყო, რომ ასე სწრაფად შორს ვერ წავიდოდა. ყველგან დარაჯები

დააყენა. ყველგან ხაფანგი დააგო და მთელი ღამე უნ ვალჟანის ძეხნას მოუნდა. მაშინვე მიაქცია ყურადღება სანათის ბოძს და ნახა, რომ თოკი მოჭრილი იყო, საგანგებო ნიშანი იყო ჟავერის საყურადღებოდ, მაგრამ მან მთელი თავისი ყურადღება უანროს ქუჩაბანდს მიაპყრო. ამ ქუჩაბანდში დიდრონ ბაღებს ძალიან დაბალი კედლები ჰქონდა, რომლებიც თვალუწვდენელ მინდორში გადიოდა და გადაწყვიტა, რომ უნ ვალჟანი სწორედ ამ ბაღებით უნდა გაქცეულიყო და მინდორში გავარდნილიყო. ცოტა ადრე რომ შესულიყო უნ ვალჟანი ამ ქუჩაბანდში, სწორედ ამ გზას აირჩევდა და დაილუპებოდა კიდეც. ჟავერმა ისე გადასინჯა ეს ბაღები და ბაღების იქით მინდორი, თითქოს ნემსი გავარდნოდა ხელიდან და იმას ეძებდა.

გათენებისას ორი მოხერხებული კაცი დატოვა იქ დარაჯად და თვითონ პოლიციისკენ წავიდა. სირხცილით იწვოდა სახელოვანი ჯაშუში, რომელსაც ვილაც კატორღელმა თავს ლაფი დაასხა.

წიგნი მეექვსე
მცირე პიკუსი

თავი პირველი
მცირე პიკუსის ქუჩის # 62

ამ ორმოცდაათი წლის წინ პიკუსის ქუჩის #62 სახლს სულ უბრალო ალაყათის კარი ჰქონდა. სწორედ ისეთი, როგორც ყველა სახლს - იმ დროს. კარი ჩვეულებრივ ოდნავ ღია იყო, თითქოს ეპატიუებოდა გამვლელებს, შემობრძანდითო. ქუჩიდანვე ჩანდა დიდი ეზო, რომლის ღობეებზეც ვაზის ტოტები მოფენილიყო, და ერთი მეგზოვე, რომელიც ეზოში დაეხეტებოდა. კარის პირდაპირ, კედლის ზემოდან, დიდრონი ხეები მოჩანდა. მზის სხივი რომ დაჰკრავდა და დაამშვენებდა ხოლმე ამ ეზოს, და ერთი ჭიქა წითელი ღვინო რომ გაამხიარულებდა მეგზოვეს, ძნელი იყო ისე გაეგლო კაცს პიკუსის ქუჩის #62 სახლთან, რომ მხიარული სურათი არ ჩარჩენოდა მესხიერებაში. სინამდვილეში კი ჭმუნვის სამეფო იყო სახლიც და ეზოც.

კარი იცინოდა; სახლი ლოცულობდა და ტიროდა.

თუ მოახერხებდა ვინმე იქ შესვლას, რაც თითქმის შეუძლებელი იყო ყველასთვის, რადგან ამისათვის საჭირო იყო სცოდნოდა იქ შემსვლელს „სეზამ გააღე“, დიახ, თუ მოახერხებდა ვინმე და ეზოში მოხვდებოდა, მარჯვნივ პატარა ოთახში უნდა შესულიყო, იქიდან ვიწრო კიბეს აჰყოლოდა, ორ კედელს შუა ჩაჭედოდა; იმდენად ვიწრო იყო ეს კიბე, რომ ერთის მეტი კაცი ვერ ეტეოდა მის კედლებზე; კიბე ყვითლად იყო შეღებილი. აივლიდა ერთ ბაქანს, მერე მეორეს და მეორე სართულის ტალანში შევიდოდა. კიბეს და ტალანს ორი ლამაზი ფანჯარა ანათებდა. ტალანი იკუთხებოდა და ბნელდებოდა. ამ კუთხეს რომ გასცდებოდა, რამდენიმე ნაბიჯს გადადგამდა და მივიდოდა ერთ კართან, მით უფრო საიდუმლოსთან, რომ დაკეტილი არ იყო. შეაღებდა კარს და პატარა, დაახლოებით ორი კვადრატული მეტრი ფართობის ოთახში აღმოჩნდებოდა. ეს იყო სუფთად გარეცხილი, ცივი ოთახი; კედლებზე მწვანე ყვავილიანი, მეტად იაფი ქაღალდი ჰქონდა გაკრული. თეთრი, მქრქალი სინათლე შემოდიოდა დიდ ფანჯარაში. ფანჯარა წვრილ-წვრილ ოთხკუთხედებად იყო დაყოფილი და ოთახის მთელი სივანე ეჭირა. შევიდოდა

ოთახში, აქეთ-იქით ცქერას დაიწყებდა და ვერავის ნახავდა, ყურს მიუგდებდა და ვერაფერს გაიგონებდა, ვერც ადამიანის ჩურჩულს, ვერც მის ფეხის ხმას. კედლები - ცარიელი, არავითარი ღვაში. ერთი სკამიც კი არსად იყო.

კარის პირდაპირ კედელში ოთხკუთხა ნახვრეტი დაეტანებინათ, სიგრძე-სიგანით - მეტრის მესამედი, რკინის მოაჭირით აფარებული. ისე ახლო-ახლო ეკრა იმ მოაჭირს რკინა და ზედ კიდევ იმდენი გადაჯვარედინებული შავი მაგარი რკინის კალონი, რომ ამ რკინებშუა ცარიელ ოთხკუთხედში ადამიანის თითიც ვერ ჩაეტეოდა. კედელზე გაკრული ქალაღდის მწვანე ყვავილები ნელ-ნელა უახლოვდებოდნენ რკინის ლასტს, არ ეშინოდათ ამ საშინელი მეზობლობისა. რომ ყოფილიყო ვინმე იმდენად გამხდარი და დაკნინებული, რომ ოთხკუთხა ნახვრეტში გაძვრომა მოენდომებინა, ვერას გახდებოდა, რადგან რკინის ლასტშივე გაიჭედებოდა. ტანს არ გაატარებდა, მაგრამ თვალეხს, ესე იგი სულს, - კი. ეტყობოდა, ესეც გათვალისწინებული იყო, რადგან მოაჭირს თუნუქის ფიცარი ჰქონდა მიკრული, კედელში ჩამავრებული წვრილი მიკროსკოპული ნახვრეტებით, უფრო წვრილებით, ვიდრე სახურავს აქვს. ქვემოთ ეს თუნუქი გაჭრილი იყო, როგორც ფოსტის ყუთი, ქუჩაში რომ ჰკიდია კედლებზე, წვრილის ჩასაშვებად. მოაჭირის მარჯვნივ პატარა ზარი იყო და ზონარი ეკიდა.

რომ შეეტოკებინა ეს ზონარი, ზარი ანკარუნდებოდა და ვიდაც უხილავის ხმა მოესმოდა მოულოდნელად ისე ახლოდან, რომ შეაკრთობდა.

- ვინ არის? - ჰკითხავდა უხილავის ხმა.

ქალის ხმა იყო ნაზი, იმდენად ნაზი, რომ სევდიანად ეჩვენებოდა.

და აქაც კიდევ უნდა სკოდნოდა ჯადოსნური სიტყვა, თუ ამ სიტყვას არ გაიგონებდა, ხმას არავინ გასცემდა და სამარისებური სიჩუმე ჩამოვარდებოდა პატარა ოთახში.

თუკი ეტყოდა იმ სიტყვას, მიიღებდა პასუხს:

- მარჯვნივ მიბრძანდით.

მარტო მაშინ შენიშნავდა, რომ მის მარჯვნივ, ფანჯრის პირდაპირ კარი იყო, შუშინი. ასწავდა რაზას, კარს გააღებდა, შევიდოდა და განცვიფრებული დარჩებოდა, ეგონებოდა თეატრში ვარ, ბენუარ-ლოჟაში, როდესაც ჯერ ჭალი არ აუნთიათო. და მართლაც, თეატრის ქვემო ლოჟას ჰგავდა ეს ოთახი, ოდნავ განათებული შუშინი კარიდან შემოსული სინათლით; ვინრო ოთახი იყო, ორი სკამი იდგა, ძველი, დაგლეჯილი ჭილობი ეგო იატაკზე. წინა მხარეს, როგორც თეატრის ლოჟას, დასაყრდენი და შავი ხის თარო ჰქონდა. ამ ლოჟასაც მოაჭირი ჰქონდა, ოღონდ მოვარაყებელი კი არა, როგორც თეატრში, უბრალო შავი რკინისა, მაგარი, უშნო კედლებზე დიდრონი მუშტის მსგავსი თავიანი ლურსმნებით მიმავრებული ტლანქი კალონებით.

კვარვა ხანს უნდა შეჩერებულიყო იქ შესული, სანამ თვალს მიაჩვევდა სიბნელეს. მერე ეცდებოდა მოაჭირის იქითაც დაენახა რამე, მაგრამ მოაჭირს უკნიდან შავი დარაბები ეკრა, ყვითლად შეღებილი ძნისფერი კალონებით.

რამდენიმე წუთის შემდეგ ხმას გაიგონებდა დარაბის უკნიდან:

- აქ გახლავართ, რა გნებავთ?

ხშირად სატრფოსი იყო ეს ხმა, საყვარლის, სათაყვანოსი. თვალით ვერავის ხედავდა, მარტო სუნთქვა ესმოდა. მიცვალებულის სულის გამოხმობას ჰგავდა, რომელიც საფლავის ქვის ქვეშიდან აძლევდა პასუხს.

იმეათად, მაგრამ ხდებოდა ხოლმე, სტუმარი რაიმე უპირატესობით იყო აღჭურვილი; გაიხსნებოდა ვინრო დარაბა და გამოხმობა მოჩვენებად გარდაიქმნებოდა, მოაჯირის უკან, დარაბის უკან, რამდენადაც კი ამას შესაძლებლად ხდოდა დარაბის სივინროვე, ადამიანის თავს დაინახავდა, რომელსაც მარტო პირი და ნიკაპი უჩანდა, სხვა ყველაფერი დაბურული ჰქონდა შავი რიდით; ოდნავ ჩანდა შავი გულისპირი; შავი სუდართ მორთული ცოცხალი ადამიანი ელაპარაკებოდა მიმსვლელს, მაგრამ არ შეხედავდა, არც გაუღიებდა.

ოთახში შემსვლელის უკნიდან შედიოდა სინათლე და ისე სცემდა ერთსაც და მეორესაც, რომ სტუმარი თეთრად მოჩანდა, ის კი შავად. ეს სინათლევ სიმბოლოს წარმოადგენდა.

რაკი გაიხსნებოდა დარაბა, სტუმარი ცდილობდა თვალთ დაენახა რა იყო დარაბის იქით, დაუინებით შესცქეროდა იქაურობას, მაგრამ ვერაფერს ხედავდა. ღრმა წყვილიდით იყო გარემოცული ეს ძაძამოსილი ლანდი. ადამიანის თვალი ეძებდა ამ მოჩვენების ირგვლივ რამეს, მაგრამ მალე რწმუნდებოდა, რომ აღარაფერი ჩანდა. მის წინ იყო ლამე, სიყარილე, ზამთრის ნისლი, საფლავის ორთქლში არეული. შიშის მომგვრელი ღუმელი გამეფებულყო, ბნელი, რომელშიც ვეღარც მოჩვენებას გაარჩევდა თვალი.

მის წინ მონასტრის შინა ნაწილი იყო.

იმ დაღვრემილი შენობის შინა ნაწილი იყო, რომელსაც ერქვა ბერნანდელ ქალთა მონასტერი „მუდმივი თაყვანისმცემლებისა“. სტუმარი ლოჟაში რომ შევიდა, ის „მისალები ოთახი“ იყო; ის ხმა, პირველში რომ მოესმა სტუმარს, „მეკარე ქალისა“, რომელიც იქ იჯდა, კედლის მეორე მხარეს, ოთხკუთხად ამოჭრილ, მოაჯირის გამაგრებულ სარკმელს უკან, უძრავი და ხმის ამოულებელი, ცდუნებისგან დაფარული სქელი კედლით, რომელშიც პატარა ჭუჭრუტანა იყო დატანებული, მაგრამ ისიც რკინის მოაჯირით გამაგრებული და ზედ წვრილად დასვრეტილი თუნუქით.

ჩანელებული იყო ლოჟა. ბაღში გამავალი ერთი ბენო ფანჯარა ჰქონდა, აქედან მონასტერი საერთოდ არ ჩანდა: დამალული იყო ცოდვილთათვის წმინდა მონასტერი!

მაგრამ ხომ უნდა ყოფილიყო რამე ამ ბნელის იქით. იყო კიდევ, სინათლევ იყო, სიცოცხლევ ამ აკლდამაში, ძალიან დიდი და გადაულახავი კედლები ერთსაც ყველა მხრიდან, მაგრამ მაინც ვცადოთ, იქნებ შევალწიოთ როგორმე, თან შევიყვანოთ ჩვენი მკითხველი, და ვთქვათ, ზომიერების შეუღახავად, რაც თავის დღეში არ უნახავთ და, მამასაღამე, არ უამბიათ მწერლებს.

თავი მეორე

მარტენ ვერგას მორჩილება

პიკუსის ქუჩაზე 1824 წლამდე დიდი ხნით ადრე არსებობდა ეს მონასტერი, ბერნარდელი მონაზვნების სარწმუნოებრივი კომუნა, იგი მარტენ ვერგას წესდებას ემორჩილებოდა.

ეს მონაზვნები სიტოს ემხრობოდნენ, როგორც ბენედიქტელები, და არა კლერვოს, როგორც ბერნარდელები. სხვამხრივ რომ ვთქვათ, წმინდა ბენუას ემორჩილებოდნენ და არა წმინდა ბერნარს.

ვისაც ცოტა მაინც გადაუკითხავს ძველი მწერლობა, ეცოდინება, რომ მარტენ ვერგამ 1425 წელს დააარსა ბერნარდელ-ბენედიქტელების ერთი საარწმუნოებრივი საზოგადოება, რომლის მთავარი ადგილსამყოფელი სალამანკი იყო და მეორე - ქალაქი ალკალა.

ამ საზოგადოებამ ღრმა ფესვი გაიდგა ევროპის კათოლიკურ ხალხებში.

კათოლიკურ ეკლესიაში იშვიათი არ არის ერთი ორდენის ამგვარი შეერთება მეორესთან. რომ არ გავავრცელოთ და მარტო წმინდა ბენუას მიმდევრებს შევცხოთ, რომელთაც კავშირი აქვთ ჩვენს მოთხრობასთან, უნდა აღვნიშნოთ, რომ ამ ორდენს ეკუთვნოდა მარტენ ვერგასელების გარდა კიდევ ბევრი სხვა საზოგადოება: ორი იტალიაში: მონ-კასსენი და სენ უუსტინი პადუაში, და ორიც საფრანგეთში: კლუნი და სენ-მორი; გარდა ამისა, ვალკომბროზა, გრამონი, სელესტინელები, კამალულეები, მარტრელები, განკიცხულნი, ოლივაურელები, სილვესტრელები და სიტოელები, რადგან სიტო, რომლისგანაც რამდენიმე განშტოება გადის, თვითონაც წმინდა ბენუას განშტოებაა. სიტო წმინდა რობერის დროისაა, რომელიც მოლემზის მოძღვარი იყო, ლანდრის სამწყსოში 1098 წელს. წმინდა ბენუა კი უფრო ადრინდელი მოღვაწე იყო. 529 წელი იყო, წმინდა ბენუამ რომ სასწაულებრივი ძალა გამოიჩინა და ჩვიდმეტი წლის ჭაბუკმა აპოლონის ძველი ტაძრიდან განდევნა ეშმაკი; მაშინ უკვე ბებერი იყო ეს ბოროტი სული, ჯერ განდევილად გავარდნილიყო სუბიაკის უდაბნოში და მერე აპოლონის ტაძარში შეპარულიყო საცხოვრებლად.

კარმელიტების წესდების შემდეგ, რომლითაც მონაზვნები ყოველთვის ფეხშიშველნი დადიოდნენ, ძენა ეხვიათ კისერზე და უფლება არ ჰქონდათ დამხსდარიყვნენ, მარტენ ვერგას ბერნარდელ-ბენედიქტელების წესდება ყველაზე მეტად სასტიკია. შავით იყვნენ მოსილნი და გულისპირით, რომელიც წმინდა ბენუას ბრძანების თანახმად, ნიკაპასაც კი უფარავდათ. სარჟის კაბა ეცვათ განიერი სახელოებით, დიდი პირბადე, ნიკაპამდე აწეული გულისპირი და თვალებამდე ჩამონეული თავსახვევი. თეთრი თავსახვევის გარდა, ყველაფერი შავი იყო. იგივე ტანისამოსი ეცვათ მონასტერში ახალმიღებულებსაც, ოღონდ თეთრი. აღკვეცილებს ამ ყველაფერთან ერთად, კრიალოსანი ეკიდათ სარტყელზე.

მარტენ ვერგას ბერნარდელ-ბენედიქტელები მუდმივი თაყვანისცემის მიმდევრები იყვნენ, როგორც ბენედიქტელი „წმინდა საიდუმლოების“ მონაზვნები, რომლებსაც მეცხრამეტე საუკუნის დასაწყისში ორი სახლი ჰქონდათ პარიზში: ერთი ტანვლში და მეორე სენტ-ჟენევიევის ქუჩაზე. მაგრამ მცირე პიკუსის ქუჩის მონასტრის ბერნარდელ-ბენედიქტელები, რომლებსაც შეეხება ჩვენი მოთხრობა, სულ სხვა რწმენისანი იყვნენ, ვიდრე წმინდა საიდუმლოების მონაზვნები, სენტ-ჟენევიევის და ტანვლის ქუჩაზე რომ იყვნენ მონასტერში ჩამწყვედიულები. მრავალი განსხვავება იყო მათ წესდებაში და აგრეთვე ტანისამოსში. პიკუსის ქუჩის ბერნარდელ-ბენედიქტელებს შავი გულისპირი ჰქონდათ, წმინდა ჟენევიევის და ტანვლის ბენედიქტელებს კი - თეთრი. გარდა ამისა, გულზე ეკიდათ წმინდა საიდუმლოების შევერცხლილი თითბრის ხატი. პიკუსის მონასტერში ეს ხატი არავის ჰქონდა. მუდმივი თაყვანისცემა იყო პირველი მცნება ერთისაც და მეორისაც, მაგრამ მაინც ძირითადად განირჩეოდნენ ერთმანეთისგან. ასევე სრულიად ერთნაირი იყო განმარტება და თაყვანისცემა ყველა საიდუმლოებისა იესო ქრისტეს და ღვთისმშობლის ბავშვობის, სიცოცხლისა და სიკვდილის შესახებ ორი მიმართულებისა, - ერთი იტალიელების იყო, ფლორენსში, დაარსებული

ფილიპე ნერის მიერ, და მეორე - ფრანგების, პარიზში, დაარსებული პიერ ბერულის მიერ; სრული თანხმობა მარტო ამ კითხვებში იყო და ამ კითხვების გარეშე კი სრული უთანხმოება, ხშირად შუღლი და მტრობაც სუფევდა. ფრანგები ამტკიცებდნენ, უპირატესობა ჩვენ გვეკუთვნის, რადგან ფილიპე ნერი მარტო წმინდა იყო და პიერ ბერული კი - კარდინალიყო.

დავუბრუნდეთ მარტენ ვერგას წესდებს.

ბენარდელ-ბენედიქტელების მოძღვრების მიმდევარნი მთელ წელიწადს სამარხვოს ჭამენ. შიმშილობენ მარხვაში და კიდევ სხვა დროსაც, რომელიც დადებული აქვთ წმინდა მამათაგან. ღამის პირველ საათზე დგებიან, დილის სამ საათამდე კითხულობენ კურთხევას და გალობენ ცისკარს. ლოგინად თივა აქვთ, სარკის ზენარი უფენიათ და ასე წვანან მთელი წლის განმავლობაში. არ სარგებლობენ აბანოთი, არ ანთებენ ცეცხლს, იგვემეიან ყოველ პარასკევს, მკაცრად ასრულებენ დუმილის აღთქმას, ერთმანეთს მხოლოდ დასვენების დროს ელაპარაკებიან, რომელიც მეტად მოკლეა. ექვსი თვის განმავლობაში, 14 სექტემბრიდან, დღიდან წმინდა ჯვრის აღმართვისა, აღდგომამდე, შალის პერანგი აცვიათ. წესდების ძალით შალის პერანგი მთელი წლის განმავლობაში უნდა სცმოდათ, მაგრამ ექვსი თვე შეუნდო მადლიანმა, რადგან შეუძლებელი იყო მისი ხმარება ზაფხულის სიცხეში, ციებ-ცხელებით და ნერვების ავადმყოფობით სტანჯავდა მონაზვნებს, და ექვსი თვით შეუმოკლა მისი ხმარება, მაგრამ, ამის მიუხედავად, რომ ჩაიცვამდნენ ხოლმე მონაზვნები 14 სექტემბერს ამ შალის პერანგს, სამი-ოთხი დღე ავად იყო ყველა. მორჩილება, სიღარიბე, უმანკობა, შეურყევლობა მონაზვნობაში, - აი მათი აღთქმა და ვალდებულებანი, მეტად გამკაცრებული წესდებით.

წინამძღვარს სამი წლით ირჩევდნენ ხმოსან-დღეებად წოდებული მონაზვნები, რადგან მათ ჰქონდათ ხმა საბჭოში. წინამძღვრის ხელმოწერად არჩევა ორჯერ შეიძლებოდა. ასე, რომ ცხრა წელიწადით განისაზღვრებოდა მისი მბრძანებლობის ვადა.

მონაზვნები მწირველ მღვდელს თავის დღეში ვერ დაინახავდნენ, რადგან საყდარში სამი მეტრის სიმაღლეზე სარკის ფარდა იყო ჩამოფარებული. ქადაგების დროს კი, როდესაც მღვდელი წინ ედგათ, პირბაღე უნდა ჩამოეფარებინათ მთელ სახეზე. ვალდებულები იყვნენ ყოველთვის ჩუმად ელაპარაკათ, სიარულისას თავი ძირს ჰქონოდათ დახრილი და თვალები მიწაზე დაშვებული. მონასტერში შესვლის უფლება ერთადერთ კაცს ჰქონდა: ადგილობრივ ეპისკოპოსს.

მონასტერში ერთი სხვა კაციც იყო, მეზალე, მაგრამ ეს მეზალე უთუოდ ბებერი უნდა ყოფილიყო და ყოველთვის მარტო. მონაზვნებს რომ საშუალება ჰქონოდათ წინასწარ გაეგოთ მისი მოახლოება და მორიდებოდნენ, მუხლზე ზარი ჰქონდა შეხებული და ისე მუშაობდა ბაღში.

მონაზვნები სრული მორჩილებით ემორჩილებოდნენ წინამძღვარს. ეს იყო სარწმუნოებრივი დამონება, დამონებულის მიერ თავისი პიროვნების სრული უარყოფით, ემორჩილებოდნენ, როგორც ქრისტეს ბრძანებას, ut voci Christi, მის ხელის ქნევას, მის პირველ ნიშანს, ad nutum, ad primum signum. იმ წამსვე ნეტარებით, თავგანწირვით, ერთგვარი ბრმა მორჩილებით, *prompte hilariter perseveranter et caeca quadam obedientia* როგორც ქლიბი მუშის ხელში *quasi limam in manibus fabri*, ვერაფერს ნაიკითხავდნენ, ვერც დაწერდნენ, თუ ამისთვის წინამძღვრისგან ნებართვა

არ ჰქონდათ მიღებული, legere vel scribere non addiscerit sine expressa superioris licentia.

ყველა მონაზონი რიგრიგად „შენდობას“ სთხოვდა ღმერთს. შენდობა ლოცვა იყო, რომ შეუნდოს ღმერთმა და აპატიოს ყველა შეცოდება, შეცდომა, ბოროტება, ძალდატანება, ავი განზრახვა, რაც კი ამ ქვეყნად არსებობს. თორმეტი საათის განმავლობაში, მორიგე მონაზონი შეუსვენებლად მუხლმოყრილი იდგა ქვაზე ზიარების ნაწილთა წინაშე, საღამოს ოთხი საათიდან დილის ოთხ საათამდე, ხელაპყრობილი, კისერზე თოკმობმული. თუ ისე დაიღლებოდა, რომ მეტის მოთმენა აღარ შეეძლო, ნება ჰქონდა პირდაღმა დაშვებულიყო ფილაქანზე და ხელები ჯვარედინად დაეჭირა. ასე გაშლართული უნდა ყოფილიყო ცივ ქვაზე და ელოცა, რომ ყოვლად შემძლებელს შეენცალებინა ყველა ბოროტება. თითქმის დიდებული იყო ეს „შენდობა“.

ამ შენდობას მონაზონი ითხოვდა წმინდა ბოდის წინაშე, რომლის ზევით წმინდა სანთელი ენთო და ამ ვალდებულებას ორგვარად იხსენიებდა: შენდობა ვილოცე, ან ბოძთან ვიდექ მუხლმოყრილიო. თავმდაბლობის დასამტკიცებლად მეორეს უფრო ხმარობდნენ, ბოძთან მუხლმოყრას, რომელშიც წამებაც იგულისხმებოდა და თავის დამცირებაც.

შენდობის აღსრულებისას სულით ხორცამდე ვედრებაში იყო მონაზონი. მეხიც რომ ჩამოვარდნილიყო იქვე, მის უკან, თვალს არ მოარიდებდა წმინდა ბოძს.

გარდა ამისა, წმინდა ზიარების ნაწილთა წინაშე ყოველთვის იდგა მოხლმოდრეკილი ერთი მონაზონი. ყველა მონაზონი ასე უნდა მდგარიყო ერთი საათით და იცვლებოდნენ რიგრიგად, როგორც სადარაჯოზე გაყვანილი ჯარისკაცები. ამას ერქვა „მუდმივი თაყვანისცემა“.

წინამძღვარს და ხმოსან დედებს თითქმის ყოველთვის შეცვლილი სახელი ერქვათ, მნიშვნელოვანი აზრის მქონე. ეს სახელები წმინდათა სახელების გამეორება კი არა, იესო ქრისტეს ცხოვრებისა და წამების გახსენება იყო, როგორც მაგალითად; დედა-მამა, დედა-მუცლადღება, დედა-ტაძრადმიყვანა, დედა-ვნებანი უფლისანი, თუმცა არც წმინდანთა სახელები იყო აკრძალული.

მონაზონს ჩაყვითლებული კბილების ან პირის მეტი არაფერი უჩანდა. მონასტერში აკრძალული იყო კბილის ჯავრისის ხმარება. ჯავრისის პირში ჩადება ნიშნავდა ასვლას კიბის თავზე, რომელსაც ზედ ეწერა სიტყვები: „წარწყმედა სულისა“.

ვერაფერზე იტყოდნენ ჩემიაო. საკუთარი არაფერი ჰქონდათ რა და არც უნდა ჰქონოდათ. ერთ სიტყვას ამბობდნენ ყველაფერზე - ჩვენიო: ჩვენი პირბადე, ჩვენი კრიალოსანი; თავის პერანგიც რომ ეხსენებინა, მაინც ჩვენი პერანგიო - იტყოდა. მოხდებოდა ხოლმე, მოეწონებოდათ რაიმე პატარა საგანი, ლოცვების წიგნი, წმინდა ნაწილი, პატარა ხატი და, თუ იგრძნობდა, რომ თავისთვის უნდოდა, მაშინვე სხვისთვის უნდა მიეცა. კარგად ახსოვდათ წმინდა ტერეზას სიტყვა: ერთმა დიდებულმა ქალმა, მონასტერში რომ შედიოდა, სთხოვა: - ნება მიბოძეთ, დედაო, წმინდა დაბადება მოვატანინო, რადგან ძალიან მიყვარს. - დედა ტერეზამ უპასუხა: - აჰ, მამ არსებობს რაღაც ნივთი, რომელიც გიყვართ? თუ ასეა, თქვენ ჩვენს მონასტერში შემოსვლის ღირსი არა ხართ.

აკრძალული იყო კარის დაკეტვა ან თავისი კუთხის მონყობა, სენაკი ყოველთვის ღია უნდა ჰქონოდათ, ერთმანეთს რომ შეხვდებოდნენ, ერთი ეტყოდა: - კურთხეულ

არს თაყვანსაცემი წმინდა საიდუმლოება საკურთხევლისა, - მეორე უპასუხებდა: - უკუნითი უკუნისამდე. - იგივე სიტყვები ითქმებოდა, როდესაც კარს დაუკაკუნებდა ერთი მეორეს, მაგრამ საკანში მყოფი არ დააყვირებდა ხოლმე გრძელი სიტყვის თქმას და, როგორც კი გაიგონებდა კაკუნს, უპასუხებდა: - უკუნითი უკუნისამდე. როგორც ყველა სხვა საქციელი, ესეც ჩვეულებად გადაქცეულიყო და მექანიკურად გაისმოდა. ხშირი იყო, ჯერ თავისი არ დაეწყო მოსულს, რომ უკვე ისმოდა პასუხი - უკუნითი უკუნისამდე. გრძელი სათქმელი იყო, - კურთხეულ არს და თაყვანსაცემი წმინდა საიდუმლოება საკურთხევლისა, - და ამიტომ ვიზიტანდელების მონასტერში უფრო მოკლედ ხმარობდნენ: მომსულელი ეტყოდა Ave, Maria - გახსოვდნენ წმინდა მარიამი, და პასუხიც მოკლე ესმოდა: - Gratia plena - სრულმადლიანი. ეს იყო იმათი მისალმება, მოხდენილი და მართლაც „მადლიანი“.

საათი რომ თავისას დაჰკრავდა, მონასტრის ზარი სამს ჩამორეკავდა ხოლმე დამატებით. ამას რომ გაიგონებდნენ, წინამძღვარი, ხმოსანი დედები, ალკვეცილი მონაზვნები, ნახევარ სიტყვაზე შესწყვეტდნენ, რასაც ამბობდნენ, რასაც ფიქრობდნენ ან აკეთებდნენ და ერთხმად გაიძახოდნენ, თუ, მაგალითად, ხუთი საათი იყო; - ხუთ საათზე და ყოველ საათზედ კურთხეულ იყოს თაყვანსაცემი წმინდა საიდუმლოება საკურთხევლისა. - თუ რვა საათი იყო: - რვა საათზედ და ყოველ საათზედ და სხვა.. და ასე ყოველთვის, რომელი საათიც უნდა ყოფილიყო.

ეს ჩვეულება, რომლის მიზანიცაა შეანყვეთინოს ბერ-მონაზონს ფიქრი და დაუბრუნოს ისევ ღმერთს, მრავალ მონასტერში არსებობდა, ოღონდ სხვადასხვაგვარად; მაგალითად, ყრმა იესოს მონასტერში ამბობდნენ: ამ საათს და ყოველ საათს - მადლმან იესოსამან განმინათლოს სული ჩემი.

მარტენ ვერგას ბერნარდელ-ბენედიქტელები მცირე პიკუსის მონასტერში ამ ორმოცდაათი წლის წინ მთელი ხმით გალობდნენ წირვაზე, სადაც კი ლოცვანში ვარსკვლავს დაინახავდნენ, შეწყვეტდნენ გალობას და ჩუმი ხმით დაიძახებდნენ: - იესო-მარიამ-იოსებ! მაგრამ თუ მიცვალებულის მოხსენიება იყო და პანაშვიდი, როგორც შეეძლოთ ისეთი დაბალი ხმით გალობდნენ. გლოვის შთაბეჭდილებას ახდენდა ასეთი გალობა, თითქმის ტრაგიკულს.

მცირე პიკუსის მონაზვნებს აკლდამა გაეკეთებინათ მონასტერში, მთავარი საკურთხევლის ქვეშ, რომ მონასტრიდან არ გასულიყვნენ მიცვალებულები. მთავრობას, როგორც მონაზვნები ამბობდნენ, ნება არ მიეცა, რომ მიცვალებული აკლდამაში დაეკრძალათ; რაკი სულს დაღვედა მონაზონი, უნდა გაბრძანებულიყო თავისი მონასტრიდან. ძალიან აწუხებდათ და აშინებდათ ეს გარემოება, რადგან თავისდა უნებურად იძულებული იყვნენ დაერღვიათ წესდება.

მათ სანუგეშოდ, უფლება მიიღეს განცალკევებულ დროს მოესვენებინათ დასასაფლავებლად თავისი მიცვალებული და განცალკევებული ადგილი მისცეს ვოჟირარის სასაფლაოზე, რომლის მიწა ერთ დროს მათ მონასტრის ეკუთვნოდა.

ხუთშაბათობით იგივე წირვა-ლოცვა ჰქონდათ, რაც კვირა დღეს, გარდა ამისა, სასტიკად უქმობდნენ ერისკაცთათვის უცნობ ყველა პატარა უქმე დღეს. ეს უქმე დღეები დაკანონებულიყო ოდესღაც საფრანგეთში და უქმედ ითვლებოდა წინათ; ესპანეთსა და იტალიაში დღესაც სწამთ და უქმობენ ამ დღეებში. უსაზღვრო იყო მონაზვნების დგომა ეკლესიაში. რამდენ ლოცვას და საგალობელს ამბობდნენ? ამის პასუხად, მონასტრის წესების უკეთ გასაგებად, ერთი გულუბრყვილო მონაზვნის

სიტყვას მოვიყვანოთ: - მორჩილის ლოცვა საშინლად გრძელია, აღკვეცილი მონაზვნის ლოცვა კი, საშინელზე საშინელი.

კვირაში ერთხელ იკრიბებოდა მთელი მონასტერი. წინამძღვარი თავმჯდომარედ ბრძანდებოდა, ხმოსანი დედები კი მსაჯულებად ჰყავდათ. ყველა მონაზონი უნდა გამოსულიყო რიგ-რიგობით, დაჩოქილიყო ქვაზე და ხმამაღლა ელიარებინა ყოველი ცოდვა, რაც ერთი კვირის განმავლობაში ჩაედინა. გაათავებდა აღსარებას, განსჯიდნენ ხმოსანი დედები და ხმამაღლა, ყველას გასაგონად გამოუცხადებდნენ სასჯელს.

გარდა თავისი ცოდვების ხმამაღალი აღიარებისა, რომლისთვისაც უფრო მნიშვნელოვან ცოდვას და შეცდომას ინახავდნენ, წვრილმანი შეცდომებიც ჰქონდათ, ადვილად საპატიებელი, რომლებსაც დანაშაულს ეძახდნენ, - culpa. ვისაც რამე დანაშაული მოუვიდოდა, წირვის დროს ფილაქანზე უნდა დაეცემულიყო გულდაღმა, წინამძღვრის წინაშე და ასე ვდებულებოდა, ვიდრე წინამძღვარი, რომელსაც ყოველთვის ერთი სახელით იხსენიებდნენ, - დედაჩვენი, არ აცნობებდა, რომ ახლა კი შეეძლო წამოდგომა, რის ნიშნადაც ფეხს დაჰკრავდა ხოლმე ფილაქანზე. სულ უბრალო, უმნიშვნელო დანაშაული იწვევდა ამგვარ მონანიებას, - ჭიქის გატეხვა, პირბადის დახვევა, თავისდა უნებურად რამდენიმე წამით წირვა-ლოცვაზე დაგვიანება და სხვა, დანაშაულად ეთვლებოდათ და საჭირო იყო მონანიება. უნებლიეთა ამგვარი დანაშაული და თვითონ დამნაშავე იყო საკუთარი თავის მსაჯულიც და დამსჯელიც. უქმე დღეს და კვირობით ოთხი მგალობელი - დედა გალობდა. ერთხელ ერთ ხმოსან დედას, მგალობელს, სიტყვით - Ecce - უნდა დაეწყო ფსალმუნის გალობა; ამ სიტყვის მაგივრად დაიძახა ut, si, soli და ამ დანაშაულის მოსანანიებლად წირვის გამოსვლამდე პირდაღმა იწვა ფილაქანზე. შეცდომა უფრო იმიტომ იყო დასასჯელი, რომ წირვის დროს გააყინა მონაზვნები.

„მისაღებ ოთახში“ რომ დაუძახებდნენ მონაზონს, თავზე მთლიანად უნდა ჩამოეფარებინა პირბადე ისე, რომ მასთან მოსულს პირის მეტი ვერაფერი დაენახა. ასევე პირბადით ეჩვენებოდა ხოლმე თავის მნახველებს თავად წინამძღვარიც.

უცხოებთან ლაპარაკი მხოლოდ წინამძღვარს შეეძლო. სხვა მონაზვნებს მარტო ახლო ნათესავების ნახვა შეეძლოთ და ისიც იშვიათად. როდესაც ვინმე მოვიდოდა მონასტერში მონაზვნის სანახავად, რომელსაც წინათ იცნობდა ან უყვარდა, დიდი მოლაპარაკება იყო საჭირო, რომ ღირსებოდა თავისი სურვილის ასრულება. თუ ქალი იყო მოსული, შეიძლებოდა კიდევ დაეკმაყოფილებინათ მისი თხოვნა; დარაბებთან დადგებოდა მონაზონი და იქიდან ელაპარაკებოდა დახვერტილი თუნუქით დაფარულ ოთხკუთხა სარკმელში. ამ თუნუქს მაშინ მოხსნიდნენ ხოლმე, როდესაც სანახავად დედა ან და მოუვიდოდა ვინმეს, და თუ კაცი მოვიდოდა მონაზვნის სანახავად, მას ცივი უარით ისტუმრებდნენ.

ასეთი იყო წმინდა ბენუას წესდება, რომელიც მარტენ ვერვამ გაამკაცრა.

პიკპუსის მონასტრის მონაზვნები სხვა მონაზვნებივით მხიარულები არ იყვნენ, იმათსავით ვარდისფერი არ ედოთ სახეზე და სიყმაწვილიდანვე დაღონებულიები, ფერმიხილილები და ჩამომჭენარები იყვნენ. 1825 წლიდან -1830 წლამდე სამი მონაზონი გააკეთდა მონასტერში.

თავი მესამე

სიმკაცრენი

მონაზღვნად აღკვეცის მსურველ ქალს ორი წელი მაინც უნდა გაეტარებინა მონასტერში, ხშირად ოთხიც, რომ საჭირო გამოცდა გაეწეო. შემდეგი ოთხი წელი მორჩილად უნდა ყოფილიყო. იშვიათად ხდებოდა, რომ მონაზღვნად აღკვეცილიყო ყმანვილი ქალი ოცდაოთხი წლის ასაკამდე. მარტენ ვერგას ბერნარდელ-ბენედიქტელები მონასტერში ქვრივს არ იღებდნენ.

მრავალ საშუალებას ხმარობდა მონაზონი სენაკში თავისი სხეულის მოსაკვდინებლად, მაგრამ რა საშუალებას? ამის თქმა ცოლვად ითვლებოდა.

მორჩილს რომ აღსაკვეცად მოამზადებდნენ, საუკეთესო ტანისამოსით მორთავდნენ, თეთრი ვარდებით დაუმშვენებდნენ თავს, უხუჭუჭებდნენ თმას და ასე მორთულ-მოკაზმულს შეიყვანდნენ საყდარში, რომ მაშინვე პირქვე დაცემულიყო, ზემოდან დიდ, შავ სუდარას გადააფარებდნენ და დაინყებოდა განსვენების წირვა და პანაშვიდი. ორ წაწილად გაყოფდნენ მონაზღვნებს, ერთი იძახდა გლოვით და ტირილით, - მიივალა ჩვენი დაო, - და მეორე უპასუხებდა სიხარულით, - ცოცხალია იესო ქრისტეს მადლითო.

იმ დროს, როდესაც ჩვენი ისტორია ხდებოდა, მონასტერს კეთილშობილ ქალთა პანსიონიც ჰქონდა, უმეტესად მდიდრებისთვის, მათგან გამორჩეულები იყვნენ სენტ-ოლერი, ბელისანი და ერთი ინგლისელი ქალი, რომელსაც დიდებული კათოლიკური სახელი ერქვა - თალბოტი. მონაზღვნების მიერ ოთხ კედელს შუა აღზრდილ, შთაგონებულ პანსიონელებს ეტავებოდათ და ემინოდათ თავისი დროისა და ქვეყნისა. ერთხელ ერთმა მათგანმა მითხრა: ქუჩის ქვაფენილს რომ დავინახავდი, თავით ფეხებამდე კანკალს დამანყებინებდაო. პანსიონში მცხოვრებთ ცისფერი ტანისამოსი ეცვათ, თეთრი ქუდი ეფარათ და თითბერზე გამოსახული სულიწმინდა ჰქონდათ გულზე. დიდი უქმე რომ დადგებოდა, მეტადრე წმინდა მართას ღვობა, ნებას აძლევდნენ, როგორც უმაღლეს ბედნიერებას, მონაზღვნის ტანისამოსი ჩაეცვათ და მონაზღვნურად გაეტარებინათ მთელი ღღე, წმინდა ბენუას წესდების თანახმად. პირველ ხანებში მონაზღვნები ათხოვებდნენ ხოლმე თავიანთ შავ ტანისამოსს, მაგრამ წინამძღვარმა ეს სარწმუნოების შეურაცხყოფად მიიჩნია და აკრძალა. ტანისამოსს მარტო მორჩილებს თუ ათხოვებდნენ. აღსანიშნავია, რომ ამ მონაზღვნებში გარევა საიდუმლო განზრახვით იყო ნებადართული და ნაქვებუელი, რომ რაც შეიძლება მეტი მდიდარი ოჯახის შვილი ჰყოლოდათ და თავიდანვე შეეყვარებინათ ყმანვილი ქალებისთვის მონაზღვნები. ნამდვილი ბედნიერება იყო პანსიონელებისთვის, რადგან ეს მაინც ამხიარულებდა მათ ერთფეროვან ცხოვრებას. სიახლე ენატრებოდათ და ტკბებოდნენ კიდევ: გულწრფელი მისწრაფება სიყმანვილისა, რომელიც ვერ მიგვახვედრებს ჩვენ, ადამიანურად მცხოვრებთ, თუ რაოდენ დიდი ბედნიერებაა ყმანვილი ქალისთვის, ხელში საპური ეჭიროს, რამდენიმე საათი იღვეს საყდარში და გალობდეს.

პანსიონის მონაფე ქალები ისევე ემორჩილებოდნენ მონასტრის წესდებს, როგორც მონაზღვნები, რა თქმა უნდა, მკაცრი მოთხოვნების გარდა. ხშირად შხვდებით, პანსიონიდან გამოსულ და რამდენიმე წლის წინათ გათხოვილ ყმანვილ ქალებს, რომელთაც არ დავინწყებოდათ იქაური ჩვევები და, კარზე რომ დაუკაკუნებდით, გიპასუხებდნენ: - უკუნითი უკუნისამდე! - იმის მაგივრად, რომ ეთქვათ,

მობრძანდით. პანსიონში მყოფი ქალებიც, როგორც მონაზვნები, თავიანთ ნათესავებს მხოლოდ მისაღები ოთახიდან ხედავდნენ. დედასაც კი არ შეეძლო თავის შვილი გულში ჩაეკრა და დაეკოცნა.

ერთხელ პანსიონში მყოფ ქალთან დედა მოვიდა სანახავად და თან თავისი პატარა ქალი მოიყვანა, სამი წლის. ტიროდა პანსიონში მყოფი, რადგან უნდოდა პატარა და დაეკოცნა, მაგრამ როგორ შეიძლებოდა? მერე შეევედრა, - იმის ნება მაინც მომეცით, ხელი შემოყოს ჩემმა დამ, ხელზე მაინც ვაკოცებო, - ამ თხოვნაზეც უარი უთხრეს და დატუქსეს კიდევ.

თავი მეოთხე მხიარულება

სიმკაცრის მიუხედავად, პანსიონში მცხოვრები ქალები მაინც მხიარულებით ავსებდნენ ამ დაღვრემილ სახლს.

ერთ დროს სიყმანვილე ბრწყინავდა ამ მონასტერში. ისმოდა დასვენების ზარი. კარი არ ჩერდებოდა თავის კოჭაკზე. ფრინველიც კი ხარობდა, - აგერ ანგელოზები მოდიანო! შეესეოდა ახალგაზრდობა ბალს, რომელიც ჯერის ფორმაზე იყო დაკვალული, თითქოს სუდარა ყოფილიყოს. გახარებული სახე, თეთრი შუბლი, მხიარული სხივით გაბრწყინებული უმანკო თვალები მზის სხივით ედებოდა მიყრუებულ ბალს. წირვა-ლოცვის, ფსალმუნის, ზარის და გლოვის შემდეგ უცხად გაისმოდა ქალების ხმა, უფრო ტკბილი, ვიდრე ფუტკრის ბზილია; უკვე ღია იყო სიხარულის სკა და ყველას თავისი თავლი მიჰქონდა, თამაშობდნენ, ერთმანეთს გასძახოდნენ, ჯუფედებოდნენ, დარბოდნენ; ლამაზი თეთრი კბილები უჩანდათ სიცილისა და ლაპარაკის დროს. შორიდან პირბადიანები უთვალთვალეობდნენ; ბნელი უდარაჯებდა სინათლეს. მაგრამ რა? ბრწყინავდნენ და მხიარულად იცინოდნენ. ამ საშინელ პირქუშ კედლებსაც კი ეღირსებოდა ხოლმე სიხარული; იმათაც ვრგებოდათ ხოლმე დასწრებოდნენ სხვის სიხარულს და ნეტარებას. ისე იყო გახარებული იქაურობა, თითქოს ვარდის წვიმა მოხვდა გლოვის ბალსო. თამაშობდნენ, ცელქობდნენ ქალები, მათ დარაჯებვით თავზე ადგნენ მონაზვნები; მაგრამ შეუცდომლისა არ ერიდება უმანკოებას. ამ ქალების წყალობით იყო, რომ ამდენ სიმკაცრეს ცოტა რამ სიხარულიც მოსდევდა. დახტოდნენ პატარები, ცეკვავდნენ მოზრდილები. ამ კედლებში სიხარულს ზეციურიც ერეოდა. არაფერი იქნებოდა ისეთი წმინდა და მშვენიერი, როგორც ეს ახლად გამლილი, ნორჩი ყვავილები იყვნენ. გულიანად იცინებდა ჰომეროსი, ისე, როგორც პერო, რადგან ამ ჯოჯოხეთურ ბაღში სიყმანვილეს ნახავდა, ხმაურს, ყვირილს, სიხარულს, ბედნიერებას და იმისთანა ნეტარებას, ყველა დიდდას რომ გააყმანვილებდა, როგორც ეპოსისას, ისე ზღაპრისას, სასახლიდან დაწყებული ქოხამდე და თვით პრიამოსის ცოლს - ჰეკუბასაც.

ბევრი რამ უთქვამთ პატარა ქალებს ამ მონასტერში მომხიბლავი და თან იმისთანა, რომ გულიანად გააცინებდნენ ადამიანს. ამ სახლში იყო, რომ ერთმა ხუთი წლის ბავშვმა, სიხარულით გასძახა მონაზონს:

- დედაო! ერთმა უფროსმა მითხრა, შენ აქ სულ ცხრა წელიწადს და ათ თვეს დარჩებიო. რა ბედნიერი ვარ, რომ ასე მალე მივდივარ!

ან კიდევ ეს დიალოგი:

ხმოსანი დედა: - რატომ სტირი, შვილო?

ექვსი წლის გოგონა, ქვითინით: - ალისას ვუთხარი, - ვიცო-მეთქი ჩემი გაკვეთილი საფრანგეთის ისტორიაში. - არა, არ იციო! მე კი ვიცი.

ალისა, ცხრა წლისა: - არა, არ იცის.

ხმოსანი დედა - როგორ შვილო?

ალისა - წიგნი გადაშალეო, მითხრა და, რაც შეგხვდეს, ის მკითხე, ნახავ თუ არ ვიციო.

- მერე?

- მერე ვერ მიპასუხა.

- რა ჰკითხე, რომ ვერ ვიპასუხა?

- წიგნი გადავშალე, როგორც მან მითხრა და რაც მომხვდა ის ვკითხე. პირველი კითხვა გადაშლილ ფურცელზე.

- რა იყო ეგ პირველი კითხვა?

- აი, რა იყო: მას შემდეგ რა მოხდაო?

ან კიდევ ეს პატარა, მაგრამ ღრმა აზრიანი შენიშვნა ავმუცელა თუთიყუშის შესახებ, ქალის ნათქვამი:

- რა კარგი რამ არის! მართო ზედაპირს ჭამს მურაბიან პურისას, თითქოს ადამიანი იყოს.

შვიდი წლის გოგოს, რომ არ დავინწყებოდა, ბაღში ერთ კედელზე დაენერა თავისი აღსარება:

- შეგცოდე, მამაო, ძუნწი ვარ.

- შეგცოდე, მამაო, მეძავი ვარ.

- შეგცოდე, მამაო, კაცებს შევხედე.

ბაღში სკამზე იჯდა პატარა ექვსი წლის გოგო და ვარდის კოკორივით ლამაზი პირით ზღაპარს უამბობდა ხუთი წლისას:

- იყო და არა იყო რა, იყო სამი მამლაყინწა. ისეთ ქვეყანაში იყვნენ, სადაც სულ ვარდები ყვავდა, მოკრიფეს ვარდი, ჯიბეში ჩაიდეს, მერე ფოთლები მოკრიფეს და თავიანთ სათამაშოებში ჩაალაგეს. ერთი მგელი იყო იმ ქვეყანაში და დიდი, დიდი ტყე; ამ ტყეში იყო მგელი და იმან შეჭამა სამი მამლაყინწა.

ან კიდევ ეს პოემა:

- ტკაცანი გაილო ჯობმა,

მასხარამ დაჰკრა კატას.

ხომ არ იამებოდა,

ძალიანაც ეწყინა.

ქალბატონმა მასხარა

ციხეში დაამწყვდია.

მონასტერს პატარა გოგონა ჰყავდა უპატრონო, შვილობილი, რომელსაც სამადლოდ ზრდიდა; სულ დედის ხსენებაში იყვნენ ბავშვები და იმანაც თქვა სევდიანად:

- დედაჩემი ჩემთან არ იყო, მე რომ დავიბადე.

ერთი სქელი მეკარე ჰყავდათ, რომელიც სულ ტალანებში ტრიალებდა თავისი აკილო გასადლებით, სახელად ალათი ერქვა, მაგრამ მოზრდილები, ათ წელს გადაცილებული ქალები, ალათოკლეს ეძახდნენ.

ტრაპეზის დარბაზი დიდი ოთახი იყო, ძალიან ბნელი და ნოტიო. ბავშვების თქმით, სახსე იყო მწერებით: გვერდზე სამზარეულო, სარდაფი, საკუჭნაო ჰქონდა და იქიდან ივსებოდა მწერებით. ამ ოთახის ოთხივე კუთხეს საკუთარი სახელი ჰქონდა პანსიონელებისგან შერქმეული, მისთვის დამახასიათებელი; ერთი კუთხე ბაბაჭუების იყო, ერთი მუხლუხების, ერთი ჭრიჭინების და ერთიც ცხრაფეხასი. ძალიან პატივცემული იყო ჭრიჭინების კუთხე, სამზარეულოს მომიჯნავე, რადგან იქ უფრო თბილოდა, ვიდრე სხვაგან. ტრაპეზის დარბაზიდან ეს სახელები პანსიონში გადავიდა და ოთხ ეროვნებად დაყო მონათვეები, როგორც მაზარინის სასწავლებელში იყო, ერთ-ერთ ეროვნებას ეკუთვნოდნენ ქალები იმ კუთხის მიხედვით, რომელშიც დასხდებოდნენ ხოლმე პურის საჭმელად.

ერთხელ ეპისკოპოსი იყო პანსიონში. დასათვალიერებლად მისულიყო და კლასში იმყოფებოდა. პატარა ქალი შევიდა კლასში, მშვენიერი, მოხდენილი, ქერა კულულებიანი და ვარდისფერ სახიანი.

- ვინ არის ეს ქალი? - ჰკითხა ეპისკოპოსმა ერთ მონათვეს.
- ბაბაჭუა გახლავთ.
- რაო? აგერ, ის?
- ის ჭრიჭინაა.
- ეს?
- ეს მუხლუხა გახლავთ.
- უცნაურია, თქვენ?
- მე ცხრაფეხა ჭია გახლავართ.

ყოველ ამგვარ სახელს თავისი განსაკუთრებული თვისება ჰქონდა. მეცხრამეტე საუკუნის დასაწყისში ეკუანი განთქმული იყო თავისი მშვენიერი და სასტიკი პანსიონით. ქვეყანას თითქმის სრულიად მოშორებული იყო ეს პანსიონი, განცალკევებული და იქ იზრდებოდა მრავალი ქალი. მწყობრად რომ დააყენებდნენ ქალებს ეკლესიაში, ორად ჰყოფდნენ, - ქალწულებად და ყვავილოსნად. გარდა ამისა, იყო კიდევ ბალდახინოსანი და საკმეველოსანი: ზოგს საჩრდილობლის თასმები მოჰქონდა, ზოგი საკმელს უკმევდა. წინ ოთხი ქალწული მიდიოდა და ხშირი იყო ამგვარი კითხვა:

- ვინ არის დღეს ქალწული?

ქალბატონი კამპანი პატარა, შვიდი წლის გოგონას ნათქვამს იხსენებს: მონათვეებს წინ ოთხი თექვსმეტი წლის ქალი ედგა. პატარა გოგო კი ბოლოში დაეყენებინათ. პატარამ მიმართა ერთ იმ ოთხთაგანს:

- შენ ქალწული ხარ და მე კი არა.

თავი მუხუთე
გართობა

ტრაპეზის დარბაზის კარზე ზემოდან მსხვილი შავი ასოებით ეწერა ეს ლოცვა, რომელსაც „თეთრ მამაო ჩვენოს“ ეძახდნენ და რომელსაც შეეძლო პირდაპირ სამოთხეში მიებრძანებინა ადამიანი:

„- პატარა, თეთრო მამაო ჩვენო, ღვთის შედგენილო, ღვთისგან თქმულო, ღვთის მიერ სამოთხეში შეყვანილო. ღამე, დასაძინებლად რომ ვწვებოდი, სამი ანგელოზი ვიპოვე ჩემს ლოგინში მწოლარე, ერთი ფეხითით, ორი თავით, კეთილი ქალწული

მარიამი შუაში. და მიბრძანა, - დანეცი, ნურაფრის გეშინიაო, ღმერთი ძლიერი მამაა ჩემი, ღვთისმშობელი დედაა ჩემი. იესო ქრისტეს დაბადების პერანგითა ვარ შემოსილი ჩემს ლოვინში, წმინდა მარგარიტის ჯვარი არის ჩემს გულზე გამოხატული. ქალბატონი ღვთისმშობელი მინდორში დადის, ქრისტეს დასტირის. შეხვდა წმინდა იოანეს.

- წმინდაო იოანე, საიდან მოდიხარ? - მე მოვდივარ Ave salus-იდან! ხომ არ გინახავთ კეთილი ღმერთი? იქ ხომ არ არის. - ხის ჯვარზე არის ფეხდაშვებული, ხელმძღვანელი, თეთრი ეკლის პატარა ქედით. ვინც იტყვის, ამას სამჯერ საღამოს და სამჯერ დღით, სამოთხეში მივა, რა განისვენებს“.

1827 წელს ეს დროის დამახასიათებელი ლოცვა კედლის სამი ფენა საღებავის ქვეშ მოჰყვა და გაქრა სწორედ ისე, როგორც პანსიონში აღზრდილ ახალგაზრდათა, ამჟამად უკვე ღრმადმოხუცებული ქალების მესხიერებიდან.

ტრაპეზის დარბაზში კედელზე მიკრული იყო დიდი ჯვარცმა და ეს ასრულებდა ოთახის მორთულობას. ერთადერთი კარი ჰქონდა ამ დარბაზს, ბაღში გამავალი. დარბაზის კედლების გასწვრივ ორ რიგად იყო ჩამწკრივებული ვიწრო მაგიდები და აქეთ-იქიდან გრძელი სკამები. კედლები თეთრად იყო შეღებილი, მაგიდები შავად; ამ ორი, გლოვის ფერის მქონე, სხვა არაფერი სწამდა მონასტერს. სუფრა ღარიბული იყო და საჭმელი ბავშვებისთვისაც კი უგემური. ერთი თავი საჭმელი ჰქონდათ, ბოსტნეულით შეზავებული ხორცი, ან დამარილებული თევზი. ეს იყო მათი ფუფუნება, რადგან ამ ძვირფას საჭმელს მხოლოდ პანსიონის ქალებს აჭმევდნენ. ბავშვები ჭამდნენ და ხმის ამოღებას ვერ ბედავდნენ, რადგან იქ ბრძანდებოდა იმ კვირის მორიგე მონაზონი და ვერაფერს გამოაპარებდნენ. ბუზი რომ ყოფილიყო და შეენიშნა მონაზონს, რომ წესდების დარღვევით ფრინავს და ბზის, მაშინვე ხის წიგნს აიღებდა და კეცავდა ხმაურით. ჯვარცმის ქვეშ პატარა სანიგნი იდგა, ზედ წიგნი იდო და ერთი უფროსი მონაფე, კვირეულის მორიგე, ხმამაღლა კითხულობდა წმინდანთა ცხოვრებას. მაგიდებზე რამდენიმე ჯამი იდგა და მონაფეები თვითონვე რეცხავდნენ ამ ჯამებში თავიანთ ჭურჭელს და ხანდახან შიგვე ჩაყრიდნენ ხოლმე უვარკის, ქვასავით მაგარ ხორცს და აყროლებულ თევზს, რისთვისაც მათ სასტიკად სჯიდნენ.

ამ ჯამებს ბავშვები სანაგვეს ეძახდნენ.

თუ დაარღვევდა ვინმე წმინდანთა ცხოვრების კითხვით დამტკბარ ღუმელს, სასტიკად დაისჯებოდა: ჯვარს გამოასახვინებდნენ ენით. სად? მიწაზე, ფილაქანზე. უნდა დაწოლილიყო პირაღმა და ენით ქვა უნდა აელოკა ისე, რომ ჯვარი გამოესახა. ყოველი ჩვენი სიხარულის ბოლო მტვერია და მტვერი სჯიდა ამ პატარა ვარდის ფურცლებს ტიკტიკისათვის.

ერთი წიგნი იყო მონასტერში, რომელიც მარტო ერთხელ იყო დაბეჭდილი და ისიც, ვითომ, ერთადერთ ცალად. სასტიკად იყო აკრძალული ამ წიგნის კითხვა. ეს იყო წმინდა ბენუას წესდება, რომელსაც არ უნდა შეხებოდა უღირსის ხელი და მით უფრო თვალი. „Nemo regulas, seu constitutiones nostras, externis communicabit“. არავინ გაბედოს და ჩვენი წესები, ესე იგი, ჩვენი წესდება, უღირსს არავის გაავებინოსო.

ერთხელ პანსიონის წევრებმა ხელთ იგდეს ეს წიგნი და დაიწყეს კითხვა. კითხულობდნენ გატაცებით, თუმცა ხშირად წყვეტდნენ კითხვას, ეშინოდათ, არ მოგვისწრონო და მალავდნენ წიგნს. სამინელება მოელოდათ, ვინმეს რომ მოესწრო.

კითხულობდნენ და ამ საშინელებასთან შედარებით სულ მცირე სიამოვნებას კი ვერ მიიღეს. რამდენიმე გაუგებარი ფურცელი იყო ყმანვილი ბიჭების ცოდვების შესახებ, რაც ყველაზე საინტერესოდ ეჩვენათ.

ბაღში თამაშობდნენ მონაფეები, ერთ ხეივანში, სადაც ხეილი იდგა. თვალს არ ამორებდნენ მონაზვნები: სასტიკად იყო აკრძალული ხილის ჭამა; მაგრამ მოახერხებდნენ ხოლმე და ჭიბებში იკრავდნენ ძირნაყარ მწვანე ვაშლს, დამპალ გარგარს ან ჭიან მსხალს. ახლა ამ ოცდახუთი წლის წინ დაწერილ ერთ წერილს მოვიყვან; პატარაობისას პიკუსის მონასტერში მონაფედ ყოფილიყო ამ წერილის დამწერი, დღეს ჰერცოგის მეუღლე, პარიზის ერთ-ერთი უმშვენიერესი ქალი. სიტყვა-სიტყვით მოგვყავს:

„ვიპოვიდით მინაზე მსხალს ან ვაშლს და მივჩქამალავდით საჩქაროდ, სადაც კი შეგვეძლო, ვახშობამდე. ლოგინზე გენარის გასაშლელად რომ ავიდოდით, ბალიშის ქვეშ ჩავდებდით და ლოგინში რომ ჩავწვებოდით, მარტო მაშინ ვავებდავდით შეჭმას. თუ იქაც საშიში იყო, სხვაგან შევჭამდით, საპირფარეოში, მაგალითად. ეს იყო ბავშვების უაღრესი სიამოვნებათაგანი“.

ერთხელ ეპისკოპოსი რომ ეწვია მონასტერს, ერთმა ყმანვილმა ქალმა, ბუშარმა, რომელიც მონმორანსს ენათესავებოდა, თქვა, - ერთი დღის შვებულებას ვთხოვ და მივიღებო. - რომ არ დაუჭერეს, სანაძლეო დადეს. წესდების მიხედვით მონაფეს არავითარი შვებულება არ ეძლეოდა. ყველა დარწმუნებული იყო, რომ ბუშარი წააგებდა. როდესაც ეპისკოპოსი მონაფეებთან მივიდა, უცხად წყობიდან გამოვიდა ბუშარი, - შიშის ზარი დასცა ამ თავხედობამ მონაზვნებს, - მივიდა ეპისკოპოსთან, თავი დაუკრა და მოახსენა:

- თქვენო ყოვლად უსამღვდელოესობავ, ერთი დღის შვებულება მიბოძეთ.

ძალიან ლამაზი ქალი იყო ბუშარი, მაღალი, მასის ვარდივით მშვენიერი. გაუღიმა ეპისკოპოსმა და უთხრა:

- რაღა ერთი დღე, შვილო? სამი დღე ინებეთ. თანახმა ვარ სამი დღის შვებულება მოგცეთ. - წინამძღვარი რაღას იზამდა, რადგან ეპისკოპოსმა ბრძანა. შეცბუნდა მთელი მონასტერი, სამაგიეროდ, გაიხარა პანსიონმა. დაე, მკითხველმა წარმოიდგინოს, რა შთაბეჭდილებას მოახდინდა ქალის სილამაზის გამო წესდების დარღვევა.

მონასტერი პირქუში და დაღვრემილი იყო, მაგრამ არც ისე მაგრად იყო შემოზღუდული, რომ გარედან არსად შეჰპარვოდა ცხოვრების ამბავი, დრამა და რომანიც კი. ამის დამამტკიცებელ საბუთად ერთ უეჭველ ამბავს მოვიყვანთ, თუმცა მას არავითარი კავშირი არა აქვს ჩვენს მოსათხრობ ისტორიასთან. ჩვენ გვინდა მხოლოდ უკეთ დავასურათოთ მონასტრის ცხოვრება.

იმხანად მონასტერში ერთი ქალი იყო, მეტად საიდუმლო პიროვნება. მონაზონი არ იყო. დიდი პატივისცემით ექცეოდნენ. ქალბატონ ალბერტის ეძახდნენ. ამ ქალის არაფერი იცოდნენ, გარდა იმისა, რომ შემლილი იყო და საზოგადოებაში მკვდრად ითვლებოდა. როგორც ამბობდნენ, ამ ამბავში იფარებოდა, ბრწყინვალე ქორწინებისთვის საჭირო დიდი სიმდიდრის შექმნა.

ოცდაათი წლისაყ არ იქნებოდა; ლამაზი ქალი იყო, შავგვრემანი, შავთვალწარბა, დაკვირვებით დასცქეროდა ყველაფერს, მაგრამ ხედავდა კი? ამაში ეჭვი ეპარებოდათ. მუნჯივით იყო გაჩუმებული. ზოგი ამბობდა, - ვინ იცის, არც სუნთქავსო.

- ნესტოები შეკეცილი და ჩალურჯებული ჰქონდა, თითქოს ეს არის სული დალიაო, ხელი გაყინული. უცნაური სინარჩარე ჰქონდა, აჩრდილის სინარჩარე. სადაც კი შევიდოდა, სიცივე შეჰქონდა. ერთხელ მიმავალი დაინახა მონაზონმა და უთხრა მეორეს:

- მკვდრად ითვლება უბედური.
- იქნებ მკვდარიც არის, - მიუგო მეორემ.

რას არ ამბობდნენ ამ საწყალ ქალზე! ეს იყო მონაფეხების დაუძინებელი ცნობისმოყვარეობის საგანი. საყდარში ერთი ტრიბუნა იყო, რომელსაც ხარისთვალას ეძახდნენ. ამ ტრიბუნას ერთი მრგვალი ჰატარა სარკმელი ჰქონდა და წირვა-ლოცვის დროს ყოველთვის ამ ხარისთვალაში იჯდა ქალბატონი ალბერტინი. მარტო იჯდა, იქ მონაზვნები ვერ ავიდოდნენ, რადგან იქიდან კარგად ჩანდა მღვდელი ან მქადაგებელი, კაცის დანახვა კი მომაკვდინებელ ცოდვად ითვლებოდა. ერთხელ ყმანგილი კაცი იყო მწირველი, დიდი გვარიშვილი, ბატონი დე როჰანი. 1815 წლამდე როჰანი წითელი მუშკეტერების ოფიცრად მსახურობდა და 1830 წელს გარდაიცვალა, როდესაც უკვე კარდინალი იყო და ბეზანსონის ეპისკოპოსი. ამ მონასტერში წირვა და ქადაგება დე როჰანისთვის პირველი იყო. ქალბატონი ალბერტინი წირვასაც და ქადაგებასაც ისე მოისმენდა ხოლმე, რომ ხმას არ ამოიღებდა, არ გაინძრეოდა. იმ დღეს კი, როგორც დაინახა დე როჰანი, წამოინია და მისმა ხმამალამა დაძახებამ საყდარში გამეფებული დუმილი დაარღვია: - ეს ხომ ოგიუსტია! - განცვიფრებული იყო მთელი საყდარი, ყველა მას შესცქეროდა. თვით მღვდელიც მას ეძებდა თვალით, მაგრამ ქალმა თქვა და გაათავა: ისევ ისე გაუნძრევლად იჯდა, ეტყობოდა, შორს გაეტაცა რაღაც ფიქრებს. გარე ცხოვრების სიო მოხვდა უბედურს, სიცოცხლის სხივმა გაუღიმა წამიერად ამ გამქრალ, გაყინულ არსებას და უცბადვე ჩაქრა ყველაფერი, კვლავ მკვდრად იქცა შემოილი.

მაგრამ რამდენი მითქმა-მოთქმა გამოიწვია ამ ორმა სიტყვამ! რამდენი რამ იგულისხმებოდა ამ სიტყვებში! რამდენი ამოცანა აღძრეს და თავისებურად გამოიცნეს! ბატონ როჰანს მართლა ოგიუსტი ერქვა. ცხადი იყო ქალბატონი ალბერტინიც დიდი გვარიშვილის ოჯახიდან უნდა ყოფილიყო, რადგან იცნობდა როჰანს; იქნებ როჰანზე უფრო დიდებულაც ყოფილიყო, რადგან ასე მოკლედ მიმართა მას; ცხადი იყო აგრეთვე, რომ ურთიერთობა უნდა ჰქონოდა მასთან, ოღონდ ძალიან ახლო ნათესაობა ან სრული მეგობრობა, რადგან გვართ კი არა, სახელით ახსენა დე როჰანი.

ჰანსიონს ორი დიდებული, მეტად მკაცრი ქალბატონი ეწვეოდა ხოლმე, შუაზვილი და სერანი, ეტყობოდათ უპირატესობა უნდა ჰქონოდათ, როგორც *Magnates mulieres* დიდებულთა მეუღლეებს, რომ ასე ადვილად შედიოდნენ მონასტერში და ამინებდნენ საწყალ მონაფეხებს. ამ ბებერ ქალებს რომ დაინახავდნენ ჰანსიონელები, კანკალს იწყებდნენ და თავს ღუნავდნენ.

ბატონი როჰანი, თუმცა თვითონ ამისი არაფერი იყო, მონაფეხების სათაყვანებელ საგნად იქცა. ამ დროს პარიზის ეპისკოპოსის მოადგილედ იყო და ჩვეულებად ჰქონდა პიკუსის მონასტერში საწირავად მისვლა. არც ერთ მონაზონს არ შეეძლო მისი დანახვა, რადგან სარჟის დიდი ფარდა იყო გაბმული; მაგრამ მეტად ტკბილი ხმა ჰქონდა, წვრილი, რომელსაც იცნობდნენ და ხმით მანაც ტკებოდნენ. ქალებმა იცოდნენ, რომ ოფიცრად ყოფილიყო ჯარში. იცოდნენ, რომ მეტად ლამაზი

კაცი იყო, სალუქად ჩაცმული, რომ საუცხოო წაბლისფერი თმა ჰქონდა, ძვირფასი მუარის სარტყელი ეკრა და საგანგებო შავი კობტა ანაფორა ეცვა.

ეპისკოპოსი თექვსმეტი წლის ქალების საოცნებოდ გამხდარიყო. არავითარი ხმა არ შედიოდა მონასტერში გარედან, მაგრამ ერთ წელიწადს ფლეიტის ხმა გაიგონეს: დიდი ამბავი იყო, რომელიც პანსიონის მონაფეებს დიდხანს არ დაეინყებიათ.

ვიღაც ცხოვრობდა მონასტრის მეზობლად და ფლეიტას უკრავდა. ყოველთვის ერთსა და იმავე სიმღერას უკრავდა დიდხანს, ღღეს სრულიად დაეინყებულს: „ჩემო ზეტულზე, რატომ არ გინდა შენ დაეუფლო ჩემს სულსა და გულს?“ და ღღეში ორჯერ-სამჯერ ააჟღერებდა ხოლმე თავის ფლეიტას. ყმანვილი ქალები ამ სიმღერითლა სულდგმულობდნენ, ხმოსანი ღედები აღშფოთებულნი იყვნენ, წარამარა სჯიდნენ ქალებს. რამდენიმე თვე ისმოდა ამ ფლეიტის ხმა. პანსიონში მცხოვრებ ქალებს ყველას უკლებლივ შეჰყვარებოდა უცნობი მუსიკოსი. ყველა ზეტულობას ჩემობდა. მუსიკის ხმა დრუა-მურის ქუჩიდან მოდიოდა. რას არ მისცემდნენ, რომ ერთი წამით დაენახათ, თვალი მანინ მოეკრათ „ყმანვილი კაცისთვის“, რომელიც ასე ტკბილად აკვნესებდა ფლეიტას და იმავე დროს, - აბა, რას წარმოიდგენდა? - აკვნესებდა ამ ქალებსაც. რამდენიმე ქალმა როგორღაც მოახერხა და მესამე სართულში აძვრა დრუა-მურის ქუჩისკენ. მაგრამ ამაოდ ჩაუარათ ცდამ. ერთმა კიდევ იმდენი გაბედა, რომ ხელი გაყო ქუჩაში და თეთრი ცხვირსახოცი გაათფრიალა. მაგრამ სხვა ორი უფრო ყოჩაღად მოიქცა: სახლის ბანზე აძვრნენ და იმდენი ქნეს, რომ როგორც იყო დაინახეს „ყმანვილი კაცი“, რომელიც აღმოჩნდა ბებერი, კეთილშობილი, ოდესღაც გახიზნული, ბრმა და გაღატაკებული. მას ფლეიტალა დარჩენოდა სასუვემოდ და იმაში კლავდა დროს თავის სხვენზე.

თავი მეექვსე პატარა მონასტერი

სამი სრულიად განცალკევებული შენობა ჰქონდა პიკუსის მონასტერს: ერთი დიდი მონასტერი, სადაც მონაზვნები ცხოვრობდნენ, პანსიონი, სადაც მოთავსებულნი იყვნენ მონაფეები და ერთი ეგრეთ წოდებული პატარა მონასტერი. ამ პატარა მონასტერში ცხოვრობდნენ ერთად სხვადასხვა მონასტრის ბებერი მონაზვნები, რომლებიც უბინოდ დარჩენილიყვნენ, რადგან რევოლუციამ დაანგრია მათი თავშესაფარი. იქ იყვნენ ერთად და აჭრელებდნენ იქაურობას თავიანთი ტანისამოსით, - ზოგს შავი ეცვა, ზოგს თეთრი, ლურჯი, ყველა მიმართულების და მონასტრის ნაშთის წარმომადგენლები. მოკლედ რომ ვთქვათ, თუ შესაწყნარებელია ამგვარი შეუღლება სიტყვისა, ეს იყო აჭრელებული მონასტერი.

იმპერია რომ დაარსდა, ნება მისცა სადღაც გადავარდნილ და გაფანტულ ბებერ მონაზვნებს, თავი შეეფარებინათ ბენედიქტელ-ბერნარდელეების ჭერქვეშ. პატარა პენსიაც დაუნიშნა მთავრობამ. მცირე პიკუსის მონაზვნებმა სიამოვნებით მიიღეს სტუმრები. უცნაური სანახავი იყო არეული მონაზვნობა. ყველა ძველებურად, თავისებურად სწირავდა. ხანდახან ნებას მისცემდნენ ხოლმე პანსიონის უფროს მონაფეებს დასასვენებლად და გასართობად შესულიყვნენ პატარა მონასტერში და უცხო ბებერი მონაზვნები ენახათ. ამიტომ იყო, რომ ამ ყმანვილ ქალებს დიდხანს ახსოვდათ დედა-სენტ-ბაზილა, დედა-სენტ-სქოლასტიკე და დედა ჟაკობი.

ერთი ამ შემოხიზნულთაგანი თავს შინ გრძნობდა. სენტ-ორის მონაზონი იყო, ამ ორდენის ერთადერთი ცოცხალი წარმომადგენელი. სენტ-ორის ძველი მონასტერი მეთვრამეტე საუკუნის დასაწყისში სწორედ პიკუსის შენობაში იყო, რომელიც შემდეგში მარტენ ვერვას ბენედიქტელებს დარჩათ. მეტად ღარიბი იყო ეს მოხუცებული, შეძლება არ ჰქონდა თავის მონასტრის წესისამებრ მორთულიყო, ჩაეცვა ძვირფასი თეთრი კაბა და ალისფერი სამხრე. ამიტომ პანია მანეკენი მოერთო ამ ტანისამოსით და სიამოვნებით აჩვენებდა ყველას. რომ კვდებოდა, პიკუსის მონასტერს უძღვნა ეს ტანისამოსი. 1824 წელს ამ მიმართულების ერთადერთი მონაზონილა დარჩენილიყო. დღეს მხოლოდ ეს დედოფალა მოიპოვება მის სახსოვრად.

ამ ღირსეული მონაზვნების გარდა რამდენიმე მოხუცებული ქალი იყო, საზოგადოების წარმომადგენელი, რომლებიც პიკუსის მონასტერში მუხიზნულიყვნენ, როგორც ქალბატონი ალბერტინი. ამ ქალთაგანი იყო ქალბატონი დებოფორი და მარკიზ დუფრენის მეუღლე. ერთი კიდევ სხვა იყო, რომლის შესახებაც არავინ არაფერი იცოდა, გარდა იმისა, რომ საშინელი ხმით იხოცავდა ცხვირს. ამ ქალბატონს მოწაფეები ქალბატონ ცხვირხვინცელას ეძახდნენ.

1820 თუ 1821 წელი იყო, ქალბატონმა ჟანლისმა ითხოვა პიკუსის მონასტერში ცხოვრების ნება. პატარა ჟურნალ „L'Intrepide“ - „უშიშარის“ რედაქტორი იყო ეს ქალი, ორლენის ჰერცოგი სწყალობდა და, თუმცა დიდად წინააღმდეგი იყო მონასტერი და თრთოდნენ ხმოსანი დედები, - როგორ? რომანების მწერალი მონასტერში შემოვეშუათო? - მაინც თავისი გაიტანა: გამოაყხადა, - ჰირველი მე ვგმობ ჩემს რომანებსო. - გარდა ამისა, უკვე იმ ხნის იყო, რომ უნდა მოენანიებინა თავისი სიყმანვილის ცოდვები. ღვთის მადლით და ორლენელის წყალობით შევიდა მონასტერში და მას ექვსი თუ რვა თვის შემდეგ გამოეთხოვა. წასვლის მიზგზად ის მოიყვანა, რომ ბაღში ჩრდილი არ იყო. აღტაცებული იყვნენ ამ ქალით მონაზვნები. ძალიან ბებერი იყო, მაგრამ ჯერაც კარგად უკრავდა ქნარზე.

რაკი წასვლა დააპირა, სახსოვარიც დატოვა თავის სენაკში. ცრუმორწმუნე ბრძანდებოდა ეს ქალბატონი და ლათინურის მცოდნე. ეს ორი სიტყვა საკმაოდ კარგად წარმოგვიდგენს ამ მწერალს. ამ რამდენიმე წლის წინ ჯერ ისევ ჩანდა მისი სენაკის პატარა განჯინაში, სადაც დაკეტილი ჰქონდა თავისი ფული და თვალმარგალიტი, ეს ხუთსტრიქონიანი ლათინური ლექსი, წითელი მელნით მის მიერ დაწერილი. ამ ქალბატონის აზრით ლექსს ჰქონდა ძალა, შეეშინებინა და დაეფრთხო ქურდები:

მპარიბუს მერიტის პენდანტ ტრია ცოროპორა რამის:

Dismas et Gesmas, media est divina potestas.

Alta petit Dismas, infelix, infima, Gesmas.

Nos et res nostras conservet summa potestas.

Hos versus dicas, ne tu furto tuo Perdes.

მეექვსე საუკუნის ლათინურით დაწერილი ეს ლექსი ბადებს კითხვას, რა ერქვათ ქრისტესთან ერთად ჯვარცმულ ქურდებს, დიმასი და გესტასი, როგორც ჰგონიათ, თუ დისმასი და გესმასი? ეს მართლწერა რომ გამართლებულიყო, ძალიან ეწყინებოდა ვიკონტ-დეგესტას, რომელიც წინა საუკუნეში ცდილობდა დაემტკიცებინა, რომ

ცოდვამოუნანიებელი ჯვარცმული ქურდის პირდაპირი შთამომავალი იყო. პიკუსელ მონაზვნებს ძალიან სწამდათ ამ ლექსის ქურდების მაშინებელი ძალა.

საყდარი ისე იყო აშენებული, რომ გაცვალკევებინა, ერთმანეთისთვის დაეშორებინა დიდი მონასტერი და პანსიონი. საყდარი ერთი იყო სამივესთვის და წირვა-ლოცვაზე იქ იკრიბებოდნენ მონაზვნებიც, მონაფეებიც და პატარა მონასტერში შეხიზნულებიც.

საყდარში შესვლა საავადმყოფოსთან ქუჩაში გამავალი კარით საზოგადოებასაც შეეძლო, მაგრამ ისე იყო ყველაფერი მოწყობილი, რომ მონასტერში მცხოვრები ვერ დაინახავდა კაცის სახეს. წარმოიდგინეთ საყდარი, რომლის მგალობელთა გუნდის ადგილისთვის ხელი მოეწვლეს ვოლიათს, აეტაცოს და ერთგვარ ბნელ ოთახში დაესვას მწირველის მარჯვნივ. წარმოიდგინეთ ამ საყდარში სამი მეტრის სიმაღლით გაბმული სქელი ფარდა; ამ ფარდის უკან დასვით ხის სკამებზე მარცხნივ - მგალობელი მონაზვნები, მარჯვნივ - პანსიონის მონაფეები. უკან, მუაში - მორჩილები და წარმოიდგინეთ, როგორ ისმენდნენ წირვა-ლოცვას ამ მონასტერში. მგალობლების გუნდის ადგილი დიდ მონასტერთან ტალანით იყო შეერთებული. სინათლე საყდარში ბალიდან შედიოდა. წირვაზე რომ იყვნენ მონაზვნები და წესდების ძალით შეუძლებელი იყო ხმის ამოღება, სკამების ჭრატუნით შეიძლებოდა გაეგო ადამიანს, რომ ფარდის იქით მონაზვნები ისხდნენ.

თავი მეშვიდე

ჩრდილში მოქმედნი

1819-დან 1825 წლამდე, ექვსი წლის განმავლობაში მცირე პიკუსის მონასტერში წინამძღვრად ქალბატონი ბლემერი ბრძანდებოდა, რომელსაც აღკვეცის შემდეგ სახელად ინოსენტე - უბიწობა დაარქვეს. მარგერიტ ბლემერის გვარის იყო, რომელმაც დაწერა „ცხოვრება წმინდა ბენუას ორდენის წმინდანებისა“. იგი ხელმეორედ აირჩიეს. სამოცი წლის იქნებოდა, ტანდაბალი, სქელი.

„გამსკდარი ქოთანვიით გალობდაო“ - წერია ზემოთ მოყვანილ წერილში. ერთობ კარგი გულის ქალი იყო, ერთადერთი მხიარული მთელ მონასტერში და ამიტომ ყველგან პატივცემული და საყვარელი.

წინამძღვარს თავისი დიდი ღედის, მარგერიტის მსგავსად, სიყვარული მოსდევდა მეცნიერებისადმი და სახელოვან მთარგმნელ დასიესავით იყო მონასტერში; კარგად იცნობდა მწერლობას, თვალს ადევნებდა მეცნიერებას, ცნობისმოყვარეობით კითხულობდა ისტორიას; გაუღენთილი იყო ლათინურით; გატენილი ბერძნულით, სავსე ებრაულით და უფრო ბენედიქტელი იყო, ვიდრე მონაზონი.

თანამემნედ მიხრწნილი მონაზონი ჰყავდა, ესპანელი, თითქმის ბრმა, დედა-სინერი.

ხმოსან დედათავან პატივცემული იყვნენ სენტ-ონორინი, მოლარე; სენტ-ჰერტრუდა, მორჩილთა უფროსი; სენტ-ანუი, მისი თანაშემწე; დედა-ხარება, რომელსაც სამოსის საცავი ებარა; სენტ-ავგუსტინი, საავადმყოფოს გამგე; ეს იყო ერთადერთი მონაზონი, რომელსაც ავის სახელი ჰქონდა; სენტ-მეტილდა (გოვენის ასული), სულ ახალგაზრდა და გამორჩეული ხმით მგალობელი; დედა-ლმობიერება (მელტურის ასული). სამოცი წლის მიიღეს მონასტერში, წესდების დარღვევით,

რადგან ძალიან მდიდარი იყო; დედა-ტაძრად მიყვანა (სიგენცას ასული), წინამძღვრად არჩეული 1847 წელს; სენტ-სელინი (და ჩერაკის მოქანდაკე), რომელიც გაგიჟდა; სენტ-შანტალი (სუზონის ასული), ესეც გაგიჟდა.

ლამაზებიც ბევრი ჰყავდა მონასტერს და მათ შორის, ერთი მომხიბლავი, ოცდასამი წლის ქალი, კუნძულ-ბურბონელი, რაინდ როზის შთამომავალი; შინ ქალბატონი როზი რქმეოდა და მონასტერში დედა-მიძინება გამხდარიყო.

სენტ-მეპტილდს ებარა გალობისა და გუნდის საქმე და სიამოვნებით წრთვინდა პანსიონელებს. შეადგენდა სრულ გამას, ესე იგი, ამოარჩევდა შვიდ ქალს, ათი წლიდან 16-მდე, ხმითა და ტანადობით გამორჩეულებს, რომლებსაც წლოვანების მიხედვით გაამწკრივებდა და ისე ასწავლიდა, რომ გენახათ, იტყოდით, ეს ანგელოზთაგან შემდგარი, პანის ცოცხალი სალამურიყო.

მორჩილთა შორის პანსიონელებს ყველაზე უფრო უყვარდათ და წმინდა ეფროსინე, და წმინდა მარგერიტი, და წმინდა მართა, რომელიც სულ გაბავშვებული იყო და და წმინდა მიშელი, რომლის გრძელი ცხვირი დიდად აცინებდათ.

ყველანი კარგად, ტკბილად ექცეოდნენ პანსიონელებს. მონაზვნები მხოლოდ თავის თავისადმი იყვნენ მკაცრები. ცეცხლს მარტო პანსიონში ანთებდნენ, პანსიონის საჭმელი, მონასტრისასთან შედარებით, საუცხოო იყო. სულ მათ კეთილდღეობაზე ზრუნავდნენ მონაზვნები, მაგრამ პანსიონელ ბავშვს რამე რომ ეკითხა მონაზვნისთვის, პასუხს ვერ ეღირსებოდა.

ამ წესის, სრული დუმილის, შედეგი იყო, რომ მთელ მონასტერში აკრძალული იყო ყველა ადამიანისთვის ხმის ამოღება და ეს ნიჭი თითქო უსულო საგნებში გადასულიყო. ხან ეკლესიის ზარი იტყოდა რამეს, ხან მებაღის მუხლზე მიბმული ზანზალაკი. მეკარის გვერდით ზარი ეკიდა, რომლის ძლიერი ხმა მთელ მონასტერში ისმოდა. სხვადასხვაგვარი რეკვით, თითქო ტელეფონი ყოფილიყო, ცხადად აღნიშნავდა ცხოვრების მოთხოვნილებების ასრულებას და მისაღებში სწორედ იმას იხმობდა, ვის სანახავადაც, არა, სასმენად - მოსულიყო ვინმე, და იქ ელოდა. ყველა უფროსს და ყველა საგანს თავისი ზარი ჰქონდა. ზარის ერთი და ერთი რეკვა წინამძღვრის იყო; ერთი და ორი - იმის თანამემსის; ექვსი და ხუთი - სწავლის დასაწყისი იყო; ისე, რომ მოწაფეები თავის დღეში არ იტყოდნენ კლასში მივდივართო, - არა, - ექვს ხუთში მივდივართო, - ოთხ-ოთხი ქალბატონ ჟანლისისა იყო და ძალიან ხშირადაც ისმოდა; - ოთხის ქაჯაო, - იძახდნენ გაჯავრებულები. ათი და ცხრა დიდ ამბავს მოასწავებდა: მონასტრის დაძველებული, დაჟანგებული კარის გაღებას, რომელიც მარტო მაშინ იძვროდა, როდესაც ეპისკოპოსი მოზრძანდებოდა.

ეპისკოპოსის და მებაღის გარდა, უკვე აღვნიშნეთ ეს გარემოება, ვერც ერთი კაცი ვერ შევიდოდა მონასტერში. პანსიონელები კი ამ ორის გარდა კიდევ სხვას ხედავდნენ. ერთი მღვდელი იყო, ბებერი და გონჯი, რომელსაც მოაჯირის იქიდან უყურებდნენ, მეორე - ხატვის მასწავლებელი, ბატონი ანსიო, რომელსაც ზემოთ ნახსენები წერილი ბებერ, საზარელ კუზიანად აღწერს.

სწორედ საჭიროებისამებრ ამოერჩიათ ქალებს კაცები, შესაზარებლად.

ასეთი იყო ეს ღირსშესანიშნავი მონასტერი.

თავი მერვე

„POST CORDA LAPIDES“

ზნეობრივი დახასიათების შემდეგ, უსარგებლო არ უნდა იყოს, მოკლედ მაინც გაეცნოთ თვით შენობაც. ცოტა რამ ამის შესახებ უკვე იცის მკითხველმა.

კარგა დიდი ფართობი ეჭირა მცირე პიკუსის მონასტერს, რომელიც პოლონსოს, დრუა-მურის, მცირე პიკუსის და ომარეს ქუჩებში გადიოდა. ისე ზღუდავდნენ ეს ქუჩები მონასტერს, თითქოს თხრილი ჰქონოდა გარშემო.

მონასტერი რამდენიმე შენობისა და ბაღისგან შედგებოდა. მთავარი - ერთიანად რომ გაგვინჯათ, სხვადასხვაგვარი შენობები ერთმანეთზე იყო მიწყობილი; ხოლო თუ ზემოდან დახედავდით, მიწაზე დაცემულ სახრჩობელას მოგავგონებდათ; სახრჩობელის დიდი ბოძი სამ ქუჩაზე გაჭიმულიყო და მოკლე ბოძი კი - პიკუსის ქუჩაზე; აქვე ქუჩის ბოლოში ალაყაფის კარი იყო, #62 სახლის აღსანიშნად. ამ კართან კიდევ ერთი ძველი დაბალი კარი იყო, მტკრით დაფარული, ნაცრიანი, აბლაბუდით მოსილი, რომელსაც ერთი-ორი საათით გააღებდნენ ხოლმე კვირაობით და კიდევ უფრო იშვიათად, როდესაც მონაზვნის ცხედარი უნდა გაესვენებინათ მონასტრიდან. ამ კართი შესაძლებელი იყო ეკლესიაში შესვლა. სახრჩობელის კუთხეში ოთხკუთხა დარბაზი იყო, სანყოფი, რომელსაც მონაზვნების საუკუნაოს ეძახდნენ. გრძელ ბოძად გაჭიმულიყო მონაზვნების და მორჩილების სენაკი; მოკლე ბოძად - სამზარეულო, სატრაპეზო და საყდარი.

62 ნომრიანი კარიდან ომარეს ქუჩის კუთხემდე პანსიონი იყო, რომელიც გარედან არ ჩანდა. დანარჩენი ფართობი ბაღს ეკავა, რომელიც უფრო ჩავარდნილი იყო, ვიდრე პოლონსოს ქუჩა და ამის გამო მას კედლები გარედან უფრო დაბალი ჰქონდა, ვიდრე შიგნიდან. ბაღი ოდნავ ამოხურცული იყო. შუა მაღლობზე ერთი მაღალი ნაძვი იდგა, კონუსისებრი, მახვილ კენწეროიანი, რომლიდანაც, როგორც ფარის შუაგულიდან, ოთხი დიდი და რვა პატარა ხეივანი მოდიოდა. ყველა ხეივანი ბაღის კედლებთან თავდებოდა. ზოგი გრძელი იყო, ზოგი მოკლე და გვერდზე მოცხარის ბურჭი მიყვებოდა. ეზოს ბოლოში, ძველი მონასტრის ნანგრევებიდან პატარა მონასტრის სახლისკენ, ერთი დიდრონი ჩინარის ხეივანი მიდიოდა.

პატარა მონასტრის წინ ეგრეთ წოდებული პატარა ბაღი იყო. ამას ემატებოდა ეზო, შენობების სხვადასხვაგვარი კუთხეები, კედლები, ბანები და ოდნავ მაინც შევძლებთ წარმოვიდგინოთ, რა უნდა ყოფილიყო ორმოცდაათი წლის წინ ბერნარდელების მონასტერი მცირე პიკუსის ქუჩაზე. ეს წმინდა სახლი აშენებული იყო მოედანზე, რომელიც წინათ, მეთოთხმეტე, მეთხუთმეტე და მეთექვსმეტე საუკუნეებში, ბურთის თამაშით იყო ცნობილი და სახელად - „ათასი ქაჯის ბუნავი“ ერქვა.

ამ მონასტრის ირგვლივ პარიზის ძველისძველი ქუჩები იყო. დრუა-მური და ომარე ძველი სახელებია, თუმცა უფრო ძველია თვითონ ქუჩები.

ომარეს ქუჩას წინათ მოგუ ერქვა, დრუა-მურის ქუჩას - ეგლანტიე, - ასკილისა, რადგან ღმერთი ქვეყანას ჯერ კიდევ მაშინ აყვავებდა, როდესაც ადამიანი ქვასაც არ თლიდა.

თავი მეცხრე

მთელი საუკუნე თავისი პირბადით

რაკი ასე დაწვრილებით გავიგეთ, როგორი იყო წინათ მცირე პიკუპუსის მონასტერი და ფანჯარა გავაღეთ, რომ თვალი გადაგვევლო ამ მორცხვად დაბურული თავშესაფრისთვის, ნება მოგვცეს მკითხველმა, ცოტა რამ სხვაგვარად მოვეთხროთ, უცხო ამ წიგნისთვის, მაგრამ დამახასიათებელი და საინტერესო თვით მონასტრის უცნაური წევრების გასაცნობად.

პატარა მონასტერში, სადაც გაუქმებული მონასტრებიდან შეხიზნულიყვნენ მონაზვნები, ერთი ასი წლის მოხუცი იყო, ფონტევროს სამწყსოდან. რევოლუციამდე საზოგადოებაში ბრწყინავდა. სულ მირომესნილის, ლუი მეთექვსმეტის მინისტრის და თავისი ნაცნობის, თავმჯდომარე დუპლას მეუღლის, ხსენებაში იყო. ამ სახელების ხსენების კვეხნით ტკბებოდა. რაზედაც უნდა ყოფილიყო ბაასი, ის მაინც იმათ სახელს ჩაურევდა. ფონტევროს მონასტრიდან იყო, ძალიან უყვარდა და საკვირველ ამბებს ყვებოდა იმ მონასტერზე, რომელიც მისი სიტყვებით, ნამდვილ ქალაქს წარმოადგენდა თავისი ქუჩებით.

პიკარდული გამოთქმით ლაპარაკობდა და ძალიანაც აცინებდა პანსიონელებს. ყოველ წელს საზეიმოდ განახლებდა ხოლმე თავის აღთქმას და ვიდრე ფიქს დაინცებდა, მღვდელს ეტყოდა: ბატონმა წმინდა ფრანსუამ ის მიანდო ბატონ წმინდა ჟულიენტს; ბატონმა წმინდა ჟულიენტმა ბატონ წმინდა ევსებს; ბატონმა წმინდა ევსებმა ბატონ წმინდა პროკოფს... ასობით ჩამოთვლიდა, ვინ ვის მიანდო ფიცი და ბოლოს იტყოდა, - მე თქვენ განდობთ, მამაო, - იცინოდნენ პანსიონელები თავიანთი პირბადის ქვეშ. იცინოდნენ პანსიონელები და ბრაზით წარბს იჭმუხნიდნენ ხმოსანი დედები.

ხან წარსული მოაგონდებოდა და იმის ამბავს მოჰყვებოდა. იფიცებოდა, ჩემს ყმანვილობაში ბერნარდელები მუშკეტერებსაც არ ჩამოუვარდებოდნენო. ეს იყო წარსული საუკუნე, მეთვრამეტე, რომელზეც ლაპარაკობდა. შანპანელების და ბურგნონელების „ოთხის ღვინის“ ჩვეულებაზე ყვებოდა. რევოლუციამდე, როდესაც ქალაქს ვინმე დიდებული უნდა სწევოდა ან გზად გაველო, - მარშალი, პრინცი ან ჰერცოგი, წინ მიეგებებოდა ქალაქის თვითმმართველობა, მიესალმებოდა და ძღვენს მართმევდა - ოთხ მოგრძო ვერცხლის თასს, სხვადასხვა ღვინით სავსეს; პირველ თასზე ეწერა „ღვინო მაიმუნისა“, მეორეზე - „ღვინო ლომისა“, მესამეზე - „ღვინო ცხვრისა“ და მეოთხეზე - „ღვინო ღორისა“. ეს ოთხი წარწერა ახასიათებდა იმ ყოფას, რომელშიც ღვინის მსმელი იმყოფებოდა: პირველი თრობა, ღვინო რომ მოეკიდება, მხიარულება; მეორე - განრისხება; მესამე - გამოჩერჩეტება და მეოთხე - ცხოველად გადაქცევა.

განჯინაში ჩაკეტილი ჰქონდა რაღაც საგანი, საიდუმლო, რომელსაც ძალიან უფრთხილდებოდა. ფონტევროს წესდებით აკრძალული არ იყო რაიმე ნივთის შენახვა. ამ საგანს მალავდა და არავის აჩვენებდა. ჩაიკეტავდა თავისი სენაკის კარს, - არც ეს იყო იქ აკრძალული, - როცა იმ საგნით დატკობა მოუნდებოდა. თუ გაიგონებდა მისკენ მიმავალ ფეხის ხმას ტალანში, განჯინას დაკეტავდა საჩქაროდ, რამდენადაც ემორჩილებოდა ბებრუყანა ხელები. ამაზე რომ დაუნყებდნენ ლაპარაკს, კრინტს არ დასძრავდა, თუმცა გაგიჟებით უყვარდა ჩიფჩიფი. ბევრს უნდოდა ამ საიდუმლოს გაგება, მაგრამ ცნობისმოყვარენი თავისი დუმილით მოიშორა და ახირებულები - თავისი სიჭოუტით. ვინც კი მოცლილები ან მოწყენილები იყვნენ მონასტერში, ამაზე ლაპარაკობდნენ და დრო გაჰყავდათ. რა უნდა ყოფილიყო ეს საგანი, ასე ძვირფასი და საიდუმლო, ასი წლის მოხუცებულის საუნჯე? წმინდა წიგნი

იქნებოდა, რაღა თქმა უნდა, ან იშვიათი ძველისძველი კრიალოსანი, ან რომელიმე წამებულის ნაწილი. შეუძლებელი იყო ამის გამოცნობა, და რომ მოკვდა საცოდავი, მაშინვე იმის განჯინას ეცნენ, უფრო მალე, ვიდრე შეიძლებოდა და გააღეს. სამჯერ ჰქონდა შემოხვეული ბანარი ამ განძს, როგორც ნაკურთხ ფეშხუმს. ქაშანურის ფიალა იყო. ზედ დახატული იყო რამდენიმე ამური, რომლებიც აფთიაქის შეგირდებს გაურბოდნენ. ბიჭებს დიდრონი ოყნის მიღები ეჭირათ ხელში და ისე მისდევდნენ. სასაცილო გამომეტყველება ჰქონდათ ბიჭებს. ერთი პანია კველუცი ამური კიდევ დაეჭირათ; არ ნებდებოდა, იბრძოდა, პანია ფრთებს შლიდა, - იქნებ როგორმე გაფრინდეთ, - მაგრამ სატანური სიცილით ეჭირათ ბიჭებს. დასკვნა: მუცლის ტკივილით დამარცხებული სიყვარული. ეს ძალიან საინტერესო ფიალა, რომელმაც იქნება მოლიერსაც მისცა ზემთაგონება, ჯერ კიდევ არსებობდა 1845 წლის სექტემბერში, სიძველეების გამყიდველს ჰქონდა გასაყიდად ბომარშეს ბულვარზე.

ეს საცოდავი მოხუცებული მის სანახავად მოსულს არავის იღებდა, რადგან, როგორც თვითონ ამბობდა, - მისაღები ოთახი მეტად დაღვრემილი იყო.

თავი მეთათე

დასაბამი „მუდმივი თაყვანისცემისა“

ისიც უნდა აღვნიშნოთ, რომ მისაღები ოთახი, თითქმის აკლდამის მსგავსი, რომელიც აქ დავხატეთ, ადგილობრივი ქმნილება იყო ასე მკაცრად მოწყობილი. ტამპლის ქუჩის მონასტერში, მაგალითად, რომელიც სხვა წესდებით ხელმძღვანელობდა, - სულ სხვაგვარად იყო მოწყობილი მისაღები ოთახი. ამ დარბაზში შავი დარაბების მაგივრად მუქი ფარდები იყო. იატაკი პარკეტის ჰქონდა. ფანჯრებს თეთრი მაქმანი ჰქონდა ჩამოფარებული; კედლებზე სურათები ეკიდა და, სხვათა შორის, ერთი ბენედიქტელი მონაზონის სურათი პირბადის გარეშე, თავიუღები და ოსმალის თავიც კი.

ტამპლის მონასტრის ბაღში ერთი წაბლის ხე იდგა, ინდოეთიდან ჩამოტანილი, რომელიც მთელ საფრანგეთში უმშვენიერესად და უდიდესად ითვლებოდა. ამ ხეს ხალხი მეთურამეტე საუკუნეში საფრანგეთის ყველა წაბლის ხის მამად სთვლიდა.

უკვე ვთქვი, ტამპლის მონასტრის ბენედიქტელები მუდმივი თაყვანისცემის მომხრენი იყვნენ. ძალიან ძველი, ასე ორ საუკუნეზე მეტი ხნის არ უნდა ყოფილიყო ეს მიმართულება. 1649 წელს ორჯერ იქნა ნაბილწული წმინდა საიდუმლოება რამდენიმე დღის განმავლობაში პარიზის ორ ეკლესიაში, - წმინდა სულპისის და წმინდა იოანეს საყდარში; იმდენად საშინელი და იშვიათი იყო ეს მოვლენა, რომ მთელი ქალაქი შეაძრწუნა. სენ-ჟერმენის ეკლესიამ სასულიერო წოდების დიდებული საზეიმო პროცესია მოაწყო; მწირველად პაპის მოადგილე ბრძანდებოდა. მაგრამ ეს მონანიება საკმარისად არ ეჩვენა ორ დიდებულ ქალბატონს, მარკოზ დებუკისა და გრაფ შატოვიეს მეუღლეებს. წმინდა საიდუმლოების შელახვა ვერაფრით მოენელებინათ ამ ღირსეულ ქალებს და თქვეს, - ამისთანა შებილწვის მონანიება მხოლოდ მუდმივი თაყვანისცემით უნდა ხდებოდეს ქალების რომელიმე მონასტერშიო, - და ორივემ - ერთმა 1652 წელს, მეორემ კი 1653 წელს დიდი ფული მიართვეს დედა კატერინ-დე-ბარს, ბენედიქტელ მონაზონს, რომ ამ ფულით და ამ მიზნით დაეარსებინა წმინდა ბენუას წესდების მონასტერი. ამ მონასტრის დაარსების

ნებართვა დედა კატერინმა მიიღო იმ პირობით, რომ არავის მიიღებდა მონასტერში მონაზვნად, თუ თან სამასი ლივრის პენსიას არ მოიტანდა, რაც ექვსი ათას ლივრს მისცემდა მონასტერს. მერე თვით მეფემაც მისცა წყალობის სიგელი და ბოლოს, 1654 წელს მონასტრის კანონიერი არსებობა პარლამენტმა დაამტკიცა.

ეს იყო კანონიერი კურთხევა ბენედიქტური მონასტრისა და წმინდა საიდუმლოებათა მუდმივი თაყვანისცემის დასაბამი პარიზში. პირველი მონასტერი კასეტის ქუჩაზე ააშენეს ქალბატონი ბუკის და შატოვიეს შწინიერი ფულით.

ამ მონასტერს ცოტა რამ განასხვავებდა სიტოულ ბენედიქტელებისაგან. იგი სენ-ჟერმენის ეკლესიიდან მომდინარეობდა, როგორც იესო ქრისტეს წმინდა გულის ქალების მონასტერი - იეზუიტებისგან და კეთილმოწყალების დანი - ლაზარელებისგან.

ძალიან განსხვავდებოდა აგრეთვე მცირე პიკუსელებისგან, რომლის შინაგანი ცხოვრება გავაცანით მკითხველს.

1657 წელს პაპმა ალექსანდრე მეშვიდე მუდმივი თაყვანისცემის შემოღების ნება მისცა პიკუსის ბერნარდელებსაც, როგორც წმინდა საიდუმლოების ბენედიქტელებს. მიუხედავად ამისა, მაინც დიდი განსხვავება იყო ამ ორ მიმართულებას შორის.

თავი მეთერთმეტე
მცირე პიკუსის ბოლო

ბურბონების აღდგენის (1815-1830) წელს მოჰყვა პიკუსის მონასტრის დაღუპვა. როგორც სხვა ორდენებს, მასაც მეთვრამეტე საუკუნის შემდეგ მოეღო ბოლო. განჭვრეტა ისე, როგორც ლოცვა, კაცობრიობის მოთხოვნილებაა; მაგრამ რევოლუციამ ყველაფერი გარდაქმნა, რასაც კი ხელი შეახო; საარწმუნოებაც გარდაიქმნება და საზოგადოებრივი პროგრესის მტრის მაგივრად პროგრესის დამხმარედ შეიქმნება.

გასაოცარი სიჩქარით იცვლებოდა პიკუსის მონასტერი. 1840 წელს მთლიანად გაქრა შეხიზნული მონაზვნების პატარა მონასტერი, გაქრა აგრეთვე პანსიონი. აღარც ბებერი მონაზვნები იყვნენ, აღარც ყმაწვილი ქალები. ბებრები დაიხოცნენ, ყმაწვილი ქალები ოლავერუნტ - გაფრინდნენ.

მუდმივი ყთაყვანისცემის მკაცრი წესი ყველას აშინებდა: ახალი ველარავინ ბედავდა იქ შესვლას და მცირდებოდა მონასტერი. 1845 წელს აქა-იქ კიდევ გამოჩნდებოდა ხოლომე მორჩილი, მაგრამ მონაზვნად აღკვეცას კი ერიდებოდნენ. ამ ორმოცი წლის წინ, ასიოდე მონაზონი იყო პიკუსში, თხუთმეტი წლის წინ კი ოცდარვაღა დარჩენილიყო. დღეს რამდენია? 1847 წელს წინამძღვრად ყმაწვილი ქალი ჰყავდათ, ორმოცი წლისაყ არ იყო, უტყუარი ნიშანი, რომ ამოსარჩევი მონაზვნების რიცხვი შემცირებულიყო. მცირდებოდა მონაზვნების რიცხვი და მატულობდა დაღლა, რადგან ბევრის საქმეს ახლა ცოტანი უნდა მორეოდნენ. ახლოვდებოდა ჟამი, როდესაც თორმეტიოდელა დარჩებოდა მონასტერში და იმათ დაანებოდათ, დაქანსულთ და წელმოწყვეტილთ, წმინდა ბენუას მძიმე ტვირთი. ტვირთი კი უთუოდ ასანვეი იყო და იმავე სიმძიმის რჩებოდა თავისი მუშებისთვის.

მძიმე იყო, უწინ რომ ასწევდნენ, ბევრი იყვნენ, ახლა კი მის ქვეშ ისრისებოდნენ; იხოცებოდნენ მონაზვნები. იმ დროს, როდესაც ამ წიგნის ავტორი ჯერ კიდევ პარიზში

ცხოვრობდა, ორი მიიყვალა; ერთი ოცდახუთი წლისა იყო, მეორე - ოცდასამის. მასაც შეეძლო ეთქვა, როგორც იულია ალპინულამ დაიძახა: „His jaceo. Vobis ანნოს ვიგინტი ეტ ტრეს“ - აქ განვისვენებ, ოცდასამი წლის სიცოცხლის შემდეგ.

ეს იყო მიზეზი, რომ მონასტერმა პანსიონი დახურა და შეწყვიტა ქალების აღზრდა.

ვერ შევძელით ისე გაგვევლო ამ უცნაურ, საიდუმლოებით სავსე სახლის წინ, რომ შიგ არ შევსულიყავით და თან არ შეგვეყვანა ჩვენი თანამგზავრი, რომელიც ყურს უგდებს უან ვალჟანის გულსაკლავ ისტორიას. ამ ისტორიის უკეთ გასაშუქებლად საჭირო იყო ამ მონასტრის ფარდის ახდა. გავიცანით ერთგვარი საზოგადოება, ძველი წესებით მომქმედი, რომლებიც ასე უცხოა დღეს ჩვენთვის. ეს გახლდათ დაკეტილი ბაღი. Hortus conclusus.

დანვრილებით, მაგრამ პატივისცემით გავსინჯეთ იქაურობა, რამდენადაც კი შეიძლებოდა ერთად შეგვეყვარა და მოგვერიგებინა წვრილმანი პატივისცემა. ბევრი რამ არის, რომ ვერ შეგვიგნია, მაგრამ შეურაცხყოფას კი არაფერს ვკადრებთ. ჩვენ თანაბარი მანძილით შორს ვდგავართ უოზოფ-დე-მესტრისგან, ოსანას რომ უგალობდა ჯალათს და აგრეთვე ვოლტერისგან, რომელიც აბუჩად იგდებდა ჯვარცმას.

ვოლტერის ულოგიკობა, - ესეც ვთქვათ, რაკი სიტყვამ მოითხოვა, - რადგან ვოლტერი ისევე გამოესარჩლებოდა იესო ქრისტეს, როგორც გამოესარჩლა კალასს, შვილის მკვლელს, - არ გაბედო და არ უარყო პროტესტანტიზმიო. იმათთვისაც კი, ვისაც არ სწამს ღვთაების განსხეულების, ჯვარცმა უდანაშაულო ბრძენის მოკვლაა.

კრიზისს განიცდის მეცხრამეტე საუკუნეში სარწმუნოებრივი იდეა. ბევრს ივინყებენ ძველს და კარგსაც შერებიან. ოლონდ ძველის დავინყებას ახლის შეძენა უნდა მოსდევდეს. არ უნდა იყოს სიცარიელე ადამიანის გულში. ძველი ინგრევა და ძალიან კარგი, მალე დაინგრეს! მაგრამ იმ პირობით, რომ ძველის ნგრევას ახლის შენება მოჰყვებს.

მანამდე კი, შევისწავლოთ წარსულის დამახასიათებელი ნიშნები თუნდაც მარტო იმიტომ, რომ არ გავიმეოროთ უმნიშვნელო ან ხალხისთვის საზიანო შეცდომები. ხშირად გვაჩეჩებენ წარსულიდან რაიმეს, გაყალბებულს, ვითომ მომავლის დასახმარებლად. ამ მკვდარს, საფლავიდან ამოყვანილს, ხალხის გაბრიყვების მეთი აღარაფერი სწამს და ამიტომ ძალიან კარგად იცვლის თავის პასპორტს. ეს არ უნდა გვაინყდებოდეს და ფრთხილად ვიყოთ. წარსულს ერთი სახე აქვს - ცრუმორწმუნეობა და ერთივე ნილაბი - პირმოთნეობა. გავაცნოთ ხალხს წარსულის სახე და ჩამოვაგლიჯოთ ნილაბი.

რაც შეეხება მონასტერს, ძნელი გადასანყვეტია ეს საკითხი: საკითხი ცივილიზაციის ხელშია და ცივილიზაცია უარყოფს მონასტერს. საკითხი თავისუფლების შესახებ არის და თავისუფლება მფარველობს მონასტერს.

ნიგნი მეშიდე

გაკკრით

თავი პირველი

მონასტერი, როგორც განყენებული იდეა

ეს წიგნი არის დრამა, რომლის პირველი მოქმედი პირი უსაზღვროებაა. ადამიანი მეორეხარისხოვანია.

რადგან ასეა, გზაში მონასტერი შეგვხვდა და კიდევ უნდა შევსულიყავით. რატომ? იმიტომ, რომ მონასტერი აღმოსავლეთის კუთვნილებაა ისევე, როგორც დასავლეთის. წარსულის, როგორც აწმყოსი, კერპთაყვანისმცემლობის, მაჰმადიანობის, ბუდიზმის, როგორც ქრისტიანობის, ოპტიკური ხელსაწყოა, რომლითაც ადამიანი უსაზღვროებას იკვლევს.

აქ საჭირო არ არის მეტისმეტად განვავითაროთ რომელიმე იდეა; მაგრამ, როდესაც ადამიანში უსაზღვროებას მცირედით მაინც შევხვდებით, ავად თუ კარგად შევცნობლს, პატივისცემით ვივსებით, თუმცა არც ჩვენს აზრს ვფარავთ, არც უთანხმოებას და არც აღშფოთებას. ებრაელების თორაში, მაჰმადიანების მეჩეთში, კერპთაყვანისმცემელთა სალოცავში, წითელკანიანების ვიგვამში, არის რაღაც საზიზღარი, რომელსაც ვგმობთ; და არის აგრეთვე რაღაც დიდებული, რომელსაც თაყვანს ვცემთ; დიდებული მასალა შესაცნობი და საოცნებო. ღეთის ანარეკლი ადამიანის კედელზე.

თავი მეორე

მონასტერი, როგორც ისტორიული ფაქტი

ისტორიის, გონებისა და ჭეშმარიტების თვალსაზრისით ბერ-მონაზვნობა განკიცხულია.

როდესაც ხალხს ბევრი მონასტერი აქვს, მიმოსვლის კვანძებად ხდებიან ეს მონასტრები, დამაბრკოლებელ დაწესებულებად, სიზარმაცის და მუქთახორობის ადგილებად, იქ, სადაც ცხარი მუშაობა უნდა იყოს გაჩაღებული. მონასტერში ჩაკეტილი კომუნა იგივეა კაცობრიობის საზოგადოებრივი კომუნისთვის, რაც ფიორია მუხისათვის და რაც მეჭვტია ადამიანისათვის. მონასტრების გავრცელება და გაძლიერება ქვეყნის გადატაკებას და დასუსტებას მოასწავებს. მონასტრის ყოფაცხოვრება სასარგებლოა ცივილიზაციის პირველ ხანებში, რომ შეამციროს მხეცური და გაავრცელოს სულიერი, ხოლო უსარგებლო და მავნებელია მონიფულ ხალხში. გარდა ამისა, როდესაც მკაცრ წესდებას აღარ მისდევენ, მონასტერს გარყვნილება იპყრობს, მავნებლად და ხალხის დამლუპველად იქცევა სწორედ იმიტვე, რითაც სასარგებლო იყო თავისი სინმინდის დროს, - თავისი მაგალითით.

თავისი დრო მოჭამა ადამიანის ოთხკედელშუა ჩამწყვედევამ. მონასტერი სასარგებლო იყო თანამედროვე ცივილიზაციის პირველი საფეხურების გასამავრებლად, მაგრამ მერე კი აბრკოლებდა განათლების ზრდას და განვითარებას. როგორც დაწესებულება და ადამიანის განვითარების საშუალება, მონასტერი სასარგებლო იყო მეთავე საუკუნეში, სათუო იყო მეთხუთმეტეში და დასავმობი - მეცხრამეტეში. ბერ-მონაზვნურმა კეთრმა ჩონჩხამდე ჩაატანა ორ დიდებულ ხალხს - იტალიასა და ესპანეთს, რომელთავან ერთი საუკუნეთა განმავლობაში სინათლეს ჰყენდა და მეორე ამშვენებდა ევროპას; და თუ დღეს ცოტა სული მოითქვა ამ ხალხმა, მხოლოდ 1789 წლის ჯანსაღი და უებარი რევოლუციის შემდეგ.

მონასტერი, განსაკუთრებით ძველებური, ქალების მონასტერი, როგორც მეცხრამეტე საუკუნის დასაწყისში გვხვდება იტალიაში, ავსტრიაში, ესპანეთში, არის შუა საუკუნეების უსაზღვრესი მუნჯი. ამ მუნჯში მოგროვილია ყველა საშინელება. კათოლიკეების მონასტერი, კერძოდ ამ მონასტერს რომ შეეხებოთ, გაუღენთილია სიკვდილის შავი სხივებით.

საშინელი რამ არის ესპანეთის მონასტერი. იქ არის წყვილადში ამართული, ღრუბლით დაფარული თალების ქვეშ, უზარმაზარი ბაბილონური სიმაღლის საკურთხეველი. დიდრონი ჯაჭვებით ჰკიდია ყველგან უშველებელი თეთრი ჯვარი და ზედ ჯვარცმული. შავი ხის ფიცარზე, მრავლად არის სპილოს ძვლის გათლილი უზარმაზარი იესო ქრისტე, რომელსაც სისხლი არ შეშრობია; იდაყვი ძვლამდე აქვს ჩაჭრილი, მუხლის ჯამი გატიტვლებული, ჩასისხლიანებული ჭრადობით, ვერცხლის ეკლის გვირგვინი აქვს, მოჭვდილია ოქროს ლურსმნით, შუბლზე ლალი აყრია სისხლის წვეთებად, თვალებში ალმასი ცრემლის ცვრებად. ალმასი და ლალი სველად ეჩვენებათ და ცრემლს ჰგვრის სალოცავად მისულეებს. იქ, ჩრდილში დგანან პირბადიანი ქალები. ძაძითა და რკინის ბოლოიანი მათრახით გვემულები: ძუძუები მანუელით აქვთ გულზე მიჭყლეტილი, მუხლისთავი მუდმივი ლოცვით გადაყვლეფილი. ქალები არიან, რომლებსაც ჰგონიათ სულით ქრისტენი ვართო; აჩრდილები არიან, რომლებსაც ჰგონიათ ანგელოზები ვართო. კიდევ ფიქრობენ ეს ქალები? არა. სურთ რამე? არა. უყვართ? არა. ცოცხლები არიან? არა. ნერვები ძვლებად გადაქცევიან და ძვლები - ქვებად. ღამეა იმათი პირბადე. მათი სუნთქვა პირბადის ქვეშ სიკვდილის ტრაგიკულ სუნთქვას ჰგავს. წინამძღვარი - საფრთხობელაა - ანათლებს და ამინებს საცოდავებს. ასეთია ძველი ესპანური მონასტერი, ღვთისმოსავების საზარელი თავშესაფარი, მღვიმე უბინო ქალებისა და საშინელი ხვრელი ბოროტად შეგნებული მცნებისა.

კათოლიკური ესპანეთი უფრო რომაული იყო, ვიდრე თვით რომი. ესპანური მონასტერი ითვლებოდა ნამდვილ კათოლიკურად. აღმოსავლეთს მოგავიწყებდათ. მთავარეპისკოპოსს, ზეცის ყიზლარ-აღას, დაკეტილი ჰქონდა ეს ჰარამხანა ასულებისა, რომლებსაც ღმერთს უმზადებდა. მონაზონი ცოლი იყო და მღვდელი - საჭურისი. გულმოდგინე მონაზვნებს ირჩევდა ღამით ქრისტე და ისინიც ტკბებოდნენ ქრისტეს სიყვარულით. ღამე მშვენიერი ყმაწვილი კაცი ჩამოდიოდა ჯვარცმიდან და ნეტარებით ავსებდა სენაკს. მაღალი კედლები იფარავდნენ ყოველგვარი ცოცხალი ვნებისგან ქალბატონს, რომელსაც ჯვარცმული ჰყავდა თავის ხონთქარად. გარეთ გახედვაჲ კი ღალატად ეთვლებოდა. ტყავის ტომრის მაგივრად „in-pace“ - საკანი მონასტრების მუდმივი პატიმრებისთვის იყო; იმას, რასაც აღმოსავლეთში ზღვაში ყრიდნენ, დასავლეთში მიწაში ფლავდნენ. ხელეებს იმტვრევდნენ ქალები იქაც და აქაც: იქ ზღვის ტალღა მოელოდათ და აქ შავი მიწა. იქ დამხრჩვალები და აქ დამარხულები. საზარელი, მაგრამ სრული პარალელიზმია!

ღღეს წარსულის მომხრეებმა, რაკი არ შეუძლიათ ამის უარყოფა, სხვა ხერხს მიმართეს, - სიტყვას ბანზე აგდებენ და იღიმებიან; მოდად შემოიღეს ერთგვარი ხელსაყრელი და უცნაური უარყოფა ისტორიის მიერ გამომუდგენებული ფაქტების, შესუსტება ფილოსოფიური დასკვნების, გაბათილება წარსულის სამარცხვინო სახსოვრებისა და გამოურკვეველი საკითხებისა. - კარგი მასალაა დეკლამაციისათვის, - გაიძახიან ვერაგული სიცილით; - დეკლამაცია არისო, - იმეორებენ მიაშიტები. მამ

ჟაკ-რუსოც დეკლამატორი ყოფილა, დიდროც, ვოლტერიც, კალასს რომ გამოექომაგა? ლაბარიც, რომელსაც თავი მოსჭრეს, - ჯვარცმა რად გასჭერიო? სირვენიც, რომელსაც თავი მოსჭრეს, - რად დაუშალე შენს ასულს კათოლიკობაო? - აღარ მახსოვს, ვილაც ამტკიცებდა ამას წინათ, რომ ტაციტუსი დეკლამატორი იყო, ნერონი - წამებული და სწორედ შესაბრალისი იყო „საცოდავი, ივდითის ოლოფერნიო“.

მაგრამ ფაქტი ფაქტად რჩება და თავისას არ იშლის. ამ წიგნის ავტორმა თავისი თვალთ ნახა, ბრიუსელის ახლოს, სულ ოცდათორმეტი კილომეტრის მანძილზე, სადაც ყველას შეუძლია იხილოს საშუალო საუკუნეების, სახელდობრ, ვიეს სამწყსოში ცოცხალთა დასამარხავად გათხრილი ორმოები იმ ადგილზე, სადაც უნინ მონასტერი იყო აშენებული, მდინარე დილის ნაპირზე კიდევ ოთხი ქვის საპატიმრო, ნახევრად წყალქვეშ და ნახევრად მიწის ქვეშ მოქცეული. ეს იყო ცოცხალთა დამარხვა და თან ლოცვა, - განუსვენო. - ამ ორმოებს ჯერ კიდევ შერჩენოდა რკინის კარი, ფეხის ადგილი და მოაჭირიანი სარკმელი, რომელიც გარედან წყლის დონეზე ნახევარი მეტრით ზევით არის, და შიგნიდან ოთხი მეტრით მიწაზე ზევით. მეტრ-ნახევარი სიმაღლის კედელი გარედან წყალშია. მიწა წყლით არის გაჟღენთილი. ამ სველ მიწაზე ეყარნენ დამწყვდეულები. ერთ ორმოში ჯერაც დარჩენილიყო რკინის საყელურების ნატეხი, რომელიც ჯაჭვით არის კედელში ჩაბმული, მეორეში - გათლილი ქვის ერთი ყუთი. მეტად მოკლე, რომ შიგ ჩანვეს კაცი და მეტად დაბალი, რომ ადგეს. შიგ ჩასვამდნენ კაცს და ზემოდანაც გათლილ ქვას დაათარებდნენ. ყველა უყურებდა და სინჯავდა. ესეც „in-pace“ არის. ეს ორმო, ეს რკინის საბამი, ეს ჯაჭვი, ეს მაღალი სარკმელი, რომლის ძირშიც გარბის მდინარე, ეს კლდის ყუთი თავისი სახურავით, ეს კუბო. ოღონდ იმ განსხვავებით, რომ აქ დამარხული ცოცხალი იყო და არა მკვდარი. მაშ ესეც დეკლამაციაა?

თავი მესამე

რა პირობით შეიძლება წარსულის პატივისცემა

ის მონასტერი, რომელიც ესპანეთში არსებობდა და რომელიც ტიბეტში არსებობს, ცივილიზაციის ერთგვარი ჭლექია, შეეცრება და მაშინვე მოსპობს სიცოცხლეს, მუსრავს ხალხს. მონასტერში ჩაკეტვა იგივე დასაჭურისებაა, რომელიც ჭირად მოედო ევროპას. მიუმატეთ ამას სინდისის ძალდატანება; რწმენის დაძლევა; ფეოდალიზმი, რომელიც თავისი ბატონობის გასაძლიერებლად იმსახურებდა მონასტერს; ბატონი, რომელიც მონასტერში ალბობდა, ვინც ზედმეტად მიაჩნდა ოჯახის კეთილდღეობისთვის; ის საშინელებები, რომელიც ჩვენ მოვიყვანეთ; ცოცხლების დამარხვა, პირზე კლიტე, რომ ხმა არ ამოედოთ; ჩაკეტილი ტვინი, რომ ფიქრი არ გაეხდებოდა; ბერად ან მონაზვნად აღკვეცა, - ესე იგი, ცოცხალი სულის დასაფლავება. დაუმატეთ ეროვნების დაცემას პირადი სულის ქეჭნა და თრთოლა მოგერევათ, ვინც უნდა იყოთ, რომ წარმოიდგინთ ამ ანათორას და პირბადეს, ორ სუდარას, ადამიანის მიერ ცოცხალთათვის გამოგონილს.

მიუხედავად ამისა, მიუხედავად ფილოსოფიის და პროგრესისა, ჯერ კიდევ განაგრძობს არსებობას ჩვენს მეცხრამეტე საუკუნეში ცოცხლების აკლდამა და ქვეყანას აკვირვებს ხელახლა წამომდგარი ასკეტიზმი. ეს დაჟინება მიმკვდარებული

დანსებულებისა, - ვარ და ვემსახურები ადამიანსო, - აშშ-ორებული საპკურის გაჯუტებას ჰგავს, რომელიც ჩავგვიცვია, - მონიე თავი, რომ თმას ვეპკურო, - აცროლებული თევზის სურვილს, - შემჭამე, რომ გემრიელი იგემო, - ბავშვის ტანისამოსის ახირებას, - ახლა ვაუკაცმა ჩამიცვასო, - და ცხედრის სურვილს, რომელიც აღდგება, რომ ცოცხლებს უალერსოს.

- თქვე უმადურებო! - იტყვის ბავშვის ტანისამოსი, - ავდარში რომ მიცვამდით, რატომ კარგ დარში კი აღარ გინდივართო?

- ზღვის გულიდან ვარო, - იტყვის თევზი.
- მაისის ვარდი ვიყავიო, - იტყვის საპკური.
- მე მიყვარდითო, - იტყვის მკვდარი.
- მე გავანათლეთო, - იძახის მონასტერი.

ერთი პასუხი აქვს ამას:

- ოდესღაც.

შემლილის ოცნებას ჰგავს წადილი, - უსაზღვროდ განვავრძობ მკვდარი დანსებულების სიცოცხლე და ადამიანთა საზოგადოების შემუსვრით მართვა: ხავსმოკიდებული საზოგადოებრივი კანონების აღდგენა, ლუსკუმის ოქროსფრად შეღებვა, ხელახლა შელესვა მონასტრის, ხელახლა კურთხევა წმინდა ნაშთების, განახლება ცრუმორწმუნეობის, განცხოველება ფანატიზმისა, შეკეთება დამტვრეული ხმლისა, გარდაქმნა ბერ-მონაზვნების და მილიტარიზმისა, რწმენა, რომ საზოგადოებას იხსნის პარაზიტების გამრავლება, ბრძანება აწმყოსადმი, - წარსულით იხელმძღვანელო! - და სავალალო ის არის, რომ არსებობენ თეორეტიკოსები, რომელნიც იცავენ ამ აზრებს. ამ თეორეტიკოსებს, ჭკვიან-განათლებულებს, ერთგვარი, ძალიან მარტივი მოსაზრება აქვთ; წარსულს ახალ ფარდაში ახვევენ, რომელსაც საზოგადოებრივ წესწყობილებას უწოდებენ - ღვთის ბრძანებას, - და მას უმორჩილებენ ზნეობას, ოჯახს, წინაპართა პატივისცემას, ძველებურ მთავრობას, წმინდა ტრადიციებს, კანონიერებას, სარწმუნოებას; და გაჰყვირიან, - აი, ხალხო, ეს არის თქვენთვის საჭირო! - ამ მოსაზრებით ძველი დროებაც სარგებლობდა; ულუკებიც მავასვე ხმარობდნენ: - ცარცს ნაუსვამდნენ შავ ბოჩოლას და იძახდნენ: - თეთრია, თეთრი! - ბოს ცრეტატუს ცარცით გათეთრებული ხბო!

რაც შეეხება ჩვენს აზრს, ჩვენ პატივისცემით ვუყურებთ წარსულს და ვზოგავთ კიდევ, ოლონდ იგი უნდა დავვითანხმოს, რომ მკვდარია. და თუ ნებაგს, რომ ცოცხალი იყოს, შევებრძოლებით და ვეცდებით ანდერაძი ავუგოთ.

ცრუმორწმუნეობა, ფარისევლობა, პირმოთენეობა - სულ მატლებია, მაგრამ ეს მატლებიც მაგრად ებლაუჭებიან სიცოცხლეს, კბილიც კარგი აქვთ და ბრჭყალებიც მახვილი თავიანთ ნეხეში. უნდა შევებრძოლოთ, რომ გავსრისოთ, მოესპოთ და ვებრძოლოთ შეუწყვეტილ, რადგან ეს არის ბედისწერა კაცობრიობისა, - მუდმივად ებრძოლოს აჩრდილებს, ვინაიდან მათი ხელში ჩავდება და მოსპობა მეტად ძნელია.

მონასტერი საფრანგეთში მეცხრამეტე საუკუნის შუაგულში მზგზე გადმოდგმული ჭოტების ბუდეა. მონასტერი, ასკეტიზმით შეპყრობილი, იმ ქალაქში, რომელმაც წარმოშვა 1789 წლის, მერე 1830 და 1848 წლების რევოლუციები, თითქოს რომი აყვავებულიყოს. პარიზში არის შეუწყნარებელი ანაქრონიზმი. ჩვეულებრივ პირობებში რომ ვიყოთ, ანაქრონიზმის შესასწორებლად და მოსასპობად საკმარისი იქნებოდა

გვესწავლა წლების თვლა. მაგრამ რას იზამთ, ჩვეულებრივ პირობებში რომ არ ვართ?

ამგვარად, ვიბრძოლოთ.

ვიბრძოლოთ, მაგრამ გარჩევით. ჭეშმარიტება იმით განირჩევა, რომ ის არ არის გადაჭარბებული, ან რად უნდა სჭირდებოდეს გადაჭარბება? მრავალი არის დასანგრევი და მოსასპობი და მრავალი არის გასაშუქებელი და შესასწავლი. საჭიროა მიუკერძოებელი გარჩევა. ნუ შევიტანთ ცეცხლის ალს იქ, სადაც სინათლეც კმარა.

მაშ, რაკი მეცხრამეტე საუკუნემ ბევრი რამ შეგვიძინა, ჩვენ წინააღმდეგნი ვართ მონასტრული ასკეტიზმისა, სადაც არ უნდა იყოს იგი, აზიაში იქნება თუ ევროპაში, ინდოეთში თუ ოსმალეთში. მონასტერი იგივე ჭაობია. ცხადია, რომ დაღუპა მონასტერი, შავბნელი ხავსი მოეკიდა, დაღუპა და აავადებს ხალხს. მონასტრების გამრავლება ქვეყნისათვის დამლუპველი სენია. გულისწუხილით ვიგონებთ იმ ქვეყნებს, სადაც ჯერაც მატლებივით ფუთფუთებენ ინდოეთში მოხოვარი ბერები, ფაკირები, ჩინეთში ბერი ბონზები, ოსმალეთში სანტონები, საბერძნეთში კალუერები, სიამში ტალაპუამები, მაჰმადიანებში მარაბუტები და დერვიშები.

რაც შეეხება სარწმუნოებას, სარწმუნოება არსებობს. ამ საკითხს ბევრი რამ აქვს საიდუმლო, თითქმის საშიში. მაშ, ნება გვიბოძონ, მას მიუახლოვდეთ.

თავი მეოთხე

მონასტერი პრინციპის თვალსაზრისით

შევრთდა რამდენიმე კაცი და კომუნად ცხოვრობენ. რა უფლების ძალით? ასოციაციის უფლების.

შევრთდნენ და კარი ჩაიკეტეს. რა უფლების ძალით? იმ უფლების ძალით, რომელიც ყველას აქვს, თავის ნებაზე გაალოს და დაკეტოს თავისი კარი.

ჩაიკეტეს კარი და აღარ გამოდიან. რა უფლების ძალით? იმ უფლების ძალით, რომლითაც ადამიანი ვადის თავის სახლიდან და უკანვე ბრუნდება; მაშასადამე, შეუძლია სულ შინ იჯდეს, კარჩაკეტილი.

და იქ, შინ რომ სხედან, კარჩაკეტილნი, რას აკეთებენ?

ჩემად ლაპარაკობენ; თვალთ მინას დასცქერიან: მუშაობენ, უარყოფენ ქვეყანას, ქალაქს, გრძნობიერებას, სიამოვნებას, ამაოებას, ამჰარტავენებას, პირად სარგებლობას; სადა ტანისამოსი აცვიათ, ხამი ტილოსი ან მაგარი მატყლის. არც ერთ მათგანს არ აქვს პირადი საკუთრება. იქ რომ შედის, მდიდარიც რომ ყოფილიყო, ღარიბი ხდება; რაც რამ ჰქონდა, ყველას მიაართვა. იქ რომ შედის, დიდებულისც რომ ყოფილიყო, თავადი, აზნაური, იმის თანასწორი ხდება, ვინც იქ შესვლამდე გლეხი იყო; სენაკი ერთგვარია ყველასთვის; ყველა ერთნაირად აღიკვეცება; ერთნაირი ანათვლით არიან მოსილნი და ერთსა და იმავე შავ პურს სჭამენ, ერთსა და იმავე ჩალაზე წვანან და ერთსა და იმავე ფერფლზე კვდებიან. ერთი და იგივე გულა ჰკიდა ყველას ბურგზე, ერთი და იგივე თოკი - ნელზე. თუ დადგენილია ფეხშიშველა სიარული, ფეხშიშველნი დადიან ყველანი. შეიძლება პრინცი იყოს იმათში; ეს პრინციც ისეთივე ჩრდილია, როგორიც სხვები. ტიტული გაქრა, გვარიც კი აღარ იხსენება. სახელის მეტი აღარა შერჩენიათ რა. თავმოხრილნი არიან ყველანი ნათლობის სახელის თანასწორობის წინაშე. დაარღვიეს ხორციელი ოჯახი და თავიანთ კომუნაში

შექმნეს სულიერი ოჯახი. ნათესავი აღარავინ ჰყავთ, გარდა ყველა ადამიანისა. ღარიბებს ემსახურებიან, ავადმყოფებს უვლიან, თვითონვე ირჩევენ იმათ, ვისაც ემორჩილებიან. ერთმანეთს უხმობენ: - ძმაო.

შემაჩერებთ, ვხედავ, და ვბრძანებთ:

- იდეალურია ეს მონასტერი.

შესაძლებელია ასეთი კომუნა და ამიტომ მხედველობაში უნდა ვიქონიოთ.

ამიტომ იყო, წინანდელ წიგნში, მცირე პიკუსში, პატივისცემით აღვწერდი მონასტერს. ჩამოვიშორეთ შუა საუკუნეები, ჩამოვიშორეთ აზია, ნუ შევეხებით საკითხს ისტორიისა და პოლიტიკის მხრივ. ფილოსოფიურად რომ გავსწავლოთ, მებრძოლი პოლიტიკის საჭიროებათა გარეშე, თუ მონასტერი აბსოლუტურად ნებაყოფლობით იქნება და თავისი სურვილით ეწევა მსახურებას, ასეთ კარჩაკეტილ კომუნას მე ყოველთვის დიდი ყურადღებით ვუყვები. სადაც საზოგადოებრიობაა, კომუნაც იქ არის, და სადაც კომუნაა, იქ უფლებაც არის. მონასტერი ნანარმი არის ფორმულისა: თანასწორობა, ძმობა. ოჰ, რა დიდებულია თავისუფლება! და რა ბრწყინვალეა ეს გარდაქმნა! თავისუფლებაც იკმარებს, რომ მონასტერი რესპუბლიკად გარდაიქმნას.

განვაგრძოთ.

ის კაცები, ის ქალები, რომლებიც ამ ოთხკედელში იმყოფებიან, სადად არიან მოსილნი, სრულიად თანასწორნი, ერთმანეთს ძმებად სთვლიან. ძალიან კარგი. მაგრამ სხვა საქმეც აქვთ რაზე?

ღიას.

რა საქმე?

ზეცას შესცქერიან, მუხლს იყრიან, გულხელს იკრეფენ.

ეს რას ნიშნავს?

თავი მეხუთე - ლოცვა

ვევდრებიან.

ვის?

ღმერთს.

რას ნიშნავს სიტყვა - ვედრება ღვთისა?

არის თუ არა უსაზღვრო ჩვენს გარეთ?

მუდმივი არის ეს უსაზღვრო, უცვლელი, უთუოდ არსებითი, რადგან უსაზღვროა და, მასალა რომ არ ჰქონდეს, ხომ მოსაზღვრულია იქნებოდა. აღძრავს თუ არა ეს ჩვენში უსაზღვრო იდეას არსისას, როდესაც ჩვენში მხოლოდ არსებობის იდეას ვპოვებთ? სხვა სიტყვით რომ ვთქვათ, განა აბსოლუტური არ არის უსაზღვრო, რომლისაც ჩვენ მხოლოდ შესაბამი ვართ?

და თუ არსებობს უსაზღვრო ჩვენ გარეშე, განა ჩვენში კი არ არის იგივე უსაზღვრო! განა არ ფარავს ერთმანეთს ეს ორი უსაზღვრო? განა არ არის მეორე უსაზღვრო პირველის ქვემომდევნო? განა მეორე უსაზღვრო პირველის სარკე არ არის, მისი ანარეკლი, მისი გამომხობა, კონცენტრული უფსკრული უსაზღვრო მეორე უფსკრულისა? და ეს მეორე უსაზღვრო, ისიც გონიერია, როგორც პირველი? ფიქრობს ეს მეორე უსაზღვრო? ხედავს? უყვარს? და თუ ეს ორი უსაზღვრო გონიერია, მამ თავისი სასურველი პრინციპი აქვს ერთსაც და მეორესაც, და,

მაშასადამე, არსებობს ერთი „მე“ ზეცურ უსაზღვროში და არსებობს ერთი „მე“ ქვეყნიურ უსაზღვროში. „მე“ ქვეყნიური არის სული. „მე“ ზეცური არის ღმერთი.

ქვეყნიური უსაზღვრო თავის ფიქრით რომ შეეხება ზეცურ უსაზღვროს, ამას ჰქვია ვედრება ღვთისა.

ნურაფერს ჩამოვაცლით ადამიანის გონებას. მავნებელია რაიმეს მოსპობა. საჭიროა შეკეთება და გარდაქმნა. ადამიანის ზოგი ნიჭი შეუცნობლისკენ, ღვთისკენ არის მიმართული; ფიქრი, ოცნება, ლოცვა. შეუცნობელი ოკეანეა. რა არის სინდისი? სინდისი შეუცნობლის კომპასია. ფიქრი, ოცნება, ლოცვა - ეს არის სულის დიდებული, საიდუმლოებრივი გასხივოსნება. მაშ თაყვანი ვცეთ მათ. საით მიისწრაფის ეს წმინდა შუქი სულისა? ჩრდილში ქრება და, მაშასადამე, სინათლისკენ მიისწრაფის.

დემოკრატიის სიდიადე იმაშია, რომ არაფერს უარყოფს და არაფერს უგულვებლყოფს კაცობრიობისას. ადამიანის უფლებებთან ერთად, მათ გვერდით მაინც, არის აგრეთვე სულის უფლებები.

აღმოვფხვრათ თანატომში და თაყვანი ვცეთ უსაზღვროს, - ეს არის კანონი. ნუ ვიკმარებთ მუხლმოყრას ქვეყნის შემქმნელის წინაშე და მოწმენდილ ცაზე ვარსკვლავთა ციალით ტკობას. ნუ ვუღალატებთ ჩვენს მოვალეობას; უნდა გავწმინდოთ ადამიანის სული, დავიფაროთ საიდუმლო სასწაულისგან, ვაღმერთოთ შეუცნობელი, განვდევნოთ აბსურდი, გავწმინდოთ მრწამსი და ჩამოვაცილოთ სარწმუნოებას დრომოჭმული ცრუმორწმუნეობა; ჩამოვაცილოთ ღმერთს მატლი.

თავი შეექვსე

ლოცვის უებარი სიკეთე

რაც შეეხება ლოცვის წესს, ყველა კარგია, ოღონდ გულწრფელი იყოს. თუნდაც თავდაყირა გეჭიროთ თქვენი ლოცვანი, ოღონდაც კი უსაზღვროსთან იყოთ.

არსებობს ერთგვარი ფილოსოფია, რომელიც დაუსრულებლობას უარყოფს. ისეთი ფილოსოფიაც არის, რომელიც მზეს უარყოფს. ამ ფილოსოფიას, რომელიც პათოლოგიას ეკუთვნის, სიბრმავე ეწოდება.

სასაცილოა ის ზვიადობა, თავმომწონე სიამაყე და სიბრალული, რომლითაც იუღინთება ეს ბრმა ფილოსოფია, ღვთისმორწმუნე ფილოსოფიას რომ შეეხება. გევონებათ, გაჯავრებული თხუნელაა და იძახის: როგორ მებრალეებიან თავიანთი მშითო.

არიან ასევე, ეს კარგად ვიცით, სახელოვანი, ძლევამოსილი ათვისტები. მათ თავიანთი სიძლიერით მიაგნეს ყოველგვარ მართალს და არც მთლად დარწმუნებულნი არიან, რომ ღმერთი არ სწამთ. მათთან კამათში ეს არის განმარტების საკითხი და, ბოლოს და ბოლოს, თუ დიდებული გონების პატრონებს ღმერთი არ სწამთ, თავიანთი გონის სიდიადით ამტკიცებენ ღვთის არსებობას.

მივესალმეთ მათ, როგორც ფილოსოფოსებს და ძირითადად უარყოფთ იმათ ფილოსოფიას.

განვაგრძოთ.

საყურადღებოა აგრეთვე ის გულუბრყვილოდ აღტაცება სიტყვებით. ერთმა ნისლით მოყულმა ჩრდილოეთის მეტაფიზიკურმა მიმართულებამ, წარმოიდგინა -

რევოლუცია მოვახდინე ადამიანის აზროვნებაში იმით, რომ სიტყვა „ძალის“ მაგივრად „ნება“ ვიხმარეო.

„მცენარეს ნებავს“, ასე რომ ვთქვათ „მცენარე იზრდება“ ნაცვლად, მართლა კარგი იქნებოდა, თუ დაუმატებენ აგრეთვე „ქვეყნიერებას ნებავსო“. რატომ? იმიტომ, რომ ცხადი იქნებოდა დასკვნა: მცენარეს ნებავს, მამ ქვეყნიერებასაც თავისი „მე“ ჰქონია. ესე იგი ღმერთი.

ჩვენ რომ გვკითხონ, თუმცა იმ მიმართულების მოღვაწეებივით აპროპრიულად არაფერს უარყოფთ, მაინც ვიტყვი: ამ მიმართულების მიერ მიღებული ნება მცენარეში უფრო ძნელი და დასაშვებია, ვიდრე ნება ქვეყნიერებაში, რასაც უარყოფს ეს სკოლა.

უარყოფა უსაზღვრო ნების, ესე იგი ღვთის, შეუძლებელია, რადგან ეს იქნება უარყოფა თვით უსაზღვროსი. ეს უკვე აღვნიშნეთ.

უსაზღვროს უარყოფა უშუალოდ ნიჰილიზმამდე მიიყვანს კაცს. იქ აზროვნების შედეგად ითვლება ყველაფერი.

ყოვლად შეუძლებელია ნიჰილიზმთან კამათი, რადგან, თუ თავისი ლოგიკა შერჩენია ნიჰილისტს, ეჭვი უნდა ჰქონდეს, - არსებობს თუ არა ჩემი მოკამათო? - და არც უნდა იყოს დარწმუნებული, რომ თვითონ არსებობს.

მისი თვალსაზრისით, შეიძლება მართალიც იყოს, რომ ნიჰილისტი თავისთვის მარტო აზროვნების შედეგია და სხვა არაფერი.

ოღონდ იმას კი ვერ ამჩნევს, რომ რასაც უარყოფს, ყველაფერს არსებულად აღიარებს, თუნდაც მარტო იმით, რომ წარმოთქვამს სიტყვას - აზროვნებს.

საერთოდ კი, არც ერთ გზას არ აძლევს აზროვნებას ის ფილოსოფია, რომელსაც ყველაფერი ერთ ორმარცვლიან სიტყვამდე, „არა“-მდე მიუხვეტია.

„არას“ ერთადერთი პასუხი აქვს: ჰო.

ნიჰილიზმს მნიშვნელობა არ აქვს.

„არარა“ არ არსებობს, ნული არ არსებობს, რაღაც არის ყველაფერი.

ადამიანი თავისი რწმენით უფრო ცოცხლობს, ვიდრე პურიო.

არ კმარა, რომ ხედავდე და აჩვენებდე. ფილოსოფია მოქმედი უნდა იყოს, თავის მიზნად და შედეგად ადამიანის განვითარება უნდა ჰქონდეს. სოკრატე უნდა შეერწყას ადამს, რათა შექმნას მარკუს აგრელიუსი. სხვაგვარად რომ ვთქვათ, ბედნიერების მაძიებელი ადამიანი სიბრძნის მაძიებლად შეცვალოს; სამოთხე სასწავლებლად შეუცვალოს. მეცნიერება წამლად და ნუგემად გაუხადოს. ცხოვრებით ტკბობა! ადამიანის რა სამწუხარო მიზანია და რა ბეჩავი მისწრაფება! მხეცივ ტკბება სისოცხლით. აზროვნება, - აი სულის ჭეშმარიტი გამარჯვების ზემი. აზროვნება განუვითარეთ მონყურებულებს, უებარ წამლად მიანოდეთ ღვთის შემეცნება, დაამძობილეთ მათში სინდისი და ცოდნა და ამ იღუმალში შედუღების წყალობით სამართლიანობა ჩაუნერგეთ ბოროტ ადამიანს. აი ჭეშმარიტი ფილოსოფიის ნამდვილი დანიშნულება. ზნეობა ჭეშმარიტების გამლა და აყვავებაა. განჭვრეტას მოღვაწეობისკენ მიჰყავს ადამიანი, აბსოლუტური პრაქტიკულადაც უნდა გამოიყენებოდეს. ადამიანის სული იდეალით უნდა სუნთქავდეს, მას სვამდეს, იმით იკვებებოდეს, ამ იდეალს ექნება უფლება თქვას: - მიიღეთ და ჭამეთ, ესე არის ხორცი ჩემი და ესე სისხლი ჩემი. - სიბრძნე არის წმინდა ზიარება, ოღონდ მხოლოდ იმ შემთხვევაში, როდესაც მოსპობს თავის უნაყოფო სიყვარულს მეცნიერებისადმი, და

გახდება ადამიანთა ერთობის ერთადერთ საშუალებად; როდესაც ფილოსოფია იქცევა სარწმუნოებად.

ფილოსოფია საიდუმლოზე ამწებელი შვერილი კი არ უნდა იყოს, რომ შეჰყურებდეს და სინჯავდეს ხალხი, არამედ ერთადერთი საბოლოო მიზნით ამწებელი, რომ ადვილად მისაწვდომი იყოს ცნობისმოყვარეთათვის.

ჩვენი აზრის განვითარებას შემდეგისთვის გადავდებთ: აქ კი მხოლოდ იმას ვიტყვით, რომ ვერ წარმოგვიდგენია ადამიანი, როგორც ამოსავალი წერტილი და პროგრესი - საბოლოო მიზანი, თუ თან არ ახლავთ ეს ორი მამოძრავებელი ძალა - სარწმუნოება და სიყვარული.

პროგრესი მიზანია, იდეალი კი - ტიპი.

რა არის იდეალი?

იდეალი ღმერთია.

იდეალი, აბსოლუტი, გაუმჯობესება, უსაზღვრო - ერთმნიშვნელოვანი სიტყვებია.

თავი მეშვიდე

გაკიცხვაც სიფრთხილით უნდა

ისტორიას და ფილოსოფიას სამარადისო და ამავე დროს, მარტივი ვალდებულებები აქვთ: უნდა დაგმონ მღვდელთმთავარი კაიაფა, მსაჯული დრაკონი, კანონმდებელი ტრიმალქიონი, იმპერატორი ტიბერიუსი, ეს ნათელია, პირდაპირი და უეჭველი, რომელიც არავითარ ბუნდოვანებას არ იწვევს. მაგრამ განმარტოებულად ცხოვრების უფლება, თუნდაც უვარგისი და ცდომილი, მაინც სიფრთხილით უნდა იყოს მოხსენებული. განდევილობა - კაცობრობის გადასაჭრელი საკითხია.

როდესაც ლაპარაკობენ მონასტრის შესახებ, სადაც თავი მოუყრია შეცდომას, მაგრამ უმანკოებას; ცდომილებას, მაგრამ გულწრფელ სურვილს; უვიცობას, მაგრამ თავის განირვას; ტანჯვას, მაგრამ მარტვილობას, თითქმის ყოველთვის მონონებაც ისმის და გაკიცხვაც.

მონასტერი შეუსაბამოა: მიზნად გადარჩენა აქვს, საშუალებად თავგანწირულება. მონასტერი უაღრესი ეგოიზმია, რომლის ნაყოფიც პირადის უარყოფაა.

პირადულის უარყოფა გამეფების მიზნით - აი დევნიბი მონასტრისა.

მონასტერში იტანჯებიან, რომ გაიხარონ; თამასუქი მიუღიათ სიკვდილისგან, - ვალს იქ გადაგიხდითო; სააქაოს ბნელში იხვეჭენ საიქიოს სინათლეს; ჯოჯოხეთს იმის გირაოდ იღებენ, რომ სამოთხეში ერგებათ მემკვიდრეობა.

მონაზვნის პირბადე და ბერის ანათორა თვითმკვლელობაა, რომლის ფასადაც მარადისობა მოიპოვება.

არ გვგონია, დასაშვები იყოს ამგვარ საკითხში თუნდაც სულ მცირე დაცინვა. აქ ყველაფერი სერიოზულია, ავიც და კარგიც.

მართალი კაცი წარბს შეიჭმუნის, მაგრამ დაცინვით კი თავის დღეში არ იღიმება. აქ ბუნებრივია აღშფოთება და არა დაცინვა.

თავი მერვე

სარწმუნოება და კანონი

კიდევ რამდენიმე სიტყვა.

ვკიცხავთ ეკლესიას, როდესაც ვერაგობით არის გაჟღერებული, ვგმობთ სულიერს, რომელიც დროებითი ხარბად ტკბება, მაგრამ ყოველთვის პატივს ვცემთ მოაზროვნე კაცს.

პატივს ვცემთ მუხლმოდრეკილს.

სარწმუნოება საჭიროებაა ადამიანისთვის; ვაი მას, ვისაც არა სწამს რა!

უსაქმურად არ უნდა მიგვაჩნდეს ადამიანი, როდესაც ფიქრებით არის გატაცებული. არის შრომა ხილული და შრომა უხილავი.

შეცნობა ხვნა არის და ფიქრი - მოქმედება. გულზე დაკრეფილი ხელი შრომობს, შეერთებული ხელი ქმნის. ზეცისკენ მიპყრობილ თვალსაც აქვს თავისი ქმნილება.

უძრავად იყო თალესი ოთხი წლის განმავლობაში და მან დააფუძნა ფილოსოფია.

ჩვენი შეხედულებით ერთად მსხოვრები ბერები არ არიან უსაქმურები და არც განდევნილები არიან მუქთახორები. აჩრდილზე ოცნება - სერიოზული საქმეა.

ნათქვამიდან არაფერს შევცვლით და არც უარვყოფთ, მაგრამ ვიტყვით, რომ ძალიან მოუხდება ადამიანს სიკვდილის მუდმივი ხსოვნა. ამ მხრივ სრულ თანხმობაში არიან მღვდელი და ფილოსოფოსი. - სიკვდილი არის ჩვენი ბოლო, - მღვდელი ტრაპი ასე პასუხობს აძლევეს ჰორაციუსს.

ბრძენს აქვს ეს მოთხოვნილება, თავის სიცოცხლეს ცოტა საფლავისასაც ურევს და ეს არის ასკეტის მცნება, ამ მხრივ ასკეტი და ბრძენი ერთად არიან.

არის წარმატება ნივთიერი; არის და გვინდა კიდევ. არის აგრეთვე წარმატება მწეობრივი; არის და გვახარებს.

იჩქარებს, ვინც დაუფიქრებლად წამოიძახებს:

- რა საჭიროა ეს უძრავად გამეშებული ბერ-მონაზვნები, ზეცას რომ შეჰყურებენ? რისი მაქნისები არიან?

ვაი, რომ წყვდიადით ვართ გარემოცულნი და წყვდიადილა მოგველის! ვაი, რომ არ ვიცით, რას გვიქადის ჩვენი მომავალი ცხოვრება! და ამიტომ ვაძლევეთ პასუხს: - იქნებ არავითარი შრომა არ იყოს ისე წმინდა, როგორც წმინდაა ამ მლოცველთა დგომა. და დავუმატებთ: იქნებ არც იყოს ასე სასარგებლო სხვა რამე შრომა.

უნდა იყვნენ ყოველთვის მლოცველნი იმათთვის, ვინც არასდროს არ ლოცულობს.

ჩვენთვის, ამ საკითხში უმთავრესი არის რაოდენობა ფიქრისა, რომელიც ლოცვას ერთვის.

მლოცველი ლაიბნიცი დიდებულია: თაყვანისმცემელი ვოლტერი მშვენიერია. Deo erexit Volტაირე.

ჩვენ ვიცავთ სარწმუნოებას სარწმუნოების წინააღმდეგ.

ჩვენც იმათ ვეკუთვნი, რომელთაც სწამთ ლოცვითი მეტყველების არარაობა და ვედრების სიდიადე.

მაგრამ ჩვენს დროში, რომელიც, ჩვენდა საბედნიეროდ, არავითარ კვალს არ დაამჩნევს მეცხრამეტე საუკუნეს; იმ დროს, როდესაც თავდაღუნული ყველა სულითაც და ხორცითაც; როდესაც სიცოცხლის იდეალად ლხინი და დროსტარება გამხდარა და ხანმოკლე სიამოვნების მეტი არავის არაფერი აგონდება, პატივსაცემად მიგვაჩნია ყველა, ვინც განდევნილობას ირჩევს. მონასტერი თვით განდგომაა,

თავგანწირულებაა, თუნდაც შემცდარი, მაინც თავგანწირულებაა. ვალდებულებად რომ გაიხდის ადამიანი საშინელ ცდომილებას, ამასაც ახლავს თავისი სიდიადე.

ყოველმხრივ რომ გავსინჯოთ მონასტერი და გამოვარკვიოთ ყოველი მისი ღირსება და ნაკლოვანება, უნდა ვალიაროთ, რომ მონასტერი, ცხოვრების უკეთურობისგან გაქცეულთა თავშესაფარი, მეტადრე ქალების მონასტერი, რადგან ჩვენს საზოგადოებაში ყველაზე მეტად ქალი არის ტანჯული, წარმოადგენს ერთგვარ პროტესტს. და ქალების მონასტერი ამ მხრივ უფრო დიდებულია, ვიდრე მამაკაცებისა.

ეს კარჩაკეტილი არსებობა, ასე მკაცრი და სევდიანი, უკვე ვისაუბრეთ წინა თავებში, სიცოცხლე არ არის, რადგან თავისუფლება არ არის, არც სიკვდილია, რადგან არ არის სრული განსვენება; ეს არის რაღაც უცნაური ადგილი, საიდანაც კარგად ჩანს, როგორც მაღალი მთის ქედიდან, ერთი მხრივ უფსკრული, რომელშიც ადამიანი იმყოფება, და მეორე მხრივ უფსკრული, რომელიც ადამიანს ელოდება. ერთი მაღალი, ვიწრო ქედია ამ უფსკრულებს შორის, მოღრუბლული ქედი, სააქაოს და საიქიოს შუა აღმართული. ერთიც და მეორეც თავისებურად აწვდის სინათლეს და წყვდიადს ამ საზღვარს; სიცოცხლის მიხრწნილი სხივი უერთდება სიკვდილის ბნელ სხივს. ეს არის სამარის მკრთალი ჩრდილი.

ჩვენ არ გვნამს ის, რაც სწამთ ამ ქალებს, მაგრამ მათსავით სარწმუნოებით ვცხოვრობთ და ყოველთვის წმინდა, ტკბილი შიშით და შურიანი შებრალებით ვუყურებთ ამ თავგანწირულ მონაზვნებს, რომლებიც თრთიან და მაინც სწამთ. ამ თავმდაბალ დიდებულთ, რომლებიც ბედავენ ცხოვრებას საიდუმლოების უფსკრულის პირზე და მათ მიერ უარყოფილი სააქაოდან განდევილნი ტკბილი იმედით შესცქერიან სასუფეველის მომნიჭებელ ზეცას, - სინათლეს შესცქერიან, რომელსაც ვერ ხედავენ, ტკბილი რწმენით ბედნიერნი, რომ იციან, სად არის სინათლე, და გულით ნატრობენ უფსკრულს და მიუწვდომელს; გამტერებით შესცქერიან უძრავ წყვდიადს, მუხლმოყრილნი, გონებაშიბნედილნი, გამტერებულნი, ათრთოლებულნი, ხანდახან ოღნავ ამალღებულნი მარადისობის ძლიერი ქროლვით.

ნივინი მერვე

საფლავი მიიღებს, რასაც მისცემთ

თავი პირველი

როგორ შევიდეთ მონასტერში

ამ მონასტერში ამოყო თავი უან ვალჟანმა, ან როგორც ფოშლეგანმა თქვა, „ციდან ჩამოფრინდა“.

ის კედლიდან ძირს ჩავიდა ბაღში, ანგელოზების გალობა რომ მოესმა შუალამისას, მონაზვნები იყვნენ, დარბაზში რომ შეიხედა, ბნელში, მონასტრის საყდარი იყო. მიწაზე გართხმული მოჩვენება კი - მონაზონი, რომელიც ღმერთს შენდობას ევედრებოდა. ზანზალაკი, რომლის ხმამ ასე შეაშინა უან ვალჟანი, მებაღის იყო, მუხლზე რომ ჰქონდა მიბმული.

კოზეტი რომ დაანვინეს, უან ვალჟანმა და ფოშლეგანმა ივანშემეს, როგორც ვთქვით, ბუხართან დასხდნენ, ყველსა და პურს ცოტა ღვინოც დააყოლეს. მერე, რაკი

ერთადერთი ლოგინი იყო ოთახში და იმაზეც კომეტი იწვა, თითო კონა ჩალა გამალეს და ზედ დანვინენ. დანვა უან ვალუჟანი, ჯერ თვალი არ დაეხუჭა, რომ წამოიძახა:

- ამიერიდან აქ უნდა დავრჩე.

ეს სიტყვა არ მოშორებია ფომლევანს და მთელი ღამე ტვინს უღრღნიდა.

მართალი რომ ვთქვათ, არც ერთს სძინებია იმ ღამეს, არც მეორეს.

უან ვალუჟანი დარწმუნდა, რომ უავერმა იცნო და კვალდაკვალ მისდევს, მიხვდა, რომ თუ პარიზში გამოჩნდებოდა, ისიც და კომეტიც დაილუპებოდნენ. რაკი ახალმა ქარმა დაქროლა და ამ მონასტერში ჩაავლო, ერთიღა დარჩენოდა, - თავი არ გამოეყო აქედან.

ისეთ უბედურ მდგომარეობაში ჩავარდნილისთვის, როგორშიც უან ვალუჟანი აღმოჩნდა, ეს მონასტერი ძალიან სასურველიც იყო, და იმავე დროს მეტისმეტად საშიშიც. საშიში იმიტომ, რომ ამ მონასტერში კაცის შესვლა იკრძალებოდა, რომ გავეგოთ და დაეჭირათ, ძველებურ სასჯელს ვერ გადაარჩებოდა, მონასტრიდან პირდაპირ საპატიმროში მოხვდებოდა. დარჩენა კი მეტად სასურველი იყო, რადგან, რომ მოეხერხებინა როგორმე და მიეღოთ მონასტერში, იქ მას ძებნას არავინ დაუწყებდა. ამგვარ მიუწვდომელ ადგილას ცხოვრება ხსნა იყო.

თავის მხრივ ფომლევანიც ღრმად ჩათფიქრებულიყო. პირდაპირ გამოუცხადა თავის თავს, - მე აღარაფერი მესმისო. - როგორ გაჩნდა ბატონი მადლენი ამ მონასტერში? როგორ გადმოლახა იმ სიმაღლე კედლები? ხომ ვერ გადმოფრინდებოდა, ვერ გადმოალაჯებდა! ეს ბავშვი ვინღაა ნეტავი? საიდან მოდიან? კიდევ რომ ამომძვრალიყო კედელზე, ამოდენა გოგოს ხომ ვერ ამოიყვანდა? მას შემდეგ, რაც ამ მონასტერში მოვიდა, აღარაფერი გაუგონია აღარც მონრეილისა, აღარც ბატონი მადლენისა და ამიტომ არაფერი იცოდა იმისი, რაც მადლენს გადახდა. მერე ისეთი დაღვრემილი იყო ძია მადლენი, რომ ძალიანაც უნდოდა, მაგრამ ვერაფერი ჰკითხა, ვერ გაუბედა. ესეც რომ არ ყოფილიყო, ფომლევანი ასე არიგებდა თავის თავს: - წმინდა არის ეს კაცი, ამას რა უნდა ვკითხოო? - მისთვის მადლენი ისევ ის ყველასგან პატივცემული ძია მადლენი იყო, რაც წინათ, მაშინ, სიკვდილს რომ გადაარჩინა, მაგრამ რამდენიმე სიტყვა თქვა უან ვალუჟანმა და ამ სიტყვებიდან ფომლევანმა დაასკვნა:

- ალბთ ფული დაკარგა, ან გაკოტრდა და იქნებ თავის მევალებებს გამოექცა. ან იქნებ რამე პოლიტიკურ საქმეში ჩაერია და ახლა იმალებათ, - ეს დანაშაული, პოლიტიკაში ჩარევა, მოეწონა კიდევ მეზადეს, რომელიც, როგორც ჩრდილოელი გლეხკაცობა, გულთი ძველი ბონაპარტისტი იყო. რაკი იმალებოდა ძია მადლენი და მონასტერს შეათარა თავი, სრულიად ბუნებრივი იყო მისი სურვილი, - აქ ვარ და აქვე დავრჩებიო, - მაგრამ უმთავრესი კი მაინც გაურკვეველი რჩებოდა, - როგორ შემოვიდა ძია მადლენი ბაღში და როგორ შემოიყვანა ეს გოგონა? ეს იყო, რაც სულ თავში უტრიალებდა ფომლევანს და გულს უწყალეზბდა. აქ ჰყავდა ორივე, ხედავდა, ელაპარაკებოდა და, - რა ვქნა, საიდან ჩამოფრინდაო? - არც კი სჯეროდა, რომ თავის ოთახში ჰყავდა. ხან რას წარმოიდგენდა, ხან რას და გარკვეულს ვერაფერს ხედავდა, ერთის გარდა: - ძია მადლენმა სიკვდილისგან მისხნა. - ამ სიტყვამ დაანახა თავისი გზა და საქციელი. - ახლა ჩემი რიგიაო, - დაასკვნა ბოლოს და ესეც დაუმბატა: - ძია მადლენმა ფიქრი კი არ დაინყო, როცა ნახა, რომ მძიმე ტვირთის აწევა იყო საჭირო ჩემ საშველად. - და გადაწყვიტა, - სიკეთეს სიკეთით გადაეუხიდი ბატონ მერსო.

ეს კი გადანწყვიტა, მაგრამ სხვა კითხვებზე აწუხებდა და მათთვის პასუხი უნდა მოეძებნა: - ჩემთვის მფარველი ანგელოზი იყო, მართალია, მაგრამ ქერდი რომ იყოს, მაშინაც დავეხმარები? - დავეხმარები. - კაცის მკვლეელი რომ იყოს, მაინც დავეხმარები? - დიახ, მაინც დავეხმარები.

- წმინდაა ეს კაცი და მამ არ დავეხმარო? - მით უფრო უნდა დავეხმარო.

მაგრამ როგორ დატოვოს კაცი მონასტერში? აი, სად იყო გასაჭირი! მაგრამ არც ამ გასაჭირს შეუშინდა, თუმცა იცოდა, რომ საზარელ პასუხისგებას კისრულობდა. სანყალი პიკარული გლეხი იყო; თავისი კეთილი გულის, მოყვასის სიყვარულის და ცოტა სოფლური მოხერხების მეტი არაფერი გააჩნდა და ამით ბედავდა მონასტრის წესდების და წმინდა ბენუას კანონების დარღვევას. ბებერი კაცი იყო ფომლევანი, თავისი დღენი სულ მარტოს გაეტარებინა, სიბერისას კოჭლობა, დაძაბუნება სწევოდა, თავის ცხოვრებაში მიმზიდველს ვედარაფერს ხედავდა, და აგერ, ერთ პატიოსანს, მადლიან კაცს შეხვდა, იგრძნო ნეტარება, რომლითაც ტკბება გაჭირვებულის დამხმარე და ისე დაენათა ჯერ განუცდელ ნეტარებას, როგორც მომავლადვი დაენათება ერთ ჭიქა ძვირფას ღვინოს, რომლის გემო არსად უნახავს თავისი სიღარიბის გამო. ამას ისიც უნდა დაეუმეტოთ, რომ რამდენიმე წელი იყო, მონასტერში ცხოვრობდა, მონასტრის ძმობით და შებრალებით სავესე ჰაერით სუნთქავდა, თავის თავზე აღარ ფიქრობდა და სიკეთისკენ მიმართულიყო მისი აზროვნება.

საბოლოოდ გადანწყვიტა:

- თავს დავდებ ძია მადლენისთვის.

ერთი სანყალი პიკარული გლეხი იყო, ვთქვით. დახასიათება მართალია, მაგრამ სრული არ არის. ჩვენი ისტორიის იმ ამბავს ყვევებით ახლა, რომ საჭიროდ მიგვაჩნია ბებერი ფომლევანის მცირე ფსიქოლოგიური სურათიც დავეუხატოთ მკითხველს. გლეხი კაცი იყო, მაგრამ ოდესღაც სოფლის მწერლად მსახურობდა და ამიტომ მოხერხებას ამ თანამდებობის გამო ვერაგობა მიმატებოდა და მიამიტობას - შორსმჭვრეტელობა. ხან რა საქმეს დაინწყებდა, ხან რას, მაგრამ ცუდად უმთავრდებოდა ყველაფერი და სოფლის მწერალი უბრალო მეურმე გამხდარიყო, - ტვირთს ეზიდებოდა ქირით და უბრალო მუშად იდგა. მაგრამ ასე რომ დაეცა და თავის ცხენის გინებასა და ცემას შეეჩვია, მაინც იმავე მწერლისავე ბევრი რამ შერჩენოდა. გონიერი კაცი იყო, თავის დღეში არ წამოსცდებოდა ხალხისგან დამახინჯებული გამოთქმები „იმათმა თქვენ“, „იგენი ჯალარიან“. ხშირად ებაასებოდა გლეხებს და კარგი მოქმელის სახელიც ჰქონდა ხალხში გავარდნილი:

- ისე იტყვის, თითქოს სერთუკიანი ბატონი იყოსო, - ამბობდნენ გლეხები, და მართლაც, ფომლევანი იმ ჯურის კაცი იყო, რომელსაც საჩქაროდ, სავაჭროდ შედგენილი თავხედური ლექსიკონი სოფლის ბურჟუას უწოდებდა და არისტოკრატიული დარბაზიდან გამოვარდნილი მეტაფორით კი ოტროველა ერქვა, ცოტა გაქნილი, არც წყალი, არც ღვინო.

ფომლევანს თავის დღეში ბევრი ავი ენახა, საკმაოდ დაქანცულიც იყო ცხოვრების სიმწარით სულითაც და ხორცითაც, მაგრამ მაინც გულისთქმის კაცი იყო და ისე იქცეოდა, როგორც თავდაპირველი გულისთქმა აგრძნობინებდა. ძვირფასია ეს თვისება, რადგან ადამიანის გაბოროტებას აბრკოლებს. თუ რამე ნაკლი და სიავე ჰქონდა, მხოლოდ უმნიშვნელო და სხვისთვის უზიანო. საერთოდ კი, ისეთი კაცი იყო,

რომელიც კარგად განაწყობს მის ახლო მჭვრეტე. მოხუცებულ სახეზე არ ჰქონდა ის საზიზღარი შუბლზემთა ნაოჭი, რომელიც ნიშანია სისულელის და ბოროტებისა.

ინათა და თვალი გაახილა ფოშლევიანმა. სულ თავის ფიქრებშიკიყო მთელი ღამე, აძილი არ მიჰკარებია. შეხედა, ძია მადლენიც წამომჯდარიყო თავის ჩალაზე და მძინარე კომეტს დასცქეროდა. წამოიწია ფოშლევიანმა და ჰკითხა:

- ახლა, რაკი აქ ბრძანდებით, როგორ აპირებთ აქ დარჩენას?

სწორედ ეს ანუხებდა უან ვალუჟანსაც და, თუმცა ღრმად ჩაფიქრებულიყო, მაშინვე რჩევა ჰკითხა თავის მასპინძელს.

დაიწყო თათბირი.

- ჯერ ერთი ეს, - თქვა ფოშლევიანმა, - რომ ამ ოთახიდან ფეხს არ გაადგამთ არც თქვენ და არც ეს პატარა გოგონა, თუ დაგინახათ ვინმემ ბაღში, გარწმუნებთ, დავიღუპებით.

- ვიცი, დავიღუპებით.

- ბატონო მადლენ, უნდა მოგახსენოთ, რომ ძალიან კარგ დროს მოხვედით. არა, მე მინდა ვთქვა, რომ ძალიან ცუდ დროს მოხვედით, ავად გახლავთ ერთი ქალბატონი, ისე ავად, რომ ჩვენთვის არავის სცალია და ჩვენსკენ ყურებას არ დაინწყებენ. მგონი კვდება ის მონაზონი, იმიტომ რომ ორმოცი საათის ლოცვას ამბობენ. იმ მომაკვდავის მეტი დიდსა და პატარას აღარავინ ახსოვს. სულ იმას ეხვევიან, საიქიოსკენ წასასვლელად რომ ემზადება, სწორედ წმინდანია და, თუ გინდათ, ჩვენ აქ ყველანი წმინდანები ვართ. თუ არის რამე განსხვავება ჩვენ შორის, მხოლოდ ის, რომ მონაზვნები იძახიან, - ჩემი სენაკიო; მე კი ვიძახი, ჩემი ქოხი-მეთქი. ახლა სულთმობრძავის წირვას ჩაატარებენ, მერე მიცვალებულისას. ასე რომ, დღეს სრულიად მშვიდად ვიქნებით, ხვალისა კი რა მოგახსენოთ.

- ძალიან კარგი, - შენიშნა უან ვალუჟანმა, - მაგრამ არც ისე ადვილი უნდა იყოს ჩვენი დანახვა. ეს ოთახი ისეა მიმალული ამ ნანგრევებში, მერე კიდევ ხეებში, რომ მონასტრიდან სულაც არ ჩანს.

- დიახ, მით უფრო, რომ მონაზვნები თავის დღეში არ უახლოვდებიან აქაურობას.

- მაშ, რისი უნდა გვექნოდეს? - ჰკითხა უან ვალუჟანმა.

ისე მნიშვნელოვნად წარმოსთქვა უან ვალუჟანმა სიტყვები „მაშ რისი“, რომ მასში ცხადად ჩანდა აზრი, - მაშასადამე, საშიში არ არის აქ დარჩენაო, - და სწორედ ამას გასცა პასუხი ფოშლევიანმა;

- პატარებიც არიან.

- ვინ პატარები?

ის იყო პირი გააღო ფოშლევიანმა, უნდოდა აეხსნა, რას წარმოადგენდნენ მონასტერში პატარები, რომ ზარის ხმა გაისმა. ერთხელ ჩამოჰკრა ზარმა.

- თქვენი ჭირი წაუღია მონაზონს, აგერ მიცვალების ზარი, - და ანიშნა უან ვალუჟანს, - ყური მიუგდეთო.

მეორედ დაჰკრა ზარმა.

- მიცვალების ზარი გახლავთ, ბატონო მადლენ. ყოველ წუთს თითოს დაჰკრავს მთელი დღე-ღამის განმავლობაში, ვიდრე ცხედარს ეკლესიიდან არ გამოასვენებენ. თამაშობენ, ბატონო, დასვენების დროს ღმერთი რომ გაუნყრეს ბურთს და აქეთ გამოგორდეს, ყველანი თან დაედევნებიან, მიუხედავად იმისა, რომ აქეთ გამოვლა

სასტიკადაა აკრძალული, და სულ ააფორიაქებენ აქაურობას. ნამდვილი ქაჯები არიან ეს ანგელოზები!

- ვინ ანგელოზები? - ხელმეორედ იკითხა უან ვალჟანმა.

- ის პატარები, მაშინვე გიპოვიან, მერწმუნეთ, და კვილს მორთავენ, - არიქა, კაცი, კაციო! - მაგრამ დღეს კი საშიში არაფერია. დასვენება აღარ იქნება, ლოცვაში გაატარებენ დღევანდელ დღეს. ხომ გესმით ზარი, გლოვის ზარი გახლავთ, როგორც მოგახსენეთ, მიცვალებისას თითოჯერ დაჰკრავს ყოველ წუთში.

- მივხვდი, მივხვდი, ჩემო ფოშლევან. მაშ, აქ პანსიონელები გყოლიათ.

და თავში სხვა, სასიამოვნო აზრმა გაურბინა.

- მაშ, კოზეტის აღზრდაც აქვე მოხერხდება.

ფოშლევანმა შეჰყვირა:

- მერე იცით, რამდენი პატარა გოგონაა! დაგინახავენ და დაინყებენ ჭყავილს. თანაც მოკურცხლავენ. ადამიანი ჭირს არ გაურბის ისე, როგორც აქ კაცს გაურბიან. ხომ ხედავთ, ზარი მომაბეს მუხლზე, თითქოს ტყის ნადირი ვიყო.

ღრმად ჩაფიქრებული იჯდა უან ვალჟანი.

- თუ გვიხსნის რამე, ისევ ეს მონასტერი, - წაიღუდუნა ჩუმად. მერე ხმის ამალღებით უთხრა: - მაგრამ საქმე ის არის, როგორ დარჩეს აქ კაცი?

- არა, - უპასუხა ფოშლევანმა, - საქმე ის არის, როგორ გავიდეს აქედან კაცი.

უან ვალჟანმა იგრძნო, რომ რაც სისხლი ჰქონდა გულზე მოაწვა.

- როგორ გავიდეს?

- დიახ, ბატონო, თუ დაბრუნება გნებავთ, უნდა გახვიდეთ.

პატარა ხანს გაჩუმდა, ყური მიუვდო გლოვის ზარს, მერე განაგრძო:

- თქვენი აქ აღმოჩენა ასე, როგორც ხართ, შეუძლებელია. საიდან გაჩნდა აქ ეს კაციო? ჩემთვის თქვენ ცით მოვლენილი ბრძანდებით იმიტომ, რომ გიცნობთ; მონაზვნებისთვის კი საჭიროა, რომ შემოსასვლელი კარით შემოხვიდეთ.

უცხად სხვა ზარის რეკვა გაისმა საკმაოდ რთული.

- ოჰო! - დაიძახა ფოშლევანმა, - აგერ ხმოსან დედებს ინვევენ საბჭოზე. ყოველთვის ბჭობა გაიმართება ხოლმე, როცა მოკვდება ვინმე, გათენებისას მიიცვალა. საერთოდ ასეა, გათენებისას ეთხოვება ადამიანი წუთისოფელს. ჰოდა, განა არ შეიძლება, იქიდანვე გახვიდეთ, საიდანაც შემობრძანდით? ერთი მიბრძანეთ, - საწყენად არ მიიღოთ ჩემგან ეს კითხვა, - საიდან შემოხვედით?

ფერი ეცვალა უან ვალჟანს, ურუანტელმა დაუარა ტანში, როდესაც წარმოიდგინა ისევ ქუჩაში გასვლა. წარმოიდგინეთ, რომ ვეფხვებით სავსე ტყეში იყავით და როგორც იყო, თავი დააღწიეთ ამ საშინელებას; სამშვიდობოს ხართ და თქვენივე მეგობარი გირჩევთ, - ისევ იმ ტყეში შედიო. უან ვალჟანი დარწმუნებული იყო, რომ კედელს იქით, ქუჩაში, დახვდებოდა მთელი პოლიცია, დარაჯები იქნებოდნენ ყველგან დაყენებული და, გავიდოდა თუ არა, მაშინვე სწვდებოდნენ კისერში და თავს კატორლისკენ უკრავდნენ. ჟავერიც უეჭველად იქვე იქნებოდა.

- შეუძლებელია, ჩემო ფოშლევან, წარმოიდგინეთ, რომ მართლა ციდან ჩამოვფრინდი.

- მჯერა, ბატონო, მჯერა, - დაეთანხმა ფოშლევანი, - თქვენი თქმა რა საჭიროა? ალბათ ხელში აგვიყვანათ იმ მადლიანმა ღმერთმა, რომ ახლო ენახეთ და მერე ხელი გაგიშვათ, ოღონდ იმას უნდოდა ალბათ ბერების მონასტერში ჩაბრძანებულიყავით

და შეცდომა მოსვლია. აგერ, კიდევ დარეკეს ზარი. ეს მეკარისთვის გახლავთ, რომ წავიდეს და ქალაქის თვითმმართველობას აცნობოს მონაზვნის მიცვალება. ის თავის ექიმს გამოგზავნის, მკვდრების ექიმს. უნდა მოვიდეს და ნახოს, რომ მონასტერში მართლა არის მიცვალებული. ეს - მიცვალების საგემო წესია. ჩვენს ღვთისმოსავ მონაზვნებს კი ჭირივით ევაზრებათ ეს ექიმი. ექიმს, ბატონო, არაფერი სწამს; არც ღმერთი, არც რჯული, არც ხატი, არც ჯვარი, მივარდება და პირბადეს ახდის, ხანდახან სხვასაც გადახდის ხოლმე. რა მალე მოაგონდათ დღეს ექიმი, რა მოხდა, ნეტავ? რა ვქნა, ისევ სძინავს თქვენს გოგონას? რა ჰქვია?

- კოზეტი.
- თქვენი? შაპა ხართ განა ამ გოგონასი?
- დიახ.

- აი, მაგისტვის კი ადვილი იქნება აქედან გასვლა. მე ჩემი კარი მაქვს, რომლითაც ეზოში გავდივარ; დავაკაკუნებ და მაშინვე გამიღებს მეფოვე. ზურგზე კარგა დიდი გუდა მკიდა, თქვენი გოგონა მიზის გუდაში, ბრეზენტის ქვეშ. გამიღებს ქუჩის კარს და გავაღ. ძია ფომლევიანი თავისი გუდით! განა სულ ასე არ დადის ძია ფომლევიანი? ოღონდ თქვენ უნდა დაარიგოთ, რომ ჩემად იჯდეს გუდაში, არც გაინძრეს, არც ხმა ამოიღოს. თავზე რამეს დავაფარებთ, ერთი დედაკაცი მყავს ნაცნობი, ჩემი კარგი მეგობარია. ხილს ყიდის შმენვერის ქუჩაზე, ყრუ არის საყოდავი და იმასთან მივიყვან. პატარა ლოგინიც აქვს ბავშვისათვის. ყურში ჩაყვირებ მეხილეს, რომ ჩემი ნათესავია კოზეტი, - ხვალამდე შენთან გყავდეს-მეთქი. მერე, თქვენ რომ მობრძანდებით, გოგონასაც თან წაიყვანთ. გარიგდა საქმე. მაგრამ თქვენ? თქვენ როგორ გახვალთ აქედან?

თავი გაიქნია უან ვალჟანმა:

- საქმე ის არის, არავინ დამინახოს, ჩემო ფომლევიან. იქნებ ჩემთვისაც გამოძებნოთ რაიმე საშუალება, რომ უხილავად გამაპაროთ, როგორც გუდაში ჩასმული და ბრეზენტის თავსაფრით დამალული კოზეტი.

ფომლევიანი ყურის ძირს იფხანდა მარცხენა ხელის შუა თითით, მაშასადამე გაუვალ წრეში ჩავარდნილიყო მისი ფიქრი.

მესამედაც გაისმა ზარის ხმა.

- აგერ მკვდრების ექიმი მობრძანდება, - თქვა ფომლევიანმა, - მობრძანდება, ნახავს მიცვალებულს და იტყვის: - მომკვდარა. ძალიან კარგია; ექიმი რომ სამოთხეში მიმავლის პასპორტს შეამოწმებს, დამმარხველი საზოგადოება კუბოს გამოგზავნის. თუ დედათავანია მიცვალებული, ხმოსანი დედები ჩასვენებენ კუბოში; თუ უბრალო მონაზონია, მაშინ მონაზვნები ჩასვენებენ; მერე მივალ და დავლურსმავ. ესეც ჩემი მეზაღვების ნაწილი გახლავთ. ჰოდა რა? განა მეზაღე ორმოს მთხრელი არ არის? კუბოს ქვემოთ ჩასვენებენ, ეკლესიის ქვედა დარბაზში, რომელიც ქუჩაში გადის. ამ დარბაზში კაცი ვერავინ შევა, გარდა მკვდრების ექიმისა. მე კაცებად არ მიმჩნია არც მესაფლავეები და არც ჩემი თავი. დიახ, იქ, ქვედა დარბაზში დავლურსმავ კუბოს, მერე მესაფლავეები მოვლენ, ბალდახინზე დასდებენ და - აჩუ, ცხენო! - აი როგორ მიემგზავრებიან ცისკენ მონაზვნები. ერთ ცარიელ ყუთს შემოიტანენ, კარგა ლამაზად გაავსებენ დარბაზში და ისე წაიღებენ. აი, ბატონო, რას წარმოადგენს დასაფლავება.

De profundis!

მზის სხივი სახეზე ეცემოდა მძინარე კოზეტს. პირღია ეძინა, თითქოს ანგელოზია და მზის სხივს სვამსო. უან ვალუჟანი ისევ მას დასცქეროდა. ფოშლევეანის აღარაფერი ეყურებოდა.

ყურს არ მიგდებენო, - განა იმიტომ უნდა გაჩუმდეს კაცი? ბებერი მებაღე მაინც თავისას არ იშლიდა:

- საფლავს ვოჟირარის სასაფლაოზე გაუთხრიან. ამბობენ, უნდა დაკეტონ ვოჟირარის სასაფლაოო. ძველი სასაფლაო გახლავთ, რომელიც ახლანდელ წესებს არ სცნობს, არეულ-დარეული აქვს ყველაფერი და სამსახურიდან გასვლას აპირებს. მე კი ძალიან დამენანება, რადგან ახლოა და მოსახერხებელი. ერთი მეგობარი მყავს, ძია მათეინი, მესაფლავე. ჩვენ მონაზვნებს ერთგვარი უპირატესობა აქვთ ამ სასაფლაოზე: მიცვალეხულს, რომ დაღამდება, მაშინ მისვენებენ ხოლმე დასამარხად. ამის შემდეგ ერთი ბრძანებაც კი არის ქალაქის თვითმმართველობისა. მაგრამ რამდენი რამ მოხდა გუშინდელს აქეთ! დედა-ჯვარცმა მიიცვალა და ძია მაღლენი..

- დამარხულია! - თქვა უან ვალუჟანმა სევდიანი ღიმილით.

ძალიან მოეწონა ეს სიტყვა ფოშლევეანს და კვერი დაუკრა:

- ჰოდა, რა? თქვენ რომ აქ დარჩეთ, ეს ნამდვილი დამარხვა იქნება.

მეოთხედ დაჰკრა ზარმა. ფოშლევეანმა სწრაფად ჩამოიღო კედლიდან თავისი ზარი და მუხლზე შემოიკრა თასმით.

- ეს კი ჩემი იყო! წინამძღვარი მიბარებს. ეჰ, ხელში შემერჭო აბზინდის წვერი! ბბატონო მაღლენ, ფეხი არ მოიცვალოთ აქედან. აქ იყავით და მელოდეთ. რალაც ახალი მოხდა. თუ მოგპივდით, აქ გახლავთ ღვინო, პური და ყველი.

საჩქაროდ გავარდა სახლიდან და თან იძახდა;

- მოვდივარ, მოვდივარ.

ხედავდა უან ვალუჟანი, რომ სწრაფად გაიარა ბაღი, იმდენად სწრაფად, რამდენადაც ეს მისი კოჭლი ფეხით იყო შესაძლებელი, და თან თავის სანესვეს უყურებდა.

მირბოდა ფოშლევეანი, აწკარუნებდა თავის ზარს და მგლისგან შემინებული ცხვარივით აფრთხობდა მონაზვნებს. ათი წუთიც არ გასულიყო, რომ ერთი პატარა კარზე დააკაკუნა და გაიგონა ტკბილი ხმით ნათქვამი პასუხი:

- უკუნითი უკუნისამდე. - უკუნითი უკუნისამდე, ესე იგი, შემობრძანდითო.

ამ კარით პატარა ოთახში შევიდა ფოშლევეანი; წინამძღვარი იქ იღებდა ხოლმე მოსალაპარაკებლად თავის მებაღეს. ამ ოთახის გვერდით დარბაზი იყო, სადაც წინამძღვარი და ხმოსანი დედები ბჭობისათვის იკრიბებოდნენ. ოთახში ერთადერთი სკამი იყო, ზედ იჯდა წინამძღვარი და ფოშლევეანს ელოდა.

თავი მორე

ფოშლევეანის გასაჭირი

აღელვება და თანაც მედიდურობა ეტყობოდა დედა-წინამძღვარს, რაც ბუნებრივია ამგვარ გარემოებაში ჩავარდნილი მღვდლებისა და ბერ-მონაზვნებისათვის. ფოშლევეანი რომ შევიდა, ეს ორგვარი გრძნობა აღბეჭდილიყო წინამძღვრის სახეზე,

ყველასთვის საყვარელი, მხიარული და სწავლული ბლემერ-ქალისა, რომელსაც მონასტერში ინოკენტოს ეძახდნენ.

მონინებით დაუკრა თავი მებალემ და იქვე გაჩერდა კართან.

წინამძღვარი კრიალოსანს მარცვლავდა და უპასუხა:

- ჰა, თქვენა ხართ, ძია ფოვან?

მთელმა მონასტერმა ინება ფოშლევანის ფოვანად შემცირება.

მებალემ ხელმეორედ ისევე ზრდილობიანად დაუკრა თავი.

- მე დაგიბარეთ, ძია ფოვან...

- აქ გახლავართ, დედაო, მიბრძანეთ.

- მინდა მოგელაპარაკოთ.

- მეც მინდა ცოტა რამ მოგახსენოთ, - უპასუხა გაბედვით ფოშლევანმა და გულმა ბაგა-ბუგი დაუნყო, - რა თავხედურად მომივიდაო, - ცოტა რამ მინდა მოგახსენოთ, თუ ნებას მიბოძებთ.

დააცქერდა წინამძღვარი.

- აჰ, სათქმელი გაქვთ რამე?

- სათხოვარი მაქვს.

- აბა, მითხარით.

ძია ფოშლევანი, ყოფილი სოფლის მწერალი, იმ გლეხთაგანი იყო, რომლებსაც გამბედაობა არ აკლიათ... მოხერხებული უვიცობაც ძალა არის, რადგან ნდობას იწვევს ადამიანში და ამითიც სარგებლობს. ორ წელზე მეტი იყო, მონასტერში მებალედ მუშაობდა და თავისი უფროსების ნდობა მოიპოვა. სულ მარტო იყო, სულ თავის ბაღში მუშაობდა და სხვა საქმე რომ არაფერი ჰქონდა, მონასტრის ცხოვრებას ცნობისმოყვარეობით ადევნებდა თვალყურს; მცირე მანძილით, მაგრამ მაინც დაშორებული იყო ქალებისგან, რომლებიც პირბადით დაბურუნნი ეჩვენებოდნენ შორიდან და ისეთი შთაბეჭდილება ჰქონდა, თითქმის ცოცხალი ადამიანები კი არა, აჩრდილები მოძრაობდნენ მის თვალწინ. ხედავდა ამ აჩრდილებს, უფიქრდებოდა და ბოლოს ხორცი შვასხა აჩრდილს, სული ჩაუდგა. საზოგადოებისთვის მკვდრები იყვნენ, მაგრამ მისთვის კი - ცოცხლები. ისე იყო, როგორც ყრუ, რომლის თვალიც იძენს შორსმჭვრეტელობას, ან როგორც უსინათლო, რომელსაც სამაგიეროდ სმენა უმახვილდება. ბევრს ეცადა, გავეო სხვადასხვა ზარის მნიშვნელობა, და აისრულა კიდევ სურვილი, ასე რომ, ამ დამუნჯებულ, იღუმალებით მოცულ მონასტერს მისთვის გაუგებარი აღარაფერი ჰქონდა; ეს სფინქსი შიგ ყურში ჩასჩურჩულებდა მას ყველა თავის საიდუმლოებას. ყველაფერი იცოდა ფოშლევანმა და ყველაფერს მალავდა. ოსტატურად იქცეოდა, - ყვეყჩაო, - გაიძახოდა მთელი მონასტერი, რაც დიდ ღირსებად ითვლება სარწმუნოების საქმეში; ხმოსანი მონაზვნებიც აფასებდნენ მებალეს. ცნობისმოყვარე იყო, მაგრამ მუნჯი და ამიტომ სანდო. ვარდა ამისა, მუყაითად ექცეოდა საქმეს. თუ გავიდოდა, მარტო მაშინ, როდესაც ბალისთვის ან ბოსტნისთვის დასჭირდებოდა რამე. მონასტერიც ძალიან აფასებდა ამ მუყაით, დამუნჯებულ მებალეს. მაგრამ მაინც მოახერხა ამ დამუნჯებულმა და კარგად ააღაპარაკა ორი კაცი: ერთი მეკარე იყო, და იმისგან გაიგო, რა იყო მისაღები ოთახი და როგორ ხვდებოდნენ ერთმანეთს მონაზვნები და მათ სანახავად მოსული ნათესავები; მეორე, მესაფლავე იყო, რომლისგანაც მონასტრის სასაფლაოს წესები გაიგო; ისე რომ, ორგვარი ცნობა ჰქონდა მონაზვნების შესახებ, სიცოცხლისა და

სიკვდილის შესახებ. იცოდა, მაგრამ თავისთვის იყო გაჩუმებული. მონასტერიც პატივს სცემდა; ბებერი იყო, კოჭლი, ვეღარც კი ხედავდა, ყურთაც უნდა ჰკლებოდა, რალა თქმა უნდა, ღირსეული კაცი იყო, სად იშოვიდნენ სხვას მისნაირს?

ფოშლევანმა კარგად იცოდა, რომ ღირსეულად აფასებენ მონასტერში და გაბედულად მოახსენა წინამძღვარს თავისი სათხოვარი; გრძელი სიტყვა გააბა, სოფლური, საკმაოდ არეული და აზრიანი. ჯერ დიდხანს ჰგმო თავისი სიბერე, თავისი ხეობობა, ღონის მისუსტება. მერე ბალის და ბოსტნის სიდიდეს და გაფართოვბას შეეხო, მოუცლელობას, ღამის თევას საქმის გამო, როგორც წუხანდელ ღამეს, მაგალითად, რომ თვალი არ მოუხუჭავს, რადგან მთვარე კაშკაშებდა, შეიძლებოდა ყინვა დაეჭირა და მთლად წაეხდინა სანესვე. ისიც ადგა და ფალასს აფარებდა, რომ ყინვა არ მორეოდა. ამის გამო ერთი კარგი აზრი მოუვიდა: ძმა ჰყავს (შეიჭმუნა წინამძღვარი), თავისსავით ბებერი (ახლაც შეინძრა წინამძღვარი, მაგრამ უკვე გულდამშვიდებით), ისე რომ, თუ ინებებდა დედა-წინამძღვარი, მოიყვანდა თავის ძმას, თავისთან ეყოლებოდა და ერთად იმუშავებდნენ, მით უფრო, რომ მისი ძმა კარგი მებაღეა და დიდ სარგებლობასაც მოუტანს მონასტერს, გაცილებით მეტს, ვიდრე თვითონ ფოშლევანი, იმიტომ, რომ თუ მისი ძმა არ მიიღეს, თვითონ ძალიან დაღლილია, ბებერია და უფრო გატეხილი, საქმეს ვეღარ აუვა და იძულებული იქნება, დიდი სინანულით, მაგრამ უძლურების გამო, სადმე სხვაგან გადავიდეს ლუკმაპურის მოსაპოვებლად. მის ძმას ერთი პატარა შვილიშვილი ჰყავს, იმ გოგონასაც თან მოიყვანს, აქ გაიზრდება, ღვთისა და სათნოების ტაძარში, ვინ იცის, იქნებ მონაზვნადაც აღიკვეცოს და აქვე დარჩეს.

როდესაც გაათავა თავისი გრძელი სიტყვა, წინამძღვარმა შეწყვიტა კრიალოსნის მარცვლების თვლა და ჰკითხა:

- ერთ რკინის ლომს ვერ იშოვით ამ საღამომდე?
- რისთვის გნებავთ?
- ქვის ასანვეად.
- ვეცდები, ღირსო დედაო.

აღარაფერი უთქვამს წინამძღვარს. ადგა და მეორე ოთახში გავიდა, სადაც, ეტყობოდა, სათათბიროდ იყვნენ შეკრებილი ხმოსანი დედები.

ფოშლევანი მართლ დარჩა.

თავი მესამე
დედა ინოკენტია

დაახლოებით თხუთმეტ წუთში ისევ შემობრძანდა წინამძღვარი. მივიდა, დაჯდა.

რალაც აწვა გულზე ორთავეს, ეს ცხადი იყო. რამდენადაც შეეძლებოდა სტენოგრაფიულად მოვიყვანო, მათ ბაასს.

- ძია ფოვან?
- მიბრძანეთ, ღირსო დედაო.
- ჩვენს ეკლესიას იცნობთ?
- პატარა გალია მაქვს მიჩინილი, რომ წირვა-ლოცვა მოვისმინო ხოლმე.
- საკურთხეველში კი არ ყოფილხართ?
- ორჯერ თუ სამჯერ.

- იქ ერთი ქვა არის ასანევი.
- მძიმე?
- ფილა, ტრაპეზის გვერდზე.
- ქვემოთ ჩასასვლელს აფარია?
- დიახ.
- კარგი შემთხვევა გახლავთ, ორი კაცი ძლიერს მოერევა.
- დედა-ამაღლებს კარგ ვაჟუკს არ დაუვარდება თავისი ღონით. ის დაგეხმარებათ.

- ქალი კაცობას ვერ იზამს, თავისდღეში, არა.
- ჩვენ ქალის მეტი არავინ გყავს, რომ დაგახმაროთ, ვისაც რა შეუძლია, იმითი ვისარგებლოთ, მეტს ნურავის მოვთხოვთ. მახინჯმა ოთხას ჩვიდმეტი ეპისტოლე შეადგინა წმინდა ბერნარისა და მარლონუს ჰორციუსმა კი სულ სამას სამოცდაშვიდი, მაგრამ მე ამიტომ ჩემს თაყვანისცემას არ ვაკლებ მარლონუსს.

- მით უფრო, არც მე.
- ღირსეული ის არის, ვინც თავის შეძლებისამებრ შრომობს, მონასტერი ხომ შეშის საწყობი არ არის.

- და ქალიც რომ კაცი არ არის! ჩემი ძმა ძალიან გამოგადგებათ. ძალიან ღონიერი გახლავთ.

- და, გარდა ამისა, ლომიც გექნებათ.
- მართალია. სხვა გასაღები ვერ მიუღდება იმგვარ კარს.
- რკინის რგოლი აქვს ფილას.
- ლომსაც იმ რგოლს მოვდებ.
- ისეა ფილა მონყობილი, რომ ადვილად აიმართება.
- ბატონი ბრძანდებით, ღირსო დედაო, გავაღებ სარდაფს.
- ოთხი ხმოსანი დედა დაგეხმარებათ.
- და როცა გავაღებთ?
- ისევე დააფარებთ იმ ქვას.
- სხვა არაფერი?
- არაფერი.
- მაშ, მიბრძანეთ, ღირსო დედაო.
- ფოვან, ჩვენ გენდობით.
- აქ იმითომ გახლაფართ, რომ ყველაფერი გავაკეთო, რასაც მიბრძანებთ.
- ყველაფერი დამალოთ, რასაც კი ნახავთ და გაიგონებთ.
- დიახ, ღირსო დედაო, კრინტს არ დავძრავ.
- რომ ახლით იმ ქვას...
- ისევ დავხურავ.
- მაგრამ მანამ დახურავდეთ...
- რა? მიბრძანეთ, ღირსო დედაო.
- უნდა ჩაუშვათ რაღაც.

ღუმილი ჩამოვარდა. ქვემო ტუჩი შეენძრა წინამძღვარს, ეტყობოდა ყოყმანებდა, მაგრამ ბოლოს გაბედა:

- ძია ფოვან!..
- მიბრძანეთ, ღირსო დედაო.

- იცით თუ არა, რომ ამ დღით ერთი დედა გარდაიცვალა?
- არა.
- მაშ ზარის ხმა ვერ გაიგონეთ?
- ბალის ბოლოში აღარაფერი ისმის.
- მართლა?

- ჩემი მუხლის ზანზალაკის მეტი სხვა არაფერი.
- ის იყო, ინათა და სულიც განუტევა.
- მერე ქარიც ჩემგან აქეთ ქროდა, აღარაფერი ისმოდა.
- დედა-ჯვარცმა მიიცვალა, უბინო, მადლიანი.

ცოტა ხანს გაჩუმდა წინამძღვარი, ტუჩების მოძრაობით ეტყობოდა, ლოცვას ამბობდა ჩუმად, შემდეგ განაგრძო:

- ამ სამი წლის წინ, ერთი ჟანსენისტი, ქალბატონი ბეტუნი, დაუბრუნდა ჭეშმარიტ სარწმუნოებას. დაუბრუნდა მართო იმიტომ, რომ ნახა, როგორ გულმოდგინედ ლოცულობდა დედა-ჯვარცმა.

- ვაი, მართლა! აგერ გლოვის ზარი ჩამოჰკრეს.
- მონაზვნებმა მიცვალებულის ოთახში მიასვენეს, ეკლესიის გვერდით რომ არის.
- ვიცი, ღირსო დედაო.

- თქვენს გარდა სხვა კაცს არ შეუძლია იქ შესვლა და არც უნდა შევიდეს ვინმე იმ ოთახში. მაშ, თვალი გეჭიროთ, წარმოიდგინეთ, რომ კაცი შესულიყოს მიცვალებულის ოთახში!

- უფრო ხშირად.
- რაო?
- უფრო ხშირად.
- რას ამბობთ, რა ვქნა?
- მე მოგახსენებთ - უფრო ხშირად-მეთქი.
- უფრო ხშირად რა?
- მე „რას“ არ მოგახსენებთ. მე მოგახსენებთ - უფრო ხშირად.
- ვედარაფერი გამოვიდა. რად გაიძახით უფრო ხშირადო?
- რომ იგივე ვთქვა, რაც თქვენ ბრძანეთ.
- და მე რომ უფრო ხშირად არ მითქვამს?
- თქვენ არ გიბრძანებიათ, მაგრამ მე ვთქვი, რომ ისე მეთქვა, როგორც თქვენ.

ამ დროს საათმა ცხრა დაჰკრა.

- დღის ცხრა საათზე და ყოველ ჟამს კურთხეულ იყოს წმინდა საიდუმლოება საკურთხეველისა, - თქვა წინამძღვარმა.

- ამინ, - დასძინა ფოშლეგანმა.

სწორედ დროზე დაჰკრა საათმა და მოკლედ მოსჭრა უფრო ხშირად-ის ხსენება, თორემ ეს რომ არ ყოფილიყო, იქნებ თავის დღემაც ვერ შეთანხმებულიყვნენ ამ სიტყვაზე წინამძღვარი და მისი მებაღე.

ფოშლეგანმა ოფლი ჩამოიწურა მუბლიდან.

წინამძღვარმა კიდევ ილოცა ცოტა ხანს ტუჩების ცმაცუნით და მერე ხმის ამალღებით უთხრა:

- მანამ ცოცხალი იყო დედა-ჯვარცმა, სინანულით აღავსებდა ცოდვილებს; მიიცვალა და სასწაულთმოქმედი იქნება.

- სასწაულთმოქმედი, - დაეთანხმა ფომლევანი და წელში გაიჭიმა, - ჰა, ფრთხილად იყავ? - ჩასძახოდა თავის თავს, - ღმერთი არ გაგინყრეს და კიდევ არაფერი წამოროშო!

- ბიძია ფოვან, - დაიწყო წინამძღვარმა, - ჩვენი მონასტრის კურთხევა სწორედ დედა-ჯვარცმა იყო. მართალია, ყველა ისე ბედნიერად არ მიიყვლება, როგორც კარდინალი ბერული, რომელიც მწირველი იყო და წირვის დროს აამალლა თავისი სული ღვთისადმი, როდესაც ამბობდა Hanc igitur oblationem, მაგრამ ყველას ხომ არ ეღირსება ამისთანა ნეტარება? და დედა-ჯვარცმაც წმინდანივით მიიყვალა. უკანასკნელ წამამდე არ დაუკარგავს სრული გონება. ჩვენ გველაპარაკებოდა, მერე ანგელოზებს მიმართავდა ხოლმე, თავისი უკანასკნელი ანდერძიც გვამცნო. თქვენ რომ ცოტა მეტად გქონოდათ ღვთის სიყვარული და იმის სენაკში შემოსვლა შეგძლებოდათ, თვის მოგირჩენდათ, მართო თავისი ხელის შეხებით. სულ უყინოდა სახე. ცხადად ვხედავდით, რომ ღვთის მიერ აღდგენილი იქნებოდა. სამოთხე იყო მის სიკვდილში.

ფომლევანს ეგონა, ლოცვას ბრძანებდა წინამძღვარი და, რომ გაათავა, თავისიც დაუშატა:

- ამინ.

- ბიძია ფოვან, უნდა ასრულდეს, რაც მიცვალებულებს სურთ, - და თავისი კრიალოსნის რამდენიმე მარცვალი დაუშვა. მებაღე გაჩუმებული იდგა. წინამძღვარმა განაგრძო;

- ამ საქმეზე მოველაპარაკე რამდენიმე წარჩინებულ სასულიერო პირს, რომლებიც იღვნიან სასულიერო მოღვაწეთა ცხოვრების გასაბრწყინებლად და ძალიან ნაყოფიერადაც იღვნიან.

- ღირსო დედაო, აქ უფრო კარგად ისმის გლოვის ზარი, ვიდრე ბაღში.

- ჭეშმარიტად, მკვდარი კი არ არის მიცვალებული, წმინდანია.

- როგორც თქვენ, წმინდა დედაო.

- ოცი წელია, განსვენებული ღამე სულ თავის კუბოში იწვა, პირადი ნებართვა ჰქონდა წმინდა მამის, პი მეშვიდისა.

- აი, იმისი, იმპ... ბონაპარტი რომ დაავიკვინა?

ფრთხილი კაცი იყო ფომლევანი და კარგს არას უქადდა ამ მოგონების გახსენება. მაგრამ მისდა საბედნიეროდ, წინამძღვარს სულ სხვა რამ აწუხებდა, გართული იყო თავის ფიქრებში და ვერ გაიგონა იმის ნათქვამი.

- ძია ფოვან...

- მიბრძანეთ, ღირსო დედაო.

- წმინდა დიოდორმა, კაპადოკიის ეპისკოპოსმა, ანდერძად დატოვა, - ჩემს საფლავის ქვაზე ერთადერთი სიტყვა ეწეროს - Acarus, ესე იგი მატლიო და აღუსრულეს კიდევ. მართალია?

- დიახ, ღირსო დედაო.

- ნეტარმა მეცოკანემ, აკვილის მოძღვარმა, მოისურვა, - სახრჩობელის ქვეშ დამმარხეთო, - ესეც აუსრულეს.

- ჭეშმარიტებაა.

- წმინდა ტერენციუსმა, პორტის ეპისკოპოსმა, რომელიც ტიბრისა და ზღვის შესართავში მდებარეობს, სთხოვა, - ჩემი საფლავის ქვას ის ნიშანი დაადეთო,

რომელსაც მამისმკვლელთა საფლავს ადებენ, რომ ვინც ნახოს, ზედ დამაფურთხოსო, - ესეც აუსრულეს. უნდა ვემორჩილებოდეთ მიცვალებულებს.

- იყავნ ნება შენი...

- რომ მიიცვალა ბერნარ გილონი, - საფრანგეთის შვილი იყო, რომაბილიის ახლოს დაბადებული, - თანახმად მისი ანდერძისა და მიუხედავად კასტილიის მეფის სურვილისა, დომინიკელების ლიმოჟის ეკლესიაში მიასვენეს, თუმცა ბერნარ გილონი ტუის ეპისკოპოსი იყო ესპანეთში. ვინ იქნებოდა ამის წინააღმდეგი?

- არავინ, ღირსო დედაო.

- ამის ჭეშმარიტება დამოწმებულია თვით პლანტაჟის და ლაფოსის მიერ.

რამდენიმე მარცვალი კიდევ დაიძრა კრიალოსანში.

- ძია ფოვან, დედა-ჯვარცმა დასათვლავებული იმ კუბოთი იქნება, რომელიც ლოგინად ჰქონდა ოცი წლის განმავლობაში.

- სწორია.

- იმიტომ, რომ სიკვდილი ძილის გავრძელება.

- მამ ის კუბო უნდა დავლურსმოთ?

- დიახ.

- კუბო რომ მოგვიტანეს? ისა? ისე დარჩება?

- დარჩება.

- წმინდა მონასტრის მონა-მორჩილი გახლავართ.

- ოთხი დედა მგალობელი დაგეხმარებათ.

- კუბოს დასალურსმად? რა დახმარება მინდა?

- არა, ჩასასვენებლად.

- სად უნდა ჩავასვენოთ?

- სარდაფად წოდებულში.

- რომელ სარდაფში?

- საკურთხევის ქვეშ.

შეხტა ფოშლევიანი.

- საკურთხევის ქვეშ სარდაფი არის?

- საკურთხევის ქვეშ.

- მერე?

- ლომი გექნებათ.

- მექნება, მაგრამ...

- ლომით ასწევთ ქვას, რკინის რგოლი აქვს.

- ავწევ, მაგრამ...

- უნდა დავემორჩილოთ მიცვალებულთ, - ნეტავ, საკურთხევის ქვეშ სარდაფში დამმარხონ, რომ სახალხო უწმინდურთა სასათლაოზე არ მიმასვენონ... მკვდარიც იქ დავრჩე, სადაც ცოცხალი ვლოცულობდიო, - ეს დედა-ჯვარცმის უწმინდესი ნატვრა იყო. ეს გვთხოვა განსვენებულმა, ესე იგი, ეს გვიბრძანა.

- და აკრძალული რომ გახლავთ?

- აკრძალულია ადამიანისგან, ნაბრძანებია ყოვლად ძლიერისგან.

- მერე რომ გაგვიგონ?

- ჩვენ სრული ნდობა გვაქვს თქვენი.

- მე რა? მე თქვენი კედლის პატარა ქვა გახლავართ.

- საბჭომ განიხილა საქმე, - ხმოსან-დედებს ეს-ესაა ვკითხე, ერთხელ კიდევ, ჯერაც არ ამოიღან. და დაადგინეს, რომ დედა-ჯვარცმა, მისი აღთქმის თანახმად, დასაფლავებული იქნება თავისი კუბოთი ჩვენი ეკლესიის საკურთხევლის ქვეშ. წარმოიდგინეთ, ძია ფოვან, რა დიდება და ციური სხივი მოეფინება მონასტერს, სასწაული რომ მოხდეს რამე. სასწაული საფლავიდან გამოდის.

- ღიახ, ღირსო დედაო, მაგრამ რომ გავვიგოს ჯანმრთელობის კომისიის მოხელემ?

- წმინდა ბენუა მეორე დასაფლავების საკითხში თვით კონსტანტენ ჰოგონასაც კი არ დაემორჩილა.

- პოლიციამ რომ გაიგოს?

- მონოღემერი გერმანელების მეფე იყო, ერთი იმ შვიდ მეფეთაგანი, რომლებიც თავიანთი ჯარებით შემოესივნენ ჩვენს ქვეყანას კონსტანტის მეფობის დროს, და ამ უცხოელმაც კი დაამტკიცა ბერ-მონაზვნების უფლება, რომ სარწმუნოებისამებრ იქნენ დასაფლავებულნი. ესე იგი საკურთხევლის ქვეშ.

- მერე პოლიციის ინსპექტორი?

- ქვეყანა არაფერია ჯვარის წინაშე. მარტენმა, შარტრელების მეთერთმეტე გენერალმა, ეს მცნება მისცა თავისიანებს: *stat crux dum volvitur orbis*. ღიახ, ამართული არს ჯვარი, ვიდრე ქვეყანა ბრუნავსო.

- ამინ, - დამომნა ფოშლევანიც, რომელიც ყოველთვის ამ სიტყვით ამტკიცებდა ლათინურის ცოდნას. სადაც კი ლათინურს გაიგონებდა რამეს, ის ყოველთვის თავის ამინით აბოლოვებდა.

ოლონდ მსმენელი ჰყავდეს, ვინც დიდხანს იყო გაჩუმებული, და მისთვის სულერთია, ვინ არის მსმენელი. დიდხანს იჯდა ციხეში რიტორ გიმნასტორასი, მრავალი დიღემა და სილოლოგიზმი მოემარაგებინა მარტო ყოფნისას და, რომ გამოუშვს, ერთ ხეს მიადგა, - ის მხვდა გზაში პირველი, და დიდი სიტყვა უთხრა, ეცადა დაემტკიცებინა ყოველი თავისი დებულება და არც აზროვან დასაბუთებას აკლებდა, არც მჭევრმეტყველებას. ასე მოუვიდა წინამძღვარსაც. მონასტრის წესით დაბმული უნდა ჰქონოდა ენა, ის უნდა ყოფილიყო ცოცხალი მავალითი თავისი მონაზვნებისთვის, და იმდენი ჰქონდა იმასაც მომარაგებული, რომ ენის წვერზე მოსდგომოდა. წამოდგა და ენაშეობით მიმართა მებაღეს, თითქო რაბი ჩამოხსნეს დიდ აუზს და წყალი გადმოვარდაო.

- მე მარჯვნივ ბენუა მყავს და მარცხნივ ბერნარი. ვინ არის ბერნარი? ბერნარი პირველი მოძღვარი იყო კლერვოსი. ღვთით კურთხეულია ბურგონში ფონტენი, იმიტომ რომ იქ დაიბადა ბერნარი, იმის მამას ტისელენი ერქვა და დედას - ალეთი. სიტომი დაიწყო თავისი მოღვაწეობა და ისე მიაღწია კლერვოსს. შალონ-სურსენის ეპისკოპოსის, გილიომ დე შანპის მიერ ეკურთხა მღვდლად. შვიდასი მორჩილი ჰყავდა და ას სამოცი მონასტერი დააარსა. ათას ას ორმოცი წლის სანსის კრებაზე ძირს დასცა აბიარი, პიერ დებრუი და მისი მოწაფე ანრი და კიდევ მრავალი მათი თანამორწმუნე, რომლებიც იძახდნენ, - წინასწარმეტყველების მიმდევარი ვართო. შეარცხებინა არნოლდ დე-ბრესი. მეხი დასცა ბერ-რაულს, ებრაელების მხოცავს. ათას ას ორმოცდარვა წელს რეიმსის კრების თავმჯდომარედ ბრძანდებოდა, დაასჯევინა პუატიეს ეპისკოპოსი ფილბერ დე-ლა-პორე, დაასჯევინა დე-ლ-ეტუალი, შეარიგა და მოარიგა დიდებული პრინცები, გაანათლა ყმანვილი მეფე ლუი, რჩევას აძლევდა პაპს

- ევგენი მესამეს, მოავგარა ტამპლის მონასტერი, ქდაგებდა ჯვაროსნობას, ორას ორმოცდაათი სასწაული აჩვენა ხალხს თავის სიცოცხლეში და ოცდაცხრამეტი მარტო ერთ დღეს. ვინ არის ბენუა? ბენუა მონ-კასსენის პატრიარქია; ეს არის მეორე ბერმონაზნობის დამფუძნებელი, ეს არის დასავლეთის წმინდა ბასილი. ბენუას მიმართულებამ შესძინა სარწმუნოებას ორმოცი პაპი, ორასი კარდინალი, ორმოცდაათი პატრიარქი, ათას ექვსასი არქიეპისკოპოსი, ოთხი ათას ექვსასი ეპისკოპოსი, ოთხი ხელმწიფე, თორმეტი დედოფალი, ხელმწიფეების მეუღლე, ორმოცდაექვსი მეფე, ორმოცდაერთი დედოფალი, მეფეების მეუღლე, სამი ათას ექვსასი წმინდა, წმინდანებად აღიარებული ეკლესიის მიერ და წმინდანია ათას ოთხასი წლის განმავლობაში. ერთი მხრივ, წმინდა ბერნარი, მეორე მხრივ, ვილაც ჯანმრთელობის მოხელე! ერთი მხრივ, წმინდა ბენუა, მეორე მხრივ, ვილაც პოლიციელი! მთავრობა, პოლიცია, დამსაფლავებელი დანესებულება - წესიერება, კანონიერება! - სად ჩვენ და სად ევგენი? ან რა ჩვენი საქმეა? ვინ არიან? არც გაგვიგონია, არც ვიცი! ვინ უნდა იყოს ქრისტიანი, რომ არ აღმშოთღეს, როცა ნახავს, როგორ გვამცირებენ და შეურაცხვეყოფენ ღვთისმოსავთ? იმის უფლებაც კი არ გვაქვს, რომ იესო ქრისტეს მივართვათ ჩვენი ფერფლი. რევოლუციის მოგონებელია თქვენი ჯანმრთელობა, მამ პოლიციის ბრძანებას უნდა ემორჩილებოდეს ღმერთი? ეს არის თქვენი დროის სარწმუნოება? ჩემად, ფოვან!

ფომლეგანი, ცოტა არ იყოს, უხერხულად გრძნობდა თავს ამ ნიაღვრის ქვეშ. წინამძღვარი განაგრძობდა:

- მონასტერს თავისი უფლება აქვს თავისიანების დასაფლავების და ღვთის მგმობი უნდა იყოს ადამიანი, რომ გაბედოს ამ უფლების უარყოფა. საშინელი არეულობის დრო დაგვიდგა ჩვენდა საუბედუროდ. არ იციან, რაც უნდა იცოდნენ და სწორედ ის იციან, რაც არ უნდა იცოდნენ. წუმპეში ვართ და ღვთის უარყოფაში! ამ ჩვენს დროში ბევრი არიან ისეთი უგუნურები, რომ ერთი და იგივე ჰკონიათ უწმინდესი წმინდა ბერნარი და მათხოვარ-კათოლიკების ბერნარი, ცნობილი ერთგული ღვთისმოსავი, რომელიც მცამეტე საუკუნეში ცხოვრობდა. ზოგი კიდევ იქამდე მიდის, რომ ბედავს და ღვთის საგინებლად ლუი მეთექვსმეტის ეშაფოტს იესო ქრისტეს ჯვარს ადარებს. თქვენი ლუი მეთექვსმეტე მეფე იყო და სხვა არაფერი და მისი ქრისტესთან ერთად დაყენება სრული უვიცობა და ღვთის უარყოფაა, ასე დაუფიქრებლადაც ნუ ვახსენებთ ღვთის სახელს! ვაი ჩვენ და ჩვენ დროს, რომ დაბრმავებულებს განსხვავება დაგვიწყებია და აღარც წმინდაა ჩვენთვის, აღარც ცოდვილი! ყველამ იცის ვოლტერის სახელი და აღარავინ იცის სახელი კეისარ დე-ბუისა, მიუხედავად იმისა, რომ კეისარი დე-ბუი ქვეყნის მხსნელია და ვოლტერი კი ქვეყნის წამწყმედი! უკანასკნელმა არქიეპისკოპოსმა, კარდინალმა პერაგონმა ისიც კი არ იცოდა, რომ ბერულს შარლ დე-გონდრანი მოჰყვა, გონდრანს, ფრანსუა ბურგონი, ბურგონს - ჟან ფრანსუა სენო და ჟან ფრანსუა სენოს - ბერი სენტ-მარტა. კოტონის სახელს იცნობენ არა იმიტომ, რომ ის იყო ერთი იმ სამთავანი, რომელმაც მონასტერი დააარსა, - ეს ვილას ახსოვს? - არამედ იმიტომ, რომ მეფე ანრი მეოთხემ, ჰუგენოტმა, თავისი გინების საგნად გაიხადა კეთილმორწმუნე. წმინდა ფრანსუა დე-სალი იმიტომ მოსწონს ქვეყანას, რომ ბანქოს თამაშში ეშმაკობა უყვარდა. სარწმუნოების გმობის მეტი აღარაფერი ისმის ქვეყანაზე! რატომ? იმიტომ, რომ უვარგისი მღვდლები იყვნენ ოდესღაც! იმიტომ, რომ საგიტერი, გაპის საეპისკოპოსოში, ძმა იყო სალონის,

ანბრენის საეპისკოპოსოსი, და ორივე მომხრენი იყვნენ მომოლისა. რა მნიშვნელობა უნდა ჰქონდეს ამას სარწმუნოებისათვის? ამიტომ უნდა დაგვაზინყონ წმინდა მარტენ დეტური, რომელმაც თავისი წამოსასხამის ნახევარი მისცა მათხოვარს? დევნა დაუნყეს წმინდანებს! თვალს იბრმავებენ, რომ ჭეშმარიტება არ დაინახონ! სინათლეს ბნელი წყველიანი გვირჩევიან! @საშინელია მხეცი, მაგრამ უფრო საშინელი და საზარელია ბრმა მხეცი! ვიღას აგონდება ჯოჯოხეთი და საიქიო სასჯელი? ოჰ, უბედურო ხალხო! დღეს რომ იტყვიან - კანონისამებრო, იგულისხმება რევოლუციისამებრ! აღარავინ იცის თუ რა მართებს ცოცხალს და რა მართებს მიცვალებულს! სასაფლაო საერო საქმეა, მონასტერს აქ რა უნდაო? საშინელება! წმინდა ლეონ მეორემ ეპისტოლე შეადგინა, ერთი პერ ნოტერს, მეორე ვისიგოტების მეფეს, რომ შებრძოლებოდა და სრულიად გაენადგურებინა უფლება ხელმწიფისა და იმასთან მივლინებული ეპისკოპოსისა მიცვალებულთა დასაფლავების საქმეში. ამის გამო შალონის ეპისკოპოსი ვოტიე ძალიან მედგრად დაუხვდა ბურგონელ ოტონს. ძველი მთავრობაც კი ამავე აზრის იყო. ეჰ, სადღაა ის დრო? უწინდელ დროში ჩვენც გვექონდა ხმა ქვეყნის ცხოვრების საკითხებში. ბერნარდელის გენერალი, მოძღვარი და-სიტო, შთამომავლობით ბურგონის პარლამენტის იყო წევრი. მიიყვალა მონაზონი? ცოცხალი ჩვენი იყო და მკვდარიც ჩვენია! განა ნეტარსენებული ბენუას ნაშთი აქ არ არის დასაფლავებული, საფრანგეთში ფლერის სამწყსოში, სენ-ბენუას რომ ეძახიან, მიუხედავად იმისა, რომ იტალიაში, მინ-კასენში მიიყვალა, ხუთას ორმოცდასამი წლის 24 მარტს, შაბათ დღეს? ყოველივე ეს ურღვევი ჭეშმარიტებაა. მეზობლება ბრძანებები, ამოსაწყვეტად არ დავინდობდი სარწმუნოების მწვალებლებს და უფრო მეტად შემეზობლებოდა, ვინც ამის სანინაალმდევოდ გამიბედავდა რამეს. აიღონ და წაიკითხონ არნულ ვიონი, გაბრიელ ბუსლენი, ტრიტემი, მოროლიკი და ლუკა დ-აშერი, რომ თვალი აეხილოთ ბრმებს.

ღრმად ამოისუნთქა, მერე ფოშლევიანს მიმართა:

- მაშ შევთანხმდით, ფოვან?
- დიახ, შევთანხმდით, ღირსო დედაო.
- მაშ თქვენი იმედი მქონდეს?
- თქვენი მორჩილი გახლავართ.
- ძალიან კარგი.
- მონასტერს ვემსახურები და ვემორჩილები.

- მაშ ასე. კუბოს დალურსმავთ. მონაზვნები შეასვენებენ ეკლესიაში. წირვას გადავუხდით მიცვალებულს. მერე დასაფლავებთ - საკურთხევის ქვეშ. თერთმეტიდან თორმეტამდე მოხვალთ და თან წამოიღებთ ლომს. სრულიად საიდუმლოდ გარიგდება ყველაფერი. სხვა არავინ იქნება ეკლესიაში, - თქვენ, დედა-ამაღლება და ოთხი დედა-მგალობელი, მეტი არავინ.

- სვეტთან რომ მონაზონი დგას?
- ის თქვენსკენ არ მობრუნდება.
- ხომ გაიგონებს?
- ყურს არ გათხოვებთ და, ეგვეც არ იყოს, რაც მონასტერმა იცის, ქვეყანამ არ იცის. ცოტა ხანს მიჩუმდნენ. წინამძღვარმა განაგრძო დარიგება:

- მაგ ზანზალაკს მოიხსნით. საჭირო არ არის, სვეტთან მდგომმა მონაზონმა იცოდეს, რომ თქვენც იქ ხართ.

- ღირსო დედაო...
- კიდევ რა, ძია ფოვან?
- მკვდრების ექიმი ჯერ არ გხლებიათ?
- დღეს მოვა, ოთხ საათზე. ავი დავკარით ექიმის მოწვევის ზარი. მაშ თქვენ არ გეყურებათ ჩვენი ზარების რეკვა?
- მე მართო ჩემი ზანზალაკის ხმა მეყურება.
- ძალიან კარგი, ძია ფოვან.
- ღირსო დედაო, ლომი, სულ ცოტა რომ ვთქვათ, ორი მეტრის სიგრძის მაინც უნდა იყოს.
- სად იშოვით?
- სადაც რკინის კარგი მოაჯირია. თუ არა და ჩემ ნანგრევებში იმდენა რკინა ყრია, რომ მგონი ვიპოვი რამე გამოსადეგს.
- შუალამის წინ, ისე რომ თორმეტს თხუთმეტი წუთიდა აკლდეს.
- ღირსო დედაო...
- რა იყო?
- თუ კიდევ გაგაჩნიათ რამე ამისთანა მძიმე, ძალიან ღონიერი გახლავთ ჩემი ძმა, ოსმალოა სწორედ.
- და საჩქაროდ გაათავებთ ყველაფერს, საჩქაროდ.
- რაღა მე მაჩქარებთ, ამ კოჭლს? ხეიბარი ვარ, ბებერი და ამიტომ მოგახსენებთ, დამხმარე მინდა-მეთქი. რა ვქნა, რომ კოჭლი ვარ?
- კოჭლობა ცოდვა არ არის, პირიქით, შეიძლება ვთქვათ, ღვთის წყალობაც არის. ხელმწიფე ანრი მეორეს, რომელმაც პაპის სახელით გამოსულ გრეგუარს ბრძოლა აუტეხა, და გარდა ამისა ალადგინა ბენუა მერვე, ორი სახელი ჰქონდა, - წმინდა და კოჭლი.
- კარგია, რომ ორი ჰქონია, - წაიდუღუნა ფოშლეგანმა, რომელსაც მართლა ყურს აკლდა.
- ბიძია ფოვან, მგონია აჯობებს, რომ მთელი საათი გვექონდეს საქმის მოსათავებლად, არც ძალიან ბევრია ერთი საათი. ასე, რომ სწორედ თერთმეტზე მოდით საკურთხეველთან თქვენი ლომით, წირვას შუალამისას დავიწყებთ, ისე უნდა მოანყოთ საქმე, რომ შუალამემდე თხუთმეტი წუთით ადრე, ყველაფერი გათავებული გქონდეთ.
- ვეცდები, რამდენადაც კი შემიძლია ერთგულად ვემსახურო მონასტერს. მაშასადამე, მე უნდა დავლურსმო კუბო. სწორედ თერთმეტ საათზე ვიქნები ეკლესიაში. იქვე იქნებიან დედა-მგალობლები და დედა-ამაღლები. ორი კაცი რომ ყოფილიყო, უკეთესი იქნებოდა, მაგრამ რაც არის, არის. ჩემი ლომიც თან მექნება. ავხდით სარდაფად წოდებულს, ჩავუშვებთ შიგ მიცვალებულს და ისევ ფილას დავაფარებთ, ისე, რომ კვალი არ დარჩეს არაფრის და მთავრობამ ვერაფერი გაიგოს. მორჩა და გათავდა. არა, ღირსო დედაო?
- არა.
- კიდევ გახლავთ რამე?
- ცარიელ კუბოს რაღას უპირებთ?
- აქ კი შესვენეს ენა. ფოშლეგანი დაფიქრდა და არა ნაკლებ ჩათფიქრებული ბრძანდებოდა წინამძღვარიც.

- კუბოს რაღა ვეყოთ?
- დაემარხოთ.
- ცარიელი?

აქაც დაფიქრება დასჭირდათ. ხელი ჩაიქნია ფოშლევიანმა, თითქოს გული გაუნყალა რაღაცა ფიქრმა და იმის მოშორებას ცდილობსო.

- იქვე, საკურთხევლის ქვეშ, დავლურსმავ იმ კუბოს, ჩემს მეტი ხომ არავინ იქნება და სამგლოვიარო საბურველს გადავაფარებ.

- კი, მაგრამ ბალდახინზე დასადებად რომ ასწევინ, არ იტყვიან, - ცარიელი არისო, ან კიდევ საფულავში ჩაშვების დროს?

- ეშმა... - წამოსცდა ფოშლევიანს. წინამძღვარმა პირჯვარი გადაინერა აჩქარებით და მებაღეს დააქცერდა. „კმა“ - ველარა თქვა ძია ფოშლევიანმა და თვითონვე ჩაყლაპა. მაშინვე მოიაზრა, რომ საჭირო იყო ამ ბინიერი სიტყვის მიჩქმალვა და გაუადვილა საქმე:

- ღირსო დედაო, კუბოში მინას ჩავყრი.
- ძალიან კარგი, მინა იგივეა, რაც ადამიანი, - მინა ხარ და მინად იქეციო, მამ დასამარხად მოამზადებთ ცარიელ კუბოს.
- როგორც მიცვალებულისას.

აქამდე მოღუშული ბრძანდებოდა წინამძღვარი და ახლა სიამოვნება დაეტყო. დიდებულად ანიშნა თავის ხელქვეითს, - ახლა კი შეგიძლია წახვიდეო. - ფოშლევიანმაც თავი დაუკრა და კარისკენ მიბრუნდა. ის იყო, უნდა გაეღო კარი, რომ წინამძღვრის ტკბილი ხმა მოესმა:

- ძია ფოვან, მე კმაყოფილი ვარ, ხვალ, დასაფლავების შემდეგ მომიყვანეთ თქვენი ძმა და უთხარით, რომ თავისი გოგონაც მომგვაროს.

თავი მეოთხე

ისე ლაპარაკობს უან ვალუჟანი, თითქოს ოსტენ კასტილეო წაეკითხოს

კოჭლი კაცის სირბილი ბრუციანის თვალის ხამხამს ემგავსება: ვერც ერთი ვერ აღწევს მიზანს. გარდა ამისა, ერთი ფიქრიც აწუხებდა ფოშლევიანს, თითქმის თხუთმეტი წუთი მონადლომა მონასტრიდან თავის ბინამდე მისვლას. კოზეტი ამდგარიყო და ბუხართან დაესვა უან ვალუჟანს. ფოშლევიანი რომ მივიდა, იმ დროს ვალუჟანი კედელზე ჩამოკიდებულ გუდას უჩვენებდა კოზეტს და არიგებდა:

- მომისმინე, ჩემო კოზეტ, ჩვენ უნდა წავიდეთ ამ სახლიდან. მაგრამ ისევ მოვალთ და მშვიდობით ვიცხოვრებთ, შენ ჩვენი მასპინძელი გაგიყვანს აქედან, აგერ იმ გუდით. ერთ ქალთან მიგიყვანს და იქ იქნება, მერე მეც შენთან მოვალ. ოღონდ, თუ არ გინდა ტენარდიემ გიპოვოს, ისე უნდა იყო, რომ არ გაინძრე, არც ხმა ამოიღო.

თავი დაუქნია კოზეტმა, - თანახმა ვარო.

ფოშლევიანმა რომ კარი შეაღო, უან ვალუჟანმა მოიხედა.

- ჰა, როგორ არის ჩვენი საქმე?

- ყველაფერი გარიგებულია და არც არაფერია გარიგებული, - უპასუხა ფოშლევიანმა, - ნება დამრთეს, - შემოიყვანე ის კაციო. მაგრამ როგორ შემოგიყვანო, თუ არ გაგიყვანო, და ძაღლის თავიც მანდ არის დამარხული. პატარა გოგონას გაყვანა ჩემზე იყოს.

- გუდით გაიყვანთ?
- გაჩუმებული იქნება?
- თავდები მე ვარ.

- მერე თქვენ, ძია მადლენ?

ცოტა ხანს გაჩუმდა, ეტყობოდა რაღაც ანუხებდა, მერე შესძახა;

- საიდანაც მოხვედით, იქიდანვე გადით!

ჟან ვალჟანმა ახლაც მოკლედ, ერთი სიტყვით გასცა პასუხი:

- შეუძლებელია.

ფომლევანი კი, თითქოს თავის თავს ელაპარაკებოდა, თავისას ბუზღუნებდა;

- მერე განა მარტო ეს მანევს გულზე! მინას ჩავყარი-მეთქი, მოვახსენე. და ახლა,

საქმე ის არის, კიდევ რომ ჩავყარო მინა, ერთ ალაგს ხომ არ გაჩერდება უძრავად. ასწევ, დაიწვეს და დასწევ, აინწევს. მაშინვე გაიგებენ კაცები. ხომ ხედავთ, ძია მადლენ, მთავრობა გაგვიგებს და ცუდად დატრიალდება ჩვენი საქმე.

დააცქერდა ჟან ვალჟანი, რას ბოდავს ეს კაცო.

ფომლევანი ისევ ჟან ვალჟანს მიუბრუნდა:

- ახლა აღარ მეტყვი, როგორ გავალოთ? ხვალ უნდა მიგიყვანოთ ჩვენს

წინამძღვართან. ხვალ უნდა მიგიყვანოთ, წინამძღვარი გელით.

დანვრილებით უამბო ჟან ვალჟანს თავისი საუბარი წინამძღვართან. აუხსნა, რომ დიდ საქმეს ავალებდა მას მონასტერი და სამაგიეროდ, მის დასაჯილდოებლად, ნებას აძლევდა ამხანაგად, მეზაღვდ ჰყოლოდა ჟან ვალჟანი. უამბო, რომ იმას დაავალეს მონაწილეობა მიედო მიცვალებულის დასაფლავებაში, რომ მას უნდა დაეღურსმა კუბოები და საფლავზე გაჰყოლოდა კუბოს. ამ დილას მიცვალებულ მონაზონს ეთხოვა, - იმავე კუბოთი დამასაფლავეთ, რომელიც ოცი წელიწადია ლოგინად მაქვსო, და აქვე დამმარხეთ, საკურთხევლის ქვეშ, სარდაფშიო. აუხსნა, რომ ეს აკრძალული იყო მთავრობის განკარგულებით, მაგრამ დიდი წმინდანი იყო მიცვალებული, ასე რომ, შეუძლებელია ეს სათხოვარი არ აუსრულონ. წინამძღვარსაც და ხმოსან-დედებსაც გადაწყვეტილი აქვთ აასრულონ მიცვალებულის ანდერძი. ყურადღებასაც არ აქცევენ მთავრობის განკარგულებას, ფომლევანი დაღურსმავს კუბოს, ასწევს ქვას, კუბოს სარდაფში ჩაუშვებს. სამაგიეროდ, წინამძღვარი ნებას აძლევს, რომ თავისი ძმა შემოიყვანოს მონასტერში, მეზაღვდ იყოლიოს და მისი პატარა გოგო პანსიონელად. ისიც აუხსნა ფომლევანმა, რომ მისი ძმა ბატონი მადლენი იყო და პატარა გოგო - კოზეტი, და ხვალ საღამოზე უნდა მიიყვანოს წინამძღვართან ერთიგა და მეორეც, სასაფლაოდან რომ დაბრუნდება.

- ახლა არ ვიცე, როგორ შემოვიყვანო ბატონი მადლენი, რომ წინამძღვარს წარუვადგინო? - ერთი ეს მანუხებს და მეორე ცარიელი კუბო.

- რა ცარიელი კუბო? - ჰკითხა ჟან ვალჟანმა.

- კუბო, რომელიც მიცვალებულის დასამარხად მოიტანეს.

- რა კუბო? ვინ მოუტანა ეგ კუბო?

- მონაზონი რომ მოკვდება, ქალაქის ექიმი მოვა, ნახავს და მოახსენებს, ვისაც ჯერ არს, - მონასტერში მიცვალებული არისო. მთავრობა მაშინვე კუბოს გამოგზავნის, მეორე დღეს კი - ბალდახინს და კაცებს, რომ მიცვალებული სასაფლაოზე მისვენონ, ჰოდა მოვლენ მესაფლავები, ასწევენ კუბოს და ის კი ცარიელი იქნება.

- ჩადეთ რამე შიგ.

- მკვდარი ჩავდო? რომ არ მყავს?

- არა.

- მამ რა?

- ცოცხალი.

- ვინ ცოცხალი?

- მე, - მოკლედ მოუჭრა უან ვალუანმა.

ისე წამოვარდა ფოშლევიანი, თითქოს ყუმბარა გასკდა იმის სკამის ქვეშო.

- თქვენ?

- რატომაც არა?

სიცილით დაუბრუნა კითხვა. მისი სიცილი მზის შუქს ჰგავდა ზამთრის ცაზე.

- ხომ გახსოვთ, ჩემო ფოშლევიან? თქვენ თქვით დედა-ჯვარცმა მიიცივალაო. მე დავუმატე, ბიძია მადლეინი კი დამარხულია-მეთქი, სწორედ ასე გამოდის საქმე.

- ეჰ, კარგი ერთი! რა ღროს ხუმრობაა?

- არც გეხუმრებით. ხომ უნდა გავიდე აქედან.

- უეჭველად.

- ხომ გითხარით, მეც მიშოვეთ რამე მაგ გულის მაგიერ-მეთქი?

- მერე რა?

- გულა ფიცრის იქნება და გადასაფარებელი კი შავი სუდარა.

- შავი კი არა, თეთრი. მონაზვნებს თეთრს აფარებენ.

- ჰოდა, თეთრი იყოს.

- უცნაური კაცი ხართ, ძია მადლეინ.

მშვიდად, წყნარად ცხოვრობდა ფოშლევიანი. მისჩვეოდა მონასტრის უცვლელ ერთფეროვნებას და ისე განცვიფრდა ამ წინადადებით, როგორც განცვიფრებული იქნებოდა ადამიანი, ზღვის მეთოვლია რომ დაენახა პარიზში რუს პირად თევზის დასაჭერად.

უან ვალუანმა განაგრძო:

- უნდა გავიდე აქედან და ისე გავიდე, რომ არავინ დამინახოს. მაგაზე კარგს ვერაფერს ვილონებთ, მაგრამ ჯერ ერთი კარგად გამაგებინეთ, როგორ მოვანწყოთ საქმე. სად არის კუბო?

- ცარიელი კუბო?

- დიახ.

- ქვევით არის, მკვდრების ოთახს რომ ეძახიან, იქ. ორ ქვესადგომზე დევს და ზედ სუდარა აფარია.

- რა სიგრძე აქვს?

- ორი მეტრი იქნება.

- მკვდრების ოთახი რაღაა?

- ქვემო სართულის ოთახია. ერთი ფანჯარა აქვს ბაღში გამოშავალი, მოაჯირით შეკრული. გარედან კიდევ დარაბით კეტავენ. ორი კარი აქვს. ერთი მონასტერში შედის, მეორე საყდარში.

- რა საყდარში?

- საყდრის იმ ნაწილში, სადაც ქუჩიდან შემოსულები დგანან.

- თქვენ გაქვთ მაგ ორი კარის გასაღები?

- არა. მე ერთი გასაღები მაქვს, მონასტერში შესავალი კარის. მეკარესა აქვს მეორე გასაღები, საყდარში შესავალი კარის.

- როდის აღებს მეკარე მაგ კარს?

- მარტო მაშინ, როდესაც მესაფლავეები მოვლენ მიცვალებულის წასასვენებლად. მარტო იმათ უღებს კარს. კუბო გავა და კარიც იკეტება.

- კუბოს ვილა ლურსმავს?

- ეგ კი ჩემი საქმეა.

- სუდარას ვინლა გადააფარებს?

- მე.

- მარტო ხართ ხოლმე?

- ვერავინ შევა თავის დღეში მკვდრების ოთახში, პოლიციის ექიმის გარდა. კედელზე წერია ეს ბრძანება.

- ვერ მოახერხებთ ამაღამ, როდესაც მონასტერში ყველას ეძინება, შემოიყვანოთ მკვდრების ოთახში და იქ დამშალოთ?

- არა, მაგრამ იქვე პატარა საკუჭნაოა, რომელიც მკვდრების ოთახში გადის და აი, იქ დაგმალავთ. იქ მინყვია ჩემი ხელსაწყოები, რაც კუბოსთვის მჭირდება. გასაღებიც მე მაქვს.

- და ხვალ რომელ საათზე მოვა ბალდახინი კუბოს წასაღებად?

- ასე, სამ საათზე. დასაფლავება იქნება საღამოს, ბინდისას, კარგა შორს არის ვოჟირარის სასაფლაო.

- მაშ იქ ვიქნები დამალული თქვენს საკუჭნაოში, სადაც ხელსაწყოს ინახავთ. იქ ვიქნები ამაღამ და ხვალაც, მაგრამ ხომ მომშივა. შიმშილით მოვკვდები.

- მე მოგიტანთ.

- ისე რომ, შეიძლება ხვალ ორ საათზე მოხვიდეთ კუბოს დასალურსმავად და მეც შიგ ვიწვები.

უკან დაინია ფომლეევანმა. თითები გაატკაცუნა.

- შეუძლებელია ბატონო. მაგას რას ბრძანებთ?

- კარგი ერთი! აიღეთ ჩაქუჩი და დაჰკარით ლურსმანს.

რაც შეუძლებლად მიაჩნდა ფომლეევანს, სულ უბრალო და ადვილი ეჩვენებოდა უან ვალუანს. ამაზე უარესი და უფრო ვიწრო სრუტეებიც ბევრი გამოეცლო. ვინც კი დაპატიმრებული ყოფილა, ყველამ იცის თავის იმდენად დაპატარავების ხელოვნება, რომ გასაძვროში გაეტიოს. პატიმარს ისევე მოელის გაპარვა, როგორც ავადმყოფს კრიზისი, რომელიც ან მოკლავს, ან გადაარჩენს. გაპარვა განკურნებაა. რას არ აიტანს ავადმყოფი, ოღონდ კი მორჩეს? ყუთში ჩანვეს კაცი, სახურავი დაათარონ და დალურსმონ, რამდენიმე ხანს ყუთში ინვეს სულგანაბული, ხმაგაკმედილი, სუნთქვამკერული იმ ჰაერით, რომელიც იქ არც კი შედის, იხრჩობოდეს, მაგრამ არ მოკვდეს, - აქ იმისთანა არაფერი იყო, რომ უან ვალუანის გამოცდილ ნიჭს და მოხერხებას შეშინებოდა.

კუბო, რომელშიც ცოცხალი ადამიანი ჩანოლილა, გაუგონარს და ახალს არაფერს წარმოადგენდა, და როგორც ახლა კატორღელს, ისე თვით ხელმწიფესაც ესარგებლა ამ საშუალებით, თუ დავეუჯერებთ ბერ სტენ კასტილიოს. შარლ მეხუთემ რომ უარყო თავისი ხელმწიფობა და მონასტერში შევიდა, ძალიან მოუნდა თავისი

სატრფოს, ლაპლონბის, კიდევ ერთხელ ნახვა, კუბოთი შეაყვანინა თავისთან მონასტერში და კუბოთივე გამოაყვანინა.

როგორც იყო გონზე მოვიდა ფოშლევიანი და დაიძახა:

- მერე სუნთქვა რომ შეგეკრათ?

- ნუ გეშინიათ.

- იმ დალურსმულ ყუთში?

- პატარა ბურლი გექნებათ. აქა-იქ გახვრიტეთ ფიცარი ჩემს პირთან, ტუჩების გარშემო, და თავს რომ დახურავთ, ნურც იმას დააჭედებთ ძალიან მაგრად.

- ძალიან კარგი. ხველა რომ აგიტყდეთ? ცხვირი რომ დაგაცემინოთ?

- ვისაც გაპარვა უნდა, არც ახველებს, არც ცხვირს აცემინებს.

მერე დაუმატა:

- ასე, ჩემო ფოშლევიან. უნდა გადავწყვიტოთ რამე: ან იქვე მტაცებენ ხელს ან არადა, მაგ კუბოს უნდა გავყვე. სხვა გზა არ გვაქვს.

ვისაც კატა ჰყოლია, ყველა შენიშნავდა ამ ცხოველის უცნაურ გაუბედაობას; როდესაც ღიას ნახავს კარს, დადგება, არც შედის, არც გადის, თავს შეყოფს და გამოყოფს. ვის არ შეუტევია თავისი კატისთვის: - ჰა, შედი ან გადი! - ისე აღამიანს მოსდის ხშირად - გაჩერდება რამე შემთხვევის ორგვარი მოსალოდნელი შედეგის წინ და - არც აქეთ, არც იქით, - მიუხედავად იმისა, რომ შემთხვევა თავის გზას მისდევს, თავის დასასრულს და შეიძლება სწორედ ის ჩასცხოს თავში, რის ასარიდებლადაც ვერაფერს ბედავდა. მეტისმეტად ფრთხილია ამგვარი კაცი, კატაა ნამდვილი, და რადგან კატაა, იმას უფრო მეტ განსაცდელს უქადის ცხოვრება, ვიდრე გამბედავს. ფოშლევიანიც გაუბედავი კაცი იყო, მაგრამ ისეთი დამშვიდებით ლაპარაკობდა უან ვალუხანი, ისეთი რწმენით, რომ იმასაც ნელ-ნელა ედებოდა სიმშვიდე და ბოლოს ნაიბურტყუნა;

- ეჰ, რას იზამს კაცი, სხვა გზა რომ არა აქვს?

ახლა სხვა რამეს შეეხო უან ვალუხანი;

- მე თუ მანუხებს რამე, მარტო სასაფლაო, რადგან არ ვიცი იქ რა მოხდება

- სწორედ ეგ სასაფლაო გახლავთ, რაც მე არ მანუხებს, - შეჰყვირა ფოშლევიანმა,

- თუ თქვენ დარწმუნებული ხართ, რომ ცოცხალი ამოხვალთ კუბოდან, მე დარწმუნებული ვარ, რომ ცოცხალს ამოვიყვან საფლავიდან. მესაფლავე ჩემი კარგი მეგობარია და კარგადაც სვამს. ძია მათიენი გახლავთ. ბებერი კაცია, ღვინოში ჩამხრჩვალა. მესაფლავე საფლავში ჩაუშვებს კუბოს და მე ჩემს ჯიბეში ჩაუშვებ თქვენს მესაფლავს. - აი, მოგახსენოთ, როგორ გარიგდება ყველაფერი. საღამო უკვე მივალთ სასაფლაოზე, ერთი საათით ან ცოტა ნაკლებით ადრე, ვიდრე სასაფლაოს კეტავენ, ბალდახინით მივიყვანენ საფლავამდე. მეც თან მივყვები. ეს ჩემი მოვალეობაა. ჯიბეებში ჩაქუჩი მექნება, გაზი და სატეხი. გაჩერდება ბალდახინი. მესაფლავეები თოკს შემოახვევენ თქვენს კუბოს და ჩაგიშვებენ შავ მინაში. მღვდელი თავისას ნაიბურტყუნებს, ჯვარს გაიქნევს, წმინდა წყალს გაჰკურნებთ და მოკურცხლავს! იქ მხოლოდ მე და ძია მათიენი დავრჩებით. ჩემი დიდი მეგობარია, როგორც მოგახსენეთ. ჰოდა, ორში ერთი: ან მთვრალი იქნება, ან ფხიზელი. თუ ფხიზელია, მე ვეტყვი: - მოდი, ყელი გავისვლოთ, მანამ არ დაუკვტით „უმჭკნარი კომში“, - ნავიყვან, ლამაზად დავათრობ. დიდი რამ კი არ უნდა ძია მათიენის დათრობას, რადგან ყოველთვის ნასვამია, - იქვე მივანწვენ სადმე მაგიდის ქვეშ და უკან

დავბრუნდები, ოღონდ მარტო და თქვენც ჩემთანაა გეჭნებათ საქმე. თუ მოვრალია უკვე, ეგ უკეთესი, ვეტყვი: წადი, ძმაო, შენს საქმეს მეც კარგად გავაკეთებ-მეთქი. მაშინვე წავა და თქვენც კუბოდან ამობრძანდებით.

ხელი გაუწოდა უან ვალუანმა. ისეთი მოულოდნელი და დიდებული იყო ეს მაღლობა, რომ სიხარულით გაუბრწყინდა სახე ბებერ მებაღეს.

- მამ გათავებულება, ფოშლევიან. საგანგებოდ მოგვარდება ყველაფერი.

„თუ მოულოდნელი არაფერი გამოერია“ - გაიფიქრა ფოშლევიანმა, - ვაითუ, რამე საშინელება მოხდეს.

თავი მცხუთე

არ კმარა იყო ლოთი, რომ უკვდავი გახდე

მეორე დღეს, მზის დახრისას, მენის ბულვარზე მიმავალნი ქუდს უხდიდნენ ერთ ძველებურ ბალდახინს, მკვდრების თავის ქალისა და ძვლების სურათებით დამშვენებულს. ბალდახინზე კუბო იღო, ზედ თეთრი სუდარა ეფარა. სუდარაზე დიდი ჯვარი იყო შავად ამოქარგული და მკვდარს მოგაგონებდათ ძირს დაშვებული ხელებით. უკან დახურული ეტლი მისდევდა. ეტლში შემოსილი მღვდელი იჭდა და ერთი მგალობელი ბიჭი წითელი სირსიტით. ბალდახინს მარჯვნივ და მარცხნივ თითო მესაფლავე მისდევდა ლურჯი ტანისამოსით და შავი წამოსასხამით. უკან ერთი ბებერი, კოჭლი მუშა მიჰყვებოდა. მიცვალეებულს ვოჟირარის სასაფლაოსკენ მისავენებდნენ.

ბებერ მუშას ჯიბეში უჩანდა ჩაქუჩის ტარი და დიდი გაზი.

პარიზის სასაფლაოებში ვოჟირარი გამონაკლისად ითვლებოდა, რადგან თავისი განსაკუთრებული წესები ჰქონდა. ჰქონდა ალაყაფის კარი და იქვე ჭიშკარი, რომელსაც იმ უბნის, ძველი დროების მომსწრე მოხუცებულები ცხენოსნების და ფეხოსნების კარებს უწოდებდნენ. მცირე პიკაპუსის ბერნარდელ-ბენედიქტელებს უფლება ჰქონდათ, როგორც უკვე ვთქვით, ცალკე გამოყოფილ ნაწილში დაესაფლავენინათ საღამოობით თავისი მიცვალეებულები, რადგან წინათ ეს მიწა, დღეს კი სასაფლაო, მონასტრის ყოფილიყო. ამგვარად, მესაფლავეებს საქმე ჰქონდათ ზაფხულში შებინდებისას, ზამთარში ღამე და ამიტომ განსხვავებულ წესებსაც ემორჩილებოდნენ. იმ დროს პარიზის სასაფლაოების კარებს მზის ჩასვლისას ჰკეტავდნენ და რადგან ეს ქალაქის მმართველობის განკარგულება იყო, იგი ვოჟირარისთვისაც სავალდებულოდ ითვლებოდა. ალაყაფის კარი და ჭიშკარი ერთად იყო ერთი პატარა შენობის ახლოს და ეს შენობა არქიტექტორ პერონეს აუშენებინა და იქ ცხოვრობდა სასაფლაოს მეკარე. როგორც კი მიეფარებოდა მზე ინვალიდების საყდრის გუმბათს, მაშინვე იკეტებოდა სასაფლაოს ორივე კარი. თუ იმ დროს სასაფლაოზე იყო ვინმე მესაფლავე და საქმეზე დაგვიანებოდა, ერთადერთი საშუალებადა ჰქონდა იქიდან გამოსასვლელად, - ჯიბეში უნდა ჰქონოდა დამსაფლავეელი კომისიის მონშობა, რომ ის მესაფლავე იყო. მეკარის თანჯრის დარაბას პატარა ჭრილი ჰქონდა. იმ ჭრილში უნდა ჩაემვა თავისი მონშობა და რა დანახავდა ან გაიგებდა მეკარე, მონშობა ჩამოაგდესო, - თოკს გამოსწევდა და გაუღებდა ჭიშკარს. - ვინ იყო, რად დაუგვიანდა, კიდევ რომ ჩასძინებოდა მეკარეს, ადგებოდა, თუ იცნობდა მესაფლავეს, კარს გაუღებდა. გავიდოდა მესაფლავე, მაგრამ თხოუმეტი ფრანკის ჯარიმას გადაიხდიდა.

ამ სასაფლაოს თავისი საკუთარი წესები ჰქონდა და არღვევდა საერთოდ გავრცელებულ განკარგულებებს. 1830 წლის შემდეგ სულაც მოსპეს იქ ვისიმე დასაფლავება. მის მაგივრად წარჩინებული გახდა მონპარნასის სასაფლაო და მისგანვე მიიღო მემკვიდრეობად ის სახელოვანი ღუქანი, ვოჟირარის სასაფლაოს კედელთან რომ იყო და ფიცარზე დახატული დიდი კომპი რომ ჰქონდა შესასვლელთან. თავით ეს ფიცარი მსმელების მაგიდისკენ იყო მიშვერილი, ბოლოთი - სასაფლაოსკენ და ზედ წარწერა ჰქონდა - „უმტკნარი კომპი“.

მივინყებულები და მიყრუებულები იყო ვოჟირარის სასაფლაო და, ასე ვთქვათ, უკვე დამტკნარი. ხავსი ეკიდებოდა, ყვავილი ჩასტკნობოდა, ბურჟუებს აღარც კი აკონდებოდათ, თუ ჰყავდათ ვინმე ახლობელი იქ დამარხული. რას იკადრებდნენ! ვოჟირარს ღარიბების სასაფლაოს სახელი ჰქონდა. სულ სხვა იყო მამა-ლამების სასაფლაო, დიდებულების და წარჩინებულების. ვინც იქ დაიმარხება, ისეთივე დიდებულია, როგორც დიდებულია ის, ვისაც წითელი ხის დგამით მოუწყვია თავისი სახლი, ეს არის დიდებული გემოვნების ნიშანი. ვოჟირარი წინათ პატივცემული სასაფლაო იყო, ძველებურად ბაღად მოწყობილი დიდრონი ხეივნებით, რომლებსაც ბზა, ურთხმელი და ცაცხვი ამშვენებდა. მაღალი ბალახი მორეოდა ძველ საფლავს. საშინლად ბნელი იყო იქაურობა საღამო ჟამს და ღამე.

ჯერ მზე არ ჩასულიყო, როცა ვოჟირარის სასაფლაოზე შევიდა ბალდახინი თეთრი სუდართ, ზედ შავი ჯვარი ჰქონდა ამოქარგული. კოჭლივ მუშა, უკან რომ მისდევდა, ძია ფომლეგანი იყო. მიცვალებული დედა-ჯვარცმა საკურთხეველის ქვეშ, აკლამაში დამარხეს. კოზეტი გუდით მეხილე დედაკაცთან მიიყვანა ფომლეგანმა. ჟან ვალჟანი მკვდრების ოთახში შეიყვანა. ყველაფერი მოაგვარეს ისე, როგორც განზრახული ჰქონდათ.

რაკი კიდევ ვახსენეთ დედა-ჯვარცმა, მაშ იმასაც ვიტყვით, რომ მიცვალებული მონაზვნის თავისსავე მონასტერში დასაფლავება დიდ ცოდვად არ მიგვაჩნია. ეს არის მთავრობის განკარგულების ერთი იმ დარღვევათაგანი, რომელსაც ვალდებულების ასრულება მოითხოვს. მონაზვნებმა აასრულეს ეს ვალდებულება და აასრულეს ისე, რომ სინდისის ქენჯნა კი არა, სრული კმაყოფილება ჰქონდათ. მონასტერში მთავრობას რომ იტყვიან, გულისხმობენ ვილაცის ჩარევას სარწმუნოების საქმის გაძლოლაში, ჩარევას სრულიად უკანონოს. ჯერ მონასტრის წესდება და მერე... რაც შეეხება მთავრობის განკარგულებას, მაგასაც ვნახავთ. ერისკაცებმა შეადგინონ კანონები, რამდენიც ენებოთ, მაგრამ იმათვე შეასრულონ. ხელმწიფის კუთვნილი ხარჯი ისაა მხოლოდ, რაც ღვთის კუთვნილს გადაარჩება. ჯერ პრინციპი და მერე პრინცი.

ბალდახინის უკან მიჩანჩალებდა ფომლეგანი, ძალიან კმაყოფილი. ორი შეთქმულება ჰქონდა მოსაწყობი, ერთი მონაზვნებთან, მეორე ძია მადლენთან, ერთი მონასტრისთვის, მეორე მონასტრის წინააღმდეგ, და ორივე კარგად თავდებოდა, იმისთანა კმაყოფილება ეტყობოდა სახეზე, რომ სხვასაც გადაედებოდა, ვინც კი შეხედავდა. ეს საქმე აღარ აღარდებდა. დარწმუნებული იყო, რომ კეთილად გათავდებოდა. თითქმის აღარათფერი რჩებოდა მოუგვარებელი. ამ ორი წლის განმავლობაში მრავალჯერ დაუთვრია სანყალი მესაფლავე, გაბრიელ მეტიენი. რასაც უნდოდა, იმას უზამდა იმ კაცს. თავის ნებაზე ახურავდა ქუდს და თავის სურვილისამებრ ათამაშებდა. ამ მხრივ უზრუნველყოფილი იყო ფომლეგანი.

იმ გზაზე რომ გავიდნენ, რომელიც სასაფლაოს კარებისკენ მიდიოდა, ბედნიერი თვალით გადახედა ბაღდახინს, ხელები მოიფშვინტა და წაილაპარაკა:

- ოინი თუ გნებავთ, სწორედ ეს არის!

ბაღდახინი დადგა, უკვე კარებთან მივიდა, საჭირო იყო მოწმობის წარდგენა, რომ ნებადართული იყო მიცვალებულის დამარხვა. მესაფლავე მეკარესთან მივიდა და მოწმობა აჩვენა. ამას ერთი-ორი წუთი მაინც სჭირდებოდა ყოველთვის და მანამ მეკარე ქაღალდს სინჯავდა, მოვიდა ვიღაც უცნობი, და ბაღდახინის უკან დადგა, ფოშლევიანის გვერდით. მუშას ჰგავდა, დიდრონ ჯიბიანი ტანისამოსი ეცვა და ხელში ნიჩაბი ეჭირა.

დააცქერდა ფოშლევიანი.

- თქვენ აქ რა გინდათ? ვინ ხართ? - ჰკითხა შეშინებულმა.

ჰასუხიც მიიღო:

- მესაფლავე ვარ.

აღამიანს რომ შიგ გულში მოხედეს ყუმბარა და მაინც ცოცხალი გადარჩეს, ისეთი სახე არ ექნება, როგორც ამ დროს ძია ფოშლევიანს.

- მესაფლავე?!

- ჰო.

- თქვენ?!

- მე.

- მესაფლავე რომ ძია მეტიენია?

- იყო.

- როგორ თუ იყო?

- მოკვდა.

ყველაფერს წარმოიდგენდა ფოშლევიანი და იმას კი ვერა, თუ მესაფლავე მოკვდებოდა. მაგრამ მართალი უთხრეს: თვითონ მესაფლავეებიც კვდებიან. იმდენს თხრიან სხვისთვის, რომ თავისთვისაც მოისურვებენ ხოლმე.

სახტად დარჩა ფოშლევიანი, ძლივსლა წაიდუღუნა:

- შეუძლებელია.

- ასეა.

- კი, მაგრამ მესაფლავე ძია მათიენია, - წაილულულა სასონარკვეთილმა ფოშლევიანმა.

- ნაპოლეონის შემდეგ - ლუი მეფერამეტე. მეტიენის შემდეგ - გრიბიე. სოფლელო, მე გრიბიე ვარ.

განსციფრებული, ფერმიხდილი შესცქეროდა გრიბიეს.

ანონილი კაცი იყო, გამხდარი, მიწისფერი ეღო პირჩამობნელებულს. შეხედულება ექიმის ჰქონდა, რომელსაც ფეხი წასხლტომია და მესაფლავე გამხდარა.

უცხად სიცხილი წასკდა ფოშლევიანს.

- დასწყევლოს ღმერთმა, რას არ ნახავს ამ ქვეყნად კაცი. თქვენი ჭირი წაილო სანყალმა მეტიენმა? მაშ, გაუმარჯოს ძია ლენუარს. იცით, ვინ არის ძია ლენუარი? ეს დაბეჭდილი წითელი ღვინოა, უკეთესს ვერას დაღვევს ადამიანი. ბოთლი ექვსი სუ ღირს სურენის ღვინო. ნამდვილი წითელი სურენი. ეჰ, ის რომ აქ მყოლოდა, ბებერი მეტიენი, ჰაი, რას გადავკრავდით! ძალიან უყვარდა კეთილი ცხოვრება, მაგრამ

თქვენც არ დაინუნებთ, მგონია, თუ კარგი შეგხვდათ. და ამაზე უკეთესს ვერსად ნახავთ. მამ ასე, ჰა, ამხანაგო? გავალთ, პირს გავისვებლებო...

უკმეხი პასუხი მიიღო:

- მე ვსწავლობდი, მეოთხე კლასში ვიყავი. ღვინოს არ ვსვამ.

ბალდახინი უკვე სასაფლაოს მთავარ ხეივანში მიგორავდა.

ველარ მისდევდა ფოშლევეანი, უღალატა კოჭლმა ფეხმა, უფრო საქმის ასე დახლართვით, ვიდრე თავისი სისუსტით.

მესაფლავე წინ მიაბიჯებდა.

ერთხელ კიდევ დააშტერდა ამ კაცს ფოშლევეანი.

იმ კაცთაგანი იყო გრიბიე, რომლებიც სიყმაწვილეშიც ბებერსა ჰკვანან და ღონიერები არიან, თუმცა ჩამომხმარნი.

- ამხანაგო! - დაუძახა ფოშლევეანმა.

მობრუნდა გრიბიე.

- მე მონასტრის მესაფლავე ვარ.

- ჩემი კოლეგა ყოფილხართ.

დიდი სწავლული კაცი არ იყო ფოშლევეანი, მაგრამ საზრიანობა კი არ აკლდა, მაშინვე მიხვდა, რომ საქმე ძალიან კარგ მოლაპარაკესთან ჰქონდა და სინანულით წარმოსთქვა:

- მამ მოკვდა, მოკვდა ის უბედური?

- სულმთლად გადაშალა ძლიერმა ღმერთმა მისი სიცოცხლის ვადის წიგნი, ნახა, რომ ვადა მოსვლოდა და - აღარ არის ძია მეტიენი.

ფოშლევეანმა მექანიკურად გაიმეორა:

- ძლიერმა ღმერთმა...

- დიახ, ძლიერმა ღმერთმა, - გაიმეორა დაბეჭითებით გრიბიემ, - ფილოსოფოსებისთვის - დაუსაბამია და იაკობინელებისთვის - უმენესი არსება.

- მამ არ გავიცნობთ ერთმანეთი? - წაიდუღუნა ფოშლევეანმა.

- უკვე გავიცანი: თქვენ სოფლელი გლეხი ხართ, მე პარიზელი მკვიდრი.

- მაგას მნიშვნელობა არა აქვს. გაცნობა მაშინ არის კარგი, თუ ერთი ბოთლი წითელი ღვინოც ახლავს, რომ დაილოცოს ახალგაცნობილთა ძმობა. უამისობა არ შეიძლება. უნდა წამომყვეთ და ერთი კარგად გადავკრათ.

- ჯერ საქმე.

„დავიღუპე“, - გაუელვა თავში ფოშლევეანს.

უკვე ახლოს იყვნენ მონასტრისთვის მიჩენილ ადგილთან.

ახლა გრიბიემ განმარტა თავისი:

- გეყურება, სოფლელი? შვიდი ბაღლი მყავს და კარგი მადაც აქვთ, და რადგან ისინი ჭამენ, მე არ უნდა ვსვა. და წაუმატა, - ეტყობოდა ძალიან კმაყოფილი იყო თავისი სიტყვის წყობით და ღრმა აზროვნებით: - ბავშვების შიმშილი ჩემი წყურვილის მტერია.

ბალდახინი საფლავს უახლოვდებოდა, ფოშლევეანი ცდილობდა ნელა ევლო, მაგრამ ბალდახინი მიეჩქარებოდა. კიდევ კარგი, მინა ზამთრის წვიმისაგან იყო სველი და აძნელებდა ჩქარ სიარულს.

მიუახლოვდა გრიბიეს და კიდევ თავისი უთხრა:

- არაჟანტელის ღვინო აქვს მიკიტანს, ნამდვილი ცხოვნება.

- სოფელელო, - უპასუხა გრიბიემ, - მე მესაფლავე არ უნდა ვყოფილიყავი. მამაჩემი მეკარე იყო პრიტანეში და მწერლობისთვის მამზადებდა, მაგრამ უბედურება ენია, ფული წააგო ბირჟაზე. მეც იძულებული გავხდი უარი მეთქვა მწერლობაზე, მაგრამ დღეს მაინც მწერალი ვარ. ვინც წერა არ იცის და დასაწერი აქვს რამე, სულ ჩემთან მოდის ბაზარში.

- მამ მესაფლავე არა ხართ, - შეჰყვირა სიხარულით ფოშლეევანმა და ახლა ამ სუსტ გარემოებაზე დაამყარა თავისი იმედი.

- ერთი მეორეს არ ეწინააღმდეგება. მე შეთავსებას ვახერხებ.

ფოშლეევანმა ვერ გაიგო, რა იყო ეს შეთავსება.

- მაინც გადავკრათ.

აქ ერთი შენიშვნაა საჭირო. სულ იმას ეხვეწებოდა ფოშლეევანი, - ცოტა ღვინო დავლიოთო, - ამაზე ამყარებდა უან ვალჟუანის კუბოდან ამოყვანის, დედა-ჯვარცმის მონასტერში დამარხვის და ამაში თავის მონაწილეობის დამალვის იმედს, მაგრამ იმას კი არ ამბობდა, ვინ გადაიხდიდა ამ ღვინის ფასს. საჭირო იყო ეს პატიჟი, მაგრამ ჩვენი ფოშლეევანი განზრახ გამოურკვეველად ტოვებდა ამ კითხვას ან, რაბლესი არ იყოს, ჩრდილში ტოვებდა ცოტა ხნით ფულის საკითხს. შიში ერეოდა კაცს, იღუპებოდა, მაგრამ ფულის ამოღება კი არ უნდოდა.

გაუყვინა გრიბიემ, გადმოხედა და განაგრძო;

- საჭმელი უნდა ჰქონდეს ადამიანს. ძია მეტიენის თანამდებობა ვიკისრე. კაცი რომ თითქმის გაათავებს თავის კლასებს, ფილოსოფოსი ხდება. ხელით შრომას მკლავით შრომა დავუმატე. სევრის ქუჩაში რომ ბაზარია, იქ მიდგას ჩემი, ხალხის მწერლის, ფარდული, ხომ იცით, ქოლგების ბაზარში. რაც კრუა-რუჟუში მზარეული დედაკაცებია, სულ ჩემთან დადიან. წიგნს მანერინებენ თავიანთ საყვარლებთან. ჰოდა, ასე. დილით სიყვარულის წიგნებს ვწერ, საღამოს საფლავეებს ვთხრი. ეს არის ჩვენი ცხოვრება, სოფელელო!

ცოტა კიდევ და, საფლავეს მიაღებოდა ბალდახინი. ჭირის ოფლი დაასხა ფოშლეევანს. გჟიჯით აქეთ-იქით იყურებოდა, თითქოს იქ ელოდებოდა რამე სანუგეშოს.

- მაგრამ, - განაგრძო გრიბიემ, - ორ ცოლს ვერ გაუძლებს კაცი, ძალიან კარგი ვაჟკაციც რომ იყოს. ერთ-ერთს უნდა გავეყარო, ან კალაში დავიტოვო, ან ბარი. ოღონდ ხელს მიხდენს ეს ბარი და ნიჩაბი.

ბალდახინი დადგა.

მგალობელი ბიჭი ჩამოვიდა დახურული ეტლიდან, მერე მღვდელი.

ბალდახინის წინა თვალი ნათხარი მინის გროვაზე შემდგარიყო, იქვე გათხრილ საფლავეს დაედო პირი.

- ოინი თუ გნებავთ, სწორედ ეს არის! - გმინავდა ფოშლეევანი.

თავი მეექვსე

კუბოს ფიცრის ქვეშ

კუბოში უან ვალჟუანი იწვა. ეს უკვე ვიცით.

ისე იყო მონყობილი კუბოში, რომ სუნთქვა შეეძლო.

საკვირველია სწორედ, როგორ იმორჩილებს ადამიანს სულით ხორცამდე დამშვიდებული სინდისი. მშვენივრად მიდიოდა უან ვალუჟანის მიერ მონწყობილი განზრახვა, სწორედ ისე, როგორც იმედოვნებდა. არაფითარი დაბრკოლება გუშინდელს აქვთ. უან ვალუჟანსაც მეტიენის სრული იმედი ჰქონდა და აზრადაც არ მოსდიოდა რამე საშიშროება. თავის დღეში არ ყოფილა ასეთ საზარელ მდგომარეობაში და თავის დღეში არ ყოფილა ასე უსაზღვროდ დამშვიდებული.

იქნებ კუბოს ფიცრების ბრალიც იყო მისი სიმშვიდე, რადგან რალაც დამამშვიდებელი ძალა აქვს კუბოს ოთხ ფიცარს. მიცვალებულის ადგილას იწვა და მიცვალებულის უგრძობლობა ერეოდა უან ვალუჟანს.

კუბოში იწვა და გონების თვალს არ აშორებდა იმ საშინელი დრამის ყოველ ნაბიჯს, რომლითაც ის ებრძოდა სიკვდილს.

გათავა ფოშლეგანმა, დალურსმა კუბო. ცოტა ხნის შემდეგ იგრძნო უან ვალუჟანმა, რომ ასნიეს და მიაქვთ, მერე ბალდახინი იგრძნო. ისიც თან მისდევდა თავის გზას და გრძნობდა, რომ ბალდახინი მოკირწყლული ქუჩიდან მოუკირწყლაგზე გადავიდა, მერე სასათლაოს ხეივანებში გაგორდა. არც აუსტერლიცის ხიდზე გავლა გამოეპარა, პირველი გაჩერებისას მიხვდა, რომ სასათლაოს შესასვლელ კართან იყო, მეორედ რომ გაჩერდა ბალდახინი, იმედთანად ამოიხვნეშა:

- აგერ, საფლავთან ვართ.

და იგრძნო უცხად, რომ ხელი სტაცა ვიდაცამ. კუბოს რალაც ეხახუნებოდა ზემოდან. მიხვდა, რომ თოკი მოაბეს საფლავში ჩასაშვებად. მერე ცოტა ხანს ისე იყო, თითქოს თავბრუ დაესხა.

აღბათ თავით წინ ჩაუშვეს საფლავში, მაგრამ როგორც კი საჭირო მდებარეობა მიიღო კუბომ, ისიც გონს მოვიდა.

სიცივეს გრძნობდა.

მის ზემოდან საზეიმო, მაგრამ გამყინავი ხმა გაისმა. ყურს უგდებდა, ყველა სიტყვა გაიგონა, თუმცა ლათინური არ იცოდა:

- Qui dormiunt in terrae pulvere, evigilabunt; alii in vitam aeternam et alii in opprobrium; ut videant semper.

პატარა ბიჭის ხმაც დაემოწმა:

- De profundis.

ისევ მღვდლის ხმა გაისმა;

- Requiem aeternam dona ei, Domine.

პატარა ბიჭმა დაუმატა:

- Et lux perpetua luceat ei.

ხმა მოესმა, თითქო წინწკლა დაიწყო წვიმამ იმ ფიცარზე, რომელიც გულზე აწვა, - აღბათ წმინდა წყალი მაჰკურა მღვდელმამო და იმედი მიეცა, - ახლა კი მალე გათავდებო. ცოტა მოთმინება კიდევ, მღვდელი წავა, ფოშლეგანი ღვინის გადასაკურავად წაიყვანს მეტიენს, მარტო დარჩება კუბოში და საფლავში. მერე ფოშლეგანი დაბრუნდება და ისიც ამოძვრება. ბევრი, ბევრი, ერთი საათი კიდევ.

გაისმა ისევ მღვდლის ხმა:

- Requiescat in pace.

და პატარა მგალობლის ხმა:

- ამინ.

მართლაც ყური მოჰკრა, მიმავლის ფეხის ხმა ისმოდა.

აგერ წავიდნენ, - ფიქრობდა ჟან ვალჟანი, - ახლა კი მარტო ვარ.

უცხად რაღაც დაეშვა გრიალით თავზე. ისეთი გრიალით, რომ მცხის ჩამოვარდნად ეჩვენა უბედურს.

ერთი ნიჩაბი მინა დაუშვა კუბოზე გრიბიემ.

ამ ერთს მეორე მოჰყვა.

პირთან ნახვრეტები იყო კუბოს ფიცარში. ერთი უკვე ამოიქოლა.

ერთხელ კიდევ ჩამოყარეს მინა. მეორედ...

მერე მეოთხედ.

არსებობს უფრო ძლიერი უბედურება, ვიდრე ძლიერი ადამიანი...

ჟან ვალჟანს გული წაუვიდა.

თავი მეშვიდე

არ დაგვეკარგოს შენი მონძობა

ეს კუბოში, ახლა ვნახოთ ზევით როგორ იყო საქმე.

ბალდახინი წავიდა, მღვდელი და მგალობელი თავისი ეტლით წაბრძანდნენ, ფოშლევეანი თვალს არ აშორებდა მესაფლავეს. იმან კიდევ იქვე, მინის გროვაში ჩარჭობილი თავისი ნიჩაბი ამოიღო.

მამინ ფოშლევეანმა დიდებული გადაწყვეტილება მიიღო.

საფლავისა და გრიბიეს შუა დადგა, გულხელი დაიკრიფა და გამოუცხადა:

- ფასს მე გადავიხდი.

გაკვირვებით შემოხედა მესაფლავემ და ჰკითხა:

- რის ფასს, სოფლელო?

- ფასს მე გადავიხდი-მეთქი.

- რის ფასს, რისას?

- ღვინის ფასს.

- რა ღვინისას?

- არჟანტელიასას.

- სად არის მერე არჟანტელი?

- „უმჯჯნარი კომმის“ ღუქანში.

- რას ჩამციებია, რა ვქნა, ეს კაცი? - შეჰყვირა გრიბიემ და ერთი ნიჩაბი მინა ჩაუშვა საფლავეში.

თრთოლა ფოშლევეანი, ფეხზე ველარ იდგა. სასონარკვეთა ერეოდა, თან გაცოფება და ცოფიანივით შეჰყვირა:

- ჩქარა, ამხანაგო, თორემ დაკეტავენ „უმჯჯნარ კომმის“ და ცარიელი დავრჩებით! მესაფლავემ ნიჩაბი აავსო მინით. ფოშლევეანი კი თავისას არ იშლიდა:

- ღვინის ფასს მე გადავიხდი.

და ხელი მოუჭირა გრიბიეს:

- მე მონასტრის მესაფლავე ვარ. თუ ამხანაგები ვართ, ამხანაგობაც უნდა ვიცოდეთ, მინდა დაგვხმარო, სად ოხრობაში გავგვექცევა ეს კუბო ან ეს საფლავე? იმ ღუქანს კი დაგვიკეტავენ. მოდი, ჯერ ცოტა გადავკრათ და მერე აქ მოვიდეთ.

ცდილობდა თავისას, მაგრამ თან ეჭვი ეპარებოდა: - დავათრობ კი ამ კაცს, კიდევ რომ დავიყოლიო და წამომყვესო?

- სოფელელო, - დაუნყო დარიგებით მესაფლავემ, - რაკი მასე ძალიან გინდა, მე თანახმა ვარ, პირი გავისველოთ, ოღონდ საქმეს რომ გავათავებთ. დავალებული საქმის შემდეგ, საქმის გათავების შემდეგ.

ასწია ნიჩაბი, უნდა ჩაეყარა. ფოშლევიანმა შეაჩერა:

- უბრალო ღვინო კი არ გეგონოთ, ექვსი სუ ღირს ბოთლი.

- აჰა, ღმერთო! - შეჰყვირა გრიბიემ. - ღვინო და ღვინო! მაგის მეტს ვერაფერს იტყვივით? ზარი ხომ არ ხართ, რომ სულ ღვინო, ღვინო - რეკოთ. გული გამინყალეთ ღვინით!

და ერთი ნიჩაბი მინა კიდევ ჩაყარა საფლავეში, ეს მეორე.

აღარ იყოდა ფოშლევიანმა, რა ეთქვა ან რა ექნა.

- წავიდეთ, თორემ დაგვიკეტავენ. თქვენ რა გეხარჯებათ? ფულს მე ვიხდი.

- ჯერ ეს ბავშვი დავაძინოთ, საბანი წავახუროთ, - და მესამედ ჩაუშვა ნიჩაბი მინა.

მერე ნიჩაბი მინაში ჩაარჯო და უთხრა:

- ძალიან ეციება ამალამ და ეს ქალბატონი კვილით აგვიკლუებს - საბანიც კი არ დამხურეს ამ ყინვაშიო!

აიღო ნიჩაბი, დაიკუზა, რომ მეტი მინა აეღო და გაღეღილი დაინახა ფოშლევიანმა იმისი ჯიბე.

დაინახა და თვალი ზედ დარჩა.

ჯერ არ ჩასულიყო მზე, საკმაო სინათლე იყო და ფოშლევიანმა ამ ჯიბეში შენიშნა თეთრი ქალაღლი.

უცხად სახე გაუბრწყინდა. ისე აუთამაშდა თვალი, თითქოს ქვეყნის ელვა მოერია და თვალის კაკალში გაუბრინაო. მაშინვე მოისაზრა პიკარელმა გლეხმა.

დაღუნული გრიბიე რომ ნიჩბით მინის ალებას ცდილობდა, ჯიბეში უკნიდან ხელი ჩაუყო და თეთრი ქალაღლი ამოაცალა.

ის იყო მობრუნდა გრიბიე, უნდოდა მეხუთედ აეღო მინა, მაგრამ წინ აეტუბა ფოშლევიანი, სრულიად დამშვიდებული და ჰკითხა:

- მართლა, ახალო ამხანაგო, მონშობა გაქვთ?

- რა მონშობა?

- ხედავთ, მზე მალე ჩავა.

- ჩავა და ჩავიდეს. დაიხუროს ღამის ჩაჩი.

- მერე კარს რომ დაგვიკეტავენ?

- მერე რა?

- ჰოდა, მეც მაგას გეკითხებით. თქვენ თქვენი მონშობა თანა გაქვთ?

- ჩემი მონშობა?

ჯიბეები გაიქექა მესაფლავემ, ჯერ ერთი, მერე მეორე. მერე ხელმეორედ.

- არა, თან არ მქონია. დამეინყებია.

- თხუთმეტი ფრანკი ჯარიმა! - მოაგონა ფოშლევიანმა.

გამწვანდა საცოდავი მესაფლავე. მინისფერ ადამიანს რომ შიშით ფერი ეცვლება, მწვანეს ემსგავსება.

- ღმერთო, დიადო ხატჯვარეთო - მრავალო და ვითომ - ერთო! - შეჰყვირა გაბრაზებულმა, - თხუთმეტი ფრანკი ჯარიმა!

- სამი ხუთფრანკიანი ვერცხლი.
ნიჩაბი ხელიდან გაუვარდა გრიბიეს.
ახლა ფოშლოვეანის რიგი იყო:

- კარგი ერთი, ამხანაგო, არც მასე შეშინება ვარგა. მგონი თავს მოიკლავდი და ამ საფლავში ჩაწვებოდი, მე რომ აქ არ შეგსწრებოდი. თხუთმეტი ფრანკი ფულია, მაგრამ ისე მოვახერხოთ, რომ ჯიბეში ჩაგრჩეთ და პირიც გავისველოთ. მე ბებერი ვარ და თქვენ ყმაწვილი, ახალი კაცი ხართ ჩვენს საქმეში. ჰოდა, მე უფრო ვიცი გაჭირვების აცილება. გავკრავ, ჩავკრავ, მივკრავ, მოვკრავ და ბოლოს ლამაზად გადავკრავ! ჰოდა, მამ ერთ მეგობრულ რჩევას მოგცემთ, ცხადია, მზე ჩადის, აგერ გუმბათს ესალმება. კიდევ ხუთი ნუთი და კარსაც დაგვიკეტავენ.

- რაც მართალია, მართალია!

ამ ხუთ ნუთში, ამხანაგო, ვერც ამ საფლავს ამოვავსებთ, ისე ჩავიღრმავებიათ, თითქოს გეშინიათ არ ამოძვრეს დედა-ჯვარცმაო, და ვერც შინ მიხვალთ, რომ კარის დაკეტვამდე მთარბენინოთ თქვენი მონშობა.

- ეგეც მართალია.

- და მაშასადამე ამოყაჭეთ თხუთმეტი ფრანკი.

- თხუთმეტი ფრანკი?

- მაგრამ იმას კი მოასწრებთ, რომ... სადა დგახართ?

- ვოჟირარის ქუჩაზე #87. თხუთმეტი ნუთის სავალი იქნება აქედან.

- ჰოდა, იმას კი მოასწრებთ, რომ ახლავე გახვიდეთ სასაფლაოდან თუ ფეხმა არ გიმტყუნათ.

- ეგეც მართალია.

- რაკი გახვალთ, სირბილით მიხვალთ სახლში. წამოიღებთ თქვენს მონშობას, აჩვენებთ და კარს გაგიღებენ. მონშობა რაკი თან გექნებათ, არავითარ ჯარიმას არ გადაგახდევინებენ, მოხვალთ და დამარხავთ თქვენს მკვდარს. მე კი აქ ვიქნები თქვენს მოსვლამდე, რომ არსად გაგვეპაროს ჩვენი საყვარელი მონაზონი.

- ნეტავ როგორ გადაგიხადოთ მაგდენი სიკეთე?

- აბა, მამ აჩქარდით!ყ

ძლივს დამშვიდდა შეშინებული მესაფლავე. მივარდა, ხელი ჩამოართვა მადლობით და სირბილით გაუდგა თავის გზას.

გრიბიე რომ მოიშორა, ცოტა ხანს კიდევ უგლო ყური, ვიდრე სულ მიწყდებოდა მისი ფეხის ხმა, მერე თავი ჩაყო საფლავში და დაუძახა:

- ძია მადლენ!

პასუხი არ იყო.

კანკალი დაიწყო ფოშლოვეანმა. ჩავარდა საფლავში. კუბოს თავთან მივიდა და ჩემი ხმით დაუძახა:

- მანდ ხართ?

კუბო გაჩუმებული იყო.

ისე კანკალებდა ფოშლოვეანი, რომ სუნთქვა ეკვროდა. მაშინვე მოიტანა გაზი, ჩაქუჩი და გახსნა კუბო. ფერმიხდილი იყო უან ვალჟანი, თვალდახუჭული.

თმა აეშალა ფოშლოვეანს, ჭირის ოფლმა დაასხა, წამოვარდა, მაგრამ წაბარბაცდა, კინაღამ კუბოს დაეცა, დააცქერდა უან ვალჟანს, მკვდრისფერი ედო საცოდავს.

- ვაიმე, მომკვდარა!

ნამოვარდა და ისე მაგრად დაიკრიფა გულზე ხელები, რომ თვითონვე იგრძნო მხარში ტკივილი.

- აი, როგორ გადავუხადე საწყალს სიკეთე! - ქვითინი დაიწყო და თან მოსთქვამდა მონოლოგად. ტყუილად ჰგონიათ, რომ მონოლოგი ბუნებრივი არ არის. დიდი მღელვარება რომ მოერევა ადამიანს, ის ატანს ძალას და ათქმევინებს:

- სულ იმ ლოთი მეტიენის ბრალია! არა, რა ღროს სიკვდილი იყო, რომ მომკვდარა ის უბედური ისა! რა ეჩქარებოდა? იმან მოკლა ძია მადლენი. აგერ კუბოში წევს! ბატონო მადლენ! რაღას გააგონებ! მკვდარს წამოაყენებ? არა, რას წარმოვიდგენდი, რომ ასე მიღალატებდა ის სულწაწყმედილი, ისა! ღმერთო, ღმერთო, მკვდარია კაცი! კარგი და იმ პატარა გოგონას რაღა ვუყო? რას მეტყვის მეხილე დედაკაცი? არა, ასე საძაგლად მოკვდეს მადლით სავსე კაცი? სად არის, ღმერთო, შენი სამართალი? მადლიანი რომ არ ყოფილიყო, იმ ტალახში ჩაწვებოდა, თავს განირავდა ჩემთვის? ძია მადლენ! ძია მადლენ! ჰაერი არ ჰქონდა, დაიხრჩობოდა, მაშ რა მოუვიდოდა? განა არა, ვეუბნებოდი, მაგრამ რა ვქნა, რომ არ დამიჯერა? ძალიან ოინი მოგვივიდა. მოვკალით კაცი, ანგელოზებით წმინდა, იმისთანა გულკეთილი, რომ მეორე არსად იქნება ამის დარი. ახლა პატარა გოგო! არა, მე იქ ვეღარ მივალ, მეც აქ დავერჩები. არა, რა ღმერთი გაგვინცრა? ორის სიბერე არა კმაროდა, რომ სიგიჟეც არ შემოგვპარვოდა? ნეტავ, როგორ შემოვიდა მონასტერში? იქიდან დაიწყო ჩვენი უბედურება. სულ იმ ჩუმად შემოძრომის ბრალია ყველაფერი. ძია მადლენ! მადლენ! ბატონო მადლენ! ბატონო მადლენ! ბატონო მერო! არა, არ ესმის. მოდი შენა და...

თმაში იტაცა ხელი

შორიდან ჭრიალი მოესმა. ალბათ დაკეტეს სასაფლაოს კარი.

დაიღუნა ფოშლეგანი, ახლოდან დახედა უან ვალჟანს და ისე შეხტა უცბად, რომ კინაღამ წაიქცა.

თვალი გაეხილა უან ვალჟანს და მტირალს უყურებდა.

საზარელია მკვდარი, მაგრამ უფრო საზარელი უნდა იყოს მკვდრის გაცოცხლება. გაქვავებულივით იდგა ფოშლეგანი. ფერმიხილი, შეშლილივით თვალედაჭყეტილი და საკვირველიც არ იქნებოდა, რომ შეშლილიყო, იმოდენა ვაი-ვაგლახი და ვარამი ნახა იმ საღამოს. ისე იყო გაშტერებული, რომ ვეღარ გავგო, ვისთან ჰქონდა საქმე, მკვდართან თუ ცოცხალთან? იდგა და შიგ თვალში ჩასცქეროდა უან ვალჟანს.

- მგონია, ჩამეძინა, - უთხრა უან ვალჟანმა.

და წამოინია, წამოჭდა.

დაიჩოქა ფოშლეგანმა.

- ეჰ, მე კი გული გამიხეთქეთ და!

მერე წამოვარდა და შეჰყვირა:

- გმადლობთ, ძია მადლენ!

უან ვალჟანს გული წასვლოდა. ცივი ჰაერი რომ მოხვდა და სუნთქვა შეძლო, მაშინვე მოსულიერდა.

სიხარული შიშის უკუქცევდა. უან ვალჟანი უფრო ადვილად მოსულიერდა, ვიდრე გახარებული ფოშლეგანი მოიკრებდა გონებას.

- მაშ, ცოცხალი ხართ? ღმერთო, რა აზრიანი კაცი ყოფილხართ! იმდენი გიყვირეთ, იმდენი, რომ გამოგაბრუნეთ, როგორც იყო! კუბო რომ ავხადე და თვალდახუჭული დაგინახეთ, გული გამისკდა, - დამხრჩვალის მეგონეთ, კინალამ გავგიჟდი კაცი! გარწმუნებთ, თვალი რომ არ გავციხლათ, დასაბმელი გიჟი ვიქნებოდი. არა, რაღას გავანცობდი მე უბედური, თუკი თქვენ არ მეყოლებოდით? ახლა თქვენი პატარა გოგო? ვადაირეოდა ჩემი ნაცნობი მეხილვე, გოგო კალათში ჩაუსვს და მერე გამოუცხადეს, - პაპამ შენი ჭირი წაიღო, გოგოს შენ მოუარეო! მოდი შენა და!.. ძალიან კი ვადავრჩით, ჰა? მართლა, რომ ძალიან ვადავრჩით! მაღლი თქვენს მოხერხებას და სამოთხის წმინდანებს! მაშ, ცოცხალი ხართ, ჰა? აი ეს კი დიდებულაია!

- მცივა, - უთხრა უან ვალუჟანმა.

ამ სიტყვამ მოიყვანა ჭკუაზე ფოშლევენი, - მოაგონა საქმის ვითარება და აჩქარების საჭიროება, მოსულიერდნენ ორივე, მაგრამ ისე იყვნენ, თითქოს ჯანლი აჰყვარებიათ თვალეებზე და ვერაფერს ხედავენო.

- აბა, წავიდეთ! - შეჰყვირა ფოშლევეანმა.

ხელი ჩაიყო ჯიბეში და პატარა მათარა ამოაძვრინა:

- ჯერ პირი გავისველოთ.

არაყი რომ მოხვდა უან ვალუჟანის გულს, მაშინვე წამოვარდა და თავი დაახურა კუბოს.

საჩქაროდ დალურსმეს ცარიელი კუბო და ამოძვრნენ საფლავეიდან.

ახლა კი სრულიად დამშვიდებული იყო ფოშლევეანი. საშიში აღარაფერი ჰქონდა. სასაფლაო დაკეტილი იყო. კიდევ რომ მოსულიყო მესაფლავე გრიბიე, წესრიგში დახვდებოდა ყველაფერი. ან ასე მალე როგორ მოვიდოდა? ის ახლა თავის მონშობას ეძებდა. ეძებდა და ვერ იპოვიდა, რადგან მონშობა ფოშლევეანს ელო ჯიბეში და მონშობის გარეშე კი სასაფლაოს კარს არ გაუღებდნენ.

ფოშლევეანმა ნიჩაბი აიღო, უან ვალუჟანმა ბარი და ღირსეულად დაასაფლავეს ცარიელი კუბო.

რომ გაათავეს, მოასწორეს საფლავეი, ფოშლევეანმა ურჩია:

- ახლა კი წავიდეთ. ბარი მე მომეცით, თქვენ - ნიჩაბი.

დაღამდა.

უან ვალუჟანს ჯერ ისევ უჭირდა სიარული. დიდი ხანი იწვა კუბოში უძრავად, გაქვავებული და მიმკვდარებულს ჰგავდა. ძარღვებგაქვავებული იწვა? და თანაც გამოჰყოლოდა. საჭარო იყო ღრო და მოძრაობა, რომ მოემორებინა ეს გათოშვა.

- თქვენ გაყინული ხართ, - მიმართა ფოშლევეანმა, - მე კოჭლი, მოდი ერთი და ჩქარა იარე!

- ცოტა დამაცადეთ, ფეხი გავანძრიო, მერე მე ვიცი.

იმ ხეივნითვე მიდიოდნენ, რომლითაც ბალდახინმა მოაბრძანა. კარი დაკეტილი დახვდათ, ფოშლევეანს ხელში გრიბიეს მონშობა ეჭირა. მივიდა, ნახვრეტში ჩაუშვა. მეკარემ თოკი მოსწია. კარი გაიღო და გავიდნენ.

- ხედავთ, რა კარგად მიდის საქმე. რა მშვენიერად მოგისაზრებიათ ყველაფერი, ძია მაღლენ!

ვოჟირარის სადარაჯოსთან ხმა არავინ გასცა: სასაფლაოდან მიდიოდნენ მუშები, ხელში ბარი და ნიჩაბი ეჭირათ: აქ ერთი და მეორეც პასპორტს უდრიდა.

ვოჟირარის ქუჩაში აღარავინ ჩანდა.

- ძია მადლენ, - სთხოვა ფომლევანმა, რომელიც კაი ხანი იყო, სახლის ნომრებს სინჯავდა, - თქვენ კარგად ხედავთ, დამანახვეთ #87, თორემ ვერაფერს ვარჩევ.

- აგერ, იქით მივდივართ, - უპასუხა ჟან ვალჟანმა და სახლთან მიიყვანა.

- მიბოძეთ ნიჩაბი და ცოტა ხანს აქ დამიცადეთ, სულ რამდენიმე წუთს შეგავგიანებთ.

შევიდა სახლში, აჰყვა კბებს. სულ ზევით ავიდა. ღარიბი კაცის ალღოს მისდევდა, რომელიც სხვენისაკენ იზიდავს. კარზე დააკაკუნა.

- მობრძანდით.

გრიბიეს ხმა იყო.

შეაღო კარი. მესაფლავე გრიბიეს ბინა ისეთივე იყო, როგორიც ყველა ღარიბის. სხვენის ნაწილი, მოუწყობელი და გადასაცრელი საგნებით გატენილი. რაღაც ყუთი იდგა. იქნებ კუბოც ყოფილიყო, კამოდის დანიშნულებას ასრულებდა, და ქილა - წყაროსას. ლოგინის მაგივრად ჩალოს ლეიბი ეგდო იატაკზე. არც მაგიდა ჩანდა, არც სკამები. კუნჭულში, ძველი ხალიჩის ნაჭერზე ერთი ქალი იჯდა და ჯგუფად რამდენიმე ბავშვი. არეულ-დარეული იყო ყველაფერი, თითქოს მინისძვრა ყოფილიყო მარტო ამ ერთისთვის. სახურავი არაფერს ეხურა. დაგლეჯილი ტანისამოსი ძირს ეყარა, სურა გატეხილი ეგდო. დედას ეტირა, ბავშვები ეტყობოდა, ვალახულები იყვნენ, საშინელი სასტიკი ჩხრეკა უნდა ყოფილიყო ამ სახლში. ცხადი იყო, მესაფლავე გამშავებულიყო თავისი მოწმობის ძეგნაში და დამნაშავედ თავის ბინას თვლიდა, ბარგს, ცოლს, შვილებს და ჯავრიც იმათზე ამოეყარა.

მავრამ ისე ეჩქარებოდა ფომლევანს, რომ ყურადღება არაფრისთვის მიუქცევია.

შევიდა და არც კი მიესალმა:

- აი, თქვენი ბარი და ნიჩაბი.

განცვიფრებული შეჰყურებდა გრიბიე.

- თქვენ ხართ, სოფლელო?

- და ხვალ დილით სასაფლაოს მეკარეს გამოართმევთ თქვენს მოწმობას.

ბარი და ნიჩაბი ძირს დადო.

- მე რომ ვერაფერი გავიგე?

- რა არის აქ ძნელი გასაგები? ალბათ ჯიბიდან ამოგივარდათ თქვენი მოწმობა და მე ვიპოვე იქვე, საფლავის პირთან, თქვენ რომ წამოხვედით, მკვდარს თავისი მინა დავყარე, საფლავი ამოვავსე, თქვენი საქმე მე გავაკეთე. მოწმობა მეკარეს ჩავაბარე და აღარც თხუთმეტფრანკიან ჯარიმას გადაიხდით. ახლა?

- დიდი მადლობა, სოფლელო, - შეჰყვირა გახარებულმა გრიბიემ, - შემდეგში ყელს რომ გავისველებთ, ფულს მე ვიხდი.

თავი მერვე

წინამძღვარსაც მოეწონა

ერთი საათის შემდეგ, როდესაც კარგად დადამდა, პიკუსის ქუჩის ##62-ის კარს ორი კაცი და ერთი პატარა გოგონა მიადგა. კარს გარედან პატარა ჩაქუჩი ეკიდა დასაკაკუნებლად. დააკაკუნეს.

ფომლევანი, ჟან ვალჟანი და კოზეტი იყვნენ.

ორივე ერთად წასულიყო მეხილესთან კოზიეტის წამოსაყვანად. კანკალში გაატარა ეს დღე და ღამე საბრალო გოგონამ. სულ ტენარდიე ელანდებოდა. ისე კანკალებდა, რომ ვერც ხმის ამოდებას, ვერც ტირილს ახერხებდა. უძილოდ გაეტარებინა მთელი ღამე და ლუკმაპურიც არ შეეჭამა, რაც იქ იყო. ხან რას ჰკითხავდა მასპინძელი, ხან რას, მაგრამ ხმას არ იღებდა გოგონა და თრთოდა. გრძნობდა, რომ რაღაც მოხდა ამ ორი დღის განმავლობაში, მთლად აირია მისი ცხოვრება და სულ იმას ფიქრობდა, - ჭკვიანად უნდა ვიყო, - ამიტომ იყო, რომ ჰასუსს არ აძლევდა მეხილეს. საკვირველი ძალა აქვს ამ სამ სიტყვას, - არა სოქვა რა, - შეშინებულ ბავშვს რომ ჩასჩურჩულებენ ყურში. შიში მუნჯია და არავინ იცავს საიდუმლოს ისე კარგად, როგორც ბავშვი.

უან ვალუანი რომ დაინახა ამ უბედური დღე-ღამის შემდეგ, ისე შეჰკვივლა სიხარულით, რომ ვისაც უნდა გაეგონა, სათლავიდან ამოყვანილის სიხარულს იგრძნობდა მის ყვირილში.

ფოშლევანმა იცოდა ის საიდუმლო სიტყვა, რომელიც ყველა კარს გაუღებდა მმთელ მონასტერში.

ასე დამთავრდა ორმაგი და საშინელი საკითხი: გასვლა და ისევ მონასტერში შესვლა.

ფოშლევანმა უან ვალუანი და კოზიეტი იქ შეიყვანა, სადაც გუშინ დედანინამძღვრის ბრძანება მიიღო.

წინამძღვარი უკვე იქ ბრძანდებოდა კრიალოსნით ხელში. გვერდით ერთი ხმოსანი დედა ედგა, პირბალით, პატარა შანდალში სანთელი ერთო და ოდნავ ანათებდა ოთახს.

ჯერ კარგად გასინჯა წინამძღვარმა უან ვალუანი, თვალდაშვებულზე კარგად ვერავინ სინჯავს საგანს.

მერე გამოკითხვა დაუნყო:

- თქვენ ძმა ხართ?
- დიახ, ღირსო დედაო, - მიუგო ფოშლევანმა.
- რა გქვიათ?
- ულტიმ ფოშლევანი.

ფოშლევანს მართლა ჰყოლოდა ერთი ძმა, სახელად ულტიმი, მაგრამ მოკვდომოდა.

- სადაური ხართ?
- პიკინელი გახლავთ, ამიენის ახლოდან.
- რამდენი წლის ხართ?
- ორმოცდაათის გახლავართ.
- თქვენი ხელობა?
- მებაღე გახლავართ.
- კარგი ქრისტიანი ხართ?
- ჩვენს ოჯახში ყველანი კარგი ქრისტიანები გახლავან.
- ეს პატარა თქვენია?
- დიახ, ღირსო დედაო.
- მამა ხართ მისი?
- არა, პაპა გახლავართ.

ხმოსანმა დედამ მოახსენა წინამძღვარს ჩუმი ხმით:

- კარგ პასუხებს იძლევა.

ხმა არ ამოიღო უან ვალუჟანმა.

ახლა კოზეტს დაამტერდა წინამძღვარი და, კარგად რომ გასინჯა, ჩუმი ხმით უთხრა ხმოსან დედას:

- ლამაზი არ იქნება, რომ გაიზრდება.

ცალკე მიიკუჭნენ, მოილაპარაკეს, შეთანხმდნენ, მერე ფოშლევიანისკენ მიბრუნდა წინამძღვარი და უთხრა;

- ძია ფოვან, მეორე ზანზალაკი დაგვჭირდება, ამიერიდან ორი ზანზალაკი იქნება ბაღში.

მართლაც, რომ გათენდა, ბაღში ორი ზანზალაკის ხმა ისმოდა და მონაზვნებიც სცოდავდნენ და მალლა იწევდნენ პირბადეს, რომ უკეთ დაენახათ ორივე. ბაღში ორი კაცი ჩანდა, ერთად ბარავდნენ მიწას, ფოვანი და ერთი კიდევ სხვა. რალაც მოხდა, რამაც მთლად აათუორიაქა მონასტერი და მრავალი ცოდვა ჩაიდინეს იმ დღეს მონაზვნებმა, თითქმის ყველამ დაარღვია სავალდებულო დუმილი. ჩურჩულით ეუბნებოდნენ ერთმანეთს:

- მებალის დასახმარებლად ვილაც აუყვანიათ.

ხმოსანი დედები მეტსაც ამბობდნენ:

- ძია ფოვანის ძმაა.

უან ვალუჟანი დაბინავდა მონასტერში, მებალედ მიიღო წინამძღვარმა. მუხლზე სანვივე ეკრა და ზედ წესისამებრ პატარა ზანზალაკი ეკიდა.

მოსამსახურედ იყო მონასტერში, თავისი თანამდებობა ჰქონდა, სახელად ულტიმ ფოშლევიანი ერქვა.

უან ვალუჟანის მიღების უმთავრესი მიზეზი წინამძღვრის სიტყვა იყო კოზეტის შესახებ, - ლამაზი არ იქნება, რომ გაიზრდებოდ.

ასე წარმოიდგინა კოზეტის მომავალი; თავისად დაიგულა და ამიტომ უფრო მეტი თანაგრძნობით შეუწყო ხელი, სამადლოდ აღსაზრდელად მიიღო პანსიონში.

მონასტრის ინტერესით ხელმძღვანელობდა, ასე რომ მოიქცა. მართალია, სარკე არა აქვთ მონასტერში, მაგრამ ქალმა უსარკოდაც იცის, რამდენად ლამაზი და თვალწარმტაცია. თუ ლამაზია ქალი, ძალიან ძნელად შევა მონასტერში მონაზვნად. რაც უფრო ლამაზია ქალი, იმდენად ნაკლებად აქვს მონაზვნობის სურვილი და ამიტომ არის, რომ მონასტერს უშნო, უღაზათო ქალების იმედი უფრო აქვს და მათ უფრო სწყალობენ.

ძალიან აამაღლა ამ ამბავმა ბებერი ფოშლევიანი და დიდი პატივისცემაც შესძინა, სამმაგ წარმატებას მიაღწია: იმის მშეს ფიცავდა უან ვალუჟანი, რომელმაც მისი დახმარებით ბინაც იშოვა და განსაცდელიც მოიპოვა; პატივისცემა დაიმსახურა მესაფლავე გრიბიისი, რომელსაც იმოდენა ჯარიმა ააცდინა. დიდი მადლობა დაიმსახურა წინამძღვრის და მონაზვნებისა, რომელთაც ნატვრა აუსრულა, და მონასტერშივე, აკლდამაში დაასაფლავე განსვენებული დედა-ჯვარცმა. - გვერდი აუარა კვისარს და დააკმაყოფილა ღმერთი. კუბო თავისი მიცვალებულით დარჩა მონასტერში და ცარიელი კუბო დამარხულ იქნა ვოჟირარის სასაფლაოზე. საზოგადოებრივი წეს-წყობილება, ცხადია, ღრმად უნდა ყოფილიყო მთავრობის კანონიერი განკარგულების დარღვევით აღშფოთებული, მაგრამ სრულიად

შეუმჩნეველად ჩაიარა ამ უკანონობამ, მონასტერი დიდად აფასებდა ფოშლევეანის ღვანლს და საუკეთესო მოსამსახურის და საგანგებო მებაღის სახელით ჰყავდა დაჯილდოებული. ცოტა ხნის შემდეგ, ეპისკოპოსი რომ ეწვია მონასტერს, წინამძღვარმა დაწვრილებით უამბო, ცოტაოდენი თავის ქებით და გულწრფელი დანდობით, ფოშლევეანის დიდი ღვანლი. ეპისკოპოსმა ბატონი დე-ლატინი ნახა, სასახლის მოძღვარი, შემდეგში რეიმსის ეპისკოპოსი და კარდინალი. ჩუმი ხმით და დიდი ქებით უამბო ფოშლევეანის მოხერხებულობის შესახებ. პატივსაცემი გახდა ფოშლევეანის სახელი; იარა ამ სახელმა და რომშიც კი ჩავიდა. პატარა წერილი გვაქვს მამინდელი პაპის, ლეონ მეოთხრემეტის, პარიზში პაპის მოადგილისადმი, თავის ნათესავ დელლა-გენგასადმი მიწერილი. აი, რას ნახავთ ამ წერილში: „პარიზის ერთ მონასტერში საკვირველი მებაღე არის თურმე, წმინდათა შორის ჩასარიცხველი, სახელად ფოვანი“. სახელოვანი, დიდებული კაცი გამხდარიყო ძია ფოშლევეანი და თვითონ კი ამის შესახებ არაფერი იცოდა. იღვა და ბარავდა, სხლავდა, თოხნიდა, სანესვეს ფალასს აფარებდა; არც თავის დიდებისა იცოდა რამე, არც წმინდანებისა; თავის სახელოვნობის ისევე არაფერი იცოდა, როგორც დურგემელმა თუ, არ ვიცი, სურელმა ხარმა, რომლის სურათი დაბეჭდილი იყო |ლლუსტრატედ ლონდონ ნენს-ში ამ წარწერით: რქიანი საქონლის გამოფენაზე მიღებული აქვს პირველი ჯილდო.

თავი მეცხრე მონასტერში

მონასტერშიც გაჩუმებული იყო კომეტი.

ჟან ვალუჟანი თავის მამად მიაჩნდა. თავისი წარსულის არაფერი იცოდა და ამიტომ ვერც იტყოდა რამეს. კიდევ რომ სცოდნოდა, მაინც არ იტყოდა. მგონი ვთქვით, უბედურება ენას აუბამს ხოლმე ბავშვს. იმდენი ტანჯვა-ვაება გამოიარა საცოდავმა, რომ ყველაფრის ემინოდა, ხმის ამოღებას ვერ ბედავდა, სუნთქვას ვერ ბედავდა თავის ნებაზე. რამდენი ცემა-ტყეპა და ლანძღვა-გინება რგებია მარტო იმისთვის, რომ არ მოსწონებიათ მისი სიტყვა. ძლივს ცოტა გაბედულება დაეტყო მას შემდეგ, რაც ჟან ვალუჟანთან იყო. მონასტერსაც ადვილად მიეჩვია. ოლონდ ძალიან წუხდა, რომ თან არ ჰყავდა თავისი დედოფალა, მაგრამ ამის თქმას როგორ გაბედავდა? ერთხელ კი როგორღაც წამოსცდა და შესჩივლა ჟან ვალუჟანს:

- რომ მცოდნოდა, მამაჩემო, იმასაც თან წამოვიყვანდი.

რაკი მონასტერში იყო და პანსიონელი გახდა, ტანსაცმელიც მოწაფის უნდა ჩაეცვა. ჟან ვალუჟანმა სთხოვა, - ძველი ტანსაცმელი მე მიბოძეთო; ის ტანისამოსი იყო სამგლოვიარო, ბავშვს რომ ჩააცვა ტენარდიესგან წამოყვანის დღეს. ჯერ გაცვეთილი არ იყო. ქათური დააყარა, შიგვე ჩადო იმისი წინდები და ფეხსაცმელი, დაუმატა მრავალი სურნელოვანი, რომლებიც ყოველთვის ბლომად აქვს მონასტერს, ჩაალაგა სადღაც და როგორღაც შექინილ ყუთში და თავის ლოგინთან დადო სკამზე. ყუთის გასაღები ყოველთვის ჯიბეში ჰქონდა.

- მამაჩემო, - მიმართა ერთხელ ტოროლამ, - ნეტავ რა გაქვთ ამ ყუთში, რომ ასე კარგი სუნი უდის?

ძია ფოშლევეანიც ძალიან კმაყოფილი იყო. გარდა იმ დიდებისა და სახელოვნებისა, რომელიც მოგახსენეთ და რომლისაც თვითონ არაფერი იცოდა,

სრულიად ბედნიერად თვლიდა თავის ცხოვრებას; შრომაც იმდენი აღარ სჭირდებოდა, რადგან ამხანავი ჰყავდა და კარგადაც ეხმარებოდა; და იმიტომაც, რომ სრულიად საკმარისად ჰქონდა თავისი საყვარელი თამბაქო; ერთი-სამად მეტს ეწეოდა, ვიდრე წარსულში და ტკებოდა თამბაქოს წევით, თამბაქოს კვამლით, რადგან მის ფასს უან ვალუჟანი იხდიდა.

მონაზვნებმა ვერ შეითვისეს სახელი ულტიმი. უან ვალუჟანს მეორე ფოვანს ეძახდნენ.

ცოტა რამ, იოტისოდენი რომ ჰქონოდათ ამ წმინდა ქალებს უავერისა, ადვილად შენიშნავდნენ, რომ როცა ქალაქში გასვლა იყო საჭირო ბაღის ან ბოსტნის საჭიროებისთვის, ყოველთვის უფროსი ფოშლევენი მიდიოდა, ბებერი, ხეიბარი, კოჭლი, და მეორე კი არსად გადიოდა. მაგრამ ეს გარემოებაც კი ვერ შენიშნეს, რადგან ღვთისადმი მიმართული თვალი მიწიერს ვერაფერს ხედავს ალბათ. ან კიდევ იმიტომ, რომ ერთმანეთს ადევნებდნენ თვალყურს და სხვებისთვის არ ეცალათ.

კიდევ კარგი, რომ ასე ფრთხილად მოიქცა უან ვალუჟანი. ერთხელ არსად გასულა თავის სამალავიდან, თორემ უავერს ვერ ასცდებოდა. იქ ტრიალებდა უავერი მთელი თვის განმავლობაში და თავის ნადირს ეძებდა. უან ვალუჟანისთვის ეს მონასტერი პატარა კუნძული იყო, ყოველმხრივ დიდი უფსკრულით გარშემორტყმული. ეს ბაღი იყო ამიერიდან მისთვის მთელი ქვეყანა: ცას ხედავდა, რომ დამშვიდებული ყოფილიყო და თავის კოხეტს, რომ ბედნიერი ყოფილიყო.

ერთხელ კიდევ ეღირსა ტკბილი ცხოვრება.

ბაღის ბოლოში დანგრეულ სახლში დარჩენილიყო სამი პატარა ოთახი და იქ ცხოვრობდა ფოშლევენთან, ჯერ ისევ შეიძლებოდა ამ პატარა სახლის ნახვა 1845 წელს. დიდი ოთახი ძია ფოშლევეანმა უან ვალუჟანს დაუთმო. უარზე იყო უან ვალუჟანი, არ თანხმდებოდა, მაგრამ ისე ჩააცვიდა ფოშლევეანი, რომ აიძულა და ძალდატანებით შეიყვანა. ეს ოთახიც სხვებივით მიტოვებული იყო. კედელზე ორი ლურსმანი მიემარებინათ: ერთზე სანვივე ეკიდა თავის ზანზალაკით, მეორეზე - გუდა. კედლის დასამშვენებლად ბუხრის თავზე 1793 წლის მეფის ფული ჰქონდა მიკრული, რომლისაც მარტო წარწერები მოგვცავს, რადგან სილამაზის მხრივ საზიზღრობას წარმოადგენდა:

კათოლიკეებისა

მეფის სახელით

ბონი ათი ლივრისა

ლაშქრისათვის შექმნილი საქონლის გადასახდელად.

გასანადღებელი, როდესაც მშვიდობიანობა დამყარდება.

სერია 3#10390

სტოფლე და მეფის არმია

ეს ასიგნაცია ვანდეური იყო, კედელზე მიეკრა ფოშლევეანის წინა მებაღედ მყოფ შუანს, რესპუბლიკის მტერს. ეს მებაღე იქვე მომკვდარიყო მონასტერში და მის მაგივრად ფოშლევეანი მიეღოთ.

უან ვალუჟანი მთელი დღე ბაღში იყო, მუშაობდა და სასარგებლოც იყო მისი შრომა. წინათ, სიყმნვილეში, გამსხლავად იყო და ახლა სიამოვნებით დაიწყო მებაღეობა. მკითხველს ემახსოვრება, რომ მცენარეების გამრავლების და სასარგებლოდ გამოყენების მრავალი საშუალება იყო და აქ გამოიყენა თავისი

ცოდნა. ბაღში ხე არ იყო, რომ ნამყენი არ ყოფილიყო. მიჰყო ხელი და ყველაზე ამყნო საუკეთესო ხილი.

კოზგეტს ნება ჰქონდა, ყოველდღე მისულიყო ჟან ვალუჟანთან და ერთი საათი მასთან ყოფილიყო. მონაზვნები სულ დაღვრემილები იყვნენ, ჟან ვალუჟანი კი - მხიარული, გულკეთილი, მოალერსე. ადარებდა მათ ბავშვი და აღმერთებდა თავის მამობილს. დანიშნულ დროს სირბილით მიცქრიალებდა მებაღეების სახლისაკენ. შვეიდოდა და სამოთხედ გარდაქმნიდა ულაზათო ოთახს, ვარდივით გაიშლებოდა ხოლმე ჟან ვალუჟანი; გრძნობდა, რომ რაც უფრო მეტად აკმაყოფილებდა კოზგეტის სურვილებს, მით უფრო ბედნიერი იყო. იმით არის ნეტარი ჩვენ მიერ მიძღვნილი სიხარული, რომ სხვა ანარეკლივით არ ქრება; პირიქით, უფრო გაბრწყინებული გვიბრუნდება; პანსიონელების დასვენების დროს ჟან ვალუჟანი ყოველთვის ბაღში იყო, შორიდან უყურებდა კოზგეტის სირბილს და თამაშს და ტკებოდა მისი სიცილით.

ღიახ, ახლა კი იცინოდა კოზგეტი.

ცოტა იერიც გამოსცვლოდა პატარა გოგონას. მწუხარება აღარ ემჩნეოდა სახეზე. სიცილი მზე და ზამთარს განდევნის ადამიანის პირისახიდან. კოზგეტი თუმცა ულამაზო იყო, მაგრამ სანდომიანი ხდებოდა. იგი ჭკვიანურად ლაპარაკობდა ბავშვური, ტკბილი ხმით.

დასვენება რომ გათავდებოდა, კლასში შვეიდოლდენ ბავშვები, ჟან ვალუჟანი იმის კლასის ფანჯარას უყურებდა. ღამით დგებოდა, რომ პანსიონელების სანოლი ოთახის ფანჯარისთვის შეეხედა.

ესეც ღვთის განგება იყო ალბათ. ცალკე მონასტერმა და ცალკე კოზგეტმა შეავსო და გაამაგრა ეპოსკოპოსის მიერ აღძრული რწმენა ჟან ვალუჟანში. ჭეშმარიტებად უნდა ჩაითვალოს ის დებულება, რომ სათნოების ერთი მხარე ამპარტავენობის მოსაზღვრეა; შუაში პატარა ხილია, ეშმაკის ვადებელი. ჟან ვალუჟანი შეუმჩნევლად და თავისდა უნებურად იქნებ ძალიან ახლოსაც იყო ამ მხარესთან და ხილთან მისული, როდესაც განგებამ მცირე პიკუსის მონასტერს მოაყენა. მანამ განსვენებულ ეპისკოპოსს ედრებოდა, თავს უღირსად ცნობდა და თავმდაბლად იქცეოდა; მაგრამ ბოლო ხანს სხვებსაც ადარებდა თავს და სიამაყეს გრძნობდა. ვინ იცის, იქნებ მონასტერი რომ არ შეხვედროდა, ნელ-ნელა ისეც სიძულვილისთვის გაეხსნა გული.

მონასტერმა არ მიუშვა დაღმართამდე.

ეს პატიმრობის მეორე ადგილი იყო, მისგან ნაგეში. თავის სიყმაწვილეში, იმ დროის განმავლობაში, რომელიც ცხოვრების დასაწყისს წარმოადგენდა, ერთი სხვა ნახა, საშინელი, საზარელი, რომლის სიმკაცრე ყოველთვის მართლმსაჯულების უარყოფად და კანონიერების შემრცხვენად მიაჩნდა. დღეს კი კატორღის შემდეგ მონასტერს ხედავდა. კატორღაში მისი წევრი იყო, აქ კი მხოლოდ მაყურებელი. თავის გულში ორივეს ერთმანეთს ადარებდა.

ხანდახან დაეყრდნობოდა ხოლმე ბარზე და ნელ-ნელა ჩადიოდა თავისი ფიქრების უძირო ხერხელში.

აგონდებოდა თავისი ძველი ამხანაგები, რა უბედურები იყვნენ! ირიჟრაჟებდა, წამოცვივდებოდნენ და ოფლი სდიოდათ დაღამებამდე. საკმაო ძილიც კი ენატრებოდათ. სამგზავრო სანოლებზე ეძინათ, რომლებზეც ნახევარი სანტიმეტრის სისქე ლეიბები ეგოთ. ოთახში საშინელი ყინვა უნდა ყოფილიყო, რომ ერთხელ მანც აენტოთ ცეცხლი, რაღაც წითელი, საზიზღარი ხალათი ეცვათ. დიდად უნდა

შებრალებოდათ კაცი, რომ ცხელ ზაფხულში მსხვილი ტილოს შარვლის ჩაცმის ნება მიეცათ და დიდ ცინვაში - წელიწადის რისამე შემოხვევის. ღვინოს და ხორცს მარტო მაშინ აღირსებდნენ, როდესაც ზედ უნდა დაჰკვდომოდნენ სამუშაოს. თავისი სახელი აღარ ჰქონდათ, ცოცხალი ადამიანები ციფრებად გარდაეცმნათ და ნომრებით უხმობდნენ, აღარც თვალი ჰქონდათ, რომ პირდაპირ შეეხედათ, აღარც ხმა, რომ ეთქვათ რამე. თმა აღარ ჰქონდათ თავზე, რომ ადამიანს ჰგვანებოდნენ, სირცხვილის წუმპეში ეყარნენ, მოღერებული კეტის და მათრახის ქვეშ.

მერე ფიქრით იმათ სინჯავდა, ვინც თვალწინ ჰყავდა, ესენიც თმაგაკრეცილები იყვნენ, ვისაც აქ ხედავდა, თვალახვეულები, ხმაგაკრეცილები, სირცხვილის წუმპეში არ ეყარნენ, მაგრამ მასხრად ადებულნი და განკიცხულნი იყვნენ საზოგადოების ერთი ნაწილისგან. კეტით და მათრახით მათ არავინ სცემდა, მაგრამ ბეჭები აჭრელებული ჰქონდათ მონაზნური ქენჯნით; მათი სახელებიც გამქრალიყო, და ახლა სხვა სახელებით ცხოვრობდნენ, წმინდანთა თვისებების აღმნიშვნელი სახელებით. თავის დღეში არ ეღირსებოდათ ხორცი ან ღვინო და ხშირად დილიდან საღამომდე მძივრები იყვნენ, ნითელი ხალათის მაგივრად შავი სამოსი ეცვათ, სუდარის მსგავსი, მეტად მძიმე ზაფხულში, მსუბუქი ზამთარში, და არ შეეძლოთ ჩაემატებინათ ან შეესწორებინათ რამე, უხეში მატყლის შერანგი ეცვათ მთელი ექვსი თვის განმავლობაში, რომლითაც ავად ხდებოდნენ ყველანი. - პატარ-პატარა სენაკში ცხოვრობდნენ, სადაც თავის დღეში ცეცხლს არ აანთებდნენ. ლეიბზე კი არ იწვნენ, რომლის სისქე ნახევარ სანტიმეტრზე მეტი არ უნდა ყოფილიყო, ჩალა ჰქონდათ გამლილი და იმაზე ეყარნენ. ძილიც კი არ ჰქონდათ საკმარისი; მთელი დღის შრომით დაქანსულნი, როგორც კი ჩაეძინებოდათ, როგორც კი იგრძნობდნენ ცოტა დასვენებას და გათბობას, უნდა წამომდგარიყვნენ, შესულიყვნენ გაყინულ, ბნელ საყდარში და გაყინულ ფილაქანზე დაჩოქილებს ლოცვით მიემართათ ღვთისადმი. ასე ხდებოდა ყოველ დამე, უკლებლივ.

დანესებული იყო მონანიების დღეები, როდესაც ყველა მონაზონი რიგრიგობით, თორმეტი საათის განმავლობაში, უნდა მდგარიყო მუხლმოყრილი ფილაქანზე, ან, თუ დაიღლებოდა, პირდაღმა გდებულყო ჯვარედინად განვდილი ხელებით.

ისინი კაცები იყვნენ, ესენი დედაკაცები.

რა დააშავეს იმ კაცებმა? მოიპარეს, გახრწნეს, გაძარცვეს, მოკლეს. ყაჩაღები იყვნენ, ავაზაკები, სიყალბის ჩამდენები, მომწამვლელები, ხანძრის წამკიდებლები, კაცისმკვლელები, მამისმკვლელები.

ამ ქალებმა რაღა დააშავეს? არათფერი.

ერთი მხრივ ავკაცობა, ყაჩაღობა, ყალბის ქმნა, ბოროტმოქმედება, ძალმომრეობა, უინიანობა, კაცის კვლა, - ყოველგვარი ცოდვა და გახრწნილება.

მეორე მხრივ - ერთადერთი რამ - უბინოება.

სრულქმნილი უბინოება, რაღაც საიდუმლო ამაღლებით ზეცისადმი მიძღვნილი, სათნოებით ჯერ ისევ ქვეყნიური და სინმინდით კი უკვე ზეციური.

ერთი მხრივ, ჩუმი აღიარება ბოროტებისა, რომელსაც გულში იმაღავს კაცი, მეორე მხრივ - აღიარება შეცდომისა, რომელსაც ხმამაღლა გაიძახის ქალი.

მერე რა არის ერთის ბოროტება და მეორის შეცდომა?

ერთი მხრივ - გახრწნილება, მეორე მხრივ - წმინდა სურნელება. ერთი მხრივ - ზნეობრივი ჭირი, რომელსაც თვალს არ ამორებენ, იარაღით იგერიებენ, და

რომელიც ნელ-ნელა სჭამს დაავადებულთ. მეორე მხრივ - რამდენიმე სულის უბინო შეწირვა ერთ საკურთხეველზე. იქ წყვდიადი, აქ ჩრდილი. მაგრამ ჩრდილი შეუმფინარი სინათლით საესე.

იქაც ადამიანის დამონება, აქაც. ოღონდ იქ შესაძლებელია გათავისუფლება, დანიშნული ვადა რომ გავა, ან გაპარვა. აქ კი სამარადისოა ეს დამონება; ერთადერთი იმედი, შორეული მომავლის თავისუფლების აღმოქმედი სხივი, რომელსაც ადამიანი სიკვდილს უწოდებს.

პირველ შემთხვევაში ადამიანი მარტო ჯაჭვითაა დაბმული, მეორეში - თავისი მრწამსით.

რას გვაძლევს პირველი? უსაზღვრო წყევლას, შურისძიებას, სიძულვილს, სასოწარკვეთილ გამაგებას, გაცოფებულ ზიზღს ადამიანთა საზოგადოებისადმი და ზეცის გმობას.

რას გვაძლევს მეორე? კურთხევას და სიყვარულს.

იქაც და აქაც, ამ ორ მსგავს და ასე განსხვავებულ ადგილას, ეს განსხვავებული ადამიანები ერთი და იმავე დანიშნულებით იყვნენ შეკრებილი: - მოსანანიებლად.

ძალიან კარგად ესმოდა უან ვალჟანს კატორღელების მონანიება, პირადი, თავისი დანაშაულის მონანიება, მაგრამ ამ ქალების მონანიებისა კი ვერაფერი გაეგო, ამ ქალებისა, რომლებსაც არც სასაყვედურო ჩაუდენიათ რამე, არც დასაძრახი და გულის კანკალით ეკითხებოდა თავის თავს:

- რა უნდა მოინანიონ? განა რა აქვთ მოსანანიებელი?

და პასუხი გასცა თავისმა სინდისმა:

- უწმინდესი მცნება საკაცობრიო, - სხვისი ცოდვების მონანიება.

აქ ჩვენს პირად აზრს არ ვამბობთ, ჩვენ მარტო მოგითხრობთ უან ვალჟანის ფიქრებსა და შთაბეჭდილებებს მისი თვალსაზრისით.

თვალწინ უდგას მიწიერი უარყოფის მწვერვალი, უმაღლესი თხემი შესაძლებელი სათნოებისა - უმანკობა, რომელიც შეუძლებს ადამიანს თავის შეცდომას და თვითონ ინანიებს მის მაგივრად; ტკბილად ეჩვენება თავისი მონობა, ტანჯვა, წამება, თავისი სულის მიერ მოთხოვნილი და საკუთარი ხელით შექმნილი, რომ ამით მოინანიოს მოყვასის შეცოდებები, თვალწინ უდგას სიყვარული კაცობრიობისადმი, შთანთქმული ღვთისადმი სიყვარულით, მაგრამ მაინც განცალკევებული და მავედრებელი. თვალწინ უდგას სუსტი, გულკეთილი არსებები, რომლებიც იტანჯებიან იმათი ვარაშით, ვინც შესცოდა და ხარობენ იმათი ღირსებით, ვინც კეთილია.

და აგონდებოდა, რომ ხდებოდა ხოლომე, ისიც ბედავდა და ბედს უწიოდა.

ხშირად წამოდგებოდა შუალამისას, რომ მოესმინა სამადლობელი გალობა ამ უმანკო, მაგრამ მკაცრი წესებით ტანჯული მონაზვნებისა და გული უკვდებოდა, როდესაც აგონდებოდა, რომ სამართლიანად დასჯილს ზეცა არ ახსოვდა, და თუ გაახსენდებოდა, მარტო იმისთვის, რომ ღვთის გმობა ეთქვა, და თვითონაც, უბედურმა, მუშტი მოუღერა ღმერთს.

უცნაური რამ მოხდა მის ცხოვრებაში და ღრმად აფიქრებდა, თითქოს ჩუმი და გამათურთხილებელი წინასწარმეტყველება ყოფილიყო: კედლებზე ძვრომა, დაკეტილიდან გამოპარვა, თავგანწირვით ბრძოლა თავისუფლების მოსაპოვებლად, - ყოველივე ეს ჩაიდინა, რომ ერთ მოსანანიებელ დაწესებულებას გამოექცოდა, და

ყოველივე ეს დასჭირდა ახლა, რომ შესულიყო მონანიების მეორე სახლში. რას ამცნობდა ამით მას ბედისწერა?

ეს სახლიც საპატიმრო იყო და ძალიან ჰგავდა იმ მეორეს, რომლიდანაც გამოიპარა, მაგრამ თავის დღეში ამის მსგავსს ვერაფერს წარმოიდგენდა.

კედლებს, მოაჯირებს, კლიტეებს ხედავდა. მერე ვინ ჰყავდათ ასე დამწყვდეული? ანგელოზები.

მაღალი კედლები რომ ენახა ვეფხვების სამწყვდევეში, იმავე კედლებს ხედავდა კრავების საცხოვრებელში.

ეს სახლი მონანიების იყო და არა სასჯელისა და ამის მიუხედავად, ეს უფრო მკაცრი იყო, უფრო პირქუში და ულმობელი, ვიდრე ის პირველი. ეს ქალწულები უფრო მეტად იყვნენ დატვირთულნი, ვიდრე კატორღელები. ცივმა, მაგარმა ქარმა დაჰკრა და გაყინა იმისი სიყმაწვილე, აღარც მერე მოეშვა და დაქროდა დამწყვდეულ ქორების ორმოს; მაგრამ უფრო ცივი, გამყინავი გრივალის სცემდა ამ მტრედების გალიას. რატომ?

რომ ჩაუფიქრდებოდა ხოლმე ამგვარ საკითხს, არარაობად მიაჩნდა თავისი ცხოვრება ამ დიდებული საიდუმლოების წინაშე.

ამგვარ აზროვნებაში ქრება ამპარტაუნობა, ყოველმხრივ სინჯა თავისი გულის მიდრეკილებანი; მეტად სუსტად ცნო თავისი თავი და კიდევ იტირა რამდენჯერმე. რაც კი თავს გადახდა ამ ექვსი თვის განმავლობაში, ეპისკოპოსის დარიგებას აგონებდა სულ ყველაფერი, კოზეტი - სიყვარულით და მონასტერი - მორჩილებით.

ხანდახან, როცა დაბინდებოდა და ბაღში აღარავინ ეგულებოდა, მუხლმოყრილი იდგა ეკლესიისკენ მიმავალ ხეივანში, იმ ფანჯარასთან, სადაც გადმოძვრა იმ ღამეს, გამტერებული უყურებდა ფილაქანზე პირქვე დანოლილ ლოცვით გატაცებულ მონაზონს, ისიც დაიჩოქებდა ხოლმე და იმ მონაზონით ლოცულობდა ფანჯარასთან.

ეტყობოდა, ვერ ბედავდა პირდაპირ ღვთის წინაშე მუხლი მოეყარა.

რაც კი იქ იყო და გარს ეხვია, - ეს მშვიდი ბალი, ეს სურნელოვანი ყვავილები, ეს მხიარული მოთამაშე ბავშვები, ეს პირბადიანი მონაზვნები, ეს მიჩუმებული მონასტერი, - თავის დაღს აჩნევდა ნელ-ნელა ჟან ვალჟანს და მის სულსაც ნელ-ნელა ედებოდა ეს დუმილი. ახლა იმას ფიქრობდა, რომ ორივე სახლი ღვთისა იყო; რომ ღმერთმა თავშესაფარი მისცა, როდესაც გაჭირვებული ნახა, ჯერ ერთში და მერე მეორეში; პირველში მაშინ, როდესაც ყველგან დაკეტილი ხვდებოდა კარი და პანღურის ცემით იშორებდა საზოგადოებას; მეორეში მაშინ, როდესაც საზოგადოება ხელმეორედ იწყებდა მის დევნას და ხელახლა უმზადებდა კატორღას; და გრძობდა, პირველში რომ არ ჩავარდნილიყო, ბოროტების თაყვანისმცემელი გახდებოდა და მეორეში რომ არ შესულიყო, წამების მსხვერპლად იქცეოდა. გული მადლობითა და სიყვარულით ეცხებოდა.

ასე მისდევდა წლები ერთმანეთს.

კოზეტი იზრდებოდა.

ნაწილი მესამე
მარიუსი

ნივნი პირველი
ატომით დახასიათებული პარიზი

თავი პირველი
PARVULUS

პარიზს თავისი შვილი ჰყავს და ტყეს - თავისი ჩიტუნია. ჩიტუნიას ბელურა ჰქვია, პარიზის შვილს - გამენი.

შეაერთეთ ეს ორი ცნება, რომლებიც გამოხატავენ - ერთი ავიზიზიზებულ ღუმელს, მეორე - დილის ცისკარს; შეაერთეთ ორი ნაპერწკალი - პარიზი და სიყრმე, და მიიღებთ პატარა ბიჭს, „Homuncio“-ს, პლავეტეს სიტყვით.

მხიარულია ეს პატარა არსება. ყოველდღე არ სადილობს, მაგრამ წარმოდგენას კი ყოველ საღამოს დაესწრება, თუ მოისურვა. პერანგი არ აცვია, ფეხშიშველი დადის, ქუდი არ ახურავს, ჩიტს ჰკავს, რომელიც ჰაერში მიფრინავს. გამენი შვიდი წლიდან ცამეტამდე იქნება. ამხანაგებთან ერთად ქუჩას ტყეპნის, ღია ცის ქვეშ სძინავს, მამამისის ძველი შარვალი აცვია, რომელიც ძირს დასთრევს, ვიღაცის ძველი ქუდი ახურავს, რომელიც ყურებამდე აქვს ჩამოფხატული. მთელი დღე დარბის, დანანნალებს, რაღაცას ეძებს, ვიღაცას უთვალთვალებს, დროს არ აფასებს, ეწევა ჩიბუხს, იგინება, როგორც ავაზაკი, იცნობს ქურდებს, ლაპარაკობს ქურდების ენით, მღერის საზომდარ ლექსებს, შინაურულად ელაპარაკება გოგონებს, დადის და სიავე არა აქვს გულში. ერთი ძვირფასი მარგალიტი უზის სულში, - უმანკოება, მარგალიტები კი ლაფში არ ისვრება. სანამ ყრმა არის ადამიანი, ღმერთს უნებებია, უმანკო იყოს.

რომ ჰკითხოთ დიდ ქალაქს - ეს ვინ არისო? - ჩემი პანია შვილიო, - გიპასუხებთ.

თავი მეორე
მისი ნიშან-თვისებები

პარიზის გამენი ჯუჯაა, გოლიათი ქალის ნაშობი.

ნუ გადავამლამებთ: ამ ქუჩის ქერუბიმს ხანდახან პერანგიც აქვს, მაგრამ ერთადერთი, ზოგჯერ ფეხსაცმელიც აცვია, მაგრამ ულანჩო; ბინაც კი აქვს ხოლმე და ძალიანაც უყვარს, რადგან იქ დედა ეგულეობა, მაგრამ მისი გული მაინც ქუჩისკენ მიიწევს, ვინაიდან დედაზე მეტად თავისუფლება უყვარს; თავისებური დროს გატარება იცის, თავისებური ანცობა, რომლის ფუძედ ბურჟუებისადმი სიძულვილი გაუხდია; საკუთარი მეტათუორები აქვს; არ იტყვის მოკვდაო. - არა, - ფესვიდან შეჭამა ბაბუანვერაო. თავისი ხელობაც აქვს, - ეტლის მოყვანა, ეტლის საფეხურის დანევა, ნიაღვრის დროს ფიცრით ვინრო ხიდის გაკეთება ქუჩის ერთი მხრიდან მეორეზე გადასასვლელად; ამაზეც თავისებურად გაიძახის, - ხელოვნების ხიდი ავაგეო. - ხალხის მხარდასაჭერად წარმოთქმულ ვიღაცის სიტყვებს გაჰყვირის ყველგან.

თავისი საკუთარი ფული აქვს - ქუჩაში ნაპოვნი სპილენძი, რომელსაც თვითონვე ჭრის. ამ ფულის თითო ნაჭერს loques უწოდებს და გასავალი აქვს მთელი პარიზის ქუჩის ბიჭებში.

საკუთარი ცხოველთა სამეფო აქვს, რომელსაც დაშტერებით დასცქერის სადმე კუთხეში. ჭიამაია, მატლი „თავმკვდარია“, ობობა - ქაჯი და საშიში შავი ჭია, რომელსაც

კუდზე ორი ნესტარი აქვს და იმით იმუქრება. თავისებური ურჩხული ჰყავს, ზღაპრული, რომელსაც ეკლები ასხია მუცელზე და ხვლიკი არ არის. მეჭვეტები აქვს ზურგზე და ჯოჯო არ არის; ძველ საკირე ორმოში ცხოვრობს, ან გამშრალ ჭაში, შავია, ბანჯველიანი, ლორწოიანი, ხან ნელა ცოცავს, ხან სწრაფად დაძრწის; ყვირილი არ იცის, მაგრამ თვალითა გჭამს და იმისთანა შესაზარია, რომ თავის დღეში არავინ შეხედავს; ამ უცნაურ ქმნილებას ბიჭი „ყრუანჩელას“ ეძახის. ძალიან სასიამოვნოა ამ ყრუანჩელას ძებნა ქვების ქვეშ, მაგრამ ძალიან საზარელიც. ასევე საამოა ქუჩაში ქვაფენილიდან უცბად ქვის ამოღება და მატლების ნახვა. ჰარიზის ყველა უბანი განთქმულია საინტერესო ჭიკუჭებით, რომლებსაც მარტო იქ ნახავს ადამიანი. ურსულინების უბანში შეშის და ხეტყის საწყობებში - მრავალი ტანტრაბეჩია; ჰანთონში - ცხრაფეხა, მარსის მოედნის ორმოებში - თავკომბალები.

რაც შეეხება მოსწრებულ სიტყვას, იმდენი აქვს გამენს, რომ ტალღიერანსაც არ ჩამოუვარდება. არც ცინიზმით ჩამოუვარდება, მაგრამ პატიოსნებით კი იმაზე პატიოსანია. ყოველთვის მხიარულად არის, ყოველთვის ხუმრობს, იცინის და დაღვრემილ ვაჭარსაც კი აცინებს. მისი ოხუნჯობა თამამად გადადის მაღალი კომედიიდან ფარსში.

მიცვალებულს მისვენებენ სასაფლაოსკენ. მგლოვიარებთან ერთად ექიმი დაინახა გამენმა და შეჰყვირა:

- ბიჭოს! როდის ყოფილა, რომ ექიმს თვითონვე წაეღო თავისი ნახელავი!
- ერთხელ გამენი მოგროვილ ხალხს შეერია და ხან აქეთ გამოძვრებოდა, ხან იქით.
- შენ ეი, არამზადავ! - შეუტია სათვალეებიანმა, საათის ოქროსძეწკვიანმა ბურჟუამ,
- წელზე ხელი რად მოხვიე ჩემს ცოლს!
- რომ მომეხვია, ხომ ზედვე დარჩებოდა! აბა, სად არის?

თავი მესამე
კარგი ბიჭია

ყოველთვის ახერხებს და რამდენიმე სუ აქვს ჯიბეში. საღამოს თეატრში მიბრძანდება. როგორც კი გადასცილდება თეატრის ჯაღო-ზღურბლს, მაშინვე იცვლება; გამენი იყო და იქ კი ბუჩქნარის ტოროლა ხდება. თეატრი ერთგვარი ხომალდია, თავდაყირა გადაბრუნებული. ხომალდის ზემოთ მოქცეულ ტრიუმზე ზის ჩვენი გამენი. აქ ეს ბიჭი ისევე განსხვავდება გამენისგან, როგორც პეპელა მატლისგან; იგივე არსება, მაგრამ მაღლა აფრენილი და მონავარდე. საკმარისია ეს ბიჭი თეატრში იყოს, თავისი ბედნიერებით გაბრწყინებული სახით, თავისი უსაზღვრო აღტაცებით და სიხარულით, თავისი ტამისკვრით, რომელიც უფრო ფრთების ცემას ჰგავს, რომ გამოცოცხლდეს ხომალდის ეს ვიწრო, მყრალი, ბნელი, საზიზღარი, მავნებელი, საშინელი ტრიუმი და სამოთხედ იქცეს.

მიეცით ცოცხალ არსებას უსარგებლო და წაართვით სასარგებლო, - ეგევ თქვენი პარიზული გამენი.

არ გეგონოთ, მწერლობის სრულიად არათვარი გავეგებოდეს, თავისი მიმართულებით - იძულებული ვართ ვსეც მწუხარებით აღვნიშნოთ, - დიას, კლასიკურ გემოვნებას არ იჩენს თავისი ბუნებით. აკადემიური არათვარი მოსწონს. მაგალითი მოვიყვანოთ ამის საჩვენებლად. სახელოვანი მსახიობი იყო ქალბატონი მარსი და

ძალიან უყვარდათ გამენებს, მაგრამ პატარა დაცინვის ნესტარიც ჰკრეს, - მეტსახელად ქალბატონი ბუზი უწოდეს.

ყვირის ეს ბიჭი, იცინის, მასხრობს, ლაზღანდარობს, ჩხუბობს ნაფხრენებში გახვეული, როგორც ძუძუმწოვარი და ძველმანებში, როგორც ფილოსოფოსი. თევზაობს წვიმის წყალში, ნადირობს უწმინდურობის სადინარ მიღებში და უწმინდურობაშიც პოულობს მხიარულების მიზეზს. ყველა გზაჯვარედინზე აბნევს თავის გამოთქმებს, მასხრობს და იკბინება, უსტვენს და მღერის, ტაშს უკრავს და ლანძღავს, გაიძახის ალილუიას და უშვერ ლექსებს, ვალობს ყველა საგალობელს „განუსვენდნან“ მოყოლებულს „ნიღბიანების სიმღერამდე“, პოულობს უძებნელად, იცის, რაც არ უნდა იყოფეს. სპარტელი არის ვერაგობამდე, გახელუებული ჭკუას არ ჰკარგავს, ლირიკოსია უწმინდობამდე. ოლიმპზე გამოიჭიმებოდა, მაგრამ ნაგავში გდია და მანაც ვარსკვლავებითაა შემოსილი. პატარა რაბლეა პარიზის გამენი.

შარვალს იწუნებს, თუ საათისთვის ცალკე ჯიბე არ აქვს.

იშვიათად იცის გაკვირვება, უფრო იშვიათად შეშინება. მასხრული სიმღერებით დასცინის ცრუმორწმუნეობას, ამცირებს გადაჭარბებულს, ჰგმობს სარწმუნოებრივ საიდუმლოებას, ენას უყოფს მოჩვენებებს, ჰკიცხავს გაბღენძილს, კარიკატურა შეაქვს ეპიკურ ნაწარმოებში, იმიტომ კი არა, რომ პროზაიკოსია, ღმერთმა დაითუაროს! - იმიტომ, რომ ზღაპრულ ლანდს კომიკური ხილვა უჩვენია.

ადამსტორი რომ წარმოუდგვს თვალწინ, ჩაიციინებს ჩვენი გამენი და დაიძახებს:

- ბიჭოს! საფრთხობელა თუ გინდა ესაა!

თავი მეოთხე

სასარგებლო ბიჭია

პარიზი დოყლაპიით იწყება და გამენით თავდება. ეს გახლავთ ორი არსება, რომლის მსგავსს ვერც ერთი ქალაქი ვერ შექმნის. ერთი პასიურად შეჰყურებს იქაურობას და სრულიად კმაყოფილდება ამით; მეორე საცხეა ინიციატივით. პრიულომი და ფუიე! მარტო პარიზს მოეპოვება ეს ორი ტიპი თავის ისტორიაში. მთელი მონარქია გამოხატულია დოყლაპიით და მთელი ანარქია - პარიზელი გამენით.

პარიზის გარეუბნების ეს ფერამკრთალი ბავშვი ცხოვრობს და ვითარდება, კოკრდება და იშლება სრულ გაჭირვებაში და ბავშვობიდანვე უკვრდება და უფიქრდება საზოგადოებრივ წესწყობილებას, ადამიანის მიერ ცხოვრების საშუალებათა განაწილებას. უდარდელად, უზრუნველად მიაჩნია თავი; მაგრამ ასეთი არ არის. ყველაფერს ხედავს, თვალიდან არაფერი გამოეპარება. შესცქერის, მზად არის სიცილი დაიწყოს, მაგრამ მზად არის სხვა რამისთვისაც, თუ ამას თავისი ალლო უკარნახებს. ფრთხილად იყავით, ვინც უნდა ბრძანდებოდეთ, ცრუმორწმუნეობა იქნება, ბოროტსარგებლობა, ჩავგრა, დამონება, უსამართლობა, მტარვალობა, თუ ხელმწიფობა! ფრთხილად იყავით, გეშინოდეთ პარიზელი გამენის!

გაიზრდება ეს პატარა ბიჭი, ეს გამენი!

რა თიხისგანაა გამოძერწილი ეს ბიჭი? ქუჩის ტალახისგან. ერთი მუჭა ტალახი, ერთი შთაბერვა და ეგვეც თქვენი ადამი! მხოლოდ ღვთის ხელი აკლია! ღმერთი კიდევ სწყალობს გამენს, ბედი ყოველთვის უდიმის, ზრუნავს მასზე. ამ სიტყვით - ბედით -

შემთხვევას ვგულისხმობთ. ბოლოს და ბოლოს რად იქცევა ეს ხალხის გულში აღზრდილი, უსწავლელი, გაუნათლებელი, განცვიფრებული ქონდრისკაცი? იონელად, თუ ბეოტელად? ბრძენი იქნება, თუ რეგენი? მოითმინეთ, ცურრიტ როტა. პარიზის სული უდგას პატარა ბიჭს, ის სული, რომელიც ქმნის შემთხვევის ბიჭებს და ქვეყნის მოღვაწეებს. ლათინების მეჭურჭლე კი არ არის პარიზელი! ძვირფას სასმისად გარდაქმნის, სადაც კი ჯამს ნახავს.

თავი მეხუთე გამენის საზღვრები

გამენს უყვარს ქალაქი, უყვარს აგრეთვე განმარტოებაც, რადგან ცოტა რამ ბრძენისაც მოსდევს. Urbis amator არის, როგორც ფუსკუსი და ruris amator - როგორც ჰორაციუსი.

დადის და ფიქრობს განმარტოებით; ფილოსოფოსს შეეფერება ასე ღროს გატარება, მეტადრე იმ სოფლებში, რომელიც გარს ახვევია პარიზს. უცნაურია ეს სოფლები, უშნო, ქალაქს მიმსგავსებული, სოფლური ცხოვრების უარმყოფელი. აგერ გათავდა ხეები და დაიწყო ბანები; გათავდა ბალახი და დაიწყო ქვაფენილი. გათავდა კვლები და დაიწყო დუქნები; გათავდა ძველი ჩვეულება და დაიწყო ვნება; გათავდა ღვთიური ჩურჩული და დაიწყო ხალხის ყაყანი. ეს ყოველივე არაჩვეულებრივ მიმზიდველობას ანიჭებს ქალაქის მიდამოებს.

ამიტომ არის, რომ ამ უშნო სოფლებში, რომელთაც გამვლელი ერთი სიტყვით ახასიათებს - ნაღვლიანი, - ასე ხშირია უმიზნო, მაგრამ ჩაფიქრებული ხეტიალი.

ამ სტრიქონების დამწერიც დიდხანს დადიოდა პარიზის სადარაჯოებს იქით, და ღრმა სახსოვრდაც დარჩა მაშინდელი ხეტიალი. ეს გათიბული მოლი, კენჭებიანი კვალი, ცარციანი-თიხაკირიანი ნიადაგი და ყანების და ნახნავი მიწების ერთფეროვნება; ეს ახლად ამოსული ბოსტნეულის მწვანე რტოები; გლეხკაცურის და ბურჟუაზიულის ნარევი; ფართო, მოტიტვლებული მოედნები, სადაც ჯარი ვარჯიშობს და დოლის ისეთი ხმა გაისმის, თითქოს ბრძოლა იყოს გაჩაღებული; ეს ლამაზი ჭალა - დღისით და ყაჩაღების ბუდე - ღამით; მოშლილი ნისქვილი, რომლის ფრთას მაინც ატრიალებს ქარი, მიკიტნის დუქნები სასაფლაოს ახლოს, მაღალი შავი კედლები, რომლებიც ყვავილებითა და პეპლებით სავსე დიდრონ მინდვრებს სჭრიდნენ. მომხიბლავი და მიმზიდველი იყო ეს სურათი!

მგონი, არავინ იცნობს ამ უცნაურ ადგილებს - ლავლასიერს, ლაკუნეტს, გრენელის ტყვით დახვრეტილ საზარელ კედელს. მონპარნასს, ლაფოს-ო-ლუს, ლემზ-ობიუს მარნის პირას, მონ-სურის, ლა-ტომბ ისუარს, შატილიონის ლა-პიერ-პლატს. სადაც დღემდეა შემორჩენილი ერთი ძველი ქვის სამჭედლო, რომელზეც ამჟამად სოკო იზრდება და რომლის ჩასასვლელიც დამპალი მიწისფერი ფიცრებით არის დახურული. რომის სოფელს თავისი იდეა აქვს; პარიზის მიდამოებშიც არის იდეა; ჩვენ თვალწინ გადამლილ სანახაობაში მინდვრების, სახლების და ხეების მეტი რომ ვერაფერი დავინახოთ, ეს ზედაპირული აღქმა იქნება; ბუნების ყოველ სურათს თავისი იდეა აქვს. ის ადგილი, სადაც მინდორი ქალაქს ერთვის, სავსეა რაღაც ღრმა მელანქოლიით. იქ ერთად გაისმის კაცობრიობისა და ბუნების ხმა; იქ უფრო გარკვევით მოჩანს ცხოვრების თავისებურებანი.

ვისაც ჩვენსავით უვლია ამ უდაბურ, პარიზის გარეუბნების, მისი კარიბჭეების მოსაზღვრე მიყრუებულ მიდამოებში, უთუოდ შენიშნავდა აქა-იქ, სადმე მივარდნილ ადგილას სრულიად მოულოდნელად, ღობის ან კედლის უკან ხმაურით მოთამაშე ბიჭების ჯგუფს. ჭუჭყიანები არიან ეს ბიჭები, ტალახიანები, მტვრიანები. დაგლეჯილ-დაფლეთილები, თმაანნილები ღიღილოს გვირგვინებით მორთულნი და ნეტარებით სავსენი, რადგან თავისუფლად თამაშობენ, ღარიბთა სახლებიდან გამოპარულები. სრულ თავისუფლებას მხოლოდ აქ პოულობენ, ქალაქგარეთ, და მხოლოდ იქ შეივრძნობენ ნამდვილ სიცოცხლეს; იქ არიან თავიანთ სამფლობელოში. იქ მღერიან თავისუფლად და ყველასგან მოურიდებლად თავიანთ უწმანურ ლექსებს. სიცოცხლით მარტო აქ ტკუებიან, რადგან მარტო აქ ძლებიან მშის სხივით, წმინდა ჰაერით, ბუნების მშვენიერებით. თამაშობენ, დარბიან, მღერიან, შავი ფულის გამო ეჩხუბებიან ერთმანეთს, სახლიდან გამოპარულნი, ზოგი სულაც გამოქცეული, თავისუფალნი და ამით ბედნიერნი; მაგრამ როგორც კი დაგინახავენ, მაშინვე მოაგონდებათ, რომ არანაირი ხელობა არ იყიან, და საცხოვრებლად კი მანაც საჭიროა ევრეთ წოდებული ფული, და შემოგთავაზებენ, - იქნებ ინებოთ და იყიდოთ მატლებით სავსე ძველი პატარა კოჭები, ან ერთი კონა მინდვრის ყვავილი. ამ უზრუნველი ბავშვების შეხვედრა პარიზის მიდამოებში ერთდროულად სიამოვნებითა და მწუხარებით ავსებს ადამიანს.

ხანდახან ბიჭებში პატარა გოგონებიც გამოერევიან; იქნებ ძმებსაც გამოჰყოლიან, მაგრამ უფრო დიდები ჩანან, ვიდრე ბიჭები. გამხდრები არიან, ჭორფლიანები, პურის თავთავის და ყაყაჩოს ყვავილის გვირგვინი ადგათ თავზე და, თუმცა ფეხშიშველები დარბიან, ამ თავისუფებით მანაც ბედნიერები არიან. ზოგი ბალს მიერთმევს ყანაში ჩამალული. ისმის მხიარული სიცილი. სადმე შუადღის მშის სხივით განათებული ხის ქვეშ ან ბინდისას შემჩნეული ეს ლალი ჯგუფი დიდხანს ახსოვს ადამიანს და ხშირად წარმოუდგება თავის ფიქრებში.

პარიზი ცენტრია და გარეუბნები წრესავით არტყია ირგვლივ. აქ არის ამ ბავშვებისთვის მთელი ქვეყნიერება. თავის დღეში არსად გავლენ ამ წრიდან. როგორც თევზი ვერ გაძლებს წყლის გარეშე, ისე ეს გოგო-ბიჭები - პარიზის ჰაერის გარეშე. ცენტრში ცივილიზაციაა და მიდამოებში - თავისუფლება. მათ რომ თუკითხოთ, სადარაჯოს შემდეგ, ერთი-ორი კილომეტრის იქით აღარაფერია, ივრი, უანტილი, არკელი, ბელვილი, ობერვილიე, მენილმონტანი, შუაზი-რე-რუა, ბილანკური, მედონი, ისი, ვოვრი, სევრი პუტო, ნეილი, კოლომბი, რომენვილი, შატუ, ანიერი, ბუჟივალი, ნანტერი, ენვიენი, ნუაზილენ-სეკი, ნოჟანი, გურნეი, დრანსი, გონესი, მათთვის ამით თავდება ქვეყნიერება.

თავი მეექვსე -

მცირე რამ ისტორიიდან

იმ დროს, რომელსაც ჩვენი თხზულება შეეხება და რომელიც არც ძალიან დაშორებულია აწმყოდან, ისე არ იყო ატუბული ყოველ კუთხეში პოლიციელი, როგორც დღეს არის, - (მიღწევა, რომლის სიკეთეს არ შევხვებით ჩვენს მოთხრობაში). - მაშინ უფრო მეტი იყო პარიზში ასე მოხეტიალე ბავშვები. სტატისტიკა ამტკიცებდა, რომ შემოუღობავ ეზოებში, დაუმთავრებელ შენობებსა და ხიდების ქვეშ პოლიციის მიერ დაჭერილი უბინაო ბავშვების რიცხვი ყოველ წელს საშუალოდ ორას

სამოცს უდრიდა. ერთ ამგვარ ბუდეში გაიზარდნენ „არკოლის ხიდის მერცხლები“, უბინაო ბავშვები! ეს არის კაცობრიობის ერთ-ერთი მიუტყვეველი დანაშაული. ადამიანის ყოველი ბოროტმოქმედების სათავე, უპატრონო ბავშვების მანანალობაა.

მაგრამ ეს პარიზს არ შეეხება. პარიზი ამ მხრივ გამონაკლისია. მიუხედავად, უპატრონო ბავშვების დიდი რაოდენობისა, იგი მინც გამორჩეული ქალაქია. ყველა სხვა დიდ ქალაქში უპატრონო ბავშვი საბოლოოდ დაღუპული და განწირულია, რადგან ნელ-ნელა ჩაიძირება ვახრწილებისა და ბოროტების მორევში, რომელშიც დაკარგავს პატიოსნებასა და სინდისს. პარიზელი გამენი, გამეორებით ვამბობთ ამას, გარეგნულად ისე გაფუჭებული, გულით თითქმის უმანკო რჩება. ერთი თვალსაჩინო გარემოება არის აქ აღსანიშნავი, რაღაც არის წმინდა და გაუხრწნელი პარიზის ატმოსფეროში, როგორც სიმლაშე ზღვის ნყალში და ვინც პარიზის ჰაერით სუნთქავს, ზნეობრივად უხრწნელი რჩება.

თუმცა ეს სულაც არ ამცირებს იმ გულისტკივილს, რომელსაც ყოველთვის განიცდის ადამიანი, უპატრონო ბავშვს რომ შეხვდება, და მასთან ერთად თითქოს თავისი თვალთ ხედავს დარღვეულ, დაშლილ ოჯახს. ჩვენს დღევანდელ ცივილიზაციაში, რომელსაც კიდევ მრავალი ნაკლი აქვს მოსამორებელი, ერთ-ერთ უმთავრეს უბედურებად უნდა მივიჩნიოთ დამლილი ოჯახი და უპატრონოდ მიტოვებული ბავშვები; თავისი გულ-ღვიძლი გადაყარა ქუჩაში ოჯახმა და, - რაც მოუვა, მოუვა, ახლა ქუჩამ უპატრონოსო! - სწორედ ამას ჰქვია, დიახ, რადგან ამ სამწუხარო მოვლენასაც თავისი სახელი აქვს, - „პარიზის ქვაფენილზე გავდება“.

გაკვრით ვიტყვით აქვე, რომ ძველ მონარქიულ მთავრობას დიდად არ ადარდებდა მიტოვებული ბავშვების ბედი. მდაბიო ხალხში ცოტა რამ ეგვიპტური და ბოშური უნდა ყოფილიყო, რომ ასე ღვთის ანაბარად მიეტოვებინათ შვილები, რითიც უადვილებდნენ უმაღლეს პირებს თავიანთი გადანყვებილების სისრულეში მოყვანას. ამ უმაღლეს წრეებს და მეფეებს ჭირივით სძულდათ ხალხის შვილების სწავლა. ეს იყო მათი წმიდათაწმიდა და ურყევი მრწამსი. - რა საჭიროა ხალხისთვის სწავლა-განათლება? - და უპატრონოდ მიტოვებული ბავშვებიც ხომ გაუნათლებლები დარჩებოდნენ. ამას რა სჯობდა?

ხანდახან მონარქიას დასჭირდებოდა ხოლმე ბავშვები და თვითონ იჭერდა ქუჩაში.

შორს რომ არ წავიდეთ, ლუი მეოთხემეტის დრო ავიღოთ. მეფეს ძალიან უნდოდა ფლოტის შექმნა. სურვილი საქები იყო, მაგრამ საშუალებაც ვნახოთ! სურვილს ვერ აისრულებდა, თუ იმ გემებთან ერთად, რომლებსაც ქარი მიაყვრებს და თავისებურად მიათამაშებს, არ იქნებოდა ისეთი ნავებიც, რომლებსაც თავის ნებაზე წაიყვანდნენ ან ნიჩბის, ან ორთქლის საშუალებით. ამ დროს ასეთ ნავად გაღერს ხმარობდნენ, გრძელ, დაბალ, მრავალნიჩბიან ნავს. გემებისთვის საჭირო იყო გაღერები და გაღერებისთვის - მენიჩბეები, რომლებსაც გაღერელები დაარქვეს. გასცა კოლბერმა ბრძანება, - მართლმსაჯულებამ და პარლამენტმა დამნაშავეებს რაც შეიძლება მეტი მიუსაჯოს კატორღაში მუშაობაო, გაღერზე მუშაობაც კატორღა იყო. ვინ იქნებოდა ამ დროს თავზე ხელაღებული, რომ არ აესრულებინა ამგვარი ბრძანება? და მიგრეკებოდნენ ხალხს გაღერებისკენ! მიცვალებულს მისავენებდნენ; ერთმა კაცმა არ მოიხადა ქედი, რადგან ჰუგენოტი იყო და თავის რჯულისამებრ იქცეოდა. რატომ ქედი არ მოიშვლიპო? - სტაცებდნენ ხელს და გაღერზე სამუშაოდ უკრავდნენ თავს. პატარა ბიჭი შეხვდებოდათ ქუჩაში; ოღონდ თხუთმეტი წლის

ყოფილიყო და არ სცოდნოდა - სად დაიძინებდა ღამით, - მაშინვე გაღერზე გაგზავნიდნენ. დიდებული იყო მეფე ლუი მეთოთხმეტე, და დიდებული იყო საუკუნე!

ლუი მეთოთხმეტის დროს ბავშვები ქუჩაში იკარგებოდნენ. პოლიცია იჭერდა და სადაც მიჰყავდა. ახლაც არავინ იცის, რას უშვრებოდნენ საცოდავებს! საზარელ რაღაცას ჩურჩულებდა ხალხი, - მეფე ძონეულში ბანაობსო. - ხდებოდა ხოლმე ბავშვების დევნისას, პოლიციელი ისეთს დაიჭერდა, რომელსაც მამა ჰყავდა, თავზარდაცემული მამა გამოეკიდებოდა პოლიციელს. ამ შემთხვევას პარლამენტი განიხილავდა და სახრჩობელით სჯიდა - ვის? თქვენ გგონიათ, პოლიციელს? არა, მამას!

თავი მემუიდე - ნაკვესი

პარიზელი გამენები ამქარს შეადგენს, და შეიძლება ვთქვათ, რომ ყოველი ქუჩის ბიჭი ვერ მოხვდება ამ ამქარში.

ეს სიტყვა „გამენი“ პირველად 1834 წელს დაიბეჭდა და ხალხის ენიდან შევიდა ლიტერატურულ ენაში. იგი პირველად „კლოდ გე“-ს სახელწოდებით ცნობილ პატარა მოთხრობაში იყო ნახსენები. ამან დიდი აღშფოთება გამოიწვია, მაგრამ სიტყვა დარჩა და მწერლობაში ფეხი მოიკიდა.

რითია გამენი დიდებული თავის ამხანაგებში და რაზეა დამყარებული მისი დიდება? ძნელი სათქმელია. ერთს ვიცნობდით, ფრიალ განდიდებულს თავისი ამხანაგებისგან, თაყვანისცემით ექცეოდნენ ყველანი, - იმიტომ, რომ თავისი თვალთ ენახა ერთი კაცი, ღვთისმშობლის ეკლესიის გუმბათიდან რომ ჩამოვარდა. მეორეც არანაკლებ დიდებულად ითვლებოდა, რადგან მოეხერხებინა შეპარულიყო უკანა ეზოში, სადაც დროებით დაეღაგებინათ ინვალიდების ტაძრის ძეგლები, და ცოტა ტყვია აენაპნა; მესამე იმით იყო სახელოვანი, რომ დილიუჟანის გადაბრუნება ენახა; მეოთხე კიდევ იმით, რომ ერთ ჯარისკაცს იცნობდა, რომელმაც კინალამ თვალი გამოსთხარა ბურჟუას!

ამით აიხსნება ერთი პარიზელი გამენის ნათქვამი, რომელიც გულიანად აცინებს ხალხს, მიუხედავად იმისა, რომ არ ესმის ამ სიტყვის მნიშვნელობა: - „ღმერთო დიდებული! ჩემზე უბედური განა იქნება ვინმე? ამხელა ბიჭი ვარ და ჯერ არ მინახავს მეხუთე სართულიდან გადმოვარდნილი კაცი!“

არანაკლებ აზრიანია ერთი გლეხკაცის სიტყვა; ვიღაც ნაცნობმა ჰკითხა: - ცოლი ავად გყავდა, მოგიკვდა, ექიმს ვერ მოუყვანდი?

და იმანაც უპასუხა:

- რას იზამთ, ბატონო, სანყალი კაცი თვითონ კვდებაო.

თუ ამ პასუხში მთლად გამოიხატა გლეხკაცის პასიური მორჩილება, პატარა გამენის ნათქვამში მთლიანადაა გამოხატული ჩვენი სარწმუნოების ღირსება. სიკვდილმისჯილი კაცი მიჰყავდათ ეტლით და მღვდელი რაღაცას ეუბნებოდა. დანახა გამენმა და შეჰყვირა:

- გიჟ ხუცესს უსმენს! ოჰ, რა ლაჩარი ყოფილა!

რაც უფრო თავისუფალია გამენი სარწმუნოებრივ საკითხებში, მით უფრო პატივცემულია. ადამიანის დიდებას გონებრივი თავისუფლება სჭირდება.

როდესაც დამნაშავეს სიკვდილით სჯიან, გამენიც იქ უნდა იყოს. ეს მისი ვალდებულებაა. ბიჭები შესცქერიან გილიოტინას და იყინიან. მრავალი მეტსახელით ამკობენ გილიოტინას: უვადო, ბუზღუნა, ცისკნელი და სხვა და სხვა. და რომ არაფერი გამოეპაროთ, ბანებზე ძვრებიან, აივნებზე, ხეებზე, მოაჭირსა და საკვამლე მილებზე ეკიდებიან. გამენი დაბადებიდანვე ბანზე მოსიარულეა და ნაოსანი. ჩიტივით აფრინდება ბანზე და მაღალ ანძამეც მოექცევა. ყოველგვარ დღესასწაულს გრევის მოედანი ურჩევნია. გამენი ყველას კარგად იცნობს: ჯალათსაც და სულიერ მამასაც, რომელიც სიკვდილის დროსაც კი ატყუებს განწირულს. თუ შეშინებული ეჩვენათ დასასჯელი, დაცინვას უწყებენ ბიჭები, რომ გაამხნევიან; მაგრამ ყოჩალი კაცის პატივისცემაც კარგად იციან. პატარა ლისნერმა რომ დაინახა ვაჟკაცურად მომაკვდავი საშინელი დოტენი, ეს სიტყვა წამოიძახა, რომელშიც მისი მომავალი გამოიხატა: - ისე ყოჩაღად იყო, რომ კიდევ შემშურდა! - გამენებმა ვოლტერის არაფერი იციან, მაგრამ პაპავუნს კი კარგად იცნობენ, ერთ სიაში ჰყავთ მოქცეული პოლიტიკოსები და კაცისმკვლელები; კარგად ახსოვთ, ვის რა ეცვა უკანასკნელად; იციან, რომ ტოლერონს ცეცხლფარემის ქუდი ეხურა, ავრილს - წავის ბენვის, ლუვილს - მრგვალი; ბებერი დელაპორტი თავმოტელები იყო და უქულო, კასტენი - ძალიან ლამაზი და წითური, ბორისს პატარა კოხტა წვერი ჰქონდა. იციან, რომ ლეკუფე და მისი დედა ჩხუბობდნენ და ამიტომ რჩევა მისცა ერთმა გამენმა:

- ჰა, მანდაც ჩხუბი არ მოგივიდეთ, მაგ აკლდამაში!

ძალიან უნდოდა ერთ გამენს დებაკერის დანახვა, მაგრამ მომცრო ტანის კაცი იყო ეს დებაკერი და არ ჩანდა ხალხში. ისკუპა გამენმა, სანათის ბოძზე აძვრა და, რადგან იქვე ჟანდარმი იდგა, დაამშვიდა მთავრობა: - გამიშვით ავძვრე, ბატონო ჟანდარმო, არ ჩამოვვარდები.

- ჯანდაბას შენი თავი და ტანი! - უპასუხა ჟანდარმმა.

ძალიან პატივცემულია გამენებში, ვინც შემთხვევით რამეს იტკენს და ყოჩაღად გაუძღვებს, ან, ვინც ძვლამდე გაიჭრის ხელს ან ფეხს.

მუშტსაც დიდი მნიშვნელობა აქვს ამ მხრივ. სულ იმას გაიძახის გამენი სიამოვნებით, - ღონიერი ბიჭი ვარო, - შურით შესცქერიან ცაცხას და ავრეთვე ბრუციანს.

თავი მერვე

უკანასკნელი მეფის ხუმრობა

დადგება ზაფხული და გამენიც ბაყაყად გადაიქცევა. სალამოს ბინდისას ყველანი აუსტერლიცის და იენის ხიდთან არიან; წყლის პირას, სადაც კი მაღალია რამე, ყველაფერზე ძვრებიან და იქიდან თავდაყირა ეშვებიან წყალში და არღვევენ ყოველგვარ კანონებს. პოლიციაც ფხიზლად არის და - კანონს ნუ არღვევთო, - თავისებურად სჯის თავისუფლად ბანაობის მსურველებს. ამ დრამატული მდგომარეობიდან გამოსასვლელად გამენმა ერთგვარი გაფრთხილება მოიგონა, რომელსაც ფართოდ იყენებდნენ 1830 წელს, ერთმანეთს აფრთხილებდნენ ბიჭები, როგორც კი დაინახავდნენ პოლიციელს. ეს გაფრთხილება ყვირილით კი არა, სიმღერით ითქმოდა, ისევე მწყობრად, როგორც ჰომეროსის ლექსი, და ერთგვარი მახვილით, რომლის განმარტება თითქმის ისევე შეუძლებელია, როგორც ათენის

ახლოს ელევზისის სახელოვანი დეკლამაციის. ძველი ანტიკური evohe-ც კი მოიპოვებოდა ამ გაფრთხილებაში. „ოჰ, ბიჭებო, გველსა ვხედავ! ჩვენკენ მოცურავს! თავს უშველე!“

ამ პატარა ბიჭმა, ამ ქინქლამ, როგორც თვითონ უწოდებს თავის თავს, კითხვა იცის; ხან წერაც იცის და ყოველთვის იცის უწმანურობის ხატვა, რაღაც საიდუმლო მოხერხებით სწავლობს გამენი და იძენს ყოველგვარ ცოდნას, რომელიც კი სასარგებლოა და დასჭირდება საერთო კეთილდღეობას. 1815-1830 წლებში ინდაურივით ყივივებდა. 1830-1848 წლებში კედლებზე მსხალს ხატავდა. ერთ საღამოს, ზაფხულში, მეფე ლუი ფილიპი მიდიოდა შინისკენ და პატარა ბიჭი დაინახა: მინას არ ასცილებოდა, ისეთი პატარა იყო, ფეხის თითებზე დგებოდა, ოფლი სდიოდა, ცდილობდა ერთი დიდი მსხალი დაეხატა ნიელის მოაჯირის ბოძზე. მეფე, - რომელსაც ანრი მეოთხისგან გამოაშყლოლოდა გულკეთილობა, - დაეხმარა პატარა ბიჭს, გამოსახა ნახშირით მსხალი, ერთი ოცფრანკიანი ოქრო მისცა და უთხრა: ხედავ, ზევითაც ყოფილა მსხალი!

ძალიან უყვარს გამენს ალიაქოთი და არეულობა. ჭირივით სძულს „ხუცები“. ერთ საღამოს პატარა ბიჭი დაინახეს უნივერსიტეტის ქუჩის #62 სახლთან; ნახშირით უშველებელ ცხვირს ხატავდა ალაყაფის კარზე. - რა დაგიშავა, ბიჭო, ამ კარმა, რომ აგრე სვრიო? - ჰკითხა ერთმა გამვლელმა. - ის დამიშავა, რომ აქ მღვდელი ცხოვრობსო, - მიუგო გამენმა. - და სწორედ ამ სახლში ცხოვრობდა პაპის წარმომადგენელი. მაგრამ მიუხედავად იმისა, რომ გამენი ვოლტერიანიზმითაა გაჟღერებული, თუ ბედმა გაუღიმა და სადმე საყდარში მიიღეს მგალობლად, სიამოვნებით ასრულებს ამ მოვალეობას და ანგელოზივით იქცევა წირვა-ლოცვის დროს. ორი რამ არის ამ ქვეყნად, რომლებიც ტანტალასავით საშინლად სურს გამენს და ვერ კი აუსრულებია: მთავრობის დამხობა და დაფხრწილი შარვლის დაკერება.

ხომ პატარა მუშლია, მაგრამ ისე ცნობს პარიზის ყველა პოლიციელს, რომ პოლიციის უფროსსაც აჯობებს. დაინახავს ქუჩაში და მაშინვე წამოიძახებს იმის სახელსა და გვარს. სულ თითებზე ჩამოვითვლის, რაც ქალაქში პოლიციელია. ყველას იცნობს, ყველას შესახებ მოეპოვება ცნობები. ისე კითხულობს პოლიციელის ჩანაფიქრს, თითქოს გადაშლილ წიგნს ჩასცქეროდეს და სხაპასხუპით წაუბორძიკებლად გეტყვიო: ის... მოლაღატეა, მეორე საშინელი ბოროტი; ისა? - ის აყლაყუდა; ის კიდევ მასხარა (ყველა ამ სიტყვებს, - მოლაღატე, ბოროტი, აყლაყუდა, მასხარა - გაფართოებული მნიშვნელობა აქვს გამენის ლექსიკონში), ან კიდევ: იმ ოტროველას ჰგონია, რომ ახალი ხიდი მისი საკუთრებაა და ქვეყანას უკრძალავს - მოაჯირს იქით ნუ დადიხართო!.. ისა? ის იმდენად ბრიყვია, რომ ყურს უგრეხს საზოგადოებას, ესე იგი, გამენს და სხვა.

თავი მეცხრე
ძველი გალური სული

გამენის თვისებებიდან ბევრი რამ ახასიათებდა სახელოვან პოკლენს, ბაზრის შვილს და აგრეთვე - ბომარშესაც. გამენობა გალური სულის ერთგვარი ელფერია. ჭკუას რომ ეს თვისება მიემატება, ისევე ამავგრებს და აძლიერებს, როგორც ალკოჰოლი ღვინოს, მაგრამ ხანდახან ნაკლებდაც ჩანს. ჰომეროსი ერთსა და იმავეს

იმეორებს? შეიძლება. სამაგიეროდ, შეიძლება ვთქვათ, რომ ვოლტერი გამეწობს. დიდი რევოლუციის გმირი კამილ დემულენი პარიზის გარეუბნელი იყო; შამპიონე, რომელსაც სამასხაროდ არ ჰყოფნიდა წმინდა სასწაული, პარიზის ქუჩის ბიჭი გახლდათ. პატარა იყო, წყალი რომ შეუყენა ბოვს სენ-ჟანის და მონის სენტ-ეტიენის ეკლესიებს; ის იყო, უკმეხად რომ მოიხსენა წმინდა ჟენევიევის ნაწილები და უბრძანა წმინდა ჟანევის სისხლით სავსე ფიალას, - გათხელიდი, რაღაო.

არც ზრდილობა აკლია გამენს. იცის პატივისცემა, მაგრამ მასხარა და თავხელი. საძაგელი კბილები აქვს, რადგან საძაგელ საჭმელს ჭამს და მუცელს იავადებს, მაგრამ მშვენიერი თვალები აქვს, რადგან ჭკვიანია: თვით იელოვასაც არ მოერიდება და სულ ასკინკლით ავარდება სამოთხის კიბეზე. ყოჩაღია მუშტით და, თუ გაჭირდა, წიხლითაც. თუ გარემოება მოითხოვს, ადვილად იცის შეცვლა: წყალში ჭყუმპალაობს და უცხად ჩაერევა აჯანყებაში. იქ კი ნამდვილი დევგმირია. ბარა პარიზელი გამენი იყო. მისი ყვირილი „წინ“ ერთ წუთში ბუმბერაზად ხდის პანას.

გამენები ქუჩის ცხოვრების გარდა, მაღალი იდეალებისკენაც მიისწრაფვიან. თვალი გადაავლეთ მოლიერიდან ბარამდე არსებულ მანძილს.

ბოლოს და ბოლოს, მოკლედ, ერთი სიტყვით დავახსიანოთ; პარიზელი გამენი პატარა ბიჭია, რომელიც თავს იქცევს, რადგან უბედურია.

თავი მეთათე

ECCE PARIS, ECCE HOMO

ერთხელ კიდევ რომ შევაჯამოთ ნათქვამი, პარიზელი გამენები დღეს, როგორც ოდესღაც რომაელი „graculus“, ყმანვილი ხალხია, რომელთა შუბლზეც ძველი ქვეყნის ნაოჭი მოჩანს.

გამენი ერთდროულად ხალხის კურთხევაც არის და ავადმყოფობაც. ავადმყოფობა, რომელიც განკურნებას მოითხოვს. როგორ? განათლებით.

განათლება კურნავს.

განათლება თვალს უხელს.

მეცნიერების ნაყოფია ყველა სათნო სხივი, რომელიც ხალხის განათლებას ემსახურება, - მწერლობაც, ხელოვნებაც, სწავლაც. მოამზადეთ ხალხი! განათლებით, რომ თქვენც გაგათბონ. დღეს იქნება თუ ხვალ, წამოიჭრება ხალხის სავალდებულო სწავლების ბრწყინვალე საკითხი, ისეთი ძალით და სიმართლით, რომ საფრანგეთის მთავრობის სათავეში მდგომნი იძულებული იქნებიან არჩევანი გააკეთონ: საფრანგეთის შვილები, თუ პარიზის გამენები? სინათლის ნათელი სხივი, თუ სიბნელის ცთომილი ალი?

გამენი პარიზის განსახიერებაა და პარიზი - ქვეყნიერებისა.

იმიტომ, რომ პარიზი ქვეყნიერების ცენტრია. პარიზი ჭერია, კაცობრიობას რომ აფარია. მთელი ეს საკვირველი ქალაქი ჭამია, რომელშიც შეერთებულია ძველი, მკვდარი და ახალი, ცოცხალი ზნე-ჩვეულებანი. ვინც პარიზს ნახავს, ჰგონია მთელი ისტორიის უკულმა პირს ვხედავ და აქა-იქ ცასა და თანავარსკვლავედსო. პარიზს თავისი კაპიტალიუმი აქვს - ქალაქის თვითმმართველობა, თავისი პარტენონი - ღვთისმშობლის ტაძარი, საკუთარი ავენიენის მთა - წმინდა ანტონის უბანი, საკუთარი აზინარეუმი - სორბონი; პანთეონი - ასევე პანთეონად წოდებული, თავისი წმინდა გზა

- იტალიელების ბულვარი, თავისი „ქარციხე“ - საზოგადოებრივი აზრი; რომაელების გემონის კიბის მაგივრად კი, რომელზედაც დახოცილ პატიმრებს გამოაწყობდნენ ხოლმე - დაცინვას სთავაზობს, ძველი მაიოს მაგივრად - გარეუბნელები, ძველი „ჰამალის“ მაგივრად - ბაზრის მუშა, „ლაზარონის“ მაგივრად - ქურდების ბრბო და „კოკნის“ მაგივრად - კოხტაპრუნა.

რაც კი რამ არის სადმე სხვაგან, პარიზშიაც მოიპოვება. ბაზრის მეთევზე დედაკაცი არაფრით ჩამოუვარდება ევროპიდეს მწვანილის გამყიდველს და ბადროს მსროლელი ვეთანუსი გაჭიმულ ბაგირზე მოცეკვავე ფორიოზოდ გაცოცხლებულა. თუ ძველად თერაპონტიგონელი მილესი ჰყავდათ, დღეს გრენადერი ვადებონკერი გვეყავს; ძველებური ვაჭარი დემიზი ბედნიერი იქნებოდა, რომ ნოქრად მიეღოთ პარიზელ ძველმანების ვაჭრებს; სოკრატის, რა თქმა უნდა, ვინსენის ციხეში იჯდებოდა, ხოლო აგორა დიდროს დააპატიმრებდა. თუ კურტილუსი შემწვარ ზღარბს მოიგონებდა, გრიმო დე-ლა რეინიერი როსბიტს შემოიღებდა; პლატეს ტრაპეცია ჩვენ ხელახლა ვარსკვლავის თალის ქვეშ მოვაქციეთ; ხმაღს რომ ყლაპავდა ათინელი და აპულეუსი გააკვირვა, დღესაც ახალ ხიდზე მის და ხმლებს ყლაპავს; თუ მაშინ პარაზიტი კურკულიონი ჰყავდათ, მას არ ჩამოუვარდებოდა ჩვენი რამოს ძმისწული. ერგაზილი მარტო ეგრაფიელის დახმარებით წარუდგებოდა კამბასერესს; რომის ოთხი სახელოვანი ქალი - ალკეზიმარხი, ფედრომი, დიაბოლუსი და არგარიპი, თითქოს გაცოცხლებულან, კურტილიდან მოდიან ფოსტის ეტლით; აულე-გელი იმდენ ხანს არ იდგებოდა კონგრის ნინ, რამდენ ხანსაც შარლ ნოდიე იდგა ხუმარას ნინ; მარტონი ძე ვეფხვი არ არის და არც პარტალისკა იყო ურჩხული; ხუმარა პანტოლაბუსი დღესაც მასხრად იგდებს ინგლისელების კაფეში მოქეიფე ნომენტანუსს; ჰერმოგენი ტკბილად მღერის ელისეს ბაღში, იქვე არის გაქნილი თარაბიუსი, მასხარის ტანისამოსით და ფულს აგროვებს; ვილაც თავხედი რომ დაიჭერს თქვენი ტანისამოსის ღილს და შეგაჩერებთ ტუილერაში, იმავე სიტყვას გამოვრებინებთ, რომელიც ორი ათასი წლის წინათ იყო ნათქვამი თესპრიონის მიერ: *Quis properantem me prendit pallio?* სურენის ღვინო წაგავს ალბანურს, დემოკრეს ერთი ჭიჭა იგივეა, რაც ბალატრონის დიდი სასმისი; პერ-ლაშემის სასაფლაო ღამის წვიმაში იმავე სინათლეს იძლევა, რასაც ესკილი იძლეოდა რომში, და ხუთი წლის ვადით ნაყიდი ღარიბი კაცის საფლაოე იგივეა, რაც მონის დასასაფლავებლად ქირით აღებული კუბო.

მოძებნეთ რამე, რომ პარიზს არ ჰქონდეს. ტროფონიუსის ვარცლში არაფერი იყო იმისთანა, რაც მესმერის როფში არ ყოფილიყო. ერგაფილა გაცოცხლებულია კალიოსტროთი, ბრამინი - ვასათვანტა განხორციელებულია გრაფ დე-სენ-ჟერმენში, და სენ მედარის სასაფლაოზე იმდენივე სასწაული ხდება, რამდენიც დამასკოში ხდებოდა უმუმიეს მჩრეთში.

პარიზს თავისი ებოპე ჰყავს, რომელსაც მეიო ჰქვია, და თავისი კანიდი, რომელსაც ქალბატონი ლენორმანი ჰქვია. პარიზსაც შიშით გული უსკდება, როგორც დელფეს, როდესაც გამოძახებულ სულებს ხედავს, ისიც ისე ატრიალებს მაგიდებს, როგორც დოდონა ატრიალებდა სამფეხა სკამებს. პარიზს კოხტა გოგო აჰყავს ტახტზე, როგორც რომს აჰყავდა ტახტზე უნამუსოები და ბოლოს, თუ მეფე ლუი მეთხუთმეტე ვერ შეედრება კლავდიუსს, ქალბატონი დუბარი ხომ აჭარბებს მესალინეს. პარიზი ქმნის საკვირველ ტიპს, რომელსაც ჩვენს დროსაც ვხედავდით, და ამ ტიპით

აერთიანებს ბერძენის სიტყვებს, ებრაელის ურვას და გასკონელის ლაზღანდარობას. პარიზს შეედრება დიოგენი, იობი და ჰაიასი. ძველი ნორმებით მოსავს გაზეთ „კონსტიტუციელის“ აჩრდილს და ქმნის შოდრუკ ღუკლოს.

თუმცა პლუტარქე ბრძანებს, - მტარვალს არაფერი აბერებსო, რომს ისე გაუჭირდა სულას და დომიციანის დროს, რომ სიამოვნებით უმატებდა წყალს თავის ღვინოს. ტიბრი ჯოჯოხეთის ლეთესავით ავიწყებდა ადამიანს წარსულს, თუ დავუჯერეთ ცოტა გადამეტებულ ქებას, რომელიც ვარუს ვიბისკუსმა უძღვნა ამ მდინარეს: „Contra Gracchos Tiberim habemus. Bibere Tiberim, id est seditionem oblivisci“, - გრაკხების დასამარცხებლად ტიბრიც გვეყოფა. პარიზი დღეში ერთ მილიონ ლიტრ წყალს სვამს, მაგრამ ეს წყალი სრულენითაც არ უშლის ხელს, რომ განგაში ატეხოს, როცა საჭიროება მოითხოვს, და აჯანყება გააჩალოს.

საერთოდ კი, პარიზი კეთილი ქალაქია. დიდებულად ეგუება ყველაფერს. დიდ მოთხოვნას არ უყენებს ვენერას, მისი კალიპიგაპოტენტოტია, ოლონდ ვააცინონ და ყველაფერს შეუნდობს. სიმახინჯე ამხიარულებს, ბინიერება ართობს, ოლონდ მხიარული იყოს კაცი, და გაიძვერობაც ეპატიება. პირმოთნეობაც კი, ეს უაღრესი ცინიზმიც კი არ აღაშფოთებს. იმდენად განათლებული არ არის, რომ არ ეზიზღება ბოყინი პრიაპისი. კაცობრიობის სახის არც ერთი ნაკვეთი არ აკლია პარიზს. თუმცა „სახალხო ცეკვას“ რომის იანიკულის ბორცვი აკლია, მაგრამ აქაც, ძველი ტანისამოსით მოვაჭრე დედაკაცი თვალს არ ამორებს ლამაზ გოგოს, როგორც მაჭანკალი სტაფილა უთვალთვალეობდა ცქრიალა პლანეზიუმს. ჩვენი კრივი რომის კოლიზე არ არის, მაგრამ აქაც იმისთანა გაშმაგებით იბრძვიან, რომ კეისარსაც კი შეშურდებოდა. სირიელი დიასახლისი დუქნისა იქნება უფრო მიმზიდველიც იყო, ვიდრე ძალუა საგე, მაგრამ თუ ვირგილიუსს უყვარდა რომაული დუქანი, არც დავიდ დ-ანჟერი, ბალზაკი და შარლე ინუნებდნენ პარიზულ დუქნებს.

პარიზი მეფობს თავისი გენიოსებით განდიდებული. აღონაიც იქ ბრძანდება თავის თორმეტთვლიანი მხისმტყორცნავი ეტლით და სილენიც თავისი ვირით - იგულისხმეთ რამპონო.

პარიზი - კოსმოსის სინონიმი. პარიზი - ათენიც არის, რომიც, სიბარისიც, იერუსალიმიც, პანტენიც. აქ შეკრებილია ყველა ცივილიზაციის სული და გული, და ბარბაროსობის ყველა ნაშთი. ძალიან იწყენდა პარიზი, როდესაც გილიოტინა არ ჰქონდა.

გრევის მოედანიც კარგია. რას ემგვანებოდა ეს მუდმივი სიხარული, გრევის გილიოტინით რომ არ ყოფილიყო შეზავებული? ჩვენმა კანონმდებლობამ ესეც გაითვალისწინა და მისი წყალობით, გილიოტინის მახვილიდან სისხლი წვეთ-წვეთად დასდის პარიზის კარნავალს.

თავი მეთერთმეტე
ხუმრობა და მეფობა

პარიზს საზღვარი არ აქვს. არც ერთ ქალაქს არ ჰქონია ამდენი უფლება; უფლება, რომელიც ხანდახან თვითონვე დასცინის, ვისაც იმორჩილებს. - თქვენი გულის მოგება მინდა, ათენელებო! - იძახდა ალექსანდრე. პარიზიც გულის მოსაგებად, კანონმდებელზე უფრო მეტს ქმნის, - ის ქმნის მოდას, უფრო მეტსაც, ვიდრე მოდაა.

პარიზი ქმნის რუტინას. შესაძლებელია გასულელდეს პარიზი, თუკი სურს. ხანდახან გაიტაცებს ხოლმე ეს სურვილი და მაშინ ქვეყნიერებაც ისევე სულელობს, როგორც პარიზი; მაგრამ შემდეგ ჭკუაზე მოდის, თვალს ახელს - რა სისულელე მომივიდაო და ხმამაღალი სიცილით შესცქერის კაცობრიობას.

განა საოცრება არ არის ამგვარი ქალაქი? და უცნაური ისაა, რომ ერთად არიან, ტკბილ მეზობლად, ეს დიდი და ეს სასაცილო, რომ ამ ბრწყინვალეებს არაფრით არღვევს ეს პაროდია, და ერთი და იგივე ბავე დღეს მორეიდმოსვლის საყვირს ჩაჰბერავს, ხვალ კი ხახვის ფოთოლს სტვირად ჩაიდებს პირში და იმას უკრავს. უსაზღვრო სიხალისის მქონეა პარიზი. ელვასავით ბრწყინავს მისი მხიარულება. მის ფარსს სამეფო კვერთხი უჭირავს ხელში. ხანდახან გრივალს გამოიწვევს ხოლმე პარიზის სახის ცვლა. მთელ ქვეყნიერებას ედება მისი აღტკინება, ბრძოლა, შედეგები, სასწაული, ეპოპეები და აგრეთვე მისი ოხუნჯობაც. პარიზის გაცინება ვულკანის ამოფრქვევაა, რომელიც მთელ ქვეყნიერებას ეფინება. მისი სუმრობა ნაპერწკლების სროლაა. კაცობრიობის ცივილიზაციის უდიდესი ძეგლები იტანენ პარიზის ირონიას და ამგვარად თავის უკვდავებას მის ანცობას ანდობენ.

დიდებულია პარიზი. დიდებულია 14 ივლისი - კაცობრიობის განთავისუფლების დღე, ერთგულეა შეჰფიცა ამ დღეს პარიზმა თავისუფლებას, და მასთან ერთად ყველა ერმაც. 4 აგვისტოს ღამემ სამი საათის განმავლობაში მოსპო ათასი წლის ფეოდალიზმი. თავისი ლოგიკიდან იგი ქმნის ერთიან იდეას, რომელიც დიად მიზნებს აერთიანებს. თავისი სხივებით აძლიერებს ვაშინგტონს, კოსტიუშკოს, ბოლივარს, ბოციარისს, რიეოსს, ბემსს, მანინისს, ლოპესს, ჯონ ბროუნს, გარიბალდისს. პარიზი ყველგან არის, სადაც კი მომავალი ინთება, - ბოსტონში 1779 წელს, ლეონის კუნძულზე 1820 წელს, პესტში 1848 წელს, პალერმოში 1860 წელს და ყველგან ძლიერ ლოზუნგს ჩასჩურჩულებს ხალხს - თავისუფლებას. ამ სიტყვით ამხნევენს მონობის მოწინააღმდეგე ამერიკელებს ჰარპერისის ბორანზე და იტალიელ პატრიოტებს ანკონაში. პარიზი ქმნის კანარისს, გვიროვას, პიზაკანს. თავისუფლების სხივს ჰფენს ქვეყნიერებას. პარიზის აზროვნებით გატაცებული ბაირონი კვდება მისოლონგში, მაზე კი - ბარსელონაში; პარიზიდან გასძახის თავისუფლებას მირაბო და კაცობრიობის გასაღვიძებლად ცეცხლს აფრქვევს რობესპიერი. პარიზი თავისი წიგნებით, თეატრით, ხელოვნებით, მეცნიერებით, მწერლობით, ფილოსოფიით - კაცობრიობის ხელმძღვანელია. პარიზს ჰყავს პასკალი, რენიე, კორნელი, დეკარტი, ჟან-ჟაკ-რუსო, ვოლტერი - ყოველი წუთისთვის და მოლიერი - სამარადისოდ. პარიზი თავის ენას მსოფლიო ენად ხდის. პროგრესის იდეას აღუძრავს ყველა ხალხს. თავისუფლების იმ ცნებას, რომელსაც გამოსჭედავს თავის ბრძმედში, მახვილ იარაღად ხმარობენ ჩაგრული ხალხები. პარიზის მოაზროვნეთა და პოეტების სულმა შექმნა 1789 წლის შემდეგ ამდენი გმირი ყველა ხალხში.

და ყოველივე ეს სრულიადაც არ უშლის ხელს მის გამეწობას. ის დიდი გენია, პარიზად წოდებული, რომელსაც თავისი სხივით განათლება შეაქვს ქვეყნიერებაში, ბუჟინიეს ცხვირს ხატავს ტემვისის ტაძრის კედელზე და „კრედევილი ქერდი არის“ - წერს პირამიდაზე.

სულ მხიარულია პარიზი; თუ არ ბუზღუნებს, მაშ იცინის.

ასეთია პარიზი. მისი ბანიდან ამომავალი კვამლი ქვეყნიერების იდეებია. შენობა ტალახისაა ან ქვის, მაგრამ ამ შენობაში არის ზნეობრიობა; იგი უფრო მეტია, ვიდრე სიტყვა „დიდი“, იგი უზარმაზარია. რატომ? იმიტომ, რომ გაბედულია.

გაბედულება!

ამით მოიპოვება პროგრესი.

ყოველი დიდი გამარჯვება გამბედაობის შედეგია. რევოლუციის მოსახდენად არ იყო საკმარისი მონტესკიეს წინასწარმეტყველება, არც დიდროს ქადაგება და ბომარშეს ხარება - მოდიხო! არც კონდორსეს ანგარიში, არუეს მზადება და რუსოს დაგეგმვა. რევოლუციის მოსახდენად დანტონი იყო საჭირო, რომ გაეხედა.

სიტყვა - გაბედეთ - უდრის ბრძანებას - Fiat lux! - იყავნ სინათლე!

კაცობრიობის განათლებისა და წინსვლისთვის საჭიროა მაღალ კვარცხლბეკზე მუდამ ჩანდეს ხალხის კეთილდღეობისთვის ვაჟკაცური თავგანწირვის მაგალითები. გამბედაობა აელვარებს ისტორიას და დიდებულ სხივს ჰვენს ადამიანს. ალიონი ბედავს, როცა ის მოდის, ვცადოთ, გაბედულად შევედგეთ საქმეს, არ დავიხიოთ უკან, რაც უნდა მოგველოდეს, ერთგულად ვემსახუროთ ხალხის კეთილდღეობას, ხელჩართული ბრძოლა გამოვუცხადოთ უმეცრებას და ხალხის ჩაგვრას, გავაკვიროთ სამინელება ჩვენი დაჟინებით და უშიშრობით, იერიშით მივიდეთ უსამართლო მართებლობაზე, შეურაცხყოფით შევამკოთ ხალხის გაბრიყვებით გამარჯვებული და ტალივით მაგრად ვუდგეთ განათლების მტერს. აი, როგორი მაგალითი ესაჭიროებოდა ხალხს, და ის სხივი, რომელიც ელექტრონივით დაუვლის დაჩაგრულთ. ხალხის თვალის ამხელ ერთსა და იმავე სხივს გვაძლევს პრომიეტეს ჩირაღდანი და კამბრონის მოკლე ჩიბუხი.

თავი მეთორმეტე

ხალხში ჩამალული მომავალი

რაც შეეხება პარიზელ ხალხს, ისევ ის გამენია, უკვე დავაჟკაცებული. პატარა ბიჭის დახატვა ქალაქის დახატვას ნიშნავს. და ამიტომ იყო, რომ პატარა გულწრფელი ბელურა დავხატეთ დიდი ორბის გასაცნობად.

პარიზელი, თუ ნამდვილი პარიზელი გნებავთ, ხელახლა ვამტკიცებთ ამას, იქ იზრდება, პარიზის გარეუბანში. იქ მოიპოვება წმინდა სისხლი და პარიზელის ნამდვილი სახე. იქ არის, გარეუბანში, რომ შრომობს და იტანჯება ხალხი; შრომა და ტანჯვა ჯერჯერობით ადამიანის სიცოცხლის ორი განსახიერებაა. მრავალი ხალხი ირევა გარეუბანში, მრავალი უცნობი და უცნაური, გადმომტვირთავი მუშიდან დანყებული მონფოკონის ჯალათამდე. Fex urbis - ქალაქის ნაძირალით დამთავრებული, - თქვა ციცერონმა, - მყრალი მატლიო, - წარმოთქვა აღმფოთებულმა ბურკემ. ბრბო, მდაბიო ხალხი! რა დაუფიქრებლად წამოისვრიან ხოლმე ამ სიტყვებს! დიახ, ბრბო, მდაბიო ხალხი! მერე რა უჭირს? რა ჩემი საქმეა, თუ ისინი ფეხშიშველნი დადიან; წერა-კითხვა თუ არ იყიან, მით უარესი! ამიტომ უნდა აითვალწუნოთ ეს დაჩაგრულნი? ნუთუ დანყველილად ამ ხალხს იგულისხმებთ, და არა მათ მჩაგვრელებს? ნუთუ გგონიათ, რომ სინათლე ვერაფერს გაანყობს ამ ტანჯულ ხალხში? დავუბრუნდეთ ამ სიტყვას: სინათლე, სინათლე!

რა იყო, რომ სინათლე არ გაფანტავს აქ გამეფებულ ბნელს? განა რევოლუცია ადამიანისა და საზოგადოების გარდაქმნა არ არის? მიდით, ფილოსოფოსებო, ასწავლეთ, ჩააგონეთ, ხმამაღლა თქვით, გამოჩნდით და გაანათლეთ! ხმამაღლა იფიქრეთ, ხმამაღლა თქვით, გამოჩნდით ხალხში, გაუამხანავდით ხალხს და მათ სახალხო მოედნებს, ახალი, სასარგებლო ამბავი აუწყეთ, გაავრცელეთ წიგნის სიყვარული, გაცანით ხალხს თავისი უფლებები, იმღერეთ მარსელიოზა, გაცანით ბრწყინვალე მომავალი, და მერე ნახავთ, რა ღირსეულად გამოიყენებს თქვენს შთავაზენებს და როგორ ამაღლდება ეს ბრბო. უნდა ვიცოდეთ პრინციპებისა და სათნოების იმ დიდი ხანძრის გამოყენება, რომელიც თავის დროზე აელვარდება, აინთება და ათრთოლდება. ცეცხლს ნაუკიდებს ამ ბრბოს თავისუფლების და ძმობა-ერთობის პრინციპი. ფეხშიშველია დღეს ეს ხალხი, ტანშიშველი, უვიცი, სხვებისგან თვალახვეული და გაბრიყვებული. მაგრამ დაანახვეთ თავისი სიკეთე და თავს გასწირავს იდეალთან მისაახლოებლად. გულმოდგინედ დაუკვირდით ხალხს და მაშინ ნახავთ ჭეშმარიტებას; იგი უბრალო ქვიშად მიგაჩნიათ, რომელსაც ფეხით თელავთ; მაგრამ, თუ ბრძმედში მოჰყვა, დადნა და დადუღდა, ბრწყინვალე კრისტალად იქცევა და მისი წყალობით აღმოაჩინენ გალილეი და ნიუტონი ციურ მნათობებს.

თავი მეცამეტე პატარა ვაგროში

გავიდა რვა-ცხრა წელი მას შემდეგ, რაც ნაამბობი იყო ამ ისტორიის მეორე ნაწილში. ტამპლის ბუღვარზე, პატო-ლოს ახლოს, თერთმეტი-თორმეტი წლის პატარა ბიჭს ხედავდნენ, რომელიც უნაკლოდ განასახიერებდა ზემოთ აღწერილი გამენის იდეალს, თავის ბავშვურ სიცილთან ერთად დაღვრემილი და სრულიად ცარიელი რომ არ ჰქონოდა გული. ვაჟკაცის შარვალი ეცვა პატარა ბიჭს, მაგრამ მამისეული როლი იყო. ქალის ზედატანი ეცვა ხალათის მაგივრად, არც ეს ჰქონდა დედისაგან მიღებული; ალბათ შეეცოდა ვინმეს საწყალი ბიჭი და სამადლოდ შემოსეს, რითაც შეეძლოთ, პატარას კი მამაც ჰყავდა და ღედაც. მამას სულ არ ავონდებოდა თავისი შვილი, ღედას კი არ უყვარდა. ერთი იმ საცოდავთაგანი იყო უბედური, რომელთაც ღედაც ჰყავთ, მამაც და მაინც ობლები არიან.

არსად ისე კარვად არ გრძნობდა თავს პატარა ბიჭი, როგორც ქუჩაში; ქუჩის ქვაფენილი უფრო რბილად ეჩვენებოდა, ვიდრე თავისი დედის გული. მშობლებმა პანდური ჰკრეს და ისე გამოაგდეს ქუჩაში. წადი და იცხოვრეო!

გამოაგდეს და ისიც გამოფრინდა.

ცოცხალი ბიჭი იყო, ხმაურიანი, ფერმკრთალი, ცქვიტი, ხუმარა; დადიოდა, დარბოდა, მღეროდა, თამაშობდა, წყალში ჭყუმპალაობდა. ცოტას კიდევ ნაიქურდებდა, მაგრამ მხიარულად და გულუბრყვილოდ, როგორც კატა, ან ბელურა. იცინოდა, ლანჩრას რომ დაუძახებდნენ, და ჭავრობდა, არამზადას რომ უწოდებდნენ. ბინა არ გააჩნდა, პური არ ჰქონდა, არც ცეცხლი, არც სიყვარული, მაგრამ მხიარულობდა, რადგან თავისუფალი იყო.

როგორც კი წამოიზრდებოდა ეს უბედურები, თითქმის ყოველთვის საზოგადოებრივი წისქვილის ქვის ქვეშ მოჰყვებიან ხოლმე და იღუპებიან; მაგრამ

სანამ პატარები არიან, ადვილად ემალებიან მას. სადაც კი ერთი ბენო ნახვრეტი შეხვდებათ, იქ შექცვნიან.

სრულიად უარყოფილი და დავინწყებული იყო თავისი დედ-მამისაგან, მაგრამ ორ-სამ თვეში ერთხელ მაინც მოაგონდებოდა თავისი მშობლები და წამოიძახებდა - მოდი, ერთი დედაჩემს ვნახავ. - მიატოვებდა ბულვარს, ცირკს, სენ-მარტენის კარს. ჩავიდოდა მდინარის პირას, გავივლიდა ხიდს, გავიდოდა გარეუბანში, მივიდოდა სალპეტრიერამდე და მიადგებოდა სწორედ იმ ორნომრიან შენობას - 50-52, რომელსაც მკითხველი კარგად იცნობს, გორბოს სახლს.

ჩვეულებრივ ცარიელი იყო ეს სახლი; შესასვლელ კარს მუდმივად ეკრა განცხადება - „გასაქირავებელი ოთახები“; მაგრამ იმ დროს სულ რამდენიმე კაცი იდგა ამ სახლში, რომლებსაც, როგორც პარიზის ყველა სახლში, ერთმანეთთან არავითარი ურთიერთობა არ ჰქონდათ და არც კი იცნობდნენ ერთმანეთს. ყველანი იმ დაბალ კლასს ეკუთვნოდნენ, რომელიც მეტად გაჭირვებული ბურჟუაზიან მომდინარეობს, უფრო და უფრო ძირს იწევს გაჭირვების გამო, საზოგადოების ნალექში ჩადის და ემატება ჩვენი ცივილიზაციის ქვედა ფენას, რომლებსაც შეადგენენ მეფობვეები და მეჭლანეები.

ჟან ვალჟანის დროის მეკარე, ბებერი დედაკაცი, მომკვდარიყო და ახლა სხვა აყევანათ, ისეთივე ბებერი და ისეთივე ავი. არ მახსოვს, რომელმა ფილოსოფოსმა თქვა: - თქვენ სხვა თქვით, თორემ ბებერი დედაკაცი რამდენიც გნებაუთ, იმდენია!

ამ ახალ ბებერ მეკარეს ბურგონი ერქვა და თავის სიცოცხლეში არაფერი ჰქონდა ღირსშესანიშნავი, სამი თუთიყუშის გარდა, რომლებიც ძალიან უყვარდა.

ამ სახლის მდგომარეობაში ყველაზე უბედური ერთი ოჯახი იყო, დედა, მამა და ორი კარგად მოწიფული ქალი. ოთხივე დაქანებული ბანის ქვეშ მოწყობილ ერთ ოთახში ცხოვრობდა.

ერთი შეხედვით, ამ ოჯახს განსაკუთრებული არაფერი ჰქონდა, გარდა დიდი სიღარიბისა. ოთახი რომ დაიქირავა კაცმა, თავისი გვარიც უთხრა, - ჟონდრეტი ვარო. ამ ოჯახის გადმოსვლა დაქირავებულ ოთახში არაფრით ჰგავდა ბინიდან ბინაზე გადასვლას, მეკარის თქმისა არ იყოს, ეს იყო სიცარიელის გადმოსვლა. რამდენიმე ხნის შემდეგ ჟონდრეტმა სთხოვა მეკარეს, რომელიც იმავდროულად კიბესაც ხვეტდა:

- იცი რა, დედი, თუ მოვიდა ვინმე და პოლონელი იკითხა, ან იტალიელი, ან იქნებ ესპანელიც, იცოდეთ, რომ მე მკითხულობს.

ეს იყო პატარა მხიარული მანანალას დედ-მამა და ოჯახი. მივიდოდა ხოლმე საცოდავი და საშინელ სიღარიბეს და გაჭირვებას ხელავდა, რაც კიდევ უფრო გულსაკლავია, ღიმილსაც კი ვერავის შენიშნავდა სახეზე. ამ სახლში გაყინული იყო ბუხარი და მასთან ერთად, მისი დედ-მამის და დების გულიც.

შევიდოდა და მაშინვე უკმეხად ჰკითხავდნენ:

- საიდან მოდიხარ?

- ქუჩიდან, - უპასუხებდა გავროში.

იგივე კითხვა, წასვლას რომ დააპირებდა:

- ახლა სად მიდიხარ?

- ქუჩაში.

ასე გულიანად მიესალმებოდა ხოლმე დედა:

- აქ რა გინდა, რომ მოეხეტები?

ისე იზრდებოდა საცოდავი, ალერსს და სიყვარულს მოკლებული, როგორც გაყვითლებული ბალახი, სადმე სარდაფში აღმოცენებული. მაგრამ ამას ყურადღებას არ აქცევდა და არავის ემღურებოდა. წარმოდგენაც კი არ ჰქონდა, თუ როგორები უნდა ყოფილიყვნენ დედა და მამა.

თუმცა დედას თავისი ქალები უყვარდა.

ის კი დაგვაზინყდა გვეთქვა, რომ ტამპლის ბულვარი ამ ბიჭს პატარა გავროშს უწოდებდა. რატომ დაირქვა გავროში? ალბათ იმიტომ, რატომაც დაირქვა მამამისმა უონდრეტი.

ზოგი უბედური ოჯახი რაღაც ალღოს მიხედვით წყვეტს თავისი წევრების შემაერთებელ ძაფებს.

უონდრეტის ოთახი ვორბოს სახლში ტალანის სულ ბოლოში იყო. მის გვერდით, პატარა ოთახში ერთი ყმანვილი კაცი ცხოვრობდა, ძალიან ღარიბი, ბატონი მარიუსი. ახლა ბატონი მარიუსი გავიცნოთ.

წიგნი მეორე
დიდი ბურჟუა

თავი პირველი
ოთხმოცდაათი წლის კაცი ოცდათორმეტი კბილით

ბუშრას, ნორმანდის და სენტონჟის ქუჩების მკვიდრ ზოგიერთ მოხუცებულს დღესაც კარგად ახსოვს ერთი მეტად თავისებური კაცი, ბატონი ჟილნორმანი, რომელსაც ყოველთვის სიამოვნებით ივარაუდებენ. მათ სიყმანვილეში ეს ჟილნორმანი უკვე ბებერი იყო. ვინც დაღონებული შესცქერის აჩრდილების ამ ბნელ ფუთფუთს, წარსული რომ ეწოდება, ნახავს, - ჯერაც არ გამქრალა ეს სილუეტი ტამპლის ახლო ქუჩებში, რომლებსაც ლუი მეთოთხმეტის დროს საფრანგეთის პროვინციების სახელს არქმევდნენ, როგორც ჩვენს დროში ახალი უბნის, ტივოლის ქუჩებს - ვეროპის დედაქალაქების სახელებს. წინსვლა, მოკლეც რომ ვთქვათ, რომელშიც პროგრესი მოჩანს.

ბატონი ჟილნორმანი 1831 წელს ძალიან ჭარმაგად გამოიყურებოდა. ერთი იმ კაცთაგანი იყო, რომლებიც თავისი სიბერიითა და დიდი ხნით სიცოცხლით, საინტერესონი და უცნაური არიან, - რადგან იმ დროს ყველას ემსგავსებოდნენ, დღეს კი აღარავის ჰგვანან. ეს მოხუცებული მეტად თავისებური კაცი იყო, მართლაც რომ სხვა დროის კაცი, მეთვრამეტე საუკუნის ბურჟუის ნამდვილი განსახიერება; ძალზე ამპარტავანი, რომელიც ისე ამაყოფდა თავისი ძველი ბურჟუობით, როგორც მარკიზი - თავისი მარკიზობით.

ოთხმოცდაათ წელს გადასცილდა, მაგრამ ჭაბუკივით წელგამართული დაიარებოდა, ხმამაღლა ლაპარაკობდა, მშვენივრად ხედავდა, ისე სვამდა, რომ სასმისში წვეთს არ დატოვებდა, კარგად ჭამდა, კარგად ეძინა და გულიანად ხვრინავდა. უკლებლივ ჰქონდა ოცდათორმეტივე კბილი. სათვალეს მხოლოდ კითხვის დროს ხმარობდა. ქალებს ეტრფოდა, მაგრამ ათი წელი იქნებოდა, რაც მათზე ხელი აიღო... აღარავის მოვეწონებო, - ამბობდა. მაგრამ იმას კი არ იტყოდა,

- დაბერდი, აღარ ვვარგვიარო, - არა! - ძალიან გავლარბდიო! - ჩიოდა - და უმატებდა:

- ასე რომ არ გავლარბებუელიყავი, გაჩვენებდით სიერსო!

მართლაც, ბევრი რამ დაეკარგა და წელიწადში თხუთმეტი ათასი ფრანკილა ჰქონდა საცხოვრებლად. სულ იმაზე ოცნებობდა, ერთი კარგი მემკვიდრეობა მიეღო, რომ წელიწადში ასი ათასი ფრანკი ჰქონოდა სახარჯოდ და საყვარლები ჰყოლოდა. როგორც ხედავთ, ბატონი ჟილნორმანი არ მიეკუთვნებოდა იმ დაავადებულ, გატეხილ ბებრებს, რომლებიც, როგორც ვოლტერი, მომავლადანი არიან მთელი სისოცხლის განმავლობაში. გამსკდარი ქოთნის გამძლეობა კი არ ჰქონდა ბატონ ჟილნორმანს: ბებერი იყო, მაგრამ მეტად ჯანსაღი, მხიარული, აჩქარებული, ფიცხი, სულ უბრალო, უმნიშვნელო რამეც კმაროდა, რომ გაბრზებუელიყო და თითქმის ყოველთვის უმიზეზოდ, თუ წინააღმდეგობას გაუბედავდა ვინმე, ჯოხს მოუღერებდა; ისე სცემდა თავის შინაურებს, როგორც ძველ დროში. ქალი ჰყავდა გასათხოვარი; ორმოცდაათი წლის მანც იქნებოდა, როდესაც გაჯავრდებოდა, გამეტებით სცემდა იმ ხნის ქალს და ხანდახან მათრახითაც ემუქრებოდა; ისეც ჰატარა, რვა წლის გოგოდ მიაჩნდა და ბავშვივით ექცეოდა. თავის მსახურებს უარეს დღეში ავდებდა; სილას გაულანუნებდა, ფეხი რომ წასხლტომოდა ვინმეს, და თან გემოზე შეუკურთხებდა: - შე მყრალო ლემოო!

უცბად ბრზდებოდა, მაგრამ დამშვიდებაც მალე იყოდა. წვერს ყოველდღე იზრსავდა: ამისთვის დალაქი ჰყავდა, რომელიც ერთ დროს გიჟი ყოფილიყო; ჭირივით სძულდა ამ დალაქს ბატონი ჟილნორმანი, რადგან ძალიან ლამაზი, კოხტა, კეკლეუცი ცოლი ჰყავდა და მოხუცზე ეჭვიანობდა.

დიდებულად მიაჩნდა თავისი აზრი, სიტყვა და შორსმჭვრეტელობა ბატონ ჟილნორმანს. აი მისი ერთი ნაკვეცი: - მართლა, ძალიან გულმახვილი ვარ; რწყილი რომ მიკბენს, მაშინვე ვიცი, რომელი სატროფოსგან შემომეპარაო. - თავის საუბარში ძალიან ხშირად ხმარობდა სიტყვებს - მგრძნობიარე და ბუნება. ამ უკანასკნელს, ბუნებას, არ იყენებდა იმ მნიშვნელობით, რომელიც ჩვენს დროში აქვს მას; მაგრამ თავისებურად სარგებლობდა ამ სიტყვით, როდესაც ცეცხლის პირას მოჰყვებოდა სახუმარო მასლაათს. - ბუნება თავის ბარბაროსულ სასაცილო ნიმუშებსაც კი აძლევს ცივილიზაციას, რომ ყველაფერი ჰქონდეს; ევროპას დაკნინებული სახით ჰყავს აზიის და აფრიკის ცხოველები: კატა ვეფხვი გახლავთ ჩვენი დარბაზის და ხვლიკი - ჯიბის ნიანგო... ოპერის მოცეკვავე ქალები წითელკანიანი ველურები არიან; კაცებს არ ჭამენ, მაგრამ ჯიბეს კი უხრავენ; ან არადა, ჯადოქრები არიან, ოსტრიად გადააქცევენ კაცს და ყლაპვენ! ადამიანის მჭამელი კარაიბები ძვლებს მანც ტოვებდნენ, და ამათ კი მხოლოდ ნიჟარა თუ დარჩებათ! ასეთი გახლავთ ჩვენი ზნე-ჩვეულებანი. ჩვენ კი არ ვჭამთ, - ვხრავთ! ჩვენ აღარ ვკლავთ, არა, ჩვენ ვკანრავთ და ვფხაჭნით.

თავი მეორე

როგორიც კაცი, ისეთი სახლი

სახლი მარეში ჰქონდა, ფილ-დღე-კალვერის ქუჩის #6-ში. შემდეგ ეს სახლი დაანგრის, ახალი ააშენეს და ნომერიც, რადა თქმა უნდა, ახლა სხვა ეწეება. საკმაოდ დიდი, ძველი ბინა ეჭირა სახლის მეორე სართულზე; ერთი მხრიდან, ფანჯრებით

ქუჩაში გადიოდა, მეორე მხრიდან, ბაღში. კედლებზე ჭერამდე გობელენის და ბოვეს ქსოვილი ჰქონდა გაკრული, რაც ჭერზე იყო დახატული, იგივე იყო წერილად ამოქარგული სავარძლების გადასაფარებლებზე. თავისი სანოლის ირგვლივ კოროპანდელური სანდალოზის ძვირფასი ცხრაკარიანი თეჯირი ედგა. ყველა ფანჯარას გრძელი ფარდა ამშვენებდა, რომელიც მშვენიერი ნაკვეცებით ეშვებოდა ძირს. ბაღი მუსტად მისი ფანჯრების ქვეშ იყო: სადაც თხუთმეტსაფეხურიანი კიბე ეშვებოდა, ბავშვივით ადიოდა და ჩადიოდა ამ კიბეზე მოხუცებული სახლის პატრონი. თავისი ოთახის გვერდით ბიბლიოთეკა და ერთი ბუდეური ჰქონდა, რომელიც ძალიან უყვარდა; საგანგებოდ მორთული ოთახი იყო და კედლებზე ძვირფასი შპალერი ჰქონდა გაკრული. ეს შპალერი ლუი მეთოთხმეტის დროს კატორღელებისთვის გაეკეთებინებინა ბატონ დე-ვივონს თავისი საყვარლისთვის. ბატონ ჟილნორმანს მემკვიდრეობით დარჩენილი ერთი სასტიკი ასი წლის მამიდისაგან.

ორჯერ დაქორწინებულიყო თავის სიცოცხლეში. მიხრა-მოხრით სასახლის დარბაისელს ჰგავდა, თუმცა თავის დღეში არ ყოფილა სასახლეში, ან მსაჯულს, რაც შესაძლებელია, რომ ყოფილიყო. როცა კარგ გუნებაზე იყო, მხიარული და ალერსიანი გახლდათ. სიყმაწვილეში ისიც იმ კაცთა რიცხვს მიეკუთვნებოდა, რომელსაც ყოველთვის ატყუებს ცოლი, და თავის დღეში არ ატყუებს საყვარელი, რადგან ერთსა და იმავე დროს საზიზღარია ცოლთან და მომხიბლავი - საყვარელთან.

ძალიან უყვარდა მხატვრობა და კარგადაც ესმოდა, თავის ოთახში ვიღაც კაცის მშვენიერი სურათი ჰქონდა, ჟორდენის მიერ დახატული. ბატონ ჟილნორმანს არც ლუი მეთოთხმეტის დროის ტანისამოსი ეცვა და არც ლუი მეფექსმეტის; დირექტორის დროის სალუქ ტანისამოსს იცვამდა.

ამ დრომდე სულ ყმაწვილ კაცად მიაჩნდა თავი, მოდისთვის არ უღალატია. მსუბუქი ფრაკი ეცვა განიერი გადანაკვეცებით, გრძელი ვიწრო კუდით და დიდრონი ფოლადის ღილებით. ამასთან მოკლე შარვალი და აბზინდიანი ფეხსაცმელი. ხელები ყოველთვის ილღიაში ჰქონდა ამოჩრილი, ჟილეტის ამონაჭერში. დაბეჯითებით გაიძახოდა:

- საფრანგეთის რევოლუცია გაიძვერა არამზადების ბრბო არისო.

თავი მესამე
LUC-ESPRIT

ჟილნორმანი თექვსმეტი წლის იყო, როდესაც ერთ ღამეს ოპერაში ორი მშვენიერი ქალი ლორწეით დააქწერდა. ორივე თავისი სილამაზით იყვნენ განთქმულები, ვოლტერის მიერ ხოტბაშესხმულნი. ქალბატონი კამარგო და ლა-სალე, უკვე მონათული ქალები იყვნენ. ორ ცეცხლოშუა მოამწყვდიეს ბიჭი და ისიც სწორედ გმირულად მოიქცა: ადგა და ერთ ყმაწვილ ქალს, მოცეკვავეს, სახელად ნანარის, მასავით თექვსმეტი წლისას, მიანდო თავისი გულისა და ჟინის მოკვლა; საზოგადოებისთვის ეს გოგონა უცნობი იყო, როგორც უპატრონო კატა, მაგრამ ლამაზი, ნორჩი და საყვარელი. ბევრი რამ ჰქონდა მოსაგონარი:

- რა ლამაზი იყო ჩემი გიმარ-გიმარდენ-გიმარდინეტი! უკანასკნელად რომ ვნახე ლონშანში, გულის წარმეტაცად ჰქონდა კულულები დალაგებული, ისეთი კვკლუცი

იყო, რომ თავალი ზედ დაგრჩებოდათ! კაბა „ახლად განდიდებულთა“ ფერისა, და ხელთათმანი - „ამაღელვებელი“.

ყმაწვილობიანობაში ნენ-ლონდრინენის კამბოლი სცმოდა და სიამოვნებით იგონებდა ხოლმე ამ მოდას: - ისე ვიყავი მორთული, რომ ლევანტელი ოსმალის გეგონებოდიო.

ოცი წლის რომ იყო, ქალბატონ ბუფლერს შესვედროდა სადღაც, რომელსაც მონათლა და „მომხიბლავი გიჟმაჟი“ ეწოდებინა.

ვერაფრით მოენელებინა, რომ თანამედროვე პოლიტიკური და სახელმწიფო მოღვაწენი სულ მდაბიო ხალხიდან ან ბურჟუაზიიდან იყვნენ. გაზეთებს - „ახალ ქალაღღებს“ - კითხულობდა და თან სიცილით კვდებოდა:

- აჰა, ღმერთო! ვინა ყრიან, ნეტავი, ეს გორბიერები, უმანები? კაზიმირ პერიე და მინისტრი, წარმოვიდგენიათ? სადმე გაზეთში რომ შევხვდეთ დაბეჭდილი - ბატონი ჟილნორმანი მინისტრიაო, ხომ სიცილად არ გეყოფათ. ჰოდა, ჩვენი უბედურებას იმაშია, რომ დღეს ისეთ ვირებს დარჩენიათ მოედანი, ესეც შეიძლება რომ მომხდარიყო!

ყველაფერს თავის საკუთარ სახელს არქმევდა და უწმანურსაც არ ერიდებოდა, თუნდაც ქალები ჰყოლოდა მსმენელად. მაგრამ ისეთი სიმშვიდით და გულუბრყვილობით ამბობდა უკმეხს, უშვერს და უწმანურს, რომ არ ემდურებოდნენ, მით უფრო, რომ ეს იყო მისი ღრისი, მისი საუკუნის „დაურიდებლობა“. ისიც უნდა აღვნიშნოთ, რომ იმ ღრის პოეზიაში ტკბილი და ზრდილი პერიფრაზი იყო გამეფებული, პროზაში კი უცერემონიო გამონათქვამებიც შეგხვდებოდათ.

ბატონი ჟილნორმანის ნათლიამ იწინასწარმეტყველა: - გენიოსი იქნება ეს ბიჭიო, - და სახელიც შესაფერი დაარქვა - Luc Esprit.

თავი მეოთხე

ას წელიწადს ვიცოცხლებ

ბავშვობაში, თავის სამშობლოში, მულენის სკოლაში რომ სწავლობდა, ჯილდო მიეღო რამდენჯერმე და ერთხელ თვით ჰერცოგ დე-ნივერნესაც თავისი ხელით დაეჯილდოებინა პატარა ჟილნორმანი. ის ნივერნეს მაგივრად ნევერს ეძახდა და ისე ცხადად ახსოვდა ეს გამარჯვება, რომ ვერც კონვენტმა დაავიწყა, ვერც ლუი მეთექვსმეტის სიკვდილმა, ვერც ნაპოლეონმა, ვერც ბურბონების დაბრუნებამ. ეს „ჰერცოგი ნევერი“ მიაჩნდა საუკუნის ერთ-ერთ უდიდეს ადამიანად.

- ნამდვილი ბატონი იყო, - იძახდა ჟილნორმანი, - დიდებულებით აღსავსე. მერე როგორ შეენოდა ორდენის ცისფერი ლენტე!

ჟილნორმანის აზრით, დიდი ცოდვა იყო პოლონეთის გაყოფა. მაგრამ, ეს ცოდვა იმით გამოისყიდა ეკატერინე მეორემ, რომ ბესტუჟევისგან სამი ათას მანეთად შეიძინა ოქროს ელიქსირის მომზადების საიდუმლოება. ეს ელიქსირი რომ მოაგონდებოდა, გამოცოცხლდებოდა ხოლმე:

- ოქროს ელიქსირი, ბესტუჟევის ყვითელი ფერი, გენერალ ლამოტის წვეთები! მეთვრამეტე საუკუნეში თითო წვეთი ოცი ფრანკი ღირდა. უბედური სიყვარულის და ვენერას წინააღმდეგ უებარი წამალი იყო. ლუი მეთხუთმეტემ ორასი შუბა გაუგზავნა რომის პაპს.

გაგიჟდებოდა კაცი, ცოფი მოერეოდა, რომ ეთქვა ვინმეს, - ეგ ოქროს ელიქსირი, უბედური სიყვარულის უებარი წამალი, სულ უბრალო ქლოროფანი რკინააო.

ბატონი ჟილნორმანი თაყვანს სცემდა საფრანგეთის მეფეებს, ბარონებს, და ცეცხლს ჰყრიდა, 1789 წელი რომ აგონდებოდა. სიამოვნებით უამბობდა ყველას, როგორ გადარჩა ტერორს, რამხელა მოხერხება და მხნეობა დასჭირდა, რომ თავი არ მოეჭრათ. თუ ვინმე ყმანვილ კაცს ღმერთი გაუწყნებოდა და რესპუბლიკის ქებას დაიწყებდა, გალურჯდებოდა კაცი და ბრაზით გული მისდიოდა. ხანდახან თავის ასაკს რომ შეეხებოდა, წამოიძახებდა ხოლმე:

- ოთხმოცდაათი წლის კაცი ვარ და იმედი მაქვს, მეორედ ველარ ვნახავ „ათას შვიდას ოთხმოცდაცამეტს“.

მაგრამ, როგორც კი დაავინწყდებოდა რესპუბლიკა, მაშინვე იმედიანად წამოიძახებდა:

- ოთხმოცდაათი წლის ვარ და ას წელიწადსაც ვიცოცხლებ!

თავი მხეხუთე

ბასკი და ნიკოლეტი

საკუთარი თეორიებიც ჰქონდა. აი, მაგალითად ერთი მათგანი:

„თუ კაცს ვაგიჟებით უყვარს ქალი და ცოლიც ჰყავს, უკვე მონყენილი, კანონიერი, უზნო, უფლებების მქონე, თავის კანონიერებაზე კრუხივით გადაფარებული და ხანდახან ეჭვიანიც, თავს ვერ დააღწევს ამ ჯოჯოხეთს, თუ მას არ ჩააბარა ოჯახის მოვლაც და სავსე ქისაც. ქისის გამგებლობის უარყოფა კაცისთვის სრული თავისუფლების მომტანია; საქმე გაუჩნდება ქალბატონს; ანგარიშობს, ფულს ითვლის, თითებს იუანგიანებს, მამულში მბრძანებლობს, მებაღეს და ფერმერს ჰკუას ასწავლის, ვეჩილებს კრებს, ნოტარიუსს ეკამათება, ლანძღავს სოფლის მწერალს, დადის მოხელეებთან, სასამართლოში, ადგენს და არღვევს პირობის წერილებს. მბრძანებლად გრძნობს თავს, ყიდის, ყიდულობს, წესებს ადგენს და თვითონვე არღვევს, აღუთქვამს და გადათქვამს, უთმობს და უარყოფს, მისცემს და სხვას გადასცემს, აშენებს, ანგრევს, აგროვებს და თან ფანტავს! მრავალ სისულელეს სჩადის, მაგრამ სრული მბრძანებელია ქალბატონი და ამით კმაყოფილი. და მანამ ქმარი სხვას ეტრფის, ცოლი თავისებურად იყრის ჯავრს და ანადგურებს იმის ქონებას.

ამ თეორიის მიხედვით ცხოვრობდა ჟილნორმანი და ამის შედეგი იყო მთელი მისი ისტორია. მისმა ცოლმა, მეორემ, ისე მშვენივრად მოუარა ოჯახის ქონებას, რომ ერთ მშვენიერ დღეს, მეორედ რომ დაქვრივდა კაცი, ძლივსლა დარჩენოდა იმდენი, რომ ცხოვრება შესძლებოდა, თხუთმეტი ათასი ფრანკი წელიწადში, და ისიც სანამ ცოცხალი იყო; მოკვდებოდა და მის მემკვიდრეს მეოთხედილა დარჩებოდა. ასე მონაწყო საქმე, რადგან მის შემდეგ თუნდაც სულაც დაღუპულიყო ქვეყანა, მას აღარაფერი ენაღვლებოდა. და გარდა ამისა, იყოდა, რომ კერძო მამული ხიფათს ვერ ასცდებოდა და საერთო საკუთრებად გადაიქცეოდა. თავისი თვალთ ენახა სხვისი ფულის ხელში ჩადგება მთავრობის მიერ და აღარაფერთარი ნდობა აღარ ჰქონდა იმ დიდი წიგნისა, რომელშიც თავის ვალებს წერს სახელმწიფო, კინ-კან-პუას ბანკის გამეორება თქვენი რევოლუციისა!

როგორც უკვე ვთქვით, საკუთარი სახლი ჰქონდა.

სახლში ორი მსახური ჰყავდა „მამალი და დედალი“.

მსახურს რომ აიყვანდა, უთუოდ გადანათლავდა. კაცს თავის პროვინციის სახელს ეძახდა: ნიმელი, კონტელი, პუტევენი, პიკარი, მისი უკანასკნელი მსახური ერთი სქელი კაცი იყო, ქოშინით ძლივს სუნთქავდა, გამხდარი ფეხები ჰქონდა; ორმოცდაათი წლის იყო. სირბილით ოც ნაბიჯს ვერ გაივლიდა, მაგრამ ბაიონელი იყო, და ამიტომ უილნორმანმა ბასკი უწოდა. მსახურ დედაკაცებს კი ყველას ნიკოლეტს არქმევდა (თვით მანონსაც, რომელსაც ახლავე გავაცნობთ მკითხველს).

ერთხელ დედაკაცი მივიდა უილნორმანთან, გამოცდილი მზარეული, სახელოვანი მეკარეების ჯიშის.

- რამდენი გინდა თვეში? - ჰკითხა უილნორმანმა.
- ოცდაათი ფრანკი.
- სახელად რა გქვია?
- ოლიმპია.
- ჯამაგირი ორმოცდაათი ფრანკი გექნება და სახელად ნიკოლეტი გერქმევა.

თავი მეექვსე

მანონი თავისი ბავშვებით

როდესაც უილნორმანს რამე ეწყინებოდა, საშინლად გაცოფდებოდა ხოლმე. ცრუმორწმუნე იყო, იმავე დროს თავის მრწამსსაც სიამოვნებით არღვევდა.

ბედნიერი იყო და თავი მოჰქონდა, რომ საზოგადოება ქალების მოყვარულად იცნობდა, სიბერეშიც არ იშლიდა ამით თავმონონებას. „მეფური სახელი“ მაქვს გავარდნილიო, - იტყოდა ხოლმე, როცა ქალებს შეეხებოდა საუბარი. მაგრამ ხანდახან ძალიან მწარედ სჯიდა ეს მეფური სახელი. ერთხელ კალათით პატარა ბიჭი მიართვეს. ახალდაბადებული. საშინელი ჩხავილით მოველინა პატარა ბიჭი უილნორმანს. გოგო ჰყოლოდა მსახური, ექვსი თვის წინათ დაეთხოვა და ახლა ბავშვს უგზავნიდა ის გოგო, - შენია და შენ გაზარდეო. - მაშინ ოთხმოცდაოთხი წლის იყო უილნორმანი. ირგვლივ დიდი აღშფოთება და მითქმა-მოთქმა გამოიწვია ამ ამბავმა: - ის უნამუსო, ისა! ვინ დაიჯერებდა მის ცილისწამებას? ამ ხნის კაცი და კიდევ შვილები?

თვითონ უილნორმანი არც გაჭავრდა, არც უარი თქვა, ტკბილი ღიმილით დააცქერდა კალათაში მტირალს, ეტყობოდა, ესიამოვნა კიდევ ამგვარი ცილისწამება და თქვა:

- რა იყო? რა მოხდა? რა არის აქ გასაჭავრებელი, რომ გამტერებულხართ ყველანი და პირღია დასცქერით ბავშვს, უეცებივით! ბატონმა დ-ანგულემმა, მეფე შარლ მეათის ნაბიჭვარმა, თხუთმეტი წლის გოგონა რომ შეირთო ცოლად, თვითონ ოთხმოცდახუთი წლის იყო; ბატონი კირჟინალი, მარკიზი დ-ალუე, კარდინალ სურდის ძმა, ბორდოს ეპისკოპოსი, ოთხმოცდასამი წლის იყო, თავმჯდომარე ჟაკენის მეუღლის მხევალი რომ შეიყვარა, ყმანვილი გოგო, და იმისთანა ბიჭი ეყოლა, თვალი ზედ დარჩებოდა ადამიანს. ძალიან კარგი ბიჭი დადგა, მალტის რაინდი იყო; ჩვენი დროის ერთი სახელოვანთაგანი მღვდელი ტაბარუ ოთხმოცდამეტი წლის მოხუცებულის შვილია. სრულიად ბუნებრივია ეს მოვლენა და ხნიერება აქ არაფერ შუაშია. თუ არა და, დაბადება მანაც გაიხსენეთ. მიუხედავად ამისა, ვაცხადებ, რომ ეს

ბავშვი ჩემი არ არის, მაგრამ მოვეუაროთ და გავზარდოთ. ამისი რა ბრალია, ამ საცოდავის?

გულკეთილად მოიქცა უილნორმანი. ერთი წლის შემდეგ კიდევ ერთი ამისთანა ძღვენი მიართვა იმ დედაკაცმა, მანონმა. ესეც ბიჭი იყო. აუბა მანონმა. მან კი ორივე ბიჭი დედას დაუბრუნა და თვეში ოთხმოცი ფრანკი აღუთქვა ბავშვების აღსაზრდელად, ოღონდ იმ პირობით, რომ ასეთი რამ აღარ ჩაედინა მანონს და დაუმატა:

- იმედი მაქვს, დედა კარგად მოუვლის. ხანდახან მე თვითონ მივალ მათ სანახავად.

თქვა და კიდევ შეასრულა.

ძმა ჰყავდა, მღვდელი; ოცდაცამეტი წლის განმავლობაში პუატიეს აკადემიის რექტორი იყო და სამოცდაცხრამეტი წლისა მომკვდარიყო.

- რა დროს მისი სიკვდილი იყო, - იძახდა უილნორმანი, - ჯერ ისევ ყმაწვილი კაცი იყო.

ძმის შესახებ ბევრი არაფერი ახსოვდა ჩვენს მოხუცებულს, იცოდა, რომ სამინელი ძენი იყო და, რადგან, როგორც მღვდელს, გაჭირვებულის განკითხვა უნდა სცოდნოდა, მათხოვრებს მონყალებას აძლევდა, მაგრამ გალესილ, ძველ ფულს, რომელსაც გასავალი აღარ ჰქონდა ბაზარში. ძალიან კარგი საშუალება ეპოვა მღვდელს: ჯოჯობეთს ვერ ავცდები, მაგრამ გზად სამოთხეში გავივლი.

თვით უილნორმანი კი უფრო ქველი იყო და უხვად იცოდა მონყალების გაცემა. გულკეთილი კაცი იყო, სულსწრაფი, ლმობიერი, მდიდარი რომ ყოფილიყო, ფუფუნებით შეამკობდა თავის ცხოვრებას. დიდებული და მოხდენილი მოსწონდა ყველაფერი, თვით თაღლითობაც კი. პატარა მემკვიდრეობა დარჩა ვილაყ ნათესავისგან ანდერძით და, მისაღებად რომ მივიდა, ისე უხეზად და ურცხვად გააცურა ერთმა „საქმის კაცმა“, რომ მისი საქციელით აღშფოთებულმა შეჰყვირა:

- ფუუ! რა უშნოდ, რა უხერხულად მოაწყო საქმე! ბარემ ხელიდან გამოგვლიჯა! ყველაფერი დაკნინდა ამ საუკუნეში. ვერაგობაც კი! განა ჩემისთანა კაცს ასე უნდა ართმევდნენ ფულს? ისე მომექცა ის უშვერი, თითქოს ტყეში ვიყავი და ყაჩაღები დამეცნენ. ტყეში გაძარცვა კიდევ ჰო, მაგრამ ასე გაძარცვა საქმის წარმოებაში!..

ორი ცოლი ჰყავდა, როგორც ვთქვით. პირველი ცოლისგან შეძენილი ქალიშვილი შინაბერად დარჩენოდა, მეორისგანაც ქალი ჰყავდა, რომელიც ოცდაათი წლის მოჰკვდომოდა. ეს ქალი სიყვარულით, თუ სხვა რაიმე მოსაზრებით, ერთ წარჩინებულ მხედარს გაჰყოლოდა, რესპუბლიკის და მერე იმპერიის დროს ნაპოლეონის ჯარში სახელოვანს, აუსტერლიცის ჯვარით დაჯილდოებულს და ვატერლოოს ბრძოლაში უკვე რამზის უფროსს.

- თავი მომჭრა ჩემმა ქალმა, ოჯახი შემირცხვინა! - მოსთქვამდა ბებერი უილნორმანი.

გულმოდგინედ ეწეოდა ბურნუთს, კობხად და სალუქად ისრესდა მაქმანის გულისპირს. ღმერთის ნაკლებად სწამდა.

თავი მეშვიდე

წესი: საღამომდე არავინ მიიღოთ

ასეთი იყო ბატონი ლუკ-ესპრი ჟილნორმანი. თმა შერჩენოდა და ჭლარამერეულს უფრო ჰგავდა, ვიდრე გათეთრებულს. თმას ყოველთვის ისე ივარცხნიდა, რომ ყურებთან აქეთ-იქით დაკულულებული ჰქონოდა. საერთოდ კი პატივსაცემი კაცი იყო.

მეთვრამეტე საუკუნის შვილი იყო, დიდებულების თაყვანისმცემელი ქარაფშუტა.

მეფის აღდგენის პირველ წლებში, ბატონი ჟილნორმანი ჯერ ისევ ყოჩაღად იყო, 1814 წელს სულ სამოცდათორმეტი წლის იქნებოდა, სერვანდონის ქუჩაზე ცხოვრობდა, სენ-ჟერმენის უბანში. მარეს უბანში მაშინ გადავიდა, როდესაც ჩამოშორდა საზოგადოებას, ოთხმოც წელს რომ გადააბიჯა.

რაკი საზოგადოებას მოშორდა, თავისი წესები დააკანონა. სახლის კარი მაგრად ჩაკეტა. მთელი დღე არ აღებდა კარს. საღამომდე არავის მიიღებდა, რაც უნდა დიდი და სასწრაფო საქმე ჰქონოდა. ხუთ საათზე, სადილს რომ გაათავებდა, კარსაც მაშინ გააღებინებდა. ეს მისი დროის მოღა იყო და არ უნდოდა ამ მოღის ღალატი.

- დღე მღაბიო ხალხისა და დახურული დარაბის ღირსია, - ბრძანებდა ჟილნორმანი. - ღირსეული კაცი მაშინ ანათლებს თავის გონებას, როდესაც ზენიტი ვარსკვლავებს ანათებსო.

დაკეტილში იყო საღამომდე, არავის გაუღებდა კარს, თვით მეფეც რომ მოსულიყო.

ძველი ელეგანტობა მისი დროისა!

თავი მერვე

ორია, მაგრამ წყვილი არ არის

ბატონი ჟილნორმანის ქალები უკვე ვახსენეთ. უფროსს ათი წლის შემდეგ მოჰყვა უმცროსი. სიყმაწვილეში ძალიან ცოტათი ჰგავდნენ ერთმანეთს, ხასიათითაც და სახითაც დები კი არა, სულ უცხონი იყვნენ. უმცროსი საოცარი გულის ქალი იყო, სინათლისა და ნეტარებისკენ მიისწრაფოდა, ყვავილებით, პოემით, მუსიკით იყო გატაცებული. შარავანდედით გაშუქებული ადამიანის ცხოვრება ენატრებოდა. აღფრთოვანებული იყო პატიოსნებისა და გმირობის ტკბილი ოცნებით.

უფროსსაც ჰქონდა თავისი ოცნება: მდიდარი სოვდაგარი ელანდებოდა, ჯარის მუჯირი გატენილი ჯიბით, თუნდაც ფულურო თავით. ფულით გატენილი ტომარა, ან ქალაქისთავი: დიდი სასახლე, ბოქაული წინა ოთახში თავისი თანამდებობის ძეგკვით, ოფიციალური დარბაზობა. - ქალბატონი მერის მეუღლე, - ეს იყო მისი ნატვრა და ეს ელანდებოდა უალრეს ბედნიერებად.

თავ-თავისი ენატრებოდათ ორივეს იმ დროს, როდესაც ყმაწვილი ქალები იყვნენ, და ცხოვრებისთვის ემზადებოდნენ. ორივენი აღფრთოვანებული იყვნენ, ოღონდ ერთს ანგელოზის ფრთები ესხა, მეორეს - ბატის.

ნანატრის სრული ასრულება არავის ღირსებია წუთისოფელში. არავითარი ოცნების სამოთხე არ ხორციელდება ჩვენს საქაოში. უმცროსმა თავისი ოცნების გმირი შეირთო, მაგრამ მალე მიიცვალა. უფროსი გასათხოვარი დარჩა.

და იმ დროს, როდესაც ეს ქალი ჩვენს ისტორიაში გამოჩნდა, უკვე ბებერი სათნოება ბრძანდებოდა, მიუვალი და უვარგისი, საშინლად მახვილი ცხვირი ჰქონდა და საშინლად ჩლუნგი გონება. ერთი დამახასიათებელი წვრილმანი: თავისი ვიწროდ

შემოფარგლული ოჯახის გარეთ თავის დღეში არავის გაეგონა მისი სახელი - ჟილნორმანის უფროს ქალს ეძახდნენ.

ქალბატონი ჟილნორმანი იმდენად მორცხვი იყო, რომ ინგლისელ მისს აჯობებდა. სისულელემდე მიჰყავდა თავისი მორცხვობა. ერთი საშინელება გადახდენოდა სიცოცხლეში და ჭარხალივით წითლდებოდა, როცა ეს მოაგონდებოდა: ერთხელ მისი წვივსაკრავი დაენახა ვიღაც კაცს!

და რაც დრო გადიოდა, უფრო და უფრო მეტად ემჩნეოდა ეს საზარელი მორცხვობა. გულისპირი საკმაოდ გაუმჭვირვალე არა ჰქონდა და საკმარისად არ უმაღავდა გულმკერდს; დუგმებს იკეთებდა და ქინძისთავეებს ირჭობდა, სადაც თავის დღეში არავინ იფიქრებდა ჩახედვას, მსგავს არსებებს სჩვევიათ; სწორედ მაშინ გააძლიერებენ თავდაცვას, როდესაც ციხეს არავინ ეშუქრება.

ახლა ახსნას, ვისაც სურს და შეუძლია ეს ძველი, მორცხვობისა და უმანკობის საიდუმლოებანი: შორეული ნათესავი ჰყავდა ამ ქალს, ოფიცერი, ყმანვილი ბიჭი, სახელად თეოდული და იმის ხვევნა-კოცნით ველარ ძღებოდა.

მიუხედავად ამ ბედნიერი თეოდულისა, ქალს მაინც ძალიან კარგად ახასიათებს სიტყვა განზრახ-მორცხვობა. ქალბატონი ჟილნორმანი ერთგვარი ბუნდოვანი სულის პატრონი იყო. ქალის უმანკოება ნახევრად სათნოებაა და ნახევრად ბინიერება.

ამ მორცხვობას სარჩულად ფარისევლობაც ემატებოდა. ქალწულების წრის წევრი იყო; უქმე დღეებში თეთრ პირბადეს ხმარობდა, დუღუნებდა რაღაც განსაკუთრებულ ლოცვებს, თაყვანს სცემდა „წმინდა სისხლს“, გლოვობდა „იესოს წმინდა გულს“, საათობით იდგა ერთ პატარა საყდარში იგზუიტური საკურთხევლის წინაშე და თავდაღუნული სულით უერთდებოდა თავის ოცნებას.

ეკლესიაში ერთი მეგობარი ჰყავდა, მასავით ბებერი, გაუთხოვრად დარჩენილი, ქალბატონი ვობუა, სულ მთლად გამოჩერჩეტებული, რომელთან შედარებით არწივად უნდა ეგრძნო თავი ჟილნორმანის ქალს. ლოცვისა და ეკლესიის გარდა ვობუამ ძალიან კარგად იცოდა მურაბის ხარშვა. სხვა არა გაეგებოდა, სრულად არაფერი, და განხორციელებულ სისულელეს წარმოადგენდა. სისულელის ყარყუმი იყო და გონიერების ერთი შავი ლაქაც კი არსად უჩანდა.

ისიც ვთქვათ, რომ სიბერემ არაფერი წაუხდინა ქალბატონ ჟილნორმანს, პირიქით, გამოაკეთა. ასე იცის პასიურმა არსებამ. ავი თავის დღეში არ ყოფილა, მაგრამ არც გულკეთილობით გამოირჩეოდა. ამასთან, ხნიერებას ვერ უძლებს ხორკლი და სიბერე ალბობს გაკუმტებულ გულს. დაღონებული ქალი იყო, გულჩათხრობილი, თვითონაც არ იცოდა თავისი დაღონების იღუმალი მიზეზი. სახლს ის განაგებდა. ბატონ ჟილნორმანს თავისთან ჰყავდა თავისი ქალი, როგორც ეპისკოპოს მირიელს - თავისი და. იშვიათი არ არის ამგვარი ოჯახი მოხუცებული ქალის და კაცის და სამო შთაბეჭდილებას აღუძრავს ადამიანს ორი მისუსტებული ერთმანეთის გასამხნეველად.

ამ მოხუცებული ქალის და ბატონი ჟილნორმანის გარდა ერთი პატარა ბიჭიც იყო მათ სახლში. სულ ცახცახებდა საწყალი ბიჭი, ბატონ ჟილნორმანს რომ დაინახავდა, ხმის ამოღებას ვერ ბედავდა - მოხუცებული სულ შეტევითა და ჯიხის ქნევით ელაპარაკებოდა:

- აქეთ, ბატონო! ბრიყვო, უზრდელო, არ გესმის? აქეთ! მიპასუხე, შე უკეთურო! დადექ, რომ დაგინახო, შე უხიაკო! და სხვა.

გაგიჟებით კი უყვარდა ბიჭი.
პატარა ბიჭი ჟილნორმანის ქალის შვილი იყო.
ამ ბიჭსაც მალე გავიცნობთ.

ნიგნი მესამე
პაპა და შვილიშვილი

თავი პირველი
ძველებური სალონი

სანამ სერვანდონის ქუჩაზე ცხოვრობდა ბატონი ჟილნორმანი, რამდენიმე დიდებულ ოჯახში დაიარებოდა. მართალია, ბურჟუა იყო, მაგრამ მაინც კარგად იყო მიღებული. ორმაგად ჭკვიანი კაცი იყო; ჭკუით არა უშავდა რა და, გარდა ამისა, გონიერი კაცის სახელი ჰქონდა გავარდნილი. ამიტომ იყო, რომ ცდილობდნენ მის დაახლოებას და მიწვევას. ის მხოლოდ იქ დადიოდა, სადაც დარწმუნებული იყო, რომ პირველობას ვერაფერს შეეცილებოდა. ბევრია ჩვენში, სულ იმას ცდილობს, თავისი გავლენა ჰქონდეს საზოგადოებაში და პატივისცემა ამ გავლენის გამო. სადაც ქურუმობას ვერ ახერხებს, მასხარა ხდება. ამგვარი ბუნების კაცი არ იყო ბატონი ჟილნორმანი. მეფის მომხრეთა სალონებში დაიარებოდა და თავისი აზროვნებით მასპინძლებისგან არაფრით განსხვავდებოდა. ყველგან ქურუმად იყო, კამათში არავის ჩამოუვარდებოდა, თვით დე-ბონალდს და ბანჟი-ჰუი-ვალერსაც კი არ დაუთმობდა პირველობას.

1817 წელს კვირაში ორჯერ შუადღის შემდეგ იქვე, თავის სახლთან ახლოს, ფარუს ქუჩაზე ბრძანდებოდა ქალბატონი ტ-ს სალონში. ძალიან ღირსეული და პატივსაცემი ქალი იყო მასპინძელი, ქვრივი. მისი მეუღლე ბარონი ტ-ი ლუი მეთექვსმეტის დროს საფრანგეთის ელჩად იყო ნამყოფი ბერლინში. სიცოცხლეში ბატონი ტ-ი, გატაცებული იყო მაგნიტიზმითა და ნათელმხილველობით. ემიგრაციაში ყოფნის დროს დაკარგა, რაც კი რამ ებადა, იქვე გარდაიცვალა და ძვირფას განძად დაუტოვა თავის მეუღლეს ათ ტომად შეკრული, ძვირფას ყდაში ჩასმული ხელნაწერი, ძალიან საინტერესო მოგონებანი მესმერის და იმისი გობის შესახებ. ბარონის ქვრივმა, - თავი არ შევიცხვინო, - არ დაბეჭდა ეს ხელნაწერი. რაც გადარჩენოდა წარსული სიმდიდრისაგან, იმითი ცხოვრობდა გაჭირვებით. სასახლეში არ დაიარებოდა - მეტად შერეულია სასახლის საზოგადოებაო, - ბრძანებდა და განმარტოებით ცხოვრობდა. ღარიბი, მაგრამ წარსულით ამაყი. კვირაში ორჯერ შუადღის შემდეგ იქ შეიკრიბებოდნენ ხოლმე ახლო მეგობრები, მიუსხდებოდნენ ქვრივის ბუხარს და დროს აწმყოს ქირდევასა და წარსულის ქება-დიდებაში ატარებდნენ. ნამდვილი მეფის მომხრეთა დარბაზი იყო. ჩაის მიირთმევდნენ და იმისდა მიხედვით, ელევგურად ქროდა ქარი თუ ღითირამბული იყო მისი ქროლვა, გულსაკლავად ოხრავდნენ ან საშინლად ლანძღავდნენ რევოლუციას, ლუი მეთვრამეტის 1814 წლის ქარტიას, ბონაპარტისტებს, ბურჟუების განდიდებას, ლუი მეთვრამეტის იოაკობინელებისადმი თანაგრძნობას. თან ჩუმი ხმით ამხნევებდნენ ერთმანეთს იმ იმედით, რომ ერთხელაც იქნება, ტახტზე აბრძანდება ბატონიშვილი შარლი, შემდეგში შარლ მეათე.

ალტაცებით ეგებებოდნენ ამ სალონში გაგონილ ქუჩურ სიმღერებს, რომელშიც ნაპოლეონს ნიკოლად მოიხსენიებდნენ. დიდებული ქალბატონები, ზრდილნი და თავისი შთამომავლობით ამპარტავანნი, ალტაცებით ისმენდნენ, აი, მაგალითად რესპუბლიკელების მასხრად ასაგდებად შეთხზულ სულელურ სიმღერას:

სულელო, ჩაიტანე ხალათი,
თორემ ის ქარში ისე შრიალებს, -
იტყვიან: შიშით სანკიულოტებმა
თეთრი ალმები ააფრიალეს.

კალამბურებით ლანძღავდნენ აწმყოს და თავი მოსწონდათ ენამტყვერობით; სხარტული სიტყვით ერთობოდნენ, ოთხსტრიქონიანი და ორსტრიქონიანი შიირით დასცინოდნენ რევოლუციას, ან „დიდებულთა პალატის“ წევრების საიას უერთებდნენ საზიზღარი „იაკობინელების პალატისას“ და ცდილობდნენ ისე შეეერთებინათ ორი სახელი, რომ რამე სამარცხვინო სიტყვა გამოსვლოდათ.

ცდილობდნენ პაროდულიად, გამასხრებით წარმოედგინათ რევოლუცია. აქაც იგივე გაშმაგება იყო, მაგრამ უკვე რევოლუციის მისამართით.

„წავა-წავა“-ს იქაც მღეროდნენ, ოღონდ სულ სხვა განზრახვით და შინაარსით:
ყველანი უნდა გაგყარონ, შერეულ ტახტს
რომ ემველოს,

ყველანი უნდა გაგყარონ: დეკამო, დესალო, დესერო.
ბონაპარტისტნი სახრჩობელაზე!

და ყველაფერი რიგზე იქნება!

სიმღერაც ისეა, როგორც გილიოტინა; დღეს ერთს მოსჭრის თავს გულგრილად, ხვალ მეორეს, თავი იყოს, თორემ იმისთვის სულერთია, ვინ არის ეს თავი.

1816 წელს ფუალდესის მოკვლის საქმეში როიალისტები ბოსტიდს და ჟობიონს ამართლებდნენ, რადგან ფუალდესი ბონაპარტის მომხრე იყო. ლიბერალებს ყველგან „ძმებსა და მეგობრებს“ ეძახდნენ და ეს იყო მათთვის უაღრესი შეურაცხყოფა.

როგორც ზოგ საყდარს აქვს ორი ზარი, ისე ქალბატონ ტ-ს სალონს ჰყავდა ორი მამალი. ერთი ბატონი ჟილნორმანი იყო, მეორე - გრაფი დე-ლამოტ-ვალუა, რომლის შესახებაც ყველგან პატივისცემით სავსე ჩურჩული გაისმოდა: - იცით, ეს ის ლამოტი არის, დედოფლის გულქანდის საქმეში რომ ერია. ასე იცის პარტიამ, ბევრ რამეს შეუნდობს თავის წევრებს.

ესეც დავემატოთ: ბურჟუაზიაში პატივსაცემი მდგომარეობაც რომ ჰქონდეს კაცს, მაშინვე დამცირდება, თუ ადვილად დაუახლოვდა ვინმეს. ფრთხილად და გარჩევით უნდა უახლოვდებოდეს უცხოს. თუ გვერდით გაყინული მოგვიჯდა ვინმე, ჩვენს სიტბოს გვართმევს და სწორედ ასევე, თუ გვერდით შერცხვენილი მოვისვით ვინმე, გვამცირებს და გვაკარგინებს ჩვენს ღირსებას. ძველი დიდებული საზოგადოება ყურადღებას არ აქცევდა ამ კანონს, როგორც მრავალ სხვას. მარინი, ქალბატონი პომპადურის, ლუი მეთვრამეტის საყვარლის ძმა, მიღებული იყო დიდებულ პრინც სუბიზთან. იმითომ კი არა, რომ დე-ბარი, გავლენიან ქალბატონ ვობერნიეს ნათლია, ძალიან კარვად იყო მიღებული მარშალ რიმელიესთან. იგივე ოლიმპი იყო ეს საზოგადოება. ვაჭრების და ქურდების ღმერთი მერკური და პრინცი - დე-გემენე შინაურულად გრძნობდნენ თავს იქ.

ქურდიც გამოიჭიმებოდა იქ, ოღონდ კი ღმერთი ყოფილიყო!

გრაფი ლამოტი 1815 წელს უკვე სამოცდათხუთმეტი წლის მოხუცი იყო და არაფრით იყო გამორჩეული, თუ არა იმით, რომ ჩუმი კაცის იერი ჰქონდა, მოაზროვნის ცივი სახის გამომეტყველება. სრულიად ზრდილი ადამიანის ქცევა ჰქონდა, ლილები - ყელსახვევამდე შეკრული; ფეხი - ყოველთვის ფეხზე გადადებული; დამწვარი თიხის ფერის შარვალი ეცვა და სახითაც იმ ფერის იყო.

ბატონ ლამოტს ანგარიშს უწევდნენ, პატივს სცემდნენ იმიტომ, რომ „სახელოვანი“ იყო. უცნაურია, მაგრამ სასვებით მართალი, - კიდევ იმიტომ, რომ გვარი ვალუა ჰქონდა.

რაც შეეხება ბატონ ჟილნორმანს, ისეთი პატივისცემით სარგებლობდა საზოგადოებაში, რომ თვით დიდებულთაც სჯობნიდა. სიტყვითაც და საქმითაც ავტორიტეტად ითვლებოდა. აჩქარებული კაცი იყო, არ უყვარდა ღრმად ჩაფიქრება, მაგრამ მხიარული გული ჰქონდა და მოსწრებული სიტყვა; ღირსეულად იქცეოდა, პატიოსნად და ამპარტავნად; ამ ქცევას მისი ხნიერებაც ემატებოდა, ადვილი კი არ არის, მთელი საუკუნე ეცხოვროს ადამიანს! ხანი თავისას მიაგებს და პატივსაცემ მარავენდებს ჰფენს მოხუცის თავს.

გარდა ამისა, ჟილნორმანს ძველი არისტოკრატის ბრწყინვალე ოხუნჯობა ეხერხებოდა. პრუსიის მეფემ ტახტზე რომ ააბრძანა ლუი მეთვრამეტე და გრაფ რუპინის სახელით მიბრძანდა მის სანახავად, ისე მიიღო ლუი მეთოთხმეტის შთამომავალმა, როგორც ბრანდენბურგის მარკიზი, ზრდილობიანი მედიდურობით.

ბატონ ჟილნორმანს ძალიან მოეწონა მეფის საქციელი და სთქვა:

- საფრანგეთის მეფის გარდა ყველა სხვა მეფეები პროვინციელები არიან.

ნაცნობების საუბარს დაესწრო ერთხელ:

- რა მიუსაჯეს „კურთხე ფრანსეზის“ რედაქტორს? - ჰკითხა ერთმა.

- შეამოკლეს, - უპასუხა მეორემ.

- ამ შემთხვევაში „შეა“ მეტია, - შენიშნა ბატონმა ჟილნორმანმა.

ამგვარი სიტყვა საფუძვლად ედება ადამიანის სახელოვნებას.

წირვა ტარდებოდა, ბურბონების ხელახლა გამეფების აღსანიშნავად პარაკლისს იხდიდნენ. ჟილნორმანმა ტალღიერანი დაინახა და წამოიძახა:

- ავერ მისი აღმატებულება ბოროტება.

სადაც კი მივიდოდა, ყოველთვის თან ახლდა თავისი მაღალი, გამხდარი ორმოცი წლის ქალიშვილი, თუმცა შეხედულებით ორმოცდაათისას ჰგავდა, და ერთი პატარა, ვარდისფერლოყებიანი, ლამაზი, ცქციტი, ბედნიერ და მინდობილთვალებიანი ბიჭი. ისე არასად შევიდოდა პატარა ბიჭი, რომ ერთხმად არ დაეწყეთ ბზილი და არ გაეგონებინათ:

- რა ლამაზია ეს საცოდავი! სანყალი ბიჭი!

ბატონი ჟილნორმანის ქალის შვილი იყო ეს სანყალი ბიჭი. სანყალს და საცოდავს ეძახდნენ, რადგან მამა „ლუარელი ყაჩალი“ ჰყავდა.

ლუარელი ყაჩალი ბატონი ჟილნორმანის სიძე იყო, რომლის შესახებაც ცოტა რამ ვთქვით ზევით. მას „ოჯახის შემარცხვენელს“ ეძახდა ბებერი ჟილნორმანი.

თავი მეორე

იმდროინდელი წითელი ლანდი

ვინც კი გაივლიდა იმ დროს პატარა ქალაქ ვერნონში და გაისიერნებდა ძველებურ მშვენიერ ხიდზე, რომელსაც, დარწმუნებული უნდა ვიყოთ, ამ ცოტა ხანში სხვა, მავთულისა და რკინის ახალი საშინელი ხიდი შეცვლის, ხიდიდან ძირს რომ ჩაიხედავდა, შენიშნავდა ერთ შუახნის კაცს, ასე ორმოცდაათი წლისას, ტყავის ქუდი რომ ეხურა და შავი, იაფფასიანი შალის ტანისამოსი ეცვა, გულზე რალაც ყვითელი ეკრა, რაც ერთ დროს წითელი ორდენი უნდა ყოფილიყო, წაღების მაგივრად ხის ქოშები ეცვა, მშემოკიდებული, თითქმის შავი სახე და სულ თეთრი თმა ჰქონდა, ჭრილობა შუბლიდან ლოყაზე ჩამოსდიოდა. თავდაღუნული იყო, წელში მოხრილი, ნაადრევად დაბერებული, და მთელ დღეს პატარა ბაღში ატარებდა თავისი ბარით და სასხლავით.

მდინარე სენის მარცხენა ნაპირზე, ხიდქვეშ მიწა ქვითკირის კედლებით პატარა-პატარა ნაჭრებად იყო დაყოფილი და ყველგან მშვენიერი ყვავილები მოჩანდა, იმდენად მშვენიერი, რომ იტყოდით, ბაღიაო, - ცოტა დიდი რომ ყოფილიყო თითო ეს ბაღი, - და თაიგულიაო, - ცოტა პატარა რომ ყოფილიყო, - პატარა ბაღი, ერთი მხრიდან სახლთან იყო, მეორე მხრიდან, წყალთან.

ქოშებიანი კაცი, ბაღში რომ დავინახეთ, 1817 წლიდან იქ ცხოვრობდა ყველაზე პატარა სახლში და პატარა ბაღში. მარტოდმარტო იყო იქ, განსვალკვევებული, ჩუმი, გაჭირვებული. დედაკაცი ჰყავდა, არც ბებერი, არც ყმაწვილი, არც გონჯი, არც ლამაზი, არც გლეხი და არც ქალაქელი და ის ემსახურებოდა. ერთი კალოსოდენა მიწა ჰქონდა, რომელსაც ის ბაღს უწოდებდა.

თვითონ ბაღში აღამებდა მთელ დღეს და ქალაქში განთქმული იყო მის მიერ შექმნილი ყვავილების მშვენიერი ჯიშებით.

დაულალავად მუშაობდა, დაუინებოთ და დაკვირებით; არც წყალს აკლებდა, არც მარგვლას, ერთგვარი ზამბახი და დაჰლია მოაშენა, რომლებიც არსად მოიპოვებოდა ბუნებაში. საზრიანი კაცი იყო და სულანუ ბოდენზე ადრე დაიწყო იშვიათი და ძვირფასი ამერიკული და ჩინური მცენარეების გაშენება.

ინათებდა და ისიც ბაღში გავიღოდა, სხლავდა, ბარავდა, მარგლიდა, რწყავდა, ყოველთვის დაღონებული იყო, მაგრამ სახეზე გულკეთილობა ეხატა. ხანდახან გაჩერდებოდა ყვავილებში, საათობით იღვა უძრავად, მწუხარედ ჩაფიქრებული; იღვა და ყურს უგდებდა ხეზე ფრინველთა გალობას, ბავშვის ტიტინს მეზობელ სახლში, ან დაშტერებით დასცქეროდა ყვავილის ფოთოლს, რომელსაც ერთი წვეთი დილის ნამი შერჩენოდა და შიგ მზის შუქი ბრწყინავდა.

ღარიბი კაცის საჭმელი ჰქონდა, და რძეს უფრო ეტანებოდა, ვიდრე ღვინოს. მეტისმეტად თავმდაბალი კაცი იყო, არავის შეეკამათებოდა, და ხშირი იყო, - მსახური უკავრდებოდა. მორიდებით ექცეოდა ყველას. სახლიდან იშვიათად გადიოდა და არავის ხედავდა თავისი მოძღვრისა და გაჭირვებულების გარდა, რომლებიც ხშირად უკაკუნებდნენ ფანჯარაზე. მისი მოძღვარი, მღვდელი მაბეფი, მოხუცებული, გულკეთილი კაცი იყო. რომ მოუნდებოდათ ქალაქელებს ან უცხოელებს მისი იშვიათი ყვავილების, ვარდის და ზამბახის ნახვა, ზარს დაურეკავდნენ, და ისიც ტკბილი ღიმილით გაუღებდა ხოლმე კარს.

ეს იყო „ლუარელი ყაჩაღი“.

ვინც იმდროინდელ სამხედრო მოგონებებს, ბიოგრაფიებს, გაზეთ „მონიტორს“ და საფრანგეთის ჯარების ცნობებს კითხულობდა, მეტად ხშირად შეხვდებოდა ჟორჟ პონმერსის სახელსა და გვარს.

ჟორჟ პონმერსი ჯერ სენტონჟის რაზმში მსახურობდა უბრალო ჯარისკაცად. ყმანვილი ბიჭი იყო, როდესაც რევოლუცია დაიწყო. სენტონჟის რაზმი რეინის ჯარში ჩარიცხეს, მაშინ ძველი მონარქიის დროინდელ რაზმებს ისევ თავისი ადგილობრივი, პროვინციის სახელი ჰქონდათ; ეს სახელი შერჩათ მონარქიის მოსპობის შემდეგაც და მხოლოდ 1794 წელს შეაერთეს ბრიგადებად. პონმერსიმ მონაწილეობა მიიღო მრავალ ბრძოლაში, - სპირში, ვორიმისში, ნეიმტადში, ტურკეიმში, ალზეიში, მაიანსში. მაიანსში ისიც ერია ორას კაცში, რომლებიც ჰუშარმა უკანა რაზმად ამოირჩია. თორმეტ ბიჭთან ერთად გზა შეუკრა ჰესისის პრინცის ჯარს და მხოლოდ მაშინ შეუერთდა თავისიანებს, როდესაც გერმანელების ზარბაზანმა საფარი დაუზიანა.

მარშიენის და მონ-პალისელოს ბრძოლაში მონაწილეობდა, მხედართმთავრად კლებერი ჰყავდა. მონ-პალისელოში ხელში დაიჭრა. შემდეგ იტალიაში გადაგზავნეს და უუბერთან ერთად, სულ ოცდაათი კაცით, იყავდა ტანდის ხევს, უუბერს ამ საქმისთვის გენერლობა მისცეს და პონმერსის - ოფიცრობა. ლოდის ბრძოლაში გვერდით უდგა ბერტიეს და ისე ყოჩაღად იბრძოდნენ ორივე, რომ ბონაპარტმა ქება წარმოთქვა:

- დღეს ბერტიე მეზარბაზნეც იყო, მხედარიც და გრენადერიც.

ცოტა ხნის შემდეგ თავისი ძველი გენერლის უუბერის სიკვდილი ნახა, ნოვის ბრძოლაში. ხმალი იძრო უუბერმა, - აბა, ბიჭებო! - დაიძახა და ტყვიით განგმირული დაეცა მიწაზე.

რალაც სამხედრო დავალება მისცეს და ერთი გემით გენუისკენ გაგზავნეს. გზაში მახეში გააბეს ინგლისელებმა, შვიდი-რვა გემი უდგას წინ. გემის უფროსს უნდოდა ზღვაში ჩაეყარა ზარბაზნები, ჯარისკაცები გემის ქვემო ნაწილში ჩაემალა და ისე გაევიღო, როგორც სავაჭრო გემს. პონმერსი არ დათანხმდა. პირიქით, ანძაზე საფრანგეთის დროშა ააფრიალა და მოურიდებლად გაუარა ინგლისელების ზარბაზნის სროლას. რაკი გადარჩა, უფრო მეტი გამბედაობა გამოიჩინა: ინგლისელების ერთ განცალკევებულ გემს დაეცა და ტყვედ წაიყვანა: გემი ჯარით და ცხენებით იყო გატენილი.

1805 წელს მალერის ჯარში იყო, რომელმაც გუნსბურგი წაართვა გერმანელებს. ველტინგენის ბრძოლაში, როდესაც საშინელი სროლა ატეხა მტერმა, ხელში აიყვანა სასიკვდილოდ დაჭრილი რაზმის უფროსი მოპეტი, ძალიან ისახელა თავი აუსტერლიცის ბრძოლაში. რუსების ცხენოსანმა ჯარმა თითქმის ერთიანად რომ ამოხოცა ბატალიონი, პონმერსიც ჩაერია ჯავრის ამოსაყრელად და ისე გაუხადა საქმე, გააქცია გამარჯვებული მტერი. ნაპოლეონმა ჯვრით დააჯილდოვა ჩვენი გმირი. მერე რიკრიგობით ნახა პონმერსიმ, როგორ დაატყვევეს ვურმსერი მანტუში, მელასი - ალექსანდრიაში, მაკი - ულმში. იგი მხედართმთავარ მორტიეს ლაშქარში იყო, მერვე რაზმში; ამ ლაშქარმა აიღო ჰამბურგი, მერე #55-ე რაზმში იბრძოდა, ძველებურად ფლანდრიის რაზმში. ეილაუს ბრძოლაში ისიც სასაფლაოზე იყო, სადაც კაპიტან ლუი ჰიუგოს, ამ წიგნის ავტორის ბიძას, თავისი პატარა რაზმით, - სულ ოთხმოცდასამი კაცით მთელი ორი საათის განმავლობაში შეეჩერებინა მტრის დიდი ლაშქარი. ამ ბრძოლაში სულ სამი კაცი გადარჩა და ერთ-ერთი პონმერსი იყო. ფრიდლანდის ბრძოლაში იყო, მერე მოსკოვში იბრძოდა, ბერეზინაზე, ლუცენში, ბაუცენში,

დრეზდენში, ვახაუში, ლაიფციგში, გელეზჰაუზენის ხევში, მონმირაილში, შატო-ტიერში, კრაონში, მარნის და ერნის ნაპირებში და საზარელ ლანში.

არნეი-ლე-დუკში უკვე კაპიტანი იყო, ათი კაზაკი მოკლა ზედიზედ და სიკვდილს გადაარჩინა არა მარტო თავისი გენერალი, თავისი ასისთავიც. მძიმედ დაჭრეს ამ ბრძოლაში, მთლად დაკეპილი იყო კაცი, მარტო მარცხენა ხელიდან ამოუღეს ოცდაშვიდი ნატეხი ძვალი. ერთი კვირის ადრე, ვიდრე მტერს დანებდებოდა პარიზი, ერთ ამხანაგს შეუთანხმდა და მის ნაცვლად ცხენოსან ჯარში გადავიდა. ამგვარ ოფიცრებს ჯარში ორმოკლავას ეძახდნენ, რადგან ერთნაირად კარვად ხმარობდნენ ხმალსაც და თოფსაც და გამარჯვებისკენ მიუძღოდნენ ცხენოსან ესკადრონსაც და ქვეით ბატალიონსაც. ამ ორმაგი გამოცდილებით და მხედრული ვარჯიშით აიხსნება ჩვენს ლაშქარში ისეთი სპეციალური რაზმების არსებობა, როგორიცაა მაგალითად დრაგონები, რომლებიც ერთსა და იმავე დროს მხედრებიც არიან და ფეხოსნებიც.

ნაპოლეონს თან გაჰყვა ელბაზე. ვატერლოოს ბრძოლაში ესკადრონის უფროსად იყო დუბუას ბრიგადაში; ლუნებურგის ბატალიონს დროშა წაართვა და ფეხქვეშ დაუდო ნაპოლეონს; პონმერსი გასისხლიანებული იყო, რადგან დროშას რომ ართმევდა, ხმალი დაჰკრეს სახეში.

- რაზმის უფროსი ხარ, - შეჰყვირა ალტაცებულმა იმპერატორმა, - ბარონი ხარ, კავალერი ხარ სახელოვანი ლეგიონისა!

მადლობა მოახსენა პონმერსიმ:

- გმადლობთ, ხელმწიფეო, ჩემი ქვრივის სახელით გმადლობთ!

ერთი საათის შემდეგ ხევში ჩავარდა დაჭრილი.

და ახლა ვინ იყო ეს პონმერსი?

ეს იყო „ლუარის ყაჩაღი“, როგორც ბებერი ჟილნორმანი უწოდებდა.

ცოტა რამ უკვე ვიცით მის შესახებ. ვატერლოოს ბრძოლა რომ გათავდა, პონმერსი ხევიდან ამოიყვანეს. როგორც იქნა, დაენია საფრანგეთის ჯარს, საავადმყოფოდან საავადმყოფოში გადადიოდა და ბოლოს ლუართან მივიდა, გაშლილ ბანაკში.

რესტავრაციამ პენსია მისცა, ჯამაგირის ნახევარი, და ვერნონში გაგზავნა საცხოვრებლად პოლიციის ზედამხედველობის ქვეშ. მეფე ლუი მეთვრამეტემ გააუქმა ყველაფერი, რაც კი ასი დღის განმავლობაში მოხდა, ნაპოლეონის დაბრუნების შემდეგ, და პონმერსის არც პოლკოვნიკის სახელი ცნო კანონიერად, არც ბარონობა და არც ორდენი. ის კი თავის მხრივ ყველა შემთხვევით სარგებლობდა, რომ ხელი მოეწერა - „პოლკოვნიკი ბარონი პონმერსი“. ერთი ძველი სერთუკი ჰქონდა და ისე არსად წავიდოდა, რომ გულზე ლეგიონის კავალერის ნიშანი არ მიეკრა. მეფის პროკურორმა აცნობა, რომ სამართალში მისცემდნენ, თუ კიდევ გაბედავდა უკანონოდ ამ ნიშნის ხმარებას. ეს ბრძანება რომ მოუტანა მოხელემ, მწარედ ჩაიციინა და უთხრა:

- აღარ ვიცი სწორედ, დღეს მე აღარ მეყურება ფრანგული, თუ თქვენ აღარ იცით ფრანგული ლაპარაკი. ის კი კარვად ვიცი, რომ თქვენი არაფერი გამეგება. მას შემდეგ, მთელი რვა დღის განმავლობაში ყოველდღე ვადიოდა სახლიდან და გულიდან თავის ნიშანს არ იშორებდა. ველარაფერი გაუბედეს. ორჯერ, თუ სამჯერ სამხედრო მინისტრისგან მიიღო წერილი ამ მისამართით: ბატონ მაიორ პონმერსის. წერილები უკანვე გაუგზავნა გაუხსნელი. სწორედ ამ დროსვე იყო, რომ ნაპოლეონს წმინდა ელენეს კუნძულზე ჰუდსონ ლაუს წერილები მისდიოდა მისამართით -

გენერალ ბონაპარტს, - და ისიც უკანვე აბრუნებდა. პონმერსისაც იგივე ნერწყვი მოსდგომოდა პირში, რაც ნაპოლეონს.

კართაგენელი ტყვეები ჰყავდათ ოდესღაც რაზმში, რომლებიც სალამს არ აძლევდნენ ფლამინიუსს. ალბათ იმათაც ის სული ედგათ, ცოტად მაინც, რაც თვითონ ჰანბნაღს.

ერთ დილას მეფის პროკურორს შეხვდა ვერნონის ქუჩაზე, მივიდა, მისალმა და ჰკითხა:

- ბატონო მეფის პროკურორო, ნებას მომცემთ ეს ჭრილობა მაინც ვატარო დაუფარავად?

არათფერი გააჩნდა თავისი პატარა პენსიის გარდა, ესკადრონის უფროსის ჯამაგორის ნახევარი. ვერნონში რომ გაგზავნეს საცხოვრებლად, სულ პატარა სახლი დაიჭირა ბევრი ძებნის შემდეგ. მარტოდმარტო იყო, როგორც ვთქვით. ნაპოლეონის ხელმწიფობის დროს, ერთი ომიდან მეორემდე ჟილნორმანის ქალი შეერთო. არ უნდოდა ჟილნორმანს, აღშფოთებული იყო თავისი ოჯახის ასეთი დამცირებით და, რომ ველარათფერი გააჩნო, დათანხმდა და მწარე კენესით წარმოთქვა:

- ყველაზე უფრო დიდებული ოჯახები იძულებულნი არიან, ქედი მოიხარონ!

ლამაში ქალი იყო პონმერსის მეუღლე, გულკეთილი, განათლებული, თავისი ქმრის ღირსი, 1815 წელს გარდაიცვალა და პატარა ბიჭი დაუტოვა თავის ქმარს. ქვრივად დარჩენილი პონმერსისთვის ნეტარება და ნუგეში იქნებოდა ამ ბიჭის აღზრდა, მაგრამ აქ პაპა ჩაერია. დაჟინებით მოითხოვა თავისი შვილიშვილი, და განაცხადა, - თუ ჩემთან არ იქნება, მემკვიდრეობას წაგართმევო. დაუთმო მამამ, რათა მის შვილს მომავალში მაინც ჰქონოდა რამე, და დარჩა მარტოდმარტო; დროის გასაყვანად ყვავილების მოშენებას მიჰყო ხელი.

ყველაფერი მიატოვა, აღარც პოლიტიკაში ერეოდა, აღარც შეთქმულებაში. თავის ყვავილებს უვლიდა და დიდებულ წარსულს იგონებდა. ხან ცდილობდა ახალი სახეობის მიხაკი გამოეყვანა, ხან კიდევ აუსტერლიცს იგონებდა.

ჟილნორმანს არავითარი ურთიერთობა არ ჰქონდა სიძესთან. ბარონი პონმერსი მისთვის ყაჩაღი იყო, და ის კიდევ თავისი სიძისთვის მტკნარი სულელი. სიმამრი თავის დღეში არათფერს იტყოდა სიძეზე, და თუ იტყოდა რამეს, მასხრად იგდებდა იმის ბარონობას. მათ შორის დადებული იყო პირობა, რომ პონმერსი არ შეეცდებოდა თავისი შვილის ნახვას და მასთან ლაპარაკს, და, თუ ამ პირობას დაარღვევდა, ბიჭს გააგდებდნენ და მემკვიდრეობის უფლებასაც წაართმევდნენ. ჟილნორმანისთვის პონმერსი ჭირიანი იყო და ჭირს შეჰყრიდა, ვინც მას მიეკარებოდა. დეიდაც იმავე აზრის იყო და გადაწყვეტილი ჰქონდათ, თავისებურად აღეზარდათ პატარა ობოლი. იქნება შეცდა კიდევ პონმერსი, რომ დაუთმო თავისი შვილი, მაგრამ დაემორჩილა მის სასიკეთოდ, მით უფრო, რომ განწირული თვითონ რჩებოდა. ბევრი არათფერი იყო ჟილნორმანის მემკვიდრეობა, მაგრამ ქალბატონ ჟილნორმანს კი დიდი ქონება ჰქონდა. პატარა ბიჭის გაუთხოვრად დარჩენილი დეიდა თავისი დედის მხრიდან ძალიან მდიდარი იყო და ერთადერთ მემკვიდრედ დისწული ჰყავდა.

ამ მემკვიდრეს მარიუსი ერქვა. მხოლოდ ის იყო და საცოდავმა, რომ მამა ჰყავდა, მაგრამ მეტი არათფერი. სახლში მამამისის სახელს არავინ ახსენებდა. მაგრამ იმ სახლებში, სადაც პაპას და დეიდას დაჰყავდათ პატარა ბიჭი, ჩურჩულს მოჰკრავდა ხოლმე ყურს, ცალკე წამოსროლილ სიტყვას, თვალის ჩაკვრას და ბოლოს ცოტა რამ

გაიგო ობოლმა. ბიჭს ჯერ თავისი არაფერი გააჩნდა, პაპის და დედის გავლენის ქვეშ იზრდებოდა, ჭეშმარიტებად მიაჩნდა მათი ყოველი სიტყვა, იმ ჰაერით იყო გაჟღერებული, რომლითაც პაპის სახლში სუნთქავდა. სანყალი ბავშვი იქამდე მივიდა, მამის მოგონებაზე გული სირცხვილით უკვდებოდა.

და სანამ ასე იზრდებოდა შვილი, პოლკოვნიკი ორ-სამ თვეში ერთხელ ისე ჩადიოდა ხოლმე პარიზში, თითქოს ბოროტმოქმედი იყო და ეშინოდა არ დამიჭირონო. პარიზში ერთადერთი საქმე ჰქონდა, - თავისი შვილის დანახვა. შვიდობა სენ-სულპისის საყდარში, მიიმალებოდა სვეტის უკან და ელოდა თავისი ბიჭის და მისი დედის მისვლას; ქალბატონი უილნორმანი დისწულთან ერთად ყოველთვის ესწრებოდა წირვას; ისიც იდგა სვეტის უკან, შესცქეროდა თავის შვილს და თან კანკალებდა, - უკან არ მოიხედოს ჩემმა ცოლისდამ და არ დამინახოსო. გაუთხოვარი ხანდაზმული ქალის ეშინოდა ამ გმირს.

ამ ვარემოებამ გააცნო და დაუახლოვა ვერნონელი მღვდელი მამეფი.

მღვდელ მამეფს ძმა ჰყავდა პარიზში სენ-სულპისის ეკლესიის მნათე, და მას შეენიშნა პონმერსი; არც შეიძლება არ შეენიშნა, რადგან საცოდავი სანახავი იყო, თავის შვილს რომ შეჰყურებდა და თვალიდან ცრემლი სდიოდა ამ ხნის კაცს. თვალში მოსახვედრი იყო აგრეთვე მისი ჭრილობა, - შუბლიც ნაჭრილობევი ჰქონდა, ლოყაც, - შესახედავად კარგი ვაჟუკაცი იყო და ქალივით კი ტიროდა. ერთხელ ბერონში რომ მივიდა მამეფი თავის ძმასთან, ხიდზე შეხვდა პონმერსის და მამინვე იცნო სენ-სულპისში ნანახი უცნობი. მნათემ ეს ამბავი მღვდელს უამბო და ცოტა ხნის შემდეგ ძმებმა რაღაც მოიმიზეზეს და პონმერსის სანახავად მივიდნენ. მერე მეორედ მივიდნენ, მესამედ და ასე დაუახლოვდნენ. ჯერ თავის შესახებ არაფერს ეუბნებოდა პონმერსი; მერე კი, როცა კარგად გაიცნო მღვდელიც და მისი ძმაც, უამბო თავისი უბედურება და აუხსნა, როგორ შესწირა თავისი ნეტარება შვილის მომავალ კეთილდღეობას. მღვდელი და პონმერსი ძალიან დაუახლოვდნენ და დაუმეგობრდნენ ერთმანეთს. არავინ იცის ასე ადვილად დაახლოება და დამეგობრება, როგორც ბებერმა მღვდელმა და ბებერმა ჯარისკაცმა, როდესაც ორივენი გულკეთილნი და გულწრფელნი არიან. ბოლოს და ბოლოს, ერთი და იგივეა მღვდელი და მხედარი; ერთი თავგანწირვით ემსახურება ქვეყნიურ სამშობლოს, მეორე - ზეციურს.

წელიწადში ორჯერ, პირველ იანვარს და წმინდა გიორგის ხსენების დღეს, მარიუსი თავის მამას მოკითხვის წერილს უგზავნიდა. წერილს დედის კარნახით წერდა, ყოველთვის ერთსა და იმავეს, თითქოს დაბეჭდილიდან ყოფილიყო გადმოწერილი. მარტო ამის ნებას აძლევდა უილნორმანი. მამაც სიყვარულით სახვე წერილს სწერდა თავის შვილს, მაგრამ პაპა მას ჯიბეში გაუხსნელად ჩაიდებდა ხოლმე.

თავი მესამე
REQUIESCANT

ამ ქვეყანაზე ჯერ არაფერი ენახა მარიუსს, ქალბატონი ტ-ის სალონის გარდა. ეს იყო ერთადერთი სარკმელი, რომლითაც ცხოვრების დანახვა შეეძლო. ეს სარკმელი ბნელი იყო და სიცივეს უფრო მეტს აძლევდა, ვიდრე სითბოს, ბნელს - უფრო მეტს, ვიდრე - ნათელს. ბუნებით სიხარული და სინათლე იყო ეს ბავშვი და რაც დრო გადიოდა და მეტად უკვირდებოდა ცხოვრებას, სევდა ერეოდა, ღრმად

ჩაფიქრდებოდა, რაც სრულიად არ შეეფერებოდა მის წლოვანებას. განცვიფრებით შეჰყურებდა ცხოვრებას და უფრო და უფრო ეზრდებოდა ეს განცვიფრება, რადგან სინათლეს ვერსად ხედავდა. ქალბატონ ტ-სთან მოხუცებული ქალები იკრიბებოდნენ, ძალიან პატივცემულნი, სახელად მათანი, ნოე, ლევია, კამბიზი. ეს წარსული, მომავლადი სურათები, დაბადების სახელები და დაბადება, რომელსაც ზეპირად ასწავლიდნენ მარიუსს, ერთმანეთში ერეოდა. რადგან ერთი პატარა ლამაზი ენთო დარბაზში, და იმასაც მწვანე შუქვარი ეფარა; სახის გამომეტყველება - უღმობელი ჰქონდათ, თმა - გათეთრებული, კაბა - გრძელი, თალხი ფერის, რაღაც სხვა საუკუნის, სიტყვა მკაცრი და თან ამაყი; შეჰყურებდა განცვიფრებული მარიუსი და ქალებს კი არა, დაბადების პატრიარქებს და მოგვებს ხედავდა, ცოცხალ არსებათა მაგივრად წარსულის ლანდებს.

იმ ლანდებში რამდენიმე მღვდელი ერია, ძველი დარბაზის ძველი სტუმრები, და აგრეთვე კეთილშობილი დიდებულები. იყო მარკოზ დე სასენე, ქალბატონი დე ბერის პირადი მდივანი; გრაფი ვალორი, ცალრითმიანი ლექსების ავტორი, რომლებსაც შარლ-ანტუანის ფსევდონიმით ბეჭდავდა. პრინცი ბოფრემონი, ყმანვლილი კაცი, მაგრამ ჭაღარაგარეული, ცოლად მეტად ლამაზი, სიტყვამახვილი ქალი ჰყავდა, ძვირფასი ხავერდის, ოქრომკვდით მორთული კაბით და ღია ვულმკერდით. მარტო ეს ქალი ანათებდა ამ სალონის წყვედიადს. მარკიზი დ-ესპინუზი, საფრანგეთის ნამდვილი შვილი, რადგან ძალიან კარგად იცოდა ყველას „შესაფერი პატივისცემა“. გრაფი დ-ამანდრი, უმნიშვნელო მოხუცებული, და რაინდი დეპორდე-გი, ლუერის ბიბლიოთეკის დედაბოძი, რომელსაც მეფის კაბინეტს ეძახდნენ. თავმოტვლეპილი იყო ეს რაინდი, უდროოდ დაბერებული, და ძალიან უყვარდა იმის მოგონება, თუ რა გადახდა ოთხმოცდაცამეტ წელს, როდესაც მხოლოდ თექვსმეტი წლის იყო. როგორც რევოლუციის მონაწილემდე, კატორღაში გაგზავნეს და ოთხმოცი წლის მოხუცებულ ეპისკოპოს მირაპუს გადააბეს ჯაჭვით; ისიც რევოლუციის მტერი იყო, ოღონდ ის მღვდელი იყო, დე-გი კი ჯარისკაცი; ტულონში იყვნენ; მათ მოვალეობას შეადგენდა ღამით წასულიყვნენ და რაც დღის განმავლობაში გილიოტინაზე ხალხი დაეხოცათ, ისინი მოეგროვებინათ, გასისხლიანებული გვამები, მოჭრილი თავები ზურგზე აეკიდებინათ და გაეთავისუფლებინათ ეშაფოტი; წითელი ხალათები ეცვათ, როგორც კატორღელებს, და ეს ხალათები უკნიდან სისხლით იყო გაჟღერებული, დღისით - გამხმარი და ღამით - სველი.

ქალბატონ ტ-ს დარბაზში სულ ამგვარი ტრაგიკული ამბები ისმოდა. და რადგანაც წყველიდნენ და ლანძღავდნენ მარატს, იქამდე მიდიოდნენ, რომ ქებით იხსენიებდნენ ტრესტალიონს. რამდენიმე დეპუტატი იყო აგრეთვე, უკვე „უპოვარი“ ჯიშისა, ისინი ქაღალდს თამაშობდნენ. ტებო დე-შალარი, ლე-მარშანი, დე-გომიკური, და მემარჯვენეების სახელოვანი ხუმარა კორნე-დანკური. ხანდახან ტალეირანთან მიმავალი მსაჯული დე-ფერეტის შვილიდა ხოლმე ამ სალონში; გრაფ დ'არტუას ქვითების მონაწილე იყო და არისტოტელესავით მუხლმოყრილი კი არ იდგა კამპასპის წინაშე, - დაოთხილი დაყავდა სახელოვანი მოცეკვავე ქალი ჰიმარი და ამგვარად დაუმტკიცა კაცობრიობას, რომ მსაჯულმა იცის შეურაცხყოფილი ფილოსოფოსის შურისძიება.

ბევრი სასულიერო პირი დადიოდა სალონში, მათ შორის მღვდელი ჰალმა, რომელსაც ლაროზმა, გაზეთ „ელვის“ თანამშრომელმა ასე უთხრა: - „მერედა ვინ

არის ჩვენს დროში ორმოცდაათ წელზე ნაკლებს? თუ არის ვინმე, ლანჩრაკი იქნება!“ მღვდელი ლეტურნერიც სტუმრობდათ, მეფის ეკლესიის ქადაგი, მღვდელი ფრეისინუ, რომელიც ჯერ არც გრაფი იყო, არც ეპისკოპოსი, არც მინისტრი, არც დიდებული; ერთი ძველი ანათორა ეცვა გახუნებული და ღილებდნყვეტილი, მღვდელი კერავენანი, და მათთან ერთად პაპის წარმომადგენელი მაკი, ნიზიბის ეპისკოპოსი, შემდეგში კარდინალი, შესანიშნავი თავისი გრძელი, მელანქოლიური ცხვირით; და კიდევ ერთი სასულიერო პირი, პალმიერი, რომლის ნამდვილი წოდება იყო: არქიელი, ერთი პაპის შვიდპროტონოტერთაგანი, წმინდათა ვექილი, სხვაგვარად რომ ვთქვათ, წმინდათა შორის ჩამრიცხველი, ესე იგი სამოთხისკენ მიმავალთაგან ხარჯის ამკრები და ბოლოს ორი კარდინალი, დე-ლა-ლუზერნი და დე-კლერმონ-ტონერი; კარდინალი დე-ლა-ლუზერნი მწერალი იყო და რამდენიმე წლის შემდეგ თავის წერილებს ათავსებდა „კონსერვატორში“, შატობრიანის თხზულების გვერდით. დე-კლერმონ-ტონერი ტულუზში იყო ეპისკოპოსად და ხშირად დადიოდა პარიზში თავის ძმისწულ მარკიზ დე-ტოლერთან, რომელიც სამხედრო და ზღვაოსნობის მინისტრი იყო. კარდინალი კლერმონ-ტონერი მოხუცებული იყო, პატარა, მხიარული, ზევით აწეული ანათორით და წითელი წინდებით; სპეციალობად ჰქონდა ენციკლოპედიისადმი ზიზი და გატაცებული იყო ბილიარდის თამაშით; ვინც კი ღამე დე-კლერმონ-ტონერის სასახლესთან გაივლიდა, ბილიარდის ჩხაკუნს გაიგონებდა და მის ხმას და ყვირილს, რომლითაც თავის თანამოთამაშე კონკლავისტს, კოტრეს უბრძანებდა, - დანიშნე, მღვდელი! ერთსა ვკრავ და ორს ნავადებინებ! - ეს კარდინალი ქალბატონ ტ-სთან ერთმა გულითადმა მეგობარმა დე რეკლორმა მიიყვანა, ეპისკოპოსად ნამყოფმა და აკადემიის წევრმა; სახელოვანი იყო ეს კაცი თავისი სიმაღლით და აკადემიაში სიარულით; აკადემიის საბჭოს დარბაზსა და ბიბლიოთეკის შუა შუბიანი კარი იყო და ვისაც უნდოდა, ყოველ ხუთშაბათს შეეძლო დაენახა ეს ყოფილი ეპისკოპოსი: ფეხზე იდგა სხდომის დროს კოხტად დაპუდრული, იისფერი წინდებით, კარისკენ ზურგმუცქეული, ალბათ იმიტომ, რომ დაენახებინა თავისი კოხტა საყვლო.

ამ ეპისკოპოსებისა და კარდინალების სტუმრობით ქალბატონ ტ-ს სალონს სახელი ჰქონდა განთქმული, მით უფრო, რომ სამეფო კარზეც ისევე იყვნენ მიღებული, როგორც ეკლესიაში; და მათ გარდა ხუთი დარბაისელი - მარკიზი დე-ვიბრე, მარკიზი დე-ტალარუ, მარკიზი დ-ერბუვილი, გრაფი დუმბრე და პრინცი ვალანტინუა - სასტიკ არისტოკრატიულ იერს აძლევდნენ იქაურობას. ვალანტინუა პრინცი იყო, მონაკოს მეფე, მაშასადამე უცხოელი, მაგრამ იმდენად დიდებულად მიაჩნდა საფრანგეთი და ფრანგი დარბაისელები, რომ მათი თვალით ხედავდა ყველაფერს. ის იყო, რომ ბრძანა: საფრანგეთის დიდებულნი რომის კარდინალები არიან და ინგლისის ლორდებიო.

საერთოდ კი, რადგან იმ დროს ყველგან რევოლუცია შეჭრილიყო, ქალბატონი ტ-ის სალონშიც დიდებულნი კი არა, ბურჟუა ჟილნორმანი მეფობდა.

ეს სალონი პარიზში რევოლუციის მგომბი საზოგადოების სულსა და გულს წარმოადგენდა. მკაცრად კონტროლდებოდა ყველა, ვისაც იქ შესვლა უნდოდა, მეფის მომხრეც რომ ყოფილიყო. დიდება თავისებური ანარქიაა. შატობრიანი რომ მოხვედრილიყო იმ სალონში, მამა ლუშენის შთაბეჭდილებას მოახდენდა. ასე იყო,

მაგრამ იღებდნენ რამდენიმე თანამოაზრეს, როგორც გრაფ ბენოს, გამოსასწორებლად.

დღევანდელი არისტოკრატიული სალონები არაფრით ჰგავს იქ აღწერილს, ძველებურს. სენ-ჟერმენის უბანი სულ სხვაა. დღევანდელი მეფის მომხრენი დემაგოგები არიან, - ამას მათ საქებრად ვამბობთ.

ქალბატონი ტ-ის სალონში საზოგადოებაც დიდებული იყო, გემოვნება - ფაქიზი და მდიდური, ქცევა კი - სრულიად ზრდილობიანი. აქ ჯერ ისევ ცოცხალი იყო ძველი რეჟიმი, თუმცა უკვე დამარხული, თავისი ჩვეულებებით. უცნაური იყო ზოგი ამ ჩვეულებათაგანი. დაუფიქრებლად რომ განესაჯა ვინმეს, პროვინციიდან მოტანილად ეჩვენებოდა, რაც ნამდვილად ძველმოდური იყო. გენერლის ცოლს ქალბატონი გენერალი ერქვა; ხშირად ისმოდა „ქალბატონი რაზმის უფროსი“. გულის წარმტაცი იყო თავისი მშვენიერებით ქალბატონი დელეონი და ჰერცოგინიების, ლონგვილის და შვერეზის პატივსაცემად ქალბატონ გენერლად მომმართვეოთ, - ითხოვდა. მარკიზ კრევის ცოლიც ქალბატონ რაზმის უფროსად იწოდებოდა.

ამ არისტოკრატიულმა წრემ შემოიღო, რომ მეფისთვის არ მიემართათ „თქვენო დიდებულებო“, რადგან ეს სიტყვა უზურპატორებისგან იყო წაბილწული; მესამე პირში მიმართავდნენ - ნებას მიბოძებს მეფე...

იქ იყო ცხოვრებისა და ადამიანების განსჯა. საუკუნეს მასხრად იგდებდნენ, რაც მათ ათავისუფლებდათ მისი იდეებისგან. ერთმანეთს ეხმარებოდნენ გაკვირვებაში. უხვად ჰქონდათ დროისათვის დამახასიათებელი ნაკლოვანებანი. მათუსალა ანათლებდა სუბიმიენილს; ყრუ ასწავლიდა უსინათლოს. კობლენცის შემდეგ გასულ წლებს აბათილებდნენ. როგორც ლუი მეფერამეტე ბრძანებდა, - ღვთის ნებით ოცდახუთი წელია ტახტზე ვარო, ისე ემიგრანტები, - ოცდახუთი წლის სიყმანვილეს განიცდიდნენ.

ჰარმონიულად იყო ყველაფერი. თავისუფალ აზრს იქ არაფერი ესაქმებოდა. ყმანვილი ხალხიც ერიათ, მაგრამ უკვე მიმკვდარებული. ისინი წარმავალნი კი არა, უკვე წარსულნი იყვნენ და მსახურებიც ასეთივე ჰყავდათ. აკლამის სუნი იდგა. წარსულის დაცვა და დაფარვა, კონსერვატორობა - მხოლოდ ეს იყო მათი სასაუბრო თემა. საქმე ის იყო, ცუდი სუნი არ ასვლოდათ. ამ დიდებულთა იდეები ვეტივერის სუნით ყარდა. ეს სალონი მუმიების სამეფო იყო. ბატონები შემურვილები იყვნენ და მსახურები - ფიტულებად ქცეულნი.

ერთ ღირსეულ, მოხუცებულ მარკიზის ქვრივს, ერთადერთი მსახური დედაკაცილა შერჩენოდა, და მაინც ძველებურად გაიძახოდა, - ჩემი შინაყმანიო.

რას აკეთებდნენ ქალბატონი ტ-ის სალონში?

იქ „ულტრები“ იყვნენ.

იქნებ აქამდე არსებობს მოვლენა, რომელსაც ეს სიტყვა აღნიშნავს, თვით ამ სიტყვას კი აზრი დაუკარგავს ჩვენს დროში, მაინც განმმართვეოთ.

- ულტრაო - იტყვიან იმაზე, ვისაც დასახული მიზნის უფრო იქით ნებაავს გადახტომა, ვინც სკიპტრას ტახტის სახელით ებრძვის და მიტრას - საკურთხეველის სახელით. ვინც ცეცხლს სდებს ბრალს, - კარგად ვერ დანვა ურჯულოებიო; ვინც კერპს სწუნობს, - საკმარისად არ არის კერპიო; ვინც პაპს უსაყვედურებს, პაპისტი არ ხარ, მეფეს - როიალისტიო. ღამეში საჭირო სიბნელეს ვერ პოვებს, თაბამირში, თოვლში, გედში და შრომანა - ყვავილში საჭირო სითეთრეს; ვინც იმდენად არის რამით გატაცებული,

რომ მტრად უხდება თავის წაღილს, და იმდენად მძლავრად იბრძვის, რომ ავად ემსახურება თავის იდეალს.

ეს ულტრა „სული“ განსაკუთრებით რესტავრაციის პირველ ხანს ახასიათებს.

ისტორიაში ისეთი არაფერია, რომ შეედაროს იმ პატარა პერიოდს, რომელიც იწყება 1814 წლიდან და თავდება 1820 წელს, როდესაც გამოჩნდა ბატონი ვილელი, მოხერხებული მემარჯვენე. საკვირველ ისტორიულ ჟამს წარმოადგენს ეს ექვსი წელიწადი, ერთსა და იმავე დროს ბრწყინვალეს და უფერულს, მხიარულსა და პირქუშს, განათებულს ამომავალი მზის სხივით და ამავე დროს მთლად დაფარულს დიდი კატასტროფების წყვდიადით, რომლებიც აბნელებდნენ ჰორიზონტს და ნელ-ნელა იფლობდნენ წარსულში. ამ სინათლესა და სიბნელეს შორის არსებობდა პანანა ქვეყანა, ძველი და ახალი, მასხრული და მწუხარე, ყმანვილი და მოხუცებული, რომელიც თვალებს იფუხენეტდა. ისე არაფერი ჰგავს გაღვიძებას, როგორც სამშობლოში დაბრუნება.

ბრაზით შესცქეროდა საფრანგეთს ეს პანანა ქვეყანა და დაცინვით პასუხობდა მას საფრანგეთი. ქუჩები ბებერი ჭოტებით იყო სავსე - უკან დაბრუნებული მარკიზებით; თითქოს მკვდრებით აღმდგარიყვნენ; ანწყობი განკვიფრებული ყოფილი დიდებულნი, მამაცი კეთილშობილი გვარის შვილები, გახარებულნი, რომ ისევ თავიანთ სამშობლოში არიან, და თან მტირალნი; ალტაცებულნი, რომ სამშობლოს ხედავენ, და გულმოკლულნი, რომ მონარქიას ვეღარ მოესწრებიან. ჯვაროსნობის დროინდელი თავადაზნაურობა არაფრად აგდებდა იმპერიის დროინდელებს, ესე იგი ბრძოლის გმირებს. ისტორიულ ერებს ისტორიის აღარაფერი ესმოდათ; კარლოს დიდის თანამოაზრეთა შვილებს ათვალწუნებული ჰყავდათ ნაპოლეონის თანამოაზრენი. შთამომავლობით და ვაჟკაცობით ცნობილ დიდებულთა შვილები შეურაცხყოფით მოიხსენებდნენ ერთმანეთს. ფონტენუას ბრძოლა დაჟანგული ხმლებით ხუმრობა იყო; მარენგოს ბრძოლა - საზიზარო და უმინშენლო. წარსული უარყოფდა გუმინდელს. გრძობა დაეკარგათ და ვეღარც დიდებული შეეგნოთ, ვეღარც სასაცილო. ვილაყამ სკაპენი უწოდა ნაპოლეონს.

დღეს აღარ არის ის პანანა ქვეყანა. ვიმეორებთ, აღარ არის და აღარაფერი დარჩენილა იმისი. როცა ვინმეს წამოყენება გვინდა ამ საცოდავი წარსულიდან, და ვცდილობთ, ფიქრით მაინც წარმოვიდგინოთ ცოცხლად, ისე უცნაურად გვეჩვენება, როგორც წარღვნამდე არსებული ცხოველი. და მართლაც, მასაც ხომ წარღვნა მოერია და მთლად წაღვეა; მიწის პირიდან აღგავა ჯერ ერთმა და მერე მეორე რევოლუციამ, იდეების ძლიერებით აღსავსე ტალღამ. რა სწრაფად ფარავს რევოლუცია ყველაფერს, რაც დასანგრევია და აღსავსეა, და საშინელი სიღრმის უფსკრულებს ქმნის!

ასეთი იყო ამ ახლო წარსულის წარმავალთა სალონი, სადაც მარტენვილი უფრო ჭკვიანად ითვლებოდა, ვიდრე ვოლტერი.

ამგვარ სალონს თავისი მწერლობა და თავისი პოლიტიკა ჰქონდა. მწერლობაში ფიქვს აღიარებდნენ, აჟიე იყო მათი კანონმდებელი, კოლნეს სწავლობდნენ, - პუბლიცისტ-ბუკინისტს. ნაპოლეონი მათთვის კორსიკელი ურჩხული იყო. შემდეგ ისტორიაში შეიყვანეს ბატონი მარკიზი დე-ბუნაპარტე, მეფის ჯარების გენერალი და ისიც იმიტომ, რომ ცოტა რამ მაინც დაეთმოთ დროის მოთხოვნებისთვის.

ამ სალონებმა სინწინდე დიდხანს ვერ შეინარჩუნეს. 1818 წლიდან იქ თავი იჩინეს დოქტრინერებმა - ეს საშიში ნიშანი იყო. ეს დოქტრინერებიც მეფის მომხრენი იყვნენ, მაგრამ, თითქოს რცხვენოდათ, ბოდიშს იხდიდნენ, წარსულით ალტაცებულებსა და გაამაყებულებს ახლებიც შეერივნენ, რომელთაც რცხვენოდათ, რომ მონარქიას უჭერდნენ მხარს. ჭკუა არ აკლდათ, გაჩუმება იცოდნენ, სიამაყეს გრძობდნენ თავისი პოლიტიკური მიმართულების გამო და მათი გამარჯვება მოსალოდნელი იყო. გარეგნობას დიდ მნიშვნელობას ანიჭებდნენ და იქნებ სასარგებლოც იყო, - ყველას თეთრი ყელსახვევი ჰქონდა და კარგად შეკრული სერთუკი ეცვა. დოქტრინერების პარტიის შეცდომა თუ უბედურება იმაში მდგომარეობდა, რომ ახალგაზრდა მოხუცებულთა თაობა შექმნეს. ცდილობდნენ, იერით ბრძენებს დამსგავსებოდნენ, და ოცნებობდნენ, აბსოლუტური თვითმპყრობელობის პრინციპზე შეზღუდული ხელისუფლება დაემყნოთ. დამრღვევი ლიბერალიზმის წინააღმდეგ დამცველი ლიბერალიზმით იბრძოდნენ და ხშირად საფუძვლიანად. აი, რას ქადაგებდნენ დოქტრინერები:

- „ნუ ჰვამობთ როიალიზმს, რადგან მრავალი ღვანლი აქვს სამშობლოს წინაშე. მეფემ შეგინახა ტრადიციები, ზნე-ჩვეულებანი, სარწმუნოება, ღვანლმოსილთა პატივისცემა. როიალიზმი თავისი ქვეყნის ერთგულია, მამაცი, რაინდი, ლმობიერი, ხალხისთვის თავდადებული. მან ძველ, მეფეთა დროის დიდებას თავისდა უნებურად ერის ახალი დიდება დაურთო. სცდება, რომ არ ესმის რევოლუციის, იმპერიის, თავისუფლების, ახალი იდეების, ახალი თაობის, ამ საუკუნის. სცდება, მაგრამ განა ჩვენ კი უცოდველნი ვართ მის წინაშე? რევოლუცია, რომლის შემკვიდრენიც ვართ ჩვენ ყველანი, უნდა ცდილობდეს ყველაფრის გააზრებას. ვინც გმობს როიალიზმს, ღალატობს ლიბერალიზმის დედააზრს. რა შეცდომაა, რა სიბეცე! რევოლუციური საფრანგეთი პატივს არ სცემს ისტორიულ საფრანგეთს, ესე იგი, თავის მშობელ დედას, მამასადამე თავის თავს. 5 სექტემბრის შემდეგ სწორედ ისე ექცეოდნენ მეფეთა დიდებულებს, როგორც 8 ივლისის შემდეგ - იმპერიის წარჩინებულებს. ისინი უსამართლოდ ექცეოდნენ არწივს, ჩვენც უსამართლოდ ვექცევით შრომან ყვავილს, ნუთუ აუცილებელია, რომ ყოველთვის ვდევნიდეთ ვინმეს? განა საჭიროა ლუი მეოთხემეტის გვირგვინის ოქროს ჩამოფხეკა, ან ანრი მეოთხის ღერბის წაშლა? რატომ ვამტყუნებთ ბატონ დე-ვოლბანს, რომელიც იენის ხიდზე შლიდა ნაპოლეონის სახელის პირველ ასოს? განა რას შერებოდა ისეთს? სწორედ იმას, რასაც ჩვენ ჩავდივართ. ბუვინიც ისევე გვეკუთვნის ჩვენ, როგორც მარენგო. მეფეების შრომანა - ყვავილი ჩვენი დიდებაა, როგორც ასო „წ“ - ნაპოლეონისა. ეს არის ჩვენი მამა-პაპის დიდება, ჩვენ კი ვამცირებთ და სულაც უარყოფთ! ნუ დავგმობთ სამშობლოს წარსულს, როგორც არ ვგმობთ მის აწმყოს! რატომ არ უნდა გვექონდეს მთელი ისტორია? რატომ არ უნდა გვიყვარდეს მთელი საფრანგეთი?“

ასეთი კრიტიკით და აზროვნებით ესარჩლებოდნენ როიალიზმს და წარსულს დოქტრინერები; როიალიზმი უკმაყოფილო იყო იმით, რომ მას კრიტიკას უბედავდნენ, და გააფთრებული იმითაც, რომ მფარველობდნენ.

ულტრამონარქისტების მიერ აღნიშნულია მეფობის პირველი პერიოდი; დოქტრინერებმა დაახასიათეს მეორე. გულწრფელ გატაცებას ხელმარჯვე მოხერხება მოჰყვა...

ამით გავათავოთ დროის დახასიათება.

ამ ნაწარმოების თხრობისას ავტორი იძულებული იყო გაკვრით მაინც შეეხებოდა თანამედროვე ისტორიის ერთ საინტერესო მონაკვეთს, რომ აღენიშნა იმჟამინდელი, დღეს უცნობი საზოგადოებისთვის დამახასიათებელი უცნაური ნიშნები, მაგრამ, ვიმეორებთ, გაკვრით შეეხო ამ საგანს და არც ავად მოიხსენია, არც დაცინივით. ავტორს მრავალი რამ ახსოვს ტკბილი და ძვირფასი, რაც მის ღედას შეეხება და თვითონაც დაკავშირებულია წარსულთან. გარდა ამისა, არც ის დავეივინყოთ, რომ ამ წარმავალ, მომაკვდავ საზოგადოებას ცოტა რამ დიდებულიც გააჩნდა. შეიძლება დიმილი მოგვეგვაროს ამ წარსულის გახსენებამ, მაგრამ აქ ზიზღი, ან სიძულვილი შეუწყნარებელია. ეს იყო საფრანგეთის წარსული.

მარიუს პონმერსიმ, როგორც სხვა მისმა ტოლმა ბიჭებმა, შესაფერი სწავლა მიიღო, როდესაც წამოიზარდა და ხელიდან გაუქვრა დეიდა ჟილნორმანს, პაპამ სხვა მწვრთნელი მიუჩინა და ერთ უწმინდეს ღირსეულ მენტორს მიანდო მარიუსის აღზრდა: ნორჩი, გასაძლეულად მოწიფული კოკორი გაუთხოვარი ბებრუცუნისგან პედანტის ხელში ჩავარდა. მაინც დაამთავრა საშუალო სასწავლებელი და შევიდა მართლმსაჯულების სასწავლებელში. მრწამსით როიალისტი იყო, ასკეტი, ფანატიკოსი. არც ძალიან უყვარდა თავისი პაპა, რომლის არც მხიარულება მოსწონდა, არც ცინიზმი; თავისი მამის მიმართ კი თავდატყერილობას და პირქუშობას იჩენდა.

საკმაოდ ფიცხი ხასიათის ბიჭი იყო, პატიოსანი, დიდსულოვანი, ამპარტავანი, ღვთისმორწმუნე, სისასტიკემდე კეთილშობილი და ველურობამდე უმნიკვლო. ყყ

თავი მეოთხე
ავაზაკის სიკვდილი

კლასიკურ განათლებას ამთავრებდა მარიუსი, როდესაც მისმა პაპამ საზოგადოებას თავი მიანება, გამოეთხოვა მოხუცებულ დიდებულთა სენ-ჟერმენის უბანს, ქალბატონი ტ-ის დარბაზს და მარეს უბანში საკუთარ სახლში გადავიდა, ფილდე-კალვერის ქუჩაზე. მეკარის გარდა მსახური ჰყავდა, დედაკაცი ნიკოლეტი, რომელიც მანონის შემდეგ აეყვანა, და ერთი ბასკი.

1827 წელს ჩვიდმეტი წლის ვახდა მარიუსი. ერთ საღამოს შინ რომ მივიდა, პაპა დახვდა წერილით ხელში.

- მარიუს, - უთხრა პაპამ, - ხვალ ვერნონში მოგინევს წასვლა.
- რატომ? - ჰკითხა მარიუსმა.
- მამაშენის სანახავად.

აკანკალდა მარიუსი. ყველაფერს წარმოიდგენდა იმის გარდა, რომ შეიძლებოდა მამის ნახვა დასჭირვებოდა. ეს ამბავი მოულოდნელი და უცნაური იყო, ამასთან ერთად, ძალიან უსიამოვნოც. შორს იყო მამისგან და მასთან დაახლოება შეუძლებლად ეჩვენებოდა. მოსალოდნელი შეხვედრა იმდენად არ აწუხებდა, რამდენადაც ნაძალადეგ მოვალეობად მიაჩნდა.

პოლიტიკურ განსხვავებასთან ერთად იმაშიც დარწმუნებული იყო მარიუსი, რომ მის მამას, უებრო მეომარს, - როგორც იტყოდა ხოლმე ბატონი ჟილნორმანი, როდესაც კარგ გუნებაზე იყო, - არ უყვარდა თავისი შვილი. ცხადი იყო, რომ არ უყვარდა, რადგან იგი პაპას მიუგდო და თვითონ განზე გადგა. დარწმუნებული იყო

ამაში და ამითვე უხდიდა. - არ ვუნდივარ და არც მე მინდა! მორჩა და გათავდა, - იძახდა თავის გასამართლებლად.

ეს ამბავი იმდენად მოულოდნელი იყო, რომ განცვიფრებული შეჰყურებდა ჰაპას, არაფერს ეკითხებოდა.

- ეტყობა, ავად არის, - განუმარტა ჟილნორმანმა, - შენს ნახვას ითხოვს.

ცოტა ხანს გაჩუმებული იყო, და მერე უთხრა:

- ხვალ დილით წადი. მგონი, დილის ექვს საათზე გადის ფონტენის ეზოდან დილიჟანსი. სალამოს მიხვალ - საჩქარო არისო, - იწერება.

წერილი დაჭმუჭნა და ჯიბეში ჩაიღო. მარიუსს შეეძლო იმ სალამოსვე წასულიყო და გათენებისას მამასთან ყოფილიყო. დილიჟანსი სალამოობით ბულუას ქუჩიდან გადიოდა რუენისკენ და გზად ვერნონზე გაივლიდა ხოლომე, მაგრამ არც ბატონ ჟილნორმანს გასსენებია ეს უფრო ადრე მიმავალი დილიჟანსი და არც მარიუსს.

მეორე დღეს ბინდისას მივიდა ვერნონში, სანთელს ანთებდნენ უკვე. ჰკითხა გამვლელს „ბატონი პონმერსის“ სახლი, რადგან ისიც რესტავრაციის აზრის იყო და არც ბარონობა სწამდა თავისი მამის, არც პოლკოვნიკობა.

სახლი მიასწავლეს. მივიდა, ზარი დარეკა. კარი დედაკაცმა გაუღო, რომელსაც ხელში სანთელი ეჭირა.

- ბატონი პონმერსი?

მუნჯივით იდგა დედაკაცი.

- აქ არის?

თავი დაუქნია დედაკაცმა.

- შეიძლება დაველაპარაკო?

თავი გაიქნია დედაკაცმა უარყოფით.

- შვილი ვარ მისი. დაბარებული ვარ, მელის.

- აღარ გელით, - მიუგო დედაკაცმა.

მხოლოდ ახლა შენიშნა მარიუსმა, რომ დედაკაცი ტიროდა.

თითო დაბალი ოთახის კარი ანიშნა და იქ შეიყვანა მარიუსი. ბუხარზე ქონის სანთელი ენთო და სიბნელებში სამი კაცი გაარჩია მარიუსმა. ერთი ფეხზე იდგა, მეორე დაჩოქილი იყო. მესამე იატაკზე გართხმულიყო. პერანგის ამარა. ძირს რომ ეგდო, პონმერსი იყო.

ერთი ექიმი იყო და ერთიც მღვდელი, რომელიც დაჩოქილიყო და ლოცულობდა.

ტვინის ანთება დამართოდა სამი დღის წინ. ავად რომ ეგრძნო თავი, მაშინვე წერილი მიენერა თავისი სიმამრისთვის, - მარიუსი გამომიგზავნეთო, - რადგან ფიქრობდა, - ამას ვერ გადავურჩებო.

სწორედ იმ სალამოს, მარიუსი რომ მის სახლს ეძებდა, სიციხისაგან გახელებული წამოვარდნილიყო ლოგინიდან, მოსამსახურე ქალი ვერ მორეოდა და ყვირილით, - აღარ მოდის ჩემი ბიჭო! მე წავალ მის სანახავად! - გავარდნილიყო წინა ოთახში, იქ დაეცემულიყო და მკვდარი ეგდო იატაკზე.

მაშინვე მოიწვიეს ექიმი და მღვდელი. გვიან მისულიყო ექიმი. გვიან მისულიყო მღვდელი და გვიან მისვლოდა შვილი.

სანთლით სინჯავდნენ მიცვალეზულს, რომელსაც გაყვირებულ ლოყაზე თვალიდან წამოსული ობოლი ცრემლი მერჩენოდა. თვალი ჩამქრალი იყო, მაგრამ ცრემლი ჯერ არ შემშრალიყო. შვილის დაგვიანებას გამოენვია ეს ცრემლი.

პირველად და უკანასკნელად უცქერდა მარიუსი ამ კაცს, მის მამაცურ სახეს, გახელილ თვალებს, რომლებიც ველარაფერს ხედავდნენ, ჭალარა თმას, ახოვან ტანს, რომელმაც აქა-იქ ჭრილობის ზოლები მოჩანდა, მტრის ხმლის ცემის ნაშთი, და რაღაც მონითალო ვარსკვლავები, მტრის მიერ ნასროლი ტყვიის ნაშთი. დასცქეროდა მის ლმობიერ სახეს, რომელსაც გმირობის სხივს ჰფენდა ჭრილობა, და გრძობდა, რომ არაფერს უთქვამდა გული, თუმცა იცოდა, რომ ეს კაცი მისი მამა იყო, და უკვე მკვდარი.

დაღონებული იდგა. ასევე დაღონებული იდგებოდა სულ უცხო მიცვალებულთანაც.

დიდი გლოვა იყო ოთახში. კუთხეში მსახური დედაკაცი ქვითინებდა, მღვდელი ლოკულობდა და ხშირად ისმოდა მისი ქვითინი, ექიმი თვალებს უწმენდა, თვით მიცვალებულიც ტიროდა.

სამივე მარიუსს უთვალთვალებდა ხმის ამოუღებლად. გრძობდნენ, რომ აქ ეს ყმანვილი უცხო იყო, მარიუსმაც იგრძნო თავისი უცხოობა. შერცხვა გულცივობის. ქუდი ხელში ეჭირა და ახლა ძირს დაუშვა, ვითომ - შეწუხებულს გამივარდაო. ამითი უნდოდა დაემტკიცებინა, რომ მასაც მორეოდა მწუხარება.

და იმავე დროს სირცხვილსა და სინანულს გრძნობდა, რომ ასე ღალატობდა თავის გულწრფელობას. მაგრამ მისი რა ბრალი იყო, რომ მამა არ უყვარდა?

არაფერი დაეტოვებინა პონმერსის. გაყიდეს, რაც სახლში ჰქონდა და ისე დამარხეს. პატარა ქალადლი იპოვა დედაკაცმა და მარიუსს მიართვა. ბარათი პონმერსის ხელით იყო დაწერილი.

„ჩემს შვილს. იმპერატორმა ბარონობა მიბოძა ვატერლოოს ბრძოლის ველზე. და რადგან დღევანდელი მთავრობა არ ცნობს ამ ჩემს წოდებას, რომელიც მე ჩემი სისხლით მაქვს მოპოვებული, მას ჩემი შვილი მიიღებს და ატარებს. რა თქმა უნდა, ის ამის ღირსი იქნება“.

მეორე მხარეს პოლკოვნიკის ხელითვე იყო მიწერილი:

„იმავე ვატერლოოს ბრძოლაში, ერთმა ათისთავმა გადამარჩინა სიკვდილს. ტენარდიე ერქვა. ამ უკანასკნელ ხანს, მგონი, პატარა ღუქანი ჰქონდა საღლაყ სოფელში, პარიზის ახლოს, შელში, თუ მონტერმეილში. თუ სადმე ჩემი შვილი ამ კაცს შეხვდება, დაეხმარება ტენარდიეს, რითაც კი შეეძლება“.

მამისადმი სიყვარულით კი არა, იმ პატივისცემით, რომელსაც ყოველთვის განიცდის ადამიანი სიკვდილის წინაშე, დაკეცა ქალადლი მარიუსმა და ჯიბეში ჩაიღო. მარიუსს მამისგან არაფერი დარჩა. ბატონმა ჟოლნორმანმა უვარგის ძველმანებთან ერთად მიცვალებულის იარაღი და ტანისამოსიც გააყიდვინა. ბალი და ძვირფასი ყვავილები მეგობრებმა დაიტაცეს, დანარჩენი დაჭკნა და გახმა.

მარიუსმა ვერნონში ერთი დღე-ღამე გაატარა, დაასაფლავეს მამა, და შვილიც მამიწვე პარიზში დაბრუნდა. მივიდა შინ, შეუდგა ისევ თავისი მართლმსაჯულების სწავლას და აღარც კი აგონდებოდა მამა, თითქოს არც ჰყოლოდა. ორ დღეში დაასაფლავეს უბედური და სამ დღეში დაივიწყეს.

მარიუსს შავი კრეპი ჰქონდა ქუდზე. ესეც კმაროდა.

თავი მეხუთე

შეიძლება წირვის მოსასმენად მიხვიდეთ და რეკლუციონერი წამოხვიდეთ

ჯერაც შერჩენოდა მარიუსს ბავშვობის სარწმუნოებრივი ჩვეულებები.

ერთ კვირადღეს წირვის მოსასმენად შევიდა სენ-სულპისის ეკლესიაში. პატარაობისას სულ იქ დაჰყავდა სალოცავად თავის ღვიძლას. ფიქრებით იყო გართული და ერთი სვეტის უკან დაიჩოქა. ყურადღება არ მიაქცია, რომ ხავერდით დაფარულ სკამთან იყო, რომლის ზურგზე პატრონის გვარი ეწერა, - ბატონი მახევი, მნათე. - ის იყო დაიწყო წირვა და ერთი მოხუცებული მივიდა მარიუსთან:

- ეს ჩემი ადგილი გახლავთ, ბატონო.

მარიუსმა საჩქაროდ იქით მიიწია და მოხუცებულმა აიღო თავისი სკამი.

წირვა რომ გამოვიდა, იქვე იდგა მარიუსი, ჩათვიქრებული. ისევ იმასთან მივიდა მოხუცებული და ბოლიში მოუხადა:

- ბოლიშს ვიხდი, ბატონო, რომ ისე შეგაწუხებოდა წელან და ახლაც გაწუხებოდა. მგონია, მემღერებოდა და მინდა მოგახსენო...

- რა საჭიროა, ბატონო? - მიუგო მარიუსმა.

- არა, საჭიროა. მე არ მინდა, რომ ცუდი შთაბეჭდილება გაგყვეთ. უნდა მოგახსენოთ, ძალიან მიყვარს ეს ადგილი. აქედან უფრო კარგად მეჩვენება წირვა-ლოცვა. რატომ? აი, მომითმინეთ. სწორედ ამ ადგილას იდგა ხოლმე ამ ათი წლის განმავლობაში, ორ-სამ თვეში ერთხელ მაინც, ერთი უბედური მამა, რომელსაც არავითარი საშუალება არ ჰქონდა სადმე სხვაგან ენახა თავისი შვილი, რადგან ოჯახურ გარემოებათა გამო, მამას უკრძალავდნენ შვილის ნახვას. იცოდა, როდის მოიყვანდნენ საყდარში თავის ბიჭს და შორიდან შესცქეროდა. აზრდაც არ მოსდიოდა უმანკო პატარას, რომ იქვე ახლოს ედგა მამა. იქნებ, არც კი იცოდა, რომ მამა ჰყავდა. მამა ყოველთვის სვეტს ეფარებოდა, რომ არ დაენახათ. შესცქეროდა თავის შვილს და ტიროდა. გაგიჟებით უყვარდა შვილი უბედურს. მე ვხედავდი ამას. ამიტომ შემეყვარდა ეს ადგილი, მაღლიანად მიმაჩნია და ყოველთვის აქ ვისმენ წირვას. მე ჩემი ადგილიც მაქვს, როგორც მნათეს, მაგრამ ეს ჩემთვის თითქოს ნაკურთხია. ცოტათი კიდევ ვიცნობდი იმ საწყალს. სიმამრი ჰყავდა, მდიდარი ცოლის ნათესავები, და ისინი თურმე ემუქრებოდნენ, - ბავშვს არავითარ შემკვიდრეობას არ მივცემთ, თუ მამა არ ჩამოშორდაო. - და თავი გაწირა მამამ, ოღონდ ჩემი შვილი მდიდარი და ბედნიერი იყოს, როცა გაიზრდებოდა. განსხვავებული პოლიტიკური მიმართულებებით უნდა ყოფილიყო გამოწვეული შვილის მამისაგან მოშორება. მეც დიდ მნიშვნელობას ვანიჭებ ამ პოლიტიკურ აზროვნებას, მაგრამ გადაჭარბებული არაფერი ვარა. აჰა, ღმერთო! ნუთუ საზიზღრად უნდა ჩავთვალოთ ვაყი მარტო იმიტომ, რომ ვატერლოოს ბრძოლაში მიიღო მონაწილეობა? ნუთუ ამიტომ მამას შვილი უნდა წავართვათ და შვილს - მამა? ბონაპარტის ოფიცერი იყო, პოლკოვნიკი, მიიცვალა რამდენადაც ვიცი, ვერნონში ცხოვრობდა, ჩემი ძმის, მღვდლის, ნაცნობი იყო, გვარად პონმარი, თუ პონმერსი. იმისთანა ჭრილობა ჰქონდა თავზე და ლოყაზე...

- პონმერსი? - ჰკითხა მარიუსმა და ფერი ეცვალა.

- დიახ, დიახ, პონმერსი. რაო? თქვენც იცნობდით?

- მამაჩემი იყო, ბატონო.

ხელეები აღაპყრო ბებერმა მნათემ და შეჰყვირა:

- მამ თქვენ შვილი ხართ? აგრეა, აგრე! დღეს ვაჟუკაცი უნდა იყოს მისი შვილი. ჰოდა, შეგიძლიათ დარწმუნებული ბრძანდებოდეთ, მამა გყავდათ, რომელსაც გაგიჟებთ უყვარდით!

მკლავი მკლავში გაუყარა მარიუსმა, შინამღე მიაცილა.

მეორე დღეს პაპას თხოვნით მიმართა:

- პატარა გასეირნებას ვაპირებთ ამხანაგები. ნებას მიბოძებთ, ერთი სამი დღე სხვაგან ვიყო?

- ოთხი იყოს, - უპასუხა პაპამ, - წადი, დრო გაატარე...

თვალი მოჭუტა და ჩურჩულით უთხრა თავის ქალს:

- გოგო ეყოლება ვინმე!

თავი შეექცე

რა მოჰყვა მნათესთან შეხვედრას

სად წავიდა მარიუსი, ამას მალე ვნახავთ.

სამი დღე სხვაგან იყო. მერე პარიზში დაბრუნდა, თავისი სკოლის ბიბლიოთეკაში შევიდა და გაზეთი „მონიტორი“ მოითხოვა, სრული კრებული.

ნაიკითხა „მონიტორი“, ნაიკითხა რევოლუციისა და იმპერიის ისტორია, ნაპოლენონის წმინდა ელენეს კუნძულზე ყოფნის დროის მოგონებანი, ჟურნალები, გაზეთები, პროკლამაციები. ერთბაშად გადაყლაპა ეს ყველაფერი. პირველად რომ შეხვდა თავისი მამის სახელს დიდი ლაშქრის ისტორიაში, გიჟივით იყო მთელი კვირა. დაიარა და ნახა გენერლები, რომლებთანაც ოფიცრად ყოფილიყო ჟორჟ პონმერსი, სხვათა შორის, გრაფი G. რამდენჯერმე მნათე მახეფიც ნახა და მან დაწვრილებით უამბო, თავისი ძმის, ვერნონელი მღვდლის ნათქვამი, პონმერსის განმარტოებული ცხოვრების, მისი მწუხარების, მისი ბალის და ყვავილების შესახებ. გაიცნო მარიუსმა თავისი მამა, დარწმუნდა, რომ იგი იშვიათი პატიოსანი და ლმობიერი კაცი ყოფილიყო, ერთსა და იმავე დროს ლომიც და კრავიც.

ისე იყო ამ კვლევით გატაცებული, რომ თითქმის აღარც კი ხედავდა ჟილნორმანებს. დღესა და ღამეს ამ ძიებაში ატარებდა, მთელ დროს ამას ანდომებდა, და მართო პურის ჭამის დროს გამოჩნდებოდა ხოლმე. სუფრას ააღაგებდნენ და მარიუსიც აღარასად იყო. ბუზღუნებდა ბებერი დეიდა. იცინოდა ბებერი ჟილნორმანი:

- აგრეა, აგრე! გოგონებმა გაიტყუეს ბიჭი!

და დაუმატებდა:

- დასწყევლა ღმერთმა! მე უბრალო არშიყოლა მეგონა და აქ კი ღამის სიყვარულმა იჩინოს თავი!

და მართლაც სიყვარული იყო. მარიუსს უსაზღვროდ შეჰყვარებოდა თავისი მამა.

იმავე დროს მის მსოფლმხედველობაში ძირეული ცვლილება ხდებოდა. ამ ცვლილების ფაზა მრავალი და თანამიმდევრული იყო. და რადგან ეს ჩვენი დროის რამდენიმე თაობის ისტორიაა, სასარგებლოდ მიგვაჩნია კვალდაკვალ მივყვეთ ამ ფაზებს და ცალ-ცალკე აღვნიშნოთ ყველა.

კითხულობდა მარიუსი ამ ისტორიას და თან შიში ერეოდა.

პირველი შთაბეჭდილება განცვიფრება იყო.

აქამდე მისთვის რესპუბლიკა და იმპერია საშინელი სიტყვები იყო; რესპუბლიკა გილიოტინა იყო ბნელით მოცულ სივრცეში, იმპერია კი - მოღერებული ბასრი ხმალი. ახლა რომ ჩააცქერდა, სადაც სიბნელისა და ქაოსის გარდა არაფერს მოელოდა, სიხარულით და თან შიშით დაინახა განცვიფრებულმა ბრწყინვალე ვარსკვლავები: მირაბო, ფერნიონი, სენ-ჟუსტი, რობესპიერი, კამილ დემულენი, დანტონი და ამომავალი მზე - ნაპოლეონი. და ველარაფერი გაეგო, ეს სინათლე თვალს უბრმავებდა. ნელ-ნელა გაუარა განცვიფრებამ, თვალი მიაჩვია ამ კაშკაშს და უშიშრად, გულდამშვიდებით დააკვირდა რევოლუციის მოღვანეებს და მათ მოქმედებას. რევოლუცია და იმპერია ბრწყინვალე გამარჯვებად ედგა თვალწინ; ორ ჯგუფად ხედავდა ამ საკვირველი დროის ისტორიას და მის მოღვანეებს, ორი დიდებული მიღწევით გაბრწყინებულებს; რესპუბლიკას - ხალხისთვის დაბრუნებული მოქალაქეობრივი უფლებების უზენაესობაში, და იმპერიას - ევროპისათვის ნაკარნახევი საფრანგეთის იდეების უზენაესობაში. რევოლუციაში მან ხალხის დიადი სახე დაინახა, იმპერიაში - საფრანგეთის დიადი სახე. გულის სიღრმეში ყოველივე ეს მშვენიერებად აღიარა, რესპუბლიკა ხალხს ერგო, და იმპერია - ევროპას. ხედავდა, რომ რევოლუციამ ფეხზე წამოაყენა და განადიდა ხალხი, და იმპერიამ - საფრანგეთი. გულწრფელად აღიარა თავისი სინდისის წინაშე, რომ ორივე კარგი იყო.

საჭიროდ არ მიგვაჩნია აქ მოვიხსენიოთ ყოველივე ის, რასაც ყურადღებას არ აქცევდა თავისი პირველი მეტად ზოგადი დაკვირვების დროს. ჩვენ გვინდა ავხსნათ სინათლისკენ სწრაფად მიმავალი გონების საფეხურები. ყველაფერი ერთად არ მოდის. ამით ვიხელმძღვანელოთ მომავალში, როგორც ვხელმძღვანელობდით უკვე ნაამბობშიც და განვაგრძოთ ჩვენი მოთხრობა.

დაინახა მარიუსმა, რომ აქამდე თავის სამშობლოზე ისევე არაფერი იცოდა, როგორც - თავის მამაზე. არ იცნობდა არც ერთს, არც მეორეს, და რაღაც ბნელი ჰქონდა თვალზე ჩამოფარებული. ახლა კი ხედავდა. ხედავდა და ერთით აღტაცებული იყო, მეორეს კი თავყვანს სცემდა.

სინანულით და მწუხარებით ევსებოდა გული. სასონარკვეთილი შესჩიოდა თავს, რომ დღეს მხოლოდ მამის საფლავს გააგონებდა თავის გულის პასუხს. ოჰ, ცოცხალი რომ ჰყოლოდა მამა! რომ შეჰბრალებოდა ღმერთს და ცოტა ხანს კიდევ ეცოცხლა! სირბილით წავიდოდა მის სანახავად, გულში ჩაეკვრებოდა და შესძახებდა:

- მამაჩემო! აი, აქ ვარ შენი შვილი, აქ ვარ შენთან! მეც შენი მომხრე ვარ, რადგან შენი შვილი ვარ! - გულში ჩაეკვრებოდა, დაუკოცნიდა და ცრემლით მობანდა დაჭრილ შუბლს, სიყვარულით განუკურნავდა დაწყლულებულ გულს, მუხლმოყრილი დაუკოცნიდა ფეხებს. რა მოხდებოდა, რომ ცოტა ხნის სიცოცხლე კიდევ ეწყალობებინა ღმერთს იმ სულით ტანჯულისთვის, რომ ენახა თავისი შვილი, დამტკპარიყო მისი სიყვარულით. გული უტიროდა მარიუსს, ცრემლი ერეოდა. ჭემპარიტების სინათლე სცემდა თვალში და უნათებდა გონებას და აზროვნებას. თვითონვე გრძნობდა, რომ სულიერად და გონებრივად იზრდებოდა და მისი სრული გარდაქმნა მამისა და სამშობლოს ვაცნობის შედეგი იყო.

ისე იყო, თითქოს გასაღები აქვს ერთი, რომლითაც ყველაფერს აღებს. მან შეიგნო ყველაფერი, რაც კი სძულდა; მისწვდა ყველაფერს, რაც კი ეზიზღებოდა. უკვე ნათლად ხედავდა განგების მნიშვნელობას, ღვთიურსა და ადამიანურს: იმ დიდი მოღვანეების და საქმეების მნიშვნელობას, რომლის გმობა და აუგით სსენებაც

ასწავლეს. და თავისი წინანდელი აზრების სინჯვას რომ დაინწყებდა, გუშინდელი აზრებისას, რომლებიც იმას ძველისძველად მიაჩნდა, აღშფოთება და თან ღიმილი ერეოდა.

აღადგინა თავისი მამა და მერე ნაპოლეონის აღდგენას შეუდგა.

ესეც აღვნიშნეთ, რომ დიდი შრომა დასჭირდა ამ უკანასკნელი წადილის ასრულებას.

ჯერ ისევ ბავშვი იყო, რომ ნაპოლეონის შესახებ იმას უნერგავდნენ, რაც 1814 წლის პარტიას ასულდგმულებდა. რესტავრაციის ერთადერთი სურვილი და მიზანი ნაპოლეონის გაათახსირება იყო. ნაპოლეონი უფრო მეტად სძულდათ, ვიდრე რობესპიერი. ძალიან მოხერხებულად გამოეყვინათ ხალხის დაღლა და დედების სიძულვილი. ბონაპარტი რაღაც ზღაპრულ ურჩხულად ჰყავდათ გამოსახული, და რომ უფრო ძალიან შეეზიზღებინათ ხალხის ბავშვური წარმოდგენისთვის, ხან საშინელების ნიღაბს ჩამოაცვამდნენ სახეზე, ხან ვერავობისას, ხალხის შემმუსრავისას; და რადგან ვერ უარყოფდნენ ნაპოლეონის ძლიერებას, ხან საშინლად ხატავდნენ ამ ძლიერებას, ხან სასაცილოდ. რაც კი საშინელი მოეჩვენებოდათ, ტიბერიუსიდან დაწყებული, ბავშვების საფრთხობელამდე, ნაპოლეონის სურათად ხატავდნენ. ნაპოლეონის ხსენებაზე ყველას თავისუფლად შეეძლო ტირილი, ან სიცილი, ოღონდ ბონაპარტისადმი სიძულვილით ყოფილიყო გამოწვეული ეს გრძნობა. და მარიუსიც ისე გაიზარდა, რომ იზიარებდა სხვების შეხედულებას ამ კაცის შესახებ, - იმ დროს ასე იხსენებდნენ ნაპოლეონს. - ღრმად ჩარჩენოდა ნაპოლეონის ეს დახასიათება სულსა და გულში. პატარა კაცი ეჭდა გულში, რომელსაც ჭირვივით სძულდა ნაპოლეონი.

დაიწყო ისტორიის კითხვა, დაუკვირდა საბუთებს, ეცადა გაერჩია და შეესწავლა მასალები და, ნელ-ნელა ის პირბადე თვალებზე რომ ჰქონდა ჩამოფარებული მარიუსს, დაიხა და ჩამოშორდა. იზრდებოდა მის თვალწინ დიდებული და გრძნობდა, რომ ისევე ცდებოდა ბონაპარტის შესახებ, როგორც - ყველაფერში. უფრო და უფრო კარგად ხედავდა ყოველდღე. თავდაპირველად თითქოს ენანებოდა რაღაც, მერე კი გაიტაცა კვლევა-ძიებამ, მოხიბლა, დაავინცა ყველაფერი და დიდებულისადმი აღტაცებით და თავყანისცემით გაუვსო გული.

ერთ ღამეს მარტო იყო თავის პატარა, ბანქევმ მოწყობილ ოთახში. სანთელი ენთო. ფანჯარა ღია ჰქონდა. იქვე ფანჯარასთან იჯდა მაგიდაზე იდაყვდაყრდნობილი, და კითხულობდა. მაგრამ ვერ დაიმორჩილა გულისყური და ფიქრებმა გაიტაცა. ხან რა ფიქრი გაურბენდა თავში, ხან რა. რა საუცხოო სანახაობას წარმოადგენს ღამე! ხმაური ესმის კაცს, და არ იცის, საიდან მოდის ეს ხმაური. ნაკვერცხალივით ბრწყინავს მუშთარი, ათას ორასჯერ უფრო დიდი რომ არის ქვეყანაზე. ლაუგარდოვანია ზეცა, კამკაში გააქვთ ვარსკვლავებს: - მრისხანებით აღსავსე სურათი!

მარიუსი დიდი ლაშქრის შესახებ კითხულობდა, იქვე ბრძოლის ველზე დანერილ სტრიქონებს. ხანდახან ხედებოდა თავისი მამის სახელი და ყოველთვის - ნაპოლეონისა. თვალწინ ეხატებოდა დიდი იმპერია; თავის გულში ზღვის მოქცევის ტალღას გრძნობდა, რომელიც სულ იზრდებოდა და ზევით იწვედა. წარმოდგენდა ხოლმე უცბად, რომ მიცვალებულმა მამამ თვალწინ ნელ სიოსავით გაურბინა და რაღაც ჩასჩურჩულა ყურში. უცნაური რაღაც ელანდებოდა: ესმოდა ნალარის ხმა, ზარბაზნის სროლა, ბუკი და საყვირი, ბატალიონების მწყობრი ნაბიჯი, ცხენოსანი ჯარის შორეული ფეხის ხმა. ხანდახან ზევით აღაპყრობდა თვალებს და ზეცის

უსაზღვრო სიღრმეში უზარმაზარ თანავარსკვლავედს შესცქეროდა. მერე ისევ თავის წიგნს დახედავდა და ხელახლა ეჩვენებოდა ისევ დიადი, მოძრავი რაღაც. სუნთქვა ეკვროდა ფიქრებით გატაცებულს, ათრთოლებულს და უცხად თვითონაც არ იცოდა, რა იყო მისი მბრძანებელი და რას ემორჩილებოდა, წამოვარდა, ორივე ხელი გაყოფანჯარაში, დააშტერდა ღამის სიბნელეს, ღამის ღუმელს, უსაზღვრო სივრცეს და შეჰყვირა:

- იმპერატორს გაუმარჯოს!

ამიერიდან საბოლოოდ გადაწყვეტილი იყო ყველაფერი. უკვალოდ გაქრა კორსიკელი კაციჭამია, უზურპატორი, მტარვალი, მხეცი, რომელიც თავის დებს ჰყვარობდა, მასხარა, რომელიც ტალმას სთხოვდა ხელმძღვანელობას; ჭირის გამაზრცლებელი, სისხლით უძღები ვეფხვი. ასეთი ბონაპარტი საბოლოოდ გაქრა და მის გულში ადგილი დაუთმო დიდებულ სინათლეს, რომელშიც მიუწვდომელ სიმალღებზე ამართულიყო მარმარილოს ძველი კეისრისა. მისი მამისთვის იმპერატორი საყვარელი მხედართმთავარი იყო, რომელსაც იმდენად სცემდა თაყვანს, რომ მისთვის თავსაც განირავდა; მარიუსისთვის კი ნაპოლეონი გაცილებით მეტი იყო. ის იყო განგების მიერ ფრანგების წინამძღოლად მოვლენილი, რომელსაც წილად ხვდა რომაელთა წადილი ქვეყნის დაპყრობისა. ის იყო სასწაულებრივად საკვირველი არქიტექტორი ნგრევისა, მემკვიდრე კარლოს დიდის, ლუი მეთერთმეტის და ანრი მეთხუთის, რიშელიეს, ლუი მეთოთხმეტის და საზოგადოებრივი კეთილდღეობის კომიტეტის. ცხადია, ნაკლიც ბევრი ჰქონდა, შეცდომებიც და დანაშაულიც, რადგან ადამიანი იყო თავის შეცდომებში, ბრწყინვალე - თავის ნაკლოვანებით, ძლიერი - თავისი დანაშაულით. მას ჰქონდა განგების მიერ მინდობილი ფრანგი ერის დიდება ძალით დაემტკიცებინა ქვეყნიერებისთვის. უფრო მეტი იყო! მასში იყო განხორციელებული თვით საფრანგეთი, ხმლით დაიპყროკ მთელი ევროპა და ქვეყნიერება - მისგან გამოშავალი შუქით. მარიუსი ნაპოლეონში ბრწყინვალე აჩრდილს ხედავდა, რომელიც ყოველთვის აღიმართება სამშობლოს საზღვარზე და დაიცავს მის მოშავალს. მტარვალი იყო, მაგრამ დიქტატორ-მტარვალი, შექმნილი რესპუბლიკის მიერ და რევოლუციის მოთხოვნილებათა აღმსრულებელი. მარიუსმა ნაპოლეონი ხალხის შვილად იწამა, როგორც იესო სწამდა ღვთის შვილად.

ასეა ყოველთვის, ახალ სარწმუნოებას რომ მიიღებს კაცი, მთვრალივით გატაცებულია ახალი მრწამსით, და აჩქარებით მიშავალს გადაჭარბებაც ბევრი მოელის. ამ ბუნების იყო მარიუსიც. თუ დაღმართში ჩადიოდა, თავის შეკავებას ვეღარ ახერხებდა. ვეღარც კი ხედავდა, რომ სამხედრო ნიჭთან და ვაჟკაცობასთან ერთად თავისდა უნებურად ძალმომრეობას სცემდა თაყვანს. რომ ორად ჰქონდა გაყოფილი თავისი გულის ტაძარი, და ერთში ღვთიური მოეთაყვებინა, მეორეში მხეცური. მრავალ შეცდომას უშვებდა, რადგან ჭეშმარიტებად მიაჩნდა ახალი რწმენის ყოველი დებულება. ამიტომ დიდი სიფხიზლე მართებდა, რომ ავი კარგად არ მიეღო. ის კი ისე იყო მოხიბლული, რომ ყველა კარგად მიაჩნდა და ყველას თაყვანს სცემდა. ახალადმოჩენილი თვალსაზრისით სინჯავდა ანწყოს და წარსულს; წარსულში, მეფობის ხანაში, ავს ხედავდა მარტო; ნაპოლეონში კი - თავის სამშობლოს დიდებას, და არავითარ ყურადღებას არ აქცევდა სხვა გარემოებებს.

მაგრამ მაინც წინ წაინია, მნიშვნელოვანი ნაბიჯით. სადაც წინათ მონარქის დამხობის მეტს ვერაფერს ხედავდა, დღეს უკვე საფრანგეთის ძლიერება და დიდება დაინახა. ორიენტაცია გამოიცვალა, გუშინდელი დასავლეთი დღეს აღმოსავლეთად ეჩვენებოდა.

როდესაც ამ საიდუმლო გარდაქმნით გატაცებულმა მთლად გაიძრო თავისი ბურბონული ტყავი უაკობელისა და მეფის მომხრის არისტოკრატიული ტყავი, როდესაც სულით ხორცამდე მიემხრო რევოლუციას, დემოკრატიას და თითქმის რესპუბლიკასაც, სადარბაზო ბარათები დააბეჭდვინა, ასი ცალი, ზედ წარწერით:

ბარონი მარიუს ჰონმერსი.

ამ ბარათების შეკვეთა იმ ცვლილების ბუნებრივი შედეგი იყო, რომელსაც მარიუსი განიცდიდა, რადგან ამ სულიერ გარდაქმნაში ყოველი ცვლილება მამისადმი სიყვარულისგან გამომდინარეობდა; მაგრამ რადგან არავის იცნობდა და არ შეეძლო ბარათების დარიგება, ჯიბეში ჩაიწყო.

სხვა შედეგიც მოჰყვა ამ ცვლილებას, აგრეთვე ბუნებრივი. რაც უფრო მეტად უახლოვდებოდა თავის განსვენებულ მამას, მის ხსოვნას, იმ მიმართულებას, რომლისთვისაც იგი ოცდახუთი წლის განმავლობაში დაუღალავად იბრძოდა, მარიუსი უფრო და უფრო შორდებოდა თავის პაპს. ისიც ვთქვათ, რომ კარგა ხანი იყო, ვერ ურიგდებოდა მარიუსი პაპის ზნე-ხასიათს. უთანხმოება შექმნილიყო მოხუცებულ ფილნორმანსა და მარიუსს შორის, როგორც ეს ყოველთვის ხდება ხოლმე დინჯ ახალგაზრდასა და ქარაფშუტა მოხუცს შორის. ფერონის სიმხიარულე ზარავს და აშმაგებს ვერტერის სევდას. მანამ ერთნაირი პოლიტიკური აზრებით სტიდნენ საგანს და ერთნაირი იდეებით ხელმძღვანელობდნენ მსჯელობისას, ერთმანეთს ისე ხვდებოდნენ, როგორც ხიდზე გამგლევი ნაცნობები. მაგრამ ეს ხიდი ჩაიმტვრა და მათ შორის უფსკრული გაჩნდა. ამასთან ერთად საშინელი ბრაზი ერეოდა მარიუსს, როდესაც მოაგონდებოდა, რომ სწორედ ბატონმა ფილნორმანმა რაღაც სულელური მოსაზრებით უღამობლად გამოჰკლავდა იგი პოლკოვნიკს, მამას შვილი დაანატრა და შვილს - მამა.

მამისადმი ღრმა სიბრალულმა თითქმის შეაძულა მარიუსს თავისი პაპა.

ქვევით კი ძველებურად იქცეოდა და არაფერში ეტყობოდა ეს ცვლილება. ოღონდ უფრო და უფრო ცივად იქცეოდა თავის ოჯახში; პურის ჭამისას ხედავდა პაპს და დეიდას და მოკლევ, ლაკონიურ პასუხს აძლევდა, როცა რამეს ჰკითხავდნენ. სახლში მარტო დასაძინებლად და პურის საჭმელად მიდიოდა. რომ დატუქსავდა ხოლმე ამისთვის დეიდა, ძალიან მორჩილად უსმენდა. ტკბილ პასუხს აძლევდა და იმით იმართლებდა თავს, რომ ლეექები, კრებები, გამოცდები აქვს. პაპა კი დაჟინებით იმეორებდა თავისას:

- შეყვარებულია! გასაგებია ჩემთვის.

დროგამოშვებით რამდენიმე დღით სხვაგან მიდიოდა მარიუსი.

- ნეტა ვიცოდე, სად დადის ეს ბიჭი? - იძახდა დეიდა.

ერთხელ ასე რამდენიმე დღით დაეთხოვა თავის პაპას და მონფერმელიში მივიდა, რომ აესრულებინა თავისი მამის სურვილი. მოეძებნა ვატერლოოს ბრძოლის ათისთავი, მედუქნე ტენარდიე, და დახმარებოდა, თუ რამე უჭირდა. ტენარდიე გაკოტრებულიყო, ღუქანი დაკეტილი დახვდა და არავინ იცოდა, სად იყო, ან რა მოუვიდა. ტენარდიეს ძებნას მარიუსმა ოთხი დღე მოანდომა.

- ეტყობა სულ გადაურევია ვიღაცას! - იძახდა ბატონი უილნორმანი.

ისიც შენიშნეს, რომ შავი ლენტის ჰქონდა კისერზე და გულზე, პერანგის ქვეშ რალაც ეკიდა.

თავი მეშვიდე
ვინმე გოგო

ბიძაშვილის შვილი ჰყავდა ბატონ უილნორმანს, ყმაწვილი ბიჭი.

გარნიზონის ჯარში იყო ოფიცრად და თავისი თანამდებობის გამო ნათესავებისგან განსაკუთრებით ცხოვრობდა. ყველა ღირსებით იყო შემკული თეოდულ უილნორმანი, რომ მშვენიერი მხედრის და ლამაზი ბიჭის სახელი ჰქონდა. ახალგაზრდა ქალიშვილის წერწეტი წელი ჰქონდა. გამარჯვებული ვაჟაკივით დაათრევა მინაზე დაშვებულ ხმალს და კოხტად დაგრეხილი უღვაშები უმშვენივლად სახეს. პარიზს ძალიან იშვიათად ეწვეოდა ხოლმე, ისე იშვიათად, რომ მარიუსს ჯერ არც კი შეხვედროდა. ერთმანეთს მხოლოდ სახელით იცნობდნენ. თეოდული ძალიან უყვარდა მარიუსის ბებერ დეიდას, გაცილებით მეტად, ვიდრე მარიუსი, რადგან იშვიათად ხედავდა. როცა ახლობელს ხშირად ვერ ხედავთ, მას უფრო მეტად აფასებთ.

ერთ დღიას ძლიერ აღელვებული შევიდა თავის ოთახში ქალბატონი უილნორმანი, თუმცა ბუნებით მეტად წყნარი, მშვიდი ადამიანი იყო. აღელვების მიზეზი ის გახლდათ, რომ ერთხელ კიდევ სთხოვა მარიუსმა თავის პაპას რამდენიმე დღით წასვლა. უილნორმანმა ნება დართო, მერე წარბები შეიჭმუხა და წაიდუღუნა: სახლში სულ აღარ ათევს ღამეს.

ქალბატონი უილნორმანი იმდენად აღელვებული იყო, რომ თავი ვერ შეიკავა და წამოსცდა:

- ეს კი მეტისმეტია! - და დაუმატა: - ნეტავ სად დადის? ვისთან?

ფიქრობდა, ალბათ საძრახის საქმეს სჩადის, რომ ასე მაღავესო. ქალია საღდაც მიმაღული, ჰაემანია დანიშნული, სიყვარულია საიდუმლოებით დაფარული. დიდი სურვილი ჰქონდა, როგორმე ჩაეჭყიტა თავისი სათვალთ ამ საიდუმლოებაში. დამალულს, იღუმალს რომ მიაგნებს ადამიანი, რაც უნდა ღვთისწიერი იყოს, ისე ტკბება, თითქოს თვითონ მიეღოს ყველაფერში მონაწილეობა. ამგვარი ცნობისმოყვარეობით არის სავეც ცრუნვინდანების გული.

აღარ და აღარ შორდებოდა ეს სურვილი, საშინლად აფუორიაქებინა ცნობისმოყვარეობას.

ამ ფიქრს თავი რომ ვეღარ დააღწია და გული ვერ დაიმშვიდა, თავისი ნიჭი დაინხარა და ქარგას მიუჯდა, მოსაწყენ და ძილის მომგვრელ საქმეს. უკვე რამდენიმე საათი იყო, ასე ქარგავდა და უცბად ვიღაცამ შემოაღო კარი. შეხედა ქალბატონმა და თავისი საყვარელი თეოდული დაინახა, მის წინ მხედრული სალმით გამოჭიმული. შეჰკვივლა სიხარულით და წამოვარდა: შესაძლებელია ქალბატონი იყო, გასათხოვარი ქალივით უმანკო, ღვთისმოსავი და მამიდა, მაგრამ მაინც ნეტარება იგრძნო, როცა კოხტა ოფიცერი გენწვევა.

- თეოდულ, შენ?

- გზად გამვლელი, ჩემო მამიდა.

- მაკოცე, ბიჭო!

- რამდენიც გნებავთ.

მოეხვია, გულში ჩაიკრა, დაკოცნა.

მოლბა მამიდა, მივარდა თავის მაგიდას, უკრა გამოსწია.

- ერთ კვირას მაინც დარჩები ჩვენთან.

- ამ საღამოსვე მივდივარ, მამიდაჩემო.

- შეუძლებელია!

- მათემატიკური სიზუსტით ამ საღამოს მივდივარ!

- მოდი, დარჩი, ჩემო თეოდულე, ამისრულე ეს თხოვნა.

- გული მიბრძანებს, - დარჩიო, სამსახური - არაო. საქმე ისაა, მამიდაჩემო, რომ

სხვაგან ვადაგვიყვანეს. მელონში ვიყავით და ახლა გაიონში გადავყევართ. ძველი გარნიზონიდან ახალში გადასასვლელად პარიზში უნდა გავიაროთ და მეც ვისარგებლე შემთხვევით: - წავალ, მამიდაჩემს გადავკოცნი-მეთქი, ვიფიქრე.

- ჰოდა, ესეც შენ გარჯისთვის.

და ათი ოქრო ჩაუღო ხელში.

- თქვენ გინდოდათ ვეთქვათ თქვენი ნახვის სიამოვნებისთვისო, ძვირფასო მამიდა.

ერთხელ კიდევ მოეხვია თეოდული, გულში ჩაიკრა, დაკოცნა. კოხტა ბიჭის საყვლოთი ოდნავ დაკანრული ლოყის სიტკბოება აგრძნობინა.

- მამ ცხენით მისდევ შენს რაზმს? - ჰკითხა მამიდამ.

- არა, მამიდაჩემო, თქვენი ნახვა მინდოდა და ნება მომცეს დილიუანსით მივიდე გაიონში. ჩემი ცხენი მეჭინიბეს მიჰყავს რაზმთან ერთად. რაკი სიტყვამ მოიტანა, მინდა ცოტა რამ გკითხოთ, თუ ნებას მიბოძებთ.

- განა რა უნდა მკითხო?

- მარიუსიც მოგზაურობს ასე ჩემსავით დილიუანსით?

- მერე შენ რა იცი? - შეჰყვირა მამიდამ, რომელსაც ხელახლა აეშალა ცნობისმოყვარეობის უინი.

- ეს არის ახლა გახლდით, ამ საღამოსთვის ადგილი დავიჭირე დილიუანსში.

- მერე? მერე?

- ერთი მგზავრი ყოფილიყო ჩემზე უწინ და იმასაც დავიჭირა ადგილი ამ საღამოსთვის, იქ ვნახე მისი სახელი და გვარი.

- რა გვარი?

- მარიუს პონმერსი.

- ის საძაგელი, ისა! - შეჰყვირა მამიდამ - ააჰ, ნეტავი ისიც შენსავით კარგად იქცეოდეს! ნეტავ სად მიდის? დილიუანსში უნდა გაატაროს მთელი ღამე?

- როგორც მე, მამიდაჩემო.

- შენ მოვალეობის გამო მიდიხარ დილიუანსით, ის კი გარყვნილებისთვის.

ჰოო? აბა, რას წარმოვიდგენდი?

აქ უცნაური რაღაც მოუვიდა ქალბატონ უილნორმანს. უცბად მოიაზრა თავისი ცნობისმოყვარეობის დაკმაყოფილების საშუალება. ვაჟუკაცი რომ ყოფილიყო, ხელს იკრავდა შუბლში გახარებული და თეოდულს მიმართა:

- იქნებ არც კი იცი, რომ მარიუსი ჯერ არც გიცნობს?

- ვიცი, რადგან არც კი შემომხედავს ხოლმე, სადაც შევხვდები.

- მამ ამაღამ ერთად მიემგზავრებით? ერთი დილიუანსით?

- მე დილიუჟანსში გახლავართ, ის მეეტლესთან.
- სად მიდის ეგ დილიუჟანსი?
- ანდელში.
- მამ მარიუსიც იქ მიდის?
- თუ გზაში არსად დარჩება, ჩემსავით. მე კი ვერნონში უნდა ჩამოვხტე და ფოსტაში შევიარო. სიმართლე გითხრათ, არ ვიცი, სად გადახლებათ მარიუსი.
- მარიუს! რა საზიზღარი სახელია! არა, სხვა სახელი გაუწყდათ, რომ მარიუსი დაარქვეს? აი, კარგი სახელი შენ გქვია, ტკბილი, თეოდულ!
- არც მე მომწონს ჩემი სახელი. ნეტავ ალფრედი დაერქმიათ.
- ყური დამიგდე, თეოდულ.
- მიბრძანეთ, მამიდა.
- გეყურება?
- ბრძანეთ, ბრძანეთ!
- სადღაც დადის მარიუსი.
- ოჰო!
- ხშირად სხვაგან ათევს ღამეს!
- აჰა!
- გვინდა გავიგოთ, სად დადის, ვისთან?
თეოდულმა გულგრილად უპასუხა:
- ალბათ გოგო ჰყავს ვინმე.
მერე ეშმაკურად გაიღიმა. და ხაზი გაუსვა თავის ნათქვამს:
- გომბიო იქნება!
- ცხადია, გომბიო! - შეჰყვირა მამიდამ, რომელსაც ისე მოესმა თეოდულის სიტყვა, თითქოს იმის მამას წამოეძახოს, მით უფრო, რომ ეს სიტყვა - გომბიო, - სრულიად ემონებოდა და ამართლებდა მის ეჭვს, რომ მარიუსი გოგოს სიყვარულით უნდა ყოფილიყო გატაცებული.
- რომ იყოდე, როგორ გვასიამოვნებ, ჩემო თეოდულ, მარიუსს რომ მიჰყვე! შენთვის ადვილი იქნება ეს დავალება, რადგან არ გიცნობს. რაკი გოგოც არის ამ საქმეში, იქნებ ისიც ნახო როგორმე. მერე დანვრილებით მოგვწერე ყველაფერი. ვერ წარმოიღგენ, როგორ ასიამოვნებ პაპაშენს.
არათურად ეპიტნავებოდა თეოდულს ამგვარი დავალება, მაგრამ ათმა ოქრომ გული მოუღბო, მით უფრო, რომ შესაძლებლად მიაჩნდა ამ ჯილდოს ხელმეორედ მიღება. დაემორჩილა, იკისრა მსტავრობა და უთხრა:
- ბატონი ბრძანდებით, მამიდა.
გულში კი სხვას ფიქრობდა:
- ეგეც შენ! მოახლედ მიჰყევი მარიუსს!
ერთხელ კიდევ გადაჰკოცნა მამიდამ.
- ნეტავ შენსავით ჭკვიანად იქცეოდეს, ის საძაგელი, ისა! შენ ხომ მაგას არ იზამდი? შენ გნამს და ემორჩილები დისციპლინას, უფროსების პატივისცემა იცი, პატიოსანი ბიჭი ხარ და მაგისტანას არას იკადრებ. სამი-ოთხი დღით იკარგება ბიჭი, ვიღაც უნამუსო გოგოს სანახავად.
კმაყოფილების ღიმილით გაუბრწყინდა თეოდულს სახე. ეს იყო ღიმილი კარტუშისა, რომელიც პატიოსნებისთვის შეაქვს.

იმ საღამოსვე ჩაჯდა მარიუსი დილიჟანსში და გაუდგა თავის გზას. რას წარმოიდგენდა, რომ თან მისდევდა ჯაშუში. რაც შეეხება ამ ჯაშუშს, ჩაჯდა თუ არა დილიჟანსში, მაშინვე დაეძინა. ტკბილად და სინდისიერად. თენდებოდა, როდესაც კონდუქტორმა დაიყვირა:

- ვერნონი! ვინ მიდის ვერნონში? გადაბრძანდით! ლეიტენანტი თეოდულეც გამოაღვიძა ამ ყვირილმა.

- ჰოდა მეც აქ ჩამოვხტები, - იძახდა მძინარე და ცდილობდა გამოფხიზლებულიყო.

ნელ-ნელა მოდიოდა გონზე. აგონდებოდა გუშინდელი. მოაგონდა თავისი მამიდა, ათი ოქრო, მარიუსი, მამიდის დავალება და თავისი დაპირება, - გავიგებ ვისთან დადის და შეგატყობინებთო. ამან სიცილი მოჰკვარა.

- იქნებ აქ არც კი იყოს, - ანუგუშებდა თავის თავს თეოდული, - იქნებ გზაში დარჩა სადმე, შეიძლება პუასიში დარჩა, ან არადამანტში, ან კიდევ როლბუაზში. თუ იქ არსად დარჩა, პასამდე ივლიდა დილიჟანსით, რომ იქიდან მარცხნივ წასულიყო ვერესკენ, ან მარჯვნივ ლარომ-გიონისკენ. ერთი შენ თვითონ სცადე, მამიდაჩემო, და ქარს სდიე მინდორში! საქმე ის არის, რა პასუხი გავცე, რა მივწერო, რომ არ დამემდუროს მამიდაჩემი?

ამ დროს ვილაცის შავი შარვალი დაინახა: დილიჟანსიდან, მეეტლის გვერდიდან ჩამოდიოდა ვილაც.

იქნებ მარიუსი იყოს? - გაიფიქრა თეოდულმა.

ეს მარიუსი იყო.

იქვე ცხენებთან და ფოსტის მოხელეებთან პატარა გოგონა იდგა და ყვავილებს სთავაზობდა მგზავრებს.

- იყიდეთ, ბატონო, შეამკეთ თქვენი სატრფო, - იძახდა გოგონა.

მივიდა გოგონასთან მარიუსი, იყიდა საუკეთესო თაიგული და გზას გაუდგა.

- ხედავთ? ხედავთ? - გაიძახოდა თეოდული, - ახლა კი გავაბი! არა, ვისთვის მიაქვს ეს ყვავილები? ვნახოთ, ვნახოთ! არა, მართლა ლამაზი უნდა იყოს ის გოგო, რომელსაც ამ მშვენიერ თაიგულს მიართმევენ! ერთი ვნახოთ!

და გადმოხტა დავალების ასასრულებლად კი არა, ახლა თვითონ აეშალა ცნობისმოყვარობა, როგორც იმ სანადირო ძაღლებს, რომლებიც ხშირად თავისთვის ნადირობენ.

შორიახლო მიჰყვა მარიუსს.

ის კი ყურადღებასაც არ აქცევდა თეოდულს. ლამაზი ქალები ჩამოდიოდნენ დილიჟანსიდან. იმ გზითვე მიდიოდნენ. მაგრამ ვერავის ხედავდა მარიუსი.

ძალიან გაუტაცია სიყვარულს! - ფიქრობდა თეოდული.

მარიუსი ეკლესიისკენ მიდიოდა.

- ძალიან კარგი, - იძახდა თეოდული, - რა სჯობს ეკლესიას? სატრფოსაც ნახავ. ღმერთსაც აამებ. თვალს ჩაუკრავ ლამაზ გოგოს, შუა ლოცვის დროს.

საყდართან მივიდა მარიუსი, მაგრამ არ შევიდა. უკნიდან მოუარა ეკლესიას.

- გარეთ გახლავთ პაემანი! - თქვა თეოდულმა, - ერთი ვნახოთ გოგონა!

და ფეხაკრეფით მიჰყვა მარიუსს იმ კუთხემდე, სადაც მარიუსმა გაიარა.

მივიდა კუთხემდე და გაჩერდა გაშტერებული.

საფლავის ბალახში მუხლმოყრილი იდგა მარიუსი. ხელები პირისახეზე აფეხრებინა. თაიგული დაეშალა და საფლავზე დაეღაგებინა ყვავილები. საფლავის

თავში პატარა შავი ხის ჯვარი იყო ჩამაგრებული და ზედ თეთრი ასოებით ეწერა: „პოლკოვნიკი ბარონი ჰონმერსი“. მარიუსის ქვითინი ისმოდა.

გოგოს ნაცვლად საფლავი აღმოჩნდა.

თავი მერვე

მარმარილო და გრანიტი

საფლავის სანახავად და მამის დასატირებლად იყო წამოსული მარიუსი მაშინაც, პირველად რომ დაეთხოვა პაპას და აქ, სასაფლაოზე მოდიოდა ყოველთვის, როდესაც გამოდიოდა პარიზიდან.

ბატონი უილნორმანი კი გაიძახოდა - ღამე სხვაგან სძინავსო.

განცვიფრებული შესცქეროდა თეოდული ამ მოულოდნელ სურათს. რას წარმოიდგენდა, რომ საფლავზე მტირალს ნახავდა მარიუსს. რაღაც გრძნობა მოერია, უცნაური და სასიამოვნო, რომელშიც ვერ გარკვეულიყო, და რომელშიც იყო პატივისცემა ცალკე საფლავისა და ცალკე მიცვალებული მხედრისადმი. უკან დაინია. მარტო დატოვა მამის საფლავზე მარიუსი და აქაც გამოადგა სამხედრო დისციპლინა, ამ უკან დაწევამ, მსხვილი ეპოლეტებით მოსილი წარმოუდგა მიცვალებული და ცოტა დააკლდა, მხედრულად არ გამოესალმა საფლავს. და რადგან არ იყო, რა უნდა მიეწერა თავისი მოხუცებული მამიდისთვის, გადაწყვიტა, სულაც არაფერი მიეწერა.

შეიძლება არავითარი შედეგი არ მოჰყოლოდა თეოდულის ამ აღმოჩენას, მარიუსის სატრფოს ნახვას, მაგრამ როგორც ეს ხშირად ხდება ხოლმე ჩვენდა უნებურად, აქაც სრულიად შემთხვევით, ვერნონის სცენამ სამინელი აღმოფოთება გამოიწვია პარიზში.

მესამე დღეს დილით დაბრუნდა მარიუსი; შინ მივიდა და რადგან ძალიან დაღლილი იყო ორი ღამის უძილობით დილითუანსში, იფიქრა, - ვიბანავებ, მერე მივწვები და დავიძინებო, - სიჩქარით იყო, თუ დაუდევრობით, სერთუკი გაიძრო, შავი ზონარი მოიხსნა ყელიდან და საბანაოდ წავიდა.

ბატონი უილნორმანიც ადრე დგებოდა, როგორც ყველა კარგად მყოფი ბებერი. მარიუსის მოსვლა გაიგო და ჩქარი ნაბიჯით, რამდენადაც კი შეეძლო მის გამხმარ ფეხს, შეუდგა კიბეს, მარიუსთან ასასვლელად მიემართებოდა პაპა, რომ მოხვეოდა, ეკოცნა თავისი შვილიშვილისთვის, ამ ალერსის დროს გამოეკითხა, და ამ საიდუმლოების შესახებ ცოტა რამ მაინც გაეგო.

მაგრამ ჭაბუკი უფრო სწრაფად ჩასულიყო კიბეზე, ვიდრე ოთხმოცი წლის მოხუცს შეეძლო ასვლა, და ბატონი უილნორმანი რომ ბანის ქვეშ მოთავსებულ ოთახში შევიდა, მარიუსი იქ აღარ დახვდა.

ლოგინი აშლილი იყო. ლოგინზე სერთუკი იდო და შავი ზონარი მოჩანდა.

- ეს კიდევ უკეთესი! - წამოიძახა ბატონმა უილნორმანმა.

და ცოტა ხნის შემდეგ გამარჯვებული შევარდა თავის ასულთან, რომელიც ქარგას უჭდა გატაცებული თავისი ხელსაქმით. ბატონი უილნორმანი გამარჯვებული და აღტაცებული იყო.

ცალ ხელში მარიუსის სერთუკი ეჭირა, მეორეში შავი ზონარი. შევარდა და შეჰყვირა:

- ახლა კი ხელთა მყავს ბიჭი! ახლა კი გავიგებთ ამ საიდუმლოს! ამას ხედავ? აქ არის იმის წიაღის თავი და ბოლოც! ახლაც დამიმალავს?! რომანიც აქ მაქვს და იმ გოგოს სურათიც.

და მართლაც, შავ ზონარს პატარა შავი ტყავის მედალიონი ეკიდა.

აილო მედალიონი მოხუცებულმა და კარგა ხანს უყურა ხმის ამოუღებლად. ეჭირა ხელში და არ ხსნიდა. შესცქეროდა იმ მადააღძრული, დამშეული და თან გაბრაზებული ღარიბივით, რომელიც საგანგებო საჭმელ-სასმელს შეჰყურებს და იცის, რომ არაფერი ერგება...

- ამაში, ცხადია, ქალბატონის სურათია. მე რას მომატყუებს! გულზე ადევს დღე და დამე თავისი სატრფო. რა სულელები არიან! იქნება ვინმე, საზიზღარი და იმისთვის იკლავს გულს სანწყალი ბიჭი! წახდა, მთლად წახდა დღეს ყმაწვილკაცობა! სადღაა ჩემი დროის გემოვნება?

- სურათი ვნახოთ, მამა, - სთხოვა ქალმა.

გახსნეს მედალიონი. პატარა ქალაღლი იყო შიგ. ფრთხილად დაკეცილი, მეტი არაფერი.

- წავიკითხოთ! - ეხვეწებოდა ქალი.

დღეიდან სათვალე გაიკეთა. გაშალეს ქალაღლი და წაიკითხეს, „ჩემს შვილს. იმპერატორმა ბარონობა მიბოძა ვატერლოოს ბრძოლის ველზე. და რადგან დღევანდელი მთავრობა არ ცნობს ამ ჩემ წოდებას, რომელიც მე ჩემი სისხლით მაქვს დამსახურებული, მას ჩემი შვილი მიიღებს და ატარებს. რა თქმა უნდა, ის მისი ღირსი იქნება“.

შეუძლებელია იმ განცვიფრების სიტყვით გამოთქმა, რომელიც უცბად მოერიათ მამასაც და შვილსაც. გაქვავებულივით დარჩნენ ორივე, თითქოს სიკვდილის გამყინავი სუნთქვა იგრძნეს. ხმას არ იღებდა არც ერთი. ბოლოს უიღონორობამ წაიდუღუნა ჩუმად, თითქოს თავის თავს ეჩურჩულებოდა:

- ეს უებრო მეომრის ხელია.

გამოართვა ქალმა ქალაღლი, კარგად გასინჯა, გადააბრუნა, გადმოაბრუნა, მერე ისევ მედალიონში ჩაღო.

ახლა სერთუკს ეცნენ. ჯიბიდან პატარა კოლოფი გადმოვარდა. ლურჯ ქალაღლი შხევეული. აიტაცა ქალბატონმა. გახსნა ლურჯი ქალაღლი, მარიუსის სადარბაზო ბარათები იყო. ამოიღო ერთი და მამას მიანოდა.

- ბარონი მარიუს ჰონმერსი, - წაიკითხა უიღონორობამ.

და ზარი დაანკარუნა. შემოვიდა ნიკოლეტი.

აილო მოხუცებულმა სერთუკი, კოლოფი, მედალიონი, იატაკზე დაანარცხა ყველაფერი და ნიკოლეტს უბრძანა:

- გამაცალეთ ეს ნაგავი!

მთელი საათი გავიდა ისე, რომ ხმა აღარ ამოუღიათ არც მამას, არც მის ასულს, ისხდნენ გაჩუმებულები. ზურგი შეაქციეს ერთმანეთს, და რაღა თქმა უნდა, ერთსა და იმავეს ფიქრობდნენ მამაც და შვილიც. ბოლოს ასე დააბოლოვა ქალბატონმა თავისი ფიქრი:

- კარგია თქვენმა მზემ!@

ამ დროს მარიუსიც გამოჩნდა. შეაღო კარი და გაფითრდა: პაპას მისი სადარბაზო ბარათი ეჭირა ხელში.

დაინახა ბატონმა ჟილნორმანმა თავისი ურჩი შვილიშვილი და დაინცო ყვირილი, ბურჟუის მდიდრული ამპარტავნობით და თან დაცინვით:

- თქვენ ბრძანდებით? თქვენ? თქვენ? თქვენ? მამ თქვენ ბარონი ბრძანდებით? მომილოცავს! ეს რას ნიშნავს?

ოდნავ აწითლდა მარიუსი და უპასუხა:

- ეს ნიშნავს, რომ მე მამაჩემის შვილი ვარ.

შიგ გულში მოხვდა ბატონ ჟილნორმანს. შეწყვიტა სიცხილი და უკმეხად შეუტია:

- მამაშენი მე ვარ!

თავდაღუნული იდგა მარიუსი, ძლივს იკავებდა თავს:

- მამაჩემი თავმდაბალი კაცი იყო და თან გმირი, რომელიც სახელოვნად ემსახურა რესპუბლიკას და საფრანგეთს. მამაჩემი ერთგულად, თავგანწირვით იღვწოდა იმ მიმართულებების გასამარჯვებლად, რომელსაც თავისუფლება და სამშობლოს დიდება ჰქვია. მამაჩემი მთელი ოცდახუთი წელიწადი ებრძოდა თავისუფლების მტრებს, ბრძოლაში დალია თავისი სოცოცხლე, დღე ბრძოლაში იყო, ღამე - თოვლსა და წვიმაში. სახელოვანი ვაჟკაცი იყო მამაჩემი, გმირულად მებრძოლი, ოცჯერ დაჭრილი, და ისე მოკვდა ყველასგან მივიწყებული და მიტოვებული, რომ თავისი ერთადერთი შვილიც კი არ აჩვენეს. თუ რამე დანაშაული ჰქონდა მამაჩემს, ერთადერთი: მეტისმეტად, თავდავიწყებით უყვარდა ორი უმადური, სახელდობრ თავისი სამშობლო და თავისი შვილი.

ეს კი მეტისმეტი იყო! როგორ შეიძლებოდა ამის თქმა ბატონ ჟილნორმანთან? რესპუბლიკის ხსენებაზე წამოიწია, უკეთ ვთქვათ, წამოვარდა, წამოიჭიმა. ისე მოქმედებდა მეფის მოხუცებულ მომხრეზე მარიუსის ყოველი სიტყვა, როგორც საბერველი გაჩაღებულ ნაკვერცხალზე. ფერმიხილს სისხლი აუვარდა თავში, განითლებულს მენამულისფერი დაედო და მენამულს აღმოედებული.

- მარიუს! - შეჰყვირა პაპამ, - უბედურო! მე არ ვიცი, რა იყო მამაშენი, და არც მინდა მაგის ცოდნა! მე მისი არაფერი ვიცი და არც კი ვიცნობ. თუ მართალი გინდა! მაგრამ ის კი კარგად ვიცი, რომ იქ, მამაშენთან, უსინდისო, ქურდების გარდა არავინ იყო! თუ იყო ვინმე, სულ ყაჩაღები, სულ ქურდები, გეყურება? სულ ყველანი ქურდები იყვნენ და თავისი ჯიბის მეტი არაფერი სწამდათ! მე არც ერთ მათგანს არ ვიცნობ! მაგრამ ყველას კი ვხასიათებ, გეყურება? გაიძვერა ქურდების მეტი იქ არავინ ყოფილა! - ჰოდა, მართალი გინდა? როგორც ჩემი ფლოსტი არ არის თავადი, ისე შენ არ ხარ ბარონი! ყაჩაღები იყვნენ ყველანი და რობესპიერს ემსახურებოდნენ! ყაჩაღები, რომლებიც ბუ-ო-ნაპარტეს ემსახურებოდნენ! ყაჩაღები იყვნენ ყველანი, სამშობლოს მტრები და გამყიდველნი! ღალატის მეტი არაფერი იყოდნენ! ღალატი და ღალატი! უღალატეს სამშობლოს, უღალატეს კანონიერ მეფეს! ვატერლოოს გაიძახი? ვატერლოოში არ იყო, რომ კუდამოძებული გაურბოდნენ შენი გმირები პრუსიელებისა და ინგლისელების ჯარს! არ ვიცი, შეიძლება ბატონი მამათქვენიც იქ ბრძანდებოდა, მაგრამ რა გაეწყობა? მართალს მოგახსენებთ და ნუ გამიწყრებით!

ახლა მარიუსი გამხდარიყო კოცონად და პაპას რგებოდა საბერველობა. თავით ფეხებამდე თრთოდა ჭაბუკი. არ იცოდა, რა ექნა, რა პასუხი გაეცა? ქურუმი იყო, რომელიც ხედავს, რომ ფეხქვეშ თელავენ მის სალოცავს, და ხმა ვერ ამოუღია. ფაკირი იყო, რომელიც ხედავს, როგორ აფურთხებენ მის სალოცავ კერპს. ნუთუ უპასუხოდა დატოვებდა მისი წმინდათაწმინდას ამდენ ლანძღვას? მაგრამ რა უნდა

ეწნა? მის მამას ლაფი გადაასხეს, ძირს დასცეს და ქელვა დაუნყეს! ეს მოითმინოს? მერე ვინ გაბედა, ვინ შეუგინა მამა? საკუთარმა პაპამ! როგორ იყაროს ჯავრი? როგორ აღადგინოს მამა, რომ პაპა არ შეურაცხყოს? ლანძღვას ხომ ვერ დაუნყებდა თავის პაპას. შეუძლებელია, მაგრამ შეუძლებელია აგრეთვე მისი მიცვალებული მამის შეურაცხყოფის უპასუხოდ დატოვება. ერთი მხრივ, წმინდა საფლავი, მეორე მხრივ, ჭალარა. მთვრალივით იყო ცოტა ხანს, ბარბაცებდა, თან ბრაზი ერეოდა და თან - პაპისადმი პატივისცემა. ბოლოს წამოიწია ამაყად, თვალი თვალში გაუყარა თავის პაპას და შეჰყვირა, რაც ძალი და ღონე ჰქონდა:

- ძირს თქვენი ბურბონებიც და ღიპიანი ღორი ლუი მეფერამეტეც!

ლუი მეფერამეტე უკვე ოთხი წელი იყო, რაც მომკვდარიყო, მაგრამ ეს არაფერს ნიშნავდა მარიუსისთვის.

ალღოვით აწითლებულ მოხუცებულს ფერი ეცვალა უცხად, თავის ჭალარაზე უფრო გათეთრდა. ჰერცოგ დე-ბერის ქანდაკებასთან მივიდა, ბუხრის თავზე რომ იდგა, და ღრმად, ზეიმურად დაუკრა თავი. მერე ხმის ამოუღებელივით ორჯერ გაიარ-გამოიარა ოთახში თავიდან ბოლომდე, ბუხრიდან ფანჯარამდე, პარკეტი ააჭრიალა, თითქო ადამიანი კი არა, მოსიარულე ქვის ქანდაკება ყოფილიყო. მერე თავის ქალთან მივიდა, რომელიც შეშინებული ბებერი ცხვარივით შეჰყურებდა მოკამათე მამას და დისწულს, დაიხარა და ღიმილით, თითქმის სრულიად დამშვიდებული ხმით უთხრა:

- ერთად ვერ მოთავსდებიან, ერთ ჭერქვეშ, დიდებული ბარონი, როგორიც ეს პატარა ბატონი ბრძანდება, და მდაბიო ბურჟუა, როგორიც მე ვარ.

მერე უცხად წელში გაიმართა. თვალები დააჭყიტა, ფერმიხიდილი, გამშავებული მივარდა მარიუსს, ხელი გაიშვირა კარისკენ და შეჰყვირა:

- გადი აქედან!

გავიდა სახლიდან მარიუსი.

მეორე დღეს ბატონმა ჟილნორმანმა უთხრა თავის ქალს:

- სამოც პისტოლს გაუგზავნით ყოველ ექვს თვეში იმ სისხლისმსმელს და ეცდებით, ხსენებაც აღარ იყოს აქ მისი.

მაგრამ იმდენი ბრაზი ჩარჩენოდა გულში, იმდენი დაუნთხვევლი ცოფი, რომ თქვენობით ელაპარაკებოდა თავის ქალს სამი თვის განმავლობაში, რადგან სხვა არავინ ჰყავდა, რომ იმაზე ეყარა ჯავრი.

თავის მხრივ მარიუსიც აღშფოთებული გამოვარდა სახლიდან. აქაც ერთი გარემოება ჩაერია მის ბედისწერაში და სასონარკვეთილებამდე მიიყვანა იგი. ოჯახში აღძრულ უთანხმოებას ყოველთვის ემატება ამგვარი, შემთხვევითი გარემოება და ართულებს მდგომარეობას: ამრავლებს ერთმანეთისადმი სასაყვედუროს, თუმცა ძირითადად არაფერს უმატებს უთანხმოების გამომწვევ მიზეზს: ბრძანება რომ მიიღო ნიკოლეტმა, - გამაცალე ეს ნაგავიო, - საჩქაროდ აიტაცა იატაკიდან მარიუსის სერთუკი, მედალიონი და ბარათები, რომ მის ოთახში აეტანა. მაგრამ ბანის სართულის ასასვლელ ბნელ კიბეზე ხელიდან გაუვარდა შავი მედალიონი, რომელშიც დაკეცილი იდო მარიუსის მამის ხელით დანერგილი ქალაქი. ვეღარც მედალიონი იპოვეს, ვეღარც შიგ ჩამალული ქალაქი. მარიუსი დარწმუნებული იყო, რომ ბატონმა ჟილნორმანმა, - იმ დღის შემდეგ სხვაგვარად აღარ იხსენიებდა თავის პაპას, - ცეცხლში ჩააგდო მამის ანდერძი. ეს ანდერძი ზეპირად იყოლა მარიუსმა და

მაშასადამე თავისას აღადგენდა, მაგრამ საგალალო თვით ქაღალდის დაკარგვა იყო, მამის ხელით ნაწერის, წმინდა ნაშთისა, რომელიც თავის გულად უღირდა.

გავიდა სახლიდან მარეუსი. არ თქვა, სად მიდიოდა და არც იცოდა, სად წავიდოდა. ჯიბეში ოცდაათი ფრანკი ჰქონდა, თავისი საათი და ცოტა რამ ტანისამოსი. საათობით გაურიგდა მეეტლეს და ლათინების უბნისკენ წავიდა.

წიგნი მეოთხე
ანბანის მოყვარენი

თავი პირველი
პატარა ჯგუფი, რომელმაც კინალამ ისტორიული მნიშვნელობა მოიპოვა

იმ დროს საზოგადოებრივი ცხოვრება ჩამკვდარი იყო, მაგრამ ჩუმი რევოლუციური თრთოლა მაინც იგრძნობოდა. 89 და 92 წლების იდეების სიო ედებოდა ქვეყანას. ყმაწვილკაცობა, იმედი გვაქვს, გვაპატიებენ ამ სიტყვას, ნელ-ნელა ტყავს იცვლიდა. თითქმის შეუმჩნეველად იცვლებოდა საზოგადოებრივი აზროვნება ჟამთა ვითარების ზეგავლენით. საათის ისარი რომ იძვრის ციფერბლატზე, ადამიანის სულშიც იძვრის და წინ სწევს. დრომ მოიტანა, საჭირო იყო ნაბიჯის წინ გადადგმა და წინ მიიწევდა ყველა. მეფის მომხრენი ლიბერალებად იქცეოდნენ, ლიბერალები - დემოკრატებად.

ცხოვრება ზღვის მოქცევას მოგაგონებდათ, ათასგვარ უკუქცევით გართულებულს. უკუქცევის შედეგად ყოველთვის ქაოსი რჩება და აქედან ხდება განსხვავებული აზრების უცნაური შეერთება. ერთსა და იმავე დროს თავყანს სცემდნენ ნაპოლეონს და თავისუფლებას. ჩვენ აქ ისტორიას მოგიტახრობთ. ამგვარი იყო იმ დროის მიდრეკილება. აზრსაც თავისი საფეხურები აქვს გასაველელი. ვოლტერნიანელთა როიალიზმს, უცნაურ მიმართულებას ისტორიაში, ძალიან უხდებოდა არანაკლებ უცნაური ბონაპარტული ლიბერალიზმი.

სხვა მოაზროვნე ჯგუფები უფრო მეტი სერიოზულობით გამოირჩეოდნენ. აქ პრინციპს უკვირდებოდნენ, იქ ადამიანის უფლებებს ემყარებოდნენ; გატაცებული იყვნენ აბსოლუტით, განსახორციელებელ ლანდად ეჩვენებოდათ უსაზღვროებანი. აბსოლუტი თავისი სასტიკი ძალის გამო ზეცისკენ მიაფრენს აზრს და იქ აციალებს უსაზღვროში. საგანგებო რამ არის დოგმა, რომელიც ასე ადვილად ქმნის ოცნებას და საგანგებო რამ არის ოცნება, რომელიც ქმნის მომავალს. უტოპიად გეჩვენებათ ის, რაც ხვალ განხორციელებული სინამდვილე ხდება.

მონინავე აზროვნებას ორგვარი ფუძე ჰქონდა. იდუმალი ვრცელდებოდა ხალხში და ემუქრებოდა „არსებულ წესწყობილებას“, რომელიც საეჭვოც იყო და ფარულიც. ეს რევოლუციური მოძრაობის უძლეური ნიშნებია. მთავრობის ფარულ განზრახვას საფარში ხვდება ხალხის ფარული განზრახვა. სახელმწიფო წესწყობილების გარდაქმნის ფარულ განზრახვას ვასუხოხოს ხალხის ფარული მზადება აჯანყებისთვის.

ჯერ არ იყო მაშინ საფრანგეთში ის ფართო საიდუმლო ორგანიზაციები, როგორც გერმანული ტუგენდბუნდი და იტალიელების კარბონარიზმი. მაგრამ აქა-იქ ჩნდებოდა და ფართოვდებოდა საიდუმლო საზოგადოებათა მოღვაწეობა, ექსპი კუგურდა იკრიბებოდა. პარიზში სხვა ამგვარ საზოგადოებათა შორის არსებობდა ანბანის მოყვარეთა საზოგადოება.

რა იყო ეს ანბანის მოყვარეთა საზოგადოება? საზოგადოება - რომელსაც სახელის მიხედვით ბავშვების აღზრდა უნდა ჰქონოდა მიზნად, ხალხში წერა-კითხვის გავრცელება, სინამდვილეში კი საზოგადოების მიზანი დაჩაგრულების შველა და წელში გამართვა იყო.

ანბანის მოყვარენი ვართო, აცხადებდნენ, და „l'abaisse“ დაჩაგრული, დამცირებული ხალხი იყო. საზოგადოებას მიზნად ამ დაჩაგრულების დახმარება და გათავისუფლება ჰქონდა. კალამბური, რომლის ორაზროვნებას სასაცილო არაფერი აქვს. კალამბური ხანდახან ფრიად მნიშვნელოვანი ხდება ისტორიაში; ამის დასამტკიცებლად Castratus ad castra, რა სიტყვამაც ნარზესს ლაშქრის მხედართმთავრობა შესძინა: ან კიდევ tu es Petrus et super hanc Petram და სხვა და სხვა

მრავალრიცხოვანი არ იყვნენ ანბანის მოყვარენი, ახალჩასახული საიდუმლო საზოგადოება იყო. ორგან იკრიბებოდნენ პარიზში: ერთი ბინა ბაზართან იყო, ერთ რესტორანში, სახელდობრ „კორინთში“, ამის ხსენება შემდეგშიც დაგვჭირდება; და მეორე პანთეონის ახლოს, სენ-მიშელის მოედანზე, კაფე „მუზენში“, რომელიც ღღეს უკვე აღარ არსებობს. პირველი ბინა მუშების შეკრებისათვის იყო დანიშნული, მეორე სტუდენტებისთვის.

ანბანის მოყვარეთა გამგეობის სხდომა კაფე „მუზენის“ ერთ მიყრუებულ, მიმაღულ ოთახში იყო ხოლმე.

ეს ოთახი ძალიან მოშორებული იყო კაფეს საზოგადო დარბაზიდან, რომელსაც გრძელი, ვიწრო ტალანით უერთდებოდა. ორი ფანჯარა ჰქონდა და პატარა კართი, ბნელი, საიდუმლო კიბით დევრეს ვიწრო ქუჩაში გადიოდა. იქ იკრიბებოდნენ, თამბაქოს ეწეოდნენ, სვამდნენ, თამაშობდნენ, დროს ატარებდნენ. ხმამაღლა მსჯელობდნენ ყოველგვარი საკითხის შესახებ და ჩუმად, ჩურჩულით სხვა რამეზე. კედელზე გაკრული იყო ერთი ძველი, საფრანგეთის რესპუბლიკის დროინდელი რუკა. საკმარისი საფუძველი პოლიციის მოხელეთათვის, რომ ეჭვი აღძვროდათ.

ანბანის მოყვარეების უმეტესი ნაწილი სტუდენტები იყვნენ და გულითადი ერთობა ჰქონდათ უმცირესობასთან - მუშებთან. მოგვყავს ამ საზოგადოების უმთავრეს მოღვაწეთა სახელები, რადგან ნაწილობრივ მაინც ეკუთვნიან ისინი ისტორიას: ანჟოლრასი, კომბუერი, ჟან პრუვერი, ფეილი, კურფეირაკი, ბაორელი, ლეგლი, ჟოლი, გრანტერი.

გულითადი მეგობრები გახლდნენ ეს ყმანვილი ბიჭები. სამხრეთელები იყვნენ ყველანი, ლეგლის გარდა.

შესანიშნავი იყო ეს ჯგუფი. შემდეგში გაქრა იმ თვალმიუწვდომელ სიღრმეში, რომელიც ჩვენ უკან რჩება. იმ წერტილამდე მივალწიეთ ჩვენს მოთხრობაში, რომ ზედმეტი არ იქნება, სინათლის სხივი მოვფინოთ ამ იდეით გატაცებულ ყმანვილკაცობას, სანამ მკითხველი დაინახავს, თუ როგორ მოხვედებიან ისინი ტრაგიკულ სიბნელეში.

პირველად ანჟოლრასი დავასახელებთ და მკითხველი შემდეგში ნახავს, რატომ მივეცი ეს უპირატესობა.

ანჟოლრასი მეტად მდიდარი ოჯახის ერთადერთი შვილი იყო, ანგელოზივით ლამაზი და მომხიბლავი ბიჭი, მაგრამ ვაცხარება კარგად იცოდა - ანტინოუსი იყო, ოლონდ მკაცრი ანტინოუსი. ვინმეს იმის ჩაფიქრებულ თვალთა ანარეკლი რომ

დაენახა, იტყოდა, - ამ კაცს თავის წინანდელ სიცოცხლეში უკვე განუცდია რევოლუციის გამოცხადებაო. ისე იყო რევოლუციის ყოველი ტრადიცია, თითქოს მართლა მონაწილეობა მიეღოს წარსულ საუკუნეთა რევოლუციებში. წინასწარ იყო თავისი დიდებული საქმის ყოველი უმცირესი წვრილმანი. ბუნებით მღვდელთმთავარს ემსგავსებოდა, მებრძოლეს. გულწრფელად ემსახურებოდა თავის მიზანს და იბრძოდა რევოლუციის გამარჯვებისთვის. დროის თვალსაზრისით რევოლუციის უბრალო ჯარისკაცი იყო; სანატრელი მომავლის მიღწევისთვის კი - იდეალის ქურუმი. თვალის კაკალი ღრმად ჩავარდნილი ჰქონდა, მონათლო ქუთუთო, სქელი ქვედა ტუჩი, რომელიც უსიტყვოდ წარმოთქვამდა რაიმესადმი ზიზღს, და მაღალი, გაშლილი შუბლი. დიდი შუბლი იგივეა პირისახისთვის, რაც ფართოდ გაშლილი ცა - ჰორიზონტისთვის. წარსული საუკუნის დამლევეს და ამ საუკუნის დამდეგს როგორც სხვა ბევრი ყმაწვილი კაცი, ანუოლრასიც სახელგანთქმული იყო; უმანკო, როგორც ყმაწვილი ქალი, თუმცა ხშირად ფერიც ეკარგებოდა, ვაჟკაცი იყო უკვე, და მაინც ბავშვს ჰგავდა. ოცდაორი წლის ჭაბუკი ჩვიდმეტი წლისას მოგავიწყებდათ. ეტყობოდა, არც კი იყო, რომ არსებობს ქვეყნად ქალად წოდებული არსება. ერთადერთი სწამდა - უფლება, ერთადერთი ენატრებოდა - ხალხის მჩაგვრელი უსამართლობის დამხობა. ავენტინის მთაზე რომ ყოფილიყო, გრაკუსი იქნებოდა; კონვენტში - სენ-ჟუსტი. ვარდს ვერ ხედავდა, გაზაფხულის არაფერი იყო, ფრინველთა გალობა არ ესმოდა. ღია გულმკერდი რომ დაენახა ევადნესი, ისევე გულცივად დარჩებოდა, როგორც არისტოგიტონი. ისიც ჰარმოდისის აზრის იყო და, ყვავილები მხოლოდ იმისთვის მიაჩნდა გამოსადეგად, რომ იარაღი დაემალა. დროს ტარებამდე კი მკაცრი იყო. ყურადღებას არ აქცევდა არაფერს, რაც რევოლუციას არ შეეხებოდა, და თუ ამისთანა რამე შეხვდებოდა, უმანკო ქალწულივით დახრიდა თავლებს. მარმარილოსავით მყარი ადამიანი იყო, და თავისუფლება იყო მისი სატრფო, სიტყვა მკაცრი შთავიწყებით ჰქონდა აღსაცემ და კილო - ჰიმნისა. მოულოდნელად იყო ფრთის გაშლა. ვაი იმ ქალს, რომელიც მასთან დაახლოებას მოინდომებდა! კამბრეს მოედანზე, ან სენ-ჟან-დე-ბოვეს ქუჩაში რომ დაენახა მოსეირნე ქალს და მოსწონებოდა ეს სალუქი, ლამაზთვალწარბიანი, ქარით თმააშლილი, ვარდისფერლანწება, ბავშვთვალწარბიანი ბიჭი და მასთან მოედომებინა უნის ჩაქრობა, მიახლოებოდა, რომ ქალის სილამაზით მოეხიბლა, ზიზღით საცემ უარს მიიღებდა, უცხად დაინახავდა იმ გადაულახავ უფსკრულს, რომელიც აშორებს მათ ერთმანეთისგან, და საბოლოოდ დარწმუნდებოდა, რომ ბომარმეს ზრდილ არმიყ ქერებიანსა და ეზვიელის მრისხანე ქერებშიმს ერთნაირად არ უნდა ექცეოდეს.

ანუოლრასს გვერდში უდგა კონბფერი.

ანუოლრასი რევოლუციის ლოგიკა იყო, კონბფერი - ფილოსოფოსია. რევოლუციის ლოგიკას და ფილოსოფიას შორის ის განსხვავებაა, რომ ლოგიკამ თავისი მიზნის განსახორციელებლად შეიძლება ბრძოლას მიმართოს, ფილოსოფია კი მარტო მშვიდობიანობით ხელმძღვანელობს. კონბფერი ასწორებდა და დასრულებულ სახეს აძლევდა ანუოლრასის იდეებს. მასავით სულ მაღლა არ იდგა, მაგრამ უფრო ვრცელი თვალსაზრისი ჰქონდა. ხალხის განვითარებისთვის ერთადერთ საშუალებად სწავლა-განათლება და დიდებული პრინციპების გავრცელება მიაჩნდა. მოკლედ ჭრიდა თავისას: - რევოლუცია საჭიროა, ოღონდ განათლებაც აუცილებელია. ციყაბო მთის მწვერვალიდან მომავლის უსაზღვრო

ჰორიზონტს შლიდა. ამიტომ კონბფერის ყველა მოსაზრებაში ყოველთვის მოიპოვებოდა რალაც მისაღები და კონბფერის რევოლუცია უფრო ადვილად ასატანი იქნებოდა, ვიდრე ანჟოლრასის. ანჟოლრასი თავის მრწამსს ლეთიურ სამართლიანობაზე ამყარებდა, კონბფერი - ბუნებრივზე. პირველს რობესპიერი ჰყავდა სალოცავად, მეორეს - კონდორსე. კონბფერის ცხოვრება სხვებისგან არაფრით განსხვავდებოდა. ისტორიაში რომ ყოფილიყვნენ მოხსენებული ეს ყმაწვილი კაცები, ერთის დასახასიათებლად „მართალი“ იქნებოდა ნათქვამი, მეორის დასახასიათებლად - „ბრძენი“. ანჟოლრასი უფრო მამაცი იყო, კონბფერი - უფრო ადამიანი. Home et Vir - სწორედ ამით განირჩეოდნენ ერთმანეთისაგან. რამდენადაც მკაცრი იყო ანჟოლრასი, იმდენად ლმობიერი - კონბფერი. უყვარდა სიტყვა „მოქალაქე“, მაგრამ უფრო მეტად - სიტყვა „ადამიანი“, რომელსაც სიამოვნებით გამოთქვამდა ესპანურად - ომბრ. ბევრს კითხულობდა, თეატრში დადიოდა, კრებებს ესწრებოდა, სწავლობდა არაგოს სინათლის გაბნევას. ალტაცებული იყო ჟოფრუა სენტ-ილერის ლექციით, და იმის განმარტებით, რომ ორგვარი დანიშნულება აქვთ გარეთა და შიგნითა საძილე არტერიებს, რომლებიც ერთი პირისახეს ერთვის და მეორე თავის ტვინს. კვალდაკვალ მისდევდა მეცნიერებას, აღარებდა სენ-სიმონს და ფურიეს. იკვლევდა და კითხულობდა იეროგლიფებს, სინჯავდა და იკვლევდა მიწის ფენებს, მსჯელობდა გეოლოგიაზე, მეხსიერებით ხატავდა პეპელა-მახარობელს, შეცდომებს პოულობდა აკადემიის მიერ გამოცემულ ლექსიკონში, სწავლობდა მარშალ პუისეგურს და დელეუზს, არ ამტკიცებდა არაფერს; სასწაულსაც კი, და არ უარყოფდა არაფერს, საიქიოდან მოსულთაც კი; ფურცლავდა ძველი წლების გაზეთ „მონიტორს“ და ფიქრობდა, - სკოლის მასწავლებელზე არის დამოკიდებული მომავალიო; ცდილობდა ხალხში სწავლის გავრცელებას, - საზოგადოება დაუსრულებლად უნდა ზრუნავდეს ხალხის გონებრივ და ზნეობრივ განვითარებაზეო, - და ამისთვის მეცნიერების გავრცელებას უნდა ცდილობდეს, მოზარდი თაობის გონებრივ განვითარებას, რისთვისაც მეტად სუსტად მიაჩნდა თავისი დროის სწავლის მეთოდები და მწერლობის სულ ორი-სამი საუკუნის ნაწარმის მნიშვნელობა. ემიზნოდა მთავრობის მიერ დანიშნული მასწავლებლების პედანტიზმის, სკოლებში ჭეშმარიტებად აღიარებული ცრუმორწმუნეობის და დაუფიქრებლად დაწესებული ძველი ქადაგების, რომლის შედეგადაც ჩვენი სასწავლებლები შეგნებული ადამიანის ნაცვლად, ძველის თაყვანისმცემელს და ახლის მტერს ქმნიან. უყვარდა მეცნიერება, ენის სინამდინდე, ენაძვერობა, პოლიტექნიკა, გულმოდგინედ მუშაობა და თანაც ფიქრი. ისე გაიტაცებდა ხოლმე ფიქრი, რომ - ლანდით ტკებნაო, - ამბობდნენ მისი მეგობრები. სწამდა და შესაძლებლად მიაჩნდა თავისი დროის ოცნებათა განხორციელება: რკინიგზა, გაუტკივარება ქირურგიულ ოპერაციებში, სურათის აღბეჭდვა ფოტოგრაფიით, ელექტრული ტელეგრაფია, საჰაერო ბურთის მართვა. იმავე დროს ცრუმორწმუნეობის და დესპოტიზმის მიერ ხალხის დასამონებლად აგებული ციხესიმაგრეების არავითარი შიში არ ჰქონდა და დაწმუნებული იყო, რომ ბოლოს და ბოლოს მეცნიერება ყველაფერს ძირიანად გარდაქმნიდა. ანჟოლრასი მხედართმთავარი იყო, კონბფერი წინამძღვარი. ბრძოლა რომ ამტყდარიყო, ანჟოლრასს დააყენებდნენ მთავედ, და კონბფერს - მრჩევლად. იმის თქმა კი არ გვინდა ამით, რომ კონბფერს ბრძოლა არ შეეძლო; პირიქით, სადაც საჭირო იყო, გამკლავებას კარგად იცოდა და მოწინააღმდეგის ჯობნაც; მაგრამ მიზნის

განსახორციელებლად უკეთესად მიაჩნდა ხალხში სწავლის ნელ-ნელა გავრცელება, ამით ხალხის გამოღვიძება და სიკეთის გამეფება. ორი სინათლის არჩევანზე რომ მისულიყო საქმე და იძულებული ყოფილიყო ან განათლებას მიმხრობოდა, ან ხანძარს, განათლებას აირჩევდა. მართალია, ხანძარი ბევრ რამეს მოჰყენს სინათლეს, მაგრამ რატომ არ უნდა მოვითმინოთ, რომ ინათოს და ბრწყინვალე შუქი მოეფინოს ქვეყანას? ვულკანის ანათებს, მაგრამ სად ცეცხლის მფრქვევი ვულკანი და სად ქვეყნის მანათობელი მზე? შეიძლება ვთქვათ, რომ კონბფერს სპეტაკი მშვენიერება უფრო მოსწონდა, ვიდრე აელვარებული დიდება. ამ გულჩვილ ბრძენს კვამლში შერეული სინათლე და სისხლის ღვრით შექმნილი პროგრესი ვერ აკმაყოფილებდა. ხალხის ამბოხი და იარაღით ბრძოლა აშინებდა; აშინებდა ოთხმოცდაცამეტი წლის განმეორება. მაგრამ უმოძრაობის უფრო ეშინოდა, რადგან იქ ლაშობისა და კვდომის მეტს ვერაფერს ხედავდა. და თავისდა უნებურად მიდიოდა დასკვნამდე, რომ ქაფიანი სჯობია დამყაყებულს, ნაკადი - ჭაობს და ნიაგარის ჩანჩქერი - მონფოკონის ტბას. არც გაჩერება უნდოდა, არც აჩქარება. და იმ დროს, როდესაც მისი ამხანაგები რაინდულად იყვნენ გახელებული და თავყვანს სცემდნენ რევოლუციის ბრწყინვალე გამარჯვებულ მოძრაობას, ის პროგრესზე ამყარებდა ხალხის გამარჯვების და გათავისუფლების იმედს, კეთილ პროგრესზე; იქნებ ცივილ იყოს პროგრესი, მაგრამ წმინდაა; მეთოდით მოძრავი, მაგრამ უმნიშვლო; მეტად მშვიდი და წყნარი, მაგრამ მტკიცე და ურყევი, მუხლმოყრილი შევედრებოდა, მნიშვნელობა რომ ჰქონოდა რამე მის ვედრებას, რომ მომავალი მთელი თავისი სინმინდით ღირსებოდა კაცობრიობას, და არავითარი მნიშვლი არ დამჩნეოდა ხალხთა სათნოებით საესე მოძრაობას. - სიკეთე უზადო უნდა იყოსო, - იტყოდა ხოლმე ძალიან ხშირად და მართლაც, თუ რევოლუციის დიდება იმაში მდგომარეობს, რომ თვალს აღარ ვამორებდეთ იდეალს და მისკენ მივისწრაფოდეთ ცეცხლითა და მახვილით, მაშ პროგრესის დიდებაც იმაში უნდა მდგომარეობდეს, რომ წმინდა და უმნიშვლო იყოს. ერთის წარმომადგენელი დანტონია, მეორის - ვაშინგტონი, და ეს მოღვაწენი იმით განირჩევიან ერთმანეთისგან, რომ ერთი ორბისფრთიანი ანგელოზია, მეორე - გედისფრთიანი.

ჟან პრუვერი კიდევ უფრო გულჩვილი იყო, ვიდრე კონბფერი. ჟენი მქვიაო, - იძახდა, რადგან იმ დროს გატაცებული იყო შუა საუკუნეების ისტორიის შესწავლით. ვილაც ქალს ეტრფოდა ჟან პრუვერი, ქოთნებში ყვავილებს თესდა, ფლეიტას უკრავდა, ლექსებს თხზავდა, ხალხი უყვარდა, დედაკაცი ებრალებოდა, ბავშვისთვის წუხდა, ერთნაირად სწამდა ღმერთი და მომავალი, და ემდუროდა რევოლუციას, რომ თავი გაავადებინა ისეთ სახელოვან პიროვნებას, როგორც იყო ანდრე შენიე. ლაპარაკობდა ერთობ ტკბილი ხმით, მაგრამ უცხად გაბრაზებაც იცოდა: ბევრს კოთხულობდა, ბევრი იცოდა, და თითქმის ორიენტალისტი იყო. კეთილი იყო უპირველეს ყოვლისა და პოეზიაში უსაზღვრო უფრო მოსწონდა. იცოდა იტალიური, ლათინური, ბერძნული, ებრაული, მაგრამ ამით მარტო ოთხი პოეტის საკითხავად სარგებლობდა, ეს იყო: დანტე, იუვენალი, ესქილე და ისაია. ფრანგ მწერლებში კორნელი უფრო მოსწონდა, ვიდრე რასინი, და აკრიპა დ-ობინიე, ვიდრე კორნელი. სიამოვნებით დასიერნობდა მინდორში, ყვავილებით და ამოსული ქერით ტუბებოდა, თითქმის ისევე აკვირდებოდა ღრუბელს, როგორც ცხოვრების რაიმე მოვლენას. ორ რამეს სცემდა თავყვანს მისი გონება, ერთი ადამიანი იყო, მეორე - ღმერთი.

სწავლობდა და თან იკვლევდა. დღესა და ღამეს ასწორებდა საზოგადოებრივი საკითხების შესწავლაში, როგორცაა: ხელფასის, კაპიტალის, კრედიტის, ქორწინების, სარწმუნოების, სიტყვის თავისუფლების, სიყვარულის, თავისუფლების, ბავშვთა აღზრდის, სასჯელის, სიღარიბის საკითხები; იკვლევდა მდაბიო ხალხის გასაჭირს, რომელიც შავ ღრუბლად დასწოლია კაცობრიობას. ღამე კიდევ ვარსკვლავებს შესცქეროდა და ტკბებოდა მათი სიდიადით. ანუოლრასივით თავისი მშობლების ერთადერთი შვილი იყო, ძალიან მდიდარი. ნელი ხმით ლაპარაკობდა, უმიზნოდ წითლდებოდა, კრთებოდა, თუმცა ძალიან გამბედავი იყო.

ფეილი მარაოების მკეთებელი მუშა იყო, ძლივს შოულობდა დღეში სამ ფრანკს. ობოლი იყო, აღარც ღედა ჰყავდა, აღარც მამა და ერთადერთი ოცნება ჰქონდა - ქვეყნიერების განთავისუფლება. მეორე საზრუნავიც ჰქონდა - თავისი განათლება, - რასაც ის თავისებურად თავის განთავისუფლებას უწოდებდა. წერა-კითხვა თვითონვე ესწავლა, და საერთოდ რაც კი ცოდნა გააჩნდა, თვითონვე შეეძინა. დიდსულოვანი კაცი იყო და ფართო გონებრივი შესაძლებლობები ჰქონდა. ამ ობოლს შვილად ხალხი აყვანა, დედად - თავისი სამშობლო გაეხადა. ვერ წარმოედგინა, თუ შეიძლებოდა, კაცი ამ ქვეყნად ყოფილიყო და სამშობლო არ ჰქონოდა. გულში ედო და უღვივოდა ის, რასაც დღეს ეროვნულობის იდეას ვეძახით. გულში ედო და გრძნობდა ხალხის შეილის გამჭრიახი შორსმხედველობით, რომ ამ იდეას ეკუთვნოდა მომავალი. ისტორია იმ განზრახვით შეესწავლა, რომ წარსული ცხოვრების საშინელების მიზეზები გაეცნო და დაეგმო. უტოპისტების ამ პატარა წრის წევრებს უფრო საფრანგეთის ჭირ-ვარამი აწუხებდათ და ამ მხრივ ფეილი საზღვარს იქით იყო გასული. კარგად იცნობდა საბერძნეთს, პოლონეთს, უნგრეთს, რუმინეთს, იტალიას და ხშირად ასახელებდა ამ ქვეყნებს. საბერძნეთს და თესალიას ოსმალეთი დაჰპატრონებოდა, ვარშავას - რუსეთი, ვენეციას - ავსტრია; აღმფოთებული იყო ამ ძალმომრეობით და მეტადრე პოლონეთის გაყოფით 1772 წელს. სიმართლის დათრგუნვით გამოწვეული აღმფოთება ადამიანს ძლიერებას და მჭევრმეტყველებას სძენს, და ამ მჭევრმეტყველებით ამტკიცებდა თავისას ფეილი. გაშმაგებით ახსენებდა 1772 წელს, თავისუფალი პოლონეთის ვერაგულად დაპყრობას და განანიღების, გერმანიის, ავსტრიის, რუსეთის სამარცხვინო საქციელს, თავისუფალი ხალხის მახეში გაბმას და დამონებას. ძლიერთაგან პოლონეთის დაპყრობა მისაბამ მავალითად გახდა შემდგომში და მრავალი პატარა ერის მოსპობა და დამონება გამოიწვია. თანამედროვე ცხოვრებაში რაც პატარა ერების ძლიერთაგან დაპყრობას ვხედავთ, სულ პოლონეთის უბედურების შედეგია. პოლონეთის გაყოფა თეორემად იქცა, რომლის დასკვნა შემდეგია: - ძალოვანი ხარ? ანდერძი აუგე სუსტს და მით უფრო გაძლიერდი! - არ არის არც ერთი მტარვალი, არც ერთი მოღალატე, აგერ საუკუნეა მას შემდეგ, რომელიც იმავე განზრახვით, დამპყველი მგლის თვალთ, არ შეჰყურებდეს პატარა ერს და პოლონეთის გამყოფებით არ ცდილობდეს მის ხელში ჩაგდებას და დამონებას. თანამედროვე პატარა ერების ისტორია რომ გადავსინჯოთ, ყველგან ერთსა და იმავეს ვნახავთ, პოლონეთის ბედი სწვევია ყველას. ვენის კონგრესმაც თავისი გადაწყვეტილების საფუძვლად იგივე მიიღო, პოლონეთის დაშლა და დამონება. საშინელებად მიაჩნდა ეს ფეილს და ყოველთვის ისე ბჭობდა, თითქო საწყალი მუშა კი არა, დაჩაგრული ხალხების გულმოკლული

წარმომადგენელი ყოფილიყო. თავის ნათქვამს საფუძვლად სამართლიანობას უდებდა და ამით იყო შესანიშნავი.

და მართლაც, უკვდავი არის უფლებები. შეუძლებელია, ვერც ვარშავას გაიხდით მსახურად და ვერც ვენეციას გაავლურებთ. ტყუილად ღვრიან სისხლს ძლიერნი და სხვების დამონებით საუკუნოდ ირცხვენენ თავს. ადრე იქნება, თუ გვიან, იფეთქებს თავისუფლების ალი და კვლავ აღდგება დამონებული. საბერძნეთი საბერძნეთად იქცევა, იტალია იტალიად. უკვდავია სიმართლე და უკვდავია სიმართლის პროტესტი ძალმომრეობის წინააღმდეგ. დაჰყრობილ ვრს ვერავინ ეტყვის, თუ გათავისუფლება გინდოდა, ვადა არ უნდა გადაგეცილებინათ. დამონებული ხალხის გათავისუფლებას ვადა არ აქვს. ამგვარ „დიდებულ ყაჩაღობას“ არ აქვს მომავალი. ჰატარა ცხვირსახოცი კი არ არის ერი, რომ ახალი სახელი მიაკვროთ და საუკუნოდ დაისაკუთროთ.

კურფიერაკს მამა ჰყავდა, რომელსაც ბატონ დე-კურფიერაკს უწოდებდნენ, რადგან რესტავრაციის დროს ბურჟუაზია გატაცებული იყო შთამომავლური დიდებით და ბრწყინვალეობით, და ბრწყინვალეობის დასამტკიცებლად თავის გვარს წინიდან უმატებდა ნაწილაკ დე-ს. ამ ნაწილაკ დე-ს ნამდვილად არავითარი მნიშვნელობა არ ჰქონდა, მაგრამ ისე გაახშირა ბურჟუაზიამ მისი ჩამატება, რომ ნამდვილი დიდებულები უკადრისობდნენ მის ხმარებას. ბატონმა დემოვლენმა შოვლენად გადაიკეთა გვარი, ბატონმა დე-კომარტენმა კომარტენად. ბატონმა დე-კონსტანმა ბენჟამენ კონსტანად, ბატონმა დე-ლაფაიეტმა ლაფაიეტად, კურფიერაკს, შვილს არ უნდოდა ვინმეს ჩამორჩენოდა და კურფიერაკად იქცა.

კურფიერაკის შესახებ შეგვიძლია ნათქვამი ვიკმაროთ და მის დასახასიათებლად მოკლედ ვთქვათ: კურფიერაკი, იხილე ტოლომიესი.

კურფიერაკი აღსავსე იყო იმ მგზნებარე სიჭაბუკით, რომელსაც გონების ვიჟური მშვენიერება ეწოდება. შემდეგში ქრება ყოველივე ეს, როგორც კატის კნუტის საამურობა, და მთელი თავისი მიმზიდველობით ბურჟუად იქცევა, ოთხფეხი კი - ხვად კატად.

გონების ამგვარი მიმართულება ერთი თაობიდან მეორეს გადაეცემა სასწავლებელში, მოზარდი თაობის ერთად შემკრებ დაწესებულებაში, და ისე გადადის ხელიდან ხელში, რომ თითქმის უცვლელად რჩება. ამიტომ იყო, როგორც უკვე ვთქვით, რომ ვინც 1828 წელს კურფიერაკს ნახავდა და მოუსმენდა, იტყოდა - 1817 წელია და ტოლომიესს ვუსმენო. ოლონდ კურფიერაკი პატიოსანი ბიჭი იყო. ქცევით და გარეგნობით ერთმანეთს ჰგავდნენ, მაგრამ ცხოვრების არსით დიდად განსხვავდებოდნენ: ტოლომიესში პროკურორი მწიფდებოდა, კურფიერაკში - რაინდი.

ანჟოლრასი ბელადი იყო, კონბფერი წინამძღოლი, კურფიერაკი - ცენტრი. სხვები სინათლეს იძლეოდნენ, ის კი - სითბოს. დაჯილდოებული იყო ცენტრალური ფიგურის ყველა თვისებით, გახსნილი იყო და ყურადღებიანი.

ბაორელს მონანილეობა მიეღო 1822 წელს ლალემანის დამარხვის დროს მომხდარ აჯანყებასა და ბრძოლაში.

კარგი ბიჭი იყო ბაორელი, მაგრამ ცუდი ამხანაგები ჰყავდა. ყაჩაღი იყო, ხელგამლილი, ფულის მფლანგავი; თან ქველი; ყბედი და თან მჭევრმეტყველი. გამბედავი და თან თავხედი, ნამდვილი და საუკეთესო ეშმაკის კერი. ჟილეთი

ყოველთვის ჭყეტელა ფერის ეცვა და მიმართულება - უკიდურესად წითელი, მოჩხუბარი იყო და მოძრავი, რადგან ჩხუბზე მეტად არაფერი უყვარდა, თუ ეს აჯანყება იყო, და ბრძოლაზე მეტად არაფერი უყვარდა - თუ ეს რევოლუცია იყო. ყოველთვის მზად იყო, ჩაემტვრია ფანჯრები, დაენგრია ქვაფენილი, რომ ბარიკადა აეგო; ძირს დაემხო მთავრობა, რომ ენახა, რა მოჰყვებოდა მმართველობის დამარცხებას. მეთორმეტე წელიწადი გადიოდა, რაც უნივერსიტეტში ირიცხებოდა, სამართალი შორიდან აინტერესებდა, მაგრამ არ სწავლობდა, დევიზად ჰქონდა - არასოდეს ვეცილობა! და გვარის სადიდებლად - პატარა განჯინა, სადაც ჩაჩი ჰქონდა შენახული. თავის სასწავლებელთან გავლა რომ დასჭირებოდა, - ეს იშვიათად ხდებოდა ხოლმე, - სერთუკის ღილებს შეიკრავდა თავიდან ბოლომდე, - ჯერ პალტო არ იყო მაშინ გამოგონილი, - და ყოველგვარ ჰიგიენურ სიფრთხილეს ხმარობდა. ამ შენობის შესასვლელ კარს მშვენიერ მოხუცს უწოდებდა და დეკან ბატონ დელგენკურის შესახებ ამბობდა: სწორედ დიდებული ძეგლი არისო! - თავისი სასწავლო საგნები საშაიროდ გაეხადა და თავისი პროფესორები - კარიკატურის სახატავად. უსაქმურად ატარებდა დროს, სიამოვნებაში ხარჯავდა საკმაოდ დიდ ფულს, წელიწადში სამი ათას ფრანკს. გლექსაქცის შვილი იყო და მშობლებისთვის უკვე შთაეგონებინა შვილისადმი პატივისცემა.

ხშირად იტყოდა ხოლმე: - ჩემი დედ-მამა გლექსები არიან და არა ბურჟუები, ამიტომ არიან ჭკვიანებიო.

დაუდევარი იყო და მრავალ კაფეში დაიარებოდა. სხვებს ჩვეულებები აქვთ, მას ჩვეულება არ გააჩნდა; ბაორელს ყიალი უყვარდა, ხეტიალი ადამიანის თვისებაა და ყიალი - პარიზელის. უფრო გამჭრიახი გონების პატრონი იყო, ვიდრე ამას ამჟღავნებდა.

ის იყო შემაერთებელი „ანბანის მოყვარეებისა“ და სხვა წრეებისა, რომლებიც ისახებოდნენ აქა-იქ და მომავალში უნდა გამოსულიყვნენ საბრძოლველად.

ერთი თავმოტვლევილიც ერია ამ ყმანვილ კაცებში.

მარკიზი დ-ავარეი, რომელსაც ლუი მეფერამეტემ ჰერცოგობა უწყალობა, იმისთვის, რომ გახიზნისას მეფეს ერთ ბაზრის ეტლში ჩაჯდომისას მიეხმარა. დ-ავარეი შემდეგს გვიამბობს: საფრანგეთში რომ დაბრუნდა მეფე 1814 წელს და კალეში ჩამოხტა, ერთმა კაცმა არზა მიართვა.

- რას ითხოვთ? - ჰკითხა მეფემ.
- ფოსტის კანტორას, მეფეო.
- ვინ ხართ?
- ლ-ეგლი, მეფეო.

წარბი შეიჭმუხა მეფემ, დახედა არზის ხელნაწერს და ნახა, რომ იქ ლესგელი ეწერა. ეს მართლწერა ბონაპარტული არ იყო და ღიმილი მოერია.

- მეფეო, მოახსენა არზის მიმრთმევმა, - პაპაჩემი ბაზიერი გახლდათ და მეტსახელი ჰქონდა ლესგელი. ამ მეტსახელიდან შედგა ჩემი გვარი: ლესგელი გახლავართ, მაგრამ შეკვეცის გამო ლესგელი ლესგლად იქცა და ლესგლი ლ-ეგლად.

ამიტომ იყო, რომ მეფის ღიმილი სიცილად გადაიქცა და ფოსტის კანტორა უბოძა მო-ში, ვინ იცის, განზრახ თუ შემთხვევით.

ანბანის მოყვარეთა წრის თავმოტვლეპილი წევრი იმ ლ-ეგლის შვილი იყო და ხელს აწერდა: ლ-ეგლ-დე-მო. ამხანაგები ბოსუეს ეძახდნენ მოკლედ.

ბედუკულმართი ბიჭი იყო ბოსუე. რაც უნდა მოენდომებინა, არაფერი გამოუვიდოდა, მიზან ვერ მიაღწევდა. მიუხედავად ამისა, ყოველთვის მხიარული იყო და ყველაფერს დასცინოდა. ოცდახუთი წლის იყო და უკვე თავმოტვლეპილი. მისმა მამამ სახლიც შეიძინა და სახნავიც, მაგრამ, როგორც კი დაეპატრონა შვილი ამ მამულს, რაღაც საეჭვო სპეკულაციაში ჩაერია და სახლიც დაკარგა და სახნავიც. აღარაფერი დარჩა საცხოვრებლად. ცოდნაც ჰქონდა, ჭკუაც, მაგრამ იღბალი არ გააჩნდა. რაც უნდაკარგად დაეცემა თავისი საქმე, ყველაფერში ტყუედებოდა. რასაც კი განიზრახავდა და დაგეგმავდა, ყველაფერი თავზე დაატყდებოდა ხოლმე. შეშის ჭრა რომ დაეწყო, უთუოდ ხელს გაიჭრიდა, საყვარელი რომ გაეჩინა, უთუოდ ნახავდა, რომ ამხანავიც ჰყავს და რქებით უშკობს შუბლს. თავზე დასტრიალებდა ყოველგვარი უბედურება - იმისთანა ოთახი მაქვს, რომ სულ თავში მხვდება კრამიტით, - იტყოდა ხოლმე სიცილით. ისე იყო უბედურებას მიჩვეული, რომ ყურადღებასაც აღარ აქცევდა, - მოველოდი და არც შევცდიო. - ვულგრილად ხვდებოდა ამ ვითომ მოსალოდნელს და - ჩემი ბედისწერა მალიზიანებსო, - ხუმრობით ეგებებოდა ყოველ ახალ მარცხს. მეტად ღარიბი იყო, მაგრამ ქისა გატენილი ჰქონდა უღვეველი მხიარულებით. ფული თუ ჰქონდა, ძალიან მალე ელეოდა, მაგრამ სიცილი კი უღვევი ჰქონდა. რამე უბედურება რომ შევიდოდა იმის ოთახში, გულიანად მიესალმებოდა ძველ ნაცნობს და ეალერსებოდა. ისე კარგად გაეცნო და მისჩვეოდა თავის ბედისწერას, რომ ხუმრობით მიმართავდა ხოლმე:

- ოჰ, ფათერაკს გაუმარჯოსო!

ბედისწერა სდევნიდა და ისიც მიჩვეულიყო ბრძოლის ხრიკებს და ქამანდს. მოხერხებით იყო განთქმული. ფული არ ჰქონდა, მაგრამ, როცა უინი მოუვლიდა, ფულსაც შოულობდა და გულიანადაც ფლანგავდა. ერთხელ ერთ ღამეს შეჭამა ასი ფრანკი, - ვახშმით გაუმასპინძლდა გოგოს და ასე დააბოლოვა თავისი ქეიფი:

- ასფრანკიანო ტურფავ! ერთი წაღები გამხადე!

ბოსუე ნელ-ნელა მიიწევდა ვეჭილობისკენ, ისიც მართლმსაჯულებას სწავლობდა, როგორც ბაორელი. ყოველთვის არ ჰქონდა საკუთარი ოთახი და უბინოდ რომ დარჩებოდა, ხან ერთ მეგობართან იყო, ხან - მეორესთან, და უფრო ხშირად - უოლისთან. უოლი მედიცინას სწავლობდა. ორი წლით იყო ბოსუე მასზე უფროსი.

უოლი თუმცა ახალგაზრდა იყო, მაგრამ „ეჭვით ავადმყოფი“. მედიცინის შესწავლის ბრალი იყო, რომ ეჭიმი კი არა, ავადმყოფი გახდა კაცი. ოცდასამი წლის იყო, მაგრამ სწეულად მიაჩნდა თავისი ორგანიზმი, საათობით იღვა სარკის წინ და ენას ისინჯავდა. ამტკიცებდა, რომ შეიძლება ადამიანის დამაგნიტება, როგორც ნემსის, და ღამე ისე დგამდა თავის საწოლს, რომ თავი სამხრეთისკენ ჰქონოდა და ფეხი ჩრდილოეთისკენ, რათა ქვეყნის მაგნიტიზმს არავითარი გავლენა არ მოეხდინა მის სისხლის მიმოქცევაზე. ავდარში ხელს აღარ ამორებდა თავის მაჯას. საერთოდ კი ყველაზე მხიარული იყო თავის ამხანაგებში. სიყმანვილე, სუსტი აღნაგობა, სწელების მანია, სიმხიარულე მშვენივრად თავსდებოდა ერთად და ერთგვარ უცნაურ, მაგრამ მეტად მიმზიდველ ადამიანს ქმნიდა, რომელსაც თავისი ამხანაგები, მეტსახელების დიდოსტატები, უილლეს ეძახდნენ.

- რა გიჭირს? - ეხუმრებოდა ჟან პრუვერი, - ოთხი ლ-ასი გაქვს და ცაში აფრინდები, თუ გინდა.

ჟოლის ჩვეულება ჰქონდა, ჯოხის ტარს შეახებდა ხოლმე ცხვირს, -ეს იყო გამჭრიახი გონების უტყუარი ნიშანი.

ერთადერთი სარწმუნოება ჰქონდათ ამ, ასე განსხვავებულ ყმანვილებს, ყველას სწამდა კაცობრიობის პროგრესი.

ყველანი საფრანგეთის რევოლუციის ღვიძლი შვილები იყვნენ. ჭკუათხელებიც კი დარბაისლურად იქცეოდნენ, როდესაც ოთხმოცდაცხრა წლის რევოლუციას შეეხებოდნენ. მათი მამები სხვადასხვა მიმართულების იყვნენ, ან ყოფილიყვნენ: კონსტიტუციის მომხრენი, როიალისტები, დოქტრინერები; ამას არავითარი მნიშვნელობა აღარ ჰქონდა, არ ეხებოდა ყმანვილებს და ვერც რაიმე გავლენას იქონიებდა მათზე; მათ ძარღვებში პრინციპის წმინდა სისხლი უღულდათ. ყველას ერთნაირად სწამდა ხალხის თავისუფლება და მის აღსადგენად ბრძოლის აუცილებლობა.

წრის წევრები და მათი თანამოაზრენი ფარულად ქმნიდნენ იდეალს. ამ რწმენით გატაცებულ და გახელებულ ყმანვილებში მხოლოდ ერთი ერთი ურწმუნო სკეპტიკოსი. როგორ მოხდა, რომ ამ წრეში გაერია? სხვისი წყალობით. ამ სკეპტიკოსს გრანტერი ერქვა და ხელს ყოველთვის რებუსად აწერდა - რ. გრანტერი. ურწმუნო იყო და ძალიან ფრთხილობდა, რომ რწმენა არ შეჰპარვოდა. სტუდენტი იყო და სტუდენტებში ყველაზე კარგად ის იცნობდა პარიზს; იცოდა, რომ ყველაზე კარგი კაფე „ლამბლენი“ იყო, საუკეთესო ბილიარდი კაფე „ვოლტერი“ მოიძებნებოდა, ყველაზე გემრიელ ნამცხვარს და ლამაზ გოგონებს „ერმიტაჟში“ ნახავდა კაცი, მენის ბულვარზე; საუკეთესოდ შემწვარ ვარიას - დეიდა საგესთან; საუკეთესოდ შემწვარ თევზს - კუნტის საბაჟოსთან, შუშხუნა თეთრ ღვინოს - კომბის საბაჟოსთან. ყველაფერი იცოდა, სად რა იშოვებოდა კარგი, ამასთან კრივიც ეხერხებოდა, ჯოხსაც მარჯვედ ხმარობდა, მშვენივრად ცეკვავდა და უფრო კარგად ფარიკაობდა. ამდენი ღირსების გარდა, გადაკვრაც ძალიან უყვარდა, განსაკუთრებით თეთრი ღვინის. საშინლად უსახური იყო, დუხჭირი. იმ დროს სილამაზით განთქმული ირმა ბუასი იმდენად აღშფოთებული იყო მისი სახით, რომ დაურიდებლად აღიარა - „გრანტერი საშინელებააო“ - მაგრამ თავმოძმონე ბიჭი იყო გრანტერი და მაინც თავისას არ იშლიდა: ნაზი თვალით დააცქერდებოდა ხოლმე ქალებს, იმ სახით, თითქო იკვების, - „მოვიდლომო, თორემ“, და ცდილობდა დაერწმუნებინა თავისი მეგობრები, რომ მოსვენება არ ჰქონდა ქალებისგან.

ყველა ეს სიტყვა - ხალხის უფლება, ადამიანის უფლება, საზოგადოებრივი ურთიერთობა, ცივილიზაცია, სარწმუნოება, პროგრესი - ყოველად უმნიშვნელოდ მიაჩნდა გრანტერს, ცარიელ ლაყბობად. სკეპტიციზმმა, გონების ამ მჭამელმა, ისე დააავადა კაცი, რომ აღარავითარი აზრი არ შერჩენოდა თავში და ყველაფერს ირონიით შესცქეროდა. აქსიომად ჰქონდა შემდეგი სიტყვები: - ერთადერთი ჭეშმარიტება მწამს მე ამ ქვეყნად, ღვინით სავსე ჩემი სასმისი! - მასხრად იგდებდა ყოველგვარ თავგანწირვას, ყოველ პარტიამი მამა იქნებოდა, თუ შვილი, და უმცროსს რობესპიერსაც ისევე დასცინოდა, როგორც ლუაზეროლს: - არა, რაში გამოიყენეს თავიანთი სიკვდილი? იტყოდა ხოლმე, ამას რომ შეეხებოდა ბაასი. ჯვარცმულზე იტყოდა ხოლმე, - ჯვარმა კარგად აასრულა თავისი დანიშნულებაო. - დაეხეტებოდა,

თამაშობდა, ქეიფობდა, ხშირად თვრებოდა და მუდმივად გულს უწყალებდა ამხანაგებს თავისი სიმღერით: „თეთრი ღვინო მიყვარს მე, გოგოების ჭირიმე!“ რომელსაც „გაუმარჯოს მეფე ანრი მეოთხეს“ ხმაზე მღეროდა.

მაგრამ ამ სკეპტიკოსსაც ჰქონდა თავისი ფანატიზმი. არც იდეას წარმოადგენდა ეს ფანატიზმი, არც რაიმე რწმენას, არც ხელოვნებას, არც მეცნიერებას; ფანატიკურად სწამდა ერთი ადამიანი, ანჟოლრასი. გრანტერი თავყვანს სცემდა ანჟოლრასს, უყვარდა და აღტაცებული იყო მისით. მერე ვინ მიიზიდა ეს ყველაფრის უარყოფელი ანარქისტი იდეით გატაცებულ მეგობრებში? სწორედ მან, ვინც ყველაზე მეტად იყო გახელებული მომავლის წმინდა იდეებით. როგორ დაიმორჩილა ანჟოლრასმა ეს ურწმუნო? იდეებით? არა, მხოლოდ თავისი ხასიათით. ხშირია ჩვენს ცხოვრებაში ეს მოვლენა. ურწმუნო უახლოვდება, ერთვის მორწმუნეს სწორედ ისევე, როგორც ერთ ფერს ერთვის მეორე, სულ სხვაგვარი, მის დასამატებლად. სწორედ ის იზიდავს ადამიანს, რაც თვითონ აკლდა. არავის უყვარს სინათლე ისე ძალიან, როგორც უინათლოს. ჯუჯა გოგოს ყოველთვის ახოვანი კაცი მოსწონს, გომბეშო სულ ცაის შესცქერის, რომ ჩიტის ფერენა დაინახოს. გრანტერს გულის სიღრმეში მაინც ჩარჩენოდა ეჭვები და მოსწონდა ანჟოლრასის რწმენით გატაცება, მისთვის საჭირო იყო ანჟოლრასი. თვითონაც არ იყო და, და არც ცდილობდა შეეგნო, როგორ მოხდა ეს დამორჩილება, მაგრამ კარგად ხედავდა, რომ მოხიბლული იყო და სწორედ იმას სცემდა თავყვანს, რაც თვითონ აკლდა, - ანჟოლრასის პატიოსნებას, სიმაგრეს, გულწრფელობას, უმანკობას. თვითონ თუ ჰქონდა რაიმე აზრი, სულ არეული, ჯერ გადაუწყვეტელი, ეჭვნარევი, დაავადებული, სახეს მოკლებული. იგი მიიწვედა ანჟოლრასისკენ, როგორც დედაბოძისკენ; მისი ზნეობრივი არარაობა საყრდენს ეძებდა ანჟოლრასის სიმაგრეში. ორი ერთმანეთთან ძნელად შესაგუებელი არსება მოთავსებულიყო ამ კაცში, - დამკინავი და მოყვარული. არაფრის სწამდა და მაინც უყვარდა, გონებით ყოველგვარი რწმენის უარყოფელი იყო და გულით - მეგობრობის მონატრული. საშინელი შეუსაბამობა, რადგან სიყვარულიც იგივე რწმენაა. ამგვარი ბუნების იყო გრანტერი. ხდება ხოლმე, ისეთ ადამიანს შეხვდება კაცი, რომელიც სხვის შესავსებად არის გაჩენილი, სხვის ზედაპირად, ან სარჩულად. ამგვარი არის პოლუქსი, პატროკლე, ნიზუსი, ევდამიდი, ეფესტიონი, პეხმეა. თუ ცოცხლობენ ესენი, მართო იმიტომ, რომ სხვას ეყრდნობიან. მათი სახელი მხოლოდ სხვისი სახელის გაგრძელებაა, და თუ ვნერთ, შუაში კავშირ „და“-ს უყვამთ: კასტორი და პოლუქსი, აქილეესი და პატროკლე. იმათად არ ჩათვლება მათი ცხოვრება, რადგან ის სხვისი ცხოვრების ნაწილია. გრანტერიც ამ კაცთაგანი იყო, ანჟოლრასის ნაწილი.

თითქმის შეიძლება ვთქვათ, რომ ამგვარი მიმზიდველობა ანბანის მიხედვით ხდება: მაგალითად, ო და პ განუყრელი არიან და თქვენი სურვილისამებრ შეგიძლიათ თქვათ ო და პ, ან ორესტი და პილადი.

გრანტერი ანჟოლრასის მცველი იყო და ამ წრის ყმანვილებთან ცხოვრობდა, იმათთან იყო, კარგად მხოლოდ იქ გრძნობდა თავს, და სულ თან დასდევდა. ძალიან უყვარდა თამბაქოს კვამლით და ღვინის სუნით სავსე ოთახში მათი კამათის მოსმენა და თან დროს ტარება. ამხანაგები კარგად იცნობდნენ და არ იშორებდნენ მათგან განსხვავებულს, რადგან ყოველთვის კარგ გუნებაზე იყო და მოსწონდათ მისი ხუმრობა.

მორწმუნე ანჟოლრასს არაფრად მოსწონდა ეს ლოთი და სკეპტიკოსი, მაგრამ ეცოდებოდა და სიბრაღულით ექცეოდა. გრანტერი პილადი იყო, მაგრამ ორესტის მიერ მიუღებელი. მკაცრი იყო მისდამი ანჟოლრასი, უტევდა, უყვიროდა, უკმეხად იზორებდა, და ის კი შეურაცხყოფილიც ისევ ანჟოლრასისკენ მიიწვედა და იძახდა ალტაცებით:

- რა მშვენიერი მარმარილოა!

თავი მეორე

ბლონდოს პანაშვიდი, ბოსუეს მიერ გადახდილი

ერთ მშვენიერ დღეს, რომელსაც როგორც მკითხველი ნახავს, კავშირი ჰქონდა ზემოთ მოთხრობილ ამბავთან, ლეგლ დე-მო არხეინად იდგა მუზნის კაფეს კარებთან კედელზე მიყრდნობილი, ისე უძრავად, რომ ქანდაკებას უფრო ჰგავდა, ვიდრე ცოცხალ ადამიანს. ღრმად იყო გატაცებული თავისი ოცნებით და დე სენ-მიშელის მოედანს გასცქეროდა, ზურგით მიყრდნობა ერთგვარი ზეზეულა წოლა არის და ეს მეტად მოსწონთ მეოცნებებს. ლეგლ დე-მოც ფიქრობდა ერთ შემთხვევაზე, თავის გუშინინდელ მარცხზე მართლმსაჯულების აუდიტორიაში, რადგან ეს შემთხვევა ძირეულად ცვლიდა მის, ჯერ საბოლოოდ დაუგეგმავ მომავლის გეგმას.

ოცნება ხელს ვერ შეუშლის ქუჩის მოძრაობას და მეოცნებესაც ვერ აიძულებს ეტლის სიარული შეამჩნიოს. ლეგლ დე-მომ, რომელიც დაბნეული აცეცებდა თვალებს, თავისი ხედვის არეალის მიღმა შეამჩნია ერთი პატარა ეტლი, ორთვალისანი, მოედანზე ნელა მომავალი, თითქო არ იცის, საით წავიდესო. საითკენ იყო ეტლის გზა? რატომ იძვროდა ასე ნელ-ნელა? ლეგლმა ეტლში შეიხედა, შიგნით, მეეტლის გვერდით ყმანვილი კაცი იჯდა და წინ ბარგი ედო, ბოხჩაში კარგად შეკრული, რომელზედაც დიდრონი შავი ასოებით ჰქონდა ამოქარგული - მარიუს პონმერსი.

ამ სახელმა გამოაფხიზლა ლეგლი, გასწორდა და შეჰყვირა ეტლით მიმავალ ყმანვილ კაცს:

- ბატონო მარიუს პონმერსი!

ეტლი გაჩერდა.

ყმანვილმა კაცმა, რომელიც აგრეთვე გატაცებული იყო თავისი ფიქრებით, გაკვირვებით შეხედა ლეგლს.

- რა გნებავთ?

- თქვენ ბრძანდებით ბატონი მარიუს პონმერსი?

- მე გახლავართ.

- მეც თქვენ გეძებდით.

- როგორ თუ გეძებდით? - გაიკვირვა მარიუსმა.

მართლაც ეს მარიუსი იყო. თავისი პაპის სახლიდან წამოსული. ლეგლი ჯერ არსად ენახა და გაკვირვებული შესცქეროდა, - რა უნდა ჩემგანო?

- მეძებდით? მე თქვენ არ გიცნობთ.

- რა ვუყოთ, მერე, არც მე გიცნობთ.

ხუმრობა ეგონა მარიუსს, - მოტყუება უნდა ჩემი, გაბრიყვება ამ მოედანზე. - ცუდ გუნებაზე იყო იმ დღეს და წარბები შეიკრა. ლეგლი კი ყურადღებას არაფერს აქცევდა და თავისას გაიძახოდა:

- გუშინნინ ლექციაზე არ იყავით?
- იქნებ არ ვიყავი.
- იქნებ კი არა, მართლა არ იყავით.
- თქვენ სტუდენტი ხართ? - ჰკითხა მარიუსმა.

- დიახ, ბატონო, როგორც თქვენ. გუშინნინ შემთხვევით მივედი ლექციაზე. ხომ იცით, ხანდახან ასეთი სისულელეც მოეპრიანება ადამიანს! პროფესორს სია ეჭირა და ამონაშედა, - ვინ იყო აუდიტორიაში! თქვენც გეცოდინებათ, რა სასაცილო არის ამ დროს ბატონი პროფესორი. თუ ღმერთი გაგიწყნარა და სამჯერ ასცდით ამ შემთხვევას, სიიდან ამოგშლიან და წყალში გადაყრილად უნდა ჩათვალოთ სამოცი ფრანკი.

ყურები ცქციტა მარიუსმა.

- ბლონდო ბრძანდებოდა, სია რომ ეჭირა და ამონაშედა, ხომ იცნობთ ბლონდოს? გრძელი, წვეტიანი ცხვირი აქვს და ვერაგობით არის საფე. სიამოვნებით იკვლევს ხოლმე, ვინ აკლდა იმის ლექციას. გვარების კითხვა რაღაც ბოროტი განზრახვით თავიდან კი არა, ასო ჰ-დან დაიწყო. მე არც კი მიყურებოდა, რადგან მე მაგ ასოზე არ გახლავართ. ჯერჯერობით კარგად მიდიოდა საქმე, ვერავის ამოშლიდა, რადგან იქ იყო მთელი ქვეყანა. დაღვრემილი იყო ბლონდო, მე კი შევეყურებდი და ვიციხილი გუნებაში: ბლონდო, ჩვენო სულისდგმავე! ამაოდ ირჯები, ამაოდ! დღეს ვერავის ამოშლი! ვერ გაიხარებ! და უცბად წამოიყვირა - მარიუს პონმერსი! - ხმა არავინ ამოილო. იმედი მოეცა ბლონდოს, სახე გაუბრწყინდა და უფრო ხმაშაღლა დაიძახა: - მარიუს პონმერსი! ხელი სტაცა კალამს. ახლა მეც ადამიანი ვარ, და არა უგულო ვინმე. ვიფიქრე, ალბათ ყოჩაღი ბიჭია, რომ ლექციას არ ესწრება; ალბათ ჩვენი ძმაბიჭია, რომ მეცნიერებას არ დაუბრიყვებია. კარგი ბიჭია და არა ტომარა, რომ მართლმსაჯულებით ივსებოდეს, დღესა და ღამეს ასწორებდეს სწავლაში, იმეპირებდეს პროფესორის ნათქვამს, ითვისებდეს მეცნიერებას, მწერლობას, ღვთისმეტყველებას და ყოველგვარ სიბრძნეს, ესე იგი, ნამდვილი ყვეფი იყოს! ალბათ ზარმაცობს ბიჭი, სეირნობს, დაყიალებს, ხან აქ არის, ხან სოფლად, გოგოებს შეტრფის, ლამაზ ქალს გუნდრუკს უკმევს და ამჟამად, იქნებ, ჩემს საყვარელთანაც არის-მეთქი. მაშ არ დავეხმარო ძმაბიჭს? ბლონდოც შეარცხვინა ღმერთმა, იმისი ლექციებიც!.. ამ დროს საწერალში ჩააწყო ბლონდომ კალამი, რომ მეღნით წაეშალა თქვენ გვარი, ბაყაყის თვალი გადაავლო აუდიტორიას და ერთხელ კიდევ, ეს მესამედ, შეჰყვირა: მარიუს პონმერსი? და მეც კაი პასუხი მივეცი:

- აქ გახლავართ, ბატონო! ისე რომ, თქვენ ამომშლილი არ ხართ.
- მერე?
- მე კი ამომშალეს! - დაუმატა ლეგლიმა.
- როგორ თუ ამოგშალეს?

- სულ უბრალოდ. კათედრასთან ვიდეფი, რომ პასუხი გამეცა და კართან, რომ გარეთ გამოვვარდნილიყავი. დამაცქერდა პროფესორი, თავიდან ფეხებამდე გამსინჯა და უცბად გადაშალა თავისი სია, - სწორედ ეშმაკის ცხვირი აქვს იმ მეღას,

ბუალოს მიერ ნაქები ცხვირი, - გადაშალა სია და ლასს კი დაადო თითი. ლას ჩემი ასო გახლავთ. მოელი გახლავართ და ლეგლ დე-მოა ჩემი გვარი.

- ლეგლი! - შეაწყვეტინა სიტყვა მარიუსმა - საუცხოო გვარია!

- მიადგა, ბატონო, ამ საუცხოო გვარს პროფესორი და უცხად დაიძახა:

- ლეგლ! - მეც ღირსეული პასუხი გავეცი: - აქ გახლავართ! ვეფხვის ლმობიერებით მომანათა თვალები, გამიცინა და მითხრა:

- ვინაიდან პონმერსი ბრძანდებით, შეუძლებელია ლეგლი იყოთ! ცოტა არ იყოს, სანყენი უნდა იყოს თქვენთვის ეს სიტყვა, მაგრამ ჩემთვის კი დამღუპველი აღმოჩნდა. აიღო კალამი და ამოშალა გვარი.

ბოდიშის მოხდა უნდოდა მარიუსს:

- ძალიან სამწუხაროა, ბატონო...

- უპირველეს ყოვლისა, - შეაწყვეტინა ლეგლმა, - ნება მომეცით შევმურო ბლონდო რამდენიმე მგრძნობიარე სიტყვით. წარმოვიდგინოთ, რიმ მიიცვალა. ეჰ, ვერ შევცლის იმას სიკვდილი! ვერ გაასუქებს ჩამომხმარს, ვერ გაუწითლებს ზაფრანის ფერს, ვერ გაუთბობს გაყინულ გულს, ვერაფერს შემატებს მისი სულის სიმყარეს. და ერთი დაგვრჩენია: Eerudimini qui iudicatis terram საფლავსა შინა ამას განისვენებს ბლონდო: ბლონდო, ცხვირწვეტიანი ბლონდო Nasica, დისციპლინის ხარი - bos disciplinae, ყოველგვარი ბრძანების ყურმოჭრილი მონა, შემოწმების მთავარანგელოზი, რომელიც იყო უდრეკი, უხიაკი, მკაცრი, პატიოსანი და უშვერი. ყოვლად შემძლებელმა ღმერთმა ამოშალა იგი ცოცხალთა სიიდან, როგორც მე ამომშალა...

მარიუსმა შეაწყვეტინა:

- ძალიან ვნანობ, ბატონო...

- დიახ, ბატონო! სახსოვრად დაგვრჩეთ ეს გაკვეთილი და ამიერიდან კარგად გახსოვდეთ თქვენი ლექციები.

- არ ვიცი, სწორედ რითი მოვინანიო...

- ეცადეთ თქვენ მაგივრად არ გამოირიცხო მოყვასნი თქვენნი!

- ვნანობ, ბატონო...

ხარხარი დაიწყო ლეგლმა.

- მე კი მიხარია! ნაპრაღის პირას ვიდექი, ცოტა კიდევ და ვეჭილი გავხდებოდი! სწორედ დროზე მოხდა ეს ამბავი და განსაცდელს გადამარჩინა. უარყოფ ვეჭილობის დიდებას! ჩემთვის ვიქნები დამშვიდებული. არც ქვრივს გამოვესარჩლები, არც ობოლს ავუტეხ დავას! არც ვეჭილის წამოსასხამი, არც მისი უაზრო ბოდვა! ძლივს არ ამისრულდა ნატვრა! თქვენი წყალობით ბედი მენია, ბატონო პონმერსი, და ამიტომ ნება მიბოძეთ, საზეიმოდ გეახლოთ სახლში და მადლობა გადაგიხადოთ. სად დგახართ, ბატონო?

- აი, ამ ეტლში.

- დიდი სიმდიდრის უტყუარი ნიშანი, - თქვა მშვიდად ლეგლმა. - მამ მოგილოცავთ! თქვენი ბინა ცხრა ათასი ფრანკი მაინც ღირს წელიწადში.

ამ დროს კურფიერაკი გამოვიდა კაფედან.

მარიუსმა ნაღვლიანად გაიღიმა.

- ამ ბინაში ვარ, ბატონო, ავერ ორი საათია, და მინდა გამოვიცვალო როგორმე, მაგრამ საქმეც ის არის, რომ არ ვიცი, სად წავიდე?

- ჩემთან, ბატონო, - სთხოვა კურფეირაკმა.
- უპირატესობა მე მეკუთვნის, - შენიშნა ლეგლმა, - მაგრამ ბინა არ გამაჩნია.
- გაჩუმდი, ბოსუე! - დაუძახა კურფეირაკმა.
- ბოსუეო? - გაიკვირვა მარიუსმა, - მე კი მეგონა, რომ თქვენ ლეგლი ბრძანდებოდით.

- ლეგლ დე-მო, - გაუსწორა ლეგმა, - და მეტაფორულად კი ბოსუე. კურფეირაკი ეტლში ჩაჯდა.

- მეეტლევ! სენ-ჟაკის სასტუმროში.

იმ დღესვე დაბინავდა მარიუსი სენ-ჟაკის სასტუმროს ერთ ოთახში, კურფეირაკის ოთახის გვერდით.

თავი მესამე

მარიუსის გაკვირვება

მარიუსი და კურფეირაკი რამდენიმე დღეში დამეგობრდნენ. სიყმანვილე ადვილად დაახლოების და ჭრილობის სწრაფი განკურნების ხანაა. მარიუსი კურფეირაკთან იყო და სრულიად თავისუფლად სუნთქავდა, თავის ნებაზე, ეს კი ახალი ხილი იყო მარიუსისთვის. არაფერი უკითხავს კურფეირაკს, ეს აზრადაც არ მოსვლია. სიყმანვილეში თვით სახე მეტყველებს უკითხავად. სიტყვა ზედმეტი, ზოგჯერ ისეთი ფიზიონომიის ყმანვილს შეხვდებით, რომ იტყვიან, - არამკითხე-მოამბეა მისი სახეო. შეხედავენ ერთმანეთს ყმანვილები და უკვე იცნობენ.

ერთ დილას კი კურფეირაკმა სრულიად მოულოდნელი კითხვა დაუსვა:

- მართლა, ერთი მითხარით, გაქვთ რაიმე პოლიტიკური მიმართულება?

- როგორ თუ პოლიტიკური მიმართულება? - იწყინა მარიუსმა.

- ჰო და, რა მიმართულების ხართ?

- მე დემოკრატი - ბონაპარტისტი ვარ.

- მოთავგისფრო-ნაცრისფერი ყოფილხართ.

მეორე დღეს მუზნის კაფეში მიიყვანა მარიუსი და ღიმილით ჩასჩურჩულა ყურში:

- მგონია, დროა, რომ რევოლუციას მიემხროთ.

გაატარა გრძელი ტალანი, შეიყვანა „ანბანის მოყვარეთა“ ოთახში, გააცნო მეგობრებს და ყველას ერთსა და იმავეს ეუბნებოდა:

- მოწაფე.

მარიუსმა ამ სიტყვის ვერაფერი გაიგო, მაგრამ ხედავდა, რომ გონიერი კრაზანების ბუდეში იმყოფებოდა, და გარდა ამისა, თუმცა ჩუმი და დარბაისელი იყო, ამათზე ნაკლები არც ფრთები ჰქონდა და, არც ნესტარი.

აქამდე სულ მარტო იყო, ჰაპის სახლში, და ჩვეულებისამებრ ხან თავის თავს ებასებოდა, ხან მონოლოგით ლაპარაკობდა, აქ კი ცოტათი იუცხოვა, ამდენი ახალგაზრდა რომ ნახა ერთად თავმოყრილი. შესცქეროდა მათ ერთობას, მათ კამათს და ერთდროულად აღგზნებასაც გრძნობდა და მოუსვენრობასაც. ახალგაზრდები მიდი-მოდიოდნენ, ხმაურობდნენ, ცხარე კამათით ებრძოდნენ ერთმანეთს და ჯერჯერობით აფორიაქებდნენ მის აზროვნებას. ხანდახან ამ არეულობაში ისე გაეთანტებოდა ხოლმე ფიქრები, რომ მერე ძლივსლა მოაგროვებდა დიდი გაჭირვებით. ყურს უგდებდა მსჯელობას. ხან ფილოსოფიაზე იყო კამათი, ხან

მწერლობაზე, ხელოვნებაზე, ისტორიაზე, სარწმუნოებაზე და ყოველთვის ახალსა და მოულოდნელსაც ისმინდა მარიუსი. სადღაც შორს უცნაური სახეები ეჩვენებოდა, და რადგან პერსპექტივით არ სარგებლობდა, შეუძლებელ ქაოსად თვლიდა ამ ლანდს. თავისი პაპის აზრები რომ ჩამოიშორა და განსვენებული მამის აზრები მიიღო ჭეშმარიტებად, ეგონა - ამას ცვლილება აღარ მოეწიოს; - ახლა კი ეჭვი ემრდებოდა და მოუსვენრობას გრძობდა. შეცვლა დასჭირდებოდა მის თვალსაზრისს, რომლითაც აქამდე სჯიდა ყველაფერს, რაღაც რყევა მიდიოდა მასში და ცვლიდა მის გონებრივ ჰორიზონტს. ხდებოდა მისი აზროვნების ერთგვარი გადაგვარება და ეს ანუხებდა კიდეც.

ეჩვენებოდა რომ ამ ახალგაზრდებს წმინდა არაფერი გააჩნდათ. რაზეც უნდა ჩამოვარდნილიყო საუბარი, იმგვარი სიტყვა ესმოდა მარიუსს, ისეთი უცნაური აზრი, რომელსაც ვერ ურიგდებოდა მისი, ჯერ კიდევ გაუბედავი გონება.

ვინმე თეატრის ძველი რეპერტუარის აფიშას შემოიტანდა, კლასიკურად წოდებულის, ტრაგედიის დასახელებით.

- აღარ გვინდა ეგ ბურჟუების სათაყვანო ტრაგედია! - ყვიროდა ბაორელი.

და ახლა კომბთერის პასუხს ისმინდა მარიუსი:

- სცდები, ბაორელ, ბურჟუაზიას უყვარს ტრაგედია და დაე, უყვარდეს, მოვეშვათ, ჯანდაბას მათი თავი და ტანი! პარიკით მოკაზმულ ტრაგედიასაც ჰქონდა და აქვს თავისი მნიშვნელობა, მე არ ვეთანხმები იმათ, რომლებიც ესწილეს სახელით უარყოფენ ტრაგედიის არსებობის უფლებას. ბუნებაში ბევრია ჩანასახი; მრავალი პაროდია მოიპოვება ბუნებაში, უკვე მზამზარეული. რამდენი ნისკარტია, რომ ნისკარტი არ არის, რამდენი ფრთა არის, რომ ფრთისა არაფერი აქვს, რამდენი ფარფლია და ფარფლი არ არის, თათებია და თათი არ არის. ან კიდევ იხვის საცოდავი სისინი, რომელიც აცინებს ადამიანს და თუკი იხვი და ბატი არსებობს ნამდვილ ფრინველთან ერთად, ვერ წარმომიდგენია, რატომ არ უნდა არსებობდეს კლასიკური ტრაგედია ანტიკურ ტრაგედიასთან ერთად.

ერთხელ ჟან-ჟაკ-რუსოს ქუჩით მოდიოდნენ სამნი, ანჟოლრასი, კურფეირაკი და შუაში მარიუსი.

ხელი წაავლო კურფეირაკმა:

- შეხედეთ, ეს არის პლატონის ქუჩა, დღეს ჟან-ჟაკ-რუსოს ქუჩად წოდებული, რადგან ამ ქუჩაზე ცხოვრობდა ერთი უცნაური ოჯახი ამ სამოცი წლის წინათ, ჟან-ჟაკი და მისი ტერეზა. ხანდახან, დროგამოშვებით ბავშვი იბადებოდა ამ ოჯახში, ტერეზა შობდა, ჟან-ჟაკი აღსაზრდელად გზავნიდა...

უკმეხად შეუტია ანჟოლრასმა:

- ნუ შეურაცხყოფ ჟან-ჟაკს, მე თაყვანს ვცემ ამ კაცს! შეიძლება მან უარყო თავისი შვილები, მაგრამ იმავე დროს მთელი ხალხი იშვილა.

იმდენ ცმაწვილებში თავის დღეში არავინ იტყოდა სიტყვას „იმპერატორი“. მარტო ჟან პროუვერს წამოსცდებოდა ხოლმე ხანდახან ნაპოლეონი. სხვები ყველანი ბონაპარტს ამბობდნენ, ანჟოლრასი კი ბუნაპარტედ იხსენიებდა.

გაკვირვებული იყო მარიუსი... განიცდიდა *initium sapientiae*-ს ეს იყო სიბრძნის დასაწყისი.

თავი მეოთხე

უკანა ოთახი კაფე „მუზენისა“

ხშირად ისმენდა მარიუსი თავისი მეგობრების საუბარს და კამათს, თვითონაც იღებდა ცოტათი მონაწილეობას, მაგრამ ერთმა საღამომ მეტად დიდი შთაბეჭდილება მოახდინა მის გონებაზე.

მეგობრები კაფე „მუზენის“ უკანა ოთახში შეკრებილიყვნენ. ანბანის მოყვარენი თითქმის ყველანი იქ იყვნენ, საზეიმოდ იყო განათებული დარბაზი. კონკრეტულად არაფერი ჰქონდათ განსახილველი, და ხან რას ამბობდნენ, ხან რას, დამშვიდებით და ხმამაღლა, ანჟოლრასის და მარიუსის გარდა, რომლებიც ხმას არ იღებდნენ. დანარჩენები ერთმანეთთან ლაპარაკობდნენ. ამხანაგურ კამათს მოსდევს ხოლმე ეს მშვიდობიანი ხმაური. აქ უფრო სიტყვის თამაში იყო, ვიდრე კამათი. სიტყვას გაისვრიდა ვინმე, მეგობარს გაჰკრავდა, ისიც უფრო ცხარეს და შესაქცევს უგზავნიდა პასუხად.

ქალს აკრძალული ჰქონდა იქ შესვლა. ერთადერთ გამონაკლისად კაფეს ჭურჭლის მრეცხავი ლუიზონი ითვლებოდა, რომელიც ხანდახან ამ ოთახში გაივლიდა ხოლმე, რომ ჭურჭელი შეეტანა კაფეში.

მთვრალი იყო გრანტერი, კუნჭულში იჯდა და ხმამაღლა მოსთქვამდა თავისას, რომავდა, რაც გულში ჰქონდა:

- ღვინო, ბიჭებო, ღვინო! დამისხით! მოკვდავნო, იცით რა სიზმარი ვნახე? ჰაიდელბერგის კასრს სისხლი წამოსვლოდა და წურბელები დაესხათ, თორმეტი წურბელა, რომელთაგან ერთი მე ვიყავი, დამისხით, რაღა! თუკი მწყურია? ღვინო მწყურია, რომ სიცოცხლე დავივიწყო! არ ვიცი, სწორედ, ვისი გამოვონილია სიცოცხლე, მაგრამ საშიზღარი კი არის! წამიერი და გროზად არ ღირს! კისერს მოიტეხს, ვინც ცოცხალია! სიცოცხლე მიმზიდველი და თან შხამიანი სურათია. ბედნიერება - ძველი ჩარჩოა, მარტო ერთ მხარეს შეღებილი. სოლომონ ბრძენმა თქვა, - ამაოება არის ყველაფერიო, - და მეც ვეთანხმები იმ ჭკუის კოლოფს, რომელიც, იქნებ, არც კი არსებობდა. შერცხვა ნულს, მთლად ტიტველი ხომ არ გავიდოდა ხალხში? ადგა და ამაოებით შეიმოსა. ამაოება! ყველაფერს ამშვენებს მყვირალა სიტყვებით! სამზარეულოს ლაბორატორიად გაჩვენებთ, ყბედს - პროფესორად, ჯამბაზს - გიმნასტად, აფთიაქარს - ქიმიკოსად, დალაქს - ხელოვანად, კალატოზს - არქიტექტორად და ფერ-უმარილს - მშვენიერებად. მაგრამ ქვედა მხარეც აქვს ამაოებას და სუსტი მხარეც. ქვედა მხარე მხეცია, ესე იგი, ზანგი თავისი მორთულობით და სუსტი მხარე სისულელეა, ესე იგი ფილოსოფოსი თავის ძველმანებში. ერთს დავტერი და მეორეს დავცინი! ის, რასაც უწოდებენ პატივსა და ღირსებას, მხოლოდ ცარიელი სიტყვებია და ყალბი ოქრო. დიდების მოყვარეა ადამიანი და საკენკს უყრიან მეფეები, რომ უფრო ადვილად დაადგან უღელი. კალიგულამ ცხენს მიანიჭა კონსულობა; კარლ მეორემ რაინდად აკურთხა სუკის მწვადი. მიდით, მიდით დიდებისკენ! მიდით, გვერდში ამოუდევით იორლა კონსულს და ბატონ ბარონ - სამწვადეს! რაც შეეხება ადამიანის სულიერ ღირებულებებს, არც მათ აქვთ დიდი ფასი! ერთი ყური დაუგდეთ, რა ქებით ახსენებს მეზობელი თავის მეზობელს! თეთრი თეთრისადმი მხეცურად არის განწყობილი. პროზანს რომ ენა ჰქონოდა, იცით როგორ შეამკობდა მტრედს? ქვეშექვეშა, რომელიც ფარისევლის ამბავს ჰყვება, უფრო გესლიანია, ვიდრე შხამიანი გველი. ჩემი უბედურებაა, რომ უვიცი

ვარ, თორემ უამრავ მაგალითს მოვიყვანდი. ჭკუა კი ყოველთვის მქონდა: როდესაც ბატონი გროს სკოლაში ვსწავლობდი, იმის მაგივრად, რომ ქალაღი მეთხაზნა, ბაღში გადავძვრებოდი ხოლმე და ვაშლს ვიპარავდი. დიახ, მხატვრის მოსწავლე ქერდი ვიყავი და ქურდობა დასაძრახია. მაგრამ, რაცა ვარ, ვარ და არც თქვენი ბრძანდებით უკეთესნი. გროზად არ მიღირს არც თქვენი ღირსება, არც თქვენი უმნიკვლოება, არც თქვენი მიღწევები. ყოველი ღირსება შეიძლება გადაიქცეს ნაკლოვანებად; მომჭირნობა - წუნურაქობად, სიუხვე - მფლანგველობად, სიყოჩაღე - ტრახახად. იმდენი ბინიერება ურევია სათნობებაში, რამდენი ნათხრენიც ჰქონდა დიოგენეს წამოსასხამს. ერთი მითხართ, ვის სცემთ თაყვანს? მოკლულს, თუ კაცისმკვლელს? კეისარს თუ ბრუტუსს! საერთოდ, კაცისმკვლელი უფრო დაფასებულია. მაშ გუჟარჯოს ბრუტუსს! გუჟარჯოს, რომ კაცი მოკლა! ეს არის ღირსება ადამიანისა, მაგრამ შეუნყნარებელია ეს ღირსება. რამხელა ცოდვა აწვეთ ამგვარ გმირებს (თუნდაც თქვენი ბრუტუსი ავიღოთ), კეისარი მოკლა და თვითონ კი გაგოჟებით უყვარდა ერთი ბიჭის ქანდაკება, სტრონგილიონის ნაქანდაკევი; იმასვე ეკუთვნის ამორძალის ქანდაკება, ლამაზფეხიანი ევქემოსის, რომელსაც თან დაათრედა ნერონი, სამგზავროდ რომ წავიღოდა საღმე. ორად ორი ქანდაკება დარჩა სტრონგილიონს, რომლებმაც მოარიგეს ბრუტუსი და ნერონი. ერთი ბრუტუსს უყვარდა, მეორე ნერონს. მთელი თქვენი ისტორია ცარიელი წყლის ნაყვია. ერთი საუკუნე წინა საუკუნის ქურდული გამეორებაა. მარნგო პიდნის ბრძოლის მიბაძვა, კლოვის ტოლბიაკი და ნაპოლეონის აუსტერლიცი ორი წვეთი სისხლივით ჰგვანან ერთმანეთს. გამარჯვება არაფერია, დამარცხებაა სიბრიყვე. გამარჯვებული ის არის, ვინც დაარწმუნებს და დაიყოლიებს, მაგრამ აბა სყადეთ რაიმეს დამტკიცება და ვისიმე დარწმუნება! თქვენი კი მიღწევითა ხართ ბედნიერნი! ეგ გახლავთ გონების სიბეცე! ან გამარჯვებით ხართ აღფრთოვანებული! ეს გონების სისუსტის ბრაღია! ეჰ, რას იზამთ? ამოება და ვერაგობა მოსდებია ქვეყნიერებას! მოხერხებას ემორჩილება ყველა, თვით გრამატიკაც. Si violet usus - თუ ჩვეულება გვიბრძანებსო, - თქვა ჰორაციუსმა. მაშასადამე, ზიზღის ღირსად მიმაჩნია მე კაცობრიობა! იქნებ გნებავთ, რომ მუხლი მოვიყარო ხალხის წინაშე და თაყვანი ვცე? ერთი მითხართ, რომელი გყავთ სათაყვანებელი? საბერძნეთი ხომ არა? ათენელებმა, ესე იგი, ძველი დროის პარიზელებმა, მოკლეს ფოკიონი, ეს, ცოტა არ იყოს, კოლინის მკვლელობას წაგავს, და გუნდრუკს უკმეღდენ მტარვალებს. იქამღე დაეცნენ, რომ ანასეფორმა პიზისტრატის საამებლად თქვა, - ფუტკარს იზიდავს მისი შარდიო. - ყველაზე შესანიშნავი კაცი საბერძნეთში მთელი ორმოცდაათი წლის განმავლობაში გრამატიკოსი ფილეტასი იყო, რომელიც ისეთი გადაცოდავებული და მსუბუქი იყო, რომ ფეხსაცმელს ძირზე ტყვია მიაკრა, - ქარმა არ ამიტაცოსო. კორინთის მოედანზე ერთი დიდი ქანდაკება იდგა, სილანიონის შექმნილი და პლინიუსის მიერ აღწერილი; ეს ეპისტატეს ქანდაკება იყო. რითი გამოირჩეოდა ეპისტატე? მან გამოიგონა ფეხის გამოღება ჭიდაობაში. ესეც თქვენი საბერძნეთი მთელი თავისი მიღწევებით და დიდებით! ახლა სხვა ხალხი ვნახოთ. თაყვანი ვცე ინგლისს? ან კიდევ საფრანგეთს? რისთვის? პარიზის გამო? ხომ მოგახსენეთ ჩემი აზრი ათენის შესახებ. ინგლისს? რატომ და რისთვის? ლონდონის გამო? ჭირივით მძულს კართაგენი! ეგეც რომ არა, ლონდონი განთქმულია თავისი ფუფუნებით და დამშეული მუშების გაჭირვებით. მარტო შარინგვაროსი რომ ვთქვათ, წელიწადში ასი კაცი მაინც კვდება შიმშილით ამ

ეკლესიის კართან. ეგვე თქვენი ალბიონი! სურათის დასასრულებლად უნდა მოგახსენოთ, რომ ერთი ინგლისელი ქალი ვნახე; ცუკვავდა, თავს მაისის ვარდის გვირგვინი უმშვენებდა და თვალებს ლურჯი სათვალე! მამ პანლური ინგლისს! თუ თავყანს არ ვცემ ჯონ ბულს, იქნებ მისი ძმა მომწონს, ჯონათანი? არა, ჩემი მოსაწონი არ არის მონების მფლობელი! აბა, წაართვით ინგლისს „დრო ფულია“, რალა დარჩა? არაფერი! აბა წაართვით ამერიკას „ბამბა მეფეა“? რალა დარჩა? არაფერი! გერმანია ლიმფაა; იტალია - ნაღველი. იქნებ რუსეთი ვაქოთ? თავყანს სცემდა ვოლტერი, მაგრამ ის ჩინეთსაც თავყანს სცემდა. მწამს და ვალიარებ, რომ თავისებურად მშვენიერია რუსეთი, განსაკუთრებით თავისი დესპოტიზმით, მაგრამ რა ვქნა, რომ მებრალებიან ეს დესპოტები? მეტისმეტად სუსტი დღისანი არიან, უბედურები. ალექსის თავი გაავადებინეს, პეტრე ხანჯლით გამოწველეს, შავლე დაახრჩვეს, მეორე შავლე წაღის ქესლებით გასრისეს, ბევრ ივანეს ყელი გამოსჭრეს. ბევრ ნიკოლოზს და ვასილს საწამლავე დააღვეინეს. ყოველივე ეს ცხადად ამტკიცებს, რომ რუსეთის იმპერატორების სასახლე მეტად საშიშ, დანყველილ ადგილას ყოფილა აგებული. თუ მართლა მონინავე და დიდებულია სახელმწიფო, თმში მოპოვებული გამარჯვებებით არის დიდებული, დაუცხრომელი ომით და ხალხის ყლეთით. და თმში კი, გამოყენებულია ყველანაირი ავკაცობა, ყაჩაღობა, ავამაკობა, ძარცვა-გლეჯა, და რბევა ძველი ვეღური ხალხებისა. - რა ვუყოთ? მეტყვით - მაინც ვეროპა სჯობს აზიასო. თუ არ დაგიმლიათ, დაგეთანხმებით, რომ სასაყილო ამრია, მაგრამ ის კი არ ვიცი, რას უპირებთ, სად გააქრობთ დალაი ლამას? მასაც სასაყილოდ გახდით, თქვენ, განათლებული ევროპელები, რომლებმაც თქვენს მოდას და თქვენს მშვენებას მიუმატეთ აზიური სიმიდღრის მრავალი ნიშანი? დედოფალი იზაბელა ჭუჭყიანი პერანგით განადიდეთ და ბატონიშვილი - გახვრეტილი სუამით. არ მოგწონთ, განა, ბატონებო, ჩემი ბოდვა? ეჰ, რას იზამთ? ლუდს ყველაზე მეტად ბრიუსელში სვამენ, არაყს - სტოკჰოლმში, შოკოლადს - მადრიდში, ღვინის არაყს - ამსტერდამში, ღვინოს - ლონდონში, ყავას - კონსტანტინეპოლში, აბსენტს - პარიზში; მაგრამ ყველას პარიზი სჯობია. პარიზში მენაგვეებიც კი ქეიფობენ. დიოგენესთვის რომ გეკითხათ, იტყოდა - პარიზში, მობერის მოედანზე მენაგვეობა მირჩენია პირეში ფილოსოფობასო. - ჰოდა, ესეც დაიმახსოვრეთ, რომ მენაგვეების ღუქანს „ბიბინი“ ჰქვია. საუკეთესოდ და სახელგანთქმულად ითვლება „ქვაბი“ და „სასაკლაო“. ასე რომ, ღმერთმა მიმრავლოს კარგი ღუქანი და გოგო მსუქანი, რესტორანი - ქალოვანი, წითელი ღვინო ჩვენი სალხინო და ყველგან ნისია დასაფინყარი! ამით ვაცხადებ, რომ მე მარტო კარგ ცხოვრებას ვცემ თავყანს! სადილს რიშართან მივირთმევ - ორი ფრანკი კაცზე, - და ამის გარდა, ერთი კარგი სპარსული ხალიჩა მინდა, რომ ზედ ტიტველი კლეოპატრა გაავაგორო. სად არის ჩემი კლეოპატრა! ოჰ, შენ ხარ, ლუიზონ? სადამო მშვიდობისა!

ასე სკლიდა თავის გუდას „მუზნის“ კაფეს ცალკე ოთახში მთვრალი გრანტერი და ჭურჭლის მრეცხავ ლუიზონს ეჭიდებოდა.

ბოსუემ ხელი დაადო, - იქნებ როგორმე გავაჩუხო, - მაგრამ გრანტერმა იწყინა და შეუტია:

- შორს ეგლ-დე-მოს ბრჭყალები! ჩემზე არ იმოქმედებს შენი ჰიპოკრატეს ხელის ქნევა, რომლითაც იგი არტაქსერქსის საჩუქარს უარყოფდა. გამითავისუფლებიხარ - ნუღარ წუხდები ჩემს დასამშვიდებლად. ან არა და, განა არ ხედავ, რომ მოწყენილი ვარ? რა უნდა მითხრათ მე? საზიზღარი არის ადამიანი, უხამსი არის ადამიანი! პეპელა

რომ გააჩინა ღმერთმა, ფხიზელი იყო, ადამიანს რომ აჩნდა, ჩემზე უარესად მთვრალი. წარმოგიდგენიათ? რა უნდა იყოს მთვრალის გაჩენილი? შეხედეთ ხალხს, მახინჯების კრებულია. დიდით პატარამდე სულ არამზადები არიან! ქალი? Femene, ქალს რითმავს სიტყვა Infâme, დიახ, მონყენილი ვარ, დაღონებული, მეღანქოლია მერვეა, იპოხონდრია, ნოსტალგია და ამიტომ არის, რომ ვკავრობ, ვბრაზობ, ვგმობ. ვლაცობ, ვცხარობ და მინც ვერ ვისვენებ! ყველაფერი მომწყინდა! ჯანდაბას თქვენი ღმერთიც და მისი მომგონიც!

- აღარ გაჩუმდები, შე ყბედო, შენა? - შეუტია ბოსუემ, რომელიც ამ დროს კანონების ერთ მუხლს არჩევდა მარტოდმარტო და თავით ფეხებამდე ჩაფლული იყო ერთ იურიდიულ ფრაზაში:

- „...და რაც შეეხება ჩემს აზრს, თუმცა მე ლეგისტი ვი არა, მხოლოდ თვითნასწავლი პრაქტიკოსი ვარ, მაინც ვამტკიცებ შემდეგს: ნორმანდიის ჩვეულებათა მიხედვით წმინდა მიხეილობას ყოველწლიურად ბეგარა უნდა ეხადათ ბატონის სასარგებლოდ. როგორც მინის, ასევე მოსავლის გადასახადი, გადახდა ევალებოდა ყველას; მინის მესაკუთრესაც, მოიჯარესაც, გირაოთი მიღებული მინის პატრონსაც...“

- ალი ხარ, გულწარმეტაცო! - ღიღინებდა გრანტერი.

იქვე, გრანტერთან ახლოს, მაგიდაზე ქაღალდის ფურცელი იდო, სამელნე და ერთი კალამი - ორ ჭიქას შორის. ეტყობოდა, ვოდვეილის წერას აპირებდნენ. ძნელი საქმე ეტვირთათ მეგობრებს, თავი თავზე მიეღოთ და ჩუმი ხმით ლაპარაკობდნენ.

- თავიდან დავიწყეთ. ჯერ მოქმედი პირები დავასახელოთ! რაკი სახელები გვეცოდინება, შინაარსი თავისთავად გამოჩნდება.

- ძალიან კარგი. შენ თქვი, მე დავწერ.

- ბატონი დორიმიონი.

- რენტოსანი?

- აუცილებლად.

- მისი ქალი ცელესტინი.

- ...ისტინი. მერე?

- პოლკოვნიკი სენვალი.

- სენვალი გაცვდა. მოდი ვალსენი იყოს.

ვოდვეილისტების გვერდით მეორე ჯგუფი იჯდა, ხმაურით სარგებლობდა და ჩუმად მსჯელობდა დუელის შესახებ. ერთი დამჯდარი, ოცდაათი წლის კაცი არიგებდა თვრამეტი წლის ბიჭს და ცდილობდა აეხსნა, რა საშინელ მოწინააღმდეგესთან მოუწევდა ბრძოლა.

- აი, დალაზეროს! გუებნებით, ფრთხილად იყავით-მეთქი! ძალიან გამოცდილია ხმლის ხმარებაში. წარბს არ შეიხრის, ისე გეტაკებათ; ტყუილად ხმაღს არ აიქნევს. მკლავი მაგარი აქვს, თვალი - მახვილი, ორთაბრძოლაში განაფულია და ამასთან ცაყიაა...

გრანტერის მოპირდაპირე კუთხეში ყოლი და ბაორელი დომინოს თამაშობდნენ. თან სიყვარულზე ლაპარაკობდნენ.

- ბედნიერი ხარ, - ეუბნებოდა ყოლი, - სულ იყინის შენი საყვარელი.

- ძალიან მიქარავს, თუ სულ იყინის, - უპასუხა ბაორელმა - საყვარელს არ შეეფერება გამუდმებით სიცილი. მისი სიცილი ღალატისკენ მიბიძგებს, როცა

მხიარულს ვხედავ, სინანულს არ ვგრძნობ, მაგრამ თუ მოწყენილია, სინდისის ქეჭნა მიპყრობს.

- უმადურო! რა სჯობს ლამაზ ქალს, მხიარულს და მოციხარს. ჯერ ჩხუბი არსად მოგვსვლიათ?

- წმინდა კავშირით რომ შევერთდით, პატარა პირობა დავდეთ და საზღვარი აღვნიშნეთ, რომელსაც არც ის უნდა გადმოსცილდეს და არც მე. საზღვრის ერთ მხარეს შევიცაროთ ვო მდებარეობს, მეორე მხარეს კი საფრანგეთის პატარა ყუცსი. ეს საზღვარი მშვიდობიანობას ქმნის.

- მშვიდობიანობის დროს უკეთ აცნობიერებ შენს ბედნიერებას.

- შენ, ყოლი? როგორ ხარ შენ და შენი გოგონა იმ უსიამოვნების შემდეგ?.. იცი, ვისზე გელაპარაკები?

- ჯერაც მებუტება. საშინლად გაჭყუტებულია.

- ნუთუ ვერ ხედავს, როგორი ჩამომხმარი ხარ მისი სიყვარულით?

- ეგა სთქვი და!

- შენს ადვილას მე რომ ვყოფილიყავი, თავს დავანებებდი.

- ეგ ადვილი სათქმელია.

- და ადვილი შესასრულებელიც. მუზიკეტი ჰქვია, არა?

- დიახ. ეჰ, ჩემო ბაორელ, რომ იყოდე, რა განათლებული ქალია, ლიტერატურის მცოდნე, პანია ფეხი აქვს, პანანკინტელა ხელი, თეთრია, ჩასუქებული, კარგად იცმევს, მომხიბლავი თვალების პატრონია. რა ვქნა, რომ გაგიჟებით მიყვარს?

- თუ ასეა, ბიჭო, შენც თავი მოაწონე, კარგად მოიქეცი, ტანსაცმელი გამოიცვალე. შტაუბთან შედი და ერთი კობტა შარვალი იყიდე. გოგოს თვალებში აქვს ჭკუა.

- რა ეღირება ეგ შარვალი?

მესამე კუთხეში ცხარე კამათი დაენცოთ პოეზიის შესახებ. წარმართული მითოლოგია ნაჰკიდებოდა ქრისტიანულს. ოლიმპს გამოეწვია კამათი და რომანტიზმის თაყვანისმცემელი უან პრუვერიც თავისკენ მიემხრო. უან პრუვერი მშვიდი მარტო დასვენების დროს იყო. მაგრამ თუკი საკამათო საგანს შეეხებოდა, მხივივით იფეთქებდა და სიტყვაში მახვილ ირონიას ჩაურევდა. მისი საუბარი სასიამოვნოც იყო და დამაჯერებელიც

- ღმერთებს ნუ შეურაცხყოფთ - იძახდა პრუვერი, - იქნებ დღესაც ჩვენთან არიან ძველი ღმერთები. იუპიტერი მე მკვდრად არ მიმაჩნია. თუ თქვენ ღმერთებს ლანდებს უწოდებთ, მათ ბუნებაში ვერსად შეხვდებით, მაგრამ სამაგიეროდ, ყველა ძველი მითია შემონახული: მთა გაისხნეთ რამე, როგორც მაგალითად, ვინმელი, რომლის კონტურებიც ციხეს მოგავგონებთ, შეხედავთ და მაშინვე იუპიტერის დედის, სიბელის თმის სამკაული გაგასხნდებთ; თქვენ ვერაფრით დამიმტკიცებთ, რომ ღამღამობით პანი არ მოდის ტირიფის ფულუროში ჩასახერად, პანი ფულუროს პირს დაადებს, რიგრიგობით ხის ნახვრეტებს აფარებს თითებს და უკრავს; პისვამის ჩანჩქერს რომ ვნახავ ხოლმე, მაშინვე მაგონდება რომ მის წარმოშობას ნიმფა იოს უკავშირებენ.

მეორე კუთხეში პოლიტიკაზე ლაპარაკობდნენ. დაკანონებულ ქარტიას იწუნებდნენ, რომელსაც უგულოდ იცავდა კომბოფერი, კურთფერაკი კი აღმფოთებული არჩევდა და ლანძღავდა. იქვე, მაგიდაზე იდო დაწუნებული ქარტია. ხელი სტაცა კურთფერაკმა, აიტაცა, გაბრაზებით აქნევდა და ქალაღდის შრიალს თავის სიტყვას აყოლებდა:

- უპირველეს ყოვლისა, მე მეფეები აღარ მინდა! ეკონომიკური მოსაზრებითაც არ არის მეფე საჭირო, ის მუქთამჭამელია, ხალხის პარაზიტი! აი, მომისმინეთ, რამდენად გვიღირს მეფე: ფრანსუა პირველი რომ მოკვდა, საფრანგეთის სახელმწიფო ვალი ოცდაათი ათას ლივრს უდრიდა; ლუი მეოთხემეტის სიკვდილის შემდეგ, ვალი მილიარდსა და ექვსას მილიონს შეადგენდა. ოცდარვა ლივრად რომ ვიანგარიშოთ მარკა, ეს ვალი 1760 წელს დემარეს ანგარიშით ოთხ მილიარდსა და ხუთას მილიონს უდრიდა და დღევანდელი ანგარიშით - თორმეტ მილიარდს... გარდა ამისა, ნუ ეწყინება კომბფერს და ახალი ქარტია ხალხის თვალის ასახვევადაა მიღებული, რომელსაც ერთი განზრახვა აქვს; - ჩუმაღ იყავით, ხალხო, შენი მღელვარების გარეშეც ვზრუნავ შენს კეთილდღეობაზე! - მონარქიამ თავისი დრო მოჭამა; ახლა დემოკრატიაზე ვამყარებდით იმედებს და დემოკრატის მაგივრად კონსტიტუციური თაღლითობით ვამშვიდებთ ხალხს. არა და არა! ნუ გაურევთ ხალხის განათლებაში ნურავითარ სიყალბეს! უწმინდესი პრინციპიც კი ხუნდება და ისვრება თქვენს კონსტიტუციურ სარდაფში. თუ ხალხს ვემსახურებით, არავითარი სისუსტე, არავითარი კომპრომისი! არავითარი მონყალბეა მეფისა და რაღაც ქარტიები! ამ ვითომდა ხალხისადმი თანაგრძნობით ბოძებულ მონყალბეაში მეთოთხმეტე მუხლიც გახლავთ ჩართული. დიახ, ბატონებო, ერთი ხელით რომ გაძლევეთ, მეორით, ბრჭყალებით ებღაუჭება ბოძებულს და წართმევას ცდილობს. უარყოფ თქვენს ქარტიას! ქარტია ხალხის მტრის ნიღაბი გახლავთ; ერთი მხრივ - დაპირება და მეორე მხრივ - დაპირებულის გაუქმება. ხალხის მიერ ამ წყალობის მიღება მისი მოთხოვნების უარყოფა იქნება. უფლება მართო მაშინ რჩება უფლებად, როდესაც სრულად არის განხორციელებული. აი, თქვენი ქარტია! არა, ძირს ყოველგვარი ქარტია!

ზამთარი იყო, ბუხარში ცეცხლი გუგუნებდა და ნაპერწკალს ისროდა, ვეღარ გაუძლო კურფეირაკმა ამ ცდუნებას, დაჭმუჭნა უბედური ტუკვს ქარტია, და ცეცხლში ისროლა. ალი მოედო ქალაქს. ფილოსოფოსის სიდიხით შესცქეროდა კონბფერი მეფე ლუი მეოთხემეტის შედევრის წვას და მოკლედ მოჭრა:

- ქარტია ალად ქცეული!

და გაისმა სიცხილი, ხარხარი, ოხუნჯობა, ნაკვეციები; ის მხიარული და თან მახვილგონივრული ხუმრობა, რომელსაც ფრანგები ალტაცებას ეძახიან, და ინგლისელები - იუმორს. ერთმანეთში აირია ენამოსწრებელი და უხამსი შენიშვნები, ავი და კარგი სიტყვა. და მხიარული ყიჟინა მოედო მთელ დარბაზს.

თავი მესუთე

ჰორიზონტის გაფართოება

ყმანვილების საუბრის დროს, წინასწარ ვერავინ იტყვის როდის რა მოხდება, როდის დაიმუხტება სიტუაცია და როდის გაიფლავებს? გულიანად რომ ხარხარებენ, უცბად ერთმა მოულოდნელად წამოსროლილმა სიტყვამ შესაძლოა სრულიად შეცვალოს კრების სულიერი განწყობილება. იქ მეფობს თითოეული მათგანის უინი. უხამსი ხუმრობა კმარა. რომ საპირისპირო მიმართულება მიიღოს საუბარმა, ხან აღმართს აჰყვეს, ხან დაღმართს. მიუხეოს, მოუხეოს, და შეცვალოს თავისი პერსპექტივა. შემთხვევითობაა ამგვარი საუბრის წარმმართველი.

მოულოდნელად ნასროლი სერიოზული აზრი კომეტასავით იჭრებოდა იმ ლაყბობაში, რომელშიც მონაწილეობას იღებდნენ გრანტერი, ბაორელი, პრუვერი, კომბფერი და კურფეირაკი.

როგორ იჩენს თავს პატარა ფრაზა ამ გაცხარებულ კამათში? უკვე ვთქვით, რომ ეს არავინ იცის. გაცხარებით უმტკიცებდა რაღაცას ბოსუე კომბფერს და ამ თარიღით დააბოლოვა თავისი სიტყვა:

- 1815 წელი, 18 ივნისი, ვატერლოო.

მარიუსი ამ დროს ერთ მაგიდასთან იჯდა. წინ ჭიქით წყალი ედგა და ყურს უგდებდა ამხანაგების საუბარს. რომ გაიგონა ეს სიტყვა, - ვატერლოო, ნიკაპს მოაშორა ხელი და ყურადღება დაძაბა.

- უცნაური რამ არის ეგ თვრამეტი ივნისი! - შეჰყვირა კორფეირაკმა, - ავბელითი ბონაპარტისთვის! ამ რიცხვის წინ რომ ლუი დასახელოთ და უკან ბრუმერი მიადევნოთ, ცხადად დაინახავთ ნაპოლეონის ბედისწერას იმ თვალსაზრისით, რომ დასაწყისს კვალდაკვალ მისდევს დაბოლოება.

აქამდე გაჩუმებული იყო ანჟოლრასი. აქ კი წამოდგა და ამ სიტყვით მიმართა კურფეირაკს:

- დიახ, ავკაცობას კვალდაკვალ მისდევდა თავისი სასჯელიც.

ამ სიტყვას, ავკაცობას, კი ველარ გაუძლო მარიუსმა. ჯერ ვატერლოოს ხსენებამ ააღელვა, ახლა ნაპოლეონის შეურაცხყოფამ.

აღგა, წელი ნაბიჯით მივიდა საფრანგეთის რუკასთან, კედელზე რომ იყო გაკრული, კორსიკის კუნძულს თითი დაადო და წარმოთქვა:

- კორსიკა, ერთი პატარა კუნძული, რომელმაც ასე განადიდა საფრანგეთი...

გამყინავი ქარივით მოედო დარბაზს ეს სიტყვა. უცბად გაჩუმდა ყველა. გრძობდნენ, რომ რაღაც იწყებოდა ღირსშესანიშნავი.

ბაორელი პასუხის გაცემას აპირებდა ბოსუესთვის, წამოდგა, წელში გასწორდა, მაგრამ ისიც სმენად გადაიქცა:

ანჟოლრასი ადგა. არავის უყურებდა, მარიუსსაც კი თვალი აარიდა და დამშვიდებით წარმოთქვა:

- საფრანგეთს დიდებისთვის კორსიკები არ სჭირდება! საფრანგეთი დიდებულია, რადგან საფრანგეთია, ქუია ნომინორ ლეო.

მარიუსი არ შემკრთალა, უკან დახევა აზრდაც არ მოსვლია. ანჟოლრასს მიუბრუნდა და ათრთოლებული ხმით, რომელიც სულის სიღრმემდე აღელვებდა ამტკიცებდა, წარმოთქვა:

- ღმერთმა დამიფაროს საფრანგეთის დიდების დამცირებისგან, მაგრამ განა საფრანგეთის დამცირებაა, რომ ჩემს სამშობლოს ნაპოლეონიც დაუკავშირო? რაკი შევეხეთ ამ საგანს, მამ ნულარც გავჩუმდებით. მე ახალმოსული ვარ თქვენს წრეში, მაგრამ აი, ვაღიარებ, რომ მართლა მაკვირვებთ თქვენი აზრებით. სად ვართ, ამხანაგებო? ვინ ვართ? ვინ ხართ თქვენ, ან მე ვინ ვარ? აი, იმპერატორის შესახებ ვთქვათ ჩვენი აზრი. ისე იძახით ნაპოლეონის სახელს, თითქოს მასხრად იგდებდეთ, ბუნა-პარტიო - მახვილს აკეთებთ უ-ზე, როგორც როიალისტები. თქვენდა საყურადღებოდ მოგახსენებთ, რომ პაპაჩემი უკეთ იქცევა, ის კვლავ - ბუნაპარტიო-ე გაიძახის. ყველანი ყმანვილები ხართ, ვისზე ამყარებთ თქვენს ენთუზიამს, ვისზე ამყარებთ მომავლის იმედებს? ვინ არის თქვენთვის სათაყვანებელი, თუკი

იმპერატორს აღარაფრად ავდებთ? ან ვინ გნებავთ იმაზე დიდი და ძლიერი? არ მოგწონთ ეს დევგმირი? მაშ რა გინდათ, ვინ გინდათ მასზე დიდებული? იგი ყველაფრით სრულქმნილი იყო. ადამიანის ყოველგვარი ნიჭიერებით იყო დაჯილდოებული. კანონმდებლობას ქმნიდა, როგორც იუსტინიანე, კარნახობდა, როგორც კეისარი, მისი საუბრისას ერთმანეთს ერწყმოდა პასკალის ელვა და ტაციტუსის გრგვინვა. ის იყო ისტორიის შემოქმედი. „ილიადას“ არ ჩამოუვარდება მისი ჩანაწერები, დღიურები, მოგონებანი. ნიუტონის ციფრების ენას მაჰმადის მეტათეორებთან აერთებდა, და იქ, აღმოსავლეთში, პირამიდების მსგავს დიდებულ სიტყვებს ტოვებდა. ტილზიტში მმართველობას ასწავლიდა იმპერატორებს, მეცნიერებათა აკადემიაში ეკამათებოდა ლაპლასს, სახელმწიფო საბჭოში არ უთმობდა მერლენს. კანონმდებელი იყო პროკურორებთან და ვარსკვლავთმრიცხველი - ასტრონომებთან; ყაბრათიანი იყო და კრომველივით აქრობდა ერთ სანთელს, როცა ორ ანთებულს მიართმევდნენ. საეჭაოდ თვითონვე დადიოდა, რომ გაფრთხილებოდა ხალხის ნაშრომს. ყველაფერს ხედავდა, ყველაფერი იყო. მიუხედავად ამისა, მიამიტად იცინოდა თავისი ბავშვის აკვანთან. იმას უსმენდა მთელი ევროპა, შიმშორეული. იძვროდა ლაშქარი თავისი ზარბაზნებით, მდინარეში გემები მწკრივდებოდნენ ჯარის გადასაყვანად, ცხენოსნები ქარიშხალივით დათარეშობდნენ. გაისმოდა საომარი ყიჟინა, რასაც მოსდევდა ტახტების დამხობა, სახელმწიფოების საზღვრების შეცვლა. გაისმოდა ქარქაშიდან ლახვრის ამოღების ზეადამიანური ხმა. გამოჩნდებოდა და ყველა მხრიდან ჩანდა ჰორიზონტზე, ელვით და მესით - ხელში და ცეცხლის ალით - თვალეზში. იდგა და თავის ორ უძლეველ ფრთას გამლიდა: თავის ლაშქარს და ძველ გვარდას. ჭეშმარიტად მრისხანე ანგელოზი იყო ომისა!

გაჩუქებულიყვნენ ყველანი. ანჟოლრასი თავჩალუნული იდგა. ამგვარი ღუმლი მსმენელთა თანხმობას, ან ჩიხში შემწყვედევას მოასწავებს. გულიანად ამოისუნთქა და უფრო მეტი აღტაცებით განაგრძო:

- ნუ ვულაატებთ სიმართლეს, მეგობრებო! ასეთი დიდებული და სახელოვანი იმპერატორის ყოლა, ხალხის ბრწყინვალე ხვედრია, ისიც ისევე იყო ხალხის, როგორც საფრანგეთი, რომელიც თავის გენიას უმატებს ამ ადამიანის გენიას. სადაც მივიდა, მეფობა მოიპოვა; სადაც წავიდა - სრული გამარჯვება; დასასვენებლად გზად მდებარე დედაქალაქები ჰქონდა, მეფეებად თავის გრენადერებს აყენებდა, ერთი ბრძანებით ამხობდა დიდი ხნის ტახტებს და აუქმებდა მეფეთა დინასტიებს. საჭიროებისამებრ გარდაქმნა ევროპა, რადგან დაარწმუნა ყველა, რომ ხელში ღვთის მიერ მინიჭებული მახვილი ეჭირა. ნაპოლეონი ერქვა, მაგრამ შერწყმა იყო სამი გმირისა - ანბალის, კეისრისა და კარლოს დიდისა. გამარჯვებული იყო და თავის ქვეყანას ყოველ დილას ახალი გამარჯვებით აღვიძებდა და ახარებდა, მამლის ყივილის მაგივრად ინვალიდების ზარბაზნებს ხმარობდა. სასწაულებრივ სიტყვებს ისროდა სიერცეში და ახალ ბრწყინვალე ვარსკვლავს მატებდა ზეცას, - მარენგო, არკოლი, აუსტერლიცი, იენა, ვაჰრამი! დღე არ გავიდოდა, რომ საუკუნეთა ზენიტზე გამარჯვების ახალი ვარსკვლავი არ გაებრწყინებინა. ისე განადიდა საფრანგეთი, როგორც ერთ დროს ლათინების სახელმწიფო იყო. გააძლიერა ხალხი, გააძლიერა ხალხის შვილი - ლაშქარი, მთელ ქვეყნიერებას მოსდო თავისი ჯარები, როგორც მაღალი მთა გზავნის ყოველ მხარეს თავის არწივებს; ყველგან იმარჯვებდა, ყველგან

ბატონობდა, ყველგან ამარცხებდა. საფრანგეთი ისე იყო ევროპაში მისი დიდებით გაბრწყინებული, როგორც თავის დღეში არავინ ყოფილა. დევგმირების მოღვაწეობით აავსო ისტორია ნაპოლეონმა, ორჯერ დაიპყრო მთელი ქვეყანა, ბრძოლით და გენით და განა არის რამე ამაზე მეტი?

- თავისუფლება! - მოკლედ მოუჭრა კომბფერმა.

თავი დაღუნა მარიუსმა, ახლა იმის რიგი იყო. ამ უბრალო ცივმა სიტყვამ მახვილი ფოლადით გაუარა მის ეპიკურ გულისნადებს, გრძობდა, რომ საფუძველი ერყვოდა მის მრწამსს. დარბაზს გადაავლო თვალი. კომბფერი იქ არ იყო; ეტყობა კმაყოფილი იყო, რომ ასე მოსწრებულად უპასუხა ნაპოლეონის თაყვანისმცემელს, გარეთ გავიდა და ამხანაგებიც თან გაჰყვნენ, ყველანი, გარდა ანჟოლრასისა. დარბაზი ცარიელი იყო. იქვე მარიუსთან იდგა ანჟოლრასი და დაშტერებით შეჰყურებდა. ამასობაში თავის ფიქრები დაიმორჩილა მარიუსმა, პასუხი მოიაზრა უცხად, დამარცხებულად არ მიაჩნდა თავი. ჯერ კიდევ ბლომად ჰქონდა რწმენის საფუძველი, რომელიც მოხერხებული სილოკიზმებით უნდა გადაეშალა ანჟოლრასისთვის, მაგრამ უცხად სიმღერა გაისმა კიბიდან. შინ მიდიოდა კომბფერი ნელ-ნელა და თან დასძახოდა:

თუ კეისარი მე მიბრძანებს,

გავყიდო დედა,

ყველა ამისთვის ტახტს მიბოძებს,

კვერთხს და დიდებას. -

პირდაპირ ვეტყვი, ზიზღით ვეტყვი:

ბრმავე, როგორ ბედავ,

მე დედა მიყვარს,

არაფერი არა მჭირდება!

ტკბილი ხმით მღეროდა კომბფერი, მაგრამ მკაცრად ამახვილებდა ზოგ მნიშვნელოვან სიტყვას. შიგ გულში ხვდებოდა მარიუსს. ჩაფიქრებული იდგა, ჭერს შეჰყურებდა ზევით და თავისდა შეუმჩნევლად გაიმეორა:

- დედაჩემი? მე დედა მიყვარს.

ამ დროს მხარზე ხელი დაადო ანჟოლრასმა და უთხრა:

- მოქალაქევე, დედაჩვენი, - რესპუბლიკა გახლავს.

თავი მეექვსე

RES ANGSTA

იმ საღამომ მარიუსზე ღრმა შთაბეჭდილება დატოვა, ისევ ბნელი მოჰფინა მის გულს; სწორედ იმასვე გრძობდა, რასაც მინა უნდა განიცდიდეს, როდესაც რკინით გაუჭრიან გულს, რომ ხორბლის თესლი ჩაუდონ, მხოლოდ ჭრილობის ტკივილს. თესლის აღმოცენების და ნაყოფის ჩასახვის გამო სიხარული შემდეგში ეღირსება.

დაღვრემილი იყო. როგორც იქნა, იპოვა თავისი მრწამსი, ნუთუ ახლა ესეც შესაძლებელი იქნებოდა? ცდილობდა გამაგრებულიყო, დაემტკიცებინა თავისი თავისთვის, რომ საეჭვო არაფერი ჰქონდა, მაგრამ მაინც ერეოდა ეჭვი. აუტანლად მძიმეა იმ ადამიანის მდგომარეობა, რომელიც ორ სარწმუნოებას შორის მოყვება, და ვერც ერთიდან გამოსულა ჯერ და ვერც მეორეში შესულა. ამგვარი ბინდი მარტო

სულით ღამურას მოსწონს. მარიუსი კი კარგი მხედველობის პატრონი იყო და მთელი თავისი არსებით მიიწევდა სინათლისაკენ. ეჭვი სულს უხუთავდა. ძალიან უნდოდა ურყევად დარჩენილიყო ძველ ადგილას, მაგრამ იძულებული იყო მაინც განეგრძო ფიქრი, დასკვნას მიჰყოლოდა და წინ წასულიყო. სად მიიყვანდა ფიქრი? შიში უწყლულებდა გულს: იმდენი ტანჯვა და წვალევა გამოიარა, რომ გარდაცვლილ მამას დაახლოებოდა, და ნუთუ ახლა საყვარელ მამას ჩამოაშორებდა მისი შეხედულებები? და რაც უფრო მეტად უფიქრდებოდა თავის სატკივარს, მით უფრო მეტი იყო მისი წამება. საშინელ უფსკრულს დაჰყურებდა. არ ეთანხმებოდა თავის პაპას, მაგრამ, ამხანაგებისაც რომ არა სწამდა? პაპისთვის გაბედული იყო, და ამხანაგებისთვის - ჩამორჩენილი. გრძნობდა, რომ განცალკევებულად რჩებოდა, მოხუცისგან გამოდევნილი და ყმანვილი კაცებისგან შეუწყნარებელი. ფეხი ამოიკვეთა, აღარ გაუვლია „მუზენის“ კაფესკენ.

დიდ სულიერ ბრძოლას განიცდიდა, ასე რომ, ცხოვრების სხვა მოთხოვნებიანი აღარ აგონდებოდა, მაგრამ ცხოვრება თავისას არ იშლიდა და - შენ დამივიწყებ, მე მოგავაგონებო, - შიგ გულში ჩაჰკრა მუშტი.

ერთ დილას სასტუმროს გამგე შევიდა მარიუსის ოთახში და უთხრა:

- თქვენ რომ გადმოხვედით ჩვენთან, ბატონი კურფიერაკი დაგიდგათ თავმდებად.
- ვიცი.
- ჰო და, ქირა გადამიხადოს.
- სთხოვეთ კურფიერაკს, მობრძანდეს, მომელაპარაკოს, - უთხრა მარიუსმა.

კურფიერაკი რომ მოვიდა, მართლ დარჩნენ ამხანაგები და მაშინ უამბო მარიუსმა, რაც აქამდე არც კი აგონდებოდა, რომ მართოდმართო იყო ამ ქვეყნად და ახლობელი არავინ გააჩნდა.

- მამ რას აპირებთ? - ჰკითხა კურფიერაკმა.

- აბა, რა ვიცი?
- ფული გაქვთ?
- თხუთმეტი ფრანკი.
- გნებავთ, გასესხოთ?
- არასოდეს!
- ტანისამოსი გაქვთ?
- აი, ესა მაქვს.
- ძვირფასი ნივთი?
- ერთი საათი.
- ვერცხლის არის?
- არა ოქროსი. აი, აქ მაქვს.

- ერთ კაცს ვიცნობ, ძველი ტანისამოსით ვაჭრობს, იქნებ იყიდოს თქვენი სერთუკი და შარვალი?

- ძალიან კარგი.
- მერე თქვენ რაღა დაგრჩებათ? ერთი ხელი ტანისამოსი, არა?
- დიახ და ჩემი წაღები.
- ჰოო? ეგვეც კარგია, რომ ფეხშიშველა არ ივლით. სიმდიდრეც მაგას ჰქვია?
- ჩემთვის საკმარისი იქნება ჩემი სიმდიდრე.
- მამ საათიც თან მივადევნოთ. ერთ მესაათეს ვიცნობ, იქნებ იყიდოს.

- ძალიან კარგი.
- არა, აქ კარგი არაფერია! მერე რაღას აპირებთ?
- ვნახოთ, რაც შემეძლება. რასაც პატიოსანი პრობა ერქმევა.
- ინგლისური იცით?
- არა.
- გერმანული?
- არა.
- მით უარესი.
- რატომ?

- ერთი მეგობარი მყავს, წიგნებით ვაჭრობს, ენციკლოპედიურ ლექსიკონს ბეჭდავს, სათარგმნი მასალა აქვს, ინგლისური და გერმანული წერილები. ბევრს არაფერს იხდის, მაგრამ პურის ფულს მაინც იშოვის კაცი.

- ვისწავლი ინგლისურსაც და გერმანულსაც.
- სანამ ისწავლით?
- სანამ ვისწავლი, ჩემს ტანისამოსს და ჩემს საათს შევჭამ.

დაიბარეს ძველმანებით მოვაჭრე. ოცი ფრანკი მისცა მარიუსს. შემდეგ მესაათესთან წავიდნენ. ორმოცდახუთ ფრანკად იყიდა ოქროს საათი.

- არცთუ ისე ცუდად მოვაგვარეთ საქმე, - უთხრა კურფეირაკს მარიუსმა, შინ რომ დაბრუნდნენ, - თხოუმეტი ფრანკი მქონდა და ახლა ოთხმოცი მაქვს.

- ოთახის ქირა? - მოაგონა კურფეირაკმა.
- კინალამ დამავიწყდა!
- სამოყდაათი ფრანკი ოთახის ქირა გადაიხადა მაშინვე.
- ათი ფრანკი დამრჩა.

- ჰოდა რა? ხუთი ფრანკით იცხოვრებთ, ვიდრე ინგლისურს ისწავლით, და ხუთითაც, ვიდრე გერმანულს ისწავლით. ასე რომ, ან უცხო ენა უნდა სასწრაფოდ გადაყლაპოთ ან ხუთი ფრანკი დიდხანს იმყოფინოთ.

ამასობაში დეიდა უილნორმანს, მოხუცებულს, მაინც შერჩენოდა გაჭირვებულისადმი თანაგრძნობა და მარიუსის ბინისთვის მიეგნო. ერთ დილას, ლექციის მოსმენის შემდეგ, შინ რომ დაბრუნდა მარიუსი, სახლში დახვდა დეიდის წერილი და სამოცი პისტოლი, ესე იგი ექვსასი ფრანკი ოქროდ პატარა დაბეჭდილ ყუთში.

ფული მაშინვე უკან გაგზავნა, ზრდილობიანი წერილით. მაღლობას უხდიდა, - ჩემს სამყოფს მე თვითონ ვშოულობ, გაჭირვება არ მაქვსო, - როდესაც ამას წერდა, სულ სამი ფრანკილა ჰქონდა.

დეიდამ არც ფულის გაგზავნის და არც მარიუსის წერილის მიღების შესახებ ბატონ უილნორმანს არაფერი უთხრა, რადგან ეშინოდა მამის აღშფოთების, და გარდა ამისა, კარგად ახსოვდა მამის ბრძანება - მარიუსის ხსენება აღარ იყოს ჩემს სახლშიო.

სასტუმროდან გავიდა მარიუსი. გადაწყვეტილი ჰქონდა, სხვა ბინა ეშოვა და გადასულიყო.

წიგნი მეხუთე
დიდება გაჭირვებისა

თავი პირველი მარიუსის გასაჭირი

ძალიან გაუჭირდა მარიუსს. ტანისამოსისა და საათის ფული შეჭამა. ამის მერე სამხინელ გაჭირვებაში ჰჩაგვარდა, რადგან გასაყიდი აღარაფერი ჰქონდა. შიმშილი ცალკე აწუხებდა, სიცივე - ცალკე. აუტანელი იყო მისი ცხოვრება, - დღე პური არ ჰქონდა, ღამე - ძილი, ბნელისას - სანთელი და ზამთარში - ცეცხლი. ისე გავიდოდა ხოლმე ხანდახან მთელი კვირა, რომ გროშს ვერსად იშოვიდა. მომავალიც კარგს არაფერს უქაღდა. ტანისამოსი იდაყვივით გამოხეული ეცვა, ისეთი ძველი ქუდი ეხურა, რომ ქაღები სიცილს ვერ იკავებდნენ. ხშირად მომხდარა, სახლში მისულს კარი დაკეტილი დახვედრია, - ოთახის ქირა გაქვს გადასახდელიო, - და თან მეკარის თავხედობას იტანდა. იგივე მოელოდა ღუქანში, პურის საჭმელად რომ მივიდოდა, - შეურაცხყოფა და თავხედური შეტევა, - ჯერ ნისიაში გავვისწორდიო - მეზობლებსაც აბუჩად ჰყავდათ აგდებული, მაგრამ თავისი სიღარიბის გამო იძულებული იყო მოეთმინა თავხედობაც, შეურაცხყოფაც, მასხარად აგდებაც, ცხოვრების სიმწარეც და ხშირად სულიერი სისუსტეც. მარიუსმა ისწავლა ყოველივე ამის მონღლება და ისიც ისწავლა, რომ ადამიანს ხშირად ამის მეტი არაფერი აქვს მოსაწინებელი. თავის სიცოცხლის სწორედ იმ პერიოდში, როდესაც ადამიანი ამაყად დადის, თავმოწონედ, რადგან სიყვარული ენატრება, მარიუსს არც სიამაყე შეეძლო, არც თავმოწონება, რადგან ტანსაცმელი არ უვარგოდა და დასციინდნენ, ღარიბი იყო და მასხარად იგდებდნენ. იმ დროს, როდესაც საყმანვილად ადამიანის გულს გამარჯვების იმედით ავსებს, მას ხშირად დაუხედავს თავისი დახეულ ფეხსაცმლისთვის და განითვლება. მაშინ ნახა, რა ჰშიმივა გაჭირვებისგან აღძრული სულიერი წამება. საგანგებო და თან საბარელი ბრძმეღია გაჭირვება, რომლიდანაც სუსტი თავლაფდასხმული გამოდის, და მძლავრი - განდიდებული. გავარვარებული ბრძმეღია, რომელშიც ბედისწერა ჩააგდებს ხოლმე ადამიანს, რომ ან უკეთურად გადარქმნას, ან ღვთის დარად.

ბევრია გმირი, რომელიც სიღარიბესთან წვრილმან ბრძოლაში ატარებს მთელ სიცოცხლეს და მაინც არ ხრის და არ ირცხვენს თავს. ბევრია დიდებული და გამარჯვებული, რომელსაც არავინ ხედავს და აჯილდოებს. ცხოვრება, უბედურება, განცალკევება, მარტოდ დარჩენა, სიღარიბე - ეს სხვადასხვაგვარი ბრძოლის ველია, რომელსაც ყოველთვის ჰყავს თავისი გმირები, უჩინარნი და ხანდახან უფრო დიდებულნი, ვიდრე სახელგანთქმული გმირები არიან.

ასე გამოჭვდილან ძლიერი და გამორჩეული ადამიანები. გაჭირვება თითქმის ყოველთვის დედინაცვალია ადამიანისა, მაგრამ ხანდახან დედად უხდება. სიღარიბე ქმნის სულისა და გონების ძლიერებას. სასონარკვეთილება თავის ძუძუს აწოვებს სიამაყეს. უბედურება ნოყიერი საკვებია დიდსულოვანთათვის.

ისეთი დროც დაუდგა მარიუსს, როცა თვითონ გვიდა თავის კიბეს, ერთი სუს ყველსა ყიდულობდა მეხილესთან, ან არა და დაბნელებას ელოდა, რომ სხვის დაუნახავად შეპარულიყო მეპურესთან, ერთი პატარა პური ეყიდა და ჩუმად აეტანა თავის სხვენში, თითქოს მოპარული ყოფილიყო. ხანდახან, როცა ჩამოხნულდებოდა, ასევე ჩუმად შეიპარებოდა ხოლმე ყასბის ღუქანში, გაეროდა უხემ, ხუმარა მზარეულ გოგონებში, რომლებიც იდაყვით სცემდნენ შეუბრალებლად. მოკრძალებით მიიწვდა წინ, ქუდს უხდიდა, თავს უკრავდა ყასაბ დედაკაცს, მერე ხორცისმჭრელ ბიჭს ერთ

ცალ ცხვრის კატლეტს ყიდულობდა, იხდიდა ექვს, ან შვიდ სუს, ქალაქში ახვევდა, თავის წიგნებში ჩადებდა და ისევე მორიდებით მიდიოდა შინისკენ.

თვითონვე წვავდა ამ კატლეტს და სამი დღის განმავლობაში იზოგავდა. პირველ დღეს ხორცს ჭამდა, მეორე დღეს - ქონს, მესამე დღეს კი ძვალს ხრავდა.

დეიდამ რამდენჯერმე კიდევ სცადა დახმარება, წერილი მოსწერა და ფულიც გამოუგზავნა, ისევე ის სამოცი პისტოლი, მაგრამ მაშინვე უკან უბრუნებდა მადლობით და ცნობით, რომ საკმარისად აქვს ყველაფერი და არ უჭირს.

ჯერ კიდევ არ დაემთავრებინა მამის გლოვა, რომ მის აზროვნებაში სრული გარდაქმნა მოხდა. მას შემდეგ სულ შავით დადიოდა, მაგრამ ტანისამოსი ნელ-ნელა უცვლდებოდა და ერთ დღესაც დაინახა, რომ მისი სერთუკი ჩასაცმელად აღარ ვარგოდა, შარვალს ჯერ კიდევ არა უშავდა. რა უნდა ექნა? მოაგონდა კურფეირაკი, მოაგონდა, რომ ცოტა რამ დახმარება მასაც აღმოეჩინა კურფეირაკისთვის და იმას გამოართვა ძველი სერთუკი. ფრანკ-ნახევარი მისცა ვიღაც მეკარეს, გადააბრუნებინა და თითქმის ახალი გამოუვიდა, ოღონდ მწვანე იყო სერთუკი და სახლიდან აღარ გადიოდა, სანამ კარგად არ ჩამოხნულდებოდა, ბნელში სერთუკი შავად ჩანდა. რადგან არ უნდოდა სამგლოვიარო ტანისამოსი მოეშორებინა, ღამის სიბნელით იმოსებოდა.

ამასობაში სწავლაც დაასრულა და ვეჭილობა მიიღო. თავის პაპას მაშინვე აცნობა ეს ამბავი მოკლედ, მაგრამ პატივისცემით და მორჩილებით აღსავსე წერილით. ბატონმა ჟილნორმანმა ათრთოლებული ხელით გახსნა წერილი, წაიკითხა, დახია და კალათაში ჩაუძახა. ორი თუ სამი დღის შემდეგ, ქალბატონ ჟილნორმანს რაღაც მოესმა თავისი მამის ოთახიდან; მარტო იყო და ხმამაღლა ლაპარაკობდა. ყოველთვის ასე იყო, როდესაც რამით იყო გაჭაგრებული და აღელვებული. ყური მიუგდო და გაიგო მოხუცებულის სიტყვა:

- შენ რომ ეგეთი ყვეყჩი არ ყოფილიყავი, გეცოდინებოდა, რომ არ შეიძლება ერთსა და იმავე დროს ბარონიც იყოს კაცი და ვეჭილიც!

თავი მეორე

მარიუსის სიღარიბე

გაჭირვებასაც იგივე მოსდის, რაც ყველაფერს ამ ქვეყნად, შესაძლებელი და ასატანი ხდება ნელ-ნელა, საბოლოო ფორმას იღებს დასრულებისას. მცენარესავით ცხოვრობს ადამიანი; მეტისმეტად ნელია და სუსტი მისი განვითარება, მაგრამ მაინც საკმარისი, რომ ცოცხალი იყოს. აი, როგორ მოეწყო მარიუს პონმერსის ცხოვრება.

უკვე აჯობა აუტანელს, მორევიდან გამოვიდა, ფეხზე დადგა. დაუღალავი შრომა, უსაზღვრო მოთმინება, მდგარი ბრძოლა დასჭირდა, რომ შვიდას ფრანკამდე აეყვანა თავისი წლიური შემოსავალი, თავისი შრომის ფასი.

გერმანული ენაც შეისწავლა და ინგლისურიც, კურფეირაკმა თავის მეგობარ გამომცემელთან მიიყვანა, გააცნო და მისი წყალობით იყო, რომ ამ წიგნის მაღაზია - გამომცემლობაში მარიუსს პატარა საქმე ჰქონდა მიჩენილი. განცხადებებს ადგენდა, ჟურნალ-გაზეთებიდან თარგმნიდა, აღნუსხავდა ახალგამოცემულ წიგნებს, ავსებდა ბიოგრაფიებს. საქმე ჰქონდა და კარგი წელი დაუდგებოდა, თუ ავი - შვიდას ფრანკს

იღებდა გასამრჯელოს, და ამ ფულით ცხოვრობდა. არცთუ ისე ცუდად. როგორ? აბა, ვნახოთ.

გორბოს სახლში წელიწადში ოცდაათ ფრანკად ერთი პატარა ოთახი იქირავა, რომელსაც ბუხარიც კი არ ჰქონდა. მონყობილობა - სულ უბრალო, უსაჭიროესი - თვითონვე მიიტანა. მეკარე დედაკაცს სამ ფრანკს აძლევდა თვეში, რომ ოთახი დაეგავა, დილით ცოტა თბილი წყალი მიერთმია, ერთი კვერცხი და ერთი სუს პური საუზმედ. ერთი კვერცხი და პატარა პური ჰყოფნიდა. საუზმის ღირებულებას რამე თუ შეცვლიდა, მარტო კვერცხის ფასი, და ისიც მხოლოდ ერთი სუ-თი. საღამოს ექვს საათზე სენ-ჟაკის ქუჩაში რუსოს დუქანში ჩადიოდა პურის საჭმელად, ბასეს მალაზიის კუთხეში. ერთი თავი ხორციანი კერძი, ექვსი სუ, ნახევარი თავი მცენარეული კერძი და რაიმე ხილი, სამი სუ.

სადილის შემდეგ - სამი სუ; სამ სუს აძლევდა იმდენ პურში, რამდენსაც შეჭამდა. ღვინის მაგივრად წყალს სვამდა. დახლთან რომ მივიდოდა ფულის მისაცემად, სადაც რუსოს ჩასუქებული, მაგრამ ჯერ კიდევ ქორფა, ცოლი დიდის ამბით იყო გამოჭიმული, ერთ სუს ბიჭს მისცემდა, რომელიც სადილზე ემსახურებოდა, და სამაგიეროდ ქალბატონი რუსოს ტკბილ ღიმილს მიიღებდა ხოლმე. მერე შინსკენ მიეშურებოდა. თექვსმეტი სუს ფასად სადილიც ჰქონდა და ტკბილი ღიმილიც.

რუსოს რესტორანში გრათინით წყალი უფრო მეტი იხარჯებოდა, ვიდრე ბოთლით ღვინო, და უფრო სასადილო იყო, ვიდრე რესტორანი, სახელიც შესაფერისი ჰქონდა; მეტსახელად „რუსოს წყაროს“ ეძახდნენ.

ამრიგად, საუზმე ოთხი სუ უჯდებოდა, სადილი თექვსმეტი; ერთ ფრანკს ხარჯავდა დღეში თავის საჭმელ-სასმელზე, ესე იგი, სამას სამოცდახუთ ფრანკს წელიწადში. მიუმატეთ ამას ოცდაათი ფრანკი ოთახის ქირა, ოცდათექვსმეტი ბებერი დედაკაცის გასამრჯელო, ცოტა რამ წვრილმანებზე, და ნახავთ, რომ ოთხას ორმოცდაათ ფრანკად მარიუსს საჭმელ-სასმელიც ჰქონდა, ბინაც და მოსამსახურის დახმარებაც. ტანსაცმელში ასი ფრანკი ეხარჯებოდა, სარეცხში - ორმოცდაათი, მრეცხავის ხელფასში - ორმოცდაათი, ასე რომ, ექვსას ორმოცდაათ ფრანკს არ აღემატებოდა მისი წლიური ხარჯი; უფრო ნაკლები, ვიდრე შემოსავალი ჰქონდა, და მამასადამე მდიდარი კაცი იყო, ორმოცდაათი ფრანკი რჩებოდა ნაღდი. ხანდახან თვითონ ასესხებდა ხოლმე გაჭირვებულ ამხანაგს ცოტაოდენ ფულს. ერთხელ კურფეირაკს სამოცი ფრანკით გაუმართა ხელი. რაც შეეხება შემის ხარჯს, ბუხარი არ ჰქონდა და ეს ხარჯიც არ არსებობდა.

ყოველთვის ორი ხელი ტანისამოსი ჰქონდა, ერთი ძველი, საშინაო, და ასე ვთქვათ ყოველდღიური; მეორე - საგარეო. ყველაფერი შავი ეცვა. სამი პერანგი ჰქონდა; ერთი ზედ ეცვა, მეორე, სუფთა, კამოდში ედო, და მესამე მრეცხავს ჰქონდა ნაღებული. ახალს მარტო მაშინ იძენდა, როდესაც ძველი მთლად გაუცვდებოდა, ამიტომ ყოველთვის თავიდან ბოლომდე ჰქონდა შეკრული სერთუკის ღილეები, ვიდრე ამ მდგომარეობას მიაღწევდა, დიდი გაჭირვება და ხანგრძლივი წვალემა გამოიარა, რამდენიმე მეტად ძნელი და აუტანელი წელიწადი, მაგრამ ფეხი არსად დასცდენია მარიუსს. ყველაფერს გაუძლო, ყველა ღონე იხმარა, რომ პატიოსნად, უვალოდ, სხვის დაუხმარებლად ეცხოვრა. თავისი თავის მადლიერი იყო, რომ მშვიდ და ტიტველს გროში არავისგან უსესხია და, მით უფრო, არც ახლა ისესხებდა. მისი აზრით, ვალი მონობის დასაწყისი იყო, - ვალს რომ იღებ, მტარვალს ისვამ კისერზეო,

- იძახდა, - ბატონზე უარესს, რადგან ბატონს მარტო შენი შრომით ეკუთვნი და მევალებს კი - შენი ღირსებით, რომელიც მას შეუძლია შევიღახოსო. - მშვიდი რჩებოდა და ვალს კი არ იღებდა, ისე რომ, ხშირად სრულ მარხვაზე იყო. კარგად იცოდა, რომ დიდი გამძლეობა სჭირდებოდა, რათა გაჭირვებისგან სულიერად არ დაეცემულიყო, და სულ იმაზე ფიქრობდა, რომ ღირსებისა და პატიოსნების შემლახველი არაფერი ჩადინა. მარიუსს ერჩია სული ამოხდომოდა, ვიდრე ფული ესესხა და, ამიტომ იშვიათად როდი დაუძინია მშვიდს.

ბევრი განსაცდელი გამოიარა, მაგრამ ყოველთვის პოულობდა რაღაც გამამხნევებელ საიდუმლო ძალას, რომელიც ფრთებს ასხამდა. სული ეხმარება ტანს და ხშირად ფეხზე აყენებს დაკემულს. ეს არის ერთადერთი ფრინველი, რომელიც თვითონვე ამაგრებს თავის გალიას.

მამის სახელი ჰქონდა გულში ჩაბეჭდილი და იქვე მამის სახელის გვერდით - ტენარდიესი. პატიოსნებით და გულუბრყვილობით აღსავსე ყმაწვილკაცს თავგანწირულ გმირად ეჩვენებოდა ტენარდიე, რომელმაც გააფთრებული ბრძოლის დროს დაჭრილი პონმერსი სიკვდილს გადაარჩინა. მამის გახსენებასთან ერთად უთუოდ ტენარდიეც ახსენდებოდა და ორივეს ერთად სცემდა თაყვანს. ეს იყო ერთგვარი ორსაფეხურიანი ხატი, ერთი დიდი, მამის და მეორე, მომცრო - ტენარდიესი. დამსახურებულ სიკეთეს გადახდა უნდოდა და გულზე აწვა თავისი უმაღურობა, რადგან იცოდა, რომ გაჭირვებაში უნდა ყოფილიყო გაკოტრებული მელექნე.

მონფერმეილში იყო და გაიგო, რომ გაკოტრებულიყო და სადღაც გადაკარგულიყო. მას შემდეგ დაეძებდა მის კვალს, ყველა ღონეს ხმარობდა, რომ ეპოვა და დახმარებოდა გაჭირვების ბნელ უფსკრულში ჩავარდნილს, მაგრამ ამაოდ. მთელი ქვეყანა მოიარა მარიუსმა; შელში ეძებდა, ბონდში, გურნიში, ნოვანში, ლანში. სულ იმის ძებნაში იყო სამი წლის განმავლობაში და ამაში ხარჯავდა თავის დანაზოგს, მაგრამ კაცი ვერ ნახა, რომ ტენარდიესი სცოდნოდა რამე. ბევრი მევალებეც ცდილობდა მის პოვნას, არა სიყვარულით, როგორც მარიუსი ეძებდა, მაგრამ ისეთივე თავგამოდებით და გაცხოველებით, მაგრამ ვერსად მიაგნეს. ნანობდა მარიუსი, თავის თავს საყვედურობდა, - კარგად რომ მეძებნა, ვიპოვიდი და სინდისი დამშვიდებული მექნებოდაო. - მხოლოდ ერთი რამ დაავალა მამამ ანდერძით და ისიც კი ვერ აუსრულა მიცვალებულს. როგორ? - ჩიოდა მარიუსი - დაჭრილებსა და მკვდრებში ევლო მამაჩემი, სადაც ყველგან სისხლის გუბეები იდგა, ყველგან სიკვდილი ემუქრებოდა, და არ შეეშინდა, ერთი უბრალო ათისთავი მოძებნა, იპოვა და სიკვდილისგან იხსნა დაჭრილი, თუმცა მისი არაფერი ემართა. მე კი ის თავგანწირული ადამიანი ვერ ვიპოვე, რომ ვალი გადავუხადო? მით უფრო, ვიცი, დიდ გასაჭირშია, ჩემი მოვალეობაა, ახლა მე ვუშველო და სამშვიდობოზე გავიყვანო. არა, უნდა ვიპოვო სადმე! - ისე აწუხებდა ეს ამბავი, ისე უკლავდა გულს ტენარდიესს უბედურება, რომ მარჯვენა ხელს მოიჭრიდა, თავს განირავდა, ოღონდ სადმე ეპოვა და დახმარება აღმოეჩინა. თუ იპოვა როგორმე, მივა და ეტყვის: - არ მიცნობთ, განა? მე კი გიცნობთ! აი, აქ ვარ და მიმსახურეთ, როგორც გენებოთ, - ეს იყო მარიუსის უტკბილესი ოცნება.

თავი მესამე

მარიუსის დავაჟუკაცება

ამ დროს ოცი წლის იყო მარიუსი. სამი წელი გასულიყო, რაც პაპის სახლიდან წამოვიდა. და რაც დაშორდნენ ერთმანეთს, მას შემდეგ მათ ურთიერთობაში არაფერი შეცვლილა, არც შეხვედრას ცდილობდნენ, არც შერიგებას. ან რაში სჭირდებოდათ ერთმანეთის ნახვა? კიდევ უთანხმოებას რომ ეჩინა თავი? ან რომელი მათგანი დაუთმოდა მეორეს? თითბერივით მაგარი იყო მარიუსი, მაგრამ რკინასავით მაგარი გახლდათ ბებერი ჟილნორმანი.

მარიუსი ვერ ჩასწვდა პაპის გულის ნადებს. უცნაური კაცი იყო პაპამისი და სწორედ მაშინ შეუტევდა ხოლმე, როდესაც გულით უნდოდა მარიუსის ალერსი. ამიტომ იყო, რომ ცდებოდა ყმანვლი, - პაპაჩემს თავის დღეში არ ვყვარებივარო, - იძახდა, - მოხუცებული კაცია, გულქვა, აყვია; სულ ყვირის, ჯავრობს, ილანძღება, მუშტს გიღერებს, ჯოხს გიქნევს; და თუ გააჩნდა რამე ჩემთვის, მართო უბრალო ვალდებულება შეილიშვილისადმი და კომედიის ჟერონტის სიმკაცრე. - ცდებოდა მარიუსი. ბევრია მამა, რომელსაც არ უყვარს თავისი შვილი; მაგრამ არ არსებობს პაპა, რომ არ აღმერთებდეს თავის შვილიშვილს. ბატონ ჟილნორმანსაც გულით უყვარდა მარიუსი, მაგრამ ამ სიყვარულს თავისებურად გამოხატავდა, - გაჯავრებით, დატუქსვით და ხანდახან სილითაც. ასე იყო, მანამ შინ ჰყავდა მარიუსი, მაგრამ რომ ვეღარ დანახა თავისი შვილიშვილი, იგრძნო, რომ გული დაცარიელებოდა. ხსენება აღარ იყოს მისიო, - ბრძანა და გულში კი სულ ნანობდა, ასე რად მემორჩილებიან და არაფერს მეუბნებიან მის შესახებო. კარგა ხანს ჰქონდა იმედი, - დამიბრუნდება ის ბონაპარტისტი, ის იაკობინელი, ის ტერორისტი, - მაგრამ კვირა კვირას მისდევდა, თვე - თვეს, წელიწადი გავიდა და ჟილნორმანის სავალალოდ, არსად ჩანდა ის სისხლისმსმელი! - მამ როგორ უნდა მოვექცეულიყავი? - ჩიოდა ჟილნორმანი - მამ არ უნდა გამეგდო?

თავს იმართლებდა ვითომ, მაგრამ სხვა კითხვა უტრიალებდა გულში; ის ამბავი დღეს რომ მომხდარიყო, ისევ ისე მოიქცეოდა თუ სხვაგვარად? ამპარტავნობა პასუხობდა - ჰო; ისევ ისეო; მაგრამ ამავე დროს ხმაგაკმენდილი ბებერი თავს ძირს ხრიდა და - არაო, იძახდა დაღონებული. გულჩათხრობილი იყო, მარიუსი აკლდა. მოხუცს ისე ესაჭიროება სიყვარული, როგორც მზე, რომ გათბეს, არ გაიყინოს. ძლიერი კაცი იყო, მაგრამ რაღაც შეუცვალა მარიუსთან დაშორებამ. არაფრის გულისთვის, არავითარ შემთხვევაში ნაბიჯს არ გადადგამდა იმ საძაგლისკენ; და თან საშინლად წუხდა. თავის დღეში არ იკითხავდა იმის ამბავს, მაგრამ სულ მასზე ფიქრობდა. უფრო და უფრო განმარტოებულად ცხოვრობდა მარეში. ჯერ კიდევ, როგორც წინათ, მოუვლიდა ხოლმე ბრაზი და მხიარულება, მაგრამ სწრაფნარმავეალი, წუთიერი იყო ეს მხიარულება, თითქო თან დაჰყოლოდეს მწუხარება და რისხვა. გაბრაზდებოდა და თითქმის მაშინვე მისუსტდებოდა დაღვრემილი და მოშვებული. ხშირად ინატრებდა ხოლმე ჩემად: - ოჰ, ნეტავ კი მოვიდეს და! იმისთანა სილას გავანწავა!..

რაც შეეხება დეიდას, ისე იშვიათად ფიქრობდა მარიუსზე, რომ დიდად ვერ ეყვარებოდა. იმისთვის მარიუსი ლანდალ ქვეულიყო, ბუნდოვან, ბნელ ლანდალ, და ალბათ, თავის კატას ან თუთიყუშს უფრო მეტ ყურადღებას მიაქცევდა, რომ ჰყოლოდა, ვიდრე დისწულს.

მით უფრო მწარე იყო პაპა ჟილნორმანის მწუხარება, რომ მას გულში იმარხავდა და ცდილობდა, არავის შეემჩნია. ახლებურ ლუმელს ჰგავდა მისი სევდა, ლუმელს, რომელიც თვითონვე ნთქავს თავის კვამლს. ხანდახან რომელიმე არამკითხველ ნაცნობი ჩამოაგდებდა ლაპარაკს მარიუსზე და ჰკითხავდა: - სად არის! რას აკეთებს თქვენი შვილიშვილიო? - თუ დაღონებული იყო ბებერი ბურჟუა, ამოიხრებდა, და ისე უპასუხებდა; თუ უნდოდა, მხიარულად სჩვენებოდა, წკიპურტს იკრავდა სამაჯგზე და იტყოდა, - პასუხი ერთი და იგივე იყო: - ბატონი ბარონი პონმერსი რაღაცას რომავს სასამართლოშიო.

და იმ დროს, როდესაც მწუხარება ერეოდა მოხუცებულს, მარიუსი ტაშს უკრავდა თავის თავმოყვარობას. გულკეთილ კაცს უბედურება ავიწყებს სიმწარეს. ყოველთვის სიყვარულით იგონებდა პაპას, მაგრამ საბოლოოდ ჰქონდა გადაწყვეტილი, აღარაფერს მიიღებდა იმ კაცისგან, რომელიც მის მამას ასე უდიერად ექცეოდა. წინანდელი აღშფოთება დღეს უბრალო სამდურავად გადაქცეოდა. გარდა ამისა, ბედნიერად გრძნობდა თავს იმით, რომ ამდენი ტანჯვა-წვალება გამოიარა და დღესაც იგივე მოელოდა. მამისთვის იყო, რომ ასე წვალობდა. თავისი ცხოვრების სიდუხჭირე აკმაყოფილებდა და ამიტომ მოსწონდა კიდევ, - და კიდევაც ვეწვალე. ამით მაინც მოეინანიებ მამაჩემის მიმართ უმადურებასო. ჯოჯოხეთად ექცა ჩემ გამო სიცოცხლე სანყალს და ჩემზე დარდმა გადაიყოლა კიდევ, თუკი ის ეწვალა, რატომ მე არ უნდა ვეწვალო? - ან რა იყო მამის გმირულ ცხოვრებასთან შედარებით მარიუსის სიღარიბე და შრომა? მასაც მამის მსგავსად უნდოდა შრომა და პატიოსნება, რომ დამსგავსებოდა, სულიერად დაახლოებოდა განსვენებულს და ამისთვის საჭირო იყო ისევე მედგრად შებრძოლებოდა ყოველგვარ გასაჭირსა და ცდუნებას, როგორც მამა იბრძოდა მედგრად და თავგანწირვით. ცხადია, სწორედ ამის თქმა უნდოდა პოლკოვნიკს, როცა წერდა, - და ღირსი იქნება ამ სახელისაო. ეს სიტყვები სულ თან ჰქონდა მარიუსს, გულზე არ ეკიდა მამის ხელით დაწერილი ქაღალდი, რომელიც პაპის სახლში დაუკარგეს, მაგრამ შიგ გულში ჩაებეჭდა.

პაპამ რომ თავისი სახლიდან გამოავლო, მარიუსი ყმაწვილი ბიჭი იყო. ახლა კი დაუკუკაცებელიყო და კარვად გრძნობდა ამას. გაჭირვებამ ხელი შეუწყო ჭაბუკს. სიყმანვილეშივე რომ გაჭირვებაში ჩავარდება ადამიანი, თუ მაგრად დახვდა და გაუძალიანდა, ბედნიერია, რადგან მთელ თავის ძალ-ღონეს შრომას ანდომებს და სულით ამაღლებული მიზნისკენ მიისწრაფვის.

სიღარიბე უცხად აუფერულებს ცხოვრების მატერიალურ მხარეს და ცხადად ხდის მის საზიზღრობას; აქედან იწყება სწრაფვა იდეალური სიცოცხლისაკენ. მდიდარი კაცი დღესა და ღამეს ქეიფსა და ლხინიში ატარებს, ბრწყინვალე და უსაზღვრო ვართობაში, - ცხენების დოღში, ნადირობაში, ძაღლების წვრთნაში, ქაღალდის თამაშში, გოგოების დევნაში, კარვ ჭამა-სმაში. ამით იკმაყოფილებს თავის მატერიალურ მოთხოვნილებებს და სრულიად დაუკმაყოფილებელი რჩება სულიერი მოთხოვნილებანი. ღარიბი ყმაწვილკაცი იმისთვის ირჯება, რომ ლუკმაპური იშოვოს; პურს ჭამს და მერე ოცნებით არის გატაცებული; იმ წარმოსახვით ტკბება, რომელსაც ბუნება უსასყიდლოდ სთავაზობს ადამიანს. ზეცას შეჰყურებს, უსაზღვრო სივრცეს, ზეციურ მნათობებს, ყვავილებს, ბავშვებს, კაცობრიობას, რომელშიც თავს ტანჯულად ხედავს, და მომავალს, რომელიც მას სრულ ბედნიერებას უქადის. ისეთი დაკვირვებით უყურებს კაცობრიობას, რომ მის თავგანწირულ მუშაკად იქცევა,

ოცნებობს და გრძნობს თავის უპირატესობას: კვლავ ოცნებობს და გული უღებება. გაჭირვებული, ტანჯული ადამიანის ეგოიზმის სანაცვლოდ სიყვარული და ტანჯულთა მიმართ თანაგრძნობა უღვივის გულში. მის სულსა და გულს წმინდა გრძნობა იმორჩილებს. რომ დაუფიქრდება იმ ურიცხვ სიხარულს, რომლითაც ბუნება ასე უხვად აჯილდოებს დიდსულოვანთ, და არ იმეტებს უღირსთათვის, სიბრალეულითა უყურებს იგი, სულით მილიონერი, ფულით მილიონერებს. ნელ-ნელა ნათდება მისი გონება და შურსაც ივიწყებს, სიძულვილსაც. ყმანვილი კაცისთვის სიღარიბე უბედურება არ არის. მიიყვანეთ ჭაბუკი მოხუცებულ მეფესთან, ვინც უნდა იყოს ის, თუნდაც ღარიბ-ღატაკი, მაგრამ ჯანმრთელი, ახოვანი, ჩაუქი, მოხდენილი, სიცოცხლით სავსე, მჩქეფარე სისხლის პატრონი, ხუჭუჭთმიანი, ვარდისფერბაგვანი, თეთრკბილება და მაშინ ნახავთ, როგორ ინატრებს მეფე მის სიღარიბესაც და მის სიყმანვილესაც. სიცოცხლით ტკვება ამ სიღარიბეში; ყოველდღე იმისთვის შრომობს, რომ პური ჭამოს. ფიზიკურად არ მუშაობს, ამით ამაცობს და თავში ახალი იდეები უჩნდება. მორჩება საქმეს და ისევ თავის ფიქრებს უბრუნდება, ოცნებას, სიხარულს. სხეული ადამიანის გაჭირვებას ითმენს და იბრძვის, ფეხი სიღარიბეში, ეკლებში ებლანდება, ხშირად ტალახში ეფლობა; თავი კი სინათლეში აქვს. შრომის შვილია, მშვიდი, წყნარი, დარბაისელი, ქველი, გულჩვილი და მადლობას სწირავს ღმერთს, რომ მიანიჭა ორი სიმდიდრე, რომელიც ასე ენატრებათ მდიდრებს, - შრომა და იმით მოპოვებული თავისუფლება, გონება და იმით მოპოვებული ღირსება.

აი როგორ ცხოვრობდა და როგორ შეიცვალა მარიუსი. მართალი რომ ვთქვათ, ცოტათი გადააჭარბა კიდევ ფიქრით ძიებას. რადგანაც ნახა, რომ ლუკმაპურისთვის საკმარისს შოულობდა, მეტი აღარ იზრუნა, მშრალი პურით დაკმაყოფილდა, რომ მეტი თავისუფალი დრო დარჩენოდა და ფიქრებს მისცემოდა. ხანდახან რამდენიმე დღე იყო ფიქრებით გართული, გულთმისანივით თავისი ლანდებით და ოცნებით მოხიბლული. უკვე გაცნობიერებული ჰქონდა თავისი დანიშნულება ცხოვრებაში: რაც შეიძლებოდა ნაკლებად ემუშავა მატერიალური მოთხოვნილებების დასაკმაყოფილებლად, და მეტი დრო ჰქონოდა სულიერი განვითარებისთვის; სხვაგვარად რომ ვთქვათ, რამდენიმე საათი ცხოვრების საჭიროებისთვის ჰქონდა გადაღებული და დანარჩენი დრო - შემეცნებისთვის. აზრდაც არ მოსდიოდა, რომ გონებრივი შრომის ამგვარად გაგებული მნიშვნელობა სიზარმაცის ერთგვარ სახეს წარმოადგენს, რომ ზედმეტად შეამცირა ცხოვრებისათვის საჭირო მოთხოვნილებანი და აღრე მიეჩვია დასვენებას.

მაგრამ ცხადია, მარიუსის მსგავსი ენერგიული და დიდსულოვანი ადამიანისთვის დროებითი იყო ეს მდგომარეობა, გარდამავალი, და როგორც კი შეეჭახებოდა გაუთვალისწინებელ დაბრკოლებას, მაშინვე გამოფხიზლდებოდა.

მანამდე კი, თუმცა სწავლა დაემთავრებინა და ვეჭილად ითვლებოდა, ჯერ სასამართლოში არ შესულიყო და არ გაემართლებინა ბატონი ჟილნორმანის სიტყვა, - რაღაცას რომავს სასამართლოშიო.

შორს იყო თავისი ფიქრებით და ვეჭილობისთვის არ ეცალა. ვერ წარმოედგინა, როგორ უნდა დაუძმობილდეს ვეჭილებს, დაეხეტებოდეს სასამართლოებში, ეძებდეს მომჩინებებს! ან რა საჭირო იყო? არავითარი საფუძველი არ ჰქონდა, რომ ლუკმაპურის საშოვნელად გამოეცვალა სამუშაო. ნიგნის გამოცემლობასა და

მაღაზიაში უზრუნველყოფილი იყო პატარა საქმით და ხელფასით, რომელიც საკმარისად მიაჩნდა.

ერთგან კი არა, უკვე რამდენიმე გამომცემლობასთან ჰქონდა საქმე და ერთმა მათგანმა, მგონი ბატონმა მაჟიმელმა, შესთავაზა; - ჩემთან გადმობრძანდით, ბინაც კარგი გექნებათ, ჯამაგირიც ათას ხუთასი ფრანკი წელიწადში და საქმეც თქვენი შესაფერისიო. კარგი ბინა! ათას ხუთასი ფრანკი! კარგი იყო, რაღა თქმა უნდა, მაგრამ თავისუფლება დაკარგოს? ჯამაგირით შეიბოჭოს? ერთგვარ მოჯამაგირე მწერლად იქცეს? ეს წინადადება რომ მივიღო, ფიქრობდა მარიუსი, - ძალიან გამოკეთდება ჩემი ცხოვრება, ფულს ვიშოვი, ღირსებას კი შევიძირებო. ღარიბი იყო, მაგრამ თავისუფალი და ამით კმაყოფილი, ახლა ცოტათოდენ სიმდიდეს ჰპირდებოდნენ, სამაგიეროდ კი დამცილებულად უნდა ეგრძნო თავი. - უსინათლოს ცალთვალობაც რომ შესთავაზონ, რას უშველის? და უარი უთხრა.

განმარტოებული ცხოვრობდა. თავისი ხასიათის და შეხედულებების გამო ყველასა და ყველაფრისგან განზე იდგა. გარდა ამისა, ცხოვრება რამდენჯერმე ძალიან მკაცრად მოექცა და არც იმ წრეში დარჩა, სადაც კურფეირაკმა მიიყვანა. კარგი მეგობრული ურთიერთობა ჰქონდა იმ ყმანვილებთან, წრის თავმჯდომარე ანჟოლრასთანაც; ყოველთვის მზად იყვნენ, დახმარებოდნენ ერთმანეთს, მაგრამ ამით თავადებოდა მათი სიახლოვე.

ორი მეგობარი ჰყავდა მარიუსს. ერთი ყმანვილი იყო, კურფეირაკი, მეორე - მოხუცებული, ბატონი მახეფი. მოხუცებულისკენ უფრო მიიწვედა მისი გული, მახეფის წყალობით იყო, რომ ძირიანად შეიცვალა პაპისეული შეხედულებები; გარდა ამისა, იმით იყო მახეფი კარგი და საყვარელი, რომ იცნობდა მარიუსის მამას, უყვარდა და პატივს სცემდა - თვალი ბატონმა მახეფმა ამიხილავ, - იძახდა მარიუსი.

მართლაც, დიდი გავლენა მოახდინა ბატონმა მახეფმა მარიუსზე.

მახეფის გამოჩენა მარიუსის ცხოვრებაში თითქოს ღვთის ნება იყო და არა შემთხვევითობა. მარიუსს შემთხვევით შეხვდა, უამბო მამის ამბავი, გაანათა და დაანახვა აქამდე დაფარული, სწორედ ისე, როგორც სანთელი ანათებს, ბნელში რომ შეიტანს ვინმე. მახეფი სანთელი იყო და არა ბნელში სანთლის შემტანი.

დიდი რევოლუცია განიცადა მარიუსის პოლიტიკურმა შეხედულებამ, მაგრამ ამ ცვლილებაში ბატონ მახეფს არავითარი მონაწილეობა არ მიუღია, ვერც მიიღებდა, რადგან არც ცოდნა ჰქონდა და არც შესაძლებლობა, რომ მისი შეხედულებები თავის სურვილისამებრ ემართა.

მახეფს შემდეგშიც შეხვდებით და ამიტომ ურიგო არ იქნება რამდენიმე სიტყვით გაეაცნოთ მკითხველს.

თავი მეოთხე
ბატონი მახეფი

ბატონმა მახეფმა რომ უთხრა მარიუსს, - რაღა თქმა უნდა, მე სრულიად ვეთანხმები თქვენს პოლიტიკურ აზრებსო, - სრული ჭეშმარიტება თქვა თავისი პოლიტიკური მიმართულების შესახებ: მისთვის პოლიტიკურ მიმართულებას არავითარი მნიშვნელობა არ ჰქონდა და ყველას განურჩევლად და დაუფიქრებლად ეთანხმებოდა, ოღონდ თავიდან აეცილებინა და მოეშორებინა, როგორც ბერძნებმა

იცოდნენ, რომლებიც ბოროტ ქალღმერთებს, ფურიებს, თავიდან მოსაშორებლად ტურფას ეძახდნენ, გულკეთილს და გულისწარმტაც ეფემნიდებს. მამების პოლიტიკური მიმართულება მცენარეებისა და წიგნების სიყვარული იყო. იმასაც ჰქონდა, როგორც ყველას უკლებლივ თავისი ისტი-თ დაბოლოებული წოდება, რადგან იმ დროს შეუძლებელი იყო უამისოდ ცხოვრება. მაგრამ არც როიალისტი იყო, არც ბონაპარტისტი, არც ქარტისტი, არც ორლეანისტი, არც ანარქისტი, იგი ბუკინისტი იყო.

ვერ წარმოედგინა, რომ შეგნებული ადამიანები შეიძლება ერთმანეთს წაეჩხუბონ და შეიძულონ ერთმანეთი ისეთი სისულელის გამო, როგორიცაა ქარტია, დემოკრატია, კანონიერება, მონარქია, რესპუბლიკა და სხვა, როდესაც ქვეყანა საცხაო მრავალი ხავსით, ბალახით და ყვავილებით, და გარდა ამისა, მრავალი წიგნით, რომლებიც ესოდენ საინტერესოა სანახავად და წასაკითხად. ცდილობდა ისე ეცხოვრა, რომ უსარგებლო არ ყოფილიყო; წიგნები ჰქონდა და კითხულობდა, მცენარეები უყვარდა და ბაღში მუშაობდა. პოლკოვნიკი პონშერსი რომ გაიცნო, მაშინვე ბევრი საერთო ნახა მასთან, რადგან მარიუსის მამა ყვავილებში ატარებდა თავის ბედშავ სიციხეს და მამბევი ხილის მოშენებაში. ამ მხრივ ამაო არ იყო მისი შრომა და ერთი ახალი მსხლის ჯიბი გამოიყვანა ისეთივე წვნიანი და გემრიელი, როგორიც სენ-ჟერმენის მსხალია. მისი წარმატებული მცნობის ნაყოფი იყო მირაბილად წოდებული შემოდგომის ყვითელი ქლიავი, დღეს სახელგანთქმული და ისეთივე კარგი და სურნელოვანი, როგორიც ზაფხულის მირაბილია. წირვაზე იმიტომ კი არ დადიოდა, რომ მართლა ღრმად მორწმუნე კაცი იყო; არა, დადიოდა იმიტომ, რომ წყნარი, მშვიდი კაცი იყო, უყვარდა ხალხში გარევა, მაგრამ ჭირივით სძულდა ხმაური და უწესობა. ხალხის კრებულს, სრულიად გაჩუმებულს, მარტო ეკლესიაში ნახულობდა. გრძობდა, რომ ისიც სადმე უნდა ყოფილიყო საზოგადოებაში, და მნათეს თანამდებობა აირჩია. სიყვარულის არაფერი იცოდა და ქალი არ იყო იმისთანა, რომ ისე შეჰყვარებოდა, როგორც ზამბახის ბოლქვი უყვარდა, ან კიდევ კაცი, რომ ელმევირით მოსწონებოდა. უკვე დიდი ხანი გავიდა, სამოცი წლისა გახდა, რომ ერთმა ნაცნობმა მიმართა კითხვით: - განა ცოლი არასდროს შეგირთავთ?

- ეჰ, დამავიწყდაო, - უპასუხა მამბემა. - როდესაც წამოსცდებოდა ხოლმე, - და ვის არ წამოსცდენია, - ოჰ, ნეტავი მდიდარი ვიყოო, - იმიტომ კი არ წამოიძახებდა ამას, რომ ლამაზ ქალს უყურებდა, როგორც ბატონმა ჟილნორმანმა იცოდა, არა, მაღაზიასთან იდგა და წიგნებს შესცქეროდა. მარტოდმარტო ცხოვრობდა, ერთი ბებერი დედაკაცი ჰყავდა მოსამსახურედ. ქარებით ჰქონდა თითები დაავადებული, და როცა ეძინა, საბანი იწვოდა ხოლმე მისი მოკურუნხული თითების ზემოდან. შეადგინა და გამოსცა წიგნი „კოტერეს მიდამოების ფლორა“, დასურათებული და კარგად გაფორმებული. სახლში ჰქონდა ეს გამოცემა და თვითონვე ყიდა, სახლში ჰქონდა აკრეფვე კლიშეები. დღეში ორჯერ-სამჯერ დაუნკარუნებდნენ ხოლმე ზარს მეზიერის ქუჩაში და წიგნი მიჰქონდათ. ამგვარად ორი ათას ფრანკამდე იღებდა წელიწადში, და თითქმის ეს იყო მთელი მისი ქონება. ღარიბი კაცი იყო, მაგრამ მოთმინებას იცოდა, შრომაც, ყაირათიც და, სადაც კი იშვიათს ნახავდა რამეს, ძვირფასს თავის იშვიათობით, შეიძენდა, ასე რომ, კარგი კოლექცია ჰქონდა მოგროვილი. ისე არ გავიძოდა შინიდან, რომ ილღიაში წიგნი არ ამოედო. ხშირად ორსაც მოიტანდა, შინ რომ დაბრუნდებოდა. ოთხი პატარა ოთახი ეჭირა პირველ სართულზე პატარა ბაღით

და ყველგან გამხმარი მცენარეები და ჩარჩოებში ჩასმული ძველი მხატვრების ნახატები ელაგა. დასანახდაც კი ეჭვარებოდა ხმალი და თოფი. ახლოს არ მიჰკარებია თავის დღეში ზარბაზანს, ინვალიდების სასახლესთანაც კი. კარგი მადის პატრონი იყო. ძმა მღვდელი ჰყავდა, ჭალარა თმით იყო დამშვენებული, უკბილო პირი ჰქონდა და ამგვარივე ჭკუა, ტანის კანკალი სჭირდა, პიკარული გამოთქმა ჰქონდა, ბავშვური სიცილი, ძალიან მშობარა იყო, შეხედულებით ბებრუცუნა ცხვარს ჰგავდა. ამასთან არც მეგობარი ჰყავდა ვინმე, არც ამხანაგი ცოცხალ არსებათა შორის, ერთი ბებერი მწიგნობარი რუაიოლის გარდა, რომელსაც სენ-ჟაკის ქუჩაზე ჰქონდა მაღაზია. იყო თავისთვის ბატონი მახეფი და სულ იმას ფიქრობდა, - როგორ გავახარო საფრანგეთში ინდივო.

მისი ბებერი მოსამსახურეც მასავით გულუბრყვილო ადამიანი იყო, გაუთხოვრად დაბერებული; ერთი ბებერი კატა ჰყავდა, სულთანი, რომელიც თავისი კნავილით ალევრის მიერ დაწერილ „მიწყალეს“ მოგავგონებდათ, სიქსტინის ტაძარში თქმულს; მხოლოდ ამ კატის სიყვარულით ჰქონდა გული სავსე.

ოცნებაშიც კი არასოდეს უნატრია კაცთან დაახლოება, თავის დღეში არ უღალატია თავისი სულთანისთვის. თვითონაც ისეთივე უღვამუბი ჰქონდა, როგორიც მის კატას. თავი მოსწონდა თავსაბურავებით, რომელიც ყოველთვის თოვლივით უქათქათებდა. კვირადღეს, წირვა რომ გამოვიდოდა, დაბრუნდებოდა, ამოალაგებდა თავის საცვლებს და დაიწყებდა თვლას; მერე ლოგინზე დაალაგებდა და სინჯავდა საკაბეებს, რომელიც ბლომად ჰქონდა ნაყიდი, სულ შეუკვრავად შენახული. კითხვა იყოლა. ბატონმა მახეფმა თავისებური სახელი დაარქვა ამ დედაკაცს „დედა პლუტარქი“.

ბატონ მახეფს მოსწონდა მარიუსი, რადგან მშვიდი, წყნარი და კარგად აღზრდილი ბიჭი იყო, უთბობდა სიბერეს და ამასთან არაფრით ურღვევდა მოსვენებას. სიყმანვილე რომ მიუახლოვდებოდა ტკბილად სიბერეს, ისე აამებს და გაახარებს, როგორც უქარო მზის სითბო. როდესაც გაბეზრდებოდა მარიუსი მხედრული დიდებით, თოფით და ზარბაზნით, ჯარების მოძრაობით და იმ სამხიელი ბრძოლებით, რომელშიც მამამისი ხმალს სცემდა მტერს და სისხლს ანთხევდა, ბატონ მახეფთან მივიდოდა ხოლმე სანახავად და ისიც სულ მიცვალეზულ გმირს უქებდა, ოღონდ როგორც ყვავილების მოყვარულს.

1830 წელს მიიყვალა მისი ძმა, მღვდელი, და თითქმის მაშინვე, როგორც ბნელი ღამის დროს იცის, მთლად დაუბნელდა ბატონ მახეფს ჰორიზონტი. ერთ ნოტარიუსთან ჰქონდა ათი ათასი ფრანკი; ნოტარიუსი გაკოტრდა და ფულიც დაეკარგა მახეფს. ეს იყო მისი სიმდიდრე, ზოგი თავისი მოვროვილი, ზოგი ძმისგან ნაანდერძევი. ამას ივლისის რევოლუცია მოჰყვა და წიგნის ვაჭრობის შემცირება. ფული რომ გაუჭირდება ხალხს, ყველაზე ნაკლებად „ფლორა“ იყიდება, ან, თუ გნებავთ, სულაც აღარ იყიდება და „კუტერეს მიდამოების ფლორაც“ აღარავის ახსოვდა. თრთოლას დაიწყებდა ხოლმე მახეფი, ზარის ხმას რომ გაიგონებდა; მეთულებზე გახლდათ, ბატონო, - მოახსენებდა დაღონებული დედა პლუტარქი. ბოლოს, ერთ დღეს ბატონმა მახეფმა მიატოვა მეზიერის ქუჩა, მოიშორა მნათეს თანამდებობა, გაყიდა ნაწილი, თავისი წიგნების კი არა, თავისი კლიშეებისა, რადგან ამის განირგვა უფრო ადვილი იყო, ვიდრე წიგნებისა, და მონპარნასის ქუჩაზე, ერთ პატარა სახლში გადავიდა, მაგრამ იქაც მხოლოდ სამი თვე დაჰყო ორი მიზეზის გამო; ქვემო სართულის ოთახები და ბაღი სამასი ფრანკი ღირდა წელიწადში, ის კი ორასზე

მეტს ვერ გადაიხდიდა. მეორე მიზეზი ის იყო, რომ იქვე მახლობლად ბატონი ბატუს სასროლი იყო და ვეღარ გაუძლო დამბაჩის სროლას.

ახლა სალპეტრიერის ახლოს, სოფელ აუსტერლიცში დაიჭირა სამი პატარა ოთახი, კარგად შემოღობილი ბალით და ჭით, წელიწადში ორას ორმოცდაათ ფრანკად, და იქ გადაიტანა თავისი „ფლორა“, კლიშეები, ჰერბარიუმი, წიგნები. ამ გარემოებით ისარგებლა და თითქმის მთლიანად გაყიდა თავისი ბინის მონყობილობა. გადავიდა ახალ ბინაში და ძალიან კარგ გუნებაზე იყო იმ დღეს; ყველგან თავისი ხელით მიაჭედა ლურსმანი, ზედ სურათები და გამხმარი მცენარეები ჩამოკიდა, საღამომდე მინა ჩიჩქნა ბაღში, საღამომე დაღვრემილი და დაფიქრებული რომ ნახა დედა პლუტარქი, ხელი დაჰკრა მხარზე და სიცხლით უთხრა:

- არა გვიშავს რა! ინდიგო ხომ ჩვენია!

ორად ორი კაცი იყო, სენ-ჟაკის ქუჩის წიგნის მალაზიის პატრონი და მარიუსი; რომლებსაც უფლება ჰქონდათ მისულიყვნენ და ენახათ ბატონი მახეფი თავის ახალ სახლში, აუსტერლიცში, - მეტად მყვირალა და მახეფისთვის არასასიამოვნო სახელი ერქვა სოფელს.

მაგრამ როგორც უკვე აღვნიშნეთ, როცა გონება სიბრძნით ან სისულელით არის გატაცებული, ან რაც ხშირია ჩვენს ცხოვრებაში, სიბრძნითაც და სისულელითაც ერთსა და იმავე დროს, ძალიან გვიან და ძნელად შეიგრძნობს ცხოვრების მოთხოვნილებას, - აღარც თავისი თავი ახსოვს, აღარც თავისი ბედი. ამგვარ გატაცებას თან სდევს ერთგვარი პასიურობა, რომელსაც, თუ ის გააზრებულია, შეიძლება ფილოსოფია ვუწოდოთ. ძირს ეშვება ადამიანი, მდაბლდება, ეცემა და ვერ გრძნობს ამას. მართალია, ამას ყოველთვის მოსდევს გამოფხიზლება, მაგრამ დაგვიანებული. ამ გამოფხიზლებამდე კი ადამიანი თითქოს გულგრილად ეკიდება თავის ბედსა და უბედობას. ჩვენი ბედი წყდება და გულგრილად კი შევცქერით, თითქოს ჩვენ არ გვეხებოდეს საქმე.

მის ირგვლივ ნელ-ნელა ყველაფერი ბნელდებოდა და იმედი უქრებოდა; ერთს მეორე მისდევდა, მეორეს მესამე. მაინც მხიარულად იყო ბატონი მახეფი, ცოტა ბავშვურად, მაგრამ მხიარულად. ისე ჰქონდა მიჩვეული გონება, როგორც კედლის საათის ქანქარამ იცის. რაკი გაიტყუებდა რამე ლანდი, მისდევდა და მისდევდა, დიდხანს, მაშინაც კი, როდესაც ლანდი გამქრალიყო; საათმაც ასე იცის, სწორედ იმ დროს კი არ გაჩერდება, როდესაც გასაღები დაიკარგება, არა, თავისას განაგრძობს და, რომ დაიღლება, მაშინ ჩერდება.

თავისი პატარა სიამოვნებას ჰქონდა ბატონ მახეფს, ძალიან იაფფასიანი და მოულოდნელი. სულ უმცირეს შემთხვევაში პოვებდა სასიამოვნოს. ერთხელ დედა პლუტარქი რაღაც რომანს კითხულობდა მიკუნჭული. ხმამაღლა კითხულობდა, რადგან იფიცებოდა, ასე უფრო კარგად ვიგებო. - ხმამაღლა რომ ვკითხულობთ, ფაქტით ვუმტკიცებთ ჩვენს თავს, რომ მართლა ვკითხულობთ. ბევრია, რომ ხმამაღლა კითხულობს, თითქოს თავის თავს საყვედურობს, - არც ახლა დაიჭერებ, რომ ვკითხულობო?

ამ მოსაზრებით მაგრად ჩაებლუჯა და ხმამაღლა კითხულობდა თავის რომანს დედა პლუტარქი. ბატონ მახეფს ესმოდა, თუმცა ყურს არ უგდებდა.

კითხულობდა და უცბად - საქმე დრაგონს და ლამაზ ქალს რომ შეეხო - წამოიძახა ფრაზა:

...გაიბუტა ლამაზი და დრაგონმა...

შენწყვიტა დედა პლუტარქმა, სათვალის განმენდა უნდოდა.

„გაიბუტა“ ბუდად მოესმა ბატონ მახეფს, დრაგონი ზღაპრულ დრაგონად - ვეშაპად და მოჰყვა ჩუმი ხმით:

- ბუდა და დრაგონი! მართალია, ერთი დრაგონი იყო, გამოქვაბულში იჯდა, ცეცხლს აფრქვევდა ხახიდან და სწვავდა ზეცას. რამდენიმე ვარსკვლავი იყო უკვე დამწვარი ცეცხლის ალით. საშინელი იყო ეს ვეშაპი, პირიდან ცეცხლი სდიოდა, ფეხებზე ვეფხვის ბრჭყალები ჰქონდა. ადგა ბუდა, შევიდა იმ ჯურღმულში და მიაღებინა თავისი სარწმუნოება... ძალიან კარგ წიგნს კითხულობთ, დედა პლუტარქ, მაგაზე უკეთეს ლეგენდას ვერსად ნახავთ.

და ისევ თავის ფიქრებს გაჰყვა.

თავი მეხუთე

სიღარიბე სილატაკის კეთილი მეზობელია

მარიუსი სიამოვნებით ნახულობდა ხოლმე ამ პატიოსან მოხუცს, რომელიც ხედავდა თავის ნელ-ნელა შემოპარულ სიღარიბეს, უკვირდა, მაგრამ მაინც მხიარულად იყო. კურფეირაკს შემთხვევით თუ შეხვდებოდა ხოლმე. მახეფის სანახავად კი თვითონ დადიოდა, თუმცა ძალიან იშვიათად, თვეში ერთხელ ან ორჯერ.

ძალიან უყვარდა მარიუსს შორეულ, მიყრუებულ ქუჩებში სიარული. სეირნობდა მარტოდმარტო გარეუბნებში, მარსის მოედანზე, ან სადმე ბაღში, ოღონდ შორეულ ხეივანებში; ხანდახან საათობით იდგა და შეჰყურებდა ვინმეს ბოსტანს, ტაბაკუნის კვლებს, პატივზე მოსეირნე ქათმებს და წყალსადენის ჩარხის მატრიალებელ ცხენს. ცნობისმოყვარეობით უცქეროდნენ გამვლელები; ზოგი ეჭვის თვალითაც მიაჩერდებოდა. ყმაწვილი კაცი იყო, ღარიბი, თავის ფიქრებში გართული.

ასე დასეირნობდა ერთხელ, გორბოს სახლი რომ დაინახა. ეს სახლი განცალკევებულად იდგა, ოთახი იათად იქირავა და იქ გადავიდა საცხოვრებლად. იმ სახლში მცხოვრებნი ბატონ მარიუსად იცნობდნენ.

მამამისის ძველი რამდენიმე ძველი მეგობარი გაიცნო, რომელთაც სთხოვეს, - გამოიარეთ ხოლმე, მოვიგონოთ განსვენებული მამათქვენი და ჩვენი წარსულიო. - მაღლობით მიიღო მარიუსმა ეს მიწვევა, საშუალება ეძლეოდა უფრო კარგად გაეგო მამის ამბავი. ეწვეოდა ხოლმე ხანდახან გრაფ ჰაჟოლს, გენერალ ბელავენს, გენერალ ფერიონს. იქ მუსიკით ერთობოდნენ, ცეკვავდნენ. სტუმრად წასასვლელად რომ ემზადებოდა, ახალ, სავარეო, ტანისამოსს იცვამდა. მაგრამ ამ საზეიმო დროს ტარებას მარტო მაშინ ესწრებოდა ხოლმე, როდესაც საშინელი ყინვა იდგა, რადგან იმდენი არ ჰქონდა, რომ ეტლით მიბრძანებულიყო, და არც ის უნდოდა, დასვრილი ფესაცმლით მისულიყო.

გულისტკივილით იტყოდა ხოლმე ხანდახან: - ასე გაჩენილა ადამიანი: სტუმრად რომ მიხვალთ, შეგიძლიათ ტალახში მოსვრილი იყოთ სულით-ხორცამდე, ოღონდ წაღები გქონდეთ გაპრიალებული.

ერთი რამ უნდა გქონდეთ უმწიკვლო, თუ გნებავთ, რომ კარგად მიგიღონ. თქვენ გგონიათ, სინდისი? არა, წაღები!

ყველა ვნებას აქრობს ოცნება, მაგრამ გულისას კი ვერ ერევა. მარიუსის პოლიტიკური ციებ-ცხელებაც ასევე გაქრა. 1830 წლის რევოლუციამ დაამშვიდა და ბევრი რამ დაავინყა, ძველებურად გაბრაზებაც მოიშალა. იგივე ძველი აზრები ჰქონდა, ოღონდ შერბილებული. სწორად რომ მივედგეთ საკითხს, უნდა ვთქვათ, რომ პოლიტიკური მრწამსი კი არ ჰქონდა, ზოგიერთი პოლიტიკური აზრი იზიდავდა. რომელ პარტიას ეკუთვნოდა? კაცობრიობის პარტიას. კაცობრიობიდან საფრანგეთი ამოერჩია, ერიდან ხალხი, ხალხიდან დედაკაცი. იმისი სიბრალეული მეტწილად ქალისკენ იყო მიმართული. ამჟამად იდეას უფრო მაღლა აყენებდა, ვიდრე რაიმე ფაქტს, პოეტს უფრო პატივს სცემდა, ვიდრე გმირს, იობის წიგნს უფრო მეტ თავყვანს სცემდა, ვიდრე ისეთ ამბავს, როგორიც მარენგოა. და როდესაც მთელი დღის სიარულისა და ფიქრის შემდეგ შინ ბრუნდებოდა, დაღლილი და ხეების ტოტებშუა შესცქეროდა უსაზღვრო სივრცეს, უსახელო მნათობებს, უფსკრულს, ბნელს, მიუღწეველს, ყოველივე ადამიანური უმნიშვნელოდ მიაჩნდა.

ეგონა სიცოცხლისას მნიშვნელობას მივაგენიო (იქნებ მართლაც მიეგნო), მინა მიატოვა და მას შემდეგ მარტო ზეცასლა შეჰყურებდა, ერთადერთ საგანს, რომელსაც სიმართლე თავისი ჭის ძირიდანაც კი კარგად ხედავდა.

მიუხედავად ამისა, მაინც აწყობდა თავისი მომავლის სხვადასხვა გეგმებს. ამ დროს ვინმეს რომ მის გულში ჩაეხედა, გაკვირვებული დარჩებოდა მისი სულის სინმინდით. მართლაც რომ შეიძლებოდა ჩვენი თვალით ჩაეხედოთ სხვის სინდისში, ადამიანს უფრო მართლად და შეუცდომლად, მისი ოცნების მიხედვით განესჯით, ვიდრე მისი აზრების მიხედვით. აზროვნებაში ადამიანის ნებაც ურევია, ოცნებაში კი სრულიად არა. ოცნება თავისთავად, ადამიანისგან დამოუკიდებლად იბადება ჩვენში, და არ რაც უნდა დიდი და იდეალური იყოს, მაინც მსგავსია ჩვენი სულისა. არაფერი გამოდის ისე თავისუფლად, უშუალოდ და გულწრფელი სინმინდით სულის სიღრმიდან, როგორც ჩვენი უსაზღვრო მისწრაფებანი სანატრელი იდეალისკენ. ამ მისწრაფებებში უფრო ცხადად ჩანს ადამიანის ნამდვილი ხასიათი, ვიდრე მის მიერ განსჯილ და მოფიქრებულ აზრებში. ჩვენი ოცნება ყველაფერზე უკეთ წარმოაჩენს ჩვენს პიროვნებას. ყოველი ჩვენგანი თავისი ბუნებიდან გამომდინარე ოცნებობს მიუწვდომელსა და შეუძლებელზე.

1831 წლის ზაფხული იყო. ბებერი დედაკაცი შვევიდა მარიუსთან, გორბოს სახლში რომ ემსახურებოდა, და უამბო, - სახლის პატრონი გამოყრას უპირებს ჩვენს მემობლებს, ღარიბ-ღატაკი ჟონდრეტის ოჯახსო.

მარიუსი მთელ დღეს გარეთ ატარებდა ყოველთვის, არც კი იცოდა, მემობლები თუ ჰყავდა.

- რატომ უნდა გამოყაროს?
- იმიტომ, რომ სახლის ქირას არ იხდიან, რამდენიმე თვის მართებთ.
- რამდენი მართებთ?
- ოცი ფრანკი.

ოცდაათი ფრანკი ჰქონდა მარიუსს შენახული უჯრაში.

- აი, ინებეთ, ოცდახუთი ფრანკია. სახლის ქირა გადაუხადეთ, ხუთი ფრანკიც იმ სანყლებს მიეცით, ოღონდ არ უთხრათ, რომ მე დავეხმარე.

თავი შეექვსე

შემცვლელი

პარიზში შემთხვევით გადმოიყვანეს ის რაზმი, რომელშიც თეოდული ირიცხებოდა. ამიტომ იყო, რომ ახლა მეორე აზრი აღეძრა დეიდა ჟილნორმანს. პირველად თეოდულის გამოყენება მოისურვა მარიუსის ვითომდა ვიღაც გოგოსთან სიარულის გამოსარკვევად; ახლა სხვა იყო, ახლა მარიუსის მაგივრად თეოდულის შეყვანა განიზრახა თავის ოჯახში.

ხომ შეიძლება, ისე დატრიალებულიყო საქმე, რომ თვითონ ბატონ ჟილნორმანს მოსწყურებოდა ცმანვილის სახის ნახვა თავის სახლში, ნორჩის, სიცოცხლით სავსის; თვით ნანგრევებსაც კი მოუნდებათ ხოლმე ხანდახან განთიადის ტკბილი სხივი. აუცილებლად საჭირო იყო მარიუსის მაგივრად ვინმეს შეყვანა.

- მარიუსი არ არის, თეოდული იყოს, - ფიქრობდა დეიდა, - პატარა შესწორება წიგნში ხშირად დაშვებული შეცდომისა: მარიუსი სწერია და თეოდული უნდა ნაიკითხო.

პატარა ბიძაშვილის შვილი თითქმის იგივეა, რაც საკუთარი შვილიშვილი. რაკი ვეჭილი არა გვყავს, დაე მხედარი გვყავდეს.

ერთ დილას გაზეთ „ყოველდღიურს“ კითხულობდა პაპა ჟილნორმანი. შევიდა მისი ქალი და ტკბილი ხმით მიმართა მამას, ტკბილი ხმით, რადგან თავისი საყვარელ თეოდულის საქმეს არიგებდა:

- მამა, ამ დილას თეოდული გიახლებათ თქვენ მოსაკითხავად.
- ვინ თეოდული?
- თქვენი ბიძაშვილის შვილი.
- ჰოო?

ისევ გაზეთი აიღო და აღარც კი მოჰკონებია თავისი ბიძაშვილის შვილი, რომელიც იმისთვის ვიღაც თეოდული იყო და სხვა არაფერი. კითხულობდა და თან ნელ-ნელა ბრაზი ერეოდა, რადგან გაუბრაზებლად არ შეეძლო თანამედროვე გაზეთის კითხვა. გაზეთი, - რა საჭიროა ამის აღნიშვნა, - როიალისტური მიმართულების იყო და აცხადებდა უხამსად ერთ ხშირ, ყოველდღიურ მოვლენას პარიზში, - რომ ხვალ შუადღისას პანთონის მოედანზე საეჩიმო და იურიდიულ ფაკულტეტის სტუდენტების კრება შედგება განსახილველად... განსახილველი იყო ეროვნული გვარდიის არტილერიის საკითხი, სამხედრო მინისტრისა და „მოქალაქეთა მილიციის“ გამგეობას შორის ატეხილი უთანხმოების იმ ზარბაზნების გამო, რომლებიც ლუერის ეზოში ელაგა. სტუდენტებს უნდა „განეხილათ“ ეს საქმე. ესეც კმაროდა, რომ ცოფი მორეოდა ბატონ ჟილნორმანს.

მოაგონდა მარიუსი, რომელიც იურიდიული ფაკულტეტის სტუდენტად ეგულებოდა და, რასაკვირველია, დაესწრებოდა იმ კრებას, მისთვის სულ უცხო საქმის „განსახილველად“.

ამ საზარელ ფიქრებში იყო, თეოდული რომ შევიდა მის სანახავად. სამხედრო ტანისამოსის მაგივრად, - მოხერხებული ბიჭი იყო, - ბურჟუად მოკაზმულიყო. დიდი ფიქრი კი არ იყო საჭირო ტანისამოსის შესაცვლელად:

- არ მგონია, მთელი თავისი ქონება რენტად გარდაექმნას ბებრუკუნას, რომ იმით ისარგებლოს, სანამ ცოცხალია. სხვაც ბევრი უნდა ჰქონდეს და ცოდვა არ არის, რომ ამისთვის ხანდახან ფერი იცვალოს კაცმა.

თეოდული უილნორმანის ქალმა შეიყვანა მამასთან და უთხრა:

- თეოდული, მამა, თქვენი ბიძაშვილის შვილი.

და ჩემად ჩასჩურჩულა თეოდულს:

- სრული თანხმობა. სანინალმდეგო არაფერი უთხრა.

დაარიგა და გავიდა.

ჩვეული არ იყო თეოდული ასეთ შეძლებულ და მამასადამე, დიდებულ პიროვნებასთან საუბარს და ძლივს წაიდუღუნა შემკრთალმა:

- ბიძაჩემს ვახლავარ, - და წინ წაღვა სალმის მისაცემად, მაგრამ აირია და ვერც მხედრულად გამოეჭიმა, ვერც ბურჟუის ყაიდაზე დაუკრა თავი.

- ოჰ, თქვენ ხართ? ძალიან კარგი, დაბრძანდით.

თქვა და აღარც კი მოჰკონებია სანყალი ბიჭი.

თეოდული დაჯდა. ბატონი უილნორმანი კი წამოვარდა, ხელები უილეტის ჯიბეებში ჩაიყო, აჩქარებით დაიწყო სიარული, თან ხმამაღლა ჯავრობდა და თითებით ჯიბის საათს ატრიალებდა.

- ბიჭუქებმა უნდა განიხილონ! პანთეონის მოედანზე აქვთ კრება! აი, დალახვრა ღმერთმა! ლანირაკები, გუშინ რომ ძუძუს წოვდნენ! ხელი რომ მოუჭიროთ, ჯერ კიდევ რძე გამოუვათ ცხვირიდან, და ხვალ შუადღისას იმათ უნდა განიხილონ! ველარაფერი გამიგია რა! სად მივდივართ, რა ვქნა, სად? სად მივდივართ და უფსკრულისკენ! აი, სად მიგვიყვანეს იმ არამზადა ქვეყნის მტრებმა! ქალაქის არტილერია! უნდა განიხილონ ქალაქის არტილერიის საქმე! მოედანზე უნდა გაბრძანდნენ სალაყბოდ და ისიც რაზე? ეროვნული გვარდიის ზარბაზანზე! მერე ვისთან იქნებიან იმ მოედანზე, ხედავთ, როგორ გარყვნა რევოლუციამ ხალხი?! სანაძლეოს დავდებ, რომ საპყრობილიდან გამოპარული ქერდებისა და გათავისუფლებული კატორღელების გარდა არავინ იქნება! რესპუბლიკელებს და კატორღელებს ცხვირიც ერთი აქვთ და ცხვირსახოციც! კარნომ რომ ჰკითხა, - სად ჯანდაბას წავიდე, მოლალატევე? - ფუშემ უპასუხა - სადაც გინდა, შე სულელიო! - აი, თქვენი რესპუბლიკელები!

- მართალი ბრძანებაა, - დაეთანხმა თეოდული.

მოიხედა ბატონმა უილნორმანმა, დაინახა თეოდული და განაგრძო თავისი:

- რომ მომაგონდება, იმ სულელს ავკაცობამ აჯობა და კარბონარებში ჩაერია! არა, რად მიაფურთხე ჩემს სახლს? რომ რესპუბლიკეებში ჩარეულიყავი? შეგარცხვინა ღმერთმა! ჯერ ის იყოლე, ჭკუის კოლოფო, რომ ხალხს არ უნდა შენი რესპუბლიკა! არ უნდა, არა! ხალხს ტვინი აქვს გოგრაში და ძალიან კარგად იცის, რომ ყოველთვის ყოფილან მეფეები და ყოველთვისაც იქნებიან! ყველამ ძალიან კარგად იცის, რომ ხალხი ბოლოს და ბოლოს ხალხია და პატრონი უნდა, თორემ ისე დაილუპება, როგორც უმწყემსო ცხვარი. ფეხებზე ჰკილია შენი რესპუბლიკა, გესმის შე გამოტვინებულო, შენა? არა, გინახავთ სადმე ამისთანა სიბრიყვე? დუშენის გაზეთი შეიყვაროს კაცმა, გილიოტინას გუნდრუკს უკმევდეს, ოთმოცდაცამეტის აივანთან იდგეს, გიტარას უკრავდეს და რომანსს უმღეროდეს! ფურთხის ღირსია ეს თავლაფიანი ყმანვილკაცობა, სულ იქ არიან, სულ ერთად! ერთი ვერ გადარჩება რესპუბლიკის კეთროვანებას! ან როგორ უნდა გადარჩეს, როდესაც ჰაერიც კი გაუღენთილია სანამლავით და გიჟია ყველა, ვინც ამ ჰაერს სუნთქავს! მეცხრამეტე საუკუნე კაცობრიობის სანამლავია! გამოტყვევება ვინმე ბრიყვი, რეგვინი, თხასავით მოუშვებს წვერს - ბრძენთაბრძენად მიაჩნია თავი და გარბის სახლიდან! აღარც

მოხუცებული უნდა, აღარც მისი სიყვარული! იმიტომ, რომ რესპუბლიკელი ბრძანდება, რომანტიკოსი, ერთი მიბრძანეთ, შემინყალეთ მე უეცი და ამისხენით, რა არის ეგ თქვენი რომანტიზმი? ყოველგვარი სიგიჟე და სისულელე, არა? შარშან არ იყო, გადარეულები იყავით ერნანით! ფუ, შეგარცხვინათ! რას წარმოადგენს თქვენი „ერნანი“? ცარიელ ანტიფემებს, სხვას ხომ არაფერს? საზიზღრობას, რომელიც საზიზღარი ფრანგულით არის დაწერილი! თორმეტი ზარბაზანი უდგათ ლუერის სასახლეში. ყაჩაღებს დარჩენიათ ჩვენს დროში ბურთი და მოედანი.

ბატონი უილნორმანი თავისას გაიძახოდა:

- სასახლე მუზეუმად გადააკეთეთ? ჯანდაბას თქვენი თავი! მაგრამ რად გინდათ მუზეუმის ეზოში ზარბაზნები? ხომ ჰკითხავს მუზეუმი, - აქ რა გინდა ზარბაზანო? ან იქნებ იქაც აჯანყებას მოელოთ და გინდათ ზარბაზანი ესროლოთ აპოლონ ბელვედერელს? სად ყუმბარა და სად მედიჩის ვენერა! ოჰ, დღევანდელი ყმაწვილკაცობა! სულ არამზადები არიან! დიდი ვინმე ჰკონიათ თავისი ბენეჟამენ კონსტანი! და ვინც ყაჩაღი არ არის, ყველაზე უარესია! ტანზე საძაგლად აცვიათ, ქალების ემინიათ; ძალიანაც რომ მოეწონოთ, ვერაფერს გაუბედავენ, მშიერი ძაღლივით შესცქნავიან და ამით გულიანად აცინებენ გოგოებს; ისე იქცევიან უბედურები, რომ იტყვიან, სიყვარულის რცხვენიათ ამ გლახებსო! უშნო ყმაწვილები არიან და, - არა, ეს არ კმარაო, - სისულელეს უმატებენ თავიანთ ლაჩრობას; ტეირსილენის და პოტიეს კალამბურებს იმეორებენ, ტომარასავით ადგათ სერთუკი, მეჭინბის უილეტი აცვიათ, ჭილობის პერანგი, ფარდაგის შარვალი, წაღები ტლანქი ტყავისა და - როგორც ბუმბულიო, ისეთივე სულიო! ენა ხომ წაახდინეს და საბოლოოდ წარყვინეს. კარგი ის არის, რომ დოყლაპია ბაღლებს ყველას თავისი პოლიტიკური მიმართულება აქვს და პოლიტიკური მრწამსი. მე რომ ვიყო, სასტიკად ავუკრძალავდი პოლიტიკურ მიმართულებას და პოლიტიკაში ჩარევას! ეს ძუძუმწოვარი ბაღლები ადგენენ ახალ-ახალი წესწყობილების გეგმას! იმათი სურვლისამებრ უნდა გარდაიქმნას საზოგადოება, ისინი ანგრევენ მონარქიას, ფეხქვეშ თელავენ კანონიერებას, მარნის ადგილას საბძელს დგამენ, ჩემს მეკარეს მეფის ტახტზე სვამენ, თავიდან ბოლომდე არყვევენ ევროპას, გარდაქმნას უპირებენ ქვეყნიერებას და კმაყოფილებად მიაჩნიათ თავი, თუ გაუღიმათ ბედმა და მრეცხავი დედაკაცის ტიტველი ბარძაყი დაინახეს სადმე, კაბას რომ აიწვეს ეტლში ასაძრომად. ოჰ, მარიუს! შე ცუდლუტო, შენა! მოედანზე უნდა გავიდეს, საზოგადოებრივი საქმის მოსაწყობად! ბჭობა იქნება, კამათი, საჭირო დადგენილებები და საჭირო ღონისძიებები! ლაზღანდარობენ, ლაყბობენ და დადგენილებას და ღონისძიებას უწოდებენ თავის ბავშვურ ტიტინს! მამა-პაპას რას ჰკითხავენ, ბავშვებმა ჩაიგდეს ხელში! დიდი ქაოსი ვნახე და ახლა დომხალს ვხედავ! როგორც ეტყობა, არეულობასაც სჩვევია დაკნინება, ბაღლი მოწაფეები სჯიან ეროვნული გვარდიის საქმეს! ამას პირვანდელ ველურ ხალხებშიც ვერსად ნახათ! ის პირვანდელი ველურები, უფრო ჭკვიანები არიან, ვიდრე ჩვენი უნივერსიტეტდასრულებული ბაკალავრები, თუმცა შიშველ-ტიტვლები დადიან ის ველურები და ხელში კეტი უჭირავთ. დედის რძე არ შემწობიათ ტუჩებზე და ისინი მიდგენენ კანონმდებლობას! დიახ, ბატონო, სჯიან და მიკანონებენ თავის აბდაუბდას! მეორედ მოსვლაა, რაღა! არა, ალბათ ბოლო უნდა მოედოს ამ საცოდავ, დამინებულ ქვეყნიერებას! საჭირო იყო საბოლოო ამოსუნთქვა და საფრანგეთი სულს ღაფავს. მამ განსაჯეთ, იყბედეთ,

ბატონებო! ასეა და ასე იქნება, მანამ ასე თამამად დაიჭერენ ხელში გაზეთს და ოდენონის თაღებქვეშ დაინყებენ მის კითხვას. ერთი სუ ეხარჯებათ და გარდა ამისა, ჭკუა, გონება, გული და სული, მერე კიდევ სახლსაც მიატოვებენ, თავის ოჯახსაც, ოჰ, ეს გაზეთები! ჭირია, ჭირი, ხალხის გამრყენელი! თვით „თეთრი ბაირალიც“, მარტენვილიც კი იაკობელებში არ ფრია? ეჰ, ზეცავ სამართლიანო! შეგიძლია დაიკვეხო, რომ სასონარკვეთილ უიმედობამდე მიიყვანე მოხუცებული პაპაშენი. შე...

- ეჰ, მართალსა ბრძანებთ, - უთხრა თეოდულმა.

ხელთ ეგდო დრო, სანამ ჟილნორმანი გულიანად ამოისუნთქებდა, და დაუმატა პროფესორულად:

- სულ უნდა მოისპოს გაზეთები, გარდა „მონიტორისა“ და აგრეთვე უნდა მოისპოს წიგნები, გარდა „სამხედრო წლიურისა“. ბატონ ჟილნორმანს ჯერ არ დაემთავრებინა თავისი:

- სიეიესისა არ იყოს! სენატორი გახადეს მეფის მკვლელი! სავალალოც ის არის, რომ ყოველთვის ამით აბოლოებენ საქმეს. ერთმანეთს, შენაო - ახლიან, ან კიდევ - მოქალაქეო, რომ გრაფობა გაიკრან და „ბატონი გრაფი“ გახდნენ. მკლავისსისხო ბატონი გრაფი! ბატონი სექტემბრის კაცისმკვლელები! ფილოსოფოსი სიეიესი! თამამად შემოძლია ვთქვა, რომ ამ ფილოსოფოსთა ფილოსოფიას სწორედ იმდენად ვაფასებდი, რამდენადაც სათვალეს მაიმუნის თვალებზე. ერთხელ სენატორები ვნახე მალაკეს ბულვარზე მიმავალნი, იისფერი ხავერდის წამოსახსამებით, ზედ ფუტკრები და ანრი მეოთხის ქუდი ჰქონდათ ამოქარგული. საზიზღრები იყვნენ, იტყოდით, ვეფხვის სასახლის მაიმუნები არიანო. მოქალაქევე! აი, გიყხადებთ, რომ სიგიჟეა თქვენი პროგრესი, ცარიელი ოცნებაა თქვენი კაცობრიობა, ავკაცობაა თქვენი რევოლუცია, ურჩხულია თქვენი რესპუბლიკა! თქვენი ნორჩი, ქალწულივით უმანკო საფრანგეთი საროსკიპო სახლიდან არის გამოსული და აი, ხმამალლა გეუბნებით ყველას, ვინც უნდა იყოს - პუბლიცისტები, ეკონომისტები, კანონმდებლები, თუნდაც თავისუფლების, ძმობა-ერთობისა და თანასწორობის უკეთ მცოდნენი, ვიდრე გილიოტინის მახვილი არის! აი შიგ პირში გიყვირით ამას, შიგ პირში!

- დიდებულია, - შეჰყვირა თეოდულმა, საუცხოო ჭეშმარიტება!

თავისი მსმენელისკენ მიბრუნდა ჟილნორმანი, თვალი თვალში გაუყარა და თავისებურად უკმეხად უთხრა:

- დიდი სულელი ბრძანდებით!

წიგნი მეექვსე

ორი ვარსკვლავის შეხვედრა

თავი პირველი

გვარად რჩება მეტსახელი

ამ დროს მარიუსი ლამაზი ყმანვილი კაცი იყო, მოხდენილი და შნოიანი. საშუალო ტანის, მშვენიერი შავი თმით, განიერი, ვნებიანი ნესტოებით, მშვიდი, გულუბრყვილო, მაგრამ მედიდური, ჩაფიქრებული შესახედაობის. პირისახის ყოველი ხაზი მომრგვალებული ჰქონდა, თუმცა ამით არ კარგავდა თავის სიმკაცრეს და ის გერმანული სინაზე ემჩნეოდა, რომელიც ელზასით და ლოტარინგიით შემოერია

ფრანგის ფიზიონომიას. იმ ხნისა იყო მარიუსი, როდესაც ადამიანის ფიქრით გატაცებული გონება, თითქმის ერთნაირად შეიცავს სიღრმესა და გულწრფელობას. რამე საშინელი რომ შემთხვეოდა, შეიძლებოდა გამოუცდელიობის გამო სისულელე ჩაედინა, მაგრამ შეიძლებოდა ისეც მომხდარიყო, რომ გონება მოეკრიბა და დიდებულად გადარჩენილიყო განსაცდელს. თავდაჭერილი ქცევა ჰქონდა, ზრდილი და მშვიდი იყო. მისის ვარდის კოკორივით ლამაზი პირი ჰქონდა, ალისფერი ტუჩები და ბროლის კბილები. ეს სილამაზე ატკობდა მის ფიქრიან სახეს. ხანდახან უცნაურ განსხვავებას გამოხატავდნენ მისი უმანკო შუბლი და ყინიანი ღიმილი. თვალი პატარა ჰქონდა და მზერა დიდი.

გაჭირვებული რომ იყო და ქუჩაში მიმავალს ქალები დააცქერდებოდნენ, ან გაჩერდებოდნენ და ისე უყურებდნენ, ცდილობდა დამალვოდა, გაქცეოდა და გული უკვდებოდა დარდით. - იმიტომ მიყურებენ ასე, - ფიქრობდა ჯერ გამოუცდელი, - რომ ძველი ტანისამოსი მაცვია, დამცინიან, მასხრად მიგდებენო. - ის კი არ იცოდა, რომ მის სილამაზეს შესტყეროდნენ და მასზე ოცნებობდნენ.

ამ უმანკო გამოუცდელიობის ბრალი იყო, რომ ხანდახან გაჯავრებული უკმეხად შეხედავდა ხოლმე ლამაზ ქალებს და ვერც ერთზე ვერ შეეჩერებინა თვალი, რადგან ყველას გაურბოდა. ასე ცხოვრობდა ბავშვურად. - სულელურად! - იძახდა კურფეირაკი.

კურფეირაკი დასცინოდა, არიგებდა, შენობითყ ელაპარაკებოდა: რადგან უკვე მეგობრად თვლიდა.

- არა, იქნებ გგონია, თაყვანსაცემი კაცი ვახდები, ნეტარებას რომ გაურბიხარ? არა, ძმაო, ცდები! იცი, რას გირჩევ: ნულარ კითხულობ ამდენ წიგნებს და თვალების დასასვენებლად ლამაზ გოგოებს გადახედე. რომ იცოდე, რა კარგები არიან, ის საძაგლები! შენ ისე წითლდები და ერიდები, რომ ხახამშრალი დამრჩები!

ან არა და, რომ შეხვდებოდა სადმე, ხუმრობით მისეალმებოდა:

- დილა მშვიდობისა, მამაო!

ასეთი დარიგების და დაცინვის შემდეგ უფრო უარესად იღუშებოდა მარიუსი, შორიდან უვლიდა ქალებს და ცდილობდა კურფეირაკს არსად შეხვედროდა.

მაგრამ მაინც მოიპოვებოდა ქალთა ურიცხვ სიმრავლეში ორი ადამიანი, რომლებსაც არ გაურბოდა და არც ერიდებოდა. ძალიან გაიკვირვებდა, რომ ეთქვა ვინმეს, რომ ეს ორიც ქალი იყო. ერთი ბებერი მეკარე, იმისი მეზობელი, წვერიანი დედაკაცი, რომელიც ოთახს უკვდა და ემსახურებოდა. ამ დედაკაცის ბრალი იყო, რომ ერთხელ კიდევ დასცინა კურფეირაკმა: მისი მოსამსახურე ქალი წვერს ატარებს და თვითონ კი არააო. მეორე, ერთი პატარა გოგო იყო, რომელსაც ხშირად ხედავდა, მაგრამ ზედაც არ უყურებდა.

ერთი წელი იქნებოდა, ლუქსემბურგის ბაღის შორეულ ხეივანში სეირნობისას შენიშნა, რომ ერთი კაცი და ყმაწვილი ქალი ყოველთვის იქ იყვნენ მისი სეირნობის დროს, ყოველთვის ერთად სხედან ერთსა და იმავე სკამზე, ხეივნის განაპირას. შემთხვევა თან სდევს იმ მოსეირნეთ, რომლებიც თვალდახუჭულივით დადიან და ვერაფერს ხედავენ. სწორედ ამ შემთხვევის ბრალი იყო, რომ მარიუსი ყოველთვის ამ ხეივნისკენ მიემართებოდა და თითქმის ყოველდღე იქ ხედავდა იმ ქალსა და კაცს. კაცი ერთი სამოცი წლის იქნებოდა, დაღონებული, დარბაისელი; გარეგნობით ძლიერს, მაგრამ დაქანცულ სამხედრო პირს ჰგავდა, სამსახურიდან გამოსულს.

გულზე რომ რამე მედალი ჰქონოდა, მარიუსი იტყოდა, - ძველი ოფიცერიო - გულკეთილს ჰგავდა, მაგრამ მიუკარებელს. რაც უნდა ყოფილიყო, თვალს არავის გაუსწორებდა. ლურჯი შარვალი და სერთუკი ეცვა, განიერთვარდლიანი ქედი, რომელიც ყოველთვის ახალს ჰგავდა, შავი ყელსახვევი და კვაკერის პერანგი, ესე იგი, თოვლივით თეთრი, მაგრამ მსხვილი ტილოსი. ერთხელ ამ კაცს ერთმა კეკლეუსმა გაუარა გვერდზე და თავი ვერ შეიკავა, - ქვრივია, მაგრამ მაინც სუფთად არისო, წამოიძახა. თმაც თოვლივით თეთრი ჰქონდა.

პირველად რომ მიაქცია ყურადღება მოხუცებულს და მასთან მყოფ ყმაწვილ გოგონას, წინ რომ გაუარეს და ცოტა იქით, თავისად მიჩნეულ სკამზე დასხდნენ, ცამეტ-თოთხმეტი წლის იქნებოდა პატარა ქალი. გამხდარი, დაღეული იმდენად, რომ სახის სილამაზეს ავიწყებდა ადამიანს. მორცხვი, ჯერ უმნიშვნელო, მაგრამ ლამაზი თვალებით, მის ზევით აპყრობილ თვალებში რაღაც უსიამოვნო რწმენა იხატებოდა. ტანისამოსი მონასტრის პანსიონელის ეცვა, ბებრული და თან ბავშვური; ცუდად გამოჭრილი კაბა უშნოდ ადგა. მამა-შვილს ჰგავდნენ.

მარიუსის ყურადღება მიიპყრო ამ ჭაღარა კაცმა და ორი-სამი დღის განმავლობაში სულ იმას აკვირდებოდა. ჯერ მოხუცებული არ უნდა ყოფილიყო. ეტყობოდა, ცხოვრების მიერ იყო გატეხილი. გოგონა ჯერ ბავშვი იყო, არათყუარს წარმოადგენდა. ამით დაამთავრა მათი თვალყურება, მერე იმათკენ აღარც კი მიუხედავს. თავის მხრივ ისინიც ისე იქცეოდნენ, თითქოს მარიუსს ვერც კი ხედავენო. ისხდნენ და ლაპარაკობდნენ მშვიდად და ტკბილად. სულ გოგონა ტიტიწებდა რაღაცას, ისიც ხანდახან მშობლიური სიყვარულით სავსე თვალებს არ ამორებდა პატარას.

თავისდა უნებურად ჩვეულებად გადაეცა მარიუსს ამ ხეივანში სეირნობა და, სასეირნოდ რომ მივიდოდა, ყოველთვის ერთსა და იმავე დროს, ბებერ კაცსაც იქ ხედავდა თავისი ქალით, იმავე სკამზე.

აი როგორ ხდებოდა ეს.

მარიუსი უფრო ხშირად ხეივნის ბოლოდან იწყებდა სეირნობას. იმ სკამის მოპირდაპირე მხრიდან, რომელზეც ისინი ისხდნენ. მთელ ხეივანს გაივლიდა წელი ნაბიჯით, წინ გაუვლიდა იმათ სკამს, თავამდე ჩავიდიოდა, მერე მობრუნდებოდა და ისევ ისე გაივლიდა მთელ ხეივანს ბოლომდე და ხელმეორედ დაიწყებდა სიარულს, ხუთჯერ-ექვსჯერ აივლიდა და ჩავივლიდა მთელ ხეივანს; ასე სეირნობდა ხუთ-ექვს დღეს კვირაში და აზრადაც არ მოსდიოდა არც მას, არც მით უფრო იმათ, ერთმანეთისთვის სალამი მიეცათ უბრალო ზრდილობის გამო. ამ ჭაღარა კაცმა და პატარა ქალმა, რომლებიც თვალს ვერავის უსწორებდნენ, ან უფრო იმიტომ, რომ თვალს არიდებდნენ ყველას, სტუდენტების ყურადღება მიიპყრეს, რომლებიც ხანდახან ჩასეირნებდნენ ხოლმე ამ ხეივანში, ლექციის შემდეგ, სხვები - ბილიარდის თამაშით დაღლილები. ამ უკანასკნელთაგანი იყო კურთფერაკი და მანაც კარგა ხანს ათვალთვინებდა კაცს და ქალს: მაგრამ ქალი არ მოეწონა და მაშინვე შორს გადას. პართელივით გაიქცა იქიდან კურთფერაკი, მაგრამ მეტი სახელი კი დაუტოვა. მისი ყურადღება უმთავრესად ქალის შავმა კაბამ და კაცის თეთრმა თმამ მიიპყრო და სახელად ერთს ქალბატონი ლანუარი დაარქვა, მეორეს - ბატონი ლებლანი. იმათი არც სახელი იყო და ვინმემ, არც გვარი და მათზე რომ ჩამოვარდებოდა ლაპარაკი, ამ მეტსახელით იხსენებდნენ ყველანი და გვარადაც ის შერჩათ.

- აგერ ბატონი ლებლანი, თავის სკამზე მის, - იძახდნენ სტუდენტები.

არც მარიუსმა იუცხოვა ეს სახელი და ისიც ბატონ ლებლანს ეძახდა მოხუცებულ უცნობს.

ჩვენც მათ მივყვეთ და მოთხრობის გასაადვილებლად ბატონი ლებლანი ვეწოდოთ.

ასე ხვდებოდა მათ მარიუსი თითქმის ყოველდღე ერთსა და იმავე დროს. პირველი წლის განმავლობაში კაცის ბუნებას თავისას ამსგავსებდა, ქალისას კი არა.

თავი მეორე
Lux Fecta est

მეორე წელს, სწორედ იმ დროს, სადაც შევჩერდით ამ ისტორიის თხრობისას, მთელი ექვსი თვის განმავლობაში ფეხი აღარ შეუდგამს მარიუსს ლუქსემბურგის ბაღში. თვითონაც ვერ გეტყვოდათ, რა იყო მიზეზი, მაგრამ დაეინყებულ იქონდა თავისი შარშანდელი ჩვეულება. როგორღაც მოხდა ერთხელ, რომ ისევ იმ ხეივანში შევიდა. ზაფხულის მშვენიერი დილა იყო და მარიუსიც მხიარულ განწყობაზე იყო, მისიერნობდა წელ-წელა და ისე იყო აღტაცებული, რომ ხის ტოტებიდან მომავალი ჩიტების გალობა თავისი გულიდან ამოძახილად ეჩვენებოდა, და გულში ნადებად მიაჩნდა მოწმენდილი ცა, რომლის წვრილ ნაჭრებსაც ხეების ზემოდან ხედავდა.

ძველებურად მიჰყვებოდა ხეივანს და, ბოლოს რომ მიაღწია, ისევ იმ სკამზე დაინახა თავისი ნაცნობი წყვილი. ოღონდ რომ მიუახლოვდა და თვალი გადაავლო, მოხუცებული კაცი იგივე იყო, ქალი კი ისე შეცვლილიყო, რომ - ეს ის არ არისო, - იფიქრა, პატარა გოგო კი არა, მოზრდილი ქალი იჭდა მოხუცებულის გვერდით, ტანადი და ლამაზი, დამშვენებული იმ გულწარმტაცო სიტურფით, რომელიც ქალს სწორედ მაშინ ამკობს, როდესაც ბავშვურ უმანკობას ქალის სიკვკლუცე და სინარნარე ერევა; გარდამავალი ხანი, მართლაც უმანკო, როდესაც ორი სიტყვით შეიძლება ქალის დახასიათება - თხეთმეტი წლისა. მშვენიერი თმა წაბლისფერი ჰქონდა, რომელსაც ოქროსფერი გადაჰკრავდა: გაშლილი, მარმარილოს ქანდაკების მსგავსი შუბლი; მაისის ვარდის ფურცლის მსგავსი მოწითალო ღაწვი; კოკორივით კობტა ბაგე, რომლის ღიმილიც სინათლეს ჰფენდა და სიტყვა - მუსიკასავით ტკბილი. ლამაზი თავი ჰქონდა, რომელსაც რაფაელი მარიამის დასახატად გამოიყენებდა, და უან გუჟონი - ვენერასი. ამ სურათის აღწერას რომ არაფერი დავაკლოთ; კობტა ცხვირი ჰქონდა, ლამაზი კი არა, კობტა; არც სწორი იყო, არც მოხრილი, არც იტალიელის და არც ბერძნისა; პარიზელის ცხვირი ჰქონდა, ესე იგი, რაღაც კობტა, წვრილი, ცალკე თითქოს უფორმო, მაგრამ სახესთან შეწყობილი და დამშვენებული; სწორედ ისეთი, რომელიც სასონარკვეთილებაში ავდებს მხატვარს და ხიბლავს პოეტს.

წინ რომ გაუარა მარიუსმა, თვალები ვერ დაუნახა, რადგან ჩვეულებისამებრ ძირს იყურებოდა ქალი. მართო წაბლისფერი ხშირი წარბ-წამწამი დაინახა.

ყურს უგდებდა ჭაღარით მოსილ მოხუცს ქალი და იღიმებოდა, ბავშვურად, და არაფერი იქნებოდა ისეთი მომხიბლავი, როგორც ეს ნორჩი ღიმილი და მორცხვად დაღუნული თავი.

პირველი შეხედვით ვერც იცნო მარიუსმა; იფიქრა, - ეს ამ კაცის მეორე ქალი უნდა იყოს, იმ გოგოს უფროსი დაო, - მაგრამ როდესაც, - ახლა უფრო ვერ უმტყუნებდა

თავის ჩვეულებას, - მეორედ გაუარა მათ სკამს და კარგად დააქცერდა ამ ამოცანის გამოსაკვლევად, დარწმუნდა, რომ სწორედ ის იყო, შარშანდელი პატარა გოგონა. ექვსი თვის განმავლობაში გოგონა ლამაზ ქალად გადაქცეულიყო. - ბუნებრივი მოვლენა, სხვა არაფერი. ძალიან ხშირია ეს მოვლენა, რაღაც წამია ერთი, როდესაც თვალის დახამხამებაში იშლება და იფურჩქნება პატარა გოგო და მისის ვარდად იქცევა უცხად. გუშინ მითოვებული ბავშვი იყო, და დღეს გაფურჩქნილა და ვნების ამშლელია.

გაზრდილიყო პატარა ქალი და ამასთან ერთად იდეალს დაახლოებოდა. როგორც აპრილში სამი დღე კმარა ზოგიერთი ხისთვის, რომ შეიმოსოს გაშლილი ყვავილებით, ექვსი თვე იკმარა პატარა გოგომ, რომ ქალის მშვენიერებით შემოსილიყო. მასაც დასდგომოდა თავისი აპრილი.

ხანდახან ხდება ხოლმე, ღარიბი კაცი, გაჭირვებული, წვრილმანებამდე ყაირათიანი, უცხად წამოვარდება, თითქოს ეძინა და გამოიღვიძაო, ფლანგავს ფულს, უხვიც არის და კეთილიც; ფული ჰქონდა დიდი ხნით ბანკში შეტანილი და ვადის გასვლას ელოდა. აგერ გავიდა ვადა და ეღირსა თავისი ფული. ყმანვილ ქალსაც ეღირსა თავისი გაზაფხული.

გაზაფხულის ყვავილი იყო, ახალგაშლილი და აღარც თავისი პანსიონური ქუდი ეხურა, აღარც უშნო შავი კაბა და მონათვის ფეხსაცმელი ეცვა, აღარც შარშანდელივით ჩანთილებული ხელები ჰქონდა. სილამაზეს გემოვნებას თან მოჰყოლოდა. ლამაზი ქალი იყო, კოხტად მორთული, სალუქად გამოწყობილი. კაბა ისევ შავი ეცვა, მაგრამ აბრეშუმის, მოკლე წამოსასხამიც იმავე აბრეშუმისა და თეთრი კრეპის ქუდი. თეთრი ხელთათმანი აჩენდა მისი გრძელი თითების სინატიფეს; ხელში ქოლგა ეჭირა, ჩინური სპილოს ძვლის ტარით და აბრეშუმის ფეხსაცმელი უმშვენებდა პატარა კოპნია ფეხს. გვერდზე რომ გაუვლიდა კაცი, მისი სილამაზისა და სიყმაწვილის სურნელებით ტკბებოდა.

მოხუცებული კი იგივე იყო, რაც მანამდე.

მეორედ რომ მიუახლოვდა მარიუსი იმათ სკამს, წამწამი ასწია ქალმა. ციური ლურჯი და ღრმა თვალი ჰქონდა, მაგრამ მის დაბურულ ლაყვარდში ჯერ მარტო ბავშვი მოჩანდა. გულგრილად შეხედა მარიუსს, როგორც შეხედავდა ნეკერჩხალის ქვეშ მოთამაშე პატარა ბიჭს, ან მარმარილოს ლანგარს, რომელიც ჩრდილს სცემდა მის სკამს. და მარიუსმაც ისე გაიარა ქალის წინ, რომ სხვა რაღაცაზე ფიქრობდა.

ოთხჯერ, თუ ხუთჯერ გაუარა წინ ბატონ ლებლანს და ქალბატონ ლანუარს, მაგრამ ერთხელაც აღარ გაუხედავს მათკენ. ყ

მას შემდეგ ჩვეულებისამებრ დადიოდა სასეირნოდ იმავე ხეივანში. ჩვეულებისამებრ იქ ხედავდა „მამასაც და იმის ასულსაც“, მაგრამ ყურადღებასაც აღარ აქცევდა. ისევე უმნიშვნელო იყო იმისთვის ეს ლამაზი ქალი, როგორც უმნიშვნელო იყო შარშან პატარა გოგონა. დასეირნობდა, ახლოს გაუვლიდა ხოლმე სკამს, სადაც ეს ქალი იჯდა, მაგრამ ეს უბრალო ჩვეულება იყო და სხვა არაფერი.

თავი მესამე

გაზაფხულის გავლენა

საშინელი სიციხე იდგა ერთ დღეს, მაგრამ ხის ფოთლებს ვერ სჯობნიდა მზის სხივი და ხეივანში საკმაოდ გრილოდა. ისე იყო ცა მონმნდილი, თითქოს იმ დილას გაერეცხათ ანგელოზებს. ნაბლის ფოთლებში ბელურები შეფარულიყვნენ და რაღაცას ჭიკჭიკებდნენ. მარიუსმა სული და გული გაულო ბუნებას, აღარაფერს ფიქრობდა, სიცოცხლით ტკებოდა, გრილ ჰაერს სუნთქავდა და, მოხუცებულის და მისი ქალის სკამს რომ მიუახლოვდა, უცბად შეხედა ქალმა და თვალი თვალს შეხედა.

რა იყო ამჟამად იმ ლამაზი ქალის თვალში? ამაზე ჰასუს მარიუსიც ვერ გაგცემდათ. თითქოს არაფერი იყო და იმავე დროს - ყველაფერი, რაღაც უცნაური ელვა იყო.

შეხედა და თავი დაღუნა, მარიუსი თავის გზას გაჰყვა.

ლამაზი ქალის თვალი დაინახა მარიუსმა, ოღონდ ჰატარა გოგოს უმანკო თვალი კი არა, არა! საიდუმლო უფსკრული იყო, რომელმაც ერთი წამით გაალო პირი და მაშინვე მიიმალა.

ვაი იმას, ვისაც მოხვდება მსგავსი მზერა!

ეს სულის პირველი სხივია, თვალიდან გამოტყორცნილი, რომელიც ჯერ არც იცნობს თავის ძალას, ისეთივე, როგორიც განთიადია ცაში; აღდგომაა რაღაც უცნობისა და ნეტარის. ყოვლად შეუძლებელია დანახვა იმ საშინელი და თან მომხიბლავი ელვისა, რომელიც ასე უცბად ამუქებს ბნელს და რომელშიც ერთად ჩართულან ანმყოს სრული უმანკოება და მომავლის ვნებიანობა. ერთგვარი გაუბედავი აღერსია, რომელიც შემთხვევით აღიგზნება და იცდის. მახეა, რომელსაც თავისდა შეუმჩნეველად დგამს უმანკოება, და რომელშიც, ვინ იცის, რამდენ გულს გააბამს უნებურად და შეუმჩნეველად. ეს ქალწულია, რომელიც დედაკაცივით იყურება.

შეუძლებელია, ღრმა ოცნება არ აღეძრას, ვისაც კი მოხვდება ეს სხივი. მთელი უბინოება, უმნიკვლოება ამ საბედისწერო წამიერ ელვაში არის შეგროვილი, რომელიც ყოველგვარ კველუცობაზე უფრო ძლიერია და რაღაც ჯადოქრული ძალით წმინდად აღაგზნებს გულის სიღრმეში იმ საოცნებო ყვავილს, რომელსაც სიყვარული ჰქვია.

სალამოზე შინ რომ მივიდა, თვალი გადაავლო მარიუსმა თავის ტანსაცმელს და პირველად მაშინ მოხვდა თვალში მისი უვარგისობა. მაშინვე მიხვდა, რომ სისულელე იყო ხალხით სავსე ბაღში ამ ჭუჭყიანი, ძველი, გაცვეთილი საშინაო ტანსაცმლით სეირნობა; ქუდი დახეული ფვარა, ტლანჩი წაღები ეცვა, თითქო მეეტლე ყოფილიყოს, შავი შარვალის მუხლის თავებზე მთლად გასთეთრებოდა და შავი სერთუკი, იდაყვებზე გამოხეუნებოდა.

თავი მყოთხე
ავადმყოფობის დასაწყისი

მეორე დღეს, სასეირნოდ წასვლის დრო რომ მოახლოვდა, მარიუსმა კარადიდან ახალი ტანსაცმელი ამოალაგა, - სერთუკი, შარვალის, წაღები, ქუდი, მოიკაზმა თავისი საგარეო ტანსაცმლით, ჩაიცვა ხელთათმანი, რაც მეტისმეტად ფუფუნების ნიშნად მიაჩნდა და სასეირნოდ წავიდა.

გზაში კურთფერავი დაინახა, მაგრამ თვალი აარიდა. ის კი, მივიდა თუ არა თავის ამხანაგებთან, მაშინვე ახალ ამბავს მოჰყვა:

- ეს არის შევხვდი მარიუსის ახალ ქედს და ახალ სერთუკს და შიგ მარიუსს. ცხადია, გამოცდაზე მიეშურებოდა, უაღრესად სულელური გამომეტყველება ჰქონდა.

ბაღში რომ შევიდა, ჯერ აუზს შემოუარა, გედები ნახა, მერე დიდი ხანი იდგა ერთ ქანდაკებასთან და შესცქეროდა იმის ხავსით გაშავებულ თავს და მოტეხილ ფეხს. იქვე ერთი ორმოცი წლის ღიპიანი ბურჟუა დაინახა, რომელსაც თან ჰყავდა პატარა, ხუთი წლის ბიჭი. ბავშვის ხელი ეჭირა ბურჟუას და არიგებდა:

- მოერიდე უკიდურესობას, შვილო, თანასწორ მანძილზე დაუდექი ღესპოტიზმსაც და ანარქიასაც.

ეს ბურჟუის სიბრძნევ მოისმინა მარიუსმა, მერე ერთხელ კიდევ შემოუარა აუზს და ბოლოს, როგორც იყო, წავიდა „თავისი ხეივანისკენ“; ნელი ნაბიჯით მიდიოდა, თითქოს ნაძალადევად. თითქოს იჭერდა რალაც და იმავე დროს წინ უბიძგებდა. ამას ვერ ხედავდა მარიუსი და დარწმუნებული იყო, ყველაფერი თავის რიგზეაო.

ხეივანში რომ შევიდა, შორიდანვე დაინახა თავიანთ სკამზე ბატონი ლებლანი და ყმანვლი ქალი. მაშინვე შეიკრა ღილები, სულ ნიკაპამდე, გაისწორა სერთუკი, რომ ტანზე შეკეცილი არსად ყოფილიყო, სიამოვნებით დააწყერდა თავისი შარვლის პენიან ნაოჭს და მერე სკამს მიაშურა. იერიში იყო მის მოძრაობაში და, რასაკვირველია, აგრეთვე გამარჯვების უიმედო სურვილი, ამიტომ ვამბობთ, „სკამს მიაშურა“, როგორც ვიტყოდით „ჰანიბალმა რომს მიაშურა“.

საერთოდ კი, სრულიად ანგარიშმიუცემელი იყო ყოველი მისი მოძრაობა. არაფერი შეცვლილიყო არც სეირნობაში, არც ფიქრებში; და სწორედ იმ დროს, როცა წინ გაუარა ბატონ ლებლანს, სულ იმას ფიქრობდა, რომ „ბაკალავრის სახელმძღვანელო“ სისულელის მეტს არას წარმოადგენდა და, ცხადი იყო, იშვიათი რეგენების მიერ უნდა ყოფილიყო შედგენილი, თორემ კაცობრიობის მწერლობის შედეგად რატომ დაესახელებინა და გაერჩია რასინის სამი ტრავგედია და მოლიერისა კი მხოლოდ ერთი? რალაც მკვეთრი ზრიალი ედგა ყურში. რომ მიუახლოვდა, სერთუკი გაისწორა და თვალები ქალს დაამტერა. უყურებდა და ისე ეჩვენებოდა იქაურობა, თითქოს მთელ ხეივნის ბოლოს მოსდებოდა იმ ქალის ცისფერი თვალის სხივის ელვარება.

უახლოვდებოდა, და თან უფრო და უფრო ამცირებდა ნაბიჯს. ავერ, კარვად ჩანს სკამი. ხეივნის ბოლომდე ჯერ კიდევ დიდი მანძილია, რომ იქ მივიდეს და უკან გამობრუნდეს, მაგრამ სკამთან გავლა ვეღარ შეძლო და თვითონაც არ იცოდა, რა მოხდა. უკან გამობრუნდა! არა, რალაცამ შეაყენა და გამოაბრუნა. ძლივს დაინახავდა ქალი შორიდან, ძლივს შენიშნავდა, რომ ახალი ტანისამოსით გამოსულიყო და ძალიანაც უხდებოდა, ერთილა ახსოვდა მარიუსს, - ყოჩაღად ევლო, რომ თუ უკნიდან ვინმე გამოხედავდა, ფეხი არსად წასხლტომოდა.

ხეივნის თავამდე ჩავიდა, მერე დაბრუნდა და ახლა უფრო მიუახლოვდა სკამს, მხოლოდ სამი-ოთხი ხელა იყო სკამამდე გასაღვლელი, მაგრამ საზარელი, დაუძლეველი წინააღმდეგობა იგრძნო, ფეხი ვეღარ გადადგა და შეეყმანდა. ერთ წამს თითქოს დაინახა, რომ ყმანვილმა ქალმა მისკენ მიიბრუნა სახე. მოიკრიბა, რაც ძალა ჰქონდა, დაიმორჩილა გული, და სკამისკენ წავიდა. რამდენიმე წამის შემდეგ მივიდა სკამთან, წინ გაუარა. წელში გაჭიმული იყო, ფეხს მაგრად ადგამდა. ჭარხალივით განითლებულიყო, ვერც მარჯვნივ ბედავდა გახედვას, ვერც მარცხნივ, ხელი სერთუკში ჩაეყო, როგორც სახელმწიფო მოხელეს და იმ წამს, როდესაც ვითომ

მსროლელი ზარბაზნების ქვეშ გაიარა, საშინლად აუძგერდა გული. ქალს გუშინდელივით შავი აბრეშუმის კაბა ეცვა, იგივე ქუდი ეხურა. და ხმა შემოესმა, ჯერ გაუგონარი, რომელიც „იმისი ხმა“ უნდა ყოფილიყო, - დამშვიდებული ელაპარაკებოდა ლებლანს. მართლა მშვენიერი რამ იყო. მარიუსიც კარგად გრძობდა მის მშვენიერებას, თუმცა არც კი ცდილა, ერთხელ მაინც გადაეწყო თვალი. - სულ სხვა თვალთ შერბობდა და პატივისცემითაც, - ფიქრობდა მარიუსი, - რომ სცოდნოდა, რომ მე ვარ მარკ ობრეგონ დე ლა რონდას შესახებ დისერტაციის ნამდვილი ავტორი, რომელიც ასე ურცხვად მიითვისა ფრანსუა დე ნეშატომ და თავის გამომცემელ „ჟილ ბლაზის“ სათავეში მოაქცია.

სკამს გაუარა, ხეივნის ბოლომდე მივიდა, რომელიც იქვე ახლოს იყო, და უკან გამობრუნდა. ისევ ისე გაუარა წინ მშვენიერ ქალს, მაგრამ ახლა მთლად ფერმიხილილი მიდიოდა. რაღაც უსიამოვნოს განიცდიდა, გასცდა სკამს, ქალსაც, უკან დარჩნენ მოხუცი და მისი ქალი, მაგრამ ეგონა, - მე მიყურებს მიმავალსო, - და ფეხი ერეოდა.

ამის შემდეგ, არც კი სცადა სკამთან მიახლოება; შუა ხეივანში გაჩერდა და სკამზე დაჯდა. სკამზე არ ჯდებოდა ხოლმე და დღეს პირველად უმტყუნა თავის ჩვეულებას, დაჯდა და იქით აპარებდა თვალს, ჩაფიქრდა: ეს საგარეო ტანისამოსი ჩაიცვა კაცმა, მოირთო, მოიკაზმა და განა შეიძლებოდა, რომ თვალში არ სცემოდა ამ ტანისამოსის მშვენიერება ამ ქალს, რომლის თეთრი ქუდით და შავი კაბით ასე ტკბებოდა მარიუსი?

ცოტა ხნის შემდეგ წამოდგა და დარჩა ისე, უძრავად. თხუთმეტი თვე იყო, ხედავდა ამ კაცს და ქალს, და დღეს პირველად გაუელვა აზრმა, რომ ბატონი ლებლანი და ქალბატონი ლანუარი, რომლებიც ყოველდღე დასასვენებლად მოდიოდნენ ბაღში და ამ სკამზე ისხდნენ, უეჭველია ყურადღებას მიაქცევდნენ იმის საქციელს და საეჭვოდ ეჩვენებოდათ მისი მუდმივი ხეტიალი სწორედ ამ ხეივანში.

პირველად იფიქრა, რომ უზრდელობა იყო, უცნობი მოხუცებული კაცის ბატონ ლებლანად მოხსენიება, თუნდაც თავის ფიქრებში.

ცოტა ხანს იდგა ასე, ამ ფიქრებით გართული, თავდაღუნული, ხელში წკეპლა ეჭირა და რაღაცას ხაზავდა მიწაზე.

მერე უცბად ზურგი შეაქცია ბატონ ლებლანს და იმის ქალს და შინისკენ წავიდა.

იმ დღეს სრულიად გადაავიწყდა სადილად წასვლა. მხოლოდ საღამოს რვა საათზე მოაგონდა, და რადგან დაგვიანებული იყო, - ეს რა დამემართათ? - გაიკვირვა და ცარიელი პური იკმარა.

არ დაიძინა, სანამ კარგად არ განშინდა და კარგად არ დაკეცა თავისი ტანსაცმელი.

თავი მეხუთე

რამდენი მეხი დაეცა სანყალ ბუგონს

მეორე დღეს სანყალ ბუგონს, - ასე გადააკეთა კურთფერავმა სანყალი დედაკაცის გვარი, რომელიც მეკარეც იყო გორბოს სახლში, პირველი მდგმურიც, მარიუსის მოსამსახურეც, და ნამდვილი გვარი ბურგონი ჰქონდა, როგორც ზევით ვთქვით, მაგრამ სიბერის შეწყნარებას კი არ იცოდა ლაზღანდარა კურთფერავმა და ბურგონის

მაგივრად ბუკონი დაარქვა. დიახ, მეორე დღეს ბებერ ბუკონის განცვიფრებას საზღვარი არ ჰქონდა.

ისევ ახალ ტანსაცმელს იცვამდა მარიუსი!

ბაღში წავიდა, მაგრამ, ხეივნის ნახევარს არ გასცდენია. გუშინდელივით ჩამოკდა სკამზე, შორიდან შესცქეროდა და კარგად ხედავდა თეთრ ქუდს, შავ კაბას და მეტადრე ცისფერ სხივებს. იჯდა და შესცქეროდა. შინ წასვლა მაშინდა მოაგონდა, როცა ნახა, რომ ბაღის კარებს კეტავდნენ.

ბატონი ლებლანის და იმის ქალის წასვლა კი როგორღაც ვერ შეამჩნია, ალბათ დასავლეთ კარით გავიდნენო, - იფიქრა. შემდეგში, რამდენიმე კვირამ რომ გაიარა, ბევრი იფიქრა, მაგრამ ვერაფრით გაიხსენა, სად ჭამა პური იმ საღამოს.

მეორე დღეს, ეს მესამე დღე იყო, ერთხელ კიდევ დაეცა მეხი საწყალ ბუკონს: ისევ ახალი ტანსაცმლით გავიდა მარიუსი.

სამი დღე ზედიზედ! - გაიძახოდა ქალი.

სცადა უკან გაჰყოლოდა შეუმჩნეველად, მაგრამ მკვირცხლად დადიოდა მარიუსი და კარგი ნაბიჯიც ჰქონდა. ჰიპოპოტამს განეზრახა ჯეირანს გასდევნებოდა. მაშინვე დაკარგა თვალთახედვიდან და ძლივსღა ეშინავდა, შინ რომ დაბრუნდა, სუნთქვა ეკვროდა, სული ეხუთებოდა, თან ბრაზი ერეოდა:

- არა, ჭკუათამყოფელი ამას იზამდა? - მოსთქვამდა ბუკონი, - ახალ ტანსაცმელს იცვამს ყოველდღე და სირბილით კლავს ჩემი ხნის ბებერს!

მარიუსი ბაღში შევიდა.

ბატონი ლებლანიც იქ იყო და ცმანვილი ქალიც.

ნელ-ნელა მიდიოდა მათკენ, რომ უფრო ახლოს შესძლებოდა მისვლა. წიგნი გამალა, ვითომ კითხულობდა, მაგრამ მაინც ვერ მოახერხა მიახლოება. დაბრუნდა და სკამზე დაჯდა. ოთხი საათი გაატარა ასე. ხან ქალბატონ ლანუარს უყურებდა, ხან კიდევ ბედურებს, რომლებიც იქვე დაფრინავდნენ, ისე ახლოს და ისე თავისუფლად, თითქო მარიუსს დასცინოდნენ.

ორი კვირა გავიდა ასე. ახლა სასეირნოდ კი არ მიდიოდა მარიუსი, მიდიოდა მხოლოდ იმისთვის, რომ ყოველთვის იმავე სკამზე დამტარიყო, თუმცა თვითონაც არ იცოდა, რა საჭირო იყო მისთვის სწორედ ის სკამი. იჯდა და აღარც ინძროდა.

დღითი დღე მშვენდებოდა ქალი და გულწარმეტაყი ხდებოდა: ერთადერთი საფუძვლიანი შენიშვნა ითქმოდა მისი სილამაზის შესახებ: და ეს იყო ერთგვარი შეუსაბამობა მის სევდიან გამოხედვასა და მხიარულ ღიმილს შორის: რომელიც უცნაურ გამომეტყველებას აძლევდა მის სახეს. ასე რომ, ეს ნაზი სახე ზოგჯერ უცნაური გეჩვენებოდათ, თუმცა არ კარგავდა თავის სიტურფეს და მიმზიდველობას.

თავი მეექვსე

ტყვექმნილი

ამასობაში თითქმის ორი კვირა გავიდა. ერთხელ ბაღში იყო მარიუსი. ჩვეულებისამებრ თავის სკამზე იჯდა, ხელში გამწლილი წიგნი ეჭირა, რომლის გადაფურცვლა ორი საათის განმავლობაში ერთხელაც არ მოჰგონებოდა. უცებ შეკრთა: რაღაც მოხდა ხეივნის იმ მხარეს, სადაც მოხუცებული იყო თავისი ქალით. მოულოდნელად უდროოდ წამოდგნენ ბატონი ლებლანი და ცმანვილი ქალი.

მკლავში ხელი გაუყარა მოხუცებულს ქალმა და ორივე ნელი ნაბიჯით წამოვიდნენ მარიუსისკენ. ეს რომ დაინახა, დაკეცა თავისი წიგნი, მერე ისევ გაშალა, ცდილობდა წაეკითხა, თან თავით ფეხებამდე თრთოდა. ელვარება ჰირდაპირ მისკენ მოდიოდა. ღმერთო ჩემო! - ფიქრობდა მარიუსი, - როდისღა მოვასწრებ გასწორებას? - ნელ-ნელა უახლოვდებოდნენ თოვლივით თეთრი მოხუცი და ყმანვილი ქალი, გულისფანცქალით ელოდა მათ გავლას. მთელ საუკუნედ ეჩვენა რამდენიმე წამი. - ნეტავი, აქეთ რატომ მოდიან? ეკითხებოდა თავის თავს მარიუსი. - როგორ? აქ უნდა გაიაროს? იმისი ფეხი უნდა შეეხოს ამ ქვიშას? ჩემს სკამთან, აქვე, ჩემს ახლოს? - აღარაფერი ახსოვდა, ისე იყო აღელვებული; გული ეუბნებოდა, - ყოჩაღად ეჩვენეო, - და ნატრობდა, - ნეტავ ჯვრით მქონოდა გული დამშვენებულიო. - ხედავდა, როგორ უახლოვდებოდნენ, ესმოდა იმათი ჩუმი ზომიერი ნაბიჯის ხმა. - განრისხებული თვალით მიყურებს ბატონი ლებლანი, - იძახდა შემინებული, - იქნებ დამელაპარაკოს? - თავი დაღუნა მარიუსმა და მალღა რომ აიღო, ისინიც იქვე იყვნენ, თითქმის მის სკამთან. გვერდით გაუარა ყმანვილმა ქალმა და გავლისას შემოხედა, დააქცერდა, ფიქრობდა სინამდის და თავით ფეხებამდე აათრთოლა ყმანვილი კაცი. - მისაყვედურაო, - ფიქრობდა მარიუსი, - რომ ამდენი ხანია, შორს ვიყავი მისგან, აღარ მივხედე, და ახლა იძულებული გახდა თვითონ წამოსულიყო: რაკი შენ ასე გაჯიუტდი, აი, მე მოვდივარ შენკენო. - მარიუსი დაბრმავებული დარჩა მისი თვალის სხივით და სიღრმით.

ცეცხლი ეკიდებოდა სულსა და გულს. რას წამოიდგენდა, რომ თვითონ მოვიდოდა? განა მეტი ნეტარება შესაძლებელია? მერე რა თვალთ შემოხედა! არა, ასეთი მშვენიერი არაფერია უნახავს! მშვენიერი, ქალისა და ანგელოზის სილამაზით აღსავსე, იმ სრული სილამაზით, რომელიც პეტრარკას აამღერებდა და დანტეს მუხლს მოადრეკინებდა. ამქვეყნად აღარ იყო მარიუსი, თავის ტკბილ ოცნებას გაეტაცა და მიციალებდა ცის ლაყვარდ სივრცეში და იმავე დროს საშინლად წუხდა, რომ ცოტა მტვერი დასდებოდა იმის წაღებს.

ღარწმუნებული იყო, რომ ჯერ თვალი თვალში გაუყარა ქალმა და მერე მის წაღებს დახედა.

თვალი ვეღარ მოაშორა მიმავალს. და როდესაც მიეფარნენ და აღარ ჩანდნენ, შემოიღვივებოდა წამოვარდა და დაიწყო ბაღში სიარული. ხანდახან, - სრულიად ბუნებრივი იქნებოდა, - შეიძლება კიდევ იცინოდა და ხმამაღლა ამბობდა რამეს. ისეთი აღტაცებით შეჰყურებდა ბავშვების ძიძებს, რომ თითოეულ მათგანს გულწრფელად ეგონებოდა, - ჩემზე გიჟდებაო.

ბალიდან გავიდა, იმედი ჰქონდა, გზაში ვნახავ სადმეო.

ოდენონთან რომ მივიდა, შეხვდა კურფერიკუსს, რომელიც სადილად მიიპატიჟა, რუსოს რესტორანში შევიდნენ და მთელი ექვსი ფრანკი დახარჯეს. დევივით ილუკმებოდა მარიუსი. მოსამსახურეს ექვსი სუ აჩუქა. ხილი რომ მიირთვეს, კურფერიკუსს ჰკითხა: - გაზეთები წაიკითხე? რა მშვენიერი სიტყვა თქვა ანდრეი დე პუერავომ!

სიგაჟემდე მიყვანა სიყვარულს.

სადილი რომ გაათავეს, ახლა თეატრში დაპატიჟა თავისი სტუმარი და სენ-მარტენისკენ წავიდნენ, „ადრეს სასტუმროში“ ფრედერიკის სანახავად; იქაც უზომოდ მხიარული იყო მარიუსი.

მაგრამ ამავე დროს საშინელი უხიაკობაც გამოიჩინა. თეატრიდან რომ გამოვიდნენ, არა და არ მოისურვა შეეხედა ერთი ქალის წვივსაკრავისთვის, რომელსაც კაბა აენია რუბე გადასახტომად, და კურფევირაკის სიტყვა რომ გაიგონა, - სიამოვნებით ჩავიგორებდი ამ ქალს ჩემს კოლექციამში, - საშინლად აღშფოთდა.

მეორე დღეს კურფევირაკმა საუბრებზე მიიპატიჟა ვოლტერის კაფეში. ენვია მარიუსი, უფრო მეტი ჭამა, ვიდრე გუშინ. ჩაფიქრებული იყო, თუმცა მხიარულად ებასებოდა ამხანაგს და გულიანად ხარხარებდა, თითქოს განგებ ეძებს შემთხვევას, რომ სიცილი დაინყოსო. მეგობრულად მოეხვია ვიღაც პროვინციელს, რომელიც იქ გააცნეს. იქვე სტუდენტები იყვნენ, გარს შემოეხვივნენ იმათ მაგიდას და ატყდა კამათი იმაზე, რომ მრავალი სისულელე ისმოდა სორბონის კათედრებიდან, და რომ ამ სულელურ როტკვაში მთავრობა ფულს ხარჯავდა. მერე კიშერას ენციკლოპედიურ ლექსიკონს შეეხნენ და მრავალი შეცდომა და ხარვეზი აღნიშნეს. ამ ბაასში რომ იყვნენ, უცბად წამოიყვინა მარიუსმა:

- რა კარგი იქნებოდა, რომ ერთი ჯვარი მქონოდა გულზე!
- რა სასაცილოა ეს ბიჭი! - მიმართა ჩემად კურფევირაკმა უან პრუვერს.
- სულაც არა - მიუგო უან პრუვერმა - ეს სახუმარო ამბავი როდია!

და მართლაც, სახუმარო არაფერი იყო, მარიუსისათვის დამდგარიყო ის აღტაცებული და მშვენიერებით აღსავსე პირველი უამი, რომელიც დიდი ვნების წინამორბედი. ეს ერთი შემოხედვის შედეგი იყო, როცა გატენილია ნაღმი, როცა მომზადებულია კოცონი, ეს სულ ადვილი საქმეა.

გათავებული იყო, მარიუსს ქალი უყვარდა. ახალ, ჯერ უცნობ გზას დასდგომოდა მისი ბედისწერა.

ქალის შემოხედვა კბილოვანი ჩარხია, შესახედავად უვნებელი, სინამდვილეში კი საშიში. დღეში რამდენჯერმე გაუვლით მას გვერდზე, მშვიდად, უშიშრად. ეჭვიც არ გაქვთ, რომ რამე საფრთხე მოგვლით. სულაც გადაგვიწყდებათ ისიც, იმისი ტრიალიც. მიდიხართ, მოდიხართ მის ირგვლივ, ფიქრობთ, ოცნებობთ, საუბრობთ, იყინით. და უცბად გრძობთ, რომ ჩავითრიათ. წასულია თქვენი საქმე! ჩარხმა ჩაგბლუჯათ მაგრად, შემოხედვამ ავითაცათ საღდაც, დაგიჭირათ, დაგიმორჩილათ. როგორ გაგაბათ? რითი? ეგ სულერთია. თქვენ უკვე დაღუპული ხართ. ვინ იცის, რა მოგვლით? იღუმალი ძალები გადაბმულან და დაუმორჩილებიხართ სულით ხორცამდე. ამაოდ ჩავივლით ყოველი წინააღმდეგობა და ბრძოლა. ის არის თქვენი ბედისწერა და ველარაფერს გიმშველით ადამიანის დახმარება. ერთ ჩარხს მეორე მოჰყვება, ერთ სევდას - მეორე, ერთ წამებას - მეორე, უფრო უარესი. რადგან იმისი ხართ თქვენც, თქვენი გონებაც, ქონებაც, მომავალიც და სულიც. და თქვენი მპყრობელი ბოროტი იქნება, თუ გულკეთილი, თავს რომ დააღწევთ ამ საზარელ ჩარხ-მანქანას, ან დასახიჩრებული იქნებით სირცხვილით, ან გარდაქმნილი ვნებით.

თავი მემვიდე

რას უნდა წარმოადგენდეს ასო P ცალკე

განმარტობა, ყველაფერის ჩამოშორება, ამჰარტავნობა, დამოუკიდებლობა, ბუნების სიყვარული, სულიერი მარტობა, უბინოების იღუმალი ბრძოლა, ბუნების ქმნილებებით აღტაცება, - ყოველივე ამან მარიუსის გული ვნების მისაღებად

მომზადა. მამისადმი თაყვანისცემა სარწმუნოებად ექცა ნელ-ნელა და, როგორც სარწმუნოება, გულის სიღრმეში ჩაიმალა. საჭირო იყო ახალი რამ გულის გადასაყოლებლად, და მოვიდა სიყვარული.

მთელი თვე გავიდა ასე უცვლელად. მარიუსი ყოველდღე დადიოდა ლუქსემბურგის ბაღში. დანიშნული დრო რომ ახლოვდებოდა, ყოველად შეუძლებელი იყო მისი შეჩვენება. - მორიგე არის, როგორ მოცდებოა? - დასცინოდა კურფიერაკი. - აღტაცებული იყო მარიუსი, ნეტარებდა. დარწმუნდა, რომ უმზერდა ყმანვილი ქალი.

ახლა უფრო გაბედულად იქცეოდა და უფრო უახლოვდებოდა სკამს. ოღონდ წინ არ გაუვლიდა ხოლმე, რადგან შეყვარებულის სიფრთხილის აღლოს ემორჩილებოდა. საჭიროდ მიაჩნდა, ისე მოეწყო ყველაფერი, რომ არავითარი ეჭვი არ აღძვროდა ქალის „მამას“, რომ მის შეუმჩნეველად დამტკბარიყო თავისი სატრფოს მზერით, ხეებს ეფარებოდა, ან ქანდაკების კვარცხლბეგს იმგვარი ღრმა მაკიაველიზმით, რომ ადვილად დასანახი ყოფილიყო ქალისთვის და ბატონ ლებლანს კი არ შესძლებოდა მისი დანახვა. ხშირად ხდებოდა ხოლმე, მთელი ნახევარი საათი იდგა გაუნძრევლად რომელიმე ლეონიდეს, ან სპარტაკის ძეგლის უკან მიმაღული, ხელში გამშლილი წიგნი ეჭირა, და ფურცლების ზემოდან აღგზნებული თვალებით დაეძებდა ყმანვილ ქალს. თავის მხრივ ისიც, როგორც კი თვალს მოჰკრავდა მიმაღულ მარიუსს, მაშინვე იქით მიაბრუნებდა თავის ლამაზ პირს და ბუნდოვნად გაუღიმებდა. სრულიად მშვიდად ესაუბრებოდა თავის ჭაღარამოსილ მამას, თუ პაპას, ბუნებრივად, თითქოს მის მეტს ვერავის ხედავსო. და თან მარიუსს უყურებდა უმანკო ქალის ვნებით სახვე თვალებით. ძველისძველი, პირვანდელი ხერხი, რომელიც ჯერ კიდევ ევამ იცოდა დედამინის გაჩენის დღიდან, და რომელსაც ყველა ქალი იყენებს. პირით თავის მოხუცებულ მოსაუბრეს პასუხობდა, მზერით - თავის მოტრფიალეს.

მაგრამ უნდა ვიფიქროთ, რომ ბატონი ლებლანი რაღაცას ამჩნევდა. ეჭვი ჰქონდა, რადგან ხშირად, როგორც კი დაინახავდა შორიდან მომავალ მარიუსს, წამოდგებოდა ხოლმე და გაისეირნებდა. ერთსა და იმავე სკამზე ისხდნენ ხოლმე ყოველთვის; ეს სკამი მიატოვა მოხუცმა და სხვა აირჩია, ხეივანის ბოლოში, გლადიატორის ახლოს, თითქოს უნდა ნახოს, - გაბედავს თუ არა ის ყმანვილი კაცი, უკან რომ გამოგვეყვოს? - ეს ვერ მოისაზრა მარიუსმა და შეცდომა დაუშვა. აღარც ყოველდღე მოჰყავდა სასეირნოდ ყმანვილი ქალი მოხუცს, აღარც იმ დროს მოდიოდა, როგორც ჩვეულებად ჰქონდა ადრე. ხანდახან მარტო მოდიოდა ბაღში. რაკი მარტოს დაინახავდა მარიუსი, მაშინვე შინსკენ მიემუერებოდა. ეს მისი მეორე შეცდომა იყო.

მარიუსი კი ყურადღებას არ აქცევდა ამ ნიშნებს; უკვე განვლო მოკრძალების ხანა და ახლა, - ბუნებრივი და საბედისწერო გზით თავდავინწყების ხანაში გადასულიყო. სიყვარული იზრდებოდა და აბრმავებდა. დღედაღამ ოცნებაში იყო, და ამასთან მოულოდნელად გაუღიმა ბედმა, ზეთი დაასხა გაჩაღებულ ცეცხლს, და ერთიორად მოეფინა ბინდი იმის თვალს. ერთ საღამოს, ბინდისას, ბატონი ლებლანი და ქალბატონი ლანუარი რომ ადგნენ სკამიდან, ცხვირსახოცი დაინახა იმთ სკამზე მარიუსმა და ხელი სტაცა. სულ უბრალო ცხვირსახოცი იყო, მოუქარავი, მაგრამ თეთრი და სიფრთხიანი, რომელიც საკვირველ, ენით გამოუთქმელ სურნელებას აფრქევდა მარიუსს. აღტაცებული იყო ამ მონაპოვრით. ორი ასო ჰქონდა ნიშნად ცხვირსახოცს: უ.ფ. თავის სატრფოსი არაფერი იცოდა მარიუსმა, არც გვარი, არც

სახელი, არც სახლის მისამართი. ეს ორი ასო იყო მისი ვინაობის აღმნიშვნელი, ხელში რომ ჩაუვარდა, მისი სახელის და გვარის თაყვანსაყვამი ასოები, და მაშინვე შეუდგა ამ ასოების ამოცანის კვლევას. ცხადი იყო, რომ ასო უ სახელის უნდა ყოფილიყო. - ურსული. წამოიძახა კიდევ ცოტა ფიქრის შემდეგ. - რა საუცხოო სახელია! აკოცა ცხვირსახოცს, იყნოსა სურნელება, მთელი დღე გულით ატარებდა, ზედ გულზე ედო, პერანგის ქვეშ, ღამე კი თავის ბალიშზე დადო, რომ დამტკბარიყო და ისე დასძინებოდა.

- მის სულს ვგრძნობ, - იძახდა მარიუსი.

ცხვირსახოცი მოხუცებულ ბატონ ლებლანს ეკუთვნოდა, რომელსაც ჯიბიდან ამოვარდნოდა.

ამის შემდეგ ისე არ გამოჩნდებოდა ბაღში, რომ ხელში ცხვირსახოცი არ სჭეროდა. ხან კოცნიდა, ხან გულზე იდებდა. სანყალ ქალს ვერაფერი გაეგო და შეუმჩნეველი ნიშნებით ატყობინებდა თავის გაკვირვებას.

- ოჰ, რა მორცხვია! - იძახდა მარიუსი.

თავი მერვე

ინვალდიმაც კი გაიხარა

რაკი მორცხვობა ვახსენეთ და ამ ისტორიისას არაფერს ვმაღავთ, ბარემ ისიც ვთქვათ, რომ ერთხელ, მიუხედავად იმისა, რომ დიდად აღტაცებული იყო მარიუსი, მეტისმეტად გააჭავრა „თავისმა ურსულმა“.

ეს ამბავი იმ დღეს მოხდა, როდესაც ქალმა ლებლანს გადაანყვეტინა დაეტოვებინათ სკამი და ხეივანში გაესეირნათ. გაზაფხულის ქარიანი დღე იყო. ხელიხელ ჩაჭიდებული მიდიოდნენ მოხუცებული ლებლანი და მისი ყმანვილი ქალი. წინ გაუარეს მარიუსს. ისიც წამოდგა და თვალი გააყოლა უკნიდან, როგორც შუჭფერის ამგვარ მდგომარეობაში მყოფ, თავდავიწყებამდე მისულ შეყვარებულს.

და უცხად ძირს დაჰქროლა ქარმა, უფრო ცელქმა, ვიდრე ხის ტოტებში იყო. ალბათ იფიქრა, - გაზაფხულის ცარიელი ფოთლები არაფერს უზამს, სხვაც უნდა ჰქონდეს რამე - გასახარელიო, - ჯერ სანერგეს ეცა, მერე ხეივანში შევარდა, გარს შემოეველო ღამამ ქალს შეყვარებულის თრთოლით, რომელსაც ვირგილიუსი არ ზოგავდა თავისი ნიმფებისთვის, და თეოკრატი - თავისი ფავნებისთვის, და კაბა აუნია, კაბა უფრო წმინდა და ხელშეუხებელი, ვიდრე იზიდას საბურველი. კაბა აუნია თითქმის მუხლამდე! საუცხოო მოყვანილობის ფეხი გამოუჩნდა. მარიუსმა დაინახა, საშინლად ეწყინა და გაბრაზდა.

საუცხოო მოძრაობით სწრაფად გაისწორა ქალმა კაბა, მაგრამ მარიუსი მაინც აღშფოთებული იყო. მართალია მარტოდმარტო იყო ხეივანში, მაგრამ ხომ შეიძლებაოდა სხვაც ყოფილიყო ვინმე. და მართლაც რომ ყოფილიყო? წარმოვიდგენიათ მსგავსი? არა, საშინელება ჩაიდინა ქალმა!ყ

მართალია, სანყალ ქალს არაფერი ჩაედინა, არაფერი დაემავებინა, თუ იყო ვინმე დამნაშავე, ეს ქარი იყო, მაგრამ მარიუსის გულში თავი ეჩინა ბართოლოს, რომელიც ქერუბიმშიც კი იმალება ხოლმე, და იგი ეჭვის თვალთ უყურებდა თვით ჩრდილსაც კი, მართლაც, ასე იღვიძებს ადამიანის გულში და ბოხოქრობს ხშირად სრულიად უსაფუძვლოდ, მწვავე და უცნაური ხორციელი ეჭვი. ეჭვის მეტი არაფერი აგრძნობინა

ქალის კოხტა ფეხმა, არავითარი სიამოვნება, სხვა ქალის თეთრი ფეხი რომ დაენახა, იქნება სიამოვნებაჲ კი ვერძნო.

ხეივანის ბოლომდე რომ მივიდა იმისი ურსული, უკან გამობრუნდა ბატონ ლებლანთან ერთად და წინ გაუარა დაღვრემილმა. მარიუსმა გაჯავრებით შეხედა და თავისი უკმაყოფილება აგრძნობინა. ოდნავ შეკრთა ყმანვილი ქალი, და წარბი შეიჭმუნა, რაც ასე უნდა გავეგო მარიუსს:

- რა იყო? რა დაგემართა?

ჯერ არც კი დამთავრებულიყო ეს უხმო სცენა, რომ ვიღაც კაცი გამოჩნდა ხეივანში. ბებერი ინვალიდი იყო, წეღში მოხრილი, მთლად დანაოჭებული და გათეთრებული, ლუი მეთხუთმეტის დროინდელი ფორმით. პატარა მაუდი ჰქონდა მხარზე დაკრებული და ზედ ამოკერილი ორი გადაჯვარედინებული ხმალი, მაშინდელი ჯარისკაცის ჯილდო. ერთი ხელის ნაცვლად ცარიელი სახელო ეკიდა უბედურს, ქვედაყბა ვერცხლის ჰქონდა და ცალი ფეხი ხის. შეხედა მარიუსმა და, - როგორ გახარებია ამ უკეთურს ჩემი ურსულის ფეხის ნახვამ! - მერე მოეჩვენა, თითქოს ბებერმა ცინიკოსმა თვალიც კი ჩაუკრა, გვერდზე რომ გაუარა, ძალიან მნიშვნელოვნად და ძმაბიჭურად, ვითომ რაღაც შემთხვევის გამო ერთსულოვნები გამხდარიყვნენ და ერთად ტკებოდნენ მოულოდნელად ნაპოვნი გემრიელი ლუკმით. - არა, ნეტავ რამ გაახარა ეს მარსის ნაშთი? - ჯავრობდა მარიუსი, - რა მისცა იმ ფეხმა იმ ხის ფეხს, რომ ასე გამოაცოცხლა? ფეხის უკიდურეს მწვერვალამდე მიაღწია მარიუსმა: იქნებ აქ იყო იმ დროს? იქნებ მართლა დაინახა? - ცოტა კიდევ და მოსაკლავად მივარდებოდა ინვალიდს.

მაგრამ დრო აჩლუნგებს მახვილს. მარიუსსაც გაუარა ამ გაჯავრებამ და ურსულის ქცევით უკმაყოფილებამ. გაუვლიდა, სრულიად საფუძვლიანიც რომ ყოფილიყო. ბოლოს შეუნდო ეს შეცოდება. მაგრამ საშინელი ტანჯვის შემდეგ, მთელი სამი დღე ებუტებოდა ქალს.

ამ ეჭვსა და სულიერ ბრძოლაში თანდათან იზრდებოდა სიყვარული და სიგიჟემდე აღწევდა.

თავი მეცხრე
მზის დაბნელება

ახლახან ვნახეთ, როგორ აღმოაჩინა მარიუსმა, ანუ როგორ ეგონა, რომ აღმოაჩინა „იმის“ სახელი ურსული.

უძღებია სიყვარული. დიდი მიღწევა იყო სახელის ცოდნა, მაგრამ ეს არ კმაროდა. ორ-სამ კვირას ძლივს ეყო ეს ნეტარება და ახლა სხვა მოსწყურდა. ახლა მისი სახლის პოვნა მოუნდა.

ერთი შეცდომა ხომ დაუშვა, პირველი: სკამი რომ შეიცვალა ბატონმა ლებლანმა, მარიუსიც თან მიჰყვა გლადიატორის ქანდაკებამდე. მახეში გააბა მაშინ ლებლანმა. მერე მერე შეცდომა მოუვიდა: არ დარჩა ბაღში, როდესაც ნახა, რომ მოხუცებული მარტო მოვიდა და ახლა მესამედ და უფრო უარესად შეცდა, საშინლად; უკან გაჰყვა „ურსულს“.

დასავლეთის ქუჩაზე ცხოვრობდა ლებლანი, მეტად მიყრუებულ მხარეს, ერთ ახალ, სამსართულიან სახლში.

და ამის შემდეგ აღარ მოშორებია იმ სახლს. მარიუსი ბედნიერი იყო, რომ ბაღში ხედავდა თავის სატრფოს, მაგრამ ეს აღარ კმაროდა, ახლა უკან მისდევდა შორიახლო შინ მიმავალს.

სიყვარული სჯობნიდა. სახელი იცოდა, გვარი თუ არა, სახელი მაინც, მშვენიერი, ტკბილი სახელი, ქალის ნამდვილი სახელი. იცოდა აგრეთვე მისი სახლი, ახლა ვინაობის გაგება მოინდომა.

ერთ საღამოს, შინამდე რომ მიჰყვა ბატონ ლებლანს და მის ქალს და დაინახა, რომ ალაყაფის კარში შევიდნენ, ცოტა ხნის შემდეგ თვითონაც შევიდა და მოურიდებლად ჰკითხა მეკარეს:

- მეორე სართულზე ცხოვრობს ეს ბატონი, ახლა რომ შემოვიდა?

- არა, - უპასუხა მეკარემ, - მესამეზე.

ცოტა რამ კიდევ გაიგო. ამას გაბედულებაც მეტი მოჰყვა.

- ქუჩის მხარეს?

- რა ვქნა, ეშმაკმა დალახვროს, სახლის ყველა ფანჯარა ხომ მართო ქუჩის მხარეს არის? - გაიკვირვა მეკარემ.

- სამსახურში არის სადმე ის მოხუცებული?

- რენტით ცხოვრობს, ბატონო, ძალიან პატიოსანი კაცია და გულუხვი. მდიდარი არ არის, მაგრამ ძალიან ეხმარება ღარიბ ხალხს.

- რა გვარია?

დააშტერა თვალი მეკარემ და მერე ჰკითხა:

- თქვენ, ბატონო, ჯაშუში ბრძანდებით?

შერცხვა მარიუსს, მაგრამ აღტაცებული იყო სიხარულით, - მიაგნო და კიდევაც ბევრს მიაგნებდა.

- ძალიან კარგი, - იძახდა გახარებული, - ვიცი, რომ ურსული ჰქვია, ვიცი, რომ მამა რენტის პატრონია, რომ აქ ცხოვრობს, მესამე სართულზე.

მეორე დღეს ძალიან მცირე ხნით მივიდნენ ბაღში ბატონი ლებლანი და მისი ქალი. ჯერ ისევ დღე იყო, რომ შინსკენ წავიდნენ. მარიუსიც უკან გაჰყვა. ახლა ესეც ჩვეულებად გახდომოდა. ალაყაფის კართან რომ მივიდნენ, ბატონმა ლებლანმა წინ შეუშვა ქალი. თვითონ გაჩერდა, მობრუნდა და დააცქერდა მარიუსს.

მეორე დღეს ბაღში არ მივიდნენ. ამაოდ ელოდა მარიუსი.

როდესაც დაღამდა, დაბნელდა, ისევ დასავლეთის ქუჩაზე გაჩნდა. მესამე სართულის ფანჯრებში სინათლე დაინახა, და იქვე დაიწყო სეირნობა. დადიოდა ამ ფანჯრის ქვეშ, ბოლთას სცემდა. შინ მაშინ წავიდა, როდესაც მესამე სართულზე სანთელი ჩააქრეს.

არც მეორე დღეს მივიდნენ ბაღში. მთელი დღე ელოდა მარიუსი, მერე იმათი სახლისკენ წავიდა, რომ წუხანდელივით ეღარაჯა მისი ფანჯრების ქვეშ, იქ იყო ათ საათამდე, სადილი არც კი მოჰკონებია. სიცხე ასაზრდოებს ავადმყოფს და სიყვარული - შეყვარებულს.

ერთმა კვირამ გაიარა ამგვარად. ბატონი ლებლანი და მისი ქალი აღარ დადიოდნენ ბაღში. რას არა ფიქრობდა გულდანყვეტილი მარიუსი! შეიძლებოდა, დღისით მისულიყო ურსულის სახლთან, ალაყაფის კართან დამდგარიყო, მაგრამ დღე ამას ვერ ბედავდა. კმაყოფილდებოდა იმით, რომ ღამე იდგა მის სახლთან და

მონათლო სინათლეს შეჰყურებდა. ხანდახან ოთახში გამვლელის ჩრდილი ეჩვენებოდა და გული უცემდა სიხარულით.

მერვე დღეს, სახლთან რომ მივიდა და ფანჯრებს შეხედა, სინათლე აღარ ენთო. - ნუთუ ჯერ ლამაზა არ აუნთიათ? - უკვირდა მარიუსს, მერე, რა ბნელი ლამა! იქნებ წავიდნენ სადმე? იდგა და შეჰყურებდა. ათი საათი დაჰკრა, თორმეტი, პირველი საათი შუალამის შემდეგ. არავითარი სინათლე არა ჩანდა მესამე სართულის ფანჯრებში და არავინ შევიდა ქუჩიდან სახლში, დაღვრემილი დაბრუნდა შინ.

ყოველდღე ხვალის მოლოდინით ცხოვრობდა მარიუსი, დღევანდელი დღე აღარ წარმოადგენდა მისთვის სასიხარულოს, - მეორე დღეს ამაოდ ელოდა ბაღში, ბინდისას იმათი სახლისკენ გაეშურა. ისევ ისე ჩაბნელებული იყო ფანჯრები; დარაბები დაკეტილი, მთლად უკუნეთს მოეცვა მესამე სართული.

ალაყაფის კარზე დააკაკუნა მარიუსმა, შევიდა ეზოში და მეკარეს ჰკითხა:

- სად ბრძანდება მესამე სართულის მდგმური?

- გადავიდა, - უპასუხა მეკარემ.

კინალამ გული წაუვიდა მარიუსს. მისუსტებული ხმით ჰკითხა:

- როდის გადავიდა?

- გუშინ.

- ახლა სად დგას?

- არ ვიცი.

- მაშ თავისი ახალი მისამართი არ დაგიტოვათ?

- არა.

დააცქერდა მეკარე, იცნო მარიუსი.

- ოჰო! - ისევ თქვენ ხართ? მაშ მართლა ჯაშუში ყოფილხართ!

ნიგნი მეშვიდე

მენალმეები

თავი პირველი

ნაღმი და სანაღმის მოხრელები

საზოგადოებრივ ცხოვრებას ყველგან მოეპოვება ის, რასაც თეატრში ძირისძირს ეძახიან. საზოგადოებრივი ნიადაგი სანაღმით არის ყველგან დათხრილი, ზოგან სასიკეთოდ, ზოგან საბოროტოდ. ერთმანეთის ქვეშ არის ჩამარხული ეს ნაღმები. არის ზემოთ მდებარე ნაღმი და არის ქვემოთ მდებარე, არის ზედა ნაღმი და არის ქვედა ნაღმი მიწის ბნელ სიღრმეში, რომელიც ჩაენგრევა ხოლმე ხანდახან ცივილიზაციას, და ჩვენ კი ფეხით ვთელავთ ჩვენივე დაუღვერობისა და უზრუნველობის გამო. წარსული საუკუნის „ენციკლოპედია“ ნაღმი იყო, ოღონდ თითქმის ცის ქვეშ, ყველას დასანახავად გაყვანილი, წყვილი აჯდა პირვანდელ ქრისტიანობას და შესაფერის შემთხვევას ელოდა, რომ აფეთქებულიყო კვისართა დროს და სხივი მოეფინა კაცობრიობისთვის. ეს იმიტომ, რომ ღვთაებრივ სიბნელებში ფარული სინათლე მოიპოვება. ვულკანი ბნელით არის მოცული, მაგრამ ყოველ წამს შეიძლება იფეთქოს ამ ბნელმა. ჯერ ბნელი იყო ყოველი ლავა. კატაკომბი, რომელშიც პირველად გაისმა

წირვა-ლოცვა, მხოლოდ მიწისქვეშეთი კი არ იყო რომისა, ეს იყო ნაღმი, ქვეშეთი ქვეყნიერებისა.

მრავალგვარი ნაღმი გათხრილი საზოგადოებრივი წესწყობილების ქვეშ, რომელიც წარმოადგენს ადამიანის დამონებით შემნიკვლულ სასწაულებრივ მიღწევას. არის ნაღმი სარწმუნოებრივი, ნაღმი ფილოსოფიური, ნაღმი პოლიტიკური, ნაღმი ეკონომიკური, ნაღმი რევოლუციური. ზოგი იღვით თხრის, ზოგი - ანგარიშით, ზოგი - ჯიბრით, ზოგი - მრისხანებით. ერთმანეთს გასძახიან და ხმას აძლევენ ეს კატაკომბები. უტოპიები დანავარდობენ მიწის ქვეშეთში გათხრილ ნაღმებში; დანავარდობენ, განშტოვდებიან და ვრცელდებიან ყოველ მხარეს. ხანდახან კიდევ შეხვდებიან ერთმანეთს, დაძმობილდებიან. უან-უაკ რუსო დიოგენესა სთხოვს სანათს და სამაგიეროდ წერაქვს ანვდის. ზოგჯერ ბრძოლაყ ატყდება ხოლმე ამ ნაღმებს შორის. კალვინი დასახრჩობად არ ინდობს სოზინის, მაგრამ არ მოიპოვება ისეთი ძალა, რომ შეაყენოს ან შეწყვიტოს ამოდენა ენერჯის ძაბვა მიზნის მისაღწევად, და გაეხარებულნი, ერთდროული მოღვაწეობა, რომელიც დაუდგრომლად ბრუნავს ამ სიბნელეში, მიდის, მოდის, ზევით იწევს, ძირს ეშვება. ისევ ადის, და ნელ-ნელა გარდაქმნის ზემოურს ქვემოურით, გარეგანს - შინაგანით. უზარმაზარი ფუთფუთია, ჯერაც უცნობი. საზოგადოება ყურადღებას არ აქცევს, თითქმის არავითარს, ამ ნაღმების თხრას, რადგან ეს თხრა არ ეხება იმის ზედაპირს, მაგრამ გულ-ღვიძლს კი უცვლის. რამდენიც სართულია მიწის წიაღში, იმდენივე მუშაობაა განსხვავებული. და რას შობს ამდენი ნაღმი, ღრმად ჩათხრილი, ჩვენთვის უცნობი? ჩვენს მომავალს.

რაც უფრო ღრმად ჩავდივართ თხრილში, მით უფრო საიდუმლოებით არიან მოცულნი მისი მოღვაწენი. სიღრმეში, სადამდისაც კი ჩასწვდება საზოგადოებრივი ფილოსოფია, შრომა კარგია; მის ქვეშეთ შრომა საეჭვოა და არეული; უფრო ქვეშეთ - სამიზა და საზარელი არის იმისთანა სიღრმე, რომელსაც ჯერ ვერ სწვდება ცივილიზაციის გონებრივი ძალა; ადამიანის სუნთქვის საზღვარს ჩასცილებიან, უფრო ქვეშეთ ჩაუთხრიათ ნაღმი და მარტო ურჩხულია ხარობს იმ სიღრმეში.

უცნაურია დაღმართი კიბე: ყოველი საფეხური ამ კიბისა შეეფარდება მთელ სართულს, სადაც ფილოსოფიას შეუძლია დამყარება, და სადაც შეგხვდებათ ფილოსოფიის მუშაკი, ხან ღვთაებრივი, ხან მახინჯი; იან ჰუსის ქვეშეთ ლუთერია, ლუთერის ქვეშეთ დეკარტი, დეკარტის ქვეშეთ ვოლტერი, ვოლტერის ქვეშეთ კონდორსე, კონდორსეს ქვეშეთ რობესპიერი, რობესპიერის ქვეშეთ მარატი, მარატის ქვეშეთ ბაბეფი, და ასე კიდევ მრავალი. სულ ძირში, ბუნდოვნად, იმ საზღვარს ქვეშეთ, რომელიც შუა უდევს ბუნდოვანსა და უხილავს, ოდნავ მოჩანს ადამიანი, რომელიც იქნებ ჯერ არც კი არსებობდეს. მოჩვენებადლა დარჩენილან გუმინდლეები, ჯერ ჭუპრად მოჩანან ხვალინდლეები. ძლივს არჩევს მათ გონების თვალი. ფილოსოფიის ოცნება არის მომავლის ჩანასახის განვითარების მიკვლევა...

ქვეყანა ჩანასახად წარმოდგენილი და სამოთხის კარიბჭესთან მიმდგარი, არგაკონილი სანახაობა!

იქვე არიან სენ სიმონი, ოგენი, უერიე, ოლონდ გვერდზე ჩათხრილ საფარში.

ერთი უხილავი ღვთიური ჯაჭვი აერთებს მათ მეუმჩნევლად, ამ მიწის ხვრელში მოღვაწე პიონერებს, რომლებსაც თითქმის ყოველთვის მარტოდმარტოდ, განცალკევებულად მიაჩნიათ თავი; მაგრამ მინც განსხვავებულია იმათი ნაშრომი და ზოგი მათგანის სინათლე მოწინააღმდეგეა სხვის ციმციმისა. ზოგი სამოთხისებურია

სინშინდით, ზოგი ტრაგიკული. მაგრამ რაც უნდა დიდი იყოს მათ შორის განსხვავება, ყველა ეს მოღვაწე, უბრწყინვალესისგან დანყებული სულ უჩინრამდე, უბრძნისგან დანყებული მთლად შემოილამდე, ერთით ჰგვანან ერთმანეთს, სახელდობრ, უანგარობით. მარატივ ისევე თავგანწირულია, როგორც იესო. თავისი თავისა აღარაფერი ახსოვთ, პირადი აღარაფერი გააჩნიათ; პირადად აღარც კი არსებობენ, სხვისთვის იღვნიან და არა თავისთვის. თვალთ მხოლოდ აბსოლუტს ხედავენ. პირველს მთელი ზეცა უბრწყინავს თვალში, უკანასკნელს ძალიან ძნელად საცნობივ რომ იყოს, მაინც უჩანს წარბის ქვეშ ფერმკრთალი სინათლე უსაზღვროისა. თავყანი ვცვთ, რაზედაც კი უნდა იღვწოდეს, ვის თვალსაც ამშვენებს ეს ნიშანი ბრწყინვალე მომავლის სხივოსნობისა.

სულ სხვა არის ბნელით მოცული თვალი.

მისგან იწყება ბოროტება. დაუფიქრდით და მოერიდეთ, ვისაც ბნელი თვალი აქვს. საზოგადოებრივ წესწყობილებას ყოველთვის ჰყავს ბოროტი მენაღმეები.

არის საზღვარი ჩაღრმავებისა და ჩამარხვისა, სადაც სინათლე ქრება.

ყველა იმ ნაღმის ქვეშ, რომელიც აქ აღვნიშნეთ, იმ ტალანტების ქვეშ, იმ უსაზღვრო, ღრმად ჩამალული სისტემის ქვეშ, რომელიც პროგრესითა და უტოპიით არის ასულდგმულებული, ძალიან ღრმად მიწაში, უფრო ღრმად, ვიდრე მარატი იყო, უფრო ღრმად, ვიდრე ბაბუფი იყო, უფრო ღრმად და ზემო სართულებთან დაუკავშირებლად არის კიდევ ერთი უკანასკნელი საფარი, საზარელი ნაღმი, სწორედ ის, რასაც ჩვენ ძირისძირი ვუწოდებთ. ეს არის ნაღმი ბნელეთისა. ეს არის ბუნავი სულით ბრმებისა, ქვესკნელი.

უფსკრული უღვეს გვერდით ამ ძირისძირს.

თავი მეორე
ძირისძირში

აქ უანგარობა აღარსად არის. ბუნდოვნად მოჩანს ბოროტი სული. - ყველა თავისთვის! - ღმუის თვალაბმული, დაძრწის, დაეძებს, ხელებს აფათურებს, ღრწნის. საზოგადოებრივი უგოლინო არის ამ ქვესკნელში.

რალაც საშინელები დაძრწიან ამ ორმოში, არცთუ მხეცები, არცთუ აჩრდილები. ამათ მსოფლიო პროგრესისა არაფერი სწამთ, არც ამ სიტყვას იცნობენ, არც მის იდეას, მარტო თავისი, პირადი მადისა და ყინის დაკმაყოფილებაზე ზრუნავენ. შეგნებას თითქმის მოკლებულნი არიან, გულიდან საერთოდ განდევნილი აქვთ და განკიცხული ყოველი ადამიანური გრძნობა. ორი დედა ჰყავთ, ორივე დედინაცვალი - უვიცობა და სიღუბჭირე. ერთადერთი სწამთ ცხოვრების წინამძღოლად - გაჭირვება, და მითხონილებათა დაკმაყოფილების წინამძღოლად - მადა. უხეში ავმუცლები არიან, ესე იგი მძვინვარენი, ოლონდ მტარვალივით კი არა, ვეფხვივით. ტანჯვას რასმე განიცდიან და იქიდან პირდაპირ ბოროტებაში გადადიან, - საბედისწერო შეჭიდულობაა, თავებრუდამხვევი ლოგიკა ბნელეთისა. საზოგადოებრივი წესწყობილების ძირისძირში მუცლით ხოხავს არა ჩახშობილი აბსოლუტისადმი მისწრაფება, არამედ ნივთიერების ხორციელი პროტესტი. იქ ადამიანი ურჩხული ხდება. შიმშილის და წყურვილის დაკმაყოფილება, კუჭის გავსება, - აი, დასაწყისი და

ურჩხულად გადაქცევა; აი, დაბოლოება მისი ევოლუციისა. ამ უფსკრულიდან გამოდის ლასნერი.

ეს-ეს არის ვნახეთ, მეოთხე წიგნში, ერთი განყოფილება ზემოური ნაღმისა, პოლიტიკური, რევოლუციური და ფილოსოფიური დიდი საფარისა. ამ ზემოურ ნაღმში, როგორც ვთქვით, პატიოსანია ყველაფერი, სპეტაკი, ღირსეული, სასახლო. იქ, რაღა თქმა უნდა, შეიძლება შეცდეს კაცი, და ცდებიან კიდევ, მაგრამ თაყვანსაცემია იქ შეცდომა, რადგან განუყრელად გადაბმულია გმირობასთან. იქ წარმოებულ საქმიანობას ერთადერთი მიზანი აქვს: პროგრესი.

და ახლა სხვა სიღრმეები ვნახოთ, სიღრმეები ბოროტებისა და სიბილწისა.

საზოგადოებრივი წესწყობილების ქვეშ არის, - ამას დაბეჯითებით ვამტკიცებთ, - და კვლავაც იქნება, ვიდრე მთლად არ მოისპობა უმეცრება, სამინელი ღრმა უფსკრული ბოროტებისა.

ეს ბუნავი ყველა ნაღმის ქვეშ არის და მოსისხლე მტერია ყველასი. ყველანი სძულს ამ ბუნავს გამონაკლისის გარეშე. ფილოსოფიისა მან არაფერი იცის, ხანჯლით თავის დღეში არ გაუთლია კალამი. მის სიშავეს არაფერი აქვს საერთო მეღნის მაღლიან სიშავესთან. თავის დღეში არ გადაუშლია ბნელეთის თითს, მოკურნჩხულს სულის შემგუბებელ ჭერქვეშ დახშულ ჰაერში არც ერთი წიგნი და არც ერთი გაზეთი. კარტუშისთვის ბაბუფი ექსპლუატატორია; შინდერჰანისთვის მარატი - არისტოკრატი! ამ ბუნავს მიზნად დაუსახავს ყველაფრის დანგრევა და მიწასთან გასწორება.

ყველაფრისა! მის ზემოდან გაყვანილ საფარებისაც, რომლებიც სძულს და ეზიზღება. ძირს უთხრის არა მარტო აწინდელ წესწყობილებას, ძირს უთხრის მართლმსაჯულებას, ძირს უთხრის ადამიანის აზროვნებას, ძირს უთხრის პროგრესს. მისი სახელია: ქურდობა, პროსტიტუცია, ძარცვა, კაცის კვლა. ბნელეთი არის და ქაოსი სურს! საფუძვლადაც და თავშესაფრადაც უმეცრება აქვს.

ერთადერთი მიზანი აქვთ ამ ბნელი ბუნავის ზემოდან მყოფთ: მისი მოსპობა. ამ მიზნის მისაღწევად იბრძვის ყოველგვარ დანესებულებით, არსებულის გაუმჯობესებით და მეცნიერების გავრცელებით ფილოსოფია და პროგრესი. მოსპვთ ბუნავი უმეცრებისა და მით მოსპობთ ბოროტებასაც.

მოკლედ, რამდენიმე სიტყვით დავასრულოთ, რაც აქ დაწვნირეთ: საზოგადოებრივი კეთილდღეობის მტერი მხოლოდ უმეცრებაა.

კაცობრიობა ერთობა არის. ერთი და იმავე თიხისაა ყველა ადამიანი, არავითარი განსხვავება ადამიანთა დანიშნულებაში ამქვეყნად მაინც. ერთი და იგივე სული დაბადებამდე, ერთი და იგივე სხეული სიცოცხლის დროს, ერთი და იგივე ავლი სიკვდილის შემდეგ. მაგრამ ადამიანის ცომს რომ უმეცრება შეერთვის, ამავეს და აბოროტებს. ეს განუკურნავი სიმავე ედება ადამიანის გულს და ბოროტებად ხდის.

თავი მესამე

ბაბეტი, გელმერი, კლაკსუ და მონჰარნასი

ოთხი ავაზაკი განაგებდა 1830-დან 1835 წლამდე პარიზის ძირისძირ უფსკრულს. ეს ოთხნი იყვნენკლაკსუ, გელმერი, ბაბეტი და მონჰარნასი.

გელმერი ჰერკულესი იყო გათახსირებული. ბუნავად არმმარიონის ჩასადენი მილი ჰქონდა. ორი მეტრის სიმაღლისა იყო, მარმარილოს გულით, თითბრის ორთავა

კუნთით. სუნთქვა კლდის ნაპრალისა ჰქონდა, ტანი მდევის, თავი ჩიტისა. ჰერკულეს ფარნეზი გეგონებოდათ თავისი შარვლით და გახუნებული ხალათით. ასე მაგრად, ქანდაკებასავით აგებული გელმერი ურჩხულების დამორჩილებას შესძლებდა. მაგრამ ურჩხულად გახდომა ირჩია. დაბალი შუბლი ჰქონდა, ფართო საფეთქელი, თმა მოკლე და დაჯაგრული, ლოყა ჯაგრიანი და წვერი ტახისა. ასეთი იყო ეს კაცი. ორმოცი წლისა ჯერ არ იყო, მაგრამ წერილი ნაოჭები გასჩენოდა სახეზე. მისი კუნთები შრომას მოითხოვდნენ, უგუნურება - უსაქმურობას. დიდი ძალ-ღონე გაზარმაცებულიყო. კაცისმკვლელი გამხდარიყო უზრუნველობით. კრეოლად მიაჩნდათ ამხანაგებს. ალბათ პატარა წილი მაინც ედო მარშალ ბრუნის მკვლელობაში, რადგან 1815 წელს მებარგულად იყო ავინიონში. ამ პირველ ნაბიჯის შემდეგ ავაზაკობა დაიწყო.

ცარიელი ძვალ-ტყავი იყო ბაბეტი და გელმერის სრულ კონტრასტს წარმოადგენდა ჩამომხმარი მეცნიერი. გამჭვირვალე იყო, მაგრამ იმისას ვერას გაიგებდა კაცი, რადგან არც გრძნობა იხატებოდა მის თვალში, არც ფიქრი. - ქიმიკოსი ვარო, - იძახდა. მასხარად ყოფილიყო ბობემთან და ოინბაზად ბობინოსთან. სენ-მიჰილის თეატრში მსახიობობდა, ვოდვეილებში მოხერხებული ბიჭი იყო, კარგი მოლაპარაკე, სახსიათო ღიმილი ჰქონდა და მნიშვნელოვანი მიხვრა-მოხვრა. ხელობაც ჰქონდა, ქუჩაში პატარა ნაქანდაკეებსა და „სახელმწიფოს მეთაურის“ სურათებს ჰყიდა. გარდა ამისა, ჭიან კბილს აძრობდა ავადმყოფს. სადაც ხალხი იყო მრავლად, ისიც იქ გაჩნდებოდა და მოხერხებული ოინებით ართობდა ბრბოს. ერთ დროს ფარდულიც ჰქონდა საყვირით და ამგვარი წარწერით: „ბაბეტი, არტისტი, დანტისტი, წვერი აკადემიებისა, აწარმოებს ფიზიკურ გამოცდას ლითონებისა და ლითონმაგვარებისას, აძრობს კბილებს და მისი კოლეგებისგან დატოვებულ კბილის ძირებს. ფასი: ერთი კბილის ამოვლევა ერთ ფრანკ-ნახევარი; ორი კბილისა - ორი ფრანკი; სამი კბილისა - ორ ფრანკ-ნახევარი. ისარგებლეთ შემთხვევით“. ეს „ისარგებლეთ შემთხვევით“ იმას ნიშნავდა, რომ რამდენადაც მეტ კბილს ამომავლეჯინებთ, მით უფრო იაფი დაგიჯდებათო. ცოლიც ჰყოლოდა და შვილებიც, მაგრამ არ იყოლა, სად იყვნენ ისინი ან რა დაემართათ. ისე დაეკარგა ცოლიც და შვილებიც, როგორც ცხვირსახოცს კარგავენ ხოლმე. საკვირველი გამონაკლისი იყო ბნელეთის მცხოვრებთაგან, რადგან გაზეთებს კითხულობდა. ერთხელ იმ დროს, როდესაც თავისი ფარდული ჰქონდა და ცოლ-შვილიც თან ჰყავდა, გაზეთში წაიკითხა, რომ ერთმა დედაკაცმა შობა საკმაოდ ჯანსაღი ბავშვი, ოღონდ ხბოსთავიანი. წაიკითხა და გაჯავრებით წამოიძახა, - აი, ბედიც ასეთი უნდა! ჩემს დედაკაცს რომ ჭკუა ჰქონოდა, ამის მსგავს ბავშვს გამიჩენდა!

მას შემდეგ ზურგი აქცია ყველაფერს, რომ „პარიზს მისდგომოდა“. ეს მისი გამოთქმა გახლავთ.

კლაკსუ რაღა იყო? ბნელი ღამე, ფეხს არ გამოჰყოფდა თავისი სოროდან, სანამ ცა მთლად თალხით, შავით არ შეიმოსებოდა. რომ დაღამდებოდა, მაშინ გამოვიდოდა და გათენებამდე, სანამ ინათებდა, თავის სოროში შეძვრებოდა. სად იყო მისი სორო? ეს არაფერ იყო. რაც უნდა დიდი სიბნელე ყოფილიყო, მაინც ზურგმექცეული ელაპარაკებოდა ამხანაგებს. მართლა კლაკსუ ერქვა? - არა, Pas-du-tout, პა-დუ-ტუ მქვიაო, იძახდა. თუ სანთელი გაჩნდებოდა როგორმე, მაშინვე ნიღაბს ჩამოიცვამდა. მუცლით მეზღაპრე იყო. ბაბეტი იძახდა, - კლაკსუ ორხმიანი ღამურა

არისო. ძნელად საცნობი კაცი იყო, მანანალა, საშინელი. დანამდვილებით არავინ იცოდა მისი სახელი, რადგან კლაკსუ მეტსახელად ჰქონდა. ხეირიანად არავის გაეგონა მისი ხმა, რადგან მეცლით უფრო ლაპარაკობდა, ვიდრე პირით; დანამდვილებით არავინ იცოდა, როგორი სახე ჰქონდა, რადგან უნიბოდ თავის დღეში არავის ენახა. გაქრებოდა ხოლმე, როგორც ქარი და მოულოდნელად გაჩნდებოდა, თითქოს მიწიდან ამოძვროდა.

საცოდავი რამ იყო მონპარნასი. ყმაწვილი ბიჭი იყო, ჯერ ოცი წლისაც არ გამხდარიყო. ლამაზი, მოხდენილი; ტუჩები ალუბალს მიუგავდა, შავი თმა - გიშერს, ცისფერ თვალებში ახალი გაზაფხულის ელვარება უჩანდა. განხორციელება იყო ყოველგვარი ბინიერებისა და სწყუროდა ყოველგვარი ბოროტება. ავით ტკბებოდა და უარესს ნატრობდა მადაგახსნილი.

გამენი ჯიბვირად გამხდარიყო და ჯიბვირი - ავაზაკად. კობტა ბიჭი ყო, ქალივით ნაზი, მაგრამ ღონიერი, დაუნდობელი და უღმობელი. ქედი მარცხენა მხარეს ჰქონდა აწეული, რომ კარგად გამოსჩენოდა 1829 წლის მოდის შესაფერად დავარცხნილი თმა. ცხოვრობდა ქერდობითა და კაცისკვლით. საგანგებოდ შეკერილი სერთუკი ეცვა, მაგრამ უკვე გახუნებული. მონპარნასი ჩაცმის მოყვარული ბრძანდებოდა, მაგრამ გაჭირვებული იყო და კაცის კვლასაც არ ერიდებოდა. მიზეზი ამ ყმაწვილი ბიჭის ყოველგვარი ავკაცობისა იყო სურვილი, კარგად სცმოდა, კობტა გოგომ რომ უთხრა ოდესღაც, - ლამაზი ბიჭი ხარო, - ბოროტების თესლი ჩაუგდო გულში და კაენად აქცია ეს აბელი. რაკი ლამაზი ბიჭი იყო, უნდოდა სალუქიც ყოფილიყო და, თუ სალუქია, უსაქმურიც უნდა იყოს, ხოლო თუ ღარიბი კაცი უსაქმურია, ავკაცობაც უნდა იცოდეს. ბევრი იყო პარიზში ქერდი და მანანალა, მაგრამ ისე არავისი ეშინოდათ, როგორც მონპარნასისა. თვრამეტი წლისას უკვე რამდენიმე კაცი ჰყავდა მოკლეული, რამდენიმე კაცი ეგდო მისი წყალობით სისხლის მორევში. ლამაზად ჰქონდა თმა დავარცხნილი, სურნელოვან საპკურით დანამული, წელწერილი ბიჭი იყო, ქალური თეძოები ჰქონდა, პრუსიელი მხედრის გულმკერდი, და ისე არ გაივლიდა ბულვარზე, ლამაზი გოგონების აღტაცებული ქება არ გაეგონა. ყელსახვევი ოსტატურად ჰქონდა შეკრული. ჯიბეში ხელკეტი ედო და სალილეში ლამაზი ყვავილი. ასეთი იყო ეს პარიზის ძირისძირის სალუქი.

თავი მეოთხე გუნდის შემადგენლობა

ეს კაცები პროთეისმაგვარ ოთხეულს წარმოადგენდა. გლინავდენე პოლიციის მოხელეებში და ხელიდან უსხლტებოდნენ იმისთანა სახელოვან მსტოვარს, როგორც იყო ვიდოკი, ემალებოდნენ ხეებში, წყალში, ცეცხლში; უცბად შეიცვლებოდნენ გარეგნულად, იცვლიდნენ სახელს, ერთმანეთს ასწავლიდნენ მოხერხებასა და ეშმაკობას, თავის ჩრდილშივე იმალებოდნენ, საიდუმლო სოროები იყვნენ ერთმანეთის დასამალავად; იცვლიდნენ თავის პიროვნებას ისე ადვილად, როგორც სახიდან შეყაოს ცხვირს ჩამოიხსნიან ხოლმე ნიღბოსანთა ლხინის დროს. ხანდახან ისე შემყირდებოდნენ, რომ ოთხი ერთად გეჩვენებოდათ, და ხანდახან ისე გამრავლდებოდნენ, რომ თვით კოკო-ლაკურსაც კი მთელ ბრბოდ ეჩვენებოდნენ. ოთხი კაცი იყო, მაგრამ ოთხნი არ იყვნენ. ეს იყო ერთგვარი საიდუმლოებით მოცული

ქერდი, ოთხთავიანი, რომელიც პარიზში დათარეშობდა. სიპინი იყო ბოროტებისა, საზარელი, საზოგადოების მინისქვეშეთში ჩამძვრალი...

დიდი განმტობება ჰქონდა ამ ოთხ კაცს, დამოკიდებულება თავისგვარ ამხანაგებთან, და ამიტომ ბაბეტს, გელმერს, კლაკსუს და მონპარნასს თითქოს იჯარით აეღოთ სენის ოლქის ყოველგვარი ბოროტგანზრახვა. იქ, ძირისძირში, წყდებოდა ბევრის ბედი და დაუყოვნებლივაც სრულდებოდა. ამგვარი ფიქრი რომ მოერეოდა ვინმე ღამეული ოცნების კაცს, ასასრულებლად მათ მიმართავდა. ამ ოთხ არამზადას აძლევდნენ მხოლოდ ესკიზს; წარმოდგენის დადგმას კი მათზე უკეთ ვერავინ მოახერხებდა. თავის დღეში არ ააცდენდნენ მიზანს, ყოველთვის მზად იყვნენ და ყოველთვის მზად ჰყავდათ ხალხი, რომ შესაფერისი ბიჭები დაეხმარებინათ რაიმე ბნელი საქმისთვის, ოღონდ გამორჩენა ჰქონოდათ. ყოველთვის იცოდა ავკაცობამ, სად და ვისთვის მიემართა, რომ საჭირო და საგანგებოდ კარგი დახმარება მიეღო. კარგი დიდი დასი ჰყავდათ წყვილიადის მსახიობებისა, რომ მოენყოთ ჯურღმულთა ტრავედები.

ჩვეულებრივ, რომ შეღამდებოდა, ისინიც მაშინ შეიკრიბებოდნენ, ესე იგი, როცა გაიღვიძებდნენ და ადგებოდნენ მთელი დღის ძილის შემდეგ სალპეტრიერის მიყრუებულ მინდვრებში. იქვე მოილაპარაკებდნენ. თავიანთ განკარგულებაში ჰქონდათ თორმეტი ბნელი საათი და კარგადაც იცოდნენ ამ დროით სარგებლობა.

ძირისძირის ყველა ხერხელში პატრონ-მინეტს უწოდებდნენ ამ ოთხ ავაზაკს, ძველებური ხალხური ენით, რომელიც დღითიდღე კვდება და გვავიწყდება. „პატრონ-მინეტი“ დილას ნიშნავდა, როგორც სიტყვები „მგლის და ძაღლს შუა“ ნიშნავდა საღამოს. ეს სახელი, „პატრონ-მინეტი“, აღმნიშვნელი იყო ალბათ იმ დროისა, როდესაც მთავრდებოდა იმათი შრომა, რადგან გათენება არის უამი აჩრდილების გაქრობისა და ავაზაკთა მიმალვისა. ამ სახელით იცნობდა ყველა ამ ოთხ კაცს. ერთხელ სასამართლოს თავმჯდომარე მივიდა საპყრობილეში დამწყვეტელ ლასნერის სანახავად და შეეხო ამ ავაზაკის დანაშაულს, რომელსაც ის უარყოფდა. მაშ, ვინ მოაწყო ეს საშინელება? - ჰკითხა თავმჯდომარემ და ბუნდოვანი პასუხი მიიღო, მისთვის გაუგებარი, თუმცა სრულიად ცხადი პოლიციისთვის:

- ალბათ პატრონ-მინეტმა.

მოხდება ხოლმე ხანდახან, პიესის გამოცნობას შეძლებს კაცი, მოქმედ პირთა სიას რომ გადასინჯავს. სწორედ ასევე შეიძლება შევაფასოთ ავაზაკთა გუნდი, თუ სია გვაქვს მისი შემადგენლობისა. აი, რა სახელები ერქვათ პატრონ-მინეტის უმთავრეს მონაწილეებს. ეს სახელები დარჩენილია კერძო პირთა მოგონებებში:

პანშო, იგივე გაზაფხულა, იგივე ბივრნაილი.

ბრუჟონი (მთელი გვარეულობა იყო ბრუჟონებისა. იქნებ კიდევ ვთქვათ რამე ამის შესახებ).

ბულატრეული, გზის მუშა, უკვე ნაცნობი ჩვენი მკითხველისთვის.

ლავევი.

ფინისტერი.

ჰუმერ-ჰოგი, ზანგი.

მარდისუარი.

დეპემა.

ფონლერუა - მეთაიგულე.

გლორიო, კატორღიდან გათავისუფლებული.

ბარკაროსი, ბატონი დუჰონი.

ლესპლანადი - მოედნელი.

პუსაგრივი.

კარმანიოლე.

კრუიდენიე, ბიზარო, ჯიუტი.

მანჟ დანტელი - მაქმანჭამია.

ლეპივან ლერი.

დემილიარი - ცალგროშა - ცალმილიონა.

და სხვ.

ესეც ვმარა, სხვები კიდევ უარესებია. ყველა ამ სახელს თავისი სახე აქვს. სახელით აღნიშნული არა მარტო კაცი, არამედ მისი თვისებაც. ეს სახელები აღნიშნავენ იმ შხამიანი სოკოების გვარებს, რომლითაც სავეს არის საზოგადოებრივი წყობილების ძირისძირი.

ამ კაცებს ერთობ ეზარებოდათ თავის გამოჩენა და შეუძლებელი იყო მათი დანახვა სადმე ქუჩაში. მთელი ღამის საშინელებით მოქანცული, როგორც კი ირიჟრაჟებდა, მაშინვე იმალებოდნენ დასასვენებლად და დასაძინებლად; დღე ღამედ ჰქონდათ გადაქცეული. ეძინათ სადმე მივინყებულ საკირეში, მიტოვებული მონასტრის ან მონრეჟის ქვის სამტვრევში, ჩასადენ მილში. დღისით თვითონვე იმარხებოდნენ.

რა იქნენ, რა დაემართათ ამ კაცებს? იყვნენ და ყოველთვის არიან. ყოველთვის იყვნენ, ჰორაციუსი ამბობს Ambubaiarum collegia, pharmacopoea, mendici mimae და ვიდრე საზოგადოება ისეთივე იქნება, როგორიც არის, ესენიც ისეთივე იქნებიან, რაც დღეს არიან. თავიანთ ჯურღმულში ბნელი ჭერის ქვეშ ყოველთვის ჩნდებიან საზოგადოებრივი ნაძირალას გამონაჟონიდან. ზოგი ქრება, ზოგი ჩნდება, აჩრდილივით ერთგვარი, ოღონდ სახელები უკვე სხვა ჰქვიათ და ტყავიც ახალი აქვთ.

ინდივიდი ისპობა, ტომი მაინც რჩება.

იგივე სიმარჯვე შესწევთ, რაც უწინდელებს ჰქონდათ. მანანწალა ჩაერევა გუნდებში თუ უმაქნისი, ჯილაგი არაფერს იცვლის და ძველებურად ავკაცობს. თვალს გადაავლებენ ბიჭები და იციან, ვის აქვს სავეს ქისა, ვის აქვს ოქროს საათი. ვერცხლსა და ოქროს რაღაც სუნი აქვს, რომელსაც მხოლოდ ისინი გრძნობენ. ბევრია მიამიტი ბურჟუა, რომელსაც სახეზე ანერია, გასაქურდი ვარო. და ამ ბურჟუებს დასდევენ მოთმინებით. დამმეული ობობის კანკალი მოუვლით ხოლმე, უცხოელს რომ დაინახავენ ან ვინმე სოფელს.

შუალამისას რომ შეხვდეთ სადმე დაბურულ ბულვარზე ამ კაცებს ან შორიდან დაინახოთ, სიფრთხილე გმართებთ, რომ განსაცდელს გადარჩეთ. აღამიანს არც კი ჰკვანან. რომ დაინახავთ, უფრო ბნელითის ლანდად გეჩვენებიან, ოღონდ სულდგმულად. გვერთებთ, ჩვეულებრივ კავშირს ჰკრავენ წყვილიდან, რომ არაფრით განირჩეოდნენ მისგან; რომ სხვა სული არა უდგათ, გარდა ბნელითისა, და მხოლოდ დროებით განმორებიან ღამეს, რომ რამდენიმე წუთით დატკბნენ სიცოცხლით.

რა არის საჭირო, რომ ამოვწყვეტოთ ეს ბოროტება? სინათლე, სინათლის სხივი შეუწყვეტელი! ერთი ღამურაც ვერ გაუძლებს გათენებას. ძირიანად გაანათეთ საზოგადოება.

ნიგნი მერვე
საზიზღარი ლატაკი

თავი პირველი
ყმანვილ ქალს დაეძებდა, ბებრუცუნა კაცს შეხვდა

გავიდა ზაფხული, მერე შემოდგომა. ზამთარი დადგა. არც ბ. ლებლანი ჩანდა სადმე, არც ახალგაზრდა ქალი, ფეხი არ შეუდგამთ ბაღში. მარიუსს კი აღარაფერი ახსოვდა და სულ იმის ფიქრში იყო, კიდევ დაენახა ის სათნო, საყვარელი სახე. სულ მის ძებნაში იყო, ყველგან მას დაეძებდა და ვერსად ეპოვა. ეს ის მარიუსი აღარ იყო, აღფრთოვანებით აღსავსე, გამბედავი, გულფიცხი და გულმაგარი, უშიშარი მოქიშპე ბედისწერისა, ზედიზედ დამრთავი მომავლის გეგმებისა, ამაყი თავისი მიმართულებით, სიტყვითა და საქმით. დღეს უპატრონო ძაღლს ემსგავსებოდა მარიუსი, დაღონებული, დაღვრემილი. გათავდა! შრომა ეზარებოდა, სეინრობა ღლიდა. მარტოობა მოხებრებოდა; თვით ბუნებაც კი, ოდესღაც აღსავსე წარმტაც მშვენიერებით, სინათლით, ხმებით, შთაგონებით, ჰიროზონტით, დღეს უმნიშვნელოდ ეჩვენებოდა. ყველაფერი გამქრალიყო, ასე ეგონა მარიუსს.

ფიქრისთვის მიეცა თავი, რადგან სხვაფერიც სიცოცხლე ვერ წარმოედგინა, მაგრამ ფიქრიც ვერ ავიწყებდა სევდას. რაც უნდა ერჩია მისთვის გონებას, ერთს აძლევდა ყოველთვის პასუხად: - ეჰ, რალად მინდა?

და საყვედურით იკლავდა გულს, სინანულით: - არა, რა ღმერთი გამიწყრა, რომ ავედევნე? ხომ ვხედავდი და შევხაროდი? ისიც ხომ მიყურებდა, ამაზე მეტი რაღა მინდოდა? ხომ ეტყობოდა, რომ თითქოს ვუყვარდი? რალას მივდევდი, რას დავძებდი? რომ აღარაფერია მის გარეშე! დიდი სიბრიყვე მომივიდა, დიდი შეცდომა...

კურთფერაკს თავისას არას ანდობდა, ასეთი იყო მისი ბუნება, მაგრამ ის მანაც მიხვდა, - ასეთი იყო კურთფერაკის ბუნება - და ჯერ მიულოცა, თუმცა გაკვირვებული იყო მარიუსის ქცევით. მერე კი, რომ ნახა, მარიუსი მელანქოლიას მისცემოდა, პირდაპირ უთხრა თავისებურად: ვხედავ, სულელი ხარ, და მეტი არაფერი, ნამო, ერთი შომიერში!

ერთხელ, მშვენიერ ენკენისთვის მზიან დღეს, დაიყოლიეს კურთფერაკმა ბოსუემ და გრანტერმა და სოში გაიყოლიეს სალხინოდ. გულში იმედი ჰქონდა, - რას არ წარმოიდგენს ოცნებით კაცი? - შეიძლება იქ „მას“ შევხვდეთ. ცხადია, იქ ვერ ნახავდა, ვისაც ეძებდა. - საკვირველია, სწორედ აქ უნდა იყოს ყველა „დაკარგული“ ქალი, - ბუზღუნებდა თავისთვის გრანტერი.

მარიუსმა იქვე მიატოვა ამხანაგები, იმ ლხინში, და ფეხით წამოვიდა შინისკენ, მარტოღმარტო. დიდი მანძილი უნდა გამოეყოლო. დაღლილ-დაქანცული მოდიოდა, გაჯავრებული, ყვირილით და ეს ხმაურობა და გზის მტვერი უფრო აბრაზებდა და

აღშფოთებდა გულმოკლულს. მოდიოდა დაღლილი და გულის მოსაბრუნებლად ხარბად სუნთქავდა გზის პირად ჩარიგებულ კაკლის ხეების ფოთლის მძაფრ სუნს.

მთლად ჩამორჩა ამხანაგებს. მარტოდმარტო დარჩა მწუხარებით მოცული. თავისი გულის ვარამის მეტი აღარაფერი ახსოვდა; ისე იყო სევდით მოცული, როგორც ხაფანგში გაბმული მგელი. ყველგან თავის სატრფოს დაეძებდა სიყვარულით გახელებული.

ერთხელ კიდევ ერთ კაცს შეხვდა, და ამან დიდი შთაბეჭდილება მოახდინა მარიუსზე. ინვალიდების ბულვარის ახლოს პატარა, ვიწრო ქუჩაში ერთი კაცი დაინახა, მუშის ტანისამოსიანი და განიერფარფლიანი ქედით, ისე, რომ არც შუბლი უჩანდა ქედის ფარფლს ქვეშიდან და არც თვალი. ჭაღარა თმა ჰქონდა, თოვლივით თეთრი. სწორედ ამ თეთრი თმის მშვენიერებამ მიიქცია მარიუსის ყურადღება და ყურება დაუწყო იმ კაცს, რომელიც ნელი ნაბიჯით მიდიოდა, მძიმე ფიქრებით გატაცებული. უცნაური ის იყო, რომ ბ. ლებლანად ეჩვენა მარიუსს ეს მოხუცებული; იმისივე თმა ჰქონდა, იმისივე სახე, რამდენადაც კი შეიძლებოდა ქედის ფარფლის ქვეშ სახის დანახვა, იმისივე იერი, ოღონდ უფრო დაღონებულს ჰგავდა. კარგი, მაგრამ ეს მუშის ტანისამოსი რაღა იყო? სად ბ. ლებლანი და სად სანყალი მუშა? თუ ის იყო, რას მოასწავებდა ეს ტანისამოსის შეცვლა? განცვიფრებული იყო მარიუსი. გონზე რომ მოვიდა, იფიქრა, - მივყვები, ენახავ, სად ცხოვრობს, იქნებ მომიხედა ბედმა და კვალს მივაგენიო. საჭირო იყო ახლა მისულიყო იმ კაცთან და ისე ენახა. და სანამ ამ ფიქრში იყო, კიდევ წასულიყო მოხუცებული მუშა. ალბათ პატარა, ვიწრო ქუჩაში ჩაუხვია და ვედარ იპოვა მარიუსმა.

ამ კაცზე ფიქრობდა რამდენიმე დღე, მერე კი დაივიწყა: - ბოლოს და ბოლოს, ხომ შეიძლება კაცი კაცს ჰგავდესო, - გადაწყვიტა.

თავი მეორე
ნაპოვარი

ისევ გორბოს სახლში ცხოვრობდა მარიუსი და ძველებურად ყურადღებას არ აქცევდა მგობობებს.

ამ დროს, თუ მართალი გენბავთ, ამ მინგრეულ-მონგრეულ სახლში მდგმურად აღარავინ ცხოვრობდა მარიუსის და იმ უონდრეტის გარდა, რომლის სახლის ქირა გადაიხადა ერთხელ მარიუსმა, თუმცა არც მამას იცნობდა, არც დედას, არც იმათ ქალებს. სხვა მდგმურები ზოგი სხვაგან გადავიდა, ზოგმა თქვენი ჭირი წაიღო, ზოგი კიდევ განდევნეს, რადგან ქირას არ იხდიდნენ.

ზამთარი იდგა და ერთხელ შუადღის მიწურულს ღრუბლებიდან თავი გამოჰყო მზემ; მაგრამ ეს იყო ორ თებერვალს - მირქმა უფლისა, - იმ დღეს, როდესაც ძველი თქმულების მიხედვით, ხალხს ატყუებს ცბიერი მზე, ცოტა ხნით ეჩვენება, და მომდევნო ექვსკვირიან ყინვას უმზადებს. ამ თქმულებამ შთააგონა მალე ლანსბერგს შემდეგი, კლასიკურად დარჩენილი ლექსი:

დაე, ბრწყინავდეს მზე სხივთა მნათი, -
ტენძულით შედის ბუნაგში დათვი.

ღამდებოდა, მარიუსი სასადილოდ გავიდა, რადგან რაც უნდა დაწყებული ჰქონოდა გული, კუჭი მაინც თავისას მოითხოვდა. ვაი, რომ ასე სუსტია იდეალური ჭმუნვა!

გამოვიდა თავისი ოთახიდან და ბებერი ბუგონის ბუზლუნი მოესმა. ჰგვიდა იქაურობას და იმ ფრიად სახსოვარ მონოლოგს ამბობდა:

- არა! ნეტავი, რა იშოვება დღეს იაფი? ისე გაძვირდა ყველაფერი, ბაზარში ვეღარ გასულა ადამიანი. იაფად მარტო ტანჯვა-წვალეა არის ხალხისა! სულ მუქთად არის საწყალი ხალხის ვაი-ვაგლახი!

ნელი ნაბიჯით აჰყვა ბულვარს მარიუსი, სადარაჯოსკენ, რომ იქიდან სენ-ჟაკის ქუჩაში ჩაეხვია. ჩაფიქრებული მიდიოდა, თავჩაქინდრული.

და უცხად იდაყვი წაჰკრა ვილაყამ. გვარიანად ბნელოდა. მიბრუნდა, ორი ქალი დაინახა, ყმაწვილი გოგონები, დაფლეთილი ტანისამოსი ეცვათ. ერთი მაღალი ტანისა იყო, წვრილი, მეორე უფრო მომსწრო. გაჩქარებით მიდიოდნენ, უფრო მიზრობდნენ შეშინებულნი, ქშინავდნენ; გეგონებოდათ, მღევარი მოსდევთ უკანო. პირდაპირ მარიუსისკენ მოდიოდნენ, ვერ დაინახეს და იდაყვი გაჰკრეს. ბნელოდა, მაგრამ მაინც შეამჩნია მარიუსმა, რომ ფერი წასვლოდათ შიშით, თმა აწნოდათ, ძველისძველი რაღაც ქუდები ეჭირათ, დაფხრენილი კაბები ეცვათ და ფეხშიშველა იყო ორივე. გარბოდნენ და თან ლაპარაკობდნენ. მაღალი ქალი იძახდა ხრინნიანი ხმით:

- ღამურები მოვიდნენ! კინალამ დამიჭირეს!

- დავინახე და მოვკურცხლე, - დაუმბატა მეორემ, - ისე მოვკურცხლე, რომ ცხენიანი კაცი ვეღარ დამენოლა!

მარიუსი მიხვდა, რომ ჟანდარმები ან პოლიციელები აპირებდნენ ამ გოგონების დაჭერას და ხელიდან გამოსხლტომოდნენ.

ხეებს აეფარნენ მარიუსის იქით, ცოტა ხანს იქით იყვნენ მიმალულნი, და მერე გაქრნენ.

მარიუსიც გაჩერდა წამით.

და იქვე, თავის ფეხთან პატარა პაკეტი დაინახა მოლურჯო. დაილუნა და აიღო. რაღაც შეკვრა იყო, რომელშიც ქალაღებები უნდა ყოფილიყო.

- ალბათ იმ საწყალ გოგონებს დაუვარდათ, - წამოიძახა მარიუსმა.

გაიხედა, დაუძახა, მაგრამ ისინი იქ აღარ იყვნენ. საღლა დავენევიო, - გაითიქრა, ჯიბეში ჩაიღო პაკეტი და გზას გაუდგა.

გზაში მუფტარის ქუჩაზე, ერთ ფანჯარაში პატარა ბავშვის კუბო დაინახა: სამ სკამზე იდგა, ზედ შავი მაუდი ეფარა, თავით სანთელი ენთო, და წელანდელი გოგონები მოაგონდა:

- საცოდავი დედა, - გაურბინა ფიქრმა, - შეილის სიკვდილს რომ ნახავს, მაგრამ მაინც უფრო საცოდავია უბედური, თავისი შვილების გარყვნას რომ მოეხსრება.

მერე საწყალი გოგონებიც დაავინყდა, ეს ბავშვიც, და თავის სევდას მიეცა. მოიგონა თავისი ექვსი თვის ბედნიერება, ჩრდილოვან ხეივანში სკამზე თავისი სატრფო და ნეტარება, რომელსაც განიცდიდა მისი მშერთ და ამოიკვნესა:

- როგორ დაბნელდა ჩემი სიცოცხლე. ყმაწვილ ქალებს ახლაც ვხედავ. ოღონდ აქამდე ანგელოზებად მეჩვენებოდნენ და ახლა კი საფრთხობელებად.

თავი მესამე
ოთხპიროვანი

იმ ღამეს, ტანისამოსს რომ იხდიდა დანოლოის წინ, ჯიბეს მოხვდა ხელი და მოავიწყდა ბულვარზე ნაპოვნი პაკეტი. დავინწყდებოდა, უნდა დავუბრუნო იმ ქალებსო, - იფიქრა, - იქნებ ზედ იმათი მისამართიც ეწეროს, თუ მართლა იმათი არის, იმათიც რომ არ იყოს, იქნება რამე ცნობა, რომ პატრონს გადავცეო.

პაკეტი დაბეჭდილი არ იყო და შიგ ოთხი წერილი იყო, ისინიც დაუბეჭდავი.

წერილებს თავ-თავისი მისამართი ჰქონდა.

სამზილარი სუნი ასდიოდა ოთხივეს, მყრალი თამბაქოსი.

პირველ წერილს ჰქონდა მისამართი: ქალბატონ მარკიზ დე გრუშენისას, დეპუტატობის პალატის მოედანზე#...

- ალბათ წერილში იქნება ჩემთვის საჭირო ცნობები, რომ მათი პატრონი ვიპოვო, - ფიქრობდა მარიუსი და გაშალა წასაკითხად, მით უფრო, რომ არც პაკეტი იყო დაბეჭდილი და არც წერილები.

აი, რა ამოიკითხა მარიუსმა:

„ქალბატონო მარკიზაჲ!

სათნოება კეთილმოწყალებისა და გაჭირვებულთა შებრალებისა აერთებს და ამჭიდროებს საზოგადოებას. გამოასვირეთ თქვენი ქრისტიანული თანაგრძნობა და სიბრალულის თვალთ გადმოხედეთ უბედურ მსხვერპლს პატიოსან კანონიერებისა და წმინდა მართლმსაჯულებისას, რომელმაც თავი გასწირა თავისი მოვალეობის აღსასრულებლად, სისხლი დაღვარა, მთელი თავისი ქონება ანაცვალა მის დაცვას, და დღეს უსამილეს გაჭირვებას განიცდის. ეჭვიც არა აქვს, რომ თქვენი პატივცემული პიროვნება წყალობის თვალთ გადმოხედავს და შეეწყვეს, რომ გაჭირვებული სიცოცხლე განაგრძოს უბედურმა, მრავალგან დაჭრილმა, აღზრდილთა და პატიოსნებით მხედარმა. იმედი მაქვს თქვენი კაცობრიული ქველობისა, რომელიც აძლიერებს თქვენს დიდსულოვნებას. და იმ თანაგრძნობისა, რომლითაც აღსავსე ბრძანდება ქალბატონი ამ უბედურ ერისადმი, რომ ამაოდ არ დარჩება იმათი თხოვნა და მომხიბვლელ მოგონებად დარჩებათ ამის მადლობა.

ჩემი პატივისცემითი გრძნობანი, რომლითაც დავშთები, ქალბატონო.

ღონ ალვარესი, კაპიტანი ესპანელ კაბალერიისა, საფრანგეთში შემოხიზნული როიალისტი, რომელიც სამშობლოში დაბრუნებას აპირებს და საშუალება არა აქვს გზის გაგრძელებისა“.

დამწერის მისამართი არა ჰქონდა ასე ხელმოწერილ წერილს. მარიუსს ეგონა, - მეორე წერილში ვიპოვიო, - და ახლა ის გახსნა. ჯერ მისამართი ნახა: - ქალბატონ გრაფ მონვერნისას, კასეტის ქუჩა #9.

აი, რა წაიკითხა ამ წერილში:

„პატივცემულო ქალბატონო,

ერთი უბედური, ექვსი შვილის დედა გახლავართ, რომელთაგან სულ პატარა რვა თვის მყავს. მე ავად ვარ უკანასკნელ მშობიარობის შემდეგ, მიტოვებული ჩემი ქმრის მიერ ავგრ ხუთი თვეა, და არავითარი სახსარი არა მაქვს ცხოვრებისა ამ საზარელ სიღარიბეში მყოფს.

პატივცემული ქალბატონის იმედით.

დავშთები დედა ბალიზარი“.

მესამე წერილი გაშალა მარიუსმა, ისიც დახმარებისა და მონყალეების თხოვნით სავე, ოლონდ უფრო ვრცლად შედგენილი. აი, თვით წერილიც:

„ბატონ პაბურჟოს, პატივცემულ მოქალაქეს, პატივცემულ ვაჭარს, სენ-დენის ქუჩა. ოფერის ქუჩის კუთხეში

ნებას ვაძლევ ჩემს თავს, რომ თქვენ მოგმართოთ ამ წერილით, და გთხოვოთ გადმოშედოთ თქვენი ძვირფასი მადლიანი წყალობის თვალთ და დაინტერესდეთ მწერლის უბედურებით, რომელმაც ეს-ეს არის გაუგზავნა საფრანგეთის თეატრს წარმოსადგენად თავისი ახალი დრამა. შინაარსი ისტორიული გახლავთ. მოქმედება წარმოებს ოვერში, იმპერიის დროს. სტილი, ვფიქრობ, ბუნებრივი აქვს, ლაკონიური და, შეიძლება, ცოტა რამ ღირსებას ჰქონდეს. ოთხ ალაგს არის სასიმღერო ლექსები. კომიკური, სერიოზული, მოულოდნელი ერევა მოქმედ პირთა ხასიათს და ოდნავ ფერი აქვს რომანტიზმისა მთელ ინტრიგაში, რომელიც საიდუმლოდ მიმდინარეობს და ფეფქტების მოულოდნელობით რამდენსამე ბრწყინვალე სცენით ბოლოვდება.

ჩემი მიზანი გახლავთ, დავაკმაყოფილო სურვილი, რომ სულს უდგამს პროგრესულად ადამიანს ჩვენი საუკუნისას, ესე იგი მოდა, ეს ახირებული და მოუსვენარი ქარაფშუტა, რომელიც იცვლება ყოველი ახალი ქარის ქროლვაზე.

მიუხედავად ჩემი თხზულების ღირსებისა, მე მაინც მემინია, რომ ცნობილ ავტორთა შერი და ეგოიზმი ამხედრდება ჩემს წინააღმდეგ, და თეატრში არ შემიშვებენ, რადგან კარგად ვიცი, რამდენი უსიამოვნება მოელის ჩვეულებრივ, ახალ მწერალს.

ბატონო პაბურჟო, თქვენი დამსახურებული სახელოვნება მწერლობის განათლებული მფარველისა მადგინებს და ჩემს ქალს გიგზავნით, რომ აგინეროთ ჩვენი გაჭირვებული მდგომარეობა, როდესაც შერი არა გვაქვს და შემა ამ ზამთარში. მინდა გთხოვოთ, მიიღოთ ჩემი პატივისცემით ჩემი დრამა და ყველა ის დრამა, რომელთაც შემდეგში შევადგენთ, რომ დავიმტკიცოთ, რამდენად ვამაყობ ბედნიერებით, რომ თქვენი მფარველობის ქვეშ ვიმყოფები და ჩემს ნაწერებს თქვენი სახელით ვამშვენებ. თუ მაღირსებთ და ცოტა რამ დახმარებას მიწყალობებთ, მაშინვე შევეუდგები ახალი პიესის წერას, ლექსად, რომ ჩემი შრომით მოგიზლოთ მადლობა. ეს ახალი პიესა, რომელიც ვეცდები, ყოველმხრივ იყოს სრული, თქვენ მოგერთმევათ უფრო ადრე, ვიდრე დაიბეჭდება და თეატრში წარმოადგენენ.

ბატონ და ქალბატონ პაბურჟოს

ჩემი პატივისცემა უაღრესად დამსახურებული,
ჟანფლო, მწერალი.

P.S. თუნდა ორმოცი სუ იყოს.

მაპატიეთ, რომ ჩემს ქალს გიგზავნით და მე თვითონ არ წარმოგიდექით, მაგრამ სამწუხარო მიზეზი ტანისამოსისა ნებას არ მაძლევს სახლიდან გამოვიდე...“

ბოლოს მეოთხე წერილი გაშალა მარიუსმა. მისამართი ასეთი ჰქონდა: ბატონ სენ-ჟაკის ეკლესიის კეთილისმყოფელს.

ეს წერილი უფრო მოკლე იყო:

„კეთილისმყოფელო ადამიანო,

თუ კეთილინებებთ და გამოჰყვებით ჩემს ქალს, საშინელ გაჭირვებას ნახავთ და მეც ჩემს მონშობებს გაჩვენებთ.

ამ მოწმობებს რომ დაინახავთ, თქვენს კეთილ სულს გაიტაცებს სურვილი კეთილისყოფისა, რადგან ნამდვილი ფილოსოფოსები ყოველთვის განიცდიან კეთილ გრძნობას.

დამეთანხმებით, კეთილისმყოფელო ადამიანო, რომ მართლა საშინელ გაჭირვებაში უნდა იყოს კაცი და მართლა ძალიან სამწუხარო არის, ცოტა რამ დახმარების მისაღებად მთავრობას მიმართოს და შეამოწმებინოს, თითქოს თავისუფალი არ იყოს ადამიანი, რომ იტანჯოს და მოკვდეს შიმშილისგან, ვიდრე დახმარებას აღმოუჩინენ. საშინელი რამ არის ბედისწერა ზოვისთვის, და უხვი და მახარებელი სხვებისთვის.

ველი თქვენს ნახვას და თქვენს დახმარებას, თუ ღირსად მცანით, და გთხოვთ, მიიღოთ ჩემი უსაზღვრო პატივისცემა, რომლითაც მექვს პატივი დავუშე, ადამიანო, ჭეშმარიტად დიდსულოვანო.

თქვენგან მეტად დავალებული
და თქვენი უმორჩილესი მსახური
პ. ფაბანტუ, დრამატული მსახიობი“.

ოთხივე მიმართვა გადაიკითხა მარიუსმა და მანინც ვერ გაიგო, ვინ იყო ამ წერილების პატრონი.

ჯერ იმას მიაქცია ყურადღება, რომ არც ერთი ხელისმომწერი არ წერდა თავის მისამართს.

მერე სხვა გარემოება ეცა თვალში, წერილებს ოთხი კაცი სწერდა, სხვადასხვა გვარისა: დონ ალვარესი, დედა ბალიზარი, პოეტი ჟანფლო და დრამატული მსახიობი ფაბანტუ. მაგრამ უცნაური ის იყო, რომ ოთხივე წერილი ერთი ხელით იყო დაწერილი.

რას დაასკვნიდა აქედან, თუ არა იმას, რომ ოთხივე წერილი ერთი და იმავე კაცის დაწერილი უნდა ყოფილიყო?

გარდა ამისა, - ეს გარემოებაც იმავე დასკვნას ამტკიცებდა, - ქალაქი, სქელი და გაყვითლებული, ერთი და იგივე იყო ოთხივე წერილისა, იგივე მყრალი თამბაქოს სუნი ასლიოდა ოთხივეს, და, თუმცა ეტყობოდა, ძალიან ცდილიყო, ვიღაც იყო, განსხვავება შეეტანა ამ წერილების სტილში, მაგრამ ორთოგრაფიული შეცდომები სრული მშვიდობით გაფანტულიყო ოთხივეში უცვლელად და მწერალი ჟანფლო იმავე ენითა და შეცდომებით სწერდა, რომლითაც ესპანელი კაპიტანი.

ამ საიდუმლოს ვერ ამოიხსნობდა მარიუსი, ძალიანაც რომ ცდილიყო. ნაპოვნი რომ არ ყოფილიყო, შეიძლება, ხუმრობად მიეღო. მეტად დაღონებული იყო, რომ გულიანად მიეღო რამე შემთხვევითი ხუმრობა და აჰყოლოდა რალაც ლაზღანდარობას, რომელსაც ქუჩა თუ გამოუგზავნიდა, თორემ სხვა ვერავინ. წინ ეყარა ეს წერილები და ისე ვერა გაეგო რა, თითქოს თვალხუჭობანას ეთამამებთან და კარგადაც დასციინა.

არავითარი ნიშანი, რომ იმ გოგონებისთვის მიეკუთვნებინა ეს წერილები, ბულვარზე რომ შეხვდა. ალბათ უბრალო, უმნიშვნელო ქალაქი იყო, გადასაყრელი.

ისევ პაკეტში ჩადო ოთხივე, იქვე მიაგდო და დაწვა.

მეორე დილას, შვიდ საათზე, ის-ის იყო ისაუზმა და აპირებდა საქმეს ჩასჯდომოდა, რომ კარზე დაუკაკუნეს.

სახარბიელო არაფერი ჰქონდა ოთახში და არც კარს კეტავდა. თუ დაკეტავდა, ისიც ძალიან იშვიათად, როდესაც სასწრაფო საქმე ჰქონდა გასაკეთებელი. საერთოდ კი, სხვაგანაც რომ წასულიყო, კარს დაუკეტავს ტოვებდა, გასაღებიანად. - მოგპარავენ რამეს, - აფრთხილებდა ბებერი ბუგონი. - რას მომპარავენ? - იძახდა მარიუსი. და კიდევ გამართლდა ბუგონის სიტყვა: ერთი წყვილი ძველი წაღა მოჰპარეს და ძალიან გახარებული იყო ბუგონი, რომ ასე გამართლდა მისი გაფრთხილება.

- მობრძანდით, - გასძახა მარიუსმა.

კარი შემოაღეს.

- რა გინდათ, ბატონო? - შეეკითხა მარიუსი და მაინც ისევ თავის ხელნაწერებს დასცქეროდა, მაგიდაზე გაშლილ წიგნებს.

ბებერი ბუგონისა კი არა, უცხო ხმა მოესმა:

- უკაცრავად, ბატონო...

მიყრუებული ხმა იყო, მონყვეტილი, მიმხრჩვალის, ხრინწიანი; არცით გალოთებული ბებერი კაცის ხმა.

სასწრაფოდ მიბრუნდა კარისკენ მარიუსი და ყმანვილი ქალი დაინახა.

თავი მეოთხე

ვარდი გასაჭირში

ყმანვილი ქალი იდგა შიგ კარში, სულ ყმანვილი. ოთახის ფანჯარა, საიდანაც სინათლე შემოდებოდა, სწორედ კარის პირდაპირ იყო, და მკრთალი სინათლე შიგ სახეში სცემდა ამ ქალს, ჩამომხმარს, დამჭკნარს, გაძვალტყავებულს. ბოლოკაბა ეცვა და პერანგი - გაყინული, აკანკალებული სხეულის სიმშველის დასაფარავად. სულ ეს იყო მისი ტანისამოსი, ქამრად თოკი შემოერთყა, თოკითვე შეეკრა თმა. შიშველი მხრები უჩანდა პერანგიდან. თეთრ-ყვითელი ფერი ჰქონდა, ლავინები მინისფერი, ჩაწითლებული ხელები, ოდნავად ღია პირი, წამხდარი კბილები; თვალი ჩამქრალი, მაგრამ აფხედი; ავებულება მოუწიფავი ყმანვილქალისა და გამოხედვა უნამუსო ბებერი დედაკაცისა; ორმოცდაათი წელიწადი ჩარეულიყო თხუთმეტი წლის გოგოს ცხოვრებაში. ერთი იმ არსებათაგანი იყო, რომელნიც ერთსა და იმავე დროს სუსტებიც არიან და საზიზღრებიც, და ააფრთოლებენ იმას, ვისაც ვერ აატირებენ.

წამოვარდა მარიუსი და განცვიფრებული შეჰყურებდა უბედურს, რომელიც შავ აჩრდილს უფრო ჰგავდა, ვიდრე ცოცხალ არსებას.

ეტყობოდა, დაბადებით ეს საწყალი ქალი ასე უსახური არ უნდა ყოფილიყო, პატარაობისას შეიძლება ლამაზიც იყო. წლოვანების სიკვლეუცე ებრძოდა ამ ქალში საზიზღარს, უდროოდ გამარჯვებულ სიღარიბისა და ავი ცხოვრების გამო სიბერეს. სილამაზის ნაშთი მომაკვდავივით მოჩანდა ამ თქქვსმეტი წლის სახეზე, როგორც ფერმკრთალი მზე, რომელსაც შავი ღრუბელი ერევა ზამთრის განთიადში.

სრულიად უცნობი არ უნდა ყოფილიყო მარიუსისთვის ეს სახე, სადღაც ენახა, მაგრამ სად? ეს კი ვერ აგონდებოდა.

- რა გნებავთ, ქალო?

მთვრალი კატორღელის ხმით მიუვო ქალმა:

- წერილი გამომატანეს თქვენთან, ბატონო მარიუს.

სახელით მიმართა მარიუსს. ეჭვი არ იყო, საქმე სწორედ მარიუსთან ჰქონდა და წერილიც მარიუსთან გამოგზავნათ, მაგრამ ვინ იყო ეს ქალი? საიდან იცოდა მისი სახელი?

ქალმა აღარ დაუცადა მარიუსის ნებართვას, - მობრძანდითო, - და წინ წამოვიდა. გაბედვით შევიდა ოთახში, მოურიდებლად სინჯავდა იქაურობას და ჯერ დაულაგებელ ლოკინს. ფეხშიშველი იყო, კაბა აქა-იქ გამოფხრეწოდა და შიშველი, ჩამომხმარი ჭუჭყიანი ბარძაყი უჩანდა. კანკალებდა.

ხელში მართლა წერილი ეჭირა და მარიუსს მიართვა.

წერილს რომ ხსნიდა, შეამჩნია მარიუსმა, რომ ლუქი, რომლითაც დაბეჭდილი იყო წერილი, ჯერ ისევ რბილი იყო და ცხელი.

შორიდან არ უნდა ყოფილიყო გამოგზავნილი. გახსნა და წაიკითხა:

„ჩემო კეთილო მეზობელო, ყმაწვილო კაცო!

გავიგე თქვენი ჩემდამი გულკეთილობა, ამ ექვსი თვის წინ სახლის ქირა რომ გადაიხადეთ ჩემ მაგივრად. გმადლობთ და გაკურთხებთ, ყმაწვილო კაცო. ჩემი უფროსი ქალი გეტყვით, რომ ლუკმაპური არა გვაქვს ეს ორი დღეა, ოთხნი ვართ და ჩემი მეუღლე ავად არის. თუ არა მალაატობს ჩემი ფიქრი, მგონია შემიძლია იმედი ვიქონიო, რომ თქვენს კეთილ გულს მოალბობს ჩემი თხოვნა და დაგიმორჩილებთ სურვილი ჩემი შველისა პატარა დახმარების შემონვეით.

დავშთები უმაღლესი პატივისცემით, რომლითაც ვადიდებთ კაცობრიობის კეთილმოქმედებთ,

ჟონდრეტი

P.S. ჩემი ქალივე მიიღებს თქვენს ბრძანებას, ბატონო მარიუს“.

წუხანდელს აქეთ გამოცხანად აწვა გულზე ნაპოვნი წერილების დამწერის ვინაობა და უცბად შუქი მოჰფინა ამ ერთმა წერილმა იმ ოთხის საიდუმლოებას, სანთელი შეიტანეს ანთებულ ბნელ სარდაფში. ყველაფერს მიხვდა მარიუსი.

ეს წერილიც იქიდანვე მოდიოდა, საიდანაც ის ოთხი წერილი იყო გასაგზავნად დამზადებული. იგივე სტილი იყო, იგივე მართლწერა და შეცდომები, იგივე ქალადი, იგივე მყრალი სუნი თამბაქოსი, ერთი ხელით იყო დანწერილი ხუთივე.

ხუთი წერილი, ხუთი ისტორია, ხუთი სახელი, ხუთი ხელნაწერი და ერთი ხელისმოწერილი. ესპანელი კაპიტანი დონ-ალვარესი, ბებერი დედა ბალიზარი, პოეტი დრამატურგი ჟანფლო, ბებერი ნამსახიობარი ფაბანტუ ოთხნი იყვნენ და ოთხივეს გვარი ჟონდრეტი იყო. თუ ჟონდრეტიც ნამდვილი გვარი იყო ამ წერილების დამწერისა, და არა მოგონილი.

კარგა ხანი იყო უკვე, რაც მარიუსი ამ სახლში ცხოვრობდა, და, როგორც ვთქვით, ძალიან აშვიათად ხედებოდა ხოლმე მეზობლებს, თვით უახლოეს მეზობლებსაც კი. სხვაგან დაქროდა იმისი ფიქრი, და სადაც ფიქრია, თვალის იქ არის. არ შეიძლებოდა, არ შეხვედროდა ეს ჟონდრეტები კიბეზე ან ტალანში სადმე, მაგრამ არავითარი ყურადღება არ მიუქცევია მათთვის. ჩრდილად მიაჩნდა ცოცხალი ადამიანი. იმდენად უცნობნი იყვნენ მისთვის მეზობლები, რომ წუხელ იდაყვი ნაჰკრეს ბუღვარზე, და მარიუსმა ვერც კი იცნო ჟონდრეტის ქალები, რადგან ცხადი იყო, ესენი უნდა ყოფილიყვნენ. და ახლაც, თვალწინ ედგა თავის ოთახში ქალი, რომელმაც ზიზღივ ალუქრა გულში და სიბრალუელიც. გაკვირვებული ეკითხებოდა თავს, - ნეტავი ვიყოდე, სად მინახავს ეს უბედური?

ახლა კი ცხადად ხედავდა ყველაფერს. ხედავდა, რომ მის მეზობელ ჟონდრეტს ხელობად გაცხადდა გაჭირვებისა და სიღარიბის გამო გულკეთილი ადამიანებისგან მოტყუებით დახმარების მიღება, რომ ამ მიზნით შოულობდა შეძლებულ კეთილისმყოფელთა მისამართს, და წერილებით სთხოვდა მონყალებას. ოღონდ საკუთარის მაგივრად სულ სხვადასხვა, მოგონილ გვარს აწერდა; წერილების მიმტანად თავისი ქალები ჰყავდა და, თუ მოხდებოდა რამე, პასუხისმგებელი წერილის მიმტანი ქალები იქნებოდნენ და არა თვითონ დამწერი; იქამდე დაცემულიყო მამა, რომ განსაცდელში თავად განზე დარჩებოდა და, თუ წააგებდა, თავისი ქალებით გადაიხდიდა წანაგებს. ხედავდა მარიუსი, წუხელ, ისე შეშინებული მორბოდნენ ეს ქალები, იმდენად გულგახეთქილები, რომ ძლივსლა იბრუნებდნენ სულს დაქანცულები, და რამდენიმე სიტყვა რომ გაიგონა მათი ნათქვამი, ცხადად დარწმუნდა, ამ უბედურებს სხვა საძრახისი ხელობაც უნდა ჰქონოდათ. ადამიანთა საზოგადოებრივი წესწყობილების ნაყოფი იყო ეს ორი უბედური ქალი, რომლებიც არც ბავშვები იყვნენ, არც ქალები, არც დედაკაცები, არამედ რაღაც საზიზღარი ბილწი ქმნილებანი, გაჭირვებისა და შიმშილის მიერ წარმოშობილნი.

აღარც სახელი შერჩენიათ ამ საცოდავებს, აღარც წლოვანება, აღარც სქესი; აღარც კეთილი არსებობს ამათთვის, აღარც ბოროტი. გაუვლიათ ბავშვობა და აღარაფერი რჩებათ ამსოფელად, აღარც თავისუფლება, აღარც სათნოება, აღარც პასუხისმგებლობა. დღეს უკვე დამჭკნარია გუშინ გამლილი ყვავილი, მსგავსი იმ ყვავილისა, რომელიც ხელიდან გაუვარდა ქუჩაში მიმავალს, ლაფში ჩავარდა, მყარალ წუმპეში, და ისვრება, იმნიკვლება, ვიდრე ეტლის თვალი გადაუვლის და გასრესს.

მარიუსი გაკვირვებული, სიბრალულით სავესე თვალით შესცქეროდა გოგოს; ის კი არხეინად, დაურიდებლად მიმოდოდა ოთახში, ათვალეირებდა იქაურობას და სულ არ ერიდებოდა სიშიშვლისა. ხანდახან თითქმის წელამდე ჩამოემგებოდა დაძველებული, დახეული პერანგი. დადიოდა, სკამებს არხევდა, კომოლზე დალაგებულ სარკე-სავარცხელს სინჯავდა, ტანისამოსს აბრუნებდა, ყველგან ხელებს აფათურებდა.

- ერთი დახეთ, სარკეც რომ გქონიათ!

დადიოდა, სინჯავდა და თან ღიღინებდა, თითქოს სულ მარტო ყოფილიყო ოთახში. ღიღინებდა ვოდევილში გაგონილ სალაზღანდარო სიმღერებს. მაგრამ საძაგელი ხრინწიანი ხმა ჰქონდა და საზარლად ხდიდა სახუმაროს. მოურიდებლად, ურცხვად ტრიალებდა ოთახში, მაგრამ ნაპერწკალივით გამოაჩნდებოდა ხოლმე ხანდახან თავისი ქცევის ნაძალადეობა, სინანული და მორცხვობა. თავხედობა იგივე სირცხვილია.

საცოდავი სანახავი იყო სანყალი გოგო. ისე დანწარლებდა ამ ოთახში, თითქოს გალიაში მომწყვდეული, ფრთამოტეხილი ფრინველი ყოფილიყოს ან მზის სინათლით შეშინებული. შეჰყურებდა მარიუსი და გრძნობდა, სხვა ბედისა რომ ყოფილიყო უბედური და სხვაგვარად აღზრდილი, საამო და მომხიბლავი სანახავი იქნებოდა მისი დღეს ნაძალადევი მხიარულება და თავისუფლება. ბუნებაში ამგვარს ვერაფერს ნახავს ადამიანი. შეუძლებელია ყვავად გადაიქცეს მტრედად გაჩენილი არსება. ეს გარდაქმნა მხოლოდ ადამიანთა შორისაა, საუბედუროდ.

ამ ფიქრით იყო მოცული მარიუსი და ქალიც სარგებლობდა ამით, ათვალეიერებდა იქაურობას.

მერე მაგიდასთან მივიდა.

- აჰ, წიგნები გქონიათ?!

წამით სინათლემ იელვა მიმქრალ თვალებში.

- მეც ვიცი კითხვა! - წამოიძახა იმ კილოთი, რომელშიც ნეტარება ისმოდა, რომ ამით მაინც შეეძლო თავის მოწონება. ბუნებრივი თვისება ყველა სულდგმულისა თავის მოწონებაა.

აიტაცა ერთი წიგნი, გაშლილი რომ იდო მაგიდაზე, და გარკვევით წაიკითხა:

„...გენერალმა ბოდუენმა მიიღო ბრძანება, - თავისი ჯარის ხუთი ბატალიონით აეღო ჰუგომონის სიმაგრე, ვატერლოოს მინდორზე“.

და წამოიძახა:

- აჰ! ვატერლოო! ვიცი! დიდი ბრძოლა იყო. მამაჩემიც იქ იყო. ჯარში იყო მამაჩემი. იცით, რა ბონაპარტისტები ვართ! ჩვენთან ყველანი! ინგლისელებს ვებრძოდით ვატერლოოში!

წიგნი დადო, კალამი აიღო და დაიძახა:

- წერაყ კი ვიცი!

სამელნეში ამოაწო კალამი და მარიუსს მიუბრუნდა:

- გნებავთ, ნახოთ? აი, ერთ სიტყვას დაგწერ.

და აღარც კი დაასადა, რომ თანხმობა გამოეცხადებინა. ერთ ფურცელ თეთრ ქალაღზე დაწერა: ლამურები მოდიან.

მერე კალამი დადო და წამოიძახა:

- აქ მართლწერის შეცდომას ვერ მიპოვით. აი, ნახეთ. ცოტა რამ განვითარება ჩვენცა გვქონდა, მე და ჩემს დას. ყოველთვის ასე კი არ ვიყავით, როგორც დღესა ვართ, იმისთვის კი არ დავიბადეთ, რომ...

და შედგა, დააწყერდა მარიუსს, სიცხლი წასკდა და ცინიზმით ჩამხრჩვალ სირცხვილით წამოიძახა.

- ეეჰ!..

ამ ეეჰ-ს ლულუნით სიმღერა მიაყოლა, მხიარული კილოთი:

გვშია, გვშია, მამილო,

სახლში აღარც პურია,

გვცივა, გვცივა, დედილო,

შიმვლები ვართ სრულიად.

წინეტა და უანეტა,

რა გაღრიალებთ ნეტაე!

ბოლო ააჩქარა, და დაასრულა თუ არა, მაშინვე ჰკითხა:

- თეატრში დადისართ, ბატონო მარიუს, ხანდახან მაინც? მე კი დავდივარ. პატარა ძმა მყავს, მეგობრები ჰყავს მსახიობები და ისინი მაძლევენ ხოლმე ბილეთებს. მაგრამ, რომ იყოდეთ, როგორ მეჭაერება ქანდარის სკამები! ისე ცუდად არის იქ ადამიანი, რომ ნანობს, - ნეტავი არ მოვსულიყავიო. ისეა ხოლმე ხალხით გატენილი! მერე, ვერ წარმოიდგენთ, რა სუნი დგას!

ეს თქვა, დააწყერდა მარიუსს ალერსით და უთხრა:

- იცი, ბატონო მარიუს, რომ ძან ლამაზი ბიჭი ხართ?

და ერთმა და იმავე ფიქრმა გაურბინა ორივეს: გოგო ტკბილად იღიმებოდა, მარიუსი განითლდა.

მერე მიუახლოვდა მარიუსს, ხელი დაადო მხარზე და შესჩვილა: - თქვენ ყურადღებას არ მატყვევთ, ბატონო მარიუს, მე კი კარვად გიცნობთ. ხშირად გხვდებით აქ, კიბეზე. გარდა ამისა, გხედავთ ერთ ნაცნობ კაცთან რომ დადიხართ, მოხუც მამბევთან, აუსტერლიცის მხარეს ცხოვრობს. მეც ხშირად ვსეირნობ ხოლმე იქითკენ. როგორ გიხდებათ ეგ ანეწილი თმა!

ცდილობდა ტკბილი ხმით ეთქვა, რაც გულში ედო, მაგრამ ეს ცდა უფრო უბოხებდა ხმას. ზოგი სიტყვა იკარგებოდა, სანამ ხორხიდან მის ტუჩებზე მიადნევედა, როგორც როიალში, რომელსაც ზოგიერთი ნოტი აკლია.

მარიუსმა უკან დაიწია და თავისებურად ცივად უპასუხა:

- ერთი პაკეტი მატყვს, მგონია, თქვენი უნდა იყოს, ნება მიბოძეთ, თქვენვე მოგართვათ.

და გაუნოდა ნაპოვნი ოთხ წერილთან ერთად.

ტაში შემოჰკრა ქალმა და შეჰყვირა:

- ჩვენ კიდევ დღეს თან გადავყევით ამათ ძებნას!

ხელიდან გამოსტაცა, საჩქაროდ გაშალა და თან თავისას ამბობდა:

- ღმერთო! ღმერთო! დღეს ჩვენ ამის ძებნას მოვუნდით, მე და ჩემი და! თქვენ კი გიპოვიათ! ბულვარზე იპოვეთ, არა? ბულვარზე, მაგას რა თქმა უნდა! იცით, ხელიდან გაგვივარდა, როდესაც გამოვგრბოდით. ჩემი დის ბრალია, იმ სულელისა! მოვედით შინ და კინაღამ გული გაგვისკდა! არ გვინდოდა, ეცემათ ჩვენთვის, ან რას უშველიდა საქმეს ჩვენი ცემა? სრულიად უსარგებლო იქნებოდა, სრულიად უსარგებლო! - ვუთხარით ჩვენებს, რომ წერილები ჩავაბარეთ თავ-თავისი მისამართით და ხელცარიელი გამოგვისტუმრესო. აქ კი ყოფილა ოთხივე! მერე როგორ მიხვდით, რომ ჩვენი უნდა ყოფილიყო? ჰო, ვიცო, წერილების ხელწერით! მაშ, თქვენ იყავით წუხელ, იდაყვი რომ გაგკარით? რას ვიზამდით? მოვრბოდით, ბნელოდა, ჩემს დას კვითხე, რომ დაგინახეთ: ბატონი უნდა იყოს ის კაცი, ჰა?

- ჰო, ბატონი უნდა იყოსო, - მიპასუხა ჩემმა დამ.

ამასობაში გადასინჯა წერილები; ცალკე დაიჭირა ის წერილი, რომელსაც მისამართი ჰქონდა, ბატონ სენ-ჟაკის ეკლესიის კეთილისმყოფელს, და წამოიძახა:

- ეს კიდევ იმ ბებერს ეკუთვნის, ნირვა-ლოცვას რომ არ აკლდება. ჰოდა, სწორედაც დროც არის, ახლავე წავუღებ, იქნებ მომცეს რამე, რომ საუბმე მანც ვჭამოთ.

სიცოლი წასკდა და დაუმატა:

- იცით, რა ბედი გვეწევა დღეს, რომ საუბმე მივითვით? ორი დღის შიმშილს გადავარავს დღევანდელი საუბმე: გუშინწინდელ საუბმეს, გუშინწინდელ სადილს, გუშინდელ საუბმეს, გუშინდელ სადილს. დიას! ერთი საუბმე, დღევანდელი საუბმე დაგვაინწყებს ორი დღის შიმშილს. ახია თქვენზე, თქვე ძაღლებო, თქვენა! გპიათ? შიმშილით კვდებით? ჩაძაღლდით, რომ...

ამან მოაგონა მარიუსს, რისთვის იყო მოსული მასთან ეს უბედური.

უილეტის ჯიბეებში ეძება, ვერაფერი იპოვა.

ქალი კი თავისას მოთქვამდა. ისე იყო, თითქოს დაგინწყებოდა მარიუსის იქ ყოფნა.

- ხანდახან ბინდისას გავდივარ შინიდან, ზოგჯერ აღარც კი დავბრუნდები ხოლმე. ვიდრე ამ სახლში დავდგებოდით, შარშან ზამთარს, ხიდების თაღებქვეშ ვცხოვრობდით. ერთმანეთს ვეკრობოდით, რომ არ გავყინულიყავით. ჩემი პატარა და ტიროდა, რომ იცოდეთ, რა გულსაკლავია წყალი! - თავს დავინხრჩობ-მეთქი, ვფიქრობდი, მაგრამ ცივი წყალი მაშინებდა. ისეთი ცივია, ისეთი! მარტოდმარტო გავალ ხოლმე, როცა მინდა, ხან სად მიძინავს, ხან სად, ორმოში სადმე. წარმოიდგინეთ, ბულვარზე რომ დავდივარ ღამე, ისე მეჩვენებთან ხეები, თითქოს ორთითები იყვნენ, და სახლები მთლად შავად. სწორედ ისე, როგორც ღვთისმშობლის ეკლესიის ციხეებია. სადაც კი თეთრ კედელს დავინახავ, მაშინვე მდინარე მომაგონდება, წყალი და გაკვირვებული ვეკითხები თავს, - რა ვქნა? აქაც წყალი მოვარდნილა? - ვარსკვლავები ღამე ზეიმის ჩირაღდნებად მეჩვენება, თითქოს იმათაც ასდიოდეთ კვამლი და ქარი აქრობდეს ქროლვით. გაშტერებული ვარ ხოლმე, თითქოს ცხენები მყავდეს და ისინი ქშინავდნენ პირდაპირ ჩემს ყურში; ღამეა, ყველას სძინავს, მე კი ცხადად მეყურება ბაზრის არღნის ხმა და საფეიქრო მანქანების გრიალი. არ ვიცი, რა არ მომელანდება ხოლმე იმ დროს! ხან კიდევ მეჩვენება, რომ ხალხი დამხვევია და ჩაქვავებას მიპირებენ. მეც გამოვრბივარ! გამოვრბივარ! რა უცნაური ხდები, როცა უჭმელი ხარ!

იგი გიჟივით შეჰყურებდა მარიუსს.

მან კი იმდენი იჩხრიკა ჯიბეები, რომ ხუთი ფრანკი და თექვსმეტი სუ მოაგროვა. ეს იყო იმხანად მთელი მისი ავლადიდება. - დღეს სადილი მაქვს, - ფიქრობდა მარიუსი, - ხვალისთვის ხვალ ვიზრუნოთ.

თექვსმეტი სუ ჯიბეში ჩაიღო და ხუთი ფრანკი იმ ქალს მისცა. ხელი სტაცა სანწყალმა, არ მოელოდა ამდენს.

- უჰ, რა, კარგია! მზე ამოვიდა! მზე!

და თითქოს ამ მშემ მის ტვინში მოგროვილი მდაბიური სიტყვები გამოაღწო ცინულიდან, დააყარა მარიუსს:

- ხუთი ფრანკი! წმინდა ვერცხლი! მეფური მონყალება! მერე ამ სანყალ ოთახში! სასწაულია! ძაან ბიჭი ყოფილხართ! გულით გიძღვნით მადლობას! იხარეთ, დამშეულნო! ორ დღეს კარგი სადილი, ხორცითა და შემწვართ! ოჰ, როგორ გამოვძღვებით! პურის ჯავრს ამოვიყრით!

პერანგი მიიფარა მხრებზე. მდაბლად თავი დაუკრა, ხელი დაუქნია მეგობრულად და კარისკენ წავიდა:

- მშვიდობით, ბატონო, სულერთია, მე მაინც მოვძებნი იმ მოხუცს და გადავცემ წერილს.

რომ მიდიოდა, კომოდზე პურის ყუა დაინახა, ხმელი, მტვერში დაობებული, აიტაცა და მოკბიჩა, თან დუღუნებდა:

- ქვასავით მაგარია, მაგრამ პურია, პური! თუ კბილები არ ჩამიმტვრია! და გავიდა.

თავი მეხუთე

სარკმელი განგებისა

ხუთი წელიწადი იყო, დიდ გაჭირვებას განიცდიდა მარიუსი, სიღარიბესა და შიმშილსაც კი, მაგრამ ახლა იგრძნო მხოლოდ, რომ ჯერ ნამდვილი გასაჭირი არ ენახა. ეს იმ ყმაწვილმა ქალმა დაანახვა; თვალწინ დაუყენა ცოცხალი სურათი ნამდვილი სიღატაკისა და მართლაც, ვისაც მამაკაცის სისაწყლე უნახავს, მან ნამდვილი გაჭირვებისა არა იცის რა. ვისაც ქალის სიღატაკე უნახავს, არც იმას უნახავს ბევრი რამ. მან უნდა ნახოს ბავშვის გაჭირვება.

უკიდურეს მდგომარეობაში რომ ჩავარდება კაცი, უკიდურეს საშუალებას მიმართავს თავის დასაცავად, და ვაი იმ უბედურთა ბრალი, იმ წვრილშვილისა, რომლებიც გარს ახვევია! აღარც საქმე აქვს, აღარც ხელფასი, აღარც პური, აღარც შუშა, აღარც ვაჟკაცობა, აღარც მხნობა. ყველაფერს კარგავს. გარეთ მზის სინათლე უქრება, გულში ზნობრივი სინათლე. და ამ წყვდიადში რომ რჩება, დედაკაცისა და ბავშვის სისუსტეს სწვდება კაცი, ამით სარგებლობს და შეუბრალებლად აიძულებს სამარცხვინო საქმე ჩაიდინონ.

მამინ შესაძლებელი ხდება ყოველი საძაგლობა. სასონარკვეთილება მხოლოდ სუსტი ძვიდით არის დაშორებული მიწიერებასა და ბოროტმოქმედებისგან.

ჯანმრთელობა, სიყმაწვილე, პატიოსნება, მკაცრი სინამდღე ჯერ ისევ ნორჩი ტანისა, გული, უმანკოება, კდემამოსილება, - ეს ნაზი გარსი ჩვენი სულისა, - ლაფშია ჩაფლული უბედურთათვის, რომელნიც ცხოვრების საშუალებას ვერსად პოუვებენ, ძმები, დები, ქალი, კაცი, დიდი, პატარა, ისე აეკვირან ერთმანეთს და ისე შედუღდებიან, თითქოს მინერალურ წარმონაქმნს წარმოადგენენ ამ სქესთა, ნათესაობის, წლოვანების, ბოროტებისა და უმანკოების ნარევიში. ერთად არიან, ზურგით ერთმანეთზე მიკრულნი, ერთგვარ ბედისწერის სოროში; საყოდავად შესცქერიან ერთმანეთს. ოჰ, ეს უბედურნი! მომაკვდავის ფერი ადევს ყველას. გაყინულნი არიან ყველანი, თითქოს აქ კი არა, სულ სხვა პლანეტაზე ცხოვრობდნენ, გაცილებით უფრო მეტად დაშორებულზე მზისგან, ვიდრე ჩვენ ვართ.

ისე ეჩვენა საყოდავი გოგო მარიუსს, თითქოს განგებ იმისთვის ყოფილიყო ბოროტების სამეფოდან მოვლინებული.

თვალწინ გადაუშალა ლამის სიბილწის სურათი.

სინანულიც კი მოერია მარიუსს, რომ ასე გართულიყო ფიქრებით, შრომით, მეტადრე გულითადი მწუხარებით და იმდენს ვერ იცლიდა, რომ თვალი გადაეწვლო მეზობლებისთვის. სახლის ქირა რომ გადაუხადა ამას წინათ, ეს ერთგვარი უნებლიე საქციელი იყო; სხვაც ასევე მოიქცეოდა, ასე გაჭირვებული კაცი რომ ენახა; მაგრამ ის კი, მარიუსი, ამ შემთხვევაში უკეთ უნდა მოქცეულიყო. მას ხომ მხოლოდ ერთი კედელი ამორება და შიმშილით და სიცივით ტანჯულ მეზობლებს, რომლებიც ბნელ ორმოში ჩაყრილებივით ჩამოშორებულიყვნენ ქვეყანას; გვერდზე უდგა, ის იყო უკანასკნელი კავშირი, რომლითაც შეიძლებოდა ჯერ კიდევ შეერთებული ყოფილიყვნენ კაცობრიობასთან; ესმოდა იმათი არსებობა, ან უკეთ, კვნესა-ტირილი, და ყურადღებას არ აქცევდა, ყოველდღე, ყოველწამს ესმოდა იმათი ფეხის ხმა, ლაპარაკი და ყურს არ უგდებდა, რამდენი ოხვრა და კვნესა იყო მათ ლაპარაკში, მას კი არაფერი ეყურებოდა. შორს ციალებდა ფიქრი, ოცნებით გატაცებული, მიუწვდომელი სხივებით გაბრწყინებული, მიუღწეველი სიყვარულით გახელბული. მის გვერდით იმ დროს სულთმობრძავნი ეყარნენ მისივე ძმები იესოს მცნებით, მისივე ძმები ხალხის შვილები. კვდებოდნენ შიმშილით, სიცივით! ჰოდა, თვითონაც

მონაწილე იყო იმათი გაჭირვებისა! იმათ რომ სხვა ჰყოლოდათ ვინმე მეზობლად, ოცნებით ნაკლებად გატაცებული და უფრო გულისყურიანი, ერთი უბრალო, გულწრფელი ადამიანი, დაინახავდა იმათ საშინელ მდგომარეობას, თვალში ეცემოდა შიმშილის ნიშნები, და იქნებ დიდი ხნის წინათვე ეშველა და გამოეყვანა ამ გულსაკლავი მდგომარეობიდან. მართალია, მეტად წამხდარად ეჩვენებოდნენ, გარყვნილად, ბოროტად, მეტად საზიზღრად, მაგრამ იშვიათი სანახავია ადამიანი, რომ გაჭირვება მორეოდეს და ვერ გაერყვანას. არის ერთი საფეხური, რომელიც აერთებს, ერთმანეთში ურევს და ერთი სახელით მოსავს გაჭირვებით დაცემულ უბედურებასა და გაჭირვებითვე აღგზნებულ ბოროტებას. ეს სახელი არის განწირული. ვისი ბრალისა? და განა მით უფრო მეტი არ უნდა იყოს გაჭირვებულის დახმარება, რამდენადაც ღრმად არის დაცემული საწყალი კაცი?

ამ ფიქრებით იყო გატაცებული მარიუსი, ამ ზნეობრივი სინანულით, რადგან მოხდებოდა ხოლმე ხანდახან, ის, როგორც ყველა გულით პატიოსანი კაცი, წრთვინდა თავს და უფრო მეტად ემდურებოდა, ვიდრე ღირსი იყო. ამ ფიქრებით გატაცებული თან ტიხარს შესცქეროდა, რომელიც გაყვანილი იყო მისი და ჟონდრეტის ოთახის შუა, თითქოს გამჭვირვალე ეგულებოდა ეს ტიხარი და უნდოდა შიგ გაეტარებინა სიბრალეულით სასე თვალი, რათა გაეთხო იქაურობა. ოდნავ შეღწევილ ტიხარში ძალიან კარგად ისმოდა ყოველი სიტყვა და მოძრაობა. მარიუსივით თავისივე ლანდით უნდა ყოფილიყო დაყრუებული ადამიანი, რომ არაფერი გაეგონა მეზობლებისა. ტიხარს არც მარიუსის ოთახში ეკრა კედლის ქალაქი, არც ჟონდრეტის ოთახში. შესცქეროდა მარიუსი ამ კედელს და შეუმჩნეველად ათვალთვლებდა მის სიმრთელეს. მოხდებდა ხოლმე, ადამიანისგან დამოუკიდებლად მოქმედებს გონება, სინჯავს, იკვლევს, თვალყურს ადევნებს, იძიებს, სწორედ ისევე, როგორც მოფიქრებისას მოიქცეოდა. და უცბად წამოხტა მარიუსი. ტიხარში, ზემოთ, თითქმის ჭერთან სამკუთხა ნახვრეტი დაინახა, შედეგი სამი თამასის უვარგისად შეერთებისა, რომლებზეც გაუს ვერ დაეჭირა თავი. კამოდზე რომ ამძვრალიყო კაცი, ამ ნახვრეტით დაინახავდა ჟონდრეტის ოთახს. სიბრალეულს ყოველთვის აქვს, და კიდევ უნდა ჰქონდეს ცნობისმოყვარეობა. პატარა ნახვრეტი იყო, მაგრამ საჭვრეტ სარკმლად სრულიად საკმარისი. საძრახი არ უნდა იყოს ჩუმად დანახვა გაჭირვებულისა, რომლის დახმარებას უკვე ვაპირებთ.

- ერთი ვნახოთ, ვინ არიან ეს უბედურები, - იძახდა გულში მარიუსი, - და რამდენად გაჭირვებულნი არიან.

კომოდზე აძვრა და თვალი მიაღო ნახვრეტს.

თავი მეექვსე

ტყის ნადირი თავის ბუნაგში

ქალაქს, როგორც ტყეს, აქვს თავისი ტევრი, სადაც იმალება ყოველივე, რაც კი ამ ქალაქში ბოროტი და საშიში მოიპოვება. ოღონდ ქალაქის ნაღმსა და ძირისძირში მძვინვარე იმალება, ბინიერი და სულმდაბალი, ესე იგი, საზიზღარი; ტყეში კი, ტყის ტევრში რომ იმალება, მძვინვარეყაა, ველურიც და დიადიც, ესე იგი, - მშვენიერი. ბუნავი ბუნავია, მაგრამ ტყის ნადირისა სჯობია ადამიანისას. მღვიმე სჯობია, საშიშროების მღვიმე სჯობია გაჭირვებულის ბინას.

და სწორედ გაჭირვებულის ბინას ხედავდა მარიუსი.

თვითონაც ღარიბი იყო და ოთახიც ღარიბულად ჰქონდა მოწყობილი, მაგრამ, როგორც მისი სიღარიბე იყო პატიოსანი, ისევე სუფთა იყო მისი ოთახიც. ის ოთახი კი, რომელსაც ახლა ხედავდა, საზარლად გამოიყურებოდა. ნაგვიანი იყო, მყარალი, ბნელი, ბინძური. ერთი სკამი იდგა ჩალისა, ერთი გატეხილი მაგიდა, რამდენიმე გატეხილი თევზი და ოთახის ორ კუნჭულში - ორი დამტვრეული, ენით რომ ვერ გამოუთქვამ, ისეთი უბადრუკი საწოლი. ეს იყო მოწყობილობა ამ ოთახისა, გასანათებლად ჰატარა ფანჯარა ჰქონდა ოთხმინიანი, აბლაბუდით მოფენილი. საკმაო სინათლე შემოდოდა ამ ფანჯარაში საიმისოდ, რომ მოჩვენებად გადაექცია ადამიანის სახე. კეთროვანის დამუნჯებულ სახეს მოავონებდა კაცს დასერილი კედლები, და თან მყარლად დასველებული. კედლებზე ნახშირით უშნოდ დაეხატათ უნმანური სურათები.

მარიუსის ოთახს ფილაქანი ეგო, თუმცა ზოგან დამტვრეული! ამ ოთახში კი არც ფილაქანი იყო, არც იატაკი. გაჯი ეყარა, უკვე გაშავებული ბოძებშუა და ზედ ნაფეხური აჩნდა. ძირს ეყარა დახეული წინდები, დაფხრეწილი ფეხსაცმელი და საზიზღარი ჩურები. მაგრამ ამ ვითომ ოთახს ბუხარი ჰქონდა და ამიტომ იყო, რომ წელიწადში ორმოც ფრანკს ქირას სძენდა პატრონს. რა გინდათ, რომ ამ ბუხართან არ ყოფილიყო: მაყალი, ტაფა, ქვაბი, დამტვრეული ჯამები, პატარა გალია, ბუხარში ნაცარი იყო და ცოტა ცეცხლი, ორი მუგუზალიც ბოლავდა.

ერთი რამ იყო, რაც უფრო საზარელს ხდიდა ამ ოთახს, - მისი სიდიდე. უშველებელი დარბაზი იყო, კედლების შვერილებით, კუნჭულებით, შავი ორმოებით, ჭერქვეშით, ყურეებითა და კონსხებით. ამიტომ მრავალი მიუვალი კუთხე მოიპოვებოდა ოთახში, სადაც განცხრომაში უნდა ყოფილიყვნენ მუშტისოდენა ობობები, იმოდენივე ტენის ჭიები და იქნებ უფრო უარესი და საშინელიც.

ერთი ტახტი კართან იდგა, მეორე - ფანჯარასთან. ორივე ბუხარს ეხებოდა ბოლოებით და პირდაპირ უდგა მარიუსის საჭვრეტელ სარკმელს.

ერთ კუნჭულში, მარიუსის საჭვრეტლის ახლოს, კედელზე შავი ხის ჩარჩოიანი სურათი ეკიდა, რომლის ქვემოდან მსხვილი ასოებით ეწერა სიტყვა „სიზმარი“. დახატული იყო ერთი მძინარე ქალი მძინარე ბავშვით. ბავშვს დედის მუცელზე ეძინა. ღრუბლებიდან არწივი მოჩანდა გვირგვინით და ქალი ხელს იქნევდა მძინარე, რომ შვილისთვის აეცდინა ეს გვირგვინი. იქვე ნაპოლეონი მოჩანდა ბრწყინვალეებით მოსილი, ერთ დიდ ლურჯ სვეტს მიჰყუდებოდა, რომლის თავზე იყო წარწერა:

მარენგო,

აუსტერლიცი,

იენა,

ვაგრამი,

ელაუ.

ამ სურათის ქვეშ კედელზე მიეყუდებინათ ხის ჩარჩო, უფრო გრძელი, ვიდრე განიერი. ამ სურათის ჩარჩო უნდა ყოფილიყო, პირით კედელზე მიეყუდებული, ან ფანჯრის, ან სარკის ჩარჩო, იქ, კედელთან დროებით მივიწყებული.

მაგიდაზე საწერ-კალამი მოჩანდა, ქალაღდი. იქვე მიმჯდარიყო ერთი კაცი, ასე სამოცი წლისა, პატარა, გამხდარი, გალურჯებული, დაღვრემილი. ცბიერი თვალი ჰქონდა, მოუსვენარი და საშინელი.

ნამდვილი საზიზღარი არამზადა.

ლაფატერს რომ ენახა ეს პატარა კაცუნა, ქორს დაინახავდა დავა ქართან შეერთებულს; სისხლით გაუმადლარი ფრინველი და ხრიკიანი ავსებდნენ და ასაძაგლებდნენ ერთმანეთს; შარიანი ადამიანი საზიზღრად ხდიდა ქორს და მოსისხლე ქორი საშინლად ხდიდა ადამიანს.

გრძელი ჭალარა წვერი ჰქონდა. დედაკაცის პერანგი ეცვა, მაგრამ ვერ შეეკრა, ბანჯგვლიანი გაღვლილი მკერდი უჩანდა და შიშველი, ბანჯგვლიანი მკლავები. ტალახში ამოსვრილი შარვალი უჩანდა პერანგის ქვეშიდან და ძველი წაღებიდან გამოყოფილი ტიტველი თითები.

პირში ჩიბუხი ედო და ნაფაზით სწევდა; ლუკმაპური აღარსად იყო ამ ოთახში, მაგრამ თუთუნი კი მოიპოვებოდა ჯერჯერობით.

იჭდა და წერდა, ალბათ იმის მსგავს წერილს, მარიუსმა რომ წაიკითხა.

მაგიდის ერთ მხარეს ძველი, წითელყდიანი წიგნი მოჩანდა, დახეული, ძველებურ ოდენობისა, ერთი მეთორმეტედი თაბახისა, რომლითაც ბეჭდავდნენ საბიბლიოთეკო წიგნებს. ეს ოდენობა ამტკიცებდა, რომ რომანი უნდა ყოფილიყო. ყდაზე მსხვილი ასოებით ეწერა:

„ღმერთი, მეფე, დიდება და ქალები - თხზულება დუკრეიდუმინილისა 1814“.

წერდა კაცი და თან ხმამაღლა თავის თავს ელაპარაკებოდა, მარიუსს ესმოდა:

- როგორ არა ვთქვა? მკვდრებისთვისაც კი არ არის თანასწორობა! აბა, პერლაშეზის სასაფლაო ნახეთ. დიდებულები, რომლებიც მდიდრები არიან, სულ ზევით ბრძანდებიან, აკაცის ხეივანში, მოკირწყლოულში, ისე, რომ სულ ეტლებით მობრძანდებიან იქ მშვენიერი გზით. სხვები კი, საწყალი ხალხი, უბედურები, სულ ქვევით არიან, სადაც მუხლამდე ტალახია, გაუვალა. ამ ტალახში მარხავენ საწყალ ხალხს, რომ უფრო მალე დაღუბნენ. თუ გაგინყრა ღმერთი და მიხვედი ვისიმე საფლავის სანახავად, იქნებ ვეღარც კი ამოძვრე ამ ტალახიდან.

კალაში დადო, მუშტი დაჰკრა მაგიდას და კბილების ღრჭენით წამოიყვირა:

- ოჰ, ქვეყანას გადავყლაპავდი!

ერთი უზარმაზარი დედაკაცი იჭდა ბუხართან მოკეცილი, ფეხშიშველა, შესაძლებელი იყო ორმოცი წლიდან ასამდე მიეცათ მისთვის.

მასაც პერანგი ეცვა და კაბა, მრავალგან დაკერებული წვრილ სხვადასხვა ფერის ნაჭრებით. მსხვილი ტილოს გულისაფარი უმაღლავდა კაბის ნაწილს, თუმცა იჭდა და მოღუნულიყო, მაგრამ მაინც შეატყობდით, რომ ძალიან მაღალი ტანის დედაკაცი უნდა ყოფილიყო. ქმართან შედარებით ბუმბერაზი იყო სწორედ. უანგისფერი თმა ჰქონდა, ჭალარაშერეული, რომელზედაც ხშირად ისვამდა ტლანქ და ბრტყელფრჩხილება ხელს.

გვერდზე, მინაზე ერთი გაშლილი წიგნი ედო, იმავე ოდენობისა, როგორც ზემოთ აღწერილი, ალბათ გავრძელება იმავე რომანისა.

ერთ სანოლზე მარიუსმა პატარა ქალი დაინახა, მაღალი ტანისა, გაყვითლებული. თითქმის ტიტველი იჭდა საწყალი, ფეხები ძირს დაემვა და ეტყობოდა, არც რასმე ხედავდა, არც რა ესმოდა, თითქმის ცოცხალი არ ყოფილიყო.

უმცროსი და უნდა ყოფილიყო, მარიუსთან რომ მოვიდა, იმ ქალისა.

თერთმეტის ან თორმეტი წლისას ჰგავდა, მაგრამ თუ კარგად დააკვირდებოდით, დარწმუნდებოდით, რომ თოთხმეტისაც იყო. ეს ის გოგო გახლდათ, წინაღმის ბულვარზე რომ იძახდა, - ისე მოგკურცხლე! ისე მოგკურცხლეო.

ნავიანევი განვითარების ჯიშისა უნდა ყოფილიყო: მოზარდს არავითარი ზრდა არ ეტყობა კარგა ხანს და მერე უცბად აიყრის ტანს. სიღარიბე ემნის ასეთ მცენარესავით ნავიანევი ადამიანს. ამგვარ ბავშვს არც ბავშვობა აქვს და არც სიყრმე. თხუთმეტი წლისა თერთმეტი წლისას ჰგავს და თექვსმეტი წლისა უკვე ოცისას. დღეს პატარა გოგოა საცოდავი და ხვალ ერთბაშად დედაკაცი ხდება. იტყვიო, სიცოცხლის გადალახვას ცდილობს, რომ მორჩეს და მოისვენოსო.

ამუამად ჯერ ბავშვის შეხედულება ჰქონდა.

საერთოდ კი, იმ ოთახში არავითარი ნიშანი არ ჩანდა შრომისა და საქმისა; არც რამე ხელსაწყო იყო, არც ქარგა, არც დაზგა. ერთ კუნჭულში დამტვრეული რკინა ეყარა, ისიც საეჭვო. მწარედ დაღვრემილი სიზარმაცე გამეფებულიყო ამ ოთახში, შედეგი სასონარკვეთილებისა და წინამორბედი სულთაბრძოლისა.

ცოტა ხანს სინჯა მარიუსმა ეს გულსაკლავი ბინა, უფრო მეტად სამინელი, ვიდრე სამარე, რადგან აქ ფეთქავდა სული ადამიანისა და თრთოდა სიცოცხლე.

სხვენი, სარდაფი, მიწისქვეშა ორმოები, ეს ქვემო ნაწილი ჩვენი საზოგადოებრივი წესწობილებისა, სადაც თავშესაფარს პოვენს გაჭირვებული ადამიანი, ჯერ კიდევ ნამდვილი სასაფლაო არ არის; ეს არის მხოლოდ მისი კარიბჭე. როგორც მდიდარმა კაცმა იცის, მთელ თავის სიმდიდრეს გამოთენს ხოლმე წინა დარბაზში, ისე სიკვდილმა იცის, რომელიც გვერდით უდგას სიმდიდრეს: თავის წინ დარბაზში აგროვებს უკიდურეს გაჭირვებას.

კაცი გაჩუმდა, დედაკაცი არ ლაპარაკობდა. პატარა ქალი ისე იჯდა, თითქოს აღარც კი სუნთქავსო. კალმის ფხაჭნაღა ისმოდა ქალაღმზე.

და უცბად წამოიყვირა კაცმა, თან წერდა:

- არამზადები! არამზადები! არამზადობაა ყველგან გამეფებული!

ამ სიტყვაზე, სოლომონ ბრძენის წამოძახილის შეცვლილ სიტყვაზე, მწარედ ამოიკვნესა ცოლმა.

- დამშვიდდი, გენაცვალე, - მიმართა ქმარს, - ნუ შეფოთავ, ჩემო კარგო, ნეტავი შენ, რომ თავს იმცირებ და წიგნსა სწერ ვილაყ არამზადებს.

გაჭირვებამ იცის, ისე მიეკვრიან ხოლმე ტანით ერთმანეთს უბედურები, როგორც ყინვაში; ტანით ეკვრიან, მაგრამ გულით კი შორდებიან. ამ დედაკაცს, ცხადი იყო, უნდა ჰყვარებოდა ოდესღაც ქმარი, მაგრამ სიღარიბესა და მით განწყალბებულ გულიდან წამოძახილ საყვედურებს ჩაეჭრო სიყვარული. ამ დედაკაცს გულში დამწვარი სიყვარულის ფერფლილა დარჩენოდა. მაგრამ საალურსო სიტყვები კი, როგორც ხშირად მოხდება ხოლმე, აქამდე არ დავინწყდებოდა, და ძველებურად უძახდა: საყვარელო, ჩემო კაცო, გენაცვალე და სხვ. პირი იძახდა, გული კი გაჩუმებული იყო.

ისევ წერას შეუდგა კაცი.

თავი მემშვიდე

სტრატეგია და ტაქტიკა

ის იყო ჩამოსვლას აპირებდა გულშეჭირვებული მარიუსი, რადგან სარკმლიდან უკვე ნახა, რის ნახვაც ასე უნდოდა, რომ მისი ყურადღება კარის გაღების ხმამ მიიქცია და იქვე შეაჩერა.

უცბად შემოაღეს ჟონდრეტის ოთახის კარი.

უფროსი ქალი შემოვიდა.

კაცის დიდრონი მაშიები ეცვა, მთლად ამოსვრილი ტალახში, ტანზე ერთი ძველი, დახეული წამოსასხამი ეხურა. მარიუსთან რომ იყო წვდანი, ეს წამოსასხამი არ ჰქონდა; ალბათ გარეთ დატოვა, კართან, არ შეიტანა, რომ უფრო შებრალებოდა მარიუსს და მეტი მიეცა. რომ გავიდა, აიღო, წამოისხა და ისე წავიდა მოხუცებულის საძებნელად.

შევიდა ქალი ოთახში, კარი მიიხურა, ერთ წამს გაჩერდა სულის მოსაბრუნებლად, რადგან ძლივსლა სუნთქავდა დაქანცული, და მერე დაიყვირა გამარჯვებით გახარებულმა:

- მოდის!

მამამ შეხედა, დედა ქალისკენ მიბრუნდა. პატარა გოგო არც კი შეინძრა.

- ვინა? - ჰკითხა მამამ.

- ბატონი!

- კეთილისმყოფელი?

- ჰო.

- სენ-ჟაკის ეკლესიელი?

- ჰო.

- ის ბებერი?

- ჰო.

- მალე მოვა?

- მე მომდევს.

- დარწმუნებული ხარ?

- დარწმუნებულიც და მეტიც.

- მაშ, მართლა მოდის?

- ეტლით.

- ეტლით? როტმილდი ყოფილა, რაღა!

წამოდგა მამა.

- როგორ თუ დარწმუნებული? თუ ეტლით მოდის, როგორ მოხდა, რომ შენ უფრო ადრე მოხვედი? ხომ კარგად უთხარი ჩვენი მისამართი? ხომ უთხარი, რომ მარჯვენა ტალანის უკანასკნელი კარი არის ჩვენი? კარი რომ აერიოს, დავიღუპები კაც! მაშ, ეკლესიაში ნახე? ნაიკითხა ჩემი წერილი? ხომ არაფერი გითხრა?

- ო-ჰო-ჰო! როგორ მიაჭენებს ვაჟბატონი! - უთხრა ქალმა, - აი, როგორ იყო: შევედი საყდარში და მაშინვე დავინახე. იქ იყო, თავის ალაგას, სადაც ყოველთვის არის. მივედი, რევერანსი გავუკეთე და წერილი მივეცი. ნაიკითხა და მკითხა: - სადა დგახართ, შვილო? - მეც კარგად ვუპასუხე: - აი, ბატონო, მე მიგიყვანთ. - არა, თქვენი მისამართი მომეცითო. ჩემს ქალს ცოტა რამ სავაჭრო აქვს. ეტლს დავიჭერ. მოვისაქმებთ და იქნებ თქვენზე ადრეც მივიღე თქვენსაო. - მისამართი აუვხსენი. სახლი რომ დავუსახელებე, თითქოს შეკრთა, რაღაცას ყოყმანობდა, მერე მითხრა: - სულერთია, მოვალო. - წირვა რომ დასრულდა, დავინახე, ერთად გამოვიდნენ ის და

მისი ქალი, მერე ეტლში ჩასხდნენ, მგონია. სამჯერ ვუთხარი, - მარჯვენა ტალანის უკანასკნელი კარი.

- მერე რადა გგონია, რომ მოვა?
- პტი-ბანვიეს ქუჩაში დავინახე ის ეტლი და მოვრბივარ!
- რა იცი, რომ იმათი ეტლი იყო?
- ის ვიცი, რომ ნომერი დავისსომე.
- რა ნომერია?
- ოთხას ორმოცი.
- ძალიან კარგი, ჭკვიანი გოგო ხარ.

გოგომ თვალი თვალში გაუყარა მამას, აჩვენა, კაცის ფეხსაცმელები რომ ეცვა და გადაჭრით უთხრა:

- ჭკვიანი გოგო ვარ? ძალიან კარგი, მაგრამ ისოდე, რომ მე ამ მაშიებს აღარ ჩავიცვამ! აღარ მინდა! პირველი, - ჯანმრთელობისთვის და მეორე სისუფთავისთვის. გულს მიწყალებს ამის ამძვრალი ლანჩა! ფეხი ტალახში მიდგას! დავდივარ და ქვეყანას ესმის ამის ჭყაპა-ჭყუპი, ბარემ ფეხშიშველი ვიარო, ის არა სჯობია?!

- მართალი ხარ, - მიუგო მამამ ტკბილი ხმით, მიუხედავად იმისა, რომ ისე გაბედულად უტევდა ქალი, - მართალი ხარ, მაგრამ საყდარში რომ აღარ შეგიშვებენ? როგორ შეიძლება ფეხშიშველი მიხვიდე ღმერთთან? - დაუმატა მწარე ღიმილით. მერე ისეც იმას მიუბრუნდა, რაც საიმედო იყო და ჰკითხა:

- ისე, რომ ეჭვიც არა გაქვს, ჰა? უთუოდ მოვლენ?
- უკან მომდევს-მეთქი, გვეუბნები.
- არ გეყურება, დედაკაცო? ფილანტროპი მოდის! გააქრე ცეცხლი.

დედაკაცი არც კი გაინძრა, ისე იყო განცვიფრებული ამ ბრძანებით.

ყმანვილი ბიჭის სისწრაფით მივარდა მამა ბუხარს, აიტაცა ერთი თავმომტვრეული ქოთანის და წყალი დაასხა ორ მეგუზალს.

მერე უფროს გოგოს უბრძანა:

- შენ ეი, ჩალა აავლიჯე ემაგ სკამს!
- ქალმა ვერაფერი გაიგო ამ ბრძანებისა.

ახლა სკამს მივარდა, ჩაჰკრა ფეხი და შიგ გაიყვანა. ფეხს რომ იღებდა, ისეც უფროსს მიმართა კითხვით:

- ძალიან ცივა გარეთ?
- ყინავს, თოვლი მოდის.

ახლა უმცროსს მიუბრუნდა, რომელიც უძრავად იჯდა ტახტზე ფანჯარასთან, და დაიღრიალა:

- აღარ ადგები, შე მექთახორავ?! რა უქნარაა ეს არდასაცალეგელი, ესა! აბა, ჩქარა! ჩამტვრიე ეგ შუშა!

წამოვარდა პატარა ქალი, კანკალებდა სანყალი.

- შუშა გატეხე-მეთქი, არ გეყურება?!

პირლია შეჰყურებდა გოგო, ვერა და ვერ გაეგო, რას უბრძანებდა მამა.

- რა ღმერთი გაგინყრა, გოგო! დაყრუვდი, თუ რა დაგემართა? ეგ შუშა ჩამტვრიე-მეთქი!

იმისთანა კილოთი იყო თქმული ეს სიტყვა, რომ შიშის მეტი აღარა გავგებოდა გოგოს. მიიზნინა ფანჯარასთან, თითის წვერებზე შედგა და მუშტი ჰკრა შუშას. შუშა ჩაიმტვრა და ხელიც დაიჭრა სანყალმა.

- ავრე! - მოუწონა მამამ.

აჩქარებით მბრძანებლობდა მამა, მკაცრად, მოუთმენლად. თვალი გადაავლო ოთახს, ყველა კუნჭული გასინჯა.

მხედართმთავარივით იდგა და ათვალეირებდა ბრძოლის ველს, რომ ყველა საჭირო განკარგულება მიეცა დროულად ჯარისთვის ბრძოლის დაწყების მოლოდინში.

დედას აქამდე ხმა არ ამოელო. ახლა კი წამოდგა და წელა, მიყრუებული ხმით, თითქოს პირშივე ეყინება ყოველი სიტყვაო, ქმარს მიმართა:

- ერთი გამაგებინე, ძვირფასო, რას აპირებ?

- ლოგინში ჩაწეწი!

ისეთი კილოთი იყო ნათქვამი ეს ბრძანება, რომ მორჩილების მეტი აღარა გაუვიდოდა რა ქალბატონს. დაწვა და საბანი წაიხურა.

ამ დროს ქვეთინი გაისმა ერთ კუნჭულში.

- რა იყო? რა მოხდა? - შეჰყვირა მამამ.

უმცროსი ქალი იდგა კუნჭულში და ქვეთინებდა. პასუხის მაგივრად ხელი დაანახვა, თქრიალით სდიოდა სისხლი.

ახლა დედამ წამოინია და ყვირილი დაიწყო:

- სულ შენი ბრალია! რადაცას მიედ-მოედები და თვითონაც არ იცი, რა გინდა. შუშა გაატეხინე და ხელიც თან მიაყოლა სანყალმა გოგომ.

- ჰოდა, მეც ეგ მინდოდა, - მოკლედ მოუჭრა ქმარმა.

- რაო? შენც ეგ გინდოდა?

- ჩუმად! - შეჰყვირა ქმარმა, - მე ვსპობ პრესის თავისუფლებას! - მერე პერანგი ჩამოიხია, ცოლის პერანგი, ზედ რომ ეცვა, და ჩამონახევით ხელი შეუხვია პატარა ქალს.

კარგად შეუხვია ხელი, მერე დახეული პერანგი გასინჯა და კმაყოფილება დაეტყო.

- პერანგიც კარგად არის, - წამოიძახა სიამოვნებით, - ძალიან კარგად არის ყველაფერი.

ცივი ქარი გრილვებდა გარეთ და გატეხილი ფანჯრიდან შედიოდა ოთახში. ქარს ნისლი შემოჰყვია და თეთრ, რბილ, ხელმეუხებელ ბამბად მოედო იქაურობას. თოვლი მოდიოდა. გუმინ, მირქმას, მზე რომ სიცხვეს დაგვირდა, ასრულა კიდევ დაპირება.

ერთხელ კიდევ გადაავლო თვალი მამამ ყველას და ყველაფერს, ხომ არაფერი დამავინწყდაო! აქანდაზი აიღო, მოაგროვა ნაცარი და ჩამქრალ, დასველებულ მუკუბალს დააყარა, რომ მთლად ჩაემალა წელანდელი ცეცხლი.

მერე ბუხარს მიეყრდნო და თქვა:

- აი, ახლა კი მზად ვართ ფილანტროპის მისაღებად.

თავი მერვე

მზის სხივი ღრმა ორმოში

მამასთან მივიდა უფროსი ქალი, ხელი დაადო ხელზე და უთხრა:

- ხედავ, როგორ მცევა?

- ეეჰ, - შეუტია მამამ, - მე უფრო მეტად მცევა!

ველარ მოითმინა დედამ და შეუტია ქმარს:

- შენ ყოველთვის ჩვენზე მეტი გხვდება ყველაფერი, გაჭირვებაც კი!

- ჩუმაღ!

იმნაირი ხმით უბრძანა კაცმა, ისეთი თვალით გადახედა, რომ ჩააჩუმა მეუღლე.

მიჩუმადა ცოტა ხნით ყველა. უფროსი ქალი ტალახს აცლიდა წამოსასხამს, უმცროსი ისევ ტიროდა. წამოიწია დედამ. მოეხვია პატარას, გულში ჩაიკრა, კოცნა დაუწყო და თან ეხვეწებოდა:

- ნუ, შვილო, ნუ, გენაცვალოს დედა! ნულარ ტირი, თორემ მამას გააჯავრებ.

- არა! - შეჰყვირა მამამ, - პირიქით, ატირე! ქვითინით იტირე, ქვითინით! რაც შეიძლება მწარედ!

მერე უფროსს მიუბრუნდა:

- რა ღმერთი გაუწყრა, რატომ არ მოღის? არა, რომ არ მოვიდეს? ცეცხლი ჩავაქრე, სკამი წაუხდინე, პერანგი დავიხიე, შუშა გავტეხე და ასე ამაოდ ჩამიაროს ამოდენა ხარჯმა?

- და ხელი წაუხდინე გოგოს! - ნაიღუღუნა დედამ.

- მერე როგორ ყინავს! ლამის გაუიფიჩხო ამ ოხერ თვარღალღალღალში! არა, რომ არ მოვიდეს! ან რად იკადრებდა დროზე მოსვლას? დიდი კაცია და უნდა მალოდინოს! ზის საღმე არხეინად და ფიქრობს, - იმისთვის არის გაჩენილი ღარიბი, რომ მდიდარს შესციკინებდესო. ოჰ, როგორ მძულს, როგორ მეჯავრებიან ეს მდიდრები! როგორ ამოვნყვეტდი დედაბუდიანად! და რა ნეტარება მენწეოდა, რა სიხარული, რა ზემი, მდიდრების ამოწყვეტას რომ მოვესწრებოდე! ოინბაზები და არა კეთილისმყოფელები! თვალთმაქცები! თვეში სამოცჯერ ეზიარებიან, წირვა-ლოცვას არ დააკლდებიან, ხალხის მატყუარა მღვდლების თაყვანისმცემელები, რომ ტკბილი ქადაგებით თვალი აუხვიონ საწყალ ხალხს. ჩვენ ვინა ვყრივართ? რაც არიან, მდიდრები არიან! მდიდრები არიან, ფულით დიდებულნი! ჩვენი შეურაცხყოფელები! მოეთრევიან, გადასავდებ ქველისძველს გვაჩუქებენ რამეს, ან გამხმარ პურს გადმოგვიგდებენ, და თავი მოსწონთ თავიანთი ქველმოქმედებით. მე თქვენი ნასუფრალი კი არ მინდა, თქვე არამზადებო, თქვენა! მე თქვენი ფული მინდა, თქვენი სიმდიდრე! ფული მინდა, ფული! აბა, ფულს როგორ მოგვეცემენ? ხომ მაშინვე შევჭამთ! მაშინვე დავითრობით! ჩვენისთანა ლოთებს და უქნარებს ფულს მისცემენ? და თვითონ რაღა ბრძანდებიან, ერთი ჰკითხოთ კაცმა? განა შრომით სიმდიდრე შეიძინება? სულ ნაქურდალი აქვთ, რაცა აქვთ! ან როგორ გამდიდრდებოდნენ, რომ არ მოეპარათ და ხალხი არ გაეფუტქვნათ? ერთ ხალიჩაზე უნდა მოაქციოს კაცმა საზოგადოება, ასწიოს ოთხივ კუთხით და ზღვაში გადაუხახოს! მთლად დაიღუპება ყველაფერი, მართალია, მაგრამ ისიც ხომ მართალია, რომ აღარც მდიდარი იქნება, და აღარც ღარიბი? რა ვქნა, რას შვრება შენი ღორისდინგიანი კეთილისმყოფელი? რატომ არ მოშვადება? იქნებ ჩვენი მისამართი დაავინყდა იმ გამოყრუებულ ბებერს! დაგენაძლევეებით, რომ იმ უტვინო ბებერს...

ამ დროს კარზე დაუკაკუნეს ოღნავ. მაშინვე კარისკენ გადახტა მამა, გაუღო, პატივისცემით ღრმად დაუკრა თავი და შესძახა ტკბილი ღიმილით:

- მობრძანდით, ბატონო, მობრძანდით! ღირსჰყავით ჩემი ბინა თქვენი და თქვენი მშვენიერი ასულით!

ერთი მოხუცებული კაცი გამოჩნდა კარში და ერთი ყმანვილი ქალი.

მარიუსი ისევ იქვე იდგა და ყველაფერს ხედავდა. ადამიანის ენას არ ძალუქს გამოთქვას, რა იგრძნო ამ დროს მარიუსმა.

ეს ის იყო!

ვისაც ჰყვარებია, მან იცის, რა ნეტარი და სხივმოსილია ეს ორი ასო „ის“.

ის იყო! ისეთი სხივი მოჰქონა მისმა შემოსვლამ მარიუსს, რომ ძლივსღა გაერჩია იგი, ის ვარსკვლავი, რომელიც უნათებდა ამ ექვსი თვის განმავლობაში! იგივე თვალები, იგივე შუბლი, იგივე ბაგე, იგივე მშვენიერი სახე, რომელმაც დღე დაუბნელა, როდესაც მიემალა. ჩვენება გაქრა, მაგრამ აგერ, ხელახლა მოევლინა!

მაგრამ აქ როგორ გაჩნდა? ამ ბნელეთში, ამ საზიზღარ ოთახში, ამ საშინელებაში?

შიში მოერია მარიუსს, კანკალებდა. როგორ? ის არის? ისე უცემდა გული, რომ თვალს უბნელებდა. ცოტა კიდევ და ცრემლს ვეღარ შეიკავებდა. როგორ? ისევ ხედავდა ამდენ ხანს დაკარგულს! მერე როგორ ეძებდა! ეს ქალი კი არა, სული დაჰკარგვოდა თავისი და აგერ, იშოვა!

ისევ ისე მშვენიერი იყო ქალი, ოღონდ ფერი წასვლოდა ოდნავ. ლამაზ სახეს ხავერდის ქუდი უმშვენებდა. შავ ატლასის ქათიბში წერწეტად მოჩანდა მისი წელი, გრძელი კაბა ვერ ჰფარავდა მის კოხტა, კოჰნია ფეხს.

ბ. ლებლანიც თან ახლდა.

რამდენიმე ნაბიჯი გადადგა ოთახში ბ. ლებლანმა და მაგიდაზე დადო ერთი მოზრდილი ჰაკეტი.

ჟონდრეტის უფროსი გოგო კართან ატუზულიყო და შურით სავსე თვალით შესცქეროდა ქალის ხავერდის ქუდს, მის აბრეშუმის ქათიბს და მის მშვენიერ, ბედნიერ სახეს.

თავი მეცხრე

ლამის იტიროს ჟონდრეტმა

იმდენად ბნელი იყო ეს ოთახი, რომ გარედან შემოსულს ისე ეჩვენებოდა, თითქოს ბნელ სარდაფში ჩასულიყოს. ახალმოსულებიც დიდი სიფრთხილით მოიწვედნენ წინ, ძლივს არჩევდნენ ოთახის მონაცობილობას. ჟონდრეტს, მის ცოლსა და ქალებს ისე ჰქონდათ თვალი მიჩვეული, რომ მშვენივრად ხედავდნენ და დაკვირვებით სინჯავდნენ მოხუცებულსაც და იმის ქალსაც.

ბ. ლებლანი მივიდა ჟონდრეტთან, დაღონებული, მაგრამ კეთილი თვალით შეხედა და უთხრა:

- აი, ბატონო, ცოტა რამ მოგართვით ამ ჰაკეტით, ცოტა ტანისამოსია, ახალი. წინდები და თბილი შალის საბნები.

- სიკეთით გვავესებს თქვენი ქველმოქმედება! - წამოიძახა ჟონდრეტმა და თავი დაუკრა. ისე მოიხარა, კინაღამ მიწას დაჰკრა თავი. მერე უფროს ქალს მივარდა და, მანამ მოსულები ამ საძაგელ ბინას ათვალიერებდნენ, აჩქარებით ჩასჩურჩულა ყურში:

- ნახე? მე რაღას ვამბობდი? ჩურები მოიტანეს და არა ფული; სულ ასეთები არიან! მართლა, ამ გამოყვეჩებულს რომ წიგნი მივწერე, გვარი რა მოვანერე?

- ფაბანტუ, - მიუგო ქალმა.

- დრამატული არტისტი, ძალიან კარგი!

სწორედ დროზე გაახსენდა უონდრეტს თავისი გვარი, რადგან ამ დროს მიუბრუნდა ლებლანი და ეტყობოდა მასაც დავიწყებოდა:

- მართლა საცოდავ მდგომარეობაში ყოფილხართ, ბატონო, ბატონო...

- ფაბანტუ! - წასძახა უონდრეტმა.

- ბატონო ფაბანტუ, დიახ, ახლა მომავონდა....

- დრამატული არტისტი, ბატონო, ერთ დროს საკმაოდ სახელოვანი...

ეტყობოდა, სწორედ შესაფერისად ეჩვენა უონდრეტს ეს დრო, რომ ხელთ ეგდო თავისი ქველმოქმედი: მოახსენა არტისტის წარსული; მოახსენა იმ ხმით, რომელშიც შერეულად ისმოდა ბაზრის მასხარის საკუთარი თავით აღტაცება და ქუჩაში ხელგანვდილი მათხოვრის თავმდაბლობა:

- ტალმას მონაფე! დიახ, ბატონო, სახელოვან ტალმას მონაფე გახლავართ მე უბედური. იყო დრო, ბატონო, მეც მილიმოდა ბედი, მაგრამ ვაი, რომ ბედს უბედობა მოჰყვება! ხომ ხედავთ, ჩემო მსხნელო, არც პური გვაქვს, არც ცეცხლი გვინთია. ერთადერთი სკამილა შემრჩენოდა, ისიც ჩალაჩაგლეჯილი! ფანჯარაში გატეხილი შუმა! მერე ამ ყინვაში ჩემი მეუღლეც ავადმყოფი! რამდენი ხანია, ლოგინად არის ჩავარდნილი!

- სანყალი ქალი, - შეებრალა ლებლანს.

- ეს გოგო გახლავთ და, ისე აქვს ხელი წამხდარი, რომ...

იმ გოგოს ისე მოსწონებოდა მოხუცებული და მისი ყმანვილი ქალი, რომ ხელიც დავიწყებოდა, ტირილიც, იდგა და შესცქეროდა გამტერებული.

ახლა მას მივარდა მამა და ჩასჩურჩულა:

- იტირე, ილრიალე, შე!..

მისწვდა და ხელში უჩქმიტა, სწორედ იქ, სადაც დაჭრილი ჰქონდა. კარგი, დახელოვნებული ოინბაზი ვერ მოახერხებდა ასე სწრაფად და შეუმჩნევლად ოინის მოწყობას.

საშინლად შეჰკვივლა გოგომ.

სათაყვანო ყმანვილი ქალი, რომელიც მარეუსს გულში „თავის ურსულად“ მიაჩნდა, მიუახლოვდა მტირალს და ალერსით მიმართა:

- საბრალო გოგონავ!

- უნდა მოგახსენოთ, მშვენიერო ქალბატონო, - დაიწყო უონდრეტმა, - დასისხლიანებული აქვს მთელი მაჯა ამ უბედურს. ქარხანაში მუშაობდა, რომ დღეში ექვსი სუ მიეღო. დიახ, ქალბატონო, ექვსი სუ დღეში, და უცაბედად მანქანის ჩარხი მოხვდა ხელში. შეიძლება კიდევ მოსაჭრელი გაუხდეს.

- ნთუ მართლა? - ჰკითხა შემინებულმა მოხუცმა.

პატარა ქალს ეს სიტყვა მართლად ეჩვენა და ქვითინი დაიწყო.

- ვაი, რომ ასე კუდად გახლავთ საქმე, ჩემო კეთილისმყოფელო!

ელაპარაკებოდა უონდრეტმა ბ. ლებლანს და თან თვალს არ ამორებდა. უცნაური დაუინებით აჩერდებოდა. ისე ათვალისწინებდა, თითქოს ცდილობს რაღაც აღიდგინოს მესხიერებაში. მოხუცებული და მისი ქალი რომ პატარა გოგოს შემოეხვივნენ, მტირალის დასამშვიდებლად, ის ცოლთან მივარდა, რომელიც დამწუხრებული თვალთ გამოიყურებოდა ლოგინიდან, და სწრაფად უთხრა ჩუმად:

- კარგად დაუკვირდი ამ კაცს!

მერე ისევ ლებლანს მიუბრუნდა და განაგრძო მოთქმა-ჩივილი:

- აი, ბატონო, ამ პერანგის მეტი არა მახადია რა და ისიც ჩემი მეუღლისა მაცვია, მთლად დახეული ამ ცინვაში. სახლიდან ვერ ვგასულვარ, რადგან ტანისამოსი არა მაქვს. ცოტა რამ ტანსაცმელი რომ მქონდეს, წავიდოდი, ქალბატონ მარსს ვნახავდი, რომელიც კარგად მიცნობს და ძალიანაც ვუყვარვარ. მგონი, ისევ იქ უნდა ცხოვრობდეს, ტურ-დამის ქუჩაზე. ერთად ვთამაშობდით პროვინციაში. მეც მერგებოდა ხოლმე მასთან ერთად დაფნის გვირგვინი. სელიმენი შემენწოდა, ბატონო, ელმირი დაეხმარებოდა ბელიზერს. მაგრამ აღარც ელიმირია, აღარც ბელიზერი! აღარაფერი! ერთი სუ არ მოიპოვება ჩემს ჯიბეში! ცოლი ავად მყავს და სუ არ მომეპოვება! ჩემს ქალიშვილს ხელი უხმება და სუ არ მომეპოვება! სული ეხუთება ჩემს მეუღლეს, წლოვანებას მოსდევს, ბატონო, და ახლა ნერვებიც აშლილი აქვს! მოვლა უნდა, წამლობა უნდა. მასაც და ჩემს გოგონასაც! მაგრამ ეს ექიმებო, ეს წამლებო! უფულოდ ვინ რას მომაქვავებს? აკი მოგახსენებთ, ერთი სუ არსადა გდია ამოდენა სახლში. ისე ვართ გაჭირვებული, რომ მუხლს მოვიყრიდი შავი ფულის წინაშე.

- აი, ბატონო, რა მდგომარეობაში გახლავთ ხელოვნება! და იცით კი, ჩემო მშვენიერო ქალბატონო, და თქვენც ჩემო გულუხვო მფარველო, სიკეთითა და სათნოებით აღსავსეო, იცით კი, სად ვნახათ ჩვენდა საბედნიეროდ ჩემმა ქალმა? ეკლესიაში, ბატონო, რომელსაც ავსებთ თქვენი მადლიანი სურნელებით, და სადაც ყოველდღე სალოცავად დადის ჩემი ქალი. დიახ, ბატონო, მე ჩემი შვილების სარწმუნოებრივ აღზრდას ვცდილობ. არ მინდა, ბატონო, რომ თეატრისკენ ქნან პირი. ოჰ, თუ ღმერთი გაუწყრათ და ცოტაც არის, ფეხი ნაუსხლტათ სადმე! მე ხუმრობა არ მიყვარს! სულ იმას ჩაფიჩინებ, რომ პატიოსნება შევავნებინო, ზნეობა, სათნოება! ასე, ბატონო, სწორი გზით უნდა იარონ ჩემმა შვილებმა. მადლობა ღმერთს, მამა ჰყავთ! უპატრონო უბედურები კი არ არიან, რომლებიც იმით იწყებენ, რომ პატრონი არა ჰყავთ და იმით ასრულებენ, რომ ყველას ირთავენ. არა, ბატონო, ფაბანტუს ოჯახი მაგას ვერ აიტანს! პატიოსნად აღზრდილ ჩემს შვილებს, ზნეობრივ წმინდად და ღვთისმოსავად, და ვერ წარმოიდგენთ, ბატონო, ჩემო ღირსეულო ბატონო, რა უბედურება მომელის ხვალ? ხვალ 4 თებერვალი გახლავთ, უკანასკნელი ვადა, ჩემი სახლის პატრონის მიერ დანიშნული. თუ ამაღამ მთლად არ ჩავაბარე ქირა, ხვალ დილით მე, ჩემი უფროსი ქალი, ჩემი ავადმყოფი ცოლი, ჩემი ხელწამხდარი ქალი განდევნილნი ვიქნებით ამ ოთახიდან და ქუჩაში ვეყრებით უბინაოდ. ცის ქვეშ ამ ცინვასა და თოვლში! აი, ბატონო, ჩემი განკითხვის დღე! ერთი წლის ქირა მმართვეს, მთელი სამოცი ფრანკი!..

ტყუოდა ჟონდრეტი. წლისაც რომ მართებოდა, სულ ორმოცი ფრანკი იქნებოდა, მაგრამ წლისაც არ უნდა ყოფილიყო, რადგან ნაწილი მარიუსმა გადაუხადა.

ბ. ლებლანმა ჯიბიდან ხუთი ფრანკი ამოიღო და მაგიდაზე დადო.

ამით ისარგებლა ჟონდრეტმა და ყურში ჩასძახა თავის ქალს:

- არამზადა! რას მეყოფა მაგისი ხუთი ფრანკი? ჩემს სკამს ვერ ამინაზღაურებს და გატეხილ შუშას! ამოდენა ხარჯს ხუთი ფრანკით დაჰფარავს?

ამასობაში ლებლანმა გაიხადა პალტო და სკამის ზურგზე გადაკიდა. პალტოს ქვეშ სხვა პალტო სცმოდა. მერე ჟონდრეტს უთხრა:

- ამ ხუთი ფრანკის მეტი თან არ მაქვს. მაგრამ შინ მივიყვან ჩემს ქალს და ამ საღამოს კიდევ გნახავთ. ხომ ამ საღამოს უნდა ჩააბაროთ ქირა თქვენს სახლის პატრონს?

უცნაური სიხარული დაეტყო ჟონდრეტის სახეს და სწრაფად მისცა პასუხი:

- დიახ, ჩემო კეთილისმყოფელო. რვა საათზე ჩემს სახლის პატრონთან უნდა ვიყო.

- მაშ, მე ექვს საათზე მოვალ და სამოც ფრანკს მოგიტანთ.

- თქვენა ხართ ჩემი მსხნელი! - შეჰყვირა ჟონდრეტმა.

და ერთხელ კიდევ წასჩურჩულა ცოლს:

- კარგად დააკვირდი ამ კაცს!

ბ. ლებლანმა ხელი დაუჭირა თავის ქალს და კარისკენ მიბრუნდა.

- მაშ, საღამომდე, მეგობრებო!

- ექვს საათზე? - შეეკითხა ჟონდრეტი.

- სწორედ ექვს საათზე!

ამ დროს თვალში ეცა ჟონდრეტის უფროს ქალს სკამის ზურგზე გადაკიდებული პალტო და შეჰყვირა:

- პალტო დაგავინწყდათ, ბატონო, აგერ, სკამზე!

სამინელი თვალით გადახედა ჟონდრეტმა თავის ქალს და თან მხრები აიჩეჩა. რომ შესძლებოდა, მესხ დასცემდა თავისი თვალთ.

ბ. ლებლანი მიბრუნდა და უპასუხა ღიმილით:

- არ დამავინწყდა, აქ ვტოვებ.

- ოჰ, ჩემო მფარველო, ჩემო დიდებულო ქველმოქმედო! - შეჰყვირა კჟონდრეტმა, - ლამის ვიტყვირ მე უბედურმა! ნება მიბოძეთ, ეტლამდე მიგაცვილოთ.

- თუ აგერ გინდათ, ევ პალტო ჩაიცვით, თორემ მართლა ძალიან ცივა.

მეორედ კი აღარ გაამეორებინა ჟონდრეტმა, მივიარდა, უცბად ჩაიცვა პალტო და ერთად გავიდნენ სამნი, წინ ჟონდრეტი მიუძღოდათ.

თავი მეთვე

ეტლის ნიხრი: საათში ორი ფრანკი

ამ სცენისა არათფერი გამოეპარა მარიუსს, თუმცა, სწორედ რომ ვთქვათ, არა დაუნახავს. იგი თვალს არ აშორებდა სატრფოს. ქალის დანახვა და მარიუსის გამოცოცხლება ერთი იყო, მაგრამ თვალის ზედ დარჩა და გულიც. შესტყვეროდა საყვარელ არსებას და იმ ნეტარებას შეეპყრო, რომელიც ყოველივე მატერიალურს ავინწყებს აღამიანს, და მთელი მოსაზრებით მიაქანებს ერთ მხარისკენ. შესტყვეროდა ქალს კი არა, ატლასის ქათბითა და ხავერდის ქედით მოკაზმულ ელვარებას, და თვით მზეც რომ შემოსულიყო ამ დროს ოთახში, ისიც ვერ დააბრმავებდა ასე.

ახალგაზრდა ქალი ჰაკეტს ხსნიდა და ტანისამოსსა და საცვალს უშლიდა დედასა და ხელმეხვეულ ქალს, თან აღერსიანად ელაპარაკებოდა მათ. მარიუსი ჯამუშევით თვალს ადევნებდა ყოველ მის მოძრაობას, ყურს უგდებდა ყოველ მის სიტყვას; კარგად იცნობდა მის თვალებს, ბავებს, მის სილამაზებს, წერნეტ წელს, მაგრამ ჯერ ხმა არ გაეგონა მისი. ერთხელ ბაღში თითქოს მოესმა რამდენიმე სიტყვა, მაგრამ დარწმუნებული კი არ იყო, რომ მისი სატრფოს ნათქვამი იყო ეს სიტყვები, სიცოცხლის

არ დაიშურებდა, რომ გაეგონა როგორმე ამ ანგელოზის ხმა და გულში ჩაემარხა ეს მუსიკა. მაგრამ ყველაფერს აყრუებდა და ფარავდა ჟონდრეტის ქება-ვედრება და მოთქმა-ჩივილი. ალტაცებული იყო მარიუსი და თან გაბრაზებული, რომ მის ნეტარებას ხელს უშლიდა ეს არამზადა. გახელეული შესცქეროდა ყმანვილ ქალს და თან თავს ეკითხებოდა, ნუთუ მართლა ის არის, ის ღვთაებრივი ქმნილება ამ საზიზღარ, საშინელი სიბინძურითა და ვერაგობით აღსავსე ადამიანებში? ისე ეჩვენებოდა იქაურობა, თითქოს გვრიტი ჩარეულიყო ჯოჯოხეთში.

ოთახიდან რომ გავიდნენ, ერთადერთი სურვილი დაეუფლა მარიუსს, თან გაჰყოლოდა, კვალდაკვალ მიჰყოლოდა, თვალი არ მოეშორებინა, ვიდრე მის ბინას არ მიაგნებდა, და არამც და არამც აღარ დაეკარგა ასე სასწაულებრივად ნაპოვნი. ჩამოხტა კომოლიდან და ხელი სტაცა ქედს. ის-ის იყო, კართან მივიდა, უნდა გაეღო, და იქვე შეაყენა ერთმა ფიქრმა: ტალანი გრძელი იყო, კიბე - ბნელი ჩასასვლელი, ჟონდრეტი - ყბედი და, ცხადი იყო, ბ. ლებლანი ჯერ ეტლთან არც კი იქნებოდა მისული. ერთიკ ვნახოთ, უკან მოიხედა ტალანში, ან კიბეზე, და მარიუსი დაინახა! მარიუსი ამ სახლში! შედრწუნდებოდა, რაღა თქმა უნდა, და კიდევ მოახერხებს რასმე, რომ ახლაც ისევე მიემალოს. არა, ეს არ ივარგებს, მაგრამ რა ქნას? ცოტა მოითმინოს? კარგი, მაგრამ ეტლი რომ წავიდეს ამ ლოდინში? ყოყმანობდა მარიუსი. ბოლოს გაბედა, გავიდა თავისი ოთახიდან.

ტალანში აღარავინ იყო. კიბისკენ გაიქცა. აღარც კიბეზე დახვდა ვინმე! საჩქაროდ ჩაირბინა. გავიდა ქუჩაში და სწორედ დროზე მიასწრო, პტი-ბანკის ქუჩისკენ ჩაუხვია ეტლმა და პარიზისკენ წავიდა.

მარიუსიც ამ მიმართულებით მიჰყვა ჩქარი ნაბიჯით. ქუჩის კუთხეს რომ მიატანა, თვალი მოჰკრა ეტლს, რომელიც სწრაფად მიდიოდა მეფტარის ქუჩაზე; ძალიან შორს იყო, შეუძლებელი იყო, ვეღარ მიჰყვებოდა. სირბილითყ ხომ არ გამოუდგებოდა? ეგეც რომ არ ყოფილიყო, შენიშნავდნენ ეტლიდან, რომ ვილაც მისდევთ სირბილით. ბ. ლებლანი იცნობდა მაშინვე, და თავს შეირცხვენდა ტყუილ-უბრალოდ. ამ ფიქრში რომ იყო, პატარა ეტლი დაინახა ცარიელი. საკვირველი შემთხვევა. ღმერთმა მოხედა სწორედ. უებარი საშუალება იყო, საშიშროებას არაფერს წარმოადგენდა და ბედს ეწეოდა მარიუსი.

ეტლი გააჩერა.

ყელსახვევი არ შემოეხვია მარიუსს. ძველი, საშინაო ტანისამოსით გამოსულიყო, ღილებგახსნილი, რადგან ზოგან სულაც აღარა ჰქონდა ღილები. დახეული პერანგი უჩანდა გულზე.

გააჩერა ეტლი. თვალი მოხუჭა მეეტლემ, მარცხენა ხელი გაუშვირა მარიუსს და თან სალოკ თითს ცერზე ისვამდა.

- რა გინდათ? - ჰკითხა მარიუსმა.

- წინდანინ ფული, - მოკლედ მოუჭრა მეეტლემ.

მაშინ მოაგონდა მარიუსს, რომ ჯიბეში სულ თექვსმეტი სუ დარჩენოდა.

- რამდენი?

- ორმოცი სუ.

- დავბრუნდებით და მაშინ მოგცემთ.

პასუხის მაგივრად მეეტლემ დაუსტვინა და მათრახი გადაჰკრა ცხენს.

გულწასულივით შეჰყურებდა მარიუსი თავის იმედგაცრუებას.

ოცდაოთხი სუ აკლდა და ამ ოცდაოთხი სუს გამო კარგავდა სიხარულს, ბედს, სიყვარულს! მშემ გაუღიმა წამით და ისევ ბნელში ვარდებო! თვალი ახილა წამით და ისევ დაბრმავდა! მწარე სინანულით მოაგონდა ის ხუთი ფრანკი, დილით რომ მისცა იმ უბედურ ქალს. ის ხუთი ფრანკი რომ ჰქონოდა, აღდგებოდა კაცი, ხელახლა დაიბადებოდა, თავს დააღწევდა წყვდიადს, თავს დააღწევდა მარტოობას, სულიერ მწუხარებას... თავისი ავებლობის შავ ზონარს გადააბამდა მის თვალწინ გაეღვებულ ოქროს თოკს, მაგრამ ვაი, რომ იგი ხელახლა ხელიდან გაუსხლტა! შინ დაბრუნდა გულჩათხრობილი.

რომ სკოლნოდა ლებლანი დაჰპირდა ჟონდრეტს - ამ საღამოს კიდევ მოვალ და ფულს მოგიტანო, - მაშინ შეეძლო უფრო კარგად მომზადებულიყო წადილის ასასრულებლად, მაგრამ არაფერი გაუგონია, ისე იყო გართული ქალის ცქერით.

ის-ის იყო, შინ უნდა შესულიყო, რომ ქუჩის მეორე მხარეს, ერთ მიყრუებულ სახლის კედელთან ჟონდრეტი დაინახა, „ფილანტროპის“ მოტანილი პალტო ეცვა. ვიღაც კაცს ელაპარაკებოდა საეჭვო სახისას, ერთ იმათგანს, რომლებიც შეხედულებით მოსარიდებელნი არიან, სიტყვით - ვერაგნი და აზრით - ბოროტნი. მთელ დღეს ძილში ატარებენ, რომ ღამე უფრო კარგად იმრომონ. ერთ ამგვარ მეგობარს ელაპარაკებოდა ჟონდრეტი.

თოვდა, ბარდნიდა და ამ სიცივეში ისეთი გატაცებით ელაპარაკებდა ეს ორი კაცი, რომ აღარც ყინვა ახსოვდათ და აღარც თოვლი. პოლიციელს რომ დაენახა, ეჭვი აღეძვროდა. მარიუსმა კი ყურადღებას არ მიაქცია.

გულმოკლული იყო მარცხით, მაგრამ მაინც გაიკვირვა იმ კაცის დანახვა, ჟონდრეტი რომ ელაპარაკებოდა, რადგან ძალიან ჰგავდა ქურდბაცაცას, სახელად პანშოს, მეტსახელად გაზაფხულს, ანუ ბიგრნაილს, რომელიც კურფიერაკმა დაანახვა ერთხელ და უთხრა, რომ მას მთელი უბანი იცნობს საკმაოდ საშიშ ღამის რაინდად.

ამ კაცის სახელი მოხსენებული იყო წინა წიგნში. ეს პანშო, მეტსახელად რომ გაზაფხულას და ბიგრნაილს ეძახდნენ, შემდგომ მსხვილ ქურდობასა და კაცის კვლამი იყო ჩარეული და ცნობილ გაიძვრად ითვლებოდა. ამ დროს კი კარგი, მოხერხებული ქურდი იყო. გავიდა ხანი მას შემდეგ, დღეს ქურდებში და ავაზაკებში ტრადიციად დარჩენილა მისი ვერაგობა. უკანასკნელ მეფის დროს მთელი სკოლა ჰქონდა ამ პანშოს ქურდების და ავაზაკებისა. ლაფორსის ციხეში ხომ სათაყვანოდ ჰქონდათ და სადიდებლად მისი სახელი. ამ ციხეში, სწორედ იმ ალავს, სადაც დარაჯების გზის ქვეშ გათხრილია ფეხისალაგებიდან გამყვანი მილი, რომლითაც 1843 წელს დღისით გაიპარა ციხიდან ოცდაათი ტუსალი, სწორედ ამ მილის ქვაზე მოჩანდა მისი სახელი - პანშო - უშიშრად გამოქანდაკებული ბრტყელ ქვაზე, როდესაც გაპარვას აპირებდა. 1832 წელს, პოლიცია თვალს ადევნებდა უკვე, მაგრამ ჯერ საამისო არაფერი ჩაედინა.

თავი მეთერთმეტე

სევდას სურს მიემველოს სიღარიბეს

წელი ნაბიჯით ავიდა კიბეზე მარიუსი. ის-ის იყო, უნდა შეეღო თავისი ოთახის კარი, რომ იქვე, ტალანში ჟონდრეტის უფროსი ქალი დაინახა, რომელიც თურმე უკან მოსდევდა. ჭირვით შეეჯავრა ეს გოგო. ეს გოგო იყო, რომ ჯიბეში ელო მისი ხუთი

ფრანკი! გვიანდა იყო, უკან ხომ არ გამოართმევდა მიცემულ ფულს. ეჰ, ეტლიც წასული იყო და კვალიც დაკარგული! და კიდევ რომ ეთხოვა, სულერთი იყო, აღარ დაუბრუნებდა.

ცხადი იყო, ამ გოგოს არ ეცოდინებოდა ბ. ლებლანის სახლი, რადგან ფაბანტუს გვართ ხელმონწერილი უსტარი სენ-ჟაკის საყდარში მიაართვა ბატონ კეთილისმყოფელს, და არა სახლში.

შევიდა თავის ოთახში, კარი მოხურა, მაგრამ ვერ მოიხურა კარი. მობრუნდა და ვილაცის ხელი დაინახა, - კარი ეჭირა.

- ვინ არის? რა გინდათ?

ჟონდრეტის ქალი იყო, უფროსი.

- თქვენ ხართ? - ჰკითხა უკმეხად მარიუსმა, - სულ თქვენ და თქვენ! რა გინდათ ჩემგან?

ჩაფიქრებულს ჰგავდა გოგო და არც კი უყურებდა მარიუსს. აღარ ეტყობოდა დილანდელი გამბედაობა. ოთახში არ შედიოდა და ბნელ ტალანში იდგა თავდალუნული.

- რა ვქნა, არ მეტყვი, რა გინდათ ჩემგან?

ახელა ქალმა მიბნედილი თვალთ, რომელშიც თითქოს რაღაც ნათელი მოჩანდა, და აღერსით უთხრა:

- დაღონებული ხართ, ბატონო მარიუს, რა დაგემართათ?

- მე?

- დიახ, თქვენ.

- მე არაფერი მომსვლია.

- როგორ არა?

- არა-მეთქი.

- მე კი ვხედავ, რომ რაღაც განუხებთ.

- თავი დამანებეთ!

კიდევ სცადა კარის მიხურვა, მაგრამ ამაოდ, მაგრად ეჭირა ქალს.

- ჰოდა, რაკი აგრეა, ცდებით, ბატონო მარიუს. მიუხედავად იმისა, რომ დიდი სიმდიდრის პატრონი არა ხართ, მაინც ძალიან გულკეთილი იყავით ამ დილას. მოდიოთ ახლაც ისევე გულკეთილად მომექცით. პურის ფული ხომ მომეცით. ახლა ის მითხარით, რა დაგემართათ? რაღაც განუხებთ, ცხადად ჩანს. მე არ მინდა, რომ თქვენ განუხებდეთ რამე. რომ არ ვიცო, როგორ აგაშოროთ ეს მწუხარება? იქნებ გემსახუროთ რაიმეთი? მიბრძანეთ, როგორ გემსახუროთ? მე თქვენი საიდუმლოება კი არ მინდა, - არც მინდა და ნურც მეტყვი, - არა, მე მინდა გამოგადგეთ რამეში. იქნებ თქვენც გიშველოთ, როგორც მამაჩემს ვშველი. თუ წერილებია დასატარებელი, ვისიმე ძებნა, ქუჩაში ხეტიალი, სახლიდან სახლში წონიალი და კითხვა, - აქ ხომ არა დგას?... ან კიდევ ვისიმე კვალდაკვალ დევნა, ყოველთვის მე ვეხმარები მამაჩემს. ჰოდა, ახლა თქვენც მითხარით; რა დაგემართათ, რა განუხებთ, მე მივალ და მოველაპარაკები. ხშირად მოხდება ხოლმე, მივა კაცი, მოელაპარაკება, გამოარკვევს ყველაფერს და ამით დააბოლოებს საქმეს. აი, თქვენი ვარ, მისახურეთ, როგორც გნებავთ.

ერთმა აზრმა გაუელვა მარიუსს: რა ხავსი უნდა იყოს, რომ იუკადრისოს წყალწაღებულმა?

მივიდა, მიუახლოვდა.

- გეყურება?..

თვალი გაუბრწყინდა ქალს და სიხარულით შეანყვეტინა:

- ოჰ, აგრე, აგრე! შენობით მელაპარაკეთ! მე ეგ მირჩევნია.

- ძალიან კარგი, შენ მოიყვანე წელან ის მოხუცებული კაცი და მისი ქალი?

- დიახ.

- იმათი სახლი იცი? იმათი მისამართი?

- არა.

- აბა, მიპოვე.

წელან სიხარულით გაუბრწყინდა საწყალ ქალს მიბნედილი თვალი, და ახლა მთლად ჩაუქრა.

- მაშ, ეს გინდათ? იმათი სახლი?

- ჰო.

- იცნობთ?

- არა.

- მაშასადამე... თქვენ იმათ არ იცნობთ, მაგრამ გინდათ იმისი გაცნობა, არა? - ჰკითხა აღელვებულმა ქალმა.

ეს „იმათ“ თავისებურად გარდაქმნა საწყალმა და მწარედ, მნიშვნელოვნად წარმოთქვა სიტყვა „იმისი“.

- ჰო, შეგიძლია თუ არა?

- ბატონი ხართ, მე მოგართმევთ იმ კოხტა ქალბატონის მისამართს.

კოხტა ქალბატონიც იმავე სიმწარით წარმოთქვა. ეწყინა მარიუსს და შეესწორა:

- იმათი მისამართი! მამის, ან ქალისა, განა სულერთი არ არის?

დააცქერდა მარიუსს გოგო.

- მერე რას მომცემთ?

- რასაც მოისურვებ.

- რასაც მოვისურვებ?

- დიახ!

- მაშ, მისამართს მოგართმევთ.

თავი დაღუნა. მერე სწრაფად გაიხურა კარი და წავიდა.

მარტო დარჩა მარიუსი.

მივიდა, მკვდარივით დაეშვა ლოგინზე და ისე იყო შენუხებული, ისე მორეოდა ფიქრები, რომ ვეღარ იმორჩილებდა. თითქოს თავბრუ ეხვევაო. თვალწინ უდგა და ერთმანეთში ერეოდა იმ დილის სიტკბო და თან სამსალა: მოულოდნელად გამოეცხადა ანგელოზი და მაშინვე გაქრა. ახლა ამ გოგოს დაპირება და კვლავ იმედი ამ სევდით მოცულ გულს!

უცხად გონზე მოიყვანა ჟონდრეტის ყვირილმა.

გაბრაზებული ხმა მოესმა მეზობლისა, რომელიც ალბათ ცოლს უყვიროდა მარიუსისათვის ფრიად საინტერესო სიტყვებს:

- დედაკაცი, გეუბნები, ვიცანი და სწორედ ის არის!

ვის შეეხებოდა, ნეტავ ეს სიტყვა? ვინ იცნო ჟონდრეტმა? ბ. ლებლანი? „მისტ ურსულას“ მამა? როგორ? საიდან უნდა იცნობდეს ბატონ ლებლანს ჟონდრეტი? იქნებ ამ მოულოდნელი გზით მოიპოვოს საჭირო ცნობა, რომ დაიმშვიდოს გული და

სინათლე მოჰფინოს ჩაბნელებულ სიცოცხლეს? იქნებ გაუდიმოს ბედმა და გააგებინოს, ვინ არის ეს ქალი, ასე გაგიჟებით რომ უყვარს? ვინ არის მისი მამა? იქნებ მართლა სინათლე მოხვდეს იმ ბნელს, რომელშიც ლებლანი და მისი ქალი იმყოფება? უქნებ დახეულიყო იმათი რიდე? ოჰ, ღმერთო!

წამოვარდა, ახტა კომოდზე, აიტუბა წელანდელივით და თვალი მიაღო განგების სარკმელს.

ისევ უონდრეტის ოთახში იხედებოდა.

თავი მეთორმეტე

რაზე დაიხარჯა ბ. ლებლანის ხუთფრანკიანი

არათუერი შეცვლილიყო უონდრეტის ოჯახში, გარდა იმისა, რომ დედასა და ქალებს ბ. ლებლანის მითანილი წინდები ჩაეცვათ და ბლუზები, ორივე გაშლილ ლოგინს კი ახალი საბნები ეფარა.

ეტყობოდა, ის-ის იყო დაბრუნებულიყო უონდრეტი. ძლივს სუნთქავდა კაცი. გოგონები ბუხართან, მინაზე ისხდნენ და უფროსი ხელს უხვევდა უმცროსს. დედა ტახტზე დაშვებულიყო იქვე, ბუხართან და გაკვირვება ეტყობოდა სახეზე. მამა ჩქარი ნაბიჯით მიმოდოდა ოთახში, უცნაური გამომეტყველება ჰქონდა სახისა.

ცოლს საერთოდ ძალიან ეშინოდა ქმრისა, მაგრამ, ეტყობოდა, ვეღარ გაუძლო ფიქრს და, როგორც იქნა, გაბედა, ეკითხა:

- მამ ის არის? დარწმუნებული ხარ?

- დარწმუნებულად ვარ და, თუ გინდა, მეტიც. რვა წელიწადია, ადამიანო, მას აქეთ და ვერ ვიცნობდი? დავინახე და მაშინვე ვიცანი. მამ, თვალში არ გეცა ნაცნობი სახე?

- არა!

- რამდენჯერ გითხარ, კარგად დააკვირდი-მეთქი. არც ტანით გამოცვლილა, არც სახით; სიბერეც კი არ დასტყობია, რაც იყო, ის არის. ზოგმა იცის, სიბერე არ ეკიდება. არ ვიცი, როგორ ახერხებენ, დასწყევლოთ ღმერთმა! ხმაზე მაინც ვერ იცანი? დღეს უკეთ აცვია, ეს არის განსხვავება. მამ, დაგიჭირე, შე ბებერო, ეშმაკის კერძო! ახლა მე ვიცი.

მერე ქალებს მიუბრუნდა:

- თქვენ, ეი! გასწით აქედან! - დაუღრიალა გოგონებს და ცოლს მიუბრუნდა, - თვალები არ გქონია, თორემ მაშინვე იცნობდი.

ქალები წამოდგნენ წასასვლელად.

დედამ ვეღარ მოითმინა:

- ახლა სად მიერეკები ამათ? თან დაჭრილი ხელით?

- ჰაერი მოუხდებათ, - უპასუხა უონდრეტმა, - აბა, გასწით!

ცხადი იყო, იმ კაცთაგანი უნდა ყოფილიყო ეს მბრძანებელი, რომელსაც ყველა ემორჩილება. კარი რომ გააღეს გასასვლელად, მამამ ხელი სტაცა უფროსს და მრავალმნიშვნელოვნად უთხრა:

- ხუთ საათზე აქ იქნებით ორივე. სწორედ ხუთ საათზე! დამჭირდებით.

სმენად იქცა მარიუსი.

მართო რომ დარჩა ცოლთან უონდრეტი, ისევ სიარული დაინყო ოთახში და ორჯერ-სამჯერ შემოუარა იქაურობას. გაჩუმებული დადიოდა. მერე გაჩერდა და კარგა ხანს ენვალა, ვიდრე შარვალში ჩაიკეცავდა ცოლის გრძელ პერანგს.

უცბად მიუბრუნდა მეუღლეს, გულხელი დაიკრიბა და შეჰყვირა:

- იცი კიდევ რას გეტყვი? ის კოპნია ქალბატონი...
- რაო? ის ქალბატონიც იცანი?

ცას დაენია მარიუსი. ცხადი იყო, მის სატროფოზე ლაპარაკობდნენ და გულისფანქვალთ უგდებდა ყურს. ამ წამზე იყო დამოკიდებული მისი სიცოცხლე.

მაგრამ დაიხარა უონდრეტი და ჩუმად უთხრა რაღაც ცოლს, მერე წამოიწია და დაიძახა:

- ის არის, ის!
- ისა? - შეჰყურებდა განცვიფრებული სახით ცოლი.
- სწორედ ის!

შეუძლებელია გამოთქმა იმ აღშფოთებისა, რომლითაც დედაკაცმა წარმოთქვა სიტყვა - ისა? - განცვიფრებაც იყო, მძულვარებაც, გაბრაზებაც ერთმანეთში შერეული და ერთი სიტყვით გამოთქმული. რამდენიმე სიტყვა უთხრა ქმარმა ჩურჩულით ყურში, ალბათ ვინაობა ქალისა, და რამდენიმე სიტყვით უცბად გამოთხოილდა ეს ტლანქი მძინარა. აქამდე საზიზღარი, ახლა საფრთხილად დაემსგავსა.

- შეუძლებელია! - შეჰყვირა გაცოფებულმა, - ჩემი ქალები ფეხშიშველები დადიოდნენ, ერთი კაბის მეტი არა ჰქონდეთ, და იმას კი ატლასის პალტო, ხავერდის ქედი და ის კობხა ფეხსაცმელი?! ორასი ფრანკის ტანისამოსი აცვია და ახლა სხვა თქვი შენა! შეხედავ, ქალბატონი გეგონება! არა, ცდები! შეუძლებელია! თუ არა და, ის ხომ გონჯი იყო, ეს კიდევ ლამაზი ქალია, ასე როგორ გამოიცვლებოდა? არა, ეგ ის არ არის!

- ის არის-მეთქი, გეუბნები, არ ნახავ!

ასეთი დაბეჭითებით თქმული სიტყვა უდავო ჭეშმარიტებად მიიღო ცოლმა. წამოვარდა ჭარხალივით აწითლებული და შეშლილი თვალით მიაჩერდა ჭერს, თითქოს მუშტს უღერებს ზეცასო. ამწამს ეს დედაკაცი უფრო საზარლად ეჩვენა მარიუსს, ვიდრე მისი ქმარი. ეღორი იყო, ნამდვილი, ვეფხვის თვალებიანი.

- როგორ! ის საზიზღარი გამოპრანჭული ქალბატონი, ისეთი სიბრაღულით რომ დასცქეროდა ჩემს ქალებს, ის ღვთის გლახა იყო? ოჰ, ერთი ხელში ჩამივარდებოდეს, რომ ნიხლით გავთელო და ნაწლავები დავაყრვივინო!

ერთ წამს იდგა თმაგანწილი, ნესტოებდაბერილი, პირდაღებული, მუშტმოღერებული: მერე ისევ ლოგინზე დაეცა. ქმარი კი მიმოდოდა ოთახში, ყურადღებას აღარ აქცევდა ცოლს.

მცირე ხანს იყვნენ ასე გაჩუმებულები. მერე ცოლთან მივიდა უონდრეტი, დადგა მის წინ, გულხელი დაიკრიბა, როგორც წელან იყო, და ჰკითხა:

- გინდა ერთი რამ კიდევ გითხრა?
- რა უნდა მითხრა?

პასუხი მოკლედ, ჩუმი ხმით გასცა:

- ახლა კი აღარაფერი გვიჭირს! ბედი გვენია!

ცოლი დაამტერდა უონდრეტს. იმ თვალით შესცქეროდა, თითქოს უნდოდა გაეგო, - ხომ არ შეიშალა ეს უბედურიო.

ჟონდრეტმა განუმარტა ცოტა რამ:

- კმარა! კაი ხანია იმ ეკლესიის მრევლში ვარ, რომელსაც სახელად ჰქვია შიმშილით მოკვდი, თუ ცეცხლი გაქვს, და სიცივით მოკვდი, თუ პირი გაქვს! მეყოფა, მეტი აღარ მინდა! მომწყინდა ეს გაჭირვება და ვარამი! მე არ ვხუმრობ! მეყო ამდენი შიმშილი და წყურვილი! აღარ მინდა შენი იმედი და სასოება, ღმერთო მარადო! მინდა იმდენი ვჭამო, რომ გავძღე, იმდენი ვსვა, რომ კუჭი გავიბერო! აღარ მინდოდეს! ისე უნდა გავძღე, რომ აღარას ვნატრობდე! ვჭამდე, ვსვამდე საძღომისად! დღე და ღამე მეძინოს, აღარას ვაკეთებდე! აქამდე სხვა უჯდა მდიდრად მოკამმულ სუფრას, ახლა მე უნდა მივუჯდე! ახლა ჩემი რიგია! მინდა, მილიონერი გავხდე, ვიღრე ფეხებს გავფუშავდე! მეც მინდა მილიონი!

შემოუარა ოთახს და დაუმატა:

- როგორც სხვებს!

- ველარაფერი გამოვიდა შენი, - უთხრა ცოლმა, - რას ბოდავ, რას?

თავი გაიქნია ჟონდრეტმა. თვალი მოჭუტა და ხმა აიმაღლა, როგორც ბაზრის ოინბაზმა იცის ხალხის ყურადღების მოსაპოვებლად.

- ჩემად! - შეაჩერა ცოლმა, - ნუ იცი ეგ ყვირილი! თუ საქმეზე მელაპარაკები, ნურავის გააგებინებ.

- ვის უნდა გავაგებინო, დედაკაცო? ჩვენს მეზობელს? წელან ვნახე, წავიდა. შინაც რომ იყო, შენ გგონია, გაიგებს რამეს ის ჩერჩეტი? ნუ გეშინია, შინ არ ბრძანდება.

ცოლმა თუ არა, ალღომ შთააგონა ალბათ და ხმადაბლა დაიწყო ლაპარაკი. მაგრამ იმდენად ჩუმად კი არა, რომ მარიუსს ვერ გაეგონა. ერთი გარემოება იყო, რომ ხელს უწყობდა მარიუსს: ქუჩაში დიდი თოვლი იყო, აყრუებდა ეტლის თვლების ხმას და უკლებლივ ესმოდა ცოლ-ქმრის დიალოგი.

აი, რა გაიგონა მარიუსმა:

- შენ ყური დამიგდე. ხელთა მყავს კრები, მახეში მიზის! გათავებულება საქმე. ნაღდი, ნაღდი! მოწყობილი მაქვს ყველაფერი. ბიჭები ვნახე, მოვამზადე. ამ საღამოს მობრძანდება, ექვს საათზე, სამოც ფრანკს მომცემს და თავს დაიდგენს! ხომ ნახე, რა კარგად მივკიბ-მოვკიბე ჩემი სამოცი ფრანკიც, სახლის პატრონიც, 4 თებერვალიც! ის გამოტვინებული, ისა! ექვს საათზე მობრძანდება? სწორედ იმ დროს, როდესაც სადილის საჭმელად წავა ჩვენი მეზობელი. ბებერი ბუგონი სხვაგან გავგზავნე, შორს იქნება. არავინ არის სახლში. ჩვენი მეზობელი თერთმეტ საათამდე თავის დღეში არ დაბრუნებულა, გოგოებს დავაყენებ დარაჯად. შენც დაგვეხმარები და დავიყოლიებთ.

- და რომ ვერ დავიყოლიოთ?

- ვერ დავიყოლიებთ და ანდერძს აუვებთ! - უპასუხა ქმარმა მუქარით და სიცილი დაიწყო.

ჯერ არ ენახა მარიუსს ჟონდრეტის სიცილი. ეს პირველი იყო. ცივი და ჩემი სიცილი, რომლისგანაც ჟრუანტელი დაუვლიდა კაცს.

კედელთან მივიდა ჟონდრეტი, პატარა განჯინა გააღო, ამოიღო ძველი ქელი, ხელით მოწმინდა მტვერი და დაიხურა.

- ახლა კი მივდივარ. ბიჭები უნდა ვნახო. მაგარი ბიჭები არიან. ნახავ, როგორ კარგად არის საქმე გაჩარხული. ვეცდები, რაც შეიძლება, მალე დავბრუნდე. ერთხელ კიდევ ჩემებურად და მერე აღარაფერი გვიჭირს. სახლი შენ გეპარებოდეს.

ხელები შარვლის ჯიბეებში ჩაიწყო, ცოტა ხანს დაფიქრებული იდგა, მერე დაიძახა:

- რა გითხრა, იცი? ჩვენი ბედი, რომ ვერ მიცნო იმ ბებრუცუნამ! აბა, რაღას მოვიდოდა, რომ სცოდნოდა, ვინა ვარ! ეგვეც ბედი! თორემ, რომ ვეცნე, ისე გამისხლტებოდა ხელიდან, რომ ხახამშრალი დავრჩებოდი. წვერმა მიშველა, ჩემმა რომანტიკულმა წვერმა. ჩემმა მშვენება - წვერმა!

და ისევ სიცილი დაიწყო.

ფანჯარასთან მივიდა, ჯერ კიდევ თოვდა.

პალტო ჩაიცვა, ლილებს იკრავდა და თან ლაპარაკობდა:

- მეტად განიერია ჩემი პალტო, მაგრამ მაინც ძალიან კარგი. ეს მაინც რომ მომიტანა იმ ბებრმა ქოფაკმა! ეს რომ არ მქონოდა, ვერსად წავიდოდი ამ სიცივეში, ვერავისა ვნახავდი და ჩამეშლებოდა საქმე. არა, კარგი ის არის, რომ თვითონვე მიაღვილებს თავის ჩაძაღვლებას!

ქუდი დაიხურა, შუბლზე ჩამოითხატა და გავიდა.

ცოტა ხანში უკან დაბრუნდა, იქნებ კიბემდეც არ მისულიყო. შემოალო კარი და შემოჰყო მხეცური, მაგრამ ჭკვიანი თავი:

- კინაღამ დამავინწყდა, - უთხრა ცოლს, - მაყალი მოამზადე, ნახშირიც საკმაოდ გქონდეს.

და ხუთფრანკიანი ჩაუგდო კალათაში, „ფილანტროპმა“ რომ მისცა.

- ახლა ნახშირი მაყიდვინე! რად გინდა?

- მინდა.

- ერთი კალათი იკმარებს?

- არა, ორი.

- ეგვეც შენი ფრანკ-ნახევარი. დანარჩენისას სადილისთვის ვიყიდი რამეს.

- რა დროს სადილია!

- მაშ, მშიერები ვიყოთ?

- ეგ ფული არ დახარჯო.

- რატომ?

- იმიტომ, რომ ცოტა რამ მეც მექნება საყიდელი.

- რა?

- ეს მე ვიცი, რა.

- რამდენი დაგჭირდება?

- აქ რკინეულს არსად ჰყიდიან?

- მუფტარის ქუჩაზე.

- ოჰ, მართლა! კუთხეში, ვიცი, ვიცი!

- კაცო, არ მეტყვი, რამდენი დაგჭირდება? რამდენი შეგინახო?

- ორ-ნახევარი ან სამი ფრანკი.

- მერე სადილისთვის რაღა დარჩა?

- დღეს იმგვარი საქმე გვაქვს, რომ სადილი აღარ უნდა გავგონდებოდეს.

- კარგი, ძვირფასო.

კარი გაიხურა უონდრეტმა და კარგად გაიგონა მარიუსმა მისი ფეხის ხმა ტალანიდანაც და კიბიდანაც.

სწორედ ამ დროს დაჰკრა პირველი საათი სენ-მედარმა.

თავი მეცამეტე

SOLUS CUM SOLO, IN LOCO REMOTO, NON COGITABUNTUR ORARE PATER NOSTER

ფიქრს გაეტაცა მარიუსი, მაგრამ, როგორც ვთქვით, მაგარი ხასიათის ბიჭი იყო, და ენერგიით სავსე. მარტოობით ყოფნამ და ფიქრების გაყოლამ ძალიან განუვითარა თანავარძლობა და შებრალება გაჭირვებულისა, შეუწელა გაბრაზება, მაგრამ ბოროტებით აღშფოთება კი უკლებლად შეაჩინა. გულკეთილი იყო, ვით ინდოელი ბრაჰმა, და მკაცრი, ვით გულმართალი მსაჯული. ჯოჯო ებრალებოდა, მაგრამ შხამიან გველს კი ფეხით გასრესდა. და სწორედ შხამიანი გველის სოროში იყურებოდა პატარა სარკმლით, ბუნავი იყო საზარელ ურჩხულისა, რომლის საშინელებას ვერც კი წარმოიდგენდა, რომ არ ენახა.

- აუცილებლად უნდა მოსპონ ეს არამზადები! - ფიქრობდა მარიუსი.

მოლოდინი არ გაუმართლდა, ვერაფერი გამოარკვია. გამოცხანადვე დარჩა სულ ყველაფერი; პირიქით, ბნელს ბნელი მიემატა. არც არაფერი ბ. ლებლანისა იცოდა, არც მისი ქალის, თავისი პირველი სიყვარულისა. ვერც ერთი სიტყვა ვერ გაიგონა ჟონდრეტისაგან ლუქსემბურგის ბაღის მშვენიერი ქალიშვილის და ლებლანის შესახებ, როგორც ის უწოდებდა. ცხადი იყო, მახეს უგებდნენ სანყალ კაცს, საშინელ მახეს. საშინელ განსაცდელს უმზადებდნენ მამას და ალბათ შვილსაც და ყოველი ღონისძიება უნდა მიეღო, რომ გადაეჩინა როგორმე სანყალი ქალი და მისი მამა. საჭირო იყო ჟონდრეტის ვერაგობის ჩაფუშვა, ამ ობობების აბლაბუდის დაშლა და დარღვევა.

ცოტა ხანს თვალი ადევნა ჟონდრეტის ცოლს, რომელმაც კუნჭულიდან ძველი თუნუქის ლუმელი გამოათრია და დამტვრეულ რკინებში რალაცას ეძებდა.

დიდი სიფრთხილით ჩამოვიდა კომოლიდან მარიუსი, სულ იმას ცდილობდა, ხმა არ გამოეცა მის მოძრაობას.

თავზარდაცემული იყო ჟონდრეტის განზრახვით, შიშს ჰგვრიდა ამ განზრახვის ასრულების შესაძლებლობა და თან გრძნობდა სიხარულს, რომ იქნებ მოეხერხებინა როგორმე და ამ განსაცდელისგან ეხსნა სატრფო და მისი მოხუცებული მამა.

მაგრამ როგორ, რა მოახერხოს? შეატყობინოს, რას უპირებენ? სად იპოვოს? არც სახელი იცის იმათი, არც გვარი. წამით გაიციალა მის თვალწინ მშვენიერებამ და ისევ ისე ჩაიმალა პარიზის უსაზღვრო სიღრმეში. გარეთ დადგეს ექვს საათზე და ელოდოს ბ. ლებლანის მოსვლას, რომ იქვე, ქუჩაში შეატყობინოს, რა მახეში უნდათ მისი გაბმა? კარგი, მაგრამ ხომ დაინახავენ ჟონდრეტი და მისი მეგობრები? ისინი უფრო ბევრნი იქნებიან ამ მიყრუებულ ქუჩაში, დაიჭერენ, წაათრევენ სადმე, თუ მეტი არაფერი უყვებს, და რალას დაეხმარება, ვისაც შეელოა უნდა? პირველი საათი დაჰკრა უკვე, მამ ხუთი საათი კიდევ აქვს თავის განკარგულებაში.

ერთი რამ იყო შესაძლებელი:

საგარეო ტანისამოსი ჩაიცვა, ყელსახვევი შემოიხვია. ქუდი დაიხურა და ისე ფრთხილად, ისე ჩუმად გავიდა სახლიდან, თითქოს ფეხშიშველი იყო და ხავსზე დადიოდა.

ჟონდრეტის ცოლი ისე იყო გართული დამტვრეულ რკინებში რალაცის ძებნით, რომ ვერას გაიგებდა, ხმაურითაც რომ გასულიყო მარიუსი.

გავიდა თუ არა, მაშინვე პტი-ბანკის ქუჩისკენ გაეშურა.

ერთ ადგილას ამ ქუჩის პირზე დაბალი კედელი აგვოთ. იმდენად დაბალი, რომ ზოგან ადვილად შეიძლება ზედ გადახტომა. ცარიელი ადგილი იყო, უშენი. ნელი ნაბიჯით მიდიოდა მარიუსი თავისი მოუხეხებლობით შეწუხებული. გზაზე თოვლი იდო და აყრუებდა მის ფეხის ხმას. ერთ ადგილს, ამ დაბალ კედელს რომ მისდევდა, ჩუმი ლაპარაკი მოესმა, იქვე ახლოდან. მიხედ-მოიხედა, არავინ ჩანდა, არავინ იყო ქუჩაში. დღე იყო, კარგად ჩანდა ყველაფერი, კარგად ესმოდა ვიღაცის ხმა, ქუჩაში კი არავინ იყო.

მამ კედლის იქიდან ისმის ეს ხმაო, - იფიქრა და გადაიხედა.

მართლაც ორი კაცი დაინახა, თოვლში ისხდნენ, ზურგი კედელზე მიეღოთ და ჩუმად ლაპარაკობდნენ.

უცნობები იყვნენ. ერთი წვერიანი იყო, ხალათით. მეორე გაბურძენილი, ნაფლეით მოსილი. წვერიანს ბერძნული არახინი ეხურა, მეორე თავშიშველი იყო და თოვლი ეღო თმაზე.

ოდნავ წინ წასწია თავი მარიუსმა და ყური მიუგდო იმათ საუბარს.

გაბურძენილმა ხელი წაჰკრა წვერიანს და უთხრა:

- მენალმეები იყვნენ და წააგონ რამე? შენგან არ მიკვირს?

- მენალმეებიც იქნებიან? - ჰკითხა წვერიანმა.

- ხუთას ფრანკს ჩავიჩხრიალებთ ჯიბეში, ხუთას ფრანკს სულზე! მარცხი მოგვივა... დიდი რამ არ არის! ხუთი წლით ციხე! თუნდაც ათი წლით იყოს! გამარჯვება გაბედულებამ იცის.

სციოდა წვერიანს, ცახცახებდა, თან ყოყმანობდა:

- არა, ძმაო, ძნელია, თავგანწირული უნდა იყოს კაცი, რომ ამ საქმეში ჩაერიოს.

- გეუბნები, საშიში არაფერია! ისეა მომზადებული ყველაფერი, ისეა გათვალისწინებული ყოველივე მოსალოდნელი, რომ ხუთასი ფრანკი ჯიბეში მიდევს! ანდერძს ავუგებთ იმ ბებრუცუნას!

მერე მელოდრამაზე დაიწყეს ლაპარაკი, რომელიც წინა ღამით ენახათ თეატრში.

თავის გზას გაუდგა მარიუსი.

მიდიოდა და დიალოგის მნიშვნელობას უფიქრდებოდა. თვითონაც არ იცოდა რად, მაგრამ რალაც დამოკიდებულებას პოულობდა ჟონდრეტის ბოროტებასთან. ის უნდა ყოფილიყო ამ ორი მანანნალის, თოვლში ჩანოლილთა ჩუმად ნათქვამი „საქმე“.

სენ-მარსოს უბანში მივიდა. იკითხა, - სად ვნახო პოლიციის კომისარო. მაშინვე ასწავლეს, - პონტუაზის ქუჩა #14, - და იქით წავიდა.

ხაბაზთან შევიდა. ორი სუს პური იყიდა და გზაში შეჭამა, რადგან იცოდა, იმ დღეს სადილისთვის ვერ მოიცილიდა.

მიდიოდა და მადლობას სწირავდა განგებას: - მე რომ დღეს დილით ხუთი ფრანკი არ მიმეცა ჟონდრეტის ქალისთვის, ბ. ლეებლანის ეტლს ვაყვებოდი და, მამასაღამე, ვერას ვავიგებდი ამ საზარელი განზრახვისას. ხელის შემშლელი არავინ ეყოლებოდა ჟონდრეტს, ლეებლანიც დაიღუპებოდა და მასთან ერთად, უეჭველია, მისი ქალიცო.

თავი მეთოთხმეტე

ორი დამბაჩა მარიუსს

მივიდა მარიუსი პონტუაზას ქუჩაზე, იპოვა #14, ავიდა მეორე სართულზე და ერთ მოხელეს უთხრა, - კომისრის ნახვა მინდაო.

- ბატონი პოლიციის კომისარი აქ არ არის ამჟამად, მაგრამ ინსპექტორია მის მოადგილედ, თუ გნებავთ, ის ნახეთ. საჩქარო საქმე გაქვთ?

- ძალიან, - მიუვო მარიუსმა.

კომისრის კაბინეტში შეიყვანეს. მაღალი ტანის კაცი ღუმელს მიჰყუდებოდა მოაჯირის უკან და ორივე ხელით მაღლა აენია სერთუკის კალთები. სახე ოთხკუთხა ჰქონდა, წვრილი, მაგარი ტუჩები, მსხვილი, ჭლარაშერეული წვერი და იმისთანა თვალი, თითქოს ჯიბის გადმობრუნებას გიპირებთო. გულის სიღრმეში უძვრებოდა ადამიანს თავისი თვალით და იქ კიდევ ჩხრეკას აწარმოებდა.

ეს კაცი არაფრით ჩამოუვარდებოდა ჟონდრეტს, მასზე ნაკლებად საზარელი სახის გამომეტყველება როდი ჰქონდა. ზოგი ძალღია, მგელზე უფრო საშიშია.

- რა გნებავთ? - მიმართა მარიუსს. სიტყვა ბატონო არ გაიმეტა.

- თქვენ ბრძანდებით, ბატონო, პოლიციის კომისარი?

- სხვაგან არის. მე ვასრულებ მის მოვალეობას.

- საიდუმლო საქმე მაქვს.

- მაშ, მითხარით.

- ძალიან საჩქარო.

- მაშინ ჩქარა მითხარით.

მშვიდს ჰგავდა ეს კაცი, გულწრფელს და ერთსა და იმავე დროს საშინელიც იყო, დამამშვიდებელიც; შიშსაც აღუძრავდა ადამიანს და ნდობასაც. მარიუსმა უამბო, რომ ერთ კაცს, რომელსაც ის არ იცნობს, თუმცა რამდენჯერმე დაუნახავს ბაღში, ამ საღამოს მახემო გაბმას უპირებენ. მახე დაგებულია მისი, ვეჭილ ბარონ პონმერსის ოთახის გვერდით და, რადგან ძალიან თხელი ძვიდე არის ორ ოთახშია, ყური მოჰკრა მგობლების ლაპარაკს და გაიგონა მათი განზრახვა, რომ მოთავსე ამ ავკაცობისა არის მისი მგობელი, სახელად ჟონდრეტი; კაცები ეყოლება დასახმარებლად, ქუჩაში მოხეტიალე ქურდები, სხვათა შორის, ერთი ვილაც პანშო, მეტსახელად ვაზაფხულა ან ბიგრნაილი; ჟონდრეტის გოგონები დარაჯად იდგებიან ქუჩაში; თვით არავითარი საშუალება არ ჰქონდა გაეფრთხილებინა როგორმე საწყალი ბერიკაცი, რადგან მისი არც გვარი იცის, არც სახელი; დღეს ექვს საათზე უნდა ასრულდეს ეს განზრახვა, რადგან ექვს საათზე უნდა მივიდეს ის უბედური ოპიტალის ქუჩა #50-52-ში.

ამ ნომრის ხსენებაზე ინსპექტორმა თავი მაღლა აიღო და გულგრილად თქვა.

- ტალანის ბოლოს, უკანასკნელ ოთახში?

- დიახ, ბატონო, - მიუვო მარიუსმა და თვითონაც ჰკითხა, - მაშ, იცით ეს სახელი?

მაშინვე არ უპასუხა ინსპექტორმა. წალის ქესლი ღუმლის კარს მიადო და უთხრა:

- ალბათ.

მერე განაგრძო, ოღონდ მარიუსს კი არა, თავის ყელსახვევს ელაპარაკებოდა სიტყვების ღეჭვით:

- მაშ, მენაღმეებიც ერევიან.

ამ სიტყვამ ქუჩაში გაგონილი მოაგონა მარიუსს და დანვრილებით უამბო წვერიანისა და ბანჯგელიანის ჩუმი საუბრის შესახებ, თოვლში რომ ისხდნენ პტი-ბანკის ქუჩაზე, კედლის უკან.

- ბანჯგვლიანი ბრუონი უნდა ყოფილიყო, წვერიანი - ცალფულა, ესე იგი ცალმილიარდა.

წარბი მოიჭმუნა და ჩაფიქრდა პოლიციელი.

- რაც შეეხება ბერიკაცს, მახეში გაბმას რომ უპირებენ, მგონი, მინახავს, ეჰ, აი კალთა დავიწვი! იმდენ შემას შეუკეთებენ ხოლმე ამ საოხრე ლუმელს! ნომერი 50-52, გორბოსეული სახლი.

მერე მარიუსს გადახედა:

- იმ წვერიანისა და ბანჯგვლიანის მეტი არავინ გინახავთ?

- ისინი და პანშო.

- პატარა კაცი ხომ არ გინახავთ, კოხტად, მოხდენილად მოკაზმული?

- არა.

- არც ის გინახავთ, მსხვილი, უზარმაზარი, მუზეუმის სპილოს რომ ჰგავს?

- არა.

- არც ის მანანწალა, წითელკუდა მაიმუნს რომ ჰგავს?

- არა.

- რაც შეეხება მეოთხეს, მას ვერაფერს ხედავს, თვით მისი თანაშემწეები და მოსამსახურეებიც კი ვერ ხედავენ. აბა, თქვენ როგორ დაინახავდით?

- არა, არ დამინახავს. მერე ვინ არიან? იმათაც წილი უდევთ? - ჰკითხა მარიუსმა.

- ეგ დრო ხელსაყრელი არ არის მათთვის, - თქვა ინსპექტორმა და ისევ ჩაფიქრდა. ბოლოს თქვა თავისი:

- 50-52, ვიცი რა არის ეს სახლი. ჩვენ იქ ისე ვერ დავიმალებით, რომ არ დავგინახონ იმ არტისტებმა; ბერიკაცს ვერაფრით დავეხმარებით, რადგან ამით გადადებული იქნება ვოლდევილი, უფრო ხელსაყრელ დროს წარმოსადგენად. ისეთი მორცხვები არიან, რომ ხალხს ერიდებიან. არა, ეს არ ივარგებს! არა, არა! მინდა გავიგონო მათი სიმღერა და ერთი კარგად ავათამაშო!

ეს მონოლოგი რომ წარმოთქვა, მერე მარიუსს დააქცერდა და ჰკითხა:

- ხომ არ შეგეშინდებათ?

- რისა?

- იმ ავაზაკების?

- მე არც თქვენი მეშინია, - უპასუხა უკმეხად მარიუსმა, - და არც იმათი. - სწყინდა, რომ პოლიციელმა ერთხელაც არ მიმართა ზრდილობიანად, სიტყვით - ბატონო.

უფრო მეტად დააქცერდა ინსპექტორი და შთამაგონებელი კილოთი უთხრა:

- ვაჟკაცურად ამბობთ მაგას და პატიოსნად. მამაცობას არ ეშინია ავკაცობისა და პატიოსნებას - მთავრობისა.

მარიუსმა შეაწყვეტინა:

- კარგი, მაგრამ რას აპირებთ იმ უბედურის დასახმარებლად?

ინსპექტორმა პასუხის მაგივრად კითხვა მისცა:

- თქვენი სახლის მდგომარეობას გასაღები აქვთ ყველას, რომ ღამე სახლში შევიდნენ. თქვენც უნდა გქონდეთ ის გასაღები!

- დიახ, მაქვს.

- თან გაქვს?

- დიახ.

- აქ მომეცით.

ჯიბიდან ამოიღო გასაღები, მისცა ინსპექტორს და უთხრა:

- თუ მე მკითხავთ, სჯობია, თან მაგარი ბიჭები წამოიყვანოთ!

იმ თვალთ გადახედა მარიუსს ინსპექტორმა, რა დაცინვითაც ვოლტერმა გადახედა ერთ პოლიციელ აკადემიკოსს, რომელმაც უთხრა, - ეს რითმა იხმარეთო.

ტლანქი ხელები უცბად ჩაიყო დიდრონ ჯიბეებში და ორი პატარა დამბაჩა ამოიღო, თითისტოლას რომ ეძახიან. მარიუსს მისცა ორივე და აჩქარებით, სხარტად დაუმატა დარიგებას:

- ინებეთ! ახლა შინ წადით, დაიმალოთ თქვენს ოთახში. დარწმუნებული იყვნენ, რომ შინ არა ხართ. გატენილია ორივე, ორ-ორი ტყვიით. თვალს არ მოაშორებთ, - პატარა სარკმელიაო, წელან რომ მითხარით. მეგობრები მოუვლენ თქვენს მეზობელს. ნუ აჩქარდებით. დაიჭირონ ის ბერიკაცი, დატკბნენ თავიანთ ავკაცობით. ოღონდ როცა ნახავთ, რომ განსაცდელშია ის უბედური და დაილუპება, თუ არ ვუშველეთ, დამბაჩას გაისვრით. ნუ აჩქარდებით, უკიდურესობამდე რომ მივა საქმე, მხოლოდ მაშინ. დანარჩენი - მე ვიცი. ისვრით ჭერში, ჰაერში, საითაც გინდოდეთ. ოღონდ ადრე არ მოგივიდეთ! ყური უკდეთ, თავიანთი განზრახვის ასრულებას რომ შეუდგნენ. თქვენ, როგორც ვეჭილმა, კარგად უნდა იცოდეთ, რომ არ უნდა ავჩქარდეთ, თუ გვინდა თვით მახის დამგებნი გავაბათ მახეში.

ჩამოართვა მარიუსმა დამბაჩები და ჯიბეში ჩაიღო.

- კუზივით არის გამოშვებული, - შენიშნა ინსპექტორმა, - უბის ჯიბეებში ჩაიდეთ, თორემ ჩანს.

- ახლა კი, - განავრძო ინსპექტორმა, - წამიც აღარ უნდა დავკარგოთ, თორემ შევრცხვებით. რომელი საათია? სამის ნახევარი? შვიდი საათისთვის არის დანიშნული?

- არა, ექვსისთვის.

- დრო მაქვს, - თქვა ინსპექტორმა, - მაგრამ ძლივს სამყოფი. არაფერი დავგავიწყდეთ, რაც გითხარით. თავის დროზე გაისროლეთ და მერე მე ვიცი.

- მაგისი ნუ გეშინიათ, არ ავჩქარდები.

მარიუსი რომ გამოეთხოვა და კართან მივიდა, ინსპექტორმა დაუძახა:

- მართლა, თუ იქამდე კიდევ დაგჭირდით რამეში, მოდით ან გამომიგზავნეთ ვინმე, ინსპექტორი უაფერი იკითხონ.

თავი მეთხუთმეტე

იარალს იძენს უონდრეტი

ცოტა ხნის შემდეგ, სამი საათი იქნებოდა, კურფეირაკი და ბოსუე მიდიოდნენ შემთხვევით მუტუარის ქუჩაზე. ძალიან თოვდა. ბოსუე თავისებურად ხუმრობდა:

- ისე თოვს, თითქოს ზეცას ჭარი მოსდებოდეს და დედაბუდიანად ამოენწყვიტოს სანყალი თეთრი პეპლები.

და უცბად მარიუსი დაინახა, დაღვრემილი, ჩაფეჭრებული.

- შეხედე! ავერ მარიუსი!

- მეც დავინახე, - უთხრა კურფეირაკმა, - მაგრამ, მოდი, თვალი ავარილოთ.

- რათა?

- ალბათ ანუხებს რამე.

- რა უნდა აწუხებდეს?
- ვერ ხედავ, როგორი დაღვრემილია?
- მერე რა?
- ვილაყას მისდევს, ეტყობა, აგრე დაღვრემა იმან იყის, ვინც მისდევს ხოლმე.
- შეიძლება.
- შენ მის თვალებს შეხედე.
- მერე ვის უნდა მისდევდეს?
- ლამაზ გოგოს, ტურთა ყვავილს. ვერ ხედავ, რომ გაგიჟებულია სიყვარულით.
- კარგი, მაგრამ აქ ვერც ლამაზ გოგოს ვხედავ და ვერც ტურთა ყვავილს ამ ყინვაში. აქ ქალის კაბაც არსად მოჩანს.

თვალი გააყოლა მარიუსს კურთვერთაჲსა და წამოიძახა:

- ვილაყ კაცს მისდევს!

მართლა ვილაყ კაცს მისდევდა მარიუსი, ჭალარა წვერიანს, თავზე ქუდრამოფხატულს.

ახალთახალი პალტო ეცვა, მეტად დიდი და განიერი და ძველი, დაფხრეწილი შარვალი, ტალახით გაშავებული.

სიცილი წასკდა ბოსუეს:

- ვინ უნდა იყოს ის კაცი? ნეტავ ვის მისდევს?

- ისა? პოეტი გახლავთ. პოეტები სიამოვნებით იცვამენ გლახის შარვალს კურდღლის ტყავისას და არისტოკრატიულ პალტოს.

- ერთი ვნახოთ, სად მიეხეტება მარიუსი! ან სად ჯანდაბას მიდის შენი პოეტი? მოდი, გაყვავთ.

- ბოსუე, - შეჰყვირა კურთვერთაჲსა, - მოელო არწივო! საკვირველი უმეცრება გჭირთ! როგორ შეიძლება მისდიოთ კაცს, რომელიც სხვას უთვალთვალეს?

და თავის გზას გაუდგინა.

მარიუსს უონდრეტი დაენახა მეფტარის ქუჩაზე და შორიახლო მისდევდა, რომ ენახა, რას აპირებდა.

უონდრეტი კი გვემას საზრავდა და რას წარმოიდგენდა, რომ მსტოვარი მისდევდა უკან.

მეფტარის ქუჩიდან გრაცხოზის ქუჩაზე ჩაუხვია და იქ ერთ სამინელ ქოხში შევიდა. თხუთმეტ წუთამდე დარჩა იმ სახლში, მერე ისევ მეფტარის ქუჩაზე გავიდა. პერ-ლონბარის ქუჩის კუთხეში ერთი მალაზია იყო იმ დროს, რკინეულობისა, და იქ შევიდა. ცოტა ხნის შემდეგ ისევ გამოჩნდა ქუჩაში, ხელში დიდი სატეხი ეჭირა რკინისა, თეთრი ხის ტარიანი, და პალტოში ჩაიღო. პტი-ჟანტილის ქუჩიდან მარცხნივ შეუხვია, გავიდა პტი-ბანკიეს ქუჩაზე. უკვე ბინდდებოდა. ისევ თოვდა. მარიუსი მიეფარა პტი-ბანკიეს ქუჩის კუთხეს. ქუჩაში, როგორც ყოველთვის, ადამიანი არსად ჩანდა. იქიდან კი აღარ მიჰყვა უონდრეტს და ძალიან კარგი, რომ აღარ მიჰყვა; სწორედ იმ დაბალ კედლამდე მივიდა უონდრეტი, სადაც მარიუსმა წვერიანისა და ბანჯველიანის ლაპარაკს მოჰკრა ყური, მიიხედ-მოიხედა, ხომ არაფერ მხედავსო. და როცა დარწმუნდა, არაფერ მისდევდა, ისკუპა და ღობეს გადაეფლო.

დიდი მინა იყო შემოღობილი ამ დაბალი კედლით: შორს, უკან, ამ მინის მგობლად ერთი ეტლების გამჭირავებლის ეზო იყო; ავი კაცის სახელი ჰქონდა

გავარდნილი. გაკოტრებულიყო, მაგრამ ფარდელის ქვეშ, ეზოში კიდევ ჰქონდა ძველი, დამტვრეული ეტლები.

მოისაზრა მარიუსმა, რომ ემუქობინებოდა, შინ მისულიყო, სანამ ჟონდრეტი გარეთ იყო. ექვსი საათიც მალე შესრულდებოდა. ბებერი ბუგონი, ყოველ საღამოს, სახლიდან რომ გავიძლოდა, კარს დაკეტავდა. მარიუსმა თავისი ვასალები პოლიციის ინსპექტორს მისცა და, მაშასადამე, უნდა საჩქაროდ მისულიყო შინ, ვიდრე ბუგონი სახლში ეგულებოდა.

ბინდდებოდა, ბნელდებოდა. ცის სივრცეში, სადამდეც კი მისწვდებოდა თვალი, მზის სხივით გაშუქებული დისკოს გარდა აღარაფერი ჩანდა. ეს იყო მთვარე, ის სალპეტრიერის შენობის უკან ნითლად ამოსულიყო.

ჩქარი ნაბიჯით მივიდა სახლთან, კარი ღია დახვდა. ფეხის თითებზე აიარა კიბე. ფეხაკრეფით, ჩუმად გადაჭრა ტალანი და თავის ოთახში შევიდა. ტალანის ორივე მხარეს ოთახები გამწვრივებულიყო, მაგრამ არც ერთი არ იყო იმ დროს გაქირავებული. ბებერი ბუგონი ამ ცარიელი ოთახების კარებს ყოველთვის ღიად სტოვებდა. და ერთი ოთახის კართან რომ გაიარა მარიუსმა, ბნელში ოთხი კაცი დაინახა, უძრავად მდგომნი. არ გაჩერებულა, რადგან არ უნდოდა, დაენახათ. ჩუმად, შეუმჩნევლად შევიდა თავის ოთახში. ცოტა ხნის შემდეგ ბებერი ბუგონის ხმა შემოესმა, უკვე მიდიოდა და სახლის კარიც ჩაკეტა.

თავი მეთექვსმეტე

ინგლისური სიმღერა 1832 წლის მოღურ მოტივზე

თავის სანოლზე ჩამოჭდა მარიუსი. ექვსის ნახევარი იქნებოდა. ნახევარი საათილა ამორებდა იმას, რაც აქ უნდა მომხდარიყო. ისე ჩანსმოდა საკუთარი გულის ცემა, როგორც ღამით საათის ტაკატუკი. იჭდა და ფიქრობდა, როგორ მოვიდოდნენ და როგორ შეხვდებოდნენ ერთმანეთს ამ ბნელში მიმალული ბოროტები და მთავრობა. არ ეშინოდა, მაგრამ თრთოლა აიტანდა ხოლმე, როგორც კი წარმოიდგენდა, რა საშინელების უნებლიე მონაწილე გახადა შემთხვევამ. კაცს რომ ასეთი მოულოდნელი რამ დაატყდებოდა თავს, ის ვეღარც კი მიხვდება, ცხადია ეს თუ სიზმარი. სწორედ ამ მდგომარეობაში იყო მარიუსიც, - სიზმარავით ეჩვენებოდა მთელი დღე და წამდაუნუმ ხელს წაავლებდა ხოლმე ჯიბეში დამბაჩას, რომ ამ სიზმრისთვის თავი დაეღწია.

აღარ თოვდა. უფრო და უფრო სუბონიდა ღრუბელს მთვარე და სინათლეს ჰფენდა ქვეყანას.

ჟონდრეტის ოთახშიც აენტოთ ცეცხლი, პატარა სარკმლიდან ალისფრად გამოდიოდა სინათლე და სისხლისფრად ეჩვენებოდა მარიუსს.

ცხადი იყო, ამგვარ სინათლეს ვერ გამოიღებდა სანთელი, მაგრამ არც მოძრაობა ისმოდა იქიდან, არც ლაპარაკი, არც სუნთქვა. მიჩუმებულიყო იქაურობა, გაყინული, მიმკვდარებული, და პატარა სინათლე რომ არ ყოფილიყო, აკლდამად ეჩვენებოდა ეს ოთახი.

ფრთხილად გაიხადა მარიუსმა ფეხსაცმელი და ტახტის ქვეშ შეაწყო.

რამდენიმე წუთი გავიდა, ქუჩიდან შემოსასვლელი კარის ხმა მოესმა, ვიდაც ამოვიდა მძიმე ნაბიჯით კიბეზე, გაიარა ტალანი, ჟონდრეტის ოთახის კარი გააღო. ეს ჟონდრეტი იყო.

მაშინვე გაისმა ხმაური. შინ ყოფილიყო მთელი ოჯახი, მაგრამ უფროსის მოსვლამდე ხმაგაკმენდილი ისხდნენ ყველანი, როგორც მგლის ლეკვები მამალი მგლის ლოდინში.

- მე ვარ, მე!

- ოჰ, მამიკოს გაუმარჯოს! - აწრიაინდნენ ქალები.

- ჰა, რას იტყვი? - ჰკითხა ცოლმა.

- რიგზეა ყველაფერი, ისე, როგორც მე მინდოდა, მაგრამ ფეხზე მცივა, ისე მცივა...

ოჰ, კარვად მორთულხარ! ძალიან კარგი, ისე უნდა ეჩვენო, რომ მისი ნღობა გამოიწვიო.

- მზად ვარ. თუნდაც ახლავე წავალ, - უთხრა ცოლმა.

- ხომ არაფერი დაგავინცდება, რაც დაგარიგე, ფრთხილად იქნები?

- ფიქრი ნუ გაქვს.

- ვაი თუ!.. - დაიწყო უონდრეტმა და აღარ დაასრულა.

მარიუსმა გაიგონა, რომ რაღაც მძიმე დადო მაგიდაზე, ალბათ სატეხი იქნებოდა, წელან რომ იყიდა.

- მართლა! ჭამეთ რამე, თუ მშიერები ხართ?

- ჰო! სამი ცალი კარტოფილი მქონდა, დიდრონები. ცოტა მარილიც მოვავროვე და შევწვი, ამ ცეცხლით ვისარგებლე.

- დღეს ეგა და ხვალ კი სადილად სხვაგან წავიყვანთ. კაი შემწვარი იხვი და სხვანი და სხვანი გექნებათ. ისე შეექცით სადილს, როგორც მეფე შარლ X. ერთი ეს ღამეც გავიჭირვოთ.

მერე ჩუმი ხმით თქვა:

- სათაგური ღია არის, კატებიც აქ არიან.

და უფრო ჩუმად სთხოვა:

- ცეცხლში შედე ეს.

ნაკვერცხლის შრიალი მოესმა მარიუსს, ალბათ მძიმე რამ ჩადეს ცეცხლში რკინისა და ზედაც ცეცხლი წაუკიდეს.

- ზეთი წასცხე თუ არა კარის კოჭებს, რომ არ იჭრიალონ?

- ჰო, - დაამშვიდა ცოლმა.

- რომელი საათი უნდა იყოს?

- ექვსი სრულდება. კარვა ხანია, ექვსის ნახევარი დაჰკრა სენ-მედარმა.

- ერიჰა! მამ დროა წავიდნენ გოგონები სადარაჯოდ. თქვენ ეი! მოლით აქ! აბა ყური

დამიგდეთ!

ჩურჩულიდა ისმოდა.

მერე ისევ უონდრეტის ხმა გაისმა:

- ბურგონი წავიდა?

- წავიდა, წავიდა.

- დარწმუნებული ხარ, რომ არავინ არის სახლში?

- მგობელი დღეს მთელი დღე შინ არ შემოსულა და, ეგვეც არ იყოს, ახლა სადილის საჭმელად არის წასული.

- დანამდვილებით იცი?

- ვიცი, როგორ არ ვიცი!

- მაინც ზედმეტი არ იქნება, რომ შევიდეთ და დავრწმუნდეთ, რომ შინ არ არის.

- ნაიღე სანთელი, გოგო, და შედი, ნახე.
დაიჩოქა მარიუსმა და ტახტის ქვეშ შეძვრა.
ის იყო შეძვრა და სანთლის სინათლე შემოიჭრა კარის ჭუჭრუტანიდან.

- მამა, შინ არ არის, სადილად იქნება წასული.
- ოთახში შეხვედი? - გამოჰყვირა მამამ.
- რა საჭიროა? რაკი გასაღები აქ არის, მამ შინ არ ყოფილა.

მამამ შეუტია:

- მაინც შედი და ნახე!

კარი გააღო უფროსმა გოგომ, შევიდა ოთახში, ხელში შანდალი ეჭირა ანთებული სანთლით. იგივე იყო, რაც ამ დღეს, ოღონდ უფრო საზარელი ამ სინათლეზე.

პირდაპირ ტახტისკენ წავიდა. ძლივს სუნთქავდა მარიუსი, მაგრამ ტახტთან სარკე ეკიდა კედელზე, და გოგოც ამ სარკეს შესცქეროდა. ფეხის თითებზე შედგა და სარკეში ჩაიხედა. მერე ოთახიდან რკინის ზრიალი ისმოდა.

ხელის გული თმაზე გადაისვა გოგომ და გაისწორა, შესცინა თავის სახეს და სიმღერა დაიწყო ხრინწიანი, სამარისებრი ხმით:

ო, ერთი კვირის ერთგულება დიდი რამეა! -
შეიდ დღეს, თუ რვა დღეს გიზგიზებდა ცეცხლი ციური!
ნეტავ კი იყოს სიყვარული მარადიული!

ნეტავ კი იყოს სიყვარული მარადიული!

მაგრამ დრო ქვეყნად ნეტარების განა დიდია?

დღენი, ო, დღენი სიყვარულის, ფრენით მიდიან!

მარიუსი თრთოდა, - შეუძლებელია ჩემი სუნთქვა არ ესმოდესო.

თმა გაისწორა გოგომ, მერე ფანჯარასთან მივიდა, გარეთ გაიხედა და შემოილივით წამოიძახა:

- რა ულამაზოა პარიზი, თეთრ პერანგს რომ ჩაიცვამს!

მერე ისევ სარკესთან მივიდა, შესცინა თავის სახეს, დაეღრია, ხან პირდაპირ სინჯავდა თავის მშვენიერებას, ხან გვერდიდან.

- რა ღმერთი გაგნყრა, გოგო, აღარ გამოხვალ? - შეუძახა მამამ.

- ტახტის ქვეშ ვეძებ, არსად დამემალოს, - უპასუხა თმის სწორებით გოგომ, - არა, შინ არ არის.

- დოყლაპია! გამოეთრიე მანდედან! დროს ნუ მაკარგვინებ!

- მოვდივარ, მოვდივარ! სუნთქვასაც არ გაცლიან ამ ქოხმახში!

და ისევ სიმღერა განაგრძო.

მარტო დამტოვეთ, აირჩიეთ თქვენ გზა სვიანი,

მაგრამ მე ყველგან თქვენთანა ვარ გულნაღვლიანი...

ერთხელ კიდევ ჩაიხედა სარკეში, გავიდა და კარი გაიხურა.

ცოტა ხნის შემდეგ მარიუსს ფეხის ხმა მოესმა ტალანიდან, შიშველი ფეხის ხმა ორივე ქალისა, რომლებიც სადარაჯოდ მიდიოდნენ, შემდეგ მამის ბრძანება:

- ფრთხილად იყავით. ერთი სადარაჯოს მხარეს დადგეს, მეორე პტი-ბანკიეს ქუჩის მხარეს. თვალი არ მოაშორეთ სახლში შემოსასვლელ კარს, გეყურებათ? ერთ წამს არ მოაშორეთ თვალი და, თუ დაინახეთ რამე საშიში, მაშინვე აქ გაჩნდით! მაშინვე! ჩიტვით ამოფრინდით კიბეზე! გასაღები ჭიბეში გიდევთ.

ბუზღუნნი დაიწყო უფროსმა:

- ფეხშიშველი როგორ ვიდგე ამ თოვლში?

- ხვალ ატლასის ფეხსაცმელი გეცნებათ, წითელ-წითელი.

წავიდნენ გოგოები. კიბე ჩაიარეს, ქუჩაში გავიდნენ, კარი გაიკეტეს.

ალარავინ იყო სახლში გარდა მარიუსის, ჟონდრეტის, მისი ცოლისა და კიდევ იმ ოთხი კაცისა, რომლებიც ერთ ცარიელ ოთახში დაინახა მარიუსმა საიდუმლოდ მიკუნჭულები.

თავი მეჩვიდმეტე

მარიუსის ხუთი ფრანკი

უკვე დრო იყო, სარკმელთან ამძვრალიყო და თვალი გადაეგლო მეორე ოთახისთვის. სიჭაბუკის სისწრაფით, თვალის დახამხამებაში გამოიჭრა საზვერავთან.

გადახედა იქაურობას.

უცნაური იერი მიეღო ჟონდრეტის ოთახს, მხოლოდ ახლა მიხვდა მარიუსი, საიდან შემოდის ის სინათლე, წელან რომ შეამჩნია. სანთელი ენთო ოთახში ერთ დაუანგულ შანდალში, მაგრამ ეს სანთელი არ ანათებდა. ბუხარში შეედგათ მაყალი გავარვარებული ნახშირით სავსე, და ისეთი სინათლე და სიციხე გამოდიოდა იქიდან, რომ ცალი მხარე დასდნობოდა სანთელს და წვეთ-წვეთად იღვენთებოდა შანდალზე. მაყალი იმ დილას მოამზადა დედაკაცმა. მაყალიც კი განითლებულიყო სიმხურვალისგან. ცეცხლს ჰატარა ალი ასდიოდა და გაჩაღებულ ნახშირში მოჩანდა დიდი რკინის სატეხი, ჟონდრეტმა რომ იყიდა ახლახან. კართან, კუნჭულში დამტვრეული რკინა ეყარა, და იქით თოკები, ყოველი შემთხვევისთვის მომზადებული. ისე იყო მონყობილი ეს ყველაფერი, რომ თვალი ახვია, ვინც არ იცოდა ამ სახის მზადების მიზანი და თვალბედიტად ეჩვენებოდა, ან უბრალო დაუდევრობად. ამგვარად განათებული სხვენი სამჭედლოს უფრო ჰგავდა, ვიდრე ჯოჯოხეთის შესასვლელს, მაგრამ თვით ჟონდრეტი ამ სინათლეში უფრო ქაჯს მოგავგონებდათ და არა მჭედელს.

ბუხრის თავზე ერთი ძველი სპილენძის დახშული ფარანი იდო, რომელიც ძალიან შეეფერებოდა კარტუშად გადაქცეულ დიოგენსს.

ბუხარშიც ენთო ცეცხლი, მაგრამ მაყალიც შიგ შეედგათ, რომ მისი კვამლიც საკვამურში ასულიყო.

ფანჯარაში მთვარის შუქი შემოდის და მკრთალ სხივს სცემდა ალისფრად ანითლებულ ოთახს. პოეტური ბუნების კაცი იყო მარიუსი და აქაც კი, ამ საბედისწერო გარემოცვაშიც ციურ მაღლად ეჩვენა ეს სხივი, ქვეყნის ბოროტების აღმომფხვრელად მოვლენილი.

გატეხილი ფანჯრიდან ჰაერი შემოდის და ამცირებდა ნახშირის სუნს და თავისი მოძრაობით ნისლივით ჰფარავდა მაყალს.

ჟონდრეტის ოთახი (მკითხველს ესმოება გორბოს სახლის მდებარეობა) საგანგებოდ იყო ამორჩეული, რომ სრულიად შეუმჩნევლად აესრულებინა ადამიანს რაიმე სასტიკი, ბნელი განზრახვა. სახლი განცალკევებულად იდგა, ქუჩა მიყრუებული იყო. ოთახი ცარიელი სახლის გრძელი ტალანის ბოლოს. თითქოს თვით სახლი ჩააგონებდა მდგმურს, - ასე გამოიყენო.

ქუჩიდან უონდრეტის ოთახამდე მთელი სახლი უნდა გამოეფლო კაცს, იმდენი ცარიელი ოთახით, და თუ ფანჯარას იტყვით, ფანჯარა ეზოში გადიოდა, დიდ, გაშლილ, ცარიელ ეზოში.

უონდრეტს ჩიბუხი ჩაედო პირში, ჩამომყდარიყო ჩალაჩახეულ სკამზე და აბოლებდა. ცოლი რაღაცას ელაპარაკებოდა ჩუმი ხმით.

მარიუსი რომ კურფეირაკი ყოფილიყო, ესე იგი ერთი იმათგანი, რომლებიც სულ იყინიან, რაც უნდა შეამთხვიოს განგებამ, ისეთივე სიცილი წასკვებოდა, ქაღალტონი უონდრეტი რომ დაენახა:

შავი ქუდი დაეხურა იმგვარი ბუმბულებით დამშვენებული, როგორც შარლ X-ის მეფედ კურთხევის დღეს ჰქონდათ მის გზირებს, დიდი ჭრელი შალი წამოესხა, და კაცის მაშიები ჩაეცვა, სწორედ ის მაშიები, რომელთაც ისე სწუნობდა მისი ქალი, - ჭყაპაჭყუპი გაუღისო, - ეს მორთულობა იყო, ისე რომ მოეწონა მის ქმარს და ათქმევინა შემდეგი სიტყვა:

- ოჰო, კარგად მორთულხარ! ძალიან კარგი. ისე უნდა ეჩვენო, რომ ნღობა გამოიწვიო.

თვითონ უონდრეტს კი ისევ ის ახალი, განიერი პალტო ეცვა, ლებლანმა რომ აჩუქა, და ძველი, დაფხრეწილი ტყავის შარვალი, რაც, კურფეირაკის აზრით, პოეტის იდეალს შეადგენდა.

რაღაც მოისაზრა უონდრეტმა და ხმამაღლა წარმოთქვა:

- კიდევ კარგი, მომაგონდა! იმისთანა ავი დარია, რომ ეტლით მოვა უთუოდ. სანათი ანთე, ჩადი და კართან დაელოდე. როგორც კი გაჩერდება ეტლი, მაშინვე კარი გაუღე, გაუსწორდი მეეტლეს და გაისტუმრე.

- მერე რით გაუსწორდე? - შეეკითხა ცოლი.

ჯიბიდან ხუთფრანკიანი ვერცხლი ამოიღო უონდრეტმა და ცოლს მისცა.

- ეს რაღაა, რა ვქნა?

- ეს კიდევ ჩვენმა მეზობელმა შემოგვანია ამ დილას.

მერე მიიხედ-მოიხედა ოთახში და დაუმატა:

- რა ვითხრა, იცი? ძალიან კარგი იქნება, რომ ერთი-ორი სკამი კიდევ გექონდეს.

- რად გვინდა?

- აი, აქ დაუდგამდით.

- წავალ და მეზობლის ოთახიდან გამოვიტან.

შეურუოლდა მარიუსი. ცუდად იყო საქმე, ველარც ჩამოხტომას მოასწრებდა, ველარც დამალვას.

ის-ის იყო კარი გააღო დედაკაცმა, უნდა გამოსულიყო, რომ ქმარმა დაუძახა:

- სანთელი წაიღე, ადამიანო!

- ათი ხელი ხომ არა მაქვს, რომ ორი სკამიც გამოვიტანო, შანდალიც მეჭიროს?

აგერ კარს მოადგა, შემოაღო კარი. კედელზე მიკრული დარჩა მარიუსი, შეშინებული და გულის ძაბვით ელოდა, დამინახავსო და სუნთქვას ველარ ბედავდა.

შემოვიდა დედაკაცი, აიტაცა ორი სკამი. სხვა ვერაფერი დაინახა. გავიდა, კარი გაიხურა.

შევიდა თავის ოთახში.

- ესეც შენი ორი სკამი!

- ესეც სანათი! - მიუგო ქმარმა, - აბა, გასწი! საცაა მოვა.

აილო სანათი და საჩქაროდ გავარდა. მარტო დარჩა ჟონდრეტი.

სკამები აქეთ-იქით მიუდგა მაგიდას, სატეხი გადააბრუნა მაყალში, ბუხარს რალაც ფიცარი ააფარა, რომ მაყალი დაემალა. მერე კუთხეში თოკთან მივიდა, დაილუნა და სინჯვა დაუნყო. მხოლოდ მაშინ დაინახა მარიუსმა, რომ მშვენიერი თოკის კიბე ჰქონდა ჟონდრეტს. ხის საფეხურებით და ორი მაგარი კავით, ჩამოსაკიდებლად კიბე ყოფილიყო, ყოველი შემთხვევისთვის მომზადებული, და მას კი ძველი თოკი ეგონა.

არც ეს კიბე იყო იმ დილას ოთახში, არც მსხვილი რკინა, კარს უკან რომ ეგლო. ალბათ მაშინ მოიტანა ჟონდრეტმა, როდესაც შინ არ იყო მარიუსი.

ზეინკლის ხელსაწყოდ ეჩვენა მარიუსს.

ცოტა რამ გამოცდილება რომ ჰქონოდა ან რკინეულის ცნობა შესძლებოდა, ნახავდა, რომ აქ ზეინკლის ხელსაწყო კი არაა, ქურდების იარაღი იყო მოგროვილი, დაკეტილი კარის გასაღებად, კლიტის გასაჭრელად, ფანჯრის შუშის ამოსაღებად, მთელი მარაგი ქურდების ხელსაწყოებისა.

ბუხარი და მაგიდა ორი სკამით სწორედ მარიუსის პირდაპირ იყო. მაყალი დაეფარათ, ოთახს მხოლოდ სანთელიღა ანათებდა. რაც უნდა პატარა საგანი დებულყო მაგიდაზე, მაინც დიდ ჩრდილს ისროდა და პირმოტეხილი სურის ჩრდილი აბნელებდა კედლის ნახევარს. უცნაური სიმშვიდე იყო ამ ოთახში, საშინელი და აებედითი, სიმშვიდე თავგანწირული ბრძოლის მოლოდინისა.

ჩიბუხი პირში გაერტო ჟონდრეტს, - უტყუარი ნიშანი, რომ შეურევბელი იყო და სხვა აღარაფერი ახსოვდა. მივიდა, სკამზე დაჯდა და სანთელთან უფრო კარგად გამოჩნდა მისი საშინელი სახე; წარბს ჭმუხნიდა, ხანდახან იქნევდა გაშლილ მარჯვენა ხელს, თითქოს ეპასუხებდა თავისი გულის ბოროტ მონოლოგს. ამ ფარულ სჯაში რომ იყო, გამოსწია მაგიდის უჭრა, ამოიღო გრძელი სამზარეულოს დანა, ფრჩხილით გაუსინჯა ფხა, ხომ კარგად არის გალესილიო, - და ისევ უჭრაში ჩამალა.

მარიუსმაც თავის მხრივ მარჯვენა ჯიბიდან დამბაჩა ამოიღო და ჩახმახი შეაყენა.

ჩახმახის შეყენებაზე პატარა ტკაცანი გაისმა.

სუნთქვა შეეკრა მარიუსს. ცოტა ხანს სმენად გადაიქცა ჟონდრეტი. მერე გაცივნა და თქვა:

- რა სულელი ვარ! ფიცარი გასკდებოდა სადმე ამ სიცხეში.

მარიუსს ხელში შერჩა სასროლად გამზადებული დამბაჩა.

თავი მეთვრამეტე

პირისპირ აწყვია მარიუსის სკამები

ამ დროს შორიდან ზარის მელანქოლიურმა ხმამ შეარხია ფანჯრის შუშები. ექვსი საათი დაჰკრა სენ-მედარმა.

დაჰკრავდა ზარი საათს და ჟონდრეტიც თავს აიქნევდა. მეექვსემ რომ დაჰკრა, სანთელს ნაშწვი მოაცილა თითებით.

მერე სიარული დაიწყო ოთახში, ყური მიუგდო კართან ტალანს, გაიარა, კიდევ გაჩერდა, ყური მიუგდო.

- ნეტავ, მალე მოვიდეს, - წამოიძახა ნატვრით და ისევ სკამზე დაჯდა.

კარი შემოაღეს.

ჟონდრეტის ცოლი იყო, თვითონ ტალანში იდგა და საზარლად, მისი ფიქრით თავაზიანად უდიმოდა ლებლანს.

- მობრძანდით, ბატონო.

- მობრძანდით, ჩემო კეთილისმყოფელო, - დაიძახა ჟონდრეტმა, წამოხტა და წინ მიეგება.

გამოჩნდა ბ. ლებლანი.

სათაყვანებელი იყო მოხუცებული თავისი სიმშვიდით.

მივიდა, მაგიდაზე ოთხი ოქრო დადო, ოთხმოცი ფრანკი და უთხრა:

- ბატონო ფაბანტუ, ეს თქვენი სახლის ქირის და სხვა საჭიროებისთვის. ჯერ ეს იყოს და მერე კიდევ ვნახოთ.

- ღმერთმა მოგიზღოთ სამაგიერო, ჩემო გულუხვო მფარველო, - მიუგო ჟონდრეტმა. მივარდა ცოლს და უბრძანა:

- ეტლი გაისტუმრე!

ის მაშინვე ქუჩის კარისკენ გაეშურა, ქმარი კი მადლობას უხდიდა ბ. ლებლანს, თავს უკრავდა და სკამს სთავაზობდა.

ცოტა ხნის შემდეგ დაბრუნდა ცოლი და უთხრა:

- წავიდა.

ისე ღრმად იყო ქუჩა დათოვლილი, რომ არც მოსვლა შემოესმა ეტლისა, არც წასვლა.

ლებლანი დაჯდა.

ჟონდრეტი მეორე სკამზე ჩამოჯდა, მის პირდაპირ.

და ახლა, რათა უკეთ გაითვალისწინოს მკითხველმა მომდევნო სცენა, წარმოიდგინოს საშინელი ცინვიანი ღამე: სალპეტრიერის უდაბნო, დათოვლილი მიდამოები, რომლებიც ისე მოჩანდა მთვარის შუქზე, როგორც უზარმაზარი სუდარები. აქა-იქ, შორიშორს ქუჩაზე მიმაგრებული სანთლები, ოდნავ, მის სიახლოვეს რომ ანათებდნენ გზას: გრძელი, მიყრუებული ქუჩა, ორივე მხრიდან დიდრონი თელის ტოტებით დაბურული, ქუჩაში არავინ, არსად გამვლელი, გორბოს განმარტოებული სახლი, მიყრუებული, მიბნელებული და ამ სახლში ფართო ოთახი ჟონდრეტისა, ერთი სანთლით განათებული; შიგ ორი კაცი ერთმანეთის პირისპირ სკამებზე, მშვიდი და უშფოთველი ლებლანი და საზარელი, თუმცა მოლიმარი ჟონდრეტი. იქვე, კუნჭულში მიმაღული ჟონდრეტის ცოლი, ძე მველი, და ძვიდის იქით იმათთვის უხილავე მარიუსი, რომელიც კედელს აჰკვრია, ყურს უგდებს, რომ ერთი სიტყვაც არ გამოეპაროს, თვალს ადევნებს ყოველ მათ მოძრაობას და ხელში გატენილი დამბაჩა უჭირავს შეყენებული ჩახმახით.

ზიზღის მეტს აღარას გრძნობდა მარიუსი, - აღარავითარ შიშს. ხელში დამბაჩა ეჭირა და დამშვიდებული იყო, - როცა მინდა, მაშინ შევაჩერებ ამ არამზადსა.

იყოდა, იქვე ახლოს პოლიცია უნდა ყოფილიყო სადმე ჩასაფრებული, და შეპირებულ ნიშანს ელოდა, რომ საქმეში ჩარეულიყო.

იმედი ჰქონდა აგრეთვე, რომ ბ. ლებლანისა და ჟონდრეტის შეხვედრა შეიძლებოდა ოდნავ მაინც დახმარებოდა და მისთვის გაეადვილებინა გულითადი წადილის მიღწევა.

თავი მეცხრამეტე

ერიდეთ ბნელ ჯურღმულებს

დასდნენ. თვალი გადაავლო ბ. ლებლანმა ცარიელ სანოლებს და იკითხა:

- როგორ არის თქვენი პატარა ქალი? ხელი როგორ აქვს?

- ვერ არის კარგად, - უპასუხა ჟონდრეტმა მწუხარე მადლობის ღიმილით, - ძალიან ცუდად გახლავთ, ჩემო ღირსეულო ბატონო. უფროსმა დამ სამკურნალოში წაიყვანა ხელის შესახვევად. ნახავთ, მალე დაბრუნდებიან.

- ქალბატონი ფაბანტუც, მგონი, უკეთ ბრძანდება, - განაგრძო ბ. ლებლანმა და თვალი გადაავლო ქალის უცნაურ მორთულობას, კართან იდგა ქალბატონი, თითქოს სდარაჯობს იქაურობასო, და სიძულვილით, თითქმის მუქარით უყურებდა მოხუცებულ კაცს.

- ლამის მოკვდეს უბედური, - უპასუხა ჟონდრეტმა, - მაგრამ რას იზამთ, ბატონო? საქმე აქვს და ფეხზეა, გული არ უძლებს ლოვინში. დედაკაცი კი არაა, ხარია!

ძალიან მოეწონა ცოლს ქმრის ქათინაური. დაიპრანჭა, დაიღმიჭა შექცეული ურჩხულის სახით და დაუძახა:

- სულ ხომ ჩემს ქებაში არ იქნები, ბატონო ჟონდრეტ!

- ჟონდრეტო? - იუცხოვა ბ. ლებლანმა, - მე კი ფაბანტუ მეგონეთ.

- ბათვანტუ იგივე ჟონდრეტი, - უპასუხა სისწრაფით ჟონდრეტმა, - მეტსახელი გახლავთ მსახიობისა.

მკაცრად გადახედა ცოლს, მხრები აიჩჩა, ისე რომ, ბ. ლებლანმა ვერ დაინახა, და მადლობით სახსე კილოთი განაგრძო.

- ძალიან ტკბილად, სიყვარულით გვატარეთ ჩვენი ცხოვრება მე და ჩემმა მეუღლემ. ან რაღა იქნებოდა ჩვენი სიცოცხლე, ეგეც რომ არა გვექონოდა? რომ იყოდეთ, რა უბედურები ვართ, ჩემო პატივცემულო ბატონო. მკლავი უვარგა კაცს, და საქმე კი ვერსად უშოვია! გული უვარგა, და ლამის შიმშილით მოკვდეს, საქმე ვერსად უშოვია! არ ვიცი, როგორ აქვს მოგვარებული ეს საქმე მთავრობას; მაგრამ პატიოსან სიტყვას გაძღვეთ, ბატონო, მე არც იაკობინელთა თანამგრძნობი ვარ, არც მთავრობის წინააღმდეგი; არ მინდა, ავი ვაკადრო რამე, მაგრამ მერწმუნეთ, მე რომ მინისტრი ვიყო, სულ სხვაფრივ წავიყვანდი საქმეს. აბა! წარმოიდგინეთ, ისე გაგვიჭირდა ცხოვრება, რომ გადავწყვიტე, - ხელობას ვასწავლი-მეთქი ჩემს ქალებს; - მინდოდა ქარხანაში შემეყვანა, რომ კოლოფების დამზადება ესწავლათ. ვიცი გაიკვირებთ, აღფრთოვანებით: - როგორ? ხელობაო? - დიახ, ბატონო, ხელობა, სულ უბრალო ხელობა, რომ ლუკმაპურის შოვნა შეეძლოთ. მაგრამ რა დაქვეითება არის, ჩემო კეთილისმყოფელო! რა დამცირება იმ უბედურისა, რომელიც სახელოვანი მსახიობი იყო ერთ დროს! ვაი, რომ აღარაფერი შეგვრჩენია დიდებისა და ბედნიერებისა! აღარაფერი, ერთი დიდებული სურათის გარდა, რომელიც გაგიჟებით მიყვარს, მაგრამ იძულებული ვარ, გავყილო, რომ შიმშილით არ ამომეხოცოს ცოლ-შვილი. რას იზამთ, ბატონო? პური გვშია, პური!

ასე მოთქვამდა ჟონდრეტი, საგნიდან საგანზე გადადიოდა. თითქოს არც კი უკავშირებდა ერთმანეთს. მაგრამ მის სახეს ჭკვიანი და შორსმჭვრეტელი გამომეტყველება არ შორდებოდა. და მანამ ის თავისას ჩიოდა, მარიუსმა ჟონდრეტის ოთახის ბოლოში ვიღაც კაცი შენიშნა, რომელიც აქამდე იქ არ იყო. ისე ჩუმად შემოეღო კარი და ისე ფრთხილად შემოსულიყო, რომ ვერც დაინახეს, ვერც გაიგეს

მისი შემოსვლა, ისევე როგორც უილფრედი ედვარდსი, გეორგი, გაცვეთილი, ჭეჭყიანი, დახეული და დარღვეული, განიერი შარვალი; წაღების მაგივრად ფლოსტები, პერანგი არ ეცვა. ტიტველი კისერი უჩანდა. ჩუმად შემოსულიყო, ჩუმად იჭდა სანოლზე, გულხელდაკრეფილი, და აღარც კი ჩანდა, რადგან ჟონდრეტის ზორბა ცოლის უკან მოკუნტულიყო.

რალაყ ალლო აქვს ადამიანს, რომელიც წასჩურჩულებს, - გითვალთვალევენო. ამ ალლომ გააფრთხილა ლებლანი. მიიხედა, სწორედ იმ დროს, როდესაც ჟონდრეტმაც გადახედა მეგობარს და გაკვირვება დაეტყო სახეზე.

ესეც კარგად შენიშნა ჟონდრეტმა და დაიძახა:

- აჰ! თქვენ პალტოსა სინჯავთ, განა? - წამოდგა, დიღები შეიკრა, - უნდა მოგახსენოთ, ძალიან კარგად მომადგა, ძალიან კარგად.

- ვინ არის ეს კაცი? - ჰკითხა ბ. ლებლანმა.

- ისა? მეზობელია ჩემი. ყურადღებას ნუ მიაქცევთ.

უცნაური სანახავი იყო ეს მეზობელი. მაგრამ სენმარსოს უბანში მრავალი ქარხანაა ქიმიური ნაწარმის დასამუშავებლად და შეიძლება ქარხნის მუშას ბევრს ჰქონდეს რაიმე ფერით გასერილი სახე. არავითარი ეჭვი არ ჰქონდა ბ, ლებლანს, უხინჯო ნდობითა და უშიშრობით ესაუბრებოდა ჟონდრეტს; გადახედა მეზობელს და მასპინძელს მიმართა:

- უკაცრავად, რას ბრძანებდით, ბატონო ფაბანტუ?

- დიახ, იმას მოგახსენებდით, ჩემო მფარველო ბატონო, - დაიწყო ჟონდრეტმა, ორივე იდაყვით დაეყრდნო მაგიდას და შხამიანი გველის თვალით დააშტერდა ლებლანს, - ერთი ძვირფასი სურათილა შემჩრა და იძულებული ვარ, ისიც გასაყიდად გავიმეტო.

ოდნავ გაისმა კარის ხმა. ახლა მეორე შემოვიდა და ტახტზე ჩამოჯდა. ჟონდრეტის ცოლის უკან. მასაც, როგორც პირველს, შიშველი მკლავები ჰქონდა და მეღნითა და ჭვარტლით გაშავებული პირისახე.

თუმცა ეს კაცი შემოსრიალდა ოთახში ამ სიტყვის ნამდვილი მნიშვნელობით, მაინც დაინახა ბ. ლებლანმა.

- მეზობლები ვახლავან, ბატონო, სულ ამ სახლის მდგმურები. იმას მოგახსენებდით, სურათი მაქვს-მეთქი. აი, ბატონო, ნახეთ.

წამოდგა, მივიდა კედელთან, აიღო ზედ მიყუდებული ჩარჩო, მოაბრუნა და ისევ კედელს მიაყუდა. რალაყ იყო, სურათსა ჰგავდა, მაგრამ სანთლის სინათლე იქამდე ვერ აღწევდა და ბუნდოვნად მოჩანდა. მარიუსმა ვერაფერი გაარჩია იმ სურათისა, რადგან წინ ჟონდრეტი უდგა, მაგრამ ის კი დაინახა, რომ უხეირო ნათობინი იყო და წინა მხარეზე ჭყეტელა ფერებით დახატული ფიგურა მოგაგონებდათ თეჯირის ნახატებს, ან ბაზარში ოინბაზების ფარდულეებში ბრბოს მისაზიდავად გამოთენილ სურათს.

- ეს არის თქვენი სურათი? - ჰკითხა გაკვირვებით ბ. ლებლანმა. ჟონდრეტი თავისას არ იშლიდა.

- დიდებული ხელოვანის ნახატია, ბატონო, დიდად ძვირფასი. ისე მიყვარს, როგორც ჩემი შვილები, ჩემი ბენდიერი წარსულის სახსოვარი ამის მეტი აღარაფერი მაქვს, მაგრამ რა ვქნა? აუი მოგახსენეთ, მიჭირს და იძულებული ვარ, ესეც გავიმეტო და გავყილო.

შემთხვევით იყო თუ უკვე აღძრული ეჭვით, სურათსა სინჯავდა ბ. ლებლანი, მაგრამ არც ოთახის უკანა მხარეს ტოვებდა უყურადღებოდ. უკვე ოთხი კაცი მოგროვილიყო დედაკაცის უკან. სამი სანოლზე ჩამომჭადარიყო, მეოთხე კარის ჩარჩოს მიჰყუდებოდა. სამივეს ტიტველი მკლავები ჰქონდა, და პირისახე შავად შეფერილი. ერთი ამ სამთაგანი, სანოლზე რომ იჯდა, კედელს მიჰყუდებოდა, თვალები დაეხუჭა და ისე იყო, თითქოს სძინავსო. ბებერი კაცი იყო მძინარი. საშინელი სანახავი იყო მისი გრძელი, ჭალარა თმა, შავად შეფერილ სახეზე დაშვებული. ორნი კი ყმანვილებს ჰგავდნენ. ერთი წვერიანი იყო, მეორე ბანჯველიანი. წაღები არ ეცვა არც ერთს; ზოგი ფეხშიშველი იყო, ზოგი - ფლოსტებიანი.

შენიშნა ჟონდრეტმა, რომ მათ უყურებდა ბ. ლებლანი და უთხრა: - ჩემი მეგობრები გახლავან, ჩემი მეგობრები. ასე შავად არიან, რადგან სულ ნახშირში მუშაობენ. იყვნენ, ბატონო, რას განუხებენ? სხვის ხელში რომ ჩავარდეს, ძალიან დამენანება ეს სურათი. იქნებ თქვენ იყიდოთ, ჩემო მხსნელო? იქნებ შემიბრალოთ და შემენიოთ? ძვირად კი არ მოგცემდით.

- რამდენად დააფასებთ ამ ხელოვნების სურათს?

დააცქერდა ბ. ლებლანი ჟონდრეტს, რადგან უკვე გრძნობდა, რომ სახითათოს ჰგავდა საქმე, და სიფრთხილე იყო საჭირო. მერე გადაჭრით უთხრა:

- ეგ ხელოვნების ნიმუში კი არა, ღუქნის კარსაკიდია. სამი ფრანკია მაგის ფასი.

ძალიან ტკბილად უპასუხა ჟონდრეტმა:

- თქვენი უბის ქნა აქა გაქვთ? ათას ფრანკად დაგიტომბდით!..

წამოდგა ბ. ლებლანი, კედელს მიეყრდნო, თვალი გადაავლო ოთახს. მარცხნივ ჟონდრეტი უდგა, ფანჯრისკენ, მარჯვნივ ჟონდრეტის ცოლი და ოთხი გამურული კაცი, კარისკენ. ჩუმად იყვნენ მეგობრები, უძრავად, თითქოს ვერაფერს ხედავენო. ჟონდრეტმა კი ისევ მოთქმა დაიწყო და ისეთი საცოდავი კილო მისცა თავის სიტყვას, იმისთანა მტირალა, რომ შეიძლებოდა მართლა სანყალ, გაჭირვებულ კაცად სჩვენებოდა ლებლანს და სიღარიბით ჭკუაზე მშულოილად. - თუ თქვენ არ შეიძინეთ ჩემი სურათი და არ დამიხსენით ამ გაჭირვებისგან, იმგვარი უკიდურესი უბედურება მომელის, რომ ვეღარ გავუძლებ და წყალში გადავვარდები. მინდოდა, ჩემი ქალებისთვის კოლოფების გაკეთება მესწავლებინა, რომ სავანგებო საჩუქრების მისართმევი კოლოფები ეკეთებინათ. ჰოდა, იცით რამდენი ხარჯი დასჭირდება კოლოფების კეთებას? ერთი კარგა დიდი მაგიდა, ფიცრებით შემოფარგლული, რომ ძირს არ ჩამოუცვივდეთ მუშები; სავანგებოდ ამ საქმისთვის შემოღებული ღუმელი; სამგანყოფილებიანი ქილა სხვადასხვა სიმაგრის წებოს შესანახად, რადგან თხელფირფიტა ფიცარს სხვა წებო უნდა, მუყაოს სხვა და ქალაღდს სხვა; ახლა ფართალი ბრძანეთ, მუყაოს საჭრელი მანქანა, ყალიბი, კალმები და კიდევ მრავალი ოხრობა! აბა, რა ვიცი, რომელი ჩამოვითვალოთ? ამდენი ხარჯი უნდა გამენია და რისთვის? იმისთვის, ბატონო, რომ ჩემს ქალს დღეში ოთხი სუ მიეღო ხელფასად! თოთხმეტი საათის შრომამი გასამრჯელოდ ოთხი სუ! ცამეტჯერ გაივლის ერთი მუშის ხელში ყველა კოლოფი! ღმერთი არ გაუწყრეს მუშას და ქალაღდი არ გააჭუჭყიანოს! არაფერი გასვაროს! წებოც ყოველთვის თბილი ჰქონდეს! და ვინ იცის, კიდევ რამდენი რამ! და დღეში ოთხი სუ! როგორ იცხოვროს კაცმა?

ამას ამბობდა ჟონდრეტი, და თვალს არიდებდა ბ. ლებლანს. ის კი თვალს აღარ ამორებდა ამ ტკბილად მოლაპარაკეს. ლებლანი ჟონდრეტს შესცქეროდა და

ჟონდრეტი - კარს. გაფაციცებით უყურებდა მარიუსი ხან ერთს, ხან მეორეს. ბ. ლებლანს ეტყობოდა ეჭვი შეჰპარვოდა, - გიჟი ხომ არ არის ეს უბედურიო! ჟონდრეტი კი არ იზლიდა და საცოდავი კილოთი, ხვეწნითა და ვედრებით გაიძახოდა:

- სხვა გზა აღარა მაქვს! თუ არ შემენიეთ, წყალში გადავვარდები! ამას წინათ, კინალამ წყალში ჩავვარდი აუსტერლიცის ხიდიდან!

და უცბად გაუბრწყინდა ჩამქრალი თვალი. წამოიწია ამ პატარა კაცმა და შესაშინებელი გახდა. ერთი ნაბიჯით მიიწია ბ. ლებლანისკენ და მქუხარე ხმით შეჰყვირა:

- მაგას თავი დავანებოთ! მიცანით თუ არა?!

თავი მეოცე
მახეში

უცებ შემოაღეს კარი და სამი ლურჯხალათიანი კაცი გამოჩნდა კარში: სახეზე შავი ქალღელის ნიღბები ევეთათ. პირველი ჩამომხმარი კაცი იყო და ხელში ერთი გრძელი კეტი ეჭირა, შერკინული; მეორე ბუმბერაზის ტანისა იყო და ხელში ყსაბის ცული ეჭირა, რომლითაც, ერთი რომ დაეკრა, ხარს გაანთხევინებდა სულს; მესამე ჭმუხი, უფრო ჩასუქებული ჩანდა, ვიდრე პირველი, ნაკლებად ახოვანი, ვიდრე მეორე და ხელში უშველღებელი გასაღები ეჭირა, ალბათ სადმე საპატიმროს მეკარისგან მოპარული.

ეტყობოდა, ამ კაცების მოსვლასლა ელოდა ჟონდრეტი. დაინახა თუ არა, მაშინვე კეტიანს მივარდა, ჩამომხმარს და კითხვა დაუნყო:

- ჰა, მზად ვართ?
- ყველაფრით.
- მონპარნასი სადღა არის?
- შენს ქალს ესაუბრება პირველი ტრფიალი.
- რომელს?
- უფროსს.
- ეტლი არის?
- არის.
- ცხენები შებმულია?
- ჰო.
- ორი კარგი ცხენი?
- საუკეთესო.
- სწორედ იქ გველის, სადაც მე დავუნიშნე?
- სწორედ იქ.
- ძალიან კარგი, - თქვა ჟონდრეტმა.

ფერი ეცვალა ლებლანს. იდგა და ათვალიერებდა ამ ოთახს, რადგან ხედავდა, რომ მახეში გააბეს; აკვირდებოდა იმ კაცებს, რიგრიგობით ყველას, რომლებიც გარს შემოხვეოდნენ, აჩერდებოდა გაკვირვებული, მრისხანე თვალით, მაგრამ შიშისა კი არაფერი ეტყობოდა. მაგიდის უკან იდგა, მაგიდა საფრად გამოადგებოდა, და საკვირველი ცვლილება ემჩნეოდა: გულჩვილი მოხუცებული უცბად ბუმბერაზად გარდაქმნილიყო და მძლავრი ხელით ეჭირა სკამის ზურგი.

ისე მაგრად და მამაცად დაუხვდა ამ განსაცდელს, რომ ეტყობოდა იმ კაცთაგანი უნდა ყოფილიყო, რომელთაც ბუნებრივად აქვთ დაყოლილი დიდი გულადობაც და დიდი გულკეთილობაც. თუ ქალი გიყვარს, არც მისი მამა უნდა იყოს შენტვის უცხო. და მარიუსი აღტაცებული იყო უცნობის ვაჟკაცობით.

ტიტველმკლავება საში კაცი, მენახშირეებად რომ დაასახელა ჟონდრეტმა, დაგროვილ ძველ რკინეულთან მივიდა; ერთმა ლითონის საჭრელი დიდი მაკრატელი ამოაძვრინა ნამტკრვევებიდან, მეორემ მარწუხი, მესამემ ჩაქუჩი და კართან აიტუზნენ. ხმას არ იღებდნენ. ბებერი კი ისევ სანოლზე დარჩა, ოღონდ თვალგახელილი. ჟონდრეტის ცოლიც გვერდზე ეჯდა.

მარიუსს ეგონა, რამდენიმე წამის შემდეგ საჭირო იქნება ჩემი ჩარევაც და ზევით აიშვინა მარჯვენა ხელი, ტალანისკენ, რომ იქით გაესროლა დამბახა.

ჟონდრეტი, საუბარს რომ მორჩა კეთიან კაცთან, ახლა ბ. ლებლანისკენ მიბრუნდა და გაუმეორა კითხვა, ოღონდ სიტყვას დამცინავი, საშინელი სიცილიც დაუმატა:

- მამ, ვერ მიცანით, ვერა?

თვალი გაუსწორა ლებლანმა და უპასუხა:

- ვერა.

მაგიდასთან მივიდა ჟონდრეტი, ზედ გადანვა, გულხელი დაიკრიფა და ლებლანის დამშვიდებულ პირისახესთან მიიტანა მხეცური დინგი. მის საშინელ სახეს არ მოერიდა ლებლანი. მხეცს ჰგავდა ჟონდრეტი, რომელიც საცაა კბილებს ჩაუყრის ნადავლს, და შეჰყვია:

- მე თაბანტუ არა ვარ, არც ჟონდრეტი ვარ! ტენარდიე ვარ, მონფერმეილში დუქანი რომ მქონდა. ტენარდიე ვარ! არც ახლა მიცნობთ?

შემქმნველად სინითლემ გაურბინა შუბლზე ლებლანს. ისევ ისე მშვიდად უპასუხა, წყნარად, ხმის აუმაღლებლად.

- მე თქვენ არ გიცნობთ.

ეს სიტყვა კი ვეღარ გაიგონა მარიუსმა. რომ დაენახა ვინმეს ამწამს, შემკრთალს დანახავდა იმ ბნელ ოთახში, გაბრუებულს, თითქოს მეხი დავცაო. ჟონდრეტმა რომ დაიძახა, - ტენარდიე ვარო, - თავით ფეხებამდე თრთოლა მოერია მარიუსს და კედელს მიეყრდნო, თითქოს ბასრი ხმალი ჩაჰკრეს შიგ გულში და თავს ვეღარ იმაგრებსო. მარჯვენა ხელი გასასროლად გამზადებული დამბახით ძირს დაეშვა ნელ-ნელა და ჟონდრეტმა რომ მეორედ თქვა, - მე ტენარდიე ვარ, - კინაღამ იარაღი გაუვარდა ძალამიხდილ ხელიდან.

ჟონდრეტმა რომ ფარდა ახადა თავის ვინაობას, არავითარი შთაბეჭდილება არ მოახდინა ლებლანზე, და მთლად გადაივინა მარიუსი. ამ სახელს, ტენარდიეს, ლებლანი უარყოფდა - არ ვიცნობო, - მარიუსი კი კარგად იცნობდა. დაე, მკითხველმა გაისვენოს, რა იყო მისთვის ეს სახელი! გულში ჰქონდა მამის ანდერძი, ეს სახელიც შიგ იყო მოხსენებული. მას ინახავდა მარიუსი გულის სიღრმეში, თავის მესხიერებაში, როგორც წმინდა აღთქმას: „ერთმა ათისთავმა, ტენარდიემ, გადამარჩინა სიკვდილს. თუ ჩემი შვილი შეხვდა სადმე, დაეხმარება, რამდენადაც კი შეეძლება“. სათაყვანოდ მიაჩნდა ეს სახელი მამის სახელთან ერთად. როგორ? მამ აქ იყო ტენარდიე? აქ იყო ეს მონფერმეილელი მიკიტანი, რომელსაც ისე დაჟინებით, მაგრამ ამაოდ დაეძებდა? აგერ იპოვა, მაგრამ როგორ? მამ, ყაჩაღი ყოფილა მამამისის მხსნელი? მამ, განხორციელებული ბოროტება ყოფილა ეს კაცი, რომლისთვისაც სიცოცხლეს

გასწირავდა მარიუსი. პოლკოვნიკ პონმერსის მხსნელს სამინელი ავკაცობა მოეწყო, რომლის დასასრული ჯერ ბნელი იყო მარიუსისთვის, მაგრამ უკვე ცხადი! კაცის მოკვლასაც კი არ იუკადრისებდა ეს ავაზაკი. მერე ვის უპირებდა ავკაცობას? რა უბედურებაა! რა მწარედ დასცინის დღეს ბედისწერა! განსვენებული მამა უბრძანებს საფლავიდან, - დახმარება გაუწიე ამ კაცს, რამდენადაც კი შეგეძლებაო. ოთხი წელიწადია, გულზე აწევს მარიუსს ეს გადაუხდელი ვალი თავისი მამისა. და სწორედ იმ დროს, როდესაც პოლიციისთვის უნდა მიეცა ქურდი, ყაჩაღი, იქნებ კაცის მკვლელიც, სიცილი მოესმა ბედისა და ძახილი: ეგ ტენარდიეა! - კაცმა სიკვდილს გადაარჩინა მისი მამა, ვატერლოოს გმირულ ბრძოლაში, სადაც სეტყვასავით ეცემოდა ყუმბარები, და ავერ უნდოდა, სიკეთე გადაეხადა ამ კაცისთვის, ოღონდ ეშაფოტიო! აღთქმა ჰქონდა დადებული, თუ იპოვიდა სადმე იმ ტენარდიეს, მაშინვე ფეხქვეშ ჩაუვარდებოდა; და ავერ იპოვა. მაგრამ იპოვა იმისთვის, რომ ჯალათს მისცეს დასასჯელად! მამა უბრძანებდა, - დაეხმარე ტენარდიესო, - და ამ ბრძანებას, წმინდა ანდერძს მიცვალებულისას, ის ტენარდიეს განირვით ასრულებს? როგორ? ამ კაცს, რომელმაც საკუთარი სიცოცხლე არ დაზოგა და სიკვდილს გამოსტაცა მამამისი, სენჟაკის მოედანზე დასჯიან და მერე ვისი წყალობით? იმ სიკვდილიდან გადარჩენილი შვილისა, რომელსაც მამამ ანდერძად დაუტოვა ამ კაცის დახმარება? დაცინვა არ არის? ამდენი ხანი გულში ჰქონდა თავისი მამის, მისივე ხელით დაწერილი ანდერძი, და ნუთუ დღეს სულ სანინალმდეგო უნდა ჩაიდინოს?.. მაგრამ მეორე მხრივ, როგორ შეიძლება, ამ ხაფანგს ხედავდეს კაცი, და არ გატეხოს? როგორ შეიძლება მოსაკლავად შეტყუებული განიროს და მახის დამგები კაცისმკვლელი კი გადაარჩინოს? ნუთუ შეიძლება მადლიერებას გრძნობდეს კაცი ამისთანა ყაჩაღისადმი? აერია და ჩაეშალა მარიუსს ოთხი წლის ფიქრი. ძრწოდა კაცი. მასზე იყო დამოკიდებული ყველაფერი, ხელში ჰქონდა ამ ადამიანთა სიკვდილ-სიცოცხლე, რომლებიც კაცის მოკვლას აპირებდნენ სწორედ მის თვალწინ. დამბაჩა რომ გაესროლა, ლებლანი გადარჩებოდა, მაგრამ ტენარდიე დაიღუპებოდა. რომ არ გაესროლა? ლებლანს დაღუპავდა და, ვინ იცის, ტენარდიე, შეიძლება, გადარჩენილიყო კიდევაც. ერთი დაღუპოს თუ მეორე? ქენჯნა სინდისისა და სინანული ასეც და ისეც! რა ქნას? რა აირჩიოს? როგორ უღალატოს მამის ანდერძს, თავის აღთქმას, - არ ვუღალატებ მამაჩემის ბრძანებასა. თავის მოვალეობას? ეს უშვერი ბოროტება? ცხადად ესმოდა თავისი „ურსულას“ ვედრება, - არ დამღუპო, უშველე მამაჩემსო! - და მეორე მხრივ თვალწინ ედგა მამის ანდერძი, - ტენარდიეს დაეხმარეო! გრძნობდა, გიჟდებოდა, მუხლი ეკეცებოდა, დროც კი აღარ ჰქონდა, ჩაფიქრებოდა რამეს, რადგან სამინელი სისწრაფით იშლებოდა მის თვალწინ სურათი. ქარიშხალი ამოვარდნილიყო, რომელიც სადღაც მიაქანებდა, თუმცა თვითონ აპირებდა მის დამორჩილებას. იყო წუთი, რომ ეგონა გრძნობას კარგავდა და ეცემოდა ძირს.

ტენარდიე - ამიერიდან ისევ თავისი ნამდვილი სახელით ვახსენოთ ჩვენი მიკიტანი, - ტენარდიე კი გიჟივით დაიარებოდა ოთახში, გამარჯვებით გახარებული.

აიტაცა შანდალი და ისე დაახალა ბუხრის თავზე, რომ კინაღამ ჩაქრა სანთელი. დამდნარი ქონის წვეთები კედელს შეესხა.

მერე ლებლანისკენ მიბრუნდა და საზარელი ხმით მიახალა:

- გაგაბით?! გაგბოჭეთ?! ახლა როგორ განრუნუნებთ?!

და ისევ გიჟივით სიარული დაიწყო.

- ოჰ, ძლივს არ გიპოვეთ, ბატონო ფილანტროპო! ბატონო გაქცეული მილიონერო! ბავშვებისთვის დედოფლების დამრიგებლო! ბებერო ყყყიო! მამ, ვერ მიცნობთ, ვერა? ან როგორ უნდა მიცნოთ? აბა, თქვენ ხომ არ იყავით, რომ მობრძანდით მონფერმეილში, ჩემს ღუქანში, ამ რვა წლის წინათ, 1823 წელს, შობა ღამეს, აბა, რას იკადრებდით?! ცხადია, თქვენ არ წაიყვანეთ ჩემი სახლიდან ფანტინის ბავშვი? ტოროლა? აბა, თქვენ ხომ არ იკადრებდით ყვითელ სერთუკს? ხელში როგორ დაიჭერდით პატარა ბოხჩას, ბავშვის ტანისამოსით, როგორც დღეს დილას, ჩემთან რომ მობრძანდით? გეყურება, დედაკაცო, ალბათ ამ ბოხჩაზე არის გადარეული ეს უბედური! საცა მივა, პატარა ბოხჩით უნდა მიიტანოს გადასაყრელი წინდები! მენინდე ხომ არა ბრძანდებით, ბატონო მილიონერო? თქვენი ღუქნის ნაშთ საქონელს ხომ არ ურიგებთ საწყალ ხალხს, წმინდა ადამიანო? ეს ტაკიმასხარა, ესა! მამ, ვერა მცნობთ? მე კი მაშინვე გიცანით! მაშინვე, როგორც შემოჰყავით აქ თქვენი ღინგი! ჰოდა, მე გასწავლით ჭკუას! მე დაგანახვებთ, რომ მაისის ვარდის კრეფა არ არის აგრე სხვის სახლში შესვლა, - რადგან ღუქანიაო, - ღარიბ-ღატაკის ტანისამოსით, საწყალი მათხოვრის დაღრეჯილი სახით, რომ უფრო ადვილად მოატყუოთ ადამიანი; გულკეთილად ეჩვენოთ კაცს, ცხოვრების სახსარი გამოჰგლიჯოთ ხელიდან და თქვენვე ემუქრებოდეთ ტყეში! იქნებ გვონიათ, რომ ამ საბნებით და ამ განიერი პალტოთი გადამიხდიდით, რაც ნამართვით? ბავშვების ქერდი!..

გაჩერდა, ისე იყო პატარა ხანს, თითქოს თავს ელაპარაკებო. რომ გენახათ, იტყოდით, - ამის ბრაზიც სადაც ჩადის, როგორც რონის წყალიო, - და როცა დაასრულა, - ჩემად უთხრა თავის თავს, რაც სათქმელი ჰქონდა, მალა ნამოიყვირა უკანასკნელი სიტყვა:

- თავისი გულუბრყვილო სახით!

და ისევ ბ. ლებლანს მიმართა:

- როგორ არ ვთქვა? ცინულზე გამაცურეთ ამას წინათ, მასხრად ამიგდეთ! თქვენა ხართ მიზეზი ყველა ჩემი უბედურებისა! ათას ხუთას ფრანკად გამომიცნვლეთ გოგო, რომელიც მდიდრებისა უნდა ყოფილიყო, რადგან დიდი ფული შემძინა და კიდევ დიდ ფულს შემძენდა. უზრუნველყოფილი ვიქნებოდი მეც და ჩემი ცოლ-შვილიც. დაუშრეტელი წყარო მექნებოდა ცხოვრებისა. ის გოგო ამინაზლაურებდა, რაც მე იქ ფული ჩავყარე, იმ ოხერ ღუქანში, სადაც სმისა და ქეთის მეტი არაფერი იყო, და სადაც ისე სულელურად შევჭამე, რაც რამ მებადა. ოჰ, შხამად შეერგოთ, რაც იქ ღვინო დალივს ჩემმა დამღუპველებმა! ეგ, რაც იყო, იყო! რამდენს დამცინებდით, ტოროლა რომ წაიყვანეთ! კარგი ვეტი გეჭირათ ტყეში. თქვენ უფრო ღონიერი იყავით, უფრო შეიარაღებული. ჰოდა, გავსწორდეთ! დღეს მე უფრო ღონიერი ვარ, მე ვარ მოგებული! ახლა მე ვიცი! ახლა მიყურეთ თქვენ, როგორ მოვიფხან გულს! როგორ ამოვიყრი ჯავრს! არა, როგორ არ გავიციონო, რომ ასე კარვად გავაბი მახეში! იცით, რა საკენკი დავუყარე? მსახიობი ვარ, ფაბანტე მქვია, ქალბატონ მარსთან ვთამაშობდი კომედიას-მეთქი, სახლის პატრონს ხვალ, 4 თებერვალს, უნდა გადავუხადო ქირა, და ისიც კი ვერ მოიაზრა, რომ ვადა 8 იანვარს მქონდა, და არა 4 თებერვალს. აკენკა, რაც დავუყარე ამ ყყყიმა! დიდი რამ ჰგონია თავისი ოთხი ოქრო! იმდენი მოსაზრებაც კი არა აქვს, რომ ასი ფრანკი მაინც მოეტანა! უნდა გენახათ,

როგორ მიგდებდა ყერს! მე კი ვროშავდი, რაც ენის წვერზე მომადგებოდა! რა სიამოვნებით მიცინოდა გული! ვგრძნობდი, რომ ღილით ხელზე ვკოცნიდი და საღამოს გულს გაუუხეთქავდი!

გაჩუმდა, ძლივსლა სუნთქავდა, სულს ველარ იბრუნებდა მისი პატარა, ვიწრო გული. თვალი საესე ჰქონდა იმ უკეთურ ნეტარებით, რომელიც ახასიათებს ქმნილებას სუსტს, გულქვას და ლაჩარს, როდესაც ვერაგობით ხელთ იგდებს და ძირს დასცემს იმას, ვისიც ჯავრი სჭირდა და ვისიც ეშინოდა; ძირს დასცემს და ფეხით სცემს, ვისაც ცბიერად ხელს ულოკავდა; ნეტარება ჯუჯაკაცისა, რომელიც ქუსლს ჩაჰკრავს თავში გოლიათს; ნეტარება ტურისა, რომელიც ხელთ იგდებს მომაკვდავ ხარს, იმდენად მომაკვდავს, რომ აღარ ძალუძს მისი მოგერიება, და იმდენად ცოცხალს, რომ გრძნობდეს ტკივილსა და შეურაცხყოფას.

ბ. ლებლანი სიტყვას არ აწყვეტივებდა, მაგრამ გაჩუმებული რომ ნახა, უთხრა მშვიდი ხმით:

- არ ვიცი, რას მემდურები, ვერ გამიგია. ცდებით, მე ის არა ვარ, ვინც გგონივართ. ერთი საწყალი კაცი ვარ და არა მილიონერი. მე თქვენ არ გიცნობთ. სხვას მამსგავსებთ ვინმეს, გარწმუნებთ.

- რაო? - შეჰყვირა ტენარდიემ, - არუც ახლა იშლით მაგ სიცრუეს? ვის ატყუებთ, ვის? ვის უხვევთ თვალებს? მამ, აღარ გაგონდებით? მამ, ვერ ხედავთ ვინა ვარ?

- უკაცრაჲად, ბატონო, - უპასუხა ლებლანმა ისეთი ზრდილობიანი კილოთი, რომელიც იმ დროს შთამაგონებლად გაისმა: - უკაცრაჲად, ბატონო, მე ვხედავ, რომ ავაზაკი ხართ.

რაც უნდა საზიზღარი იყოს კაცი, მაინც აქვს თავმოყვარეობა; ურჩხულიც რომ იყოს, მაინც თავილობს ბევრ რამეს. ავაზაკიო, - რომ გაიგონა ტენარდიეს ცოლმა, გაათრებით წამოხტა საწოლიდან. ტენარდიემ ხელი სტაცა სკამს, თითქოს დამტვრევას უპირებსო:

- ჰა, შენ არ გაინძრე! - შეჰყვირა ცოლს, და მერე ლებლანს მიუბრუნდა:

- ავაზაკიო! დიახ, ვიცი, რომ ეს სახელი დაგვარქვით საწყალ ხალხს თქვენ, მდიდრებმა. ჰოდა, რა? მართალია! გავკოტრდი კაცი და ვიმაღლები! ლუკმაპური არა მაქვს, პურის ფული არა მაქვს, და ცხადია, ავაზაკი ვყოფილვარ! სამი დღეა პური არ მიჭამია, მამ რა ვარ, თუ ავაზაკი არა ვარ? თქვენ კი ფეხებს ითბობთ არხეინად, მშვენიერი ფეხსაცმელი გაცვიათ, თბილი სარჩულიანი ტანისამოსი, თითქოს ესპისკოპოსები ბრძანდებოდეთ; მეორე სართულზე დგახართ ყოველთვის, იმისთანა დიდებულ სახლში, რომ შვეიცარი ჰყავდეთ უთუოდ; ქამასოკოს მიერთმევთ, სატაცურს, შუა ზამთარში რომ ორმოცი ფრანკი მისცეთ თითო კონაში და მწვანე მუხუდოს; უძღებდა ჭამთ და სვამთ და სხვა არაფერი გაგონდებათ! თქვენ ხომ არც კი იცით, რა არის სიცხე? თუ მოგეპრიანებათ გაიგოთ, ხომ არ ცივაო, მაშინვე გაზეთს გადაშლით და ნახავთ, რას აღნიშნავს ინჟინერ შევალიეს თერმომეტრი. ჩვენ კი ჩვენვე ვართ ჩვენვე თერმომეტრი! ჩვენთვის საჭირო არ არის ქუჩაში გასვლა და საათის კოშკის კუნჭულში თერმომეტრის სინჯვა, რომ გავიგოთ, რამდენი გრადუსია ცინვისა; უიმისოდაც კარგად ვხედავთ და ვგრძნობთ, რომ გაფიჩხებულნი ვართ ცინვით, სისხლი გვიშრება და გული გვიჩერდება. შიმშილით ვიტანჯებით, სიცივით ვიხოყებით და ვიძახით, - ღმერთი რომ იყოს, ხომ არც ამდენი უსამართლობა იქნებოდაო! თქვენ კი მოდიხართ ჩვენს ორმოებში, ჩვენს სოროებში და ავაზაკები

ხართო, - გვიძახით. მაგრამ ამოდენა აღმართს დაღმართიც ექნება! - ჩვენ შეგვჭამთ, ბატონო, ჩვენ გადავკლავავთ! ჩვენ ჩაგაკნატუნებთ და ჩაგახრამუნებთ, თქვე სანკლებო, თქვენა! ეს იცოდეთ ჩემგან, ბატონო მილიონერო! მეც კაცი ვიყავი, ქუდი მეხურა, ჩემი საქმე მქონდა, მოქალაქის უფლებები მქონდა. მე მდიდარი ვარ, გვეყურებთ? და თქვენ კი, მგონია, სულაც არაფერი ხართ.

კართან რომ კაცები იდგნენ, იმათკენ წავიდა და დაუმატა აკანკალებული ხმით:

- ხედავთ, რას მიხედავს? ისე მელაპარაკება, თითქოს ვიგინდარა ვიყო!

მაგრამ მაშინვე ლებლანს მიუბრუნდა და უფრო გაშმაგებით მიმართა:

- ისიც იცოდეთ, ბატონო ფილანტროპო, რომ საეჭვო ადამიანი არა ვარ, რომ არავინ იცოდეს ჩემი სახელი და გვარი! არც ისეთი კაცი ვარ, რომ სხვის სახლში მივიღე და ბავშვი გავიტყუო! მე ჭარისკაცი ვარ საფრანგეთისა, და დაჯილდოებულიც უნდა ვყოფილიყავი! მეც მონაწილეობა მივიღე ვატერლოოს ბრძოლაში და ერთი გენერალი გადავარჩინე სიკვდილს, გრაფი იყო, სახელი აღარ მახსოვს; მითხრა კიდევ თავისი გვარი, მაგრამ ისე მისუსტებოდა ხმა, რომ მერის-ს მეტი ვეღარაფერი გავიგონე. გვარი მიჯობდა მის მადლობას, მაგრამ რაღას ვიზამდი? მოვძებნიდი, ვიპოვიდი სადმე. აი, ამ სურათს ხედავთ? სახელოვანმა დავიდმა დამიხატა ბრუსელში. იყით ვინ არის მანდ დახატული? მე ვარ, მე, გამოსახული! დავიდმა მოისურვა და უკვდავყო ჩემი თავგანწირვა. ზურგზე მყავს წამოკიდებული დაჭრილი გენერალი და ბრძოლის ველიდან გამყავს. ბუზივით ირევა თოფის ტყვია და ზარბაზნის ყუმბარა! აი, მაგ სურათის ისტორია. იმისი არაფერი მახსოვს, იმ გენერლისა. მე მისგან არაფერი მიმიღია, ჩემთვის ისიც ის იყო, რაც ყველა სხვა! მაგრამ მაინც არ შევდრკი, სასიკვდილოდ თავი გავწირე და სამშვიდობოზე გავიყვანე. ამის დასამტკიცებელი მონშობებით ვატენილი მაქვს ჯიბეები. ვატერლოოს მონაწილე ვარ, გიმეორებთ. და ახლა კი, რაკი კეთილი ვინებე და პირში გახალეთ, რაც გულზე მანვა, ახლა კი მორჩეთ: ფული მინდა! დიდი ფული მინდა, ძალიან დიდი ფული! დიახ, ფული, თორემ, ფვიცავ ღმერთს, ცოცხალი ვერ გადამიჩრჩებთ!

მარიუსს ცოტათი მაინც დაეძლია მღელვარება, გონება მოეკრიბა და ყურს უგდებდა: გარკვეული იყო ტენარდიეს ვინაობა, შეუძლებელი იყო რაიმე ეჭვის მიტანა. ეს იყო მამის ანდერძში მოხსენიებული ტენარდიე. შიგ გულში მოხვდა მარიუსს ტენარდიეს საყვედური მამამისისადმი, მით უფრო, რომ შეიძლებოდა, თვითონაც საყვედურის ღირსი გამხდარიყო. გამბედაობა ემატებოდა ბოროტებით და იმავე დროს გულის გამგმირავ ჭეშმარიტებით იყო სავეს ტენარდიეს ყოველი სიტყვა, მისი კილო, მიმოხვრა, თვალი, რომელიც ცეცხლის ალს ატანდა ყოველ მის სიტყვას; მის ბაქიაობასა და სიბილწეში, სიამაყესა და სულმდაბლობაში, მის ცოფსა და სიბრყველში, მის საფუძვლიან საყვედურსა და ყალბ გრძნობაში, ბინძური სულის ურცხვ სიმიშვლეში გამოსჭვიადა რაღაც შემადრწუნებელი, როგორც ბოროტება და მწარე, როგორც სიმართლე.

დიდებული ხელოვანის დავიდის ნახატად დასახელებული სურათი ბ. ლებლანს რომ შესთავაზა საყიდად, - მკითხველიც მიხვდებოდა, - სულ უბრალო სურათი იყო, თვით ტენარდიეს ხელით დახატული, რომ ღუქნის კარებზე მიეკრა და ხალხი მიეზიდა. ამის მეტი აღარაფერი დარჩენოდა მონფერმეილში ვაკოტრებულ მეღუქნეს.

სურათის წინ აღარ იდგა ტენარდიე და მარიუსს შეეძლო დაეთვალიერებინა ხელოვნების ეს განძი. ეს ნათხუპნი წარმოადგენდა შემდეგს: უკანა მხარეს კვამლს

დაეფარა ყველაფერი, წინ კიდევ ერთი კაცი გამოეხატათ, რომელსაც ზურგზე აეკიდებინა დაჭრილი. ტენარდიე იყო და პონმერსი, თავგანწირული ათისტავი - სიკვდილს გადარჩენილი პოლკოვნიკი. მთვრალივით შესცქეროდა მარიუსი. ეს სურათი თვალწინ უყენებდა მამას, როგორც გაცოცხლებულს. დუქნის აბრა კი არა, მარიუსისთვის ეს იყო მიცვალებულის აღდგომა, ნახევრად გახსნილი საფლავეი და ზედ მკვდრეთით აღმდგარი მოჩვენება. გული უშაგძაგებდა, ვატერლოოს ზარბაზნის ხმა უდგა ყურში. სურათზე გამოყვანილი დასისხლიანებული გამოხატულება ამინებდა და ისე ეჩვენებოდა, თითქოს სურათზე დახატული უფორმო აჩრდილი თვალს ადარ ამორებდა მას.

ტენარდიემ რომ სული მოიბრუნა, სისხლმორეული თვალებით დაამტერდა ბ. ლებლანს და დაბალი ხმით უთხრა:

- აბა, რას იტყვი კიდევ, მანამ ანდერძს ავიგებთ?

ბ. ლებლანი დუმდა და ამ დუმილში ტალანიდან მოისმა ხრინწიანი ხმით ნასროლი სარკაზმი:

- თუ შეშა დასაპობი, მეც აქა ვარ!

მართლა ყასაბის ცული ეჭირა ამ კაცს და ოხუნჯობდა.

იმავე დროს ერთი უზარმაზარი სახე გამოჩნდა კარში, მიწისფერი, თმააბურძენილი, საზარლად ხარხარებდა. პირში კბილების მაგივრად ეშვები გამოსჩროდა.

ის იყო, ის, ცულიანი კაცი.

- რად მოიხსენი ნილაბი? - შეუტია ტენარდიემ.

- რომ გამეცინა!

რამდენიმე წამი იყო, ბ. ლებლანი ეტყობოდა თვალს ადევნებდა ტენარდიეს ყოველ მოძრაობას, რომელიც გამზავებით დაბრმავებული თავისუფლად დადიოდა ოთახში, დარწმუნებული, რომ კართან საკმაოდ დგანან მისი შეირალებული მეგობრები, და ერთი ბებერი, უირალო კაცი ვერაფერს გაბედავს მის წინააღმდეგ, მით უფრო, რომ ის ერთია და ტენარდიეს კი რვა კაცი ჰყავს დამხმარედ, თუ მისი ცოლი მხოლოდ ერთი კაცის ტოლად ჩაითვლებოდა.

ცულიან კაცს რომ შეუტია, ზურგი შეაქცია თავის ფილანთროპს.

ბ. ლებლანმაც ამით ისარგებლა, ფეხი ჰკრა სკამს; ხელი წაჰკრა მაგიდას და ერთი ნახტომით, საკვირველი სიმკვირცხლით, უფრო სწრაფად, ვიდრე ტენარდიე მობრუნდებოდა, მივარდა ფანჯარას. ფანჯრის გაღება, ზედ ახტომა და ზედ გადავლება ერთი იყო. უკვე გარეთ იყო წელქვევით კაცი, როდესაც ექვსი ღონიერი ხელი ეცა ფანჯარას, აიტაცეს იგი და ისევ ოთახში გადმოათრის. მენახშირეებად რომ დაუსახელა ბ. ლებლანს, ისინი იყვნენ ეს სამნი. ამ დროს ტენარდიეს ცოლი თამაში წედა ბ. ლებლანს.

ამ ხმაურზე სხვა ქურდებიც შემოცვივდნენ ტალანიდან. ლოგინზე რომ ბებერი იწვა და მთვრალს ჰგავდა, ადგა და ბარბაცით ჩაერია მეგობრებში. მასაც ქვის სამტერევი ჩაქუჩი ეჭირა ხელში.

ერთი კიდევ ბ. ლებლანთან მისულიყო და თავში ჩასაკრავად აენია მოკლე, ტყვიისთავიანი კეტი ფოლადის წვეტით. მას შიგ სახეში სცემდა სინათლის შუქი და, თუმცა მთლად გაშავებული ჰქონდა ცხვირ-პირი, მარიუსმა მაშინვე იცნო პანმო, მეტსახელად გაზაფხულა, ანუ ბიგრნაილი.

ველარ გაუძლო მარიუსმა ამ სურათს. - მაპატიე, მამაჩემო, - თქვა გულში და თითო დაადო დამბაჩის ჩახმახს. ის-ის იყო, გასროლას აპირებდა, რომ ტენარდიეს ხმა მოესმა:

- ხელი არ ახლოთ.

მსხვერპლის თავგანწირულმა თავის დაღწევის ცდამ სრულებითაც არ გააჯავრა ტენარდიე; პირიქით, დაამშვიდა კიდევ. ორი კაცი შეერთებულიყო მის გულში; ერთი მხეცი, მეორე - მოხერხებული. აქამდე გამარჯვებულად გრძნობდა თავს, ტკბებოდა მახეში გაბმულის სისუსტით და უღონობით; მხეცი დაჰპატრონებოდა მის გულს; მაგრამ რაკი ნახა, რომ იბრძვის კიდევ და ძალაც აქვს საბრძოლოდ, წინ წამოინია მოხერხებულმა და ჩააჩუმა მხეცი.

- ხელი არ ახლოთ! - გაიმეორა ტენარდიემ. რას წარმოიდგენდა, რომ ამ სიტყვით შეაჩერა მარიუსის ხელი და აიცილინა დამბაჩის გასროლა. ხელავდა მარიუსი, ჯერ კიდევ შეიძლებოდა მოცდა, რომ უკიდურესი წამი თვით ტენარდიემ ააცილინა თავიდან და ჯერ კიდევ შეიძლებოდა ლოდინი. ვინ იცის, კიდევ მოხდეს რამე ასევე მოულოდნელი და სულაც გამოიყვანოს ამ ცეცხლიდან: არც საყვარელი ურსულას მამა დაიღუპოს, და არც თავისი მამის მხსნელი?

სამინელი ბრძოლა ატყდა. მუშტი ჩაჰკრა ბ. ლებლანმა შიგ გულში ბებერს და მიწაზე გააგორა, მერე ორი კიდევ სხვა მიაცოლა თითო წაკვრით და ორიც ძირს წაქცეული ჰყავდა მუხლებქვეშ; ისე ქმინავდნენ წაქცეულები, თითქოს წისქვილის ქვის სიმძიმეს განიცდიდნენ; მაგრამ ოთხი კაცი კიდევ სხვა იყო, იმათ კიდევ ხელები დაუჭირეს ამ საკვირველი ძალის მქონე მოხუცს, კისერში ნაუჭირეს და ასე ეჭირათ ორ კაცზე მუხლდაყრდნობილი. ზოგი ფეხქვეშ ჰყავდა ლებლანს დამარცხებული, ზოგი ხელებს უჭერდა გამარჯვებული. ზოგს თვითონ სთელავდა, ზოგი ზემოდან აწვებოდა; მთელი ძალ-ღონით ცდილობდა, გამოერთმია როგორმე თავისი ხელი, მაგრამ ვერაფერს გახდა, ისე აწვებოდნენ ერთ კაცს ეს ავაზაკები, როგორც გარეულ ტახს მწვეარი ძაღლები და ნაგაზები.

ბოლოს აჯობეს, ლოგინზე წაქციეს და ისე ეჭირათ, ტენარდიეს ცოლს ჯერაც არ გაეშვა ხელი მისი თმისთვის.

- შენ, ეი! - შეუტია ქმარმა, - შენ ნუ ერევი! მაგ შალს დაიხვე და ის შეგრჩება!

ცოლი მყისვე დაემორჩილა, როგორც ძე მგელი ემორჩილება თავის ხვადს, ოღონდ ღმუილით.

- აბა, ბიჭებო! ერთი გაჩხრიკეთ!

ისე დანებდა ბ. ლებლანი, თითქოს გადაწყვიტა, - ვერას გავხდები, ამაო იქნება ჩემი ბრძოლაო. გაჩხრიკეს. ერთი ქისა უპოვეს, შიგ ექვსი ფრანკი იყო, და ერთი ცხვირსახოცი. სხვა არაფერი ჰქონდა.

ტენარდიემ ცხვირსახოცი ჯიბეში ჩაიღო.

- როგორ? მამ, უბის ქისა კი არა აქვს?

- არა. არც საათი.

- ეგ არაფერი! - წამოიძახა მუცლით მოზღაპრის ხმით ნილბიანმა, რომელსაც დიდი გასაღები ეჭირა ხელში, - არც ისე ადვილად დასამორჩილებელი ყოფილა ეს ბებრუკუნა!

კარისკენ წავიდა ტენარდიე, თოკი აიღო და მეგობრებს გადაუგდო:

- სანოლის ფეხზე მიაბით!

ამ დროს ოთახში განრთხმული ბებერი დაინახა, ბ. ლებლანს მუშტით რომ წაეცქია და აღარ იძროდა.

- ცოცხალია თუ მკვდარია ბულატრუელი? - ჰკითხა ტენარდიემ.

- არა, მთვრალია!

- მაშ, მაგ კუნჭულში მიაგდეთ ეგ არამზადა, - უბრძანა ტენარდიემ.

ორი კაცი მივარდა მთვრალს, წაჰკრეს ფეხი და რკინეული რომ ეყარა გროვად, იქ მიაგორეს.

- ბაბეტ, რისთვის დამახვიე ამდენი ხალხი? - ჰკითხა ჩემად ტენარდიემ კეტიან თანამზრახველს, - რა საჭირო იყო?

- რას იზამ, რომ ასე გაჭირვებულნი არიან? ყველას უნდოდა ხელის მოთბობა. ძალიან ცუდი დროა და საშოვარი აღარსად არის.

ტლანქ, საავადმყოფოში რომ დგას, იმგვარ სანოღზე, რომელსაც ოთხი, ოდნავ გარანდული სვეტი ჰქონდა, წააქციეს ბ. ლებლანი. მერე თოკი აიღეს და ისე მიაბეს ერთ-ერთ სვეტს, რომ ფეხზე იდგა. ეს სანოღი ფანჯრიდან მოშორებით იდგა, ბუხართან ახლოს.

უკანასკნელად რომ განასკვეს თოკი, სკამი აიღო ტენარდიემ და თითქმის პირდაპირ დაუჯდა ბ. ლებლანს. თავის თავს აღარ ჰგავდა ეს კაცი. მთლად გამოცვლილიყო რამდენიმე წამის განმავლობაში მისი სახის გამომეტყველება და მხეცური გამზავების მაგივრად ვერაგული სიმშვიდე ემჩნეოდა. შეჰყურებდა მარიუსი და ველარ ცნობდა კაცს: ხრიკიანი მოხელის ზრდილი ღიმილი ამშვენებდა მხეცის სახეს, რომელსაც ცოფიანი დორბლი სდიოდა რამდენიმე წუთის წინ. სულისფანცქალით დაფიქრებოდა ამ საკვირველ და საზარელ გარდაქმნას და ის შიში ერეოდა, რომელსაც განიცდის ადამიანი, ვეფხვს რომ დაინახავს გამომძიებლად ქმნილს.

- ბატონო... - მიმართა ტენარდიემ.

ხელით მოიშორა თანამზრახველნი, რომლებიც ჯერაც არ უშვებდნენ ბ. ლებლანს.

- ცოტა იქით, მინდა მოველაპარაკო ბატონს.

კარისკენ წავიდნენ ყაჩაღები და ახლა ბ. ლებლანს მიმართა:

- უნდა მოგახსენოთ, ბატონო, რომ ძალიან შეცდით, ფანჯრიდან გადახტომა რომ განიზრახეთ. ფეხს მოიტეხდით, მეტი რომ არაფერი ვთქვათ. ახლა, თუ ნებას მიბოძებთ, მინდა მოველაპარაკოთ წყნარად, მშვიდობიანად. თავდაპირველად მინდა ერთი შენიშვნა გადმოგცეთ, რომელმაც მიიჰყრო ჩემი ყურადღება: თქვენ აქამდე ერთხელაც კი არ დაიყვირეთ.

მართალს ამბობდა ტენარდიე, სრულ სიმართლეს აღნიშნავდა, თუმცა ეს გარემოება გამოეპარა მარიუსს. სულ რამდენიმე სიტყვა წარმოთქვა ბ. ლებლანმა და ისიც ხმის აუმაღლებლად და, ფანჯარაში რომ დაიჭირეს და გადმოათრიეს ოთახში, იმ ბრძოლის დროსაც კი უცნაურად ჩაჩუმებული იყო, მუნჯივით.

ტენარდიემ განავრძო:

- ცოტა რომ დაგეყვირათ, - მიშველეთ, ქურდებიო! უბრდელობაში არ ჩამოგართმევდით. ან არადა, მიშველეთ, მომკლესო! - ეგვეც ბუნებრივი იქნებოდა, როდესაც ექვსი კაცი გებრძოდათ. ბუნებრივია და აუცილებელ საჭიროებასაც წარმოადგენს ყვირილი, როცა იმისთანა ხალხის ხელში ჩავარდება ადამიანი, რომლებსგან ავის მეტს არას მოეწივს. თქვენ რომ ყვირილი დაგვენყოთ, არც

გაგაჩუმებდით, არც პირში ჩაგჩრიდით ბურთს. და ახლა იმასაც მოგახსენებთ, რად მოგვეცეოდით ასე ლომობიერად; იმიტომ, რომ მეტად მიყრუებულია ეს ოთახი. მეტად განცალკევებულია თვით სახლიც. ამის მეტი ღირსება არა აქვს ამ ოთახს. მაგრამ ამ მხრივ კი საგანგებო არის. ნამდვილი სარდაფია. ზარბაზნის სროლა რომ ატეხოთ ამ სახლში, ისე ეჩვენება უახლოეს პოლიციას, როგორც მთვრალი კაცის ხვრინვა. ჰოდა, ძალიან კარგი, რომ არ დაიყვირეთ, აგრე სჯობდა და ძალიანაც მომწონს თქვენი სიჩუმე. მაგრამ მინდა ისიც მოგახსენოთ, რომ ერთგვარი მნიშვნელოვანი დასკვნა გამომყავს ამ გარემოებიდან. ვინ მოდის, ჩემო დიდებულო ბატონო, ყვირილს რომ დაიწყებს კაცი?

პოლიცია, არა? პოლიციის შემდეგ? სასამართლო, ხომ? ჰოდა, თქვენც იმიტომ არა ყვიროდით, რომ არად გეჭაშნიკებოდათ, როგორც ჩვენც, არც პოლიციის მოსვლა და არც სასამართლოსი. დიახ, ბატონო, დიდი ხანია ეჭვი მაქვს, რომ თქვენ საჭიროებად მიგვაჩნიათ დაიმალოთ და რაღაც დამალოთ. ჩვენი მხრივ, ჩვენც საჭიროებად მიგვაჩნია დამალვა. მაშასადამე, ჩვენ შეგვიძლია ადვილად შევთანხმდეთ.

ამას რომ ამბობდა, შიგ თვალში ჩასცქეროდა ბ. ლებლანს, თითქოს ცდილობდა თვალი თვალში გაუყაროს და გულის სიღრმეში ჩაუძვრეს თავის პატიმარს, რომ ამოიყნოს მის საიდუმლოებაო. სიტყვით კი ცდილობდა ზრდილობიანად ყოფილიყო, თუმცა თავს ვერ იკავებდა და პატარა თავხედობასაც წაურევდა ხოლმე; იმასაც ცდილობდა, განათლებული კაცის მჭევრმეტყველებით ელაპარაკა და ცხადად ჩანდა, ეს ავაზაკი ერთ დროს ადამიანი იყო, რომელიც „სამღვდელოდ ემზადებოდა“.

ეს დუმილი მახეში გაბმულისა, ეს სიფრთხილე, რომელიც იმდენად დიდი იყო, რომ გამწარებულ ბრძოლაშიც კი აჩუმებდა სასიკვდილოდ განწირულს, და რაც ეწინააღმდეგებოდა ბუნებრივ თავდაცვის ალღოს, მეტად მნიშვნელოვნად ეჩვენა მარიუსს ტენარდიეს სიტყვის შემდეგ და მძიმედ შეაშფოთა იგი.

ისე კარგად იყო დასაბუთებული ტენარდიეს დასკვნა, რომ უფრო მეტად გააძლიერა ის წყვდიადი, რომელიც ფარავდა დარბაისელ, მაგრამ უცნაურ მოხუცებულს, კურფიერაკისგან მეტსახელად ბატონ ლებლანად წოდებულს. მაგრამ ვინც უნდა ყოფილიყო, მაინც ღირსეული იყო, რადგან თოკით გაშართული, ჯალათების მახეში მომწყვდეული, ორმოში ჩავარდნილი, რომლის ფსკერი უფრო და უფრო ღრმავდებოდა და ისიც თან ჩაჰქონდა, ტენარდიეს მძვინვარების ან დატკობის მნახველი, ერთ წამსაც არ შემკრთალა და არ დაუკარგავს სიმშვიდე. ალტაცებით შეჰყურებდა მარიუსი ამ განსაცდელში მყოფი მოხუცებულის მელანქოლიურ სახეს.

ეტყობოდა იმ სულის ადამიანი უნდა ყოფილიყო, რომლისთვისაც უცხოა შიში და რომელიც არავითარი საფრთხის წინ, უკიდურეს განსაცდელშიც კი არ კარგავს წონასწორობას. იმ კაცთაგანი უნდა ყოფილიყო, რომელიც მედგრად იბრძვის, რაც უნდა უკიდურეს განსაცდელში იყოს, და სასონარკვეთილებისა და ქედმოხრისა არაფერი სწამს. უკიდურეს გაჭირვებაში იყო, ხედავდა, რომ აუცილებელი იყო მარცხი, იმისდა მიუხედავად, რომ ხსნას აღარსაიდან მოელოდა და დაღუპვა გარდაუვალი ჩანდა, ლებლანს არაფერი ეტყობოდა იმ სულთმობრძავისა, რომელიც წყალში იხრჩობა და დაჭყეტილი აქვს შიშით სავსე საზარელი თვალი.

მშვიდობიანად წამოდგა ტენარდიე, ბუხართან მივიდა, წინ აფარებული თეჯირი ჩამოაშორა, რომელიც მეორე სანოლს მიაყუდა. გამოაჩინა მოგიზგიზე ნახშირით

სასე მაცალი და შივ თეთრად გავარვარებული სატეხი, რათა ყოველივე ეს კარგად დაენახა ტყვექმნილს.

მერე ისევ ახლოს მიუჯდა.

- მაშ განვაგრძობ ჩემს სათქმელს! დიახ, შეიძლება ადვილად შევთანხმდეთ, და მართლაც, სჯობს, პატიოსნად მოვრიგდეთ. ძალიან მიქვარე, რომ ისე გავბრაზდი წელან! მერნმუნეთ, ვგრძნობ, დავაშავე, ჭკუა დავკარვე და ბევრი რამ წამოვროშე უხამსი და უვარგისი. მაგალითად, რაკი თქვენ მილიონერი ბრძანდებით, ვითხარით, რომ მუქარით გადაგახდევინებთ ფულს, დიდ ფულს, უთვალავს. ეს არ იყო კეთილგონიერი საქციელი, ვინაიდან, თუმცა მდიდარი ხართ, მაგრამ თქვენც გაქვთ თქვენი ხარჯი, თქვენი საჭიროებანი. ან ვინ არის, რომ ფული არ სჭირდებოდეს? მე თქვენი გაღატაკება როდი მინდა. მართლა ბოქაული ხომ არა ვარ. მე იმათვანი კი არ გეგონოთ, რომლებიც, რაკი ხელთ ივდებენ ვისმე, სარგებლობენ თავისი უპირატესობით, და თავს ირცხვენენ. აი, ბატონო, ჩემ მხრივ მეც დათმობის გზას დავადგები. მხოლოდ და მხოლოდ ორასი ათასი ფრანკი მჭირდება.

კრინტი არ დაუძრავს ლებლანს. ტენარდიემ განაგრძო:

- აი, ხომ ხედავთ, ცოტა წყალი კი არ შევურიე ჩემს ღვინოს, მაგრამ რა გაენწყობა, მორიგება მინდა, მე თქვენი სიმდიდრისა არაფერი ვიცი, მაგრამ ის კი ცხადია, რომ ფულს ბზესავით აბნევთ და თქვენისთანა გულკეთილი და ქველმოქმედი ადამიანი თავის დღეში არ დაიმურებს ორასი ათას ფრანკს ერთი უბედურისთვის, რომელსაც შიმშილით უწყდება ცოლ-შვილი. ჩემთვის ცხადია, ბატონო, იმდენად კეთილგონიერი ბრძანდებით, რომ არ იფიქრებდით, ვითომ მე ამდენს ვენვალებოდი, როგორც დღეს ვენვალე, ასე კარგად მოვაგვარებდი ყველაფერს, რამიც ჩემი თანამოაზრენიც მეთანხმებიან, რომ მეთხოვა თქვენთვის კარგი ნითელი ღვინის გადასაკრავი ან დენოუსთან შემწვარი ხბოს ფული. დღევანდელი ჩემი სამზადისი ორასი ათასი ფრანკი ღირს. რაკი კეთილს ინებებთ და ამ წვრილმანს ამოყაჭავთ ჯიბიდან, გეფიცებით, ნკიპურტიც აღარ მოგხვდებათ ჩემგან. შესაძლებელია ამაზე მიპასუხოთ: - ჯიბეში კი არ მიდევს ორასი ათასიო. ვიცი, ბატონო, ურჯუკი ხომ არა ვარ, რომ ყელში წავიჭიროთ, - აბა, ჩქარაო! მე თქვენ ერთს ვთხოვთ, - დაწეროთ, რასაც მე ვიკარნახებთ.

დაასრულა. ღიმილით გადახედა მაცალს და შივ გახურებულ რკინას. ისევ ბ. ლებლანს მიმართა და ხაზგასმით უთხრა:

- იცოდეთ, ვერ დავიჯერებთ, ბევრიც რომ იფიცოთ, წერა არ ვიციო.

დიდებულ ინკვიზიტორსაც შემურდებოდა ეს სიცელი.

მერე ახლოს მიუდგა მაგიდა ბ. ლებლანს, უჯრიდან საწერ-კალამი ამოიღო, ერთი ფურცელი ქალაღდი და წინ დაუდო. უჯრა ისევ გამონეული დატოვა, სადაც დიდი, გაღესილი დანა მოჩანდა.

წინ დაუნყო და უბრძანა:

- აბა, დაწერეთ.

ბოლოს ბ. ლებლანმა ამოიღო ხმა:

- როგორ დავწერო, შებოჭილი ვარ.

- მართალია! უკაცრავად! - ბოლიმი მოუხადა ტენარდიემ, - ეგ კი დამავინცდა.

და ბიგრნაილს მიუბრუნდა:

- გაუხსენით ბატონს მარჯვენა ხელი.

ჰანშომ, იმავე გაზაფხულამ, იმავე ბიგრნაილმა აასრულა ეს ბრძანება. მარჯვენა ხელი რომ გაუთავისუფლა, ტენარდიემ კალამი ამოაწო მელანში და ხელში მისცა.

- ნურც იმას დავივინყებთ, ბატონო, რომ ჩვენს ხელში ხართ. ვერსად წაგვიხვალთ, და ადამიანი კი არა, თვით ქრისტეღმერთი ვერ გიხსნით ჩვენი ხელიდან. ამიტომ ძალიან გთხოვთ, ისე ნუ გაგვიხდით საქმეს, რომ ჩვენდა სავალალოდ უკადრისი გაკადროთ რამე. მე არ ვიცი არც თქვენი სახელი, არც თქვენი სახლი, მაგრამ გაფრთხილებთ, დაბმული იქნებით, ვიდრე არ დაბრუნდება და პასუხს არ მომიტანს ის კაცი, რომელსაც მე თქვენს დანერვილ ბარათს ვვატან. ახლა დანერეთ:

- რა დავწერო? - იკითხა ბ. ლებლანმა.

- რასაც მე გიკარნახებთ.

და დაუწყო კარნახი:

- „ჩემო ასულო“...

კანკალი მოერია მოხუცებულს, თვალში ჩახედა ტენარდიეს.

- არა, დანერეთ, „ჩემო საყვარელო შვილო!“, - უთხრა ტენარდიემ და ბ. ლებლანმაც დანერა.

- „ახლავე აქ წამოდი“... ხომ შენობით ელაპარაკებით?

- ვის? - იკითხა ბ. ლებლანმა.

- ვისა და თქვენს ქალიშვილს, პატარა ტოროლას?

გაკვირვებით შეხედა ლებლანმა, არავითარი მღელღარება არ ემჩნეოდა:

- არ მესმის, რას მეუბნებით!

- თქვენ დანერეთ! - მოკლედ მოუჭრა ტენარდიემ და განაგრძო კარნახი:

- „ახლავე აქ წამოდი. საჭირო საქმე მაქვს, ძალიან საჩქარო, ამ ბარათის მომტანს გამოჰყვივი და ის მოგიყვანს ჩემთან. მაშ, გელი, წამოდი, შიში ნუ გექნება“.

ბ. ლებლანმა დანერა. ტენარდიემ გაასწორებინა:

- ეჰ, წაშაღეთ „შიში ნუ გექნება“, თორემ ეჭვი აღეძვრის, უბრალო რომ ყოფილიყო რამე, ამას არ დანერდაო, - და იქნებ არც კი წამოვიდეს.

ბ. ლებლანმა წაშალა ეს სიტყვები.

- ახლა ხელი მოაწერეთ, - უთხრა ტენარდიემ, - თქვენი გვარი? სახელი?

ტუსაღმა კალამი დადო და ჰკითხა:

- ვის ვწერ ამ ბარათს?

- ძალიან კარგად იცით, ვისაც სწერთ. თქვენს ქალს, აკი ვითხარით.

ეტყობოდა, ტენარდიე ვრიდებოდა ქალის სახელის ხსენებას. და, თუ საჭირო იყო, ტოროლას იძახდა ან პატარას ამბობდა, და სახელს კი არ უმატებდა. გამოცდილი, გაქნილი კაცი იყო და არ უნდოდა სხვებისთვის გაეგებინებინა ქალის სახელი. ამის გამომჟღავნება ის იქნებოდა, რომ ყველანი გაიგებდნენ იმას, რისი ცოდნაც მეტი იყო იმათთვის.

- ხელი მოაწერეთ. თქვენი სახელი და გვარი?

- ურბენ ფაბრი.

კატის მოძრაობის სისწრაფით ჩაიყო ჯიბეში ხელი ტენარდიემ, ამოიღო ბ. ლებლანის ცხვირსახოცი, მოძებნა ზედ ამოკერილი ასოები და სანთელთან დახედა.

- უ. ფ. ძალიან კარგი, ურბენ ფაბრი. მაშ, მოაწერეთ - ურბენ ფაბრი.

ხელი მოაწერა ბ. ლებლანმა.

- და რადგან წერილის დასაკვცავად ორი ხელია საჭირო, მომეცით, მე გავკვცავ.

დაკეცა და უთხრა:

- დაწერეთ მისამართი, - ქალბატონ ფაბრს და თქვენი სახლის ქუჩა და ნომერი. ვიცი, რომ შორს არ ცხოვრობთ აქედან, სენჟაკის მიდამოებში სადღაც, რადგან ყოველდღე იქ ისმენთ წირვა-ლოცვას, მაგრამ თქვენი ქუჩა კი არ ვიცი. ვხედავ, კარგად უნდა გქონდეთ შეგნებული თქვენი მდგომარეობა. თქვენი სახელი და გვარი რომ მითხარით, მართალი თქვით, აქაც მართალს იტყვით და თქვენს ნამდვილ მისამართს დააწერეთ ამ წერილს.

ერთ წამს ჩაფიქრებული იჯდა ბ. ლებლანი, მერე აიღო კალამი და დაწერა:

„ქალბატონ ფაბრს, ურბენ ფაბრის სახლში, სენ-დომინიკოს ქუჩა, #17“.

ხელიდან გამოჰვლიჯა წერილი ტენარდიემ და დაიყვირა:

- აქ მოდი, დედაკაცო!

დედაკაცმა მიიბრინა.

- აი, წერილი, ხომ იცი, სად და რისთვის მიდიხარ? ეტლი გელის კართან. აბა, მალე წადი და მალევე დაბრუნდი!

მერე ყასბის ცულიანს უთხრა:

- შენ კიდევ, რაკი ჩამოიხსენ ნილაბი, ქალბატონს გაჰყვები, უკან ჩაჯდები ეტლში. ხომ იცი, სად გელის ჩვენი ეტლი?

- ვიცი.

ცული იქვე კუნჭულში მიღო და „ქალბატონს“ გაჰყვა.

ის-ის იყო გავიდნენ ტალანში, რომ ტენარდიემაც თავი გაყო კარიდან და დაუყვირა:

- ეგ წერილი არ დაკარგო, დედაკაცო! გახსოვდეს, ორასი ათასი ფრანკი გიდივს ჯიბეში!

ხრინჩიანი ხმით უპასუხა ცოლმა:

- არხეინად იყავ! შიგ გულში მიდივს!

მცირე ხნის შემდეგ მათრახის ტყლაშუნი მოისმა. წავიდა ეტლი.

- ძლივს! - წამოიძახა ტენარდიემ, - თუ ჩქარა იარეს, ერთ საათზე ადრე დაბრუნდება ქალბატონი.

სკამი მიიღვა ლუმელთან, დაჯდა, გულხელი დაიკრიფა და ტალახიანი წაღები მიუშვირა ცეცხლს.

- ლამის გამეყინოს ფეხი!

ოთახში ხუთი კაციღა იყო ტენარდიესთან. თუმცა ხუთივეს შავი ფერით შეენიღბათ სახე და ზოგი მენახშირეს ჰგავდა, ზოგი ზანგს, ზოგი ეშმაკს, მაინც ეტყობოდათ დაღვრემილებს, რომ უცხონი იყვნენ ამ საქმეში, დაქირავებულნი იყვნენ ამ ბოროტმოქმედების შესასრულებლად, როგორც სხვა რამ სამუშაოზე, და ისინიც ასრულებდნენ თავიანთ მოვალეობას მშვიდად, გაუბრაზებლად, შეუბრალებლად და უხალისოდ. ერთ კუნჭულში მოგროვილიყო ხუთივე პირუტყვებივით, იდგნენ გაჩუმებულნი, დაღვრემილნი და ელოდნენ ბრძანებას. ტენარდიე ფეხებს ითბობდა. ბ. ლებლანი ხმას არ იღებდა. წელანდელი ბრძოლისა და ხმაურობის მაგივრად ახლა ავებდითი ღუმილი იდგა ამ ჯურღმულში.

შანდალს განიერ სოკოსავით მოსდებოდა ნაღვენთი და ძლივსღა ანათებდა იმ ფართო ოთახს. მაყალში ცეცხლს ფერფლი ედებოდა, და კედლებსა და ჭერზე საზარელი ჩრდილები ჩანდა ტენარდიეს თანამზრახველებისა.

აღარაფერი ისმოდა გარდა მთვრალი ბებერის ხერინვისა.

გულისხუხილით შეჰყურებდა მარიუსი საბრალო მოხუცებულს და უფრო და უფრო ემატებოდა მწუხარება. ახლა უფრო ძნელი გამოსაცნობი იყო ეს საქმე, ვიდრე აქამდე. ვინ უნდა იყოს ის „პატარა“, ტოროლოდ რომ დაასახელა ტენარდიემ? იქნებ მისი ურსულა იყოს? არავითარი მღელვარება არ შეეცყო ბ. ლებლანს, ეს სახელი რომ გაიგონა, ტოროლოდ, და სრულიად მშვიდად, ბუნებრივად უპასუხა, - არ ვიცი, რას ამბობთ, რისი თქმა გინდათო, - მაგრამ ორი ასო კი - უ. ფ. გამორკვეულია, ეს არის ურბენ ფაბრი და მაშასადამე, ურსულა არ ყოფილა ურსულა. ამას ყველაფერზე უფრო ცხადად ხედავდა მარიუსი. მოჭადღებულებით მიჰკროდა სარკმელს, თვალს არ ამორებდა ამ სურათს და გულისფანქვალით ელოდა უკიდურეს წამს, როდესაც იძულებული იქნებოდა ან ერთი დაეღუპა, ან მეორე. აღარც ფიქრი შეეძლო, აღარც მოძრაობა. დაუძლეურებული იყო ასე ახლოს ნახული ადამიანის ბინიერებით. იღვა და ელოდა, - იქნება მოხდეს რამე, რაც უნდა იყოს, ოღონდ ეს წამი ამაყილოსო, - რადგან ვერა და ვერ გადაეწყვიტა, მოიხმარდა დამბაჩას თუ არა.

- ასეა თუ ისე, თუ ტოროლას ჩემს სატრფოს ეძახიან, ახლავე ვენახავ, ახლავე მოიყვანს ის დედაკაცი. მაშინ კი გადანყვეტილი იქნება საკითხი. თავს გავწირავ, სიკვდილს არ შევემინდები და მას კი ვიხსნი ამათ ხელიდან. მამასაც ვიხსნი და შვილსაც.

ნახევარ საათამდე გავიდა ამგვარად. ტენარდიეც ბნელ ფიქრს გაეტაცა. ბ. ლებლანი არ იძვროდა. მაგრამ მარიუსს კი ხანდახან რაღაც ებრძოდა მოხუცებულის შხრიდან, რაღაც ჩუმი, გამოურკვეველი ხმა.

და უცბად მიმართა ტენარდიემ თავის პატიმარს:

- ბატონო ფაბრ, მოდი, ახლავე გეტყვით, რაც სათქმელი მაქვს.

ისევ სმენად იქცა მარიუსი. ამ შესავალში იმდენი რამ მოჩანდა, რომ ახლა კი უმთავრესს შეეხებოდა ტენარდიე და ფარდას ახდიდა საიღუმლოვებს.

- სადაცაა მოვა ჩემი მეუღლე, პატარა ხანს კიდევ მოითმინეთ. მე მგონია, რომ ტოროლა სწორედ თქვენი შვილია და სრულიად ბუნებრივად მიმაჩნია, რომ თქვენთანვე დარჩეს. ოღონდ მომისმინეთ, თქვენც ნახეთ, ვუთხარი ჩემს ცოლს, ისე მორთულიყო, რომ დაუბრკოლებლად გამოჰყოლოდა თქვენი ქალი. ეტლით წამოვლენ, ეტლში უკან ჩემი მეგობარი იჭდება. ერთგან, საბაჟოს იქით, ერთი ეტლი გვიდგას, კარგი ცხენებით. იქ მიიყვანენ თქვენს ქალს, ეტლიდან ჩამოვა და იმ ჩვენს ეტლში ჩასხდებიან ის და ჩემი მეგობარი. ჩემი ცოლი კი ჩვენვე გამოეშურება ეტლით და მეტყვის: - საქმე მოგვარებულიაო. - რაც შეეხება თქვენს ქალს, ფიქრი ნუ გაქვთ, ავს არავინ აკადრებს. ერთ სახლში მიიყვანს ჩემი მეგობარი, სრულიად მშვიდად იქნება და, როგორც კი ჯიბეში ჩამიჩხრიალებთ ორასი ათას ფრანკს, მაშინვე ჩაგაბარებთ. თუ ღმერთი გაგიწყრათ და დააჭერინეთ ჩემი თავი, ჩემი მეგობარი ბოლოს მოუღებს თქვენს ტოროლას, გაიგონეთ?

ბ. ლებლანმა ხმა არ ამოიღო, ისევ ტენარდიემ დაინყო:

- ხომ კარგად არის მონყობილი? არავითარი ძალმომრეობა და ბოროტება, თუ თქვენ არ მოისურვებთ ჩვენი გაბოროტება. აი, ავიხსნათ, როგორ არის საქმე, გაგაფრთხილეთ, რომ მომზადებული იყოთ ამ გარემოებისთვის.

კიდევ გაჩუმდა, მაგრამ ბ. ლებლანი მაინც ხმას არ იღებდა და ისევ ტენარდიემ დაინყო:

- როგორც კი დაბრუნდება ჩემი მეუღლე და მეტყვის, - ტოროლა გავამგზავრო, მაშინვე გავიხსნით თოკს და თავისუფალი იქნებით. წაბრძანდით და არხეინად მოისვენეთ თქვენს სახლში. ხომ ხედავთ, არავითარი ავი განზრახვა არა გვექონია თქვენდამი!

საშინელი სურათები წარმოუდგა მარიუსს თვალწინ, როგორ? მაშ, აქ არ მოიყვანენ იმ ქალს? მაშ, სხვაგან მიჰყავთ მოტყუებით მოტაცებული? ერთ იმ ვაჟბატონთაგანს უნდა წაეყვანა, ის, მისი სული და გული? - გული უწუნდებოდა მარიუსს. რა უნდა ექნა? გაესროლა: ქალის მოსაყვანად წასული კაციც გარეთ დარჩებოდა და ვეღარც ქალის კვალს მიაგნებდა. ან რაღას უშველიდა, კიდევ რომ მიეგნო? ძალიან კარგად გაიგონა ტენარდიეს სიტყვა და მისი სასიკვდილო მნიშვნელობა: - თუ ღმერთი გავიწყრათ და დააჭერინეთ ჩემი თავი, მეგობარი ბოლოს მოუღებს თქვენს ტოროლასო.

აქამდე განსვენებული მამის ანდერძი იყო მიზეზი, რომ არ გაემეტებინა ტენარდიე და დამბაჩის გასროლა ვერ გაეხედა, ახლა კი სხვაეც მიემატა ამ მოსაზრებას, ახლა საქმეში სიყვარული ჩაერია. ცხადი იყო, საბოლოოდ დაღუპავდა სატრფოს, საბოლოოდ გასწირავდა, პოლიციისთვის რომ მიეცა დაპირებული ნიშანი.

ამ საშინელ მდგომარეობაში იყო მარიუსი მთელი საათი. ყოველ წუთს იცვლებოდა მდგომარეობა, წამდაუნემ გამოჩნდებოდა ხოლმე რამე ახალი, რაც აბრკოლებდა გადაწყვეტილების მიღებას. ალბათ არ არსებობდა არავითარი საშინელება, მას რომ არ წარმოედგინა შესაძლებლად, და გამოსავალს კი ვერსად ხედავდა. მისი აფორიაქებული ფიქრები საკსებით ეწინააღმდეგებოდა ამ ოთახის ღრმა ღუმილს.

ამ ღუმილის ღროს ქუჩის კარის ხმა მოისმა უცხად, მერე ფეხის ხმა კიბიდან.

შებოჭილი პატიმარიც შეირხა.

- ავერ, ქალბატონიც! - წამოიძახა ტენარდიემ.

ჯერ არც კი დაესრულებინა სიტყვა, რომ გიჟივით შემოვარდა ოთახში აწითლებული, აღშფოთებული ტენარდიეს ცოლი. ძლივს იბრუნებდა სულს. თეძოებზე დაიკრა ტლანქი ხელები და დაიძახა:

- ყალბი მისამართი გამოდგა!

ის კაციც უკან შემოჰყვა. აილო ცული და კედელთან აიტუბა.

- ყალბი მისამართით? - გაიმეორა ტენარდიემ.

- არავინ არ იყო! სენ-დომინიკის ქუჩის ჩვიდმეტ ნომერში სახელიც კი არ გაუგონიათ ურბენ ფაბრისა. ვინ ფაბრი? რა ფაბრი?

გაჩერდა, სული მოითქვა, მერე განავრძო:

- პირში ჩალა გამოვავლო, ბატონო ტენარდიე, ამ ბებრუცუნამ! ახია შენზე! მეტისმეტი გულკეთილი ხარ და არც ეგრე ვარგა! მე რომ ვყოფილიყავ, იცით, რით დავინწყებდი? ჯერ ავიღებდი და ცხვიპირს ჩავამტვრევდი კარგა ლამაზად! გამიძალიანდებოდა? ცოცხალს მოვხარშავდი ადულებულ წყალში. არც მაშინ იტყოდა რამეს? არც მაშინ იტყოდა, სად ჯანდაბას არის მისი ქალი და სადა აქვს შენახული განძი? აი, როგორ მოვანწყობდი საქმეს, მე რომ ვყოფილიყავ! ტყუილად კი არ ამბობენ, კაცი უფრო სულელია, ვიდრე დედაკაციო! ვინაა ჩვიდმეტ ნომერში. არავინ! ერთი დიდი ალაყაფის კარია! არავითარ ბატონი ფაბრი არ გახლავთ სენ-დომინიკის ქუჩაზე! მეეტლეს მეტი ვაჩუქეთ, ოლონდ ჩქარა გაერევა ცხენი! წადი შენა და!..

მეკარესაც ველაპარაკე, მის ცოლსაც, მართლა ლამაზი დედაკაცია, ჰო, არც გაგვიგონია, არც ვიცითო!

ახლა კი შვებით ამოისუნთქა მარიუსმა. ურსულა თუ ტოროლა, ის ქალი, რომლისაც ახლა სახელიც აღარა რჩებოდა, გადარჩა განსაცდელს.

ცოლი რომ მოთქვამდა და ცოფს ჰყრიდა, ტენარდიე მივიდა და მაგიდასთან დაჯდა. ცოტა ხანს იჯდა გაჩუმებული, მარჯვენა ფეხს იქნევდა და მხეცურად აღგზნებული თვალით შეჰყურებდა მაყალს.

მერე ბ. ლებლანს მიმართა ჩუმი, საზარელი ხმით:

- მამ ყალბი მისამართი მოგვეცი? მერე რისი იმედი გქონდა?

- დროის მოგებისა! - მეხვიით დაიჭეჭა პატიმარმა და იმავე დროს ხელი წაჰკრა თოკს, თოკი დაჭრილი იყო, მარტო ფეხილა დარჩა მიბმული საწოლის ფეხზე.

მანამ გონზე მოვიდოდნენ ტენარდიეს ამხანაგები და მივარდებოდნენ დასამორჩილებლად, მაყალისკენ დაიღუნა, ხელი სტაცა გავარვარებულ რკინას და ასწია ზევით. ახლა ისინი მიკუნჭულიყვნენ სადღაც კუთხეში, ტენარდიე, მისი ქალბატონი და ამხანაგები, და შემინებული შესცქეროდნენ მოხუცებულს. მას კი მაღლა აენია გახურებული რკინა და ხელს აქნევდა თავისუფლად.

გამოძიების დროს, რომელიც შემდეგში წარმოებდა გორბოს სახლში ამ ხათანგის მომწყობთა დასასჯელად, ოთახს რომ ჩხრეკდნენ, შავი ფული იპოვეს პოლიციელებმა, ერთი სუ სიბრტყევი შუაზე გაჭრილი და საკვირველ ხელოვნებით დამუშავებული. ეს შავი სუ მართლა საკვირველებას წარმოადგენდა იმ მოთმინების შედეგისას, რომელსაც საპატიმრო ქმნის თავის სიბნელეში და ამ სიბნელისთვის. გარედან უბრალო სუ არის ეს შავი ფული და ნამდვილად კი იარაღი და საშუალება საპატიმროდან გაპარვისა. ეს განსაკვიფრებელი ფაქტიზი ნაწარმი ხელოვნებისა იგივეა ოქრომჭედლობაში, რაც ხალხური ენის მეტაფორა არის პოეზიაში. კატორღამიც მოიპოვებთან ბენვენუტო ჩელინიები, როგორც ენაში - ვილონიები. უბედური, რომელსაც ლამის ვაგიჟდეს, ისე უნდა საპატიმროდან თავის დაღწევა, საშუალებას პოვეს და ხანდახან უიარაღოდ, მარტო ჯიბის დანით, ორ თხელ ფირფიტად ჭრის ერთ სუს. გაჭრის, ფრთხილად ამოფურავს ორივეს, ისე, რომ გარეთა პირი ან ფულის ღირებულების ნიშნები არაფრით დააზიანოს, და მერე პატარა, თითქმის უხილავი ხრახნით ისევ ისე აერთებს, ფულად ფულია, მაგრამ ხრახნი აქვს და გნებავთ, - გააღებთ, გნებავთ - დახურავთ, გამოდის პატარა, პანანკინტელა კოლოფი. ამ კოლოფში მაღავენ საათის ზამბარას და ამ ზამბარით, თუ კარგად ფრთხილად იხმარა კაცმა, ჯაჭვსაც გადაჭრის და რკინასაც. გაჩხრეკენ, უბედურ კატორღელს ერთი სუს მეტი არაფერი აბადია, მაგრამ არა! ერთი სუ კი არა, თავისუფლება უჭირავს ხელში. სწორედ ამგვარი სუ იპოვეს ტენარდიეს ოთახში, გასაჩხრეკად რომ მივიდნენ პოლიციელები, ოღონდ გახსნილი ორ ნაჭრად, ფანჯარასთან საწოლის ქვეშ. იპოვეს აგრეთვე ერთი პატარა ხერხი ფოლადისა, რომელიც კარგად ჩაეტეოდა ამ სუში. ალბათ თან ჰქონდა ბ. ლებლანს და, ჩხრეკა რომ დაუწყეს ტენარდიეს ამხანაგებმა, ხელში დამალა. მერე, მარჯვენა ხელი რომ გაუსწეს, გახსნა თავისი პატარა კოლოფი, ამოიღო ხერხი და ნელ-ნელა გადაჭრა თოკი. ალბათ ამის ხმა ესმოდა მარიუსს იმ მიჩუმების დროს, ოდნავ ნელი ხმა შეუმჩნეველი მოძრაობისა.

მარცხენა ფეხის ასახსნელად რომ დაღუნულიყო ბ. ლებლანი, ყურადღებას მიაქცევდნენ და ამიტომ ფეხი მიბმული დარჩა საწოლის ფეხზე.

ბოლოს გონს მოვიდნენ შეშინებული ავაზაკები.

- ნუ გეშინია, - დაუყვირა ბიგნაილმა ტენარდეს, - ჯერ ვერსად წავივია! დაბმული აქვს ფეხი! აბა, გახსნას! მე შევეუკარი წელან!

ახლა თვითონ ბ. ლებლანმა შეუტია თავის მტანჯველებს.

- არამზადებო! იმდენი არ ღირს ჩემი სიცოცხლე, რომ თავგამოდებით ვიცავდე და გებრძოდეთ. თქვენ გგონიათ, შემაშინებთ და მათქმევინებთ, რის თქმაც არ მინდა? თქვენ გგონიათ, დამაწერინებთ, რის დაწერაც არ მინდა? შემაშინებთ და მაიძულებთ?

და ხელში რომ გახურებული სატეხი ეჭირა, დაიღო დამკლავებულ მარცხენა ხელზე.

შიშხინი გაისმა დამწვარი ხორცისა. სანამებელი ადგილის სუნი დატრიალდა ტენარდიეს ოთახში. მარიუსი დაბარბაცდა, კინალამ გული წაუვიდა შეშინებულს. თვით ავაზაკებიც კი კანკალებდნენ. და მოხუცებულ ლებლანის სახეს კი არავითარი ტკივილი არ ეტყობოდა. გახურებული რკინა სწავდა ხორცს, შიგ ჩადიოდა ნელ-ნელა. ის კი იდგა უძრწოლო და დიდებული. იდგა და ტენარდიეს შეჰყურებდა ლმობიერი თვალით. არც გაჯავრება ეტყობოდა, არც სიძულვილი, წმინდა სიმშვიდეში იკარგებოდა ხელის ტკივილი.

დიდებული ბუნების ადამიანს ხორციელი აღმფოთება და ფიზიკური ტკივილი იმით გამოაჩნდება, რომ სულიერი ბრწყინვა ემჩნევა შუბლზე.

- დაე, ნურც თქვენ შეგემინდებათ ჩემი, არამზადებო, როგორც მე არ მეშინია თქვენი! აჰა!

ააძრო ჩამწვარ მკლავს რკინა და გაღებულ ფანჯარაში გადაისროლა. გავარდა ფანჯარაში გახურებული რკინა, საზიზღარი იარაღი სანყალი კაცის სანამებლად მომზადებული და თოვლში ჩავარდა ქუჩაში.

- აჰა, რაც გნებავთ, ის მიყავით!

იარაღი არ გააჩნდა.

- დაიჭირეთ! - შეჰყვირა ტენარდიემ.

ორმა ავაზაკმა ხელი დააღო მხარზე. წინ ნიღბიანი კაცი დაუდგა, მუცლით მოლაპარაკე მგზლაპრე, ხელში რომ დიდი გასაღები ეჭირა და მზად იყო თავში ჩაეკრა, თუ კიდევ რამეს გაბედავდა უიარაღო მოხუცებული.

იმავე დროს თავის ახლოს, ტიხრის იქიდან, ხმა მოესმა მარიუსს, მაგრამ ისე მიჰკროდნენ კედელს მოლაპარაკენი, რომ შეუძლებელი იყო მათი დანახვა:

- ახლა რა ვუყოთ?

- რა უნდა ვუყოთ? მოვკლათ და გავათათო!

ეს ცოლი და ქმარი ბჭობდნენ.

ტენარდიე ნელი ნაბიჯით მივიდა მაგიდასთან, უჯრა გამოსწია და დანა ამოიღო.

მარიუსს დამბაჩის ჩახმახზე ეღო თითი, მაგრამ ჯერაც ყოყმანობდა. ერთი საათი იქნებოდა, ორი ხმა იბრძოდა მის სინდისში. ერთი უბრძანებდა, - პატივი ეცი მამაშენის ანდერძსო, მეორე უყვიროდა, - მიეშველე ამ სანყალ კაცსო. შეუნყვეტლივ იბრძოდნენ ეს ხმები და დიდ ტანჯვას აყენებდნენ მარიუსს. სინდისის ქენჯნისაც ეშინოდა, მართალი კაცის დაღუპვისაც. სულ იმის მოლოდინში იყო, რომ მოხდებოდა რამე მოულოდნელი და შესაძლებლად გახდიდა ამ ორი მოვალეობის მორიგებას. მაგრამ ამაო იყო ეს იმედი და განუხორციელებელი ლოდინი კი შეუძლებელი გახდა. ტენარდიე მოღერებული დანით მიიწედა ლებლანისკენ.

გიჟივით ატრიალებდა თვალებს მარიუსი. ეს გახლდათ უკანასკნელი სახსარი სასონარკვეთილისა.

უცხად შეკრთა მარიუსი.

საცხე მთვარის შუქი სცემდა მის მაგიდას, თითქოს ცდილობს დაანახვოს და მოაგონოს ფურცელი ქალაღი, მაგიდაზე გაშლილი. ამ ქალაღზე იყო, რომ ამ დილას მსხვილი ასობით დაწერა ტენარდიეს უფროსმა ქალმა:

„ღამურები მოდიან“.

ბედნიერი სხივი მოეფინა მარიუსის ფიქრებს. ერთმა აზრმა გაუარა ელვასავით გონებაში. ეს იყო გადამწყვეტი საშუალება იმ საშინელი ამოცანისა, რომელსაც ორ ცეცხლშუა ჩაეყენებინა, და გამოსავალს უხშობდა. ეს იყო საშუალება, რომლითაც შეიძლებოდა არც კაცისმკვლელი გაეცა და არც მოსაკლავად განწირული მოეკვლევიებინა. დაიწოქა კომოდზე, მისწვდა მაგიდაზე გაშლილ ქალაღს, ფრთხილად ჩამოტეხა კედელს პატარა გაჯის ნაჭერი, შეახვია იმ ქალაღში და თავისი სარკმლიდან ტენარდიეს ოთახში გადაისროლა.

სწორედ დროც იყო. ტენარდიეს დაეძლია შიში თუ სინდისის ქენჯნა, და ბ. ლებლანისკენ მიიწვედა მოღერებული დანიით.

- რალაც ჩამოვარდა! - შეჰყვირა ტენარდიეს ცოლმა.

- რა ჩამოვარდა?

წამოხტა დედაკაცი, ქორივით ეცა მოკუმშულ ქალაღს, და ქმარს მიანოდა.

- საიდან გაჩნდა, რა ვენა? - გაიძახოდა ტენარდიე.

- საიდან გაჩნდებოდა, კაცო, თუ არა ფანჯრიდან? - შეუტია ცოლმა.

- განა არ დავინახე, რომ შემოფრინდა, - დაემოწმა ბიგრნაილი.

ხელის კანკალით გაშალა ტენარდიემ ქალაღი, სანთელთან მიიტანა.

- ეპონინის ხელია! ვაი, გამიწყრა ღმერთი!

ცოლს ენიშნა, ისიც მივარდა. თვალი გადაავლო გაშლილ ქალაღს.

- აბა, კიბე! ჩქარა! - შეჰყვირა ტენარდიემ, - ქონი მახეში დავტოვოთ და თავს ვუშველოთ!

- ჯერ ყელი გამოგვჭრათ! - შეჰყვირა „ქალბატონმა“.

- რა დროს ეგ არის, ადამიანო?

- მერე საიდან გავალთ? - ჰკითხა ბიგრნაილმა.

- ფანჯარა აქ არ არის? - შეუტია ტენარდიემ, - ეპონინმა ფანჯარაში შემოგვიგლო,

მაშ, სწორედ აქეთ გვქონია თავისუფალი გასასვლელი.

მუცლით მეზღაპრე ნიღბიანმა ძირს დალო უზარმაზარი გასაღები, ზევით ასწია ორივე ხელი და ხმის ამოუღებლად სამჯერ შემოჰკრა ტაში. და იგივე მოხდა იქაც, რაც გემზე მოხდება ხოლმე, შიშის განგაში რომ გაისმის. უცხად ჩამოეცალნენ აქამდე მაგრად შებოჭილ ტყვეს, სასწრაფოდ გაშალეს და ფანჯრიდან გადაუშვეს თოკის კიბე, თავისივე კავებით მაგრად გამოაბეს ფანჯრის რაფას.

ყურადღებას არ აქცევდა ამ ჩოჩქოლს მოხუცებული. ისე იდგა ჩაფიქრებული, თითქოს ოცნებობს ან ლოცულობსო.

როგორც კი გაამაგრეს კიბე, ტენარდიემ დაიძახა:

- აბა, მოდი, ქალო!

და ფანჯარასთან მივარდა.

მაგრამ ვერ მოასწრო ფანჯარაზე ახტომა, შიგ კისერში სწვდა ბიგრნაილი.

- მოიცა, მოიცა, ბებერო ოინზაზო! ჯერ ჩვენა და მერე შენ!
 - მაშ, ჯერ ჩვენა და მერე შენ! - შეჰყვირეს ავაზაკებმა.
 - ბავშვები ხომ არა ხართ? არ გრცხვენიათ? რაზე ვკარგავთ დროს? - უყვიროდა ტენარდიე, - საცაა, შემოგვივარდებიან.
 - ჰოდა, მაშ, წილი ვყაროთ, ვინ ჩავა პირველად? - დაიძახა ერთმა ავაზაკმა.
 - გაგიჟდით თუ რა არის! - შეჰყვირა ტენარდიემ, - ყვეყჩებო. წილი ვყაროთ, არა? დასველებულ თითით თუ პატარა ჩალით? თუ ჩვენი სახელები დავწეროთ და ქუდში ჩავყაროთ?
 - აი, ჩემი ქუდი, ინებეთ! - შემოსძახა ვილაცამ კარის ზღურბლიდან.
- კარისკენ მობრუნდნენ ყველანი.
 უავერი იყო.
 ხელში ეჭირა ქუდი და ღიმილით სთავაზობდა ქურდებს.

თავი ოცდამეერთე
 ჯერ მსხვერპლი უნდა დაეჭირა

კარგად რომ ჩამოხნულდა, უავერმა თავისი ბიჭები ჩაასაფრა გორბოს სახლის მიდამოებში. თვითონაც გობლენების ქუჩის სადარაჯოდ ბუჩქებში ჩაიმალა გორბოს სახლის პირდაპირ, ქუჩის მეორე მხარეს. საქმე იმით დაიწყო, რომ „ჯიბე გაიხსნა“, რომ შიგ ჩავსვა ტენარდიეს ორივე ქალი, რომლებსაც დავალებული ჰქონდათ დარაჯად მდგარიყვენ ქუჩაში და შეეტყობინებინათ, თუ მომავალს საეჭვოს დაინახავდნენ ვინმეს. მაგრამ მარტო აზელმა „გაება“. რაც შეეხება ეპონინს, ის თავის ადგილზე ვერ აღმოაჩინეს. გაქრა სადღაც და ვეღარ დაიჭირა უავერმა. მერე თვითონაც ჩაასაფრდა ბუჩქებში და ელოდა მარიუსთან შეთანხმებულ ნიშანს, დამბაჩის გასროლას. ძალიან არ მოეწონა ეტლის წასვლა და ისევ დაბრუნება. დარწმუნებული იყო, რომ სწორედ ამ სახლში იყო „მთლიანი ბუდე“, მით უფრო, რომ რამდენიმე ავაზაკი იცნო იქ შემავალი, გადწყვიტა, - პირდაპირ შევალ, დამბაჩის გასროლას აღარ მოვეუცდით.

ჯიბეში, მკითხველს ეხსომება, ქუჩის კარის გასაღები ჰქონდა მარიუსისა.
 და სწორედ დროზე მიახსნო.

შეშინებული ყაჩაღები მაშინვე იარაღს ეცნენ. ფანჯრიდან გაპარვას რომ აპირებდნენ, საცა მოხვდათ, იქ დაჰყარეს ვისაც რა ჰქონდა და ახლა აიტაცეს იარაღი, სწრაფად შეგროვდნენ ერთ ჯგუფად შვიდივენი, საზარელი სანახავეები, თავის დასაცავად შეიარაღებულნი კეტით, ჩაქუჩით, გასაღებით, ცულით, ბეუთით, რკინის ნაჭრით. ტენარდიე დანას უჭერდა ხელს. დედაკაცს ზორბა ქვა ეჭირა ხელში, რომელსაც სკამად ხმარობდნენ მისი გოგოები.

ქუდი დაიხურა უავერმა, ორი ნაბიჯით წინ წამოდგა ოთახში, გულხელდაკრეფილი, მაგრამ ჯოხიყ თან ჰქონდა მკლავეჭვემ გაყრილი და ხმალიყ ლამამ ქარქაშში.

- შეჩერდით! რა საკადრისია ფანჯარა, როდესაც კართაც კარგად გაბრძანდებით? ერთიყ ვნახოთ, კიბე გაგინყდათ! თქვენ შვიდნი ხართ და ჩვენ თხუთმეტი. მაშ, ბლლაჰენს ნუ დავუნყებთ ერთმანეთს. ზრდილობაც კარგი საქონელიაო, ნათქვამია.

ბიგრნაილმა უცბად დამბაჩა ამოიღო, - დამალული ჰქონდა ჯიბეში, ხალათის ქვეშ, ტენარდიეს ჩაუღო ხელში და ყურში ჩასძახა:

- უავერია! მე ვერ გავუბედავ, ვერ ვესვრი. იქნება შენ გაბედო!
- გავბედავ და მეტსაც ვუზამ!
- აბა, შიგ გულში!

გამოსტაცა ტენარდიემ დამბაჩა, დაუმიზნა უავერს.

უავერი სამი ნაბიჯით იყო მოშორებული. თვალი თვალში გაუყარა ტენარდიეს და უთხრა:

- ნუ ისვრი! სულერთია, არ გავარდება.
- დასწია ჩახმახი ტენარდიემ. არ გავარდა.
- ხომ გითხარი!

ბიგრნაილმა კეტი ფეხქვეშ შეუგორა უავერს:

- შენ მბრძანებელი ხარ მთელი ეშმაკებისა! გემორჩილები.
- თქვენ? - მიმართა ავაზაკებს უავერმა.

- ჩვენც! ჩვენც გემორჩილებით! - გაისმა ერთხმად.

- აი, ეგრე უნდა! აკი ვთქვი, ჭკუით იქნებით-მეთქი.

- ოღონდ ერთს გთხოვთ, ბატონო, - მიმართა ბიგრნაილმა, - ვიცი, ცალკე დამამწყვდევთ და თამბაქოს წევას ნუ ამიკრძალავთ.

- აგრე იყოს, - მიუგო უავერმა.

კარისკენ მიბრუნდა და დაუძახა:

- ახლა კი შემოდით!

შემოვიდნენ პოლიციელები. ზოგს ამოღებული ხმალი ეჭირა, ზოგს პოლიციის სატიგველი, ზოგს კეტი. მაშინვე შეკრეს ავაზაკები.

ამოდენა ხალხი აბნელებდა ისედაც ოდნავ განათებულ ოთახს.

- ცერსაკრავი ყველას! - უბრძანა უავერმა.

- აბა, გაბედეთ! აბა, მოდით! - შეჰყვირა ვილაცამ ისეთი ხმით, რომ ცხადი იყო, კაცისა არ უნდა ყოფილიყო, მაგრამ არც დედაკაცისა ჰგავდა.

ტენარდიეს ცოლი შემძვრალიყო კუნჭულში ფანჯარასთან და ის იყო, რომ ასეთი მუქარით გაჰკიოდა.

უკან დაიხიეს პოლიციელებმა.

შალი მოეხსნა, მაგრამ ქედი კი თავზე ჰქონდა. ქმარი უკან ჰყავდა ჩაცმული და თითქმის არ მოჩანდა დავარდნილ შალქვეშ. ქალს ორივე ხელით ეჭირა ერთი დიდი ქვა, მაღლა აენია და ისე იქნევდა, როგორც ბუმბერაზი კლდეს.

- მამ, ჩემი ბრალი არ იყოს! - შეჰყვირა პოლიციელების მოსაშორებლად.

მართლა კარისკენ მიიწიეს პოლიციელებმა. ფართო ადგილი დასარიელდა ოთახში.

მერე ქმრის ამხანაგებს გადახედა, რომლებიც ხელფეხმეკრულები იდგნენ სასოდავად, და ხრინწიანი ხმით წაიბუზღუნა:

- ლაჩრებო! შეგირცხვათ ვაჟუკაცობა!

ღიმილი მოერია უავერს და წინ წამოიწია ცარიელ ფართობზე, რომელიც თავის სამთლობელოდ მიაჩნდა ქალბატონს.

- ნუ მოდიხარ! ნადი, მომშორდი, თორემ შიგ თავში გთხლიშავ!

- დევია სწორედ! - წამოიძახა უავერმა, - შენ, ეი! შენ წვერი გაქვს ვაჟუკაცისა, განა?

ჰოდა, მე კიდევ ბრჭყალები მაქვს დედაკაცისა!

მაინც წინ მიიწევდა.

თმაგანწილი, საზარელი იყო დედაკაცი. უავერს შეჰყურებდა. მერე განზე გადაა ფეხები, უკან გადაიხარა ტანი და მართლა შიგ თავში სტყორცნა ქვა. უავერი დაიკუზა. ქვამ ზემოდან გადაუარა, კედელს მოხვდა, გამხმარი გაჭი ჩამოანგრია, იქიდან ისევ უავერს ეცა ფეხქვეშ.

უავერიც მივარდა ცოლ-ქმარს. ტლანქი ხელი დედაკაცს დაადლო მხარზე, მეორე - მის ქმარს თავზე, და დაიძახა:

- ცერსაკრავი!

მაშინვე შემოცვივდნენ პოლიციელები და სწრაფად შეასრულეს უავერის ბრძანება.

რომ შეკრეს დედაკაცი, ერთად შეუკრეს ორივე ცერი, და ასევე შეკრული დაინახა თავისი კაცი, ძირს გაიშლართა და ტირილი წასკდა. ქვითინებდა და მოთქვამდა:

- ჩემი გოგოები! უბედური ჩემი გოგოები!

- ისინიც კარგად არიან, - ანუგეშებდა უავერი.

ამასობაში პოლიციელებმა მთვრალი კაცი იპოვეს, კუნჭულში რომ მიაგდეს ამხანაგებმა, და იქ მიიქინა. თვალი გაახილა მთვრალმა და წაიბურტყუნა:

- შა, გათავდა, ჟონდრეტ?

- შო, გათავდა, - მიუგო უავერმა.

ფეხზე იდგნენ გაბანრული ავაზაკები. ჯერაც იმავე აჩრდილის შეხედულება ჰქონდათ, ზოგს პირზე ნილაბი, ზოგს შავად შესვრილი სახე.

- არ მოიხსნათ ნილებები, - უბრძანა უავერმა.

მერე წინ გაუარა და აათვალიერ-ჩაათვალიერა ყველა, როგორც მეფე ფრიდრიხმა ჯარი პოტსდამის აღლუმზე.

- შა, როგორ ხარ, ბირგანილ? შენა, ბრუჟონ? ცალფეულა, ცალმილიარდავ, შენცა აქა ხარ?

მერე ნილაბიანებს მიუბრუნდა და ყასბისცულიანს მიმართა:

- სალამო მშვიდობისა, გელმერ!

მერე მსხვილკეტიანს:

- ბაბეტიც აქა ყოფილა!

და მუცლით მემლაპრეს: - სალამი, კლაკუს!

ამ დროს შენიშნა ტყვე, რომელსაც მთელი იმ ხნის განმავლობაში, რაც პოლიციელები ოთახში ტრიალებდნენ, ხმა არ ამოუღია. იჭდა ისე, თავდალუნული.

- გახსენით ბატონი! - ბრძანა უავერმა, - არავინ გავიდეს აქედან.

ეს თქვა და მედიდურად გამოიჭიმა მაგიდასთან, რომელზეც დარჩენილიყო სანთელი და სანერ-კალამი. ჯიბიდან ამოიღო პოლიციისნიშნინი ქალაღლი და ოქმის წერას შეუდგა.

რამდენიმე სტრიქონი დაწერა, ყოველთვის ერთი და იმავე შინაარსის შესავლისა, და გასცა ბრძანება:

- მობრძანდეს ბატონი, ამ ქურდბაცაცებს რომ ჰყავდათ შეკრული.

ერთმანეთს შესცქეროდნენ პოლიციელები.

- შა, მობრძანდეს! რა ვქნა?

მსხვერპლი ამ ავაზაკებისა, ბ. ლებლანი, ბ. ურბენ ფაბრი, მამა ურსულასი თუ ტოროლასი, გამქრალიყო.

კარში დარაჯები იდგნენ, მაგრამ ფანჯარასთან კი - არავინ, როგორც კი გათავისუფლდა კაცი, მოხსნეს ფეხიდან თოკი, და დაინახა, რომ უავერი თავის ოქმს

ჩაჰყურებდა, პოლიციელები - ჟავერს, ისარგებლა ამ ხმაურით და არეულობით, ჩოჩქოლითა და სიბნელით, ხელთ იგდო წამი, როდესაც არავინ უყურებდა და გადაეშვა ფანჯრიდან.

მისცვივდნენ ფანჯარას, გადაიხედეს, გარეთ არავინ ჩანდა.

კიბის თოკი ჯერაც იძროდა.

- ეჰ, გამისხლტა! - წაიღულუნა ჩუმად ჟავერმა, - ვინ იცის, ყველას ის აჭარბებდა!

თავი ოცდამეორე

წინაპრების სანახავად

მეორე დღეს ერთი პატარა ბიჭი მოდიოდა აუსტერლიცის ხიდის მხრიდან ფონტენებლოს სადარაჯოსკენ. ბნელი ღამე იყო. ბიჭი გაყვირებული იყო, გამხდარი, დაგლეჯილ ტანისამოსიანი. ტილოს შარვალი ეცვა თებერვლის ამ ყინვაში. მოდიოდა და მღეროდა.

პტი-ბანკიეს ქუჩის კუთხეში ერთი ბებერი დედაკაცი დაინახა. სანათით განათებულ ნაგავში რაღაცას ეძებდა ჩაცუცქელი. გავლისას ხელი წაჰკრა ბიჭმა. მერე განზე გადახტა და დაიძახა:

- ბიჭოს! ძალი მგონე, უშველებელი ძაღლი!

ისეთი დაცინვით წარმოთქვა ეს - უშველებელი ძაღლი, - რომ ზეზე წამოავდო დედაკაცი.

ბებერი ცოფსა ჰყრიდა:

- ხედავთ ამ სათოკესა! შენი ბედი, რომ ფეხზე არ ვიდექი, თორემ გაჩვენებდი სერს! შე არგასამეგობო, შენა!

მაგრამ მოშორებით იყო ბიჭი და შიში აღარ ჰქონდა.

- ქსი, ქსი! - მესძახა სიცილით ბიჭმა, - მგონი, მართლა ძაღლი ყოფილა, არ შევმცდარვარ!

ეს კი ვეღარ აიტანა დედაკაცმა, რომ შესძლებოდა, გაეკიდებოდა თავხედს და კარგად მიბეგვავდა. მაგრამ ბებერი იყო, გატეხილი, ჯანმიხდილი. სანათთან იღვა წელში მოხრილი, დანაოჭებული მთელი სახე მოუჩანდა, ტანი ბნელში იმალებოდა, მაგრამ სახე კარგად უჩანდა სანათის შუქზე და მიხრწნილების ცოცხალ სურათს წარმოადგენდა.

უყურა, უყურა შორიახლოდან ბიჭმა და მოახსენა:

- იმ სილამაზისა არა ბრძანდებით, ქალბატონო, რომელსაც მე ვეტრფი.

თავის გზას გაუდგა, ისევ სიმღერით:

ო, სტუკონოგმა - ხელმწიფემ ჩვენმა

აილო ტყვია, საფანტი, დენთი

და სანადიროდ წავიდა იგი.

ეს თქვა და გაჩუმდა. უკვე მივიდა სახლთან #50-52, მაგრამ კარი დაკეტილი დახვდა. მიჰკრა და მიჰკრა ფეხი, გაბედვით და ღონივრად, თავის დიდრონ, ვაჟკაცის წაღების გაუფრთხილებლად.

აბრახუნებდა კარს და უკანიდან ბებრის ყვირილი შემოესმა, იმ ბებრისა, ასე უხიკად რომ აწყენინა წელან, მორბოდა ბებერი და ყვიროდა:

- ვინ არის, ვინ, გენაცვალეთ? ვინ ამტკვრევს კარს? აჰა, ღმერთო! რა მოხდა, ნეტავი?

პატარა ბიჭი კი აბრახუნებდა.

ძლივსლა სუნთქავდა ბებერი.

- ვინ არის? ვინ მინგრევს სახლს?

და უცბად გაჩერდა, იცნო პატარა ბიჭი.

- კიდევ შენა ხარ, შე ეშმაკის კერძო!

- ბიჭოს! წელანდელი ბებერი! ოჰ, სალამო მშვილობისა, ქალბატონო, ბურგონ-ბუზო! მინდა ჩემი წინაპრები ვნახო.

დაიღრჩია ბებერი, საგანგებოდ შეხამებული სურათი გამოეხატა სახეზე სიძულვილის, სახიჩრობის და მიხრწნილობისა, რომელიც, საუბედუროდ, შეუნიშნავი დარჩა იმ სიბნელეში.

- ალარავინ არის, შე უშვერო, შენა!

- ბიჭოს! მერე მამაჩემი სად არის?

- ფორსის ციხეში.

- ხედავთ! დედაჩემი?

- სენ-ლაზარის საპატიმროში.

- ჰოო? ჩემი დები?

- მადლონეტის საპატიმროში.

ყურს უკან თავი მოიფხანა ბიჭმა, უყურა, უყურა ბებერ ბურგონს და თქვა:

- ჰოო?

მერე კოხტად შეტრიალდა ქესლებზე და წავიდა თავისთვის. კართან იდგა ბურგონი, კარის გაღებას აპირებდა, რომ ისევ იმ ბიჭის სიმღერა მოესმა. მიდიოდა ხეებქვეშ პატარა ბიჭი და უდარდელად, ტკბილად მღეროდა წკრიალა ხმით:

ო, სტუკონოგმა - ხელმწიფემ ჩვენმა

აილო ტყვია საფანტი, დენთი,

და სანადიროდ წავიდა იგი,

რომ კატკატისთვის გაეპო მკერდი

და მეფის ახლოს ვინც გაივლიდა

მისთვის სულ ყველა ორ სუს იხდიდა.

ნაწილი მეოთხე

იდილია პლუმეს ქუჩისა და ეპოპეა სენ-დენის ქუჩისა

წიგნი პირველი

ისტორიის რამდენიმე ფურცელი

თავი პირველი

კარგად იყო გამოჭრილი

1831 და 1832 წლები, რომლებიც უშუალოდ მოსდევდნენ ივლისის რევოლუციას, მეტად თვალსაჩინო და საყურადღებო ხანაა ისტორისა. ეს ორი წელიწადი რომ შევადაროთ მის უახლოეს წინა წლებს და შემდეგს, მაღალ მთასავით დიდებულად

აღინიშნება რევოლუციური დიდებითა და უფსკრულის სიღრმით. სოციალური მოთხოვნები ხალხისა, ფუძეები ცივილიზაციისა, მკვიდრად შეერთებული საერთო მისწრაფებანი, საუკუნეობრივი ძველი საფრანგეთის წესწყობილების მოხაზულობანი ჩნდებოდა წამაღუნუმ და მაშინვე ქრებოდა სხვადასხვა სისტემის, თეორიისა და ვნებათა მშფოთვარე ღრუბლებში. ეს გამოჩენა და გაქრობა აღიარეს წინააღმდეგობად და მოძრაობად. ხანდახან აქ ჭეშმარიტების სხივიც მოჩანდა, სხივი ადამიანის სულისა.

ეს ღირსშესანიშნავი დრო საკმაოდ ჩამოშორებულია აწინდლიდან, და შესაძლებელი უნდა იყოს მის მთავარ ხაზებში აღნიშვნა.

გვინდა ვცადოთ.

რესტავრაცია გარდამავალი ხანა იყო, დასახსიათებლად მეტად ძნელი, რომელშიც მოისმის დაღლაყ, გაურკვეველი გუგუნიც, ძილის სურვილიც და დაქანცულთა დრტვინავც, - უტყუარი ნიშანი, რომ დიდმა ერმა მიაღწია თავის ახალ ეტაპს. მეტად თავისებურია ეს გარდამავალი ხანა და ადვილად შეჰყავს შეცდომაში ის პოლიტიკოსები, რომელთაც მისი გამოყენება ნებაზე თავის სასარგებლოდ. დასაწყისში არათერს მოითხოვს ერი, გარდა დასვენებისა; თუ ნატრობს რამეს, მხოლოდ მშვიდობას; აღარათერი უნდა, ოლონდ მოასვენონ, თავი დაანებონ დაღლილს. მადლობა ღმერთს, ყველათერი ნახა და იგემა ხალხმა, დიდებული ამბებიც, საზარელი შემთხვევებიც, დიდი კაცებიც. ნახა და მეტი აღარ უნდა, აღარ შეუძლია; პრუსიასში გაცვლის თავის კეისარს და პატარა მეფე ივეტოში თავის ნაპოლეონს. „რა კარგი იყო პატარა მეფე“. გათენებიდან ხალხი ლაშქრობაში იყო, ახლა მძიმე გაჭიანურებული დღის საღამოს ჟამი მოსულიყო, ჯერ მირაბო, მერე რობესპიერი, მერე ნაპოლეონი! მოიქანცა ხალხი, ლოგინი და ტკბილი ძილი ენატრებოდა.

დაიღალნენ თავგანწირულები, დაბერდნენ გმირები, დიდებულთა ხელის კოცნით გაძლნენ მლიქვნელები. დიდი სიმდიდრე შეიძინეს ანგარების მოყვარულებმა და ერთხმად გაისმის თხოვა, გოდება, ვედრება! რისა? ბინისა და მოსვენებისა! აი, ბინაც აქვთ და მოსვენებაც; დამშვიდებულნი არიან, მოცლილნი, შიში აღარა აქვთ; კმაყოფილნი არიან. მაგრამ ცხოვრება თავის გზას მისდევს და ახალ ამბებს ქმნის, რომლებიც მოსვენებას არ აძლევენ და ძილს უფრთხობენ დაღლილთ და კმაყოფილთ; რევოლუციიდან მომდინარეობენ და ომებიდან; არსებობენ, სული უდგათ, უფლება აქვთ საზოგადოებრივ ცხოვრებაში დამკვიდრებისა და კიდევაც მკვიდრდებიან. მკვიდრდებიან და ნელ-ნელა, მაგრამ შეუწყვეტლივ ამზადებენ დასასვენებლად მიღწეულ, ბინისა და ძილის მონატრულ ხალხს ახალი პრინციპებისა და ახალი ბრძოლისთვის.

და აი, რა ეჩვენებათ მაშინ პოლიტიკის ფილოსოფოსებს.

იმ დროს, როდესაც დაღლილი ხალხი მხოლოდ მოსვენებას მოითხოვს, ცხოვრება ახალი ფაქტებით მოითხოვს გარანტიას. გარანტია იგივეა ფაქტებისთვის, რაც მოსვენება დაღლილთათვის.

გარანტიას სთხოვდა ინგლისი სტიუარტებს, გარანტიას სთხოვდა საფრანგეთი ბურბონებს იმპერიის შემდეგ.

ეს გარანტია პოლიტიკური მოთხოვნისაა დროისა. და უნდა დაკმაყოფილდეს კიდევ ეს მოთხოვნისა. მეფე „უნყალობებს“ ხალხს ამ მოქალაქეობრივ

გარანტიებს, მაგრამ ნამდვილად აქ მეფის წყალობა როდია. ცხოვრების ძალა მოითხოვს და პოევებს კიდევ თავისას. ეს არის ღრმა და სასარგებლო ჭეშმარიტება, რომელშიც დარწმუნდნენ სტიუარტები 1660 წელს და რომელიც ვერც 1814 წელს შეიგნეს ბურბონებმა.

დამარცხდა ნაპოლეონი, ბურბონების გვარი დაბრუნდა საფრანგეთში და გულწრფელად სწამდა თავისი მიაშიტობით, რომ მისი ნება იყო, მისი სურვილი და ამიტომ უწყალობა ხალხს ქართია. სწამდა აგრეთვე, რომ რასაც აძლევდა, გულკეთილობით აძლევდა, და შეეძლო წაერთმია, როდესაც მოისურვებდა; სწამდა, რომ ბურბონთა გვარს ჰქონდა ღვთისგან მონიჭებული უფლება, საფრანგეთს კი არაფერი ჰქონდა; სწამდა, მამასადამე, რომ ხალხისადმი ლუი XVIII-ის მიერ ქარტიით მიცემული პოლიტიკური უფლებები ნაწილი იყო ღვთისგან ბურბონებისადმი მინიჭებული უფლებისა, ბურბონთა გვარიდან ჩამოჭრილი და ხალხისადმი მიძღვნილი მხოლოდ დროებით, იმ დრომდე, როდესაც მეფე მოისურვებს მიცემულის უკანვე გამორთმევას. მაგრამ ყურადღება რომ მიექციათ იმ მწუხარებისთვის, რომლითაც ბურბონებმა ეს ქარტია მისცეს ხალხს, უნდა ეგრძნოთ, რომ იმათი არაფერი იყო ამ „წყალობაში“ და, თუ მიიღო რამე ხალხმა, თავისი კუთვნილი მიიღო.

მოუხეხარი, შურიანი იყო ბურბონთა გვარი XVIII საუკუნეში. ბასრი ხმალივით ხედებოდა შიგ გულში ყოველი სიკეთე და წარმატება ერისა. მდაბიო სიტყვას ვიხმართ, ესე იგი ხალხურს და ნამდვილად გამომხატველს, ბურბონებს ცხვირ-პირი ჩამოსტიროდათ და ხალხიც კარგად ხედავდა ამას.

„ჩვენ რომ ძლიერნი არ ვიყით, ასე ადვილად არ მოისპობოდა ნაპოლეონის იმპერიაო“, - ფიქრობდნენ ბურბონები. ვერ ხედავდნენ, რომ იმ ძალით იყვნენ საფრანგეთში დაბრუნებულნი, რა ძალითაც დამარცხებული იყო იმპერია. ვერ ხედავდნენ, რომ იმის ხელთ იყვნენ ისინი, რამაც ტახტიდან ძირს ჩამოაგდო ნაპოლეონი.

„ღრმა ფესვი გვაქვს ხალხში გადგმული, რადგან ჩვენ ვართ ხალხის წარსული“, - ეკონათ ბურბონებს. მაგრამ ცდებოდნენ. ბურბონები ნაწილს შეადგენდნენ წარსულისას, ნამდვილი წარსული კი საფრანგეთი იყო და არა მისი მეფეები. საფრანგეთის საზოგადოებრიობის ფესვები ერში იყო და არა ბურბონებში. ღრმად ჩამალული იყო ეს ფესვები, სიცოცხლის ძალ-ღონით სავსე, და ერთი ოჯახის კუთვნილებასა და უფლებას კი არა, მთელი ხალხის ისტორიას წარმოადგენდა. ყველგან იყო ეს ფესვები, ყველგან, გარდა სამეფო ტახტისა.

ბურბონთა გვარი საფრანგეთისთვის ერის ისტორიის კვანძი იყო დიდებული და სისხლიანი, მაგრამ მისი მომავლის და ბედის უმთავრეს ნაწილს კი არ შეადგენდა, აღარც საფრანგეთის პოლიტიკის საჭირო ფუძეს. ბურბონების გარეშეც აღარაფერი უჭირდა ხალხს; უიმათოდაც კარგად გაძლებდა; ოცდაორი წელიწადი იყო, უიმათოდ იბრძოდა ხალხი თავისი კეთილდღეობისთვის, შეწყდა დროებით მათი მეფობა, მაგრამ ამასაც კი ვერ ხედავდნენ, ან როგორ დაინახავდნენ, როცა ჭეშმარიტებად სწამდათ, რომ ლუი XVII მეფედ ბრძანდებოდა 9 თერმიდორს და ლუი XVIII კი მარენგოს ბრძოლის დღეს?

თავის დღეში არსად ყოფილა, მას შემდეგ, რაც ისტორია არსებობს, ამგვარი დაბრმავება მეფეებისა; დაბრმავებულები იყვნენ იმდენად, რომ ვერ ხედავდნენ

ფაქტებს და ღვთის განგებას, რომელსაც ცხადყოფენ ეს ფაქტები. თავის დღეში არ ყოფილა მეფის უფლებისგან ასეთი უარყოფა ზეციური უფლებისა.

ძირითადი შეცდომა იყო და შედეგად ის მოჰყვა ამ შეცდომას, რომ ბურბონები იძულებული გახდნენ დამორჩილებოდნენ ამ მოთხოვნილებას და გარანტია მიეცათ ხალხისთვის, ვითომ მოწყალეობად. „მოწყალეობად“ მოგვეცეს ის, რაც ბრძოლითა გვექონდა მონაპოვარი. თავის ნადავლად მიაჩნდათ ის, რაც ჩვენს უფლებას წარმოადგენდა.

და როდესაც ხელსაყრელად ეჩვენა დრო რესტავრაციას, რომელსაც სწამდა, - მე ჩემი ძალით დავამარცხე ნაპოლეონი და ღრმად გავიმავრე ხალხში ფესვიო, - იგი წამოდგა უცხად და განიზრახა ვაბატონება. წინ გამოეჭიმა ერთ დილას საფრანგეთს და ხმის ამაღლებით უარყო საზოგადოებრივი და ინდივიდუალური უფლება, ერის ხელისუფლება და მოქალაქის თავისუფლება. სხვა სიტყვით რომ ვთქვათ, ერს მოუსპო ის, რითაც ის ერი იყო, და მოქალაქეს ის, რითაც იგი მოქალაქე იყო.

ამან გამოიწვია რესტავრაციის დამხობა.

დამხნეს რესტავრაცია და სამართლიანიც იყო! ოღონდ, ისიც უნდა ვიქონოთ მხედველობაში, რომ რესტავრაცია მტრულად არ ექცეოდა პროგრესის ყოველ ფორმას. ბევრი დიდი რამ გარიგდა რესტავრაციის დროს, გარიგდა მის გვერდით, მის დაუხმარებლად.

რესტავრაციის დროს მიეჩვია ხალხი მშვიდად ბჭობას და კამათს, რაც შეუძლებელი იყო რევოლუციის დროს; ამ დროსვე შეიგნო სიდიადე მშვიდობიანობისა, რაც შეუძლებელი იყო ნაპოლეონის იმპერიის დროს. თავისუფალი და დიდებული საფრანგეთი იმედით ავსებდა ევროპის ხალხებს; რობესპიერის დროს რევოლუციას ეკუთვნოდა სიტყვა; ნაპოლეონის დროს - ზარბაზნს; ლუი XVIII-ისა და შარლ X-ის დროს ერგო რიგი გონებას. ქარი ჩავარდა, სანათი გაჩაღდა, წმინდა მწვერვალზე აციმციმდა სხივი გონებისა და ცოდნისა, - გულისწარმტაცი სურათი, სასარგებლო და თაყვანსაცემი. თხუთმეტი წლის განმავლობაში ბრწყინვალედ სრული თავისუფლებით, სახალხოდ, სრულიად დაურიგებლად, დიდებული პრინციპები, ესოდენ ხნიერნი მეცნიერთათვის და სულ ახალნი მთავრობის მოხელეთათვის; თანასწორობა კანონის წინაშე, თავისუფლება სარწმუნოებისა, თავისუფლება სიტყვის, თავისუფლება მწერლობისა, უფლება ყოველგვარი თანამდებობის მიღებისა, თუკი მომზადებული არის ადამიანი, ასე იყო 1830 წლამდე. ბურბონები წარმოადგენდნენ ცივილიზაციის იარაღს, რომელიც გატეხილიყო განგების ხელში.

დიდებით სავსე იყო ბურბონთა დაცემა, ოღონდ დიდებულად ბურბონები კი არა, ხალხი მოიქცა ამ დროს. ტახტიდან თავმომწონედ ჩამობრძანდნენ, მაგრამ პატივისცემა ვერ დაიმსახურეს. ტახტის დაკარგვა ბურბონებისა არათერს წარმოადგენდა მნიშვნელოვანს, რომ საზარელი კვალი დაეტოვებინა ისტორიაში; ის არც შარლ I-ის დიად სიმშვიდეს ემსგავსებოდა, არც ნაპოლეონის არწივისებურ ყვირილს. ჩამობრძანდნენ და წავიდნენ. მორჩა და გათავდა! გვირგვინი მოისწეს თავიდან, მაგრამ შექითმოსილი კი ვერ შერჩათ თავი. ღირსეულად მოიქცნენ, მაგრამ დიდებულად კი ვერა. ვერ შეეგნოთ მთელი დიდება თავიანთი უბედურებისა. შერბურში მგზავრობის დროს შარლ X-მ რომ მრგვალი მაგიდა ოთხკუთხედად გადააკეთებინა, ეტიკეტს იყავდა იმ დროს, როდესაც მინასთან სწორდებოდა მისი ხელმწიფობა. ეს დაკნინება ბურბონებისა სამწუხაროდ ჰქონდათ მეფის ერთგულებს,

რომელთაც უყვარდათ ბურბონები, და აგრეთვე იმათ, ვინც პატივს სცემდა მათ შთამომავლობას. ხალხი კი მართლა დიდებულად მოიქცა. იარაღით მივიდა ხალხზე ერთ დილას ერთგვარი მოთხოვნით მეფე. და იმდენად ძლიერად გრძობდა თავს ხალხი, რომ არც კი განრისხებულა. მაგრამ დაუხვდა იარაღით მომდგარს, არაფერი დაანება თავისი, ამით დაკმაყოფილდა და თავ-თავის ალაგას ჩააყენა ყველაფერი, - მთავრობას კანონიერება დაავალა, ბურბონები განდევნა და გაჩერდა. ბალდახინის ქვეშიდან გამოიყვანა ბებერი შარლ X, იმ ბალდახინის ქვეშიდან, რომელიც ლუი XIV-ს ჰფარავდა, და ფრთხილად დასვა მიწაზე. ვისაც კი ხელი ახლოს მეფის ოჯახიდან, ყველას სიფრთხილით და ღრმა მწუხარებით. ერთი კაცი კი არ იყო ისე პატიოსნად მოღვაწე, არც რამდენიმე კაცი, ერთად მოქმედი, არა, ეს საფრანგეთი იყო, გამარჯვებული და გამარჯვებით მთვრალი საფრანგეთი, რომელიც ისე მოიქცა, როდესაც მთელი ქვეყანა მას შესესქეროდა, თითქოს მოაგონდა და გამოიყენა გილიომ დე-ვერის კეთილმოხილვებით აღსავსე სიტყვები მთელი დღის ბარიკადებში ბრძოლის შემდეგ ნათქვამი:

„გაჭირვებაში რომ ნახავს მეფეს, მხოლოდ ის წაჰკრავს წიხლს, ვინც ხელს ულოკავდა ძლიერ, რომ გაერიგებინა პირადი საქმე, და ისე ხტოდა ერთიდან მეორისკენ, როგორც ფრინველი ტოტზე; მე კი ყოველთვის პატივსაცემად დამრჩებიან ჩვენი მეფეები და მეტადრე ბედისგან დაჩაგრულები“.

პატივისცემა გაჰყვით თან ხალხისა ბურბონებს, მაგრამ შებრალება კი არა. იმათი უბედურება უფრო დიდი იყო, ვიდრე თვით ისინი, და უჩინარ იქმნენ ჰორიზონტზე.

ივლისის რევოლუციას მაშინვე გამოუჩნდნენ თანამგრძობნი და მტრები მთელ ქვეყანაში. ზოგნი სიხარულით აღტაცებულნი მიემხრნენ მის დებულებებს, ზოგმა კიდევ ზურგი შეაქცია და შორს გაუდგა, თითოეული მოექცა ისე, როგორც ეს მის ბუნებას შეეფერებოდა. ევროპის მეფეებმა, ამ გათენების ჭოტებმა, მაშინვე თვალი დახუჭეს, სინათლით განცვიფრებულებმა და დაკოდილებმა თვალი მხოლოდ იმისთვის გაახილეს, რომ შექარა დაეყრანტალებინათ. გასაგებია მათი შიში, შესანყნარებელია მათი შექარა. მშვიდობიანად ჩაიარა ამ უცნაურმა რევოლუციამ. დამარცხებულ მეფობას იმდენი პატივიც კი არ სცა ხალხმა, რომ მტრად გამოეცხადებინა, ან მისი სისხლი დაეღვარა. დესპოტიზმზე დამყარებულ მეფეებს, რომელნიც სულ იმის ცდაში არიან, რომ თავისუფლება როგორმე თვითონვე შერცხვეს და წაიბილნოს, ვერ მოენელებინათ, რომ ასე ტკბილად ჩაიარა მძლავრმა ივლისის რევოლუციამ. მაგრამ მის წინააღმდეგ არც რამე განზრახვა ყოფილა, არც მეფეთა დახმარება. პირიქით, ამ რევოლუციას მიესალმნენ უკმაყოფილონიც, განრისხებულნიც, აღშფოთებულნიც. რაც უნდა დიდი იყოს ჩვენი ეგოიზმი და ჩვენი ჯავრი, რალაც საიდუმლო სათაყვანებლით არის მოცული ის მოვლენები, რომელშიც მისი მარჯვენის მონაწილეობას ვგრძნობთ, ვინც უფრო მაღლა დგას, ვიდრე ადამიანი.

ივლისის რევოლუცია გამარჯვება არის უფლებისა, რომელმაც ძირს დასცა არსებული. ბრწყინვალეობით სავსეა ეს გამარჯვება.

უფლებამ ძირს დასცა დიდი ხნის არსებული. ამით არის დიდებული 1830 წლის რევოლუცია და ამასთან მშვიდობიანობით. გამარჯვებულ უფლებას არ ესაჭიროება არავითარი ძალმომრეობა.

უფლება არის სიმართლე და ჭეშმარიტება. უფლების თვისება არის დარჩეს მარად უმნიშვნლო და კეთილისმყოფელი.

ძალიან საჭიროც რომ იყოს არსებული თავისი გარეგნობით და კეთილად მიჩნეული თავის თანამედროვეთაგან, თუ მართო იმიტომ არის, რომ ვილაცას დაუარსებია ოდესღაც, და ძალიან ცოტაღა შერჩენია, ან სულაც არ შერჩენია უფლება, იგი უნდა დაეცეს და მოისპოს, რადგან დღეს იქნება თუ ხვალ, დაკარგავს მნიშვნელობას და საზიზღარი, პროგრესის ხელშემშლელი იქნება და, მაშასადამე, მავნებელი. თუ გნებავთ ნახოთ ერთხელ თვალის გადავლებით, რამდენად წაიბილწება არსებული დროთა მსვლელობაში, გადახედეთ მაკიაველის. ავი სული არ იყო მაკიაველი, არც მავნე მწერალი, ის იყო მხოლოდ და მხოლოდ ფაქტი და ეს ფაქტი მართო იტალიისთვის კი არ იყო დამახასიათებელი, არამედ მთელი ევროპისთვის XVI საუკუნიდან მოყოლებული. საზარელსა ჰგავს და საზარელიც არის იგი XIX საუკუნის ზნეობრივ პრინციპთან შედარებული.

ეს ბრძოლა უფლებისა არსებულის წინააღმდეგ დაიწყო ადამიანმა საზოგადოებრივი ცხოვრების დასაწყისში. ადამიანის სიბრძნე უნდა დაასრულოს ეს ორთაბრძოლა. წმინდა იდეა უნდა გარდაქმნას ადამიანურ რეალობად, მშვიდობიანად უნდა შეიყვანოს უფლება არსებულში, და არსებული, თუ სასარგებლო არის კაცობრიობის წინსვლისათვის, - უფლებაში.

აი, რა ვალდებულება უნდა იკისროს ბრძენთა მოღვაწეობამ.

თავი მეორე

კარგად არ იყო შეკერილი

მაგრამ სულ სხვა არის შრომა ბრძენისა და შრომა მოხერხებული ადამიანისა.

ძალიან ჩქარა დამთავრდა 1830 წლის რევოლუცია.

როგორც კი ნაპირზე გარიყავს ზღვა რევოლუციას, მაშინვე მიესვეიან მოხერხებული მოღვაწენი, რომ ნადავლი გაინაწილონ.

ჩვენს დროში ამ მოხერხებულებმა სახელმწიფო მოღვაწეთა სახელი დაირქვეს. ფესვი გაიდგა ამ სახელმა და დღეს ხალხში „სახელმწიფო მოღვაწე“ მოხერხებულ ადამიანს ნიშნავს. მართლაც ნუ დავივიწყებთ, რომ სადაც მოხერხების მეტი არაფერია, იქ უთუოდ დაკნინებაც არის. რომ იტყვიან, მოხერხებული კაციო, - ამით ამბობენ, საშუალო კაცი არისო.

სწორედ ისევე, როგორც სიტყვა - „სახელმწიფო მოღვაწე“ - ხშირად უდრის სიტყვას - „ქვეყნის მოღალატე“.

ამ მოხერხებულთ რომ ყური დაუვებდნენ, ყველა რევოლუცია, როგორც ივლისის რევოლუცია, გაჭრილი არტერიაა და სასწრაფო შეხვევა ესაჭიროება. მეტისმეტი დიდებით გამოცხადებული უფლება არყვეს ქვეყანას. და ამიტომ, როგორც კი დამყარდება უფლება, უნდა გავამაგროთ მაშინვე სახელმწიფოც. რაკი უზრუნველყოფილია თავისუფლება, ახლა მთავრობაზე უნდა ვიზრუნოთ.

ჯერჯერობით ბრძენებიც ამ მოხერხებულებთან არიან, მაგრამ ეჭვი კი ეპარებათ. ხელისუფლება გვინდა? ძალიან კარგი, მაგრამ, პირველი, - რა არის ეს ხელისუფლება? - და მეორე - საიდან მომდინარეობს ხელისუფლება?

მოხერხებულები ყურს იყრუებენ, ვითომ არც კი გაუგონიათ ბრძენთა ნათქვამი და თავისას განავრძობენ.

ძალიან კარგად იციან ამ პოლიტიკოსებმა თავისი ჯიბისთვის სასარგებლოზე სახელმწიფო საჭიროების ნიღბის ჩამოცმა და გაიძახიან, - სახელმწიფოს დინასტია უნდაო: - პირველი საჭიროება ხალხისა, რაკი დამთავრდება რევოლუცია, რადგან ეს ხალხი მონარქიული წესით ცხოვრობდა, არის დინასტიის მოპოვება. თუ ასე მოვაგვარეთ საქმე, რევოლუციის შემდეგ მოსვენებას ეღირსება ხალხი, ესე იგი საშუალება ექნება შეიხვიოს ჭრილობები და შეაკეთოს თავისი სახლი. დინასტია მაღავეს ხარაჩოს და ფარავს საავადმყოფოს.

მაგრამ არც ავრე ადვილია დინასტიის მოპოვება.

თუ გაჭირდა, პირველივე ნიჭით აღვსილი ან პირველივე შემხვედრი შეიძლება გამოვჭიმოთ სამეფო ტახტზე. პირველის მაგალითი ბონაპარტია და მეორისა - მექსიკის ხელმწიფედ გამოცხადებული ესპანელი იტურბიდე.

მაგრამ ყველა გვარი ხომ ვერ ივარგებს დინასტიის შესაქმნელად; რამდენიმე საუკუნის ისტორია უნდა ჰქონდეს გვარს, რომ დინასტიად ივარგოს; ეს აუცილებელი საჭიროებაა, რადგან უთუოდ უნდა ემჩნოდეს საუკუნეთაგან აღბეჭდილი ნაოჭები: ერთი წამითაც რომ გავიზიაროთ ამ „სახელმწიფო მოღვაწეთა“ დებულებანი, მაინც აღიძვრის კითხვა, - რევოლუცია რომ დასრულდება, რა თვისებები უნდა ჰქონდეს მეფეს, რომელსაც რევოლუცია ქმნის? შეიძლება და სასარგებლოც არის, რომ რევოლუციონერი იყოს, ესე იგი პირადი მონაწილე რევოლუციისა, მონაწილე თავისი აზრით, დახმარებით, იარაღით.

რა თვისებები უნდა ჰქონდეს დინასტიას? ეროვნულ ნიადაგზე უნდა იდგეს, ესე იგი რევოლუციონერი უნდა იყოს, ოღონდ განზე ედგეს რევოლუციას; თანაუგრძობდეს მხოლოდ პრინციპულად და არა საქმით; წარსულზე უნდა იყოს დამყარებული და ისტორიული იყოს; მომავალი ჰქონდეს და მიმზიდველი იყოს.

ამით აიხსნება ის გარემოება, რომ პირველი რევოლუციები შესაფერისი ადამიანებით კმაყოფილდებიან, - კრომველით, ნაპოლეონით, - და შემდეგში კი უთუოდ დიდ გვარიშვილობაზე ამყარებენ იმედებს, ბრაუნშვეიგის ან ორლენანბის გვარზე.

მეფის გვარეულობა ძალიან ჰგავს ინდურ ლეღვის ხეს, რომლის ყოველი ტოტი ძირისკენ იწვეს, მიწას ეხება, შიგ ფესვს იმაგრებს და ლეღვის ხედ ხდება. ავრეოვე მეფის გვარეულობის ყოველ შტოს შეუძლია დინასტიად იქცეს, ოღონდ ხალხამდე დაიღუნოს.

ეს გახლავთ მოხერხებულთა თეორია.

მამ, აი, იმათი ხელოვნება. პატარა გამარჯვების ამბავს უნდა მისცეთ გავზიადებული კატასტროფული მნიშვნელობა, რომ მისი შიშით თრთოდნენ, ვინც მით სარგებლობს; საშიში გახადეთ ყოველი წარმატება ამ გამარჯვებისა, და შემზღუდეთ მისი გავლენა, რომ შეაჩეროთ პროგრესი; შეაზიზღეთ მისი სინათლე, დაგმეთ და შეამცირეთ სიმკაცრე აღტაცებისა; ჩამოსჭერით კუთხეები და ფრჩხილები; ბამბა შემოახვიეთ გამარჯვებას; ფლოსტები ჩააცვით უფლებას; გმირებრივ მებრძოლი ხალხი ფლანელში შეახვიეთ და საჩქაროდ ლოგინში ჩაანვინეთ; დიეტა დაუნიშნეთ გადაჭარბებით ჯანსაღ ხალხს; ჰერკულესი ავადმყოფად გამოაცხადეთ და წამლობა დაუწყეთ; გახსენით და გაანყალეთ საჭიროებისამებრ ეგ გამარჯვება. იდეალით გატაცებულთ მიართვით ეს წყალში გახსნილი ბალახებით შეზავებული ნექტარი;

მიიღეთ ყოველგვარი ღონისძიება, რომ შემცირდეს ამ გამარჯვების როლი და ერთი კარგი შექმნარი ჩამოაფარეთ რევოლუციას.

1830-მა წელმაც სწორედ ეს ხელოვნება გამოიყენა, უკვე ნაცადი ინგლისში 1688 წელს.

1830 წელს რევოლუცია შუა გზაში იყო შეჩერებული, ოდნავ მიაღწია წადილს, ვითომ უფლებას. ლოგიკამ კი არაფერი იცის ოდნავებისა და ვითომებისა, როგორც მშემ არაფერი იცის ჩვენი შანდლისა.

მერე ვინ აჩერებს რევოლუციას ზედ შუა გზაზე?

ბურჟუაზია.

რად აჩერებს?

იმიტომ, რომ ბურჟუაზია არის მიზანთან მისული წადილი. ბურჟუაზია გუშინ მაღა იყო, დღეს ჭამა არის და ხვალ ძლომა იქნება.

რაც ნაპოლეონის დამარცხებას მოჰყვა 1814 წელს, იგივე მოჰყვა შარლ X-ის განდევნას 1830 წელს.

ცდებოდნენ, როდესაც ნებადართო ცალკე კლასად გაეხადათ ბურჟუაზია. ბურჟუაზია არის დაკმაყოფილებული ნაწილი ხალხისა. ბურჟუაზია კაცი გახლავთ, რომელსაც მოყალბა აქვს, სკამი აქვს და შეუძლია დაბრძანდეს.

მაგრამ სკამი კლასი არ არის.

ძალიან ადრე რომ მოინდომებენ დაბრძანებას, შეიძლება თვით კაცობრიობის წინსვლაც კი შეაფერხონ. ეს შეცდომა ხშირად მოსდიოდა ბურჟუაზიას.

იმით ხომ ვერ გადაიქცევიან ბურჟუები კლასად, რომ ხშირი იყო მათი შეცდომა.

ეგოიზმი არ გამოადგება საზოგადოების ცალკე კლასებს დაყოფის საფუძვლად.

მაგრამ სამართლიანად მოვეკიდით ყველაფერს, თვით ეგოიზმსაც კი. 1830 წლის რევოლუციის შემდეგ ხალხის ის ნაწილი, რომელსაც ბურჟუაზია ეწოდება, განცხრომას კი არ ნატრობდა, ან სიზარმაცეს და შერცხვენილ მოსვენებას, არც აგრეთვე ძილს, რომ დავინწყებოდა ყველაფერი; არა, ბურჟუაზია შეჩერებას ლამობდა.

შეჩერებას ორგვარი მნიშვნელობა აქვს: შეიძლება საომრად განწყობილი მომავალი ჯარი შეაჩეროთ დასასვენებლად; აქ მოძრაობაა. შეიძლება საბოლოო სადგურზე გაჩერდეთ; აქ მოსვენებაა.

დასასვენებლად შეჩერება ძალ-ღონის მოკრებაა, დასვენება იარაღითურთ და ფხიზელი თვალებით; ამ შეჩერებას ბრძოლა ჰქონდა გუშინ და ბრძოლა ექნება ხვალაც.

ამგვარი ორბრძოლის შუად უნდა ვიგულისხმოთ 1830-1848 წლები.

რასაც ჩვენ აქ გამოვთქვამთ სიტყვით „ბრძოლა“, ამას სხვაფერად პროგრესი ჰქვია.

მამასადამე, ბურჟუაზიას, როგორც სახელმწიფო მოღვაწეებს, ესაჭიროებოდათ ისეთი კაცი, რომ სათავეში „დაეყენებინათ“, ვიდრე დაისვენებდნენ და ძალას მოიკრებდნენ შემდეგი ბრძოლისთვის; ერთი რთული პიროვნება, რომელიც რევოლუციის მიერ მონაპოვარს შეეგუებოდა და ახალს არაფერს განიზრახავდა, ან, უკეთ რომ ვთქვათ, წარსულისა და მომავლის შეთანხმებით გაამაგრებდა ანმყოს.

ძებნაც არ დასჭირვებიათ ამ კაცისა, იგი „ნახული“ იყო, მისი სახელი ლუი-ფილიპი ორლეანელი გახლდათ.

221 ხმით მეფის წოდება მიანიჭეს ლუი-ფილიპს. ლაფაიეტმა იკისრა მეფის კურთხევა და სახელიც ღირსეული უწოდა - „საუკეთესო რესპუბლიკელთაგანი“. რეიმსის ტაძრის ალაგი ქალაქის თვითმმართველობამ დაიჭირა.

სრული ტახტის წილ ნახევარტახტი შემოიღო 1830 წელმა.

როდესაც განახორციელეს მოხერხებულებმა თავიანთი განზრახვა, მაშინვე გამოჩნდა საშინელი ბიწი ამ მოხერხებისა, უფლების გარეშე გარიგებულიყო ყველაფერი.

- პროტესტს ვაცხადებ! - შეჰყვირა უფლებამ და, - საშინელება მოხდა, მაშინვე მიიმალა.

თავი მესამე
ლუი-ფილიპი

საშინელი მკლავი აქვს რევოლუციას და ბედნიერი ხელი. რასაც დაჰკრავს, მაგრად დაჰკრავს და, მახვილი თვალი აქვს. დაუსრულებელიც რომ იყოს, მისუსტებული და დაკნინებული, როგორიც იყო 1830 წლის რევოლუცია, მაინც საკმაოდ აქვს შორსმჭვრეტელობა ბედისწერისა, რომ არსად შერცხვეს. ამ რევოლუციის დაბნელება მუხანათობას არ მოასწავებდა.

მაგრამ ნურც დიდ მონონებას დავიწყებთ ასე ხმამაღლა: რევოლუციასაც მოსდის ხოლმე შეცდომა და ისტორია ბევრს გვაჩვენებს ამის მაგალითს.

დაუბრუნდეთ 1830 წელს. 1830 წლის რევოლუცია გადახრის დროსაც კეთილსივანი იყო. შეკვეცილი რევოლუციის შემდეგ დადგენილ წესწყობილებაში მეფე სჯობდა მეფობასა. იშვიათი ადამიანი იყო ლუი-ფილიპი.

ლუი-ფილიპი შვილი იყო იმ კაცისა, რომელსაც ისტორია ბევრ შესაწყნარებელ გარემოებას უპოვის; თვით იგი ისევე ღირსი იყო პატივისცემისა, როგორაც მისი მამა ღირსი იყო განკიცხვისა. ლუი-ფილიპის ყოველი ღირსება ჰქონდა კერძო პირისა და რამდენიმე საზოგადო მოღვაწისა; ძალიან ზრუნავდა სიჯანსაღეზე, ქონებაზე, საკუთარ პიროვნებასა და საქმეებზე. კარგად იცოდა ფასი წუთისა და ხშირად ავიწყდებოდა ფასი წლისა. ფიზიკური კაცი იყო, მშვიდობიანი, მოთმინებით სავსე, კარგი ადამიანი იყო და კარგი უფლისწული; ყოველთვის ცოლის ერთგული იყო და ლაქიები ჰყავდა საგანგებო დავალებით, რომ ბურჟუაზიისთვის ეჩვენებინათ ცოლ-ქმართ სარეცელი. თავს იზნებდა კანონიერი ცხოვრებით და საჭიროც იყო ეს თავის მონონება, რადგან უფროსი შტო მისი გვარისა, ბურჟონები, თავს იზნებდნენ თავიანთი საყვარლებით და უკანონო კავშირით. ყველა ენა იცოდა ევროპის ერებისა და, რაც უფრო იშვიათია, იცოდა ენა ყოველგვარი ინტერესისა და ამ ენაზე კარგადაც ლაპარაკობდა. საგანგებო წარმომადგენელი იყო „საშუალო კლასისა“, მაგრამ ამ კლასზე ბევრად მაღლა იდგა. ჭკვიანი კაცი იყო, ძალიან კარგად აფასებდა თავის შთამომავლობას, მაგრამ უფრო მეტად პირად ღირსებას, შთამომავლობის საკითხშიც კი, ყოველთვის იძახდა, ორღენიანი ვარ და არა ბურჟონიო; დიდ მნიშვნელობას აძლევდა თავის მეფეთა გვარის შთამომავლობას, მანამ ბრწყინვალე უფლისწული იყო, და ნამდვილ ბურჟუად იქცა, საფრანგეთის ტახტზე რომ იჯდა. მოუბარი იყო საზოგადოებაში და ჩუმი ოჯახში, ტუნობას აბრალებდნენ, მაგრამ ვერ უმტკიცებდნენ; ნამდვილად კი იმ ხელმოჭვრილთაგანი იყო, რომლებიც უხვად ხარჯავენ თავის სასიამოვნოდ, ან

მოვალეობის ასასრულებლად. განათლებული იყო, მაგრამ მწერლობას ღირსეულად არ აფასებდა. კეთილშობილი იყო და არა რაინდი, თავმდაბალი, მშვიდი, ძლიერი, თავყანასაცემი გვარისა და ოჯახისა, კარგი მოსაუბრე იყო, სახელმწიფო მოღვაწე, უკვე დარბაისელი, გულცივი, მორჩილი ინტერესისა, არც ჯავრის ამოყრა იცოდა, არც სიკეთის დახსომება; უაღრესობით სარგებლობდა, რომ საშუალო მიეჩუმიებინა; კარგად სარგებლობდა პარლამენტის უმრავლესობით და ამტყუნებდა იმ უკმაყოფილებას, რომელიც ყოველთვის ყრუდ გაისმის მეფის ტახტის ირგვლივ. გულდია კაცი იყო და ხანდახან მეტიც წამოსცდებოდა, მაგრამ საკვირველად მოხერხებული იყო ამ შეცდომაშიც; ყოველთვის მზად ჰქონდა პასუხი, გასაძვრომი გზა და ნიღაბი. საფრანგეთს ევროპით აშინებდა და ევროპას საფრანგეთით. ძალიან უყვარდა სამშობლო და უფრო მეტად ცოლ-შვილი; ბატონობა უფრო მოსწონდა, ვიდრე მეფობა, მეფობა უფრო მეტად, ვიდრე ღირსება, - საძაგელი მიდრეკილება, რადგან წადილის მისაღწევად ვერაგობასაც ხშირად ხმარობს ამგვარი კაცი და ავკაცობასაც, მაგრამ იმით არის კარგი, რომ პოლიტიკას არ მოეღოს მკაცრი შერყევა, სახელმწიფოს - რღვევა და საზოგადოებას - საშინელი რამ. წვრილმანი ადამიანი იყო, რიგანი, გულისყურიანი, გონიერი, დაუღალავი, თავისი ნათქვამის გამბათილებელი და გამაცრუებელი; მედგრად ებრძოდა ავსტრიელებს ანკონაში, არ შედრკა ინგლისელთა წინაშე ესპანეთში, ყუმბარა დაუშინა ქალაქ ანტივერპენს და ფულს აძლევდა პრიზარდს; გულწრფელად მღეროდა მარსელიობას; არ იცოდა გულის გატეხა, დაღლა, არ გააჩნდა გემო მშვენიერების და იდეალისა, გაზვიადებული დიდსულოვნებისა, უტოპიისა, ოცნებისა, გაბრაზებისა, ამოებისა, შიშისა. პირადი სიმამაცის მქონე იყო; უბრალო მებრძოლი ყუმაში და გენერალი ვალში, რვაჯერ უპირებდნენ მოკვლას, როგორც მეფეთა შთამომავალს, მაგრამ მაინც სულ იცინოდა; მამაცი იყო, როგორც გრენადერი, და გამბედავი, როგორც მთაწარვე. თუ ეშინოდა რისიმე, მხოლოდ მთელი ევროპის არეულობისა, რადგან არ იცოდა პოლიტიკური არეულობით სარგებლობა. ყოველთვის ადვილად გასწირავდა თავს, მაგრამ საქმეს კი არასოდეს; წადილის მისაღწევად გავლენით სარგებლობდა, რომ დამორჩილებოდნენ მის გონებას და არა ძალას. იცოდა დაკვირვება, მაგრამ გულთმისნობა კი არ ეხერხებოდა, ყურადღებას არ აქცევდა გონიერებას, მაგრამ კარგად იცნობდა ადამიანს, ისე რომ ჯერ კაცი უნდა ენახა, რათა დასკვნა გამოეყვანა; ჭკვიანი, ჩქარი და შთავგონებითი მსჯელობა იცოდა; პრაქტიკული, ადვილი სიტყვა, საკვირველი მესხიერება, ეს ერთადერთი თვისება ჰქონდა, რომლითაც კეისარსაც ჰკავდა, ალექსანდრე მაკედონელსაც და ნაპოლეონსაც. კარგად ახსოვდა რაც მოხდა, დაწვრილებით, თარიღებით, მოქმედი პირებით, ოღონდ არ იცოდა ხალხის სხვადასხვა მალული მისწრაფებანი და ფარული სულიერი აღშფოთება, ერთი სიტყვით, ყოველივე ის, რასაც ადამიანთა სინდისის უხილავი მოძრაობა წარმოადგენს. კარგად მიიღო საფრანგეთის საზოგადოების ნაღებმა, მაგრამ ხალხთან, თავისი ქვეყნის წამყვან ძალასთან კი საერთო ცოტა ჰქონდა. უფრო განაგებდა სამეფოს, ვიდრე მეფობდა; თვითონვე იყო თავისივე პირველი მინისტრი და საგანგებოდ ახერხებდა ცხოვრების წვრილმანებით დიდებული იდეის შეჩერებას; ნიჭიერად უწყობდა ხელს ცივილიზაციას, წესიერებას, ორგანიზებას, მაგრამ შიგვე ურევდა ბიუროკრატიულ წვრილმან მოთხოვნილებას; დამფუძნებელი იყო სამეფო გვარისა და ცოტა რამ კარლოს დიდისა გამოჰყოლოდა, ცოტა რამ ვეჭილისა,

საერთოდ კი დიდებული, თავისებური კაცი იყო, მეფე, რომელმაც მოიპოვა ძალა, მიუხედავად საფრანგეთის არეულობისა და ევროპის შურისა თავისი დროის სახელოვან მოღვაწეებთან ერთად ლუი-ფილიპიც იქნება მოხსენებული და ისტორიაში სახელოვან მეფეთა რიცხვში იქნებოდა ჩარიცხული, ცოტად მაინც რომ ჰყვარებოდა სახელოვნება და ისევე სწამებოდა დიდება, როგორც სწამდა სასარგებლო.

მშვენიერი გარეგნობის კაცი ყოფილიყო ლუი-ფილიპი; მოხუცებულსაც შერჩენოდა მიმზიდველობა. ყოველთვის არ მოსწონდა საფრანგეთს ეს მეფე, მაგრამ ბრბო კი მისკენ იყო, რადგან პატივს სცემდა; იცოდა მეფემ ხალხის მოხიბლვა. დიდებულება აკლდა, არც გვირგვინს იხურავდა, თუმცა მეფე იყო, არც ჭალარა ჰქონდა, თუმცა მოხუცებული იყო. ქვევა ძველებური ჰქონდა, ჩვეულებანი - თავისი დროისა, ნარევი დიდებულისა და ბურჟუისა, რაც ძალიან შეეფერებოდა 1830 წელს. გარდამავალი ხანის მეფე იყო, შერჩენოდა ძველებური გამოთქმა და მართლწერა. ძალიან უყვარდა პოლონეთი და უნგრეთი. ტანისამოსი საერო გვარდიის ფორმისა ეცვა, როგორც შარლ X-ს, და სახელოვანთა ლეგიონის ლენტი ჰქონდა, როგორც ნაპოლეონს.

ხშირად არ დადიოდა საყდარში, სანადიროდ სულაც არა, ოპერაში თავის დღეში არ შევიდოდა. შორს ედგა სამღვდელთაგან, მონადირეების ძაღლებს და მოცეკვავე ქალებს. ასე უნდა მოქცეულიყო, ვისაც თაყვანისცემა უნდოდა ბურჟუაზიისა. სახლში კარისკაცები აღარავინ ჰყავდა. ქუჩაში ქოლგით გამოდიოდა ყოველთვის და ეს ქოლგა დიდხანს იყო მისი დიდების ერთ-ერთი მიზეზი. ცოტა რამ კალატროზა ეხერხებოდა, ცოტად მებღაღებოდა და ექიმობა; ერთხელ სისხლი გამოუშვა ცხენიდან ჩამოვარდნილ ფოსტის მოხელეს. სადაც უნდა წასულიყო, თან ჰქონდა თავისი ნესტარი, როგორც ანრი III-ს თავისი ხანჯალი. მეფის მომხრენი დასცინოდნენ ამ მეფეს, რომელმაც პირველად დაღვარა ადამიანის სისხლი განკურნვის მიზნით.

ბევრს უჩიოდა ლუი-ფილიპის ისტორია, მაგრამ ზოგს უსაბუთოდ. ზოგი რამ მეფის მთავრობასაც ედებოდა ბრალი, ზოგი მეფობას, ზოგი თვით მეფეს, - სამეგარი სია, რომლის ჯამიც სხვადასხვა რაოდენობისაა. სამეფოს მთავრობამ შეზღუდა დემოკრატიის უფლებანი, მეორე ხარისხის მისწრაფებად გახადა პროგრესი, ქუჩებში გამოცხადებული პროტესტი ჩააჩუმა სასტიკი სასჯელით, ჯარით და იარაღით ჩაახრჩო აჯანყება, შემოიღო სამხედრო საბჭო, ქვეყანას სამასი ათასი წარჩინებულის დახმარებით განაგებდა. მეფობის ბრალი იყო ბელგიის უარყოფა, ალჟირის მეტად მკაცრად დამორჩილება, როგორც ინგლისელების მიერ ინდოეთისა, უფრო ბარბაროსობით, ვიდრე ცივილიზაციით, უნდობლობა მაროკოელ აბდელ-კადერისადმი, ყიდვა ბლეისა და დეიცისა, პრიჩარდის ფულით დაჭიდლობა. თვით მეფის ბრალი იყო პოლიტიკა უფრო ოჯახური, ვიდრე ეროვნული.

როგორც ხელდავთ, პატარა ანგარიშის შემდეგ შესამჩნევად მცირდება მეფის შეცოდებანი.

უმთავრესი მისი შეცოდება ის იყო, რომ თავმდაბლობდა საფრანგეთის სახელით. საიდან მომდინარეობდა ეს შეცდომა?

ესეც ვნახოთ.

მეფე იყო ლუი-ფილიპი, მაგრამ მეტად მოსიყვარულე ოჯახისა. დინასტიად გახდა მისი ოჯახი, მას უნდა ჰკუთვნებოდა მომავალი და ამიტომ იყო, რომ ფრთხილობდა,

- არაფერმა წამიხდინოს ეს იმედო. აქედან იყო მისი შიში და მოკრძალება, ძნელად ასატანი იმ ხალხისთვის, რომელსაც ივლისის თოთხმეტი შეეცანა სამოქალაქო მატთანში, და აუსტერლიცის გამარჯვება - სამხედროში.

ამიტომ, განზე რომ გავუდგეთ საზოგადო მოვალეობას, რომელიც ყოველთვის უნდა სრულდებოდეს, უწინარეს ყოვლისა, უნდა აღვნიშნოთ, რომ მართლა ღირსი იყო მეფის ოჯახი მისი უსაზღვრო სიყვარულისა. თაყვანსაცემი იყო მისი ცოლ-შვილი, სათნოებითა და ნიჭიერებით აღსავსე. ლუი-ფილიპის ერთი ქალი, მარი ორლენელი, თავისი ხელოვნებით ამშვენებდა მხატვრობას, და ერთი ვაჟი, შარლ ორლენელი - პოეზიას. ქალმა საკუთარი სული ჩაუდგა მის მიერ შექმნილ ჟანა დ'არკის ქანდაკებას. ლუი-ფილიპის შვილები იყვნენ, რომ ეს ქება ათქმევინეს მეტერნისს: - ისეთი კარგი ცმანვილები არიან, რომელთა მსგავსს იშვიათად ნახავთ და ისეთი ღირსეული უფლისწულები, რომელთა მსგავსს სულაც ვერ ნახავთო.

აი, სრული და შეულამაზებელი სიმართლე ლუი-ფილიპის შესახებ.

მამა რევოლუციის მომხრე ჰყავდა, ფილიპე ევალიტედ წოდებული; თვითონაც სავსე იყო რესტავრაციისა და რევოლუციის შეუთანხმებლობით, მაგრამ მეფის ტახტმა იქონია გავლენა და მეფეს შეაგუა რევოლუციონერები. ესეც ბედი ლუი-ფილიპისა. თავის დღეში არსად ყოფილა, რომ ასე სავსებით შეჭკუებოდეს ადამიანი გარემოებას; შეუერთდა ადამიანი გარემოებას და მოხდა გარდაქმნა; ლუი-ფილიპი განხორციელება არის 1830 წლისა. ერთხანს განდევნილი იყო საფრანგეთიდან და ესეც ხელს უწყობდა მის გამეფებას. განდევნილი იყო. ხან სად ცხოვრობდა, ხან სად. დიდ გაჭირვებას განიცდიდა. თავისი შრომით ცხოვრობდა. შვეიცარიაში ერთი ბებერი ცხენი გაყიდა ამ საფრანგეთის დიდებულმა მემამულემ, რომ შიმშილითყარ მომკვდარიყო. რეიშნოში იძულებული გახდა მათემატიკის გაკვეთილებით ემოვა ლუკაპური და მისი და ადელაიდე კვრვითა და ქარგვით შველოდა ძმას. აღტაცებული იყო ბურჟუაზია მეფის ამგვარი წარსულით. ლუი-ფილიპმა საკუთარი ხელით დაანგრია მონ-სენ-მიშელის რკინის გალია, ლუი XII-ის მიერ აგებული, რომელსაც ისე კარგად ხმარობდა ლუი XV. ლუი-ფილიპი მეგობარი იყო დუმურიესი, მეგობარი ლაფაიეტისა, იაკობინელთა კლუბის წევრი; მირაზო მეგობრულად მხარზე უტყაპუნებდა ხელს; დანტონი „ყმანვილ კაცს“ ეძახდა, როცა ელაპარაკებოდა. ოცდაოთხი წლისა იყო მაშინ, 1793 წელს ბატონ დე შარტრად წოდებული, და ერთ ბნელ ლოჟაში იჯდა მიმალული, კონვენტში რომ მეფე ლუი XVI-ის, რომელსაც მან მოსწრებულად „საბრალო მტარვალი“ უწოდა, საქმე ირჩეოდა; თავისი თვალით ნახა ბრმა შორსმხედველობა რევოლუციისა; მეფის განირვით მეფობის მოსპობა; იდეის განსახორციელებლად დიდი სისხლის ღვრა; სამინელი მღელვარება მეფის განმსჯელი სასამართლოსი; საზოგადოების აღშფოთებით აღძრული კითხვები, დუმილი კაპეტისა, რომელმაც არ იცოდა, რა პასუხი გაეცა; საზარელი თრთოლა მეფისა, რომლისთვისაც მოულოდნელს ჰგავდა ეს ქარიშხალი; უბრალოება ამ კატასტროფის მოქმედ პირთა, რადგან უბრალონი იყვნენ ბრალმდებელნი, და არც ისე დამნაშავე იყო ბრალდებული. თავისივე თვალთ ნახა ეს ყველაფერი, ნახა ხალხის გამშავება, წარსულ საუკუნეთა განსჯა კონვენტის მიერ; ლუი XV-ის უკან, ამ უბედური პასუხისმგებელი გამვლელის უკან, ბნელში აღმართული დაინახა ნამდვილი ბრალდებული - მონარქია, და გულში ჩარჩნოდა თაყვანსაცემი შიში ხალხის

მართლმსაჯულების წინაშე, რომელიც ისევე უპირადო იყო თითქმის, როგორც უპირადო არის მართლმსაჯულება ღვთისა.

დიდი შთაბეჭდილება მოახდინა მასზე რევოლუციამ და დიდი კვალიც დატოვა მისი გულის სიღმეში. დანვრილებით ახსოვდა ყველაფერი, თითქმის ცოცხლად ჰქონდა ჩაბეჭდილი ყოველი წუთი რევოლუციისა. ერთხელაც ერთ თავის მეგობარს, რომლის ნათქვამს სრული ნდობით ვიმეორებთ, ზეპირად ჩამოუთვალა შეუცდომლად, დამუშენებელი კრების წევრების ა-ზე დაწყებული გვარები.

ნათელი დღის მეფე იყო ლუი-ფილიპი. მეფე გახლდათ და მის დროს სრული თავისუფლება იყო მწერლობისა, სრული თავისუფლება სიტყვისა, თავისუფლება კრებისა და სარწმუნოებისა. სექტემბრის კანონებით დაადგინა ეს თავისუფლება, კარგად იცოდა, რომ მთავრობის უპირატესობას ძირს უთხრის გაამჟარავება, მაგრამ მაინც ყველას სანახავად ჰქონდა თავისი ტახტი და ისტორია ღირსეულად დაუთვასებს ხალხისადმი ამ იშვიათ პატივისცემას.

ლუი-ფილიპი, როგორც ყველა ისტორიული მოღვაწე, უკვე წარსულისა, დღეს განსასჯელად წარმდგარა ადამიანის სინდისის წინაშე, განსჯა მხოლოდ იწყება და მსჯავრი ჯერ შორს არის.

ჯერ არ დამდგარა ლუი-ფილიპისთვის ის დრო, როდესაც ისტორია თავისუფლად გამოთქვამს თავის მსჯავრს; ჯერ შეუძლებელია საბოლოო შეფასება ამ მეფის ღვანლისა. სახელოვანმა მკაცრმა ისტორიკოსმა ლუი ბლანშაკ კი შეარბილა ამას წინათ თავისი პირველი მსჯავრი. ორი ძალით იყო ამორჩეული ლუი-ფილიპი; 221-თა უდღეური კრების ხმით და 1830 წლით. ესე იგი, ნახევრად პარლამენტისა და ნახევრად რევოლუციის მიერ. მაინცდამაინც, თუ იმ უმაღლესი თვალსაზრისით შევხედავთ, რომელზედაც ყოველთვის უნდა იდგეს ფილოსოფია, მხედველობაში უნდა მიგვედო ცნობილი პირობები, როგორც აქამდეც იგულისხმებდა ამას მკითხველი, და მხოლოდ აბსოლუტური დემოკრატიული პრინციპის სახელით გვემსჯელა. ამ პრინციპით წმინდა მხოლოდ ადამიანი და ხალხის უფლება არის. დანარჩენი სხვა ყველა ნაძალადეგია; მაგრამ მაინც შეგვიძლია დღემდე ვთქვათ: ძალიან სასტიკად რომ მივუდგეთ ამ მეფეს, იძულებული ვიქნებით ვადიაროთ, რომ ლუი-ფილიპი დარჩება ისტორიაში იმ მცირერიცხოვან ქველ ადამიანთა სიაში, რომლებიც მეფობამაც კი ვერ წარყვანა.

რა გვაქვს მის წინააღმდეგ? მეფის ტახტი? წაართვით ეგ ტახტი და დარჩება ადამიანი, კეთილი ადამიანი, იმდენად კეთილი ხანდახან, რომ თაყვანსაცემი ხდება. ხშირად მოხდებოდა, სამეფოს საქმეებით დაღლილი, მთელი დღის განმავლობაში ევროპის დიპლომატებთან ბრძოლით დაქანსული, მივიდოდა შინ საღამოს და ძილისა და დასვენების ნაცვლად, ვიღაც განწირულის საქმეს სინჯავდა მთელ ღამეს, რადგან თავის მოვალეობად სწამდა სამშობლოს დაცვა ევროპის დიპლომატიისგან და ამაზე უფრო მეტ მოვალეობად მიაჩნდა ვიღაც უცნობის სასჯელის შემსუბუქება და ჯალათის ხელიდან ადამიანის გამოგლეჯა.

შეუწყვეტელი ბრძოლა ჰქონდა მართლმსაჯულების მინისტრთან და პროკურორთან, ამ „კანონის ყბედებთან“, როგორც მათ უწოდებდა, რომ რაც შეიძლებოდა მეტად შეემცირებინა გილიოტინით დასასჯელთა რიცხვი. ხანდახან ამ საქმეების მეტი სხვა აღარაფერი ელაგა მის მაგიდაზე; თვით უნდა გასცნობოდა თითოეულ საქმეს; ვერ მოისვენებდა, სასამართლოსთვის და ჯალათისთვის რომ

მიენებებინა უბედურნი. ერთ დილას ამ სიტყვით მიმართა მეგობარს, რომელიც ამას წინათ დავიძინებდა: - ნუხელ შვიდი კაცი მოვეუგე სიკვდილსო. ლუი-ფილიპის მეფობის პირველ ხანს გაუქმებულივით იყო სიკვდილით დასჯა, მის უნებურად, ძალდატანებით ააშუშავეს ეშაფოტი. მეფეთა გვარის უფროს შტოს გრევის მოედანი ჰქონდა დამნაშავეთა დასახოცად და ახლა სხვა მოედანი გამართეს, ბურჟუაზიული გრევი, სენ-ჟაკის სადარაჯოდ წოდებული. „მოხერხებულ“ სახელმწიფო მოღვაწეთ საჭიროდ ცნეს ვილიოტინის კანონიერი არსებობა. ეს იყო ერთი გამარჯვებათაგანი კაბინირ პერიდისი, რომელიც ბურჟუაზიის წარმომადგენელი იყო; დამარცხებული ამ შემთხვევაში თვით მეფე იყო, წარმომადგენელი ლიბერალური მხარისა. ღრმად შესწავლილი ჰქონდა და, შენიშვნებით სახვე ბეკარიას თხზულება „დანაშაული და სასჯელი“. ფიესკის მანქანას რომ გადაურჩა, თქვა: - ნეტავ დაჭრილი ვყოფილიყავი! შევუნდობდი და ვაპატიებდიო. ერთხელ კიდევ ძლივს გადაარჩინა სიკვდილს ერთი განწირული პოლიტიკური დამნაშავე, ერთი უბრწყინვალესი მოღვაწე ჩვენი დროისა, და ასე აღნიშნა თავისი მინისტრების წინააღმდეგობა: - დავიყოლოე, როგორც იქნა, ახლა უნდა ავასრულებინო. ლმობიერი იყო ლუი-ფილიპი, როგორც ლუი IX და გულკეთილი, როგორც ანრი IV.

ისტორიაში მეტად იშვიათი მარგალიტი არის გულკეთილობა, და თუ იყო ვინმე გულკეთილი, ის უფრო შესანიშნავია, ვიდრე მრავალი დიდებული.

ლუი-ფილიპი მკაცრად იყო დაფასებული ზოგთაგან, სასტიკად მეორეთაგან, და სრულიად ბუნებრივია, რომ მის კარგად მცნობის, დღეს მასავით აჩრდილის, სიტყვაც იყოს ისტორიის წინაშე მოხსენიებული; ეს სიტყვა მით არის მნიშვნელოვანი, რომ არავითარი მიდგომა არა აქვს და მხოლოდ ჭეშმარიტებას ემსახურება; გარდაცვლილის ეპიტაფია ყოველთვის გულწრფელია, აჩრდილია და უფლება აქვს ნუგეში სცეს თავისსავით აჩრდილს; ერთი და იმავე შაბეგდით მოცულთ უფლება აქვთ ერთმანეთის დაცვისა და ძნელი წარმოსადგენია, რომ თქვას ვინმემ ოდესმე, - ერთმანეთის წინაშე პირმოთნებდნენ ეს ორი საფლავი განდევნილებისაო.

თავი მეოთხე

დამსკლარი საძირკველი

დრომ მოიტანა და ჩვენი დრამა იქამდე მივიდა, რომ უნდა მისწვდეს სიღრმეს იმ ტრაგიკული ღრუბლისა, რომელიც ლუი-ფილიპის მეფობის დასაწყისს დასწოლოდა და ამიტომ საჭირო იყო ამ წიგნსაც თავისი სიტყვა ეთქვა მეფის შესახებ.

ძალით არ გამეფებულა ლუი-ფილიპი, თავის მხრივ არავითარი ღონისძიება არ უხმარია ამისთვის. ფეხი იცვალა რევოლუციამ, იმ გზას დაადგა დროებით, რომელიც რევოლუციის მიზანს არ შეეფერებოდა, და არც ამ ცვლილებაში მიუღია მას რაიმე მონაწილეობა. მეფეთა შთამომავალი იყო და მეფედ აირჩიეს. თვით ორღენელობა უფლისწულმა კი არ მოისურვა ეს თანამდებობა, არც ძალით მოიხვეჭა; შესთავაზეს მეფობა და მანაც მიიღო. მიიღო, რადგან დარწმუნებული იყო და ცდებოდა, რა თქმა უნდა, რომ სრულიად კანონიერი იყო საფრანგეთის თხოვნაც და იმის მხრივ ამ თხოვნის ასრულებაც. იქიდან გამომდინარეობდა გულწრფელი რწმენა, რომ იგი სამშობლოს კეთილდღეობას ემსახურებოდა. მეფეს გულწრფელად სწამდა თავისი მოვალეობა. მაგრამ დემოკრატიასაც გულწრფელად სწამდა მეფის მოსპობა, არც

მეფის ბრალი იყო და არც დემოკრატიისა ის საშინელება, რომელიც ამ უთანხმოებამ გამოიწვია. ერთმანეთს რომ შეეხლებიან პრინციპები, იგივე ხდება, რასაც ბუნების ძალებში ვხედავთ. ოკეანე თავის წყალს იცავს, გრიგალი - ჰაერს; მეფე ცდილობს თავისი მეფობა დაიცვას, და დემოკრატია იცავს ხალხს. დროებითაა მონარქია და ებრძვის სამარადისოს - რესპუბლიკას; სისხლი სდის ამ ბრძოლაში საზოგადოებას, მაგრამ დღევანდელი ვარაში მისივე ხსნად იქცევა ცოტა ხნის შემდეგ. ბუნებრივი არის ეს ბრძოლა, და გასაკვირნი არ არიან მებრძოლნი; ცხადია, შემცდარი უნდა იყოს ერთი ამ მებრძოლთაგანი; როდოსის ქანდაკება კი არ არის უფლება, რომ ცალი ფეხი წყალგალმა ედგას და მეორე გამოღმა; რომ ცალი ფეხით რესპუბლიკას ეყრდნობოდეს და მეორით მეფობას; არა, იგი სრულია, განუყოფელი და მთლად ერთმხრივი, მაგრამ შემცდარი მებრძოლნიც გულწრფელად ცდებიან. როგორც ბრმას ვერ გაამტყუნებთ, - რად არ ხარ თვალხილულიო, - ისე ვანდელს ვერ გაამტყუნებთ, რადა ხარ ყაჩაღიო. გასამტყუნარი ამ საშინელ ბრძოლაში არაფერ არის, რადგან ბრძოლა გამოწვეულია ავბედითად თავმოყრილ გარემოებათაგან. რაც უნდა საზარელი იყოს შედეგი ამ ბრძოლისა, პასუხისმგებლობა მაინც სხვისაა და არა ადამიანისა.

მამ, დავასრულოთ ეს მიმოხილვა.

1830 წლის მთავრობას იმთავითვე ავი დღე დაუდგა; გუშინ შობილი დღეს უკვე ბრძოლაში უნდა ჩაბმულიყო.

ის-ის იყო დამყარდა და მაშინვე იგრძნო ჭახანი ივლისის ნავებობისა, ახლახან ამენებულის და ჯერ ისევ გაუმავრებლისა.

მეორე დღესვე გამოჟღავნდა წინააღმდეგობა - ვინ იყის, გუშინვეც არსებული.

ყოველთვე იზრდებოდა ეს წინააღმდეგობა და სახალხოვლ წამოდგა ყველას დასანახავად.

ივლისის რევოლუციას, ეს უკვე აღვნიშნეთ, მტრულად შეხედნენ სხვა ქვეყნების მეფეები. არც საფრანგეთში იყო ერთსულოვნად მიღებული.

ღმერთი თავის ნებას უცხადებს ხალხს თვალსაჩინო ამბების საშუალებით. ეს არის გაურკვეველი ნაწერი იღუმალ ენაზე. ოღონდ ამოკითხვა უნდა ამ ნაწერს. ხალხიც მაშინვე იწყებს ამ ნაწერის გარჩევას და თარგმნას, თარგმნის აჩქარებულად, შეცდომებით, ხარვეზებითა და უაზროდ. ძალიან ცოტა მოიპოვება ხალხში ღვთიური ენის მცოდნე, და ვინც უბრძნესი არის, მშვიდი, ღრმად მცოდნე, ნელ-ნელა არჩევს ამ წარწერას; როდესაც გაარჩევს და ხალხში გაიტანს, საქმე დიდი ხნის წინათ დასრულებული დახვდება; ოცი თარგმანი გამოტანილია უკვე მოედანზე, ყველა თარგმანი ქმნის პარტიას, ყველა უაზრობა ქმნის ცალკე ჯგუფს, და ყველა პარტიას სწამს, რომ ნამდვილი, სწორი თარგმანი მართო მას აქვს, და ყველა ჯგუფს სწამს, რომ ჭეშმარიტებას მართო ის ემსახურება.

ხშირად თვით ხელისუფლებაც კი მართო ჯგუფია.

რევოლუციაში ყოველთვის არიან უკუმცურავნი; ეს გახლავთ ძველი პარტიები.

ძველი პარტიებისთვის, რომელთაც მემკვიდრეობითი უფლება სწამთ, უფლის ნებით დამყარებული, რევოლუცია შედეგია იმ უფლებისა, რომელსაც აჯანყება ეწოდება. ხალხს აქვს ეს უფლება და მით სარგებლობს ღვთის მიერ დამყარებულის წინააღმდეგ. შეცდომა! რადგან რევოლუციაში აჯანყებული ხალხი კი არა, აჯანყებული მეფეა. თუ ჭეშმარიტება გნებავთ, სწორედ რევოლუცია არის აჯანყების

მონინალმდევე. ყოველი რევოლუციის აღსრულება არის ბუნებრივი და შეიცავს კანონიერებას, რომელსაც ხანდახან სახელს უტეხენ ყალბი რევოლუციონერები, მაგრამ მაინც მედგრად იბრძვის შეურაცხყოფილიც კი და თავისას მოითხოვს მძიმედ დაჭრილი. რევოლუცია შემთხვევის შედეგი კი არ არის. რევოლუცია არის შედეგი საჭიროებისა. რევოლუცია ხელოვნურის ნგრევაა ბუნებრივის დასამყარებლად. ნაძალადევი ხელოვნური რომ არ ყოფილიყო, არც რევოლუცია წამოიჭრებოდა.

მიუხედავად ამისა, ძველი „ნებითა ღეთისათა“ მეფის მომხრენი საშინელი ძალით შეებრძოლნენ 1830 წლის რევოლუციას, უსაფუძვლო მსჯელობით გამოწვეული გაშმაგებით. ძალოვანი ყუმბარა არის შეცდომა, და სწორედ იქ სცემდა რევოლუციას, სადაც ის სუსტი იყო და მკაცრი ლოგიკის აბჯარი აკლდა. მეფობას დაუშინეს ყუმბარა და თან გაჰყვიროდნენ: - თუ რევოლუცია ხარ, ეგ მეფე რაღად გინდა? - ბრძენი არიან ჯგუფები, მაგრამ დამიზნება კი კარგი იციან.

არანაკლებ გაშმაგებულნი იყვნენ რესპუბლიკელები. და საფუძვლიანადაც. ის, რაც სიბრძავეს წარმოადგენდა მეფის მომხრეთა მხრივ, ნათლად ხილვა იყო დემოკრატებისა. 1830 წელი გაკოტრდა ხალხის წინაშე და აღშფოთებული დემოკრატიაც ამას უსაყვედურებდა.

წარსული ცალკე დაიხურა, მომავალი ცალკე და ორ მეტრს შუა მოჰყვა საბრძოლველად ივლისის რევოლუცია. იგი წარმოადგენდა წუთს, რომელსაც ერთი მხრივ მონარქიული საუკუნეები უტევდნენ, და მეორე მხრივ მარადი უფლება. გარდა ამისა, რადგან ის რევოლუცია კი აღარ იყო, არამედ მონარქიულ ქვეყლიყო, იძულებული გახდა უცხოეთში ევროპის სამეფოების ფეხს აჰყოლოდა. მშვიდობიანობის შენარჩუნება ხშირად უფრო თავსაცემია, ვიდრე ომიანობა. ამ ყრუ კონფლიქტიდან, რომელიც ლაგამამოდებელია, მაგრამ სულ ბრდღვინავს, წარმოიშვა შეიარაღებული ბავი, ეს საზარალო ხერხი, რომლისაც არაფერი სწამს თვით ცივილიზაციას. ყალბე დგებოდა ივლისის მეფობა, ევროპის კაბინეტებთან ერთად შებმული ეტლში; რომ შესძლებოდა, სიამოვნებით დაადებდა მას ცალუდს მეტერნიხი. საფრანგეთის პროგრესი მიათრევდა მეფობას და ის თავის მხრივ - ევროპის მონარქებს, ამ ფეხმრუდეებს მიათრევდა. პროგრესის მიერ ბუქსირზე აყვანილი, თვით მიათრევდა სხვებს.

ამ დროს მრავალი საკითხი წამოჭრილიყო საფრანგეთში: პაუპერიზმი, პროლეტარიატი, ხელოვანი, აღზრდა-განათლება, სასჯელი, პროსტიტუცია, ქალის ხედრი, სიმღიდრე, გაჭირვება, წარმოება, მოხმარება, განაწილება, გაცვლა, ფული, კრედიტი, შრომის უფლება; წამოჭრილიყო ყველა ეს საკითხი და მძიმედ თავს დასწოლოდა საზოგადოებას.

პოლიტიკური პარტიების გარეშე კიდევ სხვა მოძრაობამ იჩინა თავი. დემოკრატულ მღელვარებას ფილოსოფიური დაემატა. გონებრივ წარჩინებულნიც ისევე გაეტაცა ღელვას, როგორც ხალხი, სულ სხვაგვარად, მაგრამ იმდენადვე.

მოაზროვნენი თქვენს მისცემოდნენ მაშინ, როდესაც მათ ქვეშ იძროდა ნიადაგი. ე. ი. ხალხი, რევოლუციური მდინარებით მოცული, თავით ფეხამდე თრთოდა. ზოგი ცალკე, ზოგი ამხანაგებთან ერთად. სრული თანხმობით, აუჩქარებლად სჭიდა ამ საზოგადოებრივ კითხვებს, მშვიდობიანად, დაკვირვებით, ძირისძირამდე კვლევით. ეს მშვიდობიანი მენაღმენი იყვნენ, რომელნიც ტალანებს თხრიდნენ ვულკანის სიღრმეში და ყურადღებას არც კი აქცევდნენ ჩუმ მიწისძვრას და პირღია გრდემლს.

ეს სიმშვიდეც ერთ-ერთი საუცხოო სურათი იყო ამ მღელვარე დროისა.

ამ მოაზროვნეთ პოლიტიკური პარტიებისთვის მიენდოთ უფლებრივი საკითხების განსჯა და თვით ხალხის კეთილდღეობის საკითხებს შესდგომოდნენ.

ცდილობდნენ საზოგადოებისგან მიეღოთ მხოლოდ ის, რაც ადამიანის კეთილდღეობას გაუწევდა სამსახურს.

უნძინდეს, სარწმუნოებრივ საკითხებს გვერდით დაუყენეს მატერიალური უზრუნველყოფა, მინათმოქმედება, წარმოება, ვაჭრობა. ჩვენს ცივილიზაციაში, რომელსაც ცოტად ღმერთი ქმნის და მეტად ადამიანი, ერთმანეთს ეკვირან ინტერესები, ზედ ერთვიან, ერთდებიან და ერთ მაგარ კლდეს ქმნიან თანახმად ერთი დინამიკური კანონისა, რომელსაც გულდადებით სწავლობენ ეკონომისტები, ეს პოლიტიკის გეოლოგები.

სხვადასხვა სახელით იყვნენ წოდებულნი ეს მკვლევარნი, მაგრამ უკეთესი იქნება ერთი ზოგადი სახელი მივცეთ და სოციალისტები ვუნოდოთ, რომლებიც ცდილობდნენ გაეპოთ როგორმე ეს კლდე და ადამიანის მაცოცხლებელი წყარო აღმოეჩინათ. საკუთარი შრომით იკვლევდნენ ყველაფერს, ემაფოტიდან დანყებული ომამდე. საფრანგეთის რევოლუციის მიერ აღძრული საკითხიდან დანყებული ადამიანის უფლებით - მათ კიდევ სხვა წამოაყენეს - უფლებანი ქალისა და ბავშვისა.

არაფინ გაიკვირვებს, რომ სხვადასხვა მოსაზრების გამო, ჩვენ აქ დანვრილებით არ განვიხილავთ, თეორიის თვალსაზრისით, სოციალიზმის მიერ წამოყენებულ კითხვებს. ჩვენთვის ამ კითხვათა აღნიშვნაც საკმარისი იქნება.

რაც კი კითხვები აღუძრავთ სოციალისტებს, გვერდი რომ ავუქციოთ იმათ კოსმოგონიურ აბდაუბდას, ოცნებასა და მისტიციზმს, შეიძლება ორ უმთავრეს მცნებად გამოვთქვათ:

პირველი მცნება:

წარმოება სიმდიდრისა.

მეორე მცნება:

განაწილება სიმდიდრისა.

პირველი მცნება შეიცავს შრომის საკითხს.

მეორე მცნება შეიცავს ხელფასის საკითხს.

პირველით გადასაწყვეტია ძალების გამოყენება.

მეორით გადასაწყვეტია განაწილება სიმდიდრისა და სიხარულისა.

კარგად გამოყენება ძალებისა ქმნის საზოგადოებრივ ძლიერებას.

კარგად განაწილება სიმდიდრისა, სიხარულისა ქმნის ინდივიდის ბედნიერებას.

კარგად განაწილებას რომ ვამბობთ, სამართლიანად განაწილებას ვგულისხმობთ და არა თანასწორად განაწილებას. ნამდვილი თანასწორობა სამართლიანობა არის.

როდესაც ხალხი საზოგადოებრივ ძლიერებას ეღირსება გარეთ და ინდივიდუალურ უზრუნველყოფას შინ, მაშინ იგი მიაღწევს საზოგადოებრივ კეთილდღეობას.

საზოგადოებრივი კეთილდღეობა არის ბედნიერი ადამიანი, თავისუფალი მოქალაქე, დიდებული ვრი.

ინგლისი ახორციელებს პირველ მცნებას, საუცხოოდ ქმნის სიმდიდრეს; და საძაგლად ანაწილებს ამ სიმდიდრეს. ასე გადაწყვეტა კითხვისა, რომელიც მარტო ერთი მხრივ არის სრული, ქმნის ორ უკიდურესობას; საკვირველ სიმდიდრეს და

შემადრწუნებელ გაჭირვებას; ზოგს ყოველგვარი სიკეთე აქვს ჩვენი ცხოვრებისა და სხვას კი, ესე იგი, ხალხს სრული სიღარიბე და გაჭირვება. ხალხის შრომას შეუქმნია უპირატესობანი, მონოპოლია, გამონაკლისი, ფეოდალთა ბატონობა, ეს ყალბი და საშიში წესწყობილება, რომელიც საზოგადოებრივ ძლიერებას ამყარებს კერძო სიღარიბეზე, და სახელმწიფოს დიდებას - პიროვნების ტანჯვაზე. - ავად შედგენილი დიდება, რომელშიც მოიპოვება ყოველი მატერიალური ელემენტი და არც ერთი ზნეობრივი.

კომუნიზმი და მიწით სარგებლობის კანონი თავისებურად წყვეტენ ამ საკითხს, მაგრამ ცდებიან: იმათებური განაწილება ძირს დასცემს წარმოებას. თანასწორად განაწილება სპობს შეჯიბრებას და, მამასადამე, თვით შრომასაც. ამგვარი განაწილება ყასახს მოგვაგონებს, რომელიც თვით სპობს, რაც გასანაწილებლად აქვს. ამიტომ შეუძლებლად მიგვაჩნია ამ ვითომდა გადამწყვეტ დებულებებზე გაჩერება. ეს არის სიმდიდრის მოსპობა და არა განაწილება.

ამ ორი კითხვის შეუცდომლად გადაჭრა მათ შეერთებას მოითხოვს. უნდა შეერთდეს ორი გადანწყვეტილება ამ კითხვებისა და ერთ დებულებად დაისახოს.

თუ მართო პირველ კითხვას გადანწყვეტო, იმას მიიღებო, რაც ვენეციამ მიიღო ან ინგლისმა. ხელოვნური ძლიერება გექნებათ, როგორც ვენეციას, ან მატერიალური ძლიერება, როგორც ინგლისს. ცუდი მდიდარი იქნებით, გარემოებათა მიმდინარეობა დაგლუპავთ, როგორც ვენეციას, ან გაკოტრდებით, რაც ინგლისს მოსდის. გულცივად მიიღებს ქვეყანა თქვენს დაქვეითებას და სიკვდილს, რადგან ქვეყანა გულცივად უყურებს ყოველივე იმის დაცემას და სიკვდილს, რაშიც ეგოიზმის მეტი არაფერია, და რაც არავითარ იდეას, ან სათნოებრივ აზრს არ წარმოადგენს კაცობრიობისთვის.

თავისთავადვე ცხადია, რომ სიტყვაში - „ვენეცია“, „ინგლისი“, - გველისხმობთ არა ხალხს, არამედ მხოლოდ საზოგადოებრივ წესწყობილებას, დიდებულთ, ხალხის ზემოდან გამოჭიმულთ, და არა თვით ამ ქვეყნების ერს. ყველა ქვეყნის ერს აქვს ჩვენი პატივისცემა და თანაგრძნობა. ვენეციელი ხალხი აღდგება, ინგლისის არისტოკრატია ძირს დაემხოება, მაგრამ ინგლისის ერი უკვდავი არის და რაკი ეს ვთქვით, მაშ, განავარძლოთ.

გადაწყვიტეთ ეს ორი საკითხი, ხელი შეუწყეთ მდიდარს და მფარველობა აღმოუჩინეთ ღარიბს, მოსპეთ გაჭირვება, მოსპეთ ძალოვანისგან ექსპლუატაცია სუსტისა. ალაგმეთ ადამიანის შემარცხვენელი შური და ურთიერთშორის მტრობა, შეუფარდეთ სამართლიანად და მათემატიკურად ხელფასი შრომას, დაანესეთ მუქთი და ამასთან სავალდებულო სწავლა მოზარდი თაობისათვის. მეცნიერება დაუდეთ საფუძვლად მონიფულობას. ამუშავეთ ხელი, მაგრამ განავითარეთ გონიერებაც. ეცადეთ თქვენი ერის გაძლიერებას და ოჯახის ბედნიერებას, სახალხოდ აქციეთ საკუთრება, სხვათრივ რომ ვთქვათ, ისე მონაწყეთ საქმე, რომ კი არ მოისპოს საკუთრება, პირიქით, ყველას უკლებლივ ჰქონდეს პირადი საკუთრება, რაც უფრო ადვილად მოსახერხებელია, ვიდრე ჰგონიათ; ერთი სიტყვით, იცოდეთ სიმდიდრის შექმნა და მისი განაწილება, და მაშინ შეძლებთ და მოიპოვებთ ორივეს ერთად - დიდებას მატერიალურს და დიდებას ზნეობრივს. მაშინ იქნებით ღირსი იმ დიდებული სახელისა, რომელიც საფრანგეთს ჰქვია.

აი, ამას ქადაგებდა სოციალიზმი, თუ ყურადღებას არ მივაქცევთ შემცდარ წვრილ ჭკუფებს, რომლებიც გადაჭარბებით მეტს მოითხოვდნენ.

სოციალიზმის სიტყვაც წმინდა იყო და განზრახვაც.

საშინელ მდგომარეობაში იყო ლუი-ფილიპი, ერთმანეთს ებრძოდნენ წარსული და მომავალი, იგი ისე უნდა მდგარიყო მათ შუა, რომ მომავალი გაემარჯვებინა, რადგან რევოლუციონერი იყო რწმენით, და არც წარსული შეელახა, რადგან დიდებული იყო შთამომავლობით. ეს დებულებანი სოციალიზმისა, ეს ახალი თეორიები ვრცელდებოდა ხალხში და ისიც იძულებული იყო ანგარიში გაენია ამ მოძრაობისთვის. საჭირო იყო შექმნა ახალი პოლიტიკისა, ისეთისა, რომ რევოლუციური იდეალი შეთანხმებული ყოფილიყო ძველებურთან. იგი თანაუგრძობდა აზრებს, რომელთა განხორციელებას აჯანყებით მოითხოვდა ხალხი; ცალკე პალატა იყო და ცალკე ქუჩა. სწამდა რევოლუცია, სწამდა უმაღლესი უფლება ხალხისა და იმავე დროს შთამომავალი იყო თავისი წინაპრებისა, თაყვანისმცემელი გვარისა და ოჯახისა. უაღრესად პატიოსანი კაცი იყო, გულწრფელი, პატივისმცემელი ხალხისა და თან ნაყოფი წარსულისა. და იმისთანა სულიერ ტანჯვას განიცდიდა, რომ ხშირად სასოწარკვეთილება ერეოდა ამ მეტად მაგარ და უშიშარ ადამიანს.

გრძნობდა, რომ რაღაც ინგრეოდა მის ფეხქვეშ, მაგრამ საფრანგეთს კი არაფერს უქადდა, რადგან ამჟამად საფრანგეთი უფრო საფრანგეთი იყო, ვიდრე ოდესმე.

შავი ღრუბელი ფარავდა პორიზონტს. უცნაური აჩრდილი მოიწვედა და ნელ-ნელა ედებოდა ხალხსა და იდეებს. აჩრდილი სხვადასხვა მიმართულებით ბრძოლის გამშავებისა. უკვე ხელახლა ბორგავდა, რაც კი ნაჩქარევად ჩაჩუმებულიყო. ჰაერი გაუღიანოდა იყო განსხვავებული აზრებით, ჭეშმარიტებისა და სოფიზმების ნარევით და სუნთქვას უკრავდა პატიოსანი ადამიანის სინდისს. საზარლის მოლოდინი დასწოლოდა ხალხს და ისე თრთოდა ადამიანი, როგორც ფოთოლი ქარიშხლის მოახლოებისას. იმდენად მძლავრი იყო ძაბვა ელექტრონისა, რომ ხანდახან ერთი სიტყვა კმაროდა, ხშირად სულ უცნობისა, რომ ერთ წამს დაემშვიდებინა ხალხი; მაგრამ წამიერი იყო ეს დამშვიდება და მაშინვე თან მოსდევდა ისევ ის, რაღაც გაუგებარის მოლოდინი. ყრუ გრგვინვა გაისმოდა ხანგამოშვებით, რაც ცხადჰყოფდა, რომ ძალიან დიდი რისხვა დაგროვილიყო ჩამოწოლილ ღრუბელში.

სულ ოცი თვე გავიდა ივლისის რევოლუციის შემდეგ და 1832 წელიწადი მოვლენილი იყო მუქარით და აუცილებლობით აღსავსე გაჭირვებული იყო ხალხი, პური შიოდა მუშას. უკანასკნელი კონდე წყვდიადმა შთანთქა. ბრიუსელმა განდევნა თავისი ნასაუ, როგორც პარიზმა ბურბონები. ბელგიას ფრანგი უნდოდა მეფედ და ინგლისელი მისცეს. წინ ჰქონდა საშინელი სიძულვილი რუსეთის ხელმწიფის ნიკოლოზისა, უკან - სამხრეთის ორი ქაჯი ემუქრებოდა საფრანგეთს: ესპანელი ფერდინანდი და პორტუგალიელი მიგელი. არც ევროპა იყო დამშვიდებული; იგივე მოძრაობა ემჩნეოდა იტალიას. მეტერნიხს ბოლონიისკენ გაენია ხელი. საფრანგეთი უხეშად ექცეოდა ავსტრიას ანკონაში, ჩრდილოეთით ჩაქუჩის ხმა ისმოდა, კუბოში ჩაენვინათ პოლონეთი და მაგრად ლურსმავდნენ. საფრანგეთს შემოსეპეროდა გაბრაზებული თვალით მთელი ევროპა; საფრანგეთის საეჭვო მოკავშირე - ინგლისი, ვერაგი, როგორც ყოველთვის, მზად იყო წიხლი ნაეკრა, ვისაც კი ფეხი წაუსხლტებოდა და ტყავი გაეძრო, ვინც დაეცემოდა; პერების სასამართლო ბეკარიას ეფარებოდა, რათა ოთხი სიცოცხლე დაეცვათ კანონიერად მისჯილი სიკვდილისგან; მეფის ეტლზე შრომანა ყვავილი ჩამოფხიკვს, პარიზის ღვთისმშობლის გუმბათს ჯვარი ჩამოამტვრიეს, ლაფაიეტი დაამცირეს, ლაფიტი გაანადგურეს, დიდ გაჭირვებაში

მოკვდა ბენჟამენ კონსტანი; საკუთარი ძლიერების დაკნინებისგან დაიღუპა კაზიმირ პერიე. პოლიტიკური და სოციალური ავადმყოფობა მორეოდა საფრანგეთის ორივე დედაქალაქს, პარიზს, დედაქალაქს აზროვნებისას და ლიონს - დედაქალაქს შრომისას. პარიზში აზროვნება ამზადებდა ბრძოლას, ლიონში - დამონებული შრომა. დიდი ხანძარი მზადდებოდა ორივე ქალაქში. ზედ შუბლზე აჩნდა ხალხს გრდემლის სიყვარული. სამხრეთი გაცოფებული იყო, ჩრდილოეთი აშლილი, ქალბატონი დე-ბერი ვანდეას გაემგზავრა. გაფიცვა იყო ყველგან, შეთქმულება, აჯანყება, ქოლერა და იდეებით გამოწვეული ხალხის მღელვარებას უმატებდა თავის საშინელებას.

თავი მეხუთე

დასაწყისი ისტორიისა, ისტორიის მიერ არცნობილი

ძალიან გამწვავდა საქმე აპრილის დამღვეს. მოძრაობა დუღილად იქცა. მოსალოდნელი იყო ხალხის აშლა. 1830 წლიდან აქა-იქ იყო ხოლმე აჯანყების ცდა, კერძო, ადგილობრივი, სწრაფად ჩაჩუმებული, მაგრამ ერთგან ჩააჩუმებდნენ, სხვაგან ატყდებოდა მაშინვე, და ეს იყო უტყუარი ნიშანი, რომ დღეს თუ ხვალ მთელ საფრანგეთში ავარდებოდა ცეცხლის ალი. საშინელება მოელოდა ქვეყანას. უკვე იყო მკრთალი, მაგრამ ნაცნობი ნიშნები რევოლუციისა. საფრანგეთი პარიზს შემოჰყურებდა და პარიზი წმინდა ანტონის უბანს.

შეუმჩნევლად გაცხელებული წმინდა ანტონის უბანი სადაცაა ადუღდებოდა.

რისხვით იყო სავესე შარბონეს ქუჩის დუქნები. თუმცა ეს სიტყვა სულ არ ახასიათებს ამ მხიარულ დუქნებს.

იქ განსასჯელ საგნად მთავრობა გაეხადათ მიმსვლელებს. გადასაწყვეტი იყო კითხვა, შეებრძოლონ ამ მთავრობას თუ ჩუმად იყვნენ. დუქნების უკანა ოთახებში კი აფიცებდნენ მუშებს, რომ მაშინვე ქუჩაში გამოვლენ, როგორც კი გაისმის განგაშის ხმა, და „შეებრძოლებიან მტერს, რაც უნდა დიდი იყოს მისი რიცხვი“. ერთი მუშა იჯდა კუნჭულში და, რაკი დააფიცებდნენ ამხანაგს, ახლა ის მიმართავდა და შთავგონებით ჩასძახოდა: „ხომ დაიფიცე, მაშ, არ უღალატო რევოლუციას“. ხანდახან ზემო სართულზე ავიდოდნენ, ცალკე ოთახში, კარს ჩაიკეტავდნენ, თითქოს ფრანკ-მასონები ყოფილიყვნენ, და იქაც ფიცს სდებდა მუშა: „რომ იმსახურებდა ისე, როგორც შვილები ემსახურებიათ მამებს“.

ქვემო დარბაზში პატარა ბროშურებს კითხულობდნენ, მთავრობის საწინააღმდეგოდ შედგენილს. - „იქ მთავრობას აგინებენ“, - ეწერა იმ დროის საიდუმლო მოხსენებაში.

იქ გაიგონებდით შემდეგს: - „მე ჩემი ბელადების სახელი არ ვიცი... ჩვენ მუშები ვართ და არათფერი ვიცი. ის ვიცი მხოლოდ, რომ ორი საათით ადრე გვაცნობენ, ქედზე კაცო! - ერთი მუშა იძახდა, სამასი კაცი ვართ. ნახევარი ფრანკი რომ გამოვიდოთ ყველამ, ას ორმოცდაათი ფრანკი გვექნება თოფის წამლისა და ტყვიისთვის“. ერთი კიდევ სხვას ამბობდა: „ექვსი თვე კი არა, ორიც არ გვინდა, ორი კვირაც არ გავა, რომ წინ აღვუდგებით ჩვენს მთავრობას და ხუთი ათასი კაცით ქვეყანას შევებრძოლებით“... ერთი მუშა დაურიდებლად იძახდა: სადა მყალია დასაწოლად? ტყვიას ვამზადებ დამე. ხანდახან ბურჟუებივით ძვირფასტანისამოსიანი გაბლინძული კაცები ჩაერეოდნენ ხოლმე, თითქოს მოთავენი ყოფილიყვნენ ამ

მოდრაობისა, ხელს ჩამოართმევდნენ მეთაურებს, მოიკითხავდნენ საჩქაროდ და გარბოდნენ; ათ წუთზე მეტხანს თავის დღეში არ დარჩებოდნენ. ან ჩუმი ხმით ეკითხებოდნენ ერთმანეთს საქმის ვითარებას. - შეთქმულება მზად არის, ხალხი მომზადებულია, - ჩურჩულით ამბობდნენ ამისთანებს; - ბუმბუნებდნენო, - სწერია ერთ მოხსენებაში; მაგრამ მთელ დარბაზს ეყურებოდა ჩუმად ნათქვამი. იმდენად დიდი იყო აღფრთოვანება, რომ ერთ, ხალხით გატენილ დუქანში ხმამაღლა შეჰყვირა მუშამ: - იარაღი გვინდა, იარაღი! - ამის პასუხად მეორემ დაიძახა: - იარაღი ჯარისკაცებს აქვთ! - რა იყოღა, რომ თქვა იგივე, რაც ნაპოლეონმა თავისი ჯარისადმი მიმართულ პროკლამაციაში, იტალიაში რომ იყო. „თუ საიდუმლო ჰქონდათ რამე, - წერია იმავე მოხსენებაში, - ამ კრებებზე არათუ არამბობდნენ“. ძნელი გასაგებია, რაღა უნდა ჰქონდათ იმაზე მეტი, რასაც დაურიღებლივ გაიძახოდნენ?

კრებები დროგამოშვებით იმართებოდა, პერიოდულად. ზოგ კრებას ყოველთვის ერთი და იგივე პირები ესწრებოდნენ, რვა, ათი კაცი; ზოგ კრებაზე კი ყველას შეეძლო შესვლა და იმდენი ხალხი იკრიბებოდა, რომ გატენილი იყო ხოლმე დარბაზი. ზოგი თანაგრძნობის გამო მიეშურებოდა ამ კრებისკენ; ზოგი იმიტომ, რომ „სამუშაოდ მიმავალს გზაც იქით ჰქონდა“. ამ კრებებს, როგორც რევოლუციის დროს, პატრიოტი ქალები ესწრებოდნენ და ესალმებოდნენ ახალმოსულებს.

დიდად მნიშვნელოვანი დღე თენდებოდა.

შევიდოდა დუქანში კაცი, დაღვედა და ფულს არ იხდიდა - რევოლუციას დაანერე, ძმობილო, რაც გერგება, ის გადავიხდისო.

ერთ დუქანში, შარონის ქუჩის პირდაპირ, რევოლუციის რწმუნებულებს ირჩევდნენ. კენჭს ქედში კრეფდნენ.

ერთ ფარიკაობის ოსტატთან იკრიბებოდნენ მუშები კოტის ქუჩაზე, იარაღი ელაგა დარბაზში - ხის ფარები, ჯოხები, წვერბლაგვი ხმლები. ერთ დღეს სათიხარები მოხსნეს ხმლებს: ოცდახუთნი ვართ, - თქვა ერთმა მუშამ, - მაგრამ მე ანგარიშში ნუ ჩამავდებთ, რადგან მანქანად ვარ მიჩნეულიო. - ეს მანქანა შემდეგში კენისე აღმოჩნდა.

ზოგიერთი განზრახვა უცნაურად გამოაშკარავდა და სალაპარაკო გახდა. კარმიდამოს ჰგვიდა ერთი დედაკაცი და მეზობელს ეუბნებოდა: - რამდენი ხანია, აღარ გვძინავს, ტყვია-წამალს ვამზადებთ რევოლუციისთვისო. პროკლამაციები გაეკრათ ყველგან ქუჩებში ეროვნულ გვარდიისადმი მიმართული. ერთ პროკლამაციას ხელს აწერდა „სირაჯი ბურტო“.

ერთხელ ლენუარის მოედანზე ბაზრობა დღეს ერთი გრძელწვერა კაცი ახტა ღობეზე და იტალიელის კილოთი ხმამაღლა წაიკითხა ხალხის აღმამფთოთებელი მონღოდება რაღაც საიდუმლო უსახელო ხელისუფლების სახელით. მრავალი ხალხი შემოეხვია. ტაშს უკრავდნენ. ერთმა იქ მყოფთაგანმა ჩაინერა ის სიტყვები, რომლებიც უფრო მოეწონა ხალხს:

„შეურაცხყოფილია ჩვენი დებულებანი, ჩამოფხრენილია ჩვენი პროკლამაციები, ციხეში ყრიან ჩვენი ამხანაგები, რომლებიც პროკლამაციებს ავრცელებდნენ“. „მრავალი თანამგრძნობი შეგვძინა საფეიქრო წარმოების შემცირებამ; სულ ჩვენთან არიან, ვინც გუშინ ვერაფერს ბედავდა“. „ხალხის გულში ღვივის მომავალი ქვეყნისა“... „აი, ჩვენი დებულებანი: ან აღვდგეთ, ან რეაქცია; ან რევოლუცია, ან რევოლუციის მტრების გამარჯვება! აღარ შეჰფერის ჩვენს დროს და აღარც ვინმეს სჯერა, რომ

შეიძლებოდადეს ხელის გაუნძრევლად წოლა და ლოდინი. დღეს ყველამ ხმამაღლა უნდა თქვას თავისი, ხალხისკენ არის თუ ხალხის წინააღმდეგ. ეს არის უმთავრესი საკითხი და მეტი არაფერი. თუ ერთ მშვენიერ დღეს აღარ ვიქნებით თქვენთვის საჭირონი, დაგვიტოვოთ, დამოგვიშორებთ. მაგრამ მანამდე კი დაგვეხმარეთ, რომ წინ წავიდეთ“. - ამგვარი სიტყვები ისმოდა ყველგან დაურიდებლად.

სხვაც იყო უფრო ძნელად გასაბედი. და სწორედ ამ გაბედულობის გამო ხალხის მიერ საეჭვოდ მიღებული. 1832 წლი 4 აპრილს ერთი კაცი ავარდა ლობზე სენ-მარგარიტის ქუჩაზე და შეჰყვირა: - მე ბაბეფის მომხრე ვარო! მაგრამ ბაბეფის სახელს ამოფარებულ უისკეს ალლო აულო ხალხმა.

სხვათა შორის, ეს სიტყვები წარმოთქვა ამ ბაბეფისტმა კაცმა: „ძირს საკუთრება! ძირს პარლამენტის მემარცხენეთა ოპოზიცია! იგი მხდალია და მოღალატე! რევოლუციას ქადაგებს და ძირს უთხრის რევოლუციას. დემოკრატიული არის, რომ ძირს არ დასცენ, და მეფის მომხრეა, რომ არ იბრძოლოს. რესპუბლიკელები საფუძვლად გაუხდიათ მემარცხენეებს. მოერიდეთ, მოქალაქენო! ნურც რესპუბლიკელებს ენდობით, ნურც მემარცხენეებს“.

- გაჩემდი, მოქალაქე ჯამუშო! - შეჰყვირა ერთმა მუშამ.

ამ შენიშვნამ ბოლო მოუღო მის მჭევრმეტყველებას.

საიდუმლოებით სავსეც ბევრი რამ იყო.

ქუჩაში შეხვდა ბინდისას მუშას ერთი კარგად ჩაცმული კაცი და შეჰყვირა:

- სად მიხვალ, მოქალაქე?

- უკაცრავად, ბატონო, - მიუგო მუშამ, - მე თქვენ არ გიცნობთ.

- მე კი ძალიან კარგად გიცნობ, და აი, რას გეტყვი, ნუ გეშინია. მე ნევრი ვარ კომიტეტისა. ჰო, ცოტა ეჭვი შეჰპარვიათ შენ შესახებ, უნდობლად გიყურებენ, და აი, გაფრთხილებ: ყურადღებით იყავი, არაფერი წამოგცდეს სადმე, თორემ ვერ გადაგვირჩები! უთხრა, ხელი ჩამოართვა და დაუმატა: - ნახვამდის! მალე შეგხვდებით ერთმანეთს.

პოლიციაც ყურდაცქვეტილი ბრძანდებოდა, დუქნებშიც და ქუჩებშიც, სადაც დაურიდებლად ისმოდა ხალხის უცნაური ლაპარაკი:

- დააჩქარებინე, მეგობარო, მიგიღონ და მორჩინენ, რაღა! - ურჩევდა ფეიქარი დურგალს.

- განა რა არის საჩქარო?

- ის, რომ მალე დაგვჭირდება თოფის სროლა.

ორი ღარიბი კაცი გაჩერდა ქუჩაში დაგლეჯილ-დაფლეთილები. მისალმების მაგივრად, ასე მიმართეს ერთმანეთს:

- ვინ არის ჩვენი მთავრობა?

- ბატონი ფილიპე.

- არა! ბურჟუაზია!

ხუმრობით იყო ნათქვამი ეს პასუხი, მაგრამ მწარე, ღარიბი კაცის ხუმრობით.

ორი კაცი მიდიოდა ქუჩაში, რაღაცას ლაპარაკობდნენ და კარგად გაისმა ერთის ხმამაღლა წამოსროლილი სიტყვა: - გეგმა შედგენილია. ჩვენ იერიშით მივალთ მთავრობაზე.

ოთხი კაცი იჯდა ტრონის სადარაჯოს ახლოს და ეტყობოდათ პოლიტიკაზე საუბრობდნენ:

- ყოველი ღონისძიება უნდა ვიხმაროთ, რომ პარიზში აღარ გაიჭაჭანოს...

ვინ არ გაიჭაჭანოს? ის კი აღარ თქვეს, ვისზე იყო ლაპარაკი.

საქმის მოთავენი, როგორც ეძახდნენ მათ გარეუბნელები, არსად ჩანდნენ; ამბობდნენ, წმინდა ესტატეს კუთხეში კრებები აქვთ ერთ ღუქანში, რომ შეთანხმდნენო. მოთავეებისა და სენტ-ანტუანის უბნელთა შესათანხმებლად შუაკაცად ჰყავდათ ღურგლების დამხმარე საზოგადოების თავმჯდომარე ოგი, მოდეტურის ქუჩაზე რომ იდგა. დიდი სიფრთხილით, ფარულად ანარმოებდა საქმეს და ჯერჯერობით არ იცნობდა ხალხი შეთქმულების მოთავეებს. კიდევ რომ სცნობოდა, არავითარ შემთხვევაში არ გასცემდა, რაც უნდა ძალა დაეტანებინათ. შემდგომ მოხდა, ერთი მუშა კაცი წარდგა დიდებული სასამართლოს წინაშე.

- ვინ იყო თქვენი მოთავე?

- არც ვიცნობდი, და არც ახლა ვიცნობ, - უპასუხა ამაყად მუშამ.

ჯერ გარკვეული არაფერი ისმოდა ხალხში. თუ იყო რამე, ფრთხილი, ობოლი სიტყვა, რომლის მნიშვნელობას ადვილად მიხვდებოდა, ვინც უნდა მიმხვდარიყო; ან „ამბობენო, გავიგონეთ“ და სხვ. მაგრამ ამას ცხადიც ემატებოდა ნელ-ნელა.

ერთი ღურგალი ღობავდა დიდ ეზოს, სადაც სახლს აშენებდნენ, რეილის ქუჩაზე, და ნათხრენი ქალაქი იპოვა მინაზე. ცოტა რამ კიდევ შეიძლებოდა გაერკვია და წაიკითხა:

- კომიტეტმა ღონისძიება უნდა მიიღოს, რომ მოსპოს ხალხის სხვადასხვა საზოგადოების წევრად ჩანერა...

და იქვე ძირს მინანერი.

„ცნობა გვაქვს, პუასონიერის ქ. #5 (ბ)-დან, ხუთი თუ ექვსი ათასი თოფი აქვს ერთ მესაჭურველს ეზოში მიმაღული. სექციას კი არა აქვს იარაღი“.

წაიკითხა, ამხანაგებს აჩვენა და იქვე, ცოტა იქით კიდევ იპოვეს ნათხრენი, უფრო მნიშვნელოვანი, რომელსაც უკლებლივ აღვუნერთ მკითხველს, როგორც იმ დროის საინტერესო დამახასიათებელ საბუთს

ახლა ეს წაიკითხეს, მაგრამ ვერაფერი გაიგეს ამ ასოებისა. მხოლოდ შემდგომ გამოიკვია ეს შემოკლებით ასოებით აღნიშნული საიდუმლოება: უ ო გ ა ფ ე ნ ი მ ზ ა ვ დ ა 1832 წლის 15 აპრილს, ხ - ხუთასის წინამძღვარს, ა ასისას და მ - მსტოვრისას. ქალაქი ოთხ სვეტად იყო ჩახაზული და, ეტყობოდა, სია უნდა ყოფილიყო მომავალი აჯანყების წინამძღვრებისა. პირველ სვეტში ხ-ს ქვევიდან მოხსენებული იყო „ბანრე 8 თოფი. 83 ვაზნა, საწდო კაცია“. ა-ს ქვევიდან ბუბიერი, 1 - დამბაჩა. 40 ვაზნა“, ათ-ის ქვევიდან „როლე. 1 შუბი, 1 დამბაჩა, 1 გირვანქა თოფისწამალი“, მ-ს ქვევიდან „ტეისიე - 1 ხმალი, 1 ფალასკა - მუყაითი. ტერორი. 8 თოფი. მამაცი“ და ა.შ.

მერე მესამე ნაჭერიც იპოვეს ამ ქალაქისა. ფანქრით იყო დაწერილი, მაგრამ გარკვევით წაიკითხებოდა ეს საიდუმლო სია:

ერთობა, ბლანშარი, არბრ-სეკ ნ

ბარა. სუაზი. სალ-ო-კონტი,

კოსტიუმო. ობრი-ყასაბი?

ჟ. ი. რ.

გაიუს გრაკუსი

უფლება შემონებისა. დიუფონი, ფური.

დაცემა უირონდელეებისა. დერბაკ. მობუე.

ვაშინგტონი. პენსონი. 1 დამბაჩა, 86 ვაზნა.

მარსელიოზა.

თავის. ხალხისა. მიშელი. კენკამპუა. საბრი.

ჰომი.

მარსო, პლატონი, არბრ-სეკი.

ვარშავა, ტილი, გაზეთ „პოპიულერის“ დამტარებელი.

ეტყობა, სია უნდა ყოფილიყო ამ ქალაქში ქალაქის მეოთხე განყოფილების „ადამიანის უფლებათა“ საზოგადოების ყველა სექციისა და ამ სექციების მოთავეების, მათი მისამართის აღნიშვნით. დღეს, როდესაც ყველა ეს მნიშვნელოვანი ბნელით დაფარული ნიშნები უკვე ისტორიას ეკუთვნის, შეიძლება მათი გამოქვეყნება, ოღონდ ის კი მიუშვათ, რომ „ადამიანის უფლებათა“ საზოგადოების დაარსება უფრო გვიან მოხდა, ვიდრე ამ ქალაქში იყო აღნიშნული. შეიძლება ახალი ჩასახული იყო საზოგადოება და უკვე ამ სახელით მოქმედებდა.

გაკვრით ნათქვამი სიტყვის, სიტყვიერი ბრძანებების და საიდუმლო ბარაკების დაპირისპირების შემდეგ საქმე გამოაშკარავდა.

პოპენკურის ქუჩაზე ერთ ძველმანებით მოვაჭრეს სახლი გაუჩხრიკეს და კომოდის უჯრაში შვიდი ნაჭერი ქალაქი უპოვეს ლურჯი, შვიდივე თანასწორად, სიგრძეზე ოთხად დაკეცილი. ამ ქალაქში შეხვეული იყო ვაზნის გასაკეთებლად მომზადებული ქალაქი და პატარა ბარათი, რომელზეც ეწერა:

გვარჯილა 12 მისხალი

გოგირდი 2 მისხალი

ნახშირი 2-ნახევარი მისხალი

წყალი 2 მისხალი

ოქმში აღნიშნული იყო, რომ კომოდს ძალიან ასდიოდა თოფის წამლის სუნი.

ერთ კალატოზს დაესრულებინა მუშაობა და შინისკენ მიდიოდა. დასასვენებლად დამუდარიყო სკამზე აუსტერლიცის ხილთან და იქვე დაიწყო აბგა. აბგა პოლიციის მიიტანეს, გახსნეს და შიგ ქალაქშიც ალმოჩნდა დაბეჭდილი: ორი დიალოგი იყო, ლაოტიერისა, ერთი სიმღერა სათაურით „შევრთლით, მუშებო, შეკავშირდით“, და ერთი თუნუქის ყუთი, ვაზნებით სავსე.

ღვინოს სვამდნენ მუშები. - ოჰ, რა ძალიან მცხელა! - დაიძახა ერთმა და ამხანაგის ხელი შეიყო ილღიაში: დამბაჩა ჰქონდა ხალათის ქვეშ.

ბავშვები თამაშობდნენ ქუჩაში პერ-ლაშეზისა და ტრონის სადარაჯოს ახლოს მიყრუებულ ადგილზე და ორმოში, ბურბუშელის ქვეშ, ტომარა იპოვეს, რომელშიც ტყვიის ჩამოსასხმელი ქვაბი იყო, ვაზნის საჭრელი დანა, ბადია ცოტაოდენი თოფის წამლით, და პატარა ქვაბი ტყვიის სადნობად. ქვაბში ტყვია ჩარჩენილიყო.

მოულოდნელად შეუცვივდნენ სახლში პოლიციელები დილის ხუთ საათზე ვინმე პარდონს, რომელიც შემდგომ ბარიკად-მერის სექციის წევრი აღმოჩნდა და მოკლეს 1834 წელს, აჯანყების დროს. შეუცვივდნენ პოლიციელები და დაიჭირეს: იდგა კაცი და ვაზნებს ამზადებდა.

დასვენების დროს შეხვდნენ ერთმანეთს მუშები პიკუსის და შარანტონის სადარაჯოების ახლოს, პატარა ქუჩაში, ერთ ღუქანთან. ხალათის ქვეშიდან ამოიღო ერთმა დამბაჩა და ამხანაგს მისცა, მაგრამ შენიშნა, რომ ოდნავ დანოტიოებულიყო მისი ოფლისგან თოფის წამალი; ხელახლა გაუტენა და ისე მისცა.

ვინმე გალე, - რომელიც აპრილის აჯანყებაში მოკლეს მერე ბობურგის ქუჩაში, - იკვებინდა, - შვიდასი ვაზნა მაქვს სახლში და ოცდაათი ტალიო.

მთავრობამ მიიღო ერთხელ ცნობა, - გარეუბნელებს იარაღი დაურიგეს და ორასი ათასი ვაზნაო. ერთი კვირის შემდეგ კიდევ დაურიგეს იცდაათი ათასი ვაზნა, და უცნაური ის იყო, რომ ერთი ვერავის წაართვა პოლიციამ. პოლიციის მიერ დაჭერილ ერთ წერილში მუქარაც იყო: „შორს არ არის ჩვენი გამარჯვება, ოთხს დაჰკრავს საათი და ოთხმოცი ათასი პატრიოტი გამოვა შეიარაღებული“.

დიდ მზადებაში იყო ხალხი, მაგრამ სრულიად დამშვიდებული, თუმცა კარგად იცოდა, რომ საშინელი ბრძოლა მოელოდა მთავრობასთან. დღეს თუ ხვალ იფეთქებდა მინაში ჩამალული ვულკანი და სისხლის ღვარი დაეფინებოდა ქვეყანას. უკვე მომზადებული იყო ყველაფერი, დაურიდებელიც ესაუბრებოდნენ მუშა ხალხს ბურჟუები ამ მომავალ აფეთქებაზე. იმ კილოთი ჰკითხავდნენ ერთმანეთს, - როგორ არის აჯანყების საქმეო, როგორც ზრდილობიანი მოკითხვით, - როგორ ხართ, თქვენები როგორ არიანო!

ხმამალა ჰკითხა ერთმა ვაჭარმა მოროს ქუჩაზე გამვლელს:

- ჰა! როდის აპირებთ იერიშს?

ერთმა მდღეუქნემ ამ სიტყვით მიმართა მუშას:

- ვიცი, მალე აისხამთ იარაღს. სულ თხუთმეტი ათასი კაცი იყავით ამ ერთი თვის წინათ და დღეს ოცდახუთი ათასი ხართ. ჩემი თოფიც მზად მაქვს.

ამ ლაპარაკში ჩაერია მისი მეზობელი და შვიდ ფრანკად ღირებული დამბაჩა შესთავაზა.

მეტად და მეტად ედებოდა ხალხს რევოლუციის ციებ-ცხელება. სახლი არ იყო პარიზში და მთელ საფრანგეთში, რომ ამის მონატრული არ ყოფილიყო, ისე ედებოდა ქვეყანას ქსელი საიდუმლო წრეებისა და საზოგადოებისა, როგორც ადამიანის ანთებით დაავადებულ ორგანიზმს ედება და ფარავს გარსი. საზოგადოება „ხალხის მოყვარენი“ ნებადართულივით მოქმედებდა, მაგრამ საიდუმლოდ უფრო მეტს აკეთებდა; ეს საზოგადოება შტო იყო „ადამიანის უფლებათა“ საზოგადოებისა, რომელიც ასე ათარიღებდა ერთ-ერთ თავის ბრძანებას: „...პლუვიოზს 40 წელს რესპუბლიკურ ხანთაღრიცხვისას“. თავის სექციებსაც რევოლუციურ სახელებს უწოდებდა.

შუბოსნები.

განგაში.

განგაშის ზარბაზანი.

ფრიგიული ქელი.

21 იანვარი.

მათხოვრები.

მანანალები.

წინ მიმავალნი.

რობესპიერი.

გამარჯვება.

ეს მოხდება!

„ადამიანის უფლებათა“ საზოგადოებისგან დაიბადა „მოქმედი საზოგადოება“. მასში გაერთიანდნენ მოუთმენელნი, რომელთაც მოსწყენოდათ სჯა და კამათი და

რევოლუციის აჩქარებას ცდილობდნენ. დანარჩენი ასოციაციები ცდილობდნენ იმ დიდ სექციებს შეერთებოდნენ, რომლისგანაც ისინი წარმოიქმნენ.

- აღარ გვასვენებენო, - ჩიოდნენ სექციელები, - ხან ერთ საზოგადოებაში ჩავგვიცხავენ, ხან მეორეში ერთდროულად. მრავალი საზოგადოება იღვწოდა ხალხის რევოლუციისთვის მოსამზადებლად. საზოგადოება „პრესის თავისუფლებისა“, „პირადი თავისუფლებისა“, „ხალხის განათლებისა“, „ფარული ბევარის გაუქმებისა“, „მუშური თანასწორობისა“, რომელიც სამ ნაწილად იყო გაყოფილი - თანასწორობის მომხრენი, რეფორმის მომხრენი და კომუნისტები. მერე „ბასტილიის ლაშქარი“, მხედრულად მოწყობილი საზოგადოება, რომელშიაც ხუთიოდე კაცი თუ იცნობდა ერთმანეთს. საგანგებოდ იყო შეერთებული ამ საზოგადოებაში სიფრთხილედ და გამბედაობა და ვენეციელთა მოხერხების ნიჭი ეტყობოდა მის დამფუძნებელთ. საქმის გამგედ და მმართველად მთავარი კომიტეტი იყო, ორი მაგარი მკლავით მოქმედი, ეს იყო: „აღმასრულებელი საზოგადოება“ და „ბასტილიის ლაშქარი“. ერთი საზოგადოებას იყო, მთავრობის მომხრე „ერთგულების რაინდები“, რომელიც ყველგან ძვრებოდა და ყველაფერს ზვერაჟდა; მაგრამ იცნეს და თავს ლაფი დაასხეს.

მრავალი განმტოება ჰქონდა პარიზულ საზოგადოებებს საფრანგეთის დიდრონ ქალაქებში. ლიონს, ნანტს, მარსელს, ლილს ჰქონდა თავისი საზოგადოებანი.

პარიზში, სენ-მარსის უბანში ისეთი მღელვარება მოჩანდა, როგორც სენტ-ანტუანის უბანში იყო. და სასწავლებლებში ისევე მოუთმენლად ელოდნენ რევოლუციას, როგორც გარეუბნებში. ერთი კაფე იყო სენტ-ისინტის ქუჩაზე და „შვიდი ბილიარდის“ ყავახანა სენ-ჟაკის ქუჩაზე, სადაც უმთავრესად სტუდენტები იკრიბებოდნენ. ანბანის საზოგადოება, როგორც უკვე ვთქვით, მუზენის ყავახანაში იკრიბებოდა და გარდა ამისა, მონდეტურის ქუჩაში ერთ რესტორანში, რომელსაც სახელად „კორინთი“ ეწოდებოდა. კრებები საიდუმლო იყო, მაგრამ გამბედაობა და დაურიდებლობა სჯობნიდა და ხშირად მოხდებოდა ხოლმე, უცხოებიც ისმენდნენ კრების ბჭობას. ერთი შემდგომი სასამართლოს დაკითხვაც იკმარებს დასახასიათებლად იმდროინდელი დაურიდებლობისა და გამბედაობისა:

- სად იყო ხოლმე თქვენი კრებები?
- დე-ლა-პეს ქუჩაზე.
- ვისთან?
- ქუჩაში.
- რომელი სექციები იკრიბებოდნენ?
- ერთადერთი.
- რომელი?
- მანუილისა.
- ვინ იყო მოთავე?
- მე.

- თქვენ მეტად ყმანვილი ხართ და ვერ შესძლებდით სექციის მეთაურობას და მთავრობის წინააღმდეგ ხალხის ნაქვზებას. საიდან მოვდიოდით ბრძანებები?

- მთავარი კომიტეტიდან.

როგორც ხალხს ამზადებდნენ ასაშლელად, ისე საფრანგეთის ჯარებს, რაც შემდეგში დიდებულად დაამტკიცეს ბელფორის, ლუნევილის და ეპინალის ჯარებმა. თავისკენ ჰყავდათ რევოლუციონერებს ორმოცდამეთორმეტე, მერვე, მეხუთე,

ოცდამეჩვიდმეტე და მეოცე რაზმები. ბურგონში და სამხრეთის ქალაქებში დიდი ზემოთ რგავდნენ „თავისუფლების ხეს“, ესე იგი, მაღალ ანძას წითელი ჩაჩით.

ასეთი იყო იმდროინდელი მდგომარეობა.

და ეს მდგომარეობა ყველაზე მეტად და საგრძნობლად სენტ-ანტუანის რაიონში გამოიხატებოდა, მუშების უბანში. ეს ძველი უბანი, მრავალრიცხოვანი, როგორც ჭიანჭველების ბუდე და მშრომელი, გამბედავი, მრისხანე, როგორც ფუტკარი სკაში, ასაჯანყებლად მომზადებულიყო. თრთოდა ხალხი, ისე მოუთმენლად ელოდა ამ სანატრელ დღეს. ღელავდა ხალხი, თუმცა თავის საქმესაც მუყაითად განაგრძობდა. შეუძლებელია სიტყვით გამოსახვა ამ მუშების ცოცხალი, დაღვრემილი სახეებისა. ამ უბნის სახლების სხვენებქვეშ მიმალულიყო მწვავე ნაღველი, მაგრამ დიდი იყო აგრეთვე იშვიათი ნათელი გონიერება. სწორედ მაშინ გამწვავდება ხოლმე მდგომარეობა, როდესაც შეერთდება ორი უკიდურესობა: ნაღველისა და გონიერებისა.

სხვა მიზეზებიც ჰქონდა, რომ ასე აღელვებული ყოფილიყო სენტ-ანტუანის უბანი. ეცემოდა ვაჭრობა, მცირდებოდა წარმოება და იკლებდა ხელფასი მუშისა; გაკოტრდებოდა რომელიმე მრეწველი, დაიკეტებოდა მისი ქარხანა და მშვიერი რჩებოდა მუშა; გაითფიცებოდნენ მუშები პოლიტიკური მოთხოვნების გამო, და ამასაც შიმშილი მოსდევდა და გასაჭირის მომატება. რევოლუციის დროს გაჭირვება მიზეზიც არის და შედეგიც ხალხის მოძრაობისა. მაგრამ სკემს ხალხი, მაგრამ ზოგჯერ თვითონვე ხვდება თავისივე მუშტი. შეგნებული, ამაყი, სათნი ხალხი იყო ამ უბანში მოგროვილი, აღგზნებული, მომზადებული იარაღით ხელში თავგანწირვით საბრძოლველად. ყურდაცქვეტილი ელოდა - როდის გვედირსება განგამის ხმაო. ამ მხრივ სახელოვანი არის ეს უბანი და, როდესაც კი ნაპერწკალი გამოჩნდება შორეულ ჰორიზონტზე, პოლიტიკურ გარემოებათა მიმდინარეობით ანთებული, მაშინვე სენტ-ანტუანის აბანი აგონდება ადამიანს, და ის მრისხანე შემთხვევა, რომელსაც პარიზის კართან მოუთავსებია ეს თოფის წამლის საწყობი, სავსე ტანჯვა-ვაებითა და დიადი განზრახვით.

დიდი ისტორიული მნიშვნელობა ჰქონდა ამ უბნის დუქნებს, რომლებიც რამდენჯერმე მოვიხსენიეთ. პოლიტიკური არეულობის დროს ხალხით სავსე იყო ეს დუქნები და ხალხი სიტყვით უფრო თვრებოდა, ვიდრე ღვინით. იმ დროს იქ დაციალეებდა რაღაც წინასწარმეტყველური სული, მიმოიქცეოდა მომავლის ტალღა, რომელიც ცეცხლს უკიდებდა ადამიანის გულს და ფრთებს ასხამდა მის სულს. სენტ-ანტუანის დუქნები ძალიან ჰგვანან ავენტინის მთის სამიკიტნოებს, რომლებიც აშენებული იყო სიბილის მღვიმის ალაგას და ამით თითქოს უკავშირდებოდნენ მომავლის მცოდნე ღმერთებს. მათი სუფრები თითქმის სამთვეხები იყო, სადაც ხალხი სვამდა იმ ღვინოს, რომელსაც ძველი პოეტი ენიუსი „სიბილურ ღვინოს“ უწოდებდა.

სენტ-ანტუანის უბანი წყალსაცავია მუშა ხალხისა. რევოლუციის ძვრები ამტკრევდნენ მის კედელს, რომ იქიდან გადმოღვრილიყო უზენაესი უფლება ხალხისა. შეიძლება გზას ასცდნოდა ეს უზენაესი უფლება, ისე, როგორც სხვა ყველა, მაგრამ იგი გზას ამცდარიც კი დიდებულად რჩება. მის შესახებ შეიძლება ითქვას ის, რაც ნათქვამი იყო უსინათლო ციკლოპის შესახებ: ნგენს.

1793 წელს სენტ-ანტუანის უბნიდან გამოდიოდა ხან ველური ბრბო და ხან გმირთა რაზმები, იმ იდეების მიხედვით, რომლებიც ხან შურისძიების და ხან სათნოების

შედეგად ტრიალებდა ჰაერში, ხან გამმაგებული და ხან ქვეყნის სიკვითთ აღფრთოვანებული.

ველური ბრბო! განვმარტოთ ეს სიტყვა. რას მოითხოვდა ეს ხალხი? რას მოითხოვდა ეს, რევოლუციის მიერ ქვეყნის გარდაქმნის დღეებში გაცოფებული ხალხი, რომ შეესვოდა ხოლმე ბებერ თავზარდაცემულ პარიზს, დაფხრენილი ტანისამოსით, საზარელი ყვირილით, მოღერებული რკინის კეტებით და აღმართული შუბებით? ხალხის დაჩაგვრის, მტარვალობისა და ძალმომრეობის მოსპობას, შრომას ადამიანისთვის, სწავლა-განათლებას ბავშვისთვის, საზოგადოებრივ პატივისცემას ქალისთვის, თავისუფლებას, თანასწორობას, ძმობას, საჭმელს ყველასთვის, აზროვნებას ყველასთვის; კეთილ, სათნო, წმინდა საქმეს, პროგრესს მოითხოვდა იმედმისდელი, ტანჯული ხალხი, დამშეული, თითქმის ტიტველი, მუშტმოღერებული და ცოფიანივით დორბლმორეული. დიახ, ველურები იყვნენ, მაგრამ ცივილიზაციის ველურები.

საკუთარი უფლებების აღდგენას მოითხოვდა გამმაგებული ხალხი, უნდოდა სამოთხისკენ წაეყვანა კაცობრიობა და ამისთვის არც არეულობას ერიდებოდა, არც დაშინებას. ბარბაროსს ჰგავდა ეს მხსნელი კაცობრიობისა; ბნელნიღაბაფარებული სინათლეს მოითხოვდა.

ამ ერთი შეხედვით ველურების, ამ გარეგნულად საშინელი ადამიანების გვერდით იყვნენ უდარდელნი, მხიარულნი, დიბა-ატლასით მოსილნი, მაქმანით და ოქრომკედლით შეკაზმულნი, ლენტებითა და ორდენებით მბრწყინავნი, აბრეშუმის წინდებით, თეთრი ბუმბულებით, ყვითელი თათმანით, ოქროსაბზინდიანი ფეხსაცმლით; მარმარილოს ბუხართან ბრძანდებოდნენ სავარძელში განცხრომით და ცდილობდნენ წარსულის შემაგრებასა და განგრძობას; განგრძობას შუა საუკუნეებისას, თითქოს ღვთის მიერ დანესებულ ხალხის დამონებისას, საწმუნოებით ხალხის დაბრმავებისას, გაუნათლებლობისას, დამნაშავეთა სიკვდილით დასჯისას, ძალმომრეობით და ომით ხალხის ულუტისას და ძარცვისას. ბრძანდებოდნენ ბატონკაცურად უმაქნისნი და მედიდურნი და ხოტბით ჰმოსავდნენ, ჩუმი ხმით და ზრდილობიანად ხმაღს, კოცონს და ეშაფოტს. ჰოდა, ძალა რომ დაგვატანონ და გვიბრძანონ, აბა რომელი უფრო კარგია: ცივილიზაციის ბარბაროსები, თუ ბარბაროსობის ცივილიზატორებიო, ჩვენ ბარბაროსებს ვამაჯობებდით.

მაგრამ ღვთის მადლით, კიდევ არსებობს არჩევანი. აუცილებელი არ არის და არც ოდესმე ყოფილა ძალმომრეობა. არც დესპოტიზმი გვინდა, არც ტერორიზმი. დავადგენთ ბუნებრივ გზას პროგრესისკენ.

ღმერთიც ამაზე ზრუნავს. გზის შემსუბუქება არის ღვთის მთელი პოლიტიკა.

თავი მეექვსე
ანჟოლრასი და მისი თანამოაზრენი

ვინაიდან მოსალოდნელი იყო პოლიტიკური მოძრაობა ხალხისა, ანჟოლრასმა საჭიროდ ცნო ერთგვარი ფარული შემონემა მებრძოლი ძალისა.

მუზენის ყავახანაში შეიკრიბნენ ამხანაგები.

მცირე სიტყვით მიმართა კრებას ანჟოლრასმა, მნიშვნელოვანი, ადვილად აღსაქმელი მეტაფორების ჩარევით.

მგონია, დრო არის, მეგობრებო, ვიცოდეთ სად ვართ, ვის ველით და ვისი იმედი უნდა ვიქონიოთ. ვისაც უნდა მებრძოლნი ჰყავდეს, უნდა შეძლოს მათი შექმნა. არც საჭირო იარაღის შექმნა მოუტანს ვნებას. თუ ხარი გამოჩნდა სადმე თქვენს გზაზე და გავლა გინდათ, ჯობი მაინც წაიღეთ, რომ რჩოლა არ დაგინწყოთ და რქაზე არ წამოგავაოთ. მაშ, მოვსინჯოთ ჩვენი ძალა? ვინა ვართ, რამდენნი ვართ? სახვალლიოდ ნურაფერს გადავდებთ. თუ რევოლუციონერები ვართ, დაუყოვნებლივ უნდა ვაკეთებდეთ, რასაც დღევანდელი დღე გვავალებს; ხვალინდელი თავისასაც ბევრს მოგვთხოვს. პროგრესს არ სჩვევია დროის დაკარგვა. მოულოდნელი არაფერი უნდა იყოს ჩვენთვის და მოუშადებლად არ დაეხვდეთ ხვალინდელს. უნდა გადავსინჯოთ, სადაც კი რამ დავგვითესია და ვნახოთ, რამდენად კარვად გაუხარია და განვითარებულა. ეს დღესვე უნდა შევამოწმოთ, კურფეირაკ, შენ პოლიტიქენიკელები ნახე, დღეს სწავლა არა აქვთ, დღეს ოთხშაბათია, არა, ფეილი? თქვენ გლასიელები ნახეთ. კონბფერი დამპირდა - პიკუესში მე მივალო, - იქაც ძალიან ბზუის ფუტკარი. ბიორელმა ესტრაპადი დაიაროს, პრუევრ, რადაც სისცივე დარევიათ კალატოზებს; ნახავ და გრენელ სენტ-ონორეს ქუჩაში რომ ლოჟა აქვთ, იმის ამბავს მოგვითან. ჟოლის დიუპიუტრონის კლინიკა მივანდოთ, რომ მაჯა გაუსინჯოს სამედიცინო სასწავლებელს. ბოსუე სასამართლოში მივა, ამხანაგ ვეჭილებს მოგვიკითხავს. კუგურდისკენ მე გავისეირნებ.

- მორჩა და გათავდა! - თქვა კურფეირაკმა.

- ჯერ არა!

- კიდეც არის რამე?

- ერთი ძალიან მნიშვნელოვანი.

- სახელდობრ? - იკითხა კურფეირაკმა.

- მენის სადარაჯო, - უპასუხა ანჟოლორასმა.

ცოტა ხანს ჩაფიქრებული იდგა ანჟოლორასი, თითქოს ფიქრებს გამოჰკიდებია და ვეღარ დაენიაო. შერე განაგრძო:

- მესმის სადარაჯო, ესე იგი, მარმარის ქვისმთლელები, მღებავები, მოქანდაკეთა შეგირდები, მაგარი ბიჭები არიან ყველანი, მაგრამ მალე ცივდებიან. კაი ხანია, სულ სხვა რადაცას ფიქრობენ. ისე არიან, ლამის ჩაქრნენ. დომინოს თამაშში ატარებენ მთელ დროს. ძალიან კარგი იქნება, რომ გვენახა და შთავონებით გვეოქვა ჩვენი. რიშფეში აქვთ ხოლომე კრებები. შუადლიდან პირველ საათამდე ყოველთვის იქ არიან. კარგი იქნება, მივიდეს ვინმე, შეუბეროს, გააჩალოს ეს ჩაფერფლილი ცეცხლი. მინდოდა ეს საქმე მარიუსისთვის მიმენდო. რადაც ლანდებით არის გატაცებული, მაგრამ მაინც ყოჩალი ბიჭია. რა ვქნა, რომ აღარ მოვიდა? ერთი კაცი მინდა მენის სადარაჯოს დასათვალთვინებლად. და არ ვიცი, ვის დავადო ხელი?

- აი, აქ არა ვარ? - წამოიძახა გრანტერმა.

- შენა?

- დიახ, მე!

- შენ უნდა შთავონო რესპუბლიკელებს? შენ უნდა პრინციპები შეუკეთო ნაცარმოდებულ ნაღვერდალს და ცეცხლი აავიზიგო?

- რატომაც არა!

- ნუთუ შენ შეგიძლია რამე?

- მგონია, რომ უნდა შემიძლოს.

- რომ არაფერი გნამს?
- შენი მნამს!
- გრანტერ! გინდა, მართლა დამეხმარო?
- ნალებსაც კი გაგიწმენდ, თუ მეტყვი.
- ჰოდა, აი, რას გთხოვთ: ნუ ჩაერევი ჩვენს საქმეში. გამოინელე შენი აბსინტი და

გამოფხიზლდი.

- უმადური კაცი ხარ, ანჟოლრას!
- მაშ, მენის სადარაჯოზე შეგიძლია მიხვიდე? მოახერხებ კი?
- ძალიან კარგადაც! გრეს ქუჩას ჩავივლი, სენ-მიშელის მოედანს, გოჟერარის ქუჩაში გავალ, კარმს გავუვლი, ასას ქუჩას მოუხვებ და კლოშ-მიდიში ჩავალ; უკან მოვითვლებ სამხედრო საბჭოს, ავივლი ვიელტუილერის ქუჩას, ბულვარზე გავალ, გავყვები მენის გზატკეცილს, გადავივლი სადარაჯოს და რიშელიეც ხომ იქ არის. ამას მოვახერხებთ მეც და ჩემი ნალებიც.

- მერედა იცნობ მათ? ცოტათი მაინც უნდა იცნობდე.
- ძალიან არა, მაგრამ მაინც შენობით ველაპარაკები მათ.
- მერე რას ეტყვი?
- რა ვქნა? რობესპიერს მოვაგონებ, დანტონს, პრინციპებს!
- ეგ შენა?

- სწორედ მე. აგრე კი ნუ მიყურებთ, მართლა! მოვინდომო რამე, თორემ ქვა ქვაზე აღარ დარჩება. ნაკითხული მაქვს პრუდონი. ძალიან კარგად ვიცი „საზოგადოებრივი ხელშეკრულება“ და ზეპირად ვიცი რესპუბლიკის მეორე წლის კონსტიტუცია. „თავისუფლება მოქალაქისა იქ მთავრდება, სადაც იწყება თავისუფლება მეორე მოქალაქისა“. ისე მელაპარაკები, თითქოს რეგენი ვიყო. ცოტა რამ ჩვენც ვიცით, მეგობარო! ადამიანის უფლებანი. ხელისუფლება ხალხისა. ბიჭოს! წარმოიდგინეთ, ცოტა არ იყოს, ჰებერტისტიც ვარ. ისე მაქვს მოლესილი ენა, ექვს საათს გავაჭიანურებ ჩემს მოხერხებას. ჯორის ტლინკებივით დავაყრი სიტყვას, სულ უმაღლესი, დიდებული პრინციპებით შეზავებულს.

- რა დროს ხუმრობაა?
- მრისხანებით აღსავსე ვარ!

ჩაფიქრდა ანჟოლრასი, კარგა ხანი იყო გაჩუმებული. ეტყობოდა ძნელი იყო საკითხის გადაწყვეტა. მერე უთხრა ღრმა შთავგონებით:

- გრანტერ, თანახმა ვარ. ვცადოთ, ვნახოთ. იქნებ მართლა გამარჯვებული ვნახოთ. შენთვის მომინდვია მენის სადარაჯო.

გრანტერი იქვე ცხოვრობდა, ერთ მზა ოთახში, მუშენის ყავახანის ახლოს. გავარდა სირბილით, თავის ოთახში ავიდა და ცოტა ხანში უკან დაბრუნდა. შინ ასულიყო, რომ რობესპიერული ჟილეტი ჩაეცვა.

- აი, გავნითლდი, - შესძახა ამხანაგებს და თან თვალს არ ამორებდა ანჟოლრასს. მერე ჟილეტზე დაირტყა ხელი.

მივიდა ანჟოლრასთან და უჩურჩულა:

- ფიქრი ნუ გაქვს. ახლა მე ვიცი!
- ქუდი მაგრად ჩამოიფხატა თავზე და წავიდა.

ცოტა ხნის შემდეგ მთლად ცარიელი დარჩა უკანა დარბაზი მუზენის ყავახანისა. ანბანის ყველა თანამგრძობნი თავ-თავისი მოვალეობის ასასრულებლად წასულიყვნენ. უკანასკნელი ანჟოლორასი იყო, კუგურდისკენ უკან წასულიყო.

კუგურდელეები ისინი იკრიბებოდნენ, ერთ უკვე მიტოვებულ ქვის სამტვრევში, და ანჟოლორასიც იქით გაეშურა. მიდიოდა და ცდილობდა გონების თვალი გადაეხლო პოლიტიკური მდგომარეობისთვის. ცხადი იყო, დღეს-ხვალ დიდი ამბები იყო მოსალოდნელი. როდესაც ფაქტები, ეს წინამორბედი საზოგადოების ფარული დაავადებისა, ეს-ესა იწყებენ გამოვლინებას, სულ უბრალო ცვლილებას შეუძლია ისინი გართულოს და არიოს. ამ მოვლენით აიხსნება ყოველი რღვევა და აღორძინებაც. ანჟოლორასს ბუნდოვნად წარმოედგინა ჯერ მომავლით დაფარული აღმომავალი ბრწყინვალეობა. ვინ იცის? იქნებ ახლოვდეს ყოფილიყო ჟამი ოცნების ასრულებისა. ხალხი ხელთ იგდებდა თავისუფლებას და თვითონვე განაგებდა საკუთარ ცხოვრებას. რევოლუცია ძველებურად, დიდებულად დაეპატრონებოდა საფრანგეთს და დაიძახებდა ქვეყნის გასაგონად, - ხვალ თქვენკენ წამოვალთ! კმაყოფილი იყო ანჟოლორასი. ალი ასდიოდა ბრძმედს. გაფანტული ჰყავდა ყველგან მთელ პარიზში თანამოაზრენი. ელექტრული ნაპერწკალი იყო საჭირო, რომ უცხად და ერთდროულად წაჰკიდებოდა ცეცხლი მთელ პარიზს, და ამ ნაპერწკლის გადასაცემად ჰქონდა შეკავშირებული კომბფერის ფილოსოფიური აღმგზნები მჭევრმეტყველება, კონსოპოლიტური აღტაცება ფეილისა, შთაგონებითი ნიჭი კურფიერაკისა, მხიარულება ბაორელისა, ჭმუნვა ჟან პრუვერისა, ცოდნა ჟოლისა, ოხუნჯობა ბოსუესი. თავ-თავის ალაგას იყვნენ ყველანი. ნათესი დიდი ჰქონდათ და მოსავალიც კარგი უნდა ყოფილიყო. და გრანტერი მოაგონა ნათესმა. თვითონაც სწორედ მენზე უნდა გაეხლო, რომ კუგურდელეები ენახა. გადანყვითა, ცოტათი გავიგრძელებ გზას, შვეალ რიშფეში, ვნახავ, სად არის და რას არიგებს გრანტერიო.

პირველი საათი დაჰკრა ვოჟირარის სამრეკლომ, როდესაც რიშფეს დუქანში მივიდა ანჟოლორასი. კარი შეაღო, შევიდა. კარი ზურგში მოხვდა, რადგან თვითონვე იხურებოდა.

შევიდა, გულხელი დაიკრიფა და თვალი გადაავლო დიდ დარბაზს, მაგიდებით, ხალხითა და კვამლით სასესს.

ერთი ხმა სჯობნიდა ყველას იმ ხმაურობაში და ერთი კიდეც მეორე, პირველის მოკამათე. გრანტერის ხმა ისმოდა და მისი მებრძოლისა.

გამოჭიმული ბრძანდებოდა ერთ მარმარილოს მაგიდასთან გამარჯვებით მავალი გრანტერი. წინ ვილაც კაცი უჯდა. მარმარილოზე ხორბლის მარცვალი ეყარა და სათამამო ღომინო. ხელს სცემდა მაგიდას გრანტერი და ხმამაღლა გაიძახოდა თავისას, მაგრამ არც ამხანაგი ჩამორჩებოდა ყვირილში:

- ეს ექვს-ექვსი.
- ოთხი.
- ვაი, რომ არა მაქვს!
- დაილუპე! ორი.
- ექვსი.
- სამი.
- კიკო.
- მე ვინყებ.

- ოთხი.
- ძლივს!
- ახლა შენ.
- ეჰ, ჭკუა წავაგე!
- ახია შენზე!
- თხუმეტი.
- და კიდევი შვიდი.
- მამ ოცდაორი. ოცდაორი!
- ექვს-ექვს არ მოელოდი! მე რომ ექვს-ექვსი არ მრგებოდა, სულ სხვაფორივ დასრულდებოდა საქმე.
- ორი.
- კიკო.
- ხუთი შენს კიკოს შიგ თავში!
- ხუთი? არა მაქვს.
- შენ დაინყე, არა!
- დიახ.
- თეთრი.
- დღეს ბედი შენი მწყალობელია! შენ გილიმის, ოხერი! (დიდი ხნის ფიქრის შემდეგ:)
- ორი.
- კიკო.
- არც ხუთი და არც კიკო. მოგხვდა?
- დომინო!
- წადი და ირიკავე!

წიგნი მეორე
ეპონინი

თავი პირველი
ტოროლას ველი

თავით ბოლომდე წახა მარიუსმა მოულოდნელი დაბოლოება ტენარდიეს მიერ მოწყობილი ხათვანგისა, რომლის კვალსაც თვითონ მიაგნებინა ჟავერს. სამ ეტლში ჩასხა ჟავერმა ყაჩაღები და საპატიმროში წაიყვანა. წავიდა ჟავერი და მარიუსიც მაშინვე გაძვრა სახლიდან. ღამის ცხრა საათი იყო. პირდაპირ კურთფერაკისკენ გაეშურა. კურთფერაკი სტუდენტების უბნიდან „პოლიტიკური მოსაზრებით“ ვერერის ქუჩაზე გადასულიყო. ეს იმ უბანთაგანი იყო, სადაც ადვილად ვრცელდებოდა რევოლუციური აზრები. მივიდა და უთხრა:

- ამაღამ შენთან ვარ.

კურთფერაკმა ერთი ლეიბის ქვეშიდან მეორე გამოიღო, იატაკზე გაშალა და - ბრძანდებოდყო, - უთხრა. თავის ოთახში მივიდა მარიუსი, გადაუხადა სახლის ქირა ბებერ ბუგონს, ხელურემში ჩაალაგა თავისი წიგნები, ლოგინი, მაგიდა, კომოდი, ორი სკამი და გამოეთხოვა გორბოს სახლს. ახალი მისამართი არ დატოვა, და ცოტა ხნის

შემდეგ უავერი რომ მოვიდა მის დასაკითხად, მხოლოდ ბებერი ბუკონილა დახვდა, რომელმაც მოახსენა, - გადავიდაო.

დარწმუნებული იყო ბებერი ბუკონი, რომ წუხანდელი ქურდების მიერ მონყობილ საქმეში მარიუსიც მონაწილეობდა და - ვინ წარმოიდგენდაო? - გაიძახოდა განცვიფრებული მგობლობებში; შეხედავდი, უმანკო გოგოს ჰგავდაო!

ორმა მოსაზრებამ გამოაცვლევინა ასე სასწრაფოდ მარიუსს ბინა: პირველი, ზიზღი იყო იმ სახლისადმი, სადაც ასე ახლოს ნახა იმოდენა საშინელება. თავადვე ნახა, როგორ მზადდებოდა და ვითარდებოდა საზოგადოებრივი ვერაგობა, ავკაცობა ღატაკისა, შეიძლება უფრო საზარელი და მხეცური, ვიდრე მდიდრის ავკაცობა. მეორე ის იყო, რომ არ უნდოდა მონმედ ყოფილიყო ამ საქმეში და თავისი სიმართლით იძულებული გამხდარიყო მოეხსენებინა სასამართლოსთვის ტენარდიეს დამლუპველი საბუთები.

უავერმა იფიქრა - შეეშინდებოდა ყმანვილ კაცს, სახლში არ მივიდოდა იმ ღამეს, სანამ იქ ქურდები ეგულეობდა; იქნებ სხვაგან სადმე ეძინა იმ ღამესო, და ნანობდა, რომ აღარც სახელი ახსოვდა მისი, აღარც გვარი. ეცადა კიდევაც მარიუსი მოენახა, მაგრამ ამაოდ ჩაუარა ცდამ, და თავი მიანება.

გავიდა ერთი თვე. მას მოჰყვა მეორე. მარიუსი ისევ კურფეირაკთან იყო. ერთმა ახალგაზრდა ვეჭილმა, რომელიც სხვებთან ერთად სულ სასამართლოს დარბაზში ტრიალედა, უთხრა, რომ ტენარდიე საიდუმლო საკანში ჰყავთ დამწყვდეული. მივიდოდა ხოლმე მარიუსი ყოველ ორშაბათს ლა-ფორსის საპატიმროში და ხუთ ფრანკს სტოვებდა სამდივნოში ტენარდიესთვის გადასაცემად.

ფული აღარ ჰქონდა და კურფეირაკისგან სესხულობდა. ეს პირველი იყო; აქამდის არ იყოლა, ვალი რა იყო. ნამდვილ გამოცანას წარმოადგენდა ეს ხუთი ფრანკი ცალკე კურფეირაკისთვის, რომელიც აძლევდა, და ცალკე ტენარდიესთვის, რომელიც მას იღებდა. - ნეტავი ვის აძლევს? - ფიქრობდა კურფეირაკი. - ნეტავი, ვინ არის, რომ მიგზავნის? - ფიქრობდა ტენარდიე.

წუხდა მარიუსი. დაუბნელდა სიცოცხლე, საიმედოს ველარაფერს ხედავდა მომავალში. მის ცხოვრებას ისევ იღუმალემა მოჰფენოდა. ისევ ხელის ცეცებით უხდებოდა მოძრაობა. გაუღიმა ბედმა, ცოტა ხნით აჩვენა ამ ბნელში ყმანვილი ქალი, რომელსაც საუკუნოდ მიუძღვნა გული და აჩვენა მოხუცებული, ალბათ მამა თავისი სატრფოსი, დანახვა ეს უცნობნი, ერთადერთი მიზანი, ერთადერთი ინტერესი მისი სიცოცხლისა. დანახვა ნეტარება და სწორედ იმ დროს უმტყუნა, როდესაც იმედით იყო აღფრთოვანებული.

- ჩემია, ღღეს-ხვალ დავენათუები ჩემს ნეტარებასა, - ხედავდა და თვალწინ გაუქრა ყველაფერი. ნაპერწკალი არსად ჩანდა ამ სიბნელეში, რომ მიმართულება მაინც სცოდნოდა, და იქით ეძებნა თავისი გულის წარმტაცვი. შეუძლებელი იყო ძებნა; სახელიც კი არ იყოლა, რომ კითხვა დაეწყო. ცხადი იყო, ურსულა არ უნდა ყოფილიყო იმ ქალის სახელი. ტოროლა კიდევ მეტსახელი იქნებოდა, საალერსო. მოხუცებული? რას წარმოადგენდა ნეტავ, ის კაცი? ნუთუ მართლა პოლიციას ემალეობდა? აგონდებოდა ერთი მუშა, მთლად გაჭაღარავებული, ინვალიდების ბულვართან რომ შეხვდა, შეიძლება მართლა აგრეც იყოს, შეიძლება ერთი და იგივე კაცი ყოფილიყო ის ბებერი მუშა და ბ. ლებლანი. მამ, იმალეობდა? და დასამალავად ტანისამოსს იცვლიდა და სამკაულს? გმირულად იქცეოდა კაცი და თან მეტად

საეჭვოდ. რატომ ყვირილი არ დაიწყო იმ განსაცდელში? რად გაიპარა? რა ჰქონდა დასამალავი? მართლა მამა იყო კი იმ ქალისა? ან არადა, ნუთუ მართლა ის კაცი იყო, რომელიც ტენარდიემ იცნო? მაგრამ ხომ შეიძლება, შემცდარიყო ტენარდიე? ყოველივე ეს გამოუცნობი რამ იყო მარიუსისთვის, მაგრამ ეს სულაც არ ამცირებდა ლუქსემბურგელი ქალიშვილის ანგელოზებრივ თვალწარმტაცობას. მწვავე სევდას შეეპყრო იგი. გულში სიყვარული ენთო და თვალბეჭე ბნელი ჩამოჰფარებოდა. სადღაც მიილტვოდა გული და ფეხი კი უძრავი იყო. გაქრა ყველაფერი, გარდა სიყვარულისა. და ამ სიყვარულმა ერთბაშად დაკარგა მარიუსისთვის სინათლე და შთაგონების უნარი. ხშირად ეს ალი რომ მოედება ადამიანს და წვაკს, შუქსაც ჰყვებს და გარემოს უნათებს. ახლა უკვე აღარ იყო ჩუმი ბრძანება ვნებისა, - ნალი ბაღში, შორიდან მაინც მოიკალი გულის უინიო, - აღარც ძველებური რჩევა იყო გულისა: - მოდი, ასე მოიქეცე... ესა სცადეო... - სადღაც იყო, რაღა თქმა უნდა, მისი სატრფო, რომელსაც აქამდე ურსულს უწოდებდა, და ურსულა კი არ იყო; სადღაც იყო, მაგრამ სად? საით დაეწყო მისი ძებნა? აღარავითარი იმედი, აღარავითარი ნუგეში! სიბნელე შემოხვეოდა გაუვალის, და სრული შეუძლებლობა მისი გაქარვებისა. სატრფოს ნახვა უნდოდა, სულ მას ნატრობდა და იმედი არ გააჩნდა.

მწუხარებას გაჭირვებაც ემატებოდა, უკვე გრძობდა მის ცივ სუნთქვას. ამდენ უბედურებაში მთლად მიეტოვებინა საქმე. და ესეც ნამდვილ სამიშროებას წარმოადგენს ადამიანისთვის: შრომის მიტოვება ჩვეულების დაუინყებაც არის. ამ ჩვეულებამ ადვილად იცის გაქცევა და დაბრუნება კი ძალიან ძნელად.

ცოტა რამ ოცნებაც კარგი არის, როგორც მცირე ნარკოზი, ამშვიდებს ტკივილს, ხშირად საშინელს, ნათელი შეაქვს ფიქრში და ქმნის გონებაში ახალ, ტკბილ სიოს, რომელიც იტაცებს მწარეს, უხიავს ჩვენი ფიქრისას, აღმგზნებელი იმედით ხიბლავს უიმედობას. მაგრამ გადაჭარბებული ოცნება კი ჩასძირავს და ახრჩობს თავის ვერძს. ვაი იმ გონებრივ მუშას, რომელიც მთლად ჩაეშვება ფიქრით ოცნების ზღვაში! ჰგონია, როგორც ჩავვარდი, ისევე ადვილად ამოვალო, რომ ფიქრი და ოცნება ერთი და იგივე არისო. შეცდომაა.

ფიქრი შრომა არის გონებისა და ოცნება - მისი განცხრომა. ფიქრი რომ ოცნებით შეცვალოს ადამიანმა, ეს იქნება საჭმელში სანამლავის შერევა.

მარიუსმაც სწორედ ოცნებით დაიწყო, ეხსომება მკითხველს. ვნება მოერიდა და ისე დაიმორჩილა, რომ ოცნებაში ჩაავლო, უსაგნოში და უძიროში. ყველაფერი გადაავინცდა. თუ ვავიდოდა სადმე სახლიდან, მარტო იმიტომ, რომ უფრო თავისუფლად გაჰყოლოდა ოცნებას, სიზარმაცის მქნელ დაუდგრომელ მორევს. მცირდებოდა შრომა და იზრდებოდა გაჭირვება. ეს კანონია ცხოვრებისა. ადამიანი რომ ოცნებას მიჰყვება, ლბება და ადვილად ფლანგავს. მისუსტებული გონება ხელს ვედარ უჭერს ცხოვრების მოთხოვნილებას. ავიც მოიპოვება და კარგიც ამგვარ ოცნებრივ ცხოვრებაში, რადგან უვარგისია მოლობა ადამიანისა, საკეთილოა და სასურველი ადვილად ფლანგვა, თუ გაჭირვებულს დაეხმარება. ღარიბი კაცი კი, დიდებული და პატიოსანი, დაღუპულია, თუ არ შრომობს, უმცირდება ცხოვრების სახსარი და ეზრდება ცხოვრებისვე საჭიროებათა მოთხოვნილებანი.

დაღმართია საბედისწერო, რომელიც ძირს მიაყურებს, როგორც უპატიოსნებს და უმაგრებს, ისე ბოროტსა და მისუსტებულს, ძირს ჩააცურებს და იქ დაახვედრებს ორ ორმოს, თავის მოკვლას ან ავკაცობას.

ისე ეჩვენება ადამიანი საოცნებოდ ხეტიალს, რომ დაუდგება ერთი დღე, როდესაც თავის დასახრჩობად წაეხეტება.

გადაჭარბებული ოცნება ქმნის ესკუსებს და ლებრაებს.

მარიუსიც ამ დაღმართზე იყო, ნელი ნაბიჯით მიიწვედა ქვევით და თვალი კი ზევით ჰქონდა, უხილავ ოცნებას შესტოვოდა. უცნაურად ეჩვენება მკითხველს ამგვარი ნათქვამი, მაგრამ ჩვენ მხოლოდ სრულ სიმართლეს მოვუთხრობთ. შორს მყოფის ხსოვნა გვინთია გულის სიღრმეში და, რაც უფრო მეტად გვშორდება, მით უფრო მეტად გვეკიდება ამ ცეცხლის ალი, სასონარკვეთილი ჭმუნვით მოსილი სული მხოლოდ ამ სინათლეს ხედავს სანუგეშოდ, ღამის ვარსკვლავს შინავანს. და მარიუსიც მარტო იმას ხედავს თავის ვარსკვლავად, თავის უცნობ ქალს. სხვას აღარაფერს ფიქრობდა, სხვა აღარაფერი ახსოვდა. მართალია, გრძნობდა, რომ უცვლებოდა ძველი ტანისამოსი; შეუძლებელი ხდებოდა მისი ჩაცმა; გრძნობდა, რომ უცვლებოდა და უხუნდებოდა ახალიც; პერანგები აღარ უვარგოდა, ქუდი წახდომოდა, წაღები დახეოდა. გრძნობდა, სიცოცხლე წახდომოდა, და სულ ერთსღა ნატრობდა:

- ნეტავი ერთხელ კიდევ ვნახო, სანამ მოვკვდები.

მხოლოდ ერთი რამ დარჩენოდა სანუგეშოდ, - იცოდა, რომ იმ ქალს უყვარდა. ერთხელ გადმოხედა და ამით აგრძნობინა, - მიყვარხარო. არც ის იცნობდა მარიუსს, მაგრამ კარგად იცნობდა მის გულსა და სულს. და იქნებ ჯერაც არ დავიწყებოდა, იქნებ ჯერაც უყვარდა სადღაც შორს წარსულს, ვინ იცის? იქნებ ისიც სულ მასზე ფიქრობდა, როგორც მარიუსი, მხოლოდ და მხოლოდ მასზე.

როდესაც ხანდახან, სევდით აღსავსეს, უმიზეზო სიხარულის გაურკვეველი თრთოლა აიტაცებდა, როგორც ეს სჩვევიათ სიყვარულით შეპყრობილთ, მარიუსი საკუთარ თავს ეტყობდა: ეს მისი ფიქრი იყო, ჩემამდე რომ მოაღწია. მერე დაუმატებდა: ვინ იცის, იქნებ ჩემი ფიქრიც ეწვევა მას.

იმნამსვე იგრძნობდა ხოლმე, რომ ცარიელი ლანდი იყო ეს სიხარული, მაგრამ მაინც რაღაც რჩებოდა გულში საამო სხივად და იმედისმაგვარად. საღამოობით, როდესაც მთელი თავისი სიმწარით აწვება მეოცნებეთ მწუხარება, აიღებდა კალამს და ერთ რვეულში წერდა, ქაღალდს ანდობდა გულის ვარამს, წმინდა, იდეალურ, უიმედო სიყვარულს. ამბობდა, მას იმას ვწერო.

ის კი არ იფიქროს მკითხველმა, რომ გონების მხრივ გასჩენოდა რამე არეულობა. პირიქით, მართალია, შრომა აღარ აგონდებოდა, აღარ მიიწვედა ძველებური სიმტკიცით მიზნისკენ, მაგრამ ახლა უფრო მეტი ჰქონდა ცხადმჭვრეტელობაც და მართლმოსაზრებაც. სიყვარულს არ დაეხენელებინა მისი თვალი და კარგად ხედავდა, ნათლად, გარკვევით ცხოვრების მიმდინარეობის ყოველ ცვლილებას, მჭირედ მნიშვნელოვანსაც. ყველაფერს შესაფერის, ღირსეულ სახელს არქმევდა პატიოსნად და გულწრფელი უანგარობით. თითქმის ყოველგვარ იმედს ჩამოშორებული მისი გონება მაღლა ციალებდა.

ბეჯითად იყო ამ მხრივ და არაფერი გამოეპარებოდა, არსად ტყუედებოდა და ყოველთვის ხედავდა ფუძეს ცხოვრებისას, კაცობრიობისა და ბედისწერისას. ბედნიერია, თვით სევდით მოცულიც, ვისაც ღმერთმა მიანიჭა სიყვარულისა და უბედურების ღირსი სული. არაფერი დაუნახავს ჭეშმარიტი და არც რამე იცის მან, ვისაც არ უნახავს ორმაგი შუქით განათებული წუთისოფელი და ადამიანის გული.

ზესკნელს ერთვის ადამიანის სული, რომელსაც უყვარს და იტანჯება.

დღე დღეს მისდევდა, ახალი არაფერი იყო. სულ იმას ფიქრობდა მარიუსი, რომ უახლოვდებოდა აღსასრულსა და სულიერ მოსვენებას. ცხადად ელანდებოდა საზღვარი სიცოცხლისა. იქით კიდევ შავი წყვდიადი, და ეკითხებოდა თავის ბედს:

- ნუთუ ისე მოგვედები, რომ მას ერთხელ მაინც ვეღარ ვნახავ?

სენ-ჟაკის ქუჩას რომ აჰყვეს კაცი, გვერდით გაუაროს სადარაჯოს და ძველ ბულვარს დაადგეს, სანტეს ქუჩაზე აღმოჩნდება, მერე გლასიერში პატარა მდინარეს რომ მიუახლოვდება, გობლენს, მომცრო ველობში შევა, რომელიც პარიზის ირგვლივ მოზვეულ გრძელ, თავით ბოლომდე ერთგვარ ქუჩებში, ერთადერთ გამონაკლისს წარმოადგენს, სადაც ახალსაც ხედავს თვალი და სიამოვნებით ისვენებს. იმდენად ლამაზია იქაურობა, რომ თვით რეისდალიც კი მოისურვებდა იქ გაჩერებას.

უცნაური სანახავია თავისი სიძველითა და სოფლურობითაც. აგერ, თოკია გაბმული და ზედ გასაშრობად რაღაც ძონძები; ძველებური, ლუი XIII-ის დროის მებოსტნის ფერმა თავისი ბოსტნებით, აქა-იქ სხვენებით დაჭრილი შენობით, რომლიდანაც პატარა ოთახები გამოიყურება; მარგილიანი ღობეები; წყალი ხეებქვეშ, ქაღები, ხმაური, სიცილი. შორს ჰორიზონტზე - პანთეონი, ყრუ-მუნჯთა დაწესებულების ხე, ვალდე-გრასი, შავი, ჯმუხი, უცნაური, და მაინც მშვენიერი, დაბოლოს, ამ პანორამის სიღრმეში ღვთისმშობლის ეკლესიის კოშკების მკაცრი ოთხკუთხედი.

სწორედ იმიტომ, რომ ღირსსანახავია ეს ადგილი, არავინ მიდის მის სანახავად. დიდი, დიდი თხუთმეტ წუთში ერთხელ გაიაროს მეფორნემ ან ხელურემმა ბარკით.

ერთხელ სევდით გატაცებულ მარიუსს მოუხდა სრულიად შეუმჩნევლად ამ მხარეს გაველა. მოეწონა იქაურობა სიმწვანით და პატარა მდინარით. სწორედ იმ დღეს ერთი სხვა გამვლელიც იყო იქვე, მის ახლოს. აღტაცებულიყო იქაურობის ველური სილამაზით და გამვლელს ჰკითხა:

- რა ჰქვია ამ ველს?

- ტოროლას ველი, - უპასუხა გამვლელმა და დაუმატა, - აქ მოკლა ულბახმა სანყალი ქალი, ივრელი მწყემსი.

მარიუსმა „ტოროლას“ მეტი ვერაფერი გაიგონა. ოცნებით გატაცებულმა კაცმა საკმარისია ერთი სიტყვა გაიგონოს, რომ მას მთლად შეუჩეროს გრძნობიერება, იმ ერთ სიტყვაზე ჩერდება მისი აზრი, იგი აღარც ხედავს, აღარც ყურება. ეს სახელი იყო ტოროლა, რომელმაც მარიუსის მწუხარე გულიდან ურსულა განდევნა და თვითონ დამყარდა.

„მაშ ეს ტოროლას ველობია“, - ფიქრობდა გახარებული მარიუსი, რომელსაც ამ სიტყვის გაგონებაზე დაბნელებოდა გონება, - მაშ, აქ იმასაც გავიგებ, სად შეიძლება ვიპოვო იგი.

ეს შეუსაბამოა იყო, მაგრამ დაუძლეველი.

და მას შემდეგ ყოველდღე ტოროლას ველზე დასეირნობდა.

თავი მეორე

ციხე არის ბუდე ბოროტების ჩანასახის განვითარებისა

თითქოს გამარჯვებული დარჩა ჟავერი გორბოს სახლში, მაგრამ სრული არ იყო ეს გამარჯვება.

უმთავრესი მისი მარცხი იმაში მდგომარეობდა, რომ ვერ დააკავა ყაჩაღთა ტყვე. კაცის მკვლელს რომ ასე ხელიდან გაუძვრება და მიიმალება მოსაკლავად შეტყუებული, ის უფრო საეჭვოა, ვიდრე კაცის მკვლელი. ცხადი იყო, ძალიან ძვირფასად უღირდათ ყაჩაღებს ის მოხუცებული კაცი, მაგრამ შეიძლება უფრო ძვირფასი გამომდგარიყო იგი პოლიციისთვის.

მეორე კიდევ ის იყო, რომ მონპარნასიც გაჰპარვოდა.

ვინ იცის, როდის ეღირსებოდა მეორე შემთხვევა, რომ ბორკილი დაედო იმ „ჯოჯოხეთის მაშხალისთვის“.

იმ საღამოს მონპარნასი შეხვდა ეპონინს, რომელიც ბულვარზე საღარაჯოდ გაგზავნა ტენარდიემ, და თან წაიყვანა; ნემორინობა არჩია ქალიშვილთან, ვიდრე მამასთან შინდერგანობა. კარგადაც მოიქცა. იგი თავისუფალი იყო. ეპონინი კი მანაც დაიჭირა შუავერმა, მაგრამ აქ სანუგემო არაფერი იყო: უმთავრესი მონპარნასი გახლდათ, რომელიც თავისუფლად დანავარდობდა. ეპონინიც აზღელმასთან დაამწყვდიეს.

ახლა მესამე: როცა ტუსალები ეტლებით მიჰყავდათ, გზაში სადღაც გაქრა კლაკსუ, რომელსაც დიდი ხანია, სდევდა პოლიცია. წარმოუდგენელი იყო, როგორ მოახერხა გაპარვა, როდესაც პოლიციელები ცალკე მისდევდნენ და ჯარისკაცები ცალკე. ხომ ვერ აორთქლდებოდა კაცი, ჯაჭვში ხომ ვერ გაძვრებოდა, ხომ ვერ გაამტვრევდა დახურულ ეტლს? გაქრა კაცი და, ციხესთან რომ მივიდნენ, კლაკსუ აღარ ჰყავდათ! ან ჯადოქარი იყო, ან პოლიცია დაეხმარებოდა. თოვლი ხომ არ იყო, რომ დამდნარიყო და აორთქლებულიყო? მაშ, პოლიციელი დაეხმარა? ნუთუ საზოგადოების მტერი საზოგადოების მოყვარეც იყო და პოლიციას ეხმარებოდა? ყაჩაღებშიც იყო და პოლიციაშიც? რატომაც არა? განა არ შეიძლება ერთი ხელით კაცსა ჰკლავდეს და მეორით ამხანაგს აბეზღებდეს? თვითონ შუავერი არ შეიწყნარებდა ამისთანა კაცს და არ იკადრებდა მისი დახმარების მიღებას, მაგრამ შუავერის გარდა სხვაც მრავალი იყო პოლიციის ინსპექტორი; თუ დაეხმარა ვინმე, პოლიციელი უნდა ყოფილიყო. მაშ, კუდგაბმულები არიან ქურდები და პოლიციელები? მაშ, პოლიციამ წინათვე იცოდა ქურდების განზრახვა და ქურდებმა პოლიციის მზადება? ასე იყო თუ ისე, აშკარა იყო, რომ კლაკსუ გაქრა. შუავერი უფრო გაგულისებული ჩანდა, ვიდრე გოცეხული.

რაც შეეხება მარიუსს, იმ „დოყლაპია ვექილს“, რომლის აღარც სახელი ახსოვდა შუავერს, აღარც გვარი, - შეეშინდა და თავი გაარიდაო, ფიქრობდა და არც ძალიან ცდილობდა მის ნახვას. თუ საქმისთვის დასჭირდებოდა, ადვილად იპოვიდა ვექილს. მაგრამ მართლა ვექილი კი იყო?

გამოიძიება უკვე წარმოებდა.

გამომძიებელმა საჭიროდ დაინახა საერთო საპატიმროში დაემწყვდია ერთი ამ ყაჩაღთაგანი, იმ იმედით, რომ მას ტუსალებს შორის უფრო წამოსცდებოდა რამე. საიდუმლო სკანს ამგვარად ბრუჟონი ასცდა, პტი-ბანკიეს ქუჩის რაინდი. ციხის ეზოში გაუშვეს სხვა ტუსალებთან ერთად და თვალს არ ამორებდნენ პოლიციელები.

ბრუჟონების გვარი ლა-ფორსის ციხეში ცნობილი იყო. ახალი შენობის საზიზღარ ეზოში, რომელსაც ციხის მმართველობა სენ-ბერნარისას უწოდებდა, და ტუსალები - ლომების ორმოს, ერთი ძვლებური, ჟანგიანი რკინის კარი იყო, ძველად ეკლესიაში შესასვლელი. დღეს ეს კარი კაცისმკვლელ ტუსაღთა საწოლი ოთახის შესასვლელად

გარდაქმნილიყო. კარის გვერდზე, მაღალ კედელზე გარკვევით მოჩანდა ამ თორმეტი წლის წინათ, კედლის ქვაზე ლურსმით გამოსახული რალაც ციხე და ქვემოდან წარწერა:

„ბრუჟონი, 1811“.

1811 წლის ბრუჟონი მამა იყო 1832 წლის ბრუჟონისა.

ამ ბრუჟონს ოდნავ თვალს მოჰკრავდა მკითხველი გორბოს ხაფანგში. ყმანვილი ბიჭი იყო, დიდი გაიძვრა და ძალიან მარჯვე, თუმცა იერი საცოდავი ყეყყისა ჰქონდა. ამ შეხედულების წყალობით იყო, რომ გამომძიებელმა გადაწყვიტა, - ეს კაცი ციხის ეზოში უფრო გამომადგება, ვიდრე ცალკე საკანშიო.

ქერდი მაშინაც კი, როდესაც მართლმსაჯულების ხელშია, თავისას არ იშლის. ასეთი წვრილმანი რამ მას არ აფერხებს. ერთი დანაშაულისთვის დაპატიმრებული იქვე მეორეს ამზადებს. ქერდი იგივე ხელოვანი გახლავთ, რომელსაც ხალხის სანახავად გამოფენაზე გაუტანია თავისი ნახატი და თვითონ კი ზის და ახალს ხატავს სახელოსნოში.

გამტერებულს ჰგავდა ბრუჟონი საპატიმროში. ხანდახან მთელი საათობით იდგა ატუზული ციხის ეზოში ვაჭრის პატარა ფარდულთან და იდიოტივით შეჰყურებდა ფიცარს, რომელზედაც გასაყიდი საჭმელების ფასი იყო მსხვილი ასოებით გამოხატული. პირველად ნიორი ეწერა - 62 სანტიმი და სულ ბოლოს სიგარა - ხუთი სანტიმი. ან არადა იდგა ერთ ადგილას, მთელი ტანით კანკალებდა, ავად ვარო - იძახდა და კითხულობდა, როდის გათავისუფლდება საავადმყოფოში ერთი სანოლი, რომ ახლა მე დამაწვინონო. ნუთუ ოცდარვა ავადმყოფს ერთი არასდროს აკლდებაო?

და უცბად გაიგეს 1832 წლის თებერვლის მეორე ნახევარში, რომ ამ გამოშტერებულ ბრუჟონს, რომელიც რეგვენად ჩვენებოდათ, სამი დავალება მიუცია სამი შუაკაცისთვის, ოღონდ თავისი კი არა, სამი ამხანავის სახელით, და ეს სამი დავალება ორმოცდაათი სუ დასჯდომია; ეს ხარჯი, ორფრანკ-ნახევარი, იმდენად დიდი იყო ტუსადისთვის, რომ მაშინვე მიიპყრო ზედამხედველის ყურადღება.

დაიწყეს საქმის კვლევა, გადასინჯეს ნიხრი შუაკაცების გასამრჯელოსი, რომელიც ტუსადების სანახავად მოსულთა ოთახში იყო კედელზე გაკრული, და აღმოჩნდა, რომ ორმოცდაათი სუ ასე იყო განაწილებული: ერთი დავალება პანთეონში იყო და ათი სუ ღირდა, ერთი ვალ-დე-გრასში, თხუთმეტი სუ და ერთიც გრენელის სადარაჯოსკენ, ოცდახუთი სუ. გრენელში გაგზავნილი ცნობა უფრო საყურადღებო უნდა ყოფილიყო, თუ ნიხრის რაოდენობით ვიხელმძღვანელებდით. სწორედ პანთეონში, ვილ-დე-გრასში და გრენელში ცხოვრობდა სამი მეტად სამიში სახელოვანი ქერდი; კრუიდენიე, მეტსახელად ბიზარო; გლორიო, კატორლიდან გათავისუფლებული, და ბარკაროსი. ამ ცნობით ისარგებლა პოლიციამ და ზვერვა დაუნყო სამივეს, რადგან ეჭვი აღეძრათ, რომ ისინიც უნდა ყოფილიყვნენ პატრონ-მინეტის ამხანავები, რომელთა ორი მოთავე, ბაბეტი და გელმერი დაჭერილი ჰყავდათ და სხვების დაჭერასაც ცდილობდნენ. ისიც ცხადი იყო, რომ ბრუჟონის დავალება მართოდენ ბინის აღნიშვნაზე არ იქნებოდა მიმართული; ალბათ უთხრა შუაკაცს, - ამა და ამ ქუჩაზე, ამა და ამ სახლთან დაგვდებთ კაცი და იმას მიმართეთ. ეტყობოდა, დიდს აპირებდნენ რალაცას. ამ ცნობების გარდა სხვაც ჰქონდათ და მაშინვე დაიჭირეს სამი საეჭვო კაცი. დაიჭირეს და ფიქრობდნენ, თავიდან ავიცილეთ ბრუჟონის სამიში განზრახვაო.

დაახლოებით ერთი კვირის შემდეგ ღამის მოდარაჯე დადიოდა საპატიმროს ახალი შენობის ქვემო სართულში ტუსაღთა დასათვალიერებლად და სწორედ იმ დროს, როდესაც კართან ჩამოკიდებულ ყუთში აპირებდა თავისი უეტონის ჩაშვებას, - ღამის მოდარაჯემ დასამტკიცებლად იმისა, რომ ნახა ოთახები, კარზე ჩამოკიდებულ ყუთებში უნდა ჩაადგოს თითო უეტონი ყოველ საათს, - დიახ, აპირებდა ყუთში უეტონის ჩაშვებას, მაგრამ პატარა სარკმლით რომ შეიხედა ოთახში, ბრუჟონი დაინახა; ის წამომჭადარიყო ლოგინში და რაღაცას წერდა. შევარდა მოდარაჯე. ხელი სტაცეს ბრუჟონს, ერთი თვით ბნელ საკანში ჩასვეს, მაგრამ ის კი ვერ იპოვეს, რასაც სწერდა; ვერას გახდა იქ პოლიცია.

მეორე დღეს ერთი „ფოსტა“ გადმოსროლეს ციხის ეზოდან ლომების ორმოში, ისე გადმოსროლეს, რომ ამ ორ ეზოს შუა აგებულ ხუთსართულიანი შენობის ზემოდან გადმოეგლო და ეზოში ჩავარდნილიყო.

ფოსტა ტუსაღების ერთ პურის გული გახლავთ ხელოვნურად დაზეილილი, რომელსაც „ირლანდიაში“ გზავნიან, ესე იგი ერთი ეზოდან მეორეში, ისე რომ შუაზე აგებულ სახლს ზემოდან გადაუაროს, თითქოს საფრანგეთიდან ირლანდიას უგზავნიდნენ რასმე, ოღონდ ისე, რომ ინგლისს ზემოდან გადაუაროს. დასორსოლებული გუნდა ეზოში ჩამოვარდება. აიღებს კაცი და შიგ პატარა ბარათს იპოვის, რომელიმე ტუსაღისადმი მიმართულს, თუ ტუსაღმა იპოვა, ბარათს მაშინვე პატრონს გადასცემს, თუ დარაჯმა აიღო, ან ერთმა იმ პატიმართაგანმა, რომლებიც მოსყიდული ჰყავს პოლიციას, და რომლებსაც საპატიმროში ცხვარს ეძახიან და კატორღაში მელიას, ბარათს მაშინვე სამდივნოში შეიტანენ და პოლიციას გაუგზავნიან.

ეს ფოსტა ასცდა ცხვარსა და დარაჯს, მაგრამ იმ ტუსაღამდე კი ვერ მიაღწია, ვისთანაც იყო გამოგზავნილი. ბარათი ბაბეტთან იყო მიმართული, ბაბეტი იმ დროს საიდუმლო საკანში იყო დამწყვდეული, ბაბეტი მკითხველს ესსომება, ერთი მოთავეთაგანი იყო მენალმეებისა.

ფოსტაში პატარა ქალაღი იყო დახვეული და შიგ ეწერა:

„ბაბეტს. ძალიან მაგარი საქმეა პლუმეს ქუჩაზე, მოაჯირი და ბაღი“.

ის ბარათი იყო, ბრუჟონი რომ წერდა იმ ღამეს.

ბევრს ჩხრევენ საპატიმროში ტუსაღებს, ამ საქმეში დახელოვნებული ქალი და კაცი, მაგრამ მაინც მოახერხა ბაბეტმა და ეს ბარათი ფორსის ციხიდან სალპეტრიერში გადაგზავნა, თავის საყვარელთან, რომელიც იქ იყო დატუსაღებული. ამ გოგომ თავის მხრივ ერთ სხვას გადასცა, ვინმე მანონს, რომელსაც მკითხველი შემდეგში კარგად გაიცნობს, როგორც ტენარდიების ახლო მეგობარს. ეპონინის სანახავად რომ მივიდოდა ციხეში მანონი, მას გადასცემდა ამ ბარათის შინაარსს და სალპეტრიერისა და მადლონეტის ციხეების შუაკაცი გახდებოდა.

სწორედ ამ დროს გამოუშვეს ციხიდან ეპონინი და აზელმა, რადგან გამოძიებამ ვერაუთარი საბუთი ვერ იპოვა დასამტკიცებლად იმისა, რომ ისინიც მონაწილენი იყვნენ ტენარდიეს საქმისა.

გამოვიდა მადლონეტის ციხიდან ეპონინი და შიგ კარში დახვდა მანონი, მისცა ბრუჟონის წერილი ბაბეტისადმი მიმართული და სთხოვა საქმის „განმარტება“.

წავიდა ეპონინი პლუმეს ქუჩაზე, იპოვა სახლი, მოაჯირითა და ბაღით, აათვალიერა-ჩაათვალიერა, დაზვერა, და რამდენიმე დღის შემდეგ ხშიადი მიართვა მანონს,

რომელიც კლომპერის ქუჩაში იდგა. ეს ხშირი მანონმა ბაბეტის საყვარელს მიუტანა სალპეტრიერის ციხეში. საპატიმროების საიდუმლო ენის ლექსიკონით ხშირი ასე ითარგმნება: „ვერას ვაგხდებით“.

ისე კარგად იყო მოწყობილი ეს მიმონერა და ცნობის მიწოდება, რომ ერთი კვირის შემდეგ, ერთმანეთს რომ შეხვდნენ ტალანში ბაბეტი და ბრუჟონი, ერთი გამომძიებელთან მიჰყავდათ, მეორე გამომძიებელისგან მოჰყავდათ, - ასე აცნობეს ერთმანეთს საქმის ვითარება:

- ჰა, ჰ-ს ქუჩა? - დაუძახა ბრუჟონმა.

- ხშირი, - უპასუხა ბაბეტმა.

ამგვარად, ბრუჟონის მიერ საპატიმროში განზრახული ბოროტება მარცხით დამთავრდა.

მაგრამ მას სხვა შედეგი მოჰყვა, სრულიად მოულოდნელი ბრუჟონისთვის, როგორც ვნახავთ.

ხშირად მოხდება, როცა ერთი ძაფის ნაცვლად სულ სხვა გაიბმება ხოლმე.

თავი მესამე

მაბეფის ჩვენება

ჩამოშორდა ამხანაგებს მარიუსი, აღარავის ხედავდა. თუ წავიდოდა ვინმეს სანახავად, ისიც იშვიათად, მხოლოდ მოხუცებულ მამეფთან.

ნელ-ნელა ძირს ეშვებოდა მარიუსი იმ უბედური კიბით, რომელსაც ქვეცნელში ჩაჰყავს ადამიანი. მიყრუებულ, მიბნელებულში, სადაც კარგად ისმის ზემოდან ბედნიერთა ფეხის ხმა. ნელ-ნელა მისდევდა ამ კიბეს მარიუსი და ამ კიბითვე ქვევით მიყურავდა მოხუცებული მამეფი.

„კაუტერეცის ფლორას“ სრულებით არ ჰყავდა მუშტარი. ინდიგოს მოყვანამაც მთლად გაუცრუა იმედი. იქნებ იმიტომ, რომ ცუდ ადგილას მდებარეობდა მისი ჰატარა ბალი. დაჩრდილული იყო, მზე არ ადგებოდა. რამდენიმე იშვიათი ჯიშის მცენარე გამოიყვანა, რომლებიც კარგად მხოლოდ ჩრდილში და ნოტიოში ხარობენ, მაგრამ იმედს მაინც არ კარგავდა. ითხოვდა და ბოტანიკურ ბაღში ჰატარა ფართობი დაუთმეს, კარგად გაპოხიერებული, მზიანი მიწა და ახლა იქ ცდილობდა თავისი ხარჯით ინდიგოს მოყვანას. ამ ხარჯის გასანჯვად ბანკში დაავიარავა თავისი „ფლორის“ კლიშეები. საუბმედ ორი კვერცხილა ჰქონდა, და ერთით კმაყოფილდებოდა; მეორე ბებერი მსახურისთვის რჩებოდა, რომელსაც, აგერ თხუთმეტი თვე იყო, ჯამაგირს ვეღარ აძლევდა. ხშირად მოხდებოდა ხოლმე, ამ მსუბუქი საუბმით დააღამებდა. აღარც ბავშვური სიცილი შერჩენოდა. დაღვრემილი იყო და აღარავის იღებდა. კიდევ კარგი, მარიუსი მაინც იშვიათად ეწვეოდა ხოლმე. ხანდახან შეხვდებოდნენ ერთმანეთს ბულვარზე, როდესაც მამეფი ბოტანიკური ბალისკენ მიდიოდა. დაღონებული მიესალმებოდნენ და ხმის ამოუღებლად გაუდგებოდნენ თავ-თავის გზას. ტოლ-სწორებს ამორებს კაცს გაჭირვება; გუშინდელი მეგობრები დღეს მხოლოდ ნაცნობები გამხდარიყვნენ.

მაბეფის გამომცემელი როიოლი მომკვდარიყო. აღარათფერი დარჩენოდა მამეფს, გარდა თავისი წიგნებისა, ჰატარა ბალისა და ინდიგოს გამეფებისა; ეს იყო მისი სამი საუნჯე: წიგნებით ნეტარება, ბალით სიამოვნება და ინდიგოს იმედი. ამით იყო

ცოცხალი და ტკბილი ოცნებით სავესე, - აი, მოვაშენებ ინდიგოს, გავმდიდრდები, ჩემს კლიშეებს გამოვისყიდი, გავავრცელებ ჩემს „ფლორას“, - წიგნი არ გავრცელდება, თუ განცხადებებით არ აავსე გაზეთები და ყოველგვარი თაღლითობა არ იხმარე, რა გაეწყობა? მეც ამ საშუალებას გამოვიყენებ. მაშინვე ვიყიდი პიერ დე მედინის „ხელონებას ზღვაოსნობისას“, ვიცი, ვისა აქვს და სად ვიპოვო. 1559 წელს არის დაბეჭდილიო.

ასე ოცნებობდა სანწყალი კაცი და თან დაუღალავად მუშაობდა მთელ დღეს ინდიგოზე. საღამოს შინ რომ მივიდოდა, ახლა ჰატარა ბაღს რწყავდა, მერე კითხულობდა. ოთხმოცი წლისა იყო იმ დროს მახეფი.

უცნაური რამ მოეჩვენა ერთ საღამოს.

ჯერ არ ბნელოდა, შინ რომ მივიდა. ბებერ პლუტარქს ავადმყოფობა მორეოდა და ლოკინში ჩაევლო. სადილად ერთი ძველილა დარჩენილა მახეფს, ცოტა რამ ხორციით და გამხმარი პური, სამზარეულოში რომ იპოვა მაგიდაზე დარჩენილი. სადილის შემდეგ გავიდა ბაღში და ქვაზე ჩამოჭდა.

ამ ქვასთან, რომელიც სკამის მაგივრობას უწევდა მახეფს, ერთი ძველებური, დიდი, მალაღი ყუთი იყო ამართული, დაძველებული და გაფუჭებული. ქვემო ნაწილი ამ ყუთისა ბაჭიებისთვის მოეწყობა, და ზემო ხილის შესანახავად. ბაჭიებს აღარ იჩენდა სახლის პატრონი, სახილეში ვაშლს ინახვდა მახეფი და ცოტა რამ კიდევაც მოეპოვებოდა შარშანდელი მოსავლისა.

სათვალე გაიკეთა მახეფმა, გადაშალა წიგნი, კითხვა დაიწყო. ორი წიგნი გამოეტანა, ორივე მეტად საინტერესო და იმდენად წარმტაცი, რომ იმ ხნის კაციც კი დაემორჩილებინა. მშობრა იყო ბუნებით და ადვილად მისდევდა რაიმე ცრუმორწმუნეობას. ერთი წიგნი დელანკრის თხზულება იყო, სახელოვანი „დაუდგრომლობა დემონებისა“, მეორე მუტორდე ლა რუბიედერისა „ვოვერელი ეშმაკები და ბიფერელი ქაჯები“. ეს მეორე უფრო აინტერესებდა, რადგან, როგორც ამბობდნენ, მის ბაღშიც იყვნენ თურმე ოდესღაც ეს ქაჯები. ბინდი ედებოდა ქვეყანას. წმენდდა ცას და შავად ეფინებოდა დედამიწას. ჯერ კიდევ კითხულობდა და ხანგამომავებით თვალს ააშორებდა წიგნს, ყვავილებს გადახედავდა, მეტადრე ერთ საუცხოო შქერს, რომელიც სანუგემოდ მიაჩნდა თავის ბაღში. ოთხი დღე იყო, ძალიან ცხელოდა. ცხელი ქარი ქროდა. წვეთი წვიმა არ ჩამოვარდნილა. დამჭუნარივით წვებოდა ყვავილი, ფოთოლი სკვიოდა. საჭირო იყო დაუყოვნებლივ მორწყვა ბაღისა. მომაკვდავს ჰგავდა მახეფის საყვარელი შქერი.

მახეფის აზრით, მცენარეებსაც სული ჰქონდათ. მთელი დღე ინდიგოზე ემუშავა მოხუცებულს, დაქანცულიყო და მაინც წამოდგა, ქვაზე დატოვა წიგნები და ტორტმანით წავიდა ჭისკენ, წელში მოხრილი, მისუსტებული მივიდა, მოჰკიდა ხელი ჯაჯვს, მაგრამ ვერც კი დაძრა. მიბრუნდა, სევდით სავსე მზერა მიაპყრო ცას, სადაც უკვე ანთებულიყვნენ ვარსკვლავები.

მშვიდი საღამო იყო, ტკბილი, მწუხარებას რომ უქარავებს ადამიანს ჩუმი, მაგრამ უსაზღვრო სიხარულით. ეტყობოდა, ღამეც ისეთივე ცხელი იქნებოდა, როგორიც დღე.

- ვარსკვლავებით იჭედება ცა! - იძახდა მახეფი, - ღრუბლის ნაკლევაც კი არსად ჩანს! არც ერთი წვიმის წვეთი!

და ისევ დაუშვა ჭალარა თავი.

მერე ისევ ზეცას შეხედა და, თითქოს სთხოვსო, წამოიძახა:

- ჰატარა ნამი! მცირე მონყალება გაიღე!

ერთხელ კიდევ სცადა ჯაჭვის ამოძრავება, მაგრამ ამოღო.

ამ დროს ვილაცის ხმა მოესმა:

- ძია მამბე, თუ ნებას მიბოძებთ, მე მოგირწყავთ ბაღს.

ტყის ნადირის ხმასავით მოესმა მამბეს ღობის ჭრიალი, რაღაც მოეჩვენა ბუჩქებში ქალის მსგავსი, მაღალი, გამხდარი; მივიდა, წინ აეტემა, თვალში ჩააცქერდა.

ჯერ ვონს არ მოსულიყო გულგახეტელი მოხუცებული, ხმის ამოღება ვერ მოეხერხებინა, რომ მოჩვენებამ ხელი სტაცა ჯაჭვს, ჩაუშვა ჭაში ვედრო, ამოიღო წყალი, ჩაასხა სარწყავში და სიციხვლე მოჰფინა სიციხით დამწვარ ბაღს. ფეხშიშველი იყო მოჩვენება. მოკლე კაბა ეცვა დაგლეჯილ-დაფლეთილი. სწრაფად იღებდა წყალს, უხვად ასხამდა ყვავილებს და ნეტარებით ავსებდა საწყალი მამბეთის გულს.

„გადარჩა ჩემი შქერი, დაე, იხაროს, როგორც მე ვხარობ“, - ფიქრობდა გახარებული მამბე.

ლამაზად მორწყო მთელი ბაღი ქალმა. ბალახი არ გადარჩენია, რომ წყალი არ დაესხა და არ გაეძლო.

რომ დაასრულა, მიუახლოვდა თვალცრემლიანი მამბე, შუბლზე დაიღო ხელი და მადლობა უთხრა:

- ღმერთმა გადაგიხადოს, შვილო. ალბათ, ანგელოზი ხარ, რომ აგრე გიყვარს ყვავილები.

- არა, - უპასუხა მოჩვენებამ, - მე ქაჯი ვარ, მაგრამ ევ სულერთია ჩემთვის.

არ დააცალა მამბემ, არც კი მოუსმინა ნათქვამი და უთხრა:

- ძალიან ვნუხვარ, შვილო, ისე ღარიბად ვარ მე უბედური, რომ არ ვიცი, რით გადაგიხადო ეს სიკეთე.

- კარგადაც გადამიხდით, თუ მოისურვებთ.

- როგორ?

- მითხარით, სად ცხოვრობს ბატონი მარიუსი?

ვერც კი გაიგო მოხუცებულმა:

- ვინ მარიუსი?

ჩამქრალი თვალით შეჰყურებდა ქალს და ცდილობდა მესხიერებაში ეპოვა დავიწყებული.

- აი, ყმანვილი კაცი, თქვენ სანახავად რომ მოდის ხოლმე ხანდახან.

ბ. მამბე ჯერ ისევ ძებნაში იყო.

- ჰო, ვიცი, ვიცი! - შეჰყვირა სიხარულით, - ვიცი, რასაც მკითხავთ! მოითმინეთ! ბატონი მარიუსი... ბარონი მარიუს პონმერსი, არა? როგორ გადამაგინწყდა? ისა დგას... არა, არსადაც არა დგას... მე კი არ მაგონდება და...

თან დახრილი ფოთლებს უსწორებდა შქერს, მაგრამ ეტყობოდა, კიდევ რაღაცას ეძებდა მესხიერებაში.

- ახლა კი ვიცი! ძლივს! ძალიან ხშირად დადის ბულვარზე გლასიერის მხრიდან. კრულბარბის ქუჩისკენ. ტოროლას ველზე. თქვენ იქით გაისეირნეთ, უთუოდ შეხვდებით.

რომ წამოინია მამბემ, აღარავინ იყო ბაღში, გამქრალიყო მოჩვენება.

და ისევ შიში მოერია.

- ჩემი ბაღი რომ მორწყული არ იყოს, ღმერთს დავიფიცებდი, რომ ეს სული იყო.

ცოტა ხნის შემდეგ დანვა დასაძინებლად და ისევ მოაგონდა ეს ყველაფერი. ძილი ერეოდა, თან ეს მოგონება არ შორდებოდა. იმ ყოფაში იყო სწორედ, როდესაც ფიქრი ნელ-ნელა სიზმრად იქცევა, რომ ძილი გადალახოს, როგორც ზღაპრული ფრინველი, რომელიც თევზად იქცევა, რომ ზღვა გაიაროს. სიზმარშიც იმასვე ხედავდა ბ. მახეფი და ჩასჩიჩინებდა თავის თავს:

- ნამდვილია! სწორედ ის არის, რაც ქაჯად აქვს აღწერილი რუბოდიერს. იქნებ მართლა ქაჯი იყო?

თავი მეოთხე
მარიუსის ჩვენება

გავიდა რამდენიმე დღე მახეფის მოჩვენების შემდეგ.

ორშაბათ დილას, - ორშაბათობით ისესხებდა ხოლმე კურთფეირაკისგან ყოველთვის ხუთ ფრანკს ტენარდიეს დასახმარებლად, - ჯიბეში ჩაიღო მარიუსმა ხუთი ფრანკი. - ჯერ ცოტას გავისეირნებ, - იფიქრა, - და მერე საპატიმროში მივალ. დღესაც იმედი ჰქონდა, რომ სეირნობის შემდეგ დამშვიდებული დაბრუნდებოდა და საქმეს ჩაუჯდებოდა. ასე იყო ყოველთვის, იმის შემდეგ, რაც გორბოს სახლიდან გავიდა. ადგებოდა დილით, მამინვე მაგიდას მიუჯდებოდა, წიგნს გადაშლიდა. წინ ქაღალდს დაიდებდა და სანერ-კალამს, რომ ცოტა რამ მაინც ეთარგმნა. სწორედ იმ დროს მიანდევს ფრანგულად თარგმნა სახელოვანი კამათისა, რომელიც გაჩაღებულიყო ჰანსსა და სავინის შორის. ხან ჰანსს აიღებდა, ხან თანამედროვე მართლმსაჯულების სახელოვან მეცნიერს - სავინის. წაიკითხავდა ერთ-ოთხ სტრიქონს, ცდილობდა ეთარგმნა, მაგრამ ვერა და ვერ ახერხებდა, რადგან ვარსკვლავი ციალებდა მის და ქაღალდს შუა. სტრიქონსაც ვერ დანერდა ხოლმე და წამოვარდებოდა:

- ცოტა გავივლი. იქნებ მერე უფრო მოვახერხო.

და სასეირნოდ ტოროლას ველისკენ მიდიოდა.

იქ კიდევ არ შორდებოდა, სულ თვალწინ ედგა ის ვარსკვლავი და აღარც ჰანსი ავონდებოდა, აღარც სავინი.

დაბრუნებისას ცდილობდა ჩასჯდომოდა საქმეს, მაგრამ აქაც ისევ უძლური იყო. რაღაც ძაფი გასწყვეტოდა ტვინში და ვეღარ შეეკრა განწყვეტილი. მაშ, ხვალ სასეირნოდ აღარ წავალ, სულ იმის ბრალია, რომ ვიღლები და ვეღარას ვწერო, იძახდა და ყოველ დილით კი მიეშურებოდა ტოროლას ველისკენ.

ტოროლას ველობე ცხოვრობდა და არა კურთფეირაკთან, რადგან სულ იქ აღამებდა დღეს. ნამდვილი მისამართი მარიუსისა იყო შემდეგი: სანტეს ბულვარი, მეშვიდე ხესთან კრულ-ბარბის ქუჩის კუთხიდან.

ამ დილას კი თავი მიანება მეშვიდე ხეს და გობელენის მდინარის პირას დაჯდა. მხიარულება იყო ირგვლივ, რადგან მზის სხივი სცემდა და სიცოცხლით ავსებდა გარემოს.

ისევ „მასზე“ ოცნებობდა. მასზე ფიქრობდა და სასაყვედუროდ გრძნობდა ამ ფიქრს; ავონდებოდა თავისი უსაქმურობა, სიზარმაცე, სულიერ სიმდამბლეზე

ნანობდა. სულ მეტად და მეტად ქენჭნიდა სინანული, გრძნობდა, ბნელი ეხვეოდა გაუვალი და მზესაც კი ვეღარ ამჩნევდა.

სევდით მოცულიყო, ვეღარ იმორჩილებდა არეულ ფიქრებს, ვერ აჩუმებდა თავისადმი საყვედურის გრძნობას; მაგრამ მის ირგვლივ ცხოვრების მდინარეა მაინც აღწევდა მის შეგნებამდე. წყალს დასცქეროდა, კარვად ესმოდა წყალში ჩამდგარი მრეცხავების ხმა და სარეცხზე ქობინის ცემა, ხეებზე ჩიტების გალობა. ერთი მხრივ თავისუფლების ხმა ესმოდა, ბედნიერი უზრუნველობის ფრთაშესხმული მოცალებობისა; მეორე მხრივ - ხმა შრომისა და გაჭირვებისა, ორი მხიარული ხმაური ხედებოდა გულში და ოცნებასთან ერთად ფიქრსაც უძრავდა.

უცხად ხმა მოესმა ნაცნობი:

- აი, სად ყოფილა!

შეხედა და მაშინვე იცნო ის უბედური გოგო, ერთ დილას რომ შევიდა მის ოთახში, ტენარდიეს უფროსი ქალი, ეპონინი; სახელიც კი იცოდა ამ ქალისა, უცნაური ის იყო, რომ უფრო მეტად გაღარბებულიყო ამ ხნის განმავლობაში საწყალი ქალი და თანაც გალამაზებულიყო; ორი ცვლილება, რომელიც მარიუსს შეუძლებლად მიაჩნდა ეპონინისთვის; ორი ნაბიჯი წაედგა პროგრესისკენ, ერთი ნათელისკენ და მეორე გაჭირვებისკენ. ისევ ფეხშიშველი იყო, როგორც იმ დილას, მარიუსთან რომ შევიდა ისე თავხედურად დახმარების სათხოვნელად, ისევ ძველი ტანისამოსით, ოღონდ ეს ტანისამოსი ახლა მთლად დაფლეთოდა და ძლივსღა ჰფარავდა იმის სიშიშვლეს. იგივე ხრინწიანი ხმა ჰქონდა, იგივე დამტკნარი, დასერილი შუბლი, იგივე მოურიდებელი, ურცხვი თვალი, მაგრამ მერყევი. ციხეში ყოფნას თავისი დაღი დაესვა და ურცხვობასთან ერთად ეტყობოდა, დაშინებულიყო საცოდავი.

თამაში ბზე ჩარჩენოდა და თივა, ისე კი არა, როგორც ოფელიას, რომელსაც ჰამლეტისგან გადასდებოდა სივარდე, არა, ალბათ იმიტომ, რომ სადმე საბძელში, ან ბოსელში გაეტარებინა ის ღამე. მიუხედავად ამისა, მაინც ლამაზი იყო. რა მომხიბლავი ვარსკვლავი ხარ, სიყმაწვილე!

მივიდა მარიუსთან, წინ გამოეჭიმა. სიხარულით შესცქეროდა, ღიმილი უკრთოდა გაყვითლებულ სახეზე.

ცოტა ხანს იდგა ასე, თითქოს ხმის ამოღებას ვერ ბედავსო. ბოლოს მოერია მღელვარებას და უთხრა:

- ძლივს არ გიპოვეთ! მართალი მითხრა ძია მამეფმა, - ბულვარზე ნახავ, ტოროლას ველზეო. რამდენი ხანია, დაგეძებთ! ოჰ, რომ იცოდეთ!.. დაჭერილი ვიყავი, იცით? ორი კვირა ვიჭექე ციხეში. მერე გამომიშვეს იმიტომ, რომ ვერაფერი მინახეს ჩემს წინააღმდეგ და არც სრულწლოვანი ვყოფილვარ. ორი თვე კიდევ მაკლდა. ჰო, როგორ გეძებდით, რომ იცოდეთ, როგორ გეძებდით! ექვსი კვირაა, თქვენ ძებნაში ვარ. მაშ, იქ აღარ ცხოვრობთ?

- არა, იქ აღარა ვარ, - მიუგო მარიუსმა.

- ვიცე, ბატონო, ვიცე! იქ რაღა დაგაყენებდათ, იმ საშინელების შემდეგ? საზიზღრად გეჩვენებათ, მგონია, ის სახლი! ეგ აგრე, მაგრამ ეს ძველი ქუდი რად გხურავთ? თქვენისთანა ყმაწვილკაცს კარგი, ლამაზი, ახალი ტანისამოსი უნდა ეცვას, კოხტა და მოხდენილი. იცით, ბატონო მარიუს, ძია მამეფი ბარონ მარიუსს გინოდებთ, არ ვიცე, რად. თქვენ ბარონი არა ხართ, არა? ბარონი - ბებერია, გადაყრუებული, ლუქსემბურგში დაყილებს სასახლის წინ, რომ იქ მაინც გაითბოს გაყინული სისხლი

და „კოტიდინს“ კითხულობს. ძლივს იმეტებს ერთ სუს, რომ გაზეთი იყიდოს. ერთხელ მივედი ამგვარ ბარონთან, წერილი მივუტანე. სულ ნაკლები, ასი წლისა მაინც იქნებოდა. ერთი მიბრძანეთ, ახლა სად ცხოვრობთ?

პასუხი არ მისცა მარიუსმა.

- ოჰ, პერანგი დაგხვიათ! სად ცხოვრობთ, რომ მოვიდეთ და დაგვიკვროთ?

ნელ-ნელა ეცვლებოდა სახის გამომეტყველება, აღარც სიხარული ეტყობოდა, აღარც ღიმილი:

- მაშ, არ გესიამოვნათ ჩემი ნახვა?

პასუხს არ იძლეოდა მარიუსი. ისიც გაჩუმდა ცოტა ხანს და მერე უთხრა:

- რომ მიხლოდეს, ისე გაამებთ ჩემი ნახვით, ისე გაამებთ, რომ...

- რას მაამებთ, რისი თქმა გინდათ?

- ეჰ, რატომ წინანდელივით შენობით არ მელაპარაკებთ?

- ჰოდა, რას მაამებ? გამაგებინე შენი სიტყვა.

ტუჩზე იკბინა გოგომ. ეტყობოდა, რაღაც ბრძოლა აღძრულიყო მის გულში და არ იყო და, ეთქვა თუ არა? ბოლოს გადაწყვიტა.

- ეჰ, სულერთია დაღონებული ხართ, ბატონო, და მე კი მინდა, რომ მხიარულად გხედავდეთ. ოღონდ პირობა მომეცით, რომ გამხიარულდებით და ჩემით კმაყოფილი იქნებით. მინდა თქვენი სიცილი დავინახო, და კმაყოფილებით საესე თვალები. ჰოდა, მაშ აგრე. საბრალო ბატონი მარიუსი! გახსოვთ, პირობა მომეცით ერთხელ, - მოგცემ, რასაც კი მთხოვო?

- მახსოვს, თქვი რა გაქვს სათქმელი?

თვალი თვალში გაუყარა მარიუსს და უთხრა:

- მე გაქვს მისამართი.

- რა მისამართი? - ფერი ეცვალა მარიუსს. გულს მოაწვა, რაც სისხლი ჰქონდა.

- ის მისამართი, თქვენ რომ დამავალეთ, გამიგეო.

ძლივს წარმოთქვა, ძალას ატანდა თავის თავს - ის მისამართი... თვით იცით, ვისი.

- ჰოო?

- იმ ქალბატონისა...

თქვა და ღრმად ამოიოხრა.

წამოვარდა მარიუსი, მიიჭრა, გიჟივით სტაცა ხელი:

- მაშ, იცი? მოდი, წავიდეთ! წამიყვანე! ან მითხარი, მასწავლე! მთხოვე, რაც გინდა!

სად ცხოვრობს, სად?

- აი, წავიდეთ. არც ქუჩის სახელი ვიცი კარგად და არც ნომერი მახსოვს, სულ სხვა მხარეს არის, მაგრამ კარგად ვიცი სახლი. აბა, წავიდეთ.

ხელი გამოჰკვლიჭა და იმისთანა მწუხარებით მიმართა, რომ გულს მოსწყვეტდა უცხო მაყურებელს. მარიუსი კი ისე იყო სიხარულით გატაცებული, ყურადღებას აღარაფერს აქცევდა:

- ოჰ, რა კმაყოფილი ხართ!

ღრუბელი მოედო მარიუსის შუბლს. ხელი სტაცა ეპონინს და უთხრა:

- შემომფიცე! ერთი რამ მინდა შემომფიცო.

- შემოგფიცოთ? მე ფიცისა არაფერი ვიცი! რა არის ეგ შეფიცვა? თქვენ გინდათ, მე დავიფიცო?

და სიცილი წასკდა, მწარე სიცილი.

- მამაშენს... შემომფიცე, ეპონინ, რომ მამაშენს არ ეტყვი მაგ მისამართს.

გაშტერდა ქალი, გაკვირვებული შეჰყურებდა მარიუსს:

- ეპონინი! მერე რა იცით, რომ მე ეპონინი მქვია?

- შემომფიცე, რომ ამისრულებ ამ თხოვნას.

ის კი ყურს აღარ უგდებდა:

- რა კარგია, რომ იცოდეთ! მაშ, ეპონინი დამიძახეთ?

ორივე ხელი დაუჭირა მარიუსმა.

- მიპასუხე, ქალო, მიპასუხე, ღვთის გულისათვის! კარგად შეიგნე, რასაც გთხოვ და ისე მიპასუხე, გეყურება, არამც და არამც არ გააგებინო მამაშენს ეგ მისამართი. ამისრულებ ამას? მაშ, შემომფიცე, რომ არ ეტყვი მამაშენს მაგ მისამართს.

- მამაჩემს? ჰო, მამაჩემი!.. დამშვიდდით, ბატონო, მამაჩემი ციხეში ზის... საკანში გახლავთ საიღუმლოში, და ეგეც რომ არ იყოს, სად მე, სად მამაჩემი?

- მაშ, არ დამპირდები? არ შემომფიცავ? - შეჰყვირა მარიუსმა.

- ხელები ნუ დამამტვრიეთ, რა ვქნა? - და სიცილი აუტყდა ეპონინის, - დიახ! პირობას გაძლეეთ! გეფიცებით, აგისრულებთ სურვილს. რა მენალღვლება, ნუ ეცოდინებათ, რა! არ ვეტყვი მამაჩემს იმათ მისამართ. ახლა? კმარა, თუ კიდევ გინდათ რამე? კმაყოფილი ხართ?

- არც მამათქვენს და არც სხვას ვისმე.

- არც სხვას ვისმე! არავის! არავის!

- ახლა კი წავიდეთ, - უთხრა მარიუსმა, - დამანახვე ის სახლი.

- ახლავე წავიდეთ?

- ახლავე, ახლავე!

- წავიდეთ. ოჰ, რა კმაყოფილია! რა ბედნიერია! - იძახდა ეპონინი.

ცოტა ხნის შემდეგ გაჩერდა:

- ძალიან ახლოს მომდევო, ბატონო მარიუს. მე წინ გიახლებით და თქვენ შორიახლო მომდით. ვითომ ცალ-ცალკე მოვდივართ. არ მინდა, თქვენისთანა ცმანვილი კაცი ჩემისთანა გოგოსთან დაინახონ.

არავის ძალუძს გამოთქვას ის სიმწარე, რომელიც ეპონინმა ჩაურთო სიტყვებში „ჩემისთანა გოგოსთან“.

ცოტა ხანს კიდევ გაჩერდა და როდესაც მიუახლოვდა მარიუსი, ზედ არ შეხედა, ისე წარმოთქვა რამდენიმე სიტყვა:

- მართლა, ხომ გახსოვთ, რომ დამპირდით?

ჯიბეში ჩაიყო ხელი მარიუსმა. ხუთად ხუთი ფრანკი ჰქონდა ტენარდიესთვის, ისიც ნასესხები. აიღო და ხელში ჩაუღო ეპონინს.

გაშალა ხელი ეპონინმა, მინაზე დაავლო ხუთფრანკიანი ვერცხლი და გაბრაზებით უთხრა:

- მე თქვენი ფული არ მინდა!..

წიგნი მესამე

სახლი პლუმეს ქუჩაზე

თავი პირველი

მიმალული სახლი

წარსული საუკუნის ორმოცდაათიან წლებში პარლამენტის ერთ ხავერდისჩაჩიან თავმჯდომარეს ჰყავდა საყვარელი, რომელსაც მალავდა. იმ დროს დიდებულ ბატონებს თავი მოჰქონდათ ყთავიანთი საყვარლებით, ბურჟუებს კი საძრახისად მიაჩნდათ და მალავდნენ. მან პატარა სახლი აუშენა სენ-ჟერმენის უბანში, მიყრუებულ ბლომეს ქუჩაზე; დღეს ამ ქუჩას პლუმეს ქუჩა ჰქვია. სახლი შორს არ იყო ეგრეთ წოდებულ „საქონლის საბრძოლო“ მოედნიდან.

პატარა სახლი იყო, ორსართულიანი ჰავილიონი. ორი დარბაზი ქვემო სართულში ჰქონდა, ორი ოთახიც მეორეში; სამზარეულო ქვემოთ იყო, ბუდუარი ზემო სართულში, ჭერქვეშ კიდევ სხვანი. სახლს წინ ბაღი ჰქონდა, ქუჩის მხრივ, მაგარი მოაჭირით შემოღობილი. დაახლოებით ერთი დესეტინა იქნებოდა ბაღი. ამის მეტს ვერაფერს ხელავდა გამგლეელი, მაგრამ ბაღის უკან ვიწრო ეზო იყო და ამ ეზოს ბოლოს ერთი პატარა სახლი - ორი ოთახი და ქვეშ სარდაფი, აშენებული ალბათ იმ განზრახვით, რომ ადვილად მოსახერხებელი ყოფილიყო, თუ საჭირო იქნებოდა, იქ ბავშვისა და მისი ძიძის დამალვა. ამ სახლს უკნიდან პატარა საიდუმლო კარი ჰქონდა ვიწრო ტალანში გასასვლელი; ტალანი მოკირწყლული იყო, ვიწრო და დაკლაკნილი. სახურავი არ ჰქონდა, მაგრამ ისე ვიწროდ ჩართულიყო ორ კედელშუა, რომ მართლა საიდუმლო გამხდარიყო. ტალანის ბოლოს მეორე საიდუმლო კარი ჰქონდა კარგად დამორებით პირველისგან და უდაბურ ბაბილონის ქუჩაში გადიოდა.

ბ. თავმჯდომარე ამ კარით ისე მოხერხებულად სარგებლობდა ყოველთვის, კიდევ რომ ყოფილიყო ვინმე და მოესურვებინა გაეგო, - საღ ან ვისთან დადის ყოველდღეო, - ვერც კი წარმოიდგენდა, რომ ბაბილონის ქუჩით შესული, პლუმეს ქუჩაზე ამოჰყოფდა თავს. მთავრობის მოხელემ ძალიან მარჯვედ და ხელსაყრელ ფასად შეიძინა საიდუმლო სახლის მოსაზღვრე მიწები და საკუთარ მამულში, ყოველგვარი კონტროლის გარეშე ცხოვრებით ტკბებოდა. შემდგომ კარგ ფასად ჰყიდდა ნელ-ნელა ამ მიწებს და მის ახალ მემობლებს - მებაღეებსა და მებოსტნეებს, აზრდაც არ მოუვიდოდათ, რომ საიდუმლო გზა იყო დატოვებული კედელში: ორი კედელი ერთად მიაჩნდა ყველას, და რას წარმოიდგენდნენ, რომ შიგ ვაგლა შეიძლებოდა. ამ საიდუმლოების დანახვა მხოლოდ ფრინველთ შეეძლოთ. შესაძლებელია, წარსული საუკუნის კიოტებმა და წინკანებმა საკმაოდ იჭორავეს კიდევ ბ. თავმჯდომარის შესახებ.

ორსართულიანი ქვითკირის სახლის შენობა მანსარის გემოვნებით იყო აგებული, მოკაბმული და მონყობილი კი - ვატოს გემოვნებით. ლამაზ მღვიმეს წაავადა შიგნიდან და კოპწია პარკს გარედან. სამ რიგად ეხვია გარშემო მწვანე ხის ტოტები და ყვავილები. მორცხვად მიმალულიყო ხეებში კეკლუცად და თან ჩინებულად, როგორც შეფეფრება დიდებული მოხელის სიყვარულს.

დღეს აღარც ეს სახლი არის, აღარც საიდუმლო გასასვლელი ტალანი; ამ თხუთმეტი წლის წინათ კი შეიძლებოდა ორივეს ნახვა. ოთხმოცდაცამეტში ერთმა მკალავმა იყიდა სახლი დასანგრევად, მაგრამ ფასის გადახდა ვერ შეძლო და ერთმა ვალაუვალ მოვალედ გამოაცხადა. ამგვარად, მან კი არა, სახლმა დაანგრია და დაღუპა საწყალი მკალავი. მას შემდეგ ცარიელი ეგდო ეს სახლი, მდგმური არავინ დგებოდა, და ნელ-ნელა პარტახდებოდა, როგორც ყველა უპატრონო შენობას ემართება. ძველი მონყობილობა ისევ შერჩენოდა. ქუჩის მხრივ მოაჭირზე ძველი გაყვითლებული განცხადება იყო მიკრული; ჯერ ისევ 1810 წლიდან, რომელიც

აუწყებდა გამვლელთ, რომ ეს სახლი გასაქირავებელი იყო ან გასაყიდი. მაგრამ ამ ქუჩაზე წელიწადში ათი, თორმეტი კაცი ძლივს გაივლიდა და სახლს არც მდგმური უჩნდებოდა, არც მყიდველი.

რესტავრაციის უკანასკნელ ხანს კი ეს განცხადება აღარსად ჩანდა, ზემო სართულის ფანჯრები ღია იყო. სახლში ვიღაც დაბინავებულიყო. ფანჯრებს ფარდები ჰქონდა, - უტყუარი ნიშანი, რომ აქ ქალიც ცხოვრობდა.

1829 წლის ოქტომბერში ერთი ხნიერი კაცი მივიდა ამ სახლში და იქირავა პავილიონი ბაღით, უკანა ეზოთი და საიდუმლო გასასვლელით. სახლის მონყობილობა ნაწილობრივ იგივე იყო, რაც ბ. თავმჯდომარის დროს. ახალმა მდგმურმა შეაკეთებინა ცოტა რამ, სხვათა შორის, საიდუმლო გასასვლელი და მისი ორივე კარი; მიიტანა, თუ რამ აკლდა მონყობილობას; მოაკირწყვლინა ეზო, შეაკეთებინა კიბე და ალაგ-ალაგ წამხდარი იატაკი, შუშები ჩაასმევინა და დაბინავდა სახლში. ერთი ყმაწვილი ქალი ახლდა თან და ერთი ბებერი დედაკაცი, მსახური. ჩუმად, შეუმჩნევლად გადავიდა ამ სახლში, თითქოს შეიპარა. მეზობლებს ლაპარაკი არ აუტეხავთ, ვინაიდან მეზობლები არცა ჰყავდა.

ეს მორიდებული მდგმური უან ვალჟანი იყო, და ყმაწვილი ქალი კოზეტი. მსახურად ბებერი დედაკაცი ჰყავდათ, სახელად ტუსენი; არც სახლი ჰქონდა ტუსენს, არც ახლობელი ჰყავდა ვინმე და გაჭირვებისგან და საავადმყოფოდან დაიხსნა უან ვალჟანმა; ბებერი იყო, პროვინციელი და ბლუ; ეს სამი ღირსება ჰქონდა და ამან გააბედვინა უან ვალჟანს, რომ იგი მოახლედ დაექირავებინა. სახლი რანტიე ფოშლევეანის სახელით დაიჭირა. ზემოთ ნაამბობში, ეჭვი არა გვაქვს, მკითხველი ადვილად იცნობდა უან ვალჟანს, უფრო ადვილად, ვიდრე ტენარდიემ იცნო.

რად გამოვიდა უან ვალჟანი პიკუსის მონასტრიდან? განა რა მოხდა?

დიდი არაფერი.

ძალიან კმაყოფილი იყო უან ვალჟანი მონასტერში ყოფნით, იმდენად ბედნიერი, რომ ბოლოს სინდისის ქენჯნაც კი იგრძნო. ყოველდღე ხედავდა კოზეტს, გრძნობდა, რომ მამობრივი სიყვარულით ვესებოდა გული, ღვიძლ შვილად, ოღონდ სულიერად მიაჩნდა კოზეტი, და საბოლოოდ გადაწყვეტილი ჰქონდა, - ჩემი შვილია, მას ვერავინ წამართმევსო. ერთნი ვართ სულით ხორცამდე და ერთად ვიქნებით, მანამ ცოცხალნი ვართო. წამოიზრდება, მონასტერშივე დარჩება, მონაზვნად; მონასტერი იქნება კოზეტისთვის, როგორც თვითონ უან ვალჟანისთვის, მთელი ქვეყნიერება. ისიც იქვე იქნება, თავის კოზეტთან, მის ზრდას ნახავს და თავის დაბერებას. დრო გაივლის, კოზეტიც დაბერდება, უან ვალჟანი მოკვდება, დაბოლოს, რაც მისთვის მთავარი იყო, სანამ ცოცხალი იქნება, შეუძლებელი გახდება ცოტა ხნითაც კი მათი განშორება.

დიდხანს იყო ამ ოცნებით გატაცებული, მაგრამ ბოლოს ეჭვი აღეძრა, ჩაფიქრდა, თავის თავს შეეკითხა: - მართო ჩემია მთელი ეს ნეტარება, ჩემთვის რომ ვლამობ, თუ ჩემსაში სხვისასაც ვურევ, ჩემი კოზეტისას, ჯერ შეუგნებელ ბავშვისას, რომელსაც მე ჩემებურ ნეტარებას ვუმზადებ, მოხუცებული კაცის ოცნების მიხედვით. განა კოზეტისთვისაც ნეტარება იქნება ჩემი ოცნება? - იგი გრძნობდა, რომ ბავშვს ჰქონდა უფლება ჯერ გაეცნო ცხოვრება და მერე თვით გადაეწყვიტა, შესძლებდა ცხოვრების უარყოფას თუ არა, რომ მონაზვნად აღკვეცილიყო. კოზეტის დაუკითხავად წყვეტდა მის ბედს და ეჭვი ერეოდა. სულ სხვა ნეტარება რომ სწყუროდეს ქალს? ეს გაუბედურება იქნება საწყალი გოგოსი, ქერლობაზედაც უარესი. ან რას ფიქრობს,

როგორ შეიძლება უსუსური ბავშვის შეუგნებლობითყ ისარგებლოს კაცმა, უნდა ვეძებო ჩააბას ისე, რომ სიკვდილის მეტი სხვა მსხნელი არავინ ჰყავდეს? ეს ხომ ადამიანის ბუნების უარყოფა იქნება და ღვთის წინაშე სიცრუე. ხომ შეიძლება ყოველივე ამაზე დაფიქრდეს ოდესმე კოზეტი, იგრძნოს, რომ ნაძალადევად არის მონაზვნად შეწირული და სიყვარულის წილ სიძულვილით და საყვედურით მოიგონოს მამობილი.

ამ უკანასკნელმა მოსაზრებამ, უფრო ეგოისტურმა და ნაკლებად გმირულმა, ვიდრე სხვები, მაგრამ უან ვალჟანისთვის აუტანელმა, გადაწყვეტინა მას მონასტრის მიტოვება.

გადანწყობა. გული უკვდებოდა, მაგრამ მინც გრძობდა, რომ სწორედ ასე უნდა მოქცეულიყო. ამ გადანწყობილების სანინალმდეგო კი არაფერი ჰქონდა. ხუთი წელიწადი გაატარა ოთხკვდელშუა, ცხოვრებიდან გაქრა კაცი, და შიში აღარ ჰქონდა ბედისა. თავისუფლად შეეძლო ხელახლა ჩარეულიყო ადამიანთა საზოგადოებაში. დაბერდა, გამოიცვალა, ვინღა იცნობდა ხუთი წლის შემდეგ? ეგეც რომ არ ყოფილიყო, თუ უარესი მოელოდა რამ, საშიში მარტო თვითონ უან ვალჟანისთვის იყო, და როგორ შეიძლებოდა მონასტერში ჩაემწყვდია ქალი მხოლოდ იმიტომ, რომ ის კატორღელი იყო და საშიშროება მოელოდა? ნუთუ კაცმა მოვალეობას უნდა უღალატოს, როდესაც საშიში მოელის რამე? თუ საშიშროება მოელის, ფრთხილად იყოს, აიცილოს როგორმე განსაცდელი და სხვას კი ნურავის გასწირავს.

რაც შეეხება კოზეტის აღზრდა-განვითარებას, ის თითქმის დასრულებული იყო.

რაკი საბოლოოდ დაადგა ამ გადანწყობილებას, იგი შესაფერის შემთხვევასდა ელოდა, რომ გამოეცხადებინა სამსახურიდან გასვლა. შესაფერისი გარემოებაც მალე დაუდგა: ბებერმა ფოშლეგანმა თქვენი ჭირი წაიღო.

- წინამძღვრის ნახვა მინდაო, - სთხოვა უან ვალჟანმა და, რომ შეიყვანეს, მოახსენა თავისი სათხოვარი, - ძმა მომიკვდა, ცოტა რამ მემკვიდრეობა დამიტოვა, ასე რომ, ამ სიბერის დროს მოსვენებით შემიძლია ცხოვრება; ნება მიბოძეთ მონასტრიდან გავიდე და ჩემი გოგონაც თან წაიყვანო. მაგრამ რადგან მონასტერი ვალდებული არ იყო აღეზარდა ქალი, რომელიც მონაზვნად არ დარჩებოდა, კეთილ ინებეთ და მონასტრის სასარგებლოდ მიიღეთ ჩემგან ხუთი ათასი ფრანკი, როგორც ხუთი წლის განმავლობაში კოზეტის ცხოვრებისა და სწავლის საზღაური.

ასე გამოვიდა უან ვალჟანი მუდმივ თაყვანისმცემელთა მონასტრიდან. ბინიდან გამოსვლისას თვითონვე აიღო ჰატარა ჩანთა, რომელსაც თავის ღლეში არავის ანდობდა, არც მეზარგულეს, არც მეეტლეს. იმ ჩანთის გასაღებს ყოველთვის თვით ატარებდა. ძალიან უნდოდა კოზეტს ამ ჩანთის საიდუმლოების ამოცნობა, მით უფრო, რომ საამო სურნელებას აფრქვევდა, მაგრამ ამაო.

ახლავე ვთქვათ, რომ ამის შემდეგაც სულ თან ატარებდა ამ ჩანთას. თავის ოთახში ჰქონდა ყოველთვის. ბინის გამოცვლისას ეს ჩანთა იყო, რომ ხელში აიღებდა ხოლმე ყველაზე უწინ უან ვალჟანი. იცინოდა კოზეტი. „განუყრელს“ უწოდებდა და - ლამის ჭკვი აღმიძრასო, - იტყოდა ხოლმე ხუმრობით.

მინც მწუხარე იყო უან ვალჟანი, მონასტრიდან რომ გამოვიდა.

შესაფერისი სახლი იზოვა პლუმეს ქუჩაზე და შიგ ჩაიმალა. ამიერიდან მისი სახელი ულტიმი იყო და გვარი ფოშლეგანი.

იმავე დროს ორი ბინა კიდევ სხვა ჰქონდა პარიზში. სულ რომ ერთ ბინაზე ყოფილიყო, უფრო მეტად მიიქცევა მეზობლების ყურადღებას, და, თუ საჭიროება

იქნებოდა, ერთი სახლიდან მეორეში გადავიდოდა დასამალავად; გარდა ამისა, იმისაც ეზინოდა, მეორედ აღარ დარჩენილიყო ისე უბინოდ, როგორც იმ ღამეს მოუვიდა, ჟავერს რომ რაღაც სასწაულით გაუსხლტდა ხელიდან. პატარები იყო ეს ორივე ბინა, მეტად ღარიბი და ძალიან დამორებული ერთმანეთისგან, ერთი ლ-ომ-არმეს ქუჩაზე იყო, მეორე დასავლეთისაზე.

ხანდახან ერთი თვით, ან ექვსი კვირით გადასახლდებოდა ხოლმე ხან ერთში, ხან მეორეში. კომეტის თან ჰყავდა ყოველთვის. ტუსენს კი ყოველთვის პლუმეს ქუჩაზე სტოვებდა. ამ სახლებში მეკარე ემსახურებოდა ხოლმე. იქ რანტიედ იცნობდნენ, გარეუბნელად, რომელსაც საქმეების გამო ხშირად უხდებოდა პარიზში ჩამოსვლა.

ამგვარად, ამ უღარესად ფხიზელ ადამიანს სამი ბინა ეჭირა პარიზში პოლიციისგან თავდაცვის მიზნით.

თავი მეორე

ჟან ვალჟანი ეროვნულ გვარდიაში

უმთავრესად კი პლუმეს ქუჩაზე იყო ხოლმე და კარგადაც ჰქონდა მონყობილი ცხოვრება.

პავლიონში კომეტი დადგა და ბებერი მოსამსახურე, დიდი სანოლი ოთახი ჰქონდა, ლამაზი დიდრონი სარკეებით მორთული, პატარა ბუღუარი, ძველი პატრონის, თავმჯდომარის, ხალებიანი და ღრმა საგარძღებიანი დარბაზი, რომელიც ბაღს გადასცემდა. სანოლი ოთახში ბაღდასიანი ლოგინი მოუწყო ჟან ვალჟანმა და იატაკზე ერთი ძველებური, სპარსული ხალი გაუშალა, ქალბატონ გომესთან ნაყიდი ფიტიე სენ-პოლის ქუჩაზე და რომ დაეფარა ეს ძველი, ძვირფასი მორთულობა, სახლი წვრილმანი დგამით და ნივთებით აავსო და სხვათა შორის, ლამაზი ყდებით მოკაზმული წიგნებით. კარგი სანერი მაგიდა დაუდგა კოხტა სანერ-კალმით და სხვა მონყობილობით; აგრეთვე ხელსაქმის მაგიდა. ფანჯრებზე ფარდები ჩამოაფარეს და მით დაამშვენეს მეორე სართული. ქვემო სართულიც კარგად იყო მონყობილი და ეს „კომეტის სახლი“ ყოველთვის კარგად თებოდა მთელი ზამთრის განმავლობაში. თვითონ კი იმ პატარა სახლში დადგა, უკანა ეზოში რომ იყო ცალკე აშენებული. ტახტის მაგივრად გაჭიმული ღვედები ჰქონდა, ზედ გადებული ნაალი, უბრალო შეუღებავი ხის მაგიდა, ორი სკამი ჩალისა, ქაშანურის სურა წყლისთვის, რამდენიმე წიგნი თაროზე და თავისი განუშორებელი ჩანთა იქვე კუნჭულში. ცეცხლს თავის დღეში არ ანთებდა, პურს კომეტთან სჭამდა და სუფრაზე უთუოდ უნდა ჰქონოდა მისთვის ნაყიდი შავი პური.

ტუსენი რომ დაიჭირა და მსახურად შეიყვანა სახლში, უბრძანა:

- ამ სახლში ქალბატონი ეს ქალი ბრძანდება.
- თქვენა ბატონო?
- მე უფრო მეტი ვარ, ვიდრე ბატონი. მე მამა ვარ!

კომეტი მონასტერშივე შეაჩვიეს დიასახლისობას და მის ხელთ იყო სახლის გაძღოლა და ხარჯვის განევა. სასეირნოდ ყოველდღე გადიოდნენ, ყოველთვის ერთად მამობილი და ყმანვილი ქალი. ლუქსემბურგის ბაღში შევიდოდნენ ხოლმე, განცალკევებულ ხეივანში და იქ დასეირნობდნენ. ყოველ კვირას წირვაზე იყვნენ სენჟაკის ეკლესიაში, რადგან ძალიან შორს იყო იმათი სახლიდან; ღარიბი,

გაჭირვებული ხალხი ეხვია ამ საყდარს და უან ვალჟანი იმდენად ეხმარებოდა მათ, რომ სულ გარს ეხვივნენ უბედურები, როგორც კი მივიდოდა. ამით იყო, რომ წერილით მიმართა ტენარდიემ და მისამართად - „ბატონ ენ-ჟაკის ეკლესიის ქველმოქმედსო“, - დანერა.

ლარიბების და ავადმყოფების სანახავად და დასახმარებლად კომეტის თან დაჰყავდა ხშირად. მიმსვლელ-მიმსვლელი არავინ ჰყავდათ, უცხო არავინ შევიდოდა უან ვალჟანისა და კომეტის სახლში. ბაზარში ტუსენი დადიოდა, წყალი თვითონ უან ვალჟანს მოჰქონდა, ბულვარზე გამოყვანილი წყალსადენიდან. შეშასა და ღვინოს ხელოვნური მღვიმის მაგვარ სარდაფში ინახავდნენ, ბაბილონის ქუჩაზე გამავალ კართან, რომსაც თავის დროზე ბ. თავმჯდომარე იყენებდა, როგორც სიყვარულის თავშესაფრის აუცილებელ დანამატს.

ბაბილონის ქუჩაში გამავალ კარს ყუთი ჰქონდა გარედან მიკრული წერილებისა და გაზეთებისთვის. უან ვალჟანსა და კომეტს, მით უფრო დედაკაცს, არავითარი წერილი და გაზეთი არ მოსდიოდათ და, თუ ჩავარდებოდა რამე ყუთში, უწინდელი სიყვარულით გაკაჟებულისა და გულდამწვრის წერილების მაგივრად, უწყება იყო ხოლმე, რომ ხარჯი გადაეხადა უან ვალჟანს, ან ეროვნული გვარდიიდან რამე ცნობა, ან ბრძანება. ბ. ფომლევაი რანტიე იყო და ამიტომ გვარდიაში იყო ჩარიცხული, რადგან ვერ მოახერხა და თავი ვერ დააღწია 1831 წლის გვარდიელების აღრიცხვას. ქალაქის თვითმმართველობას ცნობა ჰქონდა პიკუსის მონასტრისა, ამ წმინდა და მიუვალი დაწესებულებისა, რომ ფომლევაი იქიდან გამოსულიყო დიდი ხნის სამსახურის შემდეგ, რომ იგი დიდად პატივსაცემი კაცი იყო და ეროვნულ გვარდიაშიც ამიტომ ჩარიცხა.

წელიწადში სამჯერ-ოთხჯერ მოირთვებოდა ხოლმე უან ვალჟანი გვარდიის მუნდირით, მიდიოდა თავისი მოვალეობის აღსასრულებლად და სიამოვნებით ასრულებდა ამ მოვალეობას, რადგან გამოიკვლიდა ტანისამოსს და თვითონაც ერეოდა საზოგადოებრივ ცხოვრებაში, თუმცა ჩვეულებისამებრ იქაც განმარტობებულად რჩებოდა. ის-ის იყო, სამოცი წლისა გახდა და კანონისამებრ გათავისუფლებული უნდა ყოფილიყო სამხედრო სამსახურიდან, მაგრამ შეხედულებით ორმოცდაათი წლისას ჰგავდა, და გარდა ამისა, არავითარი სურვილი არ ჰქონდა გამოსთხოვებოდა ათისთავს, ან გაეჯავრებინა გრაფი ლობო. მოქალაქეობრივი მდგომარეობა უან ვალჟანს არ გააჩნდა; თავის გვარსა და სახელს მალავდა; მალავდა თავის პიროვნებას, ასაკს, მალავდა ყველაფერს. ეროვნულ გვარდიაში იყო და ვიმეორებთ, სიამოვნებით ასრულებდა ყოველგვარ დავალებას. ძლივს ეღირსა უბედური, ისიც ადამიანს დაემსგავსა, ხარჯს იხდიდა; საზოგადოებრივ მოვალეობას ასრულებდა; ეს იყო მისი დიდი ხნის ნატვრა. უან ვალჟანს იდეალად ჰქონდა დასახული გულით ანგელოზი ყოფილიყო, ხოლო გარეგნობით ბურჟუა.

ერთი წერილმანაც აღვნიშნოთ; თუ კომეტთან ერთად მიდიოდა სადმე, კარგად ირთვებოდა, როგორც ვნახეთ, და სამსახურიდან გამოსულ ოფიცერს ჰგავდა, მაგრამ, თუ მარტო მიდიოდა ჩვეულებრივ ბინდისას, მუშის ტანისამოსით გადიოდა და განიერფარფლიანი ქედით, რომ სახე დამალული ჰქონოდა. სიფრთხილე იყო თუ თავმდაბლობა? ერთიცა და მეორეც. კომეტი უკვე მიჩვეოდა მამის უცნაურ ჩვეულებებს და ყურადღებას აღარ აქცევდა. ტუსენს კი სათაყვანებლად გაეხადა უან ვალჟანი და

ყველაფერი მოსწონდა მისი. ერთხელ ყასაბთან იყო ტუსენი და უან ვალჟანმა გაიარა იმ დროს ქუჩაში.

- უცნაური კაცია, - უთხრა ტუსენს ყასაბმა.
- წმინდანია, - უპასუხა ტუსენმა.

ბაბილონის კარით არც უან ვალჟანი შედიოდა სახლში, არც კომეტი, არც დედაკაცი. პლუმეს ქუჩიდანაც ძნელი დასანახავი იყო, ვინ ცხოვრობდა ამ ბაღში ჩამავალ სახლში. პლუმეს ქუჩაში გასასვლელი კარი ყოველთვის დაკეტილი იყო და ბაღი სრულიად მოუვლელი და გაუსხლავი უან ვალჟანის განკარგულებით, რომ არავის მიექცია ყურადღება და მზერა არ დაეწყო.

ასე მოაწყო ყველაფერი დიდი სიფრთხილით, მაგრამ ვინ იცის, იქნებ ცდებოდა.

თავი მესამე

Foliis ac frondibus

ნახევარი საუკუნე იყო, რაც მებაღის ხელი არ შეხებოდა ამ ბაღსა და მით უფრო არაჩვეულებრივი გამხდარიყო და გამშვენიერებულიყო. ამ ორმოცი წლის წინათ ქუჩაში ჩერდებოდნენ ალბათ იშვიათი გამვლელები, რომ დამტკბარიყვნენ მისი მშვენიერებით, და ვერც კი წარმოედგინათ, თუ ამ დაბურულ ბაღს თავისი საიდუმლოება ჰქონდა. იმ დროს არა ერთი მეოცნებე გაჩერდებოდა ხოლმე ალბათ, ცდილობდა გაეხედა ხშირ ტოტებში და დაენახა, რა იყო ბაღის უკან, მაგრამ ისე გადაეხლართათ ხეებს ხშირფოთლიანი ტოტებით ძველი, უანგიანი, ალაგ-ალაგ გამრუდებულმოაჯირიანი ღობე, რომ შეუძლებელი იყო რისიმე დანახვა.

ხის სკამი იდგა ერთ კუთხეში, ორი დახავსებული ქანდაკება; აღარც ხეივნები იყო, აღარც მოლი. მებაღე აღარ ჰყავდა და ბუნება დაჰპატრონებოდა აქაურობას. უვარგისი ბალახი მოსდებოდა მთელ ბაღს და ხარობდა გამარჯვებით, თავისუფლად იზრდებოდა ეკალბარდი, აღარავინ ჰყავდა მტერი მთელ ბაღში. ხეებს ტოტები დაეშვათ კვრინჩხნარზე და მაცვალზე, ზედ სვია მოჰკიდებოდა და გარს შემოხვეოდა. ტოტი დაშვებულიყო, ბალახი აცოცებულიყო, მიწაზე მოზარდი ზევით ამძვრალიყო, ქარით მერხევი ძირს დაშვებულიყო და ხავსით მოფენილ მიწას გაჰკვროდა. არეულიყვნენ ერთმანეთში ტოტები, ყვავილები, ფოთლები, პნკალები, გადახლართულიყვნენ, შეერთებულიყვნენ, მაგრად შეკავშირებულიყვნენ და ღვთის წყალობით განებორციელებინათ წმინდა საიდუმლოება თავიანთი ძმობისა, სიმბოლო აღამიანთა შორის ძმობისა. ბაღი ყოფილიყო, და ახლა ტევრად გამხდარიყო, რომელშიც გავლა აღარ შეიძლებოდა, გაუვალი იყო ბაღი, როგორც დაბურული ტყე, და შიგ მაინც მცხოვრებნი იყვნენ, როგორც ქალაქში; ირხეოდა, როგორც ჩიტის ბუდე მაღალ ხის ტოტზე, ბნელი იყო, როგორც ტაძარი, სურნელოვანი, როგორც ყვავილთ თაიგული, განმარტოებული, როგორც საფლავი, სიცოცხლით სავსე, როგორც ხალხის ბრბო.

დადგებოდა ფლორეალი და გამოიღვიძებდა ეს ტყედ გარდაქმნილი ბაღი, თავისუფალი ოთხ კედელშია. გამოიღვიძებდა და საკვირველი აღტაცებითა და სიხარბით დაენაფებოდა გაზაფხულის ტკბილ წვიმას და სულისჩამდგმელი მზის სითბოს. ისე თრთოდა ამომავალი მზის მოლოდინით, როგორც ნადირი, რომელიც ტკბება ბუნების მადლიანობით, და გრძნობს აპრილის მიერ ჩაყენებულ მჩქეფარე

სიციოცხლის ძალას. თრთოდა მთელი ბალი, მოუთმენლად მოელოდა ქარის ქროლვას, რომ ძველი, დამტკნარი მოემორებინა და ყველგან მოეფინა, ირგვლივაც და შორსაც, ყველგან: დასველებულ მიწაზე, ნაქანდაკვე მარმარილოზე, სახლის მერყევე საფეხურზე და მოკირწყლულ ქუჩაზედაც კი ვარსკვლავივით ლამაზი ყვავილი, ნამის მარგალიტი, ნაყოფიერება, მშვენიერება, სიციოცხლე, სიხარული, სურნელება. დადგებოდა შუადღე და ათასობით დაერეოდა ბაღს თეთრი პეპელა, სიციხისგან ჩრდილისკენ მიმავალი, და ზაფხულის ცოცხალი თოვლივით მოჩანდა ხის ტოტებს შუა. იქვე, იმ მხიარულ სიმწვანის ჩრდილში ტკბილი ვალობა და ჭიკჭიკი ატკობდა ადამიანის გულს. საღამოობით საოცნებო ბნელი ეფინებოდა ბაღს და ნისლის სუდარას აფარებდა მის მშვიდ, ციურ სევდას. სურნელებით ავსებდნენ ბაღს ყვავილები, ერთმანეთს უხმობდნენ ჩიტები დასაძინებლად. საგრძნობლად ჩანდა ურთიერთობა ფრინველსა და ხის ფოთლებისა: დღე ფრინველი აციოცხლებდა ფოთლებს, ღამე ფოთოლი ფარავდა ფრინველს.

ბულვარი იყო იქვე ახლოს; გარს ეხვია ამ სახლს და ბაღს დიდრონი პარიზის ქუჩები; დიდებული სასახლეები იყო ფარანისა და ინვალიდების ქუჩაში იქვე, მის გვერდით და დეპუტატთა პალატა ოდნავ მოშორებით; ეტლები დაგრილებდნენ იქვე ბურგონისა და სენ-დომინიკის ქუჩებში; ყვითელი, ყავისფერი, თეთრი და წითელი ომნიბუსები დადიოდნენ იქვე, და მაინც მიყრუებული იყო პლუმეს ქუჩა. დაიხოცნენ ძველი პატრონები, მერე ზედ რევოლუციამ გადაუარა, დაიღუპა ძველებური სიმდიდრე; ამას თან მოჰყვა უპატრონობა, დავიწყება, ორმოცი წლის მოუვლლობა და ედემის ყვავილს ჩადუნა ჩაერია, ნარეკლი, ჭინჭარი, ბალახში ხვლიკი და ჯოჯო, რომ ბუნებას იქაც დაეგმო წვრილმანი გარემოებანი ადამიანისა, თავისებურად მთლიანად დაჰპატრონებოდა ნაოხარს და ისე გამლილიყო პარიზის ბაღში, იმავე სიმკაცრითა და დიდებით, როგორითაც ამერიკის პირვანდელ გაუვალ ტყეში.

ბუნებაში არაფერია წვრილმანი და უმნიშვნელო. ეს ჭეშმარიტებაა ყველასთვის, ვინც კი იცის ბუნების წიაღში ჭვრეტა. მართალია, სრულ კმაყოფილებას არ აძლევს ადამიანს ფილოსოფია; ჭერ ვერც ნამდვილი მიზეზები გამოუკვლევია და ვერც მათი შედეგები, მაგრამ მაინც ალტაცებული რჩება კვლევით გატაცებული მჭვრეტი, როდესაც ხედავს ესოდენ ერთიანობას ბუნების სხვადასხვა ძალისას. ყველა ერთისთვის და ერთი ყველასთვის.

ღრუბლების მოძრაობაში შეიძლება გამოვიყენოთ ალგებრა; სხივთრქვევა ვარსკვლავებისა ეხმარება ვარდს; არავინ იქნება ბუნების მკვლევართა შორის, რომელიც გახედავს და იტყვის, - კუნელის სურნელება უსარგებლოა თანავარსკვლავედთათვისო. ვის შეუძლია გამოიანგარიშოს მოლეკულის გზა? რა ვიცით, რომ ქვეყნიერებათა შექმნა ქვიშის ფეხნილის ცვნიით არ იყოს გამოწვეული? ვინ იცის, რა დამოკიდებულება აქვთ ერთმანეთში უსაზღვროდ დიდისა და უსაზღვროდ პატარის მოქცევასა და უკუქცევას, ან რა მნიშვნელობა აქვს მიზეზებისა შედეგების არსებობას ქვეყნიერების სიღრმეში? თითოეულ ატომს აქვს თავისი მნიშვნელობა; პატარაა და მნიშვნელობით კი დიდი; სხვა კიდევ დიდი არის და მნიშვნელობით პატარა. წონასწორობას წარმოადგენს საჭიროების გამო ყველაფერი, და ეს არის, რომ აკვირვებს ადამიანის გონებას. სასწაულებრივი დამოკიდებულება არსებობს არსებათა და საგანთა შორის. ჩრდილიდან მზემდე უსაზღვრო ბუნებაში არაფერია უგულებელყოფილი, რადგან ერთმანეთის დახმარებით არსებობს

ყველაფერი. სინათლეს რომ მიაქვს მინიერი სურნელებანი, კარგად იცის თავისი მიზანი; ღამე უგზავნის მიძინებულ მცენარეებს ვარსკვლავთა ესენციას. ჩიტი რომ დაფრინავს, ნისკარტით უჭირავს ძაფი უსაზღვროებისა. შემოქმედებითი ძალაა, რომ მეტეორს აძლევს ზეცას, და საკმაო ძალას მერცხლის ბარტყს, რომ ნისკარტით გატეხოს კვერცხი და გამოვიდეს; ეს ძალა არის რომ განაგებს მიწის მატლის გაჩენას და სოკრატეს მოვლინებას.

ტელესკოპის მისაწვდომი რომ გათავდება, მიკროსკოპისა იწყება. რომელი უფრო მეტს სწვდება, თქვენვე განსაჯეთ. ობი - მრავალ ყვავილთა გროვაა, ბინდი კიდევ ვარსკვლავთ გროვა. ისეთივე შერევა არის აქაც და უფრო წარმოუდგენელიც, როგორიც გონებრივ მოვლენათა და მატერიალური საგნების შეგუებაში. ირევიან ერთმანეთში ელემენტები და პრინციპები, ერთდებიან, ქორწინდებიან, მრავლდებიან ერთმანეთისგან, რომ ერთი და იმავე გონებრივსა და ნივთიერებრივ სიაშკარავემდე მივიდნენ. მოვლენანი მუდამ უბრუნდებიან თავის სახეს. შეუგნებელი ოდენობით იძვრის ქვეყნიერების სიცოცხლე მიუწვდომელ საიდუმლოებათა სივრცეში, აურაცხელ გარდაცვლას განიცდის, ყველაფრით სარგებლობს, არაფერს ტოვებს გამოუყენებლად. აქ უხილავ ცოცხალ არსებას აჩენს, იქ ვარსკვლავს ფხვნის, მისწრაფის, მიკლავსება, სინათლეს ძალად აქცევს, ფიქრს - ელემენტად. თვითონ უხილავია, გაფანტული, მაგრამ განუყოფელი და ყველაფერს შლის და ხსნის, გარდა იმ გეომეტრიული ნერტილისა, რომელსაც „მე“ წარმოადგენს; სულს, ატომს უძღვნის ყველაფერს, ღმერთად აყვავებს ყოველივეს. ერთმანეთს აბამს უზენაეს და უქვეანეს ყოველგვარ მოქმედებას, პატარა მწერის ფრენას უკავშირებს დედამიწის ბრუნვას, და, ვინ იცის, იქნებ კიდევ აკავშირებს კუდიანი ვარსკვლავის ზეცის სივრცეში მოძრაობას ინფუზორიის ერთ წვეთ გუბის წყალში ტრიალთან. ქვეყნიერება არის სულით შექმნილი მანქანა, უზარმაზარი მექანიზმი, რომლის პირველი ძრავი მუშლი და უკანასკნელი ბორბალი - ზოლიაქოა.

თავი მეოთხე
მოაჭირის შეცვლა

მთლად შეცვლილიყო დანიშნულება ამ ბალისა. სახლიც და ბალიც იმ მიზნით მოეწყოთ, რათა დაემალა შემარცხვენილი სიყვარულის საიდუმლოება. ახლა კი წმინდა უმანკოების საიდუმლოებას ფარავდა. აღარც ხეივანი ჰქონდა, აღარც ძველი, ბურთის სათამაშო კორდები, აღარც გვირაბი და მღვიმეები. მშვენიერი ჩრდილი ფარავდა სახლს, ფოთლოვანი და ყვავილოვანი. პათოსი ედემად გადაქცეულიყო. ისე იყო, თითქოს ვიღაცის მონანიებამ განწმინდა და განკურნა სახლიც და ბალიც და ეს თაიგული ახლა წმინდა სულს ატკობდა თავის ყვავილით. ამ კვლევს ბაღს, შერცხვენისს წინათ და სახელგატეხილს, უმანკოება და კდემამოსილება დაებრუნებინა. ბ. თავმჯდომარეს და მის მებაღეს - ბატონს ლამუანონის დარად მიაჩნდა თავი, მებაღეს - ლენოტრის დარად შეელამაზებინა ბალი, გაესხლათ, გაეწმინდათ, მოეკაზმათ და სიყვარულის ბუდედ ექციათ. მაგრამ მერე ბუნებამ კვლავ აჩრდილით აავსო და თავისებურად დაამშვენა წმინდა სიყვარულისთვის.

ამ განმარტებულ, დაბურულ ბაღში აღმოჩნდა არსება, რომელიც მზად იყო სიყვარულისთვის გადაეშალა გული. ოღონდ გამოჩენილიყო სიყვარული, მას

დახვედებოდა ტაძარი მწვანე ბალახისა, ყვავილებისა, ფრინველების ვიშისა, ნაზი ჩრდილისა, მოქანავე ხის ტოტებისა და სული წმინდა, უმანკო, რწმენითა და მომავლის ტკბილი იმედით აღსავსე.

ჯერ თითქმის ბავშვი იყო კომეტი, მონასტრიდან რომ გამოვიდა; ის-ის იყო, თოთხმეტი წლისა გახდა, ასე რომ, გარეგნობისთვის მეტად „უმაღურ“ ასაკში იყო. ჩვენ უკვე ვთქვით, რომ სახე უღამამო ჰქონდა, მხოლოდ მშვენიერი თვალები ალაამაზებდა. ამასთან გამხდარი იყო, მორიდებული, მოუქნელი, ზოგჯერ გამბედავიც, ერთი სიტყვით, მოზარდი იყო.

სწავლა დაესრულებინა. ესე იგი, მას გააცნეს სარწმუნოება, მეტადრე შთაავონეს ღვთისმობიობა; ასწავლეს ის საგანი, რომელსაც მონასტერში „ისტორიას“ უწოდებენ, გეოგრაფია, გრამატიკა. საფრანგეთის მეფეების სახელები, ცოტა მუსიკა, პროფილის დახატვა. სხვა კი არაფერი გაეგებოდა. და სწორედ ეს არის, რომ მომხიბვლელს ქმნის მოზარდს და თან მრავალ მარცხს უქადის; სიცოცხლის მოთხოვნილებათა გაუცნობლად არ უნდა იზრდებოდეს ქალი, თორემ, რომ წამოიზრდება, მის წინ აღიმართება მკვეთრი და თვალისმომჭრელი მირაჟები; ეს არის აუცილებელი ხვედრი ბნელში აღზრდილი ქალისა. ნელ-ნელა, ფრთხილად უნდა ავეხილოთ თვალი. უფრო ცხოვრების მიმდინარეობის ანარეკლით, ვიდრე თვით ცხოვრების მედგარი სინამდვილით. მკრთალი სინათლე არის აქ საჭირო, წმინდა შთაგონებითი ძალით, რომ გაუქარვოს ბავშვური შიში და ააცილოს განსაცდელი. დედობრივმა აღლომ იცის მხოლოდ, რომელშიც ერთად არიან დედის ქალწულური ოცნებანი და დედაკაცის გამოცდილება, როგორ და რით მოაგვაროს ეს მკრთალი სინათლე. ეს დედის ვალდებულება არის და აქ მშობელს ვერაფრით შეცვლით. მთელი ქვეყნის მონაზვნები ვერ შეედრება ერთ დედას. კომეტს კი დედა არ ჰყავდა. დედები ჰყავდა მრავალი.

რაც შეეხება ჟან ვალჟანს, იგი განხორციელებული სინაზე და მზრუნველობა იყო ბავშვისადმი, მაგრამ ბებერი კაცი იყო და არაფერი გაეგებოდა ქალის აღზრდას.

ძალიან მნიშვნელოვანია ქალის აღზრდა, ქალის მომზადება ცხოვრებისთვის. დიდი ცოდნაა საჭირო, რომ შევებრძოლოთ იმ დიდ უცოდნელობას, რომელსაც უმანკოება ეწოდება.

ისე კარგად არაფერი ამზადებს მოზარდ ქალში ვნებიანობას, როგორც მონასტერი. მონასტერია, რომ უცნობელისკენ მიაქცევს ქალის ოცნებას. სააღერსო არაფერს გააჩნია გულს, არც დედ-მამა, არც და-ძმა; გულშივე იკლავს ამ გრძობას და ოცნებით ტკეპბა. აქედან - მრავალი ჩვენება, შეუძლებლის წარმოდგენა და დასკვნა, რომანების მონახაზი, უცნაური თავგადასავლის ნატვრა, ფანტასტიკური გმანება, ჰაეროვანი კომპები, გონების წყვდიადში ნაგები, სავსე ბნელი, საიდუმლო კუნჭულებით, სადაც უწინანი ვნება დაიბუდებს, როგორც კი ამისი საშუალება მიეცემა. მონასტერი არის უღელი, რომელიც მხოლოდ მაშინ იმორჩილებს ადამიანის სულს, როდესაც სიკვდილამდე არსად გაუშვებს.

მონასტრიდან გამოსული კომეტი უფრო მიმზიდველს და ამასთანავე უფრო საშიშს ვერაფერს იპოვიდა, ვიდრე ეს სახლი იყო პლუმეს ქუჩაზე თავისი განმარტოებულობით. ეს გახლდათ იგივე სიმარტოვის გაგრძელება, მაგრამ თავისუფლების დასაწყისი. ჩაკეტილ ბაღში დიდებული, სურნელოვანი, ვნების ამშლელი ბუნება გადაშლილიყო. აქაც იგივე ოცნება შეეძლო, რაც მონასტერში,

თუმცა ახალგაზრდა ვაჟებსაც მოჰკრავდა ზოგჯერ თვალს. ბაღს მოაჭირი ეკრა, მაგრამ ქუჩაში მიმავალი მგზავრი მაინც ჩანდა.

ოღონდ ამ სახლში რომ შევიდა კოზმეტი, ამას განმეორებით ვამბობთ, ჯერ ბავშვი იყო. უან ვალუჟანმა მას მიანერა მოუვლელი ბალი და, - შენ იცი, როგორც გინდა, ისე ისიამოვნო, - უთხრა. მართლაც სიამოვნებდა ბაღში კოზმეტი. იქ ატარებდა დროს, იქ თამაშობდა, იქ ერთობოდა. ჯერჯერობით ოცნება არ მორეოდა. უყვარდა ეს ბალი, უყვარდა ბალახებში ქვების ქვეშ მწერების სინჯვა. ჯერ არ დასდგომოდა ის ხანი, როდესაც ქვებისკენ კი არა, ვარსკვლავებისკენ მიმართავდა თვალსა და ოცნებას.

გარდა ამისა, მამა უყვარდა. ესე იგი, უან ვალუჟანი. უყვარდა, როგორც მშობელი მამა, ერთადერთი მსხნელი და მფარველი, ერთადერთი იმედი, რომლის უსაზღვრო სიყვარულსაც ხედავდა და სიკეთით სავსე გულსაც. მკითხველს ესსომება, რომ ბ. მაღლენი ბევრს კითხულობდა, და ახლა ამას უან ვალუჟანი განაგრძობდა. საბაასო მასალაც ბევრი ჰქონდა და გონებრივი თვითგანვითარებით მიღწეული მჭევრმეტყველებაც. ცხოვრების მწვავე ვარამისა იმდენილა დარჩენოდა სწორედ, რომ შეემცირობინა მისი ხშირად გადაჭარბებული გულკეთილობა და ბაღში როცა იყვნენ, მიყრუებულ ხეივანში, უან ვალუჟანი ბევრს უამბობდა, ბევრს უხსნიდა და განუმარტავდა იმისთანას, რაც ჯერ გაუგებარი იყო კოზმეტისთვის. ყურს უგდებდა ქალი და თვალს ავლებდა იქაურობას.

ეს ალაღმართალი კაცი სავსებით აკმაყოფილებდა კოზმეტის სულიერ მოთხოვნილებას და ეს გავლენურებული ბალი - მის გრძნობას. რომ დაიღლებოდა პეპლების დევნით, უან ვალუჟანთან მიიბრუნდა დაქანცული და ახარებდა, - უჰ, რამდენი ვირბინო. და ისიც შუბლზე კოცნიდა.

აღმერთებდა მამობილს კოზმეტი. სულ უკან სდევდა. კარგად იქ გრძნობდა თავს, საცა უან ვალუჟანი იყო. და რადგან უან ვალუჟანი არც სახლში იყო, არც ბაღში, ბავშვიც უფრო ხშირად უკანა მოკირწყლულ ეზოში თამაშობდა, ვიდრე ყვავილებით სავსე ბაღში. და უფრო ხშირად მამობილის უბრალოდ მოწყობილ ოთახში იყო, ვიდრე თავის მორთულ-მოკაზმულ სახლში. ხანდახან სიცილით ეტყოდა ხოლმე უან ვალუჟანი და ნეტარებით ევსებოდა გული, რომ მას ასე ხშირად ანუხებდნენ:

- ნაღი შენს სახლში! მართო დამტოვე ცოტა ხანს!

კოზმეტმაც იყოდა საყვედური, უფრო გულწრფელი, მით უფრო ტკბილი, რომ ბავშვისგან იყო მამისადმი მიმართული, როგორც დარეგება:

- მამა, ლამის გავიყინო თქვენს ოთახში, რატომ ხალიჩას არ გააშლევინებთ და ღუმელს არ აანთებთ?

- ეჰ, შეილო! რომ იყოდე, რამდენია ჩემზე უკეთესი, რომ ჭერიც კი არა აქვს და ცისქვეშ გლია ამ ცივ ზამთარში.

- მამ, ჩემს ოთახებში რაღად თბილა? იქ რაღად ავია ის ხალიჩები?

- იმიტომ, რომ შენ ქალი ხარ, და მერე ბავშვი.

- ვაი! მამ კაცები უნდა იყინებოდნენ?

- ზოგიერთი.

- ძალიან კარგი. მეც ასე ხშირად მოვალ და ისე დიდხანს დავრჩები თქვენთან, რომ იძულებული იქნებით ცეცხლი აანთებინოთ.

მერე პურზე გადაეკიდა:

- მამა, მაგ საძაველ პურს რად მიირთმევთ?

- იმიტომ, შვილო, რომ ასე უნდა.
- ჰოდა, თუ აგრეა, მეც შავ პურს გიხსლებით.

იმისთვის, რომ კოზეტს მართლა არ ეჭამა შავი პური, თვითონაც თეთრი პურის ჭამა დაიწყო.

ბავშვობისა თითქმის აღარაფერი ახსოვდა კოზეტს. დილა-სალამოს ყოველთვის თავის დედას ავედრებდა ღმერთს, თუმცა აღარ ახსოვდა. ტენარდიე ჩარჩენოდა მესხიერებაში, ცოლ-ქმარი. ორი საშინელი, საზიზღარი ჩვენება. ისიც ახსოვდა, რომ ერთხელ ღამე ტყეში იყო მარტოდმარტო წყლის მოსატანად. სადღაც შორს ეგონა მომხდარიყო ეს ამბავი, პარიზიდან ძალიან შორს. ისე აგონდებოდა წარსული, ვითომ ღრმა, ბნელ ორმოში ყოფილიყო და უან ვალჟანს ამოეყვანა იმ სიღრმიდან; კიდევ კარგი, რომ ამოეყვანა, თორემ იქ სულ გველები ეხვია თავისი წარმოდგენით, ობობები და ცხრაფეხა ჭიები. რომ ჩანებოდა ღამე ლოვინში და ჩაფიქრდებოდა, - ნეტავ, მართლა მამა არის ჩემი უან ვალჟანი? - მოუვლიდა ფიქრი, რომ მისი დედის სული ჩასდგომოდა უან ვალჟანს, რომ თავის შვილთან ეცხოვრა.

მიუჯდებოდა ხოლმე მამობილს, ლოყას მიადებდა მის ჭაღარა თმას, ჩუმად გადმოაგდებდა ცრემლს და იძახდა:

- იქნება დედაჩემი არის ეს კაცი, ასე რომ ვუყვარვარ.

მონასტერში აღზრდილ ქალს, ჯერ ისევ ბავშვს, არაფერი გაეგებოდა დედობისა, და იმ აზრს დაადგა, რომ ძალიან ცოტა დედა ჰყავდა, ძალიან ცოტა, ისე რომ სახელიც კი არ იყოდა მისი. მართალია, ჰკითხავდა ხოლმე უან ვალჟანს, - დედაჩემს რა ერქვაო, მაგრამ პასუხს არ აძლევდა მამობილი. თუ გაუმეორებდა კითხვას, ჩააცივდებოდა, უან ვალჟანი იღიმებოდა და პასუხს მაინც არ აძლევდა. ერთხელ კი ისე ჩააცივდა, რომ უან ვალჟანის ღიმილს ცრემლიც გადმოჰყვა.

ბნელში ხვევდა კოზეტს უან ვალჟანის ღემილი.

რად უმაღავდა? სიფრთხილით იყო, მიცვალებულისადმი პატივისცემით, თუ შიშით, - სხვის ვისიმე მესხიერებას როგორ ვანდო იმ უბედურის სახელით.

მანამ ბავშვი იყო კოზეტი, სიამოვნებით ელაპარაკებოდა უან ვალჟანი თავის დედაზე, და რომ წამოიზარდა, შეუძლებლად ეჩვენა მისი ხსენება. ისე იყო, რომ ვეღარ ბედავდა კოზეტთან დედამისის მოგონებას. კოზეტს უფრთხილდებოდა, თუ დედას არ ადარდებდა? საშინელი შიში ერეოდა, სარწმუნოებრივი, როდესაც წარმოიდგენდა, რომ შეიძლება კოზეტს გულში ჩარჩეს ფანტინი და ამგვარად მკვდარი ჩაერიოს მათ ცხოვრებაში, წმინდად მიაჩნდა ფანტინი, წამებულად, მაგრამ მაინც საშობრად მისი ჩარევა. ფანტინზე ფიქრობდა და ღემილი ერეოდა. რაღაც ჩრდილს ხედავდა ბნელში მკრთალად და ისე ეჩვენებოდა, თითქოს თითი მიედო პირზე, - ჩუმად იყავით! მეტად მორცხვი იყო ფანტინი. ცხოვრების ვარამმა მთლად დააკარგვინა მორცხვობა. ახლა? - ნუთუ უკანვე დაუბრუნდა მორცხვობა, უკვე გარდაცვლილს, ახლა სდარაჯობს აღმფოთებულს, რომ საფლავშიც კი აღარავინ დაარღვიოს მისი მოსვენება? ნუთუ თავისდა უნებურად თვითონაც განიცდიდა იმ ჩრდილის ბრძანებას უან ვალჟანი? ჩვენ გვნამს სიკვდილი და, მამასაღამე, არა ვართ იმათგანი, რომელთაც უაზრობად ეჩვენებათ ეს საიდუმლოებრივი განმარტება. ეს იყო მიზეზი, რომ შეუძლებლად მიაჩნდა ფანტინის სახელის ხსენება იმის ქალთან.

ერთხელ კოზეტმა უთხრა:

- წუხელის დედაჩემი ვნახე სიმარში. ორი ფრთა ჰქონდა, დიდრონი, ალბათ წმინდა იყო თავისი ცხოვრებით.

- თავისი წამებით, - დაუმატა უან ვალუჟანმა.

საერთოდ კი ბედნიერად გრძნობდა თავს უან ვალუჟანი.

ერთად რომ წავიდოდნენ სადმე, მამობილის მკლავს ეყრდნობოდა კოზეტი, ამაყი, ბედნიერი, გულდამშვიდებული. გრძნობდა ამ დიდ სიყვარულს უან ვალუჟანი. ცხადად ხედავდა და ნეტარებას განიცდიდა. თრთოდა საწყალი კაცი, ისე ერეოდა ანგელოზებრივი სიხარული; ალტაცებით იმშვიდებდა თავს, - ასე ვიქნებით, მანამ ცოცხალნი ვართო. სულ იმას ფიქრობდა, - ღირსი არა ვარ ამ ნეტარებისა; იმდენი ტანჯვა არ გამოვივლია, რომ ასეთი ბედნიერება დამემსახურებინაო, - და გულის სიღრმიდან მაღლობას სწირავდა ღმერთს, რომ ასე შეაყვარა ის, განწირული, ანგელოზივით უმანკო არსებას.

თავი მეხუთე

ვარდი ამჩნევს, რომ ომის იარაღი გამხდარა

ერთხელ შემთხვევით ჩაიხედა კოზეტმა სარკეში და დაიძახა: - ოჰო!

თითქმის ლამაზად ეჩვენა თავი და ამან უცნაურად ააღელვა.

აქამდე არც უფიქრია გარეგნობაზე. კოზეტი იხედებოდა სარკეში, მაგრამ თავის თავს არ უკვირდებოდა. გარდა ამისა, ხშირად სმენია, როგორც ამბობდნენ მასზე, - ლამაზი არ იქნება, რომ გაიზრდებო. მართო უან ვალუჟანი ეტყოდა ხოლმე ტკბილად, - არა, შვილო, არა! - მაგრამ მასაც არ სჯეროდა და ყოველთვის იმ აზრისა იყო, რომ ლამაზი არ არის. ეს სწამდა და ამ რწმენით, ბავშვურად ადვილად მიღებულით, წამოიზარდა, და აი, უცბად სულ სხვა უთხრა სარკემ, სწორედ ისე, როგორც უან ვალუჟანმა იცოდა: - არა, შვილო, არა!

ძილი არ მოჰკიდებია იმ ღამეს.

- იქნებ მართლა ლამაზი ვარ! რა კარგი იქნება, რომ ლამაზი ვიყო!

ამხანაგები აგონდებოდა, პანსიონელები, რომელთა სილამაზე განთქმული იყო მონასტერში და იძახდა:

- როგორ? მეც ისეთი ვიქნები, როგორც ის კეკლუცი ქალბატონი?..

მეორე დღესაც მივიდა სარკესთან, ოღონდ შემთხვევით კი არა, მთელი ღამის ფიქრების გადასაწყვეტად და ეჭვი მოერია:

- რამ გადამრია წუხელის? რის სილამაზე? რა სილამაზე? მე გონჯი ვარ.

არც კი სძინებია წინა ღამეს. ფერმკრთალი ადგა, თვალმიღებული. წუხელის რომ ლამაზად ეჩვენა თავი, არც ძალიან გახარებული იყო ამ აღმოჩენით; მაგრამ დღეს კი ძალიან დალონდა, რაკი ნახა, რომ შეცდომით მოეჩვენა თავისი სილამაზე. აღარ მიეკარა სარკეს და თმასაც კი ისე ივარცხნიდა მთელი ორი კვირის განმავლობაში, რომ ზურგს უკან ჰქონდა მატყუარა სარკე.

სადამოხანს სადილს შემდეგ ჩვეულებრივ ქარგას მიუჯდებოდა ხოლმე კოზეტი, ან სხვა რამ მონასტერში ნასწავლ ხელსაქმეს. უან ვალუჟანიც გვერდზე უჯდა ყოველთვის და უკითხავდა რამეს. როგორღაც თვალი მოაშორა ქარგას, უან ვალუჟანს შეხედა და გაკვირვებული დარჩა, მწუხარებით საესე თვალთ შეჰყურებდა მამობილი.

ერთხელ კიდევ, ქუჩაში რომ მიდიოდა, უკანიდან მოესმა ვიღაცის ხმა:

- ლამაზი ქალია. ოღონდ უშნოდ ჩაცმული.

არც კი მიბრუნდა, რომ ენახა ამ სიტყვის მოქმედი:

- იპ, ჩემზე არ იტყოდა ამას, მე ლამაზი არა ვარ და მორთული კი ვარ.

თივითკის კაბა ეცვა და ბამბის ხავერდის ქუდი ეხურა.

თავის ბაღში იყო ერთხელ და ყური მოჰკრა, როგორ ეუბნებოდა ბებერი ტუსენი უან ვალუჟანს:

- ხედავთ, ბატონო, როგორ გალამაზდა პატარა ქალბატონი? - ის კი ვეღარ გაიგონა, რა უთხრა ამაზე მამობილმა. მაგრამ ბებერი დედაკაცის ნათქვამმა იმდენად დიდი შთაბეჭდილება იქონია ქალზე, რომ მაშინვე შინისკენ გაიქცა, ავარდა თავის ოთახში, ეცა სარკეს. სამი თვე იყო, სარკეში აღარ ჩაეხედა. ჩაიხედა სარკეში და ისე მოეწონა თავისი მშვენიერება, რომ უცხად შეჰყვირა ალტაცებულმა.

ლამაზიც იყო და მშვენიერიც! ძალაუვნებურად დაეთანხმა ტუსენის ნათქვამს თუ არა, თავის სარკეს.

ტანმალალი ქალი იყო, წერნეტა წელი ჰქონდა, თეთრი კანი, ვარდისფერი ღაწვი, დიდრონი თვალები, რომელთაც რაღაც ახალი ალი წაჰკიდებოდა. ერთმა წამმა იკმარა, რომ სრული რწმენა აღმოჩენილიყო მის შეგნებაში თავისი სილამაზისა. ან რაღა იყო საეჭვო? სხვებზე ამას ამბობდნენ, ტუსენმა იგივე თქვა; ცხადია, ქუჩაშიც მასზე იყო ნათქვამი, - ლამაზია, მაგრამ უშნოდ ჩაცმულიო. - არა, ეჭვი შეუძლებელი იყო და ქალი ბაღში ჩავიდა. დედოფლად ეჩვენებოდა თავი. ჩიტების გალობა ესმოდა იმ შუა ზამთარში, მონწენდილი ელანდებოდა ცა, მზის სხივს ხედავდა ყველგან, ხეებში, ყვავილების ბუჩქებში. შემლილივით იყო გახელებული, გამოუთქმელი სიხარულით ალტაცებული.

უან ვალუჟანს კი მწუხარება ერეოდა, სევდით უცვებდა გულს.

რამდენიმე ხანი იყო, გულისწუხილით ხედავდა, როგორ დღითი დღე ემატებოდა კოზეტს მშვენიერება და კველუცობა. ის, რაც ბრწყინვალე განთიადი იყო სხვებისთვის, მისთვის მწუხრი გამხდარიყო.

საგულისხმოა, რომ კარგა ხანია, ასე იცვლებოდა კოზეტი და თვითონ კი ვერას ამჩნევდა. სიმშვენიერის მოულოდნელი სხივი ეფინებოდა ნელ-ნელა კოზეტს და ამ სხივს ვერ გაუძლო უან ვალუჟანის მოღუშულმა თვალმა. გრძნობდა, რომ ამას მოჰყვებოდა შეცვლა მისი ბედნიერი ცხოვრებისა. იმდენად ბედნიერი იყო კაცი, რომ ფიქრითაც კი ვერ ხედავდა რისიმე შეცვლას, - სულაც არ დაგვარგო ჩემი ნეტარებაო. მრავალი უბედურება ენახა საბრალოს. მრავალი სულიერი ჭრილობა ჰქონდა, ჯერაც მოუშუშებელი; ავი კაცი იყო ერთხანს, თითქმის ბოროტი; ახლა ლამის წმინდანად გარდაქმნილიყო. კატორღის ჯაჭვი მაინც სდევნიდა უბედურს, მართალია უხილავი, მაგრამ მეტად მძიმე, ჯაჭვი საზოგადოებისგან ჩასაქვავებლად განწირულია, კანონის მიერ დევნილია. რომ დაეჭირათ, უხილავი სათნოებიდან ისევ ყველასთვის სანახავ სინბილეში გადაიყვანდნენ და ჯაჭვს შეაბამდნენ. ყველაფერს აიტანდა ეს კაცი, ყველაფერს მოითმენდა, ყველაფერს აპატიებდა, ყველაფერს მოიწონებდა და აკურთხებდა, აღარაფერი უნდოდა ღვთის, ბედის, ხალხის, კანონების, საზოგადოების, ბუნებისა და ქვეყნიერებისგან, ოღონდ კოზეტს ჰყვარებოდა.

ღიახ, ოღონდ კოზეტს ჰყვარებოდა!

სულ იმას შესთხოვდა ღმერთს, - კოზეტის სიყვარული არ მომიშალო, ჩემია დღეს ამ ბავშვის გული და ჩემად დარჩეს, სანამ ცოცხალი ვარო.

კომეტს უყვარდა იგი და ამით იყო დამშვიდებული, განკურნებული, მოსვენებული, დაჯილდოებული, დაგვირგვინებული. კომეტს უყვარდა და ცოცხალი იყო. სხვა აღარაფერი უნდოდა. რომ ეკითხათ, - უკეთესი გინდა რამეო? - არაო, - უპასუხებდა, თვით ღმერთს რომ ეკითხა, - ცათა შინა ყოფნა გინდაო? - არაო, - უპასუხებდა, - ბევრს წავაგებო.

სულ წვრილმანი რამ რომ შეხებოდა კომეტის ცხოვრებას და იოტისოდენი წაეხდინა, თუნდაც მარტო ზედაპირზე, მაინც შიშით ავსებდა ჟან ვალჟანს და ისე ეჩვენებოდა, როგორც დასაწყისი დიდი უბედურებისა. არ იცოდა, და არც ოდესმე სცოდნია, რა არის ქალის სილამაზე; მაგრამ ალღოთი გრძნობდა, რომ საშინელი რა უნდა ყოფილიყო.

კოხტად იშლებოდა ვარდი, უფრო და უფრო ტურფა და მომხიბლავი; იშლებოდა ჟან ვალჟანის გვერდით, მის თვალწინ და ისიც შიშით შეჰყურებდა საკუთარი სიგონჯის, სიბერის, სიღარიბის, განწირულებისა და დამცირების სიღრმიდან თავის ტოროლას. გრძნობდა, რომ ხელიდან გამოაყლიდა ეს სილამაზე ერთადერთ ნუგეშს.

- რა ლამაზია ეს საძაგელი! - იძახდა ჟან ვალჟანი, - მერე მე? მე რაღა მომელის უამისოდ?

ამით განსხვავდებოდა მამობილისა და დედის სიყვარული: ის შიშით და მწუხარებით ხედავდა ქალის ვალამაზებას, დედას კი ნეტარებითა და ტკბილი იმედით აევისებოდა გული.

მალე აღმოჩნდა პირველი ნიშნები ამ სილამაზის შედეგებისა.

კომეტმა მეორე დღესვე, რაკი სარკემ დაარწმუნა, რომ კოხტა, ლამაზი იყო, მეორე დღესვე დიდი ყურადღებით ჩაიყვანა ტანისამოსი და მოიკაზმა. იმ კაცის ნათქვამი ედგა ყურში, ქუჩაში რომ გაიგონა, - ლამაზია, მაგრამ უშნო ჩაქმულიო, - ყურში ედგა, თითქოს მისანი ყოფილიყოს, ეთქვას თავისი და გამქრალიყოს. ტოროლას კი გულში ჩაეტოვებინა თესლი იმ ორი ნეტარებისა, რომლითაც სულდგმულობს ქალი: თესლი კეკლუცობისა. მეორე თესლი - სიყვარულისა ჯერ არსად იყო.

თავისი სილამაზე უნდა სწამდეს ქალს, რომ მასში გაიშალოს სული დედაკაცისა. ზიზღით შეხედა თივთივის კაბას და სირცხვილით ბამბის ხავერდის ქუდს. რაც უნდა ეთხოვა, ყველაფერს აუსრულებდა მამობილი. მას ერთბაშად შეეთვისებინა მთელი მეცნიერება კოხტა კაბისა და ზედატანისა, მოხდენილი ქედისა და ფეხსაცმლისა, კოჰნი გულისპირისა და მაჯებისა, მშვენიერი ქსოვილისა, სახის მომხიბლავი ფერისა, - მთელი ის მეცნიერება, რომელიც ისე ამშვენებს პარიზელ ქალს, გულწარმეტყველ ქმნის და თან საშიშრადაც. პარიზელი ქალისთვის არის გამოგონილი სიტყვა - ეშხით დამთრობი.

ერთი თვე არც კი დასჭირდა პატარა კომეტს, რომ უდაბური ბაბილონისა და პლუმეს ქუჩაში მცხოვრები ერთი მშვენიერთაგანი გამხდარიყო, რაც დიდ მიღწევას წარმოადგენდა, და საუკეთესოდ მორთულიც, რაც აუცილებლად საჭირო არის ლამაზი ქალისთვის. ძალიან უნდოდა კიდევ შეხვედროდა სადმე იმ გამგელეს, რომ ენახა, - ახლა რაღასა ბრძანებდა? - რომ ჭკუა ესწავლებინა მისთვის. მშვენიერება იყო, ყველაფრით შემკული და აგრეთვე გემოვნებითაც, - საკვირვლად კარგად ცნობდა, ვისი მოკაზმული იყო ქალის ქედი, აქერარის თუ დ-ერბოსი.

მწეხარებით შესცქეროდა ყოველივე ამას უან ვალუჟანი. გრძნობდა, რომ თვითონ მხოლოდ ცოცვა შეეძლო, სიარული, თუ მეტი გნებავთ, და ხედავდა, რომ ფრთებს ისხამდა კოზეტი.

თუმცა ქალი თუ დააცქერდებოდა მის ტანსაცმელს, მაშინვე მიხვდებოდა, რომ დედა არ ჰყავდა ამ კეკლუეს. ბევრი რამ გამოჰპარვოდა კოზეტს წვრილმანი, მაგრამ აუცილებელი. დედა რომ ჰყოლოდა, ეტყოდა, რომ ყმანვილმა ქალმა, გასათხოვარმა, არ უნდა ჩაიყვას არაფერი ქაშისა.

ჰირველად რომ მოირთო კოზეტი და სასეირნოდ წავიდა ქაშის ახალი, მოკლე წამოსასხამით და თეთრი მარმამის ქელით, მკლავში გაუყარა უან ვალუჟანს ხელი და ისე მისდევდა ჩვეულებრივად, ოღონდ მხიარული იყო, აღტაცებული, ვარდივით მშვენიერი, ამაყი, თავმოწონი.

- როგორ მოგწონვართ, მამიკო, ასე მორთული?

- მშვენიერი ხარ, შეილო, - უთხრა უან ვალუჟანმა იმ ხმით, რომელიც შურიანის სიმწრით წარმოთქმულს ჰგავდა.

ჩვეულებისამებრ ისეირნეს იმ დღეს. შინ რომ მივიდნენ, კოზეტს ჰკითხა:

- იმ კაბას აღარ ჩაიყვამ, გუშინ რომ გეცვა?

კოზეტის ოთახში იყვნენ. მიბრუნდა კოზეტი განჯინისკენ, სადაც მისი ტანისამოსი ეკიდა, სხვათა შორის პანსიონელის ფორმის კაბაც, და თქვა:

- ამ საზიზღრობას? აბა, რად გინდათ, მამიკო, რომ ესენი მეცვას? ოჰ, ღმერთმა დამითაროს! მაჯლაჯუნასა ვგავარ, ეს რომ მაცვია.

მწარედ ამოიოხრა უან ვალუჟანმა.

წინათ სულ იმას ეხვეწებოდა კოზეტი, - ჩემთან იყავით, წურსად წახვალთ, მე თქვენთან უფრო ვერთობით, - და ახლა კი სულ იმას სთხოვდა, - გავიდეთ, გავისეირნოთო. მართლაც, რად უნდა ქალს წერწეტი წელი და ტურფა სახე, თუ შინ იჯდება და არავის დაანახევებს?

ისიც შენიშნა უან ვალუჟანმა, რომ წინანდებურად აღარ სწყალობდა კოზეტი უკანა ეზოს და მამობილის ოთახს. უფრო ბაღში ტრიალებდა, ან ბაღის მოაჯირთან დასეირნობდა. დაღონებული იყო უან ვალუჟანი და, ეს რომ ნახა, ფეხი ამოიკვეთა ბაღიდან; უკანა ეზოში იყო, როგორც ძაღლი.

იყოლა კოზეტმა, რომ ლამაზი იყო და დაჰპარვოდა სიკეთე ამის უვიცობისა. ტკბილი სიკეთე, რადგან უვიცობით დამშვენიებული სილამაზე სათნოებად ხდება, და არაფერია ისეთი წარმტაცი, როგორც უმანკო მშვენიერება, რომელსაც ხელში უჭირავს სამოთხის გასაღები, და ის კი არ იცის, რის პატრონია. მაგრამ თუ ცოტა რამ დაჰპარვოდა ბავშვური უცოდნელობისა, სამაგიეროდ, ბევრი შეეძინა ჩაფიქრებული მშვენიერებით. სიყმაწვილის სიხარულით იყო აღსავსე, უმანკოებითა და სილამაზით, მაგრამ მაინც ჩაფიქრებული იყო და დაღონებული.

ამ დროს იყო, რომ ექვსი თვის უნახავს შეხვდა მარიუსი ლუქსემბურგის ბაღში.

თავი მეექვსე

დასაწყისი ბრძოლისა

კოზეტი თავის ბაღში, მარიუსი თავის ოთახში, მარტოდმარტონი იყვნენ და ნაპერწკალსდა მოელოდნენ, რომ ცეცხლი ნაჰკიდებოდათ. განგება იყო, რომ

იღუმალი მოთმინებით უახლოებდა ერთმანეთს ამ ორ არსებას, უკვე აღვსილი ვნების ცეცხლით. ისე მომზინებოდათ გული სიყვარულისთვის, როგორც ელვით სავსე ღრუბელს ჭექა-ქუხილისთვის, და ისღა აკლდათ, შეხვედროდნენ სადმე ერთმანეთს და ერთი თვალის გადაკვრით შეერთებულიყვნენ აღგზნებული სულით.

ისე ხშირად ნახავთ ჩვენს სიყვარულის რომანებში ამ „ერთი თვალის გადაკვრას“, რომ ბოლოს სულაც უსაფუძვლოდ ცნეს და უარყვეს. დღეს ვეღარავინ ბედავს თქვას, რომ - შეიყვარეს, რადგან ერთმანეთს უყურებდნენო, - და ნამდვილად კი სწორედ ამით იწყება სიყვარული, და მართო ამით სწორედ. დანარჩენი თან მოსდევს ამას. არაფერია იმისთანა მძლავრი, როგორიც ეს ბიძგი, ერთმანეთს რომ წაჰკრავს ორი არსება და ცეცხლს აუნთებს.

კოზმეტმა რომ შეუეცნობლად მზერა ესროლა მარიუსს და აათრთოლა, მარიუსმაკ იმიოვე უჰასუხა და ააღელვა კოზმეტი.

გული დაუჭირეს ერთმანეთს და ნეტარებით აუვსეს.

კარგა ხანი იყო, ხედავდა კოზმეტი მარიუსს, უყურებდა, ათვალიერებდა, როგორც ქალბებმა იყიან, - ხედავენ და ათვალიერებენ, თუმცა თვალით სხვაგან იყურებიან. - ჯერ არ მოსწონდა მარიუსს კოზმეტი და კოზმეტს კი ლამაზ ბიჭად მიაჩნდა მარიუსი; მაგრამ ყურადღებას არ აქცევდა მარიუსი და ისიც იყო თავისთვის, დამშვიდებული.

მანც იძულებული იყო ეღიარებინა, რომ მშვენიერი თმა ჰქონდა იმ ყმაწვილს, ლამაზი თვალები, ტკბილი ხმა, - ბაღში შეხედებოდნენ ხოლმე მარიუსს ამხანაგები და იმათ საუბარსაც ისმენდა ხანდახან, - კარგად ვერ დადიოდა, მართალია, მაგრამ უხდებოდა თავისი იერი; ჭკვიან ბიჭს ჰგავდა, პატიოსანს, გულკეთილს, თავმდაბალს, მაგრამ თავმოყვარეს და ამაცს. ღარიბს ჰგავდა, მაგრამ ღირსეულს.

ბოლოს რომ თვალი გადაჰკრავს ერთმანეთს და უცბად ამცნეს გულისნადები, ეს პირველი ჩუმი და გამოუთქმელი აღსარება, რომელსაც თვალი გამოხატავს, კოზმეტმა ჯერ ვერც კი გაიგო ეს მუნჯი ენა. ჩაფიქრებული მოადგა დასავლეთის ქუჩას; ჩვეულებისამებრ უნა ვალჟანნი იქ გადასულიყო მაშინ ექვსი კვირით. მეორე დილას რომ გაიღვიძა, მაშინვე ის უცნობი ყმაწვილი კაცი მოაგონდა. ამდენი ხნის განმავლობაში გაყინულ ბრმასავით მავალი, დღეს რომ შემოხედა კოზმეტს. თითქოს არც ძალიან იამა მისი ყურადღება: ცოტა არ იყოს, გაჯავრებულიც იყო იმ ლამაზი ყმაწვილი კაცის საქციელით. „რა, აქამდე კი ბრმა იყო, რომ არ კადრულობდა სანყალი კოზმეტის შემჩნევას? მაგაზე ნუ იქნება, თორემ თვითონ უარესს უზამს“. და სიხარულით აევსო გული, ჯერ ისევ ბავშვური სიხარულით, როდესაც დაემუქრა.

იცოდა, რომ ლამაზი იყო და გრძობდა, თუმცა ბავშვურად, შეუგნებლად, რომ კარგად იყო შეიარაღებული. ისე თამამობენ თავისი სილამაზით ქალები, როგორც ბავშვები კალმის დანით და გულსაც იჭრიან.

რა იცოდა პატარამ, როგორ ყოყმანობდა მარიუსი, როგორ თრთოდა, ვეღარ ბედავდა იმათი სკამისკენ გავლას. იჭდა თავის სკამზე, ანუ თუ სერნობდა, იმათ სკამს ვეღარ უახლოვდებოდა: და სწორედ ეს აჯავრებდა კოზმეტს. ერთხელ უნა ვალჟანს სთხოვა, - მოდი, ახლა აქეთ ჩავისეირნოთო, - რომ მარიუსისკენ გაეელოთ. რაკი ნახა ბოლოს, რომ მარიუსი არ მოდიოდა, თვითონ წავიდა მისკენ. ამგვარ შემთხვევაში მაჰმადსა ჰგვანან ქალები, გარდა ამისა, ნამდვილი სიყვარულის პირველი ნიშანი კაცის მხრივ მოკრძალება არის და ყმაწვილი ქალისა გამხედაობა. საკვირველია,

მაგრამ სრულიად ბუნებრივი: ორი სქესი, ერთმანეთთან დაახლოების მონატრულნი, ერთიმეორეს უცვლიან თვისებებს.

იმ დღეს კი გადახედა კომეტმა მარიუსს და გააგიჟა კაცი. გადახედა მარიუსმა კომეტს და აათრთოლა ქალი. მარიუსი იმედიანად წავიდა შინისკენ, კომეტი კი მოუხვენრად იყო. იმ დღიდან ისინი აღმერთებდნენ ერთმანეთს.

პირველი განცდა კომეტის სიყვარულისა იყო ღრმა ჭმუნვა, გამოურკვეველი. ისე გრძნობდა თავს, თითქოს ერთი ღამის განმავლობაში მთლად მიღამებულიყო მისი სული. ვეღარ სცნობდა თავის სულს. სპეტაკი სინმინდე ყმანვილი ქალისა, ცივი და მხიარული, თოვლივით არის დ უმაღვე დნება სიყვარულისგან, რადგან სიყვარული მზე არის, მისი მდნობი.

ჯერ არაფერი იცოდა კომეტმა სიყვარულისა. ჯერ არსად გაეგონა ეს სიტყვა, მონიერი მნიშვნელობით წარმოთქმული. მონასტერში შემავალ მუსიკის წიგნებში სიყვარულის, „ამურის“, მაგივრად ან „ტამბური“ იყო ჩანწერილი, ესე იგი დოლი, ან „ჰანდური“, ესე იგი უნგრელი ჯარისკაცი, ბრიყვი, გათლელი. ამით იყო რომ სიმღერა გამოყანას წარმოადგენდა მოზრდილთათვის, სრულიად გაუგებარს: „აჰ, რა ტკბილია ტამბური“. ან კიდევ: - „სიბრალოელი ხომ ჰანდური არ არის“... მაგრამ ისევე ბავშვი იყო მონასტერში ყოფნის დროს და „დოლსაც“ ტკბილად მღეროდა და „ჰანდურსაც“. ამიტომ იყო, რომ არ იცოდა, რა სახელი ჰქონდა იმ გრძნობას, რომელიც ასე მორეოდა. თავისი ავადმყოფობის სახელი შეიძლება არ იცოდეს კაცმა, მაგრამ მანაც იტანჯებოდეს.

მით უფრო მეტად უყვარდა კომეტს, რომ სიყვარულისა არაფერი იცოდა, და მარტო გრძნობდა. არ იცოდა, კარგია თუ ავი ეს სიყვარული, სასარგებლო თუ მავნებელი, მაცოცხლებელი თუ მომაკვდინებელი, მარადი თუ წარმავალი, ნებადართული თუ აკრძალული? სიყვარულს გრძნობდა და განცვიფრებული დარჩებოდა, რომ ეთქვა ვინმეს: - მაშ, ძილი გაგიკრთათ? არა გრცხვენიათ! მადა აღარ გაქვთ! ხომ არ გაგიჟებულხართ? გული გინუხთ, გულისცემას უჩივით... ახია თქვენზე! ხან ჭარხალივით აწითლდებით, ხან ფერი მიგდით და ყვითლდებით, ხეივანში რომ დაინახავთ ვიღაც შავად მოსილ ყმანვილს? აი, შევარცხვინათ ღმერთმა! - ვერაფერს გაიგებდა ამ რისხვისას და გულწრფელად უპასუხებდა:

- ჩემი რა ბრალია? მე ამისი არაფერი ვიცი და არაფერი შემიძლია.

კარგი ის იყო, რომ გული სწორედ იმ სიყვარულით ჰქონდა სავეს, რომელიც შეეფერებოდა მის სულიერ განწყობილებას. ერთგვარი თაყვანისცემა იყო ეს სიყვარული, შორით შმერა, შორით ტკბობა, გაღმერთება უცნობისა. ეს იყო სიყმანვილისა და სიჭაბუკის შეხვედრა, ტკბილი სიზმარი რომანად ქცეული, მანაც სიზმრად დარჩენილი; ოცნება, უკვე განხორციელებული, მაგრამ ჯერ მას არც სახელი ჰქონდა, არც დანაშაული, არც რამე მნიკვლი, არც მოთხოვნილება, არც ნაკლი; ერთი სიტყვით, საყვარელი ჰყავდა კომეტს შორეული, გაიდვალელებული, ოცნება ხორცშესხმული. უფრო ახლოს რომ შეხვედროდნენ, შეხებოდნენ ერთმანეთს, შეშინებული იქნებოდა კომეტი, იუცხოვებდა, რადგან ჯერ ისევე მონასტრის მიერ შთავონებული სჯიდა ყველაფერს. ბავშვური შიში არ მოეშორებინა ჯერ კიდევ და ამას მონაზვნური შიშიც ემატებოდა. მონასტრის შთავონებებით იყო გაუღენთილი, ძალიან ნელა თავისუფლდებოდა მათი გავლენისგან და ყველაფერი საშირად ეჩვენებოდა და ასარიდებლად. იმ ყოფაში იყო კომეტი, რომ მისთვის ლანდი იყო საჭირო და არა

მისდამი ტრფიალით გახელებული სიყვარული. თაყვანს სცემდა მარიუსს, როგორც რაღაც მომხიბლავ, ნათელმოსილ, შორეულ არსებას.

და რადგან უაღრესი უმანკოება უაღრესი კეკლეუცობის მოსაზღვრეა, გულწრფელად უღიმოდა თავის ოცნებას.

მოუთმენლად მოელოდა ყოველდღე იმ დროს, როდესაც სასეირნოდ მოდიოდნენ. იქ ხედავდა მარიუსს, უსაზღვრო ბედნიერებით ევსებოდა გული და ღრმად სწამდა, რომ გულწრფელად გამოთქვამდა თავის სულიერ განწყობილებას, უან ვალჟანს რომ მიმართავდა აღტაცებული:

- რა მშვენიერი რამ არის ეს ლუქსემბურგის ბაღი!

ბნელში იყვნენ ერთმანეთისთვის კოზმეტი და მარიუსი: ჯერ არ იცნობდნენ ერთიმეორეს, არ ლაპარაკობდნენ, საღმის მიცემასაც კი ვერ ბედავდნენ. ხედავდნენ ერთმანეთს და, როგორც ვარსკვლავები ზეცაში, რომელთა განმაცალკევებელი მანძილი მილიონობით ითვლება, ერთმანეთის ცქერით სულდგმულობდნენ.

კოზმეტი ნელ-ნელა იზრდებოდა განვითარება ერთეოდა და ქალი ხდებოდა, ლამაზი, სიყვარულით გატაცებული ქალი, თავისი სილამაზის სრული შეგნებით და სიყვარულის სრული შეუგნებლობით. კეკლეუცი იყო. კეკლეუცი იყო მეტისმეტად, კეკლეუცი თავისი შეუგნებლობის გამო.

თავი მეშვიდე

სევდას სევდა ერთვის

თავისი ალლო აქვს ყოველ მდგომარეობას. ბებერი, მაგრამ მარადი დედაბუნება ყრუდ აგრძობინებდა უან ვალჟანს მარიუსის სიახლოვეს და კანკალებდა კაცი, რომ გაიტაცებდნენ ბნელი ფიქრები. არაფერს ხედავდა საეჭვოს, არაფერი იცოდა და მანაც ეჭვის თვალთ შეჰყურებდა ყველაფერს, თითქოს გრძობს, რომ მის გვერდით შენობას აგებენ დიდს და მეორე გვერდით კი რაღაც ინგრევა ისევე დიდი.

მარიუსიც გაეფრთხილებინა ამ დედაბუნების ალლოს და ყოველ ღონისძიებას ხმარობდა, დამალვოდა ქალის „მამას“. მაგრამ ვერ ახერხებდა დამალვას და უან ვალჟანი თვალს მოჰკრავდა ხოლმე ხანდახან. უცნაური იყო მარიუსის იერი, ბუნებრიობას სრულიად მოკლებული. სიფრთხილე საეჭვო ჰქონდა და კანდიერება უხერხული.

ძველებურად ახლოს აღარ გაუვლიდა ხოლმე, დაჯდებოდა შორს საღმე და იჯდა ისე აღტაცებული. წიგნი ეჭირა გაშლილი, ვითომ კითხულობდა, მაგრამ წიგნიც ვერ შეელოდა მის განზრახვას. ან რა საჭირო იყო ეს ვითომ? წინათ ძველი, სამინაო ტანისამოსით მოდიოდა ბაღში, ახლა კი ყოველთვის ახალს იცვამდა, სასეირნოდ რომ დააპირებდა წასვლას. იქნებ თმასაც იხუჭუჭებდა. უცნაური თვალთ იყურებოდა, ხელთათმანს იცვამდა. მოკლედ რომ ვთქვათ, უან ვალჟანს გულით სძულდა ეს ყმანვილი კაცი.

კოზმეტს ვერაფერს ატყობდა უან ვალჟანი. დანამდვილებით არ იცოდა ტოროლამ, რა სჭირდა იმ დროს, მაგრამ იმას კი კარგად გრძობდა, რომ დასამალი იყო, რაც აწუხებდა და ახარებდა.

საეჭვო შეთანხმებას ხედავდა უან ვალჟანი კოზმეტში აღძრულ ახალი ტანისამოსით და სამკაულებით გატაცებაში და უცნობი ყმანვილი კაცის მორთულობაში. შეიძლება,

უბრალო შემთხვევა ყოფილიყო ეს ერთდროულობა; დიახ, შემთხვევითი უნდა ყოფილიყო ეს გარემოება, მაგრამ მაინც შექარად ეჩვენებოდა უან ვალჟანს.

კომეტს თავის დღეში არაფერს ეტყოდა ამ უცნობის შესახებ. მაგრამ ერთხელ ვედარ შეიკავა თავი, გულს უკლავდა შიში, სასონარკვეთილება ერეოდა და მანაც მოუთმენლად, მოულოდნელად მოსინჯა თავისი უბედურების სიღრმე.

- რა გაბერილი დადის ეს ყმანვილი კაცი!

ერთი წლის წინათ რომ ეთქვა კომეტისთვის ეს სიტყვა, როდესაც გულგრილი ბავშვი იყო, გულწრფელად უპასუხებდა:

- მავას როგორ ბრძანებთ? პირიქით, მშვენიერება!

ათი წლის შემდეგ, მარიუსისადმი სიყვარულით გულსავსე, უპასუხებდა:

- მართალს ბრძანებთ, გაბერილი, საძაგელი!

იმ დროს კი, სიცოცხლისა და სიყვარულის იმ ყოფაში, მოკლედ მოუჭრა მშვიდად, გულცივად:

- რომელი ყმანვილი კაცი, ისა?

ისე უპასუხა, თითქოს ჯერ არსად ენახა ის ყმანვილი კაცი და ახლა თვითონ უან ვალჟანმა დაანახა აქამდე უნახავი.

„რა სულელი ვარ! - ფიქრობდა უან ვალჟანი, - ყურადღებას არ აქცევდა ბავშვი და ლამის თვალი აუხილო ჩემი დაუფიქრებლობით“.

ეს გახლავთ მიაშიტობა სიბერისა და სიღრმე ბავშვისა.

ესეც კანონი არის მწუხარებითა და სიფრთხილით ჩამწარებული პირველი სიყვარულისა, დაბრკოლებათა ასაცილებლად ბრძოლით გახელებულისა: ყმანვილი ქალი გულთმისანივით აიყდენს მახეს, ყმანვილი ვაჟი კი მაშინვე შიგ გაეხმის.

ჩემი ბრძოლა დაუნყო მარიუსს უან ვალჟანმა და მან კი ამისი ვერაფერი გაიგო, რადგან გაგიჟებული იყო სიყვარულით, ჯერ სრულიად გამოუცდელი. მრავალი მახე დაუგო უან ვალჟანმა, - ხან სეირნობის დრო შეცვალა, ხან სკამი, ხან ცხვირსახოცი დატოვა, ვითომ დაეინყებული, ხან მართო მივიდა ბაღში. ამას ვერაფერს ხედავდა მარიუსი და თავდაღუნული ძვრებოდა მის გზაზე დაგებულ მახეში. ჩემ ძიებას აწარმოებდა უან ვალჟანი, ხმის ამოუღებლად ჰკითხავდა მარიუსს, და ისიც - დიახ, აგრეაო, - უპასუხებდა გულწრფელად ყოველ მის კითხვას. კომეტს კი მაგარი ციხე აეგო გარეგანი შეურყევლობისა და სიმშვიდისა, და ყინულზე აცურებდა მოხუცებულ მამობილს.

- გაგიჟებულია კომეტისადმი სიყვარულით ის დოყლაპია, და კომეტმა კი ისიც არ იცის, რომ არსებობს ის სულელი ბიჭი.

დასკვნა იყო და დამშვიდება კი არა. მაინც რაღაცას სწუხდა გული და კანკალი აუვარდებოდა, ის დოყლაპია რომ მოაგონდებოდა: დღეს იქნებოდა თუ ხვალ, ხომ კომეტსაც გაიტაცებდა სიყვარული. განა ასეთი შეუმჩნელობით არ იწყება სულ ყველაფერი?

ერთხელ იყო მხოლოდ, ფეხი წაუსხლტა კომეტს და ძალიანაც შეაშინა მამობილი. სამი საათი იყო, ბაღში ისხდნენ და, რომ წამოინია უან ვალჟანმა შინ წასასვლელად, ქალს მოულოდნელად წამოსცდა:

- ასე ადრე?

ბაღში სიარული კი მაინც არ დაიშალა უან ვალჟანმა, რადგან არ უნდოდა დაერღვია რითიმე ცხოვრების ჩვეულებანი და მით არ გაემჟღავნებინა კომეტისთვის

თავისი ეჭვი. ამ სეირნობის დროს, როდესაც რამდენიმე საათის განმავლობაში ნეტარებით ტკბებოდნენ შეყვარებულნი, კომპეტო ღიმილით ატკბობდა მარიუსს და ისიც ქალის ემხით მოვრალი, აღტაცებული აღარაფერს ხედავდა ამქვეყნად, გარდა თავისი სალოცავის მშვენიერი სახისა, უან ვალჟანი გაცეცხლებულ, აღშფოთებულ თვალს არ ამორებდა მარიუსს. ხომ მრწამსად მიაჩნდა რწმენა, - ავს აღარსად გავიტარებ გულშიო, - მაინც, მარიუსს რომ დაინახავდა, გრძნობდა, ლამის გაგიჟებულიყო, გაცოფებულიყო კაცი. ძველებური მხეცური ბრაზი აღექვრებოდა გულში, სადაც უნინ გამშაგებისა და შურისძიების მეტი არაფერი გააჩნდა. ხანდახან ისე მოერეოდა ბრაზი, განცვიფრებული ეკითხებოდა თავს, - ნუთუ ისევ მხეცად ვხდები ადამიანიო?

- აგერ, ისევ აქ არის! რას დაეხეტება? რად არის ყოველთვის ამ ხეივანში? სხვაგან ვერ ისეირნებს? რა უნდა, რა, რომ სულ უკან გვდევს, გვითვალთვალეებს, გვზვინებს? რა უნდა და, ცდა ბედის მონახევრეაო, თავს დასტრიალებს სატრფოს, რომ ხელთ იგდოს როგორმე და გაიტაცოს.

- ასეა, ასე! რას დაეძებს, რა უნდა? დროს გატარება და გამარჯვება. მერე მე რაღა ვარ? როგორ? ტყის ნადირივით უეცი ვიყავი, ავისა და კარგის გარჩევა არ ვიცოდი, საზიზღარი ვიყავი, ბედკრული; დაჩოქილი ვყავდი ცხოვრებას, ტანჯვისა და წვალების მეტი არაფერი მინახავს. აგერ სამოცი წლისა ვარ კაცი; ისე დაბებრდი, რომ სიყმანვილე არ მინახავს, არც ოჯახი მყოლია, არც ცოლი, არც შვილი, არც ნათესავი, არც მეგობარი; შრომით გავატარე ჩემი სიცოცხლე; გულკეთილი ვიყავი, თუმცა ავად მექცეოდნენ ყოველთვის; მიუხედავად ამისა, დავიმორჩილე ბოროტება. პატიოსნება დავისახე ცხოვრების მიზნად, მოვინანიე ჩემი წარსულის ბოროტება. მზად ვარ შევუნდო მოყვასს ყოველი ავი... და სწორედ იმ დროს, როდესაც დაჯილდოებულად მიმჩნია თავი, როდესაც ბოლო მოელო ჩემს წამებას, როდესაც მეგონა, მივალნიე-მეთქი ჩემს მიზანს, როდესაც ყველაფერი მაქვს, რაც კი მინდა, ხელიდან მართმევენ, უნდათ გულიდან მომგლიჯონ ჩემი სულის ჩამდგმელი. რაღად მინდა სიცოცხლე, თუკი კომპეტო არ მეყოლება? აღარც სიხარული შემრჩება უიმისოდ, აღარც გული და აღარც სული, მხოლოდ იმიტომ, რომ ვიღაც ბრეყვდა მოისურვა ხეტიალი ჩვენს ახლოს, ბაღში!.. - ცეცხლს აფრქვევდა განრისხებული. ადამიანი კი აღარ იყო, რომელიც ადამიანს შესცქერის; მტერი კი აღარ იყო მტრის წინაშე; არა, გაათვრებული ძალდი იყო, რომელიც ქურდს ხედავს.

დანარჩენი ვიცით; ისევ ისე გაუფრთხილებლად დარჩა მარიუსი. ერთხელ კვალდაკვალ მიჰყვა კომპეტს დასავლეთის ქუჩის სახლამდე. ერთხელ კიდევ მეკარეს დაუნყო კითხვა. მეკარემ თავის მხრივ უან ვალჟანს მოახსენა:

- ვინ გახლავთ, ბატონო, ის ცნობისმოყვარე ყმანვილი, თქვენს ამბავს რომ კითხულობს?

მეორე დღეს ისეთი თვალით გადახედა უან ვალჟანმა, რომ არ შეიძლებოდა, მარიუსს ყურადღება არ მიექცია ამისთვის და ერთი კვირის შემდეგ ხომ ბინაც გამოიცვალა. დაიფიცა, - აღარ გავიფლი არც ლუქსემბურგის ბაღში, არც დასავლეთის ქუჩაზეო, - და პლუმეს ქუჩას დაუბრუნდა.

კომპეტო კი არას ჩიოდა, არას ამბობდა, არაფერს ჰკითხავდა, არ ეხებოდა მიზმს, ამ ჩვეულებრივი უარყოფისას, უკვე გრძნობდა, რომ სიფრთხილე იყო საჭირო, რომ არ გავცა თავისი საიდუმლოება. უან ვალჟანმა არაფერი იცოდა ამ სიფრთხილისა,

გამოცდილება არ ჰქონდა ამ მომხიბლავი საიდუმლოების გამოცნობისა, და ამიტომ იყო, რომ ვერ მიხვდა, რა მნიშვნელოვანი საფუძველი ჰქონდა კოზეტის დუმილს. შენიშნა მხოლოდ, რომ დაღონებული იყო ქალი და თვითონაც მწუხარება მოერია. ერთმანეთს ებრძოდა ორი გამოუცდელი.

და ერთხელ გამოსაცდელად მიმართა კოზეტს:

- მოდი, ლუქსემბურგის ბაღში გავისეირნოთ, გინდა?

სიხარულით გაუბნაყინდა სახე ტოროლას.

- დიახ, წავიდეთ!..

შევიდნენ ბაღში. სამი თოვე იყო იქ აღარ გაეგლოთ. აღარც მარიუსი დადიოდა. არც იმ დღეს იყო მარიუსი.

მეორე დღეს ხელახლა მიმართა იმავე კითხვით:

- თუ გინდა, ლუქსემბურგის ბაღში წავიდეთ.

ნელი, სევდიანი ხმით უპასუხა კოზეტმა:

- არა, არ მინდა...

ეს დაღონება აბრაზებდა უან ვალჟანს და სიმშვიდე კი გულს უჩუყებდა.

რას დაემოწმებინა ასე ამ ყმაწვილი ქალის ფიქრი და გონება? რას ჩაემალა ასე მიუწვდომლად? რის მომასწავებელი იყო ეს მდგომარეობა? რის მოლოდინში უნდა ყოფილიყო სანყალი კაცი? რა მოელოდა პატარა კოზეტს? და იმის მაგივრად, რომ დაწოლილიყო და დაეძინა, მთელი ღამე იჯდა ხოლმე სანოლთან და მწუხარებით ეკითხებოდა თავს: - ნეტავ რას ფიქრობს ჩემი კოზეტი? თვითონაც იმას ფიქრობდა, რაც მისი აზრით, კოზეტს უნდა ჰქონოდა საფიქრებელი და სამწუხარო.

მაშინ მოაგონდებოდა მწარე ოხვრით და სინანულით მონასტერი, ეს წმინდა მწვერვალი, ეს სავანე ანგელოზებისა, ეს მიუვალი საყინულე უმანკოებისა. ტუბილი აღტაცებით შეჰხაროდა სასონარკვეთილი მონასტრის ბაღს, წალკოტს, ყვავილებითა და დამწყვდელი ქალწულებით სავსეს, სადაც ზეცისკენ მიიწევს მთელი სურნელება და ყოველი სული. თავყანს სცემდა ამ სამუდამოდ დაკეტილ ედემს, საიდანაც თვითონვე გამოვიდა. დიახ, შეუწყნარებელი შეცდომა დაუშვა და იღუპება. თავგანწირვით ცდილობდა კოზეტის ბედნიერებას. ეს მიზეზი იყო, რომ ამ წადილით აღტაცებულმა თავი გასწირა, უარყო პირადი უშიშროება და, ღმერთი გაუწყრა. გამოვიდა მონასტრიდან, რომ ქვეყანაში გაეყვანა კოზეტი.

ეჰ, უბედური იყო და უბედურია! უბედური გმირი თავგანწირვისა, თავისივე თავგანწირვით ნაქცეული და გათელილი! - და თავში იცემდა ხელს, - ეს რა ჩავიდინეო!

კოზეტს კი არაფერს აგრძნობინებდა, არც დაღონებას, არც სევდას. ყოველთვის ისეთი იყო მასთან, როგორიც წინათ, ალერსიანი და მხიარული. ოღონდ ახლა უფრო ნაზად ექცეოდა, უფრო მშობლიურად, ვიდრე წინათ. თუ იყო რამე გამყვამი მისი სულიერი მწუხარებისა, მეტისმეტი გულთბილობა და ღმობიერება.

კოზეტსაც სევდა მორეოდა. დაკარგა მარიუსი და ეს იყო, რომ გულს უკლავდა, ისე, როგორც ნეტარებით უვსებდა შორიდანვე მისი დანახვა. სწუხდა და ვერ გაეგო ან დანახვა რად ახარებდა, ან მიმალვა რად ჰგვრიდა სევდას? რომ მოსპო უან ვალჟანმა ლუქსემბურგის ბაღში სიარული, ქალის ალღომ ჩასჩურჩულა შიგ გულისგულში: - ნუ შეამჩნევენ, რომ იქ გინდა გასეირნება. რაკი ნახავს, რომ არავითარ უპირატესობას არ აძლევ ამ ბაღს, თვითონვე წაგიყვანსო. - მაგრამ დღე დღეს მისდევდა, თვე თვეს,

გადიოდა ხანი, კოზეტის ჩუმი თანხმობით დაკმაყოფილდა უან ვალუანი და აღარ დაარღვია ეს თანხმობა. ბევრი ინანა კოზეტმა, მაგრამ გვიანდა იყო. ერთხელ, მამობილის წინადადებით რომ წავიდა ბაღში, მარიუსი იქ აღარ დახვდა. გამქრალიყო მარიუსი, აღარ მოჩანდა. რაღას იზამდა სანყალი ქალი? შეხედებოდა საღმე, კიდევ რომ ეძებნა? გული მისდიოდა და მშველელი არავინ ჰყავდა. აღარაფერი ახსოვდა. არც კი იცოდა, ზამთარი იყო თუ ზაფხული, წვიმდა თუ მზე კაშკაშებდა, მისის ვარდი ყვაოდა ბაღში თუ ასკილი. აღარ ახსოვდა აღარც ლუქსემბურგის ბაღის მშვენება, აღარც ტუილერისა. იმასაც კი აღარ ამჩნევდა, რამდენად კარგად იყო დაუთოვებელი მრეცხავის მიერ მოტანილი სარეცხი, ან რამდენად კარგად მოიარა ბაზარი ბებერმა ტუსენმა და რა მოიტანა დღეს საჭმელად. დაღონებული იყო. გულის ტკივილითა და ფიქრებით გატაცებული იჯდა და შესცქეროდა გამტერებით ერთ ალაგს, თითქოს რაღაც მოეჩვენა წყვდიადში და მყისვე მიიმალოა.

როგორც უან ვალუანი, ისიც მაგრად იყო და ცდილობდა არ გაემუღავნებინა სევდა. ფერი დაკარგა და ამის მეტი არაფერი ეტყობოდა, მით უფრო, რომ ისევ ისე ტკბილი ანგელოზი იყო.

მაგრამ ესეც საკმარისი აღმოჩნდა უან ვალუანისთვის.

შეხედავდა თერმინდილს და ჰკითხავდა:

- რა დაგემართა, შვილო?

და ისიც მოკლედ მოუჭრიდა, ტკბილად:

- არაფერი...

რამდენიმე ხნის დუმილის შემდეგ, რადგან კარგად ხედავდა, რომ უან ვალუანსაც აწუხებდა რაღაც, თუმცა ცდილობდა ამის დამალვას, ახლა ის ჰკითხავდა:

- თქვენ, მამიკო? თქვენ რაღა დაგემართათ?

- მე, არაფერი, - უპასუხებდა უან ვალუანი.

ორნი იყვნენ ამქვეყნად, გაგიჟებით უყვარდათ ერთმანეთი, ერთმანეთით და ერთმანეთისთვის არსებობდნენ, და ახლა კი ერთიმეორესთან, სევდით მოცულნი, იტანჯებოდნენ და ხმას ვერ იღებდნენ, ვეღარ უზიარებდნენ ერთმანეთს თავიანთ სევდას.

თავი მერვე

კატორლის ბორკილები

უან ვალუანი უფრო უბედური იყო, ვიდრე კოზეტი. სიყმანვილე, სევდით მოცულიც კი, საკმაო შუქს ინარჩუნებს თავისთვის. ხანდახან ისე წუხდა ხოლომე უან ვალუანი, რომ ბავშვურად იწყებდა მსჯელობას. ასე იცის დიდმა სევდამ, ადამიანში ხელახლა აღძრავს ბავშვობას. ცხადად ხედავდა, რომ ხელიდან ეცლებოდა კოზეტი. უნდოდა დაეჭირა, შებრძოლებოდა, სხვა რამ დიდებულით, ბრწყინვალით მოეხიბლა და წარეტაცა მისი გონება. ბავშვური იყო ეს ფიქრი. ეს უკვე ვთქვით, და თან ბებრულიც. ამგვარი ბავშვური ფიქრების წყალობით იყო, რომ იმ საკმარისად მართალ აზრსაც მიაგნო, რომ დიდი გავლენა აქვს ყმანვილ ქალზე სამკაულებსა და მორთულობას. ერთხელ ქუჩაში ცხენით მიმავალი ფორმის ტანისამოსიანი გენერალი გრაფი გუტარი, პარიზის კომენდანტი დაინახა და შური მოერია, ოქროთი დამშვენებული ტანისამოსი რომ ეცვა. - რა ბედნიერი ვიქნებოდი, მეც რომ იმნაირი ტანისამოსი მეცვას! - იფიქრა

ჟან ვალჟანმა, - ასე დიდებულად მორთული რომ ვცოლოდი კოზეტს. მოხიბლული იქნებოდა ტიუიორის კართან რომ გავივლიდით, და დაინახავდა, როგორ მესალამებთან დარაჯები მხედრული წესით, ესეც იკმარებდა, რომ საბოლოოდ გამოეფხიზლებინა და დაევიწყებინა ყმაწვილი ბიჭიო.

ერთი მოულოდნელი გარემოებაც ჩაერია ჟან ვალჟანის მწუხარე ფიქრებში.

განმარტოებულნი იყვნენ ყოველთვის და, პლუმეს ქუჩაზე რომ იქირავეს სახლი, ერთი ახალი ჩვეულებაც შეეძინათ. მზის ამოსვლის სანახავად წავიდოდნენ ხოლმე სადმე ქალაქგარეთ; ეს სიამოვნება ერთნაირად მოსწონთ ცხოვრებაში შემავალთაც და ცხოვრებიდან გამავალთაც.

დილაადრიანად სეირნობა, თუ კაცს მარტობა უყვარს, ღამისას უდრის, მაგრამ დილას ბუნება უფრო მხიარულია. ქუჩებში არავინ ჩანს, ფრინველთა ვალობა ისმის. კოზეტაც ჩიტუნისასავით ადრე დგებოდა. წინაღამითვე ემზადებოდნენ ამ ადრიანის სეირნობისთვის. ჟან ვალჟანი სთავაზობდა, კოზეტი თანხმობას აცხადებდა. შეთქმულებივით ემზადებოდნენ და მეორე დღეს, ისევ ღამიანად მიდიოდნენ ქალაქის გარეუბნისკენ. ძალიან მოსწონდა კოზეტს ეს სეირნობა.

ჟან ვალჟანს თავის მხრივ მიყრუებულ, მივიწყებულ ადგილებში უყვარდა სიარული, სადაც სხვა არავინ დაიარებოდა. პარიზის სადარაჯოების იქითა მიდამოებში ხშირი იყო იმ დროს პატარა ყანები, ძალიან ახლოს ქალაქის სახლებთან; ზაფხულში უხეირო პური მოჰყავდათ ამ ყანებში და, რაკი მომკიდნენ, ისეთი გახოკილი იყო ეს მიწები, თითქოს ცუცხლი ნაუკიდეს, რომ ნამჯა აღარსად დარჩენილიყო. ამგვარი ადგილები უფრო მოსწონდა ჟან ვალჟანს. არც კოზეტმა იცოდა იქ მოწყენა. ჟან ვალჟანი მარტობით ტკბებოდა, კოზეტი - თავისუფლებით. მინდორში რომ გავიდოდა, ისევ პატარა გოგოდ გრძნობდა თავს. დარბოდა, თამაშობდა; კალთაში ჩაუდებდა თავის ქედს ჟან ვალჟანს და ყვავილების თაიგულებს კონავდა, პეპლებს დასდევდა, - ყვავილიდან ყვავილზე რომ გადადიოდნენ, - მაგრამ კი არ იჭერდა. სიყვარული ყოველთვის ღმობიერებას ქმნის და სიბრაულეს სუსტისადმი. ყმაწვილ ქალსაც, რომელიც ნამ, ათრთოლებულ იდეალს ატარებს, ცოდვად მიაჩნია პეპლის ფრთის დაზიანება. აგროვებდა ყაყაჩოს, წნავდა გვირგვინს და იმშვენებდა თავს. მზის სხივი სცემდა ყვავილის წითელ ფურცელს, აწითლებდა, შიგ ნავარდობდა და ისე უხდებოდა კოზეტის ნორჩ სახეს, თითქოს ყაყაჩო კი არა, გავარვარებული ცუცხლის ალი დაუნწავს გვირგვინადო.

მამინაც კი, როდესაც სევდამ მოიკვა მათი ცხოვრება, არ დავიწყებიათ ეს ჩვეულება და ძველებურად დადიოდნენ მზის ამოსვლის სანახავად.

ერთხელ, დილაადრიანად გაემგზავრნენ ასე სასეირნოდ. შემოდგომა იყო 1831 წლისა, კარგად ციოდა, მაგრამ ისეთი მზიანი დარი დაიჭირა, რომ ცოდვა იყო, არ ესარგებლათ ამით და ქალაქგარეთ არ გასულიყვნენ. ისევ ბნელოდა, როცა მენის სადარაჯოს გასცდნენ. ჯერ განთიადი არ იყო, გარიჟრაჟი იწყებოდა, მომხიბლავი და თან მკაცრი წუთი. მოკრიალებული იყო ზეცა, კაშკაშებდნენ ვარსკვლავები, შავად მოჩანდა მინა, მოუთმენლად თრთოდა ბალახი, ღერო, ბინდბუნდის იღუმალი ძრწოლა იყო, ზემოდან ტოროლას ვალობა ისმოდა, იმ სიმაღლიდან, იტყოდით, ისიც ვარსკვლავებს ჩარეგია, თაყვანსა სცემს უსაზღვროს და ამ პატარის ჰიში, უსაზღვროსადმი მიმართული, მშვიდობით ავსებს ცის სივრცესო. აღმოსავლეთით, ფოლადისფერ სინათლეში შავად გამოიყურებოდა ვალ-დეგრასის ტაძრის

მოხაზულობა, მისი გუმბათის უკნიდან მოჩანდა ბრწყინვალე ვენერა, თითქოს სული ყოფილიყოს ნათელმოსილი ბნელნაგებიდან ამომავალი.

სრული სიმშვიდე იყო ყველგან და სრული ღუმილი. არავინ ჩანდა ჯერ გზაზე გამვლელი. შორს, ქალაქის მხარეს აქა-იქ მუშა თუ გამოჩნდებოდა ქარხნისკენ მიმავალი.

ხეები ეყარა ერთ ხეტყის საწყობთან და ზედ ჩამოჰდა უან ვალჟანი. პირი გზისკენ ჰქონდა, ზურგი მზისკენ. ისე იყო ჩაფიქრებული, რომ ამომავალი მშვეც კი დავიწყებოდა. ღრმად ჩაძირულიყო მწუხარე ფიქრებში, აღარაფერი ახსოვდა სევდის გარდა, აღარას ხედავდა. ერთგვარი ფიქრი გაიტაცებს ხოლმე ადამიანს, რომელსაც შეიძლება შვეული ვუნდოთ. ამ ფიქრში რომ ჩაიძირება კაცი, პატარა ხანი უნდა, რომ ისევ სინამდვილეს დაუბრუნდეს. სწორედ ამ შვეულ ფიქრს ჩაეძირა უან ვალჟანი. კოზეტი ედგა თვალწინ, სრული ბედნიერება, თუ არაფერი აღიძროდა მათ შუა, ის ნეტარება, რომლითაც სავესე იქნებოდა მისი ცხოვრება, თუ კოზეტი თავისთან ეყოლებოდა. იჭდა და ფიქრობდა იმ შუეზე, რომლითაც კოზეტი ავსებდა მის ცხოვრებას და რომლითაც სულ სულდგმულობდა. ის თითქმის ბედნიერი იყო ამ ოცნებით, კოზეტის იქვე იდგა და შორეულ ღრუბელს შესცქეროდა, რომელსაც ვარდისფერი ეფიწებოდა ნელ-ნელა.

უცხად კოზეტმა შეჰყვირა:

- შეხედეთ, მამა! თითქოს ხალხი მოდის აქეთკენ.

უან ვალჟანმა გაიხედა.

მართლაც რაღაც მოჩანდა.

მენის ძველი სადარაჯოსკენ მიმავალი გბატკეცილი, როგორც ვიცით, გაგრძელებაა სევრის ქუჩისა და სწორკუთხედად არის გადაჭრილი ბულვარით. ბულვარის მხრიდან ისმოდა რაღაც ყრუ ხმაური, ძნელი გამოსარკვევი იმ დილაადრიადად, და რაღაც მოჩანდა განურჩეველი, არეული. ბულვარიდან მოიწვედა გბატკეცილისკენ.

ნელ-ნელა იზრდებოდა, ეტყობოდა, რაღაც წესს ემორჩილებოდა თავის მოძრაობაში, მაგრამ ირეოდა და იშლებოდა. ფორანს ჰგავდა უზარმაზარს, მაგრამ რით იყო დატვირთული, ეს კი არ ჩანდა. ცხენები გამოჩნდნენ, თვლები, ყვირილი გაისმა, მათრახის ტყლაშუნი. ნელ-ნელა მოიწვედა წინ რაღაცა იყო, უკვე მოჩანდა მისი მოხაზულობა, თუმცა ჯერ ისევ ბნელით იყო მოცული. მართლაც, ფორანი აღმოჩნდა, ბულვარიდან მომავალი სადარაჯოსკენ, სადაც უაჟ ვალჟანი დამჯდარიყო. ერთი ფორანის უკან მეორე გამოჩნდა, მერე მესამე, მეოთხე. სულ შვიდი იყო და ისე ახლოს მისდევდნენ ერთმანეთს, რომ ცხენების თავი ეხებოდა წინა ფორანის უკანა კოფოს. ხალხი იძროდა ამ ფორნებზე, რაღაც ბრჭყვილებდა ბნელში, თითქოს ბასრი ხმალი მოიქნიესო, ისმოდა წკრიალი, რომელიც ჯაჭვის ჟღარუნს წაავადდა. წინ მოიწვედა რაღაც უზარმაზარი, უფრო კარგად ისმოდა მისი მოძრაობა, ხმები. სიზმარში თუ მოეჩვენება რამე ამგვარი ადამიანს.

ყოველივე ეს უახლოვდებოდა უან ვალჟანსა და კოზეტს. ხეების უკან გარკვევით გამოჩნდა მოჩვენების სიმკრთალით. თენდებოდა ნელ-ნელა და ამ მოძრავე მოჩვენებასაც ხვდებოდა სინათლე, ამ ცოცხალ მოჩვენებას, რომელსაც თან მოჰყავდა მკვდრებით ფერმიხილი ადამიანები.

სინამდვილეში კი რა იყო:

გზაზე მწკრივად მოდიოდა შვიდი ფორანი. უცნაური აგებულებისა იყო წინ მიმავალი ექვსი: გრძელი ფიცრები ელაგა, ორი ვიწრო, რომლის წინა მხარე საკაცედ იყო მოწყობილი. ოთხი ცხენი ება თითოში, ოღონდ გამწკრივებულად. ფიცრებზე ადამიანები ისხდნენ მწკრივად, ბნელოდა და ჯერ არ ჩანდნენ, მხოლოდ მოხაზულობა იკვეთებოდა ადამიანისა. ოცდაოთხი კაცი იჭდა თითო ფორანზე, თორმეტ-თორმეტი ორივე მხარეს, ისე, რომ ზურგით ერთმანეთს ეყრდნობოდნენ და პირი ქუჩისკენ ჰქონდათ. ფეხები ძირს დაეშვათ. ზურგს უკან ჯაჭვი იყო გაშლილი, რომელზედაც მიბმული იყვნენ მწკრივად ოცდაოთხივე. კისერზე რკინის ოთხკუთხა საყელური ებათ. საყელური ყველას თავისი ჰქონდა. ჯაჭვი კი საერთო იყო, და ფეხით სიარული რომ დასჭირდებოდათ, ცხრაფეხასავით გაგრძელდებოდნენ გზაზე მწკრივად; ხერხემლად ეს ჯაჭვი ექნებოდათ. ყოველი ფორანის თავსა და ბოლოში ორ-ორი კაცი იდგა, ხელში თოფები ეჭირათ და ფეხქვეშ ჯაჭვი, რომელზედაც მიბმული იყო ოცდაოთხი კაცი. მუშვიდე ფორანი განიერი იყო, დიდი, რიკულიანი, დაუხურავი. ექვსი ცხენი ება და ძალიანაც იყო დატვირთული. წვრილ-წვრილი ქვაბები ეყარა შიგ, ტაფები, ჯაჭვი, ზედადგრები; იქვე რამდენიმე კაცი იწვა შეკრული, ალბათ ავადმყოფები. აქა-იქ წვეპლების დაშლილი კონები ეყარა, ეტყობოდა ადამიანის დასასჯელად ნახმარი.

შუა ქუჩაში მოდიოდნენ ეს ფორნები. აქეთ-იქიდან ორივე მხრივ ორ-ორ წყებად მისდევდნენ საშინელი შეხედულების ჯარისკაცები, დირექტორის დროის ფორმის ძველი სამკუთხედიანი ქუდებით, გასვრილები, ბინძურები, ინვალიდების დაგლეჯილტანისამოსიანები, მეჩირაღდნის დაგლეჯილი, ზოლიანი შარვლებით, ხმლით, თოფით, თან ჯოხით შეიარაღებულნი. ჭუჭყიანები იყვნენ, უბადრუკები, გლახის სიბუნჯავე ჰქონდათ, სიმკაცრე კი ჯალათისა. ერთს, ეტყობოდა, უფროსი უნდა ყოფილიყო, შოლტი ეჭირა ხელში. თენდებოდა ნელ-ნელა, სინათლე ეფივნებოდა ქვეყანას და უკვე გარკვევით ჩანდა ეს წვრილმანი. ამ ფორნებს წინაც ცხენოსანი ხმალამოლებული ჟანდარმები მიუძღოდნენ და უკანაც მწყობრად მოსდევდნენ.

იმდენად გრძლად გაჭიმულიყო ეს მოჩვენება, რომ მოწინავე ჟანდარმები სადარაჯოსთან მოვიდნენ და უკან მყოფნი კი ჯერ არ გამოსულიყვნენ ბულვარიდან.

ქუჩის ორივე მხარე უცბად გავსილიყო ხალხით, როგორც ყოველთვის იცის პარიზმა, და თან მოჰყვებოდა. მახლობელ ქუჩებში ყვირილი ისმოდა, - კატორღელები მიჰყავთო! - და ამ ყვირილს უერთდებოდა ხის ქოშების კაკუნი სერიის სანახავად სირბილით მომავალი ხალხისა.

გაჩუმებულიყვნენ ფორანში მსხდომი ტუსალები, ეტყობოდათ, სციოდათ, გაცრეცილები იყვნენ დილის სუსხით. შარვლები თხელი ტილოსი ეცვათ და ტიტველ ფეხზე ხის ქოშები. დანარჩენი ტანისამოსი ნაყოფი იყო გაჭირვებისა და უბედურებისა, საზარელი თავისი შეუსაბამობით. დაგლეჯილი, დახვრეტელი ქუდები, ჭუჭყიანი ძველი ხალათი და იქვე, მის გვერდით შავი, სახელოგახეხილი სერთუკები; ზოგს ქალის ქუდი ეხურა, ზოგს პატარა კალათი. პერანგის ხსენებალა აღარ შერჩენოდათ და ზოგს ბალნიანი მკერდი უჩანდა, ზოგს სვირინგით გამოსახული სატრფოს სახელი, დამწვარი გული, კუპიდონი, მაგრამ მუნუკებიც უჩანდა ზოგს და საეჭვოდ აწითლებული, დასივებული კანი, ორს თუ სამს წნელები მოეხათ რიკულისთვის, დაეშვათ ძირს და შიგ ჰქონდათ ფეხები გაყრილი, როგორც უზანგში. ერთს რაღაც ქვასავით შავი ეჭირა ხელში და პირთან მიჰქონდა, შავ პურს ჭამდა უბედური. ცრემლი აღარავის უჩანდა, ჩამრეტილი, ჩამკვდარი თვალილა შერჩენოდათ განწირულთ და,

თუ იყო ვინმე თვალცოცხალი, გაშმაგება უელავდა თვალში და ცოფის ალი. ბრამზობდნენ ჯარისკაცები, ლანძღავდნენ დაჯაჭვულებს. ისინი ხმას არ იღებდნენ. წამდაუნუმ გაისმოდა ხოლმე ჯოხის ხმა, ბეჭებში რომ ჩაჰკრავდნენ პატიმარს ან თავში. ზოგი მწარედ კვნესოდა, ზოგი ღრმად ამოქნარებდა.

გულსაკლავი სანახავი იყო ეს ხალხი: ფეხები ძირს დაეშვათ, თავით ერთმანეთს სცემდნენ, მთლად ირყეოდნენ იმ გრძელ ფიცარზე, ჯაჭვს ანკარუნებდნენ, ფორნისა და თავის მოძრაობით კვნესოდნენ, ოხრავდნენ, ცეცხლს ჰყრიდნენ, მუშტებს კუმშავდნენ ან უძრავად ეკიდათ ხელები, როგორც მკვდრებს. უკან ბავშვების ჯარი ასდევდნებოდათ გამაყრუებელი სიცილით.

გულსაკლავი სანახავი იყო ამ განწირულთა მწარე მგზავრობა. ხომ შეიძლებოდა, გაავდრებულყო, ცოტა ხანს, დღეს თუ არა ხვალ, ერთს მეორე მოჰყოლოდა და მთლად დაესველებინა ამათი ტანისამოსი. დასველდებოდნენ, რადგან არაფერი ჰქონდათ, რომ წამოეხსათ. და თუ დასველდებოდნენ, ვეღარ გაშრებოდნენ; გაცივდებოდნენ, და ვეღარც გათბებოდნენ. ტანზე მიეკვრებოდათ თხელი შარვალი, წყლით ავესებოდათ ხის ფეხსაცმელი, და მათრახის ტყლაშუნი ხომ ვერ დაფარავდა მათი კბილების კანკანის ხმას? გაჯაჭვული მიჰყავდათ, თითქმის ტიტვლები ამ შემოდგომის სიცივეში და ავდარში.

ჯოხი და მათრახი ხვდებოდა ყველას, თვით ავადმყოფებსაც, რომლებიც უვარგისი ბარგივით ჩაეყარათ მეშვიდე ფორანში, არაფერი დაეხურათ და, - ხმა არ ამოიღოთო, - მათრახით სცემდნენ.

მზე ამოვიდა. შუქი მოჰფინა ქვეყანას. სითბო აღუთქვა განწირულთ და გამოაცოცხლა მიმკვდარებულნი. ლაპარაკი დაიწყეს, ხუმრობა, ოხუნჯობა, გინება, სიმღერა. ფართოდ დაეცა შუქი და ორად გაყო ეს მგზავრები; თავი და ზურგი განათებული ჰქონდათ, ფორნის თვლები და ძირს ჩამომვებული ფეხები ჯერ ისევ სიბნელეში იყო. ფიქრი აჩნდა უბედურების პირისახეს. საშინელი იყო ეს წამი. ნიღაბი ჩამოეხსნათ ბოროტ სულთ, მთლად გაშიშვლებულიყო სიავე. მზე ანათებდა ამ ბედასლებს, მაგრამ მაინც შავად ჩანდნენ ყველანი. ზოგი აქაც არ იშლიდა ხუმრობას, ბატის ფრთა ჩაედო პირში და რალაც საზიზღრობას აჰკურებდა ხალხს, მეტადრე ქალებს. გათენების სხივი სცემდა ამ დასჯილთ და უფრო და უფრო ცხადყოფდა მათ ავკაცობას. ერთს ვერ ნახავდით, ცხადად რომ არ ჰქონოდა სიღარიბისა და გაჭირვების მიერ დასმული დაღი. ყველაზე საშინელი პირველი ფორანი იყო; მღეროდნენ, რაც ძალა და ღონე ჰქონდათ, ყვიროდნენ, ღრიალებდნენ ერთ სახელოვან სიმღერას დე-მოჟის ოჰერიდან „ვესტალი“. იდგა ხალხი და სულელური სიამოვნებით ისმენდა ამ აჩრდილთა სიმღერას.

აქ შეგროვილიყო ყოველი ბინი და უბედურება ადამიანისა და ქაოსურად არეულიყო ერთმანეთში. აქ იყო პირისახე ყოველი მხეცისა, ყმანჯილისა და მოხუცისა, მოზარდისაც კი; ზოგი თავმოტვლეპილი იყო, ჭალარანჯერიანი, ზოგს ოდნავ ეტყობოდა ღინღლი ნვერ-ულვაშისა. აქ იყო საზიზღარი ცინიზმი, ნაძალადევი მორჩილება, გიჟური სიცილი, მხეცური მიხრა-მოხრა. ზოგს ღორს უგავდა თავი, ზოგს - ყმანჯილ ქალს, ყურებზე ჩამომვებული კულულებით, ზოგი კი ბავშვს მოგაგონებდათ და მით უფრო საზარელ და საცოდავ შთაბეჭდილებას ახდენდა. ჩონჩხივით გამხდარი ერია ზოგიერთი, იმდენად ჩამომხმარი, რომ ცხადი იყო, სიკვდილის მეტი აღარაფერი აკლდა. პირველ ფორანზე ერთი ზანგი იჯდა. იქნებ მონად იყო ოდესმე უბედური და,

მამასადამე, შეეძლო შეედარებინა ძველი და ახალი ბორკილები. სამარცხვინო მორევში ჩაცვნილიყვინ ცველანი და ერთნაირად გასვრილიყვინ თავით ფეხამდე. ღრმად ჩაეძირა ამ მორევს ეს უბედურები, ჩამოებანა, თუ კიდევ ჰქონდათ რამე ადამიანური და ბოროტების მსახურად გარდაექმნა ცველანი. უეცოლა სირეგვინდ შესცვლოდათ და ცოდნა სასონარკვეთილებად. შეუძლებელი იყო ამორჩევა, ერთმანეთზე უარესები იყვინ ცველანი, როგორც საუკეთესო წარმომადგენლნი ბინიერების მორევისა. ცხლად ჩანდა, აზრადაც არავის მოსვლოდა ამ უბედურების შესაფერად დალაგება და ერთად იყვინ შემთხვევით მიჯაჭვულნი მგელი და ძალი, ალბათ გვარის პირველი ანბანის მიხედვით. ერთი რამ გვაზინყდება ამ შემთხვევაში: ერთად რომ შეიყრებიან ბინიერება, აკვაცობა და ვერავობა, მაშინ ნაყოფსაც გამოიღებენ. ერთ უბედურებას ხომ ზედ სხვა დაერთვის და მერე კიდევ სხვა, ჯარის ამოყრასლა ცდილობს და თავსაც გასწირავს. ყველა ჯაჭვს საერთო სული ედგა, და განსაკუთრებული იერი ჰქონდა ყოველ ფორანს. ერთზე რომ მხიარულად მღეროდნენ, მეორეზე მწარე ქვითინ ისმოდა, მესამეზე ხელგანვიდლნი ისდნენ უბედურები და მონყალებას სთხოვდნენ მაყურებელ ხალხს. ერთზე კბილების ღრჯენა იყო, მეორეზე მუშტმოღერებული მუქარა და ღვთის გმობა. უკანასკნელზე სამარისებური ღუმლი იდგა. დანტეს რომ დაენახა, - ჯოჯოხეთის შვიდი წრე ვნახე მოძრავით, - იტყოდა.

თავისი სასჯელისკენ მიჰყავდათ უბედურები, ჯოჯოხეთში სანამებლად, ოღონდ აპოკალიფსის ცეცხლისმფრქვევი ეტლების მაგივრად, რომაელებით, დასახოცად დანიშნულებსავით ჩაეყარათ ფორანებში.

ერთ დარაჯს რკინის კავი ჰქონდა გრძელ ჯოხზე და ხშირად შეატრიალებდა ხოლმე ტუსალებში, - ფრთხილად, თორემ!..

ბებერ დედაკაცს მაყურებელ ხალხში პატარა ბიჭი ეჭირა ხელში, ხუთი წლისა. აჩვენებდა ბავშვს შებორკილ კატორღელებს და არიგებდა:

- შეხედე, შეხედე! ჯვინანდ იყავი, თორემ შენც ეგ მოგვლის!..

ძალიან იმატა სიმღერამ, უფრო ძალიან ლანძღვა-ვინებამ, და ჯარის უფროსმა კაპიტანმა გაატკაცუნა შოლტი. ამ ნიშანს სეტყვა მოჰყვა, - სეტყვასავით დაეცათ უბედურებს მათრახი და ჯოხი, შვიდივე ფორანზე, განურჩევლად ბრალიანისა და უბრალოსი. ამას ყვირილი მოჰყვა, ბრდღვინვა და ამას კიდევ მხიარული სიცილი ბიჭებისა, რომლებიც გარს ეხვეოდნენ და თან მისდევდნენ ამ საწყლებს, როგორც ბუზები დამპალ ლეშს.

სამინელი თვალთ შესცქეროდა ამ სურათს უან ვალჟანი. თვალი კი არ იყო, ამ საშინელებას რომ უყურებდა, შუმა იყო ჩაღრმავებული, რომლითაც შეეცვლებათ ხოლმე თვალი განწირულებს; ნამდვილისას ველარას ხელავენ, რადგან ცეცხლი ნაჰკიდებიათ საშინელი განსაცდელისა და წამებისა. შეჰყურებდა და ამათ კი არ ხელავდა, ძველ ტანჯვას განიცდიდა სულითა და ხორცით. უნდოდა ამდგარიყო, გაქცეულიყო, თვალი მაინც მოერიდებინა, მაგრამ ფეხი ვერ გაენძრია. მოხდება ხოლმე ხანდახან, უყურებს რამეს ადამიანი და ისეა გატაცებული, თითქოს შებოჭილი იყოს იმ სანახავით. ველარ განძრეულა, დგას გამემებული, გამტერებული, გამოუთქმელი რაღაც მწუხარება ერევა და თავის თავს ჰკითხავს განცვიფრებული, - რას ნიშნავს ეს მომაკვდინებელი დევნა და საიდან არის ეს ეშმაკთა კრება, რომ ასე სდევნის და გულს უწუხებს? - მერე, როგორც იყო, შუბლში იკრა ხელი, ჩვეულებრივი

მოძრაობა ხელისა, როდესაც უცბად გონებაზე მოდის გამტერებული, გონება მოიკრიბა, მოაგონდა, რომ ასეთი იყო კატორღელთა მგზავრობა; მოისაზრა, რომ ასე გზის მოვლა და გაგრძელება ჩვეულებრივი იყო, რადგან ფონტებლოზე რომ გამოეცლოთ, შეიძლებოდა მეფეს შეხვედროდნენ სადმე, და ისიც მოაგონდა, რომ ამ ოცდათხუთმეტი წლის წინათ თვითონაც სწორედ ასევე და ამ გზით მიდიოდა კატორღისკენ.

კოზეტიც ძალიან იყო შეშინებული; ჯერ არაფერი ენახა ამის მსგავსი და ვეღარაფერი გაეგო. სუნთქვა ეკვროდა. უყურებდა, შეუძლებლად მიაჩნდა ასე დამყირება ადამიანისა და, რომ ვეღარ გაუძლო გულმა, მწარედ შეჰყვირა:

- მამა, ვინ არიან ეს უბედურები?

ჟან ვალჟანმა უპასუხა:

- კატორღელები!

- მერე სად მიჰყავთ?

- კატორღაში!

ამ დროს ხელახლა ატყდა ჯოხის ტრიალი, მათრახის ტყლაშუნი. ამას ხმლის ყუით ცემა მოემატა და იმისთანა ყვირილი და ხმაური მოერია იქაურობას, თითქოს ცოფიანი ყოფილიყოს ჯოხიც და მათრახიც. მოიკუნტნენ ტუსალები, თავი დაიმალეს; ხმაურობის წილ ჩუმი სამარეცხვინო მორჩილებდა მოსჩანდა ყველგან. გაჩუმდნენ ყველანი, მაგრამ დაბმული მგლების თვალით უყურებდნენ თავიანთ მტარავალებს.

მთელი ტანით თრთოდა კოზეტი და კიდევ ჰკითხა:

- მამა, განა ესენი კი ადამიანები არ არიან?

- დროგამოშვებით...

ჯერ ისევ ბნელოდა, რომ ბისეტრის ციხიდან გამოეყვანათ ეს ტუსალები და მანსის გზისკენ გაეჭიბათ, რომ ფონტენებლოს ასცდნოდნენ, რადგან იქ იყო იმ დროს მეფე. ასე გზის მოვლა სამი-ოთხი დღით გააგრძელებდა ამ საშინელი მგზავრობის ვადას, მაგრამ სამ-ოთხ დღეს კი არა, სამ-ოთხ კვირას არ დაიშურებდნენ, ოღონდ მეფის ბედნიერი თვალისთვის არ დაენახებინათ ეს საზარელი სანახაობა.

გულმკვდარი დაბრუნდა შინ ჟან ვალჟანი. ამგვარს რომ ნახავს საწყალი კაცი, თითქოს ბიძგი წაჰკრეს მის გულისძირს, უცბად მოაგონდება წარსული და კვლავ განიცდის გარდასულ ტანჯვას.

შინისკენ წამოვიდნენ. ბაბილონის ქუჩაზე შევიდნენ. გაჩუმებული მიდიოდა კოზეტი. აღარას ჰკითხავდა ჟან ვალჟანს. იქნებ თვითონ ჟან ვალჟანი იყო იმდენად ჩაფიქრებული, რომ არც კი ესმოდა კოზეტის სიტყვა. მაგრამ ღამე კი, როდესაც დასაძინებლად გამოეთხოვა კოზეტი, მიმავლისგან გაიგონა ვალჟანმა ჩუმი ხმით წარმოთქმული, თითქოს თავის თავს ელაპარაკებო:

- ღმერთმა დამიფაროს და გზაში რომ შემხვდეს სადმე ასე ახლოს ერთი იმათგანი, მე მგონია, იქვე მოვკვდები.

კიდევ კარგი, რომ მეორე დღეს, - აღარც კი მახსოვს, რა უქმე იყო, ან რის დღეობა, - დიდი ზეიმი და დღესასწაული იყო პარიზში; ალღუმი გაიშალა მარსის მოედანზე, სენაზე - ნავებისა, განათებული იყო მთელი ქალაქი ჩირაღდნებით. გაჩაღებული იყო ელისეს მინდვრები თავისი თეატრებით.

ჩვეულებას გადაუხვია ჟან ვალჟანმა და, რომ გაერთო როგორმე კოზეტი, ქალაქში წაიყვანა ამ დღესასწაულის სანახავად. ცდილობდა გაექარებინა როგორმე

გუშინდელი შთაბეჭდილებანი და პარიზის მხიარულ ზეიმში დავეინყებინა ის საზარელი სურათი, რომელიც ასე გულსაკლავად ეჩვენა კოზეტს.

რაკი ალღუმი იყო, გვარდიელის სამხედრო ტანისამოსი ჩაიცვა უან ვალჟანმა, რომ უფრო დაუბრკოლებლად შესძლებოდა ხალხში სიარული, თუმცა გრძნობდა, რომ ასე არ უნდა მოქცეულიყო გამოქცეული. ამას გრძნობდა, მაგრამ ამაზე უფრო დიდი იყო მიზანი ამ სეირნობისა და გულში ჩაიმალა გრძნობა. აისრულა კიდევ მიზანი. კოზეტისთვის უმთავრესი ის იყო, რომ აესრულებინა მამის ყოველი სურვილი, და გარდა ამისა, ყმაწვილი იყო, ჯერ არ ენახა ამგვარი არაფერი და სიამოვნებით მიიღო ვალჟანის წინადადება, როგორც ყველა მოზარდმა იცის, სახალხო ზემის სანახავად რომ გაიწვევენ. ისე კარგად ჩაიარა ყველაფერმა, რომ უან ვალჟანს შეეძლო ეფიქრა, მივალწიე მიზანს და კოზეტს სულაც აღარ აგონდება გუშინდელი.

რამდენიმე დღის შემდეგ, ერთ მშვენიერ მზიან დღელს, ბაღის მხარეს აივანზე იყვნენ კოზეტიც და უან ვალჟანიც; უან ვალჟანი იმ დღეს ჩვეულებას არღვევდა აქ ყოფნით და კოზეტიც აგრეთვე, რადგან უკანასკნელ ხანს სევდა ერეოდა და დილით თავის ოთახში მართო იჯდა ჩაფიქრებული. ერთად იყვნენ აივანზე, კოზეტს ჯერ ისევ დილის ტანისამოსი ეცვა და ისე შვენოდა, თითქოს ვარსკვლავი ყოფილიყო ნისლით გარემოცული. მზის შუქი სცემდა, ვარდივით აწითლებული. აღტაცებული იყო შვილობილით უან ვალჟანი. ხელში გვირილა ეჭირა კოზეტს და ნელ-ნელა აცლიდა თითო ფურცელს. რა იყო, რომ ამ ყვავილზე არის შექმნილი თქმულება, ყოველ ფურცელს თავისი მნიშვნელობა აქვსო: მიყვარხარ... მიყვარხარ გაგიჟებით... და სხვ. ვინ ასწავლიდა მონასტერში, ან შემდეგ? ხელში ეჭირა, ფურცელს აცლიდა და აზრდაც არ მოსდიოდა, რომ რიდეს აცლიდა გულის საიდუმლოს. რომ ყოფილიყო ერთი კიდევ მეოთხე გრაცია, სახელად მელანქოლია, მაგრამ მცინარი, სწორედ კოზეტის სილამაზის და სიტურფისა იქნებოდა. უან ვალჟანი ტკბებოდა შვილობილით. თვალს არ ამორებდა მის წვრილ თითებს იმ პატარა ყვავილზე და ყველაფერი დავეინყებოდა მისი სიყვარულით მოხიბლულსა და დამტკბარს. ხეებზე ჩიტები ირეოდნენ და ჭიკჭიკებდნენ. თეთრი ღრუბელი იძროდა ცაზე გაჩქარებული, თითქოს ეს-ეს არის მოიპოვა თავისუფლება და მით ხარობსო. კოზეტი ყვავილს დასცქეროდა. ფურცელს აცლიდა ღრმად ჩაფიქრებული. აღტაცებული იყო უან ვალჟანი. უცბად ქალმა გედის ნარნარი მოძრაობით მიაბრუნა მისკენ თავი და ჰკითხა:

- მამა, რა არის კატორლა?

წიგნი მეოთხე

ქვემოდან შველა შეიძლება ზეგარდმო შველად იქცეს

თავი პირველი

ხორციელად დაჭრილი, სულით განკურნებული

ასე ნელ-ნელა იღრუბლებოდა მათი ცხოვრება.

ერთადერთი დარჩენილად სასუკეშო, ძველი, ნეტარების აღმძვრელი ჩვეულება, ღარიბებისა და გაჭირვებულების ნახვა, მშვიდრათავის პურის მიწოდება და შიშველთათვის ტანისამოსისა. ხშირად კოზეტიც თან გაჰყვებოდა ხოლმე უან ვალჟანს და ამ ქველმოქმედებაში პოვებდა ორივე სულიერ სიმშვიდესა და კმაყოფილებას.

ზოგჯერ ისიც მოხდებოდა, თუ ამ მხრივ კარგი დღე დაუდგებოდათ, ბევრს ნახავდნენ გაჭირვებულსა და შეუმსუბუქებდნენ მათ ტკივილს, ბევრ ტიტველ ბავშვს შემოსავდნენ და ბევრ მშვიდ დაანაცრებდნენ, კომეტი გამხიარულდებოდა ხოლმე, სალამოს შინ რომ მივიდოდნენ. ჟონდრეტის სანახავადაც მაშინ მიიყვანა ქალი ჟან ვალჟანმა.

თავი რომ დააღწია ჟონდრეტს, მეორე დღეს დილით ჩვეულებისამებრ მივიდა კომეტთან ჟან ვალჟანი სრულიად დამშვიდებული, მაგრამ საშინელი ჭრილობით მარცხენა ხელზე. ჭრილობა ჩანთოლებული იყო, დაჩირქებული და დამწვარს უფრო ჰგავდა. ჟან ვალჟანმა რაღაც მიკიბ-მოკიბა ამ ჭრილობის მიზეზის ასახსენლად. ჭრილობის ბრალი იყო, რომ ერთ თვეზე მეტი შინ იჯდა კაცი, ფეხი არ გაუდგამს გარეთ, რადგან სისხე ჰქონდა. ექიმი არავინ ისურვა. რომ ჩააცივდებოდა ხოლმე კომეტი, - ექიმი მოვიყვანოთო, - ასე მოუჭრიდა სიტყვას:

- ძალღების ექიმი დაიბარე.

ჭრილობას კომეტი უხვევდა დილას და სალამოს ისეთი ღვთიური სინაზით, ანგელოზური ბედნიერების გრძნობით, - ძლივს მეც დავჭირდი მამაჩემსო, - რომ ჟან ვალჟანს კვლავ განუახლდა წარსული სიმხიარულე, მთლად გადაავინცდა შიში და სევდა. შეჰყურებდა თავის კომეტს და გულით ხარობდა.

- კურთხეულო ჭრილობავ! ტკბილო ტკივილო!

რაკი ავად ჰყავდა მამობილი, კომეტმაც თავი მიანება თავის ოთახებს და უფრო ჟან ვალჟანთან იყო უკანა ეზოს პატარა სახლში; თითქმის მთელ დღეს ატარებდა ჟან ვალჟანთან და ხმამალა უკითხავდა მამისგან ამორჩეულ წიგნებს, უფრო მოგზაურობის აღწერას. გაცოცხლდა ჟან ვალჟანი, მთლად დაუბრუნდა ტკბილი, მშვიდი ბედნიერება. აღარც ლუქსემბურგის ბაღი აგონდებოდა, აღარც ის უცნობი ყმანვილი ბიჭი, დოყლაპიას რომ ეძახდა, აღარც კომეტის დაღონება. ყოველივე ეს ჩამოშორებოდა მის გულს, როგორც გრიგალით გაფანტული შავი ღრუბელი. ტკბებოდა ბედნიერებით და ფიქრობდა:

- ბებერი გიჟი ვარ, თორემ იმ სისულელეს როგორ წარმოვიდგენდიო!

ისე იყო გატაცებული ნეტარებით, რომ აღარც კი აგონდებოდა ტენარდიეს მიერ მონწყობილი საშინელი ხაფანგი ვითომ ჟონდრეტის ბუნავში. მართალია, მოახერხა, გამოექცა იმ საზიზღრობასაც და პოლიციასაც, უკვალოდ მიიმალა, მაგრამ აღარავითარ მნიშვნელობას არ აძლევდა ამას და, თუ მოავონდებოდა, იმიტომ მხოლოდ, რომ სიბრალული აღსძვროდა იმ უბედური ყაჩაღებისადმი.

- ციხეში სხედან ტუსაღები და ამიერიდან ვეღარას მავნებენ, - იძახდა ჟან ვალჟანი და კვნესით აგონდებოდა ტენარდიეს სახლში ნანახი სიღარიბით ადამიანის გათახსირება.

მენის სადარაჯოსთან ნანახი კატორღელთა მოგზაურობაც ავინცდებოდა, რადგან ამაზე ხმას აღარ იღებდა კომეტი.

მონასტერში მუსიკას ასწავლიდა კომეტს დედა სენტ-მემტილდი. ტკბილი, კოტივით ხმა ჰქონდა როზეტს და ხანდახან, საღამოობით, ჟან ვალჟანის ოთახში მღეროდა ხოლმე მონასტერში გაგონილ მწუხარე ჰანგებს და გულს უტკბობდა მამობილს.

გაზაფხული ახლოვდებოდა. ისეთი კარგი რამ იყო ამ დროს ბაღი, რომ ხშირად ეტყოდა ჟან ვალჟანი:

- რატომ ბაღში არ ჩახვალ, შვილო? რატომ არ სეირნობ?

- როგორც გნებავთ, მამა, - უპასუხებდა კოზეტი.

და მამობილის სურვილის ასასრულებლად ყოველდღე ჩადიოდა ბაღში მარტოდმარტო, რადგან, როგორც უკვე აღვნიშნეთ, უან ვალჟანს ემინოდა, - ქუჩიდან არავინ დამინახოსო, - და ბაღში თითქმის არ ჩადიოდა.

სწორედ სანუგეშოდ გამოადგა უან ვალჟანს თავისი დაჭრილი ხელი.

რაკი ნახა კოზეტმა, რომ ჭრილობა ურჩებოდა, ისე აღარ სტკიოდა და კმაყოფილი და ბედნიერი ჰყავდა მამა, სიამოვნებით ევსებოდა გული. მარტი შეუმჩნევლად გადიოდა. დღე მატულობდა. ზამთარი უკანასკნელ დღეებს ითვლიდა. ზამთარი რომ მიდის, თან მიაქვს ცოტა რამ მაინც ჩვენი ვარამისა და მწუხარებისა. მარტს აპრილი მოჰყვა, ეს ზაფხულის განთიადი, აისივით ნორჩი, მხიარული, როგორც ბავშვობა, ხანდახან ცოტა მტირალა, როგორც ყოველი ახალშობილი. ამ თვეში ბუნება გვაჯილდოებს გულის წარმტაც ბრწყინვალეებით, რომელიც ზეციდან, ღრუბლებიდან, ხის ტოტებიდან, გაზაფხულის მოლიდან და ყვავილებიდან იღვრება ადამიანის სულსა და გულში.

მეტად ყმაწვილი იყო კოზეტი, რომ არ დამტკბარიყო თავისივე მსგავსი გაზაფხულის სიხარულით. სრულიად შეუმჩნევლად მიმალულიყო სადღაც მისი გულის სევდაც და დაღონებაც. ისე აშუქებს გაზაფხული მწუხარებით სავესე გულს, როგორც სარდაფს შუადღის მზის სხივი. გამხიარულდა კოზეტი, თუმცა თვითონ კი ვერ ხედავდა თავის მხიარულებას. დილით, საუზმის შემდეგ, ათ საათზე თუ მოახერხებდა და ბაღში ჩაიყვანდა უან ვალჟანს, ცოტა ხნით მაინც, ხელზე ედო მისი მტკივანი ხელი და ისე ასეირნებდა; ვერც კი ამჩნევდა, რომ მხიარულად იცინოდა ყოველ წამს და საფიქრებელი არაფერი ჰქონდა.

უან ვალჟანიც თვრებოდა მისი ბედნიერებით, მისი მშვენიერებითა და სიყმაწვილით.

- რა სიკეთე მიყო ამ ხელის დანვამ! - იძახდა ჩუმად უან ვალჟანი.

და გულით მაღლობას უძღვნიდა ტენარდიეს.

მოურჩა ხელი და დაიწყო ძველებურად სეირნობა, ბინდისას, სადმე მიყრუებულ ქუჩებში.

შეცდომა იქნება ვიფიქროთ, რომ ასე ღამით სეირნობა შორეულ მიყრუებულ უბანში საშიში არ იყოს. და ვერც უან ვალჟანი გადარჩა ამ საშიშ შემთხვევას.

თავი მეორე

ყველაფერს აგისხნით ძალუა პლუტარქე

დაბინდა და გავროშს კი ჯერ არაფერი ეჭამა. მოაგონდა, რომ გუშინაც არ ეჭამა სადილი. ბოლო არ უნდა ჰქონოდა ამოდენა მარხვას? და ვადანყვიტა, - უნდა ვცადო, ვახშამი მივიროთავო! - გასცდა სალპეტრიერს, დაიწყო ყიალი, მიძინებულ ჩუმ ქუჩებში თუ იშოვიდა რამეს, იქ იშოვიდა, იმიტომ, რომ იქ იშოვის რასმე კაცი, სადაც იშვიათად არის ვინმე. ერთ უბანში შევიდა, რომელიც სოფელ აუსტერლიცად ეჩვენა.

ამას წინათაც იყო ამ მხარეს. დადიოდა, სინჯავდა, ეძებდა, ერთი ბებერი კაცი დაინახა მასავით დაბერებულ ძველ ბაღში და ერთი კიდევ ბებერი დედაკაცი. ბაღში ერთ დიდ ვაშლის ხეს მიაქცია ყურადღება და იმ ვაშლთანვე ჰატარა სახილვს, უვარგისად დაკვეტილს, მამასადამე, ადვილად გასაღებს, თუ შიგ ვაშლი

მოიპოვებოდა. ვაშლი ნიშნავდა ვახშამს, ვახშამი კიდევ სიცოცხლეს! ვაშლმა დალევა ადამი და ვაშლმა უნდა იხსნას გავროში. ბალი პატარა, ვინრო, მოუკირწყლავ ქუჩაში გადიოდა, სადაც შენობა არსად იყო, პატარა ღობე ჰქონდა და გადასავალი ამ ვინრო ქუჩიდან.

გავროშიც იმ ბალისკენ წავიდა, მიაგნო ვინრო ქუჩას, მივიდა ბალთან, იცნო ვაშლის ხე, იქვე სახილე. რას დააბრკოლებდა ღობე? ისკუპა და გადახტა. ბინდებოდა. კატაც არსად კნაოდა პატარა ქუჩაში, ვინ დაინახავდა! გადახტა და იქვე გაჩერდა. ბაღში ლაპარაკობდნენ. გაინაბა ბიჭი.

ვაშლის ხესთან და სახილესთან, სწორედ იქ, საითაც გავროში აპირებდა მისვლას, ეგდო ქვა, რომელიც სკამის მოვალეობას ასრულებდა. ამ სკამზე იჯდა გავროშის მიერ ნანახი ბებერი კაცი და იქვე იდგა ბებერი დედაკაცი.

რალაცას ბუზღუნებდა დედაკაცი. არცთუ დიდად მორიდებული გავროში ყურს უგდებდა.

- ბატონო მამეფო! - მიმართა დედაკაცმა.

- მამეფო! - იუცხოვა გავროშმა, - იფ, რა სახელია!

მოხუცებული ხმას არ იღებდა. თითქოს ვერც კი გაიგონა.

- ბატონო მამეფო! - გაიმეორა დედაკაცმა.

არც კი შეინძრა მოხუცებული, ისევ მიწას დასცქეროდა:

- რა იყო, ძალუა პლუტარქე?

- ძალუა პლუტარქეო? - უფრო მეტად იუცხოვა გავროშმა, - ეს კიდევ უარესი.

ძალუა პლუტარქე წინ ედგა მამეფს და თავისას არ იშლიდა:

- სახლის პატრონი ჯავრობს.

- რად ჯავრობს?

- სახლის ქირას თხოულობს. სამი ვადისა გვმართებს.

- სამი თვის შემდეგ ოთხი ვადისა გვემართება.

- ქუჩაში გაგყრიოთ, იძახის.

- გაგყურის და გავალთ.

- მეხილევ თავის ნისიას თხოულობს. ხომ იცით, რა საშინელი დედაკაცია! აღარც

შემას იძლევა. რითი გავათბოთ სახლი, რომ აღარც შუმა გვაქვს?

- რითი და მზითა.

- ყასაბმა, ფულიო! ნისიად აღარ მოგცემთო.

- უშველა ღმერთმა! მეტად მძიმეა ხორცი, ვეღარ ვინელებ.

- მამ სადილად რა გვექნება?

- პ უ რ ი!

- მეპურეც მაგას გაიძახის, ნისიაში გამისწორდით, საცა ფული არ არის, იქ არც

პური არისო.

- მართალი უთქვამს!

- მამ რას მიერთმევთ?

- ეს ვაშლი ხომ გვაქვს.

- კარგი, ბატონო, მაგრამ რომ არ შეიძლება უფულოდ ცხოვრება?

- მე კი არა მაქვს და!

წავიდა, თავი დაანება ძალუა პლუტარქემ. მარტო დარჩა მამეფი ღრმად ჩაფიქრებული. გავრომიც იქვე იყო მინაბული და ისიც ღრმად ჩაფიქრებული. ღამდებოდა.

მერე ვახშამი მოაგონდა. იმის მაგივრად, რომ ღობეზე გადახსდარიყო და ნასულიყო, გადანწყობა, უვახშმოდაც კარგად დავიძინებო. ბუჩქებში შეძვრა, ზურგს უკან მოექცა ბებერ მამეფს, ღობის ძირში მისნი-მოსნია ბუჩქები და, აი, ლოგინიც ამისთანა უნდაო, - იფიქრა, - მამ აქვე დავიძინებო. კარგად ესმოდა ბებერი მამეფის ქმენა.

სადილისა და ვახშამის მაგივრად ძილი ირჩია.

კატის ძილი იყო გავრომის ძილი, ცალი თვალით თვლემდა და ესმოდა, ხედავდა.

ცის სიბნელე ეფარებოდა მიწას, ძლივსლა ჩანდა ვიწრო ქუჩა აქეთ-იქით ამართულ ხეებსა და ბუჩქებში.

უცხად ფეხის ხმა მოესმა. გაიხედა ქუჩაში, ორი ჩრდილი დაინახა, მისკენ მომავალი. ერთი წინ იყო, მეორე უკან, ცოტა მოშორებით.

- რა დროს ხეტიალია, რა ვენა? - ნაიბუზღუნა გავრომმა.

წინ რომ მოდიოდა, მოხუცებულ ბურჟუას ჰგავდა. თავდალუნული მიდიოდა, ჩაფიქრებული; უბრალო ტანისამოსი ეცვა, წელი ნაბიჯით იძვროდა სიბერია გამო, ეტყობოდა, ტკბებოდა ბუნების ღემილით.

მეორე მაღალი ბიჭი იყო, წელწერილი, მოქნილი, ღონიერი, ფრთხილად მისდევდა მოხუცებულს, თავის ნაბიჯს უგუებდა მისას, მაგრამ ამ წელ სვლაშიც ეტყობოდა, რომ მარჯვე უნდა ყოფილიყო და ჩაუქი. სამინელი შეხედულებისა იყო, ეჭვისა და შიშის აღმძვრელი, მაგრამ ამასთან ძალიან კობტა, ისეთი, რომელსაც იმ დროს მოხდენილს ეძახდნენ. კარგი, კობტა ქედი ეხურა, შავი სერთუკი ვეცვა, კარგად გამოჭრილი, წელში მოჭერილი, თავი მაღლა ეჭირა. მოხდენილად და ძალოვნად, და ქედქვემ რომ დაკვირვებოლით, გაყვითლებულ სახეს დაინახვლით ჭაბუკი ბიჭისას. პირში ვარდი ეჭირა.

მაშინვე იცნო გავრომმა, მონპარნასი იყო.

პირველისას კი ვერას იტყოდა, გარდა იმისა, რომ უბრალო მოხუცებული კაცი იყო.

რალა დააძინებდა? ზვერვა დაუნყო მომავალთ.

ცხადი იყო, ერთ ამათგანს რალაც განზრახვა უნდა ჰქონოდა, რომ ასე ჩუმად, ფეხაკრეფით მოსდევდა მეორეს. ღობის ძირში იწვა გავრომი, რომელიც ახლა საფრად გაეხადა, და თვალს აღარ ამორებდა ამ კაცებს.

სასეინროდ გამოსულიყო მონპარნასი. ღამე იმ უბედურ ქუჩებში კარგს არას მოასწავებდა ეს სეინრობა. ბებერი კაცისადმი სიბრალული მოერია გავრომს.

რა უნდა ექნა? ისიც ჩარეულიყო? რას გაანწყობდა სუსტი სუსტის დახმარებით? მასხრად აიგდებდა მონპარნასი. გადანწყვტილი ჰქონდა გავრომს, ორ ლუკმად არ ვეყოფით ამ სახელოვან, თვრამეტი წლის ყაჩაღს მე და ის ბებრუქუნაო.

და სანამ ამას საზრავდა გავრომი, უცხად მივარდა მონპარნასი არხეინად მიმავალ ჩაფიქრებულ მოხუცს, ეცა, როგორც ვეფხვი კანჯარს, ან ობობა ბუზს. უცხად გადაავლო ვარდი, ეტაკა მოხუცს, ყელში მაგრად მოებლაუჭა. ძლივს შეიმავრა გავრომმა ყვირილი. ცოტა ხნის შემდეგ ერთი ამ კაცთაგანი ქვემ მოჰყოლოდა მეორეს, ხრიალებდა, ველარ იძვროდა, რადგან ზედ აჯდა მეორე და ისე აწვებოდა გულზე

მუხლით, რომ ძლიერსდა სუნთქავდა დამარცხებული. მაგრამ ის კი არ იყო, რასაც გავროში მოელოდა: მიწაზე განრთხმული მონპარნასი იყო, და მუხლქვეშ რომ ყაჩაღი მოექცია, მოხუცებული იყო.

იქვე მოხდა ყოველივე, გავროშის თვალწინ.

მოხუცს დაჰკრა მონპარნასმა, მაგრამ მანაც უპასუხა და ისე მედგარი იყო ეს პასუხი, რომ სწრაფად შეიცვალა ბრძოლა. იერიშით მისული ძირს ეგდო დამარცხებული და მწარედ გმინავდა გამარჯვებული მოხუცებულის მუხლის ქვეშ.

- ესეც შენ, ბებერო! - წამოიძახა ჩუმად გავროშმა.

ვერ შეიკავა თავი და ტაში დაჰკრა. მაგრამ ვერავინ გაიგონა მისი ტაში. ბრძოლას განაგრძობდნენ, ისე ჩასჭიდებოდნენ ერთმანეთს, რომ აღარათფერი ეყურებოდათ.

ბოლოს მიჩუმდა ბრძოლა, დაემორჩილა მონპარნასი, მკვდარივით ეგდო მიწაზე.

„ხომ არ მოკვდა ეს ბიჭი?“ - ფიქრობდა გავროში.

მოხუცებული ხმას არ იღებდა, არც ყვიროდა, - მიშველეთო, - წამოიწია, წამოდგა და გავროშმა გაიგონა მისი ბრძანება:

- ადექი! - მიმართა მონპარნასს.

მონპარნასი ადგა, მაგრამ მაინც ეჭირა მოხუცებულს.

შერცხვინილი იყო მონპარნასი, ცოფი ერეოდა, როგორც ცხვრისგან დამარცხებულ მგელს.

შესცქეროდა გაკვირვებული გავროში, თან ცდილობდა არათფერი გამოჰპარვოდა მის ყურსა და თვალს, რადგან სწორედ საამო სურათს ხედავდა.

აუსრულდა კიდევ სურვილი. იმდენად ხმამაღლა მიმართა მონპარნასს მოხუცებულმა, რომ ყველათფერი კარგად ესმოდა პატარა ბიჭს. ბნელში გამართულ საუბარს ტრაგიკულ იერს აძლევდა ღამის ღუმილი. მოხუცებული ჰკითხავდა, მონპარნასი პასუხს აძლევდა.

- რამდენი წლის ხარ?

- ცხრამეტის.

- ღონიერი ბიჭი ხარ და ჯანსაღი. რატომ არ მუშაობ?

- მეზარება.

- ხელობა გაქვს რამე?

- ცუდბიჭობა!

- რა დროს ლაყობაა? გეკითხები, მიპასუხე. იქნებ დაგეხმარო რამეში. რა საქმეზე უფრო მიგიწევს გული?

- ქერლობაზე.

ღუმილი ჩამოვარდა მცირე ხნით. ღრმად ჩათფიქრებულს ჰგავდა მოხუცი, იდგა უძრავად და ხელს არ უშვებდა მონპარნასს.

ყმანვილი ბიჭი იყო ყოჩაღი, ძალ-ღონით სავსე და წამდაუნუმ გაიწევდა ხოლომე გასაქცევად, როგორც მახეში გაბმული მხეცი. ხან გასხლტომას ლამობდა, ხან ფეხს წაუდგამდა, საზარლად იკლაკნებოდა, მაგრამ ისე იდგა მოხუცებული, თითქოს ვერც კი ამჩნევსო; ცალი ხელით ეჭირა მონპარნასის ორივე ხელი და, ღონით სავსე, ყურადღებას არ აქცევდა მის ფართხალს.

ცოტა ხანს გაჩუმებული იდგა მოხუცებული. მერე დააცქერდა მონპარნასს და ტკბილი ხმით ხმამაღლა დაუნყო დარიგება ისე, რომ ერთი სიტყვა არ გამოჰპარვია გავროშს.

- შენ, შვილო, სიზარმაცით შედიხარ შრომაზე დამყარებულ ცხოვრებაში. ნუთუ აგრე ცუდად, უსაქმურად უნდა დაყიალებდე? მოდი, ისევ ირჩიე. იქნებ გინახავს სადმე, ერთი მანქანაა, საშინელი, საბრტყელებელს ეძახიან. ფრთხილად უნდა მიუდგეს კაცი, რადგან მკაცრია და ავგულო; თუ ხელთ ივლო როგორმე შენი ტანისამოსის კალთა, წასულია შენი საქმე! ჩავითრევს და ბუზივით გაგვყლეთს! უსაქმურობაც ამ მანქანასავით ღუპავს ადამიანს. ნუ მიდიხარ მაგ გზით; ვაჩერდი, სანამ დრო გაქვს და თავს უშველე. თუ არა, ვაი შენი ბრალი! დღეს თუ არა, ხვალ ჩავითრევს კბილოვანი ჩარხი და მიწასთან გავასწორებს. იმედი ნულარ გექნება, თავს ვეღარ დააღწევ. ისე ჩაგაბამენ ზარმაცს, რომ დასვენება გენატრებოდეს. ნუთუ არ გინდა იმუშაო, შრომით შეიძინო ლუკმაპური, აასრულო ადამიანის დანიშნულება? არ გინდა, შენც კაცი გახდე და ადამიანის სახელი მოიხვეჭო? არ გინდა, და იყოდე, სწორედ ის დაგტანჯავს და განამებს, რასაც გაურბი. შრომა კანონია ცხოვრებისა, ვინც სიზარმაცით დაარღვევს ამ კანონს, სწორედ შრომითვე დაისჯება. მუშად გახდომა არ გნებავს, მონად იქცევი, შრომის ყურმოჭრილ ყმად და მონად. შრომას გაურბი? მით უფრო მეტად ჩაგბოჭავს ეგ შრომა. შრომას ვერ ეგუები, ვერ უამხანაგდები? მონად გაგიხდის შრომა. ადამიანურ პატოსან დაღლას ერიდები? ჰოდა, განწირულთა ოფლში გაიწურები. შრომის შვილების სიმღერა რომ მოგესმის, შენ მარტო კენესალა ამოგხდება. შორიდან, ქვემოდან დანახავ, როგორ მუშაობენ შრომის ერთგულნი და - ავერ, ისვენებენ, - იტყვი. ისეთ სხივმოსილად გეჩვენება მიწის მუშა, მეზღუაური, მჭედელი, თითქოს სამოთხეში არიან და ტკებებიანო. იცი, რა სინათლეს აფრქვევს გრდემლი! იცი, რა ნეტარებაა მიწის ხვნა, მოპვილის ძნად შეკვრა? თავისუფლად მიმავალი ნავია მუშაკაცის ცხოვრება. ზარმაცი ხარ? შრომას გაურბი? ჰოო? მამ აქ მოდი! აბა, დაბარე, ასწიე, მოაგროვე, მოუარე! საღლა წაუხვალ შენს აპერს? შენ უკვე უღელში შებმული ტყვე ხარ ჯოჯობეთისა. მამ, ეგ არის, რალა, შენი მიზანი, ცუდად დაყიალებდე. უსაქმურად? მე კი გარწმუნებ, - ერთ კვირას ვერ გაატარებ, ერთ დღეს, ერთ საათს, რომ დაქანცული არ იყო და წელმოწყვეტილი. მსუხარება და ვარამილა იქნება შენი ცხოვრება. ერთი წამის მოსვენებაც აღარ ექნება შენს ხელს. რაც სხვებისთვის ბუმბულივით მსუბუქი იქნება, შენ კლდის სიმძიმისად დაგანვება. აუვალ ციცაბოდ მოგეჩვენება სულ უბრალო, პატარა აღმართი. საზიზღარ ურჩხულად გადაიქცევა შენი სიცოცხლე. სიარული შეგძაგდება, სუნთქვა შეგეკვრის, ტყვიასავით დამძიმდება შენი ფილტვები. ჰოდა, უნდა გადაწყვიტო, სად გირჩენია სიცოცხლე, ადამიანად თუ მონად? ადამიანს რომ წასვლა მოუნდება სადმე, კარს გააღებს და გავა. შენ კი, თუ წასვლა განიზრახე, ჯერ შენი დილეგის კედელი უნდა გაანგრიო. რას ჩადის ადამიანი, ქუჩაში გასვლა რომ მოუნდება? ჩამოვა კიბეზე და ქუჩაშია. შენ? შენ კი შენი ლოგინის ზეწარი უნდა დახიო, თოკად დაგრიხო, ფანჯარაზე მიაბა და ზედ დაეკიდო იმ თოკს, დიდი სიმძლიდან დაშვებულს, და ისიც როდის? ღამე, რომ წვიმდეს, ქუხდეს და ვერაფერ დაგინახოს. მოკლე რომ გამოდგეს შენი თოკი? უნდა გაუშვა და ძირს ჩავარდე. მერე რა იცი, სად ჩავარდები, რას დაეცემი? რა არის იქ, ძირს, სადაც შენ ჩავარდები? ან არადა ბუხრის საკვამურში უნდა ჩაძვრე და თან გული გისკდებოდეს, - ვაითუ გზაში დავინვაო. ან არადა, კანალიზაციის მილში უნდა ჩაძვრე, რომ გული ნავივიდეს სუნით და შიგ ჩაიხრჩო. ახლა რამდენი ნახვრეტი უნდა გქონდეს კედელში დაფარული! დღეში ოცჯერ მაინც გამოიღებ კედლიდან აშლილ ქვებს და ისევ შიგვე შეაწყობ, რომ განზრახვა არ შეგიტყონ. გაჯი რა არის, კედლიდან ჩამოშლილი გაჯიც

კი ლეიბში უნდა გქონდეს დამალული. დაკეტილის გაღება დაგჭირდება? მუჰას ჯიბეში უდევს მჭედლის დამზადებული გასაღები. შენ კი, თუ დაგჭირდა დაკეტილის გაღება, შენვე უნდა გაიკეთო იმ კლიტის გასაღები. უსაზღვრო შრომა და მოთმინება დაგჭირდება ამ საკვირველი გასაღების დასამზადებლად. ერთი სუ უნდა იშოვო და ორკეცად გაჭრა. რითი გაჭრა? ეგ შენ უნდა გამოიგონო, შენი საქმეა. მე რე უნდა მისდგე და ჩააღრმავო ორივე ნაკეცი, ოღონდ ისე, რომ არაფრით დააზიანო მონეტის გარეგნობა. მე რე ისე უნდა დმუწუნო ერთმანეთს ორი ნაკეცი, რომ ერთდებოდეს და არაფრით განირჩეოდეს ნამდვილი შავი ფულისგან. ფულის ნიშნები უცვლელად უნდა ჰქონდეს ზემოდანაც და ქვემოდანაც. შენი დარაჯებისთვის ეს იქნება უბრალო შავი ფული, შენთვის კი - ჰატარა კოლოფი. რას ჩადებ ამ კოლოფში? ერთი ბენო ფოლადს, საათის ზამბარას, ოღონდ წინათვე დააკვილოვნებ, რომ გაჭირვებაში ხერხად გამოგადგეს. ამ ხერხით, ქინძისთავის სიგრძისა, მონეტაში დამალული ხერხით უნდა ვადაჭრა ჯერ კლიტის ყური, მე რე საკვალთის ღერო, მე რე მთაჯირი, ფანჯარას რომ მიადგები, და ბოლოს ბორკილები, რომელიც ფეხებზე გადევს. ავერ, გააკეთე ის სასწაულებრივი კოლოფი, საკვირველი ნაწარმი ხელოვნებისა, უნარიანობისა, მოხერხებისა, მოთმინებისა. მე რე რა მოგელის, თუ გაგიგეს, რომ შენა ხარ, ეს ხელმარჯვე ოსტატი? რითი დაგიჭილდოებენ იმოდენ შრომას? საპატიმროში ჩაგვამენ, აი, შენი ჯილდო და მომავალი. იყი, რა საშინელი უფსკრული არის სიზარმაცე და სიამოვნება? ნუთუ არ იყი, რომ უსაქმურად ხეტიალი სულით ხორცამდე ღუპავს ადამიანს? შენ ცუდად უნდა იყო და საზოგადოებას აწვე მექთახორად? უსარგებლო წვერი უნდა იყო საზოგადოებისა, ესე იგი მავნებელი? ვაი იმას, ვისაც ამგვარი პარაზიტობა ნებაავს! მატლად გადაიქცევა, ფეხით გასასრეს მატლად. მაშ, შრომა გეზარება? ერთადერთილა გაქვს საფიქრებელი, - კარგი საქმელი, კარგი სასმელი, ტკბილი ძილი? შენ კი წყალილა გექნება, ტალახივით შავი პური და ცარიელ ფიცარზე ინგები ბორკილით ხელფეხმეკრული, ამ ბორკილის ცემა გაგიფრთხობს და ჩაგიმზარებს ძილს. დაამტვრევ ბორკილს და გაიქცევი? ძალიან კარგი. პირქვე შეძვრები სადმე ბურქნარში, ცოცვით ეცდები სადმე მიმალვას და ბალახილა იქნება შენი საზრდო, როგორც ტყის ნადირისა, დამალვით კი ვერ დაიმალები, დაგიჭერენ, ორმოსავით ბნელ ქვესკნელში ჩაგვადებენ და, ვინ იცის, რამდენ ხანს იქნები იქ დამწყვდეული, კედელზე მიჯაჭვული? ხელის ცეცება დაგჭირდება, რომ სურას მიავნო და პირი გაისველო. პური მოგშივდება და იმისთანას დაგიყრია, რომ მშიერი ძალიც კი არ მიეკარება; საქმელს იტყვი და ცერცვის შეჭამადს დაგიდგამენ, იმისთანას, რომ ჯერ ჭიებს შეეჭამათ, მანამ შენამდე მოაღწევდა. ნესტის ჭილა იქნები ბნელ სარდაფში. ყმანვილი ბიჭი ხარ, ოცი წელიწადი არ გასულა, რაც ძუძუსა სწოვდი, ცოცხალი უნდა გყავდეს მშობელი დედა, ნუთუ არ გებრალევა შენი თავი, შე უბედურო, შენა? ხომ გეყურება, რა საშინელებას გიქადის ემაგ ცუდბიჭობა. გეფიცები, დამიჯერე, თორემ დაიღუპები. შავი მაულის ტანისამოსი გინდა? კოხტა, ბრჯყვილა ფეხსაცმელი, სურნელოვანი საპურით დამშვენებული ხუჭუჭი თმა, სილამაზე და კოხტობა, რომ ქალებს მოენონო, არა? ჰოდა, მაგ გზით თუ იარე, ძირიანად გადაგკრეფენ თმას, წითელ ხალათს ჩაგაცვამენ და ფეხზე ხის ქომებს. თითზე კოხტა ბეჭედი გნებაავს? ბეჭდის მაგივრად ჯაჭვი გექნება კისერზე. ქალს ვადახედავ? ჯოხს ჩაგკრავენ შიგ თავში, რომ ჭკუა გასწავლონ. ოცი წლის ჭაბუკი შეხვალ ამ საშინელებაში და ორმოცდაათი წლის ბებრუცანა გამოხვალ იქიდან. ყმანვილი ბიჭი შეხვალ, ნორჩი,

კობტა, ბრწყინვალე თვალით, ბროლივით კბილით, გიშერივით შავი თმით და წელში მოხრილი, მოლუნული გამოხვალ, დამჭკნარი სახით, ჭლარა თმით, უკბილო და საშინელი. ავ გზაზე ხარ, შვილო, უსაქმურობასავით არათფერი ლუპავს ადამიანს. მრავალგვარია შრომა და ყველაზე საშინელი ქერდობაა. ჰოდა, დამიჯერე. ნუ მიჰყვები სიზარმაცეს, გაისარჯე, რომ კაცი იყო და ქუდი გეხუროს. რას შეგძენს, ნეტავი, ეს ქერდობა და ავაზაკობა? მერნმუნე, პატიოსნება უფრო ადვილია, ვიდრე ავკაცობა. წადი ახლა და კარგად დაუფიქრდი ჩემს ნათქვამს. მართლა! რა გინდოდა ჩემგან, წელან რომ მომვარდი? ჩემი ქისა? აი, წაიღე.

გაუშვა მოხუცებულმა მონპარნასი, ხელში ჩაუდო თავისი ქისა. მანაც ერთ წამს ხელით აწონა ეს ნაჩუქარი და მერე დიდი სიფრთხილით, თითქოს მოპარულს მაღავესო, სერთუკის უკანა ჯიბეში ჩაიღო.

მოხუცებულს ხმა აღარ ამოუღია. დამშვიდებული გაუყვა გზას.

- ყეყეჩი! - წაიღუდუნა მონპარნასმა.

ვინ იყო ეს მოხუცებული? ეჭვი არ არის, მკითხველი თვით მიხვდებოდა.

გამტერებული იდგა მონპარნასი, თვალს აღარ ამორებდა ბნელ ქუჩაში მიმავალ „ყეყეჩს“ და ძვირადაც დაუჯდა ეს გამტერება.

მოხუცებული რომ შორდებოდა, გავროში უახლოვდებოდა.

ჯერ მახვებს გადახედა გავროშმა, დარწმუნდა, რომ ისევ იქ იჯდა სკამზე და ძილი ერეოდა. მერე გამოძვრა ბუჩქებიდან და მინაზე განრთხმული ცოცვით წამოვიდა მონპარნასისკენ, რომელიც ისევ უძრავად იდგა. ისე მიეპარა უკნიდან, რომ ვერათფერი გაიგო მონპარნასმა, ხელი ჩაუყო უკანა ჯიბეში, ამოაცალა ქისა და ისევ ცოცვით გველხოკერასავით მიიმალა ბუჩქებში. მონპარნასს სამიში აღარათფერი ჰქონდა და იდგა ისე ჩაფიქრებული, იქნებ პირველად დაფიქრდა სიცოცხლეში და ვერათფერი შენიშნა.

გავროში კი მიუახლოვდა ბებერ მახვებს. გადაისროლა ქისა ღობეზე და მოჰკურცხლა.

ფეხზე დაეცა მახვებს ქისა და გამოაღვიძა. დაიხარა, აიღო. ველარათფერი გაეგო სასკოლავს და გახსნა. შიგ ცოტა თეთრი ფული იდო და ძირში ჩამალული ექვსი ოქრო.

შიში მოერია მახვებს, წამოვარდა და დიასახლისს შეუტანა:

- ღვთის წყალობაა სწორედ! - თქვა ბებერმა პლუტარქემ.

წიგნი მეხუთე

რომლის ბოლო თავს არა ჰვავს

თავი პირველი

განმარტობა და ყაზარმა

მეტად მწუხარე იყო ოთხი-ხუთი თვის წინათ კოზეტი, მეტად აწუხებდა მარიუსის ფიქრი, მაგრამ გადიოდა დრო და მწუხარება უმცირდებოდა მის შეუმჩნევლად. ბუნება, გაზაფხული, სიყმანვილე, მამისადმი სიყვარული, მგალობელი ჩიტები და გაზაფხულის აყვავება ნელ-ნელა უქარვებდა მწუხარებას ამ უმანკო სულს და თითქმის ავიწყებდა წარსულს. ნუთუ ქრებოდა მის გულში აღგზნებული ცეცხლი? თუ მარტო ფერათფელი ეფინებოდა ზემოდან? იქამდე მივიდა ეს დავინწყება, რომ ერთ დღეს სრული

სიმშვიდით მოაგონდა მარიუსი და აღარც გულისტკივილი მოჰყვა ამ მოგონებს, აღარც კვნესა. ერთხელ გაახსენდა:

- ვაი, აღარც კი ვფიქრობ მგონი მასზე!

და სწორედ იმ დღეებში შენიშნა ქუჩაში მიმავალი ერთი კობტა, ლამაზი ოფიცერი, წელწერნეტა, გულისწარმტაცი მხედრული ტანისამოსით, ყმანვილი ქალის ლოყებით, მშვენიერი ხმლით, დაწყვილი უღვაშით და პოლონური ფორმის ქედით; ყმანვილი ბიჭი, ქერათმიანი, ცისფერთვალება, პირში სიგარით და თავხედური, სულელური გამომეტყველებით, სულ სხვა იერისა, ვიდრე მარიუსი.

დაინახა კობეტმა და იფიქრა, - ალბათ ოფიცერია იმ პოლკისა, ბაბილონის ქუჩაზე რომ დგასო.

მეორე დღესაც დაინახა მიმავალი და საათი დანიშნა.

და მას შემდეგ, იქნებ შემთხვევითაც ყოფილიყო, თითქმის ყოველდღე ხედავდა ამ ყმანვილ კაცს.

ოფიცრის ამხანაგებმა შენიშნეს, რომ იმ ბაღში, ასე მოუვლელ ბაღში, იმ ძველ როკოკოს მოაჯირიანი ღობის უკან ერთი ლამაზი ქალი დასეირნობდა თითქმის ყოველთვის იმ დროს, როდესაც კობტა ოფიცერს უნდა გაევიღო. ეს კობტა ოფიცერი უცნობი არ არის მკითხველისთვის და თეოდულ ჟილნორმანი ჰქვია.

- ხედავ, - უთხრეს ამხანაგებმა, - თვალს არ გამოჩნდის ის კობტა გოგო, აი, იმ ბაღში რომ დასეირნობს.

- სად მცალაია, რომ ყველას ვუცქირო, ვინც მე თვალს არ გამოჩნდის? - უპასუხა თავმოწონედ თეოდულმა.

სწორედ იმ დროს იყო ეს ამბავი, როდესაც სასონარკვეთილება მორეოდა მარიუსს და ოხრავდა:

- ერთხელ მაინც მეღირსოს მისი ნახვა და მერე თუნდაც მოგვკდე.

რომ ასრულებოდა ეს ნატვრა და დაენახა, რა თვალთ უყურებდა კობეტი ოფიცერს, იქვე ხმის ამოუღებლად დაეცემოდა მკვდარი.

და ვისი ბრალი იქნებოდა? - არავისი.

მარიუსი იმ ბუნების ადამიანი იყო, რომელიც ღრმად იძირება სევდაში და შიგვე რჩება; კობეტი კი იმათგანი იყო, რომლებიც იფლობიან სევდაში, მაგრამ ბოლოს მაინც ამოდიან.

ესეც რომ იყოს, იმ ხნისა იყო კობეტი, იმ საბედისწერო ხნისა, როდესაც ოცნებით ცოცხლობს მარტო მითოვებული ქალი; როდესაც ყმანვილი ქალის, მარტოხელა ქალის გული წარმოადგენს ვაზის ჰნკალს, რომელიც შემთხვევის მიხედვით ხან მარმარილოს სვეტისთავს ეჭიდება და ხან უბრალო დუქნის კედელს. დაჰკრავს ხოლმე წამი, სწრაფი და მედგარი, ყველა ობლის საბედისწერო, სულერთია, ღარიბი იქნება ქალი თუ მდიდარი, რადგან სიმდიდრე არ დაიფარავს მას ცუდი არჩევანისგან. დიდებულთა წრეშიც ხშირია უღირსი ქორწინება. ნამდვილი უღირსი ქორწინება გულისხმობს სულიერ განსხვავებას; ხშირად მოხდება ხოლმე, ყმანვილი არც ცნობილია, არც სახელოვანი შთამომავლობის არის და არც მდიდარი, მაგრამ მარმარილოს სვეტივით უდგას თავის გრძნობათა და იდეების ტაძარს; და მეორე მხრივ, დიდი გვარიშვილია, დიდებულ წრეში აღზრდილი, მდიდარი და შეძლებული, ტანსაცმლითა და სიტყვა-პასუხით ამაყი, მაგრამ სულ სხვაგვარად გეჩვენებათ, თუ გარეგნობას თვალის აარიდეთ და ადამიანს დაუკვირდით, სწორედ იმას, რაც მისი

მეუღლისთვის არის დანიშნული, ნახავთ, რომ ბოძია გაუთლებელი, თავისი საძაგელი, სამარცხვინო ჟინით - გარყვნილებით გატაცებული, სირაჯხანის ბოძია და სხვა არაფერი.

რა იყო კოზეტის გულში? დამშვიდებული, მიძინებული ვნება, დაკარგულად მიჩნეული სიყვარული, წმინდა და მბრწყინავი ზემოდან, ძირში კი ამღვრეული. გარედან კოხტა ოფიცრის სახე ციალებდა. გულის სიღრმეში? იქ რაღა იყო? იქნებ სხვა მოგონება?

იქნებ ასეც ყოფილიყო. კოზეტმა ამისი არაფერი იცოდა, მაგრამ ამ დროს უცნაური ამბავი მოხდა.

თავი მეორე
კოზეტის შიში

აპრილის დამდეგს რამდენიმე დღით სხვაგან წასვლა მოუხდა ჟან ვალჟანს. იშვიათად, მაგრამ ხანდახან დასჭირდებოდა ხოლმე, როგორც ვიცი, ცოტა ხნით გამგზავრება. ერთი-ორი დღე დარჩებოდა ხოლმე სხვაგან. სად მიდიოდა? ეს არავინ იცოდა, ამას თვით კოზეტსაც არ ეუბნებოდა. ერთხელ იყო მხოლოდ, წასასვლელად რომ მოემზადა ჟან ვალჟანი, კოზეტიც ეტლში ჩაუჯდა და ერთი პატარა ქუჩაბანდის კუთხემდე მიაცილა, რომელზედაც მან წაიკითხა, - პლანმეტის ჩიხი, - ჟან ვალჟანი იქ ჩამოხტა და კოზეტი იმავე ეტლით შინ დაბრუნდა. საერთოდ ასეთი მგზავრობა მაშინ მოხდებოდა ხოლმე, როდესაც ფული დააკლდებოდათ სახლში.

წასვლისას კოზეტს დაჰპირდა, - სამი დღის შემდეგ შინა ვარო.

საღამოს კოზეტი მარტო იყო ოთახში. მოსწყინდა მარტოობა. მიუჯდა ჰიანო-ორგანს და სიმღერა დაიწყო. ეურიანთის სიმღერას უკრავდა - „გზა აერიათ ტყის მონადირეთ“.

საგანგებო რამ არის ეს სიმღერა ჩვენს მუსიკაში. იჯდა და მღეროდა. მერე ფიქრმა გაიტაცა.

და უცბად ფეხის ხმა მოესმა ბალიდან. ვიღაც იყო. დადიოდა.

მამა არ იქნებოდა, რადგან სხვაგან იყო წასული. არც ტუნესი იქნებოდა, რადგან უკვე ეძინა. ღამის ათი საათი იყო.

მამაკაცის ფეხის ხმად ესმოდა რაღაც, თითქოს ვიღაც არის ბაღში და ფრთხილად დადისო.

მაშინვე ზემო სართულში ავარდა, თავის ოთახში, ფანჯარაში მოთავსებული პატარა სარკმელი გააღო და ბაღში ჩაიხედა. მთვარე კამკამებდა. ისე ჩანდა ყველაფერი, როგორც შუადღისას.

ბაღში არავინ იყო.

ფანჯარა გააღო. არავინ იყო ბაღში, და როგორც ყოველთვის, არავინ ჩანდა ქუჩაში, სადამდისაც კი თვალი მისწვდებოდა.

- შემომესმაო, - იფიქრა, - ბაღში არავინ იყო, ლანდი იყო ამ დუმილით და ვებერის პირქუში და საუცხოო ქოროს მუსიკით გამოწვეული. რას არ მოაჩვენებს ადამიანს ეს საგანგებო მუსიკა: უსაზღვრო სივრცისკენ მიაფრენს მსმენელს, თვალწინ გაუშლის დაბურულ ტყეს. ცხადად გააკონებს ხის ხმელი ტოტების ტკაცანს, თითქოს მართლა მონადირეები იყვნენ ტყეში და ბინდისას ფეხს ადგამდნენ ამ ტოტებს.

მერე სულაც გადაავიწყდა წელანდელი ფეხის ხმა.

ამასთან ბუნებითაც მშობარა არ იყო კოზეტი. სისხლში ჰქონდა ცოტა რამ ბომა ქალისა და ფეხშიშველა შემთხვევის მაძიებელი მოგზაურისა. მკითხველს ესმოლება, რომ იგი უფრო ტოროლა იყო, ვიდრე მტრედი. გულით გამბედავი, ყოჩაღი...

მეორე დღეს, საღამოს, ბინდისას, ბაღში დასეირნობდა. დადიოდა ფიქრებით გატაცებული და ახლაც მოესმა წუხანდელივით რაღაც ფეხის ხმა, თითქოს ვიღაც არის ბაღში და ფეხაკრეფით ჩუმად დადის ბნელში ხეების ქვეშ, იქვე, მის ახლოსო. მაგრამ თვითონვე იმშვიდებდა გულს, - ისე არაფერი ჰგავს ფეხის ხმას, როგორც ორი ტოტის ერთმანეთთან შეხებაო, - და ყურადღებას აღარ აქცევდა, და ვერც რამეს დაინახავდა. ჯერ მთვარე არ ამოსულიყო.

ხეების ქვეშიდან გამოვიდა და შინისკენ გაემართა. პატარა მწვანე ველოში უნდა გადაევიდა. სწორედ ამ დროს ამოვიდა მის უკან მთვარე, თავისი ჩრდილი დაადო ველობს.

გულგახეთქილი გაჩერდა კოზეტი.

მის ჩრდილთან ერთად მთვარეს მეორე ჩრდილი გამოესახა მწვანე ველობზე. საშინელი და საზარელი ვიღაც მრგვალქუდიანის ჩრდილი.

კაცის ჩრდილი იყო. ეტყობოდა, იქვე ლობესთან იდგა ვიღაც, სულ რამდენიმე ნახიჯის მანძილზე კოზეტის უკან.

ერთ წამს შემკრთალი იდგა ქალი, ვერცა თქვა რამე, ვერც დაიყვირა, ვერც უკან მიიხედა.

მაგრამ მაშინვე მოიკრიბა ძალ-ღონე და გაბედვით მიბრუნდა უკან.

აღარავინ იყო ბაღში.

ველობს გადახედა, ჩრდილიც გამქრალიყო.

ისევ ხეებქვეშ შევიდა, ბუჩქებში, დაათვალიერა იქაურობა, ლობე გასინჯა და ვერავინ იპოვა.

განცვიფრებული იყო ქალი. ესეც ლანდი იყო? როგორ? ერთი და იგივე ლანდი ზედიზედ ორ დღეს? ერთხელ, შეიძლება, მართლა მოლანდებოდა რამე, მაგრამ ეს მეორე რაღა იყო? საშინელი ის იყო, რომ ჩრდილი ცოცხალი ადამიანისა უნდა ყოფილიყო. სად მოჩვენება და სად მრგვალი ქუდი?

მეორე დღეს უან ვალჟანიც დაბრუნდა. კოზეტმა დაწვრილებით უამბო ფეხის ხმის გაგონების, ჩრდილის ნახვის შესახებ, ეგონა, მამა გაუქარვებდა შიშს, მხრებს აიჩჩა და ეტყოდა: - რა მშობარა ყოფილხარ, შე კუდრაჭავ, შენაო!

მაგრამ არა, უან ვალჟანი ჩათვიქრდა.

- იქნებ სულაც არაფერი იყო, - უთხრა კოზეტს.

რაღაც მოიმიზეზა და ბაღში ჩავიდა. კოზეტმა კარგად დაინახა, რომ დადიოდა და ყველგან ლობეს სინჯავდა.

ღამე რაღაცამ გამოაღვიძა კოზეტი. ახლა კი ცხადად ესმოდა ფეხის ხმა: ვიღაც იყო ბაღში. დადიოდა მის ფანჯრის ქვეშ. მივარდა სარკმელს, გადაიხედა. ერთი კაცი იყო ბაღში. მსხვილი კეტი ეჭირა ხელში. ის-ის იყო, უნდა დაეყვირა, რომ მთვარის სხივი ეცა კეტიანს. უან ვალჟანი იყო.

დანვა კოზეტი, მაგრამ გულში შიში აღეძვრა: - მამ მამაჩემიც ფრთხილად არისო, - ფიქრობდა.

ის ღამე ბაღში გაათენა უან ვალჟანმა. მერე მეორე, მესამე. კოზეტი ყოველთვის ხედავდა სარკმლიდან.

მესამე ღამეს, - მთვარემ უკვე იკლო და გვიან ამოდიოდა, - პირველი საათი იქნებოდა ღამისა, რომ გულიანი ხარხარი შემოესმა მამისა და მისი ძახილი:

- კოზეტ!

წამოხტა, კაბა გადაიყვა და ფანჯარა გააღო.

უან ვალჟანი ბაღში იყო. ველობზე იდგა.

- გაგაღვიძე, რომ დაგამშვიდო. შემოხედე! აი, შენი მრგვალქუდიანი ადამიანის ჩრდილი.

და ველობზე გაშლილი ჩრდილი აჩვენა, რომელიც მართლა ძალიან ჰგავდა მრგვალქუდიანი ადამიანის ჩრდილს. იქვე მეზობელი სახლის საკვამურს ზემოდან მრგვალი საფარი ედო და ადამიანის მსგავს ჩრდილად ეცემოდა მიწას.

კოზეტსაც სიცხელი მოერია. ამ ღამით აღძრული შიში გაუქრა და მეორე დღეს, საუზმეზე მხიარულად ხუმრობდა საკვამურის მრგვალ სახურავზე და მისი მრგვალქუდიანი კაცის მსგავს ჩრდილზე.

უან ვალჟანის სრულიად დამშვიდდა.

კარგი ის იყო, რომ აზრდაც არ მოსვლია კოზეტს, შეემონებინა, რა მიმართულებით, სად უნდა დაცემულიყო მთვარიან ღამეს ქუდიანი საკვამურის ჩრდილი და სწორედ იქვე იდგა მთვარე იმ ღამეს, კოზეტი რომ შეშინდა, თუ უკვე წინ წასულიყო? არც ის მოაგონდა, რომ შეუძლებელი იქნებოდა, კოზეტისა შეშინებოდა ქუდიანი საკვამურის ჩრდილს და ისიც უცხად გამქრალიყო, - არიქა! მეძებენ და არ დამიჭირონო! ხომ კარგად იყოლა, რომ ჩრდილი უცხად გაქრა, როდესაც მისკენ მიბრუნდა. ყურადღება არ მიაქცია ამას და სრულიად დამშვიდდა ქალი. მამის მოსაზრება უეჭველ ჭეშმარიტებად ეჩვენა და არც კი უფიქრია, რომ შეიძლებოდა მართლა ყოფილიყო ვინმე ღამე ბაღში და ევლო კიდევ ფეხაკრეფით.

მაგრამ რამდენიმე დღის შემდეგ სულ სხვაფრივ დატრიალდა საქმე.

თავი მესამე

ტუსენის განმარტებით მდიდარი თავი

ბაღში, ქუჩისკენ გამავალ ლოხესთან, ერთი ქვის სკამი იდგა ბუჩქებში მიმაღული, მაგრამ ისე ახლოს ლოხესთან, რომ გარედან ადვილად მოსწვდებოდა კაცი, ხელი რომ შემოეყო მოაჯირში.

ერთ საღამოს, ჯერ ისევ აპრილი იდგა, შინ არ იყო უან ვალჟანი. მზე რომ ჩავიდა, იმ სკამზე დაჯდა კოზეტი, პატარა სიო აგრილებდა და აშრიალებდა ფოთლებს. ჩაფიქრებული იყო ქალი. სევდა ერეოდა თანდათან უმიზეზო, ის დაუძლეველი სევდა, რომელსაც ბინდი ქმნის, და რომელიც, ვინ იცის, თავისი სიბნელით იქნებ საფლავის საიდუმლოებას აგონებდეს ადამიანს.

იქნებ ფანტინის აჩრდილი დასტრიალებდა თავს ამ ბინდში.

ადგა კოზეტი, წელი ნაბიჯით შემოიარა ბაღი, ცვრიან ბალახში გაიარა, დაღონებული იყო, რაღაც გული ელეოდა, მაგრამ მაინც იფიქრა, ხის ქოშები უნდა შევიძინო, თორემ ამ ბალახში სურდო შემეყრებაო.

ისევ სკამთან მივიდა.

ის-ის იყო უნდა დამჯდარიყო, რომ შემკრთალი გაჩერდა ქალი, სწორედ იმ ადგილს, სადაც წელან იჯდა, ქვა იდო დიდი. წელან იქ რომ იჯდა, ეს ქვა არა დებულა.

იღვა და შესცქეროდა ამ ქვას, თან თავის თავს ეკითხებოდა, - საიდან გაჩნდა აქ ეს ქვაო? და უცბად მოიაზრა, რომ ეს ქვა თავისთავად ვერ ავიდოდა სკამზე, რომ ვილაყ იყო, მან შემოყო ხელი მოაჯირში, და სკამზე დადო ქვა. მიხვდა და თან შიში მოერია, ნამდვილი შიში, რადგან თვალწინ ედო ეს ქვა და, მაშასადამე, აღარავითარი ეჭვი რომ, ვილაყ იყო იქვე ახლოს! შემინებული გაიქცა შინისკენ, უკან მოხედვა ვეღარ გაბედა. ავარდა სახლში, დაკვეთა კარი, ფანჯარა, გაამაგრა ყველაფერი და მერე ტუსენს მიმართა:

- მამაჩემი დაბრუნდა?
- ჯერ არა, ქალბატონო.

(ჩვენი უკვე აღვნიშნეთ, რომ ენაბლუ იყო ტუსენი და ახლა წესიერად დავწერთ მის ნათქვამს. ადამიანის ნაკლის მოკლედ აღნიშვნაც კმარა. დასურათება საკადრისი არ არის).

ფიქრებით გატაცებულ უან ვალუჟანს ძალიან უყვარდა ღამით სეირნობა და ხშირად გვიან დაბრუნდებოდა ხოლმე სახლში.

- ტუსენ, - განაგრძო კოზეტმა, - ხომ კარგად კვეთავთ ღამე კარს, ფანჯარას, მეტადრე ბაღში გამავალს?

- ჰო, დამშვიდებული ბრძანდებოდეთ, ქალბატონო.

კოზეტმა კარგად იყოფა, რომ ფრთხილი დედაკაცი იყო ტუსენი, ყოველთვის კვეთდა, რაც დასაკეტი იყო და მინც არიგებდა:

- ისეთ უდაბურშია ჩვენი სახლი...

- ევა ბრძანეთ და, ქალბატონო! - კვერი დაუკრა ტუსენმა, - სულ რომ ამოგვწყვიტონ, ჩვენს ყვირილს ვერავინ გაიგონებს. მერე ბატონსაც აქ არ სძინავს! მაგრამ ნუ გეშინიათ, ისე ვკვეთავ კარ-ფანჯარას, თითქოს მტრის შემოსევას ველოდე. არავინაა სახლში, ქალების ვარდა! გული მელევა შიშით, რომ მომავონდება, მარტონი ვართ ამოდენა სახლში. წარმოიდგინეთ, შემოგვიცვივდნენ ღამე ყაჩაღები! შემოვარდნენ თქვენს ოთახში და დაგვიყვირეს: - ჰა, ჩუმად! ხმა არ ამოილო! მოგადგნენ და ყელის ჭრა დაგინყონ. სიკვდილი არაფერია, ყველანი სიკვდილის ხვედრნი ვართ, ერთხელაც იქნება უნდა მოვკვდე! არა, საშინელება ის არის, რომ ყაჩაღების ხელში ჩავარდება ადამიანი! მერე დანებიც ჩლუნგი ექნებათ! ოჰ! ღმერთმა დაგვიფაროს!

- კარგი ერთი! დაიარეთ და მაგრად ჩაკვეთეთ ყველაფერი.

ისე იყო კოზეტე შემინებული ტუსენის ყაჩაღებით და წინა კვირას ნახული ვილაყის ჩრდილით, რომელიც უცბად წარმოუდგა თვალწინ, რომ ამის თქმაც კი ვეღარ გაბედა:

- ჩადით ერთი ბაღში და ქვის სკამი ნახეთ. ზედ ქვა დაუდვია ვილაყას.

ვერ გაბედა, რადგან ეშინოდა, კარი რომ გავაღოთ, ყაჩაღები შემოგვივარდებიანო. დააკეტირა ყველაფერი, შეამონწმინა მთელი სახლი სარდაფიდან ბანამდე, ჩაკვეთა თავისი ოთახი, ლოგინის ქვეშ შეიხედა - ხომ არავინ არისო, - და დანვა, მაგრამ ვაი ამ ძილს! მთელი ღამე რაღაც ქვას ხედავდა, მთასავით დიდს და ხევებით დასერილს.

მზის ამოსვლისას, - მზის ამოსვლამ იყის, სასაცლოდ გაგვიხდის ხოლმე ღამით აღძრულ შიშს, და მით უფრო ტკბილია ეს სიცილი, რამდენადაც ღიმი იყო შიში და გულის ფანცქალი, - მზის ამოსვლისას რომ გამოვლევოდა კოზეტს, მაჯლაჯუნად ერქვენა ნუხანდელი შიში და წამოიძახა:

- რა ღმერთი გამიწყრა, რა ვქნა? სად მქონდა გონება? იმ ფეხის ხმისა არ იყოს, ბალიდან რომ შემომესმა გასულ კვირას! სახუარავიანი საკვამურის ჩრდილი რომ მრგვალქუდიან კაცად მომეჩვენა! შიშისა არაფერი ვიცოდი და ნუთუ მხდალი გავხდი?

მზის სხივი შედიოდა ოთახში, მხიარულად სცემდა თვალებში და იმდენად დაამშვიდა, რომ ბაღში სკამზე დადებული ქვაც კი დაავიწყდა.

- ის ქვაც ისევე მომელანდა, როგორც მრგვალქუდიანის ჩრდილი, - იძახდა კოზეტი.

ტანთ ჩაიცვა, ბაღში ჩავიდა. სირბილით მივარდა სკამთან და ჭირის ოფლი დაასხა უცხად: ქვა ისევ სკამზე იდო.

მაგრამ წამიერი იყო ეს შიში. რასაც ღამე საშიშრად გვანვდის, ღლე ცნობის აღმძვრელად ხდის.

- ეჰ, ხომ არ შემეჭამს ეს ქვა! ერთი ვნახოთ!

და ზევით ასწია, კარგად მძიმე იყო და ძნელი ასანევი. ქვის ქვეშ რაღაცა იდო თეთრ კონვერტში შეხვეული.

აიტაცა კოზეტმა. არც მისამართი ენერა კონვერტს, არც დაბეჭდილი იყო, მაგრამ არც ცარიელი. შიგ ქაღალდი იდო.

ქაღალდიც ამოიღო. არც შიში, არც ცნობისმოყვარეობა. სევდით ავესო უცხად გული.

წერილის მაგივრად პატარა რვეული იყო, დანომრილი ფურცლებით, რამდენიმე სტრიქონი ენერა ყოველ ფურცელზე, კარგი და ლამაზი ხელით, რომელიც ძალიან მოეწონა კოზეტს.

ღამწერის სახელი ეძება, მაგრამ ვერსად იპოვა. ხელმოწერილი არ იყო რვეული. ვისდამი იყო მიმართული? ალბათ კოზეტისადმი, რადგან მის სკამზე დადო, ვინც იყო, და მას მიუძღვნა. ვისგან უნდა ყოფილიყო? მოჯადოებულებით იდგა ქალი. ხელში ეჭირა რვეული და თრთოდა თავით ფეხამდე. ცდილობდა თვალი მოეშორებინა, ცას ახედა, მზის სხივით დამშვენებულ აკაციებს, მტრედებს, მეზობელი სახლის ეზოში რომ დაფრინავდნენ, მიყრუებულ ქუჩას. მერე თავისდაუნებურად უეცრად დააცქერდა ხელნაწერს და გადანწყვიტა, - უნდა ვნახო, რა სწერია ამ რვეულშიო.

აი, რა წაიკითხა:

თავი მეოთხე

ქვის ქვეშ მოქცეული გული

ქვეყნიერებას რომ ერთადერთ არსებაში ხედავს ადამიანი და ღვთაებად ისახავს, ეს არის სიყვარული.

სიყვარული მისალმება არის ანგელოზებისა ციურ მნათობთადმი.

რა მწუხარება ერევა სულს, როდესაც სიყვარულისა არის ეს მწუხარება!

რა ობლობას განიცდის გული, როდესაც განშორდება სულისჩამდგმელ სატრფოს! ოჰ, რა ჭეშმარიტებაა, როცა ღვთაებად იხდი, ვინც გიყვარს! გასაგებია, ამაზე

განრისხდებოდა ღმერთი, ყოვლისშემძლებელს რომ ადამიანის სულისთვის არ შეექმნა ქვეყნიერება, სული კი სიყვარულისთვის.

პატარა ღიმილი კმარა იისფერი ლენტებით დამშვენებული თეთრი ქედის ქვეშიდან, რომ ოცნებათა სამოთხეში შევიდეს სული.

ყველგან არს ღმერთი, მაგრამ ყველა მალავს ღმერთს, შავია ნივთიერება, გაუმჭვირვალა არსება, და გამჭვირვალედ ხდი, როცა შეიყვარებ.

ლოცვას უდრის ზოგი ფიქრი. მოხდება ხოლმე, რაა მდგომარეობაშიც უნდა იყოს სხეული, სული მაინც მუხლმოყრილია.

განშორებულნიც რომ იყვნენ შეყვარებულნი, განშორებას მოატყუებენ ათასი ქიშკით, რომელთა მაინც აქვთ რეალობა. უკრძალავენ მათ ერთმანეთის ნახვას, წიგნის მიწრას; ათას საშუალებას პოუბენ საიდუმლო მიმონწერისთვის: ფრინველთა გალობას უგზავნიან ერთმანეთს, ყვავილთა სურნელებას, ბავშვის სიცილს, მზის მუქს, ქარის კვნესას, ვარსკვლავის ელვარებას, მთელ ქმნილებას ბუნებისას და რატომაც არა! სიყვარულის ხელშემწყობად გააჩინა ღმერთმა ყოველივე, რაც გააჩინა, და საკმაოდ ძლიერია სიყვარული, რათა მთელი ბუნება მოიხმაროს თავის მახარებლად.

- ო, გაზაფხულო! შენც უსტარი ხარ, ჩემს სატრფოსთან მიწერილი!

მომავალი გულს უფრო მეტად ეკუთვნის, ვიდრე გონებას. მარტო სიყვარულია იმდენად ძლიერი, რომ შეიძლებს დაეუფლოს და ააგოს მარადისობა. უსაზღვროს დაუმრეტელი ესაჭიროება.

სიყვარული მოზიარეა სულისა. ერთი ბუნებისანი არიან სული და სიყვარული. ისიც, როგორც სული, ნაპერწკალია ღვთიური, განუხრწნელი, როგორც სული, განუყოფელი და უკვდავი. წერტილია ცეცხლისა ჩვენს გულში აღგზნებული, უკვდავი და განუქრობელი, რომელსაც ვერც რამე შეზღუდავს, ვერც რამე ჩააქრობს. ანთია და ძვლების ტვინშიც კი შეაქვს მხურვალეობა, და ცის კამარაში ბრწყინავს თავისი ალით.

ო, სიყვარულო! თაყვანისცემავ! ნეტარებავ ორი არსებისა, რომელთა შეუგნიათ ერთმანეთი, ორი გულისა, რომელნი ერთსულოვნად გაერთებულან, ხომ კიდევ მომხედავ, ბედნიერებავ? ერთად სეირნობა განცალკევებით! კურთხეული, ბრწყინვალე ღღინი! ოცნებასავით მესიმზრება, რომ ხანდახან ცოტა ხანი მოსწყდება ხოლმე უამი ანგელოზთ ცხოვრებას და ქვეყანას ეფინება ადამიანთა ბედის დასატკბობად.

დაუსრულებელი მარადისობის მეტს ველარას დაუმატებს ღმერთი შეყვარებულთა ნეტარებას. სიყვარულით აღსავსე სიცოცხლის შემდეგ რომ სიყვარულის მარადისობა მიანიჭოს, მართლაცდა დამატება იქნება, მაგრამ ვერას დაუმატებს იმ ნეტარებას, რომელსაც ამქვეყნად ანიჭებს სიყვარული სულს; ეს შეუძლებელია თვით ღმერთისთვისაც. ღმერთი სისრულეა ცისა და სიყვარული - სისრულე კაცისა.

ორი მოსაზრება გაქვთ, ვარსკვლავს რომ შეჰხარით: შეჰხარით იმიტომ, რომ სხივსა ჰვენს და იმიტომ, რომ მიუწვდომელია. და აგერ, გვერდით გიდგათ ერთი უფრო ტკბილი სხივმფენი და უფრო მეტად იღუმალი არსება, ეს არის ქალი.

ყველას გვაქვს, ვინც კი ვართ ამქვეყნად, ის, რითაც ვსუნთქავთ. რომ არა გვეწონდეს, უპაეროდ დავრჩებით და დავიხრჩობით. სამინღლებაა უსიყვარულოდ სიკვდილი, სულის დახშობა!

ოდეს შეადნობს სიყვარული, შეაერთებს ერთ წმინდათა ანგელოზურ ერთეულად ორ არსებას, სიცოცხლის საიდუმლოება ნათელი გახდება მათთვის, ისინი დაინახავენ,

რომ ორ მხარეს წარმოადგენენ ერთი ბედისწერისას, ორ ფრთას წარმოადგენენ ერთი სულისას. მამ, გიყვარდეთ და აღმა ფრენდეთ!

წინ რომ გაგივლით ქალი და სხივს მოგფენთ, თქვენს თავს აღარ ეკუთვნიოთ, - უკვე გიყვართ. ერთადერთილა დაგრჩენიათ: ისეთი დაუინებოთ ფიქრობდეთ მასზე, რომ იძულებული გახადოთ იგი, თქვენზე იფიქროს.

სიყვარულით დაწყებულს ღმერთის მეტი ვერავინ დააბოლოებს.

სასწრაფოთილებას ეძლევა ან აღტაცებით ივსება ნამდვილი სიყვარული ერთი თათმანის დაკარგვით ან ნაპოვნი ცხვირსახოცით. და მარადისობა კი ესაჭიროება ნეტარებისა და იმედისთვის. სიყვარულში ერთად არიან უსაზღვროდ დიადი და უსაზღვროდ კნინი.

თუ ქვა ხართ, ანდამატი გახდით; თუ მცენარე ხართ, მიმოზად იქცით, მგრძობიარედ. თუ კარი ხართ, სიყვარულად გარდაიქცით.

არაფერს იკმარებს სიყვარული. ბედნიერია? ედემი უნდა. და ედემს რომ მიადნევეს, ზეცას ნატრობს.

თუ გიყვართ, სიყვარულშივე პოვებთ ედემსა და ზეცას. ოღონდ იცოდეთ მათი მიგნება. სიყვარულს აქვს თავისი ზეცა და ზეცაზე მეტი ნეტარება.

- კიდევ დაბრძანდება „ის“ ლუქსემბურგის ბაღში? - არა, ბატონო. - მგონია, ამ ეკლესიაში მოისმენს წირვას? არა? - არა, აქ აღარ დაიარება. - ისევ იმ სახლში ცხოვრობს? - არა, გადავიდა. - სად გადავიდა, თუ იცით?

- ვგეც არა თქვა.

უბედურება არ არის, თავის სულის ადგილსამყოფელი არ იცოდეს კაცმა?

სიყვარული ბავშვურიცაა; სხვა ვნება კი წერილმანია. შერცხვენილი იყოს ვნება, რომელიც ამცირებს კაცს! დიდება ვნებას, რომელიც ბავშვად აქცევს კაცს!

იცით, უცნაური რამ შემემთხვა. ღამის წყვილაღმა ვარ. იყო ვინმე, განმშორდა და თან წაიღო ზეცა.

გვერდზე მწვევს ჩემი სატრფო ერთსა და იმავე კუბოში ხელიხელჩაკიდებული და ხანდახან ტკბილად ვუაღერებდეთ იმ წყვილაღმა მის თითს. ესეც იკმარებს ჩემს სამარადისოდ.

გიყვართ და იტანჯებით? უფრო მეტად გიყვარდეთ! სიყვარულით სიკვდილი სიცოცხლეა ნეტარი.

გიყვარდეთ! ტანჯვა არის სიყვარული, მაგრამ ზეციურიც ურევია ამ ტანჯვაში.

სულთაბრძოლაში არის აღტაცება.

რა ბედნიერები არიან ჩიტები! ბუდე აქვთ და იმიტომ გალობენ.

სიყვარული ზეციური სუნთქვაა სამოთხის ჰაერთით.

ღრმა გულნო, გონიერნო, დატკბით იმ სიცოცხლით, როგორც ღმერთმა გააჩინა, სიცოცხლე ტანჯვაა ხანგრძლივი, შეუგნებელი მზადება უცნობი ბედისწერისადმი მისაღწევად, - ეს ბედისწერა, ნამდვილი ბედისწერა ადამიანისა, საფლავის შინაგანი კობის პირველი საფეხურიდან იწყება. მართო იქ გავახელოთ თვალს, და დავინახავთ ჩვენს საბოლოოს. სიცოცხლის საბოლოო! დაუფიქრდით ამ სიტყვას. ცოცხალი უსაზღვროს ხედავს, და საბოლოო კი მართო მიცვალებულთ ეჩვენება. მანამ კი, გიყვარდეთ და იტანჯებოდეთ, იმედოვნებდეთ და გიხაროდეთ. ვაი იმას, ვისაც მხოლოდ სხეული უყვარდა, აგებულება, ხილული. ყველაფერს გამოაცლის სიკვდილი! ეცადეთ, სული შეიყვართო, რომ იქაცა პოვოთ.

ყმაწვილი კაცი შემხვდა ქუჩაში, მეტად ღარიბი, სიყვარულით გატაცებული. ძველი ქედი ეხურა, გახუნებული ტანისამოსი ეცვა, იდაყვები გამოხეული; წყალი შესდიოდა ნალებში და ციური სხივი სულში.

რა ნეტარებაა, ოდეს უყვარხართ! უფრო მეტი ნეტარებაა, ოდეს გიყვართ! გულს გიგმირავთ ვნების ძალი. აღარაფერი გრჩებათ გულში, გარდა წმინდისა და სათნოისა; აღარაფერს ემყარება გული, გარდა კეთილისა და სადიდებლისა. ვერ იხეირებს იქ ბიწიერი რამ ფიქრი, როგორადაც ყინულში ჭინჭარი. წმინდაა მაშინ სული განდიდებული, ვეღარ იგუებს ხორციელ ვნებასა და აღტაცებას, და უარყოფს ქვეყანაზე შავი ღრუბელივით ჩამონოლილ ბოროტებას, შურს, სიცრუეს, სიძულვილს, ამაოებას, გაჭირვებას. ზეცაში უპოვია ბინა და ბედისწერის ღრმა საზარელ ვაებას ისე ნაკლებად გრძნობს, როგორც მაღალი მთის მწვერვალი იგრძნობს ხოლმე დედამიწის ძვრას.

თვით მზე ჩაქრებოდა, რომ აღარავინ ყოფილიყო სიყვარულით შეპყრობილი.

თავი მესუთე
წაკითხვის შემდეგ

კითხულობდა კომეტი, თანდათან ტკბილი ოცნება ერეოდა და სწორედ იმ დროს, როდესაც უკანასკნელი სტრიქონი წაკითხა და თვალი მოამორა რვეულს, გამარჯვებული სახით გაიარა ქუჩაში კოხტა ოფიცერმა. ამ დროს გაივლიდა ხოლმე ყოველთვის.

საზიზღრად ეჩვენა იგი კომეტს.

და ისევ რვეულს დააცქერდა, დაჰხაროდა პატარა რვეულს, - მშვენიერი ხელით არის დანერილიო, - ფიქრობდა კომეტი, - ერთი ხელით, მაგრამ სხვადასხვა მელნით. ზოგან სულ შავით, ზოგან ბაცით, თითქოს მელანში წყალი ჩაუხსამთ, მაშასადამე, სხვადასხვა დროს. მაშ, გრძნობა მორეგია გულს, აუკვნესებია და დროგამოშვებით უწერიანებია, უთანამიმდევროდ, ურიგოდ, ურჩევად, უმიზნოდ, შემთხვევის მიხედვით. ჯერ ამისთანა თავის დღეში არაფერი ენახა კომეტს. ოდნავ კარდია საკურთხევლად ეჩვენებოდა ეს ხელნაწერი, რომელშიც მისთვის გასაგებს უფრო მეტს ხედავდა, ვიდრე ბნელს. თვალწინ უბრწყინავდა ყოველი სტრიქონი, ჯერ საიდუმლოებით სავესე, და უცნაურ სინათლით უვსებდა გულს. მონასტერში რომ იყო, სულს ჩასჩიჩინებდნენ ყოველთვის და ერთხელაც არ უხსენებიათ სიყვარულით. სწორედ ისე, რომ სულ ცეცხლზე ლაპარაკობდეს კაცი და ალი კი არ ახსენოს. უცბად, მაგრამ ტკბილად გადაუშალა თვალწინ იმ პატარა ხელნაწერებმა სიყვარული, მწუხარება, ბედისწერა, სიცოცხლე, მარადისობა, - თავი და ბოლო ადამიანის არსებობისა. ისე მოხვდა გულს პატარა რვეული, თითქოს უცბად ხელი გაშალა ვიღაცამ და შიგ პირში შეაფრქვია ქვეყნის სინათლე. ხელნაწერის რამდენიმე სტრიქონში გრძნობდა ვნებით აღსავსე ბუნებას, აღგზნებულს, დიდსულოვანს, პატიოსანს, წმინდა სურვილს, მწარე სევდას და უსაზღვრო იმედს, დანყლულეებულ გულსა და ნეტარ აღტაცებას. რას წარმოადგენდა ეს ხელნაწერი? წერილს უმისამართოს, უსახელოს, უთარილოს; ხელმოუწერელს, საჩქაროს და უზიაროს, ჭეშმარიტებით სავსე გამოცანას, მახარობელს სიყვარულისას, ანგელოზის მიერ შედგენილს ქალწულისთვის წასაკითხავად, პაემანს ქვეყნის გარეთ შესახვედრად, ტკბილ ალერსს ლანდისას აჩრდილისადმი. დამორებულის ალერსი

იყო, მშვიდის, მაგრამ სევდიანისა, რომელიც, ეტყობოდა, მზად იყო სიკვდილს შეჰფარებოდა და დაშორებულს უგზავნიდა საიდუმლოებას ბედისას და გასაღებს სიცოცხლისას, - სიყვარულს. ვინ იცის, ფეხი საფლავეში ჰქონდა, ამას რომ წერდა და თითები - ზეცაში. ეს სტრიქონები, თითო-თითოდ რომ ვარდებოდნენ ქაღალდზე, წვეთები იყო სულისა, თუ დასაშვებია ასეთი სიტყვა.

ახლა ვისგან უნდა ყოფილიყო ეს ხელნაწერი? ვის შეეძლო ამის დაწერა?

ერთ წუთს არ ჩაფიქრებულა კოზეტი.

ერთადერთს! მხოლოდ „მას!“

სინათლე მოეფინა მის აზროვნებას. განახლდა წარსული. ალტაცებული იყო სიხარულით და თან მწარე სევდა ერეოდა. ის იყო, ის! ის იწერებოდა! ის უნდა ყოფილიყო იქ, ბაღში! მან შემოჰყო ღობეში ხელი და ქვის ქვეშ ამოდო თავისი გული! და იმ დროს, როდესაც კოზეტი ნელ-ნელა ივიწყებოდა, მან მიიწვი იპოვა თავისი სატრფო. მაგრამ განა მართლა ავიწყდებოდა კოზეტს? თავის დღეში არა! შეშლილი იყო ალბათ, რომ ერთ წამს წარმოიდგინა - ვივიწყებდიო. - პირიქით, ყოველთვის უყვარდა, აღმერთებდა. ცეცხლს პატარა ფერფლი გადაეფარა და აღარ ენთო ცოტა ხანს, მაგრამ, კარგად გრძნობდა, უფრო ჩაღრმავებულიყო ეს ცეცხლი, და, აგერ, ისე იფეთქა ხელახლა, რომ თავის ალში გაეხვია იგი სულით ხორცამდე. ეს რვეული ნაპერწკალი იყო მისი სულისგან კოზეტის სულში გადმოვარდნილი. და გრძნობდა, რომ ხანძარი უჩნდებოდა გულში. ხელნაწერის ყოველი სიტყვის სევდას გრძნობდა და კვნესოდა.

- ოჰ, ასეა! - იძახდა კოზეტი, - როგორ ვცნობ ამ სევდას!

ამის მეტი არაფერი მინახავს მის თვალებში!

მესამედ ნაიკითხა. ის იყო დაასრულა, რომ ისევ ის ოფიცერი დაინახა ქუჩაში, რომელმაც ბაღის ღობესთან აანკრიალა თავისი დეგები. უნებლიეთ გადახედა კოზეტმა. საზიზღარი ეჩვენა, გაუთლელი, სულელი, უვიცი, ქარაფშუტა, მკვებარა, ბრიყვი და უსახური. ის კი იმ აზრისა იყო, უთუოდ უნდა გავუღიძო ამ ქალსო. შერცხვა კოზეტს და აღშფოთებულმა შეაქცია ზურგი. ცოტა კიდევ და შიგ თავში ესროლა რამეს.

სირბილით შევარდა სახლში, ავიდა თავის ოთახში, კარი ჩაიკეტა, რომ კიდევ წაეკითხა ხელნაწერი, რომ ზეპირად ესწავლა და ოცნებით დამტკბარიყო. გაძლა რვეულის კითხვით, აკოცა და უბეში ჩაიღო.

მეტიც არაფერი უნდოდა კოზეტს. ღრმად ჩაიჭრა მის გულში სერაფიმული სიყვარული. ხელახლა ხედავდა ღია სიღრმეს ედემისას.

გაბრუნებული იყო მთელი დღე. ფიქრი ძლივსლა შეეძლო, აწვნილ ძაფივით ებლანდებოდა აზრები, ველარაფერი წარმოედგინა მომავლისა, იმედი უღვიოდა და თან თრთოლა ერეოდა. რისი იმედი? ჯერ გამოურკვეველი ბედნიერებისა. ვერ ბედავდა აღეთქვა რამე თავისთვის, მაგრამ არც რისამე უარყოფა უნდოდა. ხან ფერი ეცვლებოდა, გაყვითლდებოდა, ხან შეაჟრჟოლებდა და წარმოუდგებოდა უცბად, რომ კიდევ რაღაც ელანდება, ნამდვილი არაფერია მის სიხარულში. - სიმშარში ხომ არა ვარ? - ეკითხებოდა თავს. და ამის გამოსარკვევად ხელით უაღერსებდა გულში ჩაკრულ სიყვარულის რვეულს. გულში იკრავდა, გრძნობდა ქაღალდს თავის სხეულზე, და ჟან ვალჟანს რომ დაენახა ამწამს, განცვიფრებული დადგებოდა გაბრწყინებული კოზეტის წინაშე, რომელიც ჯერ არსად ენახა ასე გახარებული. - ოჰ,

ის არის, ის! - ჩასძახოდა თავს კოზეტი, - ის არის, და წერილიც მისგან მომივიდა, ჩემთვის გამოგზავნილი!

- ანგელოზები ჩამოერივნენ ჩემს ბედისწერაში, - იძახდა კოზეტი, - ზეციურმა შემთხვევამ დამიბრუნა ჩემი მიჯნურიო!..

ოჰ, ოცნებავ სიყვარულისავ! ეს ზეციური შემთხვევა, ეს ჩამორევა ანგელოზებისა სულ უბრალო პატარა ბარათი იყო, პურის გულში ჩამალული, ერთმა ქერდმა რომ გადაუგდო მეორეს კარლოს დიდის საპატიმროს ეზოდან.

თავი შეექცეს

მოხუცი იმისთვის არსებობს, რომ ღროზე მიდიოდეს სახლიდან

დაბინდა და უან ვალუაინც სასეირნოდ წავიდა. მორითო კოზეტი. კოხტად დაივარცხნა თმა, კაბა ჩაიცვა, რომლის გულისპირს ოდნავ მეტად მოხვედროდა მაკრატელი და ამ ჭრილობის გამო მთლად ამიშვლებდა ყელს, რაც „საკადრისი არ უნდა იყოს“ ყმანვილი ქალების აზრით. უკადრისი იმ კაბაში და გულისპირში არაფერი იყო, მოხდენითაც უფრო უხდებოდა, ვიდრე სხვა. მორითო, მოიკაზმა ქალი და თვითონაც არ იყოლა, რისთვის ირთებოდა.

მიდიოდა სადმე? არა.

ელოდა ვინმეს? არა.

მორითო და ბაღში ჩავიდა. ტუსენს საქმე ჰქონდა სამზარეულოში, რომლის ფანჯრები უკანა ეზოში გადიოდა.

დადიოდა ხეების ქვეშ. ხელით იშორდებდა დაბლა დანეულ ტოტებს.

მერე ქვიან სკამთან მივიდა.

ქვა ისევ ზედ იღო.

დაჯდა, თეთრი ფუნჩულა ხელი დაადო ქვას, თითქოს ალერსს უპირებს და მაღლობასო.

და უცხად მოერია ის გამოურკვეველი გრძნობა, რომელსაც განიცდის კაცი, როდესაც მის უკან დგას ვინმე, მისთვის უხილავი და თვალს არ აშორებს.

წამოვარდა, უკან მიიხედა.

ის იყო.

თავშიშველი იდგა; ფერმიხილვს ჰვავდა, გამხდარიყო. ძლივს ჩანდა მისი შავი ტანისამოსი. ბინდი აყვითლებდა მის ლამაზ შუბლს და ბნელს აფარებდა თვალებზე. შეუღარებელი გულჩვილობა ემჩნეოდა სახეზე, მაგრამ ამ რიდეს ქვემიდან რალაც მოჩანდა ბნელისა და სიკვდილისა. სახეს მომაკვდავი დღის სინათლე უნათებდა და ფიქრი სულთმობრძავი სულისა.

გამოცვლილიყო, ჯერ კიდევ მოჩვენება არ იყო, მაგრამ აღარც ადამიანი იყო.

ქუდი იქვე ბუჩქებში ეგდო.

კინალამ გული წაუვიდა კოზეტს, მაგრამ მაინც არ დაიყვინა. უკან დაიხია ნელ-ნელა, რადგან გრძნობდა, რომ თავისკენ მიიზიდავდა მოსული. ის კი იდგა, ფეხს არ იცვლიდა, დაღონებული, და თუმცა ვერ ხედავდა კოზეტს, ცხადად გრძნობდა, რომ იგი თვალს აღარ აშორებდა სატრფოს.

უკან მიიწვავდა კოზეტი, ხეს შეეჭახა და ზედ მიეყრდნო. ეს ხე რომ არ ყოფილიყო, წაიქცეოდა.

მაშინ მოესმა მისი ხმა, რომელიც აქამდე თითქმის არ გაეგონა, ჩუმი ხმა, რომელიც ოდნავ აღემატებოდა ფოთლების შრიალს:

- მაპატიეთ, რომ აქ გახლავართ. გული მეღეოდა, აღარ შემეძლო ისე ცხოვრება და გეახელით. წაიკითხეთ ის რვეული, აქ რომ დავდე, ამ სკამზე? მიცანით, ოდნავ მაინც? ნუ გეშინიათ. რამდენი ხანია მას შემდეგ! ნეტავ თუ გახსოვს ის დღე, მე რომ შემომხედეთ? ლუქსემბურგის ბაღში იყო, გლადიატორის ქანდაკების ახლოს, ან კიდევ მეორე დღეს, წინ რომ გამიარეთ? თექვსმეტ თიბათვეს იყო და ორ მკათათვეს. წელიწადი სრულდება, დიდი ხანი გავიდა მას შემდეგ და ვეღარსად დაგინახეთ. სკამების გამჭირავებელს ვკითხე და - დიდი ხანია აღარ მობრძანებულაო, - მიპასუხა. დასაუღეთის ქუჩაზე ცხოვრობდით, ახალ სახლში, ქუჩიდან მესამე სართულზე. ხედავთ, ესეც ვიცოდი. სულ უკან გდევდით, ქალბატონო. ან რას ვიზამდი, რომ თქვენს მეთი აღარაფერი მაგონდებოდა? და თქვენ კი გაქრით, მიმემაღეთ. ერთხელ ოდონის თაღებქვეშ გაზეთს ვკითხულობდი; ვილაც ქალს მიგამსგავსეთ და გამოვვიკიდე. მაგრამ არა, არა, სხვა იყო, მხოლოდ ქუდი უვავდა თქვენსას. დაღამდება და მეც აქა ვარ. ნუ გეშინიათ, მე აქ არავინ მხედავს. ვდგავარ და თქვენს ფანჯრებს შემოვყურებ. ძალიან ფრთხილად დავდივარ, რომ თქვენ არ შემოგესმათ ჩემი ფეხის ხმა და არ შეგაშინოთ. იმ დღეს უკან ვედექით, და რომ მოიხედეთ, გაგიქეცი. ერთხელ თქვენი სიძღერა გავიგონე და ცას დავენიე. ხომ არ გწყინთ? რა დაგაკლდებათ, რომ თქვენი სიძღერა გავიგონო, მით უფრო, რომ ფარდებჩამოშვებულ ოთახში მდგრით? არ გწყინთ, არა? რა ვქნა, რომ თქვენ ხართ ჩემი ანგელოზი და ნება უნდა მომცეთ, ხანდახან მოვიდე ხოლმე თქვენ სანახავად. მგონია, დიდხანს არ შეგაწუხებთ, მომაკვდავი ვარ. რომ იცოდეთ, როგორ გაღმერთებთ! მაპატიეთ, რას გელაპარაკებთ, არც კი ვიცი, რას ვროშავ, იქნება კიდევ გაგაჯავრეთ, ხომ არ მიჯავრდებთ?

- ოჰ, დედავ! - ამოიკვნესა კოზეტმა.

და ძირს დაეშვა მომაკვდავივით.

ხელი მიაშველა მოსულმა, აიყვანა, რომ არ წაქცეულიყო. გულში ჩაიკრა ანგარიშმოუცემლად. კოზეტს შეელოდა და თვითონაც საშველი იყო, ისე კანკალებდა და ბარბაცებდა. ისე იყო გაბრუებული, თითქოს კვამლით ევსებოდა თავი; წამწამებიდან ალს აფრქვევდა; ფიქრები არეოდა; ისე იყო, თითქოს მღვდელთმსახურებასაც ასრულებდა, აბილნებდა წმინდას და იმავე დროს არაავითარი სურვილი არ ჰქონდა ამ მშვენიერებისა, როგორც ქალისა, რომელიც გულში ჩაეკრა. წმინდა სიყვარულით აღტაცებულიყო.

ხელი ჩამოართვა კოზეტმა და გულზე დაიდო. მარიუსმა მაშინვე იგრძნო გულში ჩამალული ქალადლი და წასჩურჩულა:

- მამ, გიყვარვართ?

ოდნავ ქროლვასავით ჩუმი ხმით უპასუხა კოზეტმა:

- გაჩუმდი! ხომ იცი!

უცხად განითლდა და ყმანვილი კაცის, ბედნიერისა და აღტაცებულის გულში ჩამალა თავი.

სკამზე დასხდნენ ერთად. სიტყვა აღარ ჰქონდათ. კაშკაშებდნენ ვარსკვლავები. როგორ მოხდა, რომ ერთმანეთს მიეწება იმათი ბაგე? როგორ მოხდება ხოლმე, რომ

ჩიტი გალობს, თოვლი დნება, ვარდი იშლება, მაისი ყვავის, ბორცვზე შავი ხეების მთრთოლარე წვერების გადაღმა თეთრად გამოკრთის აისი?

ერთი კოცნა და ამით დასრულდა მათი ალერსი.

თრთოდნენ ორივენი. გაბრწყინებული თვალით შეჰყურებდნენ ერთმანეთს ამ სიბნელეში.

არც ღამის სიგრილეს გრძნობდნენ, არც ქვის სიცივეს, არც მიწის ნოტიოს, არც სველ ბალახს; შესქეროდნენ ერთმანეთს და გული სავსე ჰქონდათ ფიქრით; ერთმანეთის ხელი ეჭირათ ხელში და ვერც ამჩნევდნენ ამას.

არათუფან ჰკითხავდა კოზეტი. ისიც კი არ ჰკითხა, როგორ შემოხვედი ბაღში, სად არის გატეხილი ღობეო? - იქ იყო მისი მიჯნური და სხვა აღარათუფანი ახსოვდა.

ხანდახან მარიუსის მუხლი შეეხებოდა ხოლმე კოზეტისას და თრთოლა ერეოდა ორივეს.

ისხდნენ ჩუმაღ. კოზეტს თუ წამოსცდებოდა ერთი სიტყვა. ბავშვზე უთრთოდა სული, როგორც ყვავილზე ცის ნამი.

ბოლოს ცოტ-ცოტა ლაპარაკიც შეძლეს. დუმილს გულისნადების გაზიარება მოჰყვა. ტკბილი, ნათელი ღამეც ხელს უწყობდათ. ანგელოზებივით უმანკო იყვნენ ორნივე და ერთმანეთს გადაუშალეს გული, გაუშილეს თავიანთი ოცნებანი, გულის წუხილი, აღტაცებანი, რაღაც ლანდები, თავიანთი სისუსტე. უამბეს, როგორ აღმერთებდნენ შორიდან ერთმანეთს, როგორ სწყუროდათ ერთმანეთის ნახვა, გაისინეს ის სასონარკვეთილება, როდესაც განშორებულნი იყვნენ. იდეალური ნდობით უამბობდნენ ერთმანეთს ყველაფერს, რაც კი დამალული ჰქონდათ და საიდუმლო გულის სიღრმეში. სრული რწმენა ჰქონდა ორთავეს, რომ ერთმანეთს ეკუთვნიან სამუდამოდ და წრფელად უზიარებდნენ ერთმანეთს ყველაფერს, რასაც კი მოაგონებდათ სიყვარული, სიყმანვილე და ბავშვობა. ერთმანეთს შეეუღლდა ეს ორი გული, ისე რომ ერთი საათის შემდეგ ყმანვილ კაცს გული ყმანვილი ქალისა ჰქონდა და ყმანვილ ქალს - ყმანვილი კაცისა. სულით შეერთდნენ, აღივსნენ ერთმანეთის თაყვანისცემით.

და როდესაც ორივემ თქვა, რაც სათქმელი ჰქონდათ, თავი დაადო მხარზე კოზეტმა და ჰკითხა:

- მართლა, რა გქვიათ?
- მარიუსი, თქვენ?
- მე, კოზეტი.

წიგნი მეექვსე
პატარა გავროში

თავი პირველი
ქარის ბოროტი ცელქობა

1823 წლის შემდეგ, როდესაც ისე ცუდად წავიდა მონფერმეილის დუქნის საქმე, რომ იგი ნელ-ნელა ჩაიფლო არა ვაკოტრების უფსკრულში, არამედ წვრილი ვალების ბინძურ ორმოში, ორი შვილი კიდევ შეეძინა ტენარდიების ოჯახს, ორივე

ბიჭი, ისე რომ მათ უკვე ხუთი შვილი ჰყავდათ: ორი ქალი და სამი ვაჟი. ეს კი მეტისმეტი იყო.

ტენარდიეს ცოლმა დიდი სიხარულით მოიშორა თავიდან ეს ორი პატარა, ჯერ ისევ ჩვილი ბავშვი. სწორედ თავიდან მოიშორა. ამ დედაკაცს ბუნებრივი გრძნობების მხოლოდ ნამსხვრევები შერჩენოდა. თუმცა ამგვარი მაგალითი მრავლად მოიპოვება ჩვენს ცხოვრებაში, - მარშალ მოტ-უდანკურის ცოლისა არ იყოს, შვილებად მას მხოლოდ გოგონები მიაჩნდა, გოგონებით თავდებოდა მისი დედობა. ადამიანი სძულდა და თავისივე შვილების, ვაჟების შეძულებით დაეწყო ეს სიძულვილი. თავისი ვაჟებისადმი უაღრესად ავი იყო, უდიერი და გული მათდამი ბოროტებითა და ზიზღით აესებოდა. როგორც უკვე ვნახეთ, ჭირივით ეჯავრებოდა უფროსი და უფრო მეტად ორი პატარა. რად იყო ასე? იმიტომ. იმიტომ - ეს არის უსაზარლესი საფუძველთაგანი და თან საბოლოოდ უცილობელი პასუხი. რა თავში ვიხლი ამ ბავშვების ხროვას? - გაიძახოდა ეს ვითომ დედა.

განვმარტოთ, როგორ მოიშორეს ტენარდიებმა ორი პატარა ბიჭი და თან პატარა სარგებელიც ნახეს.

გეხსომებათ გოგო მანონი, რომლის ოინი უკვე გაიმბეთ. ორი შვილი ჰყავდა და ისე მოახერხა, რომ უილნორმანი დააჯერა, - შენები არიანო, - ფულს ართმევდა ყოველთვიურად მათ შესანახად. სენის პირას დაეჭირავებინა ბინა, სელესტინის სანაპიროზე იმ ძველი პტი-მუსკის ქუჩის კუთხეში, რომელიც ძალიან ეყადა, რომ კეთილად გარდაექმნა თავისი ცუდი სახელი. ამ ოცდაათხუთმეტი წლის წინათ ხუნაგი მუსრს ავლებდა პარიზში მდინარის პირას მცხოვრებთ. ეს ყველას ეხსომება, მით უფრო, რომ კარგად ისარგებლა ამით მეცნიერებამ და მრავალ ავადმყოფზე სკადა შაბით წამლობა, რომლის მაგივრად ასე სასარგებლოდ აღმოჩნდა ჩვენს დროში იოლი. მაშინ იყო, რომ ერთ დღეს მოუკვდა მანონს ორივე ბავშვი. ერთი დილით მოკვდა, მეორე იმავე საღამოს. დიდი უბედურება ენია - ძალიან ძვირფასი იყვნენ დედისთვის, ვინაიდან მათ შესანახად ოთხმოც ფრანკს იღებდა თვეში. ამ ოთხმოც ფრანკს ყოველთვის დანიშნულ დროს მიართმევდა ხოლმე უილნორმანისგან მისი, ასე ვთქვათ, ხაზინადარი, ბ. ბარჟი, ძველად ბოქაულად ნამყოფი, რუა-დგ სისილის ქუჩაზე მცხოვრები. ბავშვები დაიხოცნენ და ოთხმოცი ფრანკიც უნდა დაკარგულიყო. ჩაფიქრდა მანონი, - უნდა მოვახერხო რამეო. იმ შავბნელ ბოროტების წრეში, რომელსაც ეკუთვნოდა ეს დედაკაცი. ყველამ იცის, ვის რა ავკაცობა ჩაუდენია, მაგრამ ხმას არაფერ იღებს, საიდუმლო საიდუმლოდ რჩება, და ამგვარად ემველებიან ერთმანეთს. ორი ბავშვი სჭირდებოდა მანონს. ტენარდიეს ჰყავდა ორი ბავშვი, იმავე სქესისა, იმავე ასაკისა, საქმის სასარგებლოდ მოგვარება იყო ერთისთვის, და კარგად დაბინავება ბავშვებისა მეორისთვის. პატარა ტენარდიებმა პატარა მანონებად იქცნენ. მანონმა ბინა შეიცვალა და ახლა კლიშპერსში დასახლდა. პარიზში პიროვნებათა იგივეობა ხშირად იცვლება ერთი ქუჩიდან მეორეზე გადასვლისას.

მთავრობას ამის შესახებ არაფერი აცნობეს, ისიც არ ჩარეულა, და ტენარდიების მანონებად გარდაქმნა სულ ადვილად მოგვარდა. ტენარდიემ ათი ფრანკი მოსთხოვა თვიურად, - ჩემი შვილების წყალობით იღებთ ოთხმოც ფრანკსო; მანონიც დათანხმდა და აძლევდა კიდევ, რადგან ბ. უილნორმანი ყოველთვის უგზავნიდა ფულს და წელიწადში ორჯერ თვითონაც მიდიოდა მანონთან ბავშვების სანახავად. ამ

შეცვლისა ვერაფერი შენიშნა, - ერთი შეხედვით, ბატონო, როგორ გგვანანო, - ჩასციებოდა მანონი.

ტენარდიესაც ძალიან ეადვილებოდა ყოველგვარი გარდაქმნა. ისარგებლა ამ შემთხვევით და ჟონდრეტად იქცა. იმისი ორი ქალი და გავროში აქამდე ყურადღებასაც არ აქცევდნენ თავიანთ პატარა ძმებს. დიდ გაჭირვებაში მყოფ ადამიანს რაღაც სპექტრული განურჩევლობა ერევა და ჭიასავით ეჩვენება ყველა, ისე უყურებს უახლოეს ადამიანებს, როგორც აჩრდილს ცხოვრების მოღრუბლულ სივრცეში და უმნიშვნელოდ ეჩვენება ეს აჩრდილი, თითქოს ჰკონია, ავერ, გაქრებაო.

ჩააბარა ტენარდიეს ცოლმა თავისი ორი შვილი მანონს და სამუდამოდ გამოეთხოვა, - ვითომ არც კი მყოლიაო! - მაგრამ საღამომხანს პატარა სინანული დაეტყო, - ვინ იცის, იქნებ სურდა ქმარს სჩვენებოდა შვილების მოყვარე დედად? - და ჰკითხა:

- მაშ, გარეთ გავყარეთ ჩვენი შვილები?

მეცნიერის გამომეტყველება მიიღო ტენარდიემ და გულგრილად გაუქარავა სინანული:

- თუან-ჟაკ რუსო უარესს სჩადიოდა.

სინანული შემფოთებდა შეეცვალა დედას:

- პოლიციამ რომ გავვიგოს, ხომ ვერ გადავრჩებით? ერთი მიბრძანეთ, ბატონო ტენარდიე, კანონის მიერ ნებადართულია თუ არა ჩვენი მანონთან მორიგება?

ტენარდიემ გადაჭრით უპასუხა:

- ყველაფერი ნებადართულია. მანდ ავი არაფერია, და ვგეც არ იყოს, ვინ დაინყებს იმ ბავშვების საქმის ძიებას, რომელთაც ერთი სუ არ გააჩნიათ?

მანონს კეკლეუცის სახელი ჰქონდა თავის წრეში. სულ კოხტად მორთული დადიოდა. თავის სახლში, ღარიბად, მაგრამ თავისებური სილამამით მონყობილში, ერთი ქურდობაში დახელოვნებული გადაფრანგებული ინგლისელი ქალი ჰყავდა. ამ ქალს, რომელიც პარიზში დამკვიდრებულიყო, კარგი განწყობილება ჰქონდა მდიდრებთან და მონაწილე იყო ბიბლიოთეკის მდღეებისა და ქალბატონ მარსის ბრილიანტების მოპარვის საქმეში. შემდეგშიც დიდად ისახელა თავისი სასამართლოს მატეანის ფურცლებზე.

მამზელ მისს-ს ეძახდნენ მას.

მანონთან მოხვედრილი ორი პატარა ბიჭი ვერაფერს დაემდურებოდა. ოთხმოცი ფრანკის წყალობით, კარგად უვლიდა ბავშვებს მანონი, ისე როგორც უვლის ადამიანი ყველაფერს, რისგანაც კი სარგებლობა აქვს. მათ არც ტანისამოსი აკლდათ, არც საჭმელ-სასმელი. ისე ექცეოდა მანონი, თითქოს „პატარა ბატონები“ ყოფილიყვნენ. ასე რომ, დედობილთან უფრო კარგად გრძნობდნენ თავს, ვიდრე მშობელ დედასთან. „ქალბატონობას“ ლამობდა მანონი და მდაბიურ სიტყვასაც კი არ გააგონებდა ბავშვებს.

ასე გაატარეს ბიჭებმა რამდენიმე წელიწადი. მათ მომავალზე იმედებს ამყარებდა ტენარდიე. ერთხელ, როდესაც თავისი ხვედრი ათი ფრანკის მისაღებად მივიდა მანონთან, ურჩია ქალს:

- ამ ბავშვების სწავლა-განათლებაც „მამამ“ უნდა იკისროს.

და უცხად უპატრონოდ დარჩნენ სანყალი ბავშვები, რომელთაც აქამდე ცოტად მაინც იბრალებდა ავი ბედი. ქუჩაში დარჩნენ და თვით უნდა შეგბრძოლებოდნენ ცხოვრებას.

ჟონდრეტის და მისი ამხანაგების დაპატიმრებას მრავალი ქურდისა და ბოროტმოქმედის დაჭერა მოჰყვა; ბინების ჩხრეკა, ახლა სხვების აღმოჩენა და დამწყვდევა. ღვთის რისხვა ეწიათ იმ ბოროტების წიაღში მცხოვრებ ნაწილს საზოგადოებისას, რომელიც საღდაც ბნელში ცხოვრობს და მხოლოდ ბოროტებით იდგამს სულს. ჭირივით მოედება ხოლმე მთავრობის მოხელეების სტუმრობა ამ ბნელეთში მცხოვრებთ. ტენარდიეს დალუპვამ მანონის დალუპვა გამოიწვია.

ერთ მშვენიერ დღეს, ცოტა ხანში მას შემდეგ, რაც მანონმა ბარათი გადასცა ეპონინს პლუმეს ქუჩაზე განსაკუთრებით მცხოვრებთა შესახებ, მოულოდნელად კლოშპერსის ქუჩაზე გაჩნდა პოლიცია. მანონი დაიჭირეს, დაიჭირეს აგრეთვე მამშელ მისს-ი. სახლში მცხოვრებნი, ყველა, ვინც საეჭვო იყო, პოლიციის მახეში მოხვდა. ამ დროს მანონის ორი პატარა ბიჭი სახლის უკანა ეზოში თამაშობდა ბავშვებთან და არაფერი იცოდნენ თავდასხმის შესახებ. შინ რომ მივიდნენ, კარი დაკეტილი დახვდათ და სახლი ცარიელი. სახლის პირდაპირ ქუჩაში ხარაზი მუშაობდა ფარდულში, დაუძახა ბავშვებს და მისცა პატარა ქაღალდი, რომელიც „დედას“ დაეტოვებინა მათთვის. ქაღალდზე მისამართი ეწერა: „ბ. ბარჟი, რუა-დე-სისილის ქ. #8“.

- თქვენ აქ აღარ ცხოვრობთ, - უთხრა ხარაზმა, - აი, იმ სახლში მიდით. სულ ახლაა აქედან. პირველი ქუჩა, მარცხნივ რომ ჩაუხვევს. ამ ქაღალდით მიაკვლევთ გზას.

წავიდნენ ბავშვები, უფროსს მიჰყავდა უმცროსი, ცალ ხელში მისი ხელი ეჭირა და მეორე ხელში ის ქაღალდი, რომელსაც მათთვის გზა უნდა ეჩვენებინა. სციოდა პატარა ბიჭს, თითებს ველარ კუმშავდა და ოდნავ ეჭირა ქაღალდი. კლოშპერსის ქუჩისკენ რომ ჩაუხვევს, უცხად დაუბერა გიჟმა ქარმა, ხელიდან გაავდებინა ქაღალდი და გაიტაცა. ბინდებოდა და ვერც კი დაინახეს, საით წაიღო ის ქარმა.

ბავშვებმა უმიზნოდ დაიწყეს ყიალი ქუჩაში.

თავი მეორე

დიდი ნაპოლეონით სარგებლობს პატარა გავროში

გაზაფხულს პარიზში ხშირად მოჰყვება ხოლმე ცივი ქარი, რომელიც არ ყინავს ადამიანს, მაგრამ ძალიან კი აცივებს. ეს ცივი ქარი, რომელიც აპირქუმებს გაზაფხულის მშვენიერ დღეებს, ცივი ზამთრის ჰაერის შთაბეჭდილებას ახდენს. ჩარჩოს ჭჭურუტანებიდან ან ცუდად მიხურული კარიდან რომ გამოთბარ ოთახში შეიჭრება, თითქოს წასულ ზამთარს ღია დარჩენია კარი და იქიდან გამოდის ეს სიცივე. 1832 წლის გაზაფხულზე, იმ დროს, როდესაც პირველად მოედო ევროპას საშინელი ეპიდემია, ეს ქარიც უფრო მკაცრი იყო და საზარელი, ვიდრე ოდესმე. ეს ღიად დარჩენილი გამყინავი კარი უფრო ცივი იყო, ვიდრე ზამთრისა. ეს სამარის კარი იყო. ამ ქარის ქროლვაში იგრძნობოდა ქოლერის სუნთქვა.

მეტეოროლოგიურად იმით იყო უჩვეულო ეს ცივი ქარი, რომ დამუხტული იყო ელექტრული ძალით. ძალიან ხშირი იყო იმ გაზაფხულს ჭექა-ქუხილი და დიდი ავდარი.

ერთ საღამოს, როდესაც ეს ცივი ქარი ისე უბერავდა, თითქოს იანვარი დაბრუნებულიყო და ბურჟუები ზამთრის პალტოში გახვეულიყვნენ, პატარა გავროში ქუჩაში იყო, აკანკალებული, დაგლეჯილი ტანისამოსი ეცვა, მაგრამ კარგ გუნებაზე, თავისებურად მხიარული. ორბსენ-ჟერვეს ახლოს ერთი დალაქის განათებულ ფანჯარასთან იდგა და ალტაცებით შეჰყურებდა ფანჯარაში გამონცობილ საქონელსა და ცვილის პატარძალს. ქალის შალი ეშოვა სადღაც, მკერდსა და თავზე შემოეხვია და ასე მოხუდნული ვითომ თვალს ვერ ამორებდა კოხტად მორთულ პატარძალს, გულმკერდღიას, ნარინჯის ყვავილებით დამშვენებულს. პატარძალი ტრიალებდა, ორი ლამპით განათებული და ღიმილით ატკობდა ქუჩაში გამვლელთ. შეჰყურებდა გავროში, მაგრამ სულ სხვა განზრახვა ჰქონდა: იდგა და ფიქრობდა, როგორ მოეხერხებინა, რომ ერთი ცალი საპონი აენაზნა დალაქისთვის; მოპარულს გარეუბანში გაიტანდა, იქ პარიკმახერს მიჰყიდდა და პურის ფულს იშოვიდა. ხშირად უხდებოდა ხოლმე ქურდობით მოპოვებული ვახშმის ჭამა. ესეც ერთგვარ შრომად მიაჩნდა, დალაქს წვერი მოვპარსეო, - იტყოდა ხოლმე თავმომწონედ.

პატარძალს შეჰყურებდა, საპონს უთვალთვალედა და თან ბუბუბუბებდა:

- სამშაბათს, არა! სამშაბათს არა! სამშაბათს იყო? მგონი სამშაბათს იყო, ჰო, სამშაბათს.

ვინ იყის, რას ნიშნავდა ეს მოლოგი?

თუ შემთხვევით იმის თქმა უნდოდა, რომ უკანასკნელად სადილი სამშაბათს ვჭამეო, მაშ, სამი დღე გასულიყო, რაც არათფერი ვჭამა, რადგან უკვე პარასკევი ღამდებოდა.

დალაქს კარგად გახურებული ღუმელი ედგა, წვერს ჰპარსავდა ვიღაც კაცს და ხანგამომვებით გადმოხედავდა ხოლმე მტერს, ამ გათომილი, თავხედი პატარა ქურდაცაცას სახით, რომელსაც ჯიბეში ხელეები ჩაეწყო და, ცხადია, რაღაც განზრახა.

ამგვარად რომ შეჰყურებდა მოკაზმულ პატარძალსა და ვინდგორ-საპონს, ორი პატარა ბიჭი მიადგა სადალაქოს. პატარები იყვნენ, კარგად ჩაცმულები, გავროშზე პატარები; ერთი შვიდი წლისა იქნებოდა, მეორე ხუთისა; გაუბედავად შეალო კარი, შევიდნენ და რაღაცას ეუბნებოდნენ დალაქს, იქნებ მოწყალებას სთხოვდნენ, მაგრამ ისე საცოდავად, რომ ეს კვნესასა და ტირილს უფრო წააგავდა, ვიდრე თხოვნას. რაღაცას ამბობდა ორივე ერთად, მაგრამ გაუგებარი იყო მათი სიტყვა, რადგან ქვითინი აწყვეტინებდა სათქმელს უმცროსს და ყინვისგან კანკალი უფროსს. გაბრაზებული დალაქი მივარდა, ისე, რომ არც კი დალო სამართებელი, მარცხენა ხელი სტაცა უფროსს, პანლური ჰკრა უმცროსს, ქუჩაში გამოყარა, კარი მოხურა და წამოიძახა გაჭავრებულმა:

- ხომ გაიყინა აქაურობა, თქვე საძაგლებო, თქვენა!

ტირილით გაუდგნენ გზას პატარები. სწორედ იმ დროს ღრუბელი მოიტანა ქარმა და წვიმა დაუშვა.

მათ უკან დაედევნა გავროში და დაუნყო გამოკითხვა:

- რა მოგსვლიათ, ბიჭუნებო?

- არ ვიცით, სად დავიძინოთ. - უპასუხა უფრომა.

- სულ ეგ არის? - გაიკვირვა გავროშმა, - დიდი რამ მომხდარა! აბა, ვინ ტირის მაგისთვის? რა სულელები ყოფილხართ!

ოდნავ ქედმაღლურად, თან დამამშვიდებელი მფარველობით მიმართა ბავშვებს:

- ჩემთან წამოდით, წერილფეხობაგ!

- გაიხლებით, ბატონო, - უპასუხა უფროსმა.

და გავროშს გაჰყენენ ბავშვები სწორედ ისე, როგორც გაჰყევბოდნენ არქივისკოპოსს. ისინი უკვე აღარც კი ტიროდნენ.

სენტ-ანტუანის ქუჩა აიარეს ბიჭებმა, ბასტილიის მიმართულებით.

დალაქის ჯავრი კი ჯერაც არ მოენელებინა გავროშს. სანამ ახლოს იყვნენ, ერთხელ კიდევ გადახედა სადალაქოს და წამოიძახა აღშფოთებულმა:

- ქვის გული ჰქონია იმ ვირთევზას, იმასა, ალბათ ინგლისელი იქნება.

ერთ გოგოს სიცილი წასკდა, ასე მიმავალი რომ დაინახა ბიჭები, წინ გავროში, უკან პატარები. გავროშისა და მისი სტუმრების შეურაცხყოფა იყო ეს სიცილი.

- საღამო მშვიდობისა, ქალბატონო ომნიბუსო! - გადასძახა გავროშმა.

მაგრამ ისევ დალაქი მოაგონდა და დაუმატა:

- არა, მგონია შევცდი მხეცში. ვირთევზა კი არა, გველია. დამაცადე შენა! ერთი კარგი ზეინკალი ვიშოვო, რომ ზარი შეგაბას ზედ კულზე.

გაბრაზებული გავროში ჯავრს სხვებზე იყრიდა. პატარა რუმე რომ გადახტა, მიმართა წვეროსან დედაკაცს, რომელსაც ცოცხი ფჭირა ხელში და სავსებით ღირსი იყო ფაუსტს შეხვედროდა ბროკენზე:

- ქალბატონო, თქვენი რაშით გამობრძანებულხართ?

იქვე ფეხი წაჰკრა ტალახს და ლაქის ფეხსაცმელები გაუსვარა ერთ გამვლელს.

- რას შერები, შე ბრიყვო?! - შეუტია ბრაზმორეულმა გამვლელმა.

ცხვირი გამოყო შალიდან გავროშმა, დააქცერდა:

- ბატონი უჩივის ვინმეს?

- შენა, შე საძაგელო!

- სასამართლო დაკეტილი გახლავთ, - მიუგო გავროშმა, - მე არზას ვეღარ მივიღებ.

თან ნელ-ნელა მიდიოდნენ ბასტილიისკენ. ერთი ალაყაფის კართან გოგო დაინახეს მთლად გაყინული, ცამეტ-თოთხმეტი წლის მათხოვარი, ისეთი მოკლე კაბა ეცვა, რომ შიშველი მუხლები უჩანდა. პატარა იყო, მაგრამ კაბა დამოკლებოდა იმ ასაკში, როდესაც სამარცხვინო ხდება სიშიშველე.

- საწყალი გოგო! - წამოიძახა გავროშმა, - ნიფხავიც კი არ აცვია! აჰა, დაიჭი! ეს მაინც წამოისხი.

კისერზე რომ შალი ეხვია, მოიხსნა, ჩამომხმარ, გალურჯებულ მხრებზე წამოასხა გოგოს და ისევ შალად აქცია თავისი ყელპირსახვევი.

გაკვირვებული შეაშტერდა გოგო და ხმის ამოუღებლად მიიღო ეს საჩუქარი. ზოგჯერ ისე გამოატყინებს ხოლმე ღარიბ კაცს გაჭირვება, რომ აღარც კენესის ტკივილისგან, და აღარც მადლობას უხდის კეთილისმყოფელს.

უცბად სიცივემ აიტანა:

- ბრრრ! - წამოიძახა მწარედ და უფრო ძალიან აკანკალდა, ვიდრე წმინდა მარტენი, რომელმაც მხოლოდ წამოსასხამის ნახევარი მისცა შიშველს.

ეს ბრრრ! ეწყინა ზეცას და შხაჰუნა წვიმა დაუშვა. მოღრუბლული ზეცა თითქოს სჭიდა ადამიანს სიკეთისთვის.

- ეს რადაა? - შეჰყვირა გავროშმა, - მგონი ცა ძირს ჩამოდის! შენ, ეი, ღმერთო! თუ ასე გაგრძელდება, იცოდე, ბოროტი გავხდები!

ფეხი ააჩქარეს.

გადახედა მთხოვარა გოგოს, რომელიც ეხვეოდა მის შალში და წამოიძახა:

- ხედავთ, როგორ გაეხვია ჩემს ქურქში!

მერე ცას შეხედა და შეჰყვირა:

- რა გაიტანე?

მიდიოდა და თან მისდევდა ორი პატარა ბიჭი.

რკინის მოაჭირით გამაგრებულ ღუქანთან მივიდნენ. ეს მოაჭირი პურის ღუქნისა იყო, რადგან პურსაც ისე ინახავენ და ჰკეტავენ, როგორც ოქროს.

- მართლა, პანეობო, სადილი ჭამეთ?

- დღეს დიდიდან არაფერი გვიჭამია, ბატონო, - მიუგო უფროსმა.

- მამ არც დედა გყოლიათ, არც მამა? - ჰკითხა ზეიმურად გავროშმა.

- უკაცრავად, ბატონო. დედაც გყვავს, მამაც, მაგრამ არ ვიცით, სად არიან.

- მაგის ცოდნას ზოგჯერ უცოდინრობა სჯობია, - თქვა გავროშმა, რადგან იგი უკვე ღრმამთაზროვნე გამხდარიყო.

- აგერ, ორი საათი იქნება, რაც ასე დავდივართ. სულ აქეთ-იქით ვაცეცებდით თვალებს, რომ საჭმელი გვეპოვა, მაგრამ ვერაფერი ვიპოვეთ.

- მე კი არ ვიცი! - უთხრა გავროშმა, - თქვენ რას იპოვიდით, როცა სულ ძაღლები ჭამენ ყველაფერს.

ცოტა ხანს ჩუმად მიდიოდა, მერე წამოიძახა:

- მამ, ჩვენი მშობლები დაეკარგეთ? აღარ ვიცით, სად გადაიკარგნენ? არ ვარგა, ბიჭებო! როგორ შეიძლება უფროსების აგრე მიტოვება? მოდი შენა და გაანყე რამე! სხვა კი არაფერი ჰკითხა. უბინაო ბავშვები! რა იყო აქ გასაკვირველი?

უფროსი თითქმის დამშვიდებულიყო და ბავშვური უზრუნველობით წამოიძახა:

- არ ვიცი, ღმერთმანი! დედაჩემი დაგვპირდა, ბზობას საყდარში წავიყვანო, ნაკურთხი ბზა მოვიტანოთო.

- მერმის იყოს, - უთხრა გავროშმა.

- ქალბატონია დედაჩემი, ერთად ვცხოვრობთ ჩვენ და მამშელ მისს-ი.

- შეგაბეროთ!

გავროში გაჩერდა. რამდენიმე წუთი ჯიბეებში ეძებდა რაღაც. მერე ტანისამოსში, სადაც კი რისამე ჩაღება შეიძლებოდა.

ბოლოს მალლა ასწია თავი. ცდილობდა მხოლოდ კმაყოფილება აღბეჭდოდა სახეზე, მაგრამ ზეიმური გამარჯვება გამოხატა.

- დამშვიდდით, ჭიჭყინებო! აი, ჩვენი ვახშამი, სამი კაცისა!

და ჯიბიდან ერთი სუ ამოიღო.

აღარ დააცადა ბავშვებს, რომ გაკვირვება გამოეთქვათ, ხელი წაჰკრა ორივეს და პურის ღუქანში შეავდო. თვითონ შევიდა, დაზგაზე დადო თავისი სუ და უბრძანა:

- ბიჭო! ხუთი სანტიმის პური!

- სამად გასჭერით, ბიჭო! - უბრძანა გავროშმა და მერე მედიდურად დაუმატა:

- სამნი ვართ.

გადმოხედა სამ ბიჭს მეპურემ და თეთრის მაგივრად ახლა შავი პური აიღო. ეს რომ დანახა გავროშმა, ცხვირში შეიყო თითი, ისეთი ძალით შესუნთქა, თითქოს ფრიდრიხ ძლიერის ბურნუთი ჰქონოდა თითზე, და მერე შეურაცხყოფილის რისხვით შეუტია მეპურეს:

- კესკსა?

ჩვენ მკითხველს, რომელსაც გავროშის ეს წამოძახილი რუსულ სიტყვად ეჩვენება ან პოლონურად, ან ველური იოვაებისა და ბოტოკუდების ძახილად, ერთმანეთს რომ გასძახიან მდინარის გაღმა-გამოღმა, მოვაგონებთ, რომ იგი თვით ხშირადვე ხმარობს ამ სიტყვას, მხოლოდ მთელი ფრაზის სახით:

- რა არის ეს?

მეპურემ კარგად გაიგო ეს სიტყვა და უპასუხა:

- ესეც ძალიან კარგი პურია, ოღონდ მეორე ხარისხისა.

- ესე იგი საძაგელი შავი პური, არა? - შეუსწორა მშვიდად გავროშმა, - თეთრი პური მოგვიჭერით, სტუმრები მყავს!

ვერ შეიკავა მეპურემ სიცილი და, პურს რომ უჭრიდა, თანაგრძნობით გადახედა პატარა ბიჭებს. ახლა ეს იუკადრისა გავროშმა და შეუტია:

- რამ მოგიარათ, ფქვილცომავ? რა თვალთა გვზომავთ აგრე?

ზედიზედ რომ შეგვეყენებინა სამივე, ზომით ორი მეტრიც არ გამოვიდოდა.

პური სამად გაჭრა მეპურემ, სუ დახლში ჩააგდო.

გავროშმა პატარებს მიმართა:

- აბა, გადასანსლეთ!

გაკვირვებული შესცქეროდნენ ბავშვები.

გავროშს სიცილი მოერია:

- აბა, რას გაიგებენ, ტუქუმწოვრები არიან ჯერ ისევე.

მერე განუმარტა:

- ჭამეთ.

და თითო ნაჭერი პური მიანოდა თითოეულ მათგანს.

უფროსს უფრო ღირსად ცნობდა თავისთან სალაპარაკოდ და ამიტომ ცდილობდა მის ნაქვებებს, რათა მოურიდებლად გამოერთმია მისთვის პური და მოეკლა შიმშილი. გაუნოდა, რომელიც უფრო დიდი ნაჭერი იყო, და უთხრა:

- აბა, გატენე შენი თოფი!

დანარჩენი ორი ნაჭრიდან, რომელიც უფრო დიდი იყო, უმცროსს მისცა. თავისთვის პატარა დაიტოვა.

საბრალო ბავშვები გავროშზე ნაკლები დამშეულები როდი იყვნენ. ხარბად ილუკმებოდნენ და წასვლა აღარ აგონდებოდათ. მეპურემ თავისი ფული მიიღო და ახლა გაჭაგრება დაეტყო, - რატომ არ მიდიანო.

- აბა, წავიდეთ, - თქვა გავროშმა.

ისევე ბასტილის მიმართულებით გაუდგნენ გზას.

აქა-იქ, კარგად განათებული მაღაზიის ფანჯრებთან რომ მივიდოდნენ, გაჩერდებოდა უმცროსი და ტყვიის საათს დასცქეროდა, რომელიც ყელზე ება პატარა ბანრით.

- ამ მიმუნს უყურეთ თქვენ! - თქვა გავროშმა.

მერე ჩაფიქრდა წამით და ბუზღუნით გამოცრა:

- არა, მე რომ მყოლოდა ბალები, უფრო კარგად მოვეუკლიდი.

პურს ილუკმებოდნენ, როდესაც დაღვრემილ ბალებს ქუჩის კუთხეს მიადგნენ, საიდანაც მოჩანს ფორსის საპატიმროს დაბალი კარი.

- ოჰო! ეს შენა, გავროშ? - შეაყენა ვიღაც კაცმა.

- ოჰო! ეს შენა, მონპარნას?

ეს კაცი გადაცმული მონპარნასი იყო. ლურჯსათვალნიანი, გავროშმა მაინც იცნო.

- ყოჩაღ, ბიჭო! - მოუწონა გავროშმა, - ძალიან გიხდება ეგ სელოს საფენისფერი ტყავი და ექიმვიით ლურჯი სათვალე. კობტა ბიჭი ხარ, რაც მართალია, მართალია!

- ჩემად, - წასჩურჩულა მონპარნასმა, - რა გაყვირებს?

ხელი სტაცა გავროშს და ბნელში შეიყვანა, სადაც განათებული მაღაზიები არ იყო. პატარა ბიჭებიც თან გაჰყვებენ.

ალაყაფის კარებთან, სიბნელებში რომ გაჩერდნენ, სადაც აღარც აწვიმდათ და აღარც ვინმე ხედავდათ, იქ დაინცეს საუბარი.

- იცი, სად მივდივარ? - ჰკითხა მონპარნასმა.

- სინანულის მთის მონასტერში, - უპასუხა გავროშმა.

- რა ხუმარა ხარ!

მონპარნასმა დაუმატა:ლ

- მინდა ბაბეტი ვიპოვო.

- ოჰო! მამ, ბაბეტი ჰქვია შენს კეკლუეს?

- კაცია, რა ვქნა!

- ჩვენი ბაბეტი?

- მე კი მეგონა, გაიჭედა.

- უკვე დაიძვრინა თავი.

და საჩქაროდ უამბო გავროშს, როგორ გამოიპარა ბაბეტი იმ დილასვე, კონსიერჟერში რომ მიიყვანეს. იმის მაგივრად, რომ მარჯვენა გამოძიების ტალანში შესულიყო, მან მარცხნივ გაუხვია და მოუსვა.

გავროშს ძალიან მოეწონა ეს ოინი და შეაქო ბაბეტი.

- ყოჩაღ, ბიჭო!

მონპარნასმა ცოტა რამ წვრილმანი დაუმატა ბაბეტის გამოქცევის შესახებ და მერე თქვა:

- ეჰ, განა მართო ეგ არის!

მონპარნასის თხრობის დროს, გავროშმა ჯოხი გამოართვა ხელიდან, უნებლიეთ გასწია ტარი და წვრილი ხანჯალი გამოაჩინა.

- ოჰო, - მიმართა მონპარნასს და მყისვე ჩაავო ხანჯალი. მამ, შენი მხედრობაც

თან გახლავს, ბურჟუად გადაცმული?

თვალი ჩაუკრა მონპარნასმა.

- დალახვროს ღმერთმა, კრივს ხომ არ აპირებ ჩვენს ღამურებთან?

- ვინ იცის? - უპასუხა გულგრილად მონპარნასმა, - კაცს ყოველთვის თან უნდა ჰქონდეს პატარა ნესტარი.

მაგრამ გავროში თავისას არ იშლიდა:

- მაინც? ეს მითხარი, ამალამ რას აპირებ?

დიდ საქმეებში ჩაბმული კაცის კილოთი უპასუხა მონპარნასმა:

- საქმე მაქვს.

- რა საქმე?

მაგრამ უცბად სხვა მიმართულება მისცა საუბარს მონპარნასმა:

- ჰო, მართლა...

- რაო?

- უცნაური რამ შემემთხვა ამას წინათ. წარმოგიდგენია? ერთ ბურჟუას შევხვდი. აილო და ერთი უთავბოლო ქადაგება მიძღვნა და თანაც თავისი ქისაც მოაყოლა. ჭიბეში ჩავიდე. ცოტა ხნის შემდეგ არ გასულა ერთი წუთი, ჩავიყავი ჭიბეში ხელი და შიგ ალარაფერი დამხვდა!

- და შეგჩა მართო ქადაგება, არა? - უთხრა გავროშმა.

- შენ სადღა მიდიხარ? - ჰკითხა მონპარნასმა.

გავროშმა დაანახვა თავისი ორი სტუმარი და უპასუხა:

- ეს ბავშვები უნდა დავაძინო.

- სად უნდა დააძინო.

- სად და ჩემთან.

- სად შენთან?

- ჩემს ბინაში.

- მაშ, ბინა გქონია?

- დიახ, მაქვს.

- მერე სადა?

- სპილოში, - უპასუხა გავროშმა.

მონპარნასი იმ ბუნების კაცი იყო, ადვილად არაფერი გააკვირვებდა, მაგრამ აქ კი ვერ შეიკავა თავი:

- სპილოში?

- ჰოდა რა? სპილოში, კეკსაა?

ესეც ერთი იმგვარი სიტყვაა ფრანგული ენისა, რომელსაც ქვეყანა გაიძახის და წერით კი არავინ წერს. კეკსაა შემოკლებული სიტყვებია - *qu'est ce que celà*, - რა გამომდინარეობს აქედანო.

მონპარნასიც ამ შენიშვნამ დაამშვიდა და ჭკუაზე მოიყვანა; ქებაც კი შესძღვნა სპილოს:

- მაშ, სპილოში ხარ? უკეთესს ვერას მიაგნებდი. ხომ კარგად მოეწყვე?

- ძალიან კარგად, - უპასუხა გავროშმა, - ნამდვილად ბუდეა. ხიდქვეშ კი აღარ ვარ, რომ ორმხრივი ქარი მანუხებდეს.

- მერე, როგორ შედიხარ?

- შევდივარ.

- მაშ, ხერელი არის რამე?

- მაშა! ოღონდ არავის უთხრა: წინა ფეხებს შუა. პოლიციელებმა ჯერ არ იციან.

- და აძვრები ხოლმე, არა? ახლა კი მივხვდი.

- ერთი ხელის მოქნევა, წამიც და გაქრა ბიჭი!

ცოტა ხანს გაჩუმდა და მერე დაუმატა:

- ამ საძაგლეებისთვის კი კიბე მაქვს.

მონპარნასს სიცილი წასკდა.

- სად ჯანდაბას აიკვირებ ეს ლაწირაკები?

გულწრფელად უპასუხა გავროშმა:

- ერთმა დალაქმა მიფეშქამა.

მონპარნასს ეტყობოდა, რაღაც აწუხებდა.

- ძალიან მალე მიცანი, ბიჭო, - წაიბურტყუნა დაფიქრებულმა.

ჯიბიდან ამოიღო ორი ცალი ბატის ფრთის მილი ბამბაში შეხვეული და ცხვირის ნესტოებში შეიღო. მთლად გამოეცვალა ცხვირი.

- ძალიან შეგცვალა, - უთხრა გავროშმა, - გონჯი გაგალამაზა. მე რომ შენი ვიყო, სულ მაგრე ვივლიდი, ცხვირგაბლინძული.

ლამაზი ბიჭი იყო მონპარნასი, მაგრამ გავროშს ხუმრობა უყვარდა.

- რა დროს ხუმრობაა? - უთხრა მონპარნასმა, - მიყურე, ახლაც მცნობ?

სულ სხვა ხმით თქვა ეს მონპარნასმა. თვალის დახამხამებაში მთლად შეიცვალა კაცი, შეუძლებელი იყო მისი ცნობა.

- ნამდვილი ოინზაზი ხარ! მოდი ერთი წარმოგვიდგინე რამე! - შეჰყვირა გავროშმა.

აქამდე ყურს არ უგდებდნენ ამ საუბარს ბავშვები, იღვნენ და ცხვირს იჩიჩქინდნენ არხეინად. მაგრამ ოინზაზის სხენებაზე ყურები ცქვითეს. მიუახლოვდნენ მონპარნასს და აღტაცებით შესცქეროდნენ გახარებულნი.

სამწუხაროდ, თავისი აწუხებდა მონპარნასს.

ხელი დაადო გავროშს მხარზე და ხაზგასმით უთხრა:

- ყური დამიგდე და კარგად შეიგნე. მე რომ მოედანზე ვიყო ჩემი დოვით, ჩემი დავით, ჩემი დივით და ერთი ათი სუ დამანახვით, იქნება კიდევ გაცინოთ, მაგრამ დღეს ხომ ყველიერი არ არის, რომ მასხარაობა დავინყოთ.

საკვირველი გავლენა იქონია პატარა გავროშზე ამ უცნაურმა ფრაზამ. უცხად მიბრუნდა, ყურადღებით გადაავლო იქაურობას თავისი ცოცხალი თვალი და იქვე, რამდენიმე ნაბიჯით მომორეხული პოლიციელი დაინახა, რომელსაც ზურგი შემოეცქია ამათთვის.

- პოლ? კარგი! - დაიძახა ჩუმად გავროშმა, მაგრამ ამის მეტი აღარათფერი თქვა პოლიციელის შესახებ. ხელი ჩამოართვა მონპარნასს და გამოეთხოვა:

- მამ, ლამე მშვიდობისა. მე ამ ბავშვებს წავიყვან დასაძინებლად. თუ ლამე დაგჭირდი სადმე, მოხვალ და სპილოში მნახავ მეორე სართულზე. შვეიცარი არ გახლავს, და ბატონ გავროშს იკითხავ.

- კარგი, კარგი!

და თავ-თავის გზას გაუყვნენ. მონპარნასი გრევისკენ წავიდა, გავროში - ბასტილიისკენ. ხუთი წლის პატარა, რომელსაც ძმა მიათრევდა, რამდენჯერმე გაჩერდა და უკან მიიხედა, რომ „ოინზაზი“ დაენახა.

ამ ახირებულ ფრაზას, რომლითაც მონპარნასმა პოლიციელის მოახლოება გააგებინა გავროშს, არავითარი თილისმა არ ჰქონდა, გარდა იმისა, რომ ხუთჯერ-ექვსჯერ იყო ნათქვამი სხვადასხვა სიტყვაში მარცვალი „დივ“.

ამ მარცვალს ცალკე მნიშვნელობა არა აქვს და არც ხმარობენ, მაგრამ ხელოვნურად სიტყვებში ჩარეულს და გამეორებულს თავისი მნიშვნელობა აქვს: „ფრთხილად! არათფერი წამოგცდეს!“ მონპარნასის ფრაზაში ერთი სხვა ლიტერატურული მშვენება მოიპოვებოდა, რომელიც შეუმჩნეველი დარჩა გავროშს: „ჩემი დოვით, ჩემი დავით, ჩემი დივით“ - ტანპლის უბნის არგო, რომელიც ნიშნავს ჩემი ძალღით, ჩემი დანით, ჩემი ცოლით. - ამ სიტყვებს ხშირად ხმარობდნენ მასხარები და წითელქუდა ქილიკები იმ დიად საუკუნეში, როდესაც მოლიერი წერდა და კალო ხატავდა.

ამ ოცი წლის წინათ ჯერ კიდევ ნახავდით ბასტილიის მოედნის სამხრეთ-დასავლეთ მხარეს, ამ საპატიმრო ციხესიმაგრეიდან წინანდელ ხევში გაყვანილ არხის

თავში ერთ უცნაურ ძეგლს, რომელიც უკვე აღმოფხვრილა პარიზელთა მესხიერებიდან, თუმცა ღირსი იყო, ოდნავ მაინც შერჩენოდათ მისი ხსოვნა, რადგან ეს ძეგლი „ინსტიტუტის წევრის, ეგვიპტის ლაშქრის მთავარსარდლის“ აზრის განხორციელება იყო.

ძეგლს ნახავდითო, ვთქვით, თუმცა ეს მხოლოდ მოდელი იყო. მაგრამ თვით ეს საკვირველი მოდელიც მარტოოდენ მონახავივ რომ ყოფილიყო, დიადი ნაშთი იქნებოდა ნაპოლეონის იდეისა, რომელიც ისე ადვილად გავავაშორა ქარმა ორი-სამი დაქროლვით და ისტორიული მნიშვნელობის ძეგლად იქცა; თუმცა გარეგნობით საამისოს არაფერს წარმოადგენდა; სპილო იყო თორმეტი მეტრის სიმაღლისა; აგებული ხისა და ქვის მასალისგან; ზურგზე ამ სპილოს კოშკი ჰქონდა, რომელიც სახლს უფრო ჰგავდა. იგი ოდესღაც მღებავს მწვანედ შეფერვა, შემდეგ კი ცას, წვიმასა და დროს გაეშავებინა. ეს მხარე მოედინისა ცარიელი იყო, სრულიად ღია და სპილოს ფართო შუბლი, მისი ხორთუმი და ეშვები, ზურგზე კოშკი, უშველებელი გავა და სვეტებივით დიდი ოთხი ფეხი, ვარსკვლავებით მოჭედილი ცის ქვეშ საკვირველ და საზარელ ლანდად ეჩვენებოდა ადამიანს. ვერ მიხვდებოდით, რას წარმოადგენდა ეს სპილო! იქნებ ერთგვარი განსახიერება იყო ხალხის ძალ-ღონისა, პირქუში, იღუმალი და უზარმაზარი. რაღაც ძლიერი მკვეთრად აღმართული ჩვენება იყო იქვე უხილავი ბასტილის აჩრდილის გვერდით.

უცხოელები იშვიათად მოდიოდნენ ამ შენობის სანახავად, გამვლელი ზედაც არ შეხედავდა. ინგეროდა, ნელ-ნელა ჩამოიშლებოდა კედლებიდან ნალესი გაჯი და საზარელ ჭრილობად დააჩნდებოდა სპილოს. ედილებს (ასე იხსენიებდნენ იმ დროს განათლებულ წრეში პოლიციელებს) უკვე 1814 წლიდან დაეწყებული ჰქონდათ ეს ძეგლი; ისიც იდგა მიკუნჭული, დაღვრემილი, დაავადებული, ალაგ-ალაგ დასახიჩრებული, გარემოცული დამპალი ღობით, რომელსაც წამდაუნუმ აბინძურებდნენ მთვრალი მეეტლეები. მუცელი დახეთქილი ჰქონდა, ლატანი გამოსჩენოდა კუდიდან, მაღალი ბალახი ამოსვლოდა ფეხებშუა. და რადგან მოედინის დონე ზევით იწევდა ნელ-ნელა ოცდაათი წელიწადის განმავლობაში, რაც დიდი ქალაქის ნიადაგის საერთო თვისებას წარმოადგენს, სპილო ქვევით დარჩა და ისე მოჩანდა, თითქოს მის სიმძიმეს ჩაენია მიწა. საზიზღარი იყო, ათვალწუნებელი, მაგრამ ბურჟუის აზრით შესანიშნავი, ხოლო მოაზროვნეთათვის სევდით მოცული, რაღაც უწმინდური ჰქონდა, რომელსაც განმენდა ესაჭიროებოდა, და რაღაც დიდებული, რომელსაც თავის მოჭრას უპირებდნენ.

როგორც უკვე ვთქვით, ღამით იცვლებოდა შთაბეჭდილება. ღამით უფრო კარგად გრძნობს თავს, რაც დაჩრდილულია დღისით. როგორც კი დაბინდებოდა, მთლად შეიცვლებოდა ბებერი სპილო. დამშვიდებულ, მაგრამ მრისხანე იერს მიიღებდა ღამის იღუმალ სიბნელებში. იგი წარსულს ეკუთვნოდა, ღამის წყვდიადს და ეს წყვდიადი ამშვენებდა მის სიღიადეს.

ეს ტლანქი, უშნო, მძიმე, მკვეთრი, პირქუში, თითქმის მახინჯი, მაგრამ დიადი და ველური ძლიერების გამოხატავი ძეგლი აღიგავა პირისაგან მიწისა, რათა ადგილი დაეთმო ერთსაკვამურიანი უზარმაზარი ღუმლისთვის, რომელმაც დაიჭირა ადგილი ცხრაკოშკიანი ციხისიმაგრისა, თითქმის ისევე, როგორც ბურჟუაზიამ დაიჭირა ადგილი ფეოდალებსა. სრულიად ბუნებრივია, ღუმელი გახდეს სიმბოლო იმ დროისა, რომლის ძლიერებას შეადგენს ქვაბი. გავა ის დრო, გაღის კიდევ უკვე, და ვინცებთ

ნელ-ნელა შეგნებას, რომ თუ ძალა ქვაბით მოიპოვება, ძლიერებას ვერაფრით მივალწევთ, თუ არა ჭკუით. - სხვაფერად რომ ვთქვათ, ქვეყანას განაგებს და წინა სწევს არა ორთქმავალი, არამედ ფიქრი და იდეა, დაახმარეთ იდეას ორთქმავალი, კარგი და პატიოსანი, მაგრამ ცხენს კი მხედრად ნუ მიიჩნევთ.

ისევ ბასტილიის მოედანს დავებრუნდეთ. სპილოს ამშენებელმა ხუროთმოძღვარმა დიადი რამ შექმნა წვეთებით; ლუმლისა და მისი საკვამურის ამშენებელმა ბრინჯაო იხმარა, მაგრამ უმნიშვნელო რამ გამოუვიდა.

ამ საკვამურს ლუმლისას ნათლობის სახელად - „ივლისის სვეტი“ დაარქვეს. ამაოდ ჩავლილი რევოლუციის სახსოვრად და ძეგლად; 1832 წელს ჯერაც პერანგით ფარავდა დიდი ხარაჩო, რომლის ჩამოშლა მეტად დაგვენანა, და გარშემო კიდევ მაღალი ღობე ჰქონდა ფიცრებისა. ამგვარად, მთლად განცალკევებულად იდგა სპილო.

ბნელი იყო ეს მხარე, რადგან შორეული ფარნის სინათლე ძლივსა აღწევდა სპილომდე. ამ ბნელი მხრისკენ მიჰყავდა გავროშს თავისი სტუმრები.

ნება გვიბოძოს მკითხველმა, შევწყვიტოთ წამით მოთხრობა და მოვავალოთ, რომ სრულ სინამდვილეს ვწერთ: ამ ოცი წლის წინათ სასამართლომ განიხილა ერთი უბედური ბიჭის დანაშაული - ბინის უქონლობა და საზოგადო ძეგლის დაზიანება: ბიჭი ბასტილიის სპილოში იპოვეს მძინარე.

მამ, ისევ ჩვენი განვაგრძოთ.

სპილოს რომ მიუახლოვდნენ, გავროშმა იგრძნო, რომ უსაზღვროდ დიდმა შეიძლება შეაშინოს უსაზღვროდ პატარა, და გაათვრთხილა ბავშვები:

- არ შეშინდეთ, ბალებო!

მერე ერთ ალაგას გატეხილი ღობით ისარგებლა, გადაიყვანა ისინი და სპილოსთან მივიდა. ცოტა არ იყოს, შეეშინდათ პატარა ბიჭებს, მაგრამ ხმის ამოუღებლად მისდევდნენ გავროშს, რადგან სრული ნდობა ჰქონდათ იმ პატარა, დაფხრენილტანისამოსიანი განგებისა, რომელმაც პური აჭამა და თავშესაფარს დაჰპირდა.

ღობის ძირას კიბე იდო, რომლითაც დღისით მუშები სარგებლობდნენ. ბუმბულივით მსუბუქად ასწია გავროშმა და სპილოს წინა ფეხს მიადგა. კიბის თავი სპილოს მუცლის შავ, ბნელ ხვრელთან მოაქცია.

მერე ბავშვებს ის ხვრელი დანახვა. კიბესთან მიიყვანა და უთხრა:

- აბა, აღით!

ერთმანეთს შესცქეროდნენ პატარები, შეშინებლად ამ სიბნელისა.

- რისი გეშინიათ, ბიჭებო? - შეჰყვირა გავროშმა და ცოტა ხანს შემდეგ დაუმატა:

- აბა, მიყურეთ!

ხელი წაავლო სპილოს ხორკლიან ფეხს, კიბით სარგებლობა არ იკადრა, და თვალის დახამხამებაში ხვრელთან ავარდა. ისე შეძვრა შიგ, როგორც გველი სოროში და ჩაიმალა. რამდენიმე წამის შემდეგ ბნელ ხვრელში ოდნავ გამოჩნდა გავროშის ფერმკრთალი სახე.

- ამოდით, ბიჭებო, რაღას უყურებთ? ნახეთ, რა კარგად ვარ აქ მონყობილი! ჯერ შენ ამოდი, - მიმართა უფროსს, - ხელს მოგაშველებ.

ერთმანეთს აწვებოდნენ კიბისკენ ბავშვები და ასვლას კი ვერ ბედავდნენ, სპილო ამინებდათ. გავროში აქვზებდა მათ, - ჩქარა, საშიში არაფერიაო! - ციოდა, კარგადაც

წვიმდა და როგორც იყო, გაბედა უფროსმა, შედგა კიბეზე. ნახე უცროსმა, რომ მარტო დარჩა ამ საშინელი მხეცის ფეხებშუა, შეეშინდა, ცრემლით ავესო თვალები, მაგრამ ტირილი ვერ გაბედა.

ნელ-ნელა, ბარბაცით ადიოდა უფროსი კიბეზე. ზემოდან გავროში ამხნევებდა, როგორც ფარიკაობის ოსტატი მოწაფეებს, ან კიდევ მენახშირე დატვირთულ ჯორებს:

- ნუ გეშინია!
- ეგრე!
- ჰა, ყოჩაღ!
- ემანდ დაადგი ფეხი!
- ჰო, ეგრე!
- მოიტა ხელი!

ბიჭი რომ მიუახლოვდა, ხელი სტაცა და უცბად აიტაცა თავისკენ.

- ეს ერთი! - დაიძახა სიხარულით.

შეიყვანა ბნელ ხერხელში და უთხრა:

- აქ დამიცადე. უკაცრავად, ბატონო, მობრძანდით, დაბრძანდით!

ისევე სწრაფად გაძვრა გარეთ და მაიმუნის სისწრაფითა და სიმარჯვით ჩაცურდა სპილოს ფეხებზე. ჩახტა ბალახში, ხელი მოხვია ხუთი წლის ბიჭს, ასწია, შუა კიბეზე დააყენა, თვითონაც უკან დაუდგა და ასძახა უფროსს:

- მე მოვანგები და შენ აიტაცე.

ვერც კი გაიგო პატარამ, როგორ ააფრინეს კიბეზე. ქვევიდან აწვებოდა გავროში, და თან მაგრად ეჭირა, არ ჩამოვარდესო. მიჰყავდა, ამხნევებდა და ისიც სწრაფადვე შეიყვანა თავის ბნელ ბინაში. მერე ფეხი ჰკრა კიბეს, ძირს ჩააგდო ბალახზე, შევიდა ბნელში, ტაში დაჰკრა და დაიძახა:

- აი, შინ ვართ! გაუმარჯოს გენერალ ლაფაიეტს.

მერე ბავშვებს მიმართა:

- თქვენ ჩემთან ხართ, ბიჭებო!

და მართლაც გავროში თავის ბინაში იყო.

ო, უსარგებლო სარგებლობავ! დიად ქმნილებათა მადლო! ბუმბერაზთა გულკეთილობავ! ეს უზარმაზარი ძეგლი, რომელშიც უნდა განხორციელებულიყო აზრი ნაპოლეონისა, ქუჩის ბიჭის სასახლედ იქცა. ბუმბერაზმა მიიღო და შეინყაალა პატარა. კვირაობით მორთული ბურჟუები რომ გაივლიდნენ ხოლმე ბასტილის მოედანზე და ზიზღით შეხედავდნენ სპილოს გადმოკარკულული თვალებით, მოჰყვებოდნენ ბუზუნს: - ნეტავ, ეს რის მაქნისიაო! რის მაქნისი იყო? იგი იფარავდა სიცვიის, თოვლის, სეტყვის, წვიმის, ზამთრის გამყინავი ქარის, ტალახში ძილისა და დაავადებისგან, თოვლში ძილისა და სიკვდილისგან პატარა ქმნილებას, რომელსაც არც დედა ჰყავდა, არც მამა, არც ტანსაცმელი ჰქონდა, არც თავშესაფარი! რის მაქნისი იყო ეს შენობა? თავშესაფარს აძლევდა უმანკოს, რომელიც განდევნილი იყო საზოგადოებისგან. ეს საზიზღარი შენობა იყო, რომ ჰკიცხავდა საზოგადოებრივ უდიერებას. კარღია თავშესაფარი იყო იმისთვის, ვისაც დაკეტილი ხვდებოდა ყველგან კარი. ერთი მასტოდონტი იყო, მატლითა და დავინყებით დაღრღნილი, მუნუკიანი, ხავსიანი, დანყლულებული, საძირკველამილი, მივინყებული, განწირული, ერთგვარი უზარმაზარი მათხოვარი, რომელიც მოედანზე იდგა ხელგანწვდილი და ამაოდ ელოდა, გრძნობის თვალთ გადმოეხედა ვინმეს, ერთს

მანც იმოდენ ხალხიდან. და ამ განწირულმა, ყველასგან უარყოფილმა, შეიბრალა მეორე განწირული, სანყალი პატარა ბიჭი, რომელიც დაყილობდა ქუჩაში ფეხშიშველი, თავშიშველი, გაყინული ხელ-ფეხით, დაფლეთილი ტანსაცმლით და საზრდოობდა მხოლოდ იმით, რასაც საზოგადოება ჩაჰყრიდა სანაგვეში. აი, რის მაქნისი იყო ბასტილიის მოედნის სპილო. ეს იყო აზრი ნაპოლეონისა, განკიცხული ადამიანისგან, და მოწონებული ღვთისგან; რაც შეიძლება მხოლოდ სახელოვანი გამხდარიყო, დიდებული შეიქმნა. ნაპოლეონს განზრახვის განსახორციელებლად მენამული ქვა, სპილენძი, რკინა, ოქრო, მარმარილო სჭირდებოდა; ღმერთისთვის კი საკმარისი იყო ძველი ფიცრებისა და ბოძების ვალესილი ანაწყობი. იმპერატორი გენიოსურ ოცნებას გაეტაცა; უნდოდა ამ უზარმაზარი იარაღით აღჭურვილ ძლიერ სპილოში, მაღლა რომ აეშვირა ხორთუმი, ზურგზე მაღალი კოშკი დაედგა და მჩქეფარე შედრევენებით იყო გარშემორტყმული, გამოესახა ხალხი; ღმერთმა კი უფრო დიდებული დანიშნულება მისცა მას, - უპატრონოდ მიტოვებული ბავშვის ბინად აქცია.

ხვრელში რომ შეძვრა გავროში, ბზარი იყო, თითქმის დაუნახავი გარედან, რადგან დამალული იყო სპილოს მუცლის ქვეშ, და იმდენად ვიწრო, რომ შიგ კატებისა და ბავშვების მეტი ვერაფერ შეძვრებოდა.

- მამ, ვუბრძანოთ მეკარეს, რომ შინ არა ვართ, - დაიძახა გავროშმა და პირაპირ ფიცარს წაავლო ხელი. თავის სასახლეში იყო და სიბნელეშიც კარგად ხედავდა, რაც კი დასჭირდებოდა. ასწია ფიცარი და შემოსაძვრომ ხვრელს დაათარა.

წინ წაინია იმ ბნელში და რაღაც შრიალი შემოესმათ ბავშვებს, ფოსფორიან ბოთლში ჩაშვებული ასანთისა. ჯერ არ ჰქონდათ მამინ ქიმიური ასანთი. ტალკვისი კი პროგრესს წარმოადგენდა იმ დროს.

სინათლე ეცა ბავშვებს, თვალი დაახუჭვინა. თოკი ჰქონდა გავროშს, ფისში ამოვლებული. ამ სანათოთკს „სარდაფის თავი“ ერქვა. გავროშის სარდაფის თავი უფრო ხრჩოლავდა, ვიდრე ანათებდა, მაგრამ მანც ჩანდა იქაურობა.

მიიხედ-მოიხედეს პატარა სტუმრებმა, თვალი გადაავლეს გავროშის მეორე სართულს და იგივე განიცადეს, რასაც განიცდის ჰეიდელბერგის დიდ კასრში ჩამწყვდეული კაცი, ან ის, რაც განეცადა იონას ბიბლიური ვეშაპის მუცელში. უშველებელი ჩონჩხი იყო აღმართული მათ ზემოდან. ზემოთ ერთი დიდი ბოძი მოჩანდა გაშვებული, ამ ბოძიდან პატარ-პატარა მანძილზე გამოდიოდა ორივე მხარეს მრავალი მოზნეილი სქელი ლარტყი. ეს ბოძი წარმოადგენდა სპილოს ხერხემალს და ნეკნებს; ალაგ-ალაგ სტალაქტიტივით ჩამოშვებულიყო თაბაშირი; ობობების აბლაბუდა იყო ყველგან, ფართოდ გაბმული და დამტვრიანებული. აქა-იქ კუნჭულებში რაღაც მოჩანდა პატარა, მოშავო, მოძრავი, რომელიც ცოცხალი უნდა ყოფილიყო, რადგან სწრაფად იძვროდა შემინებული.

მრავალი ნატეხი დასცემოდა ზემოდან სპილოს მუცელს, ამოევსო მისი სიღრმე და ზედ თავისუფლად შეიძლებოდა სიარული, როგორც იატაკზე.

პატარა ბიჭი ძმას მიეკრა და ჩუმი ხმით თქვა:

- ოჰ, ბნელა!

ამ სიტყვამ გააჯავრა გავროში: ისე გაეშტერებინა შიშს ორივე ძმა, რომ პატარა შეტევა იყო საჭირო მათ გასამხნეველად.

- რას მივდ-მოვდებით, რა ვქნა? - შეუტია გავროშმა, - ხუმრობთ, თუ რა? არ მოგწონთ აქაურობა? იქნებ ტუილერის სასახლე გნებავთ? რატომ არ იტყვიან? ეს იყოლდეთ, რომ მე ხეპრეთა რაზმს არ ვეკუთვნი. თქვენ კი, პატარა გოჭებო, წმინდა პაპის მღვდლის გოჭები კი არა ბრძანდებით, რომ აგრე იჭიმებით!

ცოტაოდენი დატუქსვა უებარი წამალია შუშინებულის განსაკურნავად, ჭკუაზე მოიყვანა გავროშის გაჯავრებამ პატარები. მოისმინეს და მიუახლოვდნენ.

გული მოუღობ ბავშვების ამ საქციელმა გავროშს, თითქოს მამა ყოფილიყო მათი, რისხვა აღერსად შეეცვალა და ტკბილად დაარია უმცროსი:

- ნუ ხარ სულელი, პანია. აქ კი არა, გარეთ ბნელა. გარეთა წვიმს, აქ კი არა; გარეთ ცივა, აქ კი არა; იქ ქარი ქრის და აქ კი ქარისა ჭაჭანებაც არ არის; გარეთ ხალხით სავსეა ქუჩები, აქ კი არაფერ არის; გარეთ მთვარეც კი არსად ჩანს, აქ კი სანთელი გვინთია, მამ!

პატარები მაინც დაკვირვებით სინჯავდნენ იქაურობას, ოლონდ ნაკლები ამიშით, მაგრამ არ დააცადა გავროშმა, კარვად დამტკპარიყვენ მისი სასახლის მშენიერებით.

- აბა, ჩქარა! - დასძახა ბავშვებს და იმ მხარეს მიიყვანა ორივე, რომელსაც, ჩვენდა სამოდ, შეიძლება ოთახის ბოლო ვუნოდოთ.

აქ ჰქონდა ლოგინი.

არათფერი აკლდა რა ამ ლოგინს. ლეიბიც იყო, საბანიც და ფარდაც კი ჩამოფარებინა.

ლეიბად ჭილოფი ჰქონდა, საბნად ძალიან თბილი, თითქმის ახალი, რუხი დიდი ყაჯარი, და განჯინაც. აი, რას წარმოადგენდა მისი განჯინა:

სამი ლატანი იყო მაგრად ჩასმული იატაკად გამხდარ ნანგრევში, ესე იგი, სპილოს მუცელში, ორი წინ, ერთი უკან, რომლებიც ზემოთ ერთმანეთს უერთდებოდა და თოკით იყო შეკრული, ისე რომ პირამიდულად აღმართულიყვნენ ლოგინის ზემოდან. ამ სამ ლატანზე მიყუდებული და მავთულით მიკრული ჰქონდა თითბრის მავთულის ბადე. ისე ხელოვნურად იყო მიმავრებული ეს ბადე, რომ სრულიად ფარავდა ლოგინს. ბადეს ქვემოთ დიდრონი ქვები ჰქონდა მიყუდებული, რომ შიგ ვერაფერი შემძვრალიყო; ბადე იყო სწორედ იმ გალიის ნაწილი, როგორებშიც სამხეცეში ათავსებენ ფრინველებს. გავროშის ლოგინიც ამგვარ გალიაში იყო ჩამალული და გარეგნობით ესკიმოსთა კარავს ჰგავდა.

თითბრის ქსელი უსრულებდა ფარდის დანიშნულებას.

გავროშმა ოდნავ აქეთ-იქით მისწია ქსელზე მიყუდებული ქვები და ერთმანეთს გააშორა ორი ქსელფარდა.

- აბა, შეძვერით! უნდა წაწვეთ, თორემ ვერ შეხვალთ.

დიდი სიფრთხილით შეაძვრინა განჯინაში თავისი სტუმრები, მერე თვითონ შეძვრა, ძირს განრთხმული, ქსელის ნაპირი გადაადო მეორეს, ქვები გაასწორა და საბოლოოდ გაამაგრა გალიის შესასვლელი.

ჭილოფზე დანვინენ სამივე ერთად.

ხომ ისე პატარები იყვნენ და ფეხზე წამოდგომას კი ვერაფერ შესძლებდა იმ გალიაში; „სარდაფის თავგად“ წოდებული სანათი ისევე ხელში ეჭირა გავროშს.

- ახლა, ნანა! - უბრძანა გავროშმა, - უკვე უნდა გავაქრო ჩემი ჭალი.

- ბატონო, - მიმართა გავროშს უფროსმა და ხელი დაადო ბადეს, - ეს რაღა?

- ეს ბაღია, თავგების მოსაშორებლად. აბა, ნანა!

მაგრამ, საჭიროდ ჩვენა დაემატებინა რამდენიმე სიტყვა, რომ სრული განმარტება მიეცა პატარებისთვის, და აუხსნა:

- ეს ყველაფერი ზოოპარკიდან მოვიტანე, მხეცებს ეკუთვნის. იმდენი უწყვიათ სანკობში, კაცი ვერ გამოლევს. კედელზე უნდა აფოფხედ, ფანჯარაში გადაძვრე და იქიდან კარის ქვეშით გახვიდე. წამოიღე, რამდენიც გინდა.

ამას ამბობდა და თან საბანს ახურავდა უმცროსს. დაახურა, ამოუკეცა.

- ოჰ, როგორ გავთბი! - წამოიძახა სიხარულით ბავშვმა.

კმაყოფილებით გადახედა გავროშმა თავის საბანს.

- ეს საბანიც ზოოპარკიდანაა, მაიმუნებს ავნაჰნე.

მერე უფროსს ლეიბი აჩვენა, ეს იყო ჭილოფი, რომელზედაც იწვინე სამნივე, სქელი და საგანგებოდ დაწნული:

ეს კიდევ უირაფისა იყო.

ცოტა ხანს მიჩუმდა. მერე განაგრძო:

- იმ მხეცებს, ტყის ნადირებს ჰქონდათ ეს ყველაფერი. მეც მივედი და წავართვი, როლი გამოიჭავრდნენ, სპილოსთვის მიინდა-მეთქი, - ვუთხარი.

კიდევ გაჩუმდა, მაგრამ მალე წამოიძახა, რაც გულზე აწვა:

- კედელზე უნდა გადაძვრე და... ჯანდაბას მთავრობაც და მისი მომგონიც!

გაკვირვებითა და მოკრძალებული თაყვანისცემით ისმენდნენ პატარები ამ უშიშარი, გამბედავი ბიჭის ლაპარაკს; ისიც პატარა იყო, უფროსზე ცოტა დიდი, მათსავით უბინაო, მათსავით უპატრონო, გამხდარი, სუსტი ქუჩის ბიჭი; მაგრამ რაღაც ჰქონდა ამ ბიჭს საკვირველი და ყოვლადშემძლებელი, რაც პატარებს ზებუნებრივად ეჩვენებოდათ. ამ ქუჩის ბიჭის სახეზე იხატებოდა ბებერი მასხარას ღმეჭა და ჩვილის ტკბილი ღიმილი.

- მაშ, პოლიციელებისა არ გეშინიათ, ბატონო? - ჰკითხა მოწინებით უფროსმა.

გავროშმა მოკლედ მოუჭრა:

- პოლიციელები კი არა, ღამურები უნდა თქვა!

ჯერ არ ეძინა უმცროსს, მაგრამ არაფერს ამბობდა. ჭილოფის პირას იწვა, ძმის გვერდით, არ შესცივდესო, კარგად დაახურა გავროშმა საბანი, კარგად ამოუკეცა, როგორც დედამ იცის, შვილს რომ დაანვენს. ჭილოფს ქვეშოდან ძველი ნაგლეჯები ამოუნყო, ისე რომ მუთაქისმაგვარ რაღაცაზე ედო თავი პატარას.

- განა კარგად არ მოვენწყვეთ? - შეეკითხა გავროში უფროსს.

- ძალიან კარგად, - უპასუხა ბიჭმა განსაცდელს გადარჩენილი ანგელოზის გამომეტყველებით.

წვიმისგან სულ განუწული ბიჭები თბებოდნენ.

- მართლა! - წამოიძახა გავროშმა, - ერთი მითხარით, რა გატირებდათ წელან? ამ პანიაში რომ იტიროს, კიდევ ჰო, ეპატიება, - მიუთითა უმცროსზე, - მაგრამ შენოდენა ბიჭი რომ ბღავის ხბოსავით, ეგ კი სირცხვილია.

- ვაი, როგორ არ გვეტირა, რომ აღარ ვიცოდით, სად დაგვეძინა ამ ღამეს? სახლი რომ აღარ გვექონდა?

- იცოდე, სახლის მაგივრად სასახლე უნდა თქვა.

- და გვეშინოდა კიდევ, მარტოდმარტო ვიყავით ქუჩაში ღამე.

- არც ღამე ვარგა. უნდა თქვა უკუნეთი.

- გმადლობთ, ბატონო.

- გამიგონეთ, - დაუნყო დარიგება გავროშმა, - თავის დღეში არ იწუნუნოთ ტყეილებრალოდ. ახლა მე გიპატრონებთ. ნახავ, რა კარგად ვიქნებით. ზაფხულში გლასიერში წავიდეთ ნავესთან ერთად, ნავე ამხანაგია ჩემი, კარგა ლამაზად ვიბანავებთ. მერე ქვიშაზე ვირბნთ სულ მთლად შიშვლები, აუსტერლიცის ხილთან, და ისე გავაბრაშებთ მრეცხავ დედაკაცებს, რომ სულ ცოფსა ჰყრიდნენ. მოჰყვებიან ყვირილს, წყევლას, ლანძღვას, გინებას! სიცილით მოკვდება ადამიანი. ჩონჩხიკაცი ვნახოთ. მკვდარი კი არ გეგონოს, ცოცხალია. მას ელისეს მინდვრებზე აჩვენებენ. ისეა ჩამომხმარი, რომ ცარიელი ძვალი და ტყავილა დარჩენილა. მერე თეატრში წავიყვანთ, ფრედერიკლემეტრისას რომ წარმოადგენენ ხოლმე. ბილეთები რამდენიც გინდა, მსახიობი მყავს ნაცნობი. ერთხელ მეც მივიღე მონაწილეობა წარმოდგენაში. პატარა ბიჭები ვიყავით. ერთი დიდი ზენრის ქვეშ დავრბოდით, ის ზენარი ზღვას წარმოადგენდა. თქვენც გამოვიყვანთ ჩემს თეატრში. ველურთა სანახავადაც წავიყვანთ. მართლა ველური კი არ გეგონოთ, რაღაც ასევე ვარდისფერი თავით ფეხამდე, მაგრამ ზოგან დახეულია და თეთრი კანი უჩანთ. მერე ოპერაში წავიდეთ. ტაშის მკვრელებთან ერთად შევიდეთ. ძალიან კარგად არიან ოპერაში ტაშის მკვრელები. სადმე ქუჩაში მათთან მე არ გავივლი, ოპერაში კი სხვაა. ზოგიერთს ოც სუს აძლევენ ოპერაში და სახელიც შესაფერისი აქვთ იმ სულელებს, - ჩვარს ეძახიან. მერე კიდევ გილიოტინა ვნახოთ, თავს რომ გააგდებინებს სანყალ კაცს, ჯალათსაც გაჩვენებთ; მარეს ქუჩაზე ცხოვრობს, ბატონი სასნონი. კარზე წერილების ყუთი უკიდია. დიდებულად გავატარებთ დროს.

ამ დროს სანათის წვერი დაეცა ხელზე გავროშს და ცხოვრების სინამდვილე მოაკონა.

- ერიჰა! - შეჰყვირა ხუმრობით, - პატრუქი მეღევა. მე თვეში ერთ სუზე მეტს ვერ დაეხარჯავ ჩემი პალატის გასანათებლად. რაკი დანვება კაცი, კიდევ უნდა დაიძინოს. ან დრო სად გვაქვს იმდენი, და ან სინათლე, რომ ბატონ პოლ დე-კოკის რომანები წავიკითხოთ? ერთიც ვნახოთ, სადმე გაბზარული იყოს შემოსასვლელი კარი, სინათლე გადიოდეს და თავს დაგვესხან ღამურები!

გავროშთან ლაპარაკს მხოლოდ უფროსი ბედავდა, და ისიც მოკრძალებით. გავროშის პოლიციელებმა, ღამურებმა, მას სხვა შიში აღუძრეს.

- ერთიც ვნახოთ, - დაიწყო მოკრძალებით, - ჭილოფს დაეცეს ნაპერწკალი და ცეცხლი წაუკიდოს, ხომ მთელი სახლი გადაიწვება!

- ეჰ, ვინ ამბობს - სახლი გადაიწვავ, თქვი სასახლე გადაიბუგება-თქო.

ავი დარი იდგა. ჭექა-ქუხილის ხმა ისმოდა, შხაპუნი წვიმა მოდიოდა და ზურგში სცემდა ბუმბერაზს.

- ძალიან იბერება, მაგრამ მაინც შერცხვება ზეცა, - თქვა გავროშმა, - დასველებას გვიპირებს და ხახამშრალი დარჩება! რა სულელია ზამთარი! ამოდ ფანტავს თავის საქონელსა და შრომას! ვერ გავსველებს და ცოფი ერევა იმ ბებერ მერწყულეს.

ის-ის იყო გამომწვევი დაცინვით ახსენა გავროშმა ჭექა-ქუხილი, როგორც XIX საუკუნის ფილოსოფოსის შეფიქრებოდა, რომ მის სიტყვას ეს შედეგი მოჰყვა, ჯერ ფართო ელვა მოედო ზეცას, იმდენად მძლავრი, რომ გავროშის სასახლეშიც კი შეატანა; თითქმის იმავე წუთს საშინლად დაიქუხა, თითქმის ვილაცის ჯავრის ამოყრას ლამობსო. ორივე პატარამ შეშინებული ყვირილი გააბა, ისე უცბად წამოკვივდნენ,

რომ კინალამ გადაანვინეს მთელი ბაღი, მაგრამ გავროშმა გადახედა თავის სტუმრებს მამაცურად და გრგვინვას სიცილით ააყოლა:

- ჭკვიანად, წვრილოფეხობავ! ასე მთელ ნაგებობას დამინგრევთ, თქვე საძაგლებო! ძალიან დაიქუხა? მამა ვაცხოხნე იმისი! ერთი შეადარეთ მას ჩუმჩუმა, შემპარავი ელვავა ვაშა ღმერთს, ამბიგუს თეატრს არც კი ჩამოუვარდება!

წამოიწია, გაასწორა ბაღი, ალერსით მიანვინა პატარა ბიჭები ჭილოფზე, ხელი დააჭირა მუხლებზე, რომ სამივე დატეულიყვნენ და შეჰყვირა:

- რაკი ფუფალამ თავისი სანათი აანთო, მე ჩემსას ვავაქრობ. უნდა დაიძინოთ, ბიჭებო, მომავალი კაცობრიობავ. უძილობისთანა ცუდი არათყვია. პირი ავციროლდებათ უძილობით, ანუ წარჩინებული საზოგადოების სიტყვით რომ ვთქვათ, არასასიამოვნო სუნი აგედინებათ. აბა, გაცხვიეთ ამ ქურქში! ჰა, ვაქრობ! მზად ხართ?

- დიახ, - უპასუხა უფროსმა, - ძალიან კარგად ვარ. ისე მაქვს თავი, თითქოს ბუმბულის ბალიშზე მედოს.

- თავი კი არა, გოგრა, ბიჭო!

ერთმანეთს მიეკვრნენ პატარები. მისწი-მოსწია გავროშმა, საბანი გაუსწორა, ყურთამდე დახურა, და მესამედ გაიმეორა ბრძანება:

- აბა, მალე! ნანინა!

და გააქრო პატარუქი.

ის-ის იყო გააქრო და რაღაც მოუვიდა ბაღეს, რომლის ქვეშ დაძინებას აპირებდნენ ბიჭები. შეინძრა ქსელი; რაღაც მოხვეოდა, ღრღნიდა მავთულს, უწკარუნებდა, თითქოს რაღაც მრავალკბილიანი და მრავალბრჭყალიანი ცდილობდა გაჭრას. ლითონზე დაჭერილი კბილის კანკანი ისმოდა და რაღაც მრავალხმიანი წრიპინი.

მოესმა თუ არა პატარას, ხუთი წლისას, ეს ღრიანცელი, კინალამ გული გაუსკდა შიშით და იდაყვი წაჰკრა ძმას. მაგრამ მას ძილი მორეოდა და აღარათყვია ესმოდა. რაკი ვედარ გაუძლო პატარამ ამ სამინელებას, გაბედა და გავროშს მიმართა, ისე ჩუმად, რომ სუნთქვას იკრავდა ბიჭი:

- ბატონო!

- ჰა, რა იყო? - უპასუხა გავროშმა და ძლივს გაახილა თვალი.

- ეს რა არის?

- ვირთაგვებია, - უპასუხა გავროშმა და ისევ დახუჭა თვალი.

თავგვები დახვეოდნენ ბაღეს. ათასობით ირეოდნენ სპილოს დახეთქილ კედლებში. შავ, მოძრავ ქვებად ეჩვენნენ, როგორც ზემოთაც ვთქვით, ბავშვებს, ხერულში რომ შევიდნენ, და მანამ სანათი ენთო, მისი პატივისცემით ახლოს მისვლას ვერ ბედავდნენ; მაგრამ როგორც კი გააქრო სინათლე გავროშმა და დააბნელა ამ თავგეთა სამეფო, სუნი მოუვიდათ იმისი, რასაც მეზღაპრე პერო „ნედლ ხორცს“ უწოდებს, და უცბად მიესივნენ გავროშის კარავს, აძვრნენ ბაღეზე და ღრღნი დაუნწყეს, რომ როგორმე გაეხვრიტათ და შემძვრალიყვნენ.

რალა დააძინებდა პანისას?

- ბატონო!

- ჰა?

- რა არის ეს ვირთაგვები?

- თავგებია.

- ამ განმარტებამ ოდნავ დაამშვიდა ბავშვი. პატარა თეთრი თავგები ენახა სადღაც და არ შეშინებოდა მათი. მაგრამ მაინც კიდევ ანუხებდა რაღაც.

- ბატონო!

- ჰა, რა გინდა?

- რატომ ერთ კატას არ იშოვით?

- მყავდა, კარგი კატა მოვიყვანე, მაგრამ შემიჭამეს.

ამ მეორე განმარტებამ მთლად გააქარწყლა პირველი და კანკალი დაანწყებინა ბავშვს. მეოთხედ მიმართა გავროშს და გაიმართა ბაასი:

- ბატონო?

- რაო?

- რა შევიჭამეს?

- კატა.

- რამ შევიჭამათ კატა?

- ვირთავებმა.

- თავებმა?

- ჰო, ვირთავებმა.

განსვითვრებული იყო პატარა ბიჭი, ვერ წარმოედგინა, რომ თავგებს კატა შეეჭამათ, და კიდევ ჰკითხა:

- ბატონო, მამ ჩვენც შეგვჭამენ ეს თავგები?

- მოდი შენ და...

გულგახეთქილი იყო პანია. მაგრამ დაამშვიდა გავროშმა:

- ნუ გეშინია! აქ ვერ შემოვლენ. მერე მე აქ არა ვარ? აჰა, აი, ჩემი ხელი გეჭიროს...

დახუჭე თვალი და დაიძინე.

და შეშინებულის ხელს დაადო ხელი. მაგრად ჩაიკრა ბავშვმა გავროშის ხელი და გული დაუმშვიდდა. მამაცობას და ძალასაც რაღაც საიდუმლო გადამღები თვისება აქვს. ლაპარაკის ხმამ შეაშინა ალბათ თავგები, რომ ჩამოშორდნენ ბავშვებს, და მიჩუმდა ყველაფერი. რამდენიმე წუთის შემდეგ კვლავ განახლეს ბრძოლა და გაცოფებულნი მიესივნენ ბაღეს, მაგრამ ისე ჩასძინებოდა სამივეს, რომ აღარათფერი ესმოდათ.

ღამე ილეოდა. ბნელი დაჰყვნოდა ბასტილიის ვეება მოედანს, ზამთრული ქარი ჩარეულიყო წვიმაში და დაქრიალებდა. პოლიციელები დაყალიბდნენ, ზვერავდნენ ალყაფის კარებს, ხეივნებს, შემორაგულ ადგილებს, ბნელ კუთხეებს, ეჭებდნენ ღამის მანანწალაებს, რომელნიც მრავლად დაეხეტებოდნენ ქუჩებში, და ისე გაუვლიდნენ ხოლმე სპილოს, თითქოს ვერც კი ხედავდნენ, ის კი იღვა მალლა ამართული, უძრავი, თვალგახელილი იმ სიბნელებში, კმაყოფილი თავისი ქველმოქმედებით, იმით, რომ თავშესაფარი აღმოუჩინა და ბინა მისცა ცისა და ვაცთაგან დევნილ, საყოღაც, ამჟამად ტკბილად მძინარე ბავშვებს.

კარგად რომ შევიგნოთ, რაც ამას მოჰყვება, უნდა გავიხსენოთ, რომ იმ დროს ბასტილიის მცველი რაზმი მოთავსებული იყო მოედნის მეორე ბოლოში. ამგვარად, რაც უნდა მომხდარიყო სპილოსთან, გუშაგები მას ვერც კი დაინახავდნენ და ვერც გაიგონებდნენ.

ალიონი მოახლოებულიყო, მაგრამ ჯერ ბნელოდა, როდესაც ერთი კაცი გამოვარდა სენტ-ანტუანის ქუჩიდან, მიიხედ-მოიხედა, მერე სირბილით გადმოიარა

მოედანი, „ივლისის სვეტის“ დიდ ღობეს შემოუარა და სპილოს მუცლის ქვეშ შეძვრა. იმ დროს რომ სინათლე მოხვედროდა, დაინახავდით, რომ ძალიან დავსველებინა წვიმას. ალბათ მთელი ღამე ცის ქვეშ გაათია. სპილოს ქვეშ რომ შეძვრა, რალაც დაიძახა უცნაური, რომელიც არც ერთი ადამიანის ენას არ ეკუთვნის და, თუ იტყვის ვინმე ან რამე, მხოლოდ თუთიყუში. ორჯერ დაიძახა ის სიტყვა, რომელსაც ნაწილობრივ აღნიშნავენ შემდეგი ასოები:

- კირიკიკიუ!

მეორედ რომ დაიძახა, სპილოს მუცლიდან პასუხი გასცა მხიარულმა, ყმანვილი ბიჭის კრიალა ხმამ!

- ახლავე.

თითქმის მაშინვე შეირხა შესასვლელზე დახურული ფიცარი, იქით წაინია და გზა მისცა პატარა ბიჭს, რომელიც სპილოს ფეხზე ჩამოცურდა და წინ გამოეჭიმა იმ კაცს. პატარა ბიჭი გავროში იყო, ის კაცი - მონპარნასი.

რაც შეეხება ამ ძახილს, - კირიკიკიუ, - გავროშისთვის რომ გეკითხათ, ასე ვითარგმნიდათ:

- შინ ბრძანდება ბატონი გავროში?

რომ შემოესმა ეს ძახილი, იმ წუთს გამოელვოდა, გამოძვრა თავისი განჯინიდან, მერე ისევ გაამაგრა ბადე, რომ თავგები არ შემძვრალიყვნენ, ფიცარი აიღო და ძირს ჩაცურდა.

მაშინვე იცნეს ერთმანეთი, თუმცა ბნელოდა.

ჩქარებოდა და მოკლედ უთხრა მონპარნასმა:

- საქმე გვაქვს და შენი დახმარება დაგვჭირდა. წამოდი, ჩქარა!

გავროშმა ესეც იკმარა, არაფერი უკითხავს:

- წავიდეთ.

სირბილით გასწიეს სენტ-ანტუანის ქუჩისკენ, საიდანაც წელან გამოვარდა მონპარნასი. მიროდნენ და ძლივს უქცევდნენ გზას სოფლიდან პარიზის ბაზრისკენ მომავალ ოთხთვალესს, რომლებიც მიეშურებოდნენ მოედნისკენ, რათა კარგი ადგილი დაეკავებინათ და ბოსტნეულიც კარგად გაეყიდათ.

ოთხთვალეებში სხვადასხვა მწვანილში ჩამსხდარიყვნენ მებოსტნეები, უძილობით თვალმილულები, თავით ფეხამდე შეხვეული წამოსასხამებში საშინელი წვიმის გამო. ისინი არც კი უყურებდნენ ამ უცნაურ მიმავალთ.

თავი მესამე

გაპარვის ამბავი

აი, რა მოხდა იმ ღამეს ფორსის საპატიმროში:

გასაპარავად შეთანხმებულიყვნენ ბაბეტი, ბრუჟონი, გელმერი და ტენარდიე, თუმცა ტენარდიე ცალკე იყო დამწყვდეული. ბაბეტი უკვე გაპარულიყო, იმ ღამესვე, როგორც გავროშს უამბო მონპარნასმა. დანარჩენ სამს მონპარნასი უნდა დახმარებოდა გარედან.

ბრუჟონი ერთი თვის განმავლობაში ცალკე ოთახში იყო დამწყვდეული და საკმაოდ დრო ჰქონდა, რომ ჯერ ერთი, მაგარი თოკი შეეკრა, მეორეც - კარგად შეედგინა საპატიმროდან გაპარვის გეგმა. უნინ ეს ცალკე ოთახი, რომელშიც საპატიმროს

განრიგით, მარტოდმარტოს ტოვებენ დამნაშავეს, წარმოადგენდა ქვითკირის ოთხ კედელს, ქვის ჭერით, ფილაქნის იატაკით, სამგზავრო სანოლით, რკინისმოაჭირიანი სარკმლით, რკინითვე შეჭედილი კარით და სახელად ტუსალის საკანი ეწოდებოდა; მაგრამ სისასტიკით ცნობილი გახდა ეს საკანი. ახლა კი იგი წარმოადგენს ქვითკირის ოთხ კედელს, რკინის კარს, მოაჭირიან სარკმელს, სამგზავრო სანოლს, ფილაქნის იატაკს და დასასჯელი საკანი ეწოდება. მცირე შუქი თუ შეაღწევს ამ საკანში და ისიც შუადღისას. იმითაც იყო უვარგისი ეს საკნებიც, რომ იქ დამწყვედელი მარტოოდენ ფიქრს უნდა მისცემოდა იმის მაგივრად, სასარგებლო რამ გაეკეთებინა.

მთელი თვის განმავლობაში ბევრ რამეზე ფიქრობდა ბრუჟონი და, დასასჯელი სენაკიდან რომ გამოვიდა, თან კარგა გრძელი თოკი გამოიტანა. რადგანაც მას ძალიან საშიშ პატიმრად მიიჩნევდნენ იმ ნაწილისთვის, რომელსაც „კარლოს დიდის ეზო“ ეწოდებოდა, „ახალ შენობაში“ გადაიყვანეს. როგორც კი გადავიდა „ახალ შენობაში“, ბრუჟონი გელმერს შეხვდა, ეს ერთი. მეორე კიდევ - ერთი ცალი ლურსმანი იშოვა. გელმერი - ეს დანაშაული იყო და ლურსმანი - თავისუფლება!

ბრუჟონი, დრო არის კარგად გავაცნოთ იგი მკითხველს, შეხედულებით სუსტი აგებულებისა იყო და განზრახ წელი და ზღაპრია. მხიარული ყმაწვილი ჩანდა, ზრდილი, განვითარებული არამზადა. თვალით გიალერსებდათ, ღიმილით ყელს გჭრიდათ; თვალი მის ნებას ემორჩილებოდა და ღიმილი მის ბუნებას. ქერდობაში ოსტატობის მისაღწევად სახურავებზე დაიწყო ვარჯიში - თუნუქის ფურცლებს იპარავდა და აგრეთვე ტყვიას აცლიდა წყალსადენ მილებს. ამ მხრივ ძალიან დახელოვნდა და მერე სხვას მიჰყო ხელი.

ერთი გარემოება ძალიან ხელს უწყობდა ტუსალების განზრახვას: საპატიმროს ძველი ბანი წამხდარიყო და ამ დროს შენობის შეკეთებისა და დამტვრეული ქვადაფის შესაცვლელად მუშაობდნენ. საპატიმროს ეგრეთ წოდებული სენ-ბერნარის ეზო ძველებურად განსაკუთრებული აღარ იყო კარლოს დიდისა და სენ-ლუის ეზოებიდან. ამ სამივე შენობის ეზოებს შორის ხარაჩოები და ფიცრის ხიდები გაედოთ, ესე იგი, ხიდები და კიბეები თავისუფლებისკენ.

„ახალი შენობა“ ერქვა საპატიმროს იმ ნაწილს, რომელიც სულ დამსკდარი ხელახლა იყო შესაკეთებელი. ეს გახლდათ საპატიმროს ყველაზე სუსტი მხარე. ისე ჩაეჭამა გვარჯილას შენობა, რომ იძულებულნი გამხდარიყვნენ ფიცარი აეფარებინათ ჭერისა და კედლებისთვის, რადგან აგური და კირი ცვიოდა ძირს, პატიმრების სანოლებზე. ამის მიუხედავად, რაღაც გაუგებრობის შედეგად, სწორედ იმ „ახალ შენობაში“ ამწყვედვდნენ საშიშ ტუსალებს, რომელთაც „განსაკუთრებული მძიმე დანაშაული“ მიუძღოდათ, საპატიმროში მიღებული ენით რომ ვთქვათ.

„ახალ შენობას“ ოთხი სანოლი ჰქონდა ერთიმეორის ზემოდან და სულ ზევით კიდევ ბანთარდული, რომელსაც „წმინდა ჰაერს“ ეძახდნენ. ერთი უზარმაზარი საკვამური, ალბათ უწინდელი მებატონის, - დე-ლა-ფორსის სამზარეულოს ნაშთი, ადიოდა პირველი სართულიდან, გადაჭრიდა ოთხივე სართულს და ისე აპობდა ორად ოთხივე სანოლ დარბაზს, თითქოს მაღალი კოშკისთვის ყოფილიყო მიდგმული ეს ოთახები.

ერთ ოთახში იყვნენ გელმერი და ბრუჟონი; სიფრთხილის გამო „წმინდა ჰაერის“ ქვემო სართულში შემთხვევით ერთად ედგათ ორივეს სანოლები და თავით იმ საკვამურს ეხებოდნენ.

ზემოთ კიდევ, ამათსავით საკვამურთან, ტენარდიე ბრძანდებოდა ეგრეთ წოდებულ „წმინდა ჰაერში“.

გზად მიმავალი რომ გაჩერდეს ვინმე კულტურ-სენტ-კატერინის ქუჩაზე, მესანძრეთა სადგომის ახლოს, აბანოების ალაყაფის კართან, დიდ ეზოს დაინახავს, სავსეს კასრებში ნახარები ყვავილებითა და ბუჩქებით, და ამ ბუჩქების უკან პატარა თეთრ როტონდას, ორი ფრთედით და მწვანე დარაბებით, თითქოს უან-უაკ რუსოს ბუკოლიკური ოცნებააო. ათ წელიწადზე მეტი არც კი იქნება იმის შემდეგ, რაც ეს როტონდა ერთ შავ, უშველებელ, საშინელ კედელს ეკრა, რომელიც ოთხი-ხუთი სართულის სიმაღლეზე აღმართულიყო. ამ კედელზე დადიოდნენ ლა ფორსის საპატიმროს დარაჯები.

ეს კედელი როტონდის უკან მოგავიწყებდათ ბერკინის უკან მდგომ მილტონს.

ამ მაღალ კედელს თავს დასცქეროდა ერთი იმაზე მაღალი ბანი, მის გვერდით, მასავით ჩაშავებული. ეს იყო ბანი „ახალი შენობისა“, ოთხი რკინისმოაჭირიანი სარკმლით, „წმინდა ჰაერიდან“. ბანში ის დიდი საკვამური გადიოდა, ოთხ საწოლ ოთახს რომ ამშვენებდა.

სამ თებერვალს დაიჭირეს ტენარდიე და მას შემდეგ „წმინდა ჰაერის“ ერთ-ერთ საიდუმლო საკანში იჯდა დამწყვდეული. ვერა და ვერ გამოიკვლიეს შემდგომ, როგორ ან ვისი დახმარებით მოახერხა, რომ იშოვა და დამალული ჰქონდა ერთი ბოთლი იმ ღვინისა, რომელიც დერუს გამოგონილი უნდა ყოფილიყო, როგორც ამბობდნენ; ამ ღვინოს რაღაც წამალი ერია, ადამიანის გამაბრუნებელი, და სახელგანთქმული იყო „დამაძინებელთა“ ბრბოს მიერ.

ბევრ საპატიმროში მოიპოვება მოღალატე მოსამსახურე, დარაჯი თუ ქერდი, რომელიც ეხმარება ტუსალებს, შველის გაპარვაში; მაგრამ, თუ შეაძლიეს რამე, პოლიციასაც აძლევს ბოროტმოქმედის მისამართს, და ერთი მზარეულისა არ იყოს, ბატონსაც ემსახურება და არც თავის ჯიბეს აკლებს.

სწორედ იმ ღამეს გაიპარნენ ბრუჟონი და გელმერი, როდესაც გავროშმა თავშესაფარი მიუჩინა ორ უპატრონო ბავშვს. ბაბეტი რომ იმ დილას გაიპარა, იცოდნენ ბრუჟონმა და გელმერმა, და ისიც კარგად იცოდნენ, რომ ქუჩაში დაელოდებოდა მათ ბაბეტი და აგრეთვე მონპარნასი. ისინი წამოდგნენ ჩუმად ღამე, მისდგნენ საკვამურის კედელს და დაუწყეს ხერხეა, იარაღად ლურსმანი ჰქონდათ, ბრუჟონს რომ ეპოვა სადღაც. თავით საკვამურისკენ იწვინ და ესეც უადვილებდა საქმეს. კედლის ნამტვრევი ბრუჟონის ლოგინზე ცვიოდა და ამიტომ ხმაურს არ იწვევდა. გაზაფხულის წვიმას ჭექა-ქუხილი თან ახლდა, ქარი აჭრიალებდა უანგიან კოჭაკში ჩასმულ კარს და საშინელი ხმაური შეჰქონდა საპატიმროში. ეს ხმაურიც აადვილებდა გაპარვის საქმეს. გამოეღვიძებოდათ ტუსალებს, მიხვდებოდნენ ბრუჟონისა და გელმერის განზრახვას, მაშინვე დანებდნენ და თავზე წახურავდნენ საბანს, ვითომ არაფერი ვიცითო. ხელმარჯვე იყო ბრუჟონი, გელმერი - ღონიერი. და ისე გამოანგრის საკვამურში შესაძრომი, რომ ვერაფერი გაიგო დარაჯმა, თუმცა ამ ოთახის კედელთან იწვა თავის რკინის გალიაში და ყოველთვის შეეძლო ტუსალების დათვალიერება, პატარა სარკმელში რომ ჩამოეხედა. ავაზაკები შეძვრნენ საკვამურში, აძვრნენ მის კედელზე, გატყვეს რკინის ცხაური, საკვამურს რომ ეფარა ზემოდან და ბანზე გავიდნენ. წვიმამ უფრო იმატა. ქარი გრიალებდა, ფეხი უსხლტებოდათ სახურავზე.

- კარგი ღამე დაგვიდგა გასაფრენად! - წარმოთქვა ქურდული ენით ბრუქონმა.

ბანზე იყვნენ ქურდები, მაგრამ ბანიდან სადარაჯო კედლამდე უფსკრული იყო ორ მეტრამდე სიგანისა და ოცდაექვსი მეტრის სიღრმისა. ამ უფსკრულის ძირში ცხადად ჩანდა გუშავის ელვარე ხიშიტი. ბრუქონის თოკი მაგრად მიაბეს საკვამურის ცხაურის სამაგრ რკინას, მერე მთელი თოკი სადარაჯო კედლის შემოდან გადაისროლეს და თვითონაც ამ კედელზე გადახტნენ, იქიდან პატარა სახლის ბანზე დაეშვნენ, რომელიც აბანოების შენობას მიჰკვროდა, იმავე თოკის ბოლოთი აბანოების ეზოში ჩახტნენ, ჯერ ერთი, მერე მეორე, დასწიეს თოკი, ჩამოწყვიტეს კარგა დიდი ნაწილი, გაიარეს ეზო, შეაღეს მეკარის სარკმელი, რომლის გვერდზე კარის გასაღებად გამოსაწევი თოკი ევიდა, გამოსწიეს ეს თოკი და ქუჩაში გავიდნენ.

ერთი საათი არ გასულა მას შემდეგ, რაც ისინი ლიგინიდან წამოდგნენ ბნელში, ერთი ლურსმნით ხელში და კარგად მოაზრებული გეგმით თავში.

რამდენიმე წუთის შემდეგ შეუერთდნენ ბაბეტსა და მონპარნასს, რომლებიც იქვე ახლოს დაყალიბდნენ.

ჩამოსვლისას თოკი გაუწყდათ და ნაწილი ბანზე დარჩა, საკვამურზე მიბმული, თვითონ არაფერი დაშავებიათ, გარდა იმისა, რომ ტყავი გადასძრობოდათ ხელეებზე.

ტენარდიეს წინათვე გააგებინეს, - ვინ იცის, როგორ და ვისი დახმარებით, - ამაღამ გაპარვას ვაპირებთო, - და არ ეძინა.

ღამის პირველი საათი იქნებოდა. ძალიან ბნელოდა, წვიმდა, ქუხდა. ტენარდიემ დაინახა სარკმლიდან, რომ ბანზე მის სარკმელს გაუარა რაღაც ლანდმა, მერე მეორემ. ერთი შეჩერდა წუთით, რომ ტენარდიესკენ გაეხედა. ეს ბრუქონი იყო. ტენარდიემ იცნო და მიხვდა. ეს საკმარისი იყო.

ტენარდიე, რომელიც ღამე შეეპყროთ იარაღით ხელში, ბოროტმოქმედების ჩადენისას, საშიშ ავაზაკად მიაჩნდათ და თვალს არ ამორებდნენ. მის საკანთან მუდამ მიდი-მოდიოდა თოფიანი გუშავი. ყოველ ორ საათში ცვლიდნენ ამ გუშავს. „წმინდა ჰაერს“ ანათებდნენ. ტუსადს ბორკილი ჰქონდა ფეხებზე ოცდახუთი კილოგრამის სიმძიმისა. დაჰკრავდა ნაშუადღევის ოთხი საათი და ერთი ზედამხედველი შევიდოდა ტენარდიესთან, თან ორი ძალღი ახლდა, - ჯერ ისევ ამგვარად იქცვოდნენ იმ დროს: შევიდოდა საკანში, დაულაგებდა ლოკინთან ერთ კილოგრამ შავ პურს, ერთ ტოლჩა წყალს და ჯამით წვენს, რომელშიც აქა-იქ მოჩანდა რამდენიმე მარცვალ მუხულო. გაუსინჯავდა ბორკილს, დაუკაკუნებდა მოაჯირზე. ეს კაცი ძალღებით ორჯერ კიდევ ეწვეოდა ღამე.

ტენარდიესთვის ნება მიეცათ, საკანში ჰქონოდა რკინის ჭანჭიკი, - ამ ჭანჭიკით ვამაგრებ გამსკდარ კედელში პურს, რომ თავგებმა არ შემიჭამონო, და რადგან ძალიან დარაჯობდნენ, საშიში ვერაფერი დაინახეს ამ ჭანჭიკში. შემდეგში კი მოაგონდათ ერთი დარაჯის იმ დროს ნათქვამი, - თუ ჭანჭიკი ეჭირვება, ისევ ხისა მივცეთ და არა რკინისაო.

ღამის ორ საათზე გუშავი გამოცვალეს, ძველი, გამოცდილი ჯარისკაცის მაგივრად ყმაწვილი ბიჭი დააყენეს, ახალწვეული, ცოტა ხანს შემდეგ ზედამხედველი მივიდა, ძალღებით, და მაშინვე წავიდა, ვინაიდან საეჭვო ვერაფერი შენიშნა, გარდა იმისა, რომ მეტად ახალგაზრდად და გაუთლელ სოფელელად ეჩვენა ახალი გუშავი. ეს მან შემდგომ განაცხადა, დაკითხვის დროს. ორი საათის შემდეგ, ოთხ საათზე რომ მივიდნენ იმ ახალწვეული გუშავის შესაცვლელად, საწყალი ბიჭი ძირს ეგდო

გაშლართული, ტენარდიეს საკანთან, ღრმად მიძინებული. რაც შეეხება ტენარდიეს, ის იქ აღარ იყო. იქვე ყყარა მისი დამტვრეული ბორკილები. საკნის ჭერი გახვრეტილი იყო ისევე, როგორც ბანი. სანოლ ტახტს ერთი ფიცარი აკლდა; ალბათ აავლიჯა ტენარდიემ და თან წაიღო, რადგან მერეც ვეღარსად იპოვეს. გალიაში ნახევარი ბოთლი ძილისმომგვრელი ღვინო აღმოჩნდა. ნახევარი ბოთლი უთუოდ დარაჯს დააღვეინა ტუსალმა. დარაჯის თოფის ხიშტიც გაქრალიყო.

იმ დროს, როდესაც ყოველივე ეს აღმოაჩინეს, ევონათ, ტენარდიე უკვე სამშვიდობოს იქნებაო. სინამდვილეში კი მართალია, იგი „ახალ შენობაში“ აღარ იყო, მაგრამ ჯერ შორს არ წასულიყო აქედან, და ისევე განსაცდელს მოელოდა.

„ახალი შენობის“ ბანზე რომ ავიდა, ბრუჟონის მიერ მიბმული თოკი ნახა, მაგრამ გადაწყვეტილი თოკიდან მხოლოდ მოკლე ნაჭერიღა დარჩენილიყო. მას არ შეეძლო თოკი სადარაჯო კედლის ზემოდან ჩაეშვა ძირს, როგორც ეს ბრუჟონმა და გელმერმა მოახერხეს.

ბალეს ქუჩიდან რუა-დე-სისილის ქუჩისკენ რომ ჩაუხვევს კაცი, თითქმის მაშინვე დაინახავს მარჯვნივ ერთ საზიზღარ ჩაღრმავებულ ეზოს. გასულ საუკუნეში ამ ეზოში სახლი იდგა, რომლისგანაც დღეს ერთი უკანა კედელიღა დარჩენილა, ნამდვილი ნაშთი ნანგრევისა იმდენად მაღალი, რომ მეზობელი შენობების მესამე სართულის სიმაღლე ჰქონდა. კედელს ორი ოთხკუთხედი ფანჯარა შერჩენოდა. ამ ფანჯარებიდან ოდესღაც ჩანდა ფორსის საპატიმროს მაღალი, შავი სადარაჯო კედელი.

დანგრეული სახლის ეზო ქუჩის მხრივ შემოღობილი იყო დამპალი ფიცრულით, რომელსაც ჯერ კიდევ იმაგრებდა ქვის ხუთი ბოძი. ეზოში პატარა სახლი იდგა. ნგრევას გადარჩენილი კედლის ძირას. შემოღობილი იყო ეზო, მაგრამ რამდენიმე წლის წინათ კარს უბრალო რაბა ედო მხოლოდ.

ლამის მეოთხე საათი იყო, ამ მაღალ კედელზე რომ გადაძვრა ტენარდიე.

როგორ მოახერხა კედელზე გადაძრომა? ეს ვერასოდეს ვერავინ გაიგო.

ელვა-ჯექა შევლოდა კიდევაც და იმავე დროს ხელსაც უშლიდა. შეიძლება ბანის შესაკეთებლად დადგმული ხარაჩოებით ისარგებლა, ბანიდან ბანზე გადავიდა, ზღუდიდან ზღუდეზე, „კარლოს დიდის ეზოს“ შენობიდან „სენ-ლუის შენობაზე“, სადარაჯო კედელზე და იქიდან რუა-დე სისილის დანგრეული სახლის მაღალ კედელზე! მაგრამ ამ გზას იმოღენა გარდაუვალი უფსკრული ახლდა თან, რომ შეუძლებლად ხდიდა სარგებლობას. იქნებ იმ ფიცრით ისარგებლა, თავის ტახტს რომ აავლიჯა და „წმინდა ჰაერიდან“ ხილად გაღო სადარაჯო კედელზე გადასასვლელად, მერე პირქვე დანვა ამ კედელზე და ხოხვით გაიარა დიდი მანძილი ნანგრევ კედლამდე, მაგრამ ფორსის სადარაჯო კედელი სწორ ხაზს არ წარმოადგენდა; ზოგან ზევით იწევდა, ზოგან ქვევით, დაბალი იყო მეხანძრების სადგომთან, მაღალი აბანოებთან, ზოგან ჩაჭრილი; ლამუანონის სასახლესთან სხვა სიმაღლისა იყო და პავეს ქუჩაზე სხვა სიმაღლისა: გარდა ამისა, როგორ შეიძლებოდა არ დაენახათ დარაჯებს, რომ რაღაც შავი მიცოცავდა კედელზე? ამ გზითაც შეუძლებელი გვეჩვენება ტენარდიეს გაპარვა. იმ გზას მიჰყვა თუ ამას, ორივე შემთხვევაში ჩვენთვის ეს მიუწვდომელია, მაგრამ აღგზნებული უნდა ყოფილიყო, თავისუფლების მოპოვების უპირეტი სურვილით, იმ აღგზნებით, რომელიც მდინარეს პატარა რუდ გადააქცევს, რკინის მოაჯირს ლელის წნულად, ხეიბარს ბუმბერაზად, კუტს ფრინველად,

სისულელეს აღლოდ, აღლოს გონებად, გონებას გენიოსებად. იქნება მართლა ტენარდიემ შეძლო და სხვა, მესამე გზა აირჩია? ეს მის საიდუმლოებად დარჩა.

მრავალ გასაკვირველს წარმოადგენს ტუსადის გაპარვა და ხშირად შეუძლებელია მისი წარმოდგენა. გამქცევი კაცი, ვიმეორებთ, ზემთაგონებულია, ვარსკვლავიც აქვს და სინათლევ ბნელი გზის გასაკვლევად. თავისუფლებისადმი მისწრაფება იმდენადვეა ძლიერი, რამდენადაც ძლიერია უდიადესი აღტაცება. და გაკვირვებულნი იძახიან, ქურდის გაპარვას რომ გაიგონებენ, - იმ სიმაღლე კედელზე როგორ აძვრებოდაო? - სწორედ ისევე, როგორც კორნელის შესახებ ამბობენ, - სად ნახა სიტყვა, „დაე მოკვდესო“.

ასე იყო თუ ისე, ტენარდიე ნანგრევის კედელზე აღმოჩნდა. ოფლი სდიოდა. წვიმა ასველებდა. ტანისამოსი შემოხეოდა, ხელებზე კანი გადაყვლეფოდა, იდაყვიდან სისხლი სდიოდა, მუხლები დასისხლიანებოდა და იქამდე მისულიყო, რასაც ბავშვები მხატვრული ენით „მორევს“ ეძახიან; კედლის პირამდე მისული იქ დანოლოლიყო, რადგან მეტი აღარაფერი შეეძლო. ოთხი სართულის ციცაბო კედელი უნდა ჩაველო მინაზე ფეხის დასადგმელად.

თოკი წამოელო, მაგრამ მეტისმეტად მოკლე იყო.

ინვა და ელოდა ფერმიხდილი, დაქანცული, სასონარკვეთილი. ჯერ ისევე ღამე იცავდა, მაგრამ სასომიხდილი გრძნობდა, რომ სადაცაა გათენდებოდა. შიშის ზარს ჰკვრიდა იმაზე ფიქრი, რომ სულ მალე ჩამოჰკრავს ოთხს სენ-პოლის საათი, მის საკანში მივლენ გუშავის გამოსაცვლელად. გუშავი მძინარე დახვდებოდა, ჯერი გახვრეტილი და ატყდება განგაში. უიმედოდ ჩასცქეროდა საშინელ სიღრმეს, ფარნების სინათლეს, მოკირწყლულ ქუჩას, სველსა და ბნელს. იმ ქუჩას, რომელიც სანატრელიც გამხდარიყო და შემადრწუნებელიც, სიკვდილიც და თავისუფლებაც.

თან ამხანაგები აგონდებოდა და თავს ეკითხებოდა, - ნეტა თუ გაიპარნენ? გაიგონეს ჩემი სიტყვა? მომეშველებიან თუ არა? - სმენად ქცეულიყო. ერთხელ გაიარა მხოლოდ ჯარისკაცთა მცირე რაზმმა, რაც ხანი ის იმ კედელზე ეგდო. მონრეილის, შარონის, ვენსენის და ბერსის მებოსტნეები თითქმის ყოველთვის სენტ-ანტუანის ქუჩით მიეშურებიან მოედნისკენ.

საათმა ოთხი დაჰკრა. აკანკალდა ტენარდიე. საათის რეკას მოჰყვა ის საზარელი ჩოჩქოლი, რომელიც შედეგია ციხეში ტუსადის გაპარვის აღმოჩენისა. კარების ჯახუნის ხმა ისმოდა, მოაჯირის ჭრიალი, დარაჯების, რაზმელების ღრიალი, ხრინწიანი ხმით ძახილი მეციხოვნეებისა, ეზოდან თოფების კონდახის ცემა მინაზე; მიდი-მოდიოდა სანათები ხან ზევით, ხან ქვევით, ანათებდა ცხაურით დაჭედილ სარკმელს საპატიმროსას; ზევით, „წმინდა ჰაერში“ სანათით ხელში დადიოდნენ დარაჯები. მეხანძრეები დაიბარეს გაპარულის საქებნელად და ტენარდიე კარგად ხედავდა მათ ჩირაღდნებით აელვარებულ ლითონის ქუდებს. ამ დროს ტენარდიემ შენიშნა ბასტილის მხარეს ცაზე რიჟრაჟით ოდნავ განათებული ვიწრო ზოლი.

კედელზე ეგდო. სიგანე ამ კედლისა ერთი მეოთხედი იყო მეტრისა. მარჯვნივ და მარცხნივ უფსკრულს დაეღო პირი. განძრევა არ შეეძლო. თავბრუ ესხმოდა. ან კედლიდან გადავარდნა მოელოდა, ან ისევე დაპატიმრება, და ზარის ენასავით ხან უფსკრულის საშინელებას ეცემოდა მისი ფიქრი, ხან დაპატიმრებას. ჩავვარდები - მოვკვდები, არადა, დამიჭერენ!

ასე იმედმიხილდნენ უცხად ვიღაც დაინახა ბნელ ქუჩაში, იგი კედლისკენ მოეშურებოდა პავეს ქუჩიდან და სწორედ დანგრეული სახლის ლობესთან გაჩერდა. ამ კაცთან მეორეც მოვიდა, რომელიც იმავე სიფრთხილით მოდიოდა. მერე მესამე და მეოთხე. სხვა აღარავის ელოდნენ, ალბათ, რადგან რაბა ასნიეს, გააღეს კარი, შევიდნენ ეზოში და სწორედ სულგანახელი ტენარდიეს ქვევით გაჩერდნენ. ცხადი იყო, სიფრთხილით შევიდნენ ამ მიყრუებულ ეზოში მოსალაპარაკებლად, რომ არც გამვლელს დაენახა, და არც გუშავს, რომელიც იქვე, რამდენიმე ნაბიჯით მოშორებული იდგა ფორსის ჭიშკართან, მაგრამ წვიმას საგუშავოში შეემწყვდია. კაცების სახეს ვერ არჩევდა ტენარდიე. მათ სიტყვებს უსმენდა იმ განწირული ადამიანის უიმედო ყურადღებით, რომელიც უკვე დაღუპულად გრძნობს თავს.

რალაც იმედის მსგავსი აღეძრა ტენარდიეს, როდესაც დარწმუნდა, რომ ქვემოთ მდგომნი არგოს ენაზე ლაპარაკობდნენ.

ჩუმი ხმით, მაგრამ გასაგონად თქვა პირველმა:

- რას დავრჭობილვართ, წავიდეთ, აქ ველარას გავარიგებთ.

მეორემაც კვერი დაუკრა:

- ჩვენ კი არა, ჯოჯოხეთის მაშხალაც ვერ გაუძლებს ამ თავსმხას. ახლა პოლიციელებიც გამოირეკებიან. აგერ, ერთი გუშავი, აქვე, ჩვენ გვერდით აყუდებულა კიდეც; გავიჭედებით და იმით დასრულდება ჩვენი საქმე.

- პირველმა „ვედგავართის“ მაგივრად „დავრჭობილვართ“ თქვა, მეორემ „გავიჭედებით“. არგოს ეკუთვნის ორივე, პირველი საბაჟოებისას და მეორე ტანპლის უბნისას, - სიხარულის სხივი მოჰფინა ტენარდიეს ამ სიტყვებმა.

„დავრჭობილვართ-ში“ მაშინვე ბრუჟონი იცნო, რომელიც სულ საბაჟოებთან დაეხეტებოდა, და „გავიჭედებით-ში“ - ბაბეტი, რომელიც სხვადასხვა ხელობასთან ერთად ვაჭრობდა კიდეც ტანპლის უბანში.

ძველ, დიდებული საუკუნის არგოს აღარსად ლაპარაკობდნენ ტანპლის გარდა და მარტო ბაბეტი იყო, რომ წმინდად ლაპარაკობდა ამ ენაზე. ეს „გავიჭედებით“ რომ არ გაეგონა ტენარდიეს, ვერც კი იცნობდა ბაბეტს, რადგან ხმა გამოეცვალა.

მესამე ჩაერია ამ საუბარში:

- ასაჩქარებელი არაფერია, ცოტა მოვიცადოთ. რა იცით, რომ არ ესაჭიროება ჩვენი დახმარება?

ეს კი წმინდა ფრანგულით იყო ნათქვამი და მონპარნასი იცნო ტენარდიემ, რომელსაც თავი მოსწონდა, რომ ყველა არგო იცოდა და მისი საშუალებით რისამე თქმას კი არ კადრულობდა.

მეოთხე გაჩუმებული იყო, მაგრამ გაშლილი მხარბეჭი უმტკიცებდა ტენარდიეს, რომ ეს გელმერი უნდა ყოფილიყო.

გაჯერებით უპასუხა ბრუჟონმა, მაგრამ ჩუმი ხმით:

- რას უნდა ვუცადოთ, ერთი მითხარი? ან როგორ მოახერხებდა მელუქენე გამოპარვას? ცოდნა იმას არა აქვს და გამოცდილება! რა, თავის პერანგს დახვედა და ლოგინის ზენარს, რომ თოკი დაეგრიხა? კედელს გახვრეტდა? ყალბი ქალაღლების შედგენას, ბორკილის დამტვრევას, თოკის ხმარებას, გარეგნობის შეცვლას და მდევართაგან დამალვას ნიჭი უნდა და გამოცდილება. როგორ მოახერხებდა ამას ბებერი, რომ მუშაობისა არაფერი იცის?

ბაბეტმაც იგივე თქვა იმ კლასიკურ, აზროვან არგოთი, რომელსაც ხმარობდა პულაღი და კარტუში, და ისევე განსხვავდებოდა ბრუჟონის ახალი, გამბედავი, ლამაზი, სახიფათო არგოსგან, როგორც რასინის ენა - ანდრე შენიეს ენისაგან.

- იქვე გააკავებდნენ შენს მეღუქნეს. სადა აქვს ამდენი ეშმაკობა? აქ ოსტატი უნდა იყოს, ის ჯერ შევირდია. გააბრიყვებდა ვინმე ჯაშუში და ათქმევიანებდა თავის განზრახვას. არ გეყურება, მონპარნასო, რა ღრინანცელია ციხეში? ხომ ხედავ, როგორ დაეძებენ თავიანთი მაშხალეებით? დაიჭირეს, ძმაო, და ოცი წლის კატორღითაც ძლივს ვადარჩება. მე არ მეშინია. მხდალი არა ვარ, ეს ყველამ იცის, მაგრამ სადაც არა სჯობს, გაცლა სჯობს. ჰოდა, წავიდეთ, თორემ ტყუილად დავიღუპებით. ნუ ჯავრობ, მოდი შენც ჩვენთან წამოდი, ერთი პირი გავისვლოთ კარგი, ძველი ღვინით.

- თუ ამხანაგები ვართ, არც გაჭირვებაში უნდა ვუმტყუნოთ, - წაიბურტყუნა მონპარნასმა.

- მე კი გარწმუნებ, დაჭერილია. დაჭერილია და, მაშასადამე, ჩალის ფასად არა ღირს შენს მეღუქნე. ჩვენ მას ვეღარას ვუშველით, წავიდეთ. ასე მგონია, ხელი მტაცა პოლიციელმა.

მონპარნასს ყოყმანი შეეტყო, ერთგვარი თავგანწირვითი ერთგულება აქვთ ქერღებსა და ყაჩაღებს ამხანაგისადმი და ამიტომ იყო, რომ მთელი ღამე ეს ოთხი კაცი დაეხეტებოდა ფორსის გარშემო; იმედი ჰქონდათ, ტენარდიეს დაინახავდნენ და მიეშველებოდნენ; მიუხედავად იმისა, რომ ამით შეიძლება თავიც წაეგოთ. კოკისპირული წვიმა მოდიოდა, ციოდა, ტანისამოსი მთლად დასველებოდათ, ფეხსაცმელში წყალი შესდიოდათ, თან საპატიმროში ატეხილი განგაში ამინებდათ. დრო გადიოდა, პოლიციელთა გამოვლა იყო მოსალოდნელი, იმედი ეკარგებოდათ და შიში ერეოდათ. ამიტომ იყო, რომ წასვლას გაიძახოდნენ სამნი. თვითონ ისიც, ვინც თითქმის სიძე იყო ტენარდიესი, ისიც კი ფიქრობდა უკან დახევას.

ერთი ნუთიც და წავიდოდნენ კიდევ. ისე ქშინავდა კედელზე ტენარდიე, როგორც „მედუზის“ მგზავრები, რომლებიც ხედავდნენ მაშველი გემის დაღუპვას ჰორიზონტზე.

ვერ გაეხედა დაძახება, რადგან დაიღუპებოდა სხვა ვინმეს რომ გაეგონა მისი ხმა და ერთმა ფიქრმა გაუელვა უცბად, უკანასკნელმა რაღაც სინათლემ: ამოიღო ჯიბიდან ბრუჟონის თოკის ნაწყვეტი და ძირს ჩაავლო, ამხანაგებისკენ.

ქერღების ფეხთან დაეცა თოკი.

- ოჰო, მახრჩობელა! - წამოიძახა ბაბეტმა.

- ჩემი ხვლანჯი! - შეჰყვირა ბრუჟონმა.

- იქ არის მეღუქნე! - დაიძახა მონპარნასმა.

ახიედეს. ოღნავ წინ წამოენია ტენარდიეს თავი.

- აბა, ჩქარა! - თქვა მონპარნასმა, - თოკი შენ გაქვს, ბრუჟონ?

- ჰო.

- ეგევ ზედ მიაბი, ავისროლოთ, დაიჭერს, კედელს მიაბამს და ჩამოცურდება.

ახლა კი გაბედა ხმის ამოღება ტენარდიემ:

- გაფიჩხებული ვარ.

- გაგათბობთ.

- ვეღარ ვიძვრი.

- ჩამოცურდი, აქ ჩვენ დაგიჭერთ.

- ხელს ვეღარ ვანძრევ.

- ეს თოკი გამოაბი კედელს.
- აღარც ეგ შემიძლია.
- რომელიმე უნდა ავიდეთ, - თქვა მონპარნასმა.
- ამ სიმალღებზე? - იკითხა ბრუჟონმა.

კედელს პატარა, ძველი სახლი ეკრა და ამ სახლის საკვამური ასდევდა ბოლომდე, იმ ალაგამდე, სადაც ტენარდიე იწვა. დახეთქილი იყო ეს საკვამური, დასერილი და ძალიან ვიწროც. შემდეგ მალევე დაინგრა.

- ამ საკვამურით აფქვრეთ, - თქვა მონპარნასმა.
- ამ დანგრეულით? - შეჰყვირა ბაბეტმა, - ამით კაცი ვერ ავა. აქ ბავშვია საჭირო.
- პატარა გვინდა ვინმე, - დაეთანხმა ბრუჟონი.
- მერე ვინ სად ვიპოვოთ ამ ბნელში?
- მოითმინეთ, - უთხრა მონპარნასმა, - ახლავე მოვიყვან.

ფრთხილად გაალო კარი, დარწმუნდა, რომ არავინ იყო ქუჩაში, ჩუმად გავიდა, კარი გაიხურა და სირბილით წავიდა ბასტილიისკენ.

შვიდი თუ რვა წუთი გავიდა, - რვა ათასი საუკუნე ტენარდიესთვის. ხმას არ იღებდნენ ბაბეტი, ბრუჟონი და გელმერი. ხელახლა გაიღო კარი და მონპარნასი შევიდა ეზოში, დაღლილ-დაქანცული. თან გავროში მოსდევდა. ისევ წვიმდა, არავინ ჩანდა ქუჩაში.

შევიდა ეზოში პატარა გავროში, დამშვიდებული სახით შეაცქერდა ავაზაკებს. წყალი ჩამოსდიოდა თავიდან. გელმერმა მიმართა კითხვით:

- კაცი ხარ, ბალო?
- მხრები აიჩჩა გავროშმა და უპასუხა:

- ჩემისთანა ბალო ყოველთვის კაცია, და თქვენისთანა კაცები კი ხანდახან ბალოები არიან.

- ძან პასუხი მოგცა ბალომა! - დაიძახა ბაბეტმა.
- დამბალი ჩალისა როდია პარიზელი ბიჭი! - დაუმატა ბრუჟონმა.
- მაინც რაზე დაგჭირდით? - იკითხა გავროშმა.

პასუხი მონპარნასმა გასცა:

- ამ საკვამურზე უნდა აძვრე.
- აი, ამ მახრჩობელით, - განუმარტა ბაბეტმა.
- აძვრე და კედელს გამოაბა ეს თოკი, - უთხრა ბრუჟონმა.
- იქ, ზემოდან, - დაუძახა ბაბეტმა.
- აი, იმ ფანჯარაში, - მიუთითა ბრუჟონმა.
- მერე? - ჰკითხა გავროშმა.
- მერე აღარაფერი, - აუხსნა გელმერმა.

თვალი გადაავლო გავროშმა კედელს, შიგ დაყოლილ ფანჯარას, თოკს, საკვამურს, მერე ტუჩები აიბზუა და დაცინვით წამოიძახა:

- სხვა არაფერი?
- ერთი კაცია კედელზე. იმას გადაარჩენ, - უთხრა მონპარნასმა.
- ჰა, აძვრები? გინდა?

- ვაიმე, ვაიმე! - წამოიძახა წყნით გავროშმა, - მაგას როგორ მეკითხებით! - და წაღები გაიხადა.

ცალი ხელით აიტაცა გელმერმა გავროში და პატარა სახლის ბანზე შესვა, რომლის დამპალი ჭერი ამ ბიჭის სიმძიმისგანაც კი იზნიქებოდა, და მიანოდა დახვეული თოკი. მივიდა გავროში გამსკდარ საკვამურთან და შიგ შეძვრა. ბიჭი რომ საკვამურში ძვრებოდა, ტენარდიემ იგრძნო სიცოცხლისა და თავისუფლების მოახლოება და თავი გადმოყო კედლიდან. განთიადის პირველმა სხივმა ოდნავ გაანათა მისი ოფლიანი შუბლი, გაყვითლებული ლოყები, ველური, წაწვეტებული ცხვირი, ჭალარა, აწეწილი წვერი, გავროშმა იცნო მამა.

- ეჰე, ეს მამაჩემი ყოფილა!.. დაე, ვინც უნდა იყოს!

თოკი კბილებით დაიჭირა და გაბედულად შეუდგა ცოცვას.

აძვრა კედელზე, ზედ შეჯდა, როგორც ცხენზე, და მაგრად მოაბა თოკი ფანჯარაში დარჩენილ ჩარჩოს.

რამდენიმე წუთის შემდეგ უკვე ძირს, ქუჩაში იყო ტენარდიე.

როგორც კი ფეხი დაადგა მიწას, იგრძნო, რომ გადარჩა სახსაცდელს, დალლაც დაავიწყდა, სიცვიც, კანკალიც; ისე გადაავიწყდა იმოდენა საშინელება, თითქოს კვამლი ყოფილიყო და ქარს გაეთანტა. მაშინვე მოიკრიბა მხეცური ჭკუა-გონება, თავისუფალ კაცად იგრძნო თავი, ავკაცობის მეტი არაფერი ახსოვდა და აი, რით მიმართა მხსნელ ამხანაგებს:

- ახლა ვინ ვჭამოთ?

საჭირო არ უნდა იყოს განმარტება ამ სიტყვის საზიზღარი მნიშვნელობისა, რომელიც ტენარდიემ წარმოთქვა. ამხანაგებს ეკითხებოდა, ვინ მოვკლათ, ვინ ავიკლოთ, ვინ გავძარცვოთ?

- რაღა ღროსია, - უპასუხა ბრუჟონმა. საჩქაროდ, სამი სიტყვით მოვრჩეთ და წავიდ-წამოვიდეთ. ერთი კარგი საქმე იყო პლუმეს ქუჩაზე. მიყრუებული უბანია, განცალკევებული სახლი; ერთი ძველი, დამპალი ღობე და მართო ქალები.

- ჰოდა, რატომაც არა?

- შენმა გოგომ, ეპონინმა დაათვალიერა სახლი, - უპასუხა ბაბეტმა, - და ხელცარიელი დაბრუნდა, - ჩვენ იქ ვერაფერს გავარიგებთო.

- კაი თავი აქვს ჩემს გოგოს, - თქვა ტენარდიემ, - მაგრამ მაინც ვნახოთ.

- ჰო, ჰო, - დაემონმა ბრუჟონი, - ჩვენი თვალით ვნახოთ.

ლაპარაკობდნენ და აღარც კი ახსოვდათ გავროში, რომელიც ამ საუბრისას ღობეზე ჩამომჭდარიყო. ცოტა ხანს იჯდა ასე, ელოდა - ჩემკენ მოიხედავს მამაჩემიო, - მერე წაღები ჩაიკვა და ჰკითხა:

- ჰა, გათავდა? აღარ გესაჭიროებით, კაცებო? ხომ გაირიგეთ თქვენი საქმე! მივდივარ. უნდა მივხედო ჩემს პანებს. - და წავიდა.

ფრთხილად გავიდა ქუჩაში ხუთი კაცი.

გავროშმა რომ ბალეს ქუჩაზე შეუხვია და მიიმალა, ბაბეტმა ცალკე გაიყვანა ტენარდიე და ჰკითხა:

- იცანი ის ბიჭი?

- ვინ ბიჭი?

- პატარა ბიჭი, კედელზე რომ ამოძვრა, თოკი რომ ამოგვიტანა.

- ვერა, რა იყო?

- მგონი, შენი შვილი იყო.

- რას ამბობ! - წამოიძახა ტენარდიემ, - შენ ასე გგონია?

ნიგნი მეშვიდე
არგო

თავი პირველი
წარმოშობა

საშინელი სიტყვაა პიკრიტია, - სიზარმაცეს ნიშნავს.

მისგან წარმოდგება მთელი სამყარო - ლა პეგრე, ესე იგი „ქურდობა“ და მთელი ჯოჯოხეთი - ლა პეგრენენე, ესე იგი „შიმშილი“.

ამგვარად, სიზარმაცე ორი შვილის დედაა:

ერთი ვაჟია - ქურდობა, და ერთიც ქალი - შიმშილი.

სადა ვართ ახლა? არგოზე გავჩერდით.

რა არის არგო?

ეს არის ერთსა და იმავე ღროს ხალხი და თავისებური ენა, ნაქურდალი ერთი და მეორეც.

ოცდაათი წლის წინათ, როდესაც ამ „საბრალოთა“ წამების მომთხრობმა ავტორმა ერთ თავის, ამავე მიმართულების მოთხრობაში არგოთი მოლაპარაკე ქურდი შეიყვანა, განცვიფრება და აღშფოთება გამოიწვია საზოგადოებაში. როგორ? არგო? საზიზღარი არგო შემოაქვს მწერლობაში? კატორღელების, ტუსალების, ქურდების ენა? საზოგადოების ბილწ ნაძირალათა ენა?..

ჩვენ ჯერაც ვერ შეგვიგნია საფუძველი ამ აღშფოთებისა.

მას შემდეგ ორმა სახელოვანმა მწერალმა, რომელთაგან ერთი ღრმა დაკვირვებით გვისახავს ადამიანის გულს, და მეორე თავდადებული მოყვარეა ხალხისა, ბალზაკმა და ფიქსი სიუმ, ქურდული ენით ალაპარაკეს ყაჩაღები თავიანთ თხზულებებში, როგორც „სიკვდილმისჯილის უკანასკნელი დღის“ ავტორმა 1828 წელს და მაშინაც იგივე აღშფოთება გაისმა და საყვედური, - რა უნდათ ჩვენგან ამ მწერლებს საზიზღარი ქაურდული არგოთი? ბინძური რამ არის არგო, გულს ურევს ადამიანსო!..

მერე ვინ ამტკიცებს ამის საწინააღმდეგოს?

როდესაც საჭიროება მოითხოვს ჭრილობის, რაიმე ხვრელის, ან საზოგადოებრივი ვარამის მოსინჯვას, განა აკრძალულია ღრმად, ძირამდე ჩანვდენა ზონდისა? ჩვენ ყოველთვის იმ აზრისა ვიყავით, რომ ეს არის მოვალეობის კეთილსინდისიერი ასრულება, საჭირო და სასარგებლო, ღირსი თანაგრძნობისა და მოწონებისა. მაშ მთლად, ძირიანად არ გამოვარკვიოთ ცხოვრების ვარამი? შუა გზაში გავჩერდეთ? რად და რისთვის? გაჩერება ზონდის საქმეა და არა მზონდავისა.

რა თქმა უნდა, ღრმად ჩასვლა საზოგადოებრივი წყობილების ძირისძირში, სადაც ილევა მყარი მიწა და იწყება ტალახი, კვლევა ამ ტალახის ნალექისა, ძიება, აღმოჩენა და ზევით ამოტანა იმ გარყვნილი იდიომისა, რომელსაც წკრიალით გასდის სიმყარაღე იმ ნაბილწული ლექსიკონისა, რომლის ყოველი სიტყვა წყვდიადისა და სიბინძურის საზარელ ურჩხულს მოგაგონებთ, არც მიმზიდველია და არც საამო. არაფერი იქნება იმისთანა საზარელი, როგორიცაა გონების სინათლეზე შიშვლად გაშლილი მართლა გულისამრევი ფუთფუთი არგოსი. გეგონებათ, რაღაც საშინელი

მხეცია, მარტოოდენ წყვდიადისთვის გაჩენილი, რომელიც ნაგავსაყრელიდან ამოათრეოს. ცოცხალ, საზარელ ბუჩქნარად გეჩვენებათ, რომელიც სულ განზე იწევს, იძვრის, ღელავს, სულ ბნელს მოითხოვს და მუქარით იყურება. ზოგი სიტყვა ბრჭყალსა ჰგავს, ზოგი კიდევ ჩასისხლიანებულ, ჩამკვდარ თვალს; ზოგი ფრაზა ისე იძვრის, როგორც მარწუხი კიბოსი. ყოველივე ეს იმ საზიზღარ ცხოველმყოფელობას ამჟღავნებს, რომელიც დამახასიათებელია გახრწნის ნაყოფისთვის.

ახლა ისიც ვთქვათ, როდის იყო, რომ ზიზღის გრძნობა აბრკოლებდა შესწავლას? როდის იყო, რომ ავადმყოფობას გაურბოდა მკურნალი? წარმოვიდგენიათ ბუნებისმეტყველი, რომელიც იტყვის, - მე არც შხამიან გველს შევისწავლი, არც ღამურას, არც მორიელს, არც სკოლოპენდრს, არც ღრიანკალსო, - და უკნავე ჩაჰყრის ორმოში, - საზიზღარი რამ არისო! - მკვლევარმა რომ ზურგი შეაქციოს არგოს, ქირურგს ემსგავსება, რომელიც ზიზღით მოერიდება აყროლებულ ჭრილობას ან მუნჯს; ეს იქნება ფილოლოგი, რომელიც არ შეუდგება კვლევას, თუ წარყვნილად ეჩვენა სიტყვა, ან ფილოსოფოსი, რომელიც არ ისურვებს საზოგადოებრივი ცხოვრების უვარგისი მოვლენის კვლევას. ამიტომ საჭიროა მოვახსენოთ ეს იმათ, ვინც არ იცის, რა არის არგო: არგო ერთსა და იმავე დროს არის მოვლენა სიტყვიერებისა და შედეგი საზოგადოებრივი ცხოვრებისა. არგო არის ენა გაჭირვებისა.

აქ შეიძლება შეგვაჩერონ, შეიძლება განაზოგადონ კერძო, მისი მნიშვნელობის შემცირების მიზნით და გვითხრან, რომ ყველა ხელობას, ყველა პროფესიას, და შეიძლება ესეც დაუმატონ, საზოგადოებრივი წესწყობილების ყველა საფეხურს, ყველა სარბიელს გონებრიობისას აქვს თავისი არგო. თავისი არგო აქვს ყველას: სტამბას, მხედარს, ფრენილოგს, მონადირეს, ფილოსოფოსს, მსახიობს, ვოდვილებს ავტორს, ბოქსერს, ზარაფს, ბანქოს, მედუქნეს, ხელოსანს, ხელოვანს. არგოს იყენებს ყველა, წარჩინებულ საზოგადოებაშიც კი ხშირია მისი გამოყენება. ერთი მიმართულების კრიტიკა იყო ამ ოცი წლის წინათ, რომელიც ამტკიცებდა, - შექსპირის თხზულებების ნახევარს სიტყვის თამაში შეადგენს და ორამროვანი ოხუნჯობაო. მაშასადამე, ისიც არგოს ხმარობს. პოეტი და არტისტი, რომლებიც „ბურჟუაზ“ ასხენებენ მონმორანსის, თუ არაფერი გაეგებათ პოეზიისა და ქანდაკებისა, არგოს იყენებენ. აკადემიკოსი - კლასიკოსი, რომელიც ყვავილს ფლორას უწოდებს, ზღვას - ნეპტუნს, სიყვარულს - გულისცეცხლს, არგოს ხმარობს. ალგებრას თავისი არგო აქვს, მედიცინას თავისი, ბოტანიკას თავისი. ვემზე რომ ენა გაისმის ზღვაოსნებისა, ეს საგანგებო ენა ზღვისა, ესოდენ მდიდარი და მხატვრული, რომელიც უერთდება გემსართავის ჭრიალს, ხმის გამაძლიერებლის ღრიალს, ზღვის ღელვას, ქარს, ზეირთის ცემას, ზარბაზნის სროლას, ეს ენა არის გმირული, ლამაზი, სხარტული არგო და ისე განირჩევა ქურდების საზარელი არგოსგან, როგორც ლომი ტურისგან.

მართალია, ყველას თავისი არგო აქვს, მაგრამ რაც უნდა ბრძანონ, ასე გავება სიტყვისა „არგო“ გაფართოებას წარმოადგენს, რომელსაც ყველა არ დაეთანხმება. რაც შეგვეხება ჩვენ, ჩვენ ამ სიტყვას ვუნახავთ თავის ძველ განმარტებას, მის ნამდვილ და ვინაოდ შემოზღუდულ ცნებას. ნამდვილი არგო რომ მართლა არგოს სახელით ვახსენოთ, ძველდროინდელი და გამეფებული, არის უხამსი, დამახინჯებული, დაუდგარი, დაღვრემილი, მოღალატე, ვესლიანი, მკაცრი, ორამროვანი, საძაგელი, ღრმა ავბედითი ენა გაჭირვებისა. ყოველგვარი დამცირებისა და უბედურების ბოლოს არის კიდევ ერთი უკანასკნელი აუტანელი გაჭირვება, რომელიც აჯანყებას მიმართავს,

რათა შეეხებოდნენ ბედნიერთა და ხელისუფალთ. სამინელია ეს ბრძოლა, ვერაგობისა და უნდობლობის მიერ წარმოებული; ბინიერების ნესტარით ებრძვის საზოგადოებრივ წესწყობილებას და ბოროტმოქმედებას ხანჯლით და კეტით. ამ ბრძოლის საწარმოებლად გამოიგონა გაჭირვებამ საომარი ენა, რომელსაც არგო ჰქვია.

თუ აღმოვაჩინოთ რასმე, უფსკრულიდან ზევით ამოვიტანოთ და დავინწყებას გადავარჩინოთ, თუნდაც მცირე ნაწილს ენისას, რომელზეც ლაპარაკობდა ადამიანი, და რომელიც ახლა იკარგება და კვდება, - ავია ის თუ კარგი, იგი შემადგენელი ნაწილია ჩვენი ცივილიზაციისა, - ეს იქნება საზოგადოებრიობის დაკვირვებისთვის საჭირო მონაცემთა გამრავლება და თვით ცივილიზაციისადმი მიძღვნილი საუნჯე. ეს საუნჯე მართვა ისტორიას, განზრახ თუ თავისდაუნებურად, პლავტემ, რომელმაც ორი კართაგენელი ჯარისკაცი აალაპარაკა ფინიკიურად. იგივე საუნჯე დავგვიტოვა მოლიერმა, რომელმაც ლევანტურითა და სხვადასხვა ადგილობრივი ენით აალაპარაკა თავისი მრავალრიცხოვანი მოქმედი პირნი. მაგრამ აქ ისევე უთანხმოების შენიშვნები გაისმის. ფინიკიურად აალაპარაკა? ძალიან კარგი! ლევანტურად? კარგი და პატიოსანი! თუნდაც ადგილობრივი ენებიც იყოს, რადგან ერის კუთვნილება არის ადგილობრივი, ერის მინა-წყლის ვიწრო ფარგლებში ხმარებული ენა. მაგრამ ეგ თქვენი არგო რაღა არის? რა საჭიროა მისი შენახვა? რა საჭიროა წემუქდანი ამოღება შებილნულისა?

ამას მოკლედ ვუპასუხებთ, ერთი სიტყვით. თუ ჩვენი ყურადღების ღირსი ენა, რომელსაც რომელიმე ერი ხმარობდა, ან რომელიმე მხარე ერთი ერთი დასახლებული ქვეყნისა, უფრო მეტი ყურადღებისა და გაცნობის ღირსად უნდა ვცნოთ ენა, რომელსაც გაჭირვებისას იყენებდნენ.

ეს არის ენა, რომელსაც ლაპარაკობდა საფრანგეთში უკანასკნელი ოთხი საუკუნის განმავლობაში არა მარტო ერთი მხარის გაჭირვება, არამედ მთელი შესაძლებელი გაჭირვება კაცობრიობისა.

და გარდა ამისა, - დაუჩინებოთ ვიმეორებთ, - საზოგადოებრივი ცხოვრების სიმახინჯისა და დაავადების შესწავლა და მათი აღნიშვნა მკურნალობის მიზნით იმეგარი საქმე არ არის, რომ შეიძლებოდეს მისი უარყოფა. ზნე-ჩვეულებათა და აზროვნების ისტორიკოსს არანაკლებ სასტიკი მოვალეობა აწევს, ვიდრე ცხოვრების მიმდინარეობის ისტორიკოსს; მას ხელთა აქვს ზედაპირი ცივილიზაციისა, - გვირგვინოსანთა ბრძოლა, დაბადება ბატონიშვილებისა, ქორწინება მეფეებისა, ომი, შეკრებები, სამეფოს დიდებულები, მზით განათებული რევოლუცია, - სულ გარეგანი, ყველასთვის დასაანახავი; მეორე ისტორიკოსის საგანი კი შინაგანი: ყველასთვის დაფარული, სიღრმე, ხალხი, რომელიც შრომობს, ეწვალეობა, იტანჯება და სასოებს; ამ ხალხში დამცირებულს ხელდას ქალს, სულთმობრძავე ბავშვს, კაცთა შორის შურს და მტრობას, სამინელ სიმხეცეს, ცრუმორწმუნეობას, დაკანონებულ უთანასწორობას, ჩუმ, მინის ხვრელში ჩამალულ არსებულ წესწყობილებების მტრებს, საიდუმლო განვითარებას სულისას, ხალხის გმინვას, შიმშილით სიკვდილს, ფეხშიშველებს, უბინაოებს, ობლებს, უბედურებს, ავბედიოებს, ყოველგვარ მატლს, რომელიც ფუთფუთებს ამ წყვილიადმი. და ისიც იქ უნდა ჩავიდეს, სიბრალულითა და სიმკაცრით სავსე გულით, როგორც მოყვარული ძმა და სასტიკი მსაჯული; უნდა ჩავიდეს და მიუვალი ფსკერის ძირში, სადაც არეული არიან ერთმანეთში ისინიც, ვისაც სისხლი

სდის, და ისინიც, ვინც მათ სისხლს ადენს, ისინიც, ვინც ტირიან და ისინიც, ვინც ატირებს; ისინიც, ვინც შიმშილით კვდებიან და ისინიც, ვინც ვეღარ ძლებიან; ისინიც, ვინც წამებული და ტანჯულია და ისინიც, ვინც აწამებს და ტანჯავს. ნუთუ ამ სულისა და გულის ისტორიკოსებს უფრო ნაკლებმნიშვნელოვანი მოვალეობა აწევთ, ვიდრე გარეგანი ცხოვრების აღმწერთ? ნუთუ იტყვის ვინმე, რომ დანტე ალიგიერს არ ჰქონდა იმოდენა სათქმელი, რაც მაკიაველს? ძირი ცივილიზაციისა რომ უფრო ღრმა არის და უფრო ბნელი, ნუთუ მით არის უფრო ნაკლებად მნიშვნელოვანი, ვიდრე ზედაპირი? ვინ იტყვის, კარგად გამოვიკვლიე ეს მთაო, თუ მის მღვიმეებს არ გასცნობია?

გაკვრით ვთქვათ, მოკლედ: ზემოთ აღნიშნული რამდენიმე სიტყვიდან შეიძლება ის დასკვნა გამოიტანონ, რომ ისტორიკოსების ორ კლასს შუა უდევს დიდი ზღვარი, რაც აზრადაც არ მოსვლია ავტორს. შეუძლებელია, კარგი ისტორიკოსი იყოს ყველასთვის დასანახავი, ხალხის საზოგადო ცხოვრებისა, თუ იმავე დროს იგი შინაგანი ცხოვრების ისტორიკოსიც არ არის, მკვლევარი ხალხის ღრმად დაფარული ცხოვრებისა; და აგრეთვე შეუძლებელია, კარგი ისტორიკოსი იყოს საზოგადოების შინაგანი ცხოვრებისა, თუ არ ძალუძს, როდესაც კი საჭიროება მოითხოვს, ხალხის გარეგანი ცხოვრების ისტორიკოსობა. ისტორია ზნე-ჩვეულებათა და აზროვნებისა შთაერთვის გარეგანი ცხოვრების ისტორიას და გარეგანი ცხოვრების ისტორია შინაგანი ცხოვრებისას. ეს არის ორი განსხვავებული მხარე საზოგადოებრივი ცხოვრებისა, რომლებიც შეადგენენ ერთს, დამოკიდებული არიან ყოველთვის ერთმანეთზე და ხშირად ქმნიან ერთმანეთს. ყოველ ხაზს, რომელსაც განგება გაუსვამს ზედაპირს ხალხის ცხოვრებისას, თავისი პარალელი აქვს მის სიღრმეში, ბნელი, მაგრამ მნიშვნელოვანი; და ყოველი რყევა ძირისა ქმნის მოძრაობას ზედაპირისას. ყველაფერში ერევა ნამდვილი ისტორია და ყველაფერს უნდა იკვლევდეს ნამდვილი ისტორიკოსი. წრე კი არ არის ადამიანი, რომ ერთადერთი ცენტრი ჰქონდეს; ის ელიფსი უფრო არის და ორი კერა აქვს; ერთი კერა ცხოვრების მიმდინარეობისა და მეორე იდეებისა.

ტანისამოსის საცვლელი ოთახია არგო, და ამ ოთახში იცვლის ენა ფერსა და გარეგნობას, როდესაც ბოროტი აქვს რამე განზრახული. იქ იძენს სიტყვის ნიღაბსა და ჩვრების მეტაფორას.

და საშინლად ხდება.

მაშინ ძნელი საცნობილა არის ენა. ნუთუ მართლა ეს არის ფრანგული ენა, დიდებული ენა კაცობრიობისა? ავერ მზად არის გამოვიდეს სცენაზე და შეესიტყვოს ბოროტებს; მზად არის აასრულოს ყოველი დავალება ბოროტების რეპერტუარისა. სიარული აღარ ეხერხება და კოჭლობით დაჩანჩალებს, სასწაულთა სასახლის ყავარჯენს იმველიებს, რომელსაც კეტად გარდაქმნის, როცა კი მოინდომებს. სახელსაც იცვლის, - სილატაკვს ირქმევს. მას ემსახურებიან ალქაჯნი; ისინი ჰმოსავენ და გრიმს უკეთებენ. ხან მიყოყავს, ხან ფეხზე წამოდგება; ორივეჯერ ქვემძრომის მაგვარია. ამიერიდან აღარას იუკადრისებს, ყველაფრისთვის მზად არის ყალბის მქმნელისგან გამრუდებული, მომწამვლელისგან გაჟანგარებული, მეხანძრის ჭვარტლით გამურული და კაცის მკვლელისგან გასისხლიანებული.

საზოგადოების კართან რომ დადგეს ვინმე პატიოსნების მხრივ და ყური მიუგდოს გარეთ მყოფთა საუბარს, გაიგონებს სიტყვა-პასუხს, რაღაც საზარელ დრტინვას,

რომლისას ვერაფერს გაიგებს; ვითომ ადამიანის ენა არის, მაგრამ ღმუილს უფრო უახლოვდება. ეს არგო გახლავთ. შეცვლილია სიტყვა, დამახინჯებული, და რალაც უცნაური მხეცურით გაუღენთილი. გვერნებათ, გველეშაპნი ლაპარაკობენო.

ეს არის რალაც გაუგებარი წყვილით მოსილი; ჩურჩულებს კბილების ღრჭენით, საიდუმლოებით ავსებს წყვილიადს. ბნელით მოცულია უბედურება და უფრო ბნელით - ავკაცობა და ბოროტება. ამ ორი სიბნელის შეერთებას წარმოადგენს არგო, ბნელი თავისი პირადობით, ბნელი თავისი ცხოვრებით, ბნელი თავისი სიტყვით; საზარელი ენა-ჯოჯო, რომელიც მიდი-მოდის, ხტის, ცოცავს, დორბლს ჰყრის და საზარლად ტრიალებს სქელ ბურუსში; რომელიც ნაყოფია წვიმის, სიბნელის, შიმშილის, ბინიერების, სიცრუის, უსამართლობის, სიშიშვლის, სულის შეხუთვისა და ყინვის, განწირულთა მთელი ავლადიდებისა.

შეგიბრალათ განწირულნი! თვით ჩვენ ვიღანი ვართ? ვინა ვარ მე, ამას რომ მოგახსენებთ? ვინ ბრძანდებით თქვენ, მე რომ მისმენთ? საიდან მოვედით, როგორ გაეჩნდით? და დარწმუნებულნი კი ვართ, რომ არაფერი დაგვიშავებია, სანამ დავბადებოდით? დედამინასაც აქვს ცოტა რამ მსგავსება საპატიმროსთან. ვინ იყის, რომ ღვთის მართლმსაჯულებით უკვე დასჯილი არ იბადება ადამიანი?

ახლოს მივუდგეთ ცხოვრებას. ისეა მოწყობილი ჩვენი ცხოვრება, რომ ყოველგან სასჯელს ხედავს კაცი.

ხომ ვერ იტყვით, ბედნიერი ვარო, - ამ სიტყვის სრული მნიშვნელობით. როგორ იტყვით, როდესაც ყოველი დღე გალონებთ? ყოველ დღეს აქვს თავისი დიდი მწუხარება და თავისი პატარა საზრუნავი. გუშინ გული მიგდიოდათ, ავადმყოფს რომ შეჰყურებდით, თქვენს საყვარელს; დღეს თქვენი ავადმყოფობა განუხებთ; ხვალ უფულობა, ზეგ გესლიანი ცილისწამება; მაზეგ თქვენი მეგობრის უბედურება, მერე ავი დარი, მერე რამე დაკარგული ან გატეხილი, მერე ნეტარებით დატკობა, რომელსაც მწარედ გისაყვედურებთ თქვენი სინდისი და ხერხემალი; მერე კიდევ საზოგადოების საქმეების უვარვისობა. თქვენი გულისტკივილის შესახებ აღარას ვამბობთ. ეგრეა ყოველთვის. დაიშლება ერთი ღრუბელი, მეორე დაგანვებათ. ასიდან იქნებ ერთი დღეც არ გეღირსოთ სიხარულისა და სრულმზიანობისა. თქვენ მაინც იმ მცირე რიცხვს ეკუთვნით, რომელიც ბედნიერად მიიჩნევა. სხვების ხვედრია წყვილით მოცული ღამე.

შეგნებული კაცი იშვიათად ხმარობს სიტყვებს - ბედნიერი და უბედური. ამქვეყნად, რომელიც კარიბჭეს უნდა წარმოადგენდეს მეორე ქვეყნისას, ბედნიერი არავინ არის.

სინამდვილეში კაცობრიობა შედგება განათებული და ბნელით მოცული ადამიანებისგან.

შეამცირეთ რიცხვი ამ ბნელით მოცულებისა, გაამრავლეთ რიცხვი განათებულებისა! აი, სიცოცხლის მიზანი! ამიტომ არის, რომ სულ ერთსა და იმავეს გავყვიროთ: სწავლა, განათლება ხალხისა! კითხვას რომ ასწავლით, ნათელს მოჰყვენთ მის გონებას, ყოველი ახალი მარცვალი სიტყვისა მზის სხივივით გაანათებს მის გონებას.

მაგრამ სინათლე ყოველთვის როდია უნაკლო სიხარული. ნათელშიც იტანება ადამიანი. გადაჭარბებული ნათელი წვავს. ცეცხლის ალი მტერია ფრთისა. ინვოლდე ისე, რომ ფრენა არ შეწყვიტო. ამაში არის საკვირველება გენისა.

ოდეს შეიქნობთ და შეიყვარებთ, მაინც განიცდით მწუხარებას. ტირილში იბადება დღე. და განათებულნიც ტირიან, თუნდაც დასტირიან ბნელით მოცულთა ვაგებას.

თავი მეორე
არგოს ფესვი

არგოს ენა ბნელეთს ეკუთვნის. აკვირვებს გონებას უაღრესად ჩამალული სიღრმით, მძიმე ფიქრებს ალუძრავს საზოგადოებრივ ფილოსოფიას. ეს გამოსაცნობი ენაა, მჭკნარი და ამავე დროს აჯანყებელი. ამ ენაში ცხადად მოჩანს განწირულთა აღშფოთება და მუქარა. ყოველ მარცვალს თავისი ნიშანი ადევს. ხალხში ხმარებული სიტყვა დაჭმუჭნილია იქ და ჯალათის ცეცხლქვეშ გაქვავებული. ზოგს თითქოს ჯერაც კვამლი ასდის, ისე მოგზავდებათ ზოგი ფრაზა, თითქოს ქერდის უცხად გაშიშვლებულ, ახლახან დადალულ მხარს ხედავდეთ. გონებას თითქმის შეუძლებლად მიაჩნია აზრის გამოთქმა მისი მართლმსაჯულების მიერ დავმობილი არსებით სახელთა საშუალებით. თავხედური და ურესხვია არგოს მეტაფორა. ზედვე ეტყობა, სამარცხვინო ბოძზე ყოფილა გაკრული.

მიუხედავად ამისა, და აგრეთვე ყოველივე ამის გამო, ამ უცნაურ მდაბიოსიტყვაობას უფლება აქვს განსაკუთრებული ადგილი მიეცეს იმ დიდ პირუთვნელ საღაროში, სადაც თავისი ადგილი აქვს მიჩნეული ძვირფასი ოქროს სამკაულთან ერთად ჟანგიან შავს ფულს, და რომელსაც ლიტერატურა ეწოდება. არგოსაც აქვს, - დაგვეთანხმებიან, - თავისი სინტაქსი, თავისი პოეზია. ეს იგივე ენაა. თუ ზოგი დამახინჯებული სიტყვა გვათქმევინებს, რომ იგი მანდრენის ნაღვტაო, - სამაგიეროდ ცნობილი ბრწყინვალე მეტონიმები გვიმტკიცებენ, რომ ოდესღაც ვიიონი ლაპარაკობდა ამ ენაზე.

წმინდა ლიტერატურული თვალსაზრისით რომ მივედგეთ, ბევრი არაფერი შეგვხვდება შესასწავლად არგოზე უფრო საინტერესო და ნაყოფიერი. ეს ენაა ენაზე დართული, ერთგვარი ავადური მეტეზორცი, შხამიანი ნამყენი, რომელმაც იხარა; პარაზიტია, რომელსაც ფესვი ძველი გალების ფუძეში აქვს, და რომლის თვალბედითი ფოთლები მოსდებია ენის ყოველ ტოტს. ეს გახლავთ, ასე ვთქვათ, პირველი შთაბეჭდილება არგოსგან მიღებული. მაგრამ ვინც აპირებს ენის შესწავლას ისე, როგორც ამას მეცნიერება მოითხოვს, ესე იგი, როგორც გეოლოგი დედამიწას, მისთვის არგო ნამდვილ ნარიყს წარმოადგენს. თუ საკმაოდ ღრმად ჩასწვდება მკვლევარი არგოს, აღმოაჩენს ძველებური ხალხური ფრანგულის ქვემოდან შემდეგ დანაშრევებს: პროვანსულს, ესპანურს, იტალიურს, ლევიანტურს, - ამ ხმელთაშუა ზღვის ნავსაყუდართა ენას, ინგლისურს და გერმანულს, რომანულს თავისი სამი განმტოებით - ფრანგულ-რომანულს, იტალიურ-რომანულს და საკუთრივ რომანულს, - ლათინურსა და ბოლოს ბასკურსა და კელტურს. ეს არის ღრმად ჩამალული და უცნაური ფორმაცია, დედამიწის სიღრმეში ყველა განწირულთა შეერთებული ძალით აგებული დიდი შენობა. ყოველ დევნილ ერს დაუდვია თავისი ნაშენის ფენა, ყოველგვარ ტანჯვას დაუტოვებია ზედ თავისი ქვა, ყველა დაწყლულებულ გულს მიუცია თავის კენჭი. მრავალი ბოროტი მდაბალი და გამშავებული სული, რომელსაც გაუვლია წუთისოფელზე და გამქარალა მარადისობაში, დარჩენილა არგოში თითქმის ისევე მთლიანად საშინელი სიტყვით გამოსახული.

გნებავთ ესპანური? აი, გატ - კატა, შეცვლილი ძველი გატო, და მრავალი სხვა. იტალიური გნებავთ? აი, სპადე - ხმალი, შეცვლილი სპადა; კარველ - გემი, სიტყვიდან კარაველა. ინგლისური გნებავთ? აი, ბიში - ეპისკოპოსი, სიტყვიდან ბისპოპ; რაილ - ჯაშუში, სიტყვიდან რასკალ, რასკალიონ - ვერაგი. გერმანული გნებავთ? აი, კალერი - რესტორნის მომსახურე ბიჭი, სიტყვიდან კელნერი. აი, ჰერს, ბატონი, სიტყვიდან ჰერცოგი; ლათინური გნებავთ? აი, ფრანჟირ - გატეხვა, სიტყვიდან ფრანგერი; კადენ - ჯაჭვი, სიტყვიდან კატენა. ერთი სიტყვა არის, რომელსაც ყველა ერი იყენებს, თითქოს რაღაც ძალა ჰქონდეს და საიდუმლო რამე ღირსება; ეს არის სიტყვა მაგნუს - დიდი. შოტლანდიამ ეს სიტყვა მაკ-ად გადააქცია, ხევის - გამგის სახელად, არგომ მეკ-ად აქცია და მერე მეგ-ად, ესე იგი ღმერთად. ბასკური გნებავთ? აი, გაპისტო - ქაჯი, სიტყვიდან გაისტო - საძაგელი; სორგაბონ - ღამე მშვიდობისა, სიტყვიდან გაბონ - ღამე მშვიდობისა. კულტური გნებავთ? აი, ბლავენ - ცხვირსახოცი, სიტყვიდან ბლავე - მდინარე წყალი; ბარანწყარო სიტყვიდან ბარანტონ - შადრევანი; გელუსი - სიკვდილი, სიტყვიდან გენ-დუ, ესე იგი მოშავო თეთრი. ისტორიული გნებავთ? ოქროს ფულს არგო ჯერაც მალტებს უწოდებს, რადგან ახსოვს, რომ მალტის კატორღაში გასავალი ჰქონდა ამ სახელწოდების ფულს.

გარდა აღნიშნული ფილოლოგიური წარმოშობისა, არგოს სხვა ფესვებიც აქვს, უფრო ბუნებრივი, რომლებიც თვით ადამიანის გონებიდან მომდინარეობენ.

პირველი: ეს უშუალო შექმნა სიტყვისა, სწორედ ამამი არის ენის საიდუმლოება. ადამიანი სიტყვით ხატავს საგანს და არავინ იცის, როგორ ახერხებს ამას? ეს არის პირვანდელი ძირი ადამიანის ყველა ენისა, რასაც შეიძლება გრანიტის სახელი მივცეთ. არგოს მრავლადა აქვს ასეთი სიტყვა, სიტყვა საგნის ზედმიწევნით აღმნიშვნელი, შექმნილი უცბად - ვინ იცის - სად, როდის, ვის მიერ? არც ეტიმოლოგია აქვს ამ სიტყვებს, არც ანალოგია, არც ნაწარმოები; ცალკეული სიტყვა არის ბარბაროსული, ხანდახან საზარელი, მაგრამ საკვირველი ზედმიწევნით სახავს საგანს და ცოცხალია.

მეორე: მეტაფორა. ენამ, რომელსაც უნდა ყველაფერი თქვას და ყველაფერი დამალოს, მეტაფორებს უნდა მიმართოს. მეტაფორა გამოცანაა, რომელშიც იმალება ქურდი, რადგან კიდევ ქურდობას აპირებს, და პატიმარი, რომელიც გაპარვას ცდილობს. არც ერთი ენა არ არის ისე მეტაფორული, როგორც არგო. პურის ქურდს თავიე ჰქვია; ემპაკს - ხაბაზი, რადგან ფურნეში ალაგებს პურს; ძველებური ემპაკის არგოულ სახელს - რაბუნ. ეს სჯობია, უფრო მახვილგონივრულია, თუმცა არც ისე ძალოვანი; სწორედ ისე, როგორც რასინი კორნელის შემდეგ და ევრიპიდე ესტილეს შემდეგ.

მესამე ერთგვარი ფანდია. არგო ენას დაჰკვრია და საჭიროებისამებრ იყენებს მას; იღებს, რაც დასჭირდება და ბრიყულად რყენის და ამახინჯებს სიტყვას, მოხდება ხოლმე, ასე მითვისებულ, დამახინჯებულ სიტყვას თავისას შეუერთებს და ხელოვნურ ფრაზას შეადგენს, რომელშიც უშუალოდ შექმნილი სიტყვაც არის და მოპარულიც. უფრო ხშირად კი, უცხომ რომ არავინ გაიგოს, არგო ყოველ სიტყვას ბოლოში ახალ კუდს აბამს დაბოლოებად - აილ, ორგ, იერგ ან უშ, ოლონდ ისე, რომ ერთ ფრაზაში ერთი და იგივე დაბოლოება კი არ ემატებოდეს ყველა სიტყვას, არამედ სხვადასხვა. იშვიათად ემატება სიტყვას დაბოლოება - მარ.

გახრწნილების ენა არის არგო და თვითონაც მალე იხრწნება. გარდა ამისა, რადგან სულ იმის ზრუნვაშია, გაუგებარი იყოს, თვითონაც იცვლება, როგორც კი იგრძნობს, რომ შეიძლება მიხედნენ მის დაფარულს. ყველას ახარებს და ზრდის, ასაზრდოებს მზის სინათლე და არგოში მაშინვე კლავს, რასაც მოხვდება, ისე, რომ შეუწყვეტლივ იშლება ეს ენა და საჭიროების მიხედვით მისცე ახლით ივსება. ათ წელიწადში უფრო მეტ ცვლილებას განიცდის არგო, ვიდრე ხალხის ენა ათ საუკუნეში. ამგვარად ლარტონ - ჰური ლარტაფ-ად იქცევა; გელ-ცხენი გეი-დად იცვლება; ფერდანმ - ჩალა ფერტილ-ად, შიკ - საყდარი ხდება ვერუჟუარ; კოლაბრ - კისერი, კოლს; ჯერ გაპისტო ერქვა ქაჯს, მერე რაბუენ-ი, მერე ბულანჟე; მღვდელს რატიმორი ერქვა, მერე სანგლიე გახდა. შეუმჩნევლად გარბიან არგოს სიტყვები, როგორც თვით არგოთი მოლაპარაკენი.

ხანდახან, დროგამოშვებით, არგოს ლექსიკონის ამ ცვალებადობისა გამო, ძველი აღდგება ხოლმე და ახლად იქცევა. თავისი სამეფო აქვს და იქ არის მაგრადა. ტანპლში XVII საუკუნის არგო მეფობდა, ბისეტში, როდესაც ის საპატიმროდ იყო, არგო ტუნისა, ყოველი სიტყვის ბოლოს ანმ-ის მიმატებით. ეს ასეა, მაგრამ არგოს ენა მაინც ემორჩილება შეუჩერებელი ცვალებადობის კანონს.

თუ მოახერხა თილოსოფოსმა და წუთით მაინც დასაკვირვებლად თავი მოუყარა ამ მსრბოლ ენას, რომელიც შეუჩერებლად იცვლება, მწვავე, მაგრამ სასარგებლო ფიქრები მოიცავს. არავითარი კვლევა არ იქნება ასე მნიშვნელოვანი და ნაყოფიერი. მეტაფორას ვერ ნახავთ არგოში, ან იმის ეტიმოლოგიას, რომელშიც საყურადღებო რამ არ მოიპოვებოდეს. არგოთი მოლაპარაკე რომ იტყვის, - ვცემო, თავს მოვიავადებო, - ამბობს: სცემს ავადმყოფობას. ცბიერებაში არის ამ ხალხის ძალა. არგოსთვის ცნება - ადამიანი განუყრელია ბნელის ცნებისგან. ბნელს, ღამეს სორგ-ს უძახიან და ადამიანს ორგ-ს. ბნელის ნაყოფი არის ადამიანი.

სამოგალოება მოსისხლე მტრად მიაჩნია ამ ენით მოლაპარაკეს, მის მკვლელ საშინელ ძალად, და ისე ახსენებს განთავისუფლებას ამ დაუნდობელი მტრისგან, როგორც სნეულების შემდეგ განკურნებას. დაპატიმრებული კაცი ამ ენაზე ავადმყოფია; მსჯავრდადებული - მკვდარი.

ყველაზე საშინელი ქვითკირის ოთხ კედელზეა ჩამწყვედი ცოცხლად დასამარებული პატიმარისთვის ის არის, რომ იძულებულია მკვდარივით ყინულებრივ უმნიშვნელობაში იმყოფებოდეს. და არგოს ენაც საპატიმროს წმინდას ეძახის - კასტუს. ზის უსაქმურად, მარტოდმარტო გულდანწყლულებული და წარმოუდგენელ ნეტარებად ეჩვენება თავისუფლად ცხოვრება. ბორკილი ადევს ფეხებზე; იქნებ გკონიათ, იმას ოცნებობს, რომ გავა და სიარულს შეძლებს? არა, სულ იმას ფიქრობს, რომ გავა და იცეკვებს, თუ შეძლო და მოახერხა ბორკილის გაჭრა. ის უხარია პირველ ყოვლისა, რომ ახლა კი გაჰკრავს საქეიფოდ. ბორკილის გასაჭრელად ქლიბს რომ ხმარობს, იმას ქეიფს უწოდებს - ბასტრინგ. სახელწოდება ცენტრი გახლავთ, ღრმა შედარებაა. ყაჩაღს ორი თავი აქვს. ერთი უფიქრდება ცხოვრებას და წინ უძღვის, სანამ ცოცხალია; მეორე ის არის, კისერზე რომ აბია სიკვდილის ღროს; პირველს, რომელიც ბოროტებას ურჩევს, ჰქვია სორბონი და მეორეს, რომელიც ისჯება პირველის აკაცობის გამო, კუნძი - ტრონმ. როდესაც ადამიანს აღარაფერი შერჩენია, ტანზე ძონძებისა და გულში ბოროტების გარდა, როდესაც იგი დაცემულია როგორც ქონებრივად, ისე ზნეობრივადაც, რის დამახასიათებლადაც არსებობს სიტყვა

„უბადრუკობა“ ორგვარი გაგებით, იმ დროს ეს ადამიანი მზად არის ბოროტმოქმედება ჩაიდინოს და ემსგავსება ორპირიან კარგად გალესილ დანას. ერთი პირი უბედურება არის, მეორე ავკაცობა. ამიტომ არგო მას უბადრუკს კი არა, გალესილს ეძახის - რეგიმე. რა არის კატორღა? კოცონი სასჯელისა, ჯოჯოხეთი; თვითონ კატორღელი კი ფიჩხია დასანავი - ფავო. რა სახელით მონათლა არგოთი მოლაპარაკე ხალხმა საპატიმრო? კოლეგია დაარქვა საპატიმროს. შეიძლება ამ სიტყვიდან მთელი გამასწორებელი სისტემა გამოვიყვანოთ.

ქურდსაც ჰყავს თავისი საკლავი და საძარცვი, - თქვენ, მე, ვინმე, გზაზე გამგლევი - პანტრ - მთელი ქვეყანა, ბერძნული სიტყვიდან პან - ყველა.

გნებავთ გაიგოთ, სად გაჩნდა დიდი უმრავლესობა კატორღელთა სიმღერებისა, რომლებსაც ლექსიკონი ლირინონთა-ს უწოდებს?

ერთი დიდი, გრძელი სარდაფი იყო პარიზის შატლუში. მდინარე სენის დონეზე ორ-ნახევარი მეტრით უფრო ღრმად ჩათხრილი. არც თანჯარა ჰქონდა ამ სარდაფს, არც სარკმელი. ერთადერთი შესასვლელი ეს იყო - კარი. ადამიანს შეეძლო შიგ შესვლა, ჰაერს კი არა. ჭერად ქვითკირის თალი ჰქონდა და იატაკად ნახევარი მეტრის სიღრმის ტალახი. ოდესღაც ფილაქნით ყოფილა დაფარული, მაგრამ წყალი ჟონავდა, დამსკდარა და დამლილა ფილაქანი. ორ-ნახევარი მეტრით მინისპირს ქვევით ჩაღრმავებულ სარდაფში ერთი უშველგებელი ძელი გაედოთ, რომელიც თავით ბოლომდე ორად ჰყოფდა ამ ქვესკნელს. ამ ძელიდან ჯაჭვები ეშვებოდა ძირს; ერთი მეტრის სიგრძისა იყო ჯაჭვები და ერთი და იმავე მანძილით ბოძზე ერთმანეთისგან დაშორებული; ჯაჭვს ბოლოში რკინის საყელურები ება. ამ სარდაფში ამწყვდევდნენ კატორღაში გასაგზავნ პატიმრებს, სანამ ტულონისკენ გაისტუმრებდნენ. ჩარეკავდნენ ამ სარდაფში, ჯაჭვებთან, სადაც სიბნელები ბრჭყვიალა საყელური ელოდებოდათ, კისერზე ჩამოაცვამდნენ საყელურებს და დაამოქლონებდნენ. მეტად მოკლე იყო ჯაჭვი და დაწოლა არ შეეძლოთ პატიმრებს. იდგნენ უძრავად იმ ჯურღმულში, იმ ბოძის ქვემოდან, თითქოს ჩამოკიდებულნი; იძულებულნი წარმოუდგენელი ძალ-ღონე ეხმარათ, რომ მისწვდომოდნენ როგორმე პურს ან წყლიან ტოლჩას; თავზე შავი თალი აწვათ, ფეხები ტალახში ედვათ, ბარძაყზე დასდიოდათ თავისივე განავალი, ღონემიხდილნი იყვნენ ასე ტალახში და შესასვენებლად ხელებით ეკიდებოდნენ ჯაჭვს. ძილი მხოლოდ მდგომიარეთ შეეძლოთ და ყოველ წამს აღვიძებდათ რკინის საყელური, რომელიც დახრჩობას უქაღდა, ვისაც გულიანად ჩაეძინებოდა, ზოგი არც კი იღვიძებდა და იქვე ესალმებოდა წუთისოფელს. მოშივდებოდა და პურიც იქვე ჰქონდათ, - ტალახში ეგდო; ფეხის ქესლით უნდა მოეწიათ პური იმდენად, რომ ხელი მისწვდომოდა და აეღო. რამდენ ხანს ეყარნენ იმ სარდაფში? ერთ თვეს, ორს, ხან ექვს თვესაც. ერთმა მთელი წელიწადი დაყო იქ. ეს იყო კარიბჭე კატორღისა, სადაც შეიძლებოდა მოხვედრილიყო ადამიანი, თუ მეფის ნაკრძალში ერთ კურდღელს მოკლავდა. მერე რას აკეთებდნენ ამ ჯოჯოხეთურ აკლდამაში? იმას, რისი გაკეთებაც შეიძლება აკლდამაში: სულს ებრძოდნენ, და იმას, რისი გაკეთებაც შეიძლება ჯოჯოხეთში - მღეროდნენ. ასეა: სადაც იმედი აღარ არის, იქ სიმღერა რჩება ნუგეშად. მალტას რომ მიაღწევდა კატორღელებით სავსე გემი, შორიდანვე ისმოდა მათი სიმღერა და ნიჩბის მოსმის ხმას ჰფარავდა. ქურდულად ტყეში მონადირე სურვენსანი, რომელსაც გაველო შატელეს სარდაფ-საპატიმრო, ამბობდა, - ლექსები რომ არა,

დავილუპებოდით. აი, უსარგებლობა პოეზიისა! რა საჭიროა ლექსი და რითმა? სწორედ ამ სარდაფში იყო გამოთქმული ყველა სიმღერა არგოსი. უმეტესი ნაწილი ამ სიმღერების ავბედითია, მაგრამ ზოგი მხიარულიც ურევია. სიყვარულისაც კი არის ერთი:

ტუტკაილი თეატრია,
მოსიარი ბალღისა.

ძალიანაც რომ ეცადოთ, ვერა და ვერ აღმოფხვრით ადამიანის გულის იმ ნაშთს, რომელსაც სიყვარული ჰქვია.

ამ ბოროტმოქმედთა სამფლობელოში ამხანაგები არიან ყველანი და ამხანაგის საიდუმლოებას არაფერს ვასცემს. საიდუმლო საერთო საკუთრებაა, ყველას კუთვნილი. საიდუმლოება ამ განწირულთათვის ფუძე არის ერთობისა. ერთი და იგივე საიდუმლოების გაცემა და ამ საზარელი ერთობის ყველა წევრის დაღუპვა. ვისიმე დაბეჭდება ამ წრეში ითქმის სიტყვებით - ნაჭერი შეჭამაო, თითქოს ყველას თითო ნაჭერს ჩამოსჭრის დამბეჭდებელი და ისე იკვებება თავისივე ამხანაგების ხორციით.

რა არის სიტყვა - სილა გაჰკრეს კაცსო? ამ კითხვის პასუხად გაცვეთილი მეტათეორა ამბობს - ოცდაცამეტი შანდალი დაანახვეს კაცსო; - მაგრამ არგო ერევა საქმეში და ამბობს, - შანდალი კი არა, კამუფლე აჩვენესო, ცხვირში კვამლი შეუბოლესო. ამის გამო ჩვეულებრივი ჩვენი ენა, სილის სინონიმად ხმარობს კამუფლეს. ერთგვარი შეღწევის ძალით ქვემოდან ზევით ადის სიტყვა, მეტათეორა. აურაცხელ მანძილს გაივლის, ქვესკნელიდან აკადემიაში შედის და ვოლტერის კალამსაც კი მიაღწევს.

არგოს გამოკვლევის ყოველ ნაბიჯზე ახალ აღმოჩენას წავანყდებით. შესწავლა და გაღრმავება ამ უცნაური ენისა მიგვიყვანს იმ საიდუმლო მიჯნასთან, რომლისგანაც დაკანონებული საზოგადოებრივი წესწყობილება გადადის კანონის მიერ დაგმობილებაში.

არგო არის სიტყვა, კატორღელად გარდაქმნილი.

გული უკვდება მკვლევარს, როცა დარწმუნდება, რომ ადამიანის აზროვნების ნიჭი შეიძლება ასე ღრმად იყოს მიწაში ჩამარხული; რომ იქაც, იმ სიღრმეშიც შეიძლება დევნილი იყოს და ხელშეკრული ბედისწერის მტარვალთაგან და ჯაჭვით დაბმული უფსკრულში.

ოჰ, განწირული ადამიანის დაჩაგრული აზროვნება!

და ნუთუ არაფერს მიეშველება ადამიანის სულს, ამ წყვდიადში ჩავარდნილს? ნუთუ ის უწერია ბედად, რომ იქ იყოს და მარად ელოდეს თავის გამათავისუფლებელს, პეგასებისა და ჰიპოკრიზების ძლიერ მხედარს. ალიონისფერ მებრძოლს, რომელიც ციდან ჩამოფრინდება ფრთებით მოსილი, სხივოსანი რაინდი მომავლისა? ნუთუ საუკუნოდ ამაოდ უნდა მოუწოდებდეს იგი იდეალის სხივოსილ მსხნელ შუბს? ნუთუ განწირულია იქდეს ბოროტების ღრმა მორევში და თავისი თვალით ხედავდეს უფრო და უფრო ახლო, თავის გვერდით, წუმპე წყლის ქვეშ, გველემპაჰთა ქვეყანას, პირდაღრენილ ურჩხულებს და მახვილბრჭყალებიან გველეშაპებს? ნუთუ იქ უნდა ეგდოს სულ უმცირეს სინათლეს მოკლებული, იმედმისილი, იმ ავსულთა მსხვერპლად, და თრთოდეს, გული სწყდებოდეს, ხელებს იმტრევედეს საუკუნოდ მიჯაჭვული წყვდიადის კლდეზე, დაღვრემილი ანდრომედა თეთრი თავისი სიშიშვლით ამ სიბნელეში?

თავი მესამე
არგო ტირის და არგო იცინის

როგორც ხედავთ, მთელი არგო, არგო ამ ოთხასი წლის წინანდელი და არგო დღევანდელი გაუღენთილია ერთგვარი სიმბოლური სულით, რომელიც ყველა სიტყვას აძლევს ხან მწუხარე და ხან მრისხანე იერს. ცხადად გრძნობთ საზარელ მწუხარებას ძველი დროის იმ მანანალებისას, რომლებიც განსაკუთრებული ქალაქით თამაშობდნენ ბანქოს. ამ ქალაქს ჩვენამდე მოუღწევია. ჯვრის რვიანზე, მაგალითად, გამოსახული იყო ერთი დიდი ხე, რომელსაც რვა იონჯის ფოთოლი ჰქონდა და ერთგვარი ფანტასტიკური განსახიერება ტყისა; ხის ძირში ცეცხლი ენთო და სამი კურდღელი ეხატა, რომლებიც შამფურზე სწვავდნენ მონადირეს; უკან კიდევ სხვა ცეცხლი ენთო, ზედ ქვაბი დულდა და ქვაბიდან ჩანდა ზევით ამოწეული მეძებრის თავი. სამინელება იყო ეს თვალბედითი გამოხატულებანი სათამაშო ქალაქდზე. კოცონები კონტრაბანდისტების დასანვაავად და მღუღარე ყაღბი ფულის მჭრელთათვის. სხვადასხვაგვარად გამოთქმულ აზრს არგოს სამეფოში, აგრეთვე სიმღერას, ხუმრობას და მექარასაც - ყველა ამას უილაჯობისა და უიმედობის ბეჭედი აზის. ყველა სიმღერა, რომლის კილოსაც ჩვენამდე მოუღწევია, საცოდავია და სატირელი. ქურდების ბრბო „საბრალო ქურდებად“ ასახელებს თავის თავს; ბედკრული - ეს კურდღელია, რომელიც ყოველთვის იმალება; თავგია, რომელიც ყველას გაურბის; ფრინველია, რომელიც ახლოს ვერაფერს ეკარება გულგახეთქილი; მოთხოვნით ვერას მოითხოვს; თუ უნდა რამე, კვნესით გამოთქვამს. ერთმა ამგვარმა კვნესამ ჩვენამდეც მოაწია:

„გფიქრობ და ვერ გამოვიცა, როგორაა, რომ ღმერთი, მამა ყოველი ადამიანისა, ასე აწამებს შვილებს და შვილიშვილებს? როგორ უძლებს მისი გული ამდენ გოდებას და თვითონაც არ ატირებდა?“

როდესაც კი შემთხვევას იპოვის და ცოტათი მაინც მოცლილია, რომ ჩაფიქრდეს ეს განწირული, თავს იკნინებს კანონის წინაშე და თავს ისუსტებს საზოგადოების წინაშე; პირქვე დაეცემა ან მუხლს მოიყრის, ევედრება და იქით მიიწევს, საიდანაც შენყალებას მოელის. ცხადად ეტყობა, რომ დამნაშავედ გრძნობს თავს.

უკანასკნელი საუკუნის ნახევრიდან დიდი ცვლილება მოხდა. საპატიმროების სიმღერებსა და ქურდების ლექსებს მხიარული და თავხედური ტონი ჩაერია. ცრემლიან „მატურეს“ მხიარული „ლარიფლა“ მოჰყვა. XVIII საუკუნეში კატორღელთა და საპატიმროების თითქმის ყველა სიმღერაში რაღაც უცნაური ქაჭური მხიარულებაა ჩარეული. სიმღერაში გაისმის ყურთასმენის წამლები და როკვიანი ჩანართი, თითქოს ცეცხლი წაჰკიდებოდა და ტყეში შეეგდოს სიხარულით გაკიჟებულ მესტიერეს. აი, ეს ჩანართიც:

მირლიაბაბი, სურლიაბაბო,
მირლიტონ, რიბონ რიბეტ,
სურლიაბაბი მირლიაბაბო,
მირლიტონ რიბონ რიბო!

ამ უაზრო ჩანართით ავსებდნენ ყაჩაღები სიმღერას, როდესაც კაცს ჰკლავდნენ სადმე მიყრუებულ სახლში ან ტყის პირას.

შესანიშნავია ეს ცვლილება. XVIII საუკუნეში ამ პირქუში კლასის ანტიკური მელანქოლიურობა იფანტება. სიცილი ისმის ტირილის მაგივრად. მასხრად იგდებენ დიდებულ მთავრობასაც და ბურჟუასაც. ლუი XV-ს მიამსგავსეს მეფე და სახელად „ხელით სატარებელი“ უწოდეს. გამხიარულდა არგო, პატარა მკრთალი სინათლე დაეწყო ამ განწირულთ, თითქოს აღარაფერი ანვით სინდისზე, საბრალო წამებული ბრბო ბნელეთისა თუ აქამდე თავგანწირულ ვაჟკაცობას ამჟღავნებდა, ახლა უკვე ვაჟკაცურად უდარდელნი გამხდარან. ეს არის იმის ნიშანი, რომ მათ დაუკარგავთ გრძნობა დამნაშავეობისა და მოაზროვნეთა და მეოცნებეთა შორის რაღაც თანავგრძნობაც უპოვიათ. ესეც ნიშანი არის იმისი, რომ ქურდობა და ძარცვა ნელ-ნელა შეპარულა საზოგადოებრივი მსჯელობის დებულებებსა და სოფიზმებში. ამით, ასე ვთქვათ, დაუკარგავს თავისი საზიზღრობის ნაწილი. ეს იმის ნიშანიც არის, რომ თუ მოულოდნელი დაბრკოლება არ აღმოჩნდა ახლო მომავალში, შეიძლება გასაოცარი აყვავების მონამენი გავხდეთ.

ერთ წამს გავჩერდეთ. ვის ვდებთ ბრალს ამაში? XVIII საუკუნეს? მის ფილოსოფიას? რა თქმა უნდა, არა! XVIII საუკუნის ღვანლი წმინდაა და სასიკეთო. ენციკლოპედისტები და მათი მოთავე დიდრო, ფიზიოკრატები და მათი მოთავე ტურგო, ფილოსოფოსები და მათი მოთავე ვოლტერი, უტოპისტები და მათი მოთავე რუსო შეადგენდნენ ოთხ წმინდა ლაშქარს. მათი წყალობით იყო, რომ ასეთი დიდი მანძილი განვლო წინ კაცობრიობამ განათლებისკენ. ეს იყო ოთხი წინმავალი ლაშქარი კაცობრიობისა, რომლებიც პროგრესის ოთხი მთავარი მხარისკენ მიეშურებოდა: დიდრო - მშვენიერების, ტურგო - სასარგებლოს, ვოლტერი - ჭეშმარიტებისა და რუსო - სამართლიანობისკენ. მაგრამ ფილოსოფოსებთან ერთად, ან მათ ქვემოდან, სოფისტები იყვნენ, შხამიანი ნაბარტყი, რომელიც შერეოდა ჯანსაღ მცენარეულობას. სანამლავი მცენარე მათოთი უღრან ტყეში. და იმ დროს, როდესაც სასამართლოს მთავარ კიბეზე ჯალათი წვაჲდა იმ დროის მოწინავე განმათავისუფლებელი მიმართულების მწერლობის წიგნებს, დღეს დავიწყებული მწერლები ბეჭდავდნენ მეფის წყალობით თავის, ასე ვთქვათ, თხზულებებს, გასაოცარი არეულობის შემტანს განწირულთა ცხოვრებაში. ისინი კი ხარბად ენათებოდნენ ამგვარ ნაწარმოებებს. ზოგი რამ ამ თხზულებათაგანი, რომელსაც მფარველობას უწევდა მეფის გვარეულობა, - აღვნიშნოთ ეს უცნაური დეტალი, - ჯერაც მოიპოვება „საიდუმლო ბიბლიოთეკაში“. ამგვარი სხვაც ბევრი იყო, ღრმა მნიშვნელობისა, მაგრამ საიდუმლოებით მოცული, რაც შეუმჩნევლად რჩებოდა ცხოვრების ზედაპირისთვის. საშიშროებას რაიმე განზრახვისას სწორედ მისი საიდუმლოება წარმოადგენს; ბნელია, რადგან ქვესკნელისა. ამ მწერალთაგან ყველაზე ღრმა და მავნე ხვრელი ხალხში რეტიფ დე-ლა-ბრეტონმა გააპო.

ყველაზე მეტად გერმანიაში გავრცელდა ეს მიმართულება, მიუხედავად იმისა, რომ მთელ ევროპას მოედო. გერმანიაში იყო დრო, რომლის სურათიც შილერმა მოგვცა თავის სახელოვან „ყაჩაღებში“, ქურდობა და ძარცვა აღიარებული იყო საკუთრებისა და შრომის საწინააღმდეგო პროტესტად. ამის საფუძველზე ქადაგებდნენ ზოგ ელემენტარულ კეთილსაჩინო, მაგრამ ყალბ იდეას, რომლებიც თითქოს სიმართლეს აღუთქვამდნენ, მაგრამ არსებითად მცდარი და უაზრონი იყვნენ. ამგვარ იდეებს ეფარებოდნენ, თითქოს ითქვიფებოდნენ კიდევაც მათში, განყენებულ აზრად ქმნიდნენ, ერთგვარ თეორიად და ავრცელებდნენ მუშა ხალხში, ტანჯულ პატიოსან

მასაში. ამისი არათფერი იყოდა არც ამ წამლის შემზავებელმა, არც იმ ხალხმა, რომელიც მით ლამობდა განკურნებას. ამგვარად მომხდარი რამ თავისთავად მნიშვნელოვანია. ტანჯვა-ვაება წარმოშობს გულისწყრომას; და იმ დროს, როდესაც კეთილდღეობაში მყოფი კლასები თვალდახუჭულნი არიან, ან ტკბილად სძინავთ, - ძილიც თვალის დახუჭვას მოასწავებს, - დაჩაგრულთა კლასების სიძულვილი აანთებს ჩირაღდანს ვინმე განწირულის ან ბინიერის კოცონზე, რომელიც ოცნებობდა სადმე მიკუნჭული და ამ სინათლეზე იწყებს საზოგადოების მხილებას. ამგვარი გულისწყრომის მხილება საშინელებას წარმოადგენს.

აქედან წარმოდგება, თუ უამთა ავებელობამ ინება, ის საზარელი შერყევა საზოგადოებრივი ცხოვრებისა, რომელსაც ოდესღაც უაკერისას უწოდებდნენ. უაკერისათან შედარებით ბავშვის ცელქობას წარმოადგენს ყოველი წმინდა პოლიტიკური მოძრაობა. აქ ჩაგრულის ამხედრება როდია მჩაგვრელის წინააღმდეგ, არამედ გაჭირვების ამხედრება კეთილდღეობის წინააღმდეგ. მაშინ არის, რომ ინგრევა ქვეყანა.

წამდელი ხალხისძვრა არის უაკერისასებური მოძრაობა.

ამგვარ დაღუპვას, რომელიც, ვინ იყის, აუცილებლად მოელოდა ევროპას XVIII საუკუნის დამლევეს, მთლად შეუშალა ხელი მხოლოდ საფრანგეთის რევოლუციამ, ამ პატიოსნების თვალგადაუნვდენელმა დაუვინყარმა ქმედებამ.

საფრანგეთის რევოლუციამ, რომელიც მახვილით შეიარაღებულ იდეალს წარმოადგენდა, ერთი დაკვრით ჩაუკეტა კარი ბოროტებას და კარი გაუღო სიკეთეს.

საფრანგეთის რევოლუციამ გამოარკვია საკითხი, გამოაქვეყნა ჭეშმარიტება, განდევნა ჭირი, გააჯანსაღა საუკუნე და დაავიროვინა ხალხი.

შეიძლება ვთქვათ, რომ საფრანგეთის რევოლუციამ ხელმეორედ გააჩინა ადამიანი, და მეორე სულიც ჩაუდგა, - უფლება.

XIX საუკუნე მემკვიდრეობს და სარგებლობს ამ რევოლუციის ღვანლით და დღეს ყოველად შეუძლებელია ის საზარელი რყევა საზოგადოებრივი ცხოვრებისა, რომელიც ეს-ეს არის დავასახელებთ. ბრმა უნდა იყოს კაცი, რომ ინუნებდეს საფრანგეთის რევოლუციას! ბრიყვი უნდა იყოს, რომ ემინოდეს მისი! საფრანგეთის რევოლუცია აცრად გამოადგა ხალხს, რომ უაკერია აღარ შეჰყროდა.

რევოლუციის წყალობით შეიცვალა საზოგადოებრივი ცხოვრების პირობები. ფეოდალური და მონარქიული ჭირისგან საბოლოოდ განკურნეთ ჩვენი სისხლი. შუა საუკუნეებისა აღარათფერი მოიპოვება ჩვენს კონსტიტუციაში. უკან დავტოვეთ უკვე ის დრო, როდესაც ჩვენს მშვიდობიანობას არღვევდა შეწყვეტელი მღელვარება, როდესაც ფეხქვემიდან ისმოდა მიყრუებული ჩოჩქოლი და ცივილიზაციის ზედაპირს არყვედა უცნაური ზენევა თხუნელების სოროებისა; უკან დავტოვეთ ის დრო, როდესაც სკდებოდა დედამიწა, მოჩანდა ძირი მღვიმეებისა და ბნელიდან უცბად ამოშვერილი ურჩხულთ თავები.

რევოლუციური გრძნობა ზნეობრივი კატეგორიისა გახლავთ. როცა განვითარდება გრძნობა უფლებებისა, ის თავის მხრივ განავითარებს გრძნობას მოვალეობისას. ყველას კუთვნილებაა კანონი თავისუფლებისა, რომელიც ისპობა იქ, სადაც იწყება სხვისი თავისუფლება, თანახმად რობესპიერის საგანგები განმარტებისა. 89 წლის შემდეგ განათლდა მთელი ხალხი. დარისს ვედარსად ნახავთ, რომ თავისუფლებით აღჭურვილს არ ახსოვდეს თავისივე ღირსება. შიმშილით დაუძღურებულსაც კი უდევს

გულში პატიოსნება საფრანგეთისა; მოქალაქეობრივი ღირსება შეადგენს მის შიდა იარაღს; ვინც თავისუფალია, ის კეთილსინდისიერიც არის. მეფობს ის, ვინც თავის აზრს გამოთქვამს. აქედან უანგარობა, აქედან მოსპობა საზოგადოებისთვის მავნებელი ნადილისა; აქედან გმირულად დახრილი თვალი ცდუნების წინაშე. რევოლუციური გაჯანსაღება უდრის თავისუფლების მოპოვების დღევნის: 14 ივლისის, 10 აგვისტოს. მან მოსპო ბრბო. და როცა განათლდება და განდიდება ხალხი, პირველ ყოვლისა დაიყვირებს, - სიკვდილი ქურდებს! პატიოსანი კაცი არის პროგრესი, უბრალო ფარატინად კი არ მიაჩნია იდეალი და აბსოლუტი. ვინ მისდევდა დარაჯად 1848 წელს ფურგონებს, რომლებთაც ტუილერის სასახლის განძი მიჰქონდათ? სენტ-ანტუანის უბნელი ნავაჟი ჩურების მკრები ღარიბ-ღატაკნი. ჩვარი გაჰყოლოდა დარაჯად თვალ-მარგალიტს, სათნობამ გააბრწყინა ეს შიშველ-ტიტველნი! ბევრი ყუთი იყო ამ ფურგონებში ოდნავ დაკვეთილი, ზოგი სულაც ღია, ოქრო-ვერცხლითა და ძვირფასი ნივთებით სავსე; ასობით ელაგა შიგ ძვირფასი განძეული და იქვე იყო საფრანგეთის ძველი გვირგვინი, თვალ-მარგალიტით მორთული, სამეფოს ანქვითით დამშვენებული, რომელიც ოცდაათ მილიონად ღირდა. მსველებად მისდევდნენ ამ გვირგვინს ფეხშიშველები.

მამ, შიში აღარა გვაქვს ჟაკერიისა, რაც სამწუხარო უნდა იყოს გერგილებისთვის. ვედარ გამოიყენებენ ძველებურად ხალხის დაშინებას, მეტადრე პოლიტიკაში. დღეს თვალხილულია ყველა. აღარავის აშინებს დღეს საფრთხობელა. არხეინად სხედან ზედ ჩიტები, რწყილიყარა ბუდობს შიგ და სიცილით შესცქერის მას ბურჟუა.

თავი მეოთხე

ორი ვალდებულება: სიფხიზლე და იმედიანობა

ეს ასე, მაგრამ შეგვიძლია ვთქვათ, რომ განდევნილი გვაქვს ყოველი საზოგადოებრივი სამშრობოება? რა თქმა უნდა, არა. ჟაკერია აღარ მოგველის; ამ მხრივ შეიძლება გულდამშიდებელი იყოს საზოგადოება; გულს აღარ გაუხეთქავს ამგვარი სისხლის ღვრა, მაგრამ იმას კი უნდა ცდილობდეს, რომ გამოასწოროს თავისი სუნთქვა. აპოპლექსური წვეთი მოსალოდნელი აღარ არის, მაგრამ ჭლექი კი ახლოა. საზოგადოების ჭლექი არის გაჭირვება.

აღამიანს მარტო მეხი კი არა, ავადმყოფობაც კარგად კლავს.

დაუღალავად უნდა გავიძახოდეთ შემდეგ: პირველ ყოვლისა უნდა ვზრუნავდეთ გაჭირვებულ, დამცირებულ ხალხზე, შევემსუბუქეთ ვალებით მონამლული სიცოცხლე, წმინდა ჰაერი ვაღირსოთ, გავანათლოთ, შევიყვაროთ, გადავუშალოთ გაფართოებული დიადი ჰორიზონტი, ყოველგვარი საშუალებით მივანოდოთ სწავლა, თვალწინ წავუყენოთ მაგალითი შრომისა, ავაცდინოთ მაგალითი ცუდკაცობისა, შევამციროთ ინდივიდის ტვირთის სიმძიმე და ამისთვის შევავნებინოთ მიზანი საყოველთაო კეთილცხოვრებისა, შემოვფარგლოთ სიღარიბე სიმდიდრის შემოუფარგლავად, მოვანყოთ ფართო ასპარეზი საზოგადო სახალხო წარმოებისა. ბრიარესავით ასი ხელი გამოვიბათ, რომ ყოველმხრივ ვეხმარებოდეთ სუსტსა და ტვირთმძიმეს, საერთო ძალა მოვიხმაროთ და ავასრულოთ ჩვენი დიდი მოვალეობა, გავხსნათ სახელოსნოები, რომ ყოველ მუშახელს ჰქონდეს საქმე, გავხსნათ სასწავლებლები ყოველგვარი მიდრეკილებისა და ნიჭისთვის, ლაბორატორიები

ყოველგვარი ცოდნისთვის, გავუდილოთ ხელფასი, შევემციროთ შრომა, მოვანერვიოთ შემოსავალ-გასავალი, ესე იგი გავახაროთ ადამიანი მისი შრომის მიხედვით და დავაკმაყოფილოთ მისი მოთხოვნილებების მიხედვით; ერთი სიტყვით, გამოვადებინოთ საზოგადოებრივ წყობილებას მეტი სინათლე და მეტი კეთილდღეობა იმათ სასარგებლოდ, ვინც იტანჯება და უეცრია. აი, ამაში მდგომარეობს უპირველესი ძმური მოვალეობა, რასაც თავის დღეში არ ივინყებენ კეთილი სულები. აი, ეს შეადგენს, - დაე იცოდნენ ეგოიზმით გულგაქვავებულებმა, - აუცილებელ და დაუყოვნებელ პოლიტიკურ საჭიროებას.

და ისიც ვიცოდეთ, რომ ყოველივე ეს მხოლოდ და მხოლოდ დასაწყისია; ნამდვილი გადასაჭრელი საკითხი არის შემდეგი:

არ შეიძლება სავალდებულო გახადოთ შრომა, თუ ჯერ უფლებად არ გახადეთ.

ამაზე არ შეეჩერდებით, აქ ამ საკითხის ადგილი არ არის.

თუ ბუნებას განგებას უწოდებენ, საზოგადოებას წინდახედულობა უნდა ეწოდებოდეს.

გონებრივი და ზნეობრივი ზრდა და განვითარება არანაკლებ საჭიროა, ვიდრე ქონებრივი კეთილდღეობის მიღწევა. ცოდნა მიზნის მიღწევის საშუალებაა. ფიქრი - პირველი საჭიროების საგანია და ჭეშმარიტება საზრდაა, როგორც პური. თუ გონებას დააკლდება ცოდნით კვება, მალე დამჭლევდება. გვეცოდებოდეს როგორც დამშეული სტომაქი, ისე დამშეული გონებაც: თუ არის რამე უფრო საზარელი, ვიდრე შიმშილით მომაკვდავი ადამიანი, რომელსაც ლუკმაპური ვერ უშოვია, ეს გახლავთ შიმშილით მომაკვდავი სული, რომელსაც სინათლე არ ღირსება.

იმას ცდილობს მთელი პროგრესი, რომ გამოსავალი იპოვოს. მოვა დრო და განცვიფრებული შეხვდება მას კაცობრიობა. კაცობრიობის ზრდასთან ერთად მიწის ჯურღმულის ფენებიც ბუნებრივად გამოსცილდებიან სასონარკვეთილების ფარგლებს. მხოლოდ ცხოვრების საერთო დონის ამაღლება ნაშლის გაჭირვებას.

დალოცვილია საკითხის ამგვარი გადანყვეტა. შეცდება, ვისაც ეჭვი შეეპარება.

მართალია, ჩვენს დროში ჯერ ისევ მძლავრობს წარსული; იგი თავისას მოითხოვს. განსაცვიფრებელია ეს გაყმანვილება მკვდრისა. აგერ დადის, აქეთ მოდის; გამარჯვებულს ჰგავს: დაპყრობას გვიქადის მკვდარი. მოდის და თან ახლავს თავისი ლაშქარი - ცრუმორწმუნეობანი; თან აქვს თავისი ფარ-ხმალი - მტარვალობა; თან აქვს თავისი დროშა - ხალხის დაბრმავება და უეცობა; რამდენიმე ხნის განმავლობაში ათ ბრძოლაში დარჩა გამარჯვებული. მოდის, მოიწვეს, გვემუქრება, იცინის, ჩვენს კარს მოადგა. მაგრამ ნუ შევეუშინდებით. სასონარკვეთილებას ნუ მივეცემით. შეგვიძლია გავყიდოთ ის ველი, სადაც დაბანაკებული იყო ჰანიალი.

ვისაც სწამს, მას შიში ვერ მოერევა.

როგორც მდინარე ვერ წავა უკან, ისე იღვა.

მაგრამ უნდა დაფიქრდნენ ისინიც, ვისაც არ მოსწონს ეს მომავალი. პროგრესს რომ შესძახიან - არ გვინდობარო! - ამით მომავალს კი არა, თავის თავს უარყოფენ; ისინი რაღაც შავ სენს მისცემიან, წარსულს იცრიან. ერთადერთი გზა აქვს ადამიანს, რომელსაც უარი უთქვამს ხვალისდღე დღეზე: - დღესვე მოკვდეს.

ადამიანს კი სიცოცხლე სწყურია, - რაც შეიძლება გვიანი სიკვდილი ხორციელი, და მარადი უკვდავება სულიერი.

დიახ, გამოცანა გამოცნობილი იქნება, ხმას ამოიღებს სფინქსი, ამოცანა ამოიხსნება. დიახ, ხალხის ზრდა, დანყებული XVIII საუკუნეში XIX საუკუნეში დამთავრდება. რეგენი თუ იქნება ვინმე, რომ ეს არ სწამდეს.

ბრწყინვალე მომავლის მოახლოება, საყოველთაო კეთილდღეობის განხორციელება, ღვთაებრივ აუცილებელი მოვლენა!

ადამიანთა ცხოვრებას განაგებს ძლიერი წნევა გარემოებათა შეერთებისა, და საჭირო დროის გასვლის შემდეგ მიიყვანს ლოგიკურ მდგომარეობამდე. ესე იგი შექმნის წონასწორობას, ესე იგი სამართლიანობას. არსებობს ძალა, მიწისა და ზეცისგან შემდგარი, ნაყოფი კაცობრიობისა, და ეს ძალა განაგებს კაცობრიობას; ეს ძალა არის სასწაულმოქმედი და ისევე ადვილად, საკვირველად იცის საკითხის გადაწყვეტა, როგორც არაჩვეულებრივი ამბების დატრიალება. ამ ძალას ერთი მხრივ მეცნიერება ეხმარება, რომელიც ადამიანის მიერ არის შექმნილი, მეორე მხრივ მრავალი სხვა შემთხვევა, ის ყურადღებასაც არ აქცევს მის წინაშე წამოჭრილ გადამწყვეტი საკითხების შეუთანხმებლობას, რომლებიც შეუძლებლად ეჩვენება ხალხს. ეს ძალა ისევე ხელოვნურად ახერხებს აზრთა დაპირისპირების საშუალებით დასკვნის გამოტანას, როგორც მეცნიერება ფაქტების დაპირისპირებით. ამიტომ ყველაფერს უნდა მოველოდეთ პროგრესის ამ იდუმალი ძლიერებისგან, რომელიც ერთ მშვენიერ დღეს პირისპირ წაუყენებს ერთმანეთს აღმოსავლეთსა და დასავლეთს, რომელიმე საფლავის სიღრმეში, ან იმამებს შეაკამათებს ბონაპარტთან დიდ პირამიდში.

და ამ ბრწყინვალე მომავლის მოლოდინში ნურც გაჩერება, ნურც ყოყმანი, ნურც დროის დაკარგვა გონებრივი განვითარების დიდებულ წინვლამში! საზოგადოებრივი ფილოსოფია ძირითადად მეცნიერება არის და მშვიდობიანობა; ამ ფილოსოფიას მიზნად აქვს და უნდა ჰქონდეს შედეგად უთანხმოებათა შესწავლით მტრობის მოსპობა. ეს ფილოსოფია არის, რომ ირკვევს, იკვლევს, ანალიზს უკეთებს და მერე აწარმოებს შეკავშირებას. მოკვეცის გზით იღვწის და შურსა და სიძულვილს აცლის ყველაფერს.

ხშირად მომხდარა, ხალხს ღუპავდა ქარიშხალივით მოულოდნელი უბედურება. ისტორია საესვა ხალხებისა და სახელმწიფოების დაღუპვის ამბებით. წამოუვლის ერთ მშვენიერ დღეს უცნობი ქარიშხალი და თან წალექავს ყველაფერს: ზნე-ჩვეულებათ, კანონებს, სარწმუნოებას; ინდოეთის, ქალღმის, სპარსეთის, ასირიის, ეგვიპტის ცივილიზაცია გაქრა ერთიმეორის მიყოლებით. რად გაქრა? არ ვიცით. რა იყო მიზეზი ამ საზარელი უბედურებისა? არც ეს ვიცით. შეიძლებოდა თუ არა ამ საზოგადოებათა განსაცდელისგან გადარჩენა? თავიანთი ბრალი ხომ არ იყო, რომ დაიღუპნენ? იქნებ ბინიერება სჭირდათ რამე, ხალხის გამხრწნელი, და იმან მოულო ბოლო? რამდენად დიდი იყო თავისკვლა ამ თაობებისა და მთელი ერების საშინელ ბედისწერაში? ვასუხი არა აქვს ამ კითხვებს. ბნელი დასწოლია განწირულ ცივილიზაციებს. ალბათ წყალს აგუბებდნენ, რომ შივ ჩაიხრჩუნენ. ჩვენ ამის მეტს ველარაფერს ვიტყვით. ერთგვარი ძრწოლით ჩაეცქერით იმ ზღვის ძირს, რომელსაც წარსული ჰქვია; ამ უზარმაზარ ზვირთებში - საუკუნეებში ჩაძირულან დიდებული ხომალდები, - ბაბილონი, ნინეფია, თებე, რომი, იმ საზარელი ქარიშხლისგან, რომელიც გამოქრის ბნელეთის ყოველი უფსკრულიდან. მაგრამ ბნელეთი იქ იყო და აქ, ჩვენ წინ სინათლეა. წინანდელი ცივილიზაციების დაავადებისა არაფერი ვიცით, და ჩვენს სატკივარს კი კარგად

ვიცნობთ. ჩვენ ხელთა გვაქვს უფლება სინათლის მოფენისა ცხოვრების მიმდინარეობაზე; შევხარით მის მშვენიერებას და ვამუღავნებთ მის სიმახინჯეს. თუ დაავადებული აქვს რამე, მაშინვე ზონდვას დავეწყებთ; და რაკი აღმოჩენილია სენი, მიზეზების გამოკვლევას განკურნების საშუალების აღმოჩენაც თან მოსდევს. ჩვენი ცივილიზაცია ნაყოფია ოცი საუკუნისა. ერთსა და იმავე დროს საკვირველებაც არის და საშინელებაც. ღირსია, რომ გადაურჩეს ყოველგვარ განსაცდელს, და გადაურჩება კიდევ. ძალიან კარგი, შევემსუბუქოთ ხალხს გაჭირვება, და კიდევ უკეთესი, გავანათლოთ. თანამედროვე სოციალური ფილოსოფიის ყველა ნაშრომს ერთადერთ მიზნად უნდა ჰქონდეს ეს დებულება. დღევანდელ მეცნიერს ერთი დიდი მოვალეობა აწევს: შეიტყოს ცივილიზაციის მაცისცემა.

ვიმეორებთ, მაჯის შეტყობა შემატებს მხნეობას და ამ მხნეობის აუცილებლობის ხაზგასმით გვინდა დავასრულოთ ეს რამდენიმე ფურცელი, მძიმე დრამის სასტიკი შესავალი.

სახელმწიფო შეიძლება დაილუპოს, მაგრამ კაცობრიობა კი არ ილუპება. შეიძლება აქა-იქ ნაპრალი ჰქონდეს დედამიწას, ცეცხლისმფრქვეველი მთები, ჩამქრალი ვულკანები, ამისდა მიუხედავად, ის არ ილუპება. ხალხთა სწეულებანი ვერ გაანადგურებს კაცობრიობას.

მიუხედავად ამისა, ვინც თვალყურს ადევნებს საზოგადოებრივი ცხოვრების მიმდინარეობას, თავს ქინდრავს ხშირად, უღმობიერესთ, ლოგიკით შეიარაღებულთაც კი მოერევათ დროებითი სისუსტე.

გვეღირსება კი ის ბრწყინვალე მომავალი? იმდენ ბნელ საშინელებას ვხედავთ, რომ ბუნებრივია ამ კითხვის აღძვრა. ეგოისტები და განწირულნი ქმნიან ამ საშინელებას. ეგოისტი ცრუმორწმუნეობით, მდიდრულად აღზრდის შეცდომებით, უძლები მადით, სიმდიდრის გაღმერთებით, რომელიც გულს უქვავებს კაცს, ტანჯვის შიშით, რომლის გამოც ეგოისტი ზიზღით უყურებს ტანჯულს და თვითკმაყოფილების გრძობით, რაც უხშობს მას სინდისის ხმას. განწირულნი - სიხარბით, შურით, ბრაზით სხვისი დამტკბარ სიცოცხლისადმი, სიძულვილით, მასში ვალვიძებული ადამიანი-მხეცის სიბნელით სავსე გულით, მწუხარებით, გაჭირვებით, ავბედისწერით, ბინძური, მაგრამ უბრალო უვიცობით.

საჭიროა განვაგრძოთ სასოებით ცისადმი ცქერა? იქ რომ ელვარე შუქს ვხედავთ, ნუთუ იმასაც მოელოის სხვესავით ჩაქრობა? გულსაკლავი სანახავია იდეალი, ასე ჩამალული სადღაც სიღრმეში, ჰატარა, განცალკევებული, ძლივს დასანახი, ელვარე, მაგრამ გარემომორტყმული ავი შექარით. გულსაკლავი სანახავია, მაგრამ შიში არაფრისა აქვს, როგორც ვარსკვლავს ცაზე, ღრუბლებით შემოზღუდულს.

ნივნი მერვე
აღტაცება და მწუხარება

თავი პირველი
სრული ბედნიერება

მკითხველი მიხვდებოდა, რომ მანონმა საპატიმროდან გადმოსროლილი ცნობის მიღებისთანავე ეპონინი გაგზავნა პლუმეს ქუჩის განცალკევებული სახლის

დასაზვერად. ეპონინმა იცნო ამ სახლის მდგმური, ჩამოაშორა ამ სახლს ქურდები და მერე მარიუსი მიიყვანა. რამდენიმე დღე ამ სახლსა და ბაღს შეჭარბოდა მარიუსი ქუჩიდან, მიზიდული იმ ძალით, რკინას რომ იზიდავს მაგნიტი და შეყვარებულს ის ქვები, რომლითაც აგებულია მისი სატრფოს სახლი. მერე კი კოზეტის ბაღში შევიდა, როგორც რომელი ჯულიეტას ბაღში. ბაღში შესვლა მარიუსისთვის უფრო ადვილი იყო, ვიდრე რომეოსთვის; რომელი იძულებული გახდა კედელზე ამძვარალიყო, მარიუსმა კი ოდნავ შეარხია მოაჭირი, რომელიც ისე ფამფალუბდა, როგორც ბებრუცუნას კბილები, და შესასვლელი მოიხყო. გამხდარი იყო მარიუსი და ადვილად შეძგრა.

ქუჩაში ღამით არავინ დადიოდა. მარიუსი ღამით შედიოდა ბაღში და არავითარი შიში არ ჰქონდა, რომ ვინმე დაინახავდა.

იმ კურთხეული და წმინდა წამის შემდეგ, როდესაც ერთმა კოცნამ შეაერთა ეს ორი სული, მარიუსი ყოველ საღამოს მიდიოდა კოზეტის სანახავად. სიცოცხლის იმ დროს რომ კოზეტს მარიუსი კი არა, სხვა შეჰყვარებოდა, კეთილსინდისიერებით სუსტი და ვნებათა ამყოლი, უთუოდ დაიღუპებოდა სანყალი ქალი. ხშირია გულკეთილი ქალი, რომელიც ადვილად ემორჩილება თავისი ტრფიალის სურვილს, და კოზეტის სწორედ ერთი მათგანი იყო, დიდსულოვანია ბუნებით ქალი და ამის ნაცოფია მისი სისუსტე. იმ სიმაღლეს რომ მიაღწევს სიყვარული, სადაც სხვა აღარაფერი ახსოვს, რაღაც ზეციური თავდავინყებით რთულდება მისი კდემამოსილება. მაგრამ რამდენ განსაცდელს გიმზადებთ, ო, დიდსულოვანო, ეს თავდავინყება! ხშირია, თქვენ გულს გვიძღვით, ჩვენ კი სხეულით ვტკბებით. თქვენი გული თქვენვე გრჩებათ და მწუხარებით გაგონდებათ ამაოდ გაცემული მსხვერპლი. სიყვარულს არაფერი სწამს ნაწილობრივი; ან ღუპავს იგი, ან მხსნელად ევლინება. ამ დიღემში არის მთელი ბედი ადამიანისა. არავითარი საბედისწერო ძალა არ გვიყენებს ისე უწყალოდ, როგორც სიყვარული ამ დიღემას, - ნამება ან ნეტარება! სიყვარული სიცოცხლეა, თუ სიკვდილი არ არის. აკვანია, მაგრამ აგრეთვე კუბო. ერთი და იგივე გრძნობა ჰოსაც გაიძახის და არასაც ადამიანის გულში. მრავალი რამ გაუჩენია ღმერთს, მაგრამ მართო გული არის ადამიანისა, რომ ყველაზე მეტ სინათლეს გვაძლევს, და ვაი, რომ ეს ასეა, - ყველაზე მეტ სიბნელესაც.

ღმერთმა ინება და ის სიყვარული, რომელიც კოზეტს ერგო, დამღუპველი კი არა, მსხნელი გამოდგა.

მანამ მათი იღვა 1832 წლისა, ყოველი დაღამებისას ერთად იყვნენ მარიუსი და კოზეტი იმ გავრანებულ ბაღში, დღითი დღე სულ უფრო სურნელოვან და ძირს დაშვებულ ბუჩქნარის ტოტებქვეშ. ორნი იყვნენ, ყოველივე სიწმინდითა და უმნიკვლოებით აღსავსე შეყვარებულნი, ციური უმანკოების წარმომადგენელნი, უფრო ანგელოზების მონათესავენი, ვიდრე ადამიანისა; ღმობიერნი, პატიოსანნი, აღტაცებულნი, გაბრწყინებულნი და ცხოვრების სიბნელეში ერთმანეთის მანათობელნი. ისე ეჩვენებოდა კოზეტს მარიუსი, თითქოს გვირგვინი ედგა თავზე და მარიუსს კოზეტი, თითქოს სხივმოსილი ყოფილიყო. ერთმანეთს ეხებოდნენ, ერთმანეთს შეჭარბოდნენ, ერთმანეთის ხელებით ტკებოდნენ, ერთმანეთს ეხვეოდნენ, მაგრამ იყო ერთგვარი საზღვარი, რომელსაც არამც და არამც არ გადადიოდნენ. იმიტომ კი არა, რომ წმინდად მიაჩნდათ ეს საზღვარი; არა, იმიტომ, რომ უგულვებელყოფდნენ მას. მარიუსს ხელშეუხებლად მიაჩნდა კოზეტის მორცხვობა და კოზეტსაც მძლავრი სიმაგრე ჰქონდა, მარიუსის პატიოსნება. ამგვარად

უკანასკნელი იყო პირველი კოცნა. თუ კიდევ გახვდა რამე მას შემდეგ მარიუსმა, ეს იყო კოზმეტის ხელზე, მის კულულებზე ან ხილაბანდზე ტუჩებით შეხება. კოზმეტი მისთვის სურნელეა იყო და არა ქალი. შეჰხაროდა და იმით სუნთქავდა. უარს არაფერზე ეუბნებოდა კოზმეტი და მარიუსიც მისგან არას მოითხოვდა. ბედნიერი იყო ქალი და კმაყოფილი მისი მოტრფიალე. იმ მომხიბლავი ნეტარებით ტკბებოდნენ ორნივე, რომელსაც შეიძლება ერთი სულის მიერ მეორით აღტაცება ვუნოდოთ. ეს იყო პირველი შეერთება იდეალში ორი უმნიშვნელოებისა. ორი გედი შეხვდა ერთმანეთს იუნგერაუს მთაზე.

ამ წმინდა სიყვარულის უამს, იმ დროს, როდესაც მუხჯივით გაჩუმებულია უინი ყოვლისშემძლე ტრფობის წინაშე, მარიუსი, უმანკო და სერაფიმივით წმინდა მარიუსი იქნებ ვინმე გარყვნილ გოგოსთან შესულიყო და კოზმეტს კი კოჭამდეც ვერ გაუბედავდა კაბის აწევას. ერთხელ, მთვარისან ღამეს, რაღაც გაუვარდა ხელიდან კოზმეტს და რომ დაიღუნა ასაღებად, ოდნავ გამოუჩნდა შიშველი მკერდი. მარიუსმა თვალი მოარიდა.

რა აერთებდა ამ ორ არსებას? არაფერი. ისინი აღმერთებდნენ ერთმანეთს.

ღამით, ერთად რომ იყვნენ ბაღში, ბაღიც კი ცოცხალ და წმინდა ადგილად ეჩვენებოდათ. მათ გარშემო იშლებოდა ყველა ყვავილი და სურნელეებს უკმევდა ტრფიალთ; მათაც ღიად ჰქონდათ ორივეს სული და ზედ აფრქვევდნენ ყვავილებს. მძლავრი, ტკბილვინებოვანი მცენარება, მოზღვავებული წვენით გახელებული თრთოდა ამ ორი უმანკო მიჯნურის ირგვლივ, ხის ფოთლები აღტაცებული თრთოლით ისმენდნენ მათი სიყვარულის სიტყვას.

რა იყო ეს სიყვარულის სიტყვა? სუნთქვა სიყვარულისა, სხვა არაფერი. ეს სუნთქვაც კმაროდა, რომ შეერყია და აღეგზნო გარშემო მთელი ბუნება. ეს იყო ჯადოსნური ძალა, რომელსაც ძნელად გაიგებს კაცი, თუ წიგნში წაიკითხავს აღტაცებულთა საუბარს, კვამლივით რომ იტაცებს ქარი და ფოთლებისკენ მიაქანებს. ჩამოაცალეთ მოტრფიალეთა ჩურჩულს ის მელოდია, რომელიც სულიდან ამოსდით და ჩანგივით ხმას უწყობს მათ სიტყვას, და რაც დარჩება, მხოლოდ ჩრდილიდა იქნება, სხვა არაფერი. მაშ, ეგ არის, სხვა აღარაფერი? ბრძანებთ. დიახ, ბავშვური ტიტინი, გამეორებანი, ტკბილი სიცლი, უმნიშვნელო უაზრობანი, ყველაფერი, რაც კი მოიპოვება ქვეყნად, უმაღლესი და უღრმესი! ერთადერთი რამ, რასაც ნეტარებით ამბობს და ისმენს ადამიანი.

თუ არის ვინმე, რომ თავის დღეში არა ეთქვას და არ გაეგონოს უმნიშვნელო უაზრობანი, სულელია და ავი კაცი.

კოზმეტი ჰკითხავდა ხოლმე მარიუსს:

- იცი, რა გითხრა?

მიეჩვივნენ ერთმანეთს და თავიანთ ციურ უმანკოებაში, შენობით დაუნყეს ლაპარაკი. რომ გეკითხათ, როგორ მოხდა ეს დაახლოება, ვერ აგისხნიდათ ვერც ერთი და ვერც მეორე.

- იცი, რა გითხრა? - მე ეფრაზი მქვია.

- ეფრაზი? არა, შენ კოზმეტი გქვია.

- ჰო! საძაგელი სახელია კოზმეტი, ეგ მაშინ დამარქვეს, სულ პანანინა რომ ვიყავ. და ჩემი ნამდვილი სახელი კი ეფრაზია! რაო, არ მოგწონს ეს ჩემი სახელი?

- მე? რატომ არა?.. მაგრამ არც კოზმეტია ცუდი.

- იქნება კოზმეტი უფრო მოგწონს?

- ჰო, კოზმეტი უფრო.

- მაშ, მეც კოზმეტი მიჩვენია. არა, მართალია, კოზმეტი უფრო ლამაზია. მაშ, კოზმეტი დამიძახე.

და იმისთანა ღიმილით შეამკო კოზმეტმა ეს დიალოგი, რომ ზეციური სამოთხის იდილიის ღირსად გახადა.

ერთხელ კიდევ დაკვირვებით დააწყვერდა მარიუსს და შეჰყვირა:

- თქვენ, ბატონო, მშვენიერი ბრძანდებით, მოხდენილი, ჭკვიანი, უგუნურებისა არაფერი გცხიათ. გაცილებით უფრო განათლებული ხართ და მცოდნე. დიახ, მაგრამ ერთში კი ვერ მაჯობებთ, ჩემს სიყვარულში.

ცას დაენია მარიუსი, ასე ეგონა, ციდან მომესმა ვარსკვლავთ გუნდის ვალოზაო.

ან არადა ხელს ნაჰკრავდა, მარიუსს რომ ხველა აუვარდებოდა, და ეუბნებოდა:

- ნუ ახველებთ, ბატონო, მე არ მინდა, რომ ჩემთან იყოს ვინმე და ჩემ ნებადაურთველად ხველა გაბედოს. საძაგლობაა ეგ ხველა და მით ჩემი გულისხმეთა. მინდა, კარგად იყო და არაფერი გტკიოდეს. როგორ არ იცი, შენ რომ ავად გამიხდეს, ჩემზე უბედური აღარავინ იქნება. მერე მე რაღა მეშველება?

ღვთაებრივ წმინდა იყო ყოველივე ეს.

ერთხელ მარიუსმა უთხრა კოზმეტს:

- წარმოიდგინე, ერთხანად ურსული მეგონა შენი სახელი.

ამაზე იცინეს მთელი საღამო.

ერთხელ კიდევ, ტკბილ საუბარში, უცბად წამოიძახა მარიუსმა:

- ოჰ, ერთხელ ლუქსემბურგის ბაღში ისე გამაბრაზა ერთმა ინვალიდმა, რომ კინაღამ მივერადი და მთლად დავასახიჩრე!

მაგრამ ამით დაასრულა, სხვა აღარაფერი თქვა ამ შემთხვევისა. რომ განეგრძო, კოზმეტის წვივსაკრავს უნდა შეხებოდა, და ეს შეუძლებლად მიაჩნდა. ერთ მხარეს უნდა შეხებოდა უცნობს, ქალის სხეულს, რომელსაც ერთგვარი წმინდა გულისძგერით ემალებოდა ეს უსაზღვრო უმანკო სიყვარული.

ასე ჰქონდა წარმოდგენილი მარიუსს კოზმეტთან ცხოვრება, სხვა აღარაფერი უნდოდა, ოღონდ ყოველ საღამოს მისულიყო პლუმეს ქუჩაზე, შეერხია ძველი, უანგიანი მოაჯირი, გვერდს მისჯლომოდა ბაღში სკამზე თავის კოზმეტს, შესძლებოდა ხის ტოტებზე დაენახა მოახლოებული ღამის ვარსკვლავთ სინათლე, მუხლით შეხებოდა კოზმეტის კაბას, ალერსით სჭეროდა მისი ცერი, შენობით მიემართა საუბრისას, დამტკბარიყო იმ ყვავილის სურნელებით, რომელსაც კოზმეტი ყნოსავდა. ეს ჰქონდა მარად და სხვა არაფერი უნდოდა. და ამ დროს ღრუბელი გროვდებოდა მათ ზემოდან. როდესაც კი ამოვარდებდა ქარი, ადამიანის ოცნებას უფრო იტაცებს, ვიდრე ღრუბელს.

შეუძლებელია ამიკობა არ ჩარეოდეს ამ უმანკო, თითქმის მკაცრ სიყვარულს, ვინც გიყვართ, ქათინაურითაც ამკობთ. ეს არის ალერსის პირველი საფეხური, ერთგვარი მოსინჯვა ნიადაგისა. ქათინაური იგივე კოცნაა, ოღონდ პირბადით დაფარული ღანვისა. იქ ტოვებს ვნება ტკბილ სახსოვარს და თვითონ კი განზე დგება. გული უკან იხევს ვნებისგან, რომ უფრო ძლიერ შეიყვარო. ოცნებით გაუღენთილი მარიუსის ღუღუნი სავსებით ციური იყო. მაღლა ცაში რომ ანგელოზების მხარეში მოხვდებიან ჩიტები, იმათ უნდა ეყურებოდეთ ამგვარი ღუღუნი. მაგრამ ალერსში მარიუსი ცხოვრებასაც ურევდა, კაცობრიობასაც, მთელ თავის რწმენასა და მისწრაფებას. ეს

იყო ის, რასაც მღვიმეში ეუბნებიან ერთმანეთს შეყვარებულნი, შესავალი იმისა, რასაც სანოლ ოთახში იტყვიან; ეს იყო ლირიკული გულის გადაშლა, ლექსის ხანისა და სონეტის ხმარება, ტკბილი ჰიპერბოლა ტრფიალისა, ყოველგვარი დანვლილება, თაყვანისცემა, თაიგულად შეკრული, რომელსაც ნაზი სურნელება ასლიოდა ციური, სიტყვით აუნერელი გულისადმი გულის ჭიკჭიკი.

- ოჰ, - ჩურჩულებდა მარიუსი, - რა მშვენიერი ხარ! ვეღარ ვბედავ, რომ გიცქირო. მე შემძლია მხოლოდ გჭვრეტდე. შენ მადლი ხარ ციური. არ ვიცი, რა შემართება? ფეხის წვერი რომ გამოგჩნდება კაბის ქვეშიდან, ვლელავ. მერე რა წარმატაც სხივებს ისვრის ეგ შენი აზროვნება! საკვირველი რამ არის შენი გონება მახვილობა. ხანდახან მგონია, რომ მხოლოდ ოცნება ხარ! თქვი რამე, ვისმენ აღტაცებული. ო, კომეტი! რა უცნაური და მომხიბლავია ეს ყოველივე. ლამის გავვიჟღე! თაყვანისაყვამ ბრძანდებით, ქალბატონო! მიკროსკოპით ვსინჯავ შენს ფეხს და ტელესკოპით შენს სულს.

და კომეტაც პასუხს აძლევდა:

- უფრო და უფრო მეტად მიყვარხარ, რაც ხანი გადის!..

თავისუფლად ჯდებოდა მათ საუბარში კითხვა-პასუხი, ყოველთვის შეთანხმებით და სიყვარულით.

განხორციელებული უმანკოება იყო კომეტი, გულწრფელობა, გამჭვირვალობა, სისპეტაკე, გულუბრყვილობა, სხივოსნობა. მნახველზე გაზაფხულის ან დილის ცისკრის შთაბეჭდილებას სტოვებდა. ცის ნაში უდგა თვალში. კომეტი ამომავალი მზის სხივი იყო, ქალად განხორციელებული.

ბუნებრივი იყო, მარიუსს უყვარდა, თაყვანს სცემდა, აღმერთებდა. და ღირსიც იყო თაყვანისცემისა. „მონასტრის პანსიონიდან გამოსული“ ეს ნორჩი, გამოუცდელი ყმაწვილი ქალი საკვირველი დაფიქრებით მსჯელობდა ყველაფერზე, თანაც საფუძვლიანად და თავაზიანად. მისი ლულუნიც კი აზრიანი იყო. მოტყუებით არსად მოტყუებდებოდა და ყველგან პოვებდა მართალს. ქალი გრძნობს და ამბობს გულის ლმობიერი შეუცდომელი ალლოთი. ქალისთანა კარგად მამაკაცი ვერ იტყვის ტკბილსა და იმავე დროს ღრმა სიტყვას. სიღრმე და სიტკბოება, ეს არის ქალი და ეს არის ზეცა.

ასე ბედნიერები იყვნენ და მაინც ყოველ წამს ცრემლი ეროდათ თვალში. ჭიამაიას დაინახავდნენ მკვდარს, ჩიტის ბუდიდან ჩამოვარდნილ ბუმბულს, კუნელის მოტეხილ ტოტს და სიბრალულით აევსებოდათ გული. აღტაცება ნაზად იფარებოდა მწუხარებით და ცრემლითღა მოითხოვდა თავის დამშვიდებას. უაღრესად სათუთი თვისება სიყვარულისა არის გულჩვილობა, ხანდახან თითქმის აუტანელი.

და ყოველივე ამასთან ერთად, გულიანად იცინოდნენ, საამო თავისუფლებით და ისე დაურიდებლად, რომ ხანდახან ორ ბიჭს ემსგავსებოდნენ; მაგრამ მიუხედავად იმისა, რომ გული სავეს არის უბინობით, დაუდგრომელი ბუნება თავისას მაინც არ იშლის, და ისიც იქ არის ხორციელი, მაგრამ დიადი მიზნით. რაც უნდა ძალოვანი იყოს უმანკოება სულისა, მაინც გრძნობენ, მარტონი რომ არიან ორნივე მორცხვნი, სათაყვანებელ და საიდუმლო საზღვარს, რომელიც სიყვარულით გატაცებულ ქალ-ვაჟს განასხვავებს ორი მეგობრისგან.

ერთმანეთს აღმერთებდნენ კომეტი და მარიუსი.

არსებობს მარადისი, შეურყეველი. უყვართ, ერთმანეთს შესვინიან, უაღრესებენ, ბავშვურად ებუტბუტებიან ტუჩის აბზევით, ერთმანეთის თითებით ტკბებიან, შენობით

ლაპარაკობენ, მაგრამ ყოველივე ეს არაფრით არღვევს მარადისობას, უყვართ ერთმანეთი, საღამოს ბინდში იმალებიან. ღამის სიბნელებში, უხილავეში, ფრინველებთან და ვარდებთან, ერთმანეთს ხიბლავენ თვალწინ გადამლილი თავიანთი გულით, ჩურჩულებენ, ჭუჭყუკებენ, და ამ დროს საოცრად დიდი სრბოლა ვარსკვლავებისა ავსებს უსაზღვროებას.

თავი მეორე

ბედნიერებით მოვრალნი

ცხოვრებისას ველარას ამჩნევდნენ ბედნიერებით თვალახვეული. ქოლერაც კი არ ავლნდებოდათ, რომელიც სწორედ იმ თავს უღლეთა პარიზელებს. ყველაფერი უამბეს ერთმანეთს, მაგრამ ეს ყველაფერი თითქმის არ გაცხილებია მათ სახელებს. მარიუსმა უამბო კოზეტს, რომ ობოლი იყო, აცნობა თავისი ვგარი და სახელი - მარიუს პონმერსი; უთხრა, რომ ვეჭილი იყო, რომ წიგნის მალაზიებისთვის წერდა და თავისი ნაწერების ჰონორარით ცხოვრობდა, რომ მამა პოლკოვნიკი ჰყავდა, სახელოვანი გმირი; უამბო, რომ პაპა ჰყავდა, მდიდარი კაცი, რომელიც შემოსწყრა და ხმას აღარ სცემდა. ისიც უთხრა, ოდნავ გაატარა სიტყვაში, რომ ბარონი იყო, მაგრამ ამან არავეითარი შთაბეჭდილება არ იქონია კოზეტზე. მამ, ბარონია მარიუსი? ვერც კი შეიგნო ამ სიტყვის მნიშვნელობა. არც კი იცოდა, რას ნიშნავდა სიტყვა ბარონი. მარიუსი მარიუსი იყო, მორჩა და გათავდა! თავის მხრივ კოზეტმაც უამბო, რომ მცირე-პიკუსის მონასტერში აღიზარდა; რომ პატარაობისას მოუკვდა დედა, როგორც მარიუსს; რომ მისი მამა არის ბ. ფომლევანი, ძალიან გულკეთილი კაცი, ეხმარება გაჭირვებულთ, თუმცა თვითონაც ღარიბია, და თვითონ ყველაფერს იკლებს, ოღონდ კოზეტს არაფერი დააკლო.

უცნაური ის იყო, რომ კოზეტის სიახლოვის ტკბილი სიმფონიით დამტკბარ მარიუსს ისე დაშორებოდა და დავინწყებოდა წარსული, სულ უახლოესი გუშინდელიც კი, რომ სავსებით დაკმაყოფილდა კოზეტის ნაამბობით. ისიც კი გაიფიქრა, რომ საუბარი ჩამოეგდო და გავგო რამე ტენარდიეს მიერ ფომლევანის ღამე მახეში გაბმისა, თვით ტენარდიეს, ან ფომლევანის მიერ ხელის დანვის შესახებ; საერთოდ, რაც შეეხებოდა მის საოცარ ქცევას და მეტადრე მის გაქცევას. ყოველივე ეს მყის დავინწყებოდა მარიუსს. ისიც კი აღარ ახსოვდა საღამოს, სად იყო ან რას აკეთებდა დილას, ან სად ისაუბმა, ვინ ნახა, რაზე ილაპარაკეს. სიმღერა, რომელიც ყურში ედგა, უყრუებდა ყოველ სხვა ფიქრს; ცოცხალი მარტო მამინ იყო, როდესაც კოზეტსა ხედავდა. რაკი ზეცაში ციალებდა, სრულიად ბუნებრივი იყო, რომ ქვეყანა დავინწყებოდა. თავს დასწლოდათ ორთავეს ენით უთქმელი სულიერი ნეტარების ტვირთი. და ავინწყებოდა მიწიურს. ასე ცხოვრობენ ის მოვარეულნი, რომლებსაც შეყვარებულებს ვუწოდებთ.

ეჰ! ვის არ განუცდია ყოველივე ეს? რად არის, რომ დაჰკრავს ავბედიით საათი და ძირს ჩამოვავადებს სამოთხიდან? რად არის, რომ ამის შემდეგაც ცოცხალი რჩება ადამიანი?

აზროვნების ალაგს თითქმის მთლად იჭერს სიყვარული. სიყვარული ცეცხლწაკიდებული დავინწყება არის ყველაფრისა. ჰოდა, მოსთხოვეთ ვნებას რამე ლოგიკა! ისევე ნაკლებად მოიპოვება ადამიანის გულში ლოგიკის აბსოლუტური

თანამიმდევრობა, როგორც ზეციურ მექანიკაში სრულქმნილი გეომეტრიული საგანი. კოზმეტისა და მარიუსისთვის აღარაფერი არსებობდა, გარდა მარიუსის და კოზმეტისა. მათ ირგვლივ მთელი ქვეყნიერება სადღაც ჯურღმულში ჩავარდნილიყო. ისინი ოქროს წუთს განიცდიდნენ. აღარაფერი იყო არც წინ, და არც მათ უკან. არც კი აგონდებოდა მარიუსს, რომ კოზმეტს მამა ჰყავდა, გონება სიყვარულის ბრწყინვალეობას დაებრმავებინა. რას ლაპარაკობდნენ ერთმანეთით აღტაცებულნი? აკი ვნახეთ, - ყვავილები, მერცხალი, ჩამავალი მზე, ამომავალი მთვარე. ყოველგვარი „მნიშვნელოვანი“ საგანი, - ეს იყო მათი სალაპარაკო. ყველაფერი უთხრეს ერთმანეთს, გარდა ყველაფრისა, არაფერი გახლავთ შეყვარებულთა ყველაფერი. რა დროს მამა იყო, ცხოვრების ავ-კარგი, ტენარდიეს სორო, ყაჩაღები, ფოშლევეანის მახეში გაბმა? და განა დარწმუნებული კი იყო მარიუსი, რომ ეს კომმარი სინამდვილეში არსებობდა? ორნიღა იყვნენ და აღმერთებდნენ ერთმანეთს. ეს იყო და ეს. სხვა ამის გარდა აღარაფერი არსებობდა. ალბათ ასეა: როგორც კი სამოთხეს მიაღწევს ადამიანი, მაშინვე საბოლოოდ უქრება მესხიერებიდან მის უკან დარჩენილი ჯოჯოხეთი. განა უნახავთ სადმე ბოროტი სული? განა ის არსებობს? განა მათაც შეხვდა და შეაშინა? განა მათაც დღე გაუმწარა? წარსულის აღარაფერი ახსოვთ და აღარაფერი იყიან. წარსულს ზემოდან ვარდისფერი ნისლი დასდებია.

ასე ცხოვრობდა ეს ორი არსება, ძალიან მაღლა, იმ წარმოუდგენელი შეუძლებლობის არეში, რომელიც მაინც არის ბუნებაში. ადამიანთა და სერაფიმთა შუა იყვნენ, უწმინდურების ზემოდან, ეთერის ქვემოდან, ღრუბლებში, ოდნავ სხეული, მხოლოდ სული და აღტაცება თავი ფეხებამდე. უკვე მეტად აღფრთოვანებულნი იყვნენ, რომ შესძლებოდათ მიწაზე სიარული, მაგრამ ჯერ ისევ მეტად დატვირთულნი კაცობრიულით, რომ შესძლებოდათ გამქრალიყვნენ ზეცის ლაჟვარდში, მოციალენი იყვნენ იმ ატომებივით, რომლებიც მძაფრ სისწრაფესლა მოეღიან, რომ წარიტაცნენ. ბედისწერის გარეშე იყვნენ; აღარ ახსოვდათ ეს საზრუნავი - გუმინ, დღეს, ხვალ. აღტაცებულნი იყვნენ, დალილნი, მაგრამ დამტკბარნი, ხელაღებულნი მიწიურზე, დროდადრო თითქმის მზად იყვნენ უსაზღვროსკენ გაქცეულიყვნენ, რომ სამარადისოდ გაფრენილიყვნენ.

ამგვარ რწევაში ეძინათ თვალდაუხუჭავად. ო, ტკბილო ლეთარგიაჲ, იდეალით დაფარული ჩვენი ჭირ-ვარამისაჲ!

ხანდახან, ხომ ძალიან ლამაზი იყო კოზმეტი, თვალეხს ხუჭავდა მარიუსი მის წინაშე. თვალი უნდა დახუჭოს კაცმა, რომ კარგად გასინჯოს ვისიმე სული.

არც მარიუსი ეკითხებოდა თავს და არც კოზმეტი, - სად მიიყვანდა მათ ეს აღტაცება. ისე უყურებდნენ ერთმანეთს, როგორც უკვე მისულნი, უცნაური მოთხოვნილება არის ადამიანისა, - სიყვარულმა მიმიყვანოს სადმეო.

თავი მესამე
ცა იღრუბლება

ჟან ვალჟანმა არაფერი იცოდა ამ სიყვარულისა.

კოზმეტი ნაკლებად მისდევდა ოცნებას, ვიდრე მარიუსი; მხიარულობდა, რაც სრულიად საკმარისი იყო ჟან ვალჟანისთვის, რომ ბედნიერი კაცი ყოფილიყო. ფიქრიც ჰქონდა კოზმეტს, გულის საგრძნობიც, გულის სიღრმეში ჩამალული, და

გელის ამვსები მარიუსის სურათიც; მაგრამ ყოველივე ეს არაფრით სცვლიდა შეუდარებელ სიწმინდეს მის მშვენიერ, უმანკო და მხიარული სახისას. იმ ხნისა იყო სწორედ, როდესაც ქალწულს ისე მალავს სიყვარული, როგორც ანგელოზი თავის შრომას. დამშვიდებული იყო უან ვალჟანი. ასეა ყოველთვის: შეყვარებულნი რომ შეთანხმდებიან და უსიტყვოდ ესმით ერთმანეთისა, ვინმე მესამე, რომელმაც შეიძლება შეარყიოს მათი ნეტარება, დაბრმავებული ჰყავთ სიფრთხილით, რომელსაც ყოველთვის უცვლელად ხმარობენ შეყვარებულნი. ამიტომ იყო, რომ უარს არაფერზე ეუბნებოდა კოზეტი მამას. სასიეროდ ნებავდა წასვლა? - ძალიან კარგი, მამიკო, წავიდეთ. - შინ ნებავდა დარჩენა? - ეგ უკეთესი; კოზეტთან აპირებდა საღამოს გატარებას? - ალტაცებული იყო კოზეტი. და რადგან მას ყოველთვის ღამის ათ საათზე გამოეთხოვებოდა ხოლმე, მარიუსიც ბაღში მხოლოდ ამ დროს შედიოდა, როდესაც ქუჩაში გაიგონებდა კოზეტის მიერ აივნის კარის გაღების ხმას. დღისით, რაღა თქმა უნდა, იმ ქუჩაზე მარიუსს ვერავინ ნახავდა. უან ვალჟანსაც დავინყებელი ჰყავდა მარიუსი, არც კი იცოდა ცოცხალი იყო ეს ბიჭი თუ არა; მაგრამ ერთხელ კი, ერთ დილას ყურადღება მიაქცია კოზეტის ზურგს: - სად გაისვარე, კოზეტ, კირით ბეჭები? - წინა საღამოს მარიუსთან კედელს მიჰკვროდა კოზეტი.

ბებერი ტუსენი, როგორც კი დაასრულებდა საქმეს, მამინვე აღრიანად დანებებოდა ხოლმე და დაიძინებდა. მანაც არაფერი იცოდა ისე, როგორც უან ვალჟანმა.

სახლში კი თავის დღეში ფეხი არ შეუდგამს მარიუსს. კოზეტთან რომ იყო, კართანვე იჯდა კედლის დოლაბში ჩამალული, რომ ვერც ვინმეს დაენახა ქუჩიდან, და ვერც მისი ხმა გაეგონა. იჯდა იქ ჩამალული და ხშირად სრულიად კმაყოფილი იყო თუ საუბრის ნიღ ნუთში ერთი ოცჯერ მაინც შეეხებოდა კოზეტის ხელს და თან ხის ტოტებს შეჰყურებდა. ამ დროს რომ მეხი დასცემოდა რასმე იქვე მათ ახლოს, ერთი ოცდაათი ნაბიჯის იქით, იმასაც კი ვერ გაიგებდა ვერც ერთი, რადგან ერთმანეთის მეტს ვერაფერს ხედავდნენ ერთმანეთით გატაცებულნი.

ნათელი უმანკოება, წმინდად გატარებული დრო თითქმის ყოველთვის ერთნაირია. ამგვარი სიყვარული კონა არის ვარდის ფურცლისა და მტრედის ბუმბულისა.

მთელი ბაღი იყო ქუჩასა და მათ შუა. როცა კი შევიდოდა ან გავიდოდა მარიუსი, ისევ ისე ამავრებდა მოაჯირს, რომ შეუძლებელი ყოფილიყო გატეხილის შემჩნევა.

ჩვეულებრივ შუალამის მოახლოებისას გამოეთხოვებოდა კოზეტს და კურფეირაკისკენ მიეშურებოდა. ხშირად ეტყოდა ხოლმე კურფეირაკი ბაორელს:

- წარმოიდგინე, ღამის პირველ საათზე აღრე არ მოდის შინ მარიუსი.
- რას იზამ, პეტარდით არის გატეხილი ყველა სემინარიელი.

მოხდებოდა ხოლმე, გულხელს დაიკრებდა კურფეირაკი, მოიჭმუნინდა სახეს და მივარდებოდა მარიუსს:

- კარგად ვერ იქცევით, ბატონო ჩემო!

გამოცდილი ყმანვილი იყო კურფეირაკი და არ მოსწონდა უხილავი სამოთხის შუქი მარიუსის სახეზე. სიყვარული მარტო ხორციელი სწამდა, მარიუსის მაგივრად ის ჰკარგავდა მოთმინებას და ხშირად ცდილობდა ლანდები ჩამოეშორებინა და ჭკუაზე მოეყვანა ამხანაგი.

ერთ დილას პირდაპირ ესროლა:

- რა გითხრა, იცო? შენა, ძმავ, ისე ხარ გაგიჟებული, თითქოს მთვარეზე იმყოფებოდე, ოცნებათა სამეფოში, ლანდის პროვინციაში, დედაქალაქ საპნის ქაფბუშტში. მოდი, ამხანაგურად მითხარი, რა ჰქვია იმ გოგოს?

მაგრამ შეუძლებელი იყო მარიუსის ალაპარაკება. ფრჩხილები რომ დაეგლიჯათ, კოზეტის სახელის ერთ მარცვალსაც ვერ ათქმევინებდნენ. ნამდვილი სიყვარული სხივის მფრქვევია, როგორც ალიონი, და ჩაჩუმებული, როგორც აკლდამა. და რასაც კარგად ხედავდა კურფერიაკი, სწორედ ეს სხივმოსილობა იყო, მარიუსი რომ გამოეცვალა.

მშვენიერი მაისის განმავლობაში დიდი ნეტარება განიცადეს მარიუსმა და კოზეტმა: ნაეკიდებოდნენ ხოლმე ერთმანეთს და თქვენობით მიმართავდნენ, რომ მერე უფრო ტკბილად ეგრძნოთ შენობით საუბარი.

ხანგრძლივად უამბობდნენ ერთმანეთს, ყოველი წვრილმანის დანვრილებით აღნიშნით, ვიღაც-ვიღაცების ამბავს, რომლებიც სრულიად არ აინტერესებდათ; უტყუარი საბუთი იმისა, რომ იმ მომხიბლავ ოპერაში, რომელსაც სიყვარული ჰქვია, თითქმის არავითარი მნიშვნელობა არა აქვს ლიბრეტოს.

მარიუსი აღტაცებით ისმენდა კოზეტის ტიტინს ქალის კაბებისა და მორთულობის შესახებ.

კოზეტი აღტაცებით ისმენდა მარიუსის მსჯელობას პოლიტიკის შესახებ. მუხლი-მუხლიმკურული ისხდნენ, ისმენდნენ ბაბილონის ქუჩიდან მომავალი ეტლების კრიალს.

ერთად შეჰყურებდნენ რაიმე მნათობს ცაში ან ციცინათელას ბალახში.

ერთად მიღუძვებოდნენ, რაც გაცილებით უფრო ტკბილია, ვიდრე საუბარი...

ამასობაში მრავალგვარი გართულება უახლოვდებოდათ.

ერთ საღამოს კოზეტისკენ მიდიოდა მარიუსი ინვალიდების ქუჩით. ჩვეულებრივ თავდაღუნული. ის იყო უნდა ჩაეხვია პლუმეს ქუჩისკენ, რომ ვიღაც მიესალმა, იქვე მის გვერდით:

- საღამო მშვიდობისა, ბატონო მარიუს!

შეხედა, ეპონინი იცნო.

უცნაური შთაბეჭდილება იქონია ეპონინის დანახვამ. იმ დღის შემდეგ, როდესაც პლუმეს ქუჩაზე მიიყვანა ამ გოგომ, ერთხელაც აღარ მოჰკონებია მარიუსს, აღარსად შეხვედრია მის შემდეგ და მთლად გადავიწყებოდა. სიკეთის გარდა არაფერი უნდა სსომებოდა აქ ქალისა, რადგან მან მიიყვანა კოზეტის სახლთან, მისი დახმარებით მიაღწია ბედნიერებას, მაგრამ მაინც არ ესიამოვნა მისი დანახვა.

შეცდება, ვინც წარმოიდგენს, რომ სიყვარულს, როდესაც ბედნიერია და უმნიშვნელო, სრულყოფისკენ მიჰყავს ადამიანი. არა, ის ბევრ რამეს ავიწყებს, როგორც უკვე ვთქვით. ამ მდგომარეობაში რომ არის კაცი, ავიყ ავიწყდება და კარგიც, სხვისი მისდამი სიკეთეც, მოვალეობაც, მნიშვნელოვანი მოგონებაც. სხვა ღროს სხვაგვარად შეხვდებოდა ეპონინს, მაგრამ შთანთქმული იყო კოზეტით და ისიც კი ვეღარ მოესაზრა, რომ ეს ეპონინი ტენარდიე იყო, ქალი იმ კაცისა, რომლის გვარი ეწერა მისი მამის ანდერძში. იმ კაცისა, რომლის დასახმარებლად რამდენიმე თვის წინათ თავსაც კი არ დაზოგავდა მარიუსი. ისე ვხატავთ მარიუსს, როგორიც იყო, თვით განსვენებული მამაც კი ოდნავდა მოჩანდა მის გულში, ისიც კი დაეჩრდილა სიყვარულის ელვარებას.

თვითონვე იგრძნო თავისი შეცდომა და შერცხვა:

- აჰ! თქვენა ხართ, ეპონინ?

- თქვენობით რად მელაპარაკებით? განა დაგიშავეთ რამე?

- არაფერი.

ან რა უნდა ჰქონოდა მის წინააღმდეგ? პირიქით, მაგრამ გრძნობდა, რომ სხვაფერი ვერ მიმართავდა. შენობით მხოლოდ კომეტს ელაპარაკებოდა, და ეპონინს

- შენო, ველარ ეტყოდა.

გაჩუმებული შესცქეროდა მარიუსი. უყურა გოგონამ, უყურა და შეჰყვირა:

- ერთი მითხარით...

მაგრამ ხმა ჩაუწყდა. ისე იღვა, თითქოს საჭირო სიტყვა დაჰკლებოდა ამ არსებას, რომელიც ახლახან ისეთი უდარდელი და კადნიერი ჩანდა. სცადა გაეცინა, მაგრამ ვერ მოახერხა.

- ჰოდა...

ისევე გაჩუმდა და დარჩა ისე თვალდახრილი.

- ღამე მშვიდობისა, ბატონო მარიუს! - წამოიძახა უცბად მცირე ღუმლის შემდეგ და მოშორდა.

თავი მეოთხე

კები ინგლისურად ეტლია, არგოთი კი - ძაღლი

მეორე დღეს, 3 ივნისს, - 1832 წლის 3 ივნისი მნიშვნელოვანი თარიღია, რადგან ამ დღეს ჭექა-ქუხილით სავსე ღრუბელივით დასწოლოდა პარიზს არეულობის საშიშროება, - დაბინდებისას მარიუსი იმავე გზით, როგორც წინა ღამით, და იმავე ფიქრებითა და აღტაცებული გულით მიდიოდა კომეტისკენ. ბულვარის ხეებში ეპონინი დაინახა მისკენ მომავალი. ორ დღეს ზედიზედ, ეს კი მეტისმეტი იყო. უცბად გამობრუნდა, ბულვარიდან გავიდა, გზა შეიცვალა და მონსიეს ქუჩით გასწია პლუმეს ქუჩისკენ.

ეპონინიც უკან მიჰყვა, პლუმეს ქუჩამდე. აქამდე ასე არსად დასდევნებია. აქამდე ისიც კმაროდა საწყალი გოგოსთვის, რომ შორიდან დაენახა ბულვარზე მომავალი; არც წინ დაუხვდებოდა ხოლმე, არც ლაპარაკს უბედავდა. ეს წუხელ იყო მხოლოდ, რომ დალაპარაკება სცადა.

მიდიოდა მარიუსი და ეპონინიც უკან მისდევდა შეუმჩნეველად. მიჰყვა, ნახა, როგორ აშალა მოაჯირი მარიუსმა, როგორ შევიდა ბაღში.

- ოჰო! მამ, სახლშიც შედის!

მივიდა, ხელი წაავლო, შეარხია და ადვილად იპოვა მოაჯირის ნაწილი, რომლითაც მარიუსი სარგებლობდა, რომ ბაღში შესულიყო.

- ეს კი არ ვარგა, მეგობარო! - ნაიდუღუნა მუქარით.

და იქვე დაჯდა, კედელზე, მოაჯირის იმ ნაწილთან, რომელსაც კარგად იყენებდა მარიუსი; იქვე ახლოს, თითქოს დარაჯობას უპირებსო, სწორედ იქ, სადაც მოაჯირი მეზობელ კედელს ეხებოდა, ბნელი კუნჭული იყო და მთლად შიგ ჩაიმალა ეპონინი.

ერთ საათზე მეტხანს იჯდა ასე, გაუნძრევლად, ფიქრებში ჩაფლული.

ღამის ათი საათი იქნებოდა. ერთი მოხუცებული ბურჟუა მიდიოდა შინისკენ. დაჰკვიანებოდა სადღაც, გამვლელი აღარავინ იყო ამ მიყრუებულ, სახელგატყბილ

ქუჩაში; ჩქარი ნაბიჯით მიეშურებოდა და, იმ კუნჭულთან რომ მივიდა, რომელიც მოაჯირსა და კედელშუა დარჩენილიყო, ვიღაცის ხმა გაიგონა, ყრუდ ნათქვამი, მუქარით:

- ახლა კი ცხადია, რომ ყოველდამ აქ ბრძანდება!

მიიხედ-მოიხედა შეშინებულმა, ვერავინ დაინახა, კუნჭულში შეხედვა ვერ გაბედა და აჩქარებული წავიდა: კარგიც ქნა, რომ აჩქარდა, რადგან ცოტა ხანს შემდეგ ექვსი კაცი გამოჩნდა პლუმეს ქუჩაზე, ფრთხილი ნაბიჯით მოდიოდნენ, კედლის ძირში, ერთიმეორის მიყოლებით, ისე რომ, მანძილი დარჩენილიყო მათ შორის, თითქოს პატრული მოიპარებოდა.

უან ვალუხანის ბალის მოაჯირს რომ მოაწია პირველმა, გაჩერდა და სხვებს დაუწყო ლოდინი. ცოტა ხნის შემდეგ ერთად შეიყარნენ ექვსივე.

იღვინენ და ჩუმი ხმით ლაპარაკობდნენ:

- აქ არის, აქ! - თქვა ერთმა.

- ვები ხომ არა ჰყავთ ბაღში? - იკითხა მეორემ.

- არ ვიცი. მე მაინც დავასოროსოლავე ცოტა რამ და იმით გავაჩუმებ.

- მასტიკი შუშისთვის?

- წამოვიღე.

- ძველი მოაჯირია, - თქვა მეხუთემ, რომელიც მუცლით მოზღაპრე უნდა ყოფილიყო.

- მით უკეთესი, - თქვა მეორემ, - ღრჯილას არ გამოსცემს, ხერხვას რომ დაუწყებთ; ისე დაგვენებდება, თითქოს არც კი ყოფილა.

მეექვსეს ჯერ ხმა არ ამოედო და მოაჯირს მოსინჯვა დაუწყო, როგორც იმ ერთი საათის წინათ ეპონინმა; ხელს წაავლებდა რკინას და არხევდა ფრთხილად. სინჯა, სინჯა და იმას მიაღდა, საიდანაც მარიუსი შედიოდა. ის-ის იყო, აპირებდა მოსინჯვას, რომ უცბად ვიღაცის ხელი გამოჩნდა სიბნელიდან, მკლავში ჩაჰკრა და ხრინწიანი ხმით უთხრა ხმადაბლა:

- ვებია ბაღში.

და წინ წაუდგა ვიღაც გაყვითლებული ქალი.

შეკრთა კაცი მოულოდნელობის გამო, შეხტა, თმა აეშალა საზიზღრად; არაფერია სანახავად ისე საშინელი, როგორც მხეცის შეკრთომა.

შეშინებულის თვალი აფრთხილდა ადამიანს. უკან დაინია და წაილულლულა:

- ეს კახპა ვინლა არის?

- შენი ქალია.

ეპონინი იყო და მამამისს ელაპარაკებოდა.

ეპონინი რომ დაინახეს, სხვებიც, ესე იგი კლაკუსე, გელმერი, ბაბეტი, მონპარნასი და ბრუჟონი ჩუმი ნაბიჯით აუჩქარებლად, ხმის ამოუღებლად, ნელ-ნელა, ღამის მანანწალეების სიფრთხილით მიუახლოვდნენ მამა-შვილს, ყველას რაღაც საზარელი იარაღი ეჭირა ხელში. გელმერს ერთი მოკალეული გაზი ეჭირა, რომელსაც ქერდები თავსაკრავს ეძახიან.

- აქ რა გინდა, გოგო? რა გინდა ჩვენგან? ხომ არ გაგიჟებულხარ! - შეჰყვირა ტენარდიემ, რამდენადაც კი შეიძლებოდა ჩუმად ყვირილი, - ხომ ხედავ, საქმე გვაქვს? რას ეჩრები ჩვენს საქმეში?

სიცილი წასკდა ეპონინს, მოეხვია, გულში ჩაიკრა მამა.

- აქ იმიტომ ვარ, მამიკო, რომ აქა ვარ. ახლა რა? განა აკრძალულია ქუჩაში ქვაზე ჭდომა? მე კი არა, თქვენ არ უნდა გამოგველოთ აქეთკენ. რა გინდათ? ხომ იცით, რომ ხელის მოსათბობი აქ არაფერია. აკი შევატყობინე მანონს. არაფერია აქ, არაფერი. ტყუილად გარჯილხართ. რა ვქნა? არ უნდა მაკოცო, მამიკო? რამდენი ხანია აღარ მინახავხარ. მაშ, გამოგიშვებს, გამოგიშვებს?

ტენარდიე სულ იმას ცდილობდა, ხელიდან გამოსძრომოდა ეპონინს და შუეტია:

- კარგი, კმარა! ხომ მაკოცე! ჰო, გამომიშვებს, დამწყდელი აღარა ვარ. ახლა კი მოგვშორდი!

ეპონინი კი არ უშვებდა ხელიდან და უფრო და უფრო მეტად უაღერსებდა.

- მერე როგორ მოახერხებ, მამიკო? როგორ გამოიპარე? ძალიან ჭკვიანი და მოხერხებული უნდა იყოს კაცი, რომ თავი დააღწიოს. ერთი მიამბე, როგორ გამოძვერი? დედაჩემი როგორღაა? სად არის დედაჩემი? მითხარი რამე დედაჩემისა.

გაბრაზებით უპასუხა ტენარდიემ:

- კარგად არის! აბა, რა ვიცი? თავი დამანებე, გამიშვი, გოგო! წადი, მოგვშორდი!

- ჰოდა, სწორედ ეგ მოშორება არ მნებავს, - უთხრა ჭირვეული ბავშვის ახირებით ეპონინმა, - ოთხი თვე სრულდება, რაც აღარ მინახავხართ. ძლივს გიპოვეთ და იმის ნებასაც კი არ მაძლევთ, რომ მამაჩემის ალერსით დავტკბე?

და უფრო მაგრად მოეხვია.

- კარგი, ერთი! რა დროს ეს სისულელეა? - წამოიძახა ბაბეტმა.

- ჰა, აზრქარდეთ, თორემ გუგულები გამოივლიან! - აფრთხილებდა გელმერი.

მუცელმოგვმა ლექსით თქვა იგივე:ლ

როგორც ყველაფერს, კოცნასაც დრო აქვს,

ახლა არ არის ახალი წელი.

ახლა კი იმათკენ მიბრუნდა ეპონინი:

- ოჰო, ბატონი ბრუჟონი! როგორ გიკითხოთ, ბატონო ბაბეტ? სალაში ბატონო კლაკსუ! ნუთუ ვეღარ მცნობთ, ბატონო გელმერ? ჰა, როგორა ხარ, მონპარნას?

- ცნობენ, ცნობენ, - აჩქარებდა ტენარდიე, - ჰოდა, მშვიდობით, ნახვამდის! გაგვეცალე აქედან!

- ეს დრო მეღიებისა არის და არა ქათმებისა, - შუეტია მონპარნასმა.

- ხომ ხედავ, რომ საქმე გვაქვს, ნულარ მოგვაცადენ, - დაუმატა ბაბეტმა.

ხელი დაუჭირა მონპარნასს ეპონინმა.

- ჰა, ფრთხილად! - დაუძახა მონპარნასმა, - დანა მიჭირავს გახსნილი.

- ჩემო კარგო მონპარნას, - დაიწყო ალერსით ეპონინმა, - აღამიანისაც უნდა გჯეროდეთ რამე. მგონია, რომ მე მამაჩემის შვილი ვარ. ბატონო ბაბეტ, ბატონო გელმერ, მე მქონდა დავალებული ამ სახლის დაზვერვა. მერწმუნეთ, თქვენ აქ ვერაფერს იშოვით.

აღსანიშნავია, რომ ქუჩის გოგო არგოზე არ ლაპარაკობდა, მიუხედავად იმისა, რომ ქურდული ენით მიმართავდნენ ერთმანეთს. მას შემდეგ, რაც მარიუსი გაიცილა, საზიზღრად მიაჩნდა ეს წარყვნილი ენა.

სუსტი, გაძვალტყავებული ხელი მოუჭირა გელმერის მაგარ, ტლანქ ხელს და განაგრძო:

- კარგად იცით, რომ სულელი არა ვარ. საერთოდ ყოველთვის სჯერათ ჩემი, რასაც კი დამავალეებენ. რამდენჯერ დაგხმარებდით თქვენს საქმეებში. და აი, აქაც,

დავზვერე აქაურობა, გავსინჯე, გამოვიძიე და გადაწყვეტივით გვეუბნებით, სულ არაფრისთვის, სულ ამაოდ გაებმებით მახეში. გეფიცებით, საშოვარი არაფერია ამ სახლში.

- მარტო ქალები არიან, - წამოიძახა გელმერმა.

- არა, ისინიც სხვაგან გადავიდნენ.

- შანდლები კი არსად გადასულან! - შენიშნა ბაბეტმა.

და დაანახვა ხეების ტოტებშუა სამერცხულიდან გამომდინარე სინათლე. ბებერ ტუსენს სარეცხი აეტანა სხვენზე და იქ ფენდა.

ეპონინი მაინც თავისას არ იშლიდა:

- ესენი? ღარიბ-ღატაკები არიან, შიმშილით უხმებათ კუჭი. ერთი სუ რა არის, ერთ სუს ვერსად უპოვით.

- მოგვმორდი-მეთქი, გვეუბნები! - შეუტია ტენარდიემ, - ამ სახლს კარგად რომ გავჩხრეკო და სარდაფს ბანზე მოვაქცევო და ბანს სარდაფში, მაშინ გეტყვით, რაც ვიპოვეთ, სუ იყო, ფრანკი თუ ოქროს ნაპოლეონი.

ხელი ჰკრა და ჩამოიშორა.

- ჩემო მეგობარო, ბატონო მონპარნას, გულწრფელად გთხოვთ, ხომ კარგი, გულკეთილი ბიჭი ხართ, ნუ შეხვალთ ამ სახლში!

თავისებურად, გადაჭრით შეუტია ტენარდიემ.

- აბა, მონყდი აქაურობას, ქაჯო! საქმე გვაქვს კაცებს და აქ გოგოების ჩარევა არ გვესაჭიროება.

ეპონინმა ხელი უშვა მონპარნასს, რომელსაც სიტყვით ეხვეწებოდა და ხელით უაღერსებდა, და ჰკითხა:

- მამ, ამ სახლში უნდა შეხვიდეთ?

- ჰო, ისე ოდნავად! - წაიბურტყუნა მუცელმოგვმა.

მაშინ მოაჯირს მიეყუდა ეპონინი. გადახედა თავით ფეხამდე შეიარაღებულ ქურდებს, რომლებსაც ღამის სიბნელე მართლა ქაჯების მსგავსად ხდიდა, და დაბალი, მაგრამ მტკიცე ხმით წარმოთქვა:

- ჰოდა, მე კი არ მინდა, რომ თქვენ აქ შეხვიდეთ.

განცვიფრებულნი შეჰყურებდნენ ქურდები. მუცელმოგვსაც კი დაავიწყდა თავისი ლაზღანდარობა.

ახლა უფრო შთავონებით განავრძო ეპონინმა:

- ყური მიგდეთ, მეგობრებო! საქმე არც აგრეა, თქვენ რომ ფიქრობთ. ახლა მე მომისმინეთ. პირველი, თუ ამ ბაღში შესულხართ, თუ ხელი გიხლიათ ამ მოაჯირისთვის, მაშინვე ყვირილს დავინწყებ, კარს დავაბრაახუნებ, ხალხს გავაღვიძებ და ექვსივეს დავაჭერინებ. პოლიციას დავასხამთ თავს.

- ნურც გაგიკვირდებათ ამ ქაჯისგან, - წასჩურჩულა ტენარდიემ ბრუჟონს და მუცელმოგვს.

თავი გაიქნია და დაუმატა:

- მამაჩემსაც კი არ დაუინდობ.

ტენარდიემ თავისი ქალისკენ მიიწია.

- ნურც აგრე ახლოს მოხვალ, ბებერო! - შეაყენა ეპონინმა.

უკან დაიხია ტენარდიემ ბუზღუნით:

- რა ვქნა, რა მოვლანდა ამ სამიწეს, ამას? - და შეუტია, - შე ძუკნა ძაღლო, შენა!

სიცილი დაიწყო ეპონინმა, მაგრამ საზარელი იყო მისი სიცილი:

- გაიგონეთ? თქვენ იქ ვერ შეხვალთ! ახლა თქვენ იცით. ძალი კი არა, მგელი ვარ, მგლების ნაშიერი! ექვსნი ხართ? გული არ გამიხეთქოთ! კაცები ხართ? მე კიდევ დედაკაცი ვარ! თქვენ უნდა შემაშინოთ?! გეუბნებით, თქვენ ამ სახლში ვერ შეხვალთ, იმიტომ რომ მე ეს არ მსურს! მომიახლოვდებით? ყფას დავინწყებ. კიდევ გიმეორებთ. აქ კები - ეს მე ვარ! ჰოდა, აქ მე ვარ მბრძანებელი! გაუდევით თქვენს გზას, გული ნუ გამიწყალეთ! გასწით, წადით, საითაც გინებოთ, ოღონდ ამ სახლს კი ნუ მოეკარებით. მე გიკრძალავთ! თქვენ იარაღით ხართ, მე კიდევ ჩემი ფლოსტით, მაგრამ ეგ არაფერია, აბა მობრძანდით!

და წინ წაიწია ერთი ნაბიჯით, ქურდებისკენ. საშინელი იყო. ისევ სიცილი წასკდა:

- ხომ ხედავთ, არ მეშინია თქვენი. ამ ზატხულს დამშეული ვივლი, ამ ზამთარს გათოშილი. რა ჩერჩეტები არიან კაცები, - ქალია და შევაშინებთო! - რით უნდა შემაშინოთ? რისი შიში უნდა მქონდეს? თქვენი? ეგ არის, დიახ! აქაოდა, ყურმოჭრილი ხასები გვყავს, ისეთები, რომ სულ ტახტის ქვეშ ძვრებიან, როდესაც დავეყვირებთო. თქვენ გგონიათ, მეც შემაშინებთ? მე არავის მეშინია!

მამას დააცქერდა და დაუმატა:

- თქვენიც კი არ მეშინია, მამაჩემო!

მერე ჩასისხლიანებული თვალი გადაავლო ქურდებს და განაგრძო:

- განა ორივე ერთი არ არის ჩემთვის, ხვალ დილით, აქ პლუმეს ქუჩაზე მიპოვიან მამაჩემის ბებუთით ყელგამოღადრულს, თუ ერთი წლის შემდეგ სენ-კლუში მეთევზეების ბადეში დამხრჩვალს, ან სინის კუნძულზე ნაგავსა და დამხრჩვალ ძაღლებს შორის.

გაჩუმდა, რადგან ხმელი ხველა აუვარდა, ძლივსღა ეშინავდა.

- მამ, გამეცალეთ! - განაგრძო, რაკი სული მოიბრუნა, - ქვეყანას შეეყრი, ერთი რომ დავიყვირო! თქვენ ექვსნი ხართ და მე მთელი ქვეყანა!

წინ წაიწია კიდევ ტენარდიემ.

- ჰა, იქით! - შეჰყვირა გოგომ.

გაჩერდა კაცი და ტკბილად უთხრა:

- ჰო, შორს ვარ, გოგო! ოღონდ ემაგრე ნუ დაიყვირებ. მამ, არ გინდა, შვილო, რომ ჩვენს საქმეს შევუდგეთ? ცოტა ხელი მოვითბოთ? ხომ უნდა ვიპოვოთ როგორმე რაიმე სახსარი? მამ, მამაშენი არ გებრალეება?

- გული ნუ გამიწყალეთ! - შეუტია ეპონინმა.

- მამ, რა ვქნათ, რომ გვშია? შიმშილით ხომ არ დავიხოცებით?

- ჩაძაღლდით!

ესა თქვა, ჩამოჯდა მოაჯირის ქვედა კედელზე და სიმღერა დაიწყო:

ხელი რა ნაზია,

ფეხიც ლამაზია,

დრო კი რა ტყუილად გადის...

იდაყვი მუხლზე დაედო, ნიკაპი ხელის გულზე და სიმღერას ფეხის ქნევას აყოლებდა. კაბა დახეული ჰქონდა და შიმშელი, ჩამომხმარი ლავინი უჩანდა. ქუჩის ფარანი უნათებდა სახესა და აღნაგობას. გადანყვეტილი ჰქონდა, რასაც ამბობდა, და უკან არ დაიხევდა, კიდევ რომ მოეკლათ...

ექვსი კაცი, ექვსი ქურდი და კაცის მკვლელი ყაჩაღი შეეყენებინა გოგოს და წინ აღარ უშვებდა. ბრაზი ერეოდათ, მაგრამ რას იზამდნენ? იქვე, ჩრდილში მიდგნენ მოსალაპარაკებლად და მხრებსლა იჩივდნენ შერცხვენილნი.

ეპონინი დამშვიდებულ და მკაცრ მზერას არ ამორებდა მათ.

- რალაც იყის ამ გოგომ, - თქვა ბაბეტმა, - რალაც საფუძველი აქვს, იქნება უყვარს ვინმე აქ მცხოვრები? მოდი შენა და ნუ დავგნანება ასეთი რამის ხელიდან გაშვება! ორი ქალი და ერთი ბებერი კაცი, რომელიც უკანა ებოში ხვრინავს თავისთვის. მერე, რა კარგი ფარდები აფარია ამ ფანჯრებს! ბებერი ურია უნდა იყოს. რა საქმეს გავირიგებდით!

- ჰოდა, თქვენ შედით, - დაიძახა მონპარნასმა, - მე გოგოსთან დავრჩები, და თუ ხმა მოილო!..

ბებუთი დაანახვა ამხანაგებს.

ტენარდიე არაფერს ამბობდა და ეტყობოდა, მზად იყო დათანხმებულიყო.

ბრუჟონი ოდნავ გულთმისნად მიიჩნეოდა თავის წრეში. მისი აღძრული იყო „ეს საქმეც“. მას ჯერ არაფერი ეთქვა, ჩათვიქრებულიყო. უკანდახევა და საქმის მიტოვება არ იყოლა, რაც უნდა საშინელება ყოფილიყო მოსალოდნელი. ყველამ იყოლა, რომ თავისი გამბედაობისა და ვაჟკაცობის დასამტკიცებლად ერთხელ პოლიციაში შეიპარა და გამოალაგა, რაც მოხვდა ხელში. გარდა ამისა, ლექსებსაც თხზავდა, სიმღერებს და დიდი გავლენით სარგებლობდა.

ბაბეტმა მიმართა კითხვით:

- შენ რალას იტყვი, ბრუჟონ?

ერთ წამს ისევ ჩათვიქრებული იდგა ბრუჟონი, მერე რამდენჯერმე სხვადასხვაფერი გაიქნია თავი და, როგორც იყო, ხმა ამოილო.

- აი, რა გითხრა: ორი მაჩხუბარი ბელურა დავინახე ამ დილით, ამ სალამოს კიდეც ამ მყეფარე დედაკაცს წავაწყდი. ავი ნიშნებია ეს ყველაფერი. მოდი, წავიდეთ.

და წავიდნენ.

მიდიოდნენ, მაგრამ მონპარნასი განაგრძობდა ბუზღუნს:

- რომ შესულიყავით, ისე ჩავცემდი ბებუთს, რომ ხმა ვეღარ ამოელო.

ბაბეტს არ მოეწონა ეს სიტყვა:

- არა, ძმაო. მე ქალს ხელს არ ვახლებ.

ქუჩის კუთხესთან რომ მივიდნენ, დადგნენ და ყრუდ წარმოთქვეს ეს გაუგებარი დიალოგი:

- ახლა სად დავიძინოთ ამ სალამოს? - იმათთვის გათენება სალამო იყო.

- პარიზის ცის ქვეშ.

- ტენარდიე, მოაჯირის გასაღები თანა გაქვს?

- მაშ, არადა!

თვალს არ ამორებდა მათ ეპონინი და დაინახა, რომ სწორედ იმ გზას გაუდგნენ, რომლითაც წელან მოვიდნენ. ადგა, უკან მიჰყვა; მიძვრებოდა კედელს გაკრული. ასე მისდია ბულვარამდე, სანამ ერთმანეთს არ დაშორდნენ ამხანაგები და ექვსივე არ შთანთქა ღამის წყვლიადმა.

თავი მუხუთე

ღამის ბნელში

ნავიდნენ ქერდები და ისევ ჩვეულებრივი ღამის იერი მიეცა პლუმეს ქუჩას.

ყოველივე ის, რაც ამ ქუჩაში მოხდა, სულაც არ გააკვირვებდა ტყეს. დაბურული ტყე ან ჭალა გადახლართული ტოტებითა და მაღალი ბალახით თავისებურ ბნელ არსებობას განიცდის; შიგ ფუთფუთებს მრავლად ცხოველი, რომელთაც ხშირად ეჩვენებათ მოვლენა უხილავისა: ადამიანის ქვემორედ მყოფი კარგად ხედავს იმ სიბნელეში იმას, რაც ადამიანის ზემორედ იმყოფება. იქ არის მრავალი არსება, ჩვენთვის, ცოცხალთათვის უცნობი და შეუგნებელი, და იქ ხვდება ერთმანეთს, იმ სიბნელეში. ადამიანისგან შორს, თავისუფლად მყოფ ფაფარაშლილ ბუნებას ამინებს ყოველივე, რაშიც კი არაბუნებრივს გულისხმობს რასმე. ბნელის ძალები კარგად იცნობენ ერთმანეთს და საიღუმლო შეთანხმებით მოქმედებენ. კბილებსა და ბრჭყალებს ეშინიათ მიუზღომლისა. სისხლისმსმელი მხეცი, გაუმძლარი, დამშეული მადის დასაკმაყოფილებლად ნადირის დევნა, ბასრკბილებიანი ყბებითა და ბრჭყალებით შეიარაღებული ინსტინქტები, რომლის სულისჩამდგმელიც და მიზანიც მართო მუცელია, შესცქერის და წინასწარვე გრძნობს გულისფანცქალით რაღაც სუდართი დაფარულ ლანდებს, რომლებიც ისე ეჩვენებიან, თითქოს მკვდარი და საშინელი სიცოცხლით იყვნენ სულდგმულნი. ამ უხემ ძალას შიში ერევა იმ შეუღწეველი სიბნელისა, რომელიც შემკვირვებულია უცნობ არსებაში. შავი რამ რომ დაინახოს საზარელმა მხეცმა შორს, თავის გზაზე, მაშინვე მოერიდება. რაც საფლავიდან ამოდის, ამინებს და გულს უხეთქავს იმას, ვინც ბუნავიდან გამოსულა. მძვინვარეს ეშინია თვალებდითისა. მგელიც გაურბის მკვდრების მჭამელ ავსულს.

თავი მეექვსე

ცხოვრების ვაებას დაუბრუნდა მარიუსი და მისამართს აძლევს კოზეტს

იმ დროს, როდესაც უან ვალჟანის ბინას იცავდა ერთგვარი ძალი ქალის სახით ექვსი ყაჩაღისაგან, რომელნიც მან გააქცია კიდევაც, მარიუსი კოზეტთან იყო.

არასოდეს ყოფილა ზეცა უფრო მოჭედილი ვარსკვლავებით და უფრო მომხიბლავი; არასოდეს ყოფილა ასე ნაზი ხეების რხევა და ასეთი გულისმტკბობი სურნელება ბალახებისა. არასოდეს დაუძინიათ ასე ტკბილად ჩიტუნებს ხეების ფოთლების მელოდირი ნანინით დამტკბართ. თავის დღეში ქვეყნიერებაზე არსად ყოფილა მყუდროების ასეთი შესაბამისობა სიყვარულით სავსე გულის მუსიკასთან; არასოდეს ყოფილა მარიუსი უფრო ბედნიერი, უფრო აღტაცებული, როგორც იმ ღამეს იყო. მაგრამ კოზეტი კი დაღონებული დახვდა. ეტყობოდა, ნამტირალევი იყო; განთლებული ჰქონდა თვალები.

ეს პირველი ღრუბელი იყო ოცნებათა სამყაროში.

- რა დაგემართა?

- ეჰ, - ამოიკვნესა კოზეტმა და პატარა სკამზე დაჯდა სახლში შესასვლელ კიბესთან. აკანკალებული მარიუსი გვერდზე მიუჯდა.

- ამ დილას მიბრძანა მამაჩემმა, - განაგრძო კოზეტმა, - წასასვლელად მოემზადე, საქმეები მაქვს და წასვლა მოგვიხდებაო.

უფრო მეტად მოერია მარიუსს კანკალი.

სიცოცხლის საზღვარს რომ მიაღწევს ადამიანი, სიკვდილი გამგზავრებაა; მაგრამ სიცოცხლის დასაწყისში ადამიანის გამგზავრება სიკვდილია.

ექვსი კვირის განმავლობაში მარიუსი ნელ-ნელა, ყოველდღე უფრო მეტად და მეტად ისაკუთრებდა კოზეტს. სავსებით იდეალური იყო ეს დასაკუთრება, მაგრამ ღრმა. როგორც უკვე განვმარტეთ, პირველი სიყვარულის უამს ადამიანი სულს იპყრობს სხეულზე ადრე; შემდეგ კი სხეულს უფრო ადრე ეუფლება, ვიდრე სულს და ხანდახან სული აღარც კი აგონდება. ფობლაზები და პრიულომები გაიძახიან, - სულით როგორ უნდა დავტკბეთ, სული რომ არ არსებობსო? - მაგრამ, ჩვენდა საბედნიეროდ, ღვთისგმობა არის ეს სარკაზმი. მარიუსი დაჰპატრონებოდა კოზეტს, სულით და სულიერად. სულში ჰყავდა ჩახვეული და სულით ტკვებოდა. იმისი იყო კოზეტის სიცილი, სუნთქვა, სურნელება, ღრმა სხივოსნობა მისი ცისფერი თვალებისა, სიტკბობა მისი ხელისა, ხელს რომ შეახებდა, მომხიბლავი ხალი, ყელზე რომ ჰქონდა, ყოველი იმისი ფიქრი და აზრი. პირობა მიეცათ ერთმანეთისთვის, - ისე არ დავიძინოთ, რომ ერთმანეთი არ ვნახოთ ძილშიო, - და ასრულებდნენ კიდევ ამ დაპირებას. ამგვარად, კოზეტის სიზმარიც კი მას ეკუთვნოდა. თვალს არ ამორებდა და ხანდახან თავისი სუნთქვით შეარხევდა ხოლმე მოკლე თმას კოზეტის კეფაზე და თან ალტაცებული იძახდა, - ბენვი არ არის აქ არც ერთი, რომ ჩემი არ იყოსო. - შეჰხაროდა და თაყვანსა სცემდა მის ტანისამოსს, კოხტად შეკრულ ბაფთას, ხელთათმანს, სახელოს, პანია ფეხსაცმელს, როგორც ერთგვარ წმინდა საგნებს, თავის საკუთრებას. - მე ვარ მფლობელი ამ ბაკნის ლამაზი სავარცხლისა კოზეტის თმაში, - ფიქრობდა მარიუსი მიყრუებულ, ჯერ გამოურკვეველი უინის ძახილის გამო, რომელიც ნელ-ნელა იზრდებოდა, - ერთი ღილი არ არის კოზეტის ტანსაცმლისა, ერთი თვალი მისი წინდისა, ერთი ბნკარი მისი კორსეტისა, რომ ჩემი არ იყოსო. კოზეტთან რომ იყო, ისე გრძნობდა თავს, როგორც თავის საკუთრებასთან, თავის კუთვნილებასთან, როგორც თავის მბრძანებელ და თან მონასთან. ისე შეეერთებინათ თავიანთი სული, რომ თავ-თავისას ვეღარ იცნობდნენ, გაყრა რომ მონდომებოდათ. - ეს ჩემია! - არა, ჩემია! - ცდები, გარწმუნებ! - ჩემია, ჩემი! სწორედ მე ვარ, შენად რომ მიგაჩნია! - მარიუსი კოზეტის ნაწილი გამხდარიყო და კოზეტი მარიუსის ნაწილი. მარიუსი გრძნობდა, რომ მის სულსა და გულს დაჰპატრონებოდა კოზეტი. კოზეტი ჰყოლოდა, კოზეტის სული და გული თავისად ჰქონოდა, ეს ისეთივე საჭიროება იყო სიცოცხლისა, როგორიც სუნთქვა. ასეთი რწმენა, ასეთი გახელება, ასეთი უბინო შეერთება ასულდგუმლებდა მარიუსს, როდესაც მეხვივით მოხვდა კოზეტის სიტყვა, - წასვლა მოგვიხდებაო. ცხოვრების მიმდინარეობის მკაცრი ხმა მოესმა, - შენი არ არის კოზეტო.

ექვსი კვირა იყო, ცხოვრების გარეშე იმყოფებოდა მარიუსი, როგორც ვთქვით, და ამ სიტყვამ - წასვლა მოგვიხდებაო, - ისევ ცხოვრებას დაუბრუნა, გამოაფხიზლა.

ხმა ვეღარ ამოეღო. იგრძნო უცბად კოზეტმა, რომ მარიუსს ყინულივით გაუხდა ხელი.

- რა დავემართა?

პასუხი მისცა, მაგრამ ისეთი ჩემი ხმით, რომ ძლივს გაავგონა:

- ვერ გავიგე, წელან რომ მითხარი.

ქალმა განუმეორა:

- ამ დღიას მამაჩემმა სამგზავროდ მომზადება მიბრძანა: ჩაალაგე, რაც დაგჭირდება, მზად იყავი წასასვლელად. დიდ ჩანთაში შენი ნივთები ჩაალაგე, მომცროში ჩემი საცვალი, და დღეის სწორს იქნებ ინგლისისკენ წავიდეთო.

- მაგრამ ეს ხომ შეუძლებელია! - შეჰყვირა მარიუსმა.

დანამდვილებით შეიძლება ვთქვათ, რომ ამ წამს მარიუსის თვალსაზრისით არავითარი ბოროტმოქმედება მთავრობისა, არავითარი ძალმომრეობა, არავითარი თარეში მტარვალობისა, არავითარი ავკაცობა ბუზირისისა, ტიბერეუსისა ან ანრი VIII-ისა არ შეედრებოდა თავისი სისასტიკით ბ. ფოშლევიანის განზრახვას, თავისი ქალი ინგლისის წაეყვანა რაღაც საქმეების გამო.

და მისუსტებული ხმით ჰკითხა:

- მერე როდის მიდიხართ?

- არ ვიცი, არ უთქვამს.

- და როდის დაბრუნდებით?

- არც ეგ ვიცი.

წამოდგა მარიუსი და ცივად ჰკითხა:

- მერე თქვენც წახვალთ, კომეტ?

ცრემლით არა, მაგრამ მწუხარებით სავესე ჰქონდა კომეტს ლამაზი თვალი, როცა ჰკითხა, თითქოს გონება ერევაო:

- სადა?

- წახვალთ ინგლისში?

- თქვენობით რად მელაპარაკები?

- ეს მითხარით, წახვალთ თუ არა?

- მაშ, რა ვქნა, რას მეტყვი? - ამოიკვნესა კომეტმა.

- მაშ, წახვალთ? წახვალთ?

- თუკი მამაჩემი წავა?

- მაშ, წახვალთ?

კომეტმა ხელი დაუჭირა და ალერსი დაუნყო ხმის ამოუღებლად.

- კარგი! - თქვა მარიუსმა, - თუ აგრეა, მეც წავალ, ოღონდ სულ სხვაგან!

კომეტმა უფრო იგრძნო, ვიდრე მიხვდა, ამ სიტყვის მნიშვნელობა; ისე გაყვითლდა, რომ თეთრად ჩანდა ხეების ქვეშ სიბნელეში, და წაილულულა:

- რაო? ეგ რა თქვი?

დააცქერდა მარიუსი, მერე ზეცას ალაპყრო თვალი და უპასუხა:

- არაფერი.

და თავის სატრფოს რომ გადმოხედა, ნახა, რომ იღიმებოდა მისი კომეტი. თუ გიყვართ ქალი, მისი ღიმილის ელვარება ბნელშიც ბრწყინავს.

- რა ბავშვები ვართ! ერთი რამ მოვიფიქრე, მარიუს.

- რა?

- შენც გამოგვეყვ, თუ წავალთ. მე შეგატყობინებ, სად წავალთ, და შენც იქ მნახავ.

მთლად გამოთუხიზლებულიყო უკვე მარიუსი, ისევ ცხოვრების სინამდვილეს დაბრუნებოდა.

- მეც წამოვიდე? რა ადვილად სჯი! წამოსვლას ფული უნდა და მე კი არა მაქვს! ინგლისში წამოვიდე? როგორ წამოვიდე, რომ კურფეირაკისა მმართველს, - ჩემი მეგობარია, შენ არ იცნობ, - სწორედ არ ვიცი, მგონი, ორას ფრანკზე მეტი! ერთი

ძველი ქედი მხურავს, იმაში სამ ფრანკს არავინ მომცემს. ტანისამოსს ღილები აკლია, პერანგი დახეულია, იდაყვზე გამოფხრეწილი და წაღებში კიდევ წყალი შემდის. ექვსი კვირაა, ისე აღარ მახსოვდა ჩემი ტანისამოსი, როგორც შარშანდელი თოვლი; არაფერზე ვზრუნავდი და არც შენ გეუბნებოდი. რომ იცოდე, კომეტ, რა წყალწაღებული ვარ! შენ მართო ღამით მხედავ და მამკობ შენი სიყვარულით. დღისით რომ მნახო, იქნებ ერთი სუ გამომიწოდო! ინგლისში წამოვიდე? იმდენიც კი არა მაქვს, რომ პასპორტის ხარჯის გადახდა შევძლო.

ხესთან მივარდა იქვე, მის გვერდით რომ იდგა, ორივე ხელი თავში იტაცა, შუბლი ხის ქერქს მიადო და არც ამ ხეს გრძნობდა, შუბლს რომ ჰკანარავდა, არც სისხლს, საფეთქლებში მოწოლილს. იდგა ასე უძრავად, წასაქცევად გამზადებული, როგორც სასონარკვეთილების ქანდაკება.

კარგა ხანს იდგა ასე. უფსკურულში რომ ჩავარდება ადამიანი, შეიძლება სულაც ვეღარ დააღწიოს თავი. მაინც მობრუნდა, უკნიდან რაღაც ხმა მოესმა, ჩაყრუებული, ტკბილი, სევდით აღსავსე.

კომეტი იყო, ქვითინებდა.

ორ საათზე მეტი იტირა კომეტმა... მარიუსის გვერდით, ის კი თითქოს უგრძობელი გამხდარიყო.

მერე მივიდა, მუხლებზე დაეცა, თავი დახარა, თეხის წვერი დაინახა, კაბის ძირიდან გარეთ გამოყოფილი, და იმას აკოცა.

გაჩუმებული შეჰყურებდა კომეტი, არაფერს უშლიდა. არის ხოლმე წამი, როდესაც ისე იღებს ქალი სიყვარულის თაყვანისცემას, როგორც დაღვრემილი, თავისი მოვალეობის ერთგული ღვთაება.

- ნუ ტირი, - სთხოვა მარიუსმა.

ქალმა ამოილულღულა:

- მე რომ შეიძლება წავიდე და შენ კი ვერ წამოხვალ?

შეესიტყვა მარიუსი:

- ისევ გიყვარვარ?

ქვითინით უპასუხა კომეტმა იმ სამოთხისებური სიტყვით, რომელიც არასდროს არ არის ტკბილი, როგორც მაშინ, როდესაც ცრემლი თან ახლავს.

- გაღმერთებ!

მარიუსი განაგრძობდა თხოვნას გამოუთქმელი ალერსით საესე ხმით.

- ნუ ტირი, ნუთუ არ ამისრულებ თხოვნას? ნუღარ ტირი.

- შენ გიყვარვარ? - შეეკითხა კომეტი.

ხელი დაუჭირა მარიუსმა:

- ჩემო კომეტ, ჩემს დღეში არავისთვის მიმიცია პატიოსანი სიტყვა, რადგან მეშინია, ვაითუ ვერ ავასრულო და შევრცხვებ-მეთქი. აქ კი, აი, ვგრძნობ, რომ გვერდით მიდგას გარდაცვლილი მამაჩემი. ჰოდა, პატიოსან სიტყვას გაძლევ, უწმინდეს სიტყვას, თუ წახვედი, ცოცხალს ვეღარ მნახავ.

იმნაირი კილოთი წარმოთქვა ეს სიტყვები, ისეთი სევდითა და თავგანწირული სიმშვიდით, რომ კომეტი კანკალმა აიტანა. ის შინაგანი სიცივე იგრძნო, რომელსაც ინვესტ ჩვენში რაღაც მძიმე და გარდაუვალი. გაშუმებული შესცქეროდა მარიუსს, ტირილიც კი შეწყვიტა.

- ახლა ყური მიგდე, ხვალ ნუ მომელი.

- რატომ?
- ზეგ კი აქ ვარ.
- ოჰ, რატომ ხვალ არა?
- ნახავ.
- ერთი დღე უშენოდ? შეუძლებელია.
- მოლი შევწიროთ ერთი დღე, რომ მთელი სიცოცხლე შევიძინოთ.

და ისე წარმოთქვა, ჩუმად, თავისთვის, მარტო:

- იმისთანა კაცია, რომ ჩვეულებას არაფრით უღალატებს. თავის დღეში არავინ მიუღია, თუ არა საღამოს.

- ვისზე ამბობ მაგას? ვინ არის ეგ კაცი?
- მე არაფერი მითქვამს.
- ვილაცის იმედი გაქვს. რატომ არ მეტყვი?
- ზეგამდე დამაცადე.
- შენ ასე გსურს?
- ჰო, ჩემო კოზეტი.

წამოდგა კოზეტი, ორივე ხელით დაუჭირა ხელი, თითის წვერებზე შედგა, რომ შიგ თვალებში ჩაეხედა მარიუსისთვის და ამოეკითხა მისი იმედი.

მარიუსმა განავრძო:

- საჭირო იქნება შენთვის ჩემი მისამართი; შეიძლება მოხდეს რამე ისეთი, რომ დაგჭირდეს. მე ჩემს მეგობართან ვცხოვრობ, კურფიერაკთან, ვერერის ქუჩაზე, თექვსმეტ ნომერში.

ჯიბიდან კალმის დანა ამოიღო და გალესილ კედელზე ამოჭრა თავისი მისამართი:

- ვერერის ქუჩა, #16.

კოზეტი კი ისევ თვალში ჩააცქერდა:

- მითხარი, მარიუს, რას აპირებ? გამიზიარე შენი განზრახვა. ჰო, გამაგებინე, რომ დამშვიდებული ვიყო ამაღამ.

- ჩემი განზრახვა? აი, რას გეტყვი: ყოვლად შეუძლებელია, ღმერთმა ინებოს ჩვენი განზიარება. მაშასადამე, ზეგ საღამომდე მომიცადე.

- მე ჩემი დამემართება, სანამ გნახავ. შენ გარეთ ხარ, მიდიხარ-მოდიხარ. რა ბედნიერები ხართ კაცები! მე კი უნდა ვიჯდე მარტოდმარტო, დაღონებული, გულდანწყლული. მაშ, რას აპირებ ხვალ საღამოს, არ მეტყვი?

- მინდა ვცადო.

- მაშინ მე, ღმერთს შევევედრები და სულ შენზე ფიქრში ვიქნები, რომ ცდამ ამაოდ არ ჩავიაროს. აღარაფერს გკითხავ, რაკი არ გინდა. შენა ხარ ჩემი მბრძანებელი. ხვალინდელ საღამოს სიმღერით გავატარებ; „ვერიანტადან“ ვიმღერებ, შენ რომ გიყვარს, ჩუმად რომ ისმენდი, ჩემი თანჯრების ქვეშ. მაგრამ ზეგ საღამოს კი ადრე მოხვალ. სწორედ ცხრა საათზე გელი და არ დაიგვიანო. რა საშინელებაა, ღმერთო, ეს დაუღამებელი დღეები! გაიგე, როგორც კი დაჰკრავს ცხრას, მე აქ ვარ, ბაღში.

- მეც აქ დაგხვდები.

და ხმისამოუღებლად, ერთი და იმავე ფიქრით აღძრულნი, გატაცებულნი იმ მუხტით, რომელიც შეუწყვეტლად ერთ არსებად ჰქმნის ორ შეყვარებულს, ვნებით გაგოჟებულნი მოეხვივნენ ერთმანეთს, გულში ჩაიკრეს და ვერც კი შენიშნეს, როდის და როგორ შესწებებოდა ერთმანეთს მათი ბაგე, როდესაც თვითონ ნეტარებით

დამტკბარნი, მაგრამ თვალცრემლიანი, ვარსკვლავებით მოჭედილ ცას შესცქეროდნენ.

მარიუსი შინ რომ წავიდა, ქუჩაში აღარავინ იყო. სწორედ ის დრო იყო, ეპონინი რომ მიჰყვა ბულვარამდე ქუჩებს, რომელნიც იქ მიემალნენ.

ხეს რომ მიეკრა მარიუსი და გამოსავალს ეძებდა, ერთმა აზრმა გაუელვა მოულოდნელად, აზრმა, რომელიც თვითონვე შეუძლებლად მიაჩნდა. ხავსს ეჭიდებოდა წყალწაღებული.

თავი მეშვიდე

მოხუცებულის და ყმანვილის გულის უთანხმოება

მოხუცებული ჟილნორმანი იმ დროს უკვე ოთხმოცდათერთმეტი წლისა იყო, ისევ ისე თავის ქალთან ცხოვრობდა ფილ-დე-კალვერის ქუჩა #6-ში, ძველ, საკუთარ სახლში. ძველებური კაცი იყო, როგორც მკითხველსაც ესსომება, ერთი იმათგანი, რომელიც გულგრილად ელის სიკვდილს, და ვისაც ვერც ხნიერება მოლუნავს წელში, ვერც დარდი და სევდა გაუტეხს გულს.

მაგრამ რამდენიმე წელიწადი იყო, სულ იმას ჩიოდა მისი ქალი, - მამაჩემი მისუსტდებოდა, - სილას აღარ გაჰკრავდა ხოლმე მოახლეებს; იმ ძალით ვეღარ სცემდა ჯიბით კიბის საფეხურს, როდესაც მალე არ უღებდა კარს თავისი ბასკი. ივლისის რევოლუციამ თითქმის არაფრით შეაჩუხა, თუმცა ეჭვს თვეს გასტანა. თითქმის სრული დამშვიდებით წაიკითხა „მონიტორში“ ასეთი შეუსაბამო სიტყვები: „ბატონი უნბლო კონტე, დიდებული საფრანგეთისა“. ნამდვილი თუ გნებავთ, მჭმუნვარება მორეოდა მოხუცებულის გულს, მაგრამ არ ნებდებოდა, არ სურდა დაეთმო: როგორ, ის და დამარცხებული ყოფილიყო? ეს არც ფიზიკურ აგებულებაში ჰქონდა მოხუცს, არც ზნეობრივ ბუნებაში, მაგრამ გულით კი გრძნობდა, რომ სუსტდებოდა. ოთხი წელიწადი სულ მარიუსის მოლოდინში იყო კაცი; გულმაგრად ელოდა სრულიად დარწმუნებული, რომ მოვა ის საძაგელი, აბეზარი და, დღეს იქნება თუ ხვალ, ზარს დაუნკარუნებს, და ახლა კი, როდესაც მოერეოდა ხოლმე ავის შესაძლებლობის ფიქრი, - ცოტა რომ კიდევ დაიგვიანოს... ის კი არ ანუხებდა, რომ სიკვდილი უახლოვდებოდა; არა, იმაზე ნუხდა, რომ შეიძლებოდა ვეღარც კი ღირსებოდა მარიუსის ნახვა. აქამდე ისე ჭარბავდა იყო, რომ აზრადაც არ მოსდიოდა, ვაითუ ისე მოვკვდე, ჩემი შვილიშვილი ვერ ვნახო. ახლა კი უფრო და უფრო ხშირად ეპარებოდა ეს ფიქრი და ჰყინავდა კაცს. როგორც ყოველთვის მოხდებდა ხოლმე, სადაც კი ბუნებრივი და ნამდვილი სიყვარულია, განმორება უფრო გააძლიერა ჰაპის სიყვარული უმაღური შვილიშვილისადმი, რომელმაც ისე არხეინად მიატოვა. დეკემბრის ღამით არის, ათგრადუსიან ყინვაში, რომ სულ მზე აგონდება ადამიანს. ბ. ჟილნორმანს არ შეეძლო ან ეგონა, რომ არ შეეძლო პირველი თვითონ გამოლაპარაკებოდა მოხუცებული ჰაპა თავის გაზრდილ შვილიშვილს. - მოვკვდები და ამას კი არ ვიზამო, - იძახდა. მისთვის რომ ეკითხათ, მარიუსის წინაშე არავითარი დანაშაული არ მიუძღოდა, მაგრამ ყოველთვის ღრმა სიყვარულით იგონებდა და თან საფლავის კართან მდგომი მოხუცებულის უიმედობით.

კბილები სცვიოდა წელ-წელა და ახლა ეს უმატებდა მწუხარებას.

ბ. ჟილნორმანს, - ამას თავის თავსაც კი არ გაუტყდებოდა, რადგან შერცხვენილი დარჩებოდა და გაშმაგებული, - თავისი არც ერთი საყვარელიც კი არა ჰყვარებია ისე ძალიან, როგორც მარიუსი უყვარდა.

თავის ოთახში, საწოლის ფერხით, ძველი სურათი ჰქონდა თავისი უმცროსი ქალისა, რომ დილით, როგორც კი თვალს გაახელდა, პირველად ეს სურათი დაენახა. სურათი მაშინ იყო დახატული, როცა მისი ქალი, შემდეგში პონმერსის მეუღლე, და გარდაცვლილი, თვრამეტი წლისა იყო. სულ იმ სურათს შესცქეროდა მოხუცებული და ერთხელ წამოიძახა:

- ძალიან ჰგავს თავის დედას.
- დიახ, ძალიან ჰგავს, - დაეთანხმა უფროსი ქალი.

მოხუცებულმა სხვაც დაუმატა:

- „იმასაც“ ჰგავს.

ერთხელ დაღვრემილი იჯდა, მუხლი მუხლზე მიედო, თვალი მოეხუჭა და დაფიქრებულიყო. გაბედა როგორღაც მისმა ქალმა და ჰკითხა:

- მამაჩემო, ნუთუ ისევ უჯავრდებით?..

გაჩუმდა, ველარ გაბედა დაესრულებინა შეკითხვა.

- ვის უუჯავრდები? - ჰკითხა მამამ.
- საწყალ მარიუსს?

მალა აიღო ბებერი თავი. გამხდარი, დანაოჭებული ხელი მაგიდას დაჰკრა და აღშფოთებით უპასუხა:

- როგორ? თქვენ სთქვით, საწყალი მარიუსიო? საძაველი რამ გახლავთ ის ვაჟბატონი, საზიზღარი, თავმომწონე, უმადური, უგულო და უსულო, ამაცი, ამპარტავანი და ამასთან, გულდრძო!

და თავი მიიბრუნა, - არ დაინახოს ჩემმა ქალმა, რომ ცრემლით ამეცსო თვალიო.

სამი დღის შემდეგ გაჩუმებული იჯდა მთელი ოთხი საათი და მერე უცბად მივარდა თავის ქალს:

- მე მგონია, ვთხოვე ქალბატონ ჟილნორმანს, რომ მისი ხსენება არ ყოფილიყო ჩემს სახლში!

მას შემდეგ საბოლოოდ გადაწყვიტა ქალმა, რომ შეუძლებელი იყო მათი შერიგება, და შემდეგ ღრმააზროვან დასკვნაზე შეჩერდა:

- მამაჩემს აღარ უყვარდა ჩემი და, რაკი ის სისულელე ჩაიდინა, და, ცხადია, მისი შეილიც უჯავრება.

- „ის სისულელე ჩაიდინა“ ნიშნავდა, პოლკოვნიკს გაჰყვა ცოლადო.

ძალიან უნდოდა ჟილნორმანის ქალს მარიუსის მაგივრად მამის ოჯახში შეეყვანა თავისი მონონებული თეოდული, მაგრამ ვერას გახდა, როგორც მკითხველიც დაინახავდა; არ ივარგა მარიუსის მოადგილემ, მან ვერ დაიჭირა ჟილნორმანის გულში მარიუსის ადგილი. საცობი ვერ ამოავსებს დაცარიელებულ გულს. თეოდულსაც თავის მხრივ, თუმცა დიდი მემკვიდრეობის სუნი მისდიოდა, მაინც არ უნდოდა პირმოთენობით მოეწონებინა თავი. მოხუცებულმა მალე მოაბეზრა თავი თეოდულს, და თეოდული კიდევ უფრო მალე შეეჯავრა ჟილნორმანს. ყმანვილი ოფიცერი იყო თეოდული, მხიარული, მაგრამ ყბედი, ქარაფშუტა და უწმანური; დროსტარების მოყვარე, მაგრამ უვარვის წრეში; მართალია, საყვარლები ჰყავდა, მაგრამ ისიც მართალია, რომ სულ თავის საყვარლებზე ლაპარაკობდა და ცუდადაც

ლაპარაკობდა. ნაკლოვანება თან ახლდა ყოველ მის ღირსებას. სულ იმას უამბობდა ჟილნორმანს, რომ თავისი რაზმის სადგომის მიდამოებში, ბაბილონის ქუჩაზე, გამარჯვებული იყო ქალებში. გარდა ამისა, ხანდახან სამხედრო ტანისამოსით ეწვეოდა ხოლმე ჟილნორმანს, სამფეროვანი კოკარდით, ბოლოს იმითი დასრულდა საქმე, რომ გამოუცხადა ჟილნორმანმა თავის ქალს: - თავი მომამებრა შენმა თეოდულმა. არად ვარგებულა მშვიდობიანობის დროს სამხედრო კაცი! თუ აგრე გინდა, შენ მიიღე ხოლმე. მე მგონია, რომ ნამდვილი ხმლით ხელში მებრძოლი უფრო კარგია, ვიდრე ეს მეკობტავე, ხმალი რომ აუთრეგია. ბრძოლაში რომ ხმლების ჩახაჩუხი გაისმის, ეს იმას ნიშნავს, რაღაცას ემსახურება და იმისთვის იბრძვის. ესენი კი ჩამოიკიდებენ ხმალს, ძირს დაუშვებენ მიწაზე და ისე მიათრევენ. კაცი ვიყო და აგრე ვიკვებდე ჩემს ვაჟუკაცობას? კაცი ვიყო და ასე ყმანვილ გოგოსთვის ვინერნეტებდე წელს? ფორმის ტანისამოსის ქვეშ კორსეტი მეცვას? თუ კაცია ადამიანი, თანასწორ მანძილზე გაუდგება ბაქაობასაც და პრანჭვა-გრეხასაც. ცარიელი ტრაბახი და თავის მონონებაა! შენთვის დამითმია შენი თეოდული.

ქალმაც გასცა პასუხი:

- კარგი, მაგრამ ხომ ნათესავია თქვენი, თქვენი ძმის შვილიშვილი?

და მაშინ აღმოჩნდა, რომ ბ. ჟილნორმანი თავით ფეხებამდე პაპა იყო, ბიძობას არ აპირებდა.

ჭკვიანი მოხუცი იყო, შეადარა ერთმანეთს ორთავე ყმანვილი და ამ შედარებამ უფრო მეტად დაანანა მარიუსის განმორება.

ერთ საღამოს, - ეს იყო 4 ივნისს, და მოხუცდავად ამისა, მშვენიერი ცეცხლი გუზგუზებდა ბ. ჟილნორმანის ბუხარში, მოხუცმა დაითხოვა ქალი, რომელიც იქვე, მეორე ოთახში მიუტდა საკვრავს. მარტო დარჩა მოხუცებული საგანგებო სურათებით დამშვენებულ ოთახში; ფეხები ბუხრის მოაჯირზე შეენყო, უკან კორომანდელის თეჭრი ედგა და მაგიდას დაყრდნობოდა, რომელზედაც ორი სანთელი ერთო მწვანე შუქფარიანი; ძვირფასი ნაქარგით გადაკრულ სავარძელში იჯდა, წინ გაშლილი წიგნი ედო, მაგრამ არ კითხულობდა; ტანისამოსი „თავის მოღისა“ ეცვა „ინკროყაბლე“, რომელიც გარას ძველებურ სურათს მოგავონებდათ; ქუჩაში რომ ასე მორთული გასულიყო, ქვეყანა დაედევნებოდა; მაგრამ ქალმა იცოდა, რომ ასე იქნებოდა და როგორც კი სახლიდან გასვლას დააპირებდა ბ. ჟილნორმანი, ქალი ერთი ეპისკოპოსის მანტიისმაგვარ განიერ წამოსასხამს შემოახვევდა ხოლმე, და ასე უმაღავდა ძველებურ მორთულობას; შინ რომ იყო, მარტო დასანოლად და ასადგომად ცოტახნით ჩაიცვამდა ხოლმე ხალათს: - ბებრის შეხედულობას აძლეგს ადამიანს ხალათით.

სულ მარიუსზე ფიქრობდა ბ. ჟილნორმანი, ეს იყო მისი განუშორებელი სევდა და სიყვარული, და როგორც ყოველთვის არის ხოლმე, აქაც სიმწარე უფრო მეტი იყო, ვიდრე სიტკბოება. სიყვარულს ბრაზი სჯობნიდა, ადუღებოდა და რისხვად იქცეოდა. იმ ყოფაში იყო უკვე, როდესაც აუცილებელ საჭიროებად ხდება ორში ერთის ამორჩევა, და სწორედ იმას იღებს და ურიგდება ადამიანი, რაც მიუღებლად და შეუწყნარებლად მიაჩნდა. თვითონვე უმტკიცებდა თავს, რომ დღეს აღარავითარი საფუძველი არ მოიპოვებოდა მარიუსის დაბრუნების შესაძლებლობისა; ეტყობა არ უწერია ეს მარიუსს, თორემ აქამდე დაუბრუნდებოდა თავის პაპას და ოჯახსო. ამაოა უკვე მისი ლოდინი და სჯობს მორჩეს წუხილს, შეურიგდეს იმ აზრს, რომ ვეღარ

ელირსება „იმ ვაჟბატონის“ ნახვას, ისე დალევს სულს; მაგრამ ვერ ურიგდებოდა ამ დასკვნას მისი ბუნება და აღშფოთებულიყო, ბებერი მშობლის გულს არ შეეძლო დათანხმებოდა ამაზე. - როგორ? - ყოველდღე ეუბნებოდა თავის თავს მოხუცებული, - ნუთუ არ დაბრუნდება? დახრიდა მოტვლევილ თავს, სევდითა და ბრაზით სავსე თვალით შესცქეროდა ბუხარში ცეცხლს.

ასე დაღვრემილი იჯდა ბუხართან, როდესაც ოთახში შევიდა მისი ბებერი მოსამსახურე ბასკი და მოახსენა:

- ბატონი მარიუსი გახლავთ. მიიღებთ, ბატონო, თუ არა?

წამოინია მოხუცებულმა, წელში გასწორდა, მთლად გაფითრდა, ცხედარს დაემსგავსა, ელექტროდენის გავლენით რომ წამომდგარა. გულს ეცა, რაც სისხლი ჰქონდა. ძლივს მოახერხა ორი სიტყვის წარმოთქმა:

- რაო? ბატონი მარიუსი?

- რა მოგახსენოთ? - უპასუხა ბატონის რისხვით სავსე სახით შეშინებულმა ბასკმა, - მე არ მინახავს. ნიკოლეტმა მითხრა, - ერთი ყმანვილი კაცია ბატონის სანახავად. მოახსენეთ, რომ მარიუსი გახლავთო.

ჩუმი ხმით ნაილუღლულა მოხუცებულმა:

- მობრძანდეს.

და ისევე დარჩა, როგორც იყო. თავს აცანცარებდა, თვალით კარს შესცქეროდა.

აგერ, გაიღო კარი, ყმანვილი კაცი შევიდა. ეს მარიუსი იყო.

კართანვე გაჩერდა, თითქოს ელოდა, ნება მიეცათ ჰაჰასთან მისვლისა.

ძველი, გაცვეთილი ტანისამოსი ეცვა, მაგრამ შექფარი აბნელებდა ოთახს და ეს გარემოება შეუმჩნეველად რჩებოდა. მარიუსისა მარტო სახე ჩანდა, დამშვიდებული და ჩაფიქრებული, მაგრამ საოცრად დაღონებული.

ჭკუაზე ვეღარ მოსულიყო განცვიფრებული და გახარებული მოხუცი. ცოტა ხანს ასე დარჩა; ვერაფერს ხედავდა, რალაც სინათლის გარდა, თითქოს მოჩვენება სდგომოდა თვალწინ და იმას გამოეღოს ეს სინათლე. გული მისდიოდა. თავბრუ ეხვეოდა. ცხადად ხედავდა მარიუსს. ის იყო, ის, მარიუსი იყო!

ძლივს! ოთხი წლის შემდეგ თავით ფეხებამდე ერთი თვალის გადაკვრით დაინახა მშვენიერი ყმანვილი, კეთილშობილი, ზრდილობიანი, უკვე დავაჟუკაცებული, დარბაისელი, მომხიბლავი. გულით უნდოდა დაეძახა, მოხვეოდა, გულში ჩაეკრა. ალერსის სიტყვებით ავსებოდა გული და ვეღარ იტევდა; ამდენი ხნის სიყვარული და ტკბილი ალერსი მოსდგომოდა პირზე და - ვინაიდან ჩვეული იყო ასეთ ქცევას - გულთნადების მაგივრად სულ სხვა წარმოთქვა:

- რა ვნებავთ აქ?

შემკრთალმა მარიუსმა ძლივს მიგო:

- ბატონო...

ბ. ჟილნორმანს უნდოდა, მისულიყო მარიუსი, გულში ჩაჰკვროდა. უკმაყოფილო იყო მარიუსითაც და თავისი თავითაც. იგრძნო, რომ მეტად უკმეხად დახვდა შვილიშვილს, და მასაც გულცივობას აბრალებდა. აუტანელ ტანჯვას განიცდიდა მოხუცებული: გრძნობდა, რომ გული უდნებოდა სიყვარულით და საქმით კი მხოლოდ უხეშობას ამჟღავნებდა. და ისევ ძველი სიმწარე მოერია. არ დაასრულებინა მარიუსს თავისი და შეუტია:

- მაშ, რილასთვის მობრძანდით?

ამ მამს-ს თავისი მნიშვნელობა ჰქონდა, - თუკი არ მომეხვევით და არ მაკოცებთო. მარიუსი შესცქეროდა პაპას, რომელსაც ჯერაც არ მოსვლოდა ფერი და მარმარილოს ქვასავით გათეთრებულიყო.

- ბატონო...

ისევ სასტიკად შეანყვეტინა პაპამ:

- ბოდიშის მოსახდელად მოხვედით? შეიგნეთ თუ არა თქვენი დანაშაული?

უნდოდა, ამით გზა ეჩვენებინა ბიჭისთვის და მოეღუნა, დაემორჩილებინა. ათრთოლდა მარიუსი, მამის უარყოფას უბრძანებდნენ; თავი დაღუნა და მიუგო:

- არა, ბატონო.

- მამ, რა გინდათ ჩემგან? - შეჰყვირა მოხუცებულმა, რომელსაც გული გაუპო ამ პასუხმა და მით უფრო გააშმაგა, - რა გინდათ ჩემგან?

ვედრებითყალაპყრო ხელები მარიუსმა, წინ წაინია პაპისკენ და სუსტი, ათრთოლებული ხმით უთხრა:

- შემობრალეთ, ბატონო.

ამ სიტყვამ შეარყია ჟილნორმანი. ცოტა წინათ რომ ყოფილიყო წარმოთქმული, გულს მოულობდა მოხუცებულს. მაგრამ ახლა უკვე გვიან იყო. ფეხზე წამოდგა პაპა. ჯახზე დაეყრდნო ორივე ხელით. ტუჩები გასთეთრებოდა, თავს ცანცარი გაჰქონდა. მაღალი ტანით ზემოდან დაჰყურებდა თავდაღუნულ მარიუსს.

- მე შეგიბრალეთ? ახალგაზრდა ჭაბუკი შებრალებას სთხოვს ოთხმოცდათორმეტი წლის მოხუცს? თქვენ ახლა იწყებთ ცხოვრებას, მე კი გავდივარ. თქვენ თეატრში დაბრძანდებით, მეჭლისში, კაფეში, ღროს ატარებთ, ქეიფობთ, ჭკვიანი ბიჭი ხართ, მოხდენილი, ლამაზი, ქალებს მოსწონხართ; მე კი, აგერ, ბუხართან ვზივარ ამ შუა ზაფხულში. თქვენ მდიდარი ხართ ჩვენი სიცოცხლის ერთადერთი ნამდვილი სიმდიდრით; მე კი სიბერის კუთვნილი სიღარიბის მეტი არაფერი გამაჩნია, - უძლურება და მარტოობა! თქვენ უკლებლივ გაქვთ ოცდათორმეტი კბილი, კარგი მადა, სიჯანსაღე, მხიარულება, დაბურული ტყე მაგ შავი თმისა; მე კი გათეთრებული ჭაღარა თმაც აღარ შემრჩენია. კბილები აღარა მაქვს; აღარც ფეხი შემრჩა, აღარც ყური, აღარც მესხიერება; სამი ქუჩის სახელი სულ ერთმანეთში მერევა, შარლოს ქუჩა, შომის ქუჩა და სენ კლოდის ქუჩა. ხედავთ, სადა ვარ? თქვენ წინ მთელი მომავალია, მზის სხივით გაბრწყინებული. მე კი ისე ღრმად შემეიტოპია სიბნელეში, რომ ამ გაბრწყინებულშიც კი ვეღარას ვხედავ. თქვენ შეყვარებული ხართ, ამას რაღა კითხვა უნდა? მე კი არაგის ვუყვარვარ. და მე მთხოვთ შებრალებას? დალახვრა ღმერთმა! როგორ დააგინყდა მოლიერს ეს ამბავი? თუ ასე ლაზღანდარობთ სასამართლოში, ბატონო ვეჭილებო, გულწრფელად მოგილოცავთ დახელოვნებას! ძალიან ბიჭები ყოფილხართ!

მერე ისევ თავისას საუბრუნდა და გაბრაზებით ჰკითხა.

- ახლა არ იტყვით, რა გნებავთ ჩემგან?

- ვიცი, ბატონო, რომ არ მოგწონთ ჩემი აქ მოსვლა, მაგრამ ცოტა სათხოვარი მაქვს თქვენთან, მოგახსენებთ და მაშინვე წავალ.

- რა სულელი ხართ! - შეუტია მოხუცებულმა, - მერე ვინ გეუბნებათ, წადი აქედანო?

ეს იყო თარგმანი იმ ტკბილი სიტყვისა, რომელიც ღრმად ჰქონდა მოგროვილი გულის სიღრმეში, - ბოდიში მოიხადეთ, რაღას უყურებთ? მოდი, მომეხვიე, რასა დგახარ? - გრძნობდა ბ. ჟილნორმანი, რომ ცოტა ხნის შემდეგ წავიდოდა მარიუსი;

რომ მეტად ავად დახვდა საყვარელ შვილიშვილს; რომ მისი მკაცრი უკმეხობა გააქცევდა საწყალ ბიჭს; კარგად გრძნობდა მას, უფრო და უფრო ერეოდა გულს მწუხარება, და რადგან მისი მწუხარება ყოველთვის ბრაზით გამოითქმებოდა, ეს ბრაზიც ზრდას ლამობდა. უნდოდა, შეეგნო მარიუსს მისი გულის წუხილი. მარიუსს კი ვერ გაეგო, რა იყო მის გულში. ეს უფრო აბრაზებდა მოხუცს:

- როგორ? ოთხი წელიწადია, ქვა მოაგდეთ ამ სახლს, განზე გაუდევით პაპათქვენს, რომ სადღაც გადაკარგულიყავით; გული გაუნყალეთ თქვენს დეიდას; ის ირჩიეთ, რომ ყმანვილკაცურად გეცხოვრათ, თავისუფლად, ადვილი გამოსაცნობი გახლავთ თქვენი წაღილი, - რომ არხეინად გეცხოვრათ, დაბრუნებულიყავით შინ, როცა მოისურვებდით, კარგად გაგეტარებინათ დრო, მხიარულად, ქეიფში. და ამოდენი ხნის განმავლობაში ერთხელაც არ მოგაგონდათ პაპათქვენი, რომ გეცნობებინათ, ცოცხალი ვარო! ვალეებს დაიდებდით, ცხადია, და ისიც კი არ იფიქრეთ, რომ პაპათქვენისთვის უნდა გეთხოვათ დახმარება. გადაჰკრავდით, ქუჩაში ჩხუბს ასტეხავდით, სხვის სახლს ფანჯრებს ჩაუმტვრევდით, და ოთხი წლის შემდეგ მოდიხართ ჩემთან, მაგის მეტი სხვა არა გაქვთ რა ჩემთვის სათქმელი?

მეტად მკაცრად ცდილობდა ჟილნორმანი შვილიშვილის გულში ჩაკვრას, მაგრამ ამ სიმკაცრის მეტს ველარაფერს ხედავდა მარიუსი და ჩუმად იდგა. ბოლოს გულხელი დაიკრიფა პაპამ, რაც მედიდურობისა და სიდიადის ნიშანი უნდა ყოფილიყო, და მწარედ მიმართა მარიუსს:

- მოვრჩეთ! ცოტა რამ სათხოვარი მაქვსო, წელან თქვით! აბა, რა სათხოვარი გაქვთ, რა გინდათ? რა არის? თქვით, რაღას უყვართ?

- მოგახსენებთ, ბატონო, - მიუგო მარიუსმა იმ კილოთი, რომლითაც მარტო უფსკრულის პირას მდგომი შესძლებს ხმის ამოდებას. - მე ვიახელით, რომ ვთხოვთ... ნება მიბოძეთ, ცოლი შევიერთო.

ბ. ჟილნორმანმა ზარი დარეკა. ბასკმა შეამოლო კარი.

- სთხოვთ ჩემს ქალს, აქ მობრძანდეს.

წამი არ გასულიყო ჯერ, ხელახლა გაილო კარი და ჟილნორმანის ქალი გამოჩნდა. ოთახში არ შესულა. ხელები დაეშვა მარიუსს და ფერმიხდილი, უმწეოდ იდგა, თითქოს დამნაშავე ყოფილიყო. ბ. ჟილნორმანი ბოლოთას სცემდა ოთახში. მიუბრუნდა თავის ქალს და უთხრა:

- არაფერი! ბატონი მარიუსი გახლავთ. მიესალმეთ, ცოლს ირთავს ბატონი, ხომ გაიგეთ? ახლა მიბრძანდით.

მოკლედ, ხრინწიანად ისროდა სათქმელს ჟილნორმანი და ცხადი იყო, ძლივს იმაგრებდა აღშფოთებას. გაშტერებული თვალით შეხედა მარიუსს დეიდამ, თითქოს ძლივს იცნო, ხმა არ ამოიღო და ისე სწრაფად გაქრა, როგორც ქარიშხლით გატაცებული ჩალის ღერი.

ჟილნორმანი ისევ ბუხარს მიეყრდნო.

- ცოლს ირთავთ? ოცდაერთი წლის ბიჭი? უკვე გარეგებული გექნებათ საქმე! ერთი ნებართვა გაკლიათ, სხვა საფიქრალი აღარაფერი გაქვთ! სულ უბრალო მოთხოვნილებაა ზრდილობისა! დაბრძანდით, ბატონო. ვიცო, დიდი რევოლუცია გადაიარეთ მას შემდეგ, რაც აღარ მინახავხართ. იაკობინელებმა გაიმარჯვეს - ძალიან კმაყოფილი უნდა ყოფილიყავით ამ გამარჯვებით. იქნებ რესპუბლიკის მომხრეც ხართ მას შემდეგ, რაც ბარონი ბრძანდებით? თქვენ მშვენივრად მოათავსებთ ერთად

რესპუბლიკასა და ბარონობას. რესპუბლიკა შეგიზავებთ ბარონობას. ივლისის რევოლუციამ ახალი ღირსება არაფერი მოგანიჭათ? თქვენც ერიეთ განა ლუერის აღებაში, ბატონო? აი, აქვე, ჩვენს ახლოს, სენტ ანტუანის ქუჩაში, ნონენდიერის ქუჩის პირდაპირ, ერთი სახლის მესამე სართულის კედელში ყუმბარა არის ჩამჭდარი და კედელზე წარწერა მოჩანს შესანიშნავი: „29 ივლისი, 1830 წელი“. მიდით და დატკბით, ძალიან კარგი სანახავია. აჰ! ძალიან საქმეს არიგებენ თქვენი მეგობრები! მართლა, რატომ შადრევანს არ გააკეთებენ მოედანზე ჰერცოგ დე-ბერის ძეგლის ადგილას? მაშ, ცოლს ირთავთ? ხომ არ გამიწყრებით, რომ გავბედო და გკითხოთ, ვინ ბრძანდება თქვენი დანიშნული?

გაჩუმდა, მაგრამ მანამ მარიუსი ხმას ამოიღებდა, თავისებურად შეუტია:

- მართლა! თქვენი ჯიბე რაღას ბრძანებს? ქონება შეიძინეთ? რას გაძლევთ ვეფილობა?

- არაფერს, - უპასუხა მარიუსმა გულმაგრად და გამბედავად.

- არაფერს? მაშ, არაფერი გაქვთ, გარდა ათას ორასი ფრანკისა, რომელსაც მე გაძლევთ?

მარიუსმა პასუხი არ გასცა. უილნომანმა განაგრძო:

- მაშ, მდიდარი უნდა იყოს ქალი?

- როგორც მე.

- როგორ? მზითევი არა აქვს?

- არა.

- მემკვიდრეობის იმედი?

- არა მგონია

- ტიტველ-შიშველი? მამა ვილა ჰყავს?

- რა მოგახსენოთ?

- რა ჰქვია თქვენს დანიშნულს.

- ფოშლევანი.

- ფოშ... რაო?

- ფოშლევანი.

- ჰუიტ! - დაუსტვინა მოხუცებულმა.

- ბატონო ჩემო! - შეჰყვირა მარიუსმა.

ისე გააბა უილნომანმა, თითქოს თავისთავს შესჩვიოსო:

- ასეა ყოველთვის: ოცდაერთი წლის ბიჭი, არც სახლი, არც კარი, ათას ორასი ფრანკი წელიწადში... და ქალბატონი ჰონმერსი, ბარონის მეუღლე, მივა და ორი სუს ოხრაბუხს იყიდის ბაზარში.

- ნება მიბოძეთ, ბატონო, - შეანწყვეტინა სასონარკვეთილმა მარიუსმა, რადგან ხედავდა, რომ ეს უკანასკნელი იმედიც უცრუვდებოდა, - გვედრებით, ბატონო, ღვთის გულისთავის, მუხლს მოვიყრი თქვენ წინაშე. ნება მიბოძეთ, შევირთო.

სიცოლი წასკდა მოხუცებულს და თან ხველა აუვარდა. იცინოდა, ახველებდა და მაინც თავისას არ იშლიდა:

- ოჰ, ოჰ, ოჰ! ამაზე უკეთესი რა იქნებაო, - ბრძანეთ თქვენს გულში: ნავალ, ვნახავ იმ გამოტვინებულ ბებრუყუნას. ვაი, რომ ოცდახუთი წლისა არა ვარ! მაშინ ვაჩვენებდი, რამდენად მჭირდება მე მისი ნებართვა! ზეცას არ შევხედავდი! სულერთია, მივალ და ვეტყვი, - შენ ეი, გადაყრებულო! ხომ ბედნიერება მოგიძღვენ, ხომ დაგენახვე? ჰოდა,

ცოლს ვირთავ. ცოლს ვირთავ ქალბატონ ვიგინდარას, ბატონ ვიგინდარას ასულს. მე წაღები არა მაქვს, იმას პერანგი არ აცვია, მაგრამ ეგ არაფერი! მინდა წყალში ჩავყარო ჩემი სარბიელი, ჩემი მომავალი, ჩემი სიყმანვილე, ჩემი სიცოცხლე! მინდა გაჭირვებაში ჩავიყურყუმალო კისერზე შემოხვეული დედაკაცით, ეს არის ჩემი განზრახვა და შენც უნდა დამეთანხმო. - და რას იზამს ბებერი ჩონჩხი, რომ არ დამთანხმდეს? - ასე ფიქრობდი, არა? ჰოდა, შენი ნებაა, ჩემო ბიჭიკო, თუ გინდა ქვა დაიკიდე კისერზე! შეირთე შენი კუპლევანი, პუსლევანი... მე კი ნებას არ გაძლევთ, არასდროს, ბატონო, არასდროს!

- მამაჩემო!
- არასდროს!

იმნაირი კილოთი იყო თქმული ეს „არასდროს“, რომ ყოველი იმედი დაკარგა მარიუსმა. თავი ჩაღუნა და წელი ნაბიჯით, ბარბაცით გაიარა ოთახი. მომაკვდავს უფრო ჰგავდა, ვიდრე საღმე მიმავალს. თვალი გაადევნა ბ. ჟილნორმანმა. კართან რომ მივიდა მარიუსი და ხელი დაადო, რომ გასულიყო, საკვირველი სისწრაფით, ბრძანების გაცემას, ბატონობას მიჩვეული ბერიკაცის გაბრაზებით მივარდა შეილმევილს, კისერში სტაცა ხელი, ძალად შემოაბრუნა ოთახში, სავარძელში ჩააგდო და უბრძანა:

- ერთი მთავრე ეგ შენი სიყვარულის თავგადასავალი.

ერთი სიტყვა, მარიუსს რომ წამოსცდა განუზრახავად, - „მამაჩემო“, საკმარისი იყო, რომ ეს რევოლუცია მოეხდინა ჟილნორმანში.

გაკვირვებულნი შეჰყურებდა მარიუსი. აღარაფერი ემჩნეოდა ჟილნორმანის მოძრავ სახეს, გარდა უსაზღვრო გულკეთილობისა. წინაპარის ალაგი დარჩენოდა პაპას.

- ჰა, დაიწყე რაღა! მთავრე შენი არშიყობა, სიყვარული! არაფერი დამიმალო! აჰა, ღმერთო! რა სულელები არიან ეს ყმაწვილები!

- მამაჩემო, - გაიმეორა მარიუსმა.

სხივი მოეფინა მოხუცებულის სახეს.

- აი, ავრე! მამაჩემო-თქო, მითხარი ხოლმე და მაშინ ნახავ...

ამჟამად მოხუცებულის უხეშობაში იგრძნობოდა იმდენი სითბი, სინაზე და მშობლიური ალერსი, რომ მარიუსი სასონარკვეთილებიდან ისევ ერთბაშად იმედმოცემული, რეტდასხმულს ჰგავდა.

მაგიდასთან იჭდა, სანთლის სინათლეზე კარგად ჩანდა მისი ძველი და უვარგისი ტანისამოსი და ეს კიდევ ჟილნორმანს აკვირდებდა.

- მამ, რას მიბრძანებთ, მამაჩემო?

- მოითმინე ერთი და! - შეწყვეტინა პაპამ. - მართლა ავრე უფულოდ ხარ, რომ სუ გენატრება? ამ ტანისამოსში ქურდს ჰგავხარ.

უჯრამში ჩაყო ხელი, ქისა ამოიღო და წინ დაუდო მაგიდაზე.

- აი, ასი ლუიდორი არის. ქუდი მაინც იყიდე.

- მამაჩემო, - განაგრძო მარიუსმა, - ჩემო კეთილო მამავ, რომ იყოდეთ, როგორ მიყვარს. ვერც კი წარმოიდგენთ... პირველად ლუქსემბურგის ბაღში ვნახე, იქ მიდიოდა სასიეროდ; თავდაპირველად ყურადღებასაც არ ვაქცევდი, და მერე არც კი ვიცი, რა მოხდა, ან როგორ მოხდა, გაგიჟებთ შემიყვარდა. ოჰ, რა უბედური ვიყავი! ახლა კი ყოველდღე ვხედავ, მასთან მივდივალ ხოლმე. მისმა მამამ ამის

შესახებ არაფერი იცის. და წარმოიდგინეთ, წასვლას აპირებენ. ერთმანეთს ბაღში ვხვდებით, საღამოობით. მამა ინგლისში აპირებს გადასვლას. და მეც ვიფიქრე, - წავალ, პაპაჩემს ვნახავ და მას გავაგებინებ ჩემს უბედურებას-მეთქი. თუ წავიდა სადმე, მოგვკვდები, ავად გავხდები, წყალში ჩავევარდები. უნდა შევირთო, თორემ გავგიჟდი. ასე გახლავთ ჩემი საქმე. აი, სრული სიმართლე. არა მგონია, დამვიწყებოდეს რამე. ბაღში აქვს სახლი, მოაჯირიანი ღობით, პლუმეს ქუჩაზე, ინვალიდებისკენ.

ნეტარებით გაბრწყინებული უილნორმანი გვერდით მიუჯდა შვილიშვილს. ყურს უვდებდა, ტკბებოდა მისი ხმით და იმავე დროს არც ბურნუთი ავიწყებოდა. პლუმეს ქუჩა რომ გაიგონა, ველარ შეისუნთქა და მუხლებზე დასცვივდა ბურნუთი.

- პლუმეს ქუჩა? პლუმეს ქუჩა თქვი? მოითმინე, მოითმინე! ჯარიც უნდა იდგეს იქ საღდაც, ახლო! ჰო, ჰო, იქ არის, შენმა ბიძაშვილმა თეოდულმა მიაშო. ოფიცერია, ხომ იცი. ერთი გოგო არისო, ერთი გოგო, რომ... ჰო, პლუმეს ქუჩა, წინათ ბლომეს ქუჩას ეძახდნენ. აი, ახლა კი მომაგონდა. ჰო, მისგან ვიცი პლუმეს ქუჩაც და იმ გოგოს სილამაზეც. ერთხელ კი არ უქია ის ცუერუმელა, სულ რომ ხეებქვემ დასეირნობს, მოაჯირიან ბაღში, პლუმეს ქუჩაზე. ნამდვილი პამელაა თურმე. კაი გემოვნების ბიჭი ყოფილხარ. ძალიან სუფთა გოგო არისო. ჩვენში კი დარჩეს და, მგონი, შენი სულელი ბიძაშვილიც ეარშიყებოდა იმ ტურფას. სადამდის მივიდა იმისი არშიყობა, არ ვიცი, ის კი ვიცი, რომ სულ იკვების. ჩემო მარეუს! მე რომ მკითხო, რა იქნება მაგაზე უკეთესი: ყმანვილ ბიჭს, როგორიც შენ ხარ, კიდევ უნდა უყვარდეს. ეს არის მოთხოვნილება შენი ასაკისა. მე ის მირჩევნია, გოგო გიყვარდეს, ვიდრე იაკობინელები, გოგო გიყვარდეს ვინმე, თუნდაც ოცი ლამაზი გოგო, ვიდრე ბატონი რობესპიერი. პირადად მე, მე მარტო ქალები მიყვარდა, მარტოდმარტო ქალები! ლამაზი გოგო ლამაზია, რა პარტიისაც უნდა იყოს! ამის წინააღმდეგ ბრძენთაბრძენიც ვერას იტყვის. რაც შეეხება შენს გოგონას, მამისგან ფარულად გხვდებოდა ხოლმე? აგრეა და აგრეც უნდა იყოს, სრულიად ბუნებრივია. მეც ბევრი რამ მქონია მაგისთანა. ერთი კი არა, ათზე მეტი. იცი, როგორ იქცევა ამ შემთხვევაში ყოჩალი ბიჭი? ძალის დატანებით ვერას ვახდები, არც ტრაგიკული ტანჯვა-ვაება გამოვადგება. არც ქორწინება არის საჭირო და თავისივე ყელსახვევით განდიდებულ მერთან მისვლა. ყოჩადად, მოხერხებულად უნდა მოიქცეს ბიჭი. ჭკვიანად, ფრთხილად უნდა ტკბებოდეთ, ბატონებო, მაგრამ ისე ფრთხილად, რომ ქორწინებამ არ ჩაგიშნაროთ ეს სიტკბოება. გაჭირდა საქმე? მაშინ პაპას მოიგონებენ, რომელიც სულ ბუმბუნებს, მაგრამ გულით კეთილია და გარდა ამისა, ყოველთვის აქვს ძველ უჭრაში ოქროს ოცფრანკიანები. მივლენ პაპასთან: - პაპა, მიშველე! - და პაპაც შველის, ჭკუას ასწავლის. მაგაზე ადვილი რა არის? სიყმანვილე ტკბებოდეს და სიბერე წყდებოდესო! მეც შენსავით ვიყავ ყმანვილი ბიჭი, შენც ჩემსავით დაბერდები და ჩამოჭენები. წადი, ჩემო ბიჭიკო! ეს ვალი შენს შვილიშვილს გადაუხადე. აი, ორი ათასი ფრანკი. წადი, დრო გაატარე. დატკბი სიცოცხლითა და სიყვარულით. დატკბი სიცოცხლით, მანამ დრო გაქვს და სიყმანვილე. მაგაზე უკეთესი რაღა იქნება? ასე უნდა მოავარო შენი საქმე. ცოლად კი არ შეირთო, მაგრამ... ხომ მიხვდი, რას გეუბნები?

გამეშვებულივით იჯდა მარეუსი, გამტერებული, ხმის ამოღება აღარ შეეძლო. მხოლოდ თავი გაიქნია, ვერ მიხვდით.

სიცილი დაინყო უილნორმანმა, თვალი მოჭუტა, ხელი დაჰკრა მუხლზე, საიდუმლოებით სავსე თვალით დააქცერდა, მხრები აიჩჩა და განუმარტა:

- პატარა სულელი! საყვარლად გაიხადე.

ფერი ეცვალა მარიუსს, პაპის ნათქვამისა ვერაფერი გაიგო. რალაცას ბოდავდა ბებერი, - ბლომეს ქუჩაო, პამელაო, ჯარის სადგურიო. ოფიცერიო. უაზრო ჩმახვად ეჩვენა ყოველივე ეს მარიუსს და ყურადღება არ მიაქცია. აქ ისეთი არაფერი იყო, რომ კოზეტს შეხებოდა, მის წმინდა ანგელოზს. ბოდავდა სანყალი მოხუცი, მაგრამ ერთი იმისთანა სიტყვები მოჰყვა ამ ბოღვას, რომელიც შიგ გულში ეცა მარიუსს, რადგან მომაკვინებელი შეურაცხყოფა იყო კოზეტისა. ეს სიტყვები „საყვარლად გაიხადე“, ლახვარივით ჩაერჭო ყმანვილ კაცს უმანკო გულში.

ადგა, აიღო თავისი ქუდი, რომელიც იატაკზე ეგდო, და მტკიცე ნაბიჯით წავიდა კარისკენ. იქ გაჩერდა, მობრუნდა, ღრმად დაუკრა თავი მოხუცებულ პაპას, წელში გაიმართა და უთხრა:

- ამ ხუთი წლის წინათ თქვენ შეურაცხყავით მამაჩემი. დღეს შეურაცხყოფთ ჩემს მეუღლეს. მე თქვენი აღარაფერი მინდა, ბატონო. მშვიდობით ბრძანდებოდეთ.

გამტერდა ჟილნორმანი, პირი დაალო, ხელები გაშალა, ადგომა სცადა და მანამ ხმას ამოიღებდა, მარიუსი უკვე აღარ იყო.

უძრავად დარჩა რამდენიმე წამს მოხუცებული. თითქოს მეხი დაეცაო, ხმის ამოღება ვერ შეძლო, სუნთქვა შეეკრა. თითქოს მუშტი ჩასჩარეს პირშიო. ბოლოს, როგორც იყო, წამოვარდა საფარძლიდან. ოთხმოცდათორმეტი წლის ბებრული სირბილით მივარდა კართან, გაალო და დაიყვირა:

- მიმველეთ! მიმველეთ!

ქალი შემოვარდა მაშინვე, მერე მსახურები.

ხრინნიანი, სასოლავი ხმით ჰყვიროდა:

- გამოუდქეთ! დაიჭირეთ! რა დავუშავე, განა? გიჟია სწორედ! წავიდა! ოჰ, ღმერთო ჩემო? ოჰ, ღმერთო ჩემო! ახლა კი არასოდეს დაბრუნდება.

ფანჯარასთან მივარდა, ქუჩაში რომ გადიოდა. გაალო აკანკალებული ბებრული ხელით. წელამდე და უფრო მეტადაც გადაეყუდა ქუჩისკენ, ისე, რომ ბასკმა და ნიკოლეტმა ხელი სტაცეს, თავდაყირა არ გადავარდეს ქუჩაშიო. ის კი ყვიროდა:

- მარიუს! მარიუს! მარიუს! მარიუს!

მაგრამ მარიუსი მის ძახილს ვეღარ გაიგონებდა. უკვე სენლუის ქუჩის კუთხის იქით ჩაუხვია.

ორჯერ-სამჯერ ხელები იტაცა საფეთქელზე საშინელი ვარამით გულმოკლულმა ოთხმოცდაათი წლის მოხუცმა, უკან წამოვიდა ბარბაცით, დაეშვა საფარძელზე, აღარც ხმა ჰქონდა, აღარც მაჯა, აღარც ცრემლი. თავს აცანცარებდა, თვალის უაზრო გამომეტყველებით ამოძრავებდა ტუჩებს, აღარაფერი დარჩენოდა აღარც თვალში და აღარც გულში, გარდა ღამესავეთ ღრმა გულსაკლავი მწუხარებისა.

ნიგნი მეცხრე

სად მიდიან?

თავი პირველი

ჟან ვალჟანი

იმავე დღეს, ნაშუადღევს ოთხი საათი იქნებოდა, რომ შან-დემარსის ერთ სრულიად განცალკევებულ ფერდობზე იჯდა უან ვალუანი. სიფრთხილით იყო ეს, განმარტოების სურვილით, რომ უფრო თავისუფლად განესაჯა მდგომარეობა, თუ, სულ უბრალოდ, იმ ჩვეულებათა შეუმჩნეველი ცვლილებით, რომელიც ნელ-ნელა შეეპარება ადამიანს. კომეტი იშვიათად დაჰყავდა ხოლმე სასიეროდ. ტანისამოსი მუშისა ეცვა, ნაცრისფერი ტილოს შარვალი, ქუდს იმდენად დიდი წინაფრა ჰქონდა, რომ სახეს უმაღავდა. ამჟამად კომეტის მხრივ დამშვიდებული იყო და ბედნიერი; იყო ცოტა რამ, ძალიან ანუხებდა და აშინებდა, მაგრამ გაქრა, რაც იყო, და უან ვალუანიც დამშვიდდა. სამაგიეროდ, ახლა სხვა მხრივ მოელო ცეცხლი. ერთი კვირა იქნებოდა ან ორი. სხვაგვარი უბედურების შიში ანუხებდა სანყალ კაცს. ერთხელ, ბულვარზე რომ დასეირნობდა, ტენარდიეს შეხვდა; კიდევ კარგი, გადაცმული იყო და ტენარდიემ ვერ იცნო, მაგრამ ვაი, რომ მას შემდეგ იგი კიდევ რამდენჯერმე დაინახა, და ცხადი იყო, ამ უბანში რაღაცას ეძებდა. ესეც კმაროდა უან ვალუანისთვის, რომ რაიმე გადაწყვეტილება მიეღო. ტენარდიე იქ იყო და, მაშასადამე, ყოველგვარი განსაცდელი მოელოდა უან ვალუანს. გარდა ამისა, არც პარიზი იყო დამშვიდებული; პოლიტიკური მღელვარების გამო დიდ სიძნელესა და საშიშროებას წარმოადგენდა შეუმჩნეველად დარჩენა იმათი, ვისაც დასამალი ჰქონდა რამე წარსული ცხოვრებისა. რადგან ძალიან მოუსვენრად იყო პოლიცია, ეჭვის თვალით შესცქეროდა ყველას და ვისმე შეეპენს ან მორეს რომ დაეძებდა, შეიძლებოდა ძალიან ადვილად ხელი ეტაცა იმისთანა კაცისთვის, როგორც უან ვალუანი იყო. ამიტომ გადაწყვეტილი ჰქონდა წასულიყო პარიზიდან, საფრანგეთიდანაც კი, და ინგლისში გადასახლებულიყო. კომეტს უკვე აცნობა ეს გადაწყვეტილება. ერთი კვირის შემდეგ აპირებდა გამგზავრებას. მარსის მინდვრის ფერდობზე იჯდა, თავში ყოველგვარი ფიქრი და საშიშროება უტრიალებდა. ტენარდიე, პოლიცია, მგზავრობა, პასპორტის მიღების სიძნელე.

ბევრი რამ ჰქონდა, როგორც ხედავთ, საფიქრებელი და საზრუნავი.

გარდა ამისა, ერთი რამ იყო ძნელად გამოსარკვევი, როემლიც ჯერაც თავში სცემდა და გულს უხეთქავდა. ამ დილას, ჩვეულებისამებრ სხვებზე ადრე ამდგარი, ბაღში დასეირნობდა მარტოდმარტო. კომეტს ჯერ არ გაეღო დარაბები, უცბად დაინახა კედელზე ალბათ ლურსმნით ამოფხაჭნილი სიტყვები:

ვერერის ქუჩა, 16.

ახალთახალი იყო ეს წარწერა, ამოფხაჭნილი, სრულიად თეთრი, ძველ, ჩამავებულ ბათქაშზე; კედლის ძირას ჭინჭარს ფოთლებზე ისევ ყყარა კედლიდან ამოფხეკილი კირის ფეხნილი; ცხადი იყო, იმ ღამეს უნდა ყოფილიყო ვიღაც ბაღში და დაწერა ეს მისამართი. მაგრამ რა მისამართი იყო, ვისი? თუ ნიშანი რამ იყო? იქნებ უან ვალუანს აფრთხილებენ? ასეა თუ ისე, ცხადი იყო, რომ ვიღაც უცნობნი ყოფილიყვნენ დაკეტილ ბაღში, და, მაშასადამე, თუ ისურვეს, ხელახლა მობრძანდებიან. მაშინვე მოაგონდა ის გაუგებარი შემთხვევა, მრგვალქუდიანი ჩრდილისა, ისე რომ შეაშინა ყველანი. ახლა ამას დაუფიქრდა; - იქნებ კავშირი ჰქონდეს წარსულს ამ მისამართთანო. კომეტს არაფერი უთხრა კედელზე ამოფხაჭნილი მისამართისა, რომ არ შეეშინებინა.

ამ ფიქრებით გატაცებულმა ჩრდილი დაინახა ვილაცისა, ფერდობის ზევიდან მზით გადმოსროლილი. სწორედ უან ვალუანის უკან, ზემოთ ფერდობზე გაჩერდა ვილაც.

ის-ის იყო უნდა მობრუნებულიყო, - ნეტავ, ვინ არისო, - რომ მუხლზე დაეცა ზემოდან გადმოვდებული ოთხად შეკეცილი ქალაღი. ძალიან მარჯვედ იყო გადმოსროლილი, ისე რომ თავზე გადმოველო და მუხლზე დასცემოდა. სტაცა ხელი, გამალა, წაიკითხა: მსხვილი ასოებით დაწერილი სიტყვები:

- გადადით მაგ სახლიდან.

წამოვარდა უან ვალუანი, მაგრამ აღარავინ ჩანდა ფერდობზე. მიიხედ-მიიხედა ირგვლივ, შორს ვიღაც დაინახა მიმავალი, ბავშვზე ოდნავ დიდი, კაცზე პატარა, ლურჯი ხალათი ეცვა და მოშავო შარვალი. ჩქარი ნაბიჯით მიდიოდა, ვიღაც იყო და მარსის მინდვრის დაბლობში ჩაიმალა.

მაშინვე შინისკენ წავიდა უან ვალუანი, ღრმად ჩაფიქრებული.

თავი მეორე
მარიუსი

გულმოკლული წამოვიდა ბ. უილნორმანისგან მარიუსი. პაპასთან მიდიოდა, ძალიან მცირე იმედით, მაგრამ ბრუნდებოდა მისგან უკვე სასონარკვეთილებით აღსავსე.

ვისაც კი შეუსწავლია ადამიანის გულის ძირითადი საწყისები, დაგვეთანხმება, რომ ბრიყვი ოფიცერი თეოდული და მისი ბაქიაობა არავითარ ჩრდილს არ დასტოვებდა მარიუსის გულში, სულ უმცირესსაც კი. დრამატულმა პოეტმა შეიძლება წარმოიდგინოს, რომ მოხუცის მიერ ასე მოულოდნელად წამოროშილ თეოდულისგან კომეტის ხსენებას, გართულება უნდა გამოენვია ამ მოთხრობის მიმდინარეობაში. მაგრამ ამით მხოლოდ დრამა მოიგებდა და არა ჭეშმარიტება. იმ ასაკში იყო მარიუსი, როდესაც ადამიანს არ სჭერა ბოროტებისა; შემდეგში დაუდგება დრო, როდესაც ყოველგვარ ავს დაიჭერებს. ეჭვი - ეს იგივე სახის ნაოჭია, სიყმანვილეს ნაოჭი არა აქვს. რაც ამფოთებს ოტელოს, შეუმჩნეველია კანდიდისთვის. ეჭვი რამ კომეტზე? ვინ იცის, მრავალ ავკაცობას ჩაიდენდა მარიუსი, მაგრამ ამას კი ვერა.

უმიზნო სიარული დაიწყო ქუჩებში, რომ ოდნავ მაინც შეემსუბუქებინა მწუხარება. ისეთ არაფერს ფიქრობდა, რომ ღირსი ყოფილიყო დახსომებისა. ნაშუალამევის ორი საათი იყო, შინ რომ მივიდა, კურფეირაკთან და ტანისამოსის გაუხდელად მივედო ლოგინზე. მზე მალლა იდგა, როდესაც, როგორც იყო, მოერია ის სამხნელი ძილი, რომელიც კარლიად ტოვებს ტვინს, რომ შიგ თავისუფლად თარეშობდნენ ყოველგვარი ფიქრები. გამოელვოდა, კურფეირაკი დაინახა თავის ოთახში, ანჟოლრასი, ფეილი და კონბფერი მის საწოლთან იდგნენ ჩაცმულები, ქუდი ეხურა ყველას. მზად იყვნენ წასასვლელად. ეტყობოდათ, საქმე ჰქონდათ რამე საჩქარო და იქით მიეშურებოდნენ.

კურფეირაკმა ჰკითხა:

- გენერალ ლამარკს ასათლავებენ. ხომ წამოხვალ?

ისე ეჩვენა მარიუსს, თითქოს ჩინურად დალაპარაკებოდეს კურფეირაკი.

ამხანაგები წავიდნენ და ცოტა ხნის შემდეგ ისიც გავიდა. ჯიბეში ჩაიღო დამბაჩები, უავერმა რომ მისცა 3 თებერვალს, და ვედარ დაუბრუნა პატრონს. დამბაჩები ჯერ ისევ

დატენილი იყო. ძნელი გამოსაცნობია, რა ბნელი განზრახვით წაიღო თან ეს დატენილი დამბაჩები.

მთელი დღე ხეტიალში გაატარა, თვითონაც არ იცოდა, სად იყო ან სად მიდიოდა. ერთხანს წვიმდა, მაგრამ ეს არ შეუმჩნევია. ერთი სუს პური იყიდა. სადილისთვის ჯიბეში ჩაიღო და დაივიწყა. მგონი თავისდა შეუმჩნევლად გაიხადა და იხანავა სენაში; ზოგჯერ მოხდება, რომ ადამიანს ცეცხლი უკიდია თავზე და სწორედ ამ მდგომარეობას განიცდიდა მარიუსიც. იმედი აღარაფრისა ჰქონდა, აღარავითარი შიში; წუხანდელმა საღამომ ჩაავლო ამ მდგომარეობაში. გახელებულის მოუთმენლობით მოელოდა საღამოს. ერთადერთი აზრიდა შერჩენოდა ცხადი, რომ 9 საათზე კოზეტს ნახავდა. ამ უკანასკნელ ნეტარებაში იყო ამჟამად მთელი მისი მომავალი. შემდეგ კი მხოლოდ წყვილადს ხედავდა. როდესაც სრულიად მიყრუებულ ქუჩებში დადიოდა, თითქოს რაღაც უცნაური ხმაურობა ესმოდა ქალაქიდან. ერთ წამს თავს დააღწევდა ბნელ ფიქრს და იტყოდა: - ნუთუ იბრძვიან სადმე?

დაღამებისას, სრულ 9 საათზე, როგორც დაჰპირდა კოზეტს, პლუმეს ქუჩაზე გაჩნდა. ღობეს რომ მიუახლოვდა, მთლად გადაავიწყდა ყველაფერი. ორმოცდარვა საათი იყო, რაც კოზეტი აღარ ენახა. ამის მეტი სხვა აღარაფერი აგონდებოდა. ღრმა, უსაზღვრო სიხარულმა აიტანა. არის წუთი, რომლის განმავლობაში მთელ საუკუნეებს ცოცხლობს ადამიანი, რომელიც მით არის მომხიბვლელი და საოცნებო, რომ ნეტარებით ავსებს გულსა და სულს.

მისწია მარიუსმა მოაჯირი და ბაღში შევარდა. არ დახვდა კოზეტი იქ, სადაც ჩვეულებრივ ელოდა ხოლმე. ბალი გაიარა და აივნისკენ წავიდა.

„ალბათ იქ მიცდისო“, - მაგრამ არც იქ დახვდა, ზევით აიხედა ფანჯრისკენ და ნახა, რომ დაკეტილი იყო სახლის დარაბები. ბალი მოიარა. ბაღში არავინ იყო. მაშინ ისევ სახლთან მივიდა და სიყვარულით დამთვრალმა და გაგიჟებულმა, შიშით გულგახეთქილმა, მწუხარებით იმედმიხდილმა, როგორც მოიქცეოდა უდროო დროს სახლში დაბრუნებული სახლის ბატონ-პატრონი, ბრახუნი დაუწყო დარაბას. დააბრახუნა ერთხელ, ორჯერ, სამჯერ, თუმცა შესაძლებელი იყო ფანჯარა კოზეტის მამას გაეღო, გამოჰყოფდა დაღვრემილ თავს და დაუძახებდა: - თქვენ აქ რა გნებავთ? - მაგრამ ეს რა იყო იმასთან შედარებით, რაც მარიუსს გაეთვალისწინებინა. რომ არავინ გამოეხმაურა, ხმამალა დაუძახა: - კოზეტ! - მერე შეჰყვირა ბრძანებით: - კოზეტ! - ხმა არავინ გამოსცა. ყველაფერი დასრულულიყო. არავინ იყო ბაღში, არავინ სახლში.

განწირულის სასონარკვეთილებით შეჰყურებდა ამ მგლოვიარე სახლს, საფლავივით შავს, მღუმარეს, მაგრამ უფრო ცარიელს. ქვის სკამს დააცქერდა, რომელზედაც იმდენი ბედნიერი საათი გაეტარებინა კოზეტის გვერდით. მერე სახლში შესასვლელ კიბეზე ჩამოჯდა; წინანდელი სინაზითა და მტკიცე განზრახვით აღსავსემ გულის სიღრმეში მადლობა უძღვნა თავის სიყვარულს და დაუმატა: - რაკი წასულა კოზეტი, მე სიკვდილის მეტი აღარაფერი დამრჩენიაო.

უცბად ვიდაცის ხმა მოესმა ქუჩიდან, ხეების გაღმიდან:

- ბატონო მარიუს!

წამოვარდა.

- ჰა? ვინ აის?

- მანდ ბრძანდებით, ბატონო მარიუს?

- დიას.

- ბატონო მარიუს, - განაგრძო ვილაყამ, - თქვენი ამხანაგები გელიან შანვრერის ქუჩის ბარეკადზე.

არც ძალიან უცნობი იყო მარიუსისთვის ეს ხმა. ეპონინის ხმას ჰგავდა, უხეშს და ხრინწიანს. სირბილით მივარდა ლობესთან, გადასწია მოაჯირი, თავი გაყო ქუჩაში და დაინახა, - თითქოს ყმანვილი კაცი სირბილით მიიშალა ბნელში.

თავი მესამე

ბ. მახეფი

სრულიად უსარგებლოდ ჩაუარა ბ. მახეფს უან ვალჟანის ქისამ. ბ. მახეფი უსუსური ბავშვივით წმინდა პატიოსნების კაცი იყო და არ ისურვა ვარსკვლავთაგან ჩამოსროლილი საჩუქრის მიღება; ვერ წარმოიდგინა, რომ ზეცაში ვარსკვლავს ფულის ჭედვა შესძლებოდა და ისიც ოცფრანკიან ლუიდორისა. რას წარმოიდგენდა, თუ ცათაგან მოძღვნილი პატარა გავროშის გადმოსროლილი იქნებოდა? უბნის პოლიციაში მიიტანა ქისა და კომისარს ჩააბარა, როგორც ვისგანმე დაკარგული, რომელსაც მშოვნელი პატრონისადმი გადასაცემად პოლიციაში სტოვებდა. ქისა, მართალია, დაკარგული იყო, მაგრამ უთქმელადაც ცხადია, რომ მას არავინ მოიკითხავდა. გაჭირვებულ მახეფს არაფრით უშველა და პოლიცია კი თავისებურად გამოიყენებდა.

საერთოდ კი უფრო და უფრო უძნელდებოდა ცხოვრება ბ. მახეფს.

ინდიგოს გაჩენის ცდამ ისეთივე უარყოფითი შედეგი მისცა ბოტანიკურ ბაღში, როგორიც თავის ბაღში მიიღო, აუსტერლიცის ქუჩაზე. შარშან მსახურის ჯამაგირი ჰქონდა გადასახდელი, ახლა კი, როგორც ვნახეთ, სახლის ქირაც ვალად დასდებოდა, და კაიხანიც იყო, ვერ გადაეხადა. დაგირავებული ჰქონდა თავისი „ფლორის“ კლიშეები მონ-დე-პიეტეში და ცამეტი თვის შემდეგ ისიც გაუყიდეს. მეექვსე იყიდა ვინმე და ძვირფას კლიშეებს ქვაბების მასალად მოიხმარებდა. „ფლორა“ კიდევ ჰქონდა, მაგრამ განსალკვევებული ცალეებიღა შერჩენოდა, და რადგან კლიშეები აღარა ჰქონდა, რომ ნაკლი შეეცხო, ადგა და წიგნებიც ჩალის ფასად მიჰყიდა ბუკინისტს, როგორც უვარგისი. ხანგრძლივი სიცოცხლის ნაშრომიდან ამის მეტი აღარაფერი დარჩენოდა და ამ ფულით ცხოვრობდა ცოტა ხანს. რაკი ნახა, რომ ეს ფულიც ელეოდა, ბალსაც თავი მიანება და მოუვლელად დატოვა. დიდი ხანი გასულიყო მას შემდეგ, რაც უარი ეთქვა იმ ორ კვერცხსა და ხორცის ნაჭერზე, რასაც ხანდახან მიირთმევდა, ყოველდღე კი არა. ამჟამად სადილად კარტოფილი ჰქონდა და პური. სახლის მოწყობილობა გაყიდა, მერე ყველაფერი, რაც კი ორ ცალად ჰქონდა, - საცვალი, ტანისამოსი, საბანი; მერე მცენარეების კოლექცია და ესტამპები. მაგრამ ჯერ კიდევ შერჩენოდა ძვირფასი წიგნები, რომელთაგან რამდენიმე იყო მეტად იშვიათი. სხვათა შორის, „ისტორიული საზღვრები დაბადებისა“ 1560 წელს დაბეჭდილი, „შეთანხმებანი დაბადებისა“ პიერ ბესის, „მარგარიტას მარგალიტები“ უან დე ლასის, ნავარის დედოფლისადმი მიძღვნილი, „მოვალეობა და ღირსება ელჩისა“ ვილიე ოტმანისა, „ყვავილთ კონა“ რაბინებისა 1644 წლისა, ერთი ტაბულა 1567 წლისა დიდმშვენიერი წარწერით: „Vენეტის, ინ აედობუს მანუტეანის“. და ერთიც ლიოგენ ლაერსი, დაბეჭდილი ლიონში 1644 წელს, რომელშიც ჩატანებული იყო

ვატიკანის სახელოვანი ვარიანტები, XIII საუკუნის ხელნაწერებისა 414 და ვენეციის 393 და 394 ხელნაწერებისა, ასე ნაყოფიერად რომ გამოიკვლია ანრი ეტიენმა, და აგრეთვე რამდენიმე ფურცელი, დაწერილი დორული ენით, რომელიც მხოლოდ ნეაპოლის ბიბლიოთეკის XII საუკუნის ხელნაწერში მოიპოვება. ბ. მამფე თავის დღეში ცეცხლს არ ანთებდა ოთახში და, როგორც კი დაბინდდებოდა, მაშინვე დაწვებოდა ხოლმე, რომ სანთელი არ დაენვა. ისე იყო განმარტოებული, თითქოს მემობლებიც კი არა ჰყავსო. რომ გავიღოდა სადმე, თვალს არიდებდნენ მემობლები, და იმასაც შეუმჩნევლად არ რჩებოდა ეს გარემოება. ბავშვის გაჭირვება ანუხებს შვილების დედას; ყმანვილი კაცის გაჭირვება ანუხებს ყმანვილ ქალს; მოხუცებულის გაჭირვება არავის შეანუხებს. ყველა გაჭირვებაზე ცივი მოხუცებულის გაჭირვებაა. მამფე კი მაინც არ ჰკარგავდა სულის ბავშვურ სიმინდეს. თვალში სიცოცხლე უბრწყინავდა ხოლმე, როდესაც თავის წიგნებს გადახედავდა; იცინოდა, როდესაც დიოგენ ლაერსის წიგნს უყურებდა, რომლის ცალი სხვა აღარსად მოიპოვებოდა. მინიან კარადაში ელაგა ეს საუნჯე და, რაც უნდა გაჭირვება დასდგომოდა, ამ წიგნებს ხელს არ ახლებდა.

ერთხელ ბებერმა პლუტარქემ მოახსენა:

- ფული აღარა მაქვს. არ ვიცი, რით ვიყიდო ცოტა რამ მაინც სადილისთვის.

„სადილს“ პლუტარქე ერთ პურს და ოთხ-ხუთ თავ კარტოფილს ეძახდა.

- ნისიად? - ჰკითხა ბ. მამფემ.

- კარგად იცით, რომ აღარ მაძლევენ.

გააღო თავი წიგნთსაცავი, დიდხანს შესცქირა წიგნებს, ცალ-ცალკე ყველას, როგორც ამას იზამდა მამა, იძულებული გაენირა ერთ-ერთი შვილი სასიკვდილოდ. მერე საჩქაროდ ერთი გამოიღო და წავიდა. ორი საათის შემდეგ დაბრუნდა, ფრანკ-ნახევარი დაუღო პლუტარქეს მაგიდაზე და უთხრა:

- აი, სადილის ფული.

და მას შემდეგ იყო, რომ მოხუცებულის ნათელ სახეს შავი ღრუბელი ჩამოეთვარა და აღარც მოშორებია.

გადიოდა ხანი და ნელ-ნელა ცარიელდებოდა წიგნთსაცავი. შემოაკლდებოდა პლუტარქეს სახარჯო და მამფეიც წაიღებდა წიგნს გასაყიდად; ცოტაოდენ ფულს მოიტანდა ხოლმე, რადგან ძველი წიგნების მყიდველი ბუკინისტები კარგად ხედავდნენ მის გაჭირვებას და ოც სუს აძლევდნენ იმაში, რაშიც თვითონ ოცი ფრანკი მიეცა. ზოგჯერ სწორედ ის ბუკინისტი, ვისგანაც წიგნი ჰქონდა ნაყიდი. წიგნი წიგნს მიჰყვა და დაიკალა მამფეის წიგნთსაცავი. ხანდახან იტყოდა ხოლმე:

- ოთხმოცი წლის კაცი ვარ. დღეს იქნება თუ ხვალ, გავემგზავრები. ისე ამბობდა ამას, თითქოს ჩუმი იმედი ჰქონდა, რიმ თვითონ უფრო ადრე გამოესალმებოდა ამ ნუთისოფელს, ვიდრე წიგნები გამოეღეოდა.

უფრო და უფრო ემატებოდა დაღონება, მაგრამ ერთხელ კიდევ ეღირსა გახარება. გასაყიდად წაიღო რობერ ეტიენი. ფრანკ-ნახევრად გაყიდა მალაკეს ქუჩაში და, შინ რომ მივიდა, ერთი „ალდუსი“ მიიტანა, რომელშიც ორი ფრანკი მიეცა გრეს ქუჩაზე... ხუთი სუ დამედო ვალადო, უთხრა პლუტარქეს. იმ დღეს სადილი არ უჭამია.

მებაღეობის საზოგადოების წევრი იყო. იქ იცოდნენ მისი გაჭირვების შესახებ, საზოგადოების თავმჯდომარე მივიდა მის სანახავად, დაჰპირდა, - მეურნეობის მინისტრს მოველაპარაკებ თქვენ შესახებ და ვაჭრობის მინისტრსაცო, - დაჰპირდა

და კიდევ აასრულა: - როგორ? - შეჰყვირა მინისტრმა, რაღა თქმა უნდა, დავეხმარებით! მოხუცებული, სწავლული! ბოტანიკოსი! უწყინარი კაცი! საჭიროა და კიდევ დავეხმარებით! - მეორე დღეს ბ. მახეფმა წერილი მიიღო მინისტრისა, სადილად ჰპატიუბდნენ, სიხარულით თრთოდა, როდესაც წერილს აჩვენებდა პლუტარქეს, - ახლა კი აღარაფერი გვიჭირს! - შესძახა იმედიანად, მივიდა მინისტრთან. დაინახა, რომ გაკვირვებით შესცქეროდნენ ბ. მინისტრის შინაკაცები მის დაჭმუჭნილ ყელსახვევს, მის ძველ ტანისამოსს და ცუდად განზნდილ წაღებს. ხმა არაფერს გასცა, თვითონ მინისტრამაც კი. 10 საათი სრულდებოდა; ელოდა, ერთი სიტყვა მაინც მოთხრანო, - და მინისტრის მეუღლის, მშვენიერი, გულმკერდგაღელილი ქალის ხმა შემოესმა, რომელთანაც ახლოს მისვლაც კი ვერ გაეხებდა: - ვინ არის ეს მოხუცებული?

ფეხით დაბრუნდა შინ, შუალამისას, კოკისპირულ წვიმაში. ერთი წიგნი გაეყიდა, ელზევირი, რომ მინისტრთან ეტლით მისულიყო.

ჩვეულებად ჰქონდა ყოველ საღამოს, ვიდრე დასაძინებლად დაწვებოდა, რამდენიმე ფურცელი წაეკითხა დიოგენ ლაერსისა. იმდენად კარგად იცოდა ბერძნული, რომ შეეძლო ენის თავისებურებით დამტკბარიყო. იმხანად მისთვის სხვა არავითარი სიხარული აღარ არსებობდა. რამდენიმე კვირა კიდევ გავიდა და უცხად ავად გახდა პლუტარქე. ძნელია, როცა კაცს ფული არა აქვს, რომ პური იყიდოს მეპურისაგან, და უფრო ძნელია, როცა კაცს ფული არა აქვს, რომ წამალი გამოიტანოს აფთიაქიდან. ერთ საღამოს ექიმმა ძალიან ძვირფასი სასმელი წამალი გამოუწერა, გარდა ამისა, უფრო და უფრო ცუდად ხდებოდა ავადმყოფი, საჭირო გახდა მომვლელი დედაკაცის აყვანა. გაალო მახეფმა თავისი წიგნთსაცავი და შიგ აღარაფერი დახვდა! უკანასკნელი წიგნიც წასულიყო. დიოგენ ლაერსის მეტი აღარაფერი ჰქონდა.

იღლიაში ამოიღო თავისი საყვარელი დიოგენი და წავიდა. ეს იყო 1832 წლის 4 ივნისს. სენ-ჟაკის კართან მივიდა, როიოლის მემკვიდრესთან. დაბრუნდა ასი ფრანკით ჯიბეში. ავადმყოფთან შევიდა, ღამის მავიდაზე დაუღო ასი ფრანკი და მერე თავის ოთახში გავიდა, ისე რომ ხმა არ ამოუღია.

მეორე დღეს, როგორც კი ინათა, ბაღში გავიდა, დაჯდა და უძრავად იყო მთელი დღილა. თავჩაღუნული დასცქეროდა დაუბარავ კვლებს. წვიმა დროგამოშვებით. მოხუცებული ვერც კი ამჩნევდა, რომ სველდებოდა. სადილს შემდეგ უცნაური ხმაური ატყდა პარიზში. ხალხის ყვირილი ისმოდა, ყიჟინა და თოფის სროლა.

წამოიწია მოხუცებულმა, ერთი მებაღე დაინახა, ქუჩაში მიმავალი, და ჰკითხა:

- რა მოხდა? რა ყვირილია?

მშვიდობიანი კილოთი უპასუხა მხარზე ბარგადებულმა მებაღემ:

- აჯანყება.

- როგორ თუ აჯანყება?

- დიახ, იბრძვიან.

- რისთვის იბრძვიან!

- ვაი! - იუცხოვა კითხვა მებაღემ.

- სად იბრძვიან.

- არსენალის მხარეს.

შინ შევიდა მამეფი, ქედი დაიხურა, ჩვეულებისამებრ ძებნა წიგნი, რომ ილღიაში ამოედო, ველარ იპოვა, რადგან ერთიჯ აღარ დარჩენოდა.

- ჰო, მართლა! - წაილაპარაკა და თავგზააბნეულივით წავიდა.

წიგნი მათე

1832 წლის 5 ივნისი

თავი პირველი

ზედაპირი საკითხისა

რისგან შედგება ამბოხება? არაფრისგან და ყველაფრისგან: ელექტრობისგან, რომელიც ნელ-ნელა გროვდება, უცხად ალგზნებული ცეცხლის აღისგან, მონიალე ძალისგან, წარმავალი ნიავისგან. ამ ნიავეს გზაზე ხვდება მოაზროვნე თავი, ოცნებით გატაცებული ტვინი, მწუხარებით აღსავსე სული, ცეცხლნაკიდებული ვნება, მგმინავი გაჭირვება, იგი ყველას თან გაიტაცებს.

საით?

შემთხვევისკენ. გადასთელავენ მთავრობას, კანონებს, ზოგის კეთილდღეობასა და ზოგის თავხედობას.

აქ არის აღშფოთებული რწმენა, ჩამწარებული აღტაცება. აღძრული აღშფოთება, ჩახშული საბრძოლო ინსტინქტები, ალგზნებული ჭაბუკური ფაუკაცობა, დიდსულოვანი დაბრმავება, ცნობისმოყვარეობა, ცვლილებისადმი მიდრეკილება, მოულოდნელობის წყურვილი. ის გრძნობა, რომლითაც სიამოვნებით კითხულობენ ახალი წარმოდგენის აფიშას და სიამოვნებით ისმენენ მემანქანის სტვენას, - დეკორაციის გამოცვლის ნიშანს; გაურკვეველი მძულვარება, შურისძიება, განხიბლვა, ბედით უკმაყოფილება, უნიადაგო ოცნება, აუვალ ციცაბოთი შეზღუდული დიდებისმოყვარეობა, ნგრევით გასასვლელის ძებნა, და ბოლოს, სიღრმეში ბრბო, ეს სანვი ტალახი, - ეს არის შემადგენელი ნაწილები ამბოხებისა.

ამბოხების საკუთრება არის, რაც კი მეტად დიდია, და რაც მეტად კნინია; ყველა ისინი, ვინც განზე უდგანან ყველაფერს და შესაფერის შემთხვევას მოელიან, უსაქმური მანანნალები, გზაჯვარედინზე აზრის მძებნელები, ყველა ისინი, ვისაც ღამე იქ სძინავს, სადაც ცივი ღრუბელი ასრულებს ბანის დანიშნულებას, ყველა ისინი, ვინც ყოველდღე შემთხვევას სთხოვს პურს და არა შრომას, ყველა უცნობი შვილები გაჭირვებისა და არარაობისა, ხელცარიელები და ფეხშიშველები.

ვისაც კი გულოში უდევს საიდუმლო უკმაყოფილება მთავრობის რაიმე საქციელით, ან ცხოვრებითა და ბედისწერით, თანაუგრძნობს ამბოხებას. და როგორც კი ის იფეთქებს, ათრთოლდება და გრივალს გაჰყვება.

ამბოხება საზოგადოებრივი ატმოსფეროს ერთგვარი გრივალია, რომელიც უცხად ჩნდება ტემპერატურის შესაფერის პირობებში და თავის სრბოლაში ზევით აღის, მიქრის, ქუხს, აღმოფხვრის, ალგვის, სრესს, ანგრევს, ფესვიანად გლეჯს და თან მიაქანებს დიდბუნებოვანსაც და სულმდაბალსაც, კარგ ვაჟუკაცსაც და სუსტ გონებასაც, ძლიერ მუხასაც და ჩიტის ბულბულსაც.

ვაი იმას, ვისაც აიტაცებს! და ვაი იმას, ვისაც ეცემა! ერთმანეთს შეაჯახებს და ზედ შეაკლავს.

რალაც უცნაურ, განსაკუთრებულ ძალას მინიჭებს, ვისაც გაიტაცებს. ოღონდ კი გაიტაცოს და ვინც უნდა იყოს, მომხდარი ამბების ძლიერებით აავსებს და ახალისებს; სასროლო მასალად ჰქმნის ყველას და ყველაფერს. რიყის ქვას ყუმბარად აქცევს და კურტიან მუშას გენერლად.

დაფარული პოლიტიკის ზოგ წინასწარმეტყველს რომ დავუჭეროთ, მთავრობის თვალსაზრისით სასურველიც უნდა იყოს პატარა ამბოხება. მისი დებულებანია: ამბოხება ამავრებს მთავრობას, რომელსაც არ ამხოხს, სცდის ლაშქარის ძალას, აერთიანებს ბურჟუაზიას, ავარჯიშებს პოლიციას დევნა-ძებნაში, ამოწმებს საზოგადოებრივი წესწყობილების სიმავრის ძალას. ეს არის ერთგვარი ვარჯიში და თითქმის ჰიგიენა. მთავრობა უფრო მაგრად გრძნობს თავს ამბოხების შემდეგ, როგორც ადამიანის სხეული დაზღვევის შემდეგ.

მაგრამ ოცდაათი წელიწადია, რაც სხვა თვალსაზრისით უყურებენ ამბოხებას.

ყველაფერისთვის არსებობს თეორია, რომელიც „სალ აზრად“ აცხადებს თავის თავს: ფილინტი ალცესტის წინააღმდეგ; მოსაზრებანი სიმართლის სიცრუისგან გასარჩევად; ახსნა-განმარტება, გაფრთხილება, ოღნავ მედიდური დათმობა, რომელსაც საყვედური და ბოლიში ურევია და ამიტომ სიბრძნედ მიაჩნია თავი, თუმცა ხშირად ცარიელი ახირების მეტი არაფერია. მთელი სკოლა არის პოლიტიკური, რომელსაც „არც მწვადი დაფნვით, არც შამფურიო“, გაუხდია თავის მრწამსად. ცივსა და ცხელ წყალს შუა ეს არის ნელთბილი წყლის პარტია. ეს მიმართულება, ყალბი სიღრმით, მთლად ზედაპირული, რომელიც ისე გმობს მოვლენას, რომ მიზეზს არც კი იკვლევს, თავმოწმონდ ლანძღავს ერგმეცნიერების სახელით ხალხის მოედანზე შეკრებასა და ამბოხებას.

ამ სკოლის დებულებანი:

- ამბოხებამ გაართულა 1830 წლის მოძრაობა და ამ დიდებულ შემთხვევას ჩამოაკლო რამდენიმე ნაწილი სინშინდისა. ეს ივლისის რევოლუცია მოკრიალებული ციდან უეცრად მოვლენილი ქარიშხალი იყო. ამბოხების ჩარევამ კი ღრუბელი მოჰფინა ზეცას. ამბოხებამ უნიადაგო ჩხუბად გარდაქმნა ეს რევოლუცია, ესოდენ დიდებული თავისი ერთსულოვნებით. დასაწყისში ივლისის რევოლუციაში, როგორც ყოველ უეცარ პროგრესში, მოიპოვებოდა საიღუმლო რღვევა; და ამბოხებამ სწორედ ეს გამოამუღავნა. შეიძლებოდა გვეთქვა, - ამაოდ ჩავვიარა ამოდენა მსხვერპლში, - ივლისის რევოლუციაში განთავისუფლება მოჩანდა, ამბოხების შემდეგ კი - განსაცდელი.

- ამბოხებას თან მოსდევს მალაზიების დაკეტვა და ფონდების შემცირება; ამბოხება პანიკას ქმნის ბირჟაზე, აჩერებს ვაჭრობას, რევს საქმეებს, აჩქარებს გაკოტრებას; აღარსად არის ფული; შიშით თრთის კერძო საკუთრება; შეჩერებულია წარმოება; გაპარვას ცდილობს კაპიტალი; უსაქმურად რჩება მუშაკაცი; დშიშია ყველგან; ამ მოძრაობის წინააღმდეგ ბრძოლა წარმოებს ყველა ქალაქში, და აქედან გამომდინარეობს - დიდი ზარალი. დამტკიცებულია, რომ ამბოხების პირველი დღე საფრანგეთს ოც მილიონ ფრანკად უღირს; მეორე დღე ორმოც მილიონად; მესამე - სამოყად. სამი დღის ამბოხება ას ოცი მილიონი ფრანკის ზარალს აძლევს, ისე რომ, თუ მართო ფინანსური შედეგი ვიანგარიშეთ, ამბოხება დაღუპვას უღრის, ხომალდების ჩაძირვას ან ბრძოლაში დამარცხებას და სამოცი ხომალდის დაკარგვას.

- ევჯი არ არის, ისტორიულად ამბოხებასაც ჰქონდა თავისი სიკეთე, ქვაფენილებზე ბრძოლა არც სიდიადით ჩამოუვარდება ბუჩქებში ჩასაფრებით ბრძოლას და არც პათოსით; ერთში ტყის სულია მებრძოლი, მეორეში ქალაქის სული; ერთს უან შუანი ჰყავს, მეორეს - უან. ნითლად ანათებს ამბოხება, დიდებულად, ბრწყინვალედ, პარიზელთა ხასიათის ყოველ თავისებურებას, - ლმობიერებას, ერთგულებას, გულითად მხიარულებას, თავგანწირვას, სტუდენტებს, რომლებიც საქმით ამტკიცებენ, რომ ვაჟკაცობა ნაწილი არის განათლებისა, საერო გვარდიის შეუპოვრობას, მწვრილმანეების გულადობას, ქუჩის ბიჭების მამაცობას, ქუჩაში გამვლელთა მიერ სიკვდილის აბუჩად ავადებას. სკოლა და ჯარი შეებრძოლნენ ერთმანეთს. ბოლოს და ბოლოს, მებრძოლნი ხნიერებით განირჩეოდნენ ერთმანეთისგან: ერთი ეროვნებისანი, ერთგვარი უდრეკნი: ოცი წლისანი, რომლებიც იდეებისთვის იხრებოდნენ, და ცოლ-შვილისთვის - ორმოცი წლისანი. შინაურ ბრძოლაში ყოველთვის მჭმუნვარეა ჯარი და ყმანვილთა ვაჟკაცობას სიფრთხილით უპასუხებს. ამბოხებამ გამოაჩინა ხალხის სიმამაცე და ვაჟკაცობას შეაჩვია ბურჟუაზია.

- ძალიან კარგი, მაგრამ ნუთუ ყოველივე ეს ღირს დაღვრილ სისხლად? აბა, ამ დაღვრილ სისხლს მოღრუბლული მომავალიც მიუმატეთ, შერყეული პროგრესი, ღირსეულთა მწუხარება, პატიოსანი ლიბერალების სასონარკვეთილება, უცხოელი აბსოლუტიზმის სიხარული, გამოწვეული იმ ჭრილობებით, რომელიც რევოლუციამ თავის თავს მიაყენა. 1830 წელს დამარცხებულთა სიხარული, - ბარემ ვთქვით, მაგრამ ვის ესმოდა ჩვენიო? - მიუმატეთ პარიზი, იქნებ კიდევ განდიდებული, მაგრამ საფრანგეთი კი დამცირებული; მიუმატეთ, რადგან ყველაფერი უნდა იყოს ნათქვამი; ის ულტრა, რომელიც ძალიან ხშირად ჩირქს სცხებს გამარჯვებას, რადგან მოპოვებულ მართებლობას მძვინვარება ერეოდა და თავისუფლებას - გახელება. საერთოდ კი ამბოხება ყოველთვის საზარელი იყო.

ასე ბრძანებს ეს ვითომ სიბრძნე, რომლითაც სრულიად კმაყოფილია ბურჟუაზია, ეს ვითომ ხალხი.

რაც შეეხება ჩვენს აზრს, უარყოფთ ამ მეტად ფართოს და, მაშასადამე, მეტად ხელსაყრელ სიტყვას - ამბოხება. მღელვარებაც არის ხალხისა, და მღელვარებაც, ერთმანეთისგან განსხვავებული. ჩვენ იმასაც კი არ ვიკითხავთ, იმდენადვე ხომ არ გვიღირს ამბოხება, რამდენადაც ვისთანვე ომიო. ჯერ ის ვთქვათ, რად გვინდა ეს ომი? აქ ომის საკითხი აღიძრა, განა ომი ნაკლები ჭირია, ვიდრე ამბოხების უბედურება? და გარდა ამისა, რაც სადმე ამბოხება მოხდა, განა ყველა უბედურება იყო? მერე რა, თუნდაც ას ოცი მილიონი დაგვჯდომოდა 14 ივლისი? ფილიპე V-ის ესპანეთის ტახტზე აყვანა საფრანგეთს ორ მილიარდად დაუჯდა. იმდენივეც რომ დახარჯულიყო 14 ივლისს, ჩვენ მაინც უპირატესობას 14 ივლისს მივანიჭებდით. ესეც რომ არ იყოს, უარყოფთ ამ ციფრებს, რომლებიც თითქოს ჰგვანან საფუძველს და ცარიელი სიტყვის მეტს კი არაფერს წარმოადგენენ. ჩვენც ამბოხების ბუნებას ვიკვლევთ, ზემოთ მოყვანილ დოქტრინულ შენიშვნებში კითხვა მხოლოდ მოვლენას შეეხება ამბოხებისას, ჩვენ კი ვეძებთ მიზეზს.

ვაზუსტებთ საკითხს...

თავი მეორე
ფუძე საკითხისა

არსებობს ორი რისხვა ერისა: ამბოხება და აჯანყება. ერთი უსამართლობაა, მეორე - უფლება. დემოკრატიულ სახელმწიფოში, რომელიც ყოველთვის სამართლიანობაზეა დაფუძნებული, მოხდება ხოლმე, ხანდახან, რაიმე პარტია დაისაკუთრებს ხელისუფლებას; მაშინ აიშლება მთელი ერი და შეიძლება თავისი უფლების აღსადგენად იარაღიც იხმაროს. ყველა ამ მოძრაობაში, რომელიც კოლექტიური უფლების დარღვევით არის გამოწვეული, მთელი ხალხის ბრძოლა პარტიის წინააღმდეგ არის აჯანყება, და პარტიის ბრძოლა ხალხის მიერ დადგენილი ხელისუფლების წინააღმდეგ არის ამბოხება. თუ ტუილერში მეფე არის გამოჭიმული, საფუძვლიანია ხალხის აჯანყება; და თუ ტუილერში კონვენტი მეფობს, უსაფუძვლო არის მის წინააღმდეგ ამბოხება. ზარბაზანი, რომელიც მიმართული იყო ხალხისკენ 10 აგვისტოს - უსამართლოდ მოქმედებდა, იგივე ზარბაზანი 14 ვანდემიერს უფლებამოსილი იყო. გარეგნული მსგავსება არის, ფუძე კი განსხვავებულია. შვეიცარიული ჯარი უსამართლობას იცავდა, ბონაპარტი კი სიმართლეს. რაც საყოველთაო მოქალაქეობრივმა უფლებამ დაადგინა თავისუფლებისა და სახელმწიფოსთვის, რა შეიძლება ქუჩის მიერ გაუქმდეს. ესევე არის წმინდა ცივილიზაციის კითხვებში. ძალიან შორსმჭვრეტია ხალხის ალლო დღეს, მაგრამ შეიძლება ხვალ ის მთლად აიძვრეს. ერთი და იგივე გააფთრება კანონიერია ტერეის წინააღმდეგ და უსაფუძვლო და უაზრო ტურგოს წინააღმდეგ. მანქანების მტკრევა, სანყოფების აკლება, ლიანდაგების აშლა, ნავსადგურების წგრევა, ხალხისგან თავგზის დაკარგვა, ხალხის სამართლიანობის მიერ უარყოფა პროგრესისა, მოსწავლეების მიერ რამუსის მოკვლა, შვეიცარიიდან ქვებით განდევნა რუსოსი, ათენი წინააღმდეგ ფოკიონისა, რომი წინააღმდეგ სციპიონისა, - ეს ამბოხებაა; მაგრამ პარიზი ბასტილიის ციხის წინააღმდეგ არის აჯანყება. ჯარისკაცები რომ ალექსანდრე მაკედონელის წინააღმდეგ აიშალნენ და მეზღვაურები ქრისტეფორე კოლუმბის წინააღმდეგ, ესეც ამბოხება არის, ამბოხება უწმინდური. რადა? ალექსანდრე ხმლით იღვწის ამიისთვის და ქრისტეფორე კოლუმბი კომპასით - კაცობრიობისთვის; ალექსანდრე, როგორც კოლუმბი, აღმოაჩენს უცნობ ქვეყანას. ცივილიზაციისთვის ეს აღმოჩენა ისეთი საშუალება არის განათლებისა, რომ დასავლობი იყო ყველა, ვინც მას წინააღმდეგობას გაუწევდა. ხანდახან ხალხი თვითონ უღალატებს ხოლმე თავის თავს; ბრბო მოღალატეა ხალხისა. განა იქნება რამე ისე საზიზღარი, როგორიც არის მარილის კონტრაბანდისტთა სისხლიანი აჯანყება, და სწორედ მაშინ, როდესაც გამარჯვებით უნდა დასრულებულიყო საქმე, რამდენიმე ხალხის მოღალატე, მეთაური, ტახტს უერთდება და მეფობის წინააღმდეგ მეზრძოლი, მისი მომხრე ხდება! საზარელი შედეგები უვიცობისა! ნიღბიანი მტერი მეფისა გაურბის სახრჩობელას, ვისერზე თოკით, და ერთგულებას შეჰფიცავს მეფეს. „სიკვდილი მარილზე ხარჯის დამდებსო“ იცვლება ძახილით - „გაუმარჯოს მეფესა!“ წმინდა ბართლომეს ღამით ხალხის მკვლელნი! სექტემბრის ხალხის მმუსრაენი! ავინიონის ხალხის მყლეტნი, ქ. ლამბელის მკვლელნი, კოლინის მკვლელნი, ბრენის მკვლელნი, ესპანელი მიქლე, ვერდელი ყაჩაღები კადნეტები, ყაუს ამხანაგები, გლოვის რაინდები, - აი ამბოხება. ვანდია ერთ დიდ კათოლიკურ ამბოხებას წარმოადგენს.

თვით მოძრაობაში ისმის ხმა უფლებისა, მაგრამ ეს ხმა ყოველთვის არ ისმის ამბოხებული ხალხის მღელვარებაში; არსებობს გიჟური გააფთრება, არსებობს

გაბრაზებული ზარის რეკვა. ყოველ განგაშში ბრინჯაოს ზარის რეკვის კილო როდი გაისმის. უინისა და უეიცობის მიერ აღძრული მღელვარება სულ სხვა არის, ვიდრე პროგრესის სახელით აღძრული მოძრაობა. - ადექით! აიშაღენით! - ძალიან კარგი, მაგრამ სიკეთისა და თქვენს სადიდებლად დამანახვეთ, საით მხარეს მიდიხართ? აჯანყება არ არის, თუ წინ არ მიიწევს; სხვა ყველა მოძრაობა ხალხისა ავია და მავნე. ყოველი გაბრაზებით უკან გადადგმული ნაბიჯი ამბოხებაა; უკან დაწევა მტრობა არის განათლებისა და კაცობრიობისა. აჯანყება არის იერიში აღშფოთებული სიმართლისა. სიმართლის ნაპერწკალს ისერიან ის ქვეები, რომელსაც ქვაფენილიდან იღებს აჯანყება თავისუფლების დასამყარებლად; ამბოხებისთვის კი ქვაფენილს ტალახი აქვს და სხვა არაფერი. დანტონი მეფე ლუი XV-ის წინააღმდეგ - ეს არის აჯანყება, ჰერბერი დანტონის წინააღმდეგ - ამბოხება.

ამიტომ არის, რომ აჯანყება ზოგიერთ შემთხვევაში, როგორც ლათაიეტმა თქვა, „უწმინდეს მოვალეობად“ ხდება, და ამბოხება უსაზარლეს ბოროტებად.

განსხვავება არის აგრეთვე სიბოძის ოდენობაშიც. აჯანყება ხშირად ვულკანია და ამბოხება ყოველთვის ცეცხლნაკიდებული ჩალა.

ამბოხება ხშირად თვით მთავრობაშიც მოიპოვება, როგორც უკვე ვთქვით, პოლინიაკი მემბოხე იყო და კამილ დემულენი მთავრობის წევრი.

ხანდახან აჯანყება აღდგომა არის.

სრულიად ახალი და თანამედროვეა საყოველთაო ხმის მიცემით გადანყვება ყოველი კითხვისა, მთელი წინანდელი, ოთხი ათასი წელიწადის განმავლობაში ისტორია სავსეა ხალხის უფლების რღვევითა და ხალხის დამონებით; ისტორიის ყოველ ხანას თან მოაქვს, რამდენადაც კი შეძლებს, პროტესტი დაჩაგრულებისა. ოლიუს კეისრის დროს არ აჯანყებულან, მაგრამ არსებობდა იუვენალი.

Facit indignatio გრაკუსების მაგივრობას სწევს.

კეისრების დროს იყო განდევნა სიენში და იყო აგრეთვე Annales-ს მათიანის მწერალი.

აღარას ვიტყვით პათმოსში განდევნილის შესახებ, რომელიც სხვებთან ერთად იდეალური ცხოვრების სახელით ჰგმობს ცხოვრების სინამდვილეს, მოჩვენებას იყენებს, რომ სატირა შეადგინოს და ნინევიას, ბაბილონს, სოლომს სტყორცნოს ცეცხლნაკიდებული აპოკალიფსის ანარეკლი.

იოანე თავის კედელზე იგივეა, რაც სფინქსი თავის კვარცხლბეკზე; შეიძლება ვერ მივხვდეთ, რისი თქმა უნდა, ებრაელია და ებრაულად წერდა; მაგრამ Annales-ის დამწერი ლათინია, უკეთ რომ ვთქვათ, - რომაელი.

რადგან წერონების ბოროტი მეფობა ბნელით მოცულია, ის იმგვარადვე უნდა აისახოს, მაგრამ პოეტური საკვეთი საკმარისი არ იქნება და ამოკვეთილ ჭრილში შედედებული და გესლიანი პროზა უნდა ჩაისახოს.

მტარვალსაც აქვს ცოტა რამ მნიშვნელობა ამროვანთათვის. საშინელია ჯაჭვით დაბმული სიტყვა. როდესაც ბატონი გაჩუმებას უბრძანებს ხალხს, მწერალი აორკვევს და ასამკვევს თავის სტილს. ამ ნაძალადევი გაჩუმებიდან გამოდის ერთგვარი იდუმალი სისრულე, რომელიც იწურება და რკინად ხდება ადამიანის გონებაში. შეკუმშვა ისტორიისა გამოიწვევს ისტორიკოსის ამროვნების შეკუმშვას. გრანტიული სიმკვიდრე რაიმე სახელოვანი პროზისა არის შედეგი შემჭიდროებისა, მტარვალის ბრძანებით რომ მომხდარა.

მტარვალ აიძულებს მწერალს შეზღუდოს გამოთქმათა დიამეტრი და მით ჰმატებს ძალას. ციცერონის სიტყვის საქცევი ძლივს საკმარისი ვერესისათვის, მთლად მიჩლუნდებოდა კალიგულას ხელში. რაც უფრო შევიწროებულია სიტყვის გასაქანი, მით უფრო მეტია მისი სიმძლავრე. ხელშეკრული ფიქრობს ტაციტუსი.

მეხის დამცემია სამართლიანობითა და სამართლით აღსავსე გული პატიოსანი ადამიანისა.

გაკვრით ვთქვათ, აღსანიშნავია ის გარემოება, რომ ისტორიულად ტაციტუსი არ სჯობნის კეისარს. მან გაუსწრო ტიბერიუსებს. კეისარი და ტაციტუსი ერთმანეთის შემცვლელი ფენომენები არიან, რომელთა შეხვედრა საიდუმლოებრივ არის არიდებული მის მიერ, ვინც განაგებს საუკუნეთა მოქმედ პირთა სცენაზე გამოსვლას და სცენიდან გასვლას. დიდებულია კეისარი, დიდებულია აგრეთვე ტაციტუსი; ღმერთი იფარავს ამ ორ დიდებას და ააცდენს ერთმანეთის შეხვედრას. მართლის მოამბეს რომ დაეკრა კეისარისთვის, შეიძლება ძალიან დაეკრა, და მით უსამართლო გამომდგარიყო. ღმერთს ეს არ სურს. აფრიკასა და ესპანეთში წარმოებული ომები, სიცილიელ ყაჩაღთა ამოწყვეტა, ცივილიზაციის შეტანა გალიაში, ბრიტანეთში, გერმანიაში, - მთელი ეს დიდება ფარავს რუბიკონს, აქ ერთგვარი თავაზიანობაა ღვთიური სამართლიანობისა, რომელიც ყოყმანობდა, მიეშვა თუ არა სახელოვან, ძალით გამეფებულ უზურპატორზე არანაკლებ სახელოვანი ისტორიკოსი - ტაციტუსს შეაწყნარებინა კეისარი და გენიოსს მიანიჭა დანაშაულის შემწყნარებელი გარემოებანი.

მართალია, მტარვალობა მტარვალობად რჩება, გენიოსიც რომ მტარვალობდეს. ირყენება ქვეყანა, თუ დიდებული ტირანი ჰყავს სათავეში. მაგრამ ზნეობრივი ჭირი მაშინ უფრო დიდია, თუ მტარვალ პატიოსნებას მოკლებულია. ამგვარ სამეფოში აღარაფერი ჰფარავს სირცხვილს, და მაგალითის მომცემნი, ტაციტუსი, როგორც იუვენალი, მთელი კაცობრიობის თვალწინ ამათრახებენ ამ სამარცხვინო უშვერობას.

რომი ვიტელიუსის დროს უფრო ყარდა, ვიდრე სულას დროს. კლავდიუსისა და დომიციანეს დროს ზნეობრივი დაცემის საზიზღრობა შეესაბამებოდა თვით მტარვალის სიმახინჯეს. მონობის ბოროტებას უშუალოდ ქმნის მტარვალის ხელი. მიაზმი გამოდის ამ ჩამოყალიბებული სინდისიდან და შიგ ისახება თვითონ ბატონი. საზოგადოებრივი დანესებულებანი - ბუდეა ბოროტებისა; გული - დაკნინებული; სინდისი - ფეხქვეშ მძრომი, სული - ბალღინჯოდ გარდაქმნილი; ასეა კარაკალას დროს, ასეა კომოდის დროს. ასე დარჩა ჰელიოგაბალის დროს, მაშინ, როდესაც კეისრის დროის რომის სენატიდან, გარდა არწივის ბუდის სკინტლის სუნისა, აღარაფერი გამოდიოდა.

აქედან - ტაციტუსებისა და იუვენალების თითქოს დაგვიანებული გამოცხადება: აღმნიშვნელი მხოლოდ მაშინ გამოჩნდება, როდესაც ყველაფერი აშკარა გამხდარა.

მაგრამ იუვენალი და ტაციტუსი, როგორც დაბადების დროის ისაია და შუა საუკუნეების დანტე, ადამიანები არიან. ამბობება და აჯანყება კი ნამოქმედარია ადამიანთა მასისა, რომელიც ხან მტყუანია, ხან მართალი.

უფრო ხშირად ამბობება გამოწვეულია ხოლმე ქონებრივი უსამართლობით; აჯანყება კი ყოველთვის ზნეობრივ ნიადაგზე ჩნდება.

ამბობება - ეს არის მაზანიელო; აჯანყება - ეს არის სპარტაკი. აჯანყება გონებისაა, ამბობება ქონებისა, ესე იგი კუჭისა. კუჭი შფოთავს, მაგრამ ესეც მართალია,

ყოველთვის კი არ ტყუის, რომ შფოთავს, ეს შიმშილის გამო ამბობებაა. ბუზანსეს მაგალითებზე ნამდვილი საბაბი აქვს ამბობებისა, სალმობიერი და სამართლიანი, მაგრამ მაინც ამბობებად ირიცხება. რატომ? იმიტომ, რომ სამართლიანმა ფუძემ უსამართლობას მიმართა თავისის მისაღწევად; მკაცრი იყო, თუმცა უფლება ჰქონდა; აღშფოთებული, თუმცა ძლიერი იყო, და ანადგურებდა, რაც კი მოხვდებოდა; ისე მიდიოდა, როგორც ბრმა სპილო და სრესდა, რაც ფეხქვეშ მოჰყვებოდა; მოდიოდა და უკან სტოვებდა მოხუცების, ბავშვებისა და ქალების ცხედრებს; დიდი სისხლი დაღვარა, თვითონაც არ იცოდა, რისთვის, უდანაშაულოთა და უვნებელთა. კეთილი მიზანია ხალხის საზრდოს მოპოვება, მაგრამ სისხლის ღვრა კი საზარელი საშუალებაა.

ყოველგვარი შეიარაღებული პროტესტი, სრულიად საფუძვლიანიც კი, თვით ავესტოსი და 14 ივლისისა, იწყება არეულობით. სანამ უფლება გაიკვლევს გზას, თავს იჩენს არეულობა. აჯანყების დასაწყისი ამბობებაა, როგორადაც მდინარის სათავე ბუნებრივი მიმდინარეობის შედეგად მიაღწევს ოკეანეს - რევოლუციას. მაგრამ მოხდება ხოლმე ხანდახან, რომ წამოვა მთის მწვერვალიდან, რომელიც თავს ადგას ზნეობრივ ჰორიზონტს - მართლმსაჯულებას, სიბრძნეს, გონებას, უფლებას, - იდეალის უწმინდესი თოვლის ნაღობი და ხანგრძლივი დენის შემდეგ კლდიდან კლდეზე, როდესაც ზეცას ისახავდა თავის გამჭვირვალებაში, და ასობით სხვა მდინარეს იერთებდა გამარჯვებით განდიდებული, უცბად იკარგება ბურჟუაზიულ საფეხობებში, როგორც რეინი ჭაობში.

ყოველივე ეს წარსულს ეკუთვნის. მომავალი სულ სხვა იქნება. საყოველთაო კენჭისყრის უფლების შესაძლებლობას ისა აქვს საგანგებო, რომ თვით თავის პრინციპში აღნობს ამბობებას, და ხმის უფლებას რომ აძლევს აჯანყებას, მით ხელიდან აცლის იარაღს. მოსპობა ომისა, ქუჩაში იქნება ეს ომი თუ საზღვარზე, ეს არის ჩვენი პროგრესის აუცილებელი შედეგი. რაც უნდა ავი იყოს დღევანდელი დღე, კაცობრიობის „ხვალ“ მაინც მშვიდობიანობისა იქნება.

საერთოდ კი აჯანყება, ამბობება... რით განსხვავდება პირველი მეორისგან? ბურჟუას ამისი არაფერი გაეგება. მას რომ ჰკითხოთ, ყაჩაღობაა ერთი და მეორეც. სულ უბრალო ძარცვა და გლეჯა გააფთრება ძალისა თავისი პატრონის წინააღმდეგ, წადილი და ცდა უკბინოს როგორმე ბატონს, - რაც უნდა დასრულდეს ჯაჭვითა და ხუხულაში შეგდებათ; მისთვის ეს მხოლოდ ძალის ღმუილი და ძალის ყეფაა მანამდე, სანამ არ გაიზრდება ეს ძალის თავი და უცბად საშინელი ლომის სახედ წინ არ აღუდგება.

მამინ ბურჟუაზიაც იწყებს ყვირილს:

- გაუმარჯოს ხალხს!

ეს განმარტება ხომ დავასრულეთ, ახლა ვნახოთ, რას წარმოადგენს ისტორიისთვის 1832 წლის მოძრაობა? ამბობება არის ხალხისა თუ აჯანყება?

აჯანყება!

შეიძლება შეგვემთხვეს სადმე და ხალხის მოძრაობის აღწერაში ამბობება ვთქვათ; ამით მარტო მოძრაობის ზედაპირს აღვნიშნავთ და ყოველთვის ვიხელმძღვანელებთ იმ განსხვავებით, რომელსაც წარმოადგენს ზედაპირი და ფუძე ხალხის ამლისა.

- 1832 წელს უცბად წამოიშალა ხალხი. საზარლად მოელო ბოლო ამ მღელვარებას, მაგრამ იმდენი სადიდებელი იყო, რომ თვით ისინიც კი, ვინც ამ

მოძრაობაში ამბოხების მეტს ვერაფერს ხედავდნენ, მაინც პატივისცემით იხსენიებენ მას. მათთვის ეს გამოძახილი იყო 1830 წლისა. - აღვზნებული ოცნება ასე მალე ვერ დამშვიდდებო, - ბრძანებენ. რევოლუცია აგრე სწრაფად არ ბოლოვდება, უთუოდ აქვს თავისი ზვირთსროლა. ვიდრე სრულიად დამშვიდდებოდეს, როგორც ბარისკენ ჩამომავალ მთას, ალაპის მთას უურას შტოები უნდა ჰქონდეს და პირენეს - ასტურია.

ჩვენი თანამედროვე ისტორიის ამ პათოსით აღსავსე ტეხილს პარიზელები „ამბოხების ხანად“ მიიჩნევენ და მართლაც მეტად დამახასიათებელი იყო ეს დრო ჩვენი საუკუნისთვის, უფრო მეტად, ვიდრე სხვა არეულობანი.

ერთი სიტყვა, უკანასკნელი, ვიდრე თხრობას დავუბრუნდებოდეთ.

- რასაც ახლა ვუამბობთ მკითხველს, იმ დრამატულ და ცოცხალ სინამდვილეს ეკუთვნის, რომელსაც ხანდახან უყურადღებოდ ტოვებს ისტორია დროისა და შესაძლებლობის სიმცირის გამო. და სწორედ აქ არის, სწორედ აქ, სიცოცხლე, ძრწოლა, ადამიანური მაჯისცემა. ყოველი წვრილმანი, როგორც უკვე ვთქვით. თუ არა ცდებით, დიდი ამბების ფოთლებია, რომელიც დროს ჩამოუყვენია და ისტორიის წარსულში იკარგება. იმ დროს, რომელსაც „ამბოხების ხანას“ უწოდებენ, მრავლად ჰქონდა ამგვარი წვრილმანი. მართლმსაჯულების გამოძიებამ სხვა მოსაზრებით, ვიდრე ისტორიისა იყო, ყველაფერი არ აღმოაჩინა და შეიძლება არც ყველაფერს ჩაუღრმავდა. ჩვენ გვინდა სინათლეზე გამოვიტანოთ ცნობილი და გამოცხადებულთან ერთად სწორედ ის, რაც აქამდე არ იყო ცნობილი, რაც ზოგიერთის დავინწყებამ გააქრო და ზოგის სიკვდილმა. ამ ბუმბერაზული სცენების მოქმედ პირთაგანი ბევრი აღარ არიან; მეორე დღესვე მიჩუმდნენ, მაგრამ რასაც მოვითხრობთ, შეგვიძლია თამამად ვთქვათ, ჩვენი თვალთ ვნახეთ. - ზოგიერთ სახელს შევცვლით, რადგან ისტორია მოგვითხრობს და არა აბეზღებს, მაგრამ სრულ სინამდვილეს დავხატავთ იმ პირობებში, რომელშიც ეს წიგნი იწერება, ერთ მხარეს ვაჩვენებთ მკითხველს და ერთ ეპიზოდს, ყველაზე ნაკლებად ცნობილს, რაღა თქმა უნდა, 1832 წლის 5 და 6 ივნისს, მაგრამ ისე მოვავგარებთ, რომ მკითხველმა დაინახოს შავი ზენრის ქვეშ, რომელსაც აწევას ვუპირებთ, ნამდვილი სახე ამ საზოგადოებრივი მოძრაობის საშინელი შემთხვევებისა.

თავი მესამე

დასაფლავება - საბაბი ხელახლა დაბადებისა

1832 წლის გაზაფხულს ასაფეთქებლად სრულიად მზად იყო პარიზი, თუმცა სამი თვე გავიდა, რაც ქოლერა შიშით ჰყინავდა მოსახლეობას და მათ მღელვარებას რაღაც პირქუშ, დამამშვიდებელ ზენარს აფარებდა. როგორც ვთქვით, დიადი ქლაქი ზარბაზანს ჰგავდა გატენილს, რომლისთვისაც ერთი ნაპერწკალიც კმარა, რომ გაისროლოს.

1832 წლის ივნისში გენერალ ლამარკის სიკვდილი იყო ეს ნაპერწკალი.

სახელოვანი კაცი იყო ლამარკი და კარგი მოღვაწე. იმპერიისა და აგრეთვე რესტავრაციის დროს ორგვარი ვაჟკაცობა გამოიჩინა; საჭირო ერთისთვის და მერე მეორისთვის, - ვაჟკაცობა ბრძოლის ველზე და ვაჟკაცობა ტრიბუნაზე. ისეთივე უძლეველი იყო მისი მჭევრმეტყველება, როგორც უძლეველი იყო მისივე გმირობა; ბასრი ხმალივით სჭრიდა მისი სიტყვა. როგორც ფუას, მის წინა მოადგილეს ჯარში,

ისე მას ძირს არ დაუშვია საფრანგეთის თავისუფლების ალამი და მანამდე საომარი დროშა. პალატაში მემარცხენეთა და უკიდურეს მემარჯვენეთა შუა იჭდა. ძალიან უყვარდა ხალხს, რადგან მას სწამდა ხალხის მომავალი და აგრეთვე ძალიან უყვარდა ბრბოს, რადგან გულწრფელად ემსახურა იმპერატორს. ის იყო გრაფ ჟერარ და დრუესთან ერთად ნაპოლეონის ერთ-ერთი in petto მარშალთაგანი. 1815 წლის ხელშეკრულება ისე აწუხებდა, როგორც პირადი შეურაცხყოფა. ჭირივით სძულდა ველინგტონი და ესეც ძალიან მოსწყინდა ხალხს. ჩვიდმეტი წელიწადი გავიდა ვატერლოოს ბრძოლის შემდეგ და თითქოს ყურადღებას არ აქცევს ცხოვრების ჭირ-ვარამსაო, სულ ის დიდი დამარცხება აწვა გულზე. სულთმობრძავი რომ იყო, უკანასკნელ წუთს გულში ჩაიკრა ხმალი, რომელიც მიუძღვნეს ნაპოლეონის ასი დღის ხელმწიფობის დროს ოფიცრებმა. ნაპოლეონის უკანასკნელი სიტყვა, რომ კვდებოდა, იყო „არმია“ და ლამარკის უკანასკნელი სიტყვა - „სამშობლო“.

მისი სიკვდილისა, თუმცა მოსალოდნელის, ეშინოდა ხალხს, როგორც მძიმე დანაკლისის, არანაკლებ ეშინოდა მთავრობას როგორც არეულობის შესაძლებელი საბაბისა. - მისი მიცვალება საფრანგეთის გლოვად იქცა. როგორც ყოველივე, რაც კი მწარეა, ისე გლოვაც შეიძლება აჯანყებად გარდაიქცეს. ასეც მოხდა.

5 ივნისს იყო დანიშნული დაკრძალვა. იმ დღეს და წინა დღის საღამოთი ხალხით გაივსო წმინდა ანტონის უბანი, სადაც მიცვალებული უნდა გაეტარებინათ და საშიშარი სახე მიიღო. უცნაური ხმაური ისმოდა ყველგან ამ მჭიდროდ დასახლებული უბნის ქუჩათა ქსელში. იარაღდებოდა ყველა, როგორც შეეძლო. ღურგლებს თავიანთი კეტები მოჰქონდათ „კარების ჩასამტვრევად“, შუბად და ხანჯლად ლესავდნენ, სადაც რკინას იპოვიდნენ. ერთს კიდევ ისე მორეოდა მომავალი ბრძოლის სიციხე, რომ სამი ღამე ტანთ არ იხილდა. ერთი ღურგალი, სახელად ლომბიე, შეხვდა ამხანაგს, რომელმაც ჰკითხა: - სად მიხვალ?

- რა გქნა? იარაღი არ მაქვს.

- მერე?

- მერე მინდა სახელოსნოში მივიდე, იქნება იქ მაინც ვიპოვო რამე.

ერთი კაცი იყო, სახელად ჟალკლენი, ძალიან მოხერხებული, გააჩერებდა მომავალ მუშას, - აქ მოდი, აქა! - ნახევარი ფრანკის ღვინოს გადააკვრევიანებდა და ეუბნებოდა: - საქმე გაქვს რამე? - არა? - წადი, ფილპიერი ნახე, მონრეალისა და შარონის სადარაჯოს შუა. საქმეში ის ჩაგაბამს. - ფილპიერთან იყო მოგროვილი იარაღი და ტყვია-წამალი. მოთავენი, როგორც წერილების დამრიგებლები, ისე დადიოდნენ თავ-თავის ქუჩებში და ხალხს აგროვებდნენ. ტრონის სადარაჯოსთან ბარცელენისა და კაპეს ღუქანში ბრძოლისთვის მომზადებულნი ამხანაგურად ხედებოდნენ ერთმანეთს. წამდაუნუნე გაისმოდა ხმამალაი კითხვა: - დამაზა გაქვს? - მე აი, ხალათის ქვეშ. შენა? - პერანგის ქვეშ. - ტრავერზიელის ქუჩაში როლანის სახელოსნოს კართან და „დამწვარი სახლის“ ეზოში, ბერნიეს სახელოსნოს კართან, რომელიც სავესე იყო ყოველგვარი იარაღითა და ხელსაწყოებით, ჯგუფ-ჯგუფად იდგა ხალხი და ჩურჩულებდა. ამ ხალხში მოჩანდა ერთი მეტისმეტად აღგზნებული კაცი, სახელად მავო, რომელიც ერთ კვირაზე მეტხანს თავის დღეში არ დარჩენილა ერთ ქარხანაში; დაითხოვდნენ ხოლმე პატრონები, რადგან ყოველდღე დავას უმართავდა მათ. მეორე დღეს მოკლეს მავო მენილომონტანის ბარიკადზე. მავოსთან ერთად პრეტო აქტიურობდა, ხალხს აგროვებდა და რომ ჰკითხავდნენ, - რა გაქვს მიზნად

დასახულიო? - უპასუხებდა, - აჯანყებო. - ისიც ბრძოლაში მოკვდა. ბერსის ქუჩაზე მოგროვილი მუშები ვინმე ლამარტენს ელოდნენ, რევოლუციონერს, რომელსაც ხალხის მომზადება ჰქონდა დავალებული სენ-მარსოს უბანში. აჯანყების ბრძანებები თითქმის საქვეყნოდ ისმოდა დაუფარავად.

ცუდი დღე იყო 5 ივნისი. ხან წვიმდა და ხან ღრუბლებიდან მზე გამოაშუქებდა. პარიზზე გადმოატარეს გარდაცვლილი სამხედრო დებულების, სიფრთხილის გამო ოდნავ გადამეტებული გლოვის ზემოთ. ორი ბატალიონი მისდევდა უკან, დაფდაფები თალხში ჰქონდათ შეხვეული. თოფები თავდაყირა ძირს დაშვებული, საერო გვარდიის ათი ათასი კაცი მოაბიჯებდა გვერდზე ხმლებჩაკიდებული. ბალდახინი ყმანვლკაცებს მიჰქონდათ. ბალდახინს უკან მისდევდნენ გადამღვარი ოფიცრები, ხელში დაფნის ტოტებით. მერე ურიცხვი აღელვებული ხალხი მიჰყვებოდა. წევრები „ხალხის მეგობართა“ საზოგადოებისა, უმაღლესი სასწავლებლების, მართლმსაჯულების, მედიცინის მონაფენი, სამშობლოდან გამოქცეული ყოველი ეროვნების შვილინი. მოჩანდა დროშები: ესპანური, იტალიური, გერმანული, პოლონური, თარაზულად ძირს დაშვებული სამფერა დროშები, ყოველგვარი ბაირაღები. მიდიოდნენ ბავშვები მწვანე ტოტების ქნევით. ქვის მთლელები და დურგლები, რომლებიც გათუციუყვნენ სწორედ იმ დროს, ადვილად საცნობი, ქალაღდისქუდიანი სტამბის მუშები, რომლებიც ორ-ორად, ან სამ-სამად დაჯკუფებუღიყვნენ, ყვიროდნენ, ჯოხს ან ხმალს იწნევდნენ თითქმის ყვეღანი. გამწნესებული არავინ ჰყავდა ხალხს, მაგრამ ერთსულოვნად მოქმედებდა ყვეღა და ხან არეულად მოჩანდნენ, ხან მწყობრ რაზმებად. ეს რაზმები თვითონვე ირჩევდნენ წინამძღვარს, ერთი კაცი იყო ორი დამბაჩით, მხედართმთავრის თვალთ სინჯავდა ამ რაზმს; მას გბას უთმობდნენ ყვეღვან, სადაც კი გაივღიღა. ბულვარის ორივე მხარეს ხეების ტოტებში, აივნებზე, ბანებზე, ფანჯრებში ყვეღვან ხალხი მოჩანდა, - ქალი, კაცი, ბავშვი. შიში მორეოღა ყვეღას. მიცვალებულს მისაცვენებღა შვიარაღებული ხალხი და ამას უყურებღა შემინებული მოსახლეოღა.

თავის მხრივ არც მთავრობა იყო დამშვიდებული და გაფაციცებით თვალყურს ადევნებღა ყვეღაფერს. თვალყურს ადევნებღა ხმალამოღებული. ლუი XV-ის მოედანზე მთლად გამზადებული იღღა ოთხი ესკადრონი, გატენიღი თოფებითა და დამბაჩებით; ცხენებზე ისხდნენ და უცბად დაიძროდნენ, როგორც კი ბრძანებას მიიღებდნენ; ლათინთა უბანსა და ბოტანიკურ ბაღში ქალაქის თვითმართვეღობის რაზმები იღღა ყოვეღ ქუჩაში უკლებღივ; ღვინის მოედანზე დრავუნები იღღნენ, ერთი ესკადრონი; გრეეში - მეთორმეტე რაზმის ნახევარი; მეორე ნახევარი ბასტიღიღიღი დაყენებინათ; სეღესტინში იღღა დრავუნების მეექვსე რაზმი; ლუერის ეზო სავსე იყო არტიღერიით. დანარჩენი ჯარი მზად იყო თავის საღღომებში; მზად იყვნენ აგრეფეეე პარიზის მიღამოებში მღღომი ჯარები. შემინებულ მთავრობას მექართით მომავალი ხალხის ასღღავმავად ოცღაოთხი ათასი ჯარისკაცი ქღღაქში ჰყავღა და ოცღაათი ათასი - გარეუბანში.

სხვადღსხვა ხმა ტრღიღებღა მიცვალებუღლის უკან მიმავღლ ხალხში: ლეღიტიმისტების ქვებუღანობაზე, ჰერცოგ რღინსშტადტეღზე, რომელსაც სწორედ იმ წამს მოუვღინღ ღმერთმა სიკვღიღი, როღღესაც ხალხი იმჰერატორად ასახეღებღა. ერთი კაცი, ჯერაც უცნობი, უცხადებღა ხალხს, რომ დღანიშულ დროს ორი აჯანყების მომხრე მოსყიდული ქარგალი იარაღის ქარხნის კარებს გაუღებს ხალხს. უქეღოდ

იყო უმრავლესობა და ყველას აღტაცება აღბეჭდოდა შუბლზე, თან მჭმუნვარება. ამ დიდებული აღტაცებით აღსავსე ხალხში აქა-იქ კარგად ჩანდა აგრეთვე ნამდვილი სახე ავაზაკობისა, მათი ბილნი პირი მზად იყო ეყვირა: ყველაფერს ავიკლებთ! - არის ხოლმე მღელვარება ხალხისა, რომელიც შესძრავს ჭაობის ძირს და წყლის ზედაპირზე მოაქცევს ძირეულ დამპალ ნალექს. ეს ჩვენი ცხოვრების ერთგვარი მოვლენა გახლავთ, რომელიც კარგად უწყის დაგეშილმა პოლიციამ.

ნელი, აღგზნებული ნაბიჯით მიასვენებდნენ მიცვალებულს თავისი სახლიდან ბულვარებით ბასტილიისკენ. დროდადრო წვიმდა, მაგრამ ყურადღებასაც არ აქცევდა ამას ხალხი. რამდენიმე გარემოება არის აქ აღსანიშნავი: ვანდომის სვეტის ირგვლივ შემოატარეს რამდენჯერმე მიცვალებული; ერთ აივანზე ჰერცოგი ფიც-ჟემსი დაინახეს, ქედი არ მოეხადა და ქეები ესროლეს. ერთ დროშას ზემოდან გალუერი მამალი ეკრა, ჩამოგლიჯეს და ტალახში ჩაადგეს; სენ-მარტენის კართან პოლიციელი დაჭრეს ხმლით; ერთმა მეთორმეტე რაზმის ოფიცერმა ხმამაღლა დაიძახა, - რესპუბლიკის მომხრე ვარო; როდესაც გამოჩნდნენ პოლიტექნიკური სკოლის სტუდენტები, რომელთაც მთავრობამ ეს აუკრძალა, გაისმა ხალხის ძახილი: გაუმარჯოს პოლიტექნიკურ სკოლას! გაუმარჯოს რესპუბლიკას! ბასტილიის ციხესთან კიდევ მიემატა სენ-ანტუანის უბნიდან მომავალი მრისხანე სახის მქონე ცნობისმოყვარე ხალხთა გრძელი მწკრივი. ახლა უფრო დაეტყო საშინელი ქოთქოთი მღელვარე ბრბოს.

ერთი კაცის სიტყვა გაიგონეს, მეორეს რომ ეუბნებოდა: - აგერ, იმ კაცს ხედავ, ქერა წვერიანს? ის გეტყვის, როდის უნდა დავინყოთ სროლა. - როგორც აღმოჩნდა, შემდეგშიც იმავე თანამდებობით ერია ეს ქერანვერიანი მეორე ამბოხებაში, კენისეს საქმეში.

ბალდახინმა გაიარა ბასტილიის ციხე, გადაიარა პატარა ხიდი და აუსტერლიცის ხიდის მოედანთან მივიდა. იქ გაჩერდა. ამ დროს რომ ზემოდან, ფრინველის მისაღწევი სიმაღლიდან, ჩამოეხედა ვისმე, კუდიან ვარსკვლავად ეჩვენებოდა ეს ხალხი, რომლის თავი მოედანზე იყო, გზაზე ბასტილიას ფარავდა და ბოლო სენ-მარტენის კარამდე აღწევდა. პატარა წრე შემოეხვია მიცვალებულის კუბოს. მიდუმდა იმოდენი ხალხი. ლაფაიეტმა წარმოთქვა სიტყვა და გამოეთხოვა გარდაცვლილს. გულს ეცა ყველას მისი სიტყვა. ყველას ქედი მოეხადა და ყველას გული ანთებოდა. უცბად ვიდაც კაცი გამოჩნდა ცხენიანი, შავად მოსილი, წითელი დროშით. ზოგი ამბობს, - დროშა კი არა, შუბი ეჭირა, რომლის წვეტზე წითელი ჩაჩი ეხურაო. - ლაფაიეტმა თვალი მოარიდა. ექსელმანმა თავი გაარიდა იქაურობას.

გრძელი აღძრა ამ წითელმა დროშამ და თვითონაც შიგ ჩაიმაღლა. ბურღონის ბულვარიდან აუსტერლიცის ხიდამდე გაისმა აზვირთებული ხალხის დრტვინვა, ორი მძლავრი ძახილი გაისმოდა ყველგან: - ლამარკი პანთეონში! ლაფაიეტი ქალაქის თვითმმართველობაში!

ისევ ყმანვლილი კაცები შეეხნენ, ხალხის ძახილით ნაქვებულნი ბალდახინში და აუსტერლიცის ხიდისკენ წაასვენეს მიცვალებული. ლაფაიეტი ეტლში ჩასვეს და წაიყვანეს მორლანის სანაპიროთი.

იმ ხალხში, რომელიც ლაფაიეტს შემოხვეოდა და მის გვარს გაიძახოდა, ბევრი მიუთითებდა ერთ გერმანელზე, ლუდვიგ სნიდერზე (რომელიც შემდეგში ასი წლისა

მიიყვალა), რომ იგი მონაწილეობდა 1776 წლის ომში, - ტრენტონის ბრძოლაში ვაშინგტონთან ერთად და ბრენდივანში ლაფაიეტთან ერთად.

ამასობაში მდინარის მარცხენა მხარეს დაიძრა ქალაქის ცხენოსანი ჯარი და გზა შეკრა ხიდზე. მარჯვენა მხარეს დრაგუნები ჩამოვიდნენ სელესტინელთა მონასტრიდან და მორლანის სანაპიროზე გამწკრივდნენ. ლაფაიეტს სანაპიროს კუთხეში შეეჩვენა, მაშინვე შენიშნეს ჯარი და დაიძახეს, - დრაგუნები! - უკანასკნელი ნელი ნაბიჯით მიდიოდნენ, გაჩუმებულნი, ჩალთაში დამბაჩები ელაგათ, წელიწადი ხმლები ერტყათ, მხარზე თოფები გადაევიდათ და პირქუში გამომეტყველება აღბეჭდოდათ სახეზე.

პატარა ხიდიდან ორასი ნაბიჯის მანძილზე დადგნენ. ლაფაიეტის ეტლიც რომ მიუახლოვდათ, გახსნეს მწყობრი, გაატარეს ეტლი და ისევ შეერთდნენ. უკვე წინ უდგნენ ერთმანეთს ჯარი და ხალხი. შეშინებულმა ქალებმა თავს უშველეს.

რა მოხდა ამ საბედისწერო წუთში? ამას ვერავინ იტყვის. ეს იყო ერთი იმ ბნელ წამთაგანი, როდესაც ერთმანეთს ეჯახება ორი ღრუბელი. ზოგი ამბობს, - არსენალის მხრიდან გაისმა საყვირით მოცემული ბრძანება ბრძოლის დანწყებისო; - ზოგი ამბობს, - ერთმა ბიჭმა ხანჯალი ატაკა დრაგუნსო. უდავო სინამდვილე ის არის, რომ უეცრად სამი თოფი გაუარდა; პირველმა ესკადრონის უფროსი, შოლე მოკლა, მეორემ - ბებერი ყრუ დედაკაცი, რომელიც თავის თანჯარას ხურავდა კონტრესკარპის ქუჩაზე; მესამემ ეპოლეტი დაუნვა ერთ ოფიცერს. ერთმა ქალმა შეჰყვირა, - ძალიან ადრე დაიწყესო! - და უცბად მორლანის სანაპიროს მოპირდაპირე მხრიდან გამოჩნდა დრაგუნთა ესკადრონი, რომელიც აქამდე თავის სადგომში იყო; ცხენებს მიაჭენებდნენ ბასონპიერის ქუჩითა და ბურდონის ბულვარით, რათა პირისაგან მიწისა აღეგავათ, რაც წინ დახვედებოდათ.

ამას მოჰყვა სხვა ყველაფერი. ამოვარდა გრიგალი, წამოვიდა ქვის წვიმა, დაიწყო თოფის სროლა, მრავალი ხალხი ჩაცვივდა ქვევით და მდინარის ამუამად ამოვსებულ პატარა ტოტში გაცურდა; მებრძოლი ხალხით გაივსო ლუვიეს კუნძულის ხეტყის სანყობი, რომელიც მზამზარეულ დიდ სიმავრეს წარმოადგენდა. მარგილს აძრობენ მიწიდან, დამბაჩას ისვრიან, ბარიკადს იკეთებენ; ცმანვილკაცობა სირბილით მიაქანებს აუსტერლიცის ხიდზე ცხედარს და თან ჯარს ებრძვის. მორბიან მსროლელი რამზები, ცხენებს მოაჭენებენ და ხმლებით ჩეხენ ხალხს დრაგუნები. ყოველმხრივ გარბის და იფანტება ხალხი. ბრძოლის ხმაურობა გაისმის პარიზის ოთხივ მხარეს. გაისმის ძახილი, - შეიარაღდით! - გარბიან, ძირს ეცემიან, ჯარებს ებრძვიან. გულისწყრომა ისე ამძვინვარებს ამბოხებს, როგორც ქარი ანთებულ ცეცხლს.

თავი მეთხე
განვლილი მღელვარებანი

ამბოხების პირველი ქოთქოთისთანა უცნაური სხვა არაფერი იქნება. ერთად და ერთდროისად იშლება ხალხი. მოთქიქრებული და მომზადებული იყო? არა. მაშ, საიდან მომდინარეობს ეს ერთობა? ქუჩიდან! საიდან ჩამოდის? ღრუბლებიდან! აქ აჯანყება შეთქმულებას ჰგავს, იქ კიდევ იმპროვიზაციას. გამოჩნდება ვინმე, დაეპატრონება ხალხს და იქით მიჰყავს, საითაც უნდა. შიშიანობით არის საესე ეს დასაწყისი და შიშს საშინელი მხიარულება ერევა. ჯერ ყვირილია ყველგან, მაღაზიების დაკეტვა, ვაჭრების გამოფენილი საქონლის მიჩქმალვა; მერე აქა-იქ

სროლა, შეშინებულთ გაქცევა, კეტით ბრახუნი ალაყაფის კარისა. ქუჩაში ისმის მსახური გოგონების სიცილი და ეზოში წარმოთქმული სიტყვები, - არიქა, აირია მონასტერი!

თხუთმეტი წუთიც არ გავიდოდა ამ დასაწყისის შემდეგ და მთლად შეიცვლებოდა პარიზი; ქალაქის ყოველი უბანი ხმას აძლევდა ამ ამბობებსა.

სენტ-კრუა-დე-ლა-ბრეტონერის ქუჩაში ერთი ოციოდე ყმანვილი ბიჭი წვერმოშვებული და გრძელთმიანი, შეიჭრებოდა სადმე კაფეში და მყისვე გამოვიდოდა სამფეროვანი თალხით მოსილი დროშით; წინ ამ ყმანვილებს სამი კაცი მოუძლოდა შეიარაღებული. ერთს ხმალი ერტყა, მეორეს თოფი ჰქონდა და მესამეს შუბი.

წონენდიერის ქუჩაზე ერთი ღიპიანი, თავმოტკვლევილი, მაღალშუბლიანი, შავწვერიანი, ჯავარა უღვაშიანი მუღერი ხმის პატრონი კაცი სახალხოდ აძლევდა მიმავალთ ტყვია-წამალს.

სენ-პიერ მონმარტრის ქუჩაზე ხელებს იმკლავებდნენ ბიჭები და შავ დროშას აფრიალებდნენ, რომელზედაც თეთრი ასოებით მოჩანდა წარწერა: - რესპუბლიკა ან სიკვდილი! უენერის, კადრანის, მონტორგეილის, მანდარის ქუჩებში ჯგუფ-ჯგუფად მოჩანდა ხალხი დროშების ფრიალით, რომლებზედაც ოქროს ასოებით იყო წარწერა-სექსია და მისი ნომერი, ერთ-ერთ ამ დროშაზე წითელსა და ცისფერს შუა ოდნავ მოჩანდა ძლივს შესამჩნევი მკრთალი თეთრი.

იარაღის ქარხანას აიკლებდნენ სენ-მარტენის ბულვარზე, და სამ იარაღის მაღაზიას; ერთი ბობურგის ქუჩაზე იყო, მეორე მიშელლე კონტის ქუჩაზე და ერთი კიდევ კანზლის ქუჩაზე. მიეხვეოდნენ და რამდენიმე წუთი კმაროდა, რომ ორას ოცდაათი თოფი წაეღოთ, თითქმის ყველა ორლულიანი, სამოყდაოთხი ხმალი, ოთხმოცდასამი დამბაჩა, რომ უიარალოდ არავინ დარჩენილიყო, ერთს თოფი მიჰქონდა, მეორეს მისი ხიშტი.

გრევის პირდაპირ ყმანვილი ბიჭები ჩასაფრებულებიყვნენ ბინებში, სადაც მარტო ქალებილა დარჩენილიყვნენ, ერთს ტალკვესიანი თოფი ჰქონდა. დაანკარუნებდნენ ზარს, შევიდოდნენ და შეუდგებოდნენ ვაზნის გაკეთებას. ერთმა ქალთაგანმა თქვა: - არ ვიცოდი, ვაზნა რა იყო და ჩემმა ქმარმა გამაგებინაო.

ვიელ-ოდრიეტის ქუჩაზე ხალხი ძველებური ნივთების მაღაზიაში შევარდა. ხანჯლები გამოიტაცა და ოსმალური იარაღი.

ერთი კალატოზის გვაში ეგლო პერლის ქუჩაზე, თოფის ტყვია მოხვედროდა უბედურს.

ყველგან, გაღმა მხარე იყო ეს თუ გამოღმა, სანაპიროებზე, ქუჩებში, ბულვარებზე, ლათინთა და ბაზრების უბნებში პროკლამაციებს კითხულობდნენ მუშები, სტუდენტები, სექციელები და გაჰყვიროდნენ: - შეიარაღდით! - ამტვრევდნენ ფარნებს, ცხენებს უშვებდნენ ეტლებიდან, შლიდნენ ქვაფენილს, ანგრევდნენ სახლების კარებს, ძირიანად გლეჯდნენ ხეებს, ჩხრევდნენ სარდაფებს, მოაგორებდნენ კასრებს, აგროვებდნენ სასროლ ქვას, ფიცარსა და ბარიკადებს იკეთებდნენ.

ბურჟუებსაც ძალას ატანდნენ, დაგვეხმარეთო. სახლებში შედიოდნენ და ქალებს აიძულებდნენ, მიეცათ მათთვის ქმრის თოფი და ხმალი. მიიღებდნენ და რბილი ცარკით წაანერდნენ კარებს: - იარაღი მიღებულია! ზოგი „თავისი სახელის“ მონწერით ამტკიცებდა ხმლის ან თოფის მიღებას და ეუბნებოდა: - მერიაში გაგზავნეთ ვინმე ამის

დასაბრუნებლად. ქუჩაში რომ დარაჯს დაინახავდნენ განცალკევებულს, იარაღს ართმევდნენ, აგრეთვე ეროვნულ გვარდიელებს; თუ ცალკე მოასწრებდნენ ოფიცრებს, ეპოლეტებს ჰგლეჯდნენ. სიმეტიე-სენ-ნიკოლას ქუჩაში ეროვნული გვარდიის ერთ ოფიცერს გამოეკიდნენ; შეიარაღებული იყვნენ ჯოხებით და სავარჯიშო ხის ხმლებით. ოფიცერი გაიქცა, ვიღაცის სახლში შევარდა და ვეღარ გამოვიდა იქიდან, სანამ არ დაღამდა და ტანისამოსი არ გამოიცივლა.

სენ-ჟაკის უბანში ჯგუფ-ჯგუფად გამოდიოდნენ სტუდენტები თავიანთი ბინიდან და სენტ-იასინტისკენ მიემურობდნენ პროკურესის კაფესკენ ან მათურენის ქუჩის კაფესკენ. ამ კაფეების კარებში იდგნენ ყმაწვილი ბიჭები და იარაღს არიგებდნენ. ტრანს-ნონენის ქუჩაზე ერთი ხეტყის საწყობი აიკლეს ბარიკადების ასაგებად. ერთადერთი წერტილი იყო, სადაც მცხოვრებნი ეწინააღმდეგებოდნენ ამ მოძრაობას, სენტ-აჟუს და სიმონ-ლე-ფრანის კუთხეში, და ანგრევდნენ იქ მოწყობილ ბარიკადებს. ერთგან იყო მხოლოდ, რომ უკან დაიხიეს აჯანყებულებმა, ერთი ბარიკადი მიატოვეს, რომელიც ტანპლის ქუჩაზე იწყებოდა, თოფი დაუშინეს ეროვნული გვარდიის რაზმს და კორდერის ქუჩით გაიპარნენ. ჯარმა ამ ბარიკადზე ერთი წითელი დროშა იპოვა მინაზე, ერთი პარკი ვაზნა და სამასი დამბაჩის ტყვია. ეროვნული გვარდიის რაზმა იქვე დაფხრინა წითელი დროშა და წვრილ ნაკუნებად ჩამოაცვა თავის ხიშტებს.

ყოველივე ეს, რასაც აქ მოგიტხრობთ, ნელ-ნელა და თანამიმდევრობით, სულ ერთსა და იმავე დროს წარმოებდა ქალაქის ყველა უბანსა და ყველა ქუჩაზე, საზარელ ყვირილსა და ხმაურში, როგორც მრავალი ელვა ერთადერთ ქუხილში.

ერთი საათიც არ გასულიყო, რომ 27 ბარიკადი თითქოს მიწიდან ამოძვრა მარტო ერთ ბაზრის უბანში. შუაგულში ის სახელოვანი #50 სახლი მოეთავსებინათ, რომელიც ციხისმაგვრედ აქონდა ჟანს და მის ას ექვს ამხანაგს; ეს სახლი იყო, რომ ერთი მხრივ სენ-მერის ბარიკადი იფარავდა, მეორე მხრივ მობუეს ქუჩის ბარიკადი, და ამით გამაგრებულს სამი ქუჩა ეჭირა: არსის ქუჩა, სენ-მარტენისა და ობრი-ლე-ბუშერისა. ორი სწორკუთხედი ბარიკადი იყო. ერთი მონტორგეილისა და გრანდტრუანდერის ქუჩებში ჩადიოდა, მეორე ჟოფრუა-ლონჟენისა და სენტ-აჟუს ქუჩებში, მრავალი ბარიკადი იყო პარიზის სხვა ოც უბანშიაც, - მარეში, სენტ-ჟენევიევის მთაზე, ერთი მენილ-მონტანის ქუჩაზე ვიღაცის სახლიდან ალაყაფის კარით იყო გამაგრებული, ერთი კიდევ პატარა ხიდთან, ცხენები გამოეშვათ ეტლიდან, ეტლი გადაებრუნებინათ და ის ეხმარათ ბარიკადის დასამაგრებლად.

მენეტრიეს ქუჩის ბარიკადთან ერთი კარგად ჩაცმული კაცი ფულს ურიგებდა მუშებს, გრენეტის ქუჩის ბარიკადთან მივიდა ერთი ცხენოსანი, ბარიკადის მცველთა უფროსს მისცა ფული, ქალაქში შეხვეული, და უთხრა: „აი, ცოტა რამ, რომ დაფაროთ ხარჯები ღვინისა და რამისა“. ერთი ყმაწვილი კაცი, თეთრგვრემანი, უყვლსახვევო დადიოდა ერთიდან მეორე ბარიკადისკენ და განკარგულებას აძლევდა. ერთი კიდევ სხვა, ხმალამოღებული, პოლიციელის ცისფერი ქედით, დარაჯებს აყენებდა ყველა სიმაგრესთან. ბარიკადებით გამაგრებულ ქუჩებში, დუქნებსა და მეკარეთა ოთახებში დარაჯები მოთავსებულიყვნენ. საერთოდ ამბოხება ყოველმხრივ საგანგებოდ ასრულებდა სამხედრო ტაქტიკას. საკვირველი შორსმხედველობით იყო ამორჩეული გასამაგრებლად ვიწრო, ოღრო-ჩოღრო, მიხვეულ-მოხვეული ქუჩები. ამ მხრივ მეტადრე კარგი იყო ბაზრის უბანი, რომელიც მთელ ქსელს წარმოადგენდა ტყის ბილიკებზე დაქსაქსული გზებით გასავლელად.

ამბობდნენ, - აჯანყების ხელმძღვანელობა სენტ-ავეას უბანში „ხალხის მეგობართა საზოგადოებამ“ იტიერთაო. ერთი კაცი მოკლეს პონსოში, გაჩხრეკის დროს ჯიბეში პარიზის გეგმა უპოვეს.

ნამდვილი ამბოხების ხელმძღვანელი ერთგვარი აღვზნება იყო, რომელიც ჰაერში ტრიალებდა. აჯანყებამ ცალი ხელით სასწრაფოდ აავო ბარიკადები და მეორით ქალაქის გარნიზონის თითქმის ყველა საგუშაგოები დაიჭირა. სამი საათიც არ გასულიყო ამბოხების დაწყებიდან, რომ აჯანყებულები თოფის წამლით სავსე მილს ცეცხლის მოდების სისწრაფით შეესივნენ და დაიჭირეს მდინარის მარჯვენა მხარე: არსენალი, მერია მეფის მოედანზე, მთელი მარე, პოპენკურის იარაღის ქარხანა, გალიოტი, შატო-დ-ო, ყველა ქუჩა ბაზრის ახლოს; მარცხენა მხარეს: ვეტერანების ყაზარმა, სენტ-პელაჟი, მოზერის მოედანი, თოფის წამლის საწყობი და ყველა საგუშაგო. საღამოს ხუთ საათზე აჯანყებულებს ხელთ ჰქონდათ ბასტილია, ლენ-ჟერი, ბლან-მანტო; მზვერავები გამარჯვების მოედანამდე თავისუფლად აღიოდნენ და ემუქრებოდნენ ბანკს, პეტიპერის ყაზარმას და ფოსტის სამმართველოს. პარიზის მესამედი აჯანყებულებს დაეჭირათ.

ბუმბერაზული ბრძოლა იყო ყველგან. ქვის სროლით დაიწყო ბრძოლა, მაგრამ მალე გაისმა თოფის ხმა, რადგან იარაღს ართმევდნენ აჯანყებულები, თუ მარტოს მოასწრებდნენ სადმე ჯარისკაცს, სახლებს ჩხრეკდნენ იარაღის აღმოსაჩენად, იარაღის მალაზიებს იკლებდნენ.

საღამოს ექვსი საათი იქნებოდა, როდესაც სომონის გასასვლელი იქცა ბრძოლის ველად. ერთ მხარეს მემამბოხენი იყვნენ, მეორე მხარეს - ჯარი. თოფის სროლით ებრძოდნენ ერთმანეთს. ერთი მეთვალყურე ჩვენი ცხოვრებისა, მეოცნებე, ავტორი ამ წიგნისა, რომელსაც უნდოდა სულ ახლოს ენახა ვულკანი, შიგ შუაში მოხვდა ამ გასასვლელში, სწორედ ორცეცხლშუა. თოფის სროლისგან თავის გადასარჩენად არაფერი ჰქონდა, გარდა წინ წამოწეული სვეტებისა, რომელიც ერთმანეთს ამორებს მალაზიებს; თითქმის ნახევარი საათი გაატარა ამ შეჭირვებულ მდგომარეობაში.

განგაში გაისმოდა ყველგან. საჩქაროდ იმოსებოდა და იარაღს ისხამდა ეროვნული გვარდია; ჯარები გამოდიოდნენ მერიიდან, რაზმები გამოდიოდნენ ყაზარმებიდან. ლ-ანკრის გასასვლელის პირდაპირ ერთ მედოლეს ხანჯალი ჩასცეს და მოკლეს. სინის ქუჩაში ოცდაათიოდე ახალგაზრდა მიესია ერთ მედოლეს, დაუმტვრია დოლი და აართვა ხმალი. ერთი კიდევ გრენიე-სენ-ლაზარის ქუჩაზე მოკლეს. მიშელ-ლე-კონტის ქუჩაზე სამი ოფიცერი ერთიმეორეზე ჩახოცეს. ლომბარის ქუჩაში დაჭრილი ქალაქის თვითმმართველობის ჯარისკაცები სტოვებდნენ ბრძოლის ველს და უკან იხევდნენ.

კურ-ბატავის წინ ეროვნული გვარდიის ერთმა რაზმმა წითელი ღრღმა იპოვა ამ წარწერით: „საფრანგეთის რევოლუცია #127“. მართლა რევოლუცია კი იყო ეს არეულობა?

აჯანყებამ ერთგვარ ციხესიმაგრედ აქცია პარიზის შუაგული, მიუვალ, მიხვეულ-მოხვეულ უზარმაზარ ციხესიმაგრედ.

იქ იყო აჯანყების კერა. იქ იყო ცხადია, საქმის გადამწყვეტი საკითხი. სხვა ყველა შეტაკება იყო ადგილობრივი. ყველაფერი რომ ამ ციხესიმაგრეზე იყო დამოკიდებული, ეს იმიტაც მტკიცდებოდა, რომ აქ ჯერ ბრძოლა არ ატეხილიყო.

ზოგ რაზმში ჯარისკაცები ყოყმანობდნენ და ეს გარემოებაც ემატებოდა საკითხის საზარელ სიბნელეს. ამ ჯარისკაცებს ავონდებოდათ 1830 წლის ივლისის აჯანყება და ის ოვაცია, რომლითაც ხალხი დახვდა ორმოცდამეცამეტე რაზმს, ნეიტრალურად რომ გამოაცხადა თავი. მთავრობის ჯარს მხედართმთავრებად ორი შეუპოვარი, დიდ ომებში გამოცდილი მებრძოლები ჰყავდა, მარშალი დე-ლოზო და მისი ხელქვეითი, გენერალი ბუჟო. მთელი ბატალიონები ჰყავდათ - მთავრობის ჯარებისა და ეროვნული გვარდიისგან შემდგარი დარაჯების დიდი რაზმები, რომელთაც წინ უძღოდა პოლიციის კომისარი, ფორმის შარვით. დადიოდნენ, სინჯავდნენ, - რომელი ქუჩა დაეჭირათ აჯანყებულთ. თავის მხრივ, აჯანყებულნიც ყველგან დარაჯებს აყენებდნენ და გზაჯვარედინების იქითაც გზავნიდნენ თავიანთ მსტოვრებს. ორთავ მხარე ერთმანეთს ზვერაჟდა. მთავრობას ხელთ ჰყავდა მთელი ჯარი, მაგრამ ჯერ ვერაუფერს ბედავდა: ღამდებოდა და უკვე გაისმოდა სენ-მერის განგაში. მხედრობის მინისტრი, მარშალი სულტი, რომელიც მონაწილე იყო აუსტერლიცის ბრძოლისა, ძალიან დაეღონებინა ამ შინაური შეტაკების მოლოდინს.

ბებერი ვაჟკაცები, რომლებიც გმირულად იბრძვიან ომში სამხედრო ტექნიკის მოთხოვნილებათა დაცვით, რაც კომპასია ბრძოლისა, გზადაკარგულივით დგანან ხოლმე, როდესაც წინ აღუდგებათ ეს უზარმაზარი ტალღა, რომელსაც სახელად ხალხის რისხვა ეწოდება. სურვილისამებრ ვერ მომართავს ადამიანი რევოლუციის ქარიშხალს.

ეროვნული გვარდიის რაზმები სასწრაფოდ, მწყობრად მორბოდნენ გარეუბნებიდან: ერთი ბატალიონი სენ-დენიდან მორბოდა ქალაქისკენ: კურნბუადან მოდიოდა კიდევ სხვა; სამხედრო სკოლის ბატარეა დააყენეს კარუსელთან; ვენსენიდან ზარბაზნები მოჰქონდათ. განმარტოებულიყო ტუილრი, მაგრამ მეფე ლუი-ფილიპი მაინც დამშვიდებული ჩანდა.

თავი მეხუთე

თავისებურება პარიზისა

უკანასკნელი ორი წლის განმავლობაში, როგორც ვთქვით, არაერთი აჯანყების მონაწილე გახდა პარიზი. აჯანყებულ უბანს რომ თავი დავანებოთ, სრულიად დამშვიდებულია ქალაქი ყოველგვარი მღელვარების დროს. პარიზი ძალიან მალე მიეჩვევა ხოლმე ყველაფერს; - ეს მღელვარება ამბოხებაა, სხვა კი არაფერი - და პარიზს იმოდენი საქმე აქვს თავისი, რომ ამ წვრილმანისთვის თავს არ იწუხებს. მხოლოდ ბუმბერაზ ქალაქებში შეხვდება კაცი ამგვარ სანახაობას. მხოლოდ ამ უმველებელ გალაგანს შეუძლია დაითოს ერთსა და იმავე დროს შინაბრძოლა და უცნაური სიმშვიდე. ჩვეულებრივ, აჯანყება რომ დაიწყება, როდესაც დაფდაფის ხმა გაისმის, ძახილი, განგაში, ყურსაც არ იბერტყავს ვაჭარი და იძახის:

- ეტყობა, წაეკიდნენ ერთმანეთს სენ-მარტენის ქუჩაში.

ან:

- წმინდა ანტონის უბანში.

და ხანდახან გულდამშვიდებით წაუმატებს:

- იქით იქნება სადმე.

მერე კი, როდესაც უფრო მოესმის საზარელი ხმა, ჯაზაირებისა და თოვების ბათქაბუთისა, თავს მოიქეცავს და წამოიძახებს:

- ოჰო! ძალიან წაუთაქეს!

ცოტა ხნის წინ კი, თუ უახლოვდება ამბოხება და გამარჯვება ეტყობა, საჩქაროდ კეტავს სავაჭროს, სწრაფად იმოსება ფორმის ტანისამოსით, ესე იგი, უზრუნველყოფს თავის საქონელს და თვით, ვინ იცის, საფრთხეში ვარდება.

თოვს ესვრიან ერთმანეთს სადმე გზაჯვარედინზე, გასასვლელში, ქუჩაბანდში; ბარიკადები ხელიდან ხელში გადადის, სისხლი იღვრება, ტყვიები ცხრილავენ სახლის კედლებს, კლავენ ადამიანს თავის ლოგინში, დახოცილებით სავსეა ქუჩა და იქვე, რამდენიმე ქუჩის მოშორებით კაფედან ბილიარდის ბურთის რაკუნი ისმის.

თეატრი ალებს თავის კარს და ვოდვეილს სდგამს. ცნობისმოყვარენი გაჩერებულან იქვე დახოცილებით სავსე ქუჩების ახლოს და არხეინად საუბრობენ. ეტლები მიდი-მოდის. სადილის საჭმელად მიეშურება რესტორნისკენ ხალხი. ყოველივე ეს ხანდახან სწორედ იქ არის, იმ უბანში, სადაც ბრძოლაა გაჩაღებული. 1831 წელ სროლა შეწყვიტეს მებრძოლებმა, რომ მაყრიონი გაეტარებინათ.

1839 წლის აჯანყების დროს, 12 მაისს, სენ მარტენის ქუჩაზე ერთ ჩია ბებერ კაცს გაეკეთებინა მკლავზე პატარა სამფეროვანი ნაკუნი. ხელურებით სასმელი დაჰქონდა და ჰყიდდა; ხან ბარიკადთან მივიდა, ხან იქიდან მთავრობის ჯართან, და ორთავეს განურჩევლად სთავაზობდა სასმელებს, ხან მთავრობას, ხან ანარქიას.

არაფერი იქნება ამაზე უცნაური; ეს არის დამახასიათებელი თვისება საკუთრივ პარიზის ამბოხებისა და სხვაგან, სხვა სახელმწიფოების დედაქალაქში, ამას ვერსად ნახავთ. ამისთვის ორი რამ არის საჭირო: იშვიათი სიდიდღე პარიზისა და მისი მხიარულება; საჭიროა, იყოს ქალაქი ვოლტერისა და ქალაქი ნაპოლეონისა.

ამ აჯანყებაში კი, 1832 წლის 5 ივნისს რომ იარალი აისხა ხალხმა, რაღაც იგრძნო დიდებულმა ქალაქმა, ალბათ უფრო ძლიერი, ვიდრე თვით იყო. შიში მოერია. ყველგან, სადაც კი გაივლიდა ადამიანი, თვით იმ უბნებშიც კი, რომლებიც არ იყვნენ „დაინტერესებულნი“, დღედაღამ დაკეტილი ჰქონდა ყველას კარი, ფანჯარა, დარაბა. ვაჟკაცი იარალს ეძებდა, ლაჩარი იმალებოდა. გამვლელი აღარსად იყო, აღარც უზრუნველი და არც საქმეზე მიმავალი. ბევრი ქუჩა იყო ისე დაცარიელებული, როგორც დილის ოთხ საათზეა ხოლმე. საშინელი ხმები ტრიალებდა. საბედისწერო ამბები ვრცელდებოდა: - ბანკი „იმათ“ ხელში არის: მარტო სენმერის მონასტერში ექვსასი კაცია გამაგრებული, საყდარში ჩასაფრებული; ჯარი არ არის საიმედო; არმან კარელი ყოფილა მარშალი, კლოზელის სანახავად და მას უბრძანებია, ჯერ საიმედო რაზმი შეიგულებოთ. ლაფაიეტი ავად არის, მაგრამ მაინც გამოუცხადებია აჯანყებულებისთვის, - თქვენი ვარ და ყველგან მოვყვებით, სადაც კი ჩემი ჯალამბრისთვის ადგილი მექნებაო. დიდი სიფრთხილე გვმართებს; ღამე ქერდებით გაივსება ქუჩები და აიკლებენ სადაც კი განცალკევებულ სახლს ნახავენ ქალაქის მიყრუებულ ქუჩებშიო. აქ ცხადად ჩანდა პოლიციის წარმოსახვა, ამ მთავრობის ანა რატკლიფისა. ბარბაზნები დაულავებიათ ობრი-ლე-ბუმეს ქუჩაზეო; შეთანხმებულან ლობო და ბუჟო. და შუადამისას, ან სულ გვიანი რომ ვთქვათ, გათენებისას, ოთხივე მხრიდან შემოესევა აჯანყებულთა ცენტრს ჯარი. პირველი ბასტილიიდან, მეორე სენ-მარტენის კარიდან, მესამე გრევიდან, მეოთხე - ბაზრიდან; შეიძლება ჯარები გავიდნენ პარიზიდან და მარსის მოედანზე შეიკრიბონო. არაფერ იცის, რა მოხდება, მაგრამ ის

კი ცხადია, რომ ძველებური ხუმრობა არ არის ეს ამბოხებაო. სალაპარაკოდ გაეხადათ აგრეთვე ყოყმანი მარშალ სულთისა; რა მიზეზი იყო, რომ აყოვნებდა შეტევას? ეტყობოდა, ძალიან უჭირდა რისამე გადაწყვეტილება. ბებერ ლომს ამ საქმეში რალაც საზარელი, გამოუცნობი ურჩხულის ლანდი ამინებდა.

დაბინდდა. თეატრები არ გაუღიათ. გააფთრებული მოდარაჯე რაზმები ტრიალებდნენ ყველგან, ჩხრეკდნენ გამვლელთ, აპატიმრებდნენ საეჭვოებს. ცხრა საათზე რვას კაცზე მეტი იყო დაჭერილი; გატენილი იყო დაჭერილებით პოლიციის სამმართველო, კონსიერჟერისა და ლაფორსის საპატიმროები; მეტადრე ბევრი მიეყვანათ კონსიერჟერიაში, სადაც მინის ქვედა ტალანში, რომელსაც სახელად „პარიზის ქუჩა“ ერქვა, დაეყარათ ჩალის კონები და ზედ ეყარნენ დაჭერილები, ლიონელი ლაგრანჟის მზრუნველი მეთვალყურეების ქვეშ. იმოდენა ხალხის მიერ აშრიალებული ჩალა შხაპუნა წვიმის შთაბეჭდილებას ქმნიდა. სხვაგან დაჭერილებს გარეთ ეძინათ, ცის ქვეშ, ეზოში, ცარიელ მიწაზე, შიში მორეოდა ყველას და თრთოლა, რაც მეტად უჩვეულო იყო პარიზისთვის.

სახლებს ბარიკადებად იყენებდნენ, მოუსვენრად იყვნენ ქალები და დედები. ერთი და იგივე ისმოდა ყველგან: - ოჰ, ღმერთო ჩემო! სად არის აქამდე? რატომ არ მოდის? - ოდნავდა ისმოდა ეტლების სიარულის ხმა. მიკეტილ კართან იდგა ყველა და ყურს უგდებდა ქუჩის ყვირილს, ჩაყრუებულ განურჩეველ ხმაურობას და იძახდა: - ეს ცხენოსანი ჯარი არის! ან კიდევ, - არტილერია მიაჭენებს! ისმოდა ბუკისა და ნალარის ხმა. თოფის სროლისა და მეტადრე გულის გამანყალბებელი განგამის ზარი სენ-მერისა. პირველ სროლასდა ელოდნენ ზარბაზნისას. უცბად გამოჩნდებოდა ვინმე ქუჩაში და უცბადვე ქრებოდა ყვირილით: - შინ შედიო! და ყველა იმას ცდილობდა, მაგრად ჩაეკეტა თავისი ბინის კარი. რით დასრულდებოდა ეს უბედურება? და რაც ხანი გადიოდა და ღამე ეფინებოდა ქალაქს, უფრო და უფრო გულსაკლავად ედებოდა პარიზს ავბეღითი ალი მრისხანე ამბოხებისა.

ნიგნი მეთერთმეტე
ატომისა და ქარიშხლის დაძმობილება

თავი პირველი

ცოტა რამ განმარტება გავროშის პოეზიის შესახებ და აკადემიკოსის გავლენა ამ პოეზიაზე

არსენალს რომ მიაღწია გარდაცვლილ ლამარკის ბალდახინმა და ჯარის შემოტევის გამო იძულებული გახდნენ, უკან დაეხიათ, საშინელი ალიაქოთი ატყდა ხალხში, რომელიც ბალდახინს მიჰყვებოდა და ბულვარების მთელი სიგრძით აწებოდა წინ მიმავალ ნაწილს. წინიდან რომ უკან მიაწვნიენ, აირია ხალხი, დაიშალა მწყობრი და ყველა იმას ცდილობდა ფეხქვეშ არ მოჰყოლოდა გამოქცეულთ; გამორბოდნენ. აქეთ-იქით ქუჩებში შერბოდნენ და თან ჰყვიროდნენ ზოგი იერიშის მრისხანე ყვირილით, ზოგი გამოქცეულის გულსაკლავი ხმით. ის დიდი მდინარება ხალხისა, ბულვარებს რომ ფარავდა, თვალის დახამხამებაში გაიფანტა მარჯვნივ თუ მარცხნივ და მოვარდნილი ნიაღვარივით მოედო ორას ქუჩას, თითქოს კამხალი გადმოენგრიოს დაგუბებულ წყალს და ქვეყანას მოსდებოდეს.

ერთი პატარა ბიჭი მოდიოდა ამ დროს მენილმონტანის ქუჩით, დაგლეჯილი ტანისამოსი ეცვა, ხელში კურდღლისცოცხას ტოტი ეჭირა აყვავებული; ბელვილის მაღლობზე ყოფილიყო და იქ მოეგლიჯა. ერთი მეჭლანის ღუქანში დაინახა ძველებური დამბაჩა, უნაგირზე რომ იკიდებდნენ ცხენოსნები. ყვავილიანი ტოტი იქვე მიავლო, აიღო დამბაჩა და შესძახა ღუქნის პატრონ ღედაკაცს:

- დედილო! ე, რა გქვია, მიმაქვს ნისიალ!

და მოჰკურცხლა.

ამ დროს გულგახეთილი ბურჟუები გარბოდნენ ამელოსა და ბასის ქუჩებით. წინ შეხვდათ პატარა ბიჭი; ხელში დამბაჩას ათამამებდა და მღეროდა:

ლამით ჭირს - ვინმეს გზა გაუკვალო,

დღისით შუქია წყალობით მზისა.

ყოველი ლექსი, თუნდ სულ უბრალო

ბურჟუას გულში ესობა ისრად.

ეს პატარა გავროში იყო და ომში მიბრძანდებოდა.

ბულვარზე რომ ჩავიდა, იქ შენიშნა, რომ ჩახმახი არ ჰქონდა მის დამბაჩას.

ვისი იყო ეს სიმღერა, რომელსაც ასე კოხტად აყოლებდა ფეხს, ან ვისი იყო სხვა ყველა სიმღერა, რომელსაც სიამოვნებით მღეროდა, როცა კარგ გუნებაზე იყო. ესე იგი ყოველთვის? არ ვიცით. ან ვინ იცის? იქნებ თავისიყ იყო. ეს კია, რომ გავროშმა კარგად იყოდა ხალხში გავრცელებული სიმღერები და, როცა მღეროდა, საკუთარ ჭიკჭიკსაც შივ ურევდა. ქუჩის ბიჭი იყო, ყველგან დანრიალებდა და ბუნებისა და პარიზის ხმების შეერთებით ქმნიდა პოპურის; ფრინველთა გალობას უხამებდა სახელოსნოების სიმღერებს. მხატვრების შეგირდებს იცნობდა, თავისსავით ქუჩის ბიჭებს. მგონი სამი თვე ყოფილიყო შეგირდად სტამბაში. ერთხელ პოეტს, ბურ-ლორმინს, ორმოციდან ერთ-ერთ უკვდავთაგანს, გაეგზავნა სადღაც. მაშასადამე, მწერლობის მცოდნე ბიჭი იყო გავროში.

რას წარმოადგენდა გავროში, რომ იმ საძაგელ ცივ, წვიმიან ღამეს, როდესაც ისე კარგად გაუმასპინძლდა ორ პატარა ბიჭს თავის სპილოში, თავისივე ძმებს უწევდა განგების მფარველობას. საღამოს ძმებს უშველა, დილით - მამას; აი, როგორ გაატარა პატარამ ის ღამე. ის-ის იყო თენდებოდა, შინ რომ მივიდა, სირბილით, რომ ბავშვებისთვის მიეხედა. ოსტატურად ჩამოსხა ძირს სტუმრები, ცოტა რამ უშოვა საუზმე, აჭამა და წავიდა. ბავშვები ქუჩას მიანდო. იმ კეთილ ქუჩას, რომელმაც დედობა გაუნია თვით მასაც. გამოთხოვებისას პატარა სიტყვით მიმართა:

- მე კარს ვკეტავ, ანუ სხვაფრივ რომა ვთქვათ, სადღაც ვქრები, ანუ როგორც სასახლეში ბრძანებენ, მე უნდა მოვკურცხლო. ჩიტუნებო, თუ ვერ იპოვეთ თქვენი დედიკო ან მამიკო, აქვე მოდით საღამოს. ვახშამსაც ერთად შევექცევით და დაძინებითაც ტკბილად დავიძინებთ.

აღარ მოვიდნენ ჩიტუნები, - ან პოლიციელი წაასხამდა, როგორც დაკარგულებს და ბავშვების თავშესაფარში მიიყვანდა, ან ცირკის მასხარა მოიტაცებდა, ან სადმე დანრიალებდნენ და გავროშის სასახლისთვის ველარ მიეგნოთ. ჩვენი თანამედროვე საზოგადოებრივი წესწყობილების ქვედაძირი საესეა ასე დაკარგულთა კვალით. შემდეგში ისინი ველარსად ნახა გავროშმა. ათი-თორმეტი თვე გავიდა იმ ღამის შემდეგ. ხშირად მოაგონდებოდა ხოლმე პატარა ბიჭები. თავს მოიფხანდა და იტყოდა:

- ნეტავ სად ეშმაკებში დაიკარგა ის ჩემი ორი ბალღი?

მიდიოდა დამბაჩით ხელში და პონტ-ო-შუს ქუჩაზე შევიდა; თვალი გადაავლო, ერთის მეტი მალაზია არსად იყო ღია და ის ერთიც, გარემოება მეტად საგულისხმოა, ნამცხვრის მალაზია აღმოჩნდა. სწორედ ღვთის განგებით იყო, რომ შემთხვევა ეძლეოდა ერთხელ კიდევ ვეგმა ვაშლის ღვეზელი. იქვე იდგა, ჯიბეში ხელი ჩაყო, მოსინჯა ტანისამოსი, ჯიბეები გადმოაბრუნა და ვერაფერი იპოვა, ერთი სუც კი არსად ჰქონდა და წამოიყვინა:

- მიშველეთ!

ხუმრობა კი არ არის ტკბილი ღვეზლის დაკარგვა!

მაგრამ მაინც თავის გზას გაუდგა.

ერთი ათი წუთის შემდეგ სენ-ლუის ქუჩაზე ამოყო თავი. პარკროიალის ქუჩაში რომ შევიდა, თეატრის აფიშები ჩამოფხვინა, სადაც კი ნახა, და ამით ამოიყარა ტკბილი ნამცხვრის დაკარგვის ჯავრი.

არა, რა მსუბუქად არიან ეს რენტის პატრონები! ძლომა არ იციან, იმდენს ჭამენ! სულ ტორტებით იღმუძღლებიან! აბა, ჰკითხეთ რას უშვებიან თავის ფულს! თვითონაც არ იციან, სჭამენ და სჭამენ! მუცლის მეტი არაფერი ახსვოთ!

თავი მეორე

გალაშქრებული გავროში

სასახელო საზოგადოებრივი საქმიანობის ნიშანი არის ხალხით სავსე ქუჩაში უჩახმახო დამბაჩის ხელში თამაში. ასე რომ, საზღვარი არ ჰქონდა გავროშის აღტაცებას, მარსელიობას მღეროდა, მაგრამ ენის წვერზე ადგა თავისი ვარამი და შეწყვეტდა ხოლმე სიმღერას, რომ თავისი წამოეყვინა:

- კარგად მიდის საქმე! ძალიან მანუხებს მარცხენა ფეხი. ქარები მქონდა და მოვიმორე. ძლივს გამიღიმა ბედმა, მოქალაქენო. ჭკვიანად იყვნენ ბურჟუები, თორემ ისეთს შემოვძახებ, რომ ღვთის რისხვად ეჩვენოთ, ცხვირს რომ დავაცემინებ. რა არის ჯაშუში? რა არის და ძაღლია! მაგრამ არა, ნურც ასე შეურაცხვეყოფთ ძაღლებს. ტყუილად კი არ დაარქვეს ჩახმახს ძაღლი. აჰ, ნეტავი მეც მქონდეს ერთი ამ დამბაჩაზე! ბულვარიდან მოვდივართ, მეგობრებო. ცხარდება საქმე. დუღს და გადადის, დრო არის, ქაფი მოვხადოთ ქვაბ-ქოთანს. მაშ, ყოჩაღად, ძმებო! რომ უწმინდურთ სისხლმა მორწყოს ჩვენი ყანა. სამშობლოსთვის შემინირავს ჩემი სიცოცხლე! ვედარ ვნახავ ჩემს საყვარელს, ვერც წინანდელს და ვერც ადელს. მაგრამ ჯანდაბას! გაუმარჯოს სიხარულს, გაუმარჯოს ბრძოლას! გული გამინყალეს ამ მტარვალებმა!

ამ დროს ცხენი წაეცა ერთ გვარდიელს. გავროშმა მიწაზე დადო დამბაჩა, წამოაყენა კაცი, უშველა ცხენის აყენებას, მერე დამბაჩა აიღო და გზას გაუდგა.

მიჩუმებული იყო და დამშვიდებული ტორინის ქუჩა. უცნაურ კონტრასტს წარმოადგენდა ეს მარეს უბნისთვის დამახასიათებელი უგრძობლობიანი გარემო ქუჩების ხმაურში. დედაკაცი იდგა ერთ კართან და ჭორიკანობდა. შოტლანდიას სამსამი კუდიანი სჩვევია, პარიზს ოთხ-ოთხი ჭორიკანა. შეიძლება ისევე საბედისწეროდ ესროლა ვინმეს ბონაპარტისთვის „შენ, ... რომელს მიფოთა გელის“, - როგორც მაკბეტს უთხრეს არმიუიერის ჭალაში. ესეც იგივე დაჩხავლება იქნებოდა.

ტორინის ქუჩის დედაკაცებს თავიანთი გაჭირვების მეტი არაფერი ანუხებდათ. სამი მეკარე იყო და ერთი მეძონძე კალათითა და კავით. იდგნენ და ლაპარაკობდნენ ოთხივე, სიბერის ოთხივე თვისებით აღჭურვილნი, - უძლურებით, ჭკნობით, მიხრწნილებითა და მწუხარებით.

თავმდაბალი დედაკაცი იყო მეძონძე. ამ ღია ცის ქვეშ მეძონძე ქედს იხრის და მეკარე მფარველობს; ეს დამოკიდებულია ეზოს იმ კუნჭულზე, სადაც სანაგვე ყუთია, და მეკარის სურვილისამებრ ხან ძალიან მსუქანია და ხან ძალიან მჭლე.

შეიძლება ცოცხის გასმაშიც კი მოიპოვებოდეს გულკეთილობა.

მადლიერი დედაკაცი იყო მეძონძე და ტკბილად უცინოდა. რა სიცილი იყო! სამ მეკარეს ამგვარი ლაპარაკი ჰქონდა:

- მართლა! ისევ ისე იფხაჭნება თქვენი კატა?

- ღმერთო ჩემო! კატა, მოგვესენებათ, ბუნებითაც ძალღის მტერია. თუ ჩივის ვინმე, ისევ ძალღები!

- და ადამიანებიც.

- მართალია, მაგრამ კატისაგან რწყილი არავის შეაჭდებო.

- არც ძაღლისგან, ოღონდ საშიშია ძაღლის შენახვა. ერთ წელიწადს ისე გამრავლდა, მახსოვს, ძაღლი, რომ გაზეთებშიც კი გამოაცხადეს. ეს იმ დროს, როდესაც ტუილრის სასახლეში დიდრონი ცხვრები ჰყავდათ, პატარა ბატონიშვილის ეტლში შებმულნი, გახსოვთ? რომის მეფისა...

- მე ბორდოს დუკი უფრო მიყვარდა.

- მე ლუი XVII ვნახე. ლუი XVII ყველას მირჩევნია.

- ძალიან გაძვირდა ხორცი, ჰა, პატაგონ-ქალებო?

- აჰ! ნუღარ მომაგონებთ, საშინელებაა ჩვენი საყასბო! საზარელი საშინელება! ეჰ, რაღაც დანაწონების მეტს ვერას წაეკარები.

აქ კი მენაგვე ჩაერია საუბარში:

- აღარაფერი იშოვება, ქალებო, ვაჭრობაც ძალიან გაძნელდა, ყველაფერს ფასი დაადეს, უვარგისსაც კი. აღარაფერს იმეტებენ გადასაყრელად, სულ თვითონვე ჭამენ.

- ეჰ, ვაჭირვებამ იცის, ჩემო ვარგულემ.

- ეგ მართალია, - მიუგო პატივისცემით მეძონძემ, - კიდევ კარგი, რომ ჩემი ხელობა მაინცა მაქვს.

ცოტა ხანს მიჩუმდნენ, მეძონძე აიყოლია თავის გამოჩენის სურვილმა, რაც ძირითადი თვისება არის ადამიანისა, და განაგრძო:

- შინ რომ მივალ ხოლმე დილით, ჯერ კალათს დავცლი, ვარჩევ ნაპოვარს. რამდენიმე გროვად მიყრია იატაკზე. ჩერებს ერთ კალათში ჩაყერი, კურკასა და ნაფუცქვენს მეორეში. საცვლის ნაფხრენს განჯინაში, ქალაღდს ფანჯრის კუთხეში. თუ საჭმელი არის რამე, - ჩემს ბაღიაში. შუშების ნამტვრევს ბუხარში, ძველ ფეხსაცმელს კარს უკან და ძვლებს ჩემი ტახტის ქვეშ.

გავროში უკან მისდგომოდა და ყურს უგდებდა.

- ბებრუყუნებო, რასა ბრძანებთ პოლიტიკისას?

უცბად შეუტიეს, ერთხმად ოთხივემ:

- შენ ვინა გკითხავს, შე არამზადავ, შენა?!

- ეგ რა გიჭირავს მაგ დასამინებელ ხელში? დამბაჩა?

- ამას უყურეთ ერთი! ჯერ მიწას არ ასცილებია!

- როგორ მოისვენებს, სანამ მთავრობას არ დაამხოვს?

პასუხის ღირსად არ ცნო გავროშმა. ზიზღით გადახედა, ცერი მიიღო ცხვირზე და ფაროდ გაშალა თითები.

მეძონძე შეუტია:

- გასწი, გაგვეცალე, შე ფეხშიშველა მანანწალა!

პატაქონ-ქალს რომ ეძახდნენ, შეურაცხყოფილის ბრავით ხელები გაასავსავა:

- უბედურება მოგველის, რალა თქმა უნდა! ჩემ გვერდით რომ ბიჭი დგას, აი, ესპანურად წვერშეკრეტილი, ისე ჩამოივლიდა ხოლმე ყოველ დილით, რომ ერთი ვარდისფერქუდიანი ლამაზი უნდა ჰყოლოდა თან, ხელიხელჩაკიდებული, და ამ დილით კი რომ ჩამოიარა, იმ გოგოს მაგივრად თოფი ეჭირა ხელში. მაღამ ბაშემ თქვა, გასულ კვირას რევოლუცია მოხდაო, ღმერთო, შენ მომავონე. აი, სადაც ხბორებს ჰყიდია! დიახ, პონტუაშში, და ეგეც არ იყოს, ამას ხედავთ, თავისი დამბაჩით, ამ უტიფარ მურტალს! ამბობენ, სულესტინი სავსეა ზარბაზნებითო. რა უნდა გაანყოს მთავრობამ, როცა ქვეყანას იკლებენ ეს მანანწალა ყაჩაღები, რომლებმაც არ იციან, რა მოიგონონ, რომ ქვეყანა არიონ და ხელი მოითბონ. ის არ გვეყოფოდა, რაც ვაი-ვაგლახი ვნახეთ, რომ ახლა ეს არ გამომტყვრალიყო. მოსვენება კი აღარ არის და! ღმერთო დიდებულო! მე რომ დედოფალი ვნახე თავისი ეტლით! ახლა ბურნუთი როგორ გაძვირდება! საშინელება! მეც იქ ვიქნები, იყოდე, გილიოტინაზე რომ აგაბრძანებენ, შენ უხეირო, შენა!

- რას დუდუნებ, ძველისძველო? ეგა სჯობს, რომ ხორთუმი მოიხოცო, - შესძახა გავროშმა და გაქუსლა.

პავეს ქუჩაზე რომ გავიდა, იქაც მოავონდა მეძონძე და ამ მონოლოგით მიმართა, თუმცა იქ აღარ ჰყავდა:

- ცდები, რომ აგრე ლანძღავ რევოლუციონერებს, ქალბატონო ნაგვის ყუთო, შენ საშველად არის ეს დამბაჩა, რომ ნავავი კი არა, კარგი საჭმელ-სასმელი გქონდეს სუფრაზე.

და რაღაც ხმაური მოესმა უკნიდან; თურმე მეკარე პატაგონი მოსდევდა, შორიდანვე უდერებდა მუშტს და უყვიროდა:

- შენ ნაბიჭვარო, შენა!

- ახლა მაგის დარდი ამიშალე, რა მენაღვლება?!

ცოტა ხნის შემდეგ ლამუანონის სახლთან რომ მივიდა, დაიყვირა:

- ბრძოლისაკენ, ხალხო!

მაგრამ დაღონდა უცხად: დახედა თავის დამბაჩას და საყვედურით უთხრა, თითქოს ცდილობს გული მოუგოსო!

- მე მივდივარ და შენ კი ადგილიდან ვერ დაიძვრი!

ძალღსაც შეუძლია ძალღად წოდებული ჩახმახი დაავინყოს კაცს. პატარა ფინია დანახა გამხდარი, დამშეული და შეებრაღა:

- ნუთუ მთელი კასრი ჩაყლაპე შე სანყალო, რომ აგრე გიჩანს მთელი მისი გვერდები?

მერე ლ-ორმ-სენ-უერვესკენ მიაშურა.

თავი მესამე

დალაქის სამართლიანი აღშფოთება

ღირსეული დალაქი, რომელმაც ისე უდიერად გამოჩვენა პატარები, გავროშმა რომ მამობრივი სიყვარულით დააძინა სპილოს მუცელში, ახლაც წვერს პარსავდა ერთ მოხუცებულ ჯარისკაცს, რომელიც იმპერის დროს ყოფილიყო ჯარში. დალაქმა მაშინვე ამბოხების შესახებ დაუწყო ლაპარაკი ბებერ ჯარისკაცს, მერე გენერალი ლამარკი მოაგონდა, ლამარკიდან ნაპოლეონამდე მივიდა და გაიმართა საუბარი. პრუდონი რომ იქ ყოფილიყო, თავისებურად შეამკობდა და გამოსცემდა შემდეგი სათაურით: „სამართებლისა და ხმლის დიალოგი.“

- ერთი მითხარით, ბატონო, - ეკითხებოდა დალაქი, - როგორ იჭდა ცხენზე იმპერატორი?

- ცუდად. ჩამოვარდნა არ იცოდა. და ამიტომ ერთხელაც არსად ჩამოვარდნილა.

- კაი ცხენები ეყოლებოდა? ალბათ საუცხოო, არა?

- მე რომ ჯვარი ჩამოშვიდა გულზე, იმ დროს მის ცხენს ვსინჯავდი. იორლა ფაშატზე იჭდა, მთლად თეთრზე, ყურები აქეთ-იქით ჰქონდა გადანკვილი. ღრმა უნაგირი ედგა, ლამაზ შუბლზე შავი ვარსკვლავი ჰქონდა ნიშნად, ძალიან გრძელი კისერი, წვრილი ფეხი, გამობერილი ნეკნები, მაგარი გული და ღონიერი გავა. სამი მეტრის სიმაღლისა იქნებოდა.

- ძალიან ცხენი ყოფილა, - მოუწონა დალაქმა.

- მისი დიდებულების ცხენი იყო.

- დალაქმა იგრძნო, რომ ამ სიტყვის შემდეგ საჭირო იყო ცოტა ხნით ზრდილობიანი გაჩუმება. დაემორჩილა ამ მოსაზრებას და მერე განავრძო:

- იმპერატორი მარტო ერთხელ იყო დაჭრილი, არა, ბატონო?

ისე უპასუხა ბებერმა ჯარისკაცმა, იმ სიმშვიდით და თავმონონებით, რომელიც შემვენის დამსწრეს და თავის თვალით მნახველს:

- დიახ, შიგ ქუსლში. რატისბონში იყო. ისე მშვენიერად ჩაცმული სხვაგან არსად მინახავს... ისე ბრწყინავდა, როგორც ახალი სუ.

- თქვენ, ბატონო? თქვენც იქნებოდით დაჭრილი?

- მე? ეჰ, საიმისო არაფერი! მარენგოში შიგ კვინისში ჩამკრეს ორჯერ ხმალი; ერთი ტყვია აუსტერლიცში მითავაზეს, მარჯვენა მკლავში, ერთი კიდევ მარცხენა თეძოში, იენის ბრძოლაში, ფრიდლანდში აი, აქ ჩამკრეს ხიშტი; მოსკოვში შვიდი თუ რვა შუბი, აღარც კი მახსოვს, სად მატაკეს; ლუცენში ყუმბარა გასკდა და თითი წამიხდინა... ეჰ, ვატერლოო კი მაგინყდება! ბარძაყში მომხვდა ტყვია. ეს იყო და ეს.

- რა კარგია, - შეჰყვირა დალაქმა შინდარის კილოთი, - ბრძოლის ველზე სიკვდილი! - პატიოსან სიტყვას გაძღვეთ, მე ის მირჩევნია, იქ მოვკვდე, ვიდრე ჩემს ლოგინში ვეგლო ავადმყოფი, ხანგრძლივად ნელ-ნელა მომაკვდავი, მანვალეზდნენ ექიმები წამლებით, მალამოებით, ოყნით, კოტოშებით. ასე ტანჯვას სჯობია, ერთი კარგი ყუმბარა მეცეს მუცელში და სული გამანთხევენოს.

- კაი გემოვნების კაცი ყოფილხარ.

ჯერ არც კი დაესრულებინა ჯარისკაცს ეს სიტყვა, რომ საშინელი ხმით დაიმსხვრა და ძირს ჩამოვარდა ქუჩის მხრივ ფანჯრის მინა.

მკვდრის ფერი დაედო დალაქს.

- გამინყრა ღმერთო! აი, ეს ერთი! - შეჰყვირა გულგახეთქილმა.

- რა?

- რა და ყუმბარა!

- აი, თქვენი ყუმბარა, - უთხრა ჯარისკაცმა, იატაკიდან რაღაცა აიღო და დალაქს მიაწოდა. ქვა იყო.

მივარდა დალაქი ფანჯარას, გაიხედა და გავროში დაინახა. მირბოდა ბიჭი, უკან აღარ იხედებოდა, სენ-ჟანის ბაზრისკენ.

ქუჩაში რომ მოდიოდა გავროში და სადალაქოს მიუახლოვდა, პატარები მოაგონდა, ისინი ჯერ ისევ გულიდან ვერ ამოგედოო. მოუნდა, ერთი კარგად მისალმებოდა მის პატრონს და ფანჯარას ესროლა ქვა.

- ხედავთ?! - მოთქვამდა დალაქი, რომელსაც ყვითელი ფერი ცისფრად შეცვლოდა, - ავი უნდა იყოს კაცი, რომ ავს სჩადიოდეს, თორემ განა რა დავუშავე მე იმ არამზადას?

თავი მეოთხე

მოხუცის მიერ გაკვირვებული ყმაწვილი

სენ-ჟანის მოედანზე, სადაც უკვე იარაღი ჩამოერთმიათ ერთი სამხედრო სადარაჯოსთვის, გავროში გაერია ხალხში, რომელსაც წინ მიუძღოდა ანჟოლრასი, კურფეირაკი, კონბფერი და ფეილი. თითქმის შეიარაღებულნი იყვნენ ყველანი. ახლა ბაორელი და ჟან პრუვერი შეუერთდნენ და უფრო იმატა ხალხმა. ანჟოლრასს სანადირო თოფი ჰქონდა: ორლულიანი, კონბფერს - ეროვნული გვარდიის თოფი, რაზმის ნომრით და ქამარში ორი დამბაჩა; სერთუკის ღილები გაეხსნა და კარგად მოუჩანდა დამბაჩები; ჟან პრუვერს ძველი ჯაზიანი ჰქონდა, ცხენოსანი ჯარისა; ბაორელს მოკლე შაშხანა; კურფეირაკი იქნევდა ჯოხს; ფეილისაც ამოღებული ხმალი ეჭირა, წინ მიუძღოდა და ყვიროდა:

- პოლონეთს გაუმარჯოს!

მორლანის ქუჩიდან მოდიოდნენ. ზოგს ყელსახვევი დავიწყებოდა, ზოგს ქედი, დაღლილები იყვნენ, წვიმით დასველებულები, მაგრამ მოელვარე მზერა ჰქონდათ.

მივიდა წინამძღოლებთან გავროში და ღინჯად ჰკითხა:

- სად მივდივართ?

- წამოდი, - უთხრა კურფეირაკმა.

ფეილის უკან ბაორელი მოდიოდა, უფრო მოკუნტრუშობდა, თავს ისე გრძნობდა, როგორც თევზი წყალში. ჟოლოსფერი ჟილეტი ეცვა. ყველაფრის შემშუსვრელი ენა ჰქონდა. ერთ ბებერ კაცს გული გაუხეთქა მისმა ჟილეტმა და ყვირილი მორთო:

- ნითლები მოდიან!

- ნითლები, ნითლები! - შეაყენა ბაორელმა, - სირცხვილია ასე შიში, ბურჟუავ, ისე როგორ წაეხდები, რომ კანკალი დამანყებინოს ნითელმა ყაყაჩომ, ან ნითელქუდა გოგომ. მერწმუნეთ, ბურჟუავ, სჯობია ნითელი ფერის შიში რქიან საქონელს დავეთმოთ.

კედელზე ერთი მშვიდობის მანუწყებელი ქალაქი დაინახა გაკრული, - არქიეპოსკოპოსი ნებას აძლევდა თავის „სამწყსოს“ კვერცხი ეჭამათ იმ მარხვაში.

გაბრაზდა ბაორელი:

- რაო? სამწყსოო? ზრდილობიანი ხსენებაა ბატებისა!

და ჩამოგლიჯა კედლიდან ეს წმინდა ნებართვა. ამით დაიმორჩილა გავროში; თვალს აღარ ამორებდა ბიჭი და აკვირდებოდა.

- სცდები, ბაორელ, - უთხრა ანჟოლრასმა, - რა გენალვლება, იყოს თავისთვის ეს ქალაქი! ჩვენ მაგის მოსასპობად კი არ გამოვსულვართ. უსარგებლოდ ხარჯავ შენს ცეცხლს. მომარაგებულის გაფრთხილებაც უნდა ვიცოდეთ. თუ მწყობრში ხარ, ცალკე ნუ ისვრი ტყვიას და ნურც მრისხანებას.

- კაცია და გუნებაო, ანჟოლრას, - უპასუხა ბაორელმა, - მარცხვენს ეს ეპოსკოპოსის პროზა. მე მინდა ჩემი სურვილით ვჭამო კვერცხი და არა ვილაცის ნებართვით. შენ ცივი გონების კაცი ხარ, მე კი გართობაც მიყვარს, და გარდა ამისა, ჩემს მარავს კი არ ვფლანგავ, პირიქით, მინდა ისე ვისკუპო, რომ ჩემს მივალნიო, ვვარჯიშობ. ის ეპოსკოპოსი ჩამოვხიე? ჰერკულესის მზემ, იმიტომ ჩამოვხიე, რომ მინდა მადაზე მოვიდე!

ყურში ეცა გავროშს სიტყვა „ჰერკულესი!“ ყოველგვარ შემთხვევას ეძებდა, რომ განეთარებულიყო, ბიჭი პატივისცემით შეჰყურებდა ამ აფიშების ჩამომხვეს და ჰკითხა:

- ეს ჰერკულესი ვილა არის?

განუმარტა ბაორელმა:

- აი, დასწყევლოს ღმერთმა ძალღიჯა და იმის გამჩენიცაო, ლათინურად.

ამ დროს ერთი სახლის ფანჯარაში ყმანვილი კაცი დაინახა ბაორელმა, ფერმკრთალი, შავნვერიანი, რომელიც ზემოდან უყურებდა ამ ხალხს. ალბათ წვერი იქნებოდა ანბანის საზოგადოებისა. და ახლა მას მიმართა ბაორელმა:

- ჩქარა ვაზნები! Para bellum.

- ბელ ჰომმე! მართლა! - წამოიძახა გავროშმა, რომელიც დარწმუნდა, რომ ახლა კი კარგად ესმოდა ლათინური.

ამ ყმანვილებს მრავალი ხალხი მოსდევდა მხიარული ხმაურით, - სტუდენტები, არტისტები, ეკსის კუგურდის მომხრე ყმანვილები, მუშები, ნავსადგურელები, შეიარაღებული ჯოხებითა და ხიშტებით. ზოგს კონბფერივით დამბაჩა ელო შარვლის ჯიბეში. ერთი მოხუცებული კაცი გარეუღიყო ამ ყმანვილ ხალხში; მეთისმეტად მოხუცებულსა ჰგავდა, მაგრამ მაინც ამ ყმანვილებთან იყო. იარაღი ჰქონდა და ჩქარობდა, არ ჩამორჩენილიყო, თუმცა ჩაფიქრებული ჩანდა.

თვალი მოჰკრა გავროშმა:

- ეს ვილა? - ჰკითხა კურფეირაკს.

- ბებერი კაცია.

ეს მაბეფი იყო.

თავი მუხუთე

მოხუცებული

ვნახოთ, რა მოხდა.

ანჟოლრასი და მისი ამხანაგები ბურდონის ბულვარზე იყვნენ იმ დროს, როდესაც დრაგუნები ხალხს მისციდნენ, ანჟოლრასმა, კურფეირაკმა და კონბფერმა სხვებთან ერთად ბასონიერის ქუჩას მიაშურეს ყვირილით:

- ბარიკადებზე!

ლენდიგიერის ქუჩაზე ერთი ღრმად მოხუცებული კაცი შეხვდათ.

მაშინვე მიიპყრო მათი ყურადღება, რადგან ისე ბარბაცებდა, თითქოს მთვრალი ყოფილიყო. გარდა ამისა, ქუდი ხელში ეჭირა, თუმცა მთელ დილას წვიმდა და წვიმდა მაშინაც, ამ ცმანვილებს რომ შეხვდა. კურფეირაკმა იცნო მოხუცებული მამბეფი, იცნო, რადგან ბევრჯერ მიეცილებინა მარიუსი მის სახლამდე. იცოდა კურფეირაკმა მამბეფის მშვიდობიანი ცხოვრება; იცოდა, რომ მორიდებული, თავმდაბალი კაცი იყო ეს ძველი მნათე, წიგნების მოყვარული; გაუკვირდა, იქ რომ დაინახა, იმ არეულობაში, ორი ნაბიჯის მანძილზე ზარბაზნებიდან, სწორედ იმ ადგილზე, რომელსაც მიზანში ამოიღებდა მთავრობის ჯარი, სროლა რომ ატეხილიყო. უქუდოდ მოდიოდა მოხუცი ავღარში, თითქოს სასიეროდ გამოსულიყო ამ არეულობაში. მისეალმა კურფეირაკი და ასეთი დიალოგით გამოელაპარაკნენ ერთმანეთს ოცდახუთი წლის აჯანყებული და ოთხმოცი წლის მოხუცებული:

- ბატონო მამბეფ, შინ წაბრძანდით.
- რადა?
- შეიძლება ბრძოლა ატყდეს.
- ძალიან კარგი!
- თოფის სროლა ატყდება, შეიძლება ხმალი და ხიშტი იხმარონ.
- ძალიან კარგი!
- ზარბაზნის სროლა...
- ძალიან კარგი, თქვენ საით მიხვალთ?
- ჩვენ მივდივართ, რომ ძირს დავცეთ ჩვენი მთავრობა.
- ძალიან კარგი!

და ისიც თან გაჰყვა. მას შემდეგ ხმა აღარ ამოუღია. უცბად გაუმაგრდა ფეხი. მუშებმა ხელი გაუნოდეს, - დაგეხმარებით, თუ დაღლილი ბრძანდებითო, - მაგრამ თავი გაიქნია, - არა, არ მინდაო. თითქმის პირველ რიგში მოქცეულიყო და მოძრაობა იმ ადამიანისა ჰქონდა, რომელიც იძვრის, მიდის, და სახე კი იმ ადამიანისა, რომელსაც სძინავს.

- საწყალი კაცი! - დუდუნებდნენ სტუდენტები, - როგორი თავდადებულია!

და ხმა გავარდა, მაშინვე, - კონვენტის წევრი არის წინანდელი, ერთ-ერთი მეფის მკვლელთაგანო.

ვერერის ქუჩით ჩავიდნენ. წინ გავროში მიუძლოდათ და, რაც შეეძლო, მაღალი ხმით მღეროდა, ისე, რომ ის ასრულებდა თავისი სიმღერით ბუკის დანიშნულებას:

- აი, უკვე ცაზე ამოცურდა მთვარე,
- უკვე ღამის თრთვილით იფარება არე.
- განა დრო არ არის? დრო არ არის განა? -
- ეხვეწება უანი კერპ, თავნება უანას.
- ზე, ზე,ზე,
- შატეზე.
- ღმერთი, მეფე, ჯლანი, გახვრეტილი გროში,
- აი, ამ სიმდიდრით ვცხოვრობ მე ჩვენს დროში!
- მზე ჩავიდა უკვე, ღამე არის ბნელი,
- მინურს გაზაფხულის სუნი ათრობს მწველი.
- მინდორში ბალახი ყვავის,
- ეძლევა ცეკვას და ხალისს,

ზე,ზე,ზე,

პასაზე.

ღმერთი, მეფე, ჯლანი, გახვრეტილი გროში,
აი, რა სიმდიდრით ვცხოვრობ მე ჩვენს დროში!

მგლის ლეკვებმა

ტყეში ისე იჩხუბეს,

ბარტყი ჭილყავისა

ისე ძლიერ დათვრა, -

რომ თვით ხაფანგშიც კი

გაიციან დათვმა.

ზე,ზე, ზე,

მედონზე.

ღმერთი, მეფე, ჯლანი, გახვრეტილი გროში,

აი, რა სიმდიდრით ვცხოვრობ მე ჩვენს დროში!

ირგვლივ ისმის მხოლოდ არეული ხმები,

იფარება თრთვილით მინდვრები და მთები,

განა დრო არ არის? დრო არ არის განა?

ეხვეწება ჟანი კერპ, თავნება ჟანას,

ზე,ზე,ზე,

პანტენზე.

ღმერთი, მეფე, ჯლანი, გახვრეტილი გროში,

აი ამ სიმდიდრით ვცხოვრობ მე ჩვენს დროში!

თავი მეექვსე

მოხალისენი

ყოველი მხრიდან მოდიოდა ხალხი და მებრძოლთ ემატებოდა. ბიეტის ქუჩას რომ მიუახლოვდნენ, ერთი მაღალი კაცი ჩაერია ხალხში, ჭადარაშერეული, მტკიცე და გამბედავი სახისა. კურთფერაკმა, ანჟოლრასმა და კონბფერმა მაშინვე შენიშნეს, მაგრამ ცნობით კი არ იცნობდნენ. გავროში სიმღერით იყო გართული, სტვენიით, ოხუნჯობით. წინ მიუძლოდა თავის ლაშქარს. მაღაზიების დარაბებს უჩახმახო დამბაჩის კონდახს სცემდა და უკან აღარც კი იხედებოდა.

ვერერის ქუჩაზე კურთფერაკის სახლის წინ უნდა გაეგლოთ.

- ძალიან კარგი, - თქვა კურთფერაკმა, - ფული შინ დამვიწყებია და ქუდი სადღაც დამიკარგავს.

სირბილით ავიდა სახლში, ძველი ქუდი დაიხურა. ქისა ჩაიღო ჯიბეში, ერთი სკივრივით დიდი ყუთი აიღო, დამალული ჰქონოდა ჭუჭყიან საცვლებში, და კიბეზე დაეშვა სირბილით. მეკარემ შეაყენა:

- ბატონო დე კურთფერაკ!

- თქვენ რაღა გქვიათ? - შეუტია კურთფერაკმა.

პირღია შეჰყურებდა ქალი.

- ძალიან კარგად იცით, ბატონო, მეკარე გახლავართ ამ სახლისა. ძალუა ვევენს მეძახიან.

- ჰოდა, თუ კიდევ გითქვამთ ჩემთვის დე-კურფეირაკი, მეც ძალუა-ვევენს დაგიძახებთ. აბა, რა გინდათ, ჩემგან, რაშია საქმე?

- ვილაც გახლავთ, თქვენი ნახვა უნდა.
- ვინ არის?
- რა მოგახსენოთ?
- სად არის?
- ჩემს ოთახში.
- სად მცალია?
- ერთი საათი იქნება, მეტიც, რაც აქ გელით.

ამ დროს მეკარის ოთახიდან ერთი ყმანვილი მუშა გამოვიდა, გამხდარი, გაყვითლებული, ტანდაბალი, ჭორფლიანი სახე ჰქონდა, დახეული ხალათი და დაკერებული შარვალი ეცვა, გოგოს უფრო ჰგავდა, კაცური ტანისამოსით მორთულს, ვიდრე ყმანვილ კაცს. თავი დაუკრა კურფეირაკს და მიმართა ნამდვილი ქალის ხმით:

- ბატონი მარიუსის ნახვა თუ შეიძლება?
- შინ არ არის.
- ამ საღამოს გიახლებათ?
- აბა, რა ვიცი?

და კურფეირაკმა დაუმატა: - მე კი არ მოვალ შინ.

დააცქერდა ყმანვილი ბიჭი და ჰკითხა:

- რატომ?
- იმიტომ.
- სად მიბრძანდებით?
- შენ რა გინდა?
- ეს ყუთი წამოგიღოთ?
- ბარიკადზე მივდივარ.
- ნებას მიბოძებთ, მეც თან წამოგყვებო?
- თუ გინდა. ქუჩა ყველას ეკუთვნის.

და სწრაფად გავარდა ქუჩაში, რომ ამხანაგებს დასწვოდა. დაენია. ყუთი ერთ ამხანაგს მისცა. ცოტა ხნის შემდეგ შენიშნა, რომ ის ყმანვილი ბიჭიც თან წამოჰყოლოდა.

ასე შეგროვილი ხალხი ადვილად ვერ მივა სწორედ იქ, სადაც უნდა მისულიყო. უკვე ვთქვით, ქარიშხალი მიაქანებს აჯანყებულებს. სენ-მარი გადაიარეს და არც კი იცოდნენ, როგორ მოხდა, რომ სენ-დეინიში მოხვდნენ.

წიგნი მეთორმეტე

„კორინთი“

თავი პირველი

„კორინთის“ ისტორია დღიდან მისი დაარსებისა

პარიზელი დღეს რამბიუტოს ქუჩაზე რომ გავა ცენტრალური ბაზრის მხრიდან, მარჯვნივ, მონდეტურის ქუჩის პირდაპირ, კალათების ერთ მაღაზიას დაინახავს; აბრად

ამ მაღაზიას ერთი დიდი კალათი აქვს, იმპერატორ ნაპოლეონ I-ის ფორმისა, და ზედ წარწერა:

NAPOLEON EST BAIთ
TOUT EN OSIER.

ის ვერც კი წარმოიდგენს, რა საშინელი ამბები დატრიალდა ამ ოცდაათი წლის წინ სწორედ ამ სახლთან.

სწორედ აქ იყო შანვრერის ქუჩა, რომელსაც ძველებურად შანვრერი ერქვა, და სახელოვანი სამიკიტნო, სახელად - „კორინთი“.

მკითხველს ესომება ყოველივე, რაც ამ ადგილას აგებული ბარიკადის შესახებ ვთქვით, რომელიც მერე სენ-დენის ქუჩის ბარიკადმა დაჩრდილა. სწორედ ამ შანვრერის ბარიკადს, დღეს დავინწყების სიბნელეში ჩაძირულს, გვინდა მოვფინოთ შუქი.

მამ, ნება გვიბოძეთ, უფრო მეტი სიაშკარავისათვის იმავე უბრალო საშუალებას მივმართოთ, რომელიც ვატერლოოს აღწერისთვის გამოვიყენეთ. თუ ნებავს ვინმეს, სრული სინამდვილით წარმოიდგინოს ის მრავალი შენობა, რომლებიც იმ დროს სენტ-ესტაშის ირგვლივ იყო აგებული, ცენტრალური ბაზრიდან ჩრდილო-აღმოსავლეთით, სადაც დღეს რამბიუტოს ქუჩა იწყება, წარმოიდგინოს ასო ნ, რომელიც თავით სენ-დენის ქუჩას ებჯინება და ძირით - ბაზარს, ორი შვეული გვერდით ტრუანდერისა და შანვრერის ქუჩებს და ამ გვერდების შემაერთებელი განივი ხაზით კი ლა პტიტ-ტრუანდერის ქუჩას. ძველი მონდეტურის ქუჩა ნ-ის სამივე მხარეს დახლართული ხვეულებით კვეთდა და მრავალ კუთხეს ქმნიდა. ამ ოთხი ქუჩის ლაბირინთი, ერთი მხრივ, ცენტრალურ ბაზარსა და სენ-დენის ქუჩას შორის, და მეორე მხრივ, დე-სინისა და პრეპერის ქუჩებს შორის, ორასმეტრიან ოთხკუთხა ფართობზე ქმნიდა უცნაური ფორმის, სხვადასხვა ზომის, უსწორმასწოროდ, თითქოს შემთხვევით განლაგებულ და ერთმანეთისგან ვიწრო გასასვლელებით დაშორებულ შვიდ კვარტალს.

ვიწრო გასასვლელითო, ვთქვით და უკეთ, უფრო გასაგებად, სხვას ვერაფერს ვიტყვით, რომ ზედმიწევნით მუსტად გამოგვესახა ეს ვიწრო, გაუვალი, დაკლაკნილი, რეასართულიანი სახლებით ჩაბნელებული ქუჩები; ამ ქუჩებში ძველი შენობები იდგა, იმდენად ძველი და დამსკლარი, რომ შანვრერისა და პტიტ-ტრუანდერის ქუჩებში დიდრონი ბიჭები ჰქონდათ შედგმული გასამაგრებლად ერთი სახლიდან მეორემდე. ქუჩა ვიწრო იყო, ჩასადინარი თხრილი კი - ფართო; გამვლელები სარდაფების მსგავსი სამიკიტნოების, სქელი, რკინისსალტეებიანი ქვის ტუმბოების, აუტანლად მყრალი ნაგვის გროვებისა და უზარმაზარი, საუკუნოვანი გისოსებიანი ჭიშკრის გავლით სველ ფილაქანზე მიაბიჯებდნენ. რამბიუტოს ქუჩამ გადაყლაპა ეს ყველაფერი.

სახელი მონდეტური სწორედ კარგად ახასიათებდა ამ ქუჩების ქსელს. ცოტა იქით ერთ ქუჩას უფრო მეტყველი სახელი ჰქონდა - პირუეტი, რომელიც მონდეტურისას უერთდებოდა, და რომლის სახელი კიდევ უფრო დამახასიათებელი იყო ამ უბნისათვის.

გამვლელი სენ-დენის ქუჩიდან რომ შანვრერზე გადაუხვევდა, ნახავდა, რომ ქუჩა ნელ-ნელა ვიწროვდებოდა, თითქოს დაგრძელებული ძაბრიაო. ამ მოკლე ქუჩის ბოლოს, ცენტრალური ბაზრის მხრიდან, წინ, მას გზას გადაუღობავდა მაღალი

სახლების რიგი და იფიქრებდა, ჩიხში ვარო, რომ არა ორივე მხარეს, მარჯვნივ და მარცხნივ, ორი ბნელი გასასვლელი, რომლებითაც შეეძლო იქიდან გამოსვლა. მონდეტურის ქუჩის ერთი მხარე პრემერის ქუჩას უერთდებოდა, მეორე კი სინისა და პტიტ-ტრუნანდერის ქუჩებს. ამ ჩიხის მსგავს გასასვლელების გზაჯვარედინზე, მარჯვენა გასასვლელის კუთხეში, ერთი დაბალი სახლი იდგა.

ამ ორსართულიან სახლში სამი საუკუნის განმავლობაში ერთი მხიარული, სახელგანთქმული სამიკიტნო იყო. იმისთანა მხიარულებითა და ხმაურით ავსებდა უბანს, რომ ლექსიც უძღვნა ბებერმა თეოფილმა:

იქ ქანაობს, ქანაობს ჩონჩხი გულსაკლავი,

უბედურმა მიჯნურმა ჩამოიხრჩო თავი.

კარგ უბანში იყო ეს სამიკიტნო და მამისაგან შვილებზე გადადიოდა მემკვიდრეობით.

მატურენ რენიეს დროს ამ სამიკიტნოს სახელად „ვარდების ქოთან“ ერქვა და რადგან მაშინ ძალიან მოდური იყო რებუსები, აბრად ვარდისფერად შეღებილი ბოძი ჰქონდა. ამ სამიკიტნოს გასულ საუკუნეში რამდენჯერმე ეწვია ღირსეული ნატუარი, მეოცნებე, რომანტიკოსი მხატვარი, რომელსაც დღეს ამრეზით უყურებენ რეალიზმის მიმდევრები, და კარგადაც გადაკრა. რამდენჯერმე მოუღიხნა იმ მაგიდასთან, რომელსაც რენიეც უჯდა, და ვარდისფერ ბოძზე ერთი მტევანი კორინთული ყურძენი მიახატა. ძალიან გაუხარდა მიკიტანს, მაშინვე შეცვალა ძველი წარწერა და ყურძნის მტევნის ქვეშ ოქროსფერი წარწერა გააკეთებინა: „კორინთული ყურძენი“. მას შემდეგ სამიკიტნოს „კორინთი“ დაერქვა. ისე არაფერი ეხერხებოდა ლოთებს, როგორც სიტყვის „გადაკვრა“. სიტყვის „გადაკვრა“ ფრაზის ხვეულია. „კორინთმა“ ნელ-ნელა განდევნა ამ სამიკიტნოს ძველი სახელი და მისი ადგილი თვითონ დაიჭირა. ამ სამიკიტნოს პატრონების უკანასკნელ შთამომავალს, უმლუს, თავისი გვარის ტრადიციებისა არაფერი გაეგებოდა და ვარდისფერი ბოძი ცისფერად შეაღებინა.

ერთი დახლიანი დარბაზი ქვედა სართულზე იყო. ერთიც - მეორეზე, ბილიარდით. ამ დარბაზს იატაკი გახერხებული ჰქონდა და ქვედა სართულზე ხის სპირალური კიბე ჩადიოდა; მაგიდებზე ღვინის ბოთლები იდგა, კედლებს კვამლი ჩაჰკვდომოდა, დღისითაც კი სანთელი ენთო. აი, რას წარმოადგენდა ეს სამიკიტნო. იატაკის ნაწილი პირველი სართულიდან სარდაფში ჩამავალ კიბეს ეფარა. მესამე სართულზე პატრონები, უმლუები, ცხოვრობდნენ. მეორე სართულის დარბაზიდან მესამეზე, ბინაში ასასვლელად, კარის უკან მიმალული კიბე აღიოდა, სხენის ქვეშ ორი ოთახი იყო მსახური გოგოებისთვის. სამზარეულო ქვევით იყო, დარბაზის გვერდით.

უმლუ ბუნებით იქნებ ქიმიკოსი იყო, მაგრამ ბედმა მზარეული გახადა. მარტო ღვინის სმა კი არ იყო მის სამიკიტნოში, გემრიელ კერძსაც მოგართმევდნენ. საუცხოოდ ამზადებდა თევზს, მარტო მის სამიკიტნოში კეთდებოდა ეს სახელგანთქმული საჭმელი - სატენიანი კობრი, სახელად *carpes au gras*. ამ კერძს ქონის სანთლისა და ლუი XVI-ის დროინდელი ლამპის შუქზე შეეწყვოდნენ სუფრის მაგივრად მუშამზავადაფარულ მაგიდებთან. საიდან არ მოდიოდა ხალხი. ერთ მშვენიერ დილას უმლუმ გადაწყვიტა, რომ უმჯობესი იქნებოდა, გამვლელ-გამომვლელისთვის ეწყებინა თავისი „სპეციალური“ კერძის შესახებ. შავ საღებავში ფუნჯი ჩაანო და რადგან თავისი მართლწერა ჰქონდა, ისევე, როგორც სამზარეულო, ეს შესანიშნავი წარწერა გამოსახა თუნუქის კედელზე:

Carpes ho gras.

შემოდგომის აბეზარმა წვიმამ მთლად ჩამორეცხა პირველი სიტყვის ბოლო ასო s და უკანასკნელი სიტყვის პირველი ასო g. დარჩა ასეთი წარწერა: Carpes ho ras.

დრომ და წვიმამ ერთი უბრალო გასტრონომიული წარწერა ბრძნულ დარიგებად გარდაქმნა - Carpe horas - „ისარგებლე დროით“.

ამგვარად, თუმცა მიკიტანმა უშლუმ ფრანგული არ იყო, ლათინურის ცოდნა გამოიჩინა, თავისი სამზარეულოდან ფილოსოფია გამოიყვანა, - მარხვის გაუქმების მოსურნე ჰორაციუსს დაეძვრა. საინტერესო ის იყო, რომ ყოველივე ამას ერთადერთი მიზანი ჰქონდა, - მობრძანდით ჩემს სამიკიტნოში.

დღეს ყოველივე ამისგან კვალიც კი არ არის დარჩენილი. მონღეტურის ქუჩების ლაბირინთი 1847 წელს აიღეს და უეჭველია, ნატამალიც აღარსად დარჩებოდა იმ ძველი შენობებისა. შანვრერის ქუჩა და „კორინთი“ რამბიუტოს ქუჩის ქვაფენილქვეშ ჩაიმარხნენ.

როგორც უკვე ვთქვით, „კორინთში“ იკრიბებოდნენ კურფეირაკი და მისი მეგობრები. „კორინთის“ აღმოჩენა გრანტერის დამსახურება იყო. მოვიდა სამიკიტნოში, რადგან ხელმძღვანელობდა ცნებით Carpe horas და მერე იქ ხშირად დადიოდა Carpes au gra-ს სიყვარულით. ამ სამიკიტნოში სვამდნენ, ჭამდნენ, კამათობდნენ, ყვიროდნენ, ბევრს არას ხარჯავდნენ, ნისიით სარგებლობდნენ, ან სულაც არ იხდიდნენ და ყოველთვის სიამოვნებით იღებდნენ. კეთილი კაცი იყო მიკიტანი უშლუ.

ეს გულკეთილი კაცი, ვიმეორებთ, დიდულვაშიანი მიკიტნის უცნაურ ნაირსახეობას წარმოადგენდა. სახე ყოველთვის დაღვრემილი ჰქონდა, ცუდ გუნებაზე იყო, თითქოს მუშტრის დაშინებას ცდილობსო. სულ ბუზღუნით ხვდებოდა, ვინც კი სამიკიტნოში შედიოდა, თითქოს ჩხუბის ატეხას უპირებს და არა კერძის მირთმევასო; მაგრამ, ვადასტურებთ ჩვენს ნათქვამს, ყველა კარგად გრძნობდა თავს მის სამიკიტნოში, ვინც უნდა მისულიყო. ამ უცნაურმა ქცევამ სახელი გაუთქვა კიდევ მის სამიკიტნოს და იზიდავდა განსაკუთრებით ყმაწვილებს, რომლებიც ეუბნებოდნენ ერთმანეთს: წავიდეთ, ჩვენი უშლუს ბუზღუნს მოვეუსმინოთო. ერთ დროს ფარიკაობის ოსტატი ყოფილა. განრისხებული რომ გეგონებოდა, უცბად ისეთ ხარხარს ატეხდა, იტყოდით, სახლი დაინგრავო. ხაფი, უხეში ხმა და კეთილი გული ჰქონდა. არსებით კომიკოსი იყო, გარეგნობით - ტრაგიკული. სულ იმას ცდილობდა, შეეშინებინა თანამოსაუბრე, თითქმის ისე, როგორც დამზახისმაგვარი საბურნუთე ამინებს ადამიანს, - სროლა არ შეუძლია და ცხვირს კი დააცემინებს.

ცოლიც შესაფერი ჰყავდა, წვეროსანი და უშნო.

დაახლოებით 1830 წელს მიიყვალა სახელოვანი სამიკიტნოს პატრონი. მოკვდა და საფლავში ჩაიტანა თავისი „სატენიანი კობრის“ საიდუმლოება. საქმეს ახლა მისი უნუგემო ქვრივი განაგებდა, მაგრამ კერძები წახდა და გაუგემურდა; აქ ღვინო ყოველთვის ცუდი იყო და ახლა სულ გაფუჭდა. კურფეირაკი და მისი მეგობრები მაინც ძველებურად სწყალობდნენ „კორინთს“, - გვებრალებდა ის უშლუს ქვრივი, - ამბობდა ბოსუე.

უშლუს ქვრივს ქოშინი ჰქონდა და გონჯი იყო. სულ სოფელი და სოფლური ცხოვრება აგონდებოდა და იქიდანვე მოსდევდა თავისებური გამოთქმა. ჯერაც არ დავინწყებოდა სოფელში გატარებული წლები, თავისი ყმაწვილქალობა და

თავისებურად იტყოდა ხოლმე, - ვერ წარმოიდგენთ, რა ბედნიერი ვიყავი, როდესაც ჭალაში გულწითელას გალობას ვუსმენდით.

მეორე სართულის დარბაზი, „რესტორანი“, კარგა დიდი, გრძელი ოთახი იყო ტაბურეტებით, სკამებით, მაგიდებითა და ძველი სამეფიანი ბილიარდით. ამ დარბაზში ადიოდნენ ვინრო, სპირალური კიბით, რომელიც გემბანის მსგავსად დარბაზის ბოლოში ადიოდა.

ამ ვინროფანჯრიან დარბაზს ერთი ძველებური ლამაზა ანათებდა, რომელსაც დღისითაც არ აქრობდნენ. ავეჯი ძველი, მოყანყალეული იყო, თითქოს ოთხის ნაცვლად სამი ფეხი ჰქონდათ. კირით შეთეთრებულ კედლებს არაფერი ამშვენებდა, გარდა უშლუს ქვრივისადმი მიძღვნილი ოთხტაეპიანი ლექსისა:

როცა უცქერი ათ ნაბიჯზე - ძალიან გიკვირს,
როცა უცქერი ორ ნაბიჯზე - შიმს გვკვრის იგი.
ცხვირში მეჭეჭი - საზიზღრობა არის ნამდვილი,
კაუჭა ცხვირი ზედ ყბაზე აქვს ჩამოვარდნილი,
სულ გემინია, გემინია, საცაა უცებ
დააცემინებს და საზიზღრად მოგაყრის წუნებს.

ეს მიძღვნა ნახშირით იყო კედელზე წაწერილი და ბებერი უშლუ ჰგავდა კიდევ მასში დახატულ სურათს. დილიდან საღამომდე ამ წარწერის წინ ტრიალებდა, სრულიად მშვიდი, თითქოს ეს არც კი შეეხებოდა. ორი მსახური ჰყავდა, გოგოები, მატლოტი და ჟიბლოტი, რომელთა ნამდვილი სახელი არავინ იცოდა. ისინი შველოდნენ, სტუმრებს თეთრ ღვინოს, სასმისებსა და დამშველთ სალაფავივით კერძს მიართმევდნენ. მატლოტი ჩასუქებული გოგო იყო, ქერა, მყვირალა, განსვენებული უშლუს ყოფილი საყვარელი დედოფალი, უფრო საზარელი, ვიდრე მითოლოგიური ურჩხული, მაგრამ, რადგან წესიერება მოითხოვს, მსახური ყველაფერში უნდა ჩამოეყვარებოდეს თავის ქალბატონს, ისიც ოდნავ ნაკლებად მახინჯი იყო, ვიდრე უშლუს მეუღლე. ჟიბლოტი ანონილი გოგო იყო, გამხდარი, ლიმფური სიყვითლე დაჰკრავდა, თვალები ამოლურჯებული ჰქონდა, თვალის კილოები ძირს დაშვებული, ყოველთვის დაღლილი და დაქანცული, იმ ჭირით იყო დაავადებული, რომელსაც შეიძლება ქრონიკული დაღლილობა ვუწოდოთ. ყველაზე ადრე დგებოდა, ყველაზე გვიან წებოდა. ყველას ემსახურებოდა, მეორე გოგოსაც კი; მუდამ გაჩუმებული იყო, ტკბილად მოლიმარი, მაგრამ დალლა მაინც თან ახლდა, მის ღიმლისაც კი დალლა ემჩნეოდა.

კარზე, ვიდრე დარბაზ-რესტორანში შევიდოდა კაცი, კურთვერაკის ხელით ცარციით დანერილს წაიკითხავდა:

თუ შეგიძლია - გაუმასპინძლდი
და თუ გაბედავ - თვითონ შეჭამე.

თავი მეორე
წინასწარი მხიარულება

ლევლ დე მო, როგორც ვიცით, უმეტესად ჟოლისთან ცხოვრობდა. საცხოვრებელს იოლად პოულობდა, ჩიტივით - ნებისმიერ ტოტზე. ერთად ცხოვრობდნენ მეგობრები, ერთად ჭამდნენ, ერთად ეძინათ, ყველაფერი საერთო

ჰქონდათ, თვით ლამაზი მუზიკეტაც კი. ტყუპივით განუყრელნი იყვნენ. 5 ივნისის სასაუზმოდ „კორინთში“ წავიდნენ. უოლის სურდო სჭირდა და ლეგლისაც ეწყებოდა, თითქოს ესეც საერთო ყოფილიყოს. ლეგლს გახუნებული სერთუკი ეცვა, უოლის - კობტად.

დაახლოებით დილით ცხრა საათი იქნებოდა, „კორინთის“ კარი რომ შეაღეს.

მეორე სართულზე ავიდნენ. მატლოტი და ჟიბლოტი მიეგებნენ.

- ხამანკები, ყველი და ლორი, - უბრძანა ლეგლმა და მაგიდას მიუსხდნენ.

დარბაზი ცარიელი იყო. მარტო ისინი იყვნენ.

ჟიბლოტმა კარვად იცოდა ამ ყმანვილების ჩვეულება და ერთი ბოთლი ღვინო დაუდგა მაგიდაზე. ის იყო, თითო ხამანკა აიღეს, რომ ვიღაც გამოჩნდა კიბის თავზე და დაუძახა:

- ქუჩაში მეცა ბრიული ყველის საუცხოო სუნი და ვეღარ გავუძელი.

გრანტერი იყო.

ტაბურეტი მიიღვა და მეგობრებს მიუჭდა.

გრანტერი რომ დაინახა ჟიბლოტმა, ორი ბოთლიც მას დაუდგა, სულ სამი ბოთლი.

- ნეთუ ორ ბოთლს დალევე? - ჰკითხა ლეგლმა.

მანაც შესაფერი პასუხი გასცა:

- ამქვეყნად ყველამ ისწავლა ჭკუა, შენ ხარ მარტო, რომ არაფერი გემველა, თორემ ორი ბოთლი ღვინო როგორ გავაკვირვებდა.

მეგობრებმა ჭამით დაიწყეს, გრანტერმა - ღვინით, ნახევარი ბოთლი გადაყლაპა ერთბაშად.

- გახვრეტილი გქონია კუჭი, - უთხრა ლეგლმა.

- ნახვრეტი შენს იდაყვზე მოიკითხე, - უპასუხა გრანტერმა.

ერთხელ კიდევ გადაკრა ღვინო და დასძინა, - იცი, რა, ლეგლ, მართალია, გამოსათხოვარი სიტყვის თქმის ოსტატი კი ხარ, მაგრამ სერთუკი მაინც შემოგებრებია.

- მაშ, რა მოუვიდოდა, - მიუგო ლეგლმა, - ეს იმას ამტკიცებს, რომ მე და ჩემი სერთუკი ძმურად ვცხოვრობთ. ისე მომეჩვია, რომ მთლად ჩემსავით დანაოჭდა, აღარ მანუხებს, მიეჩვია ჩემი აგებულების ყოველ ნაკლსა და მოძრაობას. თუ ვგრძნობ, რომ მაცვია, მარტო იმიტომ, რომ მათბობს. ძველი ტანისამოსი იგივეა, რაც ძველი მეგობარი.

- მართალია, - ჩაერია საუბარში უოლი, - ძველი ტანისამოსი იგივეა, რაც დიდი ხნის მეგობარი.

- მეტადრე, თუ სურდო მორევია ამ მეგობარს, - შენიშნა გრანტერმა.

- ბულვარიდან ხომ არ მოდიხარ, გრანტერ? - ჰკითხა ლეგლმა.

- არა.

- მილეთის ხალხი შეკრებილიყო. ეს არის, ახლა ვნახეთ მსვლელობის დასაწყისი მე და უოლიმ.

- საუცხოო სანახავი იყო, - თქვა უოლიმ.

- როგორი მშვიდია ეს ქუჩა! - შესძახა ლეგლმა, - ვინ იფიქრებს აქ მყოფი, რომ პარიზი ჭექს და ქუხს? როგორ ეტყობა, რომ აქ წინათ მონასტრების მეტი არაფერი ყოფილა! დიუ ბრელს, სოვალს და აბატ ლეზეფს ამ მონასტრების მთელი სია აქვთ შედგენილი. აქაურობა სავსე იყო ბერებით, ჭიანჭველასავით ფუთფუთებდნენ,

ფეხშიშველები, ფეხსაცმლიანები, გაპარსულები, წვერიანები, რუხები, შავები, თეთრები, ფრანკისკანელები, ფრანსუა სენ-პოლელები, კაპუცინები, კარმელიტები, პატარა ავეუსტინელები, დიდი ავეუსტინელები, ძველი ავეუსტინელები. აკი ვამბობ, ფუთფუთი გაჰქონდათ ბერებს.

- მოდი, ნულარ ვახსენებთ ბერებს, - შეაწყვეტინა გრანტერმა, - ბერს რომ ახსენებენ, მაშინვე ქავილი ამივარდება ხოლმე, - მერე შეჰყვირა, - ფუჰ, საძაგელი ხამანკა ჩაველაპე! აი, ამეშალა ისევ ჩემი იპოქონდრია! ან როგორ არ ამშლოდა? ხამანკა წამხდარია, ეს გოგოები კი უშნო! შემაძაგეს კაცობრიობა! ეს არის ახლა გამოვიარე საზოგადო წიგნთსაცავის წინ, რიშელიეს ქუჩაზე. ხამანკის ნიჟარების ეს გროვა, რომელსაც ბიბლიოთეკას ეძახიან, აზროვნების სურვილს მიკარგავს!

რამდენი ქალაღლი დახარჯულა! რამდენი მელანი! რამდენი ნაჯღაბნი! ისხდნენ და წერდნენ! ვინ იყო ის რეგენი, რომ თქვა, ადამიანი ორფეხი უფრთო ცხოველიაო? - და რითი წერდნენ, თუ არა ფრთით? დღეს კიდევ ერთი ლამაზი გოგო შემხვდა, ჩემი ნაცნობი, მშვენიერი, ვით გაზაფხული, სრულიად ღირსი, რომ სახელად ფლორეალი ერქვას; აღტაცებული იყო ის უბედური, სიხარულით ცას სწეოდა წუხანდელს აქეთ, რადგან ერთ საზარელ პირნაყვავილად, ფულიან ბანკირს კეთილენება და წუხელ გაეხედნიერებინა. ეჰ, რა გაენყობა? ქალს ისევე ენატრება ფულიანი კაცი, როგორც ჭახუკი! კატამაც აგრე იყის, ხან მყრალ თავგზე ნადირობს, ხან მგალობელ ჩიტზე. სულ ორიოდ თვის წინ არ ცხოვრობდა თავისთვის პატიოსნად, ერთი მაღალი სახლის მანსარდაში; იჯდა და კორსეტს დუგემებს ასხამდა! დიახ, ამ ორი თვის წინ! კერავდა, პატარა სანოლი ჰქონდა გაბმული თასმებზე, თავისი ყვავილით ტკებოდა, იქვე რომ ედგა ქოთანში, და კმაყოფილი იყო. დღეს კი ბანკირის ხასა გახლავთ! ერთი ღამის განმავლობაში გარდაიქმნა. ამ დილას ვნახე ეს ფულის მსხვერპლი, უსაზღვროდ გახარებული და ბედნიერი. საზარელი ის არის, რომ დღესაც ისევე ლამაზი იყო ის კახპა, როგორც გუშინ. ბანკირთან ბილნი გარიგება არც კი ემჩნეოდა სახეზე. ვარდი იმითია ქალზე უკეთესი, და თუ გნებავთ, უარესი, რომ ზედ აწნდება მუხლუხის კვალთ. ეჰ, წახდა ქვეყანა! გაქრა, მოისპო ამქვეყნად ზნეობა! მონმედ მომყავს ღვია, სიმბოლო სიყვარულისა, დაფნა - სიმბოლო ომისა, ზეთისხილის ხე - სულელი სიმბოლო მშვიდობიანობისა, ვაშლი, რომელმაც კინაღამ დაახრჩო თავისი თესლით ჩვენი ადამი, და ლეღვი - ქალების წინაპარი; რაც შეეხება უფლებას, გნებავთ, გაივოთ, რა არის უფლება? გალები ხელს უპოტინებდნენ კლუზიუმს, რომი კი მფარველობდა და ეკითხებოდა გალებს, რა დაგიშავათ კლუზიუმმაო? ამაზე ბრენუსი უპასუხებდა: „იგივე, რაც დაგიშავათ ალბელებმა, ფიდენმა, ეკვებმა, ვოლსკებმა და საბინებმა, რომლებიც თქვენნი მეზობლები იყვნენ; კლუზიუმელები კი ჩვენი მეზობლები არიან და ჩვენც სწორედ ისე გვესმის მეზობლობა, როგორც თქვენ. თქვენ ალბა დაისაკუთრეთ; ჩვენ კლუზიუმს ვისაკუთრებთ“. მაშინ რომმა უთხრა, თქვენ კლუზიუმს ვერ აიღებთო და ამის პასუხად ბრენუსმა რომი აიღო. აიღო და შეჰყვირა: Vae ვიცტის - აი, რას წარმოადგენს თქვენი უფლება. უფლება იმას აქვს, ვინც ძლიერია. ეს სისხლით ყვამუძღარი მხეცი და ბასრბრჭყალებიანი არწივია! ვინ ცყრივართ ჩვენ? რის უფლება? რა უფლება? - ჭიქა გაუშვირა ჟოლის, - ღვინო დამისხით, - და გადაკრა ისე სწრაფად, რომ არც კი შეიმჩნია სიტყვის შეწყვეტა და განაგრძო:

- ბრენუსმა რომ რომი აიღო, არწივი იყო; ბანკირი, რომელიც ტკებდა ყმანვილი ქალით, ისიც არწივია! არავითარი სირცხვილი არც აქ და არც იქ! მაშ, საწმუნოც

არაფერი გვქონია და არც გვაქვს! მხოლოდ ღვინოშია ჭემმარტება. მაშ, ნურაფერს ვინამბობთ! რა აზრისაქ უნდა იყოთ, გამხდარი მამლის თაყვანისმცემლები ხართ, როგორც ურის კანტონი, თუ მსუქანი მამლის, როგორც გლარის კანტონი, სულერთია, ოღონდ დავლიოთ. თქვენ ბულვარზე მელაპარაკებით, შეკრებილ ხალხზე და სხვა. ერისპა! მაშ, კიდევ რევოლუცია მოგველის? ისე, როგორ შემოაკლდა დალოცვილ ღმერთს საშუალებანი, რომ წამდაუნუმ ცეცხლს უკიდებს ჩვენს ქვეყანას? რაღაცას წამოდო? კარგად ვერ მიდის საქმე? - აბა, ჩქარა რევოლუცია! სანყალ ღმერთს სულ გამურული აქვს ხელები კვამლითა და ჭვარტლით. მე რომ ვიყო მის ადგილას, უფრო უბრალოდ მოვიქცეოდი! მასავით ყოველ წამს კი არ ავათამაშებდი ჩემს მანქანებს, გულწრფელად ვემსახურებოდი კაცობრიობას. ერთმანეთს მივაქსოვდი მომხდარ ამბებს, როგორც წინდის თვალს თვალზე, ძაფს არ გავწყვეტდი, ცეცხლი არც „გარემოებათა მიხედვით“ მექნებოდა და არც მოულოდნელის საჭიროებად. თქვენ რომ პროგრესს ეძახით, ორი ძრავა აქვს თქვენს პროგრესს - ადამიანი და მოვლენები; მაგრამ, სამწუხაროდ, ხანდახან საჭირო ხდება გამონაკლისიც. მოვლენებისთვის, როგორც ადამიანისთვის, საკმარისი არ არის ცნობილ მოღვაწეთა მთელი კრებული, ადამიანთაგან საჭირო ხდება გენიოსები და მოვლენათაგან კი რევოლუციები. განსაკუთრებული შემთხვევები კანონად გადაიქცევა; უამისოდ საგანთა მსოფლიო წესრიგი დაირღვევა. აი, რატომ არის, რომ როცა კუდიანი ვარსკვლავი გამოტყვრება უცხად ცაზე, ლამის დარწმუნდე, თვითონ ღმერთსაც კი სჭირდება მსახიობთა დასი თავისი წარმოდგენებისთვის. სწორედ იმ დროს, როდესაც ახალს არაფერს მოელის კაცი, უცხად გადმოჰკიდებს ხოლმე ღმერთი ზეცის კამარაზე აფიშასავით ახალ მეტეორს. უცნაური, უშველებელკუდიანი ვარსკვლავი გამოჩნდება და ის კლავს კეისარს: ბრუტუსი მას დანას ჩასცემს, ღმერთი - კუდიან ვარსკვლავს და წახდა კაცი! აი, ესეც თქვენი ჩრდილოეთის ციალი, აი, რევოლუცია, აი, დიდი ადამიანი; ოთხმოცდაცამეტს მსხვილი ასოებით წერდნენ, ნაპოლეონს - წითელი ასოებით, აფიშის თავზე 1811 წლის კუდიანი ვარსკვლავი ეხატა. მართლა მშვენიერი იყო ეს აფიშა, ცისფერი, მთლად გაბრწყინებული მოულოდნელი ალის ტრიალით. ბუჰ! ბუჰ! აი, უცნაური სანახაობა! აიხედეთ ზევით, დოცლაპიებო! აწვნილია ყველაფერი, ციური მნათობიც და დრამაც. ღმერთო, ღმერთო დიდებულო, თან მეტისმეტია ეს ყველაფერი და თან არასაკმარისი. გამონაკლისისთვის ხმარებული ეს საშუალებები თითქოს დიდებულია, მაგრამ სინამდვილეში, სილატაკვა და სხვა არაფერი. მეგობრებო, განვება უკიდურეს ზომებს მიმართავს!

რევოლუცია რისი დამამტკიცებელია? იმის, რომ გასჭირვებია მის ყოვლისშემძლეობას, ყირამალა აყენებს სახელმწიფოებრივ წყობილებას, რადგან ამაში ხედავს ანწყოსა და მომავლის საკითხის გადაწყვეტას, და უმთავრესად იმიტომ, რომ ბატონმა ღმერთმა ვერა და ვერ მოახერხა ისე შეეერთებინა ერთმანეთთან, რომ მომავალი ანწყოს შედეგი ყოფილიყო. ყოველივე ეს ცხადად მიმტკიცებს, რომ სრული ჭემმარტებაა ჩემი ნათქვამი, - დიდად შეჭირვებული უნდა იყოს ყოვლისშემძლე იაჰვე. ამდენ უბედობას რომ ვხედავთ ზეცასა თუ ხმელეთზე, ამდენ დაკნინებას, ამდენ სიძუნწესა და ნუნურაქობას, ამდენ გაჭირვებას ზეცისას და ქვეყნისას, რომლის მძვინვარების გამო ჩიტს ერთი მარცვალი შვრია ვერსად უშოვია და მე კი ასი ათასი ფრანკი წლიურ შემოსავლად; რომ ვხედავ, როგორ გაცვეთილა ადამიანისა და თვით მეფეების ბედისწერაც კი, რომელთაც თოკის მეტი აღარაფერი დარჩენიათ, - ამის

დასტურად უფლისწული კონდეც კმარა, რომელიც ჩამოახრჩვეს; რომ ვხედავ ზამთარს, როგორც ზენიტის ნახვრეტს და ამ ნახვრეტიდან ამოვარდნილ ქარს; რომ ვხედავ ამდენ ძონძს თვით დილის რიურაჟის ახალთახალ წმინდა ციალში; რომ ვხედავ დილის ნამს, ამ ყალბ მარგალიტსა და თრთვილს - ყალბ ალმასს; რომ ვხედავ ერთმანეთზე გადაკიდებულ კაცობრიობას და ჩვენი ცხოვრების დაწვრილმანებას; ამდენ ლაქას მზეზე და ამდენ ნახვრეტს მთვარეზე; რომ ვხედავ ამხელა გაჭირვებას ყველგან და ყოველთვის, ეჭვი მერევა და გამომაქვს დასკვნა, რომ ღმერთი არ უნდა იყოს მდიდარი. მართალია, იერი დიდებული აქვს, მაგრამ მე ვგრძნობ მის შეჭირვებას. ისე ავციტებს ხოლმე რევოლუციას, როგორც ვაკოტრებული სოვდაგარი, რომლის სალარო ცარიელია, მეჭლისს რომ მართავს. თუმცა გარეგნობით ნუ განვსჯით ღმერთებს. ზეცის მოოქრული ზენრით მალავს ამ გაჭირვებულ სამყაროს. ქვეყნიერების შექმნაში მის ვაკოტრებას ვხედავ და მეც ამიტომ ვარ ყველაფრით უკმაყოფილო. აი, შეხედეთ, დღეს 5 ივნისია და ისე ჩამობნელებულა ქვეყნიერება, თითქოს ღამე იყოს. დილას აქეთ სულ იმის ცდაში ვარ, რომ როგორმე ინათოს. აქამდე ვერ ინათა და თუ გნებავთ, სანაძლეოს დავდებ, რომ დღესაც აღარ ინათებს. ეს ხელფასდაგვიანებული ნოქრის დაუდევრობაა. ასეა, საძაგლად არის მოწყობილი ყველაფერი და ერთმანეთს ვერაფერი ეგუება. ფურთხის ღირსია ეს დაბერებული ქვეყნიერება და ამიტომ მეც ოპოზიციაში გამოვიჭიმე. სწორის მაგივრად, ყველგან მრუდეა გამეფებული. წინააღმდეგობათა ბუდეა ქვეყნიერება, თითქოს გვაჯავრებს როგორც ბავშვებს: ვისაც უნდა, არა და არ მისცემს; და ვისაც სულაც არ უნდა, თავზე აყრის. დასკვნა: ბრაზი მერევა! გარდა ამისა, გულს მიკლავს ამ თავმოტვლებილი ლეგლ დე მოს ყურება. შეურაცხყოფილად ვგრძნობ თავს, როდესაც მომაგონდება, რომ მეც იმდენი ხნისა ვარ, რამდენისაც მისი მუხლივით მოტვლებილი თავი. თუმცა მე ვაკრიტიკებ, მაგრამ არ ვლანძღავ. ეჰ, ქვეყნიერება ისეთია, როგორიც არის. ამას ქვენა გრძნობების გარეშე ვამბობ, მხოლოდ იმიტომ, რომ სინდისი სუფთა მქონდეს. გთხოვთ, მიიღოთ, მამაო მარადისაო, ჩემი პატივისცემა და თაყვანისცემა. ეჰ, ვფიცავ ყველა წმინდანს ოლიმპისას და ყველა ღმერთს სამოთხისას - იმისთვის არ გავჩენილვარ, პარამელი ვიყო, ესე იგი, უკუნითი უკუნისამდე ვხტოდე ბურთივით ორ ცეცხლშია. მუქთახორათავან მყვირალეობთან და მერე უკან. მე თურქად უნდა დავბადებულიყავი და მთელი დღე მეცქირა ლამაზი მოცეკვავეებისთვის, რომლებიც კაცს ეგვიპტური ცეკვით ატკობენ, უნის გამახელებელი რომ არის, როგორც სიზმარი წმინდად მცხოვრები ბერისა; ან ბოსერონელ გლესკაცად, ან ვენეციელ დიდებულად, გარს რომ კოხტა, ლამაზი ქალები ეხვევიან; ან ერთ პატარა გერმანელ თავადად, გერმანიის კავშირს თავის წილად რომ ქვეითთა ნახევარს მიუძღვნიდა და მხოლოდ იმაზე ზრუნავდა, რომ თავის ღობეზე, ესე იგი, თავისი სათავადოს საზღვარზე გაემრო თავისი წინდები. აი, რაგვარი დანიშნულებისათვის უნდა გავჩინე ჩემს ბედისწერას. დიახ, ვთქვი, თურქი-მეთქი და არუე უარვეყოფ ამას. ვერ გამიგია, რად უყურებთ თურქებს ამრებით? მაჰმადს ბევრი რამ აქვს კარგი. დიდება იმ ვაჟკაცს, რომელმაც მოიგონა ჰურიებიანი ჰარამხანა და ოდალისკებიანი სამოთხე! ავს ნურას ვიტყვით მაჰმადიანობაზე, რადგან ეს არის ერთადერთი სარწმუნოება, რომელიც დამშვენებულია კარგი საქათმით. ვიმეორებ, დავლიოთ! დიდი სისულელეა ჩვენი დედამინა, ეტყობა, ეს სულელები ერთმანეთს ბრძოლას, თავ-პირის მტერეგას, სისხლის ღვრას უპირებენ. ისიც როდის? მშვენიერ

ზაფხულში, ივნისში, როდესაც შეიძლება სასიეროდ გასულიყვნენ ქალაქიდან, თან ლამაზი გოგონები წაყვანათ და დამტკბარიყვნენ მინდორში ახალგათიბული თივის სურნელით. მართალი უთქვამთ, სისულელეს საზღვარი არა აქვსო. ეს არის, ერთი ძველი, გატეხილი ფარანი ვნახე ძველმანების სავაჭროში და ვიფიქრე, სწორედ დროა, სინათლე მოვფინოთ კაცობრიობას-მეთქი. მაგრამ ისევ სევდა შემომანვა. რა საშინელება ყოფილა წამხდარი ისტორიისა და მრუდი რევოლუციის გადაყლაპვა! საგლოვია ჩვენი ცხოვრება! ოჰ, რა საშინელია ჩვენი ძველი ქვეყანა, სადაც მხოლოდ ვერაგობენ, მრუშობენ, ერთმანეთს მტრობენ, ხოცავენ და ყველაფერს ეჩვევიან.

ამ დროს გრანტერს მჭევრმეტყველების შეტევა სრულიად დამსახურებული ხველის შეტევით შეეცვალა.

- ამ რევოლუციამ მომაგონა, - ალუდუნდა უოლი, - როგორც ეტყობა, მარიუსი მეთისმეტად შეყვარებულია.

- ვინ უყვარს, თუ იცით? - ჰკითხა ლევლმა.

- არ ვიცი.

- არა?

- არა-მეთქი, გეუბნები.

- მარიუსის სიყვარული! - შეჰყვირა გრანტესმა, - მაგას რაღა კითხვა-ძიება უნდა? მარიუსი ნისლშია და, ალბათ, ერთი კარგი ღრუბლის ქულა იპოვა. მარიუსი პოეტების ჯიშისაა, ესე იგი, შემოიღებებს. Timbroeus Apollo. მარიუსი და მისი მარიაში, ან მისი მართა, ან მისი მარიეტი, ან მარიონი - ორივენი უცნაური ტრფობით იქნებიან გაგიჟებულნი. თვალწინ მიდგას ორივე: აღფრთოვანება, რომელიც კოცნას ავიწყებს, უბინონი მინათა ზედან და შეერთებულნი უსაზღვროებასა შინა; ორი სული, რომელთაც აქვთ გრძნობა და ერთად მხოლოდ ვარსკვლავების სარეცელზე დანვებიან.

მეორე ბოთლს მისწვდა გრანტერი და იქნებ მეორე სადღეგრძელოც წამოეწყო, მაგრამ ვიღაც გამოჩნდა კიბზე ამომავალი. პატარა ბიჭი იყო, ათი წლისაც არ იქნებოდა, დაგლეჯილი ტანისამოსი ეცვა, ტანდაბალი, ფერმკრთალი, ცოცხალი თვალებით, გრძელთმიანი, წვიმით დასველებული, კმაყოფილი სახის პატრონი.

მეგობრები დინჯად შეათვალიერა, რადგან არც ერთს არ იცნობდა და უნდოდა ის ეპოვა, ვისაც ეძებდა. ბოლოს ლევლს ჰკითხა:

- თქვენა ბრძანდებით ბატონი ბოსუე?

- ჰო, ასე მეძახიან, - უპასუხა ლევლმა, - რა გინდა?

- მოგახსენებთ: ერთმა მალალ-მალალმა, ქერა კაცმა მკითხა ბულფარზე, ბებერ უშლუს იცნობო? დაიხ, მანვრერის ქუჩაზე, მოხუცის ქვრივი-მეთქი. მერე მითხრა, მიდი, იქ ნახავ ბატონ ბოსუეს და ჩემ მაგივრად ეტყვი „ანბანი“. ეს ხუმრობაა, არა, ბატონო? ათი სუ მომცა.

- ათი სუ მასესხე, უოლი, - სთხოვა ლევლმა, მერე გრანტერისკენ მიბრუნდა და ახლა იმას სთხოვა, - ათი სუ მასესხე, გრანტერ.

როგორც იქნა, ოცი სუ, მთელი ფრანკი მოაგროვეს, და ლევლმა პატარა ბიჭს ჩაუდო ხელში.

- გმადლობთ, ბატონო.

- რა გქვია, ბიჭო? - ჰკითხა ლევლმა.

- ნავე, გავრომის ამხანაგი ვარ.

- მოდი, ჩვენთან დარჩი, - უთხრა ლევლმა.
- ჰო, ჩვენთან ისაუბმე, - დაუმატა გრანტერმაც.

არ შეეძლო პატარას:

- არ მსალაია, ბატონო, მსვლელობას მეც მიყვები და ვყვირი: „ძირს პოლინიაკი!“
თავი დაუკრა, რამდენადაც კი შეეძლო, მარჯვენა ფეხი უკან გადგა, ნიშნად დიდი პატივისცემისა და წავიდა.

ბიჭი რომ წავიდა, ისევ გრანტერმა დაიწყო:

- ეგეც თქვენი წმინდა სისხლის გამენი. კაცობრიობის ამ ნაწილის უამრავი განსხვავებული ტიპი არსებობს: გამენი-ნოტარიუსი კალია გახლავთ, გამენი-მზარეული - მოლოკე; გამენი-მეფუნთუშეს - ნოპროპაქუდას ეძახიან, გამენ-ლაქისა - გრუმს; გამენი-მეზღვაური - იუნგაა, გამენი-ჭარისკაცი - მედოლე, გამენი-მხატვარი - თხუშნია; გამენი-მიკიტანი - ხელის ბიჭი; გამენი-კარისკაცი - შაჟი; გამენი-მეფე - დოფინი; გამენი-ღმერთი - ყრმა.

ამასობაში ჩათვიქრებულმა ლევლმა ჩუმად წამოიძახა:

- „ანბანი“, ესე იგი, ლამარკის დასაფლავებაო.

- მაღალ-მაღალი, ქერა კი ანჟოლრასი იქნებოდა, - უთხრა გრანტერმა, - ბიჭი რომ გამოგვიგზავნა.

- წავიდეთ? - იკითხა ბოსუმ.

- წვიმს! - თქვა ჟოლიმ, - მე აღთქმა დავდე, რომ ცეცხლში ვიბრძოლებდი და არა წყალში. ახლა სურდო შემყარეთ!

- მე აქ ვრჩები, - თქვა გრანტერმა, - მიცვალეულის დევნას საუბმე მირჩევნია!

- გადაწყდა: ვრჩებით, - თქვა ლევლმა, - თუ ასეა, კიდევ დავლიოთ. შეიძლება დასაფლავებას არ დავესწროთ და ამბოხებას კი არ დავაკლდეთ.

- აჰ, ამბოხებას როგორ დავაკლდებით? - შეჰყვირა ჟოლიმ.

ლევლმა ხელები მოიფშვინა:

- ესე იგი, 1830 წლის რევოლუცია უნდა შევასწოროთ, თორემ ძალიან უჭერდა ხალხს ილღიებში.

- თქვენი რევოლუცია ჩემთვის საყურადღებოს არაფერს წარმოადგენს, - დაიწყო გრანტერმა, - მე ჩვენი მთავრობის მტერი არა ვარ; ეს ხომ ბამბის ჩაჩით შენიღბული გვირგვინია, სამეფო კვერთხი კი ქოლგით მთავრდება. ასე რომ, დღეს, ამ წვიმაში, ლუი-ფილიპეს შეუძლია ორგვარად გამოიყენოს თავისი მეფობა: კვერთხი თავის ხალხს ატაკოს და კვერთხის ბოლოს კი ქოლგა გაშალოს წვიმისგან თავდასაცავად.

დარბაზში სიბნელე იყო, შავი ღრუბელი უფრო და უფრო აბნელებდა დღის სინათლეს. მათ გარდა, არავინ იყო სამიკიტნოში და არც ქუჩაში: დიდი და პატარა სერიის საყურებლად გამოსულიყო.

- შუადღეა თუ შუალამე? - შეჰყვირა ბოსუმ, - აღარაფერი ჩანს ამ სიბნელეში. სანთელი, ჟიბლოტ!

დაღონებული გრანტერი ღვინით იბრუნებდა გულს.

- ათვალწუნებული ვყავარ ანჟოლრასს, - ბუზღუნებდა ჩუმად, - ალბათ, იფიქრა, ჟოლი ავად არის, გრანტერი მთვრალი იქნებოდა და ბოსუესთან გამოგზავნა ის პატარა ნავე. მე რომ წავეყვანე, სიამოვნებით გავეყვებოდი. ჰოდა, მით უარესი ბატონი ანჟოლრასისთვის! მე მის დასაფლავებას არ დავესწრები.

გადანწყვიტეს და ფეხი აღარ მოიწვალეს „კორინთიდან“. ნამუადღევის ორი საათი იქნებოდა და ცარიელი ბოთლებით ავსებულიყო მათი სუფრა. ორი სანთელი აუნთო ჟიბლოტმა, ერთი სპილენძის მწვანე შანდალში და მეორე - გამსკდარი ბოთლის პირში. სვამდა გრანტერი. ჟოლი და ლეგლიც ჩაიტყუა სმაში და მათ მხიარულება კვლავ დაუბრუნეს დაღონებულ გრანტერს.

გრანტერმა შუადღის შემდეგ თავი მიანება ღვინოს, როგორც ოცნების სუსტ წყაროს. ნამდვილი, ღირსეული ლოთისთვის დიდი მნიშვნელობა არა აქვს ღვინოს. თრობას თან ახლავს თეთრი და შავი მაგია. ღვინო მხოლოდ და მხოლოდ თეთრი მაგიაა. გრანტერი კი იმისათვის სვამდა, რომ ტკბილი სიზმრებით და ოცნებებით დამტკბარიყო. თრობის საშინელი შავი უფსკრული, თვალწინ რომ ჰქონდა გაშლილი, არ ამინებდა გრანტერს, პირიქით, თავისკენ იზიდავდა. ბოთლები იქით მიეწყო და ახლა სხვა, მაგარ სასმელებს სვამდა, ალკოჰოლიანს, სწორედ ეს არის, რომ უფსკრულისკენ მიაქანებს ადამიანს. არც ოპიუმში მოეპოვებოდა, არც ჰაშიში და რადგან ცდილობდა დაეზინდა ტვინი, საშუალებად ის საზარელი ნარევი იხმარა, რომელშიც არაყი შედის, ინგლისური არაყმოჭარბებული ლუდი და აბსენტი. ამ სამი სასმლის, - არყის, ლუდისა და აბსენტის - ნაზავია, რომ ტყვეასავით ამძიმებს სულს. ეს სამმაგი ბნელეთია. შიგ იხრჩობა ციური პეპელა და ღამურის ფრთების მსგავსად ოდნავ შესქელებულ კვამლში სამი მუნჯი ავსული ჩნდება: უჟმური, ღამე და სიკვდილი, რომელიც თავს დასტრიალებს მიძინებულ ფსიქეს.

ჯერ იმდენი არ ესვა გრანტერს, რომ ამ უკიდურეს თრობამდე მისულიყო, ჯერ შორს იყო იქიდან. საოცრად მხიარულობდა და ბოსუე და ჟოლიც მხარს უჭერდნენ. სვამდნენ, ერთმანეთს ჭიქებს უჭახუნებდნენ. სიტყვა იყო თუ რამ აზრი სულ ხაზგასმით ამბობდა გრანტერი, ხელებსა და თავს იშველიებდა. მარცხენა ხელით მუხლზე იყო დაყრდნობილი, ყელსახვევი მოჰქცეოდა, ტაბურეტზე იჯდა, თითქოს ცხენზე ზისო, ხელში სავსე ჭიქა ეჭირა და საზვიამო სიტყვით მიმართავდა ჩასქელებულ მატლოტს:

- გააღონ სასახლის კარი! აკადემიის წევრი გახდეს მთელი ქვეყანა და უფლება ჰქონდეს, გადაკოცნოს მშვენიერი ქვრივი უშლუ! აბა, დავლითო!

მერე ბებერ უშლუს მიუბრუნდა:

- ოჰ, ქალო ანტიკურო, სიძველით კურთხეულო, მომიახლოვდი, რომ დავტკბე შენი მზერით.

იმას კიდევ ჟოლი მისდევდა:

- მატლოტ და ჟიბლოტ, ნუღარ მოუტანთ სასმელს გრანტერს. სულ ღვინოში ყრის ამდენ ფულს. ჯერ არ დაღამებულა და თავისი გულუხვობით ორი ფრანკი და ოთხმოცდათხუთმეტი სანტიმი აქვს დახარჯული.

გრანტერი თავისას არ იმლიდა:

- ვინ იყო ის თავხედი, რომელმაც ჩემს უნებართვოდ ჩამოგლიჯა ეს ვარსკვლავები ზეცას და წინ დამინყო სანთლებად?

ბოსუეც მოვრალი იყო, მაგრამ სიმშვიდე შეენარჩუნებინა. ღია ფანჯარასთან იჯდა, ზურგს წვიმა უსველებდა და თავის ამხანაგებს შეჰყურებდა.

უცბად ქუჩიდან ხმაური, აჩქარებული ფეხის ხმა და ყვირილი მოესმა: „შეიარაღდით! ჩქარა გამოდით!“ - გაიხედა და სენ-დენის ქუჩაზე, შანვრერის ქუჩის ბოლოში, დაინახა ანჟოლრასი თოფით, გავროში თავისი დამბაჩით, ფევი - ხმლით. კურფეირაკსაც ხმალი ეშიშვლებინა, ჟან პრუვერს - მუშკეტი, კომბეფერსა და

ბაორელს თოფი მოემარჯვებინათ, მათ უკან კი შეიარაღებული და მჭექარე ხალხის ზღვა მიღელავდა.

ერთი თოფის სროლის მანძილს არ აღემატებოდა შანვრერის ქუჩის სიგრძე. ბოსუემ ორივე ხელი ხმის გამაძიდებლის მაგივრად პირთან მიიტანა და დაიყვირა:

- კურფეირაკ! კურფეირაკ!

კურფეირაკმა გაიგონა მისი ძახილი, დაინახა კიდევ ბოსუე და რამდენიმე ნაბიჯი გადმოდგა მისკენ:

- ჰა, რაო? რა გინდა?

ისიც სწორედ იმავეს ეკითხებოდა და ერთმანეთს შეეჯახა ეს ორი კითხვა:

- სად მიხვალთ?

- ბარიკადის ასაგებად, - შეჰყვირა კურფეირაკმა.

- ბარემ აქ ააგეთ. კარგი ადგილია! აქ სჯობია!

- მართალი ხარ, არწივო, - დაეთანხმა კურფეირაკი.

კურფეირაკმა ნიშანი მისცა და ხალხი შანვრერის ქუჩაზე შეჩერდა.

თავი მესამე

ღამე ეპარება გრანტერს

მართლაც საგანგებო ადგილს წარმოადგენდა გასამაგრებლად ეს მოედანი. ქუჩას შემოსასვლელი განიერი ჰქონდა, მაგრამ ნელ-ნელა ვიწროვდებოდა და მისი ბოლო ქუჩაბანდს ჰგავდა, რომელსაც „კორინთი“ აბოლოვებდა; მონდეტურის ქუჩის გამაგრება მარჯვენა და მარცხენა მხრიდან ძნელი არ იყო; თუ სამიში ჰქონდა რამე, მარტო სენ-დენის ქუჩიდან, ესე იგი, წინა, განიერი მხრიდან. მთვრალ ბოსუეს ისეთივე ზუსტი თვალი ჰქონდა, როგორც ფხიზელ ჰანიბალს.

ხალხი რომ ამ უბანს შეესია, იქ მცხოვრებნი შეშინდნენ. სწრაფად მიიმალნენ გამვლელელებიც, ელვის სიჩქარით ჩაუხვიეს მარჯვნივ თუ მარცხნივ, სამიკიტნოები, მალაზიები, კარები, ფანჯრები, მანსარდები, სახელოსნოები, დარაბები, ფანჯრები ძირიდან სახურავამდე სწრაფად ჩაკეტეს. ერთმა გულგახეთქილმა დედაბერმა, თოფის სროლის ხმა რომ შეემციებინა, ლეიბი ჩამოაფარა ფანჯარას და სარეცხის გასაფენი ორ ლატანიით დაამაგრა. ღია მარტო „კორინთის“ სამიკიტნო დარჩა, რადგან შიგ ხალხი შევარდა. ისმოდა უშლუს ქვრივის ვიშვიში, - აჰ, ღმერთო! აჰ, ღმერთო!

ბოსუე ძირს ჩავიდა, კურფეირაკთან.

ულომ ფანჯრიდან გაყო თავი და დაუყვირა:

- კურფეირაკ! ქოლვა აიღე, თორემ სურდო შეგეყვრება.

ამასობაში, რამდენიმე წუთის განმავლობაში, „კორინთის“ ქვედა სართულის ყველა ფანჯრებიდან ამოგლიჯეს ოციოდ რკინის ლატანი, ოცი მეტრის სიგრძეზე აყარეს ქუჩას ქვაფენილი; გავროშმა და ბაორელმა მეკირე ანსოს დროგი დაიჭირეს და ბარიკადის დასაფარავად გადააბრუნეს; შიგ კირით სავსე სამი კასრი იყო; ისინიც იქვე დააწყვეს, ქვის გროვასთან. ანჟოლრასმა სარდაფში ჩასასვლელ კიბეს კარი ახადა, გარეთ გამოიტანა, რაც იქ ცარიელი კასრები იდგა, და ისინიც გასამაგრებლად გამოიყენა კირის კასრებთან ერთად. ფეიიმ თავისი ნაზი თითებით, რომლებიც მარაოს თხელი ფირფიტების მოხატვას იყენენ ჩვეულნი, ქვები შეუწყო დროგსა და კასრებს

და აამაღლა; ეს ქვებიც სახელდახელოდ მოაგროვეს, ვინ იცის, სად და როგორ? მეზობელ სახლებს საყრდნობი ბოძები ჩამოაყალეს და ისიც კასრებზე დაანწყვეს. ბოსუე და კურფერიაკი რომ მობრუნდნენ, ქუჩის ნახევარი გადღობილი იყო მაგარი, ადამიანზე მაღალი ბარიკადით. არაფერია ხალხის ხელისთანა კარგი ასაშენებლად იმისა, რაც ნგრევის დროს შენდება.

მატლოტი და უბლოტიც გაერივნენ მუშებში. უბლოტი ღორღს ეზიდებოდა. დაღლილი სახე ჰქონდა, მაგრამ კარვად აწვდიდა აჯანყებულებს ღორღს, როგორც ღვინოს „კორინთის“ სტუმრებს.

ქუჩის ბოლოს ორმა თეთრცხენებულმა ომნიბუსმა გაიარა. გამოუდგა ბოსუე, მეეტლე დაიჭირა და მგზავრები ჩამოსხა, ხელით დაეხმარა „ქალბატონებს“, დაითხოვა კონდუქტორი და ცხენებიანი ომნიბუსი ბარიკადთან მიიყვანა.

- არ შეჰყვერის „კორინთს“ გვერდით ჩაუაროს ომნიბუსმა, - წამოძახა მხიარულად და მერე ლათინურად თქვა იგივე: Non licet omnibus adire Corinthum.

წამიც და, ომნიბუსის გათავისუფლებული ცხენები მონდეტურის ქუჩას გაუყვნენ, ომნიბუსი კი გვერდზე დაანვინეს და ბარიკადის კედლის ასაგებად გამოიყენეს.

უშლუს ქვრივს შიში მორეოდა და მეორე სართულზე ავარდნილიყო. თვალდაჭყეტილი იყურებოდა, მაგრამ ვერაფერს ხედავდა, ყვირილს კი პირიდან ამოსვლა ვერ გაეხებდა.

- მეორედ მოსვლაა, მეორედ მოსვლა! - ჩურჩულებდა გულგახეთქილი.

უცხე უკნიდან უოლი მიუახლოვდა, დანაოჭებულ სქელ, წითელ კისერში აკოცა და გრანტერს დუდღუნით გასძახა:

- იცი, რა გითხრა, მეგობარო, მე იმ აზრის ვიყავი ყოველთვის, რომ ქალის კისერი მეტისმეტად ფაქიზი რამ არის.

მაგრამ გრანტერი განაგრძობდა დითირამბული მჭევრმეტყველების მწვერვალის დაპყრობას. ამ დროს დარბაზში მატლოტი შემოვიდა, გრანტერმა გოგოს წელზე ხელი მოხვია და ფანჯარასთან მიიყვანა სიცილით და ყვირილით:

- მატლოტი უსახურია! უსახურობის იდეალი! ქიმერაა ჩემი მატლოტი! აი, მისი დაბადების საიდუმლოება: ერთმა გოთმა პიგმალიონმა, ტაძარში წყალსადენი მიღებისთვის რომ ფიგურულ სახეებს თლიდა, ერთ დილას ნახა, რომ გაგიჟებით შეეჰყვარებოდა ერთი მათგანი, ყველაზე უარესი და უსახური. შეევედრა სიყვარულის ღმერთს, სული ჩაედგა მისთვის. აქედან წარმოიშვა ჩვენი მატლოტი. შემოხედეთ, მოქალაქენო! სწორედ ისეთივე ფერის თმა აქვს, როგორიც ტიციანის საყვარელს ჰქონდა, წითური, და ძალიან კარგი ქალიც არის. პირობას გაძღვეთ, რომ ლომივით იბრძოლებს. ყოველ კარვ ქალში გმირია ჩამალული. რაც შეეხება მოხუც უშლუს, ისიც ყოჩაღი ბებერია. ჯერ მისი უღვაში ნახეთ, ქმარს რომ დაუტოვებია მემკვიდრეობით, შეხედავთ, ჰუსარი გვეგონებათ. ისიც ძალიან დაგვებმარებათ, თუ ბრძოლა ატყდა. ეს ორი ქალიც ვმარა, რომ მთელი უბანი შიშმა აიტანოს. მეგობრებო, მინასთან გავასწორებთ მთავრობას! ეს ისეთივე ჭეშმარიტებაა, როგორიც ია, რომ მარგარინის მუაჟასა და ჭიანჭველას მუაჟას შუა თხუთმეტი კიდეც სხვა შუალედური მუაჟაა. მაგრამ ამას ჩემთვის არავითარი მნიშვნელობა არა აქვს. ბატონებო, სულ იმიტომ მიჯავრდებოდა მამაჩემი, რომ მათემატიკისა არაფერი გამეგებოდა. მე თუ ვიცი რამე, მხოლოდ სიყვარული და თავისუფლება. გრანტერი ვარ, მეგობრებო, და კაი ბიჭიც ვარ! ფული ჩემს დღეში არა მქონია, მამასადამე, არც მივჩვეულვარ ფულიანობას და

ამის გამო არასოდეს გამომღევია ჯიბეში ფული. მაგრამ მდიდარი რომ ვყოფილიყავი, მე რომ მდიდარი ვყოფილიყავი, ღარიბი აღარავინ იქნებოდა. თქვენც ნახავდით! ოჰ, რა კარგი იქნებოდა, რომ კეთილ გულს ქისაც დიდი ჰქონოდა! რა კარგად მოეწყობოდა ჩვენი ცხოვრება! წარმოიდგინეთ იესო ქრისტე როტმილდის სიმდიდრის პატრონად! რა სიკეთეს მოჰყვინდა ქვეყანას! მატლოტ! ერთი მაკოცე, გოგო! ვნებით სავსე ხართ, ქალბატონო, მაგრამ მორცხვი! ისეთი ლოცვები გაქვს, რომ ღობილის კოცნას ნატრობს, ტურები კიდევ საყვარლისას.

- გაჩემდი, კარგი, შე ღვინის ქვევრო, შენა! - შესძახა კურთვერაკმა.

მაგრამ ღირსების გრძობით აღსავსე პასუხიც მიიღო:

- მე ტულუზის მუნიციპალური საბჭოს წევრი და ფლორას პატივსაცემი თამაშების მაგისტრი ვარ! - მედიდურად უპასუხა გრანტერმა.

მშვენიერმა ანჟოლრასმა, რომელიც ბარიკადის ზემოთ იდგა, ხელშიც თოფი ეჭირა, მკაცრად ამოხედა ამ მჭევრმეტყველს. ეხსომება მკითხველს, ანჟოლრასი სპარტელისა და პურიტანელის ჯიშის იყო. ლეონიდასთან რომ ყოფილიყო თერმობილეში, მასთან ერთად მოკვდებოდა. კრომველთან ერთად დროედას გადაწვავდა.

- გრანტერ, წადი, სხვაგან მოინელე ღვინო! აქ თავდადების მოედანია და არა ლოთობის, ნუ შეგვირცხვენ ბარიკადს!

ამ გაბრაზებით ნათქვამმა სიტყვამ უცნაური გავლენა მოახდინა მთვრალ გრანტერზე, იტყოდით, ერთი დიდი ტოლჩა ცივი წყალი დაასხეს თავზე. უცხად გამოფხიზლდა. იქვე ფანჯარასთან დაჯდა, გამოუთქმელი ლმობიერებით დააწყერდა ანჟოლრასს და სთხოვა:

- ნება მომეცი, აქვე გამოვიძინო!

- წადი აქედან!

მაგრამ გრანტერი ისევ ისე სიყვარულით ჩასცქეროდა და გაუმეორა:

- ნება მომეცი, აქ დავიძინო, სანამ არ მოკვდები!

- დასაძინებლად სხვაგან წადი, - დაუყვირა ანჟოლრასმა.

ანჟოლრასმა ზიზღით შეხედა:

- არ ვარგისარ, გრანტერ. შენ არც რწმენა შეგიძლია, არც ფიქრი, არც სურვილი, არც სიცოცხლე და არც სიკვდილი.

გრანტერმა ნაღვლიანად უპასუხა:

- მაგასაც ვნახავთ.

რამდენიმე სიტყვა კიდევ წაილულლულა, მერე მძიმედ დაუშვა თავი მაგიდაზე, რაც ჩვეულებრივი ნიშანია სიმთვრალის მეორე ფაზისა, საითაც ასე უკმეხად უბიძგა ანჟოლრასმა, და ჩაიძინა.

თავი მეოთხე

ცდილობენ უშლუს ქვრივის ნუგემისცემას

ბარიკადების აგებით გახარებული ბაორელი გაიძახოდა:

- ხედავთ, როგორ მოვრთეთ ქუჩა! ამაზე მეტი რა გინდათ?

კურთვერაკი ნელ-ნელა ამიშვლებდა „კორინთს“ და თან ანუგემებდა ქვრივ მიკიტანს:

- ამას წინათ იმას არ ჩიოდით, ოქმი შემიდგინეს და ჯარიმა გადამახდევინესო? მერე რად შეგიდგინეს? იმიტომ, რომ თქვენი ფანჯრიდან პანა ნოხი ჩაბერტყა ქუჩაში უიბლოტმა.

- დიახ, ჩემო კეთილო ბატონო კურფეირაკ. ღმერთო დიდებულო! ახლა ეს მაგიდაც იქ უნდა ჩაიტანოთ, თქვენს საშინელებაში? ისე რომ, ის ფარდაგი ხომ იყო და ახლა ქოთანის ჩავარდა ქუჩაში მანსარდის ქვედა ოთახიდან და მთავრობამ ჯარიმად ასი ფრანკი გადამახდევინა. წარმოიდგინეთ, რა საძაგლობაა!

- ჰოდა, ჯავრს ჩვენ ამოგიყრით, ნუ გეშინიათ.

ეტყობოდა, უშლუს ქვრივს ამ ჯავრის ამოყრის სარგებლობა ვერ შეეგნო. კურფეირაკი სწორედ ისე აკმაყოფილებდა მას, როგორც მამა ერთ არაბ ქალს. ქალს სილა გაანწა ქმარმა, ის კი მამასთან გაიქცა საჩივლეულად:

- მამა, ადექით და შეურაცხყოფით გადაუხადეთ ჩემს ქმარს ჩემი ცემა!

მამამ ჰკითხა:

- რომელ ლოყაში გაგარტყა ქმარმა?

- მარცხენა ლოყაში.

მამამაც ერთი სილა გაანწა მარჯვენა ლოყაში და უთხრა:

- ახლა კი კმაყოფილი უნდა იყო! წადი და უთხარი შენს ქმარს, რომ მან შვილი გამილახა, მე კი ცოლი გავუღახე.

აღარ წვიმდა. აჯანყებულები ემატებოდნენ ბარიკადს. მუშებმა მალეულად მოიტანეს თოფისწამალი, შაბიამნით საესე ბოთლები, საკარნავალო ორი-სამი ჩირაღდანი და მეფის დღეობიდან მორჩენილი ერთი დიდი გოდორი ჭრაქი. დიდი ხანი არ გასულა ამ დღეობის შემდეგ, ეს 1-ელ მაისს იყო. ამბობდნენ, ყოველივე ეს ერთმა წმინდა ანტონის უბნელმა მენვრილმანემ, პეპენმა უძღვნა აჯანყებულებსო. ერთადერთი ფარანი იღვა შანვრერის ქუჩაზე და ისიც გატეხეს; გატეხეს მისი მოპირდაპირე ფარანიც სენ-დენის ქუჩაზე და ყველგან, გარშემო ქუჩებში, საცა კი ფარანი იღვა, ასე რომ, მთლად ჩააბნელეს მონდეტური, სინი-პრემერი, დიდი და პატარა ტრუანდერი.

ანუოლრასი, კომბეფერი და კურფეირაკი განაგებდნენ ყველაფერს. ახლა უკვე ორი ბარიკადი შენდებოდა ერთდროულად, ორივე „კორინთზე“ მიდგმული. ერთი უფრო დიდი იყო და შანვრერის ქუჩას კეტავდა, მეორე, სინის მხრიდან - მონდეტურის ქუჩას. ეს უკანასკნელი ბარიკადი ძალიან ვიწრო იყო და კასრებითა და ქვაფენილის ქვა-ლორლით აევით. ორმოცდაათამდე კაცი მუშაობდა. ოცდაათს თოფები ჰქონდა, - აქეთ რომ მოდიოდნენ, გზად ერთ იარაღის მალაზიას სწვეოდნენ და „ქირით“ წამოელოთ.

ვერაფერს წარმოიდგენს ადამიანი ისე უცნაურსა და ჭრელს, როგორც ეს აჯანყებული ხალხი იყო. ერთს ტანისამოსიც კარგი ეცვა, ხმალიც ჰქონდა, ორი დამბაჩაც, მეორეს ხალათი ეცვა, მრგვალი ქუდი ეხურა და იარაღის მაგივრად დიდი საპირისწამლე ეკიდა მხარზე, თოფისწამლით გატენილი. მესამეს ლურჯი ქალღლი შემოეხვია და იარაღად დიდი სადგისი ეჭირა.

ერთი გაჰყვიროდა:

- სულ დედაბუდიანად ამოვწყვიტოთ და თუ გაჭირდა, ჩვენი ხიმტის წვერებზევე დავიხოცოთ!

გაჰყვიროდა ის, რომელსაც სწორედ თვითონ არ ჰქონდა ხიმტი.

ზოგს სერთუკზე დაემაგრებინა ჯარისკაცის ტყავის ყანში და ეროვნული გვარდიის პატრონტაში, რომლის ბუდეზე წითელი ძაფით იყო ამოკერილი: „საზოგადოებრივი წესრიგი“. ბევრ თოფს ჯერ კიდევ შერჩენოდა ლეგიონის ნომერი; ძალიან ცოტა მოჩანდა ფარფლებიანი ქუდი; ყელსახვევი სულაც არა; ბევრი იყო შიშველი მკლავი, რამდენიმე შუბი. ამას მიუმატეთ ყოველგვარი ასაკი, პატარა, ფერმკრთალი ბიჭები, ნავსადგურის მშემოკიდებელი მუშები. ეჩქარებოდა ყველას, ერთმანეთს შველოდნენ და თანაც ბჭობდნენ, რამდენად საიმედო იყო ეს აჯანყება? ამბობდნენ, რომ დილის სამ საათზე კიდევ მოემატებოდათ მებრძოლნი; დარწმუნებულნი იყვნენ, ერთი რაზმი მონაწილეობას არ მიიღებს ბრძოლაში, მთელი პარიზი აიშლება და მხარს დაგვიჭერს აჯანყებულებსო. მრისხანებით აღსავსე იყო ეს ხმები და ამ მრისხანებას გულითადი სიხარული ერთვოდა. იტყოდით, ძმები შეყრილანო, თუმცა ერთმანეთის სახელიც კი არ იყოდნენ. დიდი განსაცდელი სინათლეს ჰყვენს უცნობთა ძმობას.

„კორინთის“ სამზარეულოში ცეცხლი აენთოთ და ტყვიის ჩამოსასხმელად ქვაბში აღნობდნენ შამფურებს, კოვზებს, ჩანგლებს, ყოველგვარ კალის ჭურჭელს, რაც კი „კორინთში“ მოიპოვებოდა, თან ღვინოს სვამდნენ. მასრები, ვაზნები, მსხვილი საფანტი ეყარა მაგიდაზე ღვინოს ბოთლებთან ერთად. ბილიარდის დარბაზში უშლუს ქერივი და მისი მსახურები: მატლოტი და ჟიბლოტი სხვადასხვაგვარად შეცვლილნი ამ ტერორით, ისე, რომ პირველი გამოტეინებული იყო, მეორე აქოშინებული, მესამე ფრთაგამილილი, ძონძებს ხევდნენ და სახვევებს ამზადებდნენ; სამი აჯანყებული შველოდა ქალებს, - სამი ზორბა ბიჭი, გრძელწვერულვაშთმომანი, - თეთრეულის მკერავი ქალებივით მარდად მუშაობდნენ, მაგრამ ქალებს შიშის ზარს სცემდნენ.

მალალ-მალალი კაცი კურფეირაკმა, კომბეფერმა და ანჟოლრასმა სწორედ იმ დროს შენიშნეს, როდესაც ბიეტის ქუჩის კუთხეში გაერია ხალხში, პატარა ბარიკადზე მუშაობდა და ძალიან გულმოდგინდაც. გავროში დიდი ბარიკადის აგებაში მონაწილეობდა: რაც შეეხება ყმანვილს, რომელიც კურფეირაკთან მისულიყო სანახავად და იქ ელოდა, რომ ბატონი მარიუსის ამბავი ეკითხა, სადღაც გაქრა დაახლოებით მაშინ, როდესაც ომნიბუსი გადააბრუნეს.

აღტაცებული და სახეგაბადრული გავროში საქმიანად მიდი-მოდიოდა, აღი-ჩამოდიოდა, ხტოდა, გაჰყვიროდა, ფრინავდა და ცეცხლს აფრქვევდა. იტყოდით, ეს ბიჭია ყველას გამამხნეველი. რა იყო მიზეზი ამ აღტაცების? ბავშვობა და გაჭირვება! რითი ფრინავდა? თავისი აღტაცებით. ბზრიალსავით ტრიალებდა. საცა კი გაიხედავდა კაცი, ყველგან გავროშს დაინახავდა, ყველგან მისი ხმა გაისმოდა, ყოველთვის ყველგან იყო და ჰაერს ავსებდა. თითქოს ყველგანმყოფი გახდაო. თითქოს მომამბერებელიც; გაჩერება შეუძლებლად მიაჩნდა, ეს უზარმაზარი ბარიკადიც კი გრძნობდა, რომ ზედ ზურგზე აჯდა გავროში. ანუხებდა უსაქმურებს, ახალისებდა ზარმაცებს, აქებებდა დაღლილებს, თავს აბეზრებდა ჩაფიქრებულებს, ზოგს ამხიარულებდა, ზოგს საქმეს მოაგონებდა, ზოგს აბრაზებდა, დაუდგრომლად ტრიალებდა, სიტყვას გადაუკრავდა სტუდენტს, სიტყვით უკბენდა მუშას, გაჩერდებოდა წამით, ისევ სადღაც ვარბოდა, თავს დასტრიალებდა ამ ფაკიფუცსა და სამზადისს, ერთი ჯგუფიდან მეორისკენ მიფრინავდა, რაღაცას ჩურჩულებდა, ბუზღუნებდა და ანუხებდა ყველას, თითქოს აბეზარი ბუზი ჩასცივებია რევოლუციის უზარმაზარ ეტლსო.

მისი პატარა ხელ-ფეხი გაუჩერებლად მოძრაობდა და პატარა ფილტვები კი შეუწყვეტლად უხმაურებდა:

- აგერ, აქ ქვა გვაკლია! კასრები გვინდა! ცოტა კიდევ კედლის ნანგრევი, რომ ამოვავსოთ ეს ხვრელი! ძალიან პატარაა თქვენი ბარიკადი! უნდა აამაღლოთ! ყველაფერი ზედ დაადეთ, ზედ დააყარეთ, ზედ დაარჭვეთ! დაანგრეთ სახლი! ბიჭოს, აგერ ერთი შუშიანი კარი!

ეს კი არ მოეწონათ მუშებს.

- შუშიანი კარიო? მერე რაში გამოვიყენოთ შუშიანი კარი? ჩვენს დასალუპავად? ჭკუის კოლოფი ყოფილხარ, ბიჭო!

- ჭკუის კოლოფები თქვენ ყოფილხართ, თუ მართალი გინდათ, - მიუგო გავროშმა, - ბარიკადში შუშიანი კარის ჩასმაზე უკეთესი არაფერი იქნება. მართალია, იერიშს ვერ გაუძლებს, მაგრამ ბარიკადის აღება კი - ვერ მივართვი. ნუთუ არასოდეს მოგიგლეჯიათ ვაშლი ღობის ზემოდან, როცა კედელი ბოთლის ნამსხვრევებით ყოფილა გამაგრებული? განა არ გახსოვთ, რა გაჭირვებით მისწვდომიხართ ვაშლს? და შუშები რომ არ ყოფილიყო? ერთს კი არა, მთელ ტოტს გაკრეფდით. შუშიანი კარი სულ ფეხებს ჩაუსისხლიანებს ეროვნულ გვარდიელებს, თუ გახედეს და ბარიკადზე ამოვიდნენ. ბიჭოს! შუშა დიდი ვერაგია! ერიჰა! არც ისე ცოცხალი აზროვნება გქონიათ, ამხანაგებო!

ბიჭს აშმაგებდა თავისი უჩახმახო დამბაჩა და ხან ვისთან მიირბენდა, ხან ვისთან:

- ერთი თოფი მომეცით, თოფი მინდა, თოფი!.. რატომ არ მაძლევთ ერთ კარგ თოფს?

- შენც თოფს ითხოვ, ბიჭო?

- ვითომ რატომ არა? თუკი 1830 წელს მქონდა, შარლ X-ს რომ ვედავებოდიოთ, ახლა უფრო არ მერგება?

მხრები აიჩეჩა ანჟოლარასმა:

- როცა მამაკაცებს დავურიგებთ თოფებს, იქნებ ბავშვებსაც ვარგუნოთ.

გავროშმა მედიდურად მოუჭრა:

- თუ შენ მოგკლეს ჩემზე ადრე, გესმის, შენს თოფს მე ავიღებ!

- ლანჩირაკო! - იწყინა ანჟოლარასმა.

- ადუ! - უპასუხა გავროშმა.

ერთ კოხტად ჩაქმულ ვაჟუბატონს გზა შეშლოდა და იქვე ახლოს ტრიალებდა. მან მოულო ბოლო ანჟოლარასისა და გავროშის კამათს.

იმ ვაჟუბატონს გასძახა გავროშმა:

- თქვენ, აქეთ მოდით, ახალგაზრდავ, ჰეი? მაშ, არ დაეხმარებით ბებერ სამშობლოს?

სადღაც გაქრა ვაჟუბატონი.

თავი მესუთე

მზადება

იმ დროის გაზეთები წერდნენ, რომ შანერერის ბარიკადები, ეს „თითქმის აუღებელი სიმაგრე“, სიმაღლით მეორე სართულამდე აღიოდა, მაგრამ ცდებოდნენ. თუ სიმართლე გნებავთ, ამ ბარიკადის სიმაღლე საშუალოდ ორ-ნახევარ მეტრს აღწევდა. ისე კარგად იყო აგებული, რომ აჯანყებულთ შეეძლოთ დამალვოდნენ მომავალ ჯარს და თუ საჭირო იყო, ბარიკადის თავზედაც ასულიყვნენ, რადგან ქვა-

ლორდი ბლომად, ოთხ რიგად მიაყარეს გასამაგრებლად. რიყის ქვისგან, კასრებისგან, ბოძებისგან, გადაბრუნებული ომნიბუსისგან, მეკირე ანსოს დროვისგან ახორხლილი, ბარიკადი თითქოს აიჭაგრა და ფრონტის გარედან მიუდგომელი ჩანდა. ბარიკადი „კორინთიდან“ ერთი დაშორებული სახლის კედლამდე მიუყვებოდა, იქ კი ვიწრო გასასვლელი იყო დატოვებული, იმდენად ვიწრო, რომ ძლივს გაძვრებოდა კაცი; თუ გაჭირდებოდა საქმე, ამ გზით გაარიდებდნენ თავს. ომნიბუსის ხელნა ბარიკადის თავზე თოკით დაემაგრებინათ და ზედ წითელი დროშა აეფრიალებინათ.

მონდეტურის პატარა ბარიკადი სამიკიტნოს უკან მიმაღულიყო და არც კი ჩანდა, მაგრამ პირველს უერთდებოდა და კარგ სიმაგრეს წარმოადგენდა. ანჟოლრასმა და კურფეირაკმა საჭიროდ არ ცნეს მონდეტურის ქუჩის მეორე ნაწილის გამაგრება, რომელიც პრემერის ქუჩით ბაზარში გადის, რადგან უნდოდათ, კავშირი ჰქონოდათ ქალაქთან, მით უფრო, რომ შეუძლებლად მიაჩნდათ პრემერის ქუჩით ჯარის შემოსვლა.

ამ თავისუფალი გასასვლელის გარდა, რომელსაც ფოლარი თავისი სტრატეგიული ფორტის კარს უწოდებდა, და გარდა იმ ვიწრო გასაძრომისა, რომელიც დიდ ბარიკადს ჰქონდა, სიმაგრის შიდა ფართობი პატარა მოედანს წარმოადგენდა, უსწორმასწოროს, ოთხკუთხედს, ყოველმხრივ გამაგრებულს. დიდ ბარიკადსა და მალალ სახლებს შუა, ქუჩის ბოლოში, სულ ოცი ნაბიჯი იქნებოდა, ასე რომ, თითქმის ეყრდნობოდა სახლებს, რომლებშიც უამრავი ხალხი ცხოვრობდა, მაგრამ არავინ მოჩანდა, ყველას მაგრად დაეკეტა კარ-ფანჯარა.

მუშებს ერთი საათიც არ დასჭირვებიათ ამ სიმაგრის ასაგებად, ასე რომ, არც ხიშტი და არც ჯარისკაცის ქუდი არ გამოჩენილა. გამვლელებიც აღარსად იყვნენ. და თუ სენდენის ქუჩაზე ვინმე ბურჟუა ჩამოივლიდა და შანვრერის ბარიკადებს თვალს მოავლებდა, უთუოდ აუჩქარებდა ფეხს.

საქმე გაასრულეს, ორი ბარიკადი ააგეს, აღმართეს წითელი დროშა, სამიკიტნოდან ერთი მაგიდა გამოიტანეს და ზედ კურფეირაკი ავიდა. ანჟოლრასმა დიდი ყუთი მოათრია და კურფეირაკმა გააღო, - ვაზნებით იყო სავსე. ამის დანახვაზე ურუნტელმა დაუარა თვით უშიშარ ბიჭებსაც და წამით მიყურდა ყველა.

ერთადერთი კურფეირაკი არიგებდა ვაზნებს მხიარული სახით.

თითო კაცს ოცდაათი ვაზნა ერგო. ბევრს თოფისწამალი ჰქონდა და მაშინვე საქმეს შეუდგნენ. ტყვიას აღნობდნენ. ვაზნას ტენიდნენ. კართან ახლოს, მაგიდაზე იდგა დენთით სავსე კასრი, რომელსაც ძალიან უფრთხილდებოდნენ.

ქალაქში ატეხილი განგაში ჯერაც არ ჩამცხრალიყო, მაგრამ ყური მიეწვია და ყურადღებას აღარავინ აქცევდა. ეს ხმაური ხან ახლოვდებოდა, თითქოს ზღვის საზარელი ზვირთივით, ხან კი შორიდან მოისმოდა.

თოფები გატენეს, ყველამ ერთად, აუჩქარებლად. საზეიმო სიღინჯით. ანჟოლრასმა ბარიკადის გარეთ სამი კაცი დააყენა გუშაგად, - ერთი შანვრერის ქუჩაზე, მეორე პრემერის და მესამე პატარა ტრუნდერის ქუჩის კუთხეში.

მერე კი, როცა ბარიკადების აგება დაასრულეს, ყველას თავ-თავისი ადგილი მიუჩინეს, თოფები გატენეს, გუშაგები დააყენეს; მარტონი დარჩნენ ამ სამიწელ სიმაგრეში, სადაც გამვლელი არავინ იყო; გარს მაღალი პირქუში სახლები ეხვიათ, რომელთაც ადამიანის სიცოცხლის ნიშანწყალი აღარ ეტყობოდათ. უკვე დამდებოდა,

მთელ სამყაროს მონყვეტილნი მწუხრის სიბნელეში ეხვეოდნენ და ამ სიბნელესა და სიჩუმეში, რომელშიც რაღაც ტრაგიკულისა და საშინელის მოახლოება იგრძნობოდაყ, აჯანყებულები თავგადადებულნი, შეიარაღებულნი და დამშვიდებულნი ელოდნენ.

თავი შეექვსე
მოლოდინში

რას აკეთებდნენ ბრძოლის მოლოდინში?

ესეც უნდათ ვთქვათ, რადგან ეს ისტორიის კუთვნილებაა. იმ დროს, როდესაც მამაკაცები ვაზნებს აკეთებდნენ, ქალები კი ჩვრებს ძენძავდნენ, დიდ ქვაბებში ტყვია და კალა დუღდა ტყვიის ჩამოსასხმელად. და სანამ ბარიკადებს შეიარაღებული გუშავები უთვალთვალებდნენ და დაუღალავი ანჟოლრასი მათ ამონმებდა, კომბეფერი, კურფეირაკი, ჟან პრუვერი, ფეიი, ბოსუე, ჟოლი, ბარელი და რამდენიმე კიდევ სხვა მათი თანამებრძოლი ერთად შეიყარნენ, სწორედ ისე, როგორც ყოველთვის იცოდნენ, მშვიდობიანობის დროს, სტუდენტურად საკამათოდ და დროის გასატარებლად; ამ სამიკიტნოს, უკვე სატუსალოდ გადაქცეულის, ერთ კუთხეში იყრიდნენ თავს, იქვე, მათ მიერვე აგებული სიმაგრის გვერდით, გატენილი თოფები კედელზე მიყუდებინათ და - სიჭაბუკე თავისას არ იშლიდა, - სატრფიალო ლექსებს ამბობდნენ სამარის კართან მდგომი ბიჭები.

რა ლექსებს? აი, ერთი:

შენ გახსოვს, გახსოვს ის დრო ნეტარი
როცა სისხლის ჩქეფს, გული გრძნობს ხალისს,
როცა სიცოცხლე ახალგაზრდული
კი არა ჭკნება, ვარდივით ყვავის.
თუმც ტანსაცმელი გაცვეთილია,
გულს ათბობს სხივი
კვლავ ტრფობის მზისა,
რა ხნის ვიყავით, ორივე ერთად
არც ვიქნებოდით ორმოცი წლისა!
სუსხიკ მაისად გვეჩვენებოდა,
ტკბილი დრო იყო, როგორც ზღაპარი.
რა კარგი იყო, რა კარგი იყო
ჩვენი უბრალო თავმესაფარი.
ო, ემანუილს, ჩვენს ემანუილს,
დიდება ჰქონდა მაშინ ნამდვილი,
დიდი ზეიმის, დიდი ზეიმის,
პარიზი მაშინ იყო ადვილი.
ფუა გრგვინავდა და ზიმზიმებდა...
როგორც საამო, კარგ მოსაგონარს
ახლაც ვინახავ, ახლაც ვინახავ,
ვინახავ შენი კორსაჟის ზონარს.
უსაქმო ვეცილს, მე შენ პრადოში
მაშინ დამყავდი ხშირად სადილად.

მშვენიერებით ვარდსაც ჩრდილავდი,
ვარდზე ლამაზი იყავ ნამდვილად.
„რა ლამაზია! - ამბობდა ყველა, -
რა ლოყები აქვს, თმა - დატალღული!
ჩამოფრენილი ანგელოზია,
ანდა იქნება თვით გაზაფხული!“
ჩვენ ვსეირნობდით, ჩვენ ვსეირნობდით,
ხშირად ხელიხელჩაკიდებულნი.
ყველა ღიმილით შემოგვეცქეროდა,
რა კარგი იყო, რა დიდებული!
ეჰ, სიყვარულო, ეჰ სიყვარულო,
შენ აკრძალულო ხილო, ო, ტკბილო!
ხშირად სიტყვის თქმას ვერც კი ვასწრებდი, -
შენ უკვე გულით პასუხს მაძლევდი,
სირდონას მქონდა თავშესაფარი,
თავშესაფარი მშვიდი და წყნარი.
სად სტუდენტების უბანში მაშინ
ვნების სინაზით ვიყავი მტკბარი,
ახალ, საამო ჩვენს სამყოფელში
ცისკრამდე გვექონდა უტკბესი ძილი.
შენ ლამაზ ფეხებს ათამაშებდი,
როდესაც წინდებს იცვამდი დილით.
ტრფობის ბრწყინვალე ვარსკვლავად ენთე
ჩვენს ჭერს ღარიბულს, ვით ზეცის ტატნობს,
დიდ თავყვანს ვცემდი მალბრანშს და ლამენს
და ვალმერთებდი მე მაშინ პლატონს.
შენ თაიგული გეჭირა ხელში
და მოდიოდი როგორც მადონა,
რომ ჩემთვის უხვად შემოგვეფრქვია
ციურ მშვენიების სხივების კონა!
ო, ჩვენი ჭერი! როგორც ქურუმნი,
ერთურთს ვწურავდით ჩვენ გულთა ძვერას,
დილით, როგორც კი წამოვდგებოდით,
დიდხანს გვიყვარდა სარკეში ცქერა.
რა დამავინწყებს შენს სუნთქვას ნეტავ,
ან განთიადით მბრწყინავ ცის დიდ თაღს.
იორდასალამს ქოთანში ჩარგულს,
ჩვენ ვუტოლებდით ედემის დიდ ბაღს.
ჩვენს ფანჯარაზე ფარდის მაგივრად
მოჩანდა კაბა დაკიდებული.
ჩემთვის უბრალო სასმისი მქონდა,
შენთვის ძვირფასი და დიდებული.
და ყველა ამბის, თუნდაც საწყენის,

სიცილი იყო ყოველთვის ბოლო.
ჩვენ შეველიეთ შექსპირის სურათს
ერთი სადილის ფელისთვის მხოლოდ,
სულ ბედნიერნი ვიყავით ასე,
საკუთარ წესით მე კოცნას ვთვლიდი.
ნაბლს გემრიელად შევექცეოდით
და მაგიდიდან კი დანტეს ტომს ვთვლიდი.
მასსოვს მხურვალე კოცნის პასუხად
ტუჩზე მომწყვითე მხურვალე კოცნა,
განითლებული, აჭარხლებული,
შეცბუნებული ნახვედი მორცხვად.
ან ეს ხალისი, ან ეს ნაღველი,
ან ნაფლეთები იმ თავსაფრისა,
გახსოვს თუ არა, გახსოვს თუ არა
ბედნიერება მსგავსი ზღაპრისა?

სალამო ხანის ბინდი, ეს სიყმაწვილის მოგონებანი, რამდენიმე ვარსკვლავი, რომლებიც ნელ-ნელა გამოჩნდნენ ცაზე, ამ მდუმარე ქუჩების სამარისებური დუმილი, ბრძოლის აუცილებლობა და საშინელება, რომელიც მზადდებოდა და შეიძლებოდა ყოველ წამს ატეხილიყო, მომხიბლავ პათოსს მატებდა ამ ლექსს, ჩუმი ხმით, ჩურჩულით წარმოთქმულს ბნელში უან პრუვერის მიერ, რომელიც, უკვე ვთქვით, მგრძნობიარე პოეტი იყო.

ამასობაში პატარა ბარიკადზე ჭრაქი დაანთეს და დიდში კი ერთი ცვილის ჩირაღდანი, რომელსაც ყველგან ნახავს კაცი კარნავალის უკანასკნელ დღეს ნიღბიანებით სავსე ეტლის წინ მიმავალთა ხელოში. ეს ჩირაღდანი, როგორც მოგახსენეთ, სენტ-ანტუანის უბნიდან მოიტანეს. რიყის ქვებში ისე ჩაამაგრეს, რომ სამივე მხარეს დაეფარათ ქარისაგან და ისე დაედგათ, რომ მისი სინათლე წითელ დროშას მოჰფენოდა. ქუჩა და ბარიკადები სრულ სიბნელებში იყო და არაფერი ჩანდა გარდა ამ წითელი დროშისა, რომელიც ისე იყო განათებული, თითქოს ერთი დიდი ფარანი დაჰნათოდა.

ეს სხივი უფრო ანითლებდა დროშას და საშინელ მენამულ ფერს აძლევდა.

თავი მეშვიდე

ბიეტის ქუჩაზე შემოერთებული კაცი

მთლად ჩამოვამდა. არავინ მოდიოდა ბარიკადებისაკენ. ზოგჯერ შორიდან ყრუდ და წყვეტილად მოისმოდა სროლა. ეს ხანგრძლივი სიმშვიდე იმისი ნიშანი იყო, რომ მთავრობა დროს იყენებდა და ძალას იკრებდა. ბარიკადებზე ორმოცდაათი კაცი ორი ათას კაცს ელოდა საბრძოლველად.

ანჟოლრასს მოთმინების ძაფი გაუწყდა, რომელსაც განიცდის ძლიერი სულის ადამიანი, როცა სახითათო კარიბჭეს მიაღვება; ადგა და გავროშის სანახავად წავიდა, რომელიც ახლა ქვედა სართულზე, ორი ქონის სანთლით ოდნავ განათებულ დაბალ დარბაზში ვაზნებს ამზადებდა. საცხე ვაზნებს დახლზე ფრთხილად ალაგებდა, რადგან

მაგიდებზე დენთი იყო მიმოფანტული; ამ ორი სანთლის შუქი გარეთ ვერ გამოდიოდა. ზედა ორ სართულზე სანთელი არსად ენთოთ აჯანყებულებს.

შეფიქრიანებული დაუხვდა გავროში, ოღონდ მიზეზი ვაზნები როდი იყო.

ბიეტის ქუჩაზე რომ აჯანყებულებში კაცი გაერია, შესულიყო სამიკიტნოს ქვედა სართულის დახლიან დარბაზში, სადაც გავროში საქმიანობდა, და ბნელ კუთხეში მიკუნჭულიყო; წილად დიდკალიბრიანი თოფი რგებოდა, რომლებიც მუხლებშუა ჩაედო. აქამდე გავროში გართული იყო თავისი „სახალისო“ საქმით და ყურადღებას არ აქცევდა კაცს.

დარბაზში რომ შემოვიდა, მისი თოფით ალტაცებულმა გავროშმა უნებურად თვალი გააყოლა. მერე კი, როდესაც კაცი ტაბურეტზე ჩამოჭდა, ბიტი ფეხზე წამოვარდა. ამ კაცისთვის ვინმეს თვალი რომ ეღვინებინა, სანამ გარეთ იყო, დარწმუნდებოდა, რომ ის დანჯრილებით სინჯავდა ყველაფერს ბარიკადებზე, უცნაურად აკვირდებოდა აჯანყებულებს; მაგრამ ახლა დარბაზში ჩაფიქრებული იჭდა, თითქოს აღარაფერს ხედავს და არც ესმისო. გამენი მიუახლოვდა ჩაფიქრებულ კაცს, ხან აქედან მოუვლიდა ფეხის წვერებზე, ხან იქიდან. გარს დასტრიალებდა ფრთხილად, სწორედ ისე, როგორც მძინარე ადამიანის გაღვიძებას ერიდებიან. ამავე დროს ბავშვური სახე, ასე დარბაისლური და თან თავხედური, ასე უზრუნველი და ღრმად მოაზროვნე, ასე მხიარული და თან დაჩაგრული, ისე ეცვლებოდა, თითქოს ამბობდა:

- რა ვქნა? შეუძლებელია! თვალი მატყუებს! მელანდება! იქნება მართლა? არა, ის არის! ის არის, ისა!

ირწოდა გავროში ფეხის ქუსლებზე, ხელს მუშტად კრავდა ჯიბეში, ჩიტივით იქნევდა კისერს. განცვიფრებული იყო, საგონებელში ჩავარდნილი, გულშეუჯერებელი, მამხილებელი, ელდანაკრავი. საჭურისების უფროსს მოგაკონებდათ, ტყვეებისა და მონების მოედანზე, რომელსაც გასაყიდ უშნოდ ჩასუქებულ გოგოებში ვენერა აღმოუჩენია, ან კიდევ მხატვრობის მცოდნეს, რომელმაც ძველმანებში რაფაელის სურათი იპოვა. ყველაფერი ამოძრავდა ბიტის არსებაში: ინსტინქტმა რაღაც უკარნახა, გონებაში რაღაცას წონიდა. ცხადი იყო, გავროშს რაღაც აღმოჩენა გაეკეთებინა.

ამ დროს ანჟოლრასი მიუახლოვდა და უთხრა:

- შენ პატარა ხარ, ვერ დაგინახავენ, გადი ბარიკადებთან, სახლებს ჩაჰყევი, ქუჩები დაათვალიერე და მალე დაბრუნდი. რასაც ნახავ და გაიგონებ, ყველაფერი მითხარი.

გავროში გამოიჭიმა:

- მაშ, პატარებიც ვარგებულან კაი საქმისთვის! რა ბედნიერებაა! ახლავე გაიხლებით, მაშასადამე, ენდეთ პატარებს და ფრიდეთ დიდებს.

ბიჭმა თავი მალლა აიღო, ხმა დაიდაბლა და ჩურჩულით დაუმატა, თან იმ კაცზე ანიშნა:

- აი, იმ ახმასს ხედავთ?

- მერე რა?

- ჯამუშია.

- დარწმუნებული ხარ?

- ორი კვირა არ იქნება, რაც ყურში მტაცა ხელი და ხიდის ლავგარდანიდან ჩამომაგდო. მცხელოდა და გასაგრილებლად აძიქვრი.

ანჟოლრასმა იქვე მიატოვა პატარა ბიჭი და რაღაც წასწურჩულა ერთ მუშას, რომელიც გარეთ გავარდა. თითქმის მაშინვე დაბრუნდა და თან სამი თოფიანი კაცი შემოიყვანა. ზორბა ბიჭები იყვნენ ოთხივე, მხარბეჭიანები, მტვრითავეები; ისე მიუახლოვდნენ განცალკევებულად მჭდარ, ჩაფიქრებულ უცხოს, ბიჭის ქუჩაში რომ შეუერთდა აჯანყებულთ, თითქოს დასასვენებლად შესულიყვნენ. მივიდნენ, გარს შემოეხვივნენ, ეტყობოდათ, მზად იყვნენ, ყელში სწვდომოდნენ.

მაშინ ანჟოლრასი მიუახლოვდა და ჰკითხა:

- თქვენ ვინა ხართ?

ამ მოულოდნელ კითხვაზე კაცი წამოხტა. ანჟოლრასს თვალი თვალში გაუყარა და მისი თვალების სიღრმეში ამ კითხვის ფარული აზრი ამოიკითხა, გაიციინა ზიზღით, გაბედულად და მედიდურად უპასუხა:

- ვიცი, რაც გნებავთ, დიახ, ასეა.

- ჯამუში ხართ?

- მე ჩვენი მთავრობის მოხელე ვარ.

- თქვენი სახელი?

- ჟავერი.

ანჟოლრასმა რაღაც ანიშნა ოთხ კაცს და ჟავერმა მობრუნებაც კი ვერ მოასწრო, რომ თვალის დახამხამებაში ხელთეხშეკრული, ძირს გართხმული და გაჩხრეკილი იყო. ჯიბეში ვინაობის დამადასტურებელი ბარათი უპოვეს, მრგვალი, ორ მინას შუა ჩაკრული, რომელსაც ერთ მხარეს საფრანგეთის გერბი ეხატა, წარწერით „მედამხედველობა და სიფიზილუე“, და მეორე მხარეს კი „პოლიციის მონაწილე; ჟავერი, პოლიციის ინსპექტორი, ორმოცდათორმეტი წლის“, - ქვემოთ კი მაშინდელი პოლიციის პრეფექტ ჟისკეს ხელმოწერა იყო.

გარდა ამისა, ქისა უპოვეს, შიგ რამდენიმე ოქრო და საათი; ორივე ჯიბეში ჩაუდეს. საათის უკან, ჟილეტის ჯიბეში, ქაღალდი მიემალა. ანჟოლრასმა მაშინვე გაშალა და ნაიკითხა თვით პოლიციის პრეფექტის ხელით დაწერილი ხუთი სტრიქონი:

„როგორც კი შეასრულებს თავის პოლიტიკურ დავალებას, ინსპექტორი ჟავერი გამოიკვლევს და შეამოწმებს, რამდენად მართალია ცნობა, რომ ბოროტმოქმედთა კვალი აღმოჩენილია აგრეთვე სენის მარჯვენა ნაპირის ფერდობზე, იენის ხიდის ახლოს“.

ჟავერი გაჩხრიკეს და წამოაყენეს. ხელები ზურგს უკან შეუკრეს და მაგრად მიაბეს ქვედა სართულის დარბაზის შუაში ამართულ სახელოვან ბოძს, რომელმაც ოდესღაც თავისი სახელი მისცა სამიკიტნოს.

გავროშიც იქვე ტრიალებდა, თვალს ადევნებდა ამ სცენას, ამართლებდა და თავის დაქნევით ადასტურებდა ანჟოლრასის ყოველ განკარგულებას. მერე მიუახლოვდა ჟავერს და უთხრა:

- დღეს კი თავგმა დაიჭირა კატა.

ისე სწრაფად მოხდა ყოველივე ეს ჩხრეკა-ძიება და ისე სწრაფად გათავდა, რომ გარეთ მყოფ ხალხს არაფერი გაუგია. ჟავერს ერთხელაც არ დაუყვირია. რომ გაიგეს, ჟავერი გაუბანწავთ და ბოძზე მიკრულიო, მიირბინეს კურფეირაკმა, ბოსუემ, ჟოლიმ, კომბეფერმა, მათ თან მოჰყვნენ ორივე ბარიკადზე გაფანტული ბიჭებიც. ჟავერს, რომელიც ისე მაგრად მიეკრათ ბოძზე, რომ განძრევა აღარ შეეძლო, თავი იმ

ადამიანის ალუმბოთებელი სიმშვიდით ეჭირა, რომელსაც თავის დღეში ტყეილი არ უოქვამს.

- ჯაშუშია, - თქვა ანჟოლრასმა.

მერე ჟავერს მიუბრუნდა:

- თქვენ დავხვრეტენ. მხოლოდ ათი ნუთი რომ დავგვრჩება ბარიკადის დავარგვამდე, დავხვრეტო და ისე წავალთ.

ბრძანების კილოთი უპასუხა ჟავერმა:

- და რატომ ამწამსვე არა?

- თოფისწამალს ვუფრთხილდებით.

- დანას ვერ დამკრავთ, რომ გამათავოთ?

- ჯაშუშო! - უთხრა მშვენიერმა ანჟოლრასმა, - ჩვენ მსაჯულები ვართ და არა ჯალათები.

მერე გავრომს დავუძახა:

- შენ კი წადი შენს საქმეზე. წადი, შეასრულე რაც დავგავალე.

- მივდივარ! - შეჰყვირა გავრომმა, მაგრამ წამით შედგა და სთხოვა:

- მართლა, ამ ვაჟბატონის თოფი მე უნდა მომცეთ. მებუკეს თქვენ გიტოვებთ, მაგრამ ბუკი ჩემთვის მინდა.

მხედრული სალაში მისცა და მხიარულად გავარდა დიდი ბარიკადის გასასვლელით.

თავი მერვე

რამდენიმე კითხვის ნიშანი ვილაც კაბუკის ¹შესახებ, რომელიც იქნებ კაბუკი არც კი იყო

ის ტრაგიკული სურათი, რომლის დახატვასაც ვცდილობთ, სრული არ იქნება და მკითხველი ვერ დაინახავს მთელი სისრულითა და რეალობით იმ დიად წამებასა და კრუნჩხვას სოციალური მშობიარობისა და რევოლუციური განახლებისა, თუ გამოგვრჩა ერთი გარემოება, სავსე ეპიკური საშინელებით, რომელიც იქვე მოხდა, მაშინვე, გავრომის წასვლის შემდეგ.

ხალხის თავშეყრა, როგორც ვიცით, მთიდან დაშვებულ ზვავს ჰგავს; იგი სწრაფად იზრდება. ერთმანეთს არაფერს ეკითხება, ვინ ხარ, საიდან მოდიხარო? დილით, როცა ანჟოლრასმა, კომბეფერმა და კურთფერაკმა მუშები შეკრიბეს და წინ გაუძღვნენ, ერთი კაცი გაერია მათში, მტერთავეს გაცვეთილსამოსიანი, რომელიც სულ რაღაცას გაჰყვიროდა, ხელებს იქნევდა და იერით ნადირს ჰგავდა, ან მოვრალსა და გიჟს. ამ კაცს, რომელსაც კაბუკს ეძახდნენ ან თავად წარუდგა ასე ყველას, იქ მყოფი არაფერი იცნობდა. ძალიან მოვრალი იყო ან ცდილობდა, მოვრალად მოსჩვენებოდა ყველას. სხვებთან ერთად გამოითანა სამიკიტნოდან მაგიდა, მიუსხდნენ და სმა დაიწყეს. კაბუკი ყველას ასმევდა და თვითონ კი თვალს არ შორებდა იქვე ახლო ამართულ ექვსსართულიან სახლს, მთლად ჩაბნელებულს, რომელიც მედიდურად დასცქეროდა ამ ქუჩას და მეორე მხარეს სენ-დენის ქუჩაზე გადიოდა. უცბად კაბუკმა შესძახა:

- ძმებო, იცით, რა გითხრათ? თუ სროლა გვინდა აი, ამ სახლიდან ვისროლოთ. იქ რომ ჩავსაფრდეთ, ორმხრივად მაღალ კოშკში, ეშმაკიც ვეღარ გაბედავს ამ ქუჩებში შემოსვლას.

- კარგი, მაგრამ სახლი რომ დაკეტილია? - უთხრა ერთმა მუშამ.
- დავაკაკუნოთ.
- არ გავვიღებენ.
- შევამტვრიოთ.

კაბუკი წამოვარდა, მივარდა იმ სახლის კარიბჭეს, რომელსაც დიდრონი ჩაქუჩი ეკიდა და დაჰკრა. კარი არავინ გაუღო. მეორედაც დაჰკრა. პასუხი ისევ არავინ გასცა. მესამედ, კიდევ უფრო მაგრად, იგივე დუმილი.

- არის ვინმე ამ სახლში? - შეჰყვირა კაბუკმა.

არავითარი პასუხი.

თოფი აიტაცა და დაჰკრა და დაჰკრა კარს კონდახი. ძველებური, მაგარი კარი იყო, წინ გამოზნექილი, დაბალი, ვიწრო, მუხის, შიგნიდან რკინით აკრული, ნამდვილი მოძრავი კარი ციხესიმაგრისა. კონდახის ცემა სახლს აზანზარებდა, მაგრამ კარს კი ვერაფერს აკლებდა. აღვილი წარმოსადგენია, როგორ იყვნენ დამფრთხალი სახლის მობინადრენი. მეოთხე სართულის ერთ პატარა ოთხკუთხა სარკმელში სინათლე გამოკრთა, სარკმელი გაიღო და გამოჩნდა ჯერ სანთელი, მერე კი ერთი შემინებული მოხუცის ჭაღარა თავი. ამ სახლის მეკარე უნდა ყოფილიყო.

კაბუკმა კარის მტვრევას თავი დაანება.

- რა გნებავთ, ბატონებო? - ჩამოსძახა მეკარემ.
- გააღე! - დაუყვირა კაბუკმა.
- შეუძლებელია, ბატონებო.
- გააღე-მეთქი!
- არ შემიძლია, ბატონებო.

კაბუკმა თოფი მხარზე მიიღო და მეკარეს დაუმიზნა, მაგრამ ძირს იდგა, სიბნელები და მეკარე მას ვერ ხედავდა.

- ჰა, გააღებ თუ არა კარს! ჰო თუ არა?
- ვერა, ბატონებო, ვერ გავაღებ.
- მაშ, არა?
- არ შემიძლია, ჩემო კეთილო...

სიტყვა ვეღარ დაამთავრა უბედურმა: თოფი გავარდა, ტყვია ნიკაპქვეშ მოხვდა, კეფაში გაუარა და კისრის ვენა გაუგლიჯა. მოხუცმა ხმის ამოდებაც ვეღარ მოასწრო, იქვე ჩაიკვცა უსულოდ, სანთელი ძირს ჩამოვარდა და ჩაქრა. აღარათფერი ჩანდა, გარდა სარკმელში გადმოკიდებული უძრავი ჭაღარა თავისა და ზევით მიმავალი მოთეთრო კვამლისა.

- ესეც ასე! - დაიძახა კაბუკმა და თოფი ძირს დაუშვა.

ესა თქვა და იგრძნო, რომ ვიღაცამ მხარზე ხელი დაჰკრა, ისე მაგრად ჩაუჭირა თითები, თითქოს ორბის ბრჭყალები ყოფილიყოს. მერე გაიგონა ბრძანება:

- დაიჩოქე!

მკვლელი მოტრიალდა. გაფითრებული, გაბრაზებული ანჟოლრასი ჩასჭიდებოდა მხარში. მეორე ხელში რევოლვერი ეჭირა.

როგორც კი სროლის მხა მოესმა, ანჟოლრასი მაშინვე იქ გაჩნდა.

- დაიჩოქე-მეთქი!

დიდი ვაჟკაცის ძალით დაანვა ამ ოცი წლის სუსტი ჭაბუკის ხელი ჯმუხ, ღონიერ მტვირთავს და შიგ ტალახში ჩააჩოქა. კაბუკმა წინააღმდეგობის განწევა სცადა, მაგრამ ვერაფერი გააწყო, თითქოს ზეადამიანმა დასცაო ძირს.

ანჟოლრასს მშვენიერი ქალივით ლამაზი სახე გაჰფითრებოდა, გულგაღვლილი იყო და ანტიკურ თემიდას ჰგავდა. ნესტოები დაჰბეროდა, თვალები ძირს დაეხარა და მის ბერძნულ პროფილს იმ რისხვისა და უბინოების გამომეტყველება მიელო, რომელსაც ძველ დროს მართლმსაჯულების ღმერთქალს აკუთვნებდნენ.

რაც კი ბარიკადებზე ხალხი იყო, ანჟოლრასს შემოხვეოდა გარს, ოღონდ ცოტა მოშორებით. მდუმარედ შეჰყურებდნენ, ალბათ, ხედებოდნენ, რომ შეუძლებელი იყო რისამე თქმა და მართლმსაჯულებისა და მკვლელის საქმეში ჩარევა.

დამარცხებული კაბუკი აღარც კი ცდილობდა თავის შეგლას, მხოლოდ თავით ფეხამდე კანკალებდა. ანჟოლრასმა ხელი გაუშვა და საათი ამოიღო:

- გონება მოიკრიბე, ჩაუფიქრდი შენს საქციელს. თუ გინდა, ილოცე, ერთი წუთი მომიცია.

- შემობრალეთ, - შეევედრა კაბუკი, მერე თავი ჩაჰკიდა და რალაც წყევლა თუ გინება წაიბურტყუნა.

ანჟოლრასი თვალს არ ამორებდა საათს. წუთი რომ გავიდა, ჯიბეში ჩაიღო, ხელი სტაცა კაბუკს, მუხლებზე რომ ეხვეოდა ბღავილით, და ყურთან მიაღო რევოლვერის ტუჩი. ბევრი ერია ამ ხალხში უშიშარი, სრულიად გულმშვიდად რომ ჩაერეოდნენ მომაკვდინებელ ცეცხლსა და ბრძოლაში, მაგრამ ამას კი თვალი აარიდეს.

დამბაჩა გავარდა. კაბუკი პირქვე დაეცა და შუბლი მიწას დაარტყა. ანჟოლრასმა თავი ასწია და თავისი რწმენით სავესე მკაცრი თვალი მოავლო ხალხს.

მერე ფეხი წაჰკრა მოკლულს და ბრძანა:

- გარეთ გადაადგეთ!

სამმა კაცმა ასწია არამზადის გვაში, რომელიც უკანასკნელი თრთოლით ეჭიდებოდა სიცოცხლეს, და პატარა ბარიკადის კედლიდან გადაადგეს, მონდეტურის ქუჩაზე.

ანჟოლრასი ჩაფიქრებული იჯდა, ვინ იცის, რა საზარელი წყვდიადი ერეოდა იმ დროს ადამიანისადმი სიყვარულით სავესე მის სულსა და გულს; უცხად ხმა ამოიღო, მიჩუმდა ყველა:

- ამხანაგებო, - თქვა ანჟოლრასმა, - ამ კაცმა საშინელება ჩაიდინა და მეც არანაკლები საშინელება ჩამადენინა. იმან კაცი მოკლა და ამიტომ მე ის მოვკალი. იძულებული ვიყავი, ასე მოვექცეულიყავი, რადგან აჯანყებას წესრიგი, დისციპლინა სჭირდება. მკვლელობა აქ უფრო დასასჯელია, ვიდრე სადმე სხვაგან.

ჩვენ თავს დაგვექერის რევოლუცია, ჩვენ რესპუბლიკის ქერუმები ვართ, მოვალეობის მსხვერპლნი და ისე უნდა ვიბრძოლოთ, რომ არავის შეეძლოს ჩვენი წმინდა ბრძოლის რაიმეში გამტყუნება. მეც განვსაჯე ამ კაცის დანაშაული და სიკვდილით დასჯა გადავუწყვიტე. რაც შემეხება მე, ვიმეორებ, იძულებული ვიყავი, მეც ის ჩამედინა, რისთვისაც ის დავსაჯე; ამიტომ ჩემი საქციელიც განვსაჯე და ახლავე ნახავთ, რა სასჯელიც გადავუწყვიტე ჩემს დანაშაულს.

ყვლა აკანკალდა.

- ჩვენც წილი გვიდევს შენს დანაშაულში და შენს სასჯელშიც.

- აგრე იყოს, - მიუგო ანჟოლრასმა, - ის უბედური რომ დავსაჯე, საჭიროებას ვემორჩილებოდი, მაგრამ საჭიროება ძველი ცხოვრების ურჩხულია, საჭიროებას ბედისწერა ჰქვია სახელად. ჰოდა, პროგრესი მოითხოვს, - ეს პროგრესის კანონია, - რომ ეს ურჩხულები გაქრნენ ანგელოზთა წინაშე. ამჟამად როგორღაც არ მეხერხება სიტყვა „სიყვარულის“ წარმოთქმა, მაგრამ რა გეწყობა, ვიტყვი და დიდებით ვმოსავ. მომავალი შენ გეკუთვნის, სიყვარულო! შენ ვიხმობ, სიკვდილო, მაგრამ მეზობლები. მომავალში, მოქალაქენო, აღარც წყვილი იქნება, აღარც ბოროტება, აღარც სისხლით გაუმძღარი გაუნათლებლობა, აღარც სისხლის ძიება, რადგან აღარ იქნება ავი სული და აღარც მთავარანგელოზი. განათლდება ქვეყანა, მხოლოდ სიყვარულით იხელმძღვანელებს კაცობრიობა. მოქალაქენო, დაგვიდგება ის დღე, როდესაც ყველგან ჰარმონია, სინათლე, სიხარული, სიკაცხლე და თანხმობა იქნება; დაგვიდგება ის დღე და იმის დასაჩქარებლად, იმის მალე განსახორციელებლად და მისაღწევად არის, რომ თავგანწირვით ვიბრძვი და კიდევ დავიხოცებით.

ანჟოლრასი დადუმდა. ქალწული ბავშვი მოკუმა და მარმარილოსავით უძრავი ცოტა ხანს იქ იდგა, სადაც ადამიანის სისხლი დაღვარა. მისი ჩაფიქრებული, მწუხარე მზერის შემყურე ჩურჩულით ლაპარაკობდნენ ამხანაგები.

ჟან პრუვერმა და კურფიერაკმა ხმის ამოუღებლად ჩამოართვეს ერთმანეთს ხელი. იდგნენ ბარიკადებთან და აღტაცებითა და თანაგრძნობით შესცქეროდნენ ამ უმნიშვნელო პატიოსნების ახალგაზრდას, - ჯალათსა და მოძღვარს, ბრძოლის სინათლესა და იმავდროულად, საღ კლდეს.

ახლავე ვთქვათ, რომ მოგვიანებით, ბრძოლის შემდგომ, როდესაც საცხედრეში მიიტანეს დახოცილები და გაჩხრიკეს, კაბუკის ჯიბეში იპოვეს პოლიციის მიერ გაცემული ვინაობის დამადასტურებელი ბარათი. 1848 წელს ამ წიგნის ავტორს ხელთ ჰქონდა პოლიციის პრეფექტისათვის ამ საგნის შესახებ 1832 წელს წარდგენილი სპეციალური მოხსენება.

იმასაც დაუძენ, რომ თუ შეიძლება ვენდოთ პოლიციის ერთ უცნაურ, მაგრამ საფუძვლიან ცნობას, კაბუკი კლაკსუ იყო. ერთი სრულიად საფუძვლიანი გარემოებაც არის აღსანიშნავი, სახელდობრ ის, რომ მას შემდეგ, რაც კაბუკი მოკვდა, ხსენება აღარსად ყოფილა კლაკსუსი. გაქრა კაცი, არავითარი კვალი აღარ დარჩა მისი სიკვდილის შესახებ, თითქოს უხილავს შეერწყა, შიგ განზავდა.

აჯანყებულები ჯერ ისევ ასე სწრაფად განხილული ამ ტრაგიკული დანაშაულის განსჯით და სწრაფადვე გასრულებული დამნაშავის დასჯით იყვნენ აღელვებულნი, როდესაც კურფიერაკმა დაინახა ბარიკადზე დილას ნანახი ჯაბუკი, რომელიც მარიუსის სანახავად მივიდა მასთან.

ეს ყმანვილიაკაცი, ერთი შეხედვით ყოჩაღი და უზრუნველი, დაღამებისთანავე აჯანყებულებთან მივიდა დასახმარებლად.

წიგნი მეცამეტე

მარიუსი წყვილიაში შედის

თავი პირველი

პლუმეს ქუჩიდან სან-დენის უბნისაკენ

ხმა ბინდებულში, რომელმაც შანვრერის ქუჩის ბარიკადებზე უხმო, მარიუსმა ბედისწერის მონოდებად მიიღო. სიკვდილს ნატრობდა და საუკეთესო შემთხვევა მიეცა, - სამარის კარზე აკაკუნებდა და ვილაც სიბნელიდან გასაღებს აწვდიდა. ეს აგის მომასწავებელი გამოსავალი, რომელიც მოულოდნელად გამოუხტება წყვდიადიდან სასონარკვეთას, მუდამ ცდუნებით არის სავსე. მარიუსმა გასწი-გამოსწია მესრის ფიცრები, გავიდა ბალიდან და შესძახა:

- მაშ, გავწიოთ!

ღარდისგან გულგასენილს რაიმე მტკიცე გადანყვეტილების მიღების ძალა აღარ ჰქონდა. ამ ორი თვის ნეტარების, ამ სიყვარულითა და სიყმაწვილით დამტკბარი ბედნიერების შემდეგ სხვას ვერაფერს შეურიგდებოდა, სასონარკვეთილს თავისი ოცნებისა და მომავლის ასე უკვალოდ დაკარგვით ერთადერთი რამ ენატრებოდა, - როგორმე ბოლო მოღებოდა მის სიცოცხლეს.

სწრაფი ნაბიჯით გაუდგა გზას. თან უავერის დამბაჩვიც ელო ჯიბეში.

ამ ამბის მომტან ახალგაზრდას შორს კი მოჰკრა თვალი, მაგრამ ვეღარ დაენია.

პლუმეს ქუჩიდან ბულვარზე გავიდა, გადაჭრა ესპლანადი და ინვალიდების ხიდი, ელისეს მინდორი, ლუი XV-ის მოედანი და რივოლის ქუჩაზე გავიდა. სამიკიტნოები ღია იყო. თაღებქვეშ გზის ფარნები აენთოთ. ქალები ათას რამეს ყიდულობდნენ, კაფე „რეტერში“ ნაყინსა და ნამცხვარს კი ინგლისურ საკონდიტროში მიირთმევდნენ. უცნაური ის იყო მხოლოდ, რომ „პრენსისა“ და „მერისის“ სასტუმროებიდან საჩქაროდ მიქროდა რამდენიმე ეტლი.

მარიუსი დელორმის ქუჩით გავიდა სენტ-ონორეს ქუჩაზე: აქ სამიკიტნოები დაეკეტათ და დარაბებიც მიეხურათ. სამიკიტნოების ოდნავ შეღებულ კარებთან ვაჭრები ბაასობდნენ. ქუჩაში ხალხი მიმოდიოდა, ყველგან ფარანი ენთო, მეორე სართულიდან დანყებული სახლები განათებული იყო. პალე-რუაიალის მოედანზე ცხენოსანი ჯარი ჩაეყენებინათ.

მარიუსი სენტ-ონორეს ქუჩაზე გავიდა. რაც უფრო შორდებოდა პალე-რუაიალს, მით უფრო და უფრო მცირდებოდა განათებული ფანჯრები. სამიკიტნოები დაკეტილი იყო, აღარსად ჩანდნენ ქუჩაში მოლაპარაკენი, ქუჩა უფრო და უფრო ბნელდებოდა და იმავე დროს ხალხს ემატებოდა; გამვლელები თითო-ოროლა კი არა, ჯგუფ-ჯგუფად მიდიოდნენ. მოლაპარაკეს ვერავის დაინახავდით, მაგრამ ჩუმი, ყრუ გუგუნი გამოდიოდა ხალხიდან.

არბრ-სეკის შადრევისკენ მიმავალ გზაზეც ხალხი იყო, ოღონდ ჯგუფ-ჯგუფად იდგნენ, უძრავად, პირქუში, და გამვლელ-გამომვლელს შორის მდინარის ნაკადში ქვებს მოგაგონებდნენ.

პლუმერის ქუჩის დასაწყისშიც უამრავი ხალხი იდგა. გავლა შეუძლებელი იყო. ეს იყო მკვრივი, მასიური ლოდი, თითქმის შეუვალი. ჩუმი ლაპარაკობდნენ. აქ აღარც სერთუკი ჩანდა და აღარც მრგვალი ქელი. მუშური ტანისამოსი ეცვა ყველას, ხალათები; მუშური ქელი ეხურათ და ისიც ყველას არა, ჭუჭყიანი თმა აპბურძნოდათ. ღამის სიბნელეში ყრუდ ღელავდა ხალხი. მისი ჩურჩული მოახლოებული განსაცდელის ნიშანი იყო. თუმცა არ მიდიოდნენ, მაინც ისმოდა იმ ტალახში ფეხის ხმა. ამ ხალხის იქით, რულის, პრუველისა და სენტ-ონორეს ქუჩების გაყოლებამ, ყველა ფანჯარა ჩაბნელებულიყო. ქუჩების გასწვრივ ფარნის ბოძების შორეული მწკრივი ისე მოჩანდა, თითქოს ერთმანეთს მიჰკვრიანო. იმ დროის ფარნები დიდ,

წითელ ვარსკვლავებს ჰგავდნენ, გაჭიმულ თოკზე ჩამოკიდებულს, და ვეება ობობას მსგავს ჩრდილს სცემდნენ მიწას. ამ ქუჩას უკაცრიელი არ ეთქმოდა, მაშინვე შეამჩნევდით უნაგირებზე თოფებს, მოქანავე ხიშტებსა და ჯარს. ვერც ერთი ცნობისმოყვარე ვერ გადალახავდა საზღვარს, რომლის იქით მოძრაობა შეწყვეტილიყო. ამ საზღვარზე მთავრდებოდა ბრბო და იწყებოდა არმია.

მარიუსს ენატრებოდა სიკვდილი ისე, როგორც ადამიანს, რომელსაც საიმედო აღარაფერი დარჩენია. უხმეს და ისიც უნდა წასულიყო. მოახერხა და იმ ბრბოშიც გაიარა, ჯარის სადგომშიც და გუშაგებსაც ისე შორს მოუარა, რომ ვერ შენიშნეს, ბეტიზის ქუჩაზე გავიდა, იქიდან ბაზარში. ბურდონეს ქუჩის კუთხეში ფარანი არ ენთო.

ხალხის ბრბოსაც ჩაუარა, ჯარით გავსებულ ქუჩებსაც და საშინელ დღეში ჩავარდა. აღარც გამვლელ-გამომვლელი ჩანდა, აღარც ჯარისკაცი, აღარც სინათლე; აღარავინ! მარტობა, დუმილი, ბნელი ღამე; ცივი ურუნტელი უვლიდა ტანში, ნებისმიერ ქუჩაზე გასვლა სარდაფში ჩასვლას უდრიდა.

მაინც მიდიოდა.

რამდენიმე ნაბიჯი კიდევ გადადგა. ვიღაცამ ჩაურბინა. კაცი იყო? ქალი? ერთი იყო თუ რამდენიმე? ამის პასუხს ვერ მოგცემდათ მარიუსი. გაუარა და გაქრა სიბნელეში.

ხან აქეთ ჩაუხვია, ან იქით, იმდენი იარა, რომ ერთ პატარა ქუჩაზე გავიდა, რომელიც პოტერის ქუჩად ერგვნა. შუამდე რომ მივიდა, წინ რაღაც აეტეზა. ხელები გაიწვინა, სინჯვა დაუნყო. გადაბრუნებული ეტლი ყოფილა; ფეხი გუბეში ჩაუვარდა. ქუჩა გადათხრილი იყო, ქვაფენილი - ამოყრილი; ბარიკადის შენება დაეწყოთ და თავი მიენებებინათ. ქვის გროვამე აძვრა და მეორე მხარეს გადავიდა. გაიხედა, წინ, ცოტა მოშორებით, რაღაც თეთრი დაინახა. მიუახლოვდა. ის ორი ცხენი იყო, ამ დილას ბოსუემ რომ გამოუშვა ომნიბუსიდან, მთელი დღე უპატრონოდ ევლოთ ქუჩიდან ქუჩაზე და ბოლოს იქ გაჩერებულიყვნენ პირუტყვის მწარე მოთმინებით, რომელსაც ისევე არ ესმის ადამიანის მოქმედება, როგორც ადამიანს განგებისა.

ცხენები უკან მოიტოვა. ის იყო, ერთ ქუჩას მიაღწია, რომელიც კონტრა-სოსიალის ქუჩად ერგვნა, თოფი გავარდა სადღაც, სულ ახლოს ჩაუარა ტყვიამ და იქვე, მის ზემოთ, სადალაქოს კედელზე ჩამოკიდებულ წვერის საპარსად სახმარ ტაშტს მოხვდა. 1846 წელს აქ ჯერ კიდევ ეკიდა ტყვიით გახვრეტილი ტაშტი.

მამ, კიდევ იყო სადღაც სიოცხლლე. ეს თოფი რომ გაისროლეს, მას შემდეგ აღარავინ და აღარაფერი შეხვედრია.

ისე გამოიარა მთელი გზა, თითქოს წყვდიადში ჩადიოდა შავი კიბის საფეხურებით. მაინც სულ წინ მიიწვედა მარიუსი.

თავი მეორე

პარიზი ბუს ფრენის სიმალლიდან

საზარელ სურათს დაინახავდა იმ ღამეს პარიზში არსება, რომელიც შეძლებდა ცაში აფრენას ღამურას ან ბუს ფრთებით.

ცენტრალური ბაზრის ძველი კვარტალი, სენ-დენის, სენ-მარტენის ქუჩებითა და ათასი პატარა, ვიწრო ქუჩით გადაკვეთილი, თითქოს ქალაქი იყოს ქალაქში, ისე მოეჩვენებოდა ამ ფრთოსან არსებას, როგორც ერთი დიდი შავი ორმო, პარიზის შუაგულში ამოთხრილი. აქ იყო აჯანყებულთა იარაღის საწყობი და სანგარი.

უფსკრულად ეჩვენებოდა ეს უბანი, ფარანი არსად ენთო, დაემტვრიათ, ფანჯრები მთლად ჩამობნელებულიყო. შეწყვეტილიყო ყოველგვარი სინათლე, ყოველგვარი ხმაური, ყოველგვარი მოძრაობა, ყოველგვარი სიცოცხლე. აჯანყებულთა მზირები იდგნენ ყველგან, მაგრამ უხილავნი, და ისინი ამყარებდნენ ღამის წესრიგს. აჯანყების ტაქტიკა საჭიროებს მცირერიცხოვან მებრძოლთა ყოვლისმომცველ წყვდიადში დამალვას და სიბნელის წყალობით მცირერიცხოვანი რაზმი მრავალრიცხოვნად გეგვენება. როგორც კი დაბნელდა, საცა კი ფანჯარაში სინათლე გამოჩნდა, მაშინვე ტყვია ეძგერა. სანთელი ქრებოდა და ხანდახან პატრონიც თან მისდევდა. ამიტომ იყო, რომ აღარავინ ჭაჭანებდა, თითქოს ამომწყდარიყო უბანი. შიშის მეტი აღარაფერი დარჩენილიყო და მასთან ერთად გლოვა და გარინდება გამეფებულიყო ყოველ სახლში; ქუჩებშიც ჩაბნელებულიყო ყველაფერი, სახლების მწკრივად დატანებული ფანჯრები, სართულები, სახურავები და საკვამლე მიწები; ზემოდან მაყურებელ თვალს ამ წყვდიადში იქნებ ალაგ-ალაგ შეენიშნა ძნელად გასარჩევი დაკლავნილ-დაღრეცილი უცნაური ხაზები, გასაოცარი შენობები, თითქოს ბნელს სინათლე შეჰპარვია და ფრთხილად მიდი-მოდის ამ ნანგრევების მსგავს შენობაშიო. ეს იყო ბარიკადები. დანარჩენი ტბა იყო სიბნელისა, - შირქეში, მძიმე, მომაკვდინებელი, რომლის ზემოდან ამართულიყო უძრავად და მწუხარედ სენ-ჟაკის კოშკი, სენ-მერის ეკლესია და ორი-სამი კიდევ სხვა იმ დიდებულ შენობათაგანი, რომლებიც ადამიანის თვალს ბუმბერაზებად ეჩვენება და ღამე კი მოჩვენებად გარდაქმნის.

იმ მიყრუებული, სიმშვიდის დამრღვევი უბნის გარშემო უბნებში, სადაც პარიზული მიმოსვლა ჯერაც არ შეწყვეტილიყო და აქა-იქ კიდევ ძუნდა იყო განათებული, ზეციდან მაყურებელი დაინახავდა იარაღის ლითონისებურ ბზინვარებას, გაიგონებდა ხმლისა და ხიშტის წკარუნს, ზარბაზნების თვლების ყრუ გრუხუნს და ჯარის ჩუმ ფუთფუთს, რომელიც უფრო და უფრო ძლიერდებოდა; ეს იყო მრისხანე ქაშარი, რომელიც უფრო და უფრო ეჭირებოდა აჯანყებულებს.

აჯანყებულების მიერ გამაგრებული უბანი საშინელ მღვიმეს ჰგავდა, - მიძინებულს, უძრავს და როგორც ვთქვით, რომელი ქუჩიდანაც კი შევიდოდა კაცი, სიბნელის მეტს ვერაფერს ნახავდა.

ეს სიბნელეც საშინელი იყო, სავესე მახეებით, მოულოდნელი საშიში შეხვედრებით; საშინელი იყო იქ შესვლა და უფრო საშინელი - დაყვნება;

შემსვლელები შიშით კანკალებდნენ მათ წინაშე, ვინც მათ ელოდნენ, და მომლოდინენი კი მომსვლელთა წინაშე. ამ ქუჩებში ყველგან ჩასათრებელიყვნენ და მიმალულიყვნენ სულგანახული მებრძოლნი. სხვა სინათლის იმედი აღარ იყო, გარდა თოფის სროლის სინათლისა და სხვა შეხვედრისა, თუ არა წამის უსწრაფეს სიკვდილთან. სად? როგორ? როდის? ეს არავინ იცოდა, მაგრამ ეს გარდაუვალი იყო და აუცილებელი. ამ საბრძოლველად ამორჩეულ უბანში, სიბნელეში, იარაღით უნდა შეხვედროდნენ ერთმანეთს მთავრობა და აჯანყებულები, ეროვნული გვარდია და ხალხი, ბურჟუა და მუშა; ამის აუცილებლობა ცხადი გამხდარიყო, როგორც ერთი, ისე მეორე მხარისათვის. ამ ბრძოლიდან ან გამარჯვებული უნდა გამოსულიყვნენ, ან იქვე დახოცილიყვნენ, - ეს იყო ერთადერთი შესაძლებელი გამოსავალი. მდგომარეობა ისეთი უკიდურესი გამხდარიყო, წყვდიადი ისე ძლიერი, რომ მხდალთაც კი გაიმაგრეს გული, მამაცნი კი იარაღს ისხამდნენ.

ორივე მხარეს ერთი და იგივე გაშმაგება, გამძვინვარება და გამბედაობა გაბატონებულიყო. ერთი მხარისთვის სიკვდილს ნიშნავდა წინ წაწევა და კაცი არ იყო, უკან დახევვა ფიქრად მოსვლოდა; მეორე მხარისთვის აქ დარჩენა სიკვდილს ნიშნავდა, და კაცი არ იყო, გაქცევა ნდომებოდა.

აუცილებელი იყო, ხვალ დილით ყველაფერი ერთად დასრულებულიყო, აქეთ იქნებოდა გამარჯვება თუ იქით, რევოლუციად გადაიქცეოდა ეს, ამბოხებად თუ უბრალო ჩხუბად. მთავრობაც ისევე უყურებდა ამ საქმეს, როგორც პარტიები; ამას კარგად გრძნობდა სულ პატარა ბურჟუაც კი. ამიტომ იყო, რომ ამ უბნის განუსაზღვრელ სიბნელეს მტანჯველი ფიქრი ერეოდა; აქ უნდა გადაწყვეტილიყო გამეფება ავის თუ კარგის. ამიტომ იყო, რომ ამ წყვდიადში ერთიორად მძლავრობდა შეშფოთება, რომელსაც კატასტროფა უნდა მოჰყოლოდა. მხოლოდ სენ-მარეს საგანგაშო ზარის ხმა ისმოდა, ყრუ, როგორც მომაკვდავის ხრტიანი და მრისხანე, როგორც შეჩვენება. შემზარავი და სისხლის გამყინავი, იგი სასოწარკვეთილებითა და მღელვარებით აღსავსე გოდებასავით გაისმოდა ამ სიბნელეში.

როგორც ხშირად ხდება ხოლმე, ბუნებაც კი ისე იყო მოღუშული, თითქოს შესთანხმებოდა ადამიანს და ხელს უწყობდა მის საქმეს. არაფერი არღვევდა ამ შეთანხმების საზარელ ჰარმონიას. ვარსკვლავიც არსად ჩანდა; ჰორიზონტს შავი ღრუბელი მოჰფენოდა თავისი დაღვრემილი ნაკვეცებით. ზემოდან შავი ცა დასცქეროდა ამ მკვდარ ქუჩებს, თითქოს უზარმაზარი სუდარა გადაჰფარებოდა ამ უზარმაზარ სასაფლაოს.

და სწორედ იმ დროს, როდესაც სავსებით პოლიტიკური ბრძოლა მზადდებოდა სწორედ ამ ადგილას, რომელსაც მრავალი რევოლუციური მოვლენა ეწახა, იმ დროს, როდესაც ახალგაზრდობა, საიდუმლო საზოგადოებანი, სასწავლებლები - პრინციპის სახელით და ბურჟუაზია ჯიბის სარგებლობის სახელით, საბრძოლველად უახლოვდებოდნენ ერთმანეთს, რომ შესჭიდებოდნენ და საბოლოოდ მოესპოთ თავისი მოწინააღმდეგე, იმ დროს, როდესაც ორივეს ეჩქარებოდა და მოუთმენლად ცდილობდა უკანასკნელი, გადამწყვეტი საათის მოახლოებას, ამ საბედისწერო უბნის გარეთ, შორს, ძველი პარიზის უძირო სიღრმეებში, რომელიც დღეს ნელ-ნელა იკარგება ბედნიერი და მდიდარი პარიზის ბრწყინვალეებაში, ხალხის ყრუ ღრტვინვა ისმოდა.

შემზარავია ეს ხმა და წმინდაც, ხეპრეს ბრძღვინვაც არის და ღვთის სიტყვაც, რომელიც შიშის ზარს სცემს სუსტს და აფრთხილებს ბრძენს, რომელიც ერთსა და იმავე დროს ქვემოდანაც მოდის, როგორც ლომის ღრიალი, და ზემოდანაც, როგორც ხმა ჭექა-ქუხილისა.

თავი მესამე
უკიდურეს წერტილზე

მარიუსმა ბაზარს მიაღწია.

დამშვიდებული იყო იქაურობა, უფრო შავად ჩამობნელებული და უძრავი, ვიდრე ქუჩები. იტყოდით, გამყინავი სამარის სიმშვიდე ამოსულა მიწიდან და ცისქვეშეთს მოჰფენიაო.

მაგრამ ამ ბნელეთში, სახურავების შავ ჩრდილში იმ მაღალი სახლებისა, რომლებიც სენტ-ესტამის ეკლესიის მხრიდან შანვრერის ქუჩას ღობავდნენ, რაღაც სინთლურ მოჩანდა. ეს იყო ანარეკლი იმ ჩირალდნისა, რომელიც „კორინთის“ ბარიკადებზე ენთო. მარიუსიც ამ სინათლეს მიჰყვა. მიჰყვა და ჯერ მიშელ-ო-პუარეს ბაზართან მივიდა. აქედან მოჩანდა ჩაბნელებული პრეშერის ქუჩა. ახლა იქით გასწია. ჯარი მეორე მხარეს იდგა და ვერ შენიშნა. გრძნობდა, რომ სულ ახლოს იყო ის, რასაც ასე გულთ ნატრობდა და ეძებდა. ფრთხილად მიაბიჯებდა, თითის წვერებზე. ასე მიაღწა მონდეტურის ქუჩის იმ მოკლე შესახვევს, რომელიც ერთადერთ გზად დატოვა ანჟოლრასმა, რომ ბარიკადებს კავშირი ჰქონოდა ვარე სამყაროსთან. ბოლო სახლის კუთხესთან დადგა, მარცხნივ გაიხედა და მონდეტურის ქუჩას დაუნყო დაზვერვა.

ამ შესახვევის ბნელი კუთხისა და შანვრერის ქუჩისგან, რომელიც იქაურობას და თვით იმ ადგილსაც კი, სადაც მარიუსი იდგა, დიდ ჩრდილს ჰფენდა, ოდნავ მოშორებით რაღაც სინათლეს მოჰკრა თვალი ქუჩაში, გაჭირვებით გაარჩია სამიკიტნო, მის უკან კი, უფორმო კედელი, ჭრაცე ციალებდა. ადამიანებიც დაინახა, ქვებზე ისხდნენ და თოფები დაედოთ მუხლებზე. ახლოს ხედავდა ამას, სულ ახლოს, ოცი მეტრის მანძილზე. ეს ბარიკადების შიდა მხარე იყო.

ქუჩის მარჯვენა მხარეს ჩარიკებული სახლები ფარავდა სამიკიტნოს დანარჩენ ნაწილს, დიდ ბარიკადსა და დროშას.

რამდენიმე ნაბიჯი უნდა გადაედგა მარიუსს, რომ ამხანაგებთან მისულიყო. კედელთან ჩამოკდა საწყალი ბიჭი, გულხელი დაიკრიფა და თავის მამაზე დაიწყო ფიქრი.

თვალწინ ედგა მამა, გმირი პოლკოვნიკი პონმერსი, ამაყი მხედარი, რესპუბლიკის დროს საფრანგეთის საზღვრების დამცველი და იმპერიის დროს აზიის საზღვრამდე მისული. ენახა გენუა, ალექსანდრია, მილანი, ტურინი, მადრიდი, ვენა, დრემდენი, ბერლინი, მოსკოვი და ევროპის ყველა ბრძოლის ველი, სადაც იბრძოდა საფრანგეთის ძლევამოსილი ლაშქარი და სადაც დაეღვარა ის სისხლი, რომელიც დღეს მარიუსს ედგა ძარღვებში. მოაგონდა, როგორ უდროო ჭაღარით შემოსა მამა ომიანობამ და ომის მკაცრმა დისციპლინამ. მთელი ცხოვრება მოუსვენრად გაატარა, ქამარშეუსნელმა, ეპოლეტებთან ტანსამოსში, დენტის კვამლით გამჭვარტლულ ქედში, ჩაჩქანში, რომელიც შუბლს სტკენდა, ბრძოლის ველზე, კარავში, საავადმყოფოებში და ოცი წლის განმავლობაში დაუღალავად, თავგანწირვით ბრძოლის შემდგომ შინ დაჩეხილი სახით დაბრუნდა, მაგრამ სულ უცინოდა სახე გულკეთილს, თავმდაბალს, მშვიდს, სათაყვანოს, ბავშვით წმინდას, საფრანგეთის თავდადებულ შვილს.

- დღეს კიდევ ჩემი ჯერია, - ამბობდა მარიუსი, - დაჰკრა ჩემი ბედისწერის საათმა და მამაჩემის შემდეგ ახლა მე უნდა ვიყავი ომში მამაცი, უშიშარი, გამბედავი. უნდა ვეგებებოდე ტყვიას, გულს ვუშვრდებ ხიშტს, სისხლს ვანთხევდებ, მტერს ვეძებდებ, ვეძებდებ სიკვდილს. ახლა მე უნდა გავიდებ ბრძოლის ველზე და ეს ბრძოლის ველი ქუჩაა; ის ომი, რომელშიც მე ვაპირებ ჩარევას, სამოქალაქო ომია, - უფსკრულად ეჩვენებოდა სამოქალაქო ომი, უფსკრულის პირს იდგა და შივ უნდა ჩავარდნილიყო.

თრთოლა მოერია.

მამის ხმალი მოაგონდა, რომელიც ბაბუამისმა ჩალის ფასად მიჰყიდა ვიღაც მეძველმანეს. მოაგონდა, როგორ ნანობდა მის დაკარგვას. კიდევ კარგი, ხელთ არ შერჩა ის მტრის შემმუსვრელი უმანკო ხმალი! კიდევ კარგი, წაუვიდა ხელიდან და, ვინ იცის, სად გდია ახლა შეურაცხყოფილი? თუ ასე გაუსხლტა ხელიდან, ცხადია, შეგნებული ყოფილა, პატიოსანი და მომავლის წინასწარ შემცნობი. ალბათ, განჭვრიტა ამბოხება, ქუჩებში ბრძოლა, ბრძოლა უბნებში, თოფის სროლა სარდაფების სარკმლებიდან, მიპარვა და ხიშტის ზურგში ჩაცემა; გაუსხლტა ხელიდან, რომ მარენგოდან და ფრიდლანდიდან დაბრუნებული, არ გასულიყო საბრძოლველად შანვრერის ქუჩაზე; მამის ხელში ნამყოფი აღარ იკადრებდა ახლა შვილის ხელში გადასვლას. „შინ რომ მქონოდა მამაჩემის ხმალი და გამებედა, ხელში ამეღო, რომ ქუჩის ბრძოლაში, ფრანგების ერთმანეთთან ბრძოლაში ჩავრეულიყავი, მამინვე ხელს დამიწვავდა და ისე აენთებოდა ცეცხლად, როგორც ხმალი ანგელოზისა. ჩემი ბედი, რომ აღარ მქონდა“, - თქვამდა მარიუსი. რა ბედნიერებაა, რომ გაქრა! რა კარგია! სწორედ მფარველად გამოუჩნდა ბაბუა მამამისის დიდებულ სახელს. სჯობდა, თუნდაც საჯარო ვაჭრობით გაყდილიყო მამის ხმალი. ვინმე მეძველმანეს ეყიდა, ძველი, გადასადნობი ლითონის გროვამი მოხვედრილიყო, ოღონდ კი დღეს სამშობლოს სისხლის, ძმათა სისხლის ღვრაში არა ჩარეულიყო.

მარიუსი მწარედ აქვითინდა.

სამინელება იყო, მაგრამ რას იზამდა? კოზეტის გარეშე სიცოცხლე არ შეეძლო. რაკი კოზეტი წავიდა, ისიც უნდა მოკვდეს, - აკი მისცა პატიოსანი სიტყვა, აღთქმა, თავს მოვიკლავ, თუ წახვედიო. ეს იყო და მაინც წავიდა! მაშ, წინააღმდეგი არ ყოფილა, რომ თავი მოიკლას მისმა მიჯნურმა. განა ცხადი არ იყო, რომ კოზეტს აღარ უყვარდა? რომ ჰყვარებოდა, ასე გადაიკარგებოდა? არ აცნობებდა ერთ სიტყვას, პატარა ბარათს ვერ გამოუგზავნიდა? მისამართი ხომ ჰქონდა? რალად ან ვისთვის უნდა სიცოცხლე? აქამდე მივიდეს კაცი და მერე უკან დაიხიოს? განსაცდელთან მივიდეს და შეშინდეს? ბარიკადებს შეხედოს და გაიპაროს? კანკალი მოერიოს, გაიპაროს და თან გაიძახოდეს, ეს ხომ ვნახე! ესეც კმარა! სამოქალაქო ომში როგორ ჩავერევი? ჩემს ძმებს თოფს როგორ ვესვრიო? უღალატოს ამხანაგებს, მეგობრებს, რომლებიც მის დახმარებას ელიან? უღალატოს სწორედ იმ დროს, როდესაც განსაცდელში არიან? უღალატოს პრინციპისთვის ერთ მუჭა თავგანწირულთ, რომელთაც მთელი ლაშქარი ებრძვის? დაგმოს, რაც წმინდა გააჩნია, ყველაფერი: სიყვარული, მეგობრობაც, ამხანაგობაც, პატიოსნებაც, თავისი მრწამსი და სიტყვაც? თავის ლაჩრობას საფუძვლად სამშობლოს სიყვარული დაუდოს? შეუძლებელია! და თუ აქვე დგას მამის აჩრდილი, ამ სიბნელებში, და ხედავს თავისი შვილის სიმბდალეს, თავისი ხმლის ყუით დაუნყებს ცემას და უბრძანებს:

- აბა, გასწი, ლაჩარო!

იჭდა თავდახრილი, ერთიმეორის წინააღმდეგი თქვრებით მოკული.

უცხად ხელახლა ასწია თავი, თითქოს გონება ბრწყინვალე აზრმა გაუნათა. სამარის სიახლოვე აზრის ჰორიზონტს აფართოებს. სიკვდილთან სიახლოვე ადამიანს ჭეშმარიტებას შეაგნებინებს. ცხადლივ დაინახა, რომ ის საქმე, რომელშიც აპირებდა მონაწილეობას, საძრახისი და სამარცხვინო კი არა, არამედ დიდებული და სასახელო იყო. სულის რაღაც გაურკვეველი ძალისხმევით მისი გონების თვალს ქუჩის ბრძოლა

წარმოუდგა. ხელახლა დაუბრუნდა წელანდელ ყველა თავსატეხს საკითხს, მაგრამ უკვე დამშვიდებით განიხილა და ერთიჯ არ დატოვა უპასუხოდ.

არა, რისთვის განრისხდებოდა მამა? განა არ მომხდარა ოდესმე, რომ აჯანყება მოვალეობის სიმალეზე ასულიყო? და განა სამარცხვინოა პოლკოვნიკ პონმერსის ვაჟისთვის ის ბრძოლა, რომელშიც აპირებს ჩაბმას? ეს არ არის არც მონმირაილი, არც შამპობერი, მართალია, ეს სხვა საქმეა. აქ სამშობლოს წმინდა მიწაზე კი არ არის გამართული ბრძოლა, არამედ წმინდა იდეისთვის. სამშობლო გლოვობს, დაე, ასეც იყოს, სამაგიეროდ, კაცობრიობა ტაშს უკრავს ამ აჯანყებას, თუმცა, ვინ უწყის, მართლა კი გლოვობს სამშობლო? საფრანგეთი სისხლს ღვრის, მაგრამ თავისუფლება ილიმება და ამ თავისუფლების ღიმილის წინ საფრანგეთი ივიწყებს თავის ჭრილობებს. და თუ ამ ყველაფერს უფრო ფართოდ შევხედავთ, რა შეიძლება ითქვას სამოქალაქო ომზე?

სამოქალაქო ომი! რას ნიშნავს ის? მე ძმას ომს ვერ ავუტეხ და ვერ შევებრძობები, უცხოელს კი არ დავინდობ? განა არსებობს კი უცხოელებთან ომი? განა ყოველი ომი, რომელშიც ერთმანეთს ხოცავენ უცხოელები, ძმათაგან ძმათა ხოცვა არ არის და ძმათა სისხლის ღვრა? არა, ომი თავისი მიზნით ავია ან კარგი, სასახელო ან სამარცხვინო; არ არსებობს არც უცხოელებთან ომი და არც სამოქალაქო ომი; არის მხოლოდ ომი სამართლიანი და ომი უსამართლო. და ვიდრე დავგიდგებოდეს ის დიდებული დღე, როდესაც ხალხთა შორის ძმობა დამყარდება. ომი საჭიროა, ყოველ შემთხვევაში, ის, რომელიც ფეხმარდი მომავლის იერიშია ფეხმარდი წარსულზე, რომელიც მომავალს აყოვნებს.

რა უნდა უსაყვედურონ ასეთ ომს?

ომი საძრახისი და სამარცხვინო, ხმალი კი ბოროტი, მაშინ არის, როდესაც ილაშქრებს უფლების, პროგრესის, სიმართლის, ცივილიზაციის, ჭეშმარიტების წინააღმდეგ. ამ შემთხვევაში კი ძმათა შორის იქნება ბრძოლა თუ უცხოელთა შორის, სულერთია, ომი სამარცხვინოა და მას ბოროტმოქმედება ჰქვია. თუკი ომს სიმართლე, ეს წმინდა მიზანი, არ ექნება, რა საბუთით უნდა ამართლებდეს მას ადამიანი? რა უფლებით უნდა უარყოს ვაშინგტონის ხმალმა კამილ დემულენის შუბი? ლეონიდა უცხოელებს ებრძოდა, ტიმოლეონტი - ტირანს და ვინ უფრო დიდებულია? ერთი დამცველია, მეორე - განმათავისუფლებელი. განა შეიძლება დავმო ქვეყანაში შეიარაღებული გამოსვლა, თუკი არ იკითხავ მიზანს?

მამ, სამარცხვინო ბოძზე გააკარით ბრუტუსი, მარსელი, არნუ დე ბლანკენჰაიმი, კოლინი. პარტიზანების ომი? ქუჩაში ომი? რატომაც არა? ეს იყო ომი ამბიორიქსისა და არტეველდესი, მარნიქსის, პელაიოსი, მაგრამ ამბიორიქსი რომს ებრძოდა, არტეველდე - საფრანგეთს, მარნიქსი - ესპანეთს პელაიო - მავრებს; ყველანი უცხოელებს ებრძოდნენ. ჰოდა, თუ მართალი გნებავთ, მონარქია უცხოეთია, ხალხის დაბეჩავევა - უცხოეთია. ნებითა ღვთისითაო, რომ გაიძახიან, ესეც უცხოეთია. დესპოტიზმი ისე არღვევს ზნეობრივ საზღვარს, როგორც მტრის შემოსევა გეოგრაფიულ საზღვარს.

დესპოტის განდევნა თუ ინგლისელებისა, ორივე საკუთარი მიწა-წყლის დაბრუნებაა. დგება დრო, როდესაც მხოლოდ უკმაყოფილების გამოცხადება აღარ არის საკმარისი. ფილოსოფიის შემდეგ მოქმედებაა საჭირო; ცოცხალი ძალა დაასრულებს იმას, რაც იდეამ შვა: მიჯაჭვული პრომეთე იწყებს და არისტოკრატონი

ათავებს; ენციკლოპედია ანათლებს ადამიანს, ათი ავვისტო აღავზნებს, ესქილეს თრასიბულე მოსდევს; დიდროს - დანტონი. ხალხი წინამძღოლს ეძებს. მასში გარეული ის აპათიას ჩამოირეცხავს. ბრბო უცხად შეერთდება ხოლმე მორჩილებად. უნდა ვარყოთყ ხალხი, ვანჭლოთ, ვალეიოთ, გამოვაფხიზლოთ იმ სიკეთის დახატვით, რომელსაც თავისუფლება უქადის; სხივი მოგვინოთ მის დღევანდელ მონობას და მომავალ თავისუფლებას. თვალეები უნდა ავუჭრელოთ მომავლის ბრწყინვალეებით, რომ ამითაც დავეხმაროთ მის გაღვიძებას. მეხივით უნდა მოხვდეს ხალხს თავისი ვათავისუფლების სიკეთე, რომ თვალი მოიფუჭნეტოს და გონება მოიკრიბოს; ამიტომ არის საჭირო განვაში და ომი. უნდა წამოდგნენ მძლავრი მებრძოლნი, გამბედაობის და ვაჟკაცობის მაგალითი უჩვენონ და შეარყიონ ეს დამწუხრებელი კაცობრიობა, რომელსაც ზედ დასწოლიან „ნებითა ღვთისათა“ ჩრდილი, დიდება კვისრისა, ძალმომრეობა, ბატონისათვის თავდადება, უპასუხისმგებლო მთავრობა და თვითმპყრობელური დიდებულებანი - მექთახორა ბატონები, რომელთა ერთადერთი საზრუნავი ხალხის დამორჩილება და მისი ნაშრომით ფუფუნებით ცხოვრება და დროს გატარებაა. მაშ, ძირს ტირანი! მაგრამ რა? ვისზე ამბობთ ამას? ლუი-ფილიპსაც ტირანად თვლით? არა. არც მას და არც ლუი XVI-ს. ორივე ისეთი მეფე იყო, რომლებსაც ისტორია „კარგ მეფეებს“ უწოდებს. მაგრამ პრინციპები ნაკუნებად არ დაიჭრება; სიმართლის ლოგიკა სწორხაზოვანია; ჭეშმარიტების თვისება ის არის, რომ დათმობა არა იცის. იგივეა საზოგადოებრივ ცხოვრებაშიც. უნდა მოისპოს ადამიანის ჩაგვრა და დამცირება. ლუი XVI-ს „ნებითა ღვთისათა“ ჰქონდა საყრდენად, ლუი ფილიპეს კი მართო ის, რომ ბურბონების შთამომავალი იყო. ორივეს, მეტად თუ ნაკლებად, ხელთ ჰქონდა ის უფლება, რომელიც ხალხისთვის წაერთმიათ მათ წინაპრებს, და ამ საქვეყნოდ გავრცელებული ძალმომრეობის გასანადგურებლად მათთან ბრძოლაა საჭირო. საჭიროა, რადგან საფრანგეთი არის ყოველთვის საქმის დამწყები. საფრანგეთში რომ ჩამოვარდება ტახტიდან ბატონი, მაშინ ყველგან და ყველას ემტვრევა ტახტი. რა იქნება ისეთი სამართლიანი და, მაშასადამე, რა ომი იქნება ისეთი დიდებული, როგორც საზოგადოებრივი სამართლის განმტკიცება, თავისუფლების აღდგენა ხალხის ბატონ-მფარველთათვის, საფრანგეთის კვლავ დამშვენება ხალხის უფლებით, სიმართლისა და მართლმსაჯულების აღდგენა; მოსპობა შურისა, მოსპობა იმ დაბრკოლებებისა, რომელსაც მეფეები წინ უხვედრებენ კაცობრიობის საყოველთაო თანხმობას, განვითარება კაცობრიობისა იმდენად, რომ მან შეიგნოს და დაიყვას თავისი უფლებანი? ამისთვის ბრძოლა ქმნის მშვიდობას. ერთი უზარმაზარი ციხე დგას ჯერაც, - სხვადასხვა პირთა და დანესებულებათა უპირატესობის, მოტყუების, მეჭრთამეობის, ნდობის ავად გამოყენების, შურისა და შურისძიების, ძალმომრეობისა და ცრუმორწმუნეობის ციხე; მაგრად დგას ეს ციხე თავისი ბოროტებით სავსე კოშკებით. მინასთან უნდა გავასწოროთ ეს ციხესიმაგრე! დავანგრიოთ, რაც უნდა მძლავრი იყოს და უზარმაზარი! აუსტერლიცის გამარჯვება დიადი რამ იყო და ბასტილიის ციხის აღება უდიადესი.

არავინ იქნება ქვეყნად, რომ თავისი გამოცდილებით არ იცოდეს სულის თვისება: სულს აქვს, და სწორედ ამით არის საკვირველი და ყოველგანანარსი, - სულს აქვს უცნაური ნიჭი თითქმის გულცივად განსაჯოს მდგომარეობა, განსაცდელის უკიდურესობამდეც რომ იყოს მისული. ხშირად სასოწარკვეთილი ვნება და უსაზღვრო

მწუხარება თავისი სულთმობრძავი გლოვის მონოლოგებშიც კი განსჯის საკითხს და კამათობს დებულებებზე. ლოგიკა ერევა ავონიაში და სილოგიზმის ძაფი ტრიალებს, მაგრამ არ წყდება ამ საშინელებაში. სწორედ ამ მდგომარეობაში იყო მარიუსი.

ასე ჩაფიქრებული, სევდით მოცული, მაგრამ უკვე გადანწყვეტილი დებულებით მიმავალი, მინც თრთოდა, როცა თავისი განზრახვა მოაგონდებოდა. შეჰყურებდა ბარიკადების შიდა მხარეს. ჩუმად ლაპარაკობდნენ აჯანყებულები. არც კი ირხეოდნენ. თითქმის დუმილი იდგა ბარიკადებზე, ნიშანი ლოდინის უკანასკნელი საფეხურისა. ბარიკადის ზემოთ, მეოთხე სართულის სარკმლიდან, ერთი მაყურებელი თუ მონმე დასცქეროდა იქაურობას, იტყოდით, მეტად ყურადღებითო; ეს იყო კაბუკის მიერ მოკლული მეკარის თავი, რომელსაც მარიუსი ქვემოდან ხედავდა. ქვეშე ჩარჭობილი ჩირლდნის მოლიცლიცე შუქზე ოდნავ ჩანდა ეს მკვდარი თავი. უცნაური სანახავი იყო მკრთალ სინათლეზე ეს გაყვითლებული სახე, უძრავი, განცვიფრებული, თმააბურძენილი, თვალებდაჭყეტილი, გამტერებული, რომელსაც პირი დაელო და დასცქეროდა ბარიკადებს თითქოს ცნობისმოყვარეობის დასაკმაყოფილებლად, იტყოდით, ვინც მოკვდა, ის უთვალთვალებს სასიკვდილოდ გამზადებულესო. სარკმლიდან სისხლის გრძელი ხაზი ეშვებოდა მეორე სართულამდე და იქვე წყდებოდა.

ნიგნი მეთოთხმეტე
სასონარკვეთილების სიდიადე

თავი პირველი
ღროშა. პირველი აქტი

ჯერ არავინ ჩანდა. სენ-მერიმ ათი საათი დაჰკრა. ანჟოლრასი და კომბეფერი დიდი ბარიკადის გასასვლელთან ისხდნენ, თოფები ხელში ეჭირათ, ხმას არ იღებდნენ; ყურს უგდებდნენ, ცდილობდნენ, ყური მოეკრათ თუნდაც სულ შორეული ფეხის ხმისათვის.

ამ მჭმუნვარე დუმილში უცხად გაისმა ვილაცის მკაფიო, ნორჩი, რაკრაკა სიმღერის ხმა, რომელიც თითქოს სენ-დენის ქუჩიდან მოდიოდა. ეს იყო ხალხური სიმღერის - „მთვარის შუქზე“ - მოტივზე დამღერებული ლექსი, რომელიც მამლის ყვილივით ბოლოვდებოდა:

ბიუგო, ძმაო, გძინავს?
ჩემს თვალში ცრემლი ბრწყინავს,
ცრემლი ბრწყინავს თვალებში,
განა არა ჩანს?
გამომიგზავნე ჟანდარმი
სულის დარაჯად.
ლურჯი, ფარაჯა,
ქუდი გვერდზე სულ...
დაინვილეს ტყვიებმა:
ყიყლიყო...
სიხარულით ხელი ჩამოართვეს ერთმანეთს:

- გავროშია, - თქვა ანჟოლრასმა.

- გვაფრთხილებს, - თქვა კომბეფერმა.

ვილაც მორბოდა ბარიკადებისკენ, მკვირცხლად, საუკეთესო ჯამბაზის ოსტატობით გადმოძვრა ომნიბუსზე და დაღლილი, ოფელში განურული მივარდა ანჟოლრასს:

- სად არის ჩემი თოფი?! მოდიან!

თითქოს ელექტროდენმა დაუარა ბარიკადებს. ყველანი იარაღს ეცნენ.

- აი, თუ გინდა, ჩემი თოფი! - უთხრა გავროშს ანჟოლრასმა.

- დიდი თოფი მინდა, დიდი! - უპასუხა გავროშმა და ჟავერის თოფი აიღო.

თითქმის მაშინვე მოვიდნენ გუშაგებიც, უკან მოჰყვნენ გავროშს; ერთი ქუჩის ბოლოში მდგარიყო და მეორე კი პატარა ბუნდერის ქუჩაზე. პეშერის ქუჩის გუშაგი პოსტზე დარჩენილიყო, ასე რომ, ცხადია, ხიდისა და ბაზრის მხრიდან საშიში არაფერი იყო.

შანვრერის ქუჩა ოდნავ იყო განათებული და ისიც იქვე, ბარიკადის წინა მხარეს, სადამდეც კი მისწვდებოდა დროშასთან ამართული ჩირაღდანი.

თავ-თავიანთ ადგილას იდგნენ ყველანი.

ორმოცდასამი კაცი, მათ შორის ანჟოლრასი, კომბეფერი, კურფეირაკი, ბოსუე, ჟოლი, ბორელი და გავროში დაჩოქილები იდგნენ დიდ ბარიკადზე; ასე რომ, შეეძლოთ დაენახათ, რა ხდებოდა მის მეორე მხარეს; თოფები მზად ჰქონდათ, მიმართული მომავალი მტრისკენ; ხმას არ იღებდნენ, სმენად იყვნენ გადაქცეულნი. ექვსი კაცი კიდევ ფეხის ჰყავდა „კორინთის“ მეორე და მესამე სართულზე, ფანჯრებთან იდგნენ გატენილი თოფებით.

ცოტა ხანი გავიდა კიდევ. მერე სენ-ლეს მხრიდან მომავალი ჯარის ზომიერი, ტლანქი ფეხის ხმა მოისმა; ჯერ ოდნავ ისმოდა, მერე უფრო და უფრო მოახლოვდა და მკაფიო გახდა. მიდიოდა მძიმედ, მაგრამ შეუჩერებლად, შეუწყვეტლად, მშვიდად და საშინელი ძალით. აღარაფერი ისმოდა ამ მოახლოების მეტი. ეს იყო დუმილთან შეერთებული კომანდორის ქანდაკების ფეხის ხმა. მაგრამ ამჯერად ერთის კი არა, მთელი ლეგიონისა. უახლოვდებოდა ჯარი, უახლოვდებოდა და შეჩერდა. ისე ახლოს იყო, ეგონათ, ჯარის სუნთქვა გვესმისო, - ასე ეჩვენებოდათ ბარიკადელებს. გარკვევით ჯერ არაფერი მოჩანდა, ოღონდ ქუჩის ბოლოში, სიბნელეში, ბზინავდა უამრავი ლითონის წვეტი, ნემსივით წვრილი და ძლივს შესამჩნევი, რომლებიც ისე ირხეოდნენ როგორც ენით აუნერელი ფოსფორული ქსელი, ადამიანს რომ უციალებს დახუჭულ თვალებში ძილ-ღვიძილში. ეს იყო ხიშტებისა და თოფების ლულები, რომელთაც ოდნავ სცემდა ბარიკადის ჩირაღდნის შუქი.

ცოტა ხანმა კიდევ განვლო ასე მშვიდობიანად, თითქოს რაღაცას ელოდა ორივე მხარე, და უცბად ხმა გამოვარდა იმ ჩრდილის სიღრმიდან, მით უფრო ავბედიით, რომ ადამიანი არსად ჩანდა, და ისე მოისმა, თითქოს თვით წყვილადს ამოედგას ენა:

- ვინ მოდის?

და ამ კითხვასთან ერთად სასროლად მომართული თოფების ჩხარუნი.

კითხვაზე პასუხი ანჟოლრასმა გასცა, ხმამალალი და ამაყი:

- საფრანგეთის რევოლუციია!

- ესროლეთ! - გაისმა ბრძანება.

ელვამ გაანათა მთელი ქუჩა, თითქოს უცბად გაიღო მოგუგუნე ბრძმედის კარი და მყისვე დაიხურა.

მეხივით ეცა ბარიკადს. წითელი დროშა ძირს ჩამოვარდა. იმდენად ძლიერი იყო ეს სროლა და იმდენად მკვრივი, რომ ომნიბუსის ხელნის თავიც კი წააქცია. სახლეების კედლებს რომ ტყვია ხვდებოდა, ისიც კი ბარიკადში ცვიოდა და რამდენიმე კაცი დაჭრა.

გამყინავი იყო ამ პირველი სროლის შთაბეჭდილება. გამშაგებული უნდა ყოფილიყო ჯარი, რომ ასეთი მედგარი სროლით დაეწყო იერიში, და ცხადია, შემდეგ უფრო გაძლიერდებოდა. ეჭვი არ იყო, მთელი რაზმი გამოეგზავნათ ორი ბარიკადის ასაღებად.

- ამხანაგებო, - შეჰყვირა კურფეირაკმა, - თოფისწამალს გავუფრთხილდეთ, მოვიცადოთ, ცოტა წინ წამოიწიონ, რომ პასუხი გავცეთ.

- და უპირველეს ყოვლისა, - თქვა ანჟოლრასმა, - აღვმართოთ ჩვენი დროშა, - და ხელში აიღო დროშა, რომელიც მის გვერდით დავარდნილიყო.

გარედან თოფის ზუმბის ჩხაკუნი ისმოდა, თოფსა ტენინდა ჯარი.

- აბა, ვინ არის ყოჩალი ბიჭი! - შესძახა ანჟოლრასმა, - ვინ ააფრიალებს ჩვენს დროშას?

ხმა არავინ ამოიღო. ბარიკადის მალლობზე ასვლა, რაც მთელ რაზმს ჰქონდა მიზნად და ბრძანებასა ელოდა, რომ კიდევ ესროლა, უეჭველი სიკვდილი იყო. ძალიან კარგი ვაჟკაციც კი ყოყმანობს ხოლმე, თავგანწირვაზე რომ მიდგება საქმე. თვითონ ანჟოლრასიც აკანკალდა ერთ წამს.

- მამ, არავინ არის?

თავი მეორე

დროშა. მეორე აქტი

რაკი „კორინთში“ მივიდნენ და დაიწყეს ბარიკადის აშენება, ყურადღება აღარავის მიუქცევია მახევისთვის, თუმცა სულ იქ ტრიალებდა. სამიკიტნოს პირველი სართულის დარბაზში შევიდა და დახლთან დაჯდა. იჯდა და ფიქრში გართულს აღარაფერი ესმოდა. ისე იყო გაბტერებული, თითქოს აღარც თვალთ უჭრიდა, აღარც ყურთ. ორჯერ-სამჯერ მიუახლოვდნენ კურფეირაკი და სხვა ამხანაგები, უთხრეს, რა საშიშ ადგილას იყო და რა მოელოდა აქ მყოფთ, სთხოვდნენ, შინ წასულიყო, მაგრამ ისე იყო ფიქრით გატაცებული, აღარაფერი ესმოდა. თავს რომ დაანებებდნენ, ტუჩებს ააცმაცუნებდა, თითქოს თავის თავს ელაპარაკებო, მაგრამ როგორც ხმას გასცემდა ვინმე, პირს მოკუზავდა და თვალეზიც ჩაუქრებოდა. რომ დაჯდა, მერე აღარც განძრეულა, - ხელები მუხლებზე დაეყრდნო და წინ წაენია დახრილი თავი, თითქოს უფსკრულს ჩასცქერისო. მკვდარივით იჯდა, არც შეუცვლია ეს მდგომარეობა; ცხადი იყო, შორს ქროდა მისი ფიქრი. როდესაც ყველა თავ-თავის ადგილას იდგა იარაღით, ქვედა სართულის დაბალ დარბაზში აღარავინ დარჩენილა, გარდა ბოძზე მიკრული ჟავერისა, მისი დარაჯის, ერთი ბიჭისა ხმლით ხელში და მოხუცი მახევისა. იერიშის დაწყების ნიშნად სროლა რომ გაისმა, ისიც შეხტა, თითქოს გამოიღვიძა, უცბად წამოდგა, გაიარა დარბაზი და იმწამს, როდესაც ანჟოლრასმა გაიმეორა თავისი კითხვა, მამ, არავინ არისო, სამიკიტნოს კარიდან გამოჩნდა მახევი.

ამ მოხუცის დანახვამ ააღელვა აჯანყებულები. გაისმა ყვირილი:

- ეს ის არის, ვინც მეფის დასჯას ხმა მისცა! კონვენტის წევრი! ხალხის წარმომადგენელი!

ადვილი შესაძლებელია, მოხუცს არაფერი ესმოდა. ის პირდაპირ ანუოლრასთან მივიდა, ხელიდან გამოჰგლიჯა დროშა ჭაბუკს, რომელმაც შიშით უკან დაიხია, და ბარიკადის ქვაყრილისკენ წავიდა.

ახლო ვერავინ მიეკარა, ვერც შეაყენეს, ვერც უშველეს; თავის ცანცარით მიიწვედა წინ ოთხმოცი წლის მოხუცი, ნელ-ნელა აღიოდა ქვაყრილზე. იმდენად გულსაკლავი იყო ეს სურათი და იმდენად დიდებული, რომ უცბად შესძახეს ბარიკადელებმა, ქუდი მოიხადეთო! ქვაყრილს კიბესავით ჰქონდა დატანებული მერყევი საფეხურები და ძლივს იმაგრებდა ფეხს მოხუცი, თოვლივით თეთრი თმა, მიხრწნილი სახე, დიდი, დასერილი, გადამლილი შუბლი, ღრმად ჩამძვრალი, სხივჩამქრალი თვალები, ღია პირი, მისუსტებული ხელი, რომელშიც დროშა ეჭირა, ისე მოჩანდა სიბნელეში და ისე ფართოვდებოდა ჩირაღდნის სისხლისფერ სინათლეში, რომ ოთხმოცდაცამეტის აჩრდილად ეჩვენა ყველას, მინის წიაღიდან ამოსული ტერორის დროშით ხელში.

ერთი საფეხურიდა აკლდა, რომ მწვერვალზე შემდგარიყო. როდესაც ეს სამინელი და მთართოლარე აჩრდილი, ძლივს რომ იმაგრებდა ფეხს ქვებზე, წინ აღემართა ათას ორას მისკენ დამიზნებულ უხილავ თოფს და პირისპირ დაუდგა სიკვდილს, თითქოს იმაზე უფრო ძლიერი ყოფილიყო, მთელმა ბარიკადმა იმ სიბნელეში რაღაც გებუნებრივი ბუმბერაზის სახე მიიღო.

ისეთი დუმილი იდგა, რომელსაც მხოლოდ სასწაულებრივი რამ გამოიწვევს ხოლმე.

ამ დუმილში მოხუცმა დროშა ააფრიალა და შეჰყვირა:

- რესპუბლიკას გაუმარჯოს! რესპუბლიკას გაუმარჯოს! ძმობა! თანასწორობა და სიკვდილი!

ჩურჩული მოესმათ ბარიკადში მყოფთ; ჩუმი და სწრაფი, როგორც ხშირად მღვდელმა იყის, ლოცვის გათავება რომ ეჩქარება. ალბათ, პოლიციის კომისარი იყო და რაღაცის ასრულებას მოითხოვდა ჯარისაგან.

ცოტა ხანიც და, იგივე მქუხარე ხმა გაისმა, რომელმაც წელან, ვინ არის მანდო, იკითხა.

- ნადით აქედან!

ფერმიხდილი იდგა ბატონი მახეფი, თვალებში თავგანწირული ალი უბრწყინავდა. ისევ მაღლა ასწია დროშა და დაიყვირა:

- რესპუბლიკას გაუმარჯოს!

- ესროლეთო! - გაისმა იგივე ხმა.

ზარბაზნის ფინდიხივით ეცა ბარიკადს ეს მეორე ბათქი.

მუხლი მოეკეცა მოხუცს. მერე ისევ წელში გაიმართა, ხელიდან გაუვარდა დროშა და უკან გადმოვარდა. პირაღმა დაეცა გულხელდაკრეფილი, თითქოს გაქვავებულიყო. სისხლის ღვარი სდიოდა გულიდან, გაყვითლებული, მწუხარე თვალით შესცქეროდა ზეცას.

ზოგჯერ ადამიანს უზენაესი აღტაცება მოერევა ხოლმე და თავის თავსაც კი დაავინწყებს. ამგვარადვე იყვნენ აღტაცებულნი ბარიკადელები და მოწინებით აღსავსე კრძალვით შემოეხვივნენ მკვდარს.

- ზეკაცები იყვნენ მეფის მკვლელები! - თქვა ანუოლრასმა.

კურთღეირაკმა პირი მიაღო ყურზე და წასწერწულა:

- მარტო შენ გეუბნები, ნუ შევანელებო ამ ალტაცებს. ამას მეფის მკვლელისა არაფერი სცხია. ვიცნობ, ვინც არის, მახეფია. არ ვიცი, დღეს რა მოუვიდა და ერთობ გამოტვინებული ბებერი კი იყო. ჯერ ამის თავს დახედე.


- თავი გამოტვინებული ჰქონია, გული კი ბრუტუსისა, - უპასუხა ანჟოლრასმა და მერე შესძახა, - მოქალაქენო! ხედავო, რა მაგალითს გვაძლევს ყმანვილებს მოხუცი! ჩვენ ვერ ვბედავდით, ის შემოგვიერთდა! ჩვენ უკან ვიხევდით, ის წინ მიიწვედა! აი, რას ასწავლის შიშით ათრთოლებულებს სიბერით ათრთოლებული. წმინდაა ეს მოხუცი სამშობლოს წინაშე. დიდი ხნის ცხოვრება ხვდა წილად და ბრწყინვალე სიკვდილი, ახლა მივასვენოთ სადმე მიცვალებული და ისე დაიცვას ყველა ჩვენგანმა ეს მკვდარი მოხუცი, როგორც თავის მშობელ მამას დაიცავდა ცოცხალს. ჩვენთან იყოს ეს თავდადებული და ისე გავმაგრდეთ მისი მაგალითით, რომ დაუმარცხებელი და აუღებელი გავხადოთ ეს ბარიკადი.

ჩუმი, სამგლოვიარო ჩურჩული მოჰყვა ამ სიტყვას სრული თანხმობის ნიშნად.

დაიხარა ანჟოლრასი, ასწია მოკლულის თავი და ემთხვია. მერე ხელები გაუშალა, ნაზად ასწია, თითქოს ეშინია, არაფერი ვატკინო, სერთუკი გახადა, დაანახვა ყველას გასისხლიანებული ტყვიების ნახვრეტი და თქვა:

- ახლა ეს იყო ჩვენი დროშა.

თავი მესამე

კარგს იზამდა გავროში, რომ ანჟოლრასის მამხანა აეღო

საბრალო მახეფს მიკიტნის ქვრივის ერთი გრძელი შავი შალი გადააფარეს. ექვსმა კაცმა საკაცე მოაწყო თოფებით, ზედ დაასვენეს ცხედარი, ქუდები მოიხადეს და გლოვის წელი ნაბიჯით ქვემო სართულის დარბაზში დაასვენეს დიდ მაგიდაზე.

მოკლულისადმი პატივისცემის წმინდა მოვალებობის ასრულებით სავსებით შეპყრობილთ აღარაც კი ავონდებოდათ თავიანთი მღვთმარება და განსაცდელი.

უავერის გვერდზე რომ გაატარეს მიცვალებული, ანჟოლრასი მიუბრუნდა ჯაშუშს და უთხრა:

- შენც მალე მოვიწვევ!

მხოლოდ გავროში არ მოსცილებია თავის ადგილს და თვალს ადევნებდა ჯარის მოძრაობას. ისე ეჩვენებოდა, თითქოს ჩუმად, მგლის სიფრთხილით მიიწვედნენ ჯარისკაცები ბარიკადისკენ, და უცხად დაიყვინა:

- ფრთხილად იყავით!

კურთღეირაკი, ანჟოლრასი, უან პრუვერი, კომბევერი, ჟოლი, ბაორელი, ბოსუე, ყველანი გაცვივდნენ სამიკიტნოდან. ცოტა კიდევ და, გვიანდა იქნებოდა, ველარ დაიცავდნენ ბარიკადს. ხიშტების ტალღა შემოხვეოდა აჯანყებულების სიმაგრეს და ზედ იწვედა. წინა მწკრივში ზორბა ბიჭები იყვნენ და იოლად თელავდნენ დაბრკოლებას; ზოგი ომნიბუსზე ძვრებოდა, ზოგი ბარიკადის ვიწრო შესასვლელით მოძვრებოდა; წინ მოეცდოთ გამენი, აწვებოდნენ და ისიც უკან იხევდა, მაგრამ არ გაურბოდა.

გადამწყვეტი წუთი იყო. პირველი ხანა წყალდიდობისა, როდესაც უცბად მოვარდება წყალი, საგუბარს აავსებს და ზედ გადაივლის. ერთი წამიც კიდევ და, ჯარის ხელში იქნებოდა ბარიკადი.

როგორც თავი ამოყო ერთმა გვარდიელმა ბარიკადზე, მაშინვე თოფი დაახალა ბაორელმა და ძირს დასცა. მეორემ ხიშტი ატაკა ბაორელს და გვერდზე მიუწვინა მოკლულ ამხანაგს. ერთს კიდევ კურფეირაკი წაექცია, რომელიც ყვიროდა, მიშველეთო! ერთი უშველებელი, ბუმბერაზივით ახოვანი გავროშისაკენ მიიწვედა წინ განვდილი ხიშტით. მანაც თავისი პატარა ხელებით მოიმარჯვა უავერის უშველებელი თოფი, შიგ პირში დაუმიზნა იმ აყლაყულას და დასწია ჩახმახი. არ გავარდა თოფი, უავერს თოფი არ გაეტენა. გვარდიელს სიცილი წასკდა და ხიშტით წაიწია გავროშისკენ.

ჯერ გამენამდე არ მისულიყო ხიშტის წვერი, რომ თოფი ხელიდან გაუვარდა ბუმბერაზს; შიგ შუბლში მოხვდა ტყვია და პირალმა დაემუა მიწაზე. მეორე ტყვია გულში მოხვდა და ძირს დაეცა ის გვარდიელი, რომელსაც კურფეირაკი წაექცია.

მარიუსის დამბაჩისა იყო ორივე ტყვია, იგი ის იყო, შესულიყო ბარიკადზე.

თავი მეოთხე

თოფისწამლის კასრი

ისევ ისე მოკუნჭული იჯდა მარიუსი მონდეტურის ქუჩის კუთხეში და იქიდან ხედავდა ბრძოლის დასაწყისს. ჯერაც არ იყოდა, როგორ მოიქცეოდა და კანკალებდა. მაგრამ დიდხანს ვერ გაუძლო იმ იდუმალ ძლივამოსილ ხმას, რომელიც თითქოს უფსკრულის ძირიდან მოესმოდა. ერთბაშად უკუავლო ყოყმანი, როდესაც დაინახა, როგორ მოკვდა მოხუცი მახევი, ეს სავალალო გამოცანა, ბაორელის დაღუპვა, კურფეირაკის ძახილი, მიშველეთო, მოსაკლავად განწირული გამენი, განსაცდელში მყოფი სხვა ამხანაგები. გამშაგებული ჩაერია ბრძოლაში უავერისეული დამბაჩებით. ერთი სროლით გავროში გადაარჩინა, მეორით - კურფეირაკი.

სროლის ატეხასა და დაჭრილი ჯარისკაცების ყვირილს თავდამსხმელების გაძლიერებული იერიში მოჰყვა. აქ იყვნენ ქალაქის თვითმმართველობის ჯარისკაცებიც, ქვეითი ჯარიც, გარეუბნელი ეროვნული გვარდიელებიც. ხიშტგანვდილი მიიწვედა ყველა ბარიკადისკენ. ქვაყრილის სიმაღლის ორი მესამედი დაიჭირეს უკვე. მაგრამ ბარიკადში ჩახტომას ვერ ბედავდნენ, ჩანს, ეშინოდათ, ხაფანგში არ ჩაეცვივდეთო. ისე დასცქეროდნენ ჩაბნელებული ბარიკადის შიდა მხარეს, თითქოს იქ ლომების ბუნავი ეგულეობოდათ. ჩირაღდნის სინათლეზე ხიშტებილა ჩანდა ყველგან, სამხედრო ბენვიანი ქუდები და გაცოფებული, გაღიზიანებული სახეები.

უიარაღოდ დარჩა მარიუსი, დამბაჩები გადაყარა, მაგრამ დაბალ დარბაზში, კართან, დენთით საესე პატარა კასრი დაინახა.

კასრისკენ რომ მიბრუნდა, ამ დროს ერთმა გვარდიელმა თოფი დაუმიზნა. ის იყო, უნდა ესროლა, რომ ვიღაცის ხელი ეცა თოფის ლულას და პირი შეუკრა. ეს იყო ჭაბუკი მუშა, ფერმკრთალი, ხავერდისმარვლიანი. გავარდა თოფი, ხელში გაუარა მუშას და იქნებ გულშიც, რადგან იქვე წაიქცა. მარიუსი გადარჩა. ისეთ სქელ კვამლში მოხდა ეს ყოველივე, რომ გონებით თუ დაინახავდა ამას იქ მყოფი და არა თვალით.

ამ დროს მარიუსი დაბალ დარბაზში აპირებდა შესვლას და ყურადღება არ მიაქცია, თუმცა მისკენ მომიზნებული თოფიც დაინახა, ლულის პირზე მიღებული ხელიც და თოფის გასროლა. მაგრამ ამგვარ გაჭირვებაში რომ ჩავარდება კაცი, ისე სწრაფად გაურბის თვალწინ ეს სურათები, რომ შეუძლებელია მათი მიღვნა. შავი ღრუბლით არის მოქული ამ დროს ყველაფერი და ძნელად გასარკვევი.

ასე საჩქაროდ მტრის შემოსევას არ მოელოდნენ აჯანყებულები, მაგრამ არც შეშინდნენ. ყველამ ძალა მოიკრიბა. ანჟოლრასმა შეჰყვირა:

- შესდექით! უმიზნოდ სროლა არავინ გაბედოს!

და მართლაც, ერთხანს ისე მკვრივად შეჯგუფდნენ, რომ შეიძლებოდა ერთმანეთისთვის დაეხალათ უმიზნოდ გასროლილი თოფი. ახლა კი უმეტესი ნაწილი მეორე სართულის ფანჯრებთან იდგა და მტერს ზემოდან მოჰქცევოდა. უფრო მამაცები კი, მათ შორის ანჟოლრასი, კურთყვირაკი, ჟან პრუვერი და კომბეფერი ამაყად იდგნენ ბარიკადის ბოლოში ამართული სახლის კედელთან, სრულიად დაუფარავად და წინ უდგნენ ჯარისკაცებსა და გვარდიელებს, რომლებსაც უკვე დაეჭირათ ბარიკადის ქვაყრილი.

ეს ყველაფერი აუჩქარებლად ხდებოდა. იმ უცნაური და მექარით სავსე სიფრთხილით, რომელიც წინ უძღვის ხელჩართულ ბრძოლას. დამიზნებული თოფი ეჭირა ორივე მხარეს და ისე ახლოს იდგნენ ერთმანეთთან, რომ ლაპარაკსაც მოახერხებდნენ, რომ მოენდომებინათ. იმ წერტილს რომ მიაღწიეს, როდესაც ერთი ნაპერწკალიდა აკლდა ხმლის ამოღებას, ერთმა დიდუპოლეთიანმა წინ წამოსწია თავისი ხმალი და შესძახა:

- დაყარეთ იარაღი!

- ესროლეთ! - დაიძახა ანჟოლრასმა.

გაისმა ორმხრივი სროლა და კვამლი მოედო არემარეს.

მწარე, მახრჩობელი კვამლმა დაფარა იქაურობა, გაისმა კვნესა და გმინვა დაჭრილებისა და მომაკვდავებისა.

როდესაც გაიშალა კვამლი, ორივე მხარეს ისევ მაგრად იდგნენ მებრძოლნი, ისევ თავის ადგილას და თოფებს ტენიდნენ.

უცბად გაისმა ქუხილივით მგრვინავი ხმა:

- უკან დაიხიეთ, თორემ ავაფეთქებ ბარიკადს!

ყველა იქით მიბრუნდა, საიდანაც ეს ხმა გაისმა.

დაბალ დარბაზში შესულიყო მარიუსი, აენია დენთიანი კასრი, მერე კვამლის ბურუსით ესარგებლა იმ სიბნელეში და ქვაფენილზე იმ ქვის გალიამდე მიმძვრალიყო, სადაც ჩირაღდანი იყო გამავრებული. ჩირაღდანი ამოიღო და მის ნაცვლად შიგ დენთიანი კასრი ჩადო და კასრის ძირი გატეხა. კასრი საკვირველი მორჩილებით დანებდა მის წვეტიან ქვას, რომელიც გატეხილ ძირში ჩაურჭო. ისე სწრაფად მოაკვარა ეს საქმე მარიუსმა, რომ სხვა დროს იქნებ დახრისა და წელში გამართვისთვის უფრო მეტი დრო მოენდომებინა. შეშინებული, განცვიფრებული შესცქეროდნენ ყველანი, - მთავრობისა და ქალაქის გვარდიელები, ჯარისკაცები, ოფიცრები, - ბარიკადის ბოლოში მიკუნჭულიყვნენ და თვალს ვეღარ ამორებდნენ ქვაყრილზე გამოჭიმულს, ხელში მობრიალე ჩირაღდნით ავბედიით გადანყვებილებით აღსავსე ამაყ ჭაბუკს, რომელსაც ცეცხლი ეჭირა ხელში და მზად იყო, დენთიანი კასრისთვის წაეკიდებინა. იდგა და ყვიროდა:

- აქედან დაიკარგეთ, თორემ ავაფეთქებ ბარიკადს!

მარიუსი ამ ბარიკადზე ოთხმოცი წლის მოხუცის შემდეგ, ძველი რევოლუციის შემდეგ, ახალი რევოლუციის განსახიერებას წარმოადგენდა.

- ბარიკადს ააფეთქებ და შენს თავსაც! - შეუტია ერთმა სერჟანტმა.

- ვიცი! - მიუგო მარიუსმა.

და დენტისკენ წაიღო ცეცხლი.

მაგრამ აღარავინ ჩანდა ქვაყრილზე. ჯარს მიეტოვებინა თავისი დაჭრილები და მკვდრები, არეულად, უმწყობროდ მიეშურებოდა ქუჩის ბოლოსაკენ და იქ იკარგებოდა ბნელ ღამეში, გარბოდნენ, რომ შორს ყოფილიყვნენ აფეთქებისაგან.

ბარიკადი გადარჩა.

თავი მცხუთე

უან პრუვერის ლექსების დასასრული

ყველანი მარიუსს შემოეხვივნენ, კურთხეირაკმა გულში ჩაიკრა.

- ერთი უყურეთ!

- რა ბედნიერებაა! - ამბობდა კომბეფერი.

- სწორედ დროზე გამოჩნდი! - წამოიძახა ბოსუემ.

- შენ რომ არა, ახლა მკვდარი ვიქნებოდი, - ეუბნებოდა მადლიერი კურთხეირაკი.

- უთქვენოდ მეც ფეხებს გაფუშეკდი, - სიტყვა ჩაურთო გავროშმა.

- ვინ გყავთ მთავარსარდლად? - იკითხა მარიუსმა.

- ახლა შენ! - მიუგო ანჟოლრასმა.

მთელი დღე ბრძმედი ერთო ტვინში მარიუსს და ახლა ქარიშხალი აუვარდა. ეგონა, მასში გამომწყვდეული ეს ქარიშხალი ბობოქრობდა გარშემო და მარიუსიც თან მიჰქონდა.

მარიუსს ეგონა, უკვე დიდი მანძილი ამორებდა სიცოცხლეს. ორი თვის ბრწყინვალეობითა და ნეტარებით საცხე ბედნიერება საზარელი უფსკრულით გათავდა, - დაკარგული კომეტი, რესპუბლიკისთვის თავგანწირული მამული, ბარიკადი და თვით კი აჯანყებულთა ბელადი, - ყოველივე ეს რაღაც საშინელ კომპარად ეჩვენებოდა. ახლა ცდილობდა, დარწმუნებულიყო, რომ მოჩვენება კი არა, სინამდვილე იყო მის ირგვლივ, რომ იგი სრულ რეალობაში იმყოფებოდა. ჯერ ძალიან ცოტა ხანი ეცხოვრა მარიუსს და არ იცოდა ერთი უბრალო ჭეშმარიტება, რომ შეუძლებლისთანა საშინელი არაფერია, ყოველთვის მზად უნდა იყო მოულოდნელისთვის.

ისე იყო ამ ფიქრებით გატაცებული, რომ ვერც კი იცნო უავერი, რომელიც მაგრად იყო მიკრული ბოძზე და თავი არ გაუნძრევია ამ იერიშისა და ბრძოლის განმავლობაში და მის თვალწინ ამლილ რევოლუციის მძვინვარებას წამებულის მორჩილებითა და მსაჯულის მედიდურობით შეჰყურებდა.

ჯარი ისევ ისე შორს იდგა. შორიდან ისმოდა ქუჩის ბოლოს მისი მოძრაობა და ქოთქოთი, მაგრამ ბარიკადისკენ კი აღარ მოინევდნენ, იქნებ იმიტომ, რომ ბრძანებას ელოდნენ, ან ახალ ჯარს დასახმარებლად, რომ უფრო მედგრად დასცემოდნენ ამ მიუვალ სიმაგრეს. აჯანყებულებმა გუშაგები დააყენეს, ზოგი კი, სამედიცინო ფაკულტეტის სტუდენტები, დაჭრილების მოვლასა და ჭრილობების შეხვევას შეუდგა.

სამიკიტნოდან სულ გამოალაგეს, რაც მაგიდები იყო. სამილა დატოვეს სახლში, ორზე ტყვია-წამალი და ვაზნები ელაგა, მესამეზე კი მკვდარი მახეფი ესვენა. ამ მაგიდებით გაამავრეს ბარიკადი. ქვედა დარბაზში სამიკიტნოს პატრონისა და მისი გოგონების ლეიბები გაშალეს და ზედ დაანვინეს დაჭრილები. რაც შეეხება საყალ ქალებს, რომლებიც „კორინთში“ ცხოვრობდნენ, უშლუს ქვრივსა და მის მსახურებს, ისინი სადღაც მიმალულიყვნენ და მოგვიანებით სარდაფში მოკუნტულები იპოვეს.

ერთი გულსაკლავი გარემოება მაინც ჩაერია აჯანყებულთა სიხარულში და გლოვის თალხი მოჰფინა ამხანაგების გულს.

გადართვალეს თანამებრძოლები და ერთი აკლდათ, მაგრამ ვინ? ეს ერთი თავგანწირულთაგანი, ყველასთვის საყვარელი მეგობარი უან პრუვერი იყო. დაჭრილებში ეძებეს, მაგრამ არ იყო; არც მკვდრებში აღმოჩნდა. ცხადია, ტყვედ ჩაიდგეს.

- მათ ჩვენი მეგობარი ჰყავთ, ჩვენ მათი მოხელე. ძალიან გინდა ამ ჯაშუშის მოკვლა? - ჰკითხა კომბეფერმა ანჟოლრასს.

- დიახ, ძალიან, - უპასუხა ანჟოლრასმა, - მაგრამ უფრო ნაკლებად, ვიდრე პრუვერის გადარჩენა.

მეგობრები დარბაზში ბასობდნენ, იმ ბოძთან, რომელზეც ჟავერი იყო მიბმული.

- იცი, რა გითხრა? - განაგრძო კომბეფერმა, - ამ ჯოხზე მივაბამ ჩემს ცხვირსახოცს და ელჩად მივალ ჯართან, ვთხოვ, მიიღონ თავიანთი ჯაშუში და ჩვენ ჩვენი დაგვიბრუნონ.

- ყური მიუგდე, - უთხრა ანჟოლრასმა და ხელი დაადო მხარზე.

ქუჩის ბოლოს იარაღის წკრიალი ისმოდა. უმნიშვნელო არ უნდა ყოფილიყო ეს მოძრაობა.

მედგარი ხმა შემოესმათ:

- გაუმარჯოს საფრანგეთს! გაუმარჯოს მომავალს!

მაშინვე იცნეს უან პრუვერის ხმა.

იელვა ბნელში და თოფიც გავარდა.

კვლავ მიჩუმდა ყველაფერი.

- მოკლეს, - შეჰყვირა კომბეფერმა.

ჟავერს გადახედა ანჟოლრასმა და უთხრა:

- შენმა მეგობრებმა თვით ავიგეს ანდერძი.

თავი მეექვსე

მწარე სიცოცხლე, მწარე სიკვდილი

ერთი თავისებურება აქვს ამგვარ ომს: საერთოდ, ბარიკადის ასაღებად მიმავალი ჯარი პირდაპირი გზით მიდის, არ ჩაუხვევს მარცხნივ ან მარჯვნივ, ან იმიტომ, რომ ჩასაფრებულების ემინია, ან იმიტომ, რომ ერიდება დაკლავნილ ქუჩებს. აჯანყებულების მთელი ყურადღება მიქცეული იყო დიდ ბარიკადზე, რომელიც, ცხადი იყო, მიზანში ამოელო მთავრობის ჯარს და ადრე იქნებოდა თუ გვიან, ისევ აქეთ წამოვიდოდა მთელი ძალით. მაგრამ მარიუსს პატარა ბარიკადიც მოაგონდა და მის დასათვალიერებლად წავიდა. ცარიელი იყო იქაურობა, ერთი ჭრაქის ანაბარა მიტოვებული, რომელიც ძლივსდა ბუუტავდა ქვებში.

დაათვალიერა იქაურობა და გამოსვლა დააპირა, რომ თავისი სახელი გაიგონა, მისუსტებული ხმით ნათქვამი:

- ბატონო მარიუს!

შეკრთა, რადგან მაშინვე იცნო ეს ხმა, იგივე, რომლითაც ორი საათის წინ პლუმეს ქუჩაზე დაელაპარაკა ვილაცა და უთხრა, ამხანაგები გელოდებიან.

მაგრამ ეს ხმა უკვე სუსტ ქროლად მოისმოდა.

მიიხედ-მოიხედა, ვერაგინ დაინახა.

მომესმაო, იფიქრა, იმდენი რამ გამოვიარეთ ამ ორ დღეში, ისე დამექანცა გონება, რომ ნამდვილი და ლანდი ვეღარ გამირჩევია ერთიმეორისგანო. გამოსასვლელისკენ გადმოდგა ერთი ნაბიჯი და ხელახლა მოესმა:

- ბატონო მარიუს!

ახლა კი ეჭვი აღარ იყო, ცხადად გაიგონა თავისი სახელი. მიიხედ-მოიხედა. არაგინ იყო.

- თქვენ ფეხთან, ბატონო.

დაიხარა. ვილაც დაინახა სიბნელეში; მინაზე ეგდო და მისკენ მიცოცავდა.

ჭრაქის შუქზე ძლივს გაარჩია მუშა, ხალათი და უბრალო ხავერდის დახეული შარვალი ეცვა, ფეხშიშველი იყო, იქვე სისხლის გუბე იდგა. გაყვითლებული, მომაკვდავის სახე შესცქეროდა და ცდილობდა, როგორმე წამონეულიყო.

- ვერ მიცანიო?

- ვერა.

- ეპონინი გახლავართ.

მაშინვე ძირს დაიხარა მარიუსი და იცნო კაცის ტანისამოსში ჩაცმული ეპონინი.

- აქ რას აკეთებო?

- ვკვდები, - მწარედ ამოიკვნესა ეპონინმა.

არის სიტყვა ან შემთხვევა, რომელიც ფეხზე წამოაყენებს დავრდომილს. შიგ გულში ეცა ეს სიტყვა მარიუსს და შეჰყვირა:ლ

- დაჭრილი ხართ? ახლავე დარბაზში შეგიყვანო, ჭრილობებს შეგიხვევო. მძიმედ ხართ დაჭრილი? როგორ აგიყვანოთ, რომ არაფერი გატკინოთ? რა გტკივათ? აჰა, ღმერთო! გიშველით, ჭრილობას შეგიხვევო. აქ რამ მოგიყვანათ, - და სცადა, ხელი მოეხვია როგორმე, რომ აეყვანა.

ამასობაში მის ხელს შეეხო.

ეტკინა ხელი და სუსტად შეჰვივლა ეპონინმა.

- ძალიან გატკინეთ?

- ოღნავ, არა მიშავს რა.

- მაგრამ როგორ? მე ამ ხელის მეტს არას შევხებივარ.

გოგომ ხელი ასწია მარიუსის თვალებისკენ - შავად გახვრეტილი ჰქონდა ხელისგული.

- რა მოგივიდათ? რაზე დაიჭერთ ხელი?

- გახვრეტილია.

- გახვრეტილი?

- დიახ,

- რითი?

- ტყვიით.

- როგორ?

- ვერ დაინახეთ, წელან ის თოფი თქვენ რომ დაგიმიზნეს?

- დიახ, დავინახე, და ვიღაცის ხელი, ლულის პირს რომ დააფარა.

- ჩემი ხელი იყო.

მარიუსი აკანკალდა.

- რა სიგიჟე ჩავიდენიათ! საბრალო გოგონა! მაგრამ მით უკეთესი! კარგად გადარჩენილხართ, თუ ამის მეტი არაფერია. მოითმინეთ, ერთი აგიყვანოთ, ლოგინში ჩაგანვინოთ, ხელს შეეხვევენ. ამგვარი ჭრილობისაგან რომ კვდებოდეს კაცი, ცოცხალი აღარავინ გადარჩებოდა.

ეპონინმა ძლივს წაიხუტებუტა:

- ხელში გამიარა ტყვიამ, მაგრამ ზურგიდან გავიდა. გვიანდაა, ამოი იქნება ჩემი დაძვრა. მე მოვახსენებთ, როგორ შეიძლება ჩემი ჭრილობის შეხვევა, თქვენ უფრო კარგად შემიხვევთ, ვიდრე კარგი ექიმი. აი, აქვე დაბრძანდით, ჩემთან, ამ ქვაზე.

დაჯდა მარიუსი. ეპონინმა მუხლებზე დაადო თავი, თვალი მოარიდა მარიუსს და აღტაცებით წამოიძახა:

- ოჰ, რა კარგია! რა კარგად ვარ! ძლივს! დამშვიდდა გული, აღარაფერი მანუხებს.

ცოტა ხანს გაჩუმებული იყო, მერე მარიუსისკენ მიბრუნდა და უთხრა:

- მინდა რაღაც ვითხრათ, ბატონო მარიუს. გულს მინყლოლებდა თქვენი სიარული პლუმეს ქუჩაზე, ბაღში რომ შეძვრებოდით ხოლმე. ჩემი სისულელე იყო, რა თქმა უნდა, რადგან მე თვითონ დაგანახვეთ მათი სახლი. და ისიც უნდა მცოდნოდა, რომ თქვენისთანა ახალგაზრდა...

სევდით სავსეს სულ სხვა ადგა ენის წვერზე, მაგრამ თავი შეიკავა და გულსაკლავი ღიმილით უთხრა:

- მახინჯად გეჩვენებოდით, არა?

შემდეგ განავრძო:

- იცით, ბატონო მარიუს, წასულია თქვენი საქმე. აქედან, თქვენი ბარიკადიდან, ცოცხალი ველარავინ გავა. იცით, აქ მე მოგიყვანეთ? სიკვდილის კარზე დგახართ, დარწმუნებული ვარ, და მაინც, როცა დავინახე თქვენკენ დამიზნებული თოფი, ხელი დავაფარე ლულას, რომ ვაღამერჩინეთ. უცნაური ყოფილა ქალის გული! ალბათ, იმიტომ, რომ გადანყვეტილი მქონდა, თქვენზე წინ მოვმკვდარიყავი. ამ ტყვიამ რომ გამიარა, აქეთ გამოვცოცდი, ვერავინ დამინახა, თორემ ამწველენ და დამანვენდნენ სადმე. თქვენ გელოდით, სულ იმის ფიქრში ვიყავი, მოხვიდოდით თუ არა. ოჰ! რომ იცოდეთ, ამ ხალაოს ვგლეჯდი კბილით, ისე ვიტანჯებოდი. აი, ახლა კი კარგად ვარ. გახსოვთ, თქვენს ოთახში რომ შემოვედი და სარკეში ვიყურებოდი? ან კიდევ, ბულვარზე რომ დავიხვდით გოგოებთან ერთად? რა ტკბილად გალობდნენ ჩიტებო! დიდი ხანი არ არის მას შემდეგ, ხუთი ფრანკი ჩამიღეთ ხელში და უარი გტკიცეთ, მე თქვენი ფული არ მინდა-მეთქი. მერე, აიღეთ ეს ფული თუ დაგეკარგათ? მგონია, მდიდარი არ უნდა იყოთ. ფიქრადაც არ მომივიდა, მეთქვა, რომ აგელოთ. მშვენიერი დღე იყო, მზე ანათებდა, გამთბარი იყო ქვეყანა, გახსოვთ, ბატონო მარიუს? ოჰ, რა ბედნიერი ვარ! ყველანი დაიხოცებიან!

საცოდავი მომავლადვი შეშლილს ჰგავდა. ხალათი დახეოდა, შიშველი მკერდი უჩანდა. ლაპარაკში გულზე იღებდა ტყვიით გახვრეტილ ხელს, დაწყლოლებულ,

ტყვიითვე გახვრეტილ გულზე, საიდანაც ხანგამოშვებით თქრიალით სდიოდა სისხლი, თითქოს ონკანი მოუშვეს კასრს და ღვინო წამოვიდაო.

ღრმა თანაგრძნობით უსმენდა მარიუსი ამ მწარე სიცოცხლით დატანჯულ არსებას.

- ოჰ! - შეჰკვივლა მწარედ ეპონინმა, - აგერ მომიარა! სული მიგუბდება!

ხალათი ჩაიდო პირში და კბილით გლეჯა დაუნყო.

ამ ღროს მამლაყინწას ხმა გაისმა, პატარა გავროშისა, და მხიარულად მოედო მთელ ბარიკადს. მაგიდაზე ასულიყო თავისი თოფის გასატენად და ხალხში იმ ღროს მეტად გავრცელებულ სიმღერას მღეროდა:

ლაფაიეტი ნახა, -

უანდარმი შიშით ნახდა:

გავიქცეთ! გავიქცეთ! გავიქცეთ!

წამოიწია ეპონინმა, ყური მიუვლო და ჩურჩულიყ თქვა:

- ის არის.

მერე მარიუსს მიუბრუნდა:

- ჩემი ძმა გახლავთ, ნეტავი არ დამინახოს, გამიჯავრდება.

- თქვენი ძმა? - ჰკითხა გაკვირვებით მარიუსმა, რადგან ის მწარე და გულსაკლავი ფიქრები აშლოდა, რომელიც განსვენებული მამის დავალების აუსრულებლობას აღედრე ეპონინის ნახვით.

- სად არის თქვენი ძმა?

- აგერ, პატარა.

- აი, ის, რომ მღერის?

- დიახ.

მარიუსმა წამოდგომა დააპირა.

- ოჰ, ნუ ნახვალთ. დიდხანს ვეღარ გასტანს ჩემი სიცოცხლე!

საბრალო თითქმის წამომჭდარიყო, მაგრამ ხმა მისუსტებული ჰქონდა და სუნთქვა ეკვროდა. ღროგამოშვებით აუვარდებოდა ხოლმე ხრიალი, იწვედა, უნდოდა, რაც შეიძლებოდა მეტად დაახლოებოდა მარიუსის სახეს.

და უცნაური გამომეტყველებით უთხრა:

- ყური დამიგდეთ. რაღა ღროს მოტყუებაა? ერთი წერილი მაქვს ჯიბეში, თქვენთან გამოგზავნილი. გუშინდელს აქეთ თან ვატარებ და ვერ მოგვეცით. მითხრეს, ფოსტაში ჩააგდეო. მე ჯიბეში ჩავიდე. არ მინდოდა, თქვენამდე მოეღწია. მაგრამ ვაითუ ჯავრი ჩაიყოლიოთ და იქაც ისე გულუცივად მომეპყრათ, სადაც ახლა მივალთ. იქაც ხომ ვნახავთ ერთმანეთს, ჰა? ამოიღეთ თქვენი წერილი.

კონველსიურად სტაცა თავისი გახვრეტილი ხელი მარიუსის ხელს, ეტყობოდა, აღარც კი გრძნობდა ტკივილს. თავის ჯიბეში ჩაიყო მარიუსის ხელი და მართლაც ქაღალდი ჰქონდა ჯიბეში.

- ამოიღეთ.

მარიუსმა წერილი ამოიღო.

კმაყოფილებით და თანხმობით დაუქნია ეპონინმა თავი.

- ახლა ჩემს გასამრჯელოდ, მოდი, დამპირდით, რომ...

და აღარ გაათავა.

- რას დაგპირდეთ?

- მპირდებით?

- დიახ, გპირდებით.

- დამპირდით, რომ შუბლზე მაკოცებთ ერთხელ, როცა მოვკვდები, იცოდეთ, ვიგრძნობ.


თავი მარიუსის მუხლზე დაუშვა, თვალი დახუჭა, მკვდარს ჰგავდა.

უცხად, სწორედ მაშინ, როდესაც სამუდამოდ მიძინებული ეგონა მარიუსს, ნელ-ნელა გაახილა თვალი, რომელშიც უკვე მოჩანდა ბნელი სიღრმე სიკვდილისა, და ისე ტკბილად უთხრა, თითქოს საიქიოდან წამოსულიყოს ეს სიტყვობა:

- ეჰ, ბატონო მარიუს. მგონი, ცოტა არ იყოს, მიყვარდით კიდევ.

სცადა, ღიმილით გამოსთხოვებოდა და სული განუტევა.

თავი მეშვიდე

გავროშმაც კარგად იცის მანძილის გამოანგარიშება

წმინდად აასრულა მარიუსმა აღთქმა. ერთი კოცნით შეეხო ეპონინის გაფითრებულ შუბლს, რომელზედაც ჯერაც არ გამშრალიყო ჭირის ოფლი. კოზეტის ღალატად არ ჩაითვლებოდა ეს კოცნა. ასე სევდიანი სიტყვობებით გამოეთხოვა უბედურის სულს.

ხელის კანკალით ამოიღო ეპონინის ჯიბიდან წერილი. მაშინვე იგრძნო, რომ რაღაც მოხდა. ძლივსლა იკავებდა თავს, ისე ეჩქარებოდა ამ ახალი უბედურების გაგება. ასეთია კაცის გული; ის იყო, თვალი დახუჭა უბედურმა გოგომ და მარიუსსაც წერილის მეტი აღარათფერი ახსოვდა. მიცვალებული ფრთხილად დაუშვა მიწაზე და წავიდა.

რაღაც შიგ გულში ჩასძახოდა, რომ უხამსობა იქნებოდა მიცვალებულის წინაშე ამ წერილის წაკითხვა.

ქვედა დარბაზში სანთელთან. ერთი ბენო ბარათი იყო, ქალური მოხერხებით ლამაზად დაკეცილი და დაბეჭდილი. მისამართიც ქალის ხელით იყო დაწერილი. მისამართი ასეთი იყო:

„ბატონ მარიუს პონმერსის, ბატონ კურფეირაკთან, ვერერის ქუჩა #16“.

გახსნა წერილი და წაიკითხა:

„ჩემო საყვარელო! სამწუხაროდ, მამაჩემი ახლავე აპირებს წასვლას. ამდამ ლ'ომ-არმეს ქუჩაზე ვიქნებით, შვიდ ნომერში, ერთი კვირის შემდეგ ინგლისს მივდივართ.

კოზეტი. 4 ივნისი“.

იმდენად უბინო იყო მათი სიყვარული, რომ კოზეტის ხელს, მის ნაწერს, პირველად ხედავდა მარიუსი.

როგორ მოხდა ეს, რამდენიმე სიტყვით შეიძლება ამისი თქმა. ყველაფერი ეპონინის მოხერხებული და გარიგებული იყო. 3 ივნისის საღამოს შემდეგ ორი გადანყვებილებით ყიყო გატაცებული ეპონინი. პირველი - გადაერჩინა თავისი მამისა და მისი ამხანაგებისგან გასაქურდავად დანიშნული სახლი პლუმეს ქუჩაზე, და მეორე - გაემორებინა ერთმანეთს მარიუსი და კოზეტი. თავისი ტანისამოსი მისცა ვილაც ბიჭს, რომელსაც ძალიან მოსწონდა ქალურად მორთვა, სამაგიეროდ, კაცის ტანისამოსი ჩაიცვა. მარსის მოედანზე, ფერდობზე რომ იჯდა ჟან ვალჟანი, მან გააფრთხილა, ბინა

გამოიცვალეთო. მაშინვე შინ მივიდა უან ვალუანი და გადაწყვეტილება აცნობა კომეტს, ამ საღამოსვე მივდივართ, ცოტა ხანს ლ'ომ-არმეს ქუჩაზე ვიქნებით და ერთი კვირის შემდეგ ინგლისში გადავალთ, ტუსენიც თან მიგვყავსო. გონზე ვერ მოსულიყო კომეტი ამ მკაცრი განკარგულების მოსმენის შემდეგ და საჩქაროდ მისწერა მარიუსს რამდენიმე სიტყვა, მაგრამ ახლა ამ წერილის ფოსტით გაგზავნა იყო საჭირო. მარტო არსად გადიოდა, ტუსენისთვის რომ დაევალებინა, ქალს გააკვირვებდა ეს დავალება და ეჭვი არ არის, მაშინვე ფოშლევანს აჩვენებდა. ამ ფიქრში რომ იყო კომეტი, თავისი ბაღის მესერთან დაინახა მამაკაცისსამოსიანი ეპონინი, რომელიც სულ იქ დაყოლებდა. მაშინვე დაუძახა ამ „ყმანვილ მუშას“, ხუთფრანკიანი ვერცხლი მისცა და სთხოვა, ეს წერილი ამ მისამართზე ახლავე ჩააბარე თავის პატრონსო. ეპონინმა ჯიბეში ჩაიღო წერილი. მეორე დღეს, 5 ივნისს, კურფიერაკთან მივიდა მარიუსის სანახავად, - ამას კარგად გაიგებს ყველა, ვისაც კი ჰყვარებია და ეჭვიც უგემია, - მივიდა არა ბარათის მისაცემად, არამედ მარტო იმისთვის, რომ მარიუსი ენახა. აქაც კარგა ხანი ელოდა მარიუსსა და კურფიერაკსაც კი, რომ მისგან გაეგო, სად იპოვიდა მარიუსს. კურფიერაკმა რომ უთხრა, ბარიკადებზე მივდივართო, უცბად გონებაში ერთმა აზრმა გაუელვა: სულერთია, მეც იმ ბარიკადზე უნდა მოვიკლა თავი და მარიუსსაც თან გავიყოლებო. კურფიერაკს მიჰყვა და თავისი თვალით ნახა, სად ამენებდნენ ბარიკადს. რადგან მარიუსს ჯერ ვარ მიეღო კომეტის წერილი, რომელიც ჯიბეში ეღო ეპონინს, ცხადი იყო, საღამოს, ჩვეულებრივ, პლუმეს ქუჩაზე მივიდოდა თავისი სატრფოს სანახავად. თვითონაც მივიდა, იქ იჯდა მარიუსის მოსვლამდე და როგორც იცით, უთხრა კიდევ ვითომ მარიუსის ამხანაგებისგან, შანვრერის ბარიკადებზე ვართ და შენც იქ გელითო. დარწმუნებული იყო, მარიუსი მეტად დადარდიანდებოდა, კომეტს რომ ვერ ნახავდა, სასონარკვეთილებას მიეცემოდა და სწორედ ამიტომ წავიდოდა ბარიკადისკენ. არც შემცდარა და თვითონაც შანვრერის ბარიკადს დაუბრუნდა. უკვე ვნახეთ, როგორ გასწირა თავი. მოკვდა და თან ის ტრაგიკული სიხარული გაიყოლა ეჭვით წამებული ადამიანისა, რომელსაც საიქიოს თან მიჰყავს საყვარელი ადამიანი, რომ აქ სხვას არავის დარჩეს.

მარიუსი კომეტის წერილს ეამბორა. მაშ, უყვარს კომეტს! სიხარული მოერია ერთ წამს, ვუყვარვარ, რა დროს სიკვდილიაო, მაგრამ ახლა სხვა ფიქრები აეშალა უნებურად, - ქალი მიღის, მამას მიჰყავს ინგლისში და ბაბუაჩემი კიდევ წინააღმდეგია ჩვენი ქორწინებისა. არაფერი შეცვლილა ჩემს ბედისწერაშიო. ისეთ მეოცნებეთ, როგორიც მარიუსი იყო, უაღრესი სასონარკვეთილება მოერევით ხოლმე და ძალმიხილვნი გამოდიან ამ მდგომარეობიდან. აუტანელია სიცოცხლით დაღლილობა; მხოლოდ სიკვდილი აღუთქვამთ ყმოსვენებას.

ამიტომაც დაასკვნა, რომ ორი მოვალეობა ჰქონდა შესასრულებელი: ეცნობებინა კომეტისთვის თავისი სიკვდილი, საუკუნოდ გამოსთხოვებოდა წერილით, და ეპონინის ქმა და ტენარდიეს შვილი გადაერჩინა როგორმე იმ განსაცდელისაგან, რომელსაც ბარიკადი უქაღდა.

საფულები თან ჰქონდა; ის, რომელშიც კომეტის საყვარელით ყნაპარნახევი და კომეტისადმი მიძღვნილი ფიქრებით სავსე რვეული ეღო. ამოხია ერთი ფურცელი და ფანქრით დაწერა რამდენიმე სტრიქონი:

„შეუძლებელია ჩვენი ქორწინება. ბაბუაჩემს ვთხოვე, ნებართვა მოეცა, უარი მითხრა. მე არაფერი მაბადია, არც შენ. შენკენ გამოვიქეცი, მაგრამ ვეღარ განახე.

სიტყვა მოგვცი და კიდევ ვასრულებ. ვკვდები. მიყვარხარ. ამ წერილის კითხვის დროს შენთან იქნება ჩემი სული და გავგილიმებს“.

არაფერი ჰქონდა, რომ დაეხეტა ეს წერილი. რას იზამდა? ოთხად დაკეცა და მისამართი დააწერა:

„ქალბატონ კომეტ ფომლევანს, ბ. ფომლევანთან, ლ'ომ-არმეს ქუჩა #7“.

დაკეცა წერილი და ცოტა ხანს ჩაფიქრებული იჯდა. მერე საფულიდან რვეული ამოიღო და პირველივე ფურცელზე დაწერა ოთხი სტრიქონი:

„მე მარიუს ჰონმერსი ვარ. ბაბუაჩემთან, ბატონ უილნორმანთან მიმიტანეთ მკვდარი, ფილ-დე-კალვერის ქუჩა #6, მარეს უბანში“.

საფულე ისევ სერთუკის ჯიბეში ჩაიღო და მერე გავროშს უხმო. მარიუსის ხმაზე სისხარულით მოირბინა ბიჭმა, ალტაცებულმა, რომ თვითონაც რამეში გამოსდგომოდა თავის მსხნელს.

- ერთი რამ მინდა დაგაგალო.

- თუნდ ბევრიც იყო, - უპასუხა გავროშმა, - ღმერთო კეთილო, თქვენ რომ არა, ჩემი საქმე წასული იყო.

- ამ წერილს ხედავ?

- დიახ.

- დაიჭი. ბარიკადიდან გადი ახლავე (არ მოეწონა ბარიკადიდან გასვლა გავროშს და ყურის ფხანა დაიწყო) და ხვალ დილით მიართმევ, ვისი მისამართიც ზედ ანერია, ქალბატონ კომეტს, ბატონ ფომლევანთან, ლ'ომ-არმეს ქუჩა #7.

- ძალიან კარგი, მაგრამ ვაითუ ამასობაში ბარიკადი აიღონ და მე კი აქ არ ვიქნები, - უთხრა პატარა გმირმა:

- როგორც ეტყობა, ბარიკადის ასაღებად ჯარი ხვალ დილამდე არ დაიძვრება. ადრინადაც რომ შემოგვიტონ, შუადღის შემდეგ, ოთხ საათზე ადრე, ვერ აიღებენ.

ჯარს თავი დაენებებინა აჯანყებულთათვის, ჯერ არ უტევდა და ეტყობოდა, არც აპირებდა იერიშის განახლებას. ეს იყო ღამის შესვენება, რომელსაც თითქმის ყოველთვის ერთიორად გამწვავებული ბრძოლა მოსდევს.

- განა არ შეიძლება ხვალ დილით წავიღო თქვენი წერილი?

- მეტად დაგვიანდება. ალბათ, ბარიკადს ალყაში მოაქცევენ და შენც ვეღარ გახვალ. თუ წასვლა გინდა, ახლავე უნდა წახვიდე.

პასუხად ვეღარაფერი მოახერხა გავროშმა. იდგა და კეფას იფხანდა დაღონებული. ვერა და ვერ მოეაზრებინა, წასულიყო თუ არა? მერე ორბული სისწრაფით უცბად სტაცა ხელი წერილს და ჯიბეში ჩაიღო.

- ბატონი ბრძანდებით. აი, მივდივარ, - თქვა და მოკურცხლა მონდეტურის ქუჩისკენ.

ერთი აზრი ჰქონდა გავროშს, რომელმაც გადააწყვეტინა წასვლა, მაგრამ მარიუსს კი არ უთხრა, - ვაითუ, არ დამეთანხმოსო.

აი, რას ფიქრობდა: ჯერ შუალამეც არ არის. ლ'ომ-არმეს ქუჩა არც ისე შორსაა. წერილს ახლავე ჩავარბენინებ და აქაც დროზე დავბრუნდებიო.

ნიგნი მეთხოუმეტე

l'Homme-Armé-ს ქუჩა

თავი პირველი ყბედი საშრობი ქალაქი

რას წარმოადგენს მღვლევალება ქალაქისა სულის თრთოლასთან შედარებით? ადამიანი უფრო ღრმაა, ვიდრე ხალხი. საშინელ მდგომარეობაში იყო ამ დროს უან ვალუანი. ისიც უფსკრულის პირას იდგა და მხოლოდ საშინელს მოელოდა. ისიც ისევე შფოთავდა, როგორც პარიზი, რომელსაც უახლოვდებოდა დიდი და თან ბნელი რევოლუცია. რამდენიმე საათის განმავლობაში ერთიანად შეიცვალა უან ვალუანის მდგომარეობა. შავი ღრუბელი გადაეფარა მის სიცოცხლესა და მის სინდისს. ვალუანის შესახებაც ისე, როგორც პარიზის შესახებ, შეიძლებოდა გვეთქვა, - ერთად წამომდგარა ორი პრინციპი, - თეთრი ანგელოზი და შავი ანგელოზი წაჰკიდებთან ერთმანეთს ამ უფსკრულის პირას. რომელი აჯობებს? რომელი გაიმარჯვებს?

4 ივნისსვე გადავიდა უან ვალუანი ლ'ომ-არმეს ქუჩაზე და თან წაიყვანა კოზეტი და ტუსენი. მოულოდნელი ელდა იქ დახვდა.

პლუმეს ქუჩიდან წამოსვლა არ უნდოდა კოზეტს და პატარა წინააღმდეგობაც სცადა, მაგრამ ამაოდ. კარგა ხანი იყო, ერთად ცხოვრობდნენ ის და უან ვალუანი და ეს პირველი შემთხვევა იყო, რომ კოზეტის სურვილი თუ არ შეეჯახა უან ვალუანისას, წინ აღუდგა მაინც. ერთი მხრივ, შესიტყვება იყო, მეორე მხრივ, შეუდრეკელობა. ვიდაც უცნობის უეცარმა რჩევამ, ბინა გამოიცვალეთო, ისე ააღელვა უან ვალუანი, რომ დაუყოვნებლივ შეუდგა შესრულებას. დარწმუნებული იყო, ჩემს კვალს მიაგნეს და მიძებნო. სხვა რა გზა ჰქონდა, უნდა დამორჩილებოდა კოზეტი.

ისე მივიდნენ ახალ ბინამდე, ხმა არ ამოუღიათ, სიტყვა არ უთქვამთ ერთმანეთისთვის. თავ-თავისი სევდა შემოსწოლოდა ორივეს. იმდენად მწუნებული იყო უან ვალუანი, რომ კოზეტის დაღონებას ვერ ამჩნევდა, და იმდენად დაღონებული იყო კოზეტი, რომ უან ვალუანის მწუნებებს ვერ ხედავდა.

წინათაც რამდენჯერმე წასულა სხვაგან უან ვალუანი, კოზეტიც თან წაუყვანია, მაგრამ ტუსენი კი არა. ახლა კი ტუსენიც გადაიყვანა ახალ ბინაში, რადგან გრძნობდა, რომ შეიძლებოდა, აღარც კი დაბრუნებულიყო პლუმეს ქუჩის სახლში, და არც უპატრონოდ მიტოვება შეეძლო ერთგული მოსამსახურის; თავისი საიდუმლოს გამჟღავნებაც არ უნდოდა, თუმცა იცოდა, რომ თავდადებული ქალი იყო და არავითარ შემთხვევაში არ უღალატებდა. მოსამსახურის ბატონისადმი ღალატი ცნობისმოყვარეობით იწყება. ტუსენი კი თითქოს იმიტომ დაბადებულიყო, რომ უან ვალუანის მოსამსახურე ყოფილიყო. სულ არ იყო ცნობისმოყვარე. ხშირად იტყოდა ხოლმე ლულულეთო, ბარნვილელი გლეხის გამოთქმით, ასე გავლიე ჩემი დღენი, ჩემს საქმეს ვაკეთებდი და ყურადღებასაც არ ვაქცევდი, რაც მე არ შემეხებოდაო.

პლუმეს ქუჩიდან ახალ ბინაში გადასვლა უფრო გაქცევას ჰგავდა, ვიდრე გადასახლებას. უან ვალუანმა არაფერი გადაიტანა, გარდა თავისი სურნელოვანი ჩანთისა, რომელსაც კოზეტმა „განუყრელი“ დაარქვა. ბარგი რომ ჩაელაგებინათ, მუშები დასჭირდებოდათ გადასაზიდავად და მუშები კი იგივე მოწმენი არიან. ბინდისას მოიყვანეს ერთი ეტლი, ისიც ბაბილონის ქუჩის კართან, და ისე წავიდნენ.

დიდი გაჭირვებით მიიღო ტუსენმა ნებართვა უან ვალჟანისაგან, რომ ცოტაოდენი თეთრეული, ტანისამოსი და კიდევ რამდენიმე საჭირო ნივთი წაეღო. კოზეტს მარტო თავისი ქალაღლები და მეღნის საშრობი ჰქონდა.

მათი გამგზავრება რომ არავის შეემჩნია, უან ვალჟანმა მხოლოდ ბინდისას მიიყვანა ეტლი. ამ გარემოებამ საშუალება მისცა კოზეტს, პატარა ბარათი მიეწერა მარიუსისთვის. ლ'ომ-არმეს ქუჩაზე რომ მივიდნენ, ძილის დრო იყო.

უსიტყვოდ დანზვნენ.

მათი ბინა უკანა ეზოში იყო, მესამე სართულზე; ორი სანოლი ოთახი ჰქონდათ, ერთი სასადილო და სამზარეულო, სასადილო ოთახის გვერდით; სამზარეულოშივე იყო ტიხრით გადაღობილი პატარა სანოლი ტუსენისთვის. სასადილო ორ სანოლ ოთახშია იყო მოწყობილი. ახალ ბინას საჭირო ჭურჭელი და მოწყობილობაც ჰქონდა.

განუსჯელად, ერთბაშად მოერევა ხოლმე ადამიანს შიში და თითქმის ისევე ადვილად დამშვიდდება; როგორც კი შევიდა უან ვალჟანი თავის ახალ ბინაში, ეს მაშინვე შეეტყო და მერე თანდათან სულ დამშვიდდა. ზოგჯერ თვითონ ადვილი ამშვიდებს ადამიანს, სამწუხარო ფიქრებს უქარავებს და მექანიკურად მოქმედებს გონებაზე. ახალი ბინა მიყრუებულ უბანში იყო, ბნელ ქუჩაზე, მშვიდობიან მეზობლებში. და ეს სიმშვიდე გადაედო უან ვალჟანსაც, როგორც კი თავის ახალ ოთახებში შევიდა; ეს იყო ძველი პარიზის იმდენად ვინრო ქუჩა, რომ ბოძით იყო გადაღობილი, ეტლები არ შემოვიდნენ; ყრუ და ამასთან, მუნჯი ქუჩა იყო ამ ხმაურიან ქალაქში, დღისითაც კი ჩაბნელებული და ისე ჩამწყვედიური ორმხრივ აღმართული მაღალი სახლების კედლებით, რომ აღარათფერი ესმოდა ქვეყნიერებისა. თვით ამ მაღალ სახლებშიც არათფერი იგრძნობოდა მღელვარე სიცოცხლისა, რადგან ძველისძველი სახლები იყო, ბებრულად მიჩუმებული. ამ ქუჩაზე თითქოს ყველაფერი დავინწყებულიყო. და უან ვალჟანმაც თავისუფლად, შვებით ამოისუნთქა. ვინ იპოვიდა მათ აქ?

მაშინვე აისრულა თავისი უპირველესი მოთხოვნილება, „განუყრელი“ თავის სანოლთან მოათავსა.

კარგად ეძინა. ღამე ადამიანის მრჩვეელია და შეიძლება ვთქვათ, დამამშვიდებელიც. მეორე დღეს, როცა გამოეღვიძა, თითქმის მხიარული იყო. საგანგებოდ, მშვენივრად ეჩვენა სასადილო ოთახი, თუმცა საძაგელი იყო. ერთი ძველი მრგვალი მაგიდა იდგა, ერთი დაბალი ბუფეტი, რომელსაც ზემოდან სარკე ამშვენებდა, ერთი ძველი ჭიანჭამი სავარძელი და რამდენიმე სკამი, რომლებზეც ტუსენის წამოღებული ბარგი იდო და, სხვათა შორის, ერთიც დახეული ბოხჩა, უან ვალჟანის ეროვნული გვარდიელის სამოსით.

კოზეტმა თავის საძინებელში შეატანინა ტუსენს საუზმე და საღამომდე არ გამოსულა.

მთელი დღე არ მოუსვენია ტუსენს, ალაგებდა, ასუფთავებდა ახალ ბინას და ხუთი საათი იქნებოდა, სუფრა რომ გაშალა; სადილად ცივად მოხარშული დედალი ჰქონდათ. კოზეტი მამის პატივისცემით სუფრას მიუჯდა, მაგრამ არათფერი უჭამია.

როგორც კი ისადილეს, კოზეტმა თავის ტკივილი მოიმიზგმა, ღამე მშვიდობისა უსურვა მამას და თავის ოთახში შევიდა. შევიდა და კარი ჩაიკეტა. უან ვალჟანმა ქათმის ერთი ფრთა შეჭამა და იქვე დარჩა მაგიდაზე მკლავდაყრდნობილი. დამშვიდებული იყო და ცდილობდა, ფიქრები დაემორჩილებინა.

ჯერ ისევ სადილოს დროს მოესმა, ისიც ძალიან ყრუდ, ტუსენის ლულულად, რომელიც ეუბნებოდა, - აიშალა ისევ პარიზი, ბატონო, დიდი ბრძოლაა ქალაქშიო, მაგრამ უან ვალუანი ისე იყო თავისი ფიქრით გატაცებული, რომ ყურადღება არ მიუქცევია. ვინ იყის, არც კი გაუგონია.

წამოდგა და სიარული დაიწყო ოთახში, ბოლოს სცემდა კარიდან ფანჯრამდე და ფანჯრიდან კარამდე. თან უფრო და უფრო უმშვიდდებოდა გულიც და გონებაც.

მოიპოვა სიმშვიდე და მასთან ერთად კოზეტაც მოაგონდა, თავისი ერთადერთი საზრუნავი. კოზეტის თავის ტკივილი კი არ აფიქრებდა, ან მისი ნერვიულობა, უგუნებობა, პატარა ღრუბელი ქალის მხიარულების დამჩრდილავი. ყოველივე ეს სწრაფნარმაგალი იყო და სულ ორ დღეს გასტანდა. უან ვალუანი თავისი შვილობილის მომავალზე ფიქრობდა და ნეტარებად ესახებოდა ეს მომავალი. ბოლოს და ბოლოს, რა უნდა მომხდარიყო ისეთი, რომ ხელი შეეშალა მათი ბედნიერი ცხოვრებისათვის? ხანდახან, დროებით, რაღაც მოუეცა ხოლმე ადამიანს, ყველაფერი შეუძლებლად ეჩვენება, ცოტა ხნის შემდეგ კი ყოველი სურვილი ადვილად მისაღწევი და შესაძლებელი. უან ვალუანსაც სწორედ ასეთი ბედნიერი წუთი დაუფლებოდა. ის, ჩვეულებრივ, მძიმე წუთს მოჰყვება ხოლმე, როგორც დღე მოსდევს ღამის სიბნელეს, იმ კანონის ძალით, რომლითაც თანამიმდევრობა და კონტრასტი შეადგენს ფუძეს ბუნებისას, თუმცა ზედაპირულად მოაზროვნენი ანტითეზას უწოდებენ. ამ მშვიდობიან ქუჩას შეაფარა უან ვალუანმა თავი და მთლად ჩამოიბერტყა, რაც კი ჰქონდა სამიში და სამწუხარო. სწორედ იმიტომ, რომ შავი ღღის მგეტი არაფერი ენახა, ახლა ცოტაოდენ სინათლესაც ხედავდა. რაკი პლუმეს ქუჩიდან ისე გამოვიდა, რომ არც დაბრკოლება შეხვედრია, არც რამე სამიში შემთხვევა, ესეც დიდი რამ იყო საბრალოსთვის. იქნებ კარგი ყოფილიყო, ცოტა ხანს უცხოეთში გამგზავრებულიყო, რამდენიმე თვე გაეტარებინა ლონდონში, კოზეტთან ერთად ყველგან ბედნიერი იქნებოდა. მისი სამშობლო, ყველაფერი, მისთვის კოზეტი იყო. ვერ წარმოედგინა, რომ შეიძლება თვით ის არ კმაროდა კოზეტის ბედნიერებისთვის; ერთ დროს ეს ფიქრი ძალიან აწუხებდა, გულს უღრღნიდა და ძილს უკარგავდა. ახლა კი მივიწყებული ჰქონდა. გულწასულივით დავიწყებოდა წარსულის ყოველი სევდა და ვარაში და სრული ოპტიმიზმით ტკებოდა. კოზეტი ჰყავდა თავისთან და თავისად მიაჩნდა; ეს გახლავთ ოპტიკური შთაბეჭდილება, რომელიც ყველას ექნება გამოცდილი. ახლა მხოლოდ წასვლაზე, დაუბრკოლებელ მგზავრობაზე და თავის კოზეტთან ერთად ინგლისში სასიამოვნოდ ცხოვრებაზე ფიქრობდა; გრძნობდა, რომ აღდგენილიყო მისი ბედნიერება, სადაც უნდა ყოფილიყო, ეგ სულერთია, ოღონდ ისე, როგორც თვითონ ოცნებობდა.

ასე ფიქრობდა და ოცნებით გატაცებული წელი ნაბიჯით მიმოდოდა ოთახში და უცბად რაღაც უცნაურს მოჰკრა თვალი. იდგა და სარკეს შეჰყურებდა. განჯინის თავზე რომ სარკე იდგა, კედელზე მიყუდებული, იმ სარკეში ოთხი სტრიქონი მოჩანდა:

„ჩემო საყვარელო! მამაჩემი ახლავე აპირებს წასვლას. ამაღამ ლ'ომ-არმეს ქუჩაზე ვიქნებით, #7-ში. ერთი კვირის შემდეგ ინგლისს მივდივართ.“

კოზეტი. 4 ივნისი“.

განცვიფრებული იდგა უან ვალუანი.

ამ სახლში რომ გადმოვიდნენ, კოზეტმა სარკის წინ დადო თავისი მელნის საშრობი და ისე იყო დასევდიანებული, რომ მაშინვე დაავიწყდა, ისიც კი ვერ შენიშნა, რომ

საშრობი სხვა მხრით, ქალაქით სარკისკენ დაედო; საშრობ ქალაქს ერთიანად ამოწუნუნა მარიუსისადმი მიძღვნილი სიტყვები, და რადგან ამ ფურცელს ჯერ სხვა არაფერი გაემრო, კარგად ეტყობოდა ოთხივე სტრიქონი. კოზმეტმა წერილი ვილაც მუჟას გაატანა მარიუსთან, მაგრამ საშრობზე ანაბეჭდი კი შინ დარჩენილიყო. სარკეში მშვენივრად მოჩანდა ბარათის ანარეკლი.

საშრობმა და სარკემ შექმნეს ის, რასაც გეომეტრიაში სიმეტრიულ სურათს უწოდებენ; საშრობ ქალაქდგე სარკისებურად გადასული ასოები სწორად მოჩანდა სარკეში და ადვილი წასაკითხი იყო. ჟან ვალჟანს თვალწინ ედგა გუშინ, 4 ივნისს, მარიუსისათვის მიწერილი კოზმეტის ბარათი.

ეს ცხადი და თავზარდამცემი იყო.

სარკესთან მივიდა. კიდევ ნაიკითხა წერილი, მაგრამ არ დაიჯერა. სინათლის თამაშის შედეგად ეჩვენებოდა, ლანდად. შეუძლებელს ხედავდა, რაღაც მოჩვენებს.

მაგრამ სინამდვილე სჯობნიდა და ნელ-ნელა უქარწყლებდა ანარეკლის მოჩვენებითობას. კოზმეტის საშრობი აიღო, დააკვირდა და იგრძნო, რომ ნამდვილ, არსებულ გარემოებას ხედავდა. სარკეში აქედან აირეკლება ეს სიტყვებით, უფრო დაკვირვებით გასინჯა საშრობის ქალაქი, გასინჯა საშრობზე დაბეჭდილი ოთხი სტრიქონის გადარუნებული ასოები, რომლებიც ნაჯაბნს უფრო ჰგავდა, ვიდრე ნაწერს, და გული დაიმშვიდა, რა მნიშვნელობა უნდა ჰქონდეს ამას? აქ დანერჩილი არაფერიაო, ფიქრობდა. შვებით ამოისუნთქა, თითქოს მძიმე ტვირთი ანვა და ძლივს მოიხსნაო. ვის არ შემთხვევია საშინელ გაჭირვებაში მყოფს ეს სულელური სიხარული? სული არ ნებდება ხოლმე სასონარკვეთილებას, სანამ არ გამოლევს თავის ყველა ილუზიას.

ხელში ეჭირა საშრობი და შეჰყურებდა გულუბრყვილოდ ბედნიერი, იმდენად მოხარული, რომ მზად იყო, ხარხარი დაეწყო, ასე როგორ შემამინა რაღაც სისულელემო. მაგრამ ისევ სარკეს შეხედა და ხელახლა მოელანდა იგივე ნაწერი. გარკვეულად იხატებოდა სარკეში ოთხი სტრიქონი. არა, ახლა კი ეს სინამდვილე იყო და არა მოჩვენება. განმეორება ლანდისა ამტკიცებს მის სინამდვილესა და რეალობას. ლანდი კი არა, სინამდვილე იყო, ხელშესახები, თვალით დასანახი და წასაკითხი, - ნაწერი იყო სარკეში გამოსახული. მაშინ კი მიხვდა. შებარბაცდა კაცი, საშრობი ხელიდან გაუვარდა, და დაეშვა ძველ სავარძელზე, განჯინის გვერდით რომ იდგა; თავს ვეღარ იმაგრებდა, თვალი მინის მსგავსი გახდომოდა, გონება დაჰფანტოდა. ცხადია, თვალი არ მატყუებს, საუკუნოდ დამიბნელდა მზე, ავის მეტს ვეღარაფერს ვეღირსები, კოზმეტი ვილაცას სწერს ამ სიტყვებსო. გრძობდა, რომ სული საშინლად დაუშობდა, გულის სიღრმიდან გაშვავებული სულის ჩუმი გრგვინვა ესმოდა. მიდით და წართვით ლომს მის გალიაში გაზრდილი ძაღლი!

უცნაური და საშუხარო ის იყო, რომ ჯერ თვით მარიუსსაც არ მიეღო კოზმეტის წერილი. შემთხვევამ უდალატა კოზმეტს და მის სატრფოს, ჟან ვალჟანს უფრო ადრე წაკითხა, ვიდრე მარიუსს.

აქამდე ჟან ვალჟანი არასოდეს დაუმარცხებია უბედურებას. რა არ გადახდომია თავს? ბედისწერა უხვად აჯილდოებდა ჭირ-ვარამით, საზოგადოებრივი სასჯელითა და კიცხვით. ჯავრის ამოსაყრელად აერჩია საწყალი კაცი, გულს უწინკნიდა და სულს უხუთავდა. ჟან ვალჟანიც ემორჩილებოდა, არც უკან იხევდა, არც თავს უხრიდა, გულმაკრად უხვდებოდა ყველაფერს, რაც უნდა საშინელება მიესაჯა ცხოვრებას.

ურიგდებოდა ამ წამებას და მოთმინებით ელოდა მომავალს. ძლივს მოპოვებული ხელშეუხებლობა, თავისუფლება შესწირა მომავალს, საფრთხეში ჩააგდო თავისი სიცოცხლე. მას შეაღია ყველაფერი, იმის მოსაპოვებლად იყო, რომ უანგაროდ და შეუდრეკლად გაატარა სიცოცხლე, იმდენად წმინდად, რომ შეიძლებოდა, გვეთქვა, ამ კაცმა, როგორც წამებულმა, ყოველივე პირადი უარყო. ბრძოლას გამგაგრებინა მისი სული, უკვე ეგემა ცხოვრების ყოველი საშალა და აღარაფრის ეშინოდა. მიუხედავად ამისა, ვინმეს რომ შესძლებოდა მისი გულის სიღრმეში ჩახედვა, იძულებული იქნებოდა, ეთქვა, სისუსტე ერევა უან ვალჟანს, დამარცხებულად გრძნობს თავსო.

ეს იმიტომ, რომ არაერთი ბოროტება ენახა, მართალია, მრავალი უსამართლობა და შეურაცხყოფა აეტანა, მაგრამ ჯერ ამნაირი საზარელი არაფერი მოხვედროდა მის გულს. ცხოვრება მუხრუჭს უჭერდა, მაგრამ ჯერ ასე მაგრად არსად მოსდებოდა მუხრუჭის წვერი. ხედავდა, რომ გული ველარ იტევდა იღუმალ გრძნობათა აღშფოთებას. ხედავდა, როგორ მწარედ უთრთოდა აქამდე უცნობი ფიქრი. ვაი, რომ ადამიანისთვის ყველაზე საშინელი, უკეთ რომ ვთქვათ, ერთადერთი სულიერად მომაკვინებელი, საყვარელი არსების დაკარგვა!

საწყალ მოხუცს ისე უყვარდა კოზეტი, როგორც მამას შეილი, და არა სხვაგვარად. მაგრამ, ეს ზემოთაც აღუწინნეთ, ამ მამობრივ სიყვარულს მისი სიცოცხლის სიცარიელემ სხვა ყოველგვარი სიყვარულიც დაუმატა. კოზეტი უყვარდა როგორც შვილი, უყვარდა როგორც დედა, უყვარდა, როგორც და და რადგან არასოდეს არავინ ჰყოლოდა, არც ცოლი, არც საყვარელი, და ბუნება კი ისეთი მკაცრი მევახშეა, არავის არასოდეს შეარჩენს რამეს, ეს გრძნობაც ერეოდა მის სიყვარულში, როგორც ყველაზე გამძლე და ცხოველი; ოღონდ ყრუდ ერეოდა, შეუგნებლად, წმინდად. იგი წმინდა იყო თავისი სიბრმავეით; ანგელოზებერ ციური და ღვთიურ უბინო: გრძნობა კი არ იყო ეს სიყვარული, უფრო ალღო, უკეთ რომ ვთქვათ, მიმზიდველობა შეუმჩნეველი და უხილავი, ოღონდ ნამდვილად არსებული. ნამდვილი სიყვარული იყო ჩამალული იმ უსამღერო სიტკბობებში, რომელშიც კოზეტს ხედავდა, როგორც ოქროს ზოდია ჩამალული დიდ, ჯერ გაუთხრელ მთაში.

გაისხენოს მკითხველმა ის გულისტკივილი, რომელიც ზევით მოვასხენეთ. კოზეტსა და უან ვალჟანს შორის შეუძლებელი იყო ქორწინება. შეუძლებელი იყო სულიერი ქორწინებაც კი, მაგრამ ის კი ცხადია, რომ მათი ბედი დაქორწინებულყო. კოზეტის გარდა, ე. ი. ბავშვის გარდა, უან ვალჟანს არასოდეს არავინ ჰყოლია, რომ ჰყვარებოდა. ვნებათაღელვასა და სიყვარულს, რომლებიც ერთმანეთს მისდევენ, არ დაუსვია მასზე ის მწვანე დალი, ნელ-ნელა გამუქებული ბაცი მწვანე დალი, რომელსაც ფოთლებზე ვხედავთ ხოლმე, ზამთარი რომ მოგვიახლოვდება, და ადამიანზე, ორმოცდაათ წელს რომ გადასცილდება. ბოლო რომ მოუვლოთ ამ საკითხს, უკვე რამდენჯერმე ვთქვით და ახლაც ვამბობთ, მთელი ეს სხვადასხვა გრძნობის შედუღება, რომელმაც ნაყოფად წმინდა სათნოება გამოიღო, კოზეტის მამად ქმნიდა უან ვალჟანს, უცნაურ მამად, რომელშიც გაერთიანებულიყო ბაბუაც, ძმაც, ქმარიც, ყოველივე ის, რაც უნდა ყოფილიყო უან ვალჟანში. მამად გრძნობდა თავს და დედობასაც შიგ ურევდა; მამად გრძნობდა თავს და გაგიჟებით უყვარდა თავისი შვილობილი, თაყვანს სცემდა, აღმერთებდა და მის გარდა არავინ გააჩნდა, ის იყო მისი მზე და სინათლე, მისი ქვეყნიერება, მისი ოჯახი, მისი სამშობლო და სამოთხე.

და როცა დარწმუნდა, რომ ამას ბოლო მოეღო, საბოლოოდ ეკარგებოდა საოცნებო ტკბილი მომავალი, ხელიდან უსხლტებოდა თავისი ნეტარება, ემალებოდა, ღრუბელივით მისდევდა ქარს; როცა თვალწინ წარმოუდგა ის გულსაკლავი სინამდვილე, რომ კოზეტის გულში სხვას ჩაბუდებინა, რომ უკვე სხვა ჰყავდა სიცოცხლის დამატკბობელი; რომ კოზეტს სხვა უყვარს, უან ვალჟანი მარტო მამაა და სხვა არაფერი; როდესაც დარწმუნდა, რომ შეუძლებელი იყო რაიმე ეჭვი, იმისთანა სევდა მოერია, რომელმაც შესაძლებელს გადააჭარბა. რას ამზადებდა, რა ტანჯვით, რა თავგანწირვით და რას მიაღწია! მაშ, ის არაფერი ყოფილა! და მაშინ კი, როგორც ზემოთაც ვთქვით, თავით ფეხამდე დაუარა აღშფოთების ურულოდამ. მთელ თავის არსებაში, თმის ძირებითაც კი იგრძნო ეგოიზმის საშინელი აღშფოთება და ამ კაცის გულში გაისმა აქამდე ჩამკვდარი მე-ს ბრდღვინვა.

ზვაგი გულშიც ჩამოწვება ხოლმე. ადამიანს სასონარკვეთილება რომ დაატყდება, შლის და არღვევს იმ ღრმა ფუძეს, ურომლისოდაც შეუძლებელია სიცოცხლე. ამ წერტილამდე რომ მიაღწევს სევდა, რაც ადამიანის არსებაში ძალა, შეგნება და გამძლეობაა, მას ყველაფერი გაურბის. ეს არის ჩვენი სიცოცხლის ავბედითი კრიზისი. ძალიან ცოტაა ჩვენგანი, რომ ამ განსაცდელის შემდეგ იმ კაცადვე დარჩეს, რა კაცაც იყო, ისეთივე ერთგულად ამსრულებელი თავისი მოვალეობისა, როგორც იყო. როდესაც საზღვარს გადასცდება ადამიანის სულიერი ტანჯვა, სათნოებას ქედს იხრის, რაც უნდა ამაცი და დაუჯანბნავი იყოს.

ერთხელ კიდევ აიღო საშრობი და კიდევ დარწმუნდა, რომ სინამდვილეს ხედავდა ცხადად. გაქვავებულივით დასცქეროდა ამ ოთხ სტრიქონს, კოზეტის ხელით დანერილს, იმის ხელმონანერს; იდგა მოხრილი, თვალს ვეღარ ამორებდა. ისეთი წყვდიადი მორეოდა სახეზე, რომ იტყოდით, გაუნყდა საბრალოს სიცოცხლის კვანძით.

კვლევა დაუნყო ამ აღმოჩენას თავის ოცნებათა თვალსაზრისით, გარეგნული, მით უფრო საშინელი სიმშვიდით, რომელიც მით არის საზარელი, რომ ცივ ქანდაკებად გადააქცევს ცოცხალ ადამიანს. მერე იმ მანძილს გადაავლო თვალი, რომელიც მის შეუმჩნეველად გაველოს მის ბედს. მოიგონა შარშანდელი ზაფხულის შიში, ასე მიაბიტად დავიწყებული, და იწო უფსკრული; იგივე იყო ის, შარშანდელი! ოღონდ უფსკრულის პირას კი არა, ძირში ჩავარდნილიყო ამჟამად უან ვალჟანი.

მით უფრო საშინელი იყო მისი სევდა, რომ ვერც კი შეენიშნა, უფსკრულში როგორ ჩავარდნილიყო. მთელი სიცოცხლის მზე გაჰქრობოდა, მას კი ეგონა, მზეს შეეხარო.

მის ალღოს ყოყმანი არ დაუნყია. ერთმანეთს მიუყენა სხვადასხვა გარემოება, სხვადასხვა თარიღი, კოზეტის გუნების ხშირი ცვალებადობა და გადანწყობა, საეჭვო აღარაფერი! სასონარკვეთილებას საიდუმლოს ამოცნობის ისეთი მშვილდ-ისარი აქვს, რომ არასოდეს ასცდება მიზანს. საქმეს კარგად ჩაუთქვარდა და პირველივე დასკვნით მარიუსს მიაკვლია. სახელი არ იცოდა, მაგრამ მიხვდა, რომელი იყო ის ახალგაზრდა. წარსულის სურათების ულმობელ გახსენებაში თვალწინ დაუდგა ლუქსემბურგის ბაღში მოყვალე უცნობი, ის საზიზღარი არშიყი, ის რომანსების მომღერალი უქნარა, ის რეგენი, ის ლაჩარი, რადგან ლაჩარზე უარესია, ვინც თვალეებს უციმციმებს ქალს, რომელსაც გვერდზე უზის მოყვარული მამა.

როდესაც საბოლოოდ დაადგინა, რომ ყოველივე ამის შემოქმედი ის ყმანვილი ბრძანდებოდა, რომ მისგან გამომდინარეობდა ყველაფერი, თავის გულში ჩაიხედა უან ვალჟანმა, ამ გარდაქმნილმა ადამიანმა, რომელმაც იმხელა შრომა გასწია

თავისი სულის მოსალმობიერებლად, რომელმაც იმხელა ტანჯვა გამოიარა მხოლოდ იმისთვის, რომ აქამდე განცდილი ყოველგვარი გასაჭირი და უბედურება სიყვარულით დაეტკბო და გაექარებინა, ჩაიხედა თავის გულში და იქ სიძულვილის მეტი ვეღარაფერი დაინახა.

დიდმა მწუხარებამ ადამიანის დაბეჩავება იცის; იმედსა და ძალ-ღონეს უსპობს. კაცს რომ მწუხარება მოერევა, თვითონვე გრძნობს, რომ რაღაცას კარგავს თავისი არსისას. სიყმაწვილეში სავალალოა ეს მწუხარება, მერე კი დამღუპველი. თუკი მაშინ, როდესაც სისხლი უდულს ადამიანს, თმა გიშერი აქვს, თავი ამაყი - ახოვან ტანზე, როგორც ალი ძვირფას შანდალზე; როდესაც ბედისწერის გორგალს ჯერ არაფერი მოჰკლებია; როდესაც გული ნანატრი სიყვარულით არის სავსე და ისე მაგრად უცემს კაცს, რომ აღვილად პოვებს თავისი გულისთქმის პასუხს; როდესაც წინ უდევს კიდევ დიდი დრო, რომ შესწოროს, გამოაკეთოს მდგომარეობა; როდესაც გარს ახვევია უამრავი ქალი და მათი ღიმილი; როდესაც მას ეკუთვნის მთელი მომავალი, მთელი ჰორიზონტი, როდესაც სიცოცხლის ძალა ჯერ სრული აქვს, მაშინ საშინელებად მიაჩნია ეს მწუხარება და მით წარიკვეთს ყოველ იმედს; მაშ, რა დაემართება ამ მწუხარებით სავსე მოხუცს, რომლის სიცოცხლის წლები თანდათან უფერულდებიან და გარბიან იმ ბინდით მოცული უამისაკენ, საიდანაც ნათლად მოჩანს სამარის ვარსკვლავები.

ამ მწარე ფიქრით იყო უან ვალჟანი მოცული, რომ ოთახში ტუსენი შევიდა. მოხუცი წამოდგა და ჰკითხა:

- სად არის ბრძოლა? ხომ არ იცით?

ტუსენი გაკვირვებული შეჰყურებდა.

- რა მიბრძანეთ?

უან ვალჟანიმა გაუმეორა:

- თქვენ არ მითხარით წელან, ბრძოლა ატყდა პარიზში.

- დიახ, ბატონო, ბრძოლაა სენ-მერისაკენ.

აქვს ხოლმე ადამიანს ერთგვარი შეუმჩნეველი მოძრაობა, რომელსაც უნებურად აღძრავს ჩვენშივე ღრმად ჩამალული ფიქრი. ალბათ, ამ ფიქრის ბიძგით იყო, რომელიც იქნებ ვერც კი შენიშნა უან ვალჟანიმა, რომ სუთიოდე წუთის შემდეგ უკვე ქუჩაში იყო.

თავშიშველი იჯდა ქვაზე, სახლის კართან და ეტყობოდა, ყურს უგდებდა რაღაცას. ღამე ჩამონოლილიყო.

თავი მეორე

სინათლის მტერი გამენი

რამდენი ხანი გავიდა ასე, რა მოქცევასა და უკუქცევას განიცდიდა ეს ფიქრის ტრაგიკული ზღვა? წამოდგა კაცი თუ ისევ დარჩა ძირს გართხმული? დაცემული იყო მხოლოდ თუ დამტვრეული? შეეძლო თუ არა, წამოდგომა და თავის შეგნებაში რაიმე მყარის, მკვრივის, მაგარის აღმოჩენა, რომ ზედ ფეხი დაედგა და წამომართულიყო? მოსალოდნელია, რომ ამის პასუხს თვითონაც ვერ გეტყობდა.

არავინ იყო ქუჩაში. რამდენიმე დამფრთხალი ბურჟუა სირბილით მიემუერებოდა შინსკენ, ასე რომ, ვერც კი შეამჩნევდნენ ქვაზე მჯდომ მოხუცს. შიში რომ მოერევა

ხალხს, ყველა მხოლოდ თავის თავზე ზრუნავს. წესისამებრ მოვიდა კაცი და აანთო ქუჩის ფარანი, რომელიც სწორედ #7 სახლის პირდაპირ იდგა, აანთო და წავიდა. იმ დროს რომ შეემჩნია ვინმეს უნ ვალუჟანი, ცოცხალი არც კი ეგონებოდა. იცდა კართან უძრავად, როგორც ყინულში ჩარჩენილი ჭკური. სასონარკვეთილებამაც იცის გაქვავება. განგაშის ხმა და ყრუ ხმაური ისმოდა. არეულ განგაშის ზარს ახლა სენ-პოლის ზარი მიემატა, მშვიდი, აუჩქარებელი, და თერთმეტი დაჰკრა. განგაშს ადამიანი ქმნის და დროს კი ღმერთი. საათის მიერ აღნიშნული დროის გასვლა არც შეუმჩნევია უნ ვალუჟანს. არც კი შერხეულა, მაგრამ თითქმის იმ დროსვე, ცოტა ხნის შემდეგ, ბაზრის მხარეს თოფების სროლის ხმა გაისმა, მას ზედ მეორე მიჰყვა, უფრო ძლიერი. ალბათ, ეს ჯარის იერიში იყო, შანვრერის ბარიკადის ასაღებად რომ მივიდა და მარიუსმა მოიგერია. ეს ორი სროლა რომ მოესმა უნ ვალუჟანს, კანკალი დაიწყო. მით უფრო, რომ სროლის მძვინვარებას ღამის დუმილი აორკვეცებდა; აკანკალებდა, წამოვარდა, იქით გაიხედა, საიდანაც სროლა მოესმა და ისევ დაჯდა. გულ-ხელი დაიკრითა, თავი ველარ შეიმავრა და წელ-წელა ძირს დაუშვა: ისევ ის შავბნელი დიალოგი გააბა თავის თავთან.

ფეხის ხმა მოესმა შორიდან და წამოიწია; ვილაც მოდიოდა. მალე მოუახლოვდა, დააცქერდა და ფარნით განათებულ მხარეს, სადაც ქუჩა არქივის შენობას ებჯინება, პატარა ბიჭი დაინახა, ფერმკრთალი, მხიარული.

გავროში მოსულიყო ლ'ომ-არმეს ქუჩაზე.

ზევით იყურებოდა გავროში, ეტყობოდა, რაღაცას ეძებდა. ძალიან კარგად ხედავდა უნ ვალუჟანს, მაგრამ ყურადღებას არ აქცევდა.

გავროშმა ახლა ძირს დაიხედა. ფეხის წვერებზე დგებოდა, ქვედა სართულის კარებს და ფანჯრებს ხელით სინჯავდა; დაკეტილი იყო ყველა, დარაბააკრული, გამაგრებული, ხუთი-ექვსი სახლი გასინჯა ასე, მხრები აიჩჩა და შესძახა:

- აჰ, დალახეროს ეშმაკმა!

მერე ისევ ზევით აიხედა.

ამ რამდენიმე წამის წინ ისე იყო გულგადაღუული უნ ვალუჟანი, რომ ხმას არავის გასცემდა, არც კი უპასუხებდა, რომ დალაპარაკებოდა ვინმე, ახლა კი ეს პატარა ბიჭი რომ დაინახა, ველარ გაუძლო უძლეველ სურვილს, გამოლაპარაკებოდა:

- რას ეძებ, პატარავ, რა მოგივიდა?

- რა მომივიდა და მშია, თქვენ თვითონ პატარავ, - მიახალა გავროშმა.

ჯიბეში ხელი ჩაიყო უნ ვალუჟანმა და ხუთფრანკიანი ვერცხლი ამოიღო.

მაგრამ გავროში მოუსვენარი კულცანსარას ჯიბის იყო, დიდხანს არაფერზე გაჩერდებოდა. კენჭი აიღო. მამ, რა ექნა ანთებული ფარანი რომ დაინახა?

- ამათ ხედავთ? ჯერაც ფარნებით დაპარპაობენ! არა, ამხანაგებო, წესრიგის დაცვა არ გცოდნიათ, გეტყობათ! უწესრიგობას მოსპობა უნდა. აბა, ავანკარუნთო!

კენჭი ესროლა და ისეთი ზრიალითყ ჩამოცვივდა ძირს ფარნის მინა, რომ ახლომახლო სახლის დარაბების უკან მიმალული შეშინებული ბურჟუები იმეორებდნენ, ვაი! ოთხმოცდაცამეტი წელი დაგვიბრუნდაო!

გატეხილ ფარანში ცოტა ხანს თრთოდა შეშინებული ალი და ისიც გაქრა. ქუჩაში ჩამობნელდა.

- ასე, ჩემო ბებრუყუნა ქუჩავ, - შესძახა გავროშმა, - დაიხურე შენი ღამის ჩაჩი.

მერე უნ ვალუჟანს მიუბრუნდა:

- რას ეძახით ამ ბუმბერაზ ქანდაკებას, ქუჩის ბოლოში რომ გაქვთ? არქივი უნდა იყოს, არა? რა კარგი იქნებოდა, ჩამოგვენგროა მისი სულელური სვეტები და ერთი კარგი ბარიკადი აგვეგო.

ჟან ვალუჟანი გავროშთან მივიდა.

- სანყალი ბიჭი, - თქვა ჩუმი ხმით, თითქოს თავის გასაგონად, - შია, - და ხუთფრანკიანი ვერცხლი ჩაუდო ხელში.

გავროშმა ცხვირი ასწია, იმდენად გაუკვირდა ამ ფულის სიდიდე. ბნელოდა, მაგრამ გასინჯა და ძალიან მოეწონა იმ სიბნელეში ვერცხლის კრიალი. ხუთფრანკიან ვერცხლს მართლ სხვისი სიტყვით იცნობდა და იცოდა, რომ კარგი იყო. გაიხარა, რაკი ასე ახლოს ნახა ეს სახელგანთქმული ვერცხლი. უყურებდა და გაიძახოდა, აბა, ვნახოთ ეს ვეფხვიო.

აღტაცებით სინჯავდა ცოტა ხანს. მერე ჟან ვალუჟანს მიუბრუნდა, გაუწოდა ხუთფრანკიანი და ამაყად უთხრა:

- ბურჟუა, მე ფარნების მსხვერვეა უფრო მომწონს, ვიდრე ეს ფული. ინებეთ თქვენი ხუთფრანკიანი. შეუძლებელი გახლავთ ჩემი მოსყიდვა და გარყვნა. მართალია, ხუთი ბრჭყალი აქვს, მაგრამ მე ეგ ვერ დამკანრავს.

- დედა გყავს, ბიჭო?

- იქნებ უფრო მეტადაც, ვიდრე თქვენ.

- ჰოდა, გქონდეს ეგ ფული, დედაშენს წაუღე, - უთხრა ჟან ვალუჟანმა.

გული მოუღება გავროშს. ესეც რომ არ ყოფილიყო, უკვე შენიშნა, რომ თავშიშველი იყო მისი მოსაუბრე ბერიკაცი და ამანაც ალუძრა ნდობა და პატივისცემა.

- მამ, იმისთვის არ მადღევთ, რომ ფარანი აღარ დავამტვრიო? არა?

- თუნდაც სულ ჩაამტვრიე.

- კარგი კაცი ყოფილხართ, - შეაქო გავროშმა და ჯიბეში ჩაიღო ხუთფრანკიანი ვერცხლი. მერე მოხუცს ჰკითხა:

- ამ ქუჩაზე ცხოვრობთ?

- დიახ. რა იყო?

- მეშვიდე ნომერს ვერ მიმასწავლით?

- რისთვის დაგჭირდა მეშვიდე ნომერი?

გაჩერდა ბიჭი, შეეშინდა, მეტი ხომ არ წამოვროშეო. თითებით თმა აიჩეჩა და პასუხის მაგივრად წამოიძახა:

- ისე...

ერთი აზრი მოუვიდა ჟან ვალუჟანს, მწუხარებამ იცის ამგვარი გონების განატება და ჰკითხა:

- იქნება შენ მოგაქვს ის წერილი, მე რომ მოველი?

- თქვენ? - ჰკითხა გავროშმა, - თქვენ ხომ ქალი არა ხართ?

- წერილი ქალბატონ კოზმეტთან არის, ხომ?

- კოზმეტთან? დიახ, მგონი, მაგ უცნაურ სახელთან არის მიმართული.

- ჰოდა, მომეცი. მე უნდა გადავცე იმ ქალს წერილი. მოიტა.

- მამ, ისიც უნდა იცოდეთ, რომ მე ბარიკადიდან გამომგზავნეს.

- რა თქმა უნდა, ვიცი.

გავროშმა ჯიბეში ხელი ჩაიყო, ოთხად დაკეცილი ქაღალდი ამოიღო და მხედრული სალამი მისცა პატარა ქაღალდს:

- პატივისცემა ამ დეპუტატს, დროებითი მთავრობისაგან გამოგზავნილს.
- მოიტა, - უთხრა კიდევ უნა ვალჟანმა.

გავროშს ხელი მაღლა აენია და წერილს ათამამებდა.

- ძალიან კარგი კაცი უნდა იყო, ბატონო.
- ჰო, მოიტა.

და გავროშმა ხელში ჩაუდო უნა ვალჟანს წერილი.

- და აჩქარდი კიდევ, ბატონო შოზ, რადგან ქალბატონი შოზგეტი გელით.

კმაყოფილი იყო ბიჭი, ასე კარგად რომ გამოიყენა შოზი და შოზგეტი.

უნა ვალჟანმა ჰკითხა:

- მამ, სენ-მერიში უნდა მივიტანო პასუხი?

- ასე, ბატონო, ქადას გულის მაგივრად ნაცარს ჩააყრით. შანვრერის ქუჩის ბარიკადიდან მოდის ეს წერილი და პასუხიც იქვე უნდა მოიტანოთ. ღამე მშვიდობისა, მოქალაქევე.

ეს თქვა გავროშმა და გზას გაუდგა, ანუ უკეთ რომ ვთქვათ, გაფრინდა იქით, საიდანაც გამოეგზავნათ. ისე სწრაფად ჩაიმალა წყვილიაღში, თითქოს ორმოში ჩავარდნილიყოს ზარბაზნის ყუმბარის მკაცრი სისწრაფით. მიჩუმდა, მიყრუვდა ლ'ომ-არმეს ქუჩა; თვალის დახამხამებში გაქრა ეს უცნაური ბიჭი, რომელსაც სინათლეც ბევრი ჰქონდა და ჩრდილიც. უცხად მიიმალა ამ ვიწრო ქუჩის მაღალი სახლების მწკრივის სიბნელებში და აორთქლებულად, გაქარებულად ეჩვენებოდა კაცს, რომ მისი მიმალვის რამდენიმე წუთის შემდეგ გატეხილი ფარნების წკრიალი არ მოსდებოდა ქუჩას და უცხად არ გამოეღვიძებინა აღშფოთებული ბურჟუეზი. მირბოდა გავროში და სადაც კი ანთებულ ფარნებს დაინახავდა, ამსხვრევდა.

თავი მესამე

სანამ კოზეტსა და ტუსენს სძინავთ...

უნა ვალჟანი მაშინვე შინ ავიდა, რაკი წერილი ჩაიგდო ხელში. ხელების ცეცებით ავიდა კიბეზე, ძალიან კმაყოფილი სიბნელით, როგორც ბუ, რომელმაც დაიჭირა და ბუდისკენ მიჰყავს თავისი მტერი. ჩუმად შეაღო კარი, ყური მიუგდო, ხომ არა ღვიძავთ ქალებსო. დარწმუნდა, რომ კოზეტსაც ეძინა და ტუსენსაც, სამჯერ-ოთხჯერ ჩაჰკრა ფუმადის ტალ-კვესის ბოთლში ასანთი, ვიდრე ცეცხლს გააჩენდა, რადგან ისე აღელვებულყო, რომ ხელიც კი უკანკალებდა; ქურდობაზე უარესი იყო ამ წერილის გამორთმევა. ბოლოს, როგორც იყო, აანთო სანთელი, მაგიდას დაეყრდნო და წაიკითხა.

ასე აღელვებული რომ არის ადამიანი, ისე მივარდება წასაკითხ წერილს, თითქოს ქაღალდის ბრალი იყოს მისი უბედურება ან ბედნიერება; ჭმუჭნის, სრესს, როგორც თავისი ვნების მსხვერპლს, გაბრაზებით ან სიამოვნებით უყრის ფრჩხილებს, ხან ზერეულედ გადახედავს, ხან ისევ თავიდან დაიწყებს კითხვას; გაგიჟებულია გული, ჩქარა მივაგნო სასურველსაო; ოღონდ მიაგნოს და სხვა არაფერს მნიშვნელობა აღარც კი აქვს. მარიუსის წერილშიც უნა ვალჟანმა მარტო ეს სიტყვები დაინახა:

„კვდები... ამ წერილის კითხვის დროს შენთან იქნება ჩემი სული და გაგიღიმებს...“

- წაიკითხა ეს ორი სტრიქონი და ცას ენია სიხარულით. იმდენად მოულოდნელი იყო ეს უეცარი უბედურების ნეტარებად შეცვლა, რომ გონზე ვეღარ მოსულიყო და

დამატარებელი სიხარულით დასცქეროდა მარიუსის წერილს. თითქოს თვალწინ გადაშლოდა საუცხოო სანახაობა მისი მოსისხლე მტრის სიკვდილისა.

სიხარულის ყვირილი გულშივე ჩაიკლა, - გათავებული იყო საქმე, ისე სწრაფად და მოულოდნელად, რომ ამას ვერც წარმოიდგენდა. ან როგორ გაბედავდა, ფიქრადაც არ მოუვიდოდა ბედისწერის ასეთი წყალობა: მისთვის სიცოცხლე უნდა მოეწაშლა ვიღაც ბიჭს და აგერ მიდის, საუკუნოდ შორდება ამ წუთისოფელს. თვითონ მიბრძანდება, თავისი სურვილისამებრ, ნებით, თავისუფლად; ისე მიდის, რომ უან ვალჟანს თითიც არ გაუნძრევია მის მოსაშორებლად, არავითარი მონაწილეობა არ მიუღია, რომ მოეშორებინა როგორმე „ის კაცი“. ვკვდებით, იწვება და იქნებ კიდევ მოკვდა! აქ ანგარიში დასჭირდა უან ვალჟანის ალტაცებს, - არა, ჯერ მკვდარი არ უნდა იყოს. წერილი იმ დროს იყო დანერვილი, ისე გვიან, რომ კომპეტს ხვალ დილით მოსვლოდა, ორი სროლა იყო თერთმეტი საათიდან შუალამემდე და მერე კი თოფი აღარ გავარდნილა. იერიშს მხოლოდ ხვალ დილით მიიტანს ჯარი იმ ბარიკადზე, მაგრამ ამას მნიშვნელობა არა აქვს. რაკი ამ ბრძოლაში ჩარეულა, დაღუპულია ის კაცი, თავს ვეღარ დააბნევს. მძიმე ლოდი მოეშვა გულიდან უან ვალჟანს. მამ, ისევ მარტო რჩებოდა თავის კომპეტთან! მარტოდმარტონი იქნებთან, სხვა არავინ იქნება მათი ნეტარების ჩამშხამებელი. მოქიშვე შორდებოდა და ტკბილი მომავალი აღდგენილი იყო. ამ წერილს ჯიბეში ჩამალავდა და კომპეტი ვერსაოდეს გაიგებდა, რა დაემართა იმ კაცს, და თავისთავად მოგვარდებოდა ყველაფერი. საჭირო არ იყო უან ვალჟანის ჩარევა. ის კაცი სიკვდილს ვეღარ გადაურჩება. თუ ჯერ არ მომკვდარა, ცხადია, მოკვდება! რა ბედნიერებაა!

ასე მსჯელობდა გულში უან ვალჟანი და ისევ აეშალა შავი ფიქრები.

აღმა, ძირს ჩავიდა, მეკარე გააღვიძა.

დაახლოებით ერთი საათის შემდეგ ქუჩაში გავიდა უან ვალჟანი. ეროვნული გვარდიელის ტანისამოსი ჩაეცვა, შეიარაღებულიყო. ცოტა რამ აკლდა მის ტანისამოსს, მაგრამ მეკარე დაეხმარა და მეზობლებში უშოვა, რაც აკლდა. თოფი გატენილი და ვაზნებით საცხე პარკი ჰქონდა. ისიც ბაზრისკენ წავიდა.

თავი მეოთხე

გავროშის გადაჭარბებული თავგამოღება

ამასობაში გავროშს რამდენი რამ შეემთხვა.

კეთილსინდისიერად რომ ჩააქვავა ფარანი და ვიეილ-ოდრიეტის ქუჩაზე გავიდა, სადაც „კატაც კი არსად ჩანდა“, სწორედ შესაფერად ცნო დროც და სიბნელიც, რომ თავისი სიმღერით დაეტკობ მძინარე ბურჟუები. სიმღერის ხმას აყოლებდა ფეხს და ამით უფრო აჩქარებდა სვლას. მიდიოდა, ხმამაღლა მიიმღეროდა და ბურჟუებს უტოვებდა მემკვიდრეობად თავის სიმღერას:

ჩეროში შაშვი ამბობდა ლანძღვით:

„წელან აი, იქ, რომ არის ნაძვი,

ვიღაცა რუსი ერთ გოგონასთან“...

ჩემო ლამაზებო, ლამაზებო, სწორედ,

ფერად-ფერად მწკრივად საით გაიქროლეო?

შენ, ჰიერო, აბა, ეს რას ჰგავს,

დღე ერთია, სულ სხვადასხვა გყავს.

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?
ბოგჯერ სანამლაგზე

საშიშია ტრფობა,
ნაზი ხელი მახრჩობს,
მაკარგვინებს გრძნობას.

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?
სად ხარ, უამო გართობისა,

ჩემი გაპამჰულება
ლიზონს გულით სურდა, მაგრამ
ჩაუმწარდა გუნება!

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?
როცა სიუზეტა, ღმერთო ჩემო,

მზერას მესროდა,
სულ ვკანკალებდი, აზრს ვკარგავდი, თავბრუ მესხმოდა.

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?
ღამე წიგნს ვშლი მშვიდად,

მადღენი მყავს თანა,
აბა, რას დამაკლებს
ქაჯი და სატანა!

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?
როცა სიშიშვლით მიგიზიდავს

ფეხი ლამაზი,
ფეხი ლამაზი, საოცარი,
მაცდური, ნაზი, -

ფრთხილად, ადელო!

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?
ცეკვიდან რომ ვბრუნდებოდი,

მე ჩემი მზით სახლში,
მის წრფელ შუბლზე ვარსკვლავები
ფერს კარგავდნენ ცაში.

ჩემო ლამაზებო, ლამაზებო, სწორედ,
ფერად-ფერად მწკრივად საით გაიქროლეთ?

სიმღერით მიდიოდა, სიმღერას აყოლებდა ხელ-ფეხს. ხელის ქნევა სიმღერის საყრდენია. გავრომის მოძრავი სახე განსაცვიფრებლად იცვლიდა გამომეტყველებას, ისე იღრჩებოდა და იღმიჭებოდა, უფრო კონველსიურად და უცნაურად, ვიდრე გასაშრობად გაფენილი დახეული სარეცხი დიდ ქარში. სამწუხაროდ, მარტო იყო

ქუჩაში და იმ სიბნელეში ვერ დატკებოდა ვინმე მისი ხელოვნებით. რამდენი საუნჯე იკარგება ასე ამაოდ!

და უცხად გაჩერდა ბიჭი.

- შევწყვიტოთ რომანსი, - თქვა ჩუმად.

მგლის თვალი ჰქონდა ბიჭს და იქვე, ერთი ალაყაფის კართან, რაღაც დაინახა, რომელსაც ფერმწერები „ანსამბლს“ ეძახიან, ესე იგი, გაერთიანებული ცოცხალი კაცი და უსულო საგანი. საგანი პატარა ურიკა იყო და ცოცხალი კაცი - ერთი ოვერნელი მთვრალი, რომელიც ზედ ხვრინავდა. მძინარს ხელები ქუჩისკენ ჰქონდა, თავი კოფოსკენ მიედო, ფეხები მიწაზე ჩამოეშვა.

დიდი გამოცდილების მქონე გავროში მაშინვე მიხვდა, რომ ლოთთან ჰქონდა საქმე.

ამუხნელი მებარგულე იქნებოდა, მაგრამ ისე დამთვრალიყო უბედური, რომ შინამდე ვეღარ მიეღწია.

„კარგი რამ არის და ხშირად სასარგებლოც ზათუხელის ღამე, - ფიქრობდა გავროში, - თავის ურიკაში ჩაეძინა ოვერნელს? ძალიან კარგი. მაშ, ურიკა რესპუბლიკას და ოვერნელი კი მონარქიას“.

დაინახა თუ არა ურიკა, მაშინვე გაუელვა ბრწყინვალე აზრმა, ეს ურიკაც გამოგვადგება ჩვენი ბარიკადის დასამშვენებლადო.

ოვერნელი ხვრინავდა.

ფრთხილად წაავლო ხელები მძინარეს ფეხებში და ძირს დასწია. მერე უკან მოეჭიდა ურიკას, გასწია ნელ-ნელა და ისე ნაზად გაშლართა მთვრალი მიწაზე, რომ მას ხელი არ გაუნძრევია.

ახლა კი მისი იყო ეს ურიკა.

დაჩვეული იყო ბიჭი: ცხოვრების ყოველი მოულოდნელი ავისთვის მზად ყოფილიყო ყოველგვარი საჭირო იარაღით, და ჯიბეში ედო, რაც ჰქონდა. ხელი ჩაიყო ჯიბეში, პატარა ქაღალდი ამოიღო. მერე წითელი ფანქარი, ალბათ, ვინმე დურგლისთვის აწაშნილი, და დანერა:

„შენი ურიკა მიღებულია

საფრანგეთის რესპუბლიკა“.

და ხელი მოანერა: „გავროში“.

ეს ფრიალ მნიშვნელოვანი საბუთი ჟილეტის ჯიბეში ჩაუღო მთვრალს, რომელიც ისევ გულიანად ხვრინავდა, ხელები წაავლო ხელნებს და ბაზრისკენ წავიდა. წინ ურიკას მიაქანებდა, გამარჯვების საზეიმო გრიალით.

სწორედ ეს იყო საშიში. მეფის სტამბის კართან ეროვნული გვარდიის დროებითი საგუშაგო მოეწყობო. კარგა ხანი იყო ეს ხმაური აღვიძებდა ხალხს და გუშაგებსაც, რაღა თქმა უნდა, ხან ერთი წამოსწევდა თავს და ხან მეორე. ზედიზედ ორი ფარნის გატეხა, ხმამაღალი სიმღერა შუაღამისას, მეტისმეტი იყო მიძინებული მშობარა ქუჩისთვის, სადაც სულ იმას ნატრობდნენ, ნეტავი მზის ჩასვლისას შეიძლებაოდეს დაწოლა, რომ ცოტა სანთელი დაგვეხარჯოსო. ამგვარ ხმაურსა და წესრიგის დარღვევას დღისითაც ვერსად ნახავდა იმ მიყრუებულ უბანში მშვიდობიანი ბურჟუა და იმ ღამეს კი ისეთი მოუსვენარი, შეუწყვეტელი ხმა აღვიძებდა, თითქოს თავით ბოთლი უდგას, შიგ ბუზი ჩავარდნილა და ბზილით უწყალებს გულსო. გუშაგების

სერჟანტი გაფაცვიცებით უგდებდა ყურს და ელოდა. გონიერი კაცი იყო და არ უნდოდა, საქმე წაეხდინა აჩქარებით.

მაგრამ ისეთი გრიალი გაჰქონდათ ქვაფენილზე ურიკის თვლებს, რომ სერჟანტს მოთმინების ფიალა აეგსო, იძულებული გახდა, გამოსულიყო და ყველაფერი გაერკვია.

„აჯანყებულების ჯგუფი იქნება, - ფიქრობდა სერჟანტი, - სიფრთხილეა საჭირო“.

ცხადი იყო, ანარქიის გველეშაპი გამოვარდნილიყო ბუნავიდან და ახლა მთელ უბანში დათარეშობდა.

ფეხაკრეფით, თითის წვერებზე გავიდა სერჟანტი ქუჩაში.

და უცხად, ის იყო, ვივილ-ოდრიეტის ქუჩისკენ უნდა ჩაეცანებინა გავროშს „რესპუბლიკის“ ურიკა, რომ წინ აეტეუბა ერთი მაღალი მამაკაცი, სამხედრო ფორმით, ქედითა და თოფით.

ბიჭი აქაც უცხად შეჩერდა.

- ბიჭოს, - წამოიძახა გავროშმა, - ის ყოფილა. ოჰ, გამარჯობა, საზოგადოებრივო წესრიგო!

ხანგრძლივად გაკვირვება არ სჩვეოდა ბიჭს.

- სად მიხვალ, შე საძაგელო?

- მოქალაქევე, - მიუგო გავროშმა, - მე თქვენთვის ჯერ ბურჟუა არ მიკადრებია. რად მაყენებთ შეურაცხყოფას?

- სად მიხვალ ამ დროს, შე მანანწალავ?

- იქნებ გუშინ ძალიან ჯკვიანი კაცი ბრძანდებოდი, მაგრამ დღეს კი საამისო არაფერი გეტყობათ.

- სად მიხვალ-მეთქი, გეკითხები, შე არამზადავ, შენა!

გავროშმა უპასუხა:

- რა თავაზიანი ლაპარაკი გცოდნიათ! გარწმუნებთ, არც ისე ხნიერი ჩანხართ. მე რომ თქვენი ვიყო, სულ ცალ-ცალად გავყიდი მაგ ჭალარა თმას, თითოს ას ფრანკად. ხუთას ფრანკს ჩავიჩხრიალებდი ჯიბეში.

- სად მიხვალ, შე ქურდბაცავ, შენა? სად მიხვალ, სად?

ისევე დარბაისლურად უპასუხა გავროშმა:

- საზიზღარი სიტყვები შეგრჩენიათ პირში, ჩემო ბატონო. ძუძუს რომ მოგანოვებენ, სთხოვეთ, კარგად გამოგირეცხონ პირი.

სერჟანტმა ხიშტი მოიმარჯვა.

- ბიჭო, მეტყვი თუ არა, სად მიხვალ, შე სალახანა?

- თქვენო აღმატებულებავე, - მიუგო გავროშმა, - მშობიარედ მიწვეს ცოლი და ექიმის წამოსაყვანად მივდივარ.

- მამ, აგრე არა?! - შეჰყვირა სერჟანტმა.

გულმაგარი, ჯკვიანი კაცი იმით დაამტკიცებს თავის ღირსებას, რომ სწორედ იმას გამოიყენებს გაჭირვებისგან თავის დასაღწევად, რამაც ეს გაჭირვება მიაყენა. ურიკამ ჩააგდო ამ განსაცდელში და ურიკა უნდა დახმარებოდა გავროშს.

სწორედ იმ დროს, როდესაც სერჟანტმა ჩახმახი დაუშვა თავის თოფს, ურიკა უცხად სასროლ ყუმბარად იქცა, დიდი ძალით გაეფანა სერჟანტისკენ, ცოფიანივით ეტაკა შიგ მუხლებში და პირაღმა ჩააგდო თხრილში წესრიგის დამცველი. თოფი გავარდა, მაგრამ ზევით წავიდა ტყვია.

სერჟანტმა ყვირილი მორთო, გუშაგები ნელ-ნელა გამოვიდნენ, დიდი სიფრთხილით, რაკი ერთხელ გავარდა თოფი, მეორედაც უნდა გავარდნილიყო და ერთ სროლად დაცალეს თოფები. დაცალეს, ხელახლა გატენეს და სიბნელებში ისროლეს. იდგნენ და ისროდნენ.

თხუთმეტ წუთამდე გაგრძელდა სროლა. ბავშვების თამაშს მოგავონებდათ, თვალახვეული რომ დასდევს ამხანაგებს, იქნებ დავიჭირო ვინმეო. თხუთმეტ წუთამდე გაგრძელდა და მრავალი შუშა გატეხა ფანჯრებში.

ისე გარბოდა გავროში, თითქოს ფრთები შეისხაო. ხუთი-ექვსი ქუჩა გაირბინა, სუნთქვა ეკვროდა და ანთარ-რუჟის ქუჩის კუთხესთან რომ მივიდა, ქვაზე ჩამოვდა სულის მოსაბრუნებლად, თან ყურს უგდებდა.

ცოტა ხანს ასე იჯდა, მერე, რაკი თავისუფლად ამოისუნთქა, უკან მიიხედა, საიდანაც საზარელი სროლის ხმა ისმოდა, მარცხენა ხელი გაშალა და ცხვირზე მიიღო, სამჯერ აჩვენა ცხვირი, მარჯვენა ხელი კი სამჯერ დაიკრა კეფაზე. ამგვარად გამოხატავდა პარიზელი გამენი დაცინვას და ეტყობოდა, კარგადაც გამოსდიოდა, რადგან ცხვირის ჩვენება აგერ ნახევარი საუკუნეა, ისევეა გავრცელებული, როგორც წინათ.

ამ გამარჯვებასა და სიხარულს მწარე ფიქრიც ჩაერია:

- ძალიან კარგი, ვიციანი და ვიციანი, ვერთობი, მაგრამ გზა რომ ასე გავივრძელე? საიდან სად მოუვარე! ახლა საქმე ის არის, დროზე მივიღე ბარიკადზე.

და ისევ მოკურცხლა.

ახლა შიში აღარაფრის ჰქონდა და შემოსძახა:

დრომ თქვენ მოგთიბათ ბალახის დარად,

მაგრამ ბასტილია მტკიცეა მარად!

ძმებო! ძირს დამპალი რეჟიმი!

ჩემო ლამაზებო, ლამაზებო, სწორედ,

ფერად-ფერად მწკრივად საით გაიქროლეთ?

კეგლის თამაშში შეიბნენ ცხარედ,

აბა, ბურთულა? ხელმარჯვე დარტყმით

მთლად დაიმსხვრევა ბურბონთა ტახტი.

ჩემი ლამაზებო, ლამაზებო, სწორედ,

ფერად-ფერად მწკრივად საით გაიქროლეთ?

ლუვრში შემკრთალნი

მსჯავრს მოელთან,

მონარქიის ნაკავი

რკინის ცოცხით გავგავოთ,

ხალხო, ძირს მონარქია!

ჩემო ლამაზებო, ლამაზებო, სწორედ

ფერად-ფერად მწკრივად საით გაიქროლეთ?

ვერ შეაკავენს მესერი ვულკანს,

შენ, შარლ მეთევ, კარების უკან,

თვით ტალახში უნდა იგორო!

ჩემო ლამაზებო, ლამაზებო, სწორედ,

ფერად-ფერად მწკრივად საით გაიქროლეთ?

ამოდ არ ჩაუარა საგუშავოს სროლამ: ურიკა დაატყვევეს, მოვრალი ციხეში ჩაადგეს; ერთი შეშის სანყოფიში გაგზავნეს, მეორე სამხედრო სასამართლოში, როგორც აჯანყებულთა მომხრე და დამხმარე. ამ შემთხვევაში დიდი უნარი გამოიჩინა მთავრობამ და დაამტკიცა, რა გულმოდგინედ და თავგანწირვით იცავს საზოგადოებრივ სიმშვიდეს.

გავროშის ეს თავგადასავალი ტამპლის უბნის მცხოვრებთა მესხიერებაში დარჩენილა; დღესაც შიშის ზარს სცემს ბებერ ბურჟუებს და მათ მოგონებათა სიაში ამ სათაურით არის აღნიშნული: „აჯანყებულების იერიში ღამით მეფის სტამბის საგუშავოზე“.

ნაწილი მეხუთე

ჟან ვალჟანი

წიგნი პირველი

ბრძოლა ოთხ კედელშია

თავი პირველი

სენტ-ანტუანის უბნის ქარიბდა და ^{SEP}ტამპლის უბნის სცილა

არსებობდა ორი შედარებით მნიშვნელოვანი ბარიკადი, ღირსშესანიშნავი სოციალური ძვრების შემსწავლელთათვის, ოღონდ ეს ორი ბარიკადი არ ეკუთვნის ამ თხზულებაში აღწერილ დროს. ეს ორი ბარიკადი, ორივე თავისებური სიმბოლო იმ მრისხანე ეპოქისა, 1848 წლის ივნისის საბედისწერო აჯანყების დღეებში ააგეს, როდესაც ისეთი დიდი ბრძოლა მიჰყვარებდა ქუჩაში, რის მსგავსიც არ ახსოვდა ისტორიას.

მოხდება ხოლმე, ხანდახან, ისე გაუჭირდება ბრბოს თავისი წყვდიადის, სასონარკვეთილების, უვიცობის, უსახსრობის, ავადმყოფობის, განწირულების საშინელი წუმპის სიღრმეში, რომ აღარც პრინციპები ახსოვს, აღარც თავისუფლება, აღარც ძმობა და თანასწორობა, არც კენჭისყრის უფლება, აღარც ხალხის მიერ მთავრობის ამორჩევა და პროტესტს აცხადებს, - ეს ბრბო ებრძვის ხალხს.

უპოვარი ებრძვის საზოგადოებრივ უფლებას, ოქლოკრატია აჯანყებით მიიწვეს დემოსზე.

სავალალოა ეს ჟამი, რადგან ამ გავიჟებაში ყოველთვის მოიპოვება უფლების ნიშანწყალი; თვითმკვლელობას მოასწავებს ეს დუელი და ვითომ შეურაცხყოფელი სიტყვები, - მანანალები, ნაძირალები, ბრბო, ოქლოკრატია, - ჩვენდა სამწუხაროდ, ბრალს სდებენ მათ, ვინც მეფობს და არა მათ, ვინც იტანჯება. ბრალს სდებენ უპირატესობით აღჭურვილთ და არა ბედისაგან დაჩაგრულთ.

პირადად ჩვენ არასოდეს წარმოგვითქვამს ეს სიტყვები მათდამი სიბრალულის გრძნობისა და პატივისცემის გარეშე, რადგან ფილოსოფია რომ ჩაუღრმავდება ამ სიტყვების გამომწვევ გარემოებებს, განწირულებასთან ერთად ღიადსაც პოვებს. ათენი ოქლოკრატია იყო. გეგებმა შექმნეს ჰოლანდია. რამდენჯერმე გადაარჩინა ბრბომ რომი განსაცდელს. „ნაძირალები“ გაჰყვნენ იესო ქრისტეს.

არ არის მოაზროვნე, რომელიც ხანდახან მაინც არ ჩაუღრმავდება ამ საზოგადოებრივი ლექსის სიდიადეს.

ეჭვი არ არის, ალბათ, ამ ბრბოზე, ყველა ამ მშიერ-შიშველზე, მანანნალაზე, ყველა ამ საბრალოზე, რომელთაგან იშვინენ წინასწარმეტყველნი და წამებულნი, თქვა წმინდა იერონიმემ ეს იდუმალი ფრაზა: Fex urbis, lex orbis.

მჭინვარება ამ ტანჯული ბრბოსი, რომელიც სისხლისგან იცლება, უაზრო ბრძოლა თავისივე პრინციპებთან, გზა, არჩეული უფლებასთან საბრძოლველად, ყოველივე ეს ეწინააღმდეგება ხალხს და უნდა მოისპოს. პატიოსანი კაცი ცდილობს ამის მოსპობას. სწორედ ამ ბრბოს სიყვარულით და სიბრალეულით ებრძვის აჯანყებას. მაგრამ მის ჩასაქრობად ამხედრებულებიც კარგად გრძნობს მის შემწყნარებლობას, წინააღმდეგია და თავყვანს სცემს მის სასონარკვეთილებას. აქ არის ერთი იმ იშვიათ წუთთაგანი, როდესაც ადამიანი თავის მოვალეობას ასრულებს, მაგრამ გულს უღრღნის გრძნობა, რომ არც ისე დამნაშავეა განწირული ბრბო, მაინც თავისას არ იშლის კაცი, რადგან საჭიროა მისი დახმარება; მაშინ დაღვრემილია სინდისი და გული უწუხს მოვალეობის ამსრულებელს.

1848 წლის ივნისი, - საჭიროა აღვნიშნოთ ეს გარემოება, ერთგვარად განსაკუთრებული იყო. იმდენად თავისებური, რომ თითქმის შეუძლებელია ისტორიაში შესაფერი ადგილი მივაკუთვნოთ. რა იყო თავისი შინაარსით 1848 წლის ივნისის აჯანყება? აჯანყება ხალხისა თავისივე წინააღმდეგ.

როდესაც მოთხრობის მთავარი შინაარსი დაეინყებულები არ არის, გადახვევაც შესაწყნარებელია. მაშ, ნება გვიბოძოს მკითხველმა, ერთ წამს შევაჩეროთ მისი ყურადღება ორ სრულიად უბაღლო ბარიკადზე, რომლებიც ეს არის მოვიხსენიეთ, რადგან ეს ბარიკადები ახასიათებს ამ აჯანყებას.

ერთი სენტ-ანტუანის გარეუბნის საგუშავოსთან იყო აგებული, მეორე - ტამპლის უბნის დასაცავად. ვინც თავისი თვალთ ნახა ივნისის მოკრიალებული ლურჯი ცის ქვეშ ეს ორი სამოქალაქო ომის შიშის მომგვრელი შედეგრი, არასოდეს დაავიწყდება.

უზარმაზარი იყო სენტ-ანტუანის ბარიკადი. სიმაღლით სამი სართულისა და სიგანით 227 მეტრი. სენტ-ანტუანის განიერ შესასვლელს, ესე იგი, სამ ქუჩას; ერთი კუთხიდან მეორემდე ღობავდა. გადათხრილი, დანაკუნებული, დასერილი, დაკბილული, გარშემორტყმული სხვადასხვაგვარი მასალის ხროვით, ახლა სიმავრეებად ქცეულიყო. აქა-იქ წინ წამოწეული შეერილებით, მჭიდროდ იყო მიყრდნობილი ორ დიდ გამოშვერილ მაგარ შენობას; ციკლოპის სიმავრესავით ამართულიყო იმ უბნის შიშის მომგვრელ მოედანზე, რომელსაც 14 ივნისი გადაეტანა. ამ მთავარი ბარიკადის უკან დამეხებულიყო კიდევ ცხრამეტი ბარიკადი ქუჩების სიღრმეში. საკმარისი იყო, ადამიანს დაენახა უზარმაზარი ბარიკადი, რომ მაშინვე იგრძნობდა ამ უბნის უსაზღვრო ტანჯვა-ვაებას, რომელსაც ამ უკიდურეს ნერტილამდე მიეღწია, სადაც განწირულება კატასტროფისკენ მიიწევს. რისგან იყო ეს ბარიკადი აგებული? სამი შეიღსართულიანი სახლის მასალა დაეხვევებინათ; ზოგი ამბობდა, განზრახ დაანგრის ეს სახლები, რომ მასალა ჰქონოდათ ბარიკადებისთვისო, ზოგი კიდევ, ხალხის მჭინვარების სასწაულიაო. საეკლავლო სანახავი იყო ყოველი შენობა, აგებული მძულვარების მიერ: ნანგრევი. შეიძლებოდა გეკითხათ, ვისი ამეხებულიაო? - მაგრამ შეიძლებოდა სხვაფორივადაც გეკითხათ, ვინ დაანგრიაო? ეს იყო გამშავებული დუღილის იმპროვიზაცია. უცნაური სანახავი იყო ეს კარი, ეს მოაჭირი,

ეს ჩარდახი, დარაბები, ეს გატეხილი ტაფა, ეს გამსკდარი ქვაბი. მოიტანეთ! აბა, ჩქარა! ყველაფერს გამოვიყენებთ, გადმოყარეთ, რაც კი დაინახოთ, წინ წამოსწიეთ, გამოავიწყეთ, ამოთხარეთ, დაშალეთ, დააბიანეთ, დაანგრეთ ყველაფერი! - ეს იყო შეთანხმებული თანამშრომლობა ქვაფენილისა, რიყის ქვისა, ხეტყისა, რკინის ძელისა, ჩვრებისა, ფილაქნისა, ჩალაჩაგლეჯილი სკამისა, კომბოსტოს ხვითისა, ნაკუნელისა, დაგლეჯილ-დაფხრენილი ტანისამოსისა და წყველა-კრულვისა; დიადი რამ იყო და თან კნინი, უფესკრული იყო პაროდულიად წარმოდგენილი ამ ქაოსურ მოედანზე. ზვინი იყო და ატომი; დანგრეული კედლის დიდი ნაჭერი და გატეხილი ჯამი. ძმოზა იყო მუქარით სავსე ყოველნაირი ნამსხვრევისა. სიზიფეს აქ დაეგდო თავისი კლდე და იოხს კი - თავისი ჯამი. საერთოდ კი საშინელება იყო. ეს გახლდათ ციხესიმაგრე ფეხშიშველებისა. გადამბრუნებული ეტლები ჩაეყარათ ბარიკადის ქვაფენილში; ერთი უშველვებელი ფორანი გაედოთ განივად, ღერძით ცისკენ ამგერილი და ჭრილობასავით მოჩანდა ბარიკადის ამ არეულ-დარეულ სახეზე; ომნიბუსს, მოთავსებულს მთელი ნაგებობების ზემოთ, მალლა აეშვირა ხელნები, ვითომ უხილავ ჰაეროვან რაშებს ელოდებოდა, თითქოს ამ ბარიკადის მშენებელს სურვილი ჰქონდა, საშინელებისთვის ბავშვური ცელქობაც დაემატებინა. ეს უზარმაზარი ხროვა, ნალექი აჯანყებისა, მოგაგონებდათ პელიონის მთის მწვერვალზე ოსას მთის დადგმას, რაც ყოველ რევოლუციას თან ახლდა; ოთხმოცდაცხრას ოთხმოცდაცამეტი მოჰყვა, 10 აგვისტოს - 9 თერმიდორი; 21 იანვარს 11 ბრიუმერი მოჰყვა, პრერიალს - ვენდემიერი და 1830 წელს კი 1848 წელი. ადგილიც კარგად იყო ამორჩეული და ბარიკადი ღირსი იყო, სწორედ იქ აევოთ, სადაც მიწასთან გაასწორა ხალხმა ბასტილიის ციხე. ოკეანე რომ სიმაგრეებს იკეთებდეს, სწორედ ამ ბარიკადის მსგავსს აიშენებდა. უფორმოდ აგებულ კაშხალზე აღბეჭდილიყო ზვირთცემის მძვინვარება. რა ზვირთისა? ადამიანთა ბრბოსი. იტყოდით, განწირულთა ვაი-ვაგლახი გაქვავებულა ამ ქვაყრილშიო. ისმოდა ბარიკადებზე, როგორ ზუზუნებდნენ, როგორც სკაში, ბობოქარი პროგრესის ვეებერთელა ფუტკრები. საფრად იყო აგებული ეს ბარიკადი, საქეფოდ თუ სიმაგრედ? შემლილის ნაშენს ჰგავდა, საჩქაროდ, დაუდევრად აღმართულს. ბევრი რამ ჰქონდა კლოაკისა ამ სიმაგრეს და აგრეთვე ბევრი რამ ოლიმპიური ამ აურზაურს. სასოწარკვეთილებით აღსავსე ამ არეულ-დარეულობაში მოჩანდა სახურავების კოჭები, მანსარდების შპალერგაკრული კუთხეები, ფანჯრის ჩარჩოები შუშებით, ბუხრის ნაწილები, განჯინები, მაგიდები, სკამები და მრავალი საცოდავი კუთვნილება მშიერ-მწყურვალისა, მათხოვრისა, რომელშიც ერთად მოთავსებულიყო გაცოფება და არარაობა. იტყოდით, ეს სახლი ნავავია, ნავავი ხისა, რკინის, ბრინჯაოსი, ქვისაო; ეტყობა, დიდი ცოცხი ნაჰკრა სენტ-ანტუანის უბანმა ამ ნავავს და თავისი გაჭირვების ბარიკადი აავო. ბოძიც იქ იყო, ამ ქვაყრილში, კუნძიც, დანყვეტილი ჯაჭვიც, სახარობელასმაგვარი ძელებიც, მალლა ამგერილი ჩარხებიც და ისე მოჩანდა ყველაფერი ამ ანარქიულ გროვაში, რომ ხალხის ტანჯვის, წვალების სურათად ხდიდა მას. სენტ-ანტუანის ბარიკადი თავის გასამაგრებლად და იარაღად ხმარობდა ყველაფერს, რაც სამოქალაქო ომს შეეძლო გამოეყენებინა საზოგადოების წინააღმდეგ. ეს ბრძოლა კი არა, პაროქსიზმი იყო. შეიარაღებული მუშები იდგნენ ბარიკადის თავზე და ტყვიასთან ერთად ისროდნენ ფაიფურის ნამსხვრევებს, ძელებს, ტანისამოსის ღილებსა და მაგიდების ლითონის თვლებს, მეტად საშინელს, რადგან შიგ სპილენძიც ურევია. თოფი, ვისაც რა შეხვდებოდა, ზოგს ძველი, მოკლელულიანი,

პირგანიერი ესპინგოლი ეჭირა. გაცოფებული იყო ეს ბარიკადი და საზარელი ყვირილით ებრძოდა ჯარს. რომ გაეზრაზებინა და უფრო ახლოს მიეზიდა ჯარი, ლანძღვა-გინებას, აბუჩად ავდებდა მოჰყვებოდა და როდესაც კი დაიძვრებოდა ჯარი, ბარიკადის თავზე უცხად გაიშლებოდა შვიარადებული ბრბო და თოფის სროლა; ნარეკლად გადაიქცეოდა ბარიკადი და ეკლის მაგივრად თოფი, ხმალი, კეტი, შუბი, ხიშტი ჰქონდა, თავს კი განიერი წითელი ღროშა დაჰფრიალებდა. ისმოდა უფროსების ბრძანება, იერიშის სიმღერა, დოლის ხმა, დედაკაცების ქვითინი და შიმშილით მომაკვდავთა ჯოჯოხეთური ხარხარი. უზომო იყო ეს ბარიკადი, მაგრამ ცოცხალი და თითქოს დაელექტროებული ცხოველის ბენვი ყოფილიყოს, ნაპერწკლებს ისროდა და შეუწყვეტლივ ტკაცანი გაჰქონდა. რევოლუციის სუსხი ფარავდა თავისი ღრუბლით ამ მწვერვალს და მგრავინავ ხმას ხალხისას, რომელიც ამ ბუმბერაზული სანავვიდან ისმოდა. ეს ღვთის ხმას ჰგავდა. უცნაური დიდებულება იღვრებოდა ამ სანავვიდან. დიახ, სანავვე იყო, მაგრამ სინა.

უკვე ვთქვით ზემოთ, რევოლუციის სახელით იერიშით მიდიოდა ეს ბრბო. მერე ვისზე? რევოლუციაზე. ეს ბარიკადი, ეს შემთხვევის ნაყოფი, ეს უნესრიგობა, ეს შეუგნებლობა ებრძოდა დამფუძნებელ კრებას, ხალხის ხელისუფლებას, საზოგადო კენჭისყრას, რესპუბლიკას. კარმანიოლი ებრძოდა „მარსელიფმას“.

უაზრო იყო ეს გამოწვევა, მაგრამ გმირული, როგორც ძველი გარეუბანი სახელგანთქმული გმირობით.

ერთად იბრძოდა მთელი გარეუბანი და მისი სიმაგრე. გარეუბანი თავის ბარიკადებს მიყრდნობოდა და გარეუბანი ბარიკადზე დამყარებულიყო. ბარიკადი წარმოადგენდა ციცაბო კლდეს, რომელზედაც ეხეთქებოდა სახელოვანი აფრიკელი გენერლების სტრატეგიული ხრიკები. დათხრილი იყო ბარიკადი ორმოებით, საესე იყო ნაცარმინთა და სხვა მასალით; შივ ფელობოდა ყუმბარა, შივ იხრჩობოდა, იკარგებოდა; ოდნავ თუ დააჩნედა პატარა ნაპრალს, საცა მაგარს მოხვდებოდა რამეს და შივ ჩარჩებოდა. ან რა აზრი აქვს ქაოსის მოსასპობად ბარბაზნის სროლას? იღვა ჯარი, ბრძოლაში გამოცდილი, ბრძოლის საშინელების კარგი მცოდნე და ათრთოლებული თვალთ შეჰყურებდა ამ მხეცურ სიმაგრეს, გარეული ღორის მსგავსს თავისი აყრილი ჯავრით და მაღალი მთის მსგავსს ბუმბერაზობით.

ერთი თხუთმეტი წუთის სავალი გზა იქნებოდა იქიდან ტამპლის ქუჩამდე. ამ ქუჩაზე, შატო-დ'ოს ახლო კუთხეში, წინ რომ წაენია კაცს დაღემანის მაღაზიის წინა მხრიდან ხეივნისკენ, შორს, არხის გაღმა, ბელვილისკენ საფეხურებად მიმავალ ქუჩაზე, შენიშნავდა ერთ უცნაურ კედელს, სამი სართულის სიმაღლისას, რომელიც ქუჩის მარჯვენა მხარის სახლებს აერთებდა მარცხენა მხარის სახლებთან და სრულიად კეტავდა ქუჩაზე გასასვლელ გზას. კედელი რიყის ქვის იყო, სწორი, გლუვი, ციცაბო, კალატოზური წესით აგებული. მართალია, გაღესილი არ იყო, მაგრამ ამით მის არქიტექტურულ სიმაგრეს არაფერი აკლდებოდა, როგორც რომაელების შეუღესავ კედლებს. სისქეც სიმაღლის შესაფერისი ჰქონდა. ზემო ნაწილი მათემატიკური სისწორით შეეფერებოდა ქვემო ნაწილს. ამ შვეულ კედელში მართობ ხაზზე დატანებული წვრილ-წვრილი ნახვრეტები მოჩანდა, - ეს იყო ერთმანეთისგან თანასწორ მანძილზე განლაგებული სათოფურები. ქუჩაში არავინ მოჩანდა, სადამდეც კი მისწვდებოდა თვალი, კარ-ფანჯარა ყველგან დაკეტილი და ჩაბნელებული იყო. დაკეტილი იყო ქუჩა, ჩიხად გადაქცეული, დამშვიდებულიყო იქაურობა, მიჩუმებული;

არავინ ჩანდა, ხმა არავისი ისმოდა, არც ყვირილი, არც ხმაური, სუნთქვაც კი აღარ იყო. აკლდამას ჰგავდა უბანი.

თვალისმომჭრელ შუქს ჰფენდა ივნისის მზე ამ მიღუმებულ ბარიკადას.

როგორც კი დაინახავდა კაცი, ძალიან გულმაგარი ვაჟუკაცოც რომ ყოფილიყო, მაინც საგონებელში ჩააგდებდა ეს საიდუმლოდ აღმართული მოჩვენება. ბარიკადი საგანგებოდ იყო აგებული, შემონმბებული, სიმეტრიული და საშინელი სამარისებური მყუდროებით. ცოდნაც იყო ჩართული ამ ბარიკადზე და სიბნელებიც. ცხადია, ამ ბარიკადის ამშენებელი გეომეტრი უნდა ყოფილიყო ან ჯალოქარი, შეჰყურებდით ამ საოცარ შენობას და ხმას ვეღარ იღებდით.

ხანდახან ჯარისკაცი, თვისი ან ხალხის წარმომადგენელი გაბედავდა ქუჩის ერთი მხრიდან მეორეზე გადასვლას, მაგრამ მაშინვე ბზუილი გაისმოდა, მწვავე, წელი ბზუილი და შუა ქუჩაზე დაჭრილი ან მკვდარი დაეცემოდა კაცი. თუ გადარჩებოდა ტყვეას, გიჟივით ვარბოდა, რომ ან ბოძს ამოჰფარებოდა, ან კედლის კუთხეს, ან ალაყაფის კარს. ხანდახან ყუმბარაც გამოდიოდა ამ ბარიკადიდან. რკინის მილები ეშოვათ ბარიკადელებს და ამაოდ არ ხარჯავდნენ. თუ გაისროდნენ, მიზანს არ ააცდენდნენ. ქუჩაში აქ-იქ მკვდრები ეყარა; სისხლის გუბე აწითლებდა ქუჩას. თვალწინ მიდგას ერთი თეთრი ჰეჰელა, რომელიც დაფრინავდა ბარიკადის წინ. ზაფხული თავისას არ იშლიდა.

ალაყაფის კარის ძირში დაჭრილები ეყარნენ.

მკვდარს ჰგავდა ბარიკადი და მაინც კარგად გრძნობდით, რომ გიმიზნებდნენ საიდანღაც თოფს; მაგრამ ვინ, საიდან? ამას კი ვერ ხედავდით. და მართო თქვენ კი არა, მთელი ქუჩა, მისი სრული სიგრძე-სიგანით მიზანში იყო ამოღებული.

ტამპლის უბანში შესასვლელ გზაზე, არხზე გადებული ამოზნექილი ხიდის ორივე მხარეს, დაქანებული ფერდობის უკან, მთავრობის ჯარი მოგროვილიყო და შორიდან ზვერავდა ბარიკადას, რომ იერიშზე გადასულიყო. ჩაფიქრებული, დაღვრემილი სახე ჰქონდათ ჯარისკაცებს. ხედავდნენ, რომ საზარელი რამ იყო ეს სიმაგრე თავისი აგებულებით, იდუმალებით, მიუვალობით; ხედავდნენ, რომ ცოცხალი ვერ გადარჩებოდა, ვინც ამ სიმაგრის ასაღებად თავს გასწირავდა. ზოგი გაბედავდა, გაბობლდებოდა მიწაზე, ხიდის შუა ნაწილამდე აძვრებოდა, მაგრამ მას იქით თავის ქედსაც ვერ გადააცილებდა.

მამაცი პოლკოვნიკი მონტემარი გაკვირვებით და თრთოლით შესცქეროდა ამ ბარიკადას.

- რა მშვენივრად არის აგებული, - უთხრა ხალხის ერთ-ერთ წარმომადგენელს, - ქვეს ვერსად იპოვით, რომ ხაზს გამოსცილებოდეს. ფაიფურისას ჰგავს ეს კედელი, - ამ დროს, გულზე რომ ჯვარი ეკიდა, ტყვია მოხვდა, გახვრიტა და პოლკოვნიკი დაეცა.

- მხალღები, ლაჩრები, - უყვიროდნენ მათ, - აბა, გამოჩნდით, თუ კარგი ბიჭები ხართ, ვერ ბედავთ, იმალებით!

ტამპლის უბნის ბარიკადის დამცველი ოთხმოცი კაცი მთავრობის ჯარის ათი ათას კაცს გაუმკლავდა. სამი დღის განმავლობაში ვერათფერი გააწყლო ამხელა ჯარმა. მეოთხე დღეს კი იმ საშუალებას მიმართა მთავრობამ, რასაც ზააჩასა და კონსტანტინში: სახლებს ტყვია დაუშინეს, სახურავებზე ავიდნენ და იქიდან დაუწყეს სროლა. აიღეს ბარიკადი. არც ერთმა ოთხმოც „ლაჩართაგანმა“ არ მოისურვა

გაქცევა. ბრძოლაში დაიხოცნენ ყველანი, გარდა მეთაურ ბარტელემისა, რომელსაც ახლავე გავაცნობთ მკითხველს.

სენტ-ანტუანის ბარიკადი მხის გრგვინვა იყო, ტამპლისა კი სრული ღემილი. დიდი განსხვავება იყო ამ ბარიკადებში: ერთი საშიში იყო, მეორე მომაკვდინებელი; ერთი დაღრენილ პირს ჰგავდა, მეორე - ნილაბს.

გიგანტური და ბნელით მოცული იყო ივნისის აჯანყება, შემდგარი რისხვისა და რაღაც იდუმალებისგან. ამიტომ სენტ-ანტუანის ბარიკადი გველეშაპს წარმოადგენდა, ტამპლისა - სფინქსს.

ორმა კაცმა ააშენა ეს ბარიკადი; ერთი კურნე იყო, მეორე კი ბარტელემი. კურნემ სენტ-ანტუანის ბარიკადი ააშენა, ბარტელემიმ - ტამპლისა. ორივე შენობა ნამდვილი ხატება იყო თავისი აღმშენებლებისა.


ზორბა, ახოვანი, მხარბეჭიანი კაცი იყო კურნე, ანთოლეგული სახე, მაგარი მუშტი, უშიშარი გული, პატიოსანი სული და გულწრფელი, მაგრამ საშინელი თვალი ჰქონდა. გამბედავი კაცი იყო, ენერგიით აღსავსე, ბრაზიანი, მოჩხუბარი; მეტად ლმობიერი და გულჩრდილი მშვიდობიანობის დროს და დაუღალავი, უშიშარი მებრძოლი რევოლუციის დროს. ომი, ხელჩართული ბრძოლა იყო მისი სულისჩამდგმელი ჰაერი და იქ იყო მართო მოხარული და ბედნიერი. ზღვაოსანი ოფიცერი ყოფილა და იმნაირი მიხრა-მოხრა ჰქონდა და ისეთი ხმა, რომ ცხადად ეტყობოდა, ოკეანიდან იყო გამოსული, ზღვის ღელვითა და ქარიშხლით განვრთნილი; და სწორედ ქარიშხალივით შეეარდებოდა ხოლმე ბრძოლაში; ნიჭიერებასთან ერთად კურნეს რაღაც ჰქონდა დანტონისა, როგორც დანტონს - ჰერაკლესი.

ბარტელემი პატარა კაცი იყო, გამხდარი, სუსტი, ფერმკრთალი, ჩუმი, ერთგვარი ტრაგიკული გამენი; ჩვიდმეტი წლისა რომ იყო, სილა შემოჰკრა პოლიციელიმა; გზაზე დაიძალა ბიჭი, ელოდა, მანამ გამოივლიდა ის პოლიციელი და მოკლა; კატორღაში გაგზავნეს. იქიდან რომ დაბრუნდა, ეს ბარიკადი ააშენა.

შემდეგში, - რა არის ბედისწერა, - სამშობლოდან განდევნილნი ლონდონში ცხოვრობდნენ და იქ ღუელში ბარტელემიმ მოკლა კურნე. ცოტა ხანში რაღაც საიდუმლო საქმეში გააბეს უბედური, რომელშიც ქალიც უნდა ყოფილიყო გარეული. საფრანგეთში რომ გარჩეულიყო ეს საქმე, მართლმსაჯულება დანაშაულის შესამცირებელი გარემოებითაც მიაქცევედა ყურადღებას; ინგლისურმა მართლმსაჯულებამ კი არად ჩააგლო ეს გარემოებანი და სიკვდილი მიუსაჯა. ბარტელემი ჩამოახრჩვეს.

ბნელი საზოგადოებრივი წესწყობილების მიზეზით, ქონებრივი გაჭირვების, ზნეობრივი სიბნელის გამო, ასე უაზროდ დაიღუპა ეს უბედური არსება. მიუხედავად იმისა, რომ ჭკუითაც ძლიერი იყო და განვითარებითაც, სხვა დროსა და უკეთეს პირობებში დიდი და სასარგებლო მოღვაწე იქნებოდა, და ჩვენში კი, საფრანგეთში, კატორღით დაიწყო და ინგლისში სახრჩობელაზე დაასრულა სიცოცხლე. თუ საჭიროება მოითხოვდა, დრომას ააფრიალებდა ბარტელემი; ეს დრომა მუდამ შავი იყო.

თავი მეორე

ბაასით მაინც გაერთოს, ვინც უფსკრულში  ჩავარდნილა

თექვსმეტი წელიწადი არცთუ მცირე დროა აჯანყების მომზადებისთვის და 1848 წლის ივნისში ხალხმა გაცილებით მეტი იცოდა, ვიდრე 1832 წლის ივნისში. ამიტომ იყო, რომ შანგრერის ქუჩის ბარიკადი ჩანასახი იყო იმ უზარმაზარი ბარიკადებისა, რომლებიც ეს არის დავხატეთ, მაგრამ თავის დროისათვის კი საშინელებას წარმოადგენდა.

ანჟოლრასის მეთაურობით აჯანყებულები მთელი ღამე მუშაობდნენ. მარიუსი კი აღარაფერში მონაწილეობდა. ბარიკადი ეშეაკეთეს, გარდა ამისა, კარგად გაათაროეს და სამოცდახუთი სანტიმეტრით აამალღეს, რკინის ბოძები რომ ჰქონდათ, ქვაყრილში ისე გაამაგრეს და დასწიეს, რომ მტრისკენ მიმართულ შუბს დაამსგავსეს. საცა კი, მიგდებული და დავინყებული ნაყარნუყარი მოაპოვებოდა, ყველაფერი ბარიკადთან მიზიდეს და უფრო და უფრო გაამაგრეს ქვაყრილი. ისე მოაგვარეს საქმე, რომ გარედან აბურძენილი ჯაგრით შემოსეს ბარიკადი, შიგნიდან კი გლუვ კედლად აქციეს. ქვები მიუწყვეს კიბედ და სრულიად თავისუფლად შეიძლებოდა ასვლა.

ბარიკადის შიდა მხარეც მოანსერიგეს. რაც მეტი იყო, გაზიდეს დაბალი დარბაზიდან, სამზარეულოში მოათავსეს დაჭრილები, ჭრილობა შეუხვიეს ყველას, მოაგროვეს იატაკსა და მაგიდეებზე დაბნეული დენთი, ჩამოასხეს ტყვია, ვაზნები გაიკეთეს, ფილთა მოიმარაგეს, მოაგროვეს და დაარიგეს დაჭრილ-დახოცილთა იარაღი, დაგავეს ბარიკადი, გაიტანეს მკვდრები, - მონდეტურის ვინრო ქუჩაზე დაასვენეს, რადგან ეს ქუჩა ჯერ მათ ხელში იყო. დაჭრილთა სისხლით მოირწყო ქუჩა და დიდხანს იყო აქაურობა განითლებული. მკვდრებში ოთხი კაცი გარეუბნის გვარდიელი იყო და ანჟოლრასის ბრძანებით მკვდრების ფორმის ტანისამოსი ცალკე დაალაგეს.

ანჟოლრასმა ურჩია ამხანაგებს, ერთი-ორი საათით თვალი მოეტყუებინათ.

ანჟოლრასის რჩევა ბრძანება იყო, მაგრამ სულ სამმა თუ ოთხმა კაცმა ისარგებლა ამ რჩევით. ფეიომ გამოიყენა ეს ორი საათი და „კორინთის“ მოპირდაპირე სახლის კედელზე მსხვილი ასოებით ამოჭრა:

გაუმარჯოს ხალხებს!

ეს სიტყვები ლურსმნის წვერით ამოეჭრათ ქვის კედელზე და ჯერ კიდევ ცხადად ჩანდა 1848 წელს.

ქალებმა იმ ღამის მყუდროებით ისარგებლეს და სადღაც მგზობელ სახლს შეათარეს თავი, მიიმალნენ. აჯანყებულებმა თავისუფლად ამოისუნთქეს.

დაჭრილთა უმრავლესობას შეეძლო და კიდევ უნდოდა ბრძოლაში მონაწილეობა. საავადმყოფოდ გადაქცეულ სამზარეულოში, ლეიბებსა და თივაზე ხუთი კაცი ინვა მძიმედ დაჭრილი, რომელთაგან ორი ქალაქის გვარდიელი იყო. პირველად ამ გვარდიელებს შეუხვიეს ჭრილობა.

აღარავინ დარჩა დაბალ დარბაზში, გარდა სუდარის ნაცვლად შავი შალგადაფარებული მაბეფისა და ბოძზე მიკრული ჟავერისა.

- აქ საცხედრე იქნება, - თქვა ანჟოლრასმა.

საცხედრე ერთი სანთლით იყო განათებული და ისიც უკანა მხარეს იდგა, მიცვალეულის განივად დადგმულ, დარბაზის გადამღობ მაგიდაზე, და ფეხზე მდგომი ჟავერისა და მიცვალეულის მაბეფის ჩრდილი დიდ ჯვარად ისახებოდა კედელზე.

რამდენიმე ტყვია მოხვედროდა ომნიბუსის ხელნას, მაგრამ ჯერ საკმაოდ მაგრად იდგა და ისევ მასზე ააფრიალეს დროშა.

სწორედ მხედართმთავრის თვისება ჰქონდა ანჟოლრასს, უთუოდ უნდა აესრულებინა, რასაც იტყოდა; დროშის გვერდით მოხუცი მახეფის დასისხლიანებული, ტყვიით გახვრეტილი სერთუკი ჩამოჰკიდა.

საჭმელი არ გააჩნდათ, არც პური, არც ხორცი. თექვსმეტი საათი იყო „კორინთში“ ოთხმოცდაათი კაცი იყო და უკვე შეეჭამათ, რაც იქ სანოვავე მოიპოვებდა. ყოველ ბარიკადს უთუოდ დაუდგება დრო, როდესაც მელდობის ტივად გადაიქცევა და მის დამცველებს შიმშილის ატანა მოუხდებათ. მალე გათენდებოდა 6 ივნისი, ის დაუენწყარი დღე, როდესაც სენ-მერის ბარიკადზე ამხანაგები შემოეხვივნენ ჟანს და ყვირილი დაუწყეს, გვშიაო და მანაც მოკლედ უპასუხა:

- ჭამა რა საჭიროა? ახლა უკვე სამი საათია, ოთხზე კი დავიხოცებით.

რაკი საჭმელი არ ჰქონდათ, სასმელიც აკრძალა ანჟოლრასმა. ღვინო სრულიად უარყო და არაყსაც ცოტ-ცოტას ანაწილებდა.

სარდაფში ღვინით სავსე ჰერმეტიკულად დაცული თხუთმეტიოდე ბოთლი იპოვეს, გასინჯეს ანჟოლრასმა და კომბეფერმა. ზევით რომ ავიდა, კომბეფერმა თქვა:

- ეს სანყალი უშლუს ძველი მარაგის ღვინოა, ვაჭრობა თავდაპირველად საბაყლო საქონლით დაიწყო.

- ნამდვილი ღვინო უნდა იყოს, - თქვა ბოსუემ, - კიდევ კარგი, გრანტერს სძინავს, თორემ ძალიან გაგვიჭირდებოდა ბოთლების გადარჩენა.

მიუხედავად ამხანაგების უკმაყოფილებისა და ბუზღუნისა, ანჟოლრასმა ვეტო დაადო ბოთლებს და რომ არავის ეხლო ხელი და თითქოს წმინდა რამ გამხდარიყო, იმ მაგიდის ქვეშ დააწყობინა, რომელზედაც მახეფი განისვენებდა.

ლამის ორი საათი იქნებოდა, ანჟოლრასმა მებრძოლები დაათვალიერა. ოცდაჩვიდმეტი კაცი კიდევ დარჩენილიყო ბარიკადის დასაცავად.

განთიადი უახლოვდებოდა ქალაქს. ჩირალდნები ჩააქრეს. ბარიკადი ჰატარა ებოს წარმოადგენდა, ქუჩიდან შემოჭრილს, ჩაბნელებულს, გატეხილ გემბანს ჰგავდა ამ სიბნელებში. შავი აჩრდილებივით მიდი-მოდიოდნენ ბარიკადელები. ამ წყვიადის ბუდეს ზევიდან დასცქეროდნენ კარ-ფანჯარაჩაკეტილი მღუმარე მაღალი სახლები. ამ სახლების სახურავებზე განთიადის სინათლე ემჩნეოდა საკვამლე მილებს. საოცარი ფერი დასდებოდა ზეცას, მომხიბლავი და გამოუთქმელი, არც თეთრი, არც ლურჯი. ჩიტები მხიარულად ჭიკჭიკებდნენ. მაღალ სახლს, რომელიც ბარიკადის ფუძედ გამოეყენებინათ აღმოსავლეთისკენ მიმართული თავისი წინაპრით, სახურავი შევარდისფრებოდა.

მეორე სართულის სარკმელში დილის ნიავი არხევდა მკვდარი ადამიანის ჭალარა თმას.

- კარგია, რომ გააქრეს ჩირალდანი, - უთხრა კურფერაკმა ფეისს, - ქარისაგან ისე თრთოდა, თითქოს შემინებულაო. ჩირალდნის სინათლე ძალიან ჰგავს ლაჩრის სიბრძნეს: ცუდად ანათებს, იმიტომ, რომ კანკალებს.

განთიადი ისე აღვიძებს გონებას, როგორც ჩიტს. ერთად იყვნენ ყველანი და ლაპარაკობდნენ.

ჟოლიმ სახლის სახურავის ღარზე კატა დაინახა და მოჰყვა ფილოსოფოსობას:

- რა არის კატა? კატა შესწორებაა შექმნის დროს დაშვებული შეცდომისა. ღმერთმა თავი შექმნა და წამოიძახა, ეს რა სისულელე მომივიდაო და შეცდომის გამოსასწორებლად კატა გააჩინა. კატა ნაყოფია თავისა, ესე იგი, ღვთისა, შეცდომის გამოსასწორებლად. თავი და მასთან ერთად კატა კორექტურაა, შესწორებული თვით ქვეყნის შემოქმედის მიერ.

კომბეფერი, რომელსაც სტუდენტები და მუშები შემოხვეოდნენ, დახოცილებზე ლაპარაკობდნენ, ასხენებდნენ უან პრუვერს, ბაორელს, მახეტს და თვით კაბუკსაც კი. მერე ანჟოლრასის წუხილზე დაიწყო ბაასი:

- ჰარმოდიუსი და არისტოგიტონი, ბრუტუსი, ქერეასი, სტეფანუსი, კრომველი, შარლოტა კორდე, ზანდი - ყველა წუხდა ჩადენილის გამო. იმდენად სუსტი და მთრთოლარეა ჩვენი გული, იმდენად ღრმა და მიუწვდომელი საიდუმლოებაა ჩვენი სიცოცხლე, რომ თუ ვაყი შემოგაკვდება სამოქალაქო ომში კი ან საკუთარი სახლის დასაცავ ბრძოლაში, სინანულით გვესება გული და ეს სინანული უფრო მწვავე და მძლავრია, ვიდრე სიხარული, კაცობრიობის გათავისუფლებაში მიღებული მონაწილეობისგან აღძრული.

გაიმართა კამათი, მოიგონეს უან პრუვერის ლექსები, ამ ლექსებმა ვერგილიუსის „გეორგია“ და მისი თარგმანები გაახსენათ. კომბეფერი ერთმანეთს აღარებდა: „გეორგია“ კურნანის თარგმანს შეადარა; კურნანის თარგმანები დე ლილისას. მოჰყავდა მალფილატრის თარგმანი, მეტადრე საკვირველი სიკვდილი კეისრისა და კეისრის სხენებამ ისევ ბრუტუსი მოაგონათ.

- სრულიად სამართლიანი იყო კეისრის დაცემა, - თქვა კომბეფერმა, - სასტიკი იყო ციცერონი კეისრის მიმართ, მაგრამ სამართლიანი სისასტიკე ლანძღვა არ არის. ზოილე რომ ლანძღავს ჰომეროსს, მევიუსი - ვერგილიუსს, ვიზე - მოლიერს, პოპი - შექსპირს, ფერერონი - ვოლტერს, ისინი შურისა და მძულვარების კანონს ემორჩილებიან. გენიოსს თან სდევს შურით გამონგვეული ლანძღვა-გინება, დიდ კაცს კი ყფვა. მაგრამ ზოილედ ნუ ჩავთვლით ციცერონს. ციცერონი მოსამართლეა, მსაჯული თავისი აზროვნებით, როგორც ბრუტუსია მსაჯული თავისი ხმლით. პირადად მე ვგმობ ამგვარ მსაჯულებას, მსაჯულებას იარაღით; მაგრამ ძველად ამაში გასაკიცხს არაფერს ხედავდნენ. კეისარმა გადალახა რუბიკონი; თავის სახელს არქმევდა იმას, რაც ხალხის მიერ იყო შექმნილი; ფეხზე არ უდგებოდა სენატს; ევტროპიუსის აზრით, ისე იქცეოდა, როგორც მეფე და თითქმის როგორც ტირანი: Regia ac pene tyrannica. დიდი კაცი იყო, მით უკეთესი, ან თუ გნებავთ, მით უარესი; მით უფრო ჭკუის სასწავლებელია გაკვეთილი. მისი ოცდაათი ჭრილობა ისე არ მალეღვებს, როგორც ერთადერთი ფურთხი, რომელიც იესო ქრისტემ მიიღო. კეისარი სენატორებმა განგმირეს ხანტლებით, იესო ქრისტეს სახეში სცემდნენ მონები. რამდენადაც საზიზღარია შეურაცხყოფა, იმდენად მეტად გრძნობ შეურაცხყოფილის ყლვითობას.

ქვის გროვაზე ასულიყო ბოსუე, ხელში თოფი ეჭირა და იქიდან გადმოსძახა:

- ო, კიდათენე, ო, მირინე, ო, პრობალინთე, ო, მშვენიერო ეანტიდე! ოჰ! ვინ შემძლებინებს ნეტავ, ისე წარმოვთქვა ჰომეროსის ლექსი, როგორც ლავრიონის ან ედაპტეონის ბერძენი ამბობდა!

თავი მესამე

გამოდარება და მოქერუხება

ანჟოლრასი დასაზვერად წასულიყო; მონდეტურის ჰატარა ქუჩით გასულა და გველივით მისრიალებდა სახლების ძირას.

აჯანყებულები, - ესეც ვთქვათ, - დიდი იმედით იყვნენ აღფრთოვანებულნი, ვინაიდან კარგად მოიგერიეს ჯარის იერიში ღამით, თითქოს სასაცლოდ მიაჩნდათ დილის მოსალოდნელი შემოტევა. მხიარულად მოელოდნენ გათენებასა და ბრძოლას. როგორც გულწრფელად სწამდათ თავიანთი სიმართლე, ისევე სწამდათ გამარჯვებაც. შეიარაღებული ხალხის დახმარებასაც ელოდნენ. ამაზედაც ამყარებდნენ იმედს. კარგი თვისება აქვს მებრძოლ ფრანგს, ადვილად იცის გათვალისწინება თავისი გამარჯვებისა. ეს იყო მიზეზი, რომ ბარიკადის დამცველებს სამ ნაწილად დაეყოთ ხვალინდელი დღე: დილის ექვს საათზე ერთი რაზმი დაეცემათ და სწორედ ისე მიიღებენ, როგორც ღამე; შუადღისას დაიწყება მთელი პარიზის აჯანყება და მზის ჩასვლისას - რევოლუცია.

სენ-მერიდან განგაშის ზარი ისმოდა, რომელიც გუზინდელს აქეთ ერთ წამს არ გაჩერებულა; მამასადამე, მეორე ბარიკადიც, უანის დიდი ბარიკადი, ჯერაც მაგრად იყო და არ ნებდებოდა მთავრობის ჯარს.

ჯგუფიდან ჯგუფში მხიარული ჩურჩულით გადადიოდა ყოველი საიმედო ცნობა და საომრად გამზადებულ ფუტკრის სკის ბზუილს მოგაგონებდათ.

ანჟოლრასი დაბრუნდა. ორბივით გაისეირნა იმ სიბნელებში, დაზვერა მტერი. ახლა გულხელდაკრეფილი იდგა და ამხანაგების ჩურჩულს ისმენდა. ცოტა ხანს იდგა ასე ყმანვილი და მწყაზარი, განთიადის შუქით დამშვენებული, მერე ამხანაგებს მიმართა:

- ფეხზე დგას, რაც პარიზში ჯარია. მისი ერთი მესამედი და გარდა ამისა, ეროვნული გვარდია ჩვენი ბარიკადებისკენ არის მომართული. შორიდანაც კარგად გავარჩიე მებუთე რაზმის ქუდები, მეექვსე ლეგიონის ბაირალი. ერთ საათში იერიშით წამოვა ჯარი, რაც შეეხება ხალხს... გუშინ ღელავდა ხალხი და ამ დილას კი აღარ იძვრის. ხალხის იმედი აღარ არის, არც გარეუბანი მოგვეშველება, იქ მხოლოდ ჯარი დგას. მარტოღმარტო ხართ მიტოვებული.

ისე დაეცა ეს სიტყვა ბარიკადელებს, როგორც დიდი ავდრის პირველი წვეთები საომრად გამოსულ ფუტკრის სკას. მუნჯივით იდგა ყველა. სიტყვით გამოუთქმელი დუმილი ჩამოვარდა წამით, ისე, თითქოს სიკვდილმა გადაუქროლაო.

მაგრამ ხანგრძლივი არ იყო ეს წამი.

სულ უკან, სიბნელებში მიმალული ჯგუფიდან, გამოსძახა ვიღაცამ ანჟოლრასს:

- ვგერ იყოს! ცოტა კიდევ ავამალლოთ ჩვენი ბარიკადი, ექვს-ნახევარ მეტრამდე, და ფეხს ნუ მოვიცვლით აქედან. მოქალაქენო, ჩვენი სიკვდილით გამოვაცხადოთ პროტესტი, დავუმტკიცოთ ყველას, რომ შეიძლება ხალხმა უღალატოს რესპუბლიკას, მაგრამ რესპუბლიკელები კი არასოდეს უღალატებენ ხალხს.

ამ სიტყვამ გაფანტა მწუხარების შავი ღრუბელი, რომელიც დაჰფენოდა მებრძოლთ. აღტაცებულ შეძახილით შეხვდა მას ყველა.

ვერ გაიგეს, ვინ იყო ამ სიტყვის მოქმედი. ხალათიანი, ყველასგან უცნობი მუშა იქნებოდა, თავმდაბალი, უჩინარი; დავინწყებული, შემთხვევის გმირი, დიდებული უცნობი, რომელიც ყოველთვის ჩაერევა ადამიანთა აღშფოთებასა და ბრწყინვალე მომავლის შექმნაში და ყოყმანის დროს ზეადამიანური შთაგონებით იტყვის

გადამწყვეტ სიტყვას. იტყვის თავისას და მცისვე გაქრება წყვდიადში. ის ელვაა წამიერი ბნელში გავლილი, ხალხისა და ღვთის წარმომადგენელი.

ისე იყო 1832 წლის 6 ივნისის ჰაერი გაუღუნთილი ამ გადანწყვეტილებით, რომ თითქმის სწორედ იმავე დროს სენ-მერის ბარიკადიდან გაისმა ისტორიაში დარჩენილი და სასამართლოში სრულ სიმართლედ აღიარებული: „მოგვეშველება ხალხი თუ არ მოგვეშველება, სულერთია ჩვენთვის. აქ ვართ და აქ დავიხოცებით ყველანი!“

როგორცა ჩანდა, ამ ბარიკადებს, დიდი მანძილით დაშორებულთ, კავშირი ჰქონდა გაბმული ერთმანეთთან.

თავი მეოთხე

ხუთით ნაკლები და ერთით მეტი

მას შემდეგ, რაც უცნობმა მუშამ ურჩია ყველას „სიკვდილით გამოეცხადებინათ პროტესტი“ და ამით გამოთქვა ის, რაც გულში ედო ყველას, ყვირილი გაისმა, უცნაური, მხიარული და საზარელი, საგლოვი თავისი შინაარსით და გამარჯვებული თავისი კილოთი:

- გაუმარჯოს სიკვდილს! აქ დავხვდებით ყველანი!

- ყველანი რად? - ჰკითხა ანჟოლრასმა.

- ყველანი! ყველანი!

ანჟოლრასმა განმარტა:

- ჩვენს ბარიკადს მდებარეობა კარგი აქვს და თვითონაც მაგარია. ოცდაათი კაცი კმარა. რად უნდა გავწიროთ ორმოცი?

პასუხიც ერთხმად მისცეს:

- იმიტომ, რომ წასვლას არავინ მოინდომებს.

- მოქალაქენო! - შეჰყვირა ანჟოლრასმა ისეთი ხმით, თითქოს გაბრაზება შეეპარა,

- რესპუბლიკა იმდენად მდიდარი არ არის ადამიანებით, რომ ასე ამაოდ და უსარგებლოდ გასწიროს თავისი ერთგული და თავდადებული მომხრენი. წვრილმანი პატივმოყვარეობა ბედოვლათობას უდრის. თუ რომელიმე ჩვენგანს ევალება აქედან წასვლა, ეს დავალებაც ისე წმინდად უნდა შეასრულოს, როგორც ყოველი სხვა დავალება.

ხორცშესხმული პრინციპი იყო ანჟოლრასი და ერთგვარი სრულყოფილებანი გავლენა ჰქონდა ამხანაგებზე. მიუხედავად ამ ურყევი გავლენისა, მანაც ბუზღუნებდნენ ბარიკადელები.

როგორც წამდვილმა უფროსმა, ეს ჩუმი უთანხმოება რომ დაინახა, შეუტია:

- აბა, ვინ არის თქვენში, რომ ეშინია, მხოლოდ ოცდაათი კაცი დავრჩებითო?

ბუზღუნი გაძლიერდა. უკანა ჯგუფიდან გამოსძახა ვილაცამ:

- წავიდესო, ადვილი სათქმელია. ბარიკადი გარშემორტყმულია.

- არა, ბაზრის მხარეს ჯარი არ დგას, - მიუგო ანჟოლრასმა, - მონდეტურის ქუჩა თავისუფალია და იქიდან პრემიერების ქუჩით შეიძლება ინოსანის ბაზარში გასვლა.

- იქ ექი დავიჭერენ, - წამოიძახა ახლა სხვა ამხანაგმა, - ან ჯარს ჩაუვარდები ხელში, ან გარეუბნელ გვარდიას. ხალათიან კაცს რომ დაინახავენ, ცოცხალს გაატარებენ?

შენ, ეი, საიდან მოდიხარ? ბარიკადელი ხომ არა ხარ? დენტის სუნი გიდის? დახვრიტე!

ჰასუხი აღარ გასცა ანჟოლორასმა. ხელი დაადო მხარზე კომბეფერს და დაბალ დარბაზში შეიყვანა.

ცოტა ხნის შემდეგ ისევ გარეთ გამოვიდნენ. ანჟოლორასს ხელში ეჭირა გვარდიელის ოთხი მუნდირი, კომბეფერს კი გვარდიელების ქუდები და მათი ამუნიცია მოჰქონდა.

- აი, მუნდირები გვაქვს. გავრევით გვარდიელებში და წახვალთ თქვენთვის, - განაგრძო ანჟოლორასმა, - მზად გვაქვს ოთხი კაცის გადასარჩენი.

და მუნდირები ძირს დაყარა.

არც ერთი არ განძრეულა. ეტყობოდა, დათმობას არავე აპირებდა.

კომბეფერმა ამხანაგებს მიმართა:

- კმარა, შებრალებაც უნდა იცოდეს ადამიანმა. იცით, რაშია აქ საქმე? საკითხი აქ ქალებს შეეხება. ერთი მითხარით, გყავთ თუ არა სახლში ქალი? გყავთ თუ არა ბავშვები? გყავთ თუ არა დედა, რომელიც ფეხით აკვანს არწვეს და ხელით ბავშვებს უვლის? თუ არის ვინმე თქვენში, რომ არსად ენახოს დედის ძუძუ და ძუძუმწოვარა ბავშვი? თქვას ან მაღლა აიშვიროს ხელი. გინდათ თავი შეაკლათ? მეც ეს მინდა, მინდა თავი შევაკლა ჩემს რწმენას, მაგრამ ის კი არ მინდა, გარს შემომეხვიონ ჩვენი თავგანწირვით დაღუპული ქალებისა და დაობლებული ბავშვების აჩრდილები, დაიხუცეთ, თუ გინდათ, მაგრამ სხვას კი ნურავის დაღუპავთ. აქ სიკვდილი უწმინდესი თავგანწირვა იქნება, მაგრამ თავის შეიძლება და სხვისი კი არა. და თუ თქვენთან ვინმეს აუბედურებთ თქვენი თავგანწირვით, კაცის კვლად გადაიქცევა თქვენი თავგანწირვა. ნუ იფიქრებთ ჩვილ ბავშვებს და ჭალარით მოსილ მოხუცებს. აი, მოისმინეთ, ეს არის ახლა მითხრა ანჟოლორასმა, თურმე სინის ქუჩაზე, ერთ ოდნავ განათებულ ფანჯარაში დაუნახავს მოხუცი ქალი, რომელსაც ეტყობოდა, მთელი ღამე არ სძინებოდა. იქნება რომელიმე თქვენგანის დედაა ის უბედური. ჰოდა, წავიდეს, ვინც არის, საჩქაროდ მივიდეს და უთხრას: „ნუ წუხხარ დედა, აი, აქა ვარ“. დამშვიდებული იყოს, ვინც არის, უიმისოდაც კეთილსინდისიერად ავასრულებთ ამ ჩვენს მოვალეობას. თავისი შრომით ცოლ-შვილის ერთადერთი მარჩენალი რომ არის კაცი, უფლება აღარა აქვს თავგანწირვისა. ეს იგივეა, ოჯახს უღალატოს კაცმა. ქალიშვილები რომ ჰყავდეს კაცს, დები რომ ჰყავდეს? არ უნდა დაუფიქრდეთ თქვენს საქციელს? თქვენი თავგანწირვის გამო ამაოდ კვდებით; ძალიან კარგი, მაგრამ მერე? ყმანვლი ქალები რომ ულუკმაპუროდ დარჩებიან? კაცი მონყალეობს ითხოვს და ქალი? ქალი თავის თავს ყიდის. ლამაზი ქალი გყავთ შინ, მოხდენილი, ჩუმი, წყნარი, ვარდის კოკორივით სურნელოვანი, რომელიც თავისი უმანკოებით ავსებს სახლს, მღერის, ლულუნებს, ჭიკჭიკებს და თავისი მიწიერი უმანკოებით ანგელოზების არსებობას გიმტკიცებთ ცაში. სახლში გყავთ ეს ანგელოზები, ჟანა, ლუიზი, მიმი, ეს საყვარელი გოგონები, რომლებიც თქვენს კურთხევასა და თქვენს სიამაყეს წარმოადგენენ და გნებავთ, დაამშობთ? პური მოანატროთ? აბა, რაღა ვითხრათ? ბაზარი არის ერთი, სადაც ქალი იყიდება. იქნებ გგონიათ, თქვენი საფლავიდან დაუშლით იმ ბაზარში გასვლას? რატომ არ გაგონდებთ ქუჩა, ქუჩაში მოსიარულე ხალხი და ის მაღაზიები, რომელთა წინ დგანან ან ტალახში დააბოტებენ გულმკერდგაღელი ქალები? ერთ დროს ეს ქალებიც უბინონი იყვნენ. მოიგონეთ

თქვენი დები, თუკი გყავთ ვინმეს. გაჭირვება, უნამუსობა, პოლიცია, სენ-ლაზარის საავადმყოფო, - აი, სად გზავნი ამ გამოუცდელ, უმანკო ქალებს. ამ მშვენიერებას მორცხვობისას, უფრო ნორჩსა და ლამაზს, ვიდრე მაისის ვარდია. მამ, გინდათ თავი შეაკლათ, ოჯახებს აღარ სჭირდებით? ძალიან კარგი. თქვენ გინდათ მეფისაგან გაათავისუფლოთ ხალხი და პოლიციას ყაძლევთ თქვენს ქალებს? არა, ჩემო მეგობრებო, ნუ განირავთ, შეიბრალებთ ბავშვები და მოხუცები. უბედურება რომ მიადგება ქალს, ფიქრსა და სჯას კი არ დაინწყებს. ეგვე ჩვენი ბრაღია. სულ იმას ვავიძახით, ქალს არ სჭირდება იმდენი სწავლა, რაც კაცსო, წიგნების კითხვას ვუშლით, დაფიქრებას ვუშლით, პოლიტიკაში ჩარევას ვუშლით და როგორ დავუშლით, რომ დღეს საღამოს საცხედრებში არ მივიღეს მკვდარი შვილის, ქმრის ან ძმის საპოვნელად? ჰოდა, მოდი, ადამიანურად მოვიქცეთ. ხელი ჩამოვართვათ, ვისაც ობლად რჩება ვინმე და გავისტუმროთ. ჩვენს საქმეს უიმითოდაც კარგად გავარიგებთ. ვიცი, ძალიან გამბედავი უნდა იყოს, რომ ამხანაგებთან არ დარჩეს, ძნელია ამხანაგების განსაცდელში მიტოვება, მაგრამ რამდენადაც ძნელია ეს, იმდენად სანაქებო. ახლა მეტყვით, თოფი მაქვს, ბარიკადაზე ვდგავარ და აქვე ვრჩებიო. ხვალინდელი ნუ დაგავინწყდებათ. მეგობრებო, ცხოვრებას ხვალინდელი აქვს ყოველთვის. ვინც აქ დარჩება, იმას ხვალინდელი ვეღარ გაუთენდება და მის ოჯახს კი ხვალ მოელის დაობლება, გაჭირვება და ზნეობრივი წამებაც. გყავთ პატარა გოგო, ლამაზი, ცქციტი, მალხაზი, რომელიც ტიკტიკებს, ღიღინებს, ჭიკჭიკებს, ახარებს და ატებობს ოჯახს. მერე იყით, რა მოუვა, უპატრონოდ რომ დარჩება? ერთი პატარა გოგო ვნახე, სულ პატარა, აი, ამსიმაღლე. მამა მოჰკვდომოდა. ვილაც სანყალ კაცს შეჰპრალეობდა, სახლში შეეყვანა, მაგრამ პური თავისი შვილებისთვისაც ვერ ეშოვა; შიმშილით კვდებოდა ბავშვი; ზამთარი იყო, არ ტიროდა; მივიდოდა ხოლმე ღუმელთან, რომელშიც ცეცხლი არასოდეს არავის აენთო და ყვითელი მიწით ჰქონდა გადაღვსილი საკვამლე მილის დასადგმელი ადგილი; იდგა ამ ღუმელთან მშვირი ბავშვი, ფხეკდა ყვითელ მიწას და ჭამდა; ქლორს სუნთქავდა, გაყვითლებული სახე, სუსტი ხელ-ფეხი და გამოზებრილი მუცელი ჰქონდა; არაფერს ამბობდა, რომ დაელაპარაკებოდნენ, პასუხს არ აძლევდა. მოკვდა საბრალო ბავშვი; ნეკერის საავადმყოფოში მოიყვანეს მომაკვდავი და იქ ვნახე. თუ არის ვინმე, კვირაობით ბულვარზე სასეირნოდ რომ დაჰყავს თავისი პატარა შვილი და მისი ნაზი, ჩვილი ხელი უჭირავს ხელში, წარმოიდგინოს, რა დაუშავა სანყალმა ბავშვმა, რომ მამას ართმევს და აობლებს? ახლაც თვალწინ მიდგას ის შიმშილით მკვდარი ბავშვი, ანატომიის მაგიდაზე რომ დაასვენეს გაშიშვლებული, ცარიელი ძვალი და ტყავი იყო, სხვა არაფერი. პურის მაგივრად ტალახი ჰქონდა კუჭში, კბილებში კი ნაცარი. ამიტომ გეუბნებით, ამხანაგებო, დაეკითხეთ თქვენს სინდისსა და გულს. სტატისტიკა ამტკიცებს, რომ უპატრონო ბავშვების უმეტესობა, ასიდან ორმოცდათხუთმეტი, სიკვდილის ხვედრია. ვიმეორებ, საკითხი შეეხება დედას, მეუღლეს, ქალიშვილსა და ბავშვს. მე თქვენ გადარჩენას კი არ ვცდილობ. ერთმანეთს კარგად ვიცნობთ. კარგად ვიცი, რომ დიადი მიზნისთვის თავგანწირული, მამაცი მებრძოლები ხართ, რომ მზად ხართ სიხარულით შესწიროთ თქვენი სიცოცხლე მის განხორციელებას. ვიცი, რომ მზადა ხართ სასარგებლოდ და ვაჟკაცურად გასწიროთ თქვენი სიცოცხლე და გამარჯვება და დიდება მოიპოვოთ. ასეა და ასეც უნდა იყოს, მაგრამ რას იზამთ, რომ

მარტონი არა ხართ ამქვეყნად? გარს შვილები გახვევიათ და ვალდებული ხართ, ისინიც არ დაივინყოთ. ეგოისტობას ნუ გამოიჩინებთ.

ყველა დაღვრემილი, გაჩუმებული იდგა.

ეს იყო სიტყვისა და საქმის უცნაური წინააღმდეგობა ამ უნმინდეს წამს! ამას ამბობდა კომბეფერი, რომელსაც ღედა ჰყავდა. ის იგონებდა სხვის მშობელს და თავისი კი დავინწყებოდა. ბარიკადზე რჩებოდა და იქ მოკლავდნენ. თვით იყო „ეგოისტი“.

მარიუსი დამშეული იყო და ავადმყოფს უფრო ჰგავდა, ვიდრე ჯანსაღს. ნელ-ნელა გაუცრუვდა ყოველგვარი იმედი. სევდით მოცულს სიკვდილი ენატრებოდა ან სევდის მორევში ჩახრჩობა. დაქანცული იყო ამოდენა მღელვარებით და რადგან სიკვდილის მოახლოებას გრძნობდა, უფრო და უფრო იფლობოდა იმ განრიდებაში, რომელიც ყოველთვის წინ უძღვის ჩვენი ნებით მოახლოებულ სიკვდილს.

იქ რომ ფიზიოლოგი ყოფილიყო და მარიუსს დაჰკვირვებოდა, ადვილად შეისწავლიდა მეტად შესამჩნევ იმ ნერვიულ ნიშნებს, რომელსაც კარგად იცნობს მეცნიერება. ეს საკუთარ სულსა და გულში ჭვრეტა იგივეა მწუხარებისთვის, რაც ტკბილი ოცნება ნეტარებისთვის. სასონარკვეთილებასაც აქვს ექსტაზის წუთები და მარიუსსაც მოერია ცოტა ხნით. ისე იდგა, ისე შესქეწროდა ყველაფერს, თითქოს სხვაგან იყო. ხედავდა ყველაფერს, მაგრამ შორეულად მიაჩნდა, მისგან დამოუკიდებლად; ხედავდა ხალხის მოძრაობას, განსჯას, მაგრამ შინაარსი არ ეკარებოდა მის შეგნებას. ვილაც მიდი-მოდიოდა ბნელში, რაღაც ლაპარაკი ესმოდა, ამოძახილი შორეული უსაზღვროებიდან.

მაგრამ ისიც კი აღელდა. ერთი ადგილი იყო კომბეფერის სიტყვაში, რომელიც გულზე ეცა და გამოაღვიძა. ერთადერთი რამ უნდოდა - სიკვდილი და ცდილობდა, სხვას არაფერს მიეცია მისი ყურადღება, მაგრამ ამ დღეში მყოფსაც კი მანაც მოავიწყდა, - კიდევ რომ კვდებოდეს კაცი, თუ შეუძლია, სიკვდილისაგან უნდა იხსნას თავისი მოყვასი.

ახლა მან მიმართა ბარიკადელებს:

- მართალი არიან ანჟოლრასი და კომბეფერი. რა საჭიროა უსარგებლო თავგანწირვა? მეც მათვე ვარ და გირჩევთ, აჩქარდით. კომბეფერმა თვალსაჩინოდ დაგიმტკიცათ ჩვენი გადანწყვეტილება. თქვენში არის ვინმე, რა თქმა უნდა, ცოლშვილიანი, მოხუცი ღედის, ქალიშვილების პატრონი? ვინც არის ასეთი, წინ წამოვიდეს.

არავინ დაიძრა.

- ცოლშვილიანებო და ოჯახის მარჩენალნო, წინ წამოდექით, - გაიმეორა მარიუსმა. დიდი გავლენა ჰქონდა მარიუსს. მართალია, ბარიკადის უფროსი ანჟოლრასი იყო, მაგრამ მარიუსი იყო ბარიკადის მხსნელი.

- მამ, მე გიბრძანებთ! - შეჰყვირა ანჟოლრასმა.

- მე გვევდრებით, - თქვა მარიუსმა.

კომბეფერის სიტყვით შეძრწუნებულმა, ანჟოლრასის ბრძანებით შეეყოყმანებულმა, მარიუსის თხოვნით აღელვებულმა თავგანწირულმა გმირებმა ერთმანეთის გაცემა დაიწყეს.

- მართალია, - ეუბნებოდა ერთი ჭაბუკი ბიჭი ხნიერ მუშას, - შენ ცოლ-შვილის პატრონი ხარ და თუ წასვლაა, შენ უნდა წახვიდე.

- მე კი არა, შენ უნდა წახვიდე, - უპასუხა მუშამ, - ორი პატარა და გყავს და შენა ხარ მათი მამაც და დედაც. მაშ, წადი აქედან.

გაიმართა კამათი. ყველა ცდილობდა, ამ სამარიდან არ ამოსულიყო.

- აჩქარდეთ! - შესძახა კურფეირაკმა, - თხუთმეტი წუთი კიდევ და შეუძლებელი იქნება აქედან გასვლა.

- მოქალაქენო, - დაიძახა ანუოლრასმა, - აქ რესპუბლიკა გვაქვს და ყველაფერს კენჭისყრა წყვეტს. თქვენ თვითონ დაასახელებთ, ვინც წასასვლელია.

დაემორჩილნენ. რამდენიმე წუთის შემდეგ ერთხმად დაასახელეს ხუთი კაცი, რომლებიც ბრძოლის ატეხამდე უნდა გასულიყვნენ ბარიკადიდან.

- ხუთნი არიან! - შეჰყვირა მარიუსმა. მუნდირი კი ოთხი ჰქონდათ.

- ძალიან კარგი, - დაიძახა ხუთივემ, - ერთი ჩვენგანი დარჩება, - ახლა ამაზე ატყდა კამათი. ხუთივე ცდილობდა, ამხანაგებისთვის დაემტკიცებინა, რომ ერთი მათგანი უნდა წასულიყო და თვითონ კი დარჩენილიყო.

- შენ ცოლი გყავს, რომელსაც უყვარხარ, - ეუბნებოდა ამხანაგს ერთი მუშა, - შენ კიდევ მოხუცი დედა... შენ, ძმაო, აღარც დედა გყავს, აღარც მამა და რა პასუხს აძლევ შენს პატარა ძმებს... ხუთი შვილის მამა ხარ და აქ რჩები. შენ სულ ჩვიდმეტი წლის ხარ, მოვალე ხარ, იყოცხლო. ჯერ ადრეა შენი სიკვდილი.

ამ დიად რევოლუციურ ბარიკადებზე გმირები შეკრებილიყვნენ. წარმოუდგენელი და დაუჭერებელი აქ ადვილად ასასრულებელი გამხდარიყო. ამ აღამიანებს ერთმანეთისა არაფერი უკვირდათ.

- აბა, ჩქარა! - შეახსენა კიდევ კურფეირაკმა.

მამინ მარიუსს გამოსძახეს ერთი ჯგუფიდან:

- თქვენ დაასახელებთ, ვინ დარჩეს ამ ხუთთაგანი?

- მართალია, - თქვა ერთმა, - თქვენ ამოირჩიეთ. ჩვენ თანახმა ვართ და გემორჩილებით.

არ ეგონა მარიუსს, რომ შეიძლებოდა კიდევ მომხდარიყო რაიმე ისეთი, რაც მას ააღელვებდა, მაგრამ, რა ნახა, რომ მას უნდა აერჩია კაცი სასიკვდილოდ, გულს ეცა, რაც სისხლი ჰქონდა. გაფითრდებოდა, რომ კიდევ შესძლებოდა გაფითრება.

ერთად იდგნენ ხუთივენი და მათკენ წავიდა. ხუთივენი შესცინოდნენ; იმ ალით უბრწყინავდათ თვალი, რომელიც ანათებს თერმოპილეს ისტორიას და სთხოვდნენ:

- მე დამტოვე! მე! მე!

დაიბნა მარიუსი. ადგა და თვლა დაინყო. ხუთნი იყვნენ. მერე მუნდირებს დახედა. ოთხი იყო, მხოლოდ ოთხი.

და იმავე წამს მესხეთე მუნდირი დაეცა მიწაზე, თითქოს ციდან ჩამოვარდაო.

მესხეთეც გადაარჩინა სიკვდილს.

აიხედა მარიუსმა და ბატონი ფოშლევეანი იცნო.

ჟან ვალჟანი შემოსულიყო ბარიკადაში.

რაიმე ცნობა ჰქონდა თუ ალღოს მოჰყვა, მაგრამ მონდეტურის ქუჩიდან კი შემოვიდა. გვარდიელის ტანისამოსი ეცვა და, ალბათ, ამან გაუადვილა ბარიკადამდე მისვლა.

აჯანყებულებს თავისი გუშავი ჰყავდათ მონდეტურის ქუჩაზე, მაგრამ მარტოღმარტო მომავალი გვარდიელი რომ დაინახა, გაატარა, ვითომ ვერც კი დაინახა, ან თავის რაზმისკენ მიდის, ან ჩვენების პატიმარიაო. მეტისმეტად საშიში იყო

ეს წუთი და საქმის ღალატი იქნებოდა, რომ ერთი გამვლელის გამო მიეტოვებინა თავისი საგუშავო და მას გამოსდგომოდა.

ჟან ვალუანი რომ გამოჩნდა, ვერაინ დაინახა, რადგან ხუთ კაცსა და ოთხ მუნდირს შესცქეროდნენ ყველანი. ჟან ვალუანი ახლოს მივიდა. მოისმინა მათი კამათი, გაიხადა თავისი მუნდირი და უსიტყვოდ დაადგო ოთხ მუნდირზე.

განცვიფრებული შეჰყურებდა ყველა.

- ვინ არის ეს კაცი? - იკითხა ბოსუემ.

- ის ადამიანია, ვინც სხვას იხსნის სიკვდილისაგან, - უპასუხა კომბეფერმა.

- მე ვიცნობ, - მრავალმნიშვნელოვნად თქვა მარიუსმა.

ამ სიტყვამ დააკმაყოფილა ყველანი, მარიუსის ნაცნობი იყო ეს კაცი. ანჟოლრასი მიესალმა ჟან ვალუანს, როგორც ბარიკადის უფროსი:

- მოქალაქე, კეთილი იყოს თქვენი აქ მოსვლა, - და დასძინა, - ხომ იცით, რომ ყველანი აქ დავიხოსციბით?

ჟან ვალუანმა არაფერი უპასუხა, შინ მიმავალ აჯანყებულებს შველოდა მუნდირების ჩაცმაში.

თავი მეხუთე

რა პორიზონტი იშლება ბარიკადის სიმაღლიდან

ამ საბედისწერო ჟამს, ამ უღმობელ ადგილას, საიდანაც გამოსავალი არსად იყო, აჯანყებულთა სულიერმა მდგომარეობამ ანჟოლრასი მელანქოლიაში ჩაადგო.

ამ კაცში იყო მოგროვილი და განხორციელებული რევოლუცია, მაგრამ არა სრულად. ძალიან ჰგავდა სენ-ჟოსტს და ნაკლებად ანახარსის კლოოტს. თუმცა ანბანის მეგობართა საზოგადოებაში დიდი გავლენა იქონია მის აზროვნებაზე კომბეფერმა; ნელ-ნელა გათავისუფლდა დოგმატურობის ვიწრო ჩარჩოებისგან და თვალსაწიერის გამაფართოებელი პროგრესის გავლენის წყალობით დაასკვნა, რომ ევოლუციის ლოგიკური დასასრული დიდი ფრანგული რესპუბლიკის უზარმაზარ მსოფლიო რესპუბლიკად გადაქცევა. რაც შეეხება საშუალებებს ამ მიზნის მისაღწევად, ვინაიდან უკვე მოცემული იყო მძლავრი ბიძგი, საჭირო იყო იმავე გზით სვლა. ამაში უცვლელი იყო იმისი რწმენა, ისიც იმ ეპიკურ საშინელ სკოლას ეკუთვნოდა, რომელსაც სრულიად ხატავს სიტყვა „ოთხმოცდაცამეტი“.

ბარიკადზე იდგა ღრმად ჩაფიქრებული და თოფი ეჭირა ხელში. ისე აურუოლებდა, თითქოს გამჭოლი ქარი სცემს და ის არყევსო. საცა სიკვდილი მეფობს და თავისუფლად ნავარდობს, დროდადრო წინასწარმეტყველური სულიც იღვიძებს. ღრმად ჩაფიქრებული იდგა, თვალეხი უელავდა. უცხად წელში გასწორდა, თავი ასწია, უკან გადაიყარა ქერა თმა, რომელიც მბრწყინავ შარავანდედად დაადგა თავზე ვარსკვლავების ეტლით მფრინავი ანგელოზის თმასავით, და შესძახა:

- წარმოდგენილი გაქვთ თუ არა, მოქალაქენო, მომავალი? მზისებრ სინათლით გაჩაღებული ქალაქის ქუჩები, ნალკოტად ქცეული სახლები, ძმური სიყვარულით გაერთიანებული ერები, სამართლით აღსავსე ადამიანი, შვილების დამლოცავი მოხუცები, ანმცოს მოსიყვარულე წარსული, აზროვნების სრული თავისუფლება, სარწმუნოების სრული თანასწორობა. წარმოგიდგენიათ, რომ თვითონ ღმერთი გყავდეს უშუალო მოძღვრად, ადამიანის სინდისი გამხდარიყოს საკურთხეველად და

აღარც შური იყოს, აღარც მტრობა, აღარც სიძულვილი! სახელოსნოებსა და სკოლებში - ძმობა, თანასწორი სასჯელი და თანასწორი ჯილდო ყველასთვის განურჩევლად. ყველა აღჭურვილიყოს თანასწორი უფლებით. სრული მშვიდობა იყოს, აღარც ომი, აღარც სისხლის ღვრა, დედები ბედნიერნი. ბუნების დამორჩილება - ეს არის პირველი ნაბიჯი; ჩვენი იდეალის განხორციელება - მეორე. აბა, გადახედეთ, რამდენი რამ შეგვიძინა პროგრესმა. ოდესღაც პირველყოფილ ადამიანს გულგახეთქილს ელანდებოდა გველეშაპი, რომელიც ოკეანის წყლებს აღელვებდა; ურჩხული, რომელიც ცეცხლს აფრქვევდა; ფასკუნჯი, რომელიც ურჩხული იყო ცისა, არწივის ფრთები, ლომის თავი და ბრჭყალები ჰქონდა; საშინელი მხეცები ელანდებოდა, ადამიანზე უფრო მძლავრი და მაღლად მდგომი, მაგრამ ადამიანმა მახე დააგო; წმინდა მახე თავისი გონიერებისა და, ბოლოს და ბოლოს, შიგ გააბა თავისი მტერი. ადამიანმა გველეშაპი დაიმორჩილა და ხომალდი უწოდა. ურჩხული დაიმორჩილა და ორთქლმავალი უწოდა; დღეს-ხვალ ფასკუნჯსაც დაიმორჩილებს, უკვე ფლობს საჰაერო ბურთის საიდუმლოებას და როდესაც დამთავრდება ეს პრომეთესებური შრომა და ადამიანი მხოლოდ თავისი სურვილის და ნების მორჩილი იქნება და საბოლოოდ დაიმორჩილებს წარსულის ქიმერულ სამებას - ბატონ-პატრონი გახდება წყლის, ცეცხლის, ჰაერის - თვით გახდება სულიერ არსებათა ღმერთად, დაიჭერს ღმერთის ადგილს. მაშ, მომავლისკენ, ამხანაგებო! საით მივდივართ? მეცნიერებისაკენ, განათლებისაკენ, რომ ის იყოს მართო ჩვენი მბრძანებელი; საგანთა ძალისაკენ, რომ მხოლოდ ის იყოს საზოგადოებრივი ძალა; ბუნებრივი კანონისკენ, რომელსაც თვითონვე შეუძლია დასჯაც და დამტკიცებაც და ისეთი ცხადი და ნათელი შესაგნებელია თავისი ჭეშმარიტი დებულებით, როგორც მზის სხივი. ხალხთა ერთობისაკენ მივდივართ, ადამიანთა ერთობისაკენ. ძირს ფიქციები, ძირს პარაზიტები, ქვეყნიერებას სიმართლე უნდა განავებდეს; აი, ჩვენი მიზანი. ცივილიზაცია ევროპის გულში დაიდებს ბინას, მოგვიანებით კი მატერიკის ცენტრში, გონის დიად პარლამენტში. ამგვარი რამ არსებულა ძველად. წელიწადში ორჯერ იკრიბებოდნენ ამოფიქტიონები. ერთხელ დელფოში - ღმერთების სამეფოში და მეორედ თერმოპილეში - გმირების სამეფოში. ევროპასაც ეყოლება თავისი ამოფიქტიონები; მთელ კაცობრიობასაც ეყოლება. საფრანგეთი მიიწევს ამ ბრწყინვალე მომავლისაკენ და წინ მიუძღვის კაცობრიობას. ეს არის XIX საუკუნის დანიშნულება და რაც მართო მცირე ჩანასახად გამოჩნდა საბერძნეთში, უნდა დამთავრდეს საფრანგეთში. ყური დამიგდე, ფეი! პატიოსანო მუშავ, ხალხის შვილო, ყველა ხალხების შვილო, მიიღე ჩემი პატივისცემა! შენ ცხადად ხედავ მომავალს და მართალი ხარ, არც დედა გყავს, არც მამა, დედად კაცობრიობა გავიხდია და მამად - უფლება. შენ აქ მოკვდები. ესე იგი, გაიმარჯვებ! დიახ, მოქალაქენო! რაც უნდა მოხდეს დღეს, დავიხორციელოთ თუ გავიმარჯვებთ, სულერთია, ჩვენ ვქმნით რევოლუციას. როგორც ხანძარი ანათებს მთელ ქალაქს, ისე რევოლუცია ანათებს მთელ კაცობრიობას. რაგვარ რევოლუციას ვქმნით ჩვენ? ეს არის ვთქვი, სიმართლის რევოლუციას. პოლიტიკური თვალსაზრისით არსებობს ერთადერთი პრინციპი. ადამიანი თვითონ არის თავისი თავის მბრძანებელი. ადამიანის ხელმწიფობა თავის თავზე სრული თავისუფლებაა. და საცა ერთად შეკრებილა ორი ან რამდენიმე ამისთანა თავისუფლება, იქ ჩნდება სახელმწიფო.

თუმცა ეს კავშირი არ გულისხმობს თავგანწირვას. აქ უზენაესი ხელისუფლება ნებით თმობს საკუთარი თავისვე ნაწილს, რათა შეიქმნას საზოგადოებრივი სამართალი.

ოდნობა დათმობილი უფლებისა ერთი და იგივეა ყველასთვის. ეს თანასწორობა უფლებათა დათმობისა, რომელსაც ყოველი წევრი უხდის საზოგადოებას, არის თანასწორობა. საზოგადოებრივი სამართლის დანიშნულებაა, მფარველობა გაუწიოს და არავის შეალახვინოს კერძო უფლება. საზოგადოების მიერ კერძო უფლების მფარველობა და ყველასაგან ერთის დახმარება არის ძმობა.

უზენაესი ხელისუფლების ყველა ამ სახეობის გადაკვეთის წერტილს, ერთად თავმოყრილს, საზოგადოება ეწოდება.

ეს გადაკვეთის წერტილი რომ შენაერთად იქცევა, ქმნის საზოგადოებრივ კავშირს, რომელსაც ხშირად საზოგადოებრივ ხელშეკრულებასაც უწოდებენ, რადგან ხელშეკრულებაც იმავე კავშირს გულისხმობს. შევთანხმდეთ, როგორ გავიგოთ თანასწორობა, - თუ თავისუფლება მწვერვალია საზოგადოებრივი წესწყობილებისა, თანასწორობა მისი საფუძველია. თანასწორობა, მოქალაქენო, გათანასწორება კი არ არის, რომ ყველა მცენარეს ერთი და იგივე სიმაღლე ჰქონდეს და მუხა კვრინჩხზე ზევით არ აეუშვათ. თანასწორობა არის საზოგადოების ყველა წევრის უფლება, ყველასთან ერთად და ერთი ოდენობით ისარგებლოს საზოგადოებრივი ცხოვრების ყოველგვარი სიკეთით; პოლიტიკურად ერთი და იგივე ხმა ჰქონდეს ყველას; სარწმუნოებრივად ერთი და იგივე უფლება. თანასწორობას აქვს ერთი საშუალება - ხალხის განათლება, სავალდებულო და უსასყიდლო; უსასყიდლო სწავლის უფლება ყველას უნდა ჰქონდეს. ანბანით უნდა დავიწყოთ ხალხის განათლება; პირველადანეებით სწავლა სავალდებულო უნდა იყოს ხალხისთვის და საშუალო - ყველასთვის ხელმისაწვდომი - აი, მთავარი კანონი. საყოველთაო განათლების შედეგია საზოგადოებრივი თანასწორობა. დიახ, მოქალაქენო! განათლება და განათლება მთელი ხალხისათვის! განათლება! სინათლიდან მომდინარეობს ყველაფერი და ისევ სინათლეშივე ჩაიმალება. დიდებულია XIX საუკუნე, მაგრამ ბედნიერი XX საუკუნე იქნება. მაშინ არაფერი დარჩება ძველი ისტორიის მსგავსი და მომავონებელი. მაშინ არავის ექნება შიში, როგორც დღეს, მტრის შემოსევისა, ქვეყნის აკლებისა, ხალხის დამარცხებისა და გაძარცვისა, ძალით სამეფო ტახტზე გამოჭიმვისა, ხალხთა შორის შეიარაღებული ქიშპობისა, მეფის ქორწინებით ცივილიზაციის შეჩერებისა, ტირანთა გვარში მემკვიდრის შობისა, კონგრესის მიერ ხალხების გაყრის და განაწილებისა, სხვადასხვა სარწმუნოებათა შორის იარაღით ბრძოლისა, თითქოს ორი ყოჩი იყოს ჩრდილისა უსაზღვროების ხიდზე მიმავალი; აღარც დამშვივის შიში იქნება, აღარც ადამიანისაგან ადამიანის ექსპლუატაციისა, აღარც სიღარიბით გამოწვეული პროსტიტუციისა, აღარც უმუშევრობის გამო გაჭირვებისა, აღარც ემაფოტისა და ზარბაზნებით ბრძოლისა და აღარც ყაჩაღების თარეშისა, ცხოვრების უკუღმართობის გამო ტყეში რომ გავარდნენ. თითქმის შეიძლება ვთქვათ, რომ აღარც კი იქნება ასეთი შემთხვევები. ადამიანი ბედნიერი იქნება. კაცობრიობა შეასრულებს თავის დანიშნულებას, როგორც დედამიწა ასრულებს თავისას; სრული ჰარმონია დამყარდება ადამიანის სულსა და ვარსკვლავთა შორის, - სულს მიიზიდავს ჭეშმარიტება, ისე, როგორც ვარსკვლავს მნათობი. მეგობრებო, ჩვენი დრო ბნელით არის მოცული, მაგრამ ახლა ვიძინთ ჩვენს

მომავალს. რევოლუციამ უნდა გამოისყიდოს იგი. ოჰ, გათავისუფლდება კაცობრიობა, ფეხზე წამოდგება ნუგეშცემული. ამას აღვეუთქვამთ ყველას ამ ბარიკადზე! ან საიდან შემოგვესმება ძახილი სიყვარულისა, თუ არ თავგანწირვის სიმალლიდან. ძმებო, აი, აქ, ამ ადგილას, ერთმანეთს შეუერთდნენ და კვლავაც შეუერთდებიან ისინი, ვინც ამროვნებენ, და ისინი, ვინც იტანჯებიან. ეს ბარიკადი არც ქვისა არის, არც მორებისა, არც რკინისა; ის დიდი იდეისა და დიდი ტანჯვისგან არის აგებული. აქ უბედურება იდეალს ხვდება. აქ იკრავს გულში ღღე და მეს და ეუბნება, - მე მინდა შენთან მოკვდე და შენ კიდევ ჩემთან ერთად აღდგებიო. აქ ყოველგვარი გასაჭირი ერთმანეთს გადახვევია და აქედან გამომდინარეობს რწმენა. ტანჯვას აქ მოაქვს თავისი აგონია, იდეებს კვი თავიანთი უკვდავება. აგონია და უკვდავება შეერთდებიან და ნაყოფად გამოიღებენ ჩვენს სიკვდილს. ძმებო, ვინც აქ მოკვდება, მოკვდება მომავლის სხივმოსილი და ჩვენ ახლო განთიადის სინათლით განათებულ სამარეში ჩავალთ. ანჟოლრასმა უფრო შეწყვიტა სიტყვა, ვიდრე გაჩუმდა, ისევ ამოძრავებდა ტუჩებს, თითქოს განაგრძობდა ლაპარაკს თავის თავთან. გაჩუმებული იდგა ყველა. შესცქეროდნენ ყურადღებით, იქნებ განაგრძოსო. ტაში არ დაუკრავთ, მაგრამ დიდხანს ჩურჩულებდნენ; სიტყვა ქროლად იქცა და ამ ჩურჩულში ადამიანის გონების თრთოლა ფოთლების ნელ შრიალს ემსგავსებოდა.

თავი შეექცე
დაღვრემილი მარიუსი და სიტყვაუხვი ჟავერი

ახლა ისიც ვთქვათ, რა ფიქრებს გაეტაცა მარიუსი.

გავისენოთ, რა მდგომარეობაში იყო. ვთქვით, რომ სიცოცხლის ნიშანწყალი აღარ შერჩენოდა და რასაც კი ხედავდა, ბუნდოვან სურათებადღა გაურბოდა თვალწინ. ხედავდა, მაგრამ მნიშვნელობას კი ვერ სწვდებოდა. თითქოს უშველებელი, შავი ფრთები დასწოლოდა, რომელიც გონებას უბნელებს მომაკვდავს. ისე გრძნობდა თავს, თითქოს საფლავში ჩასულიყო უკვე, იმ ქვეყნად იყო და ცოცხლებს საფლავში დამარხული მკვდრის თვალით გამოსცქეროდა.

როგორ გაჩნდა იქ ბატონი ფომლევანი? ან რისთვის მივიდა? რა უნდოდა? მარიუსი ამ კითხვებს აღარ უფიქრდებოდა. გარდა ამისა, ასეთია კაცის გული, - სასოწარკვეთილება რომ მოერევა, თავს უიმედობას აფარებს ყველას და ბუნებრივად მიაჩნია მთელი ქვეყნის დაღუპვა.

მხოლოდ კოზეტი იყო, რომელზედაც გულის კანკალით ფიქრობდა მარიუსი.

ბატონი ფომლევანი არ დაეღლაპარაკა, არც შეხედა, თითქოს არც კი გაიგონა მარიუსის ნათქვამი, მე ვიცნობო.

თვით მარიუსსაც ძალიან შეუმსუბუქა მდგომარეობა ფომლევანის ამ უყურადღებობამ და, თუ შეიძლება ეს სიტყვა ვისმართ ამგვარ შთაბეჭდილებათა აღსაწერად, ვიტყვი, რომ ძალიანაც ესიამოვნა: ყოველთვის გრძნობდა, რომ ძალიან გაუჭირდებოდა, შეუძლოდ ეჩვენებოდა, სიტყვით მიემართა ამ საიდუმლოებით მოცული მოხუცისათვის, რომელიც ერთსა და იმავე დროს საეჭვოდაც მიაჩნდა და პატივსაცემდაც. გარდა ამისა, დიდი ხანი იყო, აღარ ენახა. ესეც ემატებოდა მის ბუნებრივ მოკრძალებასა და გაუბედობას.

ხუთმა კაცმა ჩაიყვა მუნდირი, გამოეთხოვა ამხანაგებს და მონდეტურის ქუჩით გავიდა ბარიკადიდან. ძალიან ჰგავდნენ გვარდიელებს. ხუთ კაცში მარტო ერთს მოერია ტირილი. გადაკოცნეს ამხანაგები და წავიდნენ.

ეს ხუთი რომ გაისტუმრეს სიცოცხლისკენ, ანჟოლრასს თავისი პატიმარი მოავონდა და დარბაზში შევიდა. ბოძზე მიბმული უავერი ეტყობოდა, შორს იყო ფიქრებით.

- იქნებ რამე გინდა? - ჰკითხა ანჟოლრასმა.
- როდის მომკლავთ? - ჰკითხა უავერმა.
- მოითმინე. შენთვის თოფისწამალი როგორ წავახდინოთ?
- მამ, წყალი დამალევინეთ.

ერთი ჭიქა წყალი მიუტანა პირთან ანჟოლრასმა და დაალევიდა.

- სხვა არაფერი გინდა?

- ცუდად ვარ ასე ბოძზე აკრული, - უპასუხა უავერმა, - მთელი დამე ასე ვიყავი. ძილი არ მომეკარა. შემეპარით, როგორც გენებოთ, ოღონდ დამაწვინეთ სადმე, თუნდაც მაგიდაზე, როგორც ის არის, - და თავის მოძრაობით აჩვენა მაგიდაზე დასვენებული მახეფი. მკითხველს ეხსომება, დარბაზის ბოლოს იდგა ერთი დიდი, გრძელი მაგიდა, რომელზეც ტყვიას აღნობდნენ და ვაზნებს აკეთებდნენ. აღარც ვაზნები ჰქონდათ გასატენი, აღარც თოფისწამალი დარჩენილათ და ცარიელი იდგა მაგიდა.

ოთხი კაცი შემოიყვანა ანჟოლრასმა. ბოძიდან ჩამოხსნეს უავერი და მანამ თოკს ხსნიდნენ, იქვე მესუთე იდგა მოღერებელი ხიშტით. ბეჭებზე აკრული ხელები არ გაუხსნეს. ფეხები წვრილი, მაგრამ მაგარი თასმით შეუკრეს, ისე, რომ შეეძლო ნელი, პატარა ნაბიჯით გაეარა დარბაზში, სწორედ ისე, როგორც სიკვდილით დასასჯელს უკრავენ ფეხებს, რომ ემაფოტზე ასვლა შეეძლოს. დიდ მაგიდამდე მიიყვანეს, კარგად შეკრეს, ზედ დააწვინეს და ახლა მაგიდას მიაბეს.

მაგრამ ესეც არ იკმარეს: კისერზე შემოახვიეს თოკი, მუცლამდე ერთად ჩაუშვეს ორივე წვერი, იქ ბარძაყის ქვემოდან ამოუტარეს და ხელები შეუკრეს. კაცის ამგვარად შეკვრა საპატიმროშია გავრცელებული, შეუძლებელია ხელები გაიხსნას და გაიქცეს.

უავერს რომ ასე ბანჯავდნენ, ერთი კაცი დამდგარიყო ზღურბლზე და დაკვირვებით შესცქეროდა მას. ამ კაცმა დაჩრდილა ოთახი. უავერმა კარისკენ მიიხედა და მაშინვე იცნო უან ვალჟანი. ოდნავაც არ შემკრათალა, თავისებურად ამაყად მოარიდა თვალი და წაიბუტბუტა:

- ეს მოსალოდნელი იყო!

თავი მუშვიდე

მდგომარეობა მწვაედება

თენდებოდა, მაგრამ ერთი თვანჯარა არსად ვალებულა, არც კარი. განთიადი იყო და არა ვალვიძება. ჯარისკაცები, შანვრერის ქუჩის ბოლოს რომ იდგნენ, ბარიკადის პირდაპირ, როგორც უკვე ვთქვით, გაიყვანეს. ქვათენილი უკაცრიელი ჩანდა, მაგრამ ვინ იცის, რას ვადააწყდებოდა ადამიანი, რომ გაეებდა და იქით წასულიყო. მღუმარებდა სენ-დენის ქუჩა, როგორც სფინქსთა ხეივანი თებეში. მზის სხივი სცემდა

ქუჩებს, მაგრამ ადამიანის ჭაჭანება არსად იყო. საზარელი სანახავია ასე განათებული უდაბნოსებრი ქუჩა.

დანახვით ვერავის ხედავდნენ ბარიკადელები, მაგრამ ხმაური კი ესმოდათ. რალაც ჩუმი, იღუმალი მოძრაობა იყო. აშკარად ახლოს იყო მთავრობის ჯარი და ბარიკადისკენ წამოსასვლელად ემზადებოდა. საბედისწერო წუთი ახლოვდებოდა. გუშაგები წუხანდელივით ბარიკადისკენ მიეშურებოდნენ, ყველანი უკლებლივ.

ბარიკადიც უფრო მტკიცე იყო, ვიდრე წუხელ, პირველი იერიშის დროს. ხუთი კაცი რომ გაისტუმრეს, ისევ ბარიკადის გამაგრება დაიწყეს და აამალღეს კიდევ.

იმ გუშაგის მოხსენების თანახმად, რომელიც ბაზრის მხარეს იდგა, ანჟოლრასმა, ზურგიდან არ მომიარონო, ერთი კარგი განკარგულება გასცა: საჩქაროდ ააგებინა ბარიკადი მონღეტურის ქუჩის ვიწრო გასასვლელში, რომელიც აქამდე ღია ჰქონდათ. რამდენიმე სახლის გასწვრივაც აყარეს ქვაფენილი და მასალად გამოიყენეს. ამგვარად სამ ქუჩას კეტავდა ბარიკადი: თავის პირდაპირ შანგერის ქუჩას, მარცხნივ - სინისა და ტრუანდერისას და მარჯვნივ - მონღეტურისას და მართლა თითქმის მიუვალი გამხდარიყო. აჯანყებულებიც შიგ გამოემწყვდნენ, სამი გარე ფრონტი ჰქონდათ და გასასვლელი კი აღარც ერთი.

- ციხესიმაგრეც არის და სათაგურიც, - ამბობდა კურფერიაკი.

სამიკიტნოს კართან ანჟოლრასის ბრძანებით ოცდაათამდე ტროტუარის თლილი ქვა დაყარეს.

- მეტი არ იყო და უნდა გამოგვეყენებინა რაიმეში, - ამბობდა ბოსუე.

იმდენად მღუმარე იყო ის მხარე, საიდანაც იერიშს მოელოდნენ, რომ ყველამ თავ-თავისი ადგილი დაიჭირა ანჟოლრასის განკარგულებით.

თითო ჭიქა არაყი დაალევიან მებრძოლთ.

არაფერია ისე საინტერესო, როგორც ბარიკადი, რომელიც იერიშის მოსაგერიებლად ემზადება. თავ-თავის ადგილს ირჩევს ყველა, როგორც თეატრში წარმოდგენის დასაწყისამდე. ზოგი კედელს ეყრდნობა, ზოგი ქვას, ზოგი გამოშვერილს ეფარება, ზოგი ქვების სკამს იკეთებს, რომ ბრძოლის დროსაც კი ჯდომა შეეძლოს, თუ გამოწეულია სადმე კედლის კუთხე, მას ერიდებიან, გაურბიან. თუ შვერილია სადმე და მებრძოლს დამალავს, იქ მავრდებიან. ძვირფასი რამ არის ამ დროს ცაცია, სწორედ იმ ადგილს ირჩევს, რომელიც ყველამ დაინუნა. ზოგი ცდილობს, ისე მოეწყოს ბრძოლის დროს, რომ იჯდეს და ისე ისროდეს; უნდა მოხერხებულად ბრძანდებოდეს, როცა კლავს და განცხრომით, როცა კლავენ. 1848 წლის ივნისის საზარელი ბრძოლის დროს ერთმა ძალიან მარჯვედ მსროლელმა აჯანყებულმა მაღალი სახლის სახურავზე აატანინა ვოლტერის სავარძელი და ისე იბრძოდა, მაგრამ სავარძელშიც მისწვდა მთავრობის ჯარის ტყვია და შიგვე ჩაკლა.

როგორც კი გაისმა ბარიკადის უფროსის ბრძანება, ბრძოლისთვის მოემზადეთო, მაშინვე შეწყდა მიმოსვლა, გადაძახილ-გადმოძახილი, ჯგუფები დაიშალა, თავ-თავისი ადგილი დაიჭირა ყველამ. მებრძოლები ახლა მხოლოდ შემოტევას ელოდნენ. თავდასხმის წინ ბარიკადი ქაოსის განსახიერებაა, მრისხანების ჟამს - ხორცმესხმული დისციპლინა. სამიშროება შობს წესრიგს.

თავისი ორლულიანი თოფი აიღო ანჟოლრასმა და წინდანინვე ამორჩეულ სათოფურისებურ ნახვრეტთან დადგა.

რიყის ქვისგან ნაგები კედლის გასწვრივ ჩხაკაჩხუკი გაისმა, თოფები დატენეს.

მიუხედავად ყველაფრისა, აჯანყებულებს მაინც ამაყად ეჭირათ თავი და კმაყოფილება ეტყობოდათ სახეზე; უკიდურესი თავგანწირვა თვითდამკვიდრებაა. იმედი აღარ ჰქონდათ, მაგრამ სასონარკვეთილება კი დიდი. ზოგჯერ სასონარკვეთილებაა უკანასკნელი იარაღი, რომელიც გამარჯვებას მოუტანს ადამიანს, ჯერ კიდევ ვერგილიუსმა თქვა ეს ჭეშმარიტება. უკიდურესი გამბედაობა უკიდურეს საშუალებებს მიმართავს. სიკვდილის ნავეში რომ ჩაჯდება კაცი, სწორედ ამით გადარჩება ხოლმე ხანდახან აბოხოქრებულ ზღვას და მის გრივალს. ზოგჯერ თვით კუბოს სახურავი ხდება თავდაღწევის საშუალება.

წუხანდელივით ყველანი ქუჩის ბოლოს გაჰყურებდნენ, საიდანაც ჯარის შემოსევას მოელოდნენ. უკვე დღე იყო და კარგად მოჩანდა მთელი ქუჩა.

დიდხანს არ მოუხდათ ლოდინი. ხმაური სენ-ლეს მხრიდან მოდიოდა, მაგრამ იერიშით მომავალი ჯარისას არ ჰგავდა. ჯაჭვის ჩხაკუნი ისმოდა, თვლების გრიალი, რალაც მძიმე მასის ზანზარი, ქვაფენილზე მომავალი სპილენძის ზრიალი. ცხადი იყო, ბარიკადისკენ ადამიანი კი არა, მრისხანე რკინის მანქანა მოიწევედა. თავით ფეხამდე კანკალებდნენ ამ პატარა ქუჩის სახლები, კანკალებდა ვინრო, მშვიდი ქუჩა, გაყვანილი ადამიანთა ინტერესებისა და იდეების ნაყოფიერი ურთიერთობისათვის და არა ხალხის მყლეთი ზარბაზნების სათრევად.

სამინელი თვალთ შესცქეროდა ბარიკადი ქუჩის ბოლოდან მომავალ ზარბაზანს. უკვე გამოჩნდა ერთი ზარბაზანი.

არტილერიისტები მოაგორებდნენ სასროლად გამზადებულს. ორთვალა მოეხსნათ; ორს ლაფეტი ეჭირა, ოთხი კაცი თვლებს მოაგორებდა, სხვებს დასატენი ყუთი მოჰქონდათ. კვამლი ასდიოდა პატრუქს.

- ცეცხლი! - შეჰყვირა ანჟოლრასმა.

ერთად გავარდა ბარიკადელების ყველა თოფი. სამინელი იყო ამ სროლის ჭეჭა. კვამლის ბურუსმა დაფარა და დამალა ზარბაზანიც და მისი მსროლელებიც. ცოტა ხანში გაიშალა ბურუსი და კვლავ გამოჩნდა ზარბაზანი თავისი მსლებლებით; ბარიკადისკენ მოაგორებდნენ ნელ-ნელა, ფრთხილად, აუჩქარებლად, არავის მოხვედროდა აჯანყებულთა ტყვია. გააჩერეს ზარბაზანი, უფროსმა ოდნავ ზევით ასწია ზარბაზნის პირი და ისეთი ყურადღებით და სიფრთხილით ამოიღო ბარიკადი მიზანში, როგორც ვარსკვლავთმრიცხველი მიმართავს მთვარისკენ ჭოვრიტს.

- ყოჩაღ, მეზარბაზნევი! - გასძახა ბოსუმე.

ტაში დაჰკრა მთელმა ბარიკადმა.

კიდევ რამდენიმე წუთიც და, შუა ქუჩაში, ზედ თხრილზე, გაამავრეს ზარბაზანი და სასროლად მოამზადეს. მისი დაღებული ხახა ბარიკადისკენ იყო მიშვერილი.

- აბა, ყოჩაღად! - დაიძახა კურფიერაკმა, - ამ მხეცს დამიხედეთ! ჯერ წკიპურტი, შემდეგ კი ცხვირში მუშტი! ჯარი თავის თათს ინვლის ჩვენკენ და კარგადაც შეგვინჯლრევს ბარიკადს. თოფის სროლა მხოლოდ ზევრავს, ზარბაზანი კი ანადგურებს.

- ახალი ზარბაზანია, რვადუიმიანი, ბრინჯაოსი, - თქვა კომბეფერმა, - პროპორციის სულ ოდნავი დარღვევისას - ას წილ სპილენძზე ათი წილი კალა - შეიძლება აფეთქდეს. კალა თუ მეტი მოუვიდა, რბილდება და ზოგან ნაპრალს იკეთებს, ზოგან პატარა ხვრელს. ამ უბედურების ასაცილებლად და ზარბაზნის დანიშნულებისამებრ გამოსაყენებლად კარგი იქნებოდა, XIV საუკუნის წესი შემოგველო, ზარბაზნის

ლულისთვის გარედან ფოლადის რკალები შემოგვერტყა თავიდან ბოლომდე, მანამდე კი შეძლებისდაგვარად უვლიან ამ ნაკლს, ცდილობენ, მიაგნონ, სად არის ბზარი ან ნახვრეტი. მაგრამ უკეთესი საშუალებაც არსებობს, - გრიბოვალის მოძრავი ვარსკვლავი.

- XVI საუკუნეში ზარბაზნის ლულა ხრახნული იყო, - თქვა ანჟოლრასმა.

- მართალია, - მიუგო კომბეფერმა, - ის ამძლავრებს სროლის ძალას, მაგრამ მიზანში მოხვედრას კი ასუსტებს. პატარა მანძილზე სროლისას ტრაექტორიას არა აქვს სასურველი კუთხე, მისი ჰარაბოლა მეტისმეტად გრძელდება, ყუმბარის გასავლელი მანძილი სწორხაზოვნობას კარგავს, ვეღარ ხვდება გზად მდებარე საგნებს, რაც ასე საჭიროა ბრძოლაში. მეტადრე, როცა მეტად ახლოს გიდვას მტერი და შეუწყვეტილ გვევრით თოფს. XVI საუკუნის ხრახნული ზარბაზნის ეს ხარვეზები ჭურვის სისუსტის შედეგი იყო. ერთი სიტყვით, ზარბაზნის, ამ ხალხის მმუსრავ დენსოტს, არ შეუძლია ყველაფერი შეასრულოს, რასაც დაავალებენ. ძალა აქვს, მაგრამ სისუსტეც სდევს. ზარბაზნის ჭურვი საათში მხოლოდ ორი ათას ექვსას სამოცდაათ კილომეტრს გაივლის და სინათლე კი ერთ წამში სამას თერთმეტი ათას კილომეტრს. აი, რით აღემატება იესო ქრისტე ნაპოლეონს.

- თოფი გატენეთ, - ბრძანა ანჟოლრასმა.

საქმე ის იყო, რამდენად მაგრად დაუდგებოდა ბარიკადის კედელი ზარბაზნს. დაინგროდა? ნაპრალით გადარჩებოდა თუ გაუმავრდებოდა? ამის ფიქრში იყვნენ აჯანყებულები. თოფს ტენიდა აჯანყება და ზარბაზნის - მთავრობა.

ბარიკადი შფოთიან მოლოდინში იყო.

იგრილა თოფმა, გავარდა ზარბაზანი.

- არის! - გაისმა ვილაცის მხიარული ხმა.

და იმ წუთშივე, როცა ჭურვი ბარიკადის კედელს ეცა, კედლიდან გავროში ჩამოხტა.

სენ-დენის ქუჩის მხრიდან მოდიოდა და მკვირცხლად აძვრა ბარიკადის კედლის იმ ნაწილზე, რომელიც ტრუნდერის ქუჩას გასცქეროდა.

გავროშის მოსვლამ უფრო მეტი შთაბეჭდილება მოახდინა აჯანყებულებზე, ვიდრე ზარბაზნის ჭურვმა, რომელიც სადღაც ნაყარნუყარის გროვაში ჩავარდა და მხოლოდ ომნიბუსის ერთ-ერთი თვალი და ანსოს დანჯღრეული ეტლი გატეხა. ეს რომ დაინახეს, ბარიკადზე ხარხარი ატყდა.

- აბა, მიდი, განაგრძეთ! - დაუყვირა არტილერიისტებს ბოსუმ.

თავი მერვე

არტილერიისტები არ ხუმრობენ

გავროშს შემოეხვივნენ.

მაგრამ მას არ ჰქონდა დრო, რამე ეამბა, რადგან მარიუსმა სტაცა ხელი და ცალკე გაიყვანა:

- აქ რა გინდა, ბიჭო?

- ოჰ, თქვენ? - და თვალი თვალში გაუყარა თავისი თავხედური გამბედაობით.

სიამაყის ცეცხლს გაეფართოებინა მისი თვალები.

მარიუსმა მკაცრად შეუტია:

- მერე ვინ გითხრა, ისევ აქ დაბრუნდიო? ჩემი წერილი გადაეცემა? ვის?

ამ წერილის გამო ოდნავ სინდისი კი ქეჩუნიდა გავროშს. ისე ეჩქარებოდა ბარიკადზე დაბრუნება, რომ უფრო თავიდან მოიშორა ის წერილი, ვიდრე პატრონს ჩააბარა. თვითონვე გრძნობდა, რომ დაუფიქრებლად მოუვიდა: მიენდო ვიღაც უცნობს, რომლის სახეც ვერ დანახა იმ სიბნელებში. მართალია, თავშიშველი იყო ის კაცი, მაგრამ ცოტაა განა თავშიშველი, რომ ყველაფერს იკადრებს? კმაყოფილი არ იყო თავისი დაუდევრობით გავროში, ნანობდა აჩქარებას, ეშინოდა მარიუსისა და რომ თავი დაექვრინა ამ მდგომარეობიდან, სულ უბრალო საშუალებას მიმართა: ტყუილს ტყუილი მიაყოლა.

- მოქალაქეც, წერილი მეკარეს მივეცი, ქალბატონს ეძინა. აი, ადგება და წერილსაც მიაართმევს.

წერილის გაგზავნით ორი მიზნის მიღწევა სურდა მარიუსს: გამოსთხოვებოდა კომეტს და გადაერჩინა გავროში. ახლა კი იძულებული იყო, თავისი სურვილის ნახევრითაც დაკმაყოფილებულიყო.

წერილი გაგზავნა. ბატონი ფოშლევეანი მოვიდა. მარიუსმა ერთმანეთს დაუპირისპირა ეს ორი გარემოება. გავროშს დაანახვა მოხუცი და ჰკითხა:

- ამ კაცს იცნობ?

- არა, - მიუგო გავროშმა.

და მართლაც, როგორ იცნობდა, ხომ ღამე ნახა, სიბნელებში? ბევრი ბუნდოვანი და მტიკვნიელი ფიქრი ანუხებდა მარიუსს, სანამ თავისი წერილის ბედს გაიგებდა. გაიგო და დამშვიდდა. ფოშლევეანის პოლიტიკური მიმართულებისა არაფერი იცოდა, - ალბათ, რესპუბლიკელი იქნებოდა, რაკი ბარიკადზე აჯანყებულებს შველოდა.

გავროში კი ბარიკადის მეორე მხარეს გადასულიყო და გაჰყვიროდა:

- სად არის ჩემი თოფი?

ბიჭს კურფეირაკის ბრძანებით დაუბრუნეს თოფი.

გავროშმა შეატყობინა „ამხანაგებს“, - როგორც მათ უნოდებდა, - რომ ჯარი შემოხვეოდათ ყოველი მხრიდან. თვითონაც ძლივძლივობით მოაღწია ბარიკადმდე. ერთი ბატალიონი, რომელიც ტრუანდერის ქუჩაზე იდგა, სინის ქუჩას დარაჯობდა, მეორე მხარეს გვარდიას დაეჭირა პრემერის ქუჩა; ბარიკადის პირდაპირ კი მთელი ლაშქარი იდგა.

მისცა ეს ცნობები და დაუმატა:

- ახლა კი ნებას გაძლევთ, სულ პანღურის კვრით გაისტუმროთ აქედან!

ანჟოლრასი კი ისევ თავის ადგილას იდგა და თვალის და ყურიც ჯარისკენ ჰქონდა.

არტილერიისტებს ეტყობოდათ, არ მოსწონდათ პირველი სროლის შედეგი და ზარბაზანს აღარ ტენიდნენ.

ამასობაში პატარა ქვეითი რაზმი შემოვიდა ქუჩაზე და ზარბაზნის უკან დადგა. ჯარისკაცებმა ქვაფენილი აყარეს და სწორედ ბარიკადის პირდაპირ რიყის ქვებით წინ პატარა კედელი აღმართეს, ნახევარი მეტრი სიმაღლისა არც იქნებოდა. ქვეითი ჯარის მარცხნივ, რიყის ქვის კედლის უკან, სენ-დენის ქუჩაზე, გარეუბნის გვარდიის ბატალიონი მოჩანდა.

ანჟოლრასი ისევ თავის ადგილას იდგა და ქუჩას გასცქეროდა. უცებ ჯარის მხრიდან რაღაც ხმა მოესმა, თითქოს ფინდისხს იღებენ ყუთებიდან ზარბაზნის

გასატენადო. თვითონ სერჟანტი კი ზარბაზნის კარგად დამიზნებას ცდილობდა და ოდნავ მარცხნივ მისწია ლულა. მერე ზარბაზნის გატენას შეუდგინენ. უფროსმა თვითონვე აიტაცა ანთებული პატრუქი და ზარბაზნისკენ გაექანა.

- თავი დახარეთ! - შეჰყვირა ანჟოლრასმა, - კედლისკენ მიდით, დაიჩოქეთ ბარიკადის გასწვრივ!

გავროში რომ მოვიდა, აჯანყებულები სამიკიტნოს წინ გაიფანტნენ და ახლა, ანჟოლრასის ბრძანებაზე, სირბილით გაექანნენ ბარიკადის კედლისკენ, მაგრამ ანჟოლრასის ბრძანება ჯერ არ იყო ასრულებული, რომ ზარბაზანი ფინდიხის საზარელი ხრიალით გავარდა. მართლაც, ფინდიხით გაეტენათ.

ნასროლმა ზედ გადაუარა ბარიკადს, კედელს ეცა, იქიდან უკანვე წამოვიდა, ორი კაცი მოკლა და სამი დაჭრა.

ასე რომ გაგრძელებულიყო, წასული იქნებოდა ბარიკადის საქმე. ფინდიხს ვერ გაუმაგრდებოდა ბარიკადის ქვაყრილი.

შიშის ზარმა დაჰკრა აჯანყებულებს.

- არ უნდა ვაყალოთ მეორედ გასროლა, - თქვა ანჟოლრასმა, დასწია თოფი, დაუმიზნა ზარბაზნის მემიზნეს, რომელიც ამონმებდა და ლულას მიმართულებას აძლევდა.

ლამაში იყო სერჟანტი, ახალგაზრდა, ქერა, გონიერი სახისა. სწორედ ასეთები ემსახურებიან ამ მრისხანე იარაღს, მონოდებულს, სამინელ ჟღერტაში გამოცდილმა და სრულყოფილმა, ბოლოს და ბოლოს, თვით ომს მოუღოს ბოლო.

ანჟოლრასს გვერდით ედგა კომბეფერი და სერჟანტს გასცქეროდა.

- საყოდავი, - თქვა კომბეფერმა, - საზარელი რამ არის ეს კაცის კვლა! როდის გვეღირსება ის დრო, რომ აღარც მეფე იყოს და აღარც ომი? ანჟოლრას, თოფს უმიზნებ საბრალოს და თვით მას კი არ უყურებ. ნახე, ჭაბუკია, კობტა, ლამაში, გულადი და უშიშარი; ეტყობა, განათლებულიც არის, როგორც არტილერიის მოსამსახურე. დედაც ეყოლება, ცხადია, მამაც, ოჯახიც, სატროფიც; ოცდახუთი წლისა ძლივს იქნება. იქნებ შენი ძმაც იყოს.

- ჩემი ძმა არის, - თქვა ანჟოლრასმა.


- და ჩემიც, - თქვა კომბეფერმა, - ჰოდა, ნუ მოვკლავთ.

- თავი დამანებე. უნდა ასრულდეს, რაც საჭიროა, - და ცრემლი ჩამოუცურდა ანჟოლრასს ფერმიხდილ ღაწვზე.

დასწია ჩახმახი, თოფი გავარდა. ორჯერ შემოტრიალდა არტილერიისტი ხელების ქნევით, თითქოს ცდილობს, ჩაებლაუჯოს რამესო. თავი უკან გადაეგდო, რადგან, ეტყობოდა, სუნთქვა აღარ ჰყოფნიდა, ზარბაზანზე დაეშვა და ზედ დარჩა უძრავად. ბარიკადიდან ხედავდნენ მის ზურგს, საიდანაც ღვარად სდიოდა სისხლი. გულში გაველო ტყვიას და ზურგიდან გასულიყო. მკვდარი იყო.

ცხედარი წაიღეს და მის ნაცვლად სხვა დააყენეს. ამით ბარიკადს რამდენიმე წუთი მიეცა სულის მოსაბრუნებლად.

თავი მეცხრე

კარგი სროლა, რამაც გავლენა იქონია  1796 წელს გამოტანილ განაჩენზე

ცუდად იყო საქმე, აჯანყებულებმა თათბირი გამართეს. მალე სროლა გაგრძელდებოდა და თხუთმეტ წუთსაც ვერ გაუძლებდა ბარიკადი. რაღაც უნდა დასჯდომოდათ, დარტყმის ძალა უნდა შეემცივებინათ.

ანჟოლრასმა ბრძანება გასცა:

- აი, იქ ლეიბი დავდოთ.

- რომ არა გვაქვს? - უთხრა კომბეფერმა, - რაცა გვაქვს, დაჭრილები წვანან.

ჟან ვალჟანი განზე იჯდა, მარტოდმარტო, სამიკიტნოს კუთხესთან, მუხლებშუა ჩადლო თოფი. აქამდე მონანილეობა არ მიუღია ბრძოლაში. ისე იჯდა, თითქოს არც კი ესმოდა აჯანყებულების საყვედური, თოფი აქვს და ჩვენ კი არ გვეხმარებაო.

ანჟოლრასის ბრძანება რომ გაიგონა, წამოდგა.

მკითხველს ეხსოვება, ხალხის კრება რომ დაიწყო მანგრერის ქუჩაზე, ერთმა მოხუცმა ქალმა ტყვიისაგან თავისიანების გადასარჩენად ფანჯარას ლეიბი ჩამოაფარა. ეს ფანჯარა შვიდსართულიანი სახლის სხენის ოთახისა იყო, იქვე ბარიკადთან, ძალიან ახლოს. ლეიბი ძირით სარეცხის საშრობ ლატანს ეხებოდა და თავით ფანჯრის ზემოდან ლურსმნებზე იყო წვრილი თოკით მიბმული, რომელიც შორიდან ზონარს ჰგავდა. ძირიდან კარგად ჩანდა ეს ორი თოკი, ადამიანის თმის ბენვივით წვრილი.

- ორლულთან თოფს ვერ მათხოვებთ? - იკითხა ჟან ვალჟანმა.

ანჟოლრასს ის იყო, გაეტენა, თავისი თოფი და მისცა.

ჟან ვალჟანმა დაუმიზნა და ესროლა. ერთი თოკი გადაჭრა ტყვიამ. უკვე ერთ თოკზე ეკიდა ლეიბი.

ახლა მეორე ესროლა. მეორე ტყვიამაც გაჭრა თოკი და ფანჯრის შუშას გაუარა. ორ ლატანს შუა ჩამოყურდა ლეიბი და ძირს ჩამოვარდა. ტაში დაჰკრეს ბარიკადელებმა.

აყვირდნენ:

- აი, ლეიბი!

- კარგი, მაგრამ შემოტანა არ უნდა?

ლეიბი იყო, მაგრამ ბარიკადის გარეთ ევდო, აჯანყებულებსა და ჯარს შუა.

მეზარბაზნეთა სერჟანტის მოკვლამ აღაშფოთა ჯარი; რამდენიმე წუთი იქნებოდა, თავიანთი ქვაყრილის უკან გულდაღმა ჩანვნიენ ჯარისკაცები და მანამ მოკვლეის მაგივრად ახალი მოვიდოდა ვინმე, ლოდინს ვედარ გაუძლეს და სროლა დაუნყეს ბარიკადს. აჯანყებულებმა პასუხი არ გასცეს, რადგან ტყვია-წამალს უფრთხილდებოდნენ, მაგრამ ქუჩა კი საშიში გახდა, სავსე იყო მოზუზუნე ტყვიებით.

ჟან ვალჟანი გავიდა ბარიკადიდან და ლეიბისკენ გასწია, გაიარა ტყვიების წვიმაში, აიღო ლეიბი, ზურგზე მოივდო და უვნებლად დაბრუნდა ბარიკადზე.

თვითონვე მივიდა ბარიკადის ნაპრალოთან და ზედ გადააფარა. ისე გაამაგრა ქვაყრილში, რომ არტილერიისტებს ვერ დაენახათ.

მოაგვარეს საქმე და ახლა ზარბაზნის სროლას ელოდნენ. დიდხანს არ მოუხდათ ცდა.

ზარბაზანმა ბარიკადისკენ გამოტყორცნა ფინდიხი, მაგრამ ლეიბი დაუხვდა და მასშივე ჩარჩა. არ გამოვიდა რიკოშეტი. მოლოდინი გაუმართლდა ბარიკადს. ჯერჯერობით საიმედოდ იყო დაცული.

- მოქალაქე, - მიუბრუნდა ანჟოლრასი უან ვალუანს, - რესპუბლიკა მადლობას გიძლენით.

ალტაცებით შეჰყურებდა ბოსუე და იცინოდა. მერე შეჰყვირა:

- ჰირდაპირ უნესობაა, ამხელა ძალა ჰქონდეს ერთ უბრალო ლეიბს. ეს გახლავთ გამარჯვება იმისა, რაც იკვცება და დამარცხება იმისა, რაც ცეცხლს აფრქვევს. მაგრამ ეგ არაფერი, ღიღება ლეიბს, რომელმაც დაამარცხა ზარბაზანი.

თავი მეთვე

განთიადი

სწორედ ამ დროს გამოეღვიძა კოზეტს.

პატარა, ვიწრო ოთახი ჰქონდა. სუფთა, უბრალო, უკანა ეზოში, აღმოსავლეთისკენ გამავალი ფანჯრით.

კოზეტმა არ იცოდა, რომ ქალაქში აჯანყება და ბრძოლა იყო. უკვე თავის ოთახში იყო, როდესაც ტუსენმა უთხრა ჩაფიქრებულ უან ვალუანს:

- ქალაქში ბრძოლა უნდა იყოს.

ცოტა ხანი ეძინა, მაგრამ კარგად და ტკბილად. ტკბილ სიზმარში იყო, რაც შეიძლება იმაზედაც ყოფილიყო დამოკიდებული, რომ მეტად სუფთა ლოგინი ჰქონდა. სიზმარში მარიუსი ნახა სხივით გაბრწყინებული და ის სხივი ედგა თვალებში, როდესაც გამოიღვიძა და ეგონა, ისევ სიზმარში ვარო.

ამ სიზმრით აშლილი ფიქრიც მხიარული და ნათელი ჰქონდა. როგორც ცოტა ხნის წინ უან ვალუანმა, მანაც უკუავდო ყველა დარდი. არ უნდოდა უბედურებაზე ფიქრი. მის გულში იმედს დაესადგურებინა, თუმცა კი თვითონაც არ იცოდა, რატომ. და უცბად გული მოეწურა: სამი დღე იყო, მარიუსი აღარ ენახა. მაგრამ თავი იმით დაიმშვიდა, წერილი უკვე მიღებული ექნება მარიუსს, იგი ხომ ისეთი ჭკვიანია, უთუოდ გამონახავს საშუალებას და ჩემს სანახავად მოვაო. მოვა, რა თქმა უნდა, დღესვე მოვა, იქნებ ამ დილითაც მოვიდეს. დღე იყო უკვე, მაგრამ მეტად ირიბად სცემდა მზის სხივი და, ალბათ, ძალიან ადრე არისო, იფიქრა. მაინც ადგომა ამჯობინა, რადგან შეიძლებოდა, მარიუსი მოსულიყო.

გრძნობდა, რომ შეუძლებელი იყო უმისოდ სიცოცხლე, მაშასადამე, ეს საკმარისი იყო, - უნდა მოსულიყო მარიუსი. შეუწყნარებელი იყო ყოველი მიზეზი და დაბრკოლება, - უნდა მოსულიყო! განა საშინელება არ იყო, რომ სამი დღე იტანჯა მის მოლოდინში? სამი დღე არ ენახა მარიუსი. სად არის მოწყალე ღმერთი? ახლა კი გათავდა ეს განგებით მოძღვნილი საბრალო ქალის განსაცდელი, - გათავდა, საცაა მოვა მარიუსი და კარგ ამბავს მომიტანსო, - ფიქრობდა კოზეტი. ასეთია სიყმანვილე: ადვილად შეიშრობს ცრემლებს. ამაოდ მიაჩნია მწუხარება და არ იკარებს მას. სიყმანვილე მომავლის ღიმლია შეუცნობლისადმი და თვითონვე არის ეს შეუცნობელი. ბუნების კანონია, მხიარული და ბედნიერი უნდა იყოს სიყმანვილე. სიყმანვილის სუნთქვაც კი თვით იმედი.

მხოლოდ ერთი რამ აწუხებდა ოდნავ კოზეტს: ვედარ გაეხსენებინა, რა უთხრა მარიუსმა იმის გასამართლებლად, რომ საქმე ჰქონდა და კოზეტს ვერ ნახავდა, როგორ აუხსნა ერთი დღის მოუსვლელობა. ყველას ექნება შენიშნული, რა მარჯვედ მიგორავს, ხელიდან რომ გაგივარდება ფული, რომ დაგვემალოს სადმე. ზოგი

ფიქრიც ასევე გვემალება. მიიმალება სადმე ჩვენი ტვინის კუნჭულები და აღარსად არის. ბევრიც რომ ეძებოთ, ვეღარ მიაგნებს ჩვენი მესხიერება. ცოტა არ იყოს, სწყინდა კიდეც კოზეტს, რომ ამოდ ცდილობდა მისი მესხიერება ამის გახსენებას. ეს რა მომივიდაო, - გაიძახოდა, - მარიუსის ნათქვამი როგორ დავივინწყო?

აღბა, ორგვარად განიბანა, - სულითა და ხორციით, ლოცვითა და წყლით.

თუ გაჭირდა, შეიძლება ჯვარდანერვილი ნეფე-დედოფლის სანოლში შევიყვანოთ მკითხველი, მაგრამ ქალწულის სანოლში კი არა. ლექსმა იქნებ გაბედოს როგორმე, მაგრამ პროზა კი ამას ვერ იზამს.

ჯერ გაუშლელი ყვავილის ჯამია ეს ოთახი, სისპეტაკე სიბნელებში; ჯერ გაუშლელი შროშანის კოკორია, რომელიც არ უნდა ნახოს კაცმა, სანამ მზე არ დახედავს. წმინდაა ქალი, სანამ კოკორია, შეუწყნარებელია აღწერა იმ უბინო ყვავილისა, რომელიც შიშვლდება; ამ მომხიბლავი ნახევრად სიშიშვლისა, რომელსაც თავისი თავისაც კი ერიდება; ამ კოპნია თეთრი ფეხისა, რომელიც ფოსტლებში იმალება; იმ მკერდისა, რომელსაც სარკის წინაც კი იფარებს, თითქოს თვალი ჰქონდეს სარკეს; ამ პერანგისა, რომელიც ასეთი სისწრაფით ცდილობს, მხარს გადაეფაროს, საგარძლის ჭრიალი ან ქუჩაში მომავალი ეტლის ხმა რომ მოესმის; ამ შეკრული ყაითნისა და ღუემებისა, ამ კანკალისა, ამ სიცივით და მორცხვობით თრთოლისა, ამ ყოველი მოძრაობის მომხიბლავი მოკრძალებისა, ამ ფრთამესხმული შიშისა იქაც კი, სადაც შიში არაფერია; მისი ზრდის კვალობაზე შეცვლილი სამოსისა, რომელიც ისეთივე მშვენიერია, როგორიც განთიადის ღრუბელი.

ყმანვილი ქალის აღვომას უფრო წმინდა თვალით უნდა მოელოდეს კაცი, ვიდრე ვარსკვლავის ამოსვლას. შესაძლებლობა მასთან მიღწევისა მოწინებად უნდა გარდაიქმნას. ატმის ბუსუსი, თოვლის სპეტაკი ფიფქი, განგლიანი ფრთა პეპლისა, ტლანქია ყოველივე ეს იმ უმანკობასთან შედარებით, რომელმაც თვითონაც არ იცის, რომ უმანკოა. ყმანვილი ქალი სხივია ოცნებისა და ჯერ ქანდაკებად არ გარდაქმნილა. მისი სარეცელი იდეალის ბურუსშია მიმაღული. კადნიერად თვალის შევლება შეურაცხყოფს ამ მკრთალ ჩრდილს. შეურაცხყოფაა აქ შთაჭვრეტა.

მაშ, არც ჩვენ აღვწერთ კოზეტის აღვომასა და მისი სანოლის არეულობას.

ერთი აღმოსავლური ზღაპარი მოგვითხრობს, რომ ღმერთმა მაისის ვარდი თეთრად გააჩინა, მაგრამ სწორედ იმ დროს დააცქერდა ადამი, როდესაც იშლებოდა, შერცხვა და განითლდაო. ჩვენც იმათვანი ვართ, რომელთაც მოკრძალება ერევათ ყმანვილი ქალისა და ყვავილების წინაშე და თავყვანისცემით შეხარიან ორივეს.

საჩქაროდ ჩაიყვა, თმა დაივარცხნა, მოიკაზმა, რაც ძალიან ადვილი იყო იმ დროს, რადგან მაშინდელი ქალები არ იბერავდნენ თმას შივ ჩატანებული კოპებით და სხვის ნაწნავებს არ იდებდნენ თმაში. მერე ფანჯარა გააღო, თვალი გადაავლო იქაურობას, - იქნებ ქუჩის ნაწილს, სახლის კუთხეს, ქვაფენილის ნაგლეჯი მაინც დავინახო, რომ მარიუსის მოსვლა არ გამოიმეპაროსო. მაგრამ ქუჩა არ მოჩანდა ამ ფანჯრიდან. უკანა ეზოში გადიოდა ფანჯარა, გარს მაღალი სახლები ერტყა და აქა-იქ პატარ-პატარა ბალები მოჩანდა. საძაგლად ეჩვენა კოზეტს ეს ბალები; ეს პირველად იყო მის სიცოცხლეში, როცა უშნოდ ეჩვენა ყვავილები. ქუჩის ნაწილი რომ დაენახა, ბედნიერებით ავესებოდა გული, და ცას დააცქერდა გაჯავრებული, თითქოს ციდანაც მოსალოდნელი იყო მარიუსის მოსვლა.

უცხად აქვითინდა. ხედავდა, რომ გაუცრუვდა იმედი და ვეღარ გაუძლო გულმა, ვეღარ შეიკავა ცრემლი, საშინელებად წარმოუდგა თვალწინ თავისი ყოფა. და მართლაც, შიგ ჰკერში ტრიალებს ჩვენი წინათგრძნობა და კომპეტიც გრძნობდა, რომ არაფერი რჩებოდა საიმედო, რომ დაკარგავდა მარიუსს, თუკი ვეღარ ნახავდა. სასურველად კი არა, საშინელებად ეჩვენა ფიქრი, შეიძლება ახლა ცით მომეცლინოს მარიუსიო.

მერე, - ასე იცის ამ ღრუბელმა, - ისევ დამშვილდა; გაუღიმა იმედმა და ღიმილი მოერია ღვთისადმი სასოებით აღსავსეს.

ყველას ეძინა სახლში. სოფლური ღუმელი იდგა ყველგან. ჯერ ფარდა არავის აენია, მეკარის კარიც კი დაკეტილი იყო, ჯერ ტუსენიც არ ამდგარიყო და კომპეტიც, ცხადია, დარწმუნებული იყო, რომ ისევ ეძინა ჟან ვალუანს. ალბათ, დიდი მწუხარება გამოეწვია და ახლაც მეტისმეტად წუხდა, რომ აღარ ინდობდა მამას და ავად მიაჩნდა იგი, მაგრამ მარიუსის იმედი ჰქონდა. ყოვლად შეუძლებელი იყო იმ მზის დაბნელება, რომელსაც მარიუსს ეძახდა. ხანდახან შორიდან ყრუ გრგვინვა ჩაესმოდა და უკვირდა, რა არის, ასე დილაადრიან რომ აღებენ და კეტავენ ალაყაფის კარსო. ეს იმ ზარბაზნის სროლის ხმა ესმოდა, ბარიკადის დანგრევას რომ ცდილობდა.

კომპეტის ფანჯრის ოდნავ ქვემოთ, კედლის ძველ ჩაშვებულ ლავგარდანზე ნამგალას ბუდე იყო. ლავგარდანთან ცოტა წინ წამოწეულიყო და ზემოდან მშვენივრად მოჩანდა ეს პატარა სამოთხე და მისი ბინადარნი. დედას მაროდ გაეშალა ფრთები და ბარტყებს ფარავდა; მამა დაფრინავდა, საშოვრით მიეშურებოდა ბარტყებისაკენ, აჭმევდა, კოცნიდა, დასჭიკჭიკებდა პატარებს. ამომავალი მზე შუქს ჰყვინდა ამ ნეტარებას. დიდებული კანონი „გამრავლით“ ზედ დასცქეროდა ტკბილი ღიმილით. დილის დიდებამი იშლებოდა ეს ტკბილი საიდუმლოება. კომპეტს თმა მზის სხივებისთვის მიენებებინა, სული - ოცნებისთვის, ამომავალი მზითა და სიყვარულით იყო მოხიბლული, თავისდა შეუმჩნეველად დაიხარა, - თავის თავსაც კი უმაღავდა, რომ მარიუსზე ფიქრობდა, - დაამტერდა ამ ბუდეს, ჩიტებს, ამ ოჯახს, ამ დედალ-მამალს, ამ დედასა და პაწია შვილებს და მღელვარება მოერია. მღელვარება ქალწულისა, რომელიც სანატრელ ბუდეს ხედავს.

თავი მეთერთმეტე

ტყვია, რომელიც მიზანს არ ასცდებდა და ¹¹ადამიანს კი არ მოკლავს

ჯარი თავისას არ იშლიდა და არ ასვენებდა ბარიკადს. ხან თოფს ესროდა, ხან ზარბაზანს, მაგრამ ჯერჯერობით ბარიკადიც მაგრად იდგა. თუ დაზიანებული იყო რამე, ეს გახლდათ „კორინთის“ კედლის ზემო ნაწილი ქუჩის მხრიდან. მეორე სართულისა და მანსარდის ოთახებს ხვდებოდა ტყვია-ფინიხი და ნელ-ნელა ანგრევდა. ვინც ზევით ასულიყო იქიდან სასროლად, იძულებული გახდა, ძირს ჩამოსულიყო. საერთოდ კი ეს არის ბარიკადის ასაღებად მიღებული ტაქტიკა: სროლას აუტეხენ ხანგრძლივს, შეუწყვეტელს, რომ საბოლოოდ დაახარჯინონ აჯანყებულებს ტყვია-წამალი, თუ გაბრიყვდნენ და იმათაც სროლით გასცეს პასუხი; როდესაც შეატყობ, რომ მცირდება ბარიკადიდან სროლა, მამასადამე, ტყვია-წამალი

გამოლევიათ, მაშინ განახლებენ ისევ იერიშს, მაგრამ ანჟოლრასი ვერ გააბეს ამ მახეში. ჯარის სროლას ბარიკადი პასუხს არ აძლევდა.

როგორც კი გავარდებოდა ზარბაზანი, ლოყას გამობერავდა ერთი გავროში, - ეს ნიშანი იყო ათვალწუნებისა და მასხრად ავლებისა, - და შესძახებდა თავისებურად:

- ძალიან კარგი! დახიეთ ეგ ჩვრები, სახვევად გამოგვადგება.

კურფეირაკიც დასცინოდა ზარბაზანს, რომელიც თითქმის ამაოდ განაგრძობდა სროლას და გასძახოდა:

- ყბედი ყოფილხარ და ყურს აღარ გივლებთ!

ომსა და ბრძოლაში ისე ოინბაზობენ და თვალთმაქცობენ, როგორც მეჭლისზე. ადვილად წარმოსადგენია, რომ ბარიკადის დუმილი საექვოდ მიიღო ჯარმა, ოინს არ გვიმზადებდნენო. ამის ასაცილებლად საჭირო იყო, კარგად გადაეხედათ ბარიკადს იქით და გაეკოთ, რა იყო ამ აღუშვოთებელი ქვაყრილის უკან, რითი იყო, რომ სროლას უძლებდა და პასუხს კი არ იძლეოდა და უცხად ერთი მაღალი სახლის სახურავზე ბარიკადელებმა მოელვარე ჩაჩქანი დაინახეს. მესხანძრე საკვამლე მილს მიჰყუდებოდა და თვალს არ აშორებდა ბარიკადს. ეტყობოდა, მზვერავი იყო.

- ესეც დაუპატიჟებელი სტუმარი, - თქვა ანჟოლრასმა.

ჟან ვალჟანს ანჟოლრასისათვის დაებრუნებინა თოფი, თავისი კი ხელში ეჭირა.

ხმაც არ ამოიღო, დაუმიზნა მესხანძრეს, წამიც და, ჩაჩქანი ტყვიამ შუა ქუჩაზე ძირს დასცა. გულგახეთქილი მზვერავი მიიმალა.

ახლა მეორე გამოიჭიმა მის ადგილას, ეს უკვე ოფიცერი იყო. ჟან ვალჟანმა გატენა თოფი, დაუმიზნა და ოფიცრის ჩაჩქანიც ძირს ჩამოავდო. ოფიცერიც მაშინვე მიიმალა. ახლა კი მიხვდა ჯარი, რომ მზვერავი იქ ვერაფერს გახდებოდა და ბარიკადის მეთვალყურედ არავინ ასულა სახურავზე.

- რატომ არ მოკალით? - ჰკითხა ჟან ვალჟანს ბოსუემ.

ჟან ვალჟანმა პასუხი არ გასცა.

თავი მეთორმეტე

უნწსრიგობა წწსრიგის სამსახურში

ბოსუემ კომბევერს ჩასჩურჩულა:

- პასუხი არ მაღირსა ამ კაცმა.

- თოფის სროლით თესავს სიკეთეს, - უთხრა კომბევერმა.

ვისაც ცოტა რამ მაინც ახსოვს იმ შორეული დროისა, კარგად იცის, რომ გარეუბნელთა გვარდია მედგრად ებრძოდა ყოველ აჯანყებას და 1832 წლის ივნისში ხომ სულ ცოფს ყრიდა, ისე იყო გაშმაგებული. რომელიმე უწყინარი მიკიტანი სამიკიტნო „ჯამბაზიდან“ „სათნოებიდან“ ან „ღარაკიდან“, რომლის ვაჭრობას ძირს უთხრიდა აჯანყება, გმირი ხდებოდა, რაკი დაინახავდა, რომ „დანესებულების“ დაკეტვის მეტი აღარათფერი დარჩენოდა და თავგანწირვით იბრძოდა, რომ აღედგინა სამიკიტნოები. ამ ეპოქაში, რომელიც ბურჟუაზიულიც იყო და იმავდროულად, გმირულიც, მრავალი ახალი იდეა ტრიალებდა, რომელსაც თავისი რაინდები ჰყავდა, მრავალი ინტერესი იყო უძღები, რომელსაც დევგმირები ემსახურებოდნენ. ხელის ჭუჭყად ხსენებული ეს გარემოება არაფრად მიაჩნდა მათ ვაჟკაცობას. ფული რომ შემოაკლდებოდათ ბანკის პატრონებს, „მარსელიეზას“ მღეროდნენ ხოლმე.

დახლისთვის იყო, რომ თავგანწირვით კვდებოდა კაცი და ლაკედემონელების შემართებით იყავდა თავის სამიკიტნო, სამშობლოს ამ საზიზღარ განსახიერებას.

რომ დაუფიქრდება კაცი, სხვადასხვა საზოგადოებრივი ელემენტის ეს ბრძოლა მნიშვნელოვანი იყო, ვიდრე გათენდებოდა ის დღე, რომელიც წონასწორობას დაამყარებდა. მეორე ნიშანი იმ თეორიისა იყო ანარქია „მთავრობასთან“ ერთად (ბარბაროსული ტერმინი!), წესრიგის დამყარებას ცდილობდნენ უწესრიგობით. მოულოდნელად გაისმოდა ხოლმე ეროვნული გვარდიის რაზმის უფროსის ბრძანებით ნალარის ხმა ჯარის შესაკრებად მარტო იმიტომ, რომ რაზმის უფროსს ასე მოეპრიანა. ვინმე უკაპიტანი შთავონების გამო მიიწვედა ბრძოლისაკენ, ვინმე გვარდიელი „იღვის“ გამო ერეოდა ბრძოლაში უფროსების დაუკითხავად. საშიშროების მოლოდინში თავისი სურვილითა და ალღოთი იღვწოდა მებრძოლი და არა მეთაურების ნებართვით. თვით მშვიდობიანობის დროსაც არმიამი, რომელიც მართლწესრიგს იყავდა, ყოველთვის გამოერეოდნენ გაბედულები, ფანიკოსავით ხმლით ან ანრი ფონფერდევით კალმით მებრძოლნი.

იმდროინდელი ცივილიზაცია, საუბედუროდ, უფრო ინტერესთა ერთობლიობას წარმოადგენდა, ვიდრე იდეათა კავშირს, საშიშარ მდგომარეობაში იყო, ან ეგონა, რომ სამიმ მდგომარეობაში იყო და განგაშს სცემდა, ვიღუპებითო. ყველა იმას ცდილობდა, ცენტრად გამხდარიყო და თავისებურად შეელოდა ცივილიზაციას, იყავდა და იფარავდა; გამოჩნდებოდა ვინმე ვიკინდარა და ის კისრულობდა მეთაურობას, ის კისრულობდა საზოგადოების ხსნას.

გულომოდგინებაში ხანდახან ამლაშებდნენ კიდევაც. ეროვნული გვარდიის რომელიმე რაზმი თავისი ნებით აუხადებდა თავის თავს სამხედრო სამსჯავროდ, ხუთი წუთის განმავლობაში არჩევდა საქმეს და სიკვდილით სჯიდა დაპატიმრებულ აჯანყებულებს. ერთი ამგვარი იმპროვიზირებული სამსჯავრო იყო, ჟან პრუვერი რომ დახვრიტა. მხეცური კანონი იყო ლინჩისა, რომელსაც ვერც ერთი პარტია ვერ უსაყვედურებს თავის მონინალმდევვე პარტიას, ვინაიდან ამ კანონს იყენებს როგორც რესპუბლიკა ამერიკაში, ასევე ევროპაში მონარქია. ერთხელ ჯარისკაცები ხიშტებით გამოეკიდნენ ჭაბუკ პოეტს, პოლ-ემე გარნიეს და იმით გადაარჩა საწყალი, რომ პალე-რუაილის მოედანზე #6 სახლის ალაყაფის კარში შევარდა; მისდევდნენ და ყვიროდნენ: „დაიჭირეთ! აი, კიდევ სენ-სიმონის მიმდევარი!“ მოსაკულავად მისდევდნენ. დამნაშავე იმაში იყო, რომ ხელში წივნი ეჭირა „ჰერცოგ სენ-სიმონის მოგონებანი“. ერთ გვარდიელს ამ წივნის ზურგზე „სენ-სიმონი“ ამოეკითხა და ყვირილი დაიწყო, სენ-სიმონს კითხულობს, მოკალითო.

1832 წლის 6 ივნისს ეროვნული გვარდიის ერთმა რაზმმა უკაპიტან ფანიკოს მეთაურობითა და საკუთარი ახირებით თავს თავად გამოუტანა სასიკვდილო განაჩენი, როცა შანვრერის ქუჩაზე. რაც უნდა დაუჯერებელი იყოს, ეს დაადგინა 1832 წლის აჯანყების საქმის გამომძიებელმა სასამართლომ. უკაპიტანი ფანიკო ბურჟუა იყო, სულსწრაფი და ფიცხი, ერთი იმათგანი, რომლებიც ეს არის დავახასიათეთ, ფანატიკურად ერთგული მთავრობისა, მაგრამ მორჩილების უარმყოფი. ვეღარ გაუძლო ამ ვაჟბატონმა სურვილს, რომ ყველაზე ადრე მას დაეწყო სროლა და პირადად აეღო ბარიკადი თავისი პატარა რაზმით; ვეღარ გაუძლო ბარიკადზე აფრიალებულ წითელ დროშას, შემდეგ კი ძველ შავ სერთუქს, რომელიც შავ დროშად ჩათვალა, და ხმამაღლა მოჰყვა გენერლებისა და ჯარის მეთაურობის

კიციხვას, რომლებიც იქ, სადღაც ბჭობას უნდებოდნენ და ვერ ხედავდნენ, რომ უკვე დრო იყო, თავს დასხმოდნენ ბარიკადს; რომ ამით დროს აძლევდნენ აჯანყებულებს, რომ, ერთი გენერლის სიტყვას ვიმეორებთ, „თავის საკუთარ წვენი ჩახარშულიყვნენ“. სულ სხვა ამრისა იყო ფანიკო; ბარიკადი „მწიფედ“ მიაჩნდა და რადგან მწიფე ძირს უნდა დაეცეს, ბარიკადიც უნდა დაცემულიყო და თვითონვე შეეცადა მის დაცემას.

თავის რაზმში სულ თავის მსგავსი გულფიცხი ბიჭები ჰყავდა, სულ „ცოფიანები“, - ამბობს ერთი მოწმეთაგანი. მისმა რაზმმა დახვრიტა პოეტი ჟან პრუვერი; მისი რაზმი იყო, რომ ჯარის თავში პირველი იდგა ქუჩის კუთხეში. სწორედ იმ დროს მიუსია ფანიკომ ბარიკადს თავისი რაზმი, როდესაც ამას არავინ მოელოდა. ეს შეტევა უფრო ახირება იყო, ვიდრე სტრატეგიის შესაფერისი და ძალიან ძვირადღაც დაუჯდა ფანიკოს. ქუჩის ორი მესამედი არ გაეგლო რაზმს, რომ თოფი გაეარდა ბარიკადიდან და ძირს დასცა ოთხი მეტად მამაცი ბიჭი, რომლებიც წინ მიუძღოდნენ რაზმს. ყოჩაღი, მამაცი ბიჭები იყვნენ ეს გვარდიელები, მაგრამ მხედრული ურყეობა არ ჰქონდათ და უკან დაბრუნდნენ პატარა ყოყმანის შემდეგ; თხუთმეტი კაცი დატოვეს დაჭრილ-დახოცილი ქუჩაში. მათი ყოყმანით ისარგებლეს აჯანყებულებმა, ხელახლა გატენეს თოფი და ჯერ თავის სადგომს არ მიახლოებოდა ფანიკოს რაზმი, ერთხელ კიდევ ესროლეს უკან მიმავალს. ერთ წამს ორცეცხლშუა მოჰყვნენ გვარდიელები, რადგან სწორედ იმ დროსვე გაეარდა ბარიკადისკენ მიმართული ზარბაზანი, რადგან სროლის შეწყვეტის ბრძანება არ ჰქონდა და სროლას განაგრძობდა. გულფიცხი, უგუნური ფანიკოც სწორედ ამ ზარბაზანმა დასცა ძირს. მთავრობის ერთგული მონა მოკლა ზარბაზანმა, ესე იგი, მთავრობამ.

ამ იერიშმა, უფრო გამშაგებულმა, ვიდრე მოთქმეულმა, გააბრაზა ანჟოლრასი.

- რა სულელები არიან, - უთხრა ამხანაგებს, - თავისიანებსაც ამაოდ გვახოცვნიებენ და ტყვია-წამალსაც გვახარჯვნიებენ.

ანჟოლრასი აჯანყების ნამდვილი გენერალი იყო და ჭკვიანად სჯიდა. აჯანყება და მთავრობა რომ იბრძვიან, თანასწორი ძალით კი არ არიან აღჭურვილნი. აჯანყებას ცოტა ტყვია-წამალი აქვს, რამდენიმე კაცი ჰყავს და ცოტა ხნის ბრძოლის შემდეგ ერთიც აკლდება და მეორეც. ვაზნების ჩანთა რომ ცარიელი დარჩება, ან კაცი მოაკლდება, სამაგიეროს ვეღარ იშოვის, მთავრობას კი მთელი ლაშქარი ჰყავს, ჯარისკაცებს არ თვლის; თავისი საჭურველი აქვს და გულუხვად ხარჯავს ტყვია-წამალს. მთავრობას იმდენი რაზმი ჰყავს და მეტიც, რაც ბარიკადს კაცი ჰყავს მებრძოლი, და იმდენი იარაღი აქვს რამდენიც ბარიკადს ვაზნა. ამიტომ აქ რომ ბრძოლაა, ერთი ებრძვის ასს და ბრძოლა ყოველთვის ბარიკადის დანგრევით მთავრდება, თუ უცხად რევოლუციამ არ იფეთქა და ბრძოლის სასწრაფე არ დადო თავისი ცეცხლწაკიდებელი მთავარანგელოზის შუბი. მაშინ ამილება ქვეყანა, ცეცხლი ეკიდება დიდსა და პატარას, ურცხვად შენდება ხალხის თავდასაცავი ბარიკადები, დიდებულად იბრძვის პარიზი, ღვთაებრივად ერევა ამ ბრძოლაში, 10 აგვისტო და 29 ივლისი ტრიალებს ჰყარში, სასწაულებრივი სინათლე ეფინება ქვეყანას, უკან იხევს ხალხის დამმონებელი და დამჩაგვრელი დაღრენილი პირი და ლაშქრის თვალწინ ამ ლომის წინ აღიმართება მშვიდი და ლმობიერი წინასწარმეტყველი - საფრანგეთი.

თავი მესამეტე
სწრაფმავალი სინათლე

იმ გრძნობათა და ვნებათა ქაოსში, რომელიც იცავს ბარიკადს, ყველაფერი ურყევია; ვაჟკაცობაც აქ არის, მამაცობაც, ახალგაზრდობაც, სიამაყე და თავმოყვარეობაც, ალტაცებაც, რწმენაც, იდეალიც, თავგამოდებაც და მეტადრე იმედის ცვალებადობა.

წამით მბუჟტავი შუქი ვაკრთა ანჟოლრასის ფიქრში, იმედი ჩაცხახა სწორედ იმ დროს, როდესაც საიმედო არაფერი ჰქონდა ბარიკადს და შესძახა:

- ყური უვდეთ! მგონი, იღვიძებს ჰარიზი!

მართალია, 6 ივნისის დილას, ერთი თუ ორი საათის განმავლობაში, აჯანყებულებს კიდევ ჰქონდათ რაღაც საიმედო; შეუწყვეტილ რევკვდა სენ-მერის ზარი განგაშს და ეს აიმედებდა ბარიკადებს. პუარის ქუჩაზეც აგებდნენ ბარიკადს, გრაველის ქუჩაზეც, სენ-მარტენის კართან ერთი ჭაბუკი თოფით შეიარაღებული ეკვეთა მხედართა ესკადრონს და სროლა დაუწყო; საფარი არ ჰქონდა, ბულვარზე იყო; ცალი ფეხით დაიჩოქა, დაუმიზნა და ესკადრონის უფროსი მოკლა. წამოდგა და დაიძახა, ესეც ერთი მოვიშორეთ, აღარას გვავენებსო! მხედრებმა საბრალო იქვე აკუნეს. სენ-დენის ქუჩაზე მიმავალ გვარდიას ზურგიდან სროლა დაუწყო ერთმა ქალმა, რომელიც ფანჯრის დარაბას ამოფარებოდა. კოსონერის ქუჩაზე თოთხმეტი წლის ბიჭი დაიჭირეს. ჯიბეები ვაზნით ჰქონდა საესე. მთავრობის რამდენიმე საგუშაგოსაც კი დაეცა ხალხი გენერალ კავენიაკ დე ბარანის წინამძღოლობით, სამხედრო სროლით დახვდა ქუჩა. პლანმ-მიბრეს ქუჩაზე მიმავალ ჯარს ერთი სახლის სახურავიდან ჭურჭლის ნამსხვრევი და ძველი, უვარგისი ავეჯი დააყარეს თავზე. ასე რომ, ასეთი ავი ნიშანი მთავრობისთვის მრავლად იყო. ყოველივე ეს მარშალ სულტს, ნაპოლეონის ყოფილ ოფიცერს, რომ მოახსენეს, ჩაფიქრდა, რადგან სუმეს სიტყვა მოავგონდა სარაგოსაში ნათქვამი, - ჩვენი აღსასრული იმ დღეს დადგება, როდესაც მოხუცი დედაკაცები თავზე დაგვასხამენ თავიანთ ღამის ქოთნებსო.

სწორედ იმ დროს, როდესაც უკვე დამარცხებული, ერთგან მომწყვდეული ეგონათ აჯანყება, კიდევ მრავალგან იფეთქა. თავს ვეღარ იკავებდა გაჭირვება. აქა-იქ ავარდებოდა ალი და თავზე გადაუვლიდა იმ სასონარკვეთილ და აჯანყებაში გამოსაყენებელ ხალხს, რომელსაც ჰარიზის გარეუბანი ჰქვია. სამხედრო პირები ძალიან შეათქიანან ამ ნიშნებმა და აჩქარებით შეუდგნენ აჯანყების დასაწყისშივე ჩაქრობას. ჯერ ასე განცალკევებულ, უმნიშვნელო ალის ჩაქრობას შეუდგნენ; მობუეს, შანვრერის და სენ-მერის ბარიკადების აღებას შემდეგში აპირებდნენ, როდესაც აქა-იქ დაფანტული წვრილმანის შიში აღარ ექნებოდათ, მაშინ მოიყლიდნენ ბარიკადისთვის და უცხად აღგვიდნენ მიწის პირიდან. საცა კი მღელვარების შიში ჰქონდათ, ყველგან ჯარი ჩააყენეს; განმინდეს ქუჩები, ზოგან ნელ-ნელა და ფრთხილად, ზოგან იერიშის სისწრაფითა და სიმკაცრით. კარს უმტვრევდა ჯარი იმ სახლს, საიდანაც თოფი გავარდებოდა და შიგ შედიოდა. ცხენოსანი ჯარი დანავარდობდა ბულვარებზე და მათრახის ცემით ერეკებოდა სადაც ორ-სამ კაცს ნახავდა ერთად. მთავრობის ამგვარი საქციელი ისე არ ჩაივლის, რომ არ გამოიწვიოს დაბეჩავებული ხალხის აღშფოთება, აუცილებელი ბანი მთავრობასა და ხალხს შორის ბრძოლისა. სწორედ ეს ბანი მოესმა ანჟოლრასს, როდესაც ცოტა ხნით შეწყდა ზარბაზნისა და თოფის სროლა. გარდა ამისა, დაინახა, რომ ქუჩის ბოლოში დაჭრილები გაატარეს საკაცეებით და კურფეირაკს უთხრა:

- ხედავ, სხვაგანაც იბრძვის ქალაქი, ეს დაჭრილები ჩვენი მხარის არ არიან.

სწრაფმავალი გამოდგა ეს იმედი. არ გასულა ნახევარი საათი, ჩაქრა და განიავდა, რაც ჰაერში იყო, თითქოს ელვა ყოფილიყოს უმეხო და კარგად იგრძნეს აჯანყებულებმა, რომ ისევ ის მიმე ტყვიის სუდარა დაანვით გულზე, რომელსაც ხალხის გულგრილობა აფარებს ხალხისთვის თავგანწირულ მოღვაწეთ.

ხალხის საერთო მღელვარება, რომელსაც თითქოს უნდა გარკვეული სახე მიეღო, უდღეური გამოდგა. სამხედრო მინისტრის და მთავარი გენერლების ყურადღება შეიძლებოდა მთავარი ბარიკადისკენ მიქცეულიყო. სულ სამი თუ ოთხი ბარიკადილა იყო ჯერ ისევ ცოცხალი.

მზე ამოდიოდა ჰორიზონტზე.

ერთმა ბარიკადელმა უთხრა ანჟოლრასს:

- გვმია, ნუთუ მართლა ასე მშივრები უნდა დავიხოცოთ?

ანჟოლრასი თავის ადვილს არ შორდებოდა, ქუჩის ბოლოს ჯარსა და ზარბაზანს გასცქეროდა. თანხმობის ნიშნად მხოლოდ თავი დაუქნია.

თავი მეთოთხმეტე

აქა სახელი ანჟოლრასის საყვარლისა

კურფეირაკი იქვე იჯდა, მიწაზე, ანჟოლრასის გვერდით, ისევ ზარბაზანს ლანძღავდა და მასხრად იგდებდა. როგორც კი გადაისრიალებდა შავ ღრუბლად ზარბაზნის ჭურვი, ის მაშინვე ლანძღვასა და დაცინვას მიაყოლებდა უკან:

- ფილტვებს წაიხდენ, შე გამოჰენტერებულო! ხომ ხედავ, ყურს აღარავინ უგდებს მაგ შენს ღრიანცელს, გინდა, ჭექედე და ძლივსლა ახველებ, შე ხრინწიანო.

და სიცილი გაისმოდა ბარიკადზე.

კურფეირაკი და ბოსუე მით უფრო მხიარულად ხუმრობდნენ, რამდენადაც უფრო მწვავედებოდა მდგომარეობა, ქალბატონი სკარონივით იქცეოდნენ: პური რომ არ ჰქონდათ, ხუმრობით ძღებოდნენ და ღვინის ნაცვლად ხუმრობას სვამდნენ.

- საკვირველი ვინმეა ჩვენი ანჟოლრასი, - ამბობდა ბოსუე, - განცვიფრებული ვარ მისი ურყევი გამბედაობით. მარტოდმარტო ცხოვრობს და, ალბათ, ამიტომ არის ასე დაღვრემილი, სულ იმას ჩივის სანყალი ბიჭი, მდგომარეობა მაიძულებს და იმიტომ ვარ დაქვრივებული. ჩვენ უბრალო მოკვდავნი ვართ და ყველას გვყავს სატრფო, რომლებიც გვაგოყუბენ, ესე იგი, გვაგმირებენ. ბიჭი რომ შეიყვარებს და ვეფხვივით გახელდება, ლომივით იბრძვის ყველგან. ეს გახლავთ ერთგვარი საშუალება შურისძიებისა ჩვენს საყვარლებზე მათი ღალატისათვის. როლანდმა თავი მოაკვლევინა მხოლოდ იმისთვის, რომ სინანული ეგრძნო ანჟელიკას. ვაჟკაცობა, მამაცობა, დევგმობა სულ ქალისგან გვჭირს. კაცს რომ სატრფო არ ჰყავდეს, დამბაჩა უჩახმახო. ქალია ჩვენი ბატონი და ჩვენი სულის პატრონი. ჰოდა, ანჟოლრასს კი არც ქალბატონი გააჩნია და არც სულისჩამდგმელი. სიყვარულისა არა იყის რა და მაინც ასე მედგრად, მამაცად იბრძვის. არსად მინახავს და არც გამიგონია, რომ ყინულივით გულცივი იყოს კაცი და თან ცუცხლივით ფიცხი.

ისე იდგა ანჟოლრასი, თითქოს არ ესმოდა თანამებრძოლის სიტყვები, მაგრამ ახლოს რომ სდგომოდა ვინმე, გაიგონებდა ჩურჩულით ნათქვამ სიტყვას:

- პატრია.

ჯერ ისევ იცინოდა ბოსუე, როდესაც კურფეირაკმა წამოიძახა:

- ვილაც მობრძანდება! - და ბოქულის ხმით და მონინებით, მინისტრს რომ მოახსენებს, დაუმატა, - სამკილოგრამიანი ზარბაზანი გახლავთ.

და მართლაც ერთი ახალი მოქმედი პირი გამოჩნდა სცენაზე, - მეორე ზარბაზანი. არტილერიისტებმა სწრაფად დააყენეს ზარბაზანი და ბარიკადისკენ მიმართეს.

ეს უნდა ყოფილიყო დასაწყისი დასასრულისა.

რამდენიმე წუთის შემდეგ ერთდროულად ორი ზარბაზნის სროლის ხმა გაისმა. ზარბაზნის სროლას თან მოჰყვა ჯარისა და გვარდიელების თოფების ტყვიები.

ახლო უბნიდანაც ისმოდა ზარბაზნის ქუხილი. ორი ზარბაზანი რომ ცეცხლს აყრიდა შანვრერის ბარიკადს, ორი სხვაც სენ-მერის ბარიკადს უშენდა ჭურვს, ერთი სენ-დენის და მეორე კი ობრი-ლე-ბუშეს ქუჩიდან. საზარელ ბანს აძლევდნენ ერთმანეთს ზარბაზნები.

ომის შავბნელი ძაღლების ყეფა იყო აქაც და იქაც.

შანვრერის ქუჩის ბარიკადს ერთი ზარბაზანი ჭურვით სცემდა, მეორე ფინდიხით. ჭურვს რომ ისროდა, პირი ცოტა ზევით ჰქონდა ანეული და ისე იყო მომართული, რომ ბარიკადის ქვაყრილს ზემოდან დასცემოდა, დაენგრია, ძირს ჩამოეშალა და ბარიკადზე მყოფთ მოხვედროდა ეს ნანგრევი.

ამგვარად, სროლის მიზანი იყო ქვაყრილის ზემოდან ძირს ჩაერევა აჯანყებულები, რომ ზემოდან სროლა აღარ შესძლებოდათ და, მამასადამე, ჯარს უდანაკარგოდ მიეტანა ბარიკადზე იერიში.

ჭურვს ბარიკადის კედლიდან უნდა გაერევა აჯანყებულები, ფინდიხს - სამიკიტნოს ფანჯრებიდან. მერე კი მიეპარებოდნენ, აძვრებოდნენ ქვაყრილზე და ხელთ ჩაიგდებდნენ ბარიკადს.

- უნდა შევამციროთ როგორმე ამ ზარბაზნების ძალა, - თქვა ანჟოლრასმა და შესძახა, - ცეცხლი არტილერიას!

მხოლოდ ამ ბრძანებას ელოდნენ. დიდი ხანი იყო, პასუხს არ აძლევდა ბარიკადი, ახლა კი ზედიზედ მოჰყვა შვიდი თუ რვა სროლა, სიხარულით და ცოფით მიძღვნილი. კვამლით აივსო ქუჩა, ორ ნაბიჯზე აღარაფერი ჩანდა, და მალე, როდესაც გაიფანტა კვამლი და მტრის ბუნავი გამოჩნდა, ბარიკადიდან დაინახეს, რომ ზარბაზნის მსროლელების ორი მესამედი მაინც მიწაზე ეყარა, ვინც დარჩენილიყო, ზარბაზნებს ტენიდა.

- მაგრად მოვცხეთ, - უთხრა ბოსუემ ანჟოლრასს, - სრული გამარჯვებაა!

თავი დახარა ანჟოლრასმა და უპასუხა:

- ერთი თხუთმეტი წუთი კიდევ ამისთანა გამარჯვებისა და ათი ვაზნა აღარ გვექნება მთელ ბარიკადში.

ეტყობა, გავრომმა ყური მოჰკრა მის სიტყვებს.

თავი მეთხუთმეტე

გავროში ბარიკადის წინ

კურფეირაკმა ქუჩაში ვილაც დაინახა, იქვე ბარიკადის იქით, სადაც ზუზუნი გაჰქონდა ტყვიას. ბოთლების საზიდი კალათი გამოეტანა სამიკიტნოდან გავროში.

ქუჩაში გავარდნილიყო და უშიშრად, მშვიდად აგროვებდა კალათში მოკლული გვარდიელების ვაზნით სავსე ჩანთებს.

- მანდ რა გინდა, ბიჭო? - შეჰყვირა კურფეირაკმა.

ცხვირი ასნია გავროშმა:

- კალათს ვავსებ, მოქალაქე.

- ზარბაზნის სროლა არ გეცმის?

გავროშმაც კითხვით უპასუხა:

- დიახ, ძალიან წვიმს, მერე რა?

კურფეირაკმა ბრძანებით დაუყვირა:

- დაბრუნდი!

- ახლავე, ახლავე, - უპასუხა გავროშმა დასამშვიდებლად და სწრაფი ნახტომით შუა ქუჩაზე აღმოჩნდა.

მკითხველს ესხომება, რომ ფანიკოს რაზმმა, უკან რომ მიდიოდა, მრავალი მკვდარი და დაჭრილი დატოვა ქუჩაში.

ოცამდე მკვდარი კაცი ეგდო მიწაზე, ოცამდე ვაზნით სავსე ჩანთა. ამაზე უკეთეს მარაგს სად იშოვიდნენ იმ გასაჭირში?

სქელი ღრუბელივით იდგა ქუჩაში კვამლი. ვინც მთავი ყოფილა და უნახავს ვინრო ხეობაში ორი მაღალი ციცაბო მთის მწვერვალებს შუა რომ ჩაიჭედება ღრუბელი, ადვილად წარმოიდგენს იმ კვამლს, მრავალსართულიან მაღალ სახლებშუა მოგროვილსა და შესქელებულს, რომელიც ნელ-ნელა იწვედა ცისკენ, მაგრამ ძირიდან ახალ-ახალი ემატებოდა და ამიტომ იყო, რომ თანდათან სქელდებოდა და უფრო და უფრო აბნელებდა ქუჩას. ხომ მოკლე იყო შანვრერის ქუჩა და ძლივძლივობით ხედავდნენ ერთმანეთს ბარიკადი და ზარბაზნები.

აღბათ, სასურველი იყო ეს სიბნელე ჯარის მეთაურებისთვის, რომელთაც დავალებული ჰქონდათ ბარიკადის აღება და განზრახ ცდილობდნენ კვამლის შესქელებას. გავროშისთვისაც ხელსაყრელი იყო ასეთი სიბნელე. ბნელში იყო ჩამძვრალი და ისე მიფოფხავდა. თვითონაც ტანდაბალი იყო ბიჭი და ისე მიიწვედა იმ ჩანთებისკენ, რომ ძნელი იყო მისი დანახვა. შვიდი თუ რვა ჩანთა დაცალა თავის კალათში ისე, რომ შიში არ განუცდია.

გულდაღმა იწვა და ისე მიხობხავდა. კალათს კბილებით მიათრევდა. იკლაკნებოდა, მიცურავდა, მიცოცავდა, მიგორავდა. ერთი მკვდრისაგან მეორისკენ გადადიოდა და ისე ცლიდა ჩანთებს, როგორც მაიმუნი, კაკალს რომ შეექცევა.

ჯერ ახლო იყო ბარიკადთან, მაგრამ იქიდან ყვირილს ვერ ბედავდნენ, რომ უკან დაბრუნებულიყო, რადგან მტერი გაიგონებდა და ახლა მას აუტეხდა სროლას.

ერთ მკვდარ სერჟანტს თოფისწამლით სავსე პარკი უპოვა.

- გაჭირვებისას გამომადგება, - წამოიძახა სიხარულით და ჯიბეში ჩაიღო.

ასე მიჰყვა ქუჩას და იქ აღმოჩნდა, სადაც ნაკლებად ტრიალებდა კვამლი.

დაინახა ჯარმა, დაინახეს მსროლელებმა, რომლებიც თავიანთი ქვაყრილის უკან ჩასაფრებულიყვნენ და იქიდან ისროდნენ, დაინახეს გვარდიელებმა, ქუჩის კუთხეში რომ იდგნენ, და ერთმანეთს ეკითხებოდნენ, იმ სიბნელეში რა დაცოცავსო?

ერთ სერჟანტთან მიცოცდა გავროში, ჩაცალა კალათში მისი ვაზნები და ტყვიაც მოხვდა მკვდარ სერჟანტს.

- ეშმაკმა დალახვროს! - შეჰყვირა გავროშმა, - მკვდრებს მიხობხავენ!

მეორე ტყვია ქვას ეცა იქვე, მის გვერდით, მესამემ კალათი გადაუბრუნა.

აღმა გავროში. გადახედა ჯარსა და ზარბაზნებს, წელში გასწორდა. თმას ქარი უთამაშებდა, დოინჯი შემოიყარა და შემოსძახა:

მახინჯად იქცნენ ნანტერის მკვიდრნი,
ვოლტერის ბრალთა,
გამოთაყვანდნენ პოლესოს მკვიდრნი,
სულ რუსოს ბრალთა.

მერე აიღო თავისი კალათი, შიგ ჩაანყო დაბნეული ვაზნები ისე, რომ ერთი არ დაეცა, წინ წაინია ზარბაზნებისკენ და ახლა იქ დასწვდა ჩანთას. აქაც დაუმიზნეს, მაგრამ არც ეს მეოთხე მოხვდა და მხიარულად შესძახა:

ვერაფრით წინ ვერ წავედი,
ესეც ვოლტერის ბრალთა,
ჩემს ბედს გაუტყდა ბორბალი,
ესეც სულ რუსოს ბრალთა.

მეხუთე ტყვიაც ასცდა და მესამეჯერაც დაამღერა:

გაბღენძილებს რომ არ ვბაძავ,
ვოლტერის ბრალთა,
სიღარიბე რომ ბურთად მაგორებს,
სულ რუსოს ბრალთა.

გავროში მღეროდა, ისინი ესროდნენ.

სამინელი იყო ეს სურათი და თანაც მომხიბლავი. გავროში მიზანში ჰყავდათ ამოღებული და ის კი მხიარულად აღიზიანებდა თავის დამხვრეტებს. ეტყობოდა, ძალიან სასიამოვნოდ ეჩვენებოდა ეს ბრძოლა, ხარობდა ბიჭი. ბელურა იყო, რომელიც აკენკვას უქადა მონადირეებს. როგორც კი ესროდნენ, მაშინვე სიმღერით უპასუხებდა. სულ უმიზნებდნენ და სულ აცდენდნენ. ჯარისკაცები და გვარდიელები იცინოდნენ და ისე ტენიდნენ თოფებს. ისიც დაეცემოდა ხოლმე მიწაზე, მერე ისევ წამოვარდებოდა, სადმე ალაყაფის კართან მიიკუნჭებოდა, ისევ ქუჩაზე გახტებოდა, სადღაც გაქრებოდა, ისევ გაჩნდებოდა, მიიმალებოდა, ჭურვის სროლაზე ზარბაზნს სასაცილოდ ემანჭებოდა და ამასობაში აგროვებდა ვაზნებს და ავსებდა კალათას. ბარიკადიდან შეჰყურებდნენ აჯანყებულები და გული უკანკალებდათ შიშით. ბარიკადი კანკალებდა, გავროში კი მღეროდა. ეს არ იყო პატარა ბიჭი, ეს არც კაცი იყო, უცნაური გამენი გახლდათ, ქაჯი; იტყოდით, ქონდრისკაცია, ბრძოლაში ტყვისთვის მიუწვდომელი. ტყვია დასდევდა პატარას, მაგრამ ის უფრო ცქვიტი იყო და გაურბოდა. სამინელ ძალას ეთამაშებოდა, სიკვდილს, თუ ბიჭი ხარ, დამეწვიო! - და როგორც კი მიუახლოვდებოდა სიკვდილის ცხვირჩაჭყლეტილი სახე, გამენი შიგ შუბლში ჰკრავდა წვიპურტს.

ერთი ტყვია კი, უფრო უკეთ დამიზნებული ან უფრო ვერაგი, მაინც მოხვდა პატარა ბიჭს, ამ ცთომილ ვარსკვლავს. დაბარბაცდა გავროში, დაეცა. შეჰყვირა მთელმა ბარიკადმა, მაგრამ დევგმირი ანტეოსი იყო ეს ჯუჯა პიგმეი, გამენი რომ ქვაფენილს შეეხება, ისე გამოყოფილდება, როგორც ბუმბერაზი მინის შეხებისას. გავროში იმისთვის წაიქცა მხოლოდ, რომ უფრო მარტვედ ამდგარიყო. მართლაც წამოდგა, თავიდან სისხლი სდიოდა. ორივე ხელი ზევით ასწია, გაიხედა იქით, საიდანაც ტყვია ეწვია და ისევ სიმღერა დასძახა:

მე რომ უმწეო ჩიტი ვარ,
ესეც ვოლტერის ბრალია,
ყველა ადვილად დამიჭერს,
ესეც სულ...

ვეღარ გაათავა. მეორე ტყვია მოხვდა, ალბათ, იმავე მსროლელისა და ხმა ჩაანწყვეტინა სანყალ ბიჭს. ახლა კი წაიქცა, პირაღმა დაეშვა მიწაზე და აღარც კი განძრეულა. ზეცას გაფრინდა ეს პატარა დიდებული სული.

თავი მეთექვსმეტე
როგორ გახდა ძმა მამა

სწორედ იმ დროს იყო ლუქსემბურგის ბაღში, - მწერლის თვალი ხომ ყველაფერს უნდა მისწვდეს, - ორი ბავშვი ხელიხელოჩაკიდებული რომ მიდიოდა. უფროსი შვიდი წლისა იქნებოდა, მეორე ხუთისა, წვიმას დაესველებინა და ცდილობდნენ, მზეზე ევლოთ, რომ გამშრალიყვნენ. ორივე ფერმკრთალი იყო, დახეული ტანისამოსი ეცვათ. გარეულ ჩიტებს ჰგავდნენ.

- ძალიან მშია, - იძახდა უმცროსი.

უფროსი მფარველობდა პატარას, მარცხენა ხელი მისთვის ჩაეწლო და მარჯვენაში კი წვეპლა ეჭირა.

მარტონი იყვნენ დაცარიელებულ ბაღში. პოლიციის განკარგულებით აჯანყებულთა გამო კარი დაკეტილი იყო. შიგ მყოფი ჯარი საბრძოლად გაეყვანათ.

როგორ გაჩნდნენ აქ ეს ბავშვები? იქნებ პოლიციაში ჰყავდათ, როგორც უპატრონონი და გამოიპარნენ; ღია დახვდათ შემთხვევით ბაღის კარი და შევიდნენ; იქნებ იქვე ახლოს, დ'ანფერის საგუშაგოსთან, ობსერვატორიის მოედანზე, ან მახლობელი ქუჩების გზაჯვარედინზე, რომელსაც შემოდან დასცქერის ერთი მაღალი სახლი ლათინური წარწერით: „ინვენერენტ პარველუმ პანნის ინვოლუტუმ“ - მოხეტიალე მსახიობების ბალაგანი იდგა და იქიდან გამოიქცნენ; იქნებ წინაღამეს, დაკეტვის დროს შეეპარნენ ბაღში პოლიციას და იქ გაატარეს ღამე რომელიმე პავილიონში, სადაც გაზეთებს კითხულობს ხალხი. უპატრონოდ დაყიალებდნენ, დაკარგულებს ჰგავდნენ. როცა ბავშვი თავის ნებაზე, თავისუფლად დახეტიალებს, დაკარგულია და მართლაც დაკარგული იყვნენ ეს სანყალი ბავშვებიც.

მკითხველს ესომება, ერთ ღამეს, გავროში რომ სწორედ ამ ორ პატარა ბიჭს დასტრიალებდა თავს. ტენარდიეს შვილები იყვნენ, მანონთან ცხოვრობდნენ, რადგან ბატონ ჟილნორმანს აბრალებდა მანონი მათ მამობას და ახლა კი ქართ ხიდან ჩამოვარდნილი ფოთლები იყვნენ, რომლებსაც ქარი მიაქროლებდა, საითაც ნებავდა.

მანონის დროს ბავშვებს სუფთად ეცვათ. ამ ტანისამოსის წყალობით იყო, რომ ბატონი ჟილნორმანი წესიერად იხდიდა „თავისი შვილების“ სარჩენ ფულს. დღეს კი ჭუჭყიანი, დაგლეჯილი ტანისამოსი ეცვათ.

ამიერიდან ეს ბავშვები ეკუთვნოდნენ „უპატრონოდ მიტოვებულ ბავშვთა სიას“, რომელთა სტატისტიკას პოლიცია ადგენს, აგროვებს მათ, კარგავს და ისევ პოულობს პარიზის ქუჩებში.

ქალაქში იმდღევანდელი არეულობის გამო იყო, რომ ბავშვები ბაღში შევიდნენ. მეთვალყურეს რომ დაენახა, მაშინვე გამორეკავდა ამ ჩამოძვინძვნილებს, - თუ ღარიბად არის ჩაქმული ბავშვი, არც სახალხო ბაღში შეესვლება, - არავინ ფიქრობს, რომ როგორც ბავშვებს, მათაც აქვთ უფლება, იყვნენ ყვავილებს შორის.

ბაღში იყვნენ იმიტომ, რომ კარი დაკეტილი იყო და გამოსვლა არ შეეძლოთ. როგორღაც შეძრწუნენ ბაღში და იქვე დარჩნენ. დაკეტილი კარი მეთვალყურეებს შვებულებას არ აძლევს. ბაღში უნდა იყვნენ და თავიანთ მოვალეობას ასრულებდნენ, თუმცა დროდადრო შესვენებებით, მაგრამ აჯანყება იყო ქალაქში და აფორიაქებულნი იყვნენ მეთვალყურეებიც. მათ ის უფრო აინტერესებდათ, რაც ბაღის გარეთ ხდებოდა და არა ბაღში. ასე რომ, ბაღიც უყურადღებოდ იყო და აღარც ორი ჰატარა ბოროტმოქმედი შეუმჩნეველი ვინმეს.

წვიმა იმ დამეს, უჩინოვლად იმ დილითაც, მაგრამ ივნისი იღვა და მზე სჯობნიდა წვიმას. ერთი საათიც არ გაუა წვიმის შემდეგ, რომ უკვე ყველაფერი გაშრება, და ვერც კი შეინძნავს კაცი, რომ ცხარე ცრემლით უტირია ამ მშვენიერ, ნათელ მზეს. ისე მალე აშრება დედამიწას ეს წვიმა, როგორც ცრემლი ბავშვის ლოყას.

მზე შუადღისას ისე კაშკაშებს, რომ ქვეყანას წვავს; ამრობს და თან წვავს; ენაფება, რასაც სველს ნახავს და წოვს და წუნის, თითქოს სწყურია. შხაპუნა წვიმა პირის გასასველებელი ერთი ჭიქაა. გახურებული მზე წვიმას უცბად გადაყლაპავს და დილით რომ კოკისპირული წვიმა მოდის, შუადღის შემდეგ მტვერი ასდის დედამიწას.

სავანებო სანახავია წვიმით პირდაბანილი და მზით პირმენმენდილი მდელი. ბაღსა და მინდორს ფეხქვეშ წყალი უდგას, ყვავილში მზე ციალებს და როგორც ნელსაცხებლებით სავსე ჭურჭელი, მინა ათასგვარ სურნელებას აფრქვევს. იცინის ყველაფერი, მღერის, ხარობს და თავისკენ ინვევს. ტკბილი თრობა ერევა ადამიანს. გაზაფხული წინასწარი სამოთხეა საიქიოსი; მზე ეხმარება ადამიანს, რომ მოთმინებით ელოდოს საიქიოს ნეტარებას.

ბევრ ჩვენგანს ამაზე მეტი არც არაფერი უნდა. ბევრი მხოლოდ ცის ლაჟვარდით ხარობს და გაიძახის, ეს საკმარისიაო; ოცნების სამყაროში ჩაფლულა. ბუნებისადმი კერპთაყვანისმცემლობით დაბრმავებული ველარ არჩევს ავსა და კარგს და ვერ წარმოუდგენია, როგორ შეიძლება სხვისი შიმშილი ანუხებდეს კაცს, სხვისი წყურვილი, ღარიბის სიშიშვლე ზამთარში, მძიმე სენის გამო ბავშვის ხერხემლის გამრუდება, მომაკვდავის სარეცელი, მუშური ქოხი და მიწური სახლი, საპატიმრო, ყმანვილი ქალების დაგლეჯილი კაბები და სიცივით კანკალი, როდესაც შეიძლება ხის ჩრდილში წამოწვეს ადამიანი და ბუნების მშვენიერებით დატკბეს? ამ უშფოთველი, უშიშარი არსებებისთვის უცხოა სიბრალული და ყველაფრით კმაყოფილი არიან. უცნაური ის არის, რომ მათ მხოლოდ უსასრულობა იზიდავს. ადამიანის დიადი სწრაფვა სასრულისაკენ, რომელსაც შეუძლია მიაღწიოს, მათთვის შეუცნობელია. სასრული, რომელიც პროგრესს, პატიოსან შრომას გულისხმობს, არ აინტერესებთ. ყოველივე ის, რაც წარმოდგება ადამიანურისა და ღვთიურის, უსასრულოსა და სასრულის შეხამებისგან დროის ამაოდ დაკარგვად მიაჩნიათ. ოღონდ მხოლოდ და მხოლოდ უსასრულობის პირისპირ იდგნენ და ამით ნეტარდებიან. სიხარული არ იცის, რადგან სულ აღტაცებულია. უსასრულობაში შთაინთქმება, აი, მისი სიცოცხლე. კაცობრიობის ისტორია მას არასრულყოფილად მიაჩნია, „აქ“ არაფერია „სრული“, ჭეშმარიტი, „სრული“ გარეთ დაგრჩენიათ. რა საჭიროა ცხოვრების ისეთი წვრილმანის ძიება,

როგორც ადამიანი. შეიძლება იტანჯებოდეს ადამიანი, მაგრამ აბა, ვარსკვლავ ალდებარანს შეხედეთ, როდესაც ამოდის. დედას რძე გაუშრა, შვილი შიმშილით კვდება? რა ჩვენი საქმეა, უმჯობესია, მიკროსკოპში დააკვირდეთ, რა უმშვენიერეს როზეტს ხატავს ფიჭვის ცილა, აბა, შეადარეთ მას თქვენი უმშვენიერესი მაქმანო! ასეთ მოაზროვნეთ სიყვარული ავიწყდებათ. ზოლიაქოს იმდენად ჩაუთრევიან მათი გულისყური, რომ ჩვილის ტირილიც კი აღარ ესმით, ღვთაება უხელოებით სულს. ეს განყენებული, დიადი და თან უმნიშვნელო მოაზროვნეთა მოდგმაა. ამგვარი იყო ჰორაციუსი, გოეთეც, შეიძლება, ლაფონტენიც; დიდებული ეგოსტები იყვნენ უსასრულობისა, გულგრილი მაყურებლები ბოროტებისა და ვაებისა, რომლებიც ნერონს ვერ ხედავდნენ, თუ კარგი დარი იყო, ხალხის უღელტას ვერ ხედავდნენ, თუ მზე კაშკაშებდა, გულდამშვიდებულნი დააცქერდებოდნენ გილიოტინას, რომ ენახათ, როგორ სცემდა მზე სხივს; არ ესმოდათ არც ყვირილი, არც ქვითინი, არც კვნესა, არც განგაში, რადგან მათთვის სასიკეთოდ იყო მოწყობილი ქვეყნიერება; მათთვის დგებოდა მასი და მანამ ზეცაზე მენამული და ოქროს ღრუბელი ექნებოდათ საჭვრეტად, სრულიად კმაყოფილნი იქნებოდნენ. გადანყვეტილი ჰქონდათ, ბედნიერნი ყოფილიყვნენ, მანამ არ დაბნელდებოდა ცაზე მნათობი და არ მოიპოვებოდა ბუღბუღის სტვენა.

ეს უბედური ბედნიერები! ფიქრდაც არ მოსდით, რომ შესაბრალოსნი არიან. და მართლაც, საბრალოსნი არიან. ვინც არ ტირის, მამ, ვერც ხედავს. სათაყვანონი არიან და შესაბრალოსნი, როგორც შეიძლება თაყვანს ვცემდეთ და ვიბრალებდეთ რაღაც არსებას, ერთსა და იმავე დროს ბნელსა და ნათელს, რომელსაც წარბქვემ თვალები არა აქვს და შუბლზე კი ვარსკვლავი უბრწყინავს.

ამ ბედნიერთა გულცივობა, ზოგიერთის თქმით, უმაღლესი ფილოსოფიაა. ძალიან კარგი, მაგრამ ამ უბირატესობაში რომ მძიმე სენიც არის ჩარეული? შეიძლება უკვდავი იყოს კაცი და თანაც კოჭლი, მაგალითად, როგორც ვულკანი. შეიძლება ზეადამიანი იყოს კაცი და იმავე დროს ადამიანის მცირე ნაწილი. უსრული დიდია ბუნებაში.

კარგია, მაგრამ, მამ, ვიღას მივინდობთ? *Solem quis dicere falsum audeat?* ნუთუ გენიოსები, ზეკაცები, დიდი მოაზროვნენიც ცდებიან? ნუთუ ვერაფერს ხედავს ის, ვინც ზევით არის, უმაღლეს მწვერვალზე, ზენიტზე? ის, ვინც ამოდენა სინათლეს უგზავნის დედამიწას? ვერაფერს ხედავს ან ცუდად ხედავს? მამ, დაღუპული ყოფილა ქვეყნიერება! არა. მერე ის რაღა არის იქ, მზის ზემოთ? ღმერთი.

1832 წლის 6 ივნისს, შუადღის მოახლოებისას, მშვენიერი რამ იყო ცარიელი, უკაცრიელი ლუქსემბურგი. მზის სხივით გაბრწყინებული ყვავილები და ხეები ერთმანეთს სთავაზობდნენ სურნელებასა და ნეტარებას. შუადღის სხივით გახელებული ხის ტოტები ცდილობდნენ ერთმანეთს გადახვეოდნენ. მაგალობელი ჩიტების ალიაქოთი იღვა ნეკერჩხლის ტოტებში. ყვავილები ერთხმად ცნობდნენ თეთრი ზამბახის მშვენიერებას და აღიარებდნენ, რომ უწმინდეს სურნელებას სპეტაკი თეთრი იძლევა. სურნელოვანი მიხაკის ცხარე სუნი ტრიალებდა ჰაერში. მზე ოქროდ ფერავდა, ანთლებდა და აალისფერებდა ტიტას, რომელიც წარმოადგენს ცეცხლის ალის ყოველგვარ ფერს ყვავილად შეერთებულს. ყვავილებს თავს დასტრიალებდა ფუტკარი, ამ ყვავილების ერთგული სატრფო. ყველგან მშვიდობა და ნეტარება იყო, თვით მოსალოდნელი წვიმაც კი, რომელსაც ხარბად დაენათებოდნენ შრომანი და ცხრატყავა, საშიშს არაფერს მოასწავებდა. მერცხალი თავისებურად აცნობებდა

ავდრის მოახლოებას და ძირს დაფრინავდა, მიწის პირას. ყველაფერი, რაც კი რამ იყო, ნეტარებით იყო სავსე; სიცოცხლე საამოდ ფშვინავდა. თვით ბუნება აფრქვევდა ლმობიერებას, სიყვარულს, ალერსს, განთიადს. ზეცით მოვლენილი ფიქრები ისევე ტკბილი და ნაზი იყო, როგორც ჩვილის ხელი, რომელსაც კოცნი.

ხეებქვეშ აქა-იქ მდგომი თეთრი შიშველი ქალღმერთების ქანდაკებებისთვის თითქოს მზის სხივს დაეხიოს სამოსი. დიდი აუზის ირგვლივ იმდენად გამშრალიყო მიწა, რომ დამწვარს ჰგავდა. ნელი ქარი ქროდა და აქა-იქ მტვერს ათამაშებდა. გამხმარი, გაყვითლებული ფოთლები მისდევდნენ სიხარულით ქარს და ცელქობდნენ.

რალაც დამამშვიდებელი ჰქონდა ამ უხვად მოფენილ სინათლეს. სიცოცხლის ძალა, სითბო და ნოყიერება მოჩანდა ყველგან. სიცოცხლე დულდა და გადმოდიოდა. დიდებული იყო ბუნება და უფრო დიდებული მისი შემქმნელი ძალა. რაც კი სუნთქავდა, სიყვარულით სუნთქავდა, და ყველგან ქვეყნის შემოქმედის გულუხვობა მოჩანდა. ამ ბრწყინვალეების უკან, როგორც ცეცხლის ალის ფარდის უკან, ღმერთს გრძნობდა კაცი, ამ მილიონერ ვარსკვლავთა პატრონს.

ქვიშის წყალობით ტალახი არსად ჩანდა, წვიმის წყალობით კი ერთი ბენო მტვერი არსად იყო. ყვავილებს ეს არის პირი დაეხანათ. უმნიშვნელო იყო ყოველი ხავერდი, ყოველი სტავრა, ყოველი ოქრო, რომელიც ყვავილად ამოდის მიწიდან. მთელი ეს მშვენიერება სვეტაკი იყო. ბედნიერი ბუნების დიდი ღუმელი ავსებდა ბაღს, ზეციური ღუმელი ათასგვარ მუსიკასთან შენიფთებული, - ბუდეში ლულუნთან, ხის ტოტზე გალობასთან, ჰაერში ჭიკჭიკთან, ფუტკრის ბზუილთან, ქარის შრიალთან. გაზაფხულის მთელი მშვენიერება, ჰარმონია ერთ დამატყვევებელ გუნდად შეერთებულიყო: თავის რიგისამებრ მიდიოდა გაზაფხული: იასამანი ილეოდა, ჟასმინი იშლებოდა; ზოგ ყვავილს დაჰკვიანებოდა, ზოგი მწერი ნაადრევად გამოსულიყო, ნაადრევად გამოსული წითელი პეპლები ძმურად ექცეოდნენ ნაკვიანვე მაისის თეთრ პეპლებს. ჭადრები ქერქს იცვლიდნენ. ნელი ქარი არხევდა უმშვენიერესი წაბლის ხეების ვარჯებს. საუცხოო სანახაობა იყო და ერთმა მოხუცმა ვეტერანმა მახლობელი ყაზარმიდან, მესრიდან ბაღს რომ გახედა, წამოიძახა, აი, გაზაფხულმაც აისხა იარაღი და სააღლუმო მუნდირიც ჩაიცვავ!

საუზმეს მიირთმევდა მთელი ბუნება, სუფრას მისჯდომოდა ყველა ქმნილება. დიდი, ლურჯი სუფრა გადაშლილიყო ცაზე და დიდი, მწვანე სუფრა მიწაზე. მზე სხივს სცემდა და აბრწყინებდა ყველაფერს. ღმერთი უძღვნიდა ქვეყნიერებას საჭირო საზრდოს. ყოველ არსებას ჰქონდა თავისი საძოვი ან თავისი სახრაგ-საკენკი. მტრედს კანაფის თესლი ეშოვებოდა, სკვინჩას ფეტვი, ჩიტბატონას ცხრაფეხა, გულწითელას მატლი, ფუტკარს ყვავილის ნექტრისთვის მიეგნო, ბუზს ინფუზორია ენახა და იადონს ბუზი. მართალია, ერთმანეთს ჭამდნენ, მაგრამ ეს არის საიდუმლოება სიკეთესთან შეერთებული ბოროტებისა. არც ერთი არსება არ იყო, გამაძლარი რომ არ ჰქონოდა კუჭი.

ორი პატარა, უპატრონო ბავშვი დიდ აუზთან მივიდა. იქ ისეთი სინათლე იდგა, რომ შეკრთნენ და სცადეს, მიმალულიყვნენ, - ყოველგვარი დიდებულის წინაშე, თუნდაც ის უსულო იყოს, სუსტისა და ღარიბის ინსტინქტს დაემორჩილნენ. გედების ფარდულის უკან მიიმალნენ.

ხანდახან, დროგამოშვებით, როდესაც ბალისკენ მიქროდა ქარი, ყრუდ ისმოდა ყვირილი, ხმაური, თოფის სროლა და ზარბაზნის გრიალი. ბაზართან სახლებს კვამლი ეფარებოდა ზემოდან, შორს, სადღაც ზარი რეკავდა, თითქოს ხალხს უხმობსო.

ბავშვებს ეტყობოდათ არც კი ესმოდათ ეს ხმაური. უმცროსს თავისი დარდი აწუხებდა და ხანდახან ჩუმად იმეორებდა, - მშია!

თითქმის იმ დროს, როდესაც ბიჭები დიდ აუზთან მივიდნენ, ერთი კაცი მოდიოდა აუზისკენ და თან პატარა ბიჭი მოჰყავდა. კაცი ორმოცდაათი წლისა იქნებოდა და ხელჩაკიდებული მოჰყავდა ექვსი წლის ბიჭი. ეტყობოდა, მამა-შვილი უნდა ყოფილიყო. პატარა ბიჭს დიდი ნამცხვარი ეჭირა ხელში.

იმ დროს ბალის გასაღები ჰქონდა ზოგიერთი მახლობელი ქუჩის ბინადართ და ამ გასაღებით სარგებლობდნენ, როდესაც დაკეტილი იყო ბაღი. ეს მდიდართა უპირატესობა მოგვიანებით გააუქმეს. ეს მამა-შვილიც ერთ-ერთ ქუჩაზე მცხოვრები იქნებოდა.

პატარა ბიჭები ფარდულის უკან ატუბულიყვნენ. იქიდან უყურებდნენ „იმ ბატონს“ და იმალებოდნენ.

ბატონი ბურჟუა იყო. იქნებ ის, რომლის ნათქვამსაც ყური მოჰკრა ერთხელ მარიუსმა აქვე, ამ დიდ აუზთან, თავის შვილს რომ ურჩევდა, ფრთხილად იყავი, სიფრთხილეს ჯიბე არ დაეცლებათ. გულკეთილ კაცს ჰგავდა, მაგრამ ამპარტავანს და იმნაირი ტუჩ-პირი ჰქონდა, რომ ვერ კუშავდა და სულ იცინოდა. ეს ნაძალადევი სიცილი მეტად დიდი ყბისა და მეტისმეტად მცირე კანის ბრალი იყო და კბილებს უფრო დასანახავს ხდიდა, ვიდრე სულს. პატარა ბიჭს მხოლოდ ერთხელ ჩაეკბიჩა ნამცხვარი და აღარ ჭამდა, ეტყობოდა, ძალზე გამძლარი იყო. ბავშვს ეროვნული გვარდიის პატარა მუნდირი ეცვა აჯანყების გამო, მამას კი ბურჟუის ტანისამოსი სიფრთხილის გამო.

აუზთან გაჩერდნენ. აუზში ორი გედი დაცურავდა. ეტყობოდა, ბურჟუას გედები უყვარდა და ჰგავდა კიდევ გედს; სწორედ ისე ირწეოდა სიარულისას, როგორც გედები. გედები დაცურავდნენ, - სწორედ ამაში ვლინდება მათი მაღალი ხელოვნება. საუცხოონი იყვნენ.

პატარა ბიჭებს რომ შესძლებოდათ მიახლოება და მოსმენა, ან იმ ხნისა ყოფილიყვნენ, რომ გავება შესძლებოდათ, ბურჟუის ასეთ ღრამაზაროვან დარიგებას შეესწრებოდნენ. მამა შვილს არიგებდა:

- ჭკვიანი ის არის, ვინც ცოტათი კმაყოფილდება და ისე ცხოვრობს. აი, შემომხედე, შვილო, მე გადამეტებული არაფერი მიყვარს, არასოდეს ჩამიცვამს ოქროთი და თვალ-მარგალიტით მორთული ტანისამოსი. ეს ყალბი ბრწყინვალეობა გონებით ნაკლებად განვითარებულებისთვის დამითმია.

უცხად ბაზრის მხრიდან ყვირილი, ზარბაზნის სროლის ხმა და ზარის რეკვა მოისმა.

- ეს რა არის? - ჰკითხა პატარამ.

- სატურნალიაა, შვილო.

ამ დროს თვალი მოჰკრა ორ პატარა ბავშვს, საცოდავად ატუბულს, დაგლექილ-დაკონკილს და წამოიძახა:

- აი, დასაწყისი!

ცოტა ხანს გაჩუმებული იდგა, დაღვრემილი, მერე დაუმატა:

- ბაღშიც შემოპარულა ანარქია.

პატარამ კიდევ ერთხელ ჩაკბიჩა ნამცხვარი, გადააფურთხა და უცხად ტირილი ატეხა.

- რა გატირებს, შვილო?

- აღარ მშია, - მიუგო ბავშვმა.

მამას უფრო ფართოდ გაედღიმა:

- განა უთუოდ უნდა გპიოდეს, რომ ნამცხვარი შეჭამო?

- მომწყინდა ეს ნამცხვარი, ხმელია.

- აღარ გინდა?

- არა.

მამამ გედები დაანახვა პატარას:

- მამ, ამ გედებს გადაუგდე.

შეჩერდა ბავშვი, ჩემი ნამცხვარი სხვას რად უნდა მივცეო?

მამამ დაარიგა:

- გულკეთილი უნდა იყო. უნდა გებრალეობოდეც ცხოველი, - გამოართვა ბიჭს ნამცხვარი და გედებს გადაუგდო.

ნამცხვარი იქვე, ახლოს ჩავარდა წყალში.

გედები შორს იყვნენ, აუზის შუაგულში და რაღაცას ჭამდნენ. არც ბურჟუა დაუნახავთ, არც მისი ნამცხვარი.

ნახა ბურჟუამ, რომ შეიძლებოდა, გაფუჭებულიყო მშვენიერი ნამცხვარი, დაენანა საკუთრების ამოდ დაკარგვა და ხელების ქნევასა და სტვენას მოჰყვა, რომ გედებს უკან მოეხედათ და ღირსეულად მიეღოთ ბურჟუის საჩუქარი.

მართლაც მოიხედეს გედებმა. დაინახეს რაღაც წყალზე მცურავი და გემისებურად იბრუნეს პირი, - თვითონაც ხომ გემები არიან, - და ნელ-ნელა, თავისებური დიდებულებით, როგორც შეეფერება თეთრ ფრინველს, წამოვიდნენ ნამცხვრისკენ.

- კარვად გაიგეს ჩემი ნიშნები, - თქვა თავისი გონივრული მოხერხებით აღტაცებულმა ბურჟუამ.

ამ დროს მეტი სიმძლავრით გაისმა შორეული ყვირილი და ზარბაზნის სროლის ხმა. საშინელების მომასწავებელი იყო ეს სროლა. ხანდახან ისე დაქროლავს ხოლმე ქარი, იტყვიო, ენა აქვს და ცნობას გვანვდისო. ქარმა ცხადად მოიტანა ნალარის გრიალი, ყვირილი, თოფებისა და ზარბაზნების გაცეცხლებული კამათი. ამავე დროს შავი ღრუბელი გადაეფარა მზეს და დააბნელა ქვეყანა.

ჯერ შორს იყვნენ გედები.

- ნავიდეთ, შვილო, ეტყობა, მეფის სასახლეს შეესივნენ, - ხელი ჩაჰკიდა პატარას და განაგრძო, - სასახლიდან ამ ბალამდე ერთი ბენო მანძილია, სწორედ ის მანძილი, რომელიც შუა უდევს მეფის ტახტსა და დიდებულთა კრებულს. ერთი ბენო მანძილია. ახლა უყურე შენ აქ თოფის სროლას.

ღრუბელს ახედა.

- იქნებ წვიმაც მოვიდეს. ზეცაც ერევა ამ საქმეში. ეტყობა, მეფის საგვარეულოს უმცროსი შტო განწირულია. აბა, ჩქარა, შინისკენ!

- ვნახოთ, როგორ შეჭამენ გედები ჩემს ნამცხვარს, - სთხოვა ბიჭმა.

- ეს გაუფრთხილებლობა იქნება.

ხელი სტაცა პატარას და ჩქარი ნაბიჯით გაეშურა სამშვიდობოსკენ. მისდევდა ბიჭი და სულ უკან იყურებოდა, გედებისა და თავისი ნამცხვრისკენ, მანამ სხვა ხეივანში არ შევიდნენ.

მამა-შვილი რომ ხეივნების ლაბირინთში ჩაიმალა, აუზთან მიიღბინა უფროსმა ბიჭმა, კედელზე დანვა გულდაღმა, მარცხენა ხელი კედელს ჩასჭიდა, წყალში ჩაყო მარჯვენა, ხელშიც წკეპლა ეჭირა, გაინია წყლისკენ, რამდენადაც კი შეიძლებოდა, რომ არ ჩავარდნილიყო, და წკეპლით ნამცხვრის დაჭერას ცდილობდა. მტერი რომ დაინახეს გედებმა, ფრთა გაშალეს, წყალს დაჰკრეს და რაკი პირი ბიჭისკენ ჰქონდათ, კედლისკენ წამოვიდა აღელვებული წყლის ნაკადი. ნაზუქიც იქით გამოაგდო. მიუახლოვდნენ ბიჭს გედები, მაგრამ ნამცხვარიც მოუახლოვდა წკეპლას. ერთი მაგრად დაჰკრა ბიჭმა წყალს წკეპლა, შეაშინა გედები, თავისკენ გამოაცურა ნამცხვარი, სტაცა ხელი და წამოვარდა.

დასველებულიყო ნამცხვარი, მაგრამ შიმშილთან ერთად წყურვილსაც გრძნობდნენ ბიჭები. ორ ნაჭრად გადატეხა პატარამ, დიდი ნატეხი უმცროსისთვის, პატარა - თავისთვის. მისცა ძმას დიდი ნაჭერი და უთხრა:

- აბა, გატენე შენი ზარბაზანი.

თავი მეჩვიდმეტე

MORTUUS PATER FILIUM MORITURUM EXPECTAT

მარიუსი გამოვარდა ბარიკადიდან და კომბეფერიც თან დაედევნა, მაგრამ დააგვიანდათ. გავროში უკვე მკვდარი იყო. ვაზნებით საესე კალათი კომბეფერმა აიტაცა, მარიუსმა - ბავშვი.

„აჰ, - ფიქრობდა მარიუსი, - როგორც მამაჩემს დაეხმარა მამამისი, ისე მე ვეხმარები მის შვილს. ოღონდ ტენარდიემ ცოცხალი გაიყვანა ბრძოლის ველიდან მამაჩემი, მე კი მკვდარი მიმყავს“.

ბარიკადში რომ შევიდნენ, მარიუსსაც დასისხლიანებული ჰქონდა თავი, როგორც გავროშს.

რომ დაიხარა გავროშის ასაყვანად, შუბლი გაუკანრა ტყვიამ, მაგრამ მარიუსმა ვერც კი იგრძნო.

კურთყერაკმა ყელსახვევი მოიხსნა და ჭრილობა შეუხვია.

გავროშიც იმავე მაგიდაზე დაასვენეს, საცა მახეფი იყო და ორივეს ერთად გადაათარეს შავი შალი. ორივეს ეყო, მოხუცსაც და პატარა ბიჭსაც.

კომბეფერმა ვაზნები დაურიგა ამხანაგებს. თხუთმეტი ცალი შეხვდა თითო მსროლელს.

ჟან ვალჟანი ისევ უძრავად იჯდა. კომბეფერმა რომ ვაზნები შეაძლია, თავი გაიქნია, არ მინდაო.

- უცნაური კაცი ყოფილა ეს მოხუცი, - ნასჩურჩულა კომბეფერმა ანჟოლრასს, - იშვიათი სანახავი. ბარიკადზეა კაცი და ბრძოლა კი არ ნებავს.

- ბრძოლა არ ნებავს და ბარიკადს კი იცავს, - მიუგო ანჟოლრასმა.

- გმირობასაც აქვს თავისი უცნაურობა, - თქვა კომბეფერმა.

კურთყერაკმა გაიგონა ეს და თქვა:

- ეს სულ სხვა ჯურისა არის, ვიდრე მახეფი.

ერთი გარემოებაც არის აღსანიშნავი. იმდენი ჭურვი და ტყვია ხვდებოდა ბარიკადს, მაგრამ თითქმის არავითარ აღელვებას არ იწვევდა. ვინც არ ჩარეულა ამგვარი ბრძოლის ჭექა-ქუხილში, ვერც კი წარმოიდგენს, რამხელა სიმშვიდე ერთვის თან ამ საშინელ სისხლის ღვრას. სროლაა დიდი, მაგრამ ბარიკადში მიდი-მოდიან, ბაასობენ, ხუმრობენ, ლაზღანდარობენ.

ერთმა ჩვენმა ნაცნობმა გადმოგვცა მებრძოლის სიტყვა, რომლითაც მას მიმართა გაცეცხლებული ბრძოლის დროს ერთმა ამხანაგმა, სწორედ ისე ვართ აქ, თითქოს ძმაბიჭები შეყრილან საქეიფოდო. შანერერის ბარიკაღზე, კიდევ ვიშეორებთ, მეტისმეტი სიმშვიდე იყო. ამ ტრაგედიის ყოველი საშინელება გადაიტანა და კიდევ უნდა გადაეტანა, მდგომარეობა საზარელი იყო, მალე უიმედო შეიქნებოდა და რამდენადაც სუსტდებოდა ბარიკადის სიმაგრე, უფრო და უფრო ბრწყინავდა გმირული სხივით გაშუქებული ბარიკადი. ჩათუქებული იყო ანუოლრასი და ისე იდგა, როგორც ახალგაზრდა სპარტელი, რომელმაც ქარქაშიდან ამოღებული ხმალი ეპიდოტასის პირქუშ გენიას შესწირა.

კომბეფერს წინსაფარი აეფარებინა და დაჭრილებს უვლიდა. ბოსუე და ფევი ვაზნებს აკეთებდნენ გავროშის ნაპოვნი თოფისნამლით.

- მალე დავიჭერთ დილიჟანსს მეორე პლანეტისკენ გასამგზავრებლად, - ამბობდა სიცილით ბოსუე.

კურფეირაკი ანუოლრასის ახლოს იდგა და იარაღს ალაგებდა, რაც კი მოეპოვებოდა, - ხმლიან ჯოხს, ორ საუნარივე დამბაჩასა და ერთსაც ჯიბისას. ალაგებდა იქვე დანყობილ ქვებზე იმგვარი სიფრთხილით, როგორც ქალმა იცის, თავისი ნივთების კარადას რომ ალაგებს. უან ვალჟანი მუნჯივით იჯდა და პირდაპირ აღმართულ მაღალ კედელს მსცქეროდა. ერთ მუჟას სადღაც უშლუს ქვრვის ჩალის ქედი ეპოვა და ცდილობდა, ბანრით დაემავრებინა თავზე, მზემ არ დამკრასო. ექსელი ბიჭები მხიარულად ლაპარაკობდნენ თავიანთ კუთხურ ენაზე, თითქოს ისწრაფოდნენ, უკანასკნელად ეხმარათ დედაენა. ყოლის სახლის პატრონის სარკე ჩამოედო და ენას ისინჯავდა. ზოგს კიდევ სადღაც გამხმარი, დაობებული პური ეპოვა და გულიანად ილუკმებოდა. მარიუსი კი სულ იმის ფიქრში იყო, რას ეტყოდა მამა.

თავი მეთვრამეტე
ნადავლად ქცეული ქორი

ბარიკადების ერთ ფსიქოლოგიურ გარემოებას უნდა მივაქციოთ ყურადღება. არ უნდა გამოგვრჩეს არავითარი წვრილმანი, რითაც კი შეიძლება ამ ქუჩისა და მთავრობის ბრძოლის სრული დახასიათება.

რაც უნდა დიდი ყოფილიყო აჯანყებულების ვაჟკაცობა და გულადობა, რომელიც ეს არის ვუამბეთ მკითხველს, მაინც უნდა ვთქვათ, რომ არავითარი იმედი არა ჰქონდათ გამარჯვებისა და თავის დაღწევისა.

აპოკალიფსი ერევა სამოქალაქო ბრძოლაში. ამ საშინელ, გაცოფებულ სისხლის ღვრას არაერთი მოულოდნელობა ერთვის და სფინქსად გადააქცევს რევოლუციას. ვინც კი ბარიკადს გადარჩენილა, ჰკონია, სიმმარში ნახა ყველაფერი.

რას გრძნობს ამ მდგომარეობაში მყოფი ადამიანი, ეს უკვე ვთქვით მარიუსის შესახებ და ამის შედეგსაც ვნახავთ მალე. ეს მდგომარეობა სიცოცხლეზე მეტიც არის

და თან ნაკლებიც. ბარიკადიდან რომ გამოვა კაცი, ძნელადლა მოიკრებს გონებით იქ განცდილ გრძნობებს. საშინელი იყო იქ ყოფნა და ეს აღარ ახსოვს. გარს სხვადასხვაგვარი, ერთმანეთის საწინააღმდეგო იდეები ეხვეოდნენ ადამიანის სახით; თავი მომავლის ბრწყინვალეობაში ჰქონდა და გარშემო კი მკვდრებს ხედავდა, ძირს რომ ეყარნენ, და ცოცხალ აჩრდილებს, მის ირგვლივ რომ მიმოდრიოდნენ. საათი მთელი საუკუნის ხანგრძლივობისა და მარადისობის აღმნიშვნელი გამხდარიყო. ცოცხალი იყო კაცი, მაგრამ საიქიოში. გვერდით ჩაუარეს აჩრდილებმა. რა იყო ეს? ზოგს სისხლიანი ხელი უჩანდა. საშინელი დუმილი იდგა, თან პირლიანი იყვნენ და რაღაცას გაჰყვიროდნენ. იქვე სხვებიც იდგნენ, ისინიც პირლიანი, მაგრამ ხმას ვერ იღებდნენ; ყველანი შავ კვამლში გახვეულიყვნენ; კვამლში თუ ბნელ ღამეში? ეჩვენებოდა, რომ საბედისწერო სითხეს შეეხო, იღუმალი სიღრმეებიდან რომ ამოედინებოდა; თითებზე წითელი ლაქები ჰქონდა. სხვა არაფერი ახსოვდა.

უცნობი მომავლის უფსკრულთან იდგა და მისი მოახლოების განჭვრეტას ცდილობდა.

დაუბრუნდეთ შანვრერის ქუჩას.

წამით შეწყდა სროლა და შორიდან საათის რეკვა მოისმა.

- შუადღეა, - თქვა კომბეფერმა.

ის იყო, დაჰკრა თორმეტმა, რომ ანუოლრასმა ეს ბრძანება გადასძახა ამხანაგებს:

- სახლში აიტანეთ ქვები. ფანჯრების რაფებზე და სხვენში დაახვავეთ.

მსროლელთა ნახევარი ბრძოლისთვის მოემზადოს, მეორე ნახევარმა ქვები აზიდოს. აბა, ჩქარა!

ქუჩის ბოლოს სამხედრო მწყობრად მომავალი მეხანძრეთა რაზმი გამოჩნდა. ყველას ხელში ცული ეჭირა.

ეს ბარიკადისკენ გამოგზავნილი კოლონის მენინავე რაზმი უნდა ყოფილიყო, იერიშით მოდიოდა. დავალებული ჰქონდათ ბარიკადის დანგრევა, რომ უფრო ადვილად დასცემოდა თავს აჯანყებულებს იერიშით მიმავალი ჯარი.

ეტყობოდა, უახლოვდებოდა ბარიკადებს ის საბედისწერო წამი, რომელსაც კლემონ-ტონერმა 1822 წელს „ყელში ნაჭერა“ უწოდა.

სწრაფად აასრულეს ანუოლრასის ბრძანება, იმ სისწრაფითა და გულმოდგინებით, რომელიც მარტო გემმა იცის და ბარიკადმა, ამ ორმა ბრძოლის ველმა, საიდანაც ყოვლად შეუძლებელია გაპარვა ან გაქცევა. ერთი ნუთიც არ გასულა, რომ ანუოლრასის ბრძანებისამებრ „კორინთის“ კართან მოგროვილი ქვა სახლში შეიტანეს, მეორე სართულსა და სხვენზე, და ჯერ მეორე ნუთი არ გასულიყო, ფანჯრის სიმაღლის ნახევრამდე დაალაგეს. ქვებს ალაგებდნენ და ფეიი შიგ წვრილ ღიობებს ტოვებდა თოფის ლულის შესაყოფად. მთავარ მიზნებლად ფეიი ჰყავდათ და დიდი ცოდნითა და მოხერხებით ამაგრებდა ფანჯრებს ქვებით. მით უფრო, რომ თოფის სროლა შეწყდა და საშიში არაფერი იყო. ორივე ზარბაზანი კი ჭურვებს ესროდა ბარიკადს შიგ შუაგულში, რომ როგორმე შეენგრია შიგ შესასვლელად.

რაკი დარწმუნდა ანუოლრასი, რომ კარგად იყო ფანჯრები გამაგრებული, მეორე სართულზე აიტანა ის ბოთლები, მაგიდის ქვეშ რომ დაალაგებინა. მახეფი და პატარა გავროში განისვენებდნენ ამ მაგიდაზე.

- ვინ გადაკრავს ამ ღვინოს? - ჰკითხა ბოსუემ.

- ისინი გადაკრავენ, - მიუგო ანუოლრასმა.

მერე კარგად გაამაგრეს ქვემო სართულის თანჯრები, რკინის ურდული გაუყარეს კარს, როგორც ღამით იცოდა მიკიტანმა.

ნამდვილ ციხესიმაგრეს წარმოადგენდა ბარიკადი: სამიკიტნო ციხე იყო და ბარიკადი კი სანგარი.

ქვა ბევრი ჰქონდათ და ნაპრალი გაამაგრეს.

ბარიკადის მცველები იძულებულნი არიან, რაც შეიძლება მეტად გამოიზოგონ თოფისწამალი და ვაზნა. ეს ძალიან კარგად იცის მთავრობის ჯარმა და ცდილობს, დაახარჯვინოს ტყვია-წამალი; განზრახ აყოვნებენ ბრძოლას, რომ სროლა დაანყებინონ, მაგრამ თავად კი არ მოიხვედრონ და მოთმინებით ელიან ბარიკადელთა დასუსტებას. ცხადია, ეკვეთებიან ბარიკადს, მაგრამ მეთოდური დაყოვნებით ემზადებიან, რომ გული გაუწყალონ აჯანყებულთ და მერე უცხად მეხივით დაეცნენ.

ამ დაყოვნებამ მისცა ანუოლრასს დრო, გაეთვალოსწინებინა ყოველგვარი მოსალოდნელი და მოულოდნელი. გრძნობდა, რომ აქ დაასრულებდა სიცოცხლეს თავისი ამხანაგებიანად და უნდოდა დიდებული და სასახელო ყოფილიყო ეს სიკვდილი.

მარიუსს მიმართა:

- აქ უფროსები მე და შენ ვართ. მე შევალ, უკანასკნელ განკარგულებას გავცემ „კორინთში“; შენ გარეთ იყავი და თვალი ადევნე.

ქვაყრილზე ავიდა მარიუსი და ჯარს გახედა.

ანუოლრასმა მაგრად ჩააკეტვინა სამზარეულოს კარი, სადაც დაჭრილები ჰყავდათ:

- დაჭრილებს არაფერი მოხვდეთ.

უკანასკნელი ბრძანება გასცა დაბლა, დარბაზში, მოკლედ, მაგრამ სრული სიმშვიდით. ფეიი წინ ედგა, ისმენდა და პასუხს აძლევდა ყველას მაგივრად.

- მეორე სართულზე ცულები გქონდეთ მზად, რომ კიბე გადაჭრათ. გვაქვს ცულები?

- გვაქვს, - უპასუხა ფეიიმ.

- რამდენია?

- ორი ცული და ერთი ყასბის.

- კმარა. ოცდაექვსი კაცი გვყავს მებრძოლი. თოფი რამდენი გვაქვს?

- ოცდათხუთმეტი.

- რვა თოფი მეტი გვქონია. ეგეც გატენილი გქონდეთ. წელზე ხმლები შემოირტყით, ქაშრებში დამზარები გაირჩვეთ. ოცი კაცი ბარიკადზე დარჩება. ექვსი კაცი ზევით, მეორე სართულზე და სხვენში ავა, რომ იქიდან აუტეხოს სროლა მოახლოებულ ჯარს. უსაქმური არავინ დარჩეს. იერიშის მაუწყებელი ნალარის ხმა რომ მოგესმებათ, ოცი კაცი ბარიკადს ეცეს, ვინც წინ მივა, უკეთეს ადგილსაც ის დაიჭერს.

ეს თქვა და ჟავერს მიუბრუნდა:

- არც შენ დამეინყებიხარ.

მაგიდაზე დადო დამზარა და ამხანაგებისკენ მიბრუნდა:

- ვინც უკანასკნელი გვა აქედან, შიგ თავში უთავაზოს ტყვია ან ჭაბუშს.

- აქვე? - გაისმა ვილაის კითხვა.

- არა, ჩვენს მკვდრებს ნუ ჩავერევთ ამ ნუჰაკს. პატარა ბარიკადიდან შეიძლება მონდეტურის ქუჩაში გასვლა. ადვილად გადაძვრებით. ეს კაცი მაგრად არის გაკოჭილი. იქ ჩაიყვანოს და მოკლას.

ანჟოლრასი სრულიად დამშვიდებული იყო, ამას რომ ამბობდა. მასზე მეტად მშვიდი იყო ჟავერი, ამას რომ ისმენდა.

ამ დროს გამოჩნდა ჟან ვალჟანი.

აჯანყებულთა ჯგუფში ყოფილა. წინ წამოიწია და ანჟოლრასს მიმართა:

- უფროსი თქვენ ბრძანდებით?

- დიახ.

- წელან მადლობა მითხარით, გეხსომებათ...

- რესპუბლიკის სახელით. ორი მხსნელი ჰყავს ბარიკადს: მარიუს პონმერსი და თქვენ.

- დამეთანხმებით, რომ საჩუქრის ღირსი ვარ.

- რა თქმა უნდა.

- ჰო, მინდა საჩუქარი გთხოვოთ.

- სახელდობრ?

- მინდა მე დავანთხევი სისხლი ამ კაცს.

თავი ასწია ჟავერმა, ჟან ვალჟანი დაინახა, ძლივს შესამჩნევად შეირხა და თქვა:

- სამართლიანი იქნება.

ანჟოლრასმა თავისი თოფი გატენა, თვალი გადაავლო ამხანაგებს და ჰკითხა:

- წინააღმდეგი ხომ არავინ არის? - მერე ჟან ვალჟანს მიუბრუნდა, - მაშ, თქვენთვის მოგვიწვია ეს ჯაშუში.

და ჟან ვალჟანმა მიიღო თავის განკარგულებაში ჟავერი. იქვე ჩამოჭდა, მაგიდის ბოლოში. ხელში აიღო დამბაჩა და პატარა ჩხაკუნით აცნობა ბარიკადელებს, რომ ჩახმახი ასწია.

ამ დროს საყვირის ხმა გაისმა.

- ჩქარა! - გაისმა ბარიკადიდან მარიუსის ძახილი.

ჟავერს გაეცინა თავისებური უხმო სიცილით, თვალი გადაავლო აჯანყებულებს და გული მოიფხანა:

- არც თქვენ ბრძანდებით უკეთეს დღეში!

- აბა, ჩქარა! - შეჰყვირა ანჟოლრასმა.

აჯანყებულები გასასვლელისკენ გაიქცნენ და გარეთ გასვლისას პირდაპირ ზურგში მიჰყვათ ჟავერის ბოროტი სიტყვა:

- იქ შევხვედროდეთ ერთმანეთს!

თავი მეცხრამეტე

ჟან ვალჟანის შურისძიება

მარტონი რომ დარჩნენ, ჟან ვალჟანმა მაგიდის ქვეშ გახსნა ნასკვი, რომლითაც მაგიდაზე იყო მიკრული ჟავერი, და ანიშნა, ადექო.

ჟავერი ადგა, ღიმილით დაემორჩილა. ბრბოს გაებანრა დიდებული მთავრობა და რაღა დარჩენოდა მედიდური ღიმილის მეტი?

კისერზე ისევ თოკი ება. უან ვალუანმა თოკი ხელში დაიჭირა, წინ გაუძღვა და ისე წაიყვანა უავერი, როგორც დასაკლავი საქონელი, წელი ნაბიჯით, რადგან დიდხანს იყო გაბანრული და ძლივს ადგამდა ფეხს. სამიკიტნოდან გაიყვანა.

დამბაჩა ხელში ეჭირა.

გარეთ გავიდნენ, ბარიკადი გაიარეს. აჯანყებულები მათკენ მიმავალი ჯარის მოლოდინში უკან აღარ იხედებოდნენ.

მხოლოდ მარიუსმა დაინახა, რადგან ბარიკადის მარცხენა მხარეს იდგა, როგორ გაატარა უან ვალუანმა თავისი საკლავი. მიმავალნი იმ სამარისებრი მკრთალი სინათლით განათებული ეჩვენა, რომელიც მის სულში იყო გამეფებული.

უან ვალუანმა დიდი გაჭირვებით აიყვანა და გადაატარა ბარიკადის პატარა ქვაყრილზე, რათა მონდეტურის ქუჩაზე გაეყვანა, თან თვალს არ ამორებდა, თოკს არ უშვებდა. დამბაჩა მზად ჰქონდა სასროლად.

პატარა კედელი რომ გადაიარეს, მარტონი იყვნენ ქუჩაში. არავინ იყო იქ მათ გარდა. სახლის კუთხე იყო წინ წამოწეული და აჯანყებულებიც ვეღარ დაინახავდნენ. იქვე, რამდენიმე ნაბიჯს იქით დაეღაგებინათ ბარიკადზე დახოცილები. მკვდრებში მოჩანდა თმაგამლილი, ხელგახვრეტილი, ოდნავ მკერდგადაღედილი დედაკაცი. ეს ეპონინი იყო.

უავერი დააცქერდა უბედურს და სრულიად მშვიდად, ხმადაბლა თქვა:

- მგონი, ვიცნობ ამ კახპას.

მერე უან ვალუანს შეხედა.

უან ვალუანმა ილღიაში ამოიღო დამბაჩა და თვალი თვალში გაუყარა. ესეც კმაროდა, საჭირო არ იყო თქმა, - აჰა, უავერ, ეს ხომ მე ვარო!

უავერმაც უპასუხა:

- ახლა შენ იცი.

უან ვალუანმა ჯიბიდან დანა ამოიღო და გასხნა.

- ბებუთიც გაქვს? - შესძახა უავერმა, - მართალი ხარ, ბებუთი უფრო შეგშენის.

უან ვალუანმა გაჭრა თოკი, კისერზე რომ ეხვია უავერს, მერე ის თოკი, რომლითაც ხელები ჰქონდა შეკრული. შემდეგ დაიხარა, მუხლზე შემოხვეული თოკი გაუჭრა, წელში გასწორდა და უთხრა:

- თავისუფალი ბრძანდებით.

ადვილი არ იყო უავერის გაკვირვება. საოცრად კარგად ეხერხებოდა თავის დამორჩილება, მაგრამ აქ კი გაშტერდა და პირი დააღო.

უან ვალუანმა განაგრძო:

- არა მგონია, აქედან ცოცხალი გავიდე. მაგრამ, თუ შემთხვევით გადავრჩი, ლ'ომ-არმეს ქუჩაზე ვცხოვრობ, შვიდ ნომერში, გვარად ფომლევიანს ვატარებ.

ვეფხვით დააკრატუნა უავერმა კბილები და ჩუმად წაიბუზღუნა:

- მიფრთხილდი!

- მიბრძანდით, - გაუმეორა უან ვალუანმა.

უავერს მაინც არ სჯეროდა.

- მამ, ფომლევიანი ხარ, ლ'ომ-არმეს ქუჩაზე ცხოვრობ?

- შვიდ ნომერში.

და ჩუმი ხმით გაიმეორა უავერმაც:

- ჰო, შვიდ ნომერში.

სერთუკი შეიკრა, წელში გასწორდა მხედრულად, მიტრიალდა, გულხელი დაიკრითა, ნიკაპი მკერდზე დაიბჯინა და ბაზრისკენ წავიდა. ჟან ვალჟანი თვალს არ აპორებდა. რამდენიმე ნაბიჯი რომ გაიარა ჟავერმა, გაჩერდა, მიუბრუნდა და ჟან ვალჟანს გამოსძახა:

- თავი მომაბეზრეთ! მომკალით, რაღა!

ჟავერმა თავისდა შეუმჩნეველად თქვენობით მიმართა ჟან ვალჟანს.

- წადით-მეთქი, - უთხრა ჟან ვალჟანმა.

წელი ნაბიჯით წავიდა ჟავერი და მალე პრემიერის ქუჩაზე ჩაუხვია.

ჟავერი რომ აღარ ჩანდა, ჟან ვალჟანმა ზევით აისროლა დამბაჩა, მერე ბარიკადში შევიდა და დაიძახა:

- მორჩა და გათავდა!

აი, რა მოხდა ამ დროს:

მარიუსი ბარიკადის გარეთ უფრო იყურებოდა, ვიდრე სამიუკიტნოს ოთახებისკენ და აქამდე ხეირიანად არც კი შეეხედა ჯაშუშისათვის, ბოძზე მიკრული რომ ჰყავდათ დარბაზში.

გარეთ რომ დაინახა, დღის სინათლეზე, ბარიკადის ეზოში, მოსაკლავად რომ მიჰყავდა ჟან ვალჟანს, მხოლოდ მაშინ იცნო. უცაბედმა მოგონებამ გაურბინა გონებაში. მოაგონდა პონტუაზის ქუჩის პოლიციის ინსპექტორი, მისგან მოცემული ორი დამბაჩა, რომლებიც ჯერაც არ დაებრუნებინა, და აქ, ბარიკადზე ჰქონდა. ახლა არა მარტო კაცი, მისი სახელიც კი გაახსენდა.

მაგრამ დაბინდული იყო ეს მოგონება, როგორც ყოველი მისი ფიქრი და გრძნობა და ეჭვი ერეოდა, ვერ ბედავდა, ეთქვა, ის არისო, და თავის თავს ეკითხებოდა, განა ეს პოლიციის ინსპექტორი არ არის, ჟავერი რომ ჰქვიაო?

იქნება ჯერ დაგვიანებული არ ყოფილიყო მისი ჩარევა და კაცის გადარჩენა, მაგრამ დანამდვილებით უნდა გაეგო, მართლა ჟავერი იყო ის კაცი?

ამ დროს ანჟოლრასი დაინახა, ბარიკადის მეორე მხარეს გამოჭიმული.

- ანჟოლრას!

- რაო!

- ვინ არის ის კაცი?

- ვინ კაცი?

- აი, ის, ჯაშუში, რა გვარია, იცი?

- როგორ არა, თვითონვე გვითხრა.

- რა გვარია?

- ჟავერი.

წამოვარდა მარიუსი.

ამ დროს დამბაჩა გავარდა.

ჟან ვალჟანი აჯანყებულებთან დაბრუნდა და შესძახა:

- მორჩა და გათავდა.

მარიუსს გულზე სიცივემ გადაუარა.

თავი მყოცე

მართალ არიან მკვდარნი და ^{LEP}არც ცოცხალნი ტყუიან

ინცებოდა ბარიკადის აგონია.

ტრაგიკულად დიდებული იყო ეს წმინდა წამი და ყველაფერი ხელს უწყობდა მის სიღიადეს. რალაც იდუმალი ხმაური იდგა ჰაერში, ქუჩებში შეიარაღებული ხალხი ტრიალებდა, ისმოდა ცხენების ჭენება, ზარბაზნების ტლანქი გრიალი, ჰარიზის ქუჩების ლაბირინთში თოფისა და ზარბაზნის სროლა, სროლის კვამლი მზის შუქით მოოქრული სახლების სახურავებზე, საშინელი ყვირილი, მუქარის ელვა ყველგან და ყოველმხრივ, სენ-მერის ზარის განვაში, რომელშიც უკვე ქვითინი ისმოდა, სიტკბოება მომავალი ზაფხულისა, ბრწყინვალება მზისა და აქა-იქ ღრუბლით მორთული ცა, მშვენიერება დღისა და საზარელი დუმილი სახლებისა.

მიჩუმებული იყო შანვრერის ქუჩა, რადგან გუშინდელს აქეთ ქუჩის ორივე მხარეს აღმართული სახლები ცხესავით მიუვალი გამხდარიყო. თითქოს აღარც კარი შერჩენოდათ და აღარც ფანჯარა. ჩაკეტილი იყო ყველაფერი.

ის დროება დიდად განსხვავდებოდა ჩვენი დროებისაგან. როცა დადებოდა ჟამი და ხალხი გადანწყვეტდა ბოლო მოეღო დრომოჭმული წესრიგისათვის, ნაწყალობევი ქარტიისთვის ან მოძველებული კანონებისთვის, როცა ჰაერი გაუღენთილი იყო მრისხანებით, როცა ქალაქი თავად ანადგურებდა თავის ქვაფენილებს, როცა აჯანყებას ბურჟუაზია თანაუგრძნობდა, მაშინ მეამბოხე სულით გამსჭვალული ქალაქის მოსახლეობა აჯანყებულების მოკავშირე ხდებოდა, სახლი თითქოს მიწიდან უეცრად ამომძვრალ სიმაგრეს ეძმოიბილებოდა და მისი საყრდენი ხდებოდა. მაგრამ თუ დრო ჯერ კიდევ არ იყო მომწიფებული, თუ აჯანყებას ხალხი არ თანაუგრძნობდა, თუ მას უარყოფდა, მეამბოხენი დაღუპვისთვის იყვნენ განწირულნი. ქალაქი უდაბნოდ გადაიქცეოდა, ყველა თავშესაფარი იკეტებოდა და ქუჩები გზას უხსნიდნენ სამთავრობო ჯარს ბარიკადის ასაღებად.

ხალხს ძალისძალად ფეხს ვერ ააჩქარებინებთ. ვაი მას, ვინც ძალას დაატანს! ხალხს თოკს ვერ მოაბამ და თან ვერ წაიყვან, თუ არა და თვითონვე მიანებებს თავს აჯანყებას და დაიშლება; აჯანყებულებს, როგორც ჭირიანებს, ახლო აღარავინ ეკარება. სახლები იკეტება, კარები აღარ იღება, ქუჩის ორივე მხარეს მიუვალი კედლები აღიმართება და აღარავინ დაეხმარება აჯანყებას. კარგად ხედავს ეს კედელი, კარგად ესმის, მაგრამ აჯანყებისთვის ყრუ-მუნჯად გადაქცეულია. ადვილად შეუძლია ოღნავ გაილოს და განსაცდელს გადაგარჩინოს, მაგრამ არა. ეს კედელი დღეს მსაჭულია. გიჭვრეტთ და გსჯით! რა საშინელებაა ამ დროს ეს მიყრუებული კედლები! მკვდრებს ჰგვანან და ცოცხლები კი არიან. სიცოცხლისა აღარაფერი ეტყობათ და ცოცხალი კი არიან. არავინ გამოსულა ამ სახლებიდან არც დღეს, არც გუშინ, ოჯახს არავინ დაჰკლებია. ამ სახლებში, ამ ფსკერზე, მშვიდობიანი ცხოვრება სუფევს იმ დროს, როდესაც იბრძვის ხალხის თანაგრძნობის უქონელი ბარიკადი; მიდი-მოდიან ამ სახლებში, წვებიან, დგებიან, ჭამენ, სვამენ და ეშინიათ! აი, რა არის საზარელი. ამ შიშის ბრალია, რომ ასე ერიდებიან აჯანყებას. გულს უხეთქთ ეს შიში. ხანდახან ვაგიჟებულა კიდევ ამ შიშით ადამიანი. შიში სიგიჟედ გადაიქცევა, როგორც სიფრთხილე ლაჩრობად და აქედან წარმოდგება ეს ღრმააზროვანი, სიტყვაგამშავებული ზომიერება. შიშმა იყის, იმისთანა ალში გახვევს ადამიანს, რომ გამშავებულ რისხვას ამოადგნს გულიდან: „რა უნდათ ამ აჯანყებულთ? სულ რომ გუნდრუკი უკმიოს მთავრობამ, მაინც თავისას არ იშლიან! ისინი არცხვენენ და თავს

სჭრიან მშვიდობისმოყვარეთ. ნუთუ არ გვეყო ამდენი რევოლუცია? ახლა რაღა ნებათ? არ იშლიან და ჯანდაბას მათი თავი! სულ მათი ბრალია და სხვას ნურავის გაამტყუნებენ. ნავიდნენ და მოიმკონ, რაც დაუთესიათ! ჩვენ კი, ეს ჩვენი საქმე არ არის. აგერ, ტყვიით არის დაცხრილული ჩვენი ქუჩის კედლები. არამზადა მანანალები! აჰ, კარი არ გაუღოთ!" - და აკლდამად გადაიქცევა ცოცხალი სახლი. ამ სახლის კართან ვდია სულთმობრძევი აჯანყებული, ხედავს, როორ უახლოვდება წვეტიანი შუბი და ბასრი ხმალი; კიდევ რომ დაიყვიროს, იცის, არავინ მიეშველება. გაიგონებენ მის ყვირილს, მაგრამ არა, არ დაიძვრიან. ქუჩაში კედლებია, რომ თავი შეაფაროს, სახლებში - ადამიანები, რომ უშველონ, მაგრამ ამ კედლებს ყური არა აქვთ და ადამიანებს კი გული გაჰქვავებიათ.

ვის გაამტყუნებთ?

არავის და ყველას.

ნაკლით სავსეა ჩვენი დროება.

უტოპია რომ აჯანყებულ ვარდაიქმნება, დიდ გამბედაობას იჩენს და განსაცდელს იფიქრებს. ფილოსოფიური პროტესტი შეიარაღებულ პროტესტად გადაიქცევა და მინერვა - შალადად. მოუთმენლობა რომ მოერევა უტოპიას და აჯანყებულ გადაიქცევა, თვითონვე იცის, რაც მოელის, რადგან ყოველთვის მეტისმეტად ადრე მოდის და ადრე მოსული კი ემორჩილება გარემოებას და გამარჯვების ზეიმის მაგივრად, დამარცხებას სტოიკურად უხვდება და ითმენს. არას ჩივის, იმათვე ემსახურება და ამართლებს კიდევ, ვინც უარყოფს მას, უტოპიას, და იმდენად დიდსულოვანია, რომ ხანდახან სულ მარტო რჩება, ყველასგან მიტოვებული, შეუპოვარია დაბრკოლებასთან და ლმობიერი უმადურობასთან.

და განა უმადურობა კი არის მართლა?

ჰო - კაცობრიობის თვალსაზრისით და არა - ადამიანის თვალსაზრისით.

პროგრესი ადამიანის ბუნებრივი თვისებაა. კაცობრიობის საერთო ცხოვრებას ჰქვია პროგრესი, ნაბიჯ კაცობრიობისას ჰქვია პროგრესი. პროგრესი წინ მიდის. ეს ადამიანის მიწიერი მოგზაურობაა ღვთაებრივისა და ზეციურისკენ. ის გზად დროდადრო ჩერდება, რათა ჩამორჩენილებს მოუყაროს თავი და შესვენებისას ჭვრეტს ქანაანივით საუცხოო მიწას, რომელიც წინ უშლის თავის სივრცეებს; არის ღამეები, როცა სძინავს; და არ არსებობს მოაზროვნე ადამიანისთვის იმაზე დიდი ტანჯვა, ვიდრე შეჰყურებდეს ბნელით მოცულ კაცობრიობას, წყვლიადმი ხელის ცეცებით ეძებდეს პროგრესს და მისი გამოღვიძება კი არ ძალუძდეს.

„იქნებ მოკვდა ღმერთი“, - უთხრა ერთხელ ამ სტრიქონების დამწერს უერარ დე ნერვალმა, რომელსაც, ალბათ, ღმერთად პროგრესი ეჩვენებოდა და პროგრესის მსვლელობის შეწყვეტა კი თვით ღვთის სიკვდილად.

ცდება, ვინც სასონარკვეთილებას მისცემია. პროგრესი უთუოდ გამოიღვიძებს და რომ დაუთქვრდეს კაცი, შეიძლება ვთქვათ, რომ პროგრესი სვლას არ წყვეტს თუნდაც ჩასძინებოდეს, რადგან ძილის დროს გაზრდილა და რომ წამოდგება, უფრო მაღლად მოეჩვენება ყველას. ყოველთვის მშვიდობიანი როდია პროგრესი, ეს მასზე არც არის დამოკიდებული, როგორც მდინარეზე არ არის დამოკიდებული წყალდიდობა. ნუ გაუკეთებთ საგუბარს, ნუ ჩაყრით შიგ ქვეებს; დაბრკოლება წყალს აქაფებს, კაცობრიობას კი ადევნებს; აქედან გამომდინარეობს არეულობა, მაგრამ არეულობის შემდეგ ცხადად მოჩანს გავლილი გზა. და მანამ დამყარდებოდეს

ნესრიგი, რომელიც საზოგადო მშვიდობიანობაა, მანამ გამეფდება ერთობა და თანხმობა, პროგრესის ერთ-ერთი საფეხური რევოლუცია იქნება.

მაშ, რა არის პროგრესი?

აკი ვამბობთ, ხალხთა უწყვეტი სიცოცხლე.

და მოხდება ხოლმე ხანდახან, ინდივიდის წარმავალი სიცოცხლე წინააღმდეგობას გაუწევს კაცობრიობის მარადიულ სიცოცხლეს. ვალიაროთ გულახდილად - თითოეულ ჩვენგანს საკუთარი კერძო ინტერესები აქვს და სულაც არ არის დანაშაული მათი დაცვა; აწმყოს ეგოიზმის კანონიერი წილი აქვს მიკუთვნებული. წარმავალ სიცოცხლეს თავისი უფლებები აქვს და სულაც არ არის ვალდებული, მომავლის გამო გაუთავებლად მიიტანოს თავი სამსხვერპლოზე.

ის თაობა, რომელსაც უფლება აქვს, დღეს იცხოვროს, ვალდებული არ არის, დღეები შეიმოკლოს იმ თაობათა, თავის თანასწორ თაობათა სასარგებლოდ, რომელთა რიგი მომავალში დადგება. „ვარ და ვარსებობ!“ - ამბობს ის ვილაც, რომელსაც „ყველა“ ეწოდება. „ყმანვილი ვარ და სიყვარულით მიძვერს გული; მოხუცი ვარ და მოსვენება მინდა. მაშა ვარ წვრილშვილისა, ვმრომობ, წარმატებას ვიძენ, სიკეთეს ვთეს, სახლები მაქვს გასაქირავებელი, ფული მაქვს მთავრობის საღაროში შეტანილი, ბედნიერი ვარ ცოლ-შვილით. მიყვარს ყოველივე ეს, სიცოცხლე მინდა და თავი დამანებეთ, ნუ მიმღვრევთ სიმშივდეს“, - და აქედან წარმოდგება ზოგჯერ სრული გულცივობა კაცობრიობის თავგანწირულ წინამძღვართადმი.

მაგრამ ამაშიც შევთანხმდეთ, - უტოპია არღვევს თავისი ბრწყინვალე სფეროს საზღვრებს, როცა ომს იწყებს. უტოპია, ხვალინდელი ჭეშმარიტება, საშუალებად ომს იშველიებს, გუშინდელ ტყუილს; ისე იღვწის ეს მომავალი, როგორც წარსული; წმინდა იდეა და ძალმომრეობად იქცევა, თავის გმირობას უმატებს ძალმომრეობას და პასუხისმგებელიც თვითონ უნდა იყოს. შემთხვევის გამო ნახმარი, პრინციპის დამრღვევი ძალმომრეობა დაუსჯელად ვერ გადარჩება. აჯანყებული უტოპია ძველ სამხედრო კოდექსს იყენებს ბრძოლაში: ჯაშუშებს ხვრეტს, მოლაღატეებს სჯის, ადამიანებს ანადგურებს და გამოუცნობ წყვდიადში მოისვრის. ის დამხმარედ უხმობს სიკვდილს - ამ უმძიმეს გადაცდომას. შეიძლება იფიქრო, უტოპიას თითქოს აღარ სწამს ბრწყინვალე მომავლისა, მისი ურყევი და უჭკნობი ძალისა. ის მახვილით სცემს, მაგრამ მახვილი სახითფათოა. ყველა ორპირია. ვინც ერთით განგმირავს, მეორით თვითონვე განგმირულია.

აი, დაურიდებლად გადაუვშალებთ უტოპიას თავისი ცოდვა და მანაც შეუძლებლად მიგვანჩნია, თაყვანი არა ვცეთ მის მქადაგებელთ, მომავლის სახელოვან მებრძოლთ, უტოპიის თავგანწირულ ქურუმებს, გამარჯვებულნი იქნებიან ისინი თუ დამარცხებულნი. თუნდაც სულაც ვერაფერს გახდნენ, მანაც თაყვანსაცემი არიან, რადგან ამ ამაო თავგანწირვაში უფრო ჩანს მათი ღიღებულება. გამარჯვება, თუკი ის პროგრესს უწყობს ხელს, საერთო-სახალხო ტამისცემას იმსახურებს, მაგრამ გმირულმა დამარცხებამ თანაგრძნობა უნდა გამოიწვიოს. გამარჯვება ბრწყინვალეა, დამარცხება - ღიღებული. ჩვენ წარმატებას მარტვილობას ვამჯობინებთ, ჩვენთვის ჯონ ბრაუნი ვამინგტონზე მაღლა დგას, პიზაკანე კი გარიბალდიზე.

ხომ უნდა იყოს ვინმე დამარცხებულების მომხრე?!

ჩვენ უსამართლოდ განვსჯით დამარცხებულთ, რომლებიც სულ იმას ცდილობენ, იდეალური მომავალი მოგვიახლოონ.

ბრალს სდებენ რევოლუციონერებს, ქვეყანას ამფოთებით. ბოროტმოქმედებად მიაჩნიათ ყოველი ბარიკადი, უნუნებენ რევოლუციურ თეორიებს, ეჭვის თვალით უყურებენ რევოლუციის მიზანს, მის უანგარობას. სულ იმას საყვედურობენ, გამეფებული საზოგადოებრივ წესწყობილებას უჯანყებენ ურიცხვ გაჭირვებას, ბოროტებას, უთანასწორობას, ჩაგვრას, სასოწარკვეთილებას და საზოგადოების ძირისძირიდან, ღრმა წყვდიადიდან იკრებთ ძალას, რომ იმით იბრძოლოთ; ჯოჯოხეთის ქვაფენილიდან მოგაქვთ ქვებით, - და ისინიც კარგს იზამენ, რომ უპასუხონ, - ამიტომ არის სწორედ ჩვენი ბარიკადი კეთილი განზრახვით აგებული.

თქმა არ უნდა, უკეთესია საკითხის მშვიდობიანად გადაწყვეტა. საერთოდ, იქამდე მივიდა საქმე, რომ რიყის ქვას რომ ხედავენ, მაშინვე დათვი ავონდებათ და სწორედ ეს არის, რომ ამინებს საზოგადოებას. მაგრამ რატომ არ ავონდება საზოგადოებას, რომ იგი თვით არის თავისი თავის მხსნელი? ამიტომ პირდაპირ საზოგადოებას მივმართავთ ამ ჩვენი სიტყვით: არავითარი იძულებითი საშუალება არ არის საჭირო; ყოველი სენი გულდამშვიდებითა და ერთმანეთის დახმარებით უნდა შევიწინავლოთ, გამოვიკვლიოთ და მიერ განვკურნოთ. აი, რას მოვუწოდებთ საზოგადოებას.

როგორც უნდა იყოს, ყველა, ვისაც საფრანგეთისკენ მიუპყრია თვალი და იდეალის უდრეკ ლოგიკაზე დაყრდნობით მსოფლიოს ყველა კუთხეში იბრძვის დიადი საქმის გამარჯვებისთვის, დიდებით არის მოსილი, თუნდაც დამარცხებული, განსაკუთრებით დამარცხებული; პროგრესს წმინდა მსხვერპლად სწირავენ სიცოცხლეს, სარწმუნოებრივი აღტაცებით ემსახურებიან და დანიშნულ დროს, ისევე გულწმინდად, როგორც მსახიობი გადის სცენაზე, ღვთიურ განგებულებას ემორჩილებიან და სამარეში ჩადიან; და იმიტომაც ეწვევიან ამ უიმედო ბრძოლასაც, სიცოცხლეს სტოიკურად იმიტომაც სწირავენ, რომ კაცობრიობას 1789 წლის 14 ივლისს დაწყებული ხალხის მოძრაობის უმაღლეს ბრწყინვალე შედეგამდე მიაღწევიან. რევოლუციის მებრძოლნი ქურუმები არიან. საფრანგეთის რევოლუცია ღვთის განგებულებაა.

თუმცა, არსებობს ერთი მნიშვნელოვანი განსხვავება და აუცილებელია დავამატოთ სხვას, წინა თავებში მოყვანილს: არის შეიარაღებული აჯანყებანი, რომელსაც მხარს უჭერს ხალხი და მას რევოლუციას უწოდებენ; და არის უარყოფილი აჯანყებანი - და მათ ამბოხებას ეძახიან. აფეთქებული აჯანყება იდეაა, რომელიც პასუხისმგებელია ხალხის წინაშე. თუ ხალხმა მას შავი კენჭი მისცა, ესე იგი, იდეა უნაყოფოა, აჯანყება მარცხისთვის არის განწირული.

ყოველთვის არ ემორჩილება ხალხი უტოპიის სურვილს, იარაღით ხელში ჩაერიათ ბრძოლაში. ყოველთვის არ არის მზად ერი გამირობისა და თავგანწირვისთვის.

ხალხი წინდახედულია. აჯანყება მას a priori ხელს არ აძლევს. ჯერ ერთი, იმიტომ, რომ მას ხშირად კატასტროფა მოსდევს, მეორეც იმიტომ, რომ ამოსავალ წერტილად მუდამ განყენებული თეორია აქვს.

სწორედ ის არის მშვენიერი, რომ იდეალისათვის, მხოლოდ და მხოლოდ იდეალისთვის წირავენ თავს, თუკი აქვთ თავგანწირვის უნარი. აჯანყება ენთუზიაზმი და ენთუზიაზმი შეიძლება აღმუფოთდეს და ამას მოჰყვება იარაღის ტრიალი; მაგრამ ყოველ აჯანყებას, რომელიც იარაღით ებრძვის მთავრობას, ან რომელიმე წესწყობილებას, ამ უახლოესის გარდა შორეული მიზანიც აქვს. მაგალითად, 1832

წელს, - ამას დაუინებით ვამბობთ, - აჯანყების მოთავენი და მეტადრე შანვრერის ბარიკადის ჭაბუკი ერთუზიასტები მეფე ლუი-ფილიპს კი არ ებრძოდნენ, უმრავლესობა ამ მონარქიისა და რევოლუციის მომხრე მეფის სასიკეთო თვისებებს აღიარებდა, არავის სძულდა ლუი-ფილიპი. ისინი ებრძოდნენ არა ლუი-ფილიპს, არამედ „ნებითა ღვთისათა“ სამეფო გვარის უმცროს შტოს, როგორც ებრძოდნენ და დაამხეს კიდევ შარლ X, სამეფო გვარის უფროსი შტოს წარმომადგენელი. საფრანგეთში მეფობის მოსასპობად რომ იბრძოდნენ, - ეს უკვე ვთქვით, - იბრძოდნენ იმისთვის, რომ მოესპოთ დედამიწაზე ადამიანისაგან ადამიანის დამონება და უფლებაზე პრივილეგია; პარიზს მეფე აღარ ეყოლებოდა და დედამიწას დესპოტები. ასე მსჯელობდნენ იმ დროის მოღვაწენი. ეჭვი არ არის, მეტად შორეული იყო მათი მიზანი, შეიძლება ბუნდოვანიც, მაგრამ დიადი.

ეს ასეა, თავს განირავს კაცი თავისი ოცნებისთვის. თავგანწირულთათვის ეს ოცნება თითქმის ყოველთვის ილუზიაა, მაგრამ ილუზიას თან ერთვის რწმენა ადამიანისადმი. აჯანყებული აჯანყებას აპოეტურებს და ოქროთი ფერავს. თავისი მიზნით აღტაცებული, თავდავიწყებით ებმებიან ამ ტრაგიკულ მოძრაობაში. ვინ იცის, იქნებ კიდევ გაიმარჯვონ. მაგრამ ცოტანი არიან. მთელი ლაშქარი გამოდის მათ წინააღმდეგ, მაგრამ ისინი უფლებას იცავენ. ბუნებრივ კანონს, ყოველი ადამიანის თავისუფლებას, მართლმსაჯულებას, სიმართლეს და თუ საჭიროება მოითხოვს, დაიხრებინან, როგორც სამასი სპარტელი, დონ კიხოტის ნაცვლად მათ ლეონიდა უდგათ თვალწინ. წინ მიდიან; და რაკი მიდიან, უკან დახევვა აღარ იციან, ერთადერთი იმედი აქვთ - გამარჯვებით დასრულებული რევოლუცია, თავისუფლადმავალი პროგრესი, ადამიანის განათლება, კაცობრიობის თავისუფლება, უარეს შემთხვევაში კი, თერმოპილე.

პროგრესისათვის ასეთი ბრძოლა ხშირად მარცხით მთავრდება და ჩვენ უკვე განვმარტეთ, რატომ. პალადინისთვის ძნელია ურჩი ბრბოს აყოლიება. მიძიმწონიანი, აურაცხელი, სწორედ თავისი მოუქნელობის გამო არასაიმედო ბრბო რისკს უფრთხის, იდეალის განხორციელება კი ყოველთვის რისკთან არის დაკავშირებული.

არ უნდა დაგვაინცდეს ისიც, რომ აქ ჩართულია კერძო ინტერესებიც, რომლებიც ცუდად ეთანხმება იდეალებსა და გრძნობებს. ხშირად კუჭი აჩუმებს გულს. დიდება და მშვენიება საფრანგეთისა ის არის, რომ ჩვენი სამშობლო უფრო ნაკლებად ემორჩილება კუჭს, ვიდრე სხვა ქვეყნები; ძალიან ადვილად შემოიჭერს ხოლმე მუცელზე თოკს და ძალიან მაგრადაც. საფრანგეთია, რომ ყველაზე ადრე იღვიძებს და ყველაზე გვიან იძინებს. საფრანგეთი მიუძღვის წინ კაცობრიობას. იგი ჭეშმარიტების მაძიებელია. ეს იმიტომ, რომ საფრანგეთი ხელოვანია.

იდეალი უმაღლესი წერტილია ლოგიკისა, ისევე როგორც მშვენიერება უმაღლესი მწვერვალია ჭეშმარიტებისა.

ხელოვანი ხალხი თანამიმდევრულია, ვისაც მშვენიერება უყვარს, მას სინათლე სწყურია. ამიტომაც, რომ ევროპის ჩირაღდანი, ესე იგი, ცივილიზაციის ჩირაღდანი, ჯერ ეჭრა საბერძნეთს, რომელმაც იტალიას გადასცა, ხოლო იტალიამ საფრანგეთს უძღვნა. ღვთაებრივი ნათელმოსილი ხალხი! Vიტაი ლამაზადა ტრადუნტ.

კარგი ის არის, რომ რომელიმე ხალხის პოეზია ერთი ფუძეთაგანია მისი პროგრესისა. ცივილიზაციის ოდენობა მისი წარმოსახვის ოდენობით გაიზომება. ოლონდ, თუ განათლების გამავრცელებელი ხალხია, ვაჟკაცობასაც უნდა

ინარჩუნებდეს. კორინთი ასეთი იყო, სიბარისი კი არა. ძალიან გასათუთებას გადაგვარება მოსდევს. არც დილექტანტობა ვარგა, არც ვირტუოზობა, შემოქმედი უნდა იყო. სინატიფეს კი არა, სრულყოფილებას უნდა ესწრაფოდე. მხოლოდ ამ პირობით მიუძღვნი კაცობრიობას სანიმუშო იდეალს.

ჩვენს თანამედროვე იდეალს ხელოვნებაში თავისი ტიპი ჰყავს და მეცნიერებაში კი თავისი საშუალებები აქვს. მეცნიერების საშუალებით ხორცი ესხმება პოეტების მაღალ ოცნებას, საზოგადოებრივი წყობილების მშვენიერებას. ედემს A+B-ს საშუალებით გადააკეთებენ. დღეს იმ წერტილამდე მიაღწია ცივილიზაციამ, რომ სისუსტე გახდა სიდიადის უსაჭიროესი შემადგენელი და მეცნიერება არა მარტო ემსახურება არტისტულ გრძნობას, არამედ ავსებს კიდეც. ოცნებამაც უნდა იცოდეს ანგარიში. ხელოვნებას, როგორც დამყარობს, საყრდენ წერტილად უნდა ჰქონდეს მეცნიერება, მოძრაი და. უმთავრესია, ამ ნაგებობას სიმკვრივე ჰქონდეს. ჩვენს თანამედროვე შემეცნებას შეადგენს საბერძნეთის გენია, რომელმაც თავის ეტლად ინდოეთის გენია გაიხადა, - სპილოზე ამხედრებული ალექსანდრე მაკედონელი.

რაიმე დოგმატში გაქცევილი ხალხი ან ფუფუნებით გაზულუქებული და მოღონდლოებული, ცივილიზაციას ვერ გაუძღვება. კერპის წინაშე მუხლის მოყრა ან ფულის გაღმერთება აჭკნობს და კლავს ფეხის ძალასაც და წინსვლის წადილსაც. ფარისევლური ან მენფრილმანური გატაცება ამდაბლებს ხალხის სულიერების დონეს, მის ჰორიზონტს, ხელიდან აცლის კაცობრიობის მიზნის ღვთიურსა და ადამიანურ შეგნებას, რომელიც წინასწარმეტყველად გადააქცევს ზოგ ხალხს. ბაბილონს არ ჰქონდა იდეალი, კართაგენს არ ჰქონდა იდეალი. ათენსა და რომს ჰქონდათ იდეალი და საუკუნეთა წყვდიადში გამოატარეს ცივილიზაციის შარავანდელი.

საფრანგეთიც იმავე თვისების მატარებელია, როგორც საბერძნეთი და იტალია. საფრანგეთი ათენელია მშვენიერებით, რომელი - თავისი სიდიადით და გარდა ამისა, გულკეთილია, გულუხვად აფრქვევს, რაც აქვს. საფრანგეთი უფრო ხშირად არის მსხვერპლის გამღები და თავგანწირული, ვიდრე სხვა რომელიმე ხალხი. ოლონდ ხან მოიცავს მას ეს სულიერი განწყობილება, ხან მიატოვებს. დიდი განსაცდელია ეს გარემოება იმ ხალხისათვის, რომელიც გარბის, როდესაც საფრანგეთს მხოლოდ წელი სიარული ნებავს, ან მათთვის, ვინც ფრთხილად მიდის და საფრანგეთს კი გაჩერება ნებავს. საფრანგეთს ხანდახან მოერევა ხოლმე მატერიალიზმი და იმნაირი იდეები ეფარება მის ბრწყინვალე აზროვნებას, რომ მთლად მალავენ მის სიდიადეს, როგორც მისურისა და სამხრეთ კაროლინის აღიდეება. რას იზამთ? ბუმბერაზი ქონდრისკაცს თამამობს. დიად საფრანგეთს უინი მოუვლის ხოლმე პატარაობისა. აი, განმარტება.

ამაზე ვერაფერს ვიტყვი. ხალხსაც, როგორც ცის მნათობს, დაბნელების უფლება აქვს. ეს არაფერი, ოლონდ ისევ განათდეს და მნათობის დაბნელება ღამედ არ გადაიქცეს. განთიადი და მკვდრეთით აღდგომა სინონიმები არიან. ხელახლა გამოჩენა სინათლისა იგივეა, რაც სიცოცხლის გაგრძელება.

მშვიდად განვიხილოთ აჯანყებულთა საქციელი: ბარიკადზე მოკვდება თუ უცხოეთში პოვებს საფლავს განდევნილი, შემთხვევაზე დამოკიდებული. თავდადებულის ნამდვილი სახელი უანგარობაა. რა გაწყობა? დარჩეს ასე ხალხისგან მიტოვებული. დარჩეს განდევნილი. ჩვენ მარტო ძლიერ ხალხებს

მივმართავთ. მეტისმეტად ნუ დაიხევენ უკან. არ ვარგა, იძახონ, გონებაზე მოვედითო და ძირს დაეშვან იდეალისკენ მიმავალი.

უდავოდ, არსებობს მატერია და სასიცოცხლო საჭიროებანი, კერძო ინტერესებიცა და კუჭიც, მაგრამ დაუშვებელია, რომ კუჭის მოთხოვნები ერთადერთ კანონად იქცეს. წარმავალ ცხოვრებას აქვს უფლებები, მათ ვალიარებთ, მაგრამ მარადიულ სიცოცხლესაც აქვს თავისი უფლებები. შეიძლება მწვერვალზე ახვიდე, მაგრამ უეცრადვე ჩამოვარდე. სამწუხაროდ, ისტორიაში მრავლად ვხედავთ ასეთ მაგალითს.

ვხედავთ უფრო ხშირად, ვიდრე ჩვენ გვინდა. იდეალს მიახლოებული დიდი, სახელგანთქმული ერი უეცრად ამ სიბინძურეში ქექვას იწყებს და ეს გაუტკბება კიდევ; თუკი ჰკითხავენ, რა მიზეზით შეაქციე ზურგი სოკრატეს და ფალსტაფი ამჭობინეთ, გიპასუხებთ, იმიტომ, რომ სახელმწიფო მოღვაწენი მიყვარსო.

ერთი სიტყვა კიდევ, ვიდრე ბრძოლას დაუბრუნდებით.

ეს ბრძოლა, რომელსაც ჩვენ მოგიბრძობთ ამნამს, კონველსიური აღმადგენაა იდეალისკენ. პროგრესს რომ დაბრკოლება აღუდგება წინ, დასწეულდება და მაშინ დაეუფლება ხოლმე ეს ტრაგიკული სულისკვეთება. პროგრესის სენი - სამოქალაქო ომი ჩვენი მოთხოვნის მიმდინარეობასაც შეხვდა გზაზე. საშინელია ეს ბრძოლა, სახელისწერო შემთხვევა, მოქმედება და ერთსა და იმავე დროს ანტრაქტი დრამისა, რომლის მოქმედი პირი საზოგადოების მიერ განკიცხულია და რომლის ნამდვილი სახელი „პროგრესია“.

პროგრესი!

ამას გავიძახით ყოველთვის. ეს არის ჩვენი მისწრაფება. ამ დრამის იდეას ჯერ კიდევ ბევრი განსაცდელი მოელის და იქნებ ნება მოგვცენ, თუ სულ მთლად არა, ოღნავ მაინც ავნიოთ ფარდა, რომ დავინახოთ მისი სინათლე.

ეს წიგნი, რომელიც თვალწინ უდევს ამნამს მკითხველს, თავიდან ბოლომდე და ყოველგვარ წვრილმანში, რაც უნდა ხარვეზი იყოს შიგ, გამონაკლისი ან შეცდომა, მისწრაფებაა ავის კარვისკენ, უსამართლობისა სამართლიანობისკენ, ყალბისა ჭეშმარიტებისკენ, ღამისა დღისკენ, მადისა სინდისისკენ, ხრწნისა სიცოცხლისკენ, მხეცობისა მოვალეობისკენ, ჯოჯოხეთისა ზეცისკენ და არარაობისა ღვთისკენ. ამოსავალი წერტილი, საიდანაც იწყება ეს მისწრაფება, მატერიაა; წერტილი, სადაც გაჩერდება ეს მისწრაფება, სული. გველემაში დასაწყისში და ანგელოზი დასასრულში.

თავი ოცდამეერთე

გმირები

უცხად იერიშის მაუწყებელი ნალარა გაისმა.

იერიში ნამდვილი გრიგალი იყო. წინაღამეს, იმ სიბნელეში, ბარიკადს მღუმარედ ეპარებოდა ჯარი, თითქოს გველი ყოფილიყო. ამ დილას კი მზის სინათლეზე ყოვლად შეუძლებელი იყო მიპარვა; საბურავი ჩამოიხადა ჯარმა. ზარბაზანიც კარგად მოჩანდა და ჯარის სიმრავლეც. ზარბაზანმა სროლა დაიწყო. ჯარი ბარიკადს მიესია. გაცოფებას განედევნა სიფრთხილე და მოხერხება. ქვეითი ჯარის რაზმი მირბოდა ბარიკადისკენ, მას გვარდიელები მოსდევდნენ, უკან კიდევ უღევი ლაშქარი იდგა მათ გასამავრებლად და სირბილით, ფეხის ტლანქი ბრახუნით, ნალარის ცემით, საყვირის ძახილით, ხიშტის თამაშით მოისწრაფოდა, თითქოს მართლა მტერი შემოსეოდა და

განსაცდელს უქადა სამშობლოს. წინ მესანგრეები მოუძლოდნენ. აღარ დაერიდა ჯარი ბარიკადიდან მომავალ ტყვიებს და პირდაპირ მიადგა ბარიკადის ქვაყრილ კედელს. ძველებური კედლის სამტვრევი რკინის ბოძივით დაჰკრა ბარიკადს, მაგრამ ისიც მაგრად დაუხვდა.

ჯანყებულებიც შეუწყვეტლივ ისროდნენ. ბარიკადზე ჯარი ძვრებოდა, მაგრამ ცეცხლისმფრქვეველი ფაფარი გამხდარიყო. იმდენად მძლავრად დაეტაკა ჯარი, რომ წამით ზედ ბარიკადზე გაჩნდნენ ჯარისკაცები, მაგრამ კისერი მოიქნია ლომმა და ძაღლებივით ძირს ჩაყარა თავისი მტრები, კლდე იყო ზღვიდან ამოვარდნილი და რომ გადაუვლიდა ზვირთი, წამით დამალავდა წყალქვეშ, მაგრამ ისიც მაშინვე ამოიწვედა და ისევ მედიდურად იდგა ამართული, პირქუში და საშიში.

უკან დაიხია ჯარმა და იძულებული გახდა, იქვე შეტყუებულიყო, ქუჩაში, დაუფარავად. ბარიკადი ესროდა და ჯარმაც საშინელი სროლა აუტეხა. ვის არ უნახავს ქალაქის ხელოვნურად გაჩირაღდნება? უთუოდ ძნასავით შეკრული ელვა ეგონება, თაიგულს რომ ეძახიან. ეს მეხივით დამცემი ელვის თაიგული წარმოიდგინოს მკითხველმა, ოღონდ ზეცისკენ მიმავალი კი არა, მიწისპირ თარაზულად წასროლი ურჩის დასამორჩილებლად.

ერთი და იგივე გადანწყვეტილება მიელო ორივე მხარეს, თითქმის ბარბაროსული გამხდარიყო ვაჟკაცობა. იგი მძაფრდებოდა ერთგვარი გმირული მძვინვარებით, რომელიც თავგანწირვით იწყებოდა და იმითვე უნდა გათავებულიყო. ჯარს დასრულება ნებავდა, ბარიკადს - ბრძოლა; სიცოცხლით საესე ჭაბუკი რომ თანახმაა მოკვდეს, მძვინვარებად გარდაიქმნება მისი ძალა. დიდებული მძვინვარებით იბრძოდა ამ შეტევის ყოველი მონაწილე. ქუჩა მკვდრებით იყო მოფენილი.

ბარიკადის ერთ ნაპირზე ანჟოლრასი იდგა, მეორეზე - მარიუსი. ანჟოლრასს თვალწინ ედგა ბარიკადის ყოველი წვრილმანი. ცდილობდა, ამოჰფარებოდა რამეს, დიდხანს გაეძლოთ მასაც და ბარიკადსაც. სამი ჯარისკაცი მოკლა თოფით და ისე ესროლა, რომ ვერც კი დაინახეს, ვინ იყო მსროლელი. მარიუსი კი არაფერს ეფარებოდა, ჯარის თოფების მიზნად გამხდარიყო; ბარიკადის ქვაყრილის ზევით იდგა და კარვად უჩანდა თავი და მკერდი. არავინ არის ისეთი ხელგაშლილი, როგორიც ტუნწი, როცა ქეიფს გადანწყვეტს. ამგვარადვე საშინელია ბრძოლაში მეოცნებე. ასეთი იყო მარიუსი. ისე იბრძოდა, თითქოს სიზმარში იყო. იტყოდით, თოფს აჩრდილი ისვრისო.

ტყვიების მარაგი ელეოდათ ბარიკადელებს, მაგრამ სარკამისა კი არა. ცალი ფეხით საფლავეში მდგარნი, ხარხარებდნენ.

თავშიშველი იყო კურფეირაკი.

- რა უყავი ქელი? - ჰკითხა ბოსუმ.

გაეცინა კურფეირაკს:

- ქელი მაინც მომახდევინა ზარბაზნების ტყვიამ.

თან კიდევ ადამიანის ლაჩრობას უჩიოდნენ:

- ვინ წარმოიდგენდა, - იძახდა სიმწრით ფეი, - რომ ის... (და ცნობილ გვარებს ასახელებდა, სახელოვან გვარებს, ზოგს ძველი არმიიდან). ვინ წარმოიდგენდა, რომ იმდენი დაპირების შემდეგ, ფიცის შემდეგ, პატიოსანი სიტყვით აღთქმული დახმარების შემდეგ, ასე გვიმტყუნებდნენ და გვილალატებდნენ? მერე ვინ არიან ჩვენი მოლალატენი? ვინა და, ჩვენი უფროსები და ჩვენი გენერლები.

კომბეფერმა დარბაისლური ღიმილით მხოლოდ ეს უპასუხა:

- ზოგიერთი ისევე შორიდან უცქერს კეთილშობილების წესებს, როგორც ასტრონომები შორეულ ზეციურ მნათობს.

ისე იყო ბარიკადის ეზო დამსკლარი ჰილზებით მოფენილი, თითქოს თოვლი მოსულიყო.

ჯარს რიცხვობრივი უპირატესობა ჰქონდა, აჯანყებულებს - პოზიციური. კედლის თავზე იდგნენ, კედელს ამოფარებულნი და ზემოდან ესროდნენ კედლის ძირში მკვდრებსა და დაჭრილებში შეტეულებს ჯარს. კარგად იყო აშენებული ბარიკადი და იმ სიმაგრეს წარმოადგენდა, რომელშიც ერთი მუჭა მაგარი ბიჭი ებრძვის და არ ნებდება მთელ ლეგიონს. მაგრამ უბედურება ის იყო, რომ ჯარს ერთის მაგივრად ასი ემატებოდა, ნელ-ნელა უფრო აწევებოდა ბარიკადს და მუხრუჭს უჭერდა.

აღარ ისვენებდა ჯარი.

მაშინ ატყდა ამ ქვაფენილაშლილ შანვრერის ქუჩაზე ის საშინელი ბრძოლა, რომელიც ღირსია მოხსენიებულ იქნეს ტროის ბრძოლასთან ერთად. ბუმბერაზებად გადაიქცნენ ეს კაცები, დაქანცულები, მთელი დღე-ღამის მშვიდნი, უძილონი, რომელთაც რამდენიმე ტყვიალა დარჩენოდათ თოფებში და ჯიბეებს ისინჯავდნენ, იქნება ვაზნა დაგვრჩა სადმეო; თითქმის ყველანი დაჭრილიყვნენ. თავი ან ხელი შეხვეული ჰქონდათ ჭუჭყიანი, დასისხლიანებული ჩვრებით; დახვრეტილი ჰქონდათ ტანისამოსი და იქიდან სისხლი სდიოდათ; ძველი, უვარგისი თოფი ჰქონდათ, ბლაგვი ხმალი და მიუხედავად ამისა, გმირულად იბრძოდნენ. ათჯერ დაეტაკა იმხელა ჯარი ბარიკადს, ქვაყრილზე აძვრნენ ჯარისკაცები და მანაც შიგ ვერ შევიდნენ.

ამ ბრძოლის ზუსტად დასახატავად კარგი იქნება, წარმოვიდგინოთ დიდ, აბოლოქრებულ ხანძარში ჩარჩენილი გმირი ვაჟკაცების ჯგუფი. აქაც ისე იყო: გაავარვარებულ საკირეში ჩარჩენილიყვნენ და მედგრად იბრძოდნენ, ცეცხლს აფრქვევდნენ; გააფთრებული გამომეტყველება ჰქონდა ყველას; გარეგნობაც აღარ შერჩენოდათ ადამიანური. ალში ტრიალებდნენ გაცოფებულნი და საზარელი სანახავი იყო ამ ცეცხლში და მშით გამუქებულ თოფისწამლის კვამლში განწირულთა მედგარი ბრძოლა. ჩვენ ვერ შევძლებთ ამ საშინელი ომისა და კაცთაკვლის სცენის თანამიმდევრობით დახატვას. მარტო ეპოპეას აქვს უფლება, თორმეტი ათასი ლექსით გამოსახოს ერთი ბრძოლა.

იტყოდით, ბრაჰმანიზმის ჯოჯოხეთითაო ეს ბარიკადი, ჩვიდმეტ უფსკრულთაგან ყველაზე საშინელი, რომელსაც „ხმალთა ტყეს“ უწოდებს ვედა.

ბოლოს ხელჩართული ბრძოლა ატყდა, მუშტით, ფეხით, დამბაჩისა და თოფის კონდახით სცემდნენ ერთმანეთს: ახლოდან, შორიდან, ყოველი მხრიდან, სახლის სახურავიდან, სამიკიტნოს ფანჯრებიდან, სარდაფის სარკმლიდან, სადაც ჩამძვრალიყო რამდენიმე ბარიკადელი. აჯანყებულები თითო კაცი იყო სამოცის წინააღმდეგ. საზარელი სანახავი იყო „კორინთის“ ფასადი, უკვე ნახევრად დანგრეული; ფანჯრები ჩანგრეული ჰქონდა, აღარც შუშა შერჩენოდა, აღარც ჩარჩო და ორმოებადლა მოჩანდნენ კედელში.

მოკლეს ბოსუე; მოკლეს ფევი, მოკლეს კურფეირაკი; მოკლეს ჟოლი; კომბეფერს სამჯერ ჩასცა ჯარისკაცმა გულში ხიშტი სწორედ იმ დროს, როდესაც დაჭრილ ჯარისკაცს შველოდა, რომ ამდგარიყო, და ისე უცბად გამოეთხოვა წუთისოფელს, მხოლოდ ზეცის დანახვა მოასწრო.

მარიუსი ისევ იბრძოდა; მრავალი ჭრილობა მიეღო, მეტადრე თავში, და მთლად სისხლით იყო მოსვრილი, თითქოს წითელი საბურავი მოუხვევია თავზე.

მარტო ანჟოლრასი იყო ჯერ უვნებელი. იარაღი რომ შემოაკლდებოდა, ხელს გაიშვერდა მარჯვნივ ან მარცხნივ და ამხანაგები აწვდიდნენ თოფს ან დამბაჩას. ოთხი ხმლისა ერთი ნატეხილა შერჩენოდა, ერთით მეტი, ვიდრე ფრანსუა I-ს მარინიანოში.

ჰომეროსი ამბობს: „დიომედი ახრჩობს აქსილესს, ტევრასის შვილს, რომელიც ბედნიერ არისბეში ცხოვრობდა; ევრიალე, მექისტეს შვილი, კლავს დარექოსს, ოფელტიოსს, ესეპს და პედასთეს, რომელიც აბარბარეს ეყოლა უმნიკვლო ბუკოლიონისაგან; ოდისევსმა დასცა იპიდიტ პერკოსელი, ანტილოქემ - აბლერი, პოლიპეტემ - ასტილე, პოლიდამსმა - კოლენელი ოტოსი, ტევკერმა - არეთაონი. მეგანთიოსი კვდება ევრიპილეს შუბით განგმირული; აგამემნონი, მეფე გმირებისა, ამარცხებს ელატოსს, დაბადებულს იმ ციცაბოვან ქალაქში, რომელსაც ამშვენებს ტკბილხმოვანი მდინარე საფნოსი“.

ჩვენს ძველებურ გმირულ პოემებში რაინდი ესპლანდიანი რკინის ორთითთ ეკვთა ბუმბერაზ მარკიზ სვანტიბორს, რომელიც თავს იცავს ამოგლეჯილი კოშკებით. ჩვენს ძველ ფრესკებზე ბრეტანისა და ბურბონის შერაცოვებია თავიანთი გერბებით; ცხენზე ზის ორივე, შუბნაჯახით, რკინის ნიღბით, რკინის ფეხსაცმლით, რკინის თათმანით, ერთის ცხენს ყარყუმი მოსავს, მეორისას კი ცისფერი ქსოვილი; ბრეტონელს ლომი აქვს თავისი გვირგვინის ორ რქაშუა ჩაჭედილი; ბურბონს ვეებერთელა შრომანი ახატია მუზარადზე, მაგრამ ადამიანის დიდება არ საჭიროებს შერაცოვის მუზარადს, რომელსაც არ იშორებდა ივონი, არც ესპლანდიანივით ხელის მტევანზე დახატულ ცეცხლის ალს, ან ფილესივით, პოლიდამანტის მამასავით, ეპირიდან კაცობრიობის წინაპრის, იაპეტის ნაჩუქარი საბრძოლო საჭურვლის ჩამოტანას, საკმარისია მხოლოდ თავი დალო შენი იდეებისთვისა და ფიცის ერთგულებისთვის.

აი, უბრალო, გულუბრყვილო ჯარისკაცი, გუშინ ბორელი ან ლიმუზელი გლეხი, თავისი მოკლე ხმლით ლუქსემბურგის ბაღში რომ დახეტილებს ბავშვების მეთვალყურე გადიების ახლოს; ან ეს ფერმკრთალი სტუდენტი, თავდახრილი რომ ჩაჰყურებს წიგნს, წაიყვანეთ ორივე, ჩაჰბერეთ მოვალეობის სული, დააყენეთ ერთმანეთის პირდაპირ ბუშერის გზაჯვარედინზე ან პლანშ-მიბრეს ჩიხში ისე, რომ ერთი თავისი დროშისთვის იბრძოდეს და მეორე კი თავისი იდეალისთვის, ოღონდ წარმოიდგინონ ორივემ, რომ სამშობლოსთვის იბრძვიან, და სამკვდრო-სასიცოცხლო ბრძოლა ატყდება; ნახავთ, რომ უბრალო ჯარისკაცისა და ჭაბუკის ჩრდილი იმ მოედანზე, სადაც კაცობრიობა იბრძვის, იმ სიდიდისა იქნება, როგორც იყო ვეფხვების სამშობლო ლიკიის მეფე მეგარიონის აჩრდილი, რომელიც თავისი ხელით ახრჩობდა ღმერთების თანასწორ ბუმბერაზ აიაქსს.

თავი ოცდამეორე
ფეხდაფეხ

ერთ მხარეს ანჟოლრასი იდგა, მეორეს - მარიუსი; ბარიკადის შუაში კურფეირაკი, უფროსობდნენ უოლი, ბოსუე, ფეიი და კომბეფერი. ესენი რომ დაიხოცნენ, გაუჭირდათ. ზარბაზანს ბარიკადი ვერ შეერღვია, რომ შიგ შევარდნილიყო ჯარი,

მაგრამ მაგრად დაეზიანებინა ქვაყრილის შუა ნაწილი; აქ კედელმა ძირს დაინია, ქვაყრილი ზოგი გარეთ გადავარდა, ზოგი თვით ბარიკადის ეზოში და ისე დახვავდა ორივე მხარეს, რომ კიბესავით მიეკრა კედელს.

უკვე გზა გაესხნა ჯარს, რომელმაც ისარგებლა კიდევ ამით, მთელი ძალით დაეტაკა ბარიკადს და შიგ შევარდა. ამართული ხიშტებით ფაფარაყრილი მორბოდა ჯარი, ავარდა ბარიკადზე. თოფისნამლის კვამლში ჩაიმალა წინა ნაწილი. ახლა კი წასული იყო აჯანყებულების საქმე. ბარიკადის შუა ნაწილის არეულმა მცველმა ჯგუფმა უკან დაიხია.

და მაშინ აღიგზნო ზოგში სიცოცხლის მძლავრი სიყვარული. ხიშტების მეტს ვედარაფერს ხელაფდნენ და სიკვდილის აცდენას ცდილობდნენ. ეს არის ის წუთი ადამიანის სიცოცხლისა, როდესაც თავდაცვის ინსტინქტი იმარჯვებს და ადამიანში მხეცი ილვიძებს. ბარიკადის უკანა მხარეს მალალ, შვიდსართულიან სახლს მისცივდნენ; თუ უშველიდათ რამეს, ეს სახლი უშველიდათ; მაგრამ ეს სახლიც გაემაგრებინათ მცხოვრებთ და ღია ფანჯარა არსად იყო ზემოდან ქუჩის პირამდე. ამ სახლის კარი რომ გაეღოთ სულ ერთი წამით, აჯანყებულები შიგ შეცვივდებოდნენ. სახლის ეზოთი მეორე ქუჩაში გავიდოდნენ და იქნებ გადარჩენილიყვნენ კიდევ. აკაკუნებდნენ კარზე მუშტით, ფეხით, კონდახით, იძახდნენ, ყვიროდნენ, ვილაცას ევედრებოდნენ, ხელებს იმტვრევდნენ, კარი არავინ გაუღო. მეოთხე სართულის სარკმლიდან მათ მხოლოდ მკვდარი თავი დასჩერებოდა.

კიდევ კარგი, შეშინებულთ ანჟოლრასი, მარიუსი და მასთან ერთად შვიდი-რვა კაცი დაეხმარნენ. ანჟოლრასმა მრისხანედ შესძახა ჯარისკაცებს: „შეჩერდით!“ - ერთმა ოფიცერმა არ დაიჯერა ეს გაფრთხილება და იქვე დაეცა ანჟოლრასის ტყვიით განგმირული. ბარიკადის პატარა ეზოში, „კორინთის“ კედელზე მიყრდნობილი იდგა ანჟოლრასი. ერთ ხელში ხმალი ეჭირა, მეორეში - თოფი. სამიკიტნოს კარი გაეღო, ხელით ეჭირა და ცდილობდა, შიგ არ შეეშვა ჯარისკაცები.

- აქეთ წამოდით! - დაუყვირა ამხანაგებს, - კარი ღიაა! - წინ დაუდგა ჯარს, თვითონ ებრძოდა, ვინც წინ წაინეცდა და მოახერხა, თავისი ამხანაგები, ყველანი, სამიკიტნოში შეიყვანა. თვითონაც შეჰყვა მათ, შეჰყვა და ახლა კარს მიანვა ჯარი. სამინელება დატრიალდა კართან. ჯარისკაცები „კორინთში“ შესვლას ცდილობდნენ, აჯანყებულები კარის დაკეტვას. ბოლოს, როგორც იყო, დაკეტეს კარი და ისე მძლავრად მოაჯახუნეს, რომ ერთ ჯარისკაცს, რომელიც ჩარჩოს ჩასჭიდებოდა, ხუთივე თითი ჩაჭრა. თითები იქვე დარჩა ჩამოკიდებული. მარიუსი გარეთ იყო, თოფის ტყვიამ ლავინი ჩაუმტვრია. დაბარბაცდა, გრძნობდა, გული მისდიოდა და ფეხზე ვედარ იდგა. თვალი დახუჭა და იგრძნო, რომ ვილაცამ სტაცა ხელი, მაგრამ გონს კარგავდა და ისლა მოასწრო, რომ კოზეტი მოიგონა და თან ფიქრმა გაუელვა, დამატყვევეს და დამხვრეტენო.

ანჟოლრასმა მარიუსი რომ ვერ დაინახა სამიკიტნოში, სწორედ იგივე გაიფიქრა მის შესახებ, მაგრამ იმწუთას საკუთარი სიკვდილის მეტი არაფერი ანალვლებს ადამიანს. ანჟოლრასმა მაგრად ჩაკეტა სამიკიტნოს კარი და რკინის ურდულით გაამაგრა; ამ დროს გარედან კონდახებს სცემდნენ ჯარისკაცები და ცულის ყუას კი მესანგრეები. იმ კართან მოგროვილიყო მთელი ჯარი, ახლა ჯარს „კორინთი“ ჰქონდა ასაღები.

ჯარის ძალიან გაბრაზებული იყო, ამასაც ნუ დავივინეებთ.

ჯერ არტილერიის სერჟანტი მოუკლეს, მერე - ეს იყო უფრო აღმამფოთებელი, - რამდენიმე საათის წინ, ბარიკადის აღებამდე, ხმა გავრცელდა ჯარში, აჯანყებულები მკვდრებს ასახიჩრებენ და სამიკიტნოში ერთი ჯარისკაცი გდია თავმოჭრილიო. ამგვარი შემადრწუნებელი ჭორი ყოველთვის თან სდევს სამოქალაქო ომს და სწორედ ამ ჭორისა და ცილისწამების ბრალი იყო, რომ ტრანსნონენის ქუჩის ბარიკადი დამარცხდა.

სამიკიტნოს კარი რომ კარგად გაამაგრეს, ამხანაგებს მიმართა ანჟოლრასმა:

- ვეცადოთ, ძვირად დაუჯდეთ ჩვენი სიკვდილი!

მერე იმ მაგიდასთან მივიდა, რომელზედაც მახევი და გავროში ესვენენ. შავი შალის ქვეშ ჩანდა ორი ცხედარი, ერთი დიდი, მეორე პატარა და ორი სახე ოდნავ იხაზებოდა შავი სუდარის ქვეშ. მახეფს ცალი ხელი ჩამოვარდნოდა.

დაიხარა ანჟოლრასი და ემთხვია მის ხელს ისევე მონივნებით, როგორც წინა დღით მის შუბლს.

ეს იყო და ეს, ეს ორი კოცნა. ანჟოლრასს არასოდეს არავისთვის ეკოცნა.

მოკლედ მოვჭრათ: ბარიკადმა იბრძოლა, როგორც თებეს კარმა; „კორინთმა“ იბრძოლა, როგორც სარაკოსის ხალხმა. საზარელი იყო აჯანყებულების მდგომარეობა. არავითარი შებრალება. არავითარი შუამავალი და მოლაპარაკება. როდესაც სიუჟე ამბობს: „დაგნებდით!“, პალაფოქსი უპასუხებს: „არა, ზარბაზნები ხომ დავაქუხეთ, ახლა დანებზე ვადავალთ!“ უმლუს სამიკიტნოს აღებას იმავე ძალით შეუდგა ჯარი, როგორც ბარიკადისას და აჯანყებულებმაც არაფერი დააკლეს, არც ფანჯრებიდან და სახურავიდან ნასროლი ქვებით, რომლებითაც დიდ ზიანს აყენებდნენ ჯარს და მეტისმეტად აცოფებდნენ, არც სარდაფიდან და სახურავიდან თოფით გამოსროლილი ტყვიით. ცოფიანივით დაეტაკა ჯარი და არანაკლებ გაცოფებულიყო ბარიკადი. კარი რომ შეამტვრიეს და სამიკიტნოში შეცვივდნენ, ცარიელი დახვდათ დარბაზი. ერთი მებრძოლიე კი არ იყო. ზევით ასულიყვნენ, მეორე სართულზე ასასვლელი კიბე გაეჩხაბო ცულით, რომ ასვლა შეუძლებელი გამხდარიყო. რამდენიმე კაცი იყო დაჭრილი, სულთმობრძავი. ვინც კი დაჭრილი არ იყო და ბრძოლა შეეძლო, მეორე სართულზე ავარდნილიყო და კიბისთვის გაჭრილი ლიუკის შირას მოგროვილიყვნენ. ჯარი რომ შევარდა ქვემო დარბაზში, ფეხებში დაყრილი ქვა მოედო და ზემოდან კი თოფის ტყვია. უკანასკნელი იყო ეს სროლა, ტყვია-წამალი აღარ ჰქონდათ ბარიკადელებს. რაკი აღარ ჰქონდათ, ახლა ანჟოლრასის შენახული ბოთლები აიღეს ხელში და იმას სცემდნენ თავში, ვინც კი ზევით აძრომას მოახერხებდა. ბოთლებში აზოტის მუავა იყო. ბოთლებით იბრძოდნენ და კარგა ხანსაც შეაჩერეს ჯარი ქვემო დარბაზში. გვინდა დანამდვილებით აღვწეროთ ეს საზარელი სისხლის ღვრა და ისე ვხატავთ ყველაფერს, როგორც იყო. ასეა, სასოწარკვეთილი კაცი ყველაფრით იბრძვის, ყველაფრის გამოყენებას ცდილობს. ბერძნულმა ცეცხლმა, წყალშიც რომ არ ქრება, არ შეარცხვინა არქიმედე. მღუღარე ფისმა არ შეარცხვინა ბაიარდი. სიკვდილ-სიცოცხლის ბრძოლაში ყველაფერს გამოიყენებს კაცი, რასაც კი მისწვდება. ზემოდან ესროდნენ ჯარს. ქვემოდან ჯარი ისროდა, მაგრამ ერთი ესროდა მრავალს და მრავალი სჯობნიდა. დანგრეული კიბის თავზე მკვდრები ეყარა, გრგვინავდა „კორინთი“, კვამლის ბუღით იყო სავსე და ისე აბნელებდა იქაურობას, როგორც უმთვარო ღამე. სიტყვა აკლდება კაცს, რომ შესაფერად ასახოს ამ ჯოჯოხეთის საშინელება. აღამიანი კი აღარ იყო ამ ბრძოლაში,

არამედ დევგმირები ებრძოდნენ ბუმბერაზებს; ეს ბრძოლა მილტონისა და დანტეს კალმის ღირსი უფრო იყო, ვიდრე ჰომეროსისა. დემონი დასტაკებოდა აჩრდილს და ისიც იბრძოდა თავის დასაცავად.

ეს იყო გმირობა, მაგრამ შესაზარი.

თავი ოცდამესამე

მშვიერი ორესტე და მთვრალი პილატე

ბოლოს კვლევებზე აძვრნენ ჯარისკაცები, ჭერს დაეკიდნენ, რალაც ააყუდეს, დაპობილი კიბის ბოძები გამოიყენეს, დახოცეს და გაფანტეს, თუკი იყო ვინმე მებრძოლი, და ოცამდე კაცი - ჯარისკაცები, მესანგრეები, გვარდიელები, - ზემო სართულის დარბაზში ავარდა. ერთი არ იყო მათში, დაჭრილი არ ყოფილიყო, მეტადრე თავში, სისხლი სდიოდა ყველას და მით გაშმაგებული, გამხეცებული იყვნენ ყველანი. აცვიდნენ და ერთის მეტი ფეხზე მდგომი ვერავინ ნახეს. ანჟოლრასი დახვდათ, აღარც ტყვია-წამალი ჰქონდა, აღარც ხმალი, ხელთ მხოლოდ თოფი ჰქონდა და კონდახს თავში სცემდა ზევით ამომძვრალ ჯარისკაცებს. ბილიარდის უკან იდგა, დარბაზის კუთხეში, ანთებული თვალეებით, ამაყად, თოფით, და იმდენად საშიში იყო, რომ ვერავინ ბედავდა მიახლოებას.

ვილაქის ყვირილი გაისმა:

- ეგ არის უფროსი! მაგან მოკლა არტილერისტი. რაკი მანდ არის, კარგად არის და მანდვე ბრძანდებოდეს. მანდვე დაგხვრიტო!

- დამხვრიტეთ! - მიუგო ანჟოლრასმა.

თოფი მოისროლა, გულხელი დაიკრიფა და მკერდი მიუშვინა.

ვაჟკაცურ სიკვდილს ყოველთვის პატივისცემით ეკიდება ადამიანი.

ასე გულხელდაკრეფილი, ამაყად გამოჭიმული რომ დაინახეს, უცბად შეწყდა გამაყრუებელი ბრძოლის გრგვინვა, მიყუჩდა და სამარისებური ღუმილი გამეფდა დარბაზში. ისე მიჩუმდა ყველაფერი, თითქოს უიარალო, უშიშარი მედიდურება დაანვა და ჩააქროო ის ღრიანცელი. თავისი დამშვიდებული სახითა და ანთებული თვალეებით დაიმორჩილა ყველა ამ მშვენიერმა, მომხიბლავმა, სიკვდილის წინ გულმაგარმა ჭაბუკმა, - იმხელა ჯარი აიძულა, პატივისცემით მოჰყრობოდნენ თავიანთ მსხვერპლს. ანჟოლრასის სილამაზეს ამწამს მეტად ვაჟკაცობა ამშვენიებდა. გაბრწყინებული იდგა თავის მკვლელთა წინ; ოცდაოთხი საათი იბრძოდა, მაგრამ არც დალლა ეტყობოდა, არც უძილობა, არც შიმშილი, მანც მანის ვარდივით მშვენიერი იდგა სიკვდილის წინ. ალბათ, მასზე თქვა ერთმა მოწმემ სამხედრო სასამართლოში, - ერთი ჭაბუკი იყო აჯანყებულებში, რომელსაც, ჩემი ყურით გავიგონე, აპოლონს ეძახდნენო. ერთმა გვარდიელმა თოფი დაუმიზნა ანჟოლრასს და ვეღარ ესროლა, ასე მგონია, ყვაილს ვხვრეტო.

ანჟოლრასის პირდაპირ გამწკრივდა თორმეტი ჯარისკაცი და სრული ღუმილით მოამზადეს თოფები.

მერე ბრძანება გასცა სერჟანტმა:

- დაუმიზნეთ!

ერთი ოფიცერი ჩაერია:

- მოითმინეთ! - და ანჟოლრასს მიმართა, - გნებავთ, თვალეებს აგიხვევთ?

- არა.
- მართლა თქვენ მოკალით ის სერჟანტი?
- დიახ.

სწორედ ამ ბაასის დროს გაიღვიძა გრანტერმა.

მკითხველს ესსომება, გუშინ მაგრად გამოთვრა გრანტერი და მერე ტკბილად ჩაეძინა ხელით მაგიდაზე დაყრდნობილს და ისე ეძინა, რომ ბრძოლისა არაფერი გაუგია.

გრანტერი ახორციელებდა ძველ ანდაზას, მთვრალია და მკვდარიაო. საზიზღარი რამ არის აბსენტ-არყიანი ლუდი. საღათას ძილი მოჰკვარა კაცს. მეტად ჰატარა იყო ეს მაგიდა, რომელზედაც თავი დაედო მძინარეს, არაფრად გამოადგებოდათ აჯანყებულებს და გარეთ არ გაეტანათ. როგორც ჩაეძინა, ისევე დარჩა. მკერდი მაგიდაზე დაეყრდნო, ხელი თავვემე ამოედო, სუფრაზე მის გარშემო ცარიელი ჭიქები, სასმისები და ბოთლები ეწყო. ის ძილი მორეოდა ნასვამს, რომელიც დათვს ერევა ზამთარში, ან სისხლით გაბერილ წურბელას. ვერაფერმა მიაღწია იმის ყურთასმენამდე და შეგნებამდე; ვერც თოფის სროლამ, ვერც ჭურვმა და ტყვიამ, რომელიც ხანდახან იმ დარბაზშიც შევარდებოდა, სადაც მთვრალს ეძინა, ვერც იერიშით მიმავალი ჯარის ღრიანცელმა. ზარბაზნის ღრიალს ხვრინვით უჰასუხებდა, იჭდა და ეძინა, თითქოს თავისთავად გამოღვიძება ეზარება და ელის, ტყვია გამაღვიძებსო. რამდენიმე მკვდარი მოგროვილიყო მის სკამთან და ერთი შეხედვით ის, მძინარე, არაფრით გაირჩეოდა საუკუნოდ მიძინებულთაგან.

ხმაური ვერ გამოაღვიძებს მთვრალს და ღუმილი კი ძალიან ადვილად. ესეც ერთგვარი უცნაური შედეგია სიმთვრალისა და არაერთხელ არის აღნიშნული. ინგრეოდა ყველაფერი გრანტერის ირგვლივ და ილეოდა მისი მგრძნობელობაც, თითქოს აკვანს ურწევსო ეს ნგრევა. უცბად რომ მიუყრდა ყველა, ალბათ, ეს ღუმილი იუცხოვა მისმა ღრმა ძილმა. დიდი სისწრაფით მიმავალი ეტლი რომ გაჩერდება უცბად, მაშინვე გამოიღვიძებენ მილუღული მგზავრებიც. ასევე უცბად გამოეღვიძა გრანტერს, წამოვარდა, თვალები მოიფშვინტა, გადახედა იქაურობას, გულიანად დაამოქნარა და ყოველივეს მიხვდა. მთვრალის გამოფხიზლება ფარდის დახვევას ჰკავს. დაიხა ფარდა და უცბად გამოჩნდა, რასაც კი ფარავდა. მთელი დღე-ღამე რომ ეძინოს მთვრალს და არ იცოდეს, რა მოხდა ამ დროის განმავლობაში, როგორც კი გაახელს თვალს, მაშინვე მიხვდება მისგან დაუნახავსა და გაუგონარს. სიმთვრალე რომ გაუვლის, მაშინვე გაუქარდება მძიმე ბურუსივით მოკიდებული თვალისა და გონების მიბნელებული ალი და ადგილს უთმობს სინათლესა და გონებრივ მხედველობას.

ისიც ბილიარდის უკან იჭდა მძინარე, მაგრამ ჯარი რომ ავარდა დარბაზში, ანუოლრასს შესცქეროდნენ ყველანი და ის ვერც კი შენიშნეს. ის იყო, უნდა გაემეორებინა სერჟანტს ბრძანება, დაუმიზნეთო, რომ გაისმა ყვირილი:

- რესპუბლიკას გაუმარჯოს. მეც მასთანა ვარ!

წამომდგარიყო გრანტერი.

ბრძოლის ბრწყინვალეობა გამოსჭვიოდა თვალთაგან, იმ ბრძოლისა, რომელსაც თვითონ დააკლდა და რომელშიც ვერ მიიღო მონაწილეობა. მთლად გარდაქმნილიყო ლოთი.

ერთხელ კიდევ შესძახა:

- რესპუბლიკას გაუმარჯოს!

მტკიცე ნაბიჯით მივიდა ანჟოლორასთან, გვერდზე დაუდგა და დაიძახა:

- ერთად დავგვხვრითეთ ორივე! - მერე ანჟოლორასს შეხედა და ტკბილად ჰკითხა,

- ნებას მომცემ?

ანჟოლორასმა გაიღიმა და ხელი ჩამოართვა.

ჯერ ისევ იღიმებოდა, რომ გავარდა თორმეტი თოფი.

რვა ტყვია მოხვდა ანჟოლორასს და ისე მიეყვდა კედელს, თითქოს ტყვიამ ზედ მიაჭედო. თავი ჩამოუვარდა მხოლოდ. გრანტერი მის ფეხითთ გაიშლართა.

რამდენიმე წუთის შემდეგ დანარჩენებს იპოვეს ჯარისკაცებმა, ზოგი სახურავზე, ზოგი სარდაფში და ახლა იქ ატყდა სროლა. ფანჯრებიდან ქუჩაში ისროდნენ მკვდრებს, ზოგჯერ მკვდრად მიღებულ დაჭრილებსაც. ორი კაცი ცდილობდა ბარიკადიდან ომნიბუსის წამოყენებას და იქვე დარჩა ორივე, სახურავიდან ჩამოსროლილი თოფის ტყვიით. მკვდრები ეყარა ყველგან, დაჭრილები, ერთი ჯარისკაცი და ერთი ბარიკადელი დაცურებულებიყვნენ სახურავის ფერდობზე და მაინც ხელს არ უშვებდნენ ერთმანეთს. ასეთივე ბრძოლა იყო სარდაფშიც. ყვირილი იყო ყველგან, სროლა და მერე ღუმილი. ბარიკადი აიღო ჯარმა.

ჯარისკაცები მებობელ სახლებში შეცვივდნენ, რომ იქ აღმოეჩინათ გაქცეული აჯანყებულები.

თავი ოცდამეოთხე

ტყვედქმნილი

სინამდვილეში მარიუსი ტყვედ იყო, ოლონდ ჟან ვალჟანის ტყვედ.

როდესაც დაჭრილი ბარბაცებდა, ნაქცევას ლამობდა, გული უწუხდებოდა და გონებას კარგავდა, ხელი მიაშველა ვილაც კაცმა, - ეს ჟან ვალჟანი იყო.

ბრძოლაში იყო ჟან ვალჟანი, არ იმალებოდა, მაგრამ არ მონაწილეობდა. ის რომ არ ყოფილიყო, არავის მოაგონდებოდა სამკვდრო-სასიცოცხლო ბრძოლის დროს დაჭრილების დახმარება. რაც უნდა გაშმაგებული ყოფილიყო სროლა, ის სულ დადიოდა, მკვდრებს სინჯავდა და როგორც კი შეხვდებოდა, ასწვდა დაჭრილს, შეიყვანდა დაბალ დარბაზში და ჭრილობას შეუხვევდა. გაათავებდა და ისევ გარეთ გარბოდა, ისევ დაჭრილებს ეძებდა, ან ბარიკადის ქვაყრილის შეკეთებას ცდილობდა, თვითონ კი არავის ესროდა, არც არავის დასტაკებია, არც თავდაცვისთვის გაუძრევია ხელი. იყო თავისთვის და დაჭრილებს შველოდა. თვითონაც კარგად ვადარჩა იმ ბრძოლას, წვრილ-წვრილი ნაფხაჭნი ჰქონდა, ჭრილობა კი არავითარი. არ ისურვეს ტყვიებმა მისი შეხება, თუ იმიტომ წამოსულიყო ბარიკადისკენ, რომ თავის მოკვლის მაგივრად აქ ეპოვა სიკვდილი. ვერ აუსრულდა ეს წადილი, მაგრამ ეჭვი გვაქვს: არა გვეკონია, ამ განზრახვით წამოსულიყო, რადგან თვითმკვლელობა დარღვევაა სარწმუნოების წესისა.

ბრძოლის დროს ჟან ვალჟანს ისე ეჭირა თავი, თითქოს ვერც კი ხედავდა მარიუსს, მაგრამ სულ მას უყურებდა; რომ ნაბარბაცდა დაჭრილი მარიუსი, ვეფხვივით მივარდა ჟან ვალჟანი, ხელი სტაცა, როგორც ნადავლს, აიტაცა და გაიყვანა.

ამწამს მთელი ჯარის ყურადღება ანჟოლორასსა და სამიკიტნოს კარზე გადასულიყო და ვერავინ დაინახა ჟან ვალჟანი, რომელსაც ბავშვივით გულში

ჩაკრული მიჰყავდა გულნასული მარიუსი. მოხუცმა ეზო გაიარა და „კორინთის“ კუთხეს მიეფარა.

ეს კუთხე ერთგვარ შვერილს წარმოადგენდა ქუჩაში, ეს უკვე ვთქვით. ამ კუთხეს ამოფარებულს არც ტყვიის შიში ჰქონდა, არც ჭურვისა და არც ვისიმე დანახვისა, პატარა ადგილი იყო, მოფარებული. ასეა ხოლმე ხანძარშიც: სახლი იწვის და რომელიმე ერთ ოთახს კი ცეცხლი არ ეკიდება, ან თვით ყველაზე ბობოქარ ზღვებში, მაღალი კონცხის უკან ან ზღვის უბეში, რიფებს შორის, ყოველთვის შეიძლება იპოვოთ მშვიდი ყურე. ამგვარი მშვიდობიანი კუთხე ჰქონდა ბარიკადსაც, სწორედ იქ, სადაც სული დალია ეპონინმა.

ამ კუთხეს ამოეფარა უან ვალუჟანი, მინაზე დაუშვა მარიუსი და თვალი მოავლო იქაურობას.

მდგომარეობა საშინელი იყო.

ბრძოლის დროს, თოფის სროლისაგან თავის დასაცავად, რამდენიმე წუთით იქ დგომა იქნებ ძალიან კარგიც ყოფილიყო, მაგრამ დარჩენა კი არა. უან ვალუჟანს იქიდან გასვლა და დაჭრილის გაყვანა უნდოდა. საქმე ის იყო, როგორმე გასულიყო ამ თავშესაფრიდან. მოაგონდა, როგორი სასონარკვეთილი იყო ამ რვა წლის წინ, პოლონოსს ქუჩაზე რომ მოიმწყვდიეს და როგორ დაუძვრა იმ განსაცდელს. მაშინ ძნელი იყო გაპარვა, დღეს კი შეუძლებელი. თვალწინ მიყრუებული, გულქვა შვიდსართულიანი სახლი ედგა, რომელშიც ადამიანის ჭაჭანება არსად იყო. ერთადერთი კაცი იყო და ისიც მკვდარი თვალებით დასცქეროდა ბარიკადს სარკმლიდან. მარჯვნივ ბარიკადი ჰქონდა საკმაოდ დაბალი, რომელიც პატარა დრუანტერის ქუჩას კეტავდა. ამ დაბალი ბარიკადის გადალახვა ძნელი არ იყო, მაგრამ კედლის იქით ხიშტების უღრანი ტყე მოჩანდა. ჯარი ბარიკადის გადაღმა იდგა და დარაჯობდა, აქეთ არაუფრო გამოიქცესო. ცხადი იყო, ვინც გაბედავდა და ამ ბარიკადის დაბალ ქვაყრილს გადასცდებოდა, სამოცი თოფის მიზნად გახდებოდა. მარცხნივ ბრძოლის ველი იყო. სახლის კუთხესთან სიკვდილი ჩასაფრებოდა.

რა მოეხერხებინა?

მხოლოდ ფრინველი იხსნიდა აქედან თავს.

დაყოვნება კი შეუძლებელი იყო. უნდა გადაეწყვიტა რამე, გზა აერჩია. ბრძოლა იყო გაჩაღებული იქვე, მის გვერდით, კიდევ კარგი, ერთ წერტილს მისდგომოდა მთელი ჯარი, „კორინთის“ კარს; მაგრამ რომელიმე ჯარისკაცს, ერთადერთს რომ მოსვლოდა აზრად, ერთი ამ სახლს შემოეუაროო, ან სახლის გვერდს დასძვრებოდა ჯარი, დაიღუპებოდნენ უან ვალუჟანს და მარიუსს.

უყურა თავის პირდაპირ ამართულ სახლს, მის გვერდით აგებულ ბარიკადს; მერე მიწას დააცქერდა უაღრესი გაჭირვებისგან გამკაცრებული დაკვირვებით, თითქოს ცდილობდა, თვალით გაეხვრიტა მიწა და შიგ ჩამალულიყო.

რაც უფრო დაჟინებით უყურებდა, მით ცხადად იკვეთებოდა მის ფეხებთან რაღაც ძლივს შესამჩნევი, თითქოს მის მზერას სასურველის ხორცშესხმის ძალა მისცემიაო.

იქვე, თავის გვერდით, სულ რამდენიმე ნაბიჯზე, პატარა ქვაყრილის ძირში, მიწაზე, რკინის ცხაური დაინახა. ბარიკადის აგებისას ქვაფენილი რომ აშალეს, ამ ცხაურისთვისაც ქვა მიეყარათ, რადგან სწორედ მის გვერდზე აგებდნენ ქვაყრილს და ძლივსდა ჩანდა ამ ქვების ქვევიდან. მსხვილი, მაგარი რკინისა იყო. ქუჩის პირას იყო, გარშემო რიყის ქვაშემოწყობილი, მაგრამ ქვაფენილი რომ აყვარათ აჯანყებულებს,

რიცის ქვეები და შიგ გამაგრებული ცხაური ცოტა ამაღლებულად დარჩენილიყო. სიგრძე-სივანით სამოცდაათ სანტიმეტრამდე იქნებოდა. გისოსებს მიღმა შავი ხვრელი მოჩანდა, რაღაც ბუხრის საკვამურივით თუ მრგვალი წყალსატევით.

ამ ცხაურს ეცა ჟან ვალუჟანი. გაქცევის თავისი მარჯვე ხერხი მოიგონა და ახლა კარგადაც გამოიყენა. სწრაფად გადაყარა ქვა, ასწია რკინის ცხაური, აიკიდა გონდაკარგული, მარიუსი, ჩაძვრა ორმოში, ცხაური ისევ დაახურა ორმოს და მიწის ქვეშ, სამი მეტრის სიღრმეში, ფეხი დაადგა ფილაქანს. ისე სწრაფად მოაგვარა ყველაფერი, თითქოს ორბი ყოფილიყოს სისწრაფით და ბუმბერაში თავისი ძალღონით. რამდენიმე წუთი მოანდომა დამალვას.

ერთ ბნელ, გრძელ, მიწისქვეშ გათხრილ გვირაბში იყო ჟან ვალუჟანი და ხელში ეჭირა მარიუსი, რომელიც ჯერაც უგრძნობლად იყო და თვალს არ ახეულდა.

წყვდიალში იყო ჟან ვალუჟანი, სამშვიდობოს, სრულ დუმბელში. იმასვე გრძნობდა მისი გული, რაც მაშინ განიცადა, ქუჩიდან მონასტერში რომ გადავიდა, ოღონდ დღეს ხელში მარიუსი ეჭირა და არა კოზმეტი.

ზემოდან თითქმის აღარაფერი ისმოდა: „კორინთის“ კარის მტვრევაც კი ძლივს ღდა ხედებოდა ყურს.

წიგნი მეორე
ლევიათანის სტომაქი

თავი პირველი
ზღვისგან გაღატაკებული მიწა

პარიზი წელიწადში ოცდახუთ მილიონ ფრანკს ყრის წყალში. მეტაფორად არ მიიღოთ ეს სიტყვა.

როგორ ყრის? - დღისით და ღამით.

რა მიზნით? - სრულიად უმიზნოდ.

რა განზრახვით? - უგანზრახვოდ.

რა მოსაზრებით? - დაუფიქრებლად, თავისდა შეუმჩნეველად.

რის საშუალებით? - ნაწლავების ტრაქტის საშუალებით.

რა არის პარიზის ნაწლავები? - პარიზის წყალსადინარი.

ოცდახუთი მილიონი კიდეც ზომიერი ციფრია, მეცნიერების გამოთვლების შედეგი.

დიდი ხნის კვლევა-ძიების შემდეგ დღეს უკვე იცის მეცნიერებამ, რომ საუკეთესო გამაპოხიერებელი მიწისა, დიახ, საუკეთესო, ადამიანის განავალია. ჩინელებმა, - ესეც ვთქვათ ჩვენდა სამარცხვინოდ, - ჩვენზე ადრე მიაგნეს ამ ჭეშმარიტებას - ისე არ დაბრუნდება ქალაქიდან ჩინელი, - ამას ეკებერგი ამბობს, რომ თავისი ბამბუკის ჯახის თავსა და ბოლოზე ორი ვედრო არ ჰქონდეს სასვე იმითი, რასაც ჩვენ სიბინძურეს ვუნოდებთ. ადამიანის განავლის წყალობით ისეთივე ნორჩია და ნაყოფიერი ჩინეთში დედამიწა, როგორც აბრაამის დროს იყო. პურეული ჩინეთში ერთი ასოცად მეტს იძლევა. არავითარი გუანო არ იძლევა იმას, რასაც ჩინელს ადამიანის განავალი აძლევს. დიდი ქალაქივით ვერაფერი გააპოხიერებს მიწას. ქალაქი უნდა გამოვიყენოთ ჩვენი მიწის გასაპოხიერებლად, რომ უზრუნველვყოთ ჩვენი ცხოვრება. თუ ხელის ჭუჭყი არის ოქრო, სამაგიეროდ, ოქრო არის ადამიანის განავალი.

მერე რას ვუშვრებით ამ განავალ ოქროს?

უფსკრულში ვყრიო.

დიდ ფულს ვხარჯავო, გემებს ვგზავნით სამხრეთ პოლუსისკენ, რომ მოვზიდოთ ჩვენი მიწის გასაპოხიერებლად ფრინველების და მეტადრე პინგვინების სკორე და იმავე დროს წყალში ვყრიო აურაცხელ სიმდიდრეს, რომელიც აქვე გვაქვს და ვერ გამოგვიყენებია. საქონლისა და ადამიანის პატივი რომ მიწის გასაპოხიერებლად ვიხმაროთ და არა წყალში ჩასაყრელად, იმდენი მოსავალი გვექნებოდა, რომ კაცობრიობის გამოსაკვებად გვეყოფოდა.

იციო, რა არის ქუჩაში ალაგ-ალაგ მოგროვილი და ურმებით მიმავალი ნაკავი, ღამით რომ მიეზიდებიან გადასაყრელად საზარელი, საზიზღრობით სავსე კასრებით, ეს მყრალი, მიწისქვეშ გათხრილ რუში მიმავალი ნაკადული ყოველგვარი უწმინდურებისა? ეს ვახლავო მწვანე ბალახითა და ყვავილებით მობზინე მინდორი, საქონლის საძოვარი, სათიბი, მრავალი სამკურნალო მცენარე, კარგი ნადირი, მაძლარი საქონელი, ხარების კმაყოფილებით სავსე ბლავილი, სურნელოვანი თივა, ოქროსფერი პურის თავთავი, გემრიელი პური თქვენს სუფრაზე, კარგი სისხლი თქვენს ძარღვებში, თქვენი სიჯანსაღე, მხიარულება, თქვენი სიცოცხლე. ასეთია საიდუმლო შემოქმედებითი პროცესი - ვარდაქმნა დედამიწაზე, ვარდასახვა ზეცაში.

დაუბრუნეთ თავისი ამ დიდ ბრძმედს და იქიდან გამოვა თქვენი ბარაქა. გააძლეთ მიწა, რომ სამაგიეროდ მოგცეთ ყოველივე თქვენს გასაძლომად.

ბატონი ბრძანდებით, წყალში გადაყარეთ თქვენი სიმდიდრე და თან მასხრად ამიგდეთ ამისი მთქმელი. ამით საბოლოოდ დაამტკიცებთ თქვენს სრულ უმეცრებას.

სტატისტიკამ გამოიანგარიშა, რომ ჯერ მარტო საფრანგეთი ატლანტის ოკეანეს თავისი მდინარეების შესართავით ხუთასი მილიონის სიმდიდრეს აძლევს. დაუფიქრდით: ეს ხუთასი მილიონი ჩვენი ხარჯთაღრიცხვის მეოთხედს შეადგენს, მაგრამ იმდენად დაუფიქრებლნი ვართ, რომ ამ ხუთასი მილიონის ქვეყნის საკეთილდღეოდ გამოყენების მაგივრად აუარებელ ხარჯს ვწვევით, აქაოდა, თავიდან მოვუშოროთ, წყალში ჩავყაროთო. ხალხის უსაჭიროესი საზრდო ზღვისკენ მიექანება აქ წვეთ-წვეთად, იქ დიდრონ რუებად; ჩვენი საზიზღარი ნარწყევი მიწისქვეშა მილებსა და მდინარეებში ჩადის, მდინარეები კი ზღვაში. ყოველი ბოყინი ჩვენი კლოაკებისა ათასობით ფრანკს გვაკარგვინებს და ამის შედეგია ჩვენი მიწის უნაყოფობა, მდინარეების დაბინძურება. სახნავი შიმშილსლა გვაძლევს და მდინარე ავადმყოფობას.

მაგალითად, ცხადზე უცხადესია, რომ ამჟამად მდინარე ტემზა ლონდონს წამლავს.

რაც შეეხება პარიზს, ამ უკანასკნელ დროს იძულებული ვავხდით, იმდენად დაგვეგრძელებინა ჩასადენი მილები, რომ წყალში, შიგ ქალაქში კი არა, ქალაქგარეთ, უკანასკნელი ხიდის ქვემოდან ჩავგვექცია ქალაქის განავალი.

ორმაგი წყობა რომ გვექონოდა მილებისა სარქელითა და რაბით, რომ მილებაც შეეძლოს და გაღებაც, როგორც ადამიანის ფილტვებია მოწყობილი, ეს იკმარებდა, რომ ჩვენს ქალაქებს სუფთა წყალი ჰქონოდა, მოუნამლავი, და მინდვრისთვის გაეგზავნა პატივით სავსე ქალაქის წყალი; ამგვარი მოწყობილობა უკვე არის ინგლისის ზოგიერთ კომუნაში. ეს უბრალო, მარტივი მოწყობილობა რომ გვექონოდა,

სხვა საჭიროებათათვის მოვიხმარდით ხუთას მილიონს, ასე დაუნანებლად რომ ვისვრით წყალში! მაგრამ ვის სცალია ამის მოსაფიქრებლად?

ისეა დღეს ეს საქმე მონყობილი, რომ სიკეთის წილ ავით ავსებს ქალაქს. განზრახვა კარგი იყო, შედეგი ავი მოჰყვა. ჰგონიათ, ქალაქს ვწმენდთო და მოსახლეობას კი აავადებენ. ჩასადენი მილი ქალაქიდან უწმინდურობის გასაყვანად, დიდი შეცდომაა. როდესაც ყველგან მოვანწყობთ ღრენაჟს თავისი ორმაგი მიღებით, რომ ჩვენვე გვასარგებლოს იმიით, რაც ჩვენგან მიაქვს, და აღარსად იქნება ეს დღევანდელი ცალმაგი მილი, რომელსაც მარტო მიაქვს და მით აღარიბებს მინას, ამ ღრენაჟს საზოგადოებრივი ეკონომია დაემატება, მინის მოსავალი ერთიათად მეტი გვექნება და შესამჩნევად შემცირდება ხალხის გაჭირვება. გაჭირვების შემცირებას თან მიჰყვება პარაზიტების მოსოობა.

მანამდე კი წყალს მიაქვს საზოგადოებრივი სიმდიდრე, უონავს ჩვენი კასრი და თუ უონავს, მაშ, გვეკარგება. ამგვარად სუსტდება და ღარიბდება ევროპა.

რაც შეეხება საფრანგეთს, ეს არის ციფრებით აღვნიშნეთ ჩვენი ზარალი. და რადგან პარიზში ცხოვრობს საფრანგეთის მოსახლეობის ერთი ოცდამეხუთედი და პარიზული გუანო ყველა სხვაზე უკეთესია, ნამდვილზე გაცილებით ნაკლებია ეს ოცდახუთი მილიონის წლიური ზარალი, როდესაც მთელი საფრანგეთი ხუთას მილიონს იძლევა. ეს ოცდახუთი მილიონი რომ გაჭირვებულთა დასახმარებლად და მშენებლობისთვის მოგვეხმარა, ერთიორად დავამშვენებდით ჩვენს დედაქალაქს. ჩვენ კი ნარცხის ორმოში ვყრით ამხელა ფულს; ამიტომაც შეიძლება ითქვას, რომ პარიზის საარაკო მფლანგველობა, მისი ბრწყინვალე ზეიმები, მისი კერპი ბოჟონი, თავაშვებული ორგიები, ნიაღვრად მდინარი ოქრო, მისი ფუფუნება, სიმდიდრე, დიდებულება - სწორედ ეს არის კლოაკა.

ამ უვარგისი პოლიტიკური ეკონომიის გამო წყალში ვყრით ხალხის კეთილდღეობას. საზოგადოებრივი კეთილდღეობისთვის აქ სენ-კლუს ბადეები გამოდგებოდა.

ეკონომიური თვალსაზრისით შეიძლება ასეთი დასკვნა გამოვიყვანოთ ნათქვამიდან: პარიზი გახვრეტილი კალათაა.

პარიზი - ეს მთელი ქვეყნის მისაბაძი ქალაქი, ეს საგანგებოდ აგებული ნიშუმი, რომლის ასლის შექმნას ნატრობს ყველა ვერი, ეს დედაქალაქი იდეალისა, ეს უწმინდესი სამშობლო ყოველი ახალი იდეისა, ცდისა და ხორცშესხმისა, ეს ბუდე მეცნიერებისა და სიბრძნისა, ეს თავშესაფარი ჩაგრულთა და დევნილთა, მომავლის ეს სკა, ეს საკვარველი ნაერთი ბაბლონისა და კორინთისა, - პარიზი რომ ჩვენ მიერ აღნიშნული თვალსაზრისით გასინჯოს ერთმა უბრალო ჩინელმა, ფო-კიანელმა გლეხმა, მხრებს აიჩეჩს განცვიფრებული.

პარიზს რომ მიჰბაძოთ, ხელუყარიელი დარჩებით.

თუმცა ისიც უნდა ვთქვათ, რომ ასე ამაოდ ქონების ფლანგვა ძველისძველია და ამ მხრივ პარიზიც სხვას ჰბაძავს.

ეს გამაოგნებელი სისულელე ახალი სულაც არ არის, სიჭაბუკის შეცდომააო, ვერ ვიტყვით. ძველებიც ასევე ყრიდნენ თავიანთ სიმდიდრეს, როგორც ახლები. რომში რომ ნარცხის ორმოები იყო, - ამბობს ლიბიხი, - სულ იქ ჩადიოდა რომაელი გლეხკაცების ავლადიდებო. როდესაც რომის მილსადენებმა მთლად გააღატაკეს ქალაქის მინდვრები, მერე იტალიას მიმართეს, ისიც თავის ნარცხის ორმოში ჩაძირეს,

ზედ მიაყოლეს სიცილია, მერე სარდინია და აფრიკა. რომის მილსადენმა შთანთქა ლათინების ქვეყანა, ნარცხის ორმომ შთანთქა ქალაქიც და ქვეყანაც. Urbi et orbi. მარადიული ქალაქი უძირო ნარცხის ორმო აღმოჩნდა. ამ მხრივ და სხვა მხრივაც, რომი გადაიქცა მსოფლიოს მაგალითად და ამ მაგალითით ყოველად სულელურად ისარგებლა პარიზმა, როგორც შეეფერება გონებითა და ცოდნით აღჭურვილ ქალაქს.

თავისი მყარალი სიმდიდრის მოსაშორებლად პარიზს მთელი პარიზი აქვს თავისი ქვეშ, მიწაში ჩაგებული, - მიღების ქალაქი, მიწისქვეშა ქალაქი თავისი ქუჩებით, გზაჯვარედინებით, მოედნებით, ქუჩაბანდებით; თავისი მიმოსვლა აქვს ამ ქვედა პარიზს, ლათის მიმოსვლა, ოლონდ ადამიანის გარეშე.

ამას იმიტომ ვამბობთ, რომ არ ვარგა, კაცმა პირფერობით მოიხსენიოს რამე, თვით დიდი ერიც კი. საცა ყველაფერია, იქ დიდებასთან ერთად სიბილწეც მოიპოვება და თუ პარიზში აღმდგარა ათენი, - ქალაქი განათლებისა, ტიროსი - ქალაქი ძლიერებისა, სპარტა - ქალაქი სათნოებისა, ნინეფია - ქალაქი სასწაულისა, პარიზშივე მოიპოვება აგრეთვე ლუტეცია - ლათის ძველი ქალაქი.

მაგრამ მიწისქვეშა ქალაქსაც ამჩნევია პარიზის ძლიერება. პარიზის გრანდიოზულ ჯურღმულებში, ისევე როგორც მის სხვა ძეგლებში, ხორცუშესხმულია ის უცნაური იდეალი, რომლის განსახიერებასაც კაცობრიობის ისტორიაში ისეთი ადამიანები წარმოადგენდნენ, როგორიც იყვნენ მაკიაველი, ბეკონი და მირაბო - სისაძაგლის დიდებულებას.

პარიზის მიწისქვეშეთს რომ ჩასწვდეს ადამიანის თვალი, უზარმაზარ ვარსკვლავისებრ მარჯნად მოეჩვენება იქაურობა. ღრუბელს არ ეწნება იმდენი ხერეღი და ფორი და იმდენი ფერი, რაც აქ აქვს ოცდაექვსი კილომეტრი სიგრძე-სიგანის მიწას, რომელზეც აგებულია ეს ძველი ქალაქი. კატაკომბებს რომ თავი დავანებოთ, რომლების ანგარიში ცალკე წარმოებს, თავი რომ დავანებოთ გაზის გამყვანი მიღების ქსელს და სასმელი წყლის მიმწოდებელ მილებს, რომლებიც შადრევნად ადიან ქალაქში, მარტო განავლის გამყვანი მილები შეადგენენ სენის ორივე მხარეზე ერთ თვალუნვდენელ, საზარელ, წყვდიადით მოცულ ქსელს, ლაბირინთს, რომლის სადენ გზად დაღმართია გამოყენებული.

და აქ, ამ წყვდიადსა და სიმყარაღეში, ურიცხვი ვირთავვა დაფუთფუთებს, მიწისქვეშა პარიზის მშობიარობის ნაყოფი.

თავი მეორე

მიწისქვეშა ქალაქის ძველი ისტორია

ამ მიწისქვეშა ქალაქს რომ სარქველი ავხადოთ და ზემოდან, ცაში აფრენილი ჩიტის სიმაღლიდან დავხედოთ, სენის გაღმა-გამოღმა ერთ ბუმბერაზ ტოტს დავინახავთ, მდინარეზე მიმცნობილს. სენის მარჯვენა მხარეს ეს წრიული არხი მთავარი მილია ამ ტოტისა და გვერდითი სარინები კი - ნამყენის ტოტები.

ეს შედარება მხოლოდ საერთო ხედს ასახავს, რადგან ამგვარი შენობების განშტოებაში ყოველთვის სწორკუთხოვანების დასცვას ცდილობენ, რაც ძალიან იშვიათია მცენარეთა სამეფოში.

ამ უჩვეულო გეომეტრიულ გეგმაზე უფრო სწორ წარმოდგენას შეიქმნით, თუ წარმოიდგენთ ბნელ ზედაპირზე გულაღმა მიმობნეულ რომელიმე აღმოსავლური

ანბანის ასოებს, დაკლაკნილებს, ერთმანეთთან ალალებდნენ, უნესრიგოდ დაკავშირებულებს ხან კუთხეებით, ხან კი ბოლოებით.

შუა საუკუნეებში დიდი მნიშვნელობა ჰქონდა ამ სიბინძურის გამტან მილებს ბიზანტიასა და აღმოსავლეთში. ჭირიც იქ ჩნდებოდა და ტირანებიც იქ იხოცებოდნენ. ხალხი თითქმის სარწმუნოებრივი შიშით შეჰყურებდა ამ ხრწნის მილებს, ამ საზარელ აკვანს სიკვდილისას. ბენარესის მატლებით სავსე ორმო არანაკლებ საშიში იყო, ვიდრე ლომების ორმო ბაბილონში. როგორც რაბინების წიგნები მოგვითხრობს, ტივლათფილესერი ნინევიის ნავაგსაყრელებს იფიცებდა; იოჰან ლეიდენელს მიუნსტერის კლოაკიდან ამოჰყავდა თავისი ყალბი მთვარე, მის აღმოსავლელ ორეულს კი, ხორასნელ წინასწარმეტყველ მოკანას - ყალბი მზე ქექშების ჩასადენი ჭიდან.

კლოაკების ისტორიაში იშვიათად კაცობრიობის ისტორია. გემონიუმის ტერასებმა რომის საიდუმლოებანი გაამჟღავნა. ძველი პარიზის წყალსადინარები საშინელი იყო. ეს იყო სამარეც და თავშესაფარიც. დანაშაული, თავისუფალი აზროვნება, ამბოხება, სინდისის თავისუფლება, აზრი, ძარცვა, - ყველაფერი, რაც დევნიდა და დევნის ადამიანის კანონებს, ამ სოროში იმალებოდა: XIV საუკუნეში მაიოტენების ხროვა, XV საუკუნეში - ქუჩის მძარცველები, XVI საუკუნეში - შუგენოტები, მორენის ილუმინატები - XVII საუკუნეში, მდიდრების მყვლეფაფანი - XIX საუკუნეში. ასი წლის წინ იქიდან გამოდიოდა ღამის მკვლელები, იქ ემალებოდა მდეგარს ქერდი; ტყეში გამოქვაბულები იყო, პარიზში - წყალსადინარები. მათხოვრები, picareries ეს გალი ორეულები, სასტიკნი და ცბიერნი, წყალსადინარებს სასწაულთა ეზოს ფილიალად თვლიდნენ და საღამოობით მობიუეს ქუჩის ჩასადინარი ჭის ხვრელში ისე ძვრებოდნენ, როგორც საკუთარ საძინებელში.

სავსებით ბუნებრივია, რომ ისინი, ვინც მთელი ღამე „ჯიბე განმინდეს“ ჩიხში დაძრწოდნენ ან „ყელი გამოჭერის“ ქუჩაზე დათარეშობდნენ, ღამით თავშესაფარს „მწვანე გზის“ ხიდქვეშ და გიურაუს ქუჩაბანდში ეძებდნენ. მრავალგვარი აჩრდილი დაბორილებს ამ გრძელ, უკაცურ დერეფნებში; აქ ყველგან ღპობა და ხრწნის სუნია, თუმცა აქა-იქ სასულებიც არის დატანებული, საიდანაც, წყალსადინარების ამ წიაღიდან, ვიიონი ესაუბრებოდა მიწის ზემოთ მდგომ რაბლეს.

ძველი პარიზის კლოაკა მარცხისა და გამბედაობის შეხვედრის ადგილი იყო. პოლიტიკური ეკონომიისთვის ის ნავაგსაყრელია, სოციოლოგიისთვის - ლექი.

კლოაკა ქალაქის სინდისია. იქ ჩადის ყველაფერი და პირისპირ უდგას ერთმანეთს. ბნელი სუფევს ამ სამკვდრეთში, მაგრამ საიდუმლო კი აღარაფერია. ყოველ სავანს თავისი ნამდვილი ფორმა აქვს, ან თავისი საბოლოო ფორმა მისიც. ამ ზეინად მიმავალ სიბინძურეს ის აქვს კარგი, რომ სიყალბე აქ არსად არის. აქ ჩამალულა ზემოთ დევნილი მიამიტობა; აქვეა დონ ბაბილიოს ნიღაბი, მაგრამ მისი მუყაოც კარგად ჩანს, ზონარიც, შიდა და გარე მხარეებიც; დამალული არაფერი აქვს და ზედ პატიოსანი ტალახი სცხია; გვერდზე უდევს სკაპენის ცხვირი; ცივილიზაციის ყოველი ჭუჭყი, უკვე გამოყენებული და ამიტომ უსარგებლოც, იძირება ამ სიმართლის უფსკრულში, სადაც ვეებერთელა სოციალური ზვაიც ჩამონევა ხოლმე. აქ იძირება ყველა, მაგრამ კარგად ჩანს, რადგან აქ დამალვას არავინ ცდილობს.

კლოაკა ყველაფერს შთანთქავს, აქ ყველაფერი ზედაპირზე ძვეს. ეს უნესრიგო ნავაგსაყრელი სააღსარებოდ არის გადაქცეული. აქ ვერ ნახავთ ყალბ იერს, ფერთა

ცვლას, აქ სიბილნე საბურველს იხსნის, სრულიად შიშვლდება, განაქარვებს ფუჭ ილუზიას, და აღარაფერი რჩება, გარდა ნგრევისა და დასასრულის მაჩვენებელი სინამდვილისა. ყოფიერება და სიკვდილი. აქ გატეხილი ბოთლი ლოთს ამხელს, კალათის სახელური მსახურებზე ჭორაობს, აქ გადატეხილი ხელჯახის ბუნიკი, რომელიც ერთ დროს უზადო ლიტერატურული გემოვნების მაჩვენებელი იყო, ერთი უბრალო ბუნიკია, მეფის სახე ერთსუიან მონეტაზე სულ იოლად იფარება ჟანვით, კაიაფას ფურთხს წინ ხვდება ფალსტაფის ნარწყვი; ყომარბაზების სახლიდან გამოსული ორფრანკიანი ოქრო აქ ხვდება იმ ლურსმანსა და თოკის ნაგლეჯს, რომლითაც თავი ჩამოიხრჩო თვითმკვლელობა; აქ ავღია ვალურჯებული, დედის წიაღს უდროოდ მოწყვეტილი უღლეური ჩვილი, გახვეული იმ ბრჭყვიალა კილიტებიან კაბაში, რომლითაც როსკიპი ოპერაში, მეჭლისზე ცეკვავდა გასული ყველიერის ღამეს. აქ მოსამართლის ქუდი ქუჩის გოგოს კაბასთან ერთად ჩამყავებულია. ეს ძმობაზე მეტია, აქ ყველა შენობით ელაპარაკება ერთმანეთს. რაც კი თავს იმშვენებდა ფერუმარლით, აქ სიბინძურით განიბანება. აქ უკანასკნელი საბურავიც კი ჩამოივლიტა. კლოაკა ცინიკოსია. ის ხმამაღლა ღაღადებს.

მოგვწონს სიბინძურის ეს გულწრფელობა და გულს გვიმშვიდებს. როდესაც ადამიანს თავის სიცოცხლეში გაბღენძილი, უვიცობითა და ანგარებით საესე მოღვაწეთა გარდა სხვა არაფერ უნახავს არც სახელმწიფოს სათავეში, არც ფიცის დადებაში, არც პოლიტიკურ აზროვნებაში, არც მართლმსაჯულებაში, არც პროფესიულ პატიოსნებაში, არც საზოგადოებრივ ვალდებულებაში, მას გულს უმშვიდებს ამ ნარცხის ორმოში შესვლა და ნილაბჩამოხსნილი სიბილნის ნახვა.

ამასთან, კლოაკა ჭკუის სასწავლებელიც არის. ზემოთ ვთქვით, ისტორია სიბინძურის გამყვან მილებში გადისო. ბართლომეს ღამეს ქვაფენილზე დანთხეული სისხლი აქ ჩადინება წვეთ-წვეთად. ყველა მასობრივი მკვლელობა, პოლიტიკური თუ რელიგიური ხოცვა-ჟლეტა - ყველაფერი ამ ცივილიზაციის მიწისქვეშეთში იყრის თავს, ცხედრებიც კი. მეოცნებეს წარმოსახვაში აქ მუხლებზე დგას ისტორიის ყველა ცნობილი მკვლეელი, სუდარების ნაგლეჯები წინსაფრებად აუფარებათ და ამ საძაგელ წყვდიადში ზღაზვნით შლიან თავიანთი ნამოქმედარის კვალს. აქ არის ლუი XI ტრისტანთან ერთად, ფრანსუა I დიუპრასთან ერთად, შარლ IX-ს დედამისი უმშვენებს გვერდს, რომელიც - ლუი XIII, აქ არიან ლუკუა, ლეტელიე, გებერი და მაიარი - ყველა ცდილობს ქვეს ლაქები ჩამოფხიკოს და თავისი დანაშაულის სამხილი განადგუროს. მიწისქვეშეთის თაღებქვეშ ამ აჩრდილების ცოცხების ხმა ისმის. თქვენ სოციალური კატასტროფების ენით აუნერელ სიმყრალეს შეისუნთქავთ. აქა-იქ მენამული ნათება ჩანს. აქ მიედინება ის წყალი, რომელშიც სისხლიან ხელებს იბანდნენ. საზოგადოების ცხოვრების მკვლევარი თვითონ უნდა შევიდეს ამ ბნელ თაღებში, ეს ხომ მისი ლაბორატორიის ნაწილია. ფილოსოფია ფიქრის მიკროსკოპია. ყველა ცდილობს, თავი დააღწიოს მის ყურადღებას, მაგრამ ვერ ახერხებს. ამაოა დამალვა. რას ამჟღავნებს, ვინც დამალვას ცდილობს? თავისივე შერცხვენას. ფილოსოფია თავისი მოუსყიდველი თვალთ დევნის ბოროტებას და უსპობს დამალვის საშუალებას; წარსულის, უკვე გამქრალის, ნაშლაში, მოვლენათა დამცრობაში, რომლებსაც ნელ-ნელა დავინყება ფარავს, ყველაფერს ხედავს და ცნობს. ფილოსოფია ძონეულს პატარა გასვრილი ნაფხრენის საშუალებით აღადგენს და ქალბატონს - ძონძით. სიბინძურეთა ორმოს დახმარებით ქალაქს გაიყნობს და

სიბინძურეზე დაკვირვებით - მის ზნე-ჩვეულებებს; თიხის ნატეხის მიხედვით ცნობს ამფორასა თუ ღოქს; ეტრატზე ფრჩხილით ნაკანრით დაადგენს განსხვავებას ოუდენგასის ებრაელებსა და გეტოს ებრაელებს შორის. ნაშთში პოვებს, რაც კი ამქვეყნად ყოფილა, - კარგსაც და ავსაც, ყალბსაც და ნამდვილსაც, სისხლით მოსვრილ სასახლესაც და ჯურღმულში მელნის ლაქასაც, საროსკიპოს ქონის სანთლის წვეთს, განცილდ წამებასაც და ტკბილ ცდუნებასაც, ამორწყველ ლხინსაც, მლიქვნელობით შერცხვენილ სახელსაც, გახრწნილებით დატოვებულ კვალსაც ადამიანის სულში და მესალინას იდაყვის კვალს რომელი მტვირთავის სამოსზე.

თავი მესამე
ბრიუნზო

შუა საუკუნეებში ლეგენდები დადიოდა პარიზის კლოაკაზე. XVI საუკუნეში ანრი II-მ სცადა მათი გამოკვლევა, მაგრამ ვერ შეძლო. მერსიეს გადმოცემით კი, ამ ასი წლის წინ უპატრონოდ იყო მიგდებული და ნელ-ნელა იქცეოდა იმად, რადაც უნდა გადაქცეულიყო.

ასეთი იყო ძველი პარიზი, სადაც მძვინვარებდა ამბოხებები, ეჭვები და შფოთი. კარგა ხანს იყო ამ სულელურ მდგომარეობაში, მხოლოდ 1789 წელმა გვაჩვენა, როგორ მოევო გონს. ჩვენს დედაქალაქს წარსულში ძალიან სუსტი თავი ჰქონდა; საქმეების მონესრიგების უნარი არ გააჩნდა, არც ზნეობრივად, არც მატერიალურად. ვერც ბოროტებას სზობდა, ვერც ნაგავს გვიდა. დაბრკოლებასა და ძნელად გადასატარებელ საკითხს ხედავდა ყველგან. ამ ნაგავსაყრელში გზის გაკვლევა ისევე ძნელი იყო, როგორც ქალაქის შესახვევებში. მიწის ზემოთ შეუგნებლობა სუფევდა, მიწისქვეშეთში - არეულ-დარეულობა. ენის აღრევა ზემოთ და დახლართული მიწები - ქვემოთ. დედალოსის ლაბირინთი იყო ბაბილონით გაორკვეებული.

ღროდადრო პარიზის ჩამდინარე წყლები თავხედურად ამოხეთქავდნენ, თითქოს შეურაცხყოფილი და ანაზღად განრისხებული ნილოსი ყოფილიყო. მაშინ საშინელება ხდებოდა, - ქალაქშივე იშლებოდა ეს სიბინძურე. ზოგჯერ ცივილიზაციის ეს კუჭი ცუდად ინელებდა საქმელს, გული ერეოდა და პირიდან ამოსდიოდა, რაც ჩაეყლაპა და პარიზი იძულებული იყო, თავისი განავლის გემო პირში ეგრძნო. ეს სინდისის მხილებას ჰგავდა და თავისი კარგი მხარეც ჰქონდა, - ერთგვარი გაფრთხილება იყო ქალაქისთვის, რომელიც თუმცა კი ძალიან ცუდად იღებდა ამას. შეურაცხყოფილი თავისი სიბინძურის თავხედობით, ბრძანებდა, უკანვე განედევნათ.

1802 წლის წყალდიდობა ახლაც კარგად ახსოვთ ოთხმოცი წლის პარიზელებს. გამარჯვების მოედანზე ამოვარდა ნარცხის ორმოდან ეს საზიზღრობა და ოთხივე მხარეს გაიშალა იქ, სადაც ლუი XIV-ის ძველი დგას, სენტ-ონორეს ქუჩაზე გაიშალა ელისეს მინდვრების ორი ნარცხის ჭიდან ამოვარდნილი, სენ-ფლორანტენის ქუჩაზე - სენ-ფლორანტენის ქუჩის ჭიდან, პიერ-ა-პუასონის ქუჩაზე სონერის ჭიდან, პოპენკურის ქუჩაზე - დელაპის ქუჩის ჭიდან, ელისეს მინდვრების ქვაფენილი დაფარა ოცდათხუთმეტი სანტიმეტრის სისქეზე და სენის ახირებით, რომელიც გავიყვებული ქვევით კი არა, ზევით მოინევდა, მაზარინის ქუჩაზე ამოვარდა და ეცა ეშოდესა და მარეს ქუჩებს და იქ დადგა ას ცხრა მეტრის სიგრძის ლაფის გუბედ. სულ რამდენიმე ნაბიჯზე შეჩერდა იმ სახლიდან, რომელშიც რასინი ცხოვრობდა, რადგან XVIII

საუკუნის პოეტს უფრო მეტად სცემდა პატივს, ვიდრე მეფეს. თავისი ორმოცდაცხრამეტი სანტიმეტრის დიდი სისქით მოკალათდა სენ-პიერის ქუჩაზე და დიდი სივრცით - სენ-საბენის ქუჩაზე, სადაც ორას ოცდათვრამეტი მეტრის სიგრძით გაიჭიმა.

XIX საუკუნის დასაწყისში პარიზის კლოაკა ჯერ ისევ საიდუმლო ქვეყანას წარმოადგენდა. სიბინძურეს არასოდეს ჰქონია კარგი სახელი და აქ კი ეს ავი სახელი საშინელებამდე იყო გაზვიადებული. იცოდა პარიზმა, რომ რაღაც აქვს თავის ქვემოთ, მაგრამ სახელდობრ რა? - ეს კი ძალიან ბუნდოვნად ჰქონდა წარმოდგენილი. ისეთივე შიშითა და ზიზღით ახსენებდნენ ხოლმე კლოაკას, როგორც თებეს წუმპეს, რომელშიც დაფუთფუთებდნენ ხუმეტრიანი ცხრაფეხა ჭიები და საბანაოდ გამოადგებოდა ბინძურ ბუჭემოთს. კლოაკას მიჩენილი ჰყავდა ჩექმებიანი მუშები, მაგრამ შორს შესვლას ისინიც ვერ ბედავდნენ; ჯერ კიდევ ყველას ახსოვდა ის დრო, როდესაც ქუჩაში გორებად დახვავებული ნაგავი, რომელთა სიმაღლიდან სენტ-ფუა მარკიზ დე კრეკის ესალმებოდა, მენაგვეებს ფორნებით მიჰქონდათ და ნარცხის ორმოებში ცლიდნენ. რაც შეეხება მოვლასა და წმენდას, ეს თანამდებობა შხაპუნა წვიმას ჰქონდა მინდობილი და ისიც უფრო აგუბებდა სიბინძურეს, ვიდრე ჩარეცხავდა და თან ნაიღებდა. რომი კლოაკაში რაღაც პოეტურსაც ხედავდა და სახელად გემონიუმის ტერასას უწოდებდა; პარიზი კი ლანძღავდა თავისას და სახელად მყრალ ორმოს უწოდებდა; მეცნიერება და ცრუმორწმუნეობა შეთანხმებულიყვნენ და ზიზღით იხსენიებდნენ მას; ჰიგიენასაც ისე ეჭავრებოდა ეს მყრალი ორმო, როგორც ლეგენდას. თურმე შავი ბერის აჩრდილი პირველად მუფეტარის მყრალი მილსადენის თაღებქვეშ გამოჩენილა; მარმუშების ცხედრები კი ბარილერის მილსადენში ჩაუყრიათ. ფაგონი ამტკიცებდა, - 1685 წლის საშინელი ჭირიანობა მარეს გადაუხურავი მილსადენის ბრალი იყო; ის თავდაუხურავი დარჩა 1833 წლამდე, უურნალ „მერკიურ გალანის“ რედაქციის აბრის პირდაპირ, სენ-ლუის ქუჩაზე. მარტელერის ქუჩის წყალსადინარზე ხმა დადიოდა, მისი სიმყრალე ქალაქში ჭირს აჩენსო; შემოღობილს რკინის წვეტიანი გისოსები, ეშვების მწკრივი რომ გვეგონებოდა, ქუჩაზე თითქოს დრაკონს ხახა დაეფჩინა და ხალხს ჯოჯოხეთურ სიმყრალეს აფრქვევდა.

ხალხისთვის პარიზის კლოაკა ამქვეყნიური ჯოჯოხეთი იყო; კლოაკას ფსკერი არა აქვს. ის უძირო ჯოჯოხეთის ჭაა. აზრად არავის მოსდიოდა, გამოეკვლია ეს ჭირის ბუდე - მინისქვეშეთი, თვით პოლიცისაც კი. ვინ გაბედავდა შეუცნობლის გამომვას, წყვდიადის სიღრმეების გამოკვლევას, უფსკრულში დასაზვერად ჩასვლას? ვინ იქნებოდა თავზე ხელაღებული? მაინც გამოჩნდა ერთი გამბედავი. კლოაკასაც გამოუჩნდა თავისი ქრისტეფორე კოლუმბი.

ერთ დღეს, 1805 წელს, პარიზს ეწვია ნაპოლეონი, რაც იშვიათად ხდებოდა ხოლმე. ამით ისარგებლა შინგან საქმეთა მინისტრმა, ვინმე დეკრემ თუ კრეტემ, და დილითვე მივიდა იმპერატორთან. კარუსელის მოედანი საუსე იყო დიდი რესპუბლიკისა და დიდი იმპერიის სახელოვანი ჯარით; გმირები შეგროვილიყვნენ ნაპოლეონის კართან, მასთან ნამყოფნი რაინის, ესკოს, ადიჯეს, ნილოსის ნაპირებზე; უბერის, დეზეს, მარსოს, გომისა და კლებერის თანამოსაგრენი, ფლეურიუსის ჰაერნაოსნები, მაინცის გრენადერები, გენუის პონტონერები, პირამიდების მნახველი ჰუსარები, უიუნოს ჯურვის ნამსხვრევებზეფრქვეული არტილერიისტები, კირასირები,

ზუდერზეეს ყურეში ფლოტი რომ დაიმორჩილეს. ზოგი ნაპოლეონს ახლდა ლოდის ხიდზე, ზოგი მიურატს - მანტუის სანგრებში, ზოგი ლანს მონტებელოს უგზო მთებში. აქ, ტიუიორის სასახლეში შეგროვილიყო ლამქრის წარმომადგენელი, პატარა რაზმებით წარმოდგენილი, ნაპოლეონის დამცველი ჯარი მშვილობიანობის დროს. ბრწყინვალე იყო ეს დრო, როდესაც დიდებულ ლამქარს გუშინ მარენგოს გამარჯვება ასახელებდა და ხვალ არანაკლებ სახელოვანი აუსტერლიცი.

- თქვენო უდიდებულესობავ, - მოახსენა მინისტრმა ნაპოლეონს, - გუშინ ვნახე ყველაზე გულადი კაცი თქვენს სახელმწიფოში...

- ვინ არის? რა კაცია? - ჰკითხა იმპერატორმა, - რით ისახელა თავი?

- ერთი განზრახვა აქვს...

- რა განზრახვა?

- პარიზის ჩასადენი მილების ქსელის გამოკვლევა.

სინამდვილეში არსებობდა ეს კაცი და მას ბრიუნზო ერქვა.

თავი მეოთხე

აქამდე უცნობი წვრილმანები

ბრიუნზომ დაიარა პარიზის კლოაკა. მძიმე იყო ეს კვლევა: წყვდიადში ბრძოლა გადამდებ სენსა და მახრჩობელ აირთან. ნახა და მრავალი რამ აღმოაჩინა ღირსშესანიშნავი. კვლევა რომ დაიწყო, ოცი კაცი შველოდა. დაზვერვის ერთ-ერთი მონაწილე, გონიერი მუშა, მაშინ ჯერ კიდევ ჭაბუკი, რამდენიმე წლის წინ საინტერესო წვრილმანებს ჰყვებოდა, რომლებიც ბრიუნზომ პოლიციის პრეფექტისთვის წარდგინო მოხსენებაში საჭიროდ ჩათვალა, გამოეტოვებინა, როგორც შეუფერებელი ადმინისტრაციული ენის აღმატებული სტილისთვის. ამ დროს დეზინფექცია მეტად პრიმიტიულად კეთდებოდა. ის იყო, ბრიუნზო და მისი მუშები ჩასადენი მილების პირველ განშტოებას გასცდნენ, რომ რვა კაცმა გამოუცხადა, ჩვენ ვეღარ გამოგყვებითო. ძალიან რთული იყო ეს გამოკვლევა. მას წინ უნდა გასძლოლოდა დეზინფექცია, საჭირო იყო მილების ერთმანეთისგან დაშორება, წყლის ჩასასვლელი გზის განმედა, ცხაურებისა და წყლის ჩასადენი ორმოების, მილების განშტოებების აღრიცხვა, წყლის მიმდინარეობის დადგენა, წყალსატევების სიგრძე-სიგანისა და დიამეტრის დაგეგმვა, ზონდირება პატარა მილებისა, რომლებიც დიდი მილის განშტოებას წარმოადგენდნენ, ყოველი მილის სიმაღლისა და სიგრძე-სიგანის აღრიცხვა; მოკლედ რომ ვთქვათ, საჭირო იყო, ისე საფუძვლიანად შეესწავლათ კლოაკა, რომ შესაძლებელი ყოფილიყო მისი შეკეთება უწმინდურობის ამოკარდნის თავიდან ასაცილებლად.

ბრიუნზო და მისი მუშები დიდი გაჭირვებით მიდიოდნენ წინ. ხშირად მთელი მეტრის სიღრმის ლაფში იფლობოდა ჩასაშვები კიბე. სულთმობრძავებივით თრთოდნენ იმ მიაზმებით გაჟღერებულ ჰაერში პატარა ფარნები. რიგრიგობით გაჰყავდათ გონდაკარგული მუშები. ალაგ-ალაგ ღრმა ჭანჭრობი ხედებოდათ: მინა დამსკდარიყო, ფილაქანი ჩანეულიყო, მილი ჭად გადაქცეულიყო და ძირი აღარ უჩანდა. ერთი მუშა ჩაუვარდათ უცაბედად ამგვარ ჭაში და ძლივს ამოიყვანეს. ქიმიკოს ფურკრუას რჩევით ალაგ-ალაგ, საცა უფრო ადვილად შეიძლებოდა სუნთქვა,

გაფისულ ჩალას წვავდნენ. კედლებს ალაგ-ალაგ სოკო მოსდებოდა, თითქოს კედლებიც კი დაავადებული იყო და სუნთქვა ჭირდა.

ბრიუნზომ თავისი კვლევა სათავიდან დაიწყო და ნელ-ნელა წავიდა შესართავისკენ. იმ ადგილას, სადაც მთავარი მილი ორ ტოტად შტოვდება გრანურლერში, ერთ ქვაზე გაარჩია ამოკვეთილი თარიღი - 1550 წელი. ეს ქვა საზღვარი იყო; აქამდე მოსულიყო ფილიბერ დელორში, რომელიც ანრი II-ის ბრძანებით ამონმებდა აქაურობას; XVI საუკუნეში პარიზის კლოაკას მიღების ბოლო ამ ქვამდე აღწევდა. მეორე ნიშანიც აღმოაჩინა ბრიუნზომ, ნიშანი XVII საუკუნისა, პონსოს და ვიჟილ-დე-ტამპლის ქუჩების მიღებთან, რომლებიც თაღებით გადაეხურათყ 1600-1650 წლებში, და ბოლოს ერთი ნიშანიც XVIII საუკუნისა, არხ-კოლექტორის მარცხენა ნაწილში, რომლის თაღი 1740 წელს ააგეს. ეს თაღი უფრო მეტად იყო დამსკდარი და დაზიანებული, ვიდრე წინანდელი, 1412 წლისა, იმ დროისა, როდესაც მენილმონტანის ნაკადულის წყალს პარიზის სიბინძურის გამწმენდის დიდებული თანამდებობა მიანიჭეს, ისეთივე დიდი ღირსება, როგორც გლეხკაცის წარმატებაა, მეფის მსახურად რომ დანიშნავენ, ან სახელის, გრო-ჟანის ლებელად შეცვლა.

აქა-იქ, სახელდობრ მართლმსაჯულების სასახლის ქვეშ, შიგ წყალსადინარში, პატარ-პატარა, შემადრწუნებელი საკნები იყო დატანებული. სწორედ ეს გახლდათ in pace - „განისვენე“. ერთ ამგვარ საკანში კედელზე რკინის საყელური ეკიდა ჯაჭვზე. საკნები მაშინვე ამოქოლეს. ზოგი რამ უცნაურიც იპოვეს, სხვათა შორის, ერთი ორანგუტანგის ჩონჩხი; 1800 წელს გაიპარა ეს ორანგუტანგი პარიზის ზოლოლოგიური ბაღიდან და, ალბათ, ამ გარემოებამ შექმნა უეჭველ ჭეშმარიტებად მიღებული თქმულება, XIX საუკუნის უკანასკნელ წელს ბერნარდინელთა ქუჩაზე ეშმაკი დანავარდობდაო. საწყალი ეშმაკი სიბინძურეში ჩამხრჩვალყო.

გრძელი თაღით გადახურულ გალერეაში, რომელიც არმ-მარიონს უერთდება, მეძონძის გუდა იპოვეს, სრულიად წაუმხდარი, რამაც მცოდნენიც კი გააკვირვა. საცა კი საზომლობას აშლიდნენ მუშები, ყველგან პოულობდნენ ძვირფას ნივთებს, ოქროსა და ვერცხლისას, თვალ-მარგალიტს, ფულს. რომ ყოფილიყო ვინმე ბუმბერაზი და ეს სიბინძურე დაეწურა, საუკუნეთა სიმდიდრით სავსე დარჩებოდა სანურავი.

ორ ტოტად რომ იყოთა მილიტამპლისა და სენტ-ავუსს ქუჩების მიმართულებით, სწორედ ამ განშტოების წერტილში იპოვეს ჰუგენოტის თითბრის მედალი, რომლის ერთ პირზე ლორის თავი იყო გამოსახული კარდინალის თავსაბურთით და მეორეზე - მგელი პაპის ტიარით.

მაგრამ ყველაზე განსაცვიფრებელი რამ კლოაკის შესასვლელში იპოვეს. მას წინათ ცხაური ჰქონდა აფარებული, რომელსაც აქა-იქ შერჩენოდა საკიდი კაუჭები. ერთ კაუჭზე სისხლიანი, დამპალი ჩვარი ეკიდა; ეტყობა, წყალდიდობისას კაუჭს გამოსდებოდა და ზედ შერჩენილიყო. ახლოს მივიდა ბრიუნზო, ფარნის შუქზე გასინჯა, - ძვირფასი ბატისტი იყო და ერთ კუთხეში, ნაკლებად დაზიანებულში, მოჩანდა ამოქარგული ჰერალდიკური გვირგვინი და ექვსი ასო, - L, A, U, B, E, S, P. გვირგვინი მარკიზისა იყო, ექვსი ასო კი ნიშნავდა Laubespine-ს. ეს მარატის სუდარის ნაჭერი ყოფილა. ჭაბუკობაში ერთი სატრფო ჰყავდა, იმ დროს, როცა გრაფ დ'არტუსს საჯინბოს ექიმად იყო და ერთი დიდებული ქალბატონი უყვარდა. ეს ისტორიულად

იყო დამტკიცებული, და ამ ქალისგან ჰქონდა ძვირფასი ზენარი, ვინ იყის, სახსოვარი თუ შემთხვევით მის ბინაში დავინწყებული. მარატი რომ მოკვდა, მის სახლში სუდარად შესაფერისი ვერაფერი იპოვეს და მოხუცმა დედაკაცებმა სწორედ იმ ზენარში გაახვიეს, რომელზედაც სიყვარულის უნის იკლავდა ხალხის ტრაგიკული მეგობარი.

ბრიუნომ მარატის სახსოვარი იქვე დატოვა, სადაც ეკიდა, წყალს არ გააყოლა. ზიზღით მოუვიდა თუ პატივისცემით? მარატი ღირსი იყო ზიზღისაც და პატივისცემისაც. მართლაც, ბედისწერის ბეჭედი აქ მეტისმეტად ცხადი იყო, რომ გაებედა და ხელი ეხლო. ეგვეც არ იყოს, სამარის ნაშთი იმ ადგილას უნდა დატოვო, რომელიც თავად აირჩია განსასვენებლად. და მინც, ეს უცნაური რელიკვია იყო. მასზე მარკიზას ეძინა, მასში გაიხრწნა მარატი. მან პანთეონი გამოიარა, რათა კლოაკის ვირთხების ლუკმა გამხდარიყო. ამ საწოლის თეთრეულის ნაგლეჯმა, რომელსაც ვატო ოდესღაც სიცოცხლით სავსე სინატივით გამოსახავდა, იმით დაასრულა არსებობა, რომ დანტეს დაუინებელი მზერის ღირსი შეიქნა.

სრული შვიდი წელიწადი მონდა პარიზის მიწისქვეშა ქალაქის შემოწმებას, 1805-დან 1812 წლამდე. წინ მიიწვედა ბრიუნო, აღნიშნავდა, სად რა უნდა გაკეთებულიყო და დაუყოვნებლივ ასაქმებდა მუშებს. 1808 წელს პონსოს წყალსადინარს ფსკერი დაუდაბლა, 1809 წელს, - თან ახალი ხაზებიც გაჰყავდა, - სენ-დენის ქუჩის ქვეშ, ვიდრე ინოსანის შადრევნამდე, ჩასადენი არხი გააგრძელა; 1810 წელს წყალსადინარი გაიყვანა ფრუამანტოსა და სალპეტრიერის ქუჩებქვეშ; 1811 წელს - ახალი პატარა ავგუსტინელების, მაილის, ემარპის ქუჩებისა და სამეფო მიედნის ქვეშ; 1812 წელს - პესა და შოსე დ'ანტენის ქვეშ. პარალელურად მთელ ქსელს ასუფთავებდა და დემინფექციას ატარებდა. მუშაობის მეორე წელს თანამემწედ თავისი სიძე ნარგო აიყვანა.

ასე განმინდა XIX საუკუნის დასაწყისში ჩვენმა ძველმა საზოგადოებამ თავისი დედაქალაქი და მოაწესრიგა წყალსადინარები. ასე იყო თუ ისე, კლოაკა გასუფთავდა.

დაკლაკნილი, დამსკდარი, ფილაქანაშლილი, ორმოებიანი, ტალახიანი, აღმართ-დაღმართიანი, მყრალი, საზიზღარი, საზარელი, ბნელით მოცული, ქვაფენილზე ნაიარევებიანი, კედლებზე კი ჭრილობებიანი, ადამიანის თავზარდამცემი, - ასეთი იყო წარსულში პარიზის ძველი კლოაკა: ყველა მიმართულებით მიმავალი მილებით, დერეფნების გზაჯვარედინებით, განმტოვებით - ზოგი ბატყეხურის მსგავსით, ზოგიც ვარსკვლავისებურით - თითქოს თხრილში მოქცეული, ბრმა ნაწლავის ნაწაზარდის მსგავსი ჩიხებით, გვარჯილით გაჟღერებული თალებით, მყრალი სალექარებით, კედლებზე სველი სირსველით, ჭერიდან მწვეთავი წვეთებით, თვალმეუღდამი წყვდიადით.

რა შეედრებოდა საშინელებით ამ უძველეს აკლდამა-გამწმენდს, ამ ბაბილონის მომწელებელ ტრაქტს, გამოქვაბულს, ორმოს, გადაკვეთილს ქუჩებით, უფსკრულს, თვალუნებდენელ თხუნელას სოროს, სადაც გერყენებათ, რომ თითქოს წყვდიადში, გარდასული დიდებულების საზიზღარ ნარჩენებში, დაეხტება ვეებერთელა ბრმა თხუნელა - წარსული.

ასეთი იყო, ვიმეორებთ, წარსული დროების კლოაკა.

თავი მეხუთე

თანამედროვე პროგრესი

ახლა კი კლოაკა გასუფთავებულია, მონესრიგებული, წელში გამართული, ის თითქმის იდეალის განსახიერებაა, რომელსაც ინგლისში აღნიშნავენ სიტყვით „რესპექტაბელური“. ერთიანად რუხია, გამოლტილი და თუ შეიძლება ასე ითქვას, პენიანად ჩაცმული. იმ კაცს ჰგავს, რომელიც ადრე ვაჭარი ყოფილა, ახლა კი საიდუმლო მრჩეველი გამხდარა. იქ ახლა თითქმის აღარ არის სიბნელე. იქ ახლა ტალახიც კი დარბაისლურად იქცევა.

ერთი შეხედვით, შეიძლება კლოაკა ერთ-ერთი მიწისქვეშა გასასვლელიც ეგონოს კაცს, ფართოდ გავრცელებული და მეტად მოხერხებული მონარქებისა და პრინცების გასაქცევად იმ ძველ კარგ დროში, როცა „ხალხი აღმერთებდა თავის მეფეებს“. ახლანდელი კლოაკა ლამაზიც კი არის: აქ სტილის სისუფთავე სუფევს, კლასიკური, სწორხაზოვანი სტილისა, - რომელიც პოეზიიდან განიდევნა, მაგრამ თავშესაფარი თითქოს არქიტექტურაში პოვა, - და ადვილად შენიშნავთ პირქეში, მოთეთრო თაღების თითოეულ ქვაზე.

აქ თითოეული ჩასადენი არხი კამარად გეზვენება - რივოლის ქუჩის არქიტექტურამ თვით კლოაკის წიაღსაც დააჩნია კვალი. ამასთან, თუ სადმე უპრიანია და მართებული გეომეტრიული ხაზები, სწორედ რომ მის არხებში, რომლებშიც გადის მთელი ქალაქის სიბინძურე. აქ ყველაფერი ახლო მანძილზეა გათვლილი. ჩვენი დროების კლოაკამ ოფიციალური სახე მიიღო. თვით პოლიციის ანგარიშებში, სადაც კლოაკა ხშირად არის ნახსენები, მასზე ერთგვარი მონივნებითაც კი ლაპარაკობენ. ადმინისტრაციული ენა მის მოსახსენიებლად ამალღებულ და მართებულ სიტყვებს არჩევს. მას, რასაც ერთ დროს, ნანლაეს ეძახდნენ, გალერეა ჰქვია, ხვრელს - ჭა. ვიიონი ვეღარც კი იცნობდა თავის ღამის თავშესაფარს. ეს მიწისქვეშა ქსელი ძველებურად არის სავსე მღრღნელებით, აქ უხსოვარი დროიდან რომ გამრავლებულან, და ახლაც, ზოგჯერ, პატივცემული უღვამიანი ვირთხა გაბედავს, თავს ამოყოფს კლოაკის სასულეში და პარიზელებს ათვალიერებს. თანდათან ეს საძაგელი არსებებიც მოშინაურდნენ, იმდენად მოსწონთ თავიანთი მიწისქვეშა სასახლე. კლოაკამ სულ დაკარგა წარსული პირველყოფილი, ველური იერი.

წვიმა, რომელიც ადრე აბინძურებდა წყალსადინარებს, ახლა რეცხავს მათ. თუმცა კი დიდადაც ნუ ენდობით. კლოაკა უფრო პირმოთნეა, ვიდრე წმინდანი. ამაოდ ირჭებიან პოლიციის პრეფექტურა და სანიტარიული კომისია. ასენიზაციის ყველა ხრიკის მიუხედავად, კლოაკას მაინც რაღაც საეჭვო სუნი ასდის, როგორც ტარტიოუს აღსარების შემდგომ.

ახლა ამაშიც შევთანხმდეთ: კარგად რომ დაუკვირდეს კაცი, ნაგვის გატანით, სიბინძურის გარეცხვითა და წმენდით დიდ სამსახურს უწევს კლოაკა ცივილიზაციას და რადგან ამ მხრივ ტარტიოუს სინდისი უფრო წმინდაა, ვიდრე ავგიას თავლა, ცხადია, პარიზის მიწისქვეშა ქალაქიც დღეს წინანდელზე უკეთესია.

ეს გაუმჯობესება პროგრესზე მეტია, ეს გარდაქმნაა. ძველებურმა მთელი რევოლუცია გამოიარა, რომ ახლებურად მოწყობილიყო.

მერე ვინ გარდაქმნა, ვინ მოახდინა ეს რევოლუცია?

ერთმა კაცმა, რომელიც დავიწყებული ჰყავს ქვეყანას, იმ კაცმა, რომელიც ჩვენ გავისხენეთ - ბრიუნომ.

თავი მეექვსე მომავალი პროგრესი

პარიზის ჩასადენი მიწების გაყვანა ადვილი საქმე არ იყო. ათი საუკუნის განმავლობაში გაჰყავდათ და ვერ დაასრულეს. ვერც დაასრულებდნენ, ისევე როგორც ვერ დაასრულებდნენ პარიზის შენებას. კლოაკა პირქვეშ მიწისქვეშა ათასსაცვიანი პოლიპია, რომელიც მიწის ქვეშ ქალაქთან ერთად იზრდება. ყოველთვის, როცა ქალაქს ახალი ქუჩა გაჰყავს, კლოაკა ახალ თათს იწვდენს. ძველმა დინასტიამ მხოლოდ და მხოლოდ ოცდასამი ათას სამასი მეტრის სიგრძის მიწები გაიყვანა ქალაქის ქვეშ; ასე იყო საქმე პარიზში 1806 წლის 1-ელ იანვარს. ამის შემდგომ კი - ახლავე შევსებით ამ ხანასაც, - დიდ ყურადღებას აქცევდნენ მიწისქვეშა ქალაქს, ზრუნავდნენ მის კარგად მოწყობაზე; ნაპოლეონმა - სანტერესოა ეს ციფრები - ოთხი ათას რვაას ოთხი მეტრი საკანალიზაციო მიწები გაიყვანა, ლუი XVIII-მ ხუთი ათას შეიდას ცხრა; შარლ X-მ ათი ათას რვაას ოცდათექვსმეტი, ლუი-ფილიპმა - ოთხმოცდაცხრა ათას ოცი; 1848 წლის რესპუბლიკამ ოცდასამი ათას სამას ოთხმოცდაერთი, თანამდებროვე მთავრობამ სამოცდაათი ათას ხუთასი, სულ დღეს ორას ოცდაექვსი ათას ექვსას ათი მეტრია. ამ სიგრძის ნაწილები აქვს დღეს პარიზს, შეუწყვეტლივ მომუშავე ბნელი ქსელი, უზარმაზარი, ყველასათვის უცნობი ნაგებობა. როგორც ეს რიცხვები გვიმტკიცებენ, პარიზის ქვედა ლაბირინთი დღეს ერთიათად მეტია, ვიდრე XIX საუკუნის დასაწყისში იყო. ძნელი წარმოსადგენია ის ურიცხვი ხარჯი და შრომა, რაც მას დასჭირდა შესაკეთებლად და ისე მოსაწყობად, როგორც დღეს არის. დიდი შრომა გასწია ძველმა ქალაქის სამეფო უწყებებმა და XVIII საუკუნის უკანასკნელ ათ წელიწადს რევოლუციურმა მთავრობამ, რომ გაეყვანათ ცხრამეტი ათასი მეტრი წყალსადენი, რომელიც 1806 წლამდე არსებობდა. ამ საქმეს ბევრი რამ ელოებოდა წინ: ერთი მხრივ, გრუნტის თავისებურებანი, მეორე მხრივ კი პარიზის მუშებში ძველთაგანვე ფეხმოკიდებული ცრუმორწმუნეობა. პარიზის მიწა უცნაურად ძნელად ემორჩილება ბარსა და თოხს, ბურღვასა და ადამიანის ხელს. არაფერია იმაზე ძნელი, ვიდრე იმ გეოლოგიური ფორმაციის განგრევა და გაბურღვა, რომელზეც დაუვანებია დიდებულ ისტორიულ ფორმაციას, სახელად პარიზს. როგორც კი ადამიანი გადანყვეტს, როგორმე გაარღვიოს ეს ნაყარი შრეები, მაშინვე წინ აღუდგება მიწაში ჩამალული ურიცხვი დაბრკოლება: ხან თხევადი თიხამინა, ხან მიწისქვეშა წყაროები, ხან მაგარი ქანები, ხან წებოვანი და ჩაჭაბებელი შლამი, სპეციალისტები „მდოგვს“ რომ ეძახიან. წერაქვი ძლივძლივობით ანგრევს კირქვის ფენებს, რომელსაც დროდადრო თიხის ძარღვები გამოერევა, და ფიქლის შრეებს, პრეისტორიული ოკეანეების დროინდელი ლოკოკინის ნიჟარები რომ ჩაჰკარვია. ზოგჯერ დაუმთავრებელი თალიდან უეცრად წყალი გამოხეთქავს და მუშებს დატბორავს, ზოგჯერ ჩანჩქერის მრისხანებით ნაშალი ჩამოშვადდება და მინასავით ფხვნის მასიურ საყრდენ მორებს. ჯერ კიდევ ცოტა ხნის წინ, როცა ვილიეტიში, სენ-მარტენის არხის ქვეშ, წყალსადინარი გაჰყავდათ, ისე, რომ ნაოსნობა არ შეწყვეტილა და არც არხი დაუშრიათ, არხის კალაპოტი უეცრად გაიბზარა და მიწისქვეშა შახტში წყალმა ისეთი ძალით იხუკლა, რომ წყალსაქაჩები ვერაფერს გახდნენ. საჭირო შეიქნა მყვინთავი, რომელმაც ბზარი არხის სათავეში აღმოაჩინა და დიდი გაჭირვებით

ამოქოლა. გარდა ამისა, ისევე როგორც სენის სანაპიროებზე, მისგან მოშორებითაც, მაგალითად, ბელვილში, გრანდ-რუსა და ლუნიერის ქუჩებქვეშ, მოძრავი ქვიშაა, რომელსაც შეუძლია თქვენ თვალწინ შთანთქას და ჩაითრიოს ადამიანი.

ამას დაუმატეთ მავნე ანაორთქლი, ხუთვას რომ ინვევს, კაცის ცოცხლად დამმარხავი მენყრის უეცარი ჩამოქცევა; არ დაგავინცდეთ ციებ-ცხელებაც, რომლითაც ადრე თუ გვიან ავადდებიან მიწისქვეშა წყალსადინარებში მომუშავე მუშები. არც ისე დიდი ხნის წინ ამ საქმეს მონო ხელმძღვანელობდა. მან კლიშის მიწისქვეშა გასასვლელი გათხარა ურკის მთავარი წყალსადენის წყლების მისაღებად. მუშები ათი მეტრის სიღრმის ტრანშეაში მუშაობდნენ. მენყერს ხშირად ჩამჰალ გრუნტში, ქვაბულების მეშვეობითა და მორის ბიგებით ებრძოდნენ. მონომ თალით გადახურა ბიგერის კალაპოტი ოსპიტლის ბულვარიდან თვით სენამდე; პარიზისგან მონმარტრის წყლის ნაკადების თავიდან ასაცილებლად და მარტირის საგუშავგოსთან ცხრაჰექტრიანი ტბორის გასაშრობად კი გრძელი წყალსადინარი გაიყვანა ბლანშის საგუშავგოდან ობერვილიეს გზამდე. ოთხი თვე იმუშავეს, დღისით და ღამით, თერთმეტი მეტრის სიღრმეზე. მას შემდეგ კი - მართლაც გაუკონარი რამ არის! - რაც ღია ტრანშეების გარეშე, ექვსი მეტრის სიღრმეზე, მიწის ქვეშ ბარდიუ-ბეკის წყალსადინარი გაიყვანა, მონო გარდაიყვალა. მის კვალდაკვალ, როცა ქალაქის ყველა რაიონი, ტრავერსიერ-სენტ-ანტუანის ქუჩიდან ლურსინის ქუჩამდე სამითასმეტრიანი წყალსადინარი თალით გადახურა, წვიმის წყლები, სასწიესა და მუფეტარის ქუჩებს რომ ტბორავდა, ურსინის ქუჩის ქვეშ გამავალ გვერდით არხში მიუშვა, მოძრავ ქვიშაზე, ქვისა და ბეტონის წყალქვეშა საძირკველზე, სენ-ჟორჟის წყალსადინარი გაიყვანა, საკუთარი სიცოცხლე არად ჩაავდო და ნაზარეველი ღვთისმშობლის ქუჩის ქვეშით მიღების განმტოების ფსკერი დაადაბლა (ეს ძალზე სახიფათო სამუშაო იყო), ინჟინერი დიულოც გარდაიყვალა. სამწუხაროდ, ჩვენთან არავინ აქვეყნებს ამდაგვარ საგმირო საქმეებს, თუმცა კი მათ უფრო დიდი სარგებელი მოაქვს, ვიდრე ბრძოლის ველზე უაზრო ხოცვა-ჟლეტას.

1832 წლის დროინდელი კლოაკა ძალზე განსხვავდებოდა დღევანდლისგან. ბრიუნომ ბიძგი მისცა მისი მოწესრიგების საქმეს, შემდგომ კი საჭირო შეიქნა ქოლერის ეპიდემია, რომ ქალაქის მმართველობას ამ საქმისთვის ხელი მოეკიდა და ღირსეულად გაესრულებინა. საოცარია, მაგრამ მაგალითად, 1821 წელს წრიული წყალსადინარის ნაწილი, ე. წ. დიდი არხი, რომელიც სავესე იყო დამყაყებული წუმპით, ჯერ კიდევ გურდის ქუჩაზე გადიოდა, ღია ცის ქვეშ, ისე როგორც ვენეციაში, და პარიზმა მხოლოდ 1823 წელს გააკრა ჯიბეზე ხელი და ორას სამოცდაექვსი ათას ოთხმოცი ფრანკი და ექვსი სანტიმი გაიღო, რომ თალით დაეფარა ეს სირცხვილი.

სამი ჩასადენი ჭა - კუნეტის, კომბეას და სენ-მანდეს ქუჩებზე, - აღჭურვილი ჩასადენი ღარებით, გამწოვი მილებით, სალექარებით მათი გამწმენდი განმტოებებითურთ, მხოლოდ მხოლოდ 1836 წელს გათხარეს. პარიზის მიწისქვეშა ნაწილი სრულიად ახლად გაშენდა უკანასკნელი ოცდახუთი წლის განმავლობაში და, როგორც უკვე აღვნიშნეთ, ათჯერ მაინც გადიდა, ვიდრე მანამ იყო.

ბევრ ქუჩაზე ნაცვლად დღევანდელი ამობურცული ქვაფენილისა, ჩაზნექილი რიყის ქვის ქვაფენილები იყო. ყველაზე დაბალ წერტილში, სადაც ქუჩის დაღმართს ან გზაჯვარედინს მიჰყავდით, ხშირად შეხვდებოდით ფართო, კვადრატულ, სქელი რკინისგისოსებიან ცხაურებს, გამვლელების ფეხით გაპრიალებულს, სრიალასა და

სახიფათოს ეტლებისთვის, რადგან ცხენებს ხშირად ნაუფორხილებიათ და დაცემულან. საგზაო უწყების ოფიციალურ ენაზე ამ დაბალ წერტილებსა და ცხაურებს მეტად მეტყველ სახელს Clissis - ხაფანგს უწოდებდნენ. ჯერ კიდევ 1832 წელს ბევრ ქუჩაზე - მაგალითად, ეტუალის, სენ-ლუის, ტამპლის, ვაიელ-ტამპლის, ნაზარეველი ღვთისმშობლის, ფოლი-მერიკურის ქუჩებზე, ფლერის სანაპიროზე, პტიმუსკის, ნორმანდიის ქუჩებზე, პონტო-ბიომზე, მარეში, სენ-მარტენის გარეუბანში, ნოტრდამ-დე-ვიკტუარის, მონმარტრის გარეუბანში, გრანჟ-ბატელიერის ქუჩაზე, ელისეს მინდვრებზე, უაკობისა და ტურნონის ქუჩებზე - ძველ, შუა საუკუნეების კლოაკას ცინიკურად დაედო ხახა. ეს იყო დიდი, პირდატყენილი ხვრელები, გარს გაუთლელი ქვებით შემოწყობილი და აქა-იქ თავხედური ურცხვობით ტუმბოებით შემოღობილი.

1806 წელს პარიზის წყალსადინარები სიგრძით თითქმის არ აღემატებოდა 1663 წლის მასის დროინდელ ციფრებს: ორმოცი ათას სამას მეტრს. 1832 წლის 1-ელი იანვრისთვის, ბრიუნოს შემდგომ, ხუთი ათას სამასოცდარვა მეტრი იყო.

1806-დან 1831 წლამდე საშუალოდ, ყოველწლიურად, შეიდას ორმოცდაათი მეტრი წყალსადინარი მილები გაჰყავდათ, მერე წელიწადში რვა და ხშირად ათი ათასი მეტრის სიგრძის მოხრეშილი, კირის ჰიდრაულიკური ხსნარით გამაგრებული და ბეტონისსაძირკვლიანი მიწისქვეშა გვირაბები. თუ მეტრზე ორას ფრანკს ვიანგარიშებთ, თანამედროვე პარიზის 96 კილომეტრი ჩასადენი მილი 48 მილიონი დაჯდა.

გარდა ეკონომიკური პროგრესისა, პარიზის კლოაკასთან საზოგადოებრივი ჰიგიენის მეტად მნიშვნელოვანი საკითხიც არის დაკავშირებული.

პარიზი ორი სტიქიონის შუა არის აგებული: ძირში წყალი აქვს, ზემოდან - ჰაერი. წყალი საკმაოდ ღრმად არის მიწაში და უკვე ორჯერ ბურღვით გამოკვლეული, მწვანე ქვიშარის ფენაზე განისვენებს, ცარცისა და იურული პერიოდის კირქვის შრეებს შორის. ეს ფენა შეიძლება დისკისებურად გამოისახოს, 25 მილის დიამეტრით. იქ ჩაედინება უამრავი მდინარე და ნაკადული; გრენელის ჭიდან აღებულ ჭიქა წყალში თქვენ სენის, მარნის, იონის, უაზის, ენის, შერის, ვიენისა და ლუარის წყალს სვამთ. წყალი სამკურნალოა, ის ჯერ ცაში წარმოიშვება, შემდგომ მიწის წიაღში; ჰაერი მავნებელია, ის მყარად ანაორთქლს ისრუტავს. კლოაკის ყველა მიაზმა ჰაერში ზავდება და მას ქალაქი სუნთქავს. ამიტომაც აქვს პარიზს ასე არაჯანსაღი სუნთქვა. ნაკელის გროვის თავზე აღებული ჰაერის სინჯი - ეს მეცნიერებამ დაამტკიცა, - გაცილებით სუფთაა, ვიდრე პარიზის ჰაერი. დადგება დრო, როცა პროგრესის წინსვლის, ტექნიკური და სამეცნიერო აღმოჩენების წყალობით წყალი ჰაერს განმეზღვდა - სხვაგვარად რომ ვთქვათ, წყალსადინარებს გარეცხავს. წყალსადინარის გარეცხვაში ვგულისხმობთ სიბინძურის მიწაში ჩატანას, ნიადაგის გაპატივებასა და მინდვრების განაყოფიერებას. ეს უბრალო ღონისძიება ხალხს გაჭირვებას შეუმსუბუქებს და ქალაქს სიჯანსაღეს შეჰმატებს. ახლა კი პარიზის სწეულებანი ორმოცდაათ მილზე მაინც ვრცელდება, თუკი ლუერს ამ ჭირის ბორობლის მორგვად ჩავთვლით.

შეგვიძლია ვთქვათ, რომ აგერ უკვე ათი საუკუნეა კლოაკა პარიზის მიძიმე სენია. ჩამდინარე წყლები ქალაქს სისხლს უწამლავს. ხალხის ალღოს ეს არ გამოჰპარავია. ძველად კლოაკის მწმენდავის ხელობა ისევე სახიფათოდ და თითქმის საძულველად ითვლებოდა, როგორც ტყავისმხდელისა, რასაც ხშირად ჯალათს ავალებდნენ.

ძალიან დიდი გასამრჯელოს ფასად თუ ჩავიდოდა რომელიმე კალატოზი ამ სიმყრალით საესე თხრილობი; მინის მთხრელიც დიდი ხნის ფიქრის შემდეგ თუ დაჰყაბულდებოდა მასში კიბის ჩაშვებას. ხალხი ანდაზად ამბობდა, მყარალ მილში ჩასვლა საფლავეში ჩასვლააო.

ზემით მოგახსენეთ, რომ ბევრი შემზარავი ლეგენდა დადიოდა პარიზის კლოაკაზე, ამ უძირო თხრილზე, სახიფათო მინისქვეშა ჯურღმულზე, რომელსაც ზედ აჩნდა გეოლოგიური ერებისა და რევოლუციური გადატრიალებების, საზოგადოდ, ყველა კატაკლიზმის კვალი, დაწყებული წარღვნის დროინდელი ნიჟარებითა და მარატის სუღარით დამთავრებული.

ნივნი მესამე

წუმჰეა, მაგრამ სულით ძლეული

თავი პირველი

კლოაკა და მისი მოულოდნელობანი

სწორედ პარიზის ამ მინისქვეშა ქალაქში ჩავიდა უან ვალუჟანი. ერთი მსგავსება კიდევ პარიზისა ზღვასთან. აქ მყვინთავი შეიძლება ისევე დაიღუპოს, როგორც ოკეანეში.

უცნაური იყო ეს ერთი ნაბიჯი. შუა ქალაქში იყო უან ვალუჟანი და ქალაქგარეთ გაჩნდა უცბად, თვალის დახამხამებაში, წამის განმავლობაში, როდესაც ცხაური ახადა და ისევე დახურა. ერთი წამი კმაროდა, რომ მზით გაკაშკაშებული დღიდან ღამის სიბნელეში ამოეყო თავი, შუადღიდან შუაღამეში, ქალაქის ხმაურიდან ღუმეილში, ზარბაზნის გრგვინვიდან სამარისებურ მყედროებაში და ბედის კიდევ უფრო დიდი წყალობით, ვიდრე პოლონსოს ქუჩაზე არგუნა განგებამ, გარდაუვალი დაღუპვიდან სრულ უსაფრთხოებაში.

უცებ ჩავარდა მინისქვეშეთში, პარიზის ქვის სამალავს შეაფარა თავი, გავრიდა ქუჩას, სადაც სიკვდილი დათარეშობდა, აკლდამაში, სადაც სიცოცხლე ბუტუვდა, - ეს დაუვინყარი წუთები იყო. ერთხანს დარეტიანებულივით იღვა და გაოგნებული სიჩუმეს აყურადებდა. მის ფეხქვეშ უცებ გადაიხსნა მხსნელი ხაფანგი. ციურმა განგებამ, ასე ვთქვათ, ცრუ გზით, კალთა გადაათარა.

კურთხეული ხაფანგი, განგებისგან გამზადებული! დაჭრილი ისევე უძრავად იყო და არ იყოლა უან ვალუჟანმა, რა უნდა გაეყვანა ამ სამარადიდან სამშვიდობოს, ცოცხალი თუ მიცვალეული?

უან ვალუჟანის პირველი შეგრძნება სრული სიბრმავე იყო. უცებ ველარაფერი დაინახა. გარდა ამისა, ისიც მოეჩვენა, რომ უცბად, ერთი წამის განმავლობაში, დაყრუვდა, აღარაფერი ესმოდა. ბრძოლის გრივალი, რომელიც სულ ახლოს, მის თავზემით ბობოქრობდა, ყრუდ, გაურკვეველად, ბუნდოვან გუგუნად ჩაესმოდა, თითქოს უძირო ორმოში ჩავარდნილიყო. გრძნობდა, რომ ფეხქვეშ მაგარი საყრდენი ჰქონდა. ამის მეტი ჯერ არაფერი იყოლა, მაგრამ ესეც საკმარისი იყო. ხელი გაიშვირა და კედელს შეეხო; მეორე მხარესაც კედელი ყოფილა; ორივე მხარეს კედლები იყო, მიხვდა, რომ ვინრო დერეფანში იყო: ფეხი დაუსხლტა და ახლა იმაში დარწმუნდა, რომ ფილაქანი სველი ყოფილა, ფრთხილად გადადგა ერთი ნაბიჯი; ეშინოდა, ორმო

არსად იყოს ან ნაპრალო, მაგრამ ფილაქანი გრძელდებოდა. საზარელი მყრალი სუნი ესა ცხვირში და მაშინ მიხვდა, სადაც ჩავარდნილიყო.

რამდენიმე წუთის შემდეგ მიხვდა, რომ არ დაბრმავებულიყო: ცხურიდან მქრქალი სინათლე ჩამოდიოდა და თვალი შეაჩვია სიბნელეს. შორიახლო უკვე არჩევდა ყველაფერს. მინისქვეშა გასასვლელი, სადაც უან ვალჟანმა დაიმარხა თავი - სხვაგვარად ვერ იტყვი, რომ უკეთ გამოსახო მისი მდგომარეობა, - ერთი იმ ჩიხთავანი იყო, რომელსაც სპეციალისტები შტოს უწოდებენ. მის უკან კედელი იყო და წინ ბნელი დერეფანი. ცხურიდან ჩამომავალი სინათლე იქვე ქრებოდა, ათ-თორმეტ ნაბიჯზე; მერე კი სრული წყვდიადი ისადგურებდა. საშინელება იყო იქ ყოფნა, გეჩვენებოდა, რომ წყვდიადი სამუდამოდ ჩანთქმას გიქადდა, მაგრამ სხვა გზა არ იყო და გზას უნდა გასდგომოდა რაც შეიძლება სწრაფად. მაშინ მოაგონდა უან ვალჟანს რომ ის ცხური, რომელიც მან ქვების გროვაში დაინახა, შეიძლებოდა ჯარისკაცებსაც ეპოვათ და ახლა ყველაფერი უბრალო შემთხვევაზე იყო დამოკიდებული. თუ დაინახეს, შეიძლება ისინიც ჩამოვიდნენ ამ მინისქვეშა გასასვლელში და გაჩხრიკონ უან ვალჟანს და ეს დაჭრილიც. სასწრაფოდ უნდა წასულიყო იქიდან. დროის დაკარგვა აღარ შეიძლებოდა. წელან მარიუსი ძირს დაუშვა. ახლა ისევ აიყვანა, ზურგზე წამოიკიდა, ესეც შესათფერი გამოთქმამა, და გზას გაუდგა. გაბედულად შეაბიჯა იმ წყვდიადში.

სინამდვილეში ისე კარგად არ იყო საქმე, როგორც უან ვალჟანს ეგონა. განსაკუთრებული ახლა სხვაგვარი და არანაკლებ საზარელი ელოდა, ვიდრე ზევით იყო: ბრძოლის მოგიზგიზე აღის ნაცვლად - მიაზმებითა და ხიფათით საესე გამოქვაბული, ქაოსის ნაცვლად - კლოაკა. უან ვალჟანი ჯოჯოხეთის ერთი წრიდან მეორეში გადავიდა. ორმოცდაათი ნაბიჯი გაიარა და გაჩერდა. ერთი საკითხი ჰქონდა გადასანყვეტი: უან ვალჟანის დერეფანი მეორეს ერთვოდა განივად და ახლა ორი გზა ედო თვალწინ. საით წასულიყო? მარჯვნივ თუ მარცხნივ? როგორ გადაწყვიტა ეს, რაზე დაემყარებინა თავისი არჩევანი ამ ბნელ ლაბირინთში? ამ ლაბირინთს, როგორც ვთქვით, ერთი მიმართულება აქვს, - დაღმართისკენ. დაღმართს რომ გაჰყვება კაცი, მდინარესთან მივა.

უან ვალჟანმაც მაშინვე მოისაზრა ეს გარემოება. იფიქრა, ალბათ, ბაზრის ქვემოთ ვარ, მარცხნივ რომ წავიდე და ამ დაღმართს დავყვე, ერთი თხუთმეტი წუთის შემდეგ სენის ნაპირთან გავალ დე შანჟისა და ახალ ხიდს შუა, ესე იგი, შუადღისას გავალ პარიზის ხალხმრავალ უბანში. იქნებ სწორედ იქ ავიდეს ამ მინისქვეშა გასასვლელიდან. განცვიფრდება, ვინც კი დაინახავს, რომ ორი გასისხლიანებული კაცი ამოძვრა მიწიდან, სწორედ ხალხის ფეხქვეშეიდან. მერე, ალბათ, მოცვივდებიან პოლიციელები და ჯარისკაცებიც. მინისქვეშეთიდან გასულიც არ იქნება, რომ ხელს სტაცებენ და გაბანრავენ. ისევ სჯობდა, შესულიყო ამ ლაბირინთში, მინდობოდა სიბნელეს და აქედან თავის დაღწევა თავისი ბედისწერისთვის მიენდო.

აღმართს აჰყვა და მარჯვნივ წავიდა.

დერეფანი ჩაათავა, მოუხვია და ის პატარა სინათლევ გაუქრა, რომელიც აქამდე ჰქონდა. შავი პირბადე აეთვარა თვალებზე და კვლავ დააბრმავა. მაინც მიდიოდა იმდენად ჩქარი ნაბიჯით, რამდენადაც კი შეიძლებოდა სვლა ამ ქვესკნელში. მარიუსის ორივე ხელი კისერზე ჰქონდა შემოხვეული, ფეხები - ძირს დაშვებული. ერთი ხელით მარიუსის ხელები ეჭირა, მეორეს კედელზე აფათურებდა. მარიუსის

დასისხლიანებული ლოყა მის ლოყას ეკვროდა. გრძნობდა, როგორ დასდიოდა პატარა, თბილი ნაკადი, ტანისამოსი უსველდებოდა; მარიუსის ტენიან, თბილ ამონასუნთქს გრძნობდა, მაშასადამე, ცოცხალი იყო. უან ვალუჟანი ახლა უკვე განიერ დერეფანში გასულიყო. დიდი გაჭირვებით მიდიოდა. გუშინდელი წვიმა ჯერაც არ გასულიყო არხიდან და მდინარედ მიდიოდა შუა დერეფანში. უან ვალუჟანი იძულებული გახდა, კედელს გაჰყოლოდა, რომ წყალში არ გაეტოპა. მიდიოდა ამ წყვლიადში და რომელიღაც ღამის არსებას ჰგავდა, რომელიც ხელს აცეცებს უხილავეში და მიწის ქვესკნელის სიბნელებში იფლობა.

მაგრამ შორეული ცხაურიდან ჩამოსული სინათლე მანაც ჭრიდა ამ სიბნელეს და ისიც ცდილობდა, რაც შეიძლება შორს წასულიყო. თვალის მიჩვივა სიბნელეს და ბუნდოვნად, მაგრამ მანაც არჩევდა გზას. უკვე ხედავდა იმ კედელს, რომელსაც ხელით ეხებოდა, და იმ თალს, რომლის ქვეშაც უნდა გაევილიოთ. კაცს სიბნელებში თვალის კაკალი ეზრდება და ბოლოს და ბოლოს, მასში სინათლეს ხედავს, ისევე როგორც სული ინრთობა ტანჯვაში და მასში ღმერთს პოვებს.

ძნელი იყო გზის გაგნება.

მიწისქვეშა ქალაქის გეგმა იგივეა, რაც ქალაქის ქუჩებისა, ერთი ეგ არის, კლოაკა ქუჩის ქვეშ არის გაყვანილი. იმდროინდელ პარიზში ორი ათას ორასი ქუჩა იყო და ახლა წარმოიდგინეთ ამ ქუჩების ქვეშ, სიბნელებში დანთქმული დერეფნები და მათი განმტოებანი. იმდროინდელი დერეფნების სიგრძე დაახლოებით ორმოც კილომეტრამდე იქნებოდა. ზევით მოგახსენეთ უკვე, რომ დღევანდელი ქსელის სიგრძე კი არანაკლებ ორას ორმოცი კილომეტრი იქნება.

უან ვალუჟანს გზა აერია. ეგონა, სენ-დენის ქუჩის ქვეშ ვარო და საუბედუროდ, სულ სხვაგან იყო. სენ-დენის ქუჩის ქვეშ ერთი ძველისძველი, ლუი XIII-ის დროინდელი ქვის წყალსადინარი გადის და პირდაპირ არხ-კოლექტორს, იგივე მთავარ კლოაკას უერთდება; მას ძველი სასწაულთა ეზოს ახლოს, მარჯვნივ, ერთადერთი მოსახვევი და სენ-მარტენის ქუჩის ქვეშ ერთადერთი განმტოება აქვს. მაგრამ რაც შეეხება პატარა ტრუნდერის მილსადენს, რომელშიც ჩასასვლელი „კორინთის“ ახლოს იყო, არასოდეს ყოფილა შეერთებული სენ-დენის ქუჩის ქვეშა მილსადენთან, - ის მონმარტრის მილსადენს ერთვის და უან ვალუჟანიც სწორედ ამ გზით მიდიოდა. აქ სულ ადვილი იყო გზის არევა. მონმარტრის კლოაკა ძველი ქსელის ერთ-ერთი ურთულესი განმტოებაა. კიდევ კარგი, უან ვალუჟანმა გვერდი აუარა ბაზრების წყალსადინარებს, რომლებიც გეგმაზე მოხაზულობით ათასგვარად გადახლართულ გემსართავეებს ჰგავდა. უან ვალუჟანს ხიფათი სხვაეც ბევრი ელოდა, - არაერთი ქუჩის გზაჯვარედინი, - მიწისქვეშაც ხომ იგივე ქუჩებია, - ნინ რომ ესვეტებოდნენ დიდ კითხვის ნიშნებად. ჯერ ერთი, მარცხნივ პლატრიერის ქუჩის ფართო კლოაკა იყო, ნამდვილი ჩინური თავსატეხი, რომელსაც თავისი სადინარების ქაოსური ღომხალი ასო T და Z-ს მსგავსად გაეშალა ფოსტის სასახლისა და პურის მოედნის ქვეშ, სენის მდინარემდე, სადაც Y-ის მსგავსად მთავრდებოდა; მეორე - მარჯვნივ - კადრანის ქუჩის მომრგვალო გვირაბი სამი ჩიხით, რომლებიც ბრჭყალებს ჰგავდა; მესამე და ისევე მარცხნივ - მაილის ქუჩის ქვეშა განმტოება, რომელიც ზიგზაგურად ეშვებოდა და ყოველმხრივ განმტოებული ლუერის ქვეშა დიდ მიწისქვეშა სალექარში ჩადიოდა. დასასრულ, ბოლო მოსახვევის იქით, მარჯვნივ - უენერის ქუჩის ყრუ ჩიხი, თუ არ ჩავთვლით წვრილ-წვრილ ქუჩაბანდებს, დროდადრო რომ შემოგხვდებათ წრიულ არხამდე

მისასვლელ გზამდე, - მხოლოდ ის თუ მიიყვანდა უან ვალუანს რომელიმე შორეულ და უხიფათო ადგილამდე. ამ ყველაფერზე მცირედი წარმოდგენა მაინც რომ ჰქონოდა, მაშინვე მიხვდებოდა, თუკი კედელს ხელს გააყოლებდა, რომ სენ-დენის ქუჩის მიწისქვეშა გალერეაში სულაც არ იყო.

ძველი გათლილი ქვის ნაცვლად, ნაცვლად უძველესი არქიტექტურისა, რომელიც თვით კლოაკაშიც კი ინარჩუნებდა ამაყ დიდებულებას, ნაცვლად იატაკისა და გრანიტის კედლების უმტკიცესი გრძივი წყობისა, რომლებიც კირის სხნარით იყო ჩაცემენტებული, რაც მთავრობას თითო მეტრი ოთხას ფრანკად უჯდებოდა, ხელის შეხებითაც კი იგრძნობდა ბურჟუების იაფფასიან სამშენებლო მასალას, მოკლედ რომ ითქვას, უვარგის „ბრელოს“ - ჰიდრაულიკურ სხნარზე მოზეილ დაწვრეტილ კირქვას, ბეტონისძირიანს, რომლის ფასი თითო მეტრზე ორას ფრანკს არ აღემატებოდა. მაგრამ უან ვალუანმა ეს ყოველივე არ იცოდა. წინ მიიწვედა ნაღვლით გულგასენილი, მაგრამ დამშვიდებული, ვერც ვერაფერს ხედავდა და არც ის იცოდა, სწორ გზას ადგა თუ არა. მიდიოდა შემთხვევის, ესე იგი, განგების იმედით.

ხანდახან, - ესეც უნდა ვთქვათ, - შიში მოერეოდა ხოლმე. თვალმუეღვაში წყვდიადი გონებას უბნელებდა. ალაღბედზე მიდიოდა. კლოაკის ქსელი მეტისმეტად ვერაგია, თავბრუდამხვევი ხვეულებით სავესე. ურიცხვი განშტოება აქვს ყველგან და ვაი მისი ბრალი, ვინც ამ მიწისქვეშა პარიზის წყვდიადით სავესე ქუჩებში ჩავარდება! უან ვალუანი იძულებული იყო, ეძებნა და თვითონვე აღმოეჩინა იმ წყვდიადში გზა. ბნელ დერეფანში უხდებოდა სიარული და ყოველი ნაბიჯი შესაძლებელი იყო, უკანასკნელი გამხდარიყო. როდის და სად უნდა გასულიყო ამ ჯურღმულიდან? სად ეზოვა გასასვლელი? როდის იპოვიდა? უფლებას მისცემს კი ქვის უჯრედებად დაყოფილი ეს მიწისქვეშა გიგანტური ღრუბელი მასში შევიდეს და გარეთ გააღწიოს? ამ წყვდიადში რაიმე მოულოდნელობა, გადაულახავი დაბრკოლება ხომ არ ელოდება? ნუთუ შიშით, ხოლო მარიუსს კი სისხლდენით სიკვდილი ელის ამ სიმყარეში? თავში ათასგვარი კითხვა უტრიალებდა და პასუხი კი არსად იყო. უფსკრულია პარიზის წიაღი. უან ვალუანი წინასწარმეტყველივით ურჩხულის წიაღში იყო.

უცბად სრულიად მოულოდნელი რამ შენიშნა, როცა სასოწარკვეთილი მიაბიჯებდა და თვითონაც არ იცოდა, სად მიდიოდა. დარწმუნდა, რომ ახლა აღმართის მაგივრად დაღმართზე დაეშვა გზა. წყალი ფეხის თითებში კი არ სცემდა, როგორც აქამდე, არამედ ქუსლებში. ქვევით ეშვებოდა დერეფანი. რატომ? იქნებ ცოტაც კიდევ და სენას მისდგომოდა. ეს საშინელება იყო, მაგრამ რას იზამდა. უკან დაბრუნება უარესს უქადდა. ისევ გაუყვა გზას.

მაგრამ იგი სენისკენ არ მიდიოდა. სენის მარჯვენა ნაპირი ერთი მხრივ მდინარისკენ ეშვება, მეორე მხრივ კი მთავარი კლოაკისკენ. პარიზის მარჯვენა სანაპიროს ორთფერდა ბორცვიდან ჩამდინარე წყლები სენასა და მთავარ კლოაკაში ჩაედინება.

უმაღლესი წერტილი, საიდანაც წყალსადინარები ყოველმხრივ მიემართებიან, სენტ-ავეუს კლოაკაშია, მიშელ-ლე-კონტის ქუჩის გადაღმა, ლუვრის კლოაკაში, ბულვარების ახლოს, და მონმარტრის კლოაკაში, ცენტრალურ ბაზართან. ამ თხემის უმაღლეს წერტილს აუარა გვერდი უან ვალუანმა. ის ახლა წრიული არხისკენ მიდიოდა და ვერ ხვდებოდა, რომ სწორ გზას ადგა.

ყოველთვის, როდესაც კი დერეფნის განმტოებას მიადგებოდა, ხელს მიმოატარებდა და თუ ახალი უფრო ვიწროდ მოეჩვენებოდა, ვიდრე ძველი, ისევ ძველ გზას გაჰყვებოდა, რადგან სრულიად სამართლიანად განსჯიდა, რომ ვიწრო დერეფანი, განიერში შემომავალი, ჩიხით გათავდებოდა, და მაშასადამე, თავის გზასა და მიზანს ასცდებოდა. ამის წყალობით იყო, რომ გადაურჩა ორ მახეს, რომელთაც ამ სიბნელეში ზემოთ აღნიშნული ოთხი დერეფნის გზაჯვარედინი უშზადებდა.

ერთხანს მიხვდა, რომ უკან მოიტოვა პარიზის ის ნაწილი, სადაც აჯანყების შიშის გამო ყველაფერი ჩამკვდარიყო, და ახლა ჩვეულებრივი, ცოცხალი პარიზის ქუჩებქვეშ მიდიოდა. უცბად ზემოდან შორეული ქუჩილის მსგავსი გრიალი მოესმა. ეს ეტლების ბორბლების ხმა იყო.

ნახევარ საათზე მეტი იქნებოდა, რაც მოდიოდა, მაგრამ აზრადაც არ მოსვლია დასვენება; ოღონდ ხელი გამოიცვალა, რომლითაც მარიუსი ეჭირა. აქ უფრო ბნელოდა, მაგრამ ეს თვალშეუდგამი სიბნელეც საიმედოდ მიაჩნდა.

უცბად თავისი ჩრდილი ეცა თვალში. ეს ჩრდილი პატარა, თითქმის განურჩეველი სინათლის შედეგი იყო, რომელიც ფილაქანზე ეცემოდა მის ფეხქვეშ, თალზე გადადიოდა და მარჯვნივ თუ მარცხნივ დერეფნის სველ კედელზე მისურავდა, თითქოს წინ უძღოდა ჟან ვალჟანს. განცვიფრდა, უკან მიიხედა.

დერეფნის იმ ნაწილში, რომელიც ის იყო, გამოიარა და ახლა მეტად შორეულად ეჩვენა, ელვარებდა და თავისი სხივით ბნელს კვეთდა რაღაც საზარელი ვარსკვლავი, რომელიც ეტყობოდა, ჟან ვალჟანს უყურებდა.

ეს პოლიციის თვალი იყო - მიწისქვეშა ჯურღმულების პირქუში მნათობი.

ამ ვარსკვლავის უკან რვა თუ ცხრა გრძელი, მოკანკალები და საშიში შავი ჩრდილი მოირწეოდა.

თავი მეორე განმარტება

ნ იენის გასცეს ბრძანება, პოლიციამ წყალსადინარი შეამონმოსო. მთავრობას ეშინოდა, იქაც არ იყვნენ ჩამალული აჯანყებულებიო. პრეფექტ უისკეს მიწისქვეშა ქალაქი უნდა გაენმინდა აჯანყებულთაგან, ხოლო გენერალ ბიუჟოს ზედა ქალაქი; ეს იყო ორმაგი დავალება, ერთმანეთზე დამოკიდებული და ორმაგი ძალის დახმარებას მოითხოვდა, - ზემოთ ჯარისას და ქვემოთ კი პოლიციისას. პოლიციელებისა და წყალსადინარის მუშების სამი რაზმი ჩავიდა მიწისქვეშა ქალაქში და შეუდგა აჯანყებულების ძებნას, - ერთი სენის გაღმა, მეორე - გამოღმა და მესამე - ძველ ქალაქში.

პოლიციელები შაშხანებით, ხელკეტებით, ხმლებითა და ხანჯლებით იყვნენ შეიარაღებული.

ჟან ვალჟანისკენ ფარანი რომ მიემართათ, მარჯვენა მხარის მზვერავები იყვნენ.

ის იყო, დაეთვალეირებინათ მრუდი დერეფანი და სამი გაუვალი ჩიხი, რომლებიც კადრანის ქუჩის ქვეშ არის. სანამ პოლიციელები უშველებელ ფარნით ამ ჩიხებს ათვალეირებდნენ, ჟან ვალჟანი ერთი დერეფანს მიადგა და რაკი დარწმუნდა, წინანდელზე ვიწროაო, გვერდი აუარა. როცა პოლიციელები კადრანის ქუჩის ქვედა დერეფნიდან გამოვიდნენ, რაღაც ხმა მოესმათ, თითქოს ფეხის ხმის მსგავსი,

მთავარი არხისკენ მიმავალი. ეს უნ ვალჟანის ფეხის ხმა იყო. პოლიციელების მეთაურმა სერჟანტმა მაშინვე ზევით ასწია ფარანი, ყველანი გაჩერდნენ, ყური მიუგდეს, საიდანაც წელან ფეხის ხმა მოელანდათ.

ამ დროს უნ ვალჟანი რას განიცდიდა, შეუძლებელია გადმოცემა. მისდა საბედნიეროდ, კარგად ხედავდა პოლიციელების ფარანს, ფარანი კი მას ვერ ხედავდა. ფარანი სინათლე იყო, ის კიდევ ჩრდილი. შორს იყო მათგან და დერეფნის სიბნელე ფარავდა. კედელს აეკრა და უძრავად დადგა.

არ იცოდა, რა ხდებოდა იქ, მის უკან. ცალკე უძილობა აწუხებდა, ცალკე დალლა; ახლა შიშშილი, იმხელა მღელვარება და ისე იყო დაქანცული და ღონემიხდილი, რომ აჩრდილს ჰგავდა. შორს ისევ ფარანი და მის ირგვლივ ჭუპრებივით მოფუთფუთე ჩრდილები დაინახა. რა უნდა ყოფილიყო? ვერ გავიო.

შეჩერდა უნ ვალჟანი და ფეხის ხმაც შეწყდა.

იღვინე მზვერავეები ყურთასმინად გადაქცეულნი, მაგრამ აღარაფერი ესმოდათ; შეჰყურებდნენ სიბნელეს და ვერაფერს ხედავდნენ. შეჯგუფდნენ, ბჭობა დაიწყეს.

მონმარტრის წყალსადინარის იმ ადგილას, სადაც უნ ვალჟანი და პოლიციელები იყვნენ, ერთი გზაჯვარედინი იყო, საგუშაგოდ წოდებული; შემდეგში მოშალეს, რადგან, როგორც კი აღიღებოდა წყალი, მაშინვე მთელი ტბა დადგებოდა ხოლმე საგუშაგოში. აქ მზვერავეთა მთელი რაზმი თავისუფლად ეტეოდა.

უნ ვალჟანი მათ შეჰყურებდა. დაინახა, როგორ მეკრეს პატარა წრე ამ ჭუპრებმა, თავები, ბულდოგის დრუნჩს რომ მიუგავდათ, ერთმანეთს მიუახლოეს და ჩურჩულებდნენ. ამ ბჭობის შედეგი ის იყო, რომ შემცდარიყვნენ, არავითარი ფეხის ხმა არ ყოფილა, მათ გარდა იქ არავინ იყო და სრულიად უსარგებლო იქნებოდა წრიული არხისკენ სვლა, დროის ამოდ დაკარგვა, მით უფრო, რომ საჩქაროდ უნდა წასულიყვნენ სენ-მერისკენ, რადგან, თუ ბუზინგოების დაჭერა უნდოდათ, სწორედ იმ უბანში დაიჭერდნენ და არა აქ.

გავა რამდენიმე ხანი და ჩვენი პარტიები ახალ ლანჩას მიიკრავენ ძველ ფეხსაცმელზე. 1832 წელს სიტყვა „ბუზინგო“ სახელი იყო, რომელმაც „იაკობინელი“ შეცვალა, „დემავოგი“ ჯერ თითქმის არც კი ისმოდა, თუმცა მას შემდეგ ფეხი მეტისმეტად მოიკიდა და გავრცელდა.

სერჟანტმა ბრძანება გასცა, მარცხნივ, სენისკენ ჩამავალი ფერდობისკენ წასულიყვნენ. აზრდაც არავის მოუვიდა, თორემ ორივე მხარეს რომ დაენწყოთ ძებნა, უნ ვალჟანი ველარსად წაუვიდოდათ. იქნებ პოლიციელებს პრეფექტურის ბრძანებას კი ჰქონდათ, ვაითუ მრავლად იყვნენ მიწისქვეშ აჯანყებულები და ბრძოლა ავითებოლო, ერთად ეარათ და არ დანაწილებულიყვნენ. პოლიციელები თავიანთ გზას გაუდგნენ, ასე რომ, უნ ვალჟანი უკან დარჩათ. ისე წავიდნენ, რომ უნ ვალჟანი ხეირიანად ვერც კი მიხვდა, რა საფრთხეც ელოდა. გარდა იმისა, რომ ფარანი ისევე უცხად ჩაქრა, როგორც აინთო.

სანამ წავიდოდნენ, სერჟანტმა თავისი პოლიციური სინდისის დასამშვიდებლად იმ მიმართულებით, საიდანაც ფეხის ხმა მოესმათ, უნ ვალჟანისკენ, თოფი გაისროლა. სროლის ხმას ხმა მისცა მიწისქვეშეთის თაღებმა, თითქოს ტიტანური სტომაქი აბუყბუყდაო. თალიდან ბათქამის ნაგლეჯი ჩამოვარდა, რუმი ჩაეტყეპა, უნ ვალჟანის გვერდით, წყალი შეაშხეფა და ამით აუნყა, რომ თოფის ტყვია თაღს ეძგერა, სწორედ მის თავგემოთ.

ცოტა ხანს კიდევ ისმოდა მწყობრად მიმავალი პოლიციელების ფეხის ხმა, უფრო და უფრო მეტად მიყრუებული მანძილის ზრდით; ბოლოს ბნელეთში ჩაიმალნენ მიმავალნი. ერთხელ კიდევ შეანათეს ფარანი თაღს, სხივის რკალით შეამკეს. მერე ისიც დაილია ნელ-ნელა. ისევ ის წყვდიადი და ღუმილი დაანვა ქვესკნელს, კვლავ სიყრუე გამეფდა თავის სამფლობელოში. უან ვალჟანი კი ჯერაც იქ იდგა. ვერ ბედავდა ფეხის გადადგმას; კედელს მიჰყუდებოდა, ყურს უგდებდა პოლიციელების ფეხის ხმას და თვალვდაჭყეტილი შესცქეროდა მიმავალი მზვერავეების აჩრდილებს.

თავი მესამე ღვენილი

სამართლიანობა მოითხოვს ვთქვათ, რომ იმდროინდელი პოლიცია, რაც უნდა ძალიან გამწვავებულიყო საზოგადოებრივი მდგომარეობა, მაინც კეთილსინდისიერად ასრულებდა თავის მოვალეობას და თვალყურს ადევნებდა ყველაფერს. შეიძლება აჯანყება მძვინვარებდეს ქვეყანაში, მაგრამ ამ დროსაც პოლიცია თავის საქმეს არ უნდა ივიწყებდეს და ნებას არ აძლევდეს ქურდებს, თავისუფლად იქურდონ და გაძარცვონ ხალხი; შეიძლება სამიმ მდგომარეობაში იყოს მთავრობა, მაგრამ საზოგადოებასაც უნდა ჰყავდეს მეთვალყურე, რომ ქურდებისა და ყაჩაღების ლუკმა არ გახდეს. მართალია, პოლიციას თავისი პირდაპირი მოვალეობის გარდა მრავალი საქმე დაანვა ამ აჯანყების გამო, მაგრამ თავის საქმესაც არა ღალატობდა და ძველებურად ემსახურებოდა საზოგადოებრივ წესრიგს. თვით პოლიტიკური მოძრაობის ალშიც კი პოლიცია თავისას არ იშლიდა. მოვალეობას ვერც აჯანყება ავიწყებდა, ვერც ბარიკადი და ქურდს ძველებურად უკან სდევდა.

სწორედ ასეთი რამ მოხდა ნ ივნისის ნაშუადღევს მდინარე სენის მარჯვენა ნაპირის ფერდობზე, ინვალიდების ხიდის ოდნავ ქვემოთ. დღეს აღარ არის ეს ფერდობი. მას შემდეგ აქაურობა ძალიან შეიცვალა.

ორი კაცი მიდიოდა იმ ფერდობზე, საკმაოდ დაშორებულნი ერთმანეთისაგან, ერთმანეთის მზვერავნი. წინ მიმავალი ცდილობდა, როგორმე გაჰპარვოდა მეორეს; უკან მიმავალი კი ცდილობდა, ხელიდან არ გაეშვა პირველი.

ეს ჭადრაკის თამაში იყო ერთგვარი, ოღონდ მოთამაშენი ერთმანეთს შორიშორს უდგნენ და ხმას არ იღებდნენ. არც ერთს ეტყობოდა აჩქარება და არც მეორეს, ორივე ნელა მიდიოდა, თითქოს ეშინოდათ, რომ აუჩქარდე, ჩემს მოქმედებას ავაჩქარებო.

რომ დაგენახათ, იტყოდით, დამშეული ნადირი მისდევს ნადავლსო. თუმცა მსხვერპლი ისეთი იერით მიდიოდა, თითქოს სასიეროდ გამოსულიყო, მაგრამ ნადირიც გამოცდილი ბრძანდებოდა და ფრთხილად მიჰყვებოდა.

ღვენილ კვერნასა და მღვეარ მწვეარს შორის მანძილი მტკიცედ იყო დასყული. ღვენილი ღარიბ კაცს ჰგავდა, გამხდარი იყო და საეჭვო სახის; მღვეარი კი მაღალი ტანის კაცი იყო, მკაცრი შეხედულებისა და მასთან შებრძოლება კარგს არაფერს გიქადდა.

წინ მიმავალი თვითონვე გრძნობდა თავის სისუსტეს და ცდილობდა, თავი დაეძვრინა. საშინლად იყო გაბრაზებული, თვალეები ცოფიანივით უელავდა. მის თვალეებში ღვენილი ნადირის ბოღმასაც დაინახავდით, მუქარასაც და შიშსაც

ფერდობი უკაცრიელი იყო. გამვლელი არსად ჩანდა. აქა-იქ სენაში ნაპირზე მიბმული ნაგები ირწეოდა, არც მენავეები ჭაჭანებდნენ და არც მტვირთავეები. ამ ორი კაცის კარგად დანახვა მარტო ბულვარიდან შეიძლებოდა და ამ მანძილიდან რომ შეეთვალეირებინა ვინმეს, წინ მიმავალი მანანწალა ეგონებოდა: დაგლეჯილი ტანისამოსი ეცვა, დამფრთხალი იყო და მთლად ცხსცხსებდა თავის დაფლეთილ ხალათში; მეორე კი, დიდებული წარმომადგენელი მთავრობისა, სერთუკში გამონკვილიყო, და როგორც შეეფერება კარგ მოხელეს, თავით ბოლომდე შეკრული ჰქონდა ღილები.

ახლო რომ ენახა, იქნებ კიდევ ეცნო ჩემს მკითხველს ორივე.

რა განზრახვა უნდა ჰქონოდა უკანას, მდევარს?

აღბათ, უნდოდა ცოტა თბილად შეემოსა წინ მიმავალი ღარიბ-ლატაკი.

მთავრობის კარგად ჩაცმული მოხელე რომ დაინახავს ასე ძონძებით მოსილს, სულ იმას ცდილობს, ის უბედურის მთავრობას შეამოსვინოს; ოღონდ აქ ფერის საკითხი ხდება საკამათო: ვინც ლურჯით არის მოსილი, დიდებულაია, ვინც წითლით, ვაი მისი ბრალი.

არსებობს კიდევ საზოგადოების ლექის მენამული ფერი. სწორედ ასეთ უსიამოვნებასა და ამ სახის მენამულ ფერს გაურბოდა წინ მიმავალი მამაკაცი.

ცხადი იყო, რაღაც განზრახვა ჰქონდა მდევარს, რომ წინ გაუშვა კაცი, უკან მისდევდა და არ იჭერდა. აღბათ, ფიქრობდა, წავიდეს, იქნებ თავისი ბინა მაჩვენოს, ან თავის თანამოსაქმეებთან შევიდეს და ერთის მაგივრად ბევრი მოვიწადირო. ამ ოსტატობას „თვალთვალი“ ჰქვია.

ეს მოსაზრება სრულიად საფუძვლიანი უნდა იყოს, რადგან მდევარმა ფერდობზე ცარიელი ეტლი დაინახა და ანიშნა მეეტლეს; ისიც მიხვდა, აღბათ, მაშინვე იცნო სერთუკიანი და წელი ნაბიჯით შორიასლო მიჰყვა მიმავლებს. ეს ვერ შენიშნა საეჭვო კაცმა, რომელიც წინ მიდიოდა გაცეცხლებული.

ელისეს მინდვრების დაჩრდილულ ხეივანს მიუყვებოდა ეტლი. მეეტლისა და მისი მათრახის ჩრდილი პარაპეტზე მიირწეოდა და თან მისდევდა ეტლს.

პოლიციის საიდუმლო ინსტრუქციაში ერთი ასეთი მუხლია: „ყოველი შემთხვევისათვის, მუდამ ახლო გყავდეთ დაქირავებული ეტლი“.

საკვირველი სიტუაციითა და სტრატეგიული მოხერხებით მიდიოდა ორივე მამაკაცი. მალე დამართის ნაწილს მიადგნენ, რომელიც ნელ-ნელა ეშვებოდა წყლამდე და პასიდან მიმავალ ეტლს საშუალებას აძლევდა, წყალზე ჩაეყვანა ცხენები დასარწყულებლად. მოგვიანებით ეს ადგილიც გათხარეს, რათა სიმეტრიული ყოფილიყო სენის სანაპირო. მართალია, ახლა ცხენები წყურვილით კვდებიან, სამაგიეროდ თვალი ლამაზი სანაპიროს ცქერით ტკებება.

მოსალოდნელი იყო, რომ დევნილი აღმართს შეუდგებოდა, რომ ელისეს მინდვრებზე დამალვოდა მდევარს. იქ ხე კი ბევრია, მაგრამ სამაგიეროდ პოლიციელებიც მრავლად არიან, ასე რომ, იქ მზვერავს ბევრი დამხმარე ყყოლებოდა.

სენის სანაპიროს ეს ადგილი ახლოს არის 1824 წელს პოლკოვნიკ ბრაკის მიერ მორედან პარიზში ჩამოტანილ სახლთან, რომელსაც ფრანსუა I-ის სახლს ეძახიან. იქვე კი პოლიციის საგუშაგოც იყო. ძალიან განცვიფრდა მდევარი, როდესაც დევნილი

აღმართს კი არ შეუდგა, არამედ ისევ თავის გზას გაჰყვა, სენის სანაპიროს გასწვრივ მიდიოდა.

ეტყობოდა, ცუდად იყო მისი საქმე.

ერთადერთიღა დარჩენოდა, სენაში ჩავარდნა, მეტი რა უნდა ექნა?

დევნილმა შეცდომა დაუშვა, სანაპიროზე ასვლის საშუალება მოისპო. აქ აღარც გზა იყო, აღარც კიბე. იმ ადგილს მიახლოებოდა, სადაც მდინარე მიმართულებას იცვლის და იენის ხიდისკენ ბრუნდება, სადაც ნაპირი უფრო და უფრო ვიწროვდება, მიწის წვრილ ზოლად გადაიქცევა და წყალში იკარგება. იქ კი უცილობლად ოთხივე მხრიდან ჩიხში მოექცევა: მარჯვნიდან გზას მოუჭრის ფრიალო კედელი, მარცხნივ და პირდაპირ - მდინარე და ზურგიდან კი მთავრობის ნარმომადგენელი.

მართალია, სანაპირო ისარას ბოლოს ამოეფარებოდა ორი მეტრი სიმაღლის ქვალორღს, რომელიც აქ დანგრეული შენობის შემდგომ დარჩა, მაგრამ ნუთუ საბრალოს იმედი ჰქონდა, რომ დაითარავდა ეს ნაგვის გროვა, რომლის მეორე მხრიდან შემოვლა სულ ადვილი იქნებოდა მდევრისთვის?

ბავშვური იქნებოდა ასე დამალვა. არა, ეტყობოდა, სხვა რამ ჰქონდა განზრახული. არც ასე შიამიტები არიან ქურდები.

მდინარის ნაპირზე ნაგავი პატარა ბორცვად ეყარა და ერთი მხრით წყლამდე ჩადიოდა.

ნაგვის ბორცვი გადაიარა დევნილმა და მდევარს თვალიდან მოეფარა. ველარ ხედავდა მონადირე თავის ნადირს და რაკი ველარც ნადირი დაინახავდა, მთლად დაივიწყა სიფრთხილე, ჩქარი ნაბიჯით გასწია იმ კაცისკენ და ნაგვის გროვას მიუახლოვდა. გარს შემოუარა და განცვიფრდა, აღარსად იყო მისი ნადირი, ამოდ ჩაუარა დევნამ.

აღარსად იყო ის კაცი, - ცას ჩაეყლაპა ან დედამიწას.

ნაპირზე დაყრილ ნაგავს დაეფარა მიწა და პატარა ვიწრო კონცხადღა ჩადიოდა წყალში, სულ ოცდაათი ნაბიჯის სიგრძის ძლივს იქნებოდა.

დევნილი ვერც წყალში გადავარდებოდა, რომ მდევარს არ დაენახა, ვერც ფერდობზე ავარდებოდა, მაშ, სად დაიმალა, სად გაქრა?

სერთუკშეკრული ფერდობის ბოლოში გავიდა და ცოტა ხანს იქ იდგა ჩაფიქრებული, თვალგამტერებული, კარგად ჩანდა, რომ ხელი უკანკალებდა. მერე უცბად შუბლში ხელი იტკიცა, იქ, სადაც მიწა თავდებოდა და წყალი იწყებოდა, ქვის თაღქვეშ საკმაოდ განიერი, დაბალი, რკინის კოჭაკებით დამაგრებული და უშველებელი ბოქლომით დაკეტილი რკინის ცხაური დაინახა. სანაპიროს კედლის ძირას შებმული ეს ცხაური რაღაც კარისმაგვარი იყო, მისი ერთი ნაწილი მდინარეზე გადიოდა, მეორე - ნაპირზე. ცხაურიდან ამღვრეული წყალი მოედინებოდა და სენას ერთვოდა.

დაჟანგებული ცხაურის მიღმა თალიანი და ბნელი გვირაბი მოჩანდა.

სერთუკიანმა გულხელი დაიკრიფა და საყვედურით დაჰყურებდა ცხაურს. ეს არ იკმარა და შეაჯანჯღარა. ნუთუ ვიდაცამ გააღო ეს კარი, მაგრამ ჭრიალის ხმა რომ არ ყოფილა? უცნაური იქნებოდა, რომ ეს დაჟანგებული კარი გაეღოთ და ჭრიალი კი არ დაენყო. და თუ გააღეს, მაშინვე დაკეტეს. ცხადი იყო, იმ კაცს, რომლის წინაც ასე მორჩილად იდებოდა ეს კარი, ჯიბეში ნამდვილი გასაღები უნდა სდებოდა და არა

ქერდის პირმოკაკული ლურსმანი. მაშინვე გაუელვა თავში ამ აზრმა, კიდევ ერთხელ შეაჯანჯლარა კარი და გაბრაზებით წამოიყვირა:

- კარგია, თქვენმა მზემ, ქერდს მთავრობის გასაღები ჰქონია!

მერე უეცრად დამშვიდდა და შემოწოლილი ბოღმა ორსიტყვიანი ფრაზის ზალპით, თითქმის დამცინავად რომ გაისმა, ამოთქვა:

- ერთი უყურეთ! ერთი უყურეთ! ერთი უყურეთ! ერთი უყურეთ!

ამ ძახილით გული მოიჭერა. მერე, ეტყობოდა, რაღაც მოისაზრა საიმედო, - ან გამოვა და ხელს ვტაცებ, ან სხვა დააპირებს შესვლას და იმასაც დავიჭერო, - ნავის გროვის უკან გამოიჭიმა დარაჯად იმ იშვიათი მოთმინებით, რომელიც მხოლოდ მეძებარ ძალს აქვს.

მეეტლევ გაჩერებულიყო, რადგან იმ პოლიციელს მისდევდა და როცა გაჩერებულს დაინახავდა, ისიც ასვენებდა ცხენებს. ახლაც ისარგებლა ამ გაჩერებით, გრძნობდა, რომ დიდხანს მოუხდებოდა ლოდინი, ცხენებს კისერზე ჩამოჰკვიდა დასველებული შერით ნახევრად საესე თოფრა, ასე კარგად ცნობილი პარიზელთათვის, - ამას ისე ვამბობთ, გაკვრით, რადგან სიტყვამ მოიტანა, - რომელთაც ამნაირ თოფრას ხშირად ჩამოაცვამს ხოლმე მთავრობა; იენის ხიდზე ამ დროს გამვლელი ბევრი არავინ იყო, მაგრამ ვინც კი იყო, წამით შეჩერდებოდა და დააქცერდებოდა ამ სანახაობის ორ უძრავ მონაწილეს, - ნაგავთან ატუზულ წესრიგის დამცველს და ბულვარზე მის ეტლს, - და მერე თავის გზას გაუდგებოდა.

თავი მეოთხე

ისიც ეწევა თავის უღელს

პოლიციელები რომ მოიშორა, ისევ გზას გაუდგა უან ვალუანი და აღარსად გაჩერებულა.

მიდიოდა, მაგრამ უფრო და უფრო უძნელდებოდა სიარული. ამ თაღით გადახურული დერეფნების სიმაღლე ერთგვარი არ არის; ადამიანის სიმაღლის გათვალისწინებით, საშუალო სიმაღლე თითქმის ორი მეტრი იყო, მაგრამ ყველგან არა და უან ვალუანი იძულებული ხდებოდა, წელში მოხრილიყო, რომ მარიუსის თავი თაღს არ მოხვედროდა. ყოველწამს უნდა დაკუზულიყო და მერე წელში გასწორებულიყო, განუწყვეტლივ ხელით მოესინჯა ლორწოიანი კედლები, ხელს ვერაფერს მოავლებდა კაცი, რომ თავი შეემავრებინა; ფეხი უსხლტებოდა და საყრდენი კი არსად ჰქონდა. მიდიოდა და მიბარბაცებდა ქალაქის საზიზღარ სიბინძურეში. ცხაურები მეტად შორიმორს იყო და ისე მცირედ ანათებდა ამ ჯურღმულს, რომ გაკამკამებული მზის სინათლე იქ მხოლოდ ბუნდოვან მთვარის შექად ჩადიოდა, ისიც ალაგ-ალაგ. სხვა ყველაფერი ბურუსი, მიაზმები და წყვდიადი იყო.

ამასთან, შიმშილმა და წყურვილმა შეაწუხა, განსაკუთრებით წყურვილმა. აქ ირგვლივ წყალი იყო, როგორც ზღვაში, დაღვევა კი არ შეიძლებოდა. უან ვალუანი ღონიერი კაცი იყო, - ეს უკვე იცის მკითხველმა, - სიბერეს არაფრით შეემციირებინა მისი ღონე, რადგან ძალიან თავშეკავებული იყო, ზომიერების დამცველი ცხოვრებაში; მაგრამ აქ, ეტყობოდა, ძლივსდა უძლებდა თავის ტვირთს, დაღლა ემატებოდა, ძალ-ღონე ელეოდა და უფრო და უფრო ემძიმებოდა ზურგზე აკიდებული დაჭრილი. იქნებ

მარიუსი უკვე მკვდარიც იყო; ისე აწვებოდა, როგორც უსულო ტვირთი. ჭაბუკი ისე ეჭირა უან ვალუანს, რომ თავისუფლად სუნთქვა შესძლებოდა. მიდიოდა და გრძნობდა, რომ ვირთაგვები ედებოდნენ ფეხებში. ერთმა შემინებულმა ვირთაგვამ კინალამ უკბინა. ხანდახან ღერეფნის სასულეღან სინათლესთან ერთად ჰაერსაც ეღირსებოდა და სულს მოითქვამდა.

ნაშუადღევს სამი საათი იქნებოდა, როცა მიუახლოვდა წრიულ არხს, რომელიც გარს უვლის ქალაქს.

განცვიფრდა უან ვალუანი, ღერეფანი მოულოდნელად რომ გაფართოვდა. ახლა კედლებს ველარ სწვდებოდა მისი განვდილი ხელი, იმდენად მაღალი იყო თალი, რომ წელში გაჭიმულიც კი ვერ სწვდებოდა თავით; მართლაც, მთავარი წყალსადინარი სიმალლით ორი და ოთხი მეათედი მეტრია, სიგანით კი ორი და შვიდი მეათედი.

იმ ადგილას, სადაც მთავარი წყალსადინარი მონმარტრის წყალსადინარს უერთდება, ორი მინისქვემა გაღერეა კვეთს ერთმანეთს: პროვანსალოსა და აბატუარის ქუჩების. ყველა ნაკლებად გამოცდილი კაცი დაიბნეოდა ამ ოთხი გზის გადაკვეთაზე. უან ვალუანმა კი ის ამოირჩია, რომელიც ყველაზე განიერი იყო, ესე იგი, მთავარი წყალსადინარი. მაგრამ აქაც გადასანწყვეტი ჰქონდა, აღმართს შესდგომოდა თუ დაღმართს? საჩქაროდ უნდა გადაეწყვეტა და სასწრაფოდ მდინარემდე მისულიყო, მაშასადამე, დაღმართს უნდა დასდგომოდა და მანაც მარცხნივ ჩაუხვია.

კიდევ კარგი, ასე მოიქცა. დიდი შეცდომა იქნებოდა, ეფიქრა, რომ ქალაქის წრიულ არხს ორი გასასვლელი აქვს, ერთი ბერსისკენ, მეორე კი კასისკენ, და ვითომც ეს არხი, როგორც თვით მისი სახელიც აღნიშნავს, პარიზის მარჯვენა ნაპირს გარს უვლის. მთავარ წყალსადინარს, რომელიც როგორც მკითხველს ახსოვს, მილში მოქცეული მენილმონტანის ნაკადულია, თუ ზემოთ, დინების აღმა ავეყვებით, მივალთ ჩიხამდე, ესე იგი, მის სათავემდე - მენილმონტანის ბორცვის ძირამდე. ის არ უერთდება გვერდით არხს, რომელშიც მიედინება პარიზის ჩასადენი წყლები, დაწყებული პოპენკურის კვარტალით და ამლოს მილის გავლით, ძველი კუნძულ ლუვიეს ოდნავ ზემოთ, სენაში ჩაედინება. ეს გვერდითი არხი, რომელიც არხ-კოლექტორის დამატებაა, მისგან ზედა და ქვემო წელის წყლის გამყოფი ქვყარლით არის განცალკევებული სწორედ მენილმონტანის ქუჩის ქვეშ. უან ვალუანი გაღერეას ზემოთ რომ აჰყოლოდა, რის ვაი-ვაგლახით, დალილილ-დაქანცული, ცოცხალ-მკვდარი, ბოლოს და ბოლოს, წყვდიაღში ყრუ კედელს მიაღდგებოდა. ეს კი დასასრული იქნებოდა.

მაგრამ ცოტა რომ უკან დაბრუნებულიყო და ფილ-დე-კალვერის გვირაბში შესულიყო, ოღონდ ბუმრის გზაჯვარედინის ქვემოთ დაკლაკნილ განმტოებაში ფეხი არ შეედგა, სენ-ლუის გვირაბს გაჰყოლოდა, მერე მარცხნივ, სენ-ჟილის შტოსკენ შეეხვია, შემდგომ მარჯვნივ გაბრუნებულიყო, ოღონდ ისე, რომ სენ-სებასტიანის გვირაბს ასცდენოდა, ამლოს წყალსადინარში შევიდოდა და იქიდან, თუ გზა არ აერეოდა ამ ასო T-სავით გაყვანილ წყალსადინარში, რომელიც ბასტილიის ქვეშ არის, სენაში გასასვლელთან მივიდოდა, არსენალის ახლოს. მაგრამ ამისათვის უნდა სცოდნოდა დედაქალაქ პარიზის წყალსადინარის განმტოებანი, მისი შესასვლელ-გამოსასვლელი და ცხაურები. და უან ვალუანს კი, - ვიმეორებთ,მ - არაფერი

გაეგებოდა ამ წყალსადინრისა, სადაც თავი ამოყო და ვედარ გამოდიოდა. რომ ეკითხათ, სად ხარო? ერთი სიტყვითა უპასუხებდა, წყვდიადშიო.

აღლო კარგი ჰქონდა და ეს შველოდა; სამშვიდობოს დაღმართი გაიყვანდა და არა აღმართი.

მარჯნივ დარჩა ორი დერეფანი, მოკაუჭებული ბრტყალებივით რომ იშლება ლაფიტისა და სენ-ჟორჟის ქუჩებქვეშ, ასევე გრძელი, ორად გაყოფილი არხი შოსე დ'ანტენის ქუჩის ქვეშ.

მომკრო გვერდითი გასასვლელი გაიარა - ეტყობა, მადლენის ქუჩის ქვედა განმტობა - და დასასვენებლად შერჩერდა. ერთიანად გასავათდა. საკმაოდ განიერი სასულედან - როგორც ჩანს, ეს ანჟუს ქუჩის ჭა იყო - დღის შუქი ჩამოდიოდა.

ფრთხილად, ნაზად დაუშვა ძირს მარიუსი, თითქოს საკუთარი ძმა ჰყოლოდეს მძიმედ დაჭრილი; მარიუსს მთლად დასისხლიანებული ჰქონდა თავპირი და ისე მოჩანდა ამ სინათლეში, როგორც მკვდარი სამარეში. თვალები დახუჭული ჰქონდა, თმა საფეთქლებზე მიჰკვროდა, როგორც წითელ საღებავში ჩარჩენილი გამხმარი ფუნჯი, ხელები მკვდარივით ძირს დაეშვა, ტანი - გაცივებული, პირთან - შედედებული სისხლი; ყელსახვევის კვანძიც სისხლით ჰქონდა საფხე; პერანგი ჩასჩროდა ჭრილობაში და ტანისამოსის მაუდი ეხახუნებოდა დასისხლიანებულ კისერს. დიდი სიფრთხილით გაუხსნა ჟან ვალჟანმა ღილები და ხელი დაადო გულზე. დაჭრილს ჯერ ისევ უცემდა გული. თავისი პერანგი დახია ჟან ვალჟანმა, შეუხვია ჭრილობები და შეაყენა სისხლდენა. მერე დაიხარა და საშინელი სიძულვილით დააქცერდა მარიუსს, რომელიც ჯერაც გონდაკარგული იყო და ძლივსაღ სუნთქავდა.

ჭრილობის შესახვევად ტანისამოსს რომ უხსნიდა და უკრავდა, ჯიბეს გაჰკრა ხელი, მარიუსს ჯიბეში პური დავიწყებოდა, საფულეც ედო. ჟან ვალჟანმა პური მაშინვე გადააყლაპა, მერე საფულე გადაშალა. პირველ ფურცელზევე თვალში ეცა მარიუსის ხელით დანერილი ოთხი სტრიქონი, მკითხველს ეხსომება, - „მე მარიუს პონმერსი ვარ. ბაბუაჩემთან, ბატონ ფილნორმანთან მიმიტანეთ მკვდარი, ფილ-დე-კალვერის ქუჩა #6, მარეს უბანში“.

საკმაო სინათლე ჩამოდიოდა ცხაურიდან და ჟან ვალჟანმა ეს სიტყვები კარგად წაიკითხა. წამით გაშტერებული იდგა და ჩუმი ხმით იმეორებდა: „ფილ-დე-კალვერის ქ. #6, ბატონი ფილნორმანი“. საფულე ისევ ჯიბეში ჩაუდო მარიუსს. პურმა ოდნავ მოაღონიერა. ისევ აიყვანა ხელში მარიუსი. დაჭრილს თავი მარჯვენა მხარეზე დაადებინა და ისევ გზას გაუდგა.

მთავარი წყალსადინარი, რომელიც მენილმონტანის კალაპოტში, ღარტაფშია გაყვანილი, სივრცეში თითქმის რვა კილომეტრი იქნება. მისი ფსკერი კარგა მანძილზე ქვით არის მოკირწყლული. ჟან ვალჟანს არ ჰქონდა ის ჩირაღდანი, რომელსაც ჩვენ ვიყენებთ, რათა გზა გავუნათოთ მკითხველს მინისქვეშეთში მოგზაურობისას, - მან არ იცოდა ქუჩების დასახელება. მიდიოდა და ისიც კი არ იცოდა, ქალაქის რომელი ქუჩა იყო ზემოთ, რა გაიარა და რა ჰქონდა გასავლელი. ხედავდა, რომ სულ უფრო და უფრო მცირდებოდა ცხაურებში ჩამავალი მზის სინათლე; ეტყობოდა, მზე ჩასვლას აპირებდა და მთლად ჩამოხნულდებოდა მინისქვეშა ქალაქი. გარდა ამისა, ზემოდან აღარ ესმოდა ეტლების შეუწყვეტელი გრიალი და ამით დაასკვნა, ალბათ, უკვე ქალაქგარეთ ვარ გასული და რომელიმე გარეუბანს ვუახლოვდები, ან სენის შორეულ სანაპიროს, საცა სახლებიც ცოტაა და ქუჩებიც ნაკლებად, წყალსადინარსაც

შორიშორს თუ აქვს დატანებული სასულებიო. უფრო და უფრო ბნელდებოდა გზა, მაგრამ მაინც წინ მიდიოდა ხელის ცეცებით.

უცხად საშინელმა წყვლიადმა მოიყვა.

თავი მეხუთე

ქვიშა ქალივით ცბიერია, რამდენადაც ^{სეპ}მომზიდველია,

იმდენად საშიში

გრძნობდა, რომ წყალში მიტოპავდა, ფეხქვეშ ფილაქანი კი არა, ტლაპოლა ჰქონდა.

ხანდახან ხდება, რომ ბრეტანის ან შოტლანდიის სანაპიროზე ზღვის უკუქცევის დროს, ზღვისპირიდან შორს, ქვიშაზე მიაბიჭებს მგზავრი ან მეთევზე და უცხად იგრძნობს, რომ რამდენიმე წუთია, გაჭირვებით ადგამს ფეხს. ქვიშა ისე ეკვრის მის ფეხს, როგორც ფისი; წაღების ლანჩები ქვიშას ეკვრის, თითქოს ფეხქვეშ წებო ჰქონდეს და არა ქვიშა. სრულიად მშრალია ზღვისპირი, მაგრამ როგორც კი ამოაძვრენს ქვიშიდან ფეხს, მაშინვე წყლით ივსება მისი ღრმა ნაფეხური. თვალი კი არავითარ ცვლილებას არ ხედავს. მშვიდია თვალუნდენელი ზღვისპირი, ერთნაირად მოჩანს ყველგან ქვიშა და არაფრით განირჩევა იმ ქვიშისაგან, რომელშიც ფეხი ეფლობა. ფეხებში ზღვისპირა ბუშების პატარა გუნდი უტრიალებს და თან მისდევს მხიარული ბზილით. კაციც მიდის. ცდილობს, მალე გავიდეს მიწაზე. საშიშს არაფერს ხედავს ან რა უნდა იყოს საშიში? მაგრამ გრძნობს, რომ როგორღაც უმძიმდება ფეხი. მიდის, მაგრამ ყოველ ნაბიჯზე გრძნობს, რომ რაღაც მძიმე ეკვრის ფეხებზე და უცხად ეფლობა ქვიშაში სანტიმეტრის სიღრმეზე. არა, ცუდ გზას ადგას, რაღა თქმა უნდა. დგას და ფიქრობს, საით წავიდეს. ძირს რომ დაიხედავს, ფეხებს ვეღარ ხედავს, - ორივე ქვიშაში ჩამალულა. ცდილობს ამოძვრეს ქვიშიდან, უკანვე მიდის და უფრო ღრმად ეფლობა. კოჭამდე ადგას ქვიშა. ამოვარდება, როგორც კი მოახერხებს, მარცხნივ იწევს, იქ უარსია. მარჯვნივ გადავა, მუხლამდე ეფლობა ქვიშაში და მაშინ მიხვდება უბედური, დაუძლეველი შიშით გულგახეთქილი, რომ მოძრავ ქვიშაზე დგას, ფეხქვეშ ის საზარელი წიადავი აქვს, რომელზეც ისე ვერ გაივლის ადამიანი, როგორც თევზი ვერ იცურავებს. მაშინვე მოისვრის ტვირთს, თუ თან აქვს, ისევე მსუბუქდება, როგორც დალუპვის კარს მიმდგარი გემი, მაგრამ გვიანდაა, მუხლზევით ადგას ქვიშა.

ყვირის, ქედს ან ცხვირსახოცს იწევს, მიშველეთო! - ქვიშა კი უფრო და უფრო ითრევს და ადამიანი ღრმად იფლობა. თუ არავინ არის ზღვისპირას, თუ ძალიან შორს არის მიწა, თუ ამ ადგილს ავი სახელი აქვს გავარდნილი, თუ გმირი არავინ არის იმ მხარეს, წასულია მისი საქმე, ქვიშის მსხვერპლი ხდება. ქვიშაში ჩამარხვა მოელის უბედურს, ხანგრძლივი, აუცდენელი, უღმობელი, რომლის არც შეჩერებაა შესაძლებელი და არც აჩქარება; გრძელი და გაუთავებელი, ხელთ იგდებს ჯანსაღ ადამიანს, თავისუფლად მავალს, ფეხებში ჩაეჭიდება, ძირ-ძირს ექაჩება და რამდენადაც მდგრად ცდილობს კაცი თავის დაღწევას, იბრძვის და ყვირის, იმდენად ღრმად ეფლობა. ქვიშა თითქოს ცდილობს, დასაჯოს ეს სიცოცხლისთვის მებრძოლი ურჩი. ნელ-ნელა ითრევს თავის წიაღში და თან საშუალებას აძლევს, გრძნობდეს,

რომ საუკუნოდ ეთხოვება ამ ჰორიზონტს, ხეებს, მწვანე მინდვრებს, სოფლის საკვამურებიდან ამომავალ კვამლს, გემების იალქანს ზღვაში, მფრინავ მგალობელ ჩიტებს, ქვეყნის სულის ჩამდგმელ მშეს და მზის სხივით გაკაჟკაჟებულ ცას. ქვიშაში ეფლობა კაცი. ეს სამარეა ზღვის მოქცევით ადამიანის დასალუჰავად გამოტანილი. ნელ-ნელა სუღარაში ეხვევა ცოცხალი კაცი. ხან დაჯდება უბედური, ხან დანვება, იქნებ ამით მეშველოს რამეო, ხან მიხობავს ქვიშაზე, მაგრამ დამღუპველია ყოველი მისი მოძრაობა; წამოდგება და უფრო ღრმად ეფლობა, გრძნობს, რომ იღუპება, ბღავის, ღმუის, შეჰყვირის ზეცას, ხელებს ნიმტვრევს სასონარკვეთილი. ავერ წელამდე ქვიშაშია უკვე... გულამდე ფარავს ქვიშა, ზეღატანი მოჩანს მხოლოდ, ხელს იქნევს, ღმუის, გაცოფებული გაჰყვირის, ფრჩხილებით ფხოჭნის ქვიშას, ცდილობს, თავი შეიმაგროს ამ ნაცარივით ფხვიერ მიწაში, იდაყვებზე ეყრდნობა, რომ ამოძვრეს როგორმე ამ რბილი კუბოდან, თან მწარედ ქვითინებს... და ქვიშა კი ქვევით ექაჩება უბედურს და შთანთქმას უქადის. ავერ მხრებს მისწვდა ქვიშა, კისერს შეეხო; ადამიანის სახელა მოჩანს მხოლოდ. პირი გაჰყვირის, ქვიშა პირს უესებს და აჩუმებს. დუმილია სრული. თვალღდა იყო ცოცხალი, ზეცას შესცქეროდა; ქვიშამ დაახუჭვინა. დაბნელდა. მერე ნელ-ნელა მცირდება შუბლი, ჰატარა თმის მოძრაობა მოჩანს, ნიავით აღძრული, ქვიშის ზემოდან. ხელი ამოდის ძირიდან, საყრდნობს ეძებს მისუსტებული და ისიც ქვიშით იფარება. აი, ეს არის ადამიანის საზარელი გაქრობა!

ხანდახან მხედარი გაქრება ხოლმე ასე თავისი ცხენით, ხანდახან მთელი ეტლი თავისი მეეტლით. ყველაფერს შთანთქავს ეს მოძრაი ქვიშა. ეს იგივე დახრჩობაა ადამიანისა, ოღონდ სხვანაირი, ვიდრე წყალში. აქ მიწა ახრჩობს ადამიანს. ოკენით რომ გაიჟღინთება დეღამიწა, ხაფანგად გადაიქცევა, ბაღად ეჩვენება ადამიანს და შთანთქავს, როგორც ზღვა. უფსკრულსაც აქვს თავისი სიმუხთლე.

ამგვარი საზარელი დაღუპვა, ყოველთვის მოსალოდნელი, საღმე ზღვისპირას, შესაძლებელი იყო ამ ოცდაათი წლის წინ პარიზის მიწისქვეშა ქალაქშიც.

1833 წელს დაიწყეს და კარგად შეაკეთეს მიწისქვეშა პარიზი, მანამდე კი ხშირი იყო უეცარი მეწყერი.

აქა-იქ ქვენიადგაში, განსაკუთრებით ფაშარ ქანებში, წყალი ჟონავდა; მაშინ ფენილი თუ ქვისა იყო, როგორც ძველ წყალსადინარებში, ან ბეტონისა, როგორც ახალ გაღერებებში, საყრდენს კარგავდა და ჩაშლას იწყებდა. ამას კი ბზარი მოჰყვებოდა, ბზარს კი - მეწყერი და ფენილი საკმაოდ შორ მანძილზე ჩაინგრეოდა. ეს ნაშრალი, ნაბზარი, რომელიც სიბინძურის უფსკრულს გაჩვენებთ, პროფესიულ ენაზე Fontis - ხნარცვი ეწოდება, თავად ტალახს კი - ჭანჭრობი. რა არის ხნარცვი? ეს მიწის ქვეშ ჩამვაგებული ზღვის სანაპიროს მოძრაი ქვიშა; ეს მთა სენ-მიშელის ქვიშაინი გრუნტია, კლოაკაში გადატანილი. განყალბებული ნიადავი გამდნარი გეგონება და ამ თხიერ გარემოში თითოეული მისი ნაწილაკი მოძრავ სისველეში იხსნება. ეს უკვე აღარც მიწაა და აღარც წყალი. ზოგჯერ საფლობი მეტად ღრმა არის ხოლმე და არაფერია მასთან შეხვედრაზე საშიში. თუ წყალი მეტია, წამიერი სიკვდილი გელით - ჩავძირავთ; თუ მიწა ჭარბობს, ნელი სიკვდილი გემუქრებათ - ჩავითრევთ.

წარმოგიდგენიათ ამგვარი სიკვდილი? თუ საშინელებაა ადამიანის დაღუპვა საღმე ზღვისპირას, რა უნდა იყოს ამ ხნარცვი ჩავარდნა ჩასადენ მილებში? - აღარც ჰყერი, აღარც სინათლე, აღარც მზე და მონწენდილი ცა, აღარც სიცოცხლით სავსე ბუნების

ხმაური, აღარც თავისუფლად მოძრავი ღრუბელი, სიცოცხლით რომ რწყავს ქვეყანას, აღარც შორეული გემები, აღარც მოსალოდნელი შველის იმედი, აღარც გამვლელთა დახმარების მოლოდინი სიკვდილის სულ უკანასკნელ წამამდე, აღარაფერი.

ყოველივე ამის მაგივრად დუმილი, წყვდიადი, სიბრმავე, შავი თალი, მზა აკლდამაში სვლა, სიბინძურის ორმოში ჩავარდნა, წელი ხრჩობა სიმყრალით საცხე ქვის ყუთში, სადაც სიბინძურეში ჩამალული ასფიქსია თავისი ბრტყალებით შიგ ყელში სწვდება მსხვერპლს, სიმყრალით შეზავებული გმინვა უბედურისა, ლაფი - ქვიშის მაგივრად, გოგირდოვანი მუყავა - ქარის გრიალის მაგივრად, სიბინძურე - ოკეანის მაგივრად! და თან ყვირილი, ამაოდ ბრძოლა თავის გადასარჩენად და წელი სიკვდილი, როდესაც განწირულის ზემოდან უზარმაზარი ქალაქია, რომელმაც არ იცის, რა ხდება მის ქვემოთ.

სიტყვით გამოუთქმელი საშინელებაა ასე სიკვდილი. ხანდახან სიკვდილი თვითონვე გამოისყიდის ხოლმე თავის სიმკაცრეს ერთგვარი პირქუში სიღიადით. კოცონზე ან გემზე დაღუპვის უკან შეიძლება დიდებულად დახვდეს სიკვდილს; ცეცხლის ალში იქნება თუ ზღვის ზვირთებში, შეიძლება ვაჟკაცურად მოკვდეს კაცი, თითქოს გარდაიქმნა განსაცდელში ჩავარდნილი. მაგრამ აქ კი სიკვდილი ბინძურია, საზარელის მეტს ვერაფერს ხედავს მომაკვდავის თვალი. ლაფი სინონიმია სირცხვილისა, უშვერი, ბილწი შერცხვენა ადამიანისა. მალეზღის კასრში რომ ჩაიხრჩოს კაცი, როგორც კლარენსს მოუვიდა, ეს დასაშვებია, მაგრამ ნავის ორმოში, როგორც დ'ესკუბლო, ეს კი საზარელია. რას შეეჭიდება ამ ყოფაში მყოფი, მყრალ წუმპეს? სულთმობრძეა ადამიანი და მყრალ სიბინძურეს ეჭიდება. იმდენად ბნელია იქაურობა, რომ ჯოჯოხეთად ეჩვენება იქ ჩავარდნილს, და იმდენად მყრალია ლაფი, რომ ბინძურ წუმპეში იგრძნობს თავს, და აღარ იცის მომაკვდავმა, რა მოელის სიკვდილის შემდეგ: აჩრდილად გარდაქმნა თუ ჯოჯოხ?

სხვაგან ყველგან საშინელია სიკვდილი, აქ კი უშვერი.

სხვადასხვა ზომისა იყო ხნარცვის სიღრმე, მისი სიგრძე და სისქე. ეს დამოკიდებული იყო ქვენიადგის ხარისხზე. ხანდახან მეტრისა და უფრო მეტის სიღრმეც ჰქონდა ხნარცვს, ხან კიდევ ორ-ნახევარი და სამი მეტრისაც; ზოგჯერ იმდენად ღრმა იყო, რომ შეუძლებელი ხდებოდა ფსკერის პოვნა. ხან თითქმის მკვრივი იყო ტალახი, ხან ცარიელი ლაფი. ლიუნიერის ხნარცვში მთელი დღის განმავლობაში ძლივს ჩაიმალებოდა კაცი, ფელიპოს ხნარცვში კი ხუთი წუთიც კმაროდა, რომ ჩაძირულიყო. საფლოზი ადამიანს მალე შთანთქავს თუ გვიან, მის სიმკვრივეზე დამოკიდებული. მაგალითად, ბავშვი გადარჩება იქ, სადაც მოზრდილი ჩაიძირება. გადარჩენის უპირველესი პირობაა ტვირთის თავიდან მოცილება. კლოაკის მუშა, როცა იგრძნობდა, რომ მის ფეხქვეშ ნიადაგი იშლებოდა, მაშინვე მოისვრიდა ინსტრუმენტებიან ჩანთას ან კალათას.

მიწის ჩაქცევას სხვადასხვა მიზეზი აქვს: გრუნტის სიფხვიერე, გამოსაკვლევად მიუდგომელ სიღრმეზე შემთხვევითი მენყერი, ზაფხულის კოკისპირული წვიმა, გაუთავებელი ზამთრის ნალექი, შემოდგომის მუინჟულავი წვიმა. ზოგჯერ მერგელის ან ქვიშიან ნიადაგზე აგებული სახლების სიმძიმე მიწისქვეშა თაღებს აწვებოდა და დაბრეცდა, ზოგჯერ კი წნევას ვერ უძლებდა და საძირკველი იზარებოდა. ასიოდე წლის წინ პანთონის შენობამ სენტ-ჟენევივის მთის მიწისქვეშეთის ნაწილი ჩააქცია. როცა სახლების სიმძიმით კლოაკა ჩაიქცეოდა, ეს ნგრევა ზოგჯერ მიწის ზემოთ

ტოვებდა კვალს - ქვაფენილის ქვები ხერხის კბილებივით ზემოთ იყო აშვერილი. ნაბზარი გამსკდარი თალის მთელ სიგრძეზე მიუყვებოდა და მაშინ საჭირო ხდებოდა ზომების მიღება. თუმცა, არცთუ იშვიათად, თაღების ზედაპირს შიდა დაზიანება კვალს არ ამჩნევდა. ასეთ დროს კლოაკის მუშებს დიდი საფრთხე ემუქრებოდა!

ძველ საქმეებში ხნარცვში ცოცხლად ჩამარხული მუშების დაღუპვის რამდენიმე შემთხვევაა აღწერილი; დაღუპულების გვარიც არის მოხსენიებული; მაგალითად, მიწისქვეშა ქალაქის ერთი მუშა, ბლემ პუტრენი, რომელიც კარემ-პრენანის ქუჩის ქვედა წყალსადინარის ჩაქცევას ემსხვერპლა. ეს ბლემ პუტრენი ძმა იყო ნიკოლა პუტრენისა, რომელიც უკანასკნელი მესაფლავე იყო 1785 წლის გაუქმებული უბინოთა სასაფლაოსი.

იქვე იყო მოხსენიებული დიდგვაროვანი ჭაბუკი, მშვენიერი ვიკონტ დ'ესკუბლო, რომელიც ზემოთაც ვახსენეთ, ერთი გმირთაგანი ლერიდის გარემოცვისა, იმ დროის გმირი, როდესაც საბრძოლველად ისე მოკაზმულნი მიბრძანდებოდნენ, თითქოს მეჭლისზე მიდიან, სადაც დარბაზი სავსეა ლამაზი ქალებით, აბრეშუმისწინდინი მამაკაცებითა და ვიოლინოს მუსიკით. ვიკონტი იმ ღამეს თავის დეიდაშვილთან იყო, სურდის პერცოვის ცოლთან, და ქმარმა რომ წაასწრო, ბოტრელის ხნარცვში ჩაიმალა და დაიღუპა. ქალბატონ სურდის რომ მოახსენეს საყვარლის ასე დაღუპვა, მაშინვე სასუნებელი მარლილი მოითხოვა და იმდენი ისუნთქა, რომ ტირილი გადაავინწყდა. ამგვარ შემთხვევაში, სიყვარულიც კი უძლეურია, რადგან სიბინძურე აქრობს სიყვარულს. პერო უარს ამბობს, მე ლეანდრეს ცხედარს არ გაგებანო; პირამეს რომ დაინახავს თისზე, ხელს ნაიჭერს ცხვირზე და შესძახებს: „ჟუ!“

თავი მეექვსე - FONTIS

ჟან ვალჟანი სწორედ Fontis-თან - ხნარცვთან მისულიყო.

მაშინ ელისეს მინდვრებზე, სადაც გრუნტი უვარგისია ჰიდრაულიკური სამუშაოებისთვის და არასაკმარისად მყარი და მეტისმეტად მოძრავი მიწისქვეშა ნაგებობებისთვის, ქვენიდავი სხირად ჩაქცეულა.

იმდენად დიდი იყო ამ ფენის მოძრაობა, რომ გადააჭარბა სენ-ჟორჟის გარეუბნის ქვიშნარსაც კი, რომელიც იმით დაიმორჩილეს, რომ ბეტონის საძირკველი გაუკეთეს, მარტირის ქუჩის ქვემოთ კი, სადაც თიხნარი ფენები აირით იმდენად არის გაჟღენთილი და იმდენად თხიერია, რომ მიწისქვეშა გალერეა თუჯის მილში მოაქციეს. 1836 წელს სენტ-ონორეს გარეუბნის ქვეშ ახლის გასაკეთებლად ძველი ქვის წყალსადინარი დაანგრეეს, - აქ იყო ამჟამად ჟან ვალჟანი, - ელისეს მინდვრებიდან სენის ნაპირამდე მდებარე ქვენიდავის ქვიშნარმა იმდენად დააბრკოლა მშენებლობა, რომ ექვს თვეს მოუწინა ამ საქმეს, რასაც ამ უბნელების დიდი უკმაყოფილება და საყვედური მოჰყვა, მეტადრე საკუთარი სახლებისა და ეტლების პატრონებისა. მეტად მძიმე იყო ეს სამუშაო და საშიშიც ამავე დროს, თუმცა, - ესეც უნდა დავძინოთ, - საქმე ხანგრძლივმა ოთხთვენახევრიანმა წვიმამაც დააბრკოლა და სამჯერ კი სენის წყალდიდობამ.

ჟან ვალჟანი რომ ხნარცვს მიაღვა, ის წინაღობის კოკისპირული წვიმის შედეგი იყო. ფილაქანს ძირს დაენია, რადგან ქვემოდან მერყევი ქვიშნარი ჰქონდა და წვიმის წყალი ჩაეშვა ქვიშაში. წყალი ჩადიოდა და თან ნგრევა მოსდევდა. ძირს დაინია

დამლილმა ფილაქანმა. რამდენად დაინია და რა სიგრძით, შეუძლებელია ამის თქმა. წყალსადინარი აქ უფრო მეტად იყო ჩამობნელებული, ვიდრე სხვაგან. ეს იყო ტალახის მორევი ღამის გამოქვაბულში.

როგორც კი შეტოპა ამ ნუმიში, უან ვალუანმა იგრძნო, რომ ფილაქანი ყანალებდა ფეხქვეშ. გემოდან წყალი იყო და ქვემოდან ტალახი. რაღას იზამდა? უნდა გაველო. შეუძლებელი იყო უკან დაბრუნება. მარიუსი მომაკვდავი იყო და თვითონ მეტად დაქანცული. ან სადღა წავიდოდა? და მიჰყავა ამ გზას, მით უფრო, რომ პირველი ნაბიჯებით არც ძალიან ღრმად ეჩვენა ეს ტალახი. მაგრამ რამდენადაც წინ მიდიოდა, იმდენად მეტად ეფლობოდა ფეხი. მალე ფეხი ნახევრად ტალახში ედგა, მუხლამდე სკვამდა წყალი. მიდიოდა და სულ იმას ცდილობდა, მაღლა აეყვანა მარიუსი, რამდენადაც კი ღონე შესწევდა, რომ წყალს არ დაესველებინა მისი ფეხები, მაგრამ რას იზამდა? ფეხი მუხლამდე ტალახში ჰქონდა და წყალი წელამდე სწვდებოდა. უკან ვეღარც კი დაბრუნდებოდა და უფრო და უფრო ღრმად ეფლობოდა. საკმაოდ მკვრივი იყო ტალახი ერთისთვის, მაგრამ ორის სიმძიმეს კი ვეღარ უძლებდა. ცალ-ცალკე რომ ყოფილიყვნენ, უან ვალუანისც გადარჩებოდა და მარიუსიც. და მაინც, წინ მიდიოდა და თან მიჰყავდა ეს მომაკვდავი, რომელიც იქნებ ცოცხალიც აღარ იყო.

იღლიამდე სწვდებოდა წყალი, გრძნობდა, რომ ცოტაც კიდევ და, ნაიქცეოდა; ძლივსღა იძვროდა იმ სიღრმე ტალახსა და წყალში. კიდევ კარგი, რომ მკვრივი იყო წყალქვეშ ტალახი, მაგრამ სიარულს კი უძნელებდა. მაინც მაღლა ჰყავდა აყვანილი მარიუსი. მიდიოდა და თან ტალახში ეფლობოდა. უკვე მთლად წყალში იყო, თავიღა ჰქონდა მშრალი და ორი ხელი ზევით აწეული მარიუსით. რომელიღაც ძველებურ სურათზე, რომელზეც მსოფლიო წარღვნაა წარმოდგენილი, გამოსახულია სასონარკვეთილი დედა, რომელსაც ასე თავზემით აუწევია შვილი.

უკან გადაავლო თავი, რომ წყალს მორიდებოდა, სუნთქვა შესძლებოდა. ვინმეს ამ სიბნელებში რომ დაენახა, იტყოდა, წყალი ნიღაბს მოაქანებსო. ბუნდოვნად ხედავდა მარიუსის ძირს დაკიდებულ თავს და ფერმიხდილ სახეს. ბოლოს, რაც ძალი ჰქონდა, ერთი ფეხი წინ წადგა, თითქოს საყრდენს ეძებსო. რაღაცას მკვრივს წამოსდო ფეხი და სწორედ დროულად.

წელში გასწორდა, გამავრდა და გაშმაგებული ავარდა ამ საყრდენზე. ეს იყო პირველი საფეხური, რომელიც სიცოცხლისთან დამაკავშირებელი კიბის პირველ საფეხურად ეჩვენა.

უან ვალუანი განწირული იყო, ეს საყრდენი რომ არ შეხვედროდა. საყრდენი, რომელიც სიკვდილის წინა წამს იზოვა, ქვის ფენილის დასაწყისი ყოფილა, რომელიც არ ჩაქცეულა, მხოლოდ დაფასავით ჩაზნექილა წყალში. ასეთ შემთხვევებში კარგად ჩანობილი ფენილი საკმაოდ მყარია. ეს წყალსადინარის მოკირწყლული ფსკერი, ნახევრად დატბორილი, მაგრამ მტკიცე, ერთგვარი კიბე გახლდათ და თუ მასზე შედგამდი ფეხს, გადარჩენილი იყავი. უან ვალუანმა ფეხი სწორედ მასზე შედგა და მენყრის მეორე მხარეს გადავიდა. წყლიდან რომ ამოვიდა, ქვას წამოედო და მუხლებზე დაეცა. ეს ზეცით მოვლენილ ნიშნად ჩათვალა და ასევე დარჩა მუხლმოყრილი, ღვთისადმი მღუმარედ ლოცვის აღმვლენელი.

თავი მეშვიდე

იმედგაცრეება სამშვიდობოს გასვლისას

ერთხელ კიდევ გაუდგა გზას.

თავის სიცოცხლე არ დაუტოვებია ხნარცეში, მაგრამ მთელი ძალ-ღონე კი იქ დარჩა. მეტისმეტი გაჭირვება გამოიარა: იმდენად იყო წელმონწყვეტილი, რომ სამი-ოთხი ნაბიჯის შემდეგ იძულებული გახდა, გაჩერებულიყო. ერთხელ ქვაზედაც კი ჩამოვდა, რომ უფრო კარგად აეყვანა მარიუსი, და რომ დაჯდა, - მე აქედან ვეღარ ავდგებიო, - იფიქრა. ძალა შემოლელიდა. მართალია, მაგრამ ენერჯია კი შეენარჩუნებინა, წამოდგა კიდევ.

იმედმიხდილი მიდოდა, თავდაღუნული, ჩქარი ნაბიჯით, რამდენადაც კი შეეძლო. ასე გაიარა ერთი ასი ნაბიჯი; ჩაფიქრებული მიდიოდა, თითქმის აღარც კი სუნთქავდა და უცბად მოსახვევში კედელს დაეჯახა. გადახედა იქაურობას და პირდაპირ, შორს, ძალიან შორს, სინათლე დაინახა. ახლა კი საიმედო იყო ეს სინათლე; თეთრი სინათლე იყო, სინათლე ღლისა.

აქედან გასასვლელს ხედავდა.

ცოდვილი სული რომ დაინახავს უცბად ცეცხლის ალიდან, თავისი ჯოჯოხეთიდან გასასვლელს, იმასვე იგრძნობს, რასაც უნ ვალუჟანი გრძნობდა. ცოდვილი სულიც იმ გასასვლელისკენ გაფრინდებოდა თავისი დამწვარი ფრთებით, რომ გარეთ გავარდნილიყო. დაღლაც გადაავიწყდა უნ ვალუჟანს, სისუსტეც, მარიუსის სიმძიმეც და ისევ ფოლადის სიმაგრე იგრძნო. უფრო გარბოდა, ვიდრე მიდიოდა, უახლოვდებოდა უფრო და უფრო, კარგად ხედავდა თავის მხსნელ გასასვლელს. ეს იყო ნახევრად მრგვალი თალი, უფრო პატარა და დაბალი, ვიდრე წყალსადინარის თალი იყო; თანდათან ძირს ეშვებოდა და ვიწროვდებოდა. გვირაბის ბოლო ხერხელს ჰგავდა, ვიწრო, მოუხერხებელი გასასვლელით, საპატიმროს ჭიშკარს ჰგავდა, უფრო ციხეს შეეფერებოდა და არავითარ შემთხვევაში - კლოაკას. მოგვიანებით ეს შეუსაბამობა გამოასწორეს.

უნ ვალუჟანი გასასვლელთან მივიდა და გაჩერდა.

ღიას! გასასვლელი იყო, მაგრამ გასვლა კი არ შეიძლებოდა.

ღიდი, მაგარი ცხაური ჰქონდა აფარებული და ეტყობოდა, იშვიათად მოძრაობდა თავის დაჟანგებულ ანჯამებზე. ცხაური მჭიდროდ იყო ჩამაგრებული ქვის ჩარჩოში. ზედ ღიდი, სქელი ბოქლომი იდო, უანვით განითლებული, და აგურს უფრო ჰგავდა. კლიტეში მახვილი კბილი ჩანდა, რკინის რკალში ჩამაგრებული. გასაღების ორჯერ გადატრიალებით უნდა ყოფილიყო დაკეტილი. ძველი დროის ციხეების ბოქლომთაგანი უნდა ყოფილიყო, რომლებსაც ისე უხვად არიგებდა ძველი პარიზი.

ცხაურის იქით იყო სუფთა ჰაერი, მდინარე, მზიანი ღღე, ძალიან ვიწრო, მაგრამ ადამიანის გასავლელად საკმარისი სანაპირო ისარა, პარიზი - ეს უფსკრული, სადაც ისე ადვილად იმალება ადამიანი, ფართო ჰორიზონტი, თავისუფლება.

მარჯვნივ, წყალღალმა, იენის ხიდი მოჩანდა, მარცხნივ, წყალღალმა, ინვალიდების ხიდი, - ძალიან კარგი ადგილი, რომ დაღამებამდე იქ დარჩენილიყო და მერე გაპარულიყო ვაკი. ეს პარიზის ყველაზე უკაცრიელი ადგილი იყო.

ადამიანისთვის დაკეტილ ცხაურში თავისუფლად შედი-გამოდიოდნენ ბუზები.

ცხრის ნახევარი იქნებოდა, ღამდებოდა.

ჟან ვალჟანმა მარიუსი მშრალი კედლის ძირას მიანვინა, მერე ცხაურთან მივიდა, ორივე ხელით მოეჭიდა და შენტლრევა სცადა. ცდა დიდი იყო, ნაყოფი არავითარი; მერე მის გისოსებს დაუწყო სინჯვა, ცალ-ცალკე; სტაცებდა ხელს, მოეჭიდებოდა, - იქნებ ერთი მაინც ამოვადრო, როგორმე რომელიმე გისოსი გავტეხო ან ბერკეტად გამოვიყენო, რომ კარი ავნიოო, მაგრამ ერთსაც კი ვერ უყო ძვრა. ვეფხვის კბილი არ იქნება ისე მაგრად ჩამჭდარი ღრძილში, როგორც ეს გისოსები იყო. იარაღი არ ჰქონდა და ხელით კი ვერ გადაამტკრევედა. გაუვალი იყო ეს გასასვლელი, უძლეველი. შეუძლებელი იყო კარის გაღება.

მამ, ამითი უნდა დასრულებულიყო ამხელა ტანჯვა-წვალება? რა ქნას? უკან დაბრუნდეს? ხელმეორედ შეუდგეს იმ გზას, რომელსაც ძლივს დააღწია თავი? არა, ეს აღარ შეეძლო. ან როგორღა გაივლის იმ ხნარკვს, რომელსაც ერთხელ გადაურჩა ღვთის განგებითა და სასწაულით? რომ გაევილო, პოლიციას ჩაუვარდებოდა ხელში. მართალია, წელან ხელიდან დაუსხლტა, მაგრამ ახლა? ახლაც დაუსხლტება? ან სადღა წავიდეს? რა მიმართულებით? დაღმართს დაჰყვეს? განა სამშვიდობოს გაიყვანს დაღმართი? იქაც რომ ასევე ცხაურით იყოს გამაგრებული გასასვლელი? განა ცხადი არ იყო, რომ მიწისქვეშა ქალაქიდან ყველა გასასვლელი ასე იქნებოდა გამაგრებული? ალბათ, „კორინთთან“ შემთხვევით ღია დარჩათ ცხაური და ამიტომაც იოლად ჩამოძვრა ამ ჯანდაბაში. ახლა სადღა ეძებოს შემთხვევით დაუკეტავი ცხაური? ბარიკადიდან გამოეჭენნ გამარჯვებულ ჯარს და საპატიმროში ამოყვეს თავი.

გათავდა, ამაოდ ჩაუარა ჟან ვალჟანს წვალებამ. როცა კაცს ბრძოლის გაგრძელება აღარ შეუძლია, ესე იგი, დამარცხებულია. ორივე სიკვდილის თვალშეუდგამ ბნელ ქსელში გაიხლართა და ჟან ვალჟანი გრძნობდა, როგორ მიცოცავდა მათკენ საცეცების რხევით შემზარავი ობობა.

ისევ მარიუსისკენ წავიდა, რომელიც ჯერაც არ იძლეოდა სიცოცხლის ნიშანს და ძირს დაეცა იმედმიხილი. გასასვლელი არ ჩანდა. სასონარკვეთილების ფიალაში ეს უკანასკნელი წვეთი იყო.

ვისზე ფიქრობდა ამ ღრმა მჭმუნვარებაში? არც თავის თავზე, არც მარიუსზე. ის კოზეტზე ფიქრობდა.

თავი მერვე

მოგლეჯილი კალთა

ასე სევდით მოცულმა ვილაცის ხელი იგრძნო მხარზე და ჩუმი ხმით ნათქვამი სიტყვაც გაიგონა:

- სანახევროდ.

მამ, ვინმე იყო ამ სიბნელეში? არაფერი ჰგავს სიზმარს სასონარკვეთილებასავით და ჟან ვალჟანსაც სიზმარში ეგონა თავი.

ფეხის ხმა არ გაუგონია. იქნებ მოელანდა?

ზევით აიხედა.

კაცი იდგა მის წინ.

ხალათი ეცვა, ფეხშიშველი იყო; ნაღები მარცხენა ხელში ეჭირა, ალბათ, გაიხადა, რადგან უნდოდა, ისე მიჰპარვოდა, რომ ჟან ვალჟანს არ გაეგონა მისი ნაბიჯების ხმა.

წამიერი ეჭვიც კი არ აღძვრია უან ვალუანს. მოულოდნელი იყო შეხვედრა, უეცარი, მაგრამ მაინც მაშინვე იცნო ის კაცი.

ეს ტენარდიე იყო.

უან ვალუანი მიჩვეული იყო ხიფათს და შეეძლო მოეგერიებინა უეცარი თავდასხმა; ახლაც არ დაბნეულა. ამაზე უარესი რა მოხდებოდა, უკიდურეს საზღვრამდე მისულ მის სასონარკვეთილებას ველარაფერი დაამძიმებდა, თვით ტენარდიეც კი ვერ მოუმატებდა სიბნელეს ამ ღამეს.

წამით მდუმარედ შესცქეროდნენ ერთმანეთს.

ტენარდიემ მარჯვენა ხელით შუბლი მოიჩრდილა, თვალები მოჭუტა, წარბი შეიკრა, - უტყუარი ნიშანი იმ დაკვირვებისა, რომლითაც ცდილობს კაცი ვინმეს ცნობას, მაგრამ ვერ იცნო. უან ვალუანს ზურგში სცემდა სინათლე და გარდა ამისა, ისე იყო განუწული და დასისხლიანებული, რომ შუადღის მზეზედაც ძნელად საცნობი იქნებოდა. ტენარდიეს კი ზედ სახეზე სცემდა ცხაურიდან შემომავალი სინათლე, თუმცა კი სუსტი, მიწისქვეშეთის სიბნელით დამცრობილი, მაგრამ მაინც იმდენად კარგად ჩანდა, რომ ამ გაცვეთილი მეტაფორისა არ იყოს, მაშინვე თვალში ეცა უან ვალუანს. ამ საიდუმლო ღუელში ჩვენი მებრძოლები თანასწორ პირობებში არ იყვნენ, ცოტა უპირატესობა ჰქონდა უან ვალუანს. წინ უდგნენ ერთმანეთს ნიღბიანი უან ვალუანი და ნიღბჩამოხსნილი ტენარდიე.

უან ვალუანი მაშინვე მიხვდა, რომ ტენარდიემ ვერ იცნო.

ერთმანეთს შესცქეროდნენ, სინჯავდნენ, ძალ-ღონეს უზომავდნენ შესაბრძოლებლად. მერე ტენარდიემ ჰკითხა:

- ახლა როგორ უნდა გაბრძანდე გარეთ?

პასუხი არ გასცა უან ვალუანმა.

და ისევ ტენარდიემ განაგრძო:

- შენი გამღებთ ამ კარს ვერ გააღებ და გასვლა კი ძალიან გინდა.

- მართალია, - დაეთანხმა უან ვალუანი.

- ჰოდა, მაშ, სანახევროდ.

- რა, სანახევროდ?

- შენ კაცი მოკალი, ძალიან კარგი, მე კიდევ გასაღები მაქვს, - მოკალიო, რომ თქვა, თითოთ მარიუსზე ანიშნა და განაგრძო, - არ ვიცი, ვინა ხარ, მაგრამ მაინც მინდა დაგეხმარო. გეტყობა, ჩვენიანი ხარ.

ახლა კი მიხვდა უან ვალუანი, - მკვლელად მიიღო ტენარდიემ.

ტენარდიე თავისას გაიძახოდა:

- მაშ, ასე, ძმაო. თუ კაცი მოკალი, ისიც გეცოდინებოდა, რა ჰქონდა ჯიბეში. ნახევარი მე მომეცი და კარს გაგიღებ, - დაფხრწილი ხალათიდან ნახევრად გამოაჩინა უზარმაზარი გასაღები და დაუმატა, - გინდა ნახო, როგორია თავისუფლების გასაღები? აი, უყურე.

უან ვალუანი სახტად დარჩა, თვალებს არ უჯერებდა. ნუთუ თავად ბედისწერა გამოეცხადა ასე საძაგელი სახით, ნუთუ მინიდან კეთილი ანგელოზი ამოვიდა ტენარდიეს ხატად?

ტენარდიემ ხალათის ქვეშ მიმალულ დიდ ჯიბეში ხელი ჩაიყო, თოკი ამოიღო და უან ვალუანს გაუწოდა:

- დაიჭი, ესეც შენთვის შემომიწვია.

- თოკი რაღად მინდა?

- ქვაც გინდა, მაგრამ ქვას წყალთან იპოვი, რამდენიც გინდა.

- ქვა რაღად მინდა?

- რა სულელი ხარ! წყალში არ უნდა ჩააგდო ეს ლეში? თუკი წყალში ჩააგდე, ქვაც უნდა მოაბა, თორემ არ ჩაიძირება.

თოკი გამოართვა. არის ნუთები, როცა კაცი მისდა უნებურად დაჰყავს ყველაფერს.

ამ დროს რაღაც აზრმა გაუელვა ტენარდიეს და თითები გაატაკუნა აღტაცებულმა:

- მართლა, მეგობარო, ამ ხნარცვს როგორ ვადაურჩი? მე კი ვერ ვაგებდე. ფუ! რა აყროლებული ხარ! - პატარა ხანს გაჩუმდა და მერე დაუმატა, - მე რაღაცას გეკითხები და შენ კი... არა, მართალი ხარ, რომ პასუხს არ მაძლევ, გეტყობა, ახლავე გინდა, ისე მოიქცე, როგორც შეჭყერის ჭკვიან კაცს, გამოძიებული რომ დაუნყებს დაკითხვას.

ესეც არ იყოს, ვინც ხმას არ იღებს, არც დაიყვირებს, მაშასადამე, არც იმისი შიში აქვს, მიპოვიან და დამიჭერენო. შენ რა გგონია? აქაოდა ჩემს სახეს ვერ ხედავს და ჩემი სახელი არ იცის, ვერც მიცნობსო? ცდები, ძმობილო, ძალიან კარგად ვხედავ, ვინცა ხარ და რაც ხარ. ვხედავ. ეს ბატონი შემოგაკვდა და ახლა გინდა სადმე ჩამალო. მდინარეს ეძებ, ჰო, მდინარე საიდუმლოების დიდებული მფარველია. ჰოდა, მე დაგეხმარები ამ გაჭირვებაში. გაჭირვებულ ძმაბიჭს შევხვდე და ხელი არ გაუშვარო?

თვითონვე მოუწონა ჟან ვალჟანს დუმილი და მანაც ცდილობდა, ხმა ამოეღებინა როგორმე. მერე მხარში სწვდა, თავისკენ უნდოდა მიებრუნებინა ჟან ვალჟანი, რომ კარგად დაენახა მისი სახე, და შეჰყვირა, იმავე ჩუმი ხმით როგორც აქამდე ლაპარაკობდა:

- მართლაც ნამდვილი ტყის ნადირი ხარ! არა, იმ ხნარცვში ვერ ჩააგდე ეს ტვირთი?

ჟან ვალჟანი დუმდა.

ტენარდიემ კი თავისი შორსმჭვრეტელობისა და სიბრძნის დასამტკიცებლად ყანყარათომდე აიწია ჩვარი, კისერზე რომ ყელსახვევად ეხვია, და უთხრა:

- რომ ჩაუკვირდეს კაცი, იქნებ სწორედ აგრეც უნდა მოქცეულიყავი. ხვალ დილით, აქ მუშები რომ მოვიდოდნენ, რაღა თქმა უნდა, ნახავდნენ ამ მიგდებულ გორგალს, დაშლიდნენ, ძაფს კვალდაკვალ გამოჰყვებოდნენ და გაგბანავდნენ. ვიღაცას გაუვლია მიწისქვეშეთში. ვინ უნდა ყოფილიყო? საიდან უნდა შესულიყო? დაინახა ვინმემ, აქედან რომ გავიდა? თვალის კარგად უჭრის პოლიციას, ყურიც და გონებაც. მიწისქვეშეთი დამსშენია, გაცემდა. ეგეთი მონაპოვარი იშვიათი რამ არის, მთავრობის ყურადღებას მაშინვე მიიქცევს. ან ვინ დატოვებს ხნარცვში მკვდარს, როდესაც ცხვარნინ უდევს დიდი მდინარე? ამ წყალსადინართ ბევრი არავინ სარგებლობს თავისი საქმისთვის და მდინარე კი ყველასია. ნამდვილი საფლავი თუ გინდა, სწორედ მდინარეა. გავა ერთი თვე და, ვნახოთ, სენ-კლუში მეთევზეები დაიჭერენ გახრწნილ გვამს. მერე შენ რა? ვინ მოკლა ეს კაცი? - ჰარიზმა. გამოძიებასაც კი არ შეუდგება მთავრობა. კარგად მოქცეულხარ, რომ აქ არ დაგიტოვებია.

რამდენადაც მეტს ყბელობდა ტენარდიე, იმდენად დამუნჯებული იყო ჟან ვალჟანი. ერთხელ კიდევ სწვდა მხარში ტენარდიე და შეანჯღრია.

- ახლა კი მოვრიგდეთ. სანახევროდ იყოს, ხომ გაჩვენე ჩემი გასაღები. ახლა შენ მაჩვენე ფული.

სასტიკი გამომეტყველება ჰქონდა, მხეცური, საეჭვო, თითქოს ემუქრებოდა კიდევაც და ამავე დროს მეგობრულადაც ექცეოდა.

ერთი რამ იყო უცნაური: ადამიანური არაფერი ჰქონდა ამ კაცს, ეტყობოდა, რალაც აწუხებდა. შეუწყვეტლივ ლაპარაკობდა, ცდილობდა, ჩაეგონებინა უან ვალჟანისათვის, რომ დასამალი არაფერი ჰქონდა და მაინც ჩუმად ამბობდა თავისას, ხანდახან თითს მიიდებდა ხოლმე ტუჩზე და ჩურჩულით იტყოდა: „ჩუმად“. მიზეზი ძნელი გამოსაცნობი იყო. მათ გარდა, იქ არავინ იყო. ყურს არავინ უვლებდა. უან ვალჟანს კი ეგონა, აქ სადმე, არცთუ ძალიან შორს, სხვა ყაჩაღებიც არიან დამალული და ტენარდიე ცდილობს, მათ წილი არ მისცესო.

ტენარდიე კი აჩქარებდა:

- ჰა, მოვრჩეთ! რამდენი ჰქონდა ამ მკვდარს?

უან ვალჟანმა ჯიბეში ხელი ჩაიყო.

მკითხველს ეხსომება, ჩვეულებად ჰქონდა, უფულოდ არსად წავიდოდა, მოულოდნელი ხიფათითა და განსაცდელით სავსე იყო მისი სიცოცხლე და ისიც ცდილობდა, ამ გზით მაინც დახვედროდა შეიარაღებული და უცებ სახტად დარჩა. წუხელ რომ გვარდიელის მუნდირს იცვამდა, ისე იყო გატაცებული სვედიანი ფიქრებით, რომ დაავინყდა საფულის ჯიბიდან ამოღება. ცოტაოდენი ფული ჰქონდა ჟილეტის ჯიბეში, ის ამოიღო, მერე ლაფიანი ჯიბეები გადმოიბრუნა და სულ ერთი ოქრო, ოცფრანკიანი, ორი ხუთ-ხუთფრანკიანი ვერცხლი და ხუთი თუ ექვსი სუ ოპოვა.

ტენარდიემ ქვედა ტუჩი გამოიბიკა, თავი გააქნია და უთხრა:

- სულ იაფად მოვიკლავს.

მერე მისდგა და უან ვალჟანსა და მარიუსს ჯიბეები გაუსინჯა. დაურიდებლად ჩხრეკდა და უან ვალჟანს ნებდებოდა, რადგან არ უნდოდა, მობრუნებულიყო და იმ მკრთალ სინათლეში სახით სჩვენებოდა ამ ქურდს. მარიუსის ჯიბეებს რომ სინჯავდა, ტენარდიემ ოინბაზის ოსტატობით ჩამოაგლიჯა სერთუკს უკანა კალთა და ჯიბეში ჩაიღო, ხალათის ქვეშ, ალბათ, ფიქრობდა, ამ მონახევით მაინც გავიგებ, ვინ არის მოკლულიც და მკვლეელიც... მოკლედ, ჯიბეებში იმ ოცდაათი ფრანკის მეტი ვერაფერი უპოვა.

- ეჰ, რა გაეწყობა, ერთიმეორეს აპკიდებიხართ და ჯიბეც ცარიელი გაქვთ.

დაავინყდა წელან ნათქვამი, - სანახევროდო, - და ჯიბეში ჩაიღო ოცდაათი ფრანკი.

ცოტა ხანს ყოყმანობდა ხურდის გამო. მერე იმასაც ხელი წამოავლო და თან ბუზღუნებდა:

- არა, ასე იაფად კაცს არ მოვკლავდი.

მერე ისევ გასაღები დაანახვა ხალათის ქვემოდან და უთხრა, - ახლა კი უნდა ნახვიდე, მეგობარო. აქაც ისეა, როგორც ბაზარში, ფულს გადაიხდი და მშვიდობით! ფული ხომ გადაიხადე, ახლა გასწი.

სიცოლი აუტყდა, ასე რომ ეხმარებოდა უცნობს და ცდილობდა, ამ მიწისქვეშეთიდან თვითონ კი არა, სხვა გაეყვანა. ნუთუ უანგარო განზრახვა ჰქონდა, დახმარებოდა მკვლელს? ეჭვის შეტანა აქ კანონიერია.

თვითონვე უშველა, მარიუსი ააყვანინა და ფეხაკრეფით, ხმის ამოუღებლად მივიდა ცხაურთან; მიდიოდა და თან უან ვალჟანს ანიშნებდა, მომყევო. მივიდა,

გარეთ გაიხედა, თითო მიიღო პირზე და ცოტა ხანს შეეცოყმანდა. მერე ამოიღო გასაღები, კლიტეში ჩადო, კარი გააღო. კარს ხმა არ გაუღია, არც ჭრიალი, არც ჭრაჭუნი, თითქოს ხელი არავის უხლიაო. ცხადი იყო, ბოქლომიც და ცხაურის ანჯამებიც კარგად იყო გაპოხილი და უფრო ხშირად იღებოდა და იკეტებოდა, ვიდრე პოლიციას ეგონა. საზარელი იყო ცხაურის ასე იღუმლად ტრიალი, უტყუარი ნიშანი იყო იმისა, რომ ღამის რაინდები აქ დაუბრკოლებლად და ხშირად შედიოდნენ და გამოდიოდნენ. ცხადი იყო, მიწისქვეშეთი ბუნავად გაეხადა ყაჩაღების ბრბოს. ეს უსიტყვო ცხაური მალავდა მათ.

გააღო კარი ისე, რომ უან ვალუჟანი გაეტარებინა, მერე ზურგს უკან მიუხურა, ორჯერ გადაატრიალა გასაღები და მიიმალა წყვილიადმი როგორც აჩრდილი. ისე მიდიოდა, თითქოს ვეფხვის ხავერდოვანი თათი აქვს ფეხის მაგივრად. ერთი წამი კმაროდა, რომ უხილაგში შემალულიყო ეს განგებით მოვლენილი საზიზღარი მხსნელი.

უან ვალუჟანი გარეთ იყო.

თავი მეცხრე

ამ საქმის მცოდნეს მარიუსი მკვდარი ჰგონია

მარიუსი მიწაზე მიანვინა.

გარეთ იყო.

უკან დარჩა მიაზმები, წყვილიდი, სიბინძურე. ადამიანის სულისჩამდგმელ ჰაერზე იყო, წმინდა, გულის გამხარებელ ჰაერზე და თავისუფლად სუნთქავდა. აქაც სიჩღუმე იდგა, მაგრამ მზის ჩასვლის შემდგომ გამეფებული მომხიბლავი, ტკბილი სიჩუმე. ბნელოდა უკვე, ღამე მოიპარებოდა, გაჭირვებულთა გამათავისუფლებელი, ყველა იმის გულითადი მეგობარი, ვისაც ჩრდილის საბურველი სჭირდება, რომ თავი დააღწიოს ვაებას. მის წინ ყოველმხრივ იშლებოდა ზეცა, უსაზღვრო მშვიდობის განსახიერება, მის ფეხთით მიედინებოდა მდინარე კოცნის ნელი ხმაურით, ელისეს მინდვრების ხეივნიდან ჩიტების ყუდურტული ისმოდა - თელეებზე გაკეთებულ ბუდეებში მსხდარნი მშვიდობის ღამეს უსურვებდნენ ერთმანეთს. აქა-იქ ვარსკვლავი მოჩანდა, რომლის სხივი ძლივს ჭრიდა მკრთალ ლაჟვარდს და პატარა წერტილად კრთოდა მიბინდულ ცაზე. საღამო თავს ადგა უან ვალუჟანს და ზედ აფრქვევდა უსაზღვროების ნეტარებას.

გაურკვეველი, თან წარმტაცო ნუთი იყო, რომელიც არც ჰოს ურჩევს ადამიანს, არც არას. იმდენად დაღამებულიყო უკვე, რომ შეიძლებოდა ოდნავ მოშორებით თვალთახედვიდან დაგეკარგათ კაცი, მაგრამ ჯერ იმხელა დღეც შემორჩენილიყო, რომ თქვენ ახლოს მდგომი გეცნოთ.

უან ვალუჟანი ამ წარმტაცი მშვენიერებითა და მყუდროებით ტკბებოდა. არის ხოლმე ნუთები, როდესაც ყველაფერი ავინწყდება ადამიანს, თვით სვედაც ტოვებს განწირულს; ყველაფერი ბნელდება გონებაში. სიმშვიდე ღამესავით მოიცავს ტანჯულს. ამ დროს ბინდასაც კი შუქი ეფინება და გამუქებული ზეცის მსგავსად ვარსკვლავდება ადამიანის სული. უან ვალუჟანი უნებური აღტაცებით შეჰხაროდა უსაზღვრო ნათელი მწუხრით მოცულ ცას; ჩაფიქრებული, ლოცვასა და ექსტაზში, მარადიული ზეცის დიად მშვიდობას ერთვოდა. მერე უცბად, თითქოს გულის კენესამ

მოაკონა თავისი მოვალეობაო, მარიუსთან მივარდა, მდინარიდან მეჭით წყალი ამოიღო და ფრთხილად ასხურა სახეზე. წარბიც არ შეანძრია მარიუსმა. პირი კი ოღნავ ღია ჰქონდა და სუნთქავდა.

ის იყო, ხელმეორედ უნდოდა წყლის ამოღება, რომ შედგა, იგრძნო, რომ უკნიდან ვიღაც უყურებდა.

ჩვენ უკვე ვილაპარაკეთ ამ შეგრძნებაზე, რომელიც ერთხელ მაინც ყველას განუცდია.

ჟან ვალჟანი მიბრუნდა.

წელანდელივით ვიღაც იდგა მის უკან და უყურებდა.

მაღალი კაცი იყო, გრძელი სერთუკი ეცვა. მარჯვენა ხელში ტყვიისბუნიკიანი ხელკეტი ეჭირა. რამდენიმე ნაბიჯით უკან იდგა და თვალს არ აშორებდა ჟან ვალჟანს, რომელიც ჯერაც დახრილი იდგა და მარიუსს დაჰყურებდა.

ბინდებულში მოჩვენებას ჰგავდა. ცრუმორწმუნეს შეეშინდებოდა მისი, გამოცდილს - მისი ხელკეტისა.

ჟან ვალჟანმა მაშინვე იცნო ჟავერი.

მკითხველი, რა საჭიროა ამის თქმა, მიხვდებოდა, რომ ტენარდიეს მღევარი ჟავერი იყო. ბარიკადიდან რომ გამოვიდა ასე მოულოდნელად და უვნებლად, მაშინვე პოლიციამ გამოცხადდა და პირადად პრეფექტს სიტყვიერად მოახსენა, რაც ნახა; მერე მაშინვე თავის სამსახურს შეუდგა, რომელიც ავალებდა, თანახმად მისი გაჩხრეკის დროს აღმოჩენილი ბრძანებისა, რომ ეთვალთვალა ელისეს მინდვრებთან მდებარე სენის მარჯვენა სანაპიროსთვის, რომელიც კარგა ხანია, მთავრობისთვის საეჭვო ადგილად გადაქცეულიყო. იქ ტენარდიე დაინახა და უკან გაჰყვა. დანარჩენი ვიცით. ისიც უნდა ვიცოდეთ, რომ ცხაურის გაღება და ჟან ვალჟანის დახმარება ტენარდიეს ხერხი იყო. გრძობდა, რომ იქვე ტრიალებდა ჟავერი; დევნილ ადამიანს ისეთი ალლო აქვს, რომელიც არ მოატყუებს. ტენარდიეც გრძობდა, რომ ძვალი უნდა მიეგდო ამ მეძებრისთვის. კაცის მკვლელი მიუგდო, მეტი რა უნდოდა? ცეცხლსაც უნდა თავისი წილი და არც უნდა დაუჭირო. ტენარდიემ თავის მაგივრად ჟან ვალჟანი გაუშვა, ამით ნადავლი მისცა პოლიციას, დაავიწყა ჟავერის მიერ დევნილი, მიწისქვეშეთში შეპარული, მკვლელის დაჭერით დაავიწყა თავისი კვალი, დააკმაყოფილა ჟავერის ხანგრძლივი დარაჯობა, რაც ძალიან უყვარს ჯაშუშს. ტენარდიემ ჯიბეში ჩაიღო ოცდაათი ფრანკი, თანაც დარწმუნებული იყო, რომ აღარაფერი ემუქრებოდა, რადგან ჟავერი მკვლელისა და მოკლულის საქმის გამოძიებას მოუწოდებოდა.

ვანს გაეყარა და ვეის შეეყარა ჟან ვალჟანი.

უბედურება იყო ამ ორი კაცის, ჯერ ტენარდიესი და ახლა ჟავერის შეხვედრა.

ჟავერმა ვერ იცნო ჟან ვალჟანი, რომელიც როგორც უკვე აღვნიშნეთ, თავის თავს აღარ ჰგავდა. ისევე ისე გულხელდაკრეფილი იდგა, ოღონდ შეუმჩნეველი მოძრაობით მოიმარჯვა ხელკეტი და მოკლედ, მშვიდად დაუსვა კითხვა:

- ვინა ხართ?
- მე გახლავართ!
- ვინ თქვენ?
- ჟან ვალჟანი.

ხელკეტი კბილებით დაიჭირა, ხელი გაითავისუფლა. ჩამუხლა, ღონიერი ხელები უან ვალუანს მხარზე დაადო, მუხრუჭივით მოუჭირა, დააცქერდა და იცნო. სახეებით თითქმის ერთმანეთს ეხებოდნენ. საზარელი თვალთ შესცქეროდა უავერი.

უან ვალუანს წარბივ არ შეუხრია, ისე როგორც ლომი არ მიაქცევს ყურადღებას ფოცხვერის ბრჭყალებს.

- თქვენს ხელთა ვარ, ინსპექტორო უავერ! დღეიდან თავს თქვენს პატიმრად ვთვლი. იმიტომ კი არ მოგვცით ჩემი მისამართი, რომ დაგმალვოდით. დამაპატიმრეთ, ოღონდ ერთი სათხოვარი მაქვს.

ისეთი გამომეტყველება ჰქონდა უავერს, თითქოს არაფერი ესმისო, დაჟინებით შესცქეროდა უან ვალუანს. ნიკაპი დაგრძელებოდა, ტუჩები ცხვირისკენ აებზიკა, - ეს საზარელი ფიქრის ნიშანი იყო. ბოლოს ხელი უშვა უან ვალუანს, წელში გასწორდა, ხელკეტი მოიმარჯვა და თითქოს სიზმარში ყოფილიყოს, წაიხუტბუტა:

- აქ რა გინდათ? ეს კაცი ვინ არის?

ახლაც თქვენობით მიმართა უან ვალუანს.

უან ვალუანმა უპასუხა და თითქოს მისმა ხმამ გამოაფხიზლა უავერი:

- სწორედ ამ უბედურის შესახებ მინდოდა მეთხოვა. თქვენი პატიმარი ვარ, ბატონო. ოღონდ დამეხმარეთ, რომ შინ მივიყვანო დაჭრილი. სხვას არაფერს გთხოვთ.

სახე დაეღრიჯა უავერს, ასე ემართებოდა ყოველთვის, როცა რამეს სთხოვდნენ და ეგონათ, შეგვისრულებსო. სახე დაეღრიჯა, მაგრამ უარი კი მაინც არ უთხრა.

ისევ დაიხარა, ჯიბიდან ცხვირსახოცი ამოიღო, წყალში დაასველა და სისხლი მოსწმინდა მარიუსს შუბლზე.

- ეს კაცი ბარიკადზე იყო, - თქვა ჩემი ხმით, თითქოს თავის თავს ელაპარაკებო, - მარიუსი ჰქვია.

უავერი პირველხარისხოვანი ჯაშუში იყო. ბარიკადელთა ტყვეობაშიც კი, სასიკვდილოდ განწირული, თვალს ადევნებდა ყველაფერს, ყველაფერს ისმენდა და იმასხოვრებდა. სულთმობრძავი მაინც ჯაშუშად რჩებოდა და სამარის კარს მდგომი გულში იწერდა პოლიციისათვის საჭირო ცნობებს.

მარიუსს მაჯა გაუსინჯა.

- დაჭრილია, - უთხრა უან ვალუანმა.

- მკვდარია, - უპასუხა უავერმა.

არ დაეთანხმა უან ვალუანი:

- არა, ჯერ არა.

- და ბარიკადიდან აქ გამოიყვანეთ, - შენიშნა უავერმა.

ალბათ, იმდენად იყო ჩაფლული თავის საფიქრალში, რომ ამ უცნაური გარემოებისთვის ყურადღება არ მიუქცევია, ყურადღება არ მიაქცია არც იმას, რომ უან ვალუანი უპასუხოდ ტოვებდა მის კითხვას:

თავის მხრივ, უან ვალუანსაც თავისი საფიქრალი ჰქონდა, ერთადერთი, და კიდევ მიმართა უავერს:

- მარეში ცხოვრობს. ფილ-დე-კალვერის ქუჩაზე, ბაბუამისთან... სახელი აღარ მაგონდება.

ხელი ჩაუყო უბეში მარიუსს. საფულე ამოიღო. გადაშალა მარიუსის ხელით ფანქრით ნაწერი და უავერს გაუწოდა.

მისამართის წასაკითხად საკმარისი სინათლე ჯერ კიდევ ბუუტავდა. ესეც რომ არ ყოფილიყო, უავერს თვალში ღამის ფრინველების ფოსფორული შუქი ედგა. მარიუსის მისამართის რამდენიმე სიტყვა წაიკითხა და ჩაიბუზღუნა:

- უილნორმანი, ფილ-დე-კალვერის ქ. #6, - მერე შესძახა, - მეეტლევ!

ეტლი ისევ იქ ელოდა.

უავერმა მარიუსის საფულე ჯიბეში ჩაიღო.

მაღე ეტლიც ჩამოვიდა დაღმართით. მარიუსი უკან დაანვინეს, თვითონ წინ დასხდნენ და ეტლი ბასტილიისკენ გაქანდა.

ბულვარიდან ქუჩებში გავიდნენ. შავ აჩრდილად გამოჭიმული მეეტლე მათრახს სცემდა თავის გამხდარ ცხენებს. გამყინავი ღუმილი სუფევდა ეტლში. ეტლის კუთხეში მარიუსის უძრავი სხეული იღო, უსიცოცხლოდ გადმოყრილი ხელებითა და გამოტილი ფეხებით, თითქოს ელის, როდის ჩამანვინენ კუბოშიო. უან ვალჟანი წყვლიადით ნაქსოვს ჰგავდა, უავერი კი ქვისგან გამოთლილს. ამ ბნელ ეტლში, რომელსაც, თითქოს ელვის გამონათებააო, დროდადრო ქუჩის ფარნები ლურჯ სინათლეს სცემდა, შემთხვევამ ერთმანეთს შეჰყარა და პირისპირ დააყენა ტრაგიკული უძრაობის სამი განსახიერება - ცხედარი, მოჩვენება და ქანდაკება.

თავი მეთე

დაბრუნება უძლები შვილისა, ^[SEP]სიცოცხლე რომ გაუფლანგავს

როგორც კი შვირყეოდა ქვაზე ეტლი, წვეთ-წვეთად სისხლი სდიოდა მარიუსს თავიდან.

ღამე იყო უკვე, როდესაც ეტლი ფილ-დე-კალვერის ნომერ ექვს სახლს მიაღდა.

პირველად უავერი ჩამოხტა, თვალი გადაავლო სახლის ნომერს. მერე ზედ ჩამოკიდებული რკინის ჩაქუჩი აიღო, ძველი მოდისამებრ შუბლით ერთმანეთს შეჯახებული თხისა და სატირის გამოსახულებით დამშვენებული, და მაგრად დააკაკუნა კარზე. მეკარე გამოჩნდა ნამძინარევი, მთქნარებით; ხელში შანდალი ეჭირა.

ყველას ეძინა სახლში. აღრე წვებიან მარეს უბანში, მეტადრე აჯანყების დროს. ძველებური მყუდრო უბანია, შიშით ზარდაცემული რევოლუციით, და ძილს ეფარება, როგორც ბავშვი, რომ ეტყვიან ბუა მოდისო, და უცბად საბანს წაიხურავს თავზე.

ამასობაში უან ვალჟანმა და მეეტლემ მარიუსიც გამოიყვანეს ეტლიდან. უან ვალჟანს იღლიებში ამოედო ხელი, ზურგით დაედო გულზე, მეეტლეს დაჭრილის მუხლები ეჭირა...

უან ვალჟანმა მარიუსს ტანისამოსის ქვეშ ხელი შეუცურა, გულზე დაადო და დარწმუნდა, რომ დაჭრილს ჯერ ისევ უცემდა გული. უფრო მეტიც, აქ უფრო მაგარი იყო გულისცემა, ვიდრე წინათ, თითქოს სუფთა ჰაერმა და ეტლის მოძრაობამ ოდნავ გაუცხოველა სიცოცხლის ძალა.

უავერმა, როგორც მთავრობის წარმომადგენელს შეეფერება, როცა აჯანყებულის მსახურს ელაპარაკება, მეკარეს მკვახედ ჰკითხა:

- აქ ცხოვრობს უილნორმანი?

- დიახ, რა გნებავთ?

- შვილი მოუყვანეთ.
- ბატონის შვილი? - ოშესძახა გაკვირვებით მეკარემ.
- მკვდარია.

ჟან ვალჟანი ჟავერის უკან იდგა. ტალახიანი ტანსაცმლით, ლაფში განუწული, შიშით შესცქეროდა მას მეკარე. თავით ანიშნა მეკარეს, არა, ცოცხალიაო.

მეკარეს ეტყობოდა, ვერც ჟავერის ნათქვამი გაეგო, ველარც ჟან ვალჟანის ნიშანი. ჟავერმა განუმარტა:

- ბარიკაღზე იბრძოდა და ავერ, მიიღო...
- ბარიკაღზეო? - შეჰყვირა მეკარემ.
- იქ მოკლეს. მამა გააღვიძეთ.

მეკარე არ იძვროდა.

- წადით, რაღას უყურებთ? - და დაუმბატა, - ხვალ დასაფლავებენ.

ჟავერს საზოგადოებრივი ცხოვრების ყველა მოვლენა კატეგორიებად ჰქონდა დაყოფილი, ამის მიხედვით ინყებოდა სიფხიზლე და თვალთვალი; ნებისმიერ შემთხვევითობას თავისი ადგილი ჰქონდა მინიჭებული; შესაძლო მოვლენებს, ასე ვთქვათ, განსაკუთრებულ ყუთებში ინახავდა, საიდანაც, საჭიროებისამებრ, ერთად ან ცალ-ცალკე იღებდა, გააჩნია, გარემოებას; იყო ყუთი, მაგალითად, ქუჩაში სიმშვიდის დარღვევის, ამბოხების, კარნავალის ან დაკრძალვის.

მეკარემ ბასკი გააღვიძა და ამით გაასრულა თავისი საქმე, ბასკმა, თავის მხრივ, ნიკოლეტი, ნიკოლეტმა კი დეიდა ჟილნორმანი. რაც შეეხება ბაბუსა, არ შეაწუხებს, - დაე ეძინოს, რაც უფრო გვიან გაიგებს, აჯობებსო.

ისე აიყვანეს მარიუსი მეორე სართულზე, რომ არავის გაუგია და ბატონი ჟილნორმანის ოთახის წინკარში, დივანზე დააწვინეს. ბასკი მაშინვე ექიმის მოსაყვანად გაიქცა. ნიკოლეტი საცვლების ძებნას შეუდგა.

ჟან ვალჟანმა ჟავერის ხელი იგრძნო მხარზე. მიხვდა და ოთახიდან გავიდა. ჟავერი უკან მიჰყვა.

მეკარე უყურებდა, როგორ ჩასხდნენ ეტლში, ჯერაც არ გამოფხიზლებულიყო, თვალი ებლიტებოდა.

ეტლში რომ ჩასხდნენ და მეეტლე კოფოზე გამოიჭიმა, ჟან ვალჟანმა ჟავერს უთხრა:

- ინსპექტორო ჟავერ, ერთი რამ კიდევ მინდა გთხოვოთ.
 - რა გნებავთ? - ჰკითხა უკმეხად ჟავერმა.
 - ნება მიბოძეთ წამით შინ შევიარო. მერე კი თქვენი მონა-მორჩილი გახლავარო.
- ცოტა ხანს ჩუმად იჯდა ჟავერი, ნიკაპი სერთუკის საყელოში ჩაეყო, დაფიქრებულიყო. მერე წინა სარკმელი ძირს დაუშვა და დაიძახა:
- მეეტლევ, ლ'ომ-არმეს ქუჩა, #7.

თავი მეთერთმეტე
ურყევის რყევა

ხმა აღარ ამოუღიათ, ისე გაიარეს მთელი გზა.

რა უნდოდა ჟან ვალჟანს? უნდოდა გაესრულებინა ის, რაც დაიწყო, - კომეტი გაეფრთხილებინა, ეთქვა, სად არის მარიუსი. იქნება სხვა საჭირო და სასარგებლო

ცნობაც მიეცა, ან დაერიგებინა, გადაწყვიტა სამომავლო საკითხები და განკარგულება დაეტოვებინა. რაც შეეხებოდა თვით მას, პირადად მას და მის მომავალს, გათავებული იყო ყველაფერი; ჟავერის ხელში იყო და არავითარ წინააღმდეგობას არ უწევდა. სხვა რომ ყოფილიყო ამ მდგომარეობაში, იქნებ მოჰკონებოდა ის თოკი, ტენარდიემ რომ მისცა, და რკინის ცხაურები საპატიმროსი, სადაც მასაც ჩამწყვდევენ; მაგრამ ეპისკოპოსის შემდეგ ყოველგვარი ხელის აღმართვა, თავის თავზეც კი, მისთვის დაუშვებელი იყო.

თვითმკვლელობა, შეუცნობელზე ეს იდუმალი ძალადობა, რომელიც შეიძლება სულსაც კი კლავდა, ჟან ვალჟანს შეუძლებლად ეჩვენებოდა.

ეტლი ლ'ომ-არმეს ქუჩასთან გაჩერდა, აქ ეტლით შესვლა შეუძლებელი იყო სივინროვის გამო. ჟავერი და ჟან ვალჟანი ჩამოვიდნენ.

ამ დროს მეეტლემ თავმდაბლად შეჰბედა „ბატონ ინსპექტორს“, ეტლი უტრეხტული ხავერდით მაქვს გამოკრული და მთლად გასვრილია იმ მოკლეულის სისხლითა და ამ მკვლელის ლაფითო და სთხოვდა, ზარალი აენაზღაურებინათ, თან ჯიბიდან ამოიღო თავისი წიგნაკი და სთხოვა ბატონ ინსპექტორს, იქნება კეთილინებოთ და ზედ დამინეროთ ორი სიტყვა, რომ ერთგულად გემსახურეთო.

ჟავერმა წიგნაკი არ ჩამოართვა, მხოლოდ ჰკითხა:

- რამდენი გერგება იმისი, რაც მოგაცდინეთ, და წამოყვანისა?

- შვიდი საათი გახლავთ და თხუთმეტი წუთი, - მიუგო მეეტლემ, - და ჩემი ხავერდი ხომ სულ ახალი იყო. ოთხმოცი ფრანკი მერგება, ბატონო ინსპექტორო.

ჟავერმა ოთხი ნაპოლეონდორი ამოიღო ჯიბიდან და მეეტლეს გაუსწორდა.

ალბათ, ფეხით მიმიყვანს ბლან-მანტოს პოლიციის საგუშაგომდე ან არქივამდეო, იფიქრა ჟან ვალჟანმა, რადგან ერთიც ახლო იყო და მეორეც.

ვინრო ქუჩაზე გავიდნენ. როგორც ყოველთვის, ახლაც არავინ ჩანდა. ჟავერი უკან მიჰყვებოდა ჟან ვალჟანს. როცა სახლთან მივიდნენ, ჟან ვალჟანმა კარზე დააკაკუნა და გაუღეს.

- კარგი, - უთხრა ჟავერმა, - აბა, ადით, - და უცნაური გამომეტყველებით, თითქოს ძალას ატანს თავსო, დაუმატა, - მე აქ მოვიცდით.

ჟან ვალჟანმა ჟავერს შეხედა: ასეთი ქცევა მისთვის უჩვეულო იყო, მაგრამ არც ძალიან გაიკვირვა, რადგან გრძნობდა, რომ ჟავერი აბუჩად იგდებდა და პატარა თავისუფლებასაც კი აძლევდა, როგორც კატა დაჭერილ თავგს, - გაუშვებს, მაგრამ ისე ახლო ჰყავს, რომ ყოველ წამს შეუძლია გაჰკარას ბრჭყალი, მით უფრო, რომ გადაწყვეტილი ჰქონდა, დამორჩილებოდა ჟავერს და დაესრულებინა თავისი ტანჯვა. კარი შეაღო, შინ შევიდა. დაუძახა მეკარეს, რომელიც უკვე ლოჯინში იწვა და თავის საწოლიდან თოკის გამოწვევით გაუღო კარი, და კიბეზე ავიდა.

მეორე სართულზე რომ ავიდა, შეჩერდა. ყოველ გზაჯვარედინს თავისი სადგური აქვს.

აქ კიბის ბაქანს ფანჯარა ჰქონდა, გილიოტინასავით ასანევ-დასანევი, და ღია იყო. როგორც ბევრ ძველებურ სახლში, კიბეზე სინათლე ქუჩიდან სცემდა, ქუჩის ფარანი სწორედ ამ ფანჯარის პირდაპირ იდგა, კიბის საფეხურებს ანათებდა და ამცირებდა განათების ხარჯს.

ჰერის ჩასაყლაპავად იყო თუ ანგარიშმიუცემლად, უან ვალჰანი ფანჯარასთან მივიდა, გადაიხედა. ეს ქუჩა მოკლე იყო და თავიდან ბოლომდე ანათებდა ფარანი. განცვიფრებული დასცქეროდა იქაურობას, არავინ ჩანდა ქუჩაში.

უავერი წასულიყო.

თავი მეთორმეტე

წინაპარი

ბასკმა და მეკარემ სასტუმრო ოთახში შეიყვანეს მარიუსი, იმავე დღინით, ისევე უძრავად მწოლიარე. ექიმი მაშინვე მოვიდა. დეიდა ჟილნორმანის აბრძანებულიყო.

მიდი-მოდლიოდა გულგახეთქილი, ხელებს იმტვრევდა და - სხვას რას იზამდა? - წუნუნებდა: „ღმერთო მონყალეო, ეს რა ხდება“, - ხანდახან კიდევ მეტიც ნამოსცდებოდა ხოლმე, - „სისხლით გაისვრება აქაურობა“. შიშმა რომ გაუარა, ეს უბედურება ფილოსოფიურად გაიაზრა, რაც ამ სიტყვით გამოითქვა: „ამით უნდა გათავებულიყო ეს საქმე!“ ეს კი არ მიუმატა, - ასეც ვიცოდით, - როგორც ასეთ შემთხვევებში უცილობლად ამბობენ ხოლმე.

ექიმის მოთხოვნით დივნის გვერდით საკეცი საწოლი დადგეს. მან გასინჯა მარიუსი და რაკი ნახა, რომ მაჯა შეუნყვეტლივ უცემდა და გულშიაც არ იყო დაჭრილი, - პირთან მოგროვილი შედედებული სისხლი ცხვირიდან წასკდომოდა, - პირადმა დაანვინა, უბალიზოდ, ისე, რომ თავი იმავე დონეზე სდებოდა, როგორც ტანი, ცოტა უფრო დაბლა, და გულმკერდი მოუშიშვლა, რომ სუნთქვა გაეადვილებინა. ქალბატონმა ჟილნორმანმა გულმკერდმოლიავებული დისწული რომ დაინახა, მაშინვე გავიდა ოთახიდან, შევიდა თავის საძინებელში და ლოცვა დაიწყო.

ტანზე მარიუსს ღრმა ჭრილობა არ ჰქონდა. ერთი ტყვია საფეულეს მოხვედროდა, იქიდან კი ნეკნებს; რბილი ქსოვილში გაუვლია, მაგრამ ღრმად არ შესულა და, მაშასადამე, არც საშიში იყო. ლავინი ჰქონდა გატეხილი. უან ვალჰანმა დიდხანს ატარა ხელში აყვანილი იმ მინისქვეშეთში, ლავინის ნაწილები ძალიან ჩამოშორებოდნენ ერთმანეთს და, თუ იყო რამ საშიში, მარტო ეს. ხელეზეც დაჭრილი ჰქონდა, მარტო თავის კანი იყო დასერილი თუ თავის ქალაც დაზიანებოდა, ამის თქმა ჯერ შეუძლებელი იყო. ცუდი ის იყო, რომ ხანგრძლივმა სისხლდენამ გონი დააკარგვინა და ძალიან დაასუსტა. მარიუსი წელქვევით ბარიკადის კედლის წყალობით სრულიად უვნებლად გადარჩენილიყო.

ბასკი და ნიკოლეტი საცვლებს ხევენენ, რომ ჭრილობის შესახვევი ტილო ჰქონოდათ. ნიკოლეტი კერავდა, ბასკი ახვევდა. სისხლდენის შესაჩერებლად ექიმმა დროებით ბამბა იხმარა. საწოლთან მაგიდა იდგა, ზედ სამი სანთელი ენთო და იქვე ეყარა ყველაფერი, რაც ექიმს დასჭირდებოდა. ექიმმა ცივი წყალი მოითხოვა, თავი და სახე მობანა მარიუსს; წყლით სავსე გოვზაკი უცხად გაანთლა ჩამონახანმა. მეკარეც იქვე იდგა, სანთელი ვჭირა და ექიმს უნათებდა.

ექიმი შეფიქრიანებული იყო, ეტყობოდა, რაღაც ანუხებდა. ხანდახან თავს გაიქნევდა ხოლმე, თითქოს თავს რაღაცას ეკითხება და საიმედო პასუხს ვერ იღებს. ექიმის ეს საიდუმლო კითხვა-პასუხი ავი ნიშანია ავადმყოფისთვის.

ექიმი მარიუსს სახეს უწმენდა, როცა ერთმა მაღალ-მაღალმა, ფერმკრთალმა მამაკაცმა შემოაღო კარი.

ეს მარიუსის ბაბუა იყო.

ორი დღე იყო, რაც ქალაქი აჯანყებულიყო და ეს ძალიან აბრაზებდა. წინაღამეს არც კი სძინებია, მთელი დღე კი სიციხე ჰქონდა. წუხელ ძალიან ადრე დანვა, მანამდე შინაურებს უბრძანა, მაგრად დაკვეთთ კარიო, და მაშინვე ჩაეძინა.

სიბერემ უძილობა იცის. ბატონი ჟილნორმანის საძინებელი სასტუმრო ოთახის გვერდით იყო და, თუმცა ძალიან ცდილობდნენ, არ გავადვიძოთ, შეუძლოდ არისო, მაინც გამოაღვიძა ამ არეულობამ. სინათლე შეპარულა საძინებელში, - გაკვირვებული წამოვარდნილა ლოვინიდან და ის იყო, შეაღო სასტუმრო ოთახის კარი.

გაკვირვებული იდგა, ხელი ჯერ ისევ რაზაზე ედო, თავი წინ წამოეწია, ტანთ გრძელი თეთრი ხალათი ეცვა, უნაკეცო, აჩრდილს ჰგავდა, რომელიც საფლავს ჩასცქერის.

ღანინახა სანოლზე დასისხლიანებული ახალგაზრდა, ცვილივით გაყვითლებული, თვალდახუჭული, პირღია, მკვდრისფერი ბავით, წელამდე შიშველი, დაჭრილი, დასისხლიანებული, უძრავი, გონდაკარგული, სანთლებით განათებული.

გააყურებოდა მოხუცს, რამდენადაც კი გააყურებოდა ძვლად გადაქცეული აგებულება; ხნიერებისგან ჩაყვითლებულ თვალს ჩინი ჩაუქრა, თითქოს შუშის გაუხდა; უცხად გამოეცვალა სახე და ჩონჩხად გარდაიქმნა; ხელები ძირს ჩამოუყვავდა, თითქოს ზამზარა გაუწყდაო; ხელის თითები გაეშალა და შეცივებულივით ცახცახებდა. წინ წამოინია ოდნავ, მუხლი გამოუჩნდა ხალათის ქვეშიდან, თეთრი ბაღნით მოსილი, წინ წამოინია და წაილულღულა:

- მარიუს!

- დიახ, ბატონო, მარიუსი გახლავთ. ეს არის, მოიყვანეს. ბარიკადზე ყოფილა და...

- მკვდარია! - შეჰყვირა მოხუცმა საზარელი ხმით, - აჰ, ეს საძაველი! - წელში გასწორდა ასი წლის მოხუცი, როგორც სიკვდილის ჟამს ხდება ხოლმე, ყმანვილი ბიჭივით გამოიჭიმა და ექიმს მიმართა, - ბატონო, თქვენ ექიმი ხართ, პირდაპირ მითხარით, მკვდარია თუ ცოცხალი?

შენწებულმა ექიმმა პასუხი არ გასცა.

ბატონი ჟილნორმანს სიმწრით ხელები დაეკრუნჩხა, საზარლად ახარხარდა:

- მაჰ, მკვდარია, მკვდარი? ბარიკადს შეაკლა თავი? ჩემი ჯიბრით? ჩემს მოსაკლავად ჩაიღინა ეს საზიზღრობა? აჰ, სისხლისმსმელო! აი, როგორი დამიბრუნდა! ო, უბედურო სიცოცხლევე! მკვდარია, მკვდარი!

ფანჯარასთან მივიდა, მთლად გამოაღო, თითქოს სული ეხუთებაო, იდგა ატუბული და წყვილიდით მოკულ ქუჩას შეჰქვითინებდა:

- ხიმტით განგმირული, ხმლით დაჭრილი, დასერილი, აკუნული! ვერ ხედავთ ამ უმაღურს? კარგად იყოდა, რომ სულ მის ლოღინში ვიყავი, მისი ოთახი გავაწყობინე, ჩემი სანოლის თავზე მისი სურათი ჩამოვკიდე, იმდროინდელი, როდესაც ჯერ ისევ პატარა ბიჭი იყო. კარგად იყოდა, რომ უნდა მოსულიყო, რადგან სულ მას ვეძახდი. გამტერებული ვიჯექი ბუხართან და სულ იმას ვფიქრობდი, რა ვქნა, რა მოვახერხო, რომ დამიბრუნდეს-მეთქი? ოჰ, რა სულელი ვიყავი. ხომ იყოდი, ბიჭო, ხომ კარგად იყოდი, როგორ მიგიღებდი! ოღონდ მოსულიყავი, ოღონდ დაბრუნებულიყავი შენს სახლში და გეთქვა, მე ვარო, განაცვალედი ქვეყანას, დაგემორჩილებოდი შენი გადაყრუებული ბაბუა. ხომ იყოდი, კარგად იყოდი, მაგრამ ფიქრობდი, არა, ბაბუაჩემი მეფის მომხრეა, როიალისტი, მასთან ვერ მივალო. ბარიკადზე ახვედი და ჩემს

მოსაკლავად გასწირე თავი! ნეტავ რა დაგიზავე? იმიტომ, რომ ერთხელ ჰერცოგ დე ბერიზე რაღაც ვთქვი და არ მოგეწონა ჩემი ნათქვამი? და ხედავთ, როგორ გადამიხალა? მოკვდა? აი, ჩემი გაღვიძება!

აქამდე დაჭრილი ანუხებდა ექიმს, ახლა ბატონი უილნორმანიც ზედ დაერთო. ცოტა ხნით მიატოვა მარიუსი. მივიდა მოხუცთან. ხელი დაუჭირა, მობრუნდა ბატონი უილნორმანი, სისხლმორეული თვალებით შეხედა ექიმს და მშვიდად უთხრა:

- გმადლობთ, ბატონო, აი, დავმშვიდდი. მე მამაკაცი ვარ. ლუი XVI-ის სიკვდილი ვნახე და მგონი, ვიცი უბედურების ატანა. ოღონდ საშინელი ის არის, ჩემო ბატონო, რომ სწორედ თქვენი გაზოგოები ქმნიან ცხოვრებას ასე აუტანლად. დაე გყავდეთ მჭაბუნელები, მროშავები, ვეჭილები, ორატორები, ტრიბუნები... კამათი, პროვოკაცი და განათლება, თან ადამიანის უფლება, სიტყვის თავისუფლებაო და აი, როგორ მოვიყვანე შვილებს ოჯახში. ოჰ, მარიუს! საშინელება! მარიუსი მკვდარი მყავს და მე კი ცოცხალი ვარ? ბარიკადზე! ეს საძაგელი! თქვენ ჩვენს უბანში უნდა ცხოვრობდეთ, ექიმო, არა? ვიცი, კარგად ვიცნობთ. ჩემი ფანჯრიდან ხედავთ ხოლმე ეტლით მიმავალს. და აი, რა მინდა მოგახსენოთ: ცდებით, თუ ფიქრობთ, რომ გაჯავრებული ვარ. გიჟი უნდა იყოს კაცი, რომ სიკვდილს გაუჯავრდეს. ეს ბიჭი კი მე გამოვზარდე, უკვე მოხუცი ვიყავი, როდესაც ის სულ პანია იყო. ტიუტორში ჩავიყვანდი ხოლმე სათამაშოდ თავისი პატარა ნიჩბითა და პატარა სკამით. ბალის ზედამხედველი რომ არ ვაგვჯავრებოდა, ჩემი ხელჯოხით ვასწორებდი ბავშვის ნიჩბით ათხრილ მინას. ერთხელ კი შესძახა, ძირს ლუი XVIII-ო და გაიქცა სახლიდან. ჩემი ბრალი არ იყო, მერწმუნეთ. ისეთი ლამაზი ბიჭი იყო, ვარდისფერ-თეთრი. დედა მოუკვდა. თქვენც შენიშნავდით, ბატონო, რომ პატარა ბავშვები თეთრყირომზნი არიან. რა უნდა იყოს ამის მიზეზი? ეს ერთ-ერთი იმ ლუარის ყაჩაღთაგანის შვილია, მაგრამ შვილები ხომ პასუხს არ აგებენ მამების ავკაცობაზე. მახსოვს პატარა რომ იყო, აი, ამსიმაღლე, „დ“-ს ვერ გამოთქვამდა. ისე ტკბილად ჭიკჭიკებდა, ისე გაუგებრად, რომ ჩიტუნია გეგონებოდათ. ერთხელ, მახსოვს, ფარნეზელი ჰერაკლეს ძეგლთან ხალხი შემოგვეხვია ჩემი ბიჭიკოს სილამაზით აღტაცებული, იმდენად მშვენიერი იყო. მხოლოდ მხატვრობაში ნახავს კაცი ისეთ ლამაზ თავს. შევეტყვედი ხოლმე ხანდახან, ჯოსს დავანახებდი მუქართ, მაგრამ იცოდა პანია, რომ ვეხუმრებოდი. დილით რომ შემოვარდებოდა ჩემს ოთახში, ბუზლუნს დავინწყებდი ხოლმე, მაგრამ ის ჩემი მზე იყო, ან როგორ მოიშორებთ თქვენკენ მომავალ ბუთხუზას? მოგვარდებათ, გულში ჩაგეკვრით, ხელს ყელზე მოგხვევთ, აღარ გმორდებათ. თუ მართალი ვნებავთ, ამ ბავშვზე კარგი და საყვარელი არაფერი იყო. რა ფასი აქვს თქვენს ლაფაიტებს, ბენუამენ კონსტანტებს, ტიურკუა დე კორსელებს, ყველა მათ, რომლებიც შვილს მიკლავენ? ეს იოლად არ ჩაუვლით.

მარიუსი ისევ თვალდახუჭული იწვა. უძრავად. ექიმი დაჭრილს დასტრიალებდა. ბაბუჯ მასთან მივიდა, დასცქეროდა და ხელებს იმტვრევდა. თითქოს მექანიკურად აცმაცუნებდა გაცრეცილ ტუჩებს და დროდადრო სიტყვას წამოისროდა ჩუმად, თითქმის გაუგებარს ყურისთვის, - აჰ, შე გულქვაჰ!.. იაკობინელო!.. აგულო!.. რევოლუციონერო!..

ასე საყვედურობდა მომაკვდავი ცხედარს.

მაგრამ მოხუცი ნელ-ნელა მშვიდდებოდა, რადგან დიდ მღელვარებასაც აქვს დასასრული და უფრო დალაგებულად დაიწყო აზროვნება, ოღონდ, ეტყობოდა,

იმხელა ძალა არა ჰქონდა, რომ გამოთქმა შესძლებოდა და ისე მისუსტებული და ყრუ ხმით ლაპარაკობდა, თითქოს უფსკრულის გაღმა დგას და იქიდან გამოიძახისო:

- ეჰ, ჩემთვის სულერთია! მე თვითონ მალე მოვკვდები. არა, წარმოიდგინეთ, რომელი ჩერჩეტი გოგო იტყოდა უარს ამ საძაგლის ცოლობაზე? ამ სულელმა დროს ტარებისა და სიცოცხლის ნეტარებით დატკობის მაგივრად, ბარიკადზე ამოყო თავი და ასე უდროოდ გამოეთხოვა წუთისოფელს? მერე ვისთვის? და რისთვის? რესპუბლიკისთვის?! იმის მაგივრად, რომ ყმაწვილ ბიჭებში ჩარეულიყო და შომიერში წასულიყო საქეიფოდ და საცეკვაოდ! ოცი წლისა ვიყო და არ ვისარგებლო ჩემი სიყმაწვილით? დიდი რამ არის თქვენი სახელოვანი რესპუბლიკა! საწყალი დედები! შობეთ ამის შემდეგ ლამაზი ბიჭები. მერე რისთვის? მაშ, მოკვდა ბიჭი? ჰოდა, ორი კუბო გაასვენონ, თუ აგრეა. მაშ, იმიტომ დამშვენდი მაგ ჭრილობით, რომ გენერალი ლამარკი გესიამოვნებინა? მერე რით მოგხიბლა ასე ძალიან შენმა ლამარკმა? მორკინალი, ყბედი! მკვდრისთვის როგორ გასწირე თავი? მოდი და გაუძელ ამხელა უბედურებას! არა, გაიგეთ, ოცი წლის იყო! ერთხელ მაინც მოეხედა უკან, ენახა, ხომ არავის ტოვებდა აქ, წავიდა და მართო დატოვა გადაყრუებული ბებრები, რომ ობლად დაიხოცონ და სიკვდილის ყუბს გვერდით ახლობელი არავინ ჰყავდეთ! ჯანდაბას შენი თავი, ბებერო ჭოტო! ჰოდა, ძალიან კარგი! სულ იმას ვნატრობდი, უცხად მოემკვდარიყავ და უცხადაც მოვკვდები. როგორ გაუძლებ ამ უბედურებას? მეტად მოეხუცდი, ასი წლისა ვარ, ასი ათასი წლისა ვარ! დიდი ხანია სიკვდილის უფლება მაქვს, ჰოდა, კიდევ მოვკვდები, ეს გადამიტანს! მაშ, მორჩა, გათავდა? ოჰ, მადლობა ღმერთს! რაღად უნდა, ბატონო, თქვენი ნიშადური, რომ ასუნთქებთ, და ეგ წამლები? ტყუილად ირჯებით, სულელო ექიმო! იგი მკვდარია, ნამდვილი მკვდარი. მე ამაში არ მოვტყუვდები, რადგან მე თვითონაც მკვდარი ვარ. თუ სიკვდილი უნდოდა, კიდევ მოკვდებოდა, შუაგზაზე არ უყვარდა გაჩერება! ოჰ, რა სამარცხვინო დრო დაგვიდგა! სამარცხვინო, სამარცხვინო, და აი, პირდაპირ გეუბნებით ჩემს აზრს, თქვენც შეგეხებათ ეს ჩემი აზრი, თქვენს იდეებს, თქვენს სისტემას, თქვენს დიდებულებას, თქვენს მისნებს, თქვენს მეცნიერებას, თქვენს არამზადა მწერლებს, თქვენს გაიძვერა ფილოსოფოსებსაც და ყველა თქვენს რევოლუციასაც, რომლებიც სამოცი წელიწადია მოსვენებას აღარ აძლევს ტიუილრის ხეებში დაბუდებულ ყვავ-ყორანს. და რაკი აგრე გულქვა ყოფილხარ, რომ არც კი მოგაგონდი, თავს რომ აკვლევინებდი, მეც აღარად ჩავავადებ შენს სიკვდილს, გესმის, მკვლელი?!
ამ დროს მარიუსმა ნელა გაახილა თვალი და ლეთარგიული განცვიფრებით, დაბინდული მზერით დააცქერდა ბატონ უილნორმანს.

- მარიუს! - შეჰყვირა მოხუცმა, - შეილო, მარიუს! ჩემო ბიჭიკო! ჩემო საყვარელო შეილო! თვალი გაახილე? კიდევ შემომხედე ბაბუაშენს? ცოცხალი ხარ, შეილო, ცოცხალი ხარ! ოჰ, გმადლობ...

და ძირს დაეშვა გულშეღონებული.

წიგნი მეოთხე
ჟავერს გზა აერია

წელი ნაბიჯით მიდიოდა ჟავერი ლ'ომ-არმეს ქუჩიდან.

თავდაღუნული მიდიოდა. სიცოცხლეში პირველად დახარა თავი და პირველად შემოინცო ზურგზე ხელები.

აქამდე ნაპოლეონს მართო ერთ რამეში ჰბაძავდა: გადანყვეტილების მიღების გამოსახატავად გულხელს დაიკრეფდა და როდესაც უჭირდა რაიმე საკითხის გადანყვეტა, ყოყმანს გამოხატავდა. ნაპოლეონის მეორე ჩვეულება - ხელების ზურგზე დადება - უცნობი იყო ჟავერისთვის და დღეს პირველად იყო, რომ ამაშიაც მიჰბაძა. რაღაც ცვლილება მომხდარიყო მასში, მთელი მისი არსება, კუჭტი და ტლანქი, რაღაც მწუხარებით იყო მოცული.

უკაცრიელ ქუჩაზე გავიდა.

თუმცა ერთი მიმართულებით მიდიოდა.

უმოკლესი გზით სენისკენ გადაუხვია, ორმის სანაპიროზე გავიდა, ნაპირს გაუყვა, გაიარა გრევის მოედანი და ნოტრ-დამის ხილთან შეჩერდა, შატლეს მოედნის საგუშავო პოსტის შორიახლოს. ამ ადგილას, ნოტრ-დამისა და შანჟის ხიდების, ასევე მეუსერისა და ფლერის სანაპიროების გადაკვეთაზე, სენა კვადრატული ტბისმაგვარია, შუაში ჩქერი.

სენის ამ ნაწილს მენავეები თავს არიდებენ, მეტად საშიშია მისი ჩქერი, რომელიც იმ დროს მრისხანედ ბუყბუყებდა წისქვილების ხიმიწებს შუა. წისქვილები ხიდზე იყო ჩამწკრივებული და ისინი მოგვიანებით დაანგრის. ერთმანეთთან ახლო მანძილზე ამენებული ეს ხიდები კიდევ უფრო ზრდის საფრთხეს, რადგან მათ თაღებქვეშ წყალი საშინელი სისწრაფით მიედინება; მიედინება ფართო, ბოხოქარ ნაკადებად, ბუყბუყებს და ყალყზე დგება, ტალღები გაშმაგებით ეხეთქებიან ხიდის ბურჯებს, თითქოს მძლავრი წყლის გვარლებით ძირფესვიანად ამოთხრას უპირებენ.

დაიღუპება, ვინც აქ ჩავარდება, ძალიან კარგადაც რომ იცოდეს ცურვა, ვეღარ გამოვა.

ჟავერი წყალს დასცქეროდა. მოაჯირზე დაეწყო ხელები, ნიკაპით დაჰყრდნობოდა თავის ხელს, თითებით თავისდა შეუმჩნევლად წვერს იწინკნიდა და ღრმა ფიქრს მისცემოდა.

მის სულში გარდატეხა, გადატრიალება, კატასტროფა მოხდა და მართლაც ჰქონდა საფიქრალი. რამდენიმე საათი გავიდა და მთლად გამოიცვალა კაცი; თავს ვეღარ ცნობდა. გონებამ მისმა, ასე ნათელმა თავის სიბრმავეში, მისთვის ჩვეული გამჭვირვალობა დაკარგა. გრძნობდა, რომ მოვალეობის გრძნობა გაორებულიყო და არ შეეძლო, ეს არ შეეგნო. წელან სენის ნაპირას რომ დაინახა ჟან ვალჟანი, უცბად გაიღვიძა მის არსებაში მგელმა, რომელმაც ხელთ იგდო თავისი ლუკმა, და იმავე დროს ძაღლის ინსტინქტმა, რომელმაც ისევ იპოვა თავისი პატრონი.

ორი გზა გადაჭიმულიყო მის თვალწინ, ორივე სწორი, მაგრამ ორივეს ხედავდა და ეს აძრწუნებდა, რადგან აქამდე მხოლოდ ერთი გზა იყო - პირდაპირი. საშინელება ის იყო, რომ ეს ორი გზა ერთმანეთს უარყოფდა, ერთმანეთს აბათილებდნენ; რომელი იყო ამ ორში ჭეშმარიტი?

მდგომარეობა აუტანელი ჰქონდა.

თუ ვადარჩა, ჟან ვალჟანის წყალობით ვადარჩა, საზოგადოებიდან განდევნილის, დაგმობილის წყალობით იყო ცოცხალი; კატორღელის ვალი დაედო და იძულებული იყო, უნებურად ვალი გადაეხადა მართლმსაჯულებისგან რამდენჯერმე დასჯილი ყაჩაღისთვის. კატორღელისგან, რომელიც მთავრობას ემალებოდა, მიეღო ბრძანება,

- გასწი, წადიო, - და ახლა თვითონაც იგივე უნდა ეთქვა, - თავისუფალი ხარო. არადა, კარგად იყოდა, რომ მთავრობა დაეძებდა ამ კაცს. პირადი განზრახვის გამო უნდა ელაღებოდა თავისი მოვალეობისთვის, გარდა ამისა, იქნებ საყოველთაოდ სავალდებულო უმაღლესი კანონის წინაშე ვალდებულებასაც გრძნობდა. საზოგადოებას ლაღობდა, რომ უმნიშვნელო დარჩენილიყო თავისი სინდისის წინაშე. ყველა ეს უაზრობა სწორედ მას დაატყდა თავს, სწორედ მას! აი, ეს აფორიაქებდა და თავზარს სცემდა. აცვიფრებდა ის გარემოება, რომ უან ვალჟანმა დაინდო, და აძრწუნებდა ის, რომ თავადაც, ჟავერმაც არ გასწირა უან ვალჟანი.

ახლა სად იყო? ეძებდა და თავისი თავი ველარ ეპოვა ჟავერს.

როგორ მოიქცევს? გასცევს უან ვალჟანი? ეს ცუდი იქნება. გაუშვას? ესეც ცუდი იქნება. პირველ შემთხვევაში მთავრობის ერთგული მოხელე უფრო მეტ საზიზღრობას სჩადის, ვიდრე კატორღელი. კატორღელი კანონზე მაღლა დგება და ფეხით თელავს კანონიერებას. ასე იქნება თუ ისე, ლაფს დაისხამს ჟავერი. ცუდი ის იყო, რომ საითაც უნდა წასულიყო, შერცხვენილი დარჩებოდა, მიწასთან გასწორებული. ბედისწერას თავისი მწვერვალი აქვს. ამ მწვერვალით თავდება სიცოცხლის შესაძლებლობა. მხოლოდ უფსკრული არის მწვერვალის გადაღმა.

ყველაზე მეტად ის აწუხებდა, რომ იძულებული იყო, ეფიქრა. ფიქრი კიდევ სრულიად უცხო რამ იყო ჟავერისთვის, სრულიად უჩვევი და ამიტომ მტკივნეულად მოქმედებდა მასზე.

ფიქრისას შინაგანი წინააღმდეგობა იწყება. ამასაც გრძნობდა და ეს უფრო ახელებდა.

ნებისმიერი ფიქრი, რაც მის მოვალეობათა ვიწრო წრიდან გადიოდა, ნებისმიერ გარემოებაში უსარგებლო და დამღლევი ეჩვენებოდა! გასული დღის მოვლენებზე ფიქრი მისთვის ტანჯვა იყო. მაგრამ მას შემდეგ, რაც გადაიჭანა, აუცილებლად უნდა ჩაეხედა თავის სინდისში და საკუთარი თავისთვის ანგარიში ჩაებარებინა.

თავისი საქციელის მოგონებაზე აკანკალებდა. ვერ გაეგო, როგორ მოხდა, რომ მან, ჟავერმა, შესაძლებლად ცნო კაცის გაშვება, როდესაც პოლიციის დებულება სულ სხვას უბრძანებდა, საზოგადოებრივი წესწყობილებაც, მართლმსაჯულებაც და კანონიერებაც? იმიტომ, რომ პირადად მისთვის იყო სასარგებლო? თავის პირადს ანაცვალა საზოგადოებრივი? განა ეს ეპატიება პატიოსან კაცს? თავით ფეხამდე თრთოდა, როგორც კი წარმოიდგენდა ამ სამარცხვინო საქციელს, რომლისთვისაც შესაფერი სახელიც კი ვერ ეპოვა. რომელ გზას დასდგომოდა? ერთადერთილა დარჩენოდა, - დაბრუნებულიყო ლ'ომ-არმეს ქუჩაზე და დაეპატიმრებინა უან ვალჟანი. ცხადი იყო, ასე უნდა მოქცეულიყო. ცხადი იყო, მაგრამ არ შეეძლო.

რალაც უღობავდა გზას იქით მიმავალს.

რა უღობავდა? განა არსებობდა რამე ამქვეყნად გარდა სასამართლოსი, გარდა მსაჯულთა დადგენილებისა, გარდა პოლიციისა და მთავრობისა?

ჟავერი თავზარდაცემული იყო.

კატორღელი დაინდო! მთავრობის სასჯელი ააცდინა. მერე ვინ ჩაიღინა ეს? ჟავერმა!

როგორ წარმოიდგენდა, რომ ჟავერი, რომელიც იმისთვის არსებობს, რომ სჯიდეს, და უან ვალჟანი კი იმისთვის, რომ დაისჯოს, ეს ორი კაცი, რომლებიც

კანონის საკუთრებას წარმოადგენენ, იქამდე მისულან, რომ კანონს გაურბიან? განა შეიძლება მეტი საშინელების წარმოადგენა?

როგორ? ამგვარი საზიზღრობა მოხდეს და არავინ დაისაჯოს? მაშ, უან ვალუჟანმა, რომელიც უფრო ძლიერი აღმოჩნდა, ვიდრე მთელი ჩვენი საზოგადოებრივი წესწყობილება, თავისუფლად უნდა იპარპაშოს? თვით უავერმა კიდევ ძველებურად განაგრძოს მთავრობის ხარჯზე ცხოვრება?

ამ ფიქრებს თანდათან გავიჟებამდე მიჰყავდა.

ისე მორეოდა, ერთხელაც არ მოჰკონებია, რომ უან ვალუჟანს ბარიკადზე დაჭრილი, აჯანყებული მთავრობის მტრის გადარჩენაში დაეხმარა და ფილ-დე-კალვერის ქუჩაზე დააბინავებინა. აღარ აგონდებოდა, მით უფრო, რომ მის პატარა დანაშაულს დიდი ფარავდა. ეგეც არ იყო, აჯანყებული უკვე მოკვდებოდა, თუ მკვდარი არ იყო და კანონის მიხედვით კი დამნაშავის ღევნა სიკვდილით წყდება.

უმთავრესი უან ვალუჟანი იყო, სწორედ ეს ანუა მძიმედ გულზე.

თავგზა აუბნია უან ვალუჟანმა, ძირს დაანარცხა და საფუძველი გამოაცალა მის ყოველ უტყუარ ჭეშმარიტებას. უან ვალუჟანის დიდსულოვნებამ დათრგუნა. სხვაც ბევრი აგონდებოდა წარსულიდან, რაც მაშინ სისულელედ და სიყალბედ მიაჩნდა და ახლა კი სრულ სიმართლედ ეჩვენებოდა. უან ვალუჟანის უკან ბატონ მადლენს ხედავდა და გრძნობდა, მართო ახლა გრძნობდა, რომ ერთი იყო ეს ორი კაცი, მადლენ-ვალუჟანი, კეთილშობილი და სათაყვანო. გრძნობდა უავერი, რომ რაღაც საშინელება უძვრებოდა გულში - კატორღელისადმი პატივისცემა. პატივს სცემდა კატორღელს! განა ეს შესაძლებელი იყო? აღმფოთებული, შერცხვნილი კანკალებდა. იძულებული იყო, გულის სიღრმეში ელიარებინა, რომ კუან ვალუჟანი მართლაც დიდსულოვანი კაცი იყო. უავერი დამარცხდა და ეს ვერ აეტანა.

ბოროტმოქმედი იყოს კაცი და მაინც კეთილისმყოფელი? კატორღელი და ლმობიერი? საკვირველი იყო, შეუძლებელი! ბოროტებას სიკეთით უხდიდა მტერს, სიძულვილის წილ სიყვარულით ხვდებოდა თავის მდევნელს; ჯავრის ამოყრის წილ სიბრაღულით იცავდა თავის სისხლისმსმელს. თვითონ იღუპებოდა, რომ თავისი მტერი არ დაეღუპა. სიკვდილისგან იხსნიდა ჯაშუშს, თავისი უბედურების მიზეზს. ხორცშესხმულ სათნოებად გარდაქმნილიყო კაცი, უფრო ანგელოზი გამხდარიყო, ვიდრე ადამიანი. ეს მისთვის წარმოუდგენელი საკვირველება იყო და უავერი იძულებული გახდა, ელიარებინა, რომ არსებობდა ამნაირი საკვირველება.

როდემდე უნდა ყოფილიყო ამ ტანჯვა-ვაებაში?

თქმა არ უნდა, დიდი ბრძოლა გადაიტანა უავერმა, სანამ ასე დაემორჩილებოდა ამ ურჩხულს. ამ საზარელ ანგელოზს, ამ საზიზღარ გმირს, რომლის საქციელით განსციფრებული იყო და არანაკლებ აღმფოთებული. ერთად რომ იხსდნენ ეტლში და უან ვალუჟანის სახლისკენ მიდიოდნენ, ოცჯერ მაინც შეინძრა მის გულში ვეფხვი, ორჯერ მაინც წამოიწია, უნდოდა, ხელი ეტაცა და შთაენთქა, ესე იგი, პოლიციისათვის გადაეცა. რა იქნებოდა ამაზე ადვილი? პოლიციას რომ მიუახლოვდებოდა ეტლი, გააჩერებდა, დაუძახებდა პოლიციელებს და ჩააბარებდა უან ვალუჟანს, აი, ამ კაცს კატორღა აქვს მისჯილი და დააპატიმრეთო; ან უანდარმებისთვის დაეძახა, დაიჭირეთ, სასჯელს გაურბის, მთავრობას ემალებო, და მერე თავის გზას გასდგომოდა. შარშანდელი თოვლივით დავეინყებინა ისიც და მისი დასჯაც, განზე გამდგარიყო,

აღარ ჩარეულიყო მის საქმეში. უნდა ეთქვა, რომ ის კაცი კანონის პატიმარია სამუდამოდ და, როგორც უნდა, ისე დასაჯოს კანონმა. აი, როგორ უნდა მოქცეულიყო.

ყოველივე ეს მრავალჯერ უთხრა თავს უავერმა, მაგრამ ვერ შეძლო ამის ასრულება; ვერ შეძლო თავისებურად მოქცევა, - დაეჭირა უან ვალჟანი, აესრულებინა თავისი მოვალეობა, მაგრამ ვერც მაშინ შეძლო და ვერც ახლა შეძლებდა. როგორც კი აიწვოდა უავერის ხელი, რომ ყელში სწვდომოდა უან ვალჟანს, მაშინვე ძირს ეცემოდა, თითქოს ისეთი სიმძიმე აწევს, რომ ვეღარ უძლებსო. და იმავე დროს თავისი ფიქრებით დანწყლულებული გულის ძირიდან ხმა ესმოდა უცნაური: „ძალიან კარგი, გაეცი შენი მხსნელი! მერე პილატე პონტოელის მსგავსად მოატანინე წყალი და დაიბანე ხელები.

მერე თავის საქციელს არჩევდა, თავს უკვირდებოდა და განდიდებული უან ვალჟანის გვერდით დამცირებულ, შერცხვენილ უავერს ხედავდა.

კატორღელი იყო მისი კეთილისმყოფელი!

ან რად დაემორჩილა კატორღელს, რად მიიღო მისი წყალობა? რატომ არ უარყო მისგან ნაბოძები სიცოცხლე? უფლება ჰქონდა, ბარიკადაზე მოეკლათ. რატომ არ ისარგებლა ამ უფლებით, განა სხვა აჯანყებულთ ვერ დაუძახებდა, რომ უან ვალჟანის ხელიდან დაეხსნათ და დაეხვრიტათ? ეს უკეთესი იქნებოდა.

უდიდესი უბედურება ის იყო, რომ საკუთარი თავისავე აღარათფერი სწამდა. გრძნობდა, რომ ნიადაგი გამოსცლოდა და ხელთ კანონიერების პატარა ნატეხებიდა შერჩენოდა. სინდისი ასჯანყებოდა და ჯერ უცნობ სინანულს უშლიდა გულში. აქამდე კანონის მეტი არათფერი სწამდა, კანონი უწევდა ტვინისა და სინდისის სამსახურს; ახლა კი რაღაც ახალი, უცნობი ჩაესახა გულში, ლმობიერი, სრულიად განსხვავებული კანონიერების უგრძნობლობისგან. გრძნობდა, რომ აღარ იკმარებდა ძველებური კანონიერი უმნიშვნელობა. სრულიად უცნობს, ახალს ხედავდა მისი სული, - მიღებულ და გადახდილ სიკეთეს, თავგანწირვას, შესრულებას, ავის დავიწყებას, შეწყნარებას, შეუვალობას, გარემოებათა გავლენას, დასჯისა და ადამიანის საუკუნოდ განწირვის უარყოფას, შესაძლებლობას, რომ ქვის გულის პატრონსაც ერეოდეს ხანდახან ცრემლი. ეს ღვთიური მართლმსაჯულება იყო, ძირფესვიანად განსხვავებული ადამიანური მართლმსაჯულებისაგან. წყვილად იყო და ზნეობის უცნობ მზეს ხედავდა შორს ამომავალს; შიშს ჰგვრიდა ეს მზე და თან თვალს უბრმავებდა. ჭოტი იყო, რომელსაც აიძულებდნენ, არწივის მხედველობა ჰქონოდა.

„მაშ, მართალი ყოფილა, - ფიქრობდა უავერი, - რომ არსებობს გამონაკლისი, რომ შეიძლება ზოგჯერ მთავრობაც ცდებოდეს. რომ არის გარემოებანი, რომელთა წინაშე საყოველთაოდ მიღებული წესი ჩიხში ექცევა, რომ შეუძლებელია სულ ყველაფერი ჩავტოვოთ კანონის დებულებაში; რომ მოულოდნელსაც უნდა ვიღებდეთ მხედველობაში; რომ შეიძლება განწირულის სათნოება უფრო წმინდა იყოს, ვიდრე სათნოება მთავრობის მოხელისა; რომ შეიძლება საზარლად გეჩვენოთ კაცი და ნამდვილად კი ღვთიური მადლით იყოს აღსავსე; რომ ბედისწერამ იცის ხოლმე ამგვარი მახის დაგება და გრძნობდა, რომ თვითონ ის იყო სწორედ ასეთ მახეში გაბმული.

იძულებული იყო, ეღიარებინა, რომ არსებობს სათნოება, სათნოებით სავესე იყო ის კატორღელი და თვითონ ისიც, - რას წარმოიდგენდა ამას? - თვითონ ისიც

კეთილშობილურად მოექცა დღეს. მამ, გაირყვნა უავერი, თავის მოვალეობას უღალატა?

მხდალად ეჩვენებოდა თავისი თავი, საზიზღრად.

უავერს თავისი იდეალი ჰქონდა; არც კაცობრიული სინწინდე სწამდა, არც დიდებულება, არც სახელოვნება. მისი იდეალი კანონის წინაშე უმნიკველობა იყო.

და აი, წაიბორძიკა და სწორედ ამ იდეალს უღალატა.

რა დაემართა, რომ აღარაფერი ახსოვდა? ამას თვითონაც ვერ გეტყვოდათ. თავში ხელს იცემდა, მაგრამ ამაო იყო ეს ყველაფერი, თვითონაც ვერ გაეგო, როგორ მოუვიდა ეს.

ყოველთვის უნდოდა, კანონისთვის ჩაებარებინა უან ვალჟანი, რადგან ის კანონის ტყვე იყო და თვით უავერი კი კანონის მონა. მანამ ერთად იყვნენ, ერთხელაც არ უფიქრია, გაუშვებო. ან როგორ გაბედავდა ამის ფიქრს ან თქმას? როგორღაც მისდა შეუძნეველად მოხდა, რომ ხელი გაუშვა და წავიდა კაცი.

უამრავი თავისთვის ახალი რამ ერეოდა თვალწინ, უცნობი, გამოსაცნობი, უამრავი კითხვა უტრიალებდა თავში, რაზედაც პასუხს თვითონვე აძლევდა და ეს პასუხი მასვე არწმუნებდა. ეკითხებოდა თავს: „რა ქნა ამ კატორღელმა, სასონარკვეთილმა, რომელსაც ასე ვდევნიდი და სიყოცხლეს ვუმწარებდი? ხომ ხელთ ვყავდი, შეეძლო ჯავრი ამოეყარა და თავიდანაც მოვეცილებინე, რომ სამუდამოდ დამშვიდებულიყო? რატომ არ მომკლა? თავისი მოვალეობა შეასრულა? არა უფრო მეტი, ვიდრე მოვალეობა. მე რაღა ჩავდივნი, რომ არ დავაჭერინე? ჩემი მოვალეობა ავასრულე? არა, უფრო მეტი, ვიდრე მოვალეობა. მამ, რაღაც ყოფილა უფრო მეტი, ვიდრე მოვალეობა?“ აქ კი შიში ერეოდა და სასწორს უშლიდა, - ერთი პინა უფსკურულში ვარდებოდა, მეორე ზეცისკენ მიიწვდა და ისიც არანაკლებ უხეთქავდა გულს უავერს. ვოლტერიანობისა არაფერი ეცხო, არც ფილოსოფოსი იყო, არც ღვთის უარმყოფელი, პირიქით, ინსტინქტურად ეთავყვანებოდა ეკლესიას, რადგან საზოგადოებრივი წესწყობილების ერთ მნიშვნელოვან ნაწილად მიაჩნდა. პატიოსნება იყო მისი მრწამსი და სხვა არაფერი უნდოდა. რომ დავაჟკაცდა და სამსახურში შევიდა, პოლიციაში პოვებდა თითქმის მთელ თავის სარწმუნოებას. ჯაშუში იყო, - ამ სიტყვას ვამბობთ მცირეოდენი დაცინვის გარეშე, ვამბობთ თავისი ნამდვილი მნიშვნელობით, - დიახ, მაძებარი იყო, მაგრამ ისევე გულწრფელად ასრულებდა თავის მოვალეობას, როგორც მღვდელი. უფროსად ბატონი ყისკე ჰყავდა. დღევანდლამდე არც კი აგონდებოდა, რომ უზენაესი უფროსიც ჰყავდა, - ღმერთი.

ეს ახალი უფროსი, ღმერთი იგრაძნო უცხად და შემუფოთდა. ღმერთი მოულოდნელად ჩაერია მის ცხოვრებაში და არ იცოდა უავერმა, როგორ მოქცეოდა ამ ახალ უფროსს. კარგად იცოდა, რომ უფროსის წინაშე ქედმოხრილი უნდა მდგარიყო მორჩილი მოხელე; რომ შეუძლებელი იყო ურჩობა, მისი ნათქვამის დაწუნება და გაკიცხვა, იცოდა, რომ თუ მეტისმეტად სულელურ ბრძანებას მისცემდა უფროსი, ერთადერთი გამოსავალი ჰქონდა, - სამსახურიდან უნდა წასულიყო.

ძალიან კარგი, მაგრამ როგორ მოეხსენებინა ღმერთისთვის, - ნება მიბოძეთ, სამსახურიდან გადავდგეო.

ფიქრები ერეოდა, მაგრამ რაც უნდა შორს გაეტაცა, მაინც ერთს უბრუნდებოდა, თავის საქციელს, რომლითაც დაარღვია კანონიერება, და, მაშასადამე, საშინელი დანაშაული ჩაიდინა. თვალი აარიდა კატორღელს, რომელსაც კატორღავე მიუსაჯა

კანონმა და ველარ დაიჭირა. კატორღელი გააქცია. კანონს მოჰპარა კაცი, რომელსაც სასჯელი უნდა მოეხადა, სანამ არ მოკვდებოდა. მან ჩაიდინა ყოველივე ეს. თავს ველარ ცნობდა უავერი. აღარც კი იცოდა, ისევ ის იყო, რაც აქამდე, თუ სხვად გარდაქმნილი? თავისი საქციელის მიზეზი ხელიდან დასხლტომოდა და ამის გაფიქრებაზე თავბრუ ეხსმოდა. დღევანდლამდე ბრმად სწამდა და პატიოსან კაცად მიაჩნდა თავი. ახლა ეს რწმენაც აღარ ჰქონდა, თავისი პატიოსნებისაც აღარ სწამდა. თვალწინ უქრებოდა ყოველივე, რაც კი აქამდე სწამდა. ახალი ჭეშმარიტებანი დაუდგინა თვალწინ. ცდილობდა, მოეგვრებინა, მაგრამ აღარ შორდებოდნენ. გრძობდა, რომ ამიერიდან სულ სხვა ადამიანად უნდა გარდაქმნილიყო. გული უწუხდა ტანჯულს, რომლის სინდისს უცხად აუხილეს თავალი. დღეს იმას ხედავდა, რაც ჭირივით ეჭავრებოდა. გამოფიტულად გრძობდა თავს, უსარგებლოდ, თავისი წარსულის უარმყოფლად, ჩამორჩენილად, დაშლილად. მთავრობის წარმომადგენელი მომკვდარიყო უავერში. საფუძველი აღარ ჰქონდა მის სიცოცხლეს. საზარელ მდგომარეობაში იყო.

კლდე იყოს კაცი და ეჭვი ერიოდეს? კანონიერი სასჯელის ქანდაკება იყოს, ლითონით ჩამოსხმული, და უცხად იგრძნოს, რომ ბრინჯაოს მკერდქვეშ რაღაც უფეთქავს, ურჩი და უაზრო, რომელიც თითქოს გულს ჰგავს? აქამდე დაეცეს კაცი, რომ სიკეთე სიკეთით გადაუხადოს, თუმცა დღევანდლამდე ავზე უარესად მიაჩნდა ეს სიკეთე? მოდარაჯე ძალღი იყოს და ხელს ულოკავდეს პატრონის მტერს? ყინული იყოს და ასე უცხად დადნეს? მარნუხი იყოს და ხელად იქცეს? უნებურად ხელიდან გაუშვას თავისი ნანადირევი? ეს საშინელება იყო. ყუმბარა იყო მიზნისკენ გატყორცნილი და გზა აერია, უკან დაიხია.

იქამდე მივიდა, რომ აღიარა, - შეუცდომელი არ არის შეუცდომლობა, შეიძლება თვით მრწამსში ერიოს შეცდომა; კანონს ბევრი რამ რჩება განუხილავი, ბევრი რამ აკლია საზოგადოებრივ განვითარებას; მთავრობასაც სჩვევია რყევა; უცვლელ მყარშიც შეიძლება რამე ვასკდეს; მსაჯულიც ადამიანია, შეიძლება კანონიც შეცდეს და შეცდნენ მსაჯულებიცო, - ყოველივე ეს ისეთი საზარელი იყო, როგორც უსაზღვრო ცის ლაჟვარდზე ნაპრალის დანახვა.

ის სულიერი ბრძოლა, რომელიც უავერში ხდებოდა, სიკვდილი იყო იმ სწორხაზოვანი სინდისისა, სულის თავისი მიმართულებიდან სხვა გზაზე გადაყვანა, სწორ ხაზზე მიმავალი პატიოსნების ღმერთთან შეჯახება და დაღუპვა. უცნაური იყო, რაღა თქმა უნდა, რომ საზოგადოებრივი წესწყობილების ცეცხლფარეში, მთავრობის მემანქანე, რკინის ბრმა ცხენზე ამხედრებული და გატყუპნილი გზით მიმავალი, ცხენიდან გადმოვარდნილიყო ახალი სხივით თვალახვეული. უცნაური იყო, რომ ირყეოდა ურყევი, სწორხაზოვანი, წესიერი, გეომეტრიული, პასიური, სრულყოფილი.

იცოდა კი უავერმა, რომ ღმერთი, რომელიც უფლობს ადამიანში, მისი ჭეშმარიტი სინდისი, უარყოფს ყალბ სინდისს? რომ ის უბრძანებს, არ ჩაქრეს ნაპერწკალი, არ დაივიწყოს სხივმა მისი გამჩენი მზე; ის არის, რომ აფრთხილებს სულს, არ უღალატო ჭეშმარიტებას, როდესაც ნამდვილთან ერთად ყალბიც წარმოვიდგებაო; ის არის, რომ ბრძანებს, უსაზღვროა მოყვასის სიყვარული და უღვევია გული ადამიანისა, ეს უწმინდესი ძალა, უბრწყინვალესი ნიჭი ჩვენი სულის სასწაულებრიობისა? შეეძლო უავერს ამის შეგნება? ცხადია, არა. მაგრამ გულზე ანვა შეუცნობელი, უცილობელი და გულს უკლავდა.

გარდაქმნილი კი არა, უფრო ამ სასწაულის მსხვერპლი იყო და გამმაგებული ემორჩილებოდა. სიცოცხლის სიმწარის მეტს არაფერს ხედავდა თავის თავგადასავალში. გრძობდა, რომ ამიერიდან თავისუფლად სუნთქვასაც ვეღარ შეძლებდა.

გულზე გამოუცნობი რამ ანვა; ამ ტვირთის ზიდვას კი მიჩვეული არ იყო.

რასაც კი აქამდე ზემოდან, თავისი მწვერვალიდან ხედავდა, უბრალო, მონმენდილ, ნათელ ფართობად მიაჩნდა, ვერაფერს ხედავდა იქ შეუცნობელს, ბნელს; არაფერი იყო, რომ გარკვეული არ ყოფილიყო, განწესებული, ზუსტად დასახელებული, შემოფარგლული, თავის საზღვრებში ჩამაგრებული; გათვალისწინებული იყო ყველაფერი; მისთვის მთავრობაც სავსებით სწორი ზედაპირი იყო, არავითარი მიხვეულ-მოხვეული, ოღოროღოღო; ის თავბრუს არ ახვევდა. უკანონობა, გაუთვალისწინებელი გარემოებანი, უწესრიგობა, ქაოსი, უფსკრულში გადაჩეხა - ეს ყველაფერი საზოგადოების ლექის, მემამბოხეების, ბოროტმოქმედებისა და განკიცხულთა ხვედრი იყო. და ახლა, როცა ძირს დაენარცხა, ჟავერს თავზარი დასცა ამ არნახულმა სანახაობამ - უფსკრული გადაიხსნა მის წინ, მწვერვალზე. ამან სულით ხორცამდე შეძრა ჟავერი! საზარელ შეცდომად ერგვნებოდა, რაც კი აქამდე სწამდა. მაშ, რაღა ეწამა? ნაიშლა ყოველივე, რაც კი სწამდა!

როგორ? ვიღაც დიდსულოვანმა განკიცხულმა საზოგადოებრივ წყობას ნაკლი უპოვა? როგორ? კაცი მთავრობის პატიოსანი მოსამსახურე იყოს და უცბად იგრძნოს, რომ ცოდვა დაძნაშავის დაპატიმრებაც და მისი გათავისუფლებაც? მაშ, მთავრობის ბრძანებებში ყველაფერი მართებული არ ყოფილა. გამოდის, შეიძლება, მოვალეობის ასრულება ზოგჯერ შეუძლებელი გახდეს. და ყოველივე ეს მას გადახდა, ჟავერს. ნუთუ მართლა ვიღაც ქურდი, ყაჩაღი, სასჯელით გატეხილი უცბად წელში გასწორდა და ცხადად დაანახვა, რომ ის მართალი იყო? ნუთუ შეიძლება იმდენად გარდაქმნილიყო დასჯილი, რომ კანონმა ბოდიში მოიხადოს მის წინაშე?

ღიახ, ასე იყო და ჟავერი ხედავდა, რომ თავდაც მონაწილე იყო ამ გარდაქმნისა, ამის უარყოფა არ შეეძლო. საღ წაუვიდოდა ამ სინამდვილეს? საზარელი ის იყო, რომ ნამდვილად მოხდა ეს ყველაფერი და ჟავერიც შიგ ჩაითრია.

ფაქტები რომ თავიანთ დანიშნულებას ასრულებდნენ, ისინი მხოლოდ და მხოლოდ კანონიერების გასამართლებელ საბუთად გამოდგებოდა. ფაქტებს ხომ თავად ღმერთი გვიგზავნის; ნუთუ ჩვენს დროებაში ანარქიაც ზვიდან იწყება?

უფრო და უფრო იზრდებოდა მის გულში კაემანი, უფრო და უფრო იზრდებოდა მის თვალწინ ეს ზნობრივი შეუთანხმებლობა. ქრებოდა ყველაფერი, რასაც კი შეეძლო შემეცირებინა და შეესწორებინა მისი შთაბეჭდილებანი და ამიერიდან საზოგადოებრივი ცხოვრებაც. კაცობრიობაც და მთელი ქვეყნიერებაც განსხვავებულ მიმართულებათა ნარევად ერგვნებოდა და, მაშასადამე, არარაობა ყოფილა, არეული ზვინი, მხოლოდ ქაოსი ყოფილა დანაშაულის განსჯა და დასჯა, კანონმდებლობის ძლიერება, უმადლეს სამსჯავროთა დადგენილებანი, მართლმსაჯულება, მთავრობა, არეულობის ჩახშობა, მთავრობის შორსმხედველობა, კანონის შეუცდომლობა, პრინციპი ხელისუფლებისა. არარაობა და ქაოსი ყოფილა ყველა ის დებულება, რომელზედაც დამყარებულია საზოგადოებრივი და პოლიტიკური მშვიდობიანობა, ხელმწიფება, მართლმსაჯულება, კანონიერებიდან გამომავალი ლოგიკა,

საზოგადოებრივი ძლიერება, საზოგადოებრივი ჭეშმარიტება. თვით ის, თვით უავერი, პოლიციის უმნიშვნელო მუშა, წესრიგის დარაჯი, საზოგადოების ერთეული ძალი, ისიც დამარცხებულია და ძირს გდია ნაქცეული. და ამხელა დიდებულ ნანგრევებზე ერთი კაცი გამოჭიმულა კატორღელის მწვანე ქედითა და ზეციური მადლის სხივით მოსილი. აი, საფუძვლების რა რყევამდე მივიდა უავერი, აი, რა სამინელი ხილვა უღრღნიდა სულს!

შესაძლებელი იყო ამის ატანა? არა.

გამოსავალი? ორი გზა ჰქონდა: პირველი - ძველებურად გაბედულად მისულიყო უან ვალუანთან და ციხეში ჩაეგლო კატორღაში გასაგზავნად, მეორე...

თავი მალა აილო უავერმა, წელში გაიმართა და მტკიცე ნაბიჯით გასწია ფარნით გაშუქებული პოლიციისკენ შატლეს მოედანზე.

მივიდა, ფანჯარაში შეიხედა. ერთი მოხელე დაინახა, სერჟანტი, და შევიდა. კარს რომ შეაღებს ვინმე, პოლიციელი მაშინვე მიხვდება, მისი თანამოსამსახურე პოლიციელია მომავალი თუ უცხო. შევიდა უავერი, უთხრა თავისი გვარი და თანამდებობა, პირადობის მონშობა აჩვენა და მაგიდასთან დაჯდა, სანთელთან ახლოს. მაგიდაზე ეწყო კალამი, ტყეის სამელნე და ქაღალდი, რომ საჩქაროდ შეედგინათ ოქმი და განწესი ღამის გუშაგების მორიგეობისა. ასეთი მაგიდა და ჩალოს სკამი პოლიციის ყველა პოსტზეა. ყველა ერთნაირად არის შემკული ნახევრით საესე პატარა ლამბაქითა და ქაღალდების დასაბეჭდი ლუქის ფირფიტებით. ეს მაგიდა საკანცელარიო სტილის უდაბლესი საფეხურია. სწორედ მასზე იწერება ოფიციალური მოხსენებები.

კალამი აილო უავერმა და წერა დაიწყო:

„რამდენიმე შენიშვნა პოლიციის სამსახურის

უკეთ მოსაწყობად

პირველი: ბატონ პრეფექტს ვთხოვ, თვალი გადაავლოს ქვემოთ მოყვანილს.

მეორე: დაკითხვის შემდგომ პატიმრები ფეხთ იხდიან და ფეხშიშველნი დგანან, სანამ მათ ჩხრეკენ. ბევრი ციხეში ავადმყოფი ბრუნდება, ხველება ეწყებათ. მათ მკურნალობას კი ხარჯი სჭირდება.

მესამე: პოლიციელების დაყენება თანაბარ მანძილზე კარგია, მაგრამ იმდენად ახლო უნდა იდგნენ, რომ ერთმანეთს ხედავდნენ და თუ რაიმე მიზეზის გამო რომელიმე თავის მოვალეობას ცუდად შესარულებს, მეორე თვალყურს უნდა ადევნებდეს და წესიერებას იცავდეს.

მეოთხე: რა მიზეზია, რომ მადლონეტის საპატიმროს განსაკუთრებული განკარგულებით პატიმრებს უფლება არა აქვთ, სკამი იქონიონ, თუნდაც თავიანთი ხარჯითაც უნდოდეთ შეძენა?

მეხუთე: მადლონეტში სასაუბრე სულ ორი ტიხრით არის გადაღობილი და პატიმრები მებუფეტე ქალს ხელს ართმევენ.

მეექვსე: ეგრეთ წოდებული „მყეტარი“ პატიმრები, რომლებიც სხვა პატიმრებს აუნყებენ, შენს სანახავად მოსულანო, ორ სუს იღებენ სულზე, რომ უფრო გარკვევით დაიყვირონ ამა თუ იმ პატიმრის გვარი. ეს ძარცვაა.

მეშვიდე: საფეიქრო სახელოსნოში ათ სუს ართმევენ პატიმარს, თუ ძაფი გაუნყდა. ეს საფეიქროს გამგის დანაშაულია, რადგან ამით ტილოს არაფერი აკლდება.

მერვე: დაუშვებელია, რომ ფორსის ციხეში, წმინდა მარიამ მეგვიპტელის თავშესაფრის მისაღებში მიმავლებმა არასრულწლოვან დამნაშავეთა ეზო გაიარონ.

მეცხრე: ყველამ იცის, რომ ჟანდარმები პრეფექტურის ეზოში ხმამაღლა ჰყევიან, რაც გამომძიებელმა ჰკითხა პატიმარს და აგრეთვე, მის პასუხს. ჟანდარმი წმინდად უნდა იცავდეს საიდუმლოს და სხვის გასაგონად გამეორება იმისა, რაც გამომძიებლის კაბინეტში გაიგონა, დიდ დანაშაულად უნდა ჩაითვალოს.

მეთათე: ქალბატონი ანრი პატიოსანი ქალია, მის სავაჭროში ყოველთვის სისუფთავეა, მაგრამ ის კი არ ვარგა, რომ მისი სასაუბმე სწორედ საიდუმლო განყოფილების კართან არის. ეს არ შეჰფერის კონსიერჟერის ციხეს, ამ სანიმუშო დანქსებულებას“.

სრულიად მშვიდად, აუჩქარებლად დანერა ჟავერმა ეს სტრიქონები, თავის კარგი კალიგრაფიით, ერთი მძიმე არსად გამოჰპარვია, და ისე აჭერდა კალამს, რომ ქალბატონს აწივიანებდა. უკანასკნელი სტრიქონის ქვეშ მიანერა:

„ჟავერი

პირველი კლასის ინსპექტორი

შატლეს მოედნის პოლიცია.

1832 წლის 7 ივნისი, დაახლოებით ნაშუალამევის პირველი საათი“.

გააშრო, დაკეცა, როგორც წერილი, დაბეჭდა, ზედ დაანერა: „ცნობა პოლიციის გამგეობისთვის“, იქვე დატოვა მაგიდაზე და ქუჩაში გავიდა.

გადაჭრა შატლეს მოედანი, სანაპიროზე გავიდა, სწორედ იქ, სადაც წელან იყო, ტენარდიეს გამოსვლას რომ ელოდა და ისე დადგა, თითქოს ფეხი არ მოეცვალოს იქიდან.

წყვიდადი დასწოლოდა იქაურობას, ის სამარისებური სიჩუმის ჟამი, რომელიც მოსდევს შუალამეს. ცა მოღრუბლულიყო, ვარსკვლავი არსად ჩანდა. მოქურმებულები ზეცა. სიტეს კვარტალის სახლები ჩაბნელებულიყო. არც გამვლელები ჩანდნენ, ახლომახლო ქუჩები და სანაპიროები უკაცრიელი იყო; ამ სიბნელებში პარიზის ღვთისმშობლის ტაძრისა და მართლმსაჯულების სასახლის კონტურები იკვეთებოდა. ფარანი სენის სანაპიროს მოაჯირს მონითალო შუქს სცემდა. შორს ხიდების სილუეტები იზნექებოდნენ და ნისლში ითქვიფებოდნენ. მდინარე წვიმას აედიდებინა.

ის ადგილი, სადაც ჟავერი მოაჯირს დაყრდნობოდა, მკითხველს კარგად ემახსოვრება, სწორედ სენის ჩქერის ზემოთ, სახითათო მორევის სპირალის ზემოთ იყო, რომელიც ისე დაუსრულებლად ატრიალებს თავის ზვირთებს, თითქოს ხრახნი იყოს.

ჟავერი მოაჯირს დაყრდნო და წყალს ჩახედა. ჩამუქებულიყო წყალი, არაფერი ჩანდა. მხოლოდ მისი ბუყბუყი ისმოდა, მაგრამ ზედაპირი კი არ ჩანდა. ხანდახან ამ საზარელ სიღრმეში შუქი იელვებდა ხოლმე და გველივით იკლავებოდა, - წყალმა იცის, როდესაც მეთისმეტად ჩამოზნელდება, საიდანაც პოვებს სინათლეს და გველივით ასრიალებს თავის სიღრმეში; მაგრამ სწრაფადვე ქრება ეს შუქი და ისევ ბნელდება ყველაფერი. პირდაღრენილი უსაზღვროება მოქცეულიყო ჟავერის ფეხქვეშ. წყალი კი არ იყო მის ფეხქვეშ, უფსკრული იყო მდინარის პირს ციცაბოდ ამართული კედლითა და დაღრენილი სახით.

არაფერი ჩანდა გარკვევით, მაგრამ იგრძნობდით წყლის მტრულ სიცივესა და დასველებული ქვების უგემურ სუნს. საზარლად სუნთქავდა პირლია უფსკრული, შემზარავი იყო სენის ნაპირი მოვარდნილი წყლით, ტალღების ტრაგიკული ჩურჩული, ხიდის უზარმაზარი თაღების წყება, ამ შავ უფსკრულში ჩავარდნის წარმოდგენა.

უავერი ცოტა ხანს უძრავად იდგა, დაშტერებოდა ამ წყვდიადს. ისე შესცქეროდა უხილავს, თითქოს რაღაც საინტერესოს ხედავსო. შხუოდა წყალი. უცხად ქედი მოიხადა, მოაჭირზე დაკიდა. იმ დროს, რომ გვიანი გამზლელი ყოფილიყო ვინმე, შავ, მაღალ აჩრდილად მოეჩვენებოდა უავერი. მოაჭირს დაეყრდნო, დაიხარა, ისევ გასწორდა და უცხად თავდაყირა გადაეშვა წყალში. ყრუ ტყაპანი გაისმა. მხოლოდ ერთი ღამის წყვდიადი გახდა საიდუმლო მონმე შავი ლანდის ტალღებთან კონვეულსიური ბრძოლისა, სანამ წყალი შთანთქავდა.

ნიგნი მეხუთე
ბაბუა და შვილიშვილი

თავი პირველი
დაავადებული ნაბლი

მცირეოდენი ხანი გავიდა ზემოთ ნაამბობის შემდეგ და პატივცემულ ბულატრუელს დიდი უსიამოვნება შეემთხვა.

ბულატრუელი, რომელსაც უკვე შეეხვედრივართ ამ წიგნის ყველაზე პირქუმ თავებში, მონფერმეილის გზაზე იჭდა და გზატკეცილისთვის ქვას ამტვრევდა. დიდ საგონებელში ჩავარდნილიყო. ალბათ, მკითხველს ახსოვს, რომ ეს კაცი სხვადასხვა საქმეს ეჭიდებოდა და არც ავკაცობაზე ამბობდა უარს. გზატკეცილისთვის ამტვრევდა ქვას და არც მგზავრებს დაინდობდა, თუ ხელსაყრელ შემთხვევას ნახავდა. ქვას ამტვრევდა, ქურდობდა და სულ იმას ფიქრობდა, მონფერმეილის ტყეში დიდი განძია დამარხული და როგორმე უნდა მივაგნო და ამოვთხაროო. დიდი იმედი ჰქონდა ამ სიმდიდრისა, რომელიც მისი აზრით რომელიმე ხის ძირში უნდა ყოფილიყო ჩაფლული, და სანამ ამ ფულს მიაგნებდა, სხვის ჯიბეში ძვრებოდა და ასე შოულობდა ფულს.

ამჟამად კი ფრთხილად იყო. საშინელ განსაცდელს დააღწია თავი: პოლიციამ უონდრეტის ბუნაგში შეიპყრო. მაგრამ ზოგჯერ მანკიერებაც გამოგადგება კაცს: ლოთობამ იხსნა, რადგან ვერა და ვერ გამოარკვიეს, ბულატრუელს იმ სახლში რა უნდოდა. გაქურდული იყო თუ სხვის გასაძარცვავად მოსული? ტენარდიეს ძმაბიჭები უნ ვალუჟანის ჯიბის დაპატრონებას რომ ცდილობდნენ, თვითონ გალემილი მთვრალი ეგდო. პოლიციამაც სიმთვრალის მეტი ვერაფერი დაუმტკიცა და გაათავისუფლა. ისიც ისევ ტყეს დაუბრუნდა. ლანიდან განამდე შარავგზაზე მუშაობდა და მთავრობის ხარჯით და მისივე ზედამხედველობით ქვას ამტვრევდა; თავდახრილი იჭდა ხოლმე, ჩაფიქრებული, ოდნავ განაწყენებული თავის ხელობაზე, რომელმაც კინაღამ სამუდამოდ დაღუპა, სამაგიეროდ, მეტისმეტად თავყანისმცემელი გახდა ღვინისა, რომელმაც განსაცდელს გადაარჩინა.

დაუბრუნდა კაცი თავის ქოხს, ქვის მტვრევას და მოულოდნელად საგონებელში ჩავარდა.

ერთ დღიას, ჩვეულებისამებრ სამუშაოდ რომ მიდიოდა, ან იქნება გზისპირას ჩასასაფრებლად, მ რადგან ჯერ არ გათენებულიყო, კაცი დაინახა ბუჩქებში; სახე არ დაუნახავს, შორიდან მხოლოდ მის ზურგს ხედავდა ბუნდოვნად, მაგრამ რაღაც ნაცნობი იერი ჰქონდა იმ კაცს. ბულატრუელი ლოთი იყო, მაგრამ კარგი მესხიერება ჰქონდა, უცდომელი და ნათელი, რაც თავდაცვის აუცილებელი იარაღია მისთვის, ვინც ვერ ურიგდება კანონიერ წესწყობილებას.

- სად ეშმაკებში მინახავს ეს კაცი? - თავს იმტვრევდა ბულატრუელი.

ცდილობდა, გახსენებას, მაგრამ ვერას გახდა. ვილაცას ჰვავდა ეს კაცი, ვილაც ნაცნობს, თუკი თვით არ იყო ნაცნობი. მაგრამ ვის ჰვავდა, სად ენახა, ეს კი ვეღარ უთხრა მესხიერებამ.

მესხიერება რომ არ დაეხმარა და ის კაცი ვერავის მიაშვავდა, ბულატრუელმა ანგარიშსა და წარსულში ნანახის დაკავშირებას მიჰყო ხელი. ეს კაცი აქაური არ უნდა ყოფილიყო. საიდანღაც მოსულიყო. ფეხით, ცხადია; ამ დროს მონფერმეილში არც ომნიბუსი დადის, არც ეტლი. მაშ, მთელი ღამე უვლია. საიდან მოსულა? შორიდან არ უნდა იყოს. არც გუდა აქვს, არც ჩანთა; პარიზიდან, რაღა თქმა უნდა. მერე აქ რა უნდა, ამ დაბურულ ტყეში? ან რა უნდა ამ დილაადრიან, ჯერ არც კი გათენებულა? რა საქმე უნდა ჰქონდეს პარიზელს ღამით ამ ტყეში?

და მაშინვე განძი მოაგონდა, ტყეში დაფლული. იმდენი ჩიჩქნა თავისი მესხიერება, რომ ბუნდოვნად მოაგონდა, - რამდენიმე წლის წინაც ასე შეაშფოთა ერთი კაცის დანახვამ. ვაითუ, ეს სწორედ ის კაცი!

ისე გაეტაცა ამ ფიქრებს, ისე დამძიმებოდა თავი, რომ თავჩაქინდრული იდგა ამ ამოცანის გადასაწყვეტად. ბუნებრივია თავის ჩაქინდვრა, მაგრამ სარგებლობას მოკლებული, რადგან თავი რომ ასწია ბულატრუელმა, აღარსად ჩანდა ის კაცი, ტყესა და მის სიბნელეს შერეოდა.

- დასწყევლა ღმერთმა! - წამოიძახა ბულატრუელმა, - შერცხვენილი ვიყო, თუ არ ვიპოვო! მღვდელსაც ვიპოვი და მის სამწყსოსაც. ეს ვაუბატონი სასერიწოდ კი არ მობრძანდებოდა. რაღაც განზრახვა აქვს და ახლა მიყუროს! ჩემს ტყეში რამე ხდებოდეს და მე არ ვიციოდე?

კარგა წვეტიანი გაღვსილი წერაქვი ჰქონდა, ხელში აიღო მუქართ და შესძახა:

- ამით კაცსაც მოვერევი და მიწასაც! - და უკან გაევიდა იმ კაცს, ცდილობდა, მის გზას მიჰყოლოდა.

ერთი ასი ნაბიჯი გაიარა და დილის სინათლემაც ხელი შეუწყო. აქა-იქ მინაზე წლის ნაფეხური ემჩნეოდა. გათელილი ბალახი, გასრესილი ველისთაფლა, ბუჩქის მოკაკული ტოტები, რომლებიც ნელ-ნელა კოხტად ცდილობდნენ გასწორებას, როგორც ლამაზი ქალის ხელები, გაღვიძებისას რომ მოხდენილად გაიშლება. ამ კვალს მისდია, მაგრამ მალე დაკარგა. დრო გადიოდა, ბრაზი ერეოდა. აჩქარებით ავარდა მაღლობზე. შორს ბილიკზე ადრე გამოსული მონადირე დაინახა, რომელიც მიდიოდა და გილერის სიმღერას უსტვენდა. მისმა დანახვამ მოაგონა, რომ კარგი იქნებოდა, მაღალ ხეზე ასულიყო და ისე მოეძებნა უცნობი. მართალია, ხანში შესული იყო, მაგრამ ჯერ ისევ ჭარმაგი. ერთ მაღალ წიფელს მიადგა, ტიტირუსისა და ბულატრუელის საკადრისს. რამდენადაც კი შეიძლებოდა მაღლა აძვრა და თვალი გადაავლო იქაურობას.

ხეზე ასვლა კარგი აზრი იყო. ტყის დაბურულ ნაწილთან დაინახა უცნობი. თვალი მოჰკრა და მაშინვე დაკარგა, ტევრს შეეფარა კაცი.

ტევრში შევიდა, შიგ ღრმად შეძვრა და პატარა ველობისკენ გასწია, რომელსაც გარს ბუჩქები, ზემოდან კი დიდრონი ხეების ერთმანეთში გადაშლილი ტოტები შემოხვეოდა. ბულატრუელი ამ ველობსაც კარგად იცნობდა, აქ წისქვილის ქვები ეყარა მრავლად, ერთი დაავადებული ნაბლიც იდგა, ვარჯზე თუთიის ფირფიტაშემოკრული. აქაურობას წინათ „ბლარიუს ველობს“ ეძახდნენ. ამ ოცდაათი წლის წინ ველობზე წისქვილის ქვები რომ ეყარა, ვინ იცის, რისთვის და რა განზრახვით მოგროვილი, უეჭველია, ჯერაც იქვე ყრია. არაფერი შეედრება დღევრძელობით ქვების გროვას, გარდა კარგი ფიცრული ღობისა. ორივე „დროებითია“ და აი, სად არის დღევრძელობის მიზეზი!

გახარებული ბულატრუელი სწრაფად ჩამოვიდა ხიდან, პირდაპირ ჩამოფრინდა. ხომ დაინახა, იპოვა თავისი ნადირი, მამ, არც დაჯერა გაუჭირდებოდა. იქ უნდა ყოფილიყო მისი ამდენი ხნის ოცნების საგანი - განძი.

ადვილი არ იყო იმ მდებარეობაზე მისვლა, ბილიკს რომ გაჰყოლოდა, ათასი გულის გამაწყალებელი მისახვევ-მოსახვევი დახვდებოდა. ამას ერთი თხუთმეტი წუთი მაინც დასჭირდებოდა. პირდაპირ რომ წასულიყო და შემძვრალიყო ბუჩქნარში, რომელსაც ჯერ ადამიანის ცული არ შეჰხებოდა, არც ნალდი და ეკლით იყო სავსე, იქნებ ნახევარი საათიც არ ჰყოფნოდა. ბულატრუელმა ეს ვერ მოისაზრა, პირდაპირი გზა უფრო მოკლედ ეჩვენა. ეს ოპტიკური ცდომილებაა, რომელიც ბევრს ღუპავს. გაუვალი ეკლიანი ბუჩქნარი მოკლე გზად მიიღო.

მოდო, მგლებს რივოლის პროსპექტს გავუყვებო, გადანყვიტა. ყოველთვის შორიდან შემოვლას მიჩვეულმა, აქ პირდაპირი გზა აირჩია და შეცდა. შლივინით შევარდა ბუჩქნარში და წინ ეკლიანი კვრინჩხი, ჭინჭარი, კუნელი, ასკილი, ნარეკალი, მაყვალი დახვდა და ისე დაკანრა, თავბედი აწყევლინა.

უცბად წყალს მიაღდა, გვარიანად ღრმას. ახლა აქ უნდა გასულიყო.

ბოლოს და ბოლოს, მივიდა ბლარიუს ველობთან. ორმოცი წუთი იარა ამ ბუჩქნარში, ოფლი წურწურით სდიოდა, ქოშინებდა, ნაკანრიდან სისხლი სდიოდა, ცოფი ერეოდა.

იქ აღარავინ იყო.

მაშინვე ქვებისკენ გაიქცა. ისევ იქ ეყარა წისქვილის ქვები. ჯერ არავის წაეღო.

ის კაცი კი არსად ჩანდა, გაქრა ტყეში. მაგრამ საით, საით უნდა მიმალულიყო? მოდი და გამოიცანი. გულსაკლავი ის იყო, რომ ქვებთან რომ დაავადებული ნაბლი იდგა, თუთიის ფირფიტით შეხვეული, მის გვერდით ახალამოთხრილი მინა ეყარა, პატარა ორმო და დავინწყებული თუ მიტოვებული წერაქვი მოჩანდა.

ორმო ცარიელი იყო.

- ქერდი! ქერდი! - შეჰყვირა ბულატრუელმა და თან მუშტებს უღერებდა სივრცეს.

თავი მერე

სამოქალაქო ომის შემდეგ მარიუსი ^{SEP}ომს შინ აპირებს

მარიუსის სიცოცხლე დიდხანს ბენჯზე ეკიდა. რამდენიმე კვირის განმავლობაში დიდი სიციხე ჰქონდა, ბოდავდა, ტვინის დაავადების საშიში ნიშნები ჰქონდა, რაც ჭრილობებისგან გამონვეული თავის შერყევის შედეგი უნდა ყოფილიყო და არა თვით ჭრილობებისა.

დიდი სიციხით გამონვეული გულსაკლავი აღტაცებითა და სულთმობრძავის დაუინებით სულ კომეტის სახელს გაიძახოდა. ზოგი ჭრილობა მეტად ღრმა იყო და ამიტომაც საშიში; ჩირქი შეიძლებოდა ტანს გასჭდომოდა, სისხლში გარეულიყო და ავადმყოფი მოეკლა. დარის ოდნავი შეცვლა, სულ მცირე ავდარიც კი აშინებდა ექიმს. ითხოვდა, გაუფრთხილდით, არაფრით ააღელვოთო. ჭრილობების გაკურნვა და შემდგომ ყოველდღიური გადახვევა მეტად გაუძნელდა. მაშინ ჯერ კიდევ არ იყო ბანდი. ნიკოლეტმა მთელი ზენარი დახია, „ჭერისოდენა“, რომ გადასახვევი საკმაოდ ჰქონოდათ. დიდხანს ეწვალა ექიმი, ბევრი ქლოროფანი ხსნარი დახარჯა ჭრილობების მოსაბანად, ვიდრე დაწყებულ განკურნებას შეაჩერებდა. სანამ საშიში იყო ავადმყოფის მდგომარეობა, ბატონი ჟილნორმანი გვერდით უჯდა შვილიშვილს; ისიც ისევე, როგორც მარიუსი, არც ცოცხალი იყო, არც მკვდარი.

ყოველდღე, და ხანდახან დღეში ორჯერაც, ერთი მოხუცი, ჭალარა კაცი, ძალიან კარგად ჩაჰმული, - ასე აღწერა ამ კაცის აღნაგობა მეკარემ, - დაჭრილის მდგომარეობის გასაგებად მოდიოდა და ქალაქში გახვეულ გადასახვევებს ტოვებდა.

ბოლოს, 7 სექტემბერს, სწორედ ოთხი თვე რომ გასულიყო მას შემდეგ, რაც მარიუსი გონდაკარგული მიიყვანეს ბაბუამისთან, - ექიმმა გამოაცხადა, რომ საშიში აღარაფერი იყო და ამიერიდან ავადმყოფს უკეთესობა დაეტყობოდა და ეტყობოდა კიდევ, მაგრამ მარიუსი კიდევ ორ თვეზე მეტხანს იწვა გაუძნრევლად, რადგან ლავინი ჩატეხილი ჰქონდა და ვეღარ უმთელდებოდა. ასე ხდება ხოლმე ყოველთვის, ერთი ჭრილობა გაჭიუტდება, არაფრით მთელდება და ავადმყოფი იარის წმენდითა და გადახვევით გაუთავებლად იტანჯება.

ერთი მხრივ, მარიუსს სამსახური გაუწია ამ ხანგრძლივმა ავადმყოფობამ და გამოკეთებამ, - მთავრობის დევნა და სასჯელი ააცდინა. საფრანგეთში რაც უნდა დიდი იყოს არეულობა, თუნდაც საზოგადოებრივი, ექვს თვეს ვერ გასტანს და ნელ-ნელა მიინაწვლება. იმ დროის საზოგადოების განწყობიდან გამომდინარე, ამბოხებაში მონაწილეობა იმდენად ჩვეულებრივი მოვლენა იყო, რომ ნებსით თუ უნებლიეთ ამაზე თვალს ხუჭავდნენ.

ამას დავუმატოთ ბატონი ჟისკეს უგვანი ბრძანება, რომლის თანახმადაც ექიმებს დაჭრილების დაბეზღება ევალებოდათ. ამ ბრძანებამ ისე აღაშფოთა საზოგადოება, და არა მარტო საზოგადოება, უპირველეს ყოვლისა, თვით მეფე, რომ საწინააღმდეგო გავლენა იქონია და დაჭრილები სასჯელს გადაარჩინა. სამხედრო სამსჯავრომ მარტო ისინი დასაჯა, ვინც ბრძოლის დროს შეიპყრო და სხვა არავინ შეუნუხებია. მარიუსიც გადარჩა.

ჯერ დიდი მწუხარება და მერე კი დიდი სიხარული გადაიტანა ბატონმა ჟილნორმანმა. მთელი ღამე ავადმყოფთან იჯდა, ყოველდღამ, უკლებლივ. ძალიან ცდილობდნენ, მაგრამ ეს ვერ მოაპლევინეს, თვალს არ ამორებდა მარიუსს; თავისი დიდი სავარძელი დაადგმევინა ავადმყოფის ლოგინთან; თავის ქალიშვილს უბრძანა, რაც საუკეთესო ზენრებია სახლში, სულ ჭრილობის შესახვევად დაჭერიო.

ქალბატონმა ჟილნორმანმა, ბრძენმა მოხუცმა, ხრიკი იხმარა: მამას მოახსენა, საუკეთესო ესენიო და სწორედ ის საუკეთესო დატოვა ხელუხლებლად; უნდოდა აეხსნა მამისათვის, რომ სახვევად უბრალო ტილო უფრო გამოსადეგია, ვიდრე ბატისტი; რომ ძველი, ნახმარი სკობია ახალს, უხმარს, მაგრამ ბატონმა ჟილნორმანმა მოკლედ მოუჭრა სიტყვა და თავისი ბრძანება გაუმეორა, მაგრამ ქალმა მაინც აჯობა მოხერხებით. მარიუსს ჭრილობას რომ უხვევდნენ, ბაბუა უთუოდ იქ იყო; დეიდას კი რცხვენოდა, - შიშველი არ დავინახო და გადიოდა. ექიმი მაკრატელს რომ აიღებდა და მკვდარი ქსოვილის გაჭრას შეუდგებოდა, ბაბუას უფრო სტკიოდა, ვიდრე დაჭრილს და სულ ვაი, ვაის გაიძახოდა. საოცარი სანახაურო იყო, როცა სიბერისაგან აკანკალებული ხელით აიღებდა ბალახეულის ნაყენით სავსე ფინჯანს და ავადმყოფს მიართმევდა. ექიმს მოსვენებას არ აძლევდა კითხვებით და ვერც კი ამჩნევდა, რომ ბაასს ერთი და იმავე კითხვით იწყებდა და მრავალჯერ ნათქვამს იმეორებდა.

ექიმმა რომ თქვა, ახლა კი სამიში აღარაფერი აქვს ჩვენს ავადმყოფსო, მთლად გადართია. გახარებულმა სამი ოცურანკიანი ოქრო აჩუქა მეკარეს. საღამოს თავის ოთახში რომ შევიდა, ცეკვა დაიწყო, ცერსა და სალოკ თითს კასტანიეტებით ატკაცუნებდა, გავოტს ცეკვავდა და თან მღეროდა:

ბუდეა ყველა მწყემსი გოგოსი,
ჟანაც მკვიდრია სწორედ ბორდოსი -

თუ ერთხელ მაინც შენ ჟანა ნახე,

მისი მშვენება გექცევა მახედ.

ჟანას თვალეებში მიმაღულია

ამური,

იქ გაუშლია თავის ბადე

გულთა საჭერი.

მკვირცხლს, დაუდევარს,

საყვარელ ჟანას

ისე ვუმღერი

როგორც დიანას.

რომ შეაბერდე მშვენიერ ჟანას

ბედნიერება არ არის განა?

მერე მუხლი მოიყარა დაბალ სკამზე და ბასკმა დაინახა ოდნავ შეღებული კარიდან, რომ ბატონი ლოცულობდა.

აქამდე ბატონ ჟილნორმანს ღმერთი არ სწამდა.

როგორც კი ოდნავ უკეთესობა დაეტყობოდა ავადმყოფს, მოხუცს ფრთები გამოესხმებოდა. სიხარულით გატაცებული იფიწყებდა სიბერეს, ველარ ისვენებდა, კიბზე ადიოდა და ჩადიოდა, თვითონაც არ იცოდა, რისთვის ფუსფუსებდა, რას არიგებდა. ერთი მეზობელი, ძალიან ლამაზი ქალი, განცვიფრდა, როდესაც თაიგული მიიღო ბატონი ჟილნორმანისაგან; ქმარს კიდევ ეჭვი მოერია და შავი დღე დააყენა სანყალ ქალს, ხან კიდევ ბატონი ჟილნორმანი ნიკოლეტს დასტაცებდა ხელს და ცდილობდა, მუხლებზე დაესვა. მარიუსს „ბატონ ბარონს“ უწოდებდა, და გაჰყვიროდა: „რესპუბლიკას გაუმარჯოს!“

წამდაუნემ ეკითხებოდა ექიმს: „ესე იგი, სამიში აღარაფერია?“ - მარიუსს ბებუის სიყვარულით სავსე თვალთ დასცქეროდა და თვალს არ ამორებდა, როცა

შვილიშვილი რამეს ჭამდა. მოხუცი თავს ველარა ცნობდა, თავი დაეინყებოდა. დღეს სახლის ბატონ-პატრონი მარიუსი იყო. სიხარულით გატაცებული ბაბუა თავისი პირადობის უარყოფამდე მისულიყო; ბატონი უილნორმანი დღეს მარიუსის შვილიშვილი გამხდარიყო.

ამ სიხარულში საუცხოო ბავშვად გარდაქმნილიყო. ემინოდა, არ დავლალა ავადმყოფი, თავი არ მოვაბეზროო და უკან დაუდგებოდა ხოლმე და ისე უდიმოდა. ბედნიერი იყო, კმაყოფილი, მხიარული, აღტაცებული, მომხიბლავი, გაყმანვილებული. სახეზე ნეტარების სხივი დასთამაშებდა და თოვლივით თეთრი ჭალარა უფრო ატკობდა ამ ნეტარების სხივს. მომხიბლავია, ოღეს დამჭვანარს ნეტარება დაერთვის; ვარდივით გაშლილი სიბერის მხიარულებას დილის რიჟრაჟის შუქი დაჰკრავს.

რაც შეეხება მარიუსს, მოთმინებით იტანდა წამლებსაც, ჭრილობის შეხვევასაც, მაგრამ მისი გონება კომეტთან იყო, კომეტის მეტი არაფერი ახსოვდა.

მას შემდეგ, რაც სიხე გამოუწელიდა და აღარ ბოდავდა, კომეტის სახელი აღარ უხსენებია; შეიძლებოდა ეფიქრათ, რომ აღარც კი აგონდებოდა, მაგრამ გაჩუმებული სწორედ იმიტომ იყო, რომ სულით კომეტთან იყო.

არ იცოდა, როგორ არის კომეტი, რა მოუვიდა. თვით შანვრერის ქუჩის ბარიკადი და ბრძოლაც კი ბუნდოვან სიზმრად აგონდებოდა; ერთმანეთისაგან განურჩეველ აჩრდილებად ეჩვენებოდნენ ეპონინი, გავროში, მახფი, ტენარდიე, ყველა თავისი ამხანაგი, ბარიკადის კვამლთან ერთად გამქრალი გულითადი მეგობრები; უცნაურად ეჩვენებოდა ბატონი ფოშლეგანის ჩარევა აჯანყებულთა ბრძოლაში. ისიც არ იცოდა, ვინ გადაარჩინა, ვინ იყო ის ღვთისნიერი. არც თვითონ იცოდა და არც მისმა ახლობლებმა. თუ იცოდნენ რამე, მხოლოდ ის, რომ შუალამისას მოიყვანეს ეტლით ფილ-ლე-კალვერის ქუჩაზე. წარსული, აწმყო, მომავალი ერთმანეთში ერთ ბუნდოვან ფიქრად არეულიყო, მაგრამ ერთი რამ იყო ურყევი ამ ბუნდოვანში, ნათელი, მაგრად ხაზგასმული, კლდის ქვასავით მკვრივი, ერთი ვადანყვეტილება, - კომეტის ნახვის სურვილი. მარიუსისათვის ცნება „სიცოცხლე“ იგივე იყო, რაც ცნება „კომეტი“. უკვე დაედგინა თავის გულში, რომ არავითარ შემთხვევაში არ მიიღებდა ერთს უმეოროდ, საბოლოოდ ჰქონდა ვადანყვეტილი, რომ ვინც უნდა ჩასცივებოდა და ძალა დაეტანებინა, კაცი ხარ, ვაჟკაცურად აიტანე უბედურებაო, - ბაბუა იქნებოდა, ბედი თუ ჯოჯოხეთი, ის მაინც თავისი დაკარგული ედემის აღდგენას მოითხოვდა.

ისიც იცოდა, რომ მრავალი დაბრკოლება მოელოდა ამ განზრახვის ასრულებებში.

აქ ერთ წვრილმანს უნდა მივაქციოთ ყურადღება: მარიუსს თავს ევლებოდა ბაბუა, მისი გამოჯანსაღებისა და სიცოცხლის მეტი აღარაფერი ახსოვდა და მაინც ვერ მოეგო მისი გული. ჯერ იმიტომ, რომ მრავალი რამ მოხდა, რაც მან არ იცოდა; მერე კიდევ იმიტომ, რომ ავადმყოფის სიხებით აღძრულ ფიქრებში ეჭვი ერეოდა და ვინ იცის, არც ენდობოდა ბაბუამისის გულჩვილობას, როგორც უცნობ ხილს, რომლის მიზანი შეიძლება მარიუსის დამორჩილება იყო, და ძველებურად გულგრილად რჩებოდა. ამოდ ხარჯავდა ბაბუამისი თავის მკრთალ ბებრულ ღიმოლს და აღერსს. ასე იქნება, - ფიქრობდა მარიუსი, - სანამ ასე გაჩუმებული ვარ და არაფერს ვთხოვ, მაგრამ კომეტზე რომ მივა საქმე, სულ სხვა კაცად დამენახვება და ნილაზჩამოხსნილი გამოჩნდება მისი სიყვარულიც და მბრძანებლობაცო. აი, მაშინ კი სამინელი იქნებოდა ეს ბრძოლა: მაშინვე გამოტყვრება ძველი შთამომავლური დიდებულება, ერთმანეთის

ვინაობის შედარება, დაცინვა და მასხარად ავდება, ფოზლეგანის კუპლეგანად გადაქცევა, ქალის სიღარიბე, სილატაკე, მომავალი. მაგრამ მარიუსი მაგრად დაუდგება და მტკიცე უარს ეტყვის. წინასწარ ემზადებოდა მარიუსი ცხარე ბრძოლისათვის.

გარდა ამისა, უკეთ რომ ხდებოდა და უფრო და უფრო ავონდებოდა ბაბუის ძველი შეურაცხყოფა, წარსულს უბრუნდებოდა, თავისსა და ბაბუის შუა მამას ხედავდა და დაასკვნიდა, რომ არავითარი საფუძველი არა აქვს იმედი იქონიოს იმ კაცისა, რომელიც ისე გულქვად და უსამართლოდ მოექცა მამამისს; უბრუნდებოდა ჯანმრთელობა და ამასთან, რალაცნაირი გაათფრევა ბაბუის წინააღმდეგ. მოხუცი ჩუმაღ იტანჯებოდა.

ბატონი ჟილნორმანი სულ იმის ფიქრში იყო, თუმცა ეს არაფრით გამოუხატავს, რომ იმდენი ხანი იყო, შინ ჰყავდა თავისი შვილიშვილი და ერთხელ არ მიუმართავს მარიუსს სიტყვით „მამა“. მართალია, არც ბატონს ეძახდა, მაგრამ ცდილობდა, ისე წარემართა საუბარი, რომ არც ერთი ეთქვა და არც მეორე.

ცხადი იყო, დღეს იქნებოდა თუ ხვალ, ბრძოლა ატყდებოდა.

როგორც ყოველთვის მოხდება ხოლმე ამგვარ შემთხვევაში, მარიუსმა საცდელად წინაწინვე წამოჭრა უთანხმოების გამომწვევი რამდენიმე საკითხი. ამას ნიადაგის მოსინჯვა ჰქვია. ერთ დილას ბატონმა ჟილნორმანმა, გაზეთს რომ კითხულობდა, თავისებურად უკმეხად მოიხსენია კონვენტი და როიალისტური გუნდრუკი უკმია დანტონს, სენ-ჟუსტსა და რობესპიერს.

მარიუსმა გაიგონა და მკვახედ მოუჭრა:

- ოთხმოცდაცამეტი წლის მოღვაწენი ბუმბერაზები იყვნენ.

მოხუცმა ხმა არ ამოიღო და ასე გაჩუმებული იყო იმ დღეს.

მარიუსს თავისი ძველი, ახირებული, უკიათი ბაბუა ახსოვდა, ახლაც ისეთი ეგონა და ფიქრობდა, გაჯავრებულია, ბრაზს იგროვებს, მაშ, უფრო მკაცრი იქნება ჩემი შეტაკებაო და თავის მხრივ, თვითონაც ძალ-ღონეს იკრებდა თავისის გასატანად.

საბოლოოდ ჰქონდა გადანყვეტილი, თუ ახლაც უარი მითხრა, სახვევს შემოვივლეჯ, ლავინს ისევ ვავიტეხ, ჭრილობებს ვავიმიღებ და ლუკმას აღარ ჩავიდებ პირშიო. ამ ბრძოლაში იარაღად თავისი ჭრილობები უნდა ეხმარა. გადანყვეტილი იყო - ან კომეტი, ან სიკვდილი.

და ავადმყოფი შესაფერ დროს ელოდა გულჩახვეული მოთმინებით.

ეს დროც მოვიდა.

თავი მესამე

მარიუსი იერიშზე გადადის

ერთხელ, როდესაც ჟილნორმანის ქალიშვილი კამოდზე ალაგებდა წამლებს შუშებს და ფინჯნებს, მოხუცი მარიუსისკენ დახრილიყო და ნაზი ალერსით ეუბნებოდა:

- იცი, ჩემო ბიჭო, მე რომ ვიყო, ამჟამად ხორცს მივეტანებოდი, ვიდრე თევზს.

კარგი რამ არის შემწვარი ქამბალა, ძალიან შველის ავადმყოფს, მაგრამ თუ გინდა, ფეხზე წამოაყენო კაცი, კარგი კატლეთი უნდა აჭამო.

მარიუსი უკვე კარგად იყო, თითქმის მთლად მოეკრიბა ძალ-ღონე, ბალიშზე წამოინია, ორი ხელით, მუშტად შეკუმშული ხელით, ლოგინს დაეყრდნო, თვალი თვალში გაუყარა ბაბუას და მრისხანე გამომეტყველებით უთხრა:

- თუ აგრეა, მინდა ცოტა რამ მეც მოვასხნოთ.
- რა უნდა მომასხნო?
- მინდა მოვასხნოთ, რომ ცოლის შერთვას ვაპირებ.
- უშენოდაც კარგად ვიცოდი, - უთხრა ბაბუამ და სიცილი წასკდა.
- როგორ თუ იცოდით?
- ჰო, ვიცოდი. ღმერთმა შეგაბეროთ შენ და შენი გოგონა.

დამარცხებული მარიუსი განცვიფრებული, შეჰყურებდა და თავით ფეხებამდე თრთოდა.

ბატონმა ჟილნორმანმა განავრძო:

- ჰოდა, ღმერთმა შეგაბეროთ შენ და შენი პატარა კოჰნია გოგონა. ყოველდღე მოდის მოხუცი კაცის სახით, რომ შენი ამბავი გაიგოს. შენ რომ დაგჭრეს, მას აქეთ ზის და ტირის საწყალი გოგო და სახვევებს გიმზადებს. მეც მივდექი-მოვდექი და ცოტა რამ გავიგე. ლ'ომ-არმეს ქუჩაზე ცხოვრობს, შვიდ ნომერში. ნახე, როგორ გავაბი! მამ, გიყვარს? გიყვარს და შენი იყოს. მოგხვდა, თუ არა! შენ კი შეთქმულებას მიმზადებდი. ფიქრობდი: „შიგ პირში მივახლი ამას ბაბუაჩემს, ამ მეფისა და დირექტორიის დროინდელ მუმიას. ამ ძველ არმიყს, ამ ღორანტს უერთნტად გადაქცეულსო, არა? ბაბუაჩემიც ყმაწვილი იყო ერთ დროს, მასაც უყვარდა ქალებში გაკვრა-გამოკვრა, მასაც ჰყავდა თავისი გრიზეტები და კოზეტები, მასაც ესხა სიყმაწვილის ფრთები, მანაც მიირთვა გაზაფხულის ტკბილი ლუკმა; უნდა თუ არა, მოვავიწყებ წარსულს, ვნახოთ, როგორ დამიდგებაო. ბრძოლას აპირებდი, არა? მაჟარი გიჭირავს და შუბად მიგაჩნია, ძალიან კარგი. მე კატლეტს ვთავაზობ და შენ კი მეუბნები, ცოლის შერთვას ვაპირებო. სად კატლეთი, სად გოგონა? უარსა და კამათს მოელოდი? ვერ მოგართევს. არ იცოდი, რომ სიბერე ლაჩარია? ახლა რაღას იტყვი? ჯავრობ! არ მოელოდი, რომ ბაბუაშენი უფრო სულელი იქნებოდა, ვიდრე შენ. და ამაოდ ჩავიარა მისთვის მომზადებულმა სიტყვამ, ბატონო ვექილო, ჰა? მართლაც გასაჯავრებელია იმედის ასე გაკრუება. ჰოდა, გაჯავრდი, ცოფი ყარე! მე ის მინდა, რაც შენ გსურს, შე საძაგელო, შენა. ყური დამიგდე, ცნობები შეგვკრიბე. შენ გვინია, მე არ შემოძლია გაიძვერობა? მომხიბლავი რამ არის შენი კოზეთი, ჭკვიანი, ზრდილი. ის ვილაც ოფიცერია, ჭორია, სხვა არაფერი. მერე კიდევ, რაც იმან სახვევი გამოვიგზავნა... ანგელოზია სწორედ, ობოლი მარგალიტი. ვალმერთებს, ისე უყვარხარ. რომ მომკვდარიყავ, სამნი ვიქნებოდით მკვდარი. მისი კუბოც გვერდით მოუდგებოდა ჩემსას. ერთხანს მიწოდდა, რაკი უკეთესობა დაგეტყო, აქ მომიყვანა და დამესვა შენს თავით; მაგრამ ეგ მარტო რომანებში ხდება ხოლმე, რომ ასე, შინაურულად შეიყვანენ ლამაზ ქალს და გვერდზე მოუსვამენ დაჭრილ ლამაზ ბიჭს. სულ სხვას გვეუბნება ჩვენი ცხოვრება. ან რას იტყოდა დეიდაშენი? მანამ ცუდად იყავი, სულ შიშველი იწევი, ჩემო ბიჭიკო. აბა, ნიკოლეთს ჰკითხე, რომელიც სულ აქ გიჭდა დღედაღამ; აბა, ჰკითხე, შეიძლებოდა აქ ქალის შემოყვანა? ახლა ექიმი? ის რაღას იტყოდა? დაჭრილი რომ არის კაცი და დიდი სიციხე აქვს, ლამაზი ქალი ვერ განკურნავს. ჰო, ვერ მოხერხდა და ამით გავათავოთ. მამ, ვთქვით, შევთანხმდით, დავადგინეთ - შეირთე. ხედავ, რა უკიათი, უხიავი ვარ. ვიცი, ვხედავდი, კარგად ვხედავდი, რომ მარიუსს არ უყვარდა

თავისი ბაბუა და ჩემს თავს ვკითხე, რა ვქნა, რა მოვახერხო, რომ თავი შევაცყარო ამ საძაგელს-მეთქი? მერე აზრად მომივიდა, ბიჭოს, კომეტი ხომ აქა მყავს. ავდგები და დავლოცავ. არც მაშინ შემიყვარებს? ოდნავ მაინც. თუ არა და, თქვას მაინც, რას მემღერება. ჰა, გეგონა, ვაიუშველლებელს ატეხდა ბებერი, ყვირილსა და ჯოხის ქნევას დაგინყებდა? სრულიადაც არა. კომეტი გნებავს? ღმერთმა გაგაბედნიეროს. გიყვარს? მით უკეთესი. ამაზე მეტი მე არაფერი მინდა. ჯვარი დაინწერე, საყვარელო შვილო და ბედნიერი იყავი! - ეს თქვა და ქვითინი წასკდა მოხუცს.

თავზე ხელები წაავლო მარიუსს, ბებერ მკერდზე მიიკრა და ორივე ატირდა.

მობდება ხოლმე, ტკბილი ცრემლით გამოითქმება უალრესი ბედნიერება.

- მამა! - შეჰყვირა მარიუსმა.

- მამ, გიყვარვარ, შვილო?

წამით დადუმდა ორივე. სული უგუბდებოდათ, ხმა ველარ ამოეღოთ.

ბოლოს მოხუცმა წაილულულა:

- ძლივს. ძლივს ვეღირსე, მამაო, მითხრა.

თავი დაიძვრინა მარიუსმა ბაბუის ხელებიდან და ჰკითხა:

- ახლა ხომ კარგად ვარ, მამა, მგონი, შეიძლება, ვნახო.

- ესეც მოვავგარე, ჩემო ბატონო, ხვალ აქ მოგიყვან.

- მამა...

- კიდევ გნებავს რამე?

- რატომ დღეს არა?

- ჰოდა, დღეს იყოს. დღეს სჯობია. დღეს სამჯერ მითხარი, მამაო. ამას დაჭილდობა უნდა. მამ, ახლავე შევედგები საქმეს. დღესვე მოგვკრიან. აკი გუებნები, ეგეც მოვავგარე. ასეთია ანდრე შენიეს ელეგის „ავადმყოფი ბიჭის“ დაბოლოება, ანდრე შენიესი, რომელსაც ყელი გამოლადრეს იმ სისხლით გაუმადლ... ამ ოთხმოცდაცამეტის ბუმბერაზებმა.

ბატონმა ჟილნორმანმა თვალი მოჰკრა, თითქოს წარბი შეიკრა მარიუსმა და იფიქრა, ეწყინა ჩემი სიტყვაო. სინამდვილეში კი არაფერი სწყენია მარიუსს, რადგან ყურს აღარ უვდებდა ბაბუსს. სიხარულით იყო გატაცებული და კომეტის მეტი არაფერი ახსოვდა, არც ბაბუა და არც ოთხმოცდაცამეტი. სანყალი მოხუცი კი კანკალებდა შიშით, რა ღმერთი გამიწყრა, რა დროს ანდრე შენიეს ხსენება იყო, და თავის მართლებას სკადა:

- არა, ყელის გამოლადრაც არის და გამოლადრაც. თუ მართალი გინდა, რევოლუციის დიდებულმა გენოსებმა, რომლებიც ავაზაკები არ იყვნენ, ეს ეჭვმიუვალე ჭეშმარიტებაა, პირიქით, გმირები იყვნენ, ნახეს, რომ... რცხვენოდათ ანდრე შენიესი და ვილიოტ... სხვაგვარად რომ ვთქვათ, იმ დიდებულმა მოღვაწეებმა შეიდ თერმიდორს საზოგადოებრივი კეთილდღეობისთვის სთხოვეს ანდრე შენიეს, კეთილინებეთ და...

ბატონ ჟილნორმანს ყელზე დაადგა სიტყვა და კინალამ დაახრჩო; ველარც დაბოლოება მოახერხა, ველარც შესწორება და მისი ქალიშვილი რომ ბალიშს უსწორებდა მარიუსს, მოხუცმა ველარ გაუძლო ამხელა მღელვარებას, დიდი სისწრაფით, რამდენადაც კი ნებას აძლევდა სიბერე, კარს ეყა, გავარდა ოთახიდან, კარი მიაჯახუნა და ჭარხალივით განითლებული, ოფლში განურული,

თვალეზდაჭყეტილი შეხვდა წინკარში ბასკს, რომელიც ფეხსაცმელებს წმენდა. კისერში წაუჭირა ხელი და გაბრაზებულმა შეჰყვირა:

- ეშმაკმა დამლაზხვროს, თუ მართალს არ ვამბობდე. ყელი გამოლადრეს იმ...
- ვის, ბატონო?
- ანდრე შენიეს!
- დიახ, ბატონო, დიახ, - დაეთანხმა შეშინებული ბასკი.

თავი მეოთხე

ქალბატონ უილნორმანს საძრახისად აღარ შეშინაჩნია

ბატონი ფოშლევეანის მიღება, თუნდაც მარამე ეჭიროს ხელში

ძლივს ეღირსათ კოზეტსა და მარიუსს ერთმანეთის ნახვა. როგორ შეხვდნენ ერთმანეთს? შეუძლებელია იმის აღწერა. ბევრი რამ არის, რომლის დახატვა არც კი უნდა ვცადოთ; მზეც მათ რიცხვშია.

მთელი ოჯახი იქ იყო, მარიუსის ოთახში, ბასკი და ნიკოლეტიც, როდესაც კოზეტი მივიდა.

შეაღო კარი და გაჩერდა. ისე იდგა, თითქოს შარავანდელით მოსილაო.

სწორედ იმ დროს აპირებდა ბატონი უილნორმანი ცხვირის მოხოცვას და სახტად დარჩა; ცხვირი ცხვირსახოცში ჩაედო, ხელით ეჭირა და კოზეტს შეჰყურებდა.

- მომხიბლავია! - შესძახა ბაბუამ და ხმაურით მოიხოცა ცხვირი.

აღტაცებული იყო კოზეტი, თან შეშინებული, დამორცხვებული, ცას ეწეოდა სისარულით და გული უკანკალებდა შიშით, რამდენადაც კი შეიძლება შიში მოერიოს ბედნიერებას. ფერმიხდილი იყო, ხმის ამოღებას ვერ ბედავდა, წითლდებოდა, ყვითლდებოდა, უნდოდა, მარიუსს მოხვეოდა, გულში ჩაეკრა, მაგრამ რცხვენოდა, რომ თავის სიყვარულს ამხელდა ამოდენი ხალხის წინაშე. არ ვიცით ბედნიერ შეყვარებულთა შებრალება, სწორედ იმ დროს შემოვხვდებით ხოლმე, როდესაც მარტო დარჩენა, თავისუფლად ლაპარაკი უნდათ და სრულიადაც არ სჭირდებათ მაყურებლები და მსმენელები.

კოზეტს უკან მოსდევდა ერთი დარბაისელი ჭალარა კაცი, დაღონებული, ბუნდოვანი ღიმილით სახეზე. ეს ბატონი ფოშლევეანი იყო, იგივე უან ვალუანი - „ძალიან კარგად ჩაცმული ბატონი“, როგორც მეკარემ თქვა. ახალი შავი ტანისამოსი ეცვა და თეთრი ყელსახვევი ეკეთა.

რას წარმოიდგენდა მეკარე, რომ ეს ღირსეული ბურჟუა, ეს დიდებული ბატონი, ის საზარელი კაცი იყო, რომელმაც 7 ივნისს კარზე დაუკაკუნა შუალამისას და ხელში მიაჩენა მკვდარი მარიუსი. საზიზღარი რამ იყო მაშინ ლაფში ამოწუნული, სიბინძურით გასვრილი, დაგლეჯილ ტანისამოსში, პირქეში, უკმეხი, სისხლით მოსვრილი ცხვირ-პირით. მაგრამ აქაც არ უმტყუნა თავისმა მეკარულმა ალღომ და წასჩურჩულა ცოლს:

- არ ვიცი, რად მგონია, რომ სადღაც მინახავს ეს კაცი.

ბატონი ფოშლევეანი მარიუსის ოთახში შევიდა, მაგრამ უკან დადგა, ცალკე, კართან. იღლიაში ჰაკეტი ეჭირა, დიდი წიგნის მსგავსი, ქალაღლი მომწვანო იყო, თითქოს ობმოკიდებული.

- ნუთუ ყოველთვის თან დაათრევს თავის წიგნებს ეს ვაჟბატონი? - ჩემად ჰკითხა ნიკოლეტს ქალბატონმა ჟილნორმანმა, რომელსაც ჭირივით ეჭავრებოდა წიგნის კითხვა.

- მერე რა? - ისევე ჩემად ჩაერია ბატონი ჟილნორმანი, რომელმაც ყური მოჰკრა ნიკოლეტის სიტყვას, - მეცნიერია კაცი და წიგნიც თან წამოუღია. ეგვეც ცოდვაა? ბატონი ბულარი, ჩემი კარგი ნაცნობი, უწიგნოდ არსად წავიდიოდა, ისიც ამასავით სულ გულში იკრავდა.

მერე უან ვალუანს მიესალმა:

- ბატონ ტრანშლევეანს...

მოსუჯ ჟილნორმანს საგანგებოდ არ დაუმახინჯებია გვარი, უბრალოდ, მასაც ჰქონდა გვარების შეშლის არისტოკრატიული მანერა.

- ბატონო ტრანშლევეან, იქნებ კეთილინებოთ და ჩემს შვილიშვილს, ბატონ ბარონ მარიუს ჰონმერსს მიათხოვოთ თქვენი ასული.

თავი დაუკრა „ბატონმა ტრანშლევეანმა“.

- გმადლობთ, - დაუმატა ბაბუამ, მერე მარიუსსა და კოზმეტან მივიდა, ორივე ხელით აკურთხა და უთხრა, - ამიერიდან ნება გექლევათ გააღმერთოთ ერთმანეთი.

ამის გამეორება საჭირო არ იყო ახალგაზრდებისთვის, მაშინვე ტკბილად აღუღუნდნენ. მარიუსი წამოწოლილი იყო დივანზე, კოზმეტი იქვე იდგა.

- ღმერთო, - ჩუმი ხმით ეუბნებოდა კოზმეტი, - კიდევ მელირსა თქვენი ნახვა! შენა ხარ, შენ გხედავ? რას ფიქრობდი, რომ იმ იმ სისხლის ღვრაში ჩაერიე? ან რისთვის? საშინელებაა. ოთხი თვის განმავლობაში მკვდარი ვიყავი. ნეტავი რა დაგიშავე, რომ იმ ბარიკადზე შევარდი? ეს ერთი მიპატიებია, მაგრამ შემდეგში კი ამას აღარ იზამთ, ჩემო ბატონო. ნელან კაცი რომ მოვიდა თქვენგან, წამობრძანდითო, კინალამ მოვკვდი, მაგრამ ეს სიხარულის ელდა იყო. რომ იცოდე, როგორ შევმინდი. ისე გამოვიქეცი, რომ ტანისამოსის ჩაცმაც კი დამავიწყდა. წამოვედი, როგორც ვიყავი. ვინ იცის, რას ვგავარ? რას იტყვიან თქვენები, ასე რომ მნახავენ, დაჭმუჭნილი საყელოთი? მითხარით რამე, რას გაჩუმებულხართ? სულ ხომ მე არ მაღაპარაკებთ. ისევ იქ ვცხოვრობთ, ლ'ომ-არმეს ქუჩაზე. მძიმედ ყოფილხართ დაჭრილი მხარში. იმხელაა, კაცის მუშტი ჩაეტევაო, - მითხრეს, მაკრატლით ჭრიდნენ ხორცსო. საშინელებაა, საშინელება! იმდენი ვიტირე. საკვირველი არ არის, რომ ამხელა სევდას უძლებს ადამიანი? ძალიან გულკეთილი უნდა იყოს ბაბუათქვენი. აჰ, ნუ დაეყრდნობით იდაყვს, არ იტკინოთ! ოჰ, რა ბედნიერი ვარ! მამ, გათავდა, მოგვმორდა უბედურება. რა სულელი ვარ. იმდენი რამ მინდოდა მეთქვა და აღარაფერი მაგონდება. მამ, ისევ გიყვარვართ?... ლ'ომ-არმეს ქუჩაზეა ჩვენი სახლი. ბაღი კი არა აქვს. ღმერთო, რამდენი სახვევი დავგიზადეთ! ვტიროდი და სახვევს ვამზადებდი. დიახ, ბატონო, აი, შემომხედეთ, თქვენი ბრაღია, რომ ბებერები მაქვს თითებზე.

- ანგელოზო, - ეუბნებოდა მარიუსი.

ანგელოზი, - ეს არის ერთადერთი სიტყვა, რომელიც არასოდეს გაცვდება; ისე ხშირად იმეორებენ შეყვარებულნი ამ სიტყვას, რომ სხვა ვერ გაუძლებდა ამას.

მერე კი გაიაზრეს, რომ მარტონი არ იყვნენ, მიჩუმდნენ და ერთმანეთის ხელის ოღნავი შეხებით შეცვალეს სიტყვა.

ბატონი ჟილნორმანი მიუბრუნდა იქ მყოფთ და შესძახა:

- ხმამალა ილაპარაკეთ, იხმაურეთ, იმღერეთ! აბა, ჰა, ყვირილ-ხივილი, ყაყანი გვჭირდება, რომ თავისუფლად იღუღუნონ ამ გვრიტებმა!

მერე მარიუსსა და კოზმეტთან მივიდა და ჩემად უთხრა:

- შენობით ილაპარაკეთ, რის გრცხვენიათ?

დეიდა ჟილნორმანი დაბნეული შეჰყურებდა სინათლის ამ სხივს, მის მიმქრალ ბებრულ სამყაროში უეცრად რომ შემოიჭრა. ქალის გაცეცებაში არაფერი იყო მტრული, მისი მზერა არ ჰვავდა ჭოტის შურიან გამოხედვას, როცა ორ მოლულუნე გვრიტს შეჰყურებს. ეს იყო 57 წლის შინაბერას მოსულელო მზერა, - უღბლო ცხოვრება სიყვარულის საზეიმოდ გაფურჩქვნას ჭვრეტდა.

- ქალბატონო ჟილნორმან-უფროსო, - მიმართა მამამ, - ხომ ხედავთ, რა კარგად ასრულდა ჩემი ნათქვამი, - ცოტა ხნის შემდგომ დაუმბატა, - სხვისი ბედნიერებით მანაც დატკბით, - მერე კოზმეტს მიუახლოვდა, - რა ლამაზია! რა მშვენიერი! პირდაპირ გრიობის ნახატს ჰგავს. ხედავთ, როგორ უღიმის ბედი ამ საძაგელს, ამას! მართო შენ დატკბები, არა? შენი ბედი, რომ ერთი თხუთმეტი წლით უმცროსი არა ვარ, თორემ ბრძოლას ვერ ავცდებოდით, ხმალი გადაწყვეტდა, ვისი უნდა ყოფილიყო ეს ცუგრუმელა. აბა, რა ჩემი ბრალია? პირდაპირ შეყვარებული ვარ, ქალბატონო, და ეს გასაკვირი სულაც არ არის. რომ იცოდეთ, რა ქორწილს გადავიხდით. სენ-დენის სამრევლოს ვეკუთვნით, მაგრამ ნებართვას ავიღებ, რომ სენ-პოლის ეკლესიაში დაინეროთ ჯვარი. იქ სჯობია, იგზუიტების აშენებულია და უფრო კოხტაა. კარდინალ დე ბირაგის შადრევნის პირდაპირ არის. მაგრამ იგზუიტების ხუროთმოძღვრების საუკეთესო ნიმუში ნამიურშია, სახელად სენ-ლუ ჰქვია. ერთხელ ჩადით, ნახეთ, ჯვარს რომ დაინერთ. ღირს სამგზავროდაც და სანახავადაც. მე, ქალბატონო, თქვენს მხარეს ვარ სულით და გულით; მინდა, რომ თხოვდებოდნენ ქალიშვილები, იმიტომ, რომ ქალი ამისთვის არის გაჩენილი. წმინდა ეკატერინე ხომ წმინდაა, მაგრამ მე კი სიამოვნებით ვნახავდი თმაგაშლილს. გაუთხოვარი რომ დარჩება ქალი, იქნება კარგიც იყოს, მაგრამ მოსაწყენია. დაბადება ბრძანებს, გამრავლდითო. ხალხის განსაცდელისაგან დასახსნელად საჭიროა ჟანა დ'არკი, მაგრამ გასამრავლებლად დედილო ჟიგონი. მაშასადამე, გათხოვდით, ლამაზებო, გათხოვდით, კოპნიებო! რა საჭიროა გაუთხოვრად დარჩენა? ვიცი, ეკლესია პატივს სცემს მათ, ვინც არ გათხოვდება, ის წმინდა ქალწულის საზოგადოების წევრად ითვლება; მაგრამ, რომ ჩამომახრჩონ, მე მანაც ვიტყვი, - ერთი კარგი ქმარი, კოხტა ბიჭი, და ერთი წლის შემდეგ პატარა ანგელოზი რომ ჩაგეკვრებათ გულში, ხარბად წოვს და თან ვარდივით ლამაზი ხელით ეთამაშება ძუძუს და განთიადივით ტკბილად გიცინით, ეს უფრო კარგი უნდა იყოს, ვიდრე წირვაზე დგომა წმინდა სანთლით და თურრის ებურნეა-ს გალობა.

მერე კოხტად, ყმანვილკაცურად შემოტრიალდა ქუსლებზე, რამდენადაც ნებას აძლევდა სიბერე, და მოჰყვა თავისას:

ასე დაგიმსხვრევ თიქრთა მწვერვალებს,

შენ იქორწინებ, ალკიპო, მალე.

- მართლა, მარიუს...

- რა ვნებავთ, მამა?

- კარგი მეგობარი არავინ გყავს?

- მყავდა, კურფეირაკი.

- მერე?

- ბარიკადზე მოკვდა.

- კარგი უქნია.

ყმაწვილებთან დაჯდა, თავისი ჩამომხმარი ხელები მოავლო მათ ხელებს და განაგრძო ქება:

- მომხიბლავია მშვენიერი, ნამდვილი სრულყოფილებაა ბუნებისა ეს პატარა კომეტი! ძალიან პატარა ქალი და ძალიან დიდი ქალბატონი ბრძანდება. ბარონის მეუღლე იქნება და დაბადებით კი მარკიზის მეუღლეც არის დაბადებული. ერთი ამის წარბ-წამწამს შეხედეთ! ჰოდა, კარვად ჩაინერგეთ გონებაში, გვრიტებო, რომ სიცოცხლის ნამდვილ გზაზე ხართ. გიყვარდეთ ერთმანეთი და ხარბად დაენაფეთ მაგ ნეტარებას. თუ შეგიძლიათ, გახელებამდე! სიყვარული ადამიანის გახელება და ღვთის სულია. დატკბით ერთმანეთის თაყვანისცემით!

უეცრად ბატონი ჟილნორმანი დანადგლიანდა და მწუხარებით სავსე ხმით თქვა:

- მაგრამ ვაი, რომ ბედნიერებას უბედურებაც თან სდევს! ჩემი ქონების დიდი ნაწილი რენტაზეა დამყარებული, სანამ ცოცხალი ვარ, არაფერი გაგიჭირდებათ, მაგრამ ჩემი სიკვდილის შემდგომ, ასე, ოცი წლის შემდეგ, გროშიც აღარ გექნებათ, საბრალო ბავშვებო. ქალბატონო ბარონესა, თქვენს ქათქათა კბილებს მოუწევთ გახმარი პურის ყუის ღეჭვა.

ამ დროს უკნიდან ხმა გაისმა მშვიდი, თავდაჯერებული:

- ქალბატონ ეფფრაზი ფოშლევიანს ექვსასი ათასი ფრანკი აქვს.

ჟან ვალჟანის ხმა იყო. აქამდე დუმდა და აღარც კი ახსოვდათ, რომ ისიც იქ იყო, იდგა ამ ბედნიერი ხალხის უკან, მივიწყებული.

- ვინ არის ქალბატონი ეფფრაზი? - ჰკითხა გაკვირვებულმა ბაბუამ.

- მე გახლავართ, ბატონო, - მიუგო კომეტმა.

- ექვსასი ათასი ფრანკი? - გაიკვირვა ბატონმა ჟილნორმანმა.

- შეიძლება ექვსასი ათასს თოთხმეტი ან თხუთმეტი ათასი აკლდეს, - დაუმატა ჟან ვალჟანმა და მაგიდაზე დადო ის პაკეტი, რომელიც სქელ წიგნად მოეჩვენა დეიდა ჟილნორმანს.

ჟან ვალჟანმა თვითონვე გახსნა პაკეტი და ბანკის ბილეთების მთელი შეკვრა გამოჩნდა. დათვალეს. ხუთასი ბილეთი ათასფრანკიანი იყო და ას სამოცდარვა - ხუთასფრანკიანი. სულ ხუთას ოთხმოცდაოთხი ათასი ფრანკი იყო.

- აი, წიგნიც ასეთი უნდა! - შესძახა ბატონმა ჟილნორმანმა.

- ხუთას ოთხმოცდაოთხი ათასი ფრანკი, - ბუტბუტებდა დეიდა.

- მაშ აღარაფრის უნდა ეშინოდეთ, არა, ქალბატონო ჟილნორმან-უფროსო? - დანყო ისევ ბაბუამ. - დიდი ეშმაკი ვინმე ყოფილა ეს ბიჭი! სად მიაგნო ოცნების ხეზე ბუდეში ჩამალულ მილიონერ გოგონას? ეგეც თქვენი სიყვარული! სტუდენტი სტუდენტ ქალს ხვდება, ექვსასიათასიანს! ქერუბინი უკეთ იღვწის, ვიდრე როტშილდი.

- ხუთას ოთხმოცდაოთხი ათასი, - ბუტბუტებდა ქალბატონი ჟილნორმანი, - ხუთას ოთხმოცდაოთხი ათასი! ბარემ ექვსასი ათასი ვთქვათ? გასაოცარია!

ამ დროს კი მარიუსი და კომეტი ერთმანეთს შეჰყურებდნენ და თითქმის არც შეუნიშნავთ ეს წერილმანი.

თავი მხეუთე

სჯობს, ტყეში ჩამარხოთ ფული, ვიდრე ^{საქართველო}ნოტარიუსს მიაბაროთ

ეჭვი არ არის, მკითხველი თვითონვე მიხვდებოდა, ვიდრე დაწვრილებით ავუნერდით ყველაფერს, როცა შანმატიეს საქმე გასრულდა, უან ვალჟანი რამდენიმე დღით გაეპარა უავერს და მაშინვე პარიზში წავიდა. ლათიტის ბანკიდან გამოიტანა თავისი ფული, რომელიც მონრეილში ყოფნისას იშოვა ბატონი მადლენის სახელით. რადგან ეშინოდა, დამიჭერენო, - და დაიჭირეს კიდევ რამდენიმე დღის შემდეგ. - ადგა და თავისი ფული მონრეილში ტყეში დაფლა, ბლარიუს ველობზე. სულ ექვსას ოცდაათი ათასი ფრანკი იყო, ბანკის ბილეთებით, პატარა კოლოფში იყო ჩალაგებული; ნესტისგან რომ დაეცვა, კოლოფი მუხის ყუთში ჩადო და გარემო ნაბლის ბურბუმელა შემოახვია. იმავე ყუთში ჩადო თავისი მეორე განძი - ეპისკოპოსის შანდლები. მონრეილიდან რომ გამოიქცა, თან მარტო ეს შანდლები წამოიღო. სწორედ უან ვალჟანი იყო, ბულატრუელმა რომ დაინახა ერთ საღამოს ტყეში. შემდეგში, როდესაც კი ფული შემოაკლდებოდა უან ვალჟანს, მაშინვე ბლარიუს ველობზე მიდიოდა. ამიტომ მიდიოდა პარიზიდან რამდენიმე დღით. წერაქვიც იქვე ჰქონდა, ტყეში დამალული ისე, რომ მის მეტი ვერაფერს მიაგნებდა. რომ დარწმუნდა, მარიუსი გადარჩა, უკეთ არის და ეს ფული მალე საჭირო იქნებაო, ტყეში წავიდა. ბულატრუელმა რომ დაინახა, დილადრიანი იყო და არა საღამო ხანი. ამ განძიდან ბულატრუელს მემკვიდრეობად მარტო წერაქვი დარჩა.

სულ კოლოფში ხუთას ოთხმოცდაოთხი ათას ხუთასი ფრანკი იყო. ხუთასი ფრანკი თავისთვის გადადო უან ვალჟანმა, ჯერ ეს მეყოფა და მერე გამოჩნდებო.

თავდაპირველად კოლოფში ექვსას ოცდაათი ათასი იყო და ამ ჯამების განსხვავება ათი წლის, 1823-1833 წლების დანახარჯს წარმოადგენდა. ხუთი წელიწადი რომ მონასტერში ცხოვრობდნენ, სულ ხუთი ათასი ფრანკი დაუჯდათ.

უან ვალჟანმა ორი ვერცხლის შანდალი ბუხრის თავზე დადგა და მათმა ლაპლაპმა ბებერი ტუსენი აღაფრთოვანა.

ისიც იცოდა უკვე უან ვალჟანმა, რომ უავერის შიში აღარ უნდა ჰქონოდა. ყური მოჰკრა ვილაცის ნათქვამს და მერე „მონიტერშიც“ - ნაიკითხა, რომ „პოლიციის ინსპექტორი უავერი მრეცხავების ფიცარნავის ქვეშ, შანჟისა და ახალი ხიდის შუა, დამხრჩვალნი იპოვეს. ამ სრულიად უმნივლო და უფროსთაგან პატივცემული მოსამსახურის პატარა მოხსენება, იმ ღამესვე დაწერილი, საფუძველს გვაძლევს, ვიფიქროთ, რომ გონება აერია და თავი დაიხრჩო“.

„მართლაც, - ფიქრობდა უან ვალჟანი, - შემოიღო უნდა ყოფილიყო უბედური, თორემ ძლივს დამიჭირა და ასე თავისუფლად გამიშვებდა?“

თავი მეექვსე

ორი მოხუცი, ორივე თავისებურად ცდილობს, ^{საქართველო}კომეტი ბედნიერი იყოს

ყველაფერი მოამზადეს, რაც კი საჭირო იყო ქორწილისთვის. ექიმს მოელაპარაკნენ და მისი რჩევის თანახმად, თებერვალში დანიშნეს ჯვრისწერა. დეკემბერი იყო, ნეტარებით სავსე რამდენიმე კვირა გავიდა.

არც ბაბუა იყო მათზე ნაკლებად ბედნიერი. საათობით იდგა და შეხაროდა კომეტს.

- რა ლამაზია, რა მშვენიერი, - გაიძახოდა ალტაცებული, - გულჩვილი და გულტკბილი. ამგვარი მომხიბლავი ქალი არასოდეს მინახავს. დღეს გახელებული სიყვარულია, ხვალ კი იის სურნელებით ნაჰკურ სათნობად გადაიქცევა. გრაციაა ხორცშესხმული. ამგვარ გულწარმტაც არსებასთან მხოლოდ პატიოსნად, ერთგულად უნდა იცხოვრო. მარიუს, ჩემო ბიჭიკო, ბარონი ხარ, მდიდარი და დავას ნუ დაინყებ, გემუდარები!

აკლდამიდან უცბად სამოთხეში გადასულიყვნენ კოზეტი და მარიუსი და ტრფიალების მეტი არაფერი აგონდებოდათ. თუმცა მეტისმეტად სწრაფი და მოულოდნელი იყო ეს გადასვლა და განცვიფრებული იქნებოდნენ, ასე ალტაცებული რომ არ ყოფილიყვნენ სიყვარულით.

- ვერაფერი გამივია, შენ? - ეკითხებოდა მარიუსი კოზეტს.

- მეც. ალბათ, ღმერთი ჩაერია თავისი მადლიანი თვალით.

უან ვალჟანმა ყველაფერი მოაგვარა. ერთი შეხედვით ისე მიეჩქარებოდა კოზეტის ბედნიერებისაკენ, როგორც თვით კოზეტს, და ტკებოდა კოზეტის სიხარულითა და ნეტარებით.

როგორც ყოფილმა მერმა, ადვილად მოახერხა რამდენიმე გარემოების ასცილება, რომლის საიდუმლოება მართო თვითონ იყო; ეს იყო კოზეტის მოქალაქეობრივი მდგომარეობის აღნიშვნა. დაურიდებლად რომ ეთქვა, ვინ იყო კოზეტი, ვინ იყის, იქნებ სულაც ჩაეშალა ეს ქორწინება. მაგრამ ისე მოახერხა, რომ ყოველგვარი დაბრკოლება და უსიამოვნება ააცდინა. მთელი ოჯახი შეუდგინა, ოღონდ სულ მკვდრები იყვნენ ამ ოჯახის წევრები, რომ არავითარი კითხვა არ გასჩენოდა მთავრობის წარმომადგენელს. ერთადერთი კოზეტი იყო იმ გამქრალი ოჯახის შვილი. კოზეტი მისი შვილი კი არა, მეორე ფოშლეგანის შვილი იყო. ორნი ძმანი იყვნენ ფოშლეგანები, მცირე პიკიუსის მონასტრის მებაღეები. ამის შესამონშებლად ცნობები შეკრიბეს იმ მონასტერში და საუკეთესო დახასიათება მიიღეს, საქები და პატივისცემა. ღვთისნიერ მონაზვნებს ფიქრადაც არ მოუვიდოდათ გამოეძიათ, ვისი შვილი იყო კოზეტი, მით უფრო, რომ საეჭვოს ვერაფერს ხედავდნენ და ერთ-ერთის შვილად მიაჩნდათ; ერთის შვილი იყო, მეორის - ძმისწული. იმათაც ის თქვეს, რაც უან ვალჟანს უნდოდა, და თქვეს სიამოვნებით, ფოშლეგანების ქებითა და მადლობით. ამ მასალის წყალობით შეადგინეს ოქმი და კოზეტი ქალბატონი ევფრაზი ფოშლეგანი გახდა. ობოლი იყო კოზეტი, არც ღედა ჰყავდა, არც მამა. უან ვალჟანმა ისე მოახერხა, რომ ისიც ფოშლეგანად და კოზეტის მზრუნველად იქნა აღნიშნული. მეორე მზრუნველად ბატონი ჟილნორმანი ჩაწერეს.

რაც შეეხება ხუთას ოთხმოცდაოთხი ათას ფრანკს, ეს ფული კოზეტს ერთმა მიცვალებულმა ნათესავმა უანდერძა, რომელმაც უცნობად დარჩენა ისურვა. თავდაპირველად, ეს მემკვიდრეობა ხუთას ოთხმოცდათხუთმეტი ათას ფრანკს უდრიდა, მაგრამ ათი ათასი ფრანკი ქალბატონი ევფრაზის აღზრდაზე დაიხარჯა, რომელთაგან ხუთი ათასი პიკიუსის მონასტერმა მიიღო. ეს მემკვიდრეობა ერთ სანდო კაცს ჰქონდა მინდობილი და კოზეტისთვის უნდა ჩაებარებინა, როდესაც სრულწლოვანი გახდებოდა. ყოველივე ეს სრულიად მისაღები იყო, მით უფრო, რომ თან ნახევარი მილიონი ფრანკი მოჰქონდა. აქა-იქ შეიძლება რაიმე წვრილმანი კითხვას ბადებდა, მაგრამ ამისთვის აღარავის ეცალა, საქმე მარიუსსა და მის ოჯახს

შეეხებოდა; მარიუსს სიყვარული აჰყვარებოდა თვალებზე, მის ოჯახს კი ნახევარი მილიონი ფრანკი.

გაიგო კოზმეტმა, რომ მისი მამა არ იყო კაცი, რომელსაც ამდენი ხანი მამას ეძახდა. მამა კი არა, ბიძა იყო მისი; სხვა იყო მისი ნამდვილი მამა, სხვა ფოშლევიანი. სხვა დროს რომ გაეგო ეს გარემოება, შეანუხებდა, მაგრამ ისე იყო თავისი ბედნიერებით მოხიბლული, რომ ვეღარას ხედავდა; ესეც პატარა, უმნიშვნელო ჩრდილად მოხვდა მის ნეტარებას და ეს ჩრდილიც მალე დაავიწყა სიყვარულმა. მარიუსი ჰყავდა, ყმანვილი კაცი ჩრდილავდა ბერიკაცს. ასეა ჩვენი ცხოვრება.

გარდა ამისა, დიდი ხანია, მიეჩვია კოზმეტი გამოცანებს თავის ცხოვრებაში. ვისაც საიღუმლოებით საესეჟ ჰქონია პატარაობა, გულგრილად ხვდება რაიმე საწყენს.

მანც თავისი არ დაიშალა და ძველებურად მამას უწოდებდა უან ვალჟანს.

ბედნიერი იყო კოზმეტი და ალტაცებული ბაბუა ჟილნორმანით, რომელიც აღარ ასვენებდა თავისი საჩუქრებითა და ხოტბით. უან ვალჟანი წესიერ მოქალაქეობრივ და ეკონომიურ მდგომარეობას უშზადებდა. ბატონი ჟილნორმანი მზითვის კალათს უვსებდა პატარძალს; გულიანად მხოლოდ მაშინ ხარობდა, როდესაც დიდებულად ასაჩუქრებდა. ბელგიური მაქმანის კაბა აჩუქა, თავისი ბებიის ნაქონი. „მოდა ბრუნდება, - ამბობდა ბატონი ჟილნორმანი, - ძველებური ალტაცებს იწვევს. ჩემი სიბერის დროის ყმანვილი ქალები სწორედ ისე ირთვებიან, როგორც ჩემი პატარაობისას ბებერი ქალები“.

ძველებური კამოდები ჰქონდა, გამოხერილუჯრებიანი, კორომანდელური სანდალოზის ხისა, რომლებიც მრავალი წელიწადი იყო, არ გაეღო. კოზმეტის დანიშვნა და იმ კამოდების გაღება ერთი იყო. უნდა ვათქმევინო ამ ქვრივებს, რამ გაბერა ასე ძალიანო! - ამბობდა ხუმრობით. კამოდები გატენილი იყო მისი ცოლების, საყვარლების, ბებიების ძველებური, კარგად შენახული ჩინური აბრეშუმით, შტოფით, ქაშით, ფერად-ფერადი მუარით, ტურული მძიმე აბრეშუმის ლაპლაპა კაბებით, თურქული, ოქრომკვდით ნაქარგი შალებით, რეცხვა რომ ფერს არ უცვლის, შალის ქსოვილის თოფებით, ორივე მხარე - შიდა და უკანა - ერთნაირი რომ ჰქონდა, გენური და ალანსონური მაქმანებით, ძველებური ოქროს მოსართავებით, ბატალური სცენების გამოსახულებიანი სპილოს ძვლის ბონზონიერებით, სამშვენიისებითა და ლენტებით და ყოველივე ამას სულ კოზმეტს ჩუქნიდა. ალტაცებული იყო კოზმეტი, გაგიჟებული მარიუსის სიყვარულით, გაოცებული ბატონი ჟილნორმანის გულუხვობით და მომავალი ბედნიერება ედგა თვალწინ, სტავრითა და ხავერდით მოსილი. შეხაროდა თავის მზითვეს, რომელიც მისი ოცნებით ანგელოზებს ეჭირათ, თვითონ კი მილანური მაქმანის ფრთები შეესხა და ზეციურ ოცნებაში დაციალუბდა.

გახარებული იყვნენ შეყვარებულები და როგორც ვთქვით, არანაკლებ ალტაცებული იყო თვითონ ბატონი ჟილნორმანიც; ფილ-დე-კალვერის ქუჩაზე დაუსრულებელი ლხენა გამეფებულყო.

გათენდებოდა და ყოველ დილას მზად იყო საჩუქარი კოზმეტისათვის. ნაირ-ნაირი საუცხოო სამკაული იშლებოდა მის ირგვლივ.

მარიუსი ბედნიერი იყო, მაგრამ სიამოვნებით ლაპარაკობდა სერიოზულ საკითხებზეც. ერთხელ თქვა:

- რევოლუციის მოღვაწენი იმდენად დიდებულნი არიან, რომ უკვე მოხვეჭილი აქვთ საუკუნეთა თაყვანისცემა, როგორც კატონსა და ფოკიონს. ზეპირად იციან ანტიკური მემუარები.

- ო, ანტიკური მუარი! - შეჰყვირა ბაბუამ, - გმადლობ, ჩემო ბიჭო, შესაფერ სიტყვას ვეძებ და შენ მომაგონე.

მეორე დღეს ძვირფასი მუარის კაბა კიდევ მიემატა კომეტის საჩუქრებს, ჩაის ვარდის ფერი. ამ ჩვრებზე ბაასის დროსაც ახერხებდა ბაბუა ბრძნული რამ ეთქვა:

- მართალია, კარგია სიყვარული, მაგრამ ამის მიმატებაც არ არის მეტი. კარგია ბედნიერება, მაგრამ უსარგებლოც სჭირდება. ბედნიერება მარტო სასარგებლოთი ვერ კმაყოფილდება. ბედნიერებას საამურიით და გასახარით უნდა შეზავება. მომეცით სასახლე და სატრფოს გული, მისი გული და ლუვრი, მისი გული და ვერსალის შადრევნები, ერთი მწყემსი გოგო მომიყვანეთ და ეცადეთ, დიდებული გახდეს, მომიყვანეთ ფილიდა ღიღილოს ყვავილების გვირგვინით, ოღონდ ერთი ასი ათასი ფრანკის შემოსავალიც გამოატანეთ, ბუკოლიკური სურათი გადამიშაღეთ თვალუნებდენელი, ოღონდ მარმარილოს სვეტებით იყოს დამშვენებული. დიახ, ბატონო, არც ბუკოლიკურ ცხოვრებას დავინუნებ, ოღონდ უკლებლად მქონდეს ოქრო და დიბა-ატლასი. ხმელი ბედნიერება გამხმარ პურსა ჰგავს. მას გიახლებით, მაგრამ ეს სადილი როდია. მე თაყვანისმცემელი გახლავართ უსარგებლო, მაგრამ საამო დანამატისა, რომელსაც ვერაფერში გამოიყენებს ადამიანი, მაგრამ თვალს ახარებს და გულს ხიბლავს. მახსოვს, სტრასბურგის ტაძრის საათი ვნახე, სამსართულიანი სახლის სიმაღლის, დროის საჩვენებლად ჩადგმული კოშკში, მაგრამ ისე ჩანდა, რომ სულ სხვა რამისთვის შექმნეს, - შუადღეზე ან შუალამისას რომ ჩამოჰკრავდა, შუადღეს - მზის საათს, შუალამის - სიყვარულისას, ან დღე-ღამის ნებისმიერ დროს, თან მთვარესა და ვარსკვლავებს, ზღვასა და ხმელეთს, თევზებსა და ფრინველებს, ფეხებსა და ფეხს და ათას სხვა რამესაც გიჩვენებდა; ეს ყველაფერი ნიშიდან გამოდიოდა. აქ იყვნენ თორმეტი მოციქულიც და იმპერატორი კარლ V-ც, ეპონინიც და საბინუსიც და კიდევ მოოქრული კაცუნების მთელი ხროვა, საყვირებზე რომ უკრავდნენ. ახლა ზარების საუცხოო რეკვას არ იკითხავთ, რომელიც დროდადრო გაისმოდა. კაცმა არ იცის, რა მიზეზით? ამის შემდეგ რატომ უნდა მომწონდეს საბრალო შიშველი ციფერბლატი, რომელიც მხოლოდ და მხოლოდ წუთებს ითვლის? მე სტრასბურგის საათის თაყვანისმცემელი გახლავართ, შვარცვალდის გუგულს მას ვამჯობინებ.

სულ იმის ფიქრში იყო, როგორ მოეწყო დიდებული ქორწილი და მის ნათქვამში ცხადად იხატებოდა XVIII საუკუნის ჩვეულებანი:

- ქორწილი დიდებული უნდა, თქვენ კი ამის რა იცით. მხიარული ნეტარების დღე უნდა იყოს ქორწილი და თქვენ კი ვალდებულების ასრულების მეტი არაფერი გახსოვთ. უძლური გახლავთ თქვენი XIX საუკუნე, გაქანება აკლია. აღარც მდიდარი იცის, აღარც დიდებული. გარანდულ-გაშანდაკებულია ყველაფერში. უგემოვნოა თქვენი მესამე წოდება, უფერული, უსურნელებო, უფორმო. თქვენი ბურჟუაზიული საზოგადოების ქალის ოცნებაა, რომ გათხოვდება, ჰქონდეს ერთი პატარა, ლამაზად მოწყობილი ოთახი, პალისანდრისა და კოლენკორის ავეჯით. აბა, განი! ბატონი უნიფხვო ქალბატონ ნუნუარაქს ირთავს! ბრწყინვალეებაა და ფუფუნება! ერთი ოქრო მიაკრეს წმინდა სანთელს! მეტი რა გნებავთ? რა დროს შევესწართო! რომ

შეიძლებოდა, გადავიკარგებოდი სადმე, სარმატებს იქით. ეჰ, 1787 წელს ვინანსწარმეტყველე, რომ ქვეყანა იმ დღეს დაიღუპა, როდესაც ჰერცოგი დე როვანი, ლეონის პრინცი, ჰერცოგი დე შაბო, ჰერცოგი დე მონბაზონი, მარკიზი დე სუბიზი, გრაფი დე ტუარი, საფრანგეთის პერი, ორთვალთ წავიდნენ ლონშანში, დოლმე-ჰოლა, ამან ნაყოფი გამოიღო. დღეს მხოლოდ ფულშია დიდება! საქმედ მარტო ის მიაჩნიათ, რაც ფულს შესძენთ; დღევანდელი ცხოვრება ბირჟაზე ფულის მოგება და კრიჟანგობაა. გარეგნულად ბრწყინვალეა დღეს ადამიანი, გასაჰნული, გაბანილი, განმედილი, გაფხვილი, დავარცხნილი, გაპარსული, ცვილწასმული, რიყის ქვასავით გათლილი და გარანდული და იმავე დროს, - ჩემი საყვარლების უმანკობას ვფიცავ! - გულში ისეთი სიბინძურე, ისეთი კლოაკა, რომ შორს გაექცევა მწყემსი დედაკაცი, რომელიც ცხვირს ხელით იხოცავს. თუ დროსაც უნდა ჰქონდეს თავისი დევები, ორ სიტყვას ვიხმარებდი ჩვენი დროის დევზად - „ბინძური სისუფთავე“! აჰ, არ გაჯავრდე, ჩემო მარიუს! მოდი, ჩემიც მათქმევიყე. ხომ ხედავ, მე ხალხს არ ვეხები, არც ვემდური, მაგრამ ბურჟუაზიას რომ მათრახი არ გადავკრა, ეგ კი არ შემოდია. მეც ამნაირი ვარ. ვინც ძალიან მიყვარს, მას ვცემ. ჰოდა, გულახდილად მოგახსენებთ, რომ დღეს ქორწინდება კაცი და ქორწინებისა კი არაფერი გაეგება. ოჰ, როგორ მივტირი უწინდელ ზნე-ჩვეულებებს! უწინდელი ყველაფერი დასანანი: ის კობტაობა, ის რაინდობა, ის თავაზიანი ზრდილობა, მხიარული დროს ტარება, ქორწილის მუსიკა: სიმფონია მაღალ ფენებში და დოლი და თამამი ქვევით, მოხდენილი ცეკვა, უხვად გამლილი სუფრა, მხიარული, შექვიფიანებული სტუმრები, თავსატეხი გამოცანებისა და ლექსების პაექრობა, ალალი სიხარული, ჩირადნები და მაშხალები, ხუმრობა, ოხუნჯობა, უზარმაზარი ფურგონები და დიდრონი ბათეთები. რა დიდი რამ იყო, რომ იყოლდეთ, პატარძლის წვივსაკრავი. პატარძლის წვივსაკრავი დობილია ვენერას სარტყელისა. რაზე ატყდა ტროის ომი? ვფიცავ, ელენეს წვივსაკრავისთვის. რად იბრძვის ადამიანი, რად დაამტვრია თავზე ღვთაებრივმა დიომედემ მერიონეს სპილენძის ჩაჩქანი? რად ებრძვიან ერთმანეთს აქილევსი და ჰექტორი? იმიტომ, რომ ელენემ პარისს დაუთმო თავისი წვივსაკრავი. ჰომეროსს რომ ენახა კომეტის წვივსაკრავი, „ილიადას“ შექმნიდა, თავის პოემაში ერთ ჩემსავით ბებერ ყბედს დავვიხატავდა და სახელად ნესტორს უწოდებდა. დიახ, ჩემო მეგობრებო, უწინდელ დროში, იმ ბედნიერ, ტკბილ უწინდელ დროში, ღირსეულად იყოლდნენ ქორწინება. ჯერ ერთ კარგ პირობის წერილს შეადგენდნენ, მერე ერთ კარგ სუფრას გამლიდნენ და ძალიანაც ნაიქიფებდნენ. როგორც კი გაბრძანდებოდა კანონიერების კიუჟასი, შემოვარდებოდა მოქიფვე კამაჩო და „ჰა, სუფრა გამლილია?“ - ყვიროდა. ნურც ძალიან იუცხოებთ. კუჭი, ბატონებო, საამო ცხოველი გახლავთ, რომელიც ყოველთვის მოითხოვს თავისას და ქორწილით დატკობაჲც ძალიან უყვარს. კარგი სუფრა, კარგი ლხინი, გვერდზე კარგი ლამაზი ქალი, რომელსაც მონაზონივით არ ჰქონდა გული შეკრული და ზომიერად გატკობდათ თავისი გულ-შეკრდით, სიცლი, ხარხარი და უსაზღვრო მხიარულება; ყმანვილკაცობა ნამდვილ თაიგულს წარმოადგენდა. ყველას ამკობდა იასამნის აყვავებული ტოტი, თაიგული ვარდ-ყვავილისა; მხედარიც რომ ყოფილიყო, იქ მწყემსად ხდებოდა. კაპიტანი რომ ყოფილიყო დრაგუნებისა, იქ მჭევრმეტყველ მეიგავე ფლორიანად გადაიქცეოდა; ყველა ცდილობდა ლამაზი, მოხდენილი ყოფილიყო; ტანსაცმელს იქარგავდნენ ქორწილისთვის, თავს იმპვენებდნენ, ილამაზებდნენ. ბურჟუისთვის რომ შეგეხებათ,

იტყვოდით, ვარდიაო, მარკიზი კი თვალ-მარგალიტად გეჩვენებოდათ. მაშინ არც ყელიანი წაღები ვიცოდით, არც საკოჭურები. კობხად ეცვა ყველას. ყველა მხიარულობდა, მღეროდა, ცეკვავდა, ეტრფოდა, თრთოდა და ლხინი სრულიად არავის უშლიდა ხელს, რომ წელზე ხმალი ჰქონოდათ შემორტყმული. პატარა რამ არის ჩიტი კოლიბრი, მაგრამ მასაც აქვს ნისკარტი და კლანჭი. ზრდილიც იყო ჩვენი დრო და ძლიერიც, მშვენიერიც და მხიარულიც. მერწმუნეთ, ძალიან მხიარულად ვატარებდით დროს, დღეს კი მეტად დარბაისლად იქცევა ყველა. ბურჟუა მამაკაცი კრიჟანგია, ბურჟუა ქალი - ფრთხილი. ბედუკუღმართია თქვენი დროება! დღეს რომ გრაცები ყოფილიყვნენ, განდევნიდით, აგრე რად გიჩანთ გულ-შკერდით! უბედურებასაც ის არის თქვენი, რომ ისე ფარავთ მშვენიერებას, როგორც სიმამხინჯეს. რევოლუციამ ყველას შარვალი ჩააცვა, მოცეკვავე ქალებსაც კი; მასხარა გოგოც კი დარბაისელი უნდა იყოს; თქვენი საცეკვაო სიმღერაც ჭკუის სასწავლებელია. თქვენ დროს გაბლინძული უნდა იყოს კაცი და დიდი უბედურია, ვისაც იმხელა ყელსახვევი არა აქვს, რომ შიგ ჩაიმალოს ნიკაპი. ოცი წლის ბიჭი რომ ცოლს ირთავს, სულ იმას ცდილობს, ბატონ რუაიე-კოლარს დაემსგავსოს. და იცით, სად მიჰყავხართ ამ დარბაისლობით გატაცებას? დაკნინებისაკენ. ეს იცოდეთ და ნუღარ დაგაინწყდებოთ. სიხარული მართო მხიარულება კი არ არის, იგი დიადიც არის. ჰოდა, დატკბით სიყვარულით, გამხიარულდით, ცას დაენიეთ, დაიფიქრეთ ყოველი ჭირ-ვარამი. ცოლს რომ ირთავთ, გაგიჟებთ შეირთეთ, აღტაცებითა და ნეტარების ხმამაღალი ყიჟინით. დარბაისლობა საყდარშია კმარა; მაგრამ როგორც კი გამოხვალთ ეკლესიიდან, მხიარულ ტკბილ სიმმარში ჩააგდეთ თქვენი დედოფალი. ქორწილი დიდებული უნდა იყოს და თან ქიმერული და მაყრიანი, რეიმისი ტაძარში დაიწყოს და შანტელუს პავოლაში გათავდეს. ქორწილი და დაფიქრებული, მოღუშული? შეფე-დედოფალი ხართ, არა? ამ დღეს მაინც ადით ოლიმპზე, გახდით ღმერთები! შეგიძლიათ სილფები იყოთ, მხიარულებისა და ნეტარების განხორციელება, არგირასპიდები, მაგრამ ქვემძრომი კი არა! ეს იცოდეთ, ბატონებო, ჯვარს რომ დაინწერს ბიჭი, მეფე ხდება, დიდებული აღდობრანდინი. თქვენც ისარგებლეთ იმ ნუთით მეფობისა, რომელსაც ერთხელ მოგანიჭებთ კეთილი ბედი და გედებსა და არწივებთან ერთად ზეცას აფრინდით, თუნდ იცოდეთ, რომ ხვალ ბურჟუაზიის ბაყაყების ჭაობში გაიღებთ ტყაპანს. ქორწილს ხელის მოჭერა და ყაირათი არ უხდება; ნუ ჩამოაჭრით თავის დიდებას, წუნურაქობა არ დაიწყეთ იმ დღეს, როდესაც მეფე ხართ და მზესავით ბრწყინავთ. ქორწილი ოჯახი როდია. მე რომ ჩემებურად მომეწყო, მაშინ ნახავდით, რა იყო უწინდელი დრო. უცხად ხეებში ტკბილი ვიოლინო აკვინსდებოდა. აი, ჩემი პროგრამა: ცის ლაჟვარდისფერი და ვერცხლი. მე ქორწილს შემოვუერთებდი უწინდელ ღვთაებებს, ტრიალებს, ნერეიდებს, ამფიტრიტეს ქორწილს გავაჩაღებდი ვარდისფერი ღრუბლებით, კობხად თმადავარცხნილი შიშველი ნიმფებით, ერთი აკადემიკოსით, რომ ლექსით მიმართოს ღვთაებას და ზღვის ვეშაპებით მიმავალ დიდებულ ეტლს.

ზღვის ნიჟარაზე მჭდარი ტრიტონი

საყვირს უკრავდა,

ისე უკრავდა, დატყვევებული

სულყველა ჰყავდა.

აი, ჩემი ქორწილის პროგრამა და ამაზე უკეთესს ვერას იტყვით, თუ მართლა ჩერჩეტად არ მთვლით.

და მანამ ბაბუა ტკბებოდა მჭევრმეტყველი ლირიზმით წარმოთქმული სიტყვით, კოზეტი და მარიუსი ერთმანეთს შეხაროდნენ და ტროფობით თვრებოდნენ.

ღეიდა ჟილნორმანი ურყევი სიმშვიდით შეჰყურებდა ამ სანახაობას. ხუთი თუ ექვსი თვე იყო, დიდი მღელვარება გადაიტანა საბრალო ქალმა: მარიუსის დაბრუნება, მ დაჭრილი მარიუსის მოყვანა, მარიუსის ბარიკადზე ბრძოლა აჯანყებულებთან ერთად, მარიუსის სიკვდილი, მერე გაცოცხლება. მარიუსის ბაბუასთან შერიგება, მარიუსის ვიღაც ღარიბ გოგოზე დანიშვნა, მარიუსის დანიშნულის მილიონერად გამოცხადება! ეს ექვსასი ათასი ფრანკი იყო, რომ ასე მოულოდნელად მოხვდა გულში, მერე კი ისევ ის უყურადღებობა მოერია ყველაფერისადმი, რასაც განიცდის ყმაწვილი ქალი, პირველი ზიარებისთვის რომ ემზადება, - წირვა-ლოცვას არ აკლდებოდა, კრიალოსანს მარცვლავდა, თავის ლოცვანს კითხულობდა, სადმე მიკუნჭული ავე-ს ჩურჩულებდა იმ დროს, როდესაც კოზეტი და მარიუსი ერთმანეთს ეჩურჩულებოდნენ: | ლოვე ყოუ! ჩრდილებად ეჩვენებოდა კოზეტი და მარიუსი, ჩრდილი კიდევ თვით ის იყო.

არსებობს უმოქმედო ასკეტიზმის ერთგვარი სახეობა, - მინისძვრისა და სხვა კატასტროფების გამოკლებით, - როცა გამტერებულ-გაქვავებული სული, ყველა იმისადმი გულგრილი, რასაც კი შეიძლება ცხოველმოქმედება ვუნდოთ, არანაირ შთაბეჭდილებას არ აღიქვამს, არც სასიხარულოსა და არც სამწუხაროს.

სმირად ეტყოდა ხოლმე ბატონი ჟილნორმანი თავის ქალიშვილს:

- ეგ შენი ღვთისმოსაობა, შვილო, სურდოა და სხვა არაფერი. შენ ჩვენი ცხოვრების სურნელებისა არაფერი გავგეგება, ცუდ სუნს ერიდები, მაგრამ კარგსაც ვერ გრძნობ.

ქალბატონ ჟილნორმანზე ექვსასი ათასმა ფრანკმაც იქონია გავლენა და მიუღებელი მიაღებინა. ბატონი ჟილნორმანი ჩვეულებრივ არაფერს ეკითხებოდა თავის ქალიშვილს და არც მარიუსის დანიშვნისა და ქორწილის შესახებ უთქვამს რამე. თავისებურად მოიქცა აქაც, აჩქარებით და ერთადერთ განზრახვითა ხელმძღვანელობდა, - მარიუსის გულის მოგება უნდოდა. აქამდე ტირანი უცბად ყურმოჭრილ მონად გადაიქცა. არც კი მოჰგონებია, რომ მის გარდა ღეიდაც არსებობდა, რომ შეიძლებოდა ღეიდას სხვა აზრი ჰქონდოდა; და თუმცა ღეიდა ბატკანივით მორჩილი იყო, მაინც ეწყინა; გაჯავრებული იყო, მაგრამ არ იმჩნევდა უკმაყოფილებას. ფიქრობდა, მამაჩემმა უჩემოდ გადაწყვიტა მარიუსის დაქორწინება; მაშ, მეც უიმისოდ გადაწყვეტ ჩემი ქონების მემკვიდრის დასახელებასო და მართლაც, იგი იყო მდიდარი და არა მამა; გადაწყვეტილი ჰქონდა და ჩუმად იყო. კოზეტი რომ უშბითვო ყოფილიყო, ცხადია, თავისას არაფერს მისცემდა; ახია სულელ დისწულზე! ღარიბ გოგოს ირთავს, მაშ, თვითონაც ღარიბად დარჩეს! მაგრამ კოზეტის ექვსასმა ათასმა ბებერ ღეიდას გადაწყვეტილება შეაცვლევინა. ფულსაც პატივს უნდა ვცემდეო, რაღა თქმა უნდა, და რაკი ფულის ყადრი სცოდნია მარიუსს და აღარც უჭირს, მაშ, ღეიდის ქონების მემკვიდრეც ის იყოსო.

ისიც დაადგინეს, რომ ჯვარდანერილები ბატონ ჟილნორმანთან დასახლდებოდნენ. დაიჟინა ბაბუამ, ამ სახლში ყველაზე კარგი ჩემი ოთახია და იქ დავაბინაოთყ მარიუსი და კოზეტი. ეს დამიბრუნებს ახალგაზრდობას, დიდი ხანია ეს მინდოდა, სულ იმას ვფიქრობდი, რომ ნეფე-ღედოფლისათვის დამეთმო ჩემი

ოთახიო. საუცხოოდაც მორთო ოთახი, სულ იქ დაანყო, რაც კი რამ კოხტა სამშენისი მოეპოვებოდა. ჭერი მოახატვინა, კედლებზე კი გააკრევირა ძვირფასი ქსოვილი, რომელიც თავის კამოდში ჰქონდა შენახული და უტრეხტულად მიაჩნდა; ოქროსფერ ატლასზე ხავერდოვანი ფურისულები იყო ამოქარგული. სწორედ ამნაირი ატლასით იყო განწყობილი ჰერცოგ დ' ანვილის მეუღლის საწოლი ლარომ-გიონშიო, - ამბობდა თავმონონებით ბატონი ჟილნორმანი. ბუხრის თავზე საქსონური ფაიფურის ჰატარა სტატუეტი დაადგმევინა, - ქალის ფიგურა, რომელიც სიმშველეს ხელსაბურთით მალავს.

ბატონი ჟილნორმანის ბიბლიოთეკა მარიუსის კაბინეტი გახდა, რადგან თანახმად დებულებისა, ადვოკატს უთუოდ უნდა ჰქონოდა ცალკე სამუშაო ოთახი.

თავი მეშვიდე

ავი სიზმრების ჩარევა ბედნიერებაში

კოზეტი და მარიუსი ყოველდღე ხედავდნენ ერთმანეთს, - კოზეტი და ბატონი ფომლევენი მიდიოდნენ მარიუსთან.

- აღარც სირცხვილი, აღარც მორიდება, - გაიძახოდა ბებერი დეიდა, - პატიოსანი ქალი ვიყო და მე თვითონ დავდიოდე ჩემს დანიშნულთან?

მაგრამ მაინც გრძობდა, რომ ავად იყო დანიშნული და მისი ავადმყოფობა ამართლებდა კოზეტს. კიდევ გამოკეთდა მარიუსი, მაგრამ ჩვეულება გამაგრებულიყო და უცვლელად რჩებოდა, სხვათა შორის იმიტომაც, რომ ფილ-დუ-კალვერის ქუჩის სავარძლები უფრო მეტ განცხრომას აძლევდა დანიშნულთ ტრფობას, ვიდრე ლ'ომ-არმეს ჩალის სკამები. ყოველდღე ერთად იყვნენ მარიუსი და ბატონი ფომლევენი, მაგრამ ერთმანეთს იშვიათად ელაპარაკებოდნენ, თითქოს შეთანხმებულიანო. გასათხოვარ ქალს ყოველთვის სჭირდება გამყოლი და კოზეტსაც ყოველთვის თან ჰყავდა ბატონი ფომლევენი. მარიუსისთვის ბატონი ფომლევენი აუცილებელი დამატება იყო, ურომლისოდ კოზეტის ნახვაც შეუძლებელი იქნებოდა, და რა გაეწყობოდა, ამ დამატებასაც ურიგდებოდა. ერთხელ ბაასი ჩამოვარდა მთავრობის პოლიტიკის შესახებ; რა ღონისძიებანი იყო სასურველი, რომ გაუმჯობესებულიყო ხალხის მდგომარეობა და ამ ბაასში ცოტა რამ მეტი თქვეს, ვიდრე ჩვეულებრივი „დახ“ და „არა“. ერთხელ კიდევ ხალხის განათლებაზე ჩამოვარდა სიტყვა; მარიუსის აზრით, ხალხის განათლება სავალდებულო და უსასყიდლო უნდა ყოფილიყო, ყოველმხრივი და ყოველგვარი საშუალებით მიმზიდველი, ყველასთვის ადვილად მისაწვდომი, როგორც მზე და ჰაერი; ერთი სიტყვით, ხალხის აუცილებელ კუთვნილებად გარდაქმნილი. ამ ბაასში მარიუსის და ბატონი ფომლევენის სრული საუბარი იყო. მარიუსს შთაბეჭდილება დარჩა, რომ ბატონი ფომლევენი კარგად ლაპარაკობდა, განვითარებული კაცის ენით, ოღონდ რაღაც აკლდა, საზოგადოებაში ნამყოფს არ ჰყავდა, თუმცა გაცილებით უკეთ ასაბუთებდა თავის აზრს, ვიდრე საზოგადოების უმრავლესობა.

მრავალი უთქმელი კითხვა უტრიალებდა გულში მარიუსს ბატონი ფომლევენის შესახებ, რომელიც ზრდილობიანად, მაგრამ გულცივად ექცეოდა; ხანდახან, წარსული რომ მოაგონდებოდა, ეჭვი გაუნრდებოდა ხოლმე. მის მესხიერებაში შავით დაფარული ერთი ორმო არსებობდა, ერთი ჭურღმული ოთხი თვის ავადმყოფობით გაჩენილი.

ბევრი რამ ჩავარდნილიყო იმ ჯურღმულში. ხანდახან ეჭვი ერეოდა და თავს ეკითხებოდა, ნუთუ მართლა ბატონი ფომლევეანი იყო ბარიკადზე? როგორ წარმოვიდგინო, რომ ეს მოხუცი, დარბაისელი, წყნარი კაცი იქ იყო?

ამ კითხვასთან ერთად სხვაც ბევრი ანუხებდა. წარსულის სურათები წარმოუდგებოდა ხან მკრთალად, ხან ისე ცხადად, თითქოს ხელახლა განიცდისო. ან როგორ შეიძლება მთლად დაივიწყო, განდევნო მესხიერებიდან ის საშინელება, რომელიც გაიძულებს, სევდით გაიხსენო წარსული თვით სრული ბედნიერებისა და კმაყოფილების უამს? გამქრალ ჰორიზონტს რომ თვალს აარიდებს კაცი, აღარც ფიქრი შერჩება, აღარც სიყვარული. ხანდახან მარიუსი ხელებს აიფარებდა სახეზე და თვალწინ წარმოუდგებოდა ის საშინელი დრო, როდესაც თავგანწირვით იწვედა სიკვდილისაკენ. თვალწინ ედგა ბარიკადი. მამულის სიკვდილი, მომღერალი გავროში ვაზნებს რომ აგროვებდა ზარბაზნის სროლაში; თავის ტუჩზე გრძნობდა ეპონონის გაცივებულ შუბლს. ხელავდა ანჟოლორასს, კურფეირაკს, უან პრუვერს, კომბეფერს, ბოსუეს, გრანტერს. თვალწინ გამოეჭიმებოდნენ ხოლმე უცხად თავისი ამხანაგები და უცხადვე გაქრებოდნენ. ნუთუ სიმზარი იყო მისი წარსული? ნუთუ სიმზარში ნახა ეს საყვარელი, პატიოსანი, თავგანწირული არსებანი? ნუთუ მართლა იყვნენ და აღარ არიან? აჯანყებამ ყველაფერი წაღუკა, ზარბაზნის კვამლში გაახვია. ამ დროს მარიუსი ისე იყო, თითქოს დიდი სიყვამ აქვს და ვეღარ უძლებსო. დიდმა სიყვამ ზმანებაც იცის. თავის თავს ეკითხებოდა, იგონებდა, თავებზე ესხმოდა, მიწისპირიდან ასე საშინლად აღგვილ წარსულს რომ წარმოვიდგენდა. მაშ, აღარ არიან? დაიხოცნენ? ნუთუ მართლა დაიხოცნენ? ერთი ნაბიჯი ბნელში და ამდენი ხალხის სიკვდილი? ყველანი დაიხოცნენ, მისი, მარიუსის გარდა! ხანდახან ისე მკრთალად ეჩვენებოდა ყოველივე ეს, თითქოს თეატრში ჩამოუშვეს ფარდა და სცენა დამალესო. ზოგჯერ ცხოვრებაშიაც ეშვება ხოლმე ამგვარი ფარდა.

მერე თვითონ? განა დღესაც იგივე იყო? ღარიბი იყო, დღეს მდიდარია; მარტოდმარტო იყო, დღეს ოჯახი აქვს; იმედმიხილი იყო, დღეს კომეტს ირთავდა. წარმოუდგებოდა ხოლმე, სამარეში იყო და იქიდან გამოვიდა. შავი იყო, რომ შევიდა და იქიდან კი გათეთრებული გამოვიდა, სხვები კი იქ დარჩნენ. ამგვარი ფიქრების დროს გარს შემოეხვეოდნენ ხოლმე წარსულის აჩრდილები და გულს უღონებდნენ. ერთადერთი წამალი იყოდა გულსაკლავი მოგონებების ასაცილებლად, - კომეტს გაიხსენებდა და მწუხარებას ჩამოიშორებდა. ამ ნეტარების გახსენება იყო საჭირო, რომ დაევიწყებინა წარსულის საშინელება.

ხანდახან ფომლევეანიც დახოცილთა რიცხვში ჰყავდა. ვერა და ვერ წარმოედგინა მარიუსს, რომ ახლანდელი ფომლევეანი ის კაცი იყო, რომელიც ბარიკადზე მველოდა, ახლა კი მარიუსთან იყო და გვერდით უჯდა კომეტს. არა, ბარიკადელი ფომლევეანი მოჩვენება უნდა ყოფილიყო, ავადმყოფობის დროს სიცხით აღძრული და მერე გამქრალი. ამ ბნელის განათებას ვერ მოხერხდებოდა, რადგანაც ისე ერიდებოდნენ ორივენი ერთმანეთთან დაახლოებას, რომ შეუძლებლად მიაჩნდათ რაიმე კითხვის დასმა. მარიუსიც არაფერს ეკითხებოდა. ჩვენ უკვე აღვნიშნეთ ეს დამახასიათებელი წერილმანი.

ორ კაცს რომ ერთი და იგივე საიდუმლოება ანუხებდეს და რაღაც უსიტყვო შეთანხმებით ერთმანეთს არაფერს ჰკითხავდნენ, ეს უფრო ხშირია, ვიდრე ჩვენ გვგონია.

ერთხელ იყო მხოლოდ, რომ მარიუსმა სცადა, შანვრერის ქუჩა ახსენა და ბატონ ფომლეევანს მიუბრუნდა:

- თქვენ უნდა იცნობდეთ ამ ქუჩას?

- რა ქუჩას?

- შანვრერის ქუჩას.

- სახელიც კი არსად გამიგონია, - მიუგო სრულიად ბუნებრივი კილოთი ბატონმა ფომლეევანმა.

პასუხი ქუჩის სახელს შეეხებოდა და არა თვით ქუჩას და უფრო დამაკმაყოფილებლად ეჩვენა მარიუსს, ვიდრე ნამდვილად იყო.

- არა, - იძახდა გულში მარიუსი, - ალბათ, მომელანდა. ვილაყ სხვა იყო ბარიკადზე და ძალიან ჰგავდა ამას. ბატონი ფომლეევანი იქ არ ყოფილა.

თავი მერვე

ორი კაცი, რომელთა პოვნა შეუძლებელია

მარიუსი სიყვარულით იყო თავბრუდახვეული, მაგრამ ნელ-ნელა სხვა საქმეების აკონდებოდა.

საქონილოდ რომ ემზადებოდნენ და ჯერ დღე არც კი დაენიშნათ, მან რამდენიმე კაცს დაავალა ზოგი საქმის გამოძიება.

რამდენიმე კითხვა ჰქონდა გამოსარკვევი; ჯერ მამის გამო იყო მადლიერი და მერე თავის გამო.

ერთი მხრივ იყო ტენარდიე, მეორე მხრივ კი, ვილაყ უცნობი, რომელმაც ბატონ ჟილნორმანს დაჭრილი მარიუსი მიუყვანა.

მარიუსს ძალიან უნდოდა ამ ორი კაცის პოვნა; ვერ წარმოედგინა, როგორ შეიძლებოდა ჯვარი დაენერა, ბედნიერი ყოფილიყო და ისინი კი დაეინყებოდა; ეშინოდა, რომ გადაუხდელი ვალი ჩრდილს მიაყენებდა მის შუქმივინარ მომავალ ნეტარებას. შეუძლებლად მიაჩნდა გამოურკვეველად დაეტოვებინა ეს გარემოებანი, თვით თავის გზას დასდგომოდა და ისინი უკან დაეყარა; ცდილობდა, ჯერ წარსულს გასწორებოდა, სანამ სიხარულით მომავლისკენ იზამდა პირს.

საზარელი რამ იყო ტენარდიე, მაგრამ ეს არაფრით ამცირებდა მის ღვანლს, სიკვდილს რომ ხელიდან გამოჰვლიდა პოლკოვნიკი პონმერსი. ტენარდიე ავაზაკი იყო მთელი ქვეყნისთვის და მარიუსისთვის კი არა.

მარიუსმა არ იცოდა, რაღა თქმა არის საჭირო, რაც ნამდვილად მოხდა ვატერლოოს ბრძოლის ველზე; არ იცოდა, რომ ტენარდიესი არაფერი ემართა მის მისვალეზულ მამას, თუმცა სიკვდილს კი ამ მაროდოროსი წყალობით გადაარჩა.

რამდენიმე კაცი ეძებდა ტენარდიეს, მაგრამ კვალსაც ვერსად მიაგნეს. ეტყობოდა, აღარ იყო. ტენარდიეს ცოლი საპატიმროში მოკვდა, სანამ გამოძიება მიმდინარეობდა. ტენარდიე და მისი ქალიშვილი, აზელმა, - ეს ორნი გადარჩენილიყვნენ იმ უბედური ოჯახიდან, და ან აღარ იყვნენ, ან სადმე იმალებოდნენ. საზოგადოების ლექის ჯურღმულმა შთანთქა, ალბათ, მამაც და შვილიც. ჯურღმულის თავზე აღარც ჭავლი ჩანდა, აღარც კონცენტრული რგოლები, რომლებიც აღნიშნავენ, რომ რაღაც ჩავარდა სწორედ იმ ადგილას და საჭიროა იქ ძებნა.

ტენარდიეს ცოლი მოკვდა, ბულატრუელი გაამართლეს და გაუშვეს, კლაკსუ სადღაც გაიპარა, უმთავრესი ბრალდებულნი როგორღაც გაქრნენ ციხიდან და გორბოს სახლში მოწყობილი ხაფანგის საქმეც თითქმის მოისპო. სასამართლოს წინაშე წარდგინეს საქმეში ოდნავ ჩარეული პანშო, პრენტანიეს რომ ეძახდნენ, ან კიდევ ბიგრაილს, და ორგ-ლიარი, ორმილიარდას რომ ეძახდნენ, რომლებსაც ათი წლის კატორღა მიუსაჯეს. მათ მიმალულ თანამოსაქმეებს დაუსწრებლად უვადო კატორღა მიუსაჯეს, ტენარდიეს, ამ საქმის მომწყობსა და მეთაურს, სიკვდილით დასჯა. ამის მეტი არაფერი დარჩენილიყო ამ კაცისა, ამ სასჯელის მეტი, რომელიც ისე ამშვენებდა მის სახელს, როგორც ანთებული სანთელი მიცვალებულსა და მის კუბოს.

სიკვდილის განაჩენმა აიძულა ისეთ სიღრმეში ჩამალულიყო, რომ შეუძლებელი გახდა მისი დაჭერა.

რაც შეეხება მეორეს, რაც შეეხება იმ უცნობს, რომელმაც ბარიკადიდან გააპარა დაჭრილი მარიუსი, თავდაპირველად თითქოს რაღაც კვალი იპოვეს მისი, მაგრამ იმედი გაუერუვდათ. ეტლი იპოვეს, რომლითაც ბატონ უილნორმანთან მიიყვანეს გულწასული მარიუსი ნ იენისის ღამეს. მეეტლემ გამოაცხადა, რომ ნ იენისის, თანახმად პოლიციის ერთი მოხელის ბრძანებისა, ნაშუადღევს სამი საათიდან სრულ დაღამებამდე უძრავად იდგა ელისეს მინდვრების სანაპიროზე სწორედ მთავარი წყალსადინარის გამოსასვლელთან; რომ საღამოს ცხრა საათზე ცხაური გაიღო, იქიდან ერთი კაცი გამოვიდა და გამოიყვანა ხელში აყვანილი ჭაბუკი, რომელიც მკვდარს ჰგავდა; პოლიციის მოხელეც იქვე იდგა და, ეტყობოდა, მათ ელოდა; გამოვიდნენ თუ არა, მაშინვე დაიჭირა ცოცხალი და ხელი დაადო მკვდარს. მერე იმავე პოლიციელის ბრძანებით თავის ეტლში ჩასვა „იმოდენა ხალხი“, ჯერ ფილ-დე-კალვერის ქუჩაზე მიიყვანა და იქ დატოვეს მკვდარი კაცი. ის მკვდარი კაცი ბატონი მარიუსი იყო, რომელიც მეეტლემ ძალიან კარგად იცნო, თუმცა „იმხანად“ მკვდარი არ იყო. მერე ისევ ეტლში ჩასხდნენ; ძალიანაც გაშოლტა თავისი დაქანცული ცხენები და არქივის ჭიშკართან გააჩერებინეს; იქვე ქუჩაში მისცეს, რაც ერგებოდა და პოლიციელმა სადღაც წაიყვანა მეორე კაცი. ამის მეტი არაფერი იცოდა მეეტლემ, ღამეც მეტად ბნელი იყო.

თვითონ მარიუსს, როგორც უკვე ვთქვით, აღარაფერი ახსოვდა. ახსოვდა მხოლოდ ის, რომ ბარიკადზე დაბარბაცდა, ის იყო, უნდა ნაქცეულიყო, რომ ამ დროს ვილაყამ ძლიერი ხელი მიაშველა. ეს იყო და ეს. სხვა არაფერი ახსოვდა. მოსულიერდა მარტო მაშინ, როდესაც ბატონი უილნორმანის სახლში მიიყვანეს.

ფიქრობდა და ვერ გავგო, ვინ უნდა ყოფილიყო მისი მხსნელი.

თავისი თავის იგივეობაში ხომ ეჭვი არ ექნებოდა, მაგრამ ვერ წარმოედგინა, როგორ მოხდა, რომ შანგრერის ქუჩაზე დაცემული დაჭრილი პოლიციელმა სენის პირას დაიჭირა, ინვალიდების ხილთან? მაშ, ვილაყ იყო, რომ ზაზრის უბნიდან ელისეს მინდვრებამდე მოიყვანა დაჭრილი. მაგრამ როგორ? ნუთუ წყალსადინრით? მერე ვინ უნდა ყოფილიყო ასე თავგანწირული?

ვილაყ იყო, მაგრამ ვინ იყო, ვინ?

ამ კაცს დაეძებდა მარიუსი.

არავითარი კვალი ამ კაცისა, მისი მხსნელისა, არავითარი ნიშანი!

იქამდე მივიდა მარიუსი, რომ პოლიციასაც მიმართა ამ კაცის პოვნის სურვილით, თუმცა დიდი სიფრთხილე მართებდა, რომ სასამართლოს ხელში არ ჩავარდნილიყო.

იქაც, როგორც სხვაგან, არაფერი მისცა შეკრებილმა ცნობებმა. პოლიციამ უფრო ნაკლები იცოდა, ვიდრე მეეტლემ. პოლიციამ არაფერი იცოდა ნ ივნისის პოლიციელის მიერ დაჭერილი კაცისა, რომელიც ვითომ მთავარი წყალსადინრიდან გამომძვრალიყო. ეს რომ მართალი ყოფილიყო, პოლიციაში ამ კაცის დამჭერი მოხელის მოხსენება იქნებოდა... პოლიციის აზრით, ზღაპარი იყო ეს ცნობა. ამგვარი არაფერი მომხდარიყო და ვერც მოხდებოდა; მეეტლის მოგონილი უნდა ყოფილიყო ეს ზღაპარი. მეეტლეს საჩუქრის იმედით მოუგონებია ყველაფერი, მარიუსისათვის კი სრულ ჭეშმარიტებას წარმოადგენდა მეეტლის ზღაპარი და როგორც თავისი ვინაობის ეჭვი არ ჰქონდა, ისე ამ ნაამბობის სიმართლისა.

უცნაური გამოცანა იყო, გამოურკვეველი.

რა მოუვიდა, საღ მიიმალა ის იღუმალი კაცი, რომელიც მეეტლემ დაინახა, დიდი მილიდან რომ გამოვიდა და ხელში აყვანილი გამოიყვანა მარიუსი? რა უყო იმ კაცს პოლიციის მოხელემ, წყალსადინრის ცხაურთან რომ იდგა, მთავრობის წინააღმდეგ მებრძოლი, აჯანყებული დაინახა იმ კაცის ხელში და ორივე დაიჭირა? ან თვით პოლიციის მოხელეს რა მოუვიდა, რომ მისი არც მოხსენება ჩანს და არც ვინაობა? რატომ არ მოახსენა მოხელემ აჯანყებულის დაჭერის შესახებ? ვთქვათ, ხელიდან გაუსხლტა ის კაცი, ან მოისყიდა იმ კაცმა პოლიციელი და მარიუსიც გააპარა, რატომ ერთხელაც არ მოიკითხა მარიუსი, რომელიც ისე თავგანწირვით გადაარჩინა ცალკე სიკვდილს და ცალკე მართლმსაჯულებას? საკვირველი იყო ამ კაცის თავდადებული დახმარება და მისი უნებარობა. რაღად იმალებოდა ამდენი სიკეთის შემდეგ? იქნებ არც უნდოდა ჯილდოს მიღება, მაგრამ როგორ შეიძლებოდა მადლობის მიღებაც არ ნდომოდა? იქნებ მოკვდა? ნეტავ ვინ იყო? რა კაცი? არავის ენახა, არავინ იცოდა. მეეტლე კი გაიძახოდა, მეტად ბნელი ღამე იყო. ისე შეშინებულიყვნენ ბასკი და ნიკოლეტი, რომ თავისი ბატონის, დაჭრილი, დასისხლიანებული მარიუსის გარდა, არავისთვის შეუხედავთ. მართო მკვარეს დაენახა ის კაცი, ისიც იმიტომ, რომ სანთელი ეჭირა ხელში და გზას უნათებდა, და აი, როგორ აღწერდა ამ კაცის გარეგნობას, - საზარელი შესახედი იყო.

მაინც იმედს არ კარგავდა მარიუსი და შენახული ჰქონდა ის დასისხლიანებული ტანისამოსი, რომელიც დაჭრილს ეცვა, ბაბუასთან რომ მიიყვანეს... გასინჯეს ტანისამოსი და ნახეს, რომ სერთუკს მოხეული ჰქონდა უკანა კალთა, ერთი ნაჭერი აკლდა.

ამ უცნაურ გარემოებას შეეხო ერთ საღამოს მარიუსი; უან ვალუანი და კოზეტის იქ იყვნენ; თქვა, რამდენი კვლევა-ძიება მიმდინარეობდა ყველგან მისი დავალებით, მაგრამ სრულიად უნაყოფოდ და ამაოდ.

ბატონი ფოშლევიანის გულგრილობამ მოთმინება დააკარგვინა მარიუსს. აღელვებული კილოთი, თითქოს შიგ ბრაზიც ჩაურიაო, წამოიძახა, - დიახ, დიდსულოვანია ის კაცი, ვინც უნდა იყოს! იცით, ბატონო, რა მადლიანად მოიქცა? ბრძოლაში ჩაერია, როგორც მთავარანგელოზი ბრძოლის დროს! ბრძოლაში ჩაერია, რომ ავეყვანე და გამოვეყვანე, უნდა გაეღო და აეხადა წყალსადინარში ჩასასვლელი ცხაური. ექვს კილომეტრამდე აყროლებული, სიბინძურით სავსე გვირაბი უნდა გაეღო ნელში მოხრილს, იმ სიბნელებში, მყრალ ორმოში, ამხელა ტვირთით. რად? რისთვის? რა უნდოდა? რა მიზანი ჰქონდა? ერთადერთი მიზანი, - გადაერჩინა როგორმე ის მკვდარი. და ეს მკვდარი მე გახლდით, დამინახა დაჭრილი, ხელი

მომაშველა, არ მიმატოვა და თქვა, იქნებ კიდევ ღვიოდეს ამ კაცში სიცოცხლის ნაპერწკალიო. მოდი, ჩემს სიცოცხლეს გავწირავ, რომ ეს ნაპერწკალი არ ჩაქრესო და ამისთვის ერთხელ კი არა, ოცჯერ მაინც განირა თავისი სიცოცხლე. განსაცდელს უქადადა ყოველი ნაბიჯი. ამის დასამტკიცებლად ისიც კმარა, რომ წყალსადინრიდან გამოვიდა თუ არა, ხელი სტაცა პოლიციამ. წარმოგიდგენიათ, ბატონო, რა ზეციური მადლით უნდა ყოფილიყო აღსავსე კაცი, რომ ეს ჩაედინა? და ამასთან, არავითარ სასყიდელს არ მოელოდა. ვინ ვიყავი მე მისთვის? ერთი აჯანყებული. რა ვიყავი? დამარცხებული. ოჰ, კოზეტის ექვსასი ათასი ფრანკი რომ ჩემი იყოს...

- და განა თქვენი არ არის? - შეაწყვეტინა უან ვალუანმა.

- ჰოდა, - განაგრძო მარიუსმა, - ამ ექვსასი ათას ფრანკს დაეხარჯავ, ოღონდ ის კაცი ვიპოვო სადმე.

მდუმარედ იჭდა უან ვალუანი.

ჩივი მეექვსე

უძილო ღამე

თავი პირველი

1833 წლის 16 თებერვალი

დალოცვილი ღამე იყო 1833 წლის 16 თებერვალი ჩვიდმეტის გათენებამდე. ღამის სიბნელეს მონმენდილი ცა დაჰკამკამებდა და აბრწყინებდა. იმ დღეს დაინერეს ჯვარი კოზეტმა და მარიუსმა.

დღეც მშვენიერი დაუდგათ.

ისეთი არ იყო ქორწილი, როგორზეც მოხუცი ბაბუა ოცნებობდა, ვერ მოიწვიეს ქერებიმეტი, კუპილონები არ დასტრიალებდნენ თავს ნეფე-დედოფალს, მაგრამ მაინც მეტად ტკბილი და მხიარული ზეიმი იყო.

მაშინ ქორწილი სულ სხვა იყო, ვიდრე დღეს არის. საფრანგეთში ჯერ კიდევ არ დამკვიდრებულიყო ინგლისური ჩვეულება, როცა ნეფე-დედოფალი ეკლესიიდან გამოსვლისთანავე საზოგადოებას თავს არიდებს, თითქოს რცხვენია თავისი ბედნიერებისა და გაკოტრებული ბანკირივით გარბის, თუმცა კი გული უხარის და სულით ტკბება. ჩვენს დროში რატომღაც მიღებულია ამ სამოთხისეური ნეტარების ნუთებში ფოსტის ეტლით ოღროჩოლორებზე ჯანჯლარი, მეეტლისა და მგზავრების ხმაური, პირველი ღამის გატარება ტრაქტირის საძაველ საწოლში და ამ უწმინდეს, უფაქიზეს მოგონებასთან ერთად ტრაქტირის მოსამსახურის დილითაჟანსის მეეტლესთან კურკურის გახსენება.

დღეს კი, XIX საუკუნის მეორე ნახევარში, საკმარისად არ მიგვაჩნია მერი თავისი ფორმით, მღვდელი თავისი ანაფორით, კანონი და ღმერთი; ეს არ კმარა და უნდა შეივსოს ფოსტის ეტლით და ფოსტალიონით, მისი გრძელი შოლტით, კუდღანწული ცხენების ცემითა და გინებით. საფრანგეთს ჯერ ვერ მიუღწევია იმ სინატიფემდე, რომ მიჰბაძოს ინგლისის nobility-ს და ნეფე-დედოფლის სადღაც წამყვან დილითაჟანსს ძველი ფოსტლები და დაფხრენილი ფეხსაცმელი დაუშინოს, როგორც ინგლისელ დიდებულებს სჩვევიათ ჩერჩილის, შემდეგში მალბოროს ჰერცოგად თუ მალბურუკად წოდებულის სახსოვრად, რომელსაც ასევე წასვლა ნებაჟდა ქორწილის შემდეგ და

გაბრაზებულმა დეიდამ სეტყვასავით დაუშინა ძველი ფოსტლები, თუმცა ამან ჩერჩილს თურმე ბედნიერება მოუტანა. ჯერჯერობით ჩვენბური ქორწილის აუცილებელ ატრიბუტებად არ შემოგვიღია ძველი ფეხსაცმელი და ფოსტლები, მაგრამ მოთმინება: კარგი ნელ-ნელა ვრცელდება ყველგან და ჩვენამდეც მოაღწევს.

მოკლედ, 1833 წელს, ისე, როგორც ამ ასი წლის წინ, ჩვენში ნაჩქარევი ჯვრისწერა არ იყოღწენ. მაშინ ჯერ კიდევ ღრმად სწამდათ, ოი, საკვირველებავ, რომ ქორწილი არის ოჯახისა და საზოგადოებრივი დღესასწაული; რომ ერთი კარგი სუფრა და ძველებური ლხინი არაფრით შებღალავს ქორწინების სიწმინდეს; რომ მხიარულება, თუნდაც მეტისმეტი, არ დაჩრდილავს ამ დღესასწაულის ბედნიერებას, ოღონდ ურიგო არაფერი ჩაერიოს მასში. სასურველია, ოჯახშივე შეერთდეს ეს ორი ბედნიერება, რომელმაც უნდა შექმნას ახალი ოჯახი და ამიტომ ნეფე-დედოფალს პირველი ღამე მშობლიურ ოჯახში უნდა გაეტარებინა, მონშეების გარეშე, თავის საძინებელში.

ღიახ, იმდენად ურცხვნი იყვნენ მაშინ, რომ თავის სახლშივე ქორწინდებოდნენ.

კოზეტისა და მარიუსის ქორწილიც ძველებურად მოანწყვეს, უწინდებური, ან გადავარდნილი მოდის მიხედვით, ბატონი ჟილნორმანის სახლში.

სულ მარტივი, უბრალო საქმეა ქორწილის მონყოლა, - განცხადების გაკეთება, აქტის შედგენა, მერიამი მისვლა, ეკლესიაში ჯვრისწერა, მაგრამ ამ წვრილმანსაც მოსდევს გართულებები და 16 თებერვლისთვის ძლივს მოაგვარეს, რაც საჭირო იყო.

16 თებერვალს, - ამასაც აღვნიშნავთ, რომ სიმართლეს არ ავცილდეთ, - ყველიერის სამშაბათი იყო. შეყოყმანდნენ, ვის გაუგონია ყველიერის სამშაბათ ღამეს ქორწილიო, - ამბობდა დეიდა ჟილნორმანი.

- ყველიერის სამშაბათ ღამესო! - შეჰყვირა წინაპარმა, - მით უკეთესი! ნათქვამია: აღების ღამის ქორწილი, შვილი დედ-მამის მორჩილიო.

ნეტავი თქვენ! მაშ, 16 თებერვალს იყოს. იქნებ გინდა ვადადო, ჰა, მარიუს?

- აბა, რას ბრძანებთ!

- მაშ, დაქორწინდეთ 16 თებერვალს.

16 თებერვალს დაინერეს ჯვარი იმისდა მიუხედავად, რომ ეს დღე სახალხო მხიარულების დღეა. წვიმა იმ დღეს, მაგრამ ზეცაში ყოველთვის მოიპოვება პატარა მოკრიალებული სივრცე შეყვარებულთა დასატკობად, თუნდაც დიდით პატარამდე სულ ქოლგებით დადიოდეს ხალხი.

წინაღღეს უან ვალჟანმა ბატონი ჟილნორმანის თანდასწრებით მარიუსს ხუთას ორმოცდაათხი ათასი ფრანკი ჩააბარა. ქორწინების პირობით ცოლ-ქმრის საერთო საკუთრება იყო. ასე რომ, დიდხანს არ მონდომებიან აქტის შედგენას.

უან ვალჟანს ტუსენი აღარ ესაჭიროებოდა: იგი კოზეტს ხვდა მემკვიდრეობით და მისი მოსამსახურე გახდა.

რაც შეეხება უან ვალჟანს, მისთვის ერთი კარგი ოთახი მოეწყობა. იმდენი ეხვენა კოზეტი, მამა, მე გთხოვო, რომ უარის თქმა ვერ მოახერხა და დაჰპირდა, მეც აქ გადმოვალო.

რამდენიმე დღით ადრე ქორწილამდე უან ვალჟანმა შემთხვევით მარჯვენა ხელის ცერი გაიჭრა. საშიში არაფერი იყო და თვითონვე შეიხვია. მალამოც თვითონ დაიდო; არავინ შეაწუხა, კოზეტსაც კი არ აჩვენა გაჭრილი თითი, მაინც მაგრად შეიხვია

მარჯვენა ხელი და ჩამოიკიდა ისე, რომ ხელს ვეღარ ხმარობდა. ქორწინების აქტებზე მხოლოდ ბატონმა უილნორმანმა მოაწერა ხელი, როგორც კოზეტის მეორე მეურვემ.

მერიაში არ წავიყვანთ მკითხველს, არც ეკლესიაში. მიღებული არ არის შეყვარებულთა უკან დევნა. ჩვეულების მიხედვით, ზურგს შევაქცევთ ამ ამბავს და უკან დავბრუნდებით, როგორც კი თითო ყვავილს მივიღებთ ნეფე-დედოფლის თაიგულიდან. ერთ შემთხვევას აღვნიშნავთ მხოლოდ, - საქორწინოდ სენ-პოლის ტაძრისაკენ მიმავალთათვის შეუმჩნეველს, რომელიც გზაში მოხდა ფილ-დე-კალვერის ქუჩიდან ეკლესიამდე.

იმ დროს სენ-ლუის ქუჩის ჩრდილოეთ ნაწილს კირწყლავდნენ და სამეფო პარკიდან ეტლების მიმოსვლა შეწყვეტილი იყო. ქორწინლის ეტლები იძულებული იყვნენ, გზა შეეცვალათ და სენ-პოლის ტაძარში მისასვლელად ბულვარი აერჩიათ. ერთმა სტუმართაგანმა შენიშნა, რადგან ყველიერის სამშაბათია, ეს ქუჩა სავსე იქნება ეტლებით.

- რა ეტლებით? - ჰკითხა ბატონმა უილნორმანმა.

- კარნავალის მონაწილე ეტლებით.

- მით უკეთესი, - შესძახა მოხუცმა, - მაშ, იქით წავიდეთ. ეს ყმანვილები ჯვარს იწერენ და ნამდვილ დარბაისელ ცხოვრებას იწყებენ. მასკარადის ნახვა გამოადგებათ.

ბულვარისკენ წავიდნენ. პირველ ეტლში კოზეტი, დეიდა უილნორმანი, ბატონი უილნორმანი და უან ვალჟანი ისხდნენ. მარიუსი ჩვეულებისამებრ განცალკევებული უნდა ყოფილიყო სასკოლისგან და მეორე ეტლში იჯდა. მაყრიონი ფილ-დე კალვერის ქუჩიდან გავიდა და იმ ეტლებში გაერია, რომელნიც გაუთავებელ ჯაჭვად გაჭიმულიყვნენ მადლენიდან ბასტილიამდე და ბასტილიიდან მადლენამდე.

ბულვარი ნიღბოსნებით იყო სავსე. წვიმდა, მაგრამ წვიმისა არ ემინოდათ ჯამბაზებს, პანტალონებსა და ფილებს. კარგ გუნებაზე მყოფ 1833 წლის ზამთარს პარიზი ვენეციად გადაექცია. დღეს საღა ნახავთ ძველებური ყველიერის სამშაბათს, კარნავალად გადაქცეულა მთელი ჩვენი ცხოვრება და კარნავალი აღარ არის.

ხალხით სავსე იყო ბულვარის გასწვრივ ხეივანები. ფანჯრებიდან ხალხი იყურებოდა. თეატრის შესასვლელის თავზე აივნები გაჭედილი იყო მაყურებლებით. უყურებდნენ ნიღბოსნებს, ხალხის მიმოსვლას, ახალ და ძველებურ ეტლებს, რომლებიც მწყობრად მისდევდნენ ერთმანეთს; ყველგან მოჩანდნენ პოლიციელები, რომელნიც მოძრაობას აწესრიგებდნენ. ეტლით მოსიარულენი ამ დღეს მაყურებელნიც არიან და სხვისი საყურებელნიც. პოლიციელები იდგნენ და ცდილობდნენ, დაბრკოლება არ შეჰქმნოდა ერთმანეთის მოწინააღმდეგე ორ მიმართულებას. ეტლების ერთი რიგი წინ მიდიოდა, მეორე უკან, ერთი დ'ანტენის შარავზისკენ, მეორე - სენტ-ანტუანის ქუჩისკენ. საფრანგეთის დიდებულების და უცხოქვეყნელი ელჩების გერბიანი ეტლები ამ ორი მიმართულების შუა მიდი-მოდიოდა თავისუფლად, საითაც ნებადართ. ასე თავისუფლად მიდი-მოდიოდა რამდენიმე მშვენივრად მორთული მხიარული პროცესია, როგორიც, მაგალითად, ყველიერის ხარისა იყო. ამ პარიზის მხიარულებაში შოლტის ტყლაპუნით გაერია ინგლისიც. ლორდ სეიმურის ტლანქ ეტლს სამინელი გრუხუნი გაჰქონდა და თან ხალხის დაყინვა მიჰყვებოდა. ხშირი იყო ძველებური, შორს სამგზავროდ განყოფილი დიდრონი საოჯახო ეტლი, გატენილი დიდებებით, ბებიებითა და კარნავალისთვის

მორთული ბავშვებით, - შვიდი წლის პიეროებითა და ექვსი წლის ლამაზი პიერეტებით, - მომხიბლავი ლამაზი ბავშვებით, რომლებიც გრძნობდნენ, რომ ისინიც ნამდვილად მონაწილეობდნენ საზოგადო მხიარულებაში და გამსჭვალული იყვნენ ცალკე თავიანთი მასხრული ღირსებით და ცალკე საზოგადოებრივი ვალდებულების აღსრულებით.

ზოგჯერ ცოტა ხნით აირეოდა ეტლების წესიერი მოძრაობა. როგორც კი ამგვარი რამ მოხდებოდა და რომელიმე ეტლი გაჩერდებოდა, გაჩერდებოდა მის უკან მომავალი მთელი რიგი ამ უწყვეტი ჯაჭვისა, ვიდრე დაბრკოლებას მოიშორებდნენ, მერე ისევ ისევ განახლდებოდა მოძრაობა.

ნეფე-დელოფლისა და სტუმრების ეტლებიც იმ რიგში მოჰყვა, რომელიც ბასტილიისკენ მიდიოდა, და ბულვარის მარჯვენა მხარეს მისდევდა. პონტ-ო-შუს ქუჩასთან რომ მივიდნენ, ცოტა ხანს შედგნენ, - რაღაცას შეეყენებინა წინ მიმავალი ეტლები. თითქმის იმ დროსვე გაჩერდა აგრეთვე მათ პირდაპირ ბასტილიიდან მადლენისკენ მიმავალი ეტლების მეორე წყება; სწორედ ბატონი ჟილნორმანის ეტლის პირდაპირ გაჩერდა მეორე მხარეს ერთი ნიღბიანებით სავსე ეტლი.

პარიზი კარგად იცნობს ამ ნიღბიან მოსიერწვეს. ყველიერის სამშაბათს ან მარხვაში რომ ისინი არ გამოჩნდნენ, მაშინვე რამე ეშმაკობას იგულისხმებს ხალხი, - აქ რაღაც უნდა იმალებოდეს, ვინ იყის, მინისტრების გამოცვლას გვიპირებენო, დაიწყებს ხუმრობას. აქ გროვდებიან კასანდრები, არლეკინები, კოლომბინები, ეტლებიდან დასცქერიან ხალხს სასაცილოდ მოსილნი: თურქებსაც ნახავთ აქ, პირველყოფილ ადამიანსაც, ჰერაკლეებსაც, რომლებიც მხარში ამოსდგომიან მარკიზის ქალებს, ბაზრის გამყიდველ დედაკაცებსაც, რომლების ენას თვით რაბლეს ყურიც კი ვერ გაუძღვებდა, როგორც ბახუსის ქერუმი ქალების ურცხვობას ვერ უძღვებდა არისტოფანე. აქ ნახავთ ძენძის პარიკებს, ვარდისფერ ტრიკოებს, ქარაფშუტას ქედს, პირმოთნეს სათვალეს, ხეპრეს სამკუთხა ქედს, რომელსაც არ შორდება ერთი პეპელა, გამვლელების აბუჩად ავდებას, ძახილს, მოღერებულ მუშტს, თავხედურ პომებს, მოშიშვლებული მკერდს, მეტისმეტ ურცხვობას. აქ არის მთელი ქაოსი თავხედობისა, რომელსაც ყვავილების გვირგვინით მორთული მეეტლე მიაქანებს. აი, რა არის ჩვენი კარნავალი.

საბერძნეთს თესპიდეს ოთხთვალა სჭირდება და საფრანგეთს - ვადეს ეტლი.

ყველაფერს აივლებს კაცი მასხარად, თვით მასხრობასაც. სატურნალია, ანტიკური მშვენიერების ეს მავნე ნაშთი, ნელ-ნელა ირყენებოდა და ბოლოს ყველიერის სამშაბათად გადაიქცა. ბაკქანალია კი, ოდესღაც ვაზის ტოტებით დამშვენებული, მზით გაბრწყინებული, მარმარილოს გადაღულიმკერდიანი ქალებით, დღეს ჩრდილოეთის ძველი ნაფხრენებით არის მოსილი, ნაბილწულია და სახელიც კი აღარა აქვს. ყველიერის ნიღბოსნის სახელს ატარებს.

ეტლით მიმავალი ნიღბოსნები ძველისძველი კუთვნილებაა ჩვენი ისტორიის მონარქიული დროებისა. ლუი XI-ის ხარჯთაღრიცხვით, სასახლის მსაჯულს ეძღეოდა „ოცი სუ სამი სამასკარადო ეტლისათვის“. ჩვენს დროში კი ძველ, მონჯღრეულ ეტლს გამოძებნის ამ მყვირალა არსებათა მთელი ხროვა, შიგ ჩაჭდება, ჩაიჭდება. ექვსი კაცის ნაცვლად ოცი ჩაჭდება, ზოგი მეეტლესთან ზის, ზოგი საფეხურებზე, სადაც კი მოხვდებათ; ზოგი დამჯდარა, ზოგი დგას, ზოგი წევს, ზოგს ფეხები ჩამოუკიდია, მუხლებში მოკეცილა. ქალები მუხლებზე უსხედან კაცებს. მძვინვარე პირამიდად

მოჩანს შორიდან ეს დიდი ეტლი ზღვა ხალხის თავზე. ხალხით სავსეა აქაურობა და ხუმრობა, ოხუნჯობა, მასხარაობა, ლაზღანდარობა მიექანება თავისი ეტლით და ხალხს აცინებს. კოლეს, პანარის და პირონის არგოთი შეზავებული ლექსი გამოდის ეტლიდან. იქიდანვე გამოდის უხვად ხალხური ლექსი და მოსწრებული სიტყვა. ყველგან ხმაური, ყვირილი, სიცილი, ხარხარი, სიმღერა. მხიარულია ყველა, ბედნიერი. მხიარულება სუფევს, მასხარაობა ბრწყინავს, სიხარული ეფინება ყველას და ყველგან. ორი ჯაგლაგი ძლივს მოათრევს აპოთეოზად გაშლილ ფარსს. ეს გამარჯვებული სიცილის ეტლია.

მეტისმეტად ურცხვია ეს სიცილი და მაშ, არც გულწრფელია. საეჭვოა ამისთანა თავაშვებული სიცილი. მას ერთი დანიშნულება აქვს, - დაუმტკიცოს პარიზელებს კარნავალის მხიარულება.

ღრმად ჩაათვიქრებს ფილოსოფოსს ეს მდაბიური, მოურიდებელი ლაზღანდარობით სავსე ეტლები. ალბათ, მთავრობაც აქ არის ან ნიღბიან მასხარებს შორის. ახლოს რომ მივიდეს ვინმე, მთავრობის მოხელეებსა და გარყვნილ ქალებს შორის საიდუმლო მსგავსებას ნახავს ამ კარნავალში.

როგორ არ ვთქვათ, რამდენად სავალალოა ეს კარნავალი? აცინებს ხალხს, მაგრამ წარმყენებელ საზიზღრობას ავრცელებს ხალხში; ახარებს ხალხს ქალის მორცხვობის დაკარგვით და ნამუსის თავხედად გმობით. თვალს უხვევს ეტლით მიმავალი თაღლითი ბრწყინვალეობით, რომელსაც ადამიანური არაფერი გააჩნია და გარყვნილებით სულდგმულობს; ტაშს უკრავს ხალხი და შეხარის ეტლით მიმავალ დიდებას, რომელსაც გარყვნილებისა და ბინიერების მეტი არაფერი აქვს. და ყოველივე ამას ხედავს მთავრობა. ყოველ დღეობას, საცა კი ხალხი იკრიბება, ესწრება მთავრობის წარმომადგენელი პოლიცია, შიგ ერევა მხიარულად და სასაცილოზე ისიც იცინის. მაგრამ რას იზამთ? ეს ეტლით მომავალი, ყვავილებითა და ბაფთებით მორთული ტლაპო ხალხის სიცილით არის შეურაცხყოფილი, მაგრამ მაინც მიღებული. საყოველთაო გახრწნილების თანაზიარია ეს ხალხის სიცილი. ზოგი უქმე ზნეობის დამცემია, რყვინს ხალხს და ბრბოდ გადააქცევს. და ბრბოს, როგორც ტირანს, მასხარები ესაჭიროება. მეფეს როკლორი ჰყავს, ბრბოს - ჯამბაზი. პარიზი დიდი გიჟი ქალაქია, სანამ რამე დიდებული არ გაიტაცებს. კარნავალი პოლიტიკის ნაწილია. ოღონდ კი გულიანად გაიცინოს პარიზმა და თუნდაც სრული გახრწნილება აჩვენეთ, კომედიად გარდაქმნილი. სულ იმას სთხოვს თავის ხელოვანებს, როცა კი ჰყავს ვინმე ხელოვანი, ფერ-უმარტილი წაუსვით წუმპესო. ძველი რომიც ასეთი იყო, ნერონი უყვარდა. ნერონი იყო, რომ უწმანური სიბინძურით აცინებდა ხალხს.

ისე მოაწყო შემთხვევამ საქმე, რომ სწორედ ჩვენი მაყრიონის პირდაპირ გაჩერდა იმავე ღროს ერთი ეტლი, საესე იყო ნიღბიანი ქალებითა და მამაკაცებით. ეს ეტლი ბულვარის მარცხენა მხარეს გაჩერდა, ბატონი ჟილნორმანის ეტლი მარჯვენა მხარეს იყო. ნიღბიანებმა მაშინვე შენიშნეს საქორწილოდ მიმავალი ეტლები.

- შეხედეთ! - წამოიძახა ერთმა ნიღბიანმა, - ქორწილი!

- ხუმრობით მოწყობილი, - გაუსწორა მეორემ, - ნამდვილი ქორწილი და ქვითი მართო ჩვენ გვაქვს.

შორს უდგნენ ერთმანეთს, რომ ლაზღანდარობა დაეწყოთ, პოლიციელიც იქვე ატუბულიყო და სხვაზე გადაიტანეს თვალი.

ამ დროს ხალხი შემოეხვია ნილბიანების ეტლს; ეტყობა, არ მოეწონა და დაცინვა დაუწყო. ხალხი რომ მასხრად აიგდებს ნილაბს, ეს ალერსად მიიჩნია ნილბიანს და თვითონაც დაცინვით ეალერსება. დასცინოდა ხალხი, ქუჩური სიტყვაკაზმულით ამკობდა, მასხარას ამასხარავებდა, ხუმრობით ლაფს ასხამდა; ისინიც შესაფერ პასუხს აძლევდნენ. ხალხისა და ნილბების ბრძოლა ატყდა, თოფ-იარაღად მახვილ სიტყვას ხმარობდნენ.

მაგრამ ორი ნილბოსანი იჭდა იმ ეტლში, რომლებიც არ მონაწილეობდნენ ამ ბრძოლაში. ერთს ესპანურად ეცვა, უშველებელი ცხვირი, ბებრული სახე და შავი ულვაში ჰქონდა, მეორე კიდევ თევზის გამყიდველი გოგო იყო, გამხდარი, შავი ხავერდის მოკლენილიანი. მათაც შენიშნეს მაყრიონი და მანამ ხალხთან კამათით იყვნენ გართული მათი თანამეინახენი, ჩუმი ხმით გააბეს ლაპარაკი. ხალხის ურიაშული ფარავდა მათ ხმას. წვიმას დაესველებინა ფარალალა ეტლი, არც თებერვლის ქარი უწყობდათ ხელს და გოგო პასუხს რომ აძლევდა ესპანელს, თან კანკალეებდა, სციოდა, ახველებდა, რადგან მკერდმოშემვლებული იყო, თუმცა იცინოდა.

აი, მათი დიალოგიც:

- გესმის?
- რა, მამა?
- აი, იმ ბებერს ხედავ?
- ვინ ბებერს?
- აგერ, საქორწილო პირველ ეტლში, ჩვენკენ რომ ზის?
- შავით რომ აქვს ხელი აკრული?
- ჰო.
- მერე რა?
- ვიცნობ მაგ კაცს.
- იცნობ და იცნობდე.
- ეს ულვაში მომკრიჭონ, თავი მომჭრან, თუ სადღაც არ მენახოს ეს პარიზელი.
- სწორედ დღეს არის პარიზელების დღეობა.
- ცოტა რომ დაიხარო, დედოფალს ვერ დაინახავ?
- ვერა.
- ნეფეს?
- ამ ეტლში არ ზის ნეფე.
- რა იცი?
- მამ, ნეფე ის მეორე ბებერი ხომ არ იქნება?
- მოიკუნტე, გოგო, და დედოფალი დაინახე როგორმე...
- რა ვქნა, რომ არ შემოძლია?
- სულერთია, რომ დამახრჩონ, მაინც ვიტყვი, სადღაც მინახავს ის ბებერი, ხელი რომ აუხვევია.
- შენ ეს მითხარი, რას გარგებს მისი ცნობა?
- ვინ იცის? შეიძლება მარგოს კიდევ.
- კარგი ერთი! რაღა სულ გადაყრუებულ ბებრებს მასინჯებ!
- ვიცნობ-მეთქი, გუებნები...
- იცნობ და ღმერთმა შეგარგოს.

- დასწყევლოს ეშმაკმა! ამ ქორწილში როგორღა ჩაერია?
 - ჩვენ კი ქორწილში არა ვართ?
 - საიდან მოდის ეს მაცრიონი?
 - აბა, მე რა ვიცი?
 - ყური მიგდე.
 - რაო?
 - უნდა დამეხმარო.
 - რაში? როგორ?
 - ძირს ჩახტი და იმ ეტლს მისდიე, ნახე, სად მივა.
 - რისთვის?
 - ვნახოთ, სად მიდიან, ვინ არიან? აბა, ჩქარა, ჩახტი და გამიგე. ჩქარა, გოგო!
- ყმანვილი ხარ, არა გიშავს რა.
- მე ამ ეტლიდან ვერსად წავალ.
 - რატომ?
 - იმიტომ, რომ ასე ვართ გარიგებული.
 - დალახვროს ეშმაკმა!
 - დღეს მთელი დღე პოლიციის ვარ, თევზის გამყიდველის თანამდებობას ვასრულებ.
 - ჰო, ვიცი.
 - ჰოდა, რომ ჩავხტე, მაშინვე დამიჭერს პოლიციელი, ხომ იცი?
 - ვიცი, ვიცი.
 - დღეს მთავრობამ მიყიდა, დიას!
 - ჰო, მაგრამ სად მინახავს ის ბებერი? გული გამინყალა!
 - გული გაგინყალა ბებერმა? შენც ხომ ყმანვილი გოგო არა ხარ?
 - პირველ ეტლში მის.
 - მერე რა?
 - დედოფლის ეტლში.
 - მერე?
 - მაშ, მამა ყოფილა.
 - მერე მე რა?
 - გეუბნები, მამა ყოფილა-მეთქი.
 - მამა იყოს, რა ვქნა?
 - გესმის?
 - რაო?
 - მე რომ ჩავიდე, ნილაბს ხომ ვერ მოვიხსნი? ეს ნილაბი მშალავს. ვინ იცის, ვინა ვარ? მაგრამ ხვალ კი ნილაბი აღარავის ექნება და შეიძლება კიდეც დამიჭირონ. მე ჩემს სოროში უნდა ვიყო დამალული და შენ კი თავისუფალი ხარ.
 - არც ისე.
 - მაინც უფრო მეტად, ვიდრე მე.
 - კარგი, და მერე?
 - უნდა გამიგო, სად მივა ეს მაცრიონი.
 - სად მივა?
 - ჰო.

- და განა არ ვიცი, სადაც მივა?
- იცი? სად მივა?
- კარგ რესტორანში. კადრანში.
- კადრანი ხომ აქეთ არის.
- მაშ, რაპეში...
- ან სხვაგან სადმე, არა?
- თავისუფალია, საითაც ნებავს, იქით წავა, თავისუფალია ქორწილი.
- ეჰ, რომ არ გესმის ჩემი? გვეუბნები, უნდა გამიგო, ვისია ეს ქორწილი? რა უნდა ქორწილში იმ ბებერს? სად ცხოვრობს ნეფე-დედოფალი?
- ეგ უკეთესი. უცნაური კაცი ხარ, მამა. ნუთუ ადვილი გგონია იმ ნეფე-დედოფლის სახლის მიგნება, რომლებმაც ამას წინათ გაიარეს პარიზის ბულვარზე? წაღი და ბზით სავეს საბჭელში იპოვე ნემსი. ადვილი გგონია?
- უნდა გამიგო როგორმე! უთუოდ! გესმის, აზღვმა?
- ამ დროს დაიძრა ეტლების მწყობრი ბულვარის ორივე მხარეს და ნიღბოსნებს ქორწილის ეტლი გამოარდა.

თავი მეორე

ჟან ვალჟანს ხელი ისევ შეხვეული აქვს

ჩვენი ოცნების ასრულება! ვის ეღირსება ხოლმე ეს ნეტარება? ალბათ, ღირსეულთ ზეცა ირჩევს და აჯილდოებს. ჩვენ ყველანი სიაში ვართ, თუმცა ეს არ ვიცი. ანგელოზები გვიყრიან კენჭს. ანგელოზებმა კოზმეტი და მარიუსი ცნეს ღირსად.

მერიაშიც და ეკლესიაშიც მშვენიერი იყო კოზმეტი. ტუსენმა მორთო დედოფალი და ნიკოლეტიც ეხმარებოდა.

თეთრი თავთისსარჩულიანი ბელგეური გიპიურის კაბა ეცვა, ინგლისური მაქმანების მანდილი ეხურა, ყელს მარგალიტის ყელსაბამი უმშვენებდა, თავზე კი ნარინჯის ყვავილების გვირგვინი ედგა. ყველაფერი ქათქათებდა და ამ სითეთრეში განთიადივით ბრწყინავდა. უმანკოება იყო და წმინდად ბრწყინავდა. იტყოლით, ეს ქალწული ღვთაებად უნდა იქცესო.

მარიუსს თმა კოხტად დაეგარცხნა, მაგრამ აქა-იქ მაინც უჩანდა ბარიკადზე მიღებული ჭრილობების კვალი.

დიდებულად იყო გამონწყობილი ბატონი ჟილნორმანიც. თავი მალლა, მდიდურად ეჭირა და დღეს უფრო თვალსაჩინოდ შეეერთებინა თავის ტანისამოსსა და მიხრა-მოხრაში ბარასის დროინდელი კოხტაობა. კოზმეტი მას მიჰყავდა, რადგან ჟან ვალჟანს ხელი ახვეული ჰქონდა და ხელს ვერ მისცემდა დედოფალს.

შავით მოსილი ჟან ვალჟანი უკან მიჰყვებოდა ღიმილით.

- ბატონო ფოშლევიან, - ეუბნებოდა მარიუსის ბაბუა, - ბედნიერია დღევანდელი დღე. მე ხმას ვაძლევ ყოველგვარი დარდისა და მწუხარების მოსპობას. დღეიდან აღარსად იყოს არც სევდა და არც ჭმუნვარება, სიხარული მოედოს ქვეყნიერებას. აი, ჩემი დადგენილება. დარდს, მწუხარებას, მონყენილობასაც კი არ ჰქონდეს უფლება არსებობისა. არა, როგორ არ რცხვენია ზეცას, რომ უბედურებიც არიან ჩვენს წუთისოფელში? ადამიანისგან კი არა ჩნდება ბოროტება; ადამიანი ბუნებით კეთილია; ადამიანის ყოველი უბედურება და ბოროტება ჯოჯოხეთიდან მომდინარეობს;

ჯოჯოხეთია ჩვენი ცხოვრების ჩამწარების დედაქალაქი და ბოროტების მთავრობის ბუდე. სხვაგვარად რომ ვთქვათ, ჯოჯოხეთი ეშმაკის ტიუილია. მეტი რა გნებავთ? ხედავთ, როგორ ვდემავგოვებ ამ სიბერის დროს. რაც შეეხება ჩემს მიმართულებას, მე პოლიტიკური აზრი არა მაქვს. მე ის მინდა, უკლებლივ ყველა მდიდარი იყოს, ესე იგი, მხიარული. ესეც მეყოფა.

დიდხანს გავრძელებდი ქორწინების ცერემონიალი ჯერ მერიასა და მერე ეკლესიაში. მრავალჯერ წარმოთქვა ნეფე-დედოფალმა თავისი თანხმობა; ხელი მოაწერეს რალაც წიგნებში ჯერ მერიაში და მერე ეკლესიაში. ბეჭდები შეუცვალეს ერთმანეთს; დაჩოქილნი იდგნენ საკმეველის კვამლში, მუხლებით ეხებოდნენ ერთმანეთს, თავზე აბრეშუმის ოლარი ეფარათ და ბოლოს კანონიერად შეერთებულნი ეკლესიის კარისკენ გაემართნენ. ალტაცებითა და თან შურით შესცქეროდნენ ნეფე-დედოფალს, მარიუსს - შავით მოსილს, კოზეტს - თოვლივით თეთრს. წინ მიუძღოდათ პოლკოვნიკის ეპოლეტებიანი შვეიცარი, რომელიც ეკლესიის ქვის იატაკს ხმაურით სცემდა თავის შუბს.

ორ წყებად იდგა საყდარში ხალხი, რომ ნეფე-დედოფალი გაეტარებინათ. გავიდნენ, ეტლებში ჩასხდნენ. გათავებული ყო ყველაფერი და კოზეტს კი არ სჯეროდა, მარიუსს უყურებდა. უყურებდა ხალხს, ცას, თითქოს სძინავს და ემინია, არ გამომეღვიძოსო; გაკვირვებული იყო, ოდნავ შემკრთალი და ეს უფრო ამშვენებდა მის მომხიბლავ სიტურფეს. შინ მისასვლელად ერთად ჩასხდნენ ეტლში მარიუსი და კოზეტი. მათ გვერდით მიუსხდნენ ბატონი ჟილნორმანი და ჟან ვალაჟანი. დიდა ჟილნორმანი კი მეორე ეტლში ჩაბრძანდა.

- აბა, ჩემო საყვარელო შვილებო, - ეუბნებოდა ბაბუა, - მორჩა, გათავდა. თქვენ, ბატონი ბარონი პონმერსი ბრძანდებით და თქვენ კი, ქალბატონო, ბარონის მეუღლე. ოცდაათი ათასი ფრანკი გაქვთ წლიური შემოსავალი.

კოზეტმა ტუჩი მიადო მარიუსის ყურს და ჩასჩურჩულა ანგელოზის ხმით:

- მაშ, მართლა? მე მარიუსის მეუღლე ვარ?

ორივე სიხარულით ბრწყინავდა. იმ ნეტარებას განიცდიდნენ, რომელიც მხოლოდ ერთხელ ეღირსება ადამიანს, როდესაც ერთმანეთს შეერთვიან სიყმაწვილე და ბედნიერება. ჟან-პრუვერის ლექსის განსახიერება იყო ორივე: ორივეს ერთად ჯერ ორმოცი წელიწადი არ შესრულებოდათ. წმინდა რამ იყო ეს ქორწინება; ორივე ბავშვი იყო, შრომანივით წმინდა, ერთმანეთს კი არ უყურებდნენ, შეხაროდნენ. კოზეტი მარიუსს შარავანდელით გაბრწყინებულს ხედავდა; მარიუსი კოზეტს - კვარცხლბეკზე, - და ამ შარავანდელსა და კვარცხლბეკში, როგორც ორმაგ აპოთეოზში, სადღაც, თვალმიუწვდომელ სიმორეში, კოზეტისთვის - გაურკვეველ კვამლში, მარიუსისთვის - ბრწყინვალეებასა და ცეცხლის ალში, ციმციმებდა რალაც იდეალური, რალაც რეალური, საოცნებო პაემნისა და ხვევნა-კოცნის ადგილი - საქორწინო სარეცელი.

დღეს გრძობამორეულნი იხსენებდნენ წარსულ მწუხარებას, სევდას, ძილგამკრთალ ღამეებს, ცხარე ცრემლს, შიშსა და სასონარკვეთილებას, თითქოს ეს მწარე მოგონებანი სიტკობებს მატებდა მათ ბედნიერებას; თითქოს წარსული მწარე მოახლედ გახდომოდა მათ ნეტარებას და სიხარულით ამკობდა. რა კარგია, რომ ჯერ ის სამსალა იგემეს! უბედურება სხივით მოსავდა მათ ბედნიერებას. დიდხანს იყო სულთმობრძავი მათი სიყვარული და აი, აღდგა და ბრწყინავს.

ერთნაირად ალტაცებული იყვნენ ორნივე, ოღონდ მარიუსს ვნება ერეოდა, კოზეტს მორცხვობა და ჩუმად ეუბნებოდნენ ერთმანეთს:

- ნავიდეთ, ჩვენი ბალი ვნახოთ პლუმეს ქუჩაზე.

კოზეტის კაბის კალთა მარიუსის ფეხს ფარავდა.

ეს დღე ოცნებისა და სინამდვილის, შეერთებისა და ნატერის ასრულება იყო. აი, მიაღწია კაცმა თავისას და ოცნება მაინც არ შორდება; ჯერ კიდევ აქვს დრო, რომ ჩაუფიქრდეს და გაისიგრძეგანოს, რას მიაღწია გამარჯვებულმა. ჯერ შუადღეა და გულისფანცქალით მოელის შუალამეს. ხარობდა ორივე, ვარს იფრქვეოდა მათი სიხარული და ახლომახლო ყველას ახარებდა.

სენ-პოლის ტაძართან, სენტ-ანტუანის ქუჩაზე, გამვლელები ჩერდებოდნენ და ეტლის ფანჯარაში იყურებოდნენ, რომ კოზეტის მშვენიერებითა და მისი თეთრი ფორთოხლის ყვავილების გვირგვინით დამტკბარიყვნენ.

ბოლოს შინ მივიდნენ, ფილ-დე-კალვერის ქუჩაზე. მარიუსს გვერდით ჰყავდა თავისი კოზეტი და ალტაცებული, სხივმოსილი ავიდა იმ კიბეზე, რომელზედაც მომაკვდავი აიყვანეს ამას წინათ. გარეთ, სადარბაზოსთან, მათხოვრები მოგროვილიყვნენ, მიღებულ მონყალებას იყოფდნენ და ნეფე-დედოფალს ლოყავდნენ. ყვავილებით იყო მორთული ყველაფერი. სახლიც არანაკლებ სურნელოვანი იყო, ვიდრე საყდარი, საკმეველის შემდეგ აქ ვარდი მეფობდა. ისე იყვნენ ორივე, თითქოს შორიდან, უსაზღვროდან მოესმოდათ ტკბილი სიმღერა. ღმერთი ჰყავდათ გულში, მომავალი ვარსკვლავებით მოჭედილ ცის კამარად ეჩვენებოდათ, მზის ამოსვლის მეტი აღარაფერი აკლდათ და უცბად დაჰკრა საათმა. მარიუსმა გადახედა კოზეტის ლამაზ ხელს, ვარდის კოკორს, რომელიც ბუნდოვნად მოჩანდა გულისპირის მაქმანის ქვეშიდან. კოზეტი თან მისდევდა მარიუსის თვალს და ერთბაშად განითლდა.

ჟილნორმანის ოჯახის ყველა ახლობელი მოენვიათ ქორწილში, მრავლად ჰყავდათ სტუმარი, ყველა კოზეტს ეხვეოდა და ბარონის მეუღლეს უწოდებდნენ.

ოფიცერი თეოდულ ჟილნორმანიც იქ ბრძანდებოდა, უკვე კაპიტანი იყო; შარტრში მსახურობდა გარნიზონის უფროსად და იქიდან მისულიყო, რომ თავისი ნათესავისთვის, პონმერსისთვის ბედნიერება მიელოცა. კოზეტმა იგი ვეღარ იცნო.

ის კიდევ დარწმუნებული იყო, რომ ყველა ქალს მოსწონდა და ყველას ხომ ვერ დაიხსომებდა, ისე აღარ ახსოვდა კოზეტი, როგორც სხვები.

- მაშ, მართალი ვიყავ, რომ ყურადღება არ მივაქციე იმ ჭორს, - ამბობდა გახარებული ბატონი ჟილნორმანი.

არასოდეს ყოფილა ისე ტკბილი და ალერსიანი კოზეტი ყან ვალჟანის მიმართ, მ როგორც იმ დღეს იყო. ისიც მოხუცი ჟილნორმანივით იქცეოდა; ბაბუა სხარტი აფორიზმებით გამოთქვამდა თავის სიხარულს; კოზეტი კი სიყვარულსა და ლმობიერებას აფრქვევდა, როგორც სურნელებას; ბედნიერებას უნდა, ბედნიერი იყოს ყველა, უკლებლივ.

ყან ვალჟანს რომ ელაპარაკებოდა, იმ დროის კილოს აძლევდა ხმას, როდესაც პატარა გოგო იყო და თავისი ღიმილით უაღერსებდა მას.

სუფრა სასადილო დარბაზში გაეშალათ.

თუ დიდებული დღეა, მაშ, სახლიც დიდებულად უნდა იყოს განათებული. ბინდი და ბნელი არ სწამს რა ბედნიერებას და ჭირივით ერიდება ბუნდოვანსა და შავს. ღამე

იყოს, ძალიან კარგი, მაგრამ წყვილი კი არა. თუ მზე არ ადგას ბედნიერებას, თვითონვე შექმნის თავის მგეს.

მხიარულებისა და ლხინისთვის მოერთოთ დარბაზი. თოვლივით თეთრ სუფრას ზემოდან ვენეციური ჭალი ანათებდა თავისი ჩიტების გუნდით, რომლებიც სანთლებშუა ისხდნენ; ზოგი ლურჯი იყო, ზოგი იისფერი, წითელი, მწვანე, მაგრამ ჭალი არ იკმარებდა და ამიტომ გარშემო კიდევ თავიგულად მოწყობილი სანთლები ენთო. კედლებიც ამგვარივე ბრებით დაემშვენებინათ. შუშა, ბროლი, სასმისი, ჭურჭელი, ფაიფური, ქაშანური, ვერცხლეული - ყველაფერი ბრწყინავდა და გულს ახარებდა. კედლებზე, ბრებს შუა, თავიგულები მიემავრებინათ და ამგვარად, საცა სინათლე არ იყო, ყვავილების სურნელება იღვა.

წინკარში მუსიკოსები მოეთავსებინათ. სამი ვიოლინო და ერთი ფლეიტა წელი ხმით უკრავდა ჰაიდნის კვარტეტს.

ჟან ვალჟანი კართან იჯდა. ისე, რომ კარის ვაღება თითქმის მალავდა მას სტუმართავან. ის იყო, სუფრაზე უნდა მოეწვია ბატონ ჟილნორმანის სტუმრები, რომ უცხად მამობილს მიუახლოვდა კოზეტი, დიდი რევერანსით მიესალმა, თან ორივე ხელით აქეთ-იქით ეწყოდა თავის დედოფლურ კაბას და ეშმაკური, ნაზი ღიმილით ჰკითხა:

- მამა, კმაყოფილი ხართ?
- ჰო, შეილო, კმაყოფილი ვარ.
- მამ, გაიცინეთ.

გაიცინა ჟან ვალჟანმა.

რამდენიმე წამის შემდეგ ბასკმა მოახსენა მასპინძელს, რომ სუფრა მზად იყო.

ხელი მისცა კოზეტს ჟილნორმანმა და სტუმრებს წინ წაუძღვა. შევიდნენ სასადილო დარბაზში და წესისამებრ სუფრას მიუსხდნენ.

ორი დიდი სავარძელი იღვა დედოფლის სკამის მარჯვნივ და მარცხნივ: პირველი ბატონი ჟილნორმანისთვის, მეორე ჟან ვალჟანისთვის. ბაბუა თავის სავარძელში გამოიჭიმა. მეორე ცარიელი იყო.

თვალთ დაუნყეს ძებნა ჟან ვალჟანს.

ის აღარ იყო.

ბატონმა ჟილნორმანმა ბასკს დაუძახა:

- ხომ არ იცი, სად ბრძანდება ბატონი ფოშლევანი?

- დიახ, ბატონო, სწორედ ეგ მინდოდა მომეხსენებინა. ბატონმა ფოშლევანმა მიბრძანა, მოახსენე ბატონს, რომ ხელი ძალიან მანუხებს და ვერ შეეძლებ სადილად დარჩენასო. დიდი ბოდიში მოიხადა, ხვალ გეახლებითო, თქვა და წაბრძანდა.

ამ ცარიელმა სავარძელმა ცოტა ხანს შეამცირა ქორწილის სიხარული, მაგრამ თუ ჟან ვალჟანი არ იყო, ბატონი ჟილნორმანი ხომ იქ იყო, და ისეთ კარგ გუნებაზე, რომ მისი მხიარულება ორივესას უდრიდა. მან გამოაცხადა, - ძალიან კარგი უნებებია, რომ ადრე დანაოლილა, თუ მართლა შეუძლოდ არის; თუმცა პატარა „ფუფუა“ სტივია და საშიში არაფერი სჭირსო. ამ მოსაზრებამ იკმარა და ესეც რომ არ ყოფილიყო, რა მნიშვნელობა უნდა ჰქონოდა ერთ ცარიელ სავარძელს ამ სიხარულის ზღვაში. იმ ეგოისტურ, კურთხეულ ნეტარებაში იყვნენ კოზეტი და მარიუსი, როდესაც თავისი ბედნიერების მეტს არაფერს ხედავს ადამიანი. და ერთხელ კიდევ იღვავ ბატონი ჟილნორმანის მჭევრმა მოსაზრებამ: „ასე უპატრონოდ ხომ არ დარჩება ეს უბედური?“

- მიმართა მარიუსს, - მოდი, მარიუს, შენ დაბრძანდი აქ. უფლება დეიდაშენს ეკუთვნის, მაგრამ სიამოვნებით დაგითმობს. ვიცი, მოდი. კანონიერიც იქნება და მოხდენილიც. დაე, ბედნიერი ბედნიერთან იყოს“. ტაში დაჰკრა მთელმა დარბაზმა. მარიუსი გვერდზე მიუჯდა კოზეტს. უან ვალუჟანის ადგილი მას ერგო და ისე მოიღვინა სტუმარ-მასპინძელმა, რომ კოზეტიც კი, ცოტა არ იყოს, მწუხარე, რომ უან ვალუჟანი იქ არ ჰყავდა, გამხიარულდა. მას ღმერთიც დაავინწყდებოდა, ოღონდ მარიუსს დაეკავებინა მისი ადგილი. ადგა და თავისი ჰანია ფეხი, თეთრი აბრეშუმის ფეხსაცმლიანი, ფეხზე დაადო მარიუსს.

მარიუსს ერგო სავარძელი და მაშინვე მიივიწყეს ბატონი ფოშლეჯანი. ხუთი წუთის შემდეგ მთელი სუფრა ხარხარებდა, თავიდან ბოლომდე, იმ წმინდა აღტაცებით, რომელიც ცხოვრების ვაი-ვაგლახს ავიწყებს ადამიანს.

ხილი რომ მოართვეს სტუმრებს, წამოდგა ბატონი ჟილნორმანი, ხელში სასმისი აიღო, შამპანური ღვინით ნახევრად სავსე, რომ ოთხმოცდაათოთხმეტი წლის მოხუცის ხელის კანკალს არ დაეღვარა, და ნეფე-დედოფალი ადღეგრძელა:

- ძალიანაც რომ არ გნებავდეთ, მაინც ვერ გადარჩებით ორ ქადაგებას. ერთი უკვე მოისმინეთ დღეს დილით მოძღვრისგან, საღამოს მეორე ინებეთ, თქვენი ბაბუისგან. ყური დამიგდეთ, მინდა ერთი რამ გირჩიოთ: ისე გიყვარდეთ, რომ აღმერთებდეთ ერთმანეთს, ნუ გეშინიათ, არც ძალიან გაუჭიმავ ჩემს სიტყვას, პირდაპირ დავასკვნი: იყავით ბედნიერი, ბევრი რამ გაუჩენია იმ ყოვლადშემძლებლად წოდებულს, მაგრამ გერიტისთანა ბრძენს ვერავის ნახავთ; ფილოსოფოსები ბრძანებენ, ზომიერი იყავით თქვენს სიხარულშიო. მე კი სულ სხვას გირჩევთ, - მიუშვით აღვირი თქვენს სიხარულს. ისე იყავით სიყვარულით გაგიჟებული, როგორც ქაჯები, გაგიჟებული, გაშმაგებული; რას მიედ-მოედებიან ფილოსოფოსები? ხელში რომ ჩამივარდებოდნენ, ყელში ჩაეჭრიდი მათ ფილოსოფიას, განა შეიძლება მეტისმეტი სურნელება ჰქონდეს ვარდს, ან მეტისმეტი ესხას გამლილი ვარდი? განა შეიძლება მეტისმეტი იყოს ბულბულის გალობა? მეტისმეტი იყოს მწვანე ფოთოლი ან განთიადი? განა შეიძლება მეტისმეტი სიყვარული? განა შეიძლება მეტისმეტად მოსწონდეთ ერთმანეთი? აჰ, ფრთხილად იყავი, ესტეელ, მეტისმეტად ლამაზი ხარ. გაფრთხილდი, ნემორენ, მეტისმეტად კობტა ბიჭი ხარ. აი, სისულელე ამას ჰქვია, როგორ შეიძლება მეტისმეტად მოიხიბლოს კაცი, მეტისმეტად იქნეს აღტაცებული? ნუთუ შეიძლება მეტისმეტად ცოცხალი იყოს კაცი? ნუთუ შეიძლება მეტისმეტად ბედნიერი იყოს? ზომიერად დაეწაფეთ ნეტარებასო. აბა, რა სათქმელია! ძირს ფილოსოფოსები! სიბრძნე ღვინია. მაშ, მოიღვინეთ, მოვიღვინეთ! ბედნიერნი ვართ იმიტომ, რომ კეთილნი ვართ, თუ კეთილნი ვართ, იმიტომ, რომ ბედნიერნი ვართ? სახელგანთქმულ ბრილიანტს სანსი იმიტომ ჰქვია, რომ ნიკოლა დე არლე, სირ დე სანსის ეკუთვნის თუ იმიტომ, რომ ას ექვს კარატს იწონის? მე ეს არ ვიცი. მე მხოლოდ ის ვიცი, რომ ჩვენი ცხოვრება სავსეა ამისთანა გამოცანებით. უმთავრესი ის არის, რომ ადამიანს სანსი და ბედნიერება ჰქონდეს. მაშ, ვეცადოთ, ვიყოთ ბედნიერნი. ბრმად დავმორჩილდეთ მგეს. რა არის მზე? მზე სიყვარულია და ვინც ამბობს, სიყვარულიო, ის ამბობს, ქალიო. ოო, თუ ყოვლისშემძლე გნებავთ, მხოლოდ ქალია ყოვლისშემძლე. აბა, ჰკითხეთ მარიუსს, ამ დემაგოგს, ყურმოჭრილი მონა არის თუ არა კოზეტის, ამ ცუკრუმელა ტირანის. მერე როგორ? სრული შეგნებითა და ნებით. ქალი? რობესპიერი კი არა, ქალი მეფობს. მე თუ მეფე მწამს, მხოლოდ ეს მეფე. რა იყო თქვენი ადამი? მას ხომ ევა

მართავდა. და ვერავითარი რევოლუცია, თუნდაც ოთხმოცდაცხრა წლისა, ვერ დაამხოვს ქალის მეფობას. იყო სკიპტრა მეფისა და თავზე შროშანა აჯდა ოქროსი; იყო სკიპტრა ხელმწიფისა და თავზე ქვეყანა აჯდა, ისიც ოქროსი. იყო სკიპტრა კარლოს დიდისა, რკინისა, იყო სკიპტრა ლუი დიდისა, ოქროსი; რევოლუციამ ცერი და სალოკი თითი მოუჭირა და გასრისა, როგორც მატლი. გათავდა და მორჩა! გასრისა, გაჭყლიტა, ძირს დასცა და მიწასთან გაასწორა: აღარც სკიპტრაა, აღარც მეფე, მაგრამ აბა, ერთი მოაწყვეთ რევოლუცია აი, იმ პატარა ცხვირსახოცის წინააღმდეგ, პაჩულის სუნამოს სურნელებას რომ აფრქვევს, აბა, სცადეთ! მაშინ ვნახავთ, რა ბიჭებიც ხართ! რად არის ურყევი ეს მეფობა? იმიტომ, რომ ჩვარია. რა, თქვენ XIX საუკუნის შვილები ბრძანდებით? ძალიან კარგი, მერე რა? ჩვენ კიდევ XVIII საუკუნისანი ვიყავით და ისეთივე სულელები, როგორიც თქვენა ხართ. ის კი არა თქვათ, დიდებულად გარდავქმენით ქვეყნიერებაო. რით გარდაქმენით, ერთი მიბრძანეთ? იმით, რომ ქოლერას სახელი გამოუცვალეთ და ძველებურ ცეკვა ბურეს კაჩუჩა დაარქვიეთ? ავი გუებნებით, ყოვლისმემძლე მხოლოდ ქალია და ის უნდა გვიყვარდეს. ვინ იქნება, რომ თქვას, ქალი არა მწამსო? ეს ქაჯები ხომ ჩვენი ანგელოზები არიან? დიას, სიყვარული, ქალი, ალერსი. ეს იმგვარი წრე გახლავთ, რომ შიგ შევდივართ და გამოსვლით კი ვერავინ გამოვდივართ. რაც შემეხება პირადად მე, ნეტავ შეიძლებოდეს ერთხელ კიდევ მოვყევი იმ წრეში. ვის გინახავთ, როგორ ამოდის უსაზღვროში, თან გზად ყველაფერს ამშვიდებს და ქალივით გაჰყურებს ზღვას, როგორც სარკეს, ვარსკვლავი ვენერა, უფსკრულის სახელოვანი კეკლუცი, ოკეანის სელიმენი? ოკეანე უხიაგი ალცესტია. ჰოდა, ძალიანაც რომ ღრინავდეს ოკეანე, როგორც კი გამოჩნდება კოპნია ვენერა, სიხარულით ევსება გული: ეს მხეცი ოკეანეც კი დამონებული ჰყავს ქალბატონს და ჩვენც ასევე ვართ ყველანი. გაბრაზება, გაათურება, გაცოფება, ჭეჭა-ქუხილი... და ამ დროს ქალი გამოდის სცენაზე. ვარსკვლავი ბრწყინავს და... მუხლს იყრის მძვინვარება. ამ ექვსი თვის წინ მარიუსი იბრძოდა, დღეს კი ცოლს ირთავს და ძალიან კარგსაც შერება. ჰო, ჩემო მარიუს, ჰო, ჩემო კოზეტ, მოგხედათ ღმერთმა; მაგრამ იყავით, ისე გიყვარდეთ ერთმანეთი, რომ შურით გავსკდეთ, რატომ ჩვენ არ გვეღირსა ეს სიყვარული? კერპად და თავყანსაცემად გაიხადეთ ერთმანეთი. მერცხალივით აკენკეთ, საცა კი ბედნიერების ტკბილ მარცვალს შეხვდებით და ტკბილი ბუდე გაიკეთეთ. მთლიანად გამოიყენეთ თქვენი სიყმაწვილე. გიყვარდეთ, უყვარდეთ. სიყმაწვილე სასწაულია, აბა, რის ახალგაზრდა ხარ! ის კი არ იფიქროთ, ჩვენ აღმოვაჩინეთ სიყვარული. მეც თქვენსავით ყმაწვილი ვიყავი, ვოცნებობდი, ვნატრობდი, ვოხრავდი, მეც შეგხაროდი მთვარის შუქს. სიყვარული ექვსი ათასი წლის ყმაწვილია და სრული უფლება აქვს ერთი კარგი თეთრი წვერი მოუშვას. მათუსალა ბაღლია კუპიდონთან შედარებით. სამოცი საუკუნეა სიყვარულით ერთად ეწევიან უღელს ქალი და კაცი. ცბიერია ეშმაკი და მტრად გადაეკიდა კაცს; კაცი უფრო ცბიერი გამოდგა და ქალი შეიყვარა. ამგვარად უფრო მეტი სიკეთე შეიძინა, ვიდრე ეშმაკი ავს უპირებდა. სამოთხე დააკარგვინა კაცს ეშმაკმა, მაგრამ იმანაც არანაკლები ტკბილი სამოთხე შეიძინა. ძველისძველია ეს მენაძინი, მაგრამ სულ ახალი ყველგან და ყოველთვის. იგი თქვენც გამოიყენეთ. იყავით დაფნისი და ქლოე, ვიდრე ფილემონი და ბაკვიდა გახდებოდეთ. ისე გიყვარდეთ ერთმანეთი, რომ აღარაფერი გაკლდეთ, თუ ერთად იქნებით. კოზეტი მზე იყოს მარიუსისათვის და მარიუსი მთელი ქვეყნიერება კოზეტისთვის. კოზეტისთვის

ტკბილი დარი იყოს მარიუსის ღიმილი და მარიუსისთვის შხაპუნა წვიმა იყოს კოზეტის ცრემლი. ოლონდ ისე მოაწყვეთ ყველაფერი, რომ წვიმა არასოდეს მოვიდეს თქვენს ბუდეში. ძალიან კარგი ნომერი ამოიღეთ ლატარიიდან, - დალოცვილი სიყვარული; დიდი განძი გერგოთ და გაუფრთხილდით, ჩაკეტილი გქონდეთ, ნუ გაფლანგავთ, ერთმანეთს ეთაყვანეთ და სხვა ნურაფერი გინდათ. მერწმუნეთ, რასაც ვამბობ, სალი მსჯელობის ნაყოფს ვამბობ და საღმა მსჯელობამ ტყუილი არ იყოს. წმინდა სარწმუნოება იყავით ერთმანეთისთვის. ყველა თავისებურად აღმერთებს ღმერთს, მაგრამ დამიჯერეთ, საუკეთესოდ ის აღმერთებს ღმერთს, ვისაც თავისი ცოლი უყვარს. ჩემი კატეხიზმო გნებათ? ერთი სიტყვაა - მიყვარხარ! თუ უყვარს ადამიანს, მამ, ღვთისმოსაფიც არის. ანრი IV-ის საყვარელი ფიცი სარწმუნოებას ქეიფსა და ლოთობასთან აერთიანებდა. მე ასეთი სარწმუნოებისა არა მნამს, რადგან მასში ქალი დავინწყებულა და ძალიანაც მიკვირს ანრი IV-ისა. მამ, ასე, მეგობრებო, გაუმარჯოს ქალს! მე მოხუცი ვარ, როგორც ამბობენ, მაგრამ ვერ წარმოიდგენთ, რა ჭაბუკად ვგრძნობ თავს. მზად ვარ მთაში ავვარდე, რომ მესტვირე ვნახო სადმე. ამ ყმანვილებს რომ ვხედავ, მშვენიერებს, ბედნიერებს, სიყმანვილე მერევა და რომ ვინმე მოისურვებდეს, დღესვე ქორწილს გაეაჩაღებდი. შეუძლებელია სხვა დანიშნულებით გავეჩინეთ ღმერთს, გარდა მინის წმინდა მცნებისა: გიყვარდეთ, თაყვანსა სცემდეთ, ღუღუნებდეთ, გადაიქეცით მტრედად, მამლად, კენკავდეთ სიყვარულს დილით საღამომდე, სარკედ გყავდეთ ცოლი, იყავით ამაყად, გამარჯვებულად, გულმხიარულად, - აი, მიზანი ჩვენი სიცოცხლისა. აი, ბატონო, იქნებ არც კი მოგვიწონოთ, რა აზრისანი ვიყავით ჩვენს სიყმანვილეში. აჰ, რამდენი ლამაზი ქალი იყო. კოპნია, მომხიბლავი! დავერეოდი ხოლმე, ავიკლებდი იქაურობას! მამ, დატკბით სიყვარულით. თუ სიყვარული არ იქნება, ვერ წარმოიდგენია, რა საჭიროა მამინ გაზაფხული? მე რომ მკითხონ, დღესვე მივართმევდი იმ დალოცვილ ღმერთს ერთ არზას, რომ უკანვე წაიღოს თავისი ყოველი სათნოება და ჩვენ მართო ყვაილები, მგალობელი ჩიტები და ლამაზი ქალები დაგვიტოვოს. შვილებო, მიიღეთ კურთხევა თქვენი ბებერი წინაპრისა.

მხიარულად გაატარეს საღამო, საამოდ. კარგ გუნებაზე იყო მოხუცი ბაბუა, ბედნიერი, გახარებული და სტუმრებმაც მოილხინეს. ბევრი იცინეს, ცოტა იცეკვეს, იმხიარულეს, ძველებური ლხინი განახლეს, მით უფრო, რომ იქვე ჰყავდათ ძველი დროების წარმომადგენელი ბატონი ჟილნორმანი.

ხმაური იყო და მერე მიჩუმდა ყველაფერი.

სადღაც გამქრალიყო ნეფე-დედოფალი.

შუალამის შემდეგ ტაძრად გადაიქცა ბატონი ჟილნორმანის სახლი.

აქ უნდა გავჩერდეთ. ნეფე-დედოფლის საძინებელს ერთი ანგელოზი იცავს. დგას კართან, იღიმება და თითი მიუღვია პირზე.

საკურთხეველია ნეფე-დედოფლის სანოლი. იქ არავის შეუშვებს ეს დარაჯი.

სხივი უნდა ადგეს ამ სახლს. ნეფე-დედოფლის ნეტარება არ უნდა ეტეოდეს იქ, ქვიტკირს უნდა არღვედეს და თავისი სინათლით ანათებდეს ღამის სიბნელეს. შეუძლებელია, წმინდა დღესასწაულს ზეციერი სხივი არ მიეძღვნას უსაზღვროსთვის. სიყვარული ბრძმედია წმინდა, რომელშიც ქალი და კაცი შეერთდებიან. სიყვარული ქმნის ადამიანის სამებას. ორი სულის ერთ სულად შეერთება წმინდაა და მღელვარების აღმძვრელი. ნეფე მოძღვარია, დედოფალი კი შიში და მორცხვობა.

სიხარულია ეს შეერთება და ცოტა რამ ამ სიხარულისა ზეცამდეც აღწევს. სადაც ნამდვილი ქორწინებაა, ესე იგი, სადაც სიყვარულია, იქ იდეალიც ურევია. ნეფედდოფლის სანოლი სინათლის კუთხესა ქმნის ღამის სიბნელები, რომ ადამიანის თვალის კაკალს ზენასიცოცხლის საშინელი და მომხიბლავი აჩრდილების დანახვა შეეძლოს. შესაძლებელია დაინახოს ჩვენთვის უხილავი არსებანი, უცნობი ფრთოსანნი, უხილავში მავალნი, რომლებიც ყოველმხრივ მოეფინებიან ნეფედდოფლის ბრწყინვალე სახლს კმაყოფილნი, დამლოცველნი, პატარძლის კდემამოსილებით აღტაცებულნი და ადამიანური სიხარულით თავიანთ ღვთიურ სახეზე. მართალია, ამ დროს საძინებელში მარტოდმარტონი არიან, მაგრამ ცოლქმარი თავის ნეტარებას წამით რომ გამოუხსლტებოდეს და ყურს მიუგდებდეს, ცხადად გაიგონებდა ფრთების შრიალს. სრულ ბედნიერებას თან ახლავს ანგელოზების თანაგრძობა. ამ პატარა სანოლს მთელი ზეცა დაჰყურებს ჭერად. სიყვარულით დალოცვილი ორი ბავე ერთდება შესაქმნელად. შეუძლებელია ამ კოცნამ ვარსკვლავთ საიდუმლო უსაზღვროებამდე არ მიაღწიოს.

ეს არის ჭეშმარიტი ბედნიერება. აქ არის მარტო ნამდვილი ბედნიერება. ერთადერთი აღტაცება აქვს ადამიანს - სიყვარული. სხვა ყველაფერი ამაოებია.

გიყვარდეთ თუ გიყვარდათ, ეს საკმარისია, სხვას ნულარაფერს მოითხოვთ. ჩვენი ცხოვრების ბნელ სამალავებში სხვა ამნაირ მარგალიტს ვერ იპოვით. სიყვარული ადამიანის დანიშნულების აღსრულებაა.

თავი მესამე
განუშორებელი

რა მოუვიდა ჟან ვალჟანს?

კომეტმა რომ სთხოვა, გაიცინო და გაიცინა კიდევ, მერე ისიც მარტო დარჩა, ყურადღებას არაავინ აქცევდა; წამოდგა და შეუმჩნეველად გავიდა წინკარში. ის ოთახი იყო სწორედ, რომელშიც რვა თვის წინ შევიდა ლაფში ამოთხვრილი, სისხლითა და სიბინძურით მოსვრილი, და შვილიშვილი მოუყვანა მოხუც ბაბუსა. ძველებურ ავეჯზე ყვავილები და მწვანე ფოთლები ეფინა. მუსიკოსები ისხდნენ იმ დივანზე, რომელზეც მაშინ მარიუსი დაწვინეს. ბასკს შავი სერთუკი, მოკლე შარვალი, თეთრი წინდები, თეთრი თათმანები ჩაეცვა და ყვავილების გვირგვინს ახვევდა სასადილო დარბაზში შესატან საჭმელს. ჟან ვალჟანმა თავისი ახვეული ხელი დანახვა, სთხოვა, მოეხსენებინა მიზეზი მისი წასვლისა, და წავიდა.

სასადილო დარბაზის ფანჯრები ქუჩაში გადიოდა. ცოტა ხანს განათებული მხიარული ფანჯრების ქვემოთ დადგა, სიბნელები და ყური მიუგდო. ლხინისთვის ჩვეული აურზაური გამოდიოდა. ბატონი ჟილნორმანის ხმამალალი, მედიდური სიტყვა, ვიოლინოს ხმა, თეფშების და ჭიქების წკარუნი, მხიარული სიცილი ესმოდა და ამ მხიარულ ურიაშულში ცხადად არჩევდა თავისი კომეტის ნაზ, ბედნიერ ხმას.

მერე ნელ-ნელა შინისკენ წავიდა.

სენ-ლუის ქუჩა გაიარა, სენ-კატერინისა და ბლან-მანტოს ქუჩების გავლით. ცოტა შორს მოვლა დასჭირდებოდა, მაგრამ სამი თვე იყო ამ გზით დადიოდნენ ის და კომეტი, რომ ვიეილ-ტამპლის ქუჩის ჭედვაში არ მოხვედრილიყვნენ, მარიუსის ამბის გასაგებად რომ წავიდოდნენ ხოლმე ყოველდღე.

ამ ქუჩით დადიოდა კოზეტი და ამიტომ უან ვალჟანისთვის სხვა გზა აღარ არსებობდა.

შინ მივიდა, სანთელი ანთო, კიბე აიარა, შევიდა თავის ბინაში, ცარიელი დახვდა სახლი, ტუსენიც კი აღარ იყო. ჩვეულებისამებრ დადიოდა ოთახებში, მაგრამ საშინლად ფრენებოდა თავისი ფეხის ხმა. სულ ღია დახვდა კამოდისა და განჯინის უჯრები. კოზეტის ოთახში შევიდა. ზენარი აღარ ეფარა ლოჯინს. უბალიშისპირო და უმაქმანო ბალიშები დაკეცილ საბანზე ელაგა, ლეიბის ბოლოს. ქალის ყველა წვრილმანი ნივთი, რაც კი საამოდ მიაჩნდა, თან წაედო კოზეტს. სახლში აღარაფერი იყო, გარდა ავეჯისა და ოთხი კედლისა. აღარც ტუსენის საწოლი იდგა. ერთადერთი ლოჯინი იყო გაშლილი, თითქოს ელოდა ვინმეს, და ის უან ვალჟანისა იყო.

კედლები დაათვალიერა, განჯინების კარები მიხურა და სიარული დაიწყო ერთი ოთახიდან მეორეში. მერე თავის ოთახში შევიდა, შანდალი მაგიდაზე დადგა. გაიხსნა შეხვეული ხელი და ისე ხმარობდა მარჯვენას, როგორც ყოველთვის; სრულიად უმტკივნეულოდ, თითქოს არც კი სტკივებოდას.

თავის ლოჯინთან მივიდა და შემთხვევით იყო თუ განზრახ, თვალში ეცა „განუშორებელი“ პატარა ჩანთა, უან ვალჟანი რომ არასოდეს იშორებდა და კოზეტსაც კი ეჭვი აღუძრა 4 იენისს, ამ ახალ სახლში რომ გადმოვიდნენ, ლ'ომ-არმეს ქუჩაზე, ის ჩანთაც პატარა მაგიდაზე დადო თავის საწოლთან. სწრაფად მივარდა, ჯიბიდან გასაღები ამოიღო და ჩანთა გახსნა.

ნელ-ნელა ამოალაგა ის ტანისამოსი, რომლითაც ათი წლის წინ მონფერმეილიდან წამოიყვანა პატარა კოზეტი; ჯერ პატარა შავი კაბა ამოიღო, მერე შავი ზედატანი, ბავშვის მოუხეშავი წაღები, რომელიც დღესაც კარგად მოუვიდოდა კოზეტს, რადგან მეტისმეტად პატარა, კოჰნია ფეხი ჰქონდა; ბამბაბის ქურთუკი, ნაქსოვი ქვედაკაბა, ჯიბიანი წინსაფარი და შალის წინდები. ამ წინდებს ჯერაც ეტყობოდა პატარა გოგოს ფეხის მოყვანილობა. შავი იყო ყველაფერი. უან ვალჟანმა მოუტანა კოზეტს ეს ტანისამოსი, მის წამოსაყვანად რომ მივიდა მონფერმეილში. იღებდა ჩანთიდან და თავის ლოჯინზე შლიდა. ფიქრობდა წარსულზე და წარსული ედგა თვალწინ. ზამთარი იდგა, დეკემბერი, მეტად ცივი, კანკალებდა საწყალი გოგო, რადგან თითქმის შიშველი იყო; შიშველი, განითლვებული ფეხი ედგა გაყინულ ხის ქოშში. ეს შავები ჩააცვა უან ვალჟანმა, რადგან ობლად დარჩენილიყო ბავშვი; ის იყო, მოჰკვდომოდა უბედურს დედა. კმაყოფილი უნდა ყოფილიყო მიცვალებული თავის საფლავში, რომ მისი შვილი გლოვის ტანისამოსით იყო მოსილი, მეტადრე უფრო იმით, რომ შიშველი აღარ იყო და თბილი ტანისამოსი ეცვა. მერე ონფერმეილის ტყე მოაგონდა, ერთად რომ გაიარეს მან და კოზეტმა, მოაგონდა მაშინდელი სისყვე, ტყე, რომელსაც აღარც ფოთოლი შერჩენოდა, აღარც ფრინველი, მოქურუშებულიყო ცა; აედარი იდგა, მაგრამ მაინც მშვენიერება იყო. გაშალა კოზეტის ტანისამოსი, თავის ლოჯინზე დაალაგა და თვალი ვეღარ მოაშორა. ჯერ მინას არ ასცილებოდა მაშინ კოზეტი, დიდი დედოფალაც ხელში ეჭირა, ოცფრანკიანი ოქრო წინსაფარის ჯიბეში ჰქონდა და იყინოდა. ერთად მიდიოდნენ ორნი. პატარას ხელი ამ მადლიანი კაცის ხელს ეჭირა. მის მეტი არავინ ჰყავდა ამქვეყნად.

ლოჯინზე დაუშვა თავისი თოვლივით თეთრი თავი; ვეღარ გაუძლო ამხელა ვარამს მისმა გამძლე გულმა, სახე დამალა კოზეტის ტანისამოსში და იმ დროს რომ აევილო ვინმეს კიბეზე, მწარე ქვითინს გაიგონებდა.

თავი მეოთხე
„IMMORTALE JECUR“

ისევ დაიწყო ძველი საზარელი ბრძოლა, რომლის სახეცვლილება ჩვენ რამდენჯერმე ვიხილეთ.

იაკობს ჭიდაობა მოუხდა ანგელოზთან მარტო ერთ ღამეს, უან ვალჟანი კი ვაი, რომ ბევრჯერ გვინახავს თავის სინდისთან შეჭიდებული მედვარ ბრძოლაში.

საზარელი იყო ეს ბრძოლა. ხანდახან ფეხი დაუსხლტებოდა უან ვალჟანს; ხან კიდევ ეგონა, რომ ნიადაგი ეცლებოდა ფეხქვეშ. რამდენჯერ ყოფილა, რომ მის სინდისს, სიკეთით გახელებულს, დაუმარცხებია და ძირს დაუცია მისი ბოროტი განზრახვა. რამდენჯერ ყოფილა, უღმობელი ჭეშმარიტება გულზე დასცემია და მუხლი დაუჭერია დავარდნილისთვის, რამდენჯერ ყოფილა, ჭეშმარიტების მიერ ძირს გართხმულს შეწყალება უთხოვია; რამდენჯერ ყოფილა, ეპისკოპოსის მიერ მასში ანთებულ უბინო სანთელს თვალი აუხელია მისთვის სწორედ მაშინ, როდესაც დაუინებთ დაბრმავებას ცდილობდა; რამდენჯერ ყოფილა, წამოვარდნილა ამ ბრძოლაში დაცემული, კლდეს მიჰყრდნობია, სოფიზმს ჩასჭიდებია მტვერში ნათრევი, ხან ძირს დაუცია თავისი სინდისი, ხან ქვეშ მოჰყოლია; რამდენჯერ ყოფილა, ორაზროვანი დებულებით, ბედნავსი ეგოისტური აზრით გატაცებულს თავისი სინდისის ხმა გაუგონია, რომელიც ყურში ჩასძახოდა: „ვის ატყუებ, ვის, შე უბედურო?“ რამდენჯერ ყოფილა, რომ მის ურჩ, ახირებულ აზრს კონველსიურად ხიხინი დაუწყია, როდესაც წინ აღდგომა მოვალეობის ასრულების აუცილებლობა. ღვთის წინააღმდეგობა ნებავდა. ჭირის ოფელში იწურებოდა. დაჭრილი, დასერილი ჰქონდა გული და მარტო თვითონ გრძნობდა მის დანწყლულებას. სულიერი ტანჯვა იყო მისი სიცოცხლე. რამდენჯერ წამომდგარა დასისხლიანებული, ცოცხალ-მკვდარი, ღონემიხდილი, სასოწარკვეთილებით აღსავსე გულითა და ნათელი სულით, დამარცხებულს გამარჯვებულად უცნია თავი. ასე დაამტვრევდა მას, მუხრუჭით სცემდა და ძირს დასცემდა მისი ნათელი, წმინდა სინდისი, მერე თვითონვე წამოაყენებდა და ამშვიდებდა, წადი და მშვიდობით იარეო.

მაგრამ რა დაამშვიდებდა ამგვარი საზარელი ბრძოლის შემდეგ?

იმ ღამეს კი გრძნობდა უან ვალჟანი, რომ უკანასკნელად უბედავდა ბრძოლას თავის სინდისს. მრისხანე საკითხი წამოჭრილიყო მის წინ.

თავისი დანიშნულების შესასრულებლად ბედისწერა პირდაპირი გზით არ მიდის, სწორი გზით არ მიემუხრება; ხან ჩიხს, ხან ქუჩაბანდს, ბნელ მისახვევ-მოსახვევს, ხან კი გზაჯვარედინს მიაღებდა. უან ვალჟანიც ამ წამს ერთ გზაჯვარედინს მისდგომოდა და აღარ იცოდა, საით წასულიყო.

კეთილისა და ბოროტის უაღრეს შეჭიდებამდე მისულიყო. ახლაც თვალწინ ედგა ორივე, ერთმანეთის მოსისხლე მტერი, როგორც წინათ, ყოველთვის. როცა ამგვარ სამუნხარო მდგომარეობაში ჩავარდებოდა, ორი გზა გამოჩნდებოდა ხოლმე მის თვალწინ: ერთი მიმზიდველი, მეორე საზარელი. რომელი აერჩია?

საზარელ გზას უჩვენებდა თითოთ ის იღუმალი ჩვენი წინამორბედი, რომელსაც ყოველთვის ვხედავთ, როდესაც კი ბნელში ვართ და გზა ვერ გავგვიგნია.

ერთხელ კიდევ უნდა ამოერჩია უან ვალჟანს. ერთ მხარეს, საშინელი ნავმისადგომი იყო და მეორე მხარეს - ტკბილად მცინარი სახე.

მაშ, მართალია? სულის განკურნება შეიძლება და ბედისწერისა კი არა? საშინელება განუკურნავი, უცვლელი ბედი. აი, რა ჰქონდა გადასატრელები უან ვალჟანს:

რა დამოკიდებულება ექნებოდა კოზეტის და მარიუსის ბედნიერებასთან? თვით ისურვა მათი ბედნიერება, დაეხმარა და მოაგვარა; თვითონვე გაიგმირა გული და ახლა მათ ბედნიერებას რომ უყურებდა, ისეთივე კმაყოფილება უნდა ეგრძნო, როგორსაც უნდა გრძნობდეს მეთიარაღე, რომელსაც დანა დასცეს გულში და ამოღებისას თავის გაკეთებულს იცნობს.

კოზეტს მარიუსი ჰყავდა, მარიუსს - კოზეტი. მათ ყველაფერი ჰქონდათ, სიმდიდრეც კი და ყოველივე ეს მისი წყალობით.

ღიას, ბედნიერები იყვნენ კოზეტი და მარიუსი. უკვე არსებობდა ეს ბედნიერება. მაგრამ რა უნდა ყოფილიყო უან ვალჟანისთვის მათი ბედნიერება? ისიც ჩაერევა და დატკბება ამ ბედნიერებით, როგორც თავისი ხელით შექმნილით? მართალია, კოზეტი სხვისი იყო, მაგრამ ძველებურად ისარგებლებს კოზეტის სიყვარულით? ძველებურად დარჩება კოზეტის მამად, პატივცემულად, როგორც აქამდე იყო? თვითონაც შევა გულდამშვიდებით კოზეტის სახლში? შეძლებს, რომ ხმის ამოუღებლად შეერიოს თავისი წარსული ამ ტკბილ მომავალს? შეძლებს, ისე შევიდეს კოზეტის ოთახში, როგორც უფლების მქონე, და დამშვიდებული გამოიჭიმოს თავისი უხილავი ნიღბით მათ ნათელ ბუხართან? შეძლებს კი, ღიმილით ხელი ჩამოართვას ამ ორ ანგელოზს თავისი სამარცხვინო დაღიანი ხელით? შეძლებს კი ფილნორმანის დარბაზში ბუხართან გაითბოს ფეხები, რომელთაც თან სდევთ კანონის მომაკვდინებელი დადგენილება? ნუთუ წილს დაიდებს კოზეტისა და მარიუსის ბედნიერებაში? ნუთუ კიდევ უფრო გაიზვიადებს თავის ნაღველს და მით მოღრუბლავს მათ ნეტარებას? ნუთუ ამ ბედნიერ სიყვარულიში ის, მესამე პირად, თავის უბედურებას ჩარევს? როდემდის უნდა იყოს ასე მალული? ერთი სიტყვით, ნუთუ კოზეტისა და მარიუსის ბედნიერებაში ჩარევს თავისი ბედის სირცხვილს, დღეს ღრმად ჩამალულს?

მიჩვეული უნდა იყოს ადამიანი ავბედითს და მის ხშირად ნახვას, რომ გაბედოს და თვალი არ მოარიდოს, როდესაც გამიშვლებული საშინელებით წამოიჭრება ჩვენ წინ რაიმე კითხვა. ავიც და კარგიც უკან უდგანან ამ საშინელ წერტილს კითხვისას. „აბა, რას აპირებ?“ - გვკითხავს სფინქსი.

მიჩვეული იყო უან ვალჟანი ავ ბედთან შეყრას და თვალი თვალში გაუყარა სფინქსს.

დააცქერდა თავის საბედისწერო საკითხს და ეცადა, დაწვრილებით, კარგად გაესინჯა ყოველმხრივ.

კოზეტი, ეს მომხიბლავი არსება, მის წინ ტივის მსგავსად წამოიჭრა, როდესაც ის წყალწაღებული იყო. ახლა როგორ მოიქცეს? ტივის ჩაეჭიდოს თუ მიჰყვეს თავის ბედისწერას?

ტივზე რომ აძვრეს, უბედურებას აიცილნს, მზის სხივით დატკბება, თავისი თმიდან და ტანისამოსიდან ამ ჩამწარებულ წყალს მოიშორებს, ცოცხალი დარჩება.

რომ არ ისარგებლოს ტივით?

დაიღუპება.

ასე ეკითხებოდა გულისფანცქალით თავის გონებას, ანუ, უკეთ რომ ვთქვათ, ასე ებრძოდა თავს. გაცოფებული დაეტაკებოდა ხოლმე ხან თავის ნებას, ხან თავის რწმენას.

ბედი ენია სწორედ, რომ ტირილი შეძლო. იქნება ამან ჩამოაშორა გონებას ბინდი. მაინც საშინელი იყო ამ სულიერი ბრძოლის დასაწყისი. ბორცვა მოერია, უფრო დაუცხრომელი, ვიდრე წინანდელი, რომელმაც არასში მიიყვანა, და უფრო მეტად აწამებდა, ვიდრე მაშინ. წარსული წარმოუდგა, როდესაც აწმყო ჰქონდა გადასაწყვეტი; ადარებდა და ქვითინებდა. საგუბარს რომ მოხსნით ცრემლს, მერე ძლივსლა შეაყენებთ. ტიროდა იმედმიხდილი და ხელებს იმტვრევდა.

გრძნობდა, რომ ამას ვეღარ გაუძლებდა.

რას იზამთ? ჩვენი ეგოიზმისა და ვალდებულებების სიკვდილ-სიცოცხლეზე რომ მიდგება საქმე, როდესაც ნელ-ნელა ვღალატობთ ჩვენს იდეალს, სასოწარკვეთილნი, გაშმაგებულნი, გადარეულნი ვიცავთ ჩვენს სასურველს და მაინც ვმარცხდებით; ვცდილობთ გაქცევას, გასასვლელს ვეძებთ, მაგრამ მიუდგომელ კლდეს გვიდგამს ყოველმხრივ ჩვენი სინდისი და გვიმორჩილებს.

კლდე თუ არა, წმინდა აჩრდილია ჩვენს წინააღმდეგ. უხილავი, უღომიბელი სინდისი და მისი ბრძანება.

სინდისი იბრძვის და არ ათავებს ბრძოლას, სანამ თავისას არ გაიტანს. ეს გახსოვდეს, ბრუტუს, გახსოვდეს, კატონ! სინდისი უძიროა, რადგან ღმერთია. და ამ ჭაში ყრიან მთელი სიცოცხლის ნაშრომს, შიგ ყრიან თავის ბედს, ქონებას, გამარჯვებას, თავისუფლებას ან სამშობლოს, კეთილდღეობას, თავის მშვიდობას, ბედნიერებას. კიდევ ჩაყარეთ! კიდევ! დაცალეთ კალათა! დააპირქვავეთ კოკა! ბარემ თქვენი გულიც შიგ ჩაისროლეთ და გაათავეთ!

სადღაც ძველი ჯოჯოხეთის ბნელ მიყრუებულ კუთხეშიც უნდა ყოფილიყო ამის მსგავსი უძირო კასრი. განა გასაკიცხია, ვინც ვერ გაუძლებს? განა ამოუწურავს შეუძლია თავისი უფლებების წამოყენება? განა უბოლოო ჯაჭვს გაუძლებს ადამიანი? ვინ გაამტყუნებს სიზიფესა და უან ვალჟანს, რომ თქვან, კმარა, მეტი აეღარ შეგვიძლიაო.

მასალის მორჩილებას ხახუნი საზღვრავს. ნუთუ სულის დამორჩილებას არ უნდა ჰქონდეს თავისი საზღვარი? თუ შეუძლებელია მუდმივი მოძრაობა, ნუთუ შესაძლებლად უნდა მიგვაჩნდეს მუდმივი თავგანწირვა?

პირველ ნაბიჯს, კიდევ ჰო, გაუძლებს ადამიანი, მაგრამ აუტანელია უკანასკნელი! რას წარმოადგენდა შანმატიეს საქმე კოზეტის გათხოვებასა და მის შედეგთან შედარებით? რა იყო ის ბრძანება, კატორლას დაუბრუნდიო, ამ ბრძანებასთან შედარებით: არარაობაში დაიღუპო.

ოჰ, რა ბნელი იყო პირველი საფეხური ძირს დაცემისა და რა შავია ეს მეორე საფეხური გაქრობისა!

ნუთუ ახლაც დაემორჩილება ამ მომაკვდინებელ ბრძანებას?

მონამეობა სულს ამაღლებს, მაგრამ ღრღნის, ეს ტანჯვაა, მეფედ კურთხევა. დასაწყისში შეიძლება კიდევ დათანხმდეს კაცი. გავარჯარებულ რკინის ტახტზე გამოიჭიმოს, თავზე გავარჯარებული რკინის გვირგვინი დაიდგას, ცალ ხელში გახურებული რკინის გლობუსი აიღოს, მეორეში - გავარჯარებული რკინის სკიპტრა, მაგრამ ეს არ კმარა; ახლა ცეცხლის ალის წამოსასხამში უნდა გაეხვიოს და ნუთუ არ

დადგება ის წამი, როდესაც აჯანყდება ტანჯული ხორცი და უარყოფს კაცი თავის წამებას?

ბოლოს უან ვალუჟანიც დაიღალა, დამშვიდდა მისუსტებული.

იფიქრა, სინჯა, საიდუმლო სასწორით აწონ-დაწონა სინათლის და სიბნელის შედეგები.

თავისი კატორღული დალით შეუერთდეს ამ წმინდა ყმანვილების ბედნიერებას თუ თვითონვე განშორდეს და თავისი ნებით დაიღუპოს? ერთი მხრივ, კომეტს შესწირავს მსხვერპლად, მეორე მხრივ, თავს განირავს.

რა გადაწყვიტა? რა დადგენილება მიიღო ამ ბრძოლის შედეგად? რა საბოლოო პასუხი მისცა თავის გულში ამ უწყალო ბედისწერის დაკითხვას? რომელი კარი აირჩია გასაღებად? თავისი სიცოცხლის რომელი ნაწილი გასწირა მეორის გასახარებლად? ციცაბო კლდის მწვერვალზე მდგომმა რომელი მხარე აირჩია გადასავარდნად? რომელ უკიდურესობას მიმართა? რომელ უფსკრულს დაუქნია თავი, შენკენ მოვდივარო?

ამ თავბრუდამხვევ ბოღვაში გაათენა ღამე.

ასე გაატარა მთელი ღამე ერთ და იმავე მდგომარეობაში, ორად მოკეცილიყო ლოგინზე, სასტიკი ბედისწერის მიერ გათელილი და წამებული, მუშტშეკრული, ხელეზგაშლილი, როგორც ჯვარცმული, რომელიც ჯვარიდან ჩამოუხსნიათ და მიუგდიათ. თორმეტი საათი გაატარა, თორმეტი საათი ზამთრის ღიდი ღამისა ისე, რომ გაყინულივით არც თავი გაუნძრევია, არც სიტყვა წამოსცდენია. უძრავი იყო, როგორც მკვდარი, როდესაც მისი იფიქრი დედამიწას ეკვროდა, ან ზეცისკენ იწვედა ხან როგორც შვიდავა ჰიდრა და ხან როგორც არწივი. რომ დაენახა ვინმეს ასე უძრავი, იტყოდა, მომკვდარაო. და უცბად შეხტა, აკანკალდა და კოცნა დაუნყო კომეტის ტანისამოსს... არა, ჯერ ცოცხალი ყოფილაო, - იტყოდა. ვინ? ვინ იტყოდა? სხვა იქ არავინ ყოფილა.

იტყოდა ის, ვინც წყვდიადიდან უცქერის ადამიანს.

წიგნი მეშვიდე

უკანასკნელი წვეთი სიმწარისა

თავი პირველი

მეშვიდე წრე და მერვე ზეცა

ქორწილის მეორე დღე სიჩუებით არის მოსილი, - ნეტევ-დედოფალს მარტოობა და ძილი, მოსვენება ესაჭიროება. სტუმრების მოსვლა და მოლოცვა მერე იქნება. 17 თებერვალს შუადღე გადასული იყო, ბასკი წინკარს ალაგებდა, როდესაც კარზე დააკაკუნეს ოდნავ, ფრთხილად; ვიდაც იმდენად მორიდებული იყო, რომ ზარი არ დარეკა, ჯერ ისევ ეძინებათო. კარი გაუღო ბასკმა. ბატონი ფოშლოვეანი აღმოჩნდა. მსახურმა დარბაზში შეიყვანა, ჯერ ისევ არეულ-დარეულში, თითქოს წუხანდელი ლხინისა და მხიარულების ბრძოლის ველი ყოფილიყო.

- უკაცრავად, ბატონო, - ბოდიში მოიხადა ბასკმა, - ძალიან გვიან გამოგვეღვიძა ამ დილას.

- თქვენი ბატონი ადგა? - ჰკითხა უან ვალუჟანმა.

- ხელი როგორ გაქვთ, ბატონო? - კითხვა შეუბრუნა ბასკმა.
- უკეთ. ადგა თქვენი ბატონი?
- რომელი? წინანდელი თუ ახალი?
- ბატონი პონმერსი.
- ბატონი ბარონი? - უგაუსწორა ბასკმა და წელში გაიჭიმა.

ბარონი რომ არის კაცი, მეტადრე თავის მსახურთათვის არის ბარონი, რადგან ცოტა რამ ერგებათ ხოლმე მისი დიდებულებისაგან, - ის, რასაც ფილოსოფოსი ბრწყინვალეების შხეფს დაარქმევდა. ეს მათთვის სასიამოვნოა. მარიუსი, - სიტყვამ მოიტანა და ესეც ვთქვათ, - რესპუბლიკის მომხრე იყო, რესპუბლიკისთვის მებრძოლი და თუ ბარონი გამხდარიყო, ეს მისდა უნებურად. პატარა რევოლუცია გამოიწვია ოჯახში ამ საპატიო წოდებამ: ბატონი ჟილნორმანი მაგრად ეჭიდებოდა მარიუსის ბარონობას და თვით მარიუსს კი არაფრად მოსწონდა; მაგრამ მიცვალებული პონმერსის ანდერძში ეწერა: ჩემმა შვილმა ჩემი საპატიო წოდება უნდა ატაროსო და მარიუსიც დაემორჩილა ანდერძს. კოზმეტში კიდევ უკვე ისახებოდა ქალი, ასე რომ, იგი აღტაცებული იყო თავისი ბარონობით.

- ბატონი ბარონი? - გაიმეორა ბასკმა, - ახლავე ვნახავ, მოვახსენებ, რომ აქ ბრძანდება ბატონი ფომლევეანი.

- არა, ნუ ეტყვი, რომ მე ვარ. უთხარით, რომ ერთ კაცს უნდა მისი ნახვა, ცალკე მოლაპარაკება, და გვარი კი არ უთხარათ.

- ჰოო? - გაიკვირვა ბასკმა.

- მინდა, მოულოდნელით გავახარო.

- ჰოო? - უგაიმეორა ბასკმა და ამ გამეორებით აუხსნა თავის თავს პირველის გაკვირვებით წამოძახილის მნიშვნელობა და გავიდა.

მარტო დარჩა ჟან ვალჟანი.

მთლად არეული იყო დარბაზი, როგორც უკვე ვთქვით. ისე იყო იქაურობა, თითქოს ჯერაც ქორწილია და ცოტა რომ ყური მიუგდოს კაცმა, ლხინის მხიარულ ჟრიამულსაც გაიგონებსო. იატაკი თაიგულებიდან და გვირგვინებიდან ჩამოცვნილი ყვავილებით იყო მოფენილი. შანდლებში სანთელი მთლად ჩამწვარიყო და ცვილიდა დაეტოვებინა თავის მაგიერ. ერთი სკამი არ იყო, რომ თავის ადგილას მდგარიყო. კუთხეებში, ყველგან, სამი-ოთხი სავარძელი იყო ერთმანეთზე მიდგმული პატარა წრედ, თითქოს ახლაც განაგრძობენ მხიარულ ბაასსო. მხიარულად იყო არეული დარბაზი. ასე იცის ბედნიერების ლხინი. ამ არეულ-დარეულ სკამებზე, ამ ყვავილებში, რომლებსაც ჭკნობა ეტყობოდა, ამ ჩამქრალი ჭაღების ქვეშ წუხელ მხიარულება და ბედნიერება მეფობდა. ჭაღების წილ ახლა მხიარული მზე ანათებდა დარბაზს.

რამდენიმე წუთი გავიდა. ისევ იქ იდგა ჟან ვალჟანი, უძრავად, სადაც ბასკმა დატოვა. მეტად ფერმიხდილი იყო, იმდენად ჩასკვივნიოდა თვალები უძილობით, რომ ძლივსლა ჩანდნენ თვალების ბუდეში. მის დაჭმუჭნილ შავ სერთუკს ეტყობოდა, რომ მთელი ღამე არ გაუხდია პატრონს. ლოგინის გენარზე ხახუნით გასთეთრებოდა სახელო. იდგა ჟან ვალჟანი თავდახრილი და ფანჯრის ჩრდილს დასცქეროდა თავის ფეხთან, მზის მიერ გამოსახულს.

კარის გაღება მოესმა და მიიხედა.

მარიუსი შემოვიდა, თავი მალლა აენია, სახე უცინოდა. სახეზე სინათლე მოჰფენოდა, თვალი გამარჯვებით უბრწყინავდა. არც იმას სძინებია.

- ეს თქვენა ბრძანდებით, მამა? - შესძახა სიხარულით, უან ვალჟანი რომ დაინახა,
- აი, რატომ მითხრა ისეთი საიდუმლოებით იმ სულელმა ბასკმა, თქვენი ნახვა
უნდათო! ძალიან ადრე გარჯილხართ, ჯერ პირველის ნახევარია და კოზეტს ისევ
სძინავს.

ეს სიტყვა - მამა, - მარიუსის მიერ ნათქვამი, უღრეს ბედნიერებას ნიშნავდა.
როგორც ვიცით, ერთმანეთს ყოველთვის ერიდებოდნენ მარიუსი და უან ვალჟანი.
მთა იყო ამართული მათ შორის, ცივი მორიდება, ყინული ან დასამტკრევი, ან
დასაღწობი. მაგრამ იმდენად ალტაცებული იყო მარიუსი თავისი ნეტარებით, რომ მთა
გაენგრია, ყინული დაეღწო და ბატონი ფომლევიანი მასაც მამად მიაჩნდა, როგორც
კოზეტს.

დულდა და გადმოდიოდა მისი სიტყვა, უტყუარი ნიშანი ზეციური ნეტარებით
დამტკბარისა:

- ძალიან მიხარია თქვენი ნახვა. რომ ისოდეთ, როგორ დაგვაკლდით ნუხელის.
დილა მშვიდობისა, მამა. ხელი როგორ გაქვთ? უკეთ, არა? - და კმაყოფილი
უკეთესობის პასუხით, რომელსაც თვითონვე აძლევდა თავის თავს, ისევ განაგრძო, -
სულ თქვენზე ვლაპარაკობდით მე და კოზეტი. ძალიან უყვარხართ კოზეტს. არ
დაგავინყდეთ, რომ აქ თქვენი ოთახი გაქვთ. აღარ გვინდა თქვენი ლომ-არმეს ქუჩა,
ამაზე ლაპარაკიც ზედმეტი! არა, იმ ქუჩაზე როგორ დასახლდით,
ჯანმრთელობისთვისაც მავნებელია, კუჭტი, უშნო, ბნელი, თანაც პირდაპირ ჩიხისკენ
მიდის. გაყინულია თქვენი ქუჩა, კარჩაკეტილი. ასე რომ, აქ უნდა გადმოსახლდეთ,
ჩვენთან. დღესვე, ბატონო, თორემ გაგინყრებათ კოზეტი და ვაი თქვენი ბრალი!
კოზეტი იმ აზრის გახლავთ, - აი, გაფრთხილებთ, - რომ ჩემს ნებაზე ვატარებ დიდსა
და პატარასო. ხომ ნახეთ თქვენი ოთახი, იქვეა, ჩვენი ოთახის ახლოს და ფანჯრებით
ბაღში გადის. კარის კლიტე შევაკეთებინეთ, ლოგინი გაშლილი გახლავთ, მზად არის
ყველაფრით და თქვენს გადმოსვლასდა ელის. კოზეტმა თქვენს ლოგინთან ერთი
ძველი რბილი სავარძელი დადგა, უტრეხტული ხავერდისა, და უბრძანა, გულში
ჩაიკარი მამაჩემიო. ბულბულის გალობა დაგატკობთ ყოველ გამაფხულს; თქვენს
ფანჯრებთან რომ ხშირი აკაციებია, ის უყვარს ბულბულს და მას ეწვევა ხოლმე. ერთი-
ორი თვის შემდეგ აღარ მოგასვენებთ ბულბულის გალობა. მარცხნივ მისი ბუდე
გექნებათ და მარჯვნივ - ჩვენი. დამე ის იგალობებს და დღე კოზეტი იჭიკჭიკებს. თქვენი
ოთახი სამხრეთისკენ არის. კოზეტი დაგილაგებთ თქვენს წიგნებს, კაპიტან კუკის
მოგზაურობას, კიდევ მეორეს - ვანკუვერისას და სხვებს. ჰო, თურმე პატარა ჩანთა
გაქვთ, რომელსაც ძალიან უფრთხილდებით; კოზეტმა საგანგებოდ მისთვის ერთი
კუთხე გამოვიყოთ. ძალიან მოსწონხართ ბაბუაჩემს, ძალიან. მაშ, ერთად
ვიცხოვრებთ. ვისტს თამაშობთ? ნეტარებით აავსებთ ბაბუაჩემს, თუ ვისტი იცით. მე
რომ სასამართლოში ვიქნები, თქვენ წაიყვანთ ხოლმე კოზეტს სასაიერნოდ, როგორც
წინათ. გახსოვთ, ლუქსემბურგის ბაღში რომ დაგყავდათ. ჩვენ გადანყევითელი გვაქვს,
საბოლოოდ უცვლელად დადგენილი, რომ ბედნიერები უნდა ვიყოთ, და თქვენც
ჩვენთან იქნებით, გესმით, მამა, თქვენც ჩვენთან უნდა იყოთ ამ ბედნიერებაში.
მართლა, საუბრეს ჩვენთან მიირთმევთ, რაღა თქმა უნდა.

- ერთი რამ მინდა მოგახსენოთ, ბატონო. მე ძველი კატორღელი გახლავართ.

მკვეთრი ბგერების საზღვარს შეიძლება ისევე ადვილად გადასცდეს გონება,
როგორც ყური. ეს სიტყვა, - „მე ძველი კატორღელი გახლავართ“, რომ თქვა უან

ვალუანმა და ყურში გაუარა მარიუსს, გასაგონისა და შესაგნების საზღვარს გადასცილებოდა. გაუგონრად დარჩა მარიუსს. ხედავდა, რომ რალაც უთხრეს, მაგრამ ის კი არ იყო, რა უთხრეს. პირდაღებული შეჰყურებდა უან ვალუანს. და მაშინ შენიშნა, რომ მომაკვდავს ჰგავდა კაცი, მას რომ ელაპარაკებოდა; დაბრმავებული იყო თავისი ბედნიერებით და მხოლოდ ახლა დაინახა უან ვალუანის სახის ცვლილება.

მან კი ამასობაში შავი სახვევი მოიხსნა, მარჯვენა ხელი გაითავისუფლა, გაიხსნა შეხვეული ცერი და მარიუსს დაანახა:

- მე ხელი არ მტკივა.

დახედა ცერზე მარიუსმა.

- არც მტკიება, - განაგრძო უან ვალუანმა.

და მართლაც არაფითარი ნიშანი არ ჰქონდა თითს ვაჭრისა.

უან ვალუანი განაგრძობდა:

- მართებული იყო, არ დავსწრებოდი თქვენს ქორწილს და არც ვესწრებოდი, რამდენადაც კი შეიძლებოდა. მიზეზად ეს ხელის ტკივილი გამოვიყენე, რომ სხვა, უფრო საძრახისი სიცრუე არ ჩამედინა; არ შემეტანა სიყალბე ქორწინების საბუთებში და ხელის მოწერა არ დამჭირვებოდა.

გაშტერებული შესცქეროდა მარიუსი, ძლივს თქვა რამდენიმე სიტყვა:

- ვერ გამიგია, რას მეუბნებით?

- იმას გეუბნებით, - უპასუხა უან ვალუანმა, - რომ მე კატორლაში ვიყავი.

- მე თქვენ გამაგიჟებთ! - შეჰყვირა მარიუსმა.

- ბატონო პონმერსი, თვრამეტი წელიწადი გავატარე კატორლაში ქურდობის გამო.

მერე სამუდამო კატორლა მომისაჯეს. ახლა კი ვემალეები სასჯელს.

ძალიანაც რომ ნდომებოდა მარიუსს, არ დაენახა, რასაც თვალწინ უშლიდნენ, უარყო ნამდვილი, გამაგრებოდა ცხადს, მანაც ფაქტს უნდა დამორჩილებოდა. ნათქვამის გაცნობიერება დაიწყო და როგორც ყოველთვის ხდება ამგვარ შემთხვევაში, მანაც გაზვიადებულად გაიცნობიერა. რალაც საზარელომა გაუელვა გონებაში და აათრთოლა. თითქოს მომავალში გადაიხედა და თავისი უსიხარულო მომავალი დაინახა.

- მაშ, მითხარით ყველაფერი, დაწვრილებით! - უთხრა უან ვალუანს, - თქვენ კოზეტის მამა არა ხართ?

შიში მოერია. უკან დაინია.

წამოიწია უან ვალუანმა, წელში გასწორდა და დიდებულებით სავსე სიტყვით უპასუხა:

- ჩემს სიტყვას უნდა ენდოთ. და თუმცა ჩვენს ფიცს, ჩემსავით განწირულების ფიცს, სასამართლო არ ცნობს...

გაჩუმდა, მერე ზეადამიანურ, აკლდამიდან გამომავლის შთაგონებით, სიტყვების გაგრძელებითა და საჭირო მარცვლების ხაზგასმით უთხრა:

- უნდა მენდოთ. მე, კოზეტის მამა? ღვთის წინაშე ვფიცავ, მე კოზეტის მამა არა ვარ. მე, ბატონო პონმერსი, ერთი უბედური ფავროლოელი გლეხი გახლავართ. ხეებს ვსხლავდი და იმით ვცხოვრობდი. ჩემი გვარი არ არის ფომლევიანი. მე უან ვალუანი გახლავართ. კოზეტისა არაფერი ვარ, დამშვიდდით, ბატონო.

მარიუსმა წაიღუღუნა:

- ვინ დამიმტკიცებს?

- მე, რაკი გეუბნებით, მამ, კიდევ გიმტკიცებთ.

დააცქერდა მარიუსი, სევდით იყო კაცი მოცული, მაგრამ დამშვიდებული. არავითარ სიცრუეს არ იკადრებდა ეს მშვიდობიანი თავგანწირვა. გულწრფელია, რაც გაყინულია. სრული სიმართლე უციალებდა სახეზე საფლავის სიცივით გაყინულს.

- გენდობით, მჯერა თქვენი, - უთხრა მარიუსმა.

ჟან ვალჟანმა თავი დაუკრა:

- დარწმუნებული ვიყავი, რომ ასე იქნებოდა, - და განაგრძო, - რა ვარ კომეტის? არაფერი, სრულიად უცხო. ამ ათი წლის წინ არც კი ვიცოდი, რომ არსებობდა პატარა გოგო. ძალიან მიყვარს, აი, ეს მართალია. პატარა ბავშვს რომ ნახავს ბებერი და თვითონ გაზრდის, შვილივით შეუყვარდება. რაკი დაბერდება კაცი, ბაბუად უხდება ბავშვებს. ვფიქრობ, შეგიძლიათ წარმოიდგინოთ, რომ მეც უნდა მქონდეს რაღაც, ადამიანის გულისმაგვარი. ობოლი იყო კომეტი, არც დედა ჰყავდა, არც მამა. ჩემი დახმარება ესაჭიროებოდა. ამიტომ არის, რომ ასე ძალიან შემეყვარდა. ისეთი უმწეოა ბავშვი, რომ ვინც გნებავთ, აი, ჩემისთანა კაციც კი, შეიძლება დაეხმაროს და მფარველობა გაუწიოს. მეც ეს ვალდებულება აუსრულე კომეტს. არა მგონია, ეს პატარა დახმარება დიდ, კეთილ ღვანლად ითვლებოდეს; მაგრამ თუ აქ ცოტა რამ სიკეთე მოიპოვება, ამოდენა ავთან ეს კარგიც ჩამითვალეთ; აღნიშნეთ ეს ავის შემამცირებელი გარემოება. დღეს კომეტი მშორდება; სულ სხვადასხვა მიმართულებით მიდის ჩვენი გზები. დღეიდან მე კომეტს აღარ ვჭირდები. დღეს კომეტი ბარონ პონმერსის მეუღლეა... შეიცვალა მისი ბედი და ძალიან სასარგებლოდაც კომეტისთვის. ძალიან კარგად არის ყველაფერი. რაც შეეხება ექვსასი ათას ფრანკს, თქვენ არაფერს მეუბნებით, მაგრამ მე წინ ვუხვდები თქვენს ფიქრს. ეს ფული კომეტისთვის იყო გადადებული. როგორ ჩამივარდა ხელში? ამას თქვენთვის არავითარი მნიშვნელობა არა აქვს. მეზარა და ანაბარი ჩაგაბარეთ. სხვას, მგონი, ვერაფერს მომკითხავთ. თქვენ თქვენსას გაბარებთ და თან ჩემს ნამდვილ გვარს და სახელს გაცნობებთ. ეს ჩემი საქმეა. მინდა, რომ იცოდეთ, ვინა ვარ და რა ვარ.

ეს უთხრა და დააცქერდა მარიუსს.

დაიბნა მარიუსი. ბუნდოვანი იყო, გამოურკვეველი ყოველი მისი განცდა. ბედისწერამ იცის, ხანდახან ამგვარ ქარიშხალს აღძრავს ხოლმე ადამიანის სულში.

ჩვენ ყველას გვქონია ეს საზარელი სულისკვეთება, როდესაც აზრი გვერევა და გვიბნელებს; რაღაცას ვამბობთ, რაც პირზე მოგვადგება და მდგომარეობას კი ზუსტად ვერ ავსახავთ. არის ხოლმე ანაზღეული, მოულოდნელი გამოცხადება, რომელსაც ვერ უძლებს კაცი, და ისე ბარბაცებს, როგორც მაგარი ღვინით გამომთვრალი. გაშტერებული იყო მარიუსი ამ მოულოდნელი აღსარებით და ისე ელაპარაკებოდა ჟან ვალჟანს, რომ ეტყობოდა, ბრაზობდა, რად მეუბნები ამას, ვინ გეხვეწებაო?

- ერთი მითხარით, რად მიამბობთ თქვენს თავგადასავალს? ძალას ვინ გატანთ? თქვენს საიდუმლოს ვერ შეინახავდით? არც არავის დაუბეზღებიახართ, არც გდევნით ვინმე, არც დაგეძებენ. ცხადია, რაღაც განგიზრახავთ, ასე ადვილად რომ აღიარებთ ყველაფერს. მამ, თქვით და გაათავეთ, რამ გამოიწვია თქვენი აღსარება? რა მოსაზრებამ?

- რა მოსაზრებამ? - უკასუხა უან ვალუანმა ისეთი ჩემი, ყრუ ხმით, თითქოს მარიუსს კი არა, თავის თავს ელაპარაკებოდა, - და მართლაც, რა მოსაზრება უნდა ჰქონდეს ამ კატორღელს, რომ მომვარდეს და მითხრას, - მე კატორღელი ვარო? დიახ, ბატონო, მართალი ხართ, მოსაზრება! უცნაურია ჩემი მოსაზრება. ეს პატიოსნების მოთხოვნებილია. ჩემი უბედურებაც ის არის, რომ რაღაც თოკი მიდევს გულში და იმ თოკითა ვარ დაბმული. საშინელი რამ არის ეს თოკი, მეტადრე, როდესაც დაბერდება კაცი, რადგან თანდათან მაგრდება; მთელი სიცოცხლე იშლება და იფუშება და ის კი სულ მაგრდება და მაგრდება. რომ შემეძლოს და ამოვივლიჯო გულიდან, დავწყვიტო, გავხსნა კვანძი, ან ჩამოვიჭრა და ისე მოვიშორო, ვადავიკარგებოდი სადმე, თავს გავარიდებდი აქაურობას, თავს ვუშვებდი; აგერ აქვე, ბულუას ქუჩაზე დგას დილიუჟანსი. თქვენ ბედნიერი ხართ, უკვე ვიცე. ამ მხრივ ფიქრი არა მაქვს და მივდივარ. განა არა ვცადე, ამომენწყვტა როგორმე ის თოკი, გამენწყვტა მაინც, მაგრამ ვერას გავხდი; მეტად მაგარია და გულიც თან ამოჰყვებოდა, კიდევ რომ მეჯობნა. და რას ვიზამდი? დაუნებელი და ვთქვი, თუ აქ არა, მე სხვაგან ვერსად ვიცხოვრებ-მეთქი... დიახ, სწორად ბრძანეთ, მართლა სულელი ვარ. ვინ მატანს ძალას? რატომ არ გავჩემდები? რატომ არ გავჩერდები ჩემთვის, მშვიდად? თქვენ ოთახს მთავაზობთ ამ სახლში. ბარონ პონმერსის მეუღლეს ვიცე, ვუყვარვარ, ამ სავარძელსაც კი უთხრა, გულში ჩაიკარო; ბაბუათქვენსაც ნებავს ჩემი აქ ყოფნა, მოვწონვარ, ეტყობა. ერთად ვიცხოვრებთ ყველანი, საერთო სადილ-ვახშმით, სასეირნოდ ვატარებ კოზეტს... უკაცრავად, ბარონ პონმერსის მეუღლეს, ეს ჩვეულების ბრალია; ერთი ჭერი გვექნება, ერთი სუფრა, ერთი ბუხარი. იგივე სკამი ბუხართან ზამთარში, იგივე სასეირნო ხეივანი ზაფხულში. ეს იქნება სიხარული, ნეტარება, ერთად ვიქნებით, ერთ ოჯახად... -

ცეცხლი წაუკიდა ამ სიტყვამ უან ვალუანს. გულზელი დაიკრიფა, იატაკს დააქცერდა, თითქოს უფსკრულის გათხრას ცდილობსო, და უცხად დასჭექა, - ოჯახი? არა! მე ოჯახი არა მაქვს! მე თქვენი ოჯახის არა ვარ! მე ადამიანის ოჯახის არა ვარ! სახლში, სადაც ყველა შინაურად გრძნობს თავს, მე ზედმეტი ვარ! ოჯახი არის, მაგრამ ჩემთვის კი არა! მე უბედური ვარ, განდევნილი! არც კი ვიცე, დედ-მამა მყავდა? ლამის აქაც კი ეჭვი მომერიოს. ჯვარი დავწერე ჩემს გოგონას და ამით გათავდა ჩემი სიცოცხლე. ვნახე, რომ ბედნიერია, ვნახე, რომ იმასთან არის, ვინც უყვარს; რომ აქვეა ერთი კარგი მოხუცი, რომ ორი ანგელოზი შეერთდა ოჯახის დასაფუძნებლად, ბედნიერება ვნახე ამ სახლისა და კმარა-მეთქი, ვუთხარი ჩემს თავს. კმარა, ამ სახლში აღარ შეხვიდე! შეიძლებოდა დამემალა, რასაც თქვენ გეუბნებით, მომეტყუებინეთ ყველანი. ბატონ ფოშლევიანად დავრჩენილიყავი. სანამ კოზეტისთვის იყო ეს საჭირო, ვმალავდი, ვტყუოდი და კარგადაც ვტყუოდი. მაგრამ ახლა კი ეს სიცრუე ჩემთვისაა იქნება, მართო ჩემთვის, და არ შემიძლია და არც უნდა შემეძლოს. საკმარისი იყო, გავჩემებელიყავი, რომ ძველებურად ყოფილიყო ყველაფერი. მეკითხებით, ვინ გატანთ ძალას, რომ თქვენს ცოდვას აღიარებთო. ვინ მატანს ძალას? ერთი რამ არის, სულელად წოდებული, ის მაიძულებს, ეს ჩემი სინდისი გახლავთ. გაჩუმება მიჯობდა? უფრო ადვილიც იყო. სულ იმას ვცდილობდი ნუხელ, რომ როგორმე ჩამეგონებინა თავისთვის, დამერწმუნებინა, რომ გაჩუმება სჯობდა. ჩემს აღსარებას თქვენ ისმენთ და იმდენად უცნაურია ჩემი ნათქვამი, რომ უფლება გავქვთ, მეტიც მკითხოთ. დიახ, მთელი დამე არ მძინებია, ვცდილობდი, დამესაბუთებინა დამალვა; ძალიან კარგი საბუთებიც შევკრიბე, ვიბრძოლე, რამდენადაც კი შემეძლო. მაგრამ ორი რამ არის, რასაც ვერ

მოვერე. ვერც ის თოკი გაგწყვიტე, გულზე რომ მაქვს მოჭერილი და აქ დაბმული, დამწყდევული ვყავარ, და ვერც ის ხმა გავაჩუმე, რომელიც ჩემად მელაპარაკება, როდესაც მარტოს მომიხელთებს. აი, ამიტომ იყო, რომ ამ დილითვე წამოვედი; გადავწყვიტე, თქვენთვის ყველაფერი მეტქვა. ყველაფერი ან თითქმის ყველაფერი. ზოგი რამ სათქმელად უსარგებლოა, რადგან მარტო მე შემეხება; მას ჩემთვის ვინახავ. რაც უმთავრესია, ის უკვე იცით. დიახ, ავიღე ჩემი საიდუმლოება და თქვენთან მოვიტანე, რომ თქვენ წინ გადამეშალა. ადვილი არ იყო ამ გადანყვებილების მიღება. თვალი არ მომიხუჭავს მთელი ღამე, ისე ვიბრძოდი. განა არ ვუმტკიცებდი ჩემს თავს, რომ დღეს სულ სხვა მდგომარეობაში ვიყავი, ვიდრე შანმატიეს საქმეში; რომ ჩემი ვინაობის დამალვით არავის არაფერს ვუშავებდი; რომ გვარი ფოშლევიანი მე თვით ფოშლევიანისგან მაქვს მიღებული, იმ დახმარების სამაგიეროდ, რომელიც მე გავუწიე; რომ საგმობი არაფერი იქნებოდა, კიდევაც რომ შემენარჩუნებინა ეს გვარი; რომ ბედნიერი ვიქნებოდი იმ ოთახში, რომელსაც თქვენ მითმობთ; რომ მე აქ არავის შევანუხებდი, ჩემს კუნჭულში ვიქნებოდი მიმალული და თქვენ რომ კოზეტს გაახარებდით, მე კიდევ ის ფიქრი გამახარებდა, რომ მეც იმ სახლში ვარ, სადაც ჩემი კოზეტია. ყველას ექნებოდა თავისი წილი ბედნიერებისა, ისევ რომ ბატონ ფოშლევიანად დავრჩენილიყავი, დამშვიდებული იქნებოდა ყველაფერი. დიახ, ყველაფერი, გარდა ჩემი სინდისისა. ჩემ ირგვლივ ყველგან სიხარული იქნებოდა და მხოლოდ ჩემს სულში იქნებოდა წყვილი. ბედნიერება არ კმარა ადამიანისთვის; საჭიროა, კმაყოფილიც იყოს. ისევ ისე ბატონ ფოშლევიანად დავრჩებოდი, დავმალავდი ჩემს ნამდვილ სახეს, თქვენი ნეტარების მაყურებელს მე პირზე ნიღაბი მექნებოდა აფარებული, საიდუმლოება მექნებოდა დამალული და თქვენთან მყოფს დღისითაც კი წყვილით სავსე მექნებოდა გული. შემოვიდოდი თქვენს ოჯახში, თან შემოვიტანდი კატორღის დაღს, გვერდზე მოგიტყდებოდი სუფრაზე და სულ იმის ფიქრში ვიქნებოდი, რომ პანლურს მკრავდით, რომ ცკოდნოდათ ჩემი ვინაობა; რომ თქვენი მსახურიც კი, სუფრაზე რომ გემსახურებათ, ისიც კი აღმფოთლებოდა, რომ გაეგო, ვის ემსახურება ასე თავმდაბლად. შეგეხებოდით და ზიზღს აღძვრავდი თქვენში. ერთნაირი პატივისცემით მოექცეოდით სათაყვანო ჭალარას თქვენი ბაბუსას და შერცხვენელ ჭალარას ფოშლევიანისას. და ერთად რომ შევიყრებოდით ოთხნი, ბაბუათქვენი, თქვენ ორნი და მე, ერთმანეთის სიყვარულით დროს გასატარებლად და გულწრფელად ჩაუშვებდით ერთმანეთს ჩვენს გულისგულამდე, ერთი იქნებოდა თქვენში უღირსი, ფლიდი უცნობი. თქვენთან რომ დავრჩე და ჩავერიო თქვენს ცხოვრებაში, ერთი რამ მექნება საზრუნავი, ფრთხილად ვიყო, რომ არავინ ჩაიხედოს ჩემს შემარცხვენელ, შავბნელ წარსულში. ამგვარად, მე რომ თქვენი წინადადება მიმელო, მკვდარი კაცი ჩამოგვრეოდით სიცოცხლით სავსე ცოცხლებს. სინდისის ქენჯანს ვერ გაუძლებდი, რომ ასე ვატყუებ კოზეტს. თქვენთან რომ დავრჩე, ერთი ქუდი გვეხურება სამივეს - კოზეტს, თქვენ და მე - კატორღელის ქუდი. ნუთუ არ შეგაშფოთათ ამნაირმა სურათმა? დღეს მეტისმეტად უბედური კაცი ვარ, და თქვენთან რომ შემოვპარულიყავი, უსაზიზღრესი ვიქნებოდი. და ამ საძვლოებას ერთხელ კი არა, ყოველდღე გავიმეორებდი, ერთი და იმავე სიცრუით შეგხვდებოდით ყოველდღე. მარტო ღამით, ჩემს ლოკინში ვიქნებოდი ნიღაბასწილი, შერცხვენილი, თავლაფდასხმული. გავერიოდი თქვენში და ჩემს ლაფს შემოგაპარებდით ნელ-ნელა, ყოველდღე. თქვენ შემოგაპარებდით, ჩემს საყვარელ შვილებს, თქვენ, უმანკო

ყმანვილებს! ადვილი გეგონათ გაჩუმება? ადვილი გეგონათ ამის დამალვა? არა, ადვილი არ გახლავთ. შეუძლებელია. სიცრუე იქნებოდა ღუმელი. ნელ-ნელა უნდა მესვა, წვეთ-წვეთად ჩემი სიცრუე, ჩემი სიყალბე, ჩემი სიბილნე, ჩემი ლაჩრობა, ჩემი ღალატი; მესვა გულისრევით და კვლავ დამელია ამონაღები. შუალამისას გამითავდებოდა ეს ტანჯვა და ხვალ დილით კვლავ იმავე წამებაში უნდა ჩავვარდნილიყავ. და ჩემი დილა მშვიდობისაც ყალბი უნდა ყოფილიყო, ჩემი ღამე მშვიდობისაც. სიცრუეზე უნდა დამემყარებინა თქვენი ჩემდამი პატივისცემა, სიცრუეზე მძინებოდა, სიცრუით მეჭამა პური, სიცრუით საესე თვალთ შემეხედა კოზეტისთვის და ანგელოზის ღიმილისთვის შემეგებებინა შერცხვენილის ყალბი ღიმილი. ოჰ, არა! ადამიანი კი არა, გველზე უარესი, საზიზღარი რამ ვიქნებოდი. მერე რისთვის? რომ ბედნიერება მომეპოვებინა? მე და ბედნიერება? განა მაქვს უფლება, რომ ბედნიერი ვიყო? არა, ბატონო, მე ცხოვრების გარეთ ვარ განდევნილი და ბედნიერებას ველარ ვეღირსება.

გაჩუმდა უან ვალუანი. მარიუსი ყურს უგდებდა, რადგან ფიქრისა და სევდის ამგვარი წყობა ასე მოულოდნელად არ შეწყდებოდა. ისევე ჩუმი ხმით დაიწყო უან ვალუანმა, ოღონდ წელანდელივით მიყრუებულით კი არა, ავბედითი ჩურჩულით.

- ძალას ვინ მატანს, რომ მე ასე ვამბობ? დიახ, ბატონო, არც დაბეზღებული ვარ, არც დევნილი, არც მიმწყვდეული, მართალია, მაგრამ ნამდვილად კი დაბეზღებულიცა ვარ, დევნილიც, მიმწყვდეულიც. ვინ არის, რომ ასე მდევნის და მანამებს? ეს მე გახლავართ. მე ვარ, რომ გზას ვუკრავ ჩემს თავს, სულ თან დავყვები, სულ გულს ვუჩხრეკ და დაჭერილი მყავს. კაცი რომ თვითონ დაიჭერს თავის თავს, ისე შებოჯავს, რომ ველარსად გაეპარება.

მერე ხელი წაავლო თავის საყელოს, მაგრად მოუჭირა და განავრძო:

- ამ მუშტს ხედავთ? დამეთანხმებით, მაგრად უჭირავს საყელო და აღარც გაუშვებს. ჰო, მეც ერთ სხვა მუშტს ვუჭერივარ, სინდისს. სინდისს არ უნდა იცნობდეს, ვისაც ბედნიერება უნდა. ნუ ჩაუკვირდება ადამიანის მოვალეობას, თორემ რაკი გაიცნობს, სინდისი მკაცრი, უღმობელი ხდება და ისე გტანჯავთ, თითქოს დასჯა უნდა თქვენი, როგორ გაბედე ჩემი ვაცნობაო? მაგრამ არა, ამ სასჯელთან ჯილდოსაც დიდს განიჭებთ, რადგან წამების ჯოჯოხეთში ჰყავხართ დამწყვდეული, და იქ თქვენთანვე, თქვენ გვერდით გრძნობთ ღმერთს. გულს რომ გამოიღადრავს კაცი თავისი ფრჩხილებით ბოროტების დასაგმობად, მართო მაშინ შეურიგდება თავის თავს და დამშვიდდება.

და დაუმატა სიტყვების გულსაკლავი ხაზგასმით:

- ბატონო პონმერსი, ჩემს წარსულს, დიდი ხნის მკვდარს, მნიშვნელობა არა აქვს. მე პატიოსანი კაცი გახლავართ. თავს ვიმყირებ თქვენ წინაშე, მაგრამ ჩემთვის ამაღლება ეს დამყირება. ერთხელ, უწინაც შემემთხვა ამგვარი რამ, ოღონდ ასე მწარე კი არა. დიახ, ბატონო, პატიოსანი კაცი ვარ, პატიოსანი კაცი არ ვიქნებოდი, რომ დამეშვა შეცდომა, არაფერი მეთქვა თქვენთვის და ძველებურად მესარგებლა თქვენი პატივისცემით. და ახლა კი, რაკი შეგზიზღდით, პატიოსანი ვარ. ეს არის ჩემი ბედუკუღმართობა. სხვის პატივისცემას მე მართო სიცრუით ვიძენ, ქურდულად, ნიღბის აფარებით, ასე მოპოვებული პატივისცემა კი მამყირებს და შეურაცხყოფს სულიერად. მე ჩემი თავის პატივისცემის დაკარგვა არ მინდა და არც შემძლია. მე მინდა, პატივისმცემელი ვიყო ჩემი თავისა და ამისთვის საჭიროა, საზიზღრად მივაჩნდე

სხვებს. ამაყი ვარ. კატორღელი ვარ. კატორღელი ვარ, მაგრამ ჩემს სინდისს ვემორჩილები. ვიცი, რომ სიმართლედ არ მიიღებთ ჩემს სიტყვას. მაგრამ რა გაეწყობა? ასე არის და მეც ასე მოგახსენებთ. ჩემმა სინდისმა დამავალა, შესრულება ვიკისრე და აი, ვასრულებ კიდევ. არის ხოლმე გარემოება, რომელიც გემორჩილებს. არის შემთხვევა, რომელიც ჩვენი მოვალეობის ასრულებას გვაძიულებს. იცით, ბატონო პონმერსი, ამგვარი რამ მეც გადამხდენია ჩემს სიცოცხლეში...

გაჩერდა, ძლივძლივობით ჩაყლაპა ნერწყვი, თითქოს მწარე გემოსი ყოფილიყოს, და თქვა:

- ასეთი საზარელი სევდა რომ აწვეს ადამიანს და გულს უღრღნის, სხვას არ უნდა გაუზიაროს თავისი ვარამი; თუ სიმართლე არ გაავებინა, სხვას არ უნდა გადასდოს თავისი ჭირი; სხვა არ უნდა ჩაითრიოს თავის ჯურღმულში მისდა შეუმჩნეველად; სხვას არ უნდა წამოაცვას თავისი წითელი კატორღელი ხალათი, სხვის ბედნიერებას არ უნდა დაურთოს ფარულად თავისი უბედურება. ნუთუ შეიძლება ისე დაეცეს ადამიანი, რომ ჯანმრთელს მიუახლოვდეს ღამის სიბნელეში და შეეხოს თავისი უხილავი დაჩირქებული ხელით? მართალია, ფოშლევანმა დამითმო თავისი გვარი, მაგრამ მე უფლება არა მაქვს ამით ვისარგებლო. მას შეეძლო მოეცა, მე კი არ უნდა ამელო; გვარი და სახელი ადამიანის პიროვნებაა. დიახ, ბატონო, მართალია, გლეხი ვარ, მაგრამ ცოტა რამ ნაფიქრი მაქვს, ცოტა რამ წაკითხული და, მგონია, დამეთანხმებით, რომ მართებულად ვამბობ ჩემს სათქმელს. ვცდილობ, შევიგნო ყველაფერი და ღირსეულად მოვექცე ცხოვრების ავსა და კარვს. მე თვითონ ვცდილობ ჩემს განათლებას. და აი, კიდევ ვიტყვი, - სხვისი სახელის მიჩემება და მით სარგებლობა საზიზღრობაა, ისეთივე ქურდობაა ანბანიდან ზოგიერთი ასოსი, როგორც ვინმეს ჭიბიდან ქისის ან საათის ქურდულად ამოღება. სიყალბე იყოს ხელის მოწერა, ყალბი გასაღები ჰქონდეს, პატიოსან სახლში შევიდეს ამ გასაღებით, თვალი ვერავის გაუსწოროს, ყველას თვალს არიდებდეს, სირცხვილით ეწვოდეს გული! არა! არა! არა და არა! მირჩევნია, ვიტანჯებოდე, სისხლი მდიოდეს, ცრემლს ვეღარ ვიშრობდე, ფრჩხილებით ვიგლეჯდე ხორცს, სევდით მოცული ვიკრუნჩხებოდე უძილოდ მთელი ღამე, გული მელეოდეს, ოღონდ ნიღაბი ნუ მეფარება და მისით შეძენილი პატივისცემა! აი, რამ მაძიულა, რამ გიახელით და გიამბეთ ჩემი უბედურება.

ღრმად, გულიანად ამოისუნთქა და უკანასკნელი სიტყვა წარმოთქვა:

- რომ ცოცხალი დავრჩენილიყავი, პური მოვიპარე ერთხელ. დღეს რომ ცოცხალი დავრჩე, მე სხვის სახელს ვერ მოვიპარავ.

- რომ ცოცხალი დარჩეთ? - შეაწყვეტინა მარიუსმა, - რა საჭიროა ეგ სახელი? უმაგისოდაც ცოცხალი დარჩებით.

- ეჰ, ვიცი, ბატონო, რასაც ვამბობ, - უპასუხა უან ვალჟანმა და რამდენჯერმე ნელ-ნელა გააქნია თავი.

გაჩემდნენ. ფიქრის ჯურღმულში ჩავარდნილიყვნენ ორივე. მარიუსი მაგიდასთან იჯდა, ზედ იდაყვით დაჰყრდნობოდა. უან ვალჟანი ბოლოთას სცემდა. მერე სარკესთან გაჩერდა და იქვე დარჩა უძრავად. შეჰყურებდა სარკეს, თუმცა იქ თავის თავს ვერ ხედავდა, და წამოიძახა:

- ახლა დიდ შვებას ვგრძნობ.

და ისევ სიარული დაიწყო. დარბაზის ბოლოსკენ წავიდა; რომ გამობრუნდა, შენიშნა, მარიუსი თვალს ადევნებდა მის სიარულს, და გამოუთქმელი სიმწარით უთხრა:

- ცუდად დავათრევე ამ ფეხს. ახლა ხომ იცით ამის მიზეზი, - მერე ისევ თავისას დაუბრუნდა:

- და ახლა, წარმოიდგინეთ, ჩემო ბატონო, რომ არაფერი მითქვამს, ისევ ბატონი ფოშლევეანი ვარ, თქვენში გავერიე, დავიჭირე თქვენში ჩემი ადგილი, ჩემს ოთახში ვარ, დილით სასაუზმოდ გამოვდივარ ჩემი ფოსტლებით, საღამოს თეატრში მივდივართ სამივე ერთად, მე დამყავს ბარონ ჰონმერსის მეუღლე ტიუილრიში, ერთად ვართ, თქვენსავით კაცად მიგაჩნევართ... და ერთ მშვენიერ დღეს ტკბილად ვბაასობთ, მხიარულად ვიცინით და უცხად ხმა შემოგვესმებათ, ვილაცის ძახილი, - უჟან ვალჟანი! - და აგერ საიდანლაც, სიბნელიდან მოგვადგა პოლიცია, შემოვარდა თქვენს სახლში და უცხად ჩამომგლიჯა ნიღაბი...

გაჩუმდა. შიში მოერია მარიუსს, წამოვარდა. და პირდაპირ მიმართა კითხვით უჟან ვალჟანმა:

- რას იტყვით?

მარიუსის ღუმილი იყო ამის პასუხი.

უჟან ვალჟანმა განაგრძო:

- ხომ ხედავთ, რომ სრულიად საფუძვლიანია ჩემი გადანწყვეტილება, გაჩუმება შეუძლებელია. პოდა, ღმერთმა გაგაბედნიეროთ, ციური ნეტარება მოჰფინოს თქვენს სიცოცხლეს, ანგელოზებად გარდაგქმნათ ერთმანეთისთვის, მზიური სხივით გაგაბრწყინოთ. ამით დაკმაყოფილდით და ყურადღებას ნუ მიაქცევთ ერთ საწყალ საბრალოს, რომელიც იძულებულია, გული გადაგიშალოთ და ამით თავისი მოვალეობა ასრულოს. თქვენ წინაშე, ბატონო, განწირული ადამიანია.

ნელი ნაბიჯით გაიარა მარიუსმა დარბაზი, უჟან ვალჟანთან მივიდა, ხელი გაუწოდა.

მაგრამ უჟან ვალჟანი არ იძვროდა და მარიუსმა თვითონვე დაუჭირა ქვასავით უგრძნობი ხელი.

- ბაბუაჩემს ბევრი მეგობარი ჰყავს, - უთხრა მარიუსმა, - მე მოგიხერხებთ, რომ გაპატიონ.

- საჭირო არ არის, ბატონო, - მიუგო უჟან ვალჟანმა, - მე მკვდრად ვითვლები და ეს კი საკმარისია. მკვდრები ვათავისუფლებული არიან პოლიციის ზედამხედველობისგან. მკვდარს უფლება აქვს, თავისუფლად ჩაღუეს მინაში. სიკვდილი იგივეა, რაც პატიება.

მარიუსს ჯერაც ისევ ეჭირა მისი ხელი. უჟან ვალჟანმა ხელი გაითავისუფლა და ღირსეულად უთხრა:

- მოვალეობის ასრულება, აი, ეს არის ჩემი ერთადერთი მეგობარი; მე არავის შენდობა არ მინდა, გარდა ჩემი სინდისისა.

ამ დროს დარბაზის მეორე მხარეს კარი გაიღო ოდნავ და კოზეტის თავი გამოჩნდა. მარტო ლამაზი თავი ჩანდა, დაუვარცხნელი, მშვენიერი თმა, ნამძინარევი თვალებით. თავი შეანძრია ჩიტივით, რომელიც ბუდიდან ძირს გადახედვას ცდილობს. ჯერ მარიუსს გადახედა, მერე უჟან ვალჟანს, გაიცინა მშვენიერი გაშლილი ვარდის სიცილით და შესძახა:

- დაგენაძლევებით, რომ პოლიტიკაზე ლაპარაკობთ. არ გრცხვენიათ, რომ მართლმეტოვებთ?

ჟან ვალუჟანს გააუარყოლა.

- კომეტ! - წამოიძახა მარიუსმა, და იქვე ჩაჩუმდა. რომ ენახა ვინმეს, იტყოდა, დამნაშავენი არიან ორივენიო.

კომეტი კი მხიარულად შესცქეროდა ხან ქმარს, ხან მამობილს. სამოთხის სხივით უბრწყინავდა თვალი.

- დაგიჭირეთ, წაგასწართ! ეს არის, ყური მოვკარი მამაჩემის სიტყვას, სინდისიო... მოვალეობის ასრულებაო... ეს პოლიტიკაა და მე კი არ მინდა თქვენი პოლიტიკა. ვის გუგონია, პოლიტიკური ბაასი ქორწილის მეორე დღეს? ეს უსამართლობაა.

- ცდები, კომეტ, - უპასუხა მარიუსმა, - საქმეზე ვლაპარაკობდით. შენს ექვსასი ათასს შეეხებოდა ჩვენი ბაასი, სად შევითანოთ, რომ სარგებელი ვნახოთ.

- ნეტავი თქვენ! - შეანწყვეტინა კომეტმა, - ეს მიბრძანეთ, აი, აქა ვარ. ჰა, გინდივართ თუ არა?

სწრაფად შემოალო კარი და შემოვიდა. თეთრი განიერი ხალათი ეცვა, ათასი ნაკეცით, ფართო სახელოებით, მხრებიდან ფეხამდე სცემდა.

ძველებურ გოტიკურ ნახატებში თუ ნახავს კაცი ამგვარ სხივით მორთულ ანგელოზს.

სარკესთან დადგა, თავით ფეხამდე აათვალიერა-ჩაათვალიერა თავისი თავი და წამოიძახა აღტაცებულმა:

- იყო და არა იყო რა, ცხოვრობდნენ ამქვეყნად თურმე მეფე და მისი დედოფალი. ოჰ, რა მოხარული ვარ!

შემდეგ რევერანსი გაუკეთა მარიუსსა და ჟან ვალუჟანს.

- ძალიან კარგი, აქვე დავბრძანდები, თქვენთან, ამ სავარძელში, ნახევარი საათის შემდეგ საუზმე გვექნება: მანამ კი ბრძანეთ, რაც გვინდა. ძალიან კარგად ვიცი, რომ მოლაპარაკება გინდათ. ჭკვიანად ვიქნები, ხელს არ შევიშლით.

ხელი დაუჭირა მარიუსმა და ალერსით უთხრა:

- საქმე გვაქვს გადასაწყვეტი.

- მართლა? - შესძახა კომეტმა, - ჩემი ფანჯარა გვაძლე და ბელურებით სავსეა ჩვენი ბაღი. დღეს ოთხშაბათია, პირველი დღე დიდმარხვისა, მაგრამ ბელურებისთვის მარხვა არ უნდა იყოს.

- კომეტ, გეუბნები, საქმე გვაქვს მოსათავებელი. წაღი, პატარავ, ცოტა ხანს მოვუნდებით ამ საქმეს. სულ ციფრებზე ვლაპარაკობთ და თავს შეგანწყენთ.

- მშვენიერი ყელსახვევი მოგიხვევია ამ დილას, გიხდება, მარიუს. ძალიან კოხტაობთ, ბატონო. არა, ციფრები იყოს, რა მენაღვლება?

- მოინწყენ, გარწმუნებ.

- არა, არა, ჩემთან ხომ თქვენა ხართ. თქვენი ლაპარაკისას ვერაფერს გავიგებ, მაგრამ თქვენთან ვიქნები, თქვენი ხმით დავტკებები. ის ხმა რომ გესმის, საყვარელი ხმა, საჭირო არც კია სიტყვების შეგნება. მე თქვენთან ყოფნა მინდა, სხვა არაფერი. აქ ვარ და აქ ვრჩები, მორჩა და გათავდა.

- შეუძლებელია. თუ ჩემი საყვარელი კომეტი ხარ!

- შეუძლებელიაო?

- დიახ.

- ძალიან კარგი. მინდოდა თქვენთვის ახალი ამბები მეთქვა, მინდოდა მეთქვა, რომ ბაბუას ჯერ ისევ სძინავს; რომ დეიდათქვენი წირვაზე წავიდა, რომ მამაჩემის, ფოშლეკანის, ოთახის ბუხარს კვამლი გამოსდის; რომ ნიკოლეტმა საკვამურის მწმენდავი მოაყვანინა; რომ ტუსენსა და ნიკოლეტს უკვე ჩხუბი მოუვიდათ; რომ ნიკოლეტი დასცინის ტუსენს, ენაბლუ ხარო. ჰოდა, რაკი აგრეა, უკანვე წავიღებ ჩემს ახალ ამბებს. დამრჩებით ცარიელი! ჰოო, მაშ, შეუძლებელია? ჩემი რიგიც მოვა და ახლა მე ვიტყვი, შეუძლებელია-მეთქი. ვნახოთ, ვინ უფრო მეტს წააგებს? ჩემო მარიუს, მე თქვენთან მინდა ვიყო, ორივესთან.

- გეფიცები, საქმე გვაქვს და მარტონი უნდა ვიყოთ.

- და განა მე უცხო ვარ?

ჟან ვალჟანი ხმას არ იღებდა. ახლა მას მიუბრუნდა კოზეტი:

- უპირველესად ყოვლისა, მამა, მინდა, რომ მოხვიდეთ და მაკოცოთ. და მეორე: რას გაჩუმებულობხართ და ხმას არ იღებთ, როდესაც საჭიროა თქვენი გამოსარჩლება? ნეტავ ვინ მიძღვნა ამისთანა გულცივი მამა? ხომ ხედავთ, რა უბედური ვარ ჩემი ქმრის ხელში? იგი მცემს, ჰო, აბა, მაკოცეთ, ჩქარა!

მიუახლოვდა ჟან ვალჟანი.

კოზეტი კი მარიუსს მიუბრუნდა:

- აჰა, ხომ ცარიელი დამრჩით!

და შუბლი მიუშვირა ჟან ვალჟანს.

მივიდა ჟან ვალჟანი, უნდა ეკოცნა.

უკან დაინია კოზეტმა:

- რა მოგივიდათ, მამა! ასე რამ გაგაფითრათ? იქნებ ხელი განუხებთ?

- არა, მომირჩა, - უპასუხა ჟან ვალჟანმა.

- ცუდად გეძინათ?

- არა.

- განუხებთ რამე?

- არა.

- მაკოცეთ. თუ კარგად ხართ, კარგად გძინავთ და არაფერი განუხებთ, არც მე გაგეჭავრდებით, - და შუბლი შეუშვირა.

აკოცა ჟან ვალჟანმა ციური სხივით მოფენილ შუბლზე.

- ახლა გამიცინეთ.

დაემორჩილა ჟან ვალჟანი. აჩრდილის სიცილის ჰგავდა მისი სიცილი.

- და ახლა მიშველეთ რამე, თორემ ავად მექცევა ჩემი ქმარი.

- კოზეტ! - შეანწყვეტინა მარიუსმა.

- გაჭავრდით, მამაჩემო! უთხარით, რომ შეიძლება მეც აქ დავრჩე. ლაპარაკი ჩემთანაც შეიძლება. მაშ, სულელად მიგაჩნივართ? დიდი რამ გგონიათ თქვენი გადასაწყვეტი? ფული უნდა შეიტანოთ ბანკში, ხუმრობა კი ნუ გგონიათ? ყველაფერი საიდუმლოებად უნდა გახადონ კაცებმა. მე ვარ და ვრჩები! ძალიანაც ვამშვენებ ამ დილას, არა? ერთი შემომხედე, მარიუს.

კოხტად აიჩეჩა მხრები, გაბუტული ვარო, და მარიუსს გადახედა. იელვა და ელვა მოედო ორივეს. აღარც კი ახსოვდათ, რომ მარტონი არ იყვნენ.

- მიყვარხარ! - შეჰყვირა მარიუსმა.

- გაღმერთებ! - მიუგო კოზეტმა.

და მოეხვივნენ ერთმანეთს.

- ახლა კი ვრჩები, - თქვა კოზეტმა გამარჯვებული სახით და თან ხალათს ისწორებდა.

- არა, არა, - მიმართა ხევწნით მარიუსმა, - საქმე გვაქვს.

- მაშ, მაინც არა?

მარიუსმა საქმიანი კაცის იერი მიიღო:

- გარწმუნებ, კოზეტ, შეუძლებელია.

- ოჰო, რა კილოთი მიბრძანებს! ძალიან კარგი! აი, მივდივარ, თქვენ, მამაჩემო? თქვენც კი არ მომეშველეთ. ტირანები ხართ, ბატონო მეუღლეც, და თქვენც, ბატონო მამაჩემო. წავალ და ბაბუას ვეტყვი. იქნებ გგონიათ, რომ ახლავე დავბრუნდები და შეგეხვეწებით? ცდებით, ბატონო. ჩვენც გვაქვს თავმოყვარეობა და სიამაყე. ახლა თქვენ მომძებნეთ. ნახავთ, როგორ მოიწყენთ უჩემოდ. აი, წავედი. ახია თქვენზე!

და გავიდა.

ორი-სამი წუთის შემდეგ ისევ შემოალო კარი, თავი შემოყო და შესძახა:

- ძალიან გაჯავრებული ვარ!

მოხურა კარი და ისევ დაბნელდა იქაურობა.

მზის სხივი იყო, გზა დაჰკარგვოდა, თავისდა შეუმჩნეველად და სწრაფად გადაიარა ღამის სიბნელეზე.

მარიუსმა კარი გასინჯა. დარწმუნდა, რომ კარგად იყო მიხურული.

- საბრალო კოზეტი, - ნაიჩურჩულა სინანულით, - ახლა ამას გაიგებს და...

ამ სიტყვამ თავით ფეხამდე ააკანკალა ჟან ვალჟანი. შემინებული დააქცერდა მარიუსს.

- კოზეტი! ოჰ, მართალია, თქვენ კოზეტს უამბობთ. მართალი ხართ. ჩემი დაუდევრობა! ამაზე კი არ მიფიქრია, თუ როგორ მიიღებდა ამას კოზეტი. ერთს გაუძლებს როგორმე კაცი, მეორისათვის კი აღარ შესწევს ძალა. გვედრებით, ბატონო, გემუდარებით, შემომფიცეთ, პატიოსანი სიტყვა მომეცით, რომ კოზეტს არაფერს ეტყვი. ნუთუ არ კმარა, რომ თქვენ იცით. მე თვით ვიტყვოდი ყველაფერს, მთელ ქვეყანას ვაცნობებდი, არავის დავერიდებოდი, მაგრამ კოზეტმა არ იცის ეს რა არის და შეეშინდება. რაო, კატორღელიო? უნდა აუხსნათ, რა არის კატორღელი. ერთხელ ჯაჭვით შეკრულიები მიჰყავდათ... კოზეტმა ნახა, ოჰ, ღმერთო ჩემო!

ჟან ვალჟანი სავარძელზე დაეშვა და ხელები აიფარა სახეზე. ღუმდა, მხოლოდ მხრების მოძრაობა ამტკიცებდა, რომ ჩუმად ტიროდა. ჩემი ცრემლები საშინელი ცრემლებია.

გული ამოუჭდა მტირალს. კრუნჩხვა მოერია; ვეღარ გაუძლო, სავარძლის ზურგს მიეყრდნო, თითქოს სუნთქვა შეეკრაო, მკვდარივით ჩამოყარა ხელები, ვეღარ დაემალა მარიუსისთვის ცრემლით სავსე თვალები. ძლივს მოესმა მარიუსს, ჩუმად ნათქვამი, თითქოს უძირო უფსკრულიდან ყოფილიყო:

- ოჰ, ნეტავ მოვკვდე!

- დამშვიდდით, - მიმართა მარიუსმა, - თქვენი საიდუმლოება ჩემს მეტს არავის ეცოდინება.

ისე არ ებრალებოდა მარიუსს სანყალი კაცი, როგორც უნდა შეჰბრალებოდა. ერთი საათი იყო, ჟან ვალჟანს შეჰკურებდა; ხედავდა, როგორ იცვლებოდა ბატონი ფოშლეკანი კატორღელად; ნელ-ნელა მასაც ერეოდა მისი მწუხარება,

მდგომარეობის ბუნებრივ დაღმართს დაჰყოლოდა და უფრო და უფრო გაუვალად ეჩვენებოდა ნაპრალი, რომელიც ამ კაცს აშორებდა. ალბათ, მის დამშვიდებას ცდილობდა.

- შეუძლებელია, იმ ანაბარის შესახებაც არ ვთქვათ ცოტა რამ, რომელიც ასე ერთგულად და პატიოსნად ჩააბარეთ კოზეტს. ძალიან პატიოსნად მოიქეციეთ და საცა სამართალია, თქვენი ღვაწლიც უნდა დაჯილდოვდეს. თქვენ თვითონ მითხარით, რამდენი გნებავთ და ახლავე მოგართმევთ. ნუ მომერიდებით, თუ დიდი თანხის თქმა გინდოდათ.

- მადლობას მოგახსენებთ, ბატონო, - მიუვო უან ვალუანმა ტკბილად.

ცოტა ხანს გაჩუმებული იყო, ცერის ფრჩხილით სალოკი თითის წვერს იფხანდა თავისდა შეუმჩნეველად. მერე მარიუსს შეხედა:

- ყველაფერი ვთქვით თითქმის, რაც სათქმელი გვქონდა... ერთი რამ დაგვრჩა, უკანასკნელი...

- რა გნებავთ?

ვერ ბედავდა უან ვალუანი, ყოყმანობდა და როგორც იყო, წაიბუტბუტა, თითქმის უხმოდ, რადგან სუნთქვა ეკვროდა:

- ახლა რაკი გაგაგებინეთ... თქვენ გეკითხებით აქ ყველაფერი და როგორ იტყვი, აღარ ვნახო ჩემი კოზეტი?

- მგონია, ასე ემჯობინება, - მოუჭრა ცივად მარიუსმა.

- აღარ ვნახავ, - ამოიკვნესა უან ვალუანმა.

კარის რაზას დაადო ხელი, გაალო ოდნავ, რომ გასვლა შესძლებოდა, წამით უძრავად იდგა კართან, მერე ისევ მიხურა და მარიუსთან მივიდა.

უკვე გაუთვრებული კი არა, გალურჯებული იყო, სამარიდან ამოღებულს ჰგავდა. ცრემლი შეშრობოდა, რაღაც ტრაგიკული ალი ჩასდგომოდა თვალებში. საოცრად დამშვიდებოდა ხმა:

- იცით, რა გითხრათ, ბატონო? თუ ინებებთ, მოვალ ხოლმე კოზეტის სანახავად. გარწმუნებთ, ძალიან მინდა. მე რომ კოზეტის ნახვა არ მნდომოდა, არც იმას გეტყოდით, რაც გითხარით; ავდგებოდი და წავიდოდი. მაგრამ რა ვქნა, რომ სწორედ იქ მინდა სიცოცხლე, სადაც კოზეტი მყავს და კოზეტს ვხედავ? იმიტომ გაგენდეთ ასე გულწრფელად, რომ აქ დარჩენა მინდა, არ შემძლია კოზეტის მოშორება. ხომ გასაგებია. უნდა მეღიარებინა ჩემი წარსული, რომ აქ დავრჩენილიყავი. ცხადია, სხვაგვარად ვერ მოვიქცეოდი. აი, ბატონო, ცხრა წელიწადია ჩემთან მყავს. ჯერ ბულვარზე ვცხოვრობდით ერთ პატარა სახლში, მერე მონასტერში, მერე ლუქსემბურგის ახლოს. იქ ნახეთ პირველად ჩემი კოზეტი. გახსოვთ მისი ცისფერი ხავერდის ქუდი? მერე ინვალიდების უბანში გადავედი; იქ ბალი გვქონდა ქუჩის მხარეს, მესრით შემოღობილი, პლუმეს ქუჩაზე. ჩემი ოთახი უკანა ეზოში იყო და იქიდან ვისმენდი კოზეტის ფორტეპიანოს ხმას. აი, ეს იყო ჩემი სიცოცხლე, სულ ერთად ვიყავით, ერთმანეთს არა ვშორდებოდით. ცხრა წელიწადი და რამდენიმე თვე ვიცხოვრეთ ასე, მე როგორც კოზეტის მამამ, მან კი როგორც ჩემმა შვილმა. არ ვიცი, ბატონო პონმერსი, გასაგებია თქვენთვის თუ არა ჩემი სიტყვა, მაგრამ მეტად ძნელი იქნება ახლა ჩემი ასე წასვლა. კოზეტს ვეღარ ვხედავდი, კოზეტს ვეღარ ველაპარაკებოდი, აღარაფერი გამაჩნდეს ჩემს სიცოცხლეში. მეტად ძნელი იქნება. თუ ნებას დამრთავთ, ხანდახან მოვალ ხოლმე კოზეტის სანახავად. ხშირად არ ვივლი,

არც დიდხანს დავრჩები. თქვენ უბრძანეთ, რომ ქვემო სართულზე მიმიღონ, პატარა დარბაზში. უკანა კარიდან შემოვალ ხოლმე, მსახურთათვის რომ არის, მაგრამ ვაითუ, ესეც სალაპარაკოდ გამიხადონ. არა, ისევ ძველებურად ზარს დავრეკავ, როგორც ყველანი დადიხართ. ბატონო, ხანდახან კოზეტი უნდა ვნახო. ისე იშვიათად, როგორც თქვენ ინებებთ. წარმოიდგინეთ, რომ თქვენ ხართ ამ მდგომარეობაში. რა ვქნა, რომ ამის მეტი აღარაფერი დამრჩენია? გარდა ამისა, არც ივარგებს, მე რომ ფეხი ამომაკვეთინოთ. უცნაური იქნება და მითქმა-მოთქმას გამოიწვევს. თუ გნებავთ, მარტო ბინდისას მოვალ ხოლმე, როცა ბნელდება.

- ყოველ საღამოს მობრძანდით, კოზეტიც იქ დაგხვდებით.

- გულკეთილი ბრძანებულხართ, ბატონო, გმადლობთ.

მარიუსმა კარამდე მიაცილა ჟან ვალჟანი, - ბედნიერება კარამდე მიაცილებდა სასონარკვეთას. ასე განშორდა ერთმანეთს ეს ორი კაცი.

თავი მეორე

წყვიდადი, რომელიც შესაძლებელია გამოცხადებას შეიცავდეს

აფორიაქებული დარჩა მარიუსი.

ახლა კი მიხვდა, რა იყო მიზეზი, რომ ისე შორს ედგა იმ კაცს, თავის საყვარელ კოზეტთან რომ ხედავდა ყოველთვის განუშორებლად. რაღაც იყო იმ კაცში გამოუცნობი და ამიტომ იყო, რომ ალღო აფრთხილებდა მარიუსს. კატორღა ყოფილა ის გამოცხადება, ადამიანის უაღრესად შემარცხვენელი რამ. ბატონი ფომლევიანი თურმე კატორღელი ჟან ვალჟანი იყო.

ზეციურ ნეტარებაში იყო კაცი და უცხად ამ საზიზღარ საიდუმლოს წააწყდა. ეს გვრიტების ბუდეში მორიელის აღმოჩენას ჰგავდა.

ნუთუ მარიუსისა და კოზეტის ბედნიერებას ამიერიდან ეს სამსალა უნდა ჩარეოდა? ნუთუ არ შეიძლებოდა ამის აცდენა? ნუთუ კოზეტის შერთვა ამ კაცის ოჯახში შეეყვანას მოასწავებდა? ნუთუ აღარაფერი ეშველებოდა ამ უბედურებას?

ნუთუ კატორღელიც შეირთო მარიუსმა?

შეიძლება სხივმოსილი იყოს ადამიანი თავისი ბედნიერებით; შეიძლება სიცოცხლის იშვიათი ნეტარება რგებოდეს წილად, ბედნიერი სიყვარული, და იმით ტკვებოდეს, მაგრამ ამგვარი მუჭლოუკუნი რომ მოხვდება, შედრკება, თუნდაც მთავარანგელოზი იყოს აღტაცებული, ან ნახევრად ღმერთი განდიდებული.

როგორც ყოველთვის ამგვარ მოულოდნელ შემთხვევაში, მარიუსს ერთი ფიქრი აწუხებდა, - იქნებ თვით ის იყო საყვედურის ღირსი? იქნებ დაუთქვრებლად მოიქცა და ვერ შენიშნა ის, რაც ადვილად დასანახი იყო. იქნებ თავისდა უნებურად დახუჭა თვალი. შეიძლება, ასეც ყოფილიყო, ოდნავ მაინც. ხომ მართალია, რომ კოზეტის სიყვარულით გაგიჟებულს აზრადაც არ მოსვლია, გაეგო რამე მის შესახებ, ან მამამისის შესახებ, ცოტადენი სიფრთხილე გამოეჩინა, და მერე დაეწერა ჯვარი. ახლა კი მიხვდა, თუმცა აქამდისაც მრავალი შემთხვევა ჰქონდა, დარწმუნებულიყო, რომ ცხოვრება გვაიძულებს, ჩავუფიქრდეთ ჩვენს თავს და ჩვენს თავზე დამტყდარ შემთხვევებს და ამით ნელ-ნელა ჯკუას გვასწავლის; დიახ, მიხვდა, რომ თვითონაც უფრო ოცნებით სულდგმულობდა, ვიდრე სინამდვილით, ერთგვარი შინაგანი

ღრუბლით, რომელიც იმდენად იზრდება, ბედი ეწევა თუ უბედურება, რომ მთლად იმონებს ადამიანს, ავინყებს ყველაფერს და ბურუსით მოსავს მის სინდისს. ჩვენ რამდენჯერმე აღვნიშნეთ მარიუსის ეს თვისება. თვითონვე ავონდებოდა, როგორი მთვრალი იყო სიყვარულით; ვეღარაფერს ხედავდა, თითქოს დაბრმავებულიყო, და მთელი ექვსი თუ შვიდი კვირის განმავლობაში პლუმეს ქუჩაზე შეხვედრებისას ერთი სიტყვაც არ უთქვამს კომეტისთვის იმ დრამის შესახებ გორბოს სახლში, სადაც ისე უცნაურად იქცეოდა ეს ხაფანგში გაბმული კაცი; დუმდა ბრძოლის დროს, ხმა არ ამოუღია, მიშველეთო, და ისე გაიპარა. რად არ უთხრა კომეტს? მაშინ ხომ ისე ახალი და მწვავე იყო მოგონება იმ ამბის შესახებ?! რად არ უთხრა არაფერი ტენარდიეებზე. იმ დღეს მაინც, როდესაც ეპონინის შეხვდა. მარიუსი მაშინდელ თავის ღუმილს ძლივს უძებნდა საფუძველს, მაინც ხედავდა თავის შეცდომას; ავონდებოდა, რომ გაგოჟებული, გახელეებული იყო სიყვარულით. სიყვარულს შთაენთქა სხვა ყველაფერი, ოცნებისკენ წარეტაცათ ერთმანეთი მას და კომეტს; და გარდა ამისა, ცოტა რამ სხვაც უნდა ყოფილიყო; გონების ერთი ბენო, შეუმჩნეველი მოსაზრება არ უნდა შერეოდა მის ძლიერ სულიერ ნეტარებას, ბუნდოვანი, ჩუმი ალლო, რომელიც ურჩევდა, დაემალა, განედევნა თავისი მესხიერებიდან ის საზიზღარი საღამო, რომლის გახსენებაც კი ზიზღს ჰგვრიდა, რომელსაც ემალებოდა, როდესაც მოაგონდებოდა, რომ შეიძლება კიდევ ჩამრიონ იმ საძაგელ საქმეში, და თუ ჩამრიეს, არც მოამბედ ჩავერევი, არც მონმედ, არამედ მარტო ბრალმდებლადო. და ასეც რომ არ იყოს, ელვასავით სწრაფი იყო ეს ბედნიერი დრო, ის რამდენიმე კვირა. სიყვარულით იყვნენ გართულნი, საღდა სცალოდათ სხვა საქმისთვის. დიდი ფიქრის, დიდი ჩაკვირვებისა და აწონ-დაწონის შემდეგ ისიც თქვა, რომ ამო იქნებოდა ამის თქმა, და ამით კომეტის სიყვარულის დროებით მაინც გამწარება: კიდევ რომ ეცნობებინა კომეტისთვის გორბოს სახლის ხაფანგი, კიდევ რომ დაესახელებინა ტენარდიე, კიდევ რომ გამოეძია, რომ კატორღელია უან ვალუანი, როგორ შეცვლიდა ყოველივე ეს მარიუსსა და მის სიყვარულს? ან შეცვლიდა კომეტს? განა უკან დაიხვევდა მარიუსი? გაუნეღებოდა კომეტის სიყვარული და თავყანისცემა? განა აღარ შეერთავდა კომეტს? მაინც შეერთავდა. რას გამოცვლიდა მათ დამოკიდებულებაში? სრულიად არაფერს. მაშ, რა იყო სანანებელი? არც სანანებელი ჰქონდა რამე და არც სასაყვედურო. არაფერი დაუშავებია. თავისი ღმერთი ჰყავთ ამ მთვრალეებს, შეყვარებულებს რომ ვუწოდებთ. მარიუსი დაბრმავებული იყო სიყვარულით და იმ გზას მიჰყავდა, რომელსაც თვალხილული აირჩევდა. სიყვარულმა აუბა თვალეები, რომ თავისი გზით წაეყვანა და სად? სამოთხეში.

მაგრამ ამ სამოთხეს ამიერიდან ჯოჯოხეთის მეზობლობა ართულებდა.

უწინაც ვრიდებოდა მარიუსი ამ კაცს, ამ ფომღევენს, რომელიც უან ვალუანი ყოფილა, მაგრამ უწინდელ მორიდებას დღეს შიშის ერთვოდა.

ამ შიშში, ბარემ ესეც ვთქვათ, სიბრალეულიც იყო ჩარეული და ერთგვარი გაოცებაც.

ეს ქურდი, ქურდი-რეციდივისტი ასე პატიოსნად აბარებს პატრონს მის ანაბარს? მერე რა ანაბარს? ექვსასი ათას ფრანკს. მხოლოდ მან იყო და ამ ფულის საიდუმლოება. მას შეეძლო სულ დაემალა, მან კი მთლად მისცა.

გარდა ამისა, თვითონვე აღიარა თავისი წარსული. რამ აიძულა? ძალას ვინ ატანდა? თუ გავიგეთ, ვინ არის, თვით მისგან. თუ გამოტყდა და უთხრა მარიუსს თავისი

ვინაობა, ძალიან კარგად იცოდა, რომ ამ აღსარებით თავსაც იმცირებდა და განსაცდელსაც იმზადებდა. განწირულისთვის ნილაბი მარტო ნილაბი კი არა, თავშესაფარიც არის და მან უარყო ეს თავშესაფარი. ყალბი სახელი ჰქონდა, ეს იფარავდა სასჯელისაგან: მან უარყო ყალბი სახელიც. ძალიან კარგად შეეძლო კატორღელს, სამუდამოდ დამალულიყო მარიუსის პატიოსან ოჯახში და ამ ტკბილ ცდუნებასაც კი არ დაემორჩილა. მერე რატომ? იმიტომ, რომ სინდისის ქენჯნის ეშინოდა. თვითონვე აუხსნა მარიუსს, ეჭვგარეშეა, გულწრფელად. ბოლოს და ბოლოს, რაც უნდა ავი კაცი ყოფილიყო ოდესღაც უან ვალჟანი, ცხადი იყო, სინდისი გაჰღვიძებოდა. ზნეობრივი ვარდაქმნა დაიწყო ამ ადამიანში და ეტყობოდა, დიდი ხანი იყო, რაც სინდისი დაჰპატრონებოდა მის სულსა და გულს. ჭეშმარიტი და კეთილი ამგვარად მხოლოდ დიდებულს იმორჩილებს. სინდისის გაღვიძება დიდებაა სულისა.

გულწრფელი იყო უან ვალჟანი. ცხადი იყო მისი გულწრფელობა, ხელშესახები, უძლეველი, უეჭველი, უცილობელი; ცხადი, რადგან გულს უკლავდა თვითონ მასვე, და სრულიად უმართებლო იქნებოდა კვლევა-ძიება მისი ნათქვამის სიმართლისა, რადგან თვით ეს გულწრფელობა ამტკიცებდა მის სიმართლეს.

და აქ სასუსებით გამოიყვალა მარიუსი ამ კაცის მიმართ. როგორ უყურებდა აქამდე ბატონ ფოშლევანს? უნდობლად. რა გამოიწვია მასში ახლა უან ვალჟანმა? სრული ნდობა.

უან ვალჟანის ავისა და კარგის შედარებას ცდილობდა ჩათვიქრებული მარიუსი, სასწორის თევზებზე აწყობდა მის აქტივსა და პასივს, უნდოდა, წონასწორობა აღმოეჩინა. მაგრამ ისე იყო, თითქოს ქარიშხალი სცემს და სასწორს ურყევს. ცდილობდა, ნათელი აზრი შეედგინა ამ კაცის შესახებ, ძირისძირამდე ჩაჰყოლოდა მის საქციელსა და აზროვნებას, მაგრამ იქ საბედისწერო ბურუსით მოკულს ხედავდა უან ვალჟანს და ხანდახან სულაც კარგავდა.

ანაბარი ჰქონდა და პატიოსნად ჩააბარა; თავისი ავი აწუხებდა და აღიარა; ძალიან კარგი. ამას ელვარება შეჰქონდა ღრუბელში, მაგრამ მყისვე შავად რჩებოდა ღრუბელი.

ბუნდოვანი იყო, რაც კი აგონდებოდა მარიუსს, მაგრამ ცოტა რამ მაინც ირკვეოდა.

ბოლოს და ბოლოს, რა იყო უონდრეტის მახე, უან ვალჟანი რომ მოიმწყვდიეს? რატომ არ ისარგებლა პოლიციის მოსვლით უან ვალჟანმა, და იმის მაგივრად, ჩვილი დაეწყო, ადგა და გაიპარა? აქ მარიუსი პასუხსაც პოუვდა: იმიტომ, რომ ამ კაცს პოლიცია დაეძებდა, როგორც კატორღიდან გამოაპარულს.

მეორე კითხვა: რისთვის მივიდა უან ვალჟანი ბარიკადზე? ახლა კი ცხადად დაინახა მარიუსმა, თვალნინ დაუდგა ეს მოგონება, თითქოს სიმპატიკური მელნით ყოფილიყოს დაწერილი, რომ ცუცხლზე გამოჩენილიყო. ისიც ბარიკადზე იყო. ის იქ არ იბრძოდა. მაშ, რისთვის მივიდა? ამ კითხვის წინაშე ჟავერის ჩრდილი აიმართებოდა ხოლმე და პასუხსაც ის იძლეოდა. ახლა კი მშვენივრად აგონდებოდა საზარელი სურათი, - გაბანრული ჟავერი და უკან დამბაჩით ხელში უან ვალჟანი, ბარიკადიდან გასვლა და... - ახლაც ყურში ედგა მონდეტურის ქუჩის კუთხიდან გავარდნილი დამბაჩის საშინელი ხმა. ადვილი წარმოსადგენია, რომ ერთმანეთის ჯავრი სჭირდათ იმ კატორღელსა და პოლიციელს. ერთმანეთის მოსისხლე მტრები იყვნენ. უან ვალჟანიც იმიტომ მივიდა ბარიკადზე, რომ ჟავერის ჯავრი ამოეყარა. გვიან მივიდა; ალბათ, იცოდა, რომ დაპატიმრებული ჰყავდათ ჟავერი. კორსიკული

სისხლის ძიება შემოპაროდა ხალხის ქვედა ფენას და კანონად გამხდარიყო; იმდენად მარტივია ეს სისხლის ძიება, რომ საძრახისად არ მიაჩნია გაუნათლებელ კაცს, თუნდაც უკვე სიკეთისკენაც ჰქონდეს პირი. ამგვარი შეგნების ადამიანი შეიძლება სირცხვილით იწვოდეს, საქურღლად რომ მიდის, მაგრამ თამამია, როდესაც სისხლის ძიება უნდა. უან ვალუჟანმა მოკლა ჟავერი, ეს ცხადად ეჩვენებოდა მარიუსს.

ერთი უკანასკნელი კითხვაც ჰქონდა, მაგრამ ამის პასუხს ვერ პოულობდა. ეს კითხვა იყო, რომ მარნუხივით ჩასტიდებოდა მარიუსს. როგორ მოხდა, რომ ამდენი ხნის განმავლობაში ერთად ცხოვრობდნენ უან ვალუჟანი და კოზეტი? რას წარმოადგენდა განგების ეს ავბელითი წაღილი, რომელმაც ამ კაცს მისცა გამოსაზრდელად პატარა ბავშვი? ნუთუ შუქშიც მოიპოვება ორად ჭედილი ჯაჭვი და თვით ღმერთს მოსწონს ანგელოზისა და მანგე სულის დაახლოება? მაშ, შეიძლება დაძმობილდნენ და ერთად ცხოვრობდნენ გაჭირვების იღუმალ კატორლაში ჩავარდნილი ბოროტება და უმნიკვლობა? მაშ, შეიძლება იმ განწირულთა რიცხვში, რომელსაც ადამიანის ბედისწერა ეწოდება, ერთად იყოს ორი არსება - ერთი უმანკო, მეორე საზარელი, ერთი ამომავალი მზის სხივით მოსილი და მეორე მარადიული მცხით საბოლოოდ დამწვარი და ჩაშავებული? ვინ იქნებოდა, რომ განემარტა ეს უცნაური შერჩევა? როგორ მოხდა, რა სასწაულით მოხერხდა ერთად ცხოვრება ამ ნორჩი უმანკოებისა და ბებერი ბოროტებისა? ვინ იქნებოდა, რომ მგლისთვის ჩაებარებინა კრავი, და - ეს უფრო მეტად ძნელია შესაგნებლად, - როგორ მოხდა, რომ ასე უსაზღვროდ შეუყვარდა მგელს პატარა კრავი? რადგან, ცხადი იყო, მგელს უყვარდა კრავი; ცხადი იყო, საშინელება თაყვანს სცემდა ამ სუსტ არსებას. ცხრა წელიწადი იყო, ანგელოზს ურჩხული ჰყავდა მფარველად. პატარაობა და მომწიფება კოზეტისა, მისი განვითარება, მისი ქალური მისწრაფება სიცოცხლისა და სინათლისაკენ უზრუნველყოფილი იყო ამ უგვანო თავგანწირულების წყალობით. აქ კი განმტობას იჩენდა კითხვა, თუ შეიძლება ასე თქმა, და მრავალ გამოცანად ნაწილდებოდა, უფსკრულის ძირში უფსკრული ჩნდებოდა და ისე ვერ დააქცერდებოდა უან ვალუჟანს მარიუსი, რომ თავებზე არ დახვეოდა. მაშ, რა უნდა ყოფილიყო ეს დაცემული ადამიანი?

უკვდავია ძველი სიმბოლონი დაბადებისა. საზოგადოებრივ ცხოვრებაში, როგორიც ღღეს არსებობს, ვიდრე სხვა, უფრო ნათელი სხივი არ დაადგება და არ გამოცვლის, არის და იქნება ორი ადამიანი, ერთი კეთილი, სინათლის შვილი, მეორე ბოროტი, ბნელეთის შვილი. სინათლის შვილი აბელია, ბნელეთის შვილი - კაენი. და ლმობიერი კაენი რაღა არის? რა არის ეს ყაჩაღი, რომ თაყვანს სცემს ქალწულს, როგორც ღვთაებას, ზედ დახარის, ზრდის და იფარავს მის სათნობას, როდესაც თვით ბინიერებით აღსავსეა! რა არის ეს სიბინძურის ორმო, რომელიც აღმერთებს უბინოებას და ცდილობს, სულ უმცირესი ლაქაც კი არ მოხვდეს? რას წარმოადგენს ეს უან ვალუჟანი, კოზეტის ასე უანგაროდ აღმზრდელი? რა არის ეს ბნელეთის შვილი, რომელსაც თავისი დანიშნულების ერთადერთ მიზნად გაუხდია ყოველი ჩრდილი და ღრუბელი აამოროს ამომავალ ვარსკვლავს?

აქ იყო უან ვალუჟანის საიდუმლოება. აქვე იყო საიდუმლოება ღვთისა.

ამ ორმაგ საიდუმლოებას შორის უკუიქცეოდა მარიუსი. ამ საიდუმლოების ერთი მონაწილე მეორის ერთგვარი თავმდები იყო. ამ საქმეში ღმერთიც ისევე ცხადად მოჩანდა, როგორც უან ვალუჟანი. ღმერთს თავისი საშუალებანი აქვს და იმ

საშუალებას ხმარობს, რომელიც ნებას. ღმერთი პასუხისმგებელი არ არის ადამიანის წინაშე. განა არ ვიცით, როგორ და რა განზრახვით ხმარობს ღმერთი თავის იარაღს? უან ვალუანმა აღზარდა კოზმეტი, გაანათლა სულიერად. ეს უეჭველი სიმართლე იყო. კარგი, მერე? მუშა საზარელი იყო, ნაცოფი კი თავყანსაცემი. ღვთის განგებით ხდება ამგვარი სასწაული. ღმერთმა შექმნა სათნოებით თავსე კოზმეტი და მის აღსაზრდელად უან ვალუანი გამოიყენა. ღმერთმა ინება ამ უცნაური თანამშრომლის ამორჩევა. კითხვას ხომ არ დავუწყებთ ღმერთს, ეს რად ქმნიო? განა აქამდის არსად გვინახავს, რომ პატივი მიშველებოდეს გაზაფხულს მაისის ვარდის აყვავებაში?

ამ პასუხს აძლევდა თავის კითხვებს მარიუსი და თვითონვე უცხადებდა თავის თავს, რომ კარგად პასუხობდა. იმდენი რამ აწუხებდა კაცს და ვერ გაბედა, ერთი კითხვითაც კი ვერ მიმართა უან ვალუანს, თუმცა თავის წინაშეც კი არ გამოტყდებოდა, რომ ვერ ბედავდა. აღმერთებდა კოზმეტს. თავისი იყო კოზმეტი. ანგელოზებით წმინდა კოზმეტი. მარიუსისთვის ეს კმაროდა. სხვა რაღა უნდა გაეშუქებინა, როდესაც თვით კოზმეტი იყო გაშუქებული? განა შუქსაც განათება უნდა? ყველაფერი შქონდა, რაც კი უნდოდა. რაღა უნდა მოსურვებოდა? ყველაფერი. განა ეს საკმარისი არ არის? მას სულ არ ეხებოდა უან ვალუანის პირადი საქმეები და რომ დააკვირდებოდა ხოლმე ამ განწირულის ავბედით აჩრდილს, მაშინვე ხელს ჩასჭიდებდა მის მწარე კვნესით წარმოთქმულ სიტყვას, - მე კოზმეტის არაფერი ვარ. ამ ათი წლის წინ არც კი ვიცოდი, რომ ის არსებობდაო.

უან ვალუანი უცხო იყო კოზმეტისთვის. ეს თვითონვე თქვა. ჰოდა, თუ უცხო იყო, გათავებულია მისი როლი. ამიერიდან მარიუსი არის, რომ განგების მოვალეობა აასრულოს კოზმეტის მიმართ. კოზმეტმა ის ლაჟვარდში იპოვა, თავისი სწორი, თავისი სატროფო, თავისი მეუღლე, თავისი ზეციური ქმარი. ზეცას ასვლისას ფრთამსხმულმა და გარდაქმნილმა, იქვე დატოვა ცარიელ და ბინძურ დედამიწაზე თავისი ჭუპრი - უან ვალუანი.

რაც უნდა ღრმა ფიქრების წრეში ყოფილიყო მარიუსი, მაინც არ შორდებოდა უან ვალუანის ერთგვარი შიში. იქნება წმინდაც იყო ეს შიში, რადგან, უკვე აღვნიშნეთ, რომ რაღაც quid divinum-ს გრძნობდა ამ კაცში. მაგრამ რაც უნდა ეცადა, რაც უნდა ბევრი მოეძებნა მისი გამამართლებელი გარემოება, ბოლოს მაინც ერთ დებულებას მიაღებოდა:

- უან ვალუანი კატორღელი იყო, ესე იგი, არსება, რომელსაც საზოგადოებრივი ცხოვრების კიბეზე თავისი ადგილიც კი არ გააჩნია, რადგან უკანასკნელი საფეხურის ქვემოთ არის საღდაც. უკანასკნელ ადამიანს უკან სდევს კატორღელი. კატორღელი, თუ შეიძლება ასე ვთქვათ, ცოცხალ ადამიანად აღარ ითვლება. კანონმა ჩამოართვა ყოველი ადამიანური უფლება, ყველაფერი, რაც კი მოეპოვებოდა ცოცხალ კაცს, და მკვდართა სიაში ჩარიცხა ცოცხალი. რაც შეეხება დამნაშავეთა დასჯას, დემოკრატი მარიუსი მომხრე იყო დამნაშავის სასტიკად დასჯისა, და ისევე მკაცრად სჯიდა ყოველ დანაშაულს, როგორც კანონი. ჯერჯერობით, კიდევ დარჩენოდა, - ესეც ვთქვათ, - საბოლოო პროგრესის მისაღწევად გასაუღელი გზა. ჯერ ვერ ხედავდა, რომ ადამიანის დადგენილება არც აგრე ძალიან ეთანხმება ღვთის განგებას; ვერ ხედავდა, რამდენად განსხვავდებიან ერთმანეთისაგან კანონი და უფლება. ჯერ არ გამოეკვლია და არ დაჰფიქრებოდა საფუძვლიანობას იმ უფლებებისას, რომლითაც სარგებლობს ადამიანი და გამოაქვს საბოლოოდ შეუცვლელი დადგენილება. სიტყვა vindicte ჯერ

აღმაშფოთებლად არ მიაჩნდა. სრულიად ბუნებრივად თვლიდა, რომ კანონის დარღვევა ზოგ შემთხვევაში სიკვდილამდე წამებით, ტანჯვით უნდა ყოფილიყო დასჯილი, და განათლების საშუალებად მიაჩნდა საზოგადოებრივი განკიცხვა; ჯერ ისევ სწამდა, თუმცა შემდეგში ნელ-ნელა უთუოდ შეიცვლიდა ამ აზრს, რადგან ბუნებით კეთილი და ნელი პროგრესის თაყვანისმცემელი იყო.

ამ აზრებით მოცულს, საზიზღრად და მიუღებლად ეჩვენებოდა უან ვალუჟანი, გამოპარული კატორღელი! ისე სცემდა გულში ეს სიტყვა, თითქოს მართლმსაჯულების საყვირი ყოფილიყო.

დიდხანს სინჯა და იკვლია ის კაცი და იმით გაათავა, რომ ზურგი შეაქცია. ოღე რეტრო.

აქ ისიც უნდა ითქვას, რომ უან ვალუჟანს რომ ჰკითხავდა მარიუსი, და ჰკითხავდა ისეთი დაჟინებით, რომ იგი იძულებული იყო, ეთქვა, თქვენ მე აღსარებას მათქმევინებთო, - მაინც ვერ გაებედა და ვერ ჰკითხა ყველაზე მნიშვნელოვანი ორისამი რამ. იმით კი არა, რომ არ გახსენებია, არა, გაახსენდა, მაგრამ შიში ერეოდა. უონდრეტის ხაფანგი? ბარიკადი? უავერი? ვინ იცის, სად მიიყვანდა მარიუსს უან ვალუჟანის განმარტებანი? ეტყობოდა, იმნაირი კაცი არ იყო უან ვალუჟანი, რომ სიმართლეს მორიდებოდა და ვინ იცის, თვით მარიუსს მოსურვებოდა მისი შეჩერება. ზოგჯერ იმგვარ მნიშვნელოვან გარემოებაში ჩავარდება კაცი, რომ საქმის გამოსაკვლევად იძულებულია, კითხვა დასვას; მაგრამ ისეთ პასუხს მიიღებს, რომ თითო იცობს ყურში, ეს საშინელება არ გავიგონო. ამ ლაჩრობას მეტადრე მაშინ გამოიჩინეს ხოლმე კაცი, როდესაც გავიჟებულა სიყვარულით. ამიტომ არის, მძიმე მდგომარეობაში მყოფი ადამიანისთვის არ ვარგა დაჟინებით კითხვის დასმა, მეტადრე თუ იმ კითხვასთან ჩვენი სიცოცხლის მნიშვნელოვანი რამ არის დაკავშირებული. სასონარკვეთილი უან ვალუჟანის განმარტებებიდან შეიძლებოდა მოულოდნელად სინათლე გამოვარდნილიყო და ვინ იცის, იქნებ თვით კოზეტსაც შეხებოდა მისი ნათქვამი. ხომ შეიძლებოდა ისეთი რამ გავეო მარიუსს, რომ საუკუნო შემარცხვენელ დალად დამჩნეოდა კოზეტის ანგელოზის შუბლს. ელვის ნაპერწკალიც ხომ მცხია. ბედისწერამ იცის, თვით უმანკობას დააჩნევს ხოლმე სხვის მიერ ჩადენილი უშვერობის ამ სამარცხვინო დაღს. შეიძლება უმნიკველო იყოს ადამიანი და საუკუნოდ შერჩეს ბინიერებასთან მგზობლობის დაღი. მართალი იყო თუ ცდებოდა, შიში ერეოდა მარიუსს. მეტისმეტი იყო ეს შიში და მარიუსი უფრო განდევნას ცდილობდა ამ ფიქრებისას, ვიდრე გამოკვლევას. გონიხილი იყო და იმასლა ცდილობდა, ხელში აეყვანა კოზეტი და გადაკარგულიყო საღმე, რომ უან ვალუჟანის ხსენებაც აღარ ყოფილიყო.

ბნელეთი იყო ის კაცი, საზარელი, ცოცხალი ბნელეთი. ვინ იქნება იმდენად გამბედავი, რომ ამ ბნელეთის ძირამდე ჩავიდეს? განა საშინელება არ არის, დაკითხვა დაუნყოფი წყვდიადს? ვინ იცის, რა პასუხს მიიღებთ? შეიძლება საუკუნოდ ჩავიჩრდილოთ თქვენი განთიადი.

ამ დასკვნამდე მისულიყო მარიუსი და ახლა გულს უწყლავდა ფიქრი, რომ კოზეტს ჯერ კიდევ ექნებოდა ურთიერთობა ამ კაცთან. თავს იდანაშაულებდა, რომ არ მისცა ისეთი საბედისწერო კითხვები, რომელთა გამორკვევით შეიძლებოდა საბოლოო გადაწყვეტილება მიეღო. ესევ სანანებლად გაუხდა, - მეტად ლმობიერი ვარ, მეტად გულკეთილი, მეტად სუსტიო, - უსაყვედურებდა თავს. ამ სისუსტის ბრალი იყო, რომ

ბოლომდე არ გამოარკვია, რაც საჭირო იყო, და დათმობის გზას დაადგა. სიბრალოელი მოერია და შეცდომა დაუშვა. ეს რომ არ ყოფილიყო, თავიდან მოიშორებდა უან ვალუჟანს, ძალიან ადვილად. ცეცხლი იყო უან ვალუჟანი და ყოველი ღონისძიება უნდა ეხმარა, რომ მოეშორებინა თავისი სახლიდან. ნანობდა, თავის სისუსტეს აბრალებდა, მოულოდნელ მღელვარებას, რომელიც მძაფრი ქარიშხალივით მოედო, დააყრუა, დააბრმავა და გადარია კაცი. კმაყოფილი არ იყო თავისი თავისა.

ახლა როგორღა გამოესწორებინა თავისი შეცდომა? ჭირივით ეჯავრებოდა უან ვალუჟანის სტუმრობა. რად უნდა მოდიოდეს? რა უნდა, რა საქმე აქვს ჩვენთან? და აქ კი თავებზე ეხვეოდა. არც ჩათვიქრება უნდოდა, არც კითხვაში ჩაღრმავება; თავისი გულის სიღრმეში ჩახედვაც კი ეზარებოდა. დაჰპირდა უან ვალუჟანს, სისუსტე გამოიჩინა. უან ვალუჟანს მარიუსის ნებართვა ჰქონდა, მისი სიტყვა. რაკი სიტყვა მისცა, კატორღელსაც კი, მეტადრე იმიტომ, რომ კატორღელია, უნდა აუსრულოს კიდევ დაპირება. მაგრამ მარიუსის უმთავრესი ვალდებულება კოზეტის ბედნიერება იყო. ზიზღს გრძნობდა ამ კაცისადმი და ეს აბრაზებდა.

თავში ერეოდა ეს ფიქრები, ხან ერთს წაებლაუჭებოდა, ხან მეორეს და გამოსავალს ვერსად პოვებდა. აღელვებული და შენუხებული იყო. ძნელი იყო კოზეტისგან თავისი სულიერი მდგომარეობის დამალვა, მაგრამ დიდი ნიჭია სიყვარული და შეძლო, კოზეტს არაფერი გაავებინა.

მაგრამ მაინც ცოტა რამ გამოჰკითხა კოზეტს, ისე, თითქოს არავითარი მიზანი არ ჰქონდა. თეთრი მტრედით წმინდა კოზეტს, რომელსაც არავითარი ეჭვი არ აღძვრია. კოზეტის პატარაობას შეეხნენ, მის აღზრდას, და თანდათან დარწმუნდა მარიუსი, რომ რამდენადაც კი შეიძლება ტკბილი იყოს ადამიანი, კეთილი, მშობელივით თავდადებული და პატივსაცემი, სწორედ ასეთი ყოფილიყო კოზეტისთვის ეს კატორღელი. მართალი გამოდგა ყველაფერი, რაც კი ეგონა და წარმოედგინა მარიუსს. ამ თვალბედით ჭინჭარს უყვარდა ეს შრომანი და უფროთხილდებოდა მას.

ნივნი მერვე
დაღამება

თავი პირველი
ქვემო ოთახი

მეორე დღეს ბინდისას უან ვალუჟანი უილნორმანის სახლის ალაყაფის კარზე აკაკუნებდა. ბასკმა გაუღო. სწორედ დანიშნულ დროს ჩამოსულიყო ეზოში, თითქოს ამის შესაფერისი ბრძანება ჰქონოდა მიღებული. მოხდება ხოლმე ხანდახან, მსახურს ეტყვიან წინდანინ, თვალი გეჭიროს, ბატონი... უნდა მოვიდესო.

დაინახა თუ არა ბასკმა, მაშინვე მოახსენა:

- ბატონმა ბარონმა დამავალა, გკითხოთ, ზევით იწებებთ აბრძანებას, თუ აქ დარჩებით, ქვემო ოთახში.

- ქვემო ოთახში, - მიუგო უან ვალუჟანმა.

ბასკმა ზრდილობიანად გაუღო ოთახის კარი და უთხრა:

- გეახლებით, ქალბატონ ბარონის მეუღლეს მოვახსენებ.

შევიდა უან ვალუჟანი. თალიანი ოთახი იყო, ნოტიო, საჭიროებისამებრ საკუჭნაოდ ხმარებული, ფანჯრით ქუჩაში გადიოდა, წითელი აგური ჰქონდა იატაკის მაგივრად და ოდნავ იყო განათებული, რადგან მოაჯირი ეკრა ერთადერთ პატარა სარკმელს.

იმ ოთახთაგანი არ იყო ეს საკუჭნაო, რომელსაც გულს უწყალებს ცოცხი და სველი ტილო. მშვიდად იყო მტვერი. ობობებს არავინ დევნიდა. ერთი ლამაზი აბლაბუდა, განივრად გაშლილი, კარგად ჩაშავებული, მკვდარი ბუზებით დამშვენებული, მთლად ფარავდა ფანჯრის ერთ შუშას. პატარა ოთახი იყო, ავეჯის მაგივრად ცარიელი ბოთლები ეყარა ერთ კუთხეში. კედელი შეღებილი იყო ყვითელი უანგმინით და ალაგ-ალაგ ჩამოშლილიყო. ოთახის ბოლოს ბუხარი იყო, შუშით ასანთებად. შავად შეღებილ ბუხარში ცეცხლი ენთო, რაც უტყუარი ნიშანი იყო იმისი, რომ იმედი ჰქონდათ, ქვემოთ დარჩენას ირჩევდა უან ვალუჟანი.

ბუხართან ორი სავარძელი იდგა. სავარძლებს შუა ხალიჩის ნაცვლად გაშლილი იყო ძველი პატარა ქეჩა, რომელსაც გახეხილი ბანრის მეტი აღარაფერი შერჩენოდა.

საკუჭნაოს გასანათებლად ბუხარში ცეცხლი და პატარა ფანჯარა იყო.

დაღლილი იყო უან ვალუჟანი. რამდენიმე დღე იყო, აღარც ეძინა, აღარც ჭამდა. შევიდა და მაშინვე სავარძელზე დაეცა.

ბასკიც დაბრუნდა. ბუხარზე ანთებული სანთელი დადგა და გავიდა. თავი ძირს დაეშვა უან ვალუჟანს, ნიკაპი გულზე და ვერც ბასკი დაინახა, ვერც სანთელი.

უცხად წამოხტა, თითქოს შეეშინდაო, - უკან კოზეტი ედგა.

კოზეტის შემოსვლა არ შეუნიშნავს, მაგრამ გრძნობდა კი, რომ კოზეტიც იქვე იყო.

მიბრუნდა, იდგა და შესცქეროდა. ულამაზესი იყო, მაგრამ უან ვალუჟანი მის სილამაზეს კი არა, მის სულს ჩასცქეროდა.

- უცნაური კაცი ხართ, მამა, ვიცი, მაგრამ ამას კი ვერ წარმოვიდგენდი. არა, რა დაგემართათ? მარისუმა მითხრა, თვითონ მამაშენმა მოისურვა, რომ ქვემო ოთახში მიიღო ხოლმეო.

- დიახ, მე მოვისურვე.

- ვიცოდი, რომ მაგას მიპასუხებდით. რა გაენყობა? აი, გაფრთხილებთ, დღეს უნდა გეჩხუბოთ. და მაშ დასაწყისიდან დავიწყეთ. აბა, ჯერ მაკოცეთ.

და ლოყა მიუახლოვა.

უძრავად იდგა უან ვალუჟანი.

- არ მკოცნით? ცოდვა აღიარებულო! მაშ, დამნაშავედ გრძნობთ თავს? ეგ არაფერი, მიპატიებია: ისო ქრისტემა ბრძანა, ახლა მეორე მიუშვირეო. აბა!

ახლა მეორე ლოყა შესთავაზა.

არ გაინძრა უან ვალუჟანი. ისე იდგა, თითქოს მილურსმული ჰქონდა ფეხები ფილაქანზე.

- ეს კი საოცარია! - წამოიძახა კოზეტმა, - რა დაგიშავეთ, ნეტავ ვიცოდე! გაჯავრებული ვარ და ქრთამი უნდა მომცეთ, თუ შერიგება გნადიათ: სადილად ჩვენთან დარჩებით.

- ვისადილე.

- ეგ მართალი არ არის. ბატონ ჟილნორმანს ვეტყვი, რომ ასე უკმეხად მექცევით. ბაბუა იმისთვის არის გაჩენილი, რომ მამას ტუქსავდეს. აბა, წავიდეთ! ზემოთ, დიდ დარბაზში, ჩქარა!

- შეუძლებელია.

აქ კოზეტს ნიადავი შეერყა ფეხქვეშ. ბრძანების მაგივრად კითხვა დაუნყო:

- რატომ, მამიკო? რაღა ეს საზარელი ოთახი ამოირჩიეთ ჩემს სანახავად?

სამინელია აქაურობა!

- იცი, შვილო... - და შეჩერდა, გაისწორა, -

- იცით, ქალბატონო, მართლა უცნაური კაცი ვარ, გადავირევი ხოლმე ხანდახან. ხელი ხელს შემოჰკრა კოზეტმა.

- ქალბატონო?... იცით?... ეს რაღაა? მე მელაპარაკებით ასე?

სევდით სავე თვალით დაამტერდა უან ვალჟანი, როგორც ხანდახან იცოდა.

- თქვენ გნებავდათ ქალბატონობა და ავისრულდათ.

- ოღონდ თქვენთვის კი არა, მამა.

- მამას ნულარ მეძახით.

- როგორ?

- ბატონი უანი დამიძახეთ, ან, თუ გნებავთ, უანი.

- მამ, მამაჩემი აღარ ხართ? მე კოზეტი აღარ ვარ? ბატონო უან, რა დაგემართათ? რევოლუციას ხომ არ მიპირებთ? რა მოხდა? ერთი შემომხედეთ, თვალი გამისწორეთ. მამ, ჩვენთან ცხოვრება არ გნებავთ? არც ჩემ მიერ თქვენთვის ამორჩეული ოთახი? რა დაგიშავეთ ისეთი, მითხარით მაინც, რა დაგიშავეთ? რაღაც მოხდა, ცხადია.

- არათფერი.

- მამ, ასე რად ხართ?

- მე ისე ვარ, როგორც ყოველთვის.

- მამ, სახელს რად იცვლით?

- თქვენც ხომ გამოიცვალეთ.

გაეღიმა, როგორც წელან, და დაუმატა:

- თუკი თქვენ ქალბატონი პონმერსი ბრძანდებით, რატომ მე კი არ შემიძლია ბატონი უანი ვიყო?

- აღარათფერი გამგება! სისულელეა ეს ყველაფერი! მტკნარი სისულელე. ჩემს ქმარს ვთხოვ ნებართვას, რომ ბატონი უანი ბრძანდებოდეთ. იმედია, არ დამეთანხმება. არა, რატომ მამრავებთ ნეტავ? შეიძლება კარვად არ იყოს კაცი, როგორც ბრძანებთ, მაგრამ თავის პანია კოზეტს კი არ აჯავრებდეს. რას ჰვავს თქვენი საქციელი? თქვენ უფლება არა გაქვთ, ავად მომექცეთ, რადგან ბუნებით გულკეთილი ხართ.

პასუხი არ გასცა უან ვალჟანმა.

ორივე ხელი დაუჭირა კოზეტმა, ალერსით აუნია ზევით, ყელზე მოიხვია და ცდილობდა ამ ტკბილი ალერსით გული მოეღობო უან ვალჟანისთვის.

- ოჰ, მამა, სად არის თქვენი ალერსი? - და რაკი ვერას გახდა, განაგრძო, - იცით, რით გამახარებთ? რით და, ჩემი თხოვნის ასრულებით, აქ გადმოდით, ჩვენთან იცხოვრეთ, აქაც ბევრია ბაღში ფრინველი, როგორც პლუმეს ქუჩაზე. ჩვენთან იყავით, გადმოდით იმ ორმოდან, ლ'ომ-არმეს ქუჩას რომ აქვს; ოღონდ იცოდეთ, გამოცანები და შარადები აღარ გაგვიშალოთ გამოსაცნობად, ისე იყავით, როგორც ყოფილხართ, სადილიც ჩვენთან მიირთვით, საუზმეც და ისევ მამაჩემი გახდით.

ხელი გამოაყალა უან ვალჟანმა:

- თქვენ ახლა მამა აღარ გჭირდებათ, ქმარი გყავთ.

გაბრაზდა კომეტი:

- მამა აღარ მჭირდება? ამნაირ უაზრობას რომ გაიგონებს ადამიანი, არც კი იცის, ღმერთმანი, რა პასუხი გასცეს!

- ტუსენი რომ აქ ყოფილიყო, - დაიწყო ისევ უან ვალუჟანმა, რომელსაც საფუძველი ელეოდა და წყალნადებულებით ხავსს ეჭიდებოდა, - ტუსენი რომ აქ ყოფილიყო, ისიც დამემონებოდა, რომ სრული ჭეშმარიტება ვთქვი; ყოველთვის მქონდა და მაქვს რაღაც უცნაურობა; აქ ახალი არაფერია. მე ყოველთვის ჩემს ბნელ კუნჭულში ვიმალებოდი.

- კარგი, მაგრამ ცივა ამ სარდაფში, არაფერი ჩანს, საძაგლობაა. დაეკუინიათ, მამა კი არა, ბატონი უანი ვარო. არ მინდა, თქვენობით ნუ მელაპარაკებთ!

- ეს არის ახლა, აქეთ რომ მოვდიოდი, - უპასუხა უან ვალუჟანმა, - სენ-ლუის ქუჩაზე ერთი რამ ვნახე, სწორედ საუცხოო, - მე რომ ლამაზი ქალი ვყოფილიყავ, უთუოდ ვიყიდდი და ჩემს ოთახს დავამშვენებდი. ერთი კარგი ტუალეტია, დღევანდელი გემოვნების მიხედვით გაკეთებული, ვარდის ხისა. საკმარისად დიდი სარკე აქვს, უჯრები, მშვენიერი რამ არის.

- საძაგელი დათვი!

კბილები დააკრატუნა, ტუჩი აიწია და უან ვალუჟანს შეუბერა. გრაცია იყო და კატას აჯავრებდა.

- აღშფოთებული ვარ, - დაიწყო კომეტმა, - ლამის გამაგიჟოთ, სულ ყველანი მაჯავრებთ გუშინდელს აქეთ! გული გამიწყალეთ! ვედარაფერი გამიგია თქვენი! მარიუსი მანუხებს, თქვენ არ მექომაგებით; თქვენ მაჯავრებთ, მარიუსი არ მშველის. მარტოღმარტო ვარ, არავინ მყავს. ერთ ოთახს ვამზადებ მამაჩემისთვის. რომ შემძლებოდა, ღმერთსაც კი იქ მოვათავსებდი, და არ გვინდა თქვენი ოთახიო, მეუბნებიან. არც კი უნახავს და ისე მიწუნებს ოთახს ჩემი მდგმური. ნიკოლეტს ვავალებ, ერთი კარგი სადილი ვაგვიკეთოს. არა, ქალბატონო, მე თქვენი სადილი არ მინდაო. და მამაჩემი ფოშლევიანი ჩამცივებია, ბატონი უანი დამიძახე და სახლში კი არა, ძველ, საზარელ სარდაფში მიმიღე ხოლმე, რომ ნესტიანი კედლების ობით, ბროლის მაგივრად - ცარიელი ბოთლებით და ფარდების მაგივრად აბლაბუდით დავტკებო. უცნაური კაცი ხართ, გეთანხმებით, მაგრამ ცოტა დასვენებაც უნდა იცოდეთ ახალჯვარდანერილებსა. განა არ შეიძლებოდა, ასე ჩქარა არ გამოგეჩინათ ეგ თქვენი უცნაურობა? მამ, ასე მოგწონთ თქვენი საზიზღარი ლ'ომ-არმეს ქუჩა? მე კი გული მელეოდა, იქ რომ ვიყავი. ჰო, ერთი მითხარით, რა გაქვთ ჩემს წინააღმდეგ? რად მიჯავრდებით? რად მიკლავთ გულს? ფუ!

დააცქერდა, აღარ ხუმრობდა და მწუხარედ ჰკითხა:

- მამ, იმიტომ მიჯავრდებით, რომ ბედნიერი ვარ?

გულუბრყვილობა თავისდა შეუმჩნეველად გაღრმავდება ხოლმე. ამ კითხვამ, სულ უბრალოდ კომეტისთვის, ღრმად ჩაჰკრა შიგ გულში უან ვალუჟანს. კომეტს უნდოდა, ოდნავ გაეთხაჭნა, მაგრამ გული გაუპო.

ფერი ეცვალა უან ვალუჟანს. პატარა ხანს ისე დარჩა, პასუხს ვერ აძლევდა, მერე სიტყვით გამოუთქმელი კილოთი, თითქოს თავის თავს ელაპარაკებო, წაიბუტბუტა:

- ამის ბედნიერება იყო ჩემი სიცოცხლის მიზანი. და ახლა კი შეიძლება ღმერთმა განსვენების ნება მომცეს. შვილო კომბეტ, შენ ბედნიერი ხარ და დრო არის ჩემი... წასვლის.

- ჰოო? მაშ, ისევ შენობით მომმართეთ? - შეჰყვირა კომბეტმა და კისერზე მოეხვია. გულში ჩაიკრა უან ვალუანმა. გიჟივით იყო გახარებული, ისე ეჩვენებოდა, თითქოს დაებრუნებინოს თავისი კომბეტი.

- გმადლობთ, მამა, გმადლობთ!

ეს აღტაცება შეიძლებოდა ჩამწარებოდა უან ვალუანს. ტკბილად, ნაზად ჩამოიშორა კომბეტის ხელები და ქული აიღო.

- რას შერებით, მამა? - შეჰყვირა კომბეტმა.

და უცნაური პასუხი მიიღო:

- უნდა წავიდე, ქალბატონო, თქვენ გელიან, -

და კართან რომ მივიდა, უთხრა, -

- შენობით მოგმართეთ. უთხარით თქვენს ქმარს, რომ ეს შეცდომა აღარ მომივა. მაპატიეთ.

გავიდა უან ვალუანი და გააცვიფრა კომბეტი ამ უცნაური გამოთხოვებით.

თავი მეორე

კიდევ უკან რამდენიმე ნაბიჯით

მეორე დღეს იმავე დროს მივიდა უან ვალუანი კომბეტის სანახავად. აღარაფერი ჰკითხა კომბეტმა, აღარაფერი გაიკვირვა, აღარაფერი თქვა, - აქ ცივად, აღარც ზემო სართულის დარბაზი ახსენა. ეცადა არც მამა ეთქვა, არც ბატონო უან. თქვენობით ელაპარაკებოდა უან ვალუანი და არც ის იუცხოვა, მაგრამ ცხადად ეტყობოდა, ოდნავ განელეობდა მხიარულება. დაღონებული იქნებოდა, დაღონება რომ შესძლებოდა.

აღბათ, მარიუსი ესაუბრა. ის საუბარი ჰქონდათ, როცა საყვარელი ქმარი ამბობს, რაც სურს, არც რამეს განმარტავს, არც საფუძველს წარმოადგენს და მანაც აკმაყოფილებს საყვარელ ცოლს. შეყვარებულთა ცნობისმოყვარეობა სიყვარულს იქით შორს ვერსად წავა.

ოდნავ მიელაგებინათ ქვემო ოთახი. ბასკს ბოთლები გაეტანა, ნიკოლეტს კი ობობები და აბლაბუდა ჩამოეწმინდა.

და მას შემდეგ ყოველდღე ერთსა და იმავე დროს მოდიოდა უან ვალუანი კომბეტის სანახავად. ყოველდღე დადიოდა, რადგან იმდენი ძალა არ ჰქონდა, რომ მარიუსის სიტყვის ნამდვილი აზრი გაეგო. მარიუსმა ისე მოაგვარა საქმე, რომ სწორედ იმ დროს უნდა გასულიყო სახლიდან, როდესაც უან ვალუანი უნდა მოსულიყო. სახლიც მიეჩვია ბატონი ფომლეგანის ამ ახალ მოთხოვნას. ტუსენიც დაესმარა, ბატონი ყოველთვის ასე იქცეოდა, - გაიძახოდა ხშირად. ბატონმა ჟილნორმანმაც დაადგინა, თავისებური კაცი ყოფილაო. ყველაფერი თქვა ამ ერთმა სიტყვამ - თავისებურიო, - და გარდა ამისა, ოთხმოცდათორმეტი წლის კაცისთვის შეუძლებელია ახალი მეგობრის გაჩენა, უკვე აწყობილი აქვს ყველაფერი და ახალი კაცის მიღება ჩვეულებრივის არევა იქნება; მეტი ადგილი აღარ არის; ჩვეულებაა გამეფებული. მოხუც ჟილნორმანს თუ უნდოდა რამე, სწორედ ამ ბატონი ფომლეგანის თუ ბატონი ტრანშლეგანის მოშორება და ასაბუთებდა კიდევ თავისას, - მაგისტრანა

თავისებურები რამდენიც გნებავთ, იმდენია! რა უცნაურობა გინდა, რომ მათ არ ჰქონდეთ და სულ უსაფუძვლოდო. მარკიზ დე კანაპლზე უარესი არავინ იყო: მშვენიერი სასახლე იყიდა, რომ სხვენზე წოლილიყო. დიდი ახირების ნიშნები აქვს ამ ხალხს.

აზრადაც არავის მოუვიდა ამ უცნაურობის მიზეზს ჩაკვირვებოდა. ან როგორ მიავნებდნენ ნამდვილ მიზეზს, როცა მარიუსის მეტმა არავინ იცოდა საქმის ვითარება. ჭაობიანია ინდოეთი; ზებუნებრივად ეჩვენება ხალხს წყალი, განუმარტებლად, ის მღელვარეა, თუმცა ქარი კი არა, ნიავიც არსად იძვრის; სწორედ იქ ხედავს მღელვარებას ხალხი, სადაც უძრავად უნდა იდგეს წყალი; დასცქერიან ამ მღელვარების ზედაპირს და საკვირველებად მიაჩნიათ, რადგან ვერ ხედავენ ჭაობის ძირში მოძრავ გველეშაპს.

ბევრ ადამიანსაც აქვს ამისმაგვარი გულსაწყლავი საიდუმლოება, ჭირი, რომელსაც თვითონ ასაზრდოებს, გველეშაპი, რომელიც გულს უღრღნის, სასონარკვეთა, რომელიც მათი ღამის სტუმარია. შეხედავთ, ადამიანია, როგორც ყველა სხვა, მიღის, მოღის; ვინ წარმოიდგენს, რომ გულში სევდა ჩასძრომია, ათასპილიანი პარაზიტი, სისხლს სწოვს და სიკვდილს უშზადებს? ვინ წარმოიდგენს, რომ ჯურღმულია ეს კაცი, მდგარი ჭაობი. მაგრამ ფრიად ღრმა? ხანდახან, დროგამოშვებით, მღელვარება ეტყობა უბედურს, მაგრამ ვინ მიხედება ნამდვილ მიზეზს? სახე ეღრღნება ტკივილით, გული მისდის, ძლივსლა სუნთქავს. ბევრი არაფერია თითქოს, მაგრამ საშინელია. ეს უხილავი გველეშაპის სუნთქვაა.

და მართლაც, ბევრი რამ სჭირდა უცნაური უან ვალჟანს. სწორედ იმ დროს მივიდოდა, როდესაც სხვანი წასასვლელად ეშზადებოდნენ; გაიპარებოდა, როდესაც სხვანი იკრიბებოდნენ; ყოველთვის მზად ჰქონდა თავისი წამოსასხამი; მიყრუებულ ქუჩებს ირჩევდა, თუ მიდიოდა სადმე; საუბარში არ ჩაერეოდა; ერიდებოდა დღეობებს და შეკრებულ ხალხს; შეძლებულს ჰგავდა და ღარიბად ცხოვრობდა; თავისი ბინის გასაღები სულ თან ჰქონდა, ჯიბეში, და სანთელს კი მეკარეს აბარებდა, რომ ღამე კიბეზე ასვლა არ გასჭირვებოდა; სახლში ფარული კარით შედიოდა; თავის ბინაში უკანა მხარის კიბით აღიოდა. წვრილმანი იყო ყოველივე ეს, უმნიშვნელო, ოდნავი დლევა, გარდამავალი ჭავლი ზედაპირისა, მაგრამ ხშირად საშინელი სიღრმიდან მომავალი.

რამდენიმე კვირა გავიდა ასე. ახალი ცხოვრება იპყრობდა ნელ-ნელა კოზეტს. გათხოვდა ქალი, თავისი ქმრის ოჯახში შევიდა, ახალი ცხოვრება დაიწყო, ახალი მიმსვლელ-მიმსვლელი, ოჯახის მოვლა, დროს გატარება, - ეს ამდენი ახალი საქმე! ბევრი არაფერი იხარჯებოდა კოზეტის დროს გატარებაზე; მისი დროს გატარება ის იყო, რომ მარიუსთან ყოფილიყო. თუ წავიდოდა სადმე, უთუოდ მარიუსთან ერთად; შინ იყო და, ისევ მასთან; ეს იყო მისი სიცოცხლის უმთავრესი მოთხოვნილება. ხარობდა ორივე, როდესაც ხელიხელგაყრილნი წავიდოდნენ სასეირნოდ, მშეს შეხაროდნენ და მარტონი იყვნენ ხალხით სავსე ქუჩაში, ერთმანეთის მეტს ვერავის ხედავდნენ. პატარა უსიამოვნებას ჰქონდა კოზეტს. ვერ მორიგდნენ ტუსენი და ნიკოლეტი. შეუძლებელი იყო თურმე ორი ბებერი, გაუთხოვარი ქალის ერთად ცხოვრება და ტუსენი წავიდა. ბაბუა კარგად ბრძანდებოდა; მარიუსს ხანდახან სასამართლოში საქმეებზე წასვლა უხდებოდა; დეიდა ჟილნორმანიც იქვე იყო, განზე

ედგა ახალ ოჯახს და სრულიად კმაყოფილი იყო თავისი მდგომარეობით. უან ვალუანი ყოველ საღამოს მოდიოდა.

შენობით ლაპარაკი გამქრალიყო. ახლა „თქვენ“ ისმოდა. „ქალბატონო“, „ბატონო უან“, და ყოველივე ეს სულ სხვა, უცხო კაცად აქცევდა კომეტისთვის უან ვალუანს. კაცი თვითონვე ცდილობდა, შეემცირებინა კომეტის მისდამი სიყვარული, განეშორებინა თავისგან, და აისრულა კიდევ ეს წადილი. უფრო და უფრო მხიარულად ეჩვენებოდა თავისი შვილობილი; ის ნაზი, ალერსიანი კომეტი აღარ იყო. მაგრამ მაინც ძალიან უყვარდა თავისი მამობილი და ამას კარგად გრძნობდა უან ვალუანი. ერთხელ ანაზლად ასე მიმართა უან ვალუანს:

- მამა იყავით ჩემი და მამა აღარ ხართ; ბიძა იყავით ჩემი და ბიძა აღარ ხართ; ბატონი ფოშლევიანი იყავით და ახლა ბატონი უანი ხართ. მამ, ვინა ხართ? არა, არ მომწონს ეს ყველაფერი. ასე კეთილად რომ არ გიცნობდეთ, შემეშინდებოდა თქვენი.

ბინა ისევ იქ ჰქონდა, ლომ-არმეს ქუჩაზე, რადგან ვერ შორდებოდა იმ უბანს, სადაც კომეტი იდგა.

კომეტის სანახავად რომ მივიდოდა, თავდაპირველად დიდხანს არ რჩებოდა. რამდენიმე წუთი კმაროდა, ნახავდა, მოიკითხავდა და გამოეთხოვებოდა.

მაგრამ გადიოდა დრო და ისიც უფრო და უფრო მეტხანს რჩებოდა. ისე იქცეოდა, თითქოს დღის ხანგრძლივობით სარგებლობდა, - დღემ იმატა და მეც პატარა ხანს კიდევ დავრჩები კომეტთან.

ერთხელ ძველებურად წამოსცა კომეტს, - მამა! - და უცბად გაბრწყინდა უან ვალუანის ბებერი, დაღვრემილი სახე. მაინც შეუსწორა:

- უანი დამიძახეთ.

სიცილი წასკდა კომეტს:

- აჰ, მართლა, ბატონო უან!

- კარგი, - თქვა და იქით მიბრუნდა, რომ არ დაენახა კომეტს, როგორ მოიწმინდა ცრემლი.

თავი მესამე

პლუმეს ქუჩის ბაღიც არ დავიწყებიათ

ეს უკანასკნელი იყო. ამ უკანასკნელი სხივის შემდეგ ჩაქრა ყველაფერი. აღარც ალერსი, აღარც კოცნა მისალმების დროს, აღარც ეს ტკბილი სიტყვა, - მამა, მამაჩემო. თვით ითხოვა და ხელი შეუწყო, რომ ნელ-ნელა განდევნილი ყოფილიყო თავისი ბედნიერებიდან. უბედური იმითაც იყო, რომ ერთ დღეს დაჰკარგოდა თავისი კომეტი და ახლა ის თანდათან ხელახლა უნდა დაეკარგა.

თვალისჩინმა იცის, სარდაფის სიბნელესაც მიეჩვევა. ყოველდღე შეეძლო ცოტა ხნით ენახა კომეტი და იმითიც კმაყოფილი იყო. მთელი თავისი სიცოცხლე შეეკუმმა ამ პატარა ხანში. გვერდზე მიუჯდებოდა, შეხაროდა გაჩუმებული. ან არა და, წარსულს მოაგონებდა, უამბობდა კომეტს მის ბავშვობას, მონასტერში ცხოვრებას, მის მაშინდელ მონათვე-ამხანაგებს.

ერთ საღამოს, აპრილის დამდეგს, მშვენიერი დარი იდგა, თბილი, თუმცა ჯერ ისევ გრილი, როდესაც სიხარულით ბრწყინავდა ზამთარზე გამარჯვებული მზე, და კომეტისა და მარიუსის ფანჯრებიდან გაშლილი ბაღები ცივი ძილის შემდეგ

სიციცხლის გაღვიძებით ტკბებოდნენ; კუნელი გაშლას აპირებდა, ძველი კედლები ჯერ გაუშლელი ყვავილებით ამწვანებულყო, დამსკდარ ქვებში ვარდისფრად მოჩანდა დეკისპირა, თეთრი პეპლები დაფრინავდნენ და ქარი, ეს მესტირე ბუნების მუდმივი განახლებისა, ცდილობდა, ხეების ტოტებში დაეკრა გაზაფხულის ის დიადი სიმფონია, რომელაც ძველი დროის პოეტები განახლებას უწოდებდნენ, და მარიუსმა მოაგონა კომეტს:

- აკი ვთქვით, ბლუმეს ქუჩის ბალი ენახოთო. მოდი, ნავიდეთ, უმადურები არ უნდა ვიყოთ!

თქვეს და გაფრინდნენ, როგორც ორი მერცხალი გაზაფხულისკენ. ისე ავონდებოდათ ეს ბალი, როგორც ტბილი გათენება. ცოტა რამ უკვე ჰქონდათ ამ ყმანვილებს უკან დატოვებული, როგორც გაზაფხული მათი სიყვარულისა. პლუმეს ქუჩის სახლი ვადით ეჭირა უან ვალუანს და ვადის გასვლამდე სახლიც კომეტის იყო და ბალიც. მივიდნენ, სახლიც ნახეს, ბალიც, ისევ თავიანთ მესაიდუმლე ბაღში იყვნენ და გადაავინწყდათ ყველაფერი.

იმ საღამოს დანიშნულ დროს მივიდა უან ვალუანი კომეტის სანახავად. ბასკი დახვდა:

- ქალბატონი და ბატონი ერთად წაბრძანდნენ და ჯერ არ დაბრუნებულან.

შევიდა, ჩუმად დაჯდა. მთელი საათი გაატარა კომეტის ლოდინში. აღარ დაბრუნდა კომეტი. თავი დალუნა უან ვალუანმა და შინ ნავიდა.

კომეტი კი ისე იყო აღტაცებული ამ სეირნობით და „ჩვენი ბალის“ ნახვით, ისეთი ბედნიერი იყო თავისი წარსულის ამ ერთი დღის განახლებით, რომ მეორე დღეს სალაპარაკოდ სხვა აღარაფერი ავონდებოდა. ისიც კი ვერ შენიშნა, რომ წინა საღამოს არ ენახა უან ვალუანი.

- როგორ მიხვედით პლუმეს ქუჩაზე? - ჰკითხა უან ვალუანმა.

- ფეხით.

- იქიდან როგორღა დაბრუნდით?

- ეტლით წამოვედით.

კარგა ხანი იყო, აწუხებდა უან ვალუანს ფიქრი, რომ მეტად განცალკევებულად ცხოვრობდნენ კომეტი და მარიუსი. მეტად ხელმოჭერილი კაცი იყო მარიუსი და ეს აკვირვებდა უან ვალუანს. კიდევ გაბედა და ჰკითხა:

- რატომ ეტლს არ გაიჩინეთ? ერთი კოხტა ეტლი რომ იყიდოთ, ბევრი, ბევრი თვეში ხუთასი ფრანკი დაგიჯდეთ. ხომ გაქვთ, ღვთის მაღლით, და ბევრიც გაქვთ.

- არ ვიცი, - უპასუხა კომეტმა.

- იმ ტუსენისა არ იყოს, ნავიდა, მაგრამ რატომ სხვას არ აიყვანთ?

- ნიკოლეტიც კმარა.

- პირადად თქვენ არ უნდა გყავდეთ მოახლე?

- მარიუსი აქ არ მყავს?

- საკუთარი სახლი უნდა გქონდეთ, საკუთარი მსახური, ერთი კარგი ეტლი, თეატრში ლოჟა. რატომ არ სარგებლობთ თქვენი სიმდიდრით? სიმდიდრე ზრდის ბედნიერებას.

კომეტმა არაფერი უპასუხა.

მივიდოდა უან ვალუანი და იჯდა, შემოკლების მაგივრად უფრო და უფრო მეტხანს რჩებოდა. რას იზამთ? რომ დაქანდება გული, ძნელია შეყენება.

რომ უფრო დიდხანს დარჩენილიყო და საათის დავინწყება მოეხერხებინა, მარიუსის ქებას მოჰყვებოდა ხოლმე. მშვენიერიც იყო მარიუსი, დიდებულიც, გულადიც, ჭკვიანიც, მჭევრმეტყველიც, გულკეთილიც, კომეტის თავისას უმატებდა და გრძელდებოდა ბაასი. დაუბრეტელი იყო ეს სიტყვა - „მარიუსი“. მრავალტომიანი თხზულება იყო ამ შვიდ ასოში, და ამგვარად ახერხებდა უან ვალუანი ცოტა ხნით მაინც განეგრძო კომეტთან ყოფნა. კომეტს ხედავდა, ყველაფერს ივინყებდა, გვერდზე რომ ეჯდა, სიცოცხლის სიტკობებს მართო ამაში პოვნებდა. დაჭრილი ჰქონდა გული და ამით იხვევდა თავის ჭრილობას. რამდენჯერმე, ზედიზედ ორჯერ მოახსენა კომეტს ბასკმა:

- ბატონმა ჟილნორმანმა გამომგზავნა, მოგახსენოთ, რომ სუფრა გაშლილი გახლავთ.

ღრმად ჩაფიქრებული მიდიოდა შინისკენ იმ დღეს უან ვალუანი.

ნუთუ სიმართლე მოიპოვებოდა მარიუსის მიერ დასახულ შედარებაში, - კომეტის ჭეჭრია ეს კაციო. ნუთუ მართლა ჭეჭრი იყო უან ვალუანი და ახირებით მიდიოდა თავისი პეპლის სანახავად?

ერთხელაც კიდევ დიდხანს მოუხდა უან ვალუანს დარჩენა, ჩვეულებრივზე მეტად. მეორე დღეს ბუხარში ცეცხლი აღარ აენთოთ.

„ცეცხლი არ ანთია! - იფიქრა უან ვალუანმა და თვითონვე უპოვა ამ გარემოებას სულ უბრალო განმარტება, - ან რაღა საჭიროა? აპრილი დადგა, თბილა“.

- ოჰ, ღმერთო, რა ძალიან ცივა! - შესძახა კომეტმა, როგორც კი ოთახში შემოვიდა.

- სად არის სიცივე? - უთხრა უან ვალუანმა.

- თქვენ უბრძანეთ ბასკს, რომ ცეცხლი არ აენთო?

- დიახ, ხვალ-ზევ მაისი დადგება.

- მაისი კი არა, თუნდაც ივნისი იყოს, თუკი ცივა, ცივა. მეტადრე ამ სარდაფში. აქ ცეცხლი ზამთარ-ზაფხულ უნდა ენთოს.

- მე კი მეგონა, რომ უსარგებლო იქნებოდა ბუხრის ანთება.

- ეგვე ერთი თქვენებური უცნაურობა! - დაასკვნა კომეტმა.

მეორე დღეს ცეცხლი ენთო ბუხარში, მაგრამ ორი სავარძელი ოთახის მეორე მხარეს გადაეტანათ, სწორედ კართან.

„ეს რაღას მოასწავებს ნეტავ?“ - ფიქრობდა უან ვალუანი. ასწია სავარძლები და ისევ ჩვეულებრივად დაანყო ბუხართან.

რაკი ცეცხლი აუნთეს, ცოტა გაბედულებაც მოემატა. ისე გააბა ბაასი, რომ ჩვეულებრივს გადააცილა. რომ წამოდგა წასასვლელად, კომეტმა უთხრა:

- უცნაური რამ მითხრა ამ დილას ჩემმა ქმარმა.

- რა გითხრათ ამისთანა?

- აი, რა: კომეტ, წელიწადში ოცდაათი ათასი ფრანკი გაქვს შემოსავალი. ოცდაშვიდი ათასი შენია და სამი ათასი მე მაქვს ბაბუაჩემისაგან. ახლა ეს მითხარი, შეიძლება თუ არა, რომ მართო სამი ათასით ვიცხოვროთო? მე ვუპასუხე: რითაც გინდა, თუნდაც სულ არაფრით, ოღონდ კი შენთან ვიყო-მეთქი. მერე მე ვკითხე: „რა მოხდა? რატომ მეკითხები ამას?“ - და მიპასუხა, ისე, მინდა ვიცოდყო.

ხმა ვეღარ ამოიღო უან ვალუანმა, ცხადი იყო, კომეტი მისგან მოელოდა ამის განმარტებას. ნაღვლიანი ღუმელით მოუსმინა კომეტს და ვერაფერი უთხრა. მაშინვე

გამოეთხოვა. იმდენად ღრმად იყო ჩაფიქრებული, რომ კარი აერია და თავისი სახლის მაგივრად სხვა სახლში შევიდა. მესამე სართულს მიაღწია, როდესაც შეცდომას მიხვდა და უკან დაბრუნდა.

გონებას ვეღარ იმორჩილებდა, ისე ერეოდა ფიქრები. ცხადი იყო, მარიუსს ეჭვი აღძვროდა ექვსასი ათასი ფრანკის შეძენის შესახებ, და ეშინოდა, ბიზიერი გზით არ იყოს მონაპოვარიო. ვინ იყის, იქნებ კიდევ გამოიძია და დარწმუნდა, რომ უან ვალჟანის იყო და არა რალაც მემკვიდრეობა, და ახლა უკადრისად ეჩვენებოდა ამ ფულით სარგებლობა? არ უნდოდა ბოროტებით შენაძენით გამდიდრება და თავისი და კომეტის პატიოსანი სიღარიბე უფრო ღირსეულად მიაჩნდა, ვიდრე ეს სიმდიდრე.

გარდა ამისა, გრძობდა უან ვალჟანი, თუმცა ბუნდოვნად, რომ ნელ-ნელა კარს უკეტავდნენ.

მეორე დღეს რომ მივიდა, განცვიფრდა. სავარძლები აღარსად იყო. სკამიც კი არ იდგა სავარძლების მაგივრად.

- აჰა, ღმერთო! - შეჰყვირა კომეტმა, როგორც კი შევიდა ოთახში, - სავარძლები? სად არის სავარძლები?

- აღარ არის, - უპასუხა უან ვალჟანმა.

- ეს კი მეტისმეტია!

და ისევ უან ვალჟანმა წაილულლულა:

- მე ვუთხარი ბასკს, რომ გაეტანა.

- და ამ ბრძანების საფუძველი?

- დღეს მალე წავალ, რამდენიმე წუთი მხოლოდ...

- რამდენიმე წამიც რომ იყოს, რას გიშლიდათ ის სავარძლები?

- მგონი, დიდ დარბაზში უნდა აეტანა ბასკს.

- რისთვის?

- ალბათ, სტუმრები გყავთ ამ საღამოს.

- არავინ! სრულიად არავინ!

ხმა ვეღარ ამოიღო უან ვალჟანმა.

გაჯავრება ეტყობოდა კომეტს:

- იმ დღეს ცეცხლი აღარ აანთებინეთ ბუხარში. დღეს სავარძლები გაატანინეთ. რას შვრებით? ვეღარ გამიგია.

- მშვიდობით, - წაილულლულა უან ვალჟანმა.

ვერ თქვა, „მშვიდობით, კომეტ“, მაგრამ ვერც ის თქვა, მშვიდობით, ქალბატონო.

გულმოკლული წავიდა შინისკენ.

ახალ კი მიხვდა ყველაფერს.

მეორე დღეს აღარ მივიდა. კომეტს მხოლოდ ღამე მოაგონდა, რომ იმ დღეს არ ენახა მამობლი.

- ნეტავ რა მოხდა? დღეს არ მოსულა ბატონი უანი.

რალაც ტკივილი იგრძნო გულში, მაგრამ მარიუსის კოცნამ გაუქარვა და დაავინცა.

არც მესამე დღეს მივიდა.

კომეტმა ვერც კი შენიშნა. კარგად გაატარა საღამო. კარგად ეძინა, როგორც ყოველთვის და რომ გამოეღვიძა დილით, მაშინ მოაგონდა უან ვალჟანი. თავისი ბედნიერებით თვრებოდა. მაშინვე გაგზავნა ნიკოლეტი ბატონ უანთან, იკითხეთ, ავად ხომ არ არის და წუხელის რატომ არ მოვიდაო? ნიკოლეტმა ბატონი უანის პასუხი

მოუტანა, ავად არ ყოფილა, საქმეები ჰქონდაო. მალე გიახლებათ. მაშინვე, როგორც კი შეიძლება და გარდა ამისა, პატარა ხნით სხვაგან წასვლასაც აპირებსო. უნდა ახსოვდეს ქალბატონს, რომ ჩვეულებად ჰქონდა ხანდახან, დროგამოშვებით, სამგზავროდ წასვლა. დაე, მასზე ნუ ფიქრობენ და ნუ შეწუხდებიანო.

ნიკოლეტი რომ უან ვალჟანთან მივიდა, სიტყვასიტყვით გაუმეორა თავისი ქალბატონის ნათქვამი:

- ქალბატონმა გამომგზავნა, გკითხოთ, ავად ხომ არ ხართ და გუშინ რატომ არ მოხვედით?

- წუხელის კი არა, ორი დღეა, არ მოვსულვარ, - თქვა გულმოკლულმა უან ვალჟანმა.

მაგრამ ამას ნიკოლეტი ვერ მიუხვდა და ქალბატონსაც არაფერი უთხრა.

თავი მეოთხე

მიზიდვა და განზიდვა

1833 წლის გაზაფხულის ბოლოს და ზაფხულის დასაწყისში მარესუბნელები, ვაჭრები და ქუჩის კართან მოგროვილი უსაქმურები ერთ მოხუცს, შავტანისამოსიან კაცს ხელავდნენ ერთსა და იმავე დროს, ყოველ საღამოს. ლომ-არმეს ქუჩიდან გამოდიოდა, სენტ-კრუა დე ლა ბრეტონიერის მხრიდან, ბლან-მანტოს წინ გაივლიდა, სენტ-კატერინის ქუჩაზე გავიდოდა, ემაპრის ქუჩასთან რომ მივიდოდა, მარცხნივ შეუხვევდა და სენტ-ლუის ქუჩას გაუყვებოდა.

იქ კი ნელი ნაბიჯით მიდიოდა. თავი წინ ჰქონდა წაწეული, არც რამეს ხელავდა, არც რამე ესმოდა, თვალი ყოველთვის მიმართული ჰქონდა ერთი და იმავე წერტილისკენ, რომელსაც მისთვის ბრწყინვალე ვარსკვლავის მნიშვნელობა უნდა ჰქონოდა. მიდიოდა ფილ-დე-კალვერის ქუჩის კუთხისკენ. უახლოვდებოდა ამ ქუჩის კუთხეს და ნელ-ნელა სინათლე ედებოდა მის მიმკვდარებულ თვალს; სიხარული გამოსჭვივოდა მის თვალთავან, თითქოს სულიერ განთიადს განიცდიო. სახეზე ნეტარება გადაჰფენოდა. ტურებს აცმაყუნებდა, თითქოს ვიღაც უხილაეს ელაპარაკებო, იღიმებოდა და ნელი ნაბიჯით მიდიოდა, რამდენადაც კი შეიძლებოდა. იტყოდით, სულით მისწრაფვის იმ წერტილისაკენ, მაგრამ ეპინია იმ წამისა, როდესაც სასურველს მიაღწევსო. და როდესაც პატარა მანძილია დარჩებოდა მასა და იმ ქუჩის შუა, რომელიც ასე იზიდავდა საბრალოს, სულ რამდენიმე სახლი, იმდენად ნელი იყო მისი ნაბიჯი, რომ შეიძლებოდა გეფიქრათ, მიდის ეს კაცი თუ აქვე დგასო? თავი უკანკალებდა, თვალი გამტერებით შესცქეროდა ერთ წერტილს და ისარს მოგაგონებდათ, რომელიც თავისი პოლუსისკენ მიიწევს. რაც უნდა დაეგვიანებინა თავის მიზანთან მისვლა, ბოლოს მაინც უნდა მისულიყო; მივიდოდა ფილ-დე-კალვერის ქუჩასთან, გაჩერდებოდა, კანკალებდა, უკანასკნელი სახლის კუთხიდან გაუგებარი შიშით გასცქეროდა ამ ქუჩას და რაღაც ესახებოდა მწუხარე თვალში, ნეტარება მიუღწევლისა და ანარეკლი სამოთხის დაკეტილი კარისა. მერე ცრემლი გამოუჩნდებოდა ხოლმე ქეთუთოებში, ნელ-ნელა გროვდებოდა და რომ ვედარ დაეტეოდა, ნელ-ნელა ჩამოჰყვებოდა ლოყას და პირზე მიადგებოდა ხოლმე. ამ ცრემლის სიმწარეს იგრძნობდა მოხუცი. პატარა ხანს იდგა ასე უძრავად, თითქოს გაქვავებულიყოს; მერე გაბრუნდებოდა, მიდიოდა იმავე გზით, იმავე ნაბიჯით

და რაც უფრო და უფრო შორდებოდა იქაურობას, მით უფრო უქრებოდა თვალში სიცოცხლე.

მერე, ვეღარ შეძლო, ალბათ, და ვეღარ მიდიოდა ფილ-დე-კალვერის ქუჩის კუთხემდე. შუა გზაში გაჩერდებოდა ხოლმე, სენ-ლუის ქუჩაზე; ხან უფრო მეტად მიუახლოვდებოდა თავის მიზანს, ხან ნაკლებად. ერთხელ სენტ-კატერინის ქუჩას ვეღარ გასცდა და იმ სიშორიდან გასცქეროდა ფილ-დე-კალვერის ქუჩას. მერე თავი გააქნია. თითქოს უარს ეუბნება თავსო, და უკან გაბრუნდა.

მერე სენ-ლუის ქუჩამდეც ვეღარ მიდიოდა; ჰავეს ქუჩამდე მივიდოდა, თავს გაიქნევდა და გაბრუნდებოდა. ცოტა ხანში ესეც ვეღარ შეძლო და ტრუა-ჰავიონის ქუჩას ვეღარ აჯობა; მერე ბლან-მანტომდეც ძლივს მიდიოდა. მოუმართავი საათის ქანქარას ჰგავდა, რომლის რხევა თანდათან მცირდება და აგერ-აგერ სულაც გაჩერდება.

ყოველდღე ერთსა და იმავე დროს გამოდიოდა თავისი სახლიდან და სულ იმავე გზას მიუყვებოდა, მაგრამ ბოლომდე ვეღარ აღწევდა და იქნება თავისდა შეუმჩნეველად უფრო და უფრო ამცირებდა გავლილ მანძილს. მხოლოდ ერთი ფიქრი ისახებოდა მის სახებზე: „რისთვის?“ თვალი ჩამქრალი ჰქონდა; სიცოცხლის აღარაფერი ეტყობოდა; ცრემლი ჩაშრობოდა და ქუთუთოების კუნჭულში ვეღარ გროვდებოდა; გამშრალი ჰქონდა ჩაფიქრებული თვალი, თავი ისევ წინ წაწეული; ნიკაპი შეერხეოდა ხანდახან; დანაოჭებული ჰქონდა გამხდარი კისერი. თუ ავდარი იდგა, ქოლგა ეჭირა ხელში, მაგრამ კი არ გაშლიდა.

შესცქეროდნენ დედაკაცები და, შემოილიაო, - იძახდნენ. ბავშვები გამოეკიდებოდნენ ხოლმე სიცილით.

წიგნი მეცხრე

სრული წყვილი და წმინდა განთიადი

თავი პირველი

შეიბრალებით უბედურნი, შეიწყნარეთ ბედნიერნი

რა საზარელი რამ არის ბედნიერება! როგორ აკმაყოფილებს ადამიანს! როგორ უვსებს გულს! როგორ ათრობს სიცოცხლის თაღლითი მიზნით - ბედნიერებით და ავინყებს ჭეშმარიტ მიზანს - ვალდებულებას!

მაგრამ მაინც ვიტყვით, მართალი არ იქნება, ვინც მარიუსს გაამტყუნებს.

მარიუსს, - ეს ზევითაც ვთქვით, - ჯერისწინამდე არავითარი კითხვა არ მიუცია ბატონი ფოშლევანისთვის და მერე კი, უან ვალჟანთან საუბრის შემდეგ, ვეღარ ბედავდა. ძალიან ნანობდა, რომ დაჰყვა უან ვალჟანს და მისი ვედრების ასრულება აღუთქვა. არ უნდა დამეთმო მისი მწუხარებისთვის, არ უნდა შემბრალებოდაო, - იძახდა სინანულით. ამიტომ ის იკმარა ჯერჯერობით, რომ სახლიდან ნელ-ნელა დაითხოვა უან ვალჟანი, და ცდილობდა, რამდენადაც კი შეიძლებოდა, კოზეტის გულიდან ამოეგდო მამობილი. თითქოს კოზეტსა და უან ვალჟანს შუა იდგა, ყოველთვის დარწმუნებული, რომ თუ მარიუსი გვერდით ეყოლებოდა, კოზეტი უმამობას ვეღარ შენიშნავდა და მიეჩვეოდა. ეს იყო უფრო მეტი, ვიდრე მოშორება, ეს სრული დაჩრდილება იყო.

საჭიროდ მიაჩნდა ეს ღონისძიება მარიუსს და სამართლიანად უნ ვალჟანის მოსაშორებლად, არა უკმეხად, პანლურის ცემით, მაგრამ მაინც უნდა მოეშორებინა. დარწმუნებული იყო და საფუძვლიანი საბუთებიც ჰქონდა, რომლებიც გავაცანით მკითხველს. სხვასაც კიდევ მომავალში გავაცნობთ.

რალაც საქმეს იცავდა სასამართლოში; ლაფიტის ბანკის ერთი ძველი მოსამსახურე შეხვდა და მისგან გაიგო სრულიად შემთხვევით ბევრი რამ ისეთი, რომლის ძიებას ვერ დაიწყებდა, რადგან სიტყვა მისცა უნ ვალჟანს, ჩემს მეტს არავის ეცოდინება ეს საიდუმლოებაო, და გარდა ამისა, ეშინოდა კიდევ, რომ უფრო მეტად არ დაემძიმებინა უნ ვალჟანის მდგომარეობა. ამ დროს სულ იმის ცდაში იყო მარიუსი, რომ გავეო როგორმე, ვისი იყო ის ექვსასი ათასი ფრანკი და პატრონისთვის ჩაებარებინა. ამ ფულის დაბრუნება უნმინდეს მოვალეობად მიაჩნდა და მალულად, ფრთხილად ეძებდა პატრონს. მანამდე კი ხელუხლებლად ინახავდა ბანკში.

კოზეტმა ამ საიდუმლო გარემოებისა არაფერი იცოდა. მაგრამ ნურც გავამტყუნებთ: როგორ მიხვდებოდა, რომ ეჭვიც არაფრისა ჰქონდა.

მარიუსიდან გამომავალი მაგნეტიზმის ყოვლისშემძლე დენი სცემდა და ისიც ისე იქცეოდა, ინსტინქტურად და თითქმის შეუგნებლად, როგორც მარიუსს სურდა. „ბატონი უანის“ შესახებ მარიუსის სურვილს ხედებოდა და ამ სურვილს ემორჩილებოდა. მარიუსის თქმა საჭირო არ იყო; მის ფარულ წადილს ბრმად მინდობდა. იმდენად მორჩილი იყო თავისი ქმრის სურვილისა, რომ თვითონაც არ იხსენებდა იმას, რისი დავინწყებაც უნდოდა, არავითარი ძალდატანება არ სჭირდებოდა ამისთვის. თვითონაც არ იცოდა, როგორ მოხდა, რომ ასე მჭიდროდ შეუერთდა მისი სული მარიუსისას: პატარა ჩრდილი რომ მოხვდებოდა მარიუსის ფიქრს, იგი ბნელით მოსავდა კოზეტის გონებასაც.

მაგრამ ნურც ძალიან შორს წავალთ. უნ ვალჟანის ასე მივიწყება და თითქმის განშორება მართო გარეგანი მხარე იყო. ამ მხრივ კოზეტს გარინდება მოერეოდა და არა დავინწყება. ისევ ისე გულით უყვარდა ის კაცი, რომელსაც იმდენი ხნის განმავლობაში მამას ეძახდა. მაგრამ თავისი ქმარი უფრო უყვარდა; ეს იყო მიზეზი, რომ უფრო მარიუსისკენ მიიწევდა კოზეტის გულის სასწორის პინა.

ხანდახან ლაპარაკს დაიწყებდა უნ ვალჟანზე და გაკვირვებას გამოთქვამდა, მარიუსი კი ამშვიდებდა:

- ალბათ, სადმე წავიდა. აკი თქვა, წასვლას ვაპირებ, პატარა მგზავრობა მომიხდებო.

და კოზეტიც ეთანხმებოდა:

- მართალია, ჩვეულებად ჰქონდა, გაქრებოდა ხოლმე ხანდახან, მაგრამ დიდი ხნით კი არა.

ორჯერ-სამჯერ გავზავნა ნიკოლეტი ლ'ომ-არმეს ქუჩაზე, მიდით და იკითხეთ, დაბრუნდა ბატონი უანი თუ არაო.

უნ ვალჟანიც შეუთვლიდა ხოლმე პასუხს, - ჯერ არ დაბრუნებულაო.

ეს იკმარა კოზეტმა. მას ამქვეყნად მარიუსის მეტი აღარავინ ესაჭიროებოდა.

ისიც ვთქვათ, რომ თავის მხრივ მარიუსი და კოზეტიც წასულიყვნენ პარიზიდან; ვერნონში იყვნენ; მარიუსს თავისი მამის საფლავის სანახავად წაყვანა კოზეტი.

მარიუსმა ნელ-ნელა ჩამოაყილა უნ ვალჟანს კოზეტი და კოზეტიც დაჰყვა ნებას.

ერთი რამ არის, რომ არ უნდა ვიზინყებდეთ: ზოგ შემთხვევაში მეტისმეტად ვაზვიადებთ შვილების უმადურობას. ყოველთვის არ არის ისე გასაკვირი, როგორც ჩვენ გვგონია. ეს ბუნების უმადურობაა. ბუნება, - ეს სხვაგანაც გვითქვამს, - წინ იცქირება. ბუნება ყოფს ცოცხალ არსებებს; ერთ ნაწილში მომავალნი ჰყავს, მეორეში მიმავალნი; მიმავალთ პირი ბნელისკენ აქვთ, მომავალთ კი ნათლისკენ და აქედან - განშორება, რომელიც მოხუცების მხრივ აუცილებელია და ყმაწვილების მხრივ - უნებური. ეს განშორება, თავდაპირველად ძნელად საგრძნობი, თანდათან იზრდება, როგორც ყოველი განშტოება: დედახეზე არიან ტოტები, მაგრამ უფრო და უფრო შორდებიან; ეს მათი ბრალი არ არის. სიყმაწვილე იქით მიდის, სადაც სიხარულია, მხიარულება, ტკბილი სინათლე, სიყვარული, სიბერე კი განსვენებისკენ. ერთად არიან, თვალს არ აშორებენ ერთმანეთს, მაგრამ ის სიყვარული კი აღარ არის. სიყმაწვილეს სიცოცხლის სიცივე ერევა, სიბერეს - აკლდამის სიცივე. ნუ გავამტყუნებთ ჩვენს საწყალ შვილებს.

თავი მეორე

ნავთჩამწვარი ლამპრის უკანასკნელი ბუუტვა

ერთ საღამოს კიდევ ჩამოიარა უან ვალჟანმა თავისი კიბე, სამი ნაბიჯი გადადგა ქუჩაში და ბონკინტზე ჩამოჯდა, იმ ბონკინტზე, რომელზეც 5 ივნისის ღამით გავროშმა ნახა ჩათფიქრებული. ცოტა ხანში შინ ავიდა. ეს ქანქარის უკანასკნელი რხევა იყო. მეორე დღეს შინიდან ვეღარ გამოდიოდა, მერე კი ლოგინიდანაც ვეღარ ადგა.

სადილს მეკარე უმზადებდა; კარტოფილს გაუკეთებდა, ან კომბოსტოს ღორის ქონით.

დახედა თეფშებს მეკარემ და შესძახა:

- გუშინ არაფერი გიჭამიათ, საბრალოც!

- როგორ არა, - უთხრა უან ვალჟანმა.

- ეს თეფში კი ხელუხლებელია და...

- აბა, დოქი ნახეთ, ცარიელია.

- ეს იმას ამტკიცებს, რომ წყალი ვისვამთ, და არა იმას, რომ გეჭამოთ რამე.

- რა ვქნა, რომ წყლის მეტი არაფერი მინდოდა.

- მაგას წყურვილი ჰქვია. და თუ გწყურიათ და არ გმიათ, ესე იგი, სიცხე გაქვთ.

- ხვალ კარგი მადა მექნება.

- ან სამეზობას. რატომ დღეს არა? ვინ იტყვის, ხვალ ვჭამო? ხელი არ გიხლიათ

ჩემი ნამზადისთვის. მერე რა კარგად მოვხრაკე.

ხელი დაუჭირა ბებერ დედაკაცს უან ვალჟანმა:

- პირობას გაძლევეთ, რომ შევჭამ, - უთხრა ალერსიანად.

- ძალიან მაჯავრებთ, ბატონო, - უპასუხა მეკარემ.

ამ კეთილი დედაკაცის გარდა სხვას ვერავის ხედავდა უან ვალჟანი. მრავლად მოიპოვება პარიზში იმგვარი ქუჩა, სადაც არაფინ გაივლის, და იმგვარი სახლი, სადაც არაფინ შედის. ამგვარი ქუჩათაგანი იყო ლ'ომ-არმეს ქუჩა და ამგვარი სახლთაგანი იყო მისი სახლი.

მანამ სიარული შეეძლო და ქუჩაში გადიოდა, ერთი პატარა თითბრის ჯვარცმა იყიდა და ლურსმანზე დაკიდა თავის სანოლის პირდაპირ. ჯვარცმა ყოველთვის თვალწინ უნდა ჰქონდეს ადამიანს.

ერთი კვირა ისე გავიდა, რომ ფეხი არ ჩამოუდგამს კიბეზე. იწვა, ველარ ღვებოდა, მეკარე შესჩიოდა თავის ქმარს:

- ველარ ღვება ის საბრალო კაცი. აღარც ჭამს, დიდხანს ველარ იცოცხლებს. ეტყობა, დარდი აქვს რამე. თუნდაც დავიფიცებ, რომ ცუდად გაათხოვა ის უბედური ქალი.

ქმარმა იმ კილოთი უპასუხა, რომელიც შეშვენიის ქმრის უპირატესობას:

- თუ შეძლება აქვს, ექიმი მოიწვიოს. თუ არა აქვს, უექიმოდ იყოს. თუ ექიმი არ ეყოლება, მოკვდება.

- ექიმი რომ მოიყვანოს? - ჰკითხა ცოლმა.

- მაინც მოკვდება.

ძველი დაუანგული დანა ეჭირა მეკარის ცოლს და მისი ოთახის წინ „თავის ქვაფენილზე“ ამოსულ ბალახს გლეჯდა, ქვებზეა ჭრიდა, თან ბუტბუტებდა:

- სანყალი კაცი. მოხუცია და ისეთი სუფთა. თეთრია, როგორც წინილა.

ამ დროს თვალი მოჰკრა ქუჩაში მიმავალ იმ უბნის ექიმს. წინ მიეგება და სთხოვა, ავადმყოფი ენახა.

- მესამე სართულზე, ბატონო. პირდაპირ შებრძანდით. ფეხზე ველარა ღვებ ის სანყალი და გასაღებიც იქვე გახლავთ, კარის კლიტეში.

ავიდა ექიმი, ნახა უან ვალჟანი, მოელაპარაკა.

რომ ჩამოდიოდა, წინ დაუხვდა მეკარე.

- ნახეთ, ბატონო?

- ძალიან ცუდად არის თქვენი ავადმყოფი.

- რა სჭირს, ბატონო?

- ყველაფერი და არაფერი. როგორც ეტყობა, უბედურს, საყვარელი არსება დაუკარგავს. ესაა, რომ კლავს.

- მერე რა გითხრათ?

- ავად არა ვარო.

- კიდევ მობრძანდებით, ბატონო?

- დიახ, მაგრამ საჭიროა, ახლობლებმაც მოინახულონ.

თავი მესამე

კალამი ემძიმება ფოშლეგანის ტვირთის ამწევს

ძლივძლივობით წამოიწია ერთ საღამს უან ვალჟანმა, იდაყვზე დაეყრდნო, მაჯის გასინჯვა უნდოდა, მაგრამ ვერ იპოვა. სუნთქვა მოკლე ჰქონდა და ხან სულაც ეკვროდა. თვითონვე ხედავდა, რომ ასე მისუსტებული არასოდეს ყოფილა. მაშინ, რაღაც წმინდა მოვალეობის ასასრულებლად, - უეჭველია, ასე უნდა ყოფილიყო, - მოიკრიბა ძალა, წამოჯდა და ჩაიყვა თავისი ძველი, მუშის ტანისამოსი. რაკი სახლიდან აღარ გადიოდა, ძველი მოაგონდა და ის ირჩია. ჩაქმის დროს რამდენჯერმე შეისვენა, ისე იყო მისუსტებული. ხალათში ხელების გაყოფა ისე გაუჭირდა, რომ ოფლმა დაასხა შუბლზე.

რაკი ავად იყო და ვეღარ დგებოდა, თავისი სანოლი წინა ოთახში გაატანინა, რომ რაც შეიძლება იშვიათად ენახა თავისი უკვე ცარიელი ბინა.

პატარა ჩანთა გახსნა და კოზეტის ტანისამოსი ამოალაგა. თავის ლოგინზე გაშალა.

ეპისკოპოსის შანდლები თავის ადგილას ჰქონდა, ბუხრის თავზე, უჭრიდან ორი წმინდა სანთელი ამოიღო და შანდლებში ჩაამაგრა. ზაფხული იყო, ჯერ ისევ დღე, არ ბნელოდა, მაგრამ ორივე ანთო. ხანდახან ასე ანთებულ სანთლებს თუ დაინახავს ადამიანი სადმე ოთახში, ეს უტყუარი ნიშანია, რომ იქ მიცვალებული ასვენია.

ძლივს დადიოდა, ავეჯს ეჭიდებოდა, წამდაუნუმ სკამზე ეშვებოდა, რომ არ წაქცეულიყო. ეს არ იყო ჩვეულებრივი დაღლა, რომელიც ხარჯავს ძალას, რომ დაუყოვნებლივ განიახლოს; ეს შესაძლებელი მოძრაობის ნაშთი იყო; ეს იყო ამონურული სიცოცხლე, რომელიც წვეთ-წვეთად იშრითებოდა ამ ძალისხმევაში და ვეღარ განახლდებოდა.

ერთ სკამზე დაეშვა კიდევ, სარკის პირდაპირ. ამ სარკეში იყო, რომ საშრობიდან უკუღმა მოჩანდა კოზეტის წერილი; წაიკითხა და განსაცდელს გადაარჩინა მარიუსი. ხედავდა სარკეში თავის თავს და ვეღარა ცნობდა. ოთხმოცი წლისას დამგვანებოდა. მარიუსის ქორწინებამდე ორმოცდაათი წლის ჭარმაგ მამაკაცს ჰგავდა. ოცდაათი წლის ვარამი მიეყენებინა ამ ერთ წელიწადს. შუბლი რომ დანაოჭებული ჰქონდა, სიბერისა კი არა, სიკვდილის იდუმალი ნიშანი იყო. პირდაპირ ეტყობოდა, რომ უმონწყალო ნესტარი ჩასობოდა და ის უჩიჩქნიდა გულს. ლოყა ძირს დამშვებოდა. ისეთი ფერი ედო სახეზე, რომ იტყოდით, ამ კაცს უკვე მინა აყრიაო. ძირს დამშვებოდა პირის კუთხე სწორედ ისე, როგორც ძველად საფლავის ქვაზე სახავდნენ მიცვალებულს. საყვედურით შესქეროდა სიცარიელეს. დიდებულ, ტრაგიკულ არსებას ჰგავდა, რომელსაც მრავალი უბედურება უნახავს და ჩვილის უფლება აქვს.

იმ მღვდმარეობაში იყო საწყალი, ღონემიხდილის უკანასკნელ წამში, როდესაც აღარ იძვრის გულისტკივილი, თითქოს შედედებულა და ლოდივით აწვეს სასონარკვეთილსო.

დაღამდა, ბუხართან მიათრია დიდი გაჭირვებით მაგიდა, ერთი ძველი სავარძელი, მაგიდაზე საწერ-კალამი და ქაღალდი დაალაგა. დაალაგა და გული წაუვიდა. რომ მოსულიერდა, წყურვილი იგრძნო; წყლით სავსე გოგზაკი რომ ვეღარ ასწია, დაიჩოქა, დაენათა და პირი გაისველა.

მერე ისევ თავის ლოგინთან მიცოცდა, ფეხზე დგომა აღარ შეეძლო, კოზეტის კაბას და მის სხვა ტანისამოსს დააცქერდა.

რამდენიმე საათი გაატარა ასე, თავის შვილობილის, პატარა გოგონას ტანისამოსს შეხაროდა, და მას კი რამდენიმე წუთად ეჩვენა. და უცებ შეაჟრჟოლა, სიცივე იგრძნო, ისევ მაგიდას მიუჭდა, ეპისკოპოსის შანდლებით განათებულს, და კალამი აიღო.

დიდი ხნის უხმარი იყო კალამი, წვერი მოკაკული ჰქონდა, სამელნეში მელანი გამშრალიყო; წამოდგა, როგორც იქნა, სამელნეში რამდენიმე წვეთი წყალი ჩაასხა, ისიც დიდი წვალეებით, კინაღამ წაიქცა. კალმის გასწორება შეუძლებელი იყო, გადააბრუნა და ზურგით იხმარა. წერდა და თან შუბლს იწმენდა. წურწურით სდიოდა ოფლი.

ხელი უკანკალებდა. ნელა წერდა, დიდი გაჭირვებით: „დაგლოცავ, კოზეტ, მინდა ავიხსნა. შენი ქმარი მართალი იყო, რომ შემავნებინა ჩვენი განმორების საჭიროება. პატარა შეცდომა იყო ამ საქმეში, რომელიც ვერ შენიშნა, თორემ სრულიად მართალი

იყო. კარგი კაცია შენი ქმარი. გიყვარდეს, როგორც ახლა გიყვარს, შვილო, ყოველთვის, როდესაც მე აღარ ვიქნები. ბატონო ჰონმერსი, თქვენც გიყვარდეთ ჩემი საყვარელი შვილი. ახლა ციფრებს მოვიყვან, თუ ღონემ არ მიმტყუნა და მომაგონდა. ყური დამიგდე, ეს ფული შენია, შენი საკუთრებაა. აი, როგორ იყო საქმე: ქარვა ნორვეგიიდან მოდის, გიშერი ინგლისიდან, შავი მინა გერმანიიდან. გიშერი უფრო მსუბუქია, უფრო ძვირფასი. საფრანგეთში შეიძლება გიშრისმაგვარის გაკეთება, როგორც გერმანიაში აკეთებენ. საჭიროა ხუთი სანტიმეტრის სიგრძე-სიგანის პატარა გრდემლი და სპირტის ლამპა ცვილის დასალობად. ცვილს უნინ რეზინისას და ჭვარტლისას აკეთებდნენ და რვა ფრანკი ღირდა კილოგრამი. მე მოვახერხე ამ ცვილის სხვაგვარად გაკეთება, მასალად ფისი და ბელეკონი ვიხმარე, და კილოგრამი ფრანკ-ნახევარი მიჯდებოდა. ღილებს იისფერი შუშისას აკეთებენ, პატარა რკინაზე დააკრავენ ამ ცვილს. თუ რკინისას აკეთებენ რამეს, მინა იისფერი უნდა და თუ ოქროსას, მინა შავი სჯობია. ესპანეთში დიდი გასავალი აქვს ამ საქონელს. გიშრის ქვეყანა არის სწორედ...”

შეწყვიტა წერა, კალამი გაუვარდა ხელიდან. ქვითინი წასკდა უცბად, იმედმიხდილი, გულის სიღრმიდან ამომავალი მწარე ქვითინი. ხელებზე დაუშვა თავი და ფიქრებს გაჰყვა.

„ოჰ, - შეჰყვირა გულში. საზარელია ეს ყვირილი. ღმერთის მეტს არავის ესმის, - გათავდა, მორჩა, ვეღარა ვნახავ!“

- როგორც ღიმილი, წამით მეჩვენა და მიმატოვა. ეჰ, ისე გავალ წუთისოფლიდან, რომ ვერც კი გამოვფთხოვები. ოჰ, წამით რომ მენახა! ერთხელ კიდევ გამეგონა მისი ხმა! ერთხელ კიდევ მენახა ჩემი ანგელოზი და მერე თუნდაც სიკვდილი მოვიდეს! სიკვდილი არაფერია. საშინელი ის არის, რომ მის უნახავად ვკვდები! ერთხელ კიდევ შემოეხედა ჩემკენ ღიმილით, ერთხელ კიდევ ეთქვა რამე მომაკვდავისთვის! ნუთუ სანყენი იქნებოდა ვისთვისმე? არა, გათავებულია, ვეღარა ვნახავ! მარტოდმარტო ვარ, მივინყებულები. ოჰ, ღმერთო ჩემო, ვეღარ ვნახავ!

ამ ღროს კარზე დააკაკუნეს.

თავი მეოთხე

ერთი ბოთლი მელანი, რომელიც მხოლოდ ^{[[[}ათვთრებს

სწორედ იმ დღესვე, უკეთ რომ ვთქვამთ, იმ საღამოსვე, წასადილევს, თავის კაბინეტში რომ შევიდა მარიუსი, ბასკმა წერილი მიართვა და მოახსენა:

- ამ წერილის დამწერი წინა ოთახში გახლავთ.

კოზეტი და ბატონი ჟილნორმანი ხელიხელგაყრილი ბაღში ჩასულიყვნენ სასეინროდ.

წერილს, როგორც ადამიანს, შეიძლება ცუდი ფერი ჰქონდეს. სქელი ქაღალდი, დასრესილი, ჭუჭყიანი, - შეხედავთ და შეგებარებათ. სწორედ ამნაირი იყო ბასკის მიერ მორთმეული წერილი.

აიღო მარიუსმა. თამბაქოს სუნად ყარდა. სუნისთანა კარგად არაფერი აცოცხლებს დავინყებულს. მარიუსმაჰ მაშინვე იცნო ეს თამბაქო. მერე მისამართს დახედა, - „ბატონ ბარონ ჰონმერსის, საკუთარ სასახლეში“. თამბაქო რომ იცნო, თამბაქომ კიდევ

დამწერის ხელი მოაგონა. შეიძლება ვთქვათ, განცვიფრებასაც აქვს თავისი ელვისებური სინათლე. ერთმა ამგვარმა ელვამ გაურბინა თვალწინ მარიუსს. ცნოსვამ, მესხიერების ილუმალმა თანაშემწემ, მთელი ქვეყანა მოაგონა. ისეთივე ქალაქი იყო, ისევე დაკეცილი, ისეთივე ბაცი მელანი, იგივე ნაცნობი ხელი და მეტადრე იგივე თამბაქო.

ჟონდრეტის ბუნავი წარმოუდგა თვალწინ.

ესეც შემთხვევის მოულოდნელი ქამანდი იყო. მარიუსი თვითონვე დაეძებდა ორი კაცის კვალს. ყოველ ღონისძიებას ხმარობდა, გაეგო რამე და ვერას გახდა. საბოლოოდ დაკარგულად მიიჩნია მათი კვალი და აი, ერთი მათგანი თვით მისულიყო მის სანახავად.

სწრაფად გახსნა წერილი და წაიკითხა:

„ბატონო ბარონო,

უმაღლესი არსება რომ დამხმარებოდა და ჩემთვისაც მოეცა ნიჭი, დღეს ბატონი ტენარი ვიქნებოდი, ინსტიტუტის წევრი (სამეცნიერო აკადემიის); მაგრამ მე ის არ გახლავართ. მისი გვარის კაცი გახლავართ, და ბედნიერი იმით, რომ მისი სახელი გამიადგილებს თქვენი გულკეთილობისა და ყურადღების მოპოვებას. თქვენი წყალობა მინდა და მინდა ღირსეულადაც გადაგიხადოთ. მე მივაგენი ერთი კაცის საიდუმლოებას, რომელიც ახლოებელია თქვენი; ვიცი, ვინ არის, რა არის, ყოველივე ამას თვალწინ გადაგიშლით, რადგან მინდა გემსახუროთ რითიმე. სულ უბრალო საშუალებას მოგართმევთ, რომ გააგდოთ თქვენი პატივცემული ოჯახიდან ის კაცი, რომელსაც არავითარი უფლება არა აქვს იქ იმყოფებოდეს, რადგან ქალბატონი თქვენი მეუღლე უმაღლესი შთამომავლობის ბრძანდება. სათნოების საკურთხეველს არ შეუძლია დიდხანს იყოს ერთად ბოროტმოქმედებასთან და უნდა მოიშოროს დაუყოვნებლივ.

წინკარში ველი ბატონი ბარონის ბრძანებას.

პატივისცემით“.

ამ წერილს ხელს აწერდა „ტენარი“.

ყალბი არ იყო ხელწერილი, შემოკლებული იყო ოდნავ. წერილის თვით შინაარსი და მართლწერაც კი ძველს აგონებდა მარიუსს. ეჭვი შეუძლებელი იყო.

მღელვარება მოერია მარიუსს. წერილმა გააკვირვა და მეტად გაახარა. ეს ერთი ხომ იშოვა, ისე გულმოდგინედ რომ დაეძებდა. ახლა მეორეც რომ ეშოვა როგორმე, ვინც ბარიკადიდან გამოიყვანა დაჭრილი და სიკვდილს გადაარჩინა, სანატრელი აღარაფერი ექნებოდა.

გააღო უჯრა, გამოსწია, რამდენიმე ბანკის ბილეთი ამოიღო, ჯიბეში ჩაიღო, უჯრა ისევ დაკეტა და დაანჯარუნა.

ბასკმა შემოაღო კარი.

- შემოიყვანეთ ის კაცი!

ცოტა ხნის შემდეგ კარი გააღო ბასკმა და მოახსენა:

- ბატონი ტენარი.

შევიდა ბატონი ტენარი.

ახლა კიდევ განცვიფრება მოელოდა მარიუსს! სრულიად უცნობი იყო მისთვის ეს ბატონი ტენარი.

მოხუცი იყო, დიდცხვირიანი, ნიკაპი ყელსახვევში ჰქონდა ჩამალული; მწვანე სათვალე უმაღლავდა თვალებს და ზემოდან კიდევ ორმაგი მწვანე თავსაბურავის შუქფარი; ჭალარა თმა შუბლზე ჰქონდა ჩამოვარცხნილი წარბებამდე, მდიდარი ინგლისელების მეეტლეების პარიკით; თავით ფეხამდე შავი ტანისამოსი ეცვა, ძალიან გახეხილი, მაგრამ სუფთა; პატარა ძენკვი მოუჩანდა, საათი უნდა ჰქონოდა ჯიბეში; ხელში ძველი ქუდი ეჭირა, მოხრილი დადიოდა და მარიუსს რომ მიესალმა, მაშინ ხომ მთლად მოიხარა.

თვალში ეცემოდა, ვინც კი შეხედავდა, რომ ეს ტანისამოსი, მეტად განიერი, თუმცა თავით ბოლომდე შეკრული, ამ კაცისთვის არ უნდა ყოფილიყო შეკერილი. აქ საჭიროა ერთი გარემოების აღნიშვნა:

იმ დროს პარიზში, ერთ საეჭვო სახლში, არსენალის ახლოს, ბორეილის ქუჩაზე, ერთი მოხერხებული ებრაელი ცხოვრობდა და ხელობად ის ჰქონდა, რომ ყველა მანანწალას პატიოსან კაცად გარდაქმნიდა, ცოტა ხნით, რალა თქმა უნდა. ტანისამოსის გამოცვლა და გაპატიოსნება ერთი-ორი დღით ხდებოდა, ფრანკ-ნახევრის გადახდით დღეში; მკვლელი, ყაჩაღი რომ ყოფილიყო, იმ ტანისამოსს ჩააცმევდა, რაც ყველას ეცვა და მასაც ყველას დაამსგავსებდა. ებრაელს სახელად „გადამცვლელი“ უწოდეს პარიზელმა ქურდბაცაცებმა და ამ სახელით იცნობდა ყველა. ტანისამოსი ბლომად ჰქონდა, ძველი, ნახმარი, მაგრამ ჯერ კიდევ გამოსადეგი. ამ ებრაელთან ყოველგვარ სპეციალობასა და მდგომარეობას თავისი შესაფერი სამოსი ჰქონდა; მის მაღაზიაში ყოველ ლურსმანზე ეკიდა რაიმე გახეხილი, გაცვეთილი საზოგადოებრივი მდგომარეობა; პირველზე დიდებული მოხელის, მეორეზე მღვდლის, მესამეზე ბანკირის, მეოთხეზე სამსახურიდან გადამდგარი კავალერისტის; ერთ მხარეს მწერლის ტანისამოსი მოჩანდა, მეორე მხარეს - არტისტის. ეს ებრაელი განაგებდა იმ საზარელი დრამის მოქმედი პირების შემოსვას, რომელსაც ავკაცობა თამაშობდა პარიზში. მისი ბუნავი წარმოადგენდა კულისებს, საიდანაც გამოდიოდა ქურდობა და სადაც შედიოდა ვერაგობა. დაგლეჯილ-დაფლეთილი ქურდი შედიოდა ებრაელთან, ფრანკ-ნახევარს მისცემდა და ირჩევდა ტანისამოსს, იმ როლისთვის შესაფერს, რომლის ასრულებას იმ დღეს აპირებდა; ჩაიცვამდა და ქურდი უკვე პატიოსან კაცად გადასმულიყო, ამაყად გამობრძანდებოდა ქუჩაში. ტანისამოსს მეორე დღეს უკლებლივ აბარებდნენ პატრონს. არ ყოფილა შემთხვევა, რომ ვინმე ქურდს ავად ესარგებლოს ებრაელის ნდობით. ერთადერთი წუნი ჰქონდა ამ ტანისამოსს, არ უხდებოდა მას, ვისთვისაც არ იყო შეკერილი; ზოგისთვის ვინრო იყო, ზოგისთვის განიერი, გრძელი და კარგად არავის ადგა. თუ საშუალო აგებულებისაზე ცოტა მეტი იყო ქურდი ან ცოტა ნაკლები, ცუდად გრძნობდა თავს ამ ნაჭირავე ტანისამოსში. არც ძალიან მსუქანი უნდა ყოფილიყო კაცი, არც მეტად გამხდარი. ებრაელს ყველაფერი საშუალო ტანის ადამიანისთვის ჰქონდა. მაშინ უხდებოდა ქურდს ეს ტანისამოსი, თუ არც სქელი იყო, არც წვრილი, არც დიდი, არც პატარა. ამ ნაკლს შეძლებისდაგვარად ამყირებდა ებრაელი, მაგრამ ტანისამოსს კი არაფერს უცვლიდა. მისი რა ბრალი იყო? წესიერისთვის ჰქონდა, გამოწკლისისთვის კი არა. სახელმწიფო მოხელის ტანისამოსი, მაგალითად, თავიდან ბოლომდე შავი და, მამასადამე, ვარგისი, ძალიან განიერი იქნებოდა ინგლისელი პიტისთვის და მეტად ვინრო იქნებოდა კასტელსიკალისთვის; „მთავრობის მოხელის ტანისამოსი“ ასე იყო აღწერილი ებრაელის კატალოგში, სიტყვასიტყვით გადმოიწერო: „შავი მაუდის სერთუკი, შავი

ტილოს შარვალი, აბრეშუმის უილეტი, წაღები, საცვალი“ და იქვე მინანერი ჰქონდა „ელჩად ყოფილის ტანისამოსი“. ერთს კიდევ ამოვნერთ ამ კატალოგიდან: „ცალკე უჯრაში, ერთი კარგად, სუფთად დახუჭუჭებული პარიკი, მწვანე სათვალე, საათის ძეგკვი, ბრელოკები და ბატის ფრთის ორი პატარა, სანტიმეტრის მეოთხედის სიგრძის ბამბაშემოხვეული მილი“. მთავრობის მოხელის, ელჩად სადმე ნამყოფის უნდა ყოფილიყო ეს ტანისამოსი; თავისი დღენი მოეჭამა, თუ შეიძლება ასე თქმა, ნაწიბური გასთეთრებოდა, ღილ-კილოს ღია დარჩენოდა პირი, სწორედ გულზე აკლდა ღილი სერთუკს; მაგრამ ეს ხომ უმნიშვნელო წვრილმანია: მთავრობის მოხელეს ყოველთვის გულზე უნდა ედოს ხელი და აასრულოს თავისი პირდაპირი მოვალეობა, - დამალოს აწყვეტილი.

მარიუსს რომ ცნობოდა პარიზელი ქურდებისა და ჯიბგირების საიდუმლო დანქნებულელებანი, მაშინვე მიხვდებოდა, როგორც კი დაინახავდა ამ კაცს, რომ ქირით აღებული ტანისამოსი ეცვა, ებრაელი გადამცვლელის მაღაზიაში აღებული.

ენყინა მარიუსს, როდესაც ნახა, რომ სხვა იყო და არა ის, ვისაც ეძებდა, ცუდად დაუხვდა ტენარს და უკმეხად ჰკითხა:

- რა გნებავთ?

მან ზრდილობიანად, ღიმილით უპასუხა და ისე დაალო აღერსით პირი, რომ ნიანგს უფრო ჰგავდა, ვიდრე ადამიანს.

- შეუძლებლად მიმაჩნია, ბატონო, ვიფიქრო, რომ უნინაც არსად მენახოს საზოგადოებაში ბატონი ბარონი. მგონი, ამ რამდენიმე წლის წინ შეეხვდით ერთმანეთს თავადის ქალ ბაგრატიონთან და აგრეთვე საფრანგეთის დიდებულ ვიკონტ დანბრეისთან.

გაიძვრების ტაქტიკა გახლავთ, ძალიან კარგი და მოხერხებული: ისე ეჩვენებიან სრულიად უცნობს, თითქოს დიდი ხნის ნაცნობები იყვნენ.

დიდი ყურადღებით ისმენდა მარიუსი ამ კაცის ყოველ სიტყვას. არ გამოჰპარვია არც მისი კილო, არც მოძრაობა, მაგრამ ვეღარ ცნობდა ამ კაცს, მას, ვისი ნახვაც უნდოდა. პირით კი არ ამბობდა, ცხვირით დუდღუნებდა, ვილაც იყო, სულ სხვახმიანი, ვიდრე ის, ვისაც მარიუსი მოელოდა. არა, ეს ის არ იყო.

- მე არც თავადის ქალ ბაგრატიონს ვიცნობ, - უთხრა მარიუსმა, - არც დანბრეის. არასოდეს ვყოფილვარ არც ერთთან და არც მეორესთან.

უკმეხი იყო პასუხი. ზრდილობას არ უმტყუნა ტენარმა და ერთხელ კიდევ სცადა თავისი გაეყვანა:

- მაშ, ალბათ, შატობრიანთან გნახავდით, ბატონო. ძალიან კარგად ვიცნობ შატობრიანს. რა ზრდილი და გულკეთილი კაცია! ხელს ნამკრავს ხოლმე და მეკითხება, ჰა, ტენარ, მეგობარო, თითოჯერ არ გადავკრათ?

ბრაზი ერეოდა მარიუსს.

- არც ვიცნობ, არც ვყოფილვარ ბატონ შატობრიანთან. გავათავოთ. რა გნებავთ?

მარიუსმა შეუტია და უფრო ღრმად დაუკრა თავი ტენარმა:

- კეთილინებეთ, ბატონო ბარონო, და მომისმინეთ. ამერიკაში, პანამის მხარეს, ერთი სოფელი გახლავთ, უიოდ წოდებული. ერთადერთი სახლი დგას ამ სოფელში, დიდი, ოთხსართულიანი, მგეზე გამომწვარი, ალიბით აშენებული, ოთხკუთხა. სიგრძით ას სამოცდახუთი მეტრი გახლავთ, სიგანითაც ამდენივე. ყოველი სართული ოთხი მეტრით უფრო ვიწროა, ვიდრე ქვედა სართული, ისე რომ, თავისი ბანი აქვს

ყოველ სართულს, როგორც კარგ კომპლექსს შეეფერება. შენობის შუა ეზოში აწყვია სურსათი და იარაღი. ფანჯრების მაგივრად დოლაბები აქვს, კარის მაგივრად - კიბე. ამ კიბით ადიან მერე სართულზე, მერე იდან მესამეში, მერე მეოთხეში. კიბითვე ჩადიან შუა ეზოში. კარების მაგივრად ოთახებს სანათურები აქვთ შიგ ჩამალული კიბით. რომ დაბინდდება, დაკეტავენ სანათურებს, ალაგებენ კიბეებს; დოლაბებში თოფებს აწყობენ გარეთ სასროლად. ყოველად შეუძლებელი გახლავთ იქ შესვლა; დღე სახლი გახლავთ, ღამე მიუვალი ციხესიმაგრე. რვაასი სული მცხოვრები ჰყავს და ეს სახლი გახლავთ მთელი სოფელი. რა საჭიროა ამდენი სიფრთხილე? საშიშია ის ქვეყანა. სახსვს გახლავთ კაციჭამიებით. მაშ, რისთვისღა მიდიან? იმითომ, რომ სასწაულებრივ მიდიან ის ქვეყანა. ოქროს ზოდებს პოულობენ.

- არ იტყვიოთ, რა გნებავთ ჩემგან? - შეაწყვეტინა მარიუსმა, რომელსაც მოთმინება ეკარგებოდა.

- ახლავე, ბატონო. მე ერთი ძველებური დიპლომატი გახლავართ, დაღლილი, თავი მომაბეზრა ჩვენმა ბებერმა ცივილიზაციამ. ახლა მინდა იქ ვცადო ჩემი ბედი, იმ ველებებში.

- მერე?

- ეგოიზმი გახლავთ, ბატონო, ჩვენი ცხოვრების კანონი. დღიურად რომ მუშაობს სხვის ყანაში სოფლელი დედაკაცი, დგას და შესცქერის მიმავალ დილითუნსს; ყანის პატრონი დედაკაცი კი თავის საქმეს აკეთებს და დილითუნსისთვის არ სცალია. ღარიბის ძალი ყფით მისდევს მდიდარს, მდიდრის ძალი კი ყფით მისდევს ღარიბს. ყველა თავისთვის! ადამიანის სიცოცხლის მიზანი შეძენა გახლავთ და ოქრო - ძალ-ღონის აღმძვრელი მაგნიტი.

- მერე? დასკვნა?

- მინდა ავიყარო და ჟოიაში გადავიდე. სამნი გახლავართ, მე, ჩემი მეუღლე და ჩემი ასული; ძალიან ლამაზი ქალიშვილი მყავს, დიდხანს მოგვიხდება მგზავრობა და კარგი ფულიც დაგვეხარჯება. ცოტა ფული მიჭირს, ბატონო.

- და მე რა შუაში ვარ?

უცნობმა კისერი ამოყო ყელსახვევიდან, როგორც ქორმა იცის, და უფრო მეტი ღიმილით უპასუხა:

- მაშ, ბატონ ბარონს არ წაუკითხავს ჩემი წერილი?

ეს თითქმის მართალი იყო. წაკითხვით წაიკითხა, მაგრამ სხვას ეძებდა იქ მარიუსი და არა შინაარსს. ნაწერის ხელს სინჯავდა და არა კითხულობდა. შინაარსი აღარც კი ახსოვდა. ახლა ერთი ნიშანი კიდევ აღმოაჩინა, ძველის მომგონებელი; ყურადღება მიექცია მის ნათქვამს, - ჩემი მეუღლე და ჩემი ქალიშვილი, - დააცქერდა უცნობს, თვალი თვალში გაუყარა; გამომძიებელი არ დააცქერდებოდა ასე დამნაშავეს. სასამართლოს გამომძიებელივით ადგა თავზე. მხოლოდ მოუჭრა:

- მოკლედ, რა გნებავთ?

ტენარმა ორივე ხელი ჯიბეში ჩაიყო, თავი მაღლა აიღო, ოღონდ ისე, რომ წელმოხრილი დარჩა, და თვითონაც გამომცდელი თვალით შეჰყურებდა მარიუსს თავისი მწვანე სათვალისაგან.

- ძალიან კარგი, ბატონო ბარონო. მე მინდა ერთი საიდუმლო მოგყიდოთ.

- საიდუმლო?

- დიახ, ბატონო.

- რომელიც მე შემეხება?
- ოდნავ, ბატონო.
- რა საიდუმლო?

ყურს უგდებდა მარიუსი და თვალს არ ამორებდა.

- აი, უსასყიდლოდ ვინცებ, ბატონო. ნახავთ, როგორი საინტერესო კაცი გახლავართ.

- თქვით!
- ბატონო ბარონო, თქვენ თქვენთან გყავთ ერთი ქურდი და მკვლეელი. აკანკალდა მარიუსი.
- ჩემთან? არა!

უცნობმა სრულიად დამშვიდებით იდაყვი გადაუსვა თავის ქედს და განაგრძო:

- მკვლეელი და ქურდი! ვთხოვთ, მხედველობაში იქონიოთ, ბატონო, რომ მე არაფერს მოგახსენებთ ძველს, წინანდელს, დროგასულს, რომელიც შეიძლება ნაშლილი იქნეს კანონის ბრძანებით, ან ღვთის წინაშე ცოდვის მონანიებით. მე მოგახსენებთ აწინდელს, სულ ახალთახალს, ჯერ კანონისაგან გამოუძიებელს. დიახ, განვაგრძოთ: ამ კაცმა როგორღაც მოიპოვა თქვენი ნდობა და თქვენს ოჯახშიც კი შემოძვრა ყალბი სახელით. მე მოგახსენებთ მის ნამდვილ სახელს. ამასაც უსასყიდლოდ მოგართმევთ.

- გისმენთ!
- ის ჟან ვალჟანი გახლავთ.
- ვიცი.
- აგრეთვე უსასყიდლოდ გაცნობებთ, ვინც არის ის კაცი.
- თქვით.
- კატორღელი გახლავთ.
- ესეც ვიცი.
- იცით მას შემდეგ, რაც მე პატივი მქონდა მომეხსენებინა.
- არა, თქვენამდეც ვიცოდი.

მარიუსის მკვახე კილომ, ორჯერ გამეორებულმა სიტყვამ - „ვიცი“, - მისმა უხიავმა ლაკონიზმმა, პატარა ბრაზი აღძრა უცნობში. შეუმჩნევლად გადახედა მარიუსს ცოფიანი თვალით, მაგრამ მაშინვე შეიკავა თავი. სწრაფი იყო ეს გადახედვა, წამიერი, მაგრამ ისეთი, რომელსაც მაშინვე იცნობს კაცი, თუ წინათაც მოხვედრია. და არც მარიუსს გამოეპარა ეს. ცოფით საფეხ ალს მართო ზოგი ადამიანის სული სცემს ვინმეს; თვალის კაკულს, ამ სარკმელს აზროვნებისას, ცეცხლი ეკიდება. სათვალე ვერას დამალავს. ნაათვარეთ შუბა ჯოჯოხეთს!

უცნობმა განაგრძო:

- მე ისე არ გავბრიყვდები, რომ არ დავუჯერო ბატონ ბარონს. ასეა თუ ისე, დამეთანხმებით, რომ საჭირო ცნობები მაქვს და რასაც ახლა მოგახსენებთ, მართო მე ვიცი, სხვამ არაფინ. ეს შეეხება ქალბატონი თქვენი მეუღლის სიმდიდრეს. დიდი საიდუმლოება გახლავთ და მინდა კარგ ფასადაც გავყიდო. აი, ბატონო, ინებეთ. ძვირად არ დაგიფასებთ. ოცი ათასი ფრანკი მეყოფა.

- ეგ საიდუმლოც ვიცი, როგორც სხვები.
- ტენარმა იგრძნო, რომ საჭირო იყო ფასის დაკლება:
- ათი ათასი მიბოძეთ, ბატონო, და მოგახსენებთ.

- კიდევ გეუბნებით, თქვენ მე ახალს ვერაფერს შემატყობინებთ, ვიცი, რის თქმასაც აპირებთ.

ერთხელ კიდევ წაეკიდა თვალში ალი უცნობს და შეჰყვირა:

- რა ვქნა! მამ, დღეს უსადილოდ ხომ ვერ დავრჩები! გეუბნებით, დიდი საიდუმლო არის-მეთქი. ბატონო ბარონო, აი, მოგახსენებთ, ინებეთ, ერთი ოცი ფრანკი მაინც მიბოძეთ.

დააცქერდა მარიუსი:

- ეგ თქვენი დიდი საიდუმლოც ვიცი, როგორც ვიცოდი უან ვალჟანის სახელი და როგორც ვიცი თქვენი სახელიც.

- ჩემი სახელი?

- დიახ.

- და რა არის მანდ საკვირველი, ბატონო ბარონო, მე თვითონ მოგწერეთ და მერეც მოგახსენეთ, მგონი, ტენარი.

- დიე.

- ჰაა?

- ტენარდიე.

- ვინ?

განსაცდელს რომ იგრძნობს, ყალყზე დაუდგება ხოლმე ზღარბს ეკლები, ბოსტანა ჭია თავს იმკვდარუნებს. ძველი მხედრები მწყობრად დგებიან და ამ კაცმა სიცილი დაიწყო.

მერე წკიპურტით პატარა მტვერი მოიშორა სახელოდან.

მარიუსმა კიდევ დაუმატა:

- თქვენა ხართ აგრეთვე მუშა ჟონდრეტი, არტისტი ფაბანტუ, პოეტი ჟანფლო, ესპანელი დონ ალვარესი და ბალიზარის ცოლი.

- ვისი ცოლი?

- სამიკიტნო გქონდათ მონფერმეილში.

- სამიკიტნო? არასოდეს!

- გეუბნებით, თქვენა ხართ ტენარდიე.

- უარს ვაცხადებ.

- ტენარდიე ხართ და არამზადა. ხომ გაიგონეთ?

ჯიბიდან ამოიღო ბანკის ბილეთი და პირში მიახალა.

- გმადლობთ, უკაცრავად. ხუთასი ფრანკი? ბატონო ბარონო! - გიჟივით მივარდა ფულს, აიტაცა, თავს უკრავდა მარიუსს, ბილეთს სინჯავდა.

- ხუთასი ფრანკი? - წამოიძახა განცვიფრებულმა, - აი, საჩუქარი ასეთი უნდა! - მერე სწრაფად წამოისროლა, - ჰოდა, რა, მოდი, ისევ შინაურულად გამოვიჭიმები!

მაიმუნის სისწრაფით გადაიწია შუბლიდან თმა, ჩამოიძრო სათვალე, ცხვირის ნესტოებიდან ფრთის მიღები გამოიძრო, ბამბა რომ ჰქონდა შემოხვეული, და ისე მოიხსნა პირიდან სხვისი სახე, თითქოს ქუდი მოიხადაო.

თვალი აენტო, გამოუჩნდა დანაოჭებული, ხორკლიანი შუბლი, ნისკარტივით მოკაუჭებოდა ცხვირი; ისევ გამოჩნდა ცბიერი მხეცის სახე.

- რაც მართალია, მართალია, ბატონო, - მოახსენა თავისი ბუნებრივი ხმით, რომელშიც ცხვირის აღარ ერია, - ტენარდიე გახლავართ, - და წელში გაიჭიმა.

ტენარდიე, რადგან ტენარდიე იყო ეს ტენარი, განცვიფრებული იყო, დაირცხვენდა, ამის უნარი რომ შერჩენოდა. კაცი იმით მივიდა, რომ გაეკვირვებინა და თვით დარჩა გაკვირვებული. ამ დამცირების დასაკმაყოფილებლად ხუთასი ფრანკი მისცეს და რა გაენცობოდა, მანაც აიღო, მაგრამ მაინც განცვიფრებული იყო.

პირველად ხედავდა ამ ბარონ პონმერსის და მიუხედავად იმისა, რომ ასე მშვენივრად იყო ვადაცმული, ბარონმა მაშინვე იცნო და ძალიან საფუძვლიანადაც იცნო. ამ ბარონმა მშვენივრად იცოდა ტენარდიეს საქმიანობაც და უან ვალჟანისაც. ვინ იყო, რა იყო ეს ყმანვილკაცი, თითქმის უწვერულვამო, ასე ყინულივით მშვიდი და ასე გულუხვი, რომ ყველას სახელებიც იცოდა, თავის ქისასაც უხსნიდა, მსაჯულივით უკმეხად უტევდა ქურდებს და მოტყუებულებით უხვად აჯილდოებდა?

მკითხველს ესხომება, ტენარდიე მარიუსის მეგობელი იყო, მაგრამ ერთხელ არსად შეხვედრია, რაც ძალიან ხშირია პარიზში. თავისი ქალიშვილებისგან ჰქონდა გაცონილი, რომ მის მეგობლად იმავე სახლში ცხოვრობდა ერთი ძალიან ღარიბი ყმანვილკაცი, სახელად მარიუსი. წერილი ისე მისწერა, რომ არ ენახა, არ იცნობდა მამონ, დახმარება რომ სთხოვა. რას წარმოიდგენდა, რომ მაშინდელი მარიუსი იქნებოდა ეს ბატონი ბარონი პონმერსი.

რაც შეეხება გვარს, - პონმერსი, - მკითხველს ესხომება, ვატერლოოს ბრძოლის ველზე დაჭრილისგან ტენარდიემ მარტო ორი უკანასკნელი მარცვალი გაიგონა სიტყვისა, ესე იგი, მერსი; ამ სიტყვას კი - „გმადლობთ“, - არავითარ ყურადღებას არ აქცევდა, რადგან საყურადღებო მისთვის ფული იყო და არა ცარიელი მადლობა.

შემდეგ თავის ქალიშვილს, აზელმას, აჩვენა მაცრიონის კვალი და დაავალა, გამიგე რამე ამ ბებერი კაცისაო, თვითონაც შეუდგა ძიებას, ბებერი რამ გაიგო, ამ ბნელი სიღრმიდან ამოალაგა საჭირო მასალა და საიდუმლო ცნობები. თავიდან აღარ შორდებოდა 16 თებერვალს ნანახი ქორწილი; გრძნობდა, რომ შეიძლებოდა ხელი მოეთბო და იმდენი იფიქრა, იმდენი იძია, რომ მიხვდა, ვინ იყო ის კაცი, მთავარ წყალსადინარში რომ შეხვდა რამდენიმე თვის წინ. კაცი რომ იცნო, სახელის გახსენებაც ძნელი არ იყო. შეიტყო, რომ ქალბატონი პონმერსი კოზეტი იყო, მაგრამ ამ მხრივ, ვადაწყვეტილი ჰქონდა, ძალიან ფრთხილად ყოფილიყო. ვინ იყო კოზეტი? დანამდვილებით არ იცოდა. ნაბიჭვარი უნდა ყოფილიყო, ცხადია, მაგრამ ვისი? საერთოდ გაუგებრად და საეჭვოდ მიაჩნდა ფანტინის ამბავი, მაგრამ რა საჭირო იყო ამის გამჟღავნება, რას შესძენდა? ფული, თორემ ყვირილს დავინწყებო? დარწმუნებული იყო, რომ ფულის მისაღებად ამაზე უკეთესი სხვა ჰქონდა. ან რა საბუთი ჰქონდა, კიდევ რომ შეხებოდა კოზეტს? რით დაამტკიცებდა თავის სიტყვას? უსაბუთოდ რომ ეთქვა ბარონ პონმერსისთვის, თქვენი მეუღლე ნაბიჭვარიაო, პანღურს ამოჰკრავდა ნაბიჭვრის ქმარი და კიბზე დააგორებდა. ტენარდიეს აზრით, ჯერ არ დაწყებულიყო მისი საუბარი მარიუსთან. იძულებული იყო, უკან დაეხია, შეეცვალა თავისი სტრატეგია, მიეტოვებინა თავისი სიმაგრე, შეეცვალა შეტევის წინა ხაზი, მაგრამ ჯერჯერობით მნიშვნელოვანი არაფერი ჰქონდა წაგებული და ხუთასი ფრანკი კი ჯიბეში ედო. გარდა ამისა, ცოტა რამ ჰქონდა ფრიალ მნიშვნელოვანი სათქმელი, რომლითაც თვით ბატონ ბარონსაც კი ნაჰკრავდა ლამაზად, იმ ბარონს, ასე ვარგად რომ იცის ყველაფერი და ასე უკმეხად რომ ექცევა. ტენარდიეს ბუნების კაცისთვის ყოველი საუბარი ბრძოლაა. აი, ახლავე დაინწყებოდა საუბარი და ჯერაც არ იცოდა, რა მდგომარეობა აერჩია, რომ გამარჯვებული გამოსულიყო. იცოდა, რაზე

იქნებოდა საუბარი, მაგრამ ის კი არ იყო, ვის ესაუბრებოდა. სასწრაფოდ გადასინჯა თავისი იარაღი, თავისი მდგომარეობა, თავისი საშუალებანი, „ტენარდიე ვარო“, თქვა და ლოლინი არჩია.

სავონებელში ჩავარდა მარიუსი. ტენარდიე ხელში ჰყავდა, ძლივს! ისე ენატრებოდა ამ კაცის ნახვა და ეს არის იპოვება. მამასადამე, შეეძლო აესრულებინა თავისი მიცვალებული მამის სურვილი, მაგრამ შეურაცხყოფილად გრძნობდა თავს; ვერ წარმოედგინა, რა სამსახური უნდა გაენია ამ ქურდს, ამ ავაზაკს მამამისისთვის. წუხდა, რომ ამდენი ხანი იყო, ეძებდა ამ კაცს თავისი მამის საფლავიდან ამოძახილი ანდერძის ასასრულებლად და ახლა, როდესაც წინ ედგა ეს კაცი, დაჯილდოების მაგივრად ეჭვი ერეოდა, - შეუძლებელია, ისე არ დამცირდებოდა მამაჩემი, რომ მისი დახმარება დასჭირვებოდაო. ტენარდიეს შესახებ ისე ერეოდა ფიქრები, რომ ისიც კი იფიქრა, მამაჩემის ჯავრს, რომ ამ საზიზღარის დახმარება დასჭირდა, მე ამოვიყრიო. ფიქრები ერეოდა, მაგრამ მანაც კმაყოფილი იყო; ძლივს ეღირსებოდა, გაეთავისუფლებინა ამ საზიზღარი მოვალისგან თავისი მამის სახელი. ისე უწუხდა გული, თითქოს ციხეში გამომწყვდეული ჰყოლოდა მამის ხსოვნა ამ ვალის გადაუხდელობის გამო. და ახლა ვალს იხდიდა და მიცვალებულის ხსოვნასაც მნიშვნელს აცილებდა.

ამ მოვალეობასთან ერთად მეორეც ჰქონდა; უნდოდა გამოეძია კოზეტის სიმდიდრის წყარო. შემთხვევა კარგი იყო და უნდა ესარგებლა, იქნება იყო რამე ტენარდიემ, და კარგი იქნებოდა მის გულის სიღრმეშიც ჩაეხედა.

ტენარდიემ ჯიბეში ჩაიღო ხუთასი ფრანკი და ტკბილად, თითქმის ალერსიანად შეჰყურებდა მარიუსს.

დუმილი დაარღვია მარიუსმა:

- ტენარდიე, თქვენი სახელი გითხარით, გინდათ ახლა თქვენი საიდუმლო გითხრათ, რომელსაც მე მთავაზობდით. მეც მაქვს ცნობები, და დაინახავთ, რომ მე უფრო მეტი ვიცი, ვიდრე თქვენ. უან ვალუანი, როგორც თქვენ თქვით, ქურდია და მკვლელი. ქურდია, რადგან მოჰპარა, რაც კი ჰქონდა ერთი მდიდარი ქარხნის პატრონს, ბატონ მადლენს. მკვლელია, რადგან მილიციის მოხელე ჟავერი მოკლა.

- ვერაფერი გამიგია, ბატონო, თქვენი.

- აი, გავაგებინებთ, ყური დამიგდეთ: პა-დე-კალეს ერთ მაზრაში, დაახლოებით 1822 წელს, ერთი კაცი იყო, რომელსაც რაღაც საქმე ჰქონდა ოდესღაც სასამართლოსთან და მერე კი გამოსწორებულიყო და მოეცილებინა ყოველი ბრალდება. თურმე ბატონი მადლენი ერქვა. ეს კაცი იმდენად გარდაქმნილიყო, რომ იშვიათი გულკეთილი, პატიოსანი გამხდარიყო, ერთი მართალთაგანი. შავი მინის წარმოება გაეჩაღებინა და ფეხზე წამოეყენებინა მთელი ქალაქი. თავისთვისაც შეეძინა ცოტა რამ, მაგრამ უმთავრესად ხალხზე ზრუნავდა და თავისი პირადი სიმდიდრე შემთხვევით შეეძინა. ღარიბების მამა იყო. ის აცხოვრებდა გაჭირვებულთ, აშენებდა საავადმყოფოებს, სკოლებს, ავადმყოფებთან დადიოდა დასახმარებლად, მზითევს აძლევდა ქალებს, ეხმარებოდა ქვრივებს, საკუთარი შვილებივით ზრდიდა ობლებს, ქვეყნის მფარველი იყო. ჯვართ რომ დააჭილდოეს, უარი განაცხადა და მერად დანიშნეს. ოდესღაც რაღაც დაეშავებინა და თურმე ეს იყო ერთმა ყოფილმა კატორღელმა; დააბეზლა, დააჭერინა. ისარგებლა იმით, რომ დაჭერილი იყო ბატონი მადლენი, ჩამოვიდა პარიზში და ლაფიტის ბანკიდან გაიტანა ბატონი მადლენის

ფული, მისი სახელით ისარგებლა და ხელიც მადლენად მოაწერა. მე ეს თვით ლაფიტის ბანკის მოლარისაგან ვიცი. ნახევარ მილიონზე მეტი გაიტანა, მადლენის საკუთრება. ეს კატორღელი, ბატონ მადლენს რომ ფული მოჰპარა, უან ვალჟანია. რაც შეეხება მეორე საქმეს, იმისას ვერაფერს მეტყვით, რომ უთქვენოდაც არ ვიცოდე. უან ვალჟანმა მოკლა პოლიციელი ჟავერი; მოკლა დამბაჩით, მე თვითონ იქ ვიყავი.

მედიდურად გადახედა ტენარდიემ მარიუსს, როგორც გადახედავდა დამარცხებულს, რომელმაც უცხად ხელთ იგდო გამარჯვება, და სწრაფად აინაზღაურა, რაც კი წაგებულად მიაჩნდა. მაგრამ მაინც იღიმებოდა. დიდებულის წინაშე იდგა პატარა კაცი და როგორ გაბედავდა, რომ მოწინება და პირმოთენობა არ ეჩვენებინა? და მოწინებით მოახსენა:

- ბატონო ბარონო, გზა ავცდენიათ.

და ხაზიც კი გაუსვა ამ სიტყვებს, თითზე დაიხვია საათის ძეწვევი.

- რაო? - შეეკითხა მარიუსი, - უარყოფით ამას? სრული სიმართლეა!

- ქიმიერა გახლავთ! ვხედავ, რომ ნდობით მისმენს ბატონი ბარონი და ეს გარემოება ვალდებულს მხდის, მოვახსენო სრული სიმართლე. არ შემძლია, ბატონო, ვერ ავითან კაცის უსაბუთოდ გამტყუნებას. ბატონო ბარონო, უან ვალჟანს არაფერი მოუპარავს ბატონი მადლენისთვის, უან ვალჟანს ხელი არ უხლია ჟავერისთვის.

- კარგია, თქვენმა მზემ! მერე საბუთი?

- ორი, ბატონო.

- აბა, თქვი!

- აი, პირველი: ბატონ მადლენს ვერაფერს მოჰპარავდა, რადგან თვითონ უან ვალჟანი გახლავთ ბატონი მადლენი.

- რას მიედ-მოედები?

- და აი, მეორე, ჟავერს ვერ მოკლავდა, რადგან თვითონ ჟავერმა მოიკლა თავი.

- მეც ველარაფერი გამიგია!

- ჟავერმა თავი მოიკლა.

- დაამტკიცეთ! დაამტკიცეთ! - შეჰყვირა გაბრაზებულმა მარიუსმა.

ტენარდიემ ხაზგასმით გაუმეორა თავისი ნათქვამი და ისე თქვა, თითქოს ძველებური ალექსანდრიული ლექსი ყოფილიყო:

- პოლიციის მოხელე ჟავერი დამხრჩვალნი იპოვეს შანჟის ხიდთან.

- დაამტკიცეთ-მეთქი, გეუბნებით!

უბის ჯიბიდან ერთი დიდი კონვერტი ამოიღო ტენარდიემ, ლურჯი, დაჭმუჭნილი, რომელშიც, ეტყობოდა, სხვადასხვა ზომის ქალაღლი უნდა ყოფილიყო.

- აი, საქმეში ვნახოთ, - უპასუხა მშვიდად. მერე დაუმატა, - ბატონო ბარონო, თქვენდა სასიამოვნოდ, გადავწყვიტე, კარგად შემესწავლა უან ვალჟანი. მოგახსენებთ, რომ უან ვალჟანი გახლავთ მადლენი, უან ვალჟანი და მადლენი ერთი და იგივე კაცია. მოგახსენებთ, რომ ჟავერს ჟავერის მეტი მკვლეელი არავინ ჰყავდა. ჟავერმა მოკლა ჟავერი. და მე რომ ვამბობ რამეს, დასამტკიცებელი საბუთიც თან მაქვს. აი, ამ საქმეში. ხელნაწერი საბუთები კი არა, საეჭვო გახლავთ ხელნაწერი, ადვილად გამოსაყენებელი, მაამებელი. მე დაბეჭდილი საბუთები მაქვს.

ამბობდა და თან საქმეში რაღასაც ეძებდა. ბოლოს ორი ნომერი გაზეთი ამოიღო, ძველი, ჩაყვითლებული, დაჭმუჭნილი, თამბაქოს სუნით გაჟღენთილი. ერთი ნომერი

დიდხანს ჯიბით თრევის გამო ნაკეცებად დახეულიყო და წვრილ-წვრილ ნატრებად იშლებოდა.

- ორი გარემოება, ორი საბუთი, - თქვა ტენარდიემ და ორი გაშლილი გაზეთი მართვა მარიუსს.

მკითხველი იცნობს ამ ორ გაზეთს. ერთი, უფრო ადრინდელი, 1823 წლის 25 ივლისის „დრაპო ბლანის“ ნომერი იყო და ამტკიცებდა, რომ ჟან ვალჟანი და ბატონი მადლენი ერთი და იგივე კაცი იყო. მეორე „მონიტერი“ იყო, 1832 წლის 15 ივნისის, ჟავერის თვითმკვლელობას აცხადებდა და თანაც დასძინდა: აჯანყების დღეს ჟავერი პრეფექტთან იყო და სიტყვიერად მოახსენა, რომ ბარაკადზე იყო, შანვრერის ქუჩაზე, იქ დააპატიმრეს, სიკვდილი მოუსაჯეს; ცოცხალი ვადარჩა ერთი დიდსულოვანი აჯანყებულის წყალობით, რომელსაც მიანდეს მისი მოკვლა. მან კი ჰაერში გაისროლა დამბაჩა, ნაცვლად იმისა, გულში ესროლა პოლიციელისთვისო.

ნაკითხა მარიუსმა. ცხადი იყო ყველაფერი, უჭველი ჭეშმარიტება. იმისთვის კი არ იყო დაბეჭდილი ეს ორი ნომერი, რომ მარიუსისთვის წარედგინათ და მით დაესაბუთებინათ ტენარდიეს სიცრუე. „მონიტერი“ დაბეჭდილი ცნობა პოლიციის პრეფექტისა იყო. ეჭვის მიტანა შეუძლებელი იყო. ტყუილი იყო ბანკის მოლარისაგან მიღებული ცნობა და მარიუსიც მოტყუვდა. განდიდებულად წარმოუდგა მარიუსს ღრუბლიდან უცხად გამოსული ჟან ვალჟანი. სიხარული ველარ შეიკავა და შეჰყვირა:

- საკვირველი კაცი ყოფილა ის უბედური! მთელი ის ქონება მართლა მისი ყოფილა. მადლენი ყოფილა, მთელი ქვეყნის ნუგეზისმცემელი. ჟან ვალჟანი ყოფილა, ჟავერის მსხნელი. გმირი ყოფილა! წმინდანი!

- არც გმირი გახლავთ და არც წმინდანი, - მიუგო ტენარდიემ, - მკვლელი და ქერდი გახლავთ, - და იმ კილოთი დაუმატა, რომლითაც აღსავსეა ხელისუფლების მქონე ადამიანი, - დავმშვიდდეთ.

„მკვლელი, ქერდი“ - ეს სიტყვები გამქრალად მიაჩნდა მარიუსს და ხელმეორედ რომ გაიგონა, ისე მოხვდა, როგორც ყინულივით ცივი შხაპი.

- მაინც მაგას ამბობთ?

- დიახ, მაინც. - უთხრა ტენარდიემ, - ჟან ვალჟანმა არ გაქურდა მადლენი, მაგრამ მაინც ქურდია. ჟან ვალჟანმა არ მოკლა ჟავერი, მაგრამ მაინც მკვლელია.

- რის საფუძველზე ამბობთ? ის ქურდობა გაქვთ მხედველობაში, ორმოცი წლის წინ რომ ჩაიდინა და მერე მოინანია? ამას თქვენი მოტანილი გაზეთებივე ამტკიცებენ, მოინანია თავისი თავგანწირული სიცოცხლით, ქველმოქმედებითა და სათნოებით.

- მე ვთქვი, ბატონო ბარონო, მკვლელი და ქურდია-მეთქი. და კიდევ მოგახსენებთ, მე აწმყოს ვეხები, დღევანდელს და არა წარსულს. სრული საიდუმლო გახლავთ, რასაც მე მოგახსენებთ. ეს ქვეყნად არავინ იცის და იქნებ ჩემს საიდუმლოში იპოვოთ წყარო იმ ქონებისა, რომელიც ისე ოსტატურად უძღვნა ჟან ვალჟანმა ქალბატონ პონმერსის. ოსტატურად-მეთქი, იმითმ ვთქვი, რომ მართლა ოსტატური მოხერხება უნდა ჰქონდეს კაცს, რომ ამგვარი საჩუქრით შეძერეს პატიოსან სახლში, ისარგებლოს ამ სახლის კეთილდღეობით და იმავე დროს დამალოს თავისი აკაკობა, იხაროს თავისი ნაქურდლით, მიჩქმალოს თავისი სახელი და ოჯახი გაიჩინოს.

- შეიძლებაოდა, შემწყვეტინებინა თქვენი სიტყვა, მაგრამ განაგრძეთ.

- ბატონო ბარონო, სულ ყველაფერს მოგახსენებთ და თქვენს გულუხვობას ვანდობ ჩემს გასამრჯელოს. ოქროს ზოდად ღირს ეს საიდუმლო. შეიძლება მითხრათ,

რატომ უნა ვალჟანს არ მიმართავო? სულ უბრალო მოსაზრებით, ბატონო: ვიცი, რომ მას აღარაფერი გააჩნია. ყველაფერზე უარი თქვა თქვენს სასარგებლოდ და ძალიანაც მომწონს მისი ბრძნული მოხერხება. დიახ, მას აღარაფერი აბადია და იმისთვის, რომ მიმემართა, გახვრეტილ ჯიბეებსა და მანანახებდა. მე ძალიან მიჭირს, ფული მჭირდება ამერიკაში გადასასახლებლად და თქვენ მირჩევენ ხართ, რადგან თქვენ გაქვთ და იმას კი არა... ცოტა დაღლილი ვახლავართ და ნება მიბოძეთ, სკამზე დავჯდეთ.

დაჯდა მარიუსი და ანიშნა, დაჯექითო.

რბილ სკამზე დაჯდა ტენარდიე, თავისი გაზეთები აიღო, დაკვცა, კონვერტში ჩაღო, მანამ ჩადებდა, თითი წაჰკრა „დრაჟო ბლანს“ და წაიბუტბუტა:

- რამდენი ვენჯალე, სანამ ამას ვიმოვიდი, - მერე ფეხი ფეხზე გადადო, მიესვენა სკამის ზურგს, როგორც შეეფერება ადამიანს, რომელსაც ჭეშმარიტებად მიაჩნია თავისი სათქმელი, და დარბაისლურად მოჰყვა თავისას:

- ბატონო ბარონო, 1832 წლის 6 ივნისს, დაახლოებით ამ ერთი წლის წინ, აჯანყების დღეს, ერთი კაცი იყო მთავარ წყალსადინარში, იმ მხარეს, სადაც მილი სენაში ჩადის, ინვალიდებისა და იენის ხიდებშია.

მარიუსმა ტენარდიეს გვერდით მიიღვა სწრაფად თავისი სკამი. ტენარდიეს ესიამოვნა ეს მოახლოება მსმენელისა და წელი სიტყვით განაგრძო, როგორც შეეფერება ორატორს, რომელსაც ხელთ ჰყავს მოსაუბრე და გრძნობს, როგორი შიშით უცემს გული.

- ეს კაცი იძულებული იყო, სულ დამალული ყოფილიყო. ამის მიზეზებს არავითარი დამოკიდებულება არა აქვს პოლიტიკასთან. საცხოვრებლად ის წყალსადინარი ამოირჩია და გასაღებზე ჰქონდა მისი კარის. ეს გახლდათ, ვიმეორებ, 6 ივნისს. საღამოს რვა საათი იქნებოდა, წყალსადინარში რაღაც ხმაური მოესმა. გაუკვირდა, მოიკუნტა და ყურები ცქციტა. ფეხის ხმა იყო. ვიღაც მოდიოდა სიბნელებში, მისკენ. უცნაური ის იყო, რომ კიდევ ვიღაც სხვაც იყო წყალსადინარში. გასასვლელი კარი შორს აღარ იყო. პატარა სინათლე შემოდიოდა იმ კარიდან და წყალსადინარში მყოფს საშუალებას აძლევდა, ეცნო ის კაცი და დაენახა, რომ ზურგზე რაღაც მძიმე ეკიდა. ტვირთს მოეხარა კაცი. ის მომავალი, წელში მოხრილი, ერთი ძველი კატორღელი გახლდათ და ზურგზე რომ მძიმე ტვირთი ეკიდა, ეს მკვდარი იყო, უტყუარი საბუთი, რომ კაცი მოკლა; რაც შეეხება ქურდობას, ქურდობა თუ არა, გაძარცვა ხომ იყო, - ადამიანს მექთანდ არავინ მოკლავს. გაძარცვა კაცი, მოკლა და სენისკენ მიჰქონდა წყალში ჩასაგდებად. ვინ იყო მკვლელი? ერთი ძველი კატორღელი. ერთი გარემოებაც გახლავთ აღსანიშნავი... შორიდან მოდიოდა ის კატორღელი და გზაში საშინელი ორმო შეხვედროდა; სხვა რომ ყოფილიყო, იქვე დატოვებდა იმ მკვდარს; მაგრამ მეორე დღეს დილით მუშები ჩავიდოდნენ წყალსადინარის შესაკეთებლად, მოკლულ კაცს ნახავდნენ და ეს კი სასურველი არ იყო მკვლელისთვის. საშიში იყო. ისიც ჭკვიანად მოიქცა, ბინძური ორმო გადმოიარა, და თავისი ტვირთიც გადმოიტანა. საშინელი უნდა ყოფილიყო მისი გზა; შეუძლებელია, წარმოუდგენელია ადამიანის ამგვარი თავგანწირვა და ახლაც არ ვიცი, როგორ მოახერხა, რომ თავი დააღწია განსაცდელს.

უფრო მეტად მიუახლოვდა ტენარდიეს მარიუსის სკამი. ამით ისარგებლა ტენარდიემ და ღრმად ამოისუნთქა. მერე განაგრძო:

- წყალსადინარი, ბატონო, მარსის მოედანი კი არ არის. იქ არაფერი მოეპოვება კაცს და ასე გასინჯეთ, სამყოფი ადგილიც კი არა აქვს. თუ ორი კაცია წყალსადინარში, უთუოდ შეხვდებიან ერთმანეთს. და აქაც ასე მოხდა. იქ მცხოვრები და გამვლელი იძულებული იყვნენ, საღამო მშვიდობისა ეთქვათ ერთმანეთისთვის, თუმცა გულით სულ სხვას ნატრობდნენ. მომავალმა უთხრა იქ მცხოვრებს, - ხომ ხედავ, რა ტვირთი მანვეს ზურგზე. უნდა გავიდე აქედან. გასაღები ხომ გავქვს, გამიღე კარი, - საშინელი ძალ-ღონის კაცი იყო ის კატორღელი. შეუძლებელი იყო, უარის თქმა, მაგრამ მანაც ლაპარაკი დაუნყო გასაღების პატრონმა, მხოლოდ იმიტომ, რომ თვითონაც თვალი გაეხილა: სინჯვა დაუნყო მკვდარს, მაგრამ ვერაფერი დაინახა, გარდა იმისა, რომ უბედური ჭაბუკი იყო, კარგად ჩაცმული, მდიდარს ჰგავდა და სისხლში იყო მთლად ამოსვრილი. ელაპარაკებოდა მკვლელს და ჩუმად, მკვლელის შეუნიშნავად, სერთუკის უკან კალთა ჩამოახია მკვდარს, - ნივთიერი საბუთი, ბატონო; საშუალება, რომლის დახმარებით შეიძლება კვალი გაივსოს კაცმა და დაამტკიცოს ავკაცობა. ეს ნივთიერი საბუთი ჭიბეში ჩაიღო იქ მცხოვრებმა. მერე კარი გაუღო, გარეთ გაუშვა ის კატორღელი თავისი ტვირთით, დაკეტა კარი და მიიშალა, რადგან არ უნდოდა ამ საქმეში ჩარევა, მეტადრე არ უნდოდა იქ ყოფილიყო, როდესაც მკვლელი წყალში ჩააგდებდა მკვდარს. ახლა ხომ ხედავთ? მკვდარი რომ ეკიდა ზურგზე, ის გახლდათ უნ ვალუანნი. გასაღები რომ ჰქონდა ჭიბეში, ის გახლდათ, ვინც თქვენთან არის ახლა და გელაპარაკებათ.

ეს ფრაზა რომ გაათავა ტენარდიემ, ხელი ჩაიყო ჭიბეში, შავი მუდის ნაჭერი ამოიღო, დაჭმუჭნილი, შავი ლაქებით მოსვრილი. გაშალა, ორივე ხელის ცერებით და სალოკი თითებით ეჭირა მარიუსის თვალწინ.

ფერმიხდილი წამოდგა მარიუსი, გული მისდიოდა, სუნთქვა ეკვროდა, თვალს ველარ ამორებდა იმ მუდის ნაგლეჯს. ხმის ამოუღებლად წავიდა უკან, ისე, რომ თვალი არ მოუშორებია მუდისთვის, კედელთან მივიდა, მარჯვენა ხელით სინჯვა დაუნყო კედელს, რომ იქვე ბუხართან განჯინის კარი და შიგ დატოვებული გასაღები ეპოვა. იპოვა გასაღები, გააღო განჯინის კარი, შეყო შიგ ხელი. განცვიფრებული იყო კაცი, თვალი ისევ იმ მუდზე ეჭირა, რომელიც ტენარდიეს გაეშალა და ნივთიერ საბუთად აჩვენებდა.

ტენარდიე კი თავისას ამბობდა:

- ბატონო ბარონო, დარწმუნებული ვახლავართ და ამის საფუძველიც მაქვს, რომ ის ჭაბუკი, მდიდარი უცხოელი, უნ ვალუანმა შეიტყუა მახეში, მოკლა და დიდი ფულიც ამოაცალა.

- ის ჭაბუკი მე ვიყავი და ვარ, აი, თვით სერთუკიც, - შეჰყვირა მარიუსმა და წინ დაუდო ერთი ძველი შავი სერთუკი, მთლად სისხლში მოსვრილი. მერე ხელიდან გამოჰკლიჯა მონახევი ნაჭერი, დააცქერდა, სერთუკი გაშალა, ნაჭერი თავის ადგილზე მიადო. ამ სერთუკის იყო ნაჭერი, ეს ცხადი იყო.

გაქვავებული იყო ტენარდიე, ეს რა ღმერთი გამიწყნარა! - იძახდა გულში.

წამოინია მარიუსი. თრთოდა კაცი, ცოფი ერეოდა და თან სიხარული.

ხელი ჩაიყო ჭიბეში, გამშავებული მივარდა ტენარდიეს, კინაღამ პირში ჩაჰკრა ბანკის ბილეთებით სავსე მუხტი და ლანძღვა დაუნყო:

- ღმერთმა დაგწყევლოთ! ხორცმესხმული ბოროტება ხართ, ცრუ, ცილისმწამებელი, ბილნი, უშვერი! იმ სანყალი კაცის შერცხვენა გინდოდათ და

გამართლებთ. დალუპვა გინდოდათ და დიდებით აღადგინეთ. ქერდი ის კი არა, თქვენ ხართ! მკვლეელი ის კი არა, თქვენ ხართ! მე თქვენ გნახეთ, ტენარდიე-ჟონდრეტ, თქვენს სოროში ოპიტალის ბულვარზე. ბევრი რამ ვიცი თქვენზე, სრულიად საკმარისი, რომ კატორღაში ამოგაყოფინოთ თავი, და უფრო შორსაც, მე რომ მინდოდეს. აი, ათასი ფრანკი, მკვებარავ, და გაეთრიეთ აქედან! ვატერლოომ გიხსნათ.

- ვატერლოო! - წამოიძახა გულგამსკდარმა ტენარდიემ და ჯიბეში იკრა ათასი ფრანკი.

- ჰო, მკვლელი, ჰო! თქვენ იქ სიკვდილს გადაარჩინეთ პოლკოვნიკი...

- გენერალი, - წამოიძახა ტენარდიემ და მალლა აიღო თავი.

- პოლკოვნიკი-მეთქი! - შეუტია მარიუსმა, - გენერლისთვის ერთ სუსაც არავის მივცემდი. და აქ იმითმ მოხვედით, რომ სამარცხვინო საქმე გაგერიგებინათ. განა იქნება კიდევ ვინმე თქვენისთანა ბედასლი, ფლიდი? გასნით აქედან, მომშორდით! წადით! ღმერთმა გიშველოთ. სხვა არა მინდა რა თქვენთვის. ოჰ, რა საზიზღარი ხართ! აი, სამი ათასი ფრანკი კიდევ. დაიჭით! ხვალვე წადით ამერიკაში, ხვალვე, თქვენი ქალიშვილით, რადგან თქვენი ცოლი ცოცხალი აღარ არის, ვერაგო მატყუარავ! მე თვალს მივაღვენებ თქვენს გამგზავრებას და წასვლისას ოცი ათას ფრანკს მოგცემთ, რომ სხვაგან ჩამოგახრჩონ.

- ბატონო ბარონო, საუკუნოდ დავალებული ვახლავართ თქვენი მონა-მოსამსახურე, - უთხრა ტენარდიემ და კინალამ მუხლი მოიყარა.

გავიდა ტენარდიე, აღარაფერი ესმოდა, აღფრთოვანებული იყო და თან დარეტიანებული ამ ოქროს წვიმითა და მეხით, ბანკის ბილეთების სახით რომ დაეცა თავში.

გამტერებული იყო, მაგრამ კმაყოფილი. კიდევ კარგი, რომ მეხამრიდი არ ჰქონდა, თორემ თან გადაჰყვებოდა ჯავრს.

აქვე გავათავოთ ამ კაცის ამბავი. ორი დღის შემდეგ, მარიუსის დახმარებით ამერიკისკენ გაემგზავრა; თავისი ქალიშვილი, აზელმაც, თან წაიყვანა. სახელი გამოიცვალა. ნიუ-იორკში რომ ჩავიდოდა, ბანკში მიიღებდა ოცი ათას ფრანკს. უხეირო ბურჟუის უკურნებელი ჭირი სჭირდა. ამერიკაში იგივე იყო, რაც ევროპაში. რაც უნდა უმნიკვლო, წმინდა იყოს განზრახვა, თუ ბოროტი სულის კაცი შეეხო, მაშინვე წარყვნის და გააგესლიანებს. ასე მოუვიდა მარიუსის წმინდა განზრახვას: ტენარდიემ მარიუსის ფულით ზანგებით ვაჭრობას მიჰყო ხელი.

როგორც კი მოიშორა ტენარდიე, მაშინვე ბაღში ჩავარდა მარიუსი; კოზმეტი ჯერ ისევ ბაღში დასეირნობდა.

- კოზმეტ! კოზმეტ! - დაუყვირა შორიდან, - აბა, ჩქარა! მივდივართ. ბასკ, ჩქარა ეტლი! მოდი, კოზმეტ! ოჰ, ღმერთო! თურმე იმან გადამარჩინა! ჩქარა, ნუ მაგვიანებს. შალი წამოიხსი.

„ქმარი გამიგიჟდაო“, - გაიფიქრა კოზმეტმა, მაგრამ მაინც დაემორჩილა.

გული უცემდა მარიუსს, ხელი ედო ზედ, რომ ცემა შეეყენებინა, ძლივსლა სუნთქავდა, მიდი-მოდიოდა ჩქარი ნაბიჯით, კოზმეტს ეხვეოდა:

- აჰ, კოზმეტ! რომ იცოდე, რა საზარელი შეცდომა მომივიდა.

გულგახეთქილს ჰვავდა. სინანული ერეოდა, ახლა სულ სხვაგვარად ესახებოდა უან ვალჟანი, - სათაყვანებელ წმინდა არსებად. დიადი სათნოება ეჩვენებოდა.

ლმობიერი და ტკბილი. უსაზღვრო და თან თავმდაბალი. იესო ქრისტედ გარდაქმნილიყო კატორღელი. ამ სასწაულის სხივს ვეღარ უძლებდა მარიუსის თვალი. დანამდვილებით არც კი იცოდა, რას ხედავდა, მაგრამ გრძნობდა, რომ წმინდანს ხედავდა, ანგელოზად გარდაქმნილ ადამიანს.

ჩასვა ეტლში კოზეტი, თვითონაც ავარდა:

- აბა, ჩქარა. ლ'ომ-არმეს ქუჩა, ნომერი შვიდი.

წავიდნენ.

- ოჰ, რა კარგი ხარ! - შესცინა კოზეტმა, - რა ბედნიერი ვარ, რომ მასთან მიგყავარ. რამდენი ხანია მინდოდა, მაგრამ ვერ გიბედავდი. მაშ, ბატონ უნას ვნახავთ?

- შენს მამას ვნახავთ, კოზეტ. დღეს უფრო მეტად მამას, ვიდრე ოდესმე ყოფილა. ახლა კი მივხვდი, კოზეტ. გახსოვს, მითხარი, გავროშს რომ წერილი გამოატანე, მე არ მიმიღიათ, ალბათ, მამაშენს ჩაუვარდა ხელში. ის ბარიკადაზე მოვიდა ჩემს გადასარჩენად. ანგელოზია, დალოცვილი, და არა ადამიანი! სხვის დასახმარებლად მოვიდა და საცა კი გაჭირვებული ნახა, ყველას ხელი გაუწოდა, სხვებიც გადაარჩინა სიკვდილს. მოსაკლავად გვეყავდა ჟავერი და ისიც კი იხსნა. ჯურღმულიდან ამომიყვანა, რომ მოვეყვანე და შენთვის დაველოცე, ზურგზე ამიკიდა დაჭრილი და ისე მატარა წყალსადინარში.

ოჰ, რა უმადური მხეცი ვარ! ჯერ შენი მფარველი ანგელოზი იყო, კოზეტ, და მერე ჩემი. წარმოიდგინე, ერთი საშინელი ბინძური ორმო შეხვდა თურმე იმ ქსელში, ყოველ ნაბიჯზე დახრჩობა და სიბინძურეში ჩაძირვა მოელოდა, მან კი ზედ გადაამატარა. გონდაკარგული ვიყავი, ვერაფერს ვხედავდი, არაფერი მესმოდა, ჩემი თავგადასავლის არაფერი ვიცოდი. ახლავე შინ წავიყვანოთ, ჩვენთან გადმოვიყვანოთ. უნდა თუ არ უნდა, ეგ სულერთია! ჩვენთან უნდა იყოს და ჩვენი იყოს! ნეტავ შინ დაგვიხვდეს. მის თაყვანისცემაში გაგატარებ სიცოცხლეს. ასეა, ასეა, არა, კოზეტ? გავროშმა მას ჩააბარა ჩემი წერილი. ცხადია ყველაფერი, არა, კოზეტ?

ყურს უგდებდა კოზეტი და ვერ გაეგო, რას ამბობდა მისი ქმარი.

- მართალი ხარ, - უპასუხა კოზეტმა.

ეტლი მიქროდა.

თავი მესხუთე

ღამე, რომლის უკან უკვე დღე ბრწყინავს

ჟან ვალჟანს კარზე რომ დაუკაკუნეს, გაიგონა და მისუსტებული ხმით უპასუხა:

- მობრძანდით.

კარი გააღეს. გამოჩნდნენ კოზეტი და მარიუსი.

კოზეტი გიჟივით შევარდა ოთახში. მარიუსი კართან დადგა.

- შენ, კოზეტ? - წამოიძახა ჟან ვალჟანმა. წამოინია, გაშალა აკანკალებული ხელები. დაღონებული იყო, ფერმიხდილი, სასიკვდილოდ განწირული, მაგრამ სიხარულით უბრწყინავდა თვალი.

გული მისდიოდა კოზეტს, ისე იყო აღელვებული. მივარდა, გულში ჩაეკრა ჟან ვალჟანს.

- მამა! - ამოიკვნესა კოზეტმა.

გიჟს ჰკავდა ჟან ვალჟანი.

- კოზეტ! შვილო! თქვენ ბრძანდებით, ქალბატონო? შენა ხარ, შვილო? ოჰ, ღმერთო!

კოზეტი კი გულში ეკვროდა და გულში იკრავდა.

- მამ, აქა ხარ, შვილო? შენა ხარ? მამ, მაპატიე!

- მამა!..

- თქვენც, ბატონო, თქვენც მაპატიებთ?

ხმა ვეღარ ამოელო მარიუსს. შენიშნა უან ვალუანმა და უთხრა:

- გმადლობთ.

შალი ჩამოიგლიჯა კოზეტმა, ქუდი სკამზე მიაგდო:

- გული გამიწვრილა!

მუხლებზე დაუჯდა მამობილს, ალერსიანად გადაუნია თმა და შუბლზე აკოცა.

ხმას არ იღებდა უან ვალუანი, თავგზააბნეული ემორჩილებოდა კოზეტს.

არათფერი იცოდა კოზეტმა, მაგრამ გრძნობდა ბუნდოვნად, რომ რალაც აწყენინეს მოხუცს, და უფრო და უფრო უალერსებდა. ცდილობდა, მარიუსის დანაშაულის შენდობა მიეღო.

უან ვალუანი კი ბუტბუტებდა:

- რა სისულელე მოუვლის ხანდახან ადამიანს! მე კი მეგონა, ვეღარ ვნახავდი. წარმოიდგინეთ, ბატონო პონმერსი, სწორედ იმ დროს, როდესაც თქვენ ჩემს კართან იყავით, - გათავებულა, ვეღარ ვნახავ-მეთქი, - ვამბობდი. აი, მისი პატარა კაბა. უბედური ვარ, განწირული, მე კოზეტის ნახვას ვეღარ ვეღირსები-მეთქი, სწორედ იმ დროს მოვთქვამდი, თქვენ რომ კიბეზე ამოდიოდით. რა სულელი ვარ! აი, როგორი გამოყვეყნებულია ხანდახან ადამიანი. ეს იმიტომ მოსდის, რომ ღვთის განგებას იზინებ. გულთამხილავია ღმერთი და ეუბნება, - შენ გგონია, დავინწყებული ხარ, შე სანყალო. არა, ნუ გეშინია. სანყალო კაცს ანგელოზი სჭირდება ნუგემისსაცემად. და ანგელოზიც გაჩნდება. გაჩნდება ანგელოზი. თავის კოზეტს ხედავს იმედმიხილი. თავის პატარა კოზეტს ხედავს განწირული. ოჰ, რა უბედური ვიყავი, რა უბედური!

ცოტა ხანს დადუმდა, ღონე მოიკრიბა და განაგრძო!

- უნდა მოგახსენოთ, მართლა ძალიან მესაჭიროებოდა ხანდახან, დროგამოშვებით, კოზეტის ნახვა. გული ხომ გულია და მასაც კი უნდა ჰქონდეს გამოსახრავი ძვალი. მაგრამ კარგად ვგრძნობდი, რომ მე ზედმეტი ვიყავი. ამას მე თვითონ ვუმტკიცებდი ჩემს თავს: მათ აღარ უნდოდა, ეგლე შენს ოთახში. რა უფლება გაქვს, რომ გამარადისება გინდა. ოჰ, ღმერთო გულთამხილავო, კიდევ მალერსე ჩემი კოზეტის ნახვა! კოზეტ, იცი, რა მშვენიერი ბიჭია შენი ქმარი! რა ლამაზად არის ამოქარგული შენი საყელო. შენმა მეუღლემ ამოგიჩნია? რა ვითხრა, იცი? კარგს იზამ, რომ ქიშმირი შეიძინო. ბატონო პონმერსი, კი არ გაჯავრდეთ, შენობით ველაპარაკებ. დიდხანს აღარ გასტანს ეს ჩემი თავხედობა.

საყვედურით მიმართა კოზეტმა:

- არა, რატომ მიგვატოვეთ ისე უცბად და ფეხი ამოიკვეთეთ? სად იყავით? სად აპირებდით წასვლას? ასე დიდხანს რად დარჩით? წინათ სულ სამ-ოთხ დღეს მონადომებდით ხოლმე მგზავრობას. რამდენჯერმე გამოგვგაწვენ ნიკოლეტი. ერთსა და იმავე პასუხს აძლევდნენ ყოველთვის, ჯერ არ დაბრუნებულაო. როდის დაბრუნდით? რატომ არ შეგვატყობინეთ? იცით, როგორ ძალიან ხართ

გამოცვლილი. აჰ, საძაგელი მამაჩემი! ავად იყო და ჩვენ კი არაფერი შეგვკატყობინა. მოდი, მარიუს, ერთი ეს ხელი ნახე, ნახე, როგორ გაჰყინვია.

- ოჰ, ბატონო ჰონმერსი. მამ, მაჰატივით?

ეს მეორედ მიმართა ამ სიტყვით მარიუსს. ბევრი რამ ჰქონდა გულში მარიუსს, ამ სიტყვამ გაუხსნა გამოსავალი და მანაც თავისუფალი გზა მისცა თავის გულისნადებს:

- გესმის, კოზეტ! იქამდე მისულა კაცი, რომ მე მითხოვს შენდობას, და იცი, რა მიყო, რა ვალი დამადო? სიკვდილს გადამარჩინა. უფრო მეტიც, კოზეტი მომცა. და მერე? მე რომ სიკვდილისგან მისხნა და კოზეტი მიძღვნა, მერე? რა უყო თავის თავს? თავი გასწირა. აი, ნამდვილი ადამიანი. და ახლა მე მომმართავს, მე - უმადურს, მე - ულმობელს, მე - დამნაშავეს და მადლობას მეუბნება. კოზეტ, მე რომ ჩემი სიცოცხლე ამ კაცის ფეხთა წინაშე ვაგაბარო, იმითაც კი ვერ გადავუხდი სიკეთეს. ჯერ ბარიკადი, მერე კლოაკა, ის ნარცხის ორმო, თავის ფეხით გადმოიარა ეს ყველაფერი მამაშენმა ჩემთვის და შენთვის, კოზეტ. ზურგზე ამიკიდა და მოვყავდი, თან სიკვდილს მიგერიებდა, რომელიც თავს არ მანებებდა, თან მომდედა. კოზეტ, ანგელოზია ეს კაცი და ამ ანგელოზშია მოგროვილი ყოველი სიკეთე, ყოველი სათნოება, ყოველი უმნიკვლოება და სინმინდე.

- კარგი, გეყოფათ, - უთხრა ჩემი ხმით უან ვალჟანმა, - რა საჭიროა, ამას რომ ამბობთ?

- და თქვენ, - შეჰყვირა მარიუსმა გაბრაზებით, რადგან თავყანისცემის იყო ეს გაბრაზება, - რატომ თქვენ არ თქვით? ეგეც თქვენი შეცდომა. კაცს სიკვდილისგან იხსნით და თქმით კი არაფერს ეუბნებით. უარესსაც სჩადიხართ; აღსარების თქმა გნებავთ და ცილს სწამებთ თქვენს თავს. საშინელია თქვენი საქციელი.

- მე სიმართლის მეტი არაფერი მითქვამს.

- არა, - მიუგო მარიუსმა, - სიმართლე მაშინ არის სიმართლე, როდესაც სრულად არის აღიარებული. თქვენ კი ნაწილი თქვით და უმთავრესი დამალეთ. ბატონი მადლენი ყოფილხართ. რატომ არ მითხარით? ჟავერი სიკვდილს გადაარჩინეთ. რატომ არ მითხარით? თქვენ რომ არ დამხმარებოდით, მკვდარი ვიქნებოდი. რატომ არ მითხარით?

- იმიტომ, რომ მეც ისევე ვფიქრობდი, როგორც თქვენ. ვფიქრობდი, რომ მართალი იყავით. ვხედავდი, რომ საჭირო იყო ჩემი წასვლა. თქვენ რომ გცოდნოდით იმ კლოაკის ამბავი, აღარსად გამიშვებდით. მეც გაჩუმებული ვიყავი. მე რომ მეთქვა, შევაფიქრობდი ყველას.

- ვის შევაფიქრობდით? რას? - ჰკითხა მარიუსმა, - იქნებ გგონიათ, რომ ისევე აქ დარჩებით. ახლავე თან წავიყვანთ. ღმერთო, ღმერთო! რომ მომაგონდება, რა შემთხვევით გავიგე ყველაფერი? ახლავე წავიყვანთ. თქვენ ჩვენი ოჯახის წევრი ხართ. თქვენ კოზეტის მამა და ესე იგი, ჩემი მამაც ხართ. ერთ დღესაც აღარ დაგტოვებთ ამ საძაგელ სახლში, ხვალ აქ აღარ იქნებით.

- ხვალ აქ აღარ ვიქნები, - მიუგო უან ვალჟანმა, - მაგრამ არც თქვენთან ვიქნები.

- მამ, რას აპირებთ? - ჰკითხა მარიუსმა, - მართლა, თქვენი მგზავრობა? აღარსად გაგიშვებთ, ამიერიდან აღარავითარი მგზავრობა! თქვენ ჩვენი ხართ და ჩვენთან იქნებით.

- დიახ? - ჩაერია კოზეტი, - აქვე ახლო, ქუჩაში, ეტლი გველოდება. გტაცებთ ხელს და მოგიტაცებთ. თუ გაჭირდა, ძალას ვიხმართ და ისე წავიყვანთ.

სიცილი წასკდა და მივარდა მოხუცს, თითქოს მართლა ხელში უნდა აიყვანოსო.

- თქვენი ოთახი ისევ ისეა ჩვენს სახლში, - განაგრძო კობეტი, - რომ იცოდეთ, რა მშვენიერია ახლა ჩვენი ბაღი. იელი საუცხოოდ ყვავის; ხეივანებში ყველგან ქვიშა დავაყრევინეთ, მდინარის ქვიშა ამოვიტანეთ, შიგადაშიგ ლოკოკინებია. ახლა ჩემი მარწყვი თქვით. ერთი გემო ნახეთ! მე თვითონ ვრწყავ ყოველთვის. და ეს იცოდეთ, აღარც თქვენი ქალბატონი მინდა, აღარც ბატონი ჟანი! ნუ დაგავინწყდებათ, რომ რესპუბლიკაში ვცხოვრობთ, შენობით ლაპარაკობს მთელი ქვეყანა, არა, მარიუს? დიახ, შეცვლილი გახლავთ თქვენი განრიგება. ოჰ, რომ იცოდეთ, რა უბედურება მენია ამას წინათ. ერთმა გულნითელამ ბუდე გაიკეთა კედელში. მიეპარა ერთი საზარელი კატა და შემოიჭამა ჩემი ჩიტუნია. გამოყოფდა ხოლმე ბუდიდან თავს საწყალი და სულ მე შემომცქეროდა. რამდენი ვიტირე! მოვკლავდი იმ კატას, ხელში რომ ჩამვარდნოდა. მაგრამ ახლა აღარავინ ტირის. სულ იცინიან, ყველანი. ბედნიერია მთელი ქვეყანა. მამ, ერთად მივდივართ? როგორ ესამოვინება ბატონ ჟილნორმანს. თუ გნებავთ, რამდენიმე კვალი დამითმია თქვენთვის ბაღში. თქვენ მოუარეთ და, აბა, ვნახოთ, ვისი მარწყვი ემჯობინება, ჩემი თუ თქვენი? ყველაფერს გამიგონებთ, რასაც კი დაგავალდებთ. ჩემებურად იქნება სულ ყველაფერი, მე დამემორჩილებით, უჩემოდ ფეხს არსად გადგამთ.

ყურს უგდებდა ჟან ვალჟანი და აღარ ეყურებოდა. კობეტის ხმის მუსიკა ესმოდა უფრო, ვიდრე მისი სიტყვის მნიშვნელობა. ერთი მსხვილი ცრემლი უგროვდებოდა თვალში, მოღრუბლული სულის მარგალიტი, და სიამოვნებით თქვა ჩუმი ხმით:

- დასამტკიცებლად იმისა, რომ კეთილია ღმერთი, ისიც კმარა, რომ კობეტს ვხედავ.

- მამა! - შესძახა კობეტი.

ჟან ვალჟანიმა განაგრძო:

- მართლაც კარგი რამ იქნებოდა ერთად ცხოვრება. ამათი ბაღი სავსეა ჩიტებით. ხშირად ვისეირნებდით მე და კობეტი. ტკბილი უნდა იყოს ერთად ცხოვრება, ერთმანეთის პატივისცემა, ერთმანეთის სიყვარული. დილიდანვე ერთად არიან, ერთმანეთს ხედავენ. პატარა კვალს ამოვიჩვენებდით ბაღში. ჩვენ მოვეუვლიდით. კობეტი თავის მარწყვს მაჭმევდა, მე ჩემს ვარდებს მივართმევდი. ბედნიერება იქნებოდა, მომხიბლავი ბედნიერება, ოღონდ... - შეწყვიტა სიტყვა, მერე ტკბილად დაუმატა, - ეჰ, რა გაენწყობა?!

არ ჩამოვარდა ის ცრემლი, თვალშივე მიიმალა. ცრემლის მაგივრად ღიმილი მოერია ჟან ვალჟანს.

მოხუცის ხელებს მივარდა კობეტი, ხელში აიღო:

- აჰა, ღმერთო! - შეჰყვირა შემინებულმა, - გაყინული გაქვთ ხელები. ავად ხომ არა ხართ? ხომ არაფერი გტკივთ?

- მე, არა, - უპასუხა ჟან ვალჟანი, - ძალიან კარგად ვარ, ოღონდ... - გაჩუმდა.

- ოღონდ რა?

- ახლა მოვეკვდები.

მარიუსიც და კობეტიც აკანკალდნენ.

- ღმერთმა დაგიფაროთ! რა დროს სიკვდილია!

- სიკვდილი არაფერია, - მიუგო უან ვალჟანმა. მერე გულიანად ამოისუნთქა, გაიღიმა და კოზეტს სთხოვა, - განაგრძე, შვილო, შენი ამბავი. მამ, გულწითელა კატამ შეგიჭამა? განაგრძე, მითხარი რამე, გამაგონე შენი ხმა.

გაქვავებულივით იდგა და შესცქეროდა მარიუსი.

კოზეტმა შეჰკვივლა.

- მამა! მამა! მე რაღას მიპირებთ? არა, მამა, იცოცხლეთ, რომ ჩვენც ბედნიერი ვიყოთ.

წამოინია უან ვალჟანმა, თაყვანისცემით შესცქეროდა კოზეტს.

- ჰო, შვილო, ჰო! ამიკრძალე სიკვდილი. ვინ იცის, იქნებ კიდევ დაგემორჩილოთ. ვკვდებოდი, თქვენ რომ მოხვედით. ვკვდებოდი და თქვენ მომასულიერეთ.

- რა დროს სიკვდილია, რას ბრძანებთ? - შეჰყვირა მარიუსმა, - ძალ-ღონით საცხე კაცი ხართ. როგორ წარმოიდგინეთ, რომ აგრე უმიზგოდ კვდებოდეს ჯანსაღი კაცი? სევდა განუხებდათ. სევდა კი არა, საფიქრებელიც აღარაფერი გეჩენებთ. ბოდიშს ვიხდი, აი, მუხლმოყრილი ვთხოვთ, მაპატიოთ ჩემი დანაშაული. ჩვენთან იქნებით და დიდხანსაც იცოცხლებთ. ჩვენთან გადაგიყვანთ. აი, ორნი ვართ აქა და გარწმუნებთ, თქვენი მშვიდობის და კეთილდღეობის მეტი სხვა ჩვენს დღეში არა გვეჩენება რა.

- აი, ხომ ხედავთ, - უთხრა ტირილით კოზეტმა, - მარიუსიც იმას ამბობს, სასიკვდილო ჯერ არაფერი აქვს.

უან ვალჟანი ისევ ტკბილად იღიმებოდა.

- ეჰ, კიდევ რომ გადამიყვანოთ თქვენთან, ბატონო პონმერსი, განა მაგით ისე გარდამქმნით, რომ ის აღარ ვიყო, რაც ვარ? არა, ბატონო, ღმერთმაც განიხილა ჩემი საქმე, როგორც თქვენ და მე, და აღარ ცვლის თავის ნებას; ძალიან კარგი იქნება, რომ გამოვეთხოვო ამ წუთისოფელს. სიკვდილისთანა კარგად არავინ არიგებს საქმეს. ღმერთმა უკეთ უწყის, ვიდრე ჩვენ, რასაც გვიბრძანებს. ღმერთმა გაგაბედნიეროთ, ბატონო პონმერსი და კოზეტ. დატკბით ერთმანეთით, დატკბით სიყმაწვილით და სიყვარულით, ბუნების მშვენიერებით, ზეციური სიწმინდით, გამრავლდით და ბედნიერი იყავით თქვენი შვილებით. მე კი, მე დღეს აღარად ვარგივარ და დროა, წავიდე. ამაზე უკეთესს ვერაფერს მოიფიქრებდით: დამშვიდდით, დღეს შესაძლებელი აღარაფერია, მე ვგრძნობ, რომ გათავებულა ყველაფერი. ამ ერთი საათის წინ გული წამივიდა და წუხელის კიდევ სულ გამოვცალე, რაც კი წყალი მოიპოვებოდა ჩემს სახლში. რა გულკეთილია შენი ქმარი, კოზეტ. მასთან გაცილებით უფრო ბედნიერი ხარ, ვიდრე ჩემთან.

კარი შემოაღეს ამ დროს. ექიმი შემოვიდა.

- დილა მშვიდობისა და მშვიდობით, ბატონო ექიმო, - მიმართა უან ვალჟანმა, - აი, ჩემი საყვარელი შვილები.

მარიუსი მაშინვე ექიმს მივარდა. ერთადერთი სიტყვა უთხრა, - „ბატონო“, მაგრამ ცხადად ჩანდა ამ სიტყვაში მოქცეული კითხვა.

ექიმმაც მარიუსს მრავალმნიშვნელოვნად შეხედა და ამით უპასუხა.

- შეიძლება იყოს რამე ისეთი, რომ არ მოგვწონდეს, მაგრამ არ ივარგებს, ღმერთს ვემდუროდეთ და ვამტყუნებდეთ, - თქვა უან ვალჟანმა.

სიჩუმე ჩამოვარდა. ყველა გულდამძიმებული იყო.

უან ვალჟანი კოზეტისკენ მიბრუნდა და ისეთი თვალთ დაუნყო ჭვრეტა, თითქოს უნდოდა მისი სურათი თან წაეღო მარადისობაში. სიკვდილის ხელთ იყო, მისი

წყვდიადი ეფინებოდა, მაგრამ ჯერ კიდევ შეეძლო აღტაცებული თვალით ეცქირა კოზეტისთვის. კოზეტის უმანკო სახის ანარეკლი სცემდა და ანათებდა მომაკვდავის გულს. საფლავსაც შეიძლება ჰქონდეს თავისი მშვენიერება.

მაჯა გაუსინჯა ექიმმა.

- მაშ, თქვენა ხართ, რომ ასე საჭირო იყავით მისთვის? - თქვა ჩუმად ექიმმა და მარიუსსა და კოზეტს გადახედა. მერე მარიუსისკენ მიბრუნდა და ყურში ჩასჩურჩულა, - გვიანლა არის.

ჟან ვალჟანი თვალს არ აშორებდა კოზეტს, მაგრამ წამით მანაც გადახედა მარიუსს და ექიმს. სრულიად დამშვიდებული იყო, ისე ჩემი ხმით თქვა რამდენიმე სიტყვა, რომ ძლივს ისმოდა იმ სიჩუმეში:

- რომ მოკვდება კაცი, ეგ არაფერია. საშინელი ის არის, რომ არ ცოცხლობს.

უცბად წამოდგა. ასე ძალ-ღონე რომ დაუბრუნდება მისუსტებულს, ხანდახან აგონიის ნიშანია. მტკიცე ნაბიჯით მივიდა კედელთან, მოიშორა მარიუსი და ექიმი, რომლებიც ცდილობდნენ, მიშველებოდნენ, კედლიდან თითბრის ჯვარცმა ჩამოიღო, ლურსმანზე რომ ეკიდა, მივიდა ისევ თავის სკამთან ჯანსაღი კაცის სრული თავისუფლებით, ჯვარცმა მაგიდაზე დადო და ხმამაღლა თქვა:

- აი, დიადი წამებელი.

მერე გული ჩაუვარდა, თავი შეერხა, თითქოს საფლავის სიმთვრალე მოერიაო, და ორი ხელით მუხლებზე დაყრდნობილმა ფრჩხილით ფხეკა დაუნყო შარვლის მაუღს.

კოზეტი ქვითინებდა. ცდილობდა, მხრები დაეჭირა მომაკვდავისთვის, ცდილობდა, კიდევ ეთქვა რამე, მაგრამ ქვითინმა სძლია. მის ტირილში ძლივს ისმოდა თითოთოროლა სიტყვა:

- მამა! ნუ დაგვტოვებთ! ნუთუ იმიტომ გიპოვეთ, რომ საუკუნოდ დაგვკარგოდით?

შეიძლება ვთქვათ, რომ აგონია გველივით იკლაკნება. მიდის, მიდის, საფლავისკენ მიისწრაფვის, უკანვე ბრუნდება სიცოცხლისკენ. სიკვდილსაც სცოდნია ხელის ცეცებით სინჯვა. ჟან ვალჟანი გულწასულივით იყო ცოტა ხანს. მერე მოსულიერდა. მომაგრდა, თავი გაიქნია, თითქოს სიბნელის ჩამოშორებას ცდილობდა, თითქმის გამოცოცხლდა. კოზეტის სახელო მიიღო პირზე და კოცნა დაუნყო.

- გამობრუნდა, ექიმო, გამობრუნდა! - შეჰყვირა მარიუსმა.

- გულკეთილი ხართ ორივე, - უთხრა ჟან ვალჟანმა, - მოდი, იმასაც გეტყვით, რაზე მწყდებოდა გული. გულს მიკლავდა, ბატონო პონმერსი, რომ თქვენ არ გნებავდათ იმ ფულის დახარჯვა. ეს ფული თქვენი მეუღლის სრული საკუთრებაა. ახლავე აგისნით: სწორედ ამიტომ ვარ ასე კმაყოფილი, რომ თქვენ გხედავთ. შავი გიშერი ინგლისიდან შემოაქვთ, თეთრი გიშერი - ნორვეგიიდან. ეს ყველაფერი აი, აქ არის, ამ ქალაქში, თქვენ წაიკითხავთ. სამაჯურისთვის მე სხვა რამ მოვიფინე. წარმოების ხარჯი შევამსიერე. ჩემი გამოგონებით გავაუმჯობესე ნაწარმი, გავალამაზე და გავაიაფე. წარმოგიდგენიათ, რამდენის მოგება შეიძლება, ასე რომ მოეწყობა საქმე. ამნაირად არის შექმნილი კოზეტის ფული და, მამასადამე, მისი საკუთრებაა. ამას იმიტომ გეუბნებით ასე დანვრილებით, რომ გული დაიმშვიდოთ.

მეკარის ცოლი ამოსულიყო, კარი შემოეღო და ოთახში იყურებოდა. ექიმმა ანიშნა, საჭირო არა ხარო, მაგრამ გაჩუმებით კი ვერ გააჩუმა. პატივს სცემდა ავადმყოფს და შემოსძახა, ვიდრე წავიდოდა:

- მღვდელი არ გნებავთ?

- მღვდელი აქ მყავს, - უპასუხა უან ვალჟანმა და თითი გაიშვირა მაღლა კედლისკენ, თითქოს იქ ეგულებოდა და ხედავდა.

და მართლაც შეიძლება, იქ ბრძანდებოდა იმ დროს ეპისკოპოსი.

კოზმეტმა ბეჭებქვეშ ბალიში ჩაუღო ფროთხილად.

უან ვალჟანი ისევ ფულს დაუბრუნდა:

- ბატონო პონმერსი, ფაქრი ნუ გაქვთ, დამიჯერეთ. ექვსასი ათასი ფრანკი კოზმეტის გახლავთ. ამაოდ დაკარგულად ჩამივილიდა ჩემი ცხოვრების შრომა, თუ იუკადრისებდით მაგ ფულს. ძალიან კარგად მოვანწყვეთ ჩვენი ქარხანა. ვექიმშებოლით უცხოელების ნაწარმს და წარმოიდგინეთ, ბერლინურ საქონელსაც კი ვჭობნიდით. სამი ფრანკი ღირდა კოლოფი, რომელშიც ათას ორასი მძივი იყო კარგად გათლილი.

საყვარელი რომ გვიკვდება ვინმე, ისე დავცქერით ყველანი, თითქოს გვინდა მზერით ჩავებლაუჭოთ და არსად გავუშვათ. კოზმეტი და მარიუსიც ასევე იყვნენ. იდგნენ მწუხარებით დამუწვებულნი, აღარ იცოდნენ, რა ეთქვათ მომაკვდავისთვის, თრთოდნენ იმედმიხილნი და თვალს აღარ ამორებდნენ. კოზმეტს მარიუსის ხელი ეჭირა.

თანდათან სუსტდებოდა უან ვალჟანი, ძირს ეშვებოდა, უახლოვდებოდა შავბნელ პორიზონტს. ნაწყვეტ-ნაწყვეტად სუნთქავდა, ხანდახან სუნთქვას ხრიალი ერეოდა. ხელს ძლივსდა ამოძრავებდა, ფეხები კი გაშეშებოდა, სისუსტე ემატებოდა და ამავე დროს, შუბლზე ეფინებოდა სულიერი სინმინდე და ბრწყინვალეობა. არაამქვეყნიური ნათელი უღვიოდა თვალში.

ფერი მისდიოდა, სახე უღიმოდა. სიცოცხლე წასვლოდა, სხვა რაღაც დარჩენოდა მის ნაცვლად. სუნთქვა ეკვროდა, თვალი უელავდა, ეს იყო ცხედარი, რომელსაც ფროთები შესხმოდა.

კოზმეტს ანიშნა, მომიახლოვდიო, მერე - მარიუსს. უკანასკნელი წამი უნდა ყოფილიყო სიცოცხლის უკანასკნელი უამისა და ჩუმად დაუნყო მათ ლაპარაკი, ისეთი სუსტი ხმით, რომ შორიდან მომავალს უფრო ჰგავდა, ვიდრე იქვე ნათქვამს, თითქოს კედელი ყოფილიყოს მათ შორის ამართული:

- ახლოს მოდი, კოზმეტ, ახლოს მოდით ორივე. რომ იცოდეთ, როგორ მიყვარხართ. თკ, კარგი რამ არის ასე სიკვდილი. შენ გიყვარვარ, ვიცი, ჩემო კოზმეტ. კარგად ვიცი, რომ ყოველთვის გიყვარდა შენი ბებერი მამა. რა კარგად ჩამიდე ბეჭებქვეშ ეს ბალიში! დაგნანდები, შვილო, ვიცი, დამიტყრებ, ცოტად მაინც, ჰა? ძალიან კი არა, არ მინდა, რომ ნამდვილი მწუხარება გამოსცადო. გაიხარეთ, გამხიარულდით, შვილებო! ის კი დამავინწყდა მეთქვა, რომ თუ აბზინდას სარჭი არ ჰქონდა, უფრო მეტ მოგებას იძლეოდა, ვიდრე სხვა რამე. ერთი კოლოფი, თორმეტი თორმეტეული ათი ფრანკი გვიღირდა და სამოცად იყიდებოდა. საუცხოო ვაჭრობა გვქონდა. მაშ, ნურც გაიკვირვებთ, ბატონო პონმერსი, ექვსასი ათასი ფრანკი პატიოსანი შრომით არის შექმნილი. შეგიძლიათ სრულიად დამშვიდებული ფლობდეთ სიმდიდრეს. ერთი კარგი ეტლი გინდათ, ხანდახან ლოჟა თეატრში, კარგი

საზეიმო ტანისამოსი, ჩემო კოზმეტ, და კარგი მასპინძლობა, რომ მოალხინოთ თქვენი მეგობრები და თქვენც მოილხინოთ. ეს არის ახლა მიგწერე კოზმეტს. აქვე იპოვით ჩემს წერილს. კოზმეტს ვუტოვებ ორ შანდალს, ბუხარზე რომ მიდგას. ვერცხლისაა ორივე. ჩემთვის კი ოქროსია, ალმასის, სანთელს რომ აანთებთ ამ შანდლებით, წმინდა სანთლად იქცევა. არ ვიცი, რამდენად კმაყოფილია ჩემი იქ, ზევით, ის, ვინც ეს შანდლები მიბოძა. რაც კი შემეძლო, ვეცადე, გამეკეთებინა. არ დაგავიწყდეთ, ჩემო კარგებო, რომ მე ერთი ღარიბი კაცი ვარ და სულ უბრალოდ დამმარხეთ, საცა მოგხვდეთ, ერთი ქვის ქვეშ, რომ ნიშანი მაინც იყოს. ეს არის ჩემი ანდერძი, ქვაზე ჩემი სახელი არ იყოს. ხანდახან რომ მოვიდეს ხოლმე კოზმეტი, ძალიან მასიამოვნებს და თქვენც, ბატონო პონმერსი. ერთშიც უნდა გამოგიტყდეთ, კარგი თვალით არ გიყურებდით წინათ; გთხოვთ, ესეც შემიძღოთ. ახლა კი, თქვენ და ჩემი კოზმეტი, ორნი კი არა, ერთი ხართ ჩემთვის. დიდი მადლობელი ვარ თქვენი. ვგრძნობ, რომ გამიბედნიერებთ კოზმეტს. რომ იყოლდეთ, ბატონო პონმერსი, როგორ მახარებდა კოზმეტის ნითელი ლოყები! ოდნავ ფერმკრთალი რომ მეწახა, შევწუხდებოდი. კამოდში ერთი ბილეთი დევს, ხუთასფრანკიანი; ჯერ მისთვის ხელი არ მიხლია, ეგ ღარიბებისთვის იყოს. კოზმეტ, ხედავ შენს პატარა კაბას, აგერ, ჩემს ლოკინზე? იყანი თუ არა? სულ ათი წელიწადია მას აქეთ. როგორ გარბის დრო! რა ბედნიერები ვიყავით! გათავდა და მორჩა! ნუ, ნუ იტირებთ! არც ისე შორს მივდივარ. იქიდანაც კარგად დაგინახავთ. თქვენ ამოიხედეთ ხოლმე ღამით, მაშინვე დამინახავთ მხიარული ღიმილით. კოზმეტ, კიდევ გახსოვს მონფერმიელი? გახსოვს, ტყეში რომ იყავი, შიშით გული გისკდებოდა? გახსოვს, მე რომ ხელი წავავლე შენს გოგზაკს, წყალი რომ მიგქონდა? მაშინ იყო, რომ პირველად შევეხე შენს პანია ხელს. გაყინული გქონდა ხელი. ოჰ, რა ნითელი ხელები გქონდათ მაშინ, ქალბატონო, და რა თეთრი ხელები გაქვთ ახლა! დიდი დედოფალა? გახსოვს? კატერიინი რომ დაარქვი? როგორ ნანობდი, რომ მონასტერში ვერ შეიყვანე. ღმერთო, როგორ მაციხებდი ხოლმე ხანდახან, ჩემო ტკბილო ანგელოზო! როგორც კი გაავდრდებოდა, ჩაყრიდი ხოლმე წყალში ჩალას და უყურებდი, როგორ მიაქანებდა წყალი, ერთხელ ტირფის ჩოგანი და ბუმბულიანი ვოლანი გაჩუქე, ბუმბული ზოგი ყვითელი იყო, ზოგი მწვანე, ზოგი ლურჯი. დავავიწყდა, განა? იმისთანა ანცი იყავი, რას არა შერებოდი. ალუბალს რომ ჩამოიკიდებდი ხოლმე ყურებზე? ეჰ, წავიდა, გაქრა. მხოლოდ ჩრდილივით დამრჩა ის ტყე, ერთად რომ გავიარეთ მე და პანია; ის ხეები, ერთად რომ დავსვირნობდით, მონასტერი, სადაც დამალული ვიყავით, თამამი, ბავშვის ტკბილი სიცილი. მე კი მეგონა, ჩემი საკუთრება არის-მეთქი ის მოგონება. რა საძაგლები იყვნენ ის ტენარდიები! უნდა შევუნდოთ, კოზმეტ, ახლა კი დრო არის, დედაშენის სახელი გითხრა. ფანტინი ერქვა. დაიხსომე ეს სახელი, - ფანტინი. მუხლი მოიყარე ხოლმე ყოველთვის, როცა კი დედაშენის სახელი ახსენო. წამებული იყო სანწყალი, ძლიერ უყვარდი. უბედურებად წაუვიდა ის ყველაფერი, რითაც შენ ასე ბედნიერი ხარ. ეგვეც ღვთის ნებაა. ის იქ არის, ზევით, იქიდან დავგყურებს და ძალიან კარგად იცის, რაც ნებაეს, ამოდენა ვარსკვლავებით გარშემოხვეულს. მამ, მივდივარ. გიყვარდეთ ერთმანეთი. ამქვეყნად სხვა არაფერია, გარდა სიყვარულისა. ხანდახან ის სანწყალი ბებერიც მოიგონეთ ხოლმე, აქ რომ ვვდებ. ოჰ, ჩემო კოზმეტ! ჩემი ბრალი კი არ არის, რომ ვეღარ გნახე ამდენ ხანს. გულს მიკლავდა უმნობა, თქვენი ქუჩის კუთხემდე მოვიდოდი, იქიდან შემოვცქეროდი თქვენს სახლს. უცნაურად ვეჩვენებოდი, ვინც

დამინახავდა თქვენკენ მომავალს. გიჟი ვეგონებოდი და გიჟიც ვიყავი მართლა; ერთხელ თავშიშველი გავედი ქუჩაში, შვილებო! ძლივსლა გხედავთ. რამდენი მქონდა კიდევ სათქმელი? ეჰ, სულერთია. მომიგონეთ ხოლმე ხანდახან. დალოცვილი ხართ ორივე! არ ვიცი, რა მემართება. სინათლეს ვხედავ. ახლოს მოდით. ბედნიერი ვკვდები. თქვენი ძვირფასი თავები მომიახლოეთ, რომ ხელი დაგალოთ.

დაიჩოქეს კოზეტმა და მარიუსმა. თავზარდაცემული იყვნენ ორივენი. ცხარე ცრემლით ტიროდნენ. მომაკვდავის ხელი ედო ორივეს თავზე, უკვე აღარ იძროდა ეს ხელები.

უკან გადაწოლილიყო და ისე დაეღია სული. ბუხარზე ორ შანდალში სანთელი ერთო და მისი სინათლე უნათებდა სახეს. სახე ზეცისკენ მიემართა, ხელები კოზეტისთვის და მარიუსისთვის მიენდო საკოცნელად. უან ვალჟანი მკვდარი იყო.

ბნელი ღამე იდგა, ვარსკვლავი არსად ჩანდა. უეჭველია, იმ ბნელში მიცვალებულის სულის მოლოდინში იდგა რომელიმე ფრთავაშლილი დიადი ანგელოზი.

თავი მეექვსე

ბალახი ფარავს და წვიმა შლის

ჰერ-ლამეზის სასაფლაოზე მდიდრების დასამარხავად ცალკე უბანია. აქ ადამიანს მარადისობის თვალწინ გამოუფენია მრავალგვარი, სიკვდილის უგვანი მოდის მიხედვით გამოქანდაკებული მდიდრად მორთული ძეგლები. ამ მიცვალებულთა ქალაქში ცალკე უბანია ღარიბებისთვის, საერთო საფლავეში დასამარხავად.

მიყრებულ კუთხეში, ძველი კედლის გასწვრივ, დიდი ურთხმელის ქვეშ, რომელზედაც ხავსა და ბალახს შორის ხვართქლა აცოცებულა, არის ერთი საფლავის ქვა. არც ამ ქვას დაუღწევია თავი დროთა მსვლელობის კეთროვნებისგან, როგორც ყველა სხვას, მასაც ზედ ადევს ხავსი და ფრინველთა სკორე. წყალი ამწვანებს, ჰაერი აშავებს. ახლოს არა აქვს არც გზა, არც ბილიკი და არავინ დადის ამ მხარეს, რადგან მაღალია აქეთ ბალახი და ფეხს უსველებს კაცს. თუ მზემ გამოაჭყიტა, ხვლიკები ესტუმრებიან იქაურობას. ირგვლივ ყველგან მაღალი შვრია შრიალებს. გაზაფხულდება და ბუკიოტის გალობა ისმის ურთხმლის ტოტებიდან.

მარტო ქვა ადევს საფლავს, შიშველი ქვა. ამ ქვას საფლავისთვის რომ თლიდნენ, ერთი კაცისთვის გულისხმობდნენ. გრძელი, ვიწრო ქვა დაადეს. ქვაზე არ წერია, ვინ განისვენებს მის ქვეშ. მაგრამ დიდი ხანია მას შემდეგ, რაც ერთ ხელს დაენერა ფანქრით იმ საფლავის ქვაზე შვიდი სტრიქონი, რომელსაც ნელ-ნელა შლიდა წვიმა და მტვერი. დღეს იქნებ ქვას იმ წარწერის ნატამალიც აღარ აჩნდეს:

მას სძინავს.

თუმცა უბედობა ენახა ბევრი,

მაინც ცხოვრობდა.

განუტევა ან უკვე სული.

ჩვეულებრივად მოუვიდა სიკვდილის ჯერი,

როგორც მწუხრის ჟამს

დღის ნათელს ცვლის სიბნელე სრული.